

381601D

A. xxx. Mus

THE UNIVERSITY OF CHICAGO

MUNICIPAL

OFFICE OF THE

SECRETARY

CHICAGO, ILLINOIS

OFFICE OF THE

CHICAGO, ILLINOIS

OFFICE OF THE

CHICAGO, ILLINOIS

OFFICE OF THE

CHICAGO, ILLINOIS

OFFICE OF THE

CHICAGO, ILLINOIS

OFFICE OF THE



UNIVERSITY OF CHICAGO

CHICAGO, ILLINOIS

OFFICE OF THE

CHICAGO, ILLINOIS

R. D. CAROLI MUSITANI

Jatrias Profefforis Celeberrimi,

OPERA OMNIA, SEU TRUTINA MEDICA, CHIRURGICA, PHARMACEUTICO-CHYMICA &c.

OMNIA JUXTA RECENTIORUM PHILOSOPHORUM
Principia, & Medicorum Experimenta, excogitata, & adornata.

EDITIO PRIMA VENETA

ab antecedentis Editionis Mendis accuratiffimè expurgata;

Cui præter Tractatus de Morbis Infantum, de Luxationibus, & de Fracturis,

ACCESSERUNT NOTÆ, ET OBSERVATIONES D. DE VAUX
Celeb. Chirurgi Parisiensis singulis capitibus in Tractatum de Lue Venerea; & Præfatio
de eadem materia, quam HERMANNUS BOERHAAVE Aphrodisiacis præposuit.

Cum Indicibus Capitum, Rerum, & Materialium locupletissimis.

TOMUS SECUNDUS.



VENETIIS, MDCCXXXVIII.

APUD JOSEPHUM BORTOLI.

SUPERIORUM PERMISSU, AC PRIVILEGIO.

ALIMO ADEO





AUTHORIS PROTESTATIO.



Ultra, Lector, in hoc Opere Philosophicè, atque Problematicè pertractavi, putà de Veneris usu, de sexto Sensu, & aliis, ac de Febris: cùm dicitur, Anima, de sensitiva intelligo; non enim anima humana est morbis obnoxia, & si aliter senties, meo candori injuriam facies: nam *quæ dixi absque præjudicio dicta sint, sanius sapientis Romane præsertim Ecclesiæ auctoritati, aut examini totum hoc, sicut & cætera, quæ hujusmodi sunt, universa, reservo ipsius, si quid aliter sapio, paratus judicio emendare, ut verbis D. Bernardi loquar in Epist. ad Canonicos Lugdunenses*; etenim Catholicam profiteor fidem, & à Sanctæ Matris Ecclesiæ, cujus filiationem agnosco, doctrina elongari nec volo, nec debeo.

JOSEPH MUSITANUS
LECTORI

AD TRACTATUM DE VULNERIBUS.

ET si res ipsa monere videbatur, nunc opus non esse, quinimmò supervacaneum fore, te ad hunc *Tractatum*, quem de Vulneribus inscripsit *D. Carolus Musitanus*, invitare, atque multa laudis præfatione instituti viam præsignare; quandoquidem ut in apertum protulisse audieris, facile existimaveris ex eadem officina exiisse; Attamen hæc pauca ad te scribere statui, ut certiore facerem de iis, quæ hucusque expectationi tuæ moram fecerunt, atque Authori impedimento fuere, cur ante-hac fidem suam non liberasset. Expectabas omninò jamdiu, neque sustinebas; Tardiùs itaque fecit, imò studuit, ut diligentius ageret. Hoc namque non ipsius vitio, sed superiorum temporum calamitati vertendum, quibus rerum ordo, & Naturæ facies adeò mutata, & deformata fuit, ut vix quidem in tanta rerum varietate, & confusione illam perquirere, aut prospicere liceat, & quod maximè dolendum, non paucos in ea esse hæresi, qui malint observationibus, experientiæ, ipsimet autopsiæ minùs verecundè unum *Avicennam*, vel *Mesuem* præponere, quàm illa probando, eis quicquam detrudere, nec verentur quandoque rationum, & experientiæ laqueis adstricti perfricta fronte dicere, se ita falluros, nisi *Galenus* aliter sensisset. Impudens, scelestum, & nefarium hominum genus, ad universæ Naturæ perniciem progenitum. Non equidem morborum propulsores, & Avernuncos, ut sæpiùs antea sæcula prædicabant, & ipsimet de se magnificè jactabant, sed potiùs, pestem dixerim, & malorum omnium colluviem. Hinc facillè factum est multum operis oportuisse, multumque laboris ad veritatem eruendam, & omnium maximum ad inveterata eorundem opinamenta conculcanda, penitusque evellenda, quæ magna rerum ignoratione, & opinionum tumultu jactata inquisitioni veri, & Naturæ difficultati crassiores potiùs tenebras offuderunt, quàm in rectum veritatis vestigandæ iter instituerunt. Et quod ad rem nostram spectat nimirum Chirurgicam, Opus penè desperatum invenit: nullam in curando diligentiam, sed ut fors tulerit, barbarico more secare, urere, dilaniare, malum malo accedere, & vulnus vulnere: nullam medicamentorum doctrinam, & electionem: nullam judicii firmitatem, & tandem, quod nego-

tium facessere videbatur, nullam partis afflictae, seu rei Anatomicae peritiam; Quandoquidem sine ullo artis studio, & corporum continua sectione, sed brevi admodum observatione in Nosocomiis habita, statim unguentis, & emplastris in capsula locatis, triduo se Chirurgos profitebantur. Itaque haec omnia vel ipse praestare debuit, vel meliora reddere, observando, inquirendo, potissimèque Zootomia, complura propria ipsius industria comperta sunt, reliqua denuò ad examen revocata, quae à complurimis viris in re anatomica expertissimis, qui hoc nostro saeculo fuere, sunt advecta. Quapropter unus hic *Tractatus* praeter Vulnerum genera, symptomata, exactam curationis methodum, atque selectiorum medicamentorum undequaque conquisitam congeriem, quod proprii erat instituti, abundè cujuslibet partis anatomen suppeditat. His quoque non inelegans digressio de Sensibus adglutinata fuit, tanta venustate exarata, quae materiam suffecerit novi Sensus detegendi, praeter quinque, quos haecenus cognoscere licuit. Sunt praeterea, & propemodum sexcenta, quorum singula se ipsis cuilibet aeterno apud posteros monumento esse possent. Facile igitur *Tractatus* hic unus aureus diceretur, & immortalis, ac Diis benè juvantibus, felici hoc saeculo ortus, ut felicissimè obsignaret, & clauderet. Quid plura Lector? Reliqua ex te cognosces. Lege, hisque benè utendo, fac, ut valeas.

JOSEPH MUSITANUS

Chirurgiae Professor

LECTORI

AD TRACTATUM DE LUE VENEREA.

ANni fermè sunt sex quod *D. Carolus Musitanus* avunculus meus praeter ea, quae vulgaverat, Librum quendam edidit de Lue Venerea, qui ut in eruditorum manus pervenit, magno assensu fuit exceptus, cum sanioris Philosophiae mysteriis nobilitatus, tum variorum usu probatus; quippe qui multiplicem doctrinam, selectioremque Medicinam continebat. Hinc factum est omnes illum expetere, jugiterque postulare, ejusdem exemplaria denuò tradi, ut sibi quisque copiam faceret. Morem igitur gerens *D. Carolus* non invitatus passus fuit, iterum prodire, quae prius amicorum hortatu invitatus exaraverat. Consilium tamen fuit, nedum ante-hac scripta majori auctario locupletare, verum exactiori censura expolire. Multa itaque, ut ingenuum virum decebat, emendavit, complura mutavit, & nonnulla denique clariori, & uberiori methodo adauxit; Namque in dies, qui in exploranda rerum Natura sedulo incumbunt, & vetera meliora reddunt, atque in nova occurrere saepius evenit, quod procul dubio eam exquirentibus usu fieri monstratur facillimè; Inexhausti sunt quidem illius thesauri, nec ipsam effoetam jam esse (quod nonnulli putarunt) ut nil novi, nil admirabile gignere valeat, quippe ubique passim promanant, largiorique penu aperiuntur: Haec verò illis dumtaxat, qui in admiranda continua rerum singularum serie omnem operam collocarunt, beatamque vitam in illarum contemplatione posuerunt. In horum numero certè statuendus est *D. Carolus Musitanus*, qui omne aevum hac in vita insumpsisse satis superque ipsius opera, quae hucusque ubique terrarum Illustrium virorum judicia promoverunt, testantur. Et maximè hic liber de Lue Venerea multa novarum, selectiorumque rerum accessione nobilitatus, demonstrat naturalis scientiae studia ad magnos usus quotidie promoveri, atque illustrari. His, quae iterum tibi fieri mandavimus, Lector, utere, ut velis, dum ad longam diem benè valere jubeo.

PRÆFATIO

AD TRACTATUM DE LUE VENEREA.

CUm multa sint in natura rerum, quæ in abstruso demersa, ad hanc usque diem nostra mentis vim eludant, quarum cognitio, & usus ne dum utilis, verum & necessaria nobis omnibus foret; tum illud maximè perdifficile semper existimavi, ea potissimum assequi animo per nos licere, quæ præter omnium expectationem, ac veluti ex abdito in conspectum se exhibent, ut admirationi esse non debeat, si in tanta rerum varietate, ac nova quotidie mirandarum rerum ubertate, nostra mens deficiat, atque densa velut involuta caligine in summo errore, atque maxima ignorance versari sit necesse. Hinc Naturam ipsam mirari licet, cujus è sinu, velut ex perenni fonte inexhausti passim promanant thesauri; attamen non sine invidia eandem cum Democrito, uti novercam potius accusare, quàm nostram inscitiam sæpissimè culpare libentiùs duxerim: quandoquidem corporis vitio sublimiora attingere nobis non fuit concessum. Et certè quidem hinc factum est, ut de unaquaque re variæ nunc quoque extent Philosophorum sententiæ, & de multis summa inter ipsos cum dissensione certetur, nec dabitur unquam idem omnium fore placitum, & consensus. In tanta ergo multiplici de natura rerum opinione spes omnis non penitus abjicienda, ita ut prorsus desperandum sit, velut acta res esset; quippe, etsi in profundo veritas deliteat, non ita tamen natura illam abstrusit, ut quandoque nobis non liceat, velut è longinquo, prospicere: quippe sudando, nitendo, atque assidua rerum contemplatione, ea nobis suoapte genio se demonstrant, quæ nunquam antehac cognosci potuerint; tum maxime earum, quarum notio apud veteres, doctissimosque viros in perdifficili existimabatur reposita. Quapropter semper dignum libero homine reputavi in hoc admirabili Naturæ libro inquirere multa, atque curiose explorare, quæ passim in hoc terrarum Orbe fiunt, quarum contemplatio ad agnitionem animi pulcherrima quidem est; ad corporis verò valetudinem tuendam valde necessaria, namque alterum alterius ope viget, & consilio. Unde cum non pauca meditatus fuisssem per id temporis, quod mihi licuit, quarum plurima memoriæ hominum tradidi; multa animo retinui: nunc consilium mihi fuit ex his aliqua deligere, & in vulgus edere, & quæ nostra usque ad hanc diem fuere, cum aliis conferre, ut nostra studia aliorum commodo quoque cedere omnibus pateat. Itaque de Lue Venerea non pauca proprio labore conquistata tradere hoc præsentì libro institui, ne injurius viderer, si humanum genus multis longo usu expertis, atque probatis fraudarem, quod sine livoris nota vitari non posse satiùs duxi; eoque magis quandoquidem hæc diræ Lues, & contagio non multis abhinc annis nostras oras repentè oborta incubuerit, itaut longè, latèque totum Orbem vastaverit. Unde non mirum, si adhuc in obscuro inter tot diffidentium Philosophorum placita res ipsa maneat; illud tamen non ambigitur ampliorem viam nos insistere, nec inter tenebras tota via aberrare, ut omnibus ex superioris ætatis viris contingit. Unde spes mihi facta est aliorum inventis nostra studia per experimenta probata non parum luminis, & utilitatis fore adveitura.

JOSEPH MUSITANUS

Phyfico - Chirurgus

LECTORI.

EX quo primùm ad Naturalis Philosophiæ studia, tum ad ea potissimùm, quæ ad rem Medicam spectant, animum adjunxit *D. Carolus Musitanus* Avunculus meus, ea fuit institutio veterem consuetudinem è *Socrate* traditam retinere, nimirum de qualibet re judicium suum nullum interponere, & in utramque partem diligenter inquirere, & dubitare, quodque veritati propius accedere videtur, ita sequi, ut sibi metipsi, aliisque integrum, ac liberum judicium relinqueret. Hoc philosophandi genus, ut *Cicero* loquebatur, minimè arrogans, maximèque, & constans, & elegans arbitratur; Quod cum ita fieri cœptum fuerit à *Musitano* suis in libris, quos de Medicina hætenus conscripsit, mirum videri non debet, Lector humanissime, si cum recentiorum judicia vertat in dubium, quandòque, & refellat, tum *Galenistarum* axiomata repudiet constanter, ipsique nimium morosus sit, ut ad usque bilem succenseat, & sæpiusculè maledictis incessat; Quandoquidem pestilens hæc hominum illuvies, ita nostras oras retrò incubuerat, cunctarumque bonarum artium studia conspurcaverat, ut hætenus vacuum, & omninò hac contagione liberam Rempublicam conspicerè minimè datum fuerit: eò creverat, sui que amplitudine omnium animos longè, latèque occupaverat. Itaque quam sibi fecit Medicinam, & in suos commentarios digessit, quos efflagitantibus amicis ad convicium usque in publicum emittere passus est, Litteratorum omnium libera judicia peræquè, & Sycophantium morsus constanter fuit experta, aded ut quotidie per omnium manus sedulò teratur, & in morborum curatione non mediocrem operam præbuerit; Quapropter factum fuerit præter Authoris expectationem, non vulgari laude cumulari, magnoque ne dum plausu exceptos, verum in dies ad nova volumina promulganda stimulos addere, ut propterea, qui nunc expetebatur liber de re chirurgica haud difficulter fuerit è manibus penè ipsis ereptus. Quòd etsi ad has partes ego descenderim, ut hos Tomos aliqua laudis commendatione cohonestarem: nihilominus ab incepto in ipso vestibulo desisterem; Quandoquidem ipsum Authoris nomen, quod sua fronte inscribitur abundè illam suppeditaret, minùsque verecundum videretur domesticum præconem agere. Certè quidem ob singularem ipsius doctrinam, egregiamque navatam operam complures ex florentissimis *Italiæ Academiis* illum cooptarunt, meruitque jure adscribi; Siquidem nedum Peregrinorum Academia in Urbe Romæ recta, & quæ Rosciani, dicitur vulgò *degli Spensierati*, suos confessus tanto Viro condecorarunt; Verum inter egregios, & multiplici scientiarum genere illustres Viros Barii sedet, quòd literarum antiquitas, & bonarum artium nobilitas, cordatorum hominum animos undique trahens, omnis meritò confluit. Inter has earundem Promotores omnium consensu convocarunt, ne ipsorum labores tanto coadjutore destituerentur. Verumtamen ne officio, atque necessitudine, qua sum ipsi adjunctus, mihi met viderer deesse, meoque munere defungi erga tanti Avunculi, & benefacta, & egregiè; haud equidem passus fui ab aliis, hanc mihi ansam præripi, ut mei animi æternum posteritati hoc esset monumentum; eoque magis cum res ipsa nullius artis adminiculo, abundè laudi materiam sufficiat, & quidem ut re potius, quàm verbis hanc rem agam: multa sunt in hoc opere Chirurgico-Physica, quæ ipsum Authorem commendant: certa, vel ut aptius loquar, magis probabilia judicia circa partium Anatomien, ipsarumque usum: Complura *Antiquorum*, & *Neotericorum* cogitata ad meliorem normam redacta, & saniori auctuario dispuncta: Præterea *Tumorum Ulcerum omnium*, & *Vulnerum*, & *Luis Venereæ* causæ ex altioribus naturæ principiis, & abditarum rerum causis, qua veritati propius accedere visum fuit, expediuntur, non ita tamen, ut sola ratio in his perquirendis præluxerit, nisi etiam ad cuncta earum phænomena experientia manu duxerit. Quo instituto ipsi haud fuit in arduo his morbis securiorem adinvenire medicinam, quique ipsius consilio hoc uti non fuere dedignati, tutiorem in illis sanandis medellam præstitisse. Sed age, Lector, in hæc evolvenda totus incumbas, namque dum ad hæc legenda acrius accendo, nolim cunctando protractam expectationis tuæ moram laceffere: rectè his ergò utere, & ad longam diem benè valere jubeo.



DIALOGUS,

QUI INSCRIBITUR

AUTONOMUS.

COLLOQUUNTUR

AUTONOMUS, ANÆTIUS, EMPHRON.

AUTONOMUS.

ANÆTIUS.



Atis adhuc satiari non queo; Tanta est hujus jucunditas, tanta hujus hortuli amœnitas, ut præ voluptate extra se ferri quodammodo animus videatur, & recreatus planè acquiescere. Me Hercle! nescio, quid inest in ipso, & veluti later, quod mentem, & sensus omnes summopere moveat, atque in recordationem felicioris illius sæculi, summorumque virorum adducar, qui beatam vitam inter ejusmodi loca quæritabant: an & non ita tibi videtur, Emphron?

EMPHRON.

Est planè, Autonome, ut dicis; nam me ipsum huc modò venientem, cum in conspectu meo locus iste se aperuit, putavi nil aptius ad quietem animi, delectationemque simul à natura accommodatum: aded ut mihi posthac nisi hanc solitudinem, hæc saxa, hos colles, hanc villulam licuerit cogitare: Quapropter dum mecum ipse volutans respecto contentiones, dissidia, aliaque urbanæ vitæ incommoda, magis illam diligo, eaque accendor, ut vel ipsis agricolis, ne dixerim, Anætio hanc vitam inviderim, eosque fortunatos nimium vocarim, si sua bona norint.

AUTONOMUS.

Rectè igitur, Anætius noster, neque nunc mirari subit, cur tam valdè hoc loco delectetur, & veluti fato quodam omnem ætatem agere instituerit. Quid enim jucundius, & ad tranquillitatem paratius, quàm inculptam vitam inter has umbras, inter hæc saxa meditari?

EMPHRON.

Et quidem non sine maturo consilio, & Divum numine perductus in hæc loca secessit, quandoquidem ad verum Philosophiæ fructum adipiscendum nata, & penè dixerim fabricata cernuntur, ut forsitan venturæ ætati illustre aliquod monumentum exhibeant, atque acrius aliquantò, & attentius de iis, quæ gesta fuerint, ipsorum admonitu sit quandoque cogitandum. Sed jam Anætius venit ad nos admodum festivus, probèque nos novisse vultu indicare videtur. occurramus.

Ecquid hoc est rei, o boni viri? scilicet tam spectatidæ Urbis obliti, obliti vestrum, obliti tandem amici, vel in ipsius conspectu, aliud non contemplanti, quàm derelictas has sedes, vacua hæc loca, & pauperem agellum, qui vix sui incolam, vix Anætium capit? An non ex tanta Urbe huc profecti, in qua inter tot hominum conventus in maximam dignationem venistis, & sat abundè vestro nomini gloriam peperistis, potiùs admiramini angustam hanc solitudinem sanè viuentes perosam hominem excipere?

AUTONOMUS.

Profectò Anætius noster, pace sua dixerim, jocatur, & fortassè suo jure utitur. Haud equidem crediderim. Anætie, ex animi tui sententia hoc dicere, neque putare ita de nobis sentire; nam etsi inter hominum turbas sit nobis degendum, attamen scis nos tecum studiis iisdem, morumque similitudine esse conjunctos, ut non minùs iis rebus maximè delectemur, quæ ad honestatem, tranquillitatemque probè faciunt. Quapropter magis aliud oculis observatur, dum hæc loca intuebamur, quod satis superque, & urbis, & nostri, & tu memoriam reflicabar, nec sine magna cupiditate ad majora commovebant, & rapiebant.

ANÆTIUS.

Ego planè tibi assentior, atque hæc eadem potissimum perfecta habui, cum ex vetustate amicitiae, tum jure quodam studiorum, quo sumus devincti, ut maxima cum voluptate isthæc animo meo revolvens, ex illo loco vos observarem, & in fronte veluti descripta legerem.

AUTONOMUS.

Admonebant, atque ad altioremem memoriam revocabant *Democriti, Platonis, Carneadis, Epicuri, Pythagoræ*, aliorumque philosophorum, quos accepimus in similibus locis fuisse versatos, aded ut hodiè cum illorum sedes invisimus, majus quoddam inesse concipere cogamur, atque inhabitatorem numen aliquod ibi relictum putemus. Itaque (ut liberè verum fatear) tuæ felicitati non potui non invidere, quippe ad hanc sortem vocatus, meliorem vitæ partem elegisti; unde tota mente contristor, & mecum ipse queror, quod multis curis involutus, & obstrictus urbanos confictus sequi necesse fuerit.

EMPHRON.

Est ita sanè: id ipsum me maximè turbat, & pudet in tanta hominum frequentia, vix alterum invenire egregiè cordatum virum, & liberum, qui ut res est, & ex propria sententia loqui, & vivere velit.

ANÆTIUS.

Quinimò cum libertate, & sine periculo possit, quin in invidiam laceffitus in popularium morsus non incurrat. O Emphron, non alia cāsa huc me transtuli, & hic potius, quàm usquam ferè in exilium esse velim; Hæc mea Patria, hæc gens, hic lates, hic sacra, hic amici; nec minus solus, quàm cū solus, ut recte dicebat *Timon* ille. Vides hanc villulam? Observasti hæc loca? Ego in hisce modò contemplor, & ipsum in conspectu meo pono *Democritum* sub patula, humillimaque platano sedentem, ac de natura multa inquirentem: modò *Platonem* cum *Socrate* differentem: modò *Carneadem* in Exedra disputantem: modò *Pythagoram* in Metapontum, in ultimum illam Italiæ ortam docentem, ut videat mihi videre ad ipsum audiendum undique confluentes præclaros viros, è remotissimis regionum finibus. Sed præ omnibus sapissimè hanc villulam *Epicuri* hortis comparo, ipsorumque similem mihi propono, indeque tanta delectatione feror, ut ejusdem vox clare auribus meis insonare videatur.

AUTONOMUS.

O te felicem, Anætie, quandoquidem tuo jure, tuopte genio vivis? Utinam & nobis liceret in corrupta civitate pari libertate uti? Sed inter depravatas hominum sententias, morumque intemperantiam, quotidie per jurgia exerceri necesse est.

ANÆTIUS.

Hoc fuit antiquorum philosophorum vitium, seu potius institutum, planè non negaverim, quod in nostra urbe diù invaluit, & fermè alitèr, quàm par erat radices egerat (hæc fuit cāsa huc divertendi, ut scitis.) Sed ut à Philopono nostro audiui, non multo ab hinc tempore aliò res erant perductæ (quamquam summo ipsius labore, & discrimine, quod pro novatore obtruserunt, rerumque inauditarum commentis probatæ veritati tot sæculorum usu fucum faceret, famamque sibi vendicare veller, quod facile existimavi) rerum faciem quotidie mutari: non paucos adesse, qui curiositate novorum inventorum deliniti, ne dum avidè perquirere, verùm apud homines ita reputari expeterent. Nunc verò te diversa sententia loquutum sæpè intelligo, unde in magnam suspicionem me adduxisti; ut curiosius à te quærerem, apertius narres, nùm in pejus aliquod, deteriusque res abierint, quas putaram in dies ad magna prodeuntes, nunc ad maxima forsitan fuisse evectas.

EMPHRON.

Considamus hic in umbra, si placet, Anætie, nam Autonomo haud displicere certò certius adducor, cū itinere, tum ætate laxato, & eo potissimum quando illum ad hoc opus vocasti, quod altero verbo absolvi, & stans pede in uno, ut dicitur, profectò nequit.

ANÆTIUS.

Præclarè exis, Emphron: tibi potius quàm Autonomo existimaverim, neque id ego cogito verum nulla via fatigatus. Sed agè, si videtur, Autonomie, nec piget de Republica philosophica aliquid nobis exponere, & quousque medentium artes hodie evaserint, valde quidem aveo audire.

AUTONOMUS.

Magnam rem à me petis, amice, quàm cum mei, tuique animi indignatione, ac turbatione licet præfari, quandoquidem tibi mos est gerendus. Magnum ingenium *Philoponi*, atque summa in ipso cura temporibus, quibus floruit, admirabili studio res omnes libero nomine dignas nedum fuit persecutus, verùm, & in publicum protulit, ut sibi quisque prospiceret, ne deinceps temere obsequi velit, & constanter adhærescere ei, quem audierunt fuisse sapientem, neque eorum dogmata pugnacissimè defendere, veluti præscripta, & imperata jura essent; siquidem in naturalium disciplinarum cognitione, quum ad nova, & meliora semper perquirenda natura judicia nostra instituat, hinc liberiores, & solutiores esse debere, nec aliqua necessitate cogi, vel præjudicata alicujus opinione teneri. Itaque multa refellere, complura nunquam proprius audita ostendere cœpit, & disputare apertissimè in magno selectiorum *Medentium* concessu, eorundem nescietim majori indignatione, an admiratione; quippe qui pari libertate, & doctrina *Hippocratis*, *Galen*i, & reliquorum inveterata opina menta evertibat, nova medicamenta, novam medendi rationem adinvenit, novas morborum causas statuit. Hæc autem potuit tandem, attamen ut ab ipso intellexisti, multos sycophantium morsus perpassus fuit, & malignantium livore ad calumniam usque vocatus. Sed quum plurimos ingenii sublimitate præstantes viros ad hanc Spartam subeundam sibi adjunxisset, qui congressum frequentia ad naturam omnem perquirendam sedulo incumberent, facile fuit è vulgo hominibus crassam caliginem ab eorum mentibus detergere, propriamque inscitiam, vel coactè ab eisdem extorquere. Quapropter facta omnibus integra judicandi potestate, quisque cognitis reliquorum sententiis ad unum naturæ volumen, non ad unius auctoritatem se contulit: inibi quærere sibi, humanoque generi profuturo, inibi quid verum, quid falsum, quibus artibus vera nominis gloria compateretur. Sed pene sub initium cuncta concidere, atque tantos labores fallax spes frustrata fuit.

ANÆTIUS.

Hem? & hæc institutio virtutum omnium seminarium in hominum dumtaxat memoria viget? Quid quæso id fuit, quòd tam subito evanuerit, & penè orta consenserit?

AUTONOMUS.

Me hercle quotusquisque *Medicorum* unquam fuit inventus, Anætie, qui medicinam faceret liberali illo studio ductus naturam observandi, humano generi opitulandi? Omnes spes quæstus trahuntur, atque ob id solum quisque salutis arbiter, & factorum rector haberi vult; Itaque execrandam hanc ambitionem, turpenique voracitatem malæ artes necessariò sequuntur: rixantur, assentantur, lenocinantur, & rabie quadam in omnes, qui *Medicos* perorant, ut celebritate nominis popularem famam captent, & Principum gratiam aucupentur. Hæc de causa depravata fuit illa veritatis persequendæ institutio, quæ tamen aliàs (quantum memoria assequor) per claros viros sapientius tentata fuerit, ullo tempore adolevit, nec unquam dabitur, ut adolescere possit, donec *Medentium* malignitas, & avaritia durabit, quin etiam in pejus semper res ipsa vertetur, quod potissimum hac nostra tempestate conspiciere licuit, si quidem nondum barbarie deposita, nondum primoribus labiis sapientiæ poculo degustato, & unco veluti (ut de *Claudio* loquebatur *Seneca*) ad illius vestibulum tractis in varias formas abiisse vidimus, atque novos vultus induisse. Ridicula profectò res, sed tamen miranda, namque alii elato supercilio, fronteque caperata, fidenter sanè cœpisse quamplurima effutire de novis inventis, de sæculi ubertate, deque totius universi structura: multa de ingeniorum præstantia, & imbecillitate, præsertim multiplicem scriptorum seriem, longumque catalogum memoriter recitare, genesim, studia, mores, & quantum alius ab alio ætate distiterit, hunc probando, illum refellendo, talique oratione naturæ arcana aperire,

rire, ejusque mysteria non minori gravitate, quam constantia singulos edocere, tanquam modò ex virtutum concilio, & ex *Epicuri* inermundiis descendissent. Contra alii tristi admodum specie tardoque gressu cogitabundi, magna dices meditari, perpauca loquuntur, & raro admodum: Homines omnes in magno præjudicio versari queruntur, cuncta præjudicio teneri, hoc solo verbo, & philosophantium sententias repudiant, & phœnomena ostendere autumant; quid contra ipsi senserint, sanè nescitur; quippè qui cum quid in hominum cordatorum consensu audierint, respondent, subridendo, subfannando, ringendo, tandemque ructando; namque genus hoc philosophantium nimis flatuosum & hypochondriacum est. Attamen id sibi ipsis velle certò creditur tali artificio hanc Universi machinam non rectè suum authorem molitam fuisse, quapropter ipsos tanto huic operi vel præfici debuisse, vel quandoquidem constructa, & fabricata fuit, illorum nunc consilio egere, ut rectè suum munus obeat. Alii tandem (ne singulos perenseam) adeò sunt jejuni aridi, atque sterili ingenio nati, ut usque ad superstitionem religiosè vereantur, & colant ea dumtaxat dogmata, quorum fides novi alicujus scriptoris testimonio evincantur, nec lacum, ut dicunt, unguem discedunt, dumque timent, ne in veterum præjudicatas opiniones incidant, majori præjudicio tenentur: nimirum desinunt suum judicium adhibere, nullaque necessitate adstricti libertate sentiendi uti. Hos sapius *Emphronus* noster non sine sua, & amicorum delectatione amicè jocus, ita benevolè objurgabat. Etenim nonnulla differebat tanquam de Veterum sententia, quæ nova alioquin erant, eaque affirmabat ita se habere, atque rectè illos de eis opinatos fuisse, quòd cum insolenter, & ad iracundiam usque contradicerent, atque contumeliosè reprehenderent veluti antiquarium, & veteratorem Philosophum, non adhuc præjudiciis omninò liberum: Tum placidè monebat, eorundemque vitium excutiebat ostendens non ita se rem habere; Non veterum, sed recentiorum inventa illa esse, minusque verecundum sui juris homini autoritate potiùs, quam rerum perpensa sententia duci; Itaque facile demonstrabat, quamplura ex antiquorum placitis nostræ ætati fuisse advecta, complura quoque ad meliorem usum redacta; cuique namque ætati sua debetur gloria, quam sanè præripere hominis est intemperanter sapientia abutentis, & homo litterarum.

E M P H R O N.

Quam sanè, *Anatie*, isthæc vera sunt, quæ ab *Autonomo* audisti; Eò res perducta fuit, ut intolerabilis sit penè omnis physiologorum conditio; namque dum gloriantur magnifice desertæ, & jam pridem relictae disciplinæ patrociniū non sustinere, ne illarum vanitate veritati quærendæ nox offunderetur, nondum recentiorum placita exactissimè custodiunt, verum mores, vitia, & faxit Deus quin, & religionis pietatem, occultum, & sanctitatem non evertant quandoque.

A N Æ T I U S.

Proh Deum (liceat cum *Statio* in *Synecphebis*, ut apud *Cic.* exclamare) popularium omnium adolescentium clamor, postulo, obsecro, oro, ploro, atque imploro fidem. Quid de corrupta hominum mente, improbitate, petulantia, scelere existimandum sit? In magna sanè rerum omnium ignoratione, atque teterrima nocte vitiorum versantur, veterno dixerim, correpti delirant.

A U T O N O M U S.

Sed quod negotium facessere videtur (si per te liceat, *Anatie* risum contineas) non solum *Pharmacopola*, *Barbitonfores*, *Veterinarii*, *Obstetrices*, *Nosocomiorum trullarii*, & vetula dum blaterant tali libertate suum philosophorum censum annumerantur, sed etiam *Jureconsulti*, *Rabula*, *Pragmaticique* illi, qui sacculariam operam profitentur, alienaque patrimonium expilant, hæc eadem magnopere affectant magno vulgi, & clientum rumore, verbosa simulatione jactantes, se vere prudentes habendos, veramque juris omnis peritiam, scientiamque calere, dum veram philosophiam sectantur; Veluti natu-

ræ leges philosophandi ratio ex præscriptis formulis, atque interpunctionibus verborum instituta fuisset.

A N Æ T I U S.

O rem sanè admirandam, & *Diogenis* cachinno dignam? Quousque tandem temeritas, inscita processit.

A U T O N O M U S.

Negotiantur tali arte amicitias, opes famam, gloriam, siquidem ad isthæc faciliter assequenda tali modo hæc ars videtur comparata, & veluti hominum continua industria alta, & expolita, ut argumento esse non debeat, cur isthuc potissimum omnes delabantur. Quare mirari nunc non licere putaverim, si nonnullos conspexerimus hac etiam nostra ætate, (ut *Vetera* præteream) qui cum *Pharmacopola*, *Veterinarii*, *Notarii*, *Jurisperiti* evadere non potuerint, ad *Physiologiæ*, & *Medicinæ* studia facili negotio devenerunt *Meninistri Mycilli* illius, qui *Mesues* canonem ignorans, pharmacopolam exercere nefas existimavit? Nunc inter primarios artis magistros laurea decoratus insignis sedet, totaque urbe conspiciendus incedit longo alumnorum satellitio comitatus altisona voce subfannans *Hippocratis*, *Galenii*, *Mesues*, & reliquorum dogmata: Nec quoque te latere puto *Profelytum*: hic ut scis in *Jurisconsultorum* albo fuerat descriptus, dein mutata sententia, triduo optimum *Medicum*, quem posse fieri professus fuit: nec præter spem evenit, quippe veluti alter *Epidauros* curtu vehitur maxima cum vulgi, tum Magnatum dignatione, cujus dicta ut *Oracula* verentur, magnæque opes brevi congestit simulata specie sacrosanctæ artis, quam dedecet ingenuum hominem turpi quæstu profanare. Sed ne singulos perenseam *Anatie*, illud scito, & mihi credas ad pristinum rem rediisse majori actuario.

E M P H R O N.

Quasò *Autonome*, non licet oblivisci, neque silentio præterire, quod *Phronimo* nostro nuperrime evenit. Forte cum ipsi occurrissent nonnulli ex *Barbatis* Patribus *Salernitani* collegii, maximas gratias referebant; quod tantum juvenem de re chirurgica benemerentem ad ipsos remisisset; quapropter illum viva voce, vivisque suffragiis, & nemine penitus discrepante, cooplassent. At tum *Phronimus*, ecquem o Patres? inquit; plane hunc ignorare ajo. Tum illi: An non meministi *Auleri*; qui nudius tertius venit ad nos, ut *Almi* nostri Collegii *Hippocratici* immortalis laurea decorarem? Is affirmabat *Phronimi* alumnus fuisse, atque ex ipsius officina exiisse. Tum subridens *Phronimus*: Inò meæ mulæ alumnus, atque è stabulo prodiisse. Probe quidem nunc nosco; namque is fuit meus *Essedarius*, qui de veteri medicina, atque *Hippocratis* libris de diætâ quotidie cum mula contendebat. Rectius tamen ad ipsum egissetis, quod vobis acceptum nunc referrem, si de mula potiùs adscribenda cogitavissetis, & sanè quidem honorificentius hoc vestro collegio futurum, atque utiliùs; quippe quæ cum *Apulei* *Asino* quotidie certat de disciplinarum præstantia; nam *Pythagoricam*, & *Hippocraticam* esse nemini in dubium cadit, quum à fabis mirificè se abstineat, atque prisana tummodò utatur. Itaque his scommatibus jocus, bene valere jussit.

A N Æ T I U S.

Festive quidem noster *Emphron*, atque opportune enarrationem hanc instituit, ut animum levaret, & medicinam aliquam adhiberet, qua auditarum rerum amarities quodammodò leniretur. Attamen ex his, quæ à vobis nunc audio, videre mihi videor, magnarum rerum effectricem à suis usque incunabulis hanc artem exitisse, atque ad nova semper porienta producenda fecundo sinu se exhibere. Etenim, ut scitis, *Melampus* agrorum cultura derelicta, divinationibus, & superstitionis machinationibus medicinam adeò conjunxit, ut *Eleam*, & *Celenem* *Proxi* filias bacchantes herbis, & cantationibus facile curaret, ipsasque unà cum Regno sibi, fratrique matrimonio adjungeret. Divinandi artem

ex *Apolline* didicisse in vulgus jactabat, pariterque omnes augurandi notiones, & auspicia eliciendi ritus callere, qua Religione *Prætidæ* sanasse *Pithagoras* apud *Ovidium* testatur,

Amythaone natus

Prætidæ attonitas postquam per carmen, & herbas
Eripuit furiis: purgamina mentis in illas

Misit aquas.

Per has ergo tricas *Apollo*, *Aesculapius*, & quotquot antiquitas veneratur, ne dum immensas divitias, honores, dignitates; atque imperia vindicarunt, totumque orbem sibi ipsis subjecerunt, verum tanquam Deos apud homines haberi, & in Deorum numerum referri, suspicique potuerunt. Itaque altius *Medicorum* animis hæc ambitio inhæsit, & inhærebit firmissimè nec ulli senio substat. At illis potissimum *Autonome*, subiraſcor sæpiſſimè, qui veterum mores, instituta, doctrinam, & inscitiam remordent, eosque calumniantur atrociter: ingenuitatem nimirum, libertatem, perquisitionem veri *Medentem* decere, atque summopere persequi debere proclamant, quum contra ipsi operentur.

AUTONOMUS.

Hæc eadem; *Anatie*, me ad bilem usque quandoque, impulerunt. Nam ecquem nostra tempestate *Medicum*, vel rudem Physiologum inveniemus qui *Græcos*, *Arabes*, omnesque antiquæ medicinæ Professores conviciis non persequatur, eo quod pecudum more, & præscriptis decretis rem agunt; Quod divinationibus, astorum, & planetarum cursibus iudicia instituant; Quod non nisi perpaucis medicamentis, purgantibus nimirum, sanguinisque missione carnificinam potius, quam corpori medelam faciant; Quod sacram hanc artem omni sorde puram, & lividorum dente intactam per vilia mercimonia exerçant: per invidiam, detractiones, omnesque generis dolos alienæ fortunæ insidias muniant, unde ægrotantium opes, & vita miserrimè pessundatur; Quasi sibi conscirent omni culpa vacuos esse, ut propterea *Curios* simulantes *Deus* aliquis alienæ vitæ, & sapientiæ censuram demandasset. Medius fidiſ, dum aliorum vitia carpunt, proprias improbitates in profundo abstruere student, sed non vident, manticæ quod in ergo est, ut in Proverbio dicitur. Sceleſtiſſimum equidem *Anatie*, genus hoc hominum, omni quo fuit reputatum, maximèque vitandum, utpotè humano generi pestiferum; nam subdolum varium, minimèque constans, adeò scenæ, temporique inserviunt, dum aliorum in peccatis suam probitatem affectant; ut in difficili sit positum eorum vultum dignoscere: quid sentiant, quidve ex animi sententia certò dicant. Intellexisti nedum ex me, verum ex eorum voluminibus, quæ contra *Galenicos*, & antiquarios dogmaticos de illorum doctrina, methodo, & curatione pronunciarunt, potissimèque de catharticiſ, de emeticis medicamentis, & sanguinis missione,

ANÆTIUS.

Equidem intellexi sæpiſſimè, atque ad manus meas pervenere perelegantissimi commentarii omnigeno doctrinæ genere referti, in eisque magnam delectationem, magnamque utilitatem hauriebam.

AUTONOMUS.

Illud nunc mihi credas oportet in deteriora hos prolabi, remque omnem funditus evertere, dum ea, quæ factitant scriptis non respondent; namque intricatiori labyrintho eos teneri necesse est, quandoquidem nulla certa methodo neque ut *Galenici*, neque ut *Neoverici*, casu potius, quam consilio medicinam faciunt; sed ut veriùs dicam, hi ægrotantium, atque adstantium genio blandiuntur, & privata ipsorum commoda alieno periculo assentatione, obſectatione stabiliunt. Hinc effectum putaverim, id sibi effinxisse sub novo verborum apparatu, loquendique formula absque eo, quod præjudicati philosophi nota inurantur, quanquam libere valere nunc venam secare (nimirum ne sanguis immoderata fermentatione acidior evaderet, ut in acescenti vino videre est:) nunc cathartica; nunc emetica, & quot-

quot reliqua adſunt medicamenta propinare aliqua, suapte arbitrato, ratiocinatione excogitata, quæ popularem novitatis plausum ultro conciliare possit, pariterque hominis morum candore, & doctrinæ integritate suspiciendi. Id tamen facile assecutos conspiciamus; etenim tanta eloquii concinnitate, tanta orationis textura, atque subtilitate imperitæ plebeculæ fucum faciunt, ut nefarium, quinimò impium reputatur in eos vel conniventer quidquam submurmurare veluti certo Numine afflati oracula ederent. En quo, Amice, res evaserunt, monstrum illud Horatianum serio amicis, quin etiam tota Urbe spectandum exhibetur.

ANÆTIUS.

In corrupta ergo Civitate deteriora his in pretio, atque admiratione semper habebuntur, quare immedicabile hoc vulnus fuit, eritque donec Medentes.

AUTONOMUS.

Præterea, *Anatie*, Astrologicas prædictiones damnant tanquam futes, vanitatemque scientiæ vel ex eo convincunt, quod ex ignoto, remotoque astorum errore, nil veri conjicere liceat, nec ad *Medicum* quicquam spectare hæc nosse, etsi *Glaucum*, *Apollinem Aesculapium*, aliosque medicinæ inventores jactent, hanc artem ita excoluisse, & medicinæ conjunxisse, ut jure merito illos divinitate donarint; Hincque omne divinationis, cantationum, & in somniorum interpretandi generis effluxisse, quod prorsus anile, atque superſtitioſum dictitant. Quanquam plura his effutiant, non tamen verentur genethliacas prædictiones compingere, ac perfricta fronte rude vulgus cabala, magicis ostentis, cæterisque circulatorum præſtigiis illudendo post longo ordine trahere: neque minùs matronarum, & ancillarum conferra turba ſtipati hariolos, metapoſcopos chyropoſcopos agere, & in somniorum interpretes. Tali ergo verſutia dum palando, alliciendo, propria ipſarum facilitate, atque curiositate illas capiunt, earundem acta turò extorquent, ut deinceps difficile non sit remotis arbitris totam earum vitam nosse; Hinc non mirum hoc nostro potissimum tempore non minus plures *Vettios*, quam plures *Messalinas* florere: Quod ut nihil industriæ, aut eorum solertiæ intactum relinquant, nec unum, vel alterum observare licuit, sed fere cunctos, qui poetarum numero haberi velint: Haud equidem *Empedoclem* imitati non minori laude physiologiæ insignem, quam poeſis cultura, sed hiſtriones, illos, qui nonniſi modulato carmine præmiſſo nugisque ad animos tenendum compositis eorum unguenta divendunt. Namque in celebritatum pompa, conviviorum apparatu, clientum conventus, afflictoſque ægrotos carminibus detinet, interque mulierculas anilibus fabellis ſcurriliter jocantur, deinde sibi fingunt, divino Numine agitatoſ incaluisse, atque per quietem *Apollinem* aut *Aesculapium* vidisse, de illo morbo multa revelantem, & præſentiſſimam medicinam dictantem, quemadmodum de *Jerofſylo* circumfertur, qui tridui jejunio, devotaque prece divinum pharmacum cœlitumque febrifugum redemiſſe: Sive etiam narrant ab ignotis finibus Antipodum post varios casus, post longas peregrinationes multa impenſa adveſtaſſe, sive ex aliquo è *Salernitarum* regione didiciſſe, ut catori pretio divendant, nec niſi magno auri pondere. Præterea in conviviorum apparatu, atque omni celebritatum pompa, ſua adpingunt emblemata, epigrammata, genethliaca carmina, & epithalamia: nec deſunt, qui Bacchanaliorum temporibus Orgya Baccho instituunt, fabulaſque aptius agant ſpectatoribus benè plaudentibus. Tandemque triſtibus elegiis deſcendunt, quos miſerrime perdiderunt, hymniſque eorum bene geſta, & egregie parentantur. Fortaſſe, *Anatie*, pluribus quæ ſtomachum faceſſunt te detinui, ſed juſto dolori tandem parcere æquum eſt, quod cum à te impetrari æquiùs crediderim, meæ libertati laxiores habenas dedi.

ANÆTIUS.

Immerenter potius, *Autonome*, hanc à me veniam exiſtis, quandoquidem non ultrò, ſed à me ipſo ſæpe vocatus, & penè dixerim laceſſitus ad hæc enarranda deſcen-

scendisti. Igitur tuo jure; tuaque libertate utere, ut velis, cum illos non pudeat pari jure, parique libertate per has sordes, per hæc scelera vivere, namque nocentium delicta Reipublicæ nota esse expedire neminem latere probè scio: Eoque magis *Medicorum*, quorum nulla lege inscitia capitalis punitur, nisi infamiæ nota. Profectò, ut verum fatear, has improbitates *Medicos* committere mihi magnopere displicere non inficias iverim. Universæ verò Reipublicæ innotescere, quæ patrarint imprudenter, valde utile, quin & necessarium semper existimavi; Quare & quæ supersunt abs te peto, nec tædeat enarrationem ad calcem perducere.

AUTONOMUS.

Haud unius diei opus sane videretur singula persequi; minusque verendum ingenuo homini cuncta proloqui; unde ut potero, dicam: ea nempe, quæ tuas aures non ita offendant, reliqua consultius erit prætermittere. Igitur in medium afferre placebit artes illas, quibus se invicem captant, carpuntque, dum negotiosa sedulitate, quisque suam fortunam fabricatur.

EMPHRON.

Jucundus quidem sermo, o *Anatie* ab *Autonomo* instituitur; nunc dies hic optimè absolutus putabitur.

AUTONOMUS.

Eorum, qui scientiarum cognitioni operam navant, liberalissimum genus visum fuit, qui neque gloriæ vanitate, neque quæstus cupiditate ducti, quicquam agerent, sed sola rerum contemplatione contenti studiose naturam omnem inquirendo perspicerint. Hos fertur *Pythagoram* à *Leonte Principe Phliasiorum* interrogatum *Philosophos* primum appellasse; Namque visendi tantum causa in hanc vitam descendisse ajebat ea, quæ maximo ludorum apparatu totius *Græciæ* celebritate gererentur non verò vendendi, aut emendi turpi lucro incitatos, aut plausum, nobilitatemve coronæ petituos. Hi nulla mercede, nulla pecunia, nulla invidentia sapientiæ studia profitebantur, publicèque privatimque quasque regiones præclarissimis, & institutis, & artibus exornantes, ut de eodem *Pythagora* accepimus, omnibus suam operam, disciplinasque præbuisse in illa *Græciæ* parte, quæ Magna olim dicebatur; Quapropter nec salaria, nec mercedes, neque tandem ullum stipendii, vel lucri genus, sive de publico, sive privatim ullo tempore lege aliqua, *Senatus Consulto*, *Plebiscito*, *Principum constitutionibus*, vel *statuto* reperitur, quin etiam ex *Ulpiano* indecorum, & irreligiosum fuit lege sancitum, quia hoc primum profiteri eos oportet, mercenariam se operam spernere. Et quidem res sanctissima, Naturalis scientia, quæ prætio nummario non est æstimanda, nec dehonestanda, quapropter professorum numero non continebantur. Non immeritò sacra hæc studia, sacri homines vocabantur, & habebantur, namque in hoc vitæ genere, atque studiorum instituto posita erat, & veritatis inspectio, & morum integritas, & recta sentiendi ratio, ex quibus sapientia, libertas, & Ingenuitas profluit certissime. Neque minùs aliquem fugere putaverim, sub tali liberalissimo hominum genere, eos quoque comprehensos fuisse, qui hominis naturam peculiari instituto intuebantur, quos postea *Rationales* appellarunt: Primò namque (ut ait *Celsus*) medendi, scientia pars sapientiæ habebatur, ut & morborum curatio, & rerum *Naturæ* contemplatio sub iisdem authoribus nata sit. Et quidem ut apud *Plat.* extat usque ad *Herodici* ætatem, sapientiæ, sive *Philosophiæ* studia cum medicina conjungebantur, utriusque unum idemque nomen erat *Sapientum*, vel *Philosophorum*: Dein nonnullis regulis, præscriptisque medendi rationum dogmatibus ab *Herodico* adinventis, artis speciem formamque induere cœpisse, quam postea *Cous* ille *Hippocrates* & *Eurifon* sui præceptoris vestigia secuti, ad majora evectam decretis formulisque medendi undequaque conquestis, proprioque arbitrio excogitatis, à sapientiæ studiis separatam posteritati reliquerunt. Hinc per omnium ora præstitutis præceptis, præsignatisque decretis, rem agi cœpisse, atque inter gregarios, nefariosque quosque de plebe homines voluntari, sapientiæ studio omisso; adeò ut neque *Medentes* de philosophia quicquam pensi haberent, nec philosophi de medicina. Itaque antiqua sua religione, & decore

Ipoliata, quo Heroicis illis *Ægyptiorum*, primorumque hominum temporibus colebatur, incesto vultu perorantem hac nostra tempestate revivuisse conspeximus. Proh dolor; quam nonnisi Reges, & Sacerdotes tractare poterant liberalissimè, ut ipsum *Æsculapium*, quem *Deum*, & inventorem referunt fulmine ictum acceperimus, quia medicamenta aliqua certo pretio tradiderat, hodie apud ignotos, impurosque homunculos profanetur, peculiari quodam artis canone, qui primus adjicitur, perque artis magistros memoriter tenendus mandatur, veluti prænotiones, artisque hujus probata criteria: nec me ratio fallit. Quid primum in libris versuti *Senis Coi* doceamur, advertendum vos quæso rogo, amici. Ut omnium primum quisque vulgi opinionem capter, quæ in *Medico* præsertim sola potest ad quælibet facitanda, ne dum liberiores habenas laxare, verum immortalitate donare, atque inter veteres illos *Æsculapios* in *Deorum* numero referre. Ad hanc autem opinionem, authoritatemque comparandam, oportet *Medicum* vestitu decore se exhibere, unguentis odoratis (profectò crediderim *Hippocratis* alias hircum oluisse,) unguibus mundis, naribusque emunctis: aspectu venerando, facie meditabunda ac subaristi; incessu gravi, atque ad majestatem aptè composito. Præterea multa quoque præcipit ad ægotantes accessuris: nimirum ut tacito pede, voceque submissa procedant, ne rumore turbati somno forsan excitentur, eisque maledicant, ipsorumque importunitatem causentur. Meminisse etiam, cum ingressi fuerint, sessionis, habitus submissi, amictus compositi, brevi loquentiæ, & suavitatis cum lepore intermiscere, & quotquot reliqua ad nauseam usque ruspatur, recoquitque *Galenus* etiam, cæterique ex tali turba.

EMPHRON.

Proh, *Autonome*; Si bono leni eveniret, ut in hæc tempora incideret, audacter affirmarem *Medicis* conspiciendorum usum, fucatumque capillitium indicturum, quod præ cæteris peculiari parergo libris de *Medico*, & de decenti ornatu subnectendo adnotaret, nec sacrum ipsius calvitium pallii velamine detegeret, ut oris habitum decentiorem exhiberet, sed cincinnata cæsarie, quæ venustius redderet; quemadmodum apud nostrates *Medicos* hoc in more positum conspiciamus, qui non cum *Æsculapio* antiquam barbam nutriunt, sed cum imberbi ejus parte *Apolline* comam calamistris, suffituque odore spirantem. At æquum est, amice ad tantum institutum sinam te redire, ne hodie *Camerinam* movere videar, ut in proverbio dicitur.

ANÆTIUS.

Probè, rectèque loqueris; prosequere igitur, *Autonome*, tuasque partes intra hos limites implere satius erit, quam ab incæpto deflectere, ut ea persequaris, quæ suos potiùs anthores comitari necesse sit.

AUTONOMUS.

Præter ea, quæ audistis Amici, quæ veluti monita cœlitus delapsa posteritati scripta reliquit, ut *Medicum* philosophum *Isotheos*, Dei similem redderet, propèmodum sexcenta factò adnotare maluit, ut suo exemplo magis, quam dicto commoneret. Præcæteris ex illo reliqua dignoscere: *Cnidiorum* bibliothecæ ignem conjecit, propriamque patria exulare ob tantum facinus, *Thessalamque* regionem petere, coactus fuit. Hoc scelere illud universo orbi professus fuit: quodvis quamquam impium, etsi nefarium medentibus licere, si vel quicquam ex illo eorum famæ accedat, vel ad compendium instruat. Neque hoc vobis admirationi sit: illis etiam temporibus *Ægyptiorum*, quibus penè orta medicina inter Deos potiùs, quam inter homines colebatur, memoriæ proditum extat ipsum *Apollinem*, quem hujus artis authorem referebant, invidentia motum crudeli funere perdidisse *Linum* medicinæ, atque poësis Laude insignem. Itaque, si hoc Diis ipsis datur, si per has artes ipsi quoque propriam divinitatem machinati sunt, atque parrum decus tuentur, quid ergò hominibus licere dicetur; Jam quæ apud *Galenum* de Quinto deque ipsomet legimus, quæ de *Arabe Avicenna*, *Rasi* aliisque: Quæ apud *Jovium* de *Jacobo Carpi*, qui *Erasistrati* atque *Hierofili*, carnificinam in ægrotos exercebat. Quæve de cæteris tum in veteribus, novisque monumentis traduntur, equidem secundum artem acta apparebunt, nec ad se hominum, gentiumque judicia merito rapere. Igitur

Igitur talibus efficta principiis per scelera, imposturas, rapinas, invidentiam, malignitatem, impudentiam, perque impietatem alta, eò nunc crevit, ut supra omnem vitiorum congeriem caput affere gloriatur. Quis ergò facilè sibi putaverit tantum, opus longa sæculorum serie, tot *Medentium* industria elaboratum, una die everti potuisse, per paucos nostræ ætatis impostores, qui novo quodam imposturæ genere supremam manum potiùs imposuisse veriùs asseveraverim; Atque ut ea, quæ proposui ad incudem revocentur: dicant quæso: Quid agunt, quòve nova hæc ipsorum studia collimant? Nonnè captant, & captantur, ut inexplabilem ambitionis avaritiam quoquò possit, exsaturent. Nonnè alienæ fortunæ, & quietis olores detrahendo, increpando, deridendo, quousque in exitium usque trahunt? Eccui non liquet quanta inter ipsos perfidia? Quantum odium? Quanta invidia? Aut quis est sua sorte contentus, & non alienæ industriæ, sive fortunæ æmulator, ofor, detractor? Negoriosi tota Urbe de aliorum vita, moribus, opibus inquirentes, officinas omnes percurrunt, auritoque capite ad singula diligenter attendunt: Amicitias divitum, gratiam Principum obsequio: assentatione, lenociniis redimunt. Quorsum hæc, quis est, qui non intelligat? *Talibus artibus, & rabie quadam* (utar verbis *Plinii*) *in omnis ævi Medicos perorans. Thessalus* in *Neronis* familiaritatem venit, ut cæteris posthabitis soli *Thessalo Nero* committendus esset: Extat quoque apud *Cossiodorum* insigne quoddam rescriptum *Theodorici*, quod per has machinationes *Medicus* ille sibi imperarat, illud autem tale est: *Inter salutis magistros solus habearis eximius, & omnes iudicio tuo cedant, qui se ambitione mutua contentione excruciant: esto arbiter artis egregiæ, eorumque distinge conflictus, quos judicare solus solebat affectus*. Tantum potest quæstuarium petulantia, tantum subdola ambitio; Profectò hæc eadem affectant novum hoc genus *Medicorum*, quod nostro sæculo conspiciamus: Hi sub specie philosophicæ ingenuitatis, dum aliorum iudicia damnant, animique sensus cavillantur, suum iudicium anteponunt, dum aliorum medicamenta studia, dictaque factaque sub falsa libertatis sentiendi religione remordent, fortunæ ipsorum student; Namque neminem vidi, qui probare velit, quæ priùs audierit, etsi secundum proprii animi sententiam ea fuisse intellexerit, nisi saltem aliquid detrahat, vel de suo adjiciat, ut moderator ad minùs consultusque gubernator videatur. Quare non est ambigendum ab *Asclepiade* desumpsisse hanc legem vivendi, illiusque aphorismo per manus tradito, Medicinam facere; *Primò etenim* (refert *Arrelianus*) *invidiose jubet, siqua ante ipsum Medicus adhibuit repudianda, tanquam legitima putans, ut hæc aliis adhibentibus noceant, ipso medeantur*. Iple ego audi, *Anatie* philosophantem virum sæpiùs jactantem, & apud nos profano vultu recitantem *Zerbi* dictum: *Medicus aliorum remedia ne laudet, ut supra vulgares sapere videatur*, Quid tibi videtur, *Anatie* de nova *Cynicorum* specie, & philosophica sophistarum turba? Num, & res suas malè agitant, sibi non rectè prospiciunt?

ANÆTIUS.

Equidem optimè, & quemadmodum Philosophum deceat. Proh nefarium grassatorum genus ad hominum memoriam abolendam, orbisque interitum natum! Vitam nostram per pericula tractant, & sanguinem negotiantur, dum fortunas, nomenque mutua infamia statuunt.

AUTONOMUS.

Aliud præterea invexit avaritia ægrotis magno pretio medicamenta vendere insigni nomine decora, traduntque ea è terrarum ignotis sinibus advecta, vel arcana quædam esse à nemine unquam cognita, sed ab ipsis obstinato labore, magno in Naturæ volumine perquisita, & miraculo quodam demonstrata: horum præsentissimo auxilio Principes, Reges veluti alter *Asculapius* orco revocasse, ipsamque mortem sub jugum misisse. Gloriose quidem, at sæpè numero meritis pœnas luere sorditici nota necesse est. Non puduit, namque quendam nostræ ætatis *Asculapium* non *Jovis* manu, sed vetulæ cuiusdam suæ imposturæ reprehensum: Magno auti pondere terebinthi pilulas venditabat, quibus balsami Solaris nomen imposuerat: At illa magnum vas, quod domi erat, ante ipsum gestans majori, quinimmo saniori perfidia

pervicit claro adstantium plausu, risuque festivo: Hic quoque magnam pecuniam congestit ex Peruviano cortice adulterato illius nomine, donec à quolibet tanquam minio notatum vitaretur. Peculiare nostratibus physiologicis esse videtur, propriæque sectæ institutum, aliis suadere quemquam aliquo insigni remedio potiri, quod specifici, seu arcani nomine insigniunt, undè ægrotantium turba ad ipsos veluti naturæ ministros in summo vitæ discrimine confugiunt, omnemque spem reponunt donec summo impendio, morbi que fastidio fatigati, dimittantur ad salubriorem aerem, vel tanquam à Dæmone obsessi divina potius medela indigere suadeant. Horum etiam nemo est, qui rem Spagyricam non profiteatur, eamque ita callere prædicet, ut artis filius verè dici valeat; Quapropter medicamenta non propinant nisi, quæ manu propria factitarunt, exitiale esse dictitantes mala venena ab imperito parari ad salutem, quod vix filiis artis turè datur. Equidem non negaverim rem ita se habere, namque chymica medicamentorum præparatio puri ab impuro segregatio, & innoxii à noxio vulgaribus minimè est committenda: nisi cum evidenti discrimine, prudenterque *Medicos* illos se gerere, qui non adhibent nisi, quæ ipsi sua opera laboreque examinarint; Ex his namque, & *Medentis* decus, & infirmorum salus pèndet. Sed o præclaros custodes ovium, ut aiunt, lupos! Scilicet ægrotantium salus ab ipsis raptopere expetitur! Scilicet proprio honori velificantur. Haud equidem, *Anatie*; Avaritiæ laudabile commentum potius existimaveris, quod cupiditas, & ambitio fabricata fuit. Homines omnes specie recti decipiunt, quæ ut execrabilior via est ad captandum, ita tutior reputatur, nec facillimè vitanda; quippe dolis, atque machinationibus latenter irrepit; & veluti per cuniculos adortur repente. Quid eos oporteat facere, quidve cogitare, quos salutis spes, vita ipsa, qua nil suavius, mortis metus, quo nil terribilius usque ad superstitionem tenet? Confidunt, fallacique spe malorum omnium dulcissima deliniri, uni se *Medico* committunt, qui vulgi rumore aer omnium ora volitat, qui magno hiatu prodigia promittat, variaque scientia instructum se ostendet. Hic magicos suos pulveres, circulatorum pilulas, præstigiososque succos palam ostendens, longa præfatione prædicat: bene confidere ajunt, bonaque spe potiri, hæc ad miraculum usque operari, pallentesque morbos intercideri. Tanta facundia commendant, ut dum in illo salutis spem solum reponunt, vitam quoque, & bona inconsultò committunt; itaque quotquot unquam prioribus sæculis fraudes, rapinæ, distractiones, & imposturæ omnis genera fuerunt, nunc sub novo nomine, decore vultu in scænam prodeunt. Sed hi, qui has partes agunt, ut cum *Persio* loquar.

Pelliculam veterem retinent, & fronte politi.

Astutam rapido gerunt sub pectore vulpem.

Hucusque evasit nostrorum malignitas, atque avara calliditas. En philosophos omni sorde, omni præjudicio liberos. Satisne intellexistis Amici.

ANÆTIUS.

Satis superque, nec piguit. Hinc carior locus iste, securiusque vivendi hoc genus deinceps mihi erit.

AUTONOMUS.

Et quidem *Anatie*; dum in hæc tota mente feror, non possum non exclamare! O consultissimam Atheniensium Rempubicam artium, scientiarumque omnium altricem, quæ medicinæ studia dumtaxat non passa es in honore haberi! O felicissimos Romanæ Urbis populos, sex sæculorum spatio vitæ securitatem adeptos, quibus vacuum Rempubicam tali hominum peste licuit intueri, tantaque dulcedine frui! O fortunatos agricolas, qui natura docente, rebus vestris omnium optimè prospicitis, lacte potius, ferventique musto, *Medicorum* nomine penitus incognito, melius medimini! Et tu, *Anatie* omnium beatissime: cui procul à tali gente videndum est, pace tua frui longaque animi tranquillitate benè utere, quandoquidem inter has sedes non malignitas, non contentio, sed bona mens, securaque quies rullicatur; hasque umbras potius amat, quam magnificas, extructasque urbes, ubi timor, odium, fraus, rapinæ longè lateque grassantur; eruntque donec homines. Sed quoniam dies jam inclinat ad vespèram, satis dictum puto; quare bonum erit, & nocti parere.

INDEX CAPITUM

DE TUMORIBUS.

CAP. I. Quid, & Quotuplex sit Tumor.	pag. 1	XXXVIII. De Ranula.	ibid.
II. De Phlegmone, sive Inflammatione.	2	XXXIX. De Linguae tumore.	59
III. De Abscessu.	4	XL. De Tonsillarum tumore, & Inflammatione.	60
IV. De Sinu.	5	XLI. De Columellae laxitate, & Inflammatione.	61
V. De Fistula.	6	XLII. De Aurium Inflammatione.	62
VI. De Abscessibus frigidis.	8	XLIII. De Parotide.	64
VII. De Atheromate, Steatomate, & Meliceride.		XLIV. De Strumis.	67
ibidem.		XLV. De Bocio.	70
VIII. De Anthrace, seu carbunculo.	10	XLVI. De Mammarum Inflammatione.	71
IX. De Cancro.	13	XLVII. De Lactis coagulatione.	73
X. De Gangraena, & Sphacelo.	16	XLVIII. De Enteromphalo, & Epiplomphalo.	74
XI. De Erysipelate.	21	XLIX. De Hydromphalo.	ibid.
XII. De Herpete.	24	L. De Pneumatomphalo.	75
XIII. De Scirrho.	26	LI. De Sarcomphalo.	ibid.
XIV. De Ecchymosi.	28	LII. De Bubone simplici.	76
XV. De Aneurismate.	29	LIII. De Bubone Pestilenti.	77
XVI. De Varicibus.	31	LIV. De Phymate.	80
XVII. De Oedemate.	32	LV. De Phygethlo.	ibid.
XVIII. De Furunculo.	35	LVI. De Enterocoele, & Epiplocoele.	81
XIX. De Epinyctide.	ibid.	LVII. De Hydrocele.	83
XX. De efferis.	37	LVIII. De Sarcocoele.	85
XXI. De Scabie.	ibid.	LIX. De Pneumatocoele.	ibid.
XXII. De Lepra.	40	LX. De Cirfocele.	86
XXIII. De Elephantiasi.	41	LXI. De Scroti, & Testium Inflammatione.	87
XXIV. De Impetigine, & Lichene.	43	LXII. De Priapismo, & Satyriasi.	88
XXV. De Phlyctenis.	44	LXIII. De Ani Inflammatione, Abscessu, & fistula.	90
XXVI. De Sudaminibus.	45	LXIV. De Ani Procidentia.	92
XXVII. De Ganglio, Exostose, & Lupia.	46	LXV. De Ani Condylomatibus, Thymis, ficibus, Criflis &c.	93
XXVIII. De Verrucis.	47	LXVI. De Uteri Procidentia.	95
XXIX. De Hydrocephalo.	48	LXVII. De Paronychia.	97
XXX. De Testudine, & Talpa.	51	LXVIII. De Unguium Pterigio.	99
XXXI. De Hordeolo.	52	LXIX. De Pernionibus.	100
XXXII. De Aegilope, & Fistula lacrymali.	ibid.	LXX. De Roseolis.	101
XXXIII. De Narium Sarcomate, & Polypo.	54	LXXI. De Myrmecia.	ibid.
XXXIV. De Gutta Rosacea.	56	LXXII. De Spina Ventosa.	102
XXXV. De Pustulis, & Morphæa.	ibid.	LXXIII. De Clavo, & Callo.	104
XXXVI. De Varis.	57		
XXXVII. De Epulide, & Parulide.	58		

INDEX CAPITUM

DE ULCERIBUS.

CAP. I. Quid sit Ulcus, & quod ejus subjectum	106	XXIII. De Ulcere cancroso, Lupo, & noli me tangere.	ibid.
II. De Ulcerum differentiis.	ibid.	XXIV. De Ulcere dyssepuloto, cacoethe, Thelephio &c.	140
III. De Accidentibus, quæ ulceribus superveniunt, vel ea comitantur.	107	XXV. De Tinea.	142
IV. De Ulcerum speciebus.	ibid.	XXVI. De Aurium dolore.	144
V. De Ulcerum causis occasionalibus in genere.	ibid.	XXVII. De Aurium ulcere.	145
VI. De ulcerum signis.	108	XXVIII. De Exeuntibus p. n. ab Aurium cavitatibus.	146
VII. De Ulcerum causis.	ibid.	XXIX. De Aurium sonitu.	147
VIII. De Ulcerum prognosi.	110	XXX. De Gravi auditu, & Surditate.	149
IX. De Sex rerum non-naturalium in ulceratis regime.	111	XXXI. De Narium ulcere, & Oxæna.	152
X. De Ulcere simplici.	117	XXXII. De Coryza.	153
XI. De Ulcere cum intemperie.	118	XXXIII. De Narium hæmorrhagia.	154
XII. De Ulcere cum humorum affluxu.	121	XXXIV. De Aphthis, & oris ulceribus.	158
XIII. De Ulcere cum inflammatione.	122	XXXV. De Gingivarum exulceratione, & erosione.	160
XIV. De Ulcere cum Erysipelate.	124	XXXVI. De Dentium dolore.	161
XV. De Ulcere œdematofo.	126	XXXVII. De Dentium stupore.	164
XVI. De Ulcere fordido, & putrido.	128	XXXVIII. De fædo Dentium colore, & sorditie.	165
XVII. De Ulcere Verminoso.	129	XXXIX. De Dentium mobilitate, & casu.	166
XVIII. De Ulcere cum labiis callofis.	132	XL. De Difficili infantium Dentitione.	167
XIX. De ulcere sinuoso.	ibid.	XLI. De Tonsillarum, & Uvulæ ulceribus.	168
XX. De Ulcere fistuloso.	134	XLII. De Balbutie, & his, qui difficulter loquuntur.	170
XXI. De Ulcere, cum ossis carie.	136	XLIII. De Asperæ arteriæ, & œsophagi ulceribus.	171
XXII. De ulcere cum carnis excresecientia.	137	XLIV.	

XLIV. De Labiorum Rhagadibus, & ulceribus.	172
XLV. De Mammillarum, & Papillarum ulceribus	174
XLVI. De Morbo pilari.	175
XLVII. De Papillarum fissuris.	176
XLVIII. De Cervicis uteri ulceribus, & Rhagadibus.	177

XLIX. De Uteri ulceribus.	179
L. De Penis ulceribus.	181
LI. De Veneris Sensu.	183
LI. De Excoriatione, & ulcere Scroti.	186
LIII. De Perinæi ulcere.	187
LIV. De Tibiarum, & pedum ulcere.	188

INDEX CAPITUM

DE VULNERIBUS.

CAP. I. Quid sit Vulus.	189
II. De Vulerum. causis, & differentiis.	190
III. De Vulerum. signis, & Prognosi in genere.	ibid.
IV. De Sex rebus non naturalibus in vulneratis.	191
V. De Veterum praxi in vulerum curatione.	192
VI. De Vulerum curatione juxta vulgarium methodum.	ibid.
VII. De Snendorum, & ligandorum Vulerum ratione.	193
VIII. De nostra curandorum vulerum methodo.	194
IX. De Portionibus Vulerariis.	196
X. De Unguentis vulerariis.	197
XI. De Oleis, & Balsamis vulerariis.	198
XII. De Medicamentis vulerum mundificantibus.	199
XIII. De Emplastris vulerariis.	ibid.
XIV. De Pulveribus vulerum agglutinantibus.	200
XV. De Delectu, & mutatione medicamentorum in vuleris curatione.	ibid.
XVI. De Extraneis è vuleribus extrahendis.	201
XVII. De Sistendo vuleratorum sanguine.	ibid.
XVIII. De Vuleratorum phlebotomia, & cathartico.	202
XIX. De Sinoviarum fluxu, & congestione.	203
XX. De Vulerum dolore, & fornicatione.	204
XXI. De Vulerum inflammatione, & erysipellate.	ibidem.
XXII. De Vuleratorum febre.	205
XXIII. De Phrenitide vuleraria.	206
XXIV. De Vuleratorum convulsione.	207
XXV. De Vulerum sanguinis Fluxu.	208
XXVI. De iis, quæ ad primum vuleris intuitum Chirurgus animadvertere debet.	ibid.
XXVII. De Vuleribus, quæ venenatis telis inferuntur.	209
XXVIII. De Sclopetorum vuleribus.	ibid.
XXIX. De Vuleribus ex venenato morfu inflicis.	214
XXX. De Vulnere ex morfu canis rabidi.	221
XXXI. De Anatomica capitis historia.	226
De Capitis vuleribus.	230
XXXII. De Capitis contusione.	ibid.
XXXIII. De Pericranii vuleribus.	232
XXXIV. De Cranii fractura cum meningum, & cerebri vulnere.	235
XXXV. De Cerebri fungis.	249
XXXVI. De Faciei anatome.	250
XXXVII. De Faciei vuleribus.	ibid.
XXXVIII. De Oculorum anatome.	253
XXXIX. De Visione.	255
XL. De Oculorum vuleribus.	257
XLI. De Aurium anatome.	259
XLII. De auditu.	261
XLIII. De Aurium vuleribus.	262
XLIV. De Nasi anatome.	263
XLV. De Olfactu.	264
XLVI. De Nasi vuleribus.	266
XLVII. De Oris Anatome.	267
De Labiis.	ibid.
De Buccarum, Labiorum, & Maxillæ inferioris musculis.	ibid.
De Maxillis, & Dentibus.	268
De Gingivis.	ibid.

De Palato.	ibid.
De Uvula.	ibid.
De Faucibus.	ibid.
De Osse hyoide.	269
De Lingua.	ibid.
XLVIII. De Gustu.	270
XLIX. De Colli anatome.	272
L. De Colli vuleribus.	273
LI. De Asperæ Arteriæ, & Laryngis anatome.	ibid.
LII. De Asperæ Arteriæ vuleribus.	276
LIII. De Oesophagi anatome.	277
LIV. De Oesophagi vuleribus.	ibid.
LV. De Anatomica thoracis, ejusque partium historia.	278
De Thoracis musculis.	ibid.
De Scapulæ musculis.	279
De Dorsi, & lumborum musculis.	ibid.
De Musculis intercostalibus.	ibid.
De Thoracis ossibus.	ibid.
De Claviculis.	ibid.
De Scapulis.	ibid.
De Vertebriis, & costis.	280
De Sterno & cartilagine mucronata.	ibid.
De Diaphragmate.	ibid.
De Pleura, mediastino, & thymo.	281
De Pericardio, & humore in eo contento.	ib.
De Corde.	282
De Cordis partibus.	283
De Pulmone.	284
LVI. De Thoracis vuleribus.	285
LVII. De Anatomica imi ventris historia.	289
De Cuticula.	290
De Cute.	ibid.
De Pinguetudine.	291
De Membranis in genere, de membrana carnosâ, & membrana musculorum propria.	ibid.
De Musculis.	292
De Peritonæo.	293
De Omento.	ibid.
LVIII. De Ventriculi anatome.	ibid.
LIX. De Ventriculi vuleribus.	295
LX. De Intestinis.	296
De Mesenterio.	298
De Pancreate.	ibid.
LXI. De Abdominis & intestinorum vuleribus.	299
LXII. De Hepatis anatome.	301
De Folliculo fellis, & canali bilario.	302
LXIII. De Hepatis vuleribus.	304
LXIV. De Lienis anatome.	305
LXV. De lienis Vuleribus.	308
LXVI. De Renum, & Vesicæ anatome.	309
De Glandulis renalibus.	310
De Uteribus.	ibid.
De Vesica urinaria.	311
LXVII. De Renum, & Vesicæ vuleribus.	ibid.
LXVIII. De Anatomica manus historia.	312
De Musculis brachii, seu humeri.	313
De Musculis cubiti.	314
De Musculis radii.	ibid.
De Musculis Carpi, & volæ Manus.	ibid.
De Musculis digitorum, & Pollicis.	315
De Ossibus totius manus.	ibid.
De Arteriis totius manus.	316
De	

Index Caputum.

XV

De Venis brachiorum, & manuum.	ibid.	De Offibus Sesamoideis.	320
LXIX. De Tactus sensu.	ibid.	De Cruralibus, & Pedis venis.	ibid.
LXX. De Anatomica pedis historia.	317	De Arteriis cruralibus.	321
De Musculis femoris.	ibid.	LXXI. De Artuum vulneribus.	ibid.
De Musculis tibiæ.	ibid.	LXXII. De Nervorum vulneribus.	322
De Musculis pedis.	318	LXXIII. De Pertinacia vulnerum in sanatione.	324
De Musculis digitorum.	ibid.	LXXIV. De Membrorum vulnerum Contabescen-	325
De Offibus femoris, & cruris.	319	tia.	
De Pedis extremi offibus.	ibid.		

INDEX CAPITUM

DE LUE VENEREA.

LIBER PRIMUS.

CAP. I. Quid per Luem Veneream intelligant Medici.	329
II. De Luis Venereæ nominibus.	330
III. De Tempore, quo hæc Lues in humanam irre-	ibid.
psit carnem	
IV. An Veteres Medici ante annum 1494. de hac	
Lue aliquid tradiderint, vel eam cognoverint?	336
V. Ratio diffusionis Luis Venereæ per Europæ, A-	339
fricæ, & Asiæ Provincias.	
VI. De Venereæ Luis duratione prolatum à Scripto-	ibid.
ribus iudicium.	

LIBER SECUNDUS.

CAP. I. Opinionum de Luis Venereæ essentia examen.	341
II. De Essentia morbi in genere.	342
III. De Luis Venereæ essentia.	343
IV. De Luis Venereæ sede.	347
V. De Luis Venereæ signis.	349
VI. De Luis Venereæ præsignis.	350

LIBER TERTIUS.

De Curatione specierum Luis Venereæ.

CAP. I. Vulgarium præsidia in examen adducuntur.	351
De Phlebotomia.	352
De Purgatione.	ibid.
De Ligno Guajaco.	354
De Salsa parilla.	356
De Chinæ radice.	357

II. De Gonorrhœa.	359
III. De Testium tumore.	365
IV. De Caruncula penis.	366
V. De Bubone Venereo.	368
VI. De Bubone Spurio.	372
VII. De Pustulis.	374
VIII. De Cariebus.	375
IX. De Ulceribus in præputio.	376
X. De Vesica crystalina.	378
XI. De Ulceribus quæ per universam cutem erumpere solent.	ibid.
XII. De Ulcere narium.	379
XIII. De Oris ulceribus.	381
XIV. De Tonsillarum ulceribus.	382
XV. De Columellæ exulceratione.	383
XVI. De Alopecia.	384
XVII. De Rhagadibus.	385
XVIII. De Moris, cristis, verrucis &c.	386
XIX. De Doloribus Venereis.	388
XX. De Gummaribus.	397
XXI. De Ossium corrosione.	398

LIBER QUARTUS.

De Tabæ ex Venereo fermento producta.

CAP. I. De Nominibus, quæ Synonima cum Tabæ existimantur.	401
II. De Habituali viventium corporum Affectione in genere.	ibid.
III. De Habitualis Affectionis differentiis.	403
IV. De Indicatione curativa Tabis in genere.	404
V. De Præservatione à Lue Venerea.	407
Præfatio quam Hermannus Boerhaave præposuit Aphrodisiacis.	409

INDEX CAPITUM

DE LUXATIONIBUS.

CAP. I. De Luxationibus in genere & de iis, quæ ad rectam earum curationem cognosci debent.	417	quarum ope os humeri laxatum reduci potest.	424
II. De Luxatione Capitis.	420	IX. De Luxatione Cubiti ab Humero.	425
III. De Luxatione Maxillæ inferioris.	ibid.	X. De Luxatione Radii, quæ ab antiquis Diastasis sive Ossis remotio vocatur.	ibid.
IV. De Luxatione Vertebrarum.	421	XI. De Luxatione Carpi.	426
V. De Luxatione Coccygis.	422	XII. De Luxatione Femoris.	427
VI. De Luxatione Claviculæ.	ibid.	XIII. De Luxatione Rotulæ & Tibiæ.	429
VII. De Luxatione Humeri.	423	XIV. De Luxatione Pedis.	ibid.
VIII. De Curatione Luxationis brachii & de Machinis		XV. De Distortione Pedis & Carpi.	ibid.

INDEX CAPITUM DE FRACTURIS.

CAP. I. D E Fracturis in genere:	430	VI. De Fractura Maxillæ inferioris.	435
II. De Fractura Claviculæ.	433	VII. De Fractura Sterni.	436
III. De Fractura Brachii.	ibid.	VIII. De Fractura Ossis femoris.	ibid.
IV. De Fractura Cubiti.	ibid.	IX. De Fractura Rotulæ.	ibid.
V. De Fractura Costarum.	434	X. De Fractura Tibiæ.	437





D. C A R O L I
M U S I T A N I
PHYSIATROS PROFESSORIS,
TRUTINA CHIRURGICO-PHYSICA.
L I B E R U N I C U S
DE TUMORIBUS PRÆTERNATURAM.

C A P U T P R I M U M .

Quid, Quotuplex sit Tumor p. n.



Ntequam ad tumoris definitionem deveniamus, sciamus expedit, quod tumores omnes in triplici sunt differentia; quidam enim sunt *naturales*, qui observantur in humeris, mammis &c. Alii *non naturales*, quia scilicet ex una parte non sunt extra naturæ leges, & ex altera actiones non lædunt, ut videre est in

mulierum ventre utero getentium, & mammis lacte turgentibus, in obesis &c. Alii demum sunt *præternaturam*, qui omnino actiones lædunt. De primi, & secundi generis tumoribus hic sermo non habetur, quia licet sint excessus figuræ totius, vel ejus partium in longum, latum, & profundum, tamen neque in abscessum abeunt, neque actiones impediunt, neque morbum constituunt; sed de iis, qui præter naturam sunt.

Sciendum est, id quod *Græci*, & *Arabes* apostemata appellavere, Latini tumores appellant, & communis est horum omnium opinio, apostemata sive tumores omnes triplicem includere illam morborum differentiam, ad quam *Galenus* omnes reduxit morbos, scilicet *mala conformationem*, *intemperiem*, & *continui solutionem*, nam extra dubium est, quemlibet tumorem p. n. conformationem alterate in lato, longo, & profundo, undè morbum in mala conformatione esse nemo ambiget.

Deinde quemlibet tumorem suam nutrire intemperiem, secundum humoris in eo conclusi qualitatem, negari non potest ab iis, qui *Galeni* doctrinam sectantur, ex quo sequitur tumores omnes morbos esse in intemperie. Præterea partis fibras, in qua tumor productus est, à seipsis esse divulsas ob contenti humoris interpositionem, nemo erit, qui negabit, quod continui solutionem dicit: Tumor itaque quilibet præter naturam morbus est in intemperie, mala conformatione, & in soluta unitate; undè generalis indicatio tumorum curativa desumitur, scilicet necessarium esse *Medico*, ut tumores p. n. curare possit, intemperiem ad temperiem reducere, continui solutionem ad unionem, nam ab his duobus necessario deinde naturalis partis situs, ac pristina naturalis conformatio emergit.

Musitani Opera Tom. II.

Hac stante doctrina, cum *Avicenna* tumorem definimus: *Tumor p. n. est agritudo composita ex triplici morborum genere, scilicet intemperie, mala conformatione, & continui solutione in unam magnitudinem aggregatorum.*

Horum præterea tumorum generum multæ sunt differentie, quarum prima est, quæ tumores omnes p. n. in auctam magnitudinem dividit, & hæc triplex esse potest, magna, vel parva, vel mediocris; hinc propterea tumor, vel erit magnus, vel parvus, aut mediocris. Tumores magni potissimum apostemata appellantur, latine abscessus; tumores mediocres mediocrem habent naturam; parvi verò parvam obtinent, & isti adhuc subdividuntur; nam quidam sunt mediocriter parvi, & peculiari nomine tubercula i. e. parvi tumores appellantur; alii sunt minimi, & nominantur pustulæ, quæ propriè ad affectus spectant cutaneos, ita ut tuberculum sit parvus tumor, pustula verò exile tuberculum. Tumores, sive magni, sive mediocres fuerint, quia actiones lædunt, semper in morborum genere reponuntur; parvi verò, ut tubercula, & pustulæ, quia actiones non lædunt, in symptomatum genere collocantur.

Interest multum tumorum p. n. magnitudinem, & parvitatem perpendere: nam secundum has differentias, magna, vel parva erit mala partis conformatio, ejus intemperies, & continui solutio, nisi contentæ materiæ qualitas hanc mutet regulam.

Secunda tumorum differentia est, quæ originem ducit ex iis, quæ supra notavimus, scilicet tumores triplicem illam morborum differentiam complecti, in soluta unitate, in intemperie, & in mala conformatione; ex his enim quamvis situm, magnitudinem, & partium figuram quidem alterant, ex qualitate tamen contentæ materiæ intemperiem sensilem non causant, ut sunt melicerides, atheromata &c. ac multoties neque continui solutionem producant, ut sunt tumores appensi, qui in cutis superficie prominent; ac tandem multoties multi tumores adveniunt, qui licet figuræ situm vitient, habeantque intemperiem, saltem à materiæ proprietate, actiones tamen partis non lædunt, ut accidit in verrucis, aliisque similibus.

Tertia tumorum differentia est, quæ ex mollibus, duris, atque inter hæc mediis membris, in quibus tumores produci possunt, dependet; nam apostemata, & tumores non solum in carnosiss, musculosiss, membranosissque partibus accidere possunt, sed etiam in molli cerebri

A

medul-

medulla, & dura ossium consistentia, ut & in robusto cordis parenchymate.

Quarta eorum tumorum distinctio est, qui omnino ab externa causa promoventur, & eorum, qui omnino ab externo naturæ molimine fiunt, & tandem eorum, qui ab externa causa, concitata prius natura, producantur.

Quinta distinctio est eorum, qui natura aliquid mali succi à bonis separante, & aliquo transmittente, fluunt, ab iis, qui ex malo succo in aliqua parte existente, vel producto emergunt.

Sexta tumorum distinctio est inter eos, qui extrà, & ad cutem properant, vel contrà, qui ad viscera, partesque abditas vergunt.

Septima distinctio tumorum est, quæ ex causis desumitur; aut enim ex sanguine, aut bile, aut pituita, vel melancholico humore, ut dicunt, seu aquositate, seu flatuoso demum spiritu apostemata fiunt, aut ex duobus, vel pluribus ex dictis simul mistis, de quibus causarum differentis author est *Magister Galenus*, 13. meth. c. 4. & alibi de tumoribus p. n. cap. 18.

C A P U T II.

De Phlegmone, sive Inflammatione.

Phlegmonem apud Grecos, apud Latinos inflammatio dicitur, unus est ex tumoribus, qui excessus est figuræ partis corporis, præcipuè carnosæ, à sanguine productus. Interdum perperam *Phlogosis* nominatur, quando scilicet immoderatus accidit calor in partibus præcipuè superioribus, & specialiter in facie, sed saltem momentaneus absque tumore. Verum non tantum intelligimus musculorum carnem, quæ propriissima est ea, sed etiam viscerum carnes, quæ parenchymatæ appellantur. Imò sub carnosæ partis nomine comprehendimus glandulosas partes, & etiam membranolas. Eapropter quæcunque carnis substantiam, quæ venas, & arterias habet, quæ sanguinem, inflammationis causam continent, & vehunt, subjecta inflammationis esse statuimus.

Inflammatio apud vulgares vel est simplex, & exquisita, quæ ex puro sanguine originem ducit; vel composita, & spuria, & hæc rursus est quadruplex, vel *erysipelatodes*, vel *œdematodes*, vel *scirrododes*, vel omnium particeps.

Signa.

Inflammationis signa sunt tumor, calor, rubor, & dolor in parte perseverans, & ut plurimum febris. In parte inflammata percipitur pulsus, in qua antea non percipiebatur; non enim in omnibus partibus accidit pulsatio, sed his saltem, quæ arterias habent notatu dignas, ubi inflammatio in notabilem se attollit magnitudinem.

Causæ.

Purant *Galenus* sectatores inflammationis exquisitæ proximam causam purum esse sanguinem, spuriam verò sanguinem non ita purum, sed aliis humoribus refertum; hinc est quoddam quandoque juxta uniuscujusque humoris exuberantiam, varias excitet inflammationes, ut si bilem in prædominio habeat, dicitur *erysipelatodes*, si pituitam, *œdematodes*, si melancholiam, *scirrododes*. Hinc si sanguis copia exhuberet, non tantum vasa magna, sed etiam parva distendit, & quæ antea non conspiciebantur, aperte in conspectum veniunt, & cum contineri non possit, ex vasorum poris in proximas effunditur partes.

Nostri sententia est, quoddam inflammatio fit ex sanguineorum tubulorum obstructione; sanguis enim ob sui motus circularis necessitatem ab arteriis in venas transit, hinc si subsistat, stagnet, vel extra vasa effundatur, suo circulari motu destituitur, & eò facilius, quo in vasa minora, & capillaria impingit, ibi coagulatur, subsistit, obstructionem parit, & à novo sanguine continuo accedente vasorum distensio fit, postquam non amplius distendi possunt, tunc ibi ob denegatum motum hæret, subsistit, stagnat, & coagulatur, vel è suis effunditur vasis propter eorum apertiones, aut anastomosis, vel diæresim, vel diabrosim. Interea spiritus in sanguine latens in vasorum interstitiis, vel inter fibras sit insolens, & hostilis, tunc irritatus (si *Helmontio* assentiri velimus) excandescit, furit dolorem, ruborem, ea-

lorem, & pulsus provocat, ut patet in exemplo de spina querna digito infixa ab eodem allato.

Causæ externæ sunt quæ sanguinem ad partem affectam concitant, & movent, ut partis calor nimius, contusiones, fracturæ, & omnes extrinsecæ læsiones. Vel sunt ille res non-naturales, vulgò dictæ, quæ inflammationem excitare valent. Sic motus nimius, exercitium vehemens, ira effera, nimia Veneris lucta; hæc namque corpora calefaciunt, quæ si extemplo refrigerantur, faciliè inflammationem patiuntur: Dum enim particulæ subtiles, & nostri corporis volatiles, sive æthereæ agitantur, celerius per corpus impelluntur, nos incallescimus, deinde si earum motus feriatur, corpus refrigeratur, ac succi, quos hæc volatiles particulæ incolunt, etiam nimio destituuntur motu, & magis incrassantur, Vel inflammationem pariunt cibi boni, & multi succi, vita otiosa &c. quæ copiosum generant sanguinem.

Prognosis.

Inflammatio aliquando naturæ vi, & aliquando artis auxilio resolvitur, aliquando verò in abscessum, & suppurationem abit, ac in externis partibus ferè semper ad bonum tendit; à multis enim liberat morbis, & hanc ob causam semper salutaris esse solet, nisi sua magnitudine in gangrænam commutetur: Ita in partibus internis ferè semper malum portendit, periculosissima est, & sæpè lethalis. Inflammatio facilius curatur in juvenibus, quam in senibus.

Ante inceptam suppurationem semper curabilis est inflammatio, absque eo, quod in abscessum degeneret, incepta suppuratione, in abscessum abire necesse est; sanguis enim vel grumefactus, vel è vasis effusus in naturæ gratiam redire non potest, vel resolvi, vel dum in pus abiit, neutrum potest.

Curatio.

Pro curatione advertunt primò *Galenici*, an phlegmon fiat per fluxionem, an verò per paulatinam congestionem. Secundò, an sit in principio, augmento, statu, an in declinatione.

In principio ejus curationem per debitam diætam complent, secundò per fluxus prohibitionem, & remotionem multitudinis, & causæ antecedentis à toto.

Diætam non solum in principio, sed etiam in aliis temporibus instituunt, quæ tendat ad frigidam cum aliquali siccitate, undè esse debet tenuis, quantum vires ferre possunt, & potus parvus. A carnibus, & vino omnino abstinentium, quantum fieri poterit, vitentur omnia pinguià, frixa, salsa, lacticia, legumina, & alia mali succi. Conveniunt *prisana hordacea cum seminibus melonum, lactuca, endivia, borago, & cichorium, passula, amigdalæ & panis biscoctus*. Alvus fervetur lubrica, aliàs clysteribus proritetur. Veneris usus prorsus interdicatur, & membrum affectum in quiete detineatur.

Quantum ad secundum pro fluxionis prohibitione, & remotione multitudinis, primò sanguinem mittunt ex parte opposita, revulsionis gratia, si nullum adsit impedimentum, & deinde ob derivationem ex parte vicina, præcedentibus frictionibus, cucurbitulis &c. Si inflammatio sit simplex, & exquisita, bis, & etiam ter, si opus fuerit, sanguinem eliciunt, & quidem liberalius, quando sanguis sola quantitate peccat. Si verò sit composita, aut pro magnitudine aliquod afferat periculum, corpus purgant, habito ad humores respectu, qui simul cum sanguine peccant, qui si sint biliosi, hos prius præparant cum *Syr. de infus. ros. de cichor. & endivia*, deinde purgant aliquo lenitivo medicamento, ut *Manna, Cassia, vel conservarum expressione*. Si fuerint pituitosi, vel melancholici, prius præparant *Syr. de borag. lupul. fumar. simpl.* cum aquis consimilibus, & postea purgant cum decoctione *fol. sen. & agarici, cum Syr. Sueff. ros. solut. diacatholic. conf. Hamech*, vel in forma boli cum *cassia*, & dictis confectionibus. Purgato corpore, conveniunt hiru-dines sedis venis, & maximè si evacuatio hæc fuerit consueta, & aliquo modo suppressa.

Propter fluxionis inhibitionem curatio apud vulgares existimatur, inflammatae partis refrigeratio, ac propterea refrigerantibus, ut ajunt, utuntur, *oleo rosaceo, butyra recens*.

recenti, lacte & foliis herbarum frigidarum, sed Galenici Galenum non legunt, haud in parvo versantur errore, & plerumque lenes inflammationes in magnos, lethalesque morbos degenerare faciunt; sunt enim accuratissimi Galeni verba cap. 2. hoc titulo: *Supra autem nobis est dictum, refrigeratis inflammationibus, non evenire, ut semper subsideant, quia vi ingentis, & magnæ inflammationis, in qua compactus defluxus sit, licet eam copiosius refrigeres, tumorem non tolles, sed lividam, frigidamque partem reddes, & affectum in scirrhum commutabis: impactus igitur cum tenaciter sit, nullum auxilium ab adstringentibus, & refrigerantibus admittit, sed evacuationem postulat.* Fuere autem Medici eo tempore, qui non modo, calefacientibus ad discutendum, sed etiam scarificationibus curi adaptatis, ad aliquam sanguinis portionem evacuandam utebantur.

Nostri indicatio inflammationis curativa est, ut primò spiritus agitatio, & furor sedetur, deinde obstructio referetur, & tandem ut sanguis concretus resolvatur, ac tunc curatio erit integra.

Notandum verò, quod sedata spiritus agitatione, facilliter, & sanguis resolvitur, & obstructiones aperiuntur: at si postrema duo tentaveris, furioso existente spiritu incassum laborabis, imò in pejus inflammationem convertertes.

Spiritum itaque irritatum ita sedabis.

℞. Vitrioli com. ℥. j. Aquæ ros. ℔. ℥. Fiat in hac vitrioli solutio, & madefactis in hac solutione vitriolata tepida linteis, inflammationem fove, nam 4. horarum spatium spiritus quiescet, & dolor cessabit, dummodò puris generatio incepta non sit; est in vitriolo vis magna anodyna, ob anodynum sulphur, spiritum sedans, non autem refrigerans materiam coagulatam, ut vulgares falso credunt Medici. Sedato dolore, si rubor, & tumor adhuc supersint, infra triginta sex horarum spatium curationem complebis fodicationum emplastro, cujus mira efficacia spiritus sedatur, sanguis resolvitur, & obstructiones aperiuntur.

Fit inflammatio ex vasorum obstructione, & hæc ab alkalio acido saturatis, quæ non tantum sanguinem grumesciunt, & reliquos succos in sua circulatione retardant, sed etiam partem volatilem in suo cursu sistunt. Inflammationis igitur curatio ea expostulat medicamenta, quæ acida, & austera absorbent, sanguinem, reliquosque succos volatilibus imbuunt particulis, & obstructa referant vasa. Hujusmodi sunt interna, vel externa.

Interna absorbentia sunt, quæ saleni habent volatilem, ut *Mumia, sperma Ceti C. C. & ebur sine igne parata, antimonium diaphoreticum, os de corde Cervi, sanguis hirci ad pleuritidem paratus, Crystall. mont. &c.* Hæc enim præter volatilitatem, quam habent, alkalia sunt; in quorum poris acidæ particule incuneantur, earumque cuspides infringuntur, vel saltem obtunduntur, & stagnans sanguis & succus fluidior, & mobiliior redditur, tubuli laxantur, & obstructio referatur. Profunt quoque diaphoretica, ut *Bezoarticum minerale, Joviale, martiale, lapis bezoarticus, aqua theriacalis &c.* His enim materiam obstruens, vel effusa inciditur, subtiliatur, & vel sensibiliter, vel insensibiliter exturbatur. Eandem habent vim salia volatilia, ut *C. C. succini, scordii, ruta, absynthii, cardui sancti, bardana &c.* Hæc namque æthereas continent particulas, quæ à quovis calore agitantur, & obstruentes particulas ad motum excitant, & à vulgaribus calida creduntur.

Si dolor urgeat, anodyna maximè conveniunt, ut *Laudanum opiatum, Nepenthes, diascordium, pilula de cynogloss. &c.* quæ sudorificis commodè commisceri possunt; hæc namque præterquam quod spiritum pacant suo sulphure anodyno, vi quadam diaphoretica, qua pollent, & sudorifica, morbificas expellunt causas, & acutos acidorum salium aculeos emendant.

Externè applicari possunt ea omnia medicamenta, quæ tubulos obstructos laxant, concretum in vasis sanguinem, vel in aliquam cavitatem propinquam effusum dissolvunt, fluidiorem reddunt, ac ad diaphoresim promovent. His dotibus emplastrum de *Spermate Ceti* potitur: Vel inflammata pars spiritu *Vini rectificato, in quo insusa fuerit recens radice bryonia rasura, tepidè foveatur, vel spiritu Vini Camphorato, vel Crocato.* Vel fiat fons ex herbis aromaticis, ut *scordio, ruta, absynthio, erysimo, cheresolio, floribus chamomilla, sambuci, meliloti, foliis lauri, in aqua florum sambuci coctis, post coctionem vigora spiritum vini alkoholizato, & tepide applica, & reitera.* Vel appli-

Musitani Opera Tom. II.

centur *lindeola sanguine leporis imbuta, in cujus defectu cuculorum sanguis substitui potest.*

Purgans medicamentum omninò inutile judicamus in inflammationibus, imò eas in pejus mutare solet, nam humores vehementius commover, & ad partem irruunt affectam; verum non improbandum censemus, si cachochymia i. e. pravorum humorum colluvies in corpore luxuriat, dubium non est, quin purgans conveniat medicamentum, sed non inflammationis, sed cachochymiae ratione.

Sanguinis missio, si inflammatio sine febre sit, neque juvabit, neque nocebit, si cum febre periculosissima est, estò *Gal. 1. aph. 23. blateret: In ardentibus febribus, in maximis inflammationibus, & vehementissimis doloribus, usque ad animi deliquium sanguinem detrahendum esse.* In hac sanguinis missione omnem salutis spem collocant vulgares, putantque optimum, & compendiarium in hoc morbo esse remedium, ut posthabitis contra indicantibus, eam celebrent. Verum innocentem detrahunt sanguinem, ne ad partem affectam fluat, ac si ibi se effunderet, & concreceret. Respiciunt ad posterius, id quod futurum erit, ex falsa eorum imaginatione præcavere student, & noxium in radice non attingunt. Inflammatio vel resolvitur, vel suppuratur, detrahendo sanguinem, à quo omnis est calor, refrigerant, coagulant obstruuntque, & resolutio, vel suppuratio impeditur, vel in longum protrahitur tempus.

Quatuor de causis vulgares sanguinem fundunt.

Prima quoties quantitate, seu copia peccat, & plethora vocatur.

Secunda, revulsionis, aut derivationis gratia; revulsionem maximè celebrant quàm longissimè à parte defluxionibus tentata, & derivationem per loca ipsi viciniore. Hinc est, quod revulsio debetur tantum circa principia, derivatio verò, principio transacto, & revulsione jam facta.

Tertia in morbis vehementibus, & potissimum, qui inflammationem habent conjunctam, ut in angina, pleuritide &c. & similiter in morbis acutis.

Quarta in febribus refrigerationis gratia, & hinc Galenus, *Saluberrimum, scripsit, esse in omnibus febribus sanguinem mittere.* His igitur de causis vulgares sanguinem effundendum volunt. Cæterum respondemus.

Ad primam, si copia, seu quantitate peccat sanguis, libenter phlebotomiam concedimus, præcipue ubi necessitas urget, malum inducias non permittit, & ex magno sanguinis affluxu periculum impendet; quotiescumque verò sanguinem minuere expedit nec interea à præcipiti urgentia cogimur, possumus multo tutius, atque commodius per dietam absolvere: nam diæta est assidua phlebotomia.

Ad secundam, revulsio, & derivatio penitus evertitur ab *Harvejano sanguinis motu*, nam sanguis cum in orbem à venacava in cor, è corde in arterias, ex arteriis in venas, à quibus iterum in cor, & arterias deferatur, manifestum est quancumque sanguinis missionem non ad peculiarem quandam partem, sed ad universum corpus pertinere.

Ad tertiam, sanguinem mittendum repudiamus, nisi plethora adsit (sed hæc rarissimè observatur) ex qua suffocationis evidens imminet periculum, & tunc ultro sanguinem mittendum fatemur. In pleuritide, peripneumonia &c. hoc remedii genus tanquam maledictum in nostra *Trinitate Medica* improbavimus.

Ad quartam, ut indiscriminatim in omnibus morbis sanguificinam exercent vulgares, refrigerationem, & ventilationem commenti sunt, cum unam, vel saltem duas sanguinis uncias evacuandas jubent; sic enim sanguis respirabit! Sed quænam ventilatio, sanguine è venis prodeunte, contingere potest? Cum nihil aeris in venas ingredi possit? Quis unquam agnovit sanguinem respiratione, & ventilatione indigere? Profectò enim natura sanguinem in venis, & arteriis conclusit, ubi nullus patet aeris aditus. Verum fortasse minus damanda erit ejusmodi phlebotomia, quæ paucissimum evacuat sanguinem, cum minimum noxæ, aut periculi inferre possit.

Scarificatio in aliquorum sententia non erit inutilis, si fodicationum emplastro statim scarificationis dolor sedetur. Verum, per hæc vulnera sanguinem inflammationem proximè efficientem educere imaginantur, sed perperam, nam sanguis extra venas effusus per hanc laniam non educitur, imò majorem sanguinis affluxum concitare potest.

CAPUT III.

De Abscessu.

Phlegmonem, sive inflammationem à natura, vel à Medico non resolutam ante puris generationem, sequitur necessariò abscessus. Verùm hoc vocabulum satis generale est, nam omnem denotat tumorem, sive apostema, cujus causa in aliqua corporis parte ab humore p. n. collecto parata asservatur: Specialius tamen hic pro abscessu tumorem intelligimus, in quo pus, vel aliud extraordinarium latet, & cum sanie permixtum. Dicitur abscessus ab abscedentibus fibrillis, laceratisque vasibus.

Signa.

Quando inflammatio in abscessum degenerat, & hoc partis opus natura molitur, dolor augetur, febris ut plurimum accenditur, ut inquit *Hip. aph. 47. Sect. 2. Dum pus fit, dolores, ac febres fiunt magis quam confecto*: Tumor autem versus cutem fit extuberantior, cutis fit tenuissima, & tactui cedens cum immediata elevatione, hic abscessus dicitur.

Causa.

Apud vulgares abscessus causa in genere est substantia solida, vel unus, vel alter ex quatuor humoribus, aut omnes simul concreti, ob quos, partes quæ antea erant unitæ, ab invicem abscedunt, distenduntur, & rodendo majus occupant spatium. Puris materiam sanguineam constituent, & causam efficientem, calorem præternaturalem, undè pus frequentius inflammationem sequitur, quam alios tumores, quia sanguis non tantum humidus est, sed etiam calidus, & facile calori adventitio conjungitur, quæ hæc duo ad sanguinem in pus concoquendum maxime sunt necessaria.

Nostra sententia est, quod sanguis motu circulari sensim destitutus, & in capillaribus vasculis concretus, vel in aliquam intercapedinem effusus, ejus spiritus indefinenter avolat, & partes sulphureæ allisione attrahuntur, earumque subtiliores evaporant, & viscidus sanguis coagulatus, & effusus volatilitate destituitur, & obstruptione parcius illi commiscetur pabulum nitrosum, & particula ætheræ à quibus ejus vita conservatur: Tunc temporis salinæ particulae resurgunt, quæ à crasso viscidoque sulphure exaltato irretiebantur, & fermentalis caloris ope compagem destruunt, & in pus commutantur, quod summa gaudet corrosione ob salis exaltati aculeos à sulphure exaltato acutos. Putridum illud liquamen partis fibras, & tubulos, in quibus cespitat, & fluctuat, spiculis suis exedit, corrodit, & cavitatem sibi fruit, quam mora adauget, ampliat, & abscessum producit. Rupto abscessu, sæculentus, & fætidus liquor effluit, & ingrato ut plurimum odore nares afficit, ob putrefactum sulphur; est etiam intense corrosivus, ob salinas particulas summe exaltatas, aut gustu quisquam comprehendere potest.

Prognosis.

Quoties abscessus versus cutem externam emergit, salubris est; educta enim materia, facile curatur, quoties in thoracem properat, vel in visceribus fit, lethalis est: Abscessus apertio quo diutius protrahitur, eò pejor est; succedunt enim febres habituales, sinus, ossium subjectorum caries, imò & gangrenæ. Pus album, æquale, læve, & minime fætidum certò salutem pollicetur. Si acorem nimium contraxerit, sanguinem conspurcabit, febres producet, corrodet, atque exedet fluidorum canaliculos; Pus aquosum, & tenue minus, aut viscidum, & fætidum, malum; significat enim contumaces obstructions, præcipitationes, & putredines.

Curatio.

Vulgares chirurgi, irritis discutientibus, omni industria student, ut citius ad suppurationem abscessus disponatur; pro quare in usu est inunctio ex quatuor oleis, scilicet, amygdalino, chamomelino, & utriusque lilii cum lana suc-

cida superpositione, addunt quandoque butyrum recens pluries locum. Imposterum superponunt gallinæ adipem, & suillæ axungiam & partem affectam, ea illiniunt ter aut quater in die, & ut citius maturatio perficiatur, ac cutis extenuetur, commendant cataplasmatibus usum hoc modo:

℞. Fol. malvar. Violar. Alibæ, & Scabiosa ana m. j. Radic. utriusque lilii ana ℥. j. Caric. ping. nu. x. Passul. enucleat. ℥. ij. Bulliant, & contendantur addendo Butyr. recens loti, & Axung. suillæ putridæ ana ℥. ix. Ol. Camomil. & Amygdal. d. ana ℥. ss. Fermenti ℥. ij. Croci filæ x. Stercoris columbini ℥. j. M. f. cataplasma.

Hujusmodi cataplasma sæpè mutant, ne exsiccentur, & exsiccatum maturationem impediat.

Confecto jam pure, ad sectionem deveniunt, tunc cum perfecta apparet inundatio, & est commune authorum consilium, ne expectetur, quod à natura disruptio fiat ob triplicem causam; Prima, non semper tumores in parte decliviori disrupti, sæpè hoc facit in parte superiori, per quam non bene tumor expurgari potest; secunda, foramen à natura fit angustum, adeò ut non sufficiat ad partes puris crassiores expurgandas; tertia, cutis illa adeò à natura extenuatur laceræ vestis instar, ut difficulter agglutinari possit.

Ut hæc incommoda vitentur, aperiunt caustico ex calce, & sapone nigro confecto, postmodum ad escharæ calum mantecam cum endivie foliis applicant.

Vel ferro tumorem incidunt, & incisionis quantitas desumitur à tumoris magnitudine, tum à natura partis laborantis; à tumoris magnitudine, in majoribus tumoribus sectio facienda est, majorque, quemadmodum in minoribus minor; à natura partis laborantis, nam in facie, præsertim in mulieribus, quoad fieri poterit, minima fieri debet. Eadem ratione in tumoribus axillarum, & inguinum sectio facienda est per transversum, quemadmodum in fronte sectio semper facienda secundum partis longitudinem, nam si fieret per transversum, statim concideret supercilium.

Sed pro completa sectionis noticia multa observanda veniunt.

Primo, ut sectio fiat in loco, in quo pus continetur. Secundo, in loco altiori, molliori, & decliviori.

Tertio, facienda est secundum processum musculorum, ne scilicet musculi, & potissimum eorum, & tendines secentur, ac lædantur.

Quarto, ut vitentur magni nervi, venæ & arteriæ, nec ex eorum læsione accedant convulsiones, & hæmorrhagiæ.

Quinto, ut tumore jam aperto, universum pus una vice non extrahatur, potissimum in magnis abscessibus, quod monet *Hip. sect. 6. aph. 27. Quicumque suppurati, aut aquam intercutem patientes uruntur, vel secantur; si pus, aut aqua universim effluerit, omnes moriuntur.*

Sexto, ut locus patiens, quoad fieri poterit, blandè, & suaviter, seu minori tractetur dolore.

Sectione jam facta in usu est apud nostros chirurgos illico stuppam imponere ovi albumine conqussato imbutam. Utuntur ovi albumine ob vim, quam habet emplasticam sanguinis fluxum sistendi: hujusmodi stuppata spatio 24. horarum detineri solet, ac sublata ad dirigendum malè feriatum chirurgi digestivo utuntur. Ad quid digerendum, ubi quidquid digerendum erat, natura, digessit? Protrahunt isti curationem, ut ægrorum crumenas digerant, Parant digestivum ex terebinthina Veneta, ovi vitello in equali portione, additis guttulis olei rosacei, & ex eo tum rutundas, tum custodias inungunt, & partes circumstantes eodem oleo rosaceo liniunt, ut quantum erit possibile, inflammationem, & humorum fluxum, & impetum reprimant, & ad eundem usum utuntur foliis lactucae, vel endivie in tumoribus adaptatis, anni temporibus calidis; frigidis verò, foliis brassicæ, vel betæ ad juvandam digestionem. Utuntur digestivo bis in die usque ad perfectam, vel saltem bonam puris digestionem & diminutionem duritiæ circa ulceris labra. Post digestivum utuntur Unguento aureo simplici, si ulcus sordidum non fuerit; si verò sordidum, utuntur mundificante aliquo, ut Unguento Apostolorum vel Aegyptiaco, & tandem Unguento de tutia ad consolidandum.

Si abscessus fuerit magnus, & magna puris copia ex eo fluat post apertionem, corpus purgant, & si opus fuerit, etiam ad decocta deveniunt.

Si inflammatio neque solventibus, diaphoreticis, vel alkalicis, resolvi potuit, vel quia non statim accersitus fuit chi-

chirurgus, vel quia medicamenta applicata tantæ non fuerunt energiæ; vel quia inflammatio in abscessum properat, tunc factam, vel inceptam suppurationem promovere debemus illis medicamentis, quæ fermentationem, & calorem suppuratorium in parte promovent, talia sunt *emplastrum de Cumino labdano*. Inter reliqua suppurantia eminet *lac*, in quo coctus fuerit *sapo Januensis*, & decoctum illud parti affectæ cum linteis multiplicatis appositum, non tantum mirè maturat, verum etiam abscessum aperit. Possumus etiam uti variis emollientibus *fol. albh. flor. chamomill. verbasc. melilot. sem. lini, farin. secal. mell. vitell. ovar.* cataplasma calidè imponendo. Vel in principio *empl. filii Jacch. vel de Meliloto* superpositione utimur ad duritiem evincendam, deinde *emplastrum nostrum Benedictum* superponimus ad abscessus suppurationem, & quod notandum, ubi emplastrum non adhæret, inibi fit tumoris apertio, & præcipuè si cuticula separetur, infra duos dies aperitur. Rupto abscessu, exprimitur pus, superponitur emplastrum & ita producendo, infra septem dies curatur. Non credibile est, quantum hoc emplastrum valeat ad maturandos, aperiendos, & curandos cujuscunque generis tumores. Hoc unum dicimus, hoc emplastro æger non indiget chirurgi ope, sed sui ipsius est chirurgus.

Quandoque nos ruptum abscessum filamentis madidis in infusione calida *lapidis medicamentosi* citò, tutò, & jucundè curamus; hæc enim aqua fluxiones inhibet, sanguinem sistit, dolorem sedat, abstergit, carnem pravam crescere non sinit, & breviter ad cicatricem perducit.

Aliquando propter humorum affluxum, vel propter circumjacentium abscessus partium intemperiem excidit in abscessus locum fluor importunus, qui continui solutionem impedit, tunc

℞. *Aloes lucida, Myrrha opt. & Croci ana ʒ. j. aloen; & myrrham in pulverem redige, crocum minutim contunde, simulque misce in vase vitreo cum spiritus Vini ℞. ij. vas occlude, ac per quatuor dies in ventre equino materiam digere, exime tunc vas à ventre equino, per inclinationem separa balsamum rubicundissimum materialibus supernatans. Liqueorem hunc pretiosissimum serva; fluorem enim cujuscunque abscessus, ulceris exsiccat illinctus, durities ulcerum emollit, & perfectam cicatricem inducit, ac à recidiva præservat. Dicitur balsamum proprietatis, vel elixir proprietatis per infusionem.*

Quandoque non expedit à topicis abscessus ruptionem præstolari, nec procrastinandum est ad puris educationem, sed quando constat sufficientem quantitatem in abscessu adesse, eliminandam, & foràs ejiciendam esse judicamus; pus enim mora redditur acrius, & ab ipso partes vicinæ magis, magisque corrumpuntur, & foveam ampliorem excavat. Præterea ubi ex partis affectæ mollitie tactu manifesta, ut & rubedine, ac dolore diminutis puris perfecti præsentia innouit, aut ferro puri exitum paramus, & quidem in loco tumoris maximè molli, & declivi: at quia ægri sæpè ferrum exhorrent, vel chirurgus ex ignorantia, ut convenit, incisionem efficere nescit opportunam, utile erit abscessum nobilibus aperire secticis, quæ dolorem non inducunt, spermaticas non lædunt partes, & novum in parte cohibent fluxum, & hoc unum erit:

℞. *Merc. meteoriz. pulv. ʒ. j. Farina frumenti; vel hordei ʒ. v. simul m. ac super planum lignum cum spatula lignea propria saliva fac massam secundum pineolorum magnitudinem, quos exsiccare permitte, unoque ex eis. utere ad cujuslibet abscessus apertionem. Alterum secticum priori nobilius:*

℞. *Saponis nigri com. ʒ. j. Calc. viv. aq. non expert. pulv. ʒ. ℞. simul m. nam fit massa alba:*

Cujus ℞. q. s. pro abscessu aperiendo, neque deterreat nigredo, quam reperies in carne, nam à medicamento producit. Vel aliud secticum prioribus nobilibus parari potest ex saponariorum lixivio, ex tribus partibus, duabus evaporatis, una remanente. Vel aliud nobilius pro divitibus ex luna nitri spiritu soluta, & in lapidem infernalem redacta.

Advertendum pro secticis, quod semper ea infigenda sunt in medio alicujus expositi emplastri, quod abscessui superponatur, ad hoc ut secticum à loco, cui primò adhæret, amoveri non possit propter emplastri adhæSIONem; nam aliàs hinc illinc vagando, opus non perficeret.

Abscessu inciso, vel secto, laxantibus procureretur oscharæ casus, pus effluat non una vice, sed partitim, ne ægrorum vires prosternantur. Verum si in parva sit quantita-

Musitani Opera Tom. II.

te, omne effluat, sed sinè forti, & diutina pressione, quo evacuatio ulcus ab acido acri liberandum, sive ut vulgares loquuntur chirurgi, mundificandum est, ad quem finem *spiritus Vini camphoratus, aqua Regina, balsamus sulphuris terebinthinatus, vel balsamus proprietatis* cum filamentis adhiberi debet; hæc enim volatilitate sua acidum absorbent, exturbant, & prohibent, ac non solum fibras à carne sana disruptas separant, sed etiam ulcus mundificant. Ulcere mundificato, sarcoticis, & consolidantibus utimur, hujusmodi sunt *empl. diasulph. fodic. opodeldoch.*

In abscessu curando utilis est diæta, inutilia sunt medicamenta purgantia, & sanguinis missio, ac quicquid propinant chirurgi, præter poriones vulnerarias, de quibus latius infra.

C A P U T I V.

De Sinu.

Quotiescumque chirurgorum incuria ad apertum jam abscessum citò ad cicatricem non perducit, vel totius abscessus locum non exactè mundificat, ichor quidam produci solet, qui in circumjacentes abscessus partes se insinuans, sibi vias aperit, quæ cum præcedenti abscessu communicant. Tumorem hunc sinum, vel cuniculum antiqui appellaverunt. Est sinus cavitas in carne, producta à pure in quadam parte diutius stagnante, cujus orificium strictius est, interior verò illius cavitas amplior, & latior existit, & in quo cutis carni subiectæ adjacens non coalescit. Differt sinus à fistula, partim flexuositate, quæ in sinu non occurrit, undè aliis dicitur abscessus ulceratus, in veteratus, & aliis ulcus sinuosum.

Signa.

Sinum adesse cognoscimus, quoties in magnis abscessibus pus diutius stagnat, sive quod tardius apertum, sive negligentius mundatum fuerint, mora longiori corrumpitur, vicinasque partes, ac fibras tendinosas exedit, atque quoties abstergo pure à primo abscessu, si circumjacentes partes exprimantur, novum pus ab expressione erumpit: tunc sinum adesse, vel cuniculum certum est, qui præter apparentem, occultam habet continui solutionem. Præterea si ulcus uniri non potest, & caro sit spongiosa, si ulcus saniem reddat nigram, oleosam, si linteamina, quæ sicca imponuntur, quoties remouentur, graveoleant, hinc sinum adesse denotant. Sinum itaque in quadam parte, abscessu antea afflicta adesse cognoscimus, primò ex eo quod orificium, cujus consolidatio inducta fuit, brevi post tempore aperiatur, & materiæ ichorosæ ab illo prodeant, secundò ex eo quod turunda, quæ statim in angustius orificium introducta fuit, deindè in amplam cavitatem impellatur.

Sinus est vel rectus, vel obliquus; magnus, vel parvus, cavus, vel superficialis, acclivis, aut declivis. Hæ differentię explorandæ sunt turundis, sive specillis argenteis, aut ferreis, item candelis cereis, aut similibus, in sinus profunditatem immisiss.

Causa.

Sinum fieri docent vulgares, tunc cum pus diutius in profundo detinetur, & acrem, erodentemque acquirit qualitatem, & cuniculos molitur, ac partes profundius à se invicem, corrodingo, dirimit, & majus sibi comparat spatium, in circumjacentes partes se insinuando, quinimò ad affectam hoc modo partem non tantum ex vicinis, verum etiam universo corpore excrementa, & qui superabundant humores, confluunt, undè malum augetur, & non faciliè pristinum statum recuperare possunt.

Pro nostra dicimus, quod puris materia mira virtute corrosiva prædita est, cum majori ex parte ejus particulæ salinæ duræ, & acutæ sint, & faciliè subtili adstante materia, in motum adigentur, & in abscessus parietes impellunt, & fibras, ac tubulos scindunt, & ulterius inter has fibras, & tubulos debiles, & laxiores se insnuant, & exedendo scrobem excavant, & quod diutius stagnant, eò latiore, & profundiore cuniculum, & quandoque plures moluntur cuniculos; Succingitur sinus pel-

licula, sive quadam tunica semicartilaginea, ut carnosæ, membranosæque partes hac munitæ pellicula à particulis salinarum spiculis lædi nequeant, verum absque huius remotione impossibilis redditur sinus curatio, imò temporis tractu obcalescit, & fistulam producit. Fit hæc pellicula à sulphureis particulis crassioribus, quæ à pure evolare non possunt, sed sensim partium adestarum poros, & illarum interstitia suo lentore obducant, iisque phlegmaticæ particulæ, quæ in pure continentur, associantur, & salium spicula cicurant: ex his particulis sulphureis acidis unà cum salinis, & phlegmaticis inter se agentibus, subtilioribus evaporatis, pellicula coagulatur, & fixatur.

Prognosis.

Sinum magna est diversitas, & non solum quantitatis ratione differunt, ut alius sit major, alius minor, alius brevior, alius profundior, sed etiam figuræ, quod alius sit rectus, alius flexuosus, sicut etiam positionis modo, quibus non parum curatio variatur; Qui sursum tendit, meliorem curationis spem præbet, quia per ejus orificium facile pus effluit: qui verò deorsum, vel ad latera, difficilem reddit curationem cum pus diutius retineatur, & retentum ulterius erodit, & corrumpit. Pus album, læve, æquale, & minimè fœtidum certò sanitatem promittit; sic si dolor, & tumor dispareant, bonum est. Si sanies valdè tenuis, eaque nigra, & fœtida, malum; denotat enim os subjectum cariem contraxisse. Si crassa, viscida, & fœci similis sit, solam carnem ulceratam esse demonstrat. Sinus nisi celeriter curetur, callum contrahit, & durus efficitur, nec postea facilem recipit curationem, sed inde recidivæ, vel temporis cursu fistulæ oriri solent.

Curatio.

Chirurgorum vulgus plagellarum, & pulvillorum multitudine digestivo, vel alio unguento inunctorum sinus replent, neque animadvertunt, quòd quantò magis extraneorum corporum interpositione partes distrahunt, rantò magis eas à seipsis divellunt, unio longè abest, & partium vita ità dissipatur, ut earum œconomiam curare amplius non valent.

Si verò sinus orificium non liberè pateat, illum detergunt, *mulsa*, vel *vino cum aqua marina misto*, cui *sal adjectus fuerit*, vel *terebinthina*, & *farina hordei cum melle*, aut *squama aris cum vino*, & *melle*.

Cum verò sinus interdum sint plures, aut major eorum sit profunditas, ut eos planè aperire non sit possibile, nec etiam unguenta per totam eorum cavitatem penetrare possint, tunc præcipuè liquida abstergentia magis probant, quia in omnes partes se insinuant, & alia per siphonem injiciunt, ut

℞. Hord. integri p. iij. Centaur. min. Absinth. ana p. ij. coque in melicrato, & f. injectio. Vel *℞. Aq. decoct. hordei, Meliorati ana ℥. ij. ung. Aegyptiaci ℥. ℞. m. & injiciantur.*

Injecto medicamento, sinus os concepto linteamine aliquandiu obstruunt, ne mox medicamentum refluat, & postmodum clauso orificio *emplastro Basilico*, in sinu relinquunt. Deindè fasciarum circumvolutionibus fundum arctè constringunt usque ad sinus orificium. Detergo sinu sarcotica liquida per siphonem injiciunt, *vinum austerum*, in quo *thus coctum sit*, vel *decoctum ex Aristolochia*, *symphyt. cauda equina rosæ*, & *similibus cum vino*, cui nonnulli *thus*, *myrrham*, & *aloe* addunt, ac tandem sinus orificio *emplastrum Barbarum* in medio perforatum ad saniem effundendam imponunt.

His nihil quandoque proficientibus; ut semper evenire solet. Si æger opulentus sit, convocato prius chirurgorum, & urinæ Medicorum consilio, corpus purgant, ne sinus noxium totius corporis humorem recipiat, & demisso ad fundum usque specillo, sinum scalpello aperiunt, & *stupam ovi albumine conquassato imbutam* ad sanguinis fluxum compescendum superligant, quam post viginti quatuor horas exsolvunt. Deindè ad crassam sordem abstergendam, & saniem exsiccandam collutionibus ex *Aqua marina mulsa* vel *aluminosa* utuntur, vel *ulcus pulveribus aluminis, chalcanti* implent, & demum sarcoticis curationem absolvent.

Nostri sinus curatio consistit in solutæ unitatis unione, & cavitatis repletionem; uniri enim ea, quæ dissident, non possunt, nisi prius cavitas repleatur: verum neque cavitas carne repleri potest, nisi naturalis partis constitutio restitatur, & ab omnibus sordibus liber ac mundus sit sinus. Ad has indicationes complendas potissimum eò respiciendum est, ut falsa particulæ, acidæ, & acres sinus lateribus adhærentes abstergantur, & in pure domentur: in his perficiendis dupliciter procedimus, externè, & internè. Externè ad lentoris in sinus parietibus adhærentis absterfionem, & ad putis acidas particulas pessumdandas, ea conveniunt medicamenta, quæ crassiores, & fixas sulphuris, & salis particulas volatilizant, & exturbant, *decoctum scordii, absynthii, nicotianæ, vel succus centaurii, apii, roris marini*, in quibus *myrrha sit dissoluta*, per siphonem injecta. Vel *mel rosaceum in aqua hordei solutum*, quod in frequenti usu est apud chirurgos Gallos, vel *aqua calcis vivæ, aqua saphireæ n. d.* propter salia alkalia, vel *aqua salis armoniaci n. d.* per syringam eburneam intrusa; his enim pellicula illius latera obducens, & carni agglutinationem inhibens, aufertur. Vel melius, & brevius abluatur sinus *aquæ Regiæ* intrusione, deindè immitatur *balsamus proprietatis cum emplastri fodicationum* superpositione. Dum hæc scribimus, Juvenem Januensem sinu in crure dextro ad unius spithamæ longitudinem laborantem his tribus prædiis breviter pristinæ sanitati nos restitimus. In sinus curatione de dissectione ferro, sive igne potentiā mentionem non facimus, nam his nostris prædiis sinum dissecari non oportet. Multum ejus curationi suffragatur diæta, purgans medicamentum potius exsiccando convenit, quàm sanguinis missio, & vulnerariæ potionum summopere conducunt: sed de sinu fufius agimus Tomo 2. cap. 19. De Ulcere sinuoso.

C A P U T V.

De Fistula.

A Sinu fistula saltem in eo differt, quod callosa & dura est; ideoque post sinum ut recta, & ordinata procedamus methodo, de fistula agimus. Si sinus celeriter non curetur, ut convenit pus cuniculum agit, pars callum contrahit, & durior efficitur, ac exactæ continui solutioni reluctans, perennes efficit fistulas. Est fistula sinus foraminulum habens angustum exteriùs, constrictum, & callosum, intus verò se dilatans, & cuniculum efficiens profundum, ex quo humor saniosus, vel sordidus quotidie cum quibusdam tamen intervallis sine dolore emanat.

Duæ ejus sunt species, una quæ unicum modo habet canalem, modò rectum, modò obliquum, quæ propriè fistula nominatur, ob similitudinem, quam habet cum fistula arundinacea, altera quæ in plures cavernulas intus terminatur, è quibus singulis peculiaris meatus ad unicum orificium producitur, & hæc propriè, à chirurgis ulcus appellatur cavernosum.

Signa.

Ulceris foraminulum est plerumque rotundum, & arctum, labia habens dura, sive callosa, sine, aut cum exiguo dolore, humida aliquando, sed persæpè sicca: in quibusdam locis externè cavitas tactu notari potest, per quam etiam nonnunquam strepitus excitatur, & sanies modò parcius, modò copiosius per fistulæ orificium exprimitur, nunc serosa, nunc alba, livida, atra, aut fœci persimilis, nunc crassa, nunc tenuis. Quorsum interior cavitas feratur, explorandum est, & immisso in sinum specillo, seu stylo fistulæ rectæ profunditatem cognoscimus, sed etiam aliqua candela valdè exili, loco styli utimur. Stylus multò commodior est, ubi fistula ad os, candela verò ubi ad partes molliores, & sensiles penetrat; variè enim fistularum sinus procedunt, nunc ad nervos, ligamenta, membranas, venas, arterias, os, & nonnunquam ad interiora viscera.

Si fistula solam partem occupet carneam, immissus stylus non admodum dolorificus est, & illud, quod tangitur, molle existit, pus effluens est album, æquale, & copiosum.

Si stylus nervum attingat, exploratio valdè dolorosa est, & pus quod exit, pingue, & oleosum est, sed parcius, & membrum istius nervi domicilium existens in orificio suo hebetatur.

Si pro-

Si profunditas ad venam perringat, sanies fœcis instar egreditur, & si vena est exesa, cruenta, & crassior.

Si ad arteriam penetret, sanies advertitur tenuior, & magis pellucida, ac aliquantulum saliens i. e. cum saltu egreditur.

Quod si ad os perveniat, durum quid exploranti occurrat cum nullo dolore, perioftio nondum adeso; si vero os carie laborarit, inæquale, & asperum tangitur; sanies, quæ effluit, est serosa, nigricans, & pessimi odoris.

Causa.

Quia hujusce tumoris præcipua substantia est callus, hanc ob rem & fistula ut tumor quidam est; ajunt *Galenii* sectatores continentem causam atrabilarium esse sanguinem, discussis quidem, ac per halitum digestis tenuioribus partibus, ac crassioribus relictis fistulam fieri; Verùm *Galenici* morbos, qui ab ipsis curari nequeunt, omnes ab atrabilario originem habere dicunt, ut de Cancro dicemus.

Fistula ab abscessu, vel vulnere suam cognoscit genesim; hinc enim si ob corporis impuritatem, vel pravorum humorum copiam, vel (quæ potissima causa est) chirurgi imperitiam nimis diu curatio protrahatur, & non rectè curetur, profundior pure moliente cuniculum, callosus evadit, Fistularum causam in sinu rimamur; si enim pus, quod salinis, sulphureisque constât particulis, diutius quam par est, in sinu stagnet, ejus latera obducit, cum particulæ subtiles, & volatiles intestino motu agitatae in adesos parietes se insinuant, discussis volatilibus, tantummodò crassæ, & terrestres remanent, quæ coagulantur, comprimuntur, latera incrustant, ipsisque tenaciter adhærent; agente præcipuè lentore, aluminoso puris sale, & partis succo alimentitio, ac in scirrhusam ob calescunt duritiem.

Prognosis.

Fistula recens, ac simplex, quæ in carnosus tantum partibus est, non profunda: in corpore juvenili, & boni habitus faciliter curatur; difficulter verò quando plures partes sunt erosæ, sic etiam antiqua sensu destituta, profunda, flexuosa, varios habens cuniculos: membris nobilibus vicina, & corporibus senilibus, cacochymicis, & debilibus. Difficulter etiam curatur, quæ ad tendines, nervos, arterias, venas, ossa, articulos, dorsi vertebrae, thoracis cavitatem, imi ventris, uterum, vesicam, aut intestina perringit.

Vel si occurrat circa illa loca, in quibus natura ab excrementis se exonerat, ut in abdomine, inguinibus, natis, ano, scroto, perinæo.

Verùm apud omnes *Medicos* fistula non tantum perdifficilis est curationis, verùm etiam incurabilis. Nostrates chirurgi parum differunt à tonsoribus, ideoque eos curant morbos, quos simplex tonsor curare potest, & potius inducere fistulas, quam curare satagunt. Qui non chirurgos se jactant, inducunt fistulas, non curant; semper enim chirurgi defectu fistulosi fiunt sinus, eoque devenit istorum ignorantia, & impostura, ut cum ex artis errore, quam proferunt, abscessus, & sinus in fistulas abire permittant, salubres fistulas esse ægrotis suadent, exaggerando, quod si superfuitates, & deleterii humores, qui è fistula effluunt, in parte detineantur, necessariò mors sequeretur: sic miseris imponunt fratribus duplici modo, nam nec illos curant, nec ut ab aliis curentur, minitatio mortis terrore, tacitè insinuant.

Nos circa hanc materiam non relinquemus, quoad fieri poterit, eorum malitiam, & ignorantiam detegere, nec non & exquisitam, perfectamque curationem radicibus indagare, adhuc ut agnoscant vulgares *Medici*, quanta sit differentia inter spagyricos, ut ipsi ajunt, practicae, & ipsos; bonus itaque chirurgus, & artis suæ gnarus nunquam fistulis locum dabit, verùm cum alias alterius errore factas invenerit, nostro instituto curabit.

Curatio.

Vulgares chirurgi fistulæ curationem exordiantur, primo debitam instituendo dietam, & corpus à superfluis humoribus purgando; deinde ad topica deveniunt, & callum averruncant vel medicamentis, vel ferro, vel igne.

Angustum fistulæ orificium dilatant per penicillos ex *spongia*, *radicibus gentianæ*, *Aristolochia*, *brionia*, *asphodeli*, *Musitani Opera* Tom. II.

& *hellebori nigri exsiccatis*. Hæc in pyramidalem efformata figuram, & parte acuta in fistulam immissa omnem fistulæ humiditatem imbibunt, crassiora evadunt, & sensim orificium ampliant.

Quod si his callus non removeatur, ad fortiora descendunt, ut *trochiscos de nimio*, *unguentum Ægyptiacum*, *vitriolum ustum*, vel ad composita recurrunt, ut

℞. Lixivii fortis ℥. iv. Decoct. lupinor. ℥. j. Mell. ros. colat. ℥. j. ℞. Alum. ℥. ℞. m. Vel ℞. Lythargyr. ℞. ℞. bulliat in aceto, & aqua rosar. deinde filtra. Vel ℞. Ung. Ægyptiaci ℥. ℞. Sublimati ℥. ℞. Lixivii ℥. j. Aq. ros. ℥. ij. Plantag. ℥. iv. Bulliant aliquantulum. Hæc medicamenta turundis in fistulas intrudunt.

Hæc si commodè applicari nequeunt ob fistulæ angustiam, & profunditatem, eam totam aperiunt, & medicamenta ad profundum usque injiciunt: quod si tota aperiri nequit per siphonem in forma liquida deturbant & diluunt, ita sunt *lixivium*, *aqua marina*, *calcis viva* &c. Vel in forma sicca ob majorem exsiccandi energiam, calamo fistulæ orificio adinoto, insufflant.

Verùm quia non semper fistula his cedit medicamentis, ad ferrum, & ignem confugiunt. Ferro totam aperiunt fistulam, qua aperta, callum acie scalpelli, aut novaculae, ad carnem usque probam detrahunt, quod non solum ex colore, sed ex sanguine, & doloris sensu percipitur. Contingit quandoque ut callus perdurus ferro non cedat; tunc candente ferro expeditius & minori cum dolore tollitur: verùm quia ægroti ferrum, actualemque ignem exhorrent, ad caustica deveniunt, & dum hæc sive per caustica, vel ferrum ignitum administrantur, partes aliquo defensivo refrigerante, vel repellente circumcirca muniunt, ne inflammatio obotiat.

Adulta fistula, medicamento relaxante, quod escharam dejicit, utuntur, ut est *mantecca cum foliis endiviae*, *buryrum*, vel *unguentum de althæa*, quod quandoque est gangrenæ mater; deinde sarcoticis utuntur unguentis. Quod si in os desinat, abradunt, si quid cariosum vel nigrum sit. Si aliis caries os corruperit, terebra squamam excindunt, & si ad medullam usque penetrarit, forcipe excisorio eximunt quod corruptum est; si totum corruptum fuerit, totum eximunt; osse jam purgato, vel ablato, ad incarnantia recurrunt medicamenta.

Quibus omnibus adhibitis, si fistula non cedat, & non curetur, incurabilis habetur, & totum negotium naturæ committunt: sed nunquam hæcenus auditum est fistulam per se, vel naturæ vitibus sanatam fuisse, nisi per medicamenta, & optimè conditionata, alias minimè curabitur. Non mirum itaque, si fistulæ chirurgos ridet, & ad hominis usque mortem perseverant, & in pejus, ac deterius, quam in melius eorum arreabeunt; sperant enim ab eorum vanidis medicamentis id, quod nullo modo possunt, ac obstinati efficaciora, & validiora non vestigant.

Quod si ob ægroti debiles vires, vel situs conditionem, neque ignis, neque ferrum locum habeat, ad palliativam recurrunt curationem, i. e. fistulas pallio obtegent, quod idem est fistulas in pacifica possessione conservare; in æqui noctiis corpus pravis succis refertum purgant, ita enim magnopere fistulas ad sanitatem conferre credunt.

Fistula adeò difficilis curationis existit, ut impossibilis ferè curatu sit; quia adhuc ut incarnetur, & cicatrizetur aliqua soluta unitas, necesse est, ut optima caro in parte vicina existat; at quia callo undequaque circumvolvitur, per consequens nullo modo in ea cicatrizatio fieri potest, sed semper eodem modo persistit, quamvis innumera adhibeantur sarcotica. Addimus adhuc ad majorem curationis difficultatem, quod ut plurimum neque septicæ profunt, & morbum non extirpant, nisi exquisita, & optimæ energiae extent. Hoc autem ad evidentiam demonstratur, nam si applicentur caustica vehementia, inflammationem inducunt, qua generata, ut plurimum gangræna excitatur; si mitiora fuerint, callum non extirpant, & per consequens indicationi non succurrunt, & sic debent medicamina fistulæ applicanda mediocrem tenere temperiem, adhuc ut iis dotata facultatibus, prava symptomata non inferant, & callum radicibus enervent. Quibus adimpletis, procul dubio curatio integrè perficitur.

Fistulæ curationem aggredimur tum internis, tum externis medicamentis. Interna ea esse debent, quæ sanguinem, & succos corrigunt, salinas, acidasque particulas fixas temperant, & ad resolutionem disponunt, & acres icho-

res cicurant, talia sunt decocta ex ligno guajaco, salsa parilla, radice china c.c. limatura, rasura eboris &c. Vel vulnerariæ portiones ex radicibus consolidæ majoris, caryophyllata, bistorta, vincetoxici, angelice, ex herbis, agrimonia, hyperico, scordio, vincapervinca, persicaria, sanicula, rore marino &c. Vel diaphoretica, ut antimonium sulphur auratum diaphoreticum, bezoarticum minerale, sulphur antimonii fixum &c.

Externa sunt, quæ callum incidendi, vel absumendi vim habent; si itaque fistula callum non adeo durum contineat, quia recens, felicissime curatur aquæ calis calida injectione, quæ ita paratur.

℞. Calcis vivæ ℥. j. Aq. font. ℥. iij. Bulliant simul ad consumptionem tertiæ partis aquæ, quæ remanet decantetur, & servetur ad usum. Si tamen fistulæ orificium ita sit arctum, ut syringam respuat, primo ampliandum est, penicillo ex gentianæ radice intruso, deinde immittatur aqua calcis sola, vel spiritu Vini acuta, cui si Mercurium dulcem addes, potentius operabitur, vel sufficit sola aqua plantaginis, in qua mercurius dulcis solutus est. Si calidè injiciatur.

Si verò diuturna sit fistula, & durum, seu lapideum contraxerit callum, tunc maximo cum fructu applicabis *Magnum Calcinatum Paracelsi*, prodest quammaximè præcipitatus albus, in madida turunda aspersus. Similiter aqua salis armoniaci, aqua mercurialis, oleum antimonii, & præ omnibus, spiritus salis armoniaci, vel oleum Mercurii album, injecta per syringam cum superpositione emplastri fodicationum Paracelsi, ac singulis viginti quatuor horis medicamenti renovatio fieri debet. Remoto callo, facile balsamo proprietatis, vel unguento sarcotico pars carne impletur, & perfecte cicatrizatur.

Est hic advertendum, quod aliquando fistularum ichor subjectum os cariare, vel maculare solet, præcipuè si periosium fuerit erosum; tunc licet recens sit fistula, nunquam curabitur, nisi os radatur, aut convenientibus purgetur medicamentis, ut dicimus *Tomo Secundo cap. 21. de ulcere cum ossis carie*, ossis verò nigredinem aufert Mercurius dulcis in aqua plantaginis solutus, & illitus.

Non relinquendum tamen est remedium, quod pluries experti sumus, & semper felici cum eventu, nam non solum recentes, verum etiam inveteratas & malignantes fistulas adæquatè persanat; hoc autem remedium est arsenici balsamum maximum in hisce morbis, & benigniter elargimur. Advertimus quammaximè in hoc medicamine, quod nec minus secundum Paracelsi institutum, & formulam, bonum evadet, & perfecte fiet, non Paracelsus id componere ignoravit, sed ut ipse in chirurgia manifestè loquitur, enigmatice discurret, & cum filiis artis tantum sermonem habere vult. Unde nos propter publicam utilitatem, & ad clariorem rei intelligentiam sic formulam componimus:

℞. Arsenici, & Salis Nitri p. æq. tunde quamoptimè. Immitte in tigillum, prunisq. impone, & evaporare, ac ebullire incipiant tantisper, donec fumus, & ebullitio cessaverit, hæc. ad fundi imum adipis instar in tigillo fluentis se demiserint. Deinde ter l. quò diutius, eo melius) calcinentur. Sepone, ut refrigerentur; postmodum materiam hanc calcinatam accipe & in eam aliam salis nitri partem æqualem addes, & miscebis, uti prius calcinabis eodem ignis gradu, deinde hæc massa rursus pulverifetur, & in cella vitriaria in vase terreo vitriato ponatur, in loco declivi; nam paulatim liquabitur in oleum, quod oleum, seu balsamum in vase vitreo conservabis, & tandem relinquatur, quousque in liquorem vertetur, quem pro usu servabis. Si vini spiritum super hunc liquorem pluries accedentes, spatula agitando, vel vini spiritum phlegmaticum destillando evocabis, in nobile transibit medicamen, quod tanquam arcanum asservabis in deploratis chirurgiæ morbis, & præcipuè in cancro, ulceribus phagedænis, cacoethicis, in ossium cariebus &c.

Hæc est vera formula olei arsenici, quod applicari poterit super nudam lini periam, si superficialis fuerit fistula; si verò profunda existat, cum turunda, sive cum spongia, vel cum syringa immittatur, habet enim facultatem erodendi callum absque eo, quod carnem sanam affligat, vel inflammationem, sive dolorem inducat, quod mirabile quidem est, ut in praxi manifestò observatur.

CAPUT VI.

De abscessibus frigidis.

EGimus de abscessu calido, de sinu, ac fistula, qui illi succedere solent: nunc Galenistarum ordinem prosequendo, de abscessibus frigidis agemus.

Frigidos illos tumores appellat Galenus, quos inflammatio non præcedit, neque a sanguine, neque ab humore sunt bilioso, sed ex nutrimenti partium degeneratione, dum aliquando in homogeneam quandam, aliquando ætherogeneam abit materiam, quæ sibi locum aptando, figuram vitiat tantum; nam ob sui lentorem, neque intemperiem, neque dolorem in partem inducere solet.

In duplici sunt isti tumores differentia, nam pars eorum humidam, liquidamque continet substantiam, ut lutum, olei amurcam, vini facem, urinam, balnei sordidum, melleum, mucosumque succum graviter olentem, quem omnes adversantur. Vel solida corpora, præsertim cum inveterata fuerint, vel inter duas tunicas, vel sub certis membranis continent velut ungues, pilos, lapides, ligna, ossa, carbones, testas, spinas, panniculos &c. (quæ inveniri vulgares dæmonum arte ex maleficiis ineptè asserunt,) tophaceas substantias. Itemque veluti araneas, eretas, gypsum, grumos, multoties animalium, & insectorum figuras, ac similia innumera pro diverso lascivientis naturæ cursu; quomodocumque autem materia contenta diversimodè variet, semper tamen ex unico succo alimentario omnes hi tumores fiunt, & secundum diversa loca, ubi nascuntur, varia nomina sortiuntur. Si enim in capite provenit, testudo, & talpa dicitur; si juxta juncturas, ganglion, glandula, & nodus vocatur. In testiculis hernia, in collo bocium, & scrophula.

Tot itaque essent tumorum frigidorum differentia, quot materialium eos producentium diversitates, atque ex cum innumera esse possint, sigillatim de illis neque Galenus, neque cæteri authores mentionem fecere, sed una denominatione quoscumque tumores, qui lentam materiam, dolorem, ruboremque non provocantem continent, frigidos nuncupavere.

Horum tumorum frigidorum causam materiale continentem effectivam Galeni affectæ solito humorum logismo, cum humorem pituitosum, tum melancholicum, tum tertium ex utroque compositum esse, sine tamen fundamento assignant; nam certum jam est, & apud omnes sani judicii, & excultæ doctrinæ viros comprobatum est, ex uno simplici partium nutrimento degenerato, tot materialium varias apparentias produci, secundum fermenti proprietates, quas in parte suscipit; quod clarum est in stumis, in quibus partium nutrimentum sæpè in tophum, durumque lapidem degenerare solet. Fiunt itaque tumores frigidi ex errore facultatis assimilatricis, dum id, quod parti assimilare debet, non solum non assimilatur, sed hoc in aliquid purulentum, & mucosum transmutatur, quod partis situm vitiat, & in extuberantem attollit tumorem.

Cum itaque Galenus tumoribus frigidis tantum, & nomen, & singularem tractatum tribuerit, nos quoque de iis sigillatim verba faciemus, nam de reliquis in suis locis agemus. Sunt tres isti tumores *Atheroma*, *Steatoma*, & *Meliceris*.

CAPUT VII.

De Atheromate, Steatomate, & Meliceride.

HOc peculiare habet hoc tumorum genus, quod materia, quæ in his continetur, in peculiari tunica, aut nerveo folliculo à communi cute diverso, atq; distincto claudatur. A materia autem contenta nomen accipiunt.

Quod *atheroma* Græcis dicitur, Latinis *pultatio*, ejusque contenta materia est veluti puls quædam, quæ ex aqua, & farina fieri solet. Est autem *atheroma* tumor præternaturalis propria contentus tunica, originem ducens ex nutrimento degenerato pulvis simili, sine dolore, simplicis coloris, nec digitis facile cedens, nec iis remotis, facile iterum exturberans.

Steatoma idem sonat ac *sebatio*, & tumor est in omnibus *atheromati* respondens, præterquam in materia contenta; continet enim materiam sebo semel liquato, ac deinde

deinde coagulato similem, pinguem, homogeneam, atque compactam.

Meliceris Græcorum tumor est, quem latini *mellivium* dicerent, ex eo quia viscida quædam substantia, & homogenea, veluti mel ex tali tumore dissecto educitur. In omnibus corporis partibus tumor iste excitari solet, sed præcipue in capite emergit, & dicitur *Testudo*, & *talpa*, ut suo loco.

Signa.

Omnes hi tumores à parvulo incipiunt, & sensim, ac diu excrescunt, ac tuniculæ suæ includuntur. *Meliceris* quidem figura rotundior est, magisque extenditur, & ad digitorum compressionem, ob minorem humoris crassitiam celerius cedit, & amoris digitis, pari celeritate revertitur. *Steatoma* durum est, à struma tamen differt, quod non ita ut struma durum est, neque sicut struma inæqualem habet tumorem. *Meliceris* cognoscitur ex materia melli simili folliculo inclusa. Quid verò intus in his tumoribus lateat, ut conjectura prælagiri potest, ita certo cognosci non potest, nisi ejectum est.

Causa.

Solitis nugamentis insistentes chirurgi, sectatiusque *Medici*, volunt horum tumorum causam pituitosi humoris sobolem esse, in uno magis, in altero minus à naturali constitutione recedentis, qui lentè temporis progressu ex tenuium partium resolutione in materiam nunc pulti, nunc sebo, nunc melli similem degenerat, & quocumque modo hi humores sub cute latitant, & per tempus ibidem manent, natura adjuvante, varias induunt formas, & repræsentant, ut modò, præter pultem, sebum, & mel, luto, amurcæ, fœci, pilis, carbonibus, vermibus &c. similis evadat, ac propria vestiuntur tunica.

Horum tumorum genesis secundum nostram sententiam est, quod fiant ex unico succo alimentitio superfluo parti alendæ destinato; crassiori quàm nutriendæ parti conveniat, hinc ut plurimum hominibus in exercitatis, otiosis, quales Cœnobitæ sunt, etiam corporibus, partibusque horum laxis hi abscessus accidunt. Hic succus alius tenuior, alius crassior est, cuidam inest acidum, vel falsum, vel oleosum, vel spirituosum, & juxta horum succorum varietatem, in hisce tumoribus tunicatis, materia vel tenuior, vel spissior, vel pinguior, vel durior apparebit. Hi succi propter stagnationem nunc hanc, nunc illam induunt faciem; si enim particulæ volatiles ab acidis figuntur, materia stagnans commutatur in duritiem pinguedini bovinæ non absimilem, & sic producitur *steatoma*. Si plus salis fixi, quàm acidi colligatur, materia pulti erit similis, quia particulæ fixæ talem mutationem, quam volatiles non efficiunt in succis, & oritur *atheroma*. Si materia inclusa sit oleosa, discussis particulis spirituosus, illa quæ remanet, melli assimilatur, & oritur *meliceris*, ut videre est in oleis destillatis, quæ amissis spiritibus, in crassescere solent.

Causa autem, quod talis succus aggeratur, & alteretur, est, quod membranæ, & partes membranosæ, aut à causa externa violenta distendantur, dilatentur, dilacerentur, quod ut plurimum fit, vel quando à causa interna nonnihil eroduntur. Unde fibris, quarum textura membranæ à se invicem separatis, poris dilatatis, & ampliatis, alimentum eorum proximum distributum uberius recipitur, retinetur, & ita sensim extrorsum versus protuberans, tumor generatur; nam introrsum non patet spatium, ut eò urgere possit. Diximus ut plurimum causam præcedere externam. Sic à verberibus, & allisu crebro, jumentis præsertim equini generis per aliqua membra corporis extantes, & pendulas has formas sæpè vidimus. Sed ad homines noster redeat sermo: Videmus quosdam *Monachos*, & *Moniales* orationi genibus ad terram demissis facitandæ assuetos, sic (hi orant pro nobis peccatoribus Deum) ut articuli diu fatigentur, & obstupefiant, adeoque dilatatione membranarum istius loci, sæpissimè tales patiantur tumores, in specie *melicerides* in genibus. Observeretur hoc, quod si non semper, tamen ut plurimum tales tumores à causa externa violenta, occasionaliter oriri solent.

Quoad folliculi generationem attinet, sequenti modo generatur: fibrillæ erosæ, aut laceratæ, aut à se invicem

separatæ, cum sponte non redeant in naturalem unionem, à nutrimento collecto, & coacervato successivè & ipsæ in largius distenduntur, & hinc inde alias emittentes fibras, quæ mutuo concurrentes, tandem se unijunt, & in perfectam concurrunt membranam, quæ nutrita, & dilatata cavitatem efformat, cum tumore incrementum capit ex parvo initio, cum incremento tumoris, & ipsa accrescit, & augetur, quoniam succus alimentitius transudans per membranas læsas non naturali situ, & ritu transponitur, sed conglomeratus coacervatur, ob id nudam massam aut sevi, aut pultis, aut mellis repræsentat, prout simul sub ista transudatione, & collectione plus, minusve alteratur.

Horum tumorum contenta in duplici sunt differentia, una enim eorum pars humidam, liquidamque continet substantiam, ut lutum, cœnum olei amurcæ, vini fœcem, urinam, balnei sorditiem, melleum, mucosumque succum graviter olentem &c. Hoc provenire remur à succi evasati diutina stagnatione, qui hanc, vel illam induit faciem; si enim particulæ in suo motu non conserventur, sed varios subeant motus, inter se figuras mutant, & nunc hanc, nunc illam liquidam, humidamque ostentant figuram. Altera verò pars solida, & peregrina continet corpora, præsertim cum inveterata fuerit, ut calculos, lapides, lignorum ramenta, carbones, pilos, ungues, ossa, limacum cochleas, ovorum testulas, spinas, cornua, carnes, tum duras, tum spongiosas, panniculos, cretam, gypsum &c. Item multoties animalium, & insectorum figuras, ut vermes, muscas, araneas, pediculos, &c. Hæc extranea corpora in his tumoribus tunicatis inspicientes à sectione bardi vulgares, ad diabolicas, præstigiosas, & maleficas confugiunt artes, & in hos tumores diaboli ope injecta fuisse nimis credulis circumstantibus referunt. Peccant vulgares naturæ opus in diabolum referentes. Perniciosum est ignorantiaæ asylum omnia in diabolum referre, quæ eorum caput cucurbitinum non capit. Sciant hi homines diabolici, quod diabolus nullum injiciendi jus habet, sed ut leo rugiens circuit, latrare potest, mordere nequaquam. Sed in naturalibus, relicto diabolo cum vulgaribus, nostra sententia est, in hujusmodi tumoribus variarum figurarum infecta ex ovulis, ut fufius *De Ulcere verminoso Tomo 2. cap. 14.* dicimus, vel ex aliis succorum miscelis oboriri. Quoad corpora solida, & peregrina, quæ in his tumoribus in sectione nanciscimur, quomodo generentur, facile assequi potest is qui saniores philosophiam modò vix à limine salutaverit: Reperiuntur hæc in tumoribus, ubi diutissimè materia latet, & stagnat, quia hæc temporis progressu plures mutationes circa figuras subit, & quarum particularum figuris, mistura, situ, combinatione, concursu, positu, & motu nunc hoc, vel illud, hujus, vel illius figuræ corpus generatur.

Non est in humano corpore locus ab his tumoribus cisticis immunis; nascuntur enim in capite, fronte media, intima superiori palpebra, pone oculi canthum, externo oculi angulo post aurem, in auriculæ pinna, sub maxilla inferiori, in cervicibus, in dorso, super osse ensiformi, in media manus vola, in cubiti flexura, in metacarpo, in manuum digitis, in genu, poplite, parte pedis superiori &c.

Prognosis.

Tumores isti absque periculo per plures gestantur annos, & lento progrediuntur gradu, medicamentis etiam rarissimè cedunt, & in mortem usque perdurare solent. Sponte tamen ob partem aliquam materiæ contentæ subtilis, & alterabilem suppurationem pati solent, ac tunc cavendum est Medico; ne suppurata materia potius vergens, quàm ad exteriora ob folliculi impedimentum, vel ad os aliquod inclinans illud vitiet, vel in aliquam corporis cavitatem erumpat, propter quod mortem inducere posset, & quandoque suppurati in ulcera forida, & fistulosa degenerare solent. Præter notatum suppurationis periculum, introrsum horum trium tumorum, enormem excrescentiam, nonnunquam deformitatem, quam in patientem aliquam corporis partem inferunt, præter, inquam, hos patientes ad eorum curationem non urgentur; indolentes enim sunt, raròque sunt partium functionibus noxii. Rarissimè à sola Natura horum tumorum per resolutionem curatio perficitur, neque resolventibus externis licet efficacis.

ficacissimis cedunt; etenim in eorum materia sapissimè sunt partes, quæ postquam his commistæ, subtiliores vi medicaminum evanuerint, pertinaces evadunt. Hi tumores suam habent folliculum, qui si in curatione omnino non extirpentur, est materia emungatur, recidivam patitur, tunica illa efficit, ut iterum adjacentium partium nutrimentum degeneret in materiam illam, quæ prius in tumore continebatur.

Curatio.

Vulgares chirurgi, congruo instituto victu, & universalibus præmissis, totum evacuant corpus; verum purgantia medicamenta, & sanguinis evacuationes, & decocta sunt his tumoribus omnino inutilia; eorum quippe materia est extra naturæ jurisdictionem in folliculo deposita, & hujus farinæ remediis cedere nescit: deinde ad humores ipsos accedunt, inter quos atheroma, & meliceridem circa initia discutiunt; & pro discussione opportunum medicamentum putant *emplastrum de lapide Pyrite*, quod parant:

℞. Ammoniæ ℥. iij. Galbani, Opoponacis Sagapeni ana ℥. j. Lapid. pyritidis præp. ℥. iij. Diachylon. mai. ℥. vj. Ol. camomelini ℥. j. F. empl. Vel Diadictamnium, quod à Gal. 5. de compos. per generac. 14. describitur. Sennertus probat emplastrum ex ammoniaco, pyrethro, & oleo succini factum. Si discuti nequeant, suppurationem tentant, ut

℞. Picis navalis ℥. j. Ammoniæ, & Sulph. ana ℥. ℞. m. Si nec minus suppurari possunt, causticis aperiunt, vel incidunt cruciatim, quo modo brevius tumorem cum suo folliculo extrahere credunt, postmodum digerunt, & mundificant unguento Ægyptiaco, & aureo simul mistis, ac demum emplastro diachylonis cicatricem inducunt.

Indicatio horum tumorum curativa chirurgis desumenda, eadem erit omnibus tribus: est illa contentæ materiæeductio, folliculi extractio, & exacta loci consolidatio.

Materiæeductio per apertionem fieri necesse est, quæ vel ferro, vel sectico celebranda est; ferrum horribile est, & insalubre, nam partes folliculo circumpositæ, sanæ, & integræ sunt; propterea ab incisione crudum emergit vulnus. Secticum est in horum tumorum apertione appropriatissimum, nam paulatim sanam laceffit cutem, fermentum vicinis impressum partibus exterminat, & folliculum dissipat. Sectica supra descripta his tumoribus aperiendis opportuna sunt, tutius tamen est illud ex Mercurio meteorizato ob suæ efficaciam diffusionem, quæ his suffragatur tumoribus: Verum ante causticorum applicationem materia quodammodo alteranda, & emollienda est sequenti emplastro:

℞. Gum. ammoniaci ℥. ij. Sulphuris ℥. ℞. Camphoræ ℥. ij. Euphorbiæ ℥. j. Ol. petra q. s. M. f. empl.

Ut causticis postmodum facilius materia intus contenta una cum folliculo suo eximatur. Apertione facta, inclusus humor educendus est apta digitorum pressione, ut penitus abscedat.

Materia educta, magna superest pro folliculo extrahendo difficultas, etenim ille circumambientibus partibus tenaciter adhæret, nec facile eximitur, & dolorosa est operatio eam separationem scalpro procurare; etenim nisi separaretur, alias recidivam parit, aut relicto folliculo tantillo, in fistulam abit, aut ulcus diuturnum, ac foetidum constituit. Nos ad horum tumorum folliculum destruendum, & recidivam vitandam, vel aliud majus fugiendum, penicillo spiritu salis ammoniaci, vel oleo Mercurii albo imbuto leviter, & dextrè folliculum oblinimus, usque dum æger dolorem persentiat, si sanguis appareat, completum est opus, sin minus, pergimus, idque toties tentamus, quousque sanguis appareat: si qua superveniat hæmorrhagia, applicatis applicandis, sistenda est. Ac tunc proprietatis balsamo injecto, emplastroque sedicationum imposito, infra decem dies exactissimam complemus curationem.

C A P U T VIII.

De Anthraco, seu Carbunculo.

Tumor hic variis appellatur nominibus, Græcis dicitur *Anthrax*, Latinis *carbo*, & *carbunculus*. Avicennæ *pruna*, & *ignis Persicus*, quibus vocibus etsi diversos significari tumores nonnulli credant, & particularia capita de anthrace, & carbunculo, de pruna, & igne Persico egerint: reverà tamen iis nominibus unicum tumoris genus significatur, & utriusque eadem ferè curatio instituitur. Dicitur *Anthrax*, eo quod plures solet efformare sinus, & antrum quoddam repræsentare videtur, verum perperam ita dicunt, nam græcè *Anthrax* Latine *carbonem* significat. Dicitur *carbo*, vel quia crustam excitat nigri coloris, ita ut extinctus videatur carbo; vel adinstar carbonis accensi, & igniti particulam ipsam affectam adurat, & in crustam convertat. Dicitur *carbunculus*, quia crustam interdum excitat, quæ carbunculi instar fulgere videtur. Appellatur *Pruna*, quia accensæ prunæ instar prædictos gignit affectus. *Ignis* tandem dicitur *Persicus*, quod Persis sit sollemnis.

Avicennas anthracem distinxit in pustulosum, & aliqua humiditate vesicante refertum, & ignem Persicum appellavit; & sine pustulis, & absque ulla humiditate, & hunc prunam vocavit; verum hi affectus accidentaliter solum, non autem in propria forma sunt diversi, varia namque subeunt nomina, ob varia quædam accidentia, quæ ipsis contingunt.

Anthrax, seu *carbunculus* tumor est non multum prominens, sed in parte profundus, atque durus, in centro suæ peripheriæ lividam nigredinem eamque pellucidam præsefert, in peripheria rubor ad tactum albicans apparet; cum fervore, & uredine, mirum in modum dolet, febrem inducit acutam, somnum aufert, & si dormire sinit, insomniis horribilibus cruciat, sæpè phrenesim inducit.

Anthraxis subjectum sunt omnes externæ corporis partes, & ut plurimum tendinosæ, non excludimus tamen internas affici posse absque ulla curationis spe, ut ventriculum, intestina, oculum, nasum, vesicæ cervicem, &c.

Signa.

Anthrax, seu *carbunculus* incipit plerumque ab exigua pustula, interdum verò non solum una majuscula erumpit pustula, sed multæ, exiles, veluti milii semina, crebræ in particula residentes, quibus præruptis, ulcus crustosum fit, quale à candente excitatur ferro. Antequam pustulæ erumpant, pruritus in parte sentitur, mox pustula, aut pustulæ oriuntur. Interdum tamen citra omnem pustulam incipit *Anthrax*, & ulcus crustosum excitatur, crustula modò nigricante, modò colorem cinereum præseferente; mox brevi, bubonum instar, excrefcit in rotundum, & acutum cum ingenti calore, ardore, & dolore, qui præsertim circa vespèram exasperantur. Adest insuper in ipsis ingens prurigo, & vehemens scalpendi desiderium, adeo ut vix manum æger continere possit, quin partem fricat, ex qua fricatione postea plures oriuntur pustulæ. Caro circumposita effervescebat, caloremque habet, & maximam phlogosim concipit, colorem etiam continet, quàm in erysipellate, & phlegmone nigriorem, veluti si cum rubro aliquid nigri permistum sit. Crusta ablata, non semper pus, sed caro spongiosa, vel tendo quasi calcinatus occurrit, qui à sana parte, relicto ulcere cavo abscedit. Accedunt deinde alia symptomata, febris nimium, & magis eos infestat, qui anthrace, seu carbunculo corripiuntur, quàm qui phlegmone erysipellate laborant. Nausea, vomitus, appetitus dejectio, tremor ac cordis palpitatio, frequens animi deliquium, deliria, quæ omnia ed magis infestant; quò malignior materia est.

Et licet omnis *anthrax*, seu *carbunculus* sit malignus, vel pestilens, non omnis tamen pestilens est; discernitur autem pestilens à non pestilente, primò, pestilente aeris constitutione; vix enim possibile est, ut vigente pestilente constitutione, oriaur carbunculus, qui ipse pestilens non sit. Deinde omnia symptomata, & signa, quæ in carbunculo apparent, ingravescent in pestilente carbunculo; nam febris, quæ carbunculo adjungitur, pestilentem refert naturam, & licet extrà minor, quàm in non pestilenti appareat; & imò interdum vix percipiatur, tamen intus magis

magis urit, & longè periculosior est. Floridus faciei color mutatur, lingua nigricat, & sicca est, alvi excrementa sunt livida, & biliosa, appetitus deicitur: adest nausea, & pessimorum humorum vomitus: spirandi difficultas, anhelitus fœtor; sudor multus, vel frigidus. Somnus est interdum planè profundus, interdum vigiliæ infestant, deliria comitantur, animi deliquia, & syncopes.

Causa.

In assignanda anthracis causa materiali, vulgares cum ipso Galeno se ridiculos ostendunt, fingunt, ut illis placeat, humorum metamorphoses, quæ non adedè Ironicè apud Ovidium inveniuntur; etenim volunt in anthrace, seu carbunculo sanguinem exuti, & partem crassam in atrabilem succum abire, tenuem verò in exurentem, & acutam bilem, ad huiusmodi carbunculi malignitatem, dolorem, ruborem, ceteraque illius accidentia fieri sibi suadent. Verùm.

Ecquis fuit ignis, qui sanguinem combussit? Quis destillator, qui tenuem à crassa partem separavit? Ecquis absque bile, & melancholico furore has nugas tolerare potest? Erudite ipsemet Galenus, ut nobis imponeret, phantastico suo humorum quaternario credidit, ac nescimus, quomodò in assignanda anthracis materiali causa pituitam subtrahit immutatam? Hæc habet, 2. de diff. febrium cap. 9. *Quod si sanguis supra modum affetur, pars quadam ejus subtilior, ac pinguior omnino in flavam convertitur bilem, quæ autem crassior, in atram, quod in his tumoribus, qui carbunculi appellantur, contingit; nam in his ex sanguine supra modum effervescente ad atræ bilis humorem fit transmutatio, ita autem hoc accipi volo atrabilis humorem, & qui nondum exquisitè atræ bilis naturam transferit, sed in quodam sit confinio constitutus.*

Commenta hæc credat Judæus Apella, vel qui velit, nos qui falsissima ea jam cognovimus, nunquam erit ut illis adhæreamus, sed causam hæcenus inauditam, & à nemine, quem sciamus traditam patefaciemus, qua anthraces tumores isti omnes maligni, lethales, cacoethes, pertinaces, medicamentis non cedentes passim emergunt, qui adedè, chirurgos exterruere, ut velut à peste ab iis curandis aufugiunt, ac sub verbis, Noli me tangere, ægris suadent, ut non audeant tumoris curationem aggredi, si vitam exoptant.

Ut ergo propositioni satisfaciamus, memoriæ reducendum est, magnum Hip. in tres partes integrum hominem viventem secuisse, in contenta scilicet, continentia, & impetum facientia; facientia impetum contenta esse noluit, ut nos doceret, ea in continentibus, esse tanquam in domicilio, in contentis verò per modum diffusionis. Ad nostrum itaque propositum advertendum est, quod in his omnibus partibus vitium accidere potest, propter quod morbosum hominem fieri necesse est, summa tamen differentia est inter morbos, qui ex contentorum, impetum facientium, & continentium vitio fiunt; Etenim contentorum vitia, si continentium innatam, debitamque servant temperiem, separationis, resolutionis, coctionis, suppurationisque auxiliis, paulatim contentæ materiæ vitium vincent, & ad pristinum statum corpus reducunt. Ita etiam si impetum facientia exorbitent, in furorem abeant, terrore quatiantur, aliisque passionibus urgantur, si continentium robur constans sit, quia eorum regimine reguntur, facile est; ut ad naturalem tranquillitatem reducantur. Verum enim verò si in continentibus vitium accadat, quorum œconomia contenta, & impetum facientia æqualiter reguntur, inde expectanda est morbi correctio, & contracti morbi curatio, si hæc partes, quibus hoc munus destinatum est, vitio laborent, lethalis morbus expectandus est: imò potius totius corporis confusio perimenda est, nam non solum continens pars vitio laborabit, sed & contenta, & impetum facientia, quæ continentium nutu reguntur, passim ibunt, & in athesiam i. e. intemperiem proruent, necessarius inde mortis adventus ob defectum rectoris vitalis regiminis; ut verò hanc theoriam ad praxim reducamus, sciendum est, quod quoties contenti in viventi corpore succi, & humores vitio aliquo laborant, in tumores eos assurgere vel calidos, vel frigidos necesse est, at qui continentes eos partes sanæ sunt, vel eos ad suppurationem inducunt, vel eorum lentorem non curant, hæc sub classe tumores sunt

tam calidi, quam frigidi, quos recensuimus, in quibus natura, & arte auxiliante, certa, & indubitata succedit suppuratio. Sic etiam si spiritus, seu impetum facientes furorem contrahunt, ut in inflammatione, erysipellate, aliisque similibus dolorosis affectibus, sedativis remediis ab arte præstitis sedantur, quod reliquum est, à continentibus partibus regulatur, & ad naturalem reducitur statum; undè asserere audent quod si vitia contentorum, & impetum facientium in pejus abeant, & in mortem properent, id tantum defectu Medici, & non medicamentorum accidere, non autem ex contracti vitii dispositionibus; contra verò in iis tumoribus, qui partium continentium vitio fiunt, nam in illis semper mors imminet, ac quoties curantur, dignus gloria Medicus, & encomiis dignum medicamen jure merito existimari potest.

Fit ergo antrax, carbo, carbunculus, ignis Persicus, pruna, cum non tantum sanguinis cæterisque succi, qui in venis, arteriis, aliisque membranis, sed & ros ille, qui inter fibras tunicarum, venarum, arteriarum, cæterarumque membranarum, pro earum vitalitate diffusus est, vitium contrahunt; Hoc vitium est à sale acri caustico, quod evaporatis partibus aqueis, quæ pro fræno, seu dilutione inferviebant, exaltatur, adurit, causticat, & subitam partis mortificationem inducit in livorem, hinc omnimodam nigredinem infert, ceu id cauteria potentia applicata testantur. Non fiunt anthraces à salibus acidis corrosivis, non enim hæc nigredinem mortificantem inducunt, sed primò intensam rubedinem, hinc consequentem albedinem insensilem in partes molles inducunt; acria verò, & lixivialia omnimodam partis mortificationem, & nigredinem excitant, ut fit in anthrace, in quo talis subitanea nigredo, & mortificatio cum diffusionem in longum, & latum mox sub primo intuitu se manifestat. Hoc sal acre-causticum in sanguine, cæterisque nostri corporis succis latitat, (verum in constitutione pestilenti hujus miasmata cum aere hauriuntur, ad partes deportantur, & exaltantur) attamen dilutum, postmodum à causis occasionalibus aquea parte destitutum in tantam acrimoniam, & realgarinam naturam exaltatur in vasculis capillaribus, quibus adhæret, ut continentes membranas, fibras suo incendio concremet, carbonizet, & tandem calcinet, non secus ac pagina, vel linteo vini spiritu omnino cremabili madefactis, qui postquam ignem concepit, non solum ipse ardet, sed paginam, & lintheum reducit in cinerem.

Externæ causæ anthraces, & carbunculos parientes recensentur, quæcunque salia acriora in corpore latitantia in succis inter fibras exaltare, & adustionem excitare possunt: huiusmodi sunt aer calidissimus, & siccissimus, ingentes labores, validi motus, exercitia immoderata, assidui potus vinorum meracium, nimii usus aromatum, calidorumque ciborum, quales sunt sinapi, allia, piper Indicum, cæpæ &c. nimia iræ, excandescentiæ, ob quas validus concitatur fervor.

Prognosis.

Omnes anthraces periculosiores sunt interni, quam externi, nisi tamen ex levi inflammatione, & febre mitior ejus natura deprehendatur. Periculosus est valdè, qui niger, quia maximam partis mortificationem, & necrosin denotat, cui proximè succedit lividus, & flavescens; leviores tamen sunt, qui albi, aut subcineritii coloris; item minùs mali sunt rubicundi. Exitiosi valdè sunt illi, qui postquam eruperunt, mox iterum evanescent, translata enim materia ad interiores partes lethum affert.

Exitialis est cauda quadam præditus. Minùs maligni, minùsque formidandi sunt illi, qui parvi, quam qui sunt magni, & ex parva pustula illicò ingentem acquirunt magnitudinem; tum etiam minus perniciosi sunt soli, quam qui alios habent conjunctos.

Locus plus, vel minus perniciosi portendit; mali enim habentur, qui partes nervosas, membranosas, vel juncturas, quam qui obsident carnosas, hinc etiam pessimi moris censentur, qui in emunctoriis, & glandulis, prope membra nobilia, & principalia oriuntur.

Curatio.

Vulgares chirurgi carbunculi curationem quinque intentionibus curativis comprehendunt, quarum prima idoneam præscribit vivendi rationem; Secunda idoneis præsiidiis cordi succurrere docet ad affectus sævitiam vitandam; Tertia antecedentem materiam extirpare nititur; Quarta circa localia affectæ particulæ administranda versatur; & ultima accidentia supervenientia corrigere studet.

Quò ad primam, aerem eligunt omninò ad frigidum, & humidum vergentem, præsertim tempore æstivo, qui si talis non fuerit natura, illum parant, cubiculum scilicet frequenti aspergine aceti, vel aquæ rosacæ, & etiam herbarum refrigerantium refrigerant, & humectant. Cibos paris qualitatis præscribunt, vitatis acibus, frixis & salis prohibent aromatum usum & vini potum, cuius loco commendant hordei aquam cum paucis vitrioli spiritus vel succi limonum, aut granatorum acidorum guttulis. Alvum enematum usu sollicitant.

Secundam intentionem cordialibus complent præsiidiis, quæ scilicet una ex parte cordis vires conservare, & ex altera pravitatem extinguere valent.

Tertiam autem perficiunt duplici illo præsiidiorum genere, quo materiam antecedentem in corpore minuunt, & extirpant, vel scilicet phlebotomia, vel medicamento purgante, prius sanguinis plenitudinem; posterius vero aliorum succorum à sanguine redundantiam demit, & minuit.

Quantum ad phlebotomiam, ferventem sanguinem fore mittendum in carbunculis in dubium non vertunt, tum quia affectus est inflammatorius, tum quia à sanguine gignitur adustionem patiente, tum etiam quia *Galenus* sanguinem mittit ad animi usque defectum, illis insistentibus principiis, quibus habet 2. aph. 33. docetque *In maximis inflammationibus nullum majus invenisse præsidium, quam sanguinis ad animi usque defectum missionem*; verum quia nostris hisce temporibus hujusmodi sanguinis missio ab aula Medicorum recessit, pluribus vicibus sanguinem profundunt, magis, vel minus liberaliter juxta corporis habitum, ætatem, anni tempus &c. Prima vice revulsio- nis gratia ex partibus longioribus, & magis secundum distantiam oppositis sanguinem mittunt; sequentibus autem vicibus ob derivationis usum ex vicinioribus extrahunt. Eodem pariter modo eandem intentionem habere credunt frictiones, cucurbitulæ, & scarificationes. Maxime hirudinum usum tanquam singulare præsidium celebrant, quia mirum in modum ustionem sedare, ardorem mitigare, & melancholici sanguinis copiam demere credunt.

Verum hæc phlebotomia ad animi deliquium usque, vel per repetitas vices maximopere tanquam maledicta repudiatur, quòd vires, quarum maxima habenda est ratio dejicit, & humorem amicum, ac vitæ thesaurum præstantissimum cum spiritibus deplet. Facile in venæ sectione, etiam ad ventilandum, ut vulgò fertur, contingere potest, ut dum sanguinem evacuant, virus, seu ad membrum nobile, seu per membrum nobile ducant, & trahant, & illius virulentia afficiant; Præterquam quòd perpetuò carbunculus malignitatem habet conjunctam, & venæ sectione non tollitur malignitas, imò pravus humor phlebotomia, quem natura ad exteriora depellere conatur, ad interiora retrahitur.

Sed quia sanguinis missione pravi humores vix deplentur, nonnulli purgatione opus esse arbitrantur, quia purgante medicamento pravi humores evacuantur, nec finit, ut calidum nativum ab iis suffocetur, & extingatur, & sic postea natura expulsionem rectius regulare potest, neque affluentis humoris copia pars affecta cotrumpitur. His positis purgationem insinuant medicamentis frigidioribus, vitantes, quæ calefaciendi corpus, vel succos agitandi facultatem habent, (verum purgantia non caliditate, vel frigiditate purgant) talia creduntur ab ipsis *Manna*, *conservarum expressiones*, *Syr. ros. solut.*, *Violar.* Post purgationem exhibitam, laudant etiam, præsertim tempore æstivo, nonnullorum præsiidiorum refrigerantium usum, inter quæ principem tenere locum credunt serum caprinum cum epithymo, quod magnopere idoneum ad educendam melancholiam adustam censent, ut

℞. Seri caprini lb. j. Epithymi ℥. ss. Flor. cord. p. j. & facta levi ebullitione propinetur. Alii utuntur cons. viol. & flor. borag. ad ℥. j. pro quavis vice, & infundunt in aquam sonchi, aut aliam refrigerantem, & manè colatas, & expressas ægris propinant.

Verum purgantia in carbunculo semper suspecta fuere, & omninò metuendum, ne medicamento purgante virus, quod natura ad circumferentiam expellere conatur, facto motu contrario, à circumferentia trahatur ad centrum: addimus, quod in pharmacopolio non extat medicamentum purgans, quòd malignitatem exturbet, præter alexipharmaca, & vix datur carbunculus, in quo malignitatis aliquid non adsit. Præterea acuta febris, & materiæ cruditas semper huic affectui associatur, quæ purgans inhibet medicamentum.

Quarta intentio, quæ respicit materiam conjunctam, completur per remedia localia parti affectæ administranda, inter quæ repellentia adhibent; verum hæc retrocedere faciunt malignam, venenatamque materiam ab exterioribus ad interiora, & malum pejorant. Partem affectam scarificant, & quidem plagis satis profundis, ut sanguis corruptus, malignus, & venenatus, qui nisi ex parte mox evocetur, vicinas corrumpit partes; quod si nondum satis evacuatus videatur, scarificationes repetunt, & quandoque loco scarificato cucurbitulas, vel hirudines apponere solent.

Verum ut plurimum humor magno cum impetu ad partem affluit affectam, ideoque attrahentia hæc non satis tuto adhibentur, cum metus sit, ne copiose materia affluente, dolor vehementior fiat, qui vigilias excitare, febrem augere, & vires dejicere possit. Supra partem scarificatam medicamenta apponunt, quæ aliàs imponi solent, scilicet quæ pus movere assolent; verum hæc putredinem augere possunt, cum carbunculus putrescendo semper serpat, & aliàs mortificatio in partes tales incidat: sed potius siccantia, & putredini resistentia adhiberi debent. Vulgò unguento *Aegyptiaco* utuntur; verum hoc Veterinariorum est unguentum, & partem affectam nigredine imbuunt, & maximum tùm ægroto, tùm chirurgo, tùm etiam astantibus metum incutit.

Sunt, qui scarificationem exhorrent, ideoque si aliis medicamentis carbunculus cedere nolit, atque corruptionem, nigredinem, aliaque symptomata augeri videant, ad cauterium vel potentiale, vel actuale confugiunt, & quidem, nulla interposita mora, nam etiam quantalibet morula in maximum vitæ periculum ægrum conjicere valet. Verum cauterium potentiale non ita tuto adhibetur, cum crusta, quæ inducitur, tardius, & non nisi post novum diem decidat, atque ita humoris corrupti, & maligni exhalatio impediatur. Actuale tutius à plerisque habetur, quia calore, & siccitate ignis putredini magis resistit, partes sanas præservat, ne & ex putredine inficiantur, attrahit è profundo materiam malignam, & corruptam qua de causa ut efficacissimum remedium hic à pluribus commendatur: qui id hic adeò grave remedium esse non potest; cum æger id vix sentiat, quoniam caro mortua est, & finis urendi est, dum ex omni parte sensus doloris est. Verum cauterium actuale suas patitur manes, quia crustam, seu escharam inducit, quæ ipsa impedimento est, ne materia maligna, & venenata exhalet. Qui hoc remedii genus adhibent, dant operam, ut eschara citò, & vel viginti quatuor horarum spatio removeatur, cum periculum sit in mora, sed licet escharæ casus citus sit in chirurgi voluntate, nullatenus, à medicamentis tam brevi tempore separati potest, cum tardius tollatur. Ad decissionem vulgò utuntur *manteca*, *butyro*, *adipe suillo*, *anserino*, & similibus humectantibus. Verum in iis affectibus ex humectantibus, & suppurantibus summum putredinis imminet periculum, ideoque tutò adhiberi non possunt, quia humiditate, & vi emplastica miris modis putredinem augent, & putredo, ac corruptio latius serpit.

Aliqui ad escharæ casum sequens commendant cataplasma:

℞. Ruta m. j. fermenti ℥. j. ficcus sicc. n. iij. piperi ℥. j. salis ℥. j. ss. f. cataplasma, quod manè, & vesperi applicant, affirmantque bidui spatio carnem bonam à corrupta separare.

Quidam commendant nuces juglandes veteres, oleosas, contusas, è quibus tale concinnant cataplasma:

℞. Nuc. jugland. veter. rancid. nucleos. iij. Caricarum, & Uvar. pass. partes aequales. Coque in vino albo forti ad molli-
tiem

riem, & contunde, Adde Salis ℥. j. Vitell. ovis. num. ij. m. f. cataplasma.

Sed debile præsidium ad tam sævum evincendum morbum putamus.

Plerique tanquam miraculum *Prunellam* extollunt inter duos lapides contritam, afferuntque unius diei spatio anthracem curare, si credere dignum est.

Ubi eschara ablata fuerit, ulcus detergunt *melle rosaceo*, *succo apii*, & similibus. Deinde carne replent, & cicatricem inducunt.

Pro nostra anthracis, seu carbunculi curatione triplex emergit indicatio; prima est, ut salia caustica hebetentur, cicurentur, & eliminentur, ac statim incendium in continentibus fibris accensum ne ulterius in succedentes serpat, extinguatur; secunda est, ut materia carbonizata, vel calcinata intra anthracis ambitum à sanis circumjacentibus partibus separetur, & abstrahatur; tertia est, ut pars consolidetur per cicatricis inductionem.

Primæ indicationi satisfaciendum est internis potius, quam externis remediis, ac id fit per ea medicamenta, quæ alexipharmaca à medicis dicuntur, & quibus veneno, pravæque qualitati oppugnatur. Hæc empiricè ab illis tractantur, nam à tota substantia, à posteriori, & ab experientia edocti prodesse ajunt, ut de theriaca, lapide bezoar, bolo armeno, cancris fluvialibus in rabidi morfu, & similibus pronunciant; erubescunt in his ad primarum qualitatum aniles fabellas recurrere, cum interim ex firmioris philosophiæ regulis manifestissimæ sunt vires, quibus alexipharmaca venatores evincunt affectus. Ex quidem sunt vis diaphoretica, & anodyna opportuno tempore adhibita, & activitate earum activitati veneni respondens. Venenum enim quodlibet vel coagulando sanguinem, vel rorem illum, qui in fibris spermaticis stabulatur, diaphoresim impedit, vel vitam suffocat; quoties ergo pharmacum diaphoreticum, & celeritate, & virtute celeritatem, & virtutem veneni superat, inefficax erit venenum, neque suos in corpore producat effectus, nam ab efficacia diaphoretici immutatur potius, quam immutat, ut de veneno viperino intra stomachum assumpto dicemus *Tomo Tertio de Vulneribus cap. 29. De Vulneribus ex venenato morfu inflatis*, & passim in multis animalibus observatur, ob vehementem virtutis digestivæ robur, cibos aliquos digerere, qui aliis venena forent, ut bobus, & sturnis cicuta, capris Nerium &c.

Nec aliter philosophandum est de virtute anodyna, nam cum venena vivis venena sint, non autem mortuis: necesse est, ut vita veneni efficaciam in actum deducat, ut de purgantibus medicamentis dicemus; quoties itaque opportuno tempore vis anodyna vitam, & partium spiritus sopit, veneni vis non invenit facultatem illam, quæ in actum illud deducere debebat, ac sic illud quoque quiescit; hinc est, quod tantum apud *Galenum*, quantum apud recentiores Theriaca habetur, pro tutiori, & universaliori antidoto, ex eo quia utraque illa est prædita virtute, diaphoretica scilicet, & anodyna, etenim si opium à theriacæ compositione demas, actum erit de ejus alexipharmaca virtute, ita enim si quatuor, aut quinque simplicia, quæ maximam vim diaphoreticam habent, ab ejus compositione demas, inutilem experietis theriacam.

Ut itaque non solum sistatur, sed abstergetur in anthrace id, quod inter fibras concrematum est, ut supposuimus, valido diaphoretico, atque celeriter per corpus penetrante opus est. Habemus illud apud *Paracelsum*, & multoties à nobis expertum:

℥. Vin. correcti ℥. x. Theriaca ℥. ss. Myrrh. rubr. Croci ana ℥. j. Zingiberi, Piperis ana ℥. ss. m. Macerentur simul per quatuor dies, deinde quod tinctum est, & liquidum, separetur. Hujus ℥. ℥. ss. m. cum medio vini optimi cyatho, & ægro propina, jejuno stomacho, componatque se, ut sudet, quod si sudor erumpat, salutis signum est, quod fiat quolibet manè, adhibita tepuis victus ratione, & ab iis, quæ refrigerant, aufugiat æger, ut à sanguinis missione, purgante medicamento, & ab immoderato aquæ potu.

Sed quia prædictum Paracelsi diaphoreticum non facile in officinis invenitur paratum, ejus loco aliis diaphoreticis uti possumus, ut lapide bezoar, bezoartico minerali, sale volatili viperarum in theriaca chymica, vel in decocto G. C., vel in electuario Diascordii, vel aqua scabiosa. Pro pauperibus substituimus bolum armenum, terram sigillatam, cretam Melitensem, C. C. præp. sine igne,

aquam theriacalem cum spiritu vini, aquam rutæ caprarie, radices scorzonerie conditas &c.

His internis medicaminibus institutis, ad anthracis locum devolvimus, & in parte hoc remedium applicari poterit;

℥. Theriaca opt. ℥. ss. Rad. Zinzib. ℥. j. Myrrh. q. s. f. cataplasma, Et manè, & serò parti affectæ applicetur.

Vel imponimus theriacam, vel Diascordium. Notum est aliàs, quod sympatheticum modo circulus ter in die circa anthracem ductus à sapphiro annulo incluso, etiam inhibeatur progressus ulterior, carbunculus excidat, & ulcus cavum relinquat, superponendo post sapphiricam circumvolutionem fodicationum emplastrum, quod sua efficacia sanas partes anthraci circumstantes fovet, & roborat, veneni qualitatem immutat, & uredinem remittit, sic sensim anthracis materia dissolvitur, & à sanis partibus separatur, & hoc fodicationum emplastro curatio perficietur.

Nonnulli spuma venenata duorum draconum, i. e. butyro antimonii utuntur, in quo beneficio plumæ intinctæ circa anthracem circulum ducunt in confinio nempe cum parte sana; sic namque virulentia carbunculi caustica optimè extinguitur, & ulterior mortificans progressus potenter inhibetur: & hinc separatur pars emortua carbunculi, parte vicina sana, ut ulterius serpere nequeat, quia intra circulum contenta pars à carbunculo mortificata sponte excidat: & postmodum ulcus mundificandum, ac more consueti consolidandum relinquitur.

Alii emplastrum de magnete arsenicali adhibent, quod ipsum applicatum etiam brevi crustam inducit, qua separata, si adhuc malignitatem carbunculi quandam subesse suspicio sit, denuò applicant, donec ejus virulentia fuerit extincta. Hinc facile ulcus consolidant. Verum in hujusmodi tumorum curationibus à corrosivis, & sceticis, aliisque dolorificis omninò cavete, uti etiam à ferro, mors enim irreparabilis ab his sequeretur.

Cæterum quia sæpissimè cum anthracem, & carbunculorum frequentia grassatur pestem non longè abesse multoties compertum est, vos hic arcano non defraudabimus, in clade hujus regni uberrima multoties experto, ac semper cum eventus felicitate. Ut plurimum incipiente peste ex politicis causis dissensiones inter Medicos oriuntur; alii enim obstinate pestem esse ruentur, alii quoque obstinatè illam non esse dicunt, alii neutrum affirmare audent secundum Principis politicas rationes; ac interea contagium hinc illinc serpendo, cum in rei certitudinem veniunt, totam urbem coinquinatam inveniunt, & remedio incapaces. Vos itaque si id (quod Deus avertat) nonnunquam acciderit, statim ad disputationem experimentum reducite. Habebitis experimentum ex sequentis cataplasmatris applicatione super anthracem, vel bubonem, vel alium quemvis tumorem, qui an pestilens sit, in dubium vertitur; nam eo superposito, si verè pestilens sit, infra horæ quadrantem pars dolore privatur, ac infra duas horas perfectam suppurationem acquirit, educeturque per anthracis, vel bubonis operationem totum pestilens venenum per corpus diffusum, si accurata sit Medici industria: contra vero si pestilens non sit tumor, sed malignus, & cacoethes, absque tamen contagio, ex cataplasmatris appositione nulla eveniet doloris remissio, neque ulla apparebit suppuratio, sed perseverabit tumor in suo statu, ea causando, quæ malignorum tumorum sunt propria absque contagio. Cataplasma sic concinnabis:

℥. Bubonem vivum, illumque in furnum immitte, ut sensim moriendo exsicceetur, & in pulverem redigi possit. Hunc pulverem m. cum farina hordei, & cum saliva, vel urina humana reduc in pulvem, quam tela impone, & anthraci, vel buboni superpone.

C A P U T IX.

De Cancro.

Quotiescunque in mulierum mammis, vel in hominum scapulis, naso, labiis, axillis, inguinibus, genitalibus, aliisque partibus tumor apparet durus, profundus, cum rubedine ad lividum inclinante, puncturis profundis, & in suppurationem pro calidorum apostematum morte, destinato tempore non abit, Carcinoma

nomina Græcè, Latine verò *Cancer* non exulceratur dicitur. Tum deinde temporis diuturnitate, quod intra cancri tumorem corruptum jam est, foras erumpit per cutis lacerationem, pessimo, cadaverosque odore cancrum ulceratum dices.

Hic tumor dicitur *cancer* à similitudine cancri marini, aut fluviatilis; nam circa hunc tumorem plures observantur venæ, quæ cancri animalis pedes videntur præferre; vel ita denominatus fuit, quia sicut cancer animal quicquid suis apprehendit pedibus, arctè retinet, & vix ab eo evelli potest: sic qui tali correpti sunt affectu vix liberari possunt, vel denique sic dictus fuit à similitudine pariter prædicti animalis, quia sicut hoc animal inæqualem habet superficiem, asperam, & duram; sic iste tumor est inæqualis, & ostracofus.

Appellatur ab aliis *Noli me tangere*; verum carcinoma, seu cancer in tres dividitur species, prima in cancrum absolutè, qui à vulgaribus definitur, quod *fit tumor p. n. ab atrabile ortum habens, rotundus, colore lividus, aut subniger, dolens, qui venis circumcirca turgidis, atque repletis, cancri pedes refert*; attamen nonnulli cancri nomen pro genere ad quædam ulcera serpentia scilicet phagedænica referunt, sub quo erysipelas exulceratum, gangrænâ, & sphacelum comprehendunt. In *noli me tangere*, seu *Pravam tentiginem*, quod in facie, præsertim supra mentum, os, & nasum oritur tumor, velut exulcerati cancri similitudinem referens, lento initio crescens, quasi parva pustula toto anno manet, qui aliàs minùs serpit, quàm cancer, unde cancer plus corrodit uno die, quàm noli me tangere integro mense. Dicitur *noli me tangere*, seu *prava tentigo*, quod fricati non debet, cum quod plùs manu tangitur, & fricatur; eò deterius redditur; vel quia remediis potiùs exasperatur, quàm demulcetur, & in sanas serpit partes. In *lupum*, si in tibis, & cruribus sit, in reliquis verò corporibus partibus, etsi ejusdem sit pravitatis, lupum absolutè nominari non censent. Dicitur *lupus* ob vehementem erosionem, & excisionem, quia vulgus existimat famelici lupi instar gallinarum carnes, imò & alias carnes absumere, ut fufius secundo Tomo dicemus.

Duplex est cancer, unus occultus, alter non occultus: occultus est ille, qui in penitioribus corporis partibus oritur, ut in sede, palato, aut in sinu muliebri conditus: non occultus; qui in extima, & summa corporis oritur parte, qui quia oculis cernitur, non occultus, sed patens dicitur.

Signa.

Circa cancri cognitionem oportet chirurgum optimum esse botanicum, qui nascentes herbas habet cognoscere; nam herbæ, dum nascuntur, quia renellæ, & parvæ, difficilis est earum cognitio, sicut ipsæ nascentes à malis botanicis non cognoscuntur, sic cancri incipientes, quia ciceris, vel fabæ magnitudinem vix adæquant, à malis inexpertibus Medicis non cognoscuntur, ex quo postea infamia, & dedecus sequi solet. Quare cognoscitur cancer primò, quia lentè proserpit, & vix pisi magnitudinem exæquat: aliquando illicò, aliquando sensim accrescit. Secundò, ex colore, qui ad nigrum, vel fuscum inclinât. Tertio, ex duritie. Quarto, à venis circumstantibus similibus cancrorum pedibus. Quintò ex dolore, nam etsi non prematur, non dolet, dolere tamen potest post compressionem ex inæqualitate tumoris. Ex aspectu demum formidoloso, quando est magnus tonsoribus, & lippis est notus.

Causa.

Pro hujus morbi causa vulgariùm cœtus humorem melancholicum in atrabilarium degeneratum accusare solent. Ita Galenus vulgariùm antesignanus inquit 2. ad Glauco. cap. x. *Ex putrefacto melancholico ulceratus fit cancer, ex non putrefacto verò non ulceratus cancer gignitur, cujus humoris est causa cachochymia, quæ causari solet ex mala victus ratione, ex usu scilicet lentium, cochlearum, aut eorum omnium, quæ possunt melancholicos gignere succos, præcipue facit aer nimis fuscus, ut est in Alexandria. Ad id etiam valet suppressa aliqua hamorrhoidum, vel menstruum evacuatio, obstructio lienis, hepatis &c.*

Contendunt vulgares, an inter calidos tumores, an

frigido sit malum hoc annumerandum, cum supponant in cancro atrabilarium humorem omninò calidis, tenuibusque carere partibus, & hæc quæstio est de lana caprina, ac de asini umbra, quæ nihil ad morbi sanationem facit, & adhuc inter ipsos sub Judice manet.

Atrabilarium humorem sub silentio involuimus, veluti responsione indignum, tanquam inutiles nœnias, & ignorantia asylum spernimus. Omnes ferè morbos, quos lethales habent, quia ab ipsis pro eorum sanatione non est inventum remedium, ab atrabili ortum ducere fatentur; Adoriuntur tamen morbos, quos quilibet tonsor, vel histrio curare potest, morbos verò difficiles, ut cancrum, caducum, epilepsiam, lepram, podagram &c. intactos relinquunt; quasi Deus pro istis non creavit medicinam.

Nonnulli vulgares morbi nequitiam in carnes corroden-do meditantes, illum explicatu difficilem asseruere esse, quomodo atrabilis, quæ nusquam tantopere aliàs sæviat, ac hujus loci, de atrabilis insufficientia in suspicionem venerunt, & aliquid peculiarius, ut est anguis in herba, sublatere rati sunt, quod huic ingenti corrosioni ansam præbeat. Non eos dicere puduit, in hoc malo minutissimos innasci Vermiculos de Syronum specie, præ minutie ferme visum effugientes, mobilitate sua in tam sensibilibus locis maximum pruritus, & catarrhalem excitantes fluxionem, quæ suo affluxu ulteriorem putredinem, & vermiculorum generationem inducere potest, unde partes tam putredine, quàm erosionem absumuntur. Quod pervenit vulgariùm Medicorum inscitia! Hos minutissimos vermiculos in hoc morbo, nos unquam nec in terso speculo, nec microscopio observare potuimus.

Ut de carcinomatis causa nostram proferamus sententiam, supponimus primò dupliciter fieri corruptiones; vel enim composita optima, & perfectissima, vel imperfecta, five mediam vitam habentia corrumpuntur, si corrumpantur hæc eorum corruptio non erit tam pessima, & prava, sed mediocriter se habet; si corrumpantur eximia composita, & optimè præstantia, deleteria quidem intensa nimis resultat, & effluit putrefactio, unde Aristoteles hanc noscens veritatem inquit: *Corruptio optimi pessima*, quod assertum adhuc experimento comprobatur, aliquod vegetabile; & aliquod sensitivum, cum nobilius sit hoc illo, intensior multò sit in sensitivo, quàm in vegetabili corruptio.

Supponimus secundò in nostro corpore ex fermentatione duas generari partes homogeam, volatilem, sulphureamque; alteram verò fixam, ætherogeneam, & tartaream, quæ doctrina adhuc autopsia patet; omnia enim quæ in hoc terrarum orbe reperiuntur, duas continent partes, unam volatilem, alteram verò fixam: sic in homine idem erit dicendum, cum utrobique sit par ratio.

His breviter suppositis, sic nostram de carcinomate causam demonstramus, dicendo, quod quotiescumque corrumpitur, vel degenerat pars volatilis, & homogea, ut quæ in partium alimentum cedit, toties scirrhus, cancer, formica, vel aliud quodpiam sibi conveniens succedit; si verò corrumpatur pars fixa, semifixa, vel omnino non homogea, abscessus ordinarii, tumores benigni, & carbunculi, absque eo quod malignitatem sapiant, erumpunt. Pars ista volatilis tota per insensilem evacuationem post vitæ sustentationem in auras resolvitur: accidit quandoque ob prohibitam transpirationem per cutis poros, & transpirare non posse, tunc condensatur, & coagulatur in principio in parvam pustulam, vel tuberculum vel verrucam. Hæc pars volatilis est de natura salis, quæ in coagulum versa fixatur, & ob perennem diaphoresim nova pars volatilis ipsius salis diaphoretici supervenit, & fixatur, quia *volatile agens supra fixum, fixatur, & omne simile tendit ad conservationem sui similis, tam secundum generationem, quàm secundum conservationem*, & in dies præpotenti vi attractiva, qua refertur, magis, magisque pollet, majorem salis microcosmici copiam in se trahit, & imbibit, qui ob moram sensim fermentatur, acuitur, exaltatur, in sal acutum mordax corrosivum, arsenicale, & realgarinum degenerat, quod urit, caustica, non secus ac caustica potentialia; cujus salis caustici ope ulceta fiunt, dolorosa omninò sunt, difformia, & variis variegata coloribus, putrida prorsus, & infecta supra ulcervum omnium modum.

Fit cancer in mulieribus ut plurimum ob menstrua retenta, vel non sufficienter evacuata; in viris verò ob sanguinis hamorrhoidalis suppressionem; retinent enim sanguis

guis in suis conceptabilis obstructionis vitio, qua mediante, sali acuto imbuitur erosioni apto. Suppressio itaque sanguine, ex sympathia id est, consensu uteri cum matris, acuitas illa in ultimum partium albarum nutrimentum imprimitur, non resolvitur per diaphoreticum, ac sensum degenerat fit, coagulatur, & suo viru quodammodo torpido continentes inficit partes, ac temporis progressu ferè utilitate eas privat: Unde fit in ipsis, & præsertim partibus glandulosis obstructio, cujus ope sanguis per venas transfluere non potest, venæ tumori circumpositæ, varicosæ, & nigricantes apparent, ac canceri chelas representant, quia sanguinis motus ab affectu partis densitate, & constipatione feriatur. Hinc durities, & circumstantium primum dolor percipitur; semper enim salia diaphoretica non transportata exaltantur, ac in realgarina degenerant, hinc corruptio, & ab ea ichor resultat, qui, cum vivas sanasque partes tangit, eas vellicat, & ad contentæ corruptelæ dispositiones excitat, & ita paulatim per totum mammae corpus, tam corruptela continentium, & contentorum, quam tumor expanduntur.

Reliquimus cæteras sententias tam *Paracelsi*, qui vult cancerum gigni in hominibus, ob venarum hæmorrhoidaliū suppressionem, vel in mulieribus ob menstrua detenta, verum hæc sunt causæ occasionales, quam *Fabri* sententiam, qui ex materia tartarea hunc morbum generari prætulit.

Prognosis.

Cancer in sui ortus principio non curatur, & præcipuè ille, qui in summa corporis parte hæret. Qui mediis utuntur acrioribus, eum exulcerant. Confirmatus, aut inveteratus nisi radicitus perfectionem, aut unctionem extirpetur, curationem non admittit; verum occultus, si ve cavitata quadam corporis detentus curationem respuit, ut consulit *Hip. 6. aph. 38. Cancros occultos* (per occultos non ulceratos nos intelligimus) *omnes melius est non curare; curatio enim citius intereunt, non curati longini tempus perdurant.* Ulcerati immedicabiles sunt apud *Medicorum* vulgum, & pro lethalibus apud ipsos semper habentur, quia adhuc remedium non invenire; unde omni salutis spe destituti ægri miserrimè inter ejulatus, dolores, & cadavericos putores, deplorabilem protrahunt vitam, & pigrè tendunt ad mortem.

Vulgares chirurgi *Hip. aph.* persuasi in hujusmodi tumore curando fugam honestam arripiendam esse consulunt. Sunt isti vulgares non absimiles illi Sacerdoti, & Levitæ Evangelico, ut habetur *Luc. cap. x. Homo quidam descendebat ab Jerusalem in Jericho, & incidit in latrones, qui etiam despoliaverunt eum: & plagis impositis, abierunt, semivivum relicto. Accidit autem, ut Sacerdos quidam descenderet eadem via: & viso illo; præterivit. Similiter, & Levita cum esset secus locum, & videret eum, pertransiit. Samaritanus autem quidam iter faciens, venit secus eum, & videns eum, misericordia motus, approprians alligavit vulnera ejus, infundens oleum, & vinum, & imponens illum in jumentum suum, duxit in stabulum, & curam ejus egit.* Hunc morbum curare tantum sciunt Dogmatici Spagyrici, non verò vulgares; nam hi veluti Gorgonis capite percussi aufugiunt.

Curatio.

Curatio à vulgaribus adimpletur pluribus intentionibus, quarum prima consistit in optimo rerum non-naturalium regimine; secunda in materiæ antecedentis regulatione; Tertia demum materiam respicit conjunctam.

Prima completur pro earum sex rerum non-naturalium moderatione, secunda per medicamenta evacuantia, idoneis primò exhibitis syrupis, ut

℞. Syr. de fumar. simpl. de succ. acetos. & endivia ana ℥. ss. aquæ lupul. ℥. iij. m.

Qui assumi debent ad plures dies, saltem ad decem, deinde purgans exhibent medicamentum humori melancholico appropriatum, quod non debet semel administrari, sed pluries, & pluries, prout videtur. Hortantur, ut memoria teneatur id, quod à *Mesue* docetur; qui tractando de humore melancholico, hanc pulcherrimam ex *Avicenna* adducit sententiam, & Canon quidem est: *In agriudinibus melancholicis, ut non semel, aut bis, sed per intervalla faciamus evacuationem, talem habentem temperiem, ut Natura regulet evacuationem, non autem eva-*

cuatio naturam. Et post vacua verba sequitur: *Melius est, in hac materia multiplicatio numeri, quam multiplicatio quantitatis.* Undè medicamenta semper esse debent leviora, & mitiora, ac dum administrantur, *Fallop.* imitantur, qui per intervalla adhuc quædam exhibet antidota, ut *jus cancerorum fluvialium, & eorum pulveres*, ex quibus cum melle electuaria confici possunt. Idem *Fallop.* felici cum successu expertus est *aquam stillatitiam ex virga aurea manè exhibitam ad ℥. iv.* cujus modus apud ipsum, & legendus cap. 19. de cancro, quibus administratis.

Ad localia accedunt, quæ in principio repellentia esse debent, adhuc ut ipsius augmentum impendant, nec fortiora esse debent, quia nimis constipant, nec leviora, quia nihil agunt; unde convenit *succus rosarum, plantag. solani, lactuce, &c.* Modus utendi pariter apud ipsos est varius, vel madefaciunt linteola in prædictis succis, & superponunt, vel excipiuntur succi in mica panis, addito *ol. rosar. f. cataplasma*, vel tutius capiuntur succi prædicti, & oleum ros. completum, & ponantur in mortario plumbeo, continuo agitando cum pistillo plumbeo, donec acquisierint æqualem crassitiem, & imponantur parti.

In augmento cum repellentibus digerentia admiscant, quæ etiam sint leviora, ne pars nimis calefiat; unde cum prædictis succis miscant calcem decies lotam, spodium pariter, vel tutiam eodem modo ablutam, & in mortario plumbeo agitatum.

In statu autem medicamenta tantum conveniunt digerentia supradicta.

Sed accidit quandoque (imò semper dicere debebamus,) ut cancer neque prædictis sanetur auxiliis, neque augeatur, non decrescat, non doleat, sed quiescat prorsus, quid agendum sit, in hoc casu *Fallop.* legendum præcipiunt, qui docet: *Nam multi supervixerunt, & aliquando ad plures annos, quòd si fuissent aliquo præsidio adjuti, citius periissent, ut patet ex aph. 38. sect. 6. Quibus occulti canceri* (id est non ulcerati) *adsunt non curare melius, curati enim citius intereunt; non curati verò longius vitam trahunt.* Igitur quiescendum putant, & solum vere, & autumno convenienti pharmaco corpus purgandum.

Ex his debilibus, & vanis barbatorum medicamentis, quæ tam sævo, & pertinaci adhibent morbo facile quisquam omnimodam sanationis impossibilitatem conjicere potest; nunc nostram proponemus hujus tetri affectus curationem, ut arbiter esse possit.

Curationem initio instituimus, antequam malignam cancer naturam induat, corpus deplendo purgantibus mercurialibus, his enim præstantiora in hoc morbo non dantur, & eadem ratione, ut de Lue Venerea diximus, luem veneream potenter eliminat Mercurius, quia luis causa est exaltatum, & corrosivum nutrimenti sal redditum, quod cum Mercurii corpore immutatur, nec corrosivam vim amplius retinet, in cancro quam maximè proficua sunt. Si stomachus superfluitatibus oneretur, *Mercurius vita, vel nostrum Hippocras emeticum in nostra Trutina lib. 1. cap. 2. de Apoplexia* descriptum, exhiberi potest, quod non tantum superfluitates exturbat, verum etiam fibras à causa occasionali abstergit. Deinde ore tenus *Mercurius diaphoreticus primi ordinis Theophrasti Paracelsi* sumatur, qui non tantum prohibitam transpirationem in parte referat, verum salia corrosiva cicurat, coagulum resolvit, & obstructiones aperit; vel maxime prosunt sudores ab *Antimonio diaphoretico* elicit. Tuberculum maximo perè convenit *oleo ex frumento* lenire, vel præstantius *empl. fodic.* cui duplex mercurii vivi pondus in rigillo supra lentum ignem sit optimè admistum, superimponere. Summo perè conducunt *vulneraria potiones, vel magisterium oculorum cancerorum in aqua persicaria*, in cujus magisterii defectu *pulvis cancerorum fluvialium* à nobis alibi descriptus substitui potest.

Si cancer ex menstruorum, vel hæmorrhoidum suppressione occasionaliter oriatur, ad obstructiones referendas ex Marte medicamenta confecta ad mensiem chymicum, & ultra exhibemus.

Non agimus hic de cancro exulcerato, quia de eo *Tom. 2. cap. 23. de Ulcere cancroso* fufissimè tractamus.

CAPUT X.

De Gangrana, & Sphacelo.

Gangræna non semper sub tumorum genere comprehenditur; cum non semper tumori associetur; nam plerumque maligna insequitur ulcera, sæpè etiam venenatis instrumentis inflicta vulnera, & venenatorum animalium morsus, absque eo, quod iis associetur tumor, verum quia plerumque magnis inflammationibus accidere solet, ideo ejus tractatum hic instituimus.

Gangræna est incipiens, & imperfecta mortificatio in mollioribus corporis partibus, plerumque post gravem, aut malè curatam inflammationem sequens. Dicitur *ignis sancti Antonii*, *ignis Persicus*, & *Esthiomenus*, quia exedendo, seu depascendo procedit.

Sphacelus est perfecta, & plenaria mortificatio, corruptio, & putrefactio, non tantum partium mollium, sed etiam durarum. Dicitur Græco nomine *sphacelismus* à jugulando, & enecando, quia partes, quas semel aggreditur, nisi citissime succurratur, enecat. Dicitur etiam ab aliis *Esthiomenus*, *Necrosis*, Latine *sideratio*, i.e. sideris percussio, plerumque ramen retento Græcorum nomine, sphacelus appellatur Vulgò verò *Ignis S. Antonii* vocatus fuit.

Differunt hi affectus, nam gangræna est mollium tantum particularum passio; in ipsa enim tum cutis, cum etiam subjecta caro afficiuntur, non autem ossa, & juncturae. Sphacelus contrà, & ossa, & juncturas devastat, ac propterea non tantum molles, sed duas apprehendit particulas. In sphacelo partes prorsus sunt emortuæ: in gangræna emori incipiunt, & sensus nondum est abolitus. In gangræna cutis aliquo modo rubicunda apparet: sed in sphacelo pallida est, mox livida, & tandem nigra evadit. Sphacelus plus fœtoris affert, quàm gangræna.

Ex horum affectuum differentia patet falsam esse *Galenii* sententiam, qui gangrænam carnosas, sphacelum verò spermaticas apprehendere partes statuit, & in ossibus exsectionem, seu erosionem, vel cariem vocari existimavit.

Omnes humani corporis partes tum internas, tum externas gangræna, & sphacelo corripì posse, præter experientiam quotidianam pluribus, & innumeris practicoorum observationibus compertum est: sic brachium, pedem, penem, scrotum, perinæum, pudendum muliebre, sphacelata observavimus. Nec ab hoc diro, & pessimo malo interna viscera sunt immunia, intestina, stomachum, œsophagum, & os sphacelata vidimus. In quadam infantula quatuor annorum in gingivis, & labiis sphacelum observavimus. Imò cerebrum ipsum nec immune est, ut pluries nobis compertum est, insuper & cor sideratum in peste inventum tradidit *Helmontius*.

Signa.

Gangrænae signa facilia sunt, quinimo sensu ipso discernuntur; ex inflammatione enim color ab initio flavus apparet, mox ingravescente malo cum diris, & vehementissimis cruciatibus mutatur in fuscum, & lividum colorem, deinde ad nigrum convertitur, vel ad hos accedit colores, simul exoriuntur pustulae grandiores ichore loturæ carniū simili refertæ, calor, dolor, & pulsus multo remissior insequitur, quàm qui cum inflammatione præcessit. Tumor quoque qui antea extensus erat, collabescere incipit, & si tangatur œdematis instar foveam relinquit, vel si pungatur locus affectus, minimus, & ferè insensibilis percipitur dolor, calor extingui, pulsus aboleri incipit, & caro flavescit. Quæ symptomata quò magis ad perfectam corruptionem accedit gangræna, eò magis augentur, & evidentiora redduntur; Verum quia gangrænae signa pro causæ occasionalis diversitate variant, ideo

Si à frigore contracta est gangræna, dolor vehementer pungens in parte percipitur affecta: hæc primò rubra, mox pallida, & tandem nigra evadit: naturalis calor paulatim extinguitur, & oritur horror illi similis, qui in quartana percipitur febre, & locus glaciei instar frigidissimus evadit.

Si à causa externa calida, rubedo in album, & deinde in nigrum mutatur: pulsatio, & dolor cessant: sensus imminuitur, tandem quædama apparent pustulae, ex quibus ichor profluit.

Si ex alimenti defectu, ab initio nec tumor adest, sed macies, pars redditur frigida, ac torpida, & ut plurimum morbus externos, manus, scilicet, pedes, nares, vel aures occupat artus, & affectus hic absque dolore ad totalem transit mortificationem.

Si à venenato animalis morsu, aut humore, dolores, & febres malignæ continuò affligunt, syncopes adsunt frequentes, vomitus, & deliria: pustula hic oritur, sub qua nigra macula est, quæ deinde per partem dispergitur nigram.

Si tandem ex constrictione, & forti ligatura, pars tumet, distenditur, intensè dolet, inflammatur, vesiculæ exoriuntur ichore loturæ carniū simili plenæ, livescit, nigrescit, membrum fit grave, & immobile, pars cum vaporibus intumescit, & ipsa cutis à carne discedit, si incidatur, nihil præter vaporem cum pauca lymphæ quantitate effluit.

Si Sphacelus adsit, locus planè nigrescit, tumet, putridi pomi instar mollis est, ac penitus cadaverosus apparet, omnis arteriarum pulsus cessat, nec ullus doloris sensus superest. Si caro sphacelata scindatur, pungatur, vel adutatur, ut non prorsus sentiat æger, ac simul exsucca omnia existant, sphacelus dicitur, si verò adhuc sentit, dicitur gangræna. Caro digitis compressa facilè pastæ instar cedit, & remotis digitis non resilit, sed scorificata manet, nec secta etiam usque ad periostium quicquam sentit, quod indubitatum sphaceli signum est. Cutis à subjecta carne abscedit, fœtidum, ac cadaverosum emittit halitum, atque ichorem, qui adest malignus in summo gradu, ac in ipsa peste.

Monendus est hic chirurgus, ubi ex signis his gangrænam, & sphacelum deprehendit, ut ea, quæ agenda sunt, ne ampliùs differat, deceptus motu, qui interdum aliquis in membro etiam mortuo reliquus est; moventur enim partes sphacelo corruptæ non integri musculi motu, sed quia saltem musculi caput adhuc integrum est, quod dum movetur, unà continuum sibi tendinem, & caudam suam etsi jam emortuam trahit.

Causa.

Galenii sectatores pro gangrænae, sphaceli causa, quia vitam in caloris integritate reponunt, caloris nativi destructionem, vel corruptionem, suffocationem, dissipationem, vel extinctionem assignant, unde dicunt, quòd,

Destruitur noster calor à contrario manifesto, ut ob vehementem frigus externum, aut aeris, aut hyemis, aut medicamentorum repellentium; sic enim non rarò videmus hyberno tempore vehementem pruina teneras enecare, & arefacere herbas: ita consimile frigus etiam extrema pedum, manuum, aures, nares mortificat. Idem etiam contingit ob medicamenta repellentia, nimis refrigerantia, in phlegmone, aut erysipellate adhibita, partem gangræna, aut phacelo corrumpi. Verum aliqui hunc modum potius ad prohibitam transpirationem referunt; alii ad sanguinis coagulationem refundunt, quia sua circulatione impeditur, & interdum mortificatio sequitur. Vel

Corrumpitur à contrario occulto, quod à *Medicis* vulgaribus appellatur contrarium à propria forma, seu tota substantia, seu ab occulta qualitate, hujusmodi est venenum, vel venenata aliqua qualitas, quæ corporis nostri calorem corrumpit. Interdum enim humores in corpore nostro adeo degenerant, & tantam nanciscuntur malignitatem, ut in iis partibus in quas à natura demandantur, mortificationem inducant, ita ut plurimum mortificationes in febribus malignis, carbunculis, bubonibus observantur. Ita vulnera venenatis inflicta instrumentis illicò livescunt, & facilè in gangrænas abeunt. Sic pariter maligni, & venenati halitus, morsus, & ictus venenatorum animalium in gangrænam terminantur. Hoc efficiunt medicamenta sectica, quæ calorem, & carnem corrumpunt, non satis prudenter adhibita, præcipuè in locis calidis, & humidis, ut in emunctoriis, & pudendis.

Suffocatur, sive strangulatur noster calor, si non ventiletur; calor enim noster perpetua indiget ventilatione, si illa denegetur, facilè vaporum copia suffocatur, ita sæpissimè observatur in admodum largis, & grandibus tumoribus, præcipuè in partibus humidis gangrænam accidere, calore nativo suffocato.

Dissipatur natus calor ab extraneo, & vehementi calore, sic interdum post magnas ustiones, gangrænae observantur.

Extin-

Extinguitur natus calor alimenti defectu, non aliter ac flamma in lucerna, deficiente oleo: sic noster calor nutrimento indiget, quo denegato, extinguitur. Hoc modo gangræna in extremis corporis partibus accidit, in atrophia, tabe, & similibus morbis chronicis corpus emaciantibus. Ob sanguinis defectum, si majores articuli laxari non bene reponantur, os laxatum vicina comprimit vasa, & sanguinis, ac spirituum influxum in subjectas prohibet partes, tabes inde, & earundem sequitur macies, & procedente tempore, gangræna. Ita quoque contingere potest à ligatura in membris vulneratis, vel dislocatis, qua pars aliqua nimis arcte, & diu vinculis constringatur, qua spiritus intercipiuntur, & sanguinis motus inhibetur. Eadem de causa vehementes contusiones, quemadmodum poma contusa facile putrescunt, ita etiam membra fortiter contusa tumorem, & corruptionem fortiuntur.

Prædictos quinque modos, quibus gangrænam, sphacelumque causari autumant *Galenici*, non omnino rejicimus; verum tanquam causas immediatas repudiamus, & solummodo inter procatharticas, & occasionales reponimus.

Horum affectuum causam immediatam pro nostra *Galenici* sententiam amplectimur, pro qua notamus hic Galenistarum pervicaciam, & profundissimam Galeni doctrinam, quæ ex eo, quod rudes sortita est sectatores, adeo latuit, ut recentiores veluti novam pronuncient. Suprà nos affectuimus, quod carbunculus, cancer, similesque tumores maligni, non ratione atrabilarii humoris tales erant, sed ratione solidarum, & continentium partium corruptione: legite eorum id apud accuratissimum *Galenum de tumoribus p. n. cap. II.* hæc scribentem: *Gangræna cum est ipsa quoque solidorum corporum mortificatio, quæ maximis consequitur inflammationibus, cum itaque solidæ, & continentes partes corrumpi non possint, nisi nutrimentum ultimum in earum fibris receptum corrumpatur; necesse igitur est, ut in iis inflammationibus, quibus gangræna succedit, primariò vitium sit in ultimo partium nutrimento, secundariò verò in sanguine, qui per accidens in parte coadunatur, & effervescit, nam solidæ partes, quæ vitio proximi nutrimenti, laborant, nihil cogitant de affluentis eò sanguinis circulatione, cujus concretionem celerius suffocatur continentium partium vita, unde gangræna emergit.*

Ultimi nutrimenti vitium in partibus continentibus est sal acre, lixiviale, exaltatum è causis occasionalibus in causticam, realgarinamque natutam, quod cauteriorum potentialium more partes continentes abscindit, unde obstruuntur, & ob vasculorum obstructionem sanguis, cæterique succi cespitant, à circulatione feriantur, & in coagulum transeunt ob denegatum, prohibitumque affluxum; hinc primò pars rubeum, aut sub purpureum nascitur colorem, deinde cutis, & caro ad nigredinem transit, quandoque fit sicca, & arida. Majorem mali mineram augere solent succi concreti in propriis conceptaculis, vel evasati, quia nullam in his fermentationem conservant, unde ob ætherogenearum particularum stagnationem, corrumpi necesse est, ut aquæ stagnantes efficiunt paludes fœtidas, & corruptas. Partes frigent, motu, & sensu destitutæ, ob denegatam nutritionem, fermentationis fermentationem, & ob spirituum denegationem influxum, ac denegatam vitæ irradiationem.

Gangræna, & sphacelus tantum gradibus differunt; in gangræna enim paucissimi tubuli adhuc sunt aperti, per quos sanguis, & succi fluere possunt; in sphacelo verò est totalis tubulorum obstructio omnes sunt disrupti, corroti, & adeo corrupti, ut nullus motus intestinus, fermentatio nulla inter hos intercedat, omnia corrupta, & mortificata, omnia emortua, & vitæ expertia redduntur.

Prognosis.

Tanta est hujus mali truculentia, & tanta malignitas, ut nisi citissime occurratur, partem illam, quam adoritur, corrumpit, & mortificat, ac totam humani corporis machinam destruit. Neque aliorum morborum instar perfuntoriè infestat, aut ad salutem quandoque terminatur; sed ubi semel pedem fixit, pertinacissimè adhæret, nec suis coercetur limitibus, cito pede graditur, & nisi citissime sistatur, exedendo, & depascendo, ægrum jugulat & enecat.

Musitani Opera Tom. II.

Chirurgus interdum desperato tam malo accersitur, instituta itaque exquisita prognosi, meritò sibi consultat, ne incautè se, & suam artem prostituat; audiat quædò *Celsus*: *Est prudentis Medici, ubi gravis est metus morbi, indicare necessariis periclitantibus in difficili rem esse, ne si victa ars malo fuerit, vel ignorasse, vel fefelisse non videatur, vel si mori contingat laborantem, Medicus occidisse credatur, quem, fors dira peremit.*

Gangræna gravissimus est affectus, verum si nondum planè obsideat, ac partem teneat, & adhuc incipiat, præcipuè in corpore juvenili, si recens corruptionem incute, & carne superficialiam habeat, ubi neque muscoli, vel vasa adhuc læsa non sunt, magna adhibita solertia, haud difficile curari potest, si celerrimè ferantur suppetiæ, quod si protinus non sistatur, inane erit opus; nam gangræna brevi in siderationem, sive sphacelum degenerat, & in succedentes aliqui sanas serpit partes, vicinasque itidem mortificat, & non solum vasa exedit, sed etiam ossa, & enecat ægrum. Partium internarum gangræna, præsertim cerebri, hepatis, lienis, massæ sanguineæ, mesenterii, intestinorum, renium &c. semper lethales sunt; externarum verò quandoque curationem admittunt. Periculosior est gangræna, quæ in partibus mollibus & laxis, ac quæ in corporis cavitatibus humidis incipit, ut in naribus, auribus, sive gingivis; ore, pudendo, ano &c. ejus curatio difficilis est, citius enim nutrimentum corrumpitur ab humore copia in talibus partibus existente. Eadem quoque ratione gangræna, quæ in hydropicorum tibiis, & scroto oritur, raro sanatur, sed plerumque in sphacelum degenerat. Gangræna, quæ oritur à contusione, motu, ulatione, fractura, vulnere &c. sanabilior est, & minus perniciofa censetur ea, quæ ab internis provenit causis sanguinem coagulationibus, sicut & illa, quæ in senili ætate, ex alimenti defectu oritur. Si pus album apparet; signum est, quod gangræna sepatanda sit. Gangræna, quæ sit à veneno, difficilis est curationis, paucos enim à tali gangræna ereptos vidimus.

Sphacelus verò longè adhuc periculosior est affectus, nec pars sphacelo correpta in integrum restitui potest, sed mors ipsa erit in promptu, quia patva corporis parte sideratione correpta, intra paucas horas totum corpus sideratione corripitur, veneni instar suo contactu, quod adhuc sanum, & integrum est, inficit, corrumpitque, ideoque nulla salutis spes superest. Si sphacelus jam factus in unâ tantum corporis parte, qua ad vitam destitui potest, nempe in brachio, vel pede adhuc hæserit, vita sæpius cum hujus partis sphacelata amissione servari potest, si illico sphacelatum membrum, ut dicemus, à sano recidatur, ut cecinit Ovidius 1. Metam.

Cuncta prius tentanda: sed immedicabile vulnus

Ense recidendum est, ne pars sincera trahatur.

alioqui præsentissima mors præ foribus adest. De duratione hujus morbi nihil determinare licet, modò brevioris termini est, & intra paucas horas vitæ finem imponit, modò longius durat, vel ad unum, alterumque diem protenditur, vel ad ttes, ut *Hippocrati* placuit.

Hic non possumus in emendatum relinquere illum *Hippocratis aph. 50. qui sect. 7.* de cerebri sphacelo loquens inquit: *Quibus cerebrum sphacelatum est, in tribus diebus pereunt: si vero hos evaserint, sani sunt.* Nam falsus deprehenditur, quod enim emortuum est, neque corrigi, neque emendari, neque in naturæ gratiam redire potest, cum à privatione ad habitum, seu à morte ad vitam, naturaliter loquendo, non detur regressus. Igitur optimè dixisset Hipp. quibus cerebrum est sphacelatum in tribus diebus pereunt, si ut plurimum addidisset, perperam verò si hos evaserint, sani sunt, nam cerebrum sphacelatum habentes impossibile est supervivere posse. Imò in tribus diebus pereunt falsum deprehendimus, multi namque pervenere ad decimum, undecimum, & decimum quartum, ut refert *Brasavola* de quodam ægroto, cum qui si quæras, quomodo poterit cognosci jam cœpisse sphacelum? Respondet *ex vehementissimo dolore, quem æger patiebatur, primo die effectus est attonitus, octavo die omnes amisit sensus, decimo quarto obiit.* Huic, ablata calvaria, totum cerebrum corruptum apparuit. Nonnullorum medentium ingenia hujus aphorismi interpretatio torfit, sed insano indulserunt labori, & oleum, & operam petdiderunt. *Galenus*, ut quamplurimos omittamus, hunc explicans aphorismum, pro sphacelo gangrænam accepit:

B

Hanc

Hanc enim Græci sphacelum etiam appellabant, & Herodotus dixit coxam Cambisys sphacelari, cerebrumque ita, quispiam diceret sphacelari tantum modo. Jam vero propter quid velox in eo mors sit, manifestum est, nimirum quia, & morbus gravissimus, & pars principalis maxime sit. Hinc videtur Galenus in hunc explicando aphorismum ad scopum non collinasse, muscas in aere venatus, & cancrum pro cete expiscatus fuisse. Nos hujus aphorismi posteriorem partem expungendam esse arbitramur, cum hujus adverbii additione, ut plurimum, & sic illum pronunciamus: *Quibus crebrum est sphacelatum, in tribus diebus ut plurimum pereunt.*

Uterque affectus comitem habet febrem acutissimam, & in sphacelo præcedunt deliria, vigilia, syncope, convulsiones, ructus, singultus, toto corpore frigidus erumpit sudor, alii inter loquendum, alique veluti somno sepulti moriuntur.

Curatio.

Vulgares tribus præsertim intentionibus curationem complent, quarum prima idoneum respicit victum; secunda totius corporis evacuationem, à præcedentibus succis requirit; tertiam demum circa, laborantem particulam idoneum operandi modum & opportuna præsidia designat.

Prima, quia acutissimus est affectus, tenuem exposcit victum, ac abstinendum à carnibus, vino, ab omnibus tum cibis, tum fructibus, quæ corruptionem pati, vel augere possunt. Cibos condiendos imperant aliquo ad putredinem inhibendam, hujusmodi sunt, acetum, succus limonum, citri, aurantium &c. Pro potu, ut utatur æger aqua scorzonera, vel sonchi, cui pariter acetum, vel limonum succum &c. admiscant ad eam proportionem, ut bibi possit. Verum hæc rationi non consona sunt; ipse enim morbus ab acidi excessu est, omnisque corruptio, & putredo ab acido excessivo dependet, & ab acidorum exhibitione potius summe invalescit, talesque gangrænicos, qui acetum, limonum, citri, &c. succum bibere, vel sorbere, vel buccellas in ipso intinctas vel cibos conditos comedere appetentes, ultra biduum non supervixisse observavimus; ideo omnia acida longè ab ipsis arceri debent, dandaque potius alkaliosa, ut oculi cancrosum, & similia. Prohibendi quoque sunt tales ægri à somno, putredinem enim auget. Aerem, qui potius ad siccum, quàm ad humidum vergat, eligunt. Alvinae faeces quotidie enemate exturbandæ sunt. Membrum affectum in quiete detineatur, & animi pathemata, quantum fieri potest, vitentur.

Secundam complent intentionem per duo illa vulgaria præsidia totum corpus evacuantia, phlebotomiam scilicet, & medicamentum purgans. Statim itaque ac gangrænæ vestigia apparere incipiunt, illico sanguinem effundunt, & pluries etiam juxta corporis habitum, temperamentum, ætatem &c. Prima vice revulsionis gratia; ex loco longiori, postmodum viciniore in derivationis gratiam, & consimili ratione scarificationes, & venarum sedis apertiones juvare credunt; Verum nos observavimus gangrænicos, quibus sanguis detractus fuit, infra biduum, vel tandem triduum periisse. Si gangræna à frigore originem duxerit, phlebotomia magis refrigerat; si à veneno, vel morlu venenato, vel malignitate, est ipso veneno nocentior; si ab alimenti defectu, nullo modo sanguis detrahendus est, cum subtrahatur alimentum; si ab æstu externo, phlebotomia impressum non aufert æstum; si à magnis inflammationibus, si pletora adsint, utique sanguinem mittendum conjectamus; si ab humorum affluxu, ut dicunt, tales humores purgandi, dummodo maligni non sint; si à pororum constipatione, phlebotomia poros non referat, imò magis constipat. Itaque in gangræna sanguinis missionem tanquam maledictam rejiciamus.

Deinde corpus purgant in vitiosorum succorum abundantia, & si succifuerint calidiores, prædiis bilem ipsam expurgandi viam habentibus utuntur, semper tamen motiora, & frigidiora eligentes, (verum quàm bardi sunt vulgares dari purgantia frigida putantes!) ne inducta in corpus agitatione, detur ansa, ut magis ad partem affectam fluant, inter hæc apud ipsos principem tenet locum manna, cassia, syr. ros. solut. syr. viol. de cichor. Nicolai, expressiones conf. ros. pers. &c. Contra si succi fuerint crassiores, ut phlegmatici, & melancholici, confugiunt ad phar-maca tales humores exturbantia, ut sunt syr. de fumar.

maj. suess. Diacatholicon, Diaphænicon &c. Illud advertunt, quod ubi in corpore copiosa malorum succorum coluvies, & ubi gangræna non statim, nec facile cedere videatur, in his casibus corporis purgationes reiterant per epicrasim.

Verum si vulgares chirurgi gangrænâ purgantibus medicamentis curare intendunt, eam in sphacelum commutabunt, nisi à magno humorum affluxu ortum ducat, nam eadem militat ratio pro purgante, ac quam pro phlebotomia supra notavimus.

Tertiam demum complent intentionem per localia præsidia, & manuales operationes laboranti particulæ adhibenda, quæ, quod in ea putridum est, absumant, & extirpent, ac quod putrescere promptum est, & paratum, à putredine vindicent.

Statim itaque ac gangræna incipere videtur, ex Galeni consilio cutem partis laborantis, vel pluribus sectionibus ad partem usque sanam, vel saltem pluribus utuntur scarificationibus; nam si gangræna fuerit incipiens, superficialis, nec multum profunda, utuntur scarificationibus, magistamen, vel minùs profundis, secundum quod fuerit gangræna: Si autem non fuerit incipiens, sed ulterius progressa, sectiones adhibent, quibus, quod putridum est, à sana separatur parte.

Post scarificationes, aut sectiones, si remanet in parte aliquis sanguinis grumus, abluenda est aqua salsa, vel lixivio barbitonforis, in quo fuerint decocti lupini, quod si velint efficacius reddere, dissolvunt in eo unguentum Aegyptiacum, vel hujusmodi utuntur ablutione, ut

℞. Aceti acerrimi ℥. ss. oximell. scyllitici ℥. iij. salis ℥. ss. ung. Aegyptiaci ℥. j. m. f. lotio.

Verum nos acetum repudiamus in hoc morbo ob rationes supra notatas, & unguentum Aegyptiacum propter viride æs omnino damnamus; affectam enim partem livore inficit, qui non tantum patienti, verum etiam adstantibus, & chirurgo metum incutit. Hujusmodi lotionem adhuc calida utuntur, & potissimum si frigidum fuerit anni tempus.

Post lotionem prædictam consulunt, medicamentum aliquod imponatur absumendi putredinem vim habens, aut saltem ejusdem inhibendæ; ad hunc usum utuntur pulveribus Chalcanti usti, præcipitati rubri, viridis aris, & aluminis roche usti simul unitis, quibus universam replent particulam, desuper imponentes filamenta sicca, vel unguento Aegyptiaco illinita. Circumstantes particulas proximas loco laboranti hoc cataplasmate defendunt, ut

℞. Farina lupinor. orbi, fabar. & lentium ana ℥. j. ss. Bulliant in aqua maris, vel in lixivio barbitonforum addendo. Salis comm. ℥. ss. oximell. scyllitic. ℥. iij. sapa ℥. ij. m. f. cataplasma.

Post 24. horas si in parte affecta inveniat inducta crusta, eaque dura, & valida, ac fortiter adhærens, medicamentis relaxantibus ejus casus procurandus est; tunc enim argumentum est gangrænâ, & putredinem jam esse evictam? Si autem vel crusta inducta non fuerit, vel mollis omnino, quia argumentum est nec putredinem desisse, nec evictam fuisse gangrænâ, ad majora confugiunt præsidia, & hanc ob causam vel pulveribus prædictis mercurii sublimati pulverem addunt ad paucam, sed congruam dosim, vel infra descriptis utuntur pulveribus, quibus tanquam arcani nonnulli utuntur, ut

℞. Arsenici crystallini ℥. j. ss. Realgari ℥. iij. Terantur supra lapidem marmoreum, desuper inspergendo nonnullas vini generosi guttas, ut ad unguenti formam perducantur, postea siccantur, & in pulverem subtilissimum redigantur, & servantur ad usum.

Verum hoc medicamenti genus est periculo plenum; est namque venenatum, & potenter suo sulphure inflammabili, & sale caustico penetrat, cujus virus (licet defensiva adhibeantur) calorem suffocat, carnem corrumpit, sanguinem inflamat, & cordis arcem perit, ac proinde nos multoties observavimus à causticis non satis prudenter adhibitis gangrænâs exortas fuisse.

Deligant partem affectam post 24. horas, & crusta in ea inducta suppurantibus, & humectantibus, ut decidat, procurant, & in usu habent butyrum recens, sive mantecam, illudque undequaque supra inductam eschatam lenientes, desuper lactuca, vel endivia folia ponunt, & id bis in die repetunt, ut mollior reddita facile decidat.

Decisa eschara, si subitè puram inspicunt carnem, & ulcus

ulcus non fuerit sordidum, cicatrizantibus ad sanitatem ducunt: si verò ulcus cavum remanserit, cavitatem sarco-
ticis implent pulveribus, ut sunt *pulveres mastiches, thuris, sarcocolla, sanguinis draconis &c.* postmodum cicatri-
zant unguento de *tutia, plumbo, lythargyrio &c.* Si caro
aliquali sorditie imbuta inspiciatur, utuntur unguento
mundificativo, ut est *unguentum apostolorum, vel aureum*
cum precipitanti pulvere admixtum in congrua dosi.

In sphacelo autem, quia nulla superest salutis fiducia,
proximas sanas tuentur partes, totius sphacelati membri
incisionem, & abscissionem moliantur. Verùm in recta
hujus præsidii administratione plures salutares attenduntur
animadversiones, ne ægrum in actuali operatione mise-
rum in modum deficere, animamque efflare contingat,
ut non rarò accidit.

Prima ut corpus sit optimè purgatum.

Secunda, ut validas obtineat vires, quibus non constan-
tibus, nequaquam ad hoc præsidii genus confugiat chirur-
gus, ne postmodum homicidæ nomen mereatur.

Tertia, ut æger intrepido, ac forti animo sit dotatus,
adèd ut à chirurgo proximè imminentis lethi monitus, va-
lido animo ad opus prædictum deveniat.

Quarta, ut idoneo in loco locetur æger, & à validis
ministris convenienti loco alligetur, ne membrum affe-
ctum in sectione vacillet.

Quinta, ne in articulis, aut parum suprà sectio institua-
tur, ad saltem quatuor digitorum spatium ab articulis ad-
ministraretur.

Sexta, ut idonea parentur instrumenta, quibus exactè
positis, chirurgus sectionem aggrediatur, prius tamen ad
sensum obtusefaciendum opiata exhiberi debere consu-
lunt, hujusmodi sunt *Theriaca novella, Triphera ma-
gna, Requies Nicolai, Philonium Romanum, quorum do-
sim ad 3. j. cum syrupo de papavere* propinant, sed debilia
præsidia hæc ad sensum obtusefaciendum pro tanta carni-
ficina, & prius cibo, & potu roborato, operationem
aggrediuntur, sed prius caro, & cutis sanæ partis quan-
tum fieri poterit, sursum ad superiora retrahatur. Post-
modum quinque, aut sex digitorum spatium supra ægram
partem, sanam fortiter vinciunt, & alligant, ut vasa
adstringantur, & quantum fieri poterit, sanguinis fluxus
inhibeatur. Hinc ad sectionem deveniunt, & aliquid de
parte sana apprehendunt; quapropter novaculis benè in-
cidentibus per spatium semi digiti à sana particula di-
stantis prius corruptam carnem ab osse separant, & de-
inde os ipsum à suo proprio perostio denudant, & ad
sanguinis fluxum evitandum prædictis labiis gossypium
aqua rosacea, & aceto rosaceo madefactum imponunt.
Postmodum ignis instrumentis corruptam carnem à sa-
na particula derelictam absumunt, & cauterizant, cu-
jus terminus erit cum sanguis amplius non fluxerit &
æger dolore infestabitur. Hinc acutissima serra os se-
cant, & incidunt, ac postmodum denuò ignitis instru-
mentis ossis prædicti labia, & extremitates cauterizant.
Advertunt tamen, ne medulla intra os contenta ignia-
tur, quia illicò os sanum inflammaretur. Post ejus se-
ctionem parti ipsi stuppatam applicant, & infrà scriptos
adjiciunt pulveres:

2℥. *Calchanti vsti, sarcocolla, aloës, boli armeni ana*
3. ij. thuris, mastiches 3. j. m. & f. omnium pulvis. Deinde
accipiantur albumina ovorum ad sufficientiam, & cum præ-
dictis pulveribus f. stuppata.

Vincula, & ligaturas suprà dissolvunt, & carnem, &
cutem ad inferiora retrahunt, ut os ipsum vel in totum,
vel saltem majori ex parte regant, & tueantur. Sequen-
ti die stuppatam prædictam remonent, & escharæ casum
procurant butyro &c. Si os medullosum fuerit, in me-
dullæ loco sicca adhibent filamenta, ne ipsa medulla
computrescat. Post escharæ casum ossi ipsi unguento de
Gummi elemi medentur, deindè incarnant, & cicatrizant
juxta necessitatem.

Gangrænæ curationem specialius pro causis procatharti-
cis perficiemus.

Primò à nimia perfrigeratione, si pars refrigerata sit,
ita tamen ut gangrænæ tantum suspicio timeatur, & non-
dum præsens sit, neque dum pars livida sit, & frigida,
sed potius rubor sit, in parte, dolorque vehemens, &
urens: tum æger circa ignem illicò non collocetur, nec
igni admoveatur ad congelationem tollendam, & ratio
est, quia repentini irradiatio ignis particulas volatiles re-
stantes penitus expellit, undè maxima confusio, & partium

textura planè tolleretur, quod experientia constat; id
enim videmus in pomis congelatis, quæ si igni admo-
veantur, statim putrescunt; Sic quoque quotidie in no-
bismet observamus, quando digiti nostri à frigore immo-
biles facti, si statim igniti admoventur, indè est, ac si
mille aciculis pungantur; sensum præbent; è longin-
quo itaque collocetur, ut sensum calor parti restituatur.
Quinimo modò membra planè frigore non vigeant, ut
nullus sanguis amplius subit, prius aqua frigida nivea,
vel ipsa nive fricentur, ut calor ab internis partibus for-
tius ad exteriores se extricet; verùm hoc aliis parado-
xum videtur, sed si ritè rem perpendamus, ratio id no-
bis persuadebit, cum curatio tantum hoc modo inchoe-
tur, sed non perficiatur, sensum enim succi coagulati re-
solvi debent, & ad pristinam missionem redigi, & hoc
optimè perficitur ope aquæ frigidæ, vel nivis frictio-
ne; ratio est, quia per partem congelatam aquæ im-
positam plus materiæ subtilis perfuit, quàm per conge-
latas, & nimis strictè compressas particulas, per quam
materiam subtilem particula iterum fluidiores reddun-
tur, quæ in parte affecta fixæ fuerant, frictio quo-
que cum nive ea propter juvat, quoniam ipsis in ma-
nibus nostris liquefit, & hinc amabilis sit particula-
rum congelatarum resolutio; adde &, quod commo-
tione ista reliquos quoque succos stagnantes ad motum
incitat, postmodum succi inspissati calore fortiori dis-
solvendi.

2℥. *Rad. angelica, galang. ana 3. ℥. raparum, bryon.*
ana 3. ij. herb. rutæ, scordii, roris marini, absynth. ni-
cotiane ana m. ij. Sem. cumini, urtica, eruca ana 3. j.
piper. long. 3. vi. salis armoniac. & salis tart. ana 3. j. ℥.
Coque in una parte vini generosi, duabus partibus urinæ,
& benè coct. adde Spiritus vini 1℔. ℥. Et membrum con-
gelatum calidè immittatur, & deinde sequenti: 2℥. spi-
ritus vin. 3. vj. in quo diss. Camphora 3. ij. ℥. Membra
fricentur.

Si congelatus sit æger, in ventre equino, ut chymici
loquuntur, collocari debet. Præter externa, interna quo-
que interponenda sunt, ut *Hippocras vel vinum, in quo*
cinnamomum, caryophyll. Zingib. & similia aromata ebul-
lierint, clauso tamen vase: vel calido in vino theriaca,
vel Mitridatium exhibeatur. Si dolor, & frigus se re-
miserint, æger in lecto collocetur, sudorque provoce-
tur sequenti, ut

2℥. *Vini generosi 3. ij. Spiritus C. C. 3. ℥. m. Vel in eo-*
dem vino m. Elixir vitæ 3. ij.

Secundò, à calore nimio si gignatur gangræna, frigida
instituat dietæ, calidis humoribus attemperatis, & de-
pletis, si malum causam agnoscat externam, membrum
affectum lapidis medicamentosi infusione fovendum est,
quod si ulterius serpat, abluto prius refrigerantium deco-
cto, imponenda sunt, quæ pluries præscripsimus.

Tertiò, ex succi nutritii defectu, quæ oritur gangræ-
na, cum quasi ipsa pars vita privetur à nutrimenti plena-
rio defectu, vix curatio superest, ne ægros planè sine au-
xilio deseramus, alimenta euchyma exhibeantur, & in-
terim propinanda est *Aqua Magnanimitatis*, & ad ipsam
partem gangræna affectam omni conatu alimento trahen-
dum est. Pars affecta simul fricetur oleo *terebinthina,*
guaiaci, succini, tinctura assæfetida, spiritu lumbricorum,
quæ omnia inspissatos, congruatosque succos, atte-
nuant. Nec relinquenda sunt, quæ succos crassos fluidio-
res reddunt, ut decoctum *ex radice china, falsæ parilla,*
galangæ, zedoaria, macis, croci, nasturtii, sem. anisor.
salis tart. armoniaci in vino generoso, cujus pro libitu bis,
vel ter in die tres uncias assumat æger. Defensiva in hoc
casu maximam inferunt noxam, quia sanguini, & spiri-
tibus aditum præcludunt, ne ad partem fluant affectam.
Inunctiones tamen *ex oleo amygdal. dulc. viol. olivarum,*
lumbricor. scorpion. axung. human. viper. urfi, gall. &c.
etiam ad humectandum fieri possunt, at fugienda sunt,
quæ corpus exsiccant. Si gangræna ulterius processerit,
pars scarificanda est, & ea medicamenta, quæ recensui-
mus, apponenda sunt.

Verùm si ex sanguinis, & spirituum interceptione gan-
græna accidat, sit quæcumque causa, quæ sanguinem,
& spiritus intercipit, ea statim auferenda, ut si ab ar-
cta ligatura sit illa interceptio, illa laxanda, & post-
modum ad succos stagnantes; & corruptos, fluidiores, &
volatiliores reddendos, præter sudorifica, in parte affecta
cataplasmata aromatica conducunt, & reliqua spirituosa,

sæpius jam dicta, imponantur, attamen calida, & reliqua, quæ in gangræna requiruntur, agenda censemur. Si adstringens, vel repellens medicamentum sit gangrænae causa, illo remoto frictionibus, & inunctionibus, calor revocetur. Ita & gangræna ab aliis causis spiritus intercipientibus excitata, tractanda est.

Quartò, si gangræna ex veneno oriatur extrinsecus alato, vel ex animalis morfu, vel ictu, tunc imprimis sudorifica, quæ stagnantes succos attenuant, fluidiores reddunt, acidum corumpens temperant, absumunt, emendant, & obtundunt, ac venenum extrahunt, usurpanda sunt, & defensiva, ne venenum in partes interiores, nobilesque se propaget, in actum veniant. Ratione veneni sit sequens mixtura.

℞. Aqu. ruta caprariae ℥. iv. Theriacalis ℥. j. Elixiris vite ℥. ij. Spiritus c. c. & salis volatil. ejusdem c. c. ana ℥. ss. m. f. mixtura, & singulis horis sumat æger cochlearia duo, donec sudor erumpat, & ea sumat medicamenta, quæ in febribus malignis, & peste usurpantur, & quæ in nostra Trutina fusiùs notavimus; verùm necesse est cognitum haberi venenum, ut speciatim naturæ veneni alexipharmacum exhibeatur.

Calidissimè externè parti affectæ cataplasma applicetur ex herbis, ruta, scordii, cum aloe, myrrha, camphora, theriaca, ol. nuc. mosch. &c. cum vino generoso, & urina fiat cataplasma. Proderit demorsam partem ablui aqua theriacali cum spiritu vini, aqua calcis vivæ, spiritu vini camphorato. Item conveniunt ea omnia, quæ Tertio Tomo cap. 28. De Vulneribus ex venenato morfu inscriptis descripsimus.

Si ex humorum malignorum affluxu, ut dicunt, aut venenata qualitate in nostro corpore genita ortum ducat gangræna, phlebotomiam, & catharticum execramur, & anathematizamus, tanquam ipso veneno nocentius. Hæc duo præsidia vulgaribus Medicis tanquam per fideicommissum à Galeno tradita repudiamus. Malignitas, & venenum neque phlebotomia, neque purgante medicamento exturbatur, sed tantum alexipharmacis ab interioribus ad exteriora propulsanda est, ut in malignis febribus facere consuevimus, & ferè talem instituimus curationem. Vulgaria sunt tormentilla, contrayerva or. scorfonaria, scordium, ruta capraria, c. c. aqua theriacalis cum spiritu vini, mithridatium, elect. de bacc. juniperi, unicornu &c. Sed utinam hæc tanto morbo prodesse possent, sicut à vulgaribus decantantur; summopere prodesse observavimus Diascordium, stibium diaphoreticum, bezoartica ex mineralibus desumpta, mercurium diaphoreticum, theriacam de mumia &c. His, aliisque medicamentis danda est opera, ut sudor, vel saltem insensibilis transpiratio protitetur, ut venenum expellatur, non omisissis topicis.

In generali gangræna curatione à quacumque causæ ortæ, ad eum finem collimamus, ut ante omnia sal acre, & lixiviale à causis occasionalibus in causticam, & realgarinam naturam exaltatum obtundatur, cicuretur, immutetur, & superetur; Secundò, ut tubulorum obstructio tollatur, & stagnantibus succis liberior concedatur transitus, & motus progressivus; utramque complent paginam, ea medicamenta, quæ æqualiter per totam vitam propriam vim diffundunt, nam vis mortificans celeriter agit, & nisi eam vis resistens celeriter deprimat, inutilis erit, hujusmodi sunt primi ordinis diaphoretica, cardiaca, absumptia, spirituosas, balsamica, oleosa, salia volatilissima quacumque, & simul aromatica facta, quæ vim quandam fermentalem statim ex ipsis in vim diffundunt; quod si hæc deficient, ad anodyna recurrendum est, quæ statim vitam sopiunt, ita ut mortificans venenum non sentiat, usque dum per septicæ illud immutatur, & hæc erunt theriacarecens, pul. de cynogloss. conf. nepenth.

Externè in gangræna commendamus, si ea superficialis sit: aquam calcis vivæ, vel lixivium forte; Si profunda, ad faciliorem penetrationem, scarificationem ad partem sanam usque admittimus, hæc namque lixivialia, & alkalia sunt, omne acidum ex corruptione resultans combibunt; vel uti possumus pro partis scarificatæ lotionem unguento Aegyptiaco magistrali in vini spiritu dissoluto.

Sed efficacior, & promptior est sequens liquor paratu facilior:

℞. Sp. V. omni phlegm. depurat. ℔. ss. Merc. meteoriz. pulv. ℥. j. simul m. & super calidos cineres fove, ac fiat mercurii meteorizati solutio. Credibile non est, quantum hic

liquor celeri motu penetret, & mortificativum fermentum immutet.

Si pulveres loco convenient, sequentibus utimur:

℞. Merc. meteorizati q. s. f. pulvis, & eo partem mortificatam aspergere; nullius pulveris septicæ actio celeritate mercurium meteorizatum vincet. Singulari quoque privilegio gaudet mercurii meteorizati pulvis, nam lithargyrii admittione minùs asper, & blandior reddi potest pro Medici arbitrio, si accipiatur lithargyrii aurei subtilissimè pulveris ℥. x. mercurii meteorizati pulveris ℥. j.

Quandoque pars mortificata mollis non est, sed duriem quandam callosam habere solet, tunc mercurio præcipitato utimur albo, vel incarnato, qui quia fixior est, efficacius in illam callositatem aget, ex eo quia non adeò faciliter effluit.

Magnæ energiae in gangræna erit lapis infernalis nostræ descriptionis, ut

℞. Lixivii saponarior. ℥. xij. salis armoniaci ℥. j. vitrioli Rom. ℥. ij. ss. opii Thebaici ℥. ss. Coque s. a. in lapidem, quem in vase vitreo optimè clauso serva. Si hæc simul infundantur per trium dierum spatium, & sæpè agitentur, post duarum partium evaporationem ex tribus, facta colatura insignem habebis liquorem causticum, non solum in gangræna pretiosum, verùm etiam ad quencumque tumorem aperendum.

Si verò in fieri sit mortificatio, neque omninò sensus in parte defecerit, tunc minori septicæ chirurgus uti debet, quo potius mortificans virus extinguat, quàm escharam causet, id obtinebit, si relictis liquoribus, pulveribus septicis, unguento utatur, quod propter unctuositatem non sinit, ut pulveres septicæ, quos continet, magno cum impetu agant, sed remissè, ac blandè. Unguenta septica ita parabis:

℞. Cera nova ℥. ij. terebinth. & ol. com. ana ℥. j. liquefiant simul in tigillo, & dum fluunt, injice merc. meteorizati, vel præcipitati ℥. ss. m. benè c. m. spatula lignea, & ab igne remove, semperque spatula agitabis, usque dum omninò materia refrigerit, tunc serva unguentum, quod admirabile est in omnibus ulceribus, in quibus ob putrilaginem, obtusus, aut nullus habetur in superficie sensus. Verùm hoc unguentum efficacissimum in usum revocavimus admittione mercurii præcipitati citrini ad ℥. ss. quem ita paramus:

℞. Aqu. calc. viv. ℔. iij. merc. meteoriz. subtil. pulv. ℥. j. in quam injice mercurium, & brevi temporis spatio se præcipitabit in fundum, in pulverem citrinum, decanta, & mercurium exsicca.

Adhibitis hujusmodi septicis, ut escharam producat, & sanæ partes à septicorum acrimonia non lædantur, superponendum est liquoribus, pulveribus, vel unguentis septicis sequens emplastrum, quod nunquam eventu felici in sistenda gangræna Medicum defraudabit.

℞. Colophonie ℔. iij. myrr. pura ℔. ss. 4. gum. in acet. sol. ana ℥. j. ss. fac, ut simul fluant in emplastrum, quod appositis superpone, separabit enim brevi spatio mortificatum à vivo, cum doloris remissione in parte sana, & præsertione ab accidentibus quæ septicis accidere solent.

An ignis actualis ad sistendam gangrænam conveniat? Certum est primò ignem actualem magnum terrorem infirmis incutere, & in morbis mortificativis patientis apprehensio magni timoris summi est detrimentum; vitam enim quatit, & mortificatio non ita promptius obedit; Secundò, non æqualiter diffunditur vis ignis actualis, nam ipsa parrium humiditas, quæ igne liquefit, ignis activitati resistit. Terriò, ichorem mortificativum fermentalem non solum non sistit, ne serpar, sed illum mulcet, ut intimius penetrat, cum itaque ignis potentialis non solum causet quicquid actualis causat, sed horrorem non incutit, æqualiter se diffundit, & mortificativum fermentum immutat, potentialem potius, quàm actualem ignem nos consulimus, ut quisque exerceat.

Nullam pro sphacelo curationem admittimus quia pars totaliter emortua est; pro mortuo enim nullum habemus remedium, sed tantum superest sepulchrum, quia à privatione ad habitum, scilicet à morte ad vitam naturaliter non datur regressus, soli Deo hoc reservatum est, in cujus manu mors, & vita posita est. Unum tantum chirurgus agere poterit, ut pars emortua à viva separetur, ne pars sana mortificetur. Si itaque gangræna in sphacelum transierit, ad extremum remedium confugiendum est, scilicet ad fer-

ad ferrum, vel ignem, juxta illud *Ovid. lib. I. de remedio amoris*:

Ut corpus redimas, ferrum patieris, & ignem.
pro aliqua parte viva servanda, sed crudele remedium, quia crudele malum, nihil tamen interest, an tutum sit hoc remedium unicum, *satius est cum Celso Anceps remedium experiri, quam nullum, melior est dubia spes, quam desperata salus: satius est aliquam partem, quam totum hominem perire, nec illa dura videtur curatio, cujus effectus est salutaris.* Omnes chirurgi, nemine excepto, prius emortuam partem instrumento appropriato secant, deinde igne actuali eam tractant, & medicamentis appropriatis curant, in qua manuali operatione *Paulum Aeginetam, & Aetium* consulite. Verum nostræ indicationi triplici modo, ferro scilicet, igne actuali, & igne potentiali satisfaciendum est, qui triplex modus adhibendus est à Medico juxta mortificæ partis necessitatem; etenim vel superficies emortuæ partis multum distat à viventis superficie, ac tunc necesse est chirurgus ferro uti, quo id, quod emortuum est, refecet ad doloris usque sensum, ac tunc potentiali igne sectæ parti imposito, escharam inducere debet, quæ nisi inducatur, lethale signum erit. His ignis potentialis diversus pro loci applicationis exigentia multoties esse debet, nam aliquando ob situs dispositionem liquor causticus, aliquando pulvis, & multoties unguentum conducit. Inter liquores, qui sequitur, efficacissimus est:

℞. Spuma Venenata duorum Draconum q. s. ea asperge æqualiter partem mortificatam; nam illicò quicquid vivum non est, in fumum resolvitur, & mortificativum fermentum exterminat, ubi mortificatio celeri passu serpit, nullum erit hoc medicamine magis præsentaneum. Et nos ingenuè fateri possumus multos hoc remedio fuisse liberatos; nam mirabiliter fixat, magnam escharam in parte generando: attamen advertendum magnum inferre dolorem, & inflammationem quandoque generare, unde monemus, ut non nisi magno in morbo, & gangræna ad sphacelum ruente applicetur, nam symptomata prioribus pejora infert. Non tacendum tamen, quod potest dulcius fieri hoc remedium, si rectificetur id est, si denuò ponatur in cornuta, & rursus destilletur; derelinquit enim tantam acutiem per secundam destillationem, & sic suavius applicari potest.

C A P U T X I.

De Erysipelate.

A pud *Galenum de tumoribus p. n. cap. 9.* alius descriptus reperitur tumor *erysipelas* à Græcis dictus; *Celsus* Latine eodem usus est nomine, qui *Celsus* Latini non secuti sunt, hunc tumorem *ignem* appellavere *Sacrum* ob ingentem caliditatem, & *ignis* dictus fuit *Sacer*, id est *execrandus*. A nonnullis dictus fuit *ignis Sylvestris*, quasi efferatus ob fervoris ferociam.

Distinguunt hunc tumorem erysipelatosum cum *Galenus* ejus sectatores in exquisitum, ac purum, & non exquisitum, & impurum. Exquisitum erysipelas illud est, quod ex sola bile, vel naturali, vel nonnaturali fieri autumant; non exquisitum verò, & illegitimum dicunt, quod ex bile non sola, sed aliis admixta humoribus originem ducit: unde *erysipelas* dicitur *phlegmonodes*, si sanguinem habeat admixtum, *œdematodes*, si pituitam, & *scirrholes*, si melancholiam, atque hæc est communis *Galenistarum* opinio.

Discriminatur erysipelas à phlegmone primò, quia phlegmon, seu inflammatio præter cutem subjectas quoque afficit particulas; erysipelas verò ferè solius est passio cutis. Secundò, in inflammatione color magis vergit ad rubrum; in erysipelate autem ad flavum. Tertio, inflammatio est tumor durus, ac circumscriptus vergens ad acutiem, ac propterea in uno membri loco collectus: erysipelas contra est tumor planus, & æqualis, qui ferè totum obsidet membrum, quinimo inflammatio in eodem semper loco persistit, ac tardius augetur, nec locum mutat; erysipelas contra, celerimè incrementum sumit, assiduò serpit, variatque locum. Quarto, in erysipelate major percipitur fervor ac incendium, quàm in inflammatione, adeo ut partes erysipelate obfessas quodammodò uri percipiant ægrotantes. Denique erysipelas, si tangitur, color evanescere videtur, qui tamen, remotis digitis, illicò redit, quod tamen in inflammatione ob duritiem non accidit.

Musitani Opera Tom. II.

Æquali haud semper larva *Medici* oculis se offert erysipelas, propterea certa de eo definitio assignari non potest, sed eas larvas, quibus ut plurimum se manifestare solet; describere conabimur: Quoties in aliqua corporis superficie rubor cum obtuso, & profundo dolore apparuerit, & in acumen non attollitur, ut in abscessibus simplicibus calidis evenire solet, ac se ultrò per succedentem superficiem diffundit, eam æqualiter elevando, vehemensque rigor, dum incæperit; apparuerit, vehemens sequatur, febris cum siti, vigilia, aliisque hujusmodi accidentibus, erysipelas in promptu esse dicas. Accidit aliquandò, ut color rubeus non sit, sed flavus, aliquando pallidus, & aliquando lividus. Multoties evenit, ut tota pars magno tumore, sed æquali, non autem acuminato excrescat, & cutis in superficie ichore quodam madescat, qui veluti vesiculas causat. Accidit interdum, ut vix tumescens pars videatur, sicca permaneat, & fursurem quandam producat. Evenit quandoque, ut ad certos serpat limites, & aliquando, nisi sistatur, ut per totam se diffundat corporis superficiem. Aliquando symptomata levia, aliquando vehementia causat. Multoties celerem inducit mortificationem, ut plurimum recidivus est morbus, sæpè enecat ex virulentia, sæpissimè ex Medicorum ignorantia.

Signa.

Erysipelatis signa haud difficilia sunt ex dictis, nam ingens rigor ægrium quatit, quem vehemens sequitur febris, sitis, oris amarities, vigilia, aliaque symptomata. Postmodum in aliqua corporis superficie rubor ad flavedinem tendens, cum obtuso dolore apparet cum tumore plano, & æquali, nec aliquo circumscripto loco, sed ulterius per succedentem superficiem serpens. Si digitis prematur, color evanescit, quibus ablatis, illicò revertitur.

Causa.

Quoties ab absoluto humore bilioso vel naturali, vel non naturali erysipelas producit, id legitimum, & exquisitum tantum appellant vulgares; *Galenus* verò ex tenuissimo, ferventique sanguine, aut huic admixta bile erysipelas fieri dixit, & ex pura bile herpetem potius produci, quàm erysipelas constanter asseruit. Declaravit quoque de *Tumoribus p. n. cap. 10.* hanc *Galenus* inconstantiam in tradenda erysipelatis causa materiali multis in locis, ut animadvertere poteritis *lib. de atrabile 13. meth. cap. 1. & 14. meth. cap. 1. 2. 3. & 17. 2. de diff. feb. cap. 5. lib. de ratione curandi per sang. miss. cap. 8. 2. de compos. med. jucundum loca cap. 1. 2. de crisi-bus cap. 12.* & in sexcentis aliis, quorum locorum conciliationes, qui in his vanitatibus terere tempus cupit, is legere potest apud *Ingrassiam in cap. 1. tractatus primi de tumoribus.*

Cæterum imaginatus fuit *Galenus*, & cum eo ejus sectatores, quoscunque morbos à quatuor humoribus excitari, quorum conjectura deceptus rudem, & vulgarem efformavit medicinam. In erysipelate color flavus non est, nec pallidus, sed rubicundus, qui sanguinem potius, quàm bilem testatur. Insuper plethorici, & non biliosi huic malo sunt obnoxii.

Immediatam erysipelatis causam, ob alicujus partis corporis virium, à causis occasionalibus rimemur oportet, sunt hæc vulnera, contusiones, ulcera, fracturæ, tumores, ignis, vel solis calor, vel frigidorum ciborum, ac potulentorum abusus; hæc namque ultimi partium nutrimenti inter fibras cuti proximas, post vitæ sustentationem, insensilem transpirationem in carnis poris retardant, intercipiunt, nam hoc si assidua transpiratione non ventiletur, quod remanet, proximum partis nutrimentum inficit, ac proinde major fit ad partem congeries, fibrillæ magis angustiantur, obstruuntur. Hoc idem ultimum nutrimentum à partium calore agitatum sub constipata cute degenerat, partes continentes irritat fermentescit. Salinæ particulæ, quæ indefinenter à sanguine in hoc partium nutrimento degenerato volatilitate destitutæ, lymphæ confortio hærent, & sulphuræ nullo modo ampliùs à salinis temperatæ, & à missione solutæ in extraordinariam temperiem evehuntur, & efferatæ evadunt, excandescunt, incendium adaugent, nutrimentum partium vicinarum inter partium solidarum fibras contentum fit exoticum, & hostile, continentes fibras viriat, in motu depræ-

depravat, sanguinem exagitat, & in missione conturbat. Sanguis circulans ad hos angustiores tubulos pervenit, quos præterfluens non tam diu stagnat, quam in inflammatione, sed cuticulæ magis appropriat, fit sacer ignis, idest execrandus, & maledictus, erysipelas nempe, & tumor igneus, & quia sanguinis mistio turbatur, erysipelas febris comitatur.

Color rubicundior in parte erysipelatode apparet, quia sanguis non jam diu remoratur, sed sub cuticula fluit; in inflammatione penitus latet, stagnat; hinc est, quod digitorum pressione facile exprimitur, & color albus sub digitis apparet, quibus remotis, eundem repetit locum; quia succi fluidiores sunt, & fibræ ab eodem irradiantur. Vel color rubicundior apparet, quia fibræ, & tubuli sunt mutati, & vitiiati, unde lucis radii aliter reflectunt, deservescente verò humore; color ad flavedinem vergit; ob particulas sulphureas parti adhaerentes.

Serpit de loco in locum, ignis fatui instar, erysipelas, quia particulae volatiles, fluidæ, & lubricæ sunt, ac vel locum mutant, ac soluta obstructione, & particulis per insensilem transpirationem resolutis, disparet, at ubi vicinarum partium nutrimentum vitiauit, novum erysipelas gignit, & serpere videtur.

Oritur dolor à particulis sub cuticula coercitis, & perpetuò agitis, quæ motu suo spiculis urentibus curis, cuticularum fibras impetunt, illas contrahunt, convellunt, distenduntque & dolorem acicularum pungentium excitant. Si verò has vellicant, & titillant, quia pauca sunt particulae, pruritus fit, ut contingit, cum erysipelas resolvitur.

Tumor non altè in erysipelate elevatur, quia minor est humorum coacervatio, & stagnatio, ac major horum fluiditas.

Pulsus ab erysipelate abest, quod minores tantummodò arteriarum tubuli, non verò earum majores trunci comprimuntur.

Contingit quandoque, ut quidam succi lutosi, & visciditubulos sub cute obstruant, & erysipelati adjunguntur, & vulgares *Galenici* erysipelas œdematosum appellant.

Ut plurimum particulae acidosalinae nimium agitatae in cuticulam irruunt, eam distendunt, & in vesiculas elevant, elevata cuticulæ pori omnino angustiantur, & illæ particulae non exhalant, hinc vesiculæ turgent, ac distruptæ ichorem tenuissimum, aquæ lucidæ instar, aquam causticam æmulantur, fundunt, qui sudore tenuis insensibiliter evaporare debebat. Si particulae illæ à continentibus partibus regi non possunt, pravam qualitatem, scilicet erodentem, & fecticam à salibus adipiscuntur, quam natura superare nequit, tunc ulcus cancrum, vel mortificatio in parte erysipelatode succedet, & mors inevitabilis.

Prognosis.

Erysipelas rarò perniciosus est affectus, & facilè recidivat, sæpè verò ex virulentia, & sæpissimè ex *Medicorum* ignorantia enecat. Foràsurgens nihil mali denotat, sed potiùs fortem naturæ constitutionem, quæ illud per insensilem transpirationem resolvit; Si verò ab exterioribus ad interiora ejus materia pellatur, lethale, ut dicebat *Hip. aph. 25. sect. 6. Erysipelas ab exterioribus verti ad interiora, malum; ab interioribus autem ad exteriora, bonum. Et 336. sect. 2. co. Erysipelas verò foris quidè extare, utile, intro autem vergere, lethale; cujus quidem rei indicium est cum robore evanescente, pectus gravatur, & agrius spiritum trahit ager*. Periculosior est circa partes principes, vel nobiles ut in facie, faucibus, & capite, vel pectore, & axillis, aut in utero, ut aiebat *Hip. aph. 43. sect. 3. Si prægnanti fiat in utero erysipelas perniciosum est*. Secus autem in locis ignobilioribus, & à principibus remotis, ut potissimum sunt crura, tibiæ, aut etiam brachia, & manus. Perniciosum est erysipelas, ut suppuretur, vel putrescat, ut habetur *aph. 20. sect. 7. Ab erysipelate putredo, & suppuratio malum*. Et eò magis pettimescendum est, si ossis nudatio contingat, ut *aph. 19. sect. 7. Ab ossis nudatione erysipelas malum*. Malum quoque cum ulceri, fracturæ, aut luxationi erysipelas se socium addit. Malum similiter, si magnam, acutamque annexam habeat febrem, quæ malignitatem sapiat, & exitiale, si in gangrænas terminet, secus autem quod nulli, vel duntaxat levi, vel exiguæ annectitur febris. Erysipelatis resolutio tunc planè portenditur, cum æger partem erysipelatam magno scalpendi desiderio tenetur, sentitque in parte veluti formicas gradientes, & vix manus continere

potest, vel color in ordinarium mutatur, vel cùm cuticula in squamas fatiscit.

Curatio.

Curandi erysipelas ratio apud *Medicorum* turbam multuaria est, causis non benè congruens; sanguinem multoties mittunt, cum vitium in sanguine intra venas existente minime supponant. Refrigerantibus, & repercutientibus utuntur in parte vitiosa fovenda, cum bilem erysipelatis causam imaginentur, quæ evacuatione, non autem refrigeratione indiger, illamque frigidis intus remeare urgent, ut inquit *Hip. aph. 23. sect. 5. Frigida erysipelas non ulceratum juvant*, quem omnes medicinae periti execrantur. Victu tenui absque vino utuntur, cum biliosis affectibus talis non quadret, & corpus refrigerare tentant; cum quicquid mali intus lateat, extra per rarefactionem expellere deberent.

Ubi magnum fuerit erysipelas, & periculosum, illicò sanguinem mittunt, nec illis obstat *Gal. eodem 2. ad Glauc. cap. 2. & 13. meth. cap. 3.* in his enim locis non damnat *Gal.* venæ sectionem tanquam noxiam, sed inquit non semper esse necessariam, quam doctrinam intelligunt pro levioribus, & parvis erysipelatibus, non autem in magnis, ut dicunt. Quod si erysipelas fuerit phlegmonosum, non solum semel, sed etiam pluries sanguinem mittunt. Locus sanguinem mittendi brachia sunt quoties inferna loca erysipelas infestat; secus verò ex pedibus in partium supernarum erysipelate; & hoc revulsionis gratia, & derivationis sine ex locis vicinioribus. Cum venæ sectione comprehendunt alia præsidia, frictiones, cucurbitulas &c.

Medicamentum purgans convenire fatentur, & hoc admittit *Galen.* iisdem locis citatis, in quibus phlebotomiam non esse necessariam inquit, admittit tamen medicamenti purgantis usum. Hoc medicamentum debere esse bilem purgans nulli est dubium, tamen de lenientium genere; quapropter non admittunt medicamenta valida, vel quæ corpus calefacere possunt, qualia sunt *scamonium, colocynthis, pilula &c.* Commendant autem *Mannam, cassiam, syr. rosar. solut. de Cichor. Nic. diaprunum lenitivum, express. conservar. &c.* At si erysipelas non fuerit exquisitum, sed œdematosum, vel scirrhum in his casibus cum medicamenti bilem purgantibus ea, quæ pituitam, vel melancholicos succos adhuc allicere valent, admiscant, hujusmodi sunt *sena, agaricus, diacatholicon, confectio Hammech, syr. Domini Augustini, & de fumar. maj.* Verum errant bardi *Galenista* cum *Galeno*; fit namque purgantium ope motus contrarius, & erysipelas ab extrâ intrâ remearet.

Cæterum, quia duo maximoperè in erysipelate urgent, calor scilicet, & plurimum incendium, hæc præsidia refrigerantibus, & humectantibus temperant. Communiter in parte usurpant *oleum rosaceum, violaceum, lac, vitis folia, plantaginis, endivie, lactuca &c.* At si erysipelas non fuerit exquisitum, sed vel œdematosum, vel scirrhum tunc mistam instituunt curationem, partim verò ex œdemate, vel scirrhum.

Ut citò, tutò, & jucundè, ut bonum decet Medicum, erysipelas curare possimus, quod morbus est, qui frequenter in opere chirurgico accidit, sumenda est indicatio, primò à pororum cutis apertione, ut patentès fiant, adhuc ut erysipelatis materia foras emergat, non autem introvertatur. Secundò, ut si vitium aliquod in parte præcesserit, unde erysipelati fortasse fuit occasio, corrigatur, & auferratur. Tertiò, ut spirituum furor, & excandescencia sedetur, & remittatur.

Uti ei, quod primò indicatum est, satisfaciamus, necesse est, ut ægrum erysipelate affectum in calido detineamus loco, vel saltem non frigido, ne à vento, vel ab aere frigido cutis magis densetur; deinde temperatus victus, non autem refrigerans est ægro adhibendus, qui potiùs crassus sit, quàm tenuis; lymphatum vinum exhibendum est, in quo si *alkali cancrorum fluviatilium* infundatur, saluberrimum erit, vel si æger vinum non bibat, utatur *decocto cornu cervi*. Si æger fastidiosam patiatur vigiliam, vel *theriaca recentis, vel pilulis de cynoglossa, vel Nepenthe* uti debet; anodynâ enim & morbo, & symptomati suffragantur. In erysipelate omninò à refrigerantibus cavendum est, in parte scilicet in qua erysipelas apparuerit, non enim quia affectui non convenirent, sed quia pertinaciorē redderent causam, ut in sexcentis locis notat *Galenus*, ac præ-

a præcipuè in libello quos, & quando purgare oportet, ubi purgantia alioquin calida in febrium curatione consulant, non quia refrigerant, nam potius calefaciunt, sed quia febris materiam evacuant. Medicis, qui refrigerantibus in erysipelatis curatione utuntur, duo inconvenientia occurrunt; primum est, quod erysipelatis materia à refrigerantibus repercussa, in internas, nobilioresque partes remeat; secundum, quod frequenter accidit, quod cum à refrigerantibus impediatur, materia non exhalat, fit prævæ qualitatis, & solidarum partium calorem suffocat, ac mortificationem, sive gangrænam inducit.

Eadem ratione indicata non est in erysipelate sanguinis missio quæ non solum bis, ter, & quater, sed ultra in praxi à Medicis vulgaribus cum infirmi discrimine celebratur; nam materia erysipelatis intra venas non continetur, ac propterea sanguinis missione curati nequit. Corpus phlebotomia refrigeratur, fit debilius, & ad expellendum trans poros ineptius; fatemur ergo ingenuè nos observasse quamplures in erysipelate phlebotomo periisse, contra verò omnes, qui sanguinis missionem vitarunt, convalescere vidimus.

Non solum propterea, quæ refrigerant, erysipelati non convenire nostra docet praxis, sed quæ tenuinum sunt partium, altius penetrant, & erysipelatis materiam resolvunt, esse validissima erysipelatis remedia pro comperto habemus, id quod adhuc à Galeno memorie proditum est de emplastro. *Diachalciteos* i. de compositione pharmacor. per genera cap. 14. & de compos. med. secundum loca lib. 8. cap. 3. ubi ex Asclepiade pro erysipelatis curatione hoc describit emplastrum:

℞. Ammoniaci Thymiamatis ℥. j. Cera ℥. j. Rosacei ℥. j. Croci ℥. j. Aceti q. s. f. massa.

Et ut alia loca præteream, legite 14. meth. cap. 3. ubi rem largius tractat.

Nostra verò ætate è spagyrico promptuario efficaciora, & paratu faciliora pro erysipelate emerfere remedia, quorum usu nobis erysipelas curare semper evenit; erysipelatis itaque incipientis ter, vel quater in die partem, in qua apparuerit, spiritu vini omni phlegmate destituto, & omninò cremabili irrota, id fiat per tres dies, nam si erysipelatis materia fermentalis facta non est, eo spatio curationis perfecta est, & quarta die febris omninò cessabit; vini enim spiritus partium spermaticarum, & continentium amicissimus est, earumque robur multum adauget, & profundissimè penetrat, poros aperit, & erysipelatis materiam resolvit, ac si quis vini spiritus usum exhorreat, ex eo quia calidus existimeretur, hic sciat, quod tantum abest, ut vini spiritus excalefaciat, ut intensè refrigeret, quod experietur, si media ætate vini spiritus cremabilis, sine ullo phlegmate super propriam carnem aspergatur, frigidiorè illam sentiet, quàm si à glacie tangeretur.

Verum, ut ex fundamento hanc praxim quisque intelligat, sciendum est, quod calor, qui in affectibus, quos calidos appellant Vulgares, sentitur, non quidem à materia producitur, sed à vita, quæ ab ipsa materia concitata excandescit: curatio ergo in his affectibus erit materiam educere, quæ calorem provocat, & calor illicò cessabit; cum itaque degener nutrimentum, quod erysipelas causat, in carne sit detentum, eo resolutò à vini spiritu per pororum apertionem, cessat statim excitatus calor, cui doctrinæ suffragatur Galeni sententia in citato libello, quos, & quando purgare oportet, ac in ejus confirmationem hoc utere exemplo: Si spina in digiti carnem alioquin sanam infigatur, illicò excitatur in digito dolor, deinde pulsus durus, postea calor exorbitans, cui calor accensus, & tandem inflammatio, & tumor succedunt.

Curiosum est scire, à quo tot repræsentantur in digito scenæ, certe non à spina; nam ipsa neque dolorem, neque ruborem, neque calorem, neque inflammationem in se habet, sed his omnibus indifferens est: ergo si ea accidentia à spina efficienter, & effectivè non producantur, vitam namque digiti à spina simulatam ea producere necesse est. Ac si ulterius curiosus interroges, an per refrigerantium applicationem calor, color, dolor, tumor, & inflammatio à digito tollatur? Ab experientia discas, quod non solum ea accidentia à refrigerantium applicatione non cessabunt, sed alia deteriora, & pejora provenient; cessabunt sanè, & pars ab agitationibus quiescit, si spina infixæ abstrahatur, nam ea abstracta, vita à spinæ insolentia li-

berata furorem, itaque deponet, & digitus ad pristinam reducetur temperiem.

Finge nunc degener nutrimentum spinam esse, quod in aliqua parte erysipelas excitet, & ex fundamento cognoscens, in erysipelate refrigerantia non solum non convenire, sed esse necessarium, ut per medicamenta penetrantia, solventia, & rarefacientia spina educatur. Est itaque vini spiritus remedium minimè empiricum pro erysipelatis curatione, sed certo, & vero curationis fundamento congruens, & genuino textus Galeni intellectui de tumoribus p. n. c. 2. in quo hæc habet: *supra autem est etiam vobis dictum refrigeratis inflammationibus non semper evenire, ut subsideant, quia vi ingentis, & magna inflammationis, in qua compactus defluxus sit, licet eam copiosius refrigeres, tumorem non tolles, sed lividam, frigidamque partem reddes, & affectum in scirrhum commutabis; at cum nondum impactus defluxus sit, tum facillimè refrigerantibus, & adstringentibus tumor repellitur, præcipuè verò si sit exiguus, quod si antè impactus tenaciter sit, nullum auxilium ab adstringentibus, & refrigerantibus admittit, sed evacuationem postulat.*

Prætereà si erysipelatis materia fermentalis affecta sit, scilicet quod quandam dispositionem sit nacta, qua in partes circumpositas suas diffundat qualitates, tunc vini spiritus applicatione, remittuntur symptomata, sed erysipelas perseverat, ac ulterius diffunditur, tunc vobis remedio utendum est, cujus applicatione materię fermentum figitur, immutatur, & alterius non amplius serpit.

Ad hunc finem medicamen mirabile inventum est, cujus descriptio extat apud Osvaldum Crollium, dicitur lapis medicamentosus, seu lapis salutis; ad omnes enim cutis alterationes fermentales certum, & indubitatum est medicamentum, ac erysipelas præcipuè intra vigintiquatuor horarum spatium radicatus curat. Descriptio apud Crollium hujus lapidis multis materialibus abundat, hic itaque nos reformatum trademus receptum, & eo instituto, quo hic Neapoli tam nobili utimur medicamine, felicissimo semper eventu:

℞. Vitrioli com. ℥. j. Salis nitri ℥. j. Cerusse, Aluminis, & Boli armeni ana ℥. iv. Salis armoniaci ℥. ij. Fiat omnium pulvis, cerussa, & bolus armenus in marmore lavigentur, mista ponantur, in olla capaci, superaddendo aceti acerrimi tantum, quantum per duos transversos digitos materiam superet, & lento igne coquantur, semper agitando cum spatula, usque dum inspissari incipiat, & exsiccari, abstrahatur tunc ab igne, nam materia in lapidem durefcet.

℞. Hujus lapidis ℥. j. reduc. in pulv. & In aqua pluvia, vel Plantaginis ℥. j. injice, leni igne foveatur, ut calida aqua fiat, in hac aqua lintea infunde, & super erysipelas impone, & sæpissimè ea renova, nam sensim observabis erysipelatis locum naturalem acquirere statum.

At quid agendum iis, qui hoc medicamine carent, vel ob præparationis difficultatem, vel ob aliam causam, an aliquid substituere possint, quod notato lapidi æquivalet? Sufficit sanè unicuique, ut vulgare vitriolum in promptu habeatur, nam eo non secus ac lapide medicamentoso erysipelate affectis prodesse potest; si enim vitriolum in aqua pluvia solvas, & linteis madefactis in solutione, ut suprà diximus, utaris, erysipelas citò, tutò, & jucundè sanabis.

Tradit erysipelatis curatione, quæ à prohibita transpiratione propter pororum cutis obstructionem evenire solet, dicendum est de remediis, quæ erysipelati ab aliquo partis vitio excitato adhiberi debent. Vitium partis vel ex vulnere, vel ulcere, vel fistula, vel fontanella, vel aliquo tumore originem ducere potest, quod quories à causa interna, vel externa promoveatur, erysipelas producere potest, cum id evenit, præsentaneum ibi erit remedium fodicationum emplastrum; eo enim vitiato loco adaptato, illicò vitium corrigit, ac erysipelas cessabit, & si vicinis in partibus perseveraverit, utere lapide medicamentoso, vel vitriolo, nam salutis eventum non defraudaberis.

Interim tam in erysipelate ex pororum obstructione, quàm ex aliquo partis vitio non desint propinanda medicamenta, quæ diaphoretica dicuntur, ut pororum obstructio, & partis vitium corrigitur, hujusmodi erunt *stibium diaphoreticum, bezoarticum minerale, ebur, & C. C. phil. præp. ocul. cancr. sal. volatile succini, C. C. &c. in Syr. vel aqua cardui sancti.*

Superest, ut postremæ indicationi satisfacimus, quæ desumitur à furore, & excandescencia spirituum partium continetur,

tium, in quibus erysipelas excitatum fuit; multoties enim spirituum furor sustratam illis materiam immutat, & degenerem, virulentamque reddit, ac quamvis solventibus remediis erysipelatis materia dissipetur, illa spirituum agitatio faciliter eam reproducit. Sedanda itaque vita in parte, & ejus spiritus paccandi; propterea notare debemus, quod lapis medicamentosus, & vitrioli communis usus, aded erysipelas curant, quia anodyna medicamenta sunt, spirituum furorem sedant, & morbum curant, quia materia non reproducit, & antecedens ab irritatione cessat; sulphur enim vitrioli anodynum est, ut alibi docuimus, propterea in lapidis medicamentosis defectu vitriolum solum opus complet.

At si nobiliori medicamine, omnique laude digno pro integra erysipelatis curatione uti velitis, eo vos non defraudabimus, est illud *Leporis sanguis*, qui ab eo educitur, postquam à canibus in magnum est adorsus timorem; linteum enim in dicto sanguine infusum, ac deinde exsiccatum. Si aqueo rore madefacias, & erysipelati imponas infra viginti quatuor horarum spatium erysipelas sine dubio cessabit, eundemque effectum talis sanguis producit, si exsiccatum ad mediæ drachmæ quantitatem propinetur in vino. Totum id efficit leporinus sanguis, quia furorem, & iracundiam spirituum in erysipelatis loco sedat, & pacat energia idææ timoris à lepore in ejusmet sanguine impressa, dum à carnibus urgebatur, quia pavidissimum est animal; hinc quisque discat, quod omnium morborum sanatio potius in vitæ sedatione, quam in causarum occasionalium educatione consistit.

C A P U T XII.

De Herpete.

Dicitur *herpes*, Latine *serpigo*, item *ulcus serpiginosum*, seu *pustula serpiginosa*, significatque affectum exterius in cute serpentem, & una parte senescente, serpendo proximas apprehendit partes. Plerique ineptè pro erysipelate acceperunt, qua de causa *Celsus* herpetem *sacri ignis* nomine proposuisse videtur; verum magnum inter utrumque intercedit discrimen, licet aliqua inter utrumque sit affinitas, quia erysipelas derepentè oboritur, herpes verò sensim, & multa temporis protractione, omnisque febrilis accessionis est expertus; ubi contrà erysipelas perpetuò febrilem paroxysmum cum dolore, & ardore comitem continet, brevique solvitur, herpes verò tantum pruritum inducit, & longè post tempore sanatur. Verum herpes morbus est in tumorum genere; & erysipelati quodammodò affinis, & saltem dum erumpit, dolorem in parte, rigorem, febrem, sitim, & vigiliam causat, post verò eruptionem omnia feriare solent, licet herpes perseveret.

Herpes vulgò duplex statuitur, unus miliaris, alter esthiomenus, seu exedens, seu ferus. Miliaris ille dicitur, qui summam exasperat cutem, in qua exiguas producit pustulas prominentes milio semini non absimiles. Esthiomenus, ruptis pustulis cutem exulcerat, & profundius hæret, sensim in latum, & profundum serpit, multoque tempore emergit, pustulas ostendit aridas. Unde alius dicitur siccus, qui nullum habet serum; alius humidus, qui plurimo irroratur sero; alius tandem sordidus, qui ferositatem graveolentem profundit.

Signa.

Herpes miliaris facilè cognoscitur, cum senibus pateat; est enim tumor latus sine omni fere extuberantia, & pars vix attollitur, sed potius exasperari, quam extuberare videtur. Adest præterea durities quædam, & quidam quasi unctionis dolor, & sensus. Minutissimas producit pustulas in summa cute granorum milii instar, quam ob causam miliaris appellatur, quarum estò quædam sanescant, aliæ tamen denuò pullulant, & plerumque sanantur in medio, quæ postmodum in proximis oriuntur particulis, & sic serpendo procedunt. Si pustulæ rumpantur, aliquid interpus, & saniem, quasi medium effluit, locus ipse est rubicundus, coloremque & pallorem medium habet. Herpes tandem esthiomenus, seu exedens, cum multa ulcera serpentina, prava, & foraminata apparent, quæ tamen ultra cutem non procedunt, coloremque ex rubro subnigrum habent. Nonnulli perperam herpetem miliarem,

& esthiomenum sub formicæ nomine collocarunt, sed ignorantia decepti fuere.

Causa.

Herpetis causam assignant *Galeniste* flavam bilem citra alterius humoris admisionem, secretam in parte aliqua consistentem, si bilis crassior fuerit magisque acris, & fera, totam cutem ad subjectam carnem usque exulcerat, & dicitur herpes esthiomenus. Si verò flava bilis tenuis, & minus acris, ac calida fuerit, pustulas in cutis superficie excitat milio similes, & vocatur herpes miliaris. De herpete verba facit *Galenus libr. de Tumoribus p. n. cap. 10. 2. ad Glauco. cap. 1. & 14. Meth. cap. 17.* Verum nec sibi constat, & in dictis citatis locis nullibi est conformis, materiam enim nunc bilem, nunc phlegma bili commistum, in hujus affectus causam adducit, & nunc morbi genus, nunc simplex morbus, herpes apud illum habetur; quicumque verò *Galenum* secuti sunt, in ejusdem insulitates impingere circa causæ materialis assignationem.

Herpetis causa materialis eadem est cum erysipelatis causa materiali, degener scilicet nutrimentum in partibus carnosis, ea intercedente inter herpetem, & erysipelas differentia, scilicet quod in erysipelate ob partium continentium imbecillitatem, vel nimiam oppressionem tota materia versus cutem non fertur, sed tantum pars illius, reliqua in ipsa carnis substantia remanet, partisque continentes oppresses retinent, ut integram sarcinam non transmittant ad cutem; in herpete verò vel robur partium, vel materiæ parvitas, vel qualitas, vel utrumque simul efficit, ut quidquid in carnis substantia degeneratum est, foras in cutis superficiem sub cuticula erumpat, ob tenuitatem bullas exciter variolarum instar, subjectamque carnem omnino liberam, exoneratamque relinquat, & hæc est herpetis materia, ejusque genuinus fiendi modus.

Congruenter deinde à posteriori, & ab effectu triplicem herpetis cognoscimus speciem, quarum una est, in qua inconspicuæ ferè bullæ in cutem erumpunt, & in ulcus non degenerat, diciturque simplex herpes. Secunda est, in qua cutis conspicuis ferè bullis rubeis conspersa videtur, parumque ab erysipelate inflammato differre videtur, & hæc species herpetem miliarem constituit. Tertia denique est, in qua bullæ erumpunt, & in ulcus exedens transeunt, & hæc herpetis species dicitur esthiomenus.

Accidunt hæ tres herpetis species à materiæ dispositionibus, à vi, & partium continentium robore. Herpetis materia primaria est nutrimentum degeneratum, & occasionales causæ, sunt salinæ particulæ in sanguine luxuriantes, cum sal, & ipsum sulphur uberius ab alimentis massæ sanguineæ suppeditantur, vel acidæ particulæ ob depravatam digestionem ipsi sanguini subministrantur, tunc hæ particulæ una coeunt, & sanguini acidofalsam diathesim communicant. Circulant hæ una cum sanguine, à lymphæ copia dilutæ, & assiduo motu arteruntur, comminuuntur, à sanguine secernuntur, & per poros exhalantur, ubertim plus in aliquibus partibus, quam in aliis, ubi nutrimentum degeneratum inter fibras inveniunt; tunc si partium robur validum sit, & particulæ plurima lymphæ dissolutæ, & obtusæ sint, ad littus microcosmicum, nempe ad corporis superficiem, scilicet ad cutem spumescunt, cuticulamque levi cum pruritu exasperant, & bullæ ferè inconspicuæ erumpunt, simplex producit herpes, seque ipsum exsiccat absque exulceratione, & multoties sine medicamento sanescit.

Si verò nutrimentum degeneratum, vel quantitate, vel particulis acido-salinis pauca lymphæ quantitate imbuti partium continentium robori resistat, ita ut illud totum cum particulis ad cutem transmitti non possit, quia pars illa, quæ in carnis substantia remanet, naturæ efficaciam retundit, efficit, ut illa neque totam materiam abstergat, neque eminentes bullas supra cutem exciter, ac propterea erysipelas veluti inflammatum producit, cutis superficies impulsæ eximitur, & minutissimis granulis illam commaculat, & affectus herpes miliaris dicitur. Si in lymphæ absumantur aquosæ particulæ, pars tenacior in squamulas, feti crustas concrevit, & dicitur herpes squamosus, & crustosus. Differunt tamen à crustis squamæ, cum sint tenuiores, & in superficie exteriori siccata, à cute dissiliunt, quod in crustis non ita fieri solet. Sub crustis effusa lymphæ fermentescit, & particularum acutarum punctione in nervorum fibrillis

bullis pruritum, imò ardorem cum leviori erysipelate, & sæpè dolorem; & unctionis sensum excitat, pro majori, vel minori particularum acredine.

Si tandem dum materia resolvitur, & foràs cutem versus expellitur, fibras vellicat, & pruritum provocat, ad quem sedandum ægri cutem scalpunt, abradunt, ac canales aperti liquorem quendam, rotis instar effundunt, qui particulis erodentibus præditus, si vicinam cutem, sanamque tetigerit, illicò in ea herpetem excitabit, sic ultra serpit, & exaltatur, donec tubercula eum foraminulis profundis proximè jungantur, & hujusmodi herpes esthiomenus, sive exedens dicitur.

Prognosis.

Herpes simplex facilius est curationis, nisi in miliarem, & deinde esthiomenum transit, qui magis tædiosus, quàm perniciosus est, & diuturnus, dummodò valdè exulceratus, & putris non sit, ac intempestivè adhibitis repellentibus, intrò in corpus non pellatur; tunc enim idem periculum, ac à repulso erysipelate sequitur. Si negligatur herpes esthiomenus, augeaturque, ut universum oblideat corpus, mortem infert.

Curatio.

Herpetem curant vulgares miliarem, & exedentem (relicto simplici, quia facilius est curationis, & quandoque sponte sanatur) primò debito instituto victu ad tenuem, & frigidiorē inclinante; Secundò venæ sectionem celebrando, verum hæc semper perniciofa fuit; & corpus deplendo: inquit enim nisi corpus purgatur, nunquam ægrum sanatum iri, sed in exedente non sufficit semel corpus purgare, unde reiteratas celebrant purgationes, tum ad viscera, & corpus universum à pravis succis purganda, tum etiam ad hepatis intemperiem, ex qua mali succi generantur, corrigendam. Summopere ad hunc effectum persanandum Sympliciorum magistralium usum commendant, & præsertim de *fumaria majori*, valet quoque, *Syr. de Cichor. Nicolai florentini*, & maximè ubi simplex biliosus succus affectum generare videbitur. Probant etiam *Seri lactis* usum, & maximè cum *epithymo* propinetur, quando affectio ex adultis succis ortum habere videtur.

Cæterum tam phlebotomiam, quam medicamentum purgans, in omni herpetis specie tanquam noxia repudiamus; utrumque enim corpus refrigerat, & quod natura à centro ad corporis peripheriam evocare nititur; facto motu contrario, ad interiora detrudit, & idem ac ab erysipelate repulso emergit periculum.

Quantum verò ad localia spectat in miliari herpete, ea adhibent medicamenta, quæ modicè refrigerant, & exsiccant, undè supra partem affectam *folia plantaginis, solani, lactuca, sedum portulacæ, umbilicum Veneris, vitium capreolæ* &c. applicant. Alii linimento utuntur ex *unguento rosaceo* pluries loto cum *succo plantaginis, solani, vel sambuci*. Verum hæc semper infelici cum successu applicant: nam licet quandoque his adhibitis, pars sanescere videatur, tamen in altera iterum erumpit, & hoc est minus malum, sed quod pejus perpetuò causa occasionalis, frigidis ad interiora repercutitur, & febris, aliaque excitantur symptomata.

His vanidis non proficientibus hoc magistrali utuntur linimento, ut

℞. Succ. plantag. Solani ana ℥. j. Succ. lapathi ℥. ℥. Acet. ros. ℥. iij. Fol. lapathi, Ros. rubr. incomp. ana p. ij. Alum. rocc. ℥. j. Bulliant omnia usque ad succorum, & aceti consumptionem, deinde terantur in mortario plumbeo, saltem per horam addendo postmodum Lychargyrii aurei, & Argentei, ac Cerussæ ana ℥. ij. Flor. aris loti ℥. ij. Pulv. tutiæ præp., Boli armeni, & Hypocistidis ana ℥. j. Adipis caprini ℥. j. Ol. myrt. ℥. ij. Cera ad suff. m. f. Ung.

In herpete exedente ad valentiora confugiunt præsidia, cum omne ulcus exsiccari desiderat, unde laudant primò abluitionem ex aqua maris, quæ valentior efficitur, si componatur, ut

℞. Aq. maris ℔. iij. Sulphuris, & Alum. usti ana ℥. ij. Myrrhæ ℥. j. ℔. Malicorii. Cortic. granator. & Gallicarum, Cupressi ana ℥. ℔. Bulliant unica fere ebullitione, addendo vini austeri cyathum unum, & servetur ad usum.

Qua ebullitione peracta, supra dictum linimentum est adhibendum.

His parum, vel nihil proficientibus, ut semper accidit, deveniunt ad usum *unguenti de plumbo, apostolorum, usque ad unguentum Egyptiacum*, & quoniam nec his cedit affectio, præcipitati pulvere, vel aliis pulveribus, quos capite de Gangræna, & sphacelo in vulgari curatione retulimus, utuntur, & quia interdum ulcuscula ob diuturnitatem callum contrahere solent, in his casibus prædicta cauterizant ulcuscula.

Prænotatæ tres herpetis species, ttes quoque indicationes exhibent curativas; simplex enim herpes exigit, ut aqua in bullulis contenta educatur, ita ut in vicinam non effluat cutem, & ut bullularum locus consolidetur. Id obtinebitur, si cutis circum exortas bullulas *oleo rosaceo* irroretur, & *cerussa in pulverem redacta*, deinde aspergatur; pulvis enim cerussæ, cutem subjectam defendit, ut sanies à bullulis effluens illam non lædat: locus deinde bullularum, ut citò exsiccetur, & morbi recidiva vitetur, *linteis in aqua madefactis, in qua solutus sit lapis medicamentosus*, supra de erysipelate descriptus, foveatur, nam morbi curationem habebis, quam quoque præstare potest *pulvis cerussæ, minii, cinci, lythargyrii, lapidis calaminaris, & sal saturni levigatissimus*, & aspersus, sed præ omnibus præstat *Mercurius dulcis in pulverem redactus*, hi enim pulveres saniem imbibunt, & particularum spiculos obtundunt.

Herpes miliaris, *lapide medicamentoso, vitriolo communis, & sanguine leporino* curatur, non secus ac erysipelas; at aliquis pandectarius, pragmaticus, & in forma Medicus, qui *Galen* unquam legit doctrinam, elato supercilio, rugosa fronte, sardonico risu, & veluti ex tripode, ni potius velis ex quadrupede, loqueretur, quæreretque, cur vini spiritus usum in herpete pro curatione non proposuimus; Verum respiscat iste talis, sequens asinum fateatur potius, quàm in homines latret: in erysipelate vini spiritus convenit; quia materia in carne degenerata resoluta non est, & ejus mole vis partium continentium oppressa manet; at in herpete materia resoluta est, & in cutem transmissa, & vis interna continentium libera remansit, propterea, vini spiritum non utimur in ejus curatione, ita philosophandum, ita medendum, non autem in calore, & frigore insaniendum.

Herpes tandem esthiomenus, quia cutem exulcerat, illam exedit, ac se ultro diffundit, descriptis tantum remediis non sistitur, sed exedentium particularum correctionem, & spiritus irritati sedationem exigit.

Primò opportunum est huic herpeti esthiomeno, ut cutis sana circa ipsum oleo, & cerussa, ut supra diximus, defendatur, quod suffragatur ad resistendum externæ saniei effusioni, sed in hoc herpete esthiomeno vis exedens est intrinseca, & serpit per ipsosmet cutis poros exedenti qualitate, alio remedio succurrendum est. Primò ad id obtinendum specificum, & infallibile est remedium *ranarum sperma, vel spermiolum*, sperma copiosum mense Aprilis circa stagna ante solis ortum colligitur, eo spermate ter, & quater in die asperso, herpes esthiomenus curatur: est enim sperma illud anodynum, & immutans saniei acredinem; si hoc non habeamus, promptum remedium hoc aliud para efficacissimum.

℞. Mucilag. de fenugraco, Psyllio, & Cydoniis ana ℥. ℔. Mastich. & Camphor. pulverizat. ana q. s. Ut mucilagines ad unguenti formam reducantur. Hoc utere pro hujus herpetis curatione; quod si herpes chronicus factus sit, & expansus, utere hoc emplastro molli, & observabis curationis celeritatem:

℞. Ol. lini ℔. ℔. Virid. aris pulv. Cera nova ana ℥. iij. Simul in lento igne fove, ac superaddde Bdelii solut. & col. ℥. j. Hoc cerorum herpeti impone, & admiraberis eventum.

Scias quoque, quod *minii, cerussæ, croci Martis, lythargyrii, & cinci* pulveres herpetem sanant, vel summopere juvant, verum *sulphuris balsamus vel Peruvianus* complemento absolvit.

Quod si herpes esthiomenus debitis applicatis reluctetur remediis, & nimis excedens sit, ac antiquatus diaphoreticorum usum continuum, vel Luis Venereæ remedia expostulat; hæc namque salinarum, & acidatum particularum acrimoniam corrigunt, & per sua emunctoria exturbant. Quibus ritè præmissis, non inutilis erit curatio, unde

unde potiones ex salsa parilla, radice china, guajaco, santalo citrino &c. Vel decocta; vel aqua nostra Anti-Venerica à nobis de Lue Venerea descripta omnem absolvunt paginam. Interim pars affecta illinatur unguento Pomato, vel de mucilagibus, in quo dissolutus sit servus fugitivus quo usque nullum granum compareat. In istis nostris regionibus mirabile est Balneum Gurgitelli, & Fontana in Insula Pithecuse.

CAPUT XIII.

De Scirrho.

Scirrhos Græcè idem sonat, ac durities, & in materia medica idem ac tumor durus, unde apud Gal. lib. de tumoribus, p. n. cap. 9. definitur scirrhus, quod sit tumor natura modum excedens, dolore vacans, & durus. Apud quem duplex est, unus veluti incipiens, & nondum confirmatus, & hic non omnino indolens, sed pressus aliquantulum dolet; alter exquisitus, & confirmatus, qui omnis doloris, sensusque penitus est expertus. Nos hanc distinctionem rejicimus, pro causæ enim, & partis affectæ ratione saltem differunt. Ulterius Gal. distinguit scirrhum in plegmonodem, erysipelatodem, & œdematodem, quam distinctionem nos tanquam inutilem ab aula Medicorum explodimus, cum doctrina hæc humoristis sit relinquenda. Describi potest scirrhus, quod sit tumor durus, renitens, & indolens, absque inflammatione, sensum in partibus mollioribus genitus, partes internas æquè ac externas invadens.

Signa.

Scirrhī signa facillimè cognoscuntur, nam est tumor durus, & renitens, ac dolore vacans, qui initio exurgit exiguus pisi, vel fabæ instar, & sensim augetur, modò lividus, modò pallidus juxta humorum stagnantium varietatem, & exinde enatam partium texturam, absque inflammatione, calore, & dolore apparet scirrhus; ex quo patet hujus tumoris succos non esse fermentescibiles, sed potius in ipsis particularum minimarum motum intestinum feriare, quod nullus calor, nullusque dolor percipitur. Sed qui ex Medici imperitia è prægresso alio tumore in scirrhum degenerat, non crescit, sed totus tumor antea mollis induratur per refrigerantia, & adstringentia, ut interdum in erysipelate, & phlegmone contingit. Unde hic notamus, quod si nunc Galenus viveret, contra nostræ ætatis Medicos inveheret, qui indiscretè refrigerantibus utuntur; ait enim ad Glauco. lib. 2. cap. 4. Crebrius verò scirrhus Medicorum imperitia paratur, cum vehementer erysipelata, & inflammationes adstringunt, & refrigerant. Plerumque scirrhus in uno loco fixus manet, interdum tamen priorem relinquit sedem, & aliò migrat.

Produci possunt scirrhī non solum in partibus externis carnosīs, sed etiam in internis visceribus, ut in hepate, liene, mesenterio, renibus, utero &c. in quibus eadem currit curationis ratio, scilicet si omnino indolentes sunt, incurabiles sunt, si quem præferunt dolorem, curationem admittere possunt. Congruentiùs propterea erat, ut Galenus tumores duros, qui aliquo doloris sensu sunt præditi sub varia specie, & non sub scirrhorum specie descripsisset, eò magis quia citato libro de tumoribus p. n. scirrhum definivit, quod sit omni dolore carens.

Causæ.

Galenus ipse, & Galenistæ humorum quaternario insistentes, duplicem asserunt scirrhorum causam, materialem, lentam scilicet siccamque pituitam, resolutis ejus partibus tenuioribus, atque humorem melancholicum; quibus etiam tertiam addunt mitionem, scilicet utriusque humoris, cujus doctrinæ tanta est inconstantia, ut nec ipse Galenus in ipsa sit constans; multis enim in locis, ac propterea s. de simpl. med. facul. cap. 8. negat melancholicum succum scirrhos causare posse, sed tantum caneros, quicquid tamen sit de inutilibus quæstionibus, quas legere, qui vult, potest apud Ingrassiam.

Remotæ causæ, quas assignant sunt multiplices, nam quandoque est inordinata mala victus ratio, obstructio hepatis, lienis &c. Aliqua præcipua evacuatio menstrui, vel hæmorrhoidum suppressio; aliquando Medici curan-

tis error vel inscitia, ut sæpissimè contingit, dum aliquem curant tumorem, & ad leniendum forsan dolorem qui infestat, refrigerantibus plus justo utuntur remediis, ex quibus duriores facti humores, ex illis geniti tumores in scirrhum degenerant, ut clarissimè est videre apud Gal.

2. ad Galuc. cap. 4. in curatione filii Cercilii.

Ab hac vulgari Galeni sententiâ dissentit Felix Platerus, & non ex humoribus excrementitiis, sed ex succo alimentario, verum crassiori, quam carni nutriendæ conveniat indurato, scirrhum fieri statuit, cui tamen interdum alius humor adjungitur. Quodammodò Platerus ad veritatem collimare videtur, qui à Galeni opinamento dissentit.

Hanc Plateri sententiam sic nos explicamus, quod scilicet errore virtutis assimilatricis insita est, eveniunt, luxurians enim aliquando insitus, quicquid illi transmittitur, ut adæquatè resolvat, non resolvit, sed subjectæ parti spermaticæ illud, & veluti glandulam ex eo efformat, unde est quod cum hoc dutum productum sit de partis indole, in qua producit, indolens omnino est etiam tactu vehementi adhibito, neque nisi per accidens læsionem inducit, neque suppurationem vel resolutionem patitur.

Fit scirrhus à glandularum obstructione; sunt enim glandulæ veluti filtra, cribra, & secernicula, per quas corporis succi filtrantur, & percolantur, ut lympa, succus alimentarius, & sanguis. Quoties hi succi sunt tenues sine resistantia per glandularum substantiam transeunt, nec quicquam damni in transitu patiuntur. Cœterum si crassi, tenaces, & viscosi evadant, item si particulis terrestribus inquinantur, vel sale ac sulphure crasso, & rigido turgescant, per sua vasa testudineo gradu ad angustos glandularum ductus deferantur; partibus fluidioribus permeantibus, quia angustis glandularum poris se accommodant, relictæ particulæ crassiores, tenaciores, viscidiores, & præcipuè terrestriores sensim in glandularum tubulis stagnant, & remorari coguntur, eos angustiant absumptis particulis serosis, & volatilibus à crassis, & terrestribus, posteriores in glandularum interstitiis poros in auras destruuntur, quæ continua aggestione adimplent, infarciunt, obrutant, nec attenuari aut comminui possunt, deinde glandularum fibræ, & membranæ per assiduam successionem dilatantur, & tenduntur, unde majus incrementum tumor subit, & quia neque glandulis assimilari, neque in earum substantia migrare valent, ab acida terrestitate coagulantur, arctius invicem colligantur, & anatica compage indurantur, ac tumorem indolentem glandulæ non ab similem scirrhī nomine efformant. Eodem modo scirrhosi tumores in inflammatione, & erysipelate oriri solent post sinistram refrigerantium, & austerorum remediorum applicationem.

Hujusmodi succi crassi, tenaces, viscosi, austeri, terrestitates, salia, & sulphura crassa in corporis humani succis aggeruntur à causis remotis, nempe sex rebus non naturalibus perperam à Medicorum vulgo dictis, quæ huic tumori ansam præbent. Sic aer nimium æstuans poros dilatando, subtiliores succos evaporare facit, relictis crassioribus, & terrestribus. Aer frigidus poros occludit, eosque angustiores reddit, & ea, quæ per insensilem transpirationem evaporare debebant, succis intermixta rapidiorem communicant motum, & tenuiores exhalant, relictis crassioribus, & terrestribus. Hac ratione major diaphoresis fit in frigore, quam in calore, nempe hyeme, quam æstate: esse frigus diaphoreticum in nobis experimur sub Boreæ flatu, maximis frigoribus, aereque purissimo, quia tunc sumus edaciores, alimenta assumimus ubertim, & absumuntur, minimè sudamus, & tamen è nobis plus diffatur cum paucis, & duriori secessu, ut fusus diximus in nostra Trutina, lib. 4. cap. 3. de Bulimo. Eundem parit affectum aer crassus, & nebulosus diutius inspiratus; Cibi acidi, & austeri copioso sulphure, & sale crasso scatentes, cæteros inspissant succos, & evaporatis in circulari motu fluidis particulis, crassiora, & viscidiora obstructiones pariunt, & hujus rumor sunt causæ. Item cibi nimia terrestitate, aut visciditate præditi, ac sale crasso, ut caseus antiquus, carnes infumatae, pisces sale indurati, vel muria diutius conditi. Sic potus ex aquis lutulentis, & limosis, nec non vini non satis depurati, vel particulis terrestribus, vitriolatis, aluminosis, & sulphureis præditi, ut est vinum Puteolanum, & Insulæ Enariæ. Tandem eodem modo philosophandum est de reliquis rebus non naturalibus.

Pro-

Prognosis.

Scirrhi omnino curatu difficiles sunt, & præcipue qui omni doloris sensu sunt destituti, ut asserit *Galenus* unde de exquisito scirrho inquit 2. ad *Glauc. cap. 5. Quod nunquam curavit, nec vidit, qui curare potuit, & curationis difficultas est materiæ crassities, siccitas, & particularum ejus intimior unio, ac pertinax obstructio. Si scirrhi aliquo doloris sensu sint præditi, aliqua adhuc salutis spes affulget, ex hoc enim conjicimus, quod obstructio non sit totalis, sed quidam tubuli, ac fibræ adhuc suum succum, & quidem volatilem recipiunt; hinc erui-mus scirrhos in corporibus debilibus; & emaciatis esse periculo plenos. In quibus nonnulli crescunt pili, nec unquam permutantur, sunt magni, & cum reliqua corporis cute concolores, prorsus insanabiles habentur, quia tam ad resolutionem, quam ad suppurationem sunt inepti. Scirrhi à blandis præditiis non tolluntur, à validis immanes evadunt, & consequenter *Medico* negotium facessunt, & ægrum, atque æstantes defatigant. Scirrhi cum notabilem in se contineant salis acidi, vel corrosivi copiam, vel simili existente in sanguine, ac succis constitutione, cum aliquali omnium functionum depravatione, in subjectis debilibus ætate, vel alia de causa, facile in caneros transeunt; superveniente enim dicto sale vehementiori motu, suppurantur, quod rarius accidit, & in caneros degenerant. Item si tubulis, & fibris circa scirrhum inflammatio, vel erysipelas superveniat, gangræna, si non, sphacelus succedit.*

Curatio.

Scirrhi curationem putant vulgares in diæta consistere, ac proinde cibos instituunt, qui facilioris sint digestionis, & bonum suppeditent nutrimentum, quique ad calidum, & humidum vergant, ac in pauca sumantur quantitate, unde ante omnia laudabilem præscribunt diætã; à prava enim omnes morbi originem trahunt. Acris omnia, quæque gradu tertio, aut quarto calida prohibent, quia noxam adferunt. Potus nec crassus, nec fortis sit, at aliquantulum calefaciens. Aer sit purus, moderatè calidus, & humidus. Somnus, & vigilia modum non excedant, alvus fervetur lubrica, alma Venus fugienda, & animi pathemata vitentur. Moderata corporis exercitatio admodum est necessaria.

Quantum spectat ad interna præsidia, præparatis humoribus, proportionatis syrupis, materiam evacuant convenienti, & idoneo pharmaco, habita ratione ad humores peccantes, corporis habitum, anni tempus, cœli constitutionem &c. Corpori namque robusto fortiora applicant medicamenta; teneris, & mollibus mitiora; in recenti scirrho mitioribus, inveterato, & indurato valentioribus pharmacis, & hæc toties reiterant, quoties opportunum videbitur juxta periti physici consilium. Deinde, si malum oriatur ob hæmorrhoides suppressas, illas aperiunt, & si ob menstrua retenta, illa provocant: Si sanguis in toto redundet, sinistri lateris basilicam aperiunt, sat foramine amplo, ut sanguini fœculento detur exitus, sed in hoc tam medicamentum catharticum, quam sanguinis missio parum, aut nihil præstare potest, imò malum pejorat. Si obstructions in hypochondriis adsint, eas referant, primò adhibitis præparantibus, & postmodum evacuantibus, quæ sæpius repetunt.

Deinde ad localia descendunt, & quia humor est crassus, tenax & viscosus per repulsionem evacuari non potest, repellentia non adhibent, nec minus evacuari potest per tumoris sectionem, quia humor est ita impactus, ut quamvis adhibeatur sectio, ne humoris quidem tantillum egreditur; opus igitur est evacuatione, quæ per insensilem evaporationem fit, & quia crassa est materia, ex qua scirrhus generatur, in halitum verti non potest, nam planè in duritiem abiret: prima indicatio erit, ut emolliatur medicamentis emollientibus; verum si nimis emolliendo evacuant, metus est, ne scirrhum in cancrum degenerare faciant. Eapropter tutum putant consilium ut nullam, vel tantum humectandi vim habens medicamentum usurpent, sed vel alternis vicibus emollientia, discutientia miscant; quapropter quæ minus discutunt in principio, quæ magis successivè, & in progressu, prout materia apta reddatur magis ad discussionem, unde primò *vireli*, &

cervi pinguedinem adhibent; quæ emollit, & non discutit; secundò *ursi & leonis adipe*, utuntur, sed familiaris est. magis *anserinus, anatinus, gallinaceus &c.* Inter has pinguedines magis discutit caprinus, & hircinus. Ad eundem effectum adhibent *mucilagines althææ, sem. lini, fœnugræci*, quæ omnes valdè emolliunt. Ad idem etiam valet *emplastrum de mucilagibus, & filiis Zachariæ*. Inter res solventia laudat *Galenus*, si capiatur *Lapis pyrites*, calefiat, deinde superfundatur acrum, & eo modo adhibeatur, ut fumus ille affectum penetret locum, in cujus defectu *lapis accipiat molaris*, qui eandem retinet virtutem. Post fomentum locus affectus aliquo oleo emolliente inungatur: deinde per aliquod spatium iterum mollientia adhibent; *Galenus* imponebat *emplastrum de ammoniaco in aceto dissoluto, donec emplastri formam acquireret*, & post tres, vel quatuor horas auferebat, & denuò unguento aliquo emolliente urebatur. Ex hac *Galen*i methode vulgares chirurgi verum modum scirrhum curandi eliciunt; cum itaque emollitus est tumor, applicant res solventia, deinde apponunt emollientia, & postmodum res solventia, & id toties iterant, donec scirrhus ad nihilum redactus fuerit. Sed utinam curatio ex voto succederet, est palliativa, & non curativa, & *Medicus* potius politicus, quam doctus esse debet, nam qui tali correpti sunt affectu, cum tali tumore ferè semper commoriuntur.

Quoad nostram de scirrho curationem attinet, primo optima vivendi ratio sumenda est, aliàs incassum *Medicus*, & æger laborabit. Vitet aerem nimis calidum, ac frigidum, & imprimis hyemalem, sed aer eligatur temperatus. Cibi acidi, salii, crassi, viscosi, & terrestres abstineant, sed copioso sale volatili sint referti. Potus sit vinum generosum delectatissimum, & si hoc non bibat æger, aqua tepida, in qua decocta fuerint radix chinæ, & lignum sassafras pro potu ordinario utatur. Motus magis, quam quies conducit, se ergò exerceat æger, nunc equitando, nunc curru vehendo, nunc ambulando, viter tamen exercitii nimietatem. Somnus, & vigilia modum non excedant. Excreta, & retenta ordinarium servant statum, purgantia sint procul, & angue pejus vitentur. Animi pathemata omnia, & præ aliis mæror, & terror, ac pulchra Venus exulent.

Scirrhi nisi initio sui curentur, postmodum vix curationem admittunt, hinc danda est opera, ut succi coagulati leniter ad motum excitentur emollientibus; hoc enim modo non tantum fluidiores reddi, tubulos reserari, verum etiam poros aperiri speramus. Eapropter, quæ digerunt, & tubulorum promovent reserationem medicamenta, tam interna, quam externa conducunt. Interna sunt, quæ succos volatiles reddere possunt, ut *sal volatile viperarum, c. c., salis armoniaci, & omnia salia volatilia, ut etiam succini, cardui sancti, spiritus camphoræ &c.* Ad obstructa vascula, eorumque incidendam, & attenuandam materiam, deobstuentia conducunt, ut *oculi cancrorum, crystallus tartari, tartarus vitriolatus, spiritus tartari, tinctura tartari*. Item Martialia, ut *vitriolum Martis, ejusque tinctura, & Julep. n. d. Vinum Martiale, crocus aperitivus, pulveres cachectici n. d.*

Quoad externam scirrhi curationem spectat, impossibilis non est, si aliqualem doloris sensum habeant, & in carnis corporis partibus externis, secus si latentes obideant, appareant, verum quod magis emollientibus malum tentabis, eò sæpius latus extendes, & fortioribus discutientibus ita indurabis, ut tandem hi tumores in materiam tophaceam, vel gypseam degenerent.

Si spurii itaque sint, ea quæ emolliendi, & resolvendi energiam habent, conferunt medicamenta, ita sunt *cataplasma ex vini fœcibus cum sulphure, & semine carvi, de radice bryonia, & de stercore caprillo. Unguentum de arthanita. Emplastrum de Ranis cum quadruplicato mercurio, de Ladano, Cicuta cum gummi ammoniaco, cumino, lapide pyrite &c.* Sed utinam hæc prodescent. Pro duris, rebellibus dissolvendis tumoribus ad sidera extollit suum *emplastrum de herba Theæ Joannes Dolans*, quod ita parat:

℞. Gum. galb. ℥. iij. sagapeni, ammoniaci ana ℥. ij. solve in ol. terebenth., adde gummi elemi ℥. j. ℞. ol. c. c. ℥. vj. tacamahac. ℥. ij. tart. fœtid. ℥. j. camphoræ ℥. j. ℞. myrrh. ℥. iij. pulv. herb. Theæ ℥. iv. sperm. ceti ℥. ij. picis ℥. vj. rebinth. ℥. v. colophonia ℥. iij. sal. volat. succini ℥. j. tartari ℥. ℞. ceræ s. m. l. a. f. empl.

Quod resolvit, & discutit pertinaces, ac scirrhosos tumores, confert, & plurimis aliis affectibus externis.

Ex

Exquisiti verò scirrhi omni dolore carentes curationem non admittunt, quia eorum durities neque suppurationem, neque resolutionem recipit, cum sit veluti quædam naturalis glandula in debito loco producta, & qui huiusmodi scirrhos remediis utgent, vel igne tentant, quia loci constitutionem dissolvunt, mala pejora inducunt, quam quæ scirrhus producere poterat; at nos esto exquisiti scirrhi curationem consultò non tradamus, arcanum communibimus, quo crescentem scirrhum sistere potestis, ut ultro augmentum non suscipiat.

℞. Ol. myrtill. ʒ. ij. nuc. mosch. ʒ. ss. axung. jumentor. ʒ. ij. ol. petreoli ad pondus omnium. F. mistura.

Quæ scirrhi locus per mensem chymicum inungatur.

C A P U T XIV.

De Ecchymosi.

AB externa causa aliquando vivens corpus contusionem patitur, quæ sit, dum caro ossi superposita ab alio corpore duro externo urgetur, absque cutis laceratione; verum subjectam carnem divulsæ ob contusionem venulæ in carnis poris sanguinem fundunt, qui dum grumescit, lividum in cute colorem inducit qui sensim transit in flavum, elevatumque tumorem, qui tumor cum dicto livido colore *Ecchymosis*, & *Ecchymoma* à Græcis dicitur genericè, in specie verò si cutis decoloratur, ac livescit, tunc huius livor *Pelioma* vocatur, sed huiusmodi lividitates ex contusionibus, vel violenta subcutanea effusione communi vocabulo *Sugillatio* appellantur: Si autem ex concussione minui saltem puncta vel lineæ sanguinis subcutanei relinquuntur, ut à flagris, & alicujus globuli illapsu, tunc puncta illa *Stigmata* vocantur, lineæ verò *Vibices*. Est igitur *ecchymosis sanguinis effusio sub cute in spatia vicina, unde pars affecta lividum sortitur colorem.*

Signa.

Ecchymosis nullis indiget signis, quibus cognoscatur, nam ipsius coloris, & tumoris, si tumor adsit, oculus est iudex. Causæ ex iis, quæ præcesserunt, & præsentis, ægri relatione patefunt, num à causa violenta, & externa producta fuerit, ut si percussio, contusio, casus, flagrum, & similes præcesserunt; ex iis enim contunduntur, vel rumpuntur, & lacerantur venulæ, unde sanguis exudat, ruborem, dolorem, inflammationem, & livorem excitans. Tumor est mollis, & lividus, quandoque cum, & quandoque sine doloris sensu.

Causæ.

De ecchymosis causa materiali, nobis cum Veteribus non est controversia, cum utraque sententia sanguini evasato eam refundat, sit namque à sanguine evasato, cum caro ab aliquo pondere fuerit percussa, venulæ, quæ per eam in retis formam sunt dispersæ, contusæ, vel pressæ, ruptæ, vel laceratæ sanguinem per rimas, fissuras, vel rupturas profundunt subter cutem, adhuc integra cute, eamque inundat, sanguis aggeritur, ac stagnat, stagnatione acrior redditur, in grumulos abit, & cutem colore nigro, aut sublivido inficit.

Fit quandoque hic affectus à causa interna, nempe à venularum obstructione, & sanguinis stagnatione; hinc facta vasorum obstructione, ab humorum corrosione, vel nimia horum vasorum distensione, fit sanguinis evasatio, quæ propriè *ecchymosis* dicitur.

Prognosis.

Ecchymosis levis nullum habet periculum, nisi cutis defædationem, nec ejus tumor magni est momenti, quia facile discutitur: tamen si hoc debet, & celeriter non fiat, & sanguis diutius in parte affecta extra venulas detineatur, periculo non vacat, cum inflammationem, abscessum, vel herpetem, scirrhum, & hydropem particulatim; si verò intra corporis cavitates extravasatus, & in grumum conversus, nisi resolvatur, universalem hydropem, & ferè incurabilem inducit. Præterea sanguis sub pelle concretus, nisi mox insensibiliter discutatur, in pus degenerat, quod necessariò fit, ubi caro simul valde contrusa est, atque hinc pars mollis adhuc manet,

vel putrescit, vel corrumpitur, & facile gangrænam, aut sphacelum inducit, & mortem parit. Hoc imminet periculum, cum pars affecta non est amplius livida, sed inflammatur, fit rubicundior, durior, ac tensa.

Curatio.

Ecchymosis tam in interna corporis superficie, quam in internis partibus evenire potest; dum in internis accidit, sedulus Medicus quam celerrimè potest, ad illius curationem procedere debet, nam pessima mala, ut dictum est, è sanguinis grumo in corpore retento evenire possunt: curatio itaque alia erit externa, alia interna proprio loco, in quo sanguis effusio facta est.

Vulgares chirurgi in omnibus illorum operibus ridiculi, credunt sanguinis missione ecchymosim curare, sed frustra, licet centies id tentent. Hoc totum peragunt, ut sanguinis affluxus præcaveatur, & inflammatio ne exciteretur; unde prava symptomata, & sæpè mors originem habent. Verum futurum præcavent, & quod præsens est, intactum in radice relinquunt. Syrupos sanguinis coagulationem, vel putredinem prohibentes propinant, uti sunt *syrupus de succo limonum, de succo acetosella, de acredine citri* &c.

Eodem quoque tempore circa partem defensiva, & repellentia admovent, hæc conficiunt ex *sanguine draconis, terra sigillata, bolo armeno, rosæ, myrtillis, nucibus cupressi, balaustris* &c. & tali, vel alio modo concinnant:

℞. Pulv. ros. rubr. radic. consolid. farinæ volatilis ana ʒ. ss. cum ol. myrtill. f. cataplasma.

Alii pro communi usu habent *ovi albumen cum aqua rosarum conquassatum, & cum stuppâ* affecto loco applicant. Sed hæc quia humida sunt, & viscosa, potiùs sanguinem extra venas elapsum putrescere sinunt, quam resolvunt, & parva excitant symptomata.

Deindè, ut sanguis concretus dissolvatur, & per alvum, urinam, vel sudores eliminetur, dant operam, & sequentibus utuntur medicamentis, *rhapontico, rhabarbaro, bolo armeno, terra sigillata, coralliis rubris, c. c. rubia tinctorum cum aquis fumarie, florum tilia, scabiosa, cardui benedicti, syr. de acetositate citri, & similibus*. Familiariter *pulveribus Mesues ad casum & percussione* utuntur; qui tali concinnantur modo:

℞. Rhabarbari elect. ʒ. j. boli armen. or. ʒ. j. Rubia tinctor. gr. xv. f. pulvis.

Quantum ad topica, si particularis aliqua sit contusio (in universali ægrum arietis in pelle recens detracta, & adhuc calente involvunt, conspersa sale, bacc. myrtill. pulvere nasturtii) illinitur tali linimento, ut

℞. Ol. ros. myrtill. chamem. ana ʒ. j. Ovi album. num. j. pulv. myrtill. & ros. ana ʒ. ij. m.

Sed in communi, & vulgari usu utuntur *ol. ros.* pro affectæ partis inunctione, deinde eam *pulveribus ros. & myrtill.* aspergunt, & sæpè partem *foliis brassicae* calidis foveant, & reiterant, sed hoc est mulierum medicamentum.

Quod si his, aliisque medicamentis sanguis extra venas effusus discuti non possit, cucurbitulas, si locus ferat, adhibent, quas efficacissimum existimant remedium, ad sanguinem extrahendum, qui profundiori continetur loco. Quandoque ad scarificationes confugiunt, ut sanguis manifestè effundatur. Sed nescimus an sanguis concretus, an fluidus per hanc laniam effundatur?

Quoad nostram curationem pertinet, in ecchymosi totus curationis cardo in eo consistit, ut ea medicamenta, quæ coagulatum sanguinem, quantum possibile, attenuant, & in debitam fluiditatem redigunt usurpemus, ut in venas resorberi possit, qui ineptus misceri, apertis poris, medicamentis ejus quietem in motum restituentibus insensibiliter transportetur; præsertim si suspicio sit in aliqua corporis cavitare sanguinem in grumum abiisse. Hæc medicamenta vel sunt interna, vel externa. Interna sunt, quæ incidunt, attenuant sanguinem fluidiorem reddunt, vel resolvunt, præcipuè, quæ in pleuritide, & inflammatione descripsimus, ita sunt *Rhabarbarum, spermæ ceti, lapides cancrorum, spiritus tartari, salis armoniaci, spiritus matricalis, c. c. stibium diaphoreticum, sanguis hirci ad pleuritidem, extractum hyperici, florum papav. rhæados, sal succini* &c. His diversimode concinnatis utere.

℞. Sang. hirci ʒ. ij. stibii diaphor. ʒ. ij. Mumia ʒ. ss. laccæ rubr. & spermæ ceti ana ʒ. j. Extract. flor. papaver. errat. ʒ. v. f. omnium pulvis subtilis. Cujus exhi-
beatur

beat 3. j. in syr. hyperici, vel papaveris errat. cum aqua chærefol. vel flor. tilia ter., vel quater. Vel

℞. Ocul. cancr. 3. ss. sæcul. rad. bryon. 3. j. terra sigillata, & corall. rubr. pp. ana 3. ss. salis c. c. gr. v. m. f. pulvis unica dosi sumendus. Vel

℞. Aq. chærefol. & flor. tilia ana 3. j. mentha 3. ij. ss. spiritus salis armoniaci 3. j. syr. hyperic. 3. ss. m. pro duabus vicibus.

Credibile non est quantum huius salis, vel communis spiritus valeat ad sanguini restituendam, vel conservandam fluiditatem, qui ambigit ad experimentum confugiat, & nos vera dicere experietur, vel saltem à laniis hoc discant vulgares, qui ad porcorum sanguinem fluidum conservandum, quem pro conficiendis botulis vendunt sale, pulvere tenus, aspergunt. Alkalia maximopere profunt, quia aciditati resistunt, & sanguini stagnanti, ac quiescenti motum restitunt, & sic fluidus redditus à venulis refoberi potest, vel in auras resolvi.

Topica, seu externa medicamenta ea esse debent, quæ stagnantem, vel coagulatum resolvunt, & denuò fluxilem reddunt sanguinem, ita sunt, quæ plurimo sale volatili, vel alkalico abundant, ut spiritus vini per se, vel cum spiritu salis armoniaci cum calce viva parato mistus, vel spiritus vini camphoratus, vel crocatus, qui tepidè cum linteis duplicatis ecchymosi imponitur. Item spiritus lavendule, aqua Regina Hungaria, vel spiritus matricalis tanto perè à Dolæo decantatus, non tantum in ecchymosi, verum etiam in quamplurimis affectionibus tam internè quàm externè, quem ita describit:

℞. Mastiches, Myrrha, Olibani, Succini ana 3. ij. Spiritus Vini rectificati ʒ. ij. F. infusio, deinde destilletur, postmodum cohibetur spiritus, qui solus calidè applicatus ecchymosim tollit.

Balsamus Peruvianus in spiritu vini solutus in partium nervosarum contusionibus egregium est medicamentum. Efficax est emplastrum de spermate ceti. Alii commendant Unguentum de cynoglossa, quod ita paratur:

℞. Radic. cynogloss. rub. ʒ. ss. Butyri recentis ʒ. j. ss. Vini rubr. 3. iv. Coquantur ad vini consumptionem, & colentur. Valet ad contusa, & sigillata; sanguinem enim concretum tam intrus assumptum, quàm forinsecus illitum dissolvit.

Sed promptius, & efficacius infra octo horarum spatium grumefactum sanguinem sub cute effusum hoc medicamine resolves, nam illum extra in aque forma reduces, & pristinum colorem naturalem cuti restitues:

℞. Rasura radic. bryon. recentis q. s. ea ecchymosim asperge, & linteum superpone, infra octo horas exime, & admiraberis effectum. Verum melius, & tutius operaberis, si bryonia succo equalem vini spiritus portionem miscebis, & linteola madefacta calidè ecchymosi superpones. Efficacissima etiam est in ecchymosi curanda radix sigilli Salomonis, quæ vel recens, vel tempore hyberno vino macerata, & contusa, cataplasmatibus forma apposita, unica sæpè nocte ecchymosim tollit, adeò ut parti affectæ nativus redeat color. Melius adhuc est, si simul applicetur radix symphyti majoris. Hæc tria nempe radix bryonia, sigilli Salomonis, & symphyti expertissima sunt ad ecchymosim, quæ in unum magnum medicamentum transire possunt, ut

℞. Radic. bryonia, Sigilli Salomonis, & Symphyti. maj. ana 3. iij. flor. chamom., meliloti ana m. j. coque in suff. quantitate vini albi ad consistentiam cataplasmatibus, cui adde croci parum. Applicetur ecchymosi, & in gravioribus contusionibus est probatissimum.

Verum si suppurationis notæ pateant, locus protuberet, ad tactum mollis apparet, dolor pulsabilis, rubedo circum, & febris apparere incipiat, tunc juvanda, & promovenda est suppuratio, nec perfecta expectetur; nam si pus, quod ex sanguinis grumo generatur, diutius in loco affecto detineatur, febres, dolores, & multa alia mala excitare, partes vicinas, nervos, & ossa corrumpere potest, ut multoties nos autopsia docuit, unde postea ulcera cacoethe, carcinomata, gangrænæ, sphaceli non raro ortum ducunt. Hinc vulgares, & bardos hortamur chirurgos, ut non expectata perfecta suppuratione, scalpello aperiatur, ulcus purgetur, detergatur, carne impleatur, & tandem cicatrizetur.

C A P U T XV.

De Aneurismate.

Ecchymosi aneurisma affinis est, uterque confanguinatione sanguinis; ecchymosis enim ex sanguine effuso grumefacto, & qui amplius non effunditur, constat, & ut plurimum sanguis est venosus: aneurisma verò tumor est sanguine fluenti plenus naturæ legibus subiecto, & continuo fluxuro, si illi daretur exitus, ex arterioso sit sanguine, coloreque livido cutem minimè fœdat: sanguis enim in hoc tumore intra membranulam arteriæ dilatam continetur, ac quotiescunque tumor comprimitur recedit sanguis in arteriam, sed dum à compressione cessatur, iterum redit cum pulsa.

Signa.

Aneurisma non difficulter cognoscitur: tumor initio parvus paulatim crescens, in quibusdam multum, in aliis parum, dolore carens, (præterquam si est à vulnere, tum enim immensum dolet, vigilias, & convulsiones parit) ad tactum mollis, & spongiosæ laxitatis, aspectu cum reliqua cute concolor turgens, & plenus conspicitur, digitorum compressione promptissimè cedens, adeò ut totus ferè tumore evanescere videatur, sed sublatis digitis, momentaneè iterum redit tumor fortiter pulsans, sed inordinate cum aliis arteriarum pulsationibus procedens. Quod à vulnere sit, non ita molle est. Quando aneurisma magnum evasit, tunc non amplius tam fortiter pulsatur, & compressum ad interiora non redit: motus tamen, & strepitus quasi bullientis aquæ tum percipitur, idque non solum cum digitis, sed etiam aliàs, & strepitus ille non saltem digitis sentitur, sed etiam admota aure, quod accidit ob spiritus vitalis per angusta meatuum motum.

An autem genitum sit aneurisma per viam dilatationis arteriarum, an verò per alium modum adducendum; cognoscitur primò ex causis præcedentibus, nam in priori modo non præcesserunt causæ pungentes, vel vulnerantes, aut arterias contundentes, quæ tamen semper præcedunt secundam aneurismatis speciem. Secundò colligere licet ex ejus situ; quoties enim hoc gignitur, in profundioribus arteriis, & interioribus semper gignitur ex dilatatione, secus autem in arteriis exterioribus, & prope cutem; nam hæc faciliè punctiones, & vulnera sustinere possunt.

Signum certum pro distinctione inflammationis, in superficie tumoris anticipatio, nam si inflammatio præcessit, mollities illa suppurationis est signum; si verò inflammatio non præcessit, tumor pulsatur pressus, retrocedit, & deinde redit ad situm aneurisma esse tibi suadeas.

Pars affecta sæpissimè, imò ferè semper ob arterias carotides, collum est, & præcipuè supra claviculas, observavimus tamen nos aneurisma in inguinibus, genubus, & brachiis, imò duo aneurismata interna ex casu levi, juxta renes, dexterum, & sinistrum.

Causa.

Præcipua aneurismatis causa est nimius sanguinis arterialis impetus, arteriam dilatans; unius enim momenti spatio plus transit per arterias, quàm decem momenti per venas, propter longè majorem impetum à corde sanguini intra arterias impressum. Et sciendum est pro completa aneurismatis cognitione, quòd arteriarum substantia est membranosa, ut facile dilatari, & constringi possit; constat autem duplici propria tunica, externa, quæ ambæ, ne à continua, præcipuè majori pulsatione dolerent, sensum habent obscurissimum. Externa tunica tenuis, rara, & mollis est, rectas fibras plurimas, paucas verò obliquas, transversas habens nullas, & hæc ab exteriori cordis tunica derivari videtur, cum eaque continua est. Interna durior, densior, multoque crassior existit, qua crassitie, & duritie indiguit, ut spirituosum, absque magna dissipatione tutius veheret sanguinem. Ideòque si vel extensione, quod facile fieri potest, cum durior sit, tunica rumpatur interna, vel sectione aperiatur, non faciliè ut durior coalescit; externa verò ut mollior faciliè coalescit: & quia mollior est, fibrisque obliquis, & spiritu vitali exitum impetuose quærente extenditur, & sanguis pulsatione in

exter-

externam molem impingens, eam magis, magisque dilatat, in eaque quasi in sacco coacervatus tumorem producit, in quo manifesta, imo sæpè admodum molesta pulsatio, systolesque ac diastoles reciprocatio sentitur.

Nonnulli sagaciores *Medentes* impossibile ferè putarunt internam satis crassam tunicam rumpi posse, externa tenuissima incolume inmanente. Non ita putent, nam tunica interna est duriuscula ab irruente sanguine, & aliquantisper impingente propter sua acia, & erodentia, scinditur, dissecatur, exeditur, & per patefactas hujus tunicæ fibras sanguis se insinuat, & interiorem ab exteriori eximit, ac circulans in suo cursu hiatus obvium sensim subingreditur, exterior dilatatur, quia mollior, & majus sibi comparat spatium.

Externæ causæ; quæ per dilationem aneurisma progignere possunt, primò occurrunt, & esse possunt, ob quas fortissima spiritus compressione, & violenta cohibitione opus est, ut sæpè accidere solet mulieribus difficulter parientibus ventris compressione, & similibus, ubi potior compressionis vis ad collum fertur, ut quilibet in seipso experiri potest. Secundò, validi clamores, & vociferationes, vel etiam violenti conatus in ponderum elevationibus. Inter causas internas numeratur primò laxitas, & arteriæ mollietates, ob quam facile dilatatur. Secundo copia, vel ebullitio arteriosi sanguinis, unde facile fit, ut arteria dilatetur. Tertiò, numerantur obstructions internæ, ex quibus facile fit ut sanguis non rectè per corpus distributus magis in parte aliqua abundet, & cumuletur, ob quam causam majori collectus mole, arterias dilatat. Quartò animi pathemata, ut sunt ira & furor, deinde corporis passionēs, quæque igne, sole, cursu, cibisque acerbis producuntur.

Alteræ aneurismatis species scilicet per vulnerationem, plures agnoscit causas; sunt præsertim vulnera, puncturæ, collisiones. Item ab imperitiis chirurgis excitatur, qui nonnunquam loco venæ arteriam, vel eam venæ subjacentem secant; vulnerata enim arteria, incumbens ei cutis, & externa tunica cicatricem quidem contrahit, at tum vulnus interioris tunicæ incuratum inanet, neque coalet, nec carne occluditur, & aneurisma fieri necessum est.

Causæ internæ ad quatuor reducuntur, vel scilicet ad apertionem osculorum ipsarum arteriarum, quæ apertio græcè dicitur *anastomosis*; vel secundò diæresim, seu erosionem earundem arteriarum tertiò ad diapedesim, seu rarefactionem ipsarum arteriarum; quartò tandem ad rixim, seu ruptionem.

Contrahanc, & præstantissimorum practicorum sententiam, atque experientiam de aneurismatis causa sese acriter primò *Platerus*, & mox *Regius* opponit; docet uterque aneurisma fieri; cum extra dilatam, vulneratamve arteriam effluit sanguis inter musculos, aliasve partes, tunc sanguinem ex viscidioribus suis particulis sibi ipsi pelliculam generare, & circumjicere, ut in ea contineatur tradit. Verum uterque delirat, etenim si ex sanguinis arteriosi sub cutem effusione fieret aneurisma certè sanguis ille in latum, & longum, & circumcirca sese diffunderet, cutemque alieno tingeret colore; quemadmodum observamus in contusionibus, & venæ sectione minùs rectè peracta, quando vena vel tota pertunditur, aut venæ vulnus ob sanguinis impetum non rectè clauditur. Tunc enim sanguis sub cute sæpè ad extremam usque manum effunditur, & cutis rubro, viridi, & flavo fœdatur colore. Id, quod multo magis arteria aperta fieri deberet, cum sanguis arteriosus sit tenuior, & majori cum impetu effluat, quod tamen non accidit in aneurismate, in quo tumor ille suis continetur limitibus, neque cutis alieno inficitur colore. Præterea sanguis in aneurismate contentus non corrumpitur, nec unquam suppurationem patitur, cum alioqui sanguis copiosus extra vasa inter partes affusus semper corrumpatur, ac inflammationes, & apostemata generat secundum *Hip. sect. 6. aph. 20. Si in ventrem sanguis præter naturam effunditur, necesse est suppurari.* Insuper sanguis extravasatus non potest sibi membranas circumjectas generare, quin potius putrescat. Item in aneurismate ab extravasato sanguine producto non sentiretur pulsatio aliqua insignis, qualis in aneurismate continuè procedit. Tandem in aneurismatis dissectione nunquam talis pellicula, seu folliculus observatus fuit.

Non defuere *Medentes*, qui perperam crediderunt in aneurismate non contineri sanguinem, sed flatum spirituosum, qui alicubi inter utramque tunicam minima ini-

tio copia se colligat, paulatim ab invicem divellat, sensimque tumorem quidem turgidum, tactui tamen facile cedentem, sed eo amoto, illicò in pristinam turgentiam resilientem efficiat: Sed hæc sententia est nimis rustica, & non ægrè à sectione repudiatur.

Prognosis.

Aneurismata minora, recentia, & præcipuè ab imperita venæ sectione provenientia ægre curari possunt; excrefcunt, & augentur ut plurimum in magnam molem, & mortem inducunt, nisi dum incipiunt, sistantur, curationem non admittunt. Magna, antiqua, & spontè venientia nunquam curantur, præsertim in collo, ubi ne unicum exemplum alicujus curati notum est: diu tamen cura palliativa hujusmodi ægri vitam producere possunt, quia aneurismatis tumor nullum insigne habet periculum. Si aneurisma aperiatur, uti interdum imperiti chirurgi illud abscessum esse credunt, patiens, aperto aneurismate, mox sub manibus expirat. Itaque cauti esse debent chirurgi in aneurismate cognoscendo, nam si ob ejus mollietatem, & exundationem supponant esse suppuratum abscessum, & illum aperiant, à sanguinis effusione irreparabilis sequitur mors. Nec sectione aneurisma curationem facile recipit, sed æger in discrimen, & mortem præcipitatur; præstat proinde levius incommodum tolerare, quàm periculosæ se submittere curationi, nihilominus si major, materiaque putrescat, gangræna, & mors expectanda est, quæ pariter metuenda, si sponte sua rumpantur aneurismata.

Curatio.

Duplicem aneurismatis curationem instituunt vulgares, unam scilicet per medicamenta, alteram per chirurgiam; medicamenta adhibent aneurismati per dilationem genito in penitioribus arteriis existenti, cujus indicationem à repellentibus; repercutientibus, & adstringentibus sumunt, ut sanguinis impetus compescatur, & arteriæ foramen claudatur. Priorem complent indicationem victu tenui, & refrigerante, tum venæ sectione ex latere opposito, tum lenibus, frigidis, & repetitis corporis purgationibus: sed hæc duo præsidia omnibus morbis sunt communia, nec quicquam pernicioso tumori profunt; ad hanc etiam indicationem refrigerantibus auxiliis, frictionibus, ligaturis &c. utuntur.

Quantum ad localia, si aneurisma circa principia fuerit, supra partem affectam *laminam plumbeam* fortiter alligatam adhibent, quam repellere, densare, & arteriam adstringere laxatam dicunt, sed inane medicamentum est, nec unquam hac lamina aneurisma vidimus curatum. Quidam *emplastrum ad rupturas Augustanorum*, vel de pelle arietina superponunt, non aliter ac hic tumor esset hernia scilicet enterocèle, sive bubonocèle. Et quia aneurisma etiam interdum oritur ob aliquam ipsius arteriæ unitatis solutionem, cum scilicet arteria ipsa, vel pungitur, vel vulneratur, quod sæpè accidit, cum imperiti tonsores adeò profunde venam secant, ut subius vena arteriam sub ea contentam etiam pungant, tunc dant operam, ut mox coalescat: quod cum ob sanguinis arteriosi impetum, non ita facile fiat, ut in venis, quæ unica gaudent tunica, ad arteriæ vulnus glutinandum, sequentia diversimodè concinnata parant, ut sunt *thus*, *mastiche*, *radix symphyti majoris*, *terra sigillata*, *bolus armenus*, *aloe*, *lapis hematites*, *malicorium*, *hypocistis*, *myrtus* &c. sed præ cæteris valdè commendant sequentem compositionem, ut

℞. Thuris part. ij. aloes part. j. ℥. m. cum ovi albumine conquassato, & pilis leporinis, excepta vulneratæ arteriæ imponatur.

Sed oleum, & operam perdunt, nam hæc per cutem, panniculum carnosum &c. non penetrant ad interiorem arteriæ tunicam usque, ideoque erit cura palliativa, ut aliquid moliri videantur, & reverà in nihilo agendo sunt occupati.

Si aneurismatis incrementum non sistunt, vel magnum sit, à chirurgia suppetias præstolantur, ac propterea cutem incidunt, & detectam arteriam supra, & infra vinciunt, partem mediam cum tumore excidunt inter duo vincula, quæ prius non solvunt, antequam natura vulnus obduxerit, & nullus hæmorrhagiæ metus fuerit. Modus aneurisma incidendi prolixius traditur ab *Aegineta de remedio lib. 6. cap. 37.* Sed hoc remedii genus facilius est dictu, quàm factu,

factu, & non solum valde barbarum, & quod vix pauci rolerent, verum etiam non sine vitæ periculo, nec ægrum sanat, imò inter hanc carnificinam expirare potest, ut pluries nos observavimus, & ex tot hujusmodi ægrorum myriadibus vix unus adeò constans in cruciatibus ab hoc affectu eripitur. Demum, quod arteria arctè vinciatur, tamen postquam fila solvuntur, metus est, ne vel hæmorrhagia, vel novum fiat aneurisma. Tutius itaque est tumorem saltem vinculis, ac medicamentis constringere, comprimere, ne amplius augeatur, si fieri potest, quam ægrum certissimo, & necessatio mortis discrimini exponere.

Unus itaque in aneurismate superest curandi modus scilicet reductio membranæ arteriæ ad pristinum situm, id, incipiente aneurismate, difficile est, in dilatato verò, & magno, impossibile. Tu verò in incipiente aneurismate per dilationem hoc utere arcano: *Nuces cupressi virides eo in aqua ebullire permittas, quo in quandam mucilaginem abeant, hanc cum fabarum farina misce, & fac cataplasma*, quod incipienti aneurismati impone, adprata ligatura, ac ter, & quater renova.

In aneurismate ex mala venæ sectione nullum majus præsidium, quod multoties non experti sumus, quam *Aqua Arterialis*, si debito modo, & vincto superponatur. Hujus aquæ conficiendi rationem in nostra *Pyrotechnia* tradidimus, & nunc huc referimus ejus compositionem genuinam:

℞. Colcothar., Alum.usti, & Sacch. candi ana 3. ℞. Urinæ junioris hominis, aquæ ros. ana 3. ℞. aquæ plantag. 3. ij. diu simul omnia agitentur in mortario, postea mistura in phialam vitream injiciatur, & asservetur pro usu, quo tempore liquor per inclinationem erit effundendus.

Hæc aqua imbutum linteum, & arteriæ resectæ applicitur manum imposita, sanguinem sistit; ea etiam potest humectari linteolum, atque in nares introduci ad narium hæmorrhagiam. Potest eadem aqua interiùs assumi ad suppressendum sputum sanguinem; ad dysenteriam, fluxum hæmorrhoidum, hepaticum, & menstruum. Dosis à guttis x. ad xx. in aqua Polygoni.

Non desunt interna, si aneurisma ab interna acrimonia canaliculos sanguiferos corrodeute natales habeat dies; præscribenda sunt itaque, quæ talem obtundunt acrimoniam, ut sunt *lapides cancrorum, corallia, ebur, c. c. sine igne pp., crystall. mont.* & sexcenta alia. Sed de aneurismate legite *Marcum Aurelium Severinum nostrum* de novissimis observatis abscessibus cap. 7. qui de hoc tumore peculiarem scripsit librum.

C A P U T XVI.

De Varicibus.

Sicut ex internæ tunicæ arteriæ apertione, & externæ dilatatione oriuntur aneurismata, ita ex venæ tunicæ dilatatione varices, quæ sunt dilatationes nodosæ, lividæ, & molles illarum tractum, & colorem observantes, quæ compressæ quidem digito imposito cedunt, & mox recurrunt. Fiunt à sanguine crasso, & ad stagnationem apto circa alicujus venæ valvulas, cujus membranæ à majori sanguinis copia ibidem cumulata, & ita distenduntur, ut sacculos sanguine repletos efforment. Ab aliquibus venæ strumosa vocantur, eo quod ejusmodi venæ sanguine turgent, & protuberant strumarum instar.

Signa.

Varices oculis conspiciuntur in cutis superficie absque cutis læsione, (interni vix à Medico oculatissimo cognosci possunt) quia sunt tumores molles, nodosi, globulorum instar, nigri, lividi, vel subcærulei ad mori, vel uvæ magnitudinem, & ultra, ita ut quandoque digiti crassitiem æquent. Tumor digitorum pressioni retrocedit, quibus remotis, protinus returger.

Accidunt varices in diversis corporis partibus; frequentissime tamen in cruribus, & prope malleolos, aliquando in temporibus, femoribus, quandoque in ima ventris parte sub umbilico nonnunquam in scroto, qui tumor in specie græcè *Cirsocele* nominatur, latinè *hernia varicosa*, de qua suo loco agimus.

Cause.

Galenus solitis insistens nugamentis, varices generari vult ex sanguine melancholico, quam natura sæpenumero ad eas transmittit venas, quæ sunt in cruribus, à quo distentæ, ac dilatatæ varicosæ redduntur, & cutis, quæ hujusmodi venas attingit, procedente tempore, nigrescit; Verum hæc sententia falsa deprehenditur ex nostra; nam dicimus sanguinem è vena cava ad majores, & à majoribus ad minores descendere venas, unde perpetuò varices in femore, tibiis, & hæmorrhoidibus observantur, quia ille sanguinis motus p. n. contingit, quod debilitatæ venæ sanguinem sursum non mittunt, sed colligunt; hinc in inferioribus venis cumulat, accedente semper ex arteriis novo sanguine, venarum dilatationem molitur circa valvulas propter quam sanguinis portio cumulata stagnat, in circulatione remoram contrahit, & acorem, particulæ in sanguine crassæ, viscidæ, & terrestres, quasi in lacunas impingunt, & varices causantur. Nostram confirmant sententiam in prægnantibus varices, quia foetu jam grandiori, eorum crura grave onus ferre coguntur, ac propterea venæ debilitantur, sanguinem sursum non impellunt, dilatantur. Accidunt etiam varices illis qui plurimum laboris pedibus ferunt, ut sunt cursores, bajulatores, diu stantes, captivi, quorum crura diu compedibus constringuntur, hos etiam causare possunt lapsus, contusio, aliæque crurum affectiones.

Est varicum sanguis quasi à natura proscripius, nec grimescit, vel putrescit, quia in suis stabulat conceptabilis, nec vita destituitur, sed ab hujus vitalitate illustratur, & multoties in naturæ gratiam redire solet, & remeabilis per venarum tubulos evadit, ut observare est in gravidis, in quibus varices turgescunt à foetu excluso, fluentibus lochiis iterum sponte subsident, & obliterantur.

Accidunt frequentissime varices in cruribus, quia valvulæ in ramo crurali sunt frequentissime, imò duplices. Se manifestam etiam varices potius in tibiis, & fortioribus corporis partibus, quia sanguis venosus ibidem ascendere debet per viam horizonti perpendicularem, & aliquando hæc via aliquatenus occluditur à ligaculis illis, quibus crura constringere solemus ad retinendas caligas.

Quandoque in varicibus oboritur dolor, quod sanguinis particulæ acidiores in carnem vicinam transeunt per sinus, & fibrillas, illas irritant, & planè discindunt, & oboritur dolor, & si plures fibrillæ discinduntur ab istis acidioribus particulis, ulcera dolorifica, & profunda excitantur, & fordida redduntur, & vocantur, *ulcera varicosa*.

Prognosis.

Varices nec dolorem inferunt, nec vitæ impedimentum pariunt, nec per se periculum afferunt, sed eorum curatio saltem propter decorem, & non necessitatis gratia expetitur. Interdum varices in prægnantibus per se corroduntur, plurimum sanguinis profundunt, & nisi fluxus tempestive sistatur, patientem in vitæ discrimen adducunt. Quandoque tandem varicum cutis in turpissimum, foetentissimumque aperitur foramen: quod si cum laterum punctationibus accadat, tunc judicatur morti morbum obnoxium esse.

Si varices intempestive tollantur, docet *Gal. lib. de curabili cap. 4.* insaniam, pleuritidem, renum dolorem, hæmorrhoidum fluxum, tussim, sanguinis expuitionem, apoplexiam, cachexiam, hydropem, aliosque oriri morbos. Interdum in elephantiasim transeunt varices.

Verum non adducit *Galenus* causam, quare in varicum sublatione, tot varii etiam in causa oboriantur morbi.

Præservant, & liberant varices à morbis dictis melancholicis, unde *Hip. 6. aph. 21.* inquit: *In insanientibus si varices, vel hæmorrhoides supervenerint, insania solutio.* Verum si verus hic *Hip.* esset aphorismus, varices non deberi sanari sequeretur, quia illi abscessi insaniam inferrent, de quibus experientia oppositum demonstrat; multos namque nos, & alii varices sustulimus, nec insaniam, illosque diros morbos, quos recenset *Galenus*, & *Hippocrates* observavimus. Verum enim verò ne *Hippocrati* detrahamus, dicimus quandoque accidere posse ex alio potius capite, quam ex varicum ablatione, & *Hippocrates*

erates infantibus varicibus insaniam præfert. Idem dicendum putamus de hæmorrhoidibus, prout Hippocrates refert. Præterea observamus nos, & nobiscum quamplures alii infantibus varices, vel hæmorrhoides supervenisse, nec insaniam solutionem subsequutam fuisse.

De varicibus loquens Hip. lib. 6. aph. 24. pronunciavit: *Quicumque calvi sunt, iis varices magna non sunt: quibus vero calvis varices magna superveniunt, ii rursus capillati sunt.* Verum falsum quoque esse hunc aphorismum deprehendimus, & idem asseverat nobiscum Galenus in comm. hujus aphorismi, quia de calvitie loquitur; si utique aphorismus de capillorum defluvio, ophiasis, & area loqueretur, quodam modo quandoque verificari posset, quia hæ affectiones à succis erodentes habentibus particulas ortum ducunt; si hæ particule in crura translata varices faciant, utique ægri capillos recuperare possent. Nam si prius à vitiosis succis capillorum erosio radicibus eorum fiebat jactura, merito nunc iisdem aliò migrantibus, ad naturalem statum capilli reverterentur; sed quia de calvitie loquitur, falsum talem omnino aphorismum arbitramur.

Curatio.

Vulgares chirurgi varicum curationem à venæ sectione, & ventris evacuatione exordiantur, ea per medicamenta, quæ humorem exturbant melancholicum, idque non semel, sed bis, & ter. Verùm hæc duo vulgaria præsidia de communi morborum omnium, venas dilatatas non corrugant, nec stagnantem sanguinem fluxilem reddunt, est centies sanguinem profundant, & humorem vulgo melancholicum purgant.

Dietam instituunt, vitando omnia, quæ sanguinem melancholicum generant, ut sunt lentes, oriza, caules, caseus, vetustus, caro porcina, bovina, salita, & fumo indurata, panis azymus, cibi assi, & frixi; conveniunt hordeum, & avena decorticata, fœniculum, petroselinum, spinachia, chærefolium, jussula pisorum, caponum, ova sorbilia, & alia euchyma. Deinde adstringentibus, & exsiccantibus medicamentis, fasciisque & ligaturis, quæ sanguinem à partibus inferioribus ad superiores detrudunt, utuntur. Nonnulli ad hunc finem consequendum Laminam plumbeam fortiter supra varicem alligatam adhibent, vel caliga ex pelle canina confecta, qua exacte varicem adstringunt, & induunt, utuntur.

Si hæc non profuerint, ad sectionem recurrunt, de qua operatione quisque Celsus, Hieronymus ab Aquapendente, Avicennam, & Hippocratem legere potest. Verùm varicum per excisionem curatio non solum aspera, & difficilis est, sed & plerumque propter sanguinis effusionem, quæ operationem impedit, non feliciter succedit. Nonnulli cauteriis curationem adimplent, sed eadem, & majora recutunt pericula.

Quidam vulgares chirurgi varicum curationem aggredi reformidant Galeni præfagium, & Hippocratis aphorismo 21. sect. 6. perculsi, ne iis sanatis, graviora accidant mala, cum ea sanare dicantur, quæ hominem omnino liberant, non quæ alium generant affectum priori periculosiorem. Verùm ad hunc eliminandum tumorem, ea conducunt, quæ ad melancholiam hypochondriacam, melancholicamque insaniam in nostra Trutina medica consignata sunt.

Pro nostra varicum curatione dicimus ejus unicam esse indicationem, scilicet acidum in sanguine delitescens temperare, sanguinis coagulationem impedire, & deinde venam dilatatam adstringere, seu corrugare, hoc uno peracto, stagnans sanguis in corpore varicoso fluxilis redditur, & in naturæ gratiam revertitur, ut videre est in prægnantium varicibus post partum; Eapropter vitentur statio longa, portatio onerosa, motus laboriosus &c. Vitentur quoque alimenta, quæ sanguinem crassum, sæculentum, terrestrem, & impurum generare valent, quod si qua crassities, sæculentia, impuritas terrestritas, & aciditas adsit, quæ in varicosi corporis fundo stagnet, medicamentis quæ sanguinem mundificant, utimur hujusmodi erunt, præmissa tamen corporis evacuatione, Decocta falsa parilla, china, ebuli, radicis lappæ majoris, & minoris, similiumque. Acidum in sanguine delitescens corrigunt, & temperant omnia alkalia per vices assumpta, ut oculi cancerorum, corallia pp., crystall. mont. & ea omnia, quæ in melancholia hypochondriaca conducunt. Deinde ad sudorifica temperata, quæ eandem habent intentionem, accedemus, ut sibi diaphoreticum, cornu cervi &c.

Potest varix aperiri, attamen apertio cautione fiat in inferiori parte circa malleolum, totusque sanguis è tota vena, facta prius fortiter ligatura, à summo ad imum versus suaviter per foramen latè factum exprimatur, ut exire possit, non tamen una vice, sed pluribus; donec venæ tumiditas ubique ablata videatur, adhibeatur deinde ligatura fasciæ ad quatuor digitos latæ prius madidæ in lixivio juniperi, vel querno cum modico aceto misto, quæ ligatura in imo strictior esse debet, in altiori autem laxior. Lixivium non fiat in aqua simplici, sed in decocto caulium, additis quoque corticibus tamarisci. Crus in quiete, & elevatum per dies quatuordecim detineri debet, postmodum æger pedetentim ad temperatum redeat motum.

Præstat in varicibus hoc Hartmanni Unguentum:

℞. Butyri majalis, vel in ejus defectu Ol. ros. part. j. Succ. ex contusis cancr. express. part. ij. vel iij. m. & ad ung. formam coque.

Hujus unguenti usus est post varicosi sanguinis expressionem è tota vena, & in ejus circuitu præfatum unguentum probe inungatur, addi potest axungia leporina.

Præstantius erit sequens unguentum, ut

℞. Ping. human. q. pl.

Inunge, & admiraberis effectum. Vel admisce quoque oleum juniperinum stillatitium, & ut dictum est, procede; Multum profunt externa linimenta emollientia, & resolventia ex sevo hircino, butyro majali, oleo hyperici &c. Nec non forus, & balnea ex radicibus althææ, scrophulariæ, bryoniæ, herbis agrimonie, malvæ, foliis, & floribus sambuci &c. parata, quibus sanguis spissior ad fluorem restituitur.

Nos expertum, & infallibile habemus remedium ad varices curandos, quod nunquam nos felici defraudavit eventum, hoc est Bryoniæ succus, qui sanguinem in gurgite stagnantem fluxilem reddit, venam dilatatam corrugat, pristinoque statui restituit, de quo legite nostram Pyrotechniam.

C A P U T XVII.

De Oedemate.

Antiquiores Medici oedematis nomine omnes omnino in genere tumores acceperunt, attamen recentiores per oedema certum aliquod tumoris genus intelligunt, & in specie oedema nuncupant. Est autem oedema tumor latus, mollis, indolens, sine calore, & rubore, coloris subalbidus, in superficie ut plurimum lividus ob cutis distensionem, pressus à digitis digitorum foveas servat, quæ pigre ad situm redeunt. Estque duplex, unum est tumor collectus, & circumscriptione definitus, sæpiusque magnus, ac pressus digiti pressioni facile cedens, atque impressionis vestigia aliquandiu retinens, isque propriè, & simpliciter oedema vocatur. Alterum est diffusus, & indeterminatus, ideoque non oedema, sed tumor oedematofus appellatur, ac sæpius in cachexia, tabe leucophlegmatia, post quasdam febres occurrit, præcipuè in cruribus, atque ob majorem laxitatem impressionis digiti vestigium relinquit.

Signa.

Oedema facile ex dictis cognoscitur, cum sit tumor mollis, latus, indolens, & si digito prematur, non ægre cedit, ac fovea, & digiti vestigium relinquitur. Est cum cute concolor, vel saltem subalbidus, abest ab eo calor, nec ulla, ut in aliis tumoribus, notatur pulsatio, & hæc signa ab aliis tumoribus oedema discriminant.

Omnes corporis partes tum internæ, tum externæ possunt esse oedematis partes affectæ, cum collectio humoris viscosi, ac aquei in hac, vel illa parte facile fieri possit, præsertim verò in extremitatibus quidem manuum, & pedum, hic tumor observari solet ob loci declivitatem: Sunt itaque oedematis sedes vasa lymphatica effatam lympham vehentia cum intemperie sanguinis viscida, & paucò sale referta, hinc cum vasa sanguifera comprimantur, lymphatica autem distenduntur, & oritur pallor.

Causæ.

Gal. 14. meth. cap. 4. & 2. ad Glauco. cap. 3. duplicem oedematis materiam, ipsumque oedema duplex descripsit, unum, quod sit ex pituita non siccata, ut scirrhus, sed ex ea aquo-

ea aquosa, tenui, ac lubrica. Hæc pituita continetur in sanguine, & si ita augeatur, ut expultricem stimulet, à natura è majoribus vasis ad minora exturbatur, & ad imbecilliora à nobilibus partibus proscribitur, donec tandem suo pondere deorsum ad extrema, & debiliora loca se deponat, ibique detineatur.

Hinc colligunt vulgares, estò oedema in omnibus corporis partibus excitari possit, tamen in manibus, & pedibus præsertim, & in cachecticis, hydropicis, & phthisicis observabile est. Eapropter oedema non ex templo generatur, sed sensim, quia hic humor pigre procedit. Generatur pituitæ proventus, quæ oedema causat, sanguificationis vitio, & quia hepar per ipsos sanguificat, ipsum inculpat vulgares, verum apud ipsos hepar est turpe ignorantie asylum. Alterum oedema non ut morbus, sed ut morbi symptoma apud Galenum habetur, ut in hydrope crurum inflatio.

Oedema multiplex est apud vulgares, ut de aliis quoque tumoribus dictum est; quoddam enim est verum, exquisitum, & legitimum; aliud non verum, illegitimum, sive spurium; verum sit à pituita secundum naturam disposita, nec scilicet putrida, nec adusta, sit ab eadem insuper dulci existente, non falsa, nec vitrea, nec acidia; non verum sit à pituita p. n. disposita, vel scilicet putrida, vel adusta, vel falsa, vel acidia; exquisitum & legitimum sit à pituita syncera, & simplici, nulli alteri scilicet succo permixta; spurium contra sit ex pituitæ prædominio cum aliorum succorum in subdominio miscela. Et hoc rursus est triplex, phlegmonosum scilicet in quo sanguis pituitæ admiscetur; *erysipelasosum*, in quo bilis pituitæ admiscetur; demum *scirrhusosum*, in quo unà cum pituita melancholici succi portio admiscetur.

Joannes Philippus Ingrassias duplex oedematis genus constituere conatur, unum è pituita tenui, alterum è vaporoso spiritu: illud morbum, hoc symptoma statuit, quod phthisim, aquam intercutem, & cachexiam sequatur. Verum etsi negandum non sit, incipiente fermentatione, quasi quædam cadavera intumescere, tamen in cachexia, vel phthisipedum tumores oedematofos hoc modo fieri non facile crediderimus, cum talis fermentatio tum non accidat, sed ex sero abundante in corpore decliviori se detinente, talem humorem fieri credibilis est. Et sit sanè, & in partibus similaribus spiritus aliquis flatulentus colligatur, partemque in tumorem attollat, tamen is non propriè oedema est, sed *Emphysema*.

Fir oedema juxta recentiorum sententiam à succorum stagnatione in suis tubulis, cum enim tubuli sunt patentes, & integri, succi circulare possunt, & nullus tumor succedere potest. Fit igitur oedema à feri stagnatione, quod per ductus lymphaticos Bartholini in renes traducitur, ut expurgetur per urinam: quoties itaque dicta vasa obstruuntur, illud stagnat, & oedema necessariò producitur. Obstruuntur vasorum lymphaticorum angustiora orificia à lymphæ visciditate, & crassitie, ac nova adveniens lymphæ cespitat, nec ulterius remeare potest, remoram contrahit, & assiduo affluxu vasorum tunicas distendit, & adjacentes partes in tumorem oedematofum assurgunt. Quandoque tanta sit hujus lymphæ in vasis aggestio & in tunicas impulsio, ut fibræ amplius sese extendere non possint, & disrumpantur, ac per disruptos, vel distentos ductus lymphæ exstillet, & in adjacentes effluit partes, ibique sensim colligitur, & stagnat, quæ deindè aciditatis ope in lutosum coagulum, seu gelatinam transit, non aliter ac si decocto cornu cervi acidum affunderes liquorem, in gelatinam mutatur.

Constat lymphæ ex alkalibus, & sulphuribus volatilibus & fixis, ac phlegmate, dum hæc principia suam servant symetriad, æquali aguntur motu, nec lymphæ retardatur; at si ex his principis volatiles resolvantur particulæ, necessariò lymphæ crassescit, remanet effœta, & excrementi indolem subit, nec in gyros agi, nec intra ductus absorberi, nec id renes delabi potest, sed vitæ irradiatione destituta, nullum habet motum intestinum, & proprio gravata pondere deorsum tendit.

Subsequitur oedema morbum chronicum, & acutum, nulla evidente causa prægressa, nisi quod in his morbis maxima sit spirituum deperditio, & pauca illorum reparatio, volatiles particulæ in sanguine dissipantur, & lymphæ, quæ ex sanguine à glandulis separatur, particulis suis volatilibus destituta, remanentibus sulphureis crassio-

ribus, acidis, & phlegmaticis, & paucis alkalibus, necessariò concrefcit, effœta remanet. Quandoque oboritur oedema, nulla prægressa causa manifesta, tunc sex res non-naturales inculpare debemus; omnia enim ea conspirant, quæ vel volatilia alkalia resolvunt, & dissipant, aut abundantiora acidia sanguini, vel succis communicant, lymphæ namque à sanguine, & ejus sequestratione originem ducit.

Prognosis.

Oedema per se morbus periculosus non est, est tamen diuturnus, unde Hipp. lib. 1. prognost. 38. inquit: *Tumor mollis, ac digitis cedens, dolorem non inferens, longiori tempore finitur, verum non ita grave ab eo periculum pendet.* Ratò in suppurationem abit, sed plerumque per resolutionem terminatur, sæpissimè verò per indurationem, sive conversionem in nodos, & excrescentias. Si resolvantibus, & exsiccantibus remediis diu tractetur, tandem facile indutescit, & in materiam nodosam, raphaceamve convertitur. Si in cruribus tumores oedematofos paulatim augeantur, & sensim assurgant, ac in ventre colligantur, in ascitem terminantur. Si oedema in locis ossibus, ut sunt tibia, & coxæ, vel cavernosis, ut est pectus, existat, interdum fistulam producit.

In phthisi, cachexia, & hydrope, oedemate laborantibus sæpè ægris periculum imminet, id non ob oedema accidit, sed ob morbos illos, quos oedema sequitur: eapropter distinguendum est, an oedema ex se oriatur, an alios sequatur morbos. Ubi tumor pedum oedematofos phthisim, vel hæmorrhagiam, vel hypercatharsin sequitur, pessimum est signum, & mortis adventum sæpè denorat. Aliquando ob nimiam vasorum nerveorum compressionem, & salis volatilis defectum in succis, oedema in gangranam & sphacelum transit.

Curatio.

Tota vulgare curatio in oedemate, primo consistit in optima vivendi ratione, quæ non facit pituitæ proventus, unde victus laudatur ad calidum, & siccum vergens, potissimum si oedema fuerit exquisitum, eapropter se absteineat æger ab omnibus succum pituitosum gignentibus, ut sunt omnes fructus, in primis, & recentes, caseus, caro porcina, pisces, item potus, & cibis nimis, ne naturalis obruatur calor, & eo debilitato, cruditates generentur. Panis sit bene coctus, & fermentatus: à pane verò non fermentato se absteineat æger, olea, & juscula sint rariora, caro assata præstat elixa. Non conveniunt pisces, nisi saxatiles, & qui solidiorem habent carnem, qui & ipsi, sicut & alii cibi, aromaticis, & herbis siccantibus condiantur. Somnus diuturnus, ac meridianus, otium, & quies vitentur, quapropter somnus sit nocturnus, & quidem brevior, vigiliæ, & leves exercitationes probantur, ut humiditates superflue absumentur, & calor nativus excitetur. Aer vitetur frigidus, & pluviosus, calidior & siccior commendatur, excitatis in cubiculo suffumigiis ex betonica, rore marino &c. etiam ex levi sulphuris odore. Alvinæ fæces quotidie exturbentur, quòd nisi fiat, aliquid de aloë ante cibum assumere utile est, quæ alvum lenit, humiditates assumit, & exsiccatur.

Secundò, in materiæ fluentis inhibitione, & fluxionis jam factæ dissolutione curatio consistit, qua de re in exquisito oedemate sanguinis missionem tanquam noxiam repudiant, quia nullo modo sanguis peccat, sed pituita, & ex sanguinis missione pituita magis in crudatur, convenire tamen ajunt, si à mensibus retentis, vel hæmorrhoidum suppressione originem ducat oedema. Si phlegmonosum fuerit, vel ex falsa pituita genitum, aut cum febris, vel alicujus doloris præsentia, in pauciori copia administrat, & eò magis si ex suppressa aliqua sanguinis excretionem ortum duxerit.

Deindè pituitam præparant Syr. de cortic. citri, betonica, oximel. &c. cum aquis de melissa, lupulis &c. præparatam medicamentis phlegmagogis evacuant, inter quæ summo perè commendant mel. ros. solut. Syr. Sueff. confect. Hamech, diaphœnic. diacatholic. & maximè ad hoc valere prædicant Agaricum, ex quo etiam faciunt pilulas ejusdem facultatis, ut sunt pilula cochæ, seu cephalica, Arabica, & aggregativa, & quoniam pituitosus succus ob

sui crassitiem, & lentorem ineptus est evacuationi, illum per repetitas vices evacuant, & quoniam incisione, & absterfione eget, merito commendant *falsæ parillæ*, & *corticum guajaci decocta*, quæ utrumque præstant effectum, tum scilicet pituitam extenuandi, & incidendi, tum etiam eandem evacuandi, partim per sudorem, partimque per dejectionem, si decocta cum alvi solutione parentur, vel singulis, ternis, vel quaternis diebus abjectorium aliquod pharmacum propinetur.

Quantum ad localia spectant, circa initia vulgares chirurgi locum œdematosum linteis calidis, & asperis prius fricant, antequam foras, emplastra, cataplasmata, & linimenta applicent, ut pars frictionibus excalefiat; alias enim medicamenta non facile in actum deducuntur ob partis frigiditatem. Deinde medicamenta, quæ exsiccandi facultate prædita sunt, applicant. In primis spongiam novam, etiamnum prægnantem virtute aquæ falsæ marinæ, aceto aquæ admixto, ex *Galenii* consilio, idque calidè, & in morbi principio adhibent. In defectu autem spongiæ omninò novæ, spongiæ loco stuppa, vel duplici linteolo pariter madefactis, & expressis utuntur. Verum vulgares, nescimus, qua ratione in œdemate acutum commendant; cum apud ipsos frigidum existimetur, & nescimus, quomodò frigidum, cum ejus pater sit vinum, quod calidum existit; deinde scire vellemus, cur acetum exsiccandi vim habeat, quin potius humectet.

In augmento fortiora addunt resolventia scilicet spongiam aliam novam in lixivio acris, & modico aceto infusam, cui addunt quandoque alumen, vel salis, aut sulphuris ꝑ. iij. Nonnulli hoc utuntur linimento, ut

℞. Ol. ros. complet. lb. ss. aceti ꝑ. ij. salis, & sulphuris ana ꝑ. iij. m. f. linimentum.

Deinde deligant ab inferiore sursum versus, ita ut ligatura in infima parte incipiat cum mediocri arctatione, & in altiori desinat, ut moris est in deligatione fracturæ ossis, quæ in sua infima inceptione magis arctatur, & deinceps paulatim remissius stringitur. Alii hoc applicant

℞. Acaciæ, aloes hepat. myrrhæ, croci, musc. querni, bot. armen. an. q. v. & cum succi brassicæ, & aceti rosacei ana æquabili parte pulverem prædictorum attemperant in cataplasma, quod per aliquot dies applicant, agendo deinde aceti quantitatem cum adiectione modici aluminis pulverisati.

Alii fomentis utuntur ex adstringentibus, & liquoribus, seu aquis natura, vel arte falsis, & nitrosis.

In statu, & declinatione ad validiora confugiunt resolventia, unde nonnulli commendant *in lixivio parato ex cineribus ficus, vel vitis spongiam madefactam*. Utiliter usurpant *emplastrum quod ex ruta, melle, & sale conficitur*, cui aliqui cuminum addunt, quod potenter resolvete dicunt. Probant alii *stercus bubulum*, quia emollit, & resolvit, è quo cum sulphure, thure, melle, aceto, & brassicæ decocto fieri potest cataplasma. Et quia *emplastrum de lapide pyrite* potenter discutit, & extenuat, illud frequenter usurpant. Verum ex nimio potenter resolventium usu, tenuiori portiuncula resoluta, crassior indurefcit, & ad Scirrhi naturam convertitur, quamobrem ubi hæc aderit suspicio, admiscant simul cum prædictis resolventibus auxilia emollientia, ut sunt *axungia suilla, gallinacea, anatina &c.*

Si ad suppurationem tumor vergat, quod rarò contingit, tunc suppurationem sollicitant, cataplasmate confecto ex *malva, viol. radicibus althææ, lilior. ac duabus capis albis sub prunis coctis*, quibus etiam alii addunt *limaces numero septem, vel octo, decoctis his omnibus in caulium decoctione, addunt fermentum, pinguedinem suillam, & gallinaceam ad sufficientiam cum paucis croco*. Tumore suppurato, ad apertionem deveniunt; postmodum ulcus regunt, ut in tumoribus suppuratis faciunt.

Hæc sunt vulgariū chirurgorum remedia pro œdematis curatione, sed palliativa potius, quam curativa, nec in suppurationem abijt, nam non continet humorem ad suppurationem aptum, nec resolutivis auscultat medicamentis, quibus pro illo curando utuntur. Falluntur vulgares in œdematis causa, & ægros quoque in remediorum applicatione fallunt, quapropter non mirum, si muscas in aere veniantur.

Œdema symptomaticum, scilicet quod alium sequitur morbum, ut ex tabe, cachexia, hydrope, vel lienteria originem ducit, ægrè curari potest, nisi ipsi prius morbo, à quo dependet, succurratur; eo enim primariò sublato, etiam œdema spontè evanescet.

In œdemate idiopathico, optima instituta victus ratione, ea interna propinari debent medicamenta, quæ sanguinem, cæterosque succos ab aciditate purgant, quæ ductuum lymphaticorum obstructions referant, & quæ lympham gelatinæ instar coagulata attenuant, & resolvunt. Ea itaque in lympham lutulentam volatiles intrudunt particulas, ut eam ad motum fuscitent, & calorem imprimant, usurpamus lympham namque fluidior reddita, tum per urinam, tum per sudorem exturbatur. Sanguinem, cæterosque succos à particulis acidis purgant alkalia, seu porosa, eas incunando, obtundendo, & cicurando ut *oculi cancrorum, crystal. mont. c. c. ebur præpar.* & alia ceteris à nobis relata, cujusmodi etiam sunt salia volatilia, aromatica, & alkalia, quæ etiam per urinam movent.

Postmodum ad ductus referandos, & lympham attenuandam, & educendam, remediis incidentibus, & resolventibus lymphæ crassitiem, & lentorem utimur, ad quem finem adhibemus decocta è vegetabilibus plurimo sale volatili turgentia, & sudores moventia *ex radicibus chinæ, falsæ parillæ, bardanæ: angelicæ, imperatoricæ, lignis guajaco, sassafras, buxi, juniperi, quercus, herbis scordii, capill. Ven. &c.* in varias formas parata. Sed advertendum, quod ante decoctorum usum, & in eorum cursu cathartica propinamus, quibus lymphæ quantitatem minuiamus, ita est *conf. flor. persic. resina jalap. extractum mechoacan. & gutta gambæ*. Sæpè *radicis brionie decoctum* sufficit intrinsicè exhibitum ad hos œdematosos fugandos affectus. Præter hæc ex vegetabilibus mineralia sudorifica commendamus *antimonium diaphoreticum, bezoarticum minerale, & magnoperè Mercurium vitæ fixum, adempta vi emetica, & cathartica*, qui sudores profundit. Locus, in quo æger decumbit, sit calidus, ut calor externus cum remediis internis simul operetur. Æger pro potu ordinario tincturam sassafras n. d. bibat, sed parcius: quod si quandoque sitis excutiet spiritu salis dulci compefcetur. In œdemate proficua sunt ea omnia remedia in hydrope descripta: sed cum lympham non tantum per poros, sudorum beneficio extruditur, sed ejus excretio per urinas, juvat ad diuretica confugere, ut ad *anodynum minerale, spiritum salis armoniaci, circulatum majus. Paracelsi &c.*

Dum hæc adhibemus non negligenda sunt externa, quæ lympham lutulentam, & coagulata attenuent, studiorem reddant, actualem excitent calorem ex particulis activis, & diluentibus; ac obstructos referant ductus, hujusmodi sunt fomentationes ex vegetabilibus aromaticis, & sale volatili constantibus, ut sunt *ruta, calamintha, absinthium, scordium, origanum, rosmarinus, semen cumini, feniculi, bacc. lauri, juniperi, flores sambuci, meliloti, camomille &c.* Vel cataplasma ex iisdem vegetabilibus cum *radicis bryoniae* additione, cum *spiritu vini* calidè applicata; Vel balnea ex *sale armoniaco, sulphure, nitro, cineribus clavellatis*, & supradictis vegetabilibus in vino decoctis; quibus peractis, spirituosam penetrantia, rarefacientia, & fortiter resolventia illinimus, ut lympham lutosa dissolvatur, fluidior reddatur, & per affectæ partis poros exhalet, vel per urinæ ductus devebatur, hujus energię sunt *oleum philosophorum, macis, spiritus vini, camphora, florum sambuci, vel aqua Regina Hungaria.*

In tibiæ ulceribus inveteratis frequenter tumor œdematosus occurrere solet, qui diuturnitate adeò confirmatur, ut postmodum medicamentis reluctetur, & in quibusdam per totam vitam ita perduret, ut semper ipsis unum crus sit altero crassius.

C A P U T XVIII.

De Furunculo.

Furunculus Græcè *Dothien* appellatur, Arabicè verò *clavus*, vel spina nominatur, vel quia in acutum desinit clavi, vel spinæ instar, vel quia punctationis sensum non rarò excitat ad modum spinæ, vel clavi. Definatur furunculus à *C. Celso lib. 5. cap. 28. Est tuberculum acutum cum inflammatione, & dolore, maximeque ubi jam in pus convertitur*. Dicitur tuberculum ad differentiam phlegmonis, & carbunculi, qui ex dictis sunt in humorum genere, quod autem tuberculum sit parvus tumor, in principio mentionem fecimus; ex quo sequitur, quod furunculus sit quædam parva inflammatio ovi columbini magnitudinem non

non excedens. Ut plurimum furunculus noctu oriri solet, unde censent nonnulli talem appellationem sortitum esse, quia furis instar invadit. Non desunt, qui arbitrantur furunculum dictum esse, eò quod repente, & subito invadit, ut fur parvus facere solet.

Signa.

Furuncolorum signa ex dictis liquent, nam à primordio exigue pustula, & inflammatio sensim excrescens apparet cum ardore, & duritie, eorumque eruptionem horror, rigor, & febris comitari solent. Dolor est valde intensus, & præsertim cum ad suppurationem tendunt, adest pulsatio, & calor cum maxima totius artus inflammatione. Diversæ sunt magnitudinis, ut plurimum in tuberculum acutum clavi instar tendunt, quod ovi columbini magnitudinem non superant. Cutem non extuberant, & vix ruborem cum dolore aliquando in cutis superficie producant. Alii minores, alii sunt majores, raro solus advenit, multi in eodem loco producantur. Si unus abit, alter revertitur, & hoc per menses aliquot sæpè durare solet, rariùs sponte evanescunt, sed ut plurimum in suppurationem abeunt, tunc febrem inducunt, & suppurationem materiam intus continere tumores signum est, quamvis per alia signa id non constet. Materia, quæ prodit, valde tenax est, lutuosa, & coagulata, aliquando cum sanguine mista. Sæpè foraminula in cutis superficie exhibent, per quæ humor stagnans subtilis emanat, & aliquando durities excutitur. Si sævi, & pravi fuerint, admodum dolorosi esse solent, præsertim dum in pus vertuntur, & præcipuè si fuerint in locis nervosis. Si maligni, & pestilentes fuerint, sunt nigri, & virides, adest febris maligna, & pestilens, & alia prava symptomata.

Causa.

Oritur furunculus, ut Gal. docet 5. de comp. med. 5. loc. ex sanguine crasso, & vitioso, non tamen ita exusto & corrupto, ut in carbunculo, quem natura à reliquo secerens, tanquam inutilem, & insensum in summa corporis superficie propellit, atque ita furunculus oritur in cute, & carnosus partibus cuti subjectis. Verùm has Galeni nænias cap. 8. De carbunculo refutavimus.

Immediata furunculi causa est serum crassius in sanguine particulis tenacibus, caseosis, & lutulentis imbutum, in quibus salia alkalia sunt crassiora, & graviora, nec sanguis, per universum corpus, per venas, & arterias circulare potest, nisi per ampliores glandularum poros, at cum ad glandulas miliares, in angustioribus earum poris, in partibus musculosis, & carnosis pervenit, stagnat, & hæret, nullam sensibilem perturbationem in sanguine, nullamque in corpore alterationem ob materiæ visciditatem inducunt, ab acido sollicitatur hujus feri coagulum, particulæ tenues, seu fluidæ à crassis separantur, ac continuo affluxu pars valde distenditur, & in sanguine vehementer excitatur ebullitio, dum particulæ ramosæ nullo modo à cruore subigi, & resolvi, ac obstructos meatus foras extrudi non possunt, fit tumor ovi columbini magnitudinem non excedens.

Prognosis.

Furunculus mitis, & benignus omninò periculo vacat, etiam si nulla adhibeatur curatio; maturescit enim per se, sed tardiùs rumpitur, & sanescit, at dolor cogit, ut potior adhibeatur medicina, quæ maturiùs liberet. Ex furunculis salubriores sunt, ac minùs timendi, qui extrà extuberant, & acutè sunt fastigata, ac æqualiter maturescunt, non duri, neque bifidi, seu deorsum vergentes. Contrà verò qui profundior vitæ periculo non vacat; plerumque enim ob dolorem, & vigilias, quas excitat, non parùm molestus est, quinimò & febres affert, & maxime si vitiosus adsit in corpore apparatus, specialiter periculum minatur, ne in carbunculi naturam degeneret. Diu sæpè durant, ac faciliè recidivant, si una in corporis parte aperiuntur & curentur, in alia iterùm repullulant. Quandoque in ulcera transeunt diuturna. Difficillimæ curationis sunt furunculi, qui aperti foramen profundum excavant. Maligni demum, & pestilentes, vel epidemici ratione venenatæ qualitatæ, cujus sunt particeps, nulli dubium est, quin sint periculosissimi.

Musitani Opera Tom. II.

Curatio.

Nostrates chirurgi in furunculi curatione victum refrigerantem instituunt, eodem ferè modo ac in affectibus inflammatoriis faciunt, ad fervorem, & antecedentem materiam minuendam perperam phlebotomiam præscribunt, deindè ad medicamenta deveniunt localia, circa quæ nunquam repellentibus, & resolventibus utuntur, sed solis maturantibus. Inter maturantia ridiculum laudat medicamentum Galenus, scilicet frumentum ore mansum, & ad cataplasma formam redactum, & loco impositum. Celsus commendat galbanum, resinam, & fermentum, vulgares autem chirurgi utuntur diachylone simplici, quod singulis diebus mutant.

Si affectus admodum urgeat, adhibent cataplasma de mica panis, quod ita concinnant:

℞. Mice panis alb. in lacte macerati per plures horas lb. ss. olei rosarum ʒ. ij. vitell. ovor. n. iij. m. f. cataplasma.

Lenito aliquantulum dolore, ad maturationem juvandam extollunt cataplasma ex foliis malvarum, & violarum decoctis, & contusis, additis pulpa passularum, adipe gallinæ, & fermento, facta maturatione, vel furunculum aperiunt, vel expectant, ut disrumpatur, & expurgetur digestivo, digestum replent, & ad cicatricem deducunt.

Malignos demum, epidemicos, & pestilentes curant attrahentibus cucurbitulis scilicet, pullis gallinaceis, causticis, vesicantibus, & si opus fuerit, actuali utuntur igne.

Furunculi mites & benigni cutem solam, ex dictis, occupantes Medici opem non exposcunt; ferè enim ex seipsis maturantur, inaturati disrumpuntur, disrupti, & expurgati sanescunt. Sævi, & rebelles sub cute subjectas occupantes partes, sunt adeò molesti, ut chirurgi auxilio, & curatione indigeant, ac propterea indicatio curativa est, ut lymphæ lutulenta, ejusque coagulum in sanguine impediatur, & circulatio excitetur: hoc obtineri potest, si acidum in sanguine obtundatur, ejusque crassities attenuetur, ad quem finem conducunt diaphoretica fortiora, & fixiora, ac absorbentia, ut sibiūm diaphoreticum, lapis cancrorum, c. c. & ebur sine igne parat. &c. Item salia alkalia, & volatilia, ut cardui benedicti, salis armoniaci, c. c. Viperarum &c. similiter vinum martiale. Diuretica magnopere etiam commendamus. Non contemnenda sunt in hoc affectu decoctara dicis chinæ, salsæ parillæ, & bardanæ, ligni sancti &c. cum antimonio crudo in nodulo.

Cæterum hæc interna medicamenta inserviunt tantum ad præcavendos furunculos imposterum, ne aliorum productioni detur occasio, aliter per plures menses artus divexare solent. Qui actualiter infestant, cave, ne discutientibus tractentur sed potius suppurantibus, aliàs materia diu retenta profundius excavat, & corrodit. Si inflammatio vehementer urgeat cataplasma ex theriaca, vel diascordii tepide superponatur. Suppurant hos tumores, & particulas coagulatas, & lutuosas ad motum intestinum concitant medicamenta, quæ ex materia subtili, sale volatili, & oleo balsamico constant, quorum ope particulæ stagnanter ad suppurationem promoventur, unde suppuratio facile sequitur, hujusmodi sunt emplastrum benedictum nostrum, vel fodicationum, quod furunculo superpone, & terno quoque die renova, nam summopere continentes roborat partes, & pravam materiæ qualitatem immutat. Suppuratus furunculus, nisi sponte rumpatur, ferro, & quo citius, eo meliùs, aperiendus est, ut materia educatur, postmodum mundificandus, & ut sinus regendus.

C A P U T XIX.

De Epinyctide.

Epinyctis græcorum tumor est, quem non quod noctu oboriatur, sed quia horis nocturnis dolorosissimus est hic tumor, diuturnis verò à dolore cessat, eapropter epinyctidem illum dixere. Putarunt nonnulli noctu illum oriri, & noctu vehementius excruciare, verum utraque ratio simul constare potest, & tumorem hunc noctu enasci, & noctu excruciare. Describitur à Celso: Pessima pustula est, quæ epinyctis vocatur. Ea colore vel sublivida, vel subnigra, vel alba esse consuevit. Circa hanc autem vehementis inflammatio est, & cum ad aperta est reperitur.

ritar intus exulceratio mucosa. Color est humori suo similis. Dolor ex ea supra magnitudinem ejus est, neque enim ea faba major est; atque hac quoque oritur in eminentibus partibus, & ferè noctu: Unde nomen quoque à græcis ei epinyctis impositum est.

Confundunt nonnulli epinyctidem cum termintho, verum terminthus est tuberculum ita dictum, quia in colore, & magnitudine simile est terebinthi fructibus, Galeo teste 6. epid. sect. 3. comm. 37. unde appellatur albothin: quare terminthus propriè est tuberculum in quo nigra pustula eminet, in colore, substantia, & magnitudine similis est terebinthi fructibus, potissimum in cruribus, & infernis locis oriens. Quinimmo non pauci arbitrantur epinyctides esse pustulas illas, quæ ab Avicenna lib. 4. fen. 7. appellantur essera, vel sairæ; namque de his pustulis docet Avicennas, consentire videntur cum iis, quæ de epinyctide docet Celsus loco citato, habet enim Avicennas, quod Essera est pustula parva, lata instar vesiculae, ad aliqualem tendens rubedinem, quæ subito ut plurimum evenit, & quandoque ab ea effluit humiditas, quæ fortasse est sanguinea, & noctis ut plurimum evenit, vel in ea augetur ejus vehementia, & malitia, & pruritus faciens, & angustiam.

Creditur quoque à nonnullis has epinyctides esse eas affectiones, quæ à nostratibus mulieribus dicuntur roseolæ saltantes, ob similitudinem accidentium, quam habent; primò enim in nostris roseolis saltantibus conspicitur macula quædam subrubra rosam quodammodò referens, unde factum est credimus, ut roseolæ fuerint appellatæ, quasi parvæ rosæ instar. In hujus maculæ medio percipitur exiguus quidam tumor, fabæ, aut lupini magnitudinem non excedens, suprâ quem color apparere solet magis ad fuscum tendens, vel sublividum, ut de epinyctide citato loco docet Celsus. Quinimmodò interdum supra idem tuberculum exigua aliqua pustula apparere solet; si non à principio, temporis saltem progressu. Secundò in hujusmodi maculis, & proximis in partibus dolor non levis sæpè cruciat, plusquam magnitudinis illius affectus convenire videatur, cum maculæ non sint admodum latae, dolor tamen, & cruciatus sit admodum vehemens, ut pariter de epinyctide docet Celsus. Tertiò, licet roseolæ saltantes plura interdum corporis loca occupent, frequentius tamen in brachiis, tibiis, prope manus, & pedes, ac etiam prope genua oriri solent, quæ loca, eodem authore Celso, dici solent eminentes corporis particulæ, & in eisdem epinyctides nasci affirmat. Sunt denique roseolæ saltantes noctu præsertim molestissimæ; nocturno enim tempore exacerbantur magis, & vehementiori dolore excruciant, ut in epinyctide ex eodem Celso accidere retulimus. Quamobrem ex dictis inferri posse videtur nostras roseolas saltantes, non esse eundem affectum cum græcorum epinyctide, vel saltem simillimum, nam si aliqua inter eos intercedit differentia, illa existit, quod epinyctis sit pustula ulcerosa id est, ad ulcerationem tendens, vel ulcerationi adjuncta; nostræ autem roseolæ saltantes ferè nunquam in exulcerationem terminantur, licet quandoque, rarò tamen aliquam excitant in medio pustulam.

Signa.

Horum tumorum signa describere non est opus, cum ex dictis facile innotescant; sunt namque pustulæ, quales ab aqua fervente excitantur, sua sponte nocte præsertim infestantes. Interdum sunt sublividæ, & nigricantes, nonnunquam rubræ, & albæ cum inflammatione vehementiori, atque dolore, vix fabæ magnitudinem excedentes.

Causæ.

Epinyctidum causæ apud vulgares sunt humor falsus, ferrosus, & pituita, cui modò sanguinis, modo bilis portio, modò melancholiæ admiscetur, unde colorum diversitas pender. Noctu magis inquietat, & exacerbatur, quia ater humor noctu prædominari, & moveri solet, & nocturnum frigus cutis poros magis adstringit. Verum errant vulgares in epinyctidum assignanda causa, quia humorum quaternario perpetuò, tanquam sues in cœno, volutantur, nec ullum morbi genus, quod humanam adoritur vitam ab alia pender causa, nisi ab horum humorum combinatione.

Vera itaque & genuinâ epinyctidum causa materialis juxta nostram sententiam, est lymphæ à sanguine separata, & glutinosior reddita, & turgens particulis salinis, & acidis minùs volatilifatis, sub tubulis cutaneis stagnans, & quia viscidior ad exhalationem est ineptior, non potest cum particulis per cutis poros exhalare, unde aggesta pustulas elevat. Noctu magis infestant epinyctides, quàm die; nocturno enim tempore ob majorem pororum obstructionem minor fit lymphæ, & particularum præcipuè transpiratio, quod non contingit de die. Excitatur in his tumusculis inflammatio à sanguine in suis vasculis compresso, obquam compressionem in suo motu retardatur, & stagnans excandescit, & inflammationem parit. Conspicitur color ater, vel sublividus à radiorum liminarium suffocatione. Dolor excitatur à particulis acutis cutis exturas lacerantibus.

Prognosis.

Epinyctides sunt affectus non perniciosi, doloris tamen ratione, & nocturnæ inquietudinis, maximam pariunt molestiam, qua de re celerem, & rectam exposcunt curationem, qua neglecta non solum maximam cuti defœdationem inferunt, & faciliè axulcerantur, & non faciliè curantur, sed etiam in carbunculos degenerare possunt. Aliquando sine febre infestant, quandoque cum febre, & nunc levior, nunc gravior observatur; verum horum vesiculæ pravam sapiunt qualitatem, ac si febrem comitentur acutam, ut plurimum sunt lethalia signa, præcipuè si epidemii, vel pestilentes fuerint epinyctides.

Curatio.

Hujus affectus curationem triplici intentione complent vulgares, prima idonea victus ratione, secunda materiæ antecedentis ablatione, & tertia materiæ conjunctæ extirpatione. Quantum itaque ad primam, utile est cibum imminuere, & ab omnibus acutis abstinere, juvat vitare omnia salsa, fixa, & mali succi cibaria ac etiam aromatum, vinorum meracium &c. usus.

Pro secunda sanguinem mittunt, ad ejus fervorem sedandum, semel, vel pluries, prout expedire videbitur, & sedis venas aperiunt, præcipuè si evacuatio aliqua suppressa fuerit. Corpus à pravis purgant succis, qui sanguini admisti prædictum excitant affectum; melancholici scilicet & pituitosi, & iis utuntur præsidiiis quæ succos prædictos purgandi vim habent, hujusmodi non sunt Syr. de fumar. maj. sueff. Cassia syrup. rosar. solut. & hoc genus alia, sed venæ sectio, & purgatio plus nocet, quàm juvat.

Quantum ad tertiam adversus materiæ conjunctæ in hoc affectu extirpationem, communis, & consueta doctrina habetur per incisionem, vel scarificationem pustularum, ea adhibetur tali conditione, ut sanies, quæ in epinyctide continetur, effluere permittatur, egressa sanie locum digerunt consueto digestivo, ex ovi vitello, terebinthinæ pluries lota, addito etiam oleo rosaceo, & si timeatur, ne ulcus in aliquam desinat corruptelam, ad illam corrigendam miscent digestivo prædicto præcipitati nigri pulverem ad grana duo, vel plura, prout usus exposcere videbitur, & tandem locum digestum consolidant, & cicatrizant.

Epinyctidum nostra curatio in massæ sanguinæ à particulis salinis, & acidis depuratione lymphæ crassioris attenuatione per sua emunctoria consistit. Omnem harum indicationum paginam absolvunt Diaphoretica temperatiora, ut sulphur auratum diaphoreticum, cinnabaris antimonii, stibium diaphoreticum, lapis bezoar, gelatina cornu cervi &c. Item decocta sudorifica ex lignis, & radicibus parata; similiter diuretica, ut anodynum minerale, spiritus vitriolis Martis, salis dulcis &c. quæ particulas acutas per urinæ ductum educunt. Ad nocturnas epinyctidum infestationes multum conducunt anodyna, quæ præter hanc energiam, etiam sunt diaphoretica.

Quoad topica præstat pustularum ablutio oleo tartari, spiritu matricali, vel spiritu vini camphorato &c. Vel aperitas pustulas aqua theriacali abluimus. Vel has emplastro fœdicationum tutò curamus; emplastrum enim hoc sanguinis ichorem immutat, dulcem reddit, cutis bullas aperit, & remanens ulcus consolidat. Idem præstat limacum cum corticibus emplastrum, si optimè terantur.

Si fe-

Si febre comitem habeat, & præsertim pravam sapiat qualitatem, præsentaneum remedium erit *emplastrum filii Zachariae*, & *theriaca ana.*

C A P U T XX.

De Efferis.

EST quoddam tumorum genus, qui ab Arabibus *esseræ* nominantur, & sunt tubercula parva ad rubrum vergentia, duriuscula, cum insigni pruritu, statim universum obsident corpus, non aliter ac si ab apibus, vel vespis, vel culicibus homo demorsus, aut urticis percussus esset; attamen non diu perseverant, sed evanescent, nullo ichore, nullaque humiditate effluente, & cutis colorem, & lævitatem pristinam adipiscitur. Aliqui hoc tuberculorum genus ad epinyctides referunt, sed perperam, nam diversi sunt tumores epinyctides, & *esseræ*, cum epinyctides sint tubercula cum pustula livida vel subnigra, vel alba, ad ulcerationem tendentia, quæ saniem effundunt, quod non faciunt *esseræ*, quæ absque emanante humore evanescent. Insuper epinyctides noctu potissimum infestant, undè nomen sortiuntur: *esseræ* verò raro noctu erumpunt, sed plerumque de die, & utriusque tumoris diversa est curatio.

Signa.

Ex notis suprâ descriptis horum tuberculorum signa facile patefcunt; nam interdum lassitudo ulcerosa præcedit, tum tubercula per totum corpus insigni pruritu erumpunt, ac si homo ab apibus vel vespis, vel culicibus punctus, vel urticis percussus esset.

Causa.

Vulgares pro talium tuberculorum causa humorem biliosum, vel pituitosum mordacem, & volatilem accusant ab hepatis virio, vel à causa procathartica genitum; Verùm vulgares sunt de genere parabunalarum: & semper eandem reperunt nænias.

Pro nostra sententia dicimus *esserarum* causam materiam esse lympham in suis conceptabilis à causis procathartica agitaram, & expressam, ac effervescentiam parere, undè à dictis tubulis evasatur, & solummodò materiæ æthereæ subtilissimæ datur commeatu, ac celerius commota fibrillas variè verberando inflammationem parit, & sub cute hujusmodi efformat tubercula; sed quia tota transpirabilis est, sponte evanescent, & non suppurantur. Sunt hæc tubercula pruriginosa, quia in lymphâ diaphoretica coercentur salia, & ob morulam exaltantur, & pruritus excitant, donec in auras abeant.

Solent quandoque hæc tubercula, ut multoties nos observavimus, dum ægri in loco calido sunt, emergere, & dum frigido sese exponunt aeri evanescere; Quandoque contrâ, in frigido emergere, & in calido evanescere: quorum prius idè accidere videtur, quia materia valdè mobilis, & tenuis est, & ab ambiente aere frigido statim introPELLITUR; posterius verò, quia ita mobilis, & tenuis non est, sed paulò crassior, quæ propterea in aere frigido transpirare non potest, in calore verò transpirat.

Prognosis.

Esseræ brevi temporis intervallo, etiam nulla adhibita cura sponte evanescent, propterea non suppurantur, nullaque ex iis humiditas effluit; quod si quandoque accidar, id potius sculpturæ ratione, ac ob vehementem pruritus, qui ægros molestat, quàm ob tumorem; Interdum *esseræ* febres antecedunt, eapropter qui hisce frequenter molestantur tuberculis, curationem non negligant, ne in febres, & gravius incidant malum.

Curatio.

Dixta refrigerante, & humectante instituta, ad sanguinis, & humorum fervorem compescendum vulgares venæ sectione, alterantibus, & evacuantibus utuntur. Sanguinem pluries detrahunt juxta corporis conditionem. Verùm phlebotomia oppositum ex diametro morum causant, ex quo malum pejorare potest. Deindè humorem compe-

Musitani Opera Tom. II.

scunt biliosum succo, & syr. granator. de Ribibus, agrestis, sero lactis, emulsione quatuor seminum frigidorum, vel ægri corpus in aqua tepida balneum immergunt. Tandem humorem detrahunt biliosum *tamarindis*, *myrobolanis*, *rhabarbaro* &c.

In *esseris* plerumque non est opus, ut ad topica confugiamus, tantummodò totius curationis cardo consistere debet in lymphæ volatilis cum particulis salinis resolutione per diaphræsim, vel sudorem; eapropter maximopere commendamus *mercurium diaphoreticum*, *bezoar*, *mineralis*, *sulphur auratum diaphoreticum*, *stibium diaphoreticum*, *tincturam antimonii*, *sal volatile viperar. cardui sancti* &c. ut

℞. *Sulphur. aurat. diaph. gr. vij. stibii diaph. gr. x. bezoar. mineralis gr. iij. tinct. antimonii. ʒ. j. syr. card. bened. ʒ. j. aqua bardana vel scabiosa ʒ. iij.*

Diuretica quoque huc revocari possunt, & præcipuè quæ cap. 17. de œdemate descripsimus. Ad irritatum spiritum sedandum anodyna commendamus, quia ipsum pacant, & diaphoretica potiuntur energia, ut nos summo cum juvamine in hoc affectu multoties exhibuimus. Si quandoque ad topica deveniendum est, utiliter *esseræ* illinantur *aqua vitrioli calida*, propter rationes, quas cap. 2. de inflammatione recensuimus. Vel *lixivio Reguli antimonii*, vel *aqua plantaginis cum Mercurio dulci*, vel *oleo amygdalarum dulcium*, vel omnibus illis remediis, quibus scabies curatur.

C A P U T XXI.

De Scabie.

Scabies Latinis, Græcis *psora*, pustularum genus est, quæ non solum universam defœdat, & commaculat cutem, sed ejus actiones & lævitatem lædit; tantummodò cutis vitium est, quia etiam in optima valetudine per contractum ab uno ad alium transferri, atque etiam iterum sola inunctione curari potest. Duplex est scabies *una humida*, *altera sicca*. Humida, in qua materia humida, & saniosa simul effluit; sicca verò, in qua parum, vel nihil ejusmodi materiæ emanat, & *caninam* vulgus appellat.

Nonnulli Medici peculiaris scabiæ mentionem faciunt, quod malum mortuum nominant, quia corpus nigrum, & quasi mortificatum videtur, quæ est scabies cum livore, & nigredine, ac pustulis crustosis, nigris, fœdis, sine sania, & sensu, ac dolore, in coxis, & tibiis præsertim.

Signa.

Scabies notissimus, & frequentissimus morbus nam contagiosus existit, & contractu sani cum scabioso, in sano producit, ac pro corporis dispositione in cute vel siccas, vel ichore turgidas producit pustulas; ubi incipit, acredine sua ita mordicat, ut vehemens excitetur pruritus, à scalptione, & confractione talis delectatio percipitur, ut impossibile sit scabiosum se abstinere, post confractionem dolor, & ardor, ac cuticulæ, & cutis corrugatio accedit. Præsentis scabiæ signa visui sese offerunt, & cognoscuntur ex molestissimis ægri cruciatibus, præsertim noctu, dum ægri in lecto incalescent, & fermentatio major excitatur. Cutis exasperatur, prurit, & quò magis scalpitur, eò magis excitatur pruritus maxima cum delectatione, & cutis eroditur. Pustulæ aliquando majores, aliquando minores, modò humidiores, modò sicciore, aliæ quasi confluentes. Pustulis ruptis, & apertis, fiunt ulcuscula, quibus aqua effluit, & sensim gummi instar congescit; non enim simplex aquositas est, est aqua limpida videatur, sed corporis succus, qui semper gummeæ est naturæ, & ab externa aura frigida in crustas concrevit: perfricta verò ulcuscula interdum etiam purulentas pustulas simul producant, quæ apertæ pus, vel aquositatem profundunt. Sufficit non tantum, ut condormiendo cum scabioso in eodem lecto, vel ejus utendo vestibus, sed sat est, ut minima, & extrema aliqua corporis pars contagium recipiat, ut infra paucos dies per totum se diffundat corpus. Refert *Helmontius* ex chirotheca scabiæ infecta, se scabiem contraxisse, & nos annis elapsis, cum mulieri Hispaniæ scabiosæ erysipelate correptæ mederemur; ex pulsus attacku infra

tres dies scabiem etiam contraximus, quam illicò aqua mercurii meteorizati manus, & brachia ter ablucendo interceptimus.

Causa.

Vulgare nescimus, quid falsæ pituitæ, vel bilis flavæ in scabiei causam materialem adducunt, & verè cachino sunt digni, in re tam manifesta, in qua sanissimo existente corpore, nulloque peccante humore, scabies exterius advenit, cutem inficit, eamque disponit, ut quidquid nutrimenti eò pertingit, in putridum corrumpatur ichorem, qui dum cutis fibras vellicat, pruritum producit intolerabilem.

Certissimus itaque unusquisque esse debet, quod scabiosa corpora nullibi vitium foveant, præterquam in cute; viscera omnia, & partes sub cute omnes, nisi aliundè læsæ fuerint, optimè valent, proprias functiones exactissimè exercent, optimumque producant nutrimentum, verum quia id in cute vitium venit, illud contrahit, & sua degenerat indole, ejusque partes ita disponit, ut urticæ instar acutissimè mordeat.

Pro scabiei causa *Galenicorum* sententiam tanquam ridiculam, & verè puerilem repudians, nam non ex vitiosis, biliosis, adustisque humoribus, neque ex hepatis intemperie suam desumit genèsim; impossibile namque censemus ex contactu, quadrantis horæ spatio contractam hepatis intemperiei refundi posse, nam sic in fonte hepate, effectus esset ante causam. Scabies itaque secundum nostram sententiam pro causa peregrinum cognoscit hostem, & pellis est ejus natale solum.

Ichor, & halitus è corpore scabioso emanantes, sani corporis cutem vitiant, eosdemque affectus in cute producant, in qua sunt noviter impacti, hoc evenit, quia scabiei ichor sal acidum subtilius continet, hinc facillè per sudorem, halitus, vel contactum in manibus, vel aliis corporis partibus communicatur cutis poris, & totam cutem contagione imbuunt. Quomodo id fiat, res est in arte medica apprimè necessaria, ut sciatur, & cardo est, cui omnes morbi, qui fermentales à Neotericis dicuntur, innuntantur; Verum de hac profundissima indagine fusiùs egimus *lib. de lue Venerea cap. de lue Venereæ essentia*, quæ etiam ab externa propagatur labe, tantæ consequentiæ materiam, & à nemine, quem sciamus, actenus pro dignitate examinatum exposuimus.

Sufficiat hic scire scabiem suam habere in cute hospitium, in qua apparet, ejusque materiam nullibi in corpore, præterquam in ipsa cute produci, in qua quidquid à partibus internis licet perfectissimum emendatur, vitium contrahit, & in scabiei materiam substituitur. Ichor, vel halitus in scabioso corpore, linteo, suppellectile infecta progredientes, sale acido subtiliori imbuti, sanæ cutis poris adhærentes, vel impingentes, eos obstruunt, & ita inficiunt, ut laudabile ab internis partibus nutrimentum in cute emandatum, sensim in suam indolem transmutent exotici fermenti instar, & per mirabile rete, id est per universam cutis texturam sese diffundunt, non aliter ac amphota una aceti vini dolium in acetum convertit, vel pastæ fermentatæ unica uncia sensim quantavis azimæ pondera in fermentatam transmutat.

Pro cutis texturæ, & ichoris acredinis diversitate, nunc humida, nunc sicca emergit scabies, nam si laxior erit, & particulæ acriores, dicetur humida, & ichorosa cum materia purulenta, & sæpè ab erosis vasis sanguiferis cruenta: si cutis textura erit densior, seu strictior, appellatur sicca cum squamis majoribus, vel minoribus, ob diversorum vasculorum ædesorum multitudinem, & materiæ visciditatem, cum pruritu, ac ardore, decidentibus pustulis, novæ succedunt.

At dices, aliquando à pravorum humorum redundantia absque contagio externo, pustulæ pruriginosæ in cute producuntur: datur itaque casus, in quo è profundis corporis partibus scabies producitur in cutis superficie.

Concedimus libenter produci posse pustulas pruriginosas in cutis superficie, à prava succorum illuvie in corpore stagnante; attamen pustulæ hoc modo productæ; contagium non habebunt, quod est scabiei proprium, stabunt tales pustulæ sine contagio sub alio nomine, nam vel sub epynictide, vel sub herpete simplici, vel militari, vel esthiomeno militabunt, & distinctis remediis ab iis, quæ scabiei con veniunt, curantur.

Iterum dices, multa corpora lue Venerea contaminata; in scabiem Gallicam prouunt, quæ contagiosa est, attamen à corporis penetralibus originem ducit.

Respondemus, quòd contagium Gallicum adhuc ab externo concipitur, estque scabiei contagio analogum, ac propterea licet à corporis penetralibus in cutem feratur, postquam cutem contaminavit, veram scabiem ibi produxit, proprio fomite subsistentem, quæ nullo modo conservatur ab humoribus è corpore emergentibus, sed producto, quod experientia convincitur; nam iisdem remediis externis, quibus curatur scabies non Gallica, curatur, & perfectissimè scabies Gallica absque eo, quod virus Gallicum intra corpus diffusum habeat, externis remediis.

Dices tertio, vel danduserit in scabiei contagio processus in infinitum, vel aliquando absque contagio externo hic morbus incepit ex humorum vitio in corpore gliscentium: non implicat ergò ex internorum succorum vitio, scabiem produci posse.

Respondemus verum esse aliquandò scabiei contagium humorum internorum fuisse productum in cute, attamen postquam productum fuit, ut conservetur, internis vitiis non indiget succis, sed materia propria perseveravit; idque nunc etiam accidere potest, & in hoc casu duobus laborabit morbis æger, vitio scilicet internorum succorum, & scabie occasionaliter tantum à dictorum succorum vitio producta: nam potest Medicus internos succos appropriatis pharmacis purissimos reddere, attamen perseverabit scabies; contra potest scabiem specificis in cute perimere, vitiis remanentibus in corpore succis. Scabies itaque cutis est tantum morbus fermentalis, per contactum in sanum corpus se insinuans.

Prognosis.

Scabies non tam perniciofa est, quàm molesta, tamen ob ingentem pruritum non tantum molestior est, verum & omnibus invisissima, quia per contactum in sana se propagat corpora. Nec per se lethalis existit, imò Medicorum vulgus, quos stolidi sequitur plebecula, scabiem bonam esse, & salutarem, ut signum, nam multos morbos curat, & ab aliis præservat, quatenus sanguis liberatur ab impuritatibus; malum esse, ut causam, quatenus pravos succos in massa sanguinea abundare perperam credit: nihilominus semper tuta non est, si enim ob hominis ignaviam, vel pusillanimitatem non abstergatur, & diu duret, contumax, & curatu difficilis evadit, crustosa fit, & temporis tractu in lepram degenerare potest. Inter scabiei species difficilior sicca curatur, quàm humida. Pessima quoque scabies est, si caput obsideat. Qualiscumque itaque sit, spernenda non est, sed sedula cura vel ob deformitatem, vel quia invisa, tollenda est; neglecta enim in lepram, & ulterius degenerare potest: verum in scabiei ablatione post inunctionem, vel ablutionem vestes mutari, vel saltem optimè abluere debent, nam fermentum vestibus adhærens, si adhibeantur, scabiem recidivare facit.

Curatio.

Rectam victus rationem præscribunt vulgares, & à cibis humores adustos, & falsos generantibus abstinendum, ut sunt salsa, acia, amara, olea, & oleaginosa; contra verò cibos boni succi assumendos præcipiunt. Generalius observant, ut cibi, qui scabiosis exhiberi debent, elixi potius, quàm assi, aut frixi sint; assa namque, & frixa acriorem, & sicciorem præcipuè generant humorem.

Deinde humorum acrimoniam temperant, & præcipuè hepatis intemperiem ad naturalem deducunt symmetriam, ne falsos, acresque gignat humores, quos præparant *Syr. de cichor., lupul., fumar., simpl., viol., de endivia.* Quibus ritè præparatis, & temperatis, scabiosum purgant corpus *syr. de fumar. maj., de cichor. nic. cum rhabarbaro, confect. hamech., diacatholic. dissolut. in decocto epithymi, polyp. quern. & fol. sen. or.* Purgato corpore sanguinem ex cubiti vena profundunt.

Verum inutilia sunt; quæcumque pro scabie curanda intrò assumuntur, & hodierni Medici insaniunt in exhibendo scabiosis mille syrupos, quos refrigerantes existimant: imaginantur enim ob hepatis calorem scabiem concitari; unde decies sanguinem mittunt, vigesies syrupis magi-

magistralibus purgans, centies decocta ex lignis, & radicibus propinant, verum scabies semper magis, atque magis insulsum eorum medicinam rider, nosque ipsos ridemus. *Helmontius* cum scabiem ex chirotheca scabie infecta contraxisset, per reiteratas purgationes, & phlebotomias, adeo macilentus, raucus, & laxus evasit, ut vix stare potuerit, nihilominus scabies invicta permansit. Nè universalium remediorum, quæ vocant, nos ignorantes existiment potius, quam quod ad curandam scabiem aliquid faciamus, necessarium; scabiosos hoc modo purgabimus:

℞. *Seri lactis* ℞. j. *Ac dum fervet injice Sen. or.* ℞. j. *Cinnam. contus.* ℞. ij. *Ferveat parum, aufer ab igne, & f. solatura*, quam scabioso propina.

Sanguis quoque una vice detrahi potest, nam licet non juvet, nocere tamen non potest, & detrahatur ad gerendum vulgo, & vulgaribus movem. Pro syrupo quotidiano hic universaliter propinatur:

℞. *Cons. Viol. recent.* ℞. ij. *Infundantur in aqua Cichor.* ℞. ℞. *Asperge spiritus vitriol.* ℞. j. *stent per noctem, manè f. solatura*, quæ integra propinetur.

Solent vulgares in scabiei curatione antequam ad topica deveniant, Sulphur crudum in syrupo de acedine citri propinare quandoque ad viperarum pulveres, & tandem ad decocta, & stufas devenire. Cæterum scabiosis imponunt, si ad specifica contagium in cute necantia non deveniant.

Tandem ad inunctiones pro corporis affecti ratione deveniunt, quibus humores summæ cuti adhærentes discutunt, & innumerata unguenta, & linimenta præscribunt, ut

℞. *Butyr. rec. terebinth. ana* ℞. iv. *ol. ros. myrtin. ana* ℞. j. *vitell. ovor. n. ij. Ceruss.* ℞. j. *Salis* ℞. ij. *m. Vel*

℞. *Terebinth. lota in aqua scabiosa* ℞. ℞. *ol. ros.* ℞. vi. *butyr. recentis, Axungia porcina. ana* ℞. ij. *Salis* ℞. ℞. *Lythargyr.* ℞. j. *vitell. ovor. num. ij. Succ. limon.* ℞. ℞. *Cera q. f. f. Unguent.*

Pro robustis in confirmata scabie fortiori utuntur linimento, ut

℞. *Sulph.* ℞. ℞. *nitri* ℞. j. *ol. ros. Nucum ana* ℞. j. *Succ. limon.* ℞. ij. *m. Vel*

℞. *Succ. lapathi acut.* ℞. j. *Sulph. citrini* ℞. iij. *Styrac. liquid. farin. lupinor. ana* ℞. ij. *℞. ol. ros. q. f. Cera parum f. Ung. Vel*

℞. *Butyr. sine sale* ℞. iv. *terebinth.* ℞. j. *℞. Sulph.* ℞. ij. *salis* ℞. ℞. *vitell. ovor. n. ij. m.*

Si scabie erit sicca, sequens commendant, ut

℞. *Cerussa, amyli, rad. anchusa ana m. j. Cera, ol. ana* ℞. ij. *m.*

Si verò sicca, ut

℞. *Ol. ros. laurini ana* ℞. j. *nitri, Sulph. ana* ℞. j. *Styrac.* ℞. ℞. *m. f. linimentum. Vel*

℞. *Styrac. liquida* ℞. j. *terebinth. lota butyr. loti ana* ℞. ij. *Succ. limon.* ℞. j. *℞. ceruss. lota* ℞. j. *salis* ℞. ij. *m. f. Ung.*

Cæterum, errant vulgares in horum medicaminum compositione, sal admiscendo, cum ut plurimum scabies à falso humore producat, igitur contrariis curanda est, extinguendo scilicet falsum fermentum. Suademus igitur, ut loco salis sulphur subtiliter tritum, aut pulverisatum adhibeant, quod summopere fermenta sine dolore extinguit; sulphur enim ignem non expertum alkalium est, & porosum, in quo omnia scabiei spicula obtunduntur, & extinguuntur: sal verò non solum pruritum adauget, sed etiam si præsens non sit, ipsum excitare valet, & consequenter majorem quoque causabit affluxionem.

Nullus est morbus tot remediis refertus, quot scabies, nullus homunculus, nullaque fœmella reperitur, qui pro scabie curanda aliquo non polleat medicamento, seu arcano, cum pauci extent, qui ea non laborarint; verum hæc medicamenta localia externa talis energię esse debent, ut acidum temperent, immutent, extinguant, vel sal acidum in cutis poris impactum diluant, & simul succum coagulatum resolvant, abstergantque. Hujus indolis ad scabiem est sulphur ignem non expertum, non ob adjunctum spiritum acidum latentem, sed ob reliquam sulphuris substantiam, quæ saturata non est tanta acidi quantitate, quin ei facile possit longè plus adhærere salis acidi in scabie peccantis. Hujus, & maximæ autoritatis est Mercurius, magnus ille acidi salis strenuus domitor, hinc plurima contra scabiem linimenta conficit, in quibus pro basi seipsum agnoscit, vel meteorizatum, vel præcipitatum

Musitani Opera Tom. II.

album, viridem, incarnatum &c. prout scabies fuerit pertinacior. Selectiora, nobilissima, & quæ nos experientia docuit, ac quibus familiariter utimur felici eventu pro hoc diro cutis contagio percurando adducemus.

Juxta scabiei, & patientium conditionem hæc adhibemus medicamenta, nam si scabies recens sit, vel patiens puer, vel delicatus lenibus, si verò robustus, vel scabies pertinax efficacioribus, & validis utimur. Sequens modus nobis est familiaris, qui paucis diebus scabiem abigit, cutemque levem, & pulchram reddit:

℞. *Axung. porcina q. pl. m. cum ol. tart. p. d. facto. Donec f. ung. acre*, quod gustu deprehenditur. Hoc unguento inunge partes scabiosas mane, & vesperi. Vel

℞. *Sulph. flavi, bacc. lauri ana q. pl. f. pulv. subtiliss. cui adde ol. olivar. q. f. & pulv. hellebori alb. parum, ut f. Ung. molle.* Locis scabiosis inungendum. Vel

℞. *Ung. enulat. sine merc.* ℞. iv. *pulv. sulph.* ℞. ℞. *ol. tart. p. d. q. f. m. f. Ung. Vel*

℞. *Ol. nuc. jugland. Sulph. ana* ℞. j. *succ. apii q. f. f. Ung. f. a. Vel*

℞. *Aqua calcis viva* ℞. v. *sp. vin. camph. matricalis ana* ℞. j. *tinct. myrr.* ℞. iij. *ol. tart. p. d. ℞. ℞. m.*

Pro delicatis aulicis, & virginibus varia smegmata, & saponis odorati parari possunt, quibus scabies abluatur, & abstergatur, ut

℞. *Saponis Veneti* ℞. j. *Styracis calam. lapid. medicamentof. ana* ℞. ij. *Rad. ireos florent.* ℞. j. *pulv. santal. alb.* ℞. ij. *nuc. mosch. Cinnam. ana* ℞. ℞. *Ase dulcis* ℞. ij. *caryoph.* ℞. j. *mosch. gr. iv. ol. tart. p. d. q. f.*

Solet quandoque sulphuris raptor multis displicere quia scabiosos indicat, ideoque sequentem docemus aquam nobilissimam, & odorosam, quæ tribus tantum vicibus aspersis pustulis, omnino abscedunt, nec amplius recidivam patiuntur:

℞. *Aquar. ros. alb. & flor. aurantior. ana* ℞. j. *℞. merc. dulc.* ℞. ij. *merc. meteoriz.* ℞. j.

Dictos mercurias simul opt. m. deinde in aquam rosarum & aurantiorum indantur, & per levem ebullitionem solvantur. Hac aqua cum linteo madefac eas partes, in quibus pustulæ sunt frequentiores, quolibet die una vice per tres dies, & curata erit scabies; advertendum tamen est, ut hæc aqua nec in os, neque in oculos, ac pudenda cadat *Aqua mortua* quaecumque manuum, & pedum scabiem simplici illinitione perfectè curat. Vel

℞. *Sulph. viv. opt. pulv.* ℞. j. *xinzib.* ℞. ij. *misceantur cum butyro recenti, vel axungia recenti; adde merc. præcipit.* ℞. j. *m. & f. ung. quo inungantur manuum, & genuum juncturæ. Vel*

℞. *Aqua calc. viv.* ℞. j. *℞. infunde sulph. pulv.* ℞. j. *℞. ebulliant invicem aliquantulum, hac aqua eluantur membra scabiosa, & evanescet scabies.*

Quod si fuerit ferina, tunc loco sulphuris aquæ calcis addatur mercurii dulcis ℞. iij. qui est in hanc aquam præcipitetur, tamen eodem imprægnata erit. Vel

℞. *Ung. alb. camph.* ℞. j. *merc. dulc.* ℞. iij. *lact. sulph.* ℞. j. *m. & cum suff. ol. nicotiana, f. linctus quo manuum, & pedum articuli inungantur.*

Si unguento uti voles, hoc præstantissimum concinna:

℞. *Ol. ros. vel comm.* ℞. j. *cera alb.* ℞. iij. *ceruss. lot.* ℞. v. *Album. ovor. num. iij. Sulph. viv. pulv.* ℞. ℞. *merc. meteoriz. & camph. diss. cum aqua ros. ana* ℞. ij. *m. f. ung. f. a.* Hoc utere, ungendo partes pustulosas per sex dies una vice quolibet die.

Tandem unguento scabiosos non defraudabimus mirabili, quod non solum simplicem scabiem, sed etiam Veneream, & contumacem, ac veluti in lepram degeneratam exterminat, & radicitus curat. Hoc Unguento multis elapsis annis plusquam ducentos milites Hispanos ferè leprosos in Nosocomio Sancti Jacobi Hispanorum, Neapoli curatos vidimus, sic illud paratur.

℞. *Therebinth. Venet.* ℞. j. *ceruss. lota* ℞. ℞. *cera alb.* ℞. j. *iv. ol. comm.* ℞. j. *℞. Adipis porcina.* ℞. j. *merc. sublimati, & merc. viv. ana* ℞. ij. *m. f. Ung. f. a.* Hoc ter, aut quater inungantur ægri, & perfectissimè sanati erunt.

Verum in hujus unguenti præparatione advertendum est mercurium vivum, & mercurium sublimatum tamdiu in mortario lapideo cum pistillo ligneo simul misceri debere, donec vivi mercurii nullum appareat vestigium, tunc massa illa redditur dulcis. In hanc massam ambo redacti mercurii hujus unguenti compositionem ingredi debent, aliter ptyalismum excitant, ut multoties nos

observavimus, & tunc scabiosi regendi sunt, ut hydrargy-
ro inuncti, aliter propter horrenda *lib. 3. de lue Venerea*
descripta accidentia vitæ perniciem subirent, ut in quodam
studio observavimus.

In scabiæ perlananda commodissimus est Balnearum mi-
neralium usus, inter quæ salina, vitriolata, aluminosa,
& nitrosa, sed præ cæteris sulphurea omnibus palmam præ-
ripiunt, quorum usus præcipuè in scabiæ sicca utilis est;
eapropter aqua sulphurea, quæ fuit sub albis Puteolorum
montibus, à parte lacus Aniani, dicitur *Aqua Bulle*, vul-
gò di *Pisciarello*, hujus lotionem quælibet scabies cutatur,
licet suo fonte in alium transportetur locum. *Balneum quo-*
que Petre, Subveni homini, Solis & Lunæ, ac de Fa-
ris in Neapolitano, Puteolano, & Bajano, tribus lotio-
nibus in eorum fontibus peractis, quemlibet scabiosum
perfectissimè curat.

Verùm quia ista balnea mineralia non ubique extant,
alia arte parari, & pro iis substitui possunt quæ detergendi,
cutis poros extergendi, atque purgandi facultatem habent, ut

℥. Sulph. ℥. ij. Bituminis ℥. j. ℞. salis armoniaci m. j. f.
pulvis, qui in aqua calentis balneum conjiciatur. Vel

℥. Salis armoniaci ℞. ℞. aluminis ℥. iij. vitrioli ℥. iv.
tartari, & nitri ana ℥. ij. confusa conjiciantur in balneum;
Vel parari etiam potest balneum compositum ex vegetabili-
bus copiosè incoctis in aqua simplici, vel aqua calcis, vel
fero lactis, vel tenui vino, in tanta quantitate, vel suffi-
cienter æger balneari possit, ut

℥. Herbar. scabiosæ, saponariæ, agrimonie, origani, ne-
pethe ana m. iij. radic. bryoniæ, cucumeris agrest. aristolo-
chie, hellebori nigri, lapathi acuti ana ℥. iij. fol. nicotianæ,
heleni, lauri ana m. j. hacc. lauri ℥. iv. m. pro balneo.

Sic etiam infusus ex iisdem vegetabilibus componi pos-
sunt. Scabioso post egressum ex balneo, deterfa benè cu-
te, fieri potest inunctio cum unguento ex oleo nicotianæ, &
oleo tart. p. d. cum balsamo sulphuris.

Nonnulli de quadam scabiei specie mentionem faciunt,
quam volaticam appellant, propter subitam ejus per uni-
versam cutem distributionem, sic sæpè per unicam noctem
in alium hoc serpente visum est per universum corpus, ita ut
volando, quasi illud occuparet. Verùm hæc scabies vola-
tica neutiquam curari potuit eo modo, quo scabies, vel
sanguinis efflorescentia alioquin curatur, & sæpè ad inter-
uccionem usque malum invaluit, respuendo omnes medi-
cinas tam internas, quam externas, quæ peripheriam inun-
guunt, solum hoc arcanum finem malo imponit;

℥. Sang. recentem in partu ex utero elapsam cum tota se-
cundina, vel aliquota ejus parte, & universum locum af-
fectum ablue. Rarò semel, atque iterum id repetendum
fuerit, & protinus scabies volatica, quasi mortua cader.

C A P U T XXII.

De Lepra.

Lepra eandem meruit nomenclaturam apud omnes na-
tiones, estque affectus cutaneus, extrinsecus cutem
invadens, forisque incipiens, & intorsum pergens, con-
tra aliarum plerarumque ægritudinum naturam, quæ in-
trinsecè in continentibus, vel contentis figunt primordia,
tandemque foras ad peripheriam serpunt, ita enim ordi-
nario motu semper natura laborat, ut vitiosos succos vel
per vomitum, secessum, urinam, vel hæmorrhagias,
vel transpirando per cutis poros expellat. Affectus cutanei
sunt scabies, pfora, lichenes &c. quorum lepra abomina-
bilissima, & nocentissima est, quæ exterius in cute in-
choat, & intorsum graditur.

Lepra duplex est, nempe Græcorum, & Arabum; Græ-
corum lepra est etiam affectus cutaneus valde pravus, nem-
pe scabies pariter horribilis, & ægerimè curabilis, ac to-
tam cutem occrustans, seu crusta quasi una contigua ob-
ducens, quæ vulgò *Pfora* vocatur: Alii tamen imperigi-
nem, si sit deterrima, & in summo gradu pro Græcorum
lepra habent, in qua cutis in habitum mutatur præterna-
turalem, cum asperitate, prurito continuo, dolore, &
squamarum decidentia, cutis fissione, plerumque corporis
exesione. Arabum verò lepra est morbus ille quem Græci
elephantiasin, vulgò Sancti Lazari morbum appellant, de
qua sequenti capite tractabimus.

Signa.

Infalibile lepræ signum erit, dum cutis, vel in univer-
so corpore, vel in aliqua ejus parte non pustulosa, sed
squamosa apparebit, & hoc est ejus peculiare signum. A
scabiæ incipit, & adhibitis pro scabiei curatione remediis,
non solum non curatur, sed pertinacior evadit, nam le-
præ fermentum cum in cutis superficie non sit, sed sub ea
profundiùs serpat, scabiei remedia, quæ non ultra cutis
superficiem se diffundunt, illud extinguere nequeunt. Le-
proforum sudor est foetidus, & malum minùs remediis ce-
dit. Est nimirum cutis aspera, arida, & sicca, adest pru-
ritus, & seu scalpentibus, seu non scalpentibus quædam
corpora squamas piscium referentia decidunt. Evenit lepra
non solum in partibus corporis externis, sed etiam in inter-
nis visceribus, ac tum ex parenti anhelitu, ex foeditate
coloris, & ex scorbuto in internis lepram esse dignosces.

Causa.

Pro materiali lepræ causa atrabilem succum vulgares
assignant à calida, & sicca hepatis, vel lienis intemperie
provenientem, qui ad corporis peripheriam detrusus lepram
efficit. Verùm has nœnias bardis relinquimus. Medicis
humoristis, qui intellectum habent limitatum.

Pro lepræ causa materiali dicimus esse nutrimentum,
quod in corporis superficie ob impressum fermentum lepro-
sum non resolvitur, sed fermentescit, acescit, & ex vo-
latili fit fixum, & natura illud resolvere nequit. Huic nu-
trimento in corporis peripheria fixato, dum sanum nutri-
mentum salum, ac volatile in superficie advenit, & fixa-
tum illud attingit, illic acescit, & in illius fixari natu-
ram fixatur, juxta illud commune inter chymicos ada-
gium: *Omne volatile agens supra fixum, fixatur*. Sic vi-
ni spiritus, si cum sale tartari misceatur, pro ea parte,
qua sal est, in sal tartati transmutatur. Sic spiritus salis
communis, si cum sale communi misceatur, in sal fixum
transmutatur. Hic succus nutrimentitius, qui in halitus,
& effluvia post vitæ sustentationem resolvi debet, est de sa-
lis indole, quod si propter impressum fermentum, secun-
dum naturæ leges non resolvatur, acescit, fixatur in fi-
bris, & in squamas degenerat. Eodem ferè modo est sca-
biei, & lepræ genesis, & sæpè à pruritu per scabiem ad le-
pram fit transitus: est namque lepra scabies in summo gra-
du exaltata, & à scabiæ solum affectus vehementia, & sub-
jecto differt, scabies summam depopulatur cutem, in qua
pustulas producit, quarum scalptione quædam corpora fur-
facea decidunt, & cum iis, etiam varii ichores, & ex-
crementa saniosa emanant, ejusque materialis causa est
ichor tenuior; lepra non solum cuticulam, cutisque pro-
fundiora polluit, & lacerat, sed & usque in subjectam pin-
guedinem suam diffundit contagium, quam depascitur, &
ob sal acrius, & abundantius intimius penetrat, unde fit
contagium in pinguedine quod ferositatem corrumpit, &
in cutis superficie in squamas expellit.

Prognosis.

Rarus nunc hodiè morbus inter nos lepra est, ac se-
mel hætenus illum observavimus in quodam Abbate,
qui quolibet die è totius corporis cute squamas usque
ad trium librarum pondus abstergebat, pruriginoso non
vexabatur sensu, sed cutem veluti sensu privatam se ha-
bere dicebat. Difficile, & contumax malum est, & nisi
ipsi maturè succurratur, in elephantiasin migrat.
Morbus est contagiosus plusquam scabies, & facillimè
leprosa fermentatio sanis communicari, & inspirari po-
test, ab aliis leprosis per conversationem, vel cohabita-
tionem in eadem domo, comotationem ex iisdem can-
tharis, vel condormitionem in eodem lecto, vel in quo
antea leprosus dormierit, vel illis indutus fuerit vesti-
mentis, talibusque vel aliis utensilibus postmodum aliis
inscienter utatur, talia namque vaporem aureum, im-
pressionemque odorativam combibant, diuque retinent,
& dudum post ad alios transferunt, ita ut tali concepta
aerea contagione extensiva, aliam dispositionem affatim
fermentari possint.

Cura.

Curatio.

Recta victus ratione instituta, & vitatis illis cibariis, quæ atram generant bilem, corpus evacuant vulgares syr. de fumar. maj. confect. hamech. pilulis de lapide lazuli, & cæteris vulgaribus pharmacis hepatis, & lineis intemperiem emendantibus; deinde materiam cutem obsidentem medicamentis digerentibus, & detergenibus tollunt, & quia lepra summa est scabies, eisdem, quæ scabies, medicamentis, postulat, sed saltem fortioribus utuntur.

His nihil proficientibus, viperarum trochiscos diu propinant, postmodum salsa parilla, & ligni guajaci decocto sudores provocant, quod si obstinatio semper eadem perseveret, ad diuturnum feri lactis usum descendunt, & tandem dulcia balnea, & sulphurea usurpant, ita ut bis dulcia, & quater sulphurea commendent. Si malum omnibus his reluctetur, omni salutis spe ægrum destitutum, & conclamatum derelinquunt. Sunt reverà hæc præsidia vulgaria, quibus lepram curari impossibile est, vana, licet iisdem multum spei collocent, tamen id præstare posse non videntur, ut nos quotidiana docuit experientia.

Integra lepræ curatio non fit nisi arcanis, & præcipuè Paracelsi, quæ integrum mundificant corpus, à partibus spermaticis impressa abstergunt contagia, ulteriorem succorum coagulationem sistunt, & omnimodam acescentiam prohibent. Hæc sunt Tinctura Cili, mercurius corallatus, tinctura coralliorum genuina iisdem pollet virtutibus. Quicquid tamen sit de his arcanis, lepra internis semper curanda est remediis, non autem externis, estò ab externis partibus ad internas progrediatur, ac proinde necessaria sunt purgantia, & specifica purgantia sunt Arcanum corallinum, pilule antimoniales, quæ per secessum tantum purgant, Manna mercurii &c. Interdum purgantia reiterentur pro ægri, & morbi natura. Sanguinis emissionem repudiamus, quia causam tollere non potest, sed sanguis, spirituosiore ejus parte ablata, reliquus crassior evadit, proscribimus etiam tanquam inefficaces cucurbitulas siccæ, & sacrificatas, fonticulos, hirudines &c. tanquam à vulgaribus excogitata in ægrorum torturam. Quandoque sudores movere utile est, sed in principio difficulter erumpunt, ac proinde quacunque ratione provocandi sunt etiam per laconicum cum spiritu vini, vel diaphoretico in peracutis.

Specifica ad lepram, & paratu faciliora à viperis depromuntur, ac primò efficaces sunt pulveres carnum viperarum, horum recipe 3. j. & quolibet manè eum propina in vino generoso per annum integrum. Viperarum trochiscos communi artificio paratos, tanquam inutiles, & fraude plenos proscribimus, quia pro potiori parte ex biscocto constant, & paucis viperarum reliquiis, non aliter ac si pane destitueremur, præbeant hos vulgares illis, quos in triremibus fames exercet.

Efficaciora sunt earundem viperarum jura consumpta, & credibile non est quantum non solum leprosos, sed consumptos, ac senes reficiant, modus è parandi talis est.

2. Duas Viperas, capitibus, & caudis amputatis, exuviis denudentur, & interaneis abjectis, contendantur, deinde minutim reponantur in vase vitreo addendo pulv. nuc. mosch. 3. j. aquæ fontis 3. iv.

Vas optimè cooperi cum capitello sine rostro, & adaptetur in B. M. in quo per tres horas bulliant, frigescat deinde vas, & jus in eo conclusum à carne viperina fortissimè exprimat, & exhibeatur hoc bis in die per sex menses, nam corpora non solum à lepra, & scabie munda, sed sanguinem ab omnibus immunditiis liberat, vitale balsamum renovat, & rejuvenescentiæ inducet. Multa ex viperis eliciuntur medicamenta, quæ non possumus non laudare ut bezoardicum animale, sal volatile Viperarum, salia thetriacalia &c.

Verum arcanum, quod est à Galeno descriptum historicè, verè est leprosi contagii exterminativum, nam sicut viperæ exuvias novo Vere deponunt, & leprosis, exertisque squamis mundantur: sic dum in vino suffocantur, vinum, & efficaciam vino imprimunt, qua in potantibus lepræ squamæ absterguntur, & ejus fermentum annihilatur, modus talis est: In cado Vini generosi quatuor Viperæ immergantur æstivo tempore, cum magis irascuntur, ibique permaneant per sexaginta horas, tunc cum Vino suffocata,

mortuæ erunt, abjice tunc illas, & vinum serva, de hoc vino leprosus bibat per quatuor menses, & sanata erit lepra. Verum hoc arcanum historicè à Galeno descriptum per accidens juvisse, & forsan pro lepra scabiem feram acceptam fuisse creditur, nam vipera per suffocationem non imprimi vino vitam, aliasque vitæ functiones, & estò viva has exerceat, mortua tamen his destituitur, & nihil in vino deponit præter cadaver; multum enim mortuum à vivo differt, in juribus autem consumptis deponitur humidum essentiale, & alkalia.

Inter specifica excellit Viridellus vulgaris ab Hartmann commendatus, cujus quidem præparatio est nulla, sed totum artificium in dextrâ exhibitione consistit, mundificato itaque corpore leproso, sic procede:

2. Viridelli 3. ij. diss. in vini 1b. x. postea cola, cujus vini cyath. 3. propina pro potu ordinario, sæpius in die, præstat vinum, quia vulgò putatur morbus frigidus, vel decoctum sassafras, chinæ, vel fragariæ, vel aqua communis, semper exhibe in potu, (curatio absolvi potest. Viridelli 3. j.) idque per septimanas tres, aut quatuor continua.

Multum commendamus lignorum, & radicum decocta cum antimonio crudo incluso, & tandem lepræ curatio absolvi potest per mercurii inunctionem, ut nos pluries observavimus.

Post absolutam lepræ curationem, solet interdum curis scabrities molesta remanere; sic enim posteaquam ex penitioribus corporis partibus noxa contagiosa per specifica nobilia insensibilibus transpirationibus fuerit extrusa, sponte quidem sua tandem omnes squamulæ decidunt, Quod si tamen exterior cutis durior, & scabra remanet: hanc imposterum infessiones ex molliciantibus paratæ mitigant, & emolliunt, perfectissimam autem, & absolutissimam cutis lævigationem præstat inunctio ex oleo viperino, cui adjici potest viperæ cutis ob signaturam, quam cum morbo habet.

Advertendum tamen est pro lepræ coronide, quod interdum scabietis species occurrunt, quæ lepram abominabili mentiuntur aspectu, & à plebe, imò indotis Medicis pro ea reputantur, & sic miseri tales scabiosi ab hominum consortio excluduntur, cum tamen veri leprosi non sint.

CAPUT XIII.

De Elephantiasi.

Quam Arabes lepram vocant, Græci elephantiasim nominant, & triplici insignitus fuit nomine tumor hic de quo ad præsens agimus apud Galenum lib. de Tumoribus p. n. c. 15. hoc est elephantiasis, & elephantia, Satyriasis, & Leontisis, unumquodque horum tumorum nomen desumptum est à similitudine.

Appellatur autem elephantiasis ab elephante, ob similitudinem, quam hic morbus cum elephante habet, scilicet quod sicut reliquas bestias vastitate superat elephas ita ob morbi magnitudinem elephantiasis alios superat morbos. Vel quod malum in crura serpens, efficit ea elephantis ritu ferè rigida, & inæqualia. Vel (& hæc est vera notatio) quod membra & cutis laborantium morbo tuberosa, callosa, scabra, flaccida, & rugis nigris, plicisque crustaceis inæqualia, ut elephantum redantur.

Elephantia ab elephantiasi differt, significat namque istud nomen varicum speciem, seu affectum varicibus cognatum, in quo crus in tanta intumescit vastitatem, ut densitate, & colore, nec non difficili flexura elephantis crus æmuletur.

Satyriasis hoc malum, cum incipit nominatur, eo quod hoc affectorum morbo vultus ita deturpatur, ut in monstruosam Satyrorum dictorum faciem reddatur; nam elephantiasi laborantium labia sunt crassa, nasus tumet, atque ideò depressus apparet, aures tabescunt, maxillæ rubore perfunduntur, in fronte hinc inde tumores, quasi quædam cornua apparent: estò alii eadem de causa Satyriasmum hoc malum nominari censent, quod in hujus mali exordio ægri satyrorum more valde libidinosi sunt. Diversam similitudinis rationem Archigenes refert, quia malæ faciei ejusdem cum rubore atrolluntur, & musculis maxillaribus veluti convulsionem patientibus, mentum ipsum dilatur; quem admo,

admodum etiam ridentibus evenire solet, similitudine quadam ad Satyrorum picturas, quos ita nominatos putamus, quod ore hiant, labiisque deductis, instar ridentium cantent, & ludant. Aliqui etiam tertiam nomenclaturam hujus causam afferunt, scilicet quod elephantiasis laborantes satyris in Venerem propensione, & libidine sunt similes.

Leontiasis etiam nominatur; vel quod sicut leo invictissimum est animal, ita hoc malum vinci non potest. Vel quod hunc morbum patientibus circa frontem, & supercilia flaccidi tumores adeo eminent ad pellis flexibilis superciliotum, & frontis Leonis similitudinem, ut leonis aspectum mentiantur. Vel quoniam hoc laborantes morbo terribilem, & turpissimam habeant faciem, ut leonum instar aspicientibus panicum incuriant terrorem.

Tandem nostris malum hoc vulgò appellatur *Sancti Lazari* morbus, quod elephantiaci ita ulceribus scatent, ut *Lazarus* ille mendicus, cujus in historia Evangelica fit mentio, ulceribus plenus.

Signa.

Plurima, ac varia sunt elephantiasis signa, nec omnia semper in uno occurrunt, præcipua autem sunt: Incipit plerumque in fronte, vel facie, cujus color varius, cæruleus, seu Lazurius præcipue elucet, ubi tubercula, & pustulae rubrae apparent, quæ postmodum ex rubro livefcunt sub superciliis, circa aures, variisque in facie locis, nodique granorum instar duri, ac rotundi, qui postmodum in totam corporis cutem disseminantur. Omnia foramina, & corporis aperturæ aliter figurantur, & contractiora evadunt, ut sunt aures, oculi, os, vulva, & ani foramen, eo omnia rotundiora fiunt; narium enim foramina exterius refima redduntur, patula, & tuberosa, interius vero arctantur, & quasi per nares loqui videntur, & respiratio depravatur. Nasus valde acuminatur, labia fiunt crassa, frons tuberosa, aures retortæ, venæ sublinguales varicosæ, nigricantes, & tumidae conspiciuntur, ac glandulae linguae circumjacentes tumores habent rotundos, scrofularum instar, quæ suis accidunt. Anhelitus foetet, vox est rauca, clangosa, & obscura. Capilli capitis, pili barbae, superciliorum, totiusque corporis excidunt. Caro musculosa inter indicem, & pollicem absumitur, universi corporis cutis inaequalem contrahit scabrietem, subnigrescit, & maculosa redditur, demumque foeda scabiosa crusta obducitur, in modum pellis elephantum, unde prædictum nomen emanavit. Ungues finduntur, supor adest in tibiis, & pedum furis, ita ut quamvis acubi pungatur, non sentiant. Idem interdum etiam in manuum, & pedum digitis evenit, in quibusdam etiam frigiditas, sensusque privatio quædam percipitur: interdum etiam ille supor, & dormitatio, uti appellant, toti cuti, inter istos digitos usque ad brachium accedit, & à pede ad genua, & coxas usque se extendit, imò per universum corpus in elephantiacis, & aboletur, ac ut breviter dicamus, elephantiasis est veluti universalis, ac totius corporis cancer, universam corporis cutem foeda crusta obdrens, coloransque in modum bufonium, vel herbae lichenis quercubus innascentis.

Causa.

Elephantiasis causa materialis succus melancholicus à vulgaribus assignatur, generatur namque hic succus melancholicus ex hepatis, & lienis intemperie calida, & sicca, unde sanguis, cæterique aduruntur humores, & ad cutem, tanquam ad commune emunctorium à partibus internis rejectis hunc morbum causant. Præterea etiam huc facit frequentior ciborum salforum, acrium, crassorum usus, aer itidem calidus, & siccus, ut testatur *Galenus* in Alexandria, ubi frequentior est hic morbus ob regionis fervorem, & victum incommodum incolatum, ut qui edant farinam elixatam, lentem, cochleas, & plura salita, & carnes asininas, (melancholicum animal est asinus) & alia quædam; quæ crassum, melancholicum generant humorem. Adeasdem etiam causas pertinet melancholicarum excretionum retentio, uti mensium, hæmorrhoidum suppressio, ulcerum diuturnorum exsiccatio; humor enim talis, si diu in corpore detineatur, in dies pejor evadit, tandemque malignitatem hanc adipiscitur, & in corpore retentus in venis stagnat, sanguinisque massam

conspurcat. Humoristæ unumquemque pertinacem affectum vanidis remediis resistentem, succo melancholico tribuunt; verum, qui anxius rem aggressi sunt, cognoverunt elephantiasim à succo alimentitio polluto produci, qui inter fibras spermaticas, & carnes coadunatur, & coagulatur. Polluitur hic succus à particulis terrestribus, viscidis, rimosis quodam sale fixo, & acri de indole acidorum prægnantibus, unde tumorum durities, & tenacitas, eorumque ut & ulcetum, & quandoque totius insensibilitas. Morbus hic invisibiliter sub cute, velut anguis sub herba, latet, & introrsum agit, unde in principio sui ortus cutis crassior, durior, & asperior sensim redditur, color faciei, & totius corporis lividus apparet, deinde hæc particula succum nutritium, sanguinem, cæterosque succos, omnesque partes continentes ad ossium periostia usque polluit, & malum ad summum malignitatis gradum ascendit. Hinc contentæ partes inter fibras spermaticas, & carneas contagio pollutæ, coagulatae, & coadunatae in carneam quandam substantiam flaccidam, veluti pulmonis illam extuberant, quasi è latebris prodeunt, & partæ victoriæ prima vexilla in facie, ceu tenuissima cute amicta apparent, postmodum reliquis in corpore partibus mollioribus, & spongiosis potiuntur. Rarè & ferè nunquam in corporibus perfectè sanis producitur morbus hic: frequentissimus tamen est in corporibus peste, lue Venerea, scabie, lepra, scorbuto, aliisque contagiis pollutis, vel nonnulli à primo ortu hujus morbi seminaria contraxerunt, qui ex elephantiacis orti sunt parentibus.

Prognosis.

Horribilis & monstruosus est morbus, universum defœdans corpus, dolorosus tamen non est imò si acu perforetur, penitus non sentit, etiam si acus ad magnam profunditatem adigatur, aut aqua fervens affundatur, non tamen si pars uratur, quod indicium est, fibrarum nervearum partis materia viscida adeò infarctarum, & ab acido succo ita coagularum, ut spiritibus animalibus sensus primarii authoribus nullum ampliùs eum partibus liberum commercium, quod in tota cute obtinet; tum enim horribilior devenit, & faciliter in gangrænam, & sphacelum incurrit. Gravissimus est morbus, & curatu difficillimus, & non nisi in incunabulis, quamquam cum difficultate, quia ejus primordia omnino sunt occulta; signa enim hujus morbi in visceribus fientis vix sunt, sed merè facti, & ferè confirmati, quando namque primum in cure ejus aliquid apparet, tum morbus nequaquam incipit, sed ferè in vigore est, exterius tamen in cute invisibiliter incipit, & introrsum agit, tunc jam multò difficilior, & periculosior est, quamvis spem omnem curationis nec dum abjicere debemus. Confirmata elephantiasis, & inveterata curationem respuit, prout etiam hæreditario jure contracta.

Adeo contagiosus est coitus cum elephantiacis, aut cum ea quæ antea cum elephantiacis rem habuit, ut elephantiasim pro lue Venerea perperam acceperit *Gabriel Fallopius*, cum in utroque affectu idem sit inficiendi modus, sed de hoc fusius egimus contra *Falloppium lib. 1. de lue Venerea*. Est adeò elephantialis morbus contagiosus, ut hoc laborantes etiam ab hominum consortio separandi sint, & ad loca aprica, in quibus ipsi commodius, & sine aliorum periculo vivant, amandentur, quia virus elephantiacum aerem inquinat, qui inspiratione attrahitur ex membrorum foetore, & vitiosa spiritus exhalatione. Unde antiquitus, quia hic morbus erat frequens, non erat civitas, non oppidum, non pagus erat, qui pro elephantiacis nosocomium non haberet, quod Lazaret nominabant. Sic nunc in *Germania*, in quibusdam regionibus frequentia sunt elephantiacorum Nosocomina; in *Hispania* verò, & *Africa* frequentiora, in *Narbonensi Gallia*, & *Aquitania* frequentissima.

Curatio.

In recenti elephantiasis, vulgares ante omnia vitiosos purgant humores, sed frustra, nisi priùs talis instituat dietæ, qua non plures vitiosi cumulentur humores, sed potius vitium, quod in corpore, & humoribus est, emendetur. Dietam præscribunt refrigerantem, & humectantem, oppositam nimirum intemperiei, quæ est calida, & sicca, quam temperant acetosa, boragine, buglossis.

Cibos

Cibos præferunt laudabiles, & coctu faciles, commendant carnes potius elixas, quam affas. Prædicant hordei tremorem cum lacte amygdalarum dulcium. Interdiciunt fassa, sale, & fumo indurata, frixa, adusta, aromatica, pisa, fabas, cæpas, allium, sinapi, carnes leporinas, cervinas, bubulas, suillas, pisces &c. quæ lentam, & viscidam habent carnem, & omnia quæ humorem crassum, melancholicum, & adustum generare possunt. Vinum prohibent, quia calidum, & siccum, timentque ne caliditas, & siccitas à vino augeatur, & in potu quotidiano ad sidera extollunt malorum dulcium maturorum succum, ac deinde optime desecatum, quia hic potus non tantum elephantiasis convenit, sed etiam melancholicis, hypochondriacis, & aliis, qui jecinori, lieni, & mesenterio morbi causam præbent, utilissimus est; humorem namque temperat melancholicum, ejus vapores discutit, cor recreat, lætitiā generat, viscerumque siccitatem demulcet, & tandem optimum præbet alimentum. Sed quia hic succus non semper, & ubique haberi potest, ejus loco aliis utuntur potionibus, inter quas:

℞. Radic. cichor. ℥. j. Uvar. passar. ℥. iij. Glycyrrhizæ rasæ ℥. ss. Corn. cervi, & sem. fœnic. ana ℥. j. coque in aquæ lb. viij. ad tertias ferè. Colatura conditur syr. violar. Pro tenuioris fortunæ hominibus hordei aquam cum semine fœniculi substituunt.

His præmissis, venam secant, corpusque purgant Symplicis magistralibus, confect. Hamech., dicatholic., cassia &c. quos sæpius repetunt, diebus verò intercalariis cardiaca, & malignitatem extinguentia usurpant. Quibus irritis, elephantiacum decoctis sudorificis, vel Theriacis non defraudant. Verum decocta sudorifica, & Theriac valde exsiccant, & sæpe plus noxæ, quam utilitatis inde exigunt, cum præcipue in omni morbi tempore calor, & siccitas vigeat. Usurpant aliqui aquæ dulcis balneum, quod dicunt siccitatem temperare, excrementa discutere, & cutem laxare. Nec linimenta desunt, quibus elephantiacum inungunt corpus. Verum imparia, & vana sunt vulgarium medicamenta ad tam contumacem debellandum morbum.

Nonnulli vulgares nasutiores meditantur hunc morbum in calore, & siccitate consistere, pro optimo præsidio existimarunt elephantiacum refrigerare, & humectare, & quia omnem calorem, & siccitatem à testibus provenire asseverarunt, & considerantes hoc malum frequentius viros, quam mulieres apprehendere, sanxerunt elephantiacum effeminare castratione, & sic facile curari posse, quia testium ablatione corpus humectatur, & quasi effeminatur, & humiditas retinetur. Bardum præsidium, quasi ipsi bardi, imò testes quasi mulieres ab hoc malo essent immunes.

Indicatio elephantiasis curativa est, ut succorum coagulationem, crassitiam, & visciditatem inter fibras attenuemus, & resolvamus, ac particulas in remotissimis latebris impactas, & quasi incuneatas à sua sede removeamus; acida salia obtundamus, ex corpore educendo, ac succum nutritivum aliosque succos contaminatos purificando, eisque naturalem consistentiam, missionemque restituendo, & tandem ulteriorem succorum tenacitatem, omnimodamque acescentiam prohibeamus, ac tumores jam productos resolvamus. Verum in morbo inveterato oleum, & operam perdimus: aut tentare licet remediis potenter incidentibus, attenuantibus, resolventibus, ac eliminantibus internis, nam chirurgicis elephantiasis non obedit, imò horribilior, & monstruosior evadit morbus, si tumoribus ulcera superveniant, ulceratam itaque tantquam cancerum totius corporis incurabilem esse censemus, & tunc lupi rapacis instar omnia membra devastat, & devorat, hinc bestia ista sævit in ossa, & sæpe manuum, & pedum digiti decidunt, imò quandoque nasus & genitalia.

Quare instituta victus ratione, corpus purgetur manna mercurii, mercurio laxativo, turpetho minerali, quod juxta exigentiam repete, donec corpus sit optimè purgatum, postmodum non desunt arcana, quibus vis corpora renovandi inest, hujusmodi sunt vulneraria potiones, genuina coralliorum tinctura, sal volatile cornu cervi, ebore, succini, fuliginis &c. Hæc namque mitia particularum terrestrium, & saturninarum concretiones dissolvunt; ulterius, quæ potentiùs acidum domant, & arcana restaurativa, & renovantia propinanda sunt, ut antimonium diaphoreticum, mercurius diaphoreticus, bezoart. minerale, Joviale, Martiale, tinctura animonii; oleum mercurii diaphoreticum, tinctura lune, auri tinctura, aurum potabile

Anglicanum &c. Opportunum est in elephantiasi Mithridatium Cælestæ Quercetani, bezoardicum animale, & parata ex viperis remedia, quæ supra descripsimus; affinis est enim lepræ elephantiasis, sæpeque in illam degenerat. Verum licet lepra in elephantiasim degeneret, remedia tamen ex viperis desumpta non sufficiunt, ut multoties nos observavimus, quia lepra in pinguedinem usque suum diffundit contagium, elephantiasis verò fibras spermaticas, carnes &c. polluit, pullulatque ab ossium periostis pollutis, eapropter altioris gradus, & activitatis medicamina exposcit, quam viperarum remedia.

Semotis viperis, aliud altioris indaginis medicamentum inquirendum oportet, hujusmodi erit Magnus ille serpens, Mercurius nempe, cujus ideo caduceus serpintiger pingitur; ex eo enim parata medicamina durum, & penitissimum hunc morbum radicibus extirpare valent, ideoque remedia cuncta ex mercurio parata, quæ lucem veneream vel perfectè sanant, vel aliquo modo illius progressus sistunt, curant, sistunt quoque elephantiasim. Hujusmodi remedia sunt turpethum minerale, suffumigium, inunctio, mercurius diaphoreticus, mercurius cum auro præcipitatus, arcanum metallicum &c. de quibus de Lue Venerea, quæ non secus ac dictam Lucem, elephantiasim quoque è corpore abstergunt.

CAPUT XXIV.

De Impetigine, & Lichene.

Impetigo cutaneus est affectus, diciturque impetigo, quia cum impetu lædit, & nihil est, quam scabies sicca, proferens pustulas, & squamulas siccas omnis saniei expertes. Impetigo suos habet gradus, cum enim incipit, levem pruriginem, cutisque tantummodò ruborem infert, & simpliciter pruritus appellatur, cum verò cum majori cutis desiccatione infestatur, ita ut cuticula asperitatem contrahat, & in squamulas minutas, furfuris instar, hinc inde dehiscat, impetigo est, & si tunc negligatur, asperitas, & pruritus incrementum, latiusque in superficie se propagant, unde à serpendo hic affectus serpigo nominatur. Vocatur etiam lichen eo quod instar lichenis arborum exteriorum cutis speciem occupat, & hinc inde serpat, ac cutem scarificet, imò etiam impetigo idem est quod Græcis lichen; quando autem admodum fera est scabies, cutemque suffodit, arrodit, findit, & squamificat, tunc psora, & lepra Græcorum generatur.

Signa.

Impetigo, serpigo, & lichen sunt cutis affectus, & non tantum in facie proveniunt, verum etiam in aliis carnosissimis partibus, ut in collo, manibus, brachiis &c. præcipue tamen his, quæ nudum aeris contactum semper tolerant, ut facies, & manus, ubi primò quædam cutis scabrities nascitur, quæ pederentim augetur, profundiusque & latius serpit, ac cutem scabram, furfuraceam, & siccam reddit, demum eam findit; ferè semper rotunda est, & in orbem serpit, cutis exasperatur, & rubet plurimis, & exilibus pustulis siccis, non tamen humidis, quæ pruriginem, & dolorem plerumque inferre solet.

Duplex est impetigo, una recens, & benigna, in qua solummodò cutis per minimas pustulas exasperatur, ruber, pruriginem contrahit & in orbe centrum paulo lævius habet, ac tarde serpit, altera contumax, & fera, in qua cutis non solum magis exasperatur, sed exulceratur, ita ut pili erodantur.

Causa.

Impetiginis causam dicunt vulgares esse humores biliosos, tenues, & acres, quibus pituita admisceri solet; lichenis autem ex istis acrioribus, & salioribus produci, vel ex propria sui natura, quales sunt adusti, potracei, vel æruginosi, unde quò ad causas externas omnes illas agnoscit, à quibus humores prædicti vel impediri solent, ne foras transpirent, sed ad corporis habitum protusi, eum exasperant, & superficialiter quasi exulcerant.

Pro nostra impetiginis, & lichenis sententia causam esse statuimus impeditam in parte insensilem transpirationem, unde diaphoretica salia in parte fixantur, quæ natura postmodum ad cutis peripheriam propellit, & calcis, vel

vel aluminis instat in cute exsiccantur, ideoque scabra, & fusturacea redditur. Videmus ut plurimum hos affectus hyeme, & vere, ut *aph. 20. sect. 3. Hip.* innuit, dominari in constitutione aeris valde siccante, qualis apud nos est Boreæ flatus; tum enim disponuntur, qui humidam corporis, constitutionem, cutem teneram, & mollem habent, & præcipue illæ corporis partes, quæ nudum aeris tactum semper patiuntur, ut sunt facies, collum, & manus, his corripuntur vitiiis, quia cutis pori ab aeris frigiditate constipantur; & insensilis transpiratio, per quam diaphoretica salia detrudi deberent; intercipitur, & tunc cutis scabrescit, fursurescit, & secundum rugarum rectitudinem in varias dehiscit rimas.

Prognosis.

Hic affectus recens, & benignus non magni est momenti, & curatu facillimus: dummodo ab initio opportuna adhibeantur remedia, at si negligentius tractetur, vel antiquior, vel siccior fiat, eò deteriore evadit, & ferior, & tunc curatu difficilior; præcipue autem in facie, & capite diu persistens, facile tandem in lepram terminari poterit, quando nimirum in majores, fœdas crustas, & squamas mutari incipit.

Curatio.

Primò victum humidum, & attenuantem præscribunt vulgares, quia passio hæc à siccis, & acribus pendere fatentur, quare evitari debent calida plus justo, & sicciora cibaria, ut sunt aromata, sinapi, cœpæ &c. deinde in miti, & recenti sanguinis missio, & purgatio locum non habent, quia levis est affectio; in diuturna verò, & fera locum obtinent, quia periculo non vacat, ac proinde plures ejusmodi vitiosos humores in corpore abundantes convenientibus medicamentis alterandos, & evacuandos instituunt.

Quantum verò ad localia, mitem, benignam, & recentem sanant saliva jejuni hominis assidue illiniendo, ut & probant liquorem exudantem ex lignis viridibus, dum uruntur. Item parietarie foliis utuntur in aceto decoctis. Laudant etiam ammoniacum, in aceto dissolutum, & parietarie succum illitum.

In diuturna, & fera impetigine ad validiora recurrunt abstergentia, ut ad pulverem seminis sinapi cum oleo rosaceo, & sulphure communi trito in linimentum redactum, & illitum, vel ad sequens unguentum.

℞. Terebinth. aqua ros. lota ℥. j. ol. ros. ℥. ss. pingued. porci ℥. iij. sulph. vivi ℥. ij. nitri ℥. j. ss. alum. sach. salis fossilis ana ℥. j. sem. staphisagria, lithargyr. ana ℥. j. vitell. ovor. num. ij. cera q. s. f. ung.

Si his medicamentis malum non cesserit, & pars callosa evadat, excoativis utuntur, & partem affectam ad cicatricem deducunt, vel unguento de plumbo, de tutia, vel lithargyrio pluries loto.

Impetiginis curationem instituimus medicamentis diaphoresim in parte impeditam promoventibus, fermentum exterminantibus, & affectam partem mundificantibus pluries repetitis, & quamvis sit, & per infectionem ab alio contracta, topicis sanari debet, unde vulgo præscribitur Butyrum Saturni, quod ita paratur:

℞. Lithargyr. vel Minni. q. v. reduc in pollinem, cui affunde acetum destillatum ad duorum digitorum supereminentiam in vase vitreo, stent simul per 24. horas, sed terna quaque hora materiam agita, ut fundum petat, post residentiam, acetum stillatitium clarum per inclinationem separa, & serva, deinde

℞. Hujus liquoris part. ij. ol. amygd. dulc. part. j. m. guttatim oleum in vase plumbeo, vel aneo, & f. butyrum. Verum Lac Virgineum non tantum in persanandis serpinibus, impetiginibus, lichenibusque commodum est, verum etiam accommodatissimum erit in cute perpolienda, manibusque lævigandis, facie detergenda, lentiginibus delendis, & cutis infectionibus adimendis, quod hoc modo describitur:

℞. Alum. crud. ℥. v. decoquantur ad tertias in aqua fortis ℔. ij. postea.

℞. Lithargyr. ℔. ss. aceti vin. alb. ℔. j. ss. decoquantur ad residuum ℔. j. colentur, & commisceantur ambo, aqua, acetum, & spatula camdiā agentur, donec albescant. & Summopere herba Lichen (sic dicta) illita lichenes,

& impetigines curat, sed ad hunc affectum sæpius in pueritia nostras, & alienas sanavimus impetigines, partem affectam illiniendo *Astula regia bulbi succo*. Has etiam curat *infusio lapidis medicamentosi*.

Multa contra impetigines, & lichenes habemus experta medicamina, quæ omnia applicanti felici successu respondent, ut

℞. Ol. cera ℥. j. ol. vitell. ovor. ℥. iij. ol. tart. p. d. m. Vel brevius

℞. Ol. tart. p. d. cum ol. cera ana diligenter m.

Hoc enim lichenes, & impetigines optime mundificat & curat. Vel

℞. Ol. tart. p. d. ℥. ss. camphora ℥. j. balsam. sulph. ℥. ij. m. Vel

℞. Tinct. sulph. & ol. ovor. ana m. Vel

℞. Aquæ sperm. ranarum ℥. ij. salis saturni ℥. j. lact. sulph. q. s. m. ut f. linimentum.

Si verò impetigo fera, contumax, & diuturna sit, valida requirit abstergentia, tunc

℞. Ol. cart. p. d. ℔. ss. merc. vivi ℥. ij. destilla per retortam, prodibit primo Mercurius, deinde aqua, quæ impetiginem, & lichenes etiam contumacissimos curat, Vel

℞. Farin. lolii ℥. j. sem. staphid. agria ℥. ij. spuma argenti ℥. vj. cerussæ ℥. ij. plumbi usti, antimonii ana ℥. j. ss. pingued. suillæ ℥. j. succ. scabiosæ, limonum ana ℥. vj. merc. viv. pingued. suillæ extincti ℥. ss. ol. vitell. ovor., ol. tart. p. d. ana ℥. ij. m. f. linimentum.

Hoc enim non tantum recentem, & benignam, verum etiam feram, & contumacem impetiginem, & lichenem sanat, sed etiam si à Lue Venerea ortum habeat.

C A P U T XXV.

De Phlyctenis.

Phlyctene, vel Phlyctides græcè appellantur, latinè autem dici solent vesicæ, seu instationes, à muliere culis appellantur aqua calida, eo quod hujusmodi vesicæ repente emergentes, tenui humore aquico subflavo plenæ, & quasi distentæ, & bullarum aquosarum instar lucidæ sunt, hisque similes, quæ ab ignis ambustione, vel à ferventi aqua, vel à vesicatoriis excitantur. A nonnullis etiam dici solent ignis sylvestris. Videtur hic affectus pariter quædam erysipelatis species, quia consimilem ferè emittit humorem, ut erysipelas exulceratum, qui cum effluere cessat, vesiculæ, & pustulæ crustulis obdurescunt, & faneſcunt.

Duorum sunt generum, quædam sunt mitiores, & benignæ: quædam contra sæviores, & malignæ; ex eisdem insuper quædam sunt majores, quædam minores, quædam pauciores &c. Interdum etiam cum febre contingunt, quædam sine febre infestant. Aliquando unius coloris, aliquando alterius sunt.

Signa.

Ex dictis facile discernuntur, nam vesicæ iis similes, quæ ab igne, vel aqua fervida excitantur, subito erumpunt, magnum non inferunt dolorem, estò ob humoris acrimoniam, & fervorem pruritum excitent, dumque erumpunt, subflavus, quem continet, paulatim effluit humor, crustæ obdureſcunt, & decidunt. Phlyctenæ viris rarissimæ, contingunt autem scæminis, quibus menses non debite purgantur, & id in manibus, & pedibus, sed frequentius in cruribus, & nonnunquam infantibus per totam corporis periphæriam. Nonnunquam privatim in oculi cornea tunice minutæ, & exiguæ pustulæ, sive vesiculæ aqua repletæ erumpunt, phlyctenæ dictæ.

Causæ.

Afferunt vulgares phlyctenas à bile fervida cum pituita falsa admista originem ducere, vel demum à quacumque causa, quæ bilem, pituitamque plus justo aggregare potest sub cuticula. Alii ex vulgaribus causam continentem ponunt in sanguine nimis seroso ac bilioso, qui à natura ad corporis superficiem demandatur. Sanguinem quoque menstruum cum diutius retinetur, & postquam biliosus evasit, similes sæpè tumores excitare docent. Si bilis fuerit simplex, vel cum pituita admista, phlyctenæ mitiores, & benignæ gignuntur; si bilis fuerit præternaturalis

turalis, & adusta, qualis est flava, porracea, cærulea, æruginosa &c tunc vesiculæ gignuntur sæviores. Sed relictis vulgariis ineptiis,

Dicimus succum nutritivum in partibus carnosis degeneratum phlyctenas excitare, & ob partium continentium robur, vel materiæ pravitatem evenit, ut quicquid in carnis substantia degeneratum est, foras in cutis superficiem sub cuticula erumpat, & quia talis succus exaltatur, acre salinum exedens nanciscitur fermentum, quod sub cute hærens, cutem divellit, separat, & vesicas excitat tenui liquore repletas, qui substantialiter in escharoticum mutatur liquamen. Eapropter nisi vesicæ rumpantur excitat, quod in herpetem transit esthiomenum.

Prognosis.

Phlyctenæ mites, & benignæ periculo vacant, & breviter tempore terminantur, nam duorum, vel trium dierum spatio majori ex parte durant, verum nisi rectè curentur, aliquando in herpetem degenerant; sævæ, & malignæ periculo non vacant, & præcipuè quæ ad sublividum, aut subnigrum vergunt colorem, tum quia gravibus, & malignis adjungi febribus, tum etiam quia prava, & maligna symptomata afferre, deliria scilicet, animi deliquia, syncopes, & pravæ vomitiones, interdum etiam in ulcera prava, & maligna degenerare solent.

Curatio.

Vulgares primò instituta victus ratione, qualem in erysipelate describunt, sanguinem de more mittunt, sed qua ratione, ipsos nescire credimus; deindè vitiosos præparant, purgantque humores. His universalibus præsidiiis administratis, ad localia deveniant, & quoniam hæ pustulæ erumpere incipientes, multum prurigne molestare solent, linimentum ex *oleo rosaceo*, & *myrtino* probant. Verum si pustulæ multò majores appareant, eas acu argenteo pungere non incongruum existimant, ut ichor ille, quem continent, extrahatur, ne moram in affecta parte trahens, eam ad exulcerationem perducatur; postmodum *unguento aureo*, vel *albo non camphorato*, vel *unguento de plumbo*, vel *minio* utuntur.

At si pustulæ prædictæ mali moris apparuerint, quas sævas, & malignas esse diximus, statim eas incidunt, & ichorem, quem continent, extrahunt, & si pars pravum contraxerit colorem in levioribus *Apostolorum unguento* utuntur, in gravioribus autem *unguento Aegyptiaco*, ut malum pejorent.

Si phlyctenæ mulieribus propter menstruum suppressionem contingant, earum curatio fit per diuretica, & menses moventia, ut de menstruum suppressione, in morbis mulierum dicemus, procurando quoque congruam corporis evacuationem.

Si infantem phlyctenæ molestant, ejus nutrix *serum lactis* affatim bibat, & victu refrigerante nutriatur euchy-mo. Affectus locus sequenti inungatur medicamento.

℞. Mucilag. sem. psyllii. ℥. j. aqu. ros. succ. portulac. & solani ana ℥. j. m. & jauge.

Vel in his tum citò restinguendis, tum curandis nihil potius est epithemate *ex lixivio forti cinerum fagi*, & *oleo lini ana*, calidè confusis, & *mistic factis*, ac deinceps cum lacinii loco dolenti applicatio, sæpius reiterando, si *olei nucis* aliquid adjeceris, perfectior sequetur.

Quod si exulcerentur, accipiunt *adipem suillum*, liquefaciunt, & cum sufficiente quantitate *spumæ argenti minutissime pulverisatæ efficiunt linimentum* pustulis his applicandum, cui & *sulphuris pulverisati parum addunt*, & sic efficacius reddunt.

Phlyctenarum curationem aggredimur, succum nutritivum sub cuticula degeneratum resolvendo, & particulas acido salinas temperando, & auferendo per cutis poros, unde diaphoretica pluries à nodis recensita ad cutis poros aperiendos commendamus, quæ utramque implent paginam, quod si hic affectus vix absque topicorum auxilios evanescat, ut multoties accidit, tunc ad externa remedia confugimus, & partem vesiculis refertam illinimus *unguento parato ex radicibus oxylapathi in butyro cum vino albo coctis ad vini consumptionem*, & *oleo tartari p. d. s. q. commisto*. Vel utimur *unguento rosarum cum sale saturni*, *oculis cancerorum*, & *camphora admisto*. Multum præstat in hoc affectu *lixivium ex cineribus pini*; absorbent hæc

particulas acido-salinas, hinc omnia lixivialia aliis topicis palmam præripiunt. Nonnulli imponunt *lenticulam cum lacte coctam*, & *in pulvem mollem redactam*. Quod si prædictæ vesiculæ non spontè rumpantur, vel graviter dolorem inferant, tunc perforandæ, & expungendæ sunt acu, ut omnis ichor exigatur, atque etiam leviter exprimatur, & si ante omnem liquoris flavi exclusionem rursus coeant, denuò aperiuntur, & etiam exprimantur. Verum post apertionem nullum majus est expertum à nobis remedium, quàm *liquor ille, qui ex cacao exprimitur*, dum chocolata conficitur. Si adest simul inflammatio, tunc *unguentum diapompholygos cum camphora* sufficit, ut & omnia exsiccantia, in primis *emplastrum de lapide calaminari cum camphora*, & *oleo mastiches malaxatum*, vel *emplastrum fodicationum*.

C A P U T XXVI.

De Sudaminibus.

Sudamina, *grecis* Hydtoa, aliis pupulæ rubræ, mordicantes, sudorales, aut sudorose, quia post sudorem oboriuntur, sunt pustulæ in summa corporis cute hærentes, milii granis similes aqua plenæ, quæ cutem exasperant, vulgò hic *Neapoli* Migliarinæ vocantur. A *Plinio* sudorum papulæ appellantur. In nostra Calabria, Vitranelle nominantur, cum harum papularum acies vitri instar luceat, malum pauperis familiare. Dicuntur sudamina, eo quod post sudorem erumpant. Suntque ut plurimum papulæ rubræ mordicantes, & cutem reddentes pruriginosam, necnon ulcerum modo exasperantes.

Signa.

Sudamina signis non indigent, cum ex supra dictis pateant, & in nostros incurrant sensus, verum familiaria sunt pueris, & juvenibus, præsertim corporis constitutione calidioribus, qui nimis moventur, & exercantur. Ut plurimum post sudorem, & fervido æstatis tempore, quo homines facile sudoribus infestantur, undè *Hip. aph. 21. sect.* inter morbos æstivos refert. Item sæpè in iis animadvertuntur, qui statim post sudorem aeri frigido se exponunt. Emergunt repentè sparsim toto corpore, sed frequentius in collo, scapulis, pectore, brachiis, & femoribus oriri solent, frequentius etiam circa pudenda, & anum. Sunt sine dolore, sed non sine ingenti prurigne, & mordicatione.

Causa.

Sudaminum causam vulgares à nimio sanguinis sero ad cutem delato, & ibidem coercito deducunt, quod per sudorem evacuari impeditur, & hoc ut plurimum æstatis tempore accidere asseverant.

Perennis transpiratio necessario per cutis porositates peragitur, quod si quandoque accadat ob causam externam, sudores sub epidermide coerciti, ut minimè resolvi possint, partibus tenuibus per insensilem, sive sensilem resolutis, portiunculæ crassiores, terrestres, salinæ, & acidæ unà non exturbentur, sub epidermidem compulsæ, liberum non invenientes comineatum, illic cespitare coguntur, illam extollunt, & pustulas in ea producunt, tunc particulæ illæ salinæ, & acidæ summam erodunt cutem, scabram reddunt, ulcrosè exasperant, in ea pruritus excitant, & mirabilis illa cuticulæ textura sudamina repræsentat. Oriuntur etiam, dum corpus inter sudandum detegitur, & coercentur sudores à frigore externo, ac pori cutanei occluduntur. Plerumque sudamina loca naturalia id est, pudenda occupant, quia hæ partes continuò foventur calore, & ad glandulas inguinales major lymphæ proventus defertur, undè assiduo madent sudore, quod si stagnare cogatur, prædictas producit pustulas. Oriri solent præcipuè æstate calida, & humida post calidiorum, & acrium usum, magnos labores, ab insolatu in loco calido, & humido vento minus perflabili, sudoribus nimis coercitis, & vestium immunditie.

Prognosis.

Sudamina perniciofa non sunt, sed pruriginosa, facilisque curationis, ita ut absque medicaminum auxilio, verum tantum naturæ ope sanescant, ac in albicantes terminentur squamulas.

Cura.

Curatio.

Sudamina curant vulgares remediis serum in sanguine contentum, vel quod in cute per sudorem excerni impeditur evacuantibus, hinc primò curationem complent hydragogis medicamentis, secundò topicis, & quidem partium affectarum ablutione *ex aqua florum quercus cum aliquot granis camphoræ mistis*.

Indicatio sudaminum curativa est, si affectus sit gravior, & adjunctam habeat febrem, ut cutis pori obstructi relaxentur, particulæ salinæ, acidæve, terrestres, & crassiores sub epidermide stagnantes attenuentur, & per insensilem, sive sensilem evacuationem resolvantur; unde diaphoretica, sudorifica, & diuretica adhibemus pluries, ad tædium usque recensita. Topicè pustularum ablutio peragitur *oleo tartari p. d. spiritu vini simplici, vel camphorato*.

Cave, ne purgans præbeas medicamentum, vel phlebotomiam celebres, nam hæc vulgaria præsidia à circumferentia ad centrum trahunt, & factò opposito naturæ motu, malum peioratur. Si affectus sit mitior, mundæ adhibeantur vestes, & crebrè mutentur, & solius *aquæ rosarum, aut malvarum* quibus tamen *camphoræ granum unum, aut alterum* addi potest, lotionem curetur, & tandem naturæ curationem committe.

CAPUT XXVII.

De Ganglio, Exostose, & lupia.

INter tubercula dura locum habet tuberculum illud, quod à *Græcis* Ganglion dicitur, ab *Arabibus* glandula, ab aliis nodus, & nonnullis Lupia, hic Neapoli à chiturgorum, & Medicorum grege ab *humore melancholico, & melancholia*.

Rentur nonnulli, etsi hic tumor magnam nominum fortiaur confusione, eundem tamen denunciare affectum, sed ex descriptionibus, signis, imò curatione, insignis elucet error, nam ganglion est tumor rotundus, nasciturque in partibus, ubi ossa non multa carne, sed tantum cute teguntur, ac proinde non alrè delitescit, & nunc est durus, nunc mollis, nunc major, nunc minor, & ovi magnitudinem ferè nunquam æquat, mobilis est, & ad latera detruditur, & qui ganglion oritur in iis partibus, ubi ossa tantum cute amiciuntur, & ubi tendinum, ligamentorum, nervorumque est concursus, *nodus* appellatur, facta enim nodosa quadam concretione, nervus intorqueri videtur, & ex huiusmodi intorsione apparet ille tumor nodus dictus, ad nodi similitudinem, qui fit in chorda.

Platerus pro ganglio peculiare tumoris genus intelligit, quod in ossibus evenit, durissimum, constatque ex ipsamet ossis substantia, ubi periostio abrafo, vel exeso, novum quasi os priori adnascitur, vel ossium vitio producit, & extra ossis situm prominet. Verum tumor, qui huiusmodi in aliqua corporis parte observatur, Exostosis nuncupatur.

Aliud tumoris genus sub ganglii nomine proponit idem *Platerus*, qui circa articulos, præcipue circa genua nascitur, alias angustiore, alias latiore termino, universum interdum comprehendens articulum, ejusque motum quandoque adeò impediens, ut membrum vel planè non, vel non integrè moveri possit. Nonnulli hunc tumorem *fungum* appellant, quod quasi fungus quidam sub cute, circa articulos, in primis genu nascatur, qui non semper rotundus est, sed sæpè totum ambit genu & *lupia* vocatur.

Perperam ganglium glandulam vocant *Arabes*; differt enim à glandula, cum hæc in solis adenibus fiat.

Signa.

Ex dictis ganglii signa patent; nascitur enim in partibus, quæ non multa carne, sed cute tantum amicitur, ut in capite, fronte, dorso manus, vel pedis, ideoque non profunde delitescit: estque nunc durus: nunc mollis, nunc major, nunc minor, interdum ovi magnitudinem non æquat, vel superat, doloris est expertus; si tamen fortius prematur, quendam torporis sensum præbet, & ad latera detruditur, & movetur, sed non prorsum, & retrorsum detruji, & moveri potest.

Ganglium, quod *exostosis* dicitur, facile cognoscitur, nam sub periostio novum os ossi adnascitur, & extra ossis situm prominet, nec hinc inde movetur, vel detruditur, sed fortissime coit. *Ganglium*, quod *lupiam* nonnulli vocant, facile cognoscitur, nam est tumor, plerumque in genu, mollis sine dolore, & colore alieno, à parvis initiis incrementum suscipit, qui interdum ita increfcit, ut totum comprehendat articulum, unde evenit, ut æger stare, aut rectè gradiri non possit, nec incessu terram attingere, vel saltem extremis digitis possit.

Cause.

Ganglium, *exostosis*, & *lupiam* ex lenta, & crassa pituita, vel melancholia oriri inepte credunt humoristæ.

Generatur ganglium à nutrimento degenerato, & circa fibras, ac nervosæ partis substantiam adherente, ob obstructionem, & à facultate partium earum formatrice, in hanc mutatur substantiam, & abit in duritiem eximiam, tenuioribus particulis exhalantibus, & remanentibus viscosis, & terrestribus, & peculiari tegitur membrana. Occasionales causæ sunt ictus, extensio, aut nimius partis labor.

Exostosis fit, si periostia, ossa amicientia, vel partes nervosæ rumpuntur, tunc natura per viam apertam diffilere non sinit nutrimentum, quod in ossis nutritionem mutari deberet, sed tumorem, seu nodum osseum membrana peculiari tectum sub cute indè efformat, non secus ac in arboribus, si cortex vulneretur, vel quoquo modo aperiat, natura alimentum transsudans non temerè diffilere sinit, sed in nodum mutat.

Ganglium, quod *lupiam* vocari diximus, non est ex unius nervi, vel tendinis vitio, sed iis in locis ubi tendinum, ligamentorum, nervorumque concursus est, & præcipue circa genu accidit, cum istæ partes propter nimium motum valdè exercentur, aut dum vulnera sanantur, si enim succus harum partium, tendinum scilicet, nervorum, membranarum, ligamentorum, occasione causarum dictarum ex iis diffat, ac luxuriare incipiat, earumque fibris adhærescat, in fungosam talem materiam, quæ sæpè totum ambit articulum, mutatur.

Prognosis.

Ganglium non vitæ periculum minatur, attamen nisi medicamentis tollatur, sæpè ad multos annos durare solet, quia indolens est, non magni æstimatur, nec chirurgi opera imploratur, unde sæpissime ad mortem usque ægros comitatur, & si aliquando multum excrefcit in juncturis, articuli, & totius membri motum impedire solet.

Exostosis difficulter curatur, inveterata, & indurata nunquam.

Lupia circa articulum nisi medicamentis auferatur, incurabilis est; Sectionem enim non patitur, quia facile contingere potest, ut nervus, tendo, vel ligamentum sectione lædatur.

Curatio.

Duplici præsidio vulgares chirurgi ganglii curationem tentant; vel per medicamenta, vel per chirurgiam; unde medicamentis præmissis, quæ corpus purgant, incisionem celebrant modo dictam pro atheromatis curatione: Sed quia morbus non urget, nec molestiam parit, medicamentis utuntur, etsi corpus exonerare per purgans præsidium bonum foret, tamen idoneam institutam dietam sufficere existimant. Deinde quantum ad localia præsidia optimum censent ganglium digitis tractare, ut incalescat, & per hanc tractationem emollitionem tentant, & cum aliquantulum tumor emollitus fuerit, superimponunt *styracem, vel ammoniacum digitis emollitum, & tandem laminam plumbeam* artissimè fascia constringunt, nec ante decimum diem amovent: & si revertatur, quod fieri solet, eandem adhibent curationem.

In ganglii curatione eo incumbendum est, ut obstructio tollatur, nutrimentum in duritiem, & tumorem degeneratum, ac particulæ viscosæ, & terrestres attenuentur, & resolvantur; hinc præter interna volatilia, & incidentia prius corpus purgetur *Resina jalap. ʒ. j. merc. dulc. ʒ. ss. m. f. pillul. iij. & dearentur*, postmodum tumor emolliatur, aut si fieri non possit, suppuretur, sed hoc non ita facile est, aut

est, aut abscindatur. Si ganglion sit recens, & folliculus; cui includitur, adhuc sit tener, danda opera primum, ut cystis rumpatur, & materia inclusa dispergatur. Idedque quotidie tumor per mensem manu calefacta fricetur *oleo cere*, vel *philosophorum rectificato*, ut incalescat, & mollior fiat, deinde superponatur *emplastrum de mandragora*, vel *de pyrite arcta* ligatura constrictum; vel *Vigonis de ranis cum mercurio*. Si his omnibus reluctetur ganglion, eum resolvit, & discutit *Lamina Saturni mercurio vivo illita* aut loco mercurii *Lamina oleo juniperi illita* imponatur, vel meliore jure *Saturni Lamina irroretur spiritu vini camphorato*, & *euphorbio* adspargatur. Laudat *Joannes Schroderus folia sedi majoris*, detracta pellicula, imposita, & semper manere, & vesperi renovata; emolliunt enim tumorem, ut sensim, sensimque invisibiliter dispareat.

Ganglion sectione tolli potest, sed non nisi id, quod in capite, fronte, aliisque locis extra articulos consistit, sectionis modum legite apud *Danielem Sennertum*: quod vero in articulis existit non tunc secatur, cum metus sit, ne subjectæ partes nervosæ lædantur; Sicut nec id ganglion secare licet, quod circa jugulares venas est, ob hæmorrhagiæ metum.

Nodi ossei, seu exostoses nunquam curantur, si indurati & inveterati sunt. Qui recentes etiam difficulter curantur, esto utilia experiantur *cataplasmata parata ex radice mandragoræ, foliis cicutæ, hyosciami, urtica mortuæ coctis in aceto*, & cum *axungis emollientibus mistis*.

Si nodi ossei versus articulos tendant, eorumque impediant motum, & sint in locis nudis, & ossibus saltem rectis, cutis aperienda est, & ferro acuto nodus continuato ictu ab osse abscindendus est, & vulnus congruo modo curandum.

Lupia difficilis est curationis, sectionem namque non patitur citra tendinum, ligamentorum, & nervorum læsionem, ac proinde locum non habet. Tentandum itaque ut emollientibus, & digerentibus discutiatur, ne aliqua sequatur suppuratio, quæ hisce in locis incurabilia ulcera, à quibus nervosæ partes circa articulos corrumpuntur, excitare solet.

C A P U T XXVIII.

De Verrucis.

Sunt verrucæ parvæ excrecentiæ carneæ, fungosæ, pueris, & adolescentibus familiares. Sicut enim in junioribus arboribus succus, qui tantummodo ad legitimos ramos, frondes, folia, & fructus facessere debebat, sæpius superfluous stolones producit; ita etiam luxurians corporis humani juvenilis succulentia, ad augmentum saltem necessariorum partium destinata, pari modo crebrius excrecentias inutiles verrucarum, clavorum, aliasque profert.

Variæ sunt verrucarum species ut verruca, porrus, verruca pensilis, clavus, thymion &c.

Verrucæ sunt quidam parvi tumores monticulorum instar in cute; *latinis* enim verruca proprie est editior locus in monte, unde *Cato in lib. originum* inquit: *Quadringentos milites ad verrucam illam ire jubeas*. Quem locum *Gellius lib. 3. cap. 7.* Verrucam locum editum, asperumque interpretatur. Unde, & verrucosa loca dicuntur, quæ inæqualia sunt, & diversas partes eminentes habent. A cujus similitudine tubercula in corpore eminentia sine sensu, verrucæ appellantur.

Porri dicuntur verrucæ, quæ exterius quasdam obtrinent radículas, ad porrorum similitudinem, & ob id majorem siccitatem.

Verruca pensilis exiguo quasi pediculo, ut de chorda, pendet, unde græcis *acrochordon* dicitur, est orbicularis, & angustæ basis, a longum, & grande habet caput in summitate latius, in inferiori circa corporis cutem tenuius, ita ut quasi pediculo suffulta appareat, cuti est fere concolor. Hanc si non sit ejusdem coloris, sed thymi florem referat, minorque sit, & magis inæqualis; & parva, Thymus vocatur. Si vero majores sint hæ verrucæ, à similitudine, quam habent cum ficus fructu, ficus, seu fycoses appellantur.

Huc referri possunt mora, crystæ, condilomata, sed de his fusiùs agimus *de lue Venerea lib. 3. cap. 17.*

Est & aliud verrucæ genus, quæ sessilis nominatur, græcis *Myrmecia* latinis *formica* dicitur, sunt verrucæ fixæ, infra latiores, supra tenuiores, durioresque, quæ radices suas altius figunt, minus ex cute sese exserunt,

& stabiles sunt, nec ut aliæ mobiles: dolorem movent, & sunt colore nigricantes. Ita appellantur, vel à colore subatro qualis est in formica, vel quod dum stringuntur, sensum exhibeant fornicarum moribus similem, Nascitur plerumque in manibus, aut etiam in pedibus.

Clavius est verrucæ genus sessili simile, de quo agimus in manuum, & pedum tumoribus, ubi etiam de callo.

Thymion, vel Thymum est verruca eminens, pariter ad cutem tenuis, ut *acrochordon*, in summo autem latior, aspera, dura, floris thymi colorem referens, unde nomen accepit, atque ad magnitudinem fabæ excrecens, sæpius minor, non autem major; interdum sola, nunc pluraliter, proveniens in palmis, plantisque pedum, vel in talis, interdum in partibus obscœnis, ubi omnium pessimæ sunt, præsertim sanguinem fundentes.

Signa.

Istæ diversæ verrucarum species è traditis descriptionibus facile cognoscuntur, ut & earum differentiæ, unde peculiaris signa tradere opus non est, nam notæ sunt lippis, atque tonforibus.

Nascuntur verrucæ proprie dictæ in diversis corporis partibus, frequentius tamen in facie, manibus & pedibus; & plerumque plures simul; excrecentiæ verò carneæ, ut mora, cristæ, verrucæ, acus, condilomata, thymi, mariscæ &c. quæ in pene, mulieris sinu, & podice, Luis Venereæ sunt soboles.

Causæ.

Vulgares verrucarum causas statuunt humores melancholicos, & terrestres, quibus phlegma sit admixtum, sed cum plerumque pueri plurimis scateant verrucis, & vix nunquam alii affectus melancholici in pueris elucescant, verosimile non est melancholicum humorem has sylvestres excitare carnes.

Verrucas fieri ex succo alimentitio, nimirum viscoso, cuti, & cuticulæ alendo destinato statuimus; succi namque alimentitii portio in unum cutis porum, vel plures erumpens extra solidas fibras agglutinatur, excrecitque, portiunculam exigua porum implentem duram, & callosam generat, quæ nunc extra porum offertur, & juxta partis texturam, & dispositionem in sylvestres degenerat carnes, nunc in verrucam pensilem, nunc in verrucam sessilem; Quod autem succus ille in poros se ingerat, illorum dilatatio, & amplitudo causa esse potest: quod uti à variis causis prodit, ita in pedibus cute uno loco validius pressa, poroque sic ampliata, clavus facile gignitur.

In puerorum manibus quoque plerumque se verrucæ offerunt ab externis injuriis has prodire credibile est; pueri namque omnivaria manibus tractant, eisque ludunt, ut sunt vermes, araneæ, lutum, terra, fimus, aliaque innumera, quibus identidem manus inquinant, modo in terra fodientes, nunc in lacunis, rivis torrentibus fimosis, & merdis inanus agentes, unde mirum non est, si aliquod sal leviter corrosivum in his spurcitiis manuum cutem irumpat, poros dilater, amplietque, succum nutritivum vitiet extra solidas fibras, talesque exciter excrecentias: quemadmodum à turdi conspurcatione viscum frutex, arboribus innasci dicitur.

Eodem modo verrucæ etiam ex contagio oriri possunt, ut ex resecta verruca sanguis cadat in aliam partem, in ea generatur verruca, & si quis linteo fuerit usus, quo sanguis, qui ex verrucis effluxit, collectus, & deterfus est, etiam in eo verrucæ succrescunt.

Prognosis.

Verrucæ vulgares pueris familiares sunt, nihilque mali denotant, grandioribus vero, & insuetæ luis Venereæ suspicionem faciunt. Cæterum Venereæ excrecentiæ, sylvestresque carnes, ut verrucæ, crustæ, mora, mariscæ, ficus, condilomata, thymi &c. nascuntur in vulvæ labiis, pene, & ani orificio, & quandoque ita profunde in recto intestino, & uteri collo exurgunt, ut corrationi minime subjiciantur, nisi quantum utriusque speculum sinit. Supradictæ excrecentiæ frequentiores sunt in nostra Italia; paucæ enim sunt meretrices, paucique pathici, ob innumeros pedicorum

num catervas, in ano huiusmodi non habentes excrementas, quas sub hæmorrhoidum specioso pallio occultunt. Si initio ob pudorem cœlentur, multiplicantur; & nisi appropriatis averrucentur remediis, in cancerosam migrant naturam.

Verrucæ vulgares non magnopere quidem lædunt, vel sanitati obsunt, cuti tamen defædationem, & molestiam inferunt; leviter enim irritatæ sanguinem fundunt, qui decurrendo, in aliis locis, quæ maculat, verrucarum messem multiplicat. Raro verrucæ solitariae, sed plerumque complures proveniunt, præcipue in manibus, sæpius inopinato, & quandoque inadvertenter rursus disparent sine ullius medicamenti ope, vel si non dispareant, non ægre medicamentis obediunt. Acrochordones facile curationem admittunt, cum exiles habeant pedunculos, nullasque relinquunt radículas, ubi exciduntur, non renascuntur. Thymo exciso, in carne radícula remanet, ex qua necessario regerminat. Myrmecia tandem quatenus profundius hæret, & fibris sæpe nerveis implicatur, tendinosisque fibrillis profundius insidet, difficilius curatur, & fortiora, ac efficaciora medicamenta requirit, ne pullulet, nec excisionem ob latissimas radices, quibus hæret, sine magna exulceratione patitur.

Curatio.

Curant vulgares verrucas vel medicamentis, vel chirurgia. Medicamenta vel occulta qualitate id præstant, vel ipsum exsiccant alimentum, ut postea verrucæ marcescant, & evanescant. Aliqui ex *salicis foliis succum* commendant. Extollunt alii *chelidonia radices recentes*, quarum succo verruca illiniunt. Quidam *portulaca contusa* verrucas à proprietate tolli existimant. Alii *rutam*, & *millefolium simul trita*, item *dracunculi*, *ari*, *cyclaminis radices* hoc præstare credunt. *Sabina folia in vino macerata per tres assiduos dies*, imposita verrucas tollunt. Utilis est herba *Verrucaria*, quæ inde nomen accepit. Grana cicerum à proprietate, & propter signaturam verrucas auferunt, ut *Matthiolus* refert. *Cicerum grana tot accipe, quod sunt porri, & singulis granis singulas tange verrucas, deinde liga grana cicerum in linteolo, & post tergum projice, & hoc non fiat, nisi Luna nova*, quod nos multoties felici cum eventu experti sumus. Summis laudibus efferunt. *Aquam è vitium fermentis exsudantem, dum uruntur.*

His nihil proficientibus, ad fortiora, & quæ causticam habent vim, imo ad ipsum ignem actualem accedunt. Verum caute caustica adhibere debent, & præcipue nervosis in locis, ita ut solam attingant verrucam, ac proinde prius circumcirca cera, vel emplastro munienda est.

Ad hunc finem *allium viride recens contusum* applicant, & supra pileolum ex cera imponunt, & fascia involvunt; Vel *lac ficus*, vel *titymali* adhibent, vel *causticum ex saponè*, & *calca*.

Chirurgia auferuntur verrucæ vel extractione, vel excisione, vel adustione.

Extrahuntur suctu, vel dentibus, vel aliquo alio instrumento.

Exciduntur, quæ tenuem habent basim, eas *serico vinciendo filo*, aut *feta equina* sensim vinculum constringendo, usque quo æger dolorem sentiat, donec ob nutrimenti defectum exsiccantur, & decidant. Verum nos vinculi usum repudiamus, & licet omnes vinciri possint, dolorificus est curandi modus, tumorem accersit, & inflammationem, & si tali pacto curentur, promptissime repullulare possunt. Quandoque eas forcipe excidunt, sed ferrum pro excisione formidolosum est ægris, nec radículas, quibus verrucæ adhærent, excidit; ea propter impromptu est harum regerminatio. Præterea semper inflammatio accedit, quæ curationem impedit, & chirurgus pro uno curando morbo, alterum magnis negotiis inducit.

Si aliqua, vel plures remanserint radiculæ, eas cauterio absumunt, vel ferro idoneo, ita ut verrucam circumcirca prius scarificent, & postea acuto scalpello, vel phlebotomo radicitus excidant. Verum pro radiculis radicitus extirpandis, hoc medicamenti genus est periculo plenum, quod maximè exhorrent ægri. Insuper talis curandi modus barbarum sapit, & inflammationem, ac quandoque horrenda tymptomata, & gangrænam accersit, ut multoties nos autopsia docuit.

Aduisione verrucas absumunt, vel stylo ferreo candente per cannulam applicato, ne vicinæ lædantur partes, vel laminam ferream ad verrucæ magnitudinem perforatam verrucæ ita applicant, ut sola verruca per foramen appareat, & postea candenti ferro, vel ignis flamma aduratur. Aduisione peracta, eschara laxantibus tollenda, & ulcus convenientibus medicamentis curandum. Si hæc inefficacia experiantur, verrucam sulphure hoc modo inurunt: Accipiunt mediam testam nucis juglandis, & eam ad verrucæ magnitudinem perforant, & parti, in qua est verrucæ, parte convexa applicant, ita ut arcte verrucam comprehendat, & verruca per foramen in testæ cavitatem promineat. Postea sulphur in testæ cavum imponunt, atque incendunt: quo liquato, & accenso, verruca tantum adurenda est, quantum æger ferre potest, atque si una vice tolli tota non possit, ter, vel quater repetenda est adustio. Ubi locus fuerit sanatus, salicis foliis per aliquod dies fricandus, & tegendus, ne verruca reviviscat. Aliqui hoc pacto verrucas extirpant: ipsis aciculam infigunt, deinde aciculæ caput tenent ad ardentis candelæ flammam, & subcandeat, quo verruca sensim cremetur absque notabili dolore, demumque albescat, & tunc facillime tota digitis detrahi potest, remanente solum parva excoaratione, per se postea sanescente. Verum ignis actualis formidolosissimus, & dolorosus est, carnes exedit, multumque se diffundit, tumorem, & inflammationem excitat, nec laudabilis est apud optimæ notæ chirurgos, nec forsan quandoque radículas extirpat, & post lanienam recidivæ est metus.

Ea medicamenta his tuberculis conveniunt, quæ radices erodunt, poros occludunt, ne per eos incrementum sumant, sed omni succo destituta decidant; vulgarium itaque verrucarum curatio solis externis adhibitis perficitur, prout etiam externus est affectus, præterquam in luis Venereæ, quæ non nisi externis, & internis luis Venereæ remediis eradicantur, ut *de lue Venerea lib. 3. cap. 17. de moris, cristis, verrucis &c.* fufius dicemus.

Disparent vulgares verrucæ, si una, vel altera vice laventur liquore illo falso, qui in butyri saliti doliis, vel vasculis reperitur. Eradicat etiam *emplastrum oppoteldoch* sola impositione omnifarias verrucas. Optimum remedium est in verrucis eliminandis *oleum sulphuris*, vel *vitrioli*, atamen in applicatione summa diligentia adhibenda est, ne naturalis tangatur caro. Nonnulli *aqua forti communi* verrucas tangunt, verum magna sedulitate illinienda est, quia spiritiosa, & multum se diffundit, pruritum excitat intolerabilem, & causticat. Magnopere præstat *spiritus mercurii albus*, quo nos felici cum successu utimur, semel, vel bis has tangendo carnes sylvestres, quas felicissime perfanamus absque ullo recidivæ timore. Aliqui Chymistæ verrucas leviter *spuma venenata duorum Draconum rectificata* illiniunt, & eas penitus eradicant, adeò nunquam eodem locis repullulent, nam est medicamentum causticum, & has sylvestres destruit carnes solum levi illinitione, sed in hoc illiniendo liquore summa solertia adhibenda est propter prava, quæ excitat symptomata.

Multi ad verrucas referunt cornua, eaque statuunt esse verrucarum genus oblongum, & cornu instar recurvum, sed perperam. Quamplurimi cornua ad monstra in homine nascentia referunt, sed falso; nam ægritudo est ex exostose incrementum ducens, & difficulter curatur, ac toto vitæ tempore durat.

C A P U T XXIX.

De Hydrocephalo.

Illos hucusque peragravimus tumores, qui indistinctim modò unam, modo alteram corporis partem obsident; nunc jure merito de illis, qui in destinato loco oriuntur, ordinatim agere debemus: à capitis igitur vertice usque ad pedum plantas exordimur, & primo de hydrocephalo.

Hydrocephalon nomen desumpsit à parte affecta & materia, ex qua pender; est enim hydrocephalon vox græca composita ex hydro, & cephalon; hydro enim græce aquam significat, sive affectu aquosum, cephalon autem caput, latine idem sonat, ac capitis hydrops, nam in hoc affectu aqua in pluribus sæpe capitis locis colligi solet.

let. Interdum colligitur inter cutem, & membranam cranium vestientem, interdum inter hanc membranam, & cranium ipsum; quandòque etiam interna occupat loca, & aggregatur inter cranium, & duram matrem, sicuti etiam plerumque colligi potest inter duram, & tenuem, nec non inter piam, & ipsum cerebrum. Familiaris est affectio infantulis.

Signa.

Quò ad signa hujus mali legitimus iudex est visus, & tactus. Qui autem in capitis loco serofus contineatur humor, specialibus dicendum est signis. Si aqua inter cutem, & pericranium stagnet, tumor est evidens, mollis, ejusdemque ubique coloris, pellucidus plerumque, ita ut posita ex adverso candela, vel ad solis radios capite collocato, aqua ipsa conspiciatur: tumor est doloris expers, & in altum curvatus, qui tactui cedit, & recedit, compressusque aquæ fluctuantis motum exhibet.

Hæc apparent signa, ubi hic tumor per se incipit. Si autem ex contusione, vel percussione ortum ducit, initio quidem rubet, & dolet tumor, postmodum verò concolor, & sine dolore evadit.

Si stagnet inter cranium, & pericranium aqua, tumor est aliquantulum solidior, nec sine aliquo doloris sensu ad digitorum compressionem, propter pericranii distensionem.

Si verò inter cranium, & duram matrem aqua redundet, tumor est durior, & non nisi valida compressione cedit, majori cum dolore, eo quod futuræ dehiscant, & dilatentur, oculi sunt clausi, & lacrymantes, cum continuo vagitu pueri quodam stupore & languore.

Si tandem inter cerebrum, & piam matrem contineatur aqua dolor major est, frons extrà prominens, oculi sunt tumidi, aliquando extra orbitas, qui velut intenti prospicere videntur, sensus ferè hebetantur, ac sopore afficiuntur.

Causa.

Pro hydrocephali causa assignant vulgares, debilem cerebri calorem, cerebrumque ipsum nimis refrigeratum, & humectatum, quod suum non bene concoquit alimentum, sed in aquosum transmutat humorem. Sed cespitant vulgarij scholæ, nam qui hydrocephalo tentantur, facili in apoplexiam laberentur, quod oppositum experimur, ut in nostra *Trutina cap. de Apoplexia* fusiùs probavimus. Imò nonnulli vulgares hydrocephalum ab humore lento, & fæculento fieri obstinatè contendunt, quia tardè & lentè, non subito hic tumor generatur, non aliter ac cæteræ hydropis species succedunt.

Alii altioris indaginis vulgares, serofos accusant humores à toto corpore, præcipuè à visceribus naturali intemperie affectis, ad cerebrum demandatos, quos ob caloris debilitatem discutere nequit. Verùm huic hydrocephali generi, viam à visceribus inferioribus, quæ serofus hic humor ad caput scandit, assignare deberent, aliter anile esset figmentum. Viæ, per quas serofus ille humor in caput scandit, non æque constant; alii enim cæcoa assignant ductus, & in ignorantia foveam cadunt, nonnulli verò vaporis specie humorem se insinuare credunt, & ibi rursus condensari. Verùm si his destillationis artificium per alembicum innotesceret, circa incognita forsitan non delirarent. Demus, quòd hepar, lien &c. intemperie laborarent, aut alio gravi morbo, & vapores emitterent: Si frigida erit intemperies, hujus serofi humoris resolutio in vapores abire non potest, nam in frigido in halitus attenuatio non fit: si calida erit utique vaporum resolutio habetur, qui ut ad superiora evehantur, parentes requirunt ductus, & à loci frigiditate percussus in simplicem, crystallinumque fæcessunt humorem, & non in serosum, ut patet in feri destillatione, ac proindè meritò vulgares cerebrum frigidum assignant, tanquam refrigeratorium. Cæterum tantus in nostro corpore calor non est, quamvis p. n. intendatur, ut valeat vapores ad caput usque extollere; quapropter etsi vapores in hepate, liene &c. generarentur, necessario in ipsos iterum deciderent, non secus ac vapor ab olla collocata in tenuissimo igne elevatus in ollam decedit. Præterea detur, vapores cerebrum ascendere, cum in hoc nulla sit ampla cavitas, quæ capitellum referat, non possunt in guttas concreescere, quòd si concresserent in cerebri basi, cum pars hæc admodum sit angusta, statim per naris tubulos descen-

derent. Tandem concedamus vapores cerebrum scandere, & in eo guttulatim concreescere, tanquam in parte frigidiori, cum cerebrum exsangue sit, & frigidum esse credant perpetuo tantum inter cerebrum, & piam matrem fieret hydrocephalus, non alibi, quod falsum observamus.

Hydrocephali vera, & legitima causa, quocumque in loco fiat, est lymphæ, quæ obstructis vasculis lymphaticis, vel deindè patefactis, vel anastomosi, diapedesi, vixi, vel diabrofi in eum effunditur locum; tenella enim hæc vascula valdè sunt, & non ægrè aperiuntur, rarefiunt, rumpuntur, vel eroduntur à salinis, sulphureisque particulis in lymphæ commixtis, quæ inibi sensim coacervantur, & extra vitæ consortium proscriptæ, suo circulationis munere destituuntur, & caput in tumorem attolunt.

Frequentius infantes hoc corripiuntur morbo, quàm adulti, infantibus vel intra, vel extra uterum hoc malum accidit; intra matris uterum existentibus, dum ipsæ gestationis tempore uberiori aquæ potui nimis indulgent, vel plus justo fructibus acidis, & acetariis utuntur. Id contingere volunt aliqui ob indebitam infantis positionem in utero, ita ut ad caput nimium declive lymphæ plus justo confluat. Extra verò uterum plures esse possunt causæ, præcipuè ipsius uteri angustia, cum ad lucem editur infans ob malam tractationem, vel capitis effigiationem ab obstetrice factam, ita ut ob futurarum compressionem, & dilatationem, ipsum cranium, quod adhuc in infantibus molle est, distenditur, & lymphaticorum oscula referantur, vel casus, & percussiones, ab ipsa imperita obstetrice habitæ in ipso capite, ad quæ deinde lymphæ in mali causam decurrit.

Prognosis.

Si aqua extra cranium contineatur, curabile malum est, neque sine periculo, & magis, vel minus, secundum quod major, vel minor est tumor, & magis, vel minus parvus infantulus; nam si tenellam habeat ætatem, quæ neque morbum, neque remedium sustinere potest, & præcipuè si aqua in magna sit copia, ac totam capitis peripheriam occupans, vel quotidie increfcens: tum enim lenia medicamenta nihil juvant, fortia ætas non tolerat, communiter succumbit. Si verò aqua sub cranio stagnet, affectus curationem non admittit, non tamen æger deferendus est. Si lethargus, vel apoplexia, vel epilepsia accadat, mors præ foribus adest.

Curatio.

Triplicem indicationem curativam, in hydrocephalo instituunt vulgares, quarum prima ab ipsa aqua in tumore contenta oritur, quæ evacuari debet; secunda, ne in eo amplius regeneretur, præcavendum; Tertia viscerum discrasia sunt emendandæ, quare aquam triplici remediorum genere evacuant hydragogis, sudores, & urinam cientibus,

A capite aquam educunt partim insensibiliter per discutientia, & exsiccantia, partim sensibiliter per cauteria, vesicatoria setacea, & cutis capitis sectionem.

Universalem corporis evacuationem hydragogis instituunt; verum hic tumor infantulis, & nuper natis frequentius contingit, & vix tutò propinantur, & remedia, quàm externa vix iis commodè adhibentur. Eapropter si nuper natis accadat, nutricis corpus purgant, si pravis scateat humoribus, & infantulo *Setaceum* inter primam, & secundam vertebra apponunt, sin minus saltem *fonticulum* aperiunt. *Setaceum* apponunt, aliàs funem per cervicis pellem tractum, quod serum à capite derivari, & revelli ruditer credunt, quod medicamenti genus tantum equis, & asinis à Veterinariis hucusque in usum vocatum fuit: & chirurgorum inscitia à veterinariis erudita in infantulos tenellos & delicatos transtulit.

Fonticulum aperiunt, serum in capite contentum citant, ut personaliter compareat, & quasi eorum jussibus obediretur, & per fontanellam proscribendum.

Si puer tam adultus fuerit, ut medicamenta sustinere possit, *mel. ros. solut.* exhibent, sed in pauca quantitate cum *syr. ros. solut.* Adultioribus verò *pilulas cochias* deglutendas tradunt, vel *iridis succum*, vel *elaterii grana duo*. Verùm purgantia nihil è capite eliciunt, nec caput aliquid parit præter mucum, quem ad pelvim, nec aliò mittit. Deindè per sudores, & urinam serosum evacuant humorem.

Universalibus evacuationibus præmissis, prius insensibilem tentant evacuationem, sed quia cutis densitas obstat, primò cutem rarefaciunt, & emolliunt herbis emollientibus; postmodum exsiccantia, & discutientia usurpant, inter quæ commendant, ut

℞. Pulv. betonica, salvia, dictamni cretici, cumini, origani ana ℥. ss. stœcadis, sampsaci, flor. chamamel. ana ℥. iij. bulliant in vino albo generoso, & lixivio barbiton-formum, addendo oximellitidis ℥. ij. ol. de spica, & rutac. ana ℥. j. m. f. cataplasma. Vel

℞. Mell. lb. ss. salis ℥. ss. pulv. origani, & cumini ana ℥. ss. m. Et calidè caput inunge. Vel

℞. Sem. coriand., anisi ana ℥. ij. artemisia, origani, pulegii ana m. ss. sulphuris ℥. ss. coquantur in lixivio. In colatura spongia madesiat, & calida capiti applicetur. Vel

℞. Ol. chamamel. vel rutacei ℥. ix. sulphuris ℥. j. m. f. ung.

Quod diù continuetur. Nonnulli calcis aquam laudant, si ea calida spongia imbuatur, & capiti imponatur.

His omnibus administratis, ubi morbus non cesserit, ad sensibilem evacuationem accedunt, quam per incisionem, aut periculosam unctionem celebrant. Celsus, Paulus Aegineta, Aetius, & alii sectionem commendant, verum militat sectio, ubi tumor aquosus, extra cranium extiterit, si verò sub crânio hæserit, tamdiu expectandum est, donec è capite per cranium redundet humor, futuræque distendantur, & tumor appareat. Facienda est sectio in loco, ubi major est aquæ copia, & in declivi. Cæterum sectio, non temerè, nec facillè adhibenda est, sed prævio consilio, vel ad ægrorum instantiam, ob infelices eventus, qui sæpe accidere solent. Quomodo, & quando sectio ad ministranda sit, discere quispiam poterit ex Paulo Aegineta lib. 6. cap. 3. & ex Aetio Tetrab. 2. serm. 2. cap. 1.

Placet nonnullis cauterio actuali capitis cutem adurere, quinque, sex, pluribusque locis, non simul & semel, sed repèritis vicibus, ne vires nimium exhauriantur, quotidie eum eligendo locum, quem aquosus humor commodior rem incidat.

Horum mediorum quodnam præster, absolutè decerni non potest, quodcumque tamen horum eligas, aquam omnem simul, & semel educas cave, facillè namque ipso operationis tempore interiret æger, aut saltem valdè debilitarentur vires: paulatim itaque evacuanda est, ut hydropicorum aqua paracenthesi evacuetur. Imò nunquam in curationis fine aqua omnis auferenda est, ne partes debilitatæ, etiam calore eo, quem aqua possidet, corrumpantur; quin potiùs, quod relinquitur, internis, externisque dissipantibus discutiendum.

Tandem cerebrum refrigeratum, & humectatum calefaciunt, & exsiccant, ut in ejus temperiem redeat.

Nostram nunc hydrocephali curationem instituimus, aquam copiosius aggestam, vel in cavitatem illapsam evacuando; ductuum lymphaticorum obstructionem referando; vel eorundem ruptionem, ex quibus aqua in partem influxit, consolidando; & tandem aquæ proventum inhibendo.

Quo ad res nonnaturales, quæ corpus alterare, & ad pristinam sanitatem reducere possunt; dicimus in hac tumoris specie aerem calidum, & siccum, vulgò dictum, esse debere, quòd si talis non sit natura, arte parandus. Intemperantiæ, in pueris adeò solemni, nisi frænum injiciatur, frustanea erit curatio. Cibus non sit herbaceus, non aquosus, vel salsus, sed boni, & utilis succi, ut carnes gallinarum, caponum, pullorum, perdicum, aliarumque avium montanarum. Potus frigidus, vinum tenue, decocta hordei, julapia frigida vulgo putata &c. exulent; liquidorum usus sit moderatus; Vinum assuetis parca manu exhibeatur. Motus, quies, somnus, vigilia, omnia moderata. Animi pathemata regulentur, & debitæ excretionibus suum servant tenorem.

Prò evacuanda lymphâ copiosius coercita, hydragogis utimur, ut resina jalap., extract. mechoacan., vel gummi gut. cum mercurio dulci, vel eis; quæ in hydrope pro purgantibus usurpantur, inter quæ elaterium eminet, si æger hæc medicamenta tolerare possit, aliter evacuantia blanda esse debent, præterea convenit manna potabilis, vel rosarum solutivum, aut syrupus rosarum, solutivus, item calomelanos, vel mercurius dulcis in hoc syrupo. Verum si infans sit, nutriticis corpus, si pravis luxuriet succis, per inferiora deplemus, & externa, quæ exsiccandi vim habent, quantum fieri poterit, infanti medicamenta applicemus.

Vel insensibiliter aqueam colluviem discutimus, & hæc evacuatio tutior, quàm sensibilis erit, & præsertim si pauca sit aqua, hujusmodi medicamenta erunt, quæ diaphæresin movent, ac sudorem, ut decoctum ligni guajaci, salse parillæ, sassafra, vel balneum laconicum, & sudatorium. Item antimonium in liquorem versum, & postmodum in pulverem, solummodò per sudorem purgans. Similiter mercurius diaphoreticus Paracelsi, & cætera diaphoretica.

Ductuum lymphaticorum obstructionem referant ea, quæ tenacem, & glutinosam lympham ita incidunt, & attenuant ut liberum adipiscatur com meatum, ut tartarus vitriolatus, sal absynthii, roris marini, spiritus tartari, spiritus vitrioli, salis armoniaci, spiritus Vitrioli, Martis, tinctura tartari, spiritus urine &c.

Vasorum lymphaticorum ruptionem optimè uniunt, & consolidant adstringentia, ut radic. tormentilla, bistorta, caryophyllata, fol. myrti, equiseti, flores rosar., balanst., nucum cupressi &c.

Non desint in hoc curando affectu blandiora diuretica, ut spiritus salis dulcis, salis armoniaci, sal fabarum &c. Notandum volumus, quòd quæcumque usurpantur semper cephalicis misceantur, ut est sal volatile succini, essentia castorei, elixir cephalicum, essentia roris marini, liquor cornu cervi succinatus.

Si malum non cesserit ad topica confugimus, si tota præcipuè hydrocephali minera non exhauriatur, & quia cutis densitas ad aquæ retentionem non parùm facit, primò cutem rarefacimus, & emolliimus decocto malva, chamameli, melilori, parietaria &c. postmodum discutientia, resolventia insensibiliter tumorem usurpamus ex chamomilla, meliloto, artemisia, stœcade Arabica, calamintha montana, rore marino, absynthio, origano, pulegio, cumino, serpillio &c. quæ plurimo sale volatili sunt referta, ex quibus fons parari potest, facta coctione in vino, qui vigoretur spiritu vini, vel aqua Regine Hungariæ, & parti affectæ abrafæ calide applicetur. Vel formari potest sacculus ex ruta, sabina, lavendula &c. in vino.

Hunc tumorem sola illinctione discutiunt oleum anethinum, laurinum, rosaceum, chamamelinum, vel hyperici. Forestus lib. 3. chirurgiæ observ. 61. sequens commendat unguentum, ut

℞. Ol. chamomelini ℥. iv. sulph. pulv. ℥. j. m. f. ung. diù continuandum.

Verum feliciùs & potentiùs operabitur, si aliquot guttæ olei succini, vel balsami sulphuris, vel terebinthinati, vel anisati addes. Avicennas commendat in decocto cephalico, stœcade Arabica, calamintha montana, cochleas contrusas, & applicatas. Præstant in hoc tumore limaces cum suis testis, si pinsentur, & in emplastri formam redigantur, quod capiti applicetur, & relinquatur, donec sponte cadat, & mirabiliter resolvit. Vel præstantissimum erit sequens unguentum, ut

℞. Chamomill. exsicc., absynth. ana ℥. ss. sulph. com. ℥. j. myrtil. ℥. ss. f. pulvis buryr. recent. ol. chamomill. ana ℥. j. ss. Cere puræ parum m. f. ung. ad ignem, quo locus quotidie inungatur, donec inflammatio evanescat.

Aliqui laudant lixiviam cum herbis cephalicis paratam, atque cataplasma ex absynthio in vino cocto.

Nos multos infantes hydrocephalo laborantes sola inunctione olei rosacei, superaddito pulvere myrtillorum, cum foliorum brassicæ superpositione calida breviter curavimus. Multum commendamus vini spiritum cum quarta parte aque scabiosæcum spongia impositum, vel loco spir. vini substitui-mus aquam Regine Hungariæ. Verum monemus spongiam novam recipiendam esse, & arctè fascia capiti alligandam, ac ne refrigeretur, calido linteo superposito moderatè calefaciendam esse.

Mirum in modum, & thermæ sulphuræ, ubi earum est ubertas, conducunt, ut apud nos in agro Puteolano, si spongia iis madesiat, & capiti imponatur, in quarum defectu coquantur in aqua sal, sulphur, & alumen, & eodem modo applicentur.

Si his hydrocephalus non cedat, ut serosa educatur colluvies, necessum est ad chirurgiam, scilicet incisionem, vel puncturam confugere, quæ quidem aliquo modo tolerari potest in hydrocephalo externo, utut non semper sit sine periculo; qui verò intra cranium, & cerebrum est, non nisi cautè, & multa circumspèctione, & à perito chirurgo peragatur. Studiose considerandum est, ubinam contineatur aqua, & è quo loco meliùs effluere possit. Tunc sectio peragi debet scalpello, vel cannula ad acumen perforata, vel

vel quia quandoque ita viscida est, ut per cannulam effluere non possit, scalpello vulnus latius fiat in decliviori loco, & notandum, quod aqua omnis non simul, & semel educitur, aliàs mors procuraretur, sed per intervalla non horarum tantum, sed dierum. Interim æger corroborantibus restaurandus est.

C A P U T XXX.

De Testudine, & Talpa.

PRivatim quoque capiti accidunt tumores nonnulli, quorum apud antiquos *Græcos*, vel *Latinos* mentio non reperitur, sed solum iis peculiaria imposita sunt nomina, à recentioribus barbaro-Latinis, nempe *Testudo*, *Talpa*, *Topinaria*, *Natta*.

Testudo est tumor magnus, mollis, aut saltem non valde durus in capite, latiori forma, à cuius forma nomen sortitus est, vel castaneæ in principio, postea vero in formam ovi excrecens, materiam continet mollem, vel saltem non valde crassam, tunica quadam obvolutam, quæ communiter *cystis* apud *Græcos*, Latine verò *folliculus* appellatur.

Talpa est tumor testudini affinis, & ita dictus, quia sicut talpa sub terra deambulat, & in ea foveas excitat, sic tumor hic sub cute cranium cariat, unde congeneres sunt affectus, & solum inter se differentes penes crani læsionem, nam donec cranium non lædatur, testudo dicitur, talpa vero cum cranium cariet, in reliquo conveniunt. Hinc est, quod à quibusdam confunduntur, & pro uno, eodemque hi tumores accipiuntur. Quidam testudinem à talpa penes materiam discrimen, quia in talpa est crassior, quàm in testudine, & testudinem ad meliceridem, talpam verò ad atheroma referunt. Talpam nonnulli *Topinariam* appellant, cæterum *topinaria* diversus est affectus, & pueris familiaris, qui à phlegmate fit, quod saniei viscositas, ejusque albedo declarat: aliquando, ex phlegmate misto cum sanguine, quod color ostendit, qui non rubeus est, & ad maturitatem citò devenit. *Topinariam* ad hydrocephalum *Joannes Philippus Ingrassias* reducit, sed perperam, cum hic tumor ex aqua fiat, nec sanguinem habeat admistum, nec suppurationem patiatur.

Natta, *Nata*, & *Napta* tumor est magnus, mollis, sine dolore, & colore, in dorso præcipue excrecens, quandoque tamen in humero, aliisque partibus erumpens, à tenui quidem radice pendens, ita tamen incrementum sumens, ut aliquot libras pendat, & melonis, vel cucurbitæ magnitudinem adæquet, qui cum non semper eandem habeat figuras, idè etiam diversis nominibus ab authoribus appellatur. Materia in eo interdum videtur carnosæ, sed revera non est caro, verum adipi similis, ideoque ad steatoma refertur.

Signa.

Præfati tumores ex descriptionibus supra traditis facile patent; sunt enim tumores molles, vel non valde duri, magni, lati, & indolentes, vel saltem leviter dolent, peculiari tunica inclusi, & figuram habent prædictis animalibus assimilem, à quibus denominationem sumpserunt.

Causa.

Horum tumorum causam ad pituitam referunt vulgares, verum in talpa cum calvaria carietur, pituitam falsædinis participem, vel bilem habere admistam statuunt à qua mordax, & acris redditur, quæ falsedo, vel bilis in testudine non reperitur, ideoque nulla fit erosio; Verum sectarii chirurgi, gregarii que Medici in horum tumorum assignanda causa cespitant, testudinis enim & talpæ causa est assimilatrix error, quæ dum ultimum alimentum non bene regulat, efficit, ut illud degeneret, sibi locum adsciscat, & ex partis augmento elevatur, & quia sub cute stagnat, ne hinc inde vegetur, in peculiari tunica, vel nerveo folliculo à communi cute diverso clauditur unde isti tumores meliceridis, steatomatis, & atheromatosis naturam sapiunt, verum hic materiæ copia major est, & hinc etiam tumores majores sunt. Temporis processu illius alimenti sal exaltatur, & erodendi energiam nanciscitur, ac proinde cranium corrodit, ut in Talpa observamus, unde recens tumor testudo commode appellatur, inveteratus

tus verò ob realgarina falsia, quæ temporis diuturnitate cranium corrosere, talpa nominatur.

Prognosis.

Hi tumores periculosi sunt ob crani vicinitatem, verum testudo minus quam talpa negotium facecit, cum timorem incutiat, ne cranium corrodat, & præcipue circa futuras. Si magna adsit crani corrosio, præstat sinere talem humorem, quam curationem aggredi. Qui crani corrosione destituuntur, etsi facilius curantur, adhuc tamen diuturni sunt, & tardè, vel nunquam suppurantur, & nisi totus extrahatur folliculus, perfecta sanitas sperari non potest, cum si aliquid relinquatur, inde novus germinat tumor.

Curatio.

Tenuem, & exsiccantem victus rationem instituunt vulgares, & præmissis frictionibus, cucurbitulis, enematis, corpus purgant medicamentis pituitam educantibus, & bilem expurgantibus præcipue in forma pilulari, quæ ad succos in capite contentos educendos valde commendantur, nam diutius in ventriculo morantes, melius à capite, & extremis partibus evacuare possunt, quasi per magnetis vim, idèque cephalicæ, seu capitales appellantur; verum non propter formam, & majorem in ventriculo moram validius purgant, quàm aliæ medicamentorum formulæ; sed quia magis vitam laceccit, stimulatque virus laxativum validorum ingredientium, ex quibus ut plurimum constant pilulæ. Sed primum humores præparant tribus syrupis, ut

℞. Syr. de cort. citri, betonica, & lupulor. ana ℥. ℞. aqua betonica ℥. iij. m.

Postmodum corpus purgant, ut

℞. Pilul. cochiar., fœtid. & aggregat. ana ℥. j. cum cathartico ros. formentur pilulæ ix. & deurentur. Quod si perfecta non succedat purgatio, post nonnullas horas à pilulis prædictis, apozema exhibent, ut

℞. Syr. sueff. & ros. solut. ana ℥. ij. Aqua betonica, q. s. m.

Corpore expurgato, si ferofi humoris reliquæ redundare videantur, vel decocta, & syrupos propinant magistrales, & præsertim si ossis caries inducta fuerit, ut in talpa, quasi decocta, & syrupi magistrales cariem tollent.

Quibus peractis, si tumor fuerit minor, & sine ossis carie, ad digerentia, & discutientia confugiunt, talia sunt *cataplasmata ex absynthio, ruta, origano, & calamintha montana in vino decoctis, additis rore marino, stœcade, betonica, & rosis rubris incompletis* possunt fieri foci, & deindè ex oleo nardino, costino, & rutaceo cum pauca cera fiat linimentum: Sed ad hunc usum opportuna magis rentur emplastra, quæ tenaciter adherent, quàm cataplasmata, quæ faciliter dilabuntur, & in pueris magis, qui loco stare nesciunt, unde commendant *emplastrum de lapide Marchasitæ, & emplastrum de betonica*. Verum errant vulgares; hi enim tumores nunquam discutientibus, & digerentibus curantur, nec folliculum, qui nerveus est, hæc vanida medicamenta resolvere possunt: imò nullatenus his procedendum est, ne tenuioribus partibus resolutis, durecant magis molliores. Si tumor fuerit magnus, & succus tenax, mollientibus, & suppurantibus utuntur, commendant *emplastrum de mucilaginis, & Diachylon magnum cum gummatibus, &c.* Verum si hi tumores quibuscumque suppurantibus reluctentur, facta suppuratione, tumorem aperiunt, & regunt juxta vulgares pandectas.

At si subjectum os cariosum, vel corruptum fuerit, ut in talpa, tunc os læsum radunt, vel cauterizant.

Horum tumorum curatio chirurgia tantum perficienda est; præmissis igitur cathartico, primò contentam educimus materiam, quæ necessariò per apertionem fieri debet, quam ferro, vel sectico celebramus; verum ferrum exhorrent ægri, quia insalubre, & ab incisione crudum resultat vulnus, commodissimum propterea secticum judicamus, pluries à nobis descriptum ex mercurio meteorizato. Facta caustico apertione, contenta materia totaliter educenda est digitorum pressione.

Secundò folliculum extrahimus, qui nisi totaliter separetur, recidivam patitur tumor, verum quia tenaciter partibus circumambientibus adhæret, nec facilè extrahitur, & eam separationem scalpro celebrare horribile, & dolorosum est negotium, idcirco folliculum destruimus frustulis

fectici ex mercurio meteorizato, & id toties repetendum, donec funditus eximatur. Tandem ulcus emplastri fodicationum superpositione ad perfectam cicatricem perducitur. Si cranium corrosum sit, curatio instituenda est, ut latissimè *Tomo secundo cap. 21. De Ulcere cum ossis carie* dicimus.

CAPUT XXXI.

De Hordeolo.

A Capite ad oculos descendimus, & ab eo affectu exordimur, qui hordeolum dicitur. Oritur tam in pueris, quam consistentis ætatis hominibus, quandoque in superioris palpebræ margine prope pilos tuberculum quoddam oblongiusculum, acuminatum, duriusculum, ac rubicundum, calore, prurituque molestum, & magnitudine fere granum hordei æquans, ac proinde hordeolum nominatur, cujus adhuc aliam speciem faciunt authores albidiorum, quam *grandinem* appellant, at nostro iudicio unum & idem est, licet colorem subinde variet, nam & Vari idem faciunt, ac nonnunquam rubei sunt, interdum vero plane albicant: Judicamus ergo hordeolum nil aliud esse, quam palpebrarum Varum, consimili enim modo tandem suppuratur, ut Varus, & concretam puris particulam in se continet, quæ non nisi expressa egreditur ob spissitatem. *Est autem grando tuberculum durum, rotundum, & album, huc illuc mobile ex duriore materia, & quasi lapidescente genitum.*

Signa.

Ex dictis tumor iste satis cognoscitur; est namque tuberculum in superioris palpebræ margine, prope pilos, & magnitudine fere hordei granum æquat.

Causa.

Pro huius tuberculi causa statuunt vulgares humores pituitosos, qui à victu phlegmatico, & mucilaginoso cumulantur, uti sunt carnes suillæ, pingues, & aliæ adiposæ, caseus recens copiosè ingestus, poma cruda, aliique arborum fructus, lacticia, ac in primis cum farina pulvis cocta, crebro comesta, & similia. Verum genuina causa est succus alimentitius viscosus, qui extra palpebræ solidas fibras acidi ope agglutinat, & juxta partis texturam in hordeolum degenerat.

Prognosis.

Hordeolum nihil periculi infert, sed tantummodo aliqualem deformitatem, attamen quandoque per paucum temporis spatium oblongatur, & visui obest; Difficiliter in suppurationem abit, & cum suppuratur, expressumque per se consolidatur, reverti tamen solet, ei qui semel eo laboraverit.

Curatio.

Pro hordeoli sanatione vulgares corpus *Agarico*, vel aliis phlegmagogis evacuant, ac postmodum affectam inungunt partem *oleo amygdalarum dulcium, vel gallinæ adipe, aut cera candida* fricant. Aliqui affricandas esse *muscas*, abscisso, & abjecto capite, pro remedio efficacissimo habent. Quam remediis indiga sit vulgare medicina, ex hoc vanido conjectari licet, cum muscas in aere captare cogatur!

Si nec sponte, vel his medicamentis non suppuretur, scalpello hordeolum aperiunt, pus exprimunt, & *ovi luteum cum oleo rosaceo* imponunt. Nonnulli hordeolum cutare student per ligaturam ex serico filo, nam sensim per duos, aut tres dies singulo mane sericum constringendo filum, & sponte cadit, per se cicatrix inducitur, & agglutinatur. Verum perperam scalpello hordeolum incidendum jubet *Daniel Sennertus*; nam ferrum formidolosum est, & magna sanguinis effusio succedit, quæ quandoque levi punctione irritatur, & non ita facile cohiberi potest. Præterea hordeolum non habet basin angustam, quæ filo vinciri possit. Insuper iste curandi modus dolorificus est, & perpetim tumorem, & inflammationem accersit, quæ magnificienda est ratione partis, & tandem intermittitur curatio, vel promptissimè repullulare potest.

Hordeolum inter affectus cutaneos collocamus, ideoque

topicis tantum tollitur, unde in ejus curatione omni opera incumbendum est, ut succus ille spissus, & viscidus, inter fibras aggestus attenuetur, fluxilis reddatur, & per poros resolvatur, & exhalet. Huc faciunt ea medicamenta sale volatili imbuta, ut volatilitate sua hæc omnia peragant. Conveniunt itaque *spiritus vini tartarizatus, urina, lumbricorum, salis armoniaci, oleum ceræ, philosophorum, tartari p. d.* Vel *galbanum cum modico nitri subactum, vel sagapenum ex aceto tritum* imponimus, vel *emplastrum ex ammoniaco cum axungia viperina*. Nonnulli hordeum, & *chamomillam in aqua decoquant*, eoque decocto hordeolum foveant. Vel *hordei granum jejuno stomacho masticatum* sæpius applicant, at non hordeum, sed saliva sanat. Sic nos plura hordeola sub initio curavimus singulis matutinis horis ægri propria saliva inungendo; constat namque saliva plurimo sale volatili. Plebecula tria grana integri hordei accipere solet, & ea, averfa facie, trans caput tergum versus, in puteum precipitare, & sic hordeolum ei, qui ipse suis manibus hoc remedium adhibet, evanescit ob fortem apprehensionem, sive fixam ideam.

Quod si resolvi nequeat, ad emollientia, & suppurantia confugimus, & efficacissimum remedium est, *emplastri Apostolici frustulum*, quo illud brevi temporis intervallo emollitur, rumpitur, & exeunte materia alba spissa, citò ad sanitatem perducitur. Si suppurari non possit, quia in gypseam concrevit duritiem sectione aperiendum est, & contenta materia exprimitur.

Grando iisdem cutatur remediis, quæ pro hordeoli curatione attulimus.

CAPUT XXXII.

De Aegilope, Anchilope, & fistula lacrymalis.

ORiri solent inter majorem oculi angulum, & nasi radicem tumores illi, qui Græcè appellantur ægilops, & anchilops, à quibus fistula lacrymalis ortum ducere solet. Verum de horum tuberculorum natura non æquè inter authores constat; siquidem putant nonnulli, quod ante suam ruptionem anchilops, ruptum verò ægilops vocatur, unde se consequuntur hi affectus, nam anchilopem sequitur ægilops, ægilopem fistula lacrymalis. Verumenimverò hæc duo omnia majori cum distinctione ipsi attribueret meretur, cum duplicis sortis videatur, nam interdum nullius inflammationis particeps est. Sed ut nostram proferamus sententiam, dicimus duos esse tumores, cum duo sint nomina, duo enim tumorum genera major oculi angulus patitur, unum nonnunquam cum inflammatione prorumpit in tumusculum rubentem, minutoque furunculo similem, & dolorificum, in suppurationem abientem, & ægilops nominatur, & post sui ruptionem ulcusculum facientem, quod haud raro per sanationem non recipit, sed sinuosum præbet exitum, & per eum perennem supeditat affluxum, atque sic in fistulam degenerat, quæ ob perpetuam tenuis humiditatis exudationem lacrymalis appellatur; Alterum nonnunquam sine inflammatione, sed tumusculum saltem excitat referunt materia spissa, & viscida, pulsem, aut mel, aut sebum referente, cujusmodi sunt atheroma, steatoma, & meliceris, cui melioris differentie ergo perpetuo anchilops nomen competere potest. Et aliquando quidem tumor hic in superficie se ostendit, aliquando magis profundum obsidet, & nonnisi tactu, & compressionem percipitur. Tumor hic ruptus, & perperam curatus, in ulcus abit, quod vel simplex remanet, à quo pus coctum plerumque exsudat; vel serpens, & malignum evadit, à quo pus effluit crudum, quod etiam non raro sub inferiore palpebra, non extra distupto tuberculo, viam sibi parat, & per tuberculum ibi elevatum, exulceratumque aquosam, & purulentam effundit materiam, & in sinum, & oculi fistulam degenerat.

Signa.

Facile ægilops cognoscitur, quia est affectus inflammatorius, locus obscure, vel manifestò tumet, rubore in ambitu perfunditur, dolore affligitur, eoque lacinante, febris adest, quæ omnia arguentur, dum tumor suppuratur, fit abscessus cum ulcere, quod nisi caute tractetur, facile pus diutius retentum cuniculas subtus agit, subjectam exedit carnem, & sinum parat, per quem sanies intus collecta, aut sponte fluit, aut presso angulo extruditur, & tumor

mor nonnihil subfudet, donec nova regeneretur illuvies, quod paucis interduum accidit horis. Quandoque sinus ad os subiectum usque penetrat, illudque exedit, viamque in narem proximam aperit, è qua graveolens quid continenter effluit, ita ut ossis illius portionem cum pure crasso, & fœtido è nare prodisse *Platerius* viderit. Anchilops cognoscitur, quia non est affectus inflammatorius, sed concolor, & immobilis.

Cause.

Pro egilopis efficiendi causa accensant chirurgi sectarii sanguinem tenuem aut biliosum, quandoque pituitosum, aut melancholicum, qui è temporum, frontis, aut faciei venis motu naturæ critico, aut symptomatifico, ad illum oculi angulum accurrit, & tumorem excitat inflammatorium. In anchilope humore assignant pituitosum, lentum, & tenacem, melleum scilicet, pulraceum, & sebaceum, ut in meliceride, atheromate, & steatmate fieri solet. Causæ externæ sunt ictus, casus, contusio &c. Verùm vulgarium causas exposuimus c. 2. de inflammatione, & c. 7. de atheromate, steatmate, & meliceride.

Unde pro nostra sententia, & juxta nostra principia ægilopos fit ex sanguine in arteriis, vel venulis in majori oculi angulo concrecente, vel inde effuso, qui tuberculum excitat, & abscessum gignit. Anchilops fit ex succo nutritio in oculi angulo degenerato, in folliculo plerumque incluso, hinc tumor dolorè, & ferè suppuratione destituitur. Fistulæ lacrymalis causa est assiduus palpebræ motus, iste enim non permittit, ut continui solutio secedat, & impedit quoque ne facilis sit illius curatio.

Prognosis.

Ægilops difficulter curabilis est, ob vicinitatem nobilissimæ hujus partis, oculi nempe, nisi accuratè ei occurratur, nam si discurrentibus utimur medicamentis, quia calida, & acria sunt, inflammationem augent; si liquidis, facilè de his aliquid in oculum fluit. Tandem, quia citra obligationem medicamenta non adhærent, illa tamdiu perferre difficile est. Unde Medici ad ægilopes pauca scribere medicamenta. Difficile redditur malum, si tumor profundas occupet partes. Si tumoris ad interna fiat ruptio, pejus est, quia metuenda est subsectorum ossium corruptio. Quò profundius fuerit ulcus, eo difficillimam reddit curationem, & si ulcus fuerit cancrum, nulla curatio tentanda est, ne chirurgus famam suam macula inurat, quia incurabile est tale malum. Si malum fuerit recens, & citra ossis læsionem, non agrè curatur; si verò chronicum, & cum ossis læsione, difficillimè. Ægilops ad canceri naturam accedens curare perniciosum est, cum mors acceletetur.

Anchilops non tam medicamentis, quàm chirurgia opus est, & ratione partis difficillimæ est curationis.

Fistula lacrymalis recens, & quæ extrinsecum orificium habet manifestum, non agrè curatur, contra verò, agrè. Fistula lacrymalis plerumque malum chronicum est, tum propter perennem materiæ affluxum, tum quia decens ligatura ea parte commodè fieri nequit, tum tandem medicamenta debilia parùm proficiunt, fortia verò oculum ledunt.

Curatio.

Curatur à vulgaribus incipiens ægilops, ut incipiens inflammatio, tenui scilicet, & refrigerante victu cum abstinentia à vino, & calidis cibis. Crebrius utuntur cucurbitulis, frictionibus, enematibus, si opus est, ac etiam venæ sectione, & corporis purgatione, præsertim si biliosus fuerit sanguis. Fronti repellentia adhibent ex aqua rosacea, succo plantaginis, portulacæ, ovi albumine, & bolo armeno, aceto rosaceo &c. Tempore procedente discutientia addunt, ut *fœniculi succus*, aliquid *thuris*, *myrrhæ* &c. Si malum perseveret, sola discutientia adhibent, inter quæ *nux rancida*, tanquam multum discutiens à multis commendatur. Si tumor ad suppurationem tendat, juvetur emplastro *diachylonis*, vel fermento cum lacte muliebri, & croco. Si sponte non rumpatur, nec apertio differatur, ne pus subiectas erodat partes, & ulcus sinuosum, & fistulosum incurabile gignat. Dùm sectione aperitur, applicant fronti, & oculo spongiam aqua rosarum madidam, vel stuppam cum ovi albumine. Apertum tumorem molle rosaceo, vel oximel. simpl. vel unguento *Aegyptiaco* abstergunt. Nonnulli

Musitani Opera Tom. II.

virida es per se solum pro secreto habent, deinde sarcoticis utuntur unguentis.

Anchilopem cauterio, seu ignito instrumento aperiunt, defensiva fronti, & oculo applicant, nempe spongiam, vel stuppam posca madefactam, & materiam cum suo folliculo funditus eximunt, deinde melle rosaceo, vel unguento *Apostolorum misto* abstergunt, & tandem incarnantibus cicatrizant. Verùm hoc quod vulgares referunt, facilius est dictu, quam factu.

Si fistula jam sit genita, ejus orificium turunda ex spongia, aut radice gentiana, sive sambuci medulla parata dilatant, deinde saniem compressione expurgant & unguento *Aegyptiaco*, vel melle communi cum oleo rosaceo detergunt, & postremò carne implent, & cicatricem inducunt. Verùm si fistula callum in fundo contraxerit, quod durities ostendit, aut sit cum ossis erosione, quod deprehenditur, si immisso specillo asperitas quædam in osse, aut sonitus quidam pulso osse, periostio absumpto, animadvertatur, utrumque enim & fistulæ callus, & ossis erosio consolidationi reluctantur. Tunc actuali cauterio adurant, quinimò non tantum in his casibus, sed etiam ubi sæpius parti humorum fluxus fiant, & interiorum viscerum vitio excrementa suggeruntur, ustionem consulunt. Corpore itaque purgato, & idoneis instrumentis paratis, quorum oblonga, & obtusa sit forma appositæ ulceris circumferentiæ, & profunditati respondens, ut os nudatum aduratur. Caute procedunt, ne oculus lædatur, & vicinæ partes inflammantur, ac proinde lintheolis in aqua rosacea infusis, aut in ovi albumine, aut alio succo frigido, aut posca imbutis contreguntur, ne ignis caliditatem sentiant; locus autem ter, aut quater ignitis instrumentis uritur, deinde imponunt Lintheola ovi albumine, & aqua rosacea, aut posca optime simul consussis madida, & frequenter mutant, nec exsiccare permittunt, postea recenti butyro escharæ casum procurant, qua sublata, sarcoticis unguentis, vel pulveribus carne locum replent, & demum emplastris, vel siccis filamentis ulcus glutinant. Quod si æger actuale exhorreat cauterium, dilatato ulceris orificio per sectionem, vel per turundam, os desquamant, & super eo alumen roche ustum, vel vitriolum ustum applicant, quæ squamam de osse tollunt, & corruptam fistulæ carnem absumunt.

In ægilopis curatione nullatenus convenit medicamentum purgans, & phlebotomia juxta nostra principia, ut in superioribus jam diximus: Cæterum præpediendæ est suppuratio, quantum fieri potest, & ad hunc finem repellentis applicatione utimur, cujusmodi optimum est Saturni saccharum in aqua rosarum dissolutum, & intinctis panniculis huic inflammationi incipienti afforum, & ea omnia tam interna, quàm externa de inflammatione dicta. Post repellentia adhibenda sunt resolventia, quorum usui inservire potest celebre *Amati Lusitani ceratum* contra ægilopas, ut

℞. Aloes lotæ, thuris, myrrh. ana ℥. ℥. cerussa, sang. dracon., sarcocolla an. ℥. iij. test. cochl. pulv. ℥. ij. gum. opop. in acet. sol., lapid. hematic. ana ℥. j. ℥. croci ℥. ij. cera, resina ana ℥. iij. m. omnia ad ignem f. f. a. ceratum.

Verùm sequens potentius resolvit, & dissipat:

℞. Mastich., thuris masculi ana ℥. j. santal. rubr. ℥. ℥. croc. ℥. j. ℥. flor. chamæmeli, ros. rubr. ana m. j. fiat omnium pulvis subtilissimus probè mistus, cum

℞. Cera ℥. ℥. axung. cervi ℥. j. ol. camemel., bacc. juniperi ana ℥. ℥. f. f. a. emplastrum. Quod superinductum panno, & dietim bis superpositum ægilopem non tantum, sed quoscumque tumores, in primis verò circa pudenda extirpat, omnem sanguinem subcutaneum dissolvit, est singulare ad erysipelas, & quamvis inflammationem dissipat.

Verùm quia hujusmodi resolventia, quandoque ex neglecto opportuno tempore adhibita non fuere, & ægilops suppurari incipit, ideoque suppuratio acceleranda est maturativis, nempe emplastro nostro *Benedicto*, *fodicationum*, vel *Apostolico*. Nihil autem ferè tam cito maturat, & abscessus rumpit, ac capæ sub cineribus coctæ, contusæ, & cum portiuncula saponis nigri & pinguedinis lardi subactæ, & per modum cataplasmati superligatæ. Ruptum abscessum ter, vel quater in die balsamo proprietatis irrota cum filamentis, postmodum emplastro *Apostolico*, vel *fodicationum*, fove, & optimè sanatur, absque eo, quod in fistulam abeat.

Solet quandoque, imò ferè semper, fistula lacrymalis ægilopi non rectè curatæ succedere; verùm semper fistula lacry-

lacrymalis chirurgorum ignorantia fit, & postmodum fistulas salubres esse ægrotis suadent; si itaque fistula lacrymalis alterius errore inducta vobis occurrat, hoc modo curabitur: primò corpus à ptavibus humoribus *extracto catholico* purgabitur, deinde si recens sit, & callum non adeò durum contineat, *proprietas balsamo*, & *imposito emplastro Oppoteldoch*, intra paucos dies curatur. Si vero diuturna sit, & durum contraxerit callum, *butyro antimonii re-ctificato*, sed magna cum diligentia, vel *spiritu salis armoniaci* leniter illiniatur, excitat quidem nonnullum dolorem, sed brevi rursus cessat, consumpto callo, & mundificato ulcere, postmodum *emplastro Oppoteldoch* sanatur. Interim non desint *potiones vulnerariæ* quæ intrinsecè sanationem promovent.

Solet interdum fistulæ lacrymalis ichor os subjectum carie inficere, tunc felicissimè eodem *spiritu salis armoniaci*, vel *nostra euphorbii tinctura* ad lævorem reducit os, & supra dicto emplastro cicatrice obducitur.

In anchilope purgantia & sanguinis missiones omnino inutilia sunt, ejus quippe materia est extra naturæ jurisdictionem in folliculo deposita, idèdque per apertionem materiæeductio, & totalis folliculi extirpatio per mite secticum celebranda est, sed magna cum solertia, ac postmodum *proprietas balsamo*, & *emplastro Apostolico* imposito, exactissima completur curatio.

C A P U T XXXIII.

De Narium Sarcomate, & Polypo.

AB oculis ad narium affectus nunc descendimus, varii sunt narium tumores, scilicet erysipelas, cancer, verrucositas, inflammatio &c. verum hic tantum nos de narium Sarcomate, Polypo, ac gutta rosacea agimus.

Sicut ozena est narium ulcus, ita sarcoma, & polypus sunt excrecentiæ in naribus genitæ; idèdque sarcoma est quædam rudis carnis excrecentia, quæ certa figura caret, eodem ferè modo ac in aliis ulceribus quædam caro luxurians excrecere solet, ac propterea Græcè *hyper-sarcomis* nominatur. Polypus verò est quædam carnis excrecentia certam habens figuram, ex radiculis quibusdam exilibus pendens, nunc è naribus pendens, vel eas carne replens, vel quandoque in palatum descendens.

Ex similitudine nomen sortitus est; etenim polypo marino pisci forma, & quandoque callosa durities polypodis in naribus exorti simillima est. Appellatur à nonnullis *narium hæmorrhoides*, quia non dumtaxat hæmorrhoidibus in ano quadantenus assimiletur polypus, verum etiam profusionis sanguinolentæ proles fit, ut illæ in ano.

Differt à sarcomate polypus, quia sarcoma magis in imis narium partibus, quæ carnosiores sunt, subnasci solet; polypus verò in summis, ac superibus partibus ad nasi radicem adnasci solet, ubi quandoque ad palatum propender, & communis oris meatus obstruit, & post gargarionem facillè conspici potest; non rarò quoque si multum excrecat, extra nares pendulus prominet, modò mollis, modò albus, modò ruber, ac interdum lividus, in austrina constitutione maximè rutget, tempore aequilonis, & sicciore imminuitur, & flaccescit. Si læditur, mirum in modum sanguinem profundit. Tandem polypus angustum habet fundamentum, sarcoma latum: adhuc polypus habet carnem sui generis, & quo melius intelligas, ut polypus referat, tumor necesse est in pedes, aut cirros dividatur; ut sarcoma sit, satis est unam adesse, & globosam veræ partis protuberantiam.

Signa.

Horum affectuum signa in sensus nostros occurrunt, & manifesta sunt; carnea enim narium excrecentia in oculos occurrit. Polypus sæpè totam narium cavitatem opplet, penè extra eas prominet, & hinc ægi in respirando non levem percipiunt difficultatem: quandoque ab una in alteram narium partem, imò ad palatum proripit, hæmorrhagias quoque subinde patiuntur spontaneas largissimas; quæ sæpè nec internis sisti possunt remediis. Duo polypi interna narium foramina adimplentes, suffocationis periculum minantur.

Causa.

Sarcomatis, & polypi causas credunt vulgares esse humores lentos, viscidos, & pituitosos à cerebro in nares fluentes, cum aliqua sanguinis portione admistos, qui in earum ulceribus in carnes abeunt excrecentes.

Verum errant in horum affectuum assignanda causa, non enim humores viscidi, & pituitosi, vel sanguis ipse harum excrecentiarum possunt esse causæ, sed unicus succus alimentitius nimium viscidus, & impurus, qui ad partes narium ulceratas, aut ad fibrillas disruptas majori copia confluit, ibidem diutius detentus solidis fibris opponitur, easque extendit, agglutinatur mediante acido humorum coagulatore, & in luxuriantem carnem mutatur, quæ ob perennem succedentium particularum affluxum augetur, & neglectu non solum nares obstruit, verum etiam ad palatum propender.

Differt sarcoma à polypo, tanquam genus à specie, figura, & magnitudine: sunt itaque unum & idem, eandemque pro genesi causam agnoscunt, & iisdem curantur remediis, sed per hoc tantum discriminantur, quod affectus incipiens sarcoma vocatur, confirmatus vero polypus qui ægre curatur. Hinc loquelam, & respirationem impedit, præcipue si tenui pediculo suspensus in latum, & crassum se extendat, & speciem hanc polypi ventre amplo, rotundo, & oblongo referat, unde nares oppleat, verum etiam adoratus diminutiones, & abolitiones: perit enim adoratus, aut saltem imminuitur, impedito etiam narium meatu, ossisque ethmoidis foramine, & suffecto aliquo excremento.

Prognosis.

Sarcoma ut plurimum facile curatur, & polypus difficilem admittit curationem, attamen si fuerit mollis, albus, ruber, vel colore ex albo, & rubro præditus, curationem recipit; durus vero, fuscus, vel lividus, & præsertim fœtidus, fere curationem repudiat, quia cancro est affinis, & periculum est, ne in cancerum abeat, unde si cancrum induat naturam, fere incurabilis est. Polypus, qui oculis cernitur, & imæ, vel mediæ narium parti adhæret, facilius curatur; qui vero in narium penetralibus radicatur, & cerebro vicinior est, difficilem recipit curationem, quia ad eam partem vix remedia perungere possunt.

Curatio.

Utrumque affectum iisdem curant remediis vulgares, quæ ita dirigunt, ut caro illa p. n. tollatur; verum ante omnia causam auferunt antecedentem, sanguinem mittendo, humoremque pituitosum à capite in nares depulgentem purgando. Victus rationem attenuantem, & exsiccantem præscribunt. Revulsionis, & derivationis gratia non desunt cum scarificatione cucurbitulæ, vesicatoria, & cauteria. Interim caput apophlegmati smis purgant, & exsiccant, admoto cataplasmate ex cochleis, aut consimili. Fronti adhibent cataplasmata adstringentia ad fluxionem intercipiendam. Post hæc caput roborant saculo parato, ex *salvia*, *betonica*, *sampso*, *lavendula*, *stœcade*, *rosis rubris incompletis*, *melissa*, *nuce moschata*, *caryophyllis*, *cinnamomo*, *thure*, *maftiche*, &c. Nonnulli in hoc affectu guajaci decoctum cum victu exsiccante laudant.

Tandem carnis excrecentiam, si sub oculos venit, idoneis abscindunt ferramentis, & quod post sectionem remansit, medicamentis, escharoticis, vel candente ferro auferunt. Vel si tenui adhæret pediculo, circa radicem polypum ligant filo serico bene cerato, aut pilo caudæ equinæ, & intra septem, aut decem dierum spatium nutrimento destitutus excidit. Quod si in narium penetralibus radicetur natem scindunt, ut fieri solet in equis, & ita polypum abscindunt, & ferro, aut cauterio inurunt. Vel causticis absument medicamentis, quæ sub initio, dum affectus est recens, adstringentia, & exsiccantia mitiora esse debent prius quam ad vehementiora deveniant.

Primo itaque usurpant medicamentum compositum ex tribus generibus malorum granatorum à Galeno decantatum lib. 4. de comp. med. secloc. cap. 3. quod sic se habet: *Accipiantur tria mala granata ex tribus generibus eorum, acidis, dulcibus, & mediis, eaque matura, ac recentia*

ria terantur simul in mortario: Deinde succus exprimatur, & coquatur in linimenti formam, naribus infundatur, & faces expresse in pessulos conformentur, naribus frequenter indendos. Hoc remedii genus citra mordacitatem polypum absument, atramen longiori indiget tempore.

Huius arcani occasione à Galeno descripti, quidam chirurgus Galenista nobis in mentem venit, qui ægroto tumore in liene laboranti incumbibat, ei ut manè, & vespere tumorem olei amygdalarum dulcium balsamo per quatuor menses inungeret, imperavit, post quos iterum ad alios quatuor menses eidem inunctioni, ut persisteret, & iterum ad alios quatuor, & sic deinceps; tandem nullum juvamen lienosus percipiens ex amygdalarum dulcium oleo, devovens Galenistam animam, inunctioni vacare renuit, cui chirurgus inquit: si longissimo tempore inunctioni institisses, forsan tumor suppuratus fuisset.

Sed maior est vulgarium dolus, & ignavia, qui postquam aliquis infirmus in eorum incidit manus, post quinque, vel sex menses cum totali æris, & salutis jactura eum destituunt, & hoc receptum præscribunt:

℞. Tabellionem unum, testes numero vij. adde sacerdotem cum aqua, & oleo benedicto, & dispone domitua; quia &c.

Malum insanabile proclamant, quia pro suis viribus juxta Galenicæ artis Pandectas omnia possibilia applicuerunt medicamenta; sanguinem enim detraxerunt, purgans propinaverunt medicamentum, sedis venis hirudines imposuerunt, clysterum myriades injecerunt, syrupos magistrales, decocta per plures menses accepit æger, & tandem duo cauteria aperta fuere, & his infirmus non evasit, signum est morbum fuisse incurabilem. O terque quaterque miser, qui in vulgarium incidit potestatem! Sunt omnes morbi Dei flagella propter peccata, & isti medici divinæ ultionis executores, vescuntur peccatis populo- rum, ut Ecclesiast. c. 38. num 15. Qui delinquit in conspectu ejus, qui fecit eum, incidet in manus medici Ideoque ibid. num 9. fili in tua infirmitate, ne despicias te ipsum, sed ora Dominum, & ipse curabit te. Averte à delicto, & dirige manus tuas, & ab omni delicto, munda cor tuum.

Si polypus sit durus, mollientia præmittunt ex medulla vitulina, adipe anserino, cui temporis progressu aliquid bdellii, & ammoniaci admiscunt. Deinde ad hujus pulveris applicationem deveniunt, ut

℞. Pulv. ros. rubr. 3. ss. Malicorii 3. j. Lithargyr., Alum. ust. ana 3. ss. Aerug. gr. jv. m. Vel ad hunc usum emplastrum revocant, quæ sine dolore polypum absumere credunt, ut

℞. Empl. de mucilag. 3. ss. Pulv. sabina 3. ij. Malaxentur, & incorporentur simul. Ex hac massa efformant cereolos juxta magnitudinis, & in nares intrudunt.

Si hæc non sufficiant, quia malum pertinax est, ad validiora, & caustica confugiunt medicamenta ex Chalcantho, mysi, chalcitide, squama aris cum melle, unguento Aegyptiaco &c.

Verum ex his vulgarium medicamentis nihil frugi, ac certi sperari potest, licet per longissimum tempus adhibeantur, sed plus molestiæ, & noxæ, quam utilitatis. Nec adhærent ob humiditatem, nec persistere possunt, initia nihil prorsus auxiliantur, caustica verò interiores narium partes afficiunt, & inflant; undè ex his plus dedecoris, quam Laudis vulgares sibi comparare possunt. Quapropter mitiora usurpant, & lenitivam exercent curam. Morbum protrahere, non curare possunt: itaque falsa, & impostorio arte victum quæritant.

Sarcomatis, & polypi curatio institui debet aquilonio, & sicciore tempore, dum flaccescit, & ea exigir medicamenta, quæ succum alimentitium à visciditate, impuritate, & aciditate mundificant; eapropter, præmissis purgante mercuriali, ad sudorifica, diaphoretica, & absorbentia cum essentiis cephalicis alibi descripta, tum demum ad topica devenimus. Pro certissimo experimento commendant aliqui turundas radices gentianæ cum unguento sequenti illitas.

℞. Pingued. anseris q. pl. fol. malvæ, rad. alth. q. f. coque simul, deinde exprimantur per laciniam, & f. Ung. Vel

℞. Butyr. recent., pingued. capi, ol. olivar. q. omnium pl. Adde ceræ exiguum, Et f. ung. In alterutro horum unguentorum merc. præcipit. vel. Arcani corallini. Vel etiam merc. vitæ 3. ss. vel 3. j. m.

Hoc unguento parato inungatur turundæ ex radice gentianæ factæ, & naribus indantur, si cavitatem habuerint: si minus polypus propendens tantum inungatur aliquoties, idque fiat, donec totus absumptus fuerit.

Alii pro specifico extollunt Nasturtium hortense, & aquaticum, ut

Musitani Opera Tom. II.

℞. Nasturtium contusum, intrude illud affecto foramini, vel si non sit spatium, exterius superliga, vel co sacculum coriaceum imple, quem naribus appende, viginti quatuor horis elapsis, ligaturam remove, & polypum corrugatum invenies, quem scinde, non tamen ad carnem usque, ne magnam excitet hæmorrhagiam.

Intrude deinde contusum nasturtium in illud foramen, donec omnis luxurians caro abscedat. Si verò in oppleto foramine non detur spatium, tum expressum Nasturtii succum bis vel ter in die immitte, & perfectè curabitur, quod nos sæpissimè experti sumus: felici cum successu.

Solent quandoque ejus excrecentiæ esse callosæ, & remediis vel difficulter cedere, nos tamen sequenti multoties polypum curavimus:

℞. Merc. præcipit. 3. ss. Illi superpone sp. Vinard. 3. ij. Quem accende in totalem ejus conflagrationem, & hoc modo præcipitatus dulcis, si ve correctus efficitur, hunc unguento aureo commisce, polypo impone bis in die. Post ejus consumptionem unguento albo ex succis refrigerantibus cicatricem induces. Si ulceratus sit polypus proficius erit cinnabaris fumus, si bis in die per syphonem chartaceum in polypi nares recipiatur; hic enim fumus polypum consumit, postmodum per idem unguentum album ex succis inducenda est cicatrix.

Optimum pro sarcomate, & polypo remedium erit oleum viridis aris, quod ita paratur:

℞. Virid. aris part. j. nitri part. ij. pulveriscentur, & optimè misceantur, ponantur in tigillo, & carbone incenduntur, donec deflagrarint, quod remanet solvatur in cella p. d. Vel in vesica suilla diligenter clausa, & in aquam demersa. Sed præstat oleum sulphuris, vel vitrioli, attamen in applicatione summa solertia adhibenda est, ne nares lædantur.

Maximoperè præstat spiritus mercurii albus, nam si summa cautione sarcoma, vel polypus semel, atque iterum tangantur, felicissimè persanantur, qui ita paratur.

℞. Merc. meteoriz. pulv. part. j. argilla rubra part. ij. m. Et efforma cum aqua globulos in umbra exsicandos, destilla deinde ex retorta vitrea per arenam igne suppressionis (gradatim tamen) horis ij. adhibito, prodit elegans spiritus, quem serua. Si quid mercurii sublimetur, cum recenti argilla m. & procede, ut antea.

Præter remedia ad polypum descripta, unum præ omnibus infallibile adducemus, ad quod tanquam ad sacram anchoram recures, quo non frustrà curationem tentabis, hoc erit aqua salis armoniaci, quæ ita paratur:

℞. Tart. crud. pulv. 3. ij. Salis armoniaci pulv. 3. j. m. & in vase sublimatorio sal sublimabis, quod iterum cum eodem tartaro miscebis, & iterum sublimabis, hoc quater repete. Tunc sal sublimatum in humido loco repones; ibi enim resolvetur in aquam, quæ sine dolore, & absque recidiva polypum exterminat.

Verum efficacissimus omnium erit spiritus salis armoniaci, tali modo elicitus:

℞. Salis armoniaci q. u. m. cum argilla humida, Ac exinde fac globulos. Destilla f. a.

Sal armoniacus est ita summè volatilis, ut nullo modo destillari possit, præditus est enim mercuriali natura, abundat sulphure, quod facile sublimatur: attamen argilla per minima inter sales particulas interjecta sublimationem inhibet, & facilius ignis activitate cogitur in spiritum, quod omittentes plures spagyrici omnem laborem, & opetam frustrà perdiderunt, nam sal armoniacum cum sit summè volatile in salis volatilis forma in retortæ summitate, & collo sublimatum invenere, non autem attenuatum in forma spiritus intra receptaculum receperunt; Mediante destillatione effensificatur, majoremque nanciscitur perfectionem, dum ad summam essentiæ puritatem, & sublimitatem devenit, & sua subtilitate permeabilis evadit.

CAPUT XXXIV.

De Gutta Rosacea.

Solet quandoque nasus quadam p. n. rubedine infici, & gutta rosacea vocatur, si rubedo vehemens sit, gutta rabiosa appellatur, quæ integrum nasum, veluti tuberculatum, & panni scarlati instar, rubrum reddit. Hæc interdum rubedo est absque pustulis, vesicis, vel ulceribus; ac interdum cum ulcere, & hæc ultima differentia etiam Noli me tangere vocatur, quam nonnulli describunt, quod in facie,

præsertim supra mentum, circa os, & nasum oritur, atque ita dici putant, quia ex remediis etiam, quæ congrua videntur, irritetur potius, quam sedetur, ac sanas depascendo partes progreditur, ut hoc *Tomo cap. 9. de cancro diximus, & tomo 2. cap. 23. De ulcere cancroso, lupo, & noli me tangere.*

Signa.

Ex his, quæ supra attulimus guttæ rosaceæ signa satis clarè patent, & ex ipso visu etiam internoscitur.

Causa.

Assignant *Galenistæ* chirurgi pro guttæ rosaceæ causa sanguinem fervidum ob calidam hepatis intemperiem genitum, qui ad nasum delatus diffunditur, & erubescen-
tiam facit, quia nec remeare, nec discuti potest. Verum apud vulgares non est malum in toto corpore, quod non faciat hepar. Maledictum hepar, quod tot agasones fecit *Medicos*; Sed de his nãniis alibi. Putant *Galenici* ejusmodi erubescen-
tiam cuticulæ tantum exteriori adhærere, sed errant; nam interioribus carnis, & cutis partibus firmiter adhæreret, adeo ut quosdam insigniter deceperit, qui sibi persuaferant, si liquore aliquo caustico exteriorem absumerent cuticulam, aliam novam legitimè coloratam succretura, facta autem experientia, sui opinamenti vanitatemprehenderunt, & quodd rubedo illa in carne firmiter adhære-
at, nec medicamentis cedat.

Non negamus sanguinem esse guttæ rosaceæ causam, attamen sit secundum nostram sententiam ex sanguine nimis spirituofo ad nasi arteriolas capillares sub teneram cutis texturam delato, (ac proinde malum hoc potenter vinum potantibus obstringit) in quibus diutius stagnans, multis particulis salinis fixioribus maximè acidis refertur, nec ideo remeare, nec discuti potest, & quodammodo eas dilatat, turgidas, & protuberosas reddit ac per cuticulam suo colore translucet.

Prognosis.

Malum hoc delicatulis, & formositati admodum studentibus perquam intolerabile est, & difficulter curatur, cum medicaminibus non cedat, sed tantum curationem suscipiat palliativam, & præcipuè si nasus pustulosus, & exulceratus evadit, ac plerumque hominem ad mortem usque comitatur. Interdum in naso tubercula ista adeo incrementum sumunt, & nasus valde augetur, ut visionem impediat.

Curatio.

Non curant guttam rosaceam vulgares, nisi prius hepatis, & sanguinis vitium auferant, licet enim hujus mali causa continens discutiatur in naso, semper tamen inde nova subministratur materia, est veluti ventris crepitus, qui perpetuò nasum ferit. Itaque pro curatione sanguinem detrahunt, humorem biliosum, qui plerumque admiscetur, evacuant, cucurbitulas cum, & sine scarificatione sæpius scapulis affigunt, illasque affligunt, sed in primis hepatis, & sanguinis calidam intemperiem temperant *Syr. de fumar. mai., Cichor. Nic., sero lactis caprini, balneis aquæ dulcis, pulveribus viperarum &c.* Deinde ad topica accedunt, ubi nasus tantum rubet, refrigerantibus, ubi verò pustulis est inquinatus, discutientibus utuntur, quæ omnia sub forma aquarum, liquorum, linimenti, vel unguenti adhibent.

Pro guttæ rosaceæ curatione necesse est, ut sanguis in arteriolis stagnans fluxilis reddatur, & à particulis salinis fixioribus, & acidis purgetur: qua de re omnia conveniunt diaphoretica, & sudorifica pluries relata, & porosa, ut *oculorum cancrorum magisterium, corallia alba, crysall. mont. præp., lac perlarum &c.*

Quò ad topica sequentia commendamus, ut

℞. Fragorum ℥. j. lactis caprini ℥. ij. album. ovor. num. xx. sem. cydonior. ℥. ij. camphoræ ℥. ij. aluminis, sulph. ana ℥. ℥. m. destillentur. Vel

℞. Camph. ℥. j. affunde sensim in mortario agitando ol. amygdal. dulc. ℥. iij. (hac methodo fit butyrum camphoræ, sed mortarium debet calefieri,) Postea sensim affunde ol. tart. p. d. ℥. ij. vitell. ovor. num. ij. m. Hinc adde sacch. sa-

turni ℥. ℥. m. diligenter. Tandem sensim affunde aquæ flor. fabar., Liliorum albor., Fragorum sine vino ana ℥. ij. m. His misturis locus affectus bis, vel ter illinatur. Vel

℞. Ol. tart. j. sulph. ℥. ij. camphoræ ℥. ℥. cerussæ, Lithargyr. ana ℥. ℥. aquar. ros. q. s. Stent in vitro clauso ad solem. Vel
℞. Aq. spermat. ranar. ℥. ij. camph. ℥. j. ol. saturni p. d. ℥. j. m.

Verum maximopere ad guttam rosaceam valet sequens *Matthioli* experimentum, ut

℞. Camphoræ, sulph. viv. ana ℥. j. myrrha, thuris ana ℥. ℥. aquar. fragor., ros. albar. scrophular. ana ℥. v. Infolentur in vase vitreo optime clauso per decem dies, vel amplius, postea in M. B. destilla, qua pars affecta in die sæpius abluatur. Vel hoc aliud experimentum, ut

℞. Cerussæ albiss. ℥. iij. lithargyr. argenti ℥. j. camphoræ ℥. ij. aquar. nymph., solani, Fabar. ana ℥. iij. aceti alb. ℥. ij. Resideant horis sex, filtra, & serva qua gutta rosacea bis, & ter dietim madesiat:

Potiora autem guttæ rosaceæ remedia petuntur ab his, quæ naturam habent cutem humanam albificandi, tenuem, mollem, delicatam, & emaculatam reddendi, extrahendo nimirum ex ea id, quod ipsam obscurat, & opacat, cujusmodi sunt aqua stillatitia è floribus fabarum, ranunculo, stercore humano, & vaccino (hanc nonnulli appellant omnium florum,) sigillo *Salomonis &c.* quibus facies sæpius lavatur, & sponte reficari sinitur; sequens autem à *Paracelso* ad hanc intentionem in specie commendatur:

*℞. Album. x. ovor. ad duritiem coctor., calcis sive pulv. testar. ovor. ℥. vj. ex his commistis destilla aquam, urgendo in fine ignem, quò humiditas è testis omnis propellatur, egres-
sam aquam denuò relictis scæcibus superfunde, & secunda vice ab eis destilla, huic aqua retificata impone Fol. argen-
ti, cerussæ, cinerum stamni, pulverisque stamni ana ℥. ij. ac invicem per integrum mensem digere, crebrò materiam agitando, postmodum iterum destilla, & eo liquore affectam partem collue.*

C A P U T XXXV.

De Pustulis, & Morphæa.

Sicut gutta rosacea integrum occupat nasum, veluti tuberculatum, & instar panni scarlatti reddit rubrum, ita pustulæ, & morphæa faciem depravant, & venustatem tollunt; Sunt hi affectus consanguinei, & saltem gradibus inter se differunt; dum enim rubicunda phlogosis in facie apparet, in constanti rubore permanens, nihilque damni præter aliqualem deformitatem inferens, tunc ille affectus faciei rubor vocatur; si verò ea rubedo etiamnum exaltatur, plurimæque tubercula naso inspergit, gutta rosacea appellatur, de qua capite præcedenti egimus, in ea tamen non est exulceratio, sed tubercula sicca rubicunda excitantur, quæ veluti pustulæ carneæ sunt, neque exulcerantur, nec pruritus, vel dolorem inferunt: aut si rubor mutatur in colorem lividum, violaceum, fuscum, vel cinereum, ac tubercula in pustulas, & vesicæ abeunt, tunc dicitur *Morphæa*. Est igitur *Morphæa* affectus in faciei cute enascens, & non alibi, quod si forte alibi corporis aliquid simile pronasceretur, non esset tamen *morphæa*, sed potius lepra.

Signa.

Morphæa alium non infestat locum, quam faciem, neque ulterius serpit, sed in facie fixa manet, excitans ibi pustulas humidæ, pruritus, dolorem, & intumescen-
tiam, tantamque coloris scæditatem, ut ignorantibus lepra videatur, sed, ut dictum est, ea non est, neque in eam mutatur, vocem etiam non reddit raucam, ut lepra, ubicumque enim vocis raucedo, aliaque signa concurrunt, *morphæam* tunc non adesse certum est.

Causa.

Pro *morphææ* causa vulgares ad notas humoris melancholici, & atrabilatii recurrunt fabulas. Verum nostra sententia est, *morphæam* fieri à sanguine vappido ad faciei vascula delato, qui ibi stagnat ob muciditatem, & lentorem, nec remeat, nec resolvitur, à quo ichor refudat, ac per internam carnis substantiam se diffundit, & resolutione destitutus primò ruborem, deinde tubercula cum
cute

Cute fusca, livida, & sublivida, & tandem pustulas cum vesicis parit.

Ur autem unusquisque sciat, quid pro humore melancholico, & atrabilario intelligere deberent humoristæ, secundum nostram sententiam, & principia dicimus esse sanguinem naturæ frigidæ, scilicet paucos habentem spiritum, qui ipsum à corruptione præservent, & tueantur: non secus ac vinum austerum, & debile, quod ob spiritus ardentis paucitatem non diu conservatur, sed mucidum fit; dulce verò, & forte vinum semper spiritu ardente abundat, atque ab eo diutissime conservatur, ut quisque per distillationem observare poterit. Sicuti ergo vinum debile in superficie mucescit, cuticulam generat, ac fracedinem, ita etiam sanguis melancholicus, & atrabilarius naturæ frigidæ, & austere, ac ob paucitatem spirituum corruptionis maculam in superficie scilicet in cute contrahit, uti omnes melancholici colorem cutis fuscum, lividum & sublividum habent, atque in dicta cutis superficie facillimè mucorem quasi contrahunt. Hinc etiam ob spirituum paucitatem melancholici sunt tardi, timidi, mœsti, tardi ad iram, pulsus habent tardos, & parvos, venæ sectio ipsis nocet, & frigidis tentantur morbis.

Prognosis.

Morphæa in prima sua conceptione iisdem remediis, quibus gutta rosacea curatur, curari potest; tunc enim exteriori saltem hæret cuti, progressu autem temporis introrsum fermentat, ac reliquum sanguinem, & carnem sua inficit fracedine, ac ad corruptionem disponit, quæ postmodum exulceratur, & nigricantem producit pustulam, & partes exulceratæ tandem excidunt, certissimum est argumentum morbum jam esse confirmatum, & insanabilem actualemque incœpisse putredinem, quæ restaurationem non patitur, sed putrefactum manet putridum, ac ulterius putrefacit, tumque caput dolere incipit, ac febris cum interno calore generatur, quæ certum est venturæ mortis signum.

Curatio.

Curant vulgares morphæam evacuando humorem melancholicum *syr. de fumar. maj. Cichor. Nic., de fumar., helleborato*, deinde *balneis aquæ dulcis, & sero lactis caprini* utuntur: postmodum sanguinem emittunt ex venis hæmorrhoidalibus, & tandem in parte affecta refrigerantia adhibent, quæ an convenient, ex causis quisque examinare potest.

Curamus nos morphæam, dum confirmata non fuerit, sed in principio existens: præmissis igitur universalibus, nimirum purgatione, quæ blanda esse debet, & sanguinis mundificatione, sanguinem egregiè purgat arcanum perlarum, vel sequens pulvis specificè sanguinem purgans usurpetur:

℞. Radic. scrophulariæ, Pentaphyll. Filipendulæ ana ℥. ij. Herbar. agrimonie. Pilosellæ ana m. ℥. Omnia excidentur in umbra f. pulvis subtiliss. cui adde sacch. albiss. ℥. iij. m. cujus dosis ℥. ℥. omni mane cum vino assumatur. Vocentur in crebriorem usum ea, quæ spiritu sanguineo turgent, cujusmodi sunt *herbæ Joviales, nimirum scabiosa flore purpureo nodofo, anagallis flore rubro, alyssum, geleopsis, eryngium, & scrophularia*, Cujus radix tuberosa signaturam dat, (quod contra omnes affectus tuberosos inserviat) quæ continuato usu interius usurpentur. Multum commendamus *spiritum cochlearis, & spiritum vitrioli Martis*. Item *genuinam coralliorum tincturam, antimonii tincturam, jura viperarum consumpta*.

In faciei pustulis interius eadem valent, sed extrinsecus nihil præstantius est *menstruo* (virginis, vel aliàs juvenculæ boni habitus) *in aqua calida soluto*, quo si per dies aliquot sub vesperam eundo cubitum, facies tota lavetur, & sponte exsiccetur, pustulæ cadunt, succrescente nova cuticula, & rubor perit.

In iisdem pustulis, & morphæa totius faciei radicibus extirpandis mirificè valet *oleum busonum* alibi à nobis descriptum, propter signaturam macularum in busonibus. Hoc oleo faciem aliquoties illine, sed singulis diebus semel, post aliquot dies cadunt pustulæ, & morphæa à fundamento prorsus extirpatur. Omnium medicaminum præstantissimum est hoc oleum, idèque cæteris nihil proficientibus, ad id confugiendum est.

C A P U T XXXVI.

De Varis.

Sunt quædam exigua, & duriuscula tubercula, Vari Latinè, Græcè jonthi dicta, & vulgò signa, Veneræ credita, quod indicent hominem Veneris sacris idoneum, sed abstinentem. Hæc faciei sunt dehonestamenta, eamque conspurcant, quia in facie circa nasum pronascuntur, modo rubicunda, nunc perlæ instar candicantia, magnitudine seminis cannabini, atque etiam minori, rubea, interdum doloris aliquantillum inferunt, & in maturacionem abeunt, ubi expressa nonnihil puris cum sanguine misti ex se projiciunt, ita ut quasi cum impetu prorumpat; albicantia merum albidum continent pus, atque ungue lacerata facillimè emittunt; quædam autem exsiccantur, & planè indolentia evadunt, si tamen cuspidè aciculæ expungantur, expressione induratum reddunt pus, magnitudine capitis aciculæ, & nullum ante, vel post expressionem concitant dolorem.

Signa.

Tubercula hæc notissima sunt, vulgò hic *setole* vocantur, & ipso aspectu, nec non tactu cognoscuntur, sunt dura, & callosa pro magnitudine succi peccantis sub cute collecti, nunc albicantia.

Causa.

Putant vulgares Varos à pituita excrementitia provenire, cui non rarò humorem atrabilarium admisceri. Verum vera varorum causa sunt particulæ quædam pinguioribus spiritibus referræ cum succo alimentitio ad faciei partes delatæ, & ab acido ibidem præcipitatæ, & coagulatæ, ac ad nutritionem ineptæ, quæ cum nec subigi, nec dissolvi possint ob crassitiem, fibras extendunt, & tubercula pariunt. Hinc alimenta pingua, potus fortis & calidus varorum causa esse possunt. Similiter calor aeris ambientis, magis enim æstate, quàm hyeme generantur, quinimodò plerique juniores masculi eorum materia scatent, quamvis non omnibus erumpant; majori enim parte sparsim ea materia versus cutis poros movetur, atque fere in omnibus poris particula quædam ejus inhæret, & exprimi potest, ubi compressione quamplurima exigua frustula, quasi spissæ pinguedinis exeunt, phlegmaticis autem ea materia in peculiaria tubercula colligitur, idque non solum in hominibus, sed etiam in quibusdam porcis, quorum caro non est apta edendo, cum eam comedentibus lepram parare possit; si tamen hujusmodi porcis ante eorum mactationem antimonii crudi pulverisati non nihil in eorum pabulo devorandum detur, tunc Varorum materia ita dispergitur, ut post mactationem nulli inveniantur Vari, sed potiùs mera suavissima deprehendatur caro.

Prognosis.

Vari nihil periculi inferunt, sed solum aliquo modo faciei venustatem deturpant, ideoque in mulierum gratiam, quæ venustati student, ut viris placeant, horum tumorum proponenda est curatio, attamen in hominibus hos tumores curare velle pro ineptiis cum *Celso* putamus; Si frigidioribus topicis eorum copiosam eruptionem quis impedire studeat, conatus iste periculo non vacabit; pinguis enim hæc impuritas intra corpus retrocedere cogitur, & perniciosam intus alicubi collectionem facillè excitare potest. Si varis humor excrementitius admisceatur, tubercula ichorem fundunt, & suppurata in ulcera transeunt. Si rubor sit intensus in facie cum pustulis, malum curatu difficile est, & licet pustulæ fortibus removeantur medicamentis, rubor tamen perseverat, & magis intenditur. Quando rubedo conjuncta est cum faciei inflatione, & vocis raucedine, tunc lepram imminere putamus.

Curatio.

Curationem complent vulgares per phlegmaticam purgationem, venæ sectionem, cucurbitularum, aut hirudinum applicationem, quibus hepar refrigerant; putant enim hoc

hoc plus iusto calidum varos generare, postmodum topica applicant, quæ describere omittimus, quia frigida usurpant contra eorum indicationem, & varorum materiam intra corpus retrocedere sinunt, & aliquam periculosam excitant collectionem.

Varorum curatio, licet nullum censum quotidianum Medicis suppeditet & chirurgis, attamen referendi sunt pori, ut particulae pinguiore, & concretæ ejiciantur, sit tam per interna, quam per externa, & breviter his expertis medicamentis perficitur. Optimum remedium est *antimonium diaphoreticum*, si per plures noctes eundo cubitum ante cenam cum aqua cardui sancti, vel stellati capiat. Quoad topica in Varis nil præstantius est oleo granorum lauri sæpius illito. Item spiritus vini camphoratus, similiter aqua florum omnium vel florum sambuci spiritu vini vigorata. Si singulis diebus semel per aliquot dies facies lavetur tota, & sponte exsicceatur.

C A P U T XXXVII.

De Epulide, & Parulide.

A Facie os ingredimur, & eos recensemus tumores, qui intra ejus ambitum excitari solent, & primo.

Solet quandoque super gingivas adeo turgere, & in tumorem elevari quædam carnis excrecentia, ut ferè dentes obtegat, & affectus iste Epulis, seu superdentium incarnatio vocatur, si verò ea turgentia sit exiguus tumor inflammatorius, & in suppurationem abeat, Parulis dicitur.

Signa.

Epulis per se visui patet, nam est quædam carnis intumescencia laxa, & spongiosa, nec suppurationem admittit; Parulis verò abscessus, quia ad suppurationem tendit.

Causa.

Putant vulgares epulidem fieri à victu nimis sanguificante, ex quo sanguis affluit ad ea loca, ubi apertio est, ut ea carne impleantur, quamvis autem in ejusmodi gingivis nulla sit apertio, valde tamen raræ, & spongiosæ sunt, ita ut omnino tactu sanguinem fundant, itaque facile in spongiositatis poros cruor influit, carnemque augmentat, & extendit. Parulis fit à sanguine tenui, sive puro, sive cum aliis humoribus misto, qui è capitis vasis in gingivas defluit, & inflammationem parit.

Verum secundum nostra principia epulidis causa est ubertius nutrimentum, quod in gingivas fluit, quarum textura cum sit laxa, & cute crassa non tegatur, facile coagmentatur, & in carnem degenerat excrecentiam, quæ vesiculæ formam repræsentat.

Parulis causa est obstructio in porulis, & meatibus, per quos sanguis ob circulationis necessitatem ab arteriis in venulas transit; sanguis enim impeditur concrevit, & ob stagnationem diuturnam, partibus volatilibus resolutis, acidæ, & salinæ dominium sibi arripiunt, & has partes extendunt, inflammant, dolorem, ruborem, pulsum, calorem, & tumorem suscitant.

Prognosis.

Epulidis intumescencia non est vilipendenda, nam quandoque ita luxuriat, flaccida, & sordida evadit, ut sanguinem fundat, corrumpatur, putrescat, & tandem anhelitum generet foetentissimum, unde sæpè scorbaticam inducit affectionem, & in ulcera cacoethica, cancrum, vel fistulas degenerat, interdum gangræna gingivas corripit. Parulis aliquando naturæ vi, & artis auxilio resolvitur, aliquando verò in suppurationem abit, cujus ulcus si non, vel malè curetur, facile prominentem producit carunculam, & alia symptomata supra enarrata.

Curatio.

Epulidem curant vulgares filo constringentes in dies donec per nutrimenti privationem decidat, vel ferro abscindunt; Parulidem verò suppurant, & scalpello aperiunt.

Si in epulide carnis luxuries sit levis, laxa, & sine putredine, ejus curatio in nutrimenti degenerati educatione, & in carnis excrecentiæ gingivarum absorptione consistit,

quod mirabiliter præstat aqua peti; vel reprimentium, & adstringentium usus, & oris collutio cum aqua aluminosa, vel decocto balast., cortic. mori., radic. bistortæ; attamen cum magna sit, optima est sectio per forficem, qua secta, adhiberi debet gargarisma ex myrrha, sale, & aloë.

Si putrescit, & foetentem spirat odorem, præstat pulvis sabina, & aluminis usti aspersio, vel sequens pulvis:

℞. Salis decrepitati ℥. ij. Alum. usti, & Salis armoniaci ana ℥. j. ℞. m. quibus putridæ gingivæ ad sanguinolentiam usque confricetur, deinde os colluatur decocto folior. aquilegiæ, cochleariæ, nasturtii aquatici, addendo parum myrrhæ, & aluminis usti cum sufficiente quantitate mellis rosati simplicis. Vel sæpius tangantur infusione lapidis medicamentosi, vel aqua viridi, vel tandem oleo sulphuris, aut vitrioli, aut salis balsamo diluto.

Si parulis conjunctam non habeat inflammationem, maximè commendatur gargarisma ex prunella, foliis salvia, & nasturtii aquatici. Si inflammatio conjuncta sit, præstat gargarisma ex aqua peti destillata, in qua dissolutus sit lapis prunellæ. Vel ex aqua spermatidis Ranarum, vel sedi majoris, sonchi cum rob. fragorum, & sale prunellæ; extrinsecus verò applicetur cataplasma ex medulla panis tritici cum lacte cocta.

Si ad suppurationem vergat, acceleretur, gingivas inungendo butyro recenti, aut gallina adipe, vel os colluendo decocto fol. malv., alth., hyoscyami in aqua hordei. Si sponte non aperiatur, ne subjectas corrumpat partes, quàm citius fieri potest, scalpello celebretur apertio. Postmodum adhibeatur gargarisma ex aqua hordei, & melle rosato simplici, aut hydromelite. Deinde optimè regatur, ne in ulcus diuturnum, vel fistulam, cancrum, vel gangrænam abeat; quod si in cancrum migret, malum est immedicabile, si verò in gangrænam, malum est deploratum, & ocysimè ad interitum properat.

C A P U T XXXVIII.

De Ranula.

Ranula, quæ *Batrachos* græcis, & *Ranula* latinis nuncupatur, est tumor, qui sub lingua, in ea parte, qua illa vinculo alligatur, adnasci solet, in quo venæ nigricantes intumescunt, & lividum constituunt tumorem ad ranæ coloris similitudinem. Rimam in medio continet, quæ dextram à sinistra dirimit partem, & in posteriore ranam mentitur; unde affectus ranulæ nomen sortitus est. Interdum glandulæ non absimilis, modo sanguineus, modò verò phlegmaticus est tumor, imparemque sortitus est magnitudinem; in aliquibus enim fabæ, in aliis castanæ, vel ovi columbini magnitudinem æmuletur, unde ranula affecti loquelæ difficultatem patiuntur, & non nisi Ranarum instar coaxando enuntiare possunt: Hinc nonnulli Ranulæ huic affectui nomen impositum fuisse existimarunt. Est tumor tactui cedens, qui ad œdematis, vel meliceridis mollis, & laxi naturam accedit, continetque in folliculo quandam materiam ovi albumini, aut melli per similem. Quandoque tumor est durus, febremque habet adjunctam.

Signa.

Hujus affectus signa non sunt cognitu difficilia ex supradictis: sub lingua enim quidam tumor latus, & mollis elevatur, & ab utraque ligamenti parte spherica conspicitur prominentia, quæ ciceris, vel fabæ, vel castanæ; aut ovi minoris columbini magnitudinem æquat.

Causa.

Pro ranulæ causa vulgares pituitam, seu lentum assignant humorem, è capite fluentem, qui sub lingua sedem figit, quia laxa, & spongiosa est ejus caro, ad fluxionem recipiendam magis idonea. Vel sanguinem statuunt crassum in venis sub lingua coacervatum. Verum has aniles fabellas quamplurimis locis explodimus.

Ranula fit ex errore facultatis assimilatricis ultimi alimenti, dum id, quod parti assimilare deberet non solum non assimilar, quia non regit, verum in hoc aliquid homogeneum, lentum, & mucosum ovi albumini, vel melli per simile transmutat, (ut ex apertione liquet,) quod sibi locum

locum aptando, partis situm vitiat, & ob sui lentorem, neque intemperiem, neque dolorem inducere solet, ideoque rarissime est affectus inflammatorius.

Prognosis.

Affectus hic ut plurimum periculo vacat, & frequenter pueros infestat, quia in his ea pars est laxior, adultis vero rarius contingit, quia durior; attamen in pueris acceleranda est ejus curatio: suffocationis enim periculum imminet propter viciniam, quam cum pulmone habet per laryngem, & asperam arteriam, quia facile potest occludi, & tum mors præ foribus maneret. Adultis, si dolor, & febris adsit, vitæ discrimen minatur, quia quandoque in anginam degenerare potest. Ranula nigra, vel fusca, & dura ad canceri naturam accedit, ob acidum furiosius ibidem dominans, attingi non debet.

Curatio.

Vulgares ad causam antecedentem auferendam pro hujus affectus curatione, corpus purgant, phlebotomiam celebrant, & postmodum discutientibus utuntur medicamentis, ut

℞. Cortic. granat. hyssopi sicci, & salis com. ana ℥. ij. f. pulvis sub lingua iteratò detinendus, Aut

℞. Piperis, Zingib. ana ℥. j. salis gemmæ, Communis ana ℥. ij. Origani, Calaminth. Rad. ireos, hermodactyl. an. ℥. ss. mastich. ℥. j. m. f. pulvis, quo ranula frequenter fricetur, cum quoque sub lingua detinendo, Vel oris lavamentum commendant, ut

℞. Balauſt. ℥. j. ss. aluminis ℥. ss. mell. ros. ℥. ss. aqua plantag. ℔. ss. bulliant aliquantulum.

Aut ferro ranulam incidunt, sed metus est hæmorrhagiæ. Si ranula sit inveterata, ad decocta sudorifica deveniunt.

Decipiuntur vulgares in Ranulæ curatione, nam purgantia medicamenta, sanguinis evacuationes, prout & decocta sudorifica sunt omninò inutilia, quia ejus materia extra naturæ jurisdictionem in folliculo deposita continetur, similiter decipiuntur, si credunt per discutientia, licet efficacissima curationem perficere posse, quia his non cedit, etenim in hujus materia spississimæ sunt partes, quæ postquam subtiliores vi medicaminum evanuerunt, pertinentes sunt.

Curat hunc affectum materiæ, & folliculi extractio, quæ per apertionem fieri necesse est, sed non ferro celebranda est, quia ferrum horribile est, & insalubre, nam partes folliculo circumpositæ, sanæ, & integræ sunt, ac proinde ab incisione crudum emergit vulnus. Pro Ranulæ apertione appropriatum est sulphuris, vel vitrioli oleum, attamen pro pueris dilutum convenit, aliter pro adultis; nam paulatim sanam lacessit partem, fermentum vicinis partibus impressum exterminat, ac folliculum dissipat. Apertione inclusus humor est educendus, ut penitus abscedat, quo extracto, adhuc magna superest difficultas pro folliculo extrahendo: etenim ille circumjacentibus partibus tenaciter adhæret, nec facile separatur, & dolorosa esset per scalprum ea separatio. Interim nisi separaretur, impromptu est recidiva, quia tunica illa efficit, ut iterum adjacentium partium nutrimentum degeneret: Itaque folliculo supra dicto oleo destrues, & sic recidivam vitabis. Deinde os colluatur per aliquot dies aqua hordei, in qua dissolutum fuerit mel rosatum cum Diamor. & tandem ad cicatricem inducendam frequenter os colluendum est vino nigro, in quo aloë, & myrrha dissoluta sit.

Quidam Ranam vivam nuchæ applicant, sed non semper respondet effectus. Nostrates mulierculæ ad anulæ præcautionem Ranunculam ex argento efformatam infantibus de collo suspensam gestandam curant, sed hæc præcautio superstitiosa videtur.

C A P U T XXXIX.

De Linguae Tumore.

NON uno, sed variis tumorum generibus lingua laborat, interdum supra modum incrementum sumit, ita Gal. de diff. morb. cap. 9. scribit se vidisse cujusdam linguam supra modum absque ullo doloris sensu excrevisse, ut neque cedema, neque scirrhus, neque inflammatio esse videretur. Neque enim prementi digito cedebat, neque omninò

sensu carebat, neque dolore infestabatur, sed hoc ipsum incrementum dumtaxat erat nihil ipsa substantiæ particula vitata. Verum hoc accidit ob copiam utilis alimenti in ejus substantiam conversi. Nonnunquam ex magna alimenti degenerati copia ita intumescit lingua, ut vix in ore contineri possit, ut Forestus observavit lib. 14. observat. 18. Quandoque in linguae superficie hinc inde verrucarum instar tumusculi scirrhusi oriuntur, alii tamen sunt molliores, & albi, & aliorum colorum alii, quia à lue Venerea ortum habent. Interdum est cedema, vel Cancer. Quandoque à lue Venerea, & ab hydrargyri inunctione ita intumescit, ut ex ore emineat. Nonnunquam ex materia venenata, ut fungorum venenatorum esu, Nappelli, aconiti, vel alterius rei venenatæ, vel bestiae venenatæ morfu linguae tumor excitatur, ut in quodam milite Hispano ex viperæ morfu observavimus. Tandem ex inflammatione intumescit lingua: & quandoque inflammatio in abscessum degenerat.

Signa.

Linguae tumor visui patet; si verò si ex alimenti copia, lingua sensim incrementum sumit æqualiter secundum omnes partes, & dolor, ac vitiosorum humorum signa absunt. Si fiat ex alimenti degenerati colluvie, cachexiæ signa, & dolor plerumque adest, & ferè magis in una parte, quam in alia apparet. Si tumusculi verrucarum instar sint, in superficie apparent, suntque molliores, albi, & aliorum colorum. Si ex lue Venerea sit tumor, ejus notæ etiam alibi in corpore apparent. Si ex veneno, aut re venenata sumpta, id ex ægri relatione patebit, & alia etiam veneni signa aderunt. Si demum ex inflammatione, adest faciei, & linguae robur, corporis habitus est calidior, dolor manifestus, & febris percipitur.

Cause.

Horum tumorum causæ variæ sunt juxta tumoris qualitatem, de quibus suo loco egimus.

Prognosis.

Linguae tumor perniciosus est, nec despiciendus; lingua enim suo motu sermoni, & cibi, potusque deglutioni inservit, qui in linguae tumore suffocationis periculum imminet. Si linguae tumor sit durus, lividus, & ad canceri naturam accedens, insanabilis est.

Curatio.

Credunt vulgares linguae tumorem per fluxionem fieri; ideoque eam evacuant, repellunt, & quæ fluit, discutunt, vel suppurant. Si sanguis abundat, venam cephalicam in brachio aperiunt, & cucurbitulas cervici apponunt. Postmodum venæ sectionem sub lingua instituunt. Si humor fuerit biliosus, vel pituitosus, convenienti utuntur pharmaco.

Præmissis universalibus, & revulsivis, ac diversivis adhibitis, in tumore à sanguine ortum ducente, repellentibus in principio utuntur medicamentis, ut succo citri, limonum, ribium, granatorum, acetosæ, lactucæ &c. Inquiunt enim hos succos sua frigiditate, & aciditatis ratione humiditatem cum saliva educere. Verum repellentia non tantum magnum inferunt damnum, sed malum iis augeatur: nullo igitur modo adhibenda sunt ob infelices successus, quia humor percussus ad internas, principes, & nobiliores temeat partes, & majora damna inferre potest. Præterea repellentia frigida, & humida sunt, quæ de re potius adstringunt, quam repellunt. In augmento Diamorum addunt, & in declinatione acetum admiscunt scilliticum.

In materia venenosa ad alexipharmaca confugiunt, & os colluunt decocto plantaginis, scabiosæ, syrupo rosato.

Si linguae tumor sit inflammatorius, primo cephalicam tundunt venam, deinde sublingualem, & cucurbitulas usurpant. Ut abscessus rumpatur, utuntur decocto hordei, lactucæ, addito Syr. de jujubis. Quandoque ficum per medium scissam continuò linguae tumori gestare imponunt, ajunt enim ficus suppurationem promovere. Tumorem scalpello aperiunt, nisi sponte rumpatur. Excreto pure, abscessum apertum eluunt decocto plantaginis, cicer. rubr. & agrimon., addito melle rosaceo, abstersum ulcus consolidant.

sensu

Si lingua ex nimia alimenti copia incrementum sumat , decenti diæta absolvitur .

Si ex alimenti degenerati colluvie linguæ tumor ortum ducat , nullum majus remedium inveniri potest , quam medicamentum purgans , hujusmodi erit *extractum catholicum* , cuius rei experimentum habemus apud *Gal. lib. 14. m. m. cap. 8. Sane linguam ita tumefactam cuidam vidimus , ut in ore contineri non posset . Erat sexagenarius jam , hora-que ferè decima erat , cum ad eum primum accessi , & vidi . Ac visus mihi est usitatis mihi pilulis , quæ ex aloe , scammonio , & colocythide constant , vespere datis purgantibus : Cæterum ea nocte evidentissimum , per quietem in somnium nostrum homini consilium , materiam ipsam medicamenti definivit .*

Linguæ tumor ex lue Venerea si sit , ejus curatio ad eundem morbum dirigenda est .

Si in lingua carcinoma sit , ulcus nimirum durum , atrum , callosum , & melancholicum , malum incurabile est , si irritatur , venas erodit , sanguinem profundit , ac per totam linguam ad ejus radicem usque serpit , & mortem infert , pro more enim canceri vulgaribus non auscultat remediis , nisi nostra , & selectiora *cap. 9. de cancro , & Tom. 2. cap. 23. De ulcere canceroso* assumantur .

Si in linguæ superficie tumusculi verrucarum instar infestent , eorum curatio *cap. 27. De Verrucis* petenda est , sed selectiora , & mitiora ratione patris desumuntur medicamenta .

Si ex materia venenata assumpta , vel bestię venenatæ morfu linguæ tumor exciteretur , in hujusmodi malo tumor non est magni momenti , sed id quod urget , est Venenum , quod illico extinguendum est , quo extincto , facilis est linguæ ad naturalem statum reductio . Vitanda sunt phlebotomia , & purgantia : nam ipso veneno sunt nocentiora , quia ipsum ad corporis centrum trahunt , & intus retinent . Si igitur venenum assumptum fuerit , omni diligentia , & nulla postposita mora , nam periculum est in mora , illicò è corpore eliminetur emeticis , quæ leniora sint , & una lentorem habeant , ut salia corrosiva , & sulphura inflammabilia infringant , & gas illud suffocativum disperdant . Non desint clysteres pingues , & mucilaginosi , si in intestina aliqua veneni portio descenderit . Interim venenum statim foras eliminetur , ne ad interiora serpat , & si in venas , vel arterias se intruset , alexipharmacis exturbetur , hujusmodi sunt *Theriaca , Mithridatium , elect. de bacc. junip. , c. c. , terra sigillata , bolus armenus , unicornu , & cætera* vulgaria .

Si à bestię venenatæ morfu pendeat linguæ tumor , exhibeantur alexipharmaca supra enumerata , sed præ cæteris *Theriaca , orvietanum , Mithridatium , aqua theriacalis ex spiritu vini , tinctura bacc. junip. & interim* demorsus gargarismata adhibeat , quæ vim aciditatis infringendæ habent , ut sunt *alkalia omnia in succo rutæ caprarie , in decocto tormentillæ , scordii , scorsonerie &c.* Item *vini spiritus cum sale viperarum* , & pro pauperibus , aqua in qua sal dissolutum fuerit , gargarizetur . Verum de vulneribus ex venenato morfu inflictis , ut viperæ , aspidis , scorpionis &c. agimus *Tom. 3. cap. 29. & similiter in nostra Trutina Medica lib. 4. cap. 17.*

Si lingua inflammatione tēteretur , os gargarizandum decocto aliquo discutiente in principio , *ex hyssop. , betonic. , origan. , calaminth. , melilot. , sem. lini , sænugræci , & syr. de moris , vel diamoro* , Quod si tumor non resolvatur , sed in suppurationem vergat , ad emollientia , & suppurantia devenimus , ex quibus gargarismos , & collutiones concinnamus *ex decocto radic. lilior. albor. , fol. alth. , passular. furfur. , sic. ping. , sem. cydonior. in aqua hordei facto* , quibus *sapam* addimus . Quod si abscessus his remediis sponte non rumpatur , aperiendus est scalpello , excreto pure , ulcus abstergetur collutione *cum hydromelite , & aqua saccharata* , & tandem consolidetur sequenti gargarismo :

2℥. Aq. hord. ℥. ij. Mell. ros. simpl. 3. iv. Radic. alth. 3. ij. Bull. ad tertiæ partis casum , & coletur .

C A P U T XL.

De Tonsillarum tumore , & inflammatione .

DUæ carunculæ exiguæ , & naturales in oris termino , utrinque circa linguæ radicem paulò suprâ laryngem , videlicet ad uvulæ latera in omnibus positæ sunt , duorum nucleorum amygdalinorum instar , ac proinde

vulgò à figura amygdalæ , Latine tonsillæ , & glandulæ vocantur , Græcè verò Paristmia , ob similitudinem ab Isthmo , significante angustam terræ partem , seu telluris brachium , inter duo maria jacens , nec non Anthiades , quia primò se oculis offerunt :

Conditæ sunt à natura tonsillæ spongiosæ , ut saliviali humiditate fauces , laryngem , linguam , & œsophagum humectent , ut cibum sicciorē , & duriorē madidum reddant ad faciliorem deglutionem ; Item ad laryngis irritationem , ut ejus cartilagine ad motum aptiores reddantur , quod imitantur ii , qui fistulas irrigant .

Sæpè hæ partes , licet exiguæ , magnum Medico , sed majus ægroto negotium facebant ; intumescunt enim quandoque sine inflammatione , colorem retinent naturalem , & dolore vacant : at interdum inflammatione , ardore , dolore & siti infestantur cum deglutionis , & respirationis difficultate . Qua inflammatione in abscessum degenerante , pus intra fauces effunditur , unde sæpè ulcus sordidum , & fœtidum relinquitur . Quandoque non suppurantur , sed indurantur , & in scrofulas , scirrhososque degenerant tumores .

Solet hic affectus admodum pueris esse familiaris ante , vel post septennium , ut *Hip. aph. 26. sect. 3.* testatur ; Cum verò jam magis adoleverint tonsillæ &c. Sic etiam virginibus jam viro maturis , quibus menses non fluunt .

Signa .

Tonsillæ majores aliquantulum foris sub maxillis tactu , & visu cognoscuntur ; intus verò se ucarnis frustulum quoddam faucibus inhærens mole sua premit , obstatque ne facilis deglutitio fiat , & id sine siti , & ardore , proprium tamen suæ substantiæ servant colorem : Ast ubi inflammantur , rubicundæ insipientibus apparent , & præter spirandi difficultatem , & deglutendi , ardorem , & dolorem inferunt molestum , partes circumjacentes incendunt , sitim & febrem excitant .

Causæ .

Tonsillarum tumorem ex cerebri defluxione fieri clamitant *Galenici* ; Inflammationem ex humorum calidorum affluxu ad illas , qui cum calidi sint , partes illas calidas , & humidas inflammant . Verum hæc *Galenicorum* causa ridicula est , cum omnes morborum causas à planta pedis usque ad verticem capitis ad fluxiones refundat , & cujusdam *Galenici* recordor , qui interrogatus à quodam ægroto , qui immani capitis dolore cruciabatur : Domine medice , quodnam malum est , hic meus capitis dolor ? Respondit , est Podagra .

Vera tumoris tonsillarum causa , est succus alimentitius in ultima sui digestionē degeneratus in his partibus spongiosis , & laxis , cui magnus acidi laticis proventus accedit . Inflammatio verò fit ex sanguine in his locis ob lentorem , seu visciditatem stagnante , vel extravasato in spongiosa , & glandulosa tonsillarum substantia , & ob turgentiam quandam copiosius aggesto , unde rubor , tumor , & ob fibratum tensionem , earumque continui solutionem dolor suscitatur . Causæ remotæ sunt intemperata aeris constitutio , ut caloris , vel frigoris excessus , pororum in hisce partibus obstructio , ciborum calidorum , & potuum ardentium usus , vehemens corporis motus , excandescencia &c.

Prognosis .

Tumor tonsillarum , si mox ab initio medica adhibeatur manus , facile curatur ; at si negligantur tonsillæ , quandoque indurantur , & in scirrhum degenerant , qui nufquam , vel rarò curatur .

Inflammatio morbus acutus est , qui non exiguam doloris , & deglutionis molestiam adducet , imò sæpè suffocationis periculum , & in veram mutabitur anginam , quæ lethale minatur periculum . Harum partium inflammatio vel resolvitur , vel suppuratur . Tonsillæ in febribus denigratæ , & arefactæ inevitabilem portendunt mortem .

Curatio .

Perficiunt tumoris tonsillarum sanationem vulgares frictionibus , cucurbitulis , aurium extensione sursum vehementer , & earum attractione dolorosa . Item longa brachio ;

chiorum frictione dolorosa in carpo superfocilium deorsum, vel cum ligno extremitatem habente rotundam, vel pollice saliva inuncto hæc omnia peragunt ad fluxionis diversionem, sed hæc remedia sunt nimis rustica. Deindè externas moliuntur inunctiones ex oleo amygdalarum dulcium, utriusque lilii &c. Postremò gargarismis utuntur ex aqua, & aceto, vel ex decocto ros. incomplet. plantag. & hord. cum syr. de ros. siccis, viol. demaris, & aceto rosaseo.

Tumoris tonsillarum curationem nos perficimus externè inungendo partes oleo amygdal. dulc. an. ʒ. ʒ. olei cere destillati ʒ. j. admiscendo. Internè gargarizationes adhibemus ex pipere longo in aqua communi decocto, vel ex radice angelicæ, & tandem ex peto.

Si tonsillarum inflammatio sit circa initia levis, ad ejus curationem adstringentia gargarismata adhibent vulgares, ut

ʒ. Aqua plant. ʒ. j. ʒ. flor. ros. rubr. m. ʒ. cortic. granat. ʒ. iij. succ. hipocistid. ʒ. ij. bulliant unica ebullitione, & colat. adde diamori, & dianuc. ana ʒ. ʒ. & f. gargarisma. Deinde ad repellentia deveniunt simplicia, ex quibus varias decoctorum formulas parant, ut ex fol. plantag. rubi, vitis, balaustris, ros. sorbis, mespilis, cornis, fol. & bacc. myrti &c. tandem refrigerantes, usurpant gargarismos, ex decocto herbarum dictarum refrigerantium, ut solani, lactuca, sedi, cum syrupo de portulaca, endivia, &c. Vel ex lacte. Sed in magno versantur errore, & ut plurimum levem tonsillarum inflammationem in lethalem anginam degenerare faciunt, vel si copiosius refrigerant, inflammationem, defluxum humorem, & tumorem non tollunt, sed lividam, frigidam, duramque reddent partem, & inflammationem, si in gangrænam non mutabunt, saltem in scirrhum degenerabunt: impactus igitur humor nullum auxilium ab adstringentibus, repellentibus, & refrigerantibus admittit. Imò indurata tonsillæ deglutitionem, & respirationem interdicunt, & medicamentis emolliiri non possunt, in quarum extractione chirurgiæ operatio nec facilis, nec tuta est.

Si inflammatio sit vehemens, & suffocationis periculum immineat, statim cephalicam, vel basilicam secant, & ubi phlebotomia locum non habet, venæ sectionis loco aures cucurbitulis scarificant, tanquam venæ sectionis vicariis. Ad materiam conjunctam evacuandam venas sub lingua, raninas dictas, secant; in mulieribus verò tali venam excidunt. Verùm si inflammatio sine febre sit, periculosissima ratione circuitus sanguinis, & tam resolutionem, quàm suppurationem impedit, neque concretus sanguis phlebotomia educitur, imò obstinatio redditur.

Si vitiosi cum sanguine humores redundant, clysteres frequentantes, credunt concretum sanguinem, qui est veluti spina infixæ, è gula clysteribus extrahere. Vel lene exhibent purgans, ut

ʒ. Syr. ros. solut. ʒ. iij. flor. cass. recens extract. ʒ. ʒ. aqua betonica ʒ. ij. rosarum, & cichor. ana ʒ. j. m. f. p.

Verùm purgans medicamentum inutile est, imò in pejus inflammationem converteret. Nec interim gargarismata desunt.

Inflammatio si ad suppurationem tendat, illam promouent gargarismis ex aqua malsa calente, decocto caricarum, hyssopi, glycyrrh. vel decocto passularum, jujubarum, cum violis, & malva. Vel fortis applicant cataplasmata ex farina hordei, tritici, fœnugraci cum decocto caricarum, rad. alth. & melle. Rupto abscessu, aquam malsam gargarizandam præscribunt, prius per se, deindè admista lenticula, ros. plantag. &c. donec ulcus ad cicatricem perducant. Sed de his rancidis medicamentis fusiùs egimus in nostra *Trutina Medica* lib. 1. c. 8. De Angina, quam vulgares ut plurimum cum tonsillarum inflammatione confundunt, & utique remedia communia faciunt.

Tonsillarum inflammationem citò, tutò, & jucundè absque suppurationis metu curat sanguis hirci ad leuritidem paratus; & antimonium diaphoreticum, quia concretum dissolvit sanguinem, tumorem, & inflammationem tollit. Usurpari possunt gargarismata ex aqua spermatis Ranarum cum syr. de moris, & anodyno minerali, attamen tepida: inflammatio enim neque calida, neque frigida tolerare potest, quibus si non cedit, utere gargarismo ex spiritu vini cicurato cum aqua prunelle, vel fiant collutiones ex decocto fragaria, & fol. salicis cum pauco armoniaci crudi in eodem dissoluto, vel spiritu ejusdem guttatim addito, quibus

obstructio quævis facilè referatur, vel utere gargarismo de poti decocto. Externè applicari potest cataplasma ex mica panis triticeo cum melle, quod citò inflammationem sistit.

C A P U T XLI.

De Columella laxitate, & inflammatione.

Descendit in os teres caruncula ex palati tunica reducta, penitus juxta narium meatus, supra laryngis rimam, inter tonsillas, quæ uvula appellatur, est morbosa hujus carunculæ affectio, cum ejus summum uvæ acino non absimile apparet. Proprium hujus carunculæ nomen est columella, quia oblonga, & rotunda, columnæ adinstar, parvam columnam, seu columnellam efformat. Dicitur quoque gargulio, & gargareon à sono illo, qui in gargarizatu auditur. Ejus substantia est glandulosa, mollis, spongiosa, & rubro donata colore, communi oris tunica amicitur, figuram habet, ut diximus, rotundam, teretem, superiùs crassiorem, & inferius in acutam obtusè definit. Hæc caruncula suos patitur manes, scilicet laxitatem, seu elongationem, tumorem, inflammationem, atrophiam, & ulcus.

Signa.

Horum affectuum signa ante oculos sunt posita, aperto ore, & depressa lingua hoc modo distinctim cognoscuntur. Laxitas intro aspicientibus oblongior, & tenuior de palato in guttur pendet columella, supra linguam jacet, nauseam parit, assiduam excitat salivationem, & æger quasi carnis bolum summo œsophago hærentem habere videtur, quam perpetuò frustra devorare contendit; attamen palato est concolor, sine dolore, & calore.

Si inflammationem patitur, adest tumor rotundæ uvæ instar, rubor, ardor, & dolor: deglutendi difficultas, quoddam suffocationis periculum, & interdum febris.

Causa.

Columellæ relaxationem fieri autumant vulgares ab humore pituitoso, à cerebro debilitato in columellam depluente; inflammationem effici ab eodem humore pituitoso tenui, à cerebro defluxo cum sanguine misto. Nihilominus vulgares semper repetunt cerebrum esse veluti communem cloacam, unde omnia mala in humana depluunt corpora.

Fit columellæ relaxatio, tunc cum subitanea aeris injuria sive calida, sive frigida, nimia corporis agitatio, frigidus haustus, boreæ flatus & insitum columellæ spiritum ita afficit, ut frigoris, alteriusve impressum sentiat stigma, illicò in sui digestionem ab exorico laceffitur hoste, & ut partem muniat, substantiam proximam alimenti degeneratam ob partis alendæ indispositionem per poros profundit, & ut impressum eluat stigma, quod si eluere nequit, topicum conturbat fermentum, laticemque qui ad partium eluendas sordes est destinatus, advocat, ac proinde ligamenta relaxantur, & columellæ oblongatio exoritur. Columellæ inflammatio fit ex sanguine in venularum, vel alteriarum poris concreto, vel effluxo.

Prognosis.

Horum affectuum prognosim in hunc modum institui-mus: Quivis columellæ affectus festinam requirit opem, ne relaxatio, aut inflammatio ad finem properet; hæc enim in perniciosam, & operosam desinunt exulcerationem; illa verò antiquata mirè pendulam oblongationem confirmat, ut ad anteriores propendatur quandoque dentes, & postremò putrescentiam gignit, cujus sanatio est abscissio, quæ operatio periculo non vacat, cum ob vocis depravationem, tum ob sanguinis fluxum, qui per sectionem excitatur, ut vix ulla arte compesci possit. Quibus columella tota abscinditur, vel extenditur, rarò clarè, & distinctè loqui possunt; inservit enim ad vocis modulationem, unde vocis plectrum appellatur. Qui columella destituntur, phthisici moriuntur, quia ejus est aeris frigiditatem moderari, ne illicò in pulmonem irruat. Si uvula ex inflammatione nigrescit, vel nimium albet, & stupet sensu, facilè putrescit, & sphacelatur.

Curatio.

Relaxatam curant columellam vulgares per frictiones, & cucurbitulas, præmissa, si opus fuerit, capitis purgatione per pillulas capitales, vel totius corporis diversiones, & evacuationes. Præscribunt errhina, & omnia, quæ pituitosum absumunt humorem, corriguntque frigidam, humidamque capitis intemperiem. Postmodum ad topica deveniunt adstringentia, & repellentia, ut sunt aqua, vel decoctum plantaginis, myrti, rosarum, rubi, origani, hyssopi, acetum &c. & varia componunt gargarismata, ut

℞. Flor. ros. rubr., Fol. plantag., Mespilorum ana m. ℞. Salvia & Hyssopi ana m. j. Gallar. immatur. ℞. ij. Alum. usti ℞. ℞. Coque in suff. aque quantitate ad tertias, & pro ℞. i. colatura adde Dianth. & Syr. myrtill. ana ℞. j. Aceti ℞. ℞. Succ. acaciae ℞. j. M. pro gargarismate. Vel

℞. Fol. querc., Centinodia ana m. j. Flor. balauft. Summitat. rubi ana m. ℞. Bulliant in aqua myrtillor. ad ℞. ij. colatura adde Syr. de ros. sicc., Succ. granator., Diamori ana ℞. j. Rob. berberum ℞. ℞. Alum. sacc. ℞. ℞. F. gargarisma. Si malum protrahi vident, & materia pauca est, & caput non excrementis refertum, columellam cortice granatorum subtilissime pulverisato tangunt, vel pipere longo, cui aliqui addunt aliquid aluminis, & boli armeni, vel myrrhæ, & nonnulli piperis longi loco Zingibere utuntur. Quæ medicamenta periculo non vacant, quia metuendum est, ne humores affluenter à cerebro ad partem trahantur affectam, & grave aliquod afferant damnum.

Quidam futuræ coronali applicant emplastrum, quod conficiunt ex acacia cum aceto, aut ex gallis ustis cum aceto. Alii ovum recens ad duritiem coctum, & per medietatem dissectum in longum, & cum ligatura vertici imponunt calidissime per aliquot horas, donec relaxatio sublata fuerit. Nonnulli prædictum ovum thure, vel Zingibere aspergunt, & calidè applicant. Vel ex thure, & gallis in pulverem redactis cum farina tritici, & melle virgineo emplastrum concinnant, quod vertici imponunt.

Si hæc omnia parum, vel nihil juverint, statim recurrunt ad ea, quæ experta sunt à vetulis ad columellæ elevationem: accipiunt capillorum ægroti manipulum ex vertice, quem manibus complicant, & illi, ut taceat imperant, capillorum manipulum sursum vehementer trahunt, usque dum cutis sonidum edat, & paucillum de alumine usto, vel rosarum semine supra columellam aspergunt, & illicò miraculi instar, inquirunt, laxitatem remitti. Pulchrum experimentum, quod expectationi non respondet, & inter histrionicas scænas repræsentari dignum.

In columellæ inflammatione procedunt, sicut in aliis inflammationibus, & tam si plethora adsit, quam absit, primò cephalicam secant, deinde venam sub lingua aperiunt, cucurbitulas vertici, & scapulis affixas scarificant, diversiones per clysteres, frictiones, extremorum ligaturas, & id genus alia celebrant. Si corpus pravis scateat humoribus, primò caput per pilulas cephalicas, deinde totum per purgantia juxta humoris peccantis qualitatem deplent.

Interim in principio ad topica deveniunt repellentia, quæ in gargarismi forma usurpant, & ubi exigua est fluxio austera præscribunt gargarismata ex aqua, & aceto, vel ita parant:

℞. Ros. rubr., Rubi, Plantag. ana m. j. Cortic. granat. p. Fiat decoctio in sufficiente aqua quantitate & in colatura ℞. j. ℞. adde Acet. ros. & Rob. de ribibus ana ℞. ℞. Succ. malor. granat. ℞. j. Diamori ℞. ij. m. Pro gargarismo.

Vel ubi inflammatio, & fluxio est vehementior, acerbis utuntur, quia fortius adstringunt, & repellunt, ut

℞. Decoct. myrtill., Fol. teneror. quercus, Mespilorum, Balauftior. & Sumach. ℞. j. ℞. Syr. de agresta, rob. de ribibus, Nucum virid. ana ℞. j. M. pro gargarismate.

Sed hæc gargarismata non tantum partem exasperant affectam, verum etiam fluctionem, inflammationemque ad penitiora repellunt, unde graviora mala emergere possunt.

Quandoque transacto principio discutientia admiscunt, ut fol. althææ, malvæ, hyssopi, ficus, flor. chamameli, meliloti, sem. fœnu-græci &c.

Si ad suppurationem vergat, suppurant decocto caricarum cum aqua mulla, aut decocto passularum, quod si sponte non succedat apertio, eam ferro moliuntur, & post puris extractionem pro abstergentibus adhibent aquam mullam, vel caulium succum cum melle.

Relaxatæ columellæ vera curatio consistit in degenerati

alimenti educatione, & si nimia laticis copia ad fordes eluendas advenit, in ejus depletionem incumbimus.

Unde nimius latex columellam oblongans hydragogis evacuandus est, vel sæpè mastiche nigra masticeretur, ut per salivationem superflua ejus humiditas exsicceretur. Vel ad hunc finem alimenti degenerati ablationem faciunt gargarismata, ut

℞. Pilosella, & Pyrolæ ana m. j. Cort. radic. angelica, & Imperatorie ana ℞. ij. Fiat decoct. ad ℞. j. ℞. cujus colatura cum pauco melle edulcoretur, & utere pro gargarismate.

A proprietate huic morbo prodest uvularia propter signaturam, ex qua gargarismus ita componi potest:

℞. Uvularia, & Tormentilla ana m. j. Coque in suff. quantitate aquæ, cujus decoctum edulcora cum pauco melle, & utere.

Deinde post usurpatum gargarismum, hos adhibe pulveres in columellam insufflando, vel melius eam tangendo, hujusmodi est pulvis myrobolarum citrinorum, vel sequens, ut

℞. Piperis longi ℞. ℞. Succ. acaciae exsic. & Radic. tormentill. ana ℞. j. F. omnium pulvis. Vel

℞. Pilosella, Uvularia ana ℞. j. Radic. bistort. & Cort. rad. angelica ana ℞. ℞. Alum. scissil. gr. viij.

Contundantur, & cribrentur. E vestigio oblongata columella se contrahet, remittet, ad naturalemque reducetur statum. Sed aqua destillata Vincæ pervincæ, vel tantummodo ejus decoctio gargarizata, vel pulveris immissio columellam laxatam erigit, & refirmit, quod admiratione dignum est.

In columellæ inflammatione ad sanguinis conciliandum fluorem, à lentore eundem liberandum, & obstructionem referendam conferunt internè sumpta sanguis hircinus, antimonium diaphoreticum, & alia diaphoretica pluries repetita, verum multum proficiunt gargarismata cum anodyno minerali, quia immediate partem tangunt affectam, ut

℞. Aquæ prunelle, Sedi minoris ana ℞. ℞. Syr. de moris ℞. ij. Anodini mineralis ℞. j. m. Vel

℞. Aquæ fragor. & Nymph. ℞. j. Diamori ℞. ij. Anodini mineralis ℞. ij. ℞. m. Vel melius

℞. Aquæ prunell. Flor. sambuc. ana ℞. ij. ℞. Spiritus vini ℞. j. ℞. Spiritus armoniaci gut. xx. m.

Si ardor ægrum fatiget, convenit emulso quatuor seminum majorum, vulgò frigidorum, in decocto malvæ cum mucilagine seminum cydoniorum pro gargarismo. Si dolor urget, prodest aqua spermatis Ranarum, & lactis ana gargarizatum, in quo dissolutum fuerit aliquid de nitro fixo, scilicet lapide prunelle. Vel gargarismus ex succo cancrorum fluvialium cum aqua lactucæ. Sed ad aures transeamus.

CAPUT XLII.

De Aurium Inflammatione.

Aures inflammationem, & suppurationem patiuntur, non minus ac aliæ nostri corporis partes, licet auris structuram, præcipuè ex ossibus constet; habet tamen membranas, per quas exiles venæ, & arteriæ disseminantur, quæ à venis, arteriisque membranarum cerebri ortum ducunt.

Aurium inflammatio interiores aures partes occupare solet, scilicet vel eas, quæ auditorii instrumenti compositionem ingrediuntur, vel vicinas; duas etiam instrumentales partes afficiunt, & exteriores saltem apprehendunt, vel intimiores ad nervum usque auditorium, quas differentias sollicite noscere oportet, tum ratione curationis, tum periculi magnitudine.

Signa.

Auris inflammatio cognoscitur ex eo, quod patiens in aure affecta continuè vehementissimum dolorem pulsatilem percipit cum gravamine, & tensione, cum calore, & rubore, qui plerumque ad malas, & tempora se extendit; cum febre, & forti arteriarum pulsatione; tum exactè in aurem introspicienti interna pars ad lumen tumere, & rubere videtur, nisi inflammatio sit nimis profunda, & abdita: tunc caput universum est simul calidum, & inflammatum, unde deliria, motus convulsivi, syncopes, extremorum frigiditates succedunt, idque eo magis, si inflammatio ad interiora vergat; quantò enim ea intimior est, tantò intensior sit febris, pulsatio major percipitur, quia arteriæ majores comprimuntur, dolor acerbior, & periculum majus.

Causa.

Pro aurium inflammatione assignant vulgares sanguinem biliosum, & tenuem è vasis suis apertis, vel ruptis, in ipsas aures membranas effusum, qui copia sua tumorem, & tensione dolorem, & calorem excitat. Verùm nostra sententia est, quòd aurium inflammatio sit à sanguine in earum venulis, & arteriolis concrecente; concretionis verò causæ sunt fervor, copia, nimia corporis incalescentia à sole, vel exercitiis, iracundia, subitanea permutatio ambientia aeris in frigus, vel vice versa, & his pares, quæ sanguinem extra arteriolarum, & venularum poros exprimunt, ibi concrecentem.

Prognosis.

Aurium inflammatio periculosa est, in primis in juvenibus, & ubi inflammatio profundius hæret, & nervum auditorium apprehendit, ut plurimum mortem minatur, antequam suppuratio accadat, nervus enim internam aures superficiem attingens acuta sensilitate præditus, vehementem doloris perceptionem efficit, & cerebrum in consensum rapit. Unde ægri in delirium, & convulsionem incidunt, & in mortis discrimen, vel nonnunquam subito, tanquam attoniti moriuntur. Si verò dolor, & febris diutius protrahantur, & ægri septimum superent diem, evadunt, materia in pus conversa, quod facile cognosci potest ex doloris, & febris remissione, ut *sect. 2. aph. 43. Dum pus conficitur, dolores, & febres accidunt magis quam jam confecto.* Attamen si pus bonum effluxerit, & postmodum æger melius se habeat, magna sanationis spes est, verùm post sanationem ferè semper auditus gravitatem relinquit. Senes in aurium inflammatione minùs periclitantur, quàm juvenes.

Curatio.

Aurium inflammationem curant vulgares iisdem medicamentis, quibus aliarum partium corporis inflammationes; primò itaque præmittunt refrigerantem, & emollientem clysterem, post expulsas à clystere fæces, hora una, atque altera, sanguinem detrahunt, & quidem à vena cephalica, & si inflammatio sit major, phlebotomiam liberaliter repetunt. Hac sanguinis detractione non possunt affluxum, concretumque sanguinem detrahare, licet totum depleant: igitur affluxurum detrahunt, ac proinde ad posterius respiciunt, præcautionis potius, quàm curationis gratia, & inflammationem in radice non attingunt. Per sanguinis depletionem corpus refrigeratur, & mala majora sequuntur, scilicet vel resolutionem prohibent, vel suppurationem in longum protrahunt tempus. Ad revellendum sanguinem ad aurem fluentem, alia adhibent revellentia, scilicet cucurbitulas, frictiones, ligaturas, & clysteres, si opus sit, repetunt, quasi ani sterus aurium inflammationem efficeret. A venæ sectione, uno atque altero die intermissio, bilem educunt medicamento cholagogo.

Deinde si ingens sit dolor, repellentia usurpant, & in aurem instillant, ut

℞. Ol. ros. vel viol. ʒ. iij. acet. ros. ʒ. vj. nitri ʒ. j. m.

Verùm repellentia hic locum habere nequeunt; inflammatio enim repellitur in cerebrum, ejusque membranas, unde delirium, & alia majora mala gignere possunt; Vel refrigerantia adhibent ex butyro recenti, lacte, & foliis herbarum frigidarum, quia inflammationis curationem esse inflamatæ partis refrigerationem existimant. Sed in magno versantur errore, quia licet inflammationem copiosius refrigerent, tumorem non tollent, sed lividam, frigidamque partem reddent, & lenem inflammationem plerumque in magnos, lethalesque morbos degenerare faciunt: igitur calefacientibus discutiendum est.

Victum præscribunt tenuem, refrigerantem, & humectantem cum abstinencia à durioribus, pro potu hordei aquam, interdicto vino aliisque calidis.

Interim cataplasmata faciunt, quæ inflammationem resolvere, & dolorem lenire possint, ut

℞. Lenticula palustris m. ij. medull. panis in lact. muliebri infusus ʒ. ix. contunde, & fiat cataplasma, quod auri applicetur. Vel

℞. Fol. alth. malv. lactuca, salicis ana m. j. flor. ros. rub.

meliloti, & chamomill. ana p. j. sem. cydon. & malv. ana ʒ. iij. coque, & decocto foveantur aures, Vel

℞. Ol. ros. & nymph. ana ʒ. ʒ. succ. papav. ʒ. vj. mucilag. sem. psyll. & Cydon. ana ʒ. iij. lactis muliebris ʒ. j. m. Et auri applica, vel instilla.

Si inflammatio nullatenus resolvi possit, sed ad suppurationem vergat, quod ex interiori febre, dolore, & pulsatione cognoscitur, eam maturantibus adjuvant, quæ sunt radices liliorum albor. alth. flores chamomill. meliloti, ficus, farina tritici, fœnugræci, eorundem mucilagines, animalium pinguedines, ut gallina, porci, butyrum, ol. amygd. dulc. lilior. chamomill. sesaminum, crocus &c.

Maturato abscessu, ejus ruptionem expectant, ad cuius accelerationem succum cyclaminis cum quadruplo lactis muliebris in aurem instillant. Quo rupto, saniem abstergunt melle ros. vel syr. ros. succo absynthii, centaurii minoris cum melle, decocto lupinorum &c.

Aurium inflammationem nos curamus, nullam phlebotomiam celebrando, quando ramen sæpè magni nominis Medici, & chirurgorum vulgus facere solent, non sine ægri periculo, & tortura; est namque perniciofa, tuaratione circuitus sanguinis, tum etiam quia resolutionem inhibet, vel suppurationem in longum protrahit.

Purgans medicamentum omninò inutile existimamus, cum eam in deterius mutare soleat. Ea medicamenta conveniunt, quæ sanguinem concretum, vel evasatum fluxilem reddunt, & discutiunt per insensilem evaporationem, cujusmodi sunt sanguinis hirci, & stibium diaphoreticum quotidie bis assumptum ad ana ʒ. j. Item omnia salia volatilia ex cephalicis, & diaphoretica alibi commemorata. Verùm antimonium diaphoreticum tantummodò omnem abscessum interiorem, ubicumque situs est, efficacissimè resolvit. Vel his duobus remediis ritè adhibitis, omnis inflammatio resolvitur, nec in suppurationem abit.

Si dolor sit mitior, topica anodyna conveniunt, quæ leniunt, & nonnihil relaxant, quorum formulas in *Tract. de Aurium dolore cap. 26.* descripsimus.

Interim quoque dolentem locum foribus lenientibus, & discutiuntibus fovemus, ut

℞. Comar. malvæ, althææ, lactuca, salicis, & violar. ana m. j. flor. sambuci, chamamel. meliloti, ros. rubr. ana p. j. sem. malvæ, cydon. ana ʒ. j. coquantur in aquæ ʒ. iij. In decocto madesiat spongia, expressaque repente locus foveatur, hisce continuatis aliquantisper, adhuc magis digerentia addi possunt, uti sunt semina lini, & fœnugræci, quibus sæpius adhibitis, materia omninò resolvitur.

Si verò dolor vehementissimus sit, pro ipso obrundendo, conciliandoque somno convenit *emulsio somnifera* in nostra *Trutina lib. 4. cap. 6.* descripta. Vel ad narcotica confugiendum est, tum interna, ut est *Laudanum Opium*, tum externa, vel in forma foci, vel vapore tenuis, quæ in aurium dolore descripsimus.

Accidit quandoque inflammationem omnia discutientia, & resolventia eludere, & in suppurationem ruere, cuius rei febris, & dolor intensior, fortisque pulsatio nos certiores facit; tunc maturantia, & suppurantia adhibere debemus, ut

℞. Radic. alth. arundinum, lilior. albor. contus. ana ʒ. ʒ. fol. malv. alth. viol. ana m. j. flor. chamamel. meliloti ana p. j. lilior. albor. p. j. ʒ. decoquantur in suff. aquæ quantitate ad mollitiem, tum contusa per cribrum transmittantur, & adde farinæ sem. fœnugræci, & lini ana ʒ. j. axung. porcin. cap. ana ʒ. j. butyr. majalis ʒ. ʒ. Ol. amygdal. dulc. q. f. f. a. cataplasma. Tepide imponendum, & renovandum, donec abscessus rumpatur. Vel sequens conveniet cataplasma.

℞. Capam n. j. butyr. recent. ʒ. ij. ol. chamomill. ros. ana ana ʒ. j. croci ʒ. ʒ. m. f. cataplasma auri imponendum.

Ruptus abscessus abstergentibus repurgetur crebrius instillatis, cujusmodi sunt *mel rosatum tepidum, cum balsamo proprietatis admixtum, vel tinctura aloes, vel myrrhetum spiritu vini parata* ad guttulas aliquot immissa, vel *balsamus sulphuris terebinthinatus, vel balsamus artificialis*, vel ea adhibeantur, quæ *Tract. de Ulcere aurium cap. 27.* tradidimus.

CAPUT XLIII.

De Parotide.

Sunt aliquæ glandulæ non tantum pone aures, ut vulgus putat, verum etiam ad utrumque latus, & sub aure, quæ parotides dicuntur, attamen hic nos parotides non pro glandulis usurpamus, sed pro hujus loci tumore intelligimus. Parotides sunt affectus frequentes, & valde molesti, qui non solum ægros, sed etiam ipsos *Medicos* curantes non leviter fatigare solent, & plerumque in febribus malignis, in cerebri, ac capitis læsionibus, quandoque quasi in magnis tempestatibus futuræ salutis spem pollicentur, undè parotides in morbis prædictis Castoris, & Pollucis instar observantur; nam sicuti hæc signa in maximis Pelagi tempestatibus ubi apparuerint, tranquillitatem navigantibus denunciant, sic parotides interdum salutem ægrotantibus præfagiunt.

Definiunt parotidem vulgares esse inflammationem, sed errant, quia vera inflammatio non est; nam inflammatio fit in parte carnosâ, parotis verò, ut ipsi asseverant, in glandularum substantia: quod nos omnino improbamus; nam si parotis fieret in glandulis, nunquam suppuraretur, ut videmus in strumis, quæ potius indurantur, quam in suppurationem abeunt. Idem observamus in inguinibus, quod si ipsis glandulæ Neapolitanum contraxerint fermentum, nullatenus suppurationem patiuntur, sed indurantur, aliasque conspurcant, uti etiam in strumis conspicitur, quæ difficilius sunt curationis; Non igitur parotis fit in glandulis, sed tale sordida est nomen potius à loci denominatione, quam à parte affecta. Præterea esse affectum inflammatorium, non verò inflammationem colligi potest, ex dolore, qui ipsi adjungitur: Cæterum hoc mali genus sæpissimè in malignis, & diuturnis febribus, cerebri, ac capitis affectionibus apparet, quæ longè à veræ inflammationis natura recedunt: nam in iis succos crassos, & viscidos valde à sanguinis natura recedentes dominari ipsi fatentur, quales sunt phlegmatici, & melancholici.

Duplex est parotidum generationis modus, nam quandoque licet rarè generentur primariò, nulli scilicet alteri succedentes affectui, sed impetu humore, primà vice ad prædicta loca tendente, nulla febre, aut capitis læsione præcedente, & die tertio rubere incipit, cum inflammatione, & capitis dolore, hic affectus potissimum junioribus adolescentibus obtingit, qui ætatis annum 24. nondum attigerunt, atque in iis suppuratur, vel evanescit. Quandoque, & sæpius secundariò sunt post alios scilicet præcedentes affectus, vel febres malignas, & diuturnas, vel post cerebri, & capitis læsiones.

Nullus est author, qui non doceat bifariam fieri posse parotides, criticè, & symptomaticè; primò per motum criticum, cocto scilicet existente morbo, & sponte materia à natura ad prædicta loca deposita, præsertim in febribus; secundò symptomaticè, cruda existente materia. Hæc tamen doctrina semper nobis impropria visa fuit; censemus namque quòd parotides modo veræ crisis gigni non possunt, si propriè, & in rigore loqui velimus, ne rationem critici cum ratione utilis confundamus, dicemus parotides semper esse symptomaticas, licet quædam possint esse utiles, & ad salutem, quædam verò noxiæ, & ad damnum, utiles quidem sunt cum coctionis indiciis, noxiæ autem, quæ sunt, cruditate existente; quòd nunquam esse possint criticæ, non difficulter suadet ex *Hip.* principiis, quibus constat ad perfectam crisin multas requiri conditiones, quarum altera est, ut potius talis crisis fiat per evacuationem, ut per sudorem, alvi fluxum, sanguinis hæmorrhagiam &c. quam per abscessum; verum abscessus fieri debet quam maximè longissimè à parte affecta, & à partibus principalibus: itaque ferè nunquam poterit esse bonus, & laudabilis abscessus, qui sit prope partem affectam & confirmatur: nam vel sunt parotides, malè affecto cerebro, & tunc materia illa ad longinquiores transmittenda erit partes, ut in podagra; vel sequitur febrem malignam, & succedunt cum cerebri læsione, & tunc expultrix vasorum facultas, vel totius corporis malè operatur: nam à vasis & loco ignobiliore in quo fit, ad partes nobiliores noxiam deponit materiam propè cerebrum, qui decubitus profecto laudari nequit, quia membrum, ad quod fit decubitus, est nobilissimum. Itaque nunquam criticè parotides fieri possunt, in rigore loquendo; Præterea crisis

est solutio facta per evacuationem, quia omninò materia è corpore expellitur, & ægrum à morbo liberat cum signis coctionis; quando verò alius morbus generatur in alia parte, & æger non est omninò liberatus, dici non potest crisis, sed ex materia ejusdem morbi alius morbus genitus.

Signa.

Parotidum signa duplicia sunt, vel imminentium, vel actu jam existentium. Si in malignis febribus adsit faciei rubor, capitis gravitas, surditas cum stupore, parotides prædici possunt. Actu existentes parotides faciliè cognoscuntur ex loco affecto, tumore, & plerumque rubore, qui post aures apparet. Si tumor sit malignus, aut pestilens, febris ejusdem rationis copulatur. Si à capite, vel cerebro malè affecto, nulla in toto corpore cacochymia aderunt signa, & capitis dolor præcessit, qui, parotide erumpente, evanescit, vel minuitur. An criticè, ut dicunt, vel symptomaticè erumpant, morbi tempus, & crisis signa præsentia, vel absentia docebunt.

Causa.

Parotidem inflammationem esse in glandulis juxta aures inquirunt vulgares, ideoque ejus proximam, & continentem causam sanguinem esse asseverant, is tamen rarè purus est, sed bilis, vel pituita, vel melancholia, imò sæpè maligni, & pestilentes admiscuntur humores, unde malignæ, & pestilentes oriuntur parotides. Et rarissimum est, ut sanguis solum copia peccans naturam stimulet, & talem instituat excretionem, sed accidit à pravis, vitiosisque humoribus, quibus irritata natura, cum sanguine tales humores ad externa loca detrudere solet. Confirmant eorum assertum hæmorrhagiæ exemplo: Ut enim in hæmorrhagiis criticis, non sanguis principaliter peccat, sed vitiosi humores, quos cum sine sanguine expellere faciliè natura non possit, hanc sanguinis excretionem instituit: ita etiam ut vitiosos humores à principalibus partibus ad ignobiliores avertat, sanguinis vehiculo utitur. Humores autem hi vel à toto corpore, vel à cerebro transmittuntur.

Verum decipiuntur vulgares asserentes parotidem esse inflammationem in glandulis parotidibus, nam glandulæ nunquam inflammatione tentantur, nec in suppurationem abeunt, & temporis progressu tumor in glandulis contumacior fit, & alios sibi proximos ejusdem speciei tumores producere solet. Præterea cum rarè à puro fiat sanguine parotis, sed ab aliis humoribus, dicitur œdema, aut erysipelas, aut scirrhus, & tunc rarissimè in suppurationem abiret, quod à veritate alienum cognoscimus. Exemplum de hæmorrhagia cespitare videtur, quia de critica loquuntur, nos verò suprâ innuimus non dari parotides in rigore criticas, sed omnes esse symptomaticas.

Ut nostram de parotidis causa proferamus sententiam, præmittimus ex anatome: Exterius auribus adstare varias glandulas crassas, & insignes, parotides appellatas, non tamen pone aures, verum etiam sub auribus, & utrumque latus. Inter has, duas insignis magnitudinis reperiri, sibi invicem propè accumbentes, quarum minorem conglobatam, majorem verò, quasi ex pluribus glandulosis fragmentis compositam, quam conglomeratam appellant anatomici. Hæ glandulæ vasa ascendencia fulciunt, & serosos, seu lymphaticos humores à sanguine arterioso separant, ac per quædam lymphatica, & salivalia vasa demittunt, multamque viscidam saburrâ interdum coacervant, unde cerebri emunctoria vulgò appellantur. Præterea hæcenus perperam creditum est per glandulas, nervorum fibrillas, exiles nervos, arterias, & venas transire; nam hæc glandulæ, sicut & cæteræ, proprio clauduntur folliculo, & sunt veluti pulvinaria, quibus dicta vasa adhærent, ut fulciantur, nec per glandularum substantiam transeunt. Hæc vasa per eorum intercapedines alimentitium liquorem paulatim fibrarum continentium motu in cerebrum ducunt, ut ad majorem semper perfectionem adigatur, per sequestrationem illius, quod serosum est, & ut purus remaneat, & hac ratione glandulæ dicuntur cola, & veluti filtra chymica.

Dicimus igitur, quod quoties humor serosus cum ipso san;

sanguine, ex suis conceptabilis per arteriarum, venarumve poros foras exprimitur, vel stagnat circa glandularum folliculum, à quo fulciuntur tumor fit, qui parotis dicitur, & hæc est vera inflammatio, quæ in abscessum transit. Si verò nutrimentalis substantia per fibras circa glandulas diffusa depraveretur, exoticam hostilemque naturam nanciscitur, congelascit, & pars in parotidem exuberat, & hæc dicitur symptomatica à vulgaribus, illa verò critica.

Prognosis.

Parotides si sine febre oriantur, minùs malignæ sunt, & minùs periculosæ, quàm quæ cum febre oriuntur. Minùs quoque periculosæ sunt, quæ in febribus chronicis accidunt, quàm quæ acutas sequuntur, & præsertim in malignis, & pestilentibus. Parotides symptomaticæ, ut dicunt, erumpunt, & ex cruda, atque rebelli materia oriuntur, perinaces, & mali moris sunt, ac naturæ, & Medico negotium faciunt; sunt enim cerebro propinquæ, & humores, ac vapores cerebro ejusque membranis impartiri possunt, unde earum inflammatio partium, & delirium excitari potest. Parotides si apparuerint, & non suppurarint, sed evanescent, iis recidiva timenda est, nam ipsarum materia recedens recidivam facere oportet; quare semper minantur capitis læsiones, vel in toto corpore, nec propterea ubi suppurarint, sunt certum, & fiendum salutis signum, nam *Pistoris ancilla lib. 1. Epidem. sect. 2. text. 84. Parotides passa est, quæ optimè suppurarunt, ipsa tamen abiit, Gal. authore in comm.* habuit coctionem in parte, & non in toto, & consequenter parotides, cruda existente materia, habuerunt ortum, & hinc apparet, quòd ubi parotides cum cruditatis indicibus generantur, etiam si ad suppurationem devenerint, non per hoc salutare esse possunt, & nunquam iis fidendum.

Curatio.

In parotidum curatione spectant vulgares, an criticæ, vel symptomaticæ sint. Si criticæ erumpat parotis, & morbus inde tollatur, vel minuat, totum negotium naturæ committitur, sed tantum dolorem lenientia laudant, & quæ augmentum juvant, qualia sunt *butyrum recens lotum cum oleo amygd. d. addita pauca cera*, & ad linimenti formam loco affecto applicant. Ejusdem generis existimant *farinam hordeaceam in hydroleo, vel in jure pulli insulso decoctam*. In parotidibus verò seu criticis, seu symptomaticis, si materia sit multa, si paucæ, si maligna, nunquam ex Gal. præcepto 3. de comp. med. 5. loca cap. 2. repellentia adhibent, ne materia retrocedat, & à loco ignobiliore ad nobiliorem, & cerebrum vicinum repellatur, & majorem inducat læsionem, quare semper naturæ motus adjuvandus erit. Imò ubi segnis, & lentus est materiæ motus, & tumor non satis protuberat, attrahentia usurpant, adjuvantque foris *ex oleo irino, anethino, aut chamæmelino, quibus etiam liquefactam gallinæ pinguedinem addunt*, & ubi hæc non satis fuerint, consulunt omnes cucurbitulas parti affectæ esse applicandas, ad materiam noxiam extrahendam, commendant etiam *emplastrum diachylonis magni cum gummatibus in oleo amygdal. d. liquefactum*, ejusdem quoque rationis est apud ipsos *emplastrum de Meliloto pariter cum gummatibus*. Verùm hæc fortia attrahentia cautè adhibenda sunt, ne dolor intendatur, & vires deiciantur. Suppuratione facta, abscessum aperiunt, & suo modo curant.

Si parotides symptomaticæ sint, naturæ conatus, qui deficit, adjuvandus, & promovendus est, quia tunc arguitur obstare vel materiæ noxiæ copiam, vel crassitiem, metuunt, ne natura ab opere, & expulsionem avertatur, sed ea oneris parte levata, postea facilius id, quod debet, expellit; ea propter copiam per evacuationes minorant, & crassitiem incidunt. Ubi itaque materia fuerit sanguinea, aut cum sanguine analoga, laudant, vel venæ cephalicæ in cubito sinistro, vel venarum sedis apertionem; ubi autem alter fuerit succus à sanguinis natura alienus, consulunt, ut leve aliquod pharmacum dejectorium, vel ex manna in materia calida biliosa, aut *Julepo Aureo &c.* Vel ex melle ros. solut. In materia plegmatica; vel ex fumaria majori in melancholia propinetur, à fortioribus tamen se abstinant, ne fervor, & agitatio in succis concitetur.

Musitani Opera Tom. II.

Verùm vulgare curatio per venæsectionem, & purgantia inconvenienter instituitur, & est periculo plena; intrò enim trahunt, quia contra naturæ motum sunt, retrocedit materia, principes invadit partes, malum peiorat, & ægrum in magnum vitæ discrimen conjicit, præsertim si malignitas, vel pestilentia sit parotidis causa, tunc venæsectio, & purgatio est ipsa malignitate, & pestilente nocentior. Præterquamquòd malignitas, & pestilencia, quæ per ipsos est summus malignitatis gradus, (verùm nos hanc vulgarem malignitatem, quid sit, nunquam intelligere potuimus) nunquam purgatione, & venæsectione tollitur. Quis vulgares docuit purgatione, & phlebotomia naturam oneris parte levare, & facilius deinde ad id, quod expellere debet, insurgere? Imò nos centies oppositum observavimus. Quis eis revelavit his medicamentis naturam levare potius, quàm gravari? Incertum est in vulgare opinione hæc juvare, quia non demonstrationes, sed bardas conjecturas pro his afferunt, quæ si ad scopum non collimant, ægrum jugulant. Unum scimus vires minuere, malum peiorare, ac proinde expulsionem impedire, & suppurationem tollere: melius itaque in ambiguis erit vires conservare, quàm malè perdere.

Ubi crassities obstat, incidentia propinant fortia *ex orimelite simplici cum syr. de cortic. citri, aut quinque radicibus*, quibus ad majorem incisionem addunt nonnullas *spiritus sulphuris, vel vitrioli guttulas*. Sed pro his incidentibus longa est via, & scabrosum iter, nec voto respondent, ut decantantur ab ipsis.

Consulunt vulgares parotides nunquam discutientibus præfidiis esse curandas, nam quoties non suppurantur, semper capitis læsiones minantur; quare omni conatu suppuratio procuranda est, hæc namque nec recidivam, nec cerebri noxam portendit: omni itaque industria adjuvant, procurantque suppurationem cataplasmate confecto *ex farina triticea, axungia suilla, & gallinacea cum butyro recentior loto in decocto altheæ, malvarum, & caricarum pinguium*, vel alio suppurante præsidio. Verùm in magno versantur errore vulgares, nam in tumoribus discutientia sunt via tuta, & compendiaris, nec ullum vitæ periculum, nec ullas minantur læsiones, & præcipuè in parotide, si illa exhibeantur medicamenta, quæ à centro ad circumferentiam trahunt, quæ præterquamquòd parotidem resolvunt, febris opitulatur.

Ut parotis suppurari inceperit, non integram expectant suppurationem, sed incidunt, vel cauterizant; imò quod maxime dolendum, apparentem parotidem crudam in mali moris febre, omnes chirurgi, inito prius consilio cum urinæ Medicis unanimiter, statim istam Hydram ferro ignito incidendam concludunt. Postmodum digerunt communi digestivo, expurgant, detergunt, incarnant, cicatrizantque communibus medicamentis.

Cæterum nostrates chirurgi, barbitonsores, Veterinarii, seu mareschalchi non sunt irrationales; ut apud quosdam habentur, suas afferre possunt rationes, quas hic nos excogitavimus, pro eorum tuenda ignavia, & quotidiano constituendo censu. Prima est, ut per vulnus veneni vis expiret. Secunda, malignitas nunquam suppurationem admittit. Tertia, ignis venenum extinguit. Quarta, ne humoris malignitas retrocedat.

Prima ratio desumpta ab expiratione veneni per vulnus nullius est momenti: siquidem vivens corpus melius continuum, quàm solutum expirat. Insuper ferrum ignitum crustam, seu escharam inducit, quæ impedimento est, nè maligna, & venenata materia expiret, nisi post escharæ casum. Præterea si supponant venenum adhuc in vasis esse fluctuans, melius certè, & promptius expirare poterit per sensiles, insensilesque corporis meatus, quàm per vulnus, cum nulla assignari possit ratio per vulnus potius, quàm per porositates expelli, nisi fortè fortuna ad aliquam veneni cum vulnere sympathiam, seu ad sacrum ignorantie asyllum recurrere velint vulgares. Neque huc facit pororum congruentia, cum hi potius obstructi sint, quàm reperiati propter tumorem. Si tamen velint venenum in parte stagnans expirare per vulnus, veneni nomen non amplius meretur materia parotides efficiens, utpotè per fermentationem sequestrata, atque immutata, ut durities ostendit, adeoque ut talis non minùs perhorrenda; dicemus rectè, & melius posse expirationem ab aliquo topico appropriato medicamine promoveri tutò, jucundiusque quàm per ferrum ignitum, cum minimè hoc uti possimus sine alterius morbi, vulnere usque puta productione.

Secunda ratio, in qua habetur parotides protinus adaperiendas esse ignito ferro, ex eò, quòd malignitate nunquam suppurationem admittit, contra vulgares militate videtur, quia tota suppurationis spes non ex alio capite affulget, quàm subtilioris, spirituosioris, tenuiorisque materiæ crassam agitantis, commoventisque retentione, per ignem evaporata illa, ac diffusa, de suppuratione prorsus actum est. Si verò dicant, quod cum supponant, malignitatem nunquam suppurationem admittere, idèque vulnus efficiunt, ut per illud foras expellatur. Et nos expectemus, quomodo foras extrahitur, si materia maligna, ut ipsi dicunt, in glandularum interstitiis ita impacta, & coagulata sit, ut in lapideam ferè indolem degenerata esse videatur glandula? Nonne quando materia aliqua evacuada, fluida, mobilisque reddenda est ex Hippocrate? Per ignem verò, apertionemque hoc assequi impossibile planè est. Huc refer, quòd cum per unctionem semper eleventur halitus, cur fieri nequit, ut horum maxima pars intus per poros ab igne rarefactos insinuetur, & quædam retrocessionis species, quàm timent, accidat.

Pro tertia ratione adducunt ignem venenum extinguere, & reverà putridum, venenatum, & pestilens in aere ignis ex lignis juniperi, pini, piceæ, lauri &c. corrigit, & extinguit. Imò ad aërem puriorem reddendum pestilitatis tempore multum valet, si tormenta bellica, præsertim majora, sub auroram & vespèram displodantur. Et hoc non tantum valet, quia aërem commovet, agit, & semina pestifera dissolvit, & rarefacit, sed quia sulphur in pulvere pyrio maximam habet vim in peste. Cæterum absolutè, & universaliter loquendo, ignem venenum extinguere falsum est. Enimverò plurima corpora per se non venefica, tamen venenata solius ignis ope fieri videmus, & multa venena ejusdem ignis ope vehementissimè exaltari: Si itaque universaliter verum non est, ab igne venenum extinguere, quare non debet esse falsum, venenum in parotidibus suppositum ab eodem igne destrui, & potius non exaltari?

Quarta tandem ratio deprompta à timorè, ne humoris malignitas retrocedat, falsa deprehenditur, tum ratione materiæ, quæ indurata fortidibus resistit emollientibus, & suppurantibus, tum ratione pororum, qui ab humore concreto sunt obstructi, viæque aliæ occlusæ; cum etiam ratione motus, cum corpuscula illa parotidem, præcipuè symptomaticam, constituentia, jam sint ibidem irretita. Insuper admissa retrocessione humoris maligni, nihil mali est pertimescendum, nam vel parotis est salutaris, vel symptomatica. Si primum jam malignitas per fermentationem sequestrata est, & immutata, ut videre est in omnibus fermentatis, quare maligna amplius non est. Si secundum, cum major malignitatis pars in humoribus consistat, quàm in parotide, magis de illa, quàm de hujus retrocessione timendum, eòque fortius, quòd hæc in aurium glandulis est ita fixata, ut impossibilis retrocessio videatur. Imò ex ejusdem cum alio humore miscela, quis prohibet; ut fermentatio ciatur, & per eam immutatio, & per consequens innocuitas. Denique ignis est sui diffusivus, & corpora interius penetrans, unde veneni per ignem in halitus elevati maxima pars per poros ab igne rarefactos se insinuat, intus remeat, & retrocessionem causat.

Parotidem simplicem, quæ est vera inflammatio, ut in nostris causis diximus, facilè vel resolvimus, vel suppuramus, eamque eodem modo moderamus, ea propinando, & applicando medicamenta, quibus in aliarum partium inflammationibus utimur.

Parotidem verò, quæ capitis morbis, vel malignæ, vel pestilenti feбри succedit, curamus etiam vel per suppurationem, vel resolutionem; rimandum itaque, an natura ad suppurandum, vel ad resolvendum vergat, ejusque motus uno, vel altera remedium præsidio promovendus, & adjuvandus est. Si igitur ad suppurationem tendat per aliquod medicamentum maturativum mollescere, & rumpi debet, optimum erit:

℞. Gummi opoponacis ℥. j. in aceto coquatur, per pannum trajiciatur, & coquendo rursus ad gummi consistentiam inspissetur, cujus

℞. ℥. ss. Ol. philosoph. rectificati ℥. j. colliquescant invicem super prunis, hujus ℥. q. s. & parotidi impone, donec aperiatur, verum ante emplastri applicationem parotis inungatur oleo fetido guajaci, vel tartari. Si parotis sit valde maligna, & epidemica, curationis, & apertionis accelerationem postulat, ne intro redeat, tunc

℞. Empl. filii Zachariæ, & theriacæ ana m. & parotidi impone. Non credibile est quantum hoc emplastrum parotidi applicatum juvet; sequitur enim naturæ conatum juxta partis exigentiam, & dispositionem, quod felici cum successu centies experti sumus. Sed in his casibus nullum majus præsidium, quàm emplastrum de fuligine inveniri potest.

℞. Theriacæ Andromachi, & Mithridatii ana ℥. ss. fermenti, terebinth. ana ℥. ij. mell. ros. simpl. ℥. j. ss. Butyri recentis ℥. ij. salis com. ℥. j. fuliginis camini ℥. j. ss. saponis Veneti ℥. iv. Croci ℥. iij. Vitell. ovor. num. iv. f. l. a. empl.

Præstantissimarum virium est hoc emplastrum, non tantum ad suppurandas parotides malignas, epidemicas, & pestilenciales, sed etiam ad quoscumque bubones, ac anthraces pestis tempore grassantes; extrahit enim venenum, & dolores ex inflammationibus subortos felicissimè pacat. Si necessitas parotidem rumpendi absque cunctatione urgeat, nihil præstantius in toto reperitur otbe emplastro magnetico, quod ita paratur:

℞. Gum. sagapeni, ammoniaci galbani ana ℥. iij. terebinth. laricæ, cera ana ℥. iv. ss. magnetis arsenicalis ℥. iij. terra vitrioli ℥. j. ol. succini ℥. ij. gummata illa tria diff. in aceti scillitici ℥. xx. postea solutionem illam per pannum lineum colatam exprime, quam deinde tandiu bullire cures, donec acetum fuerit consumptum, excipe paucillam spatula, & infrigida, dum videas ita induruisse, ut cum gummi essent: serva in loco calido, donec in residuo incorporaveris, quo facto, accipe ceram, & terebinthinam, fac ut lento igne in se coeant: remorum à calore aliquantulum agitato, donec ad spissitudinem unguenti reducatur. deinde adde gummata jam ante soluta, & ut dictum est, colata, postea adjuge magnetem arsenicalem subtiliter pulverisatam, terram vitrioli, & oleum succini, postremò paucillos forma, & corio, aut vesica oleo scorpionum inuncta involve. Hoc emplastrum non tantum parotidibus malignis, & pestilentialibus, sed etiam anthracibus, & bubonibus pestis tempore grassantibus dexterè applicatum eos illico maturat, & rumpit, ac venenum à centro ad se trahit, ut magnes ferrum, & non sinit abscessum claudi ante totalem veneni extractionem, ac proinde omnibus emplastris huic usui destinatis, meritò antefendum. Tandem emplastro Diasulphuris Rulandi parotidi extremam dabis manum.

Per resolutionem parotidem curamus naturæ motum expulsum fortiter adjuvantes, quæ materiam in parotide conjunctam expellere nititur, atque idè in unum locum congestit: istum ergò naturæ conatum promoveamus oportet expellentibus, nimirum alexipharmacis, sudorificis, & resolventibus abscessum superimpositis, licet parotis non adèd sit maligna, nihilominus enim nihil boni in se continet, sed contenta naturæ molesta, atque ad expulsionem proscripta. Ad hunc finem medium venit, quòd parotis quater in die inungatur oleo ceræ destillato, & interim si maligna, vel pestilens sit parotis, alexipharmaca, & diaphoretica quotidie propinentur, tum quoque cum parotidis resolutionem molimur, usurpanda sunt, ut Aqua theriacalis cum spiritu vini, spiritus theriacalis, diascordium, electuarium de ovo, de gemmis, theriaca citri, theriaca Germanorum, elixir pestilentielle Crollii, extractum tormentillæ vel contrayervæ &c. Item stibium diaphoreticum, bezoarticum minerale, lapis bezoarticus, sulphur auratum diaphoreticum, diaphoreticum in peracutis, c. c.ustum pro pauperibus, tinctura antimonii, mercurius diaphoreticus, cinnabaris antimonii, salia volatilia succini, c. c. viperarum &c. Pro potu usurpare potest æger decoctum c. c. aquam scorzonerie, cardui benedicti, scordii, ruta caprarie, scabiosæ, bardana compositam. Deinde æger stragulis optimè tegatur, ac profusissimos expectet sudores, quos potentissimè hæc tam sola, quàm in varias formulas concinnata proliciunt, venenatorum humorum malitiam temperant, infectionis miasma disjiciunt, ac venenosum corporis habitum, excusso sudore repurgant, parotidemque exactè resolvunt, perfectissimeque curatur absque recidivæ suspitione.

Post parotidem, inter mala, quæ collum obsident, strumæ succedunt, ideoque.

CAPUT XLIV.

De Strumis.

Sunt strumæ glandulæ induratæ in collo, axillis & inguinibus, necnon in mammis quandoque observantur: verum ad maiorem hujus morbi cognitionem non omittendum est, quod nonnulli à strumis glandulas distinguunt, nec quamlibet glandulam appellant strumam, sed glandulas vocant, quæcumque sunt plures, minores, mobiles, & non stabiles, pauciores, & minores sunt: contra verò strumas, quæ firmiter adhærent, stabiles, pauciores, & majores sunt. Glandulæ insuper appellantur, quæ multiplicantur, strumæ verò, quæ ferè in dies multiplices fiunt, undè hujus morbi proprium, & specificum signum est semper in dies multiplicari, plures glandulas intumescere, & unam ex altera dependere in cutis superficie, uvarum instar ex eodem racemo dependentium. Hinc dicuntur scrophulæ à scrophis, seu suis matribus, quæ semper brevi pariunt, & facilè suos multiplicant porcellos. Vel dicuntur scrophulæ, quia prædicta animantia frequentius hoc corripuntur malo, vel quia colla habent glandulosa.

Signa.

Strumarum diagnosi facilis est, tumor enim in collo observatur; vel plures, & sunt glandulæ tumefactæ induratæ, & rotundæ, vel oblongæ proprio clausæ folliculo, quæ faciliter multiplicantur, & ex una fiunt plures, quia in suo glutine fermentum acquirunt, quo proximas inficiendo partes, eas strumosas quoque reddit. Sunt ut plurimum absque inflammatione, raissimè dolent, & ad carnis naturam accedunt. Quædam inflammationem quandoque habent conjunctam. Aliæ sunt malignæ, & cancerosæ pro materiæ acrioris, & corrosivæ ratione. Sunt aliæ mobiles, aliæ immobiles.

Causæ.

Medicorum vulgus à phlegmate, sive pituita cum humore melancholico commisto strumas generari credit, sed summo perè in hoc fallitur; nam strumæ sunt, quoties superfluum nutrimentum, & acidum glandulis destinatum, ab eisdem glandulis non resolvitur, sed in earum corporibus degenerat, ut videre est in suis, qui ob voracitatem succus alimentitius superfluum in latum mutatur, & circa collum in scrophulas, quas in animalibus nonnullis vulgus in deliciis habent, vocatque lactinia, & animalles. Hic sanè semper strumosi voracissimi sunt, quorum nutrimentum superfluum non resolvitur, sed in adeo locis scilicet in collo, axillis, vel inguinibus, præcipuè tamen in collo, quia magis expositum est aeris frigidi accessui, ab acido austero promptè induratur, in quibus calcis dispositiones acquirunt, & in tophum temporis progressu transit. Ichor deindè, qui à degenerato nutrimento emanat, proximarum glandularum nutrimentum contaminat, & novi strumosi producuntur foetus. Undè parere strumas vulgus credit, cum passim circa primam aliæ erumpant. Quod strumarum causa materialis sit earum nutrimentum degeneratum, & coagulatum, pater ex eò, quod strumæ corpus venis, & arteriis caret, proprioque clauditur folliculo, qui si in curatione omnino non extrahatur, expectanda est recidiva.

Multi fuerunt rati, & præcipuè *Arnoldus de Villanova*, & *Riolanus* strumas in mesenterio præcedere antequàm in conspectum prodeant, sustinentque strumarum seminarium in mesenterio foveri; propterea frustranea remedia esse ajunt, quæ strumis apparentibus extra corpus adhibentur; quia non curantur in earum radice, scilicet in mesenterio, ideòque etiam intrinsecus convenientia medicamina usurpari debent. Nos verò suaderi non possumus, ut credamus in his glandulis sedem, & radicem esse omnium strumarum in corpore, easque foras nunquam erumpere, nisi mesenterium fuerit strumosum, nam remotæ causæ esse possunt, & per accidens, inter colli strumas, & mesenterii glandulas nullus intercedit consensus. Plures sunt strumosi, qui sanas, & inculpatas habent mesenterii glandulas. Omnes strumosi forent, quia in omnibus sunt hæc glandulæ; Subalpini strumosi aliam mesenterii conforma-

Musitani Opera Tom. II.

tionem haberent. Non negaverimus tamen strumosum fieri posse mesenterium, cum plurimis sit glandulis referum, & in iis non minùs quàm in glandulis circa fauces nutrimenti degenerationem evenire posse; at minimè quidem concedemus necessarium esse strumosum prius fieri mesenterium, ut deindè loca circa fauces strumis laborarent, sed utrobique cum eadem sit dispositio glandulæ circa gulam positæ, ut strumosum concipiant fermentum, necesse non est, ut illud in mesenterii glandulis præcedat. Id nos experientia edocuit, nam plusquam quinquaginta strumosos circa fauces hætenus efficaci curavimus remedio, absque eo, quod aliquod medicamen mesenterio prius fuerit adhibitum, unde falsum esse dicimus strumas in mesenterio prius produci debere, ac postmodum in aliis adenosis corporis locis. Præterea hanc falsitatem anatomicus culter in multis cadaveribus strumosis detexit, & propria autopsia nostram stabilivit sententiam.

Prognosis.

Strumis obnoxii sunt hi, qui brevioris sunt colli, & angusta fronte, compressis temporibus, ac maxillis, qui nimis voraces, ut pueri, & feminae. Strumæ difficiles sunt curationis, attamen minus, recentes, molliores, tractabiles, & in junioribus; quàm inveteratæ, induratæ, ossibus adhærentes, quæ cancerosam redolent naturam, & in senioribus. Nunquàm strumæ suppurationem admittunt, ex eo, quia earum materia sanguis non est, neque solventibus summæ efficacis obediunt; nam resolutioni ambiens obstat folliculus, qui si radicatus minimè extirpetur, facilè circa cicatrices repullulant. Strumæ in posteriori colli parte ægrè curantur, attamen in ejus anteriori parte curatu difficillimæ sunt, ob propinquitatem venarum, arteriarum, & nervorum, in primis circa asperam arteriam, ubi incisio, & denudatio vocalium instrumentorum facilè per omnem vitam voce privat, quia prædicta instrumenta per sectionem, vel ustionem facillimè leduntur, vel refrigerantur aeri ambientis exposita, unde succedit, ut post strumarum abscissionem & earum sanationem vox deperdita, fuerit, ut *Gal. 1. de loc. aff. cap. 5.* accidisse refert. Strumæ grandiores semper vocem vitiant, & plerumque auditum, loquela autem ipsa, & olfactus ab ipsis raro patitur. Ut plurimum quoque intellectus, & memoria in strumosis debilitatur. Strumæ frequenter in scirrhum exquisitum degenerant ob materiam viscidam, quæ si diutius, acido scilicet aucto, subsistat, in duritiem gypseam transit. Quando exulcerantur, desinunt in caecothica ulcera fistulosa, ac nonnunquam in cancerosa, & corrosiva, acido illo in iis reddito nimis acri. Non solum strumæ multiplicantur, sed in molem excrescunt, adeoque aliquando jugulum occupant, ut patientes jugulent, & suffocent.

Curatio.

Vulgarium schola in strumarum curatione victus rationem tenuem, & extenuantem instituit ad calidam, siccamque vergentem, secus cruditates, & crapulas vitandas, quæ pituitam, & melancholiam aggregare possunt. Cognitionem omni studio procurandam, ventriculum roborandum, caputque exsiccandum imperat. Dimidiam sanationis partem in victus regimine consistere vulgares credunt, tanquam diæta graviorum morborum medela foret. Est stricta diæta medentum impostura, qua tyrannidem in agros exercent ad obtinendum finem ipsis ignotum, quæ ad amissum nisi observetur, proclamant actum esse de morbi sanatione, quia facilius est destruere, quàm construere. Unde perpetuè ex errore in victus regimine optimam nanciscuntur excusandæ sanationis, vel necis occasionem, unde dicere solebat *Hippocrates* ille senex: *Comedit racemum uvæ, ideò periit; Intempestivè cœnavit, ideò obiit*; ac diæta remediorum insufficientiam, implicitumque sanationis argumentum prodit. Non negaverimus crapulas, cruditatesque strumarum sanationem aliquatenus perturbare, sed hæc est medicaminum, non diæte effectus. Sobrietatem, moderationemque tanquam totius diæte cardinem magnificimus, quantum ad vitam sanam tuendam facilè sufficit.

Victu instituto, crassiores preparant, inciduntque humores, præcipuè pituitosos, & melancholicos tribus syrupis

incidentibus, & attenuantibus. Corpus ita præparatum purgant iis pharmacis, quæ phlegmaticos, & melancholicos succos purgandi vim habent. Deplent corpus, sed strumas intactas in folliculo inclusas relinquunt.

Si febris cum strumis associetur, phlebotomiam instituunt, vel podicis venas hirudinibus aperiunt, quasi sanguis strumas cuderet, aut foveret, vel febrem in strumosis concitaret.

Post universalia præsidia (ita appellant vulgares phlebotomiam, quæ sanguinem, & medicamentum purgans, quod stercoraceum educit liquamen) ad sudorifica descendunt decocta. Sed quid falsaparilla, chinæ radix, guajacum, & cætera peregrina remedia in aquæ forma epota exsiccabunt? Nonne humectatio potius succedet? Nunquid exsiccatum non ipso liquido perniciosus erit? Quæ facta sunt, non exsiccationem, sed expulsionem postulant. Hæc sudorifera laticem minuunt, nec ob folliculum strumas attingunt, quod si attingerent, non absque capitis mortui-residuo exsiccarent, easque pertinaciores redderent, cum maxima ægri perniciæ. Præterea victu tenui, copiosoque sudore, primò cruorem minuerent, deinde cum debilitate maciem causarent.

His parùm, vel nihil proficientibus, ad ea deveniunt medicamenta, quæ specificam absumendi, & exsiccandi vim strumarum materiam obtinent, inter quæ principatum obtinet *scrophularia radix*, & inde nomen habere videtur, quod scrophulis medeat. Verùm scrophulariæ radix undique strumosa subsistit, & inde sortè nomen traxit. Ex signatura externa latentes ariolantur virtutes, in quibus facillè falli possunt; quisnam dicit scrophulariam scrophulis mederi, & non eas efficere? Item commendatur *filipendula*, *gladiolus*, *iris* &c. Sed *filipendula* radice nittitur, quæ rotundis extuberat capitibus. *Gladiolus* radicibus cohæret geminis, rotundis, pressisque verticillorum modo, una super alteram insidente, albicantibus, & bulbosis. *Iris* radices habet geniculatas, & acoti radices profert. Si hæc crescentia strumis mederentur, certè omnibus opitularentur tuberculis, curarent phrygionem, bronchocelen, ganglion, steatoma, atheroma, meliceriden &c. & ob signaturam *asphodeli i. hastula Regiæ radix* in toto vegetantium regno præcelleret, quia in ejus radice circumquaque ingens bulborum numerus penderet, quod à veritate alienum comperimus. Si ex signatura rerum virtutes, & essentias attingeremus, omnes morbi essent sanabiles, sed tantum corticem, & non nucleum attingimus.

Extollit *Sennertus* rusci radicem, cujus efficaciam sibi quoque compertam esse testatur *Fallopins*, si ejus in pulverem redactæ drachma una singulis diebus assumatur, diebus quadraginta. Sed errant, nam ruscus ciendæ urinæ, & aperiendis obstructionibus perquam idonea est, non verò strumarum curationi.

Præscribunt vulgares diversos pulveres, diversaque decocta ad strumarum sanationem, quæ ad optatum non collimant scopum, quia vulgaria sunt, & nullius energię in hoc morbo, sed communia per applicationem in quolibet curando morbo, ut *Aristoloch.*, *raphan.*, *pimpinella*, *pilosella*, *ruta*, *agrimonia*, *betonic.*, *ros marin.*, *sem. anis.*, *zingib. nux mosch.*, *cinnam. acut.* quæ an profuerint, strumosi sciunt.

Ad nauseam usque strumosis tortis, adauctoque morbo, topica usurpant, & primò tumoris materiam insensibiliter discutiendam, & absumendam curant. Verùm quis ex vulgatis unquam scirrhum curavit, ut strumas sanare possit? Emollientibus, incidentibus, & resolventibus utantur, attamen iis tenuiores resolvuntur partes, & crassiores indurantur, quod remanet, resolutioni inobediens redditur, imò nunquam perfecta resolutio sperari potest, ob strumarum materiam in propria contentam tunica.

Ubi emollientia, incidentia, & resolventia nihil profecerint, ad maturantia, & suppurantia confugiunt nostri Veterenarii, quæ sunt *radix lilior. alb. alth.*, *iridis*, quam ad mollitiem concoquunt, addito oleo *lilior. alb.*, *gallina pinguedine*, & *farina triticea*, & cataplasma concinnant. Vel alia applicant suppurantia, quæ lippis, atque tonsoribus patent, & tamdiu iis insistendum putant, quousque completa fuerit suppuratio, qua completa, aperiunt ferro, vel cauterio strumam, qua aperta, ulcus digerunt, & mundificant unguento Ægyptiaco, vel simili, folliculum absumunt, incarnant, & cicatrizant.

Sed si struma ad suppurationem duci nequeat, ut semper accidit, extrahendam cum *Gal. 14. meth. cap. 2.* consulunt per incisionem; tamen pertimescendum est ferrum, ne nervi vocales, aliæque circumstantes lædantur partes per sectionem, & strumofus perpetuò mutus evadat, vel majus strumis malum emergat.

Quod si æger ferrum perhorrescat, ad caustica, & corrosiva deveniunt medicamenta, quorum applicationem post partis scarificationem usurpant nonnulli, & trochiscis de minio utuntur, quos *Joannes de Vigo lib. 8. cap. 13.* describit, ut

℞. Panis crud. benè fermentati ℥. iv. mercurii sublimat. ℥. j. minii ℥. iv. Cum aqua ros. formentur pastelli ad pineoli magnitudinem, & in furno tepido exsiccentur. Alii ex auripigmento, & arsenico crystallino trochiscos ita parant.

℞. Auripigmenti, & Arsenici crystallini ana q. s. M. cum pasta ex farina triticea, & f. trochisci, quos etiam in apertam strumam immittunt. Sed caustica, & corrosiva non tantum in vicinas partes, verum etiam in remotiores se diffundunt, easque inflammant, quantumvis unguento refrigerante Galeni, rosato, & similibus muniant. Auripigmentum, & arsenicum crystallinum est venenorum corrosivorum maximum, eorumque operatio in veneno consistit: nam præter acrimoniam urentem, causticamque facultatem, tanta quoque malignitate vitæ nostræ balsamo infensum est, ut etiam extrinsecus adhibitum mali moris excitet febres, & plurima alia prava inducat symptomata, & in minima etiam quantitate multa præstare potest, præcipuè in strumarum loco causticat arterias carotides, venas jugulares, asperam arteriam, vocalia instrumenta ob sui diffusionem, & ob viciniam cor, & cerebrum lædit; unde convulsiones excitantur, stupor, dirates, sudores frigidi, palpitationes, deliquia, spirandi difficultates, tussis, vehementissimi cruciatus, erosiones, sitis inexplebilis, æstus, faucium, & gulæ asperitates, quapropter nullum salutare medicamen irreparabilem mortem eliminare potest.

Tandem alii alium in sariandis strumis servant modum: illos arcta ligatura è filo serico, aut fetis equinis radicem versus constringunt, & in diem arctius donec alimenti defectu resiccata spontè decidunt. Hos nunquam strumas inspexisse credimus, & scutica dignos existimamus, dum extrarem loquuntur. Utique hujusmodi medendi genus admitteremus, si strumæ supra cutem essent eminentes, exilissimæ inniterentur basi, in summo latiores, & peniles ut sunt acrochordones, & thymi.

In strumis indicatio curativa est, ut nutrimentum superfluum ab acidis particulis coagulatum, à quiete ad motum excitetur, incidatur, attenuetur, resolvatur, & particulæ acidæ alkalicis corrigantur, & immutentur, deinde in vasa regrediantur, per quæ commodè aliorum distribuantur, & eliminantur; primò itaque corporis depletio, & præcipuè per vomitum præcedere necesse est. Diæta infirmo præscribi, & quantum possibile est, nutrimentum subtrahi debet. Medicamenta in ultima Lunæ quadra cum successu assumi, & in novilunium usque continuari Lunatici Medici præscribunt, sed has Lunæ nœnias fusiùs repudiabimus in nostra Theoria cap. de causa periodi menstrualis. Nutrimentum ab acidis particulis mundificantia specificè usurpare oportet, & ab hoc expertissimo fit pulvere.

℞. Radic. scrophular. pentaphyll. filipendul. ana m. ij. herbar. agrimon. pilosella ana m. ℥. Omnia siccantur in umbra f. pulvis subtilissimus, adde sacch. albiss. ℥. iij. Cujus dosis ℥. ℥. omni mane cum vino assumatur.

Strumarum materia suppurationis non est capax, & earum glandulosum corpus, earumque folliculus resolutioni reluctatur, idèoque triplicem earum curationem, per resolutionem, vel per sectici apertionem, vel per magiam instituimus.

Strumis recentibus resolventia conveniunt medicamenta. Specificum resolvens est pumicis sal, paratur hoc modo:

℞. Pumicis in pulv. redact. part. j. sulph. com. part. ij. misceantur invicem, indantur crucibulo, quod optimè lutatum ponatur in igne circulari, in fine probe candefiat. Hunc pumicem calcinatum inde vitro, & superfunde acetum destillatum, ut solvatur, quicquid calcinatum est, quod verò non solvitur, denudò siccetur, & cum sulphure calcinetur, atque eodem modo in aceto destillato solvatur, & ad salis siccitatem evaporetur. Ad hæc etiam vini tartarus in furno figulino ad albedinem calcinatur, cui guttatim spiritus nitri superfunditur, donec ebullitio cesset, tum liquor filtratur, & ad sicc-

siccitatem evaporatur, quod remanet, iterum in aqua pluviali solvitur, filtratur, & coagulatur; hujus & precedentis salis pumicis ana una pars, salis gemmae duae, vel tres partes solvuntur simul in aqua, filtrantur, & coagulantur rursus in salem, qui contra strumas specificus est, cujus ℥. j. vel ij. in aqua scrophulariae omni mane tribus, vel pluribus horis ante pastum assumuntur. Sali pumicis additur sal gemmae, & tartari, ut citius curatio procedat.

Solvuntur facile, si bibat patiens ex cranio hominis sepulti, non semel quidem, sed saepius. Idem praestat alkali, seu cinis spongiarum, qui sic fit:

℥. Spongiarum ℥. vj. lapidum spongiae ℥. iv. Calcinentur in olla operculata, donec pulverisari possunt. Cineris hujus quotidie exhibetur ℥. j. cum vino, mane duabus horis ante pastum.

Helmontius huic spongiarum cineri alias additiones commendat in Tractatu: *Tartarus non in potu*, ita scribens. *Strumas praegraves pluries unico mense evanuisse vidi, ac subito praefocationem à venenoso fungo illatam curari remedio astringitivo, quod sic habet.*

℥. Spong. marin. in carbonem combustae ℥. iv. ossis saepiae usti, piperis longi, zingiberis, pyrethri, gallarum, salis gemmae, calcis testar. ovor. ana ℥. j. m. cum aqua stillata ex praefatis spongiis, & exsiccantur paulatim, accipe hujus pulveris ℥. ℥. cum sacch. ℥. ℥. accrescente Luna, ut paulatim liquatus deglutatur, vel fac illinendum, & struma, ac bocium disperebit. Alii defectu spongiae sumebant pilosam excrecentiam sylvestribus roseis innascentem exteriori corrici castaneae persimilem hirsutam, hispidamque, cujus solius pulvere utebantur feliciter &c.

Arnoldus de Villa nova non ab similem laudat pulverem:

℥. Ciner. spong. marinae, paleae marinae, ossis saepiae, piperis longi, & nigri, zingiberis, cinnamomi, salis gemmae, pyrethri, nucum cupressi, gallar. quercus, rosarum ana ℥. ij. f. pulvis. De qua aeger saepius de die, & nocte aliquid in ore teneat, & paulatim deglutiat. Idem & cibis inspergi poterit.

Citius evanescunt illitae oleo lactis (fit hoc oleum per vesicam ex lacte putrefacto), & si deinde caput mortuum post destillationem lactis residuum denuò cum oleo destillato mistum, & in formam emplastri redactum, & strumis impositum fuerit: Idem praestat emplastrum de Ranis cum triplicato mercurio. Non satis laudare possumus oleum ex bufonibus, quod est veluti angulare arcanum ad strumarum resolutionem, quo multos sanavimus strumosos sola inunctione, cujus confectionem alibi docuimus.

Aliqui propinant Genista conservam, cum cantharidum pulvere, & reverà multos strumosos hoc remedii genere curatos vidimus; sed Medicus in hoc praebendo, nimis sedulus in cantharidum dosi esse debet, nam quoque multos infelices inspeximus successus: praestat igitur strumosis contritos flores cum melle rosaceo, aut ovo sorbili praebere.

Hæc medicamenta strumas resolvunt absque capitis mortui residuo, quia degeneratum glandularum nutrimentum fermentant, attenuant, & ferè in prima resolvunt principia, partim per poros diffundunt insensibili transpiratione, partim ad renes deturbant, partimque per pyralismum quem promovent, ad os trahitur, & exsalivatur.

Curatio per apertionem, ut cruda fiat necesse est, & quò citius, eò melius; nam temporis cursu non solum non maturantur strumae, verum multiplicantur, indurantur, ac ultro fermentum diffundunt: igitur dum earum curationem aggredieris, per decem continuos dies fodicationum emplastrum superpone, nam summopere glandulas ad degeneratae materiae suppurationem disponit.

Eodem tempore dietam praescribe; habeas deinde ad manus trochiscos magnitudinis pineoli ex mercurio meteorizato hoc modo concinnatos:

℥. Mercur. meteoriz. opt. pulverisati ℥. j. farina hordei, vel tritici tantundem. M. simul cum spatula lignea, & cum saliva fac massam, quam divides in trochiscos, hos exsiccare permitte.

Unum ex his recipe, & in medio expansi emplastri fodicationum infige, ne hinc illinc vagus excurrat, & prominenti strumae superpone per 24. horas, & expecta, ut eschara decidat, ac tunc ulceri recentem trochiscum impone; nam secundi trochisci applicatione, ut plurimum strumae centrum manifestatur. Si verò profundius sit, novis applicationibus septicis illud perquire. Signum jam remedium ad strumae centrum pervenisse, erit, si materia dura, alba, & tactui indolens appareat. Patefacto strumae centro, hoc

Musitani Opera Tom. II.

utere pulvere, nam totum strumae corpus resolves, si pulvillorum extremitatibus illo aspersis strumam attingas.

℥. Merc. currentis ℥. j. aqua stygia ℥. ij. Dissolve & affunde aquam salsam, & praecipitabitur in pulverem album dissolvens per inclinationem effunde, & praecipitatum exsicca.

Vel uti poteris Magno calcinato, cujus praecipitatio à superiori in hoc differt, quod aquae salae loco affunditur ol. tart. p. d. quo cum pulvillis utere, superponendo fodicationum emplastrum, usque dum totum strumae corpus consumptum sit; quod cognosces, quoties nihil albae materiae, sed aliquid cruenti ab ulcere emanat, tunc à pulvere cessa, & emplastro fodicationum ad cicatricem usque utere.

Strumam jam adaperiam hoc quoque arcano à nobis multoties experto dissolvere poteris:

℥. Vurioli alb. ℥. j. aqua ros. ℥. ij. lithargyrii ℥. ℥. Miscentur cum ol. ros. & filamentis in eo madefactis foraminis orificium impleatur, sed leniter. Deinde pro incarnatione fodicationum emplastro, vel hoc sequenti efficacissimo utere:

℥. Consolid. regalis ℥. ℥. aristoloch. long. ℥. iv. mirrh. ℥. ℥. mumiae ℥. ij. Post triturationem recipe ol. ros. q. s. pro incorporatione, & formentur in modum emplastri.

Quoties apertionem aggredieris, fingere in animo debes, nunquam ab opere te esse recessurum, nisi strumas omnes, & corpus earum totum à strumosa parte averruncaveris; nam si earum unam, vel alicujus partem aliquam ob incuriam omnino non abstulisti, operam perdidisti, nam post apertarum strumarum cicatrizationem infra paucos menses strumas iterum pullulare conspicias.

Tandem Christiana impellimur charitate Rempublicam Medicam nobilissimo, & efficacissimo emplastro paucis expensis parabili non defraudare, quod Benedictum ad strumas percurandas appellamus, nam sola superpositione non tantum strumas; verum etiam cuncta apostemata, tam calida, quam frigida dicta, imò tophos podagricos maturefcere facit, & sanat; licet silentio involvendum putaverimus, ne margaritas ante porcos projiceremus, & apud vulgares chirurgos, qui à tonsoribus parum, vel nihil differunt, vilesceret, attamen ingenuè communicamus: ut

℥. Ol. com. ℥. ij. radie. arundin. ℥. ij. lilior. caelest. ℥. ij. althaeae ℥. j. ℥. Dum oleum ebullire incipit, affunde radices mundatas, & in taleolas subtiliter incisas. Coque ad nigredinem usque, quas aufer, & pedetentim injice. Cerussa ℥. vj. tutia prepar. ℥. j. ℥. cera citrine ℥. ij. Semper agitando spatula. Coque ad nigredinem usque ad emplastri consistentiam, tandem adde

Balsami Peruviani nigri ℥. ij. Aufer ab igne, & serva. Credile non est, quantum emplastrum hoc ad maturanda, rumpenda, & sananda valeat omnium apostematum genera, major est experientia verbis.

Ad magicam strumarum curationem quod attinet, sciendum est, quòd licet res aliqua, quæ pro curatione aliquorum morborum extra corpus adhibentur, impares ad promissum effectum producendum judicentur, quia ipsæ non quidem in morbi materiam, sed in ipsum vitæ spiritum agunt, qui in morbi loco morbum producit, spiritum eundem urgent, & eadem virtute, qua strumarum materiam coagulavit, eandem quoque in prima sua principia resolvit, quod est absque apertione strumosos tumores resolvere, ac magicè illos curare, ignota scilicet Medicorum vulgo energia. Hujusmodi igitur est testudinis sanguis à viva testudine scalpello extractus, & strumis superaspersus; nam tunc muro pede suspensa testudine, ibique relicta usque dum moriendo contabescat. Mirum est, ut strumae talis testudinis sanguine aspersæ contabescant, & in loco emoriantur.

Eodem quoque modo dissolvuntur strumae, si iis superponatur Rana viva, usque dum emoriatur, quæ si deinde foco suspendatur, siccescunt strumae, non secus ac rana.

Quod nostram superat capacitatem, & admirabile est, quod passim observatur, & nos hactenus pluries experti sumus, scilicet septimum in ordine filium cujuscumque matris, ante cujus ortum, & inter praecedentes nulla intercessit foemella, strumas omnino resolvere, si sua saliva digito strumas signaverit, hæc proferendo verba: *Io ti Segno, e Dio ti sana*, ter repetito signo, tertio quoque die; quicquid sit de eventus ratione, quod proveniat, est extra dubium.

Tandem circa strumarum curationem silentio præter eandem non est vulgò ferri Galliarum Regem solo aut & stru-

strumas sanandi vim habere. De quo multi varia opinati sunt; Nonnulli harum sanationem imaginationi, alii aëris mutationi, & aliqui corporis motui tribuerunt, namque quotannis è proximis, distitisque regionibus strumarum morbo laborantes Regem adire solent, attamen vana hæc esse cuique facile patet. Etenim vis hæc *Clodoveo I. Francorum Regi* cœlitus data, & in omnes Regni successores per traducem, nullo familiæ habito respectu derivavit. Erat Clodoveus idolorum cultor, qui *Clotidis* uxoris monitis, & precibus adhortans, ut Christi fidem susciperet, à *Santo Remigio Rhemensis Episcopo* baptizatus, & christi-mate delibutus fuit. Ex eo die, quo sanctum accepit baptismum, tali munere, ne dum ipse, verum, & reliqui successores donati fuere. Unde procul ab omni dubio hanc sanandi vim in munus concessam divinitus solis Galliarum Regibus, qui Christi fidem religiosè profitentur, hancque veluti Catholicæ fidei tesseram esse ipsis duntaxat donatam. Sed non nisi præmissis aliquo religionis cultu, hæc procurant, uti par est, ut tanto beneficio gratiosissimè utantur, quod à Deo gratis acceperunt. Quapropter quotannis ex toto terrarum orbe confluentibus strumosis. Rex indicto sibi trium dierum jejunio, prægressa sacramentali confessione, & sumpto Eucharistiæ Sacramento, die Pentecostes, manus imponit, & hæc verba Gallico idiomate profert: *le Roi te touche, & Dieu te guerit*, & signato crucis signo eos sanat. Unde eam virtutem miraculosam à Deo derivare fatemur.

CAPUT XLV.

De Bocio.

Iustissimus *Deus* muliebri crollum variis excrecentiis morbosus, ut bocio, strumis, & scrophulis iusta ira in pœnam deturpare solet, solet namque hic sexus devotus ad conciliandam faciei pulchritudinem collum variis ornamentis colere, ut torquibus, monilibus, margaritis, auro, lapidibus pretiosis &c. quibus vanitate inflantur, & superbiunt, unde multoties in supplicium his morbosus excrecentiis loco monilium, perlatum &c. collum plectitur, & pulchritudo conspurcatur.

Tumor, quem Latini *bocium* appellant *bronchocele* à Græcis dicitur; verbum enim apud hos *cele* tumorem significat, *bronchos* autem apud eosdem guttur denotat, seu asperam arteriam, unde bronchocele, quasi gutturis tumor, qui inter cutem, & asperam arteriam gignitur. A nonnullis *gutturis hernia* vocatur.

Digladiantur vulgares, an bronchocele differat à strumis, & contrà. Nonnulli bronchocele sub strumis comprehendunt, & strumam esse in gutture contendunt; alii bronchocele à struma discriminant, quam sententiam nos libenter amplectimur, ac proinde his unicuique proprium assignamus caput; bronchocele enim est tumor non in glandula aliqua, sed supra asperam arteriam obortus: struma verò in collo est tumor in glandula aliqua ex iis, quæ sub larynge statim hinc inde ad asperæ arteriæ latera ponuntur. *Est* igitur *bocium* tumor in anteriori colli parte inter cutem, & asperam arteriam magnus mollis, & rotundus, modò est illi caro dura, ut in hernia carnosa, unde gutturis hernia dicitur; modò sanguineus à sanguine genitus, quod simile bocium in quadam Vetula Neapolitana diffecimus, & curavimus. Modò aquam continet, & vocatur *gutturis hydrops*. Addit *Platerus* aliam bocii speciem, scilicet flatulentam, seu à flatu genitam, inclusam intra cutem, aut membranam. Non desunt vulgares bocium humorale assignare ex humoribus, scilicet pituitosum, & melancholicum, & rursus ex pituita triplicem assignant differentiam juxta majorem, vel minorem pituitæ crassitiem, quæ si melli assimilatur, meliceridis naturam induit, vel pulti, & atheromatis naturam habet, vel sævo, & steatomatis naturam continet. Præter has differentias aliæ quoque annumerantur, nam hoc quandoque malum est naturale ab ortu, scilicet & nativitate contractum. Aliàs est morbosum, quod in tempore advenit ob aliquam causam, sive fuerit interna, sive externa, & hoc rursus plerumque est hæreditarium per traducem à parentibus. In aliquibus locis est edemicum, & adeò hoc malum est familiare, ut indecorum non sit apud illos bocium habere, imò inter mulieres pro honore habetur. Aliæ differentię desumuntur à figura, magnitudine &c.

Signa.

Malum hoc oculis cernitur, nam est tumor in anteriori colli parte inter cutem, & asperam arteriam magnus, mollis, & rotundus, aliquando insignis magnitudinis, & totum sæpè deturpat collum, ab eo instar sacculi, aut pyri, aut vesicæ inflatæ pendulus, & inundulatio, atque fluctuatio humorum in eo nonnunquam percipitur. Qualis materia contineatur, ex meliceridum, atheromatum, & steatomatum signis, quæ suo loco descripsimus, facile innotescit. Bocium, quod ex vasorum dilatatione fit, cognoscitur ex mollitie, & partis color est sanæ similis, tumor est latus, ad digitorum compressionem non solum cedit, sed veluti ex toto evanescere videtur, mox amoris digitis, illicò revertitur, sicuti aneurismata faciunt. Carnosum discernitur ex media quadam consistentia, nam non est ita durum,

Causa.

Pro bocii causa tum interna, tum externa potissimum assignant vulgares pituitam sæpissimè à capite, per externa vasa ad locum patientem depluentem, quasi caput esset pituitæ cloaca, ad anteriorem colli partem decumbentis.

Fit bocium non ex humano capite pituita depluente, sed ex propria, & topica anterioris colli partis indispositione, & facultatis assimilatricis errore, quæ dum id in hoc aliud transmutat, quod partis situm vitiat, & in extuberantem attollit tumorem, dum enim ab affluente alimento superfluo membrana distenditur, & forsitan etiam rumpitur, accedentibus causis extrinsecis, natura novæ quasi membranæ texturam aggreditur. *Bocium carneum* fieri existimant vulgares partim ex affluente alimento, partim ex aliquali loci patientis debilitate. Verum nos, & melius, dicimus bocium carneum fieri assimilatricis luxuriantis vitio; extra enim limites sibi destinatos carneam mucaginem coagulat, ob quam rem caro in hoc tumore sit hebes, scilicet non valde robusta.

Solet quandoque hic tumor ex vasorum dilatatione, & ampliatione fieri, quemadmodum in aneurismate contingit, & sæpè contingere solet parturientibus ob laboriosos partus, quando, scilicet nimis violenter spiritus continuant, ut etiam fieri solet in vehementibus conatibus, onerum gestationibus, & præcipuè supra caput, clamoribus, vociferationibus, ac singultuosis ructibus.

Felix Platerus bocii causam statuit esse tumorem in anteriori colli parte amplo spatio exturbantem qui tensus est admodum, ut cum pulsatur, sonum edat, & cum premitur, sicut uter inflatus cedat, sed mox iterum attollatur. Hujus mali causam statuit esse flatum sub cutem membranamque generalem cuti substratam, adnexamque colli anterioribus, irruptentem. Collectionis autem aeris, eo loci causam esse statuit, cutis laxationem, seu avulsionem, cum membrana illa, quæ eo loci crassior est, rubicundior, quam alibi, à sejectis asperæ arteriæ, musculorumque colli anteriorum sedibus, spatiumque illic efficientis, in quod ob fugam vacui aer, seu flatus è vicinis locis irruptens, illud non solum implendo, cutem, membranamque in tumorem elevat, sed & continuatione distendendus, in immensum auget; unde nomen rectè acceperit tumor quod bronchocele, quasi ruptura, seu hernia gutturis appellatur. Causam autem avulsionis membranarum statuit esse vehementem conatum, qui fit, dum spiritu retento, excrementa, vel fœtum in partu excludere nituntur, aut buccas vehementer inflant. Verum etsi facile concedimus, causam potissimam esse cutis avulsionem, & membranæ illius à partibus vicinis: tamen vix verosimile videtur, solum flatum, utpotè mobilem, nec facile uno in loco hærentem, malum tam chronicum progignere posse, & tangenti facile quid pro quo deprehendere. Ideoque nobis probabile videtur, ut vacuum illud spatium, præcipuè membranæ extensis, succum aliquem, & nutrimentum crassius effundi, ex quo natura carni quid simile formet. Unde etiam ipse *Platerus* statuit, nisi malo huic maturè occurratur, vix dum amplius abigi posse, sed toto vitæ curriculo permanere illic, ubi præter naturam excrecit, se se circa vicina vasa amplificans, & iis pertinacius adhærens.

Tumores hi in quibusdam locis endemii sunt, talesque frequentes sunt in quadam Borgomensis agri parte, ubi cum viri, tum mulieres ferè omnes antè in collo gestant tumores

mores magnos, molles, mobiles, & pendulos doloris expertes. Idem morbus, & Allobrogibus, & Alpinis, ac Carinthiæ, & Styriæ Alpinæ habitatoribus, & Hispaniæ quibusdam locis familiaris est. Tumor hic istis in regionibus fit endemicus ex aquarum crudarum, & ex nive liquescente resolutarum potu. Idipsum observatum habemus eos, qui sani in talia loca pervenerunt, si aliquandiu ibi degant, bronchocelen tales contrahere.

Prognosis.

Bocium, quod fit ex vasorum dilatione insanabile erit, hujusmodi quoque erit naturale à nativitate genitum, quod loci, vel regionis ratione proprium est, & quod magnis vasis est implicitum, pariter completam non admittit curationem, quod dictorum vasorum insertionem, quibus læsio promptè haberi potest, imò sæpè suffocatio oboritur. Superest solum, ut quod recens, & incipiens, & quod molliorem habet consistentiam, nec magna vasa habet inserta, curabile sit, adhuc tamen non facilè, sed difficulter, & non nisi diuturno tempore curari possit.

Curatio.

In bocii curatione totius corporis, & capitis rationem habent vulgares, hæc ita rectè evacuant, & exsiccant, ut omnem antecedentem materiam in iis collectam extirpent, aliàs nihil, aut parùm topicis auxiliis proficere existimant; evacuant itaque, & exsiccant non solum phlebotomiis, verùm etiam repetitis purgationibus, ac decoctis, vel excitatis fonticulis, emplastris capiti applicatis, sacrificiationibus, vesicantibus, & opportuno tempore aquis utuntur thermalibus. Sed his medicamentis malum in radice non attingunt, licet centies repetant, sed invictum omnibus reluctatur. In victu vitant omnia flatulenta, crudum, & crassum generantia succum, quæ sunt crapulæ, cruditates, fructus acidi &c. In potu probant vinum tenue, vel decoctum sassafras cum anis, & cinnamomo.

Quò ad topica duplicem curandi modum proponunt, unum per medicamenta discutientia, & attenuantia, alterum per chirurgiam, seu manualet operationem. Medicamenta, quibus utuntur hæc sunt, ut

℞. Sulph. ignem non experti, butyri Judaici ana ℥. ss. alumin. scissili, ℥. ij. Cum oleo nardino, & pice navali q. s. f. empl. & parti apponuntur. Vel

℞. Radic. cucum. agrest. recent. ℥. ij. coquantur in vino tenui, addendo squamæ aris, sulph. vivi, & nitri ana ℥. iij. mell. q. s. & f. cataplasma.

Laudant etiam emplastrum Diaplyritis. Exhibent per os infra scriptum pulverem, ut

℞. Spongiam novam, & benè mundam, ponatur in furno intra ollam novam, & comburatur, ac in pulverem reducatur, de quo recipe ℥. j. singulo quoque mane cum vino tenui, vel aqua salvia.

Chirurgiam instituunt per adustionem, sive caustica, seu ignita instrumenta, bocium extrahentes totum cum suo folliculo, & nihil de eo relinquunt, ne postmodum denuò regignatur. Alii in parte affecta duos adhibent sectiones, ut sensim materia expurgetur, & absumatur. Verùm hæc operatio est valde crudelis, inter spem, & metum, nec periculo vacat, quæ à perito anatomico, si non rectè peragitur jugulare potest ob vasorum magnitudinem, quæ per loca excurrunt, potissimum venarum, & arteriarum jugularium, quare prudentis Medici est ab his carnificinis abstinere, & tantum curationem per medicamenta peragere.

Vera, & tuta bocii curatio agitur tantum per medicamenta, & non nisi incipienti, & nondum completo, quod duorum annorum ætatem non excefferit, adaptari debet, non autem vetusto, & indurato. Primum igitur patientis corpus convenienti pharmaco deplendum est, deinde exsiccatis diætâ impetranda, potus verò sit ex decocto ligni visci quercini, postmodum his medicamentis curationem exordire, quibus tot, quot nostræ curationi se submiserunt, curavimus, & primò hoc experto alkali utere, ut

℞. Suberis, spongiæ marinæ, & petreæ pumicis ana part. æq. calcinentur s. a., & f. pulvis. Dosis ℥. ss. ponatur sub lingua, & paulatim quasi per linctum deglutatur, manè jejuno stomacho, luna decresciente, ut vulgi præjudicio obsequamur.

Sequens cataplasma bocio applicando, nunquam ægrum, & Medicum fefellit, quod ita paramus:

Musitani Opera Tom. II.

℞. Aqua ferrarior. ℔. iij. ranar. excoriatar. & per setam trajectar. numer. x. farina fabar., lupinor., lentium, bordei, & orobi ana m. j. pulv. balauft., myrtillor., nucum cupressi bacc. juniperi, gallar. quercus, globulor. marinor. Vulgo palle marinæ, lapidis pumicis ana ℥. j. ss. pulv. rosar., aluminis usti ana ℥. ss. bulliant omnia, & f. cataplasma s. a. adde ol. ros. & myrtill. q. s. quod calidè supra bocium applica.

Multoties felici cum successu nos bocii pulveres ab Helmontio descriptos experti sumus, quorum compositionem superiori capite de strumis tradidimus, his utere, & admiraberis effectum. Eundem patrant effectum Arnoldi de Villa Nova pulveres, quos etiam de strumis exscripsimus. Ad idem valent ea medicamenta quæ capit. 58. de sarcocoele describemus.

Nonnulli summopere sequens commendant oleum pro bocii inunctione, quod ita paratur:

℞. Talpam unam, Et ponatur in olla vitreata, cui superfunde ol. com. ℔. iij. bulliant, quousque caro ab ossibus separetur, tunc decanta, & hoc oleo calido bocium inunge, & sensim attenuabitur magna cum admiratione, nec vile reputes, quod carum, & rarum in hujus morbi curatione tenere debes.

Magnæ efficacix in hoc curando morbo sequens experieris emplastrum, ut

℞. Ranas vivas num. vj. Has à patiente dentibus suffocari permitte. Deinde emortuas sic ranas suspende in loco sicco, ut exsiccantur, & redigi possint in pulverem. Deinde ℞. Empl. de ranis cum triplicato merc. ℥. jv. Huic asperge pulv. ranarum, & commisce, ut fiant unum. Utere hoc emplastro, illud superponendo non tantum bocio, sed etiam strumis, & quarto quoque die novum emplastrum immuta, id prosequere per quadraginta dies, & bocium solvitur.

Sed satis, superque per spatiosum colli mare peragravimus, descendamus nunc ad pulchritudinis, & deliciarum portum, ad mammas nempe, quæ in ipsa fontis vitæ arce, veluti duæ lagenulæ positæ sunt, vivum, & suavissimum scaturientes nectar, & dulcedine fortè omnia alia superantes, unde.

C A P U T XLVI.

De Mammarum Inflammatione.

Mammæ variis tumorum generibus infestantur, nam cum glandulosa consistit substantia, ita ut nihil sint, quàm corpusculorum glandulorum quamplurimorum perexiguorum congeries, & ex alia parte grandiora vasa à natura receperint, ob commodiorem lactis generationem, ad quem usum potissimum sunt formatæ; tunc omnes cujuscumque generis succos recipiunt, cum tenues, tum crassos, frequentius tamen inflammatoriis tentantur tumoribus; nam facilè in iis lac concrevit, & concretum tensiones, dolores, inflammationes, & febres advehit. Præter inflammationes non rarò scirrhus infestantur tum à principio, nec alteri succedens affectui, sed etiam secundariò inflammatoriis scilicet, tumoribus succedentibus, nam cum rarò mulieres ab initio Medicorum consilia advocant, & in his casibus facilè obstetriculis, aliisque fœmellis se committant, quæ varia, atque diversa administrant medicamenta, quibus facilè tenues particulæ discutiuntur, crassioribus relictis, iisque induratis in scirrhi dispositiones transmutantur, quinimò ex his facilè quoque ad cancros perducuntur. Primò de inflammatione tractabimus, quæ frequentius in iis generatur, & potissimum in puerperis, vel ex sanguine ad mammas concurrente, vel lacte in iis detento, nam cum hac nostra tempestate plurimæ enixarum, quæ suos partus alere nequeunt, vel nolunt, merito hujusmodi tumoribus infestantur, lacte in mammis detento, & eò magis, si per uterum non rectè purgentur. Addimus etiam, quòd pleniori ut plurimum utuntur victu, pullis scilicet contusis, juribus consumptis, carnibus, ovis, & similibus, & quod magis facit, vino græco generoso utuntur, à quibus causis sanguinis plenitudo, & moles augetur, quæ ad mammas ipsas, ut diximus recurrens, promptè inflammationes excitat.

Signa.

Vera mammarum inflammatio facilè cognoscitur ex tumore duro, rubro, calido, & dolente, & vehementi in mam-

mis pulsatione, his conjungitur quoque febris, quæ inflammationis sociæ semper existit.

Causæ.

Pro mammarum inflammatione statuunt vulgares chirurgi sanguinem ad ipsas recurrentem, verum inquit nunquam exquisitam, & sinceram in iis fieri inflammationem, & ad sanguinem excrementitium confugiunt, ac propterea ut plurimum spuriam, & illegitimam fieri, secundum quod sanguis vel biliosus, vel pituitosus, aut melancholicus fuerit, vel horum omnium naturam sapit. Ex sanguine bilioso inflammatio gignitur erysipelatoſa, seu ad erysipelatis naturam vergens, ex pituitoso provenit œdema, ex melancholico deinde oritur scirrhus, seu scirrhusæ dispositionis particeps, seu tandem quodammodo has participabit omnes, ubi sanguis horum omnium particeps fuerit. Verum errant humoristarum scholæ, nam inflammatio ad erysipelatis naturam accedens, esset pernicioſa, quia ab erysipelate suppurationis malum, quod in inflammatione oppositum experimur; si esset œdematosa, nunquam suppureretur; si scirrhusa, insanabilis, & itaque vanum quaternarii humoris figmentum.

Vera mammarum inflammatio fit à nimia sanguinis ubertate, vel incalescentia, ob menstrua, vel lochia suppressa, vel imminuta, vel ob pleniorum victum, qui ubi uber, vel impurus ad ubera regurgitat; maximus enim consensus, & confluxus est ab utero ad mammas, ac in vasculis capillaribus hærens, & stagnans, imò extra ipsa vascula in laxam mammarum substantiam elabitur, ibique à circulatione impeditus concreſcit, & accescit, hinc tumor, calor, pulsatio, & inflammatio oboritur. Potest etiam ab externis causis etiam contingere, nempe à contusione, lapsu, ictu, nimia vestium strictione, repentina post calorem perfrigeratione, ac sudoris erupti repercussione. Item ab animi affectibus, nempe terrore, ira, zelotypia, lasciva concupiscentia, nihil enim potentius uterum afficit his affectibus, & per consensum etiam facile mammas.

Prognosis.

Mammarum inflammatio non est contemnenda, licet aliorum calidorum tumorum respectu per se minus periculosa sit, partium tamen affectarum ratione sæpe pernicioſa evadit, & propterea quia mammae laxa substantia multis præditæ sunt glandulis, caloremque habent debilem, facile eorum inflammatio vel in abscessum, qui in fistulam abire solet, vel in scirrhos, vel in canculos degenerat.

Curatio.

Curationem perficiunt vulgares, primò tenui, & refrigerante victu cum abſtinentia à carnibus, vino, & quæcumque plenior generant sanguinem, interdiciunt. Deinde, si sanguinis copia in corpore redundet, unde affluxum metuant, inflammationem augeri existiment, & potissimum, si à menstruorum, vel lochiorum suppressione, vel imminuto fluxu inflammationem provenire suspicentur, primò venam in talo tundunt, vel crura scarificant, & inde venam in cubito aperiunt. Si uterus non sit in causa, illicò venam in cubito secant, & reiterant. Verum hac sanguificina affluxum avertere tentant, id quod futurum erit, præcavere student, & non quod urget, avertunt; affluxum, & elapsam intra laxam mammarum substantiam, licet totum exhauriant, non attingunt. Si vitiosi humores affluant ad mammas, & sanguinis affluxui, & inflammationi ansam præbeant, lenia exhibent medicamenta. Verum si centies purgarent, nunquam inflammationem curabunt, nisi in resolutionem, vel suppurationem abiret, imò purgantia inflammationes semper in pejus mutare solent.

At quia inflammationis indicatio apud vulgares est inflammatae partis refrigeratio, propterea refrigerantibus, ut dicunt, utuntur: imponunt ergò sæpius supra mammis linteam posca madidum, vel

℞. Succ. lactuc. portulacæ, solani ana ℥. j. ℞. ol. ros. ℥. ij. chamamel. & aceti ana ℥. j. m.

Verum hæc frigida, & repellentia periculosa sunt, nam calorem labefaciunt, & facile mammas in lapideam duritiem adstringunt, unde scirrhii curatu diffici-

les, & quandoque cancri oriuntur. Tantem discutientia adhibent, ut

℞. Farin. fabar. lupinor. semin. lini, fœnugraci, pulv. flor. chamamel. ana ℥. j. Coque, & adde ol. chamamel. ℥. ij. f. cataplasma.

Quod si materia non discutiatur, & tumor non minuatur, alterutrum metuendum est, vel ut materia induretur, vel ut suppureretur. Si induratur; emollientibus utuntur, ut

℞. Fol. malv. m. j. Coque ad putrilag. & adde farin. sem. lini, pulv. radic. alth. flor. chamamel. ana ℥. j. Coque iterum, & adde ol. sesamini ℥. j. f. cataplasma. Vel inungunt oleo lumbricorum terrestrium.

Si inflammatio ad suppurationem vergat, suppurationi incumbunt emplastro Diachylonis, vel pane triticeo in lacte cocto cum pauxillo croci, vel sequenti cataplasmate, ut

℞. Fol. malv., althæe ana m. j. ficuum num. v. farin. sem. lini, & fœnugraci ana ℥. j. fermenti ℥. ℞. Coque in lacte vaccino, & adde ung. basilici ℥. j. croci ℥. j. m. f. cataplasma.

Ubi pus generatum est, abscessum ferro aperiunt, pure educto, ad sanguinis fluxum sistendum, stupatam cum ovi albumine conquassato applicant, quam post viginti-quatuor horas remonent, & per longum tempus digestivo regunt, post quod unguentis incarnantibus, & cicattizantibus utuntur.

Inflammationis mammarum curatio in sanguinis obstructis, vel elapsi resolutione consistit, unde medicamenta conveniunt, quæ pristinae circulationi restitutionem promovent, & reliquas particulas vitiosas, & terrestres per convenientia emunctoria eliminant, sive per alvum, urinam, menses, sive transpirationem, hujusmodi sunt diaphoretica, ut aqua stillatitia cardui benedicti; charesolii, bardana. Item sperma ceti, sanguis hirci ad pleuritidem, c. c. sine igne præp., stibium diaphoreticum, bezoarticum minerale, sulphur auratum diaphoreticum, spiritus c. c., oculi cancrorum, sal volatile c. c., cardui sancti &c. Exteriùs conveniunt spiritus vini camphoratus, crocatus, aqua Regina, & si dolor urgeat, aqua spermatis ranarum tepida, vel aqua Vitrioli, vel epithema ex thure, & myrrha cum vino coctis, & repide applicatum. Item emplastrum de spermate ceti, vel bis in die admoveatur unguent. de Alihea, quod egregie resolvit, & discutit.

Quod si pristina fluiditas sanguinis reparari nequeat, quia inflammationis materia pus concepit, suppurationis potius promovenda, quam præpediendâ, eam promovemus emplastro filii Zachariæ, & mucilaginis, vel sequenti cataplasmate, ut

℞. Rad. alth. lilior. albor. ana ℥. j. fol. malv. mercurial. ana m. j. Coquantur ad mollitiem, quibus confusis adde farin. tritici, hord. ana ℥. ℞. butyr. recentis, ping. gallinæ ana ℥. j. ol. chamamelin. q. s. f. cataplasma tepide imponendum.

Pus jam genitum esse cognoscimus ex febris, caloris, doloris, pulsusque in mamma remissione, & tumoris in acumen quoddam, sub quo inundatio percipitur, elevatione; rectissime fit, si pus quamprimum effundatur; tunc sequenti cataplasmate opus perficies, & complebis: Capa sub cineribus assata, & cum axungia porcina, & modico sapone Neapolitano subacta citò abscessum rumpit, vel emplastrum Apostolicum. Cæterum emplastrum nostrum Benedictum, quod cap. 44. de strumis ingenuè communicavimus, præstantissimum erit, quasi Dei benedictionem in hoc persanando morbo consequutum sit, nam sola superpositione, & renovatione abscessum maturescere facit, aperit, & sanat, ut nos experti, nec in mammarum abscessu alio usi sumus usque adhuc citò, tutò, & jucundè plusquam centum mulieres hoc morbo affectas curavimus. Ita hoc emplastrum omnia alia excedit hoc in curando morbo, ut mulieres hoc morbo affectæ, quibus hujus emplastri pauxillum tradidimus, & seipsas absque chirurgi quotidiano censu curarunt, emplastrum pro mammarum apostematibus appellavere.

Si abscessus spontè non rumpatur, non scalpello aperiendus est, quia mulieres sunt delicatæ, & instrumentum ferreum pro apertione abhorrent, sed aliquantisper præstolandum est, & indubitanter optatum à nostris medicamentis consequeris affectum. Quod si metus sit in mora, sedulo aperiendus est brevi incisione, sed in loco decliviori, ut puri commodior detur commeat, quo facto, sensim pus

pus evacuandum est, deinde panxillum turunda medicamine imbuta amplius fiat abscessus orificium, quod idem observandum est, si sponte rumpatur. Abscessum apertum mundifica non vulgari methodo, sed summam adhibe diligentiam, & exquisitis utere medicamentis, cum mammarum substantia sit spongiosa, & cavernosa. Primò igitur aliqui apertum abscessum vulgari digestivo digerunt, quod utique per aliquot dies non improbamus, si post quos huic mel ros, simplex immiscueris, & optimum digerens, & mundificans efficies, deinde turundis oleo nucis juglandis innectis utere, vel balsamo sulphuris terebinthinato, tandem perfanatur emplastro diasulphuris Rulandi, vel fodicationum *Paracelsi*, vel oppoteldoch.

C A P U T XLVII.

De Lactis coagulatione.

Non infrequenter lactantium mammae lactis coagulatione, & caseoso coagulo affliguntur, cum vasa illa lactifera lacte nimium replentur, & distenduntur. Hic tumor interdum rotam mammam, interdum ejus partem occupat, ac postmodum multa parit incommoda, nisi maturè obstitatur; quapropter doloribus, & non raro febribus lactantes torquentur, quinimò in sapore, & consistentia lac depravari solet.

Signa.

Tumor hic facile cognoscitur; nam adest mammarum durities, modò minor, modò major, modò rotam occupat mammam, modò unam tantum ejus partem, adest pariter dolor, & quandoque rubor, & malo procedente, febris supervenit, inflammatio, & exinde suppuratio.

Causa.

Causæ quærendæ sunt vel in ipso lacte, quod pro aciditate in grumos concrevit, & caseatur, vel in quolibet alio acido aliundè cum lacte allato: siquidem lac copiosum occulit acidum, & diutina in mammis retentione antequam exsugatur, vel emulgeatur, acidum exerit, coagulatur, non secus ac quodlibet aliud lac foris in vasis repositum acefcit, quod etiam videmus brevi spatio accescere, instillato aliquo liquore acido, mox caseari, ac in serum, & grumos separari. Hinc lac coagulantes, & caseantes coagulo utuntur hædino, quod est lac summè acidum, & cautè ad hunc finem asservatur, & coaguli hædini defectu, lacte ficulneo utuntur, quod est summo-perè acidum. Idem etiam contingere potest post nimium refrigerantium, vel calefacientium, applicatorum usum, quæ aquosiorè lactis partem exhalare faciunt, crassiori relicta. Item coagulationem inducere possunt omnia ea, quæ lacti aciditatem conciliant, inter quæ primum obtinent maror, terror gravis, & præcipuè panicus, rerum acidarum supra mammas applicatio. Hic accidit prava victus ratio, acetariorum, vel rerum acidarum abusus &c. Exinde tumor, dolor, rubor, & mammarum inflammatio.

Nonnulli sub mammarum inflammatione lactis coagulationem comprehendunt, sed frustra laborant; siquidem inflammatio solius sanguinis, & non lactis soboles, & licet statuant mammarum inflammationes duas habere causas immediatas, sanguinis copiam, & copiam lactis, extra rem loquuntur, nam una cum lacte putrescente, sanguis calore, & dolore impeditus grumescit, vel elabatur, & etiam putrescere incipit,

Prognosis.

Lactis coagulatio plerumque spontè cessat, ut remediis opus non habeat; interdum nisi convenientia applicentur remedia, & præcaveatur, inflammationem, febrem, apostemationem, & quandoque ex chirurgi ignorantia, fistulam accersere solet. Interdum quoque dum lac indutatur, scirrhus, & non raro cancer inde oritur.

Curatio.

Curatur hic tumor, si à nimio proventu promoveatur, ut de morbis mulierum, & præcipuè capite de lactis re-

dundantia dicemus, vel ejus curatio consistit in coaguli educatione, vel resolutione. Educitur lac in puerperis, quæ lactant, ore infantis, quod nisi unus sufficiat, plures adhibeantur. Sunt in hac nostra civitate quædam mulierculæ, quæ sibi hac arte victum queritant, lac è mammis sugentes, & laurè vivunt. Solent & pauperculæ mulieres adhibere catellos, Vel ab ipsa matre emulgetur, vel exsugatur instrumento suctorio ex vitro, quod vulgò *sucarola* vocatur, vel amphora prolixum collum, & ventrem amplum habente, quæ immergatur in aquam calidam, vel ad ignem calefiat, ejusque orificium immediatè à calefactione papillæ applicetur, & prematur, nam ab amphoræ refrigeratione papilla in amphoræ collum intruditur, & lac guttatim extillat. Hoc utimur artificio, præcipuè ubi papillæ non satis patent, vel non satis exeruntur; extrahuntur enim hoc artificio, & patentiores fiunt.

Inter remedia, quæ lac dissolvunt coagulatum, sunt *Spiritus salis armoniaci dulcificatus ad guttas sex*, *Sperma ceti*, quod grumos quoscumque dissolvit à ʒ. ss. ad j. *Oculi cancrorum*, *antimonium diaphoreticum*, *mumia*, *pulvis asellorum* ad ʒ. j. Item *semen fœniculi*, *cumini*, *chærefolium*, *mentha*, *calamintha* internè sumpta. Valeat etiam seminis anethi ʒ. j. quolibet manè.

Exteriùs suas meretur laudes *emplastrum de spermate ceti* cujus compositio est;

ʒss. *Cera alb.* ʒ. iv. *Spermatis ceti* ʒ. ij. *gum. alb. in acet. dissolut.* ʒ. j. *m. f. s. a. empl.* Per quod liquatum trahatur tela, fiatque vulgò dictum Sparadrapum utrinque alternatim applicandum.

Hoc emplastrum lac in mammis à coagulatione non tantum præservat, sed etiam coagulatum iterum solvit, & discutit, aut restituit. Exteriùs etiam commendatur *essentia menthae* inuncta, sed magna cum cautela adhibenda ob infelices eventus, quos ex aliorum applicatione observavimus: verum tutior est *menthae succus*, quæ lac coite, densarique in caseum non patitur, si ejus folia lacti immergantur, imò si coagulatum erit, hujus succi guttas aliquot instilles, statim solvitur, & in pristinam reddit formam. Ex hoc experimento habemus, quod quoties Lac in mammis caseosam nanciscitur coagulationem, corrumpitur, ac inflammationem accersit, tumorem, & apostemationem indubiè parit; aptissimum itaque & præsentaneum remedium est, si calido menthae succo mammae foveantur. Item si infantium ventriculis lac caseat, quod ex adstricta alvo, inappetentia, & vomitionibus conjectari oportet, eodem *menthae succo*, vel ejus *syrupo* succurres. Nos pro experimento habemus inunctionem ex oleo ros. omphacino, & ceræ, qua lac in mammis coagulatum dissolvimus, & multas mulieres ex imminente apostematione eripimus.

Vulgares pro hoc curando affectu multa vulgaria præscribunt epithemata, fofus, & inunctiones, verum quia in unoquoque præcipuè admiſcent acetum, vel quandoque hædi coagulum, potiùs ob aciditatem malum adaugent, quàm resolvunt. Quod si dolori accesserit mammarum durities, & rubor ob inflammationis metum, tanquam arcanum commendatur *sambuci Rob.* linteo obductam, & calidè quousque præferre poterit mulier singulis horis mammis applicatum: hoc enim remedio lac resolvitur, & ab inflammatione præcavetur.

His internis, & externis medicamentis attenuantibus, & solventibus adhibitis, si præveniri, aut impediri suppuratio nequit, vel quia Medicus non statim accessit fuit, vel quia vulgaria adhibuit medicamenta, tunc adnotenda sunt illa, quæ ipsam promovent capite præcedente de inflammatione descripta, & juxta nostram methodum tota curatio peragatur; verum quandoque contingit, ut mamma ad sanitatem perducere non potuerit, quia lac ab abscessu emanat, tunc lac exsiccet in utraque mamma, aliàs frustra laborabit chirurgus.

A mammis ad umbilicum descendimus, ejusque tumores describendos aggredimur, unde

De Exomphalo.

Variis tumorum generibus Umbilicus tentatur, ut exomphalo, inflammatione, abscessu, & ulcere, verum hic juxta nostram methodum de exomphalo tantum verba faciemus. Exomphalos, seu omphalocèle Græcè idem sonat, ac Latine exumbilicatio, seu umbilici hernia, sive umbilici procidentia; hæc enim juxta impellentis corporis diver-

diversitatem diversa sortita est nomina: quæ ab intestinis est tumor, eam *enteromphalon* Græci appellant, quæ ab omento, *epioplomphalon*, quæ ab aqua, *hydromphalon*, quæ à flatu, *pneumatomphalon*, quæ à carne, *sarcomphalon*. Nos in tanta herniarum umbilici confusione, ut ordine procedamus, unicuique umbilici tumori proprium assignabimus caput, & primò.

C A P U T XLVIII.

De Enteromphalo, & Epioplomphalo.

ESto umbilicus robusta consolidetur, & obducatur cute, in immensum tamen præter naturam dilatari potest ad excipiendâ intestina, ut in enteromphalo, vel omentum, ut in epioplomphalo.

Signa.

Hernia ab intestinis cognoscitur, quia ejus tumor non admodum est durus, neque mollis, & retento spiritu, incrementum, si æger supinus decumbat, intestina cum strepitu, & rugitu in pristinum redeunt statum, & tumor subsidet. Si ab omento dependeat tumor, eadem sunt ferè signa, ac ab intestinis; hoc tamen proprium habet, quòd tumor ab una patte mollior est, & ad basim est latus, & in vertice angustus, dolore vacat, & cum digitis premittitur, omentum in suum revertitur locum, & tumor subsidet. Si ab intestinis, & omento simul pendeat tumor, signa erunt mixta.

Causa.

Causa est peritonæi relaxatio, vel ruptio, quæ fit ab humore emolliente, & relaxante, vel pondere gravante, aut distendente, vel etiam rumpente, unde tandem ponderi, vel vi cedat, oportet; data via, intestina, vel omentum, vel utraque simul à propria sede prolabantur, & umbilicum in tumorem attollant, necesse est. Hæc peritonæi relaxatio, vel ruptio suas etiam habet causas occasionales, quæ sunt, casus, saltus, ponderis gravis elevatio, partus difficilis, equitatio, flatus in abdomine contenti, vociferatio, cantus, cachinnus, & in infantibus ploratus.

Prognosis.

Hernia in umbilico ab intestinis, vel omento elapso, quò recentior, & minor est, ac in corpore molli, eò facilius sanatur: quò antiquior, major, ac in corpore duriore, eò perniciosior, & sanatu difficilior, & hac de causa in pueris facilius coalescit, cum ob corporis mollietatem, tum ob carnis luxuriam. In adultis verò chirurgia indiget, cum peritonæum scissum, vel ruptum in his non coalescat. Hæc hernia non est parvifacienda, quia Ileus illi supervenire solet, & æger stercora per os rejiciens, miserabiliter perit, vel in magnam molem tumor hic incrementum potest, vel tandem rumpi, & per rupturam feces excerni.

Curatio.

Optima victus ratio observanda est, & à flatulentis, ac relaxantibus cibis abstinendum, alvus Lubrica servetur, australes vitentur venti, interim vitet æger vociferationem, cantum, fletum, ponderum gravium elevationem, & omnes motus nimios. Corpore purgato, exhibenda sunt ea medicamenta, quæ adstringunt, consolidantque. Optimum erit sequens:

℞. Herb. herniaria, ros. incomplet., sanicula, ophthogloss. ana p. j. radic. symphyti, & polygonati ana ℥. ij. nuc. cupress. num. iij. Coque in vini rubri ℔. ij. in vase duplici, colatura saccharo edulcoretur, & singulis diebus, mane jejuno stomacho exhibe ℥. iv. Vel sequens fiat electuarium.

℞. Pulv. pilosell., caryophyllatæ, & stellariæ ana ℥. ij. radic. symphyt. mundat. ℥. iij. fol. equiseti ℥. j. ℔. cinnam. acut. ℥. ℔. corall. rubr., bol. armen. & mastiches ana ℥. j. cum syr. de symphyt. f. s. a. electuarium.

Interim intestinum, & omenti legitima fiat repositio in suum locum, post quam topica convenientia affectu imponantur parti.

In recenti infantium nuper natorum exomphalo com-

mendamus quatuor rotulas ad formam parvissimi rotundas ex corio rubro confectas, emplastro de pelle arietina obductas, quarum unam per quatuor, pluresvè dies affixam permanere permittimus cum decenti ligatura, deinde per idem temporis spatium alteram eodem modo apponimus, postmodum ultimam apponendam curamus ad totalem usque curationem. Vel conficimus tres petias ex panno linteo ad magnitudinem denarii, quas oleo ex ovorum vitellis inungimus, & unam alii superponimus, & desuper emplastrum glutinans in aluta extensum imponimus, tertio quoque die inungimus super umbilicum, quem decenti ligatura ligamus, id continuamus ad perfectam usque curationem. Optimum erit sequens emplastrum glutinans:

℞. Colophonia, & resina pini ana ℥. j. bol. armen., & sang. dracon. ana ℥. ℔. succ. acaciæ, hypocistidos, & sarcocollæ ana ℥. iij. rad. symphyt. maj. ℥. j. nuc. cupress. num. iij. olivani, mastiches, & glutinis piscium ana ℥. iv. flor. hyperici ℥. j. Pulverisanda pulveriscentur, colophonia, & resina pini, ac terebinthina q. s. liquefiant ad ignem, ac semotis, pulveres inspergantur, & opt. m. ut f. emplastrum. Hæc curatio, quam proposuimus, tam recens natis, quam adultis adhiberi potest.

Verum si his remediis non consolidetur ruptura, ad chirurgiam recurrere prisci; attamen hæc infantibus nullo modo competere potest ob mortis impendens periculum, nam ut narrat *Pareus: cum tumorem aperiret chirurgus in infante, intestina cum anima sunt effusa*, sed tantum adultioribus, & iis, qui bono corporis habitu sunt præditi. Quomodo hæc operatio fiat, legite *Paulum Aeginetam lib. 6. cap. 51*. Verum, ut verum fateamur, hæc chirurgia rita non est, & multi in operationis actu perierunt, vel miserè vixerunt. Nos tutissimum præsidium medicamenta, & vinculum judicamus, quibus si non totaliter malum curatur, saltem in meliorem redit frugem *Hieronymus fabricius ab aqua pendente* de operationibus chirurgicis parat cingulum ex linteo, quod abdomen cingat, & adstringat, & ea parte, qua umbilicus est, pulvinar duriusculum obtineat, in cujus centro sit globulus ex adstricto linteo, qui in umbilici dilatationem se insinuet & intret, ne omentum, vel intestina exire permittat. Prius tamen umbilico sequens apponit ceratum, ut

℞. Boli armen., sang. drac., mastich., sarcocollæ ana ℥. j. bislingua, tegula pulv. ana ℥. iij. resina pini ℥. j. ℔. ovi album., cera q. s. f. ceratum.

Si nullatenus omentum, vel intestina prolapsa reponi possint, & nihilominus ægro præter pondus, superiores partes deorsum trahunt, magnam molestiam creant, fascia continenda est pars prolapsa, qualem describit, & pingit *Guillelmus fabricius cent. 3. observ. 64*.

C A P U T XLIX.

De Hydromphalo.

SOlet quandoque Umbilicus aquosa tentari hernia, & in tumorem attolli, qui à Græcis Hydromphalon appellatur.

Signa.

Tumor est laxus, & pressus fluctuat, nec minuitur, neque augetur, & apposita candela lucida apparet.

Causa.

Putarunt vulgates herniæ umbilicalis aquosæ causam esse umbilici relaxationem, quæ fit ab humore aqueo in abdomine, præcipue inter peritonæum, & abdominis cutem collecto, sed quomodo hic aqueus colligitur humor ignorarunt.

Verum præcipua causa est humor aqueus, qui è ductibus lymphaticis exillat in umbilici cavitatem, quia prædicti ductus à lymphæ copia, vel aperiuntur vel rumpuntur, vel liquoris acrimonia eroduntur, vel corrumpuntur, vel quia impeditur per hæc vasa transitus, & in immensum præter naturam dilatantur, ac umbilici hydrops causatur. Accidit quandoque ob vasorum lymphaticorum imbecillitatem, quæ laxantur, & lympham fundunt ut evenit in recens natis, præcipue si nutrix nimio indulgeat aquæ potu, & lac sit nimis serosum. Potest etiam contingere.

tingere ex aliqua externa injuria, ut percussione, vel compressione,

Prognosis.

In infantibus hydromphalon periculo vacat, facileque emendari potest; in adultis verò ascitem minatur, vel cum ascite conjunctus periculosissimus est. Solet quandoque tumor hic in hydropicis ita maximopere excrescere, præcipue ob omnimodam sitim inexplibilem, ut repente soluta umbilici unitate, tanto impetu aqua indè effluerit, ut convaluerint.

Curatio.

Curativa hujus tumoris indicatio est, ut aquosi humoris proventus præcaveatur, & collecta aqua umbilicus depleatur. Si itaque in infante hoc accidat, nutritrix siccam observet diætam talem, quæ lac minùs serosum generet, & facile emendatur, ac interim infantis umbilico cataplasma ex amoglossa, & lentibus simul coctis applicetur.

Si adultis contingat, congesti serosi humoris proventus sicca diætâ præcavendus, & collectus evacuandus. *Resina, jalap. extracto mechoacanæ, conserva florum persicorum*, & aliis hydragogis, & postmodum non desint diuretica in hoc morbo, quæ multum prodesse observavimus, & sudorifica, quæ insensibiliter malum auferre possunt.

Quod ad topica attinet, ea usurpanda veniunt, quæ contentam in umbilico aquam evacuant, vel insensibiliter, vel sensibiliter; insensibiliter operatur sequens cataplasma, ut

℞. Cochlearum per aliquot dies ab humore excrementitio repurgatar, & levigatar. ℥. iv. baccar. lauri, sulph. ana ℥. ii. stercor. caprini q. s. f. linimentum, manè, & vespere renovandum.

Quod si insensibiliter aqua discuti nequeat, sectio celebranda est, ut *Paulus Aegineta lib. 6. cap. 51.* docet, scilicet sectio lunata facienda, & aqua sensim extrahenda: postmodum pars deligetur, carne repleatur, & cicatrice obducatur, & sequenti decocto calefaciente, & adstringente roboretur, ut

℞. Calaminth. origani, pulegii, res. rubr., balauft., bacc. myrti, nuc. cupress. ana q. s. coque in vino rubro, & spongia isto decocto imbuta foveatur umbilicus,

C A P U T L.

De Pneumatomphalo.

Pneumatomphalon Græcè, Latinè verò dicitur hernia umbilicalis flatulenta, seu ventosa, aliàs hydrops siccus, seu umbilici tympanites, est tumor in umbilico flatulentus,

Signa.

Tumor hic est mollis, & digitis non nisi retinendo cedit, sed remotis, statim resilit, pulsatus quasi sonum edit, & ægro supino jacente, eadem figura manet.

Causæ.

Causæ sunt flatus umbilicum distendentes. Evenit hoc, cum flatus in abdomine, & intestinis ad umbilicum transmittuntur, extrapelluntur, & in tumorem se attollunt.

Curatio.

Flatus tumoris causa discutiendus, ejusque generatio præcavenda est; idèque optimam diætæ rationem observet æger, & vitet pisa, fabas, castaneas, vinum recens, scilicet quod adhuc multum naturam sapit, nuces, omnesque fructus crudiores, quia magnopere nocent. Pro sunt vinum medium, aliaque moderatè calefacientia, aromata etiam quædam, & carminativa, ut *nux moschata, cinnamomum, macis, anisum &c.*

Deinde corpus evacuetur *Diatartaro* in forma pulveris nostræ descriptionis, additis semper carminativis, & roborantibus. Postmodum flatus discutiendia exhibeantur, ut *dianisum, diacuminum, diacalamintha, diagalanga,*

theriaca, mithridatum, & alia medicamenta, quæ in colica flatulenta in nostra Trutina descriptimus.

Interim non desint topica, ut inunctiones, fotus, cataplasmata, & emplastra. Pro sunt magnopere inunctiones ex oleis *rutæ, lauri, spicæ, sambuci, anethi, carvi, destillati, macis, nucis &c.* & præcipue in pueris, corporibusque tenellis. Vel sequens fotus adhibeatur:

℞. Fol. pulegii, rutæ, sampuci, chamomillæ, meliloti ana p. j. sem. fœniculi, anisum, carvi ana ℥. iij. cardamomi ℥. j. ℞. coque in vino pro fotu. Vel imponatur hoc cataplasma, ut

℞. Fol. calaminth., roris marini ana m. ℞. farina fabarum ℥. ij. sem. carvi, & fœniculi ana ℥. ℞. bacc. lauri, sulph. vini ana ℥. iij. semi caprini, & vaccini ana ℥. iij. ol. rutæ, & carvi ana ℥. j. vini græci q. s. coque in cataplasmatibus formam. Vel adhibeatur *emplastrum de meliloto*, vel *de baccis lauri*. Si tandem aliquod viscerum vitium sit, quod flatus subministrat, illud prius curandum,

C A P U T LI.

De Sarcomphalo.

Solet tandem caro excrescens umbilicum in tumorem attollere, qui Græcè sarcomphalon, Latinè verò hernia umbilicalis carnosa,

Signa.

Tumor est durior, sensim crescit, & prementi digito non cedit, & licet æger supinus jaceat; sive stet, sive ambulet, semper idem apparet.

Causæ.

Non fit ex sanguine crasso, ut vulgaribus placuit, sed ex nutrimenti sensim affluxu in umbilicum, quod in carnis substantiam apponitur.

Prognosis.

Hernia umbilicalis carnosa difficulter sanatur, & præsertim si sit antiquata non nisi chirurgia tollitur; si verò in cancerosam degeneravit carnem, apud vulgares malum insanabile est.

Curatio.

Præmissa optima victus ratione, & medicamento purgante, duplex curandi modus emergit, vel per reprimentia, ut carnis luxuries prohibeatur, & exsiccantia, ut tumor absumatur, unus; alter ut caro illa præter naturam per chirurgiam tollatur. Reprimentia, & exsiccantia nullo modo adhiberi debent, nam affectum in scirrhum mutare possunt. Nonnulli maturantia adhibent, verum emollientia partem humectando, potius majorem excrescentiam inducere possunt, quam suppurationem. Remanet tantum operatio chirurgica, quæ caro hæc caustico, vel ferro auferatur. Ferrum horribile est ægris, & in manu imperiti chirurgi est veluti ens in manu furiosi. Nos spiritu mercurii sensim carnem hanc absumimus, & tandem ulcus curamus. Aliqui carnem hanc Sylvestrem filo vinciunt, sensim quotidie constringendo, donec nutrimento destituta decidat, verum hæc operatio nimis dolorosa est, & diu torquere debet.

De Ascite, Tympanite, & Anasarca esset hic agendum juxta nostram methodum, quia hi tres tumores opere chirurgico aliquando apud veteres per Paracentesim curati fuere: Cæterum hoc manuale opus jam omnino recessit ab aula *Medicorum*, & horum tumorum consideratio nunc physica est, & ad physicos tantum spectat; horum igitur tumorum speculationem, signa, prognosim, & curationem nostræ Trutinæ remitteamus.

Peragratis superioribus imi ventris regionibus, ad inferiores descendimus partes, & præcipue ad inguina, quæ adenosæ sunt partes, sive glandulosæ; credidit Medicorum vulgus glandulas esse à natura constructas, ut ad eas superflui, vitiosique humores à partibus principibus expellantur, tanquam ad emunctoria, scilicet ad cloacas, sed errant, sunt glandulæ, veluti filtrum, seu colum chymicum, per quas pars tenuis, relictis crassioribus, transeat.

Unde

Unde rati sunt vulgares, veluti in Republica Magnates, & potentiores in miseram, & debiliorem plebem gravia deponunt onera: sic partes principes superfluos, & vitiosos deponunt humores ad emunctoria, ut cerebrum, retro aures, cor sub axillas, & hepar ad inguina. Hinc tumor retro aures vocatur parotis, sub axillis phyma, & in inguinibus bubo.

C A P U T LII.

De Bubone simplici.

BUbon apud Græcos idem sonat Latinè ac inguen, nomen deindè loci in tumoris nomen eo in loco nascentis translatum est, postremò nomen omnibus tumoribus commune, qui in adenosæ partibus, sive glandulosæ elevantur factum est; unde vel sub auribus, vel axillis, vel in inguinibus tumores nascantur, bubones dicantur.

Tripliciter in inguinibus bubo oriri solet, vel simplex, qui harum partium simplici inflammationi succedit, ac de apostematum calidorum genere est, teste Gal. lib. de tumoribus p. n. cap. 18. & 2. ad Glauco. cap. 1. & 13. meth. cap. 5.

Vel est Venereus, & originem trahit ex concubitu cum muliere infecta, contagio in pene excepto, & in gonorrhæam non degenerante, & contagiosus est, quia præter communem bubonum rationem, habet peculiarem, & propriam lædendi energiam, quam habent cæteræ Venereæ affectiones.

Vel est malignus, & pestilens, ac interdum non tantum in axillarum, sed etiam in inguinum glandulis oriri solet. Differunt autem malignus, & pestilens bubo inter se, quemadmodum maligna, & pestilens febris in communitate; nam si bubo fuerit sporadicus, aut malignarum febrium soboles, erit solum malignus: si verò fuerit epidemicus, & perniciosus, aut pestilentem comitabitur febrem, dicitur pestilens.

Hic de bubone simplici tractamus, de Venereo minimè, quia fusiùs agimus lib. 3. de lue Venerea cap. 5. & tandem de pestilenti breviter pertractabimus cap. sequenti; in pestis enim symptomatibus de eo prolixè agemus.

Signa.

Cognoscitur bubo simplex, quòd in inguinibus erumpit cum iisdem inflammationis signis, ut sunt tumor, renitentia, calor, dolor, & febris, quæ plerumque levior accedit. Si per crism accidit bubo, febris, aliùve morbus præcessit, qui bubone apparente, levantur, & bonæ crisis signa præcesserunt, quæ si absint, symptomaticus est. Si nullus præcessit concubitus cum muliere infecta, vel saltem de Venerea Lue suspecta, & maximè si nulla alia externa apparuerit causa, vel caries, aut gonorrhœa suppressa, vel non ritè, & rectè curata, vel ad vespertas capitis dolor, totius corporis lassitudo non molestavit, eodem tempore febris magno cum rigore non invasit, & mane æger non fuit à febre immunis, non Venereus, sed simplex censendus est. Si nulla malignæ febris, vel pestilentiae signa conjungantur, bubo simplex est.

Causa.

Putarunt vulgares bubonem simplicem non fieri, nisi auctore hepate; commentati enim sunt inguina esse hepatis amunctoria, ad quæ tanquam ad cloacam ipsum hepar non solum sanguinis copiam, sed etiam semper superfluos, & vitiosos, quos habet humores, deponere, & bubonem excitare: Sed has ineptias ad nauseam usque repudiavimus.

Oritur bubo à sanguine particulis acidis, terrestribus, & viscidis referto, qui cum per venulas in adenes incumbentes circulans, stagnet, vel acrimonia sua vascula aperiat, tumorem excitat, qui ab apostematibus phlegmonosis non differt, nisi loci ratione, cum non fiat in ipso adenum corpore, sed vasculis, quæ fulciunt. Occasionaliter causari potest ab ulcere, vulnere, vel dolore pedum, vel manuum, sicuti etiam à quocumque partium vicio, quarum adenosæ partes sunt emunctoria. Sicuti quoque ex subitis calfactionibus, & refrigerationibus, ubi quis ex nimio motu, aut laboribus, vel equitatione insudaverit, & sudore madidus refrigerit.

Prognosis.

Bubones simplices periculo vacant, cum sint in partibus externis, & fiant à natura ad imbecilles, & ignobiles partes expellente, præsertim si statim ad suppurationem deveniant, & aperiantur. Si diu durent, & tardè maturantur, in fistulas ferè abeunt perniciosas. Bubones, qui oriuntur in inguinibus tardiùs suppurantur, tardissimè qui post aures; qui verò sub axillis excitantur citiùs suppurantur, ob cordis vicinitatem ejusque calorem, qui ad maturationem est necessarius. Si conjungantur cum mali motis febre, mali, ut aph. 55. ex inguinum tumoribus febres omnes male, præter diarias.

Curatio.

Quia simplices bubones inflammationis sunt species, vulgares primò victum tenuem, quantum vires tolerant, & frigidum cum aliquali siccitate præscribunt, cum totali à carnibus, & vino abstinentia. Interdicunt omnia pingua, frixa, salsa, lacticia, legumina, & mali succi alia. Concedunt passulas, panem biscoctum, amygdalas, prisanam hordeaceam cum melonum seminibus, lactucam, endiviam, boraginem, cichoreum & lupulos. Deinde sanguinis copiam phlebotomia ita minuunt, ut naturæ motus ad partem affectam potiùs adjuvetur, quàm impediatur, sed qua mensura, & artificio id faciunt, non explicant. Si vitiosi succi cum sanguine sunt conjuncti, ut fere semper contingit, corpus purgant juxta humorum exigentiam, qui simul cum sanguine peccant. Sed peccant vulgares, quia naturæ motum impediunt, purgantia enim ad centrum è circumferentia trahunt, & præsertim si bubo sit sub axillis ob cordis vicinitatem. Reliquam curationem in bubonibus hisce omnibus, ut in cæteris inflammationibus, instituunt. Advertendum tamen, quòd digerentia, quibus utuntur, semper fortiora eligunt, quàm in aliis inflammationibus quia glandulæ sunt partes frigidiores, & ignobiliores, nec sensum habent exquisitum. Sed verum hoc esset, quoties inflammationes in glandularum substantia fierent, & non in venulis glandulas fulciantibus.

Si humor in bubone contentus non resolvatur, illum ad suppurationem illis suppurantibus alliciunt, quæ alias pro vulgari curatione retulimus. Pure genito, bubonem incidunt, pus evacuant, & suppatam per 24. horas applicant, quo tempore transacto, remonent, & digestivo exterebinthina, ovi vitello, & oleo rosaceo confecto diu digerunt. Mundificato ulcere, sarcoticis utuntur, & tandem cicatrice obducunt.

Bubo simplex i. e. non Venereus, neque pestilens, si in emunctoriis suscitetur, meditandum est, an natura per crism, & quidem perfectam, bubonem excitaverit, & æger à morbo eripiat, & bonæ crisis adsint signa, tunc si hæc erunt, nihil movendum, ut docet Hip. 1. aph. 20. Quæ judicantur, & judicata sunt integrè, neque movere, neque novare aliquid, sive medicamentis, sive aliter irritando, sed sinere oportet. Natura enim quod sibi exoticum erat, ad externas, ignobilioreque detruxit partes, idèque ejus conatus non impediendus, neque juvandus, sed totum negotium naturæ committendum, ut bubo quàm citissimè discutiatur, vel suppuretur. Si verò crisis imperfecta fuerit, humor ad affectam partem trahendus medicamentis centies à nobis decantatis.

Si nullo alio morbo præcedente bubo suscitetur, tunc medicamentum purgans, non tantum erit inutile, sed malum pejorare potest, & phlebotomia erit periculosissima ratione circuitus sanguinis, præcipuè si febris adsit. Medicamenta in morbi initio; scilicet ante inceptam suppurationem per os conveniunt, quæ sanguinis concretionem in venulis resolvant, ut mumia, spermaceti, sanguis hircinus, stibium diaphoreticum, & alia alibi pluries notata. Exteriùs valet emplastrum de spermate ceti, vel aqua spermatis ranarum destillata, vel oleum cere cum oleo liliorum. Si incepta fuerit suppuratio, necesse est bubonem in abscessum abire; sanguis enim concretus in naturæ gratiam redire, vel resolvi non potest. Adjuvanda est itaque suppuratio emplastro de mucilagine, & filii Zachariæ ana, vel fodicationum, vel, quod maximè conducit, est nostrum emplastrum Benedictum, quod omnem abscessum maturescere facit, & aperit, vel tandem phlebotomo aperiatur.

Ex.

Expresso pure, si abscessus orificium sit angustum, sensim dilatari potest turunda vulgari digestivo inuncta postmodum unguento nostro magistrali lib. 3. de Lue Venerea descripto regatur ad abscessus mundificationem usque, & tandem incarnantibus, & cicatrizantibus ejus curatio compleatur.

C A P U T LIII.

De Bubone pestilenti.

Sunt bubones pestilentes, seu pestilitatis fructus, effectus, & symptoma, qui in inguine apparere solent; hinc à pluribus pestis bubonibus comitata, lues inguinaria vocatur. Nonnulli nunquam pestem esse fatentur, nisi bubo grassetur, sed decipiuntur: nam lues Venerea, & febris etiam maligna suos bubones comites habet, absque eo, quod pestis adsit. Bubo Græcè, Latine *inguen* significat, quia natura ad locum emunctorii inferioris ignobilem se exonerat; Est etiam bubo Avis feralis, debilis ad volandum, in cavernis commorans: à bovis boatu, quem imitari videtur, ita appellata, verum mali ominis, ut Poeta inquit:

Ignavus bubo, dirum mortalibus omen.

Sic bubo dirum, & ferale pestis symptoma, quia in ipsa natura crism moliri non potest; non enim tot hydrys stipata Lernæis pestilens virus domare, sed tot tandem obruta symptomatibus concidere necesse est.

Signa.

Si scæviente peste in adenum locis tumor, rubor, dolor pulsans, æstuans appareat ferri candentis instar excrucians, ac color ex albo in rubicundiorum mutetur, deinde in splendidiorem, imò sæpè color ad lividum, sæpè ad nigrum, vel fuscum, vel viridem, & cœruleum inclinatur, bubonem pestilentem esse dicas.

Causa.

Bubonem pestilentem fieri credunt vulgares ex putredine quatuor fictorum humorum, vel ex aeris calore, aut frigore, aut ex venenata qualitate aliqua abditarum causarum sobole; ajunt enim plerumque naturam, vigente facultate expultrice, vel venenatæ qualitatibus, vel putredinis partem ad corporis peripheriam detrudere, ut ad partes adenosas, ex cerebro retro aures, ex corde sub axillas, & ex hepate ad inguina, inibi maximam putredinis, vel qualitatis venenatæ partem deponere, & pestilentes excitare bubones.

Pro nostra pestilentis bubonis causa assignanda necesse foret, pestis causam rimari, verum non impræsentiarum ex professo de ea agimus, sed in posterum, Deo dante, cum omnibus ejus accidentibus: attamen hic, ut bubonis genitum vestigemus, de pestilitatis causa per transennam tractabimus; ut inde bubonis causam attingamus. Non pestilitatis causam vestigamus, ut vulgare Medicorum mos est, qui nunc ab intensa putredine, à maligna humorum corruptione, nunc à qualitate venenata incepte erunt, nunc ad causas occultas, & deleterias referunt, nunc ad primatum qualitatum excessum confugiunt, sed veram & genuinam luis causam assignabimus. Relinquimus vanam Astrologorum opinionem, qui pestem è cœlo mendicant, nempe à determinatis siderum positionibus, oppositionibus, & malignis congressibus, unde influentiæ pestilentes emergunt; verum horum opinionem tanquam vanam, solidis destitutam rationibus, & experientiæ repugnantem repudiamus.

Pestis originem habere existimamus à causa communi, & aerem pro pestis vehiculo assignamus; aer namque variis salium generibus inquinatur, quæ ex baratris, voraginibus, cavernis, specubus, fodinis, lacubus, paludibus, aut cadaveribus non crematis, aliarumque rerum putridarum, vel fracedine erumpunt, tunc cum fermentationem arripiunt, interno, vel externo calore adjuvante, salina effluvia in atmosphæram elevantur, & juxta ventorum excursum in provincias, oppida &c. incumbunt, quæ unà cum aere, in quo continuo degimus, & quem potamus, proditoriè, & insensibiliter in nostram vitam se intrudunt. Non totus aer est conspurcatus, aliàs enim quispiam immunis in eo degere non posset: sed sufficit, si salinis illis effluviis hinc inde sit conspurcatus. Quod ta-

men ubi evenit, longè perniciosum est in tali aere versari, & pestilentes constitutiones, ubi totus aer est inquinatus, sunt longè gravissimæ, & latè in obvios quosque ob communis aeris vitium grassantur.

Sunt hæc effluvia vitriolata, vel nitrosa, gemmea, armoniaca, vel aluminosa, arsenicalia, realgarina, vel sectica, quibus varia sulphurum inflammabilium genera adduntur, quæ ætherogeneitate invicem agendo semper majorem concipiunt fermentationem, & nimis exaltantur, ac in venena lethalia transeunt. Hæc salina, & sulphurea effluvia venenata furtivo modo inspirata, vel per halitum thoracem, vel salivæ immista ventriculum obsident, tubulos subeunt, lymphæ, nutrimento, sanguini, aliisque succis circulantibus se immiscunt, vitæ œconomiam invertunt, spiritus in suo motu perturbant, inquinant, sanguinem exagitant, vehementes excitant effervescentias, sanguis grumescit quandoque, quandoque cum latice turgescit, & tumultuariè commovetur, ejusque principiorum nexu solvitur, hinc omnes succi contaminantur, & per angustiorum tubulorum glandulas circulare non valentes, in iis stant, & ab horum effluxiorum particulis duris, rigidis, acutis, scindentibus, & acicularum instar pungentibus extenduntur, rumpuntur, & exeduntur tubuli, igneum excitant tumorem in adenum locis, ubi succi filtrantur, cum dolore, & ingenti ardore, bubonem dictum pestilentem.

Prognosis.

Bubones maligni & pestilentes fere semper sunt lethales, lethale est bubones repente augeri, & furente veluti impetu ad debitam magnitudinem pervenisse, summaque omnia doloris, tumoris, & ardoris accidentia subito, & in momento habuisse. Si bubones circulum Iridis instar habeant, vel si lividi, ac nigri, mortis sunt nuncii, sed hæc signa sæpè infida sunt; moriuntur enim non rarè, & quibus rubicundi sunt bubones, & quibus œdematosi, aut cuti concolores, tantus est hujus morbi dolus. Maligniores, & pessimi ominis sunt bubones, qui comparentes, derepente disparent. Item quando impositum vesicatorium intra octo, vel decem horas nullas excitat vesicas, vel nulla scatet humiditas, ægrum namque mors præ foribus expectat. Periculosiores sunt, qui in collo, & sub axillis, quam qui in inguine ob suffocationis metum. Pessimum est, si in adenibus ordinariis bubonum locis, carbunculi oriantur.

Pestilentes bubones non levem promittunt spem, quando ægri sunt robusti, temperatam incolunt regionem, vires constant, medicamenta optima non revomunt, sed per sudorem eliminantur: Si verò sint debiles, delicatuli, non adulti, calidissimas incolentes regiones, magnum impendet periculum. Maximum periculum exoriri solet, si ægri bubones negligant, nec internis, vel topicis utuntur, sed solum naturæ committunt opus. Si bubones maturè erumpant in inguine, si colore vivido conspicui sint, hinc optimè inquit *Hip. lib. 6. epid. 5. 1. tex. 29. Tubercula extra extuberantia, & acuta; & fastigiata, & aequaliter maturescentia, & non dura, & deorsum vergentia, & non bifida, meliora; contra vero mala, & quanto plus contraria, pessima.* Vires prostratæ, vomitus tum medicamentorum, tum assumptorum frequens, & continuus, faciei partes subito inmutare, & cadaverosæ, lypothymicæ sæpè recurrentes, delirium, convulsiones, exteriora frigida, interiora calida, alvi dejectiones nimis copiosæ, ac diversi coloris, atræ nempe, & ad lividum tendentes, ut & urinæ fœtidæ, ac nigricantes denotant mortem esse ante oculos.

Curatio.

Bubonum pestilentium curationem commodè dividimus in internam, & externam. Interna peragitur medicamentis alexipharmacis, quæ salinorum, & sulphureorum effluviis particulæ duras, rigidas, acutas, corrosivas, arsenicales, realgarinas, secticas, &c. cicurant, obtundunt, demulcent, attemperant, absorbent, hebetant, & per universale emunctorium, vel per particularia eliminant, hujusmodi sunt sudorifica volatilia, fixa, diaphoretica, & cardiaca, quæ debilem promovent diaphoresim, alkalia, porosa &c. Inter quæ commendamus *antimonium diaphoreticum, bezoarticum minerale, tincturam anti-*

antimonii, tincturam bezoarticam, electuarium ex ovo, dia-scordium &c. Quibus aliis auxiliis pestilens bubo curari possit, nunc videamus oportet.

Nonnulli id purgante medicamento perfici putarunt, huius farinae authores fuere *Fallopins*, & alii, ac præ cæteris *Zacutus Lusitanus de prax. med. adm. lib. 3. obs. 19.* qui ad nauseam usque contendit in buboni pestilenti purgandum esse; Verum quia nullis innititur rationibus, & solum auctoritatibus pugnat, quæ sine rationibus ad tanti momenti controversiam decidendam non sufficiunt, audiendus non est. Alii his fixi rationibus credunt purgantia convenire; inquiunt enim humoribus malignis, venenatis, & pestilentibus proprium esse cordis arcem obsidere, hominemque celerrimè interimere: statim igitur purgandos, è corpore eliminandos, & in partes quàm maximè à corde distitas protrudi asseverant, ac deinde, ut corroboretur, & malignorum humorum vis obundatur, incumbendum. Verum in æquivoco volutantur, nam nullum datur medicamentum purgans, quod venenatam subducatur qualitatem, cum pestilens virus non à plenitudine, non à simplici humorum corruptione, sed per vulgares, à peculiari, & occulta malignitate pendeat. Quid ergo purgans medicamentum conferre poterit? Imò multum obesse, quia intimius pestilens virus penetrare potest, & humores effrenatos reddere. Non est medicamentum purgans id, quod alvi solutionem promoveret, nam in hoc nullam spem collocare debemus, sed quod morbum per suum emunctorium solvit, ita sunt reliquæ evacuationum species, vomitus nempe, urinæ, sudores, insensibilis transpiratio. Vera purgantia pestilentia affectis sunt alexipharmaca, quæ sudorem, insensilemque promovent transpirationem, ac pestilens obrundunt virus, quæ naturæ motum sequuntur, & pestilentia effluvia foras protundunt, ac per corporis habitum quoquo versum expellunt. Oppositum purgantia per alvum efficiunt, quia interturbant, & venenum illud ad interiora revocant; observamus enim quibus ob bubones Venereos purgatio præscribitur, his materiam reddi insuperabilem, & ad interiora ejusdem luis fieri attractionem, & penetrationem. Igitur ob has, & alias rationes in pestilentibus bubonibus acri studio purgantia repudiamus, quia vires prostrantur, & natura malignitati succumbit. Hinc vires in nullo alio morbo, quàm in peste factas tactas conservare convenit, & estò quandoque validæ videantur, insperatò in peste labefactantur. Imò peste correptos quibus initio alvus adstricta fuit, etsi nullo alio usi fuissent medicamento, quàm theriaca, vel mithridatio; maxima ex parte convalescere; contra verò quibus vel arte prostruit, omnes ferè occubuisse observavimus. Verum enim verò purgantia non negamus, tunc cum hominibus pestilentia accidit ab humoribus pravis, quos ex victu pravo, vel annonæ caritate, vel alia de causa cumulantur, atque in primis viis fovent, quia in hoc casu purgantia, & emetica locum habere possunt, sed hæc primis diebus, magna cum præmeditatione præbere debemus.

Alii in pestilentis bubonis curatione sanguinis missionem extollunt, & medicamentum purgans abnegant; quidam utrumque concedunt, & reverà tota, quanta est vulgare Medicina, circa stercoreis, & sanguinis educationem versatur. Huius opinamenti fuere *Alexander Massarias, Nicolaus Massa, Joannes Baptista Gemma*, & multi alii vulgares, qui in bubone pestilenti venæ sectionem admittunt, quorum sententiam nonnulli non indiscriminatim, sed cum distinctione recipiunt; inquiunt enim tantum instituendam esse, ubi magna satis sanguinis onerantis naturam copia adest, quæ facillè inflammationes parere, febrem augere potest. Verum ita phlebotomiam instituunt, ut natura à suo conatu nullatenus avocetur, sed potius in ea adjuvetur, & humor pestilens, qui à natura ad bubonem propellitur, ad interiora non recurrat: sed hic opus, hic labor est. Metuunt vulgares sanguinis copiam, ne inflammationes pariat, & febrem adaugere, & non pestem, quæ est morborum omnium princeps, & omnium acutorum morborum acutissimum non verentur. Pestilenti veneno non opponitur venæ sectio, neque per venæ sectionem illud educi potest, sed per alexipharmaca: imò facillè contingere potest, ut vires, quæ in hoc morbo conservari debent, intempestiva venæ sectione la-

befactentur, & naturæ motus in expellendo veneno impediatur, illudque introrsum rapiatur. Præterea expertum habemus eos, quibus vena secta fuit, mortuos esse, vel paucos ex iis creptos fuisse. Insuper qui, venæ sectione celebrata, venenum pestilens è corpore tollere conantur, frustra laborant, & ægrum in manifestum vitæ discrimen conjiciunt.

Quidam, apparente bubone, venam in eodem latere secant, ut per venam sectam veneni pars, quæ intra vasa continetur sanguini commista educi, obstructio impediti, & febris æstus commodè remitti possit. Cæterum si in hisce attendamus, usum venæ sectionis cum veneno pestilenti, & præcipuè per vascula hæc se jam exerente, fatendum est venæ sectionem consultius omitti, cum noxam potius, quàm utilitatem inferat. Quantitate enim sanguinis ablata, reliqua massa grumescit magis, & viæ jam diu satis debiles, vel non suffecturæ magis exhauriuntur. Pestis acrimonia coagulativa, & aculeata in sanguine, & succis reliquis corrigi hoc pacto renuit, ut potius parte sanguinis diluente ablata, magis sæviat. Motus ad exteriora hoc ipso non promovetur, sed potius inhibetur, & quidem non sine præsentaneo periculo. Quod de venæ sectione diximus, id quoque de hirudinibus, & cucurbitulis valet.

Satis, superque probatum est, medicamentum purgans, & venæ sectionem in bubonibus pestilentibus nullo modo convenire, imò potius obesse, quàm prodesse; inquiremus nunc oportet, quomodo tractandi circa curationem sint. Quidam putarunt planè in hoc casu naturam imitandam esse, quæ successivè, & longiori tempore eorum suppurationem molitur: sic Medicum maturantibus incumbere, ut hi tumores ad suppurationem ducantur, existimant; rati sunt enim à vesicantibus, scarificationibus, & incisionibus dolorem, qui inflammationis occasio sit, excitari, viresque debilitari. Præterea metuunt, ne venenum, quod natura ad exteriora deposuit, agitetur, & spiritibus, mistum, in cor, à quo proscriptum fuit, remeet. Cæterum oppositum nobis magis aridet; materia enim pestilens maturationi reluctatur, nec suppurationem, quia inepta est, admittit, & esto exquisita adhibeantur suppurantia, nunquam suppuratio speranda est, sed potius gangrænâ expectare debemus. Imò libenter conjectamus, ne humor venenatus, antequam in suppurationem abeat, mediantibus spiritibus, & humoribus, cordi iterum communicetur. Ideòque unicè consulimus bubonibus pestilentibus exitum patefieri, quem natura digito demonstravit, & deinde decenti methodo tractari.

Nonnulli inquiunt, si perfectè, aut maxima veneni pars in bubonem à corpore expulsa videatur, (quod post bubonis eruptionem, symptomatum remissione, atque ex ægri meliorationeprehenditur) non delinquit Medicus, si coctionem, licet non perfectam, ut in aliis tumoribus, expectet, & eam omnibus modis adjuvet. Verum extra remloquuntur, nam exotico viru non fidentum, licet ad emunctorium aliquod depositum fuerit, & sopitum jaceat, quia recrudescere, vires assumere, & insidias struere potest, & tum maximè lædit, quos antea apprehendit, ne quisquam tutus esse potest, qui intra proprios Lares, estò in partibus distitis, cum hoste cohabitabit, nisi extra limen ejiciatur, & hoc citissimè, absque cunctatione fieri debet; periculum enim est in mora, nec hosti fidendum, nec quisquam cum eo familiariter se gerere debet. Tunc de nostra salute securi sumus, cum hostem, qui vitæ nostræ insidiatur, obtruncaverimus: igitur nullatenus cunctandum, sed celerrimè danda est opera, ut veneno exitus patefcat, hosti enim aureus pons struendus est.

Quia pestilentes bubones materiam continent venenatam, nullam in iis maturationem expectare debemus, criticè enim non erumpunt, sed solent quandoque esse salutare, necesse est, ut non tantum ad corporis periferiam trahatur, sed planè è corpore eliminetur; id duplici modo contingere potest, vel per medicamenta alexipharmaca, quæ totum respiciunt, vel per chirurgiam. Alexipharmaca multa descripsimus in curatione interna, & innumera prostant apud authores, verum nos hic potius unico contenti sumus, quàm eorum copia delectamur, cujus usum experti sumus grassante contagio, tale est *Nostrium Antidotum Anti-pestilentielle*, quo qui usi sunt, omnes evaserunt, cujus descriptionem ingenuè communicamus:

℞. Rad. angelic., zingiberis, imperatoria, scorfonera, gentiana, aristolochia rotunda, valeriana, zedoaria ana ℥. vii. ℞. radic. carline ℥. ij. bistorta ℥. ij. ℞. tormentilla, dictamni albi, contrayerva ana ℥. vj. fol. ruta, calaminth., scordii, vincetoxici ana p. j. ℞. verbenae p. j. card. sancti, morsus diaboli, dictamni cretici ana ℥. j. nucis moschati, macis ana ℥. ix. sem. citr. excoriat., acetosa, ocyimi ana ℥. vii. lingua avis ℥. j. boli armeni, terra sigillat. in aqua acetos. præp. ana ℥. vii. ℞. ossis de corde cervi ℥. iij. cortic. citri, & aurantior. extim. ana ℥. j. ℞. succ. scord., & ruta caprar. depurator. ana ℥. iij. carnis viperinae ℥. j. croc. orient. ℥. j. myrrh. rubr. translucid. ℥. ℞. rhabarbari opt. ℥. iij. corall. rub. præp. ℥. ℞. cinnam. acut. ℥. vj. bacc. juniper. m. iij. ligni aloes ℥. iij. lapid. benzoar. orient. ℥. ij. unicornu ℥. ij. rasura eboris ℥. ℞. camphoræ ℥. j. stibii diaphoretici ℥. ℞. theriacæ andromachi, mithridatii ana ℥. iij. specier. elect. de gemmis ℥. iv. elect. diascordii fracastorii ℥. ℞. m.

Et cum syr. de ruta capraria, & spiritu vini rectificato ana q. s. f. elect. f. a.

Præstantissimum, & eximiarum virtutum est hoc nostrum Antidotum Anti-pestilentielle, quod omni alii antefereendum est; sudores enim profusissimos movet, & venenatos à centro ad circumferentiam potenter propellit ichores, ac cor à tetrīs effluviis tuetur. Pro partis præervatione sufficit ℥. j. manè jejuno stomacho; pro peste correptis dosis est ℥. j. attamen insectus stragulis optimè cooperiatur, & copiosus expectet sudores.

Quò ad chirurgiam aliqui vulgares cucurbitulis utuntur siccis, sed hæc dolorem excitant, febrem intendunt, bonos æquè ac pravos alliciunt humores, & sanguinem alterant. Alii vesicantia applicant, & vesicas excitant, quas deinde dissecant; verùm aqua, quæ vesicantium causa exsudat, nil aliud est, nisi vel succus alimentitius, vel cruor transmutatus à corrosivo cantharidum veneno.

Præterea vesicantia, seu vexantia, sua vi ignea febrem adaugent, vigilias inducunt, delirare faciunt, vires prosternunt, & ipsa lue sunt nocentiora. Insuper vesicantium realgarina salia spiritus reddunt effetos, humores, & solidas intorquent partes, in sanguinem se insinuant, ipsum inficiunt, venenant, ejus compagem dissolvunt, subtiliant, aut in serolum humorem exprimunt, vel per dilaniatam cutem, vel per tenes extirpant, dysuriam, vel stranguriam, vel ulcera in vesicæ collo causando. Hinc paucissimi, nisi quos æquus amavit Juppiter, febre maligna correpti quibus vulgares vesicantia applicant, evadunt. Tandem præcipua vesicantium ingredientia sunt cantharides, sinapi, euphorbium &c. quæ plurimo sale caustico, & exurente, ac nimio sulphure inflammabili exuberant: sunt itaque de venenorum corrosivorum catalogo, & bubonibus pestilentibus nullatenus prodesse possunt, quia unum venenum intenderet aliud potius, quàm obtunderet, vel attraheret, ut vulgò putatur. Vesicantia nullam antidotum in eorum compositione includunt, ac proinde à remedium cœtu contra malignas febres, & pestilentes bubones ea tanquam inepta subsidia, & à diabolo excogitata contra humanum genus, ab ineptis Medicis usitata merito explodimus.

Libenter ferrum admittimus, quo bubonis cutis scarificetur, aut ipse bubo incidatur, ut patefacto exitu, non solum liberius exhalet, sed & humores pestilentes, ut effluvia salina, effluere possint. Neque ullus metus est, (ut nonnulli timent) ne venenum per hoc remedium agitaturn ad cor remeet, nam per patefactam viam natura venenum è corpore eliminat. Hinc bubone pestilenti correptos, & adaperto, grassante peste, inter peste affectos versatos, ac inter cadavera gressos fuisse absque ulteriore pestis noxa observavimus. Et idem in bubone Venereo adaperto affectis, grassante peste, observavimus. Neque natura à loco dolente attrahit, sed ad dolentem locum mittit humores. Nec dolorem timere debemus, qui una, & altera sectione adeò magnus oriri non potest, & estò indè magnus oriatur dolor, è duobus tamen malis minus est eligendum; præstat itaque ægrum servare, quàm sine dolore venenum in corpore relinqui, à quo mors expectanda sit. Imò dolor leniri potest sequenti cataplasmate:

℞. Flor. chamemel. p. j. fol. scordii, ruta capraria, Vincetoxici ana m. j. mica panis ℥. ij. coque in lact. vaccini.

& adde theriacæ ℥. iij. corc. orient. ℥. ℞. vitell. ovor. num. ij. f. cataplasma, & utere.

Aliqui post incisionem dolorem demulcent, superimponendo ovum recens cum oleo rosaceo mistum.

Ad extrahendum venenum absque incisione magno cum commodo utuntur vulgares pullo gallinaceo, vel columbino deplumato circa podicem, ita tamen ut foramen ipsius supra bubonem, constrieto rostro, imponatur, taliter quod per anum respirare cogatur, nam vi caliditatis ipsius habet vim attrahendi venenum, & pestiferam qualitatem cujus evidentissimum argumentum est, nam sæpissimè, & statim veneni vi ab hujusmodi operatione moritur. Non desunt alii consulentes pullum prædictum, & præcipuè columbinum viventem medio ventre apertum parti affectæ superimponendum, donec calidus sentiat, & statim ac refrigerari incipit, partem affectam theriacæ, vel mitridatio inungunt: hoc enim modo firma fide credunt venenum foras extrahi.

O quàm inepti, bardique sunt vulgares! Quis istos philosophastros docuit hæc animalia, compresso rostro, per podicis foramen respirare? Qua ratione, vel experimento dicunt horum volatiliū calorem, pestiferamque qualitatem extrahendi vim habere? Forsan, quia moriuntur? Si vulgariū ora arctè constringeremus, absque eo, quod eorum podicem buboni pestilenti admo-veremus, utique morerentur.

Ignem actualem maximopere improbamus, potentialem verò necessarium existimamus, inter quamplurima minori dolore profundius corrodens nullum nobis hactenus innotuit, quàm illud, quod componitur ex calce viva, & sapone nigro, vel illud ex mercurio meteorizato, & farina hordei cum saliva subacta, vel illud ex saponariorum lixivio conficitur. Inductam escharam sequenti unguento egregiè separabis, ut

℞. Pingued. porci sine sale ℥. ij. fuligini camini ℥. vj. theriacæ ℥. iij. farina sænugraci ℥. j. vitell. ovor. num. ij. ol. scorpion. q. s. m. f. unguentum. Nonnulli theriacæ usum reformidant, quia puris genesis impedit, at si maturantia admisceantur, facilè hanc suspensionem vitabunt, nihilominus theriacæ venenum evocat. Post escharæ casum ulcus per longum tempus digere hoc digestivo:

℞. Terebinth. ℥. iij. vitell. ovor. num. ij. pulv. bufon. exsiccat. & fuligini camini ana ℥. ij. myrrh. ℥. j. mell. ros. simpl. & ol. scorpion q. s. f. digestivum.

Nec nimium ad consolidationem festinato, ne venenatus humor in corpore adhuc latens intercludatur, & novum morbum, ac tandem mortem producat.

Præstantissimum remedium contra bubonem pestilentem tam attractivum, quàm maturativum, & corrosivum erit bufonis pulvis, nam eo superimposito, infra horæ quadrantem dolore privatur, & infra duas horas præfactam acquireret suppurationem, educeturque per bubonis apertionem totum pestilens virus per corpus diffusum. Sic bufo in pulverem redigitur:

℞. Bufonem vivum, illumque in furnum immitte, ut sensim moriendo, exsicquetur, & in pulverem redigipossit. Hunc pulverem m. cum farina hordei, & cum saliva, vel urina humana, reduc in pulv. em, quam tela impone, & buboni applica.

Hoc alio modo procedit Paracelsus cum bufone pro extrahendo veneno à bubone pestilenti, ut Bufonis vivi caput ligno transfigendum est, isque in aere, aut sole siccandus. siccatus, & linteo exceptus superligatur. Ubi ille intumescet, & per cutem integram venenum pestis extrahet, totusque implebitur. Ita impletus abjiciatur, & recens alius imponatur, applicatio iteranda, donec bubo non amplius intumescat; id enim signum est venenum omne extractum esse, & patientem sanescere.

Nonnulli utuntur emplastro de Ramis cum mercurio, verum venenum ad interiora propellunt, & ægrotum in magnum vitæ discrimen conjiciunt.

Omnibus emplastris palmam præripit emplastrum de fuligines, quod capite 43. de parotide descripsimus, hoc enim ad maturandos pestilentes bubones, extrahendum venenum, & demulcendos dolores inde subortos est præstantissimum.

Buboni pestilenti maximopere præstat Magnes arsenicalis, estque causticum potentiale, quod nullam parit inflammationem, sed sine dolore cutem corrodit, cujus præparatio hæc est:

℞. Antimonii crudi, sulphuris flavi, & arsenici crystalli-

stallini ana ℥. iij. Pulveriscentur omnia subtiliter, & misceantur, ponantur in vasculum terreum, & lentus subministretur ignis, donec leniter liquefiant, studiosè tamen à fumo cave, quia venenatus est ex arsenico. Agitentur spatula ferrea, donec nempe terebinthina instar ductilientur, & colorem rubeum subobscurum induant, vase refrigerato, materiam exhibe, quæ magnes arsenicalis vocatur, & venenata amplius non est, ut in canibus cuilibet id experiri licet. Ex magnete arsenicali paratur emplastrum inter omnia præstantissimum ita

℥. Gummat. serapini, ammoniaci, galbani ana ℥. iij. dissolve in aceti squillitici s. q. postea per laciniam linteam exprime, & ebulliendo vicissim inspissa, & serva. deinde

℥. Cera, terebinth. opt. ana ℥. jv. Pulv. magnetis arsenicalis ℥. iij. ol. succini ℥. ij. ceram, & terebinthinam lento ignemisce, & remotam ab igne agita, ut in modum unguenti coeant, adde gummata soluta, & colata, & vicissim agitando diligenter misce, exinde forma magdaleones, ac in vesica illita oleo scorpionis prorsu serva.

Hoc emplastrum citissimè maturat, rumpit bubones, & venena potentissimè attrahit, ac cuti duriori impostum nec minimam quidem producit escharam, interim malignos tam egregiè attrahit humores, ut bubo juglandi similis intra quatuor, vel sex dierum spatium tollatur: Verùm hoc non semper tam citò evenit. Imò in corporibus robustioribus nequaquam escharam producit, nisi vesicatorii ope non solum cuticula sed etiam quædam cutis particula prius corrosa fuerit. At verò in pueris corporibusque tenerioribus escharam, nullo vesicatorio præmissa, per se excitare potest. Eschara hæc nigerrima, & putida vera veneni extracti sedes est, quare mediocriter crassa reperitur, cute superficiali tantum corrosa, quod equidem est consideratione dignissimum: nam hæc ratio est, cur multoties separetur, quam aliæ escharæ arte excitatæ. Horis enim viginiquatuor, aut triginta sex effluxis, solius spatulæ auxilio, nulla præcedente scarificatione, absque ulla aut saltem non insigni dolore auferri potest, vel posito unguento antea descripto, in reliquis verò utere, ut supra assignavimus, & ea sint omnia topica medicamenta, quæ venenum in bubone obtundunt, & spiculis infringunt.

C A P U T LIV.

De Phymate.

Phyma multoties genericum nomen est apud Græcos, unumquemque tumorem ab intro extrà erumpentem denotans, sic *Gal. 2. ad glauc. cap. 1. & lib. 3. meth. cap. 3.* docet, attamen propriè phyma designat tumorem furunculo in omnibus similem, præterquam in loci profunditate, nam phyma extra cutem emergit, duritiem cum aliquo rubore habet, sed facilliter perfectam admittit suppurationem, ut simplex abscessus calidus.

Signa.

Cognoscitur phyma ex tumore duro, rotundo, & multum elevato, parum rubente, & ferè doloris experte, in parte propè glandulas. In pueris oritur frequentius, rarò in juvenibus, & rarius in adultis.

Causa.

Vulgares credunt phyma à sanguine non puro, sed pituitoso excitari, ac proinde aliquantulum ab inflammatione declinare, referuntque hoc tumoris genus ad inflammationem œdematosam. Verùm excitatur phyma ex nutrimento degenerare prope glandulas, & vel ob materiæ resistentiam, vel continentium partium imbecillitatem, lenta, vel saltem non integra evenit suppuratio.

Prognosis.

Phyma periculo vacat, & plerumque absque medicamentorum ope, sed naturæ beneficio suppuratur, & sanatur, verùm chirurgorum incuria mortem inducere potest, si ferro, vel alio acri medicamento tractetur. Facilius curatur in pueris, in juvenibus, & adultis difficilius.

Curatio.

In phymatis curatione danda est opera, ut quamprimum suppuratio procuretur; ideòque naturæ conatus medicamentis suppurantibus adjuvandus est. Ad hunc finem vulgares commendant *triticeum mansum*, & impositum, ut & uvas passas, acinis exemptis, vel sequens cataplasma, ut

℥. Pulv. radic. alth., farina tritici, & lupinor. ana ℥. j. caricar. ping. num. vj. fermenti ℥. ss. coque, & adde campam sub cineribus coctam num. j. ol. lilior. albor q. s. f. cataplasma.

Nisi his medicamentis rumpatur, arte aperiunt, ne materia diutius detenta aliquod afferat periculum: Cæterum potius ægrotantem in vitæ periculum conjiciunt, quam utilitatis aliquid afferunt.

Phymatis curatio internè expostulat incidentia, absorbentia, & diaphoretica, hinc inde ad nauseam dicta; externè suppuratio promoveatur, quæ haberi potest ab externis impositis succorum fermentationem adaugentibus, in quem finem conducet *emplastri fodicationum* superpositio; hoc namque mediante infra decem dies materia perfectam acquireret suppurationem, partes continentes validæ fiunt, cutem attenuat, tandem tumorem aperit, materiam abstergit, & curationem complet. Qui fodicationum emplastro caret, illud de quatuor gummatibus substituere potest.

C A P U T LV.

De Phygethlo.

Phygethlon Græcè aliud tumoris genus est in iisdem partibus adensis, in quibus bubones accidunt, erumpens; Latini panum, vel potius panem à figuræ similitudine nominant. Differentia inter bubonem, & phygethlon est, quòd bubo producitur à sanguine in venis juxta glandulas vitato, phygethlon verò secus producitur, ut dicemus.

Signa.

Phygethli signa sunt tumor, durities, calor, distensio, dolor major, quam pro tumoris magnitudine, & paucus in superficie rubor. Quandoque febris accidit. Interdum talium nihil extrà deprehenditur, ubi materia altius delitescit, sed saltem aliquæ intus percipiuntur punctiones. Rarò, aut nunquam, suppurationem acquirit, & temporis progressu contumacior fit, & indolens esse solet.

Causa.

Assignant pro hujus tumoris causa inepti vulgares, sanguinem biliosum, sed perperam; nam producitur phygethlon in ipso glandularum corpore ex proprii nutrimenti degeneratione, & hinc est, quòd duritiem habet, & rarò, aut nunquam suppurationem admittit, & temporis tractu contumacior, & indolens fit.

Prognosis.

Phygethlon, qui ex ulcere, dolore, contusione, vel alia causa externa excitatur, periculo vacat; verùm qui febribus supervenit, sicut præsertim peste grassante, accidere solet, tam in femoribus, quam sub alis, sive in collo supervenit, pessimus, & perniciosus est.

Curatio.

Quia Phygethlon suppurationem non admittit, sive ex ulcere, dolore, collisione, vel alia de causa procathartica excitetur, temere à chirurgis tentanda non est ejus incisio, vel apertio, nam morbus, qui periculo vacat, periculosus fit; glandulosæ enim partes postquam vitium contraxere nunquam, vel rarò illud exuunt absque gangrænæ periculo.

Nostra phygethli curatio tam in internis, quam externis remediis consistit. Interna debent esse deobstruentia, incidentia, deinde diaphoretica, & absorbentia, quibus mediantibus meatus deobstruantur degener nutrimentum incidatur, & resolvatur, hujus conditionis sunt

essen-

*essentia centaur. min. absinth. tinctura tartari, tartarus vi-
riolatus, quibus admisceri potest magisterium oculor. can-
crorum. Non contemnenda sunt diaphoretica, præcipuè
sal volatile c. c., viperar. & alia volatilia.*

Externa tumori statim applicanda sunt, verùm reppel-
lencia, & alia frigida vitentur, & ad deobstruentia con-
fugiendum est, ut ad *emplastrum de labdano, vel de ammo-
niaco simpl. malaxatum cum oleo cera*, cujus post longam
applicationem, si pertinax perseveret phygethlon, *empla-
stro de Pyrite* utere, cujus usu omnes duros tumores re-
solvere poteris. Quòd si his emplastris resolutio relucta-
bitur, efficacissimum erit *emplastrum Apostolicum Nicolai
Alexandrini*, ut

*℞. Lithargyr. ℥. vj. Ceræ citrina, Colophonia ana ℥. ij.
Propoleos, Visci quercini, Glutinis ana ℥. j. Ammoni-
acæ gutta, Lapidis calaminaris, Thuris ana ℥. vj. Mastiches,
Mumie ana ℥. j. ℞. Terebinth. Galbani, Bdellii, Myrrha
Aris usti, Sarcocollæ, Squamæ aris ana ℥. j. Ol. veteris q.
s. F. emplastrum.*

Credibile non est, quantum valet emplastrum hoc non so-
lum ad duros resolvendos tumores, sed etiam ad quoscum-
que morbos chirurgicos, omnium præstantissimum ex-
pertum sumus.

De Herniis.

C A P U T LVI.

De Enterocoele, & Epiplocele.

Postquam de iis tumoribus egimus, qui inguina infe-
stare solent, non alienum à nostro instituto de herniis
pertractare arbitramur, cum prope inguina, in scroto,
& testibus oboriantur.

A Latinis *hernia, ramex, ac ruptura*, à Græcis verò
cele dicitur, quanquam hoc nomen non solum intestino-
rum, sed omenti prolapsui tribuatur. Igitur ab herniis
initium facimus, quæ ab intestinis, & omento è natura-
li sede prolapsis in inguina, sive in scrotum ortum habent,
& juxta hanc divisionem duæ tantum dantur herniarum
species, nempe intestinorum, & omenti; unde si intesti-
num excidit, *hernia intestinalis* appellatur, Græcè *ente-
rocelen* dicitur, si verò aliqua omenti pars prolabatur,
hernia omentalis, vulgò *Zirbalis* nominatur, Græcè
epiplocelen. Nonnulli tertiam herniarum speciem con-
stituunt, quæ ex utraque mixta est, ubi aliquid omen-
ti, & intestina simul prolapsa sunt; Cæterum si intesti-
na in ipsum usque scrotum descendant, completam, &
perfectam constituent herniam, quam Græci *oscheocelen*
nominant, & in specie Enterocelen, & Epiplocelen. Si
eandem partes ultra inguina non descendant, nec in scrotum
delabantur, imperfectam, & incompletam herniam, ac
bubonocelen appellant.

Constat peritonæum duabus validis, & densis, sed molli-
bus membranis, quæ omnia, quæ in ventre aut infima ca-
vitate sunt, ad eò regit, & firmiora reddit, ut inde natu-
raliter nihil procidere queat. In fœminis pubis os est ejus
ultimus terminus: in viris verò ejus membrana ulteriùs
procedit, in scrotum nempe, & primam, propriamque
testiculorum tunicam efficit. In inguinibus vasa genita-
lia tanquam in vagina complectitur, quæ peritonæi pro-
ductio dicitur. Hujus exterior membrana si dilatatur, &
interior rumpitur, causa proxima herniarum censetur, pro-
ut vel intestinum, vel omentum vel utrumque illabitur.

Enterocoele idem sonat, ac intestini hernia, entera nam-
que intestina denotant; epiplocele ac omenti hernia, epi-
pilon omentum significat, & enteropiplocele, ac intestino-
mentheria. Proprius imperfectarum herniarum locus in-
guina sunt, cæterum peritonæum in aliis locis etiam non
dilatari, aut dirumpi, ibique herniam efficere credere
non possumus: Supra umbilicum contingit, sed rarissimè;
infra umbilicum, & ad ejus latera, & longè supra inguina
quandoque accidit, & bardi chirurgi pro abscessu accipiunt,
ibi non esse consuetum herniis locum petperam sibi persua-
dent, peccant dulciter, sed quod magis dolendum, quan-
doque, imò multoties dicere volebamus, rupturam in in-
guine pro bubone Venereo nostri chirurgi piscantur, & in-
cidunt, nec mirum, sunt de communi consensu omnium.
Hujus rei tragicam observationem de *Lue Venerealib. 3.
cap. 5. de bubone Venereo* meminimus.

Musitani Opera Tom II.

Signa.

Enterocoeles signa sunt, quòd tumor modò crescit, &
modò decrescit, prout major, vel minor intestini portio
descendit, vel minùs repletur, imò aliquando prorsus
evanescit, sed minimà corporis motione revertitur. Ma-
nu compresso, vel propulso tumore, aut ægro resupino,
in abdomen intestina relabuntur, & dum impelluntur,
murmurant. Sine dolore hic tumor esse solet, si verò inte-
stina protuberent ob delapsas fæces, vel flatus, ut reduci
non possint, tunc vehementem augent dolorem. Si inte-
stina flatibus sint repleta, totus venter est tensus, murmur
aliquando auditu percipitur, & patiens sursùm, & deor-
sùm flatus eructat. Si fæces sint induratae, patiens strictio-
ris est alvi, tumor ponderosior, & durior sensim e-
vadit.

In epiplocele tumor mollis, indolens, lubricus, & la-
xus est, & ferè semper idem, verùm ægro decumbente,
digitis absque dolore ad ventrem recurrit, & in eo delite-
scit, & evanescit, mox eo surgente, denuò recurrit. An
in inguina sint prolapsa intestina, vel omentum, aut in
scrotum descendant, visu deprehenditur; in bubonocoele
namque tumor rotundus est in inguine, qui pressione
non agrè intropellitur, cæterum in scroti hernia inte-
stina, vel omentum in ipso scroto deprehenduntur.

Si peritonæum tantum sit relaxatum, ex eo cognosci-
tur, quia tumor est parvus, ac sensim increscit, & quod
prolapsum est, ad testiculorum usque fundum non descen-
dit. Si sit diruptum, subito excitatur, subitoque incre-
mentum sumit, & faciliè ad fundum usque testiculorum,
quod prolapsum est, descendere potest.

Causæ.

Fit tumor iste ex intestinorum, vel omenti prolapsu
in inguina, vel scrotum propter fibrarum peritonæi relaxa-
tionem, vel rupturam; sive enim peritonæi fibræ relaxen-
tur, sive rumpantur, pondere suo intestina, vel omen-
tum, vel utraque simul viam sibi aperiunt, & in abdomi-
nis musculos impetum faciunt, illosque in tumorem
elevant, extra abdomen prolabuntur, & non solum in
inguina, sed etiam per peritonæi processum descendere
possunt. Causæ occasionales, ob quas peritonæum di-
latatur, vel dirumpitur, sunt motus quicumque vio-
lentus; ex alto casus, percussio, equitatio in succussore
equo, vehemens vomitus, aut tussis, magni ponderis
elevatio, sive portatio, durior alvus, & quæ cum dif-
ficultate redditur, in partu conatus, flatus in intesti-
nis, vocis intensio, spiritus retentio, tussis valida, &
quodcumque quod spiritum concitare, diaphragmati,
& abdominis musculis tensis, impetum in inferiorem
abdominis regionem inferre potest.

Hæc eadem omnia, si minorem vim, & non vio-
lenter processum illum rumpant, sed sensim, & sæpe
illum impetant, peritonæum laxare possunt: quò maxi-
mè facit peritonæi, & inguinum debilitas, ac humi-
ditas; partes namque debiles, & humidae faciliè relaxan-
tur, unde pueri in herniam sæpiùs incidunt. Et quia pro-
cessum hunc in interiorem, & exteriorem distinguimus tu-
nicam, non incongruum putamus quandoque interiorem,
ut in enterocoele, & epiplocele, necessariò dirumpi, &
externam relaxari, ut de aneurysmate diximus.

Prognosis.

Harum herniarum species in primæ ætatis infantibus
facillimè curatur, & præcipuè si parva, & recens sit;
in senibus verò difficillimè, quia membrana illa tenuis,
& nervosa non faciliè coalescit, præsertim si peritonæum
sit diruptum. Insuper in hernia maximum vitæ pericu-
lum est conjunctum, quia etsi sæpe ad eò ruptura ma-
gna sit, ut intestinorum magnus acervus in testium
sacculum descendere possit sine magno dolore, & vitæ
periculo, & propter rupturæ, ac loci amplitudinem fæ-
ces sine periculo, & impedimento libere transire pos-
sint, tamen si intestina elapsa flatibus, sive fæcibus sint
repleta, ut reponi non possint, sequitur dolor, & nisi ce-
lerrime malo succurratur, intestina inflammantur, &
æger in præsens vitæ discrimen incurrit in Ileum, &
symptomata, quæ huic superveniunt. Sæpe accidit inte-
stinis

finis inflammatis gangræna, sphacelus, & hinc mors inevitabilis, estò reposita fuerint.

Curatio.

Curationis scopus in eo consistit, ut ante omnia accurata diætæ ratio instituat, & abstineat æger à cibis flatulentis, phlegmaticis, cruditates, & crapulæ vitentur, & in omnibus victus ratio tenuis, & exsiccans instituenda est, & admodum parca, ne ventriculus, & intestina turgeant, aliter prolapsa pars nec reponi, nec intra corpus retineri posset, parum ergo ad tempus nutrimenti liquidi exhibeatur, ita sunt caponum, & pullo- rum juscula, & potus vinum rubrum.

Si itaque bubonocèle sit jamjam incipiens, in qua ruptura fere ad nucis juglandis magnitudinem in inguine appareat, intestinum manu reducatur, quo peracto, locus oleo myrtino, & mastichino, inungatur, ac deinde vulgare emplastrum de pelle arietina, vel sequens, quod nos felici eventu nunquam defraudavit:

℞. Farin. fabar. ℥. j. semin. psyllii, cydoniorum ana ℥. j. consolid. maj. ℥. iv. vini, & aceti q. s. f. emplastrum, quod bubonocelæ superponatur, & tertio quoque die recens mutetur. Quiescat interim æger, & post viginti dies ex hujus emplastri applicatione, per quadraginta dies hoc utatur arcano, quo quamlibet herniam tutò curabis, dummodò non ultra biennium patientem affligerit:

℞. Echinum terrestrem vivum, in ollam oleo olivarum plenam immergatur, in ea bulliat, usque dum totus sit dissolutus, exprimatur deinde oleum ab animalis residuo, & servetur. Hoc oleo manè, & vesperi herniæ tumorem inunges per quadraginta dies, adhibita ligatura, quæ semper necessaria est, nam omnes herniarum species curabis. Vel aliud à nobis infra describendum contra rupturam imponitur, & decens adhibeatur ligatura,

Si verò enterocèle, vel epiplocele sit, resupinetur æger pedibus, & cruribus in altum elevatis, & parùm devaticatis, quo contingit sæpius intestina, vel omentum ad pristinam sedem sponte sua redire, quòd si hoc non succedat, manu sensim repellenda, & superiora versus comprimenda sunt. Quòd si etiam non eveniat, quia intestinaurgent, tunc meditandum est, an flatus, an verò stercus sit in intestino. Flatus, ex eo deprehenduntur, quod totum abdomen tensum est, flatus emittit æger, & rugitus in intestinis audiuntur, ac dolor est sensibilis sine pondere; facibus alvinis, si intestina turgeant, alvus supprimitur per aliquot dies, tumor sensim augetur, dolor, & pondus majus; majorque percipitur durities. Tunc obstacula hæc, quæ repositionem impediunt, removenda sunt.

Si flatibus intestina repleta sunt, flatus discutientia per os exhibenda sunt, hujusmodi erunt *Diacinnamomum, diacuminum, dianisum, aqua cinnam. vel sem. fœniculi, cumini, anisi, anethi, carvi &c.* & eadem semina per clysteres decocta injicienda sunt, & extra fomenta applicari possunt ex iisdem seminibus, vel sequens, ut

℞. Flor. verbasci, meliloti, chamomilla ana m. ij. summitat. aneth. m. j. sem. lini, fœnugræci, malvar. ana ℥. ℥. decoquantur in aqua communi, & f. fotus cum spongiis.

Si vehemens adsit dolor, dolore mitigantia addenda sunt *ol. ros. amygdal. dulc. chamamelinum.* Post fotum inungatur *oleo lilior. albor. & anethino* tepidè, & sensim, ac per intervalla intromittatur. Quòd si flatus à cruditate, & humore viscido foveantur, difficilis erit curatio, tunc enim valida requiruntur discutientia juxta visciditatis exigentiam, & copiam. Nonnulli *oleum amygdal. dulc.* propinant, quia leniendo, & lubricando, materiam tollit. Verùm licet magna, sive non magna sit materiæ copia, adhiberi non debet, quia materia illa ad locum precipitatur, & malum peiorat. Igitur per clysteres, & glandes sensim educi debet, ut per incidentia, & attenuantia liquetur, & commodissimum ad hunc finem clysterem parare possimus ex suprà descripto fotu. Item pars affecta sequenti unguento inungi potest ad flatus discutandos, ut

℞. Ol. chamomill. rutacei, nardini ana ℥. j. nac. mosch. per express. ℥. ℥. macis distill. ℥. j. ℥. spiritus vini ℥. ij. coque parum, & adde ceræ q. ℥. ut f. ung.

Si fæces induratae repositionem remorentur, malum perniciosissimum est, ac proinde maturè emollientia adhibenda cataplasmata, ut

℞. Radic. alth. ℥. ij. lilior. albor. ℥. j. fol. malvæ, parietariæ ana m. ℥. flor. chamomill. meliloti ana p. ij. furfuris m. ℥. Coque in aqua com. & express. adde farin. semin. lini, fœnugræci ana ℥. ij. ℥. hordei, fabarum ana ℥. iij. ol. lilior. albor. amygdal. dulc. & commun. ana ℥. j. m. fiat cataplasma,

Si cataplasmata non sufficiunt, adhibeantur aquæ dulcis Balnea, in quibus supra dicta emollientia coqui possint. Aliqui ægrum per tres horas in solius olei communis balneo desideret jubent, vel leni clystere ventris fæces educantur in hunc modum composito:

℞. Radic. alth. & lilior. albor. ana ℥. ℥. fol. mercurialis, malvarum, althææ ana m. j. flor. meliloti, & chamomilla ana m. ij. semin. lini, fœnugræci, anisiform, fœniculi ana ℥. ij. coquantur in aqua com. colatura ℥. j. diss. cass. extract. ℥. j. ol. chamomill. anethi, amygdal. dulc. ana ℥. j. vitell. ovor. num. ij. salis gemmæ ℥. j. ℥. f. clyster, & injiciatur.

In omenti prolapsu rarò his medicamentis opus est, quia in inguine plerumque subsistit, & ægro resupinato, vel sponte, vel manus opera adhibita, in suum locum redit. Quòd si in scrotum usque prolabatur, ut de intestinis procedendum est.

In enterocèle, ubi intestinum in scrotum est prolapsum, exacerbantibus una torminibus, intestini reductio, pari modo protinùs molienda est, eductis priùs, si impediunt, per injectum clysterem, facibus, ægrum in lecto collocando supinum, ita ut ventet paulò altius corpore recubet, substratis ipsius lumbis culcitris, & sic intestina prolapsa, atque ex peritonæo propendunt leutè, ac leviter manibus reducuntur, impellanturque. Quòd si ex voto non eveniat, superposita fomenta, inunctiones, cataplasmata, balnea, infusiones &c. adhibenda sunt, ut quantum fieri possit, reductio succedat.

Quandoque hæc, & alia medicamenta parùm proficiunt, & æger in agone versatur, tunc extrema remedia tenenda sunt, eapropter nonnulli ad chirurgiam recurrunt, & ductum illum, per quem intestina prolapsa sunt, sectione dilatant. Verùm si inflammatio in intestina occupaverit, & alia extrema mala adsint, nulla salus ex sectione speranda est. Præterea intestina distenta cuti firmiter incumbunt, quæ facillè sectione lædi possunt, & si mors subsequatur, potius chirurgus, quam morbo tribuitur; præstat igitur à morbo ægrum occidi, quàm à Medico, ne vituperetur ministerium nostrum.

Ubi jam intestina in pristinam sedem collocata fuerint, cavere debet Medicus, ne iterùm excidant. Quia in re tanti momenti fasciæ, vel subligacula adeò sunt necessaria, ut in junioribus, & recentioribus rupturis tota ferè curationis spes in his posita sit; natura namque paululum arte adjecta sæpe morbos sanat, qui insanabiles existimabantur; & experientia sæpè observatum est, etiam in adultioribus, modò intestina in sua sede diligenter retineantur, herniam curatam fuisse; etsi ruptura uniri non potuit, saltem circa processus foramen, natura quid generasse, quod intestinorum lapsum prohibere potuit. Et quamvis integræ sanitatis spes sæpe non sit, tamen ad necessarias actiones sine damno, & periculo exercendas plurimum facit fasciæ usus.

Artificiosam ligaturam describit Joannes Beguinus, qua omnes herniosi curari possunt, & hac nos multos curavimus, & multos curatos fuisse vidimus; reposito namque intra abdomen intestino, quicumque herniosus ea ritè deligatus, violentissima quæque exercitia, cum athletica, tum equestria absque omni periculo subire potest. Ligaturæ descriptio talis est: *Ubi, reposito intestino partem affectam balsamo convenienti inunxeris, eique emplastrum imposueris, rursùm huic pannum lineum septuplum, aut octuplum leviter consutum superimponere, & hunc alio simplo, qui in medio sit perforatus, virgæ virili exitum præbeat, scrotumque, seu sacculus strictè includat, tege.* His peractis, ligamentum cape ex panno lineo, latum duos digitos, aut pollicem magnum, pro magnitudine scilicet patientis. Hujus extremitatem unam pone super dextrum femur, & duc ligamentum super foramen peritonæi, per quod sese vasa spermatica trajiciunt: & si in dextra parte fuerit ruptura, tunc quia illi foramini emplastrum est impositum, duc super emplastrum, & pannos lineos, ut firmiter incumbat ruptura. Deinde perge, ligamentum ducendo infra perineum, ut à tergo redeat supra sinistrum os coxendicis, & ambiat ventrem includens

dens illam extremitatem, quæ posita est super dextrum femur. Hinc perge supra dextrum coxendicis os, & duc à tergo per perinaum, ut antrorsum redeat, & transeat supra peritonæi sinistrum foramen, ipsumque emplastrum, si ibi sit ruptura, deinde rursùm supra sinistrum coxendicem ambiat deorsum, & supra dextrum coxendicem imitetur priorem ligaturam, idque fiat sexies. Vinculum igitur sufficienter longum sit, ut, sexies circumire patientem hoc modo, possit, quò tanto firmitus intestinum repositum comprimatur. Studendum autem semper inter deligandum, ut simplici esto panno lineo, per quem se penis trahit, testes simul colligentur, ut veluti in sacculo utrinque liberè quidem, sed non laxè propendeant.

Pro fascia paratur etiam bracca, vel etiam subligaculum, vel cingulum ferreum cum scuto ferreo, quod locum, ubi intestina procidunt, arctè tangat, & intestinorum prolapsum prohibeat.

Joannes Schroderus in sua Pharmacopœia Medico-Chimica sequens commendat emplastrum ad hernias glutinandas, imò ad solutum peritonæum, ut omne aliud impar sit, superponendo levissimum subligaculum, & congruam observando diætam, ut

℞. Exuvias anguillar. non salitas, & in aqua calcis lotas, coque in lixivio, donec crassescant & f. instar glutinis, quod effunde super marmor.

℞. Hujus glutinis trahetis ℥. iv. Adde lapid. hematitis, Sacch. Saturni, Jovis usti ana ℥. iij. Gum. ammon. in acet. acerr. solut. & cum ol. myrrh. confusi ℥. iij. misce omnia in fictili super cineres lentos, ut coeant in massam emplastri tenuis, extendatur super alutam.

Nulli secundum est sequens nostrum emplastrum ad rupturas persanandas, ut centies experti sumus, quod ingenuè communicamus.

℞. Radic. consolid. mai. recenter mundatar. & consciss. ℔. j. Saniculæ ℔. ℔. Polygoni ℥. iij. Nuc. cupress. consciss. num. ix. Coquantur in suff. quantitate aqua ferrariorum repetitis vicibus affusa, quousque tota virtus, & mucilago extracta sit. Colature omnes ad remanentiam circiter ℔. iij. & consistentiam mucilagineam evaporent. Tunc

℞. Picis navalis, & Colophonia ana ℥. iij. Resinae pini. ℥. iv. Hic leniter calore liquatis, & mistis adde supra dictæ mucilaginis ℔. iij. & coquantur lento igne, continuo agitando, ac sensim sequentes immisce pulveres: Sang. drac., Mastich., Sarcocollæ, Alum. usti, & boli arm. ana ℥. ℔. Succ. acaciæ, & Hypocistidis in vino austero solut. ana ℥. iij. Olibani, Myrrhæ ana ℥. ij. ℔. Ros. rubr., Balaust., Aristolochia rotunda ana ℥. iv. Lapid. hematitis præp., & Croci Martis adstringentis ana ℥. iij. Mumie ℥. ij. Tandem inde bdell. in acet. destill. solut. & inspissati ℥. j. Et coque ad empl. mollioris consistentiam.

Credibile non est, quantum hoc nostrum emplastrum mirificè ad bubonocelen, epiplocelen, & enterocelen persanandas valeat, quo si quis ad prædictos tumores utatur, mirabilia præstabit, & major erit experientia verbis. Emplastrum hoc alutæ superinducendum est, & debitè alligandum, ac ante septimum diem non removendum, quo tempore præterlapso, novum admoveatur. Interim in lecto se contineat æger, & pro majori parte supinus decumbat, à motu valido, clamore, ira, & cibis noxiis sibi caveat, & præsertim Veneris palæstram vitet, & quotidie fæces deponant aluinas.

Non desint interim interna medicamenta vulneraria adstringentia; & omnia illa, quæ ad vulnerarias adhibemus portiones, huc etiam commodè revocare possumus; advertendum tamen alia aliis in hoc affectu esse efficaciora, ut sunt *symphytum majus pilosella*, *caryophyllata*, *stellaria*, *equisetum*, *perfoliata*, *herniaria*, *ophioglossum*. Ex his, & similibus, quæ medicamentorum internorum loco usurpari possunt, confici solent portiones de quibus per triginta dies æger bis de die quinque sumat uncias, ut

℞. Radic. consolid. mai. ℥. j. Herniaria, & Pilosellæ ana m. j. Perfoliatæ ℥. j. Flor. hyperic. m. j. Cinnam. ℥. ij. Coque in vin. rubr. in vase duplici. Colaturæ ℔. j. ℔. adde Syr. de symphyr. fernel. ℥. ij.

Vel bis, aut ter in die haustum sumat ex hujusmodi portione:

℞. Radic. consolid. mai., Sigilli Sanctæ Mariæ, Saniculæ, Bistortæ ana ℥. ℔. Herb. stellariæ, Pilosellæ, Caryophyllatæ, Equiseti, Bursæ Pastoris, Herbe Trinitatis Musitani Opera Tom. II.

ana m. j. Flor. ros. rubr. p. ij. Sem. anisor. & Fœniculi ana ℥. ij.

Fiat decoctio in ℔. iij. vini rubr. ad herbarum emolitionem, attamen clauso vase, tum frigesiant, & adhuc adde ℔. ij. vini rubei, vinumque probè obturatum asseruetur.

Vel sumantur plantæ selectiores aridæ, & macerentur in vino austero, & colatura clareti instar propinetur, quod minori cum nausea ut assumatur, saccharo cando edulcorari potest. Vel ex iisdem plantis selectioribus paratur pulvis, qui in jure pulli sumi potest. Vel ex *symphyto majori* fiat *fœcula*, ex qua formentur pilulæ, & propinentur. Vel singulis diebus manè jejuno stomacho exhibe essentia consolidæ majoris cochlear unum cum guttis duabus balsami salis geminæ.

Atque hæc frequentissima sunt medicamenta, quæ in hernia intestinali vel ex rupto, vel relaxato, peritonæo ortum habentur, quæ ipsius peritonæi & musculorum unionem, vel corrugationem, ac roborationem moluntur. Multi credidere, quòd si hujusmodi tumoribus, adhibita unctione ignis actualis, vel potentialis, vel incisione, deinde induceretur cicatrix, quòd firmissima pars remaneret, neque amplius relaxaretur; at id licet verosimile videatur, falsum tamen est in praxi, ut nos multoties observavimus. Cæterum si ex iis, quæ nos attulimus integram sanitatem æger consequi non possit, fascia contentus erit, qui periculosiora medicamenta tentare non audet; hac enim sola si rectè contineantur intestina, omnibus vitæ actionibus sine magno impedimento vacare poterit, modò ab omni violentia absit.

De Testium Tumoribus.

C A P U T LVII.

De Hydrocele.

TEstes variis tumorum generibus infestari solent, inflammatione scilicet, scirrho, œdemate &c. quæ sunt cum aliis communia, quorum hic tractationem non instituimus; quædam alia sunt particularia, & propriis competunt testibus, non enim sunt in extrema scroti parte, sed in intima, in ipsis, vel circa ipsos; hujusmodi autem sub herniarum, vel ramicum nomine comprehenduntur, quæ idem denotant ac testium tumores, Sunt herniarum plures species, prima dicitur *Hydrocele*, seu *hernia aquosa*, cujus, & aliam sortem barbari recensent, nempe humoralem, quasi verò quis unquam diversos humores in ejusmodi hernia nudo & lynceo intuitu distinxerit. Secunda *Sarcocoele*, seu *hernia carnosæ*, quæ est excrementia carnea sacculum occupans. Tertia *Pneumatocoele*, seu *hernia flatuosa*. Quarta *Cirsocoele*, seu *hernia varicosa*, ob venulas multas crassas circa oscheum involutas, quæ varices nuncupantur. Quinta *hernia Veneris*, cum testes impuro concubitu intumescunt, ut de *Lue Venerea dicemus lib. 3. cap. 3. de testium tumore*. Sexta *spermatocele*, cum vas ejaculatorium corrugatur, & in scrotum delabitur.

Præter has fœminis adhuc peculiaris infesta est, ipsique solis propria, & à virili sexu planè aliena, quæ in uteri ligamentis contingit, adeò ut uterus deorsum ad pudendum propendeat; verum improprie vocatur hernia uterina, quia neququam uteri hernia est, sed tantum uteri proci dentia, de qua inter uteri affectus plenior commemoratio fiet, & hic attingemus.

Hydrocele idem denotat, quod Aquæhernia, sive ramex aquosus, seu hernia aquosa, ab aliis scroti hydrops appellatur, nam est aquæ collectio in scroto, & circa testes; *vdor* enim Græcè aquam significat, & vox illa *tele* apud veteres omnistumor in quacumque corporis parte esset, dicebatur: postea tamen in specie in testibus, & circa testes plusquam alibi tumores exortos denotare cœpit.

Hernia aquosa sæpè hydropem, ascitem vel sequitur, vel potiùs comitatur, & quandoque sine eo est. Colligitur aqua vel inter erythroideam tunicam, & darton dictam tunicam, vel extra ipsam, & pelliculas adjacentes, vel in propria continetur pellicula, atque hoc genus herniam in tunica super agnata vocamus. Aliquando duplex oritur hernia cum materia aquosa, & intra tunicam darton dictam, & in superagnata consistit. Quandoque solum aqua scrotum distenditur, quandoque etiam flatus complicantur, ut in hydrope contingere solet. Interdum etiam carnosæ

quædam substantia circa vasa spermatica concreta aqua tecta latet, quæ scroto aperto paulò post in cancerum degenerat malignum; ubi enim serofus humor acris est venas capillares, membranasque leviter erodit: hinc pars nutrimenti illa, quæ paulatim exudat, quia viscida, in carnem concrevit; reliquum verò, quod serofum est, scrotum ita extendit, ut caro tactu explorari possit.

Signa.

Hydrocele visui, & tactui patet, nam mollis est, & indolens, ac potissimum quando aqua in tunicis exterioribus continetur; certius tamen exploratur in loco obscuro, apposita ardente candela, vel lampade, scrotum lucidum quasi apparet, instar vesicæ aqua plenæ, aut ovum, putamine dempto, pellucet, æger de pondere, & gravitate conqueritur, neque etiam tumor per compressionem in abdomen recedit, ut in enterocoele fieri solet, sed semper ferè ejusdem magnitudinis se visui præbet. Distinguitur hydrocele à sarcocoele per tumoris transparentiam, & opacitatem, nam in obscuro loco, lumen post scrotum positum, ab opposito oculo videtur, si hydrocele est: sed si sarcocoele sit, ob carnis opacitatem minime quidem lumen transparet. Ubi testes soli intumescunt, scrotum adhuc rugosum aliquo modo apparet, quod non accidit, ubi aqua inter scrotum præcipue continetur.

Quo in loco, & inter quam tunicam humor aquosus contineatur, his cognoscitur signis: Si inter erythroidem tunicam contineatur, tumor erit rotundus, paulò longior, ovi instar, testiculique ibi visui, & tactui occultatur, scrotumque ipsum albidius est, & nihil, aut parùm intenditur. Si extra erythroidem tunicam sub dato lateat humor, testiculus tactui occurrit, scrotum magis intenditur. Si tandem in superagnata tunica humor hæreat, tumor undique conglobatus alterius testiculi imaginem refert.

Cause.

Putarunt vulgares chirurgi hydrocelem raro ipso in scroto generari, sed à partibus supernis infra, à ventriculo, aut hepate, vel mesenterio, & intestinis aquam in scrotum descendere, imò à toto corpore, sed has insulatas in nostra *Trutina lib. 2. c. 4. de pulmonis hydropse* fusiùs repudiavimus.

Nonnulli in hydrocele aquam ex abdomine in scrotum effluere existimarunt. Verùm hoc tantùm militaret in hydrocele cum hydropse conjuncta, in quo magna aquæ copia in abdominis cavitate est collecta, vel si aliquid aquæ ex abdominis cavitate in scrotum sensim descenderet, & æger hydropse adhuc non laboraret, saltem necessariò in hydropsem incideret, quod falsum esse nos experientia docet; videmus enim multos hydrocele ad multos annos laborare, nec ascite tentari.

Quidam statuant ejusmodi serofum excrementum in scrotum destillare à vasibus urinariis illud ad vesicam deferentibus, si in eorum tunicis raritas aliqua, vel à naturæ primordiis facta sit, vel temporis processu ob vim acrioris urinæ supervenerit, ob quam aliquæ ejus guttæ assidue transsudent, quæ faciliè sibi aditum parare possint, ob suam tenuitatem, & loci vicinitatem ad testes, & scrotum. Cæterùm illorum vasorum tunicæ non sunt ex charta emporetica, sed satis densæ, ut credibile non sit, urinam per illas transsudare posse.

Crediderunt alii aliquid humoris aquosi à rene ad scrotum descendere, sed per quos ductus id descendat, non docent, cum renes substantiam habeant duram, compactam, & densam.

Paracelsus hydrocelem oriri vult in oscheo ex sale, qui natura sua in resolutionem abire aptus natus est & superflua humiditatis haustu liquatur, quam sententiam non omninò improbabilem arbitramur.

Oritur hydrocele, cum ductus lymphatici intra scroti, vel testium tunicas contenti, vel occluduntur, ex quorum occlusionem nimis non purgantur latices, & per hæc vasa impeditur transitus, vel à lymphæ copia rumpuntur, vel liquoris acrimonia eroduntur.

Huc etiam spectat vasorum debilitas, vel raritas, & præcipue accedente aliqua causa externa, ut percussione, vel compressione. Non negamus tamen in abdomine, vel circa renes ductibus lymphaticis raptionem, erosionem, & imbecillitatem accidere posse, & inde ad scrotum, vel

testes, nunc sinistram, nunc dextram lymphæ guttatim extillare, in primis accedente causa externa.

Prognosis.

Hydrocele incipiens faciliè curatur nisi tamen ex ascite dependeat, tunc enim nisi priùs prædictum malum curetur, vel ejus auferatur causa, curari nequit. Quandoque ad tantam molem excrescere solet, ut sæpè caput æquet humanum. Si tanta hydrocele sit, ut testes perpetuò mædeant, faciliè eos stagnans diu aqua citrina putrefactivam nacta qualitate corrumpere possit, scroti quidem apertione, atque aquæ educatione mox juvantur, brevi tamen aqua redit. Quæ scroti punctione curatur hydrocele; semestrem sibi assumit censum, nam rursus nova aqua affluit, nisi per efficacia remedia interna caco-chymia corrigatur, & serum purgetur, & causa auferatur. Imò nulla herniarum incisio in vero caco-chymo, debili, sene, intemperante, vel guloso, ex voto succedit, sed semper ignominiam pariet. Quæ à causa externa est hydrocele, non ita difficulter curatur, quam quæ ab interna. Si carnosæ quædam substantia circa vasa spermatica concreta aqua tecta latet, scroto aperto, paulò post in cancerum degenerat malignum. Quæ hydrocele à renum vitio, ut dicunt, oritur, difficulter sanatur, non nisi renibus curatis, quod impossibile est, & temporis progressu ab humoris acrimonia testis substantia corrumpitur, & ulcus excitatur immedicabile, & est testis sectione auferri, & ita tumor tolli possit: tamen postea humor, qui antea in testem descendebat, in corpore hæret, & alia lethalia excitat mala.

Curatio.

Hydroceles curatio duplex est, una producti, & altera illius quod causæ est; quapropter si simul hydrops conjunctus sit, curatio ad eum præsertim dirigenda est, & aquosæ humoris generatio prohibenda: quod etiam faciendum est, si sine hydropse aqua in abdomine colligatur. Producti curatio aquæ educatione tantùm assequitur, corpore priùs purgato, *conserva flor. persic. resina jalap.* vel aliis hydragogis alibi descriptis; fiat deinde producti educio quæ communiter fit lanceola scrotum incidendo, sed hæc operatio imperfectum relinquit opus, nam rarò tota educitur aqua ob incisionis angustiam, & ejus labiorum coalescentiam. Postremo invenere instrumentum ferreum, imò chalybeum ad hoc opus peragendum mirabile, quod absque dolore, & horrore ad minimam usque guttulam aqua educitur. Instrumentum hoc chalybeum est fistulosum majoris calami gallinacei, longitudinis quatuor transversorum digitorum, in extremorum uno ex quadrato in acutissimum mucronem desinit, & paulò infra quatuor foraminula quadrata habent, quæ in fistulam ejusdem chalybis se aperiunt; in altero verò extremorum æqualiter est, & adaptum. Hoc instrumentum parte ejus acuta in hydrocelem infigitur manu, elevato teste, ne instrumenti mucronem pungatur, ac eo usque illud ascendere intra scrotum permittitur, quousque aqua per foraminula sub mucrone in fistulam, & deinde foras descendat; si cautè scrotum premendo, ut illud instrumenti mucrone pungas, & integram aquam per foramen adigas, extrahere demùm instrumentum; nam neque punctiōis vestigium relinquit. Verùm si aquæ genesis inhibeat, singulis annis, imò semestribus, id facere opus est, & sic aqua intra scrotum contenta ejus operatione, & apertione sensibilibus evacuat, quod quidem præsidium satis tutum, & efficax est. Si verò intra proprias testium tunicas delitescat aqua, minus tutum, & inefficax erit præsidium. Si cum hydrocele caro aliqua circa testem concreverit, curatio cautè instituenda est, cum malum faciliè in cancerum abire soleat. Si testis ex aqua corruptus sit, quod ex fœtore, & pravo aquæ colore deprehenditur, ne vicinas inficiat partes, sectione extrahendus est, ut in sarcocoele fieri afolet. Nonnulli bardi vulgares scrotum, ut aquam educant, cauterio seu potenciali aperiunt, verùm perperam faciunt, nam ulcus inde succedens difficulter sanatur, quia hydrocele est scroti hydrops, & juxta *Hip. aph. 8. sect. 6. Hydropicorum ulcera ægrè sanantur, cum ulcera exsiccatione indigeant.*

Educta hydroceles aqua remanet, ut *Medicus* procuret, ne ite-

ne iterum producat, id obtinebit, si per quadraginta dies *cancrorum fluvialium salia alkalia* infirmo exhibeat, est sal alkali *cancrorum* idem ac eorum cinis vehementi igne paratus, hujus recipe ℥. j. & quolibet mane per 40. dies patienti eum exhibe, si interim hydrocele redeat, iterum instrumento pungatur, & id toties, & usque dum alkali *cancrorum* causam generationis aquæ exterminaverint.

Nonnulli aquam in scroto collectam insensibiliter deplere tentant; verum si in magnam excreverit molem, incassum laborabit *Medicus*; non negaverimus tamen, si in pauca quantitate, & recens circa principia, posse insensibiliter, & in halitus resolvi, potissimum verò in pueris, ad hunc finem obtinendum cataplasma usurpari potest:

℥. *Cochlear. cum testis contus.* ℥. iv. *Baccarum lauri, Sulphuris ana* ℥. ij. *Stercoris caprini* ℥. iij. *Cum s. q. lixivii, Fiat cataplasma.*

Vel *stercus caprillum cum aqua fabrorum ferrariorum*, vel quod præstat, *urina propria coctum* applicentur: Vel *limaces cum suis testis pistentur*, & reducantur in emplastri formam, quod scroto applicetur, & relinquatur, donec sponte cadat. Vel

℥. *Ol. irini, Rutacei, Laurini ana* ℥. j. ℞. *Bdell. vino solut.* ℥. ℞. *Sulphuris vivi* ℥. ij. *Stercoris caprini q. s. Fiat linimentum.* Vel fiat sequens emplastrum.

℥. *Cera* ℔. j. *Terebinth.* ℥. ij. ℞. *Bdellii, Ammoniaci ana* ℥. ij. *M. f. empl.*

Internè exhiberi possunt ea omnia, quæ diaphæresim promovent. Fugienda sunt diuretica, quia magnam feri quantitatem ad scrotum vehere, & malum augere possunt.

Verum notandum est, quod si hydrocele ex vasorum lymphaticorum occlusionem, seu obstructionem per essentiam in ipso scroto, vel per consensum ab abdomine, vel circa renes, vel ex ductuum raritate, & debilitate ortum ducar, hæc quæ descripsimus, profectò juvant, imò hydrocelen sanare possunt; at si à vasorum ruptione, vel erosionem malum oriatur, nihil omninò prodesse possunt, sed tantum scrotum repletum instrumenti punctione deplere optimum erit præsidium.

C A P U T LVIII.

De Sarcocoele.

Sarcocoele idem est ac Latinis Carnhernia, Græcè enim Sarx, farcos, carnem significat, & cele apud Græcos tumorem denotat. *Tumor est carnosus, qui in scroto nascitur, testibusque adnascitur.*

Signa.

Tumor hic in scroto est durus, intumescencia in inguine nulla, figura testem refert, insensilis est augmentatio, quo modo ab enterocoele differt, quæ mollior, & illic oboritur; ab hydrocele opacitate secernitur. Majus est pondus, majorque molestia, quam dolor. Si tumor sit durus, & scirrhusus, nec dolor, nec calor adest; si verò sit malignus, dolor punctorius percipitur.

Cause.

Secundum vulgares fit sarcocoele ex sanguine imputo, imò ex optimo ad scrotum, & testes copiosius affluente, ibique in substantiam catni similem mutato. Sed in falso voluntantur supposito; supponunt enim sanguinem, qui pro vitalitate inservit, nutrire, & ex eo carnem gigni, quodd si verum hoc esset, sequeretur macilentos esse obesos, quia nimio abundant sanguine, & obesos esse macilentos, quia paucio exuberant sanguine: igitur autopsia patet sarcocelen ex impuriori, sive puriori non gigni sanguine.

Nos veram sarcocoeles causam in eo consistere existimamus, cum ictum, percussionem, contusionem, lapsum &c. fibræ spermaticæ intra scrotum, vel ipsos testes amplectantes pariuntur, tunc luxuriante in dictis fibris spermaticis vi auctrice succus nutritivus in partem profluit, & in carnem mutatur luxuriantem. Sic enim in arboribus observamus, si cortex externus vulneretur, contundatur, vel percutiatur, ex affluente succo nutritivio nodos fieri solere.

Musitani Opera Tom II.

Prognosis.

Sarcocoele difficulter medicamentorum ope curatur, præcipuè si sit inveterata, neque suppurationem, neque resolutionem admittit, imò in magnam molem augeri solet. Plerumque non nisi chirurgiæ opera raro sine testis ablatione tollitur. Ad inguina ubi se extendit, ferè incurabilis habetur.

Curatio.

Præmissio medicamento purgante de communi morborum omnium, vulgares in principio venæ sectione utuntur, verum hoc remedii genus est veluti unguentum ad herniam, deindè ad reprimentia deveniunt, ut tumoris incrementum inhibeant, postmodum ad exsiccantia, ut absumatur tumor, hujusmodi est pulvis radicis ononidis, ut refert *Matthiolus in Dioscoridem lib. 3. cap. 18.* Novi ego quendam, qui hujusce radicis pulvere duntaxat pluribus mensibus sumpto, carnosum ramicem absumpsit, & sanatus est: licet à Medicis nullo alio medicamento, quam sola sectione, ustioneque hanc curari posse antea tutum esset.

Nonnulli sarcocelen sola manu chirurgica, licet relegent, sub initio tamen per ejusmodi emplastrum tentari potest.

℥. *Gummi ammoniaci, Opopanacis, Sagapeni ana* ℥. j. *Solvantur per macerationem, & lenem coctionem in aceto scillitico, exprimendo tum solutionem per pannum, ut impurum remaneat, colatum rursus leniter coquendo ad spissitudinem gummeam, postmodum etiamnum calenti admiscetur ol. philosoph. seu laterini rectificati tantum, ut fiat mistura emplastica, quæ tenuiores cataplasmatibus, vel cerati toti herniæ tamdiu superponitur, donec trahatur in suppurationem.* Vel

℥. *Ol. philosoph. bis destillati* ℥. vj. *Opopanacis, Galbani, Bdellii repurgator. ana* ℥. ℞. *Liquefiant invicem, tum subterendo adde farin. fabar.* ℥. ℞. *Ficuum recent. in puliculam contusarum num. vj. Coque hæc continua subagitatione in massam mollem emplastralem, sub finem inferendo camphoræ* ℥. j. Utere hoc emplastro ad tres, vel quatuor septimanas, vel donec herniosa caro suppuretur, aut in saniem convertatur, quæ demum effluit, ulcusque ut alia, sanandum relinquit.

Quidam vulgares multa adhibent emollientia, quæ tanquam inutilia omittimus, quia quandoque illa caro, quæ excrescit, emolliiri non potest, & si emollientia adhibeantur, caro magis excrescit.

Si his emplastris ad suppurationem non deveniat, fiat foramen exiguum in scroto, superiori magis, quam inferiori in parte, & per illud applicetur *oleum mercurii*, ut si hoc modo possibile sit, caro tolli possit: quamvis tamen visitatione omne corrosum non est auferendum, ut tanto melius carnis reliquæ consumi possint.

Quod si his medicamentis malum curari non possit, & tumoris moles ægro molesta sit, testis unà cum hernia sectione extrahendus est, & cute in inguine aperta, evulsisque vasis seminariis cum illius loci teste, ligatisque simul vasis, sub ligatura caro amputanda est. Minus periculi est, si non in inguine, sed scroto latere tumente sectio fiat, & testis cum carne illi adnata per vulnus extrahatur.

Verum chirurgos admonitos esse volumus, ne pro sarcocoele testes scirrhusos secant; parastratæ enim adeò tumefactæ quandoque sunt, testibus in primis scirrhusis existentibus, ut herniæ carnosæ specie illos decipiant.

C A P U T LIX.

De Pneumatocoele.

Pneumatocoele idem sonat, ac hernia ventosa, seu flatuosa, estque tumor flatulentus in oscheo, seu scroto. Aliquando cum hydrocele, & aliquando etiam sine ea iuvadere solet. Estque hoc malum pueris satis familiare.

Signa.

Tumor est in scroto, quandoque in testibus cum tensione citra pondus, cum leviori pelluciditate, non admodum increfcit, & cum manibus premitur, flatus deprehenditur, qui ex una parte in alteram cum sono

impellitur, est quandoque cum, & quandoque sine tympanitide, & quandoque cum minatur.

Causa.

Pneumatocèles causa sunt flatus in scroto, & quandoque in testibus, vel in ipsis geniti, vel ad ipsos à vicinis partibus transmissi, scilicet ab intestinorum convexo, vel abdomine. Generantur flatus ex proprio membranarum alimento deturpato, vel in scroto, vel in intestinorum convexo, vel in ipso abdomine. Eodem modo sunt flatus non aliàs ac intus in intestino, scilicet à similari alimento degenerante, quo fermentum deturpatum adveniens, ipsa loci vita irritata, & malè affecta verrat proprium membranarum alimentum in flatus.

Prognosis.

Pneumatocèle tympanicæ prolapix est, ac nonnunquam tympanitem præcurrit, quod si aliter se habeat, inter reliquas herniarum species hæc una levissima, & curatu facillima est, cum quandoque flatus facilius, quam aliorum tumorum causæ tollantur.

Curatio.

Herniæ ventosæ curationi studendum est, ut flatus geniti discutiantur, & alii ne denuò generentur, & inhibeantur; ac ad hunc finem omnes interdiciunt cibos, è quibus flatus generantur. Deinde purgantia præscribunt vulgares, verùm hæc ratò proficiunt, imò per hæc flatus magis exasperantur. Corpore depleto, talem injiciunt clysterem, præcipuè si flatus ex abdomine suppeditantur.

℞. Ruta flor. chamamel. meliloti, sem. anethi ana m. ℥. carvi, cumini, lini ana ℥. ij. coque colatura. ℞. Libram unam, elect. bened. laxat. ℥. j. de bacc. lauri ℥. ℥. ol. rutæ. anethi ana ℥. j. ℥. fiat clyster.

Sed hallucinantur, nam scrotum peccat, & podicem plectunt, non sunt flatus in intestinorum cavitare, sed in eorum convexo, vel qui in abdomine generantur, & ad scrotum transmittuntur, nec exturbari per podicem possunt, quia nullam adhuc anatome lustravit semitam.

Toti ventri imponunt sacculum, imò saccum ex floribus chamameli, meliloti, sem. milis, cumini, carvi, anethi, &c. sed hic sacculus est clystere pejor, nam flatus agitat, nec exitum inventientes, ad scrotum confertim confugiunt, & morbum adaugent; si verò pneumatocèle per essentiam, & non per consensum sit, nec obest, nec prodest. Præterquam quod nullo modo adduci possumus, ut credamus dari hernias ventosas per consensum ab intestinis, vel abdomine, quia si scrotum manibus premeretur, ascenderent flatus, & scrotum depleretur, ac subligaculo arctè imposito, æger absque aliis præsiidiis sanesceret, quod cum nos in omnibus experti fuissimus, falsum invenimus; credimus tamen hoc evenire posse, quando pneumatocelen tympanites comitatur.

Facile curatur hernia flatulenta illis præsiidiis, quæ genitos discutiunt flatus, & deturpatum in fibris abstergunt nutrimentum, hujusmodi sunt *Diacubea Paracelsi ad ℥. ij. Arcanum, seu liquor florum tassi barbati suo modo paratum ad ℥. j. aliquoties sumptum in decocto seminis, & radicis fœniculi, aromaticum caryophyllatum, diacalaminthos Galeni, diospoliticon ejusdem. Ipsi scroto adhibeatur forus:*

℞. Pulegii, calaminth. rutæ, origani, flor. meliloti, chamomill. ana m. j. sem. anisi, fœniculi, carvi ana ℥. ij. nucis mosch. ℥. j. coque in vino pro foru. Vel sequens imponatur cataplasma.

℞. Fimi vaccini ℔. ij. Sulph. viv. sem. cumini ana ℥. ij. misce, & cum sufficiente quantitate mellis, & olei anethini fiat cataplasma. Ipsum scrotum inungi potest oleo rutæ, macis stillatitio & tandem imponatur emplastrum de bacc. lauri. Cave, ne pneumatocelen purgas, vel feces, nam punctione, vel sectione non curatur. Si morbus sit cum tympanitide, non curatur, nisi principali ablato.

C A P U T LX.

De Cirsocele.

Venæ conspicuæ magnitudinis per corporis partes dispersæ quendam patiuntur morbum, quo à carne versus cutis superficiem elevantur, ac ultra naturalem amplitudinem dilatantur, propter quod magnitudine naturali ampliores, & sanguine turgentes apparent. Communiter istæ venarum eminentiæ *varices* indignantur, verùm pro loci ratione distinctum meruere nomen, nam si in scroto, sive in testibus hujusmodi venæ turgant, *cirsocelem* appellant affectum: cirsocele namque idem sonat Latine ac hernia varicosa, Græcè *circos* significat varices, & *cele* herniam. Si in pedibus, & cruribus hæ venarum dilationes accidunt, simpliciter dicuntur varices, de quibus fusiùs cap. 16. egimus. Si tandem talis vasorum amplificatio in inguinibus eveniat, loci ratione *cirsobubonocèle* dicitur.

Signa.

Cirsocele facile cognoscitur, nam venæ in oscleo circa testes ob dilationem sunt tumidæ, quasi funiculi, cum tumore aliquantulum obliquo, & racematim in uvæ modum veluti glomerantur cum testis relaxatione, & nativi coloris in cæruleum, nigrum, aut subviridem transmutatione, dolor non adest, nisi fiatulento spiritu nimis distendantur.

Causa.

Cirsoceles causam solitis naniis inhærentes credidere inepti vulgares, esse humorem melancholicum in corpore cumulatam, ad oscleum, & in primis in venas, quæ testes nutriunt, effusum. Vera cirsoceles causa sunt venæ in oscleo circa testes debilitatæ, quæ sanguinem sursum non impellunt, sed colligunt, & nova accedente sanguinis portione dilatantur, propter quod sanguis, quem in cor revellere debebant, veluti in gurgite ibi recipitur, & in eo circulationis motus retardatur. Conferunt ad cirsocelem partis debilitas, ictus, contusio &c.

Prognosis.

Cirsocele parùm molestat, verùm secundum vulgares curatu difficilior est, quia ab humore melancholico pendet, ut alii tumores, qui ab hoc oriuntur humore; quandoque tamen in turpissimum colorem, & foramina quædam fœrentissima terminari solet.

Curatio.

Vulgares pro hujus herniæ curatione purgantia præmittunt pro humore melancholico expurgando, & talem instituantur curationem, qualis tumoribus melancholicis debetur. Et quidem nonnulli sectione curant. ut Varices. Verùm hæc curatio multa incommoda, & pericula habet conjuncta. Alii emollientibus, & discutientibus curationem molliunt, ac proinde balneum, seu semicupium ex decocto *radicum althææ, seminum lini, sesami*, & similium usurpant, & deinde locum affectum inungunt *oleo sesamino, amygdalarum dulcium cum bdellio*, & id per octo dies continuant. Postmodum adhibent balneum ex *lixivio, in quo cocti sint flores chamameli, & fœnugraci*. Verùm his vanidis medicamentis nescimus, quid emolliant, discutiuntque. Numquid sanguinem intra venas emolliunt, discutiuntque? Imò potius relaxatas venas delatant.

Quidam adstringentibus utuntur, ut *balauftis, corticibus granatorum, rosis rubris, bolo armeno, nucibus cupressi*, & similibus, vel sequenti foru, ut

℞. Comar. absynth. sicci, nucum cupressi, & gallar. omnium ana p. j. mastiches, manna thuris, & ladani ana ℥. ℥. Coquantur in vino austero & aqua myrtillorum ad consumptionem tertiæ partis, & postmodum coletur, & supra partem affectam fiat forus, vel linteoia in hoc decocto madefacta frequenter in parte affecta detineantur. Quandoque adhibent singulis diebus aquam è nucibus cupressi in duplici vase destillatam, qua scrotum humectant, adhibentque subligaculum.

Indi-

Indicatio pro cirfoceles curatione est, ut sanguis in venis stagnans fluidior reddatur, & venarum fibræ corrugentur, densioresque fiant. Hoc neque purgantibus neque phlebotomia, neque balnei, neque mercurialibus, neque sectione, neque corrosivis tentandum est; nam hæc omnia venarum constitutionem magis laceffunt, ea propter specificis est Medico innitendum, horum nos duo tantum experti sumus. Unum est *rasura radice Bryonia recentis*, multoties cirfocele superposita, hæc non secus ac in echymosi coagulatum, & crassum resolvit sanguinem, venarumque fibras corrugat. Alterum est humana pinguedo, hæc super circocelen ligata, ac ter repetita varicosa corpora ad naturalem reducit situm.

C A P U T LXI.

De Scroti, & Testium Inflammatione.

PRæter notatas herniarum species, quas scroto, & testibus accidere descripsimus, prædictæ partes alios patiuntur tumores, nempe inflammationes, abcessus, inflationes, scirrhus, caneros, gangrænas, ne idem bis repetatur, silentio prætermittimus, quia de prædictis affectibus peculiaria institimus capita, solum hic de scroti, & testium inflammatione agemus; Verumenimvero inflammatione interdum corripitur scrotum, & quidem nunc solum, testibus salvis, sæpissimè cum eodem scroto testibus unà inflammatis.

Signa.

Scroti inflammatio facile patet, nam levioris causæ est, & exteriorem cum subjecta membrana carnosam comprehendit pelliculam. Scrotum in tumorem attollitur, adest durities, rubor, & calor, dolor lancinans, qui per levem contactum exasperatur, solet una leviuscula febricula adest. At si vehementior inflammationis causa subest, tunc inflammatio simul testes incendit cum vehementi dolore, & febris incendio, solo teste inflammato, exterior scroti color naturalis est, testis verò durior, humidior, & ex levi attractu dolere non videtur, ac in valido digitorum attractu rubor, dolor, & durities magis se manifestant, quæ omnia, si scrotum simul inflammatum, sunt manifestiora. Febris quoque in graviori causa semper una incenditur, cum dolore pulsatili ad renum usque loca se extendente, & hæc omnia geminantur, utroque teste inflammato, & dolor magis acutus per totum lancinat corpus; at si unicus saltem testis inflammatione laboret, dicta symptomata minus percipiuntur.

Causa.

Inflammatum scrotum, & testes secundum vulgarium sententiam à sanguine ad eos p. n. conflente, quod accidit vel sponte eo ruente sanguine, vel ex percussione, aut collisione, equitatione dura, aut ab alia causa externa sanguinem eo trahere valente, eo attracto, nunc scrotum, nunc unà testes inflammantur, & nunc vel scrotum, vel testes. Optima quidem causa, sed nimis rustica; & trivialis, & quia multum dicit, nihil dicit; non enim explicat quomodo fiat inflammatio.

Nostra circa scroti, & testium inflammationem sententia est, quod sanguis in harum partium venulis vel grumescit, concrevit, vel per tubulorum rarefactionem intra fibras effunditur, concrevit, & per novam affluxionem tumorem, dolorem, calorem, ruborem, & pulsus accersit. Causæ occasionales internæ sunt vesiculæ excitatæ ab humore acri, & salino, sive à degenerare succo alimentitio, quæ sub cuticula vesicæ lymphæ plenæ, vel pustulæ excitantur, vel intra partium civitates; unde fit, ut scrotum, vel alteruter testis turgidior, & durior evadat, & facile postmodum inflammatio sequi possit. Externæ sunt violentæ injuriæ à lapsu, percussione, equitationis succussione, contusione, compressione &c.

Prognosis.

Scroti inflammatio interdum non difficulter curatur, & interdum periculo non vacat, cum sit in loco humido, facile in gangrænam mutatur. Testium inflammatio admodum perniciofa est in eorum substantia, in principio tamen

Musitani Opera Tom. II.

curari potest, si statim convenientia adhibeantur medicamenta, & nullus error neque à patiente, nec à Medico committatur, sed per res solventia terminetur; Verum si diutius negligatur, vel in lapideam duritiem, vel in supurationem abit, & testium intolerabilem excitat dolorem, vel eorundem corruptionem, vel etiam gangrænam, & ipsam mortem asserere potest.

Curatio.

Vulgares scroti, & testium inflammationem curant secundum communes aliarum partium curandi leges, scilicet præscribendo convenientem victus rationem, ut in omnibus affectibus calidis præscribunt. Deinde sanguinem, qui ad ipsos p. n. fluit, repellunt, intercipiunt, revellunt, postmodum, qui fluxit, discutunt, aut si suppuratio impediri non possit, eam promovent. In principio statim sanguinem revellunt, secta vena in cubito. Postea quoque poplitis, vel malleoli partis affectæ venam aperiunt. Post sanguificinam altero die cucurbitulas ad derivationem coxis imponunt sacrificatas. Verum estò totum innocentem exhaustiant sanguinem, nunquam noxium in radice attingent. Præterea revulsionis, & derivationis leges vanas, & commentitias patefecit sanguinis circuitus.

Si humores biliosi in corpore redundant, qui inflammationis ansam præbent, medicamentis bilem purgantibus utuntur, ut *manna, cassia, syr. ros. solut. &c.* Verum purgantia in inflammatione omnino inutilia sunt, imò semper noxia experti sumus, ut ipsi vulgares testes sunt.

Simul statim dum hæc administrant, repellentia adhibent & scrotum cum testibus in cataplasmate involvunt ut

℞. Farina hordei, Fabar. ana ℥. j. ℞. Pulv. ros. rubr. Myrtill. Balaustr. ana ℥. ij. Ol. ros. Aceti sambuc. ana ℥. j. Coque in suff. q. vini rubr. & f. cataplasma. Vel pro loci inflammationi refrigeratione, refrigerantia adhibent epithemata, ut

℞. Succ. solani ℞. ℞. Plantag. & Persicaria maculata ana ℥. iij. Farin. bord. ℞. ℞. Flor. malv. arborea exsiccata. Ros. rubr. ana ℥. j. Ol. rosac. ℥. iv. M. f. cataplasma. Vel sequens commendant, ut

℞. Aq. ros. & Plantag. ana ℥. ij. Mucilag. sem. psyllii, & Cydonior. cum aqua ros. extract. ana ℥. ℞. Cerussa ℥. iv. M. f. epithem.

Si dolor urgeat, refrigerantibus, & laxantibus utuntur, ut

℞. Far. bord. ℥. ij. Sem. lini & Fœnugraci ana ℥. j. Mal. & Alb. ad mollitiem coctar. ana m. ℞. Pingued. porci, & Ol. violar. ana q. s. Fiat cataplasma Vel

℞. Solani, Malvar. Viol. ana m. j. Furfur. p. ij. Coquantur, & parti dolenti applicentur.

Ad sanguinis fluxum intercipiendum, ad pubis latus, ubi venæ, & arteriæ ex abdomine ad testes, & scrotum descendunt, defensiva, & intercipientia imponunt ex *ros. rubr. bolo armeno, mastiche cum aqua ros. & ovi albumine; vel unguentum comitisse, vel emplastrum ad herniam*, tum repellentibus utuntur, & tandem materiam digerunt, quæ si supurationem nanciscatur, eam adjuvant, abcessum maturum aperiunt, digerunt, mundificant, & aliorum more consolidant.

Scroti & testium inflammationem duplici præsidiorum genere curamus, ut in aliarum partium inflammationibus diximus, abdicatis tamen purgantibus, & phlebotomia, quæ nunquam juvare possunt. Primum erit illud quod sanguinem dissolvit concretum, cuiusmodi est *spermæ ceti, essentia sanguinis hirci, stibium diaphoreticum, magisterium oculorum cancrorum fluviatilium, extractum bellidis minoris, mumia, aqua theriacalis, mistura simplex, spiritus tartari &c.* quæ intro sumi possunt.

Alterum est topicum, huiusmodi erit *emplastrum de spermæ ceti*. Multum conducit *herba Paris viridis contusa*, nam inflammationem illicò sistit, vel sequens compositio, ut

℞. Nymph. & nasturtii aquatici ana m. ij. Coque in suff. q. acet. ros. cum vino, & in fine decoctionis adde ol. ros. parum & repidiunculæ applica. Vel præsentissimum erit cataplasma *ex ruta, & ebulli foliis in aceto coctis*, & applicatum.

Si dolor valde urgeat, anodyna requiritur, & tunc:

℞. Mica panis in lacte fervido, Macerata, & express. ℞. Vitell. ovor. crud. conquass. num. iij. Farina fœnugraci ℥. j. Ol. ros. ℥. iij. m. Vel sequens, ut

F 4

℞. Fa-

℞. Farinar. bord. sem. lini, sænugraci ana ℥. j. fol. hyoscyami m. j. mal. m. ℞. ping. porci ℥. j. ol. sem. papav. ℥. j. ℞. lact. vaccini q. s. f. cataplasma.

Si inflammatio per procrastinationem jam ad suppurationem tendat, tunc humidiora conveniunt, ut

℞. Althæa cum toto, malv. ana m. j. farine tritici ℥. iij. sem. lini, sænugraci ana ℥. j. ℞. flor. chamemel. Meliloti ana p. ij. Coquantur in jure pingui ad mollitiem, tum contusa per cribrum trahantur & adde, axungia porcinæ ℥. iij. ol. viol. q. s. f. cataplasma.

Vel sequens ex capa cocta sub cineribus cum axungia porci, & modico sapone Neapolitano. Vel imponatur emplastrum filii Zacchariæ, vel Apostolicum, sed præstat præ omnibus emplastrum nostrum Benedictum, quod abscessum aperit.

Si sufficienter maturata suppuratio per se rumpi nolit, scalpello incidatur, & regatur, ut de aliarum inflammationum suppurarum curatione diximus, tandem ad sanitatem perducatur emplastrum fodicationum, vel Oppoteldoch Paracelsi.

Cave tamen, ne abscessum cauterio potentiali aperias, nam pessimos habuisse successus nos observavimus. Foramen sit exiguum, quod tantum tunicas penetret. Licet in hoc casu pus optimè se habeat, moribus nihilominus perniciosus est, & facillimè in cancerum, aut sphacelum degenerare potest, & commodiori medio, quam ferro auferri non potest, si in tempore talis operatio instituitur.

Advertas volumus, quod quæcumque medicamenta scroto, & testibus applicantur, ligatura semper necessaria est, quæ versus superiora tendat, ut scrotum, & testes minùs pendeant; ita enim pondus, dolor, & fluxus ad locum affectum minùs fiet.

Postquam de testium, ipsorum domicilii affectibus egimus, ex nostro instituto conveniens est de penis affectibus agere, unde

C A P U T LXII.

De Priapismo, Satyriasi.

Natura penem efformavit ob coitum, & non ad emitendam urinam, (fœminæ namque sine eo lotium excernunt) ac proinde per certa intervalla intenditur, rigidusque evadit, ut longissimè sua porrectione semen intra muliebrem sinum ejaculetur, qua operatione completa, à sua induratione, tensione intumescencia iterum se remittit, ac mollis, & pendulus redit, ne assidua erectio incessum, & negotia præpediat. Evenit quandoque ut assidua fiat penis erectio, quæ duplici insignitur nomine, una dicitur Priapismus, altera verò Satyriasis, si ve Satyriasmus.

Priapismus, ut Gal. placet 6. de loc. aff. cap. 6. Est cum penis, si ve virile membrum in longitudine, & latitudine, seu circulo totus augetur, nullo quidem stimulante ad libidinem desiderio, aut acquisito calore, veluti quibusdam accidere consuevit, qui supini decumbunt; subjungitque 3. de sympt. causis cap. 4. Intumescit omnino inflaturque & irrigitur invito, vel dicere potes permanentem colis, aut auctiorem, aut tumorem.

Denominationem hic affectus à Priapo desumpsit fuit Priapus, ut poetæ fabulantur, Liberi patris, & Veneris filius, quem superstitiosa antiquitas horrorem, agrorumque Deum præsidem credidit, & falce saligna, ut furum, aviumque esset formido, ac semper pene porrecto sculpsit, hinc etiam, membrum virile Priapi nomen accepit.

Altera est Satyriasis, & penis pariter continuò rigide erectus turgescit, cum ingenti salacitate, Venerisque furibundo appetitu, per coitum non exsatiabili.

A Satyris nomen accepit, qui ad libidinem semper proni sunt, & pene erecto pinguntur, à virili membro, quod veteres Sathin appellabant. Sunt Satyri homunciones uncis naribus, & cornua in frontibus, pedesque caprarum similes habent. Hi ut Plinius lib. 7. cap. 2. refert, sunt animalia quadrupeda, in subolanis Indorum montibus perniciosissima humana effigie, rectè currentia. Veteres hujusmodi monstra pro Sylvestribus diis coluerunt. Alii Sylvestres homines putarunt. Nonnulli dæmones incubos in hac homuncionum specie, aut latitantes, aut sub eadem in humani generis perniciem apparentes, ut in errorem homines inducant, arbitrantur. Hujusmodi à Divo An-

tonio per solitudines eremi Thebaidos visum fuisse meminuit Hieronymus in vita S. Antonii Vidit homunculum (inquit) aduncis naribus, & fronte cornibus aspera, cui extrema corporis in caprarum pedes desinebant. Et præmissocrucis signo, cum, quisnam esset, interrogasset Antonius, respondisse fertur, mortalis ego sum, unus ex accolis eremi, quos cæca superstitione delusa gentilitas faunos, satyrosque appellavit. Dicitur etiam ab herba, quam Satyrion nuncupant, quod libidinem proriret. Quæ etiam proritata lascivia, si omnem excedit modum, quandoque in Satyriasmum quandam terminatur, ita ut nonnunquam accurrant exempla, ubi per nimium Venerem excitantium usum, qualia sunt: Borax Veneta, scinci marini, boleti cervini, cruce, & similia, tantus excitatur salacitatis pruritus, ut concubitu non restinguatur, sed tandiu stimulet, donec exhaustis brevissimo spatio omnibus viribus, una cum semine vita profundatur.

Satyriasis non tantum maribus, sed etiam fœminis accidere solet, (furor uterinus dicitur, ut de morbis mulierum dicemus) est pene destituantur, qui erectioni aptus est. Virginibus, aut viduis junioribus est affectus, quamvis etiam nuptis accidere possit, quæ ignavos habent maritos, aut non satis adamatos, qui vasa spermatica sufficienter deplere, aut appetitum Venerem explere nequeunt; ingens enim muliebrum prurigo cum dolore eas invadit, ita ut assidue ad pudendum manus admoveant, & immenso Veneris æstro corripuntur, extillante simul humore falso, & cunni labia, clytoris, locaque utero proxima phlogosim patiuntur, & quasi ignem concipiunt, intumescunt, ac obstruuntur, adeo ut liquamen illud, quod pro semine vulgares accipiunt, excerni nequeant: hinc ergo partes distenduntur, & coeundi appetitus augetur, morbusque magis intenditur, exasperatur, & tota Veneris domus exardet. Unde afflictæ mulieres in maniam actæ ab intensa, & effrænata coeundi cupidine: obscœna, & impudica verba passim effutunt; subiecto omni pudore, Venerem furiosè expetunt, & ad eam quoscunque viros invitant.

Signa.

Priapismus cognoscitur: quod penis in longum, & latum crescit ac semper rigidus, erectus invitè citra rei Veneræ appetentiam, & durus persistit, ante, & post coitum non detumescit, Nos priapismum in uno tantum Monacho observavimus, cujus penis octuplo major naturalis magnitudinis videbatur, ejus moles tensa erat, & veluti carnosa: Multa pro tanta imminuenda mole tentavimus.

In satyriasi adest inextinguibilis rei Veneræ appetitus, & re Veneræ peracta, penis detumescit, sed paulò post reacenditur prurigo cum majori coeundi furore, ac intumescit, & quod pluries fuit patiens, eo libidinis æstro rapitur, nec per coitum satiatur, & revera in omnibus satietas, in coitu homini nulla. Satyriasis, si à causa externa pendeat, ut à decubitu supino, & lumborum calefactione; à Veneris palestra intermissa, vel nimia; à cibis, vel medicamentis Venerem irritantibus, id ægri relatione patefceret. Quæ si absint, à causa interna provenire probabile est, ut à plurimo, vel illo salino semine. Solet quandoque à flatu oriri, & tunc palpitatio quædam in pene percipitur.

Cause.

Priapismi causam rimatur Gal. 3. de sympt. causis cap. 4. inquiens: Intumescit, omnino inflaturque & arrigitur invito, vel dicere potes permanentem colis, aut auctiorem, aut tumorem. Et lib. de morb. diff. cap. 9. hujus affectus findi modum his verbis designant: Augetur enim naturalis magnitudo, non secus ac in ulceribus aliquando caro redundat ac etiam lingua, testes, & ubera, si ve quodvis aliud membrum præternaturaliter incrementum accipere consueverunt.

Satyriasis causa apud vulgares est nimia feminis copia; quod copiosius generatur ob sanguinis abundantiam, & in primis vasorum semini generando dicatorum calorem nimium, ob quem & sanguinem copiosius attrahunt, & in semen mutatur. Verum, ut fusius in nostra Theoria dicemus, allucinantur vulgares cum eorum Antesignano Galeno credentes crassamentum genituræ fieri ex superfluitate sanguinis magis elaborati, & in albam, crassioremque

que substantiam mutati, atque concreti, idque ex eo probare nituntur, quod genitura quanquam cruenta enixa fuerit, ab aliis, qui præter modum re Venerea usi sunt. Atque nos certissimis freri conjecturis, atque observationibus affirmamus genituræ crassamentum, non ex purpureo sanguine in album humorem mutato constitui, sed tale, quale est, de propriis vasis effluere, & in propriis conceptaculis recludi, inde concubitus tempore exiliat, nec unquam purpurei sanguinis speciem exhibuisse. Quod si aliquando compertum sit sanguinolentam effluxisse genituram, crediderimus id potius ex venæ, vel arteriæ alicujus hiatu, quam ex genituræ defectu provenisse; nam verosimile est languere libidinis æstum, turgentemque cessare, ubi universa genitura è corpore exilierit. Præterea nimia seminis copia non potest esse tantæ libidinis causa, nam unico, vel duplici concubitu è propriis conceptaculis efflueret, & turgigo cessaret: aliquid aliud igitur in causa est, pro tanto æstu Venereo.

Vera satyriasis causa est semen nimio sale saturatum, (est namque semen natura sua salum, quod quisquam gustu percipere potest, ut fusiùs in Theoria de semine probabimus) unde satyriasis etiam *salacitas* appellatur, & homines Veneri obnoxii, *salaces* dicuntur, ac propterea *Venerem* è sale natam finxere poetæ, & ob id *Aegyptii* carnes ad coitum inertes falsamentis, carnibusque sale maceratis ad Venerem alacriores reddebant, quia sal Venerem stimulat, prolificumque reddit semen.

Hinc tempore veris, qui falsamentis frequentius utuntur, oleo, quod plurimo abundat sulphure, & leguminibus, quæ flatuosa sunt, magis ad luxuriam proritantur, & salacitas angit, insuper multum libidinantur, qui piscibus vescuntur, nam in sale natale solum habent, ubi ipsa Venus orta fuit; Veris enim tempore sol propius vertici nostro accedere incipit, & normaliter, ac ad rectos angulos radii solares incidunt, corpuscula in aere dispersa moveri incipiunt, unde intenditur calor, & sic spiritus corporum seminalis, alias torpescens, ad motum excitatur, & semina in natura germinant, & juxta destinatas seminum ideas operantur. Hac eadem ratione veris tempore animalia, insecta, reptilia in terra, natatilia sub aquis, volatilia in aere, & cuncta bruta lascivunt, ad Venerem stimulantur, coeunt, & ardentem varios modulatur sonos, & cantus, quia musicam docet, amor. Hoc determinato tempore coeunt, alias minimè quidem, ut suas perennent species. Solum homini, post lapsum, non definitum fuit tempus, sicut & cæteris animalibus, sed omni tempore Venerem anhelat, & per victum, & coitum pugnat; homo ille, qui aliena vivit quadra, per coitum tantum pugnat. Et hac ratione brutorum foeminae quid ferocum, statis temporibus, per vulvam foras excernunt, cum, scilicet fervore correptæ ad concipiendum libidinantur, tunc pudenda tuberant propter istud serum salinum, & consultò natura hoc generat, ad hoc ut ad luxuriam alliciantur, & ut brutorum penis libentiùs illo sero madidus in coitu intra viscera ageretur, estque pro brutis naturæ spulium. Brutorum foeminae à conceptione coitum repudiant, at noster foeminae quod prægnantes sunt, èd avidius, & delectabiliùs comprimuntur; Unde *Poppea M. Agrippa* infandæ salacitatis mulier super hoc interrogata, petulanter respondit: Ideo bestias non coire gravidas, quia bestiae sunt, & hac eadem de causa nostrarum pudenda semper madida sunt, ut perpetuò futuri possint. Sed ad satyriasis causam redeamus.

Provenit satyriasis à semine nimio sale imbuto; saturatur semen nimio sale à cibis calidis putatis, & aromatibus nimium conditis, ut & à medicamentis, & cibis ad Venerem stimulantibus aptis; quæ nimio abundant sale, ad loca seminalia ab hujusmodi nutritione delato, unde semen à particulis salinis in suis vesiculis agitata, & exitum quærens faciliè fermentationis motum subit, turget, pruritus generat, anima sensitiva suum exercet officium, nempe Veneris actum, spirituum affluxum concitat, & penis intumescit sitque excandescens coeundi appetitus, & in tanta turgentia, & fermentatione concubitus tempore non totum, sed aliqua ejus pars è propriis conceptaculis exturbatur, fermentescens novum generatur, & ideò turgigo non cessat, sed per motum reaccenditur, & usu crescit.

Hujus morbi causa occasionalis est falsi seminis fermentatio à renum incalescentia, concubitu supino, præcipuè in

culcitris plumeis, diuturna à Venere abstinencia, à coitu incalescentia, medicamentis, & cibis Venerem irritantibus. Item hunc affectum causant ea, quæ penem, & circumstantia irritant, vellicantque vasa, ut sunt penis ulcera, & medicamenta, quæ lumen curant Veneream, calculus renum, & præcipuè vesicæ, stranguria &c.

Prognosis.

Priapismus non solum veneris usum non adjuvat, ut in satyriasi, sed illum tollit, nam in hoc affectu penis moles minimè quidem à concupiscentiæ spiritu augetur, sed à carne quadam tensa in ipso pene producta.

Satyriasis non solum totum corpus evervat, & extenuat, sed etiam vitam breviam, unde passeris, quia salaces sunt ad triennium vivunt. Huic affectui tantummodò juniores & seminosi obnoxii sunt, èd quod seminis copia fermentationem excitare apta est, concurrente copioso corporis calore, ut causa excitativa, ad quod senes ob exiguum semen, & calorem minùs apti sunt; Quanquam & hi validis stimulis interdum indulgeant ad vitæ usque interuersionem. Priapismus, & satyriasis sæpè dolorem inferre solent, qualempatiuntur, qui Tetano corripiuntur, aut aliis membris convelluntur, & reverà nil aliud esse videtur, quam Venerea convulsio, unde perseverans, aut apostemationem, (ut in quodam M. ob nimium coitum, cujus penis glans infantis recens nati caput representabat, observavimus) aut spasmus, & eundem exitum efficit cum aliis convulsionum modis, nempe vitium exolutionem tetanum, & mortem.

Curatio.

Priapismus, quia tumor est, curatu difficilis, iisdem remediis, quibus scirrhum curati diximus, cum aliqua juvenienti spe curari potest.

Salacitas, sive satyriasis exactissima curatur diætâ, nam *Cereris*, & *Bacchi* filia est, ideoque *sine Cerere*, *Baccha* friget *Venus*. Abstineat patiens ab aromatibus, cibis salis, calidioribus, & Venerem stimulantibus, non cubat in mollibus è plumis stratis, sed subternat *salicis folia*, & præcipuè *agni casti*. Vitet decubitus supinum, ne dorsum incalescat, & fermentationem in semine falso excitet, & concupiscentiæ spiritus ad vasa copiosius deferatur. Fugiat imagines Venereas, verba inhonesta, & mulierum aspectum, quia:

Oculi sunt in amore duces.

Tollat otium, quia:

Otia si tollas, periere cupidinis arcus.

Purgantia, ut & diuretica faciliè malum adaugent, phleboromia nullatenus juvare potest, quia malum à sanguine non dependet.

Vulgares, ne seminis copia generetur, & ejus fervor, ut inhibeatur, refrigerantia, & semen absumentia exhibent, talia sunt *Vitex*, *dictus*, *agnus castus*, *cujus folia*, *flores*, & *semen usurpant*, *Nymphaea*, *Lactuca*, *portulaca*, *plantago*, *Veneris umbilicus*, *succus mali citrii*, *mentha*, *semen cannabis*, *anethum*, quæ à peculiari proprietate semen extinguunt, & præcipuè *nymphae radix decocta*, & *pota* magnum affert adjumentum, & ex his varia concinnant medicamenta, ut syrupos, electuaria, rotulas &c. sed:

Hei mihi, quod nullis amor est medicabilis herbis.

Ex his etiam varia conficiunt unguenta pro lumborum, & renum inunctione, ut

℞. Ol. nymphae ʒ. ij. Succ. lactuc. ʒ. j. ℞. sem. viticis ʒ. ij.

Coque ad succi consumptionem, & colentur, & addito momento cere fiat unguentum. Vel

℞. Ol. ros. ʒ. j. ℞. succ. solani, sedi, portulacæ ana ʒ. ℞. spumæ argenti, ceruss. ana ʒ. ij. aceti parum, cere q. s. f. ung.

Vel adhibent unguentum refrigerans *Galenii*, vel ceratum *santalinum*, aut alia hujusmodi Lumbis apponunt, & renibus, aut *Laminam plumbeam perforatam* in renum Regione gestare jubent.

Nunc frigida, nunc verò calida pro corporis, & humorum dispositione eligunt. *Caphuram* plerique cum per os assumptam, tum renibus, & testibus illitam Venerem extinguere putant, quia frigida, & sicca est, ut *Serapianni*, & *Avicennæ* placuit, quæ tamen vehementer mediis ardet

ardet in undis, & est adeò sulphurea, & tenuium partium, ut sæpè per se evanescat in auras, ideòque Venerem extinguere negamus. Siquid hic præstat ut dicunt, non frigiditate præstat, sed quia valdè siccatur.

Eadem adhibent topicè, ut *folia salicis, viticis, sedi, portulacæ, lactuca Nymphaeæ &c.* quæ applicant Lumbis, renibus, genitalibus, & pedibus, scilicet ex dictis plantis fomenta, vellotiones parant, quibus acetum addunt vel aquas stillatitias, vel harum plantarum succos istis applicant partibus. Potentissimum est medicamentum ad Veneris extinguendam tentiginem *Cicuta* cum sua comatrita, & testibus, vasisque spermaticis circumlita. Verùm ex hac topicè applicata pravos observavimus eventus, nempe genitalium resolutionem, & pro uno curando blando, alterum pejorem inducunt morbum.

Ultimum satyriasis remedium castrationem esse putant, unde quosdam ob castitatis Zelum seipfos castrasse, imò penem cum testibus abscidisse compertum est. Et nos observavimus presbyterum, qui ob castitatis zelum, sed indiscretum, & minime quidem secundum Dei rationale obsequium, penem, sibi, & quidem pube tenus cultro ratorio prorsus absciderat. Verùm Eunuchi infames declarantur à jure, & Deus *Deut. 23.* ab Ecclesiæ ingressu eunuchos arceret. *Non intrabit eunuchus, attritis, vel amputatis testiculis, & abscisso veretro, Ecclesiam Domini.* Antiquissimus castrandi homines mos fuit, quia id hominum genus servandis regum cubilibus adhibebatur, qui mos adhuc à Turcarum Imperatore retinetur, nam pueris, quos Gynæceo præficit non solum testes, sed totum virile membrum curat abscindendum. Qui castus esse vult non tantum corpore, sed etiam mente castitatem servare debet, nec sufficit penis abscissio; novimus namque quendam qui abscisso pene pubetenus ob gangrenam, passere salacior erat, ac quotidie in Veneris palæstra pluries se exercebat cum concubina, & tandem illius mulieris pudendis sua mutilata affricabat, donec tandem semen emitteret. Nec per hoc quia mulieres pene carent, Venerea non corripuntur tentigine, imò inter se coeunt, & semen emittunt. Et salacitatis malum in semine in suis conceptabilis, unde *Veri spadones sunt, qui ex utero matris tales nati sunt*, ut fuit Divus Joannes, *sunt spadones, qui coacti sunt ab hominibus, & sunt spadones, qui seipfos castraverunt propter Regnum cælorum*, non tantum corpore, scilicet opere, sed etiam mente.

Ad sedandam libidinem certum, & infallibile remedium est legitimus, licitusque coitus, nam ex Apostoli consilio: *Melius est nubere, quam uri.* Nec officit virginitatem, & castitatem non servare propter conjugium, cum virginitas, & castitas sint virtutes, conjugium verò Sacramentum à Christo Domino institutum, unde Paulus ad Corinthios inquit: *De Virginibus præceptum Domini non habeo: consilium autem do.*

Pro salacitate, & Satyriasi maximopere *Aquam castitatis* commendant, ut

M. Terra sigillata ℥. iij. serm. viticis ℥. j. ruta, nymphaeæ, lactucæ, papaveris alb. ℥. j. cannab. acetosa, portulacæ, endivie, milii solis, ameos, coriandr. præp. ana ℥. vj. radic. dictamni alb. cynogloss. bistortæ, ireos florentiæ, ana ℥. ℔. santalor. omnium, magisterium saturni, caphuræ ana ℥. iij. herbar. absynth. pontic. mentha crispæ, bursa pastoris, taraxacon, verbenæ, fol. salvia ana ℥. ij.

Omnia incidantur, contendantur, & infundantur in vini stipitici ℔. x. digere per octiduum, & destilla in Balneum Maris. Dosis. ℥. j. ad iij. mane, & vespere. Ferunt hanc aquam Veneris cæstrum temperare, & si ejus usus frequenteretur, castitatem inducere absque sanitatis dispendio, ideoque nocua conjugatis, & illis, qui in cælibatu vivere debent, maximè proficua.

Potentissimum, & expertum remedium est *spiritus Saturni* intra corpus ad aliquot guttas sumptus, non solum ad miraculum usque reprimit libidinem, sed etiam virilitatem destruit, & emasculat; eapropter Poetæ Saturnum patri testes abscidisse fabulantur. Unde conjugatis propinari non debet, sed tantum iis, qui in cælibatu vivere constituerunt & Monachis, qui solemne castitatis votum profitentur, convenit. Idem efficit *sal Saturni*, sed consultius fit, si regio saltem externa admisto aliquo oleo inungatur. Valet ad idem *Magisterium Saturni*, si umbilicus, & priapus inungatur. Ad arcendam etiam libi-

dinem proficuum est *Butyrum Saturni*, si eo renum regio, & inguina inungantur, sed ex hoc pravos observavimus effectus in quodam presbytero. Ad salacitatem hæc juvant quia Saturnus frigiditate sua fermentationem in semine inhibet. Verùm non sine sanitatis dispendio medicamenta ex Saturno parata adhibentur. Quòd si vicissim mederi velis, utere laconico, inunge umbilico *oleum nucis moschata destillatum*, & sic coeundi tarditatem, vel imbecillitatem, vel impotentiam excitando, sanitatem recuperabis.

Præstantia pro Satyriasi remedia sunt opiata; hæc namque inflammationes temperant, ardorem consumunt, acres cicurant succos, subtiles incrassant partes, efferatos figunt liquores, volatiles obrundunt partes, spiritus fixant, fermentationem inlibent, vitam consopiant, sensum immittunt, somnum inducendo, & omnia membra reddunt inertia, præcipuè genitalia, unde sedativis administratis medelis, multos morbos profligatos vidimus. Sed præ cæteris præstantissimum remedium est, ut pariens vocitet panem, & sic carnem non anhelabit crudam, ut de quibusdam fertur.

Tandem infallibile remedium pro salacitate, & expertum, nec experientia fallit, est coitum exercere licitum, nam hoc modo immediata removetur causa; sic vomitus vomitu, fluxus fluxu, & coitu salacitas curatur; verum servandus est modus, nec violenter, & cæco libidinis cæstro exerceatur, cum omne nimium sit naturæ inimicum, aliàs cum semine vita profunditur.

A pene transimus ad anum, unde

C A P U T LXIII.

De Ani Inflammatione, Abscessu, & Fistula.

ANus diversis quoque tumoribus obnoxius est, cujusmodi sunt inflammatio, abscessus, fistula, & de his primò agemus, deindè de condilomatibus, ficibus, cristis, &c. nam si inflammatio non resolvatur, transit in abscessum, & abscessus ex chirurgi imperitia, vel ægri morositate non rectè curatus, in fistulam degenerat.

Signa.

Cognoscitur ani inflammatio ex tumore, dolore acuto, febre, loci rubedine, & id non sine pulsatione, adest difficilis, & valde dolorosa alvina excretio. Si inflammatio ab arte, vel à natura non resolvatur in abscessum transit, & tunc dolor augetur, febris intenditur, tumor cutem versus fit extuberantior, cutis tenuissima, & tactui cedens, cum immediata elevatione. Abscessu adaperto, & non ritè curato, excitatur sinus, ex quo quidam producit ichor, in circumstantes abscessus partes se insinuans, locum sibi aperit, qui cum præcedenti abscessu communicat. Hoc sinu non curato, fit fistula, quæ nihil aliud est, nisi orificium ulceris strictum, & angustum, cujus labia pletumque sunt callosa, intus autem amplam, & sinuosam habet cavitatem, quæ continuo ichorem, seu tenuem ex orificio suo exsudat saniem, dummodò ejus orificium non claudatur; tunc enim nihil emanat, & proximæ partes fiunt tumidæ, inflammantur, dolentque, spontè tamen reseratur, & iterum saniem excernit.

Accidit quandoque è podice sine sanguine, & dolore mucosæ, & subalvidas sordes excerni, ut in fluore muliebri videre est, & nonnulli bardi falso pro pure accipiunt. Evenit etiam interdum, ut ichor quidam ex ano per hæmorrhoides effluat, cum alvus pondus deponat, aut potius post alvi excretionem, quandòque citra hanc, & alias verò non. Quem fluxum nonnulli inepti chirurgi pro ani fistula acceperunt, & multo cum incommodo hominis, qui hunc patiebatur fluxum, talem in explorando fistulam frustra laboratum fuisse scimus. Et hunc fluxum patientes è carnificum manibus, & ani speculo eripimus, ac lactis seri usu integræ sanitati restituimus. Hinc patet vulgares in morborum cognitione se decipere, cum quilibet hostem quem sibi sæpè finxit, expugnandum suscipiat, eum verò, qui reverà hostis est negligat. Fistula tunc erit, quando præcessit inflammatio, quæ in abscessum degeneravit, deindè in sinum, & ex sinu in fistulam, quòd si hæc, vel saltem ulcus, non præcesserint, nullatenus talis fluxus pro ani fistula haberi potest; hic nam-

namque fluxus ad multos annos durare solet sine omni incommodo, quod in fistula non accidit, tempore nisi dum alvinæ fæces redduntur, emanat, etsi per biduum, vel triduum æger non excernat, ichor non effluit. Provenit talis ichor ex hæmorrhoidibus; natura namque aliàs sanguinem, & sæpè eum ichorosum per has vias expellere solet, in quibusdam etiam continuò tantummodò hunc ichorem ad hæmorrhoidales detrudunt venas, qui in earum extremitate hærens, dum fæces excernuntur, exprimitur.

Ani fistula nunc unum habet sinum, nunc plures, & immisso stylo exploratur. Alia intestinum penetrat rectum, & etiam stylo deprehenditur, vel immisso in anum digito exploratur. Quandòque est recta, & stylo ferreo deprehenditur, interdum tortuosa, & cerea candela exploratur. Multoties ad vesicam penetrat fistula, & urina per anum egreditur. Interdum ad intestinum rectum, & vesicam penetrat, & tunc mictione crepitus è pudendo, non aliter ac è podice emititur, deindè nonnihil puris, & fæcis cum urina missum prorupisse multoties observavimus. Quandòque est in sphinctere, & alvinæ fæces debito modo non retinentur, sed involuntariè excernuntur. Interdum tandem ad uterum penetrat fistula, & tum fæces cum pure per uterum egrediuntur, ut in duabus mulieribus observavimus.

Causa.

Inflammationis ani causa immediata est sanguis extra sedis venas effusus; occasionales verò, sive mediata, multæ esse possunt, ut hæmorrhoides restrictæ, duræ, cœcæ inflatæ, vel etiam resectæ, vel cauterizatæ, sive id fiat per cauteria, vel medicamenta corrodentia. Item longa, & dura equitatio, sive sessio, percussio lapsus, aliæque causæ violentæ; Similiter refrigeratio, erysipelas, vel tumores.

Abscessus causa est inflammatio à natura, vel ab arte non resoluta, & sanguis à venulis expressus qui in fibris se coagulat ac uno in loco illum natura coadunat, & in pus mutat.

Occasionalis fistulæ causa est abscessus vel sinus à pure non debite purgatus, nec maturè curatus, vel etiam tenellus neglectus, vel sit ab hæmorrhoidibus exulceratis, aliisve ulceribus non ritè curatis, quæ temporis cursu in fistulam semper degenerare solent. Qui plura, & notatu digna de fistula scire cupit, & quomodo fiat callus legat cap. 5. de fistula, quicquid blaterant Galeni sectatores continenter causam attabitarium esse sanguinem, discussis quidem, ac per halitum digestis tenuioribus partibus.

Prognosis.

Ani inflammatio malum est periculosum, & curatu difficile, quia par exquirit prædita sensu afficitur, quæ medicamentis acrioribus faciliè exasperatur, & ob loci caliditatem, & humiditatem inflammatio potius suppuratur, quàm resolvitur.

Abscessus ruptus, ulcus sordidum, ac purulentum producit, quod ob loci humiditatem, & excrementorum transitum vix coalescit, sed brevi temporis intervallo in fistulam transit, sordium copiam callosam, perpetuò manantem, & sanitati reluctantem, cujus insanabilitatis causæ plures sunt, & prima, quia hæc pars vegetissimè prædita est sensu, & ab acrioribus medicamentis facillimè irritatur. Secunda, quòd locus est verendus, & liberam medicamentorum applicationem non patitur. Tertia quod alvi excretio importunè sit, & alvi excrementa excernenda remedium applicationem, & sanationem impediunt. Quarta, loci humiditas, & caliditas exsiccationem, & refrigerationem exposcens, ex parte tamen ab iisdem læditur, exsiccantia enim & refrigerantia simul mordicationem inferunt, sensui vegetissimo hujus loci permolestam, ob humiditatem verò, & caliditatem naturaliter ad putrefactionem, & apostemationem propendet.

Ani fistulæ non penetrantes penetrantibus sunt minùs periculosæ, unde simplices, recentes, & quæ per carnem saltem progrediuntur, faciliè, & sine periculo curantur. Fistulæ, quæ quatuor digitis penetrant, & per musculos progrediuntur, curari non debent, cum curantur enim, accidit, ut alvus excrementa retinere non possit. Fistulæ,

quæ penetrant, ut ad intestinum rectum, vesicam, uterum, ad ancharum, vel caudæ ossa, & præcipuè cum ossium carie, item antiquæ callosæ, & quæ ad canceri naturam accedunt, incurabiles, & lethales sunt, & earum curatio non est, nisi labor irritus, & bardorum chirurgorum fatuitas, ac propterea tunc cura palliativa, quam vocant, utendum est. Illæ fistulæ, quæ dictis modis non penetrant, sunt quidem pariter difficillimæ curationis, curari tamen possunt, & si non curantur, indies mundæ habeantur fluentium hæmorrhoidum more, corpus à superfluis, & pravis humoribus in cacochymicis, & cachecticis cum ægri commodò per eas repurgare, ad sanitatem, & senectutem consequendam facere creduntur à vulgaribus, modò relatis modis non penetrant, verum ejusmodi fistulas, licet non penetrassent, tamen hecticam, & mortem intulisse notum est, & præcipuè si per multos duraverint, & subito claudantur lethales sunt.

Curatio.

Ani inflammationis curationem à clysteribus auspicantur vulgares, & reverà clysteres sunt ani remedia, deindè venam in cubito tundunt, ut sanguis à loco affecto avertatur, & postmodum venam in talo aperiunt. Anus peccat, & sanguinem chirurgus plectit. Educto itaque sanguine, & stercore, in principio podici inflammato ob refrigerationem *folia solani, portulacæ, aut Lactucæ* apponunt. In augmento applicant *medullam panis triticeæ cum oleo amygdalarum dulcium mistam*. In statu anum fomentant *decocto malvæ, & althææ, florum meliloti, chamomillæ*. Si ad maturationem tendat, fomento addunt *farinam seminis lini, radicem althææ, & farinam triticeæ*, & cataplasma componunt podici applicandum. Et si inflammatio suppurationem moliantur; eam statim adjuvant, & abscessum ante plenam suppurationem aperiunt; pus namque diutius retentum intestinum, & proxima corrumpit loca, & tunc vel gangrænam, sphacelum, vel fistulam gignit. Verum ex non perfecta abscessus suppuratione crudum emergit vulnus, unde fluxus sanguinis ex hæmorrhoidibus non compefcibilis, & alia mala, quàm hæc expectari possunt.

Inflammationis ani curatio acceleretur, priusquam in abscessum abeat: si igitur alvus adstricta fuerit, clystere emolliente proritetur ad duriusculas fæces educendas. Purgantia nullo modo exhibenda sunt, nec acres clysteres, ne materia deorsum trahatur, & ad partem affectam humorum affluxum protrahant; attamen alvus clysteribus semper detineatur aperta. Ad sanguinem expressum, & concretum interna resolventia exhibeantur, ut alibi de aliis partium inflammationibus descripsimus. Loco inflammato sequens applicetur cataplasma:

℞. *Succ. plantag. ʒ. ss. sacch. saturni ʒ. j. resolvantur invicem, & adde medullam panis triticeæ in lacte caprillo macerare, & in mortario contuse ʒ. ij. albumen unius ovi m. f. cataplasma*. Vel applicari potest *butyrum Saturni*, intinctis duplicatis petiis lineis mundis sæpè adhibitis: ejus usus frequenter iterandus est, donec omnis calor desierit. Vel *medulla panis triticeæ in aqua plantaginis, vel hyoscyami, vel solani, postea exprimatur, adde nonnihil lactis muliebris, & olei rosacei, & fiat cataplasma*, quod superponatur.

Nisi prædictis medicamentis, & aliis alibi à nobis descriptis ani inflammatio in resolutionem abeat, maturantia applicamus, ut

℞. *Rad. alth. cum toto, fol. malv. ana m. j. sem. lini, & fœnugraci ana ʒ. j. coquantur, & contendantur in pulvem, adde ol. amygd. dulc. & axungie porcine ana q. s. f. cataplasma*. Vel

℞. *Rad. lilior. albor & capar. alb. q. s. coque ad mollitiem, adde ipsas contusas ol. ros. q. s. f. cataplasma*.

Post abscessus ruptionem, ac puris educationem, ulcus melle rosaceo simplici in hordei decocto mundificetur. Post mundificationem consolidetur *infusione lapidis medicamentosi, emplastro Apostolico, vel sodicationum*. Vel pro maturatione, apertione, & consolidatione præstat *balsamus sulphuris cum oleo papaveris*. Verum in Republica Medica tota quanta est, non reperitur *emplastro nostro Benedicto* præstantius pro abscessibus rumpendis, & persanandis; hoc namque sola superpositione, & renovatione abscessum maturat, aperit, abstergit, consolidatque absque eo, quòd

quod in fistulam terminet, ut pluries experti sumus in ano, & circa, in natibus, perineo, ac scroto.

Vulgares chirurgi non solum ani fistulam, sed quaslibet alias in quacunque alia corporis parte insanabiles, & non attingendas existimarunt. Verum semper eorum defectu fistulae fiunt, & tamen bonus chirurgus ille dici meretur, qui artis suae gnarus, nunquam fistulis locum dabit, & cum illas ex alterius errore factas invenerit, curabit: ut eorum itaque ignorantiam oculant, ne malitiam, & imposturam dicamus, agrotis suadent eas attingendas non esse vel fortibus medicamentis, vel chirurgia, quia natura superfluos, praeuosque corporis succos per eos veluti per fontanellam eliminat, ac proinde si humores illi, qui in fistula effluunt, ex eius sanatione detinerentur, necessarium mors sequeretur, ut multoties ex eorum suppressione compertum est. Sic misellis imponunt agrotis, insinuat mortis terrore, quia ab ipsis curari nequeunt, ne ab aliis curentur, minitantur. Per curam palliativam fistulas curant, idem specioso ignorantiae pallio eas conservant mundas. Ideoque singulis diebus eas agrimonia, & florum olea decocto, cui aliquid aluminis usti addunt, abluunt, quod per syringam ejaculantur. Si foramen sit nimis angustum, illud sambuci medulla, gentianae radice, aut spongiae turunda, ne sanies retenta vicinas corrumpat partes, aperiunt, dilatantque.

Vulgarium nonnulli fistularum curationem aggredi, sed in cassum, audent, ideoque universalia praemittunt, bonam scilicet dietam ex victu refrigerante, ad atrabilarium succum corrigendum, & corpus convenienter deplent per catharticum de communi morborum omnium, deinde ad callum absumendum properant, fistulam hordei decocto, cui myrrhae, aluminis, & viridis aris paucillum admiscunt, eluunt; postmodum turundam cum unguento Aegyptiaco intrudunt. Si orificium sit angustum dilatant turunda ex radice bryoniae, aristolochiae, gentianae, vel hellebori nigri. Si his non cedat medicamentis, ad fortiora confugiunt, unde turundam filo alligatam, propter extractionem, rithymali succo imbutam, & aeris usti flore conspersam ad callum absumendum in fistulam immittunt. Quod si his barbaris non curetur remediis, tanquam incurabilem deferunt; verum haec remedia majora pepererunt mala, quam ipsa potuit fistula, offenditur namque his medicamentis intestinum rectum, & pro curando fistulam, multoties mortem inducunt. Alii tandem fistulam vel secant, vel inu-runt, verum sectione, & inuisione crescit malum, & aeger medio in mortis discrimine versatur.

Medicamenta, quae fistulam curare possunt, optimè conditionata esse oportet, alias minimè curabitur, nunquam namque naturam fistulam curasse hactenus compertum est: prius itaque corpus à pravis purgetur recrementis, modus autem purgandi varius est, sed optimus per medicamenta mercurialia habetur, haec namque nutrimentum mundificant, & vix quid melius exhiberi potest mercurio dulci, vel manna mercurii cum extracto catholico, vel alio vulgari purgante admixto.

Duplex est ejus curatio, videlicet interna per poriones vulnerarias, & externa per aquas, spiritus, vel alias illitiones.

Paracelsus sequentem commendat porionem, quae fistulam intrinsecus mundificat, & per se absque medicamento forinsecus superposito sanescit.

℞. Aquar. de cornibus cervi ℞. j. centaurea, consolida aurea ana ℞. iij. parthenionis ℞. iv. quibus impone rhabarburi, mannae elect. spermatis ceti ana ℞. j.

Hujus potionis agitatae prius, ut benè misceatur, cochlear j. singulis diebus bibatur manè, post quod vini cochlearia iij. sumantur per os.

Vel sequenti potione uti poteris, quae intrinsecè fistulae sanationem promouet, & optimum conficit nutrimentum, ut

℞. Rad. dictam. alb. ireos, polip. querc. ana ℞. ss. herbar. agrimoniae, pilosellae, prunellae, veronicae, ophiogloss. card. bened. stæcad. citrin. arabica ana ℞. ss. cort. lign. guajaci fraxin. ana ℞. iij. salsa parilla, ℞. ij. liquiritiae, feniculi ana ℞. ij. consciendantur, & contundantur omnia crasso modo, & probe misceantur, hujus mixturae cape m. j. ac mensuram unam aquae comm. superfundè, coque ea ad transversum pollicis casum, colaturam in cella asserva, admiscendo ipsi dimidiam, tertiam, vel quartam vini partem, ut eò melioris saporis fiat, & bibi queat. Hanc porionem ad sex, septem, vel novem menses con-

tinua, & ejus mirabere effectum, non tantum in fistularum sanatione, verum in lupi, luis Venereae, ac incurabilium ulcerum: advertendum tamen, quod corporis purgatio saepius reiterari, & ulcus quotidie hac potione elui debet.

Externa curatio obtineri nequit, nisi prius ejus callus ad fundum usque putridum absumatur, mundificetur, abstergeturque, ad quem obtinendum finem talis ablutio ex Paracelso optima erit:

℞. Ol. laterini ℞. iij. terebinth. ℞. vj. caryophyllor. ℞. j. ss.

Destilla simul per alembicum, & postmodum cum additione hac rursus destilla.

℞. Mastich. myrrh. thuris ana ℞. ij. mumiae ℞. iij.

Destillato hoc fistulam ablue immisione per syringam ad fundum usque quovis die bis: & intermissis vicibus abluatur eodem instrumento saepius vino, vel aqua salsa, ut in ea nulla putredo appareat.

Verum si antiqua fuerit, valet, spiritus salis, aqua mercurialis, oleum Saturni, sed longè melius operatur spiritus mercurii; excitant quidem haec nonnullum dolorem sed brevi rursus cessat. Ulcus mundificatum postmodum sanatur balsamo proprietatis per syringam. Cum verò optime consolidata fuerit nunquam amplius erumpit, nec conservationibus, & minus dieta indiget.

C A P U T LXIV.

De Ani Procidentia.

Solet quandòque intestini recti pars ita prolabi, ut post consuetam illam eminentiam, quae in aluinis faecibus egerendis accidit, ita extra prominet, ut nec per se intro retrocedat, vel absque manuum ope rursus retrahi futurum possit, sed manualemente exposcit repositionem, quod malum ani procidentia nominatur. Affectus hic familiaris gravidis, parturientibus, senibus & puerulis esse solet, in quo sphincter, aut sua sponte labitur, aut vehementiori conatu inter egerendum protruditur.

Signa.

Ani prolapsi signa per se manifesta sunt, & visui patent, à quibus autem causis contigerit, magna solertia rimandum, & discernendum est, cum qua procidentia sanabilis sit, altera verò non, ac proinde per propria signa id assequi oportet. Si itaque in causa sit magnus faeces excernendi conatus, vel partus laboriosus, & difficilis, id ex aegri relatione percipitur. Si ab humectante phlegmate id accadat, dolor in ano gravis, & molestus habetur. Si ex acido dolor stimulan, & irritans est, ac mordicationem longam non infert, cum tenesmo, & excretionem albicante, viscida, & mucilaginosa, verum facile anus ad interiora manibus reponitur. Ex imbecillitate musculorum anum retrahentium hoc habet peculiare, quod anus non procidit, nisi per conatum prius extrudatur. Ex resolutione, tum excrementa involuntariè excernuntur, & paralysis signa adsunt, de qua egimus in nostra Trutina lib. i. cap. 3. si inflammatio causa sit, vel abscessus, anus non ingreditur, estò manibus intropellatur, & adsunt calor, tumor, dolor, & febris. Si ob spasmus, denegatur faecibus exitus, & ut plurimum dolor subsequitur colicus. Si ex ulcere fistuloso, jam diu aeger ab eo molestatus fuit, & humor saniosus continuò extrillat. Si ab externa violentia, scilicet casu, percussione, perfrigeratione, diuturna mora in aqua frigida, vel aere gelido, ex aegri confusione patebit.

Cause.

Ani procidentia ob varias causas contingit, ut est humectatio, nimia teneritas, sive ligamentorum mollietates, quibus sphincter ita podici est alligatus, ut relaxationem facile suscipiat, qua de causa infantibus hoc malum familiarius esse solet. Magnus conatus, & fit in alui faecibus duris excernendis, similiter in difficili, & laborioso partu. Ille magnus conatus accidit quandòque ob irritationem, ut ani procidentia saepe fiat in diuturno ventris profluvio, sive diarrhoea, vel tenesmo. Fit ab inflammatione, abscessu, vel fistula in recti intestini interior-

terioribus latitante . Verùm hæ omnes causæ ad duas principaliter collimant , scilicet ad imbecillitatem , vel resolutionem . Imbecillitas masculorum dependet æ frequenti , & diuturna ani procidentia , vel ex mōra in aqua frigida , aut ab eorum refrigeratione , ex sessione super lapidem frigidum , unde *Hip. Ap. 22. sect. 5.* inquit : *Sedi , pudendo , utero , vesicæ , his calidum amicum , & judicans : frigidum verò inimicum , & interimens .* Et juxta vulgare apophthegma .

Mensibus erratis , super lapidem ne sedeatis .

Resolutio paralitica non fit , ut vulgaribus placet , à defluxione , scilicet ex superioribus , cum impossibile sit , ut humor ex superioribus defluens tantum in eos exiles nervos sese insinuet , & non simul superiores , & vicinos afficeret . Fit autem resolutio , si nervi circa ossis sacri , aut coccygis regionem debitum tonum ad motum requisitum amittant , vel spiritibus per ipsos via tollatur , vel per externam violentiam , ut casum , percussione , vel refrigerationem , tunc hi nervi resolvuntur , & anus procidat , oportet .

Prognosis .

Ani procidentia à nulla causa periculosa orta , difficilior in senibus , quàm in junioribus , & pueris curatur ; in istis enim in dies sanari observamus , in illis verò nunquam , imò in omnibus hoc malo affectis , periculosa causa concurrente , & convenientibus adhibitis remediis , si successus non respondeat , sed corporis marcor , & extenuatio sequitur cum vultus discoloratione , lethalem portendit morbum . Si ob vehementem conatum anus procidat , nulla alia accedente causa , quandòque in suum perferedit locum , vel manus ope non ægrè reducitur . Si fiat cum diarrhæa , dysenteria , vel forti tenesmo , periculosa est , pravum , & per se gravem auget morbum , ac topicorum medicaminum applicationem , & eorum effectum impedit , nisi causa sublata . Quæ ab externa violentia fit , nempe , lapsu , ictu , allisione , pro diversitate majoris , vel minoris læsionis , magis , vel minus curatu difficilis redditur , & diuturnam postular curationem , & blanda requirit remedia . Si ab inflammatione , abscessu , vel fistula pendet non curatur , nisi hi effectus auferantur . Quæ ab imbecillitate , aut musculorum resolutione ortum habet , quotiescumque alvus excernitur , & procidit anus , extra curationis spem est . Tandem omnium periculosissima , & irreparabilis est ani procidentia , quæ contingit ob intestini recti avulsionem à membranis , quibus retinetur . Si intestinum rectum diu prolapsum maneat , & externo lædatur frigore , gangræna corripitur .

Curatio .

Ani procidentia curatio ad causarum enumeratarum variationem variat . Si itaque ab humectatione , teneritate , & ligamentorum mollitie ortum ducat , phlegmagogis utendum , & postmodum topica calida applicanda , quia calidis fruitur anus juxta *Hip. aph.*

Si inflammatio adsit , & alvus durior existat , sollicitetur decocto emolliente ex *malva , althæa , cum cassia extracta , vel diaprano lenitivo .* Quod si tumor , rubor , calor , ac durities repositionem impediat , fovendus est anus decocto tepido ex decoctis in lacte *malva , althæa , floribus chamæmeli , seminibus fœnugræci , lini .* Vel æger collocandus in balneum è modò dictis paratum . Vel sequenti decocto foveatur , ut

℞. Flor. sambuci , chamomill. hypericonis ana m. ℥. ros. rubr. p. ij. comar. absynth. & meliloti ana m. ℥. m. & coque in lacte , vel vino rubro . Post forum inungatur podex oleis ex vitell. ovor. ros. & anethino simul mistis , ac tum anus in suum locum reponatur , & repositus intus detineatur adstringentibus adhibitis , ut sunt *cupule glandium , balaustia , gallæ , sumach , plantago , cortices granatorum , flores ros. rubrarum , bursa pastoris , bacca myrtillorum in vino rubro adstringente , vel aqua ferrariorum calida decoquantur ,* in quo decocto æger post repositionem aliquandiu sedeat , vel podex spongia hoc decocto imbuta foveatur , & interim locus inungendus oleo rosaceo , myrtillorum , è vitellis ovorum , vel mastichino , & postmodum in-

spargendus pulvis è *mastiche , sanguine draconis , floribus rosarum rubrarum , balaustis , gallis &c.*

Quod si non reponatur , elegans remedium est , quod fit ab affere querno apprimè lævigato , & cum mastiche , postquam ille incaluerit ad ignem , illito , & statim ano superposito ad ipsius caloris tolerantiam superseadeat æger . Verùm si nulla arte reponi , aut intus hæere possit , hoc unicum , & præsentaneum remedium est , ut

℞. Scarabæos pilulares in stercore equino natos , mortifica in vitro clauso ad solem , ut bene exsiccentur , & fiat pulvis tenuissimus . Sparge hoc pulvere intestinum prolapsum , & quomodo poteris , repone , & nunquam ampliùs egredietur ; præcipuè si ad tempus exhibitum fuerit laudabile *radicis prunelle sylvestris decoctum in vino rubro , vel aqua ferrariorum ,* quod sæpiùs haustum in die per aliquod tempus leniter adstringit , sed ita ut alvus quoque sit libera , quam in ejusmodi casibus semper oportet esse talem , alioquin à fortiori egerendi conatu vicissim egredietur .

Si in magno conatu , in duris exonerandis sæcibus , & partu laborioso anus procidat , adhibito priùs decocto emolliente , si inflammatio , vel tumor adsit , deinde foru , & tandem decocto adstringente , vel pulveribus reponatur . Cave tamen , ne adhibeas alumen ad hunc finem consequendum , ob nimiam stipticitatem , corrodit enim partes , & earum venulas . Alvus servetur lubrica , & ne intestinum rectum excidat , stans excernat æger . Nonnulli ridiculum usurpant remedium , sed multoties conducit : Patientis nates extensa manu quinquies , aut sexies , vel pluries verberato , quo musculi ani levatores intestinum rectum statim in priorem sedem attollant . Sed antequam ægri nates verberibus excipiantur , intestinum rectum oleo rosarum , & myrtillorum circumliniunt . Verùm optimum , & expertum remedium est , ut æger , capite in terram inclinato , ac elevatis sursum pedibus , & à duobus fortibus viris prensis , pendens concutiat , mox indice manus dextræ linetolo molli involuto & decocto emolliente madido , ac in medium intestini , quod prolapsum est , immisso , id in locum suum feliciter remigrat , deinde ea , quæ post repositionem præscriptimus adhibeantur . Hoc remedio procuratione cujusdam puellæ 14. annorum attingentis feliciter nos usi sumus .

Si à diuturno ventris profluvio , ut diarrhæa , dysenteria , vel tenesmo ani procidentia fiat , ea usurpanda veniunt , quæ humorum aciditatem temperant , & partem prolapsam roborant , ut in propriis capitibus diximus . Postmodum anus detergendus est decocto hordei cum melle rosaceo simplici , ac molliter manibus reponendus , adhibito foru cum sacculis stipticis , & carminativa adhibeantur , si flatu adsint , qui ani ingressum prohibeant .

Concurrente inflammatione , abscessu , fistula , rhagadibus , horum affectuum curatione , ut in proprio capite diximus , faciliè reponitur , si ea , quæ necessaria sunt , adhibeantur . Si rupta sit membrana ad vincula illa , quibus intestinum rectum vicinis annectitur partibus , consolidantia adhibenda sunt , qualia *cap. 56. de enterocæle & epiploceæ* diximus .

Si ab imbecillitate , vel resolutione nervi ex spinæ vitio topica applicentur extremitati spinæ circa coxam , & ea , quæ in Paralyfi descripsimus , quæque anum roborant , ac firmant . Hic utiles sunt suffitus , & fumi ex *nucemoscata , macere , ladano , mastiche , colophonia , bdellio .* Vel foveatur anus decocto , vel immergatur balneo , quod nervos roborandi vim habet , parato ex *salvia , stœcade , consolida , betonica , chamæpiti , millefolio , foliis quercus , lentisci ,* & similibus , vel roborantibus inungatur oleis .

C A P U T LXV.

De Ani Condylomatibus , Thymis , fibus cristis &c.

NOn uno tumorum genere gravatur homor , sed multis , sunt alii aliis graviore , ut qui non ratò posteriora affligunt , faciuntque opprobrium sempiternum , hujusmodi sunt variæ carunculae , appendices , tuberositates , & eminentiæ carnea circa ani circulum . Non loquimur hic de hæmorrhoidibus , quia hæc de illis agere non spectat , idèque physicis eas destinamus . De illis tractamus

mus excreſcentiis carneis, quæ condylomata, thymi, ficus, criſtæ, mora, porri, ſeu verrucæ dicuntur. Eſt anus hortus, in quo ficus, mora, porri ſunt, imò velut ager ferax, ubi herbæ, flores, & fructus vegetant, germinant, creſcunt, floreſcunt, fructificanr, & ſucceſſivis generationum periodis, uberem reddunt meſſem, nec mirum, anus quamoptimè quotidie ſtercoratur, ſagina- turque. Verùm hæc producta ſunt ſylveſtria, & non ſecus ac à turdi conſpurcatione viſcum frutex in arboribus, innascentur.

Condyloma igitur eſt tuberculum quoddam rugæ ani, quando replicatis ani corpusculis, ruga quedam p. n. inſurgit, intumeſcit in margine ani, cum anus ſinuofus ſit, rugas habet annexas. Ergò intumeſcente ruga, condyloma generatur, ſenſim excreſcens, quod interdum eſt molle, & ſine inflammatione, interdum inflammationem habet conjunctam, duritiem, & dolorem, interdum eſt durum, & occalleſcens, & tædio potiùs plerumque quam dolore moleſtum eſt. A plerisque in ſui initio tuberculum ſimpliciter appellatur, occalleſcens autem, condyloma.

Thymus eſt protuberans quedam excreſcentia aſpera, ad rubedinem tendens, oblonga, & augeſcens, thymi florem referens, & in ſuperiori parte facile ſanguinem fundens.

Ficus, ſeu ſycosis eſt excreſcentia quedam circa anum, ejusque circulum, vel pudendum, baſim habens ſtriſtam, ſuperiorem verò latam, ſicuti non abſimilis, à qua nomen ſortitum eſt. Hinc *Martialis* de hoc tumore jocum captanſex ambiguo lib. 7. epigrammatum, epigrammate 70. hæc habet carmina:

Ficoſa eſt uxor: ficoſus & ipſe maritus:

Filia ficoſa eſt: & gener, atque ſocer.

Nec diſpensator: nec villicus ulcere turpi:

Nec rigidus foſſor: Sed nec arator eget.

Cum ſint ficoſi pariter juveneſque ſeneſque, Res mira eſt: ficoſ non habet unus ager.

Et alibi ficetum, quod locum, ubi ficus conſitæ ſunt, ſignificat, poſuit pro obſcœnis partibus ficoſis, lib. 2. ait:

Ut pueros emeret Labienus, vendidit hortum:

Nil niſi ficetum nunc Labienus habet.

Appellantur etiam *Marisæ* ejusmodi ficus in Lue Venerea, quæ ex præpoſtera libidine circa podicem naſcuntur, & propriè ſunt illæ, de quibus *Juvenalis* in *Cæcilianum* loquitur *Satyrarum* lib. 2.

Sed podice Levi

Caduntur tumida, Medico ridente, Marisæ.

Criſtæ ſunt caruncula ani criſtaceæ, pullorum gallinaceorum criſtas referentes, ex inſando, ac naturam pervertente concubitus abuſu, pullulantes.

Mora ſunt excreſcentiæ de ficuum genere, ſimilitudinem quandam mororum arboreorum conſtituentia, atque indè illud ſortita nomen.

Porri, ſeu verrucæ ſunt quedam excreſcentiæ carneæ, quæ exterius quaſdam obtinent radículas ad porrorum ſimilitudinem, & id ob majorem ſiccitatem.

Signa.

Hi tumores facilè viſu cognoscuntur, & ex ſupradiſtis ſigna patent. Distinguuntur ab hæmorrhoidibus, in hiſce namque tumoribus ſola afficitur cutis, nulla verò vena, id quod in hæmorrhoidibus accidit. Hæmorrhoides etiam ſanguine turgidæ magis nigricant.

Cauſa.

Pro harum excreſcentiarum cauſa assignant vulgares ſanguinem pituitofum, viſcidum, craſſum, & melancholicum, exitum ſuum in venarum hæmorrhoidalium extremitate, quæ in anum deſinunt, quærentem. Verùm falſunt vulgares in harum excreſcentiarum ſtatuenda cauſa, ut pluries alibi diximus.

Cauſa harum excreſcentiarum eſt, ſuccus alimentitiuſ, viſcoſus, conſpurcatus in margine ani, qui extra ſolidas fibras expreſſus in cute rugoſa agglutinatur, & juxta partis texturam, & diſpoſitionem in ſylveſtres degenerat carneſ; videmus namque ex craſſa ulceris impuritate, vel unguentorum, craſſamento tales in ulceribus excitari excreſcentias, & à turdi conſpurcatione arboribus viſcum innascenti.

Prognosis.

Hæ excreſcentiæ nunquam ſolitariæ, ſed plerumque plures ſunt, quia ſpurcum fundum ichorem, qui vicinas inſciendo partes, multiplices pullulare facit magno cum pruritu, ita, ut ſæpiſſimè ſcalpere cogatur æger. Quæ exilem habent baſim, facilè curationem admittunt, quæ latiſſimam, ægrè. Ubi exciduntur, & nullas relinquunt radículas, non renaſcuntur, ubi verò radícula remanet, neceſſariò regerminant.

Si initio ob verecundiam cælentur ab ægrotis, ut plerumque fieri ſolet, multiplicanrur, & ſimul anum conſtipant, & niſi appropriatis curentur remediis, in cancroſam migrant naturam, & prava accerſunt ſymptomata, ut dolores ingentes, inflammationes, febres, vel in ulcera depaſcentia degenerant. Thymi peſſimi ſunt, & præcipuè ubi ſanguinem fundunt Periculoſiores ſunt iſtæ excreſcentiæ, quò ſunt diuturniores, & præſertim ſi lui venereæ conjunctæ ſint.

Curatio.

Præmiſſa corporis evacuatione pro humore melancholico, vel pituitoſo evacuando, vulgares ſtatim ad topica recurrunt, commendantque ſalicis ſuccum, vel portulacæ tritam ſuo ſucco madentem, vel folia calendulæ, ſcrofulariam, radicem aſari, cyclaminis, vel chelidonii recentis. Pro optimo habent liquorem, qui è floribus verbaci inſolaris ſponte in vitro effluit. Extollunt cichoriæ, Verrucariæ ſuccum, & ſuccum à dente leonis promanantem. Maximo- perè commendant *Galenistæ* gallinarum ſtercus. Verùm imparia, & imbecillia ſunt hæc medicamenta pro abuſu- mendis, & debellandis hiſ excreſcentiis. Unde nonnulli ad tithymali ſuccum confugiunt, verùm ſuccus iſte inflammationem, dolorem, & febrem parit, veſicat, & exulcerat, idèdque eſt remedium periculo plenum. Hanc dicant veritatem pueri illi, qui decepti, tithymali ſucco priapum, ut intumeſcat, inungunt. Alii ſequenti utuntur unguento, ut

℞. Squamæ aris 3. j. auripigmenti 3. ſſ. alum, ſciſſil. 3. ij. Et cum oleo roſaceo in unguenti formam redigantur. Verùm hoc unguentum propter auripigmentum, quod compositionem ingreditur, venenatum eſt, & anum potiùs venerare, vel eum pilis denudare, quàm ejusmodi excreſcentias abſumere poteſt.

Hiſ parùm, vel nihil proficientibus, filo ſerico, vel ſetis equinis excreſcentias ſenſim conſtringunt, donec nutrimento deſtitutæ ſicceſcant, & decidant. Verùm non omnes vinciri poſſunt ob latam, & calloſam baſim. Prætereà hic curandi modus dolorem, tumorem, & inflammationem parit, & eſtò quandòque quæ anguſtam habent baſim, curentur, & non radicitùs, facillimè regerminant.

Quidam ferro præſcindunt, verùm ferrum non eſt tutum propter ſanguinis effuſionem, tumorem, & inflammationem, & quandòque ita curatæ repullulant. Alii tandem candenti inurunt ferro, ſed hoc remedii genus maximè formidoloſum eſt ægris, & anus nimio exquisito gaudet ſenſu, & facilè intumeſcere ſolet, non abſque vitæ discrimine.

Harum excreſcentiarum curatio iſdem ſerè perficitur medicamentis, quæ lue Veneream curant, ut fuſius de lue Venerea lib. 3. cap. 17. De moris, criſtis, verrucis &c. diximus, eſtò hæc vitia lue conjunctam non habeant, ſed utinam hiſce noſtris in regionibus in pene, utero, & podice ſimplicia eſſent, & lui non aſſociarentur! ſerè hodiè non inveniuntur hæ tuberoſitates, tam in pueris, quàm in adultis, quin luis Venereæ ſint conſpurcationes, vel à conceptionis primordiis, lactatione, præcipuè nefando concubitu, vel in locis, in quibus lue conſpurcatus in podice ventrem exonerarit &c. Nihilominùs cum lue convenientiam habent hæ excreſcentiæ, ſi ſimplices quandòque fuerint: contingunt enim ſemper à nutrimenti impuritate, ergo nutrimentum mundificantibus eliminantur, commodè itaque luis Venereæ remediis curantur.

Præmiſſa corporis depletione pilulis mercurialibus pluries à nobis deſcriptis, poſteà topicis producta proſcribantur. Optimus erit pulvis ex alumine uſto, ſale armoniaco, & viridello ana p. æ. Oleum viridis aris, Aqua ſalis

armoniaci n. d. vel spiritus salis armoniaci, spiritus sulphuris per campanam, oleum vitrioli, spiritus salis communis, sed præstat *Spiritus mercurii albus*, quo nos frequenter felici cum successu utimur, bis vel ter has carnes sylvestres tangendo, quas absque ulla recidivæ suspitione perfanamus. Qui plura de his vitiis scire desiderat, legat de *Lue Venerea, lib. 3. cap. 17. de moris, cristis &c.*

Si verò luis Venetæ soboles non sint ani condylomata, omnisque generis verrucæ, ficus, mariscæ, mora insensibiliter absumuntur à *cineribus stercoris murium cum vino coctis*, & applicatis; sed præcipuè *crocus metallorum cum aqua fœniculi distemperatus*, & in petiis applicatus, primò dolores sedat, deindè condylomata, ficus, mora &c. insensibiliter resolvit.

C A P U T LXVI.

De Uteri procidentia.

AB ano ad cunnum transitum facimus brevi itinere, nam inter hæc duo orificia parvum est interstitium, quod perinæum anatomici appellant; unde non mirum si aliqui quandòque accipiunt quid pro quo, & in æquivoco volutantur. Post igitur ani mala meritò tantùm de uteri procidentia verba facimus, de reliquis enim libro de morbis mulierum agemus.

Signa.

Uteri procidentia signa ex ægræ relatione patent; conqueritur enim de pondere, & tumore instat ovi, nunc minoris, nunc majoris. Quandòque tumor cunni labia aperiendo apparet, quandòque extra labia se videndum exhibet. In principio adest insignis partium dolor, quibus annectitur uterus, lumborum nempe, hypogastrii, pudendi, & circa os sacrum. Si malum diu duravit, ob assuetudinem dolor demulcetur, & solùm quædam ponderis molestia percipitur, & in ambulando impedimentum præbet. Interdùm aluinæ fœces, & urina supprimuntur, ob compressionem. Quandòque supervenit febris, & quandòque convulsio.

Causa.

Procidere uterum putarunt nonnulli, quandò ejus fundus prolabitur, invertiturque propter ligamentorum relaxationem, extensionem, vel ruptionem, & deorsum labitur, ut pars intima extima esset; laxiora, inquiunt, fieri ligamenta à variis causis occasionalibus, ut ab humoris pituitosi effluxu, à nimio fluxu feri, aut sanguinis, diuturno fluore muliebri, ab his enim immodicis evacuationibus per uterum factis relaxantur ligamenta, & foras prolabitur. Externæ causæ sunt partus laboriosus, balnea, infessus, linimenta, & omnia emollientia, & refrigerantia, ut pedum, & lumborum refrigeratio, sessio super lapide frigido, sic & potus aqueus, alimenta lubricantia. Diuretica sæpius repetita, & exhibita, nimia corporis exercitatio, aut ambulatio pedestris, equitatio, saltatio, tussis, sternutatio &c. Subiti, & graves animi affectus. Excretiones aut suppressæ, aut immodicæ, alvus adstricta, diarrhœa, dysenteria, vel similes causæ, quæ vel è roto corpore, aut parte aliqua ad uterum refundunt. Nonnunquam & sine ulla istarum causarum debilitantur corpora, ut membranis, musculisque vulvam sustinentibus exolutis, contingat uteri procidentia, quod in occidua ætate fieri solet. Vel ligamenta extenduntur à frequenti, & difficili partu, gravi, & onerosa fœtus gestatione. Vel rumpi à violentis causis, ut ictu, casu, vel ponderosi fœtus, gestatione, aut ponderis elevatione, præcipuè post partum, saltatione, partu laborioso, aut abortu, violenta secundarum extractione, sternutatione post partum, vociferatione &c. His de causis uteri procidentiam fieri aiunt, sicut quandòque muscoli ani, sphincteres digesti, intestina, omentum è suo loco deorsum labuntur, ut in ramice contingit, & ita matricem sæpè deorsum ruere, & è corpore propendere, & sicut etiam in sanitatis statu uteri substantia densa, & compacta est, nonnunquam tamen in statu morbofo laxatur, ut scrotum. Fundus prolapsus, & inversus carnem propendulam scroto virili persimilem, ovumque anserinum magnitudine

æquantem repræsentat, vel quod per vulvæ rimam procidit, ovo struthiocameli simile est, majoris tantùm, aut minoris ratione differens, prout inversionis violentia coegerit. Si cervix prolapsa sit, caro rubens virili glandi cum suo foramine similis extra corpus ante pendendum propendet.

Hanc uteri procidentiam ab omnibus ferè Medicis, tam antiquis, quàm Neotericis hætenus decantatam invenimus, verùm isti oculos glaucomate offuscatos habuisse credimus, & non mirum si quid pro quo, vel pro cete cancrum aspexerint; aspexerunt namque aliquid rugosi, & membranei ab interiori colli uterini parte versus pendendum propendere, quod pro utero ipso acceperunt, & adhuc quotidie omnes ferè vulgares vana specie delusi etiam pro utero habent. Respiscant quæso, imperiti medentes, & his rationibus palinodiam canant.

Uterus parte inferiori duobus ligatur fortissimis ligamentis, quæ illum firmiter retinent, ne superiores comprimant partes, & neque in dexteram, vel in sinistram contorqueatur, & meatum, vel cornu, vel os interius dilatans: quod si ligamentorum alterum relaxetur, aut contrahatur, contrahitur ad partem dextram, vel sinistram. Hæc ligamenta inferiora quæ processus sunt nervei, teretes, & cavi, ortum habent à lateribus fundi uterini, vasa deferentia contingunt, & ad inguina descendunt per peritonæi productiones, ac ad pubis os devenientes, bipartiantur, & antequam in latam, & nerveam exilitatem degenerent, una medietas Clytoridi jungitur, altera verò in membranam latam per femoris musculos excurrit. Uteri cervix cum vicinis partibus undique connectitur, anteriùs vesicæ urinariæ, ossibusque pubis beneficio membranarum à peritonæo prodeuntium; posteriùs recto intestino, & ossi sacro, cui toto ductu incumbit, & circumcincta fibris quibusdam vicinis partibus alligatur.

Parte superiore uterus duo habet ligamenta lata, membranosa, ac robusta, sed mollia, ut incremento augecentis sensim fœtus successiva expansione spatium relinquat, quorum primum in lateribus observabile pro expansione quadam peritonæi habetur, estque membranosum penitus, tamque latum, ut cum tubis, ac testibus, nec non fundo confibulatum, uterum ossibus ilium annectat, vocatur hoc aliforme, ob similitudinem alatum vesperilionum quam refert.

Ex hac uteri anatome constat ipsum ligamentis firmari, & roborari, ut in oneribus ferendis, expellendo fœtu, clamoribus, laboribus, & humorum fluxu ad hanc partem, nullatenus per relaxationem invertatur, nec minus hæc ligamenta rumpi possunt, quia à natura non conflata sunt ex charta emporctica. Insuper præter hæc firmissima vincula natura peritonæo totum munivit uterum præter venas, & arterias, quod si quandòque peritonæum relaxetur, devolvitur, & decedit in partem inferiorem, aliquibus magis, aliquibus minus. Præterea uteri figura aliis rotunda statuitur, aliis piriformis, sed estò ad rotundam accedat, quò capacior sit uterus, tamen cucurbitæ fundo optimè assimilatur, quia fundus recta deorsum sensim angustiat, collum verò uteri canalem oblongum, & rotundum repræsentat, inversa cervice: Ex hac igitur figura clatè patet, nullo modo uterum inverti posse, cum ejus fundus amplior sit, & collum angustius, non invertitur; itaque ut mactatorum animalium intestina à laniis invertuntur, non enim si ita procederet restitui posset, & præcipuè illis vanis medicamentis, quibus jactabundi authores uteros prolapsos restituisse gloriantur. Putarunt, credimus, vulgares Medicos per relaxationem, aut ruptionem uterum è sua sede inverti, non aliter ac tibiale invertitur. Non equidem ab ignaro vulgo dissonat, quod inter naturæ miracula connumerant matricem per rimam magnam deorsum non prolabi.

Nos uteri procidentia, quam vocant, causam proximam esse vaginæ, seu cervicis uteri annexus fibrosi cum partibus vicinis solutionem statuimus; vaginæ namque uterinæ tunica rugosa est, mollis, laxa, & inæqualis ob rugas orbiculares, (ut major titillationis ab attritu in coitu voluptas percipiatur) nervosæ, sed nonnihil spongiosæ, fungosæque substantiæ: Ut non solùm penem strictius amplectatur, ac semen melius ad uterum deferat, sed etiam ut partus tempore infantem excludat. Ista membrana rugosa, seu tunica separatur à cervice, vicinas impellit partes, & deorsum in pudoris sinum derrud-

tur, ob loci dispositionem sit corpus orbiculare ex hac tunica relaxatione, & versus pudendum invertitur, quandòque extra propendet, quod uterum mentitur bardosque decepit Medicos. Sed quod pejus est, nonnulli imperiti hunc prolapsum quandòque pro uteri hernia suspicantur. Observavimus nos in quadam muliere hanc tunicam totaliter è sua sede divulsam, & gangræna penitus consumptam, in qua post triste fatum culter anatomicus, quia medentes obstinatè uteri procidentia decessisse asseverabant, uterum minimè è suo loco prolapsum patefecit. Causæ occasionales possunt esse omnes illæ, quas in vulgariis causis recensuimus.

Prognosis.

Affectus hic rarè perniciosus est, attamen molestus, & opprobriofus, quia fœminis in deambulando impedimento est, ac Veneris dulcedinem, conceptionem quandòque, & rectam menstruorum purgationem impedit, ac quandam fluorem concitat. Dum recenset, & extra vulvam non procidit, faciliùs curatur, at si diuturnus fuerit in corpore cacochyimo, & debili, ac extrà prolapsus, non nisi longo post tempore, & quidem difficulter sanatur. Facilius in junioribus, quam adultioribus curatur, & præsertim, quibus etiam reponatur, levi de causa iterum procedit. Si dolor, febris, inflammatio, vel gangræna ab aeris alteratione, aut violenta repulsionem accedat, si subsequatur mensium suppressio, vel hysterica passio, convulsio, & alia gravia symptomata, fœminæ mortis causa est, & præsertim puerperis.

Curatio.

Tota prolapsus curatio potissimum in operatione chirurgica consistit: danda igitur opera, ut id, quod prolapsus est in suam sedem quamprimum restituatur, & contineatur. Ad hunc finem obtinendum, ægram super dorsum resupinam coxis altioribus dilatatis, reflexis poplitibus, pedibus divaricatis, constrictis naribus, & demisso capite in lecto collocabis. Postmodum admota manu, tumor tepido inunctus oleo comprimatur ab ægra, obstetrice, vel chirurgo, & introducatur, ac in situm reponatur naturalem. Si uteri vagina partium vicinarum compressione nimium intumescat, præmittatur clyster, si flatus, vel stercus in intestinis procidentiam adaugeant, si urina in vesica adsit, depleatur. Uterus namque inter intestina, & vesicam suam obtinuit sedem, (id est inter stercus & urinam) intestina enim, vesica tensa, & repleta repositioni reluctantur.

Si uteri vagina intumuerit ex alteratione ab aere externo frigido, & reponi non possit, adhibeatur fœtus ex decocto *malvæ, althææ, seminis lini, fœnugræci, florum chamomillæ*. Vel fiat fœtus ex *rore marino, salvia, absinthio decoctis in aqua, & vini partibus æqualis, aut coquantur folia, & bacca lauri, mentha, flores sambuci, summitates artemisii in vino adstringente*, & fœtus tepidè cum linteo applicetur. Si inflammatio adsit, tamdiu differenda est repositio, donec sistatur. Remisso tumore post fœtum, prius uteri vagina inungenda est mucilagine radices consolidæ, & postea aspergenda pulveribus, qui asperitatem nullam habent, ne partem lædant, sed glutinandi magis, quam adstringendi vi polleant, ut

℞. *Mastiches; thuris ana ʒ. ij. sarcocol. in lact. muliebri nutritæ ʒ. j. mumie, balaustior, lacrym. sang. drac. acacia, hypocyttidis ana ʒ. ʒ. f. omnium pulv. subtiliss.*

Tumor sensim, & blandè reponatur, quod si ægrè succedat, id peragat obstetrix bacillo crassiori obtuso linteolis involuto, vel intrudendo insuper gossypium in se involutum, forma, & crassitudine muliebri sinui respondens, linteoque exceptum, ac vino rubro stiptico imbutum, sic absque dolore, & violentia in propriam sedem devolvat.

Commendant aliqui tanquam specificum ad spontaneam vaginæ uterinæ repositionem sufficere *ex pelle anguillæ sale conditæ, & in furno exsiccata, ac in pulverem redactæ*; alii verò *ex stercore bubulo*. Multi naribus admovent beneolentia, & fætida genitalibus subjiunt, dummodò mulier hysterice passioni non sit obnoxia. *Rodericus à Castro de morbis mulierum lib. 2. cap. 17.* ad uteri repositionem plurimum conferre scribit, ut chirurgus cauterium actuale, aut aliud ferrum candens manu osten-

det, ac fingat eo uterum inutere velit; Ita enim natura contrahitur, & cum ea uterus ipse, tum etiam quæcumque alia pars extrà prominens. Ad hunc ferè modum *Zacutus Lusitanus* de quadam muliere narrat, quæ ab anno, & dimidio uterum prolapsum habebat summa cum duritie, & post multa, & frustra tentata præsidia nihil proficiens ad ridiculum confugit: supposuit mulieris cruribus mures filo alligatos, quibus positus, & per femora vagantibus, fœminæ metus ingens occurrit, & repentè uterus propriam in sedem reductus fuit, & à malo imposterum tuta remansit. Verùm pace nostri *Lusitani*, ipse ratus fuit cum *Platone in Timæo* uterum esse animal sensu, & ratione particeps, quod faciliè ab alio animali terretur. Quàm medicamentis indiga est vulgarium medicina, ut quandoque seriis incassum tentatis, ad ridiculas inventiones recurrere cogatur pro morborum sanatione! Quidam in hoc affectu vomitorium commendant, quia ad superiora sit humorum revulsio, & esto hoc titulo proficuum esset, nihilominus alia ratione metuendum est; hoc namque suas exerit vires magno impetu, & conatu; ac non minùs quàm sternutatio uterum pellic. Imo experientia docuit ad partum difficilem, & fœtum mortuum excludendum nihil efficacius esse, quàm vomitorium exhibitum.

Postquam uteri vagina convenienter fuerit reposita, omni industria, & arte procurandum est, ut in suo loco contineatur: Mulier itaque in lecto collocetur aliquantulum inclinata, cruribus extensis, & ita coaptatis, ut unum alteri incumbat, & per octo, vel novem die in hoc situ consistat. Interim procurandum est, ne alvus segnior, vel laxior sit; nam si fæces duræ sint, vagina in iis egerendis faciliè prolabitur, fluida alvus laxat. Duo sunt medicamentorum genera, quæ repositam uteri vaginam in sua sede retinent; quædam hanc in suo loco stabiliunt, & partibus vicinis agglutinant, & coalescere faciunt, ea sunt medicamenta adstringentia, & agglutinantia; quædam verò tantum vaginam retinent, ne prolabitur, & hæc cura palliativa nominatur. Equidem verò, quæ sit curatio per agglutinationem est vera curatio, nam solius naturæ est agglutinate continui solutionem, & ut hæc rectius, & faciliùs perficiatur, ea adhibenda sunt medicamenta vulneraria, quibus in vulneribus consolidandis, & enterocelis curandis utimur. Hæc medicamenta adstringentia, & agglutinantia in hoc affectu cum internè, tum externè adhibemus, verùm cautè usurpanda sunt, si menstrua, statis periodis fluant, ne supprimantur, & indè graviora proveniant mala: opportunum igitur huiusmodi remediis utendi tempus est, ubi menstruus fluxus præterit.

Dum sequentia adhibemus medicamenta, quies seriò imperanda est, caveat proinde sibi ægra à vociferatione, jurgiis, omnibusque illis, quæ tussim aut sternutationem concitare valent. Sumat ægra bis, vel ter in die sequentem haustum adstringentem, & vulnerarium, ut

℞. *Herbar. herniaria, pilosella, stellaria, bursa pastoris, polygoni anam. j. radic. consolid. maj. distamni albi, tormentill. bistortæ ana p. j. ros. rubr. p. ij. nunc. cupressi num. iv. Fiat decoctio in vini rubei lb. iv. vase optime clauso.*

Non credibile est, quantum valeat in uterinæ vaginæ procidentia hoc nostrum decoctum vulnerarium per os assumptum, qui experitur nos vera dicere fatebitur. Imò si per syringam in vulvam injiciet, compendiaria utetur via pro talis affectus sanatione. Ad uteri vaginæ roborationem exhiberi potest sequens pulvis:

℞. *Radic. thapsi barbati ʒ. ij. fol. myrti, sem. pastinac. domestica ana ʒ. j. rasur. c. c. & nucis mosch. ana ʒ. ʒ. ocul. cancr. præp. ʒ. j. corall. præp. ʒ. ij. Fiat pulvis, cujus dosis est ʒ. j. in vino austero.*

Ad firmandam uteri vaginam in sua sede, pessus sæpiùs renovandus ea figura, qua vaginam impleat, fiat ex spongia, vel lana, vel gossypio, vel ex petiis lineis, & sequenti imbuatur decocto, & in vulvam immittatur, ut

℞. *Fol. myrt. quercus, rubi, artemisia, matricaria ana p. j. cortic. granator. cupular. glandium ana p. ʒ. balaustior. baccar. myrt. ana ʒ. ij. ʒ. succ. acacia, hypocyttidis, & sarcocollæ ana ʒ. j. ʒ. sang. drac. boli armeni, mastiches ana ʒ. ij. sumac. ʒ. j. alum. rocc. ʒ. iv.*

Fiat decoctum in paribus partibus vini austeri, & aquæ ferrariorum.

Interim umbilico, vel sub mammarum regione, aut utroque rene cucurbitulam cum multa flamma sine scarificatione admovent.

Ventri imponunt sequens emplastrum, ut

℞. *Radic. cyperi, bistortæ ana ℥. ij. gallarum, acaciæ ana ℥. ℥. nuc. cupress. ossium dactylor. sem. myrtill. ana ℥. j. picis, colophonæ ana q. s. f. emplastrum.*

Lumborum, & pectinis regioni tale applicant emplastrum.

℞. *Opoponac. ℥. ij. styracis liquida ℥. ℥. thuris, mastiches, picis, boli armeni ana ℥. ij. teræ q. s. f. emplastrum.* Vel admovent emplastrum contra rupturam, vel pro retentione fœtus, vel unguentum comitissæ.

Fiunt suffitus ex pelle anguillæ, vel ex fœtidis. Suaveolentia, ut ambra, moschus &c. naribus non admoveantur; eorum enim odor non solum ad nares peringit, verum etiam ad uterum, & non solum præcipationem inducere, sed etiam caput, & cor lædere, ac hystericas passionibus excitare possunt, præcipue si mulier his obnoxia sit. Prædicta remedia per duodecim, vel quindecim dies continuanda erunt.

Solent vulgares convenientes instituire purgationes, humores pituitosos leniter purgantes, ne uterum denuo præcipitent, post quas decocta exhibent sudorifica ex radice chine, ligno guajaco, vel salsa parilla; Sed optimum est visci quercini lignum admiscere, quod potenter exsiccat. Si hæc quæ attulimus non prosint, thermæ sulphureæ in Puteolano, vel Insula Ænariæ efficacissimum erunt remedium, & rarum, quarum usu multas mulieres convaluisse vidimus.

Quod si nulla perfectæ salutis spes supersit, tunc uti possunt cura palliativa, qua tantum vagina in sua sede retinetur; ad hunc finem Hippocratis Zona est adhibenda, hac enim sine procidentia periculo munitæ mulieres ambulare, muniaque quotidiana exercere possunt, & vagina ab externo non læditur frigore. Paratur autem hæc Zona ad eum ferè modum, quo fasciæ pro hernia parari solent.

In deploratis procidentia utilisissima sunt pessaria in forma rotunda, & tantæ longitudinis, ac crassitiei esse debent, ut citra violentiam intrudi, vaginam tamen, ne iterum procidat, retinere possint. Formantur commodissime è lævissimo suberis cortice, aut glomere è filo, vel melius funiculo, & in cera liquida intinguntur, & ea obducuntur. Sint lævissima, aliàs attritu suo menstrua alba excitarent, vel naturam ad seminis ejaculationem impellerent, qua necessariò corporis vires debilitarentur. Fiunt perforata, ut menstruorum fluxus, vel falsus ichor ex utero profluens non impediatur. Alliganturque ligula serica, indunturque, ut commodius, quandò libet, extrahi possint, quod tamen rariùs fieri debet, & non nisi concubitus tempore. Hoc pessario adolescentulam munivimus, quam tanto malo ita lenivimus, ut à viro compressa conceperit, gestavit, & suo tempore natum in Lucem ediderit. His pessariis munitæ mulieres, vagina ita firmiter suo loco persistit, ut pedes ambulare, currere, saltare, sternutare, vociferari, rixari, equum, aut currum ascendere, pondera elevare &c. possint, & nullum tamen præsentient incommodum.

Bardi vulgares, qui uteri, fundum inverti, & deorsum prolabi, ac per magnam vulvæ rimam extra corpus procedere imaginantur, pessaria ad columnellæ formam, ut prolapsum uteri fundum in sua sede retineant, efformant, non aliter ac columna forniceæ fulcit. Verum hæc pessaria ad columnellæ modum non habent, ubi suam stabiliant basim, sicut uteri orificium non excedunt, & sunt depressa, ac perforata, veluti placentula, ac unius transversæ digiti cum dimidio crassitiem adæquant, quorum circumferentia orbicularibus uterinæ vaginæ rugis adhærent, ipsamque vaginam, quæ prius pendula erat, firmiter in suo loco stabiliunt. Multa miranda canunt vulgares de pessario in columnellæ forma, sed non credenda; asseverant namque, ut mulieres conceptum retineant, utero gerant, pariantque absque eò, quod extrahatur, non impedire, imò etiam, si mulieres prius propter uteri procidentiam concipere non potuerunt, ut concipiant, auxilio est. Verum nos adduci non possumus, ut credamus cum tali pessario in uteri fundo mulieres concipere, utero gestare, & parere posse, quin potiùs conceptum, gestationem, & partum impedire, ut consideranti pater. Pessaria juxta nostrum institutum confecta, ante coitum

Musitani Opera Tom. II.

extracta, & post intrusa conceptionem non impediunt, ac gestationem, & partum, quæ si utique concubitus tempore non extraherentur, impedirent, ut faciunt aliquæ devotæ mulieres, quæ intra uteri collum ad cervicem usque, quantum fieri potest, spongiæ frustulum, vel petiam, ne concipiant, intrudunt, & post coitum extrahunt una cum semine.

Peragrato jam universo microcosmo, ejusque descriptis tumoribus quò ad signa, genesein, prognosim, & sanationem, tempus nos monet exporrectorum ex trunco membrorum, manuum nempe, & pedum de tumoribus simili methodo pertractare, & huic nostro primò chirurgiæ Tomo supremam imponere manum.

C A P U T LXVII.

De Paronychia.

Paronychia Græcè, Latine panaritium, tumor est ad inflammationem pertinens, verum quandoque malignam carbunculi, aut anthracis naturam redolet, generatur in digitorum extremitatibus ad unguium latera.

Signa.

Facile cognoscitur paronychia, in principio enim adest dolor circa unguium radices exiguus, & adhuc tolerabilis, postmodum augetur dolor vehementissimus, & exquisitissimus, cruciatus intolerabiles, & incredibiles, tumoris, & ruboris præsentia, totus namque digitus maximè tumet, ut quater crassitiem superet naturalem, adest vehemens pulsatio. Quæ accidentia, ut dolor, & inflammatio ob nervorum consensum aliquandò se per totum extendit brachium, & ob nervosæ partis consensum æger nec die, nec nocte somnum carpere potest, hinc deliria, quæ pendent à periostii inflammatione.

Tantus est in hoc tumore dolor, ut veteres hunc morbum *Rodentem Vermem* appellarunt, quia in ea fuere sententia Vermem in tumore latere, imò eum nominatum magis exasperari, idèdque nominandum non esse, nam vermium instar maximo dolore corrodit, ac intolerabili, sic ut noctes, atque dies ægros torqueat, & noctu maximè: Sed hæc tanquam fabulosa rejicimus.

Num mitis, aut maligna fuerit paronychia, ex accidentium remissione, aut vehementia deprehenditur; ut enim remissa accidentia affectus levitatem ostendunt, sic eorundem vehementia, ut plerumque febris continua, intolerabilis cruciatus, nausea, vomitus, quandoque deliria, lipothymia, vigiliæ, aliæque symptomata, ejusque pravitate, & malum ostendunt morem.

Paronychia suas habet differentias, nam alia est superficialis, alia profunda, illa cum exiguo dolore tantummodo extremas affligit partes; hæc verò nervos, fibras tendinosas, periostium, & ipsa ossa sævissimis excruciat doloribus. Subjecti ratione alia extimam solum cutem affligit, alia interiores partes, ut duræ matris processum, periostium nempe, & os ipsum furtivo modo cruciat, alia manuum, vel pedum digitos apprehendit. Genuina prope unguem, spuria juxta reliquas partes oritur. Alia in unguis latere, alia in digiti dorso, alia verò in ejusdem ventre sit. Pollex huic malo obnoxius est, seu quod major sit, seu quod præ reliquis injuriis externis, & laboribus sit expositus, præcipue cum ipse singulorum reliquorum quasi minister, & adjutor existat.

Causa.

Pro paronychiæ causa assignant vulgares sanguinem adustum, corruptum, & plerumque malignum, quem natura ad digitorum apicem, à jecinore per viarum ambages, intellectui impossibiles, tanquam ad ignobiliorum deponit partem, ac ibi inflammationem parit. Sed hæc vulgare causa est nimis rustica, & trivialis: non enim docent, quomodo sanguis aduratur, non assignant adurentem, & si aduratur, quomodo non carbonizatur; Si corrumpitur, corruptorem ostentare deberent; in malignam si transit naturam, quomodo transit, & an ista malignitas sit occulta, vel manifesta: occulta quidem, sed quomodo, quandoque in paronychia brevi tempore cane pejus ossa corrodit, quod in aliis ab occulta qualitate morbis non evenit, non assignant.

G

Non-

Nonnulli ad humorum acrimoniam confugiunt, sed quoniam sunt isti acres humores non bene conveniunt.

Paronychiæ causa est ros ille inrer fibras tunicarum, venularum, cæterarumque membranarum in digitorum extremitate diffusus, qui non rectus à partibus illis, vitium contrahit, aciditatem concipit, unde tumor, rubor, & initio levis oritur dolor, cunctatione intenditur, exaltatur aciditas, & in corrosivam, ac realgarinam transit naturam, & non secus ac potentiale causticum, hinc ab exordio sui centrale punctum invisibile ponit, & postea ardentem concipit tumorem, ac maximis cum puncturis subjectam carnem corrodere incipit cum puncturis subjectam carnem corrodere incipit cum una ichoris guttula, & sensim maculam magnitudinis (O) efformat sub digiti cute, deinde vicinas partes nerveas, & membranaceas, ibidem vasa omnia excidit, & exedit, periosium, & ipsum subjectum os corrodit, putrefacit, & mortificat.

Causæ externæ sunt digitorum contusiones, distorsiones, violentæ tensiones, festucæ digito intrusæ, puncturæ &c. non raro hunc infelicem pariunt sortum, quam ob causam sæpissimè mulieribus, & viris consuetibus paronychiæ accidunt; cum acubus punguntur, & eò magis cum postmodum aqua punctus digitus humectatur.

Prognosis.

Paronychia, si prava, & maligna fuerit, curatu difficilis est, & non solum ligamenta, vicinos nervos, os, & extremum digiti articulum, sed etiam interdum totam corripit, & sphacelat manum, & nos mortem ex paronychia fuisse secutam in quamplurimis observavimus.

Curatio.

Vulgares tribus intentionibus, paronychiæ curationem complent, primò, scilicet idoneo victu, quem tenuem, & refrigerantem laudant cum abstinentia à vino, carnibus salis, frixisque cibariis.

Secundò materiæ antecedentis evacuatione, & à loco patienti retractione, unde in hoc vehementi affectu illi eò humorem purgant melancholicum, statimque etiam sanguinem mittunt, non solum semel, sed etiam pluries, prout indicatio melius suadebit, desumpta ex affectionis gravitate, corporis plenitudine, & habitu, ætate, & consimilibus. Locus autem sanguinem mittendi, vel erit ex brachio opposito, vel ex pedibus, servata rectitudine, cum sanguinis missione conspirant frictiones, cucurbitulæ, & alia auxilia. Verum purgatio secundum eorum opinionem non convenit, cum sit affectus à sanguine non proveniens, præterquamquod plerumque adest malignitas, quæ à circumferentia ad centrum traheretur. Phlebotomia potius optimum esset remedium pro tanto morbo, cæterum vel totus sanguis est adustus, vel tantum ejus pars; si totus, is qui remanet, est ejusdem conditionis cum educto; si pars, quis pro his spondebit tantum illam educi partem? Si sanguis est corruptus (ut ajunt) eadem militat ratio, præterquamquod dicant, quomodo per phlebotomiam in naturæ gratiam reduci potest? A privatione enim ad habitum non datur regressus. Si malignus, præter eandem rationem, quæ militat malignitas sanguinis missione non educitur, imò phlebotomia in morbis venenatis est veneno nocentior ipso, cum ab ignobilioribus ad partes nobiles ipsum trahet venenum.

Tertio tandem localia auxilia patienti digito adhibent, eapropter repellentia, & adstringentia administrant præsidia, quare digitum patientem in acetum acerrimum calidum pluries immergunt. Alii hoc idem præstant in aqua ferventi, ubi fabæ bulliunt, si verò anni tempus fuerit æstivum, & dolor plurimum cruciet, hoc efficiunt in aqua gelida. Quidam utuntur emplastro de gallis immaturis, vel de granatorum corticibus, vel linteo madefacto in limonum succo, & patienti loco applicato. Verum repellentia, & adstringentia parti affectæ imponenda non sunt, ne humor in parte impingatur, dolor augeatur, & nervi, atque os corrumpanitur.

Si inflammatio nimis cruciet, applicant refrigerantia, ut succum solani, plantaginis, Umbilici Veneris, lactuca &c. Vel ovi albumen cum oleo violarum mistum. Si dolor affligat, sedantia commendant, ut lac cum succo hyoscyami. His peractis, si affectus ad suppurationem tendat,

eam adjuvant maturantibus auxiliis, communiter utuntur adipe suillo pluries loto cum aqua rosarum, cui adipem gallinaceam vel etiam recentem lotam addunt. Nonnulli applicant fermentum vetus. Genito pure, expectant ut ex seipso distumpatur abscessus, quod si non eveniat, tandem ferro aperiunt, exiguo tamen facto foramine, ne pars exigui caloris multum debilitetur, postmodum locum digerunt digestivo ex terebinthina, ovi vitello, & oleo rosaceo, ac demum cicatrizant.

Curativa paronychiæ indicatio consistit, ut stagnantes succi acres, & corrosivi corrigantur, emendentur, immutentur, resolvanturque, quorum affecutione optima medicamenta sunt absorbentia, & diaphoretica in morbi initio, & progressu, ut stibium diaphoreticum, sulphur auratum diaphoreticum, tinctura antimonii, bezoardicum minerale, diaphoreticum in peracutis, bezoardicum animale, salia volatilia cornu cervi, viperarum, volatilia oleosa &c. Purgantia, quæ succos acuant, emetica, diuretica aciora prorsus proscribimus. Anodyna sudoriferis, & absorbentibus mixta palam præcipiunt, nam præterquamquod symptomatibus, etiam succorum, acrimoniam succurrunt, eos immutant, & corrigunt, ac vi diaphoretica eliminant; coagulatos resolvunt, & fluxiles reddunt; ideòque hæc illis maritando, & hora somni propinanda optimè existimamus. Hujusmodi sunt theriaca Cælestis, laudanum opiatum, essentia opii, tinctura Nepenthes &c. quæ etiam confectiones cordiales recipere possunt.

Non desunt interea topica, quæ sola quandoque sufficiunt apud vulgares. Verum, ut diximus, repellentia, & acida, tum aquea, & frigida, ut acetum, succus timonum, solani, lactuca &c. aqua gelida &c. in quæ digitum immergunt patientem, exulent, quia succos coagulant, constipant, obstruunt, & ineptos ad resluendum in sua vasa reddunt, ideòque in paronychia omnia remedia applicanda calida esse debent. Sequentia in linteis, madefactis panaritio imponi possunt, ut

℞. Aqua theriacalis cum sp. vini ℥. iij. camphora gr. vj. m. Vel

℞. Elixiris vite ℥. ij. balsam. peruviani alb. ℥. ℥. m. Vel

℞. Balsam. propriet. ℥. ℥. olei sabinae ℥. j. m. Vel

℞. Spiritus V. camph. ℥. j. spiritus flor. sambuci ℥. ℥. aqua flor. sambuc. ℥. j. ℥. m.

Paracelsus laudat vermem terrestrem omnium maximè vulgarem, quem lumbricum vocant, & pluvialem, qui istius tempore extra terram prorumpit, & reverà vermis iste magnam virtutem, & mysterium tantum in se continet contra omne morborum genus, ex morbis orientium, & potissimum in paronychia digitorum morbo; quæ vermium instar maximo dolore corrodit, unde hunc morbum veteres rodentem vermem appellarunt. Processus ejus ad hunc se modum habet:

℞. Vermem jam dictum parvum, aut magnum juxta personarum respectum. Nam si homo senex, aut mulier existat, vel dolor ipse magnus, tanto major lumbricus assumendus est, ut morbum ejusmodi superare valeat. Superligandas est linteo digito, vel ei loco in quo dolor maximus existit, & maneat ibidem 24. horas, aut donec vivit: eo mortuo, curatus est morbus, & una cum verme mortuus. Non quod hoc per incantationem, idololatriam, aut superstitionem fiat, sed ex naturæ viribus, & operationibus. Inde satis colligi potest Omnipotentem Deum nihil æquè parvum, simplex, vel deformem super terram creasse, contemptum nil, quod in hominum sanitatem esse non debeat. Idem Paracelsus commendat remedium ex externis putrefactivis curam agere, porcorum stercore cum aceto decocto, & imposito.

Si dolor, & inflammatio angit, hoc convenit cataplasma, ut

℞. Flor. chamomill. meliloti, sambuci, & fol. hyoscyami ana m. ℥. sem. lini, fenugrac. ana ℥. ij. coque in lacte vacino, & applica. Vel applicetur cataplasma de mica panis cum oleo papaveris, quod si neque hoc pacto sedetur, sed adhuc vehementer infestet, prædicto cataplasmati, addatur hyoscyami succus, vel in eodem dissolvatur quidpiam opii juxta usus exigentiam.

Præstans est remedium aqua spermatis ranarum, si digitale ex corio multoties prius ea intus madefacto, & exsiccatò, digito imponatur, per duas horas paronychiam enecat. Imò panaritium saltem in aqua sperniola intinctum, sed in ea immersione tantum excitantur in digito cruciatus, ut nisi patientem manibus fortiter teneas, vix cruciatus ferre possit.

Si paronychia maligna fuerit, ægroto propinanda sunt diaphoretica supra enumerata, præcipue si anthracis, vel carbunculi naturam redoleat, vel *diaphoreticum Paracelsi cap. 8.* à nobis descriptum, vel alia alexipharmaca passim recensita, quæ venenum, & malignitatem obtundunt, & evincunt.

Si ad suppurationem tendat materia, ea adjuvanda est suppurantibus pluries à nobis descriptis; attamen si maligna fuerit, superponatur *emplastrum filii Zacharia cum Theriaca* mistum, verum non expectanda est perfecta suppuratio, & ut abscessus ex seipso rumpatur, nam præterquam quod malignitas, nunquam coctionem admittit, cutis ea in parte admodum densa est, & præcipue quando æger ob mechanicos labores callosas cum digitis habet manus, ita ut paronychiæ materia, (quæ ut plurimum maligna esse solet) cum nullo modo exhalare possit, majorem malignitatis gradum nanciscitur, & quandòque cum digito tumido una manus, & brachium propter doloris vehementiam intumescit, & tunc parum prodest incisio, nisi prius materia cocta, & in pus conversa fuerit. Præterea ut plurimum materia altius penetrat digitum, nec suppuratio per aliquot dierum spatium adhibita quicquam juvant: incisio igitur statim à principio fieri debet, aliàs ex humorum concursu inflammatio, tumor, dolor, & pejora symptomata excitantur, ac ichor subjectam carnem, imò etiam ossa corrodit.

Fit incisio in interna digiti parte secundum primæ articulationis longitudinem, & occurrit plerumque macula una, & item altera ichorem, exigua tamen quantitate, exhibens omnis mali causam. Post incisionem absterfo ichore statim linteam madefactum vini spiritu, ubi theriaca dissoluta fuerit, digito applicetur, manui verò, & carpo reduplicatum linteam defensivo imbutum imponatur, postmodum curatio perficiatur, sequenti abstergenti, & incarnanti, ut

℞. Aloes hepatica ℥. iij. myrrha, thuris, sarcocolla ana ℥. j. terebinth. clara ℥. ss. mell. ros. col. ℥. ij. m. Vel ea adhibeantur, quæ alibi descripsimus. Si unguis decidat, scabra renascitur.

Quod si hæc pars patientis, vel chirurgi negligentia in gangrenam, sive sphacelum transeat, extirpanda est. Mirum, cuidam puero, observavimus, à quo os primæ articulationis pollicis mortificatum volfella extraximus, illæso digito, nisi potius naturæ opus ommittere, quæ sæpenuerò sua sponte ossiculum separat.

Si tandem in prava, & fœtida ulcera degeneret, vel in ossium cariem, ut plerumque evenit, ex capitibus de ulceribus pravis, & malignis, ac de ulcere cum ossis carie est consulenda curatio.

C A P U T LXVIII.

De Unguim Pterigio.

SÆpè accidit, ut, aperta paronychia, ex aliquo anguis latere supercrescat caruncula quædam, membranæ instar, dura & nervosa quæ supercrescens, interdum universum regit unguem, & ex alio capite ab eodem ungue pungitur, & laniatur, quàm ob causam ingentes sæpè accidunt dolores: hujusmodi caruncula Græcè appellatur Pterigium, Latine à quibusdam pinnula, ut etiam non rarò contingit in oculis, ac ea propter appellatur oculi pterigium, Latine autem unguis oculi. Id non solum accidit in manuum, pedumque digitis, sed sæpissime accidere solet in pollice tum manuum, tum frequentissime pedum, & licet hoc malum sæpius ex paronychiis occasionem sumpserit, præsertim neglectis, & non ritè curatis, tamen etiam absque eo, quod paronychia præcesserit, quandòque generari potest, cum ex alia causa occasionem sumat. Hujusmodi autem pterigium non semper est uniforme, & unius tenoris, sed etiam multiplex, & varium, non solum quia quandòque est majus, & ferè totum occupat unguem, quandòque verò est mite, & facile curatu, interdum verò contumax, & curatu difficile.

Signa.

Pterigium diagnosticis non eget signis; nam, ut diximus, est caruncula seu caro sylvestris in utroque unguis latere tum manuum, tum pedum supercrescens nunc in dextro, nunc in sinistro, verum frequenter in pedis pollice suam

figit sedem. Quandòque ita dolorem infert, ut patientem claudicare cogat, & ichorem fundit.

Causa.

Pterigii causa est nutritimenti crassities, & sordities in parte vulnerata, vel ulcerata extrà fibras in carnem sylvestrem concrecens, ut videre est in ulceribus, quæ unguentorum crassitie tractantur, nisi rectè à sordibus abstergantur, facile in carneas transeunt excrescentias. Causæ mediatae esse possunt paronychia, contusio, vulnus, unguis excisio in latere cum carnis portiuncula, calceamenta nimis stricta pedum digitos coarctantia, unguis excrescens, & intra carnis substantiam se insinuans, eamque dilanians.

Prognosis.

Affectus hic periculosus non est, attamen chronicus quandòque esse solet, ac tunc diuturnitate tædiosus; perniciosus tamen erit si inflammatio in eo excitetur, vel aliquam nanciscatur pravitatem.

Curatio.

Pro curatione tenui instituto victu, si periculosus non sit affectus, sed mitis, & benignus, universalibus non indiget prædiis, cum nec febrem, nec inflammationem afferat. Quantum spectat ad topica parti affectæ applicanda, si caruncula fuerit mollis, & carnosa, primò diligenter est à subjecto ungue separanda, & inter ipsam carunculam, & unguem, imponatur tenuis pulvillus ex filamentis conflatus, imbutus pulvere aluminis roccæ usti. Postmodum, si fieri poterit, brevior erit curatio, si tenui incidatur scalpello, & locus cicatrizetur pulvere aliquo cicatrizante. Si major fuerit caruncula, ut tota incidi non possit tunc procurandum est, ut sensim erodatur his pulveribus, quos semper felici cum successu præscripsimus, ut

℞. Salis armoniaci, vitrioli, & alum. rocc. usti ana ℥. j. m. Vel

℞. Pulv. sabina, & alum. usti. ana ℥. j. m. Et tandiù hi pulveres applicentur semel in die, donec tota caro absumpta fuerit.

Si dictis pulveribus uti nolumus, poterit absumi caruncula spiritu salis armoniaci, quo nullus præstantior in carnis absumendis reperitur, vel oleo sulphuris, vel tandè spiritum mercurii albo, aliquo ex his semel carunculam tangendo, cave tamen, ne inflammatio excitetur, vel nimis quàm decet, corrosio fiat. Si unguis nimis intra carnem se insinuet, & curationem impediat, juxta partis exigentiam incidatur. Si pterigium fuerit pravum, & malignum, ea, quæ malignitatem, & pravitatem evincunt, administranda sunt, vitatis tamen purgatione, & phlebotomia, quæ multum nocere possunt, & nulla melior erit curatio, quàm actuali igne carunculam cauterizare, & adurere, ubi incisioni non fuerit locus.

Solet quandòque in hoc affectu sanies quædam subtrus unguem colligi, & ibi pervalidos inferre dolores; curandi tunc modus erit; ut quandò unguis ex aliquo latere incidi nequit, adhuc ut saniei prædictæ detur exitus, in medio ungue tenui aliquo instrumento, vel lima foramen aperiatur, per quod prædicta expurgetur sanies.

Breviter hic, & quasi per transennam agimus de ungue sub carnem se defodiente, malum ferè vulgare hisce in nostris regionibus, non contemnendum tamen, quod sæpè atrociora infert symptomata. Fit, cum unguis, præsertim in latere pollicis pedis, nimis excrescit, & in suppositam carnem detruditur, & se insinuat, illiusque continuum solvit, fibras dilacerat, & scindit, ac caro extuberat. Curatio peragitur, si caro extuberans, & spatium illud, quod unguis excavavit momento aluminis usti, vel salis armoniaci exedetur, ut unguis in carnem profundius delapsus forcipe tuto secari possit, deindè consolidetur in balsamo proprietatis.

CAPUT LXIX.

De Pernionibus.

Datur peculiare inflammationis genus, quod à Græcis *chimetlon*, Latinis *Pernio*, vulgò Buganza, hic spirone vocatur: est morbus pedum ex nimio algore, & calcaneum apprehendit, ac infestat. Dicitur Latine pernio à membri pernicio, unde.

Esse pedum dicunt vitium, cui pernio nomen.

Est à pernice membri patientis id ipsum.

Signa.

Sub hyemis initio, calcaneo intensissime perfrigerato, sequitur pruritus, & dolor, unde calcaneus rubet, & intumescit, pernionem in calcaneo esse dicas. Interdum exulceratur, interdum resolvitur, & licet æstatis, & autumnii tempore cesset, circa hyemis tamen initium revertitur.

Causa.

Perniones generari credunt vulgares, ex materia sanguinea non sincera, sed aliis admixta succis. Ulcus, quod ex ipsis gignitur, non esse uniforme, & unius conditionis asserunt, nam præterquamquod interdum majus, interdum minus, quandoque superficiale, sed interdum sordidum, interdum purum, quinimò plerumque malignum, & non solum subjectam exedit carnem, sed etiam ossa nudat, & artus devastat: sicuti quædam ex ipsis sunt magis, vel minus rebellia, vel contumacia, & etiam sæva, & maligna; hinc fit, ut materia, & succi, à quibus excitantur, etiam sint varii, & multiplices, interdum, scilicet mitiores, plerumque verò sæviores, & deterioris conditionis. In specie autem cum majori ex parte pendeant à materia sanguinea, ut plurimum tumores prædicti fieri solent mitiores; cum verò sanguini admiscetur biliosus succus, quo magis hic fuerit mordacior, eo pariter magis sæva, & dolorosa excitatur affectio, accedens ad naturam phlegmonis erysipelatosi, cum verò eidem sanguini admiscetur falsa pituita, faciliè etiam ad ulcus prædicta affectio terminatur magis, vel minus pravum, secundum quod magis, vel minus falsa erit pituita; cum tandem ex melancholico succo ortum ducit affectus, omnium magiserit contumax, & rebellis, & si ad atrabilis naturam accedet, in ulcera prava, & maligna permutatur. Sed ò bella chirurgia! Ecquis idiota una hora nolit chirurgus evadere, & inter *Galenistarum* proceres his quatuor humoribus de tota chirurgia differere? Certè absque labore, & studio, solo horum humorum commento cum honore hanc medicinam assequi poterit, cum brevis sit, & compendiosa.

Pro causa hujus inflammationis externa frigus hybernum assignant, hoc namque credunt non solum partem reddere debiliorem, & ad recipiendum aptiorem, sed dolorem majorem ad partem facere attractionem.

Pernionum frigus causa mediata est, cujus essentia in motus privatione consistit, tubuli namque per quos succi vertuntur in gyrum, à frigore externo quasi coarctantur, corrugantur, & constringuntur, ac succi adeò tardius circulant, ut plus affluxus, quam commeatus ipsis concedatur. Dùm succi liberum non aperiunt transitum, (non enim totalis succorum transitus feriatur, aliter namque coagulatio, & partis extinctio succederet) & aliqualis datur ingressus, & is facilius, quam egressus, plus infertur, quam effertur, obstructione partis intumescencia oboritur. Hinc partibus volatilibus resolutis, reliquæ particulæ stagnantes aciores redduntur, & pruritus, seu fornicationis sensus excitatur, cunctatione exaltantur, & fermentationem moluntur, hinc incallescunt, & ardorem inducunt, sit dolor à tubulorum corrosione, & ulcus succedit, tanquam ab igne excitatum.

Prognosis.

Affectio hæc multum molesta, & dolorosa est, nec vitæ tamen periculum minatur, verum semel in calcaneo sedem figens, postmodum annuatim bramali tempore reddit, adeò ut omni hyeme recidivos producat effectus.

Quandoque resolvitur, & quandoque in suppurationem abit, & in ulcus transit sordidum, plerumque cacoete, & malignum adeò, ut pluries non solum subjectam carnem, sed etiam ossa denudasse, artus vitiasse, ac devastasse observavimus.

Curatio.

Pernionis curatio apud vulgares in sedando illam congelationem, & frigus extrahendo, velut spontè exhalet consistit. Inepti, quasi frigus esset ens positivum, & non mera caloris privatio! Sed de hoc fufius in nostra Pyrotechnia, & alibi. Quasi pernionis causa esset nuda eorum fictitia qualitas! Extracto frigore per calcanei immersionem in aquam frigidam, hic vulgari eorum theoremate obliviscuntur: contraria contrariis curantur. Affectam quidam partem foveant lacte dulci, in quo cocta fuerint ros marinus, origanum, salvia, ruta folia, & lauri bacca, vel pedes in aquam calidam immergunt, in qua rapa, præcipue frigore antè congelata, cocta fuerit. Oribasius commendat sulphur vivum in tenuissimum pollinem redactum, & cum melle mistum. Laudatur ab aliis, ut pars affecta aspergatur cinere calceorum veterum. Ad idem prædicant decoctum umbilici Veneris. Nonnulli commendant cyclaminis decoctum, quinimò cyclamen excavant, & oleo communi, & pauca cera replent, postmodum ad ignem concoquunt, & eodem calido affectam illiniunt partem. Vel utuntur decocto lupinorum in aqua maris, imò frequentem abluitionem ex aqua matris simplici, actu tamen calidam multum conferre credunt.

Si pernio exulceratus fuerit, sequens commendant emplastrum, ut

℞. Ol. ros. ʒ. ij. succ. cyclaminis ʒ. j. ʒ. adipis taurini, resina pini ana ʒ. j. colophonia ʒ. ʒ. spuma argenti ʒ. j. m. & cum pauca cera f. linimentum.

Ad idem valere asserunt folia malicorii, & umbilici Veneris decocta, & contusa, ac unguento rosaceo permixta. Quotiescumque vulgares sterces, & sanguinem non educunt, ad ineptias confugiunt medicas.

Duplex pernionibus curatio debetur, una, scilicet præservativa, ne affectus prædicti denudè molestant, & annuatim recurrant; altera est curativa, quæ vindicandi modum, dùm actu divexant, docet & hæc etiam duplex est, juxta duplicem prædictorum affectuum conditionem, una enim ipsis antequam exulcerentur debetur, altera verò adeosdem, postquam exulcerati fuerint, dirigitur.

Quantum ad methodum præservativam spectat, vulgares ex *Aetio* præscribunt sal subtilissimè tritum cum melle mistum, & ex eis calcaneum fricant. Laudatur etiam, si accipiatur myxa acida cydoniorum, & hac diligenter teratur, ac trita admisceatur cum adipe suillo, & pariter ea prædictum illiniunt locum. Verum his veteraneorum omisissis medicamentis, dicimus multum gloriosius esse hunc tumorem præcavere, quam eundem curare, unde adventante hyeme, necessarium ducimus partes optimè muniri à frigoris injuriis, & succi in sua vertigine conserventur, ne lædantur, quia hiberno tempore accedente, succi quantulum crassiores redduntur, canales constringuntur, & permeare nequeunt, hinc succi stagnare coguntur, & affectum producant. Consequemur præservationem, si succi spiritu vini simplici, spiritu vini camphorato, crocato, vel aqua Regiæ madidi induantur, & benè muniantur.

Pernionum actu infestantium curatio perficitur medicamentis, quæ tubulos à frigore externo coarctatos laxant, & succos crassiores redditos fluxiles reddunt; eapropter calcaneus illiniatur oleo cere, vel ex vitellis ovorum, juniperi, philosophorum, petra, guajaci, vel spiritu vini simplici, vel crocato, camphorato, fuliginis, formicarum, aqua Regiæ, vel tinctura castorei, sed horum omnium præstantissimum est oleum terebinthinæ. Præstans erit emplastri de spermate ceti applicatio. Expertum, & à nobis inventum pro pernionibus infallibile remedium est aqua viatrioli calida, qua si bis, vel ad summum ter madefiant, eos curabis, prima namque vice pruritum, & dolorem sedat, ruborem auferit, ac tumorem resolvit, secunda vice, incantamenti instar, morbum curat. Alii sequens parti applicant unguentum:

℞. Sevi cervini, cera, ol. violac. ana ʒ. ʒ. m. f. unguentum.

Vel imple hoc unguento rapam excavatam, cooperculumque ejus abscissam iterum alliga, & madefacta stappa invo-

involutam sub calidis cineribus percoque, tūmque in pulcritudinem tunde, & applica. Vel

℞. Ol. violac. q. u. frige in eo allium, & expressam abijice, oleo verò adde tantundem cera, & liquecant in unguentum.

Si perniones in ulcus abierint, & præcipuè sordidum, sequenti utere emplastro:

℞. Pulv. gallar. aristoloch. rotund. ana ℥. ss. minii ℥. j. mert. meteorizati gr. vj. lithargyr. myrrh. ana ℥. j. ss. camphoræ ℥. j. thuris ℥. ij. cera viridis q. s. m. f. empl.

Vel hujus loco substitui potest emplastrum de Gratia Dei. Verum fodicationum emplastrum Paracelsi optimum erit, & tantum superpositione ulcus curabis, hoc enim sanguinis ichorem immutat, dulcem reddit, & remanens consolidat ulcus.

C A P U T LXX.

De Roseolis.

Alterum etiam peculiare inflammationis genus reperitur, quod hyemis tempore manuum, & pedum digitos obsidet, & angit, ac vulgariter roseolæ simpliciter absque additamento, ad saltantium differentiam, appellantur, & quia in medio macula quædam subrubra rosam quodammodo referens conspicitur, roseolæ fuerunt appellatæ, quasi parvæ rosæ. Est affectio multum molesta, pruriginosa, & dolorosa, verum nunquam in suppurationem abit, vel rarò in exulcerationem, nam totum digiti spatium apprehendit, nec in una dumtaxat parte colligitur. In hoc distinguuntur roseolæ à paronychiiis, quæ in eisdem cum manuum, tūm pedum digitis sæpè excitantur, ut diximus, circa unguum radices, & in iisdem non levibus cruciatibus suppuratio sequitur; roseolæ autem præter ungues toto ferè digito potiuntur, & nunquam ad suppurationem deveniunt, licet rarò exulcerentur. Ex his liquet roseolas esse tumores inflammatorios, interdum sine ulcere ac rarò cum ulcere, hyberno tempore, & magis frigidiori, manuum, pedumvè digitos occupantes.

Signa.

Roseolarum signa ex dictis patefunt, nam sunt tumores in manuum, pedumvè digitis secundum ipsorum longitudinem, & latitudinem, quandoque botuli crassitudinem referentes, ad subrubrum tendentes, cum molesta, & ingenti prurigine, quæ ægrum ad scalpendum invitat, ac compellit, post quod urens in parte calor, & subsequitur dolor, ulcere carent, estò quandoque, sed rarò superficiale contineant.

Causa.

Roseolarum causa interna apud vulgares est sanguis non purus, & syncerus, sed biliosus, vel pituitosus. vel melancholicus; externa verò hyemale frigus; verum apud vulgares morbi omnes ex horum quatuor humorum combinatione fiunt, non aliter ac apud *philosophos Epicureos* omnia corpora ex atomorum combinatione.

Causa roseolarum coincidit cum pernionum genesi, differunt tamen hi duo affectus ratione loci. Roseolarum causam à mediata rimamur, nam, adventante hyemis algore, in manuum, pedumvè digitis succi non totaliter stagnant, sed quoad partem, nec fluiditate pristina vertiginoso gyro volvuntur, tūm ob crassitiem, tūm quia fibrarum tubuli corrugantur. Hinc majori aggestione fit obstructio, subtiliores particulæ evanescent, reliqui succi in offam crassam degenerant, & ad circulandum inepti, capropter majori mole augmentur, & cunctatione acorem concipiunt, fit particularum motus inordinatus, acuntur, & hostiles redduntur; unde tumor, pruritus intolerabilis, calor, & dolor in partibus excitatur. His omnibus rationibus addamus oportet, quod causæ externæ non operantur, nisi in disposita materia; oportet propterea, ut præcedat aliqua partium imbecillitas, ob quam excipiendæ activitati externæ frigiditatis, modo jam dicto reddantur idoneæ.

Prognosis.

Roseolæ nullam vitæ minantur perniciem, estò annuatim regerminant, quasi *forma Aristotelica* de potentia materiæ educantur, adveniente bruma, sed tantum pruritus, formicationis, sensus, caloris, doloris, & tumoris ratione, ac digitorum deformitate earum curatio expeditur, verum absque *Medicorum* lucello.

Curatio.

Omittimus vulgarium de roseolis curationem, quia vana, & nullius efficacæ sunt eorum medicamenta, imò potiùs malum adaugent, quàm aliquo modo leniunt.

Pro præfervatione dicimus partes roseolis obnoxias priùs benè muniti, antequam algori committantur, ne lædantur; unde manus manicis ex animalium pellibus, & præcipuè ex lutra conflatis defendantur, pedes verò soleis, vel foccis vini spiritu imbutis foveantur, & adhibeantur calcei Gallorum non Hispanorum more constructi.

Pro nostra roseolarum curatione dicimus juxta causas assignatas, necessaria esse ea medicamenta, quæ stagnantes succos circulantes reddunt, & vasa corrugata relaxant, & cum roseolæ, & perniones cognati sint affectus, illis horum medicamenta, quæ recensuimus conducunt; eapropter efficax remedium est affectos digitos *vini spiritu* colluere, hic enim non tantum præservat, verum etiam actualem curat affectum. Optimum præsidium erit, si digitos madefaciat æger *infusione lapidis medicamentosi* calida, sed certissimum, & infallibile erit *aqua vitrioli* cap. 2. de inflammatione descripta, qua nos vulgò utimur; hæc namque irritatum in parte vitæ spiritum sedat, propter anodynum vitrioli sulphur, quo sedato, scalpendi desiderium, calor, & dolor feriant, & hinc concretos succos, & coarctatos tubulos, ad pristinum reddit statum vita, ac tuberositas subsidet. Commendant multi digitos inungi affectos oleo ex seminibus gossypii expresso. Digitos *in aquam spermatis ranarum* immergere proficuum experti sumus remedium. Expertissimum medicamen pro roseolis persanandis habemus, quod libenter absque invidia communicamus, hoc est *oleum murium recenter natorum per infusionem* in amphora in ventre equino, vel sole paratum, quo si quis his, vel saltem ter affectos inungat digitos, incantamenti instar roseolæ persanantur. Amabo, nequis despiciat, vel irrideat hoc nostrum medicamen tanquam vile, & abominabile, illud namque in experientiam vocet, & nos vera dicere fatebitur. Is sciat, Deum Omnipotentem nil abominabile, & deforme in hoc orbis amphitheatro creasse, tam contemptum, quod in hominum salutem non creavit.

In roseolarum, & pernionum curatione interna curatio non est contemnenda, solis namque internis martialibus hanc affectionem abegimus. Igitur quæ obstructa referant vascula, medicamenta administranda sunt. Conveniunt etiam sudorifera, & volatilia, quæ stagnantes succos fluidiores reddunt.

C A P U T LXXI.

De Myrmecia.

Illud animal, quod formicam vocamus, Græci *Myrmeciam* appellant, verum chirurgi pro tumore formicam usurpant. O miseram humanæ sortis conditionem, sat non fuit omnium malorum lerna undique stipari, ni dira animalia talpa, testudo, polypus, ranula, lupus, cancer, elephas, & alia accessissent, ut minimam corporis partem cruciatibus liberam reliquissent! Deficiebat exiguum illud animal, formica nempe, ut summam humanis ejulatus imponeret manum! Dictus est hic tumor *formica*, quia ad contactum colorem, & punctiorem exhibet, qualis fit à morfu formicæ. Nonnulli cum myrmecia herpetem confundunt, sed perperam, ut ex utriusque signis quisque facillè colligere potest.

Signa.

Si in manuum, pedumve digitis, manu, brachio, pede, tibia &c. verrucæ humiliores, inferius latiores, superius tenuiores, durioresque, quæ radices suas altius figunt una penes aliam, dolorem movent ad contactum, ut fit à fornicæ morfu, colore nigricantes, vix magnitudine lupinum excedentes, & ex fricationibus flava emanat aqua, crustæ decidunt, earumque loco renascuntur aliæ maximo cum dolore punctorio, myrmeciam esse censebis.

Causa.

In myrmeciae assignanda causa vulgares acerrimè contendunt; quidam enim bilem assignant, alii pituitam, bili commistam adducunt, alii verò pituitam falsam pro causa materiali constituunt.

Fit myrmecia à sale acuto, & corrorente, in dies namque observamus hoc laborantes morbo, in parte affecta corrosione affici. Quomodo autem hoc fiat, demonstrandum est: *Aristotelis* doctrina multis in locis: *omne enim simile tendit ad conservationem sui similis, tam secundum generationem, quam secundum conservationem*, in dies namque vidimus, quod homo homines, leo leones generat, & sic de cæteris; contra putredo putredinem, alteratio alterationem facit &c. ergò pari modo in casu nostro erit discurrendum. Tota itaque difficultas consistit in hoc præcipuè demonstrando, quomodo, scilicet in nostro corpore salia generentur acuta, quam doctrinam sat tradidit *Paracelsus in libris de salibus*, pluribus in capitulis, & sic laconicè nos circa hanc materiam discurremus, dicendo, quòd quoties aliqua pars vitalis in nostro corpore persistens, ob prohibitam transpirationem, & ob materiam occasionalem morbificam acutam, & nimis volatilem per cutis poros transpirare non potest, toties nulla interposita mora, eadem pars ordinariam mutans symmetriam ex vitæ indignatione in sal acutum degenerat, unde per fibras transcurrentes, alimentum ad talem particulam sustentandam adveniat, cum eam reperiatur plus justo exandescens, illic exaltatur, & in acutum convertitur sal, ac fit tumor in suo centro.

Prognosis.

Myrmecia est admodum perniciofa, ac proinde non solum difficillimè, verum etiam diuturnæ curationis; excisionem namque ob latissimam basim, cui adhæret, sine magna exulceratione non patitur, & tandem in scædam degenerat ulcerationem cum ossis carie, & ægrum in talem perducere potest.

Curatio.

Totus curationis cardo consistit ad restituendam inordinatam temperiem partem affectam, nec non etiam salia illa acuta à parte tollenda, unde per has duas indicationes, internis, & externis præfidiis myrmecia curatur.

Interna sunt potiones, decocta sudorifica, balnea, medicamenta diaphoretica pluries dicta, quæ salia acuta ciculant, & parti naturalem restituunt constitutionem.

Si ad tabem perductus fuerit æger, *Manna Sancti Angeli montis Gargani*, vel *nostra Calabria ad 3. iv. vel v. propinare possumus*, vel si fuerit pauper administrari poterit *syr. ros. solut.* qui pauperum manna vocatur, necnon quamplurima alia medicamenta juxta ægrorum dispositionem, quæ pro tabe diximus.

Extrinfeca verò quæ parti adhibentur, sunt unguenta, quæ describuntur, à *Paracelso in libris de Apostematibus de formica cap. 38.* ut

℞. *Lithargyr. abluti 3. j. spernioli 3. j. ʒ. liquoris barbae jovis, Suec. ex Nymphæana 3. iij. f. Cerotum sine cera.*

Super pannum illine, & administra per noctem; refrigerat enim & motum tollit, ut amplius non revertatur. Vel alio modo:

℞. *Aqua rosar. 3. ij. resoluta camphora 3. j. Commisceantur.*

Ad salia corrosiva dulcia, & innoxia reddenda, nullum præsentaneum remedium reperitur, quàm *oleum saturni in*

cella per deliquium, vel *sal ejusdem saturni in aqua rosarum solutum*, sed *mel ejusdem* præstantissimum est: ideòque in ulceribus corrosivis, quæ à sale proveniunt, præstans est medicamentum *mel*, seu *saccharum ex saturno elicitum*, sicut etiam in vegetabilibus saccharum vulgare acrimoniam & rerum amaritudinem temperat, ac corrigit, ita mineralium & mercurii, arsenici tam in magno, quàm in parvo mundo hoc Saturni saccharum mitigat ac emendat.

Si in ulcerationem abeat myrmecia, & non resolvatur, curetur, ut ulcus, quod si cum ossis carie sit conjunctum, ut sequenti capite regatur.

CAPUT LXXII.

De Spina ventosa.

Non solum caro suam patitur apostemationem, verum etiam, & ossa apostemantur, solent enim quandoque manus, pedisve digitorum internodia prius mali mineram i. e. inflammationem, & corruptionem in ossibus contrahere, quam circumducta caro in tumorem, se attollere. Hoc tumoris genus Græci *Pedarthrocacem*, Latini ossis cancrum, sive ossis sphacelismum, & vulgares spinam ventosam appellant. Miserabile morbi genus, quòd prius cane pejus ossa, quia densitate sua magis resistunt, postmodum carnes, quia raræ sunt, exedit, & corrumpit.

Signa.

Oritur in articulis extuberantia, cum prolixo, ac minimo graditur auctu, inibi punctorius percipitur in periostio dolor, sera accedit exulceratio, quia prius ossa mox periostium, & tandem caro morbi sævitiam sentiunt. Ulceris foramen est valde exiguum, labiola pallent, materia ex carioso ulcere manans est oleosa, pinguis, & maxime foetida, aliquando flava, subviridis, sed ut plurimum tenuis, & fluida, puris ac plus puris ex tali effluit ulcere, quàm ipsa ulceris conditio patitur, ob latentes cuniculos. Caro esse solet mollis, spongiosa, fungosa, at minimè, ut in hyperfarcosi ulcerosa est, in superficie sublivida, ac pallida deprehenditur.

Adesse in tali ulcere os cariosum, cognoscitur 1. Autopsia. 2. Ex pure profluente, quod tenue, oleaginosum, flavum, & graveolens est. 3. Si ulcus sit vetustum juxta *Hip. aph. 45. sect. 6. In ulceribus annuis, aut etiam diuturnis, abscessum cum osse communicari necesse est, & cicatrices cavas fieri.* 4. Si ejus coalescentia sit difficilior, aut post coalitionem sua sponte iterum aperiatur. 5. Si caro circumducta flaccida pallida, & livida observetur. 6. Si supra turundas, vel emplastra macula nigra appareat. 7. Si admoto specillo asperitas in osse percipiatur, imò si hoc ab illo perforari videatur.

Causa.

Vulgares *Galenici* proximam hujus affectus causam in pituita crassa rimantur, & ad hujus confirmationem in medio statuunt pueros, qui ut plurimum huic sunt obnoxii morbo; hi enim in hunc incurrunt, qui à parentibus languidis, & pravo habitu præditis vitiosa prima sumpserunt principia; cum quia infantes, & pueri pituitosi sunt, & ægrè his repurgantur, unde post imperfectas variolarum achorum, lactuminis, vel tineæ repurgationes, faciliè in hanc labuntur affectionem: nam illa pravæ conditionis materia non expurgata, ad articulos, tanquam ad emunctoria, vel ad ignobiles partes se exonerat, & hujusmodi in ossibus vitium producit.

Verum allucinantur, delirantque vulgares in pituita, quæ nunquam ossa exedere afolet, sed potiùs in ipsa spicula obtunduntur. Minus bardè dixissent, si in pituita falsa cariei causam collocassent, & cum hac etiam extra rem fuissent locuti, sal enim in pituita potiùs conservatur, quàm exedit, nisi fuerit exaltatus. Consultius dixissent ab humorum acrimonia, ut sic ossa singulariter cariari. Quod dicunt de infantibus, & pueris esse pituitosos, ideòque post imperfectas variolarum, achorum, lactuminis, vel tineæ repurgationes, faciliè in hunc labuntur morbum, verum est hos esse pituitosos, sed non quia pituitosi sunt, in hanc labuntur affectionem, sed quia vias habent nimis laxas, per quas

quas pituitosus, qui dicitur humor decurrit, nec validam habent expultricem, nam ad expultricem validam efficiendam partium robur, & compactio esse debet aliquantulum densa, & sicca, quæ non reperitur in infantibus, & pueris.

Cariæi genesis non per congestionem, sed pravorum humorum defluxum fieri contendunt à cerebro, ventriculo, hepate &c. quia natura in cacoeticis noxios succos à partibus robustioribus perpetuò ad viles, debilesque deponere studet: Sicut in Republica Magnates, & Potentiores in debiliorem plebem gravia deponunt onera. Hi sciant inepti malum esse topicum, & non per descensum, ut chymici loquuntur, à cerebro, ventriculo, hepate &c. impertitum, ut fabulantur.

Cariæi causa juxta nostram sententiam in spina ventosa est ros ille in periostio diffusus, qui à partibus illis non regitur, & vitali non illustratur aura, derelictus, & ferè extra vitæ jurisdictionem eliminatus stagnat, vitium, & aciditatem contrahit, unde ab acido intolerabiles excitantur dolores periostii fibras contrahendo, & convellendo, quasi à spinæ punctione, & quia dolores tensivi, ad flatum, sive ventositatem referunt ægri, vulgares hunc tumorem spinam appellavere ventosam. Cunctatione hic ros aciditatus, quia nutritioni, & resolutioni ineptus est, stagnat, & cum succis intus contentis commiscetur, ac necessariò fermentalem concipit motum, intenditur, exaltatur, fitque corrosivum sal, non secus ac causticum potentiale, periostii fibras exedit, gravissimum excitat dolorem, ipsasque corrodingo, & dissolvendo fibras tendinosas, ossium poros invadit, quæ primò dissolvit, corrodit, putrefacit, & mortificat, tandem carnem exedit, fitque ulcus. Eodem pari modo caries ulceribus diuturnis, tanquam pessimum symptoma, accidere solent, ab ulceris acido exaltato in sal corrosivum, & causticum, quod in primis carne, venis, ac nervis exesit, ossa tunc cariosa fieri necesse est, ut *sect. 6. aph. 45. Hip.* inquit.

Prognosis.

Spina ventosa curatu difficilis est, diuturna, & periculo plena, præcipuè in corpore debili, & pravis scatente succis. Perniciosa est, ubi juncturas, atque ossium capita, quàm ubi internodia corruptione laborant, apprehendit, utpotè quibus remedia cariosum superantia os commodè non applicare licet. Pessima tumoris soboles, siquidem multis confirmatum est experientiis, omnes sic ferè affectos, ac in puerili ætate constitutos, radicali humido dissipato contabescere, & miserabiliter vitam finire; pus namque infinite profluens, ægrum cum morbo commoriturum portendit, præsertim si cum aliis malis indiciis enervatæ languentis vires appareant, & principali morbo necrosis accedat. Hoc tumoris genus exercitatos, & eruditos exquirat chirurgos, illosque acriter fatigat, omnem solertiam habet irritam, & curantis hominis omnem eludit, irridetque laborem; eapropter tenellos infantes à matris ubere rapit, quòd si quandoque aliquis supervivat, à mutilatione non evadit, & si curantis chirurgi solertia mutilationem effugiat, vix saltem vitari potest, quin in motus abolitionem, aut depravationem incurrat. Verùm tanta ægrorum laniena non chirurgiæ culpa, cum ipsa conjecturali modo non procedat, sed nudam contemplandam, & manibus palpandam se exhibet, provenit, verorum professorum defectu; sunt chirurgi Neapolitani vulgares (paucissimorum pace sit dictum) qui legere, & scribere nesciunt, ac parum, vel nihil à tonsoribus distant, & quod magis dolendum, non reperiuntur hodiè rñsfores, nam omnes sunt chirurgi.

Curatio.

Vulgares spinam ventosam hac methodo curant: si patientis vires fuerint enervatæ, tunc totum opus naturæ committunt, & interim optimos cibos, maximique nutrimenti exhibent (verum corpora impura quò magis nutries, cò magis lades,) donec constantes evadant: si verò validæ fuerint, patientem purgant *pilulis de tribus*, vel *Arabicis*, vel melius propinant *syrupum de spina cervina*, qui ab articulis trahendi energiam habet. Deindè sani cubiti venam secant, sed qua ratione id faciunt, *Musitani Opera Tom. II.*

ipsi videant. Ad exsiccandum pravyos humores in corpore genitos, qui malum perennare possunt, *false parilla*, & *radicis china cum guajaci cortice decoctum* ad plures exhibent menses.

Si tumor non sit ruptus, illum aperiunt, ut ossa observentur denudata, non quidem ferro, ne nervosa attingantur corpora, sed parvo facto foramine, *gentiana radice*, vel *mitioribus causticis* patefiant, ubi detecta apparent; ossis corrupti partem auferunt, integrumque conservant. Auferunt ossa duplici modo, vel chirurgia, vel medicamento, hoc namque naturam ad ossis cariosi sequestrationem irritari dicunt, quia osse carioso existente, ulcus sanari, carnem sanam supercrescere impossibile est. Tollunt ab osse cariæi scalpro excisorio cum malleo, statuatorum more. Si ossis cariæi altius descendat, os perforant terebra, tribus, vel quatuor in locis scalpro percurrendo cum malleo à foramine in foramen. Totum corruptum os ablatum esse signum esse dicunt, quando cruor succedit, & tunc ab opere cessant.

Quandoque os cariosum adurunt, ut corruptum omni alimento, & humiditate destituant; ablato enim nutrimento, naturam faciliùs sequestrare, quæ sequestranda sunt, ajunt. Idem perficere dicunt medicamenta siccissima, & frigidissima, qualia sunt ex *hyoscyami foliis*, & *semine cum atramento sutorio usto contusis*. Similiter *radix ireos*, *peucedani*, *aristolachia*, *folia ficus*, *papaveris sylvestris*, *euphorbii*, *squama aris*, *argus*, *aqua aluminosa magistralis*, qua sæpius os cariosum madefaciunt, & cariæi absque dolore curare scribunt. Vel tandem ferro candente os adurunt, quia ignis maximè omnium exsiccat, & corroborat, & adustionem tamdiu repetunt, donec perficiant opus. Verùm candens ferrum dolorem, fluxionem, & inflammationem excitat, & ob loci affecti angustiam non rectè adaptari potest, ac proindè caro exurit, & nervosæ partes læduntur. Sed ne ichor ex ustione resultans, circumstitas lædat partes, tenuissimis filamentis, vel tenerrimis spongiis illum excipiunt. Ustionis terminus est, donec os prorsus siccum fiat post ustionem decenter factam, os ab inflammatione, & dolore vindicant *aqua rosarum cum oleo rosaceo*, vel *violarum*, *ovi albumine* stuppa exceptis, & applicatis, postmodum sedato dolore, & vindicata inflammatione; ad ossis separationem procedunt, & tandem sarcoticis ulcus carne replent.

Pro nostra spinæ ventosæ curatione dicimus, quòd quocitius curatio instituitur, eò melius perficitur, nec exulceratio expectanda est, sed à tumore inchoanda, ut materia corrosiva in eo contenta educatur, & ossium cariæi per abditos cuniculos non crescat eundo, nec alio modo ossa à carie liberari possunt, nisi ad ea perveniantur: ante omnia igitur eò incumbendum est, ut per incisionem ad partem affectam deveniamus, ad ossa cariæi affecta denudanda, quod etiam militat de rupto tuberculo, ut ossa cariosa sub oculos veniant, verum magna solertia id faciendum, ne venas, arterias magnas, membranas, & tendines discindamus. Hinc statim cultro incisore simplici utendum est, nec cunctandum, ne malum pejoret, imò ulceratio cum suis labiis induratis aperienda est, & abscindenda: sectio itaque per ossis longitudinem usque ad ipsum os facienda est. Si patiens cultrum exhorreat, causticis benignioribus res peragenda est, & inducenda est eschara, quousque os denudatum appareat, tunc medicamenta os lævigantia adhibenda sunt; non enim natura os periostio amicit, donec cariosum persistit, idèdque pars cariosa tanquam mortua separanda est à sana, & viva, cum qua nec coalescere, nec diu subsistere potest, quin eandem itidem inficiat, & ad parem sensum deducat cariæi.

Ossa lævat præ cæteris *spiritus mercurii albus*, deinde *spiritus salis armoniaci*, vel *sulphuris per campanam*, qui juxta curantis libidinem bis in die repetatur, & quidem plumaceola in eo imbuta imponantur; hi namque spiritus volatilitate sua, qua agunt, ossa lævigant, & corrosiva salia hebetant. Celeberrimum est remedium, quo *Paracelsus* ossa corrosa restituit, ut

24. *Ol. de camphora per albumen ovi preparati*, & *ol. caryophyll. ana 3. ss. m.* & utere.

Præstans est euphorbii tinctura n. d. qua nos in hoc affectu utimur, ut

24. *Euphorbii 3. ij. ss. radic. peucedani, aristoloch. rotund.*

tund. bryonia ana ʒ. ss. myrrha, & aloes ana ʒ. ij. caryophyllor. ʒ. j. Infunde in aqua Regine Hungarie lb. ss. per quinque, vel sex dies, deinde colaturam serva. Tinctura hac placentula ex filamentis imbuta bis in die in ossibus cariosis repetantur quousque os laeve appareat, & periostrium supercrescat. Vel ossibus cariosis applicari potest *bryonia trita, vel aristolochia rotunda* in cataplasmatibus forma, vel *peucedani radix* in pulverem imposita, vel tandem *euphorbii pulvis*, (gummi est euphorbium) verum magna cautio in hujus applicatione adhibenda est, nam penetrat, inflammat, exulcerat, & violenter abstergit, ideòque eo utentes, ne vicinas corrumpat partes, necesse est linimentis, aut ceratis communire corpus quo ossa investiuntur.

Nonnulli in ossis cariosi curatione, patrum supradictis remediis proficientibus, ad ignem actuale confugiunt, & revera, quod non sanat ignis incurabile est, juxta Hip. aph. & sic sæpè succedere solet curatio; verum, quia ægri pavent, timenique ignem, & persuaderi nequeunt ossa non sentire, non semper hæc operatio perpetrari potest. Verumenimvero est ossa non sentiant, partes ossibus vicinae, membranæ, tendines, nervi & similes ab actuali igne læduntur, & intolerabiles patiuntur dolores, augeaturque malum ex frequenti ignis applicatione, nam una vice id præstare non potest, nec laudabilem effectum producere solet. Tandem nihil proficientibus generosis, optimisque remediis, nullum est certius, & utilius, quam ignis, modo ab experto chirurgo ustio instituatur, & deinde os igne actuali aduratur, & ne dolores, fluxiones, inflammationesque insequantur, ac membranæ, tendines, nervi &c. attingantur, lædanturque, muniantur oportet, & deinde olivæ cauterium ignitum per ferreas, aut plumbeas fistulas injiciatur, quæ ne incalescant, plures esse oportet, sæpeque mutantur.

Præter topica, interna medicamenta ad curationis finalisationem propinari debent, inter quæ lenia cathartica commendamus, & præcipue sequentem Barbetæ compositionem magnificamus, ut

ʒl. Rad. consolid. maj. osmund. regal. china, salsaparil. ana ʒ. j. cortic. lig. guajac. ras. ʒ. ij. rhabarb. opt. ʒ. vj. fol. sen. mundat. ʒ. x. agarici leviss. ʒ. vj. caryophyllor. ʒ. j. cinnam. ʒ. ij. Infusa horis 24. in suff. quantitate aquæ hordei tepida coque lento igne, & expressioni lb. iv. adde.

Syr. de symphytos Fernel. ʒ. iv. m. f. apozema. Sumat ejus æger ætatis adultæ ʒ. iij. iv. v. leniter, purgabit, curationem promovebit, & à novo morbo præservabit.

Interea ea non desunt medicamenta, quæ salia corrosiva cicurant, attenuant, resolvuntque per diaphoresim, aliosque naturales ductus, & sic facile os cadaverosum ad expulsionem sollicitatur, hujusmodi erit *china, ligni visci quercini, aliorumque lignorum decoctum*, similiter *antimonium diaphoreticum, sal volatile viperarum, c.c. cardui sancti, succini, eboris &c.* Sed lege Tomum 2. de Ulceribus cap. 21. ubi fusiùs agimus de Ulcere cum ossis carie.

C A P U T LXXIII.

De Clavo, & Callo.

JAm tandem, Superis faventibus, à capite ad extremos corporis artus sensim devenimus ad manus, scilicet & pedes, quorum duos hic tantum describemus tumores, clavum nempe & callum. *Est clavus dura quadam excrescentia, colore albicans, rotunda, quæ clavi capitello non absimilis cuti infixæ videtur, ut clavus ferreus pungit, unde ipsi nomen obtrigit, ac plantis, digitisque pedum enascitur; callus vero est quadam summa cutis durities in volis, manuumque digitis.*

Signa.

Clavus facilis est cognitu ex tuberculo duro profundius in pedis digitis, vel planta latente; præterquam quod ex ægri relatu patescit. Patet etiam, quod centrum quoddam veluti foramen, seu punctum habeat, forma sit rotunda, & clavi capitelli instar est cuti infixus, ejusque durities ad periostrium usque penetrat, dolore interdum pungitivo ita furit veluti clavus ferreus infixus, ut gradienti molestiam ferat.

Callus visu, & tactu cognoscitur, cutis namque dura,

& fere ossea est, doloris expers, & esto cultro abscindatur tactus sensus est abolitus.

Causæ.

Vulgares *Galenici* clavum ab humore pituitoso, & melancholico fieri existimant, mediante calcæi pressura, attritu, intertrigine, labore &c. De callo vero eandem repetunt natiâ, produci namque ab eisdem humoribus, pituitoso, scilicet & melancholico etiam credunt, mediante pressu, attritu, intertrigine, labore &c. Verum modum, quo clavus, & callus oritur, non docent. Maledicti sint tales humores, qui tot veterinarios fecere chirurgos.

Clavum fieri existimamus, à prohibita transpiratione per impeditum fibrarum motum, quæ à corpore duro comprimuntur, quasi dilacerantur, situmque mutant, quibus pressius sibi invicem coagmentatis, ac superimpositis, & coacervatis, sub ipsis nutrimentum per poros evaporari solitum post nutritionem, aggestum per arcta interstitia evaporari nequit, & in clavi duritiem abit. Causæ externæ, & occasionales sunt compressio à novis, & arctis calcæis pedum digitos comprimentibus, & coarctantibus, multa, & diuturna ambulatio, ac continua statio.

Callus oritur ab impedito fibrarum motu subcute, quæ ab instrumenti durioris, & insoliti contrectatione comprimuntur, situm mutant, invicem conglomerantur, & exsuccæ fiunt, quia succus alimentitius post manuum sustentationem per has fibras, & inde per cutis poros obliteratos insensibiliter resolvi non potest, hinc cutis spissior evadit, & tandem in callum, eo loci ubi congestus fuit, convertitur. Occasionales causæ sunt diutina instrumentorum laboris contrectatio, ut sunt ligo, aratrum, bipennis, grandiores mallei &c.

Prognosis.

Clavus non est curatu facilis, nam quando semel est natus, vix spontè evanescit, sed duriuscula, & solida radice semet intrò figit ad periostrium usque, & ossea membrana constare videtur, chirurgum spè sua frustratur, unde post dexteram excisionem semper recrescit, dolorem sæpius movet, & claudicare facit; at si incautè excindatur, maximum periculum oboriri potest, ut spasmus, convulsio, delirium, quæ symptomata acerbum excipit funus.

Callus recens, cum ut affectus cutaneus, facile curatur, nullumque infert periculum, nisi incautè excindatur, præter manuum defædationem; inveteratus verò difficillimè, cum fibræ semel unitæ, & constrictæ iterum dissolvi, dilatari non possint.

Habere in manibus callos, & in pedibus clavos, bonum, quia à chiragra, & podagra liberat; significat enim manibus labores exercere mechanicos ad communem vitæ usum necessarios, & pedibus ire ad comparandum ea, quæ ad vitæ sustentationem spectant, adimpletur sic Catholicum illud Dei præceptum; *In sudore vultus tui vesceris pane tuo*, id est in manuali labore sudorem, exprimentem vitam perages. Verum sunt quidam in hoc mundo homines, qui sine molestia, delicatè, molliter, & voluptate, ita aliena vivunt quadra, ut probrosum, & indecorum existimationi censeant, instrumenta mechanica summis attractare digitis, ne expolitæ, leves, & rugosæ obcalescant manus, imò odoratis saponibus, aquisque cosmeticis eas abluunt, ut cutis asperitatem leniant, lævem, subilem, & nive candidiorem reddant, sed horum manus non possunt, non putere rapinis. Sed quod magis, sunt alii, qui plebeiorum more pedibus ire per urbem molestè ferunt, ne in pedibus clavos contrahant, & ut suum statum, & nomen præferant, magnificis vehuntur equis, & carpentis ad loca quæ petunt, est paucissimis distent passibus. Nonnulli uno trabuntur equo, sed *trahit equus asellum*, alii ob grave peccatorum pondus ad unum trahendum virum, duo equi, vel quatuor, vel sex requiruntur. Sed justus Deus hos suos castigat servos, eorumque plerosque invisibili carnifici nempe chiragræ, & podagræ tradens.

Curatio.

Callofas manus vulgares curant per emolliitionem, tenendo eas in aqua calida simplici, vel in decocto, vel balneo ex herbis emollientibus, deinde callum novacula abscindunt, vel abradunt. Vel emplastro de mucilagine emolliunt, eumque deinde scalpro auferunt. Nonnulli ad cauteria potentia confugiunt, verum magnum vitæ periculum inferunt, ac proinde merito repudiamus.

Clavum duplici modo curant vel medicamentis, vel instrumentis. Balneant pedes decocto ex herbis emollientibus parato ad plures dies, postmodum in subtiles taleolas clavum excindunt, absque eo, quod hæmorrhagia exciteretur, demum ad plures dies *folia sedi majoris viridi pellicula exuta* bis in die applicant, reperuntque. Alii *nigellam ex vetere urina* imponunt, loco prius scarificato, vel *mel cum alumine decoctum* superponunt. Compendant *emplastrum viride*, *vigonis cum quadruplo mercurii*, *gratia dei*, *diachyl. cum gummatibus*. Nonnulli excisionem moliantur, alii causticis utuntur, & sequens multum extollunt.

℞. *Cantharidum*, *vitrioli*, & *castorei* ana ℥. ij. cum *terebinth. m.* & *f. emplastrum*, & clavo balneato imponatur. Vel hoc alio modo:

℞. *Fecis vin. ustæ*, *Calcis nondum aquam expertæ*, *visci ana* ℥. j. cum *lixivio m.* & clavo applica. Sunt qui *sulphur citrinum pulverisatum* clavo inciso imponunt, attamen prius locum gummi ammoniaco muniunt, & desuper bis, vel ter accendunt, & deinde cum radice clayum extirpant. Verum hæc remedia pro curando clavo ægrum interficere possunt, excitant namque inflammationem, gangrænam, & tandem necrosim.

Nostri de callo curatio consistit, ut fibræ naturalem adipiscantur situm, & alimentitius succus post partis nutritionem insensibiliter resolvatur, ad quem finem præter interna, volatilia succos attenuantia, externa topica emollientia fibras cataplasmata conducunt, ut *ex floribus chamomilla*, *meliloti*, *seminum fœnugraci*, *foliorum malvæ*

cum *lacte cocta*, & sæpius applicata. Non desunt balnea, & manuum immersiones, ex emollientibus parata, ut postmodum callus abscindatur. Laudatur *succus sedi majores*, vel *nicotiane*. Summoperè conducit, ut callus *spiritu vini camphorato* affricetur, vel si *gummi ammoniacum solutum in spiritu vini*, & iterum applicetur. Multum valet *ceratum de spermate ceti* callo impositum, quod multis experimentis comprobatum habemus. Sed ad quid in manuum callis tempus terimus, cum chirurgi nunquam censum quotidianum in his fundare possint?

In clavi curatione eadem quæ in manuum callo prodesse diximus, usurpare possumus, cum amborum affectum ferè eadem sit genesis, dummodò clavis altas non fixerit radices; capropter *oleum lini tepidè* illitum; vel linteum dicto oleo imbutum, & superpositum, prius tamen clavo profundius inciso, nunquam ægrum fecellit. *Radix buglossæ contusa*, & superposita mirandum præstat effectum. Admiraberis linteum *sanguine menstruo* tinctum, & clavo superimpositum. Multum prodest *emplastrum de Galbano Mynsichti*. *Martinus Rulandus* in clavis eruendis valdè commendat tanquam secretum sequens:

℞. *Ol. sulph. per campanam* ℥. ℞. *lapidis corrosivi*, vel *salis alkalis* ℥. ij. *sem. hyoscyami* ℥. j. *opii* ℥. j. *tere*, & *m. f. magma*.

Non est credibile quanti sit pro pedum clavis curandis hoc nostrum ceratum, quod hætenus pro secreto habuimus, at nunc ingenuè communicamus, ut

℞. *Gumm. ammoniaci*, & *galban. cum sp. vin. solut.* & *inspissat.* ana ℥. j. *euphorbii* ℥. j. *alum. ust.* ℥. j. ℞. *virid. æris* ℥. ij. ℞. *merc. dulc. unius sublimationis* ℥. ij. *ol. euphorbii*, & *cera citrina* ana q. s. *m. f. ceratum s. a.*

Aliqui chymiastræ ad corrosiva confugiunt, ad *Lapidem scilicet, infernalem*, vel *oleum antimonii*, *oleum mercurii meteorizati*, *sulphuris*, *vitrioli*, *butyrum antimonii*; Verum hæc medicamenta, quia corrosiva sunt, & non tantum fibræ nervæ ab his irritantur, sed quidem discinduntur, corroduntur, & ustulantur, merito, cum arsenicilibus consent particulis, repudiamus.

F I N I S.



D. C A R O L I
M U S I T A N I
PHYSIATROS PROFESSORIS
TRUTINA CHIRURGICO-PHYSICA.
L I B E R U N I C U S
D E U L C E R I B U S.

C A P U T P R I M U M.

Quid sit Ulcus, & quod ejus subjectum.



Alenus 3. meth. c. 1. Ulcus à vulnere non distinguit, sed utrumque per *continui solutionem in parte carnosâ factam* definit: Verum differt ulcus a vulnere, primò quia vulnus semper à causa externa vulnerante infligitur, ulcus verò à causa quidem externa occasionem habere potest; sed semper à causa interna, vel in toto corpore, vel in parte existente sovetur. Secundò, vulnus est continui solutio recentè facta, ulcus est solutio continui diuturna. Tertiò, vulnus in ulcus abire potest, ulcus verò nequaquam in vulnus. Quartò, vulnus strictè sumptum est, cum in loco vulnerato nullum aliud accidens accedit, præter continui solutionem, ulcus verò dicitur, cum præter continui solutionem in parte soluta, vel in toto illius solutionis causa sovetur. Quintò, in ulcere semper aliquid de parte affecta imminutum, vel amissum est, si non plus, saltem cuticula; semper enim in ulcere aliquid in parte aufertur à causa erodente, & esto quandoque superflua excrescat caro, tamen cutis, vel ipsa caro naturalis deest, & ulcus illud non est simplex morbus, sed compositus, & cum magnitudine aucta conjunctus.

Possunt cum ulcere varii morbi, ut intemperies, inflammatio, erysipelas, caro supercrescens, & alii conjungi, qui tamen ad ulceris essentiam non pertinent, & auferri possunt, ulcere manente, cujus essentia solum in continui solutione cum partis affectæ aliqua diminutione consistit.

Hinc fas est ulcus definire, quòd sit *continui solutio à causa crescente in aliqua corporis parte, cujus solutionis causa, vel in ipsa parte ulcerata, vel in toto corpore, tanquam mediata conservatur cum imminuta magnitudine.*

Sextò differt ulcus à vulnere, quia ulcus ut plurimum provenit à prægresso abscessu, vel vulnere perperam curato. Tandem, vulnus est continui solutio recens ab externis causis coctim, vel punctim, vel ruptim illata, & semper cum sanguinis profusione contingit; ulcus verò ab internis causis erodentibus producitur, quibus non instantanea violentia, ut in vulneratione, sed lenta erodentis humoris in tumores, & apostemata collectione, eorumque purulenta erosione sit continui solutio, è qua non sanguis, ut ex vulneribus, sed pus, vel sordidum,

putridumvè liquamen, saniesve, effluit, vulnera tamen perperam curata non raro in sordida, & putrida degenerant ulcera, quæ tùm ab iis, quæ ab internis proveniunt causis, non differunt.

Ulcus subjectum sunt omnes nostri corporis partes, præcipuè molliores, seu carnosæ, quarum continuum erosione ita solvi, & quavis à causa exedipoteat, ut difficulter coalescat; ossa tamen excipimus, quæ ad cariem pertinent. Carnis vocabulo non modò propriè dictam musculosam, quæ afficitur, sed latè dictam, qua intestina, vesica, & alia viscera constant, comprehendimus. Item glandulas, quæ sunt veluti naturæ cribra, & in partes carnosas semper aliquem immittunt succum; ductus Lymphaticos, rami quorum in carnosas, & membranosas immediatè inseruntur partes; similiter omnes membranas, venas, arterias, fibras, nervos, tendines, &c. complectimur. Perpetuò tamen una pars præ altera erit magis disposita, & præcipuè ubi plures sunt ductus, copiosiores sunt succi, & frequentiora sunt ulcera, ut in inguinibus, abdomine, ano, utero, perinæo frequentius eduntur.

C A P U T II.

De Ulcerum differentiis in genere.

Ulcerum differentias prolixè proponit *Gal. 4. meth. med. cap. 20.* easque quinque esse docet, scilicet à figura, quantitate, atque æqualitate, & inæqualitate, à tempore, & loco.

Differentiæ ulcerum à figura pendent, cum ea obliqua sunt, vel recta, vel rotunda, vel oblonga, vel in superficie lata, & circa fundum angusta, vel in superficie angusta, & circa fundum lata.

Secundum quantitatem, vel magnitudinem differunt ulcera, vel in eo, quod sint magna, vel parva, majora, vel minora, longa, vel brevia, in superficie residentia, vel in profundum penetrantia.

Ab æqualitate, vel inæqualitate oriuntur ulcerum differentia, cum ea vel æqualem, vel inæqualem habent circumferentiam, labra vel plana, vel depressa; profundum est, vel scabrum, vel planum; orificium in medio, & in profundo vel æquale, vel latius, vel angustius.

Differentiæ à tempore sunt, ut vetustum sit ulcus, vel recens, exigui temporis, vel diuturni.

A loco tandem, si in cute sit ulcus, vel in musculis, si in musculorum capitibus, vel in eorum medio, si in arti-

articulis, vel in carne, vel glandulis, vel emunctoriis, si tandem in visceribus, vel in eorum quolibet: locum nunc esset proponere, ut à qualibet dictarum differentiarum indicatione ulcerum curatio desumi debeat, ac proinde sufficiat nos docuisse frequentiores ulcerum differentias: nam cum de eorum curatione sigillatim agemus, huiusmodi differentias commemorabimus, ut congruens sit medicaminum applicatio, pro cuiuscumque ulceris differentie necessitate.

C A P U T III.

De Accidentibus, quæ ulceribus superveniunt, vel ea comitantur.

Multa accidentia ulcera comitantur, vel iis superveniunt, quæ ulcerum curationem vel variant, vel immutant; non ergo à re alienum erit prædicta accidentia comitantia, vel supervenientia hic enumerare. Comitantur itaque ulcera, illisque superveniunt dolor, punctura, pruritus, inflammatio, intemperies, reysipelas, œdema, durities, varices, tumor, coloris depravatio, putredo, sordities, vermes: malus odor, fluor ichorosus, saniosus, callus, fungus, sinus, fistula, ossium caries, indolentia, folliculus, cancer, lupus, noli me tangere, gangræna, sphacelus, aliaque similia, quæ ulceribus conjuncta, unumquodque illorum distinctum curationis exigit modum. Operæ pretium faciemus, si notata jam accidentia ulceribus supervenientia memoriæ mandemus, nam cum de illorum curatione agemus, huiusmodi accidentia commemorabimus, ut eorum rationem habeamus, quia illorum unum quodlibet, dum ulceri conjunctum observatur, proprium & specificum exigit remedium.

C A P U T IV.

De Ulcerum speciebus.

Diversæ ulcerum species emergunt vel ab ulcerum excrementis, vel accidentibus supervenientibus, vel comitantibus. Excrementa, quæ ex ulcere emanant sunt *sanies*, *ichor*, *pus*, & *sordes*, & estò saniem, & pus vulgares chirurgi confundant, & pro eodem ulceris excremento accipiant, accipiunt tamen quid pro quo. *Sanies* propriè est fluida, & tenuis illa humiditas subalba, vel lutea, quæ à crudo, & incipiente ulcere effluit, & hæc à *Celfo* dividitur in *ichorem*, qui tenuis est, & subalbus, atque in melliceriam magis crassam & glutinosam, mellique albo confimile. Dicitur postea virulenta, tenacior, & glutinosior materia, quæ in malignis gignitur ulceribus & ut plurimum lividi, aut nigri coloris est. *Pus* autem illud dicitur excrementum, quod ab inveterato fluit ulcere, album est, læve, æquale, & minimè fœtidum. *Sordes* tandem omnium viscosissima, & maximè glutinosa mucilago est adeò tenaciter ulcerato adhæret loco, ut difficillimè ab eo auferri possit. Ex his excrementis variæ ulcerum species desumuntur, ut.

Vulgare est, quandocumque ulcus pus album, æquale, & minimè fœtidum excernit, omnium facillimè sanabile. Ubi verò serosa humiditas pure tenuior, & aquosior affatim emanat, ulcus dicitur saniosum, veteribus rheumaticum, phlegmaticum, vel fistulosum dictum, ad quod nimirum natura humiditatem excrementitiam, quæ ichor dicitur per emunctoria convenientia evacuare debebat; ulcus tamdiu insanabile redditur, donec prius ejusmodi fluxus ab ulcere avertatur, & exsicceretur. Ubi autem sordes mixtæ sunt, nempe pus, sanies, utrumque lividum, cinereum, variegatum, tabum, sordidumvè excrementum, glutinosum, crassum, & tenaciter ulceri adhærens, in eo reperitur cum fœtore, & profunditate, prædurisque, & siccioribus labris, tale ulcus dicitur sordidum, veteribus ulcus melancholicum, malignum, & depascens, ac omnem sanationis spem respuens, donec prius malignitas, & putredo ex ipso auferatur. Quæcumque ulcera depascunt, & in profundum, ambitumque rodentia ulcera à quibusdam indiscriminatim *Lupus* vocantur. Alii tamen per lupum intelligunt ulcus quoddam specificum plerumque in carnosa femoris parte sedem figens, & acerbis cruciatibus affligens, nisi ulceri quotidie frustum carnis recentis imponant. Alii contra seavam il-

lam faciei, & narium exulcerationem, quæ alias *Noli me tangere* appellatur, lupum vocant, Sic quoque ejusmodi corrosiva ulcera nuncupantur *Phagedæna*, & *Nomodes*. Aliis etiam *chironia* à Chitone chirurgo, aliis *Dyspulatorica*, ac *Telephia* dicuntur, id est quæ non tantum affectam carnem erodunt, & quasi cane pejus dentibus devorant, suffodiunt, & excavant, Sed etiam adjacentes, & vicinas partes exedendo, & putrefaciendo depopulantur. Talem autem differentiam inter utrumque esse volunt, quod nimirum phagedæna sit paulo mitius Nomodes, & saltem ambulando (hinc dicitur *Foresto* ambulativum ulcus), & serpendo cutem erodat, fitque impetiginis, & serpiginis species; *Nome* verò non tantum cutem, sed & carnem excavet. Cum autem ulcus cum tumore prædure incipit, ac deinde in malignissimum & maximè dolorificum ulcus degenerat, hinc ulcus dicitur *cancrosum*, seu *cancer exulceratus*. Quodlibet etiam ulcus malignum, seu virulentum, exedens, & omnem sanationem respuens *cacoethe* vocatur.

Ex accidentibus, quæ ulceribus superveniunt, vel ea comitantur, aliæ ulcerum species emergunt, unde alia dicuntur ulcera *verminosa*, & *phibirisiaca*, quæ variis in locis vermibus subcutaneis, capillaribus, partes exedentibus scatent, quin & majores quandoque vermes in ulceribus reperiuntur cum putrida, ac fœtente, corruptaque sanie. Datur quoque ulcus cum *hyperfarcosi*, sive carnis excrecentia, seu luxuriante carne. Sic est & ulcus *Scorbuticum* quod scorbutum habet comitem. Est aliud, quod tumorem, inflammationem, aliud gangrænam, sphacelum, aliud hydropem excipit, sinum fistulam, aliud cum carie, & ossis corruptione, & alia accidentia, quæ capite tertio descripsimus.

C A P U T V.

De Ulcerum causis occasionalibus in genere.

Ulcerum quorumcumque occasiones ad quatuor genera congruè reduci possunt, quorum duo sunt externa, duo verò interna; Primum genus occasionum externarum, est quodlibet corpus vel vivens, vel non vivens, acutum, vel obtusum, quod quovis motu cutem, vel subjectam partem pungit, lacerat incidit, percutit, distrahit, contundit, vel quovis alio modo offendit; hæc enim læsiones cutis, vel carnis facillimè innumera ulcerum species excitare possunt.

Secundum genus occasionum externarum ulcerum est contagium, vel per fomitem, vel ad distans hominis cutem, vel carnem contaminans, ex qua contaminatione innumera quoque ulcerum species emanant. Ad distans agere videmus pestis contagium, per fomitem verò scabiei, & luis Venereæ contagium.

Genus primum occasionum internarum sunt tumores, quomodocumque, & qualitercumque sub cute, & in carne coacervati; nam quoties ipsi aperiuntur, species ulcerum diversæ producuntur.

Alterum genus internarum occasionum est, quoties liquor alimentarius, sanguis, vel aliud simile in corpore delitescens, in qualitate exaltatum absque tumore carnem, & cutem corrumpit, vel secatur, & ulcus non paucas aperit species.

Ulcerum, quæ ex occasionibus externis primi generis fiunt, nisi à venenatis dentibus, unguibus, vel mucronibus fiant; à bono chirurgo facilliter curari possunt; Si verò venenum admixtum habeant, difficulter. Quæ verò ab alterius generis occasionibus fiunt ulcera, à contagiis scilicet, si pestis contagio producantur, difficillimè curantur; si ex scabie, vel lue Venerea, facillimè, si chirurgo medicamenta, quæ contagium extinguunt, sint nota.

Ex occasionibus deinde internis primi generis, scilicet ex tumoribus ulcera, si ex illis tumoribus erumpant, qui materiæ coctionem admittunt, facilliter curantur; qui verò coctionem materiæ non admittunt, obstinatissima pariunt ulcera.

Alterius generis occasionibus internis erumpentia ulcera semper difficillimè sunt curationis, quia non solum chirurgicam, sed physicam exigunt curationem.

CAPUT VI.

De Ulcerum signis.

Narratio de ulcerum signis supervacanea videtur, externa siquidem ulcera nupotè nostris subiecta sensibus, lippis atque tonsoribus patefcunt, quoniam vel visu, vel tactu, vel olfactu deprehenduntur, & hæc profectò ulcera chirurgis imperitis nota sunt, sed hoc non sat est, oportet namque eorum differentias, & accidentia cognoscere, quæ quam maximè curationem variant, imò magnæ molis est ulcera interna, quæ sub oculos non cadunt nosse, & hæc non nisi ab eruditis deprehendi possunt. Idèdque tam de ulcerum internorum, quàm externorum signis aliquid in medium afferendum.

Signa internorum ulcerum, affectarumque partium petuntur ab excrementis, doloris proprietate, actione læsa, atque situ.

Ab excrementis ulceris, & laborantis particulæ in cognitionem venimus, & si per quemcumque corporis meatum, ut per tussim sanies effluat, intus in pulmonibus ulcus existere conjectamus, namque aspera arteria solum in pulmonibus extat, & quæ per anachatarum exturbantur, in pulmonibus, vel thorace ut plurimum præexistebant. Similiter ex purulentæ materiæ excretionem per vomitum, œsophagum, aut ventriculum esse suspicamur. Si per nares, aut aures pus, aut sanies effluat, ulcus intus latere indicium est. Serosum ejectum pus palatum, fauces, aut circumstantes partes exulceratas ostendit. Si per muliebri pudendum eliminetur sanies, uterus, aut ejus vagina, aut circumpositæ partes ulcus patiuntur. Per alvum si effluit pus, ventriculum, intestina, mesenterium, vel alia abdominis viscera ulcus obsidet, si cætera consentiant. Diximus, si cætera consentiant, quandoquidem huic soli signo non perpetuò fidendum est, cum à dissitis quoque partibus excrementum illud fluere possit; sic multoties pus, quod in thoracis cavitate continebatur, unà cum Lotio excretum fuisse observavimus, alioquin vesica, aliæque partes Lotii excretioni dicatæ ulcere laborarent.

In qua autem parte ulcus lateat, præter excrementa, doloris proprietas, situs, ac læsæ partis actio docebunt. Sic si dolor sit pungens nervosæ læsionem, pulsans arteriæ indicabit. Doloris situs similiter ipsam partem exulceratam docebit. Si in parte exulcerata sensus, vel motus læsus fuerit, nervosæ partis affectæ indicium est. Sic si Languens cibi fastidio prematur, & pus per alvum cum incoctis cibis deponat, exulceratus est ejus ventriculus, ad quem ciborum appetitus, & coctio spectat; contrà bene se habente ventriculi coctione si pus per sedem quoque exturbetur tunc cum alvi excrementis liquidioribus, ulcus in intestinis existit, in quibus ventris superfluitates debitam adipiscantur consistentiam. Tandem ex situ, si namque simul cum lotio latæ membranulæ portio excernatur, exulcerata est vesica. Doloris situs in dextro hypochondrio hepatis, in sinistro splenis affectionem demonstrat.

Externorum ulcerum signa facillè innotescunt; ubi enim pus apparet, ibi ulcus, verum pus diversum est, modò album lactis instar, & crassum cremoris lactis instar, absque odore, & fœtore, quod censetur optimum. Est album, ex eo quia acida salia, exulcerato in loco luxuriantia præcipitant succum nutritivum alkalinum in album liquorem. Sic sulphur in lixivio solutum, vel simili menstruo alkalino acidi permixtione lactescit. Modò ulcera pus flavum, viride, vel tenue, acre, ac interdum crassum, seu spissum expuunt.

Succi ex ulceribus fluentes varia à veteribus sortita sunt nomina. Primò *pus* dicitur, quod nobis est alba, & crassiuscula materia benè olens, & nihil aliud est, quàm coagulatus succus alimentitius lactis cremorì similis, quæ à veteribus concocta in ulceribus habetur materia. Secundò, *ichorosus sanguis*, qui communiter acidum spirat, & gustu deprehenditur salsus, & videtur esse sanguinis serum, dicitur *sanies*, & cum sanguini permiscetur, dicitur pus sanguinolentum. Terriò, *ichor* vocatur tenuis humor sulphureus, & salsus, qui etiam sæpè ex ulceribus effluere solet. Quarrò, *Sordes* dicitur illa materia, quæ lardo similis est, lutosa, spissior, quæ non facillè per ductus carneos profluere potest, & lardum repræsentat in ulceribus difficilioris curationis. Quintò, *Virus*, quod appellatur, est

acris, fatidus, tenuis humor, ulceribus maximè noxius, qui etiam ulcera aperit rodendo, & cutem postulosam reddendo. Sextò, *Melagium* est oleosus humor, qui ex corruptis ossibus effluit, & ossium adultorum instar fœter. Verum quædam reperiuntur ulcera nullum exhibentia succum, quæ sicca dicuntur, & multum negotii chirurgo faciunt: hæc cognoscuntur ex siccitate arida, nullam de se præbente digestionem, adest partis squalor, & siccitas, & quasi quædam rugositas, ut & asperitas quædam, & durities ulcerati membri à pertinacissima vasculorum obstructione proveniens ex symptomatibus; ulcera enim sphacelata nullum exhibentibus.

Ulcus sordidum, seu putridum hæc habet signa: materia intus contenta est lardi instar, scilicet tenax, lutosa, & maximè ulceris lateribus hærens. Hoc ulceris genus cacoehymicos infestat i. e. corpora, in quibus succi non satis attenuant, vel subtiliantur, vel fluidiores non sunt.

Ulcerum Phagedænica sunt cum Telophis, & Chironiis rebellia, magna, nullis obedientia pharmacis, oras habentia duras, & tumidas, ex optimorum remediorum applicatione semper hæc ulcera in deterius ruunt, & magis cum suis vasis sanam discindunt carnem, & ægri adedè vehementem patiuntur dolorem, ut dies, noctesque traducant infomnes. Ulcus nudatum plures angulos, & profunditates exhibet, fibræ, venæ, ac arteriæ nudæ conspiciuntur cum gangrænæ metu. Materia, quæ effluit, nihil aliud est, quàm ichor fœtidus, aut flavum, putridum serum. Sæpè erysipelas, vel herpes in tale degenerat ulcus.

Ulcerum signa cum ossis carie, vermibus, carnis excrescentia &c. ex propriis capitibus innotescunt.

Externorum ulcerum signa etiam à figura, profunditate, & magnitudine desumuntur, nam vel autopsia cognoscuntur, vel specillo explorantur, ita similiter eorum accidentia, ab excrementorum quantitate conjectare valemus. Sic ulcus, an magnum, aut parvum sit, putis copia indicabit, quæ in magno major, in parvo minor est.

CAPUT VII.

De Ulcerum causis.

Galenici hepar pro ulcerum causa accusarunt, & hac via hepar ab acuitate sua per ulcera repurgari docuerunt, hepar autem ut membrum mutum à tot tantisque injuriis, & imposturis se defendere non potuit; quare falsam accusationem pati necessum fuit, cujus tamen innocentissimum est. Aliqui caput inculpavere, quod per descensum se in inferiores partes acuitate sua exoneret: Sed hoc capitale fundamentum non omnibus arrisit Galenicis, ulcerum namque omnium originem uni hepati tribuerunt, cui despoticum dominium in humano corpore assignarunt, unde innocentissimum hepar ipsi in tantam sustulerunt insolentiam, & temeritatem, ut quodlibet ulcus sive magnum, sive parvum ejus culpa à planta pedis ad verricem capitis fieri, & causari arbitrentur, & nihil corporibus accidere, quod despotica non patretur hepatis tyrannide, fateantur. Id adedè apud ipsos indubitatum est, ut Luem Veneream, quæ ab intrinseco contagio in corporibus creatur, in infante hepate suam habere sedem vivæ vocis oraculo insinuent. Quatuor humores in corpore posuerunt, & horum officinam hepar, & corruptos pro ulcerum origine constituerunt. Post horum genesim melancholiæ sedem in liene, bilis in vesicula fellea, pituitam in cerebro, & sanguinem in hepate collocarunt. Verum quomodò hi corrupti humores in cute foramina sibi aperiant, absque eo, quod partes in transitu non lædant, non docent. Fabrum choleram adurentem, & in atram bilem mutantem non assignant. Sed nesciunt adulta amittere vires. Quomodò igitur cane pejus corrodit? Si corrosio in adustionibus existit, quis pituitam, quis sanguinem adurit? *A Galeni* quousque ad nostrum sæculum, hepar usurpato totius corporis imperio pacifica possessione, quousque inepta, & nimis credula Medicorum posteritas in *Galenii* verba jurarunt, fuit positum, at cum fatali necessitate Galeni auctoritas declinare cepisset, hepar suspectum esse, & usurpatam per tot sæcula tyrannidem, quam obiverat, amittere cepit, & aliam quam ab hepate ulcerum genesim rec entiores, *Galenii* præjudicii exuti ineditari cœperunt, & considerantes ulce-

ulcera, quæ internis à causis excitantur, ejusdem esse conditionis, ac ea quæ à causis oriuntur externis, inculpato hepatis estimationem, & pristinae innocentiae statum solemniter decreto restituerunt.

Tres humores ab ulceribus præcipuè effluere dicunt, unum subtilem, qui *sanies* dicitur, alium crassum, qui *ordes*, & tertium, qui medio modo se habet, & *pus* appellatur. Hinc ulcera vel saniosa, vel sordida, vel purulenta vocantur; quod si scilicet humores aquosi ad partem confluant, dicitur saniosum ulcus, si crassi, sordidum, si purulenti purulentum.

Pro nostra de ulcerum causis sententia dicimus, quod causa, quæ est immediata, efficiens, & effectiva solutionis continui in ulceribus, eadem quoque est ejusdem continui conservativa juxta scholas: *functio vitiosa est ejusdem partis, cujus est in sanis functio integra; & contra*, pro cujus intelligentia cum anatomicis asseveramus continuum in viventium animalium corporibus, fieri à fibrarum spermaticarum textura, interveniente quodam glutine, sive glutinoso quodam liquore albo lucido, viscoso, qui ipsis fibris gratus, & genialis est, ipsasque connectit, & glutinat adeo exactè, ut licet ipsæ fibræ solitariè consideratæ contiguae potius, quam continuæ dici possent. Hujus liquoris ope earum textura verè continua fit. Hunc glutinosum liquorem cognoverunt antiqui medici, fuitque apud illos dictus *Ros & Carnium*. Aliqui ex recenti oribus liquorem hunc *Sinoviam*, sive *Sinoniam* appellarunt; unde licitum nobis erit pro clariori rei intelligentia cum *Paracelso* hujusmodi liquorem *radicalem Balsamum* appellare.

Balsamum sanè, & rectè glutinosum illum liquorem appellamus, quia cum vox ista Balsamus apud omnes denotat materiam, sive liquorem quandam qui non solum se ipsum à putredine defendit, sed qui alia corpora, quibus miscetur, ab ipsa præservat; congruentissimum erit balsami nomen glutinoso liquori, qui in viventibus corporibus fibrarum spermaticarum continuationem efficit; nam ipse non solum se ipsum conservat, sed ipsas fibras, quas glutinat, à corruptione, & mortificatione præservat.

Radicalem deinde hujusmodi balsamum appellamus, nam cum ipse ab ipsismet spermaticis fibris producat, sitque in penitissimis vitæ animalis penetralibus elaboratus, jure merito radicalis dici debet, nam in ipsis fibris non est externè appositus, sed internè ab iis emanat, & continuè per ipsas fertur.

Est tamen hic sedulo advertendum, quod iste balsamus radicalis multiplex est in viventium corpore, propter multipliciter partium spermaticarum idem corpus componentium; enim verò, ut prædiximus, balsamus iste ab ipsismet partibus spermaticis generatur, & producit, & unaquæque earum secundum sui naturam propriam sibi balsamum elaborat, & id in eis particulis efficit, quod est ad conservationem ipsius partis aptum; Unde est quod balsamus in medullis est medullaris, in ossibus osseus, in venis venosus, in nervis nervus, in cartilaginibus cartilagineus &c. quod summa cum providentia fuit à natura ordinatum; enim verò cum defectus, corruptiones, & lacerationes propriarum partium reparare fuerit huic balsamo radicali demandatum, ut ipse rapandæ partis indigentiam reparare posset.

Cum ergo balsamus iste radicalis sit causa immediata unionis, & continui in corporibus viventibus, dum in sua temperie, idest constitutione existit, necessario concedendum est & ipsum esse causam immediatam solutionis ipsius continui, quoties vel degeneratus, vel corruptus, vel alteratus existit, nam tunc à febre renuitur, deficit illicò, qui glutinis officium gerens, eas connexas conservat, unde evenit quod illicò ab invicem distantur, & separantur, cum vero à causa externa sit continui solutio, tunc balsamus iste radicalis per aeris adventum, vel alterius corporis suam constitutionem perdit, corrumpitur, devenitque ad glutinandum ineptus, & in tali casu ipse in causa est, ut solutum continuum in unionem non coeat. Ergo radicalis balsamus vel degeneratus, vel corruptus, vel alteratus semper erit immediata cum ulcerum causa, quæ ab intrinseco sunt, tum eorum, quæ ab interna causa producuntur, eritque causa non solum ut actu continui solutio fiat sed etiam ut post factam perseveret.

Assignato balsamo radicali degenerare, vel corrupto, vel alterato pro immediata ulcerum causa, nunc mediatas eorum causas assignemus oportet, dicimus balsami ra-

dicalis in fibris degenerationem, corruptionem, vel alterationem ab ipsis causis mediatis pendere, hujusmodi sunt salia corrosiva, exurentia, acrida, vitriolata, aluminosa, nitrosa, arsenicalia, realgarina, mercurialia &c. quæ ipsum balsamum in fibris degenerare, corrumpere, & alterare faciunt, ac ineptum ad continui unionem reddunt; hinc perfringendo, discindendo, corrodingo, causticando, & exurendo fibras procedunt, & sibi viam aperiunt, qua patefacta ulcus producant cum partium depreditione, & succus alimentitius effluit tam ex fibris, quas lubricat pro vitæ animantis sustentatione, quam effluunt contenta, ex ductibus ut arteriis, venulis, vasculis lymphaticis, nervis &c. quæ continuè circulant, unde variegatus succus emanat ut flavus, vel albus, vel salsus, aut tenuis, vel crassus, qui vulgò pus dicitur. Ex ductibus ruptis, corrosis, vel discissis succi effluentes commiscuntur, & facta succorum cum particulis salinis fermentatione juxta earum diversitatem puris diversitas producit, & salia magis exaltantur: *omne enim agens non agit, nisi exaltatum*, & fibratum, ac vasculorum multitudo corroditur, & rumpitur, ac ulcera magis cava fiunt, & plus materiæ à majori ulceris profunditate, & circumferentia effluit, ob majorem fibrarum, & ductuum corrosorum, & ruptorum multitudinem.

Esse in nostro corpore salia, præter salinos fontes à *Paracelso* Medicinæ Monarcha assignatos, probamus, totumque hominum salis congeriem esse dicimus & absque eo vivere nequit, eo quod ejus putrefactionem arceat, & dum mortuas à putrefactione diutissime conservat carnes, quanto magis vivas præservabit, judicate facile erit. Sal cibos corrigit, si non intervenit, nulla eorum fit correctio. Sal per urinam & secessum expulsionem exercet. Sanguis totus natura sua salsus est, ne grumescat. Hinc sudor, lacrymæ, saliva, urina, fæces, & quicquid ex humano corpore expulsionem recipit, salinam redolet indolem.

Cibaria in ventriculo benè se habente acescunt, unde chylus postea aciditatus, fellis effluvio in salsum transiit, si *Helmontio* credendum est, & chylo fictitio, quem in nostra *Trutina Medica* lib. 4. c. 1. de ventriculi actione opinari repudiavimus, assentiendum est, & sicut acidum ventriculo est geniale, & gratum, ita sanguini in Venis exoticum, & hostile; fixatur namque sanguis, si in vivi animalis venas per syphonem injiciatur, & paulo post ejusdem subsequitur mors. Confirmatur hoc, sanguinis è vena detracti coagulatio, quæ temporis momento succedit spiritus vitrioli, sulphuris, vel alijs acidi permissione, ejusdemque dissolutio alkaliorum salium, ac spirituum, ut fuliginis &c. beneficio prescitur. Horum acidorum salium locupletes sunt hypochondriaci, & præsertim scorbutici ob fellis ignaviam, ut *Helmontio* placuit, unde ulcerum myriadibus tentantur, ac proinde languoribus ab acido prodeuntibus salia alkalia magnum sunt solatium.

Materia porulenta, ut aqua qua quotidie utimur, varia salium genera, & mineralium intra se continet, excepta aqua per vitrum destilata; ac vinum, quod maximis in deliciis habemus, & præter has cum ad alendum, tum etiam nostrum corpus roborandum adhibemus, multis particulis salinis scatet, præter tartarum, qui est vini sal, imò vinum in insula *Ænariæ*, & in agro *Puteolano*, ac circa *Vesuvii* radices, quod sit, ob varias soli fodinas sulphuris, ammoniaci salis, aluminis, & vitrioli particulis est imbutum. Præterquamquod vita nostra jugiter, nedum vegetantium, & animalium, verum etiam mineralium haustu alitur; latent siquidem mineralia, & in omnibus corporum particulis natura abstruunt, quibus non aperte, sed furtivo quodam modo vescimur.

Aer quoque, quem inspiramus acrida salia secum vehit ex mineralium effluviis hausta; volitare autem in aere salia, facile admiserit, qui pulvisculos in ipso à solaribus radiis illustratos exploravit, in quibus latitant interdum hæc salia. *Helmontius* in linteo aeri exposito salinas hæc observavit impressiones, & nos quoque non paucis ab hinc annis, hic vidimus lintea aeri siccanda expansa subfusco, & rubiginoso, tincta colore, crucisque figuram variè referentia quod nostri *Galenistæ* rerum naturalium veras causas ignorantes ad occultas qualitates confugere, non valentes, rudi vulgo tanquam ominosi eventus talem rem prædicabant. Certè si probè nossent inter cæteras omnis generis particulas, vitriolatas quoque in aere contineri, quæ linteorum licia colorabant, & fortè tali figura disponebantur, cum licia intertexta non difficile crucis figuram

guram assumere possent, ut cuilibet manifestum esse potest, certè inquam talia non effutiissent.

Prædictæ particulæ à majori fluidi quantitate dilutæ, neque partibus, per quas fluunt, nec in quibus continentur, nocent, sic spiritum sulphuris, salis, aut vitrioli multa aqua dilutum innoxie, imò salubriter propinari observamus, & pessima symptomata causare absque debita fluidi copia exhibitur. Eodem pariter modo si salia ab humano corpore non eliminantur per sua emunctoria, sed à debita fluidi quantitate seceduntur, primò mediante fermentationis motu aciditatem excitant, deindè salsedinem acutam, exaltantur, acutuntur, fiuntque scetica, & juxta varios exaltationis gradus, varias ulcerum species excitant, & juxta hunc nostrum sensum intelligendus est magnus Hippocrates lib. 6. de Veteri Medicina.

Quod assumpsimus mechanicè probamus: Salia lixivialia, seu alkalina in multo lixivio nullatenus, si carni nostræ applicentur, lædunt; attamen post lixivii aliqualem evaporationem caustificant, ut videre est in saponariorum lixivio, ex quo lapis infernalis efformatur. Ita tartarus ad albedinem calcinatus, linguam, si ea tangatur, carbonis accensi instar exurit, quod ante calcinationem non faciebat. Pariter nitrum, sal commune, ammoniacum in retorta cum bolo agitentur, similiter de sulphure per campanam igne agitato dicendum est, exaltatum proliciunt liquorem, qui si nostræ applicentur carni, in illa ulcus inducunt, quod non faciebant, dùm erant sub salis vel sulphuris forma.

Hæc salia ante exaltationem sunt nobis familiaria, dùm in statu naturali nobiscum morantur, multisque nostris ægritudinibus medentur, at si semel nostra culpa, vel sinistro eorum usu, in furorem rapiantur, exaltentur, non amplius eorum amicitia fidendum, nobiscum veluti cum hoste se gerunt, quos enim apprehenderit, commaculant, in maximum vitæ discrimen adducunt. Cavendum itaque ab iis, quos vel semel offendimus, quia si quandoque hostes evadunt; vitam nobis suffurantur.

Salinæ, sulphureæque particulæ in aere; quem spiramus, in cibariis, ac potulentis latent, quibus non aperte, sed furtim vescimur, non ratò nostra afficerent corpora, nisi particulæ amicæ, & inimicæ miscerentur, & hostiles ab amicis castigarentur, quæ castigatio, nisi intercederet, ulcerum myriades, subsequeretur.

Alteratur balsamus radicalis ab acidis, sed ferè ut plurimum à salsis, hinc alimenta, quæ nimio abundant sale acri, & mordaci, ut sunt porri, sinapi, allia, cepæ &c. salita omnia, ut carnes, & pisces omnes sale conditi, item oleum, quod totum sulphureum est, multam ulcerum excitant suppellectilem, si eorum salia, & sulphura in humano corpore exaltentur, & solvendi vim nanciscantur.

Hinc fit, ut plerique veris tempore, tunc cum humani corporis succi magis fermentescunt, (verùm de his primo Tomo de tumoribus cap. 60. de Priapismo, & Satyriasi fusius egimus) ut plurimum ulcerosi fiunt, non tantum in internis corporis partibus, verùm etiam in cute tanquam in universali emunctorio, si ad eam exaltati salis demandatio fiat, nam ibi pruritus excitat, cutem corroden- do, & sic scabiem, aliasque cutis defædationes, ulcera producit, & alios morbos tum internos, tum externos, ut inquit Hip. sect. 13. aph. 20. Vere etenim furores & morbi melancholici, & comitiales, & profluvia sanguinis, & angina & gravedines, & raucedines, & lepra, & tusses, & impetigines, & vitiligines, & pustula ulcerosa plurima, & tubercula, & articularum dolores.

Externæ ulcerum causæ sunt medicamenta exterius nostri corporis partibus applicata, virtutem, & solvendi vim habentia, cujusmodi sunt omnes aquæ stygiæ, caustica potentialia, corrosiva, putrefactiva, & quæ nos ustulando rodunt, talia erunt arsenicum, sandaracha, realgar, mercurius meteorizatus, calx viva, cantharides, quæ nimio sulphure inflammabili, & plurimo sale caustico, corrosivo, volatili, exaltato constant. Item multa è vegetantium familia, ut ephemerum, euphorbium, esulæ succus, ranunculus, flammula jovis &c. quibus mendici quamplurimi, tenebriones, & perditæ, tibias, & crura sua exulcerant, dilaniantque, imò & caput suum tinea defædant, ut eleemosynas à tenacibus hominibus extorquere possint.

Ad hujusmodi causas ignem actualem revocamus, cum eschara relicta ad ulcera potiùs, quam ad vulnera pertineat. Hinc etiam spectant combustiones ab aqua, oleo, aliisque succis servidis.

Ad externas etiam causas referimus variorum salium effluvia, quæ ex terra, aquis, fodinis &c. jugi fermentatione eleantur, ut sunt vitriolata, nitrosa, gemmea, armoniaca, aluminosa, realgarina, arsenicalia &c. quibus addimus variorum sulphurum effluvia, quæ inspiramus. Sic quotidie Chemistæ sylvestre, & perniciosum aquas è carbonibus, aquis stygiis, & mineralium fusionibus potant. Item qui cinnabari, arsenico, auripigmento, sublimatis, stibio &c. laborant; Sic fossores separatores, & mineralium coctores, qui non sibi cavere possunt, indefinenter eorum effluvia introauriunt, quæ multoties cum pulmonum excrementis fixantur, illosque lacerant, exulcerant, præsertim si pulmones proctibro inserviunt, & phthisin, vel empyema, vel vomicas producant. Hinc quamplurimi Chemistæ vel in phthisin, vel empyema incidunt, vel subitanea occumbunt morte, & suis in lectis cadavera reperiuntur, quorum mortis proculdubio vomica præcipua causa sunt, eruptiones pus cordi communicantes, illudque obruentes, quæ conjecturaliter ipsis occultè succrevit, ab introhantibus acribus, salsisque atomis rerum venenatarum, ac in igne evaporabilium. Hinc etiam referendum est contagium, quomodo vapores è phthisicorum pulmonibus exhalantes, ab aliis inspiratione attracti pulmones exulcerant, phthisinque producant: & sordes, atque effluvia scabioforum, leproforum, & lue Venerea laborantium cuti communicata, eam exulcerant, & simile vitium generant.

Mediata etiam, & antecedens ulcerum causa est caco- chymia, sive corporis, & fluidarum impuritas, hoc est corpus, in quo succi non satis attenuantur, vel subtiliantur, vel fluidiores non fiunt, propter pravam viscerum constitutionem, vel sinistram usum sex rerum nonnaturalium. Sunt & aliæ ulcerum causæ, de quibus in propriis capitibus agemus.

C A P U T VIII.

De Ulcerum prognosi.

Ulcera cutem occupantia, & superficialia facilius, & brevi temporis intervallo curantur, cæterum profundiora difficiliora. Ulcus magnum, cæteris partibus difficilior curatur, quàm parvum; in ulcere enim magno, multæ partes externo obijciuntur aeri, & subjectæ partes, venæ, arteriæ, nervi magis læduntur, & desiderantur. Item angusta, & oblonga ulcera facilius curationem admittunt. Ulcera orbicularia, vel ad circulare figuram proximè accidentia, longiori indigent tempore, adhuc ut curentur; figura namque circularis est omnium capacissima, & est plana, una tantum linea contenta, in cuius medio punctus est, à quo omnes lineæ ad circumferentiam ductæ sunt æquales, ideoque ulcera circularia sunt magna, labia, quæ uniri debent, à centro sunt distantissima, ac proindè longa indigent curatione.

Si pus, quod excernitur, bonum sit, optimum signum denotat, quia fermentatio ad summum non pervenit fastigium, facilius curationis est ulcus; bonum autem pus mediæ est inter tenue, & crassum consistentiæ, album, læve, æquale, & minimè fœtidum; malum verò est, quod valde tenue est, & fluidum, pallidum, lividum, fœculentum, & mali odoris.

Sanies, quæ est pure tenuior, & acquosior ex ulceribus profluens, quid de curatione præfagiendum sit, indicat; sanies namque multa, tenuis nimis, pallida, livida, nigra, pravi odoris, & quæ vicinam exedit cutem, difficilis curationis ulcus portendit; si verò sit mediocriter crassa, non multa, subrubra, subalbida, facilius curatu ulcus indicat.

Ulcera valde humida, & in corporibus cacochymicis, similiter in locis superflua humiditate, & excrementis scatentibus, ut in utero, vel ano, difficillimæ, & tardissimæ sunt curationis. Ulcera in hydropicis oborta rarò sanantur, & exsiccantur, ut inquit Hip. sect. 6. aph. 2. Aqua inter cutem laborantibus, ulcera in corpore facta, difficulter sanantur: quia continuò emanant; omnes enim canaliculi obstructi sunt, vel rupti, vel corrosi, hinc nulla alia via restat, quàm extra cutem, ideoque nulla consolidatio fieri potest ob assiduum affluxum aquosæ materiæ seu ichoris, propter acres pungentesque particulas, quibus vasa discinduntur, hinc etiam

Cap. IX. De Sex rerum non-naturalium in Ulceratis regimine. III

etiam melioris sanationis spes elucet, si materia albidior, & spissior redditur.

Ulcerata interiora exterioribus magis sunt periculosa, & præcipuè nobilium viscerum, & quæ ad vitam summoperè necessaria, ut cordis pulmonum, diaphragmatis &c. aut quæ in consensum viscera principalia trahere possunt, ut ventriculus, uterus &c. Siquidem multa sæpè superveniunt pessima, & lethalia symptomata, quæ ægrum de medio tollunt, antequam ulcus ad cicatricem perducere valeat. Ulcera extremarum partium, nempe manuum, pedum, & capitis concitant glandularum tumorem ut capitis pone aures, vel circa collum, manuum subalis, & pedum circa inguina. Ulcera glandulosarum partium contumaciora sunt, cum aliquid acidi fecernatur, & lympham constituat, & si dolorosa, & corrosiva sint, facillimè in fistulas degenerant, imò cancrum sæpè induunt naturam. Ulcera articularum, & extremarum partium non facillè curantur, tum ob motum, tum ob debilem calorem, ac proinde gangrænæ obnoxia sunt. Exulceratio partium perpetuo motu gaudentium, ut cordis, pulmonis, arteriarum &c., incurabilis censetur; quies namque ad dictarum partium coalescentiam multum conducit. Ulcera nervorum, aliarumque partium exquisito sensu præditarum periculosa sunt, tum quia convulsiones, vel saltem spasmodici motus excitari solent, tum quia inflammationes, & gangrænæ ejusmodi ulceribus supervenire possunt.

In ulcerum curatione accuratè ad applicata remedia attendendum est; si enim majorem quàm antea dolorem, humiditatem, vel siccitatem, caliditatem, vel frigiditatem inducunt, ea minimè esse idonea, vel convenientia, sed mox mutanda esse arguunt, idonea enim illicò conferunt, vel saltem non nocent. Ulcera faciliùs curantur, ad quæ medicamenta, quæ adhibenda sunt, perrungunt, illisque faciliùs adhærent; difficiliùs verò, quibus medicamenta non rectè applicari possunt, & quibus non facillè adhærent. Ulcera, quæ aliis morbis succedunt, vel in ipsis nascuntur, sive autem ante, vel in morbo ipso excitata, plerumque difficulter sanantur, quia natura vitiosos humores in corpore latitantes ad partem depellit, & transmittit.

Ulcerata, quæ ad viriditatem, livorem, vel nigredinem tendunt, partis affectæ calorem debilem, & penè extinctum significant, & morituris paulò ante mortem ulcus pallidum, livens, nigrum, & aridum apparet propter caloris nativi extinctionem. Si ulcus postquam carne impletum est, ipsique cicatrix induci debet, recrudescit, vel in fistulam abit, vel in osse subjecto corrupto causa investiganda est.

Frigus inimicum, calidum verò amicum ulceribus; hinc ulcera, quæ ex hydropè, vel frigore oriuntur, pessimi moris sunt illa verò quæ post phlegmonem & abscessum oriuntur, melioris sunt notæ, & curatu faciliora: per calorem enim seu motum, succi circulantur, à frigore verò non tantum succi inspissantur, & ad motum inepti redduntur, sed etiam ipsa vascula, per quæ circulantur, constringuntur, & faciliùs obstruuntur.

Tandem ulcera valdè diuturna, & inveterata non nisi cum periculo sanantur; natura enim diutino saniei per ulcus effluxui assueta, eoque per occlusionem denegato, morbum concitare solet, nisi exitu iterum aperiantur, vel corpus sedulò purgetur, & victus ratio bona observetur. Reliqua præfagia in specialibus ulcerum curationibus tradentur,

C A P U T IX.

De Sex rerum non-naturalium in Ulceratis regimine.

Non opportunis tantum medicamentis ulcera sanescunt, sed & diætâ in his non respuenda est, aliàs ministrata nova læsionis causa, chirurgus incassum exulcerato medicam adhibebit opem, nihilominus non tantum in cibo, & potu moderetur æger, ceterum in omnibus sex rebus non-naturalibus; hæc namque vel valetudinem collapsam in meliorem statum redigere, vel optimè dispositam conservare possunt, hinc

Estò, noster aer non sit simplex, & uniusmodi, sed ex pluribus, dissimilibusque componatur particulis ex ætere, aqueis vaporibus, ac terrestribus expirationibus permixto, hic tamen ad vitam salubrem necessarius est, & sufficit, ut eligatur purus, nitidus, serenus, at non ea puritate, qua æther potitur, quò est summè tenuis,

& perspicuus, ut in altissimis montium cacuminibus; in quo homines non aliter vitæ munia obire possunt, quàm per spongiam humore imbutam spiritum haurientes, quia in respiratione requiritur aer notabiliter crassus, & multa vaporum, exhalationumque copia refertus, qui ad altissimorum montium cacumina gravitate sua non perrungunt. Ceterum aer debet esse diffusus à fodinis, voraginibus, specubus, stagnis, paludibus, è quibus jugè fermentationis ope terri, nebulosique vapores, varia effluvia salina, ut vitriolata, nitrosa, aluminosa, armoniaca, gemmea, arsenicalia &c. quibus sulphurea copulamur, erumpunt, aeri commiscuntur, illumque conspurcant, quæ proditoriè inspirata diversimodè nostra afficiunt corpora. Præter aeris puritatem, & nitorem ipse temperatus esse debet, nam nimis frigidus sanguinem, ceterosque circulantibus succos inspissat, incrassat, & est ulceribus, ut diximus, inimicus; nimis calidus succos calore suo resolvit, & salia humiditate destituta exaltantur, & ansam ulceribus præber.

Post aerem de cibo, potuque aliquid subjungamus oportet: horum enim maxima est vis in tuenda sanitate, profligandisque morbis. Addimus & nos, quòd pleræque ægritudines esculentis, & potulentis originem habere observantur, ut propterea rectè scriptum sit à *Fernelio*: *Unam gulam hominum esse prope morborum matrem, atque intemperantiam Medicorum esse nutricem*; cibi itaque omnes usurpentur facilioris coctionis, qui plurimo sale alkalico sint referti, ut salia corrosiva obtundant, cicutentque. Vitentur angue pejus omnia acida, & acris; hæc namque ulceratis valdè obsunt, quia exedentia, & majorem salium congeriem, ac proventum ulceribus refundunt; illa verò nostros succos, & præcipuè sanguinem incrassant, coagulantque, & ad circulationem ineptos reddunt: sanguis enim noster ex sexcentis ferè constat particulis, ut plurimum ex sale alkali volatili, cui si acidum sal conjungatur, exemplò sanguis inspissatur, coagulaturque, non aliter ac si oleum tartari p. d. inspissatur per spiritus vitrioli acidi affusionem. Si sanguini extravasato, quendam acidum liquorem affundas, illicò niger, & spissus apparebit, imò si per Syringam in alicujus animalis venam acidum liquorem injeceris, in momento morietur, ut multoties in quampluribus animalibus experti sumus. Oppositum verò experimur in Sanguine, si aquam ex sale armoniaco, vel nitro compositam ipsi effundes, sanguis rubicundus apparet, & fluidior redditur, imò & nostri lanii, ut mactatorum porcorum sanguinem pro conficiendis botellis, asservent fluidum, sale communi congiunt.

Fugiantur, fassamenta, ut carnes mutia conditæ, fumo induratæ, sale conditæ, ut petasones, Lucanice &c. Item pisces sale indurati, haleces &c. Nimis pingua nocent, quia nimio exuberant sulphure, ut lardum, caro suilla, anguilla, anseres, legumina, caseus vetustus. Conducunt carnes animalium juniorum, avicularum, aut vervecinæ, vitulinæ &c. Vitentur omnia dulcia, ut saccharata, & mellita, quia viscidum in se continent, quod à visciditatis compede ignis beneficio per cornutam extricatum, in liquorem transit corrosivum.

Pro potu fugiantur vina dulcia, acerba, austera, signina, turbida, & præcipuè Puteolana, quæ multis salinis, sulphureisque sunt referta particulis, accerevisiæ. Item hydromel, aquæ saccharo conditæ, & id genus alia. Sit vinum nec acre, nec dulce, sed medium, optimi coloris ad helvium vergentis, saporis, & odoris, sitque generosum, & non oligosum, sed quod aquam admittat, nam *Dilutum crescit, dulcescit, & ledere nescit*. Vel pro potu concedatur Thea, vel Capheæ infusum, quod ulceribus maximè conducit; hujus namque potionis ope particulæ salinæ, vel sulphureæ peccantes obtunduntur, & per sua emunctoria cicures redditæ eliminantur. Omnia verò esculenta, & potulenta, nec nimis frigida, nec nimis calida sint, quia nimis calida magnum fermentationis motum in succos inducunt, & plures subtilissimas particulas avolare faciunt; nimis frigida incrassant, coagulantque ineptosque ad naturalem fluorem reddunt. Tandem considerare oportet naturam succi illius, qui ad dissolutionem plurimum confert; nam succus salinus, vel acidus aquæ potu temperatus utilior redditur, & aqua diluitur. Verum solent authores disputare, quænam aqua melior, & ad salutem utilior censi debeat: commendatur autem ab omnibus illa, quæ levior est,

est. Quomodo verò aquæ pondus explorare possimus, non unus à scriptoribus traditus est modus. *Hip. 5. aph. 26. Aqua, inquit, quæ cito calefit, & citò refrigeratur, levissima est.* Optimum profectò est *Hippocratis* argumentum, nec de aquis tantùm, sed de cæteris etiam liquoribus intelligi poterit, sic e. gr. aqua ardens multo facilius, citiusque incalescit, quàm vinum, & hoc etiam facilius quàm aqua, & hæc promptius quàm lac, & sic de cæteris intelligere licet, & propter hoc optima illa censetur, quæ visu, gustu, & olfactu pura, & sincera esse deprehenditur: quæ nullius rei saporem gustui, vel odorem olfactui offert; quæ tenuis, & levis, ut per hypochondria celeriter permeet, & per corpus citò distribuat; quæ versus solis ortum, & præcipuè æstivum scaturiat per terram mundam quæ arenis, & lapillis scaturiens, per eosdem fluit, & ab omnibus, quæ innare solent ramenti liberata, quæve hyeme est calidior, æstate verò frigidior.

Tertiò pauca de somno, & vigilia attingamus; natura quidem compertum est, ut vita nostra somno, atque vigilia alternatim gaudeat. Somni plurimæ sunt utilitates, nam & cibus in somno melius conficitur, collapsæ reficiuntur vires, & dolores, ac animi pathemata vel conspiciuntur, vel leniuntur. Vigilia verò ad alimenti distributionem, & inutilium reliquiarum secretionem, excretionemque magis quàm somnus conferre videtur. Functiones autem animales, quarum gratia vita experitur, nisi in vigilia fieri ritè nequeunt. Non ab re nobis alienum videtur in somni gratiam, cum sit animi quies, & humanæ vitæ melior pars, aliquantulùm digredi.

Solent aliqui inquirere, cur nonnullis animantibus usque ad eò longus, diuturnusque sit somnus, ut nonnumquam semestri spatio dormire videantur, quemadmodum contingit gliribus, serpentibus, & quamplurimis insectis animalibus? Equidem minus mirabile videri potest, quod animalia diutissime dormiant, quàm quod illis vita per multum temporis spatium sufflaminari, & intercipi possit. Nam animantes, quæ dormiunt, quia eo tempore parùm, aut nihil moventur, parùm etiam consumuntur, atque perspirant, idcirco diutius sine alimento vivere possunt: nec profectò major est difficultas, quamobrem hominis somnus alternatim ad horas octo, vel decem extendatur, quam quare gliris somnus semestris spatium occupet. At certè mirandum videtur, quòd pisces in quibusdam locis, ubi mare in glaciem concrevit, simul cum aqua ipsa congelantur, vita intercipiuntur, donec adveniente calore, glacies solvatur in aquas. Idem contingit certè cuidam hirundinum speciei, quæ simul conglomeratæ sub aquis fluviorum merguntur hyberno tempore, ibique ad vernam tempestatem, vita intercepta, morantur. Sed non eadem videtur esse ratio, quæ dormientibus animalibus, atque de his, quibus vita planè intercipi observatur: nam in animalibus, quæ dormiunt, cor jugi palpitatione movetur, & sanguis per universum corpus circulatur, sed in animalibus, quorum vita sufflaminatur, nullus omnino motus in corde fit, nec ulla apparent vitæ vestigia, nisi revixerint. Porro vitam hyemali tempore intercipi *Lucorumis*, non modò impossibile videtur, sed omnino consentaneum est: neque enim ulla videtur major difficultas, cur contingat hominibus, cum hirundinibus evenire in locis Septentrionalibus jam ferè omnibus sit compertum.

De somni generatione, & causis non eadem est apud omnes sententia. Equidem nemo ibit inficias, in somno quiescere facultates animales, & præcipuè sensitivam; sed unde fiat, ut facultates quiescant, in dubium videri potest. Quod autem complures scribunt retineri, & coerceri in somno spiritus, ne ad corporis partes impellantur, rationi valdè consentaneum videtur. Sed quomodo spiritus coerceri posse putabimus? Profectò, qui hominis naturam accuratè prospexerit, comperiet non in corde tantùm, & venis inesse valvulas, quæ sanguinis ingressum, vel egressum remorantur, sed suas etiam in cerebro inesse valvulas, atque in nervis quoque quæ spirituum animalium ingressum, aut egressum impedire possunt, sponte autem, & sua vi concidunt ejusmodi valvula in cerebro, nisi certa quædam vis illas apertas, & suspensas sustineat, non secus ac palpebræ oculorum sponte concidunt, oculosque regunt, nisi vi attollantur. unde contingit ut morientibus, & iis, qui vitali robore

deficiunt, oculi claudantur, palpebris concidentibus. Similiter, & longo labore fessis corporibus, facilè irripit somnus, nam imbecilla fit illa vis, quæ valvulas cerebri adaperire & adaperitas sustinere potest. Hinc patet, quamobrem vinum, opium, & similia somnum plerumque inducere valeant: quippe quemadmodum ex modico vino, & pauxillo opio spiritus reficiuntur, & ad motum promptiores fiunt (habent enim spiritus animales cum vini spiritu aliquam analogiam,) ita ex nimio vino, aut opio, animales spiritus conturbantur, & ineptiores fiunt, unde & universo corpori torpor accidit, & ipsis etiam valvulis segnitie ad sese sustinendum, atque ideo somnus obrepit.

Cæterum tamen dormientium spiritus, in corporis partes, & præsertim in sensuum organa non deferuntur, non tamen omnino feriantur, accessant: suas enim vices in cerebro quàm maximè exerunt, hinc multæ fiunt in somno cogitationes, quæ vulgò insomnia nuncupamus. Fiunt autem insomnia, non modò cum somnus levior est, & mediusquidam status inter somnum, & vigiliam, ut omnes ferè authores hætenus opinati sunt, sed etiam in profundissimis somnis, ut uno verbo dicamus, semper dormientes somniamus: sed eorum tantùm somniorum meminimus, quæ in leviori somno contingunt: nam quòd profundè dormientes somniant, patet ex somnambulibus, qui certè dum ambulant, januam aperiunt, loquuntur, gladium evaginant, stringunt, natant, & alia, vigilantium opera exequuntur, omnino somniant, se illos profunde dormire vel inde manifestè liquet, quod ad varios occurfus, rumoresque non facilè expergiscantur, imò exporrecti eorum, quæ dormientes agebant, vix meminere. Hinc etiam intelligi potest, non semper in somno occludi canales illos, per quos spiritus motivi feruntur: nam profectò illi, qui motum thoracis propter respirationem adjuvant, minimè clauduntur unquam; sed neque eos, qui ad pedes, manusque pertingunt, semper claudi videntur, ut ex somnambulibus liquet; neque omnes ductus, per quos spiritus ad sensuum organa deferuntur, semper in somno obserantur, ut in ipsis quoque somnambulibus est manifestum, & in his, qui dormientes loquuntur. Sed ad nostra redeamus.

Somnus moderatus plurimùm sanitati confert, vires namque lassas reficit, humidum radicale restaurat, spiritus laboribus diuturnis resoluti instaurantur, calor ad interiora reeurret, membra calefacit, corroborat, alimentorum, crudorumque humorum coctio optimè perficitur, bonum alimentum paratur, corpus pinguefacit, unde *Hip. 6. epid. com. 5. tom. 10.* inquit: *Somnum visceribus esse cibum, omnem evacuationem tollit somnus præter sudorem, dolores sedat, animi molestias abigit.* Immoderatus verò sanitatem destruit nam naturales impedit evacuationes, appetentiam dejicit, crudos cumulat humores; calorem hebetiorem reddit, & spiritus animales torpidos, unde actiones omnes segniores fieri necesse est, corpus enervat, & pallore diffundit, caput vaporibus replet. Nocet etiam, si intempestivè ineatur, unde *Hip. 2. progn. 11.* habet *Interdium vigilare, noctu verò dormire oportet.* Verùm si lassitudo à labore dependeat, ut nox insomnia præcesserit, interdium dormire non incommodum est: Sicut nec iis somnus meridians nocet, qui assueti sunt, ut testatur *Hip. 1. aph. 50.* *Quæ ex longo tempore consueta sunt, etsi deteriora sint, insuetis minus molestare solent. Oportet igitur ad insueta transire.*

Sicut somnus nil aliud est, quàm sensuum quies, & cessatio, ita vigilia eorundem actus, & exercitatio, hinc moderata vigilia profectò spiritus, & sensus excitat, vegetioresque reddit, spiritus, & calorem in omnes corporis partes distribuit, alimenti distributionem adjuvat, excrementorum propulsionem promover, & membra vigore fovet; at ex immoderata vigilia corpora exsiccari, & contabescere in confesso est apud omnes, & causam assignant, quia in vigilia plurimæ superfluitates excernuntur, quæ in somno retineri solent. Verum eni verò experimento compertum est, nostra corpora magis in somno perspirare, quàm in vigilia, ut vel ex ipso sudore liquet, qui frequentior, & promptior somni tempore contingit: atqui sapius memorata *Sanctorii* observatio, nos edocet, multo majorem esse eam excretionem, quæ fit per perspirationem, quàm cæteras omnes evacuationes simul sumptam: deberet igitur ex prædicta ratione corpus magis exsiccari in somno, in quo major est perspiratio, quàm in vigilia. Equidem vide-

videmus ex diuturnis vigiliis corpora extabescere , atque consumi multo magis , quàm in diuturna somnolentia solet evenire : id autem indè contingere arbitramur , quia ipsamet causa , quæ longum inducit pervigilium , potens est corpus consumere . Imò verò longa vigilia vires exsolvit , & plurimos dissipat spiritus , spiritus autem ex purissima alimenti portione fiunt : unde nihil mirum , si ex vigilia magis , quàm ex somno corpora contabescant .

Præterea vigiliæ nimix spiritus absumunt in sanguinis massa , unde sanguis in vappam degenerat ; corporis vires labefaciunt , coctionem impediunt , cruditates pariunt , & universos corporis succos exsiccant eosque acres , & corrosivos reddunt , imò cerebrum exsiccant , quia natura circa sensus , & exteriora corporis occupata evocat , distribuitque multum spirituum , & caloris ad exteriora , unde interiora exsiccati , refrigerari , ac humiditatem absumi oportet , quæ in sensuum instrumentis est , operis diuturnitate , & magnitudine , ut quod cerebrum in vigiliis maximè laborat , non solum sensus , & motus instrumentis spiritus suppeditando , sed etiam intensione animi , atque cogitatione , ut tandem spiritibus exhaustis , & cerebro exsiccat , mentis alienationem , & morbos calidos inducere possunt .

Somnus itaque & vigiliæ moderatæ sanitatem conferunt , immoderatæ verò eandem destruunt , ut inquit *Hip. 2. aph. 3. Somnus , & vigilia , utrumque si modum excesserit malum* . Idem repetit *7. aph. 71. Somnus , & vigilia utraque modum excedentia , morbus* .

Quartum rerum non-naturalium genus sub motu , & quiete continetur : nam corporis motus , atque exercitia , & his opposita otium , & quies non parvam habent vim ad sanitatem tuendam , morbosque profligandos .

Complures esse solent utilitates , quas motus nostris corporibus præstare potest , primò namque mediante motu succi alimentarii , & sanguis attenuantur , & ad circulationem promotiores redduntur . Secundò , internus calor promovetur , augetur , & ex caloris augmento felicius fit nutritio . Tertiò , corpus faciliùs perspirat , & excrementa per proprios ductus deferuntur , unde membra , atque artus roborantur , & solidescunt , ac tandem motus efficit , ut corpora non ita faciliè ab externis injuriis afficiantur , sed causis ægrotare facientibus magis resistent .

Motuum complura sunt genera , nam labor omnis , aut exercitium sub motu comprehenditur videtur , ejus generis sunt ambulatio , cursus , saltatio , magnæ , & parvæ pilæ lusus , gestatio , navigatio , vectio , equitatio , & similia , quibus antiqui ad valetudinem conservandam uti consueverunt . Imò *Asclepiades* , qui nominis celebritate , omnium Medicorum famam potuit obscurare , relicto phatnacorum usu utpotè , quæ stomachum lædant , & visceribus infensa fiat , omnem curandi rationem in victu , & exercitio posuit . Unde factum est , ut ejus exemplo posteriores Medici magnam exercitii curam habuerint , ut apud *Cornelium Celsum* , & alios legimus . Frictionem quoque inter motus reponere licet : nam Senes , & qui sedentariam vitam degere coguntur , cum nullo possint exercitiorum genere uti , frictione quam maximè indigere videntur , ut calor excitetur , humores attenuentur , & perspiratio longior fiat . Dici autem vix potest , quantum ad valetudinem perspiratio conferat , nam multo major est exitus , qui perspiratione fit , quàm qui per excretiones alvi , urinæ , salivæ , narium muci , aliarumque evacuationum sensibilibus contingere solet . Quandoquidem , ut longa observatione à *Sanctorio* compertum est , ex octo partibus eorum , quæ ore assumuntur , tres tantum in hominibus rectè valentibus per sensibiles excretiones evacuantur , reliquæ partes quinque insensibiliter perspirant . Quòd si perspiratio minor fiat , quàm res , & necessitas postulat , tunc morbi contingunt . Liquet igitur exercitia , frictionesque ad valetudinem maximoperè conducere , cum ex illis perspiratio excitetur .

At verò complura exercitiorum genera ; quibus antiqui ad tuendam valetudinem utebantur , in desuetudinem abire , hinc autem fit , ut nonnulli morbi , qui ex otio progignuntur , nostris temporibus frequentius ingruant , ut arthritis , vesicæ , & renum calculi , similesque ægritudines , quæ desidia , otioque vigescunt .

Quomodo ex motu nostrum corpus incalescat , res est inquisitione digna . Profectò nulli dubium est , dura corpora , dum invicem atteruntur , & colliduntur , incalescere , & sæpe etiam ignem concipere : quod qua ratione

eveniat , non ab omnibus eodem modo explicari solet . Nobis arrident ea , quæ *Plato* scripsit , à quo calor definitur , esse agitationem cujusdam subtilissimæ substantiæ , quæ omnibus ferè corporibus magis , aut minus commiscetur . Videmus namque in his , quæ incalescunt , corporibus , agitationem quandam , motum vel penes universas eorum partes , vel saltem penes subtilem materiam in eorundem poris contentam . Unde fit , ut à vehementi calore corpora ferè omnia colliquantur ; nam primum à calore incipit agitari materia subtilis in corporibus conclusa , deindè verò à vehementiori agitatione etiam solidæ ipsorum corporum partes agitantur , & à vinculo disrupto invicem disrumpuntur , unde in liquentem massam abeunt . Hinc manifestum est , non ex quocumque corporum attritu , & collisione calorem excitari , sed ex eorum dumtaxat , quæ dura sunt , attritione . Neque verò liquida , & fluida corpora atteri , collidique invicem possunt . Unde non videtur satis manifesta ratio , quamobrem animalium membra ex cursu , saltatione , aut quavis vehementi agitatione incalescant : nam præterquàm ossibus nulla adest insignis durities , quæ attritionem , collisionemque possit , neque ex cursu , verbi gratia corporis partes atteruntur : & sanguis , qui maximè omnium incalescit , cum sit corpus fluidum collisioni , nequaquam videtur obnoxius : ergo alia videtur inquirenda ratio , quæ explicare possit , quomodo ex motu , aut exercitio possint nostra corpora incalescere .

Equidem si vini spiritum observaverimus , comperiemus illum in ore incalescere & multo magis , si interea in ipso ore agitetur , imò vinum generosum vehementi in ore agitatione incalescit , ut propter fervorem sustineri nequeat : inest enim in vino tenuis quidam spiritus faciliè mobilis , qui agitatus in ore , propter promptitudinem ad motum facillimè incalescit . Similis quidam spiritus est in sanguine , qui ex motu , & agitatione faciliè incalescit : at verò in universi corporis agitatione , motuque , sanguis quoque celeriter movetur , & multo velocius circularur ; comprimuntur enim ex motu venæ , atque adeò sanguis è venis propellitur vehementius in cor , unde & cordis palpitaciones , arteriarumque pulsus frequentiores fiunt . Et hinc manifestum erit , quamobrem ex cursu , & corporis agitatione calor in ipso corpore intendatur .

Quoniam verò ex calore perspiratio major fit , & humiditas consumitur , perspicuum esse potest , quomodo ex motu corpora exsiccentur , & humidis excrementis minus scateant . Ceterum hæc non ita intelligi debent , ut quò major fiat motus , eò magis calor in corpore intendatur : quippè in laborioso , & vehementissimo motu vires resolvuntur , & vitalis calor imminuitur , unde etiam superfuitates excrementitiæ superabundant . Hinc nimius motus spiritus , & solidatum partium substantiam exhaurit , & dissipat , & consequenter totum refrigerat corpus , coctionem præpedit , venas , aliosque sæpè rumpit ductus , unde vomitiones , expuitiones , ac mictiones sequuntur cruentæ . Motu etiam valido sanguis cum impetu extra venas fertur , & hinc inflammationes in partibus exterioribus , & interioribus excitantur . Quòd si sanguis in venis agitetur , incalescatque , febres , multosque languores , præsertim si totum corpus pravis scateat humoribus , excitat , siquidem pravi humores , qui antea quasi consopiti quiescebant valido agitati motu per universum corpus feruntur , & in imbecilliori parte tumores excitant , & ulcera : Si autem ad interiora regurgitant , alvi profluvia , vel vomitiones concitant , aut intra venas hærentes , febres accendunt , aliosque plurimos generant morbos . Eapropter corpora pravis referta succis , validè nullatenus sunt exercenda , præcipuè à cibo , & nondum coctione completa .

Quemadmodum moderatus motus bonæ valetudini summo est emolumento , ita moderata quies eidem plurimum confert ; quies namque motui opposita est , post labores dulce lenimen , ut *Hip. 2. aph. 48. scribit : In omni corporis motu , ubi laborare cœperit , quies statim lassitudinem aufert* . Et poeta Sulmonensis cecinit .

Quod caret alterna requie , durabile non est ,

Hæc reparat vires , fessaque membra levat .

Est quies non tantum corpori : verum etiam animo multum necessaria , utidem :

Otia corpus alunt , animus quoque pascitur illis .

Sicut motus phlegmaticis , frigidis corporibus , humidisque naturis prodest , ita calidis est commoda quies ; verum enimverò summa quies , otium vocata maximè sanitati

adversatur, hæc immoderata quies profectò corpus superfuitatibus, quæ non eliminantur, implent, ciborum coctionem, eorumque distributionem efficit infeliciorem, vires enervat, corpus impingat, segne, & invalidum reddit, unde languorum myriadam in causa est, eapropter cecinit Ovidius:

Cernis, ut ignavum corrumpant otia corpus?

Ut capiunt vitium, ni moveantur aquæ.

Est igitur moderatus motus, moderataque quies in ulceratis servanda, verum semper partis conditio attendenda est.

Excreta, & retenta, aliàs inanitio, & repletio sub quinto rerum non-naturalium genere comprehenduntur, pro quorum notione sciendum est, quòd perpetuò aliquid de nostri corporis substantia vel sensibilibiter, vel insensibilibiter deperditur, ad cuius restaurationem cibus, & potus sufficiunt; atqui ea, quæ ingeruntur, ralia planè non sunt, quale id quod absumitur; coctione igitur elaboranda, atque utilia corpori alimenta commutanda sunt, sed non tota, eapropter utilium ab inutilibus separatio fieri debet, utilia retinenda, inutilia excernenda sunt, ut in salubri statu corpus conservetur. Cæterum si quæ in corpore retineri debent, excernantur, aut si quæ excerni oportebat, retineantur, valetudo depravatur. Unde Hippoc. 5. aphor. 57. *Menstruis longius fluentibus, morbi eveniunt, non fluentibus autem ex utero, morbi contingunt.* Ubi notamus Hip. dixisse debere menstrua ex utero fluere, nam si naturalis evacuatio, naturalem non servet viam adhuc morbosa est, ut si per vomitum menstrua fluerent, quamvis nimis periculosa omnimoda suppressio. Quod dixit Hip. de menstruis, accipiendum est de qualibet evacuatione, & retentione. Unde:

Si alvinæ faeces debito non excernantur tempore, coctionem interturbant, inappetentiam causant, & nauseam excitant, quia ex facibus foetidi sulphuris effluvium elevatur, & ad ventriculū, vicinasque partes exhalat, dolores excitat colicos, flatibus exitu prohibitis, & alia mala. Si caput feriant excrementitii vapores, vertiginem, cephalalgiam, aliosque inducunt languores. Alvus nimis lubrica potius commodum, quam incommodum affert, dum lævior facta est in ventriculo aliqua ingestorum, vel humorum degeneratio, & mox sese exonerat, aut ex reliquo etiam corpore natura validior vitiosos per alvum sponte excernit humores, & multorum morborum causas avertit; attamen si frequentius, aut diutius contingat, corpus necessario alimento defraudatur, & contabescere incipit, vires consternuntur, & non raro intestina relaxantur, vel abraduntur. Unde lienteria, cœliaca, dysenteria, tenesmus, & alia oboriuntur mala. Si verò alvi excrementa secundum naturam se habeant, mollia sint, mediocrem habentia consistentiam, colore subrufa, nec admodum foetida, copia autem ingestis respondeant, tunc salubrem indicant statum.

Eodem pariter modo, si urina debito reddatur tempore, corpori confert; Si verò citius iusto excernatur, diabete inducit; Si verò diutius retineatur, multum damni affert: solet namque non solum vesicam, partemque vicinas gravare, sed sæpè vesicam adeò replere, & distendere, ut postea contrahi, atque urina excerni non possit, unde interdum vesicæ Inflammatio sequitur, imò mortis occasionem hac ratione quibusdam accidisse ex pudore in conviviis, urinæ suppressionem diuturniorem experientia compertum est. Hinc tam urina, quam alvi faeces non diutius retineantur, sed debito excernantur tempore juxta illud:

Nec mictum retine, nec comprime fortiter anum.

Hinc superflue humiditates, quæ nostro corpori nutriendo sunt ineptæ, partim insensibilibiter perspirant, partim etiam per sudores exturbantur, & magna earum pars per vesicam excernitur, si per vasa lymphatica ad renes non delabatur, & in vesicam non profundatur, cachexiæ, & hydropi causam suppeditat.

Verum urina naturalis his conditionibus frui debet, nempe mediocris debet esse consistentiæ, coloris fulvi, sine sedimento, aut cum sedimento albo lævi & æquali, quantitate liquidis assumptis respondens.

Eadem est reliquorum excrementorum ratio, ut sputi, muci, & præsertim flatuum, ex quibus retentis multa oboriuntur mala, ut

Quatuor ex vento veniunt in ventre retento,

Spasmus, hydrops, colica, vertigo, quatuor ista.

Hæc enim communis est naturæ lex, excrementa excernenda esse,

ut nutrimentum ex omni parte purum corpori suppeditetur, quòd si fiat, nutritio quoque rectè fit, corpusque vegetum, benè coloratum, & omninò sanum evadit. Si verò eadem detineantur, alimentum inquinatur, corpus redditur impurum, & tandem morbi excrementis suppressis cognati succrescere solent.

Sudorem inter excreta, & retenta connumeramus, ea quippè quæ crassa corpora extenuare valent, & fluidiora reddere, sudores promovent. Sic in vehementi calore sudor excitatur, dum aquositates vel humores attenuati in sudorem resolvuntur, quemadmodum, in distillationibus solet contingere. Salubris est sudor, si intra suos coerceatur fines, nam per cutis poros toto corporis ambitu, & habitu noxios purgat humores. Nulla febris nisi sudore perfectè terminatur, imò inveteratis affectibus crassos, lentosque humores foventibus, ut distillationibus dictis diuturnis, cephalalgia, paralyti, epilepsia, luit Venereæ, pectoris hydropi, rheumatismo, ischiadi, & aliis articulorum doloribus, utiles sudores. Si verò suos transgrediatur limites, nativi calidi aliquid dissipat, corpus dissolvit, vires dejicit, tabefacit, morbum, & symptomata multiplicat, & si frigidus diaphoreticus sit, mortem præ foribus portendit.

Hum etiam refertur insensibilis transpiratio, idest transporatio, quæ si aliquandiu prohibeatur vel pororum constipatione à frigore, vel pravis humoribus retentis, gravissimos excitat morbos; Si verò conveniens, & legitima sit corporis transpiratio, corpus sanum, & benè dispositum reddit.

Sed in his evacuationibus spatium aliquantulum nobis placet, & primò ab urina exordium facimus: Per solitas urinæ vias, superfluas nostri corporis humiditates expelli omnibus manifestum est, sed quomodò, & ubi secerantur urina, non omninò hætenus paruit; vulgares Medici putant urinæ materiam sanguini permixtam per universum corpus deferri, & postremò per venas emulgentes ad renes delabi, ibique à sanguinis massa secretam percolari, & per proprios canales, ureteres appellatos, ad vesicam profundam. Verum experientia docet sanguinis serum non esse ejusdem, aut similis substantiæ cum urina; nam serum sanguinis, si ad ignem evaporet, in crassam, & glutinosam concrevit substantiam, & valde durefcit, quod tamen non contingit urinæ, quæ plurimo sale cum volatili, tum fixo conferta esse,prehenditur. Porro venæ emulgentes sanguinem non ferunt ad renes, sed à renibus ad venam cavam; neque secus atque aliæ replentur alia substantia, quam sanguine. Venarum igitur emulgentium usus idem est, atque aliarum venarum: & munus, quod illis vulgares adscribunt, verum est commentum. Urinæ autem unica tantum via est, scilicet per venas lymphaticas, spirituosam partem in ventriculo mediante fermentationis motu, quæ à cibis educitur, per fibras se insinuat, quasi per filtrum, per totum corpus se diffundit ad animantis sustentationem, in itinere aquosas superfuitates in venas hydroticas, seu lymphaticas à *Thoma Bartholino* inventas per oscilla deponit, partim per diaphoresin resolvitur, partim etiam per sudores eliminatur; sed magna pars per dicta vasa lymphatica ad renes, & deinde in vesicam profunditur.

Operæ autem pretium erit hic animadvertere, aperiencia à Medicis pluribus modis considerari; nam alia sunt, quæ alvum laxant, alia, quæ urinam cient, alia, quæ venarum, & arteriarum oscula recludunt, alia, quæ viscerum obstructions reserare dicuntur, & alia, quæ cutis poros pervios, & magis permeabiles efficiunt. Scimus isthæc à multis confundi, sed erroris, & periculi plena est illorum consideratio. Cæterum hæc distinguere oportet, nec unum pro altero sumere; nam multa videmus urinam cingere, quæ alvum adstrictiorem reddunt; Ea, quæ diaphoresin promovent, reliquas plerumque evacuationes cohibent. Hinc est; quòd illis sæpenumerò adstricta est alvus, qui copiosam mingunt urinam: illi verò parcius meiunt, qui plurimum sudant. Neque ulla major est in corpore evacuatio, quam insensibilis transpiratio. Adde, quòd hæc præ cæteris ad valetudinem plurimum conferre videtur, nam reliquæ evacuationes possunt sine valetudinis noxa aliquandiu retineri: hæc autem, si brevissimo temporis spatio intercipiatur, notabiles parit morbos.

Atqui videmus nonnulla esse, quæ alvum cieant, alia, quæ urinam provocent, alia, quæ sudores, alia, quæ sanguinem per venarum oscilla exsudare faciant, inquirendum profectò foret, qua vi ejusmodi producantur affectus.

affectus; nam quod Medici ajunt hæc fieri propria, & insita rerum facultate, sed hoc philosophi cupiditatem nequaquam explere videtur. Nobis verosimile videtur alvum citari ab his, quæ vellicare, & stimulare ventriculum possunt: quemadmodum nasipurgia stimulum naribus admovendo sternutationem, & humorum illapsum promovent: & quæ palato ingrata sunt, salivam copiosius excitant. Quæcumque verò salis naturam præferunt, urinam cient, naturam enim ad evacuationem stimulant. Et quia vegetabilium salia possunt ejusmodi stimulos excitare, idcirco ad promovendam urinam valdè conferunt. Similiter, quæ corpora extenuare apta sunt, sudores promovent. Denique menstrua, & hæmorrhoides excitantur ab his, quæ sanguinem extenuare valent, aut acriorem facere, ut propterea venarum oscilla aperire queant.

Non solum excreta, & retenta morbos generare possunt, verum si inutilia intempestivè, atque immoderate evacuentur, vires deiciunt, corpus consumunt, & morbos illis affines excitant: Sic repletio vel ratione multitudinis vel prave qualitatis, vel ratione non rectè operantis ventriculi, corpus alterat, morbos parit. Ratione multitudinis ventriculi vis obruitur, & resistentem multitudinem superare non potest, ingesta corrumpuntur, & non fermentantur, ac multitudo corrupta nisi vomitu, vel diarrhœa evacuetur, ventriculi actionem ita conturbat, & irritat, ut omnes ventriculi actiones depravatas, inordinatas efficiat, quibus depravatis, pessimi moris morbi contingunt. Hinc *Hip. 2. aph. 22.* inquit: *Quicumque morbi ex repletionem sunt, evacuatione curantur, & quicumque ab evacuatione, curantur repletionem, & aliorum contrarietate.* Idemque peculiariter ostendit *2. aph. 51.* *Plurimum atque repente evacuare, vel replere, vel calefacere, vel refrigerare, sive quovis alio modo corpus movere periculosum: omne enim nimium naturæ inimicum, sed quod paulatim fit, tutum est, cum aliàs, tum cum ab altero ad alterum transitus fit.* Ratione prave qualitatis ingestorum non solum ventriculi actio à promovendo in iis fermento deficiit, sed principium motus ipsius actionis à prava qualitate, ad depravatè movendum adigitur, totamque ventriculi œconomiam subvertit, & per consequens proprium nutrimentum degener reddit, quod si citò ad statum secundum naturam non adigitur: multorum morborum erit occasio. Ratione non rectè operantis ventriculi, vel fermentatio, vel separatio utilis ab inutili depravatur, unde congeries fit in illo superfluitatum, quibus assuefactus ventriculi rector spiritus non adèd vehementer in suis motibus turbatur, unde est, quod superfluitates illæ potius chronici morbi, quam acuti occasiones esse possunt; obstructions enim, inappetentiæ, affectiones hypochondriacæ, ariduræ, tabes, hydro pes, & similes morbos inducere solet.

Magna est cibi, & potus vis in alterandis nostris corporibus, enim verò quicumque cibus etiam familiarissimus, & consuetus nequit corpus alere, nisi mutetur, & assimiletur, ut vulgò Medici loquuntur: atqui hæc assimilatio, & mutatio non potest fieri sine aliqua ipsius animalis alteratione, quippè *omne agens* (ut est vulgare enunciatum) *agendo patitur*: igitur necessariò cibus, & potus corpora nostra afficere debent. Sed illud inter cætera hic venit observandum, quod varia, & multiplex est ciborum natura, neque omnibus æquè salutaris, aut noxia: Quinimò inveniri solet peculiaris quædam hominum dispositio, quæ à rebus communiter salubribus maximopere lædantur. Sic nonnulli non minùs à carne, aliave simili re afficiunt, quàm à Lethali veneno, quantum autem in ciborum ratione, ciborum valeat consuetudo, vix facile est enarrare; nam & ipsis quoque venenis homines vesci assuevere. *Aphri* plerique opio valdè delectantur, & integras ejusdem drachmas devorant, & nora est *Mithridatis*, & aliorum historia, qui longo usu didicere venenis pasci. Indi tabacum devorant, ut inebrientur, & in mentis alienationem inducantur. Nec vinum ex sua ipsius natura nobis familiare, & amicum est, sed tale potius usu solet evadere. Id quod cibus non valetudinem modò potest immutare, sed mores etiam, & quodammodo naturam.

Excreta igitur, & retenta in ulceratis ad ordinarias leges debito modo revocanda arbitramur, præcipuè men-

Musitani Opera Tom. II.

struorum in fœminis fluxus solitus promoveatur, insensibilis transpiratio non impediatur, sic urina, lac, & saliva, ut & alvus sit lubrica natura, vel arte.

Inter ea, quæ excernuntur, vel retinentur, Veneris usum collocamus, estò amorem cum Venere considerandum putemus, nam ut amor profectò in animi affectibus esset recensendus. Cæterum maximam esse Veneris vim, ejusque usum magnopere seu officere, seu prodesse manifestum est, & virginibus, & viduis, quæ ob seminis retentionem in gravissima sæpe numero incurrunt symptomata, ut interdum mortuis similes decumbant. Pariter & importunus ejusdem usus plurimos infert morbos, podagram, chiragram, petulantem senectutem, alioque quamplurimos languores.

Veneris usus moderatus valetudini confert, homines namque hilares reddit, calorem excitat naturalem, appetentiam acuit, sensus, & spiritus vivificat, animi passionem lenit, corporis torporem eliminat, membris levitatem conciliat, & tandem species perennat, unde consonum est per Veneris usum, ut vitam, quam à parentibus hausimus, aliis restituamus, ne cum campanæ sonitu nostra pereat vita. Hinc meritò *Galenus Epicuri* sententiam damnavit, qui Venerem nihil prorsus ad valetudinem conferre docuit. *Ætas* veneri aptissima est juvenibus arque viris.

Cæterum immoderatus Veneris usus viros magis, quàm fœminas lædit, spiritus namque dissipat, nativum resolvit calorem, universum refrigerat corpus, cerebrum, oculos, & articulos, nervos, & ventriculum debilitat, tristitiam parit, sed non in fœminis, unde memoriæ, intellectus, sensuumque imbecillitatem infert, vitam brevitat: præ omnibus senibus, naturis siccis, debilibus, & convalescentibus plurimum Veneris palæstra nocet. Qua ratione Venus ab *Epicuro* damnavatur, quia, cum summum bonum in recta corporis constitutione, & valetudine collocaret, (hanc enim ille voluptatem appellabat) Venerem respuebat, ut potè, quæ valetudinis commodo officeret. Hinc autem est, quod mulis, Monachis, cœlibem vitam agentibus longior sit vita, quàm asinis, & equis; abstinent enim plerumque illi à Venere. Si semen diutius retineatur, corporis totius gravitatem, & torporem inducit, & si corrumpatur, gravissima symptomata, qualia virginibus, viduis, & uxoribus, quæ ignavos habent maritos, excitat. Veris tempus magis Veneri est idoneum, deindè hyems, minùs autumnus, omnium minimè æstas, quo tempore est omninò abstinendum, hinc poeta cecinit:

*Est Veneris fugienda tibi immoderata voluptas
Nam capiti, mentique nocet, sensusque rotundit,
Virtutemque hebetat animalem, & corporis omnes
Debilitat nervos, infirmæque pectora reddit.
Parca tamen laudanda quidem est: hæc una calorem
Excitat, hæc hilares animos facit: inde sequuta
Membrorum levitas, torporem expellit, & infert
Spiritus vitam, præsertim ubi purpureum ver,
Autumnusve suum exponit maturus honorem.
Tandem hyeme, atque æstate Venus lethale venenum est
Crebra Venus nervos, animum, vim, lumina, corpus
Debilitat, molliat, subripit, orbat, edit.*

Ad hoc ut Venus valetudini conferat, duæ requiruntur conditiones, una, ut ejus usus sit moderatus; altera, ut debito fiat tempore, unde, si sub his adhibeatur conditionibus, homo sit seipso agilior, atque meliùs perspirans: moderatus verò ejus usus consistit, ut homo ex eo non debilitetur, & nullo modo laxetur. Cæterum nonnulli tempus, & horam præscribere solent, in qua sine valetudinis noxa, Venus obiri possit, hanc aliqui dixere esse horam noctis tertiam, quod hoc tempore prima, & secunda coctio jam absoluta, & tertia etiam est dimidio facta. Verum hæc vana, & ridicula sunt, nec quisquam erit, qui hæc adamussim sibi servanda persudeat. *Hippocrates* creditur Veneris tempus perscripsisse, cum dixit: *Labor, cibus, potus, somnus Venus, omnia mediocria*, quasi hic omnia eo ordine quo scribitur, obiri debeat, ut primò sit laborandum, & corpus exercendum, deindè opportunum alimentum sit præbendum, & conveniens potus, tertio dormiendum, & postremo Venus à somno sit exercenda. Ab hac *Hippocratis* sententia discrepat *Cornelius Celsus*, qui salubriorem ait esse Venerem interdum, quàm sequitur cibus, quàm noctu, quam sequitur labor, & vigilia.

Aliqui magis in die Venerium concubitum exerceri laudant, quia statim à prandio, vel Cœna, post Cereris, & Bacchi munera, spiritus promptiores, alacriores, & vegetiores sunt ac homo ardentius Veneris connubia celebrat. Quidam noctu potius, quia calor per somnum, & tenebras intus collectus melius coctionem perficit, & phantasia ab aliis objectis non distracta, melius veneris dulcedini incumbit, & pudor, cum sit Veneri inimicus, & in nocte nullus sit pudor, nocturnum tempus Veneri magis irridet.

Verum in Veneris usu plurimum valet consuetudo & particularis quædam subiecti natura; nam alii alacrius noctu, alii promptius, & fortius, interdum hoc munus obeunt: alii pleno stomacho melius, alii commodius jejuno stomacho. Quapropter non potest homo in Veneris usu exquisita uti methodo, ne aliquem committat errorem, præcipue si libidinis æstro percitus, occasionem habeat promptam, ac proinde ad valetudinem tuendam in omnibus non oportet Medicis credere; qui ne nihil dicere videntur rerum quatumdam usum, & præsertim in rebus venereis, ubi, *trahit sua quemque voluptas*, & omnino errores sunt inevitabiles ob innatum species propagandi desiderium. Quæ de re consulendæ sunt in hac materia mulieres, quia ipsæ noctu, & die, toties, quoties occasio dabitur, Veneri indulgendum esse affirmant.

Juvat in majorem conjugum commoditatem, jucundis digressionibus aliquantulum in Veneris palestra spatium circa modum, quo quisque uti possit, sed quia verecunda res est, & nostro cœlibatus statui abscondita, ne pagina evadat impudica, estò non erubescat, & castæ ne lædantur, aures, pauca leviter attingemus.

Quidam Medici, ut *Arabes*, figuram damnant, in qua vir mulieri subjicitur, quia laborat vir in feminis emissione, & non raro in veretrum aliquod descendit excrementum ex utero quod plurimum obesse potest, præcipue si spurca fuerit mulier lue Venerea. Addimus & nos utrorum semen intra uterum ejaculari non posse, sed in emissionem per veretrum labi, & foras excerni.

Alii commendant, ut coitus quadrupedum more exerceatur, ita *Arabes* Medici, *Mercurialis lib. 1. de morbis mulierum*, *Paulus Aegineta*, & quamplurimi alii. Et revera hic modus naturalis est, cum omnibus animantibus sit communis, & Veneris furtis commodior, ac compendiosior; nam sic vir angustè concumbit, penis capulo tenus admittitur, præsertim si mulier aliquantulum inclinata decumbat. Præterea ad concipiendum maximopere confert, si a tergo belluarum more vir cum muliere, Venere utatur, ira philosophans *Lucretius lib. 4.*

*Et quibus ipsa modis tractetur blanda voluptas,
Id quoque magni refert. Nam more ferarum,
Quadrupedumque magis ritu, plerumque putatur
Concipere uxores, quia sic loca sumere possunt
Pectoribus positæ, sublati semina lumbis.*

Imò si mulier sit sterilis, hoc modo fecundatur, ut *Q. Serenus Gordiani Imperatoris præceptor*, cum scripsit super his *Lucretii* carminibus:

*Irrita conjugii sterilis si munera languent,
Nec sobolis spes est, multos jam vana per annos
Fæmineo fiat vitio res, nec ne, silebo.
Hoc poterit magni quartus monstrare Lucreti.*

Qui modus non est ita explodendus, ut secum magnam non habeat rationem, & potius dictu turpe, quam factu videatur. A tergo coitum, conceptum juvare ostendunt, confirmantque peritorum anatomicorum observationes, qui observarunt, ut semen virile recta uteri orificium percuteret, ab eodemque attraheretur, naturam ita fabricasse viti foramen in inferiori glandis parte, atque uteri os ad superiorem pudendi regionem, ut in naturali copula, more omnium animalium facta, hæc duo foramina ira è directo sibi mutuo occurrant, ut semen è cole prodiens, statim in utero, nulla re impedito concipiatur, adduntque hunc solùm generali gratia esse naturalem coeundi modum: ita enim dicunt mulieres naturalem illum brutorum coeundi modum, minus laboriosè sustinere, frænum, & nympham invicem atteri, quæ partes præcipue sedes sunt ad coeundum in utroque sexu feminis motum, tandemque oscula genitalium sibi mutuo è directo occurrere.

Huic anatomicæ observationi addimus, & nos ita virum cum uxore utero gerente concumbere, & absque abortus suspitione immoderatum Veneris usum exercere posse, alias facie ad faciem, præcipue si vir concumbens in

feminis emissionem moretur, vel fortis sit, abdominis musculos comprimit, vel ligamenta, quibus fœtus utero annectitur, rumpit, uterum agitando, vel vasa umbilicalia rumpendo, & fœtum agitando, abortus causa esse possit. Et nos multos viros novimus, qui cum prægnantibus uxoribus facie ad faciem coeuntes: præter abortum, earum fuerunt causa necis: imò aliquos, quos nos, & alii cognoscimus hos usos dolo, incautas necarunt uxores, & ad secundas transierunt Nuptias.

Scimus nonnullos pecudum more naturalem coeundi modum explodere, ac veluti Gorgonis capite percitos contremiscere, illumque tanquam nefandum recensere, & inter capitalia referre crimina, ac proinde, ut naturæ humanæ dissonum ab hominum memoria delendum, & eliminandum fore credunt; Cæterum dulciter decipiuntur, non enim anatomicorum demonstrationes, Medicorum observationes, & Ecclesiasticorum scriptorum doctrinas callent.

Unum *Thomam Sanchez* præ cæteris referemus, qui in inculpato matrimonii usu examinando, omnes supereminet, *Tomo 3. lib. 9. Disp. 16.* aliquandò situs inversionem omnino culpa vacare probat: videlicet ubi non captandæ voluptatis gratia accidit, sed aliqua iusta causa intercedente, ut quia corporis dispositio aliud non patitur ob pinguedinem viti, vel propter suffocandi fœtus periculum in prægnante, vel alia simili honesta causa occurrente, & cum eo ferè omnes DD. conveniunt, probantque hunc modum non solum non esse capitale peccatum, verum etiam licitum, culpa vacare, & in aliquibus casibus esse præceptum. Quod si in iusta causa licet, non licet, quia malum, sed quia bonum, si bonum in iusta causa etiam quomodolibet bonum, quod enim est tale, semper est tale. Præterea, remota iusta, & honesta causa, idem auctor variis rationibus culpa lethali vacare docet, quia servato legitimo vase, solus situs, & concumbendi modus variatur; naturalis enim est, quia mulier est succuba, & vir incubus, vir agens, & fœmina patiens. Insuper ordinis perversio est in solis accidentibus, cum vas legitimum observetur, & modus est accidens. Tandem præposterè non impeditur generatio, imò ad concipiendum maximè confert, & præcipue si mulier sit sterilis, hoc modo fecundatur; nec adest effusionis feminis extra vas periculum, quia semen recta ad uteri fundum ejaculatur, præsertim si mulier aliquantulum inclinata succumbat: cum igitur in situs inversione servetur finis matrimonii legitimus, qui est sobolem concipi, estò inordinate queratur delectatio intra matrimonii limites, culpa vacare capitali, & licitè exerceri posse putamus.

Alium coeundi modum alii commendant, nempe facie ad faciem, præsertim si mulier formosa sit, ita cecinit *Naso lib. 3. de arte amandi.*

*Quæ facie præsignis erit, resupina jaceto:
Spectetur tergo, cui sua terga placent.*

Cæterum hic modus est merè hominum lasciviorum delectationis inventum, qui oscula, mammarum contactus, aliasque delicias generationi nihil famulantes querunt. Unde positum, quo venter ventri, pectus pectori, & os ori admoveatur, sat celebrare nequeunt, pro cuius commoditate, ut nudi in lecto cubant, etiam subucula spoliati præcipiunt: sed hæc dicta sint theoreticè, non verò practicè.

Sed in dubium vertunt authores, an accensa candela Veneris fœdus celebrari debeat. Pro qua re dicunt, si deformis sit mulier, aut verecunda nimis, exerceatur in tenebris, si verò maximè formosa, tria accendantur lumina.

Post celebratum hymeneum laudandi sunt illi viri & mulieres, qui statim à Venere genitales partes siccant, vel urina abluunt; solent enim quædam sordes genitalibus adhærere, quæ hi tollantur, brevi contactu pustulas inducunt.

Cæterum hic eam tantum Venerem intelligere protestamur, quæ ad generis humani propagationem spectat, modo legitimo, & divinis legibus concessa, neque enim ad valetudinem servandam illicita Venere quisquam uti debet, sed simul uterque finis coire, & conjungi potest, scilicet ut liberis opera detur, & sanitatis corporis habeatur ratio: nihilque valetudini conservandæ gratia tentare opus est, quod legibus divinis sit contrarium: & Creator homini tantum, & hac in re indulget, quantum ad omnia, quæ sanitati obesse possunt vitanda, est necessarium.

Verum quia non omnes esse possunt licito hymeneo conjuncti, & plerique castitatem servare vel volunt, vel de-

debent : quomodò isti , quibus Venus est omninò interdicta , se gerere debent , postremò inquiramus oportet .

Primò, prohibeatur seminis generatio, vel resolutio multis laboribus , & victus parsimonia cum omnimòda à vino abstinentia , nam *sine Cerere , & Baccho friget Venus* . Sancti Patres ad servandam castitatem frequenter orabant , & jejunabant , nam *hoc genus demoniorum non ejicitur , nisi in oratione , & jejunio* .

Secundò externorum habenda est ratio , juxta illud :

Quid facies facies . Veneris cum veneris ante ?

Ne sedeas , sed eas , ne pereas per eas .

Et *Lucretius lib. 4. de rerum natura* . His versibus mulierum aspectum fugiendum esse suader :

Sed fugitare decet simulacra , & pabula amoris

Absterrere sibi , atque alio convertere mentem .

Unde mulierum imagines cavendæ , epistolæ amatoriaræ mulieris haud legendæ , nec amatorii libri , & præcipuè earum fugiendus aspectus , id nos docet rudis asellus , qui onustus , & labore consumptus , visa asella , statim rudir , qui paulò antea nèque minis , neque clamoribus , aut verberibus , ad motum concitari poterat , currit postea onustus , & fatigatus , suam tentat explere libidinem : Videre , quantum valeat rei amatae aspectus ! Et denique sermones impudici , conversationes fœtidæ , & omnia alia vitanda , ut in eodem asello didicimus , qui statim , olfacta asellæ urina , ad Venerem incitatur , & dum nos aliquem in pariete mingentem vidimus , statim mingere cogimur , quia tunc acrimoniam advertimus , quam antea , quia mens aliò vagabatur , non advertebamus , ita etiam & spiritus sensitivus molestans , qui antea ob inadvertentiam non sentiebat , quia postea propter parvam consuetudinem advertitur , mirè nos angit & ad Venerem movetur .

Est itaque Veneris usus ulceratis vitandus , ne breve illud dulcedinis tempus , diuturna reddat ulcera .

Tandem moderata animi pathemata ad conservandam totius corporis constitutionem non solum maximam habent energiam , sed corpus à naturali statu in morbos conjicere , & interdum subitæ morti dare possunt immodici eorum excessus , ac propterea Medici fuerit , diligenter in eorum , quorum cura sibi concredita est , affectus inquirere , ut si quos vehementiores adesse animadvertat , eos quantum potest corrigere , & si quid mali sanitati asferre possint , ostendere . Cæterum animi motus in toto corpore non parvam efficiunt mutationem , tamen illud membrum imprimis , & maximè afficitur , quod primò in affectibus movetur . Fiunt hi subiti motus vel à corporis centro ad circumferentiam , ut est ira , gaudium &c. vel à circumferentia ad centrum , ut timor mœror &c. Qui igitur incolumem vitam servare cupit , animum sedatum , & tranquillum aucupari , & vehementibus passionibus resistere debet . Verùm quia impossibile est , ab omnibus animi pathematibus sese immunem reddere , adnitendum propterea summa rationis vi illis obistere , eorumque impetus coercere .

Benignæ animi passiones sunt , gaudium , & spes , cæteræ verò dicuntur malignæ , & à *Platone* animi ægritudines nuncupantur , & non solum sunt ira , timor , mœror , invidia , pudor , desperatio , sed etiam anxietas , exclamatio , impetus , rixa , odium , temeritas , audacia , incontinentia , iniquitas , & omnes alii similes animi motus , qui si modum excedant , magnas in corpore efficiunt mutationes .

Pro tuenda tamen valetudine , & naturali corporis constitutione aptissimus , corporique nostro amicissimus effectus est gaudium : spes namque cum sit futuri boni expectatio , est afflictorum medicina ; gaudium itaque moderatum , & non repentinum ad conservandam valetudinem principem tenet locum , totum enim corpus , atque imprimis cor , & spiritus vitales recreat , calorem , spiritus , & sanguinem à centro ad corporis periferiam diffundit , unde functionum vigor excitatur , corporis habitus nutritur , humectatur , vivido , ac florido suffunditur colore , senectus retardatur , & vitæ tempora producantur , tandem multos præ solo gaudio morbos evasisse observavimus . Si gaudium sit immodicum , vel repentinum , cor relaxat , nam in gaudio spiritus à centro ad circumferentiam moventur , veluti dilatatione quadam facta , ad præsentis objecti fruitionem , spiritus nimium dissipat , ad externas diffundit partes , dissolvit , qui cor deferunt , & internas refrigerant partes ; unde ex nimio gaudio , vel repentino , multos in syncopen incidisse compertum est , interdum plerisque ex tempore occubuisse historiæ testantur .

Sicut gaudium animi securitatem , placiditatem , & quies-

Musitani Opera Tom. II.

tem asfert , ita mœstitia , quæ gaudio est opposita , quia spiritus , & sanguinem à corporis circumferentia ad centrum retrahit , oppositos inducit affectus , nam subitas mutationes in corpore , ut terror panicus , non efficit : tamen sensim , & pedetentim id plurimum immutat ; nativum enim debilitat calorem , corpus refrigerat , siccatur , dissolvit , faciem reddit decorem , pulsumque imminuit , ob cordis constrictionem , interdum febrem , ob prohibitam transpirationem , accendit , coctionem vitiat , vigiliis inducit , spiritus obtenebrat , ingenium obrundit , memotiam debilitat , rationem impedit , & insaniam inducit . Naturalis facultatis imbecillitatem parit , spiritus , & sanguinem , ob frigiditatem crassiores reddit , & hinc morbos melancholicos inducit , à quibus non faciliè tristes se extricant .

Ira , cum sit sanguinis accensio , sive ebullitio circa cor , propter appetitum vindictæ , spiritus , & sanguinem turbat , exagitat , accenditque ; ea propter spiritus , & sanguis effervescit , & cum impetu ab interioribus ad exteriora moventur , & hac ratione irati fiunt rubicundiores , & ad omne scelus promptiores , corpus calefacit , pulsus auget , accellerat , febres accendit , aliosque excitat morbos . Si valdè effrœnis sit ira , rationem subigit , & de sede sua dimover . Patiuntur quoque iram artuum tremores , spirituum dissipationes , virium resolutiones , cordis palpitationes , convulsiones quandoque & apud mulieres abortum .

Cæterum quærimus , an ira aliquem interimere possit ? Respondemus affirmativè , est in ira nec calor extinguitur , nec suffocetur , sed libere saltem , & cum impetu per universum corpus diffundatur , nam hoc verificatur de frigidis corporibus , in his namque calor debilior exsuscitatur , vegetior redditur , vires augentur , unde his naturis irasci valdè utile est . Hinc in morbis frigidis dictis excitanda est ira , & in calidis vitanda ; si verò in corporibus calidis exerceatur , potest spiritus dissipare , vires dissolvere , syncopen inducere , & consequenter mortem , vel ex humorum agitatione vertiginem , apoplexiam & epilepsiam asferre potest , & postremò mortem .

Timor etiam insignes in corpore efficit mutationes , nam in hoc calor , sanguis , & spiritus exteriora deferunt , & ad cor subitò revocantur , unde partes externæ algescunt , corpus pallet , pulsus fit parvus , artus concremescunt , dentes strident , vox interrumpitur , vires concidunt : interdum alvus solvitur , & urina involuntariè profunditur , ob musculorum imbecillitatem , vel resolutionem , restanturque historiæ quosdam metu mortis , & pœnarum unica nocte canos factos . Observatum fuit puellulum , dum duo sui fratres majores laqueos suspenderentur , quia delicti erat particeps , & in pœnam juxta patibulum spectaculo adstabat , sanguinem toto corpore sudasse . Imò in nimio timore , suffocato calore , quosdam expirasse compertum est . Non ita tamen lædit timor , ut aliquando etiam aliqua commoda non asferat ; nam quandò moderatus est , & præcipuè in corpore calido , solet calidam partium constitutionem moderari , fluxiones frigiditate , quam inducit , cohibere , & furentem animum reprimere . Et nos multos morbos , timore incusso , sublatis observavimus .

Tandem in pudore primò sanguis , & spiritus à corde ad externas partes fertur , deinde à partibus externis ad cor se retrahit ; unde in pudore sanguis , & spiritus has assiduas efficit vicissitudines , & variæ colorum mutationes brevi tempore in pudibundis conspiciuntur .

Enarratis sex rebus non-naturalibus , communi statui-mus sententia , ex earum legitimo , & moderato usu , sanitatem conservari , & languores abjici , contra verò ex importuna earundem administratione , morbos generari , atque foveri : in omnibus itaque mediocritas seligenda est , & idèd *Hip. inquit : labor , cibus , potus , somnus , & Venus , omnia mediocria* , quia

Est modus in rebus , sunt certi denique fines , Quos ultra , citraque nequit consistere rectum .

C A P U T X.

De Ulcere simplici.

Illud ulcus simplex , seu vulgare dicimus , quod à facile simpliciter corrosivo , parum exaltato producitur , nec aliorum salium energiam habet adjunctam , nec ullo alio symptomate stipatur .

Signa.

Ulcus simplex omnibus corporis partibus evenire potest, tam externis, quam internis, idque pus laudabile reddit, album, læve, æquale, & minimè fætidum, vel ichore mader, nec symptomata habet adjuncta, ut sunt intemperies, inflammatio, erysipelas, humorum affluxus, & cætera, de quibus in propriis capitibus dicemus, sed continui solutionem tantum in superficie habet, ita sunt herpes simplices, spergines, scabies, & cæteræ simplices cutaneæ excoriationes.

Causa.

Pro simplicis ulceris causa *Galenici* humores acres, erodentes, eosque puitosos, biliosos, vel melancholicos, assignant. Cæterum ita perpetuò in omnibus ulceribus hepar incusant, tanquam ulcerum officinam, ut nauseam, ne dicamus vomitum, pariant, & se ridiculos exhibeant.

Ulcus simplex, juxta nostram sententiam, provenit à sale balsami radicalis abundanti, qui per diaphoresim ad aliquam cutis partem, vel ad cutem totam, tanquam ad sentinam, & commune totius corporis emunctorium demandatur. Si ibi magis ac magis desiccetur, corrosionem acquirit, pruritus excitat, sensum excoriat, cum aliquali subjacentis carnis diminutione, & partem ulcere simplici exulcerat, si sal nulla alia, quam simplici energia imbuatur. Porro si sal fixior magis profundè exulceret, dummodò nulla alia qualitate, quam simplici corrosione partes afficiat, nec proinde curationem mutat, sed iisdem, & similibus omninò medicamentis ulcus sanari potest. Ulcus simplex non tantum à causa interna corpori advenit, verum etiam externa, quæ contagio, vel veneno est expers.

Prognosis.

Simplex ulcus, quod cutem obsidet, & superficiale est, facilius, & breviori tempore curatur. Idem dicendum est, si aliquam habeat cavitatem, & nullum accidens illi conjungatur.

Curatio.

Simplex ulcus simplici quoque curationis modo curatur, nam præter continui solutionem, nullum aliud accidens habet adjunctum.

Galenici in ulceris simplicis curatione, primò corpus purgant, si corpus sit cacochymum, ne humores ad partem affectam ampliùs fluant. Verum medicamenta purgantia in ulceribus nullatenus sunt adhibenda, quia, juxta nostra principia, præter virus laxativum, balsamum radicale ex-calfaciunt, calorem enim in corpore humano augent, calor auctus salia exaltat, in cutis superficiem, tanquam ad emunctorium exturbat, ibique ulceribus symptomata aggerant, ut in scabiosis compertum est, quos quò plus purges, eò scabiem pertinaciorem reddes. Præterea assignant *Galenici* pro ulcerum causis humores acres, & corrosivos, sed medicamentis ad hos purgandos sunt expertes, nisi tantum de communi morborum omnium, quòd si per accidens hos purgari dicant, nullam habent certitudinem, an expurgentur, nec ne. Sufficit ulceratis alvum habere fluidam, & laxam, qua nisi potiarur languens, ea arte proritanda est. Deindè expurgata alvò, si corpus sit plethoricum, ad phlebotomiam deveniunt. Cæterum plethora rara est, ut muscæ albæ, & rarissimè ab optimè notæ Medicis fuit observata, tantum à bardis sæpius observatur; sufficit namque hos colorem faciei floridum, & rubicundum, vel corporis habitum carnosum, & benè compactum spectare, ut perperam pro plethorico accipiant. Expedit ulceratis sanguinem minuere, sed multo tutius, atque commodius cum per inediam solvere.

Postmodum in partis poris sanguinis, vel humoris effusi aliquid hæere supponunt, & ut illud coquant id est, in pus mutent, digestivum usurpant medicamentum, ita celebre est illud vulgare digestivum, quod paratur ex *terebinthina Veneta*, *oleo rosaceo*, & *ovorum vitello*. Post digestivum abstergentibus utuntur medicamentis, ut

℞. Resina abjetina ℥. j. olei rosacei ℥. vj. pulv. thuris ℥. j. m.
Vel si majoris energię absterfione opus sit,

℞. Mell. rosac. ℥. j. terebinth. ℥. ss. succi apii. ℥. j. pulv. thuris, farina hordei ana q. s. m.

Absterfo, & mundicato ulceri incarnantia, seu sarcotica applicant medicamenta, hujus farinæ sunt unguenta, *basilicum*, *aureum*, *de tutia*, *lithargyrio*, *plumbo &c.*

Nostra de ulceris simplicis curatione indicatio requirit, ut balsamum radicalem ad suam temperiem reducamus, & restituamus, nam simul atque suam nactus fuerit temperiem, soluti continui unio in promptu erit, & estò Medicus illam impedire velit, non potest.

Si ulcus sit superficiale in cute optimum remedium erit *aqua lapidis medicamentosi*, vel *unguentum ex succis refrigerantibus* dictum, aliàs à nobis descriptum, vel præstantior erit *balsamus sulphuris*, vel *emplastrum Diasulphuris*. Cæterum si ulcus ex balsami torpore in unionem pigrè abeat,

℞. Croci Martis opt. præp. Et ulcus bis in die eo aspergatur, & infra duos dies solidatum erit. Eiusdem efficaciam erit *lithargyrium aureum* in pollinem redactum, & eodem modo applicatum. Notari tamen hic debet, quòd pulverum asperfio ablutionem cum vino tepido requirit, quoties ulcus deligatur.

Si concoctam expurget materiam,

℞. Empl. de gratia Dei, quod optimè sit compositum, & ulceri superimponere, nam infra quatuor dies cicatricem inducit. Sed præstat *emplastrum nostrum Benedictum*. Si quodammodo profundum sit ulcus,

℞. Empl. fodic. quod ulceri impone, & infra sex dies ulcus ad cicatricem reducet. Remedia universum respicientia corpus in his simplicibus curandis ulceribus prætermittimus; necessaria enim non sunt, sufficitque tantum victus ratio cum mediocri diætâ, ut curatio ex voto respondeat.

CAPUT XI.

De Ulcere cum intemperie.

Sæpè accidit, ut ulcera simplicia non sint, sed alii ipsis conjungantur affectus, unde operæ pretium erit dicta ulcera per accidentium concomitantiam distinguere, & secundum parvam vel magnam accidentium pravitatem. remedia applicentur oportet, quæ vel à balsamo, vel à continentibus partibus vitium auferant, & ulcus ad perfectam sanationem perducant; Agimus primò de ulcere cum intemperie in *Galenistarum* gratiam, quorum dogma est caloris, frigoris, humiditatis, & siccitatis, quia sæpè intemperies ulcus comitatur, quæ cum accidit, ulceris sanatio impeditur.

Galenus de diff. morb. c. i. docet, quòd intemperies alia sit simplex, calida scilicet, frigida, humida, & sicca: alia composita, calida humida, calida sicca, frigida humida, frigida sicca; & hæ omnes rursus, vel sine materia, scilicet immaterialis, vel materialis. Immaterialis intemperies fit, cum in parte ulcerata intemperies inducitur, absque eò quòd materia aliqua, aut noxius humor adhæreat, quemadmodum accidit in intemperie excitata ab igne, sole, aut calidorum corporum applicatione; materialis verò, quando in parte ulcerata materia discrasata in eandem influit; aut eidem cumulatur, eidemque suas imperitiendo qualitates, & intemperiem inducit, eandemque fovet. Cæterum vix intelligere possumus, quomodò intemperies nuda scilicet sine materia, absque causa fovente in parte affecta diù perdurare possit?

Sed has seniles primarum qualitatum fabellas, ex quarum combinatione *Galenista* cum eorum antesignano *Galenio* singulas singulis, unam in summo, alteram in remisso gradu elementis tribuunt, & hinc temperamenta statuunt, præscrutari, & earundem contrarietatem ad trutinam revocare liber.

Non desuere, qui contenderent calorem, & humiditatem solùm esse inter entia, & qualitates positivas connumeranda, frigus verò, & siccitatem esse potius non entia, seu mavis, privationes, nam frigus per caloris defectum sentitur, sic docente *Platone*. Et reverà frigida nobis videntur, quæcumque minùs calida sunt, tangente organo, & eadem manus pedi applicata sentitur calida, cordi verò, seu pectori opposita videtur frigida. Sic unum, idemque conclave ei, qui ex ambiente frigido ingreditur, calidum videtur, sed illi, qui ex hypocausto supervenit, videtur frigidum. Præterea nusquam est calor, nisi ubi adest causa caloris productiva. Si ubi motus, atque agitatio

ratio est, ibi etiam calor percipitur. Calor à sole produ-
citur ætate, propter diurnam solis moram supra Ho-
rizontem, & radios solares in terram rectius inciden-
tes, ac ob nimium motum corpusculis in aere dispersis
impressum; ex tali namque corpusculorum remissiori,
vel vehementiori motu, ne dum calor, verum & ignis
excitatur, quia in illa agitatione, & corporum confi-
ctu semina ignifica suscitantur, unde ignem actualem
sæpissimè elici à nobis fuit observatum. Eapropter ignem
à calore, & calorem ab igne non differre multis ratio-
nibus, & experimentis in nostra Pyrotechnia fusiùs pro-
bavimus. Hyeme nullum est Sydis frigoris productivum,
sed sufficit ad inducendum frigus, si desint causæ, quæ
calorem progignere valeant, unde si solares propellas ra-
dios, caloris fons prorsus exstinguitur. In locis, quæ
circa terræ polos existunt, frigus intolerabile prædomi-
natur, propterea quod ibi minùs valet solis efficacia:
Addimus, quod quemadmodum calor ex motu, & agi-
tatione, proficiscitur, ita frigus ex quiete; radii nam-
que solares terræ superficiei occurrunt tanta cum incli-
natione, ita ut in eorum reflexione minimum, vel nul-
lum motum cieant in corpuscula in aere dispersa: at
quies motus privatio est: igitur & frigus caloris est
privatio.

Sed etiam hæc sententia aliquam præferat similitudinem,
suas tamen patitur manes: nam privatio nullum produ-
cit affectum, sed nix aquam, unum, & omnia contigua
corpora refrigerat. Verum scimus, quid ad hæc responsu-
ri sunt ii, qui frigus è rerum natura eliminare conantur,
scilicet docent nivem esse corpus caloris experts, calorem
autem consistere in motu, motum præterea esse de eorum
genere, quæ alteri communicantur; sed interea tantun-
dem depellitur, atque adeò vinum ex nivis applicatione ca-
lorem suum amittere, dum illum nivi impertitur, tan-
tundem enim vinum caloris deperdet, quantum nivi com-
municabit. Verum hæc responsio non nobis arridet, nam
totam non evacuat difficultatem, hinc melius juxta nostra
principia respondetur: Calor in motu consistit, qui mo-
tus à particulis exilissimis dependet, aquæ, vel vini parti-
culæ propter nivem torpescunt, consopiantur, ligantur,
ac motum amittunt, unde aqua, vel vinum frigidum;
quale nix potantibus sensum præbet. Interea verò non vi-
demus, quomodo sal petræ, quod nullum habet sensi-
bile frigus, vinum tamen, & aquam possit insigniter re-
frigerare? Enim verò notabile frigus in sale petræ pro-
gignitur, ex aquæ admisione, quare videtur frigus esse
ens, & inter rerum numerum collocandum potius, quàm
inter non entia.

Siccitatis clarior est contemplatio, & ipsis sensibus mani-
festa, sed præmonere oportet, plerosque decipi in definitio-
ne humiditatis, quando dicunt ea corpora vocanda esse hu-
mida, quæ faciliè terminantur finibus alienis: hac enim
ratione metalla fusa humida dici deberent. Est autem li-
quidorum corporum proprietas illa, ut termino alieno fa-
ciliè finiantur; humida verò sunt, quæ humorem in se
continent. Sicaer, cum semper liquidus sit, non ramen
semper humidus dicendus erit: nam flante Austro, aer
multa humoris copia imbutus videtur, contrà verò spiran-
te Borea, siccior erit. Spongia, aut pannus humore im-
butus humidus erit: igitur corpora non aliter fieri humi-
da possunt, nisi per participationem humoris, vel potius
humidæ substantiæ, secus contingit in calore; ferrum enim
incalescit sine substantiæ calidæ adjunctione: neque enim
ferrum candens præter propriam materiam habet aliam
substantiam, cujus admisione ferrum incalescat. Verum
spongia humescere nequit, nisi eidem addatur humor, qui
illius pondus adaugere, Quapropter spongia sicca in vitro
imposita, si intra aquas mergatur, non humectabitur,
quia nequit aqua per vitri poros penetrare, & spongiæ ad-
misceri. Quandocumque igitur corpora humescunt, non
adipiscuntur solam qualitatem humidam, sed ipsam quo-
que substantiam humefacientem. Quod animadversum vi-
demus ab Aristotele, qui 3. de anima scripsit: Corpora hu-
mescere per additionem humoris. Et 2. de generat. & corrupt.
tex. 54. inquit: Humidum illud esse, quod aqua est, vel
habet intra se aquam, quæ est principium humiditatis omnis
constitutivum. Et 2. de anima tex. 2. scripsit: Humidum au-
tem non est sine corpore, neque unum, sed necesse est aquam
esse, aut habere aquam. Unde humida corpora gravio-
ra sunt seipsis, quàm fuerint exsiccata. Cum igitur hæc
ita se habeant faciliè videtur posse concludi siccitatem

Musitani Opera Tom II.

esse humoris privationem, quod etiam aliquandò fassus est
Aristoteles; nam quæ exsiccantur corpora, leviora eva-
dunt, humore nimirum expresse, vel in vapores sublato.
Neque verò putandum est, corpora sicca terminari non
posse termino alieno: nam pulveres siccissimi, argentum
vivum, & metalla fusa, quæ omnino sunt humoris ex-
pertia, faciliè alienis terminantur finibus, glacies verò
nequaquam terminatur termino alieno, nec tamen glacies
sicca dicenda erit, sed potius concreta, concretum verò
opponitur liquido, sicut siccum humido; constat itaque
siccitatem induci non posse, nisi à causis potentibus hu-
morem exprimere, vel in vapores resolvere, quocirca fer-
rum etsi siccissimum sit, nequit humiditatem spongiæ de-
struere, atque inducere siccitatem in illam, sed si humor,
compressa spongia, exprimitur, vel ad ignem evaporet,
perfectè spongia exsiccatur: liquet igitur siccitatem nihil
esse aliud, quàm humoris defectum, seu privationem,
siccum enim propriè sonat exsuccum, continetque humidi
privationem.

His ritè, rectèque trutinatis, non extra choream erit
inquirere, data occasione, unde fiat, ut aqua ex ligno
guajaco: falsa, & similibus rebus parata, nostri corporis
humiditates superfluas imminuat, & siccitatem quodam-
modò inferat. Equidem ejusmodi aquæ nequaquam exsic-
candi vim, sed potius propriam humectandi naturam ha-
bent. Verum nostro corpori siccitas diversis rationibus in-
duci potest, vel quia per alvum, & urinam educuntur hu-
mores, vel quia humiditas ipsa sudore, vel perspiratione
eliminator. Hinc est, quod medicamentis purgantibus,
vel urinam cientibus, vel diaphoreticis, & perspirationem
insensilem promoventibus, supervacaneus humor è cor-
pore educitur. Aquæ autem, & decocta ex guajaco, &
falsa humores attenuant, & diaphoresin, insensilemque
perspirationem promovent: atque hinc siccitas in corpore
contingit, ut fusiùs in nostra Pyrotechnia, & de Lue Ve-
neræ docuimus.

Examinandum hic foret, qua ratione multa corpora,
quæ actu frigida videntur, calorem tamen nostro corpori
inducere possunt. Sed hujus quæstionis solutio pendet à
caloris cognitione, cujus natura in eo consistit, ut par-
ticulas subtilissimæ substantiæ contentas in corporibus agi-
tet, continuoque motu propellat. Quocirca caloris sen-
sus in nobis percipitur, quotiescumque spiritus, & tenuis-
sima substantia in sentiente organo contenta agitur.
Quamobrem ea nobis calida videntur, quæ spiritum ma-
gis ciere, atque agitare possunt; quæ verò vim habent mo-
tum infringendi in spiritibus existentem, ea frigida appa-
rent. Hac ratione vini spiritus in nostro corpore calorem
progignere, & excitare potest: sanguinem enim humo-
resque, imò & spiritus violenter agitat, unde fit caloris
generatio. Videmus autem vini spiritum frigidæ aquæ per-
missum ejusmodi motum, agitationemque producere, ut
propterea notabilis calor in aqua progignatur, & in cly-
micis multa habemus, quæ cum ex seipsis minimè calida
sint, simul commista calorem, fervoremque ingentem ex-
citare solent. Sic videmus quotidie contingere, cum vi-
trioli spiritus oleo tartari p. d. superfunditur, vel ipse spi-
ritus vitrioli salibus rerum vegetabilium admiscetur. Sa-
lia verò quantum in seipsis inest, frigus potius, quàm ca-
lorem excitare solent, præsertim si aquæ petræ, admi-
sceantur; id evidentissimè apparet in sale petræ, vel sale
armoniaci, quæ aquæ injecta notabile frigus excitant,
qua ratione vinum insigniter refrigerari solet, quo inven-
to utuntur sæpissimè navigantes tempore æstivo, si nive
caruerint. Neque hic prætereundum est vocari potestate
calida ea, quæ cum actu frigida videantur, vim progig-
nendi caloris in se continent, hujusmodi est vini spiri-
tus, qui quidem non semper, & ubique calorem progig-
nere potest. Neque externis partibus applicatus calorem
magis quàm frigus excitat.

Signa.

Calidam intemperiem testantur causæ calefacientes;
quæ præcesserunt, & non solum labia, verum & ipsa
ulceris caro rubicundior apparet, & ipse æger calorem
in ulcere sentire, cui dolor plerumque conjungitur. Ul-
ceris excrementa acra sunt, & mordicant. Medicamenta
frigida applicata juvare, & calida nocere credunt vulgares.

Frigidam indicant intemperiem, causæ refrigerantes
progressæ, ulceris color albicans, ejusdem labia ad albedi-
nem,

nem, vel livorem vergentia, & molliora sunt atque ulceri calida utilia noxia putant.

Humidam intemperiem humectantes causæ, quæ præcesserunt, ostendunt, deinde caro mollis, flaccida apparet, & plerumque nimium excrescit; & humidorum excrementorum abundantia adest.

Siccam tandem intemperiem cognoscunt ex causis exsiccantibus, quæ præcesserunt, ulceris labia sicca, squallida; & dura, membri laborantis gracilitas apparent; excrementa ulceris pauca sunt, vel nulla.

Causa.

Calidam intemperiem in ulceribus secundum Galenicorum causare valent, aer nimis calidus, topica præsidia calidiora, fasciarum nimis stricta deligatio, involucrorum nimia copia, alimenta calida, vini meracioris potus &c.

Frigidam inducunt intemperiem aer frigidus, si ulcus fasciis, & involucris contra externi aeris frigiditatem non satis muniatur, medicamenta frigida, &c.

Humidam causant intemperiem aer humidus, unde nullis in locis aeris humiditas ulceribus valde inimica est; præsidia humida, alimenta humida, nimius potus, humorum affluxus, &c.

Siccam denique excitant intemperiem aer siccus, topica vehementer exsiccantia, esculentæ, & potulentæ materiæ penuria &c. Quod si prædictæ conjungantur causæ, compositam in ulceribus producant intemperiem.

Hæ causæ, quas vulgares assignant, sunt mediatae, occasionales & intemperierum excitativæ, non autem immediatae, & secundum nostra theorematia, duæ tantum essent intemperies, nempe calida, & humida; frigida namque & sicca non sunt entia positiva, sed solummodo privativa. Præterquamquod calor, & humiditas non sunt qualitates nudæ, seu accidentia, ut vulgares philosophi Aristotelici plerant, quia revera non dantur accidentia in universitate rerum, sed sunt substantiæ; calor enim ab igne non nisi penes gradus differe in nostra Pyrotechnia fusiis demonstravimus, humidum verò illud dicendum fore, quod intra se humorem continet probavimus.

Excitant, juxta nostram sententiam, in, vel circa ulcus calidam intemperiem, omnia quæ subtilissimæ substantiæ particulas, ut sulphureas, salinas, vitriolatas &c. in motum & agitationem adigunt, vel sanguis, lympa, liquores vitiosi, vel in canaliculis obstructions, & cætera viscerum vitia, quorum ope, vel agitatione subtilium particularum fermentatio succedit. Ita sunt aer nimis calidus, medicamenta calidiora, potus, & cibus calidus &c. quæ hunc particulis motum inducere possunt. Frigida ulceris intemperies opposito modo producit, per caloris nempe defectum, per subtilissimarum namque particularum motum interdictum ab aliqua causa tam interna, quam externa, & per harum particularum feriotionem, & ligationem frigus in parte sentiri videtur. Hujusmodi sunt aer frigidus, medicamenta frigida &c. Humidam intemperiem illam dicimus, quæ humorum affluxum continet; impossibile namque est humidum concipere, absque eo quod humefacientem intelligamus substantiam. Humidam statuimus ulceris intemperiem, hoc cum discrimine, quod sit illud, quod neque calorem, frigus, vel siccitatem habet, in cuius causa venit etiam aer humidus; medicamenta, & alimenta humida, ac nimius potus. Siccam tandem ulceris intemperiem induci concludimus, per humoris privationem, provenitque ex alimenti defectu, vel à causis illud potentibus in halitus resolvere, hujusmodi est aer siccus, medicamenta nimis exsiccantia, cibi, & potus penuria &c.

Si nulla adest in loco affecto intumescencia in ulcere, vel in partibus circumjacentibus, intemperiem illam nudam, seu immaterialem appellat vulgares; si verò intumescencia ulcus, vel partes circumjacentes obsideat, materialem appellant.

Prognosis.

Ulcerum cum intemperie ægrè curantur, quia ejus curationem impedit; post habito namque ulcere, chirurgus soli intemperiei vacare debet. Ulcera cum intemperie calida, frigida, vel humida non difficulter curantur; una enim opera & eodem tempore iisdem medicamentis intem-

periei subvenire, & ulcus curare oportet, esto frigus ulceribus sit inimicum. Sicca temperies cum ulcere difficilius tolli creditur à vulgaribus, estò clamitent ulcus, ut ulcus exsiccatione indigere.

Curatio.

Nullum ulcus tam facile curant vulgares, quam illud, cui conjuncta est intemperies; indicat namque, ut dicunt, intemperies per contrariam alterationem juxta Galeni Tariffam; contraria contrariis curantur, ut calida frigidis, & frigida calidis &c. Cum autem intemperies habeat causæ rationem, & ea præsentem, ulcus curari non possit, nisi prius auferatur intemperies, primò igitur intemperiem tollunt, deinde ulcus sanant. Si intemperies sit materialis, eam adhibent curationem, qua in ulcere cum humorum affluxu utuntur.

Si itaque intemperies sit immaterialis, & quidem calida, ulceris intemperies refrigerantia mitiora, vel valentiora pro caloris excessu expostulat; commendant autem communiter aquam plantaginis, endivia portulacæ, rosarum, succum sedi, sonchi, solani, lactucæ, cicutæ. Hæc medicamenta refrigerantia, non solum ulceri, sed etiam partibus circumjacentibus, & vicinis imponunt, idèque etiam unguentis, oleis, aliisque hujus farinae præsidiiis utuntur, ita sunt unguentum de cerussa, album Rhafis, album camphoratum, rosaceum, populeum, refrigerans Galeni, santalinum. Oleum rosaceum, violaceum, ovi albumen, lac, acetum, oxycratum, & id genus alia. Ori ea medicamenta, quæ refrigerant, administrant, ut sunt syr. de Nymphaea, endivia, violar. cichor. portulacæ, item quatuor seminum majorum frigidorum emulsionem, juscula &c. Cæterum frigidorum medicaminum applicatione facile ex nativi caloris extinctione multi in gangrænam, & sphacelum, ac ipsam mortem incidunt; obstructis namque meatibus, & porositatibus, major particularum salinarum, acidarum &c. agitatio, & exaltatio excitatur, ac inflammatio, deinde gangræna, & sphacelus.

Frigidam ulceris intemperiem calefacientia requirere dicunt, idèque ad calida topica recurrunt, qualia sunt oleum hypericonis, nardinum, irinum, ruta, anethi, de spica, chamæmelinum, terebinthina, ceratum de betonica, vinum calidum cum spongiis applicatum. Et quidem varia linimenta, & unguenta ex his parata ulceri ponunt. Extrà verò, & partibus vicinis imponunt fomenta ex decocto salvia, hyssopi, absynthii, pulegii, ruta, roris mariri, lavendula, origani, mentha, fol. lauri parata in vino generoso. Quod si magis calefacere intendunt, oleum euphorbii adhibent, aut de piperibus insillant. Verumenimverò hæc medicamenta calida non ad Galenistarum nutum excalefaciunt, sed juxta partis dispositionem agunt, & nisi exilissimas particulas internas ad motum adigant, nullum in parte calorem excitare possunt. Si motus exciteretur, paulatina agitatione fieri debet, aliàs ab uno contrario in aliud absque ullo medio fieret transitus, & phlogosm potius excitaret, quam ad naturalem remperiem partem adigeret, & ulceris salia intensius agerent, fierentque exedentia, præcipuè cum ista vulgarium medicamenta ob lentorem, porositates obstruerent, & intensissimam salium fermentationem excitarent.

Humida intemperies siccantia desiderat, verum quia ulcus ex se exsiccantia requirit, si deinde humidum fuerit, fortiora requirit exsiccantia, quam ulcus simplex usurpat, qualia sunt radices cyperi, marrubium, salvia, chalcitis, plumbum ustum, ferri squama, lithargyrium, cerussa, minium, thus, mastiche, & his similia, ex quibus secundum intemperiei humidæ gradum varia cuique ulceri medicamenta parant. Quod ulcus humidius est, eò fortiora requirit exsiccantia; si verò minus humidum sit, mitiora exigit exsiccantia. Lavant, detergentque ulceris sordes vino, vel posca, in quibus adstringentia, & siccantia, ut radic. cyperi, hypericum, salvia, absynthium, betonica, rosa cocta sint, deinde dictis medicamentis pulveretenus ulcus inspergunt. Quam varia sint hæc vulgarium medicamenta siccantia, ad humidæ intemperiei sanationem, facile quisquam, qui vix chirurgiam à primo limine salutavit, conjicere potest; ferrum namque, ut diximus, estò siccissimum sit, spongiæ humiditatem destruere, atque siccitatem in illam inducere nequit, sed per expressionem, vel evaporationem exsiccatur: ita est humida ulceris intemperies, nisi foras eliminetur per evacuationem sensilem, vel insensilem, nequaquam curatur.

Sic-

Sicca tandem intemperies humectantia exposcit præfidia, eapropter parti aquam calidam applicant triplici modo, foris scilicet, perfusione, & balneo. Foris fit spongia, panno, stupa, aut gossypio, & hic modus commodior existimatur; perfusio autem, & balneum non ita commodè adhibentur. Utilius est, si ulcus hydroleo tepido foveatur, quàm aqua; aqua namque tepida actuali calore partera calefacit, poros aperit, & calorem dissipat, iterum post forum refrigerat, quod prohibet oleum admistum, quia lentore suo poros obstruit. Post forum sequens cataplasma humectans applicant, ut

℞. Fol. malv. ad mollitiem coctæ. ℥. ℞. farina bord. tritici ana ℥. ij. amygdal. d. contus. mellis cocti ℥. j. croci ℥. ℞. ping. porci q. s. m. in mortario & f. cataplasma.

Vel sequenti linimento humectante utuntur, ut

℞. Fol. malv. contus. ℥. ℞. butyri recentis ℥. viij. m. coquantur ad mollitiem usque, trajiciantur, & deinde adde olei liliorum albor ℥. j. ℞. m. f. linimentum.

In sicca intemperie vitet chirurgus exsiccantia, usque dum intemperies hæc in totum abiit, nam aliàs curatio pertinax & difficillima reddetur.

In temperie composita medicamenta utrique qualitati opposita adhibent, intemperie sublata, sarcoticis utuntur, & quidem in calida minùs calidis, in frigida minùs frigidis, in humida minùs humidis, & in sicca minùs siccantibus, ne pars intemperata in eandem relabatur intemperiem.

Quis agaso una hora non evaderet *Medicus Galenista* medendi indicatione desumpta in omnibus morbis ab intemperie, circulum committunt vitiosum; nam calidæ frigida, frigidæ calida, humidæ sicca, & siccæ humida præfidia applicant, ea propter vulgarium medicina est caloris, & frigoris dogma, ac proinde facta est fabula vulgi.

Intemperiei curationem ita instituimus, ut ulcus quantum fieri potest non negligatur. Si tamen utrique simul succurri non possit, ei quod magis urget chirurgum magis intentum esse oportet. Si itaque sit calida, utimur *foliis ebuli, & nicotianæ tepore imbutis, vel aqua spermatis ranarum, phlegmate vitrioli, aqua vitrioli, plantaginis sale Saturni impregnata, vel aqua lapidis medicamentosi, his aquis utimur tepidis, lacte tepido, linteis sanguine leporino illitis*. In frigida utimur *spiritu vini, tum simplici, tum camphorato, tum etiam aqua Regina Hungariæ, aquis stillatitiis juniperi, florum camomillæ, balsamo sulphuris terebinthinato, anisato, juniperato &c.* In humida omnia siccantia describenda capite sequenti de ulcere cum humorum affluxu conveniunt.

In sicca tandem, cuncta exsiccantia vitanda, conveniunt humifacientia, & præcipuè foris ex sequenti decoctione, ut

℞. Althææ, malvæ ana m. j. flor. viol. papav. nymph. ana ℥. j.

Coque in aqua fontis, vel lacte vaccino, aut caprillo, & cum spongia lepidè applicetur decoctio, vel immergatur pars exulcerata in ipsam. Si ex alimenti defectu dependeat, quod pars non attrahat, cibo euchymo, & facilis distributionis utimur. Si atrophia laboret, ejus curatione removetur.

C A P U T XII.

De Ulcere cum humorum affluxu.

Rarissimè sola intemperies ulcus comitatur, sed interdum ipsa cum humorum affluxu conjungitur, quam materialem intemperiem nuncupant vulgares, illamque esse volunt quadruplicem scilicet calidam, frigidam, humidam, & siccam. Cæterum hunc humorum affluxum excitant acidi, salii, vel alius similis indolis humores in ulcus decumbentes, vel stagnantes, & nisi his circulatio, vel resolutio restituatur, sive, ut vulgares inquirunt, talis materialis intemperies tollatur, ulcus nullam admittit sanationem.

Signa.

Ulcus cum humorum affluxu deprehenditur, non solum ex laborum, sed etiam circumjacentium ulceris partium tumore. Deinde ex dolore, præcipuè si nervosæ afficiantur partes. Tertiò ex excrementorum copia emanantium, quæ major, quàm pro ulceris magnitudine esse solet. Denique etiam, licet omnia, quæ ad curationem necessaria sunt, adhibeantur, sanatu difficile est; humorum namque affluxus curationem moratur.

Causæ.

Communiter *vulgares* humorum affluxus causas assignant plures, & primò peccantium succorum vel in toto corpore abundantia, vel in aliqua corporis parte, in hepate scilicet, vel liene. Deinde natura irritata, & stimulata quantitate, vel qualitate se exonerat, expellit, deponitque in partem exulceratam. Postmodum, ubi pars affecta propter dolorem, aut calorem pravos ad se allicit humores. Tandem vel dum ad partem in loco inferiori positam humores ut potè graves sua sponte defluunt, aut aliàs ad partem imbecilem, & ignobilem moventur, ac ibi stagnant. Non confutamus *Galenistarum* causas, quia ineptias sapiunt, vitiosos namque assignant humores, sed quo laborent vitio, silentio involvunt. Confugiunt ad hepar, tanquam ad omnium morborum patronum, vel ad lienem tanquam ad humoris melancholici cloacam. Naturam se exonerantem in debilem, & vilem culpant, & humores gravitatis accusant. Deinde apud languentes oraculi instar, non ex tripode, sed ex quadrupede potiùs naturam commendantes, hæc verba semper pronunciant: *Natura est morborum medicatrix, Medicus naturæ minister*, & nos hos ridemus sanè Medicos cum *Empedocle*:

*Jam quod mortales naturam nomine dicunt,
Hoc nihil est.*

Cum nesciant ipsi, quid dicere velint his verbis nihil significantibus. Est itaque apud ipsos natura *Deastra* morborum, & sanitatis effectrix, & velut *Achillis* hasta, quæ ferit, & sanat;

Una manus vobis vulnus, opemque feret:

Inquirunt calorem, & dolorem attrahere, verum in rerum natura nullam attractionem fieri contendimus nec ullam dari aliam præter mechanicam, qua nimirum pars trahitur, corpori trahenti alligatur, atque afficienti.

Humorum affluxum in ulcere secundum nostram sententiam causant pororum, vel canaliculorum obstructions; detinetur namque sanguinis, vel lymphæ, succi alimentitii, vel aliarum substantiarum fluidarum copia in circumjacentium ulcerum particulis, à partium textura immutata. Hæc in loco laborante cumulat, stagnat, adeò ut non solum porositates & canaliculi impleantur, sed etiam distendantur & sanguinis lymphæ succi nutritii vel aliarum substantiarum liquidarum transitus magis impediatur, ibidem acefcant, exaltentur hi liquores, & subjectarum partium fibras vellicent ac disseunt, ac proinde dolorum & calorem excitent; effluit interim ab ulcere pus, vel sanies, ichor, vel sordes &c.

Prognosis.

Ulcus cum humorum affluxu difficile curatur, quia ex affluxu ulcus humidum redditur, intumescit, & dolor excitatur; major ramen vel minor curationis difficultas pender, tum à majori, vel minori humoris stagnantis quantitate, tum etiam ab ejus majori, vel minori acrimonia, vel affluxus majori, vel minori quantitate.

Curatio.

Ulcus cum humorum affluxu curare non possunt *vulgares*, nisi fluxum, ejusque causam tollant, ac proinde sive in toto, sive in aliqua parte totius, hepatis vitiosus humor generetur, ejus genescim prohibent, humorem, qui affluit, decenti modo præparant, evacuantque præfidii, quæ tonsoribus patent, præcipuè si cacochymia exulceratus laboret. Postmodum per aliquod temporis spatium ad talem affluxum digerendum, suppurationem promovent *digestivo ex ovi vitello, oleo rosaceo, & terebinthina* composito verum hoc modo putredinem augere, & in causa sunt, ut chirurgi longius trahant ulceris curationem, ac pro dirigendo ulceris affluxu, quotidianum constituunt censum, & ægri crumenam digerunt. Non equidem *Galenum* legunt vulgares, qui in *commentario aph. 22. sect. 5.* expressè docet: *In ulceribus putridis, & fluxione vexatis, suppurationia non competere; putridis quidem, quia illis addenda non sunt, quæ putredinem augere possunt in fluxione vexatis vero, quia suppurationia affectam partem magis laxant, & disponunt ad recipiendam materiam fluentem.*

Deinde, ne humor ad partem affectam confluat, illum, revel-

revellere, interciperere, repellere satagunt. Inter revulsoria præsidia fonticulos in opposita corporis parte excitant, qui fluentes humores, qui ad partem affectam confluunt, alio loco evacuant. Hos fonticulos necessarios esse credunt in ulceribus diuturnis, & rationem assignant; Cum enim natura jam diu assueverit humores vitiosos per partem ulceratam evacuari; si ulcus planè claudatur, & aliquid humorum vitiosorum cupuletur, facile fieri potest, ut in venas regurgitet, & in nobiliorem aliquam partem ruat, quod fonticulo præcaveri potest.

Cæterum tantum abest, ut fonticuli ulcera habentibus emolumento sint, quin potius detrimento, quia pro diuturno curando ulcere, novum, & diuturnius excitant, & ex permanente ulcere ulcerati salutem invidiant; præstaret, ut primum ulcus sustentaretur globulo, charta bibula, & hederæ folio. Imaginantur per fontanellas, quasi per fontes, morbos exhauriri, quasi vitiatis humoribus per novum emundatorium ad vulgare nutum se naturam exonerare credunt, & illorum jussibus obediunt ferè sibi persuadent. Vitiatos citant humores, ut personaliter compareant ad finem providendi, aliàs &c. Nulla est communio inter illa membrana opposita, quia salebrosa est via, neque anatomicorum solertia usque modò peculiare invenit ductus, quibus degeneres humores in brachium, semur, & tibiam deferantur. Excrementum, quod è cauterizato loco emanat, non dissitis è partibus venit, quia non præexistebat, sed est geniale, optimum, & laudabile partium nutrimentum, quod in degenerationem abit. Hoc turpe, & putidum ignorantia asyllum, ad quod pro excrementorum expurgatione confugiunt vulgares, non solum humano generi officit, sed impietatem sapit, & implicitam contra Deum blasphemiam involvit; quippe in hominis opificio insufficientia eum accusant, quod necessaria ignoravit emundatoria, quasi tot non condidisset, quoterant necessaria. Præterea membrum cauterio infectum, debito defraudatur alimento, naturale amittit robur, extenuatur, macilentum evadit, & multoties atrophias, erysipelata, inflammationes, gangrænas, & sphacelos subit, præter assiduas callositates, carniū excrecentias, & sanguinis profusiones.

Ulcus affluxum intercipiunt defensivis, quæ supra partem exulceratam in parte sana versus vasorum radicem, in locis ubi venæ majores, & magis conspicuæ sunt, imponunt, quæ vasa, per quæ humor affluit, constringunt, & humorem retropellere tentant, ex siccis, & adstringentibus parant, ex sanguine draconis, bolo armeno, balaustris, flor. ros. rubr. cortic. granat. myrto, alumine cum albumine ovi, ol. myrtino, rosaceo, posca, vino austero aquis adstringentibus &c. ex quibus cataplasma, vel alia medicamenta parant. Sed concessio, quod hæc constringendi potestatem habeant, vasa humores adducuntia, & consequenter ipsorum affluxum impediendi, iisdem de causis ita defensiva noxia sunt; quandoquidem si constringunt arteriolas sanguinem deferentes, angustiant quoque venulas, & lymphaticos ductus, sanguinem superfluum, & aquosam humiditatem à parte abducentes, & reportantes. Unde magis stagnabunt liquores in loco ulcerato. Pro defensivis deligandæ essent potius arteriolaræ, si hoc absque salutis noxa fieri posset.

Humorem denique affluxum, qui in membro ulcerato adhuc fluctuat, repellunt; idèque partem exulceratam, vel ei proximam abluunt aqua aluminosa, vitriolata, aqua, vel decocto plantaginis, rosarum, balaustrorum, radic. cyperi, pentaphyll. &c. sed hæc repellentia acida, austera, atque adstringentia medicamenta multis de causis suspecta sunt; nam partium porositates constipant, & sanguis magis incrassatur, & coagulatur ab ipsis, & cum humor parti jam impactus est repelli nequit, pessima mala subsequi solent. Insuper explicari, aut intelligi nequit, quomodò, & per quas vias fieri debeat talis percussio, quod enim perpetuò à corde mittitur per arterias in omnes corporis partes, sanguis est, ad hoc igitur, ut sanguinis in locum ulceratum affluxus impediat, necesse est, ut cordis motus cesset, vel arteriolaræ in affectam desinentes partem ocludantur. Præterea adhibitis repellentibus magnum non tantum damnum percipitur, verum etiam ulcus augetur, nullo igitur prorsus modo adhibenda sunt, ob infelicem successum, quia humor ad alias corporis partes percussus, majora inferre potest incommoda. Sunt repellentia frigida, & humida in eorum sen-

tentia, qua de re densantia, & adstringentia potius, quam repellentia appellari debent, quia partem affectam, ejusque vasa comprimunt, contrahunt, adstringunt, affluxumque humorem densant.

Interim ulcus pulveribus exsiccantibus tractant, ut Lithargyrio, tutia, plumbi ustis, corallis, bolo armeno, chalcitide &c. Postmodum sarcoticis utuntur, & tandem ulceri carne repleta epuloticis cicatricem inducunt.

Ulcus cum humorum affluxu, cum intemperie materiali appellatum à vulgaribus exsiccatione indiget, si Hippocrati & Galeno credimus, vel ex aliorum sententia acidum temperantibus, & salia obtundentibus, ac castigantibus. Præterea excrementa, quæ in ulcere generantur, vel confluunt, & medellæ impedimento sunt, tolli debent. Eapropter sedula danda est opera, ut tenues superfluitates exsiccantur, crassæ abstergantur, & optimum interea nutrimentum in corpore gignatur, & in affectam partem fluat, ut amissam substantiam denuò gignere queat. Ad hunc itaque finem primò si sanguis abundet, tenui victu imminuenda est plethora, nam ut Hispani dicunt: *La dieta es una continua sangria*. Præterquam quod tenuis victus ulceratis salubris est, & magnum succi alimentitii proventum minorat. Postmodum si lymphæ, vel aliarum substantiarum fluidarum copia in causa sit, cathartici hos humores exturbantibus res peragenda est, ut resina jalap. extract. gummi gamandra, mechoaca, Diacarthami, vel conserva florum persicorum &c. Hæc namque pororum, & canaliculorum obstructions referant, & circulatio restituitur.

Deindè alkalia, quæ acidum absorbent, propinanda sunt, ut c. c. philosophicè præp. stibium diaphoreticum, alkali cancr. fluviatil. corall. præp. oculor. cancr. pulvis, sal volatile c. c. Decocta lignorum saffras, guajaci, juniperi, visci quercini maximopere conducunt ad resolvendum affluxum per sensilem, sive insensilem evaporationem. Similiter potiones vulnerariæ ex herbis plurimo alkali volatili abundantibus, ut scabiosa, scordio, carduo benedicto, alchimilla, pilosella &c. Item tinctura martis aperitiva. Potus ordinarius sit decoctum herbe Theæ.

Quò ad topica partis ulceratæ medicamenta mitius exsiccantia, & detergentia conveniunt, ut nitrosa, aut amara facultate prædita, quæ excrementa producta abstergere, & blandè tenues humiditates exsiccare valent, hujusmodi erunt balsamus proprietatis vel emplastrum fodicationum vel stipticum Paracelsi Emplastrum de lapide calaminari quoque ulcera manantia desiccant, & cicatrices claudunt, cujus compositio est:

℞. Lapidis calaminaris tutia præp. ana ℥. ij. terebinthina ℥. j. ℞. cera citrina, resina ana ℥. j. lithargyrii ℥. ℞. olibani, mastiches, tragacanth. ana ℥. j. olei rosar. & myrti ana ℥. ij. f. empl. s. a.

Unguentum Rubrum, sive de minio camphoratum potentissime manantia ulcera exsiccant, & humorum acrimoniam obtundit, ut

℞. Olei ros. ℞. j. ℞. lithargyrii ℥. ij. minii ℥. ij. cerussæ ℥. j. ℞. tutia præp. camphora ana ℥. ij. cera alba ℥. ij. Liquefactam ceram cum oleo lento igne misce in mortario plumbeo, cum reliquis rebus tenuissime tritis.

Unumquodque horum topicorum per se ulceris aciditatem immutare, excrementa abstergere, tenues humores exsiccare, carne implere, & cicatricem inducere valet, absque alieni medicaminis ope.

C A P U T X I I I.

De Ulcere cum inflammatione.

NON tantum peccantium succorum affluxus ulceribus supervenit, sed pro succorum diversitate, diversi emergunt tumores, ac propterea fieri non potest, ut ulcus sanescat, quin prius intumescantia cum eo conjuncta removeatur. Sæpiissime ulcera inflammatio deprehendit, quæ ortum ducit ab impedimento circulari sanguinis motu in partibus ulceri circumpositis.

Signa.

Cognoscitur ulceri complicatam esse inflammationem, ex tumore cum tensione, calore, rubore, dolore, partium pulsatione, & febre.

Tumor oritur ab intercepto circulari sanguinis motu in suis

in suis conceptabilis obstructis, in quibus stagnat, & liber denegatur transitus, eo sanè modo, quo superficialibus cujuscumque membri venis arctiori pressis vinculo, & sanguinis motu in ipsis impedito, talis membri intumescencia subsequitur. Quædam conceptacula tamdiu distenduntur, donec rumpantur, & sic sanguinem intus contentum effundunt, qui stagnans tumorem, & tensionem efficit.

Calor intensior oritur ab intensiori particularum motu in sanguine stagnantium, & quia quasi vi transcunt, & circulant, effervescunt, & eò magis dum suppurationem subeunt, qui calor utique non excitaretur, si particulis liber permitteretur transitus.

Ruborem causat sanguis diffusus, & effervescens inter tunicas, & fibrillas, vel inter obstructa vasa, cui circulationis motus denegatur, & se expandit.

Dolor provenit, quia membranæ, & fibrillæ, quasi violentia premuntur, tenduntur, contrahuntur, crispantur, convelluntur, imò sæpè quidem lacerantur, distumpuntur à stagnantis sanguinis particulis acidis, quæ inter partis laborantis membranas, & fibrillas incuneantur ad spinæ similitudinem, unde doloris sensus emergit. Sed de doloris causa fusiùs diximus in nostra *Trutina de capitis dolore*.

Pulsatio ortum ducit ab arteriis compressis à sanguine evasato, qui stagnans intumescencia parit; comprimuntur arteriæ, & fortis fit earum pulsatio, quæ aliàs arteriis liberis existentibus, tam vehemens non perciperetur.

Febris quoque inflammationem comitatur, quod in sanguine evasato, salia alkalia cum acidis particulis commiscuntur, ex quibus fermentationis motus excitatur, ut videre est in liquorum alkaliorum, & acidorum miscella, qui motus tunicis, & fibrillis impertitus, illas depravatè agitat, & febris progignitur.

Causæ.

Proxima cum partibus ulceris immediatè proximis complicata causa fingitur à *Galenistis* sanguis, & quidem in legitima purus, in illegitima verò non ita purus, sed cum aliorum humorum copia mixtus; ex hac humorum varietate contingit, ut sanguis nunc lenior, nunc acrior, modò crassior, modò moderatus, ut in legitima deprehenditur, & hinc fit, ut juxta variorum humorum exorbitantiam, sub variis larvis emergat inflammatio. Illegitimam triplicem esse dicunt, vel sanguini inflammationem causanti admixta est bilis, & dicitur *erysipelatodes* vel permiscetur pituita, & nuncupatur *inflammatio œdematodes*, vel in sanguinis massa melancholia exorbitat, & vocatur *scirrholes*.

Verum *vulgares* hæc sententia fallit, ita inflammationem pertrahentes; nam erysipelas non fit à sanguine, sicut inflammatio, & sic inflammatio erysipelatodes ruit; nec rectè œdematodes cognominatur, quia non datur inflammatio œdematodes, cum sit verum œdema. Scirrholes dici potest, nam non ita facillè curatur, quia scirrhus est affectus contumax, periculosus, & facillè in cancerum degenerans, præcipuè si imprudenter medicamentis tractetur.

Cæterum hoc inflammationis discrimen magna indiget explicatione, cum sanguis apud vulgares sit quatuor humorum congeries, quam non facillè ipsi venantur, sed recentiores ita rimantur: Inflammatio dicitur legitima, si intumescencia circumpositarum ulceri partium fiat ab illa sanguineæ massæ portione, quæ convenientium circulationum ope, in corde, cæterisque visceribus depurata, atque spiritualizata fuit, & deindè in parte inflammata stagnat, vel ob vitium ibidem contractum, vel ob viarum angustiam. Vel dicitur *inflammatio erysipelatodes*. Si sanguini inflammationem patienti admisceatur bilis, sive potiùs sanguineæ massæ portio, quæ ob multiplices filtrationes, & circulationes nimium attenuata, volatilizata, & æstuosa est. Vel nominatur *œdematodes*, si pituita, sive meliùs illa sanguinis portio, quæ ex chylo (ut dicunt) noviter facta fuit, sanguini inflammanti permiscetur, nec sufficienter circulata, librata, ac præparata est, sed sanguis potiùs crudus, & non multum spirituosus. Vel *scirrholes*, si in sanguinea massa melancholia exuberet. Sive crassa sanguinis pars, sæculenta, tartarea, quæ post multas fermentationes, ac spirituum evolationem superest. Sanguis hic adeò quantitate peccat, ut non so-

lùm magna vasa distendat, sed etiam parva, & cum contineri non possit, effunditur à foraminulis ad modum roris, & à partibus carnosus combibitur. Ad causas antecedentes referunt partem mittentem validiorem, & recipientem imbeciliorem, quæ imbecillitas vel naturalis est, vel adventitia.

Inflammatio in partibus ulceri circumpositis, fit ab impedito circulari sanguinis motu. Hoc impedimentum aliquando ortum ducit à causa externa, ut contusione, punctura &c. Vel sex illæ causæ non naturales dictæ etiam inflammationem excitare valent sanguini præbentes in vasis stagnationem, vel evasionem inter tunicarum, & fibrillarum interstitia; disruptis namque, vel obstructis arteriis, sanguis extravasatus, vel obstructione impeditus, ob spirituum dissipationem acefcit, grumescit, ductuum sanguiferorum extremitates claudit, & pus subit. Interdum pendet à causa interna, ab obstructionibus nempe arteriarum capillarum (dum transit ab arteriis in venas) inductis à sanguine crasso, & glutinoso, in quo acida exorbitant salia, & in vasis suis subsistit, & stagnat. Idem sanguis absque crassitie, & glutine esse potest, sed spirituosus, qui inter membranas, & fibrillas effusus, vel in suorum conceptaculorum extremitatibus remoram facit, subtiles evolvit particulas, motum amittit, concrevit, & diu hæere nequit, quin acorem concipiat, & quia est, quasi extra proprias ædes depositus, proscriptus, & vitalitate destitutus; in corruptionem, & pus abit, & sic abscessum parit.

Ex quibus colligimus secundum nostram sententiam, non tantum plurimo, sed etiam minimo sanguine abundantes, inflammationi obnoxios esse. Hinc quoque erui-mus frustraneam esse maledictam sanguinis missionem in inflammatione curanda.

Effunditur sanguis è suis conceptabilis in partium intercapedines, propter eorum apertiones vel per anastomosis, vel per diæresin, vel per diabrosin.

Prognosis.

Inflammatio non nimis in profundo latens, & corpus non sit caco-chymum, aut debile, facillè resolvi potest; omnis enim inflammatio, quæ per insensibilem evaporationem non resolvitur, suppurationem accersit, vel si perperam tractetur, in gangrænam degenerat, & quandoque mortem affert. Inflammatio in partibus ade-nosis facillimè in gangrænam, & sphacelum definit. Si tandem calor, dolor, & cætera imminuuntur accidentia, tumore superstitè, periculum imminet.

Curatio.

Curationem inflammationis cum ulcere conjunctæ exordiantur *Galenistæ*, à venæ sectione, quam præsertim maximè necessariam existimant, siquidem sanguine detracto, qui inflammationem faciebat, tumor, calor, rubor, & cætera accidentia desinant oportet; verum phlebotomia prohibere intendunt, si verum est, ne novus sanguis ad partem affluat, respiciunt ad posterius, sed priùs illapsum intactum in partium intercapedines relinquunt, & sic perperam bardum celebrant medicamentum. Deindè blando utuntur purgante juxta humoris à sanguine peccantis exigentiam, abstinere à vehementioribus dejectoriis, quia ab his humores impetuosè commoventur, & in partem laborantem impelluntur. Postmodum alterantibus qualitatibus excessum in humoribus emendant, & quia inflammatio requirit partis refrigerationem, ad intensum calorem restringendum, refrigerantibus utuntur, ut *Lactuca*, *viola*, *portulaca*, *Nymphaea*, *cichorio*, *feminibusque frigidis*. Verum refrigerantia tubulorum obstructions augent, humores coagulant, & ex aucta obstructione vehementius agitantur, tumor supervenit major, & inflammatio ad gangrænam, apta redditur. Præterquam quod *refrigerantia*, juxta *Hippocr. aphor. ulceribus sunt hostilia*.

Post hæc commendant præcipuè revulsionem in fluxionis principio, cui satisfacere putant insensibiliter evacuando, frictionibus, cucurbitulis, similibusque prædiis. Deindè vitiosum humorem, qui jam affectum obsidet locum, sed nondum firmatum repellere tentant *succo solani*, *sedi majoris*, *lentis aquaticæ*, *portulacæ*, *acetosellæ* &c. Cæterum abstinendum à repellentibus, quia humorem

morem intropellunt (sed hæc verbo tenus repellunt,) & repulsum ad partes nobiles demandant; præterea ulceri nocent, ut diximus. Inflammationis deinde statu, & declinatione discutientia adhibent, ut stagnans sanguis discutatur, utuntur foru ex decoctione *malvæ, meliloti, sænugraci, chamomilla, sambuci &c.* Sed hæc cum consent ex rebus mucilaginosi, atque crassis, magis claudunt insensiles partis affectæ meatus, humoribusque incrassatis transpirationem impediunt, ac proinde nullatenus uti debent.

Inflammati ulceri conjuncta curatur obstructionis vasorum refectione, vel sanguinis effusi resolutione, ac proinde primò incommodo occurremus, si medicamenta, quæ acidum absorbent, adhibeamus, ita sunt illa, quæ plurimo constant alkali; nam sanguini fluiditatem restitunt, & circulationem consuetam promovent, talia sunt *sanguis hirci ad pleuritidem, extractum papaveris rheados, oculi cancrorum, cornu cervi philosophicè præparatum, stibium diaphoreticum, ebur sine igne paratum, corallia præparata, sperma Ceti &c.* ut

℞. Sang. hirci ℥. j. c. c. philosophicè præp. ℥. ij. ocul. cancror. ℥. ℥. salis volatilis succini gr. iij. m. f. pulvis, & divide in sex schedulas æquales, & utere manè & vesperti in aqua stillatitia papaveris rheados, vel cum potu calido herbæ *Theæ*, vel in decocto radicis *china*, *falsæ parillæ*; Hæc namque alkalia ita conformatas habent vacuitates, in quibus particularum acidarum cuspides incuneantur, ut obtundantur infringanturque, & stagnans sanguis acidis particulis destitutus, fluidior reddatur, & consuetam, ac naturalem nanciscatur circulationem.

Sanguinem effusum resolvunt diaphoretica, ut *Bezoardicum minerale, stibium diaphoreticum, unicornu, mistura simplex, sal volatile c. c. ejusque spiritus rectificatus, sal volatile cardui sancti &c.* Hæc non tantum coagulata dissolvunt, & fluida reddunt, sed sudorem promovent, peccantemque expellunt materiam, imò ipsum sanguinem effusum, aciditatum, coagulatamque resolvunt, acidi vis infringitur, nova coagulatio impeditur, & interim tam sensibiliter quàm insensibiliter per suos ductus resolvitur. Quod si sanguis ob lentorem in resolutionem non abeat, ad dissolvendum magni æstimamus spiritum *tartari, salis armoniaci, vel fuliginis*, & ad hunc etiam finem diuretica magnopere profunt ut *lapis prunella, floris salis nitri, sal stipitum fabarum, spiritus salis dulcis &c.* Si dolor in inflammatione ulceri conjunctus maximè urgeat, anodina diaphoreticis commista celebramus; hæc namque dolorem sedant, vitam consopiant, acidos aculeos obtundunt, & viam diaphoreticam augent, ut

℞. Diascordii Hieronymi Fracastorii ℥. ij. stibii diaphoretici gr. xii. bezoardici mineral. gr. iij. anodynæ mineralis ℥. ℥. m. f. pil. v.

Interim pars inflammata topicis non destituatur præfidiis, sed foveatur spiritu vini camphorato, aqua Regina Hungaria, vel decocto sulphuris cum urina, conducitque succus cancrorum fluviatilium calidè impositus, & sæpè renovatus. Item aqua vitrioli vel lapidis medicamentosi calidè applicata. Similiter emplastrum de spermate Ceti cum camphora, & croco. Verum præ cæteris excellit decoctum ex blandis diaphoreticis, & aromaticis, ut radice *ireos, rore marino, mentha, scordio, flor. sambuci, chamomilla &c.* cum spiritu vini camphorato, & aqua Regina Hungaria.

Quod si hisce adhibitis, phlegmonis materia ob aliquam crassitiem & nimiam copiam resolvi nequeat, fortia calefacientia, & exsiccantia vitare oportet, ne ipsorum ope tenuiores particule, crassioribus remanentibus, exhalent, & inflammatio in scirrhum degeneret; unde mediocria calefacientia loco affecto sunt applicanda, ut contentus in eo sanguis absque ullo capitis mortui residuo resolvatur. In inflammata etiam parte perpetuò eò respiciendum est, ne topica sint nimis calida, nam sicut ignis nimio suo calore res corrumpit, & scindit, ita & fibras plurimas ejusmodi remedia calidiora corrumpunt, & scindunt. Nec etiam frigida, humida, oleaginosa, & crassa esse debent, nam obstructis poris: magna particularum fermentatio succedit, & facilè in gangrænam, & necrosim terminari potest. Si verò sanguis neque resolvi, neque in naturæ gratiam redire potest, inflammationem in abscessum, & sanguinem in pus abire oportet.

Recentiores in inflammatione sanguinis missionem admittunt, præcipuè si sanguis nimis premens dolorem inferat, inflammationem augeat, quando scilicet sanguis circa inflammationis locum plus colligitur, quàm ipsæ venæ absorbere possunt, & simul ex illa vehementi pressione periculum sit, ne membranæ, ac vasa extendantur, & fibræ rumpantur. Hoc in casu phlebotomia celebrari potest, ut nimium sanguinis motum modèremur, sed interponenda sunt temperantia, aliàs venæ sectio plus obesse, quàm prodesse potest: Phlebotomia enim non intendimus sanguinis derivationem à parte affecta, cum circulatione detecta, sanguinem per partem affectam circulari sit sole clarius, sed venæ sectio hoc in casu præstabit, quod sanguinis impetum, & copiam diminuat, unde arteriarum, vasorumque latera concidunt, porisque eorum minus patulis factis, tanta humorum trajectio, & pressio fieri non potest, & præcavetur, quo minus per pressionem à tergo sequentem, vel profundiores emergant obstructiones, vel ipsarum fibrarum ruptiones.

Si tandem nec obstructio à sanguine excitata referetur, nec sanguis extra sua vasa effusus, & in grumum concretus resolvatur, inflammatio discuti nequit, & abscessum fieri necesse est: quod facilè deprehenditur ex majori doloris intensione, & febris accessione, ut prædixit Hip. 2. aph. 47. *Dum pus sit, dolores, & febres accidunt magis quàm confecto.* Tunc suppuratio promovenda est externis remediis maturantibus, magis scilicet poros obstructibus, qua obstructione facta, interior promovetur fermentatio, ac proinde ruptis tubulis, materia extravasata, quæ in illis stagnabat, in unum congeritur focus, & in pus transit. Si concocta materia per ulcus libere fluere nequit, aperiendus est abscessus, & idoneis curandus est medicaminibus, sublata namque inflammatione, facilè ulcus sanatur.

C A P U T XIV.

De Ulcere cum Erysipellate.

MULTOMIES ulceris curationem impedit superveniens erysipelas, non immeritò itaque de erysipellate ulcus comitante impræsentiarum agamus oportet; si enim non submoveatur erysipelas, ulcus curari impossibile est.

Erysipelas dicitur græcis, latinis verò ignis sacer, propter acriorem calorem, qualem ægri in ambustis sentiunt, vel ignis dicitur sacer i. e. execrandus, à nonnullis medicastis ignis sylvestris appellatur, quasi efferatus ob fervoris ferociam.

Erysipelatus subjectum frequentissimè est cutis externa, atque extrema, interdum etiam membranæ, ac viscera interna, ut pulmo, cor, ventriculus, hepar, uterus &c.

Differt erysipelas ab inflammatione jam superiùs tractata, nam in hac calor ardens minor est: in illo vehementior, quia interdum cutem sic urit, ut vesiculæ excitentur. Differunt & dolore, in inflammatione siquidem dolor est comprimens, & pulsans, in erysipellate verò dolor est mordens, & acicularum instar pungens. Differt colore, nam si digito pars inflammata prematur, permanet rubra, in erysipellate verò, admoto digito recedit, cutis albescit, sed remoto, illicò rubescit. Præterea erysipelas colorem pallidum, vel flavum, vel ex utrisque mistum retinet, inflammatio verò rubrum. Tumor major in inflammatione & non ita à premendo cedit, qui tamen in erysipellate non observatur. Distinguitur etiam ratione subjecti, nam erysipelas cutem tantum obsidet, inflammatio verò præter cutem subjectam quoque carnem occupat. Inflammatio omni tempore eodem in loco infixæ consistit, & erysipelas facilè serpir de loco in locum, & ignis fatui instar modò in hac, modo in alia parte. Humior quoque erysipelas produciens tenuior est, quàm inflammationis. Tandem erysipelas ex febre acuta discriminatur à phlegmone, quæ tertianæ motum habet.

Signa.

Erysipelas horripilatione incipit, calor intensior, & volatilior subsequitur, post quem febris cum siti, oris amaritie, & vigilia, quæ ad tertianæ typum accedit, & erysipelas antecedit. Adest in parte dolor acicularum instar pungens, color rubicundior apparet, qui loco sæpè mutatur ignis fatui instar, ac deservescere humore,

humore, ad flavedinem magis vergit. Tumor non tam altè elevatur, ob minorem humorum stagnationem, nec tensio adest difficilis, cedit quoque digitis prementibus, & color rubeus in album mutatur, qui tamen illico rubescit.

Causa.

Galenus pro erysipelatis causa materiali bilem flavam statuit, & amarā non abssimilem illi, quæ in cysti fellea continetur, copiosior quàm par est in jecore genita, & ex hujus visceris robore ad imbecillem partem depulsa. Cæterum parū sibi constans idem *Galenus lib. 2. ad Glauc. cap. 1.* ex tenuissimo sanguine, aut huic admixta bile erysipelas fieri dicitavit, ex pura verò bile herpetem potius produci, quàm erysipelas. Id quoque declaravit *de tumoribus p. n. cap. 10.* Hanc *Galenus* inconstantiam in tradenda erysipelatis causa materiali multis in locis quisquam animadvertere potest.

Sed errat *Galenus* cum suis *Galenistis*, nam erysipelatis color flavus non est, ut in Icteria, nec pallidus, sed rubicundus, testaturque potius sanguinis, quàm bilis generis. Præterea sanguineo temperamento præditi, & sanguine abundantes huic malo magis obnoxii sunt, quàm biliosa temperie donati, & magnam bilis copiam habentes. Deinde appellant *erysipelas*, *apostema igneum*, quia fit ex bile calida, & sicca ignis elemento correspondente. Verum videmus frustraneum bilis commentum, quia quæ ignis indolem imitantur, non sunt de biliosi humoris familia. Insuper in æquivoco volutantur, accipientes humorem felleum pro bile, ut fufius in *Trutinac. de Icteria* refutavimus. Unde falsum est, quicquid de materiali erysipelatis causa sectatores imaginantur, neque solidi quidquam habet eorum conjectura, quæ omnes morbos à quatuor humoribus mendicat, qui nunquam tales in viventium corporis fuere, neque ii hos unquam viderunt, nec videbunt.

Dividunt in legitimum, & in illegitimum erysipelas; legitimum est, quod ex sola bile, vel naturali, vel non naturali fieri autumant; illegitimum verò dicunt, quod ex bile non sola, sed aliis commixta humoribus originem ducit, ut si sanguis bilem superat, dicitur *erysipelas inflammatum*, si bilis à pituita superetur, vocatur *œdematosum*, si tandem bili prædominetur melancholia, dicitur *scirrhusum*.

Dupliciter quodcumque producit erysipelas, vel ex prohibita transpiratione ab aliqua causa externa producta, vel ex alicujus corporis partis vitio, ut vulnere, ulcere, contusione, fractura &c. Quoties transpiratio prohibetur, toties ultimum partium nutrimentum, quod in carnis poris retardatur, ne effluat ob pororum angustiam à causa externa causatam, à partium continentium calore agitur, & degener fit, naturamque eadem continentem partes irritantem acquirit, & fermentescit, & fermentationis actione tumorem, coloris mutationem, dolorem, febrem, cuncta reliqua in parte producit. Ita quoque aliquo existente vitio in aliqua parte, fiunt erysipelata, nam vitium illud partis, si assidua transpiratione non ventiletur, quod remanet proximum partis nutrimentum inficit: propterea fit suis fibris continentibus exoticum, & erysipelas excitat. Ultimum partium nutrimentum ex prohibita transpiratione in carnis fibris, & in cutis poris retardatum, salinam habet indolem, ex cunctatione aciditatem concipit, cui sulphureæ associantur particule, hoc mediante connubio salinæ acidæ, & sulphureæ, quia exilissimæ sunt, fermentationis motum subeunt, quoniam per obstructos cutis poros resolvi nequeunt, à copiosioribus acidis coagulantur, & in obstructam cutem impelluntur, in hac ob angustias remanent, eamque magis obstruunt, sanguinem, reliquosque succos circulates retardant in exilissimis vasculis, non profunde latentibus, sed in cutis superficie existentibus, & ex eorum viciata textura, & lubricis particulis vividior rubus color apparet quàm in inflammatione, quæ in majoribus & profundis vasis ex sanguinis coagulo fit, ideoque digito premente albescit pars, quod in inflammatione non succedit. *Intumescenzia*, & *resistentia* in erysipelate semper est minor, quàm in inflammatione, cum tubuli minores sint, & stagnans materia non adeo copiose congeratur, & cum fluidior facilius per vasa lateralia delabatur, nec tam

ram suscipit fermentationem, unde acidæ, salæ, acutæ, cæteræque particule in tubulorum fibrillas impingunt, quæ non distenduntur, quousque rumpatur, ut in inflammatione, & hinc oritur potius pruritus, quàm doloris sensus, quia fibrillas afficiunt, & proximum cutis rete indefinens fit salium à sanguine secretio, quæ ad cuticulam demandantur, & priorum ibi commorantium copiam adaugent, cuticulam distendunt, à cute divellunt, eamque in vesiculas elevant, distentæ cuticulæ pori arctiores fiunt, & difficulter particulis salinis datur exitus, & pauciores hac de causa exhalant. Hæ vesiculæ ichore repletæ cernuntur, quem disruptæ reddunt, verum pus non extillant, quia partium corruptum non est nutrimentum. sed ichor tenuis roris instar aquæ lucidæ non abssimilis scattet, qui sudore tenuis insensibiliter exhalare debebat, in parte coercitus fuit, & corrodentibus salinis particulis imbutus, aquam causticam æmulator.

Prognosis.

Ulcus cum erysipelate periculo non vacat, cum ob partis imbecillitatem, tum ob maximam humoris stagnantis copiam; hinc est quod si multum sit in parte nutrimentum degeneratum fermentescens ita ut in continentibus altas egerit radices, satis rebelle est, vel à continentibus regi non potuerit, vel pravam acquisierit qualitatem, quam natura vincere nequit, mortificatio succedit & inevitabilis mors, & quidem ob repellentium & refrigerantium remedium applicationem, vel ob aeris ambientis subitam refrigerationem, aliquoties lethale observavimus, quia ob hæc erysipelatis materia exhalare nequit, unde *Hip. 25. aph. sect. 6.* inquit: erysipelas foras intra verti malum, intus verò foras existere bonum, & in *Coac. sect. 2.* Erysipelas verò foris quidem extare utile, intro autem vergere lethale; cujus quidem rei indicium est, cum, rubore evanescente, pectus gravatur, & agrius spiritum trahit ager; quia in externis existens partibus ejus causa facilius transpirare potest; introrsum verò pulsa vitæ parat insidias, quia principes partes invadere potest. Erysipelas, quod alios sequitur morbos, nempe ossium denudationem malum, ut prædixit *Hip. Aph. 19. sect. 7.* Ab ossis nudatione erysipelas malum. In ulcere item, vulnere, fracturis, luxationibus, difficilior est ejus curatio; in his enim semper timere debemus, ne in alios exitiales degenerent morbos, nempe in ulcera sinuosa, corrosiva, phagedænica, & cætera. Si putrescit, vel suppuratur, quod rarissime contingit, malum portendit ut asserit *Hip. aph. 20. sect. 7.* Ab erysipelate putredo, & suppuratio, malum; quia nimiam humoris acrimoniam, vel caloris nativi debilitatem ostendit; sæpissime namque in prævum ulcus, vel in gangrænam abit. Facile hoc malum recidivare solet, vel aliquando in ulcera degenerat rebellia. Eventus saluus in erysipelate est plurimum per insensibilem transpirationem, ubi, accedente pruritu, cuticula quasi in squamas fatiscet, & calor in ordinarium & consuetum mutabitur.

Curatio.

Ulcus erysipelatosi curationem aggrediuntur vulgares, primò visa erysipelatis facie, venam secant, & quidem miramur; si namque inflammatio adsit, sanguinem fundunt eodem pariter modo; attamen in eorum sententia inflammatio in causa sanguinem, & erysipelas bilem cognoscit, quare deinde in erysipelate venam secant, id minime intelligere possumus. Postmodum ad eandem educendam bilem medicamentum cholagogum præscribunt, ut *℞. Fol. sen. or. tart. alb. ana ʒ. j. myrobol. citrin. ʒ. ij. rhabarb. elect. ʒ. j. ʒ. f. decoct. in aqua cichor. & in suff. quantitate diss. manna elect. calabrensis, syr. de cichor. nic. ana ʒ. iij. m. f. p.*

Interim fortiores injiciunt clysteres, vel prædictum reiterant purgans. Verum in hoc morbo neque phlebotomia, neque medicamentum purgans convenit, nam ambo à circumferentia ad centrum trahunt, quæ medicamentorum genera introrsum pellunt, morbificam causam ad principales trahunt partes, & exitiales morbi inde evenire possunt, ut inquit *Hip. Erysipelas foras intro verti, malum.* Præterquam quod tali remedium supellectile curati, si quandoque curantur, in hoc malum sæpè incurrere solent. Ad sanguinis effervescentiam, & bilis correctionem, varios

vatio exhibent refrigerantes syrpos, ut *de endivia, nymphaea, violis, cichorio &c.* cum aquis etiam refrigerantibus, ut *portulaca, lactuca, cheresolii, lupulorum &c.* Nec interim ulceris obliuiscuntur.

Quod ad topica, id quod in partem fluit, repellunt, & erysipelati frigefacientia admovent, & id, quod jam coarctatum est, frequenter alterant herbis refrigerantibus cum humiditate absque adstrictione, veluti est *sedum, portulaca, cucurbita, lenticula palustris, solanum, sambucus, hyoscyamus, lactuca &c.* Solent his opii quid, & succi papaveris, cicute, & mandragorae admiscere, & composita concinnant medicamenta, vel utuntur cataplasmate de mica panis. Applicant quoque olea refrigerantia, ut *rosaceum, violaceum, amygdalarum dulcium*, vel unguenta frigefacientia, ut est *refrigerans Galeni, album Rhasis, de santalo &c.* Ceterum hæc topica refrigerantia perpetuo exitialia fuere; nam obstructis poris, erysipelatis causa, nec attenuari, nec intro foras exhalare potest, unde tragicos eventus, quos nos autopsia docuit expectare oportet.

Curationem ulceris erysipelatosi facile assequimur, si æger in sex rebus non naturalibus optimè regatur, & primo aer sit temperatus ad calidum vergens, vel saltem non sit frigidus, vitatis summoperè utriusque extremis; calidior namque plus justo poros dilatando, nimis, eliminare potest: frigidior cutem magis densat, & malum peiorat. Victus temperatus, non autem refrigerans est ægro adhibendus, qui potius sit crassus, quam tenuis, acidis vitatis, nocent etiam omnia alimenta salsa, dulcia, saccharata, pingua, & nimis calida. Lymphaticum exhibendum est vinum in quo si alkali cancrorum fluviatilium infundantur, saluberrimum erit. Si vinum non bibat æger, pro potu utatur decocto cornucervi, salsa parilla, vel sassafras; & si vinum bibat, hoc decocto diluatur. Somnus multum conducit, quia transpiratio major sit in somno, quam in vigilia, unde si noctes vigilentur amaræ, vel theriaca novella, vel pilulis de cynoglossa, vel diascordio, vel laudano opiato, nepenthe concilietur somnus; anodyna enim morbo, & symptomati suffragantur. Motus intempestivus abest quia succorum exhalationem facile impedire potest, unde eorum coagulatio oritur, & inde cordis palpitatio. Animi pathemata, & præcipuè excandescencia, timor, & mæstitia vitentur. Alvus fervetur lubrica, saltem arte, si naturaliter haberi non possit.

Sanguinis missio in erysipelate nullatenus præstat, est non solum semel, & bis, sed ter, & quater in praxi à vulgaribus magno cum ægri periculo celebretur; nam erysipelatis materia non est intra venas, ac proinde phlebotomia depleri nequit. Præterea corpus refrigeratum sit debilius, & ad exhalandum ineptius. Eadem quoque ratio pro medicamento purgante militat, cui nos addimus naturam ad motum contrarium impelli.

Indicatio ulceris erysipelatosi curativa desumenda est à causa; referenda est itaque pororum cutis obstructio, & ultimi partium nutrimenti in fibris coagulatio ac statui fluidi reddenda est. Internè conveniunt diaphoretica, ut causa stagnans per poros sufflaminetur, ut *sibium diaphoreticum, bezoardicum minerale, martiale, imò omnia chalybeata, spiritus c. c. volatilis, salis fumaria, & cardui benedicti volatilis, c. c. sine igne paratum, ebur philosophicè præp. spiritus tartari, oculi cancrorum, sanguis leporinus, spiritus florum sambuci, sal volatile succini, viperarum, aqua theriacalis cum spiritu vini &c.* ut

℞. Bezoardici martialis ℥. ℞. salis card. bened. volat. ℥. j. salis volat. c. c. gr. viij. salis succini gr. ij. sibii diaphoretici gr. xij. m. detur cuspidatim cum aqua theriacali. Vel

℞. Syr. card. bened. ℥. j. ℞. eboris, c. c. sine igne præp. ana ℥. j. salis volat. viper. gr. vj. spiritus flor. sambuci ℥. ℞. spiritus vitrioli martis gutt. v. aqua card. bened. ℥. iij. m. detur cochleatim.

Hæc medicamenta diaphoretica præterquam quod naturæ motum adjuvant, aciditatem sub cute, & inter carnis fibras obtundunt, infringunt, & absorbent ob alkaliū energiam.

Ut verò pororum obstructio melius tollatur, & auferatur, parti affectæ adhibenda sunt varia localia, & remedia topica, ceterum à refrigerantibus omninò cavendum, in parte scilicet, qua erysipelas apparuerit, quia pertinacem redderent causam, ut multis in locis notat Galenus, & præcipuè in libello quos, & quando purgare oportet, ubi purgantia medicamenta, alioquin calida consulit pro febrium cu-

ratione, non quia refrigerant, nam potius calefaciunt, sed quia febris materiam exturbant. Duo occurrunt Medicis inconvenientia, qui refrigerantibus utuntur in erysipelatis curatione; primum est, quod erysipelatis materia refrigerantibus reperiens in internas, nobilioresque partes remeat; secundum, & quod frequenter accidit, est, quod cum refrigerantibus impediatur, quominus materia exhalet, & quia prævæ qualitatē, solidarum partium calorem suffocat, & gangrænam inducit. Hæc topica sint resolventia, & diaphoretica, vel acidum destruentia, & coagulata materiam dissolventia, ut materia sub cute, & inter fibras stabulans dissolvatur, & liberior concedatur transfluxus. Hinc commendamus omnia alkalia, quæ etiam diaphoreticam habent energiam, & transpirationem adjuvant. Nonnulli telam leporis sanguine martio capti imbutam, & usus tempore aqua florum sambuci humectatam tepidè imponunt, cui multum fidunt, Omnes ferè commendant forum ex vini spiritu simplici, vel ex aqua theriacali cum eodem vini spiritu elicta, sed cautè procedendum est in huius remediū applicatione, nam si ob humoris erysipelas generantis malignitatem satis cedat languens, vulgo, & vulgaribus Medicis tali applicationi mortis occasio adscribetur. Vel utuntur spiritu vini crocato, vel camphorato. Quidam utuntur vaporoso balneo decoctionis anodynorum; calidi namque illi halitus, qui elevantur, poros aperiunt, materiam coagulata dissolvunt, attenuant, & evolare faciunt. Alii sequenti mistura tepidè adhibita erysipelas aliquoties illiniunt, ut

℞. Aq. spermatis ranar. ℥. iij. spiritus vini camphor. ℥. j. ℞. flor. sambuci ℥. j. tind. croci ℥. ℞. m.

Lapis medicamentosus aqua florum sambuci solutus maximum est medicamentum, si tepidè cum petiis applicetur, in cuius defectu vitriolum solum opus complet. Vel

℞. Aqua flor. sambuci, spiritus vini ana ℥. ij. camphora ℥. ij. salis saturni ℥. j. m.

Qua mistura linteam quadruplicatum imbutum sæpius parti affectæ imponatur, quo non tantum acidum peccans obtunditur, sed obstructes porositates referantur, quibus habitis, erysipelatis symptomata, & igneus ardor inductus certo certius cessabunt. Verum in hoc affectu, sicut in aliis, non semper uni medicamento insistendum est, multum namque juvat sæpius medicamenta mutare, quia sæpè unico effectum non præstante, aliud præstabit.

Si vesiculæ in loco affecto sunt excitatæ, aperiendæ sunt, ut contenta lymphæ acrior effluat, & subjectam non exulceret partem, deinde detecta cutis linimento ex cerussa, & spiritu vini illiniatur, vel decocto malvarum abluatur, ut omnia salia ab ipsa diluantur, & recentibus ulceribus non detur occasio.

Postquam erysipelas ab ulcere ablatum fuit, ipsius ulceris curationem aggredi debemus, nec proinde perseverante erysipelate, ulceris immemores esse debemus.

C A P U T XV.

De Ulcere œdematoso.

SI lymphæ in partium ulcere circumpositarum porositates è lymphaticis vasis effundatur, nec convenientes ductus subire valeat ob eorum angustias, aut alia huiusmodi causa, & ob assiduam novæ materiæ ejusdem naturæ effusionem adeò accumulatur, ut partem ulcere proximam in tumorem attollat, & sit ulcus œdematodes. Oedema est tumor aquosus mollis, laxus, digito prementi cedens, indolens albicans, sine calore, & rubore, ortum ducens à lymphæ è suis ductibus evasata.

Signa.

Oedematis signa ex iis, quæ in ejus descriptione retulimus patescunt. Est tumor, quia referatis vasis lymphaticis effluit lymphæ, & diuturniori aggestione omnes partis pori implentur, eamque in tumorem elevat. Aquosus, quia à lymphæ, seu aqua ortum ducit. Laxus & mollis, quia nunquam coagulatur, idèque rarissimè, vel nunquam in pus abit, nisi alkalia, & acida in eodem tumore pugnent, fermententurque. Doloris expers, nam iste succus fermentationem non subit, & particularum minimarum motus intestinus non adest, unde fibræ contrahi, convelli, distendi, & lacerari non possunt. Est

sine

sine calore, & rubore, ob motus fermentativi absentiam, unde inter tumores frigidos œdema collocarunt, quia latex quantum est ex se, nullam effervescentiam concipere potest. Coloris subalbidi, quia contentæ materiæ qualitatem in superficie ostendit. Cedit sub digitis, & impressorum vestigia perseverant, & iterum elevantur, quia pars crassa lymphæ est referta.

Causa.

Galen sectatores pro œdematis causa nimiam pituitam existimant, sanguinem nempe crudum, pituitosum, non bene ab hepate elaboratum, (credunt inepti hepar esse sanguinis officinam) serosum, non tantum intra massam sanguineam admistum, sed etiam intra externas corporis partes è venis effusum. Hinc imaginantur œdema vel esse simplex i. verum, & exquisitum, quod ex pituitæ influxu fit; vel compositum scilicet cum ex humore pituitoso cum aliquo alio humore permisto producit, nam cum sanguine dicitur *œdema phlegmonosum*, cum bile *erysipelatosum*, miramur tamen huic divisioni non addere œdema scirrhum. Causa antecedens ab ipsis iudicatur humida ventriculi, cerebri, vel hepatis intemperies, ac partis recipientis imbecillitas. Causæ remotæ sunt crapulæ, somnus immoderatus, vita sedentaria, alicujus evacuationis suppressio. Cæterum œdematis causa stolidos decipit vulgares: dicant quæso, quis est iste tam sedulus in œdemate separator, qui purum à sanguine serum secernit, & intra corporis fibras è venis absque ulla sanguinis tinctura effundit? Si serum, sive pituita cum sanguine è venis effunderetur, fieret potius in eorum sententia inflammatio œdematosa, quam purum œdema phlegmonosum, quod nec veteres, nec recentiores unquam observarunt: alia ergo œdematis causa pervestiganda est cum muscas in aere volitantes veniunt.

Secundum nostram sententiam fit œdema in ulceribus ex obstructione vasorum lymphaticorum à lymphæ, quæ in dictis vasis coagulatur; scætet namque lymphæ alkalibus particulis, quæ acidæ acrimoniæ ope in materiam crassam, & lentam transit, non aliter ac si cornu cervi decocto acidum affunderis, & in gelatinam mutatur, & in angustiora vasa defertur circulationis lege, ea obstruit & nova adveniente lymphæ, conglobatio oritur, ulterius non progreditur, in illis remoram contrahit, non circulat, & perenni novæ lymphæ succedentis affluxu vasorum tunicas ampliat, & dilatat, ac partes circumjacentes in tumorem elevat œdematosum. Interdum tanta fit lymphæ coactio, ut tunicarum fibræ non amplius sese extendere possint, & tandem distrumpantur, vel hoc accidit opè medicaminum acrium, aut acidorum salium, quæ ulcus excitant, & vasa contentum effundant intra vicinas partes liquorem, qui hydraulici non parit regulis, ac extra vitæ consortium semel rejecta lymphæ excrementi naturam subit, & deorsum sæpè properat proprio gravata pondere, & hac ratione sæpè tumores œdematosos in pedibus observamus. Interim lymphæ torpida lymphaticorum vasorum orificia, à quibus referatur, nec subingredi valet, nec forberi, & ad renes delabi, ut ultimam lotii determinationem subeat. Breviter igitur immediata œdematis causa est lymphæ in parte quædam stagnatio à vase lymphatico obstructo, & distento, vel ab effusione ejusdem in partem, in qua colligitur à rupto vase. Antecedentes causæ sunt obstructio, cachexia, vel aliud erratum in sex rebus non naturalibus vulgò dictis; & percipue immodicus potus.

Prognosis.

Œdema ex obstructione periculosum pathema minimè est, si exquisitis remediis tractetur, si verò ex ductuum lymphaticorum disruptione ortum ducat, nunquam in suppurationem abit, & pessimi ominis est, hydropem namque ascitem irreparabilem præ foribus præstolat. Quandoque ob nimiam vasorum compressionem, & salis volatilis defectum in lymphæ, œdema in gangrænam, & sphacelum transit, prout tale quid simile hydropicis multoties accidisse observavimus.

Curatio.

Galen affectæ œdema curare satagunt, vel per resolutionem, vel suppurationem. Resolutioni satisfaciunt

humorem pituitosum præparando, deinde phlegmagogis pituitam educunt, vel in forma potus, vel pilulis sine quibus, de hermo dactylis, vel de agarico, sed efficaciores existimant pilulas cochias *Rhasis* nam omne pituitæ genus absque corporis agitatione & atteratione purgare credunt, præsertim si cum *masticinis* permisceantur. Cæterum quia pituitæ fontem ventriculum esse imaginantur, non semel ad emetica confugiunt. Venæ sectionem in œdemate negant, quia frigidus est affectus, attamen, si à mensibus, vel hæmorrhoidibus suppressis ortum ducat, eam admittunt.

Si his non cedat, ad repellentia circa initium accedunt non tamen valde frigida, sed moderatè, & simul adstringentia, & exsiccantia, hujusmodi est oxycratum, quod ex aceto, & aqua constat, ita tamen temperatum, ut bibi possit. Verum tam acetum, quam aqua in eorum sententia sunt frigida, quæ pusillum calorem in parte œdematosa extinguere, & gangrænam inducere possunt. Priusquam oxycratum applicent, partem affectam leviter fricant, ut medicamenti vis citius penetret. Cæterum ita peragendo, malum pejorant. Spongiam oxycrato imbutam supra œdemate arctè ligant, attamen semper ligaturæ initium ab inferioribus partibus ducunt, ibique valentiùs arctant, & ad superiores progrediendo desinunt: sic enim ab affecta parte facile exprimi, ac simul dissipari humores, qui extra vasa existunt, ineptè credunt.

Quod si tumor non subsideat, majoris energię medicamen applicant, ut spongiam aqua aluminosa imbutam, cui *myrri succum* admiscant. Quibus nihil proficientibus, ad validiora confugiunt medicamina, nempe ad decoctum foliorum *myrri*, *absynthii*, *chamomillæ*, *stæcados*, *nucis cupressi*, *salviæ*, *roris marini*, *aluminis rocchæ*, & *salis communis*, in quo calido linteola intingunt, & œdemati imponunt. Quibus etiam non juvantibus, ad efficaciora, & validiora recurrunt, ut

℞. Lixivii acerrimi ex cineribus fici, ac vitis confecti ℥. ij. aceti acerrimi ℥. ss. oleo ℥. iij. m.

Macerentur, & spongiam madefactam calide loco applicant. Verum ex lixivio, quod alkalia continet, & aceto magna succedit fermentatio, unde alkalia, & aceti acor ob mutuum fermentationis motum obtunduntur, præcipitantur in vasis fundum, & hebes, ac effectum resultat medicamen. Item ex lixivio, & oleo nostrates mulieres pro capitis ablutione præsentaneum conficiunt saponem, unde nullius efficacię medicamen emergit. Vel œdematoso loco spongia, vel linteolis aquam calcis applicant. Quod si tumor ad declinationem venerit, sequenti utuntur cataplasmate, ut

℞. Sulphuris, farine fabar. ana ℥. j. ss. stercoris columbini ℥. j. ss. mellis communis ℥. j. decoct. radic. asphodeli q. s. coque ad cataplasmatem consistentiam, & bis in die renovant. Quod si tumor in duritiem abierit, in scirrhum degeneravit.

Quando œdema ad suppurationem tendit, quod rarissimè contingit, nam ad suppurationem promovendam requiritur calor, qui in hoc tumore satis est imbecillis; tunc ea, quæ concoquendi, & suppurandi vim habent, medicamina applicant. Inter suppurantia non infimum locum tenere dicunt emplastrum ex succis *lapathi*, *ebuli*, *sambuci* cum *althæa decoctis*, melle, & oleo. Si tumor vi suppurantium non rumpatur, in loco declivi, servata fibrarum re-titudine, vel ferro, vel corrosivo medicamento aperiunt. Verum has suppurationes non semel in sinuosa, putrida, ac exitialia ulcera degeneratas vidimus. Ulcus apertum mundificant, & digerunt terebinthina ovi vitello mista cum pauca quantitate gummi ammoniaci in aceto soluti. Peracta & digestionem ulcus unguentis sarcoticis carne implent & tandem cicatrizant.

Sicut ulcus sanari non potest, nisi prius œdema submoveatur, ita œdema submoveri nequit, nisi ductuum lymphaticorum obstructio, vel evasata lymphæ penitus tollatur, primo itaque lympham per sedem urinam & cutem evacuare oportet. Cathartica lympham excernentia (verum nobis impossibile videtur) sunt, *resina jalappæ*, *extractum mechoacanæ*, *gummit gut conseruæ florum persicarum*, & id genus alia. Diæta similiter talis esse debet, ut lymphæ absumi valeat. Aer debet esse calidus, ut calor externus cum remediis intro assumptis simul coopere-tur; frigidus namque maximè nocet. Victus sit tenuis, & cibi coctu faciles, Aqua omnino vitanda, & vinum, vel decoctum saffras in minima quantitate usur-pari debet. Vigiliæ, & somnus non excedant mediocri-tatis

tatis limites Exercitium sit moderatum. Excreta, & re-
tentia naturalem servant ionem. Animi pathemata, & præ-
sertim terror, & mæstitia vitentur.

Postmodum proficua sunt medicamenta illa, quæ lym-
pham incidendi, & attenuandi vim habent, nam ad flui-
ditatem redacta obstructions referantur, ad pristinum cir-
culationis motum revertitur, & per urinam, ac per su-
dorem eliminatur. Huic fini incumbendum tum internis,
tum externis remediis: oedema igitur tractandum est
medicamentis incidentibus, & simul attenuantibus lym-
pham, ejusque stagnationem resolventibus. Commenda-
mus itaque diaphoretica omnia, salia volatilia, & aro-
matica pluries decantata, quæ coagulationem destruunt,
& nisi diaphoresim aperiant, saltem diureticas referant
vias. Magnoperè conveniunt, quæ visciditatem tollunt
& obstructions aperiunt, hujusmodi sunt *vinum absyn-
thii*, *tartarus vitriolatus*, *sal absynthii*, omnia medica-
menta ex marte elicta multis emolumentum fuere,
quia præter incidendi, & aperiendi energiam, lym-
phæ ductuum membranas nimis ampliatas sua austeri-
tate constringunt, lymphamque ad corporis cisternam
propellunt. Item conducunt *decocta ligni guajaci*, *falsa
parilla*, *ligni sassafras*, *visci quercini*, *Nephritici* &c. Simili-
ter, quæ per urinam exturbant lymphæ colluviem ulcera-
tam partem obsidentem, ut *sal prunella*, *stipitum faba-
rum*, *geniste*, *spiritus salis dulcis*, *baccarum juniperi*, *sa-
lis armoniaci*. Tandem ea omnia, quæ in hydrope profi-
cua sunt, conveniunt, nam oedema est hydrops particularis.

Internis hisce simul externa jungimus ea spirituosa pene-
trantia, poros referantia, & resolventia esse debent, ut
lymphæ coagulatio dissolvatur, & fluidior reddita vel ad
ductus urinarios devehatur, vel per partis affectæ po-
ros exhalet. Conveniunt cum *aqua balnei Gurgitelli ex
Pithecuſa* delatæ, tum spiritus vini, & Laconica dicta.
Sic etiam fofus ex aromaticis, & calidè applicari de-
bent. Pars arctius deligenda, ut vasorum amplitudo
debito major auferatur. *Radix brionia contusa*, & cata-
plasmatis instar applicata salutare præstat auxilium. Vel ca-
taplasma ex *origano*, *calamintha*, *absynthio*, *ruta*, *rore ma-
rino*, *chamomilla* &c. Vel emplastrum de *cumino cum oleo tar-
tari*, & *succini malaxato*, vel emplastrum de *baccis lauri*.
Liquores spirituosos illiniendi sunt, ut *oleum philosophorum*,
spiritus vini camphoratus, *lumbicorum*, & alia resolventia.

Ulcus tandem tractari debet haud secus ac si adjunctam
haberet humidam intemperiem, de qua cap. xi. abun-
dè diximus.

C A P U T XVI.

De Ulcere sordido, & putrido.

SOlet quandoque ulcus, vel quia negligenter curatur, non
mundatur, nec rectè detergiur, vel unctuosius tracta-
tur medicamentis, vel aliis de causis, in sordidum, & pu-
tridum degenerare; sordidum itaque ulcus illud dicitur,
cum crasso illo abundat excremento, vel crassas, & vi-
scosas habet fordes, vel carnem flaccidam, mollem, & al-
bicantem; putridum verò appellatur illud, quod fœtorem
exhalat, quippe ab eo graveolens, & cadaverosus prove-
nit odor.

Signa.

Ex suprâ dictis facillimè hæc ulcera dignoscuntur, & non
nisi secundum magis, minusvè differunt; sordidum nam-
que crasso, viscido; ac subalbido est refertum excremento,
quod ulceris parietibus vehementer adhæret, & carne flac-
cida, molli, & albicanti potitur; putridum verò putrilagi-
neam eructat materiam, quæ graveolentem, & cadavero-
sum expirat fœtorem, & colore fusco, vel atro est imbutum.

Causa.

Ulceris sordidi, & putridi causa apud *Galenistas* est hu-
midorum, & oleosorum medicaminum longus usus, &
frequenter ob succorum vitium, à quibus pars exulcerata
fovetur, vel varii errores in victus ratione, simulque mali
succo, unde cacoehymia, & ulceris sordities, ac putrila-
go. Quandoque ob naturæ defectum producit, quæ
aliis vexata malis, ad quæ superanda intenta, & oc-
cupata est, ira planè ut ulcus omni auxilio destitutum re-

linquatur; hinc humores crassi ac vitiosi in sordidos, &
putridos degenerant, qui à naturalibus afflictæ partis facul-
tatibus non regulati, non modò sordescunt, verum etiam
putrescunt.

Excitant juxta nostram sententiam hæc ulcera particulæ
acidæ, vel acido-salæ, quæ ulceri inhærentes, succos
dulces de novo alluentes, fermentativa vi itidem in aci-
dos degenerare faciunt, qui ob rubulos in ulcere ruptos
circulationem continuare nequeunt: à Succis ergò à tergo
continuo insequentibus in ulceris cavitatem propellun-
tur, quam semper adimplent, & quia aciditate nimia præ-
diti sunt, coagulationem quandam lentam habentes,
sordidum efficiunt ulcus, & dum in eo coagulantur,
caro mollis, vel fungosa ab iisdem gignitur. At succi aci-
do-salæ, vel acido-actes temporis progressu exaltantur, ob
putrilaginem, & septicam & ac realgarinam nanciscuntur
naturam, & ulceris partes putrescunt, ideoque cadaverosa
illa caro insuavem, & graveolentem expirat odorem.

Prognosis.

Ulcus simpliciter sordidum periculo vacat, at nisi matu-
rè occurratur, in putridum degenerat, tum quia à for-
dium copia impediuntur effluvia subtilium particularum
excrementitiarum, propter prohibitam transpirationem,
vel obstructionem, quæ in ulcerato membro gignuntur;
tum etiam quia cumulata excrementa singulos in dies ma-
gis fermentescunt, & malignam quandam, & arsenicalem
adipiscuntur indolem majori aciditatis exaltatione, unde
ulcera putrida prius in gangrænam, & deinde in sphace-
lum transeunt.

Curatio.

Ulceris sordidi curationem aggrediuntur *Galenici*, pri-
mò recta rerum non-naturalium administratione, deinde
humorum vitiosorum, & redundantium evacuatione,
pro qua pharmaca crassos, lentosque humores evacuantia
exhibent, vel unica vice, vel partitis vicibus, nec interim
revellentium omnium genera omittunt, ut frictiones, cu-
curbitulas, & id genus alia. Postmodum quo ad localia,
ad sorditiem detergendam, & exsiccandam conferre dicunt
loiones ex decocto *lupinorum*, *hordei*, *absynthii*, *mili*, *plan-
taginis*, in quo *oxymel* dissolutum fuerit, vel fiant ex *aqua
aluminosa*. Post loionem impleatur ulcus pulvere *aluminis
saccarini*, *aris usti*, vel *chalcanti rubri*, vel applicant un-
guentum deterfivum, quod concinnatur ex *farina hordei*,
melle, *succo apii*, & *pulvere aluminis roccha*, vel demum,
si putredo adsit, ad unguentum *egyptiacum*, vel *apostolorum*
confugiunt.

Quibus nihil proficientibus, ad incisionem, vel ignem
actualem deveniunt, priusquam sordidi, ac putres hu-
mores majora accersant mala. Ulcus abstersum vino
calido rubro corroborant, in quo coquunt *myrrham*,
thus, *aloe*, & similia sarcotica, vel spongiam vino cali-
do madidam applicant.

Ulceris sordidi curatio in eo consistit, ut succi attenuen-
tur, fluidiores, ac spirituosiores reddantur particulæ aci-
dæ, vel acido-salæ obtundantur, immutentur, diluan-
tur; ad finem obtinendum, internè conducit pulvis *an-
timonii diaphoretici*, *oculi cancrorum*, & *chalybis*, quia
satis potens est in absorbendis acidis spiculis. Sudorifi-
ca, & diaphoretica pluries recensita negligenda non
sunt, & etiam ad decoctorum usum, vel ad decoctio-
nes vulnerarias confugere possumus, eò quia maximam
acidum immutandi vim habent. Verum si occasiones in
primis viis stagnent, productorum evacuatione leniter
tolli debent.

Inter topica ad abstergendam crassam sordem, & cor-
rupta fragmenta removenda, ea sunt administranda medi-
camenta, quæ propriæ substantiæ tenuitate, qua prædita
sunt, in sordem illam facillè penetrant, attenuant dissipa-
tum, crassumque excrementum quantumvis viscidum im-
mutant, abstergunt, & sequestrant; calidè itaque usur-
pamus loiones ex *aqua lapidis medicamentosi*, vel *aqua cal-
cis*, *saphirina*, vel *aluminosa Fallop*. Prodest emplastrum
de *gratia Dei*, vel sequentem efficaciorum compositio-
nem adhibemus, ut

℞. *Aqua Regina Hung.* ℥. ij. *tinctura mirrh.* aloes ana
℥. j. *salis armoniaci* ℥. j. *℥. camphoræ* ℥. ss. *m.* quam qua-
ter de die calidè applica cum filamentis.

Si sordidum in putridum jam ulcus degenerarit, supra di-
cta com-

compositione abluendum est, vel *unguentum aegyptiacum magistrale* applicari potest, sed præstat *unguentum nostrum compositum*, vel *magistrale*, cæterum ulceris putrilaginem maximè immutat, abstergit, & à parte sana separat *mana mercurii*, *magnum calcinatum Paracelsi*, *mercurius præcipitatus tam per se, quàm unguento admixtus, vel mercurius dulcis*.

Si efficaciora applicare velis, putridum ulcus tange *aqua persicaria spiritu mercurii albi imprægnata*, filamenta superponendo, & admiraberis effectum. Tandem mundificato ulcere, sarcoticis utere ad cicatricem usque.

CAPUT XVII.

De Ulcere Verminoso.

Quemadmodum in omnibus humani corporis partibus integris vermes gerantur: ita in iisdem ulceratis multoties vermes inveniuntur, præcipuè si imprudenter tractentur medicamentis unctuosus, vel negligantur; tunc enim sordescunt, & verminant ulcera, nisi rectè à pure, & sanie mudentur, & detergantur.

Signa.

Si ulcus sit superficiale, vel patens, vermes facilè visui patent; si verò sit profundum, vel angustum habeat orificium, & vermes videri non possint, & aliis signis cognoscuntur, morfu, puncturis, & doloris, & motus sensu. Plerumque & fætor quidam in talibus ulceribus percipitur.

Causa.

Ut horum animalculorum genuinam, inquiramus causam, methodo procedamus oportet, ac proinde præmittimus, quòd animalium propagatio duplex est, una, quæ dicitur ovipara, quatenus scilicet animalia ova pariunt, ex quibus ab ipsis exclusis, animalia viventia fiunt; altera vivipara, quatenus animalia in se concipiunt, & viva pariunt. Ad utramque propagationem solius partis requiritur semen, à quo sit conceptus, & in quo anima est, formationis viventis animalis principalis causa. Ova habere futuri animalis animam pater ex eo, quòd quamprimum à debito caloris gradu fota, in iis anima exierit, & animal simile ei, à quo ova fuerunt exclusa, format. Neque generans hujus formationis causa esse potest, cum id sæpè, cum ova excluduntur, mortuum sit, neque etiam ulla alia causa univoca, vel cogitatione inveniri potest. Notissimum est ex ovis gallinarum pullos ab anatibus, & econtrà, excludi. Imò Cairi calore fornacis pullos excludi, & in multis nostris pagis simi equini calore: in quibus modis nullum agens univocum dari potest; nisi spiritus, sive anima latens in ovo.

Animalium ova media sunt inter semina plantarum, & animalium, quia cum utriusque in quibusdam, conveniunt, & in quibusdam differunt: feminibus plantarum in hoc respondent, quòd & animam, & materiam corporis formandam continent; præterea verò semen cortice, & membranis tegitur, in eo verò est differentia, quòd plantarum semina, cum terræ committuntur, ex ea materiam corpori formando necessariam hauriunt, atque ex feminis materiæ primæ radiculæ, & germina formantur; reliqua materia ex terra attrahitur. In ovis cum anima corticibus suis, & membranis ita vallata, & conclusa sit, ut extrà nihil attrahere possit, interim in ovo fœtus penè perfectus formetur; ova non solum animam, & materiam primis fœtus rudimentis formandis aptam, sed habent paratam universam illam materiam, quæ satis est, donec pullus absolutè formatus excludatur, & præter albumen complectatur etiam luteum, quo potissimum pullus jam exclusus, cum lacte quodam alatur, cum eidem primis statim diebus non sufficiat alimentum ore ingestum. Cum animalium seminibus in eo conveniunt, quòd semen primò omnino in testibus, & parte testibus analoga perficitur (ut dicunt), & semen statim à mare in fœminæ uterum conjicitur, id quod non fit in plantis, quarum semina extra terram, earum nutricem, multis externis injuriis exposita sunt. Vivipara ab oviparis in eo differunt, quia vivipara non continent omnem materiam ad par-

tum usque necessariam, ut ovipara; hanc enim dies in singulos è vasis maternis mutuatur, nec præter lentorem albugineum, alteram habent substantiam ovorum vitellis similem, quæ puerperio in alimentum cedere debeat. Quamobrem rectè notavit *Harvejus* non ea modò animalia, quæ dicuntur ovipara, verum vivipara quoque, & ipsum genus humanum ex ovo progigni, ne putemus hanc fuisse propriam, peculiaremque Tyndaridum sortem. Verum nos ab *Aristotele* moniti sæpissimè observavimus; in utero viviparorum certo quodam post concubitum tempore, fieri conceptum oviformem, seu massulam instar ovi membranula occulti, cui detractum sit putamen. In eo differunt ovipara à viviparis, quòd semen oviparorum non ut viviparorum in utero fœminæ, sed extrà perficitur, & propterea semen non liquidum, ut viviparorum semen permanere, sed externo adminiculo, & receptaculo regi debuit. In eo tandem plantarum, & viviparorum semina conveniunt, quòd sicut plantarum semen terræ committitur, ibique nutritur, ita humanum semen in mulieris uterum conjicitur, ibique nutritur ad destinatum tempus usque, & sicut terra non est causa efficiens pro plantæ propagatione, sed tantum uterus, ita & mulier non est causa efficiens respectu humanæ propagationis. Hinc mulier fœcus vulgo appellatur, unde natis nunquam matris cognomen, sed tantum patris imponitur.

Nec pater est causa efficiens immediata respectu filii, sed tantum mediata, & occasionalis, nam licet pater generans respectu filii sit causa externa, tamen non est respectu generati immediata, quia scilicet non immediate ex eo generatur filius, sed ex semine prodeunte immediate ex patre, respectu cuius pater est immediata causa efficiens interna, cum ex ejus sensitivo spiritu vivent per concupiscentiam agitato, sibi similis prodeat sigillaris veluti idea, quæ in intima seminis parte clausa est. Atque adeò pater est causa efficiens immediata respectu seminis, & mediata, atque merè occasionalis respectu generati, seminis autem spiritus vicem efficientis immediate respectu filii gerit, & est respectu illius causa efficiens interna. Sic gallina non est causa efficiens respectu pulli, nec gallinam compressit, sed tantum spiritus in ovo fœcundo gliscens, quia ex ovo subventanea non excluditur pullus.

Verum, ne nostrum præmittendum in longum protrahatur, ex professo de oviparorum, & viviparorum propagatione suo loco agemus, desumpta occasione ab hominis generatione; tantum hic agimus de spontè nascentibus, ut vulgò creditur, quorum generatio non univoca, sed æquivoca à vulgaribus Philosophis putatur, talis est insectorum, ut ex equino stercore scarabæi, è frumento circulio, è fabris midas, cossus è lignis, è cutis, & vestium fordibus pediculi, & pulices, è caseo, & carne aliisque rebus putrescentibus vermes, & insecta, vulgò dicta varii generis, oriuntur. De horum generatione nihil aliud sciebant præci, nisi quantum voces important *Nascuntur ex putri*.

Quibus spontaneus hic ortus competat non eadem fuit omnium mens. Putarunt præci omnia insecta, bruta, ipsumque adeò hominem è terra initio provenisse. Id *Plato*, alique Philosophi *Platone* longè vetustiores docuerunt, quos poetæ secuti sunt. Verum hæc opinio ex Genesi originem habuit, & veritatem in has converterunt fabellas; cum constet *Deum* jussisse, ut terra animam in genere suo producat, jumenta, & reptilia, & bestias terræ secundum species suas, & *Deum* fecisse hominem de limo terræ: ipsi verò Creatorem ignorarunt: spontaneum istum ortum inde commenti sunt.

De talium viventium causa efficiendi valdè digladiantur Philosophi.

Cardanus casu, & fortuna generari contendit. Cæterum falsitate convincitur, quia casus, & fortuna naturalibus locum non habent, & quæcumque casu fiunt, & fortuito, ea non semper ex iisdem principiis, & eodem modo generantur: atqui sponte nascuntur viventia, semper ex iisdem principiis, & eodem modo generantur, & habent certas causas efficientes, quæ etiam certi finis gratia agunt, certosque producant effectus. Sic ex stercore equino scarabæi nascuntur, & non erucæ, à caseo sui generis vermes, alii è carnibus, & in genere semper determinata ex determinatis. Et licet variis in locis, in terra, in

in aquis, cadaveribus, & alibi generari videantur: tamen ex efficienti causa, quæ pluribus in locis sæpè reperiri potest, nascuntur.

Alii etsi casu, & fortuito generari negant, nullam tamen causam habere efficientem proximam, sed solum communem, & remotam opinantur, & hoc discrimen ponunt inter viventia per se, & sponte orta quod illa præter agens universale, puta Cælum, & particulare expectunt sol, & homogeneret hominem; spontè verò genita, causa proxima cum careant, absque agenti particulari producuntur. Ut ipsa appellatio id indicare videtur. Verum horum sententia falsa deprehenditur, nam inter causam, & effectum debet intercedere proportio, & effectuum universalium universales, particularium particulares debent esse causæ. Præterea causæ communes, & remotæ omnes sunt externæ, & manifestæ: at sponte nascenti à causa interna, & latente in materia probabimus.

De causa ista remota in varias dividuntur opiniones Philosophi.

Aliqui prædictarum difficultatum scopulos considerantes, eosque vitare cupientes, tanquam ad sacrum ignorantiae asylum confugiunt ad cælum, solem, astra, &c. in illo existentia, arque ipsis culpam generationis vermium tribuunt. *Albertus magnus* cœleste lumen causam proximam sponte nascentium esse dixit. *S. Thomas Aquinas* sponte nascentia à cœli motu mendicat. *Fernelius occultas influentias* infamat, neque hos pudet talis inepti commentum, sed cælum, sol, astra, cœleste lumen, cœli motus &c. generalis tantummodo causa esse possunt præparans causam, non vero particularis, & determinata ad hos producendos, & non alios vermiculos in hoc, & non alio ulcere, vel loco. Præterea lumen, calor, motus, & occultæ influentiæ accidentia sunt, at nulla substantia, quales sunt animæ sponte natorum potest ab accidentibus produci. Insuper cælum, sol, astra &c. sunt corpora inanimata, nec animata producere possunt, quia producerent nobiliora seipsis.

Alii animam mundi causam efficientem sponte natorum viventium esse existimant: sed si mundus animam haberet, esset maximum animal mundus, & esset causa universalis, & non propria, & proxima, & sicut ab ea sponte nascentia provenirent, ita non sponte nascentia, nec ab una anima tot diversæ species sponte nascentium provenire possent.

Scotus, & alii animas viventium sponte generatorum à Deo proximè provenire statuunt, sed hi ineptiores sunt, quia invenire nequeunt genuinam talium animalculorum effectricem causam, nec humanæ cognitionis imbecillitatem fateri volunt: opinantur Deum ipsum esse vermium causam, quod verissimum quidem est, si loquamur de causa universali, & remota. Difficultas tamen consistit in propria, peculiari, & proxima vermium causa, cui scilicet concessa fuit, dataque facultas à Deo, ut vermes generare possit. Neque enim vermes adeò nobiles, & perfecti judicari debent, ut à nobilissima, & perfectissima causa originem ducere debeant: Vix, imò ne vix quidem quisquam ausit illorum generationem, formationemque huic divinæ formatrici virtuti adscribere, haud intelligens, quonam pacto tam præstans, & tam nobile agens ad vilia hæc opera sine suæ majestatis læsione descendere queat; alia verò omnia ita ignobiliora, atque imperfecta, ut à vilissimis seminibus progigni tantum valeant: neque in universo condendo oblitus est consulere causis propriis vermium, cœterisque imperfectis, quemadmodum consuluit aliis animantibus speciales habentibus causas. Neque tandem sunt minus naturales quàm cætera animalia causas naturales habentia. Denique ad adagium, quod à vulgaribus philosophis adduci solet quod *Deus natura author agere se solus tenetur id quod causæ naturales præstare non possunt*. Respondetur verissimum quidem hoc esse in supernaturalibus, non verò in instituto ordine naturæ, & in hoc non facile ostenditur contractus cum testibus, quo obligatum contendunt adversarii, quamvis enim in hac aut simili materia ab istis demonstrari non potest causa naturalis, ac proxima non sequitur tamen ipsam nullam esse, Deumque se solum vermes, & hujusmodi insecta producere: ergo ranas, muscas, scarabeos, lumbricos, syrones &c. esse divinas creaturas sequeretur, quod ne dum absurdum, verum impium putamus. Hinc magna temeritas est præsumere nos nosse quidquid causatum est naturaliter & nullum

fugere, quod supra ipsam naturam sit, nec verò alia possit quam ipse Deus. Præterea omnium viventium generatio est naturalis, & causa naturalis inquirenda est, nec ad Deum statim recurrendum est; nam turpe est *Philosopho ad Deum recurrere ubi potest causa secunda assignari*, quia postquam naturam instituit, jam immediate amplius nihil creare videtur, præter animam intellectivam, & cum plantarum, ac brutorum sponte nascentium origo sit à suis parentibus, mediante semine, non à Deo nisi ut causa remota & universalis; eritne Deus causa proxima imperfectorum, & ignobilium animalium?

Omnes ferè nostræ tempestatis gregarii Philosophi putredinem solum proximam spontaneæ generationis causam statuunt, quibus sufficit universalibus quibusdam verbis quæstiones potius implicare, quàm solvere: dicunt gigni hæc animalia tam in corpore, quàm extra illud, ex putredine seu calore putredinali agente in quasdam particulas materiæ putrescentis, sed hujus opinionis falsitatem ostendunt primò vermes in aceto, & nive geniti; hæc enim juxta vulgarium sententiam putredinem in misto inibent, & in his frigiditas potius quàm caliditas excedit. Deindè præclara experimenta *Francisci Rhedi* in libro de insectis descripta ostendunt, quod carnes & quodcumque aliud faciliè putrescibile, inclusa in vase optimè cooperto, putrescunt, vermes tamen nunquam exhibent: tacemus, quod calor ille produceret corpus animatum, & consequenter se nobilior. Prætermittimus, quod intelligi minimè potest, quomodo calor admirabili nervorum organizationem, tot vermium species, animam, sensum, & motum producere potest: non negamus tamen necessarium esse nonnunquam calorem, ad excitandum motum in interno spiritu in feminibus, si ve ovulis vermium latente, sicut calor gallinæ, fimi, vel fornacis *Ægyptiæ*, à quo fovetur spiritus in semine galli existens, in ovo fœcundo non est causa principalis generationis pulli &c.

Præterea rota putredinis ratio in eo consistit, quod sit misti corruptio, quatenus mistum: si verò quid præterea ex putredine oritur, id ex accidentie venit. Insuper plantæ multas, & alia spontè nasci sine omni putredine experientia testatur, igitur sponte viventia non generantur ex putri materia, licet interdum nascantur in putri, & ex parte rei putrescentis.

His breviter explosis alia causa de sponte nascentibus inquirenda est. Quæ non sponte nascuntur sunt illa, quæ semina habent manifesta, quæ verò spontè, eorum semina sunt occultissima, & omnem latent sensum; ideòque spontè nasci insecta veteres, & cum his vulgares Philosophi existimarunt, quia eorum semina non semper animant, & suo tempore exerunt.

Generantur sponte viventia, cum semen, in quo est anima, occulto modo alicubi latens, idoneam materiam nactum, & calore ambientis sese exerit, & vitales operationes exercere incipit. Hæc animalia ortum trahunt ex ovulis, quæ cum ab inconspicuis præ exiguitate initiis, & feminibus, quasi atomis in aere volitantibus, & à ventis hinc illinc delatis, disseminatisque oriantur, si ve ex putredine, seu non genitis orta esse existimantur, quia nostrorum sensuum efficaciam ludunt. Cœterum est animalia insecta ex semine paterno generari, & carniarum, herbarum, aliarum rerum vel planè putrefactarum, vel putrescentium insectorum generatione non alias esse partes; nec aliud officium, quàm vas & locum mirè commodum præbeant, in quo insecta statim ac orta sunt, in hoc nido alimentum sufficiens, & nutritioni commodissimum inveniunt, & nisi à parentibus supradictum semen hinc delatum sit nullum ibi vermem unquam generari posse dicimus.

Spontè ortorum semina, estò in terram conjiciantur, non semper suam instam exerunt vim, sed interdum frigore, interdum calore, vel etiam idonei alimenti defecerit corrumpuntur, interdum diu quiescunt, antequam, sese exerant; sicut semina multa tota hyeme in terra quiescunt, donec nimirum aeris ambientis calore foveantur, & idoneum è terra alimentum attrahant: ita & in iis, quæ spontè provenire dicuntur, vis seminalis quiescit, donec idoneam, ex qua corpus sibi fabricet, materiam nanciscatur; & à calore ambiente excitetur, & foveatur: unde accidit, ut animalia, quæ spontè nascuntur, non tempore hyberno, nisi sub fimo interdum, quò frigus non penetrat, sed vere, æstate, & autumnogene-

generantur, ubi scilicet à calore ambientis, quem sol excitat, materia idonea, ex qua anima latens corpus sibi fabricare possit, suppeditetur, & ipsa anima ad agendum excitatur.

Etsi in putrescente materia hujusmodi animalcula fiant, tamen non ex ea, quatenus patris est, generantur, sed potius à meliori ejus parte, quæ à putri secernitur. Unde etiam post vermium, & ejusmodi animalium generationem, putris materia relinquitur, quæ non minùs quàm antè aerem inquinat. Neque etiam animalcula ejusmodi in materia putrescente genita putrida aluntur materia, sed in alias res velut plantas, & animalia viva delata, alimentum quærunt. Neque etiam & regiones, in quibus nascuntur, & ejusmodi insectorum magna est ubertas, salubriores sunt, sed plerumque insalubriores.

Siquis quærat, unde insecta sua primordia trahant, dicimus in illo creationis sextiduo creasse Deum omnia animalia qualiacumque perfecta, vel imperfecta, ut habetur *primo Genesis v. 25. Et fecit Deus bestias terræ juxta species suas, & jumenta, & omne reptile terræ in genere suo.* Quæ mediante proprio semine, suas perennant species, unde quæcumque animalcula coeunt, & ovo quid simile pariunt, ut per novorum individuorum suffectionem suas perpetuent species, mediante illa feraci benedictione, *Crescite, & multiplicamini.* In ejusmodi animalculis Dei O. M. sapientiam cognoscimus, licet ubique & semper sapientiam, & omnipotentiam manifestarit.

Animalculorum semina, omnem humanam superant perspicaciam, nec nostris sunt obnoxia sensibus quia *omnis nostræ cognitio ortum ducit à sensu.* Oh quam plurima cognosceremus, si sensus non ita hebetiores haberemus! Cœcutit animus humanus, & tanquam Nicticoracis oculus caligat ad lumen horum generationis.

Insecta sponte nasci videntur, tamen propriè sponte non nascuntur, sed ex semine, & ejusdem speciei animalculis; nam sicut pisces sua ovula in aquam emittunt, quæ postea in pisces ejusdem speciei excluduntur: ita & ranæ, & similia animalcula ignobiliora, sua semina in aquam conjiciunt, quæ postea solis calore foventur, & excirantur. E terra etiam animalia plurima nascuntur, verum non pura, sed limosa, & lutuosa. Sic sperma ranarum ineunte vere, hinc inde circa lacus, & stagna reperitur, unde postea solis caloris beneficio internus spiritus in spermate latens, ranas efformat, easque in viva animalia excludit. Hanc veritatem noscens *Ovid. lib. 15. metamorph.* ita cecinit.

Semina limus habet virides generantia ranas.
& lib. 1.

Postquam vetus humor ab igne

Percaluit solis: cœnumque undequè paludes

Intumuerunt actû: sæcundaque semina rerum

Vivaci nutrita solo, cœu matris in alvo

Creverunt, faciemque aliquam cepere morando.

Mirum etiam est ranas è terreno pulvere primis activis humectato pluviis nasci taliter quod terræ attractu aquæ gutta illicè ranam generet. Cæterum dicant quæso, quis est iste sedulus ranarum genitor, qui extemplo tot ranarum corpora dicto citius organizavit, & omnibus partibus perfectè absolutis vitam, sensum, & motum imperavit? Concedimus utique ranulas primis activis pluviis extra civitates (sed intrà non conspiciuntur, quare non respondent) salientes apparere, at hallucinantur vulgares Philosophi, nam hæ ranulæ suis ortæ seminibus, præexistebant abditæ inter herbas, vepres, sepes, terræ foveas, lapidumque rimas, deinde guttarum aquæ in terram decidentium, timore quasi panico pervulsæ prostrantur, & statim se abdunt, ac quia antea non conspiciabantur, tunc temporis vi aquæ, & solis calore ex terræ pulvere disposito, sponte, & sine parente natas fuisse ineptè imaginantur. Et nos prædictas ranulas manu apprehensas dissectuimus, & in stomacho herbas crudas, muscas, & scarabæos terræ immistos, non digestos, quos devorant, invenimus. In agris post pluvias innumeræ limacum copię, quæ antea non conspiciabantur, apparent. Numquid tunc spontè natæ? Sic etiam post imbres magnam lumbricorum catervam, & aggeriem conspiciamus. Dicitur numquid potest, tunc sponte exorti?

Horum insectorum occasione agendum putamus de lumbricis, & syronibus, qui in humano corpore generantur. Hæc animalcula sponte, & sine semine nasci vulgare Philosophorum schola etiam contendit, sed nunc *Musitanis Opera Tom. II.*

talis opinio à recentiorum aula recessit, apud quos è contrà illa invaluit sententia, quod quicquid in hoc orbe sentire, imò vivere videmus, ex ovo emerit, & ipsa insecta, imò plantas, & ipsum humanum genus ex ovo ad unum univocæ generationis principium reducimus, ut ante nos *Harveius*, & eruditissimus *Franciscus Rhedi*, *Esculapius* nostri temporis validissimis rationibus, & experimentis demonstravit, quam doctrinam universus orbis literarius amplexus est, & adeò apud eruditos inclauit, ut in hac stabilienda non immoremur.

Igitur quò ad lumbricorum, & syronum ortum, sciendum est ex quotidiana experientia muscas, aliaque animalcula ovulis suis epulas nostras, æquè ac potus conspurcare, eaque brevissimo spatio, per ætatem præcipuè, in carnibus excludi, sed cum nobis etiam mensæ accumbentibus, vel paulò antè, muscæ cibariis circumvolitent, vel ea inque ovula eructent, qualis est panis, vel porus, ipsis ita propè excludendis non obstetricent, illa integra ore excipimus; & cum ob exilem molis suæ, & teneritudinem, dentium attritionem declinent, intacta deglutimus, & ob exilitatem à ventriculi fermento non digeruntur. Ea propter cum ciborum reliquiis in eo concretis in duodenum descendunt, in quo uti in reliquo intestinorum canali exclusa, in varias lumbricorum species commutantur; minutiora verò aliqua ovula supersunt, quæ ob exilitatem, vel immaturitatem, tam in stomacho, quàm in intestinis cum spirituosâ ciborum substantia abripiuntur, & se insinuant, partim cum lymphâ permiscuntur, & circulant partim cum sanguine circulationis lege, partim in universas corporis partes devehuntur. Habitus autem corporis passim poris est pervius, ij verò quibusdam in locis patentioribus, & in aliis artioribus: unde fit, ut ex ovulis illis syrones exclusi per poros unà cum sudore, vel halitibus per eos extrudantur, vel quandoque ob pororum angustiam sub cuticula serpunt ab uno loco in alium, & talparum ritu cuniculos agunt, longos non rarò, quasi sulcos trahunt, simulque molestissimum pruritus producant. Ita sub cuticula serpunt, ut videri possint, quorsum migrarint, ubi, si velis in extremitate hujus lineæ albæ, cuspidè aciculæ animalculum eruere possis, estque tam exiguum animalculum; tanta ejus agitatio, & tenuitas, ut ubique sibi viam aperiat, & visum ferè effugiat, colore albicans, cum capitello nigro, & si speculo terso imponatur, lynceo oculo moveri comprehenditur, vel microscopii ope jucundo spectaculo, & acuratè deprehenditur.

Degenerant quandoque hæc animalcula à suis genitoribus, à quibus semina deciderunt, veruntamen tanta non est eorum degeneratio, ut cum illis quandam analogiam, & similitudinem non conservent, & hoc contingit vel ratione matricis, vel fermenti, vel alimenti. Sic inter crescentia semen tritici, vel hordei in terram incultam injectum, in lolium, sisymbrium in mentham, rapum in raphanum, ocymum in serpillum, vitis alba in nigram &c. Sic ex equa, & asino mulus, ex aliorum diversæ speciei coitu, diversa animalia generantur. Ex viro, & bestia, ex bruto, & muliere non homo, sed monstrum irrationale gignitur, quod quandam habet analogiam, ut de satyris, Nymphis &c. prolixè agit *Helmontius*, & *Paracelsus*.

Sed ad ulcerum verminosorum causam noster redeat sermo. Ex dictis satis superque liquet, in ulceribus præcipuè sordidis vermes nasci, quia in illis, vel unguentis, emplastris, vel petiis muscæ suum deponunt semen, vel ab intrà ad ulcera deducitur, & ope fermentationis, talia generantur animalcula, ut autopsia demonstrat.

Prognosis.

Vermirosa ulcera, si debita tractentur medela, periculosa non sunt; si verò negligantur, & vermes non tollantur, magis cava, aut gangrænosa fieri possunt.

Curatio.

Vermirosorum ulcetum apud *Galenicos* curatio consistit, ut vermes geniti tollantur, ut ulceris putredo inhibeatur, ne imposterum generentur: Si ergò patentes sint vermes, vossella, vel similibus instrumentis eximantur.

tur, si verò tenaciter parti adhæreant, vel profundè lateant, enecant medicamentis, quæ simul putredinem, & humiditatem nimiam tollere, vel inhibere possunt, hoc præstant amara composita ex *aloe*, *myrrha*, *colocynthide*, *felle tauri*, *absynthio*, *centaurio minori*, *stolochia*, &c. ex quibus varias parant lotiones, ex decocto, ut.

℞. *Centaurii min.* *Colocynthidos.* *Staphisagria ana m. ℥.*
Coque in aqua suff. colaturæ adde

Aloes, & *Myrrha ana ℥ ij.* *Mell. Virginei ℥ ij. m.*

Vel succum exprimunt, & talia parant medicamenta, ut

℞. *Aloes ℥ ij.* *Myrrh. ℥ j.* *Peti Brasiliæ ℥ ij. ℥.* *Fellis tauri ℥ ℥.* *Flor. aris ℥ j.* *Mell. q. s. F. linimentum.*

Pro verminosis ulceribus curandis nos feliciter adhibemus *unguentum nostrum magistrale* in lue venerea descriptum, quod summum est medicamen. Vel enecari possunt vermes applicatione *elixiris proprietatis* per infusionem, & digestionem patati. Prodest *oleum buxi*, vel *seminum colocynthidos*, sed optimum, estò vile, remedium erit *olei amurca*, nam vermium perspirationem impedit, eosque idè necat. Magnoperè aliqui commendant *spiritum vini theriacalem*, vel ipsam *theriacam in emplastri forma*, sed expertissimum remedium ad vermes interficiendos, muscarum ovula dissolvenda, & ad sordes tollendas, ubi vermes nidulantur, erit *mercurius* quomodolibet præparatus, ut *unguentum mercuriale*, *mercurius præcipitatus*, *mercurius dulcis*, vel *magnum calcinatum Paracelsi*, tam solitariè, quàm cum aliis medicamentis, sed omnium maximè præstat, si ulcus verminosum *cinnabari* suffumigetur; nam *mercurius* tam crudus, quàm quomodolibet præparatus vermiculos, pediculos, & ejusmodi insecta cujuscumque magnitudinis, vel figuræ sint, statim enecat, aut fugat. *Peti Succus*, imò ejus *folia sicca* in pulverem redacta, vulgò *Tabacum Brasiliense*, ulcera tam à vermibus, quàm ab aliis insectis eripit, eaque mundificat. Si ulcus verminosum *aqua stillatitia è copis* abluatur calidè, ad miraculum usque vermes enecat. Idem efficit *succus radicis vitis alba*. Si vermes à partibus internis in ulcus repant, convenit *Calomelanos Turqueti cum theriaca internè assumere*.

C A P U T XVIII.

De Ulcere cum labiis callosis.

Solent quandoque ulceris labia ita callo obduci, ut ejus Solutio tamdiu medicamentis reluctetur, donec callus totaliter ablatus fuerit.

Signa.

Ulceris labia callosa ipso aspectu, & tactui innotescunt, decolorata namque sunt, dura, & non dolorifica, & si perfectò obducta sunt callo, novacula, vel cultro scinduntur absque doloris sensu, & ferè tactus sensus in hisce partibus abolitus est.

Causa.

Causa labiorum callosorum in ulcerè apud *Galenistas* est pus, quod ulceris labiis ob suam crassitiem adhæret, cujus partes tenuiores à calore nativo, vel extraneo resolvuntur, & exsiccantur, crassæ verò obdurescunt, & sic tandem callus madore privatus, & indolens.

Labia callosa, quæ scirrhusum referunt tumorem, originem ducunt ab acido, vel austeris succis in partem ulceratam influentibus, in iisdem ulceris labiis congestis, qui aded sæpè constipantur, & condensantur, ut obcalescant. Interdum eundem producunt effectum siccantia nimis calida, vel ambientis aeris frigiditas, ac nitrositas, vel obstructio à glutinosa materia, vel excrementa imprudenter diu in parte ulcerata derelicta, & in ejus, substantia exsiccata, vel deligata, aut quæcumque alia causa comprimere valens, aut obstruere canales, per quos alimentum illis suppeditatur; facta namque stagnatione, & indè obstructione, omne sal volatile evanescit in auras, & labia callosa redduntur.

Curatio.

Ulcus callosa habens labia non facilè curatur, nisi prius callositas auferatur; attamen in principio, quando

nondum perfectus est callus, non aegrè tollitur; Cæterum si perfectus erit, & absque doloris sensu difficilius curatur. Si livida sint labia ob porositates sanguine coagulato refertas, magna sedulitas in calli remotione adhibenda est.

Curatio.

Callositatem in ulceris labiis curant vulgares emollientibus, ut *mucilaginibus seminum malvarum*, *althææ*, *vini*, *sænugraci*, *oleo amygdalarum dulcium*, *liliorum alborum*, *emplastro de mucilaginibus*, atque ejusmodi emollientibus, & dissolventibus, sed præ omnibus sequens commendant cataplasma, ut

℞. *Mucilag. sem. alth. aqua malv. extract. ℥ ij.* *pingued. anatis, anseris, gallina ana ℥ j.* *farinæ sem. lini ℥ j.* *mice panis triticeæ ℥ ij.* coque in sufficienti quantitate lactis ad cataplasmatem consistentiam, ita tamen, ut ultimò pinguedines addantur.

Vel tale utuntur unguento:

℞. *Mucilag. sem. sænugraci. lini ana ℥ ij.* *terebinth. ℥ j.* *ol. amygd. d. lilior. alb. ana. ℥ ij.* *m. f. ung.*

Vel embrocationes instituunt ex decocto carnis arietinæ, quæ insigniter emolliunt.

Si callus completus, & perfectus fuerit, & emollientia contemnit, vel color niger ulceris labia obidet, cultro à parte sana eum separant, vel scarificant, vel cauterizant ad escharæ decidentiam, vel corrosivis fortibus tollunt.

Ulcus callosa habens labia, internè, & externè curamus; Internè, decocta sudorifica in quibus totius curationis cardo consistit, administranda sunt: hæc namque acidos, austeros, & vitriolicos obtundunt succos, diluunt, & per sua emunctoria eliminant, insuper congestos succos destruant, obstructos referant canales. Diæta stricta, & etiam sudorifera imperanda est; Cæterum ab acidis, & salis prorsus abstinendum est, & præcipuè à repellentibus omninò remediis cavendum est, quæ omnia succos coagulant, inspissant, & ad circulationem reddunt ineptos.

Externè callosis labiis, quæ duritiem, & callositatem perfectam non adepta fuere, convenit *aqua viridis*, *oleum viridis aris*, *aqua salis armoniaci n. d.* Si verò callus his obducatur medicamentis, ad efficaciora confugimus, hujusmodi sunt *lapis infernalis*, vel *spiritus salis armoniaci*, vel tandem *spiritus Mercurii albus*, qui absque recidivæ metu omnem absumunt callositatem.

C A P U T XIX.

De Ulcere Sinuoso.

Quandoque ulcus angusto præditum est orificio, sed cavitatem satis amplam, profundam, & latentem continet, absque tamen callositate, & duritie, ac pro orificii magnitudine copiosum pus, vel saniem eructat. Hujusmodi ulcus non solum sinuosum, verum etiam cavernosum, cuniculosum & reconditum appellamus. Quidam etiam talpiarium dicunt, & quidem rectè, nam talpæ more sub carne serpit, cuniculos & cavernas, non secus ac talpa sub terra, agit. Differt ulcus sinuosum à fistuloso, quia hoc callosum est, illud verò callositatem internam non habet. Sinuosorum ulcerum differentia summi possunt; Primò, à cavernarum magnitudine, quia sinus vel sunt breves vel longiores, profundi, atque penetrantes vel ad carnes, vel ad ossa, vel ad cartilagineam, vel ad nervosas partes. Secundò, à figura, qui vel sunt recti, vel flexuosi, vel obliqui. Tertiò, à situ, quia vel sursum, vel deorsum, vel ad latera tendunt. Quartò, à numero, quia unicus est sinus, sive simplex, vel duplex, vel triplex. Quintò à majori, vel minori acrimonia materiæ purulentæ in sinu contentæ. Et tandem vel orificium in parte supera, vel infera, vel circa partes laterales habent.

Signa.

Sinum in ulcere latitare cognoscimus, cum ex eo, quod orificium, cujus consolidatio inducta fuit, brevi post tempore aperiat, & materiæ ichorosa ab illo prodeant; tum ex eo, quod turunda, quæ statim in angustius orificium

ficiam introducta fuit, deinde in amplam cavitatem impellitur. Quousque sinus tendat, specillo, vel cerea candela intra sinum immissa facile deprehenditur magnitudo, figura, situs, numerus, finis &c. num ad partem supernam, vel infernam, vel ad laterales tendat, num ad nervos, vel carnes &c. Si ad nervos dolor, & motus spasmodicus percipitur, materia est tenuis, ac unctiosa. Si ad os, durities, & asperitas tangitur, & materia erit nigra, vel saltem livida, tenuis, & foetens.

Causa.

Galenistarum causa pro ulcere sinuoso, est pus diu in ulcere retentum, ac delitescens, quod virulentam quandam acquirit materiam, & corroding cuniculos agit, partes exedit subjectas, putrefacit, & contaminat, ac majus sibi spatium comparat.

Sinus secundum nostram sententiam, oritur à pure diutius in ulcere retento; retinetur autem plus justo ulceris excrementum, si illud non bene mundetur, vel si debite non ligetur, ita ut productum excrementum ab ejus orificio effluere non possit, vel si post diutinam suppurationem vomica aperiatur. Pus ex falsis, acidis, sulphureisque componitur particulis, quæ in ipso ulcere exaltantur, vel è proximis vasis, vel à toto ut dicunt vulgares *Galenistæ* per congestionem paulatinam, vel per fluxionem, in ulcus effusa (præsertim si corpus cacochymum, Lue venerea conspurcatum, hypochondriacum, vel scorbuticum sit,) subtili materia adventante ad partes ulceri circumpositas, & laxiores intestino motu perpetuo pelluntur, deinde in ulcus, ibique exaltantur, & per fibrarum interstitia, si ibi diutius retineantur, ac per varios anfractus viam sibi aperiunt, fibras devastant, tubulos obvios, minusque resistentes exedunt, dictarum parvum canaliculos erodunt, scrobem excavant, cavitatem efformant, cuniculum agunt, qui hic, atque illic sinum efficiunt, qui quod latior, & profundior est, eò diuturniorem pus in parte remoram contrahit, quod non debite evacuari potest.

Prognosis.

Ulceris sinus parvus & in parte carnosâ exortus, & qui in corpore non valde cacochymo existit, minus periculosus censetur; qui pus probe coctum fundit, ut album, læve, æquale, minimèque foetidum, coctionem, sanitatem ac morbi brevitatem certo pollicetur, præcipue si dolor & tumor dispareant: Secus verò qui magnus, & nervosas partes, vel artus occupat, vel ad aliquem ventrem penetrat malum. Pus ex sinu profluens valde tenue, male coloratum, viride, virulentum, nigrum, aut putridum nihil boni portendit & præcipue si dolores, febres, aliaque symptomata mover, valde periculosum est. Quibus cachexia, vel virium jactura adnexa est plurimum lethale. Ocycissimè curandus est sinus, alioquin contumax redditur, callum contrahit, durus efficitur, & in fistulam degenerat.

Curatio.

Institutis, præmissisque universalibus præsiidiis, sinus curationem exordiantur *Galenii* sectatores, deinde, si orificium sit magnum, & in parte declivi, ut sanies per se effluere possit, apertum servant, postmodum detersionem peragunt, sinum abluendo *mulsa*, vel *vino cum aqua marina misto*, aut *cui sal adjectus fuerit*, vel *terebinthina*, & *farina hordei cum melle*, aut *squama aris cum vino*, & *melle*. Sinum his mundatum carne implent, & cicatrizant, prospiciendo simul, ne caro nimis multa generetur, quod fasciis expulsiuis peragunt, ori imponunt turundas cannulatas, quas inspergunt aliquo medicamento abstergendi & exsiccandi vim habente, & desuper *emplastrum barbarum* in medio perforatum ad effundendam saniem extendunt.

Si verò sinus orificium fuerit angustum, & pus intus latens perfecte non educi, neque mundificari, neque medicamenta applicari possint, extemplo versus illam partem, ubi major urget necessitas, secant; sic enim puri viam præbent, & non ægrè ad motis medicaminibus, absterfio, exsiccatio, & carnis regeneratio subsequitur.

Si sinus os sit in parte supera, vel ad laterales vergat par-

tes, ita ut pus perfecte expurgati non possit; tunc ut educatur, optima opus est collocatione & ligatura ut saniem educant, efficere possunt: verum si per collocationem, & ligaturam educi nequeat, ad turundas cannulatas confugiunt, cæterum si pars haud situari, neque per collocationem, aut turundas cannulatas, aut ligaturam materiam purulentam educere possunt, tunc, si sectio periculum involvat, immisso specillo quâ pervenit, fundum scalpello aperire magis expedire inquit: *Gal. 3. Meth. C. 4.* ut humor superflues eliminetur, & os superum occludunt,

Verum perperam in ulcere sinum secant nostri vulgares, dicant secti superstites, claudi attracti, melioribus vitæ functionibus destituti, qui deplorabilem inopemque trahunt vitam. Siquidem non potest Medicus morbo opportunum adferre præsidium, nisi & affectum ipsum & locum patientem agnoscat, itaque hæc est omnium in curationibus errorum radix: Eapropter professionem conspurcant medicam nostrates Physici, & Chirurgi, ac nihil scire judicamus, quia maximo medicinæ lumine carent, anatome scilicet, sine qua in tenebris ambulant, & æger in umbra mortis, firmiter asseveramus medicam artem sine anatomica, vix solidis fundamentis inniti, & hanc sine illa inutilem esse, unde perpetuo Medici titubant, & in mille offenticula cum multorum exitio impingunt. Si cadaverum anatomiam, sed tantum ossa & his finitima offert, ex qua nulla morbi inspectio colligi potest: quanto magis de morborum anatomia bardè, & inconditè different?

In ulcere sinuoso studendum, ut superfluitates liberum habeant exitum, & eapropter si cavitas deorsum, vel ad latera tendat, membrum attollendum, & in tali collocandum situ, ut pus à sinus orificio stillare possit. Debet insuper deligatio expulsiva institui, fascias circumligando, primò arctè infernæ sinus parti, & sensim deinde laxiùs, quò propius ad orificium accedunt, ejus orificio suppositis etiam petiis, splenis, & pulvillis, atque turundis, sive pannis duplicatis, & multiplicatis, ut æqualiter pars affecta à fasciis comprimatur, & in cavitate nulla sanies subsistere queat. Sectionem improbamus, tum ob anatomiam imperitiam, tum quia ex ea crudum emergit vulnus, & ferrum, quod horribile est ægris, oculos non habet, ac proinde quod illi objicitur scindit. Præterea sanguinis inflammationem, erysipelas, & alia pejora symptomata accessere potest; ideòque ad deterfiones per siphonem magis confugiendum suademus anatomiam ignaros. Purgantia medicamenta tanquam maledicta in ulcere repudiamus; exaltant namque non tantum in sinu, verum etiam in toto particulas salinas, acidas, sulphureasque, quæ antea dilutæ conspiebantur, & majorem carnes depascendi energiam nanciscuntur, non enim habemus medicamenta, quæ salinas, acidas, vel sulphureas evacuant.

Curationem itaque perficimus tam internè, quàm externè remediis alkalibus, & volatilibus, quæ aciditatem, & acrimoniam domant, absorbent, deprimunt, corrigunt, hujusmodi sunt *c. c. Philosophicè p. p. ebur sine igne paratum*, *stibium diaphoreticum*, *tinctura viperarum*, *ocul. cancr.* & id genus alia pluries à nobis repetita. Item inter interna decocta vulneraria commendamus, ut

℞. *Distamni cretici*, *alchimilla*, *scordii ana m. j.* *vinca pervinca*, *consolida regalis*, *sanicula ana m. ss.* Ponantur in vase vitreo cum aqua decoct. *c. c. 3. ij. ss.* Coque in igne cinerum, vase optimè clauso, deinde f. colatura cum leni expressione. Dosis 3. iv. vel v. in quas injice ocul. cancr. 3. j. sumatur manè, & serò, vel

℞. *C. c. crud. & limati*, *rasura eboris ana 3. ij. ss.* *betonica*, *sampuci*, *flor. hyperici ana m. j.* *radic. symphyt. maj. 3. ss.* Coque in duplici vase cum suff. quant. aqua, vel vini, si vinum bibat æger. Cola absque expressione, & unicuique dosi adde *spermatis ceti 3. j. mumiæ 3. ss. m.* & exhibe.

Continuari debent ad cicatrizationem usque. Vel prædictis potionibus admisceri potest gutta una, vel altera, & ulterius *balsami sulphuris terebinthinati*, quia non solum acidus succos sua oleositate, & sale volatili expellit, & enervat, verum etiam ulcus mundificat, & consolidationem excitat.

Externè illa commendamus medicamenta, quæ sinus acidus, acresque sordes absorbendi, abstergendi, ac afflicte partis vitalem balsamum restaurandi facultatem habent. Hæc intra sinum tepidè per siphonem injiciantur, sequens absque mordicatione detergit, & sinus ichores eluit, ut

℞. *Decoct. hord. integri lb. ij.* *mell. ros. colat. 3. iv. m.*

Fiat injectio intra sinum per siphonem rectum, atqui si crassa sanies, multum sordida inesser, ad majorem detersionem utimur *unguento Aegyptiaco magistrali* decocto admisto, addita spiritus vini portione. Vel uti possumus *aqua calcis viva*, quæ magnam abstergendi vim habet ob alkalia. Vel decocto simplicium abstergentium: Cæterum præstat *Aqua Regina Hungaria spiritus vini simplex* per siphunculum injectus; hic namque acida omnia, & acuta salia cicurat. Verum enim verò præcellit *balsamus sulphuris*, sed huic comparari nequit, *balsamus proprietatis per infusionem, & digestionem*. Non desit interim *emplastri opodeltoch*, vel *fodicationum* applicatio. Ablatis tandem curationis obstaculis, hoc est sinu mundificato, sarcotica tandem adhibenda sunt, vel per siphunculum injici potest *balsamus proprietatis*, si cavitas aliis sarcoticis in forma solida obest, & ultimò cicatrizantia adhibemus.

CAPUT XX.

De Ulcere fistuloso.

Cum pus ex sinuoso ulcere non prorsus eliminatur, vel ipsum ulcus negligitur, vel per exsiccantia ejus agglutinatio tentatur, callum contrahit, & tandem in fistulam degenerat: est itaque *fistula ulcus illud, quod arundinis instar sinuosum est, & angustum in parte superiori habet orificium, cum profundo foramine*.

Signa.

Cognoscitur fistula, quia ulceris orificium, seu foraminulum plerumque est rotundum, & angustum, substantiam habet candidam, callosam, & in odore privatam, absque vel exiguo dolore. Materia, quæ ex fistula effluit, nunc est saniosa, serosa, nunc alba, vel flava, rufa, viridis, livida, atra, aut sæci similis, modò crassa, jam tenuis, sæpè putrida, & cadaverosa, non nunquam copiosa, quandoque pauca, interdum nihil excernitur, & sicca est. Quandoque fistula spumosa, vel aquosa excernit materiam, subindè virulentam, & aliquando cum sibilo ad expressionem eructat. An simplex, an in plures deducta sinus sit fistula, ex majori, vel minori effluentis materiæ copia conjicere possumus; si simplex tantum adsit sinus, tanta saniei copia excernitur, quanta in simplici spatio capi potest; si verò plus excernatur, quàm simplici convenit sinui, plures esse sinus conjectandum est. Brevius, aut altius penetrantem, ut & flexuosam, aut rectam ex specilli intrusione desumimus, quia, ubi recta est fistula, specillum in fundum usque liberè ingreditur; si flexuosa, vel unum, aut plures habet sinus, specilli apex ingredi nequit, quare ad explorationem ex flexili magis materia stylus requiritur ex plumbo, vel stanno, aut hujus loco candelam ceream substituimus. *Gal. 1. de comp. medic. per gen. c. 7.* seta porcina usus fuit *Hip. caule*, & *Guido* cui sui temporis chirurgis, petroselini, aut betæ radice ad fistulæ rectæ, vel obliquæ explorationem; sed tantus apparatus ad hanc explorationem necessarius non est, nam hæ explorationes tam perniciosas non admittimus, nec fistulæ foraminulum adèd angustum est, ut seta porcina indigeat, ut *Galenus* refert. Nùm fistula ad carnem, nervum, os &c. pertingat, inquirendum est. Si in sola hæreat carne fistula, molle est, quod ultimo stylo tangitur, pus læve, æquale, & copiosum excernitur. Si ad nervum desinat, in profunditatis exploratione dolorifica est, pus tenue, virulentum, & pingue, oleo non dissimile, parcius tamen exillat, & membrum, cujus nervi est domiciliū in suis functionibus hebetatur. Si ad os terminatur, durum quid, & renitens & æquale stylo occurrit cum nonnullo dolore, si periostium nondum est corruptum; si verò os cariosum sit, asperum, & inæquale tangitur, edque magis, quòd caries major, pus nigricans, graveolens, & tenue admodum effluit. Si ad venam desinat, sanies est sæculenta, & si vena est erosa, cruenta, & crassior sanies effluit. Si ad arteriam, sanies tenuior, & saliens cum titillatione deprehenditur. Desinit quandoque fistula ad ligamenta, membranas, & nonnunquam ad interna viscera.

Cause.

Putant *Galenista* eandem esse ulceris sinuosi causam, ac fistulosi, fistulam enim penes callum tantum à sinuoso ulcere differre certum est. Callum in fistula fieri autumant à puris crassitie, & vitiditate, quæ orificio potiùs, quàm toti cavitati, & fundo adhæret.

Fistularum causam ab ulcere sinuoso deducimus; si enim in ulcere sinuoso pus, quòd salinis, sulphureisque particulis exaltatis scater, non abstergetur, ad moram stagnat, & crassus, terrestrisque mucus, jam evaporatis subtilibus particulis, quibus erat refertus, comprimitur, coagulaturque ob acidum à fermento resultans, vel ibi exaltatum, ac cuniculorum parietibus fortius adhæret, & ob succi nutritii affluxum perennem, earum orificia, & latera obturat, comprimit, exsiccaturque, & in scirrhusam duritiem, foraminulo ad fundum usque relicto, occalescit.

Prognosis.

Vulgares fistulas curari non debere asseverant, quia natura eorum Deastra per eas, tanquam per cloacam, universi corporis colluviem deturbat; quare, si hæc via impediatur, maximum vitæ impendet periculum, ne insolitam, atque deteriorem sibi viam pandant, & mortem inferant, eapropter perpetuò patulas servandas esse dicunt, & quandoque si ex ipsis, vel alio modo occludantur, rursus aperiendas percipiunt, quia non solum universum corpus ab aliis tueretur malis, sed etiam aliorum morborum sunt medela. His similibus falsis imaginibus, mortis metum minantur si curentur, incolumitatem, si non curentur, spondent. Cæterum hac verus miseria imponunt ægrotis, & quos ipsi curare nesciunt, ne alii curent, efficiunt. Eapropter fistularum curatio non barbitonsorem, vel balneatorem, non chirurgum, vel *Galenistam* requirit, sed chirurgum dextrum, peritum, & benè exercitatum.

Omnes fistulæ generaliter curatu difficiles judicantur, plus tamen difficultatis aliæ, aliæ minus habent, quædam planè lethales censentur. Minus curatu difficiles sunt recentes, quæ carnosas occupant partes in corpore juvenili, robusto, & faciliorem cæteris spondent curationem; difficiliorem autem minantur, quæ antiquiores, & profundiores sunt, quæ plures habent cavernulas, si languentis corpus debile, vel senile, valetudinarium sit, vel pravis scateat succis, curationis difficultatem auger. Periculosa judicantur, quæ ad nervos, venas, arterias, articulos, capita, musculorumque fines desinunt, vel alios sequuntur morbos; adhuc maximè, quæ dorsi vertebrae, ossa, thoracem, ventriculum, abdomen obsident; quæ gravia post se relinquunt symptomata, ut febrem, cachexiam, sincopen; tum quæ rectum intestinum, uterum, vesicæ collum, scrotum, internos oculorum angulos penetrant. Fistulæ non benè curatæ iterum recluduntur, coacervata materia, imprimis ubi subest ossium caries. Cancerosæ perdifficiles sunt curationis. Si per multos annos fistula duravit, & subitò claudatur, lethalis. Ex materia effluente majus, vel minus periculum concludere potest chirurgus; si namque immodicam saniei materiam eructant, corpus contabescit; si saniem non ampliùs emittunt, & fætidus eructant halitus, in quibus etiam fistulis specillum veluti ab igne coloratur, item in quibus pus egreditur amurcæ instar, & fætidus odor, ut plurimum moriuntur.

Curatio.

Ulceris fistulosi curationem auspicantur vulgares ab his quæ causam respiciunt, præsertim verò colluvies jam genitas, quàm citissimè è corpore educunt probantque cathartica, quæ crassiores eliminant succos, & ne iterum prædicti regenerentur, per intervalla lenia exhibent, ut pravi humores, qui interim producuntur, evacuentur. Ad horum etiam genesis inhibendam optimam victus rationem instituunt, ex cibis laudabilis succi, ac maximi nutrimenti, siccioris quoque conditionis, ac moderatæ quantitatis; nam in longioribus affectibus, ob victus parsimoniam sæpè deficiunt ægroti. Deinde totum exsiccant corpus, humores per sudorem educendo, quos per

per decoctum ligni indici, & salsa parilla provocant. Nisi hæc sufficiant, fonticulos aperiunt.

Demum, quia fistula curari nequit, nisi callus auferatur, & orificium taliter dilatetur, ut medicamenta ad cavitatis fundum perveniant, ab orificii dilatatione curationem exordiantur. Utuntur itaque turundis ex spongia contorta, radicis gentiane, vel aristolochie, vel bryoniae, vel etiam ex medulla ligni sambucini, cum extractorio filo, ut si in sinum ipsum inciderint tunc extrahi possint, quas turundas unguento aliquo oblitas applicant. Talia, postquam humores imbiberunt, sese dilatant, & orificium ampliant, hinc per duodecim horas relinquenda monent, deinde extrahunt, quibus extractis, majores turundas semper introducunt, donec foramen amplum evaserit, imò ad sinuosæ cavitatis fundum usque, si fieri potest, pertingant. Hoc peracto, ad callum auferendum, si patiens unctionem, vel incisionem horreat, & callus non sit admodum crassus, præmissa prius leni scarificatione cum corrosivis sine dolore exedunt, talia sunt, quæ ex eorum scriniis depromuntur ut unguentum Aegyptiacum, Apostolorum, rasura radicis aristolochie, turunda, bastula regie melle illita, vel radix bellebori nigri, præcipue si affectus humoris melancholici naturam sapiat, & hujusmodi medicamenta per triduum in cavitate detineantur. Potentiora ipsorum exedentia sunt chalcantum ustum, pulvis cantharidum. Lac esula, aqua calcis viva &c. sed præ omnibus, si callus sit durus, trochiscos Joannis Vigonii commendant pro fistulosis ulceribus curandis.

Alii pulverem ex corrosivis conficiunt, & per cannulam in foramen insufflant. Quidam eosdem pulveres cum mulla dissolvunt, & per siphonem in fistulæ foramen injiciunt, & id observant, ubi fistulæ sunt nimis profundæ, cuniculosæ, & anfractuosæ; illuc enim tantum liquida penetrare possunt. Vel aquam fortem probant in tortuosis, ac labyrinthi modo flexuosis, quia omnes fistulas mortificat, earumque callum exedit; verum hæc non sine evidenti vitæ periculo administrari potest, ob sævissima accidentia, quæ excitat. Dum hæc medicamenta applicant, ad vitandam fluxionem, & inflammationem propter dolorem, semper defensiva administrant. Post calli erosionem partem abstergunt, & illa administrant præsidia, quæ cavitatem implendi, carnemque regenerandi facultatem habent.

Cæterum nil efficacius, & expeditius quàm incisio, vel adustio, præsertim ubi fistulæ sunt nimis profundæ. Secant & primò specillum ligneum intrudunt, supra quod incisionem instituunt. Scalpello, vitatis vitandis, fistulas aperiunt, donec ad fundum deveniant. Sequenti die callum, caustico vel corrosivo absumunt, vel ustulant, & omnino auferunt, vel fistulas candenti ferro inurunt. Peracta operatione, oleo rosaceo cum ovi vitello agitato dolorem leniunt, quo facto, butyro recenti, vel aliis unguentis cum foliis endivie escharam sensim emolliunt ad casum usque, escharam ablata, si pus album, læve; aqua, le & minimè fœtidum compareat. & ulceri laudabilis redeat color, optimum ominatur eventum, & præsertim si dolor, tumor, aliaque symptomata feriantur, tunc per sarcotica optimam carnem in loco calli substitui sinunt.

Quòd si ob ægroti debiles vires vel ob loci situm in quo fistula hæret, & ex curatione vitæ periculum impendit, institui non potest, quia neque sectionem, neque unctionem, neque corrosionem patitur locus, curam instituunt, quàm palliativam appellant, & vere, ac autumnio, bis in anno corpus pravis refertum succis optimè deplent, ita enim credunt magnopere ad sanitatem conferre, quin & ætatum mutatione sponte sanescere. Verum, ut inquit Paracelsus noster, nunquam hætenus auditum est, hoc ulcerum genus per se sanatum fuisse, sed per medicamenta solùm, & optimè conditionata, aliàs verò minimè curari testatur.

Nostri de ulcere fistuloso curatio, duplici instituitur modo, una interna, altera verò externa; interna per potiones vulnerarias procedit, quæ fiunt ex sanicula, pirola, vinca peruinca, alchimilla, aristolochia rotunda, hedera terrestris, scordio &c. vel per diaphoretica ex antimonio, mercurio, bezoart. min. ocul. can. spiritu c. c. sale volatili viper. &c. Vel per decocta lignorum, radicum, & herbarum; hæc namque sanguinem, & succos corrigunt, acidum, salsumque fixum temperant, ad resolutionem disponunt.

acres ichores, & superfluitates serosas ad affectum locum fluentes eliminant.

Externa curatio topica expostulat, quæ callum absumendi energiam habent, hujus farinae est mercurius præcipitatus incarnatus, vel albus, vel magnum calcinatum Paracelsi, quibus turundæ vino madidæ & deinde expressæ immerguntur, & intra fistulas, immittuntur quæ ante 24 horas non eximantur, cum emplastri fodicationum superpositione, postmodum semper recentes intruduntur ad totalem usque calli absorptionem. Vel eodem modo lapide infernali, vel cæteris trochiscis de mercurio meteorizato, opio, & gummi tragacanthi paratis utimur. Si plures anfractus habeat fistula, aptiora erunt medicamenta in forma liquida, quia facilius totam scrobem, & anfractuositatem penetrant, & callositatem exedunt: hujusmodi sunt aqua mercurialis, aqua salis armoniac. a. d. spiritus salis armoniaci, oleum antimonii, vel mercurii. Amoto callo, balsamo sulphuris terebinthinati, vel balsamo proprietatis per infusionem, vel unguentis sarcoticis uti possumus ad novæ carnis suffectionem.

Summopere in ulcere fistuloso commendantur Thermæ quædam naturales, sic in Aenaria balneum Gurgitelli, & fontane, in agro Puteolano balnea solis, & luna, ac Cantarelli. In talium aquarum defectu substituimus decoctum scordii, agrimonie, florum hyperici &c. in cuius singulis libris soluta sit lapidis medicamentosi ℥. j. debent tamen tam naturalium, quàm artificialium thermarum aquæ calidæ per siphonem in fistulosum locum injici.

Aliqui chimicæstri, omnibus incassum tentatis, in fistulosis ulceris curatione ad aquas stygias confugiunt, sed semper infelici cum successu, hæc namque aqua, sicut & oleum vitriol. vel sulphuris semper suspecta sunt, præsertim in fistula lacrymali, vel aliis in locis ejusdem conditionis, ob motum excursus in vicinas partes, & plus solidis, & crassioribus hujus metus expertibus confidimus.

In nostra curatione nullam de ferro, & igne mentionem fecimus, nam nos in ea sumus sententia rarò, vel nunquam ad ferrum, sive ignem actualem confugiendum fore, facili enim nervosæ partes, venæ, sive arteriæ læduntur: tentanda ergò sunt remedia generosa supra à nobis proposita.

Præterquam quòd quandoque loci conditio nec corrosiva, nec ferrum, neque ignem actualem admittit, tunc ad Galenistarum curam palliativam necessario, tanquam ad sacrum asylum, recurrendum est.

CAPUT XXI.

De Ulcerum cum ossis carie.

Inter cætera accidentia, quæ ulceris consolidationem remorantur, præsertim est os cariosum ulceri subjectum, quo existente, ulcus, quod in carne existit, ut sanescat, impossibile est; quin prius ossis caries tollatur. Quod si quandoque cicatrice obduci videatur, tempore sat exiguo denuò aperitur. Sicut propriè caries in lignis dicitur, cum à vermiculo eroduntur, ita peculiari nomine caries ad ossa pertinere videtur, quia hujusmodi vitium est ossibus attributum; attamen etiam improprie, & analogicè ad carnes exesas se extendit. Est igitur ossium caries, ossium corrosio à succis acerbis, corrosivis proveniens.

Signa.

Sine ulcere fordido, aut fistula rarò observatur ossium caries, prout enim ulcus carnosarum, ac fibrosarum, mollium partium est, sic caries duriorum, ac ossearum: Ulceris igitur cum ossis carie signa partim ex se patent, partim verò judicio explorantur. Ex se patent, ubi os est denudatum, caries visu comprehenditur; ossa enim quæ carie tentantur, livida vel decolorata, vel nigra, vel cariosa, & inæqualia spectantur. His referta coloribus apparent, quia & sphacelata sunt; nam os, dum vivit, subrubrum est, quando mortuum, album, cum corruptum, lividum, vel nigrum. Caro ulceri circumposita est spongiosa, mollis, fungosa, in superficie deprehenditur sublivida, & pallida, & sæpè lardi instar.

Caries non detecta, judicio exploratur, ut si diuturnus præcesserit tumor, aut malignus abscessus, aut ulcus dyssepuloticum, cachoeticum, contumax, vel vetustius,

ut inquit *Hip. aph. 45. sect. 6. In ulceribus annuis, aut etiam diuturnis abscessum cum osse communicari est necesse, & cicatrices cavas fieri.* Caro est mollis, & livida; huiusmodi namque caro ossis vitiati quomodo pathognomicum signum est; siquidem ad ossis cariem, cutem, & carnem non contaminari impossibile est. Sanies, quam ulcus eructat saniosum, tam est copiosa, quam ulceris conditio non fert, pinguis, oleosa, mox foetida, quandoque flava, subviridis, ut plurimum tenuis, & fluida, nigra, & intensè foetens. Si sanguis effluit, est niger, & coagulatus. Tandem ossa vitiata specillo explorantur, quæ aspera, & inæqualia deprehenduntur; quandoque mollia, & multis prædita cavernulis, ac supra turundas, aut emplastra macula nigra apparet.

Causa.

Pro ulcere carioso accusant *Vulgares* humores acres, crassos, vel frigidos, sed frequenter malignos, virulentos, putridos, ac prorsus corruptos, qui ex alicujus visceris, & præsertim hepatis vitio producuntur. Verum hoc eorum dogma universaliter continet verba, quæ multum dicere videntur, cum nihil dicant. Præterea non explicant, qua acrimonia, malignitate, & virulentia humores scateant; nec quomodo humores crassi, & frigidi ossa exedunt, intelligere possumus; nec quomodo hi humores quandoque ossa erodunt, canum instar, carne non exesa, exponunt. Pro huius affectus generatione in medium hepar, omnium morborum patronum, asserere sufficit.

Juxta nostram sententiam, fit ossium caries in ulceribus ita: In tumoribus diuturnis, ulceribus annuis, & cachoeticis quando obstructa sunt vascula, liquor, sive sit succus alibilis, sive lymphæ, obstruens, ob moram fermentatur propter particulas salso acidas, & quo diutius remoratur, eò diutius fermentatur, & majorem adipiscitur exaltationem, ineptus ad ossium nutritionem redditur, & ob molem, & figuram ad evaporationem inhabilitatur; unde particulae acidæ, salinæ, & acres, acutæ, angulares suis spiculis periostium corrodunt, quod ex præviis, sæpenumero doloribus acerbissimis conjicimus; dolores namque à particulis acidis, salinis, acerbis provenire nemo est, qui ambigit, ut in venericis gummatibus observamus, sub quibus post diuturnas noctis torturas, ossa cariosa fieri necesse est. Postmodum ipsæmet particulae ossium poros invadunt, lacerant, perforant, & cariant, & quia ultimum exaltationis gradum adeptæ fuere.

Solet quandoque os tantum cariari, incolumi existente carne, verum id intellectu difficile videtur, & omnem vulgatum superat intelligentiam, & tamen autopsia veritatem multoties nos cum multis edocuit, cujus ratio est, quia falsa, acida, acriæque corpuscula ossium poris non conformantur, sicuti carnibus, hoc est tali pacto sunt conformata, ut non adaptentur ossium porositatibus, unde eas lacerant, exedunt, cariemque inducunt, & aliis mollibus partibus adaptentur, atque hinc fit, ut nonnunquam ossa carie afficiantur, circumjacentibus partibus, sanis existentibus in dies in illa pertinaci affectione, quam Barbari Medici spinam ventosam appellant, observamus.

Prognosis.

Ulcus, cui os cariosum subest, curationi reluctatur; cicatricem enim non suscipit, & est quandoque ad eam deveniat, brevi temporis intervallo iterum aperitur, ideoque difficilis est curationis, nisi os ad lævorem deducatur, & nihil magis Medicos fatigat in curandis ulceribus, quam ossis caries, & corruptio. Si ulceri cum ossis carie circumducta caro sit livida, malum, inquit *Hip. aph. 2. sect. 7. In agrotante carolivida, malum;* non enim magnam labefactionem, sed etiam insignem ossium corruptionem denotat. Augetur nihilominus curationis difficultas in corpore cachoetico, si circa partes nervosas, ut in manibus, & pedibus, vel in juncturis, & magnorum ossium capitibus, vel circa musculorum capita, & tendines, quia plerumque nervi, ut tendines simul corrumpuntur, vel circa arterias magnas, & venas, fit ossium caries, quoniam unctiones, abrasiones, & fortium medicamentorum applicationes impedit, quæ alioquin in-

dicantur, ut putrida ossis pars à sana separari queat. Non leve quoque interitus discrimen mutilatio portendit, ob prava, quæ excitat accidentia præsertim cum abraditur, vel ustulatur, vel temerè à medicamentis erodentibus medicamentis exagitur; horrenda enim etysipelata, ut notat *Hip. sect. 6. aph. 19. Ex ossis denudatione erysipelas,* vehementissimas inflammationes, exuberantes sanguinis profusiones, & exitiales gangrænas observavimus.

Curatio.

In Ulcere carioso, Vulgares primò humores pravi, à quibus malum fovetur, ne generentur, prohibent proba victus ratione; quæ non tantum ex optimis cibariis esse debet, sed etiam admodum tenuis, qualis à curante Chirurgo præscribitur. Deindè humores, qui in corpore redundant, ne ad partem affectam deferantur, sanguinis missione, & medicamento purgante avertunt. Postmodum, quia ulcus cariosum sanari nequit, nisi caries auferatur, carnem, cui os subjicitur, si adsit, *alumine, vel calcantho uso, vel pulvere sabine* abscindunt. Si orificium in carne sit angustum, illud *turunda ex spongia contorta, vel radice gentiane* dilatant. Detecti ossis lævigationem moliuntur euphorbio, vel peucedano, quod si non succedat, ad limæ usum confugiunt. Verum nunquam lima os læve, sed semper asperum, & inæquale reddit, præstabit cultro abrasorio uti ad ossis lævigationem.

Si os corruptum fuerit, naturam præstolantur, ut illud propellat, sed longa & diuturna expectanda est ejus separatio; interdum enim post quadraginta dies, interdum sexaginta: quandoque octoginta, & nonaginta, juxta ossis majorem, vel minorem duritiem in his ossibus corruptis propellendis laborat. Verum sunt quædam ossa ita dura, & densa, ut si corrumpantur, non tantum in nonaginta, vel centum dies non separantur, sed potius per totum vitæ curriculum, ut de calcis osse refert *Gal. 2. de fract. com. 2. c. 21.* perdurent; & interim ob moram virium pars sincera contrahit, si totum separationis opus naturæ committunt. Hinc nonnulli nasutiores vulgares ad ossis excisionem confugiunt, quam scalpto excisorio, & malleolo assequuntur, eodem ferè modo, quo statuarii statuas efformant, quousque corruptum decisum fuerit, deindè *pulvere myrrhæ, aloes, aristolochiæ &c.* aspergunt. Sed si os corruptum ad medullam usque penetrat, à chirurgia prorsus abstinere, siquidem sæpe observatum fuit, detectam medullam putrescere, & circumpositas partes contaminare, atque corrumpere; tunc siccis medicamentis, uti sunt *radix peucedani, iris, opopanax, squama aeris &c.* vel ferro ignito nutrimento privari: inquit os nutrimento destitutum decidere, non aliter ac autumnus ab arboribus folia cadunt, cum humido radicali destituuntur. Verum neque scalptis, neque ferris ignitis, neque alimenti privatione ossis caries removeri, & separati potest.

In ulceris cariosi curatione omnes intendimus nervos, ut pars cariosa, utpotè mortua, separaretur à viva, cum qua nec coalescere, nec diù permanere potest, quin eandem iterum inficiat, & ad similem corruptionem sensum disponat, unde malum in dies pejorat: eapropter, ne amplius incrementum sumat, exemplò, si corpus sit caco-chymum, pilulis mercurialibus deplemus, postmodum curationem tam internam, quam externam adhibemus.

Internè ea propinamus medicamenta, quæ particulas acidas, falsas, acres, acutas erodentes absorbent, obtundunt, infringunt, corrigunt, in quem finem conducet *decoctum chinae, ligni visci querni, aliorumque lignorum:* Similiter *sal volatile viper. c. c. succini, fuliginis, eboris, stibium diaphoreticum.* Item *ebur signe igne paratum, c. c. eodem modo paratum, oculi cancrorum &c.*

Externa curatio est, si os carie affectum sub oculos non veniat, quia carne obductum est, speciali exploratione deprehenditur, tunc caro absumatur *aqua salis armoniaci, vel mercurio præcipitato albo,* quod si callosa erit, exedatur levi tactu *spiritus Mercurii albi.* Si detecti ossis superficialis sit caries, ejus fiat abrasio ad lævorem, vel *caryophyllorum essentia, vel oleo succini rectificato, vel balsamo proprietatis, in quo facta fuerit euphorbii, peucedani, radicis bryoniae, & aristolochiæ rotundæ infusio,* cariem illine, & effectum admiraberis, postmodum fatcoricis utere.

Oſſis corruptio ſi profundior erit tunc totum corruptum auferri debet , quia quod emortuum eſt , neque corrigi , neque emendari , neque in naturæ gratiam redire poteſt , nam à privatione ad habitum naturaliter non datur reſſus . Nec naturam pro oſſis corrupti ſeparatione expectare poſſumus , quia expectatio periculum minitatur , & niſi ablatio ocyſſimè fiat , irreparabilis ſequitur mors . Verùm difficultas in carie curanda eſt , quia remedia convenientiſſima multoties ſatis convenienter applicari non poſſunt ; paries namque oſſibus proximæ , tendines , nervi , & ſimiles ab actuali canterio ſimul læduntur , & intolerabiles excitantur dolores . Imò augetur malum , quando ſæpiùs illa actualia applicantur cauteria , quæ unica vice parùm præſtare ſolent , ac ſæpiùs iteranda ſunt , ſi effectum producere debeant . Caro itaque ſuperjacens ablumatur medicamentis ſuprà propoſitis , vel cauſtico , ſeu cauterio potentiali vel diſſecetur , quouſque os corruptum denudetur , & ne nervi , tendines , muſculorum capita arteriæ , aut venæ majores lædantur , ſecundum partis longitudinem , & fibrarum ductum , neuriquam per tranſverſum inſtituatur ; verùm non ſemper ita commodè fieri poteſt hæc operatio , quin aliqua harum partium læſio non oborietur . Ad medicamenta igitur quæ non tantùm acida , & corroſiva ſalia cicurant , corrigunt , obtunduntque , verùm etiam , quæ os carioſum lævigant , & corruptum à ſano ſequeſtrant , meliùs confugiendum putamus , huiusmodi ſunt *oleum caryophyllorum* , *cinnamomi* , *succini* , *ligni guajaci* , *camphoræ* , *tartari p. d. ſpiritus ſalis armoniaci cum calce conſectus* , *elixir vitæ* , *balsamus proprietatis per infuſionem* , quibus ſingulatim uti poſſumus , vel compoſito modo ita :

℞. Ol. caryophyll. succini , & guajaci ana ℥. ſs. m. vel
℞. Ol. camphor. per ovi albu. & parat. & cinnam. ana
℥. ſs. m. Quæ tepidè ter , vel quater in die repetenda ſunt
& quidem plumaceola his imbuta imponantur .

Vel hæc ſimplicia applicari poſſunt , ut *myrrha* , *aloe* , *ariſtolochia* , *cortex panacis* , *peucedani* &c. Vel ita medicamenta compoſita concinnamus , & præ aliis noſtram euphorbii tincturam , ut

℞. Euphorbii ℥. ij. radic. peucedani , Ariſtolochie rotundæ ,
bryoniæ ana ℥. ſs. myrrhæ , & aloes ana ℥. ij. caryophyl-
lor. ℥. j. Infunde in aqua reginæ hungariæ ℔. ſs. per quinque vel
ſex dies , deindè tincturam elice , & ad uſum ſerva. Vel

℞. Balsam propriet. per infuſ. ℥. iij. Iridis florentiæ ℥.
ij. cinnam. ℥. j. ſs. succ. bryoniæ ℥. j. iij. camphoræ ℥. j. Stent
ſimul per duos , vel tres dies , deindè decanta , & ſerva .

His tincturis lintea imbuta carioſis , vel corruptis oſſibus bis , vel ter in die imponi poſſunt . Nonnulli *oleum ſulphuris* , vel *vitrioli* cominendant , verùm quia corroſiva ſunt , meritò repudiamus . Tandem de oſſis carie fuſius egimus *De Lue venerea lib. 3. c. 20. de oſſium corroſione* , & *Tomo 1. de Tumoribus cap. 70. De Spina ventroſa* .

Ubi tandem oſſis carioſa , vel corrupta pars ablata fuerit , ulcus carne implendum , & cicatrizandum .

C A P U T XXII.

De Ulcere cum carnis excreſcentia .

Solet quandoque in ulcere caro luxuriare , & nimis quàm par eſt , excreſcere , quod vitium Græcè *hyperſarcoſis* appellatur , hoc ubi accidit , ne ulcus cicatrizari poſſit .

Signa .

Ulcus cum carnis excreſcentia ſignis non indiget , ſed viſu deprehenditur , ſenſum namque caro quædam ſylveſtris incrementum ſumit , ſolida non eſt , ſed mollis , laxa , & ſpongioſa exulcerationem ſecum affert , & ſpurcum fundit ichorem .

Cauſa .

Putant Vulgares carnis excreſcentiam ulceribus accidere , vel ob ſanguinis copiam ad partem ulceratam confluentis , vel ob ſarcotica nimis debilia , & minùs quàm par eſt , exſiccantia adhibita . Cæterùm errant vulgares Chirurghi putantes ſanguinem corpus nutrire , cùm ex carnes plurimo abundant ſanguine , & corpulenti miniùs ; id enim pluribus in locis repudiavimus , cùm ſanguis ad vitalitatem tantùm inſerviat .

Ulceris hyperſarcotici cauſa eſt craſſa , & viſcoſa ulceris impuritas , vel ipſa unguentorum craſſities ; quæ cum ſucco alimentitio extra ſolidas fibras agglutinatur , & in luxuriantes degenerat carnes , ceu à turdi conſpurcatione atboribus viſcus innasceſcit .

Prognosis .

Ulcerum excreſcentiæ dum averruncantur , ſi radiculae remanent , neceſſariò regerminant . Ichor ex ſarcomate excedens tendines , ligamenta , & nervos corrumpit , ac totam affectam partem periculo ſubjicit , & quandoque dictæ excreſcentiæ in canceroſam migrant naturam .

Curatio .

Pro ulceris hyperſarcotici curatione Vulgares primò inediam ægro imponunt , ad ſanguinis diminutionem , deindè ad medicamenta carnes luxuriantes exedentia ſe convertunt . Unde ſi ob ſarcorum nimis debiliùs uſum caro luxuriare incipiat , detergentia , & exſiccantia uſurpant . Hujus farinae ſunt *linimenta ſicca* , *spongia uſta* , *aloe* , *vitriolum* , vel *alumen uſtum* , *ſabina pulvis* , *unguentum aegyptiacum* , vel *apoſtolorum* , *aqua calcis vivæ* , *aqua aluminofa Fallopi* . Si his non cedat remediis hyperſarcoſis , ad incisionem confugiunt . Verùm incifio formidolofa eſt , nec funditus adimitur , unde hyperſarcoſeos impromptu eſt regerminatio . Vel ad ignem accedunt , ad quem rariffimè confugiendum eſt , niſi ſumma urgeat neceſſitas , & prædicta remedia diù , & incaſum fuerint adhibita .

Ulceris hyperſarcotici noſtra curatio eadem expoſcit interna remedia , ac in aliis ulcerum ſpeciebus diximus ; quò ad curationem verò externam tantummodò variat , & quidem externa ea conducunt medicamina , quæ carneas extirpant excreſcentias . Ad hunc finem expertum pulverem habemus ex alumine uſto , & pulvere ſabinae ana , vel vitriolum crudum pulvere tenuis , vel hunc pulverem , quem centies experti ſumus , ut

℞. Vitrioli , Aluminis uſti , & ſalis armoniaci ana ℥. j. fiat horum pulvis ſubtiliſſimus .

Si fortia deſideras , uti poteris *mercurio albo* , vel *rubro* , vel *magno calcinato Paracelſi* . Si hyperſarcoſis ſit magna , & contumax , maximoperè conducet *lapis infernalis* , vel *oleum vitrioli* , vel *ſulphuris* , vel *antimonii* , ſed in applicatione maxima adhibenda eſt dexteriſas , ne naturalis tangatur caro . Sed Carnis excreſcentias optimè coerceat *ſpiritus ſalis armoniaci* , vel *ſpiritus mercurii albus* , quas abſque ullo recidivæ timore exterminat . Nonnulli chymiſtri ad has excreſcentias extirpandas *aqua forti* utuntur , ſed non eſt laudabile medicamen , nam cauſtica eſt , & quia ſpirituofa , multùm ſe diffundit , pruritum excitat intolerabilem , & carnes exedendo inflammationem producit .

C A P U T XXIII.

De Ulcere canceroſo , lupo , & Noli me tangere .

Supervenit interdùm ulceribus tumor quidam à Latinis *Cancer* , & à Græcis *carcinomas* appellatus , & quandoque cancro ulcus ſupervenit . Dicitur *cancer* ob ſimilitudinem , quam cum cancro in aquis degente habet , vel dicitur *cancer* , quòd ſenſim ſerpit cancri piſcis ſimilitudine . Vel quòd venas circa ſe habet extenſas , ac turgidas quæ cancri marini pedes exprimunt divaricatos . Vel ob capacitatem , quæ rei ſemel apprehenſæ hamuloſas chelas , & pedes ita infigit , ut difficilis ſit extricatio , & grave effugium . Eſt *cancer tumor lividus* , *durus* , *initio parvus* , *ſenſim* , ac *ſenſim à ſucco acidiorè* , & *acriorè factus* , *adjacentes corrode*nte , cum dolore partis affectæ moleſto .

Cancer alius eſt *ocultus* , ſeu *non exulceratus* , vel ut aliqui malunt , qui ſine ulcere radices in abditis corporis partibus occultas habet , ut qui in palato , ſinu muliebri &c. latitat . *Occultus* ab aliis tumoribus multùm differt , nam iſti perfectam nanciſcuntur ſuppurationem , vel ſui apertione exonerantur , digeruntur , mundificantur , & perfectè curantur ; cancer verò apertus recrudescit , augeatur , irritatur , efferasceat , & nunquàm curatur . Aliùs manifeſtus , ſeu *exulceratus* , & labia habet prætumida , foris emeſſa , & maximè dolentia .

Nonn̄ illi *lupum* , & *noli me tangere* à cancro ſejungunt , verùm

verum hæc ulcera cancri species indicant, estò *Manardus lib. 7. c. 1.* ad phagedænas magis referat. Est itaque *lupus, ulcus tibiæ, vel crura ut plurimum obsidens*, exulcerato quoque cancro non absumile. Cæterum in reliquis corporis partibus etsi ejusdem sit pravitatis, lupum absolute nominari non censemus. Ita hoc ulcus vulgò nominatum fuit, quia corrosivus succus illud causans, propinquas exedit partes, nisi obtundatur ejus corrosio, & hebetetur appositione carniū gallinacearum, vel vitulinarum: eas famelici lupi instar exedit, & absumit, estò hanc opinionem fatuitatem appellet *Joannes Philippus Ingrassias*, tamen eodem carniū pabulo post multa medicamenta incassum adhibita, quandam mulierem ab Empirico lupo laborantem sanatam fuisse legimus.

Noli me tangere est, cum in facie, præsertim supra mentum, circa os, & nasum tumor, vel ulcus cancri speciem referens oritur, lentè initio crescens, quasi parva pustula toto anno manet, quæ aliàs minùs serpit, quàm cancer; unde noli me tangere tantum unico mense corrodit, quantum cancer exulceratus unica die. Talem nomenclaturam, sortitum esse putant, vel quia contagiosum cum sit, tangentem manum malè afficere potest; vel quòd fricari non debeat, cum quòd plùs manu tangitur, & fricatur, eò deterius redditur; rum exulceratum, à gangræna parum differre, quia tum demum quia exasperatur, & exacuitur potiùs ab applicatis remediis, quàm mitigatur, & in sanas serpit partes.

Signa.

Ulceris cancerosi signa facilè deprehenduntur ex ulceris forma, quæ inæqualis est, & cavernosa; Ex odore, quem foetidum, & cadaverosum emittit: Ex excretis, effluit namque materia sordida, fætida, ichorosa, & interdum flava; Ex dolore, qui est ferè intolerabilis, & æger non aliter dolorem percipit, ac si acicularum myriade pungatur, nunquam deest, saltem per intervalla, & noctu exasperari solet; Ex colore, qui fuscus est; ex aspectu, qui horridus, teter, & abominabilis est; ex tactu, qui est durus, & obstinatus, aliquando etiam mollis; Ex ulceris labiis, quæ sunt crassa, prætumida, erosa, & foris inversa. Venæ etiam circumpositæ turgidæ, varicosæ, ac nigricantes apparent, & cancri pedes quodammodò repræsentant, quia sanguinis motus ab affectæ partis densitate, & consipatione feriat. Interdum venarum, & arteriolarum extremitates absumuntur, & corroduuntur, & magna sæpè sanguinis profusio sequitur. Carnes proximæ, sæpè ita in mammarum cancro exeduntur, ut absumptis partibus musculosis, in ipsum thoracis specum inspicere possumus. Febris adest lenta, cibi fastidium, & sæpè animi deliquia. In aliquibus tandem sequitur hydrops, quem ipsa excipit mors.

Causa.

Tanti mali causam *Galenus* sectatores ab atrabile deducunt, & hinc jecur, & lienem calida, & sicca intemperie obsessum accusant; hæc namque viscera putant congenerem generare sanguinem calidum, & siccum, scilicet adustum. Cæterum internum sanguinis ustulatores non assignant; præterquam quòd implicat in terminis esse humorem, & esse siccum. In omni corporis parte cancerum nasci posse dicunt, in mulierum autem mammis præcipuè, quia earum substantia est laxa, & spongiosa, non primariò, sed secundariò, per amicum consensum, ob uteri vitium, & mensium suppressionem laborantis; in virorum scapulis ob hæmorrhoidum retentionem, in quibus locis venas nigriore sanguine ad cancri animantis pedum similitudinem tensas observari scribunt. Hujus etiam opinamenti *Paracelsus*, illum Medicinæ novatorem fuisse legimus, qui alium cancro non destinavit locum, quàm ex menstrualibus ad pectus, & ex hæmorrhoidibus inter scapulas, & estò quòd ad locum *Paracelsus* eum vulgaris malè consentiat, cum omnes corporis partes tanto malo sint obnoxie, quòd ad causam tamen ad scopum collimat, quia ad salia realgarina in loculis deposita recurrit, & revera menstrua, & sanguis hæmorrhoidalis salibus corrosivis abundant.

Pro causis remotis assignant Vulgares ea omnia, quæ sanguinem adustum, & melancholicum producere possunt, ita sunt carnes fumo induratae, allium, porrum,

cæpæ, legumina, præcipue lentium esus, cochleæ, vigiliæ, aer nimis calidum, & siccus &c. Internæ sunt menstruorum, vel hæmorrhoidum suppressione, & sicca hepatis, vel lienis intemperies, vel imbecillitas. Coniuncta verò causa est sanguis melancholicus adustus, qui postquam actior redditus & contumacior factus, in venis impactus putrescit, & cancerum efficit ulceratum.

Nonnulli Vulgares dubitant, an cancer inter calidos, vel frigidos tumores referendus sit, cum humor melancholicus terræ elemento correspondeat, quæ per ipsos frigida, & sicca est; hujus sententiæ fuit eorum *Galenus 2. ad Glauco. c. 10. estò libro de tumoribus c. 8. 10. 11. palinodiam canat.*

Verum nonnulli etiam Vulgares humoris melancholici, seu atræ bilis insufficientiam considerantes, non enim hic humor tantoperè sævit, ut carnes exedar, hujus humoris in suspicionem venire cœperunt, & ita in dissidia abierunt, ut quidam magis eorum ignaviam fateri, quàm bardis *Galenicis* assentiri voluerint, hujus morbi sævitiam causæ occultæ assignantes.

Quosdam Vulgares, ut specioso pallio suam regerent ignorantiam, non puduit pro exulcerati cancri causa ubi rem vermiculorum massam, præ minutie visum effugientium, & carnes devorantium assignare, unà ipsius putredinem, ac vermiculorum generationem subministrantium; unde carnes tam vermiculis, quàm putredine exeduntur. Verum hos vermiculos, nec cum terso speculo in carnis cancerosæ exese frustulo, quod excidendum cutavimus, præter viscidum humorem gelatinæ non absumilem, nec microscopii ope perspicere potuimus.

Pro legitima ulceris cancerosi causa, supponimus glandulas in humano corpore esse veluti cribra, filtra, & fecernicula, quibus liquores à sanguinis massa secernuntur, hic plurimis particulis heterogeneis luxuriat, quæ ab arteriolarum, & venularum poris in vascula, quæ glandulas constituunt, deponuntur, sed quia liquor, qui per glandulas secernitur, heterogeneus est necesse est; ut omnes singularum particularum pori sint diversimodè conformati; liquor glandulas permeans, particulis sulphureis, salinis, alkalicis, & phlegmaticis scateat, quòd si unicuique particulæ proportionatus non datur porus ad liberum com meatum, nec harum insensilis succedat transpiratio, ex remora obstructio necessariò sequitur. Cæterum si particulæ acres, acidæ, vitriolicæ per glandulas fluentes impinguant, stagnent, & salinis sulphureisque conjungantur, pedetentim fermentantur, acuantur, exaltantur, & adeò realgarinam nanciscuntur corrosionem, ut aquam æmulentur stygiam, ac proinde tubulos cum carne, & membranis corrodam, absumant, exedant, exulcerentque.

Antecedentes causæ sunt omnes illæ, quæ salia, sulphura &c. in sanguine inducendi potestatem habent, & primò cruditates in abdomine cumulatae ob fermentorum vitium. Secundò, viscerum obstructions, præcipuè in ipsis glandulis, quæ & à sanguine viscido, terrestri, sale fixo, ac acido referto oritur, à quo melior lymphæ à glandulis separari non potest in quibus stagnant succi, & de die in diem caustici redduntur, & continuò discindunt, corroduuntque ac illam planè texturam cancerosam in glandulis efficiunt. Tertiò, diuturna mœstitia, & similia animi pathemata, vel menstrualis, aut hæmorrhoidalis sanguinis suppressio, quoniam ab hisce multa eleuantur miasmata, quæ sanguinis massam conspurcare valent. Externæ sunt, vel fortior glandularum contusio, vel pressio, unde glandularum tubuli obstruuntur.

Dolor in cancro exulcerato intolerabilis excitatur à particulis salinis, & acidis, quæ acutissimæ sunt; prædictæ namque particulæ, dum fermentantur, fibrillas nervosas, & tubulos pungunt, contrahunt, convellunt, corroduunt, exedunt, unde necessariò continuus, vel saltem per intervalla, exquisitissimus dolor à particulis acutis oboritur.

Materia, quæ ex cancro fluit, ita cadavericum spirat anhelitum, ut non solum adstantibus, sed etiam ipsi ægroto nauseam, patiat, ex qua colligimus canidem ferè in utroque observatur fœtor: fœtor hic à sulphure putrefacto, ejusque particulis oleosis & volatilibus oritur.

Materiæ diversitas ex cancro exulcerato promanans, à diversorum tubulorum discissione, & exesione dependet, quia in nonnullis tenuior, & albidior, in quibusdam crassior observatur succus, imò dissectis vasis sanguiferis, sanguis emanat, qui si cum imperu exilit, ex arteriis, si absque, ex venulis effluit.

Lenta

Lenta in cancro febris ab iisdem particulis corrosivis resolutis oritur, & in sanguinis massam delatis, ejusque misturam vitiantibus.

Animi deliquium provenit ex particularum fermentatione, in parte affecta stagnantium, quarum plures acidæ particulæ ad sanguinis massam deferuntur, quæ eò delatæ, ipsum inkrassant, coagulantque, ac circulationis motum ad tempus impediunt, & animi deliquium inducunt.

Solet quandoque cancer per plures annos sub exigui tuberculi forma delitescere, quia salinarum, sulphurearumque acutæ particulæ phlegmatis compedibus obvolutæ vincuntur, feriantur, sopiuntur, & nullum exsionis morum edunt, donec prædictæ particulæ à viscosi humoris vinculis, quibus antea ligabantur, extricentur, & aciculis suis pungere, scindere, & exedere incipiant.

Prognosis.

Ulcus cancerosum vana spe *Vulgares* ludit Medentes, unde Chirurgorum dicitur opprobrium, & ægrotantium dirus carnifex, ac nullus ferè morbus est, qui ægris magis ingentem incutit metum, quam cancer exulceratus; nullusque est, qui Chirurgo magis fatigat, & pudore afficit, quam hoc immane portentum, tum quia sanguis in partibus concretus ægrè, ob validas concretiones, & nullo modo discuti potest, tum quia ultimum acrimoniæ, & malignitatis gradum nactus est; ideòque vulgò dicitur, leviora contemnit remedia, & à fortioribus exasperatur, & præcipuè ubi altas fixerit radices, nullis remittitur. Hanc veritatem comprobavit *Hip. sect. 6. aph. 38.* inquit; *Quibus occulti cancri adsunt, non curare melius, curati enim citius intereunt, non curati verò longius vitam trahunt.* Et hoc idem innuisse videtur *Ovidius*, cum cecinit:

Curando fieri quadam pejora videmus

Ulcera, quæ melius non tetigisse fuit.

& ratio est, quia omnes, qui ejusmodi cancos exulceratos curare tentant, magis illos corrosivis irritant. Quod si quandoque aliqui curati fuere, vel in tuto non fuit, nam curatio radicitus subsequuta non fuit, unde malum deindè deplorabile priore pejus regerminavit, & mortem intulit. Nos verò minorem cancri exulcerati prognosim, quam vulgares instituimus, præcipuè si exteriores corporis partes occupat, & remediis acre corrosivum obtundentibus tractetur, Chirurgiam quandoque repudiamus, quia ut plurimum non sine magno sanguinis profluvio, & vitæ periculo succedit: attamen cancer in aliqua corporis cavitate contentus, ut in ano, vulva, palato, lingua &c. difficillimè curatur, nisi exilis valde fuerit, & chirurgiam faciliè tolli possit.

Curatio.

Cancri ulcerati curatio apud *Vulgares* consistit, primò in sex rerum non-naturalium vulgò dictarum moderamine, unde aerem eligunt temperatum, victus rationem, quæ ad humidum, & frigidum vergat commendant, cum eorum abstinencia, quæ atram bilem gignere, vel excalefacere possunt. Pro potu acida vitanda jubent. Motus magis, quam quies conducit, quia atrabilarius humor fluidior redditur. Somnus moderatus magis prodest. Alvus fervetur lubrica, & si qua consueta evacuatio fuerit suppressa, omni studio promoveatur. Veneris usus sit rarus. Mæstitia, terror, metus, aliaque hujusmodi animi parthematia, magnoperè nocent; sanguinem namque aliosque humani corporis succos coagulant, & ad motum ineptiores reddunt. Lætitia, gaudium, fiducia, spes maximè profunt; hæc enim copiosam succorum distributionem per totum corpus promovent.

Deindè purgante medicamento melancholicum deplent humorem, & sæculentum repurgant sanguinem; instituunt tamen purgationem per inferiora, nam per has partes melancholici succi utiliter exturbantur, ut notavit *Hip. sect. 4. aph. 9.* *Melancholicos verò plenius per inferiora, eadem ratione contraria apponentes.* Ad hoc ergò obtinendum primo serapiis humores præparant, quos postmodum *syr. de fumaria majori, vel de fumaria majori helleborato, vel pilulis de lapide lazuli* purgant, & hoc non solum in principio, sed in morbi decursu toties, quoties accidentia sæviunt. Post purgationem ea, quæ hepatis fervorem, & totius corporis calorem temperandi energiam habent, propinant. Præterea per diuturnum tempus

præscribunt *sericapriini usum rectè depurati, in quo maceratus sit epithymus.* Verum purgantia in cancro nocent, & malum non attingunt; hæret namque ut plurimum partibus solidis, & est centies purgabis, cancerum non tantum non curabis, sed nec tantillum lenies, imò magis exasperabis.

Sanguinem è venis sedis mittunt, vel salvatellam tunc dunt; putant enim ex harum apertione melancholicum sanguinem educi. Cæterum cancerosus ex sanguinis missione illud reportabit juvamen, quod ex medicamento purgante aliquid de ipsius vita demetur.

Tandem ad partem affectam varia applicari jubent medicamenta semper exasperantia vitantes, hujusmodi sunt *unguentum populeon cum succo solani, & plumbo usto simul in mortario plumbeo agitatis*, quibus quandoque addunt *oleum rosarum, succum virgæ aureæ, & peti*, ut præstantius evadat medicamentum. Vel linimentum concinnant *ex succo sedi majoris, plantaginis, solani, pulvere lithargyrii, cerussæ, pompholyginis*, quibus ad majorem efficaciam oleum rosarum, & ceram addunt. Hisce non juvantibus, ut semper evenire solet, ad ferrum, & ignem confugiunt, si vires, & ætas consentiant. Sed hanc curationem, quæ ferro, & igne fit, tanquam barbaram & noxiam repudiamus.

Verum quia ulcus cancerosum ex atrabile fit, ut notavit *Gal. libello, de atrabile*, curationis spem adimit, ac proindè malum specioso tegunt pallio, & non curant, ita dictante *Hip. sect. 6. aph. 38.* ad curam palliativam recurrunt, nempe vere, & autumno corpus cancerosum purgant, & quoties morbi sævitia exigit; item duos aperiunt fonticulos, ut materiam cumulatam ulcus excitatum sensim ad vulgarium nutum educat.

Pro ulceris cancerosi curatione, procathartica, evidentissime causæ siquæ adsunt, revomendæ, & sedulo incumbendum est, ne acidæ salinique succi impofterum generentur. Si cancer sit in extrema corporis parte, & certissima mors brevi immineat, & in tali parte vel commoda sectione radicitus excindi possit amputandus est ad vivum usque, semper tamen sinistro se muniat prognostico Chirurgus; expedit namque interdum anceps experiri præsidium, quam nullum, atqui sectio perperam instituta in cancro incurabili sæpè recidivam minatur, & quidem majori cum tumore, & exulceratione, ut pluries observavimus. At si cancer majora vasa sanguifera obsideat, ut immodica sanguinis profusio timeatur, cultro minime exidendus est, sed potiùs ustione extirpandus, actualem admovendo ignem sana tenus parte. Cæterum caustica non possumus non commendare, inter quæ *oleum arsenici fixum, & correctum, oleum Antimonii, vel lapis infernalis* sub forma liquida excellit, attamen sat laudare non possumus *oleum mercurii album*, quo nos feliciter utimur per iteratam applicationem.

Quod si cancer sit occultus, hoc est, penitiora obsideat membra, vel illas occupet partes, quæ vicinam, vel consensum cum nobilibus, principalibusque partibus habent, nullatenus excisionem, vel adustionem admittit, vel si magna sit ægrotantis imbecillitas, vel omnia depasta fuerint, quæ talem non sinant operationem administrari, præstat potiùs curatio palliativa, sive fucata vulgò dicta, scilicet potiùs palliari quam curari, & remediis lenioribus externis tractari, non posthabita internè sanguinis, succorum correctione, & debita diætæ præscriptione. Lenientia, & blanda debent esse topica medicamenta, non tamen efficacia; talia namque particulas viscidas commovendo acutas, & corrosivas quiescentes, ad motum suscitarent, undè ulcus corrodingo serperet, & immanis concitaretur dolor.

Purgantia in cancro medicamenta liberrimè non convenire fatemur, quia malum solidas obsidet partes, & est centies purgaveris, nunquam cancerum vel curabis, vel lenies, imò in pejor reduces, salinas, acidæque particulas agitando, & magis exaltando, acutissimas reddes, præter mercurialia, quorum sæpè optimum observavimus effectum. Eodem pariter modo sanguinis missio officiet, cum totus unius conditionis sit sanguis, scilicet acidarum, salinarumque particularum sorde imbutus. Præterea venas impuro sanguine turgidas ulceri subjacentes, nunquam deplebis.

Exulcerato cancro ea internè conveniunt medicamenta, quæ acidæ, salinasque particulas exaltatas concentrant, cicurant, absorbent, & glandularum obstructions re-

ferant,

ferant, hujusmodi sunt oculi cancerorum fluviatiliū, alkali chelarum cancerorum, corallia, margarita, ebur, & c. sine igne parata, crystallus montana præp. Item alkalia fixa, vel volatilia, & diaphoretica omnia, quæ acidas salinasque particulas hebetant, & è corpore eliminant.

Ad obstructions, & præcipuè si cancer ex menstruum, vel hæmorrhoidum suppressione ortum habeat chalybeata adhibemus, ut est vinum chalybis, martis dulcedo, pulvis cachecticus Quercetani, vel noster simplex ex chalybe in crocum redactō absque sulphure, & aceto, ac ex cassia lignea, vitriolum martis, tinctura, Julep. &c. nec non aquæ acidula chalybeata, seu martiale; hæc namque medicamenta debile acuunt fermentum, crassos, torpidosque succos ad debitum suscitant fluorem, viscerum impuritates abstergunt, tubulos permeabiles reddunt, & adstrictiva, qua pollent facultate, omnium fibrarum laxitatem tollunt, in easdem convenientem, naturalemque tonum inducunt, & tandem sanguinis, omniumque fluidorum aciditatem infringunt, & depurant.

Ad intolerabilem canceri cruciatum externè applicari potest camphora in aqua malvarum, vel spermatis ranarum dissoluta, vel melius abluatur vini spiritu non dephlegmato; spiritus namque iste omnes particulas acutas secum rapit. Interna verò ad doloris sedationem opiata omnia, & sulphura mineralium anodyna fixa palliativè multum valent.

Topica exulcerato cancro adhibenda sunt omnia, quæ acidum acre temperant, ut emplastrum de ranis cum mercurio, unguentum nostrum magistrale, vel saturnus in laminas redactus palliativè imponatur; in saturni enim lamina diù gestata, præter erosionem in medio albicantem pulverem, seu cerussam observavimus, eodem ferè modo ac Saturnus ab acerbis aceti vaporibus in ventre equino in cerussam redigitur. Nonnulli, & melius, saturni laminam mercurio vivo illitam cancro imponunt. Insuper omnia medicamenta ex saturno elicita ulceribus malignis, exedentibus, cancerosis, & similibus saturninis, lupo conveniunt; hæc namque omnes particulas acutas, acres, & corrosivas, dulces, & innoxias reddunt.

Verum, ut verum fateamur, genuina canceri curatio in mercurio consistit, in hujus namque corpore omnia salia acuta, exaltata, & corrosiva liquores acidi, & acres immutantur, emoriuntur, & absque reactione in mercurium à mercurio patiuntur. Mechanicam in mercurii dulcis confectione habemus, in qua salia sublimata & supra mercurii corpus exaltata, & corrosiva reddita, venenata per novam mercurii vivi additionem omnem corrosionis activitatem amittunt, & in suave ac nobile medicamen transmutantur. Insuper ab eadem mercurii dulcis confectione didicimus arsenicum vel realgar, auripigmentum vel sandaracham, quæ inter venena corrosiva haud infimum tenent locum, suntque venenorum maxima per mercurium cicurari, & dulcescere, ita deposita omni venenositate ut tutò & salubriter tam intra corpus assumi quàm extra applicari, & multis morbis mederi possint ut

24. Arsenici cristallini ex. c. & mercurii vivi ana misceantur in mortario lapideo tamdiu donec nullum mercurii granulum appareat. Ponantur in aludele & igne arena sublimata per sex vel octo horas, scinde vas & arsenicum sacchari instar dulce pluribus morbis applicandum invenies. Hinc itaque discamus oportet mercurium omnium corrosivorum strenuissimum esse domitorem.

Multifariam cancro mercurius applicatur sed, præ cæteris non quidem vulgaris, crudus, & indigestus, sed indolens, cujus nos præparationem alibi docuimus, & Helmontius lib. de Ideis morboſis notavit. Nonnulli per salivationem ope mercurii peractam, cancerum curarunt, ut optimæ notæ Authores legimus. Cæterum nos in canceri curatione in paucadosi suffumigio utimur, absque eo quòd salivationem promoveat, ex J. j. cinnabaris factitiæ, vel cinnabaris antimonii J. ss. vel nativi gr. iij. solo quippè talis pulveris fumo in singulos dies semel continuato ad perfectam usque cicatrizationem ulcera cancerosa duximus, & quoties denuò regerminavit, eodem suffumigio felici cum successu curationem complevimus.

CAPUT XXIV.

De Ulcere Dysepuloto, Cacoethe, Telephio &c.

Præter ulcera, quæ huc usque nos recensuimus, alia quamplurima per chirurgorum ora, ut dysepulota, cacoethe, phagedænica, Telephia, chironia &c. vagantur, quæ qualia, & quid sint, hoc capite expediemus.

Dysepulota Græcè, Latine ægrè sanabilia, & contumacia, ea sunt ulcera, quæ ægrè sanationem recipiunt, & cicatrice obducuntur, ex eo quia licet pars affecta influentem non vitiet humorem, ad partem nihilominus exulceratam, mordaces humores perpetuò confluunt; ulcera namque diuurna necessariò viscera contaminant.

Ulcus cacoethe, sive malignum vocatur illud, cum quo copulatur peculiaris exulcerati membri præternaturalis dispositio, humores vitians quantumvis laudabiles in laborantem fluentes.

Chironia, & Telephia malignorum ulcerum species dicuntur, appellationis tamen rationem alii aliam tradunt. Pro Chironio quidam existimant Chironem Centaurum ab Hercule ictum immedicabile in pede vulnus accepisse, unde perierit, & hac ratione ulcera immedicabilia chironia dicuntur. Alii ut Ovidius V. Fastorum tradit: Herculem à Chirone hospitio susceptum fuisse, is cum illius arma pertractaret, evenit, ut sagitta quædam Hydræ Lerneæ veneno imbuta in pedes incideret, quod malum nulla ope sanari posset, mori tamen non potuit, quòd utroque parente immortalis natus: tandem cum à superis impetrasset, ut immortalitatem sibi morte commutare liceret, in Cælum translatus est ubi sagittarii signum effecit. Sed hoc Ovidii commento remoto, rei veritas est Chironem ab Hercule in pede vulnus perniciosum, & venenatum accepisse, & Centaurea, quæ inde à posteris chironium dicta est, semetipsum sanasse; fuit Chiron primus Chirurgia, antiquioris Medicina partis, inventor, & à manibus, manuumque operationem nomen desumpsit. Dicitur itaque chironium ulcus, contumax, & malignum, quod ob contumaciam, medicam vix recepit curam, & Chironem aliquem, puà peritissimum chirurgum respectare videtur, vel quod à Chirone primò curata sit hæc ulceris species.

Telephium ulcus à Telepho nominis rationem accepit, qui ab Achille vulneratus est, cujus plagæ cum nullum satis efficax inveniretur remedium, & longo tempore affligeretur, tandem oraculo responsum est, fore, ut eadem hasta, qua vulneratus erat, sanaretur. Reconciliatus itaque Achilli ab eo impetravit, ut ex hastæ, quæ ictus erat rubigine malagma conficeretur, & vulnere suo imponeretur: quo factò, extemplo sanitatem est consequutus; Est itaque Telephium ulcus, quod multum malignitatis præfert, & quod salutarem Achillis manum requirit.

Telephium ulcus idem esse cum chironio arbitramur; hoc enim dicitur tanquam Chironis ipsius opera ad sanitatem indigens, illud verò, quod Telephus in tali ulcere diutius perseveravit. Perperam putant aliqui chironium, & Telephium phagedænæ esse species, decipiuntur autem, cum phagedæna in erosionem consistat, & chironium, ac Telephium malignum, & contumax sit.

Phagedæna est ulceratus tumor, sive ulcus ambulativum, quod non tantum affectam carnem maximo cum dolore exedit, depascitur, corrodit, & excavat, verum etiam quasi dentibus partes adjacentes, & proximas exedendo depopulatur; propria labia in tumorem attollit, ipsumque durum, & veluti callosum, qui faciliter in lupum, vel carcinoma degenerare solet, partemque totam putridis callositatibus, & excrescentiis defædat. Quod ad nominis rationem attinet, phagedæna Græcè immanem comedendi appetitum designat, similem ei, qui bulymum Græci appellant, sive famem caninam omnia depascentem, hinc est, quod ad depascentia ulcera hæc vox quoque translata est. Distinguitur phagedæna ab herpete, quia licet in circumvicinas serpat partes, cutem nihilominus solam ambulando, & serpendo exulcerat; phagedæna verò unà cum cute, quæ subjecta sunt, depopulatur.

Differt à lupo, quia ulcus hoc celerius carnes exedit, quàm phagedæna. Differt etiam ab alia ulcerum depascentium specie quam Græci Nome tangere appellant, quod pascere significat; est namque Nome ulcus, quod non solum cutem, verum etiam, & carnem erodit, quæ ratione

tione differt ab herpete, qui solam est carnem. Distinguitur Nome, quod in phagedæna erosio est à maligna qualitate, & humoris acrimonia carnes depascente absque ulla putredine: ab eo Nome cui præter carniū erosiones putredo conjuncta est.

Signa.

Horum ulcerum signa facile ex his, quæ diximus, innotescunt, ut aliis non indigeant signis, addimus tamen, quod illorum labia sunt livida, tumida, & dolorosa. Cavitas quotidie crescit, quia continuo circumjacentes carnes absumuntur. Chironium in pede ut plurimum nascitur, alia in diversis corporis partibus evenire solent.

Causæ.

Apud *Galenistas* horum ulcerum sunt humores pravi, acres, biliosi adusti, & præcipue melancholici cum aliqua atræ bilis portione admisti, qui originem ducunt ab aliquo viscere, vel à parte affecta, puta intemperie calida, & sicca laborante. Verum causam materialem in hoc ulcerum genere melancholicum succum assignant *Vulgares*, quia pertinacem, & remediis resistentem illum experiuntur: attamen in hujusmodi humorum fabulis passim confunduntur, eosque mutant secundum genii libidinem, & morborum proprietates.

Pro nostra sententia externæ horum ulcerum causæ esse possunt omnes, quæ generationi salium acidorum, atque lixivialium occasionem præbent, ut est aer præservidus, cibus, & potus calidi, ita &c. Præterea medicamenta nimis acria ulceribus apposita, & diu continuata. Internæ sunt sanguis, lymphæ, cæterique succi talibus imbuta salibus, quæ in partem ulceratam fluunt, ibi exaltantur, & ad ultimum exaltationis gradum evehuntur, & realgarinam nanciscuntur proprietatem. Hinc est, quod ut plurimum hæc ulcera originem sumunt à malignis erysipelatibus, aut abscessibus, vel vulneribus malè curatis, & præcipue ob frigidorum topicorum applicationem.

Prognosis.

Omnia hæc ulcera perniciofa; rebellia, & incurabilia sunt, cum ratione febris, & aliorum symptomatum, quæ plerumque habent conjuncta, tum quia acidissima salia, & maligni illi succi, à quibus ortum ducunt, coctionem neutriquam, ac perfectam admittunt suppurationem, tum denique quia difficulter sanguis, lymphæ, alique succi emendantur, & præsertim si ab inveteratis viscerum vitiis dependent: unde depascentia ulcera, nisi recte & maturè tractentur, non enim unico obediunt medicamento, in cancerum, vel lupum degenerant, & post calamitosam, & invisam vitam, exoptatam mortem causant.

Curatio.

In supradictorum ulcerum curatione *Vulgares* talem victus rationem primo instituunt, ut humoribus advescentur in corpore redundantibus, sunt autem isti, acres, biliosi, adusti, melancholici, & atrabilarii, non quidem naturales, sed prava qualitate imbuti, idè tales præscribunt cibos, ut his refragari valeant. Interea humores peccantes catharticiis evacuant, quæ illos respiciunt. Sanguinem exuperantem appositis podicis venis hirundinibus extrahunt; per has enim venas ineptè credunt sanguinem melancholicum eliminari. Ne impofterum hi pravi regenerentur humores, de ventriculo, hepate, & liene præcipuam habent rationem, idèque ea quæ ventriculi imbecillitatem corrigunt, hepatis fervorem alterant, & lienis adustionem attemperant, exhibent, & quia impossibile est, ne amplius regenerentur, avertunt, duos aperiendo fonticulos, ut per horum apertionem, quasi per duos fontes pravi eliminentur humores.

Quæ affectam respiciunt partem, dupliciter discriminant, vel quæ ad ulcus attinent, vel quæ cum ulcere complèantur; non enim ulcus curari potest, nisi quæ præpediunt, exterminentur ac proinde primò averruncant. Unde si ulceris labia callosa sint illa forcipe, vel novacula ad vivam usque partem absciunt, vel causticis absumunt; sic enim laudabilis nutrimenti appositione caro præstan-

tius nutritur, & durabilis inducitur cicatrix. Si inflammatio parti inducatur, refrigerantibus eam restinguunt, ut *unguento albo camphorato*, *albumine ovorum*, *oleo rosarum bene conquassatis*, vel *succo solani*, cum *unguento albo Rhasis conjuncto*.

Postmodum ulcus detergunt *aqua calcis*, *aqua aluminosa*, *unguento diapompholygos*, vel sequenti decocto adstringenti, ut

℞. Herbar. plantag. prunella, bursæ pastoris ana m. j. flor. ros. rubr. balauftior. nucum cupressi ana ℥. iij. Decoquant in aqua fabrorum, & aceti partibus equalibus, quo ulcus corrodens sæpè ablunt. Vel sequens Unguentum ulceri admovent, ut

℞. Resinæ pini, colophonie, terebint. ana ℥. iij. picis navalis ℥. ss. cera citrina ℥. ij. ss. ol. rosar. ℥. j. ol. abietini ℥. iij. semin. malvar. cardui stellati ana ℥. ss. terra jamie, sigillatæ ana ℥. j. aloes hepatica ℥. iij. corall. præp. ℥. vi. sacch. opt. ℥. ss. f. ung. f. a.

Hoc unguentum sine mordicatione ulcus detergere, & concoquere putant. Vel tandem ulcus igni actuali tradunt, & ablata malignitate, ac corrosione, aliorum more carne replent, consolidant, & cicatricem inducunt.

Horum ulcerum corrosivorum methodus curativa consistit imprimis in convenientis diætæ præscriptione, unde omnia acida, salia, acria saccharata, sive dulcia angue pejus vitentur; hæc enim ulceribus multum nocere observavimus, verum cibi omnes multo sale volatili gaudentes usurpentur, ut particulæ acidæ, salinæ, acres, &c. in corpore peccantes, hujus salis beneficio cicurentur, & per urinam, vel sudorem exturbentur, & boni succi quantitas in affectam fluat partem. Pro potu utatur æger *decocto falsæ parillæ*, vel *radicis china*, vel *sassafras*, & si vinum bibat, sit oligoform, & eodem decocto dilutum. Deindè magnam excrementorum copiam, quæ in corporibus talibus ulceribus affectis generatur, purgemus oportet per epicrasim. Cæterum inutilia, ac noxia sunt *Vulgarium* purgantia, quia de communi morborum omnium, nec acidas, salias, acresque particulas per sedem eliminant, sed potiùs exagitant, exaltantque Mercurialia in his, aliisque ulceribus, estò non venereis, tum internè, tum externè maximè conducunt, & rectè usurpata, sunt veluti altera chirurgi manus, & mercurius dulcis in ulceribus nunquam nos defraudavit. Postmodum diaphoretica, & sudorifica. quæ sanguinem, sucos, & lympham salinis, acidisque particulis imbutos temperant, per cutem, univesale corporis emundatorium, eliminant; non desint diuretica, vel alkalia neglegantur, quæ passim descripsimus; Si qua imi ventris pars, ut hepatis, pancreas, glandulæ mesentericæ, obstructa, vel alio modo affecta sint, appropriatis præsidiiis illius vitium auferri debet. Si vermes, varices, ossis caries, aut simile curationis impedimentum adsit, medicaminibus propriis capitibus descriptis tollatur.

Tandem ad topica devenimus medicamenta, verum hæc nullam mordicationem continere debent; hujusmodi sint *ex Saturno parata*, quæ acidum infringunt, & salia obtundunt, nam tunc cum mordicant, & vehementer exasperant, ex eorum applicatione ulcera exasperantur, dolores concitantur, & ad multum tempus durant, inflammationes accersentur, febris inducitur, aut si adest, augetur, carnes liquefcunt, ulcera dilatantur, majora, & deteriora evadunt, ac sæpè in majora alia mala degenerant, ac propterea cautè procedendum est. Advertendum tamen est, quod non perpetuè mitiora topica opportuna sunt, siquidem ad ulcera admodum rebellia, & maligna, velut etiam ad corpora robustiora valentioribus utimur, ad benigniora mitioribus; ad mediocria mediocribus. Hinc liquet, quantum errant nostri chirurgastri, qui uno, eodemque medicamine hujusmodi ulcera curare, & ad cicatricem perducere putant. Neque hæc medicamenta fortiora, mordicantia esse debent, ut ulcera recrudescant, fordescant, dilatentur, & in pejus ruant. Ast si humoris malignitas in exulcerato membro existentis tanta sit, ut prædicta respuat medicamenta, & conti nudo circumjacentes exedat partes, ad nostra suffumigia, & alia mercurialia deveniamus oportet, & ad ea, quæ in ulcere canceroso descripsimus; vel si hæc repudiat, ad ferrum, si tamen id permittat jus, ætas, membri præstantia &c. vel ad cauterizationem actualis ignis ope confugimus, juxta *Hip. aph. 6. sect. 6. Quoscumque morbos medicamenta non sanant, ferrum sanat: quos ferrum non sanat,*

sanat, ignis sanat: quos ignis non sanat: sanari non posse putato. Vel hos verò incurabiles existimari oportet.

Egimus hucusque illis de ulceribus, quæ sparsim universum corporis habitum conspurcare solent: nunc de illis verba faciemus, quæ propriam obsignant sedem, ac proinde ulcera à supremo capitis vertice ad ipsam pedis plantam, imò extremum ejus digitum continuata serie, juxta nostrum institutum trutinare prosequemur, undè.

C A P U T XXV.

De Tinea.

Capillatam capitis partem, præsertim puerorum, ulcuscula squamosa, crustosa, & fœtida, ejus cutem erodentia conspurcare solent: Affectus hic *Tinea* vocatur, & inter infantium morbos non tantùm, sed etiam paulo adultiorum refertur, & si quandoque adulti hoc laborent morbo, ejus tamen rudimenta, & initia in ipsa infantia contraxerunt. *Tinea* appellatur, eò quod, tinearum instar in vestibis, capitis cutem arrodât, & corrumpat. Quo nomine hic affectus à *Græcis* fuerit appellatus, vix constat, certum tamen est ab iis hoc nomine non fuisse appellatum. Nonnulli cum tinea porriginem, achores, crustam Lacteam, & favum perperam confundunt, nam *porrigo*, seu *furfuratio* est scabies furfuracea cutis absque ulceratione, & præsertim capitis. Hinc dicuntur furfuriosi, quibus assidue squamulæ velut furfures pectendo capite decidunt. *Achores* sunt manantia capitis ulcera, quæ sunt in cute capitis, tenuissimis foraminibus cutem perforantia, ex quibus sanies effluit glutinosa, notum mali genus, pueris adultioribus admodum familiare. *Crusta lactea*, seu *lactumina*, sunt ulcera crustosa, albicantia, quæ infantibus Lactationis tempore accidunt, & non solum caput, & faciem occupat, sed quandoque universam corporis cutem inquinat. *Favus*, Græcè *ciria*, sunt crustæ manentes, subflavi coloris, quæ unguibus scalpæ glutinosam eructant saniem, à frigido aere gummi instar in crustam ulteriorem concrenentem; humani enim corporis succulentia, non secus ac arborum succus glutinosus est, ac pariter in gummeum quid ab aere indurefcit. Hic morbus infantibus admodum familiaris est, ob plurimam eorum humiditatem, & pediculositatem, quæ in constitutione calida, & humida, ut & lumbrici uberrimè proveniunt, & sua infestatione ingentem excitat pruritus, unde scalprio, & malum augetur. Dicitur *favus* à favo apum cellulis, & quia humorem mellis instar continet, & cutem foraminosam reddit favi instar, *favus* dicitur, sed de his fusiùs in Morbis Puerorum agemus.

Differt tinea ab his capitis ulceribus ut supra notavimus, & præsertim à favo, quia hic plurimos alit pediculos, tinea verò nullos, sed omnes interimit, eò quod aciditas in hac est confirmata, & fixa, in illo verò leviter incipiens, & adhuc subdulcis, cujus exemplum etiam in caseo jam putrescere incipiente habemus, qui eandem ob causam magnam vermium copiam gignit, toto autem caseo in putrilaginem mollem resoluta, nulli amplius vermiculi in eo inveniuntur, aciditas enim fixa eos interficit. Verùm hæc de aciditate fixa ratio non militat; observamus namque in acerrimo aceto ope microscopii vermiculos, quos in tinea quoque observavimus tinearum instar, unde hic affectus nomen adeptus est, isti que vermiculi oriuntur ex imperceptibilibus ovulis itidem microscopii ope detectis, & in capillis observatis, hi capillos corrodunt, & consumunt, eodem ferè modo ac erucæ arborum, fruticumque folia consumere solent.

Arabes pro tinea *Sahafati* nomen usurparunt, quod secundum eorum descriptiones ulcusculis venereis multum convenire asserendum est.

Gregarii Medici antiquorum traditionibus innixi, sex species distinctas ponunt, quibus tinea produci potest.

Prima est, quæ *favosa* dicitur, dicuntque ex phlegmate fieri falso, & est quoties ex subtilioribus foraminibus materia erumpit melli similis.

Secunda *ficosa*, in qua quidpiam simile ficuum granis continetur, quæque est figuræ sphericæ cum rubore.

Tertia est, quæ vocatur *ameda*, & est cum ex tenuissimis foraminibus ichor effluit aquæ instar, in qua caro sit elota.

Quarta est, cum ulcuscula super planum cutis velu-

ti papillæ mammillarum turgent, ichoremque eructant cruentum.

Quinta, quæ lupinorum, & formam, & colorem repræsentat, à qua quidem cortices squamarum candidarum, & aridatum instar decidunt.

Sexta dicitur *furfuracea*, maculas albas, & in furfures abeuntes producentes, ex qua furfuracea defluent corpuscula, interdum minutissima, aliquando verò densiora.

Verùm non parum nos movere debet hæc scrupulosa distinctio, semper enim una, & eadem est tinea, licet recentior, vel diuturnior, formam nunc paulò aliter, atque aliter mutet.

Signa.

Tinea visu patet, & vulgo nota est; cutem enim capitis, & musculosam ejus substantiam ulcera quædam crustacea, & arida, modò viridia, modò cinerea infestant, è quibus parum, aut nihil saniei effluit, & quod emanat, fœtidum est. Ita pruritus satis molestus, dolorem mordicantem, & fœtorem hoc malo laborantes patiuntur, ut ferè semper scalpere cogantur. Insuper tinea vermis instar capillorum radices putrefacit, vel erodit, & cutem exedit tam obstinatè, ut à tenendo, & inhærendo, quasi nomen adepta videatur.

Causæ.

Proximam tineæ causam Vulgares putant esse humorem falsum, & acrem, sed jam in melancholiam degenerantem, qui quidem primò ex sanguine materno, quo infans nutritus fuit, vel vitioso matris ortum habuit postea verò temporis cursu, & morbi diuturnitate, & ægri negligentia, ut sæpè fit ut in pauperibus, in putridum, & pravum degenerat. Hic humor ad capitis cutem pulsus, inibi adhærens, ulcuscula generat, fovet, & conservat; siquidem ob sui imbecillitatem, omnia excrementa, omnesque totius corporis superfluitates recipit, ut *cap. 6. lib. de causis morborum notavit Galenus*. Unde pravitatem, pertinaciam habituales intemperiem, affectionemque ab eo in capite impressam fovet. Item accidere potest hoc malum, quando quis nudato capite sub camino steterit, in quo succidiæ lardi fumantur; tales enim inter fumandum crebras guttas, partim ex superflua pinguedine propria, partim sale fumi resoluta constantes destillare solent, quæ si in puerorum, vel aliorum capita nuda cadant, tineam producere credunt, sed hoc est anile fabulamentum.

Tinea fit à nutrimento degenerato in fibris cutis capitis, quod diuturniori mora corrumpitur, & quia omnis corruptio ab acido incipit, nutrimenti sal in acidum transit, & ob moram corrosionem adipiscitur, & contagiosum redditur, quod vitium, cum profundius sit in capillorum radicibus, depilationem quoque causat. In uno tantum à scabie differt tinea, quatenus scabies in cutis superficie vitium habet, tinea verò in cutis medullis: est itaque tinea vera lepra particularis capitis. Degenerat nutrimentum, corrumpitur, & in acido-falsum transmutatur, vel ab externo miasmate, seu fermento, & per contagium facile in caput alioquin sanum hoc malum transplantatur, inficitque, ut in infantibus observamus, dum capitis tegumenta, quibus tinea laborantes uti sunt, capiti suo imposuerunt, vel ob dormitionem in eodem lecto, vel quia eundem pectinem adhibuerunt, imò *Helmontius* tineosorum capillos tineas peperisse notavit; insuper tinea est adeò contagiosa, ut facile communicetur, & præsertim infantibus sanis, qui commercium habent cum hac labe infectis. Quandoque absque ullo contagio hoc malum infantes corripit, nimirum si crusta lactea, achores, & favi diù durent, aut tardè nimis vel perperam curentur, in tineam transeunt. Vel producit hoc malum à sanguinis materni pravitate, quo infans in matris utero nutritus fuit, vel deinde vitioso nutricia lacte. Vel ex sordibus in capite neglectis, vel prava vivendi ratione, vel voracitate, à quibus pravi generantur succi, & habitus cacochymus. Hinc hæc affectio pueros, & præsertim pauperculos infestare solet. Addimus huic malo nimiam capitis laxitatem, humiditatem, & imbecillitatem, & hac de causa caput omnia humani corporis excrementa recipit, & quia imbecille, eliminare, vel resolvere nequit per sua emunctoria, capiti ulcera squamosa, & crustacea evenire necesse est.

Prognosis.

Omnis tinea contagiosa est, & curatu valde difficilis, facilius tamen curatur recens, & quæ ex humore flavo, & humida est quàm sicca, vel pravi coloris; verùm si recens non tractetur, vel ejus curatio negligatur, vires acquirit eundo, sensim frontem, faciem, deinde totum corporis habitum conspurcat, & tandem in lepram transit. Diuturna difficillimæ est curationis, & quò diuturnior fuerit, eò plus negotii curationi faceffit, & ut plurimum circa collum adenes protuberant. Rarò in confirmata tinea capilli renascuntur, præsertim si cutis dura, & quasi testacea evaserit, & ad frictionem non rubeat; tunc enim ophiasim, vel alopeciam post sui curationem relinquit, & facit opprobrium sempiternum. Si cutis mollior sit, pororum vestigia appareant, & post frictionem rubere incipiat, indicium certum est caloris vegeti, & capillos renascituros fore. Si infantes tinea corripiantur, vix curari possunt, antequam ad eam perveniant ætatem, quæ medicamenta illa, quæ hoc malum exigit, & ipsas curationum molestias preferre possit.

Curatio.

In tinea curatione Vulgares primò pravorum succorum genescim inhibent, ad quem finem non minorem obtinet locum victus ratio, quam ex optimis instituunt cibis, & abstinendum putant à cibis salis, acris, ut aliis, capis, piscibus, brassica, carne suilla, aliisque prædum succum gignentibus.

Deinde vitiosos humores in corpore redundantes, ne ad partem affectam transmittantur, primò præparant syr. de fumar. simpl. infusus. ros. rubr. cichor. lupul. postmodum humores præparatos educunt pilulis coctis, vel de lapid. Luzuli, vel in forma potus ex syr. de fumar. maj. ros. solut. cum confect. Hamech, & trochis. viperinis, quæ medicamenta cathartica in curationis cursu ne pravi regerentur humores, & geniti per alias vias eliminantur, per intervalla repetunt. Interea post totius corporis purgationem, ad hepatis fervorem attemperandum ejusdemque intemperiem corrigendam, non parum probant lactis serum, in quo ebullierit epitymum, radicis china decoctum, jura alterata, conservas refrigerantes. Post præscriptum victus regimen, & corporis purgationem, ad sanguinis missionem deveniunt, ex cephalica ad quantitatem ægotantis viribus, & ætati correspondentem. Hinc sanguinis missionem ter, aut quater in anno plenilunii tempore reiterant, quia tunc sanguinem, cæterosque succos in corpore perperam luxuriare credunt.

Quò ad topica, ea usurpant medicamenta, quæ ulcuscula detergendi, attemperandi, & exsiccandi facultatem habent, sed primò crustas detrahunt medicamentis emollientibus, butyro scilicet malvarum foliis decoctis, ac confusis cum adipe suillo, quæ emolliunt, & saniei exitum parant. Si ætas fortiora medicamenta, & curationis molestiam ferre possit, ad valida detergentia confugiunt, ut

℞. Sulph. ʒ. ij. sinap. ʒ. j. staphidis agrie, radi. bryonia ana ʒ. i. aceti acerrimi ʒ. j. cecbinth. ʒ. ss. pingui. urfi q. s. f. linimentum,

Vel recipiunt nasturtium, terunt, & frigunt cum axungia porcina, & capiti cataplasmatibus instar imponunt, & 24. hor. spatio crustam decidere facit, & si hoc cataplasma reiteretur, tinea sanat. Postmodum ad evacuandam materiam in cute imbutam à qua ulcuscula conservantur, caput abluunt decocto lupinorum, radicum altheæ, fol. rutæ, flor. anethi cum paucis aceto, vel aqua aluminosa Fallopii.

Quibus peractis, nostri chirurgastri capillis novacula abradunt, verum abradi capilli ocyus excrescunt, & eorum radices infectæ non extirpantur, & hoc fœdum malum nunquam eliminatur. Vulgares chirurgi in Incubarilium nosocomio pileolo, vel vesica suilla pice navali inducto utuntur, quod pluries repetunt, quem toti capiti seu loco à tinea oblecto imponunt, & aliquot diebus hæreere sinunt, postea eo detracto, unà capillos evelunt. Deinde capitis corium, quousque rubeat asperiori panno fricant, ut humores vitiosi altius latentes evocentur, & ad externa trahantur; tunc demum scalpello, vel novacula pluribus in locis scarificant, ut vi-

riosus sanguis per cutem dispersus, educatur. Verùm hanc scarificationem maximopere damnamus; relinquit enim post se cicatrices, in quibus impossibilis est capillorum regerminatio. His demum peractis, scarificatas partes, & totam capitis cutem decocto lapathi, chamomilla, cucumeris asinini, flor. & radic. chelidonii, sem. lini, & fenugraci in lixivio dulciori parato abluunt. Post lotionem detergant, & exsiccant, & sequenti unguento obliniunt, ut

℞. Pulv. helleb. alb. & sulph. vivi ana ʒ. ij. flor. aris. ʒ. ss. fulig. picis ʒ. iij. ol. baccar. lauri ʒ. j. ss. ol. com. ʒ. ss. cera citrina q. s. f. ung. f. a.

Hoc unguento alternis diebus utuntur, donec crustæ removeantur, & cutis sana appareat. Verùm si tinea inveterata sit, & his non cedat præsidis, ablusiones, fricationes, & scarificationes reiterant, quousque sanata appareat.

Aliqui chirurgastri pro tinea curatione utuntur arsenico, auripigmento, mercurio vivo hominis jejuni saliva extincto, & medicamentis admisto, vel caput suffumigant cinnabari. Cæterum arsenicum, & auripigmentum venenata sunt, & vitæ nostræ insensa, ac cum locus affectus cerebro proximus sit, vix usurpanda sunt, ne venenum cerebro communicetur, è quo postea dolores implacabiles, corrosiones, inflammationes exitiales, febris acuta, & mali moris, vel ipsa mors sequatur. Mercurius quoque tam sublinimenti, quàm fumi forma intra caput ingreditur, & sua quæ maximè penetrandi energia pollet, in minimas ejus quasque partes affatim se insinuat in ossa non solum usque, sed etiam in cereorum, & medullas, ac variorum symptomatum vehementiam excitat.

Nonnulli chymicistæ huic fœdo malo curando arsenici oleum adhibent; inquit enim hoc oleum esse omnium ulcerum corrosivorum mors, eorumque malignitatem, & corrosionem extinguere, sed an potius ulcerum corrosivorum, quàm ulceratorum mors sit, nescimus. Huic oleo tantum aquæ scabiosæ stillatitiæ addunt, ut à lingua ejus sapor tolerari possit, quo tinea quotidiè bis inungunt; per aliquod tempus continuando. Alii balsamo mercurii, vel oleo antimonii rubro utuntur, permixto cum oleo vitellorum ovorum, vel amygdalarum dulcium, vel oleo sulphuris, vel vitrioli aqua plantaginis diluto, ac post absterisionem caput abluunt bis in die balsamo tartari per quatuor, aut quinque dies, & postremo oleo ex ovorum vitellis cicatrizant. Verùm hæc medicamenta acida sunt, & potius malum augere, quàm curare possunt.

Indicatio tinea curativa est, ut vitium in cutis profundo corrigatur, eodem ferè modo ac in scabie, attamen differt à tinea scabies, quia hæc in cutis superficie, illa verò in cutis meditullio initium habet: cæterum quia multoties vitium illud in capitis cute adeò profundum non est, nam ut nobis centies tineas curare contingit, iisdem remediis, quæ pro scabiei curatione tradidimus. Si itaque morbus altas non fixerit radices, ea medicamina per os proponamus, quæ pro scabiei curatione descripsimus, ac deinde ulcuscula aqua sublimati irroramus, vel sequenti unguento Nicotianæ inungimus, ut

℞. Fol. nicotiana ʒ. ij. ping. porci recentis diligenter lotæ ʒ. j. Hæc herba per noctem in vino rubro maceretur, mane igne lento cum pinguedine bulliat ad vini consumptionem, postea coletur, & exprimatur. Huic expresso adde succi nicotianæ depurati ʒ. ss. resina abietis ʒ. iv. coquantur ad succi consumptionem, quibus circa finem adde radic. arist. rot. subtil. pulv. ʒ. ij. cera novæ q. s. f. ung.

Hoc inunge ter, quater, & ad plurimum sexies, & per viginti dies curam expecta, quam si obtinebis, gaude, si minùs ad hæc quæ sequuntur, transeundum est, quæ tineas radicitus curant cum capillorum renascentia.

Capillos omnes à capite novacula abraide, deinde leni lixivio calido quicquid furfuraceum, vel purulentum est, absterge, postea totum caput sequenti unguento inunge semel in die, usque dum tinea curata est, quod cursu viginti dierum evenire solet, ut

℞. Succu chelidonia, & ol. veteris ana ʒ. j. ss. simul bulliant ad consumptionem tertiae partis, tunc adde viridis aris ʒ. ss. sulphuris ʒ. ij. cera ʒ. ss.

Simul. bulliant parum, optimè commiscendo omnia, auferratur vas ab igne, & unguento adde ol. juniperi, paulatim agitando illud, dum frigidum factum sit, & utere. Vel hoc alio uti poterimus, ut

℞. Ol. ros. & junip. ex ligno eliciti ana ʒ. vj. sulphuris vivi

vici, stercoris columbini, viridis aris ana ʒ. ʒ. cera q. s. fi. ung.

Si inveterata sit tinea, & altas fixerit radices, faciliter descripta medicamenta omnino illam eradicare non poterunt, quod ex morbi pertinacia cognoveris, nec capillorum abrasio quicquam proderit, cum eorum radicibus infectio hæreat, tunc ea conveniunt medicamenta, quæ partis nutrimentum in particulas acido salsas degeneratum cicurant, mitigant, & depurant, ne cutem amplius exedant, & malignitate inficiant. Deinde quæ ipsum glutinosum incidunt, & subtiliant, ut tenues evanescent in auras, ac tandem abstergunt, & sic partem affectam in statum naturalem restituunt, ejusque consolidationem promovere.

Hæc medicamenta duplicis sunt generis, alia interna, alia verò externa. Interna sunt purgantia, & ea propinare possumus, quæ in scabiei cura descripsimus; at tamen cum contagium in curis meditullio profundius hæreat, ut plurimum externa sufficere posse existimamus. Inter interna absorbentia connumeramus *sal volatile viperarum, c. c. lumbricorum, diaphoretica, ut stibium, sulphur auratum &c.*

Per externa curatio obtinetur illiniendo, vel alio modo medicamenta applicando, quæ quoscunque acores, asperitates exoticas, & corruptiones destrunt, ita est *oleum tartari p. d.* & quæ sulphur continent; unde *oleum tartari p. d. spongiosa crustis applicatum* nunquam nos fefellit, *oleo Laurino cum sulphure* multos curavimus, & *balsamus sulphuris* omnibus palmam præripit.

Optima sunt hæc medicamenta, sed non ferè semper felicem consequuntur effectum, quia contagii fomes non in cute, vel panniculo carnoso, sed in pericranii meditullio stabulantur, ad quod medicamentorum energia non collimat; alia igitur vestiganda sunt, quæ necessariò suum sortiantur effectum, aliàs esset operam, & oleum perdere.

Habemus nos infallibile, & expertum remedium, quod nunquam nos fefellit, & multos pueros origine claros ab hoc spurco malo eripimus, quos non recensemus, ut eorum æstimationem tueamur. Hinc charitas erga tineolos nos suadet, ut hoc nostrum medicamen sine invidia communicemus, illinc vulgarium hebetudo, & temeritas, ne margaritas ante hos porcos projiciamus, nobis remorari imponit ut illud silentio involvamus, attamen prævaleat charitas, & illud ingenuè communicamus, ut chirurgastri confundantur, & pereant.

Primo itaque tineosus catharticis, quibus in scabie utimur, purgetur, & hoc ut domesticorum patientis motem à vulgaribus insitum geramus, potest tamen omitti purgans, cum malum sit topicum, & topica exigat medicamenta. Deinde sensim evellantur capilli, non tamen vossella, nam potius rumpuntur, & eorum radices non eradicantur, sed id fiat instrumento ferreo à nobis excogitato, post quorum evulsionem, eodem instrumento crustæ abradantur, & sequenti linimento penicillo illiniantur, ut

ʒ. Ol. bufonum ʒ. iij. cere citrina q. s. fiat massa unguenti mollis instar, super calidos cineres.

Oleum Bufonum in nostra *Pyrotechnia lib. 5. cap. 1. art. 3.* descriptum, ut

ʒ. Bufones iij. vel iv. purgentur in olla, cujus fundum multis foraminibus sit pervium, & in ore suum imponatur operculum, per quatuor, vel quinque dies. Inde olla nova vitriata, quibus superfunde olei olivarum ʒ. v. vel vj. Claude vas, ne quid expiret, bull. in aperto jove, lento carbonum igne per sex horas. Permite vas sponte refrigerari, aperi, decanta, & ad usus serva. Postmodum bis in hebdomada caput sequenti decocto abluatur, & parnis exsicceatur, ut

ʒ. Ag. hord. q. s. in qua ebulliant scabiosa, adianthi, roris marini, malvarum, salvia, lavendula ana m. j. flor. ros. rubr. incomplet. p. j.

Hoc decoctum quoties adhibendum est, recens fiat. Diebus à Lotione vacuis, supradicto linimento caput illinatur, donec renati capilli ferreo instrumento iteratò evellantur, post quorum avulsionem ad ablutiones, & illinitiones alternatim recurrimus. Ter capillos evellimus radicibus corruptos, sanis remanentibus, & tinea quantumvis inveterata, & rebellis his nostris præsidii non reluctabitur. Verum enim verò, ut veritatem ingenuè fateamur, pro hujus spurci morbi cura-

tionem sufficit capillorum evulsio, & quodcumque vulgare topicum ad hunc finem paratum. Verum si tinea sicca sit, tunc humectantibus tractetur præsidii, & non agrè ceder.

C A P U T XXVI.

De Aurium dolore.

A Capite ad auditus organum, tanquam partem ipsi proximiorum descendimus, & juxta nostram methodum tantum de aurium ulcere tractare decreveramus, sed quorundam amicorum suasionibus, quibus libenter auscultamus, cohortati sumus, ut de omnibus aurium morbis *Galenistarum* gratiam ageremus, qui surdastri, ut erat *Marcus Crassus*, veram non hauriunt sapientiam, & quod pejus, malè audiunt, & nisi resipiscant, muti evadent. Hinc

Gravissimum, & periculosum malum est *otalgia*, sive aurium dolor, qui nisi statim sedetur, graviora excitabit symptomata & ægrum exstinguet. Aurium dolor est affectus oculorum dolore gravior, quia oculorum dolor in oculis tantum persistit, aurium verò faciliè cerebro impertitur, unde insomnia, deliria, convulsiones, syncopes, apoplexiæ, & tandem mors.

Quinque sunt dolorum species, & partim ex partis affectæ natura, & partim à causis desumuntur: *Gravis, tensus, stimulans, punctorius, & pulsatis.* Omnes hæ species & qualescumque adhuc inveniri possent, ferè simul in atroci aurium dolore concurrere, ita ut simul & semel dolor atrociter gravans, pungens, lancinans, stimulan, & pullans excruciet, & id tam excessiva acerbitate, ut sæpè æger in magno vitæ discrimine versetur, ut Hip. in prælag. innuit: *Auris dolor, cum febre non intermitte, vehementique, grave periculum minatur, nam & mentem turbat, & hominem rapit.*

Signa.

Ad aurium dolorem cognoscendum non opus est signis, cum ex ægri relatione patescant; causarum verò signa, quæ varia esse solent, tantum recensere oportet. Primo itaque diligenter inquirere debemus, an aliquid dolorem efficiat, quod de foris auri immisum sit, quod ex ægri relatione, auris inspectione, & exploratione pater; an auri vulnus insitum sit, vel alia illi violentia illata sit, & id quoque ex ægri relatione manifestum esse potest. Si occasionalis causa fuerit aer frigidior, vel Boreæ flatus, tum etiam ex ægri confessione patescit. Si oriatur à spiritu flatulento, dolor est vehemens cum tinnitu, & strepitu manifesto apud ægrotum, & dolor non est assiduus, sed per intervalla recurrit. Verum frequentissima doloris causa est inflammatio, cujus signa *Tomo 1. de Tumoribus cap. 42. De Aurium inflammatione*, proposuimus. Si ex ulcere, sit retenta sanies. Si ex nervi auditorii vitio, læditur auditus.

Causa.

Galen sectatores doloris aurium causam in continui solutione refundunt, ut sunt sanies, sordes, vermes, externa illapsa, ut capilli, ossicula, item medicamenta incongrua, sonitus, vel strepitus vehemens, & horribilis, tonitru, tormenti bellici explosio, & id genus alia, quæ continui solutionem inferunt, & tristem sensationem. Vel calidam vel frigidam causant intemperiem, ut est magnus calor, frigoris, ventorum, pluviarum &c. appulsus, qui naturalem aurium unitatem solvere possunt. Verum hæ causæ tantum remotæ, & occasionales esse possunt, non verò proximæ, & immediata, ut fusiùs explosimus in nostra *Trutina* de capitis dolore.

Vera aurium doloris causa, oritur à particulis sulphureis, acidis, salinis, vel à quopiam alio id genus internas aurium fibras nervosas, membranosas, & musculosas distendente, divellente, contrahente, vellicante, vel alia materia peregrina, quæ fibrosas aurium partes divellit, spasmosque dolorificos in iisdem excitat; internæ namque aurium partes exquisito gaudent sensu.

Quandoque partes externæ dolore tentantur, verum cum dolor hic non sit magnus, de eo non agimus, sed de eo

de eo qui internum meatum, membranula, & nervum auditorium obsidet.

Prognosis.

Vehemens aurium dolor in juvenibus valde periculosus est; septimo namque die, vel citius moriuntur, quia facile cerebrum in consensum rapit, & gravissima excitat symptomata, internum scilicet erysipelas, febrem acutam, insomnia, delirium, convulsionem, lipothymiam, & mortem. Senes autem in vehementibus aurium doloribus minus periclitantur, quia frigidum habent corpus, ideoque vehementi inflammatione, febribus acutis, & deliriis non ita facile corripiuntur; sensus etiam tactus in senibus est obtusior, ideo diutius illos ferunt dolores, unde apud illos facilius materia aurium dolorem efficiens, in suppurationem abit. Recidivæ tamen periculum subeunt senes, cum materia dolorem excitans non bene concoqui possit, ob frigidam constitutionem. Si vehemens sit aurium dolor, & in penèralibus hæreat, mortem portendit, significat enim auditorium nervum affectum. At si morbus curetur, auditus gravitatem, vel surditatem relinquit.

Curatio.

Galenī procuratores aurium dolorem curant, auferendo causas, à quibus dolor ipse fovetur, quod si virium resolutio imminet propter doloris vehementiam, & tempus non suppetit, pro sedantium exhibitione, exemplò humorum colluvie corpus deplet, præmissis internis, deinde externis frictionibus, cucurbitulis, scarificationibus, & enematum injectionibus. Pro frigida intemperie in aures instillant oleum amygdalarum amararum, anethi, chamomelæ, croci. Vel decocti caryophyllorum aromaticorum in vino rubro guttae duæ, vel tres tepidè in aurem instillant, deinde caryophyllo cocto aurem obturant. Vel capæ excavatæ in medio indunt parum euphorbii, & oleum commune, illamque super prunis ponunt ad olei ebullitionem, quod tepidè in aurem instillant. Vel in uno, aut pluribus ex prædictis oleis coquere solent sampsucum, stæcad. rorem marinum, lavendulam, castoreum, crocum &c. & in aurem instillant. Vel forum ex quatuor anodynīs applicant.

In calida intemperie affectæ partis venam secant, soluta prius alvo clysteribus, lac tepidum dolenti immitunt auri, cui quandoque ovi vitellum immiscent. Vel oleum amygdal. dulc. aut rosaceum guttatim instillant. Vel decocto malvæ, althææ, violæ, hord. fœnugrac. Vel cataplasmate de mica panis locum foveant.

Si auris dolor ex flatibus excitetur, illum discutientibus, & carminantibus sedant, fomento scilicet fursuris, milii solis, anisi, vel sacculo flor. chamom. nuc. mosch. caryophyll. macis repleto & imposito, vel auri immittunt Ziberthum, moschum, crocum, castoreum &c.

Si dolor ita perseveret, ut vires prosternantur, ad narcotica confugiunt pro partis sensus heberatione, ad quem finem Philon. Romanum, succum mandragoræ cum castoreo, theriaca, Mithridatio, & opio usurpant.

Dolor si gravior, & diuturnior fuerit, vesicatorium in nuca applicant, cui si reluctetur, Setaceum inter secundam, & tertiam vertebra excitant, vel tandem fonticulos aperiunt, & demittunt.

Aurium dolor tripliciter auferitur, primò iis, quæ doloris causam tollunt; secundò anodynīs, quæ doloris causam consopiant, æquabilem reddunt, & leniter rarefaciunt; tertio Narcoticis, quæ dolorem sedare, & pacare valent, & id non per molestantis causæ ablationem, sed quia doloris sensationem obstupefaciunt, soporem inducendo, à quo ferè omnia mala sedantur. Dolor vehementissimus narcoticum, & mitior anodynum indicat.

Unde si à rebus extraneis intra aurem immixtis pendeat tollendæ sunt. Itaque si sint vermes in aure geniti, vel foris ingressi ad hos enecandos, & extrahendos magnoperè valet oleum philosophorum guttatim instillatum, vel unguentum ex capî axungia, & oleo coryli cum pauco mercurio dulci mistum, ut

℞. Axungia capî ʒ. ss. ol. coryli gutt. xv. merc. dulc. gr. iv. m. & in aurium orificio cum gossipio ponatur.

Vel sulphuris fumus per infundibulum exceptus, deinde enecati auriscalpio extrahendi sunt. Si pulices sunt, qui in aure vagantes, ingentem strepitum aures percipere faciunt, Musitani Opera Tom. II.

eos ferunt vulgares statim adhærescere naturaliter indito auribus fasciculo ex pilis caninis, & sic extrahi. Si aqua in aurem illapsa sit, inclinato capite, rursus effluere sinatur, vel per calamum ipsa exsugatur.

Si à spiritu flatulento dolor sit, cum flatus materiam præsupponat, à qua elevatur, ea primò expurganda est postmodum discutienda quinta essentia nucis myristicæ, anisorum, corticum aurantiorum, sampsuci, roris marini, bac. juniperi &c.

Si doloris causa sit inflammatio, qua ratione curanda est, diximus Tomo I. de tumoribus p. n. cap. 42.

Si ex membranæ perfrigeratione, ab inspirata aura gelida, à ventorum afflatu oriatur dolor, instillentur olea calida, ut oleum essenziale laurinum, de castoreo destillatum, essenziale pulegii, roris marini, succini, &c.

Si dolor sit mitior, tollitur anodynīs, quæ leniter rarefaciendo, & contracturam leniendo, doloris causam consopiant, & ita erunt oleum amygdal. dulc. lilior. albor. cum lacte muliebri, quæ cum specillo molli lana involuto tepidè in aurem immittantur. Utile est ol. ros. cum roris marini succo, ut & mucilago sem. psylli, fœnugraci. Item folia Nicotianæ viridia, vel etiam exsiccata, sed iterum humectata, mirificè prosunt Magnoperè dolorem pacant quatuor anodyna in dydroleo, si auris affecta calidè spongia foveatur, vel eorum vapor in aurem excipiat. Sequentem forum multoties profuisse experti sumus, ut

℞. Radic. lilior. althææ cum toto fol. mal. viol. ana m. j. sem. cydon. malv. & lini ana ʒ. iij. flor. ros. rubr. chamomill. & anethi ana p. ij. f. decoctio; qua auris frequenter foveatur. Sed sequens vapor vehementissimum aurium dolorem semper pacavit, ut

℞. fol. roris marini, sampsuci, betonica ana m. j. flor. ros. rubr. meliloti, & chamomill. ana p. j. sem. lini, & fœnugrac. ana p. ss. fiat decoctio pro vapore excipiendo. Oleum etiam è ligno coryli acerbissimos aurium dolores statim sedat.

Ubi tamen aurium dolor est acerbissimus, quia delirii, convulsionis, syncopes & mortis imminet periculum, ad narcotica confugiendum est, quæ dolorem percipi non faciunt, vitam sopiendo, quæ est immediata causa doloris, talia erunt Laudanum opiatum, vel vulgaria, ut Requies Nicolai, Philonium Romanum, Persicum, pilul. de cynoglossa &c. Sequens decoctio narcotica in forma fortis, vel vaporis, miraculi adinstar quoscumque aurium dolores extemplò sedat, ut

℞. fol. lactucæ, nymphææ, solani, hyoscyami, & mandragoræ ana m. j. capita papav. num. iij. f. decoctio qua auris frequenter foveatur, vel vapore tenus in affecta recipiatur aure.

Cave, ne intra aurem liquorem instilles aliquem, qui opium exceperit, quia licet dolorem sedes, alia deteriora mala excitabis.

C A P U T XXVII.

De Aurium Ulcere.

UT ulcera aliis corporis partibus, sic quoque auribus vel per abscessum, vel per alicujus liquoris acrimoniam evenire possunt, quorum curatio peculiaris est.

Signa.

Aurium ulcus ex sanie, vel sanguine egrediente cognoscitur, ut accidit in suppurata aurium inflammatione, in qua primò satis in magna copia exit, deinde paulatim fluit, donec sponte cesset. Ulceris aurium signa sunt, dolor, ardor, vehemens punctio, quæ tactu exacerbatur saniei fluxus, & interdum sanguinis. Si ulcus sit in nervo auditorio, acerbissimus adest dolor, vel præcessit. Ulcus profundum copiosam saniem, sed lentè emittit; nondum laudabilem sordidam, crassam, virulentam, citrinam & tenuem; putridum, fœtentem, corrosivum sanguinem post saniem eruât; fistulosum ex saniei virulentia, carnis callositate, & duritie, osseus tandem meatus cariosus cognoscitur ab antiquitate, ut sect. 6. aph. 45. Ulcera qualibet annua, aut etiam diuturniora corruptionem ossis causant.

Ulcerum auris differentiæ sumuntur à loco tempore, qualitate, & quantitate. A loco scilicet ab ipsa auris partitula, quam obsidet, quæ vel externa est, & oculis conspicitur, vel interna, membrana scilicet vel auris tympanum, nervus ipse auditorius, interdum, & osseus ille

meatus, in quo, sicut & in aliis, hæc continui solutio caries nominatur. A tempore, qua ratione ulcus aliud est recens, aliud verò vetustum. A qualitate, qua ratione aliud est mundum, saniosum, aut sordidum; aliud verò putridum, virulentum, & corrosivum. A qualitate tandem, qua ratione aliud est in superficie residens, aliud verò in profundum ita penetrans, ut in fistulam abierit.

Causæ.

Galenus affectus aurium ulcerum causas humoribus acerbis & mordacibus, sive in auribus genitis, sive ex cerebro eodem effusis refundunt, qui acrimonia sua exulcerant.

Aurium ulcus juxta nostram sententiam non solum à suppurata inflammatione gignitur; verum etiam pluribus modis contingere potest, nimirum ob continui solutionem, aut per acidum, vel salsum laticem interiores aurium partes exulcerantem, cum ab aurium sordibus ibidem diutius retentis, tum ob externam injuriam, ut casus, percussio, allisio, & vulneratio, ad quas sequitur ulcus. Ex quacumque igitur causa ulcus inducatur, semper fit continui solutio, qua partes ab invicem distrahuntur, & separantur; unde propter vel vitiatam fibrarum texturam, vel earum erosionem, ejus nutrimentum in saniem convertitur, & profluit.

Prognosis.

In aurium ulceribus semper pus, & sanies inspicienda est, quæ ulceris bonitatem, vel malitiam indicat; pus enim debet esse album, læve, & æquale, ita ut una pars non sit crassa, altera tenuis, una rubra, altera alba, & non foetens, unde ulceris non maligni, nec pravi sumitur judicium. Ulcera antiqua, & diuturna sunt pejora, quia libenter in fistulam degenerant. Quandoque ad os petrosi usque penetrant, in quo ossis caries deplorabilis inducitur. Si sanies recens effluat ab auris ulcere, & prius capitis dolor, sensuumque perturbatio præcesserit, & hæc jam desinant, bonum; significat enim ulceris curationem paulo post sperandam esse. Ulcus humidum, diuturnum, non corrodens, si non exsicceat, metus est, ne carnis excrescentia excreseat, quæ auditum obturet. Ulcera in meatu osseo difficilius sanantur, quam in meatu cartilagineo, qui canalos osseus versus tympani membranam declivis est, & ubi ad planum descendit, fossam efficit notabilem, & qua pus ægre eximitur; contra verò meatus cartilagineus versus concham declivis est, & pus facile effluit. Aurium ulcera, quæ ad Cranii os pertingunt, seu & profundæ fistulæ nunquam sanantur, sæpe ejusmodi profunda, & putrida ulcera continuitate quadam ad cerebrum usque descendunt, quæ tertia die occidere solent.

Curatio.

Antequam ad topica in aurium ulcere deveniant Vulgares ex *Gal.* sententia 4. de compos. med. sec. loc. solemnes instituunt evacuationes per phlebotomiam, & purgans medicamentum agrotantis naturæ, & temperamento appropriatum, quæ toties per curationis decursum reiterant, quoties opportunum videbitur. Deinde ad leniter abstergentia, & exsiccantia confugiant, & primò mitiora, postmodum validiora usurpant.

Abstergentia mitiora sunt, succus absinthii, apii, marrubii, betæ, agrimonie, centaurii minoris cum melle, decoctum hordei, & lupinorum, vel

℞. Mell. opt. & vini alb. antiqui ana ℥. iij.

Bulliant ad despumationem, & destillentur in aurem, postmodum aurem obtura gossypio eodem liquore imbuto. Vel

℞. Succ. betæ ℥. j. marrubii ℥. ℥. mell. opt. ℥. vj. coque parum deinde adde syr. de absynth. ℥. iij. m. & in aurem instilla. Validius abstergit succus cyclaminis cum melle, vel aqua mellis in qua prius ebullierit radix hellebori albi, additis myrrha, sarcocolla, gentiana, & modico succo betæ. Vel

℞. Succ. cyclaminis ℥. j. myrrha ℥. j. croci ℥. ℥. thuris ℥. j. viridis aris ℥. ℥. vini antiqui ℥. j. ℥.

Bulliant ad vini consumptionem; & liquor bis, vel ter in die instilletur in aurem.

Absterfo ulcere, exsiccantibus utuntur, ut

℞. Aristoloch. rotunda, cortic. granator, gallarum, & nuc. capress. ana ℥. ℥.

Coquantur in partibus paribus vini, & aqua ferrata ad ℥. ℥. colatura adde succ. plantag. polygoni ana ℥. j. mell. ros. ℥. iij. m. & in aurem instilla.

Potentissima exsiccandi vi potitur alumen ustum cum vino mistum, si in aurem instilletur.

Absterfo, & exsiccato ulcere, ad medicamenta, quæ cicatricem inducunt, accedunt, decoquendo in vino pompholigom, tutiam, cerussam. Vel suffitum parando ex mastiche, thure, myrrha, ladano, gummi juniperi, sarcocolla, galbano, & similibus, ut

℞. Gummi juniperi ℥. ℥. thuris, & myrrha ana ℥. j. sarcocolla, ladani ana ℥. j. m. f. pulv. vel cum terebinthina f. pastilli, & per infundibulum in aurem immittunt.

Si ulcus his non cesserit medicamentis, quia vetustum, & diuturnum, corpus repurgant, & diætam ex ligno guajaco, & salsa parilla præscribunt non omissis erthinis, masticatoriis, aliisque remediis, quibus fluxionem avertere credunt. Postmodum ulceris exsiccationi fortibus incumbunt remediis, & iterum præscripto utuntur remedio ex succo cyclaminis, myrrha, viridi are; Vel sequens commendant ex Haly, quo *Valescus de Taranta* gloriatur se Presbyterum ab octo annis aurium ulcere laborantem sanasse.

℞. Mell. ℥. x. aceti ℥. viij. coque ad ignem, & despuma, deinde adde viridis aris ℥. j.

Hoc remedium manè & serò in aurem infundatur, vel cum turunda auri imponatur. Vel

℞. Aloes, thuris, myrrh. ana ℥. iij. misyos ℥. j. fiat massa cum aceto, qua soluta cum acetoso, aut rosaceo utere.

Si ulcus fistulosum perpetua fluat sanie commendant, ut per clysterem auricularem injiciatur fel tauri cum urina pueri, vel vinum, in quo decoctum sit thur, aut helleborus albus, & mel.

Si ulcus in auribus carnis excrescentias habeat, sequens, quo citra dolorem carnem reprimere, & cicatricem obducere existimant, medicamentum præscribunt, ut

℞. Alum. scissil. & misyos usti ana ℥. iij. aruginis, teralemnia, gummi arabic. ana ℥. j. tritis his, cum aceto acerrimo f. pastilli, qui usus tempore cum vino, vel aqua solvantur.

Aurium ulcera quandoque sponte sanantur, post puris fluxum sedatum, sed ut plurimum medicæ manus auxilium expetunt. Purgetur igitur corpus, & auris eluatur vino, in quo myrrha, & aloë infuse fuerint, cum tantillo mellis rosati. Deinde in aurem instilletur, urina pueri destillata, vel balsamus proprietatis, vel balsamus artificialis, quibus necessariò omnia aurium ulcera cedunt. Vel sulphuris terebinthinati guttula una, vel altera ulceri aliquando instillata, paucis diebus spatium ejus curationem felicissime absolvit. Interim particulæ acidæ, salinæ, & sulphureæ obtundendæ, & eliminandæ sunt decocto simplicium cephalicorum, ut sampsuc, betonica, hedera terrestris, roris marini, stæcadis &c. Nec desint interdum mundificantia, quibus diaphoretica conjungimus, ut sp. c. c. stibium diaphoreticum, sal roris marini, sal volat. succini, in syr. de betonica, vel ros. incomplet. Si sanatio in longum protrahitur, per os præbeantur potiones vulnerariæ cephalicæ, vel sudorifica decocta ex salsa parilla, ligno guajaco, visc. quern. sampsuc. c. c. &c. parata in aqua cardui sancti, vase clauso.

C A P U T XXVIII.

De Excrecentiis p. n. ab aurium cavitatibus.

Multa p. n. quandoque ex auribus excernuntur; & primò, post aurium inflammationem, rupto abscessu, pus, aut sanies emanat. Secundò, idem accidit in aurium ulceribus. Tertiò, nulla præcedente suppurata inflammatione, ulcere, & externa injuria, accidit aquosum humorem, aut saniei aliquid simile ex aurium cavitatibus effluere, id vel continuò, vel per intervalla, cum odore terro, non tam ægroto, quam adstantibus nauseabili. Quarto, sanguis interdum ex auribus effluit, & non tantum evenit in capitis vulneribus, percussione, casu ab alto, & similibus externis injuriis, in quibus aurium venæ rumpi, vel lacerari possunt, sed etiam crisis modo. Quintò, Vermes aliquando, in sordidis aurium ulceribus gigni, atque inde prodire observavimus, Sextò

Sextò tandem, excernitur per aures auriscalpii ope viscidum quoddam naturale excrementum amaricans, Cerumen dictum, quod indies vapore tenuis in minima portiuncula materialiter internis aurium parietibus apponitur.

Signa.

Horum affectuum signa ex excretis manifestantur.

Causa.

Pro aquosi & saniosi fluxus causa, Vulgate cerebrum nimium humidum, impurum, & superfluis redundans humoribus stabiliunt, sed quando tanta effluit copia etiam vicinas partes ejusmodi sordidam illuviem subministrare, & ad aures derivare credunt, ut plurimum pueris contingere solet, ita Hip. sect. 3. aph. 24. asserit: *Nuper nati infantes habent aures humidas*. Quorum cerebrum superflua, mucosa, & catarrhosa humiditate non solum pervias ordinarias huic usura natura destinatas, nares scilicet & palatum, sed etiam per aures, tanquam ductus minus idoneos, oculos, & totam capitis superficiem expurgatur, ut in capitis achoribus, & ulceribus patet.

Falsum deprehendimus Vulgarium opinamentum de aquoso, & sanioso aurium fluxu, cum nulla sit via è cerebro, nisi ossis petrosi foramen nervo auditorio paratum, neque salva tympani membranula, ex aure effluere posset, si humor in interiori auri cavitatem primò effunderetur.

Aquosi, vel saniosi aurium fluxus causam, nos dicimus esse laticem, vel aurium nutrimentum degeneratum ob aliquod continentium vitium. Huic aquosus, vel saniosus fluxus citra auditus lesionem ab aure procedit, quia in externo ejus meatu, & circumadiacentibus partibus generatur. Potest quandoque hic fluxus, si in diuturnitatem abeat, vel intra prædictam cavitatem cohibeatur, tympani membranulam perrodere.

Prognosis.

Aquosus, vel saniosus aurium fluxus tam in abscessibus, & ulceribus, quam quovismodo, minimè cohibendus est; nam importunè suppressus ob consensum, epilepsiam, aut alium gravem cerebri affectum parit, sed fluat sinamus, donec pars optimè absterfa sit. Hujus materiæ fluxus nonnullos à pluribus præservat symptomatibus, cephalæa, apoplexia, epilepsia &c. quibus levantur sub fluxu hujus continuatione, uti in infantibus subindè observamus, qui per hujusmodi aurium fluxus plus minùs sordidos à pluribus malis, tam externis, quam internis, levati sunt. Sanies recens effluens albi coloris, quam præcessit capitis dolor, & sensuum perturbatio, quæ etiam cum erumpente sanie mox quiescunt, boni indicii est, & brevis sanationis signum. Non diu fluere sinatur, nam in consuetudinem, & diuturnitatem abit, ac proindè membranulas perrodit, aurium pessumdat, atque in fistulam, vel cariem transit nunquam sanabilem, præcipuè si effluens sanies mali sit coloris, & fœtidi odoris.

Curatio.

Sanguinem ex aure profluentem, propter externam injuriam statim sistunt Vulgares venæ sectione in contraria parte præmissa, & cucurbitulis scapulis affixis cum scarificatione. Deindè adstringentia, & roborantia frigida in aurem instillant, qualia sunt *succus plantaginis, virga pastoris, polygon. decoctum rubi, ros. rubr. major. punic. acaciæ, hypocistidis, sumach, & similia in vino & aceto, vel aqua ferrata*.

Aquosum, vel purulentum fluxum curant superfluos in cerebro humores educendo blandis, & frequenter repetitis purgantibus cephalicis, tum etiam derivantibus per vesicatoria posteriori cervicis parti admodum, causticum occipiti inustum, fonticulos, cucurbitulas, quibus credunt humores in cerebro redundantes citari, ut personaliter compareant sub pœna &c. Postmodum diætâ sudorifica superfluum absument humiditatem. Aurium meatum hoc medicamento detergunt, & exsiccant. ut

Mysitani Opera Tom. II.

2f. Succ. agrimonie, & absynth. ʒ. iv. vini albi, & mellis ros. ana ʒ. j.

Bulliant parum, & in aurem instillentur, sordibus prius absterfis, deindè aures gossypio obturentur eodem liquore imbuto. Vel

2f. Vin. alb. succor. agrimonie, & centaur. min. ana ʒ. j. Bulliant simul & in aurem instillentur.

Quomodo purulentus aurium fluxus ex suppurata inflammatione, & ulceribus curetur, & vermes ex auribus educantur, supra dictum est. Si verò sanguis ex aure fluat ob externam injuriam, & modicus sit, ejus fluxus non statim cohibendus, quia intus retentus inflammationem efficeret. Si immodicus, aut diuturnus sit, sistendus est *succo urtica, aqua spermatis ranarum, sed præstat aqua aërialis* in aurem instillata.

Aquosus, vel saniosus aurium fluxus in pueris non supprimatur, quia intempestivè suppressus mortem inferre solet, sed malum ætati crescenti relinquendum est; solet namque ætatis progressu, & corpore jam sicciore reddito, sponte, cessare. Si verò ad pubertatis annos protrahatur, tunc fluxus sistendus, & prius necessariae sunt capitis purgationes, vel medicamentis communibus, vel pilulis. Dentur præterea potionès sudorificæ ex *guajaco, salsa parilla, ligno visci quercini, limatura c. c. scabiosa, auricula muris, betonica &c.*

Interim aurium meatus cum partibus circumjacentibus detergatur quotidie manè jejuno ventriculo *urina pueri destillata, guttis aliquot*; relinquatur, immissa urina aliquandiu, deinde inclinato capite, emittatur. Ad exsiccationem verò maximè valet *balsamus artificialis proprietatis, vel sulphuris terebinthinati ad guttas aliquot*.

C A P U T XXIX.

De Aurium Sonitu.

ESt aurium Sonitus depravatæ auditionis symptoma: Auris nullum intra se sonum habere debet ut omnes sonos extrinsecus advenientes percipere valeat: sicut oculus omnis coloris expertus esse debet, ut omnes objectorum colores optimè percipiat, quod si aliquando aliquo præternaturali colore afficiatur, ut in ictero, tunc visio depravari necesse est. *Aurium sonitus est sensus depravati auditus intra agri aures excitatus, tum foris omnia fileant, & ita percipitur sonus, ut is externus audiri credatur, estò nullus edatur, vel icteri alius admixtus putetur*. Est ita molestus aurium auditus, ut externum aliis audibilem sonum, vel planè non, vel admodum difficulter percipere faciat, cum ab illo spurio sono intra aures stridente repercutiatur.

Hunc morbum variis nominibus *Medentes* appellaverunt, aliqui aurium tinnitum, alii sibilum, pauci strepitum, plerique verò sonitum dixere, & meritò, nam sonus nomen generale est, & notissimum est sonum adæquatum esse auditus objectum, ideoque tinnitum, sibilum, strepitum sonus comprehendit.

Isti varii aurium sonitus ortum habent à vaporum multitudine, vel paucitate, crassitie, vel tenuitate, motu celeri, vel lento. Unde si vapor multus sit, & celeriter moveatur, sensorio exhibebit similitudinem aquæ rapido cursu cum fragore fluentis, vel tympani, vel id genus instrumentorum musicorum, vel venti boantis, vel id genus similia. Quod si vapor paucus sit, crassus & celeriter moveatur, arboris confractæ, vel domus cadentis, subitæque ruinæ speciem repræsentant. Si multus sit, tenuis & celeriter moveatur, sibilum referre solet, & torrentis cujusdam lenioris imaginem. Si paucus sit, tenuis & celeriter moveatur, tinnitum excitat modo molarum, vel Tintinnabulorum. Si multus sit, crassus & lentè moveatur, murmura quædam excitare solet. Si paucus sit, crassus & lentè moveatur, susurrum repræsentat. Si multus sit tenuis & lentè moveatur, sibilum remissiore refert. Et tandem cum gradus innumerari possint crassitie & tenuitatis multitudinis & paucitatis, motus celeris, vel tardi, pro eorum variatione, infiniti propemodum sonorum modi in auribus produci poterunt: prout magis, vel minùs ad hanc, vel illam accedere videbuntur.

Signa.

Hujus affectus signa ex ægrotantis relatione pateſcunt; verum hæc ſigna penes ægrotantis relationem ſicca videntur Vulgaribus, juxta eorum cauſas aſſignandas, ideoque ex prægreſſis cauſis, aliſque circumſtantiis quandam conjecturam deſumunt. Si malum pederentim cœperit, & per quædam intervalla recurrat, tum etiam ſi cibi flatibus procreandis præceſſerunt, & ſonus clarior ſit, à flatuſo ſpiritu malum fieri nemo ambigit. Affectus hic dupliciter contingere poteſt, vel *per eſſentiam*, vel *per conſenſum*; per eſſentiam ſit in iſſis auribus, & eſſentiale vitium aſſiduus teſtatur ſonitus, ſine ulla intermiſſione moleſtans: poteſt tamen per intervalla in iſſis auribus etiam contingere, ſi cauſa per intervalla coadervetur, & deinde reſolvatur, & ſic viciffim. Per conſenſum ſit ab aliis partibus, ſi aliqua pars peculiari labore affectu, & tunc ſubito invadens, per intervalla recurrit; poteſt nihilominus aſſiduè infeſtare, ſi aſſiduum eſſuvium auribus, pars affecta ſubminiſtret. Quando ſit à cerebro adest capitis dolor & gravitas, & ut plurimum noxa aliis ſimul communicatur ſenſibus. Ab aliarum partium, vel totius conſenſu; id ſuis cognoscitur ſignis, & malum poſt inanitionem, vel repletionem poſt motum, vel quietem, poſt vehementem calorem, vel frigus quieſcit, rursùmque concitatur. Si à craſſis, leniſque humoribus fiat, non illico aggreditur, ſed pederentim creſcit, & ſonus magis obtuſus, fluctuantis & gravitatis ſenſus percipitur. Si à vaporibus craſſis, vel tenuibus, paucis, vel copioſis fiat, cognoscitur ex ſonorum differentiis, quæ in auribus percipiuntur. Si ex aurium obſtructione ſonitus dependeat in febris, aut harum, aliorumque morborum criſi, provenit à cauſis illos morbos excitantibus. Si ab imbecillitate, facile ex his, quæ imbecillitatem induxerunt, cognoscitur. Si ab abſceſſu, ex inflammationis ſignis facile percipitur.

Cauſa.

Pro aurium ſonitus cauſa Vulgares ſtatuunt vapores, aut ſpiritus flatulentos, inter membranam foramini auditorio obſeſam, à nervo auditorio ortam, vel in ipſa aure genitos vel in aurem ab aliis partibus tranſmiſſos, ut à toto in febris, in paroxyſmorum principio, & inſtante criſi per hæmorrhagiam. A peculiare parte elevati flatuſ ad aures tranſmittuntur, ut à cerebro, ventriculo, ut in vomitu, melancholia hypochondriaca, ab hepate, liene, meſenterio, utero, ut in ſuffocatione hyſterica, & ab aliis partibus. Elevantur prædicti vapores, & flatuſ ex frigidis, & pituitiſis humoribus, à debili calore excitatis, & in aures deferuntur per venas, arterias, & quietam nervorum conjugationem. Iſti vapores & flatuſ ad aures elevati exitum quærunt, & præ loci anguſtia non invenientes ad oſſa, tympani membranam, expanſumque nervum allii, præternaturali commotione congenitum aerem exagitant, & ſonitus cauſa exiſtunt.

Non mirum, ſi aurium ſonitu ad vapores, & flatuſ referunt vulgares, cum non ſit morbus, qui à flatibus ſuam ferè non agnoſcat geneſim, ita capitis dolores, vertigines, aſthmata, pleuritides nothæ, convulſiones, crampus, ſatyriſis, tympanites, epilepſiæ, ſyncopes, cordis palpitationes, uteti exorbitationes &c. extra controverſiam ſua debent initia flatibus, atque vaporibus, cœteroſque morbos ad fluxiones referunt, ut diximus in noſtræ *Trutina lib. 1. cap. 7. de catarrho*. Sunt itaque flatuſ & fluxiones tanquam duæ firmiſſimæ, columnæ, quibus tota vulgatum Medicina ſuperſtruitur, ad quos tanquam ad ſacram ignorantæ anchoram perpetuò confugiunt. Omnium ferè morborum naturam, & cauſas flatibus, & vaporibus internè ſuſum ſcandentibus, & ſupernè decumbentibus dicunt. *Hipocrates* ille ſenex ita omnes ferè morbos flatibus conſecravit, ut peculiarem de flatibus conſcripſerit libellum. Et *Medicina Monarcha paracelſus* non fuit à ventorum turbine immunis, itaque tormina quadrifariam partitur, juxta quatuor conſuetos ventorum cardines; quorum ſeptentrionem in lumbis, aſtrum in umbilico, orientem in dextris, occidentem in ſiniſtris tanquam fidelis *Æolus* collocavit: putavit *Paracelſus* non omnium morbos, ac deſectus ſentire debere, quod ſinguli ſumus totius univerſi extractum.

Galenus quoque externum ventum, ſive aeris flatum poroſam perforare pellem, ut carnoſam membranam, ſi-

mul & muſculos ſubter eam, & per arterias ad cordis refrigerium, ejuſque fulgines explodendas ferri falſo putavit. Imò ejus ſectatores credunt ventum contractum, multas ægitudines progignere poſſe, ideoque ſæpius mea cum vercundia eos alloquentes audivi: *Multum ſerò contraxit ventum, unde partes maleſe hebent*, & hanc cauſam multis in morbis aſſignari his auribus hauſi. Inſuper ægrotis, & præcipuè hypochondriacis imperant, ne in ſtricti oriſicii vaſis bibant, aliàs ſe flatibus infarcirent; errat, quia externi venti non intrant regiones inſolitas.

Nullibi flatuſ reperitur, præterquam in ſtomacho, & inteſtinis, quia in præſatis locis ſuam agnoſcit geneſim ab acido, quod alibi non reperitur. Omnis flatuſ ſuſcitatur à cibis nondum digeſtis, vel à ſpirituſa ciborum ſubſtantia, vel à ciborum reliquiis, vel ab alimento inteſtinorum ſpermatico degenerante: Eſt igitur quadruplex flatuſ in nobis internus, & quintus externus, tympanias, qui extra inteſtina clauditur. Nullus itaque flatuſ eſt aer, aut ventuſ, cum ventuſ, ſive aer non ſit de concretorum compoſitione. Eſt flatuſ in nobis *Gas ſylveſtre* inter digeſtiones excitatum è cibis, potibus & excrementis. In ſtomacho dicitur ruſtus & ſtomachi impotentia excitatur, in inteſtinis pedituſ, qui ſit è cibis in ſtercoream prope indolem degeneratiſ.

Hinc fabuloſum judicamus cibos quos vulgares flatulentos appellant, cum nullatenus deuntur cibi, qui in ſe flatuſ conſervent, ſed tantum ubique errore digeſtivæ, cibis viciatis in ſe, vel vitiato fermento inter digerendum ſuſcitantur, ideoque debilis digeſtio plures parit flatuſ, quos fortior non admittit.

Falſum deprehendimus vapores, ſeu flatuſ per arterias, venas, nervos ſuſum deorſumque deſert, cum citiſſimè alias per ruſtum è ſtomacho, per peditum ab inteſtinis explodi poſſint. Nec ſtomachus folliſ eſt ut invitiſ canalibus, ſibi conceptos vapores noxiſ in arcam vitæ deſerre debeat. Imò pauca venæ, arteriæ, & nervi ſunt in ſtomacho, nec peregrinum eſt, poteſt aliò transferre per dictos ductuſ. Quorſum enim allicerent, & recipere, quod præter naturæ eſt inſtitutum? Quomodo, vapores, & flatuſ inſufflaret ſuos ſtomachus in vaſa anguſtiſſima crûore repleta, quæ non valent trahendo?

Non in utero internè ſuſcitari flatuſ dicimus, quia uterus materia deſtituitur flatulentia, nec ejus digeſtio eſt, creando flatuſ, nec externè in uterum intrat aer, non enim vacuum patitur, ſua membrana totuſ concidit madida, ideoque ſua ſponte aer adituſ præcluditur ſpiranti, niſi per inſtrumentum aliquod iſ injiciatur.

Non negamus ab inferiſ partibus capitiſ dolores, vertigines, ſurditates, epilepſias, cæteraque id genus mala ortum habere: non tamen per vapores ad caput delatoſ; etenim per œſophagum aſcenderent, & nil, niſi inſipidam aquam ſtillatitiæ darent. Multum intereſt vapor à flatu & aere.

Dantur duo flatuſ in nobis, unus planè heteroclituſ tam in inteſtinis, quam toto corporiſ habitu detentus, atque natus, etenim ex fermento venenoſo, & ſtercoreo extrinſeco, alter verò flatuſ oritur in ultima digeſtione partium ſimilarium à ſexta digeſtione. Itaque ſi ultima digeſtio intra partes aurium conſtitutivas vitietur à fermento, inter digerendum flatuſ producitur, qui ſonituſ juxta quantitatem, qualitatem, & motum excitat; non quòd ab inferiſ ſuperna perat, vel à ſuperiſ in inferiora deſcendat. Hujus affectuſ occasionaliſ cauſa eſſe poteſt vehemens capitiſ percuſſio, ſonus vehementior, aurium ulcera, debilitas &c.

Alii arbitrantur audituſ debilitatem ob caloriſ naturalis inopiam aurium ſonituſ efficere poſſe, ut patet in ſenibus, & convaleſcentibus. Verum horum opinio improbabilis eſt; audituſ enim debilitas, ob caloriſ naturalis inopiam non poteſt eſſe cauſa actioniſ depravata, ſed tantum immi-nuta. Quòd verò in ſenibus & convaleſcentibus interdum aureſ tinniunt, hoc non provenit ex debilitate audituſ, ſed ex vitiata talium partium digeſtione ſexta intra aureſ hærente, cujuſ productum reſolvi nequit à debilitate, unde in convaleſcentibus poſtquam perfectè convaluerunt de infirmitatibuſ ſiſ non ampliùſ ab aurium ſonitu moleſtantur, quia partes ad perfectà redeunt munia.

Aliqui putant ſenſum audituſ exquisitiorem aurium ſonituſ efficere poſſe, quia objecta licet moderata illum efficiunt; unde qui exquisitori fruuntur ſenſu ad minimum cujuſlibet objecti motum experguſcuntur. Concedimus ſenſum exquisitiorem, illumque pendere putamus à ſenſorio perfectiſſimè diſpoſito; imò quodammodo pluſquam

plusquam perfectò, & simul valdè tenero. Verùm sensum exquisitiorem per se actionem depravatam producere posse negamus; imò quo sensus est exquisitior, eò minùs errare debet: debet igitur esse præter naturalis sensus, ut præter naturalem producat affectum. Quòd ad cujuslibet objecti motum excitantur, hoc provenit, quia sensorium est valdè tenerum, & facillè molestia afficitur, cùm recedat ab exacta mediocritate. Hinc talium hominum somnum experimur valdè levem, ac continuò ferè interruptum, quia iidem existit valdè molestus.

Prognosis.

Aurium sonitus recens facillè curatur, inveteratus, & chronicus difficilè & eò magis si ab affectione hypochondriaca vel lue venerea originem traxerit; In senibus verò medelam non recipit. Diuturnus aurium sonitus h. e. si biennium, vel longiùs duravit rarò curationem recipit, sed plerùmque in surditatem degenerare solet. A capitis ictu curationem respuit.

Curatio.

Variant aurium sonitus curationem Vulgares, non tantùm juxta causarum diversitatem, verùm etiam si ex alicujus partis consensu oriatur, primò parti affectæ curationem dirigunt. Qui ab aure primario affecta exoritur, peculiarem requirit curationem: præmissis igitur iteratò cephalicis purgationibus, magnoperè extremorum frictiones, sternutamenta, masticatoria, & frequentes capitis pectinationes commendant, nec non capitis lotiones cum decocti absynthii, betonica, lavendula, roris marini, sambuci, &c. Nec lenes omittunt clysteres, quasi intestinorumordes aurium sonitum excitarent.

Si aurium sonitus à calida intemperie exciteretur, refrigerantibus & humectantibus utuntur, ut decocto violarum, lactuca, nymphae pro foru, qui si parùm juverit, ad validiora recurrunt, ut est succus portulacæ, mandragoræ, papaveris albi. Vel evaporationem ex cicuta semine in aceto cocto excipere jubent. His nihil proficientibus, opio utuntur in exigua quantitate, ut

℞. Opij. gr. ij. ol. ros. ʒ. ss. diss. & utere.

Putant vulgares opium frigidum, quod falsum est, & rationibus, ac experimentis demonstravimus cap. de morbis soporificis in nostra Trutina. Hoc remedii genus est periculo plenum; solet enim ut plurimum ita sensum auditus obtundere, ut in gravem auditum, vel surditatem multos incidisse observavimus.

Si ex humore viscido malum oriatur, totum, & caput deplent, deindè attenuantia, & discutientia auribus adhibent, inter quæ auribus instillant ol. amygdal. amarar. rutæ, castorei, aut in aliquo ex prædictis decoquunt anethum, nigellam, nardum, castoreum, rutam, quibus ad majorem attenuationem acetum admiscunt. Laudant caparum, aut porri succum cum lacte muliebri, vel cum oleo rosac. coctum. Vel

℞. Pulpæ colocynt. ʒ. ss. succi rutæ, sampsucii ana ʒ. j. cumini, carvi ana ʒ. ij.

Coquantur in vino, & ol. amygdal. amarar. ad vini consumptionem. De expresso, & colato aliquid in aurem instilletur, & auris gossypio moschato obturetur. Vel

℞. Semin. porri, caryophyll. ana ʒ. j. mosch. gr. v. cum succo sampsucii, & rutæ m. & auri instilla.

Majori cum efficacia supradicta auri instillantur, si priùs evaporatio in aure fiat mane, & vesperi ex sequenti decocto, ut

℞. fol. majoranæ, roris marini, betonica, calaminth. ana m. j. bacc. junip. num. xx. fol. lauri, absynth. ana m. ss. lupinor. num. xv. lumbric. terrest. vin. lotor. & in sindone ligator. p. ss.

Coquantur in suff. quantitate aquæ, & duplo vini albi ad tertie partis consumptionem. Colatura pro evaporatione servetur, qua dum utitur æger, fabas, aut pisa aliquot in ore detineat, & masticet, ut patente ita meatu auditorio, fumus magis penetret.

Post evaporationem, & liquoris instillationem, sacculum calefactum auri imponunt repletum foliis salvia, betonica, sampsucii, hyssopi, calaminth. rutæ, pini, lauri, roris marini, floribus chamomeli, stœcadis, sem. bis. carvi &c.

In aurium sonitu, si viscidus sit humor, purgantia cephalica conveniunt, deindè quæ incidendi vim habent, nec

Musitani Opera Tom. II.

desint diaphoretica in aquis appropriatis, quæ per aliquot dies continuentur, quibus aliquid bezoardici lunaris addatur, tum omnia ex lignis parata proficua sunt, & interdum sternutatoria adhiberi possunt. Verum purgantia, aliaque nimis acria, ut & sternutatoria, quæ tantum spiritus magis exagitant, sic frigida, & acria nervosis partibus tam adversa, nocent, ut & acida. Instituantur foris ex caput corroborantibus, qualis est decoctum absynthii, & verbenæ in lacte, ut

℞. Absynth. crudi, & verbenæ anam. j. decoque in lacte vaccino, postea per tritorium, quod commodè ollæ orificium istius decocti claudat, decocti vapor adhuc ferventis in aurem immittatur absterfa aure, gestetur aliquandiu gossypium moschatum, est enim moschus capiti amicus, in primis viris, mulieribus verò inimicus ratione cloacæ sc. uteri, idèdque commodè applicari poterit gossypium oleo castorei stillatitio madidum. Si huic remedio cedere nolit, immittatur auri olei amygdalarum amar. guttæ duæ, vel tres, quæ postmodum emittantur. Verum præ omnibus præstat, panis calens statim è clibano extractus spiritu vini superfusus (si affectus sit lenior,) si ad aurem applicetur, ut ille vapor intrò recipi possit. Tandem si malum sit pertinax, immittatur in aurem turunda ex raphani radice affabrè sculpta, & per aliquot dies in vini spiritu, vel aqua Reginæ macerata. Quòd si neque per hoc solvatur, eadem turunda maceretur in oleo sceniculi stillatitio, & inter sudandum usurpetur. In aurem instilletur sæpe oleum carvi, & illiniatur post aures, & masticatoria usurpentur.

C A P U T XXX.

De Gravi auditu, & Surditate.

A Uditus triplici læditur modo, vel depravatè, ut in sonitu, de quo diximus, vel diminutè, vel abolitè. Diminutio vacatur gravis auditus, abolitio dicitur surditas. Hi duo affectus ab iisdem pendent causis, quæ secundum magis, & minùs differunt, ita ut remissiores auditum tantum diminuunt, & valdè excedentes prorsus auferunt; idèdque sub uno capite utrumque comprehendimus affectum, licet uterque vulgò surditas appelletur. Qui gravi laborant auditu surdastrum, sub surdi dicuntur, quia sonos, & verba summissa voce prolata penitus non audiunt, vel saltem confusè absque significativarum differentiarum perceptione, fortiores autem voces etiam difficulter distinguunt, nec alloquentes intelligunt, nisi fortis vociferatio fiat ad aures; qui verò afficiuntur abolito auditu, surdi nominantur, nec ullis clamoribus aliquid percipere possunt. Hi etiam muti sunt, si surdi nascuntur, quia voces nec animo percipere, nec lingua proferre queunt, quamvis organa ad articulatam vocem necessaria à natura data sint, nisi tamen sermonem articulatum proferendi rationem didicerint ii nunquam articulatè loquentur. Nec obstat, quod muti, & surdi à nativitate sint satis ingeniosi; nam auditus non est simpliciter sensus ad vitam rationalem necessarius, cum intelligendi vis sit ab auditu distincta, & in surdo vigere possit ex phantasmatis, quæ phantasia è speciebus visibilibus, & aliis sensibilibus desumpta suggerit multa intellectus colligere potest. Infans, qui neminem audit, nunquam loquetur, cùm nesciat, quid sermo articulatus sit; Nihil est in intellectu, quin priùs fuerit sub sensu, quia nullum articulatè loquentem antea audit. Nulla idiomatis species hominibus connascitur, sed omnes quas audire voces, exprimere sciunt; Neque sicut vita, ita sermo à parentibus in liberos transfunditur, sed temporis progressu auditu, imitatione, & usu discitur, ad quam rem auditus est necessarius. Voces articulatae non significant naturaliter, sed sunt institutæ ex libera hominum voluntate, & beneplacito ad quidpiam significandum, ut fusiùs in Logicis, ac proinde ut homo sermonem proferat, non est à natura, sed ab auditu, & imitatione discit. Cæteris animalibus vocem naturaliter significantem natura dedit, ut canibus latratum, leonibus rugitum &c. hæ sunt voces naturaliter significantes, & inarticulatæ, ut & hominum gemitus, suspiria &c. quæ sunt pathemata naturalia. Cæterum multum interest inter vocem, & locutionem quia vox à natura data est; locutionem tamen à natura quæ homini propria est, homo

habere non potest, sed ex imitatione saltem addiscere, ut humanæ vitæ politia, & societas servetur; est enim homo animal politicum, & sociabile, qualia cætera animantia non sunt: nullum igitur idioma nativum est. Hinc falsa est illa vulgaris opinio asseverans: *Si nemo coram infantibus recens natis vocem ederet, in adulta ætate natura quæ nunquam deficit in necessariis, tenetur sermonem eis tribuere, nec alio idiomate loquerentur, nisi illo, quod Adam habebat.* Errat stolidum vulgus, nam primi parentis sermo non fuit à natura, sed ad placitum, quia ipse fuit primus instituens, ut habetur *Genesi cap. 2. num. 19. & 20. formatis igitur, Dominus Deus, de humo cunctis animantibus terræ, & universis volatilibus cæli, adduxit ea ad Adam, ut videret, quid vocaret ea: Omne enim quod vocavit, Adam animæ viventis, ipsum est nomen ejus. Appellavitque Adam nominibus suis cuncta animantia, & universa volatilia Cæli & terræ.* Præterquamquod hanc quæstionem Philosophi, & Medici melius exagitare solent: *An articulatam vocem proferendi, seu loquendi potentia sit homini naturalis, an verò saltem ab imitatione, dum quisque sermonem, quem aliud loqui primò audivit, & ipse discit, & loquitur.* Non defuerunt aliqui in ea sententia, qui infantem sibi relictum, tandem sponte locuturum affirmarunt. Verùm notissima est Historia de Rege *Maguth*, is triginta infantibus recens natis in locum solitarium inclusis, nutricibus eorum hoc negotiū dederit caverent, ne vocula ulla ad eorum aures perveniret, ut experiretur, quonam idiomate aliquando essent usuri, atque ad eum ejus nationis religionem amplecteretur, cujus infantes linguam proferrent. Sed cognovit tandem Rex ipse vanissimum fuisse laborem, siquidem ipsorum nullus distinctè locutus fuit: firmum igitur restat, quod qui loquentem neminem audivit, nec ipse loqui potest, sed eum quisque sermonem loquitur, quem alios loquentes audivit, & nulla idiomatis species homini connascitur.

Cur à nativitate surditetiam muti sunt, alii aliam adducunt rationem, scilicet maximam sympathiam, & consensum auditus & loquelæ organum; lingua enim cum præter alios nervos, quibus ad sensum indiguit, etiam à nervo illo quinti paris in aurem tendente, furculum accepit: Si hic nervus auribus & linguæ communis vitiosam habet constitutionem, accidit, ut non solum surdi tales fiant, sed etiam muti, & linguam sufficienter, & quantum ad vocem articulatam opus est, movere non possunt, & si sensum & aliquem motum ob reliquos nervos integrum habent. Rationem adducunt, quia à nativitate surdi, si loquelæ organa non haberent vitiosa, aliquam vocem ex naturæ instinctu articulatam ederent; quemadmodum cætera animantia etiam si à nativitate ab aliis ejusdem speciei separentur, connaturalem proferunt. At surdi à natura nullam vocem edunt articulatam, sed tantum confusum sonum, qui partium loquelæ inservientium manifestam arguunt læsionem.

Verùm horum opinionem falsam his deprehendimus rationibus: Primò, si consensus iste nervi quintæ conjugationis hujus rei esset causa, necessariò sequeretur etiam post ortum, & in adulta ætate idem accidere posse, nimirum si post ortum nervus auditorius vel obstruatur, vel crassior fiat, ut inde auditus vel solum diminuat, vel prorsus aboleatur, tum enim necesse erit ut locutio eodem modo vel diminuat, vel aboleatur; quod tamen non accidit, ut experientia testatur auditum & loquelam varias læsiones seorsim, & privatim suscipere, & auditum lædi posse, salva loquela, & contra. Secundò, multi difficulter à nativitate audientes inveniuntur, qui expedite loquuntur, & contra. Tertiò non semper surditatis causa est in origine quinti paris nervorum, à quo oritur nervus auditorius, & qui mittitur ad laryngem, sed quandoque surditas à nativitate oritur ab aliis causis; læso enim quolibet interno autium instrumento, surditas oboritur, si nimirum à prima generatione in malleolo, incude, stapede, in utraque aure vitium sit. Tum enim auditus & consequenter loquela lædi potest, nullo vitio in nervo quintæ conjugationis auri, & laryngi communi existente. Quod idem accidere potest, si meatus auditorius obstruatur, aut tympanum vitietur, aut aer implantatus sese non rectè habeat. Ex dictis patet surdos à nativitate non fieri mutos ob consensum nervi quintæ conjugationis, qui auri & laryngi est communis;

restat igitur surditatis vitium à privatis læsionibus in aurium organo provenire.

Signa.

Gravis auditus & surditas per se patent, causarum verò signa sigillatim distinguere difficillimum est, conjectura tamen in hunc modum distinguere possunt. Si surditas à nervo auditorio, & ejus interno meatu contingat, præcesserunt affectus, vel adsunt in cerebro, ut capitis dolor, gravitas, apoplexia, epilepsia, lethargus &c. & alii etiam sensus læsi sunt. Si in solo nervo auditorio sit vitium, reliqui sensus erunt integri, præcessit tamen necessariò aliquis cerebri affectus, qui nervum auditorium degenerare succo obstruatum esse testatur. Si obstructio sit in interno auri meatu, oculis conspicitur, & instrumentis explorari potest. Si aliquod extrinsecus in aurem immisum sit, ægrotantis relatione patebit. Tympani laxitas ex humectantibus causis cognoscitur, exsiccatio ex exsiccantibus. Si ex implantati aeris crassitie proveniat, ex incrassantibus faciliè deprehenditur; disruptio ex disruptentibus, & erodentibus. Verùm ad eum exactè non semper cognosci potest, quænam auri pars in surditate laboret, cum faciliè hæ conjecturæ, & aliæ quemlibet Medicum decipere possint.

Causæ.

Surditatis causa nunc hæret in externa auri cavitate, nunc interna, nunc in tympani membrana, nunc in aere implantato, nunc in nervo, nunc in spiritu animali.

Causa hærens in externa auri cavitate, tuberculo, abscessui, saniei, aliisque rebus tum intrinsecus, tum extrinsecus aures obturantibus debetur. Advertendum tamen est, meatus exterioris obturationem absolutam surditatem non posse inducere, sed tantum gravem auditum, quia quandoquidem per os etiam ad aures soni deferri possunt; etenim meatus patens est ab auri cavitate ad palatum per quem soni faciliè ingrediuntur, & ad aures sese insinuant, qui meatus etiam aurium expurgationi dicatus est. Et sonum per os patens excipi, multa ostendunt experimenta, videmus enim multos surdastros, ut melius loquentes audiant, aperto ore sermones eorum excipere. Et si utraque aure diligenter obturata, musica instrumenta baculo contingas, quem dentibus apprehenderis, exquisitius audiuntur. Et vix noctu alicujus procul advenientis strepitum captamus, at è longinquo magis audimus, si baculi alterum extremum terræ affigamus, alterum verò dentibus apprehendamus. Verùm id melius assequemur, si aurem terræ admoveamus, qui mos lupis inditus est à natura. Imò utraque aure fortiter & diligenter obturata, si per tubulum cuique capitis parti procul ab aure admotum verba pronuncientur, clarè, & distinctè audientur, quod experimentum magis probat, quam nos probare intendimus.

In interna auri cavitate gravem auditum, vel surditatem efficiunt degeneres succi, & secundum *Hip.* quandoque biliosi sunt, ut *sect. 4. aph. 28. Quibus biliosa sunt dejectiones, hæ superveniente surditate, cessant: & quibus surditas adest supervenientibus biliosis dejectionibus, cessat.* Existimabat enim *Hip.* surditatem fieri excrementis biliosis retentis, & ad caput recurrentibus, talem surditatem cessare, alvo turbata, bile per inferiora dejecta, dummodò hectica non fuerit surditas, sed repente in febribus facta quod tamen falsum est. Interdum sanguis surditatem efficit, cum futuram crisin per narium hæmorrhagiam significat, ut idem innuit *sect. 4. aph. 60. Quibus in febribus aures obsurduerunt: sanguis ex naribus fluens, aut alvus turbata solvit morbum.*

Tympani membranula graviolem auditum efficere potest, si ab externo aere frigiditatem contrahat, quia *frigidum nervis & membrani inimicum est*; Vel si narcoticorum usu obtusecat; vel crassior reddatur, quæ causa in senibus frequentes esse solet, ut enim oculorum tunice in senibus crassescunt & obscuriores redduntur: ita quoque procul dubio ætatis progressu, hæc membranula aliquam suscipit mutationem, & hac de causa habetur *sect. 3. aph. 31. Gravis auditus est senibus familiaris.* Eadem quoque nonnunquam rumpitur externa violentia, & surditatem efficit, ut ab auriscalpio, aliove instrumento violenter intruso, apostemate rupto, casu, per-

su, percussione &c. Hoc idem efficere possunt immanes fragores repentini, quales majora tormenta bellica, tonitrua &c. facile aeris commotione illam lædere possunt, continuique solutionem inferre quemadmodum etiam displosa tormenta bellica propinquas concutiendo fenestras dissilire faciunt, ab ejusmodi enim violentia interdum fiunt sanguinis grumi, nec non abscessus, sordesque relinquunt, aurium foramina obstruentes. Quandoque tympani membrana ab aeris humiditate relaxatur, & quæ plurimi surdastri in austrina constitutione graviores habent auditum, ut habetur *sect. 3. aph. 17. Auditus hebetatur ab austrina constitutione*. Vel nimis tenditur, exsiccatque post morbos acutos, vigilias, aut jejunia. Ita etiam si ossicula illa tria, quæ huic adjacent membrana, loco dimoveantur, ictu vehementi, sonum, vel humoris alicujus affluxu, audigus gravitas, vel surditas subsequitur.

Aer implantatus, seu congenitus gravem efficit auditum, si crassus, humidus vel impurus reddatur, qualis in austrina constitutione, vel in regionibus uliginosis; uti in Belgio solemne est, ac proinde gravis auditus olim vocabatur: *Auris Batava*. Quapropter sicut visus organum lucidum esse debet; ut objecto respondeat: ita auditus organum aereum omnem impuritatem excludens. Flantibus austris, ventris, vel regionibus uliginosis existentibus, aer crassus, turbidus & caliginosus redditur, non modò in aeris regione, verum etiam in interna auris cavitate, qui implantato aeri sese permiscet, & debiles repercutit sonos, unde aurium rinitum excitat, qui auditus gravitatis, & surditatis prænuncius est. Id evenit non aliter ac fumus in tali aeris constitutione ab igne focorum ascendens in caminorum fastigiis ab externo, spisso & humido aere repercutitur, ita ut talis fumi percussio sit certum pluviosæ tempestatis signum, indicetque aeris spatia vapore aquoso jam esse repleta & alios vapores, ut est fumus, in se recipere non posse. Item vapores crassi à mala vivendi ratione, & diætæ erroribus cerebro communicati, si interiore auris cavitate per foramen, quod nervus auditorius transit, se insinuat, hoc malum efficere valent.

Nervus auditorius surditatem efficere potest, si exsiccat, aut obstruatur ejus medulla ab humore intra ipsius membranas contento, vel comprimatur à quovis tumore vicino. Si malè sit conformatus, vel rectè auri non infertur, & hoc modo surdi ab infantia fiunt.

A spiritibus auditus læsi oritur, tum cum à morbis vel depopulantur, vel non transmittuntur, vel cum immobiles redduntur ad tempus, ut in apoplexia, caro, catalepsi &c.

Prognosis.

Surditas miserandum malum est, aures enim sunt veluti mentis porta per quam menti ea immittuntur, quæ doctrina & institutione ad vitam politicam & sociabilem transigendam necessaria sunt: miserum itaque eum hominem esse necesse est, qui audiendi facultate destituitur, cum hoc adminiculo ad vitam incolumem tuendam careat. Cæterum miseres sunt, qui surdi & cæci sunt, ac tandem qui surdi, cæci & muti sunt.

Gravis auditus & surditatis prognosis ita se habet: auditus gravitas est malum non contemnendum, si brevi non discutiatur, temporis curriculo sensim increbescens, plerumque tandem in omnimodam transit surditatem.

Surditas nativa curationem non admittit, sic & quæ diuturno tempore contracta fuit, insanabilis omnino censetur, estò multa extent exempla quorundam curatorum, qui per multos annos surdi fuerint; id enim rarò contingit; multoque plures sunt quibus frustra adhibentur remedia. Surditas ex obstructione in meatu externo facilius curatur, difficilius in meatu interno, & auditorio. Tympani membrana rupta, vel erosa, vel cicatricem superstitem nata, aut ossicula luxata immedicabilem reddunt surditatem. Surditas, quæ modò crescit, & modò decrescit, facilius curatur, fit enim ab humore tenui, & exiguo, qui interdum minuitur, vel à flatulento spiritu. Surditas, quæ per aurium idiopathiam excitatur, facilius curatur, quàm quæ per sympathiam. Surditas in febribus contingens, cum ea plerumque solvi solet, ut *sect. 4. aph. 28. surditas in febribus solvitur biliosa dejectione*. Sed quandoque mortis prænuncia est, significat enim audiendi vim per morbi vehementiam extinctam esse, & pravi humoris copiam

cerebrum, & aures occupare, ut eadem *sect. aph. 49. Auditus deficiens in febribus continuis signum lethiferum, & sect. 8. aph. 16. in acutis febribus non audiens est morti proximus*.

Curatio.

Curatio pro causarum diversitate varianda est, semper tamen præmittenda sunt universalia. Si corpus purgantia, & caput mundificantia, quæ ubi necessaria sunt per intervalla repetenda sunt, in surditate autem purgantia frequentiora, & fortiora sint, quàm in gravi auditu, deinde topica auribus applicanda sunt.

Surditas originalis conformationis vitio, audiendi instrumenti defectu, aut aliqua alia vitiosa figura incurabilis est, cum illud, quod natura semel ademit, à Medico nullo pacto reparari possit, est sanatio soli Deo reservata. Adventitia non rarò curationem recipit.

Quæ aliquo cerebri, vel aliorum partium defectu originem trahit, non aliam requirit curationem, quàm quæ dictis destinatur affectibus, & à propriis capitibus desumenda est. Quæ à tuberculo sanie, aliisque tum intrinsecus, tum extrinsecus, observantibus dependet; attamen si auditus gravitas, vel surditas sit ab aurium ulcere, ejus curatio instituenda est, ut de ulcere aurium diximus, atque hic abstinendum est ab oleis; nam oleum est ulceribus inimicum, & præcipuè ulceribus aurium.

Si degeneres succi in interna auris cavitate gravem auditum, vel surditatem efficiant, absque insigni aliqua instrumenti auditus læsione, evacuatis per alvum, vel per nates effusis, vel insensibiliter discussis succis, malum spontè cessat.

Si tympani membranula ratione frigoris gravem pariat auditum, per apposita debellativa perficienda est curatio, & efficacissima erunt olea ex penu chymico, qualia sunt *roris marini, sampuci, lavendule, caryophyllorum &c.* quæ nunquam ob nimiam vehementiam sola non sunt usurpanda. Si à tympani membranulæ ruptura, vel corrosione surditas pendeat, curationem non recipit, ut & gravis auditus à prædictæ membranulæ crassitie, ut senibus accidit. Si à membranæ siccitate oriatur affectus, victu humectante, somno longiori, & capitis humectatione utendum est, & in aurem humectantia immittantur, ut *oleum amygdalarum dulcium*, & similia.

Si tympani membrana sit relaxata in nimia aeris humiditate, vel congenitus aer crassitiem, & humiditatem adeptus sit, & gravis auditus in causa sit, vitetur austrius aer, victus exsiccat instituat, & præ omnibus aliis medicamentis masticatoria conveniunt propter meatum, qui ab interna aure ad palatum defertur, & aurium excrementa deponit. Si morbus contumax sit, & in longitudinem abeat, diætæ sudorifica hic maximè locum habet.

Hujus curationis summa erit, ut diætæ medicamentis, & causarum varietati respondeat, vitando cibos, qui crassum generant alimentum, & vaporosum, in primis allium, sinapi, cæpas &c. quæ auditui nocent. Aer sit purus, ager austrinos vitet ventos, & ab iis muniat aures. Primum instituat universalis evacuatio, & si affectus pertinax sit, diaphoretica pluries recensita prosunt, ut diximus. Vulgarium cauteria, & vesicatoria maximè nocent. Sternutatoria hic non usque aded tuta sunt, cum incertum sit, quò humorum motus ex vehementi illa agitatione concitatus vergere possit. Vulgarium frictiones inutiles sunt, & mortuum potius quàm surdum excitarent.

Peculiariter post corporis depletionem multum valet de manè *Tritholi sudatorium in Puteolano* & de serò *sulphuris fumus per infundibulum in aurem exceptus in foro Vulcani. In Insula Pithecusæ valet sudatorium sancti Angeli, vel balneum Umitelli, vel furnelli*. Nostates vulgares maximo perè commendant *Sudatorium Aniani*, dictum balneum siccum ad hunc, & alios affectus, verum ejus exhalatio est etherogenea, & propter Mephitis viciniam majora damna, quàm commoda in capite, & thorace recepta producit, & nos multos in animi deliquium & syncopen incidisse observavimus.

Interim topica applicentur, & in aurem instillantur, talia sunt *oleum amygdalarum amararum, anguille pinguedo, axungia talpæ, pinguedo serpentis, aqua à ligno fraxini distillata, aqua origani ex sicca planta*

cum vino distillata. Efficacissima sunt olea arte chymica destillata, ruta, castorei, roris marini, sampsoci, salvia, baccarum lauri, caryophyllorum, cinnamomi, philosophorum, Maximopere commendamus balsamum sulphuris spiritu vini extractum, sel animalium, ut leporis, caprae, perdicis, vel cervi, si cum olei succini equali parte misceatur, & in aurem immittatur, sed praestat essentia fellis per vini spiritum extracta, qua curatos esse multos ajunt, qui plane surdi fuerint, attamen mirabiliter operatur essentia fellis humani spiritu vini extracta.

Multum prodesse poterit succus ex caepa expressus, vini spiritum imbuta, & sub cineribus cocta. Item praestant omnibus sequens experimentum, ut

24. Capam magnam rubram in medio excavatam, cujus cavitatem reple ol. ruta, addendo pulv. cyperi, bacc. lauri, anisoforum, ana 3. j. castorei pulv. 3. ss.

Bulliant omnia super prunas ardentes, postea exprimantur, & serventur in phiala, de quo stillentur guttae aliquot in aures mane, & vespere, claudendo eas gossypio moschato. Expertissimum quoque medicamen est liquor destillatus ex melle, & formicis.

A nonnullis laudatur panis ordinarius ex clibano extractus, & inferiori crusta ablata, qui in spiritum vini immergatur, & calide quantum aeger ferre poterit, ad aurem applicetur. Alii tollunt spiritum vini, in quo elleborus albus fuerit infusus, & in aurem instillatus.

Tandem sequens expertum medicamen turò in aurem instillari potest

24. Senectutem serpentis, ovor. formicar. ana 3. ij. contunde opt. affunde ol. sampsoci lb. ss.

Inde aludeli, & per mensem chymicum stent in ventre equino, & habebis oleum penetrans, quod cum gossypio mane, & vespere in aurem instilla.

C A P U T XXXI.

De Narium Ulcere, & Ozæna.

PUerunt tam veteres, quam recentiores nares esse cerebri emunctoria, & per eas veluti per canalē excrementa fluere; nihilominus habent nares sua peculiaria excrementa, quæ pro cerebri excrementis venditent mēdentes. Ab his excrementis non patiuntur nares, dum ea foras exturbantur, quia propria sunt, ceu non patitur oculus à lacrymis, ab urina vesica, à fecibus intestina, à saliva os &c. quia horum excrementorum sunt propria emunctoria. Possunt quandoque ab excrementis pari nares, siquid exoticum, & præter naturam associetur, ex quo oritur ulcus, ozæna, carcinoma &c.

Ulceratio incipiens naribus nullum aliud speciale habet nomen, nisi ulcus recens, & simplex, quod frequenter occurrit; ac tamen si ejus curatio negligatur, temporis progressu ex affluentibus sordibus, & causæ malitia excrementum sumit, & in ulcus sordidum, putridum, vetustum, & graveolens degenerat, quod ozæna vocatur.

Signa.

Ulcus recens, & simplex nullum, aut exiguum excitat dolorem, & nares ichore madent, dum attinguntur vel irritantur; alioqui sicca & nigra obducitur crustula, quæ nisi vi excutiat, arescere solet, sponteque sanatur. Verum si violentius tangatur, vel detrahatur aliquid sanguinis exsudat, & emunctionis impetu non raro exploditur, & nova crusta subnascitur spissior, quæ dum diutius hæret perpetuo sub ea aliquid exeditur, & majus efficitur ulcus, quod si negligatur, tandem in dies depravatur, donec in ozænam degeneret.

Ozæna dolorem ulcere majorem infligit; illius crusta sordidior, humidior est, graveolentiam exhalans, tetrumque reddit odorem, ut aeger non tantum sibi graveolens, sed etiam adstantibus tetti odoris expiratione molestus, & abominabilis sit.

Causa.

Ulcerum recentium & simplicium causam internam putant vulgares esse humorum fluxionem in nares, vel à cerebro, vel à partibus inferioribus; hujusmodi humores sunt bilis, vel pituita falsa, id patet in catarrhosis fluxionibus, quod nonnunquam narium cutis eroditur, & ulcera excitantur.

fluxionibus, quod nonnunquam narium cutis eroditur, & ulcera excitantur.

Ozæna causam esse humores acres, putridos malignos; causam verò antecedentem esse cerebri intemperiem ejusmodi humores coacervantem, aut intemperiem in aliquibus partibus inferioribus, vel in toto, quæ capiti communicatur; vel occultam viscerum malignitatem, ut in lue venerea.

Fluxio, catarrhus, viscerum intemperies, causa occulta, putredo, malignitas &c. quam vulgares in Medicinam intruserunt, quemlibet agasonem fecit Medicum. Errant vulgares in ulcerum narium, & ozæna assignanda causa, non à cerebro per descensum, neque à partibus pendē inferioribus per ascensum, quia cerebrum, inferioresque partes, per quas transeunt, primum exulcerarent, deinde narium partes.

Sunt nares emunctoria, & sua peculiaria, habent excrementa, in quibus quandoque particulæ acido-salinæ delitescunt, & alimentitium sequuntur succum ad partium nutritionem usque, & levi data occasione patescunt, cum excrementa in narium cavitatem separamur, si desiccantur, simplicem exedendi energiam nanciscuntur, pruritum excitant, sensim excoriant, & simplex efficiunt ulcus. Quod si hæ particulæ exaltentur, sensim in acutas, corrosivas & seccas degenerant, ac potissimum ulcus sordidum, crustosum, putridum, vetustum, & graveolens generatur, quod ozæna vocatur. Fit quandoque ex tuberculo in naribus orto, & suppurato, vel ex causis externis, scilicet à vulnere, vel contusione in puris generationem transeunte.

Prognosis.

Quælibet narium ulcera plerumque curatu difficilia sunt, & cacoethe, cum ad deteriorationem proclivia sunt, ideoque perpetuo pro suspectis habenda sunt, ob prava symptomata, quæ excitare possunt, quia ut plurimum læditur respiratio, cum ulceris crusta nares obstruat, vel si in sarcoma, vel polypum degeneret, quandoque narium fœda depressione deformat: interdum vox vitatur, quia malum palato communicatur, sub quo, tanquam sub testudine vox reflectit: quandoque narium hæmorrhagia annectitur, narium venis ab ulcere erosis. Verum si simplicia, recentia, superficialia, munda & externa sint, facillime curantur.

Vetusta, putrida, crustosa, interna, profunda & fistulosa difficillime sanantur. Si diutius durent paulatim longius serpunt & effodiunt narium pinnas, earumve interstitium, vel tenella nasi ossa, præsertim cartilaginem exedunt: quandoque putrefactiva exesione palatum perforant, & ad cerebrum usque serpunt, ossa primum, quia densitate sua, magis resistunt, exedunt, deinde carnem, quia rara & foraminata.

Curatio.

Vulgares in narium ulceribus easdem indicationes, quibus alia ulcera curant, observant; ideoque victus rationem præscribunt, quæ humorum acrimoniam temperat, & eorum genescim inhibet. Mox si superflui redundant humores, corpus convenienti deplet pharmaco, phlebotomia & cucurbitulis cum scarificatione. Si fluxio in nares sit valde contumax, eam derivant vesicatoriis, cauteriis, posterioribus capitis partibus admotis. Caput ipsum, fluxionis fontem, exsiccant, roborantque. Deinde ulcus detergunt, exsiccant & consolidant.

Caput ad cutem usque deradunt, & frequenter fricant oleo myrtino, pulvere corall. santalor. & aceto ad majorem penetrationem; mox sequens concinnant cataplasma abraso capiti imponendum, ut

24. Limacum num. viij. contundantur, & admisceantur pulv. ros. rubr. siccar. santalorum, & balaustior. ana 3. j. myrrha, manna, thuris, & mastiches ana 3. ij. gummi sandarach. 3. j.

Conquassentur cum album. ovorum num. ij. & f. s. a. cataplasma linteum obducendum, quod capiti applicetur, deferaturque per novem dies continuos, non aliter ac si caput Tinea laboret.

His præmissis, ad topica deveniunt, ac primum si ulcus crustosum sit, crustam auferunt eam emolliendo fotu, vel vapore aquæ tepidæ, butyro recenti, anseris, vel gal-line

line adipe loco prius aliquoties aqua rosarum, oleo amygdalarum dulcium, & similibus. Crusta emollita non est vi excutienda, ne ulcus irriteretur, & fluxio concitetur, sed ejus casus spontaneus est expectandus; nares emungendo, vel eam digiti extremitate detrahendo, vel per sternutationem exterminando.

Crusta semota, quæ ulcus adstringunt, & exsiccant, usurpant; eluunt ulcus aqua saccharata ad demulcendos humores acres, aut vino albo, in quo mel incoctum sit, vel aqua hordei cum melle rosaceo, deinde illiniunt unguento de tutia, albo Rhasis &c.

Ozæna validiora exoptulat remedia, quàm ulcus, ideoque ad eirhina confugiunt, ut

℞. Flord. integri p. j. agrimonie, absynth. centaur. min. ana m. j. ros. rubr. & balaust. ana p. ℞. cortic. granat. & nucum cupress. ana ℞. ℞.

Coquantur in aqua ferrata, & in colatura dissolve mellis ros. ℞. iij.

Et frequenter naribus attrahatur. Post ulceris deterfionem sequens decoctum usurpandum censent ad ulceris exsiccationem & consolidationem.

℞. Radic. bistortæ, & Aristoloc. rotund. ana ℞. ℞. myrrhæ, & aloes ana ℞. ij. ℞. Summit. sabine m. ℞. alum. crud. ℞. j. coque in aqua communi. Deinde sequenti illiniunt unguento.

℞. Aloes, myrrhæ ana ℞. ℞. gallar. ℞. j. lithargyrii, cerussæ ana ℞. j. ℞. plumbi usti, & loti ℞. ij. cum ol. ros. q. s. f. unguentum.

Si hæc non sufficiant, ulcus aqua plantaginis, in qua sublimatum dissolutum fuerit bis, ter, quaterve in die abluunt, vel unguento Aegyptiaco in aqua hordei dissoluto.

Tandem ulcere deterfo, ad exsiccantia deveniunt, pro quibus Rondeletius laudat candelas ex cera rubra paratas, si talis candelæ fuligo in cubiculo angusto, benè clausa, naribus excipiat, quia potenter ulcus exsiccatur: verum exsiccatur, & comburit, potius utilissimum erit id oleo ceræ illinire, quàm suffumigare. Vel idem valdè decantat efficacissimum suffumigium ex auripigmento, & cinnabari, quibus addit aliqua odorata ex quibus fuligo excutatur, ut est myrrhæ, thus, mastiche, benzoinum &c. & ulcus siccatur. Cæterum in salubre suffumigium est, imò lethale tantum ob auripigmenti admisionem; est enim auripigmentum arsenicum citrinum, seu flavum, & leprosum continet virus.

Si ulcus sit corrosivum, ne profundius serpat, usurpant acetum salitum, vel vinum salitum, credimus potius ad majorem corrosionem quàm ne profundius depascatur. Vel decoctum ligni guajaci, in quo dissolutum sit parum unguenti Aegyptiaci: sed tale unguentum ob vitide æs, & acerrimum acetum vehementem habet acrimoniam, ulceribus hostilem; præcipuè ubi adest ossis exesio, illud nigredine inficit. Optimæ notæ Chirurghi, hujus unguenti usum veterinariis reliquerunt.

Recens & simplex narium ulcus facillimè curatur, nullis præfidiis præmissis. Si crusta obducatur, oleo ex ovorum vitellis removeatur, deinde hoc utere unguento albo ex succis refrigerantibus.

℞. Succ. sambuc. solani, plantaginis, herbæ alleluja, & viol. ana ℞. ℞. cerussæ ℞. j. ol. viol. ℞. iij. ceræ albæ ℞. j. lithargyr. aur. ℞. ℞. f. ung. f. a.

Quòd si ichore madet, & pigre in unionem abeat ex quodam succi alimentitii torpore, tunc ℞. Croci Martis, & ulcus bis in die eo aspergatur, & infra duos dies ulcus consolidatum erit. Vel hoc nostro utere unguento, quod brevi omnem absolvit curationem:

℞. Ol. ros. ℞. j. ℞. ceræ virginæ ℞. iij. cerussæ, lithargyr. aurei, plumbi usti, & loti ana ℞. ij. tutia præp. ℞. ℞. croci Martis ℞. iij. sacch. saturni, & camphoræ ana ℞. j. f. ung. f. a. Vel

℞. Aloes in aq. plantag. lotæ ℞. iij. myrrhæ ℞. ij. sarcollæ, ieros ana ℞. j. cerussæ, antimonii crudi, tutia minii ana ℞. j. ℞. ol. hyperic. & ros. ana ℞. ij. mell. ros. simpl. ℞. j. succ. dragontæ, & pilosellæ ana ℞. ij.

Bulliant succi in oleo ad ipsorum consumptionem, deinde adde mel. ros. & demum cætera in subtilissimum pulverem redacto, addendo, benzoini ℞. j. mosch. gr. v. & f. ung. f. a.

Quàm efficax sit hoc unguentum in narium ulceribus, ex effectu cognosces. Multum valet in ulceribus narium infusio lapidis medicamentosi.

Ozæna difficillimæ est sanationis, ideoque efficacissima exposcit medicamina, unde præmissio purgante conve-

nienti, succus nutritivus ab impuritatibus & particulis acido salinis exaltatis est mitigandus, & ad naturalem crassum est redigendus, medicamentis diaphoreticis, easque hebetantibus. Omnia, quæ acrimoniam, & acutiem à parte affecta tollunt, & corrigunt, conveniunt, ut sunt absorbentia, præprimis cancerorum oculos sapius & per vires assumptos commendamus. Interdum potiones vulnerarias adhibemus, quibus stibium diaphoreticum addimus.

Quò ad topica efficacissimum est hoc nostrum unguentum magistrale, ut

℞. Lithargyr. aur. ℞. viij. cerussæ ℞. iij. tutia præp. ℞. ℞. plumbi usti & loti ℞. j. merc. sublimati dulcis, & antimonii crudi ana ℞. ℞. cinnabaris ℞. ij. ceræ ℞. ℞. ol. ros. ℞. j. ℞. f. ung. f. a.

Credibile non est, unguentum hoc quantum valeat, non tantum in ozænis verum etiam in omnibus ulceribus etiam recentibus, & præsertim Venereis, putridis, malignis, vetustis, & exedentibus. Mundificat, carnem bonam præducit, consolidat, putrefieri, ac corrumpi non sinit, nec malam carnem excrescere, & tandem sanat una hebdomada magis, quàm aliud integro mense.

Præstans est aluminis aqua ex arena sine spiritibus destillata, & aqua plantaginis, in qua aliquid de mercurio dulci dissolutum fuerit: sed præstantior est aqua nostra Venerea, ut

℞. Viridis æris ℞. j. aquæ font. ℞. iij. stent simul in calore digestionis, donec aqua cyaneum sit nacta colorem, in decantata, & filtrata aqua dissolve mercurii meteorizati grana aliquot. Hæc aqua nos etiam familiariter utimur in persanandis pustulis, cariebus, ulceribus, & in gonorrhæa per siphunculum. Multum præstat sequens medicamentum, ut

℞. Aquæ sampfuci, plantaginis ana ℞. j. ℞. mell. ros. ℞. vj. spiritus vini rectificati ℞. iij. Quibus aliquando addi possunt merc. meteorizati gr. iij.

Præstantissima est aqua viridis Joannis Hartmanni, quæ non tantum ozænas, verum omnia fœtida ulcera palati, faucium, columellæ, gingivatum, linguæ &c. cujus compositio est.

℞. Mell. ros. ℞. ij. sulph. vivi, alum. crud. aruginis æris ana ℞. j. albi græci, comar. sabine ana ℞. ℞. sambuci ℞. j. fol. hyperic. roris marini ruta, plantaginis salvia, pulegii ana m. ℞. Hæc coque in vini & aquæ ℞. ij. ad consumptionem digiti transversi unius. Aerugo æris non simul coquatur, sed in fine addatur, & relinquatur, donec refrigerit, postea coletur, & servetur ad usum.

Nonnulli commendant fumum ex candela rubra, quam ceram Hispanicam vocant, quia cera rubra in sua compositione cinnabarim admittit, præstat tamen sequens suffumigium.

℞. Thuris, gummi anime ana ℞. ij. cinnabaris ℞. j. m. f. pulvis, & formentur sex schedula pro suffumigio carbonibus injiciendæ.

C A P U T XXXII.

De Coryza.

PRæter ulcera & aliud malum patiuntur nares, humoris scilicet excrementitii fluxum, qui à Græcis coryza vocatur, à Latinis gravedo, quia in anteriori capitis parte circa frontem, quidam gravitatis sensus molestus percipitur. Est catarrhi species cuilibet nota, vix enim ullus, qui eam multoties non sit expertus, reperitur. Est obstructio ossis ethmoidis à narium excremento.

Signa.

Affectus iste per se patet, nam plurimum excrementum per nares cum strepitu excernitur, nunc liquidum, nunc spissum, & quandoque Nates opplentur; caput gravatur, respiratio ita difficilior redditur, ut æget nonnisi hiant ore respirare possit, unde odoratus abolitio succedit, vox fit rauca, & non sonora & clara, ut antea, quia larynx, & guttur eodem afficiuntur excremento, & hinc gustatus læsio.

Causæ.

Causa.

Fluxionem à cerebro in nares depluentem pro coryzæ causa assignant vulgares; fieri enim destillationem ab humoribus crudis, in anterioribus cerebri debilitati ventriculis, contentis dijudicant. Hæc destillatio, seu fluxio fit vel à causa calida, quæ pituitam in cerebro collectam fundere, & liquare potest, vel à frigida, quæ cerebrum refrigerat, & spongiæ instar humorem in illo contentum comprimit, & ad nares ablegat excernendum. Tum etiam cerebri refrigeratione, fit novus pituitæ provenus, & illum caloris penuria malè concoquit, unde plurima excrementorum suppellex, quæ à facultate expultrice per patentes ductus excluditur. Non confutamus coryzæ causam à Galenicis allatam, quia *Trutina Medicæ lib. 1. cap. 7. de catharro*, ad nauseam usque eorum nænias explodimus.

Coryzæ occasionalis causa est aura frigida vespertina, boreæ flatus, repentina caloris in frigus mutatio &c. calor enim poros aperit, quos, si extemplò frigus insequatur (frigus namque ex particulis acutis, acidis nitrosis, acerbis in aere volitantibus constat) constringit, atque ita spongiosum os ethmoides, prægresso calore, maximè apertum est, insequente subitaneo frigore, obstruitur, unde læsæ partis functiones, & digestiones statim vitiantur; interim narium insitus spiritus peregrinum sentiens hostem, læcessitur, in suis actionibus perturbatur, suumque relinquit munus, ac partis alimentum, aliàs vividum, fit degener, & initio magnam laticis quantitatem; aquæ salso-acidæ instar ad sordes eluendas provocat, & per nares exillat, quam ægrè ferentes, solent inde cum adjacentibus phlogosi rubere, & tumesceri. Quodd sit latex in coryzæ principio, patet, nam mox à biduo alvus siccior, & urina redditur parciore. Deindè topicum interturbat alimentum, & degener sub muci forma profundit, non aliter ac festuca in oculo continuas proritat lacrymas, angina indefinens, & mucidam salivam spumat; Dysenteria proprium intestini nutrimentum mucosum, cum sanguine exturbat; vesica continuum deturpat alimentum plorat mucum, præsentem calculo, qui cessat, illo absente.

Coryza odoratum suspendit, & gustatum lædit, quia peregrinus hostis non solum circa odoratus organum, sive ossi spongioso insidet, verum etiam in vicinum cerebrum labes propagatur; unde nervi gustatus contagii fiunt participes. Quandoque sicca tussicula cum asperæ arteriæ prurigine infestat. Interdum raucedinem facit, & non raro titillationem in larynge proritat, quia labes in has partes propagatur. Laudatur spissior, tenacior, fluidiorque mucus, quia excrementa crassescere, bonum; indicat enim custodem ad suum redire munus.

Prognosis.

Coryza est affectus levissimus, & tutissimus, & citò curatur, si recens fuerit, & à causa concitatus externa, sed solummodò, si latex fuerit nimio salso acido saturatus, exulcerare solet, & ulceribus, ac ozænis viam sternit. Est quandoque coryza contagiosa, & miasmata ex partibus affectis exhalantia, vel per aerem attracta, vel per linthea, aut pocula communicata fermenti instar similem labem aliis inferre solent. Per aliquot dies caput aggravat, si in consensum trahatur, odoratum suspendit, non nihil loquelæ impedimento est, gustatum lædit, & intra paucos dies cessat, quod ex flavo, viscido & inspissato excremento judicatur. Coryzam in omnibus circa pulmonem morbis, & antecessisse, & succedere malum. *Oriuntur gravedines vere*, ut inquit *Hip. aphor. 20. sect. 3. Item hyeme post æstatem siccam, & aquilonarem, autumnum verò pluviosum sect. 3. aphor. 13. In senibus coryza malum. Raucedines, & gravedines in valdè senibus coctionem non admittunt sect. 2. aph. 40.*

Curatio.

In corizæ curatione *Vulgares* cerebrum respiciunt, ejusque intemperiem calidam, vel frigidam corrigentes humores crudos evacuantes, ut in catharro revulsiones, & derivationes adhibent, & præter hæc caput roborant, expultricem sedant facultatem, ne humores crudi ad nares transmittan-

tur, & deindè materiam nares obstruentem educunt, vapore decocti *sampfuci* naribus excepto, vel ejusdem *sampfuci* aqua. Vel *acetum in ferream laminam candentem infusum*, vapore tenuis exceptum ad id conferre credunt, & id efficacius si *in aceto rosæ rubræ prius infundantur*. Ad id etiam valet *acetum, in quo infusum sit castoreum*, naribus attrahere. Vel olfacienda præbeantur *calamintha, serpillum, semen nigellæ aceto maceratum, item castoreum*. Vel adhibent *errhina*, quæ cerebrum, & nares purgant: optimum tamen *errhinum* esset *ellebotus*, quia revera caput purgat. Verum hæc vulgaria medicamenta patent lippis, atque tonsoribus, & potius nocent, quàm juvant; solvunt enim à cerebro, & naribus, unde malum adaugent, & fovent, quapropter si his remediis, quis coryza non laborans, uteretur, utique coryza corriperebatur.

Coryza est ita morbus levissimus, ut à quovis negligatur, cum ferè semper per se abire soleat, citoque curetur, à causa tamen externa concitatus: verum si à causa interna, ut ulcere, sarcomate, polypo, carcinomate &c. concitatur, his sublatis, sponte cessat.

Si pertinax, & rebellis persistat coryza, tunc lymphæ exuberantia *resina jalap.* per sedem eliminamus, vel nimias serositates absumimus per cutis poros diaphoreticis, ut *sibio, cornu cervi sine igne, mistura simplici, aqua bardanæ, vel salibus volatilibus, ut cardui sancti, roris marini, scabiosa &c.* vel eas per urinæ vias exturbamus. Quibus medicamentis internis externa copulamur suffumigia, ex quibus præ cæteris sequens nobis magis arridet, quod citò, tutò, & jucundè, aliquoties unico die usurpatum, & sensim exceptum coryzam percurat. Talis est *succini pulvis*, qui prunis inspersus, ore patulo, & naribus excipitur, & ne quid fumipereat, obtecto capite, ab ægro studiosè est excipiendus. Si magis composita describere volumus ad pompam augendam, *succino addimus mastichen, thus, benzoinum, & styracem* ex quibus fumus excitatur, & modo quo supra excipitur. Expertum etiam habemus ejusdem *succini oleum* digiti auricularis inventu intra nares immisum, illud introvertentis, aut *oleum essentielle sampfuci*. Item *balsamus apoplecticus* naribus illitus. Magnoperè etiam valet *gummi animæ* pro suffitu super carbones, aut *ejus oleum*. Similiter *tabacum aliquot olei anisi guttis conspersum*, communi more sumptum. Hæc impressionem tollunt, & efficaciter obstructionem solvunt, ac discutunt. Opiata nonnulli commendant, verum magna sedulitate adhibenda sunt, ne nimis incrassando, fætorem, vel aliud incommodum pariant, ut sæpè à nobis compertum est. Præsentaneum est præ omnibus spiritus salis armoniaci cum calce elicitus.

CAPUT XXXIII.

De Narium Hemorrhagia.

Solet quandoque natura sanguinem vitiosum per nares effundere, & multos curare languores, verum multoties læcessita, optimum, laudabilemque sanguinem impetuose ita profundit, ut vitæ thesauro exhausto, patientem non obire, sed abire quotidiana nos doceat experientia.

Affectus hic hæmorrhagia dicitur Græcè, ab *æma*, & *rheo* quasi dicas sanguinis fluxum præsertim liberalem, & copiosum, à quacumque parte fluat, cujus variæ sunt species, qui ex sedis vasis fluit, dicitur hæmorrhoidum fluxus; ex utero singulis mensibus provenit, mensium fluxus nominatur: qui post partum è mulieribus labitur, lochiorum fluxus appellatur. Sunt & aliæ cruentæ ex quibuscunque partibus excretiones de quibus suo loco agemus. Usus tamen obtinuit, ut nunc non addito partis nomine, pro hæmorrhagia sanguinis fluxum è naribus tantum erumpentem specialiter intelligamus.

Est itaque hæmorrhagia immodicus sanguinis per nares fluxus. Pars affecta in hæmorrhagia sunt nares, vel per essentiam, vel per consensum, & ut in hæmorrhagia afficiuntur vasa sanguinea, ex quibus autumamus arterias magis in culpa esse, quàm venas, sinumque tertium crassæ meningis per longitudinem falcis, ad os cribrosum excurrentis in hæmorrhagiis aperiri. Vel ut plurimum tamen propagines rami arterialis à carotide interna aperiuntur, rumpuntur, vulnerantur, eroduntur.

Signa .

Narium hæmorrhagia signis non indiget, cum ad sensum, vel ex sola relatione immodica sanguinis copia conspicitur. Distinguendæ autem sunt illius causæ hoc modo: Si per anastomosis fit, narium sanguis copiosè fluit; si per diæresim, sanguis adhuc majori copia, & impetu fluit, præcessitque contusio, aut alia violenta causa externa; si per diapedesim, sanguis fluit paucus, tenuis, atque serosus.

Sunt & alia signa observanda; si enim hæmorrhagia critica est, ægrum levat, quia cum ipsa prior morbus, ejusque symptomata evanescent; si enim symptomata, æger eam difficulter sustinet, & cum pulsu languidiori vires sensim attenuantur.

Si sanguis immediatè è narium venis fluat, nullus percipitur capitis dolor, & faciliè per adstringentia naribus applicata sistitur; si verò à cerebri venis fluat, in aliqua determinata capitis parte percipitur dolor, & per adstringentia medicamenta naribus imposita non sedatur fluxus.

Solet quandoque ab aliis etiam partibus sanguis fluere, ut hepate, utero; harum partium signa, dolores, & tensiones indicabunt.

Tandem, si sanguis ab arteria fluat, egreditur calidus, floridus, subtilis, cum spuma, & impetu, è vena verò crassior, & nigrior cum paucò impetu egreditur.

Si hæmorrhagia à sanguinis copia oriatur, adest faciei rubor, venarum tensio, tum etiam visus largior, & rubens apparet; Si cacoehymia contingit, quasi corruptus, & prava conspurcatus qualitate apparet, faciei color depauperatus.

Diversas habet hæmorrhagia differentias, cum alia sit à naturæ motu, & dicitur critica, alia à causa morbifica, & dicitur symptomata; criticam natura moderatur, ea quæ sibi noxia, & molestia sunt, exturbans, ut in febribus acutis, in quibus natura causam morificam per has vias expellere conatur. Hæc etiam fit sine febre, natura se se superfluo sanguine exonerante, ut multoties videmus, multos in florida ætate periodicam pari hæmorrhagiam. Symptomata etiam fit à natura, quæ turbata, confusa, & irritata procedit in suis operationibus, & perperam operatur, ut in morbis chronicis evenire solet.

Causa .

Hæmorrhagiæ causa est continui solutio, facta in narium venis, & hæc solutio ad scholasticorum mentem tribus modis fit, quibus generaliter vasa sanguifera solvi possunt, & sanguis effundi, quorum primus *anastomosis*, sive apertio, secundus *diapedesis*, sive rarefactio; tertius *rhis*, sive ruptio.

Anastomosis provenit à sanguinis calore, & effervescencia venarum orificia aperiente, & illum promptiorem efficiente. *Diapedesis* fit à venarum tunica magis attenuata, & à sanguinis tenuitate, & subtilitate per poros transeuntis, veluti per sudorem, non aliter ac hydro-argentum subtilissimas suas guttulas per corium spargere solet; sed de hoc modo valde dubitamus, quomodo scilicet sanguis sub sanguinis forma è vase aliquo transudare possit. *Rhis* ab externa violentia, collisione scilicet, ictu vel contusione accidit venas rumpente, vel etiam à sanguinis superfluitate vasa disrumpente.

Pro horum modorum causis putarunt vulgares, & quidem in anastomosi pro interna esse sanguinis copiam impetuosè ad venarum orificia ruentis, ejusdemque caliditatem, & acrimoniam, facultatem expultricem irritantem, retentricis debilitatem, & venarum mollitiem & tenuitatem; pro externa, quæ sanguinem multiplicare valent, victum pleniorum, crapulam, computationem vini meracioris, fortiumque potulentorum, intermissionem venæ-sectionis, hæmorrhoidum suppressionem, à Venere abstinentiam, medicamenta venarum oscula nimis referantia &c. In diapedesi internè vasorum raritatem, & relaxationem, & quæ sanguinem attenuare possunt accusant, externè exercitia nimia, iracundiam, æstum, ventris cæstrum, longiorem sub sole moram, balnea &c. In diæresi internè culpant sanguinis acrimoniam, & mordacitatem vasa corrodentem, eorundem distensionem à sanguine copiosiori, & ebulliente; externè acrimonia, motum vehementem, pondus grave, magnum

clamorem, contusionem, incisionem, puncturam, rupturam.

Hæmorrhagia oritur vel à sanguinis, vel vasorum, aut simul utriusque horum vitio. Sanguis quandiu intra sua conceptacula coercetur, omnia in pace posita sunt, si verò ab aliqua causa conturbatur, & in varios se adigit motus, ut intra suos parietes coerceri nequeant, sed eorundem ostiola distendendo aperit, vel rarefacit, vel rumpit, & qua data porta ruit, acut uno dicamus verbo, omnes modi à scholasticis assignati sunt meræ tunicarum, sive arteriarum, sive venarum solutiones. Sanguis hæmorrhagiam causat quantitatis, vel qualitatis peccato; quantitate peccat, quando sanguis in corpore copiam nimis augent alimenta euchyma, vina generosa, excretiones menstruorum, vel hæmorrhoidum suppressa, quæ ita sanguinem intra sua mœnia cumulant, ut coerceri non possit & necessariò foras erumpere debeat. Qualitate delinquit sanguis, cum acrior, tenuior existit, vel salinis, acidis, lixiviosis, sulphureisque scatet corpusculis. Huc pertinet validus corporis motus, alimenta calidiora, ac aromatibus condita, sicut quoque spiritus vini abusus, & cœtera calidiora, & acriora, quæ consimilem sanguini imprimant characterem. Item exandescencia, quæ citatiorem in sanguine motum excitat, unde visi sunt quidam, ita exanduisse, ut non tantum facie spirarent ignem, sed & sanguinem ex oculis & naribus, emisissent.

Ad hæmorrhagiam etiam vasorum vitia conjurant, vel enim ipsa vasa fibras nimis debiles, laxas, vel teneras ita habent, ut faciliè sanguini transitum præbeant, estò impetuosè non feratur; aut à causa distendente, & rumpente aperiantur; aut poris, ostiolisve nimis dilatatis, aut apertis constat, quibus sanguis, nullo obstante impedimento, faciliè elabatur.

Hæmorrhagia est affectus junioris ætatis, ut habetur *sect. 3. aph. 27. Hæmorrhagia narium est affectus familiaris pubescentibus*. Hæc enim ætas sanguine spirituosissimo, & tumultuosissimo abundat, ac proinde facili de causa ejus effervescencia sapissimè experitur, non aliter ac novum vinum non adhuc perfectè defæcatum, quod ob spirituositatem & turbiditatem seipsum ad fervorem concitat, ut suas deponat fæces, quas sursum, deorsumque tanto propellit conatu, ut magna optimi vini pars cum fæcibus sursum ad orificii vasis foramen unà feratur, & effluat: idem probabile est in juveniculo sanguine fieri, ut ad amovendam à se fæculentiam fervidè se commoveat & præ fervore sursum bulliat, ejusque pars ad summum humani vasis orificium, nimirum nares superfluat, ac dictam constituat hæmorrhagiam, in qua sanguis per nares exiliens, vel à venis, & arteriis imam, aut supremam cerebri sedem permeantibus effunditur vel à vasis, à palato ad nares descendentibus, quæ sunt venarum hæmorrhoidalium instar in ano, & utero.

Prognosis .

Duplex est hæmorrhagia, una imminens, altera præsens, verum majori existimationi erit *Medico* imminentem præfagire, quàm præsentem sistere; ideòque imminens præfagia sedulò recensere oportet. Imminens hæmorrhagiæ prognos, præsertim critica eruitur ab actionibus læsis, excrementis, & qualitatibus mutatis. Futuram hæmorrhagiam præfagiunt insomnia, & rerum rubrarum imagines; capitis & cervicis dolor subindè ortus; temporum gravitas, & magna pulsatio in illorum arteriis; aurium tinnitus, vel sonitus; oculorum hebetudo, vel splendores, Marmarigines oculis obversantes; faciei & oculorum rubor; lucis aversio; lacrymæ involuntariæ; pruritus aurium; nasi rubor; sanguinis stilla die indice apparens v. g. quarta, vel decima, ostendit futuram hæmorrhagiam die judicatorio, nempe septima, vel decimaquarta, quia diebus judicatoriis natura humores ad eas partes transferre incipit, difficilis respiratio, & tandem hypochondriorum tensio sine dolore.

Præsentis hæmorrhagiæ prognos ita se habet: Hæmorrhagia mediocris, & per rara adveniens intervalla, salutaria est; natura enim rectè operans superfluo pondere se exonerat, ac si crebræ, largiores, & vehementes sanguinis profusiones fuerint, pessimæ, omne enim sanguinis profluvium immodicum est periculo plenum, viam præparans ad mortem, in primis si extrema frigeant, si facies appareat pallida, viridis, vel livida, vel animi deliquia, syncopem, vel chachexiam & hydropem omnino incur-

curabilem excitat, ita ut exempla non sint curatorum ab hydrope, qui narium hæmorrhagiam sequutus sit, in quem etiam conjicit, si per plura spatia ejusmodi fluxio per nares diu fatiget, ac si confertim & continuatim fiat.

Hæmorrhagia in morbi principio, mala, quia symptomatica est, fit enim à natura ante tempus ad excretionem irritata à materiæ morbificæ malitia. Pauca sanguinis stillæ in morbis per nares effluentes, infaustum prædicunt eventum, & vel mortem, vel recidivam prænunciant, & præcipue in morbi principio, *Epaminonis*, & *Sileni* exemplo penes *Hip. Epidem. lib. 1.* qui interierunt, quod pusillum quid è naribus stillaverit: significant enim naturæ imbecillitatem, vel malignitatem morbi, eo quod excretio in morbis acutis, quæ tantum incipit, & non finitur, damnanda est. Quod si stilla die indice prodit coctionis signis utcumque apparentibus, futuram crism per hæmorrhagiam die critico significat.

Hæmorrhagia in quartana pessimum signum est, ut habetur *sect. 8. aph. 3. Quibuscumque in quartanis febribus sanguis è naribus defluerit, malum.* Quia sanguinis fluxus in melancholicis, & phlegmaticis noxius est; hi enim sanguinis profusione magis refrigerantur, & debilitantur, quia vulgo quartana, ut & cachexia, & hydrops morbi frigidi nominantur. Sic etiam si hæmorrhagia in senibus oboriatur, malum. Per hæmorrhagiam quandoque natura alias compensat evacuationes, ita notavit *Hip. sect. 5. aph. 33. Mulieri menstruis præter naturam deficientibus, sanguinem è naribus profluere bonum.* At si hæmorrhagia in tempestivè supprimatur convulsionem, epilepsiam &c. parit, ut hæmorrhoides longo tempore fluentes, si inconsideratè cohibeantur secundum *Hip. tabis*, aut hydropis, & secundum alios scirrhi, canceri, & lepræ periculum impendent.

Febres acutas criticè & quandoque symptomaticè ante humorum coctionem hæmorrhagia solvit, experimur enim quam plurimos à gravissimis morbis narium hæmorrhagia liberatos fuisse, & præcipue febribus malignis, ut pote iis, quæ variolas, & morbillos habent adjunctos, si hæmorrhagia superveniat, febris vel solvitur, vel mitigatur, & variolæ vel morbilli multo pauciores erumpunt, quam si nulla supervenisset hæmorrhagia. Verum huic doctrinæ adversatur *Fernelius* inquit: licet deliria, vigilias, capitis dolorem, & reliqua symptomata demulceat, vix tamen propriam morbi essentiam, & radicem evellit, quia sanguinis portio purior emittitur, impuriori remanente. Idque ex eo probat, quod sanguis è nare profluens, colore, substantia laudabilis apparet; cum sanguis eodem tempore è vena detractus impurus & corruptus videatur.

Plausibilis equidem est hæc *Fernelii* doctrina, non tamen absolutè recipienda. Verum est in quamplurimis morbis acutis, præcipue in febribus malignis, hæmorrhagiam sæpè morbum penitus non solvere, atque perpetuum non est, sed tunc cum tales evacuationes fiunt à natura ante coctionis tempus irritata à causa morbica.

Ad id, quod *Fernelius* dubium reddit, nimirum quod sanguis, qui in narium hæmorrhagia effluit, semper purus, & floridus apparet, facile respondemus; nam non semper è solis venis effluit, sed sæpè ex venis & arteriis simul, putà è tertio crassæ meningis sinu: sicut & è venis, & arteriis in cerebri basi, per varias anastomoses concurrentibus, ista hæmorrhagia fieri potest. Cum ergo iste sanguis non solum è venis, & arteriis fluat, non mirum est si rubicundior appareat, quam ille, qui è venis in cubito sectis emanat.

Curatio.

Vulgares in hæmorrhagiæ curatione ita se gerunt: Criticam non supprimunt, sed ad debitam sanguinis quantitatem fluere permittunt; Solet enim quandoque licet critica, modum excedere, siquidem sanguinis multitudine gravata natura, ad illius expulsionem excitatur, & modum tenere non potest, & vehementem facit evacuationem, unde virium jacturam, & mortem timere oportet, tunc illam cohibent. Sed quis debitum modum in omnibus statuere potest?

Symptomaticam hæmorrhagiam cohibent celerioribus præfidiis, in anastomosi vasa reclusa obtutant, in diæresi uniunt, in diapedesi densant, sanguinem ad nares confluentem revellunt, ab iisdem, & vicinis partibus repellunt, humores acres, & tenuiores sanguini permistos eva-

cuant, & corrigunt, eorum genesim prohibent, hepatis, & venarum retentricem roborant facultatem.

Primo sanguinis missionem, quæ inter revulsoria remedia principem possidet locum, maturè antequam vires debiles evaserint, celebrant. Hic *Barbati* suam exercent carnificinam, hic barbarorum sanguificina triumphat, & agrotus tanquam ad lanienam ductus, satellite constipatus, perfidos carnifices, nimirum tonsores, incisis venis sanguinariorum inexplabilem explent sitim. Incidunt venam mediam, aut internam brachii è directo patris, qua sanguis profluit, dextri scilicet si è nare dextra, vel sinistra, si è sinistra, utriusque dum è nare utraque sanguis emanarit. Si caput magis sanguine abundare vident, cephalicam aperiunt. In magna plethoraprius tali venam incidunt, præsertim ubi ex suppressis mensibus, vel hæmorrhoidibus acciderit. Attamen si unica phlebotomia hæmorrhagia non cohibita sit, illam reiterant ad malum usque declinationem.

Verum incompefcibili jurgio controvertitur inter vulgates, an phlebotomia fieri debeat angusto, an amplo foramine, & sanguis exigua quantitate sæpius repetita detrahendus sit, aded ut in phalangeas distincti invicem digladiantur. Aliqui censent foramen debere esse angustum, ut subtilis sanguinis pars effluat, maneatque crassior, minus ad fluendum idonea; & sanguis moderatè educendus ad 3. j. vel ij. atque iteratò post horæ spatium, ut major fiat revulsio, viresque simul non devastentur. Alii ampliori foramine, & exigua quantitate sæpius repetita sanguinem detrahendum, & revulsionem melius fieri censent: nam ut contrarius motus sanguini concilietur, vehementiori agitandus est motu, siquidem motus vehementior debiliorem rapit: ided quò ampliori foramine, & magis confertim sanguis effluit per sectam venam, eo promptius è naribus fluentem adducit sanguinem.

Non possumus non respondere ad hanc vulgariam controversiam, licet utraque sententia à vera medendi methodo aberrat, tamen virisimilior videtur, quæ ampliori utitur foramine, ex allatis rationibus, & tanquam improbabilem rejicimus illam, quæ angustum statuit foramen: ex angusto enim foramine subtilis sanguis i. e. spirituosus effluit, remanente reliquo sanguine spiritibus effæcto, unde lipothymia, syncopes, virium jacturæ emergunt ob magnam spirituum deperditionem.

Vindicandam censemus naturam à tanta vulgariam sanguificina, licet prædicent multos infirmos è faucibus orci ereptos, cum potius per accidens id eveniret, quam aliqua demonstratione; sunt enim probabiles conjecturæ, quæ pro illa afferuntur. Non est hæc recta via ad salutem, neque optimæ notæ *Medicus* hoc incerti præfidi generis uti debet, quia periculum facere per hominum mortes, cæso quandoque juvisse observaverit, tamen multoties interemisisse expertus est. Itaque recedat à Medicorum aula, hoc incertum remedium, quod cum ambiguitate, & perniciæ tentatur; in ambiguis enim, & præsertim perniciosis tutior sententia amplectenda est, unde præstat sanguinem, qui est vitæ thesaurus, conservare, quam illum veluti aquam profundere: *Clamat enim occisorum sanguis ante thronum Dei. Vindica Domine sanguinem nostrum, qui effusus est.*

Quod de revulsione & derivatione dicunt vulgares in hæmorrhagia, phlebotomia sanguinem ad læsam partem accurrentem posse sisti, & retrahi, merum figmentum esse, sanguinis circulatio ostendit, ex quacumque enim parte sanguinem mittas, æquè totum corpus sanguine depletur. Putarunt creduli vulgares in humano corpore sanguinem intra venas, & arterias stagnare, ac posse aliquando à læsis partibus in auxilium retrahi. Sanguinis igitur missio solam aufert plethoram, non cacochymiam: verum vix adduci possumus, ut credamus naturam, quæ nunquam deficit in necessariis, in superfluis abundare, ut tantam sanguinis copiam produci patiatur, quantam venæ capere non possint.

Post phlebotomias, alia adhibent revulsoria præfidia, ut cucurbitulas cum scarificatione in scapulis, & cervice, quibus fluentem è naribus sanguinem retrahere imaginantur. Attamen non est tutum remedium, possunt enim sanguinem ab inferioribus partibus ad superiores attrahere, & novo affluxui occasionem præbere. Hirudines post aures, extremorum frictions, eorundem ligaturas dolorificas, lotiones quoque ex aqua fervente. Cucurbitulam satis magnam sine scarificatione hypochondrio applicandam

dam jubent, dextro, si è dextra nare sanguis fluat, sinistro, si è nare sinistra effluat, utrique, si ex utraque sanguis effluat. Verùm cucurbitularum applicatio hypochondriorum regioni est medicamenti genus maximo periculo adjunctum; sanguis enim tunc effervescens ad hepar & lienem magna copia attrahi potest, & in his partibus inflammationem efficere, cujus inflammationis historiam narrat de quodam aulico *Fabricius Hildanus obs. 47. cent. 2.*

Hujus occasione cujusdam Medici vulgaris recordamur, qui in narium hæmorrhagia, cucurbitulas supra utramque mammam cuidam juveni applicuit, sanguis quidem ex templo substerit, sed ita maxima raucedo subsequuta fuit, ut vix miser audiri potuerit, quem ad mortem usque commitata fuit.

Si narium hæmorrhagiæ sola plethora sit causa, sola sanguinis revulsio sufficit, nec purgatione opus est, ubi verò vitiosi alii succi sanguini sunt admisti, purgans medicamentum, quod compressivum vocant, instituunt, quia non nihil adstringunt, & humorum revulsio ad inferiora fit: tale concinnant, si præcipuè bilis redundet, ex *tamarindis, myrobolanis citrinis, vel chebulis, syrupo ex multiplici rosarum infusione, & rhabarbaro torrefacto*. Verùm vulgarium pace, purgans medicamentum nullum jus intra venas habet, cum illuc non pateat aditus.

His omnibus administratis, si sanguis adhuc fluat, ad alia deveniunt medicamenta, quæ tam intrò, quàm foris imponuntur, unde primò exhibent syropos refrigerantes, ut *de succo acetosæ, de Nymphaea, cichorio, portulacæ &c. cum aquis plantaginis, lactucæ, portulacæ &c.* Vel opiata, ut *Philonium Romanum, Persicum, requies Nicolai*, putant enim opiata esse frigida, & sanguinem incrassare; non exhibenda tamen sunt ægro debili, quia periculum est, ne calor ab opiatis exstinguatur.

Foris topica applicant refrigerantia, capiti nempe, fronti, temporibus, collo, hepati, testibus, manibus, brachiis, pedibus, & tandem toti corpori.

Caput aqua frigida perfundunt; verùm sanguis per refrigerantia intropulsus, venas, quæ in alto sunt, replebit, & sanguinis fluxus augebitur, vel sanguis reventus convulsionem, apoplexiam, parotidem, dyspnœam, aut alium quempiam gravem affectum excitare poterit.

Fronti & temporibus totum ex aqua valde frigida vel ex succo plantaginis, bursæ pastoris, solani &c. addito aceto ad penetrationem, applicant cum linteis, quæ dum calefcere incipiunt, frequenter mutant. Vel iteratò frontem spongia aceto frigido madida fovant.

Collo linteum ex aqua frigida madidum circumdant; verùm in hoc metus est, ne apoplexia, vel syncope accersatur, præclusis viis inter cor, & cerebrum.

Faciem aqua gelida conspurcant, quia non solùm sanguinem fluentem repellit, verùm etiam eundem ad interiora retrahit. Sed aqua frigida satis in magna copia in faciem conjici debet ex improvviso, nempe ad duos, vel tres cyathos per brevissima intervalla projectos. Veruntamen hoc remedium aquæ frigidæ synopen excitare potest, vel saltim lipothymiam, & ægrum de medio tollere. Neque optimum remedium est ad hæmorrhagiæ fluxum cohibendum, synopen excitare, cum non desint alia remedium genera efficaciora & tutiora.

Hepar cerato santalino, vel unguento rosarum inungunt, quia hepar calidum sanguinem fursum mittit.

Testes circumligant aqua frigida panno madido ex aqua plantaginis, portulacæ, bursæ pastoris, pulvere rosarum, & trochiscis de camphora. Verùm nullus consensus est inter testes, & nares; si ex barba sanguis fluere, utique hoc remedii genus concederemus, cum inter barbam & testes magnus intercedat consensus, ut videre est in Eunuchis, qui quia testibus carent, carent quoque barba.

Manus, brachia & quoque pedes refrigerare valde utile esse dijudicant, ac proindè in aquam frigidam immergunt. Vel aqua frigida volas, & plantas è carpi regione lavant, ubi arteriæ pulsant. Vel silices, ferrum, aut alia frigida manibus tractanda imperant, aut pedibus laminas plumbeas, vel lapideas substernunt.

Tandem, si omnibus his refrigerantibus sanguinis fluxus non compescatur, quia maximo in fervore versatur, quidam *Vulgares* totum corpus in balneum frigidum demittunt. Verùm hæc remedia sunt ex aqua frigida.

Nihil proficientibus refrigerantibus, ad adstringentia recurrunt, uti sunt *myrtus, pilosella, consolida major, bolus armenus, terra sigillata, corallia, acacia, hypocistis,*

cortices granatorum, sanguis draconis, lapis hematites, &c. ex quibus pulveres concinnant intra nares insufflandos, vel aceto, & ovi albumine subagitant, fronti, & temporibus admovent, vel supra lintheamen extendunt, & collo, ubi venæ jugulares descendunt, circumdant.

Vel utuntur *syrupis cydoniorum, myrtino, de ribibus, rosæ siccis, de agresta, trochiscis de terra sigillata, de spodio, de carabe, myva cydoniorum, & ex supra dictis pulveribus varia electuaria & opiata parant.*

Instillant in aurem acetum, quæ nari fluenti proxima est; sic enim venam, per quam sanguis fluit, adstringi potest.

Fabam, aut numisma argenteum radici narium inter cilia admotum, & fascia arctè alligatum, ut fortiter partem comprimat, eundem fluxum cohibere credunt.

Non desunt vulgaribus medicamenta specifica, quæ à proprietate occulta sanguinem cohibent. Ita est *urtica succus*, quem semel, atque iterùm ad 3. jv. propinant, tum per nares attractus, tum fronti & temporibus admovent totam urticam contusam. *Stercus porcinum* inter præstantissima specifica recensent, si calens fronti, & temporibus admoveatur, vel olfaciendum detur, vel siccus in nares immittatur. Maximè operè etiam ad sydera extollunt *stercus asininum* eodem modo usurpatum, ut de porcino dictum est; imò conficiunt *syrupum de stercore asinino*. Narrat *Rodericus à Castro lib. 1. de morbis mulierum cap. 5.* Medicum quendam septuagenarium hæmorrhagiæ maximè obnoxium, stercus asininum modicè exsiccatum in capsula semper gestare solitum, cui medicamento nullum aliud simile se reperisse referebat, præsertim si succo urticæ commistum, si siccum, aut recens per se naribus exhibetur.

Multi *Vulgares* hæmorrhagiæ occurrunt verbis aliquibus superstitiosis, quæ recensere non licet; sed hæc ærea & inutilia sunt experta, ut potè in aere verborum fundata.

Si narium hæmorrhagia sit critica, aut consueta, & modum servet, non impedienda, nisi copia vires prosternat. Nunquam autem statim in principio sistatur, & multò tardiùs in iis, qui in ætate sunt juvenili, & constitutione corporis sanguinea, & quibus hæmorrhoides, aut menses substituerunt; multi enim ex intempestiva suppressione in graves, aut chronicos morbos inciderunt. Morbosæ, seu symptomaticæ mox in principio succurrendum, & quo longiori tempore fluxus duravit, eò citiùs occurrendum est, ne vires prosternantur.

Succurrimus narium hæmorrhagiis, tum internis, tum externis medicamentis. Interna sunt, quæ sanguinis acrimoniam, ejusque particulas salinas, & sulphureas absorbent, ac præcipitant, quæ sanguinis impetum, & turgentiam mitigant, pacantque, quæ particulas acriores dissolutas hebetant, & compingunt, & tandem quæ vasa angustant.

Sanguis acrimoniam obtundunt in primis, *crocus martis cum succo cydoniorum, aqua bursæ pastoris, vel ejus succo*, sed præstat extractum *crocus Martis* sequens, si ejus grana quatuor cum aqua plantaginis exhibeantur:

℞. *Limaturæ martis* 3. j. affundantur lentè, & successivè aque fortis 3. jv. ad viij.

Digerantur per noctem in cineribus, vel arena ad totalem usque solutionem. Hinc per alembicum aqua fortis abstrahitur ad siccitatem, pulveri restanti affundatur vini spiritus vulgaris ad duorum digitorum eminentiam, & appposito alembico cæco, digere in arena, donec rubescat, tunc vini spiritum abstrahere, & alium affunde, & secundum artem ita procede, donec corrosiva salia aquæ fortis totaliter abstracta sint. Tunc novum vini spiritum affunde, digere, & tinctum decanta, idque repete donec nil amplius de tinctura extrahatur, omnes effusiones, seu decantationes commisce, & per Balneum, vel cineres ad oleitatem usque destilla.

Utilis est *syrupus, sal, magisterium, & tinctura coralliorum; essentia rosarum rubrarum, tinctura lapidis hematitis, magisterium margaritarum, oculi cancrorum, ebur sine igne preparatum, & quamplurima antiscorbutica*, quæ sanguinis acrimoniam corrigunt, demulcent, adimunt.

Sanguinis motum, & impetum refrænant *laudanum opiatum, ejusque tinctura sperniola compositum*, præcipuè efficacissimum est ad quamvis hæmorrhagiam sistendam, si in aqua bursæ pastoris ad grana tria, vel quatuor exhibeatur, præsentaneum verò sit medicamentum, si aliquid *laudani opiatum* addatur, & cum syrupo *papaveris rhæados, vel urticæ succo* exhibeatur.

Ex-

Externa ea medicamenta conveniunt, quæ austeritate sua vasa sanguifera coarctant, & angustiant, ut *vitriolum*, vel *eius sal*, vel *pulvis sympaticus*, quo lintea sanguine madefactum inspergi debent. Magnoperè juvat *colchotar*, vel *terra exanimata vitrioli*, vel *ipsum vitriolum rubificatum* intra nares immissum, vel gestatum. Vel sequens pulvis pluries à nobis expertus, ut

℞. *Cortic. granator. aluminis*, & *Vitrioli ana* ʒ. ʒ. f. omnium pulvis subtilissimus.

& tabaci instar naribus indatur. Vel *alumen*, quod lacca pictorum pro incarnato colore larvetur. Item *fuligo camini*, *succini instar*, splendide pulverizata. *Lepus in martio capus, exsiccatus & in pulver. redactus*, ac in nasum immisus.

Sed advertendum est, quod fluxu sedato per escarotica medicamenta, vel glutinantia &c. eschara non est removenda, neque sanguis coagulatus. Si adsit, ob novæ hæmorrhagiæ periculum.

Sanguinem coagulat *aqua spermatis ranarum*, si in ea addatur pauca *camphora* quantitas, & *sacchari Saturni*, & linteamina madefiant, ac collo, ubi venæ jugulares descendunt, circumduntur. Imò *aqua spermatis ranarum* lavare faciem, & nares commodum est. *Laminam, vel numisma argenteum aliquo opiato inunctum*, ac sequenti unguento fronti applicari jubemus.

℞. *Croci martis subtiliter pulverizati*, optimèque re-verberati, & *croci veneris ana* ʒ. ij. cum ol. visci pomor. f. linimentum.

Laudanum, vel opium intra nares immissum mirificè hæmorrhagiam sistit.

Si sanguis ex arteriis fluat, qui spiritibus turget, difficulter reprimatur; generosa, & plura remedia ars Medica excogitavit, & sicut hominem servare didicit, ita & sanguinem, inter alia nullum aliud præstantissimum remedium in tota Republica Medica inveniri potest, quam *aqua arterialis*, ad quamlibet hæmorrhagiam deploratam sistendam, descripta in nostra *Pyrotechnia sophica lib. 4. cap. 1. & Tomo 1. de Tumoribus cap. 14.*

Causæ hæmorrhagiæ deinde, si aderit, respiciendum est, quapropter si sanguis aquosus nimium fuerit, emendandus, remediis appropriatis, scilicet *pilulis de cynoglossa*. Si mordax, mordacitas compescenda, & causa principalis removenda. Examinandum quoque diligenter erit, quæ mordacitas, salinane, an vitriolata sit.

A naribus rectè ad os descendimus, ut more nostro ejus languores examinemus, & eorum unicuique medicam opem præstemus.

C A P U T XXXIV.

De Aphthis, & oris Ulceribus.

Aphthæ sunt oris ulcera levia, superficialia, & serpentina, quæ puerulis lac sugentibus sunt familiaria, ac proinde lactucimena ab aliquibus appellantur. Sunt exulcerationes quæ hinc inde in summa oris superficie serpunt, & in qualibet ejus parte, ut in palato, gingivis, linguæ latitudine, & ejus profunditate, seu radice. Sunt quandoque puerulis adeò periculosa, ut penitus eorum tenellam exedant carnem, præcipuè si malignitatem sapiant.

Præter aphthas sunt alia oris ulcera, quæ per adultorum ora non tantum superficie tenuis in palatum, gingivas, linguæ latera, & ejus radicem serpunt, verum etiam aliquo temporis intervallo profundius sese demittunt, & harum partium carnes exedunt, & hæc simpliciter oris ulcera appellantur, qualia sunt ea, quæ in lue venerea, & quandoque in malignis febribus contingere solent.

Signa.

Aphthæ per se visui patent, in puerorum enim ore ulcricula quædam conspiciuntur levia, & superficialia: in adultorum verò ulcera profunda, & adesta nunc albo, nunc cineritio, nunc nigro colore prædita.

Causa.

Galenus in com. aph. 24. sect. 3. in atatibus autem talia contingunt parvis & nuper natis puerulis, oris ulcera, (quæ aphthæ vocantur) vomitus &c. Aphtharum causam in puerulis lactentibus docet esse nimis serosum, acri sua abster-

sione summas, easque molles admodum partes exulcerans. Vel esse lac haustum in puerulorum ventriculis corruptum, unde acres, putridique vapores sursum ad os attolluntur, ita asserit 9. de compos. med. sec. loc. cap. ult.

Verum magistri *Galen*i pace, & discipulorum, nos sci-mus lac tribus constare substantiis, caseosa, quæ optimè corpus nutrit, & vitiosorum humorum acrimoniam temperat; serosa, quæ ulcera abstergit, & mundificat; & butyrofa, quæ dolores lenit: dum res ita se habet, quoties in sero adest acredo, quæ molles exulcerat partes, à caseosa temperari debet, & sic pars inimica castigari. Prætereà in lacte serosa acredo exulcerans esset de aquarum solventium indole, licet in gradu remisso, essetque virus corrosivum, quod in puerulorum stomachis ob resultantem fermentationis aciditatem exaltaretur, stomachumque exulceraret.

Falsum est etiam, quod inquit *Gal.* ex corrupto lacte putridos, acresque vapores ad os attolli à stomacho, exulcerationemque producere; nam si verum hoc esset, continuè eorum sapor, & primariò œsophagus, deinde os exulceraretur: Sed superius ventriculi orificium exactè clauditur à cibo, & tantum ad cibi, vel potus importunitatem panditur. Sed demus, quod quandoque corruptum lac acidum eructet, sequeretur, quod melancholici, qui acidum eructant, continuè exulcerato ore laborarent, quod falsum deprehendimus. Insuper vapores acidi ascendere non possunt; calor enim ad acidum vaporem elevandum, debet esse intensus scilicet quarti gradus, qui in animalibus non reperitur, aliàs non viverent. Deberent itaque ad torius, vel alicujus partis consensum recurrere, ut par esset fiendi modus in puerulis, ac adultis.

Ulcerum causam in adultis statuunt cum antesignano *Galeno* Vulgares, esse primariò pravos humores in ore collectos, quos natura foras exturbat. Vel secundariò per totius consensum, ut in febribus acutis, & præsertim malignis, ubi pravi, corruptique humores ad os elevantur, & ulcera læva generantur, quæ cum faucibus asperam arteriam, & gulam occupant. Vel ob alicujus partis consensum, ut à capite, cum capitis pravi humores in os per fluxionis viam depluunt, ceu sunt biliosi, & pituitosi. Vel à ventriculo, ut in puerulorum aphthis à corrupto lacte. Vel à pulmone, vel hepate calidiori intemperie laborante, à quo non tantum oris provenire credunt vulgares, verum etiam omnes corporis exulcerationes. Vel à liene ab utero &c. cum hujusmodi partes, corruptorum humorum colluvie scateant, unde halitus sursum mittuntur, quibus primariò pustulæ excitantur, & ob assiduum affluxum illuc transmissum, in ulcera desinunt, foventurque, ac proinde in dies maligniora redduntur.

Assignant Vulgares pro ulcerum causa pravos humores in ore collectos, sed quinam sint isti, & cujus conditionis pravi humores, nesciunt. Prætereà isti humores vel antequam ad os colligantur sunt pravi, vel in ore sunt tales; si primum, pravitatem partibus, per quas transeunt, communicare deberent; si secundum, quomodo in ore pravitatem nanciscantur assignare tenentur: Verum ut plurimum, & ferè semper aliarum partium consensum hæc ulcera fiunt, vel à capite per fluxionem, & forsan per destillationem per descensum, ut Chymici loquuntur, sed de his fabellis fusiùs cap. de Catarrho diximus in *Trutina*. Vel ab aliis partibus inferioribus, ut à ventriculo, pulmone, hepate, liene, utero &c. per ascensum, putant enim à pravis humoribus in his partibus scatentibus halitus sursum ascendere, (miramur equidem has partes non exulcerari,) & ad os transmitti à provida natura, tanquam ad emunctorium. Verum ab ore diffiant vel in ructus evanescerent. Prætereà ductus assignare debent, non verò cæcos, aliàs in ignorantia foveam cadunt, per quos isti halitus ad os deferuntur. Demus sub halitus seu vaporis larva ab inferioribus partibus ad os evehi, non possunt in guttas concrecere, cum os capitellum non referat, quod si concreverent percussi, in inspidum, crystallinumque liquorem facefferent, qui una cum saliva exturbaretur. Nec isti halitus falsedinem, acrimoniamve sapiunt, nam ad falsum, acidumque elevandum halitum, color debet esse intensus, non tantum nostro major, verum quarti gradus ignem sibi vindicat. Prudentius egissent Vulgares, si non tantum oris ulcera, verum aphthas uni hepatis, tanquam ignorantia asylo tribuissent, quia per

per ipsos apud stolidam plebeculam rumor increbuit, non esse malum in humano corpore, quod non faciat hepar.

Veræ aphtharum causæ sunt partim nutricis, vel matris lac nimis acidum, falsumve redditum, ab eorum aciditate, vel falsedine, quæ comeduntur, aut bibuntur, aut alio modo assumuntur, partim mollissima internarum partium oris constitutio, quæ ob suctionem non ægrè exoriatur, & excoctio semel facta difficulter agglutinetur, cum assidua suctio eam denuò abradat.

Norandum est hic obiter, quod plurima sunt mala, quæ cum lacte infantulis ingruunt. Primò, dum in grumos transit, frequentes excitat vomitiones, singultus, tormina, vermes, febres, diarrhæas, epilepsias, quandoque convulsiones, multasque necis inopinatas continet occasiones. Sunt hæc incommoda inevitabilia, & lactis peccata materialia, quæ infantulus à primo nativitatis die piare incipit; quasi mater, vel nutrix, ceusæva noverca insidias, necisque comminationes struat suo filio, pocula inficiendo. Secundò, sunt alia lactis crimina sc. Venerea lues, lepra, pestes, febresque contagiosæ, quæ cum lacte non apertè, sed furtivo quodam modo se insinuant, inficiuntque. Item cum lacte character morbosus epilepsiæ, mania, stupiditatis, phthisis, podagræ &c. deplorabilis in vitam inuritur, non aliter ac hæreditario parentum vitio obtingeret, qui sub dierum maturitate prodit. Dum miselli infantuli lac pro sustentanda vita mendicant, cum lacte morbos, morborumque occasiones consequuntur, quos in se ipso transplantant, & indelebiliter in vitam duraturos incorporant. Tertiò, defectus non solum morales cum lacte introassugunt, qui ad ultimum vitæ terminum perseverant, verum etiam ira, audacia, timor, pudor, læritia, tristitia, invidia, odium, & cœtera animi pathemata à matribus, vel nutricibus mendicantur, & per lac propagantur. Quartò, lac in horas, varias subit impressiones ex animi perturbationibus, diversasque induit deformitates, quas insons infantulus ab ubere fugit, & expiare tenetur. Et tandem, ut uno absolvamus verbo, morborum occasiones, defectus morales, ingenium, mores, animi actiones, temperaturam, & maleficas impressiones una cum lacte infantuli furtim in se ipsos transplantant. Sed ad aphthas noster redeat sermo.

Est & alia aphtharum causa, scilicet falsuginosum, aciditatumque lac propter assumptum à lactantibus, sed à sero dilutum, degeneratumve ex variis animi perturbationibus, intra infantulorum corpuscula pro nutrimento receptum, & in partes distributum, cuius in corpusculorum sustentatione provida natura falsugines, aciditates, aliasque impuritates unâ cum lacte exturbat per salivales ductus, & ad os transmittit nimio latice exutas, quæ molles oris partes superficialiter exulcerant; partim per urinaria vasa urinæ commiscuntur, quæ naturales exulcerant partes; partim sub axillis ab indefinenti cordis calore detruduntur, ubi ut plurimum exulcerationes conspiciuntur; retro aures in earum commissuris &c.

Adultorum ulcera sunt à particulis salinis, acidis, vel alkalicis in latice, vel succo alimentitio stagnantibus, quæ per ductus salivales, tanquam ad sua emunctoria, evomuntur, exaltantur, & internas oris, faucium, linguæ, palati &c. partes corrodunt, & exulcerant. Huic affectui ansam præbent alimenta, quæ salinis, & mordacibus abundant particulis, ita sunt carnes salitæ, & pisces omnes sale conditi, sinapi, porri, allia, capræ, acida omnia & cœtera, quæ laticem, & succos alimentitios simili characterē imbuunt, & per salivales ductus ad os transmittuntur, ac externis alicujus agentis calore exaltantur, & solvendi vim nanciscuntur.

Prognosis.

Aphthæ facillimè curationem admittunt; quia ulcuscula superficialia sunt, & à mitiori oriuntur materia: attamen diuturnæ, & profundè exulceratæ; perniciosissimæ censentur; tum ob carnis mollitiem quam facillimè depascuntur; tum quia hæc validiora exposcuntur medicamenta, quæ ob eandem carnis mollitiem, & ætatis imbecillitatem ferri nequeunt, tum quia medicamenta rite applicari non possunt; tum quia infantuli nimia oris humiditate abundant, & facillè saliva eluuntur; tum quia partes valde sensibiles sunt, & facillè ab acerbis medicamentis, quibus quandoque uti necesse est, irritantur; tum tandem quia metus est, ne quid de medicamentis acrioribus in applicatione

cum periculo in fauces delabantur, & majus oriatur vitæ discrimen. Unde necesse ob has causas malum invalescere ob loci naturam calidam, & humidam, ac proinde infantulos consumere, & hinc fit, ut interdum infantuli ex hac affectione acerbis succumbant funeri, præcipuè si putredinem, & malignitatem habuerint comitem.

Si aphthæ, debitis adhibitis medicamentis, non profligantur, sed putrescunt, & à gingivis serpendo per palatum, totumque os occupent, & ad columellam, faucesque descendant, malignæ censentur, & fortioribus indigent medicamentis, quibus nisi cedant, lethales sunt, & præsertim si prava alia complicantur symptomata, & infantulus sit debilis, mortem portendunt inevitabilem. Si livorem, nigredinem, & veluti crustam contraxerint, pessimæ sunt, & irreparabilis mors, præ foribus cubat.

Adultorum oris ulcera si sint simplicia, mitia, & ex lue Venerea, sanationi non valdè reluctantur; attamen *fauces exulcerata cum febre difficiles sunt 3. prog. & alibi: Ubi febricitantis fauces exulcerantur, si aliunde quoque ex gravioribus signis aliquid affuerit, periculum denunciandum est.* Exedentia, & maligna periculosa sunt, unde ulcera nigra lethalia sunt, & præcipuè in lingua, faucibus &c. per febres acutas, & pestilentes mortem brevi secuturam significant.

Curatio.

Curant Vulgares infantulorum aphthas, idoneam vitæ rationem præscribendo, quæ refrigerat, & siccat; verum refrigeratio, ulceribus est mordax, & quia ulcus exsiccatione indiget per ipsos, nunquam sanaretur ob assiduam, superfluumque oris humiditatem. Causam tollunt antecedentem, si malum lactis vitio contractum fuerit, vel ejusdem nutricis lac corrigunt laudabili cibo, & potu.

Deindè infantium humores ad partem depluentes, phlebotomia revellunt, quæ eorum acrimoniam temperat, & totum refrigerat corpus. Phlebotomiæ succedunt cucurbitulæ scarificatæ, hirudines pone aures, & quandoque ano, vel sub mento affixæ, tandemque visicatorium posteriori admodum cervici. Verum *Gal. 11. meth. cap. 13. & lib. de curand. rat. per vena sect.* ante decimum quartum annum venam secare vetat, quia infantes corpus habent molle, tenerum, & patens, quod sua sponte digeritur, & diffinit, ac proinde infantes ita debiles sunt, ut vix venæ sectionem ferre possint. Sed hoc crudele hominum genus innocentes dilaniat infantes, cum matres in uberibus contorquere deberet. Sanguinem innocentium effundunt, & sanguine cunas perfundunt; Verum *sub altare Dei audi vi voces occisorum dicentium: Quare non defendis sanguinem nostrum? Et acceperunt divinum responsum: adhuc sustinete modicum tempus, donec impleatur numerus fratrum vestrorum.*

Post sanguinis effusionem, & infantium carnificinam, peccanti humori, & ætati congruum purgans præscribunt medicamentum, sed in purgante vires validas, aut saltem mediocres esse necesse est, quales in infantibus non reperiuntur.

Interea nutrici edulia præscribunt adstringentia, qualia sunt cydonia, pyra, mespila, sorba, corna, lactuca, portulaca &c. quæ si infans mandere non possit, ut mianfa vel semimianfa à nutrice infanti exhibeantur, imponunt, & per os circumvoluta ulcuscula contingant. Sed hæc potius nutricis & infantis alvum adstringunt, quam aliquid juvaminis aphthæ reportant.

Si hæc non prosint ad oris medicamenta, Græcè stomatica dicta recurrunt, quæ ab initio mitiora administrant, ut sunt *aqua plantaginis, ros. viol. cum syr. de ros. siccat. granat. de moris* pro oris illinitu. Vel ad decocta confugiunt *ex foliis rubi, centinodia, santal. rubr. cum syr. de agresta, portulaca, diamoro, vel dianuc.* pro oris collutione.

Si inflammatio cum aphthis fuerit, utuntur decocto, vel succo *solani, portulacæ & sedi majoris* cum prædictis syrupis. Si livida, aut fusca fuerint, fortiora adhibent medicamenta pro illinitu, ut sunt *anisum tritum cum melle, aut pulvis ex floribus chamæmeli, meliloti, sænugraci cum melle ros. mistus, aut hæc eadem cum vino coquunt, adjectis syr. myrtill. aut diamoro.* Vel

4. Aq. plantag. 3. ss. mell. ros. 3. ij. diamori iij. alum. gr. vj.

Adultorum ulcera curant *Vulgares* iisdem remediis quibus

bus aphthas, sed paulò fortioribus pro corporum natura, & priusquam ad localia deveniant, venam in cubito cephalicam secant, vel sanguinem mittunt è venis sub mento, vel labiorum extremitatibus, vel pro materia proximæ depletione in oris partibus venam aperiunt raninam, & si pravi in toto redundant humores, hos appropriato exturbant pharmaco, non omissis tamen cucurbitulis scarificatis in collo, vel scapulis, vel vesicatorio posteriori cervici admoto.

His peractis, ad topica, & stomatica deveniunt medicamenta, quæ in principio ex moderatè adstringentibus & exsiccantibus conficiunt, ut *ex ros. foliis, myrti, rubi, cortic. granatorum*, quibus in aqua adstringente, vel vino austero decoctis pro oris collutione utuntur; addito *syr. de moris, ros. sic. vel diamoro, succ. granat.* fortiora parant *ex succis, vel aquis lactuca, plantag. solani, portulacæ &c. cum pauco aceto* pro oris collutione. Temporis progressu fortiora adstringentia discentibus miscent, ut sunt *nux cupress. folia olivæ mespilorum sicca, myrrha &c.*

Sordida ulcera cum aqua saccharata, aut *syr. acetoso* ablauunt, vel decocto hordei cum melle rosato; Vel lacte caprino, in quo ignita calx extincta sit, os colluunt. Alii Aegyptiaco utuntur unguento in aqua plantaginis cum pauco aceto, & melle dissoluto; Verùm hæc medicamenta erodentia adjunctum habent periculum, ne in fauces illabantur & sic majus malum, quàm ulcera parere possunt.

In ulceribus ex lue Venerea putridam carnem totam præscindendam, & ea parte præcipitati pulverem admovendum cum gossypio in aqua plantaginis prius infuso jubent, attamen in productum sæviunt.

Aphthas nos ita curamus: Primùm nutriticis habenda est ratio, si sint ex vitioso nutriticis lacte, vel alia substituantur, vel idem si salsum, acidumve deprehendatur, iis qua ejus falsedinem, aciditatemve tollunt, corrigatur. Cibus sit melioris nutritionis, vitentur acida & salsa, omissis aromatibus. Si infans malè digerat lac, parcius lactetur, & bona in ipso digestio promoveatur.

Interim os saturiæ decocto in vino facto colluatur, sed præstantissimum remedium est *Veronica decoctum præsertim siquid melis rosati* admisceatur. Si sint inflammata os collui potest decocto *fœnugraci, meliloti, & chamamel. in aqua sedi majoris*, cui addatur quid anodynæ mineralis; Vel aqua spermatis ranarum, in qua contusi fuerint cancri fluviatiles Vel gargarismate ex lacte mitigetur inflammatio, aut quia infantuli ut plurimum sunt lactentes, nec gargarizare possunt, gargarismatum usus est superfluous, inservire poterit pro adultis: itaque demulceatur emulsionibus cum aqua solani paratis, quibus admisceatur mucilago seminum cydoniorum.

Si dolor superveniat, pertinax perseveret, qui ex infantium ploratu, ejulatu, & continuis vigiliis cognoscitur, succurrendum est ei, ne corporis consumptio, vel summum vitæ periculum sequatur: extremum optimumque remedium erit, ad *narcotica*, quæ dolorem sedant, confugere, eorum tamen dosim commensurari debemus juxta infantium ætatem, & vires.

Si supra dictis remediis aphthæ non cedant, abluantur decocto hordei, & melle rosaceo, vel decocto saturiæ sive veronica, cui addatur aliquid spiritus vitrioli, vel olei sulphuris per campanam, vel spiritus vitrioli Philosophici, & leviter tangantur, & sic non resistent.

Si ex lue venerea ortum duxerint, aqua viridi diluta cum aqua persicaria tangantur: Verùm vel recidivare vel in aliam veneream efflorescentiam, transire solent, nisi lues radicitus tollatur.

Adultorum ulcera, si recentia, & simplicia sint, facillimè cedunt medicamentis, quæ proposuimus in aphtharum curatione, vel ea leniter tangendo spiritu, vel oleo vitrioli cum melle diluto, ut gustus spiritus, vel olei vitrioli acidior adhuc percipiatur, & brevi tempore sanescunt. Vel mellis rosati tinctura, vel lapidis salutis aqua, vel aqua aluminis tangantur. In spiritus, vel olei vitrioli defectu, spiritus sulphuris per campanam, vel spiritus vitrioli philosophicus substitui potest.

Si contumacia, rebellia, & inveterata sint, aliter tractari debent: curatio itaque instituat, corpus idoneis deplendo medicamentis, si cacochymia fatiget, & per aliquod tempus vulneraria propinentur medicamenta, instituta prius optima victus ratione, vitatis acidis, salis, & aromatibus, propinatis his, quæ acida obrun-

dunt, & salsa diluunt. Interim supra descriptis medicamentis fortioribus redditis tangantur & non resistent, quòd si his reluctentur, quia putrida, callosa, & maligna, expertum remedium erit; ea pluries aqua sapbirea, vel melle rosato sali armoniaco immisto tangere. Cave, ne aqua stygia ea tangens, (ut aliquorum Vulgarium mos est) quæ vires in metallis eluserit, nam non per hoc veneni corrosivi indolem deposuit. Si serpentina sint lixivii ex facibus reguli attactu sistuntur.

Oris ulcera ex lue venerea leniter tacta aqua metallorum, vel mercuriali brevi sanescunt: verùm gargarisma ex decocto persicaria, & cum mercurio dulci expertum est apud nos remedium. Intetdum tam maligna evadunt, ut quodcumque optimum spernant medicamentum, præsertim si profunda sint: tunc aqua viridi cum gossypio, vel penicillo madefaciendo, & cavitates tangendo, funditus exulcerationem mundificat, & mirificè sanat, quòd si hæc parùm profecerit, ad suffumigium topicum, tanquam ad sacram anchoram, confugere necesse est, ut de lue venerea diximus.

C A P U T XXXV.

De Gingivarum exulceratione, & erosione.

TRutinatis in genere otis ulceribus præcedenti capite, nunc in specie ejus ulcera & primò gingivarum perspiciamus oportet, Sicut in epulide, & parulide gingivæ luxuriant, & intumescunt, ut dentes obtegant, ceu primo tomo de Tumoribus c. 36. diximus; ita quandoque dimipiuntur, & absumuntur, quia exulcerantur, putrescunt, & exeduntur, ut dentium radices conspiciantur nudæ, laxentur, atque vacillent.

Signa.

Hujus affectus signa ita manifesta, & notissima sunt; ut oculus sit observator; gingivæ enim laxæ, & flaccidæ inspiciuntur, sicut etiam lividæ & ad quemlibet tactum sanguinem & tenuem & atrum, vel fœtidum pus eructant, temporis verò progressu exeduntur, earumque caro ita absumitur, ut dentium radices nudatæ remaneant.

Causæ.

Pro hujus affectus causa vulgares cerebrum, ventriculum, hepar, lienem, intestina, aliasque inferiores culpant partes, quæ intemperie laborantes, vapores in cerebrum imbecillitate affectum mittunt, & cerebrum in subjectas, & debiles se exonerat gingivas: ideoque gingivarum exulcerationes, & exesiones ad catarrhales referunt fluxiones.

Sunt istæ Vulgarium putatitæ fluxiones, veluti Sisyphi saxum, de quo fabulantur Poetæ, ut saxum ingens in montis verticem pervolvere cogatur, quod cum ad culmen benè extrulerit, repente deorsum relabitur.

Nostra sententia est gingivas erodi, exulcerari, & putrescere à particulis acido-salinis, vel cum proprio gingivarum nutrimento, vel cum sanguinis massa, vel lactice eò delatis, & exaltatis. Sic exulcerantur, eroduntur, & putrescunt sæpè gingivæ à salibus acidis exaltatis in sanguinea massa &c. præexistentibus, in scorbuticis, vel intempestivo mercurii usu in salivatione, dum salia illa venerea corrosiva mercurius secum rapit. Hæc gingivarum erosio, exulceratio, & putrefactio in plagis maritimis septentrionalibus est familiaris, & imprimis Maris Baltici accolis, quia aer est refertus halitibus falsaginosus.

Prognosis.

Si hujus affectus curatio negligatur, vel non acceleretur, interdum in verum totius corporis scorbutum transit, rariùs autem hisce in nostris regionibus, sed plurimis in ore manet, & nihil ampliùs mali infert, præter crebram gingivarum sanguinolentiam, saniem, corruptelam, fœrentissimum oris anhelitum, & tandem dentium lapsum. Quapropter plurimùm nocet inter bibendum (ut plurimorum mos est totam combibonum societatem in uno, eodemque cyatho bibere, cum hu-

jusmo-

jusmodi gingivas exulceratis & erosis, quia talis gingivarum sanguinolentia, corruptio, & sanies in compositione à potu eluitur, à qua cessando, aliquid putridi circa cyathi margines remanet, & quid in ejus fundum refluxit, quod postmodum in sanos transplantatur.

Curatio.

Curationem dirigunt Vulgares ad causam antecedentem, humores vitiosos per venæ sectionem, & purgans medicamentum evacuando, calidos per apozemata, julepos, juscula medicata, & hujus farinae alia, temperando. Eorum fluxionem per cucurbitulas, & cauteria admota partibus avértendo. Verum idiotismo peccant Vulgares, si credunt hujusmodi medicamenti gingivas exulceratas, & erosas curari sanguine deplendo venas, fictitios exhauriendo humores, ad totius corporis consumptionem, & cæteras exercendo carnificinas, nisi scabiosi pellem appropriato obliniverint unguento. Quomodo ergo gingivarum exulcerationes, & corrosiones his vanidis curabunt medicamentis?

Qua de re non solum his utuntur medelis, verum postmodum ad topica deveniunt, quæ pro affectus magnitudine variant; unde exulcerationi, & erosioni, ea admovent medicamenta, quæ adstringendi, & exsiccandi facultate prædita sunt, ut galla immatura, glandium calices, balauft. ros. rubr. cupressi nuces, summitates rubi ideai, pulvis corall. rubr. crud. sal ustum, mastiche, sang. drach. myrrha, alumen &c. ex quibus pro collutione secundum diversas formulas diversa cum ferrariorum aqua vel vino parantur decocta, vel opiata cum melle.

Si ulcus, & erosio profundum, aut sordidum fuerit pro illinitione ovi balsamum parant ita.

℞. Myrrh. elect. & sacch. candi ana p. a. Pulverizatis ovi albumen ad duritiem coctum, & per medium sectum impleatur, postea filo probe alligetur, & in cella vinaria suspendatur, vas vitreum supponendo, instillabit balsamus, quo sæpius illiniuntur gingivæ.

Si prædictis remediis ex parte administratis affectus obstinatus persistat, vel cauterium ex ferro candente adhibent munitis partibus circumjacentibus, quod tamdiu in parte exulcerata, & putrida detinent, donec humiditas sit consumpta, & locus evictus, quibus peractis, prioribus eundem collunt, aut melle illiniunt ad crustarum usque decisionem, vel ad dentium avulsionem, ut ulcus citò curetur, deveniunt, alioquin insanabile apud ipsos habetur.

Vana Galeni doctrina de ulcerum sanatione videtur, quam adstringentibus, & exsiccantibus totam collocat, ac in producti ablatione reponit, & adhuc illibata hænanæ, tanquam axiomata per chirurgorum vulgarium, imò veterinariorum ora circumferunt: *Ulcus, ut ulcus exsiccatione indiget!* Si exsiccantia cunctis satisfecerint ulceribus, facilis esset quorumcumque sanatio, & creta, combusta ossa, & sicca filamenta indicationem completerent. Incassum laborat, qui juxta Galeni præscriptum ulcus eruungit.

Ulcerum, & erosionum gingivarum vera indicatio est particulas acido-salinas absorbere, & obtundere, ne ulterius corrumpant, & eas à nutrimento, sanguine, vel lalice eliminare, & gingivas consolidare. Si cacochymia corpus redundarit, purgans exhibeatur medicamentum; deinde, quæ salia diluunt, & acida absorbent, propinentur, postmodum vulnerariæ potiones, quæ specifica simplicia ad scorbutum receperint, si scorbuti suspicio adsit, ut sunt cochlearia, nasturtium aquaticum, armoracia, becabunga, aquilegia, virga aurea, scordium, trifolium, scorzonera &c. & ad plures propinentur dies.

Interim gingivæ pluries tangerantur in die aqua lapidis medicamentosi, vel aloë ex vino, & melle illita, vel tinctura mellis rosati, quæ ita paratur.

℞. Aq. plantag. lb. ss. mell. ros. simp. ℥. ij. ss. sp. sulph. aut vitrioli ad gratum acorem m. Vel decocto salvia, addito momento vitrioli de Cypro, vel decocto flor. rosar. aquilegia, bistorta, & malva.

Huic malo peculiariter aquilegia mederi videtur, & efficax est sequens linimentum hoc modo paratum.

℞. Pulv. sol. aquileg. salvia, mentha crispa nuc. mosch. & myrrhæ ana ℥. ss. alum. ussi ℥. j. mell. puriss. q. s. Mel leni carbonum igne incalcescat, & despumetur. Despumato, & calenti pulveres inspergantur, ut f. linimentum, quo gingivæ.

Musitani Opera Tom. II.

gingivæ quotidie illiniuntur. Non credibile est quantum in hoc affectu curando hoc linimentum valeat.

Si gingivæ putridæ sint, & scetentissimam spirant animam, fortiora exposculant, tunc sequenti nostro medicamento pluries à nobis experto tangi possunt.

℞. Aceti ros. ℥. iv. mell. opt. ℥. j. virid. aris ℥. j. salis armoniaci ℥. ss. sang. drac. ℥. ij. alum. ℥. j. pulv. sabine ℥. ss. Stent in loco calido per 12. horas, deinde bulliant parum, & post refrigerationem decanta, & utere tangendo. Efficacissimam quoque experti sumus aquam viridem quam cap. 30. de Ozænis descripsimus. Vel elegans remedium est mel rosaceum cum spiritu salis ad gratum acorem imprægnatum.

Interim os colluatur sequenti collutione.

℞. Radic. tormentill. flor. hyperic. fol. salvia, roris marini, & summit. rubi Idei ana m. j. Coque incisa in vini lb. ij. ss. vase optimè clauso, ne quid expiret, post refrigerationem fiat colatura pro oris collutione, in scorbuto autem os colluatur infuso nasturtii aquatici, & cochlearia in vino.

Post gingivarum mundificationem, pro cicatrizatione opiata sequens cum petiis lineis super gingivas applicentur.

℞. Sang. drac. & myrrh. ana ℥. ij. sarcocoll. ℥. j. bol. armen. ℥. j. ss. aloës ℥. ij. radic. aristoloch. rotund. & flor. hyperic. ana ℥. ss. pulveriza, m. cum melle despumato, & f. opiata.

Pro hoc, & aliis gingivarum affectibus, imò pro dentibus, & gingivis præservandis à variis affectibus præstantissima est sequens Ettmulleri mistura, ut

℞. Aquæ plantag. sedi minor. ana ℥. ij. salis armoniaci, salis tart. ana ℥. ss. vel ad ℥. j. m. filtra.

C A P U T XXXVI.

De Dentium Dolo.

Sunt gingivæ, de quarum exulceratione, & erosione supra egimus, illæ portiones duriusculæ carneæ, quæ dentes, valli instar, cingunt, eosque in suis alveolis stabiliunt; eapropter cum resita sit, hæ gingivæ hoc in secundo nostro Tomo chirurgico de dentium morbis agere nos invitant, & primò de dentium dolore.

Dentium dolo prima facie levis videtur, attamen non raro cum aliis gravioribus symptomatibus, quæ corpus affligunt, comparandus est; est namque immane tormentum, & miserabile supplicii genus, adeò vulgarissimum, ut pauci reperiantur, qui eum non experiantur: aliqui enim aliquantulum mitius eo vexantur, alii longè acerbius, & tandem quosdam tam immanis occupat dolor, ut præ immanitate & impatientia ejulantes, sibi ipsas violentas inferant manus.

Quisnam in dentium dolore sit locus affectus, ex ipsa nomenclatura hariolatus fuit *magister Gal. s. de compos. med. sec. loc.* ubi dentes in propria substantia dolere asserit: Verum parcite Galeni manes, nam qui oppositus est denti evulso attractionis penuria suam superat seriem, & lima atteritur absque doloris sensu, quia planè sensu sunt destituti, ut alia ossa, nec membranis, nec nervis præditi sunt, ac insensibiles omninò sunt, idèdque non dolent, neque ab igne, neque à ferro.

Dolor falsò dentibus adscribitur, sed tribuendus est membranis tenuissimis exquisitè sentientibus præsepiola eorum investientibus, & nervulis mollibus ex quinto pari, qui per dictas membranas radicibus alligantur, vel cavitatem ingrediuntur, ubi disperguntur, & parvulis propaginibus cum substantia quadam mucosa in dente medio reperta, miscentur.

Signa.

Ad dentium dolorem cognoscendum non opus est signis, cum ab ægro Medicus certior fiat, tantum cognoscere debemus, an dolor sit in gingiva, pro quo gingiva inspicenda est, utrum inflammatio, tumor, corrosio, seu putrefactio in ea appareat. Si nihil horum adsit, doloris causa, vel in membranis, vel in nervulo, vel in dentis cavitate erit. In membranis quidem dolor non est ita profundus, vel secundum latitudinem extenditur, & quædam doloris mutatio animadvertitur. In nervulo si dolor sit, profundior & vehementior est. In cavitate verò si in

L

mucos

flucofa substantia in dente medio reperta, obtusus erit, sed diuturnus.

Si dens est cariosus, & à verme intus obfessus, dolor est interpolatus ad ipsius vermis motum, exiguis desinens, & rediens intervallis, & ipsius vermis motus in parte quadam percipitur.

A spiritu flatuoso cognoscitur ex illius atrocitate, & divulsionis sensu, qui in parte percipitur, vel qui exiguo cessat spatio, ac faciliè discurientibus curatur remediis.

Vulgares, quorum Medicina est ex calore, & frigore aggregatum, doloris signa ex calore, & frigore assignant: Si à calore dolor oritur, præcesserunt caloris causæ, multò est intensior, caloris sensus in parte percipitur, à frigidis curatur remediis, & à validis intenditur; Si verò à frigore oritur dolor, signa prædictis contraria apparere solent. Verùm in hoc allucinantur Vulgares, & videntur ex cauda vulpem, & ex ungue leonem cognoscere. Non benè inferunt dentium dolorem à calidis intendi, & à frigidis sisti: igitur à calore. A frigidis exacerbari, & à calidis curari: igitur à frigore. Non inquam, ita dicant; possunt enim calor, & frigus per accidens excitare dolorem, spiritus S. salinos, vel acidos impetuose movendo, & illos faciendo penetrare, idèdque ratione motus, quem acquirunt, intensissimos excitant dolores, & tunc à calore esse putantur, cum frigida, vel gelida dolores sistant, motum illis auferendo, partes densando, & penetrationem intercludendo. Cum calida dolores sistunt, à frigore creduntur, quia aliquando calor, præsertim cum mitis est, poros aperit, & exhalare facit, & tunc dolorem vel sedat, vel aufert, quod facit etiam aliquando validus color.

Causa.

Gregarii Medici dentium dolorem vel à quadam simplici intemperie, vel à catarrho à capite defluo fieri imaginantur, & quandoque à partibus promanare inferioribus, qui in maxillarum, & alveorum dentium membranas, vel in nervulum dentis radici insertum, vel in ipsam dentis substantiam confluit.

Verùm decipiuntur Vulgares à fluxione ad dolentem dentem depluente, quam ægri sentiunt, & eò magis ab assidua salivatione, quæ in dentium dolore ferè perpetuò esse solet. Insuper falsum est in propria substantia dentes humorum affluxum, ac distentionem recipere posse, cum sint corpora solidissima, & durissima, ac lapidibus vix cedant, & secundum *Helmontii* sententiam dentis materia non est merè ossea, sed inter os, & petram media, seu neutra.

Alii Vulgares cum caloris, & frigoris doctrina, doloris proximam causam in continui solutione statuunt, quam calor, & frigus parit, ita frequenter accidere solet, cum juscula nimium fervida, & alia cibaria calida quoridie ingerantur; mox his potum superaddendo frigidissimum, his contrariis fatiscant: Non secus ac silex, aliisve durus lapis, sive vulgaris, vel gemma, vel vitrum, vel crystallus candens, in frigidam projectus aquam, hisce contrariis non potest non dehiscere, & in minimas non dissilire particulas. Sed de caloris, & frigoris naniis fusiùs de capitis dolore egimus. Præterquam quòd inter hujusmodi contraria non est par comparatio, longè enim distat à candore fervor, nec dens à fervido jusculo, imò difficilè igne actuali calcinari potest, ut lapis per aliquot horas in candore detentus.

Vera dentium doloris causa, sunt particulae salinae, & acidæ cuspidatæ, & angulares vellicantes, divellentes, contrahentes, distendentes, vel pungentes membranas tenuissimas dentium alveolum succingentes, vel nervulos exquisito sensu donatos, radicibus fortiter alligatos, vel cavitates ingredientes. Hæ particulae vel cum succo nutritio, vel sanguine, vel lymphæ ex propriis conceptaculis in interiorum dentium cavitatem, aut membranas, aut nervillos inferuntur. Hujusmodi particulae acutæ, vel cum cibo, potu, vel aere communicantur; & præsertim dentibus jam erosis, & cavitate ad medullam interiorem, vel ipsos nervulos inferuntur. Excitatur magnopere dentium dolor à vitiosis particulis per stagnationem ob obstructionem factam, humores hypochondriaci, cacochymi, visceridi, falsi, acres, circa dentium membranas cumulati, vel evasati circa fibrillas nerveas, & radices, vel cavitates odontalgie sunt causa.

Cibus immodicè sumptus non solum multum facit ad hoc malum producendum, sed etiam prava qualitate imbutus, sic nimis salita, insumata, allia, capæ, aurantia, limones, acerum &c. aliaque succi pravi edulia nocent, quæ acrimoniam sero, seu lymphæ imprimunt, in primis dulcia dentibus insensa sunt, ob aciditatem, quam in glutinosis dulcedinis particulis latentem viscidam, & vinctam habent, quæ deindè caloris ope extrahitur.

Idem de potu dicendum putamus, dum copia sua, & intempestivè digestionem interturbat, isque intensè frigidus, & potissimum in glaciem redditus vitandus, & præprimis, si varia salium genera intra se continet; quippe notum est frigida coagulare, & dentibus esse hostilia, & eo magis, si jusculis calidioribus assumptis, de super frigidus hauriatur potus. Nocet potus intensè calidus dentibus, hinc & ipse Chocolatis, vel Theæ, vel Caffæ potus fervidus, dicitur dentibus insensissimus.

Aer quoque multum odontalgie favet, hinc accolæ Maris Balthici, & septentrionales alios populos dentium doloribus affici notum est; volitant namque in aere varia salium genera, inspiratione furtivo quodam modo introhauriuntur. Contrà in Ægypto ubi insignis est aeris clementia, dentes nec dolore, nec cariari fertur. Autumnus maximè odontalgie ferax est, tunc enim magis aer variis salium particulis consparcatur, ut fusiùs diximus in nostra *Trutina lib. 1. cap. 8. de Angina, & angina epidemica*, cujus occasione de febribus ex aeris mutatione, egimus. Sic & hyems, flante Borea, tunc tubuli obstruuntur à frigido aere, unde humorum stagnatio facilius redditur ab aere, acido nitroso.

Fir quandoque dentium dolor, cum gingiva est detecta, vel malè digesta est ultimi alimenti sui materia, & circa dentis radicem putrescens.

Vermes in cariosis dentibus geniti, esse possunt doloris dentium causa: sunt vermes in dentium carie ex ovulis, dum mediante cibo à muscis, aliisve insectis in loculis suis conspurcato, dentium cavitati inferuntur, hæc ovula, mediante calore à reliquis cibis suscitato, ibidem in vermes excluduntur, vel aliandè ibidem congeruntur. Hi vermes doloris sensum inferunt, repentes, jectigantes, vel mordentes, & vellicantes nerveas fibrillas.

Prognosis.

Dolor, qui per intervalla recurrit, fit à substantia admodum volatili, quæ quoties generatur, dolor recurrit, & quoties resolvitur, sedatur; quòd si in aliquo dente sedem fixerit; tunc à substantia vix dissilabili oritur, & ibi sævire non desinit, & hinc crebra odontalgia, donec caries, cavitas, putredo &c. quas etiam gingiva ita pluris recrementi ferax sollicitat, donec aeri detur accessus; tunc in isto dente dolor cessare solet, sed temporis tractu in alium transit dentem in quo novum dolorem, cariem &c. excitat, & hac de causa multi redduntur edentuli.

Quandoque dentem non attingit, sed gingivas, in tumorem attollit, (& dentis evulsionem dolor non remittitur) qui transpiratione resolvitur, & interdum gingivas inflammat, earumque tumor suppurationem, exulcerationem, & quandoque (quod pejus est) maxillæ cariem inducere solet.

Si tumor in malis oboviatur, doloris dentium resolutionem portendit: rationem assignant Vulgares, quia naturæ robore, vel medicamenti virtute transfertur fluxio ad partes exteriores, & non amplius ad internam dentis cavitatem decumbit. Verùm errant, dum à cerebro, vel à dissitis partibus defluxionis decubitus mendicant. Sentiunt ægri humoris defluvi decubitus, quia latex per nervos, arterias, venas & ipsum corporis habitum ad laceffitam deferitur partem, ut exoticum cicuret hostem, & indolentem excitet tumorem, si non sit qualitate molestus.

Dentium itaque dolor simpliciter morbus lethalis non est, non tamen est parvi faciendus, ne mors indè sequatur, multi enim ob doloris vehementiam mori maluerunt, quam diutius torqueri, & nostrates mulieres parere malunt, quam dentium dolore corripì, imò sæpè ægros ad insaniam adduxit. Si membrana, seu magis nervuli circa radices, ibi inferuntur, à vermibus, vel à salinis, acidisve particulis stagnantibus torqueantur, faciliè spiritus animales, & totum corpus in consensum trahi possunt, & ob doloris immensitatem, vigilas, inquietudinem, aliaque accidentia, vires

vires insigniter deficere possunt, imò non ægrè convulsiones oboriri. Ubi odontalgia cum stridore, & febre ardente, seu maligna maritatur, mortem portendit.

Curatio.

Curant Vulgares dentium dolorem ita: si ab humotibus calidis ortum ducat, cephalicam secant è brachio ejusdem, revulsionis gratia, si materia è capite defluat, vel basilicam, aut saphenam, si ab inferioribus ascendat partibus, tundunt; aut cucurbitulas in scapulis scarificant. Venas sub lingua derivationis causa incidunt. Nonnulli venam pone aurem aperiunt. Quidam aures scarificant. Si dolor à frigidis exciteretur humoribus, venæ sectionem minus convenire fatentur, fluxionis tamen ratione etiam usurpant, quia inter revellentia remedia locum tenere existimant: Verùm tunc minori copia sanguinem detrahunt, nisi plethoræ signa appareant, ratione cujus etiam si materia sit pituitosa, liberalem venæ sectionem instituunt juxta Galeni præceptum qui in magnis morbis & vehementissimis doloribus promptissimum remedium esse largam sanguinis missionem asserit.

Cæterùm errat Galenus, nam magnus dolor remedii magnitudinem indicat, non autem venæ sectionem, ac proinde magnum remedium illud existimatur, quod magnum curat morbum, non quod sit unum ex universalibus præsiidiis putatis, ut est purgans medicamentum, & venæ sectio apud Vulgares. Sit cujuscumque conditionis remedium, sufficit, ut magnam curet morbum, ut est potus aquæ frigidæ in febre ardente. Nec revulsionis, aut derivationis gratia defunt frictiones, extremorum ligaturæ, crurum lotiones, vesicatoria brachiis, cervici, vel post aures applicata. Imo in carpo ejus manus, quæ est è conspectu, & latere doloris, flammulam, vel ranunculum imponunt.

Si alii à sanguine peccant humores, purgans exhibent medicamentum humori peccanti accommodatum, in forma potionis, si peccans humor fuerit calidus; si verò frigidus in forma pilularum secundum doloris, vel peccantis naturæ exigentiam.

His peractis, si materia adhuc fluat, adstringentibus inhibenda est; si à capite fluat, fronti, & temporibus emplastrum ex gummi elemi, de mastiche, myrrha, vel contra rupturam applicant; si à partibus inferioribus sursum scandat, quæ ventriculi os adstringunt, & roborant, adhibent. Verùm hæc adstringentia, & repellentia (posito, quod verum sit, quod vulgaris sententia asseverat) non sine ægri periculo adhibentur, præcipuè si fluxio copiosior esset, posset enim intrò ad fauces irruere, & ægrum suffocare. Cessante fluxione, discutientibus quibus adstringentia admiscerent, utuntur.

Medicamenta topica in duas dividunt classes, vel pro fluxione calida, vel frigida. In calida pro oris collutione varia adhibent decocta fol. myrthi, ros. rubr. radic. oxylapath. silicis, torment. urtic. &c. Vel sedi, plant. lactuc. sem. papav. alb. hyoscyami &c. Bulliant in sufficienti aceri quantitate ad tertiæ partis consumptionem. Cæterùm acetum per ebullitionem, ob phlegmatis evaporationem fit acerrimum, & nihil differt ab aceto destillato. Putant Vulgares acetum frigidum, & vinum calidum, & tamen acetum est vini soboles, per secundam fermentationem: Id falsum deprehendimus, solvit enim corallia, & uniones, quod si frigidum esset, utique non eveniret. Vitandum itaque est acetum, tanquam hostilis gladius in dentium dolore à causa acida, & præcipuè si gingivæ sint simul affectæ, quia per se dentibus nocet, dolorem adauget, eosque, si corrosi sint, magis corrodit. Vel prædicta decocta in vino parant ad tertiæ partis consumptionem, sed perperam; nam volatilis vini spiritus abijt in auras, & insipidum phlegma nullius energię compos remanet. Multum prodesse existimant aquæ frigidæ in ore retentionem.

In dolore dentium ex frigida fluxione diversas oris calidas collutiones parant ex origano, menthastrò, hyssopo, ligno guajaco, rore marino, salvia, betonica, sumpfuco, radice pyrethri, sem. nigellæ, flor. stœcad. Arab. &c. ex quibus variarum decoctionum formulas concinnant. Vel ex caryophyll. cinnam. pipere, pyrethro, zingibere, nuce mosch. &c. decocta parant in vino guarreto pro calida oris collutione. Vel allium sub cineribus coctum denti dolenti imponunt.

Musitani Opera Tom. II.

Si dolor ita immanis sit, ut his præsiidiis adhibitis non cesserit, ad narcotica deveniunt, post universalia præsiidia quæ dolorem sedant, & fluxionem cohibent, ut est the-riaca recens, aut Mithridatium, Philonium Romanum, requies Nicolai &c.

His omnibus ineassum adhibitis, dentem evelli suadent, & primò gingivam à dente scapello separant, deindè tenacula, vel rostro corvino, vel pelicano dentem erunt, & tandem, expresso à gingiva sanguine, vino rubro, vel posca sanguinis fluxum sistunt. Verùm quia nonnulli hanc chirurgiam exhorrent, tunc corruptentibus, & dentes mobiles reddentibus utuntur, ut dentes manu extrahi possint. Hujus farinæ est pyrethrum in aceto maceratum per 40. dies, aut tithymali succus, verùm dentes sani, ac gingivæ cera obducta præmuniantur, & tantum dens malè affectus illiniatur, & infra horæ spatium digitis eximi poterit. Eodem ferè modo applicari potest gummi hedera, vel olea, & dens brevi spatio in partes dissilit.

Dentium curatio pro causarum diversitate institui debet, unde si dolor ab acido ortum ducit, quæ acidum obtundunt; si à falso, quæ falsum diluunt, administrari debent; si à vermibus, quæ vermes enecant; & si à spiritu flatulento, discutientibus remediis facillè curatur.

Purgatio, & phlebotomia in dentium doloribus administrari non debent, quia nihil profunt, imò maximè obfunt. Cæteri, quos exercent cruciatus vulgares, quibus miseri torquentur ægroti, sunt peccatorum pœnæ; Deus enim, delinquentes in conspectu suo tradit in Medicorum manus.

Convenientia odontalgica erunt liquores, quibus dolentes tanguntur dentes, vel in ore detenti, qui dolorem demulcendi, humoremque dolorificum ad se arripiendi energiam habent. Verùm quia quandoque magnus laticis affluxus ad laceffitam decumbit partem, ut exoricum cicuraret hostem, adhibenda sunt, quæ laticem per assiduam exturbant salivationem, & hoc modo multoties cum laticis exturbatione doloris causam eliminavimus: hujusmodi est nicotiana fumus ore exceptus, vel angelica radix in ore detenta, vel pyrethri, quam vulgus radicem S. Apollonia appellat. Quod si hæc medicamina respiciantur ob caliditatem ingratumque saporem, & præcipuè nicotianæ fumus, ejusvè masticatio ob prava symptomata, quia non omnibus est usus, optimum succedaneum erit mastichen in ore versari, vel eam dentibus premere.

Multum conferre possunt decocta, quibus dentium collutiones fiunt, ut

℞. Vini alb. generosi ℥. v. radic. hyoscyam. alb. ℥. ij. ℞. Bulliant clauso vase, & colatura calidè os abluatur. Vel fiat oris collutio ex decocto radicis hyoscyami, & ejusdem seminis, ac sem. lactuca, & papaveris albi ex vino cum opiū ℞. ℞. Aut decoque hyoscyami radicem cum herba persicaria in aceto, & calidè collue, & efficacissimè dentium dolores sistuntur; in hyoscyamo enim receptaculum, seu siliquæ seminis dentis maxillaris figuram habent: ideòque radix, ejus oleum, semen, seu liquor expressus insigne est odontalgicum. Decoctum comarum sabina calidum per aliquod temporis spatium in ore detentum, dentium dolorem demulcet, causam extrahit, & si fortè in dentis cavo vermiculi celentur, illi simul extrahuntur, & exterminantur. Si hoc quandoque non juverit, ad lapidem prunella in rotulas fusum confugiendum est, quarum una in ore ad dolentem dentem retenta, multam extrahit ex ore salivam, cum qua doloris causa plerumque eliminatur.

A quacumque causa oriatur dentium dolor, sequentibus odontalgicis non tantum demulceretur, verum etiam tollitur; ita est radix lapathi acuti in taleolas secta, & exsiccata, & denti dolenti imposita: Verùm vere ante germinationem colligi debet. Magnæ efficacię erit oleum buxi, tam per destillationem à retorta, quàm per descensum, sed plurius facimus oleum ligni Heraclini, sive ligni corylini. Idem præstat oleum camphoræ, & cinnamomi, in quo gossypii frustulum intinctum denti admoveatur, verùm si dens cariosus fuerit, illius cavo inseritur.

Si dentium dolor sit vehementissimus, narcotica expostulat, ita est camphoræ spiritus, in quo applicando, cavendum est, ne gingivæ à menstruo erodantur; unde aliqui utuntur camphora ipsa in mortario soluta cum vino, vel vini spiritu, sed vinum quandoque suspectum est, ob aciditatem, quæ semper in eo experitur, ideòque

in odontalgicis medicamentis majoris suspicionis erit accitum, quando dolor ab acido ortum ducit. Interdum recurrendum est ad vulgaria opiata, quæ, ut citius penetrant, dissolvi poterunt cum *aqua salvia, roris marini &c.* cum quibus etiam solvitur quandoque *opium cum croco mistum*. Solvunt interdum dentium dolorem suffumigia ex opiatis, ut ex *seminibus hyoscyami*. Profunt etiam suffumigia ex *succino, vel ejus oleo*, vel applicatur specificum *gummi animæ cum gossypio*. Aliquando admovetur *oleum caryophyllorum, juniperi: roris marini, nucis moschata, guajaci, spica &c.* quæ miscentur etiam cum camphora, & opio, ut

℞. Ol. caryoph. gutt. ij. camphoræ parum, misce in mortario, & cum gossypio denti impone. Vel

℞. Camphoræ ℥. ss. opii gr. iv. spiritus vini ℥. ij. aquæ salviæ ℥. vj. m. & calidè detineatur in ore. Efficacissima erit tinctura laudani opiatæ. Vel indatur denti, si cariosus, vel perforatus fuerit, pilula de laudano opiato, vel de cynoglossa.

Respicendum est etiam, quàm maximè ad causam, nam aciditas dentem inficiens, tollitur *oleo caryophyllorum, portulacæ &c.* & sic in aliis procedendum, appropriatis remediis. Interdum ex dolore inflammatio vicinarum partium procedit, & tunc Medici Vulgares putant doloris causam esse calidam, & cavendum est in hoc casu à medicamentis, quæ nimium calorem excitare valent.

Si dens dolens sit cariosus, ejus dolorem demulcet sequens electuarium, ut

℞. Radic. bistortæ, & pyrethri ana q. u. alum. usti parum: contunde invicem in mortario, & cum suff. mellis quantitate fiat electuarium, cujus quantitate pisi cavo denti immitte. Sedat dolorem, laticem extrahit, & vermiculos enecat.

Pro certissimo experimento habemus contra dentium dolorem *Ranæ terrestres tibias optimè à carnibus mundatas*, quibus si dolens tangatur dens, omnis abigitur dolor. Item dens ex *maxilla mortui* evulsus, & cum radice sua dentem dolentem tangens, dolorem tollit, & dentem glacie frigidiorē reddit, qui temporis tractu, vel frustulatione cadit, vel ad pristinam abit temperiem.

Si à vermibus dolor excitetur, hos enecat *sabina, absynth. tanacetæ, vel prun. sylvest. cum radice angelicæ, & semine zedoariæ decoctum* pro gargarismate. Alii commendant *fumum halicacabi*. Quidam *fumum seminis hyoscyami* per infundibulum ad dentem dolentem exceptum unicè prædicant. Item omnia amara, ut sunt *myrrha, aloë, colocythis, centauria minor &c.* Ad vermiculos fallendos, & eliciendos quandoque *dulcia* profunt, sic mel denti carioso impositum vermes allicit.

Dentium dolor primis mensibus gravidis quandoque molestus esse solet. Oritur iste dolor à spiritu falso, vel acido ex sanguinis redundantia, non verò ob menstruorum retentionem, cum gravis menstruis non tententur, irruente in nervulos; vel membranas, à quo contrahuntur, & ex contractione dolor. Dentium dolor in nonnullis est certissimum graviditatis signum. Cessant hi dolores ut plurimum temporis progressu, ut cessare solent alia gestationis symptomata, quæ in conceptionis principio molesta esse consueverunt. Sedatur dentium dolor in gestantibus remediis suprâ notatis; Si verò gravior sit eodem modo succurrendum est, ut suprâ notavimus.

Si omnibus hisce remediis dentium dolor non cedit, vel post aliquod temporis intervallum recurrere consuevit, quia dens valdè exesus, vel cariosus fuerit, optimum, & infallibile remedium erit, cum ferro extrahere, quo extracto, statim omnis Vulgarium fluxio evanescit, & dolor non amplius reversurus remittitur.

C A P U T XXXVII.

De Dentium Stupore.

Dentium stupor, Græcis *hamodia*, est molestia, qua dentes tactus sensu vitiantur, & ita stupentes evadunt, ut non nisi magna cum molestia cibum commasticate queant.

Signa.

Malum hoc ita dentes occupat, ut non solum mandantes ex eo intolerabiliter doleant, verum etiam nec cibum

mollem mandere possunt, imò nec digitis suis æger attingere præ dolore vix sustineat. Quapropter perperam dentium stupor appellatur, qui est sensus abolitio, sed potius ad dolorem pertinere videtur. Unde rectè *Capivaccius* hæmodiam dolorem dentibus propriam esse asserit.

Cause.

Galenici in dentium stupore intemperiem frigidam nervos antedictos infestare autumant, quam frigida etiam externa occurrentia adaugere credunt. Horum nonnulli velint nolint, etiam illa crepent ad saporem acidum confugiunt, verum dentium temperiem immutantem, ad quem etiam austera referunt.

Stuporis dentium causam ab acidis, & austeris provenire asseveramus; hæc namque non modo ex particulis acutis, sed etiam hamatis constant, quæ ita fibras, & nervulos nimium, constingunt, & rigidos reddunt, ut spiritus simul ligentur, nec ob fibrarum, & nervulorum rigiditatem liberè moventur. Unde fibræ, & nervuli nimis tensi, ad quemcumque leviorē contactum molestè moventur, ut vi quadam flectantur, quam molestiam spiritus advertentes, communi sensorio offerunt, cum quadam ineptitudinis ad motum idea, & stuporis perceptionem excitant. Hujusmodi particulis abundant fructus valdè acidi, acerbi, & austeri, ut pruna sylvestria, omphacium, cornum, amarenæ, mala limonia, citra, aurantia, cotonea, ribes, & alia poma immatura, & acerba. Item potus vini acidiusculi, aceti, spiritus vitrioli, sulphuris &c. ad quorum comestionem, aut haustum facilè subsequitur hæmodia. Similiter saccharata hunc peregrinum acorem producere solent, quia occultum in se habent acorem. Id etiam evenit ab humoribus acidis vomitu rejectis, quod multis affectione hypochondriaca, vel scorbutica laborantibus accidisse observavimus, qui tam acida vomitu rejecerunt, ut dentes stupidi iis ita indè evaserint, ut per integrum diem vix aliquid comedere potuerint. Sic & affectus iste, quod mirum, ab imaginatione sæpè oboritur, quando alium res acidas, & acerbas masticantem videmus, aut tetricum, & asperum sonum audimus; nam imaginatio furtivo modo moveri in corpore humores, & eos præcipuè, qui cum re, quam imaginamur, aliquam habent analogiam. *Hieronymus Fracastorius* tamen de *sympath. & antipath. cap. 14.* ad auditus organum affectum causam refert, inquiens: *Similiter & si acutus valdè sit sonus, & stridulus, applicatio vim patitur, quasi in angulo facta, tunc membrana auditus quasi icta offenditur, unde contrahitur repente, ac cum ea simul & nervuli quidam usque ad radices dentium in quem locum subito incidens novus aer horrorem quandam circa dentes facit.*

Prognosis.

Dentium stupor est molestus sit, non semper difficulter curatur; sæpè namque nullis adhibitis remediis absque ullo dentium damno cessat.

Curatio.

Curant Vulgares dentium stuporem quibusdam remediis specificis per experientiam observatis, ut *portulaca viridi masticata*, cujus succus lentore suo dentibus adhærens, aciditatem è dentibus extrahit. *Rhæsis amygdalas amaras, & ceram masticatam* commendat, quia unctuositate sua illam congelationem remittere credit. Alii *radices glycyrrhizæ, aut pineas, avellanas, juglandis* extollunt, quibus aciditatem obtundere imaginantur. Nonnulli *caseum recentem, aut vetustiore, vel calidum ovi vitellum* laudant. Plerisque panem è furno calidè extractum masticandum exhibent, vel oris collutionem cum *vino calido* præcipiunt. Verum si dentium stupore laborans masticaverit panem è furno calidè extractum, calidum ovi vitellum, caseum recentem, vel vetustiore poterit utique hos deglutire, & optimum vini cyathum superbibere, & ire dormitum; & sic manè à dentium stupore immunis erit; *Joannes Hartmannus* in dentium stupore jubet, ut stupidi dentes *sale fricentur, vel masticetur pannus laneus, vel pilosus pileus*. Verum errant vulgares, nam stupidi dentes non tantum cibum mollem mandere non possunt, verum etiam

etiam nec tangi, unde si supra enarrata masticare possent, utique nulla molestia cœtera alimenta conterent. Præterea his nulla virtus inest acidum dissolvendi, infringendi, vel corrigendi.

Hæmodiam curant remedia quæ particulas acutas, & hamatas non solum hebetant, sed quæ emolliunt, & fluxiores reddunt fibras nervosas, & eas blandè commovendo reficiunt, ne ulterius rigescant. Hæc curatio non modò producti eliminationem respicit, verùm etiam causæ, quæ si interna sit, auferatur remediis millies à nobis decantatis. Producti curationem perficit *decoctum salvia, sampsi, baccarum lauri, vel essentia salvia, roris marini, tinctura juniperi, vel balsamus Peruvianus* cum gossypio denti affecto applicatus: Omnium optimum est *urina hominis calidè dentibus adhibita, vel sal armoniacum in aqua portulacæ solutum*, & applicatum. Vel omnium remediorum optimum est, si stupidi dentes *Alkalibus* fricentur, in quorum defectu os *lixivio* colluantur, vel *vini spiritu*, vel *oleo tartari per deliquium*, si tangantur.

C A P U T XXXVIII.

De Fædo dentium colore, & Sorditie.

Dentes candidos, & nitidos natura efformavit, quid enim pulchrius esse potest, os, albis dentibus præditum, spectare; profectò videtur naturæ ætarium, in quo prædentibus rot margaritæ spectantur, & tamen quos natura dealbavit, incuria nigricavit! Quid abominabilius est dentes nigros, vel lividos, vel fuscops vel fœtentem mucilaginem, tartareumque tophum habentes aspicere; Equidem dentes ita sordidi hominem dedecorant, & adstantibus nauseam pariunt. Quisque dentes candidos & eburneos habere potest, cum ex incuria tantum hic proveniat affectus, si debito mudentur modo, & in suo conserventur tenore.

Signa.

Signa ad simplicem oris hiatum sunt ita manifesta, ut ea describere non oporteat.

Causa.

Vulgares dentium fœditatem, & sorditiem humoribus vitiosis, in illorum superficie hærentibus refundunt, quod si verum hoc esset, tantum cachexia laborantes hoc efficerentur malo; & vaporibus fursum exhalantibus, quod etiam à veritate alienum cognoscimus, nam vapores fursum exhalantes, in simplicem se condensant aquam: crebro dulcium eduliorum usui, & hoc malum solum nobilibus, & magnatibus esset familiare: Verum id credimus anile esse inventum, ad arcendos pueros à dulcium eduliorum usu, fructuum nigrorum, ut cerasorum, myrtillorum, mororum &c. masticationi, quasi potus & saliva talem nigredinem superficiei diluere non valerent. Præterea qui tales nigros nunquam degustarunt fructus, cur tali laborant affectu? Crapulæ nonnulli refundunt, quod maximè canibus, & suibus, cum voracissima, & omnivora sint animalia, hoc contingeret malum. Multi frequenti lacticiniorum usui, & præcipuè caseo putrido, alii cibis nimium calidis & aliis sexcentis anilibus fabulamentis. Qui incuriæ, & mundificationis dentium neglectui tribuunt, de medicamento agunt præservativo, non verò de hujus morbi causa.

Non negaverimus tamen ab argenti vivi suffumigio, & inunctione, in lue Venerea, dentium fœditatem provenire, sicut etiam à mercurio cosmetico, vel sublimato in aqua cisternæ soluto, cum limonum succo, ovi albumine, cucurbitæ seminibus, & camphora, quibus Neapolitanæ mulierculæ pro dealbanda facie utuntur, plerumque dentes fædo imbuere colore, quia potis se insinuat, & temporis tractu dentes inficit, quomodo id accidat, ex infra dicendis eruitur.

Postquam tartarus, ductore *Paracelso*, in Medicinam fuit ingressus, non defuere medentes, qui morborum myriades tartaro adscripserunt, & tartaro quoque fœdum dentium colorem, & sordem tribuere; & proinde voluit *Paracelsus* ciborum tartarum tanquam propinquiorem in dentalem lapidem transire, potius verò tartarum in re-

Musitani Opera Tom. II.

num & vesicæ calculos: putabat enim nil cibalis tartari ad renes, & vesicam pertinere, & revera tartareum lapidem dentibus obnasci cernimus, tartaro correspondentem, nihilominus in cibo reperiri negamus, &

Primò, febricitans, qui triduo, vel quattriduo nihil edit, aut masticat, in dentibus lapidescentem contrahit mucilaginem, imò copiosiore, quam si bene valens comederet; constat itaque mucilaginem lapidescentem circa dentium radices, quæ extra gingivam se offert, non esse ciborum tartarum.

Secundò, qui nihil edit, & bibit, nisi per infundibulum ab oris, palati, linguæ, faucium &c. defectum, nihil masticat, neque alimentum dentes attingit, & tamen quotidie dentes incrustantur, non alias quam comedens, & bibens.

Tertiò, si quis in singulis comestitionibus, os, & dentes exquisitè abluat, fricat, abstergatque, manè tamen novum lapidescentem, olidumque lentorem circa dentes reperiet, qui ex cibo remansisse nequit.

Quartò, si tartarus ciborum esset soboles, toties esset diversus, quoties cibi diversi.

Quintò, qui simplici pane, & aqua jejunant, non aliter ac qui panem, carnes, caseum &c. comedunt, æquè in eodem olido conveniunt lentore. Constat igitur vanum esse *Paracelsi* de tartaro circa dentes commentum, cum alimenta tartari sint insontia, ut fusiùs probat *Van-Helmont*.

Pro nostra sententia cum supra citato dicimus, quòd lingua tunica amicitur tenui & porosa, ut sapores penetrant, ejusque substantia est mollis, laxa, rara, & spongiosa ad imbibendos sapores aliquo madore vectos. Hæ porositates inter mandendum madore replentur, non tamen tartaro, sed solida ciborum substantia. Imò si abradatur ista sordes à lingua, non acquirit dentalis lapidis duritiem licet areseat; fœtet tamen, sed non pro dentalis lapidis odore cadaveroso. Si mox post pastum lingua abradatur, vel duriori fricetur linteo, manè minus mucilaginis, iterum abrades, sed non minus olidæ. Hæc linguæ faburra non minus ex solidis cibis, quam ex saliva & totius corporis recremento oritur, quod dentibus per successivam incrustationem obducitur. Hinc si dentis cavo detineatur cibus per noctem, hoc recremento imbibitus utique fœdiorem anhelitum expirabit, ac abrasa mucilago. Sic quoque inter gingivas, & maxillam ut ut à cœna os ablueris singulo mane alba quædam mucilago coacervatur, quæ deinde linteo absterfa, & exsiccata, proprio olet fœtore. Hæc mucilago dentibus in primo ortu alba adhæret, quæ pederentim flavescit, & deinde induritiem accrescit in dentibus, à quorum gingivis lutea incipit, & in dente non raro nigris manifesta maculis, imò nigrum, & cariosum efficit dentem.

Verum aliqui contra nostram sententiam ita instare possent: Iste tartarus omnium dentibus æqualiter, absque ulla exceptione adnasci deberet, eo quod in omnibus omnia supra enarrata æqualiter concurrant; nihilominus plures ab isto lapide immunes habent dentes, & præ omnibus *Aethiopes*.

Respondemus, quòd *Aethiopes*, quorum gingivæ in acutam desinunt cuspidem, non facile lapidem efficiunt; contra verò quibus gingivæ tument cruentæ, in obtusum desinunt, & malè dentibus associantur, iis frequens coacervatur ejusmodi lapis.

Prognosis.

Sicut albi dentes non tantum venustati, verum etiam propriæ conferunt valetudini, ita nigri, & sordidi olidam eructant animam, & sæpè in corruptionem, cariem, casum, & in gravia degenerant vitia, quia perpetuò inter mandendum detritu fætidum quid, & abominabile emittunt, quod cum cibo & saliva in stomachum descendit, & nihil boni ibi moliri potest. Præterea in febricitantibus vehementem significat febrem in dentibus lentor, ut habetur *aph. 55. sect. 4. quibus per febres circa dentes lentor quidam obnascitur, iis vehementiores sunt febres*.

Curatio.

Nostri Vulgares hujus affectus curationem aggrediuntur à causa antecedenti, qua de re si pravi humores in ventriculo redundantes, huic malo ansam dederint, eos purgantibus auferunt; si intemperies, eam corrigendam existimant, & interim optimam victus rationem præscribunt. Sed sicut in causa invenienda cæcutiunt, ita quoque in applicandis remediis allucinantur. Est malum topicum, & non à toto, vel ab intemperie impertitum.

Quò ad topica, pro dentium vitioso colore emendando, & sorditæ tollenda usitatissima habent dentificia, quæ in diversas concinnant formulas ex sequentibus, ut *ossibus sepie, rasura eboris, alabaastro, pumice ignito, c. c. usto, corall. margarit. præp. ocul. cancr. Lapide spongia, testis ovorum, cochl. usts, silicibus combustis, arena alba, sale tostotartaro calcinato, alumine usto, & his similibus*, ex quibus pollinem efformant, & ne pulveris dentificii ingredientia cognoscantur, addunt *cinnam. flor. ros. mosch. &c.* etiam in pulverem redacta ad suavem conciliandum anhelitum.

Nonnulli ad dentes dealbandos, & abstergendos tanquam arcanum, commendant *carbones, & cineres stipitum rosis marini*, quibus alii pro certissimo experimento præferunt *nicotiana cinerem*.

Optima quidem nobis videntur hæc vulgarium dentificia ad dentes dealbandos, sordisque tollendas, quia omnia ex albis, vel usts, tostis, calcinatis & igne exaltatis constant, sed non respondent dicta promissis, imò magis obsunt, quam prosunt, quia malum hoc semper tumentes, cruentæ, malè dentibus associatæ, erosæ, & exulceratæ gingivæ suggerunt, quæ in dentificiis non possunt non excoriari, cruentari, & magis à dentibus dissociari, unde postea ob alimenti degenerationem uberior fæctentis mucilaginis, nigredinis, tartareique topi census emanat. Innumera ferè proponuntur à Vulgaribus medicamenta ad dentes dealbandos, & sorditæ abigendas, sed nullius, vel parvæ efficacæ, quia rancidæ medicinæ sunt soboles, & tantum consoribus digna, ut quisque experiri potest.

Nos paucioribus erimus contenti è chymico depromptis penu, quæ in instanti fædos dentium colores auferunt, illos ab omni liberant sorditæ, & carie præservant. Talia sunt *vitrioli oleum, vel spiritus, vel oleum sulphuris per campanam*; attamen aqua fontana diluuntur, in quibus bacillus, in cuius, cuspidè obvolutum sit gossypium, immergendus est, & dentes fricandi, ac deinde linteo detergendi.

In magna dentium sorditæ purus spiritus, purumque oleum usurpari poterit, si verò stuporem contraxerint, supra enarratis cap. de dentium stupore auferes. Solet quandoque adeò magno dentalis lapidis proventu obduci dentes in quibusdam, ut nulla eorum distinctio amplius appareat, sed unius tantum ossis speciem præferant, tunc his minimè cedunt, ideoque prius scalpris, vel aliis instrumentis ferreis, aut potiùs argento paratis, dentalis removendus, & abradendus est, deinde facilè dealbantur. Si fædus color, & sorditæ superficialis sit, præstans erit limonum, vel citri succus; omnibus tamen palmam præripit *salis spiritus aqua communi temperatus*, quia præter dentium dealbationem, quam in momento efficit, eos à carie, & gingivas à putrefactione præservat, ob balsamicam energiam.

Nonnulli *aquam fortem communi aqua temperatam* commendant cum penicillo denti appositam, sed nullatenus est usurpanda, quia est corrosiva cum venenata indole, & gingivas corrodit, & caustica; maximè tamen efficacæ est *aqua aluminis*.

Sunt nonnulli, qui pro præservatione singulis diebus una, vel altera olei vitrioli guttula gingivas, & dentes leviter fricari commendant: sed perperam, quia certum est conservari dentes, & subtiliari similiter, ac tandem effringi, ut multoties observavimus. Itaque nos pro præservatione dentes semel dealbatos, & à sordibus mundatos non iterum attingi imperamus, sed ne impolterum fædum contrahant colorem, à cibis, & sordibus mundandi sunt, non autem cultri acumine, ne lædantur, sed dentiscalpiis flexibilibus, & post cibum os aqua abluatur, dentes indice fricentur, deinde mappula abstergantur. Verum hæc cura est nimis morosa, sufficet in faciei ablutione, quo-

libet manè os colluere, dentes indice fricari, & linteo abstergere.

CAPUT XXXIX.

De Dentium mobilitate, & Casu.

Vacillant dentes, cum suis non firmiter adhærent alveolis, sed huc, illucque moventur, & digitis ab uno in alium locum moveri, ac contorqueri possunt, ut facile eos eximere possis, quod malum non infrequenter incisoriis accidit, quia unà nituntur radice. Quandoque excidunt, sed rariùs; interdum per aliquot dies solummodo vacillant; & postmodum pristinam suam recuperant firmitatem, nec ampliùs moventur, sed firmiter suis adhærent alveolis, quemadmodum clavi in ligno.

Signa.

Signa, ex his, quæ diximus, facile eruantur, nam non firmiter adhærent dentes, sed ita moventur, ut non tantum digitis eximi, verum etiam lingua è gingivis eliminari posse videantur.

Causa.

In assignanda mobilitatis dentium causa non discrepant. Vulgares à recentioribus, recensent namque gingivarum laxitatem, aut erosionem ab humoribus quantitate peccantibus inductam, ut ita dentes non satis arctè, & firmiter gingivæ amplectantur.

Duplex est causa, quæ dentes reddit mobiles, una interna, altera verò externa; interna est nimia prava humiditas, sive liquor lymphaticus, & salivialis in gingivas, dentium radices, & nervos effusus, unde postmodum mollescent, relaxantur, flaccescunt, corroduuntur, & excidunt. Ita videre est in cinnabaris fumo, hydrargyri inunctione, qui phthyalismum semper excitant, & dentes quandoque ita supra modum relaxant, & corroduunt in quibusdam, ut omninò excidant, & in malè præparatis medicamentis mercurialibus introassumptis, quæ quandoque salivationem inducunt, dentesque mobiles reddunt, at nunquam cum dentium detrimento, quia eductis per phthyalismum pravis humoribus, dentes refirmantur; In scorbutico contingit dentium mobilitas à gingivis laxis, tumidis, & corruptis. In Lue venerea vacillant, quia gingivæ ab exaltato salis nutrimento diminuuntur, absumuntur, & dentes gingiva denudantur. In fumis mineralium venenatis frequentissimè aurifabris, argentariis, & metallorum fusoribus dentium mobilitas accidit. Vacillant in copiosiori alimento, cum gingivæ magis expandantur, ut in pueritia, & juventute contingit, in quibus dentes minores non respondent dilatatis alveolis. Vacillant quoque in alimenti defectu in quo dentium alveoli ampliores redduntur, & præsertim si prava coacervetur humiditas, ut in senibus, & convalescentibus videre est. Primòtes dentes omnibus pueris ante septennium vacillant, sed non omnes simul, verum unus post alium, & omnes præter maxillares istam patiuntur mobilitatem, tandemque sponte excidunt, quia succrescente alio, è fovea alimento privantur, & propulsantur. Hic nos non agimus de hac naturali mobilitate, sed de morbosa à causis supra enarratis proveniente. Externa denique causa est violata dentium contusio, vel allisio.

Prognosis.

Dentes vacillantes, per aliquod tempus refirmantur, at si diu vacillent, solent tandem penitus excidere, ideoque non parvifaciendi; denotant namque magnam gingivarum putrefactionem, cui si opportuno tempore non consulatur, eorum casus expectandus est, nec alii in elapsorum locum succrescunt, præterquam in pueritia. Hinc non modò pulchritudinem imminuit, sed loquelæ & masticatio obest.

Curatio.

In dentium mobilitate curant *Vulgares*, ut dentes in suis alveolis firmentur, ac proinde humores peccantes evacuant.

quant, vel catharticiis, vel salivantibus, & postmodum gingivas nimis laxas corroborant, & adstringunt gargarismate ex decocto fol. mespilor. plantag. myrrh. sorb. salviae prunelle, facto in vino rubro. Vel eas adstringunt decocto cupular. gland. flor. balaustr. ros. fol. quercus in vino rubro stictico facto, addita aluminis portione. Vel linimento ex sang. drac. acacia, corall. prunis sylvestribus immaturis, radice tormentil. & alumine usto, melle rosaceo exceptis. His & aliis ejusdem conditionis medicamentis gingivas astringere, dentes arctius firmari & retineri credunt.

Dentium mobilitatis curatio pro causarum diversitate diversa instituitur; quapropter si à scorbutico ortum duxerit, curatio ad scorbutum dirigenda est: vitiosi humores expurgandi sunt admistis semper herbis anti-scorbuticis, quales sunt *Nasturtii aquatici, cochlearia, becabunga folia, armoracia radices* &c. & adhibentur, quæ de gingivarum exulceratione, & erosionem suo capite proposuimus, sed præ cæteris sequens prodest, ut

℞. Tinctura gum. lacce ℥. ℞. flor. aquileg. ℥. j. spiritus cochlearia ℥. ij. m. hoc os, gingivas & dentes colluito.

Si in lue Venerea à fumis, inunctionibus, & aliis medicamentis mercurialibus vacillent dentes, tunc colluendum est aqua Anti-Venerea n. d. vel decocto ligni salsa parilla parato cum vino, mastiche, & quidem alio fortiter adstringente à nobis infra proponendo.

Si ab alimenti defectu, ut in senibus, nullum adhiberi potest remedium, in convalescentibus verò facilis est reparatio.

Si dentium mobilitas à nimia humiditate oriatur, curatio perficienda est exsiccantibus, & adstringentibus, attamen vitanda sunt, quæ dentes denigrant, ut sunt *granatorum cortices, balaustra, gallæ, vitriolum* &c. Ad humiditatem verò educendam maximopere valent salivantia ex mastiche, radice pyrethri, angelica, zinziberis, fumo nicotiana &c. Vel quæ lymphæ superfluitatem exturbant, vel medicamenta diaphoretica satis cognita, postmodum salinæ particule gingivis, & dentibus hostiles corrigantur, vel diluantur. Adstringunt exsiccantque sequentia decocta pluries experta, si sæpius quotidie eluantur dentes, quia rursus figuntur.

℞. Glandium ℥. j. gallarum ℥. ℞. alum. usti, succ. acacie ana ℥. ℞. fol. ros. rub. m. ℞. Coque in vini rubei ℔. ij. clauso opt. vase & cola.

Sequens nostra aqua expertissima ad dentes mobiles, & carne nudatos, ut immobiles reddat in suis alveolis, & carne vestiatur, & nunquam ægros tali affectu laborantes felici defraudavit eventu, & potest fieri tam per decoctionem, sed in minori dosi, quàm per destillationem, ut

℞. Fol. salviae, roris marini, sorb. olea, myrtill. pilosell. flor. ros. rubr. incompletar. & balaustr. ana m. j. rad. bistort. ℥. ℞. symphyt. maj. ℥. j. nuc. cupress. num. x. j. santal. rubr. & cortic. citri ana ℥. ℞. macis, & myrrhe ana ℥. j. ℞. sang. drac. gummi Arabic. mastich. & traga-canth. ana ℥. ij. ℞. sarcocoll. ℥. j. alum. usti ℥. ij. ℞. pyrethri ℥. ij. contundenda contundantur, & incidenda incidantur, quibus superfunde vini nigri ℔. x. stent in calore digestionis, & per cucurbitam vitream, cui recipiens adaptetur, destillentur s. a.

Vel sequens decoctum miræ efficacæ à nobis expertum pro dentium collutione adhiberi potest, quos firmissimos reddit.

℞. Aristoloch. rotundæ, trissaginis, stellariæ ana m. ℞. lentisci, hypocistidis ana ℥. ij. cupular. gland. ℥. ℞. acaciæ, & sang. drac. ana ℥. j. ℞. radic. angelicæ ℥. ij. nuc. cupress. num. iv. mastich. ℥. j. alum. usti ℥. ij. Infundantur in vini nigri austeri ℔. v. stent in loco calido per biduum, deinde bulliant lento igne, clauso vase, quo refrigerato, cola; & utere vel destilla s. a.

Joannes Baptista de la Porta sequentem aquam pro dentium mobilitate extollit:

℞. Herbar. salvia, urtica, roris marini, tormentilla, nuc. jugland. benè lotar. & contusar. ana m. ij. flor. salviae, roris marini, ros. rubr. fol. prunell. plantag. summit. rubi, marrubii ana m. ij. sem. myrtill. ℔. j. hypocistidis ℥. ij. coriand. præp. coctis. citri ana ℥. ij. cinnam. ℥. ij. nuc. cupress. num. x. boli armen. & mastich. ana ℥. ij. Incisa, & confusa infundantur in suff. quantitate vini nigri austeri per triduum deinde fortiter exprimentur. Expressum indatur cucurbitæ vitreæ, destilletur lento igne: In destillato ebulliant, clauso vase, alum. ℥. ij. cola, & ad usum serva.

Musitani Opera Tom. II.

Qui mobiles habent dentes, non multum garrant, nec digitos, vel linguam ad dentes impellant, nec frigidum admittant aerem, nec res mastigent duras, sed pulcritudinem, vippam, juscula, ova sorbilia, vel alios hujusmodi sumant cibos, in quibus non forti opus est masticatione.

Si ita vacillent, ut firmari nequeant, ne fiant edentuli, ad firmam ementiendam structuram per aureum filum fiat alligatio; attamen cautè instituenda est, ne inflammatio sequatur.

Dentium casus restituitur ex semine in alveolo latente, alveoli implentur, & ita defectus reparatur: quamdiu semina intra gingivas latent, novi post priorum casum facile renascuntur, & hac de causa in occidua ætate renasci solent, sed hoc rarissimè contingit. Ad dentium itaque casum reparandum edentuli insititios dentes ex ebore, vel dente hippopotami fabricatos, in illorum locum substituant, non tantum in venustatis gratiam, sed & in articulatæ locutionis, quia edentuli quasdam literas pronunciare nequeunt v. g. T. & R. ubi lingua ampliata prioribus dentibus inniti debet.

C A P U T XL.

De Difficili Infantium dentitione.

Dentium germina in utero generantur post maxillarum generationem, in quibus imperfectè latent, (rarum est enim infantem nasci dentatum) ne sugens papillam lædat; unde in abortu, vel in infantulo recens nato dentes exigui erui possunt. Erumpunt extra gingivas circa mensem septimum, vel seriùs, & quidem primo incisorii, quos aliquo temporis curriculo sequuntur canini, & tandem maxillares. Eorum eruptio est naturæ opus, quæ illos propellit, & eo tempore, quo erumpunt in infantibus, ex illa gingivarum continui solutione, plures affectiones præternaturales tenellos affligunt infantes: hi enim primò magnum in gingivis sentiunt pruritum, deinde quasi aculeo gingivæ, dum ab aculeatis illis perforantur ossibus, punguntur, unde vehementissimus dolor, tormina, diarrhœæ ex viridi flaventes, terrores, insomnia, vigiliæ, gingivarum inflammationes, febres excitantur, & ex divulsione, & contractione convulsiones, quas imperiti vulgares pro epilepsia accipiunt ob oris spumam, & indefinentem salivationem. Id maximè accidit, cum canini erumpunt dentes, qui vulgò ocularii nominantur, unde vulgato dici solet proverbio: *Parentes de liberis gaudere non posse, donec dentes ab oculis editi sint.*

Circa septimum annum alia fit dentitio, quia alveoli crescunt, & ampliantur, ac lactis dentes tùm temporis molliores vacillant, & excidunt, acalii grandiores, firmiores, & duriores prodeunt, in utraque maxilla decem, quatuor incisorii, duo canini, & quatuor molares, sed cum tùm gingivæ antea perforatæ sint, id sine dolore accidit.

Signa.

Infantuli nondum sermone dolorem indicare possunt; quia dentibus carent, qui ad vocis modulationem necessarij sunt: attamen cognoscitur dentitio; Primò, ex tempore, quo dentes erumpere solent, quod est circa septimi mensis initium, vel seriùs. Secundò infantuli assiduò digitos in os inferunt, unde magna salivæ supellex fluit. Tertiò, matres, vel nutrices pupillas fortius stringi, morderi, & caleferi, quàm antea percipiunt. Quartò, ubi dentes erumpunt, gingiva tumet, & albicat. Quintò tandem, plures affectiones præternaturales accidunt; dolor, vigiliæ, tormina, alvi profluvium, & convulsiones.

Causæ.

Difficilis dentitio à gingivarum densitate, & crassitie provenit, at in dentitione symptomata ab aliis causis ortum habent, unde

Pruritus oritur, quia prima invasione fibrillæ nervæ à dentibus gingivis perforantibus vellicantur. Dolor pender à continui gingivarum solutione, qua membranæ nervæ non tantum distenduntur, sed lacerantur, & continui solutio fit, & quò spina est acutior, eò acutiorem

causat dolorem; sicquod dentes sunt acutiores, eodolores immaniores oboriuntur: quapropter canini dentes, ut acutiores, omnium symptomatum præ reliquis, atrociorum sunt auctores. Affligenti dolori atrociorum addunt dolorem, salina humorum spicula, dum circa radices re-
terioribus, & sensibilibus fibrillis præditas infiguntur, & ob inæqualitatem ipsis molestum inferunt sensum. Inflammatio oritur à gingivarum perturbatione, haud rarò enim sanguifera conceptacula ibidem satis copiosa simul dilacerantur, sanguis effluit extra sua vasa, exitum non inveniens, in earum spatiosis remoram contrahit, virium capit, grumescit, & ruberat. Vel quia membranae & fibrillae distenduntur, unde spasmus in nervis producit, nervi contracti arterias socias comprimunt, convellunt, crispant, & sanguinis motus feriat, & inflammationem excitat, particulis deindè roscidis & balsamicis evolutis, suppuratur, unde abscessus, & alia oriuntur mala. Salivatio pendet à dolore, spirituum morione, acrimonia & fluxilitate lymphæ, quia ex dolore glandularum vasa, & præcipuè salivalium, & membranae illas cingentes vellicari, & crispari solent, & simul uberior salivæ proventus in os effunditur, spirituum commotio faciliè efficere potest, ut uberior feri copia ad glandulas emendantur; lymphæ denique acrimonia, & fluxilitas uberiorem salivæ supellectilem movent, ut videre est in scorbuticis, & hypochondriacis, quorum latex salinis abundant particulis, hi molestissimo crebrius vexantur ptyalismis. Saliva fauces alluit, & ventriculum tendit, non enim infantes spuendi usum habere possunt: si hæc blandior, & in statu naturali sit, sine noxa defluit, at si uberior spicula salina habeat, tunc faucium irritationes, rosiones, & sicca tussis excitatur. Si ad ventriculum deferatur, tunc illum spasmodicè afficit, vomitus frequentes, tum lactis corrupti, tum aliorum humorum, quos in sinu fovet, & alia multa mala concitat. Si ad intestina saliva, salinis spiculis imbuta deriveretur, & ibi humorum stagnantium faburram inveniet, & hos fundit, & intestinorum fibras laceffit, irritat, & vellicat, ac diarrhœa succedit.

Prognosis.

Dentitio infantibus morbus est congener, ac proinde per se minùs periculosa est. Non tamen omni vacat periculo ob symptomata, quæ ingruunt, quapropter non pauci, febre, & convulsione superveniente, quia tenella invadunt corpora, hos calamitatum scopulos effugere non possunt, unde acerbo succumbunt funeri: & eod major imminet perniciēs, si difficilius & longiori tempore dentes erumpunt, & præsertim si sint canini, pejus se habent, & gravius laborant, quia acutiores, & magnum infantulis negotium facessunt, ac proinde parentes de vita longa sperare non possunt, & præcipuè si symptomata de die in diem augeantur, imò nova prioribus ablatis, accedant, naturæ robur imminuitur, debilitatur, & sic tandem infantium tenella corpuscula huic oneri ferendo imparia redduntur, & morbus hic in mortem terminari solet. Qui crebrò alvum habent laxam in dentium eruptione, minùs convulsione capiuntur, quàm qui adstrictam ut aph. 25. sect. 3. testatur. Hip. in progressu verò cum jam dentire incipiunt, gingivarum pruriginēs, febres, convulsiones, alvi profluvia: & maximè cum caninos edunt dentes: & iis præsertim pueris, qui crassissimi sunt, alvos duras habent. Qui in dentitione acuta corripiuntur febre, rarò convulsione tentantur, quia febris convulsio-
nis materiam absumit. Qui gravi premuntur somno, faciliè in convulsione labuntur. Hyeme & vere infantuli faciliè dentes emittunt, minùsque molestiam sentiunt, ob nativi caloris robur, si tamen cœtera consentiant, & ab externis aeris injuriis muniantur; æstate etiam absque molestia dentunt, ob gingivarum laxitudinem, si symptomata non urgeant.

Curatio.

Cum difficilis dentitio à gingivarum densitate, & crassitudine ortum habeat, sedulo danda est opera, ut rarefiant, & laxentur gingivæ, remotis obstaculis, & symptomatibus sedatis, quantocius & facilius dentes erumpere possint. In primis verò incumbendum est, ut alvus sit libera, quod si obstructa per mannam, vel syr. de cichor. Nicolai

cum rhabarbaro relaxetur. Interim rarefiant, laxentur, oleonis & mucilaginosi: obliniantur ergò melle cum butyro recenti permixto, vel cerebro leporino, aut crudo, aut elixo cum toto corpore, eodem modo adhibentur avium, & pullorum cerebella. Vel gingivæ inungantur gallina, aut anatis pinguedine recenti.

Si dolor vehementior sit solani succus cum oleo ros. calefiat, & illiniantur, aut foveantur gingivæ decocto malvarum, althææ, fœnugraci, chamemeli, in quo dissolutum sit butyrum recens, vel gallinæ pinguedo. Vel imponatur emplastrum ex theriaca recenti. Vel fiat emulsio ex semine lactuca, papaveris albi, & lini cum aqua violarum, & illiniantur. Vel foveantur mucilagine eminum cydoniorum, althææ, malvarum cum aqua lactuca. Si inflammatio adsit, addatur aqua spermatis ranarum. Hæc omnia supra dicta calida applicentur, ne gingivas astringant. Interim infantulo masticanda præbeat candela ex cera virginea, quia gingivas laxat, & pruritum demulcet.

Ad hunc etiam finem nostræ mulierculæ varia appendent duriora, quorum agmen ducit dens lupi, crystallus, jaspis canali argenteo inclusus, chalybs septies, & ultra candefactus, & in lacte caprino, vel muliebri extinctus, aliaque ex ebore amuleta, sive ex alia materia levitate simul conspicua parata, quæ de collo pendent, infantes arripiunt, in os intrudunt, gingivis interponunt & commandunt. Verum his, & similibus magis duriorum reddunt gingivam, & dentium alveolos potiùs occludunt, quàm aperiunt. Maximè periapta, & amuleta improbamus ut sunt dens hominis, dens equi primùm natus, pellis lupi, dens vipere mascule, lana agnina, jaspis viridis, & tanquam fabulosa rejicimus, non viribus, sed persuasionibus, & imaginatione hæc juvare credimus.

Nonnulli axungiam inungunt leporinam in gingivarum locis, ubi dentes erumpere debent, ita levius mollioritas jam gingivas, dentium cuspidēs sub eis latentes perterebrant, & erumpunt.

Si omnibus his modis non prodire videantur, & necessitas urgeat.

24. Sanguinem è crista gallinæ recentem, & digito semel tantum, vel ad summum bis gingivas inunge, & sine difficultate, aliisque accidentibus tandem prodeunt.

Quod si non tantum difficilis, verum desperata sit dentitio, in hoc casu ad ferrum confugimus, & gingivæ, ea parte ubi protuberant, scalpello incidendæ, vel pollice sunt fortiter premendæ, ut felicius dentes prorumpere possint.

Symptomata, quæ pertinaciùs difficilem dentitionem comitantur, ut febris, convulsiones, vigilæ, vomitus, diarrhœa, ptyalismus, tussis sicca, faucium exulcerationes, aphthæ &c. curantur, ut in suis capitibus.

Dum infantuli dentunt, nutrix vel mater bonam dietam observare debet, victusque sit temperatus, si febris adsit, vel immineat, declinet ad frigidum & humidum, quia vel imminuitur, vel præcavetur. Vitentur interim acida, & falsa.

C A P U T XLI.

De Tonsillarum, & Uvula Ulceribus.

INtra oris specum continentur tonsillæ, uvula: sunt tonsillæ duæ Glandulae utrinque ad linguae radicem paulò supra laryngem posite, vulgò dicuntur amygdalæ (estò nullam cum amygdalis habeant similitudinem) communis oris tunica vestitæ, & arteriis, venisque exilibus à carotidibus, & jugularibus donatæ. Laxam, & spongiosam habent substantiam, ac sinus continent varios, colligunt salivofum liquorem ad linguae, & oris humectationem, quem in oris capacitatem eructant, tum per minima lymphatica, seu salivalia vascula, tum per exilia crassioris membranae oris foramina, præcipuè cum os, & lingua movetur, quod quilibet in se ipso experiri potest. Ac proinde quando alimenta in ore masticantur, partim sponte, partim per masticata alimenta, ex hisce glandulis expressus liquor multò copiosior in os confluit, ut tum ad fermentaceam præparationem admisceatur, ut aliquorum est sententia, tum deglutionem faciliorem efficiat. In quiete verò, cum os non movetur, etiam hujus liquoris in os effusio plerumque quiescit, ut notum est in dor-

dormientibus, quibus ob huius liquoris defectum, os, & fauces exsiccantur, si patulo ore dormiant.

Uvula est caruncula rubicunda, fungosa, longiuscula, superius aliquantulum lata, inferius obtusè acuta, à palati medio, juxta narium meatus in os inter tonsillas uvæ instar procedens.

Hæ tonsillæ uvula, licet partes exiguæ in nostro corpore, non solum intumescunt, inflammantur, & in supurationem abeunt, ut primo Tomo cap. 40. & 41. fusiùs diximus, sed quandoque citra inflammationem exulcerantur, & exeduntur, quod familiarissimum est in lue venerea.

Signa.

Tonsillarum ulcera visui patent, & eadem habent signa, ut in aliarum partium ulceribus. Si maligna sunt, partim alba, & maculis similia, partim colore cineritio, aut crustis similia, quæ ferro inuruntur.

Uvulæ exulceratio ante oculos posita est, nam laxa, & flaccida apparet, albo mucore obducta, quandoque cineritio cum ardore, & sorditie, graveolentem spirante anhelitum. Si tandem atrophica corripitur, fit velut lorum, & penitus insanabilis est.

Causæ.

Tonsillarum, & uvulæ ulcera secundum veteres Galenicis fiunt ab humoribus biliosi, pituitosi, fervidis, putridis, & erodentibus, à capite in tonsillas & uvulam depluentibus; vel à vaporibus iisdem præditis qualitatibus, & cum aere per inspirationem absorptis, tum cibis aut medicamentis erodentibus, exulcerantibus, aut vehementer exasperantibus, à quibus omnibus ejusmodi in partibus hisce continui solutiones contingere valeant. Verùm *Vulgares* in horum affectuum causam assignando, fallaciam committunt non causæ ut causam.

Ulcerata tonsillarum, & uvulæ oriuntur à particulis salinis in lymphâ, aut sanguine hospitantibus, & in tonsillas, & uvulam irruentibus, ex obstructione diuturniore exaltatis, earumque fibras dissolventibus. Sive fiunt ex abcessu, & pure post inflammationem subsequente. Vel fiunt à fermento venereo, ut fusiùs de dicta lue diximus. Hæ particulæ salinæ, & corrosivæ ad tantum sæpè exaltationis gradum deveniunt, ut non solum tonsillas, & uvulam, tanquam partes molles, in totum auferant, sed etiam duras, & osseas erodant, ut multoties in palati ulceribus observavimus.

Prognosis.

Tonsillarum ulcera securiora censentur, quæ sunt munda, exigua, quæ non profunda sunt, nec inflammantur, nec dolorem, & febrem habent adjunctam, maligna verò, quæ lata, profunda, & quodam concreto humore albo, aut nigro fordida sunt. Exigua quandoque & rara oriuntur ulcuscula, quibus supervenientia alia in unum ulcus latum coalescunt. Si ulcera depascendo serpant, gurgulionem, linguam, palatum, & gingivas exedunt, ac dentium præsepiola occupant, dentes labefactantur, nigrescunt, vacillant, & tandem decidunt, unde ægri inedia, & fœtore consumpti moriuntur. Quod si ulcera in pulmonem per tracheam serpant, quia pulmo, & cor neque odoris fœditatem neque ulcera, neque ichorem sustinent, oborta tussi, spirandique difficultate, eodem die strangulant.

Uvulæ ulcera aspernanda non sunt, facili enim negotio exeditur, & deficit, unde quibus tota uvula adesa est, potus ex ore in nares regurgitat; insuper ratò clarè, & articulatè loquuntur, & quod pejus, periculum à phthisi imminet, cum particula jam deficiat, quæ aeris frigidioris inspirati impetum frangere solita est, ne in pulmones subito irruat, eosque lædat.

Curatio.

Tonsillarum ulcera curant *Vulgares*, venam incidendo, corpus deplendo, & diversiones celebrando. Deindè medicamentis utuntur adstringentibus & exsiccantibus, quæ externis etiam applicant ulceribus, & eò magis exsiccantia in tonsillarum ulceribus esse debent, quia talia ulcera à saliva perpetuò humidiora fiunt, unde medica-

mentor vis infringitur. Ad hanc indicationem gargarismos adhibent triviales, ut

℞. Aqu. mulsæ ℞. j. diamori ℞. j. ℞. m. Vel
℞. Aqu. plantag. ℞. j. ℞. syr. de moris ℞. ij. mell. ros. ℞. j. alum. scissil. ℞. j. aceti ros. par. m.

Sed nescimus, an hæc magis exsiccare, quàm humectare valeant. Alii pro illinitione succum ex malo punico dulci, cum cortice contuso exprimunt, cujus partes sex cum una mellis parte miscent, & ad mellis spissitudinem coquunt. Ulceribus malignis adhibent linimentum ex cineribus centaurei minoris, & pulvere stercoris canini cum melle ad spissitudinem miscendo.

Columellæ ulcera hac collutione curant.

℞. Flor. ros. rubr. quercus, & olivar. ana p. j. cortic. granator. ℞. iij. alum. usti ℞. ℞. erug. aris ℞. j. coque in aqua plantag. ℞. j. ℞. & in colat. diss. mell. ros. simpl. ℞. ij. syr. demoris ℞. j. m.

Si ulcera sint ex lue venerea, & mitia, hoc utuntur linimento, quo ulcera tangunt, ut

℞. Ung. Aegyptiaci ℞. ℞. alum. usti ℞. ℞. mell. ros. ℞. j. ℞. m.

Sed parum feliciter in hoc linimento utuntur unguento Aegyptiaco, propter viride æs, quod ejus compositionem ingreditur; potius enim corrodendo, quàm separando suas absolvit operationes. Insuper Aegyptiacum partem affectam nigredine imbuat, quod omnino vitandum est. Si verò contumacia fuerint, aqua forti diluta, vel aqua, in qua mercurius sublimatus decoctus fuerit, utuntur. Verum aqua fortis, licet diluta, venenatam non respuit qualitatē, idèque si per se metalla exedit, diluta, & in gradu remisso carnes absumere, & corrodere valebit, & eò magis uvulam, quæ molli, & spongiosa dotata est substantia. Sublimatus verò in aqua decoctus non desinit dilutè continere vim corrosivam, venenatam & causticam, idèque non tantum uvulam, & proximas partes eò magis venenatè exulcerabit, verum etiam si fortè in asperam arteriam, vel œsophagum gutta aliqua delaberetur, in magna noxa, & vitæ discrimine versatur ægrotus. Insuper sanguinem inflammat, unde sputationes cruentæ, aliæque symptomata gravissima, & ipsa tandem patientis destructio.

Tonsillarum ulcera nos curamus medicamentis, quæ salia acuta in lymphâ stagnantia diluunt, eliminantque, hujusmodi sunt sudorifica, vel diuretica pluries decantata, quæ obstructions in parte referant, & tandem topicis, quæ abstergunt, resolvunt, & consolidant, in quem finem sequentia gargarismata conducunt, ut

℞. Malv. hortensis m. j. flor. ros. rubr. prunellæ, veronica, salvia ana m. ℞. rad. polyp. querc. ℞. ij. coque in aqua paræ ℞. iv. aceti vini ℞. vj. usque ad transversum pollicis casum, postea colentur, & colatura leniter exprimatur. Mundificat, & consolidat ulcera interna, si præsertim cum reliquis plantaginis folia adjiciantur.

Si fordida sint ulcera, ea mundificat, & consolidat infusio lapidis medicamentosi, vel sequens gargarismus ex hordei emulsione cum melle rosaceo, & paucis spiritibus vitrioli, ne acrimonia sua partes hæc, aliasque circumjacentes plus lædat, sed acrimoniam in ulceribus existentem mitiget, ulceraque emundet, deliniet, & exsiccat. Verum præcæteris ad fortiores mundificationes maximè valet Aqua viridis Hartmanni calefacta, qua penicillo bis in die tangantur, & hac aqua in his ulceribus familiariter utimur.

Si hæc ulcera à lue venerea ortum ducant, cognoscuntur venerea, si in longum protrahantur tempus, & vulgaribus adhibitis medicamentis non cedant: tunc locum affectum aqua viridi tange, & postmodum gargarismo elue, & cedunt; quod si non eveniat, ad partis suffumigium ex cinnabari, & thure cum tabaci fistula, tanquam ad sacram anchoram confuge, nec ægrotum ulcerum sanatione defraudabis, ut experientia millies nos edocuit; imò tantum suffumigium multos tanquam insanabiles, & deploratos Barbati post varios cruciatus deferuere, pristina restitimus sanitati.

Uvulæ ulcera si sint simplicia, faciliè curantur gargarismate ex decocto peti, & persicariæ, vel sequenti, ut

℞. Summit. veronica, vinæ pervinæ, & satureiæ ana m. j. f. decoct. in cujus colatura ℞. j. ℞. mell. ros. simpl. ℞. ij. & diamori ℞. j. m.

Si sint contumacia, utere infusione lapidis salutis, tangendo cum penicillo: verum maximopere prodest tintura mellis.

mellis confecta ex aqua plantaginis, melle rosato simplici, & spiritu vitrioli ad gratam aciditatem.

Si ulcera sint foetida, & putrida, illis conveniunt ea, quæ contumacibus adhibentur medicamenta; quod si parùm juverint ad aquam viridem, & ad aquam nostram metallorum confugimus, quæ omnem putredinem, exulcerationemque tollit foetidam, & consolidationem inducit perfectam.

Ulcerata tandem ex lue venerea tam columellæ, quam cujuscunque oris partis tollit universalis luis curatio, & tali ratione ulcera incipientia, & antiquata in hisce locis unà cum lue sponte curantur; quod si non evenit, primò ad mellis tincturam, deinde metallorum aquam, & postremò ad aquam viridem, vel suffumigii topici usum deveniendum est, & sic facillè eliminantur. Prædicta remedia his adhibita ulceribus, non præmissa universalis luis curatione, nunquam medicum, & agrotum fallent: verùm aliquo temporis spatio, vel recidivam patientur, vel graviora luis Venereæ symptomata excitantur. Unde post perfectam horum ulcerum sanationem, præmisso leni cathartico, propinari potest aqua anti-venerea n. d. quæ universum luis venereæ morbum, ejusque omnia symptomata, à toto corpore radicitus eliminat.

C A P U T XLII.

De Balbutie, & his qui difficulter loquuntur.

Linguae motus tripliciter læditur, abolitè, diminutè, & depravatè. Aoletur, atque ita loquela simul aufertur, & dicitur aphonia, sive conformationis vitio à primo ortu contracta culpa, aut post, quando spiritus animalis denegatur influxus ad linguam, vel ob cerebri obstructionem, ut in apoplexia, caro, catoche; sive ob spirituum animalium consumptionem, aut ad interiora retractiōnem; ut sit morti proximis, in syncope, & uteri suffocatione; sive ob nervorum angustiam, quæ vel est perfecta, & sequitur paralytis, vel est levior, & ex intervallo modò loquitur homo, modò obmutescit. Imminuitur linguae motus, ut tarda, & difficilis evadat loquela, vel citra linguae vitium, dum spiritus animales aliò avocantur, ut in ira, terrore, nimio gaudio. Vitium autem hoc, vel est nativum, dum tales homines non possunt initium capere, nisi prius multoties linguam moverint; & labia aut postquam loqui inceperunt, non possunt in sermone progredi, sed sæpius eandem repetunt syllabam. Vel adventitium à linguae vulnere, aut apostemate, ulcere, paralyti &c. Hoc vitium dicitur hæsitantia, sive titubantia, & *Bttaarismus*, depravatur linguae motus, & dicitur Balbuties, de qua hic nos agimus.

Est balbuties lingua vitium, quo laborantes difficulter loquuntur, in sermone resistentes, loquelam præcipitant, & literam R. maxima cum difficultate pronunciant, ut etiam id ex Ciceronis verbis pateat dicentis: Ita balbus erat, ut literam R. non posset pronunciare. Et alibi: Cum ita balbus esset, ut ejus ipsius artis, cui studeret, primam literam non posset dicere. Quæ verba contra illos faciunt qui literam S. effari non possunt, qui tamen balbi non sunt, sed blasi.

Hoc linguae vitium in singulis literis esse potest; nam si J. crassè quis pronunciarit, dicitur *Jotacismus*, si L. *Landacismus* si M. plus æquo *Metacismus* faciet. Qua de re cum dentes ad formandam vocem conferant, infantes non loquuntur, antequam os dentibus plenum habeant, & præcipuè incisorii ad quasdam exprimendas literas conferunt. Hinc edentuli quasdam literas pronunciare nequeunt reg. T. & R. ubi lingua prioribus ampliata dentibus inniti debet. Huic vitio facillè succurri potest, si arte insititios procurent dentes, aureo filo vinciendos, ut expeditè has literas pronunciare valeant. Sed de vitiis oris, & linguae, quæ loquelam vitare possunt, fusiùs egimus in nostra *Grammatica speculativa*, capite de *Barbarismo*.

Signa.

In hoc morbo cognoscendo non opus est signa recensere, sed sat est balbutie affectum loqui, ut cognoscatur affectus.

Causa.

Balbutiem fieri credunt *Galenistæ* à lingua breviori, vel ab ejus imbecillitate ob intemperiem humidam, aut etiam siccam, frigus, iram, aut calorem, vel à freno, aut membranula subjacente, linguam nimis adstringente, & ejus liberum motum impediēte.

Balbuties pendet à nimia spirituum agitatione, qui inordinatè musculorum tubulos ingrediuntur, vel ab eorundem pauca quantitate, ut non sufficiant ad linguae motum perficiendum, vel ab inconcinna musculorum, & linguae conformatione, vel ex horum musculorum obstructione, qui viscido infarciuntur humore, à quo diminutus sit motus, quia linguae muscoli ita gravantur, & opprimuntur, ut distendi non facillè possint. Hinc spiritus motoris transitus ad linguae musculos impeditur, & linguae motus non expeditè fit, unde difficilis pronuntiatio, & non expedita oritur loquela. Vel à nimia copiosæ humiditatis præsentia, à qua muscoli relaxantur, & cuilibet vocis expressioni minus sufficiunt. Id clatè patet in aliquibus pueris, qui balbi sunt, literamque R. J. L. M. vel S. pronunciare nequeunt, verùm temporis, & ætatis progressu humorum illa excessiva visciditas, vel nimia humiditas absuitur, & nullum ampliùs impedimentum in talium literarum pronuntiatione in posterum sentiunt, in quibus verò non absuitur, per totum vitæ spatium balbi remanent. Oritur quandoque à freno sub lingua non dissecto, quod impedit, ne lingua liberè volvi & moveri possit. Vel nimia in loquendo festinatio, dentium defectus, labiorum mutilatio, palati exesio, lingua justo longior, aut brevior, crassior, indecenter formata, & pluribus aliis modis depravatur loquela, ut fusiùs capite de *Barbarismo* egimus.

Prognosis.

Balbuties nullum vitæ discrimen minatur, attamen ab apoplexia, vel caro relicta, rarò & difficulter curatur, & ex confirmata paralyti omnes obmutescunt: dum tota lingua resolvitur, gravis impendet apoplexiæ metus. Balbi, & celeri lingua præditi melancholici sunt, item morbis humidis obnoxii sunt, ac præcipuè alvi profluvio corripiuntur, ut innuit *Hip. aph. 32. sect. 6. balbi ab alvi profluvio diuturno maxime capiuntur*. Nativa linguae vitia ex magnitudine, conformatione, vulnere, nervorum ruptura insanabilia existimantur, verum à phlegmate, vel nimia humiditate, solet quandoque temporis progressu in pueris, absumpto phlegmate, vel humiditate, auferri; si verò diuturna consuetudine inveterata fuerit balbuties, prorsus curationem non recipit. Si tandem à linguae vinculo non secto pendeat, facillè chirurgia curatur.

Hoc morbi genus sermonis puritati multum obstat, at ne ingenia à bonis retrahantur cœptis, admonitos & exhortatos volumus adolescentes, hoc vitium oratoris splendori nunquam, vel quicquam detraxisse, nec gloriæ impedimentum fuisse. Hoc vitii genere *Aristotelem* laborasse accepimus, nec quia balbus fuit, sui nominis fama claudicavit, aliosque relinquimus illustres scriptores memoriæ posterum traditos. Equidem nullum est vitium, quàm hoc magis excusabile, in quo nihil ipsi peccavimus, sed potius naturam, uti novercam, accusare debemus.

Curatio.

Ex mala conformatione balbutiem, aliasque loquendi difficultates insanabiles esse diximus, attamen hoc unicum, sed ideale exemplar *Demosthenis*, industriamque medelam proponemus, qui ad vitia oratorem deturpantia præferenda, in se unum omnia natus videbatur, namque primam literam ejus artis, cui totus obstinatè animum addixerat, cum dicere non posset, ore insertis calculis expeditè proferre didicit: humerum, quem sæpius inter dicendum attollebat, gladio supernè appenso, ut ejus metu injecto, ne pungeretur, demisit. Actionem omnem ante speculum, tanquam magistrum, composuit, & etiam histrionem. Pectoris, & laterum angustias, sicut, & vocis exilitatem, & acerbiterat dilatavit, & ad sonoritatem perduxit. Per aspera, & adversa loca uno spiritu plures versus recitare assuescens, sic tonare, non

non orare, locumque proverbio fecit: *Latera Demosthenis*. Patientia duravit aures prope flumina obluentium aquarum fragoribus obstrepentia declamans, ut in actionibus turbarum fremitu non interrumpereetur. Hæc omnia, aliaque apud *Plutarchum*, *Lucianum*, aliosque in ejus vita multo temporis spatio peregit, & ne aliqua occasio ad egrediendum impelleret, capite semiabrado, & barba se domi detinuit, eò tandem evectus est, ut ipsemet *Cicero* fateatur majorem partem Demosthenis abesse cum legimus, tantum ei dedit actio, ut illud *Aeschynis* apud *Plutarchum* in Apopht. demonstrat, quem relinquimus. Ad summam industria naturam vicit Demosthenes, *Pregliatus* (ait *Val. max. lib. 8. cap. 7.*) cum rerum natura, & quidem victor abiit, malignitatem ejus pertinacissimo animi robore superando. Itaque alterum demosthenem mater, alterum industria enixa est. Nil tamen arduum, quod sedula industria vincere nequeat.

Balbutiem difficilis esse curationis vulgares *Galenici* fatentur; linguæ enim brevitatem naturalem arte prolongare, longitudinem brevare, crassitiem subtiliare, nesciunt, attamen imbecillitatem ab intemperie humida ortam corrigere conantur exsiccanribus, à frigida calefacientibus.

Nostri curatio est, quod si vitium à nativitate, & organi vitio sit, fere incurabilis est. Si pendeat à nimia spirituum agitatione, remediis nimium motum sedantibus, & eundem æqualem iis conciliantibus curatur, talia sunt *spiritus rosarum*, *aqua theriacalis cum spiritu vini*, *elixir vite*, *tinctura juniperi*, *aqua lavendula*, vel *liliorum convallium* &c. quibus lingua sæpius fricetur. Si spirituum pauperie lingua moveri nequeat, curatur, ut paralytis, & tum interna, tum externa conducunt, quæ in nostra *Trutinalibr. 1. cap. 3. de Paralyti* descripsimus, ut robur fibræ carneis, musculis, & nervis concilietur. Specificè hic commendamus *oleum anisi* in linguæ apicem instillatum, item *balsamum*, vel *oleum caryophyllorum*. Si à nimio phlegmate, vel humiditate spirituum transitum impediens oriatur, hujus phlegmatis educatione tollitur, unde os sæpius *spiritu ardenti ex succo cerasorum nigrorum extracto* lavetur, hic enim spiritus ardens summo opere linguæ musculos phlegma infarciens, adeò resolvit, & linguam roborat, ut spiritibus pateat aditus.

Si substrata linguæ membrana sive frænnum impediat, præcipue in recens natis, ut sugere non possint, & in adultioribus, ut loquela impediatur, aut depravetur, vel deglutitio prohibeatur, quia lingua curta, & adstricta, unde non liberè volvi, atque moveri potest, tunc affectus iste Chirurgiam exposcit. Nostres impetita obstetriculæ unguem pollicis dextri longum, & in cultri apicem conformatum gerunt, quo statim ac infantes orti sunt, indifferenter eis frænnum præscindunt, quam operationem improbant vulgares chirurgi, putantes unguem veneno esse infectos, & venenatam inducere excisionem: cæterum multum distat venenatum esse, & noxium, non equidem negamus unguem aliundè infici, & quibusdam sordibus coinquinari, & tunc per accidens, & non per se noxios esse concedimus, sed innoxios, ut reliquas partes existimamus. Hæc operatio nullatenus unguibus fieri debet; hi namque faciliè vicinas, & innoxias dilaniant partes, ac planè distrumpunt, unde dolor, inflammatio, aliaque gravissima oboriuntur mala, imò infantuli lactis suctione tam necessaria, propter accidentia, quæ subsequuntur, & vitapriuantur, cum ex mille vix unus infans nascatur cum tali ligamento, & postmodum balbutiat ac tali indigeat chirurgia. Solent quoque obstetriculæ hanc sectionem nummi acie instituerè, quam profectò repudiamus, cum eadem importet accidentia, & persæpè sine necessitate agunt, & in operando errant. Quod si quandoque frænnum sit malè constitutum, sectionem, aut divulsionem instituimus (aliàs nunquam non unguibus, non nummi acie, non vulgari tonforum phlebotomo, forficis apice, elevata lingua, ligamentum nervum tantum incidimus, vitando semper, ne carnem attingamus. Si prima vice totaliter non abscindatur, eadem operatio reiteretur, inciso ligamento, blande incisionis pars sæpius melle rosaceo, vel simplici, & sic agglutinatio impeditur, & consolidatio succedit.

Advertendum tamen volumus, ut in operatione cautè procedatur, ac chirurgus in anatomico perito committatur, ne per imprudentiam, venæ, aut arteriæ vicinæ, ductus

salivales sub lingua, partesque adstæ, aut nervuli lædantur: sic enim sanguinis fluxus, vel ptyalismus affiduus succedit, & si vicini, linguæque substrati nervi inciduntur, repentina linguæ convulsio supervenit, ut *Riolanus* observavit. Hinc fraterna charitate obstetrices expertes, & chirurgos imperitos admonemus, ne temerè ad hanc operationem se accingant,

C A P U T XLIII.

De Asperæ arteriæ, & Oesophagi ulceribus.

TRutinatis ulceribus, quæ oris specum infestant, nunc reliqua asperam arteriam, & oesophagum invadentia nostro ordine examinare studemus. Est asperæ arteriæ usus in inspiratione, ut per eam, tanquam fistulam, aer à pulmonibus recipiatur; oesophagi verò est; ut per eum, tanquam per infundibulum, cibus & potus in ventriculum deferatur, & quidem facilius liquida, quam solida deglutiuntur, quæ actio peragitur oesophagi fibræ, & præcipue musculis. *Galenus* hanc naturalibus actionibus ineptè refundit, verum cum deglutitio ex arbitrio pendeat, (deglutimus enim quando volumus, & lubet,) & peragitur instrumentis motui voluntario inservientibus, nempe musculis, merito actionibus animalibus refundenda videtur.

Harum partium tanti est actio, & præcipue asperæ arteriæ, sine qua nec tantillum vitam degere possumus, nec tamen suos non patitur manes: merito igitur nostro examini eam committimus, ut ab his vindicetur injuriis:

Signa.

Asperæ arteriæ ulcera, si oculorum aspectui non pateant, ex causis prægressis, vel præsentibus, catarrhis scilicet salis, medicamentis acerbis, vel lue Venerea, ut ex iis, quæ ulcera consequuntur, dolore scilicet, tussi, sanguinis sputo, & quidem in principio, puro, hinc purulento, aut materiæ purulentæ, sordidæ, & foetentis cum tussi rejectione colligi possunt, & tandem ne aspera arteria pro pulmone accipiat, dolor locum ostendet affectum.

Oesophagi signa non difficulter ex sanie circa hunc locum emanante, & simul ex læsa deglutitionis functione cognoscuntur, & præcipue dum acia, austera, salia, & acida deglutiuntur.

Causa.

Pro asperæ arteriæ ulcere *Galenici* solitas fluxionum nantias, humores scilicet acres, erodentes, & potissimum pituitam salam à cerebro in asperam arteriam depluentes assignant, vel materiam acrem, & purulentam ex inflammationibus, vel exulcerationibus partium thoracis in hanc partem transmissam; vel purulenta, aut medicamenta acia, & exulcerantia in hanc cavitatem delata.

Fit secundum *Galen* procuratores oesophagi ulcus, vel post vulnus, & res acutas illapsas, eique infixas, vel post tumorem: vel ab humoribus acerbis vomitu rejectis, vel à cerebro in oesophagum depluentibus, vel à vaporibus acerbis in febribus ardentibus; vel à rebus externis erodentibus assumptis, ut aqua forti, mercurio sublimato, arsenico, & similibus, quæ oesophagum exulcerant.

Asperæ arteriæ ulcera à succis corrosivis hanc partem tum foris, tum intus diuturnè stagnantibus, ejusdem fibrillas, aut tubulos exulcerantibus oriuntur, qui vel ex lymphæ glandulis ab acido corrupta, vel ex materia purulenta corrosiva ab exulceratis pulmonibus in hanc partem translata progrediuntur, ut in phthisi obvenire solet.

Oesophagi ulcera producant particulæ salinæ, & acidæ fibras longitudinales, & circulares rumpentes, lacerantes, & corrodescentes, & eadem labe succum nutritivum inficientes, ut non nutriet, sed magis exedat, & penitus exulceret. Quandoque à corrosivis intro assumptis, vel vomitu rejectis hæc ulcera originem habere possunt. Verum à causis externis, ut aqua stigia, mercurio mercuriato, arsenico, realgare &c. Vel ex re exasperante assumpta, & interdum à catarrhis, & humoribus acidis, & salinis particulis imbutis vomitu rejectis excoarctatio fit, atque

attamen excoꝛiatio, & ulcus nonnihil inter se differunt, est enim excoꝛiatio summæ saltim partis erosio, ulcus verò ad interiora penetrat: utrorumque sæpè eadem est causa, quæ nunc minus, nunc magis lædit, & indè nunc excoꝛiationem, nunc etiam ulcus inducit.

Prognosis.

Ulceræ asperæ arteriæ periculo non vacant, præsertim, si internam occupent membranam, ad quæ ob partium situm, & naturam, omnis generis medicamenta, satis aptè applicari nequeunt; quæ enim in forma liquida intrus assumuntur, vel ad pulmones transeunt, & molestissimam excitant tussim, unde malum exasperatur, vel in stomachum descendunt, & suo frustrantur fine: insuper hæc pars irrequieta manet, cum ob aerem hauriendum, & emittendum continuò moveatur, non facilis succedit consolidatio. Sanabilia sunt, si ulcus in principio sit, & saltem externam asperæ arteriæ occupet superficiem; si verò ulcus penetraverit, & ipsas asperæ arteriæ eroserit cartilagineas, tunc tale ulcus, vel planè insanabile est, vel omnino difficulter curatur.

Ulceræ œsophagi periculosa sunt, constat namque ex fibris tenuissimis longitudinalibus, & circularibus, quibus laxis, necessariò deglutitio cessat, ob partis angustiam, & hac cessante, homo alimentis destitutus, moriatur oportet. Insuper œsophagi, ut partis membranosæ, ulceræ difficulter coalescunt, & medicamenta convenientia non satis diu in ulcere morantur, sed in ventriculum descendunt.

Curatio.

Asperæ arteriæ ulceræ curant *Vulgares*, si ab humotibus salis, & acris oriantur, detergentibus, & potissimum lac celebrant, cujus solius usu nutritur æger, humorum pravorum generatio inhibetur, genitorum acrimonia temperatur, sordes detergentur, & carnis amissæ generatio promovetur: Verùm lac debito modo præparari, & eas habere debet conditiones, quas *Gal. 4. meth. med. cap. 12.* recenset. Si verò sordida sint, & majori indigeant deterfione, tunc fortibus utuntur detergentibus, postmodum siccantibus, & tandem sarcoticis. Detergunt *mulsa cum decocto hordei, & melle rosato*, vel sequens usurpant decoctum compositum; ut

℞. Hord. m. ij. liquiritia rasa ℥. ss. fol. apii, & hederæ terrestr. anam. j. flor. ros. rubr. p. ij. jujubar. passular. & caricar. ana ℥. ss. Bulliant in aqua comm. lb. iij. ad casum tertia partis. In colatura dissolve mell. ros. ℥. j. ss. elect. diaphenid. ℥. ss.

Assumatur aliquoties in die quædam portio in ore detinenda, & sensim deglutatur, ut in asperam arteriam descendat, vel gargarizatio instituat, ut per epiglottidem in tracheam labatur. Verùm probabile non est, aliquid in asperam arteriam penetrare, quod tussim perpetua antequam penetret, non ejiciatur, ut præsertim observamus, dum bibimus, si casu aliquo quid humoris defluit: falsum est igitur, quod asseruit *Hip.* totum id, quod bibitur, sive maximam illius partem, in asperam arteriam, & deindè in pulmones penetrare. Neque exemplum in sectione viva observatum quicquam probat, nam dum excatificatum moritur animal, doloris vi multa aguntur præter omnem illius animalis naturam. Post hæc exsiccant, & glutinant *bolus armenus, myrrha, thus, radix aristolochiæ rotundæ pulverisata, & cum melle in formam eclegmatis redacta*, quod sensim deglutiendam præcipiunt, ut portio quædam ad partem exulceratam perveniat.

Ad ulceris œsophagi curationem, purgationem præmittunt *Vulgares*, ne pravi generentur humores, & geniti ad partem affectam deferantur, & ulcus inflamment, aut acrimonia sua exedant, & sævum efficiant. Si inflammatio ulceri conjuncta sit, quæ curationi obstat, tum sanguinem mittunt, deindè *hordei cremorem* propinant, qui refrigerat, detergit, & dolorem lenit, vel *decoctum sebesten, aut mucilaginem seminum cydoniorum, aut emulsionem papaveris albi cum aqua rosarum factam cum paucis sacchari ad dulcedinem, vel syr. de papavere, vel lac caprinum chalybeatum*. Si ulcus sit sordidum, illud detergunt *aqua mulsa, vel decocto hordei cum melle rosato, vel decocto herbarum prassii, calaminthæ, thymi, & caudæ equinæ cum melle rosato permisto*. Ulcere deterfio, ad ex-

siccantia, adstringentia, & sarcotica accedunt, ut sunt collutiones *ex decocto prassii, & caudæ equinæ*, quibus addunt *pulverem ex trochiscis de carabe, terra sigillata*, & ut melius adhæreant, addunt *syr. de rosis siccis, vel myrtinum, conservam ros. rubr. vel gummi Arabicum, tragacanth. bolum armenum &c.* Hæc medicamenta deglutienda exhibeantur.

Pro ulceris asperæ arteriæ curatione secundum nostram sententiam danda est opera, ut patti tam necessaria, quam periculosè laboranti, quantum possibile est, & nulla interposita morula, succurratur; propinentur proindè internè varia diaphoretica, quæ particulas salinas, & acidas corrosivas absorbent, temperant, & per sua emuntoria eliminant, ut sunt *c. c. sine igne paratum, stibium diaphoreticum, oculi cancrorum, terra sigillata, bolus armenus*, quæ sumantur *in aqua bardanæ*. Ad ulcus mundandum optimus erit *syr. de hederæ terrestris, cum balsamo sulphuris anisato, vel balsamus proprietatis, cum syr. de prassio*. Optimæ sunt *potiones vulnerariæ* ad partis consolidationem, *de alchimilla, scabiosa, stellaria, floribus hyperici, scordii cum syr. de symphyto, additis aliquot guttis balsami Peruviani*.

In ulceris œsophagi curatione conveniens vivendi ratio adhibenda est, unde exulceratus magnas fugiat offas, & à solidorum ciborum deglutitione caveat, & cibi sint liquidi, subdulces, & deglutiti faciles; nocent acida, aliaque coagulantia, & humores magis inspissantia, ut & nimis salina, & acia. Medicamenta sint diaphoretica, quibus particula acutæ, salinæ, & acidæ obtundantur, immutentur, & destruantur. Maxime operè conducunt balsamica, & vulneraria, ut in asperæ arteriæ ulceris curatione diximus. Præter hæc, spirituosæ conveniunt; ut *spiritus vini cum paucis spiritus terebinthinæ, vel balsamus proprietatis cum syr. de symphyto, vel syr. de scordio cum balsamo Peruviano, debite depurato, ad paucas guttulas*.

Si à lue Venerea ortum ducat gulæ ulcus, mercurialia maximè conducunt, ut diximus, si ab arsenico, mercurio sublimato &c. ut de Venenis corrosivis alibi diximus, procedatur.

C A P U T XLIV.

De Labiorum Rhagadibus, & Ulceribus.

Data sunt homini labia ad claudendum os, ut per nares solummodò, nisi aliter necessitas exigit, fiat respiratio, ac ne si illud perpetuò, ubi semel propter cibum, vel potum assumendum, vel respirationem aperire necesse est, hians, ac dilatatum maneret, omnis generis corpuscula, muscas, paleas, pulverem admittat atque etiam dentes, gingivæ, partesque interiores frigore externisque injuriis lædantur. Insuper ad vocem, & loquelam formandam sunt necessaria, præsertim ad efferendas literas labiales dictas, quia ad earum formationem, labia maximè sunt necessaria. Præterea ad edendi, & bibendi commoditatem, & assumptionem inserviunt, neque sine his potus commodè assumi potest. Item utilia sunt ad cibum in ore continendum, iis qui molaribus dentibus destituti, incisoriis tantum masticare coguntur. Conferunt etiam labia ad salivam ex ore ejiciendam, ut & in ore retinendam, ne illa continuò ex ore profluat, & insignem pareret turpitudinem. Utilia sunt quoque ad sonos variandos tibicinibus, item infantibus ad sugendum. Tandem per se ad ornatum multum conferunt; monstruosus enim prorsus esset homo, si detruncatis labiis irati canis rictum ostenderet. Si verò labia lenia, rubicunda, magnitudine moderata, os debito modo claudentia obtineat homo, non tantum insignis indè gratia, sed ornamentum ipsi conciliatur. Præterea labia rubicunda præclarium ingenii acumen, morum candorem, & optimam vitæ constitutionem denotant; contra labiorum pallor, omnium virtutum defectum. Labia decenter exilia, hominem sapientem, sed iracundum augurantur. Labia nimis crassa, & extra inversa animi simplicitatem, ad credendum facilitatem, & crassam Minervam præfagiunt. Verum si labrum superius sit magnum crassum, & duplo sæpè majus, vel elevatum, ut gingivæ appareant, invidum, blateronem, & garrulum designat, & præter hæc non tantum deformitas oritur, verum etiam vox & sermo aliquantulum vitiatur, acrisque efflatio quadantenus impedi-

peditur. Quidam hæreditario jure labium inferius habent nimis crassum, & quasi ad mentum usque pendulum hi helluones, ganeones, & crassæ Minervæ homines sunt. Cæterum hæc vana physionomorum auguria sæpius ad veritatis scopum minùs collimant, unde fit, ut virtute præditi existant, qui omnibus vitiis dediti creduntur ex aspectu, & vitiosi, qui omnibus virtutibus præditi censentur.

Varia sunt labiorum vitia, sed nos in præsentiarum non tractamus de labiorum aucta magnitudine, cum sint vitia naturalia, de quibus naturam, tanquam novercam, accusare debemus, nec arte, vel vi naturæ corrigi possunt. Si præter naturam intumescant, ut fit ab apum, vesparum, & muscarum venenatarum ictibus, tum pars icta fovenda est decocto malvarum, vel althææ, vel lacte, vel decocto hyoscyami, vel sonchi succo, vel etiam theriaca illinienda pro veneni conditione. Si post venena hausta intumescant, tum curatio ad venenum dirigenda est. Si alia sint labiorum vitia, ex propriis capitibus generalibus desumenda est curatio, nos tantum hic de duobus, nempe de Rhagadibus, & ulceribus tractare intendimus.

Labia non tantum musculis, nervis, venis, & arteriis constant, sed etiam ex carne indigesta, & fungosa, quorum cutis aded musculis miscetur, ut cutis musculosa videatur, cæterum secundum nostram sententiam labia ex innumeris constant glandulis. Labiorum cutis tanta tenuitate, tanta subtilitate, & teneritate prædita est, aded musculis connexa est, ut non nisi laceratis labiis, cutem secernere possimus. Ac proinde, cum labiorum cutis sit tam tenera, subtilis, & mollis, non ægrè à causis externis, ventis, frigore, & ab internis succis, ac vaporibus vitatur, finditur, & scinditur, ut quandoque etiam sanguinem fundat. Finditur labium tam inferius, quam superius in medio, ubi duæ musculorum extremitates desinunt. Græci hoc vitium *Rhagades*, Latini labiorum *scissuras*, & *fissuras* appellant. Est malum commune, & non tantum labiis, sed etiam cuti, mammarum papillis, ano, utero, manuum volis, & plantis pedum competit.

Signa.

Labiorum rhagades sub oculos cadunt, & lippis, atque tonforibus notæ, sunt namque ulcuscula sicca, callosa, rimosa, & oblonga, in labiorum medio, ac si homo ridet, præter doloris sensum aliquid sanguinis ex eis prorumpit. Causæ externæ ægri relatione patefcunt, quæ si abfuerint, causarum internarum id in judicium est. Quandoque cum, & quandoque sine pruritu ardore, & duritie sunt. Interdum superficiales, interdum profundæ videntur.

Ulcerata labiorum oculis patent, tantum causæ signis vestigandæ sunt. Si per crisin contingunt, febris adest tertiana, acuta, vel maligna, febris habetur solutio; si symptomatica, febris intenditur, pejorat, & lethalis evadit. Si à lue venera, suis cognoscitur signis, ut de lue diximus. Si febris, & lue veneræ signa adsunt, è latente in corpore cacochymia provenire certum est, suntque crustosa, & sæpè manantia.

Curatio.

Causam proximam pro labiorum rhagadibus existimant Galenici esse continuas solutionem in membrana labia vestiente, remotiorem verò nimiam siccitatem, membranam illam debito fortius distendentem, & tandem rumpentem. Siccitatem inducentes causæ externæ, sunt frigus, & calor, ut aeris constitutio sicca, & frigida, qualis in Martio, & flante Borea contingit, item diuturna in solis radiis commoratio, & vehementi aeris algore. Internæ sunt vapores calidi, & sicci (hos vapores siccos nunquam observare potuimus) per œsophagum, vel asperam arteriam, ex partibus infernis ascendentes, vel humores à capite ad labia destillant. Vapores isti calidi, & sicci, nunc ex stomacho, nunc intestinis, nunc pulmonibus, nunc hepate, & venis, nunc ex corde ascendunt, imò ex utero, unde vulgares fœminis salacioribus rhagades esse familiares, ob uteri siccitatem, deducunt. Cæterum hi vapores calidi & sicci, à partibus hisce infernis ascendentes, per nares & os diffarentur, antequam labiorum tunicis se insinuarent.

Labiorum ulcera secundum Vulgares ortum habent ab humoribus acribus, eisque vel pituitosis, vel biliosis, vel serosis, vel atrabilariis à partibus superis, vel inferis, &

præsertim ab hepate, omnium ulcerum scaturigine, ad superas hæc transmissis.

Rhagades labiorum oriuntur ab acidis, salisque particulis rigentibus, à sanguine, vel lymphâ, vel succo alimentitio secretis, & in labia transmissis, quæ eorum tunicam ita rigidam reddunt, ut non satis commodè flecti, & distendi possit, & ad levem quamvis tensionem faciliè secundum rugarum rectitudinem dehiscat. Sic experimur, flante Borea, rigidiores, & terrestres particulas in aere volitantes, omne humidum consumi, & scissuras fieri, vel tempore hyberno ab aeris acido, easdem oboriri, uti tempore æstivo à calore, & siccitate has particulas commovente, vel à calore interno ustulante omne humidum consumi; ita in febribus à particulis acribus per motum ad labia delatis humidum absumi, & tunicam humiditate destitutam, & ob siccitatem rigidam ad leviozem omnem tensionem secundum rugarum rectitudinem distendi, & disrumpi.

Ulcerata labiorum constituunt particulae salinæ, acres, acidæ, & aliæ heterogeneæ glandulos obstruentes, & cum hisce particulis nulla via patula detur nisi subtilissimis, & violentissimis, quæ remoram contrahunt, in labiorum superficie sedem figunt stagnatione, exaltantur, & cutem cum carne exedunt, & devastant.

Prognosis.

Labiorum rhagades non sunt parvipendendæ, nam turpitudinem inducunt, distensionem, dolorem, & sanguinem excitant; at si in longum tempus protrahantur, in ulcera crustosa, callosa, & ægrè sanabilia abeunt. Ab ortu contractæ difficulter curantur, reliquæ non ita ægrè sanantur, nisi ad cancerosam naturam accedant.

Ulcerata, vel vesiculæ labiorum, quæ febribus accidunt, bonam spem prænunciant, naturæ enim coctionem prævalere ostendunt, & febris vel perfectam solutionem, vel imminutionem significant, & per se faciliè sanantur, si cum coctionis signis appareant; si verò cum viribus debilibus, & aliis pravis signis os, & labia exulcerentur, lethale. Quæ à Lue Venerea proveniunt, difficillimè curantur, attamen à quacumque dependeant causa, si negligantur, & diu durent, in ulcera exedentia, & cancerosa degenerant.

Curatio.

Vulgares Galenici nimiam siccitatem, qua cutis nimis tensa redditur, humectantibus corrigunt, & solutam refarciunt unitatem. Causas, à quibus rhagades dependent, siquæ sunt, tollunt. Si vitiosi humores adsunt, illos evacuant. Si vapores in causa sint, hos auferunt, & hepati, utero, vel etiam toti corpori, unde illi proveniunt, succurrunt. Si à frigore externo rhagades ortum ducant, pinguibus, & humectantibus labia illiniunt, ut oleo amygdalarum dulcium, nucum, oleæ, rosarum, vel adipis capi, gallinæ, sevo hircino, vel hedino, mucilagine seminum cydoniorum, psyllii, tragacanthæ, gummi cerasorum &c. aqua rosarum extracta. Item Unguento pomato vulgari, butyro recenti insulso. A causa calida, & sicca rhagadibus lintea tenera succo sedi majoris, & solani madida imponunt. In profundioribus unguentum de cerussa, vel lithargyrio adhibent.

In labiorum ulceribus vulgares corpus à pravis succis liberant, deindè humorum acrimoniam corrigunt, & mitigant, tandem decocto aristolochiæ, agrimonie, & absynthii cum quadam aluminis portione, in quo mel rosatum dissolvunt; ulcera abluunt, hinc linimento ex lithargyrio inungunt, & ad plenariam consolidationem unguento Apostolorum, vel emplastro griseo perducunt.

Rhagadum curationem nos ita instituiamus: Si à Lue Venerea ortum ducant, sequenti medicamento sanescunt, ut:

℞. Mucilag. sem. cydonior. ʒ. ʒ. sacch. saturni gr. iv. camphoræ gr. iij. merc. dulcis ʒ. j. m. f. linimentum.

Vel tangantur spiritu Mercurii dulcis. Si rebelles, & obstinatæ perseverent, tunc æger Aquam Anti-veneream nostræ descriptionis sumat, & absque topicis medicamentis sponte sanantur, ut fusiùs De Lue Venerea lib. 3. cap. 16. diximus.

Ad labiorum rhagades à particulis acido-salis, vel frigore, calore, & siccitate contractas curandas, conveniunt mucis;

mucilaginosæ, blanda, & demulcentia, ramosa, particulas acido-sallas inviscantia, hebetantia, & corrigentia. Si malum fuerit diuturnum, corpus *extracto jalappæ cum mercurio dulci* purgetur. Topicè applicamus varia medicamenta, quæ particularum rigiditatem demulcent, & siccitatem leniunt hujusmodi sunt *mucilagines seminum cydoniorum, psyllii, vel serum hircinum, axungia anseris, taxi*. Joannes Hartmannus in labiorum fissuris curandis commendat pinguedinem, quæ ex cochlearibus ligneis ad coquendum in culina usitatis, si aliquantulum igni admoventur, & torrentur, extillat. Multum conducit *vini spiritus, in quo folia malvarum, & florum sambucimacerata fuerint, vel decoctum florum camomille in lacte*. Optimum erit *oleum ceræ, vel ex ovorum vitellis*. Utatissimum est *unguentum Pomatum*, quod sic paratur:

℞. *Syracis calamita, benzoi. elect. ana ℥. x. cinnam. elect. caryophyllor. ana ℥. vj. radic. ireos florent. ℥. j. nuc. mosch. ℥. iij. mās. ℥. j. flor. lavendulæ, spica ana p. ij. pomor. aurantior. recent. citri recent. ana num. ij. odoriferorum num. xxiv. aquæ ros. ope. ℥. xvj. vini alb. opt. ℥. iv. ung. ros. alb. ℔. iij. sevi castrati ℔. j. ceræ alb. ℥. iv. f. lege artis Unguentum.*

Quod non solum utiliter ad labiorum rhagades, sed etiam ad cuti decorem conciliandum adhibetur. Si profundiores, & majores sint rhagades, sequens unguentum probati existimatur usus.

℞. *Lithargyr. thuris, zinzib. alb. ana ℥. j. ceræ molli ana q. s. ut f. unguentum.*

Labiorum ulcera, quæ in febribus accidunt, per se facile sanantur. Quæ à lue Venerea originem ducunt, luis sublatione sanescunt.

Si sine febre, & lue oriantur ulcera, æger falsa, acida acria, aromatica, & sermonem multum vitet, & eorum curatio ab aliarum partium ulcerum curatione nihil differt. Si malum est ex ipso ulcere, nihil purgantia profunt. Dum à particulis salinis, acidis & acerbis stagnantibus, & glandulas obstruentibus genesim ducunt, corrigentia, & absorbentia conveniunt, quibus semper aliquid mercurii dulcis addatur, deinde, quæ tubulos obstructos referant, præcipue diaphoretica, lignorum decocta, & potiones vulnerariæ pluries descripta præ aliis conducunt.

Forinsecus ea adhibentur medicamina, quæ acidum absorbent, salumque diluunt, ac proinde maximum meret emplastrum Saturni cum croco Martis impositum, item omnia medicamina Saturno maritata, aut etiam vini spiritus camphoratus, in qua sal Saturni dissolutum fuerit. In his ulceribus maximè conducit Mercurius dulcis unguentis optimæ notæ commistus. Quendam nos observavimus ulceribus in labiis diu laborantem, quem omnibus vulgaribus medicamentis incassum adhibitis, tandem *vitrioli Cyprii infusio* curavit. Optima erit *lapidis medicamentosi infusio ut & aqua viridis*. Si sordida sint, plerique *mel rosatum, vel aluminis infusionem* extollunt. Tandem consolidat *emplastrum oppodeltoch, vel fodicationum, vel benedictum nostrum*. Hæc medicamenta commodissimè somni tempore applicantur, ita enim rectius retinentur.

C A P U T XLV.

De Mammillarum, & Papillarum Ulceribus.

AB ore rectè descendimus ad mulierum mammæ, dulcedinis, & deliciarum portum, sed iste portus binos continet scopulos, quibus humanæ mentis navis alliditur & naufragatur; conciliant quidem mammæ elegantes mulieribus decorem & venustatem, infantibus vivificum præbent nectar, sed earum venustas viros ad amorem invitat, & invictos vincit, sicut *Gal. lib. 4. de Hip. & Plat. decretis cap. 6. ex Euripide Menelao* scribit, quod cum stricto ense Helenam quasi eam occisurus irrueret, ubi mammæ viderit, stupore aded ob ejus pulchritudinem, correptus sit, ut ne tenere ensam amplius potuerit, sed abjecerit, imò eam osculatus sit.

Ubi papillas ejus aspexit, statim

Tibi coruscus gladius è manu exidit.

Et proditricis osculum excepisti canis.

Si per quæ delinquant mulieres, per hæc eadem plectuntur. Heu quot funestis internis, & externis casibus, quot

vitæ discriminiibus plectuntur, quæ tum ipsi cœlebi, tum conjugato, & gravido, circa sua gestationis incerta, dubiove eventu, tempora præprimis partum ipsum obtringuunt! In mammis à tumore, inflammatione, abscessu, fistula, œdemate, scirrho, emphysemate, cancro, magnitudine indecora, fovea, ulcere, rhagade, & morbo pilari torquentur mulieres, nec in his tantum partibus, sed etiam in utero, quicum mammis consensum habet.

Mammæ geminæ sunt, partim ut idonei alimenti proventus geminæ proli sufficeret, partim ut una morbo, aliove casu impedita, suctionis functionem sufficienter altera subministraret.

Sitæ sunt in media pectoris arce, supra musculum pectoralem humerum adducentem, non in abdomine, ut brutis, ad commodam lactationem: cum infans non statim brutorum more ambulare queat, sed in genitricis ulnis detentus, mammis admoveatur. Collocatæ sunt ad supernam pectoris regionem ut puer cordatus, & prudens evadat, & intellectum è matris corde fugat, ut *Rabbi Abba Appella* ineptè inquit; tum ne puer matris, aut nutricis pudenda videre cogatur: tum ne brutorum more in loco sordido fugeret.

Magnitudo variat, in viris exigua est, quia glandulis ferè carent, pinguedo tamen subjecta in obesitas mammas attollit. In nuper natis puellulis, vestigium adest pectori impressum, & apertum, deindè paulatim exuberat, & in virginibus parvulis, vix præter papillas apparet, donec sensim in malorum magnitudinem, & figuram crescant: & quando ad duos protuberant digitos, menstrua fluere incipiunt, tunc sororiari puellarum mammæ dicuntur, quia primum intumescunt, quod non singularæ, sed sicut geminæ sorores simul nascuntur. In vetulis flaccescunt, atque etiam præter papillas nihil ferè apparet, pinguedine, & glandulis absumptis. Intermedia ætate aliis magis, aliis minus tumentes sunt, prout mulieres non gravidæ, vel gravidæ, & lactantes; his n. tumentioribus opus est, quàm illis. In variis Indiæ regionibus, ut in Regno Senegæ, & in insula Arnabonis mammæ ad imum usque ventrem protenduntur, & elevata in terga reflectuntur. In Meroe quæ Aegypti insula est, fœminæ mammas infantibus pares habent, ut refert *Pomponius Mela*, undè *Juvenalis satyra 13. canit*.

Quis tumidum guttur miratur in Alpibus? aut quis In Meroe crasso majorem infante mammellam!

Cæterum præstat mediocritas, quia magnæ mammæ inflammationibus, cancro, & aliis languoribus sunt obnoxie.

Figura subrotunda est, semiglobum quasi referunt, in nonnullis propter nimiam molem pendent, & substantia mollis, maximeque albicans.

Componuntur mammæ ex multis glandulosis corporibus, magnitudine diversis, variisque tubulis, ac ductibus inter se coeuntibus, multaque affusa pinguedine junctis, & compactis, quæ simul membrana carnosa succinguntur, ac subjectis musculis annectuntur. Glandulatum una magna in medio sita est, quam reliquæ minores circumstant; etiam vasorum lacteorum plexus infinitis glandulis interjiciuntur, quibus mediantibus non solum lacteus succus ad omnes deferretur, verum etiam minores suum lac in magnam glandulam effundunt. Præterea in ipsis glandulis pori sunt ampli, & copiosi, in quibus tanquam in cellulis, lac usque ad suctionis tempus aservatur, nisi fortè ob nimiam copiam, aut tenuitatem ex iis sponte citius effluar.

Magnæ glandulæ superstat Papilla; quæ corpusculum est teres, ac fungosum, tenui cute amictum, multisque foraminulis pervium. In hanc glandulam lactei ductus terminantur, per ejusque foraminula lac, tanquam per tubulum in os infantis suctione, vel pressione infunditur. Est exquisiti sensus, atque in ea ex levi, & grata contrectatione voluptas percipitur. Insuper ex contactu, & suctione flaccescere, erigique potest instar glandis penis, unde matres, nutricesque libentiùs cum voluptatis quodam sensu infantibus mammatæ præbent. Circulum habent circumjectum, quem Areolam nuncupant, in virginibus pallidam, in prægnantibus, & lactantibus fuscam, in vetulis nigram.

Venas duplices habent mammæ, unam axillarem per exteriora mammarum distributam, & ab axillari ramo derivatam, alteram mammarum vocitatam, à ramo subclavio

CAPUT XLVI.

De Morbo Pilari.

vio venæ cavæ declinantem, ac per interiora disperfam. Has totidem comitantur arteriæ consimili ratione à ramo subclavio arteriæ magnæ, nec non axillari deductæ, ad vehendum sanguinem vitali calore turgidum. Nervos habent à quarto ramo medullæ spinalis, qui ad papillam copiosiores delati, acutiorem ei sensum tribuunt. Habent etiam ductus lymphaticos.

Agimus tantum in hoc capite de mammarum ulceribus, & morbo pilari, ac papillarum fissuris, reliqui verò affectus, qui ipsi accidunt ex propriis capitibus sunt desumendi.

Signa.

Ulcerata mammata, cum visui pateant, non opus est ea signis describere, ubi verò plures in mammis fissuræ unam foveam faciunt, tunc mammata fovea dicitur, & est major, latior, & profundior, cui dolor sæpè copulatur.

Causa.

Mammata foveam, disruptis pluribus fissuris à serosis acribus humoribus inductis, & in unam majorem unitis exoriri dicunt *Vulgares*; ulcera verò ab humoribus acribus, & erodentibus, ut in aliis partibus, fieri fatentur.

Eadem est mammata foveæ, & ulceris causa, nempe particulæ acido-salinæ, vel in ipso lacte, vel in succo partis alimentitio, vel in sanguine, vel in lymphâ, raram, sensibilem, glandulosam, & spongiosam mammata substantiam depascentes, & corrodescentes, à quibus partium profundarum, & cutanearum textura, & continuas postmodum dissolvitur. Vel à tumoribus disruptis, à contusione, vel vulnere male curato.

Prognosis.

Foveæ, & mammata ulcera difficillimæ sunt curationis, substantiam namque habent flaccidam, & si irritantur, non ægrè in ulcera cancerosa degenerant.

Curatio.

In fovea, & ulcere *Vulgares*, ritè curandis, universales instituunt evacuationes, unde vitiosorum humorum evacuationem apprimè necessariam censent, cum sanguinis detractione, & mensium proricatione, præcipuè si menstrui sanguinis suppressio hos affectus ab utero ad mammata per consensum foveat. His præmissis, ea methodo, qua in aliarum partium ulceribus, procedunt; eapropter humores leniunt acies, ulcus mundificant, absterunt, & tandem consolidant medicamentis illis consoribus notis, quæ centies repudiavimus. His omnibus intentionibus emplastro tripharmaco satisfacere imaginantur.

In mammata fovea, & ulcere, scæmina fit puerpera, vel lactans, antequam lac absumatur, vel sanguinis motus ad mammata sistatur: non facilè, & satis feliciter curari possunt. Deindè si affectæ sint pendulæ, ne humorum fiat affluxus, fascia apta de collo suspendendæ sunt, postmodum brachium ejus lateris, ne humorum concitetur affluxus, non movendum.

In horum affectuum curatione, venæ sectiones, & purgationes repetitas rejicimus, ejus namque cardo in eo consistit, ut particularum acido-salarum fiat correctio, quæ nec purgantibus, nec venæ sectione obtineri potest: alia itaque vestiganda sunt remedia, hujusmodi erunt salia volatilia, quæ illas corrigunt, sudorifica diu in usum vocata, quæ vel insensibiliter, vel sensibiliter transpirant, vel portiones vulnerariæ, nec non diuretica blandiora in usum vocitantur. Interea exulceratæ parti maximopere proderit, si sordida fuerint, unguentum *Aegyptiacum* magistrale in spiritu vini solutum, vel unguentum nostrum magistrale, deindè unguentum album ex succis refrigerantibus, vel emplastrum *Diasaturni* cum croco *Martis* pro ulceris exsiccatione, verum vitentur emplastra solida, quia partem inflammant, & transpirationem impediunt. Pro pauperculis unguenta communia, ut de tutia, lithargyrio, plumb. &c. in usum vocari possunt. Nostrates pauperculæ mulieres cum fructu solis foliis tussilaginis utuntur. Si dolorificum sit ulcus, circumcirca oleo ex ovorum vitellis, vel papaveris per expressionem illiniatur, vel ipsum lapidis medicamentosi infusione cum petiis lineis curetur. De papillarum ulceribus idem sit judicium, eademque curatio.

Quidam Medici inter mammata affectus referunt malum pilare, quod Græci *Trichiam* appellant, sic dictum à pilo, qui in mulierum mammis post partum invenitur, & cum lacte excernitur, neque veteres Medici de hoc ambigunt, & sæpè hoc malum, sed non verum pilum in lactantibus observavimus, cujus quoque *Aristoteles* lib. 7. de Hist. Animal. cap. 11. mentionem facit, statuit namque si pilus poculo haustus sit, dolorem moveri in mammis, qui non sedatur, donec pilus, vel expressus exeat sponte, vel cum lacte exsurgatur.

Hanc ineptam *Aristotelis* sententiam *Hieronymus Cardanus*, & *Thomas à Veiga* sequuntur, & ineptè credunt pilum lactationis tempore ad mammata pervenire posse, vel epotum, vel cum cibo sumptum, quia attractrix virtus in mulieribus tunc valida urget, vel ob sanguinis ad mammata confluxum, & partis laxitatem, vel cum chylo celeriori fluxu agitatum, ad mammata tubulos, & ipsum tandem lactis receptaculum delatum, ex quo cum lacte per papillarum caniculum quendam ejectum, qui ex eodem prominet aliqua parte, ut digitis, vel volsella se facile præbet extrahendum.

Nec nos majora, & devia movent exempla; refert enim *Langius* lib. 2. Epist. 40. de juvenula quadam principis cujusdam Germani gynæceo, quæ cum sese ad speculum adornaret, detentis ore aliquot acubus, quibus peplum affigeret, ab amasio à tergo clanculum accedente intra scapula percussa, acus deglutivit, quas post biennium, illæsis uteribus, eminxit. Item *Alexander Benedictus* narrat de puella Veneta, quæ acum deglutiverat, eamque post biennium eminxit, calculo incrustatam. *Antonius Beneventus* refert, quod mulier *Hetrusca*, acum cupream deglutiverat, quam triennio inde, juxta umbilicum sana excreverat. Narrat *Helmontius de injectis materialibus* §. 7. *vilvordie* anno 1636. Rusticus mihi notus volens saginare vaccam, illi quotidie poculum dedit, cui incoxerat olera cum fursuribus. Tandem emaciatur in dies magis, capitque dextro crure claudicare: Casa vacca, inventus est brevis culter uxoris sue, in capulum buxeum retortus, inter costas, & homoplatam abditus: rustica enim concidendo rape, cultrum inter olera reliquerat, eumque vacca bibendo deglutiverat. Hæc, & alia exempla an vera sint, fides sit penes suos Authores. Unum tantum scimus nos deglutitos nummos, lapides, metallorum fragmenta, clavos, & id genus alia per anum excreta fuisse.

Has aniles fabellas credat judæus appella, quod nos non ita facile *Aristoteli*, ejusque procuratoribus per epistolam assentimur, sed cum cordatis viris, *Vesalio*, *Mercuriali*, *Sennerto*, & recentioribus aliter sentimus; non enim per tot angustos, tenuesque anfractus, ab ore ad mammata pilum duci posse arbitramur, etiam si mammæ illum fortè, cum in ipsarum venis consisteret, amplexuræ essent. Certum est pilos in tot collisionibus immutatos permanere, cum compactioris sint substantiæ, verum hoc potius nos monet, ut pili facile ciborum reliquiis adhæreant, cur non cum facibus per intestina, tanquam per liberius potius ostium, quam per tot exilissimos meatus, totque anfractus ad mammata usque deriventur; Dicimus itaque hos pilos in mammis generari. Quid autem sint, sub iudice lis est; *Mercurialis* namque sanguinis fibras esse putat, ceterum sanguinis fibræ à sanguine non separantur, sed totus ad mammata affluit, Alii probabiliter statuunt in mammis hos pilos generari, ut in aliis corporis partibus pili generantur, & ex iis excernuntur, quemadmodum in renibus, urinariisque meatibus, & per urinam excretos fuisse testantur fide dignæ observationes, & hoc nos multoties autopsia demonstravit, sed nec horum genesis adducunt. Puerile namque est cogitare pilum haustum ventriculum, meseraicas, jecur, secundum eorum sententiam, petransire, & ad mammata cavernas per mille anfractus pervenire.

Signa.

Signa.

Pro morbo pilari in mamma adest rubedo, ingens dolor, rigor, febris, capitis dolor, & totius corporis lassitudo, & alia symptomata, quæ pilus ibi generatus excitat, dum exitum quarit.

Causa.

Pili causa in mammis est natura lasciviens in succo alimentitio, quem assimilare deberet, & non solum non assimilatur, sed facultatis assimilatricis errore, in hoc aliquid juxta exilium partium situm transmutat videtur pilus, sed revera non est talis, videtur pilus, sed revera quid pilo analogum. Hoc idem, & alia plura in abscessibus frigidis, atheromate, steatomate, & melliceride observantur, tunc cum solida continent corpora ut ungues, pilos, lapides, spinas, variorum insectorum figuras, &c. Hæc etiam quandoque mammis accidunt, & interdum p. n. generantur pili. Lapidem scribit *Levinus Lemnius* in mammis genitos se observasse. Narrat *Bald. Ronssæus miscell. Epist. 10.* se novisse mulierem, quæ cum gravissimis uberum doloribus exagitaretur, ei dolor non prius desierit, quam apertis vomitibus utrinque vermes profuissent.

Sunt mammae exquisitissimi sensu, unde facile à rebus p. n. in ipsis genitis læduntur: hinc dolor, ex quo partis contractio oboritur, & in glandulis obstructio ex hac, lactis stagnatio, demum aciditas, hinc sanguis in vasis capillaribus stagnat, & tot, quot in signis enumeravimus symptomata, emergunt. Unde evenit quandoque, ut inflammationi, & lactis coagulationi mammarum trachia succedat,

Prognosis.

In mammarum trachia libenter, extracto, vel exsucto pilo, evanescunt symptomata, quod si in longum protrahatur tempus, pili eliminatio, in abscessum degenerare solet.

Curatio.

Hujus morbi curatio in pili eliminatione consistit, unde si sponte non exeat, lac sugendum præbeatur infanti, vel leviter exprimatur, vel si ex papilla promineat, digitis, vel forcipula extrahatur; quod si reluctetur, exterius mamma *cancerorum fluvialium, vel marinorum succo* illiniatur. Interea chirurgos admonitos esse volumus, ut à frigidis, & repellentibus, quæ ceu venena vitanda sunt, se abstergeant; est enim humorum affluxum, & suppurationem impendant, succos tamen stagnantes magis incrassant, & resolutioni reddunt inhabiles, ac glandulosum mammae corpus corruptioni facile obnoxium reddunt. Eapropter interius, exterius varia diaphoretica adhibeantur, quæ obstructions referent, & aciditate emendent.

CAPUT XLVII.

De Papillarum fissuris.

Mulierum gravidarum, aut puerperarum, præcipue lactantium papillæ, non secus ac oris labia, anus, uterus, volæ manuum, & plantæ pedum, interdum finduntur, rimulas fissuras, seu scissuras, quas *rhagades* vocant Græci, contrahunt, quia tenerrima obductæ sunt tunica: acerbos patiuntur dolores, maximè dum lac sugit infans, ubi aliàs eadem papillæ sanæ existentes, potius ab infantis suctione titillationem, ac veneream sentiunt voluptatem, obinter mammæ, & uterum consensum. Aliæ fovea, hoc est, rima maxima in papilla molestantur.

Signa.

Hi affectus nullo alio indigent indicio, præter inspectionem; sunt enim ulcuscula rimosa, & quandoque maxima veluti fovea in papillæ foraminulis, valde molesta, & dolorifica, & maximè inter sugendum, & ob dolorem acerbissimum sustinere non possunt lactantes, ut mammae sugantur, ex quibus quandoque sanguis, & quandoque ichor, seu corrupta Lympha stillat.

Causa.

Oritur hic affectus à nimia cuticulæ teneritate papillas amiciente, quæ ob fortiores infantis suctionem diffilit, vel cum à gingivis, aut à dentibus papillæ mordentur. Sæpè excoriantur, ab infantum in ore aphthis, aliisque ulceribus malè affecto; vel à lactis effusi particulis sponte, & continuo affluentibus, in papillis adhærentibus, non rectè absteris & acescentibus; vel non minùs à falsa lactis acrimonia, quam ipsas etiam mammæ, & partes vicinas, ad quas pertingit, excoriante; vel à particularum salinarum, vel acidarum in cutaneis papillarum poris existentium dominio, à quibus papillarum tunica in fissuras diffinditur, vel ex lymphæ benignioris, & oleosæ defectu, papillarum teneritatem, vel rigiditatem non inungentis, & emollientis. Hinc referimus causas externas, ut sunt aer in calore excedens, aut nimis frigidus, & acris, qualis in Martio, & à constitutione Aquilonia dominatur, quia tunc temporis aer multum acidi nitrosi in se continet, unde in his, qui teneriori cuticula præditi sunt, fissuras in labiis, & manibus excitare solet.

Producitur fovea à fibrarum disruptione inter fissuras existentium, à fortiori adhuc acrimonia acido-salini in fissuris collecti producta, quæ fit à lymphæ benignioris, & oleosæ defectu, tunc glandulas, tum fibras humectantis, & illinentis, ne tam facile à quadam externa injuria dirumpantur.

Prognosis.

Papillarum fissuræ, & foveæ non solum molestæ sunt, & acerbissimo dolore conjunctæ, sed si diutius durant, difficulter sanantur, quia ob infantum suctionem, nulla, aut exigua papillis datur quies, & in prava transeunt ulcera, ob acre ibidem adhærens, unde sæpè tota cotroditur, & absumitur papilla, & mulieres ad lactationem planè redduntur ineptæ.

Curatio.

In minimis his affectibus ita diætâ observanda est, ne saltim auream excedat mediocritatem, aliter *Medicus*, & medicamenta incassum laborabunt. Aerem frigidum, & aquilonium vitet ægra, nec tali aeri papillas exponat.

Putant *Vulgares* hos affectus ab humorum biliosorum acrimonia, vel siccitate à quibus cutis dirumpitur, & eroditur, prodigi, ideòque bilis acrimoniam obtundentibus, eos curari credunt, ac proinde linimentis ex *semine psyllii*, & *cydoniorum* utuntur, quibus *tutiam*, *cerusam*, *oleum rosatum*, aut *liliorum*, vel *butyrum recens*, vel *anatis axungiam* admiscunt. Lactantibus, antequam infantis ori papilla inferant, imponunt, ut *aqua rosarum* abluantur. Si dolorem in ipsa suctione lactantes sentiant; papillis calicem stanneum, vel argenteum, superiori parte perforatum, mammae respondens, papilla uberis vacuæ recens mactatæ rectum apponunt, & infanti papillam illam vaccinae sugendam præbent; sic enim infans suget, & labiis papillam fissam, & dolentem non attinget, & lac suget. Ad præcautionem ultimis tribus gestationis mensibus, ne papillæ findantur, nonnulli capulas aut pileos è cara paratos, abjetis resina plenos, thoraci alligatos excogitant, quos papillis superimponunt, ne decident, ubi resina absorpta est, novam insunt.

Ad papillarum fissuras & foveas curandas necessaria sunt medicamenta, quæ particulas acido-salinas in papillis collectas, vel aliunde suppeditatas emendant, hebeant, & diluunt, qualia sunt diaphoretica, ut *antimonium diaphoreticum bezoardicum minerale*, *diaphoreticum in peracutis* &c. vel remedia porosa, & volatilia sæpius exhibita. In parte conducunt *terra exanimata vitrioli*, *spiritus vini camphoratus*, *cremor calcis vivæ*, *cremor lactis*, *mucilagines*, quas in labiorum rhagadibus retulimus, *Fibres siccas*, & rigidiores emolliunt, leviuntque *mucilagines extractæ cum aqua spermatis ranarum*, addito *momento sacchari saturni*, & *tutiae præparate*. Excellens, & omni laude dignum remedium est *butyrum elicatum ex cacao in chocolatis opificio*. Optimum medicamentum est *oleum ovorum*, *lumbricorum*, vel *unguentum aureum cum guttulis aliquot olei destillati ligni Rhodii*. Vel sequens linimentum.

24. *Ol. amygd. dulc. q. s. in quo frige radices lilii, in taliolas dissectas, amotis radicibus, extra ignem agita oleum candela ex cera alba, donec fiat linimentum. Vel conveniunt axungia & pinguedines in labiorum fissuris descriptæ.*

Ad dolentes papillarum fissuras, vel fortiori infantium suctu, vel à lactis aciditate, vel à lactentium aphthis applicetur *oleum hyperici, vel rosatum, in quo radices pimpinellæ fuerint infusæ.*

In fovea, vel papillarum exulceratione laudamus *oleum cera, vel balsamum proprietatis per infusionem, vel balsamum Peruvianum vel oleum myrrhæ, cujus descriptio talis est.*

25. *Ovum unum, vel plura indurata media elixatione qua à corticibus munda, ac in duas partes æquales divide, aufer vitellum, & vacuum imple myrrhæ electa in pollinem redacta, filo circumligata ovum claude, pone in loco humido inter duas patinas. Ovum aperi, liquorem ad hunc usum invenies.*

Si papilla sanguinem sillet *infusione lapidis medicamento-si, vel terra exanimata vitrioli* utere. Adverte tamen, quod in horum medicaminum applicatione semper *pileolus plumbeus* in apice, foraminibus pluribus pervius super papillam imponendus est.

A mammis ad uterum descendimus, ut amantium mos est, tanquam ad humanæ generationis officinam: Hæc tantilla pars præ omnibus aliis viros allicit, & dementat, ac mulieres in varios adigit cruciatus, verum in hoc naturam culpæ debemus, quæ invitat & trahit: cæterum per naturam, quæ peccavit mulier, multis ærumnis obnoxia facta est, & præter cruentam deturpationem ob patratum scelus & communes cum viris languores, sexcentarum ærumnarum, & innumerabilium penè morborum propriorum jugum sufferre cogitur, quibus muliebrium tribuitur cognomen, ea propter uterus est omnium totius corporis pravorum humorum sentina, imò cloaca, unde jure merito miseriæ abyssus, calamitatum chaos, morborum morbus, & lerna malorum dici potest. Ob commercium, quod cum nobilioribus, & principalioribus habet, cor, cerebrum, nervos, diaphragma, ventriculum, intestina, dorsi medullam, vesicam &c. in languores trahit, hinc mulieres facile epilepsia, animi deliquio, cordis palpitatione, suffocatione, asthma, inappetentia, nausea, vomitu colico, vel dorsi dolore affliguntur. Quantum Creatori debemus, qui nos non fecit fœminas, & à tot carnificum cohorte eripuit, attamen nos ingrati nec etiam tantum munus acceptum animo vultamus! In præsentiarum non agimus de morbis mulierum, nam de his posthac ex professo tractabimus, nunc ulcera, quæ sinum respiciunt muliebrem, examinabimus.

C A P U T XLVIII.

De Cervicis Uteri Ulceribus & Rhagadibus.

Nonnulli hanc partem exulceratam, quam trutinandam agredimur, uteri cervicem improprie appellant, rectè appellatur uteri ostium, quia virile membrum per hoc ingreditur, & egreditur; ac rectius à quibusdam uteri vagina vocatur, quoniam virile membrum in se recondit, ut vagina gladium, aut cultrum excipit. Est hæc vagina mollis, laxa, rugis orbicularibus inæqualis, (ut major titillationis ab attritu percipiatur voluptas) substantiam habet nervosam, ut dilatari possit, sed aliquantulum spongiosam, & fungosam, (hæc in libidinis æstro aliquantulum turgescit, ut virile membrum strictius comprehendat) longitudinis digiti longioris est, & latitudinis circiter intestini recti: quæ longitudo, & laxitas variant pro ætatis ratione, necnon prout fœmina magis, vel minus libidine fervet. Sic quoque variant rugæ in virginibus, necnon in mulieribus, quæ rariori utuntur venere, nec in eam fervide proclives sunt, quàm in iis quæ nunquam pepererunt, multo crebriores, ac densiores sunt, quàm in iis quæ sæpius pepererunt, necnon in meretricibus frequenti utentibus coitu, utpote in quibus sensum fere obliterantur. Non tantum hic nos de uteri vaginæ ulceribus agimus, verum etiam de ejus partium ulceribus, quæ sub oculos cadunt, ut sunt labia, nymphæ, carunculæ myrtiformes, & clitoris. Est clitoris glandiforme corpusculum illud in superiori pudoris muliebris sinu situm, & à nymphis custoditum, sub qua foramen est pro emit-

Musitani Opera Tom. II.

tendo lotio. Ab *Avicenna* virga mulieris appellatur, & quia est uvulæ non relaxatæ instar, ob hanc æmulationem columella ab *Hippocr.* nuncupatur. A nonnullis membro virili correspondere perperam creditur, nam potius cum virilis virgæ glande convenit, in qua tantummodò voluptatis sensus ex coitu percipitur, & non in reliqua parte oblonga, sed longitudo tantum inservit ad feminis in uterum porrectionem, ita quoque clitoris procul dubio glandis muliebris munere fungitur. Hæc pars exquisitissimum habet sensum, & in actu veneris jucundissimam præbet titillationem, unde in hac delectationis mulierum præcipua sedes est, dum coitu utuntur, atque hinc amoris dulcedo, Veneris æstrum, libidinis sedes, & irritamentum dicitur; eapropter nulla pars in coitu majori delectationis sensu afficitur, ac mulieres fricatrices in Venerem magis quàm illa exagitat.

Clitoridis magnitudo communiter exigua est, sub nymphis ferè latens, deinde leviter prominet, in aliquibus mulieribus præsertim libidinosis, quæ Venerem voluptuose exercuerunt, manifestè cernitur, in aliis in majorem longitudinem ad formam penis virilis excrevisse observatum est. *Platerus* clitoridem monstruosam in quadam muliere collum anserinum crassitie, & longitudine æquasse vidit. Excrevit in illis fœminis, quæ continuo, & frequenter hanc partem contrectant, & fricant, qua ratione penis muliebris nominatur, ita ut hujusmodi mulieres illa parte nonnunquam abusæ fuerint, & cum aliis sui sexus coierint: sic *Pemplus* scribit de quadam *Helena*, quæ hac parte multas exercebat fœminas, & virgines viriabat, quia in coitu penis virilis instar turget, & quando erigitur, ad libidinem stimulat, unde evenit, ut penis virilis loco clitoride aliquando abutantur mulieres nonnullæ, & mutuo coeant, quas confricatrices vocant, eapropter hæc pars, virorum contemptus dicitur. Hujus libidinis inventrix scribitur *Philenis* quædam, qua usa etiam sit *Sappho* poetria, sed de his *Paulus Apostolus* ad *Romanos* loqui censemus 1, 26. *Nam fœmina eorum immutaverunt naturalem usum, cum eo qui est contra naturam.*

Signa.

Cervicis uteri ulcera cognoscuntur ex dolore, & continua eo in loco mordicatione, quæ sensum augetur, & intenditur, ac præcipue si tangantur, vel abstergentium aliquid immittatur, & præ omnibus concubitus horum ulcerum est index. Deinde visui etiam patent, adhibito matricis speculo. Tandem cognoscuntur ex puris affluxu, quod interdum odore caret, interdum flavum est, viride, fœtidum, prout ulcus modò mite, modò sordidum est, cujus portio quandoque mensibus fluentibus, cum sanguine fluit, si ulcus magnum sit. Trahuntur etiam sæpè aliæ partes in consensum, ut si ulcus vesicæ orificium simul afficiat, urinæ ardor, & frequens supervenit mictio, caput, lumbi, aliæque partes in consensum trahuntur, unde vel dolent, vel malè afficiuntur, etiam febris accidit lenta crebris horribus.

Ex causis signa facillè innotescunt, quæ sunt vel externæ & evidentes, ut medicamentum erodens, partus difficilis, concubitus violentus, vel impurus, quæ ex ægræ relatione percipiuntur. Si hæ causæ absint, ab internis malum natales suos habuisse necesse est. Si fuerit secunda corrupta, lochia retenta, fluor uterinus, gonorrhœa, vel alius humorum affluxus, facillè innotescunt.

Rhagades cervicis uteri non ægrè innotescunt, nam ulcuscula sunt rimosa, & oblonga, iis simillima, quæ hyberno tempore in labiis, manibus, & pedibus è frigore oriri solent. Recentes latent, temporis tamen cursu, vel in coitu sese produnt, quia tum dolor pruriginosus aliquis excitatur, & cruoris aliquid effunditur. Quod si res ita se habeat, & de malo adhuc suspicio aliqua angat, uteri cervice reserata, & inspecta, malum sub oculos cadit.

Causæ.

Ulcera cervicis uteri, ut dicunt *Vulgares*, fiunt vel à causis internis, ut ex diuturno humorum biliosorum, aut serosorum acrium affluxu, ut in fluore uterino diu per-

M

per-

perseverante, aut ex malignis humoribus cum sanguine menstruo in hanc partem, quasi corporis muliebris sentinam confluentibus, qui per hunc locum evacuantur, præsertim in lue Venerea, & maligna gonorrhœa, aut ex semine corrupto, aut secundinis corruptis, lochiis item diu post partum retentis & corruptis: ex inflammatione in abscessum versa, dum materia purulenta acrior reddita, partem erodit affectam, sicque abscessus rumpitur, & pus effunditur, ac in ulcus abit, vel ex excrementis in uteri plicis retentis, & ibi putrefactis. Vel à causis externis evidentibus, ut sunt medicamenta acria, & erodentia imprudenter applicata, partus difficilis, violentus coitus &c. Tandem sunt vulneratio, casus, percussio, ut in aliis locis, quæ si non rectè tractentur, ulcera excitare possunt.

Secundum *Vulgarium* sententiam cervicis uteri rhagades internè inducuntur ab humorum acrium, præsertim lentorum, & viscidorum affluxu, qui hisce adhærent partibus, ejusque rugas secundum rectitudinem exulcerant. Addunt etiam ingentem uteri siccitatem, qua rhagades ut plurimum fiunt. Cæterùm hæc pars nunquam sicca observatur, cum uterus sit universale & totius mulierum corporis emunctorium, & veluti colluviarium, quod perenniter profluit. Vel fiunt à medicamentis acribus, vel à coitu violento, vel à partu laborioso, ubi fœtus grandior fuerit, ut rugas aliquas in uteri vagina disrumpi necesse sit, quæ unitatis solutio, ob continuum excrementorum affluxum sordida evadit, & hujusmodi ulcuscula excitantur.

Ulcerata in uteri vagina à particulis acido-salis membranarum foras solventibus oriuntur, sive hæc in sanguine menstruo, in fluore albo, aut lochiis, sive cum semine virili à lue Venerea conspurcato communicentur. Vel tunc fiunt ulcera, cum vasa sanguifera erosa sanguinem fundunt, & per moram inter rugas putrescit, ac in pus commutatur. Vel producuntur cum sanguinis, aliuvè succus obstructione in suis conceptaculis retinetur, in quibus stagnatione acorem concipit, vasa erodit, & patefacta via in suppositam desluit partem, ubi temporis tractu corrumpitur, in pus degenerat, & ulcus excitat. Vel inflammationes in abscessum degeneratæ tale ulcus excitare possunt. Externæ causæ sunt partus difficilis, orta violenta harum partium tubulorum, ac canalium exulceratio, ab obsterice imperitia; ad hanc referimus violentum concubitus, vel medicamenta erodentia imprudentius applicata.

Oriuntur rhagades internè à particulis acido-salinis in uteri vaginas excurrentibus, & ulcuscula secundum plicas excitantibus. Externè à coitu violento, penis grossitudine, vel à frictione petulanti, vel à fœtu majori vi extracto, unde nimium distensæ non facile cedunt, sed impulsui resistunt, donec vehementiori & frequentius repetito diffingantur.

Prognosis.

Vaginæ uteri ulcera spernenda non sunt licet exigua, & quandoque curatu difficillima, cum in parte exquisito prædita sensu sint, ac variis excrementis recipiendis idonea, unde fibrillæ omnes ab acribus particulis ita discinduntur, ut quælibet levis excoarctatio magnam exigat Medici solertiam, & nisi rectè tractentur, in gravia degenerant ulcera. Hæc pars cum multis aliis consensum habet, unde varii morbi, & symptomata per consensum excitari possunt. Si hæc ulcera non fuerint magna, & fuerint recentia, facilius curantur, si nullum accidens conjunctum habeant. Si verò fuerint magna, antiqua, & sordida, vel lue Veneream comitem habeant, difficulter curationem recipiunt. Si fuerint sinuosa, & depascentia insanabilia judicamus. Quæ sub oculos cadunt, facilius curationem admittunt, quàm quæ in profundo latent.

Rhagades maximè molestæ sunt, privant namque mulieres Veneris dulcedine ob dolorem, qui in coitu excitatur. Recentes facilius curantur, quæ callosa facta sunt ulcera, ut plurimum curatu difficillima sunt, & præsertim ea, quæ lue sequuntur Veneream,

Curatio.

Cervicis uteri ulcera curare solent *Vulgares* illis indicationibus, quibus aliarum partium ulcera. Primò itaque opportuno medicamento acres humores, unde uteri vaginæ ulcera ortum habent, purgant, & decentem vivendi rationem, ut talium humorum genesis inhibeatur, instituunt. Si prædicti humores è toto dependant, universales, si à parte aliqua, topicas celebrant evacuationes repetitas, nec sanguinis missiones omittunt, præcipuè si menstrua defecerunt. Si intemperies adsit, juxta ejus conditionem eam corrigunt. Si à lue Venerea contractum sit ulcus, malignitatem expugnant Veneream, deinde curationem, ut in aliis ulcerum generibus, communem instituunt.

Si dolor urgeat, illum sedant, ne molestiam ægræ inferat, ac ne ad partem affectam colluviem trahat. Dolor plerumque à sordibus, & sanie ortum ducit, ac plerumque inflammationem habet comitem, tunc quæ sordes, & saniem abstergendi, inflammationem refrigerandi, & dolorem pacandi vim habent, medicamenta applicant. In huncusum revocant *Lac infusum*, & præsertim *chalybeatum*, vel *ovorum albumina tria*, vel *quatuor*, *conquassata*, & *tum mucagine seminum psyllii*, vel *emulsione seminum papaveris mista*. Vel *emulsiones seminum papaveris*, & *quatuor frigidorum majorum cum sero lactis caprino*. Si dolor urgeat, *aquam hordei cum succo hyoscyami* usurpant, vel ipsum quoque *opium* aliis admiscunt.

Si ulcus fuerit sordidum, illud detergunt *sero lactis*, *aqua hordei cum melle*. Si valentiora exposcat remedia, illud *decocto agrimonie*, *absynthii*, *centauræ minoris*, & *radicis aristolochiæ* abstergunt. Si valde sordidum fuerit, in hoc decocto, vel aliis *unguentum Apostolorum*, vel *Aegyptiacum* dissolvunt. Non desunt pessaria, injectiones, infusiones, clysteres uterini, irrigationes, fumi, unguenta, nec non convenientia emplastra epigastrio applicanda, ac efficaces dijudicant thermas exsiccantes. Non solum externa medicamenta, sed interna, ut *terebinthinam cum saccharo* deglutendam præbent, vel *pilulas de bdellio à ℥. j. ad ℥. j.* Non desunt decocta exsiccantia: nec potiones, ut

℥. Fol. artemisie, agrimonie, pimpinellæ, centinodia ana m. j. radic. rhapontici ℥. j. sem. coriand. ℥. ss. viticis ℥. j. Coque in vini albi mensura, & dulcorentur saccharo, Bis singulis diebus ad ℥. jv. exhibe, & ad longum tempus continuentur.

Ubi ulcus mundatum fuerit, illud carne implent, & tandem cicatrice medicamentis de communi ulcerum omnium claudunt.

Cervicis uteri rhagades vulgares *Galenici* curant, si ab humore acris fluxu originem ducant, universales totius corporis evacuationes præmittendo, & postea ad topica deveniunt, quæ citra mordicationem humorum acrimoniam leniunt; unde commendant *oleum lini*, & *rosarum cum ovi vitello*, item *succum plantaginis diu in mortaria plumbeo cum pistillo agitatam, donec spissescat*: *Lac etiam cum saccharo*, *unguentum quoque è mucilaginibus cum plumbo usito*, & *pompholyge paratum*, vel *artemisie succum cum cerussa in mortario plumbeo agitatam, donec unguenti consistentiam nanciscatur*. Non desunt interea *medulla*, *axungia* &c. de quibus abundè diximus in labiorum rhagadibus secundum Galenistatam curationem.

Si pruritus, vel dolorem comitem habeant, *unguentum ex mucilaginibus seminum psyllii, cydoniorum, malvæ cum butyro insulso*, & *oleo rosaceo*, vel *unguentum pomatum*, vel *album camphoratum* usurpant. Si callosæ fuerint, *unguentum ex oleo liliorum alborum, medulla cervina, terebinthina, & cera parant*. Si à partu laborioso, vel coitu violento ortum cognoscant, *clystere uterino è decocto rosarum, plantaginis, aristolochiæ, artemisie cum bolo armeno, sanguine draconis, & thure* utuntur, vel ex iisdem cum ovi albumine pessarium faciunt, & induunt.

In uteri vaginæ ulceribus exactiorem vivendi rationem ægræ præscribere necesse est, quia est non sanet, multum tamen intemperantia nocere, & malum pejorare potest, eligantur itaque cibi euchymi, vitentur acida, nimium salita, & dulcia ob occultum acidum in se continentia interdicantur, fructus horarii exulent, vinum eligatur oligorum, & dulce, acidum angue pejus fugiatur, præ omnibus tandem sex rebus non-naturalibus dictis, in primis Venus, tanquam lethale venenum fugienda est.

Cer-

Cervicis uteri ulcerum curationem aggredimur tum internis, tum externis; interna ea sunt medicamenta, quæ particulas acidas, & salinas vel exturbant, vel diluunt, vel immutant, unde ad earum exturbationem maximo-perè conducunt *pilula de tribus, vel extractum catholicum cum mercurio dulci, vel manna mercurii*. Item decocta ex lignis, potiones etiam vulnerariæ, ut quoque *pilula ex terebinthina cum mercurio dulci*. Externè verò ad ulceris mundificationem, si sordidum fuerit, convenit *decoctum ex radice gentianæ, aristolochiæ rotundæ, foliis absynthii, summitatibus sabinae, & hyperici*. Vel fieri possunt injectiones per Syringam cum aqua saphireâ, vel Venereâ, vel ex infusione lapidis medicamentosi, quæ ad cicatricem usque valet. Si ulcus fuerit chronicum ad Thermas sulphureas, & aluminosas confugiendum est, ea sæpè ulcera, quæ aliis medicamentis sanari non potuerunt, sanantur tum artificiales ex similibus paratæ mineralibus, optimæ sunt.

Si ex violento, & reiterato coitu, vel ab improvidæ obstetricis in partu difficili dilaceratione, contractum fuerit ulcus, multum valet *decoctum radicis symphyti majoris, summitatum hyperici, scordii, saniculæ, stellariæ, aristolochiæ, cum myrrhæ pauca quantitate* pro uterina injectione. Vel si in conspectum veniat ulcus, præter hæc, quæ acutas absorbent particulas conveniunt, ut porosa ex *lithargyrio, cerussa, terra exanimata vitrioli, mercurio dulci, myrrha &c.* Nec non *balsamus proprietatis, vel infusio Lapidis salutis, vel vini spiritus, vel oleum myrrhæ per deliquium* multum valebunt.

Verumenimverò ulceris vaginæ uteri curatio à luis Venereæ curatione non dissidet, ut plurimum namque ipsius luis sunt symptomata, & tunc eodem modo, ut gonorrhœa virorum maligna curari debet, & purgantibus mercurialibus utimur sub diversis formis, ut

℞. Rhabarb. pulverizati gr. xij. terebinth. optim. ℥. ij. mercurii dulc. gr. xiv. m. f. pilula. vel

℞. Pulp. cass. recens extract. ℥. ij. rhabarbari vigorat. ℥. j. merc. dulcis ℥. j. cum sacc. f. bolus.

Vel sumantur *pilula ex terebinthina, & mercurio dulci*, ut de lue Venereâ diximus lib. 3. cap. 2. de gonorrhœa. In uterum fieri possunt injectiones per syringam ex *vitrioli Cyprii, vel lapidis salutis, vel draconis mitiganti infusione, vel aqua saphireâ*.

Si chronica fuerint ulcera, non aliter ea curamus, quàm ut ipsam luem Veneream, tum per purgantia mercurialia, tum sudorifera, & alia de quibus opinare de lue Venereâ diximus. Si sub oculos veniant in uteri vagina ulcera penicillo leviter tangantur aqua aluminosa, vel mercuriali, vel spiritu mercurii albo diluto, vel spiritus mercurii dulcis. Vel adhibere possumus suffumigium intra uteri vaginam per infundibulum admisso tantillo *cinnabaris naturalis, vel ex antimonio, vel artificialis*.

Vaginæ uteri rhagades pro causæ diversitate diversa expossulant remedia, eapropter si à coitu violento, penis grossitie, vel partu laborioso pronatæ sint, clystere uterino utatur ægra decocto *artemisiæ, malvarum, aristolochiæ, rosarum, plantaginis, radicis symphyti majoris cum bolo armeno*. Si dolor & pruritus rhagades comitetur, injectiones in uteri vaginam indantur ex decocto quatuor anodynorum in hydroleo, in quo dissolvatur parum unguenti anodynini, vel olei papaveris per expressionem, vel olei ex seminibus *hyoscyami*. Si à particulis acidis, vel salinis stagnantibus, aliunde defluxus pronascantur rhagades, ea profunt medicamenta per os, quæ porosa sunt, & diaphoretica; in uteri vaginam verò indatur pessarium ex sevo hircino, mucilag. sem. saccharo saturni, in oleo sesamino, vel ex vitellis ovorum intinctum. Pessarium hoc modo fit: Accipe pannum sericum ejusdem longitudinis, cujus sunt rhagades, indantur pessarii ingredientia in crassioris digiti figuram efformata, filo alligetur, liquori intinge, & postmodum in uteri cervicem immitte, in qua per tres horas maneat: his transactis, iterum intinge & immitte. Si luem Veneream sociam habeant, applicati potest unguentum pomatum à nobis descriptum, cum mercurio dulci; vel in ipso unguento, vel alio dissolvatur mercurius vivus tandiu, donec nullum mercurii granulum appareat.

AB uteri vagina recta ad uteri fundum penetramus, & ea describimus ulcera, quæ hanc partem quandoque corripere solent. Dicitur uterus quod in eo, tanquam in utre quadam fœtus continetur. Matrix, quod fœtui alendo se matrem præstat, atque etiam per imprægnationem matres efficit. Loci, & locelli, quod locus initialis sit hominis, ac præ omnibus aliis jucundis locis juvenibus placeat, Hinc uterus, quem ad concipiendum conservandumque fœtum in fœminis primus Protoplastes condidit, situs est in hypogastrio, seu infima imi ventris regione, in pelvi, quasi ossæa, quam ossis pubis, sacri illi, coxendicisque concursus efformant, cujus pelvis in fœminis major est amplitudo, quam in maribus: unde etiam fœminis grandiores, & ampliores sunt nates. Talem obtinuit firum uterus, ut pro fœtus magnitudine infans distendi, & commodè etiam excludi posset. In medio locatus est, ad nullum inclinans latus, nisi dum utero gestat mulier masculum, vel fœmellam: tum enim dextrum, vel sinistrum magis occupare solet, est hoc non perpetuò sit verum. Positus verò est inter intestinum rectum subjacens & vesicam incumbentem, tanquam inter duo pulvinaria, unum stercore, aliud urina repletum. Quid ergo superbi-mus, qui inter stercus, & urinam nascimur?

Uteri magnitudinem non tantum variat ætas, corporis moles, sed & Veneris usus, & fœtura, consideraturque in longitudine, latitudine, & crassitie. Longitudo in iis, quæ mediæ sunt staturæ, & venere uruntur à pudendo usque ad fundi finem communiter est undecim digitorum, fundi verò trium. Fundi latitudo duorum, aut trium digitorum, quæ in non gravidis eadem est latitudo fundi, ac cervicis, atque hinc amplitudo facile conjici potest. In virginibus parvus est, vesica minor, perfectis major, quibus tamen Venere abstinentibus, ut & Vetulis satis parvus, sed crassus est: at nati-jor in illis quæ sæpè conceperunt, & utero gestarunt, tum enim magis, magisque amplificatur, cum ante ingravitationem sacri ossis initium non superavit, fundus postea ad umbilicum, & ultra etiam extenditur, ut tenuibus incumbat intestinis. Crassities uteri eodem ferè modo variat, nam in virginibus tenuis est substantia, in adultioribus crassior, & quod sæpius mulier uterum gerit, eò crassior est ejus substantia. Mensibus fluentibus, crassescit uterus, & quando instat mensium excretio, humida, & crassa apparet uteri substantia. In gravidis putarunt *Galenus, Vesalius*, alique anatomici uterum, quod magis extenditur, eò magis attenuari, & crassitudinem in longitudinem absumi. Sed hi decepti fuere, uterum namque præter naturam tenniore observarunt, sive ex humoris defectu, sive nimia distensione, & tunc de facili rumpitur à fortioribus impellentibus, ut in puerpera observavit *Salmuth*. A primo conceptu uterus secundum omnes dimensiones paulatim ab augefcente fœtu dilatatur, & in dies crassior, carnosior, & robustior redditur, ac postremis mensibus duorum ferè digitorum crassitiem æquat, & tamen tanta uteri moles intra duas, vel tres à partu hebdomadas per celebrem lochiorum expurgationem ad pristinam redit magnitudinem. Uteri figura aliis rotunda, aliis pyriformis statuitur, sed licet ad rotundam accedat, quod capacior sit uterus, tamen cum *Sorano, & Fallopio* fundum cucurbitæ optimè assimilari posse sentimus, quia fundus rectè deorsum sensim angustiat, collum verò uteri canalem oblongum, & rotundum repræsentat. Cavitatem obtinet exiguam, quæ in non gravidis, præcipuè virginibus, vix fabam majusculam capit, & facta conceptione unà cum fœtu, ac toto utero increfcit. Hæc nullis cellulis est donata, uti falso septem cellulas ei aliqui tribuunt, sed sola linea quadam per longitudinem exporrecta, & in interiore tantum parte carnosæ tunicæ designata in dextram, sinistramque partem dirimitur; qualis linea etiam in viri seroto extrinsecus conspicitur.

Constat triplici membrana distensibili, & ampliabili, ut rotus cum increfcente fœtu ampliari uterus possit; extima hujus membranæ tunica à peritonæo prorogatur, estque robusta satis, ut non facilè crepet, intima nervosa est, fibrosa & porosa, media omnimodè carnosæ, extra prægnantiæ rationem densa, & admotum compacta est. Post

autem fœtum conceptum humorem appositum in modum spongiæ tam largiter combibit, ut eò paulatim laxata stupendam gravidæ utero crassitiem adducat.

Uteri fundus sua substantia superius nulli parti annexitur, ut liberior sit ejus extensio: à lateribus verò duobus ligamentorum paribus, quorum usus est uterum suspensum tenere. Unum per superius est latum & membranofum statuitur à musculis lumborum ortum; desinit verò in uteri fundum prope cornua, laxum, & molle est, ut extendi, & contrahi possit. Vocatur hoc aliforme, ob similitudinem alarum vespertilionum, quam refert. Atque hujus paris beneficio alligatur ossibus ilii. Hoc ipsum subinde quandoque laxatur, vel etiam violenter disrumpitur (ut per vim, partus difficultatem, pondus fœtus &c.) ex quo mox uteri fundus suo fulcro destitutus, uterum in sinum descendit, & inversa aliquando cervice; atque aliquando vel lateraliter ad inguina recidens peritonæo ansum ad herniam præbet, vel inverso modo foràs ruit, ubi tamen accedat necesse est quoque solutio connexionis colli. Alterum par inferius rotundum, instar lumbricorum, subrubrum, instar musculorum, ab utroque fundi latere profectum antrorsum pergit, peritonæumque ac musculorum abdominis permeans, atque ad pubis ossa deveniens bipartitur, unaque medietate clitoridi jungitur, alterum autem in membranam dilatatum, per femoris musculos spargitur.

Per uterum etiam varia vasorum genera discunt, arteriæ sc. venæ, nervi, lymphæ ductus, & tubuli quidam utero peculiare; innumeræ ferè arteriolaræ uteri tubulos ingredi, ibidemque terminari conspiciuntur, sed usque ad eò exiles, ut sine microscopii ope, vel alio artificio instituto, vix discerni queant. Notatu etiam dignum est, quod duplo, vel triplo plures, & majores, magisque flexuosæ arteriæ per uterum ipsum, quam per vaginam, serpant. Sed ad uteri ulcera noster redeat sermo.

Signa.

Uteri ulcerati signa sunt gravissimi pubis dolores, indefinenter, vel per intervalla puris fœtidi saburra fluere soler, vel per se, vel unâ cum lotio, illudque mordicans reddit, synciput dolet, aliquando convulsiones accedunt, initio quidem ubi unâ inflammatio adest, febris associatur, paucior sanies dolorificè exit, ubi autem ulcus jam suffodiens evasit, plus saniei cum mitiori dolore effundit. Sæpè sphacelus inde oritur, qui nunquam ad pudenda usque se extendit.

Causæ.

Ad ulcerum uteri causas referunt *Galenici* inflammationem suppuratam, & apostemationem ruptione sua ulcus efficientem, quod neglectum, vel prava vivendi ratione deterioratum ulterius exulcerat, item humores acres defluxu suo, diurnæ coryzæ instar, in uterum confluentes, exulcerantes, demumque profundius erodentes; partum difficilem læsionem utero inferentem, vel per laboriosum conatum, vel violentam fœtus vel secundinæ ex utero evulsionem; Veneream immodicam, præferim per improprium concubitus, vel his Venereæ contagiosam urethram; medicamenta in uterum immissa, vel alia quædam assumpta acia, & erodentia.

Uteri ulcus secundum nostram sententiam oritur ab inflammatione in abscessum transeunte; ex particulis n. acido-salinis exaltatis in materia purulenta contentis, uteri continuitas dissolvitur, & ulcus producit. Vel non prævia inflammatione, & tunc ex mensium, vel lochiorum suppressione oritur, vel sanguine, lymphæ, aliisque succis nimis crassis, sive acris, qui tardius in utero circulant, vel remoram acquirentes, copiosius in solidis, & continentibus uteri partibus collecti, acorem contrahunt, tubuli, & vasa dilacerantur, quibus dilaceratis, pus exciunt, unde ulcus, imò sanguis, & succus alimentitius corrumpitur, & acrimoniam nanciscitur & una cum pure emanat. Quandoque uterus à lue Venerea conspurcatur, corrumpitur, eroditur. Vel lapsu, percussione, coniunctione uterus læditur, fibræ rumpuntur, canaliculi destruntur, succi non circulant circa destructa conceptacula stagnant, & intestino motu fer-

mentescunt, particula acutiores suscitantur, & plures rumpunt fibras, ac nutrimentum fundunt, quod corrumpitur, & corruptam materiam purulentam promover.

Prognosis.

Ulcus uteri festinam exposcit opem, aliàs ruit in pejus; est namque uterus colluviarius proscripti sanguinis impuri, & menstrualis cadaverosi, ac proinde sponre ad gangrænam, & sphacelum proclivis, verum quoties pus ab eo album paucum, & minimè fœtidum effluit, minus periculi, & sanationis difficultatis habet; nigrum verò, & fœtidum ulcus cacoethicum, & corrosivum, ac medicæ inobediens designat.

Curatio.

Curant *Galenici* uteri ulcus humorum acrium affluxum inhibendo, per venæ sectionem in brachio institutam, si ægra sit plerhorica, si cacoehymica, per repetitum catharticum medicamentum, à prava colluvie corpus repurgant, benignioribus tamen utuntur cathartics, ut foliis sene, rhabarbaro, myrobolanis, electuario catholico, sed sedes non est uteri emunctorium. His præmissis, per totum, sanationis tempus decocta vulneraria, & abstergentia propinant ex radice china, symphyti, aristolochia rotunda, foliis agrimonie, plantaginis, pimpinellæ, centinodie, millefolii, artemisie &c. Vel terebinthi resinam cum saccharo rosaceo, & pro majori ulceris exsiccatione pilulas de bdellio, aut pulverem ex trochiscis alkekengi exhibent. Interim vero exulcerato non desunt lotiones ex decocto siccantium, cum valde phlegmatica pars sit, ut

℞. Herbar. pilosellæ, plantaginis, persicar. maculat. equiseti ana m. j. flor. ros. rubr. malv. arboreæ ana p. ij. balauft. p. j. f. decoctum in aqua suff. quantitate, & colatura tepidè injiciatur. Vel decoctum hordei, in quo mel rosatum sit dissolutum, addita myrrha pauca quantitate, injiciunt. Pessum quoque ex croco, oleo rosaceo, adipe anserino, & medulla cervina, paratum adhibent. Externè infersiones, cataplasmata, & suffumigationes adhibent, & pro suffumigio sequentibus utuntur trochiscis:

℞. Thuris, styracis calamit. myrrha, mastiches, gummi juniperi, ladani ana ʒ. j. cum s. q. terebinth. s. f. a. trochisci.

Absterfo ulcere in decocto equiseti, millefolii, & ros. rubr. dissolvunt unguentum diaphologos, & in uterum injiciunt.

Uteri ulcus curamus prius corpus deplendo pilulis mercurialibus, hæ namque sanguinem, lympham, aliosque succos à particulis acidis, & salinis repurgant, mundificant, & ulcerum sanationem promovent, post quas, ea propinamus medicamenta, quæ particulas corrigunt, eliminantque; ad quem finem diaphoretica, & perosa sufficiunt, propinamus itaque decocta sudorifica quæ non tantum per sudores, verum etiam per urinas humores peccantes aciores eliminant, ac simul quoque acres, & acidos temperant. Commendamus salia volatilia, oculos cancrorum, stibium diaphoreticum, sulphur auratum diaphoreticum, cornu cervi, ebur philosophicè præp. sal succini volatile, c. c. viperarum, saccharum Saturni &c. Item potiones mundificantes, & abstergentes ex decocto radicis aristolochie, bistortæ, herbarum melissæ, artemisie, persicar, mellifolii &c. in quo coralliorum & margaritarum magisteria exhibemus, quæ acida, & corrosiva salia domant.

Pro potu ordinario sequentem commendamus, ut

℞. Dictamni, melissæ, matricariæ, artemisie, agrimonie, scordii, vincetoxici, pulegii, summit. hyperic. radic. symphyt. tormentillæ ana m. j. sem. fœniculi ʒ. j.

Concidantur omnia in particulas, & exactè misceantur, tum ℞. Hujus mixturæ largum manipulum, superfunde aquæ comm. ℞. iij. vel jv. Coquantur in vase cooperulato ad transversum pollicis casum, colatura in cella probe obturata servetur, admisce tertiam vel quartam vini partem, ut ægra propotum ordinario bibere possit, quod copiosius, eò melius, quod minus etiam vini admiscet, eò ocyus sanat, sed ejusmodi potus per multos menses ad sanationem usque continuari debet.

Quò ad topicam per syringam varios liquores, & mixturas detergentes injicimus, ut lapidem calaminarem præparatum, vel lapidem salutis in aqua plantaginis solutum, vel aquam Veneream n. d. vel vinum aloeticum, vel myrrhatum.

Solent

Solet quandoque uteri ulcus corrosionem nancisci, & ipsum uterum, & quandoque intestinum rectum perforare: ita scortum observavimus, quod nunc fœces per uterum, nunc per intestinum excernebat, plura præbui-
mus medicamenta, & injectiones peregrimus, & nunc incolumem, sed cum eadem excretionem inter amasios vitam ducit. Quandam honestam mulierem in uteri vagina ulcere laborantem per plures invisimus vices, cum quodam optimo empirico, & quia ulcus sordidum, & corrosivum erat, & ægra debilis, intestinum exedit rectum, undè quadam tenesmi specie correpta, cum cadaverosa excretionem, intra tres dies, utero, & intestino sphacelato, non obiit sed abiit.

Interdum uteri ulcus, ut gonorrhœa virulenta curari debet, quæ etiam sæpè huic ulceri conjuncta est, & ea conveniunt medicamenta, præter mercurium diaphoreticum, & nostrum arcanum metallicum, quæ lib. 3. de Lue Venerea c. 2. de gonorrhœa descripsimus.

C A P U T L.

De Penis Ulceribus.

AB utero ad penem transitum facimus, nam inter has partes magna familiaritas, & cognatio intercedit, imò Galenus Anaromes ignarus lib. de usu partium, & anat. administ. ineptè credidit mulierum genitalia, non nisi solo situ à virorum genitalibus differre. Quod commentum ex iis natum est, qui fœminam esse tantum virum imperfectum putarunt: (sed fœmina non est homo) & ob frigidiorē temperiem, ac naturæ debilitatem membra generationis non poruisse foras protrudi; quemadmodum in viro ob eximium calorem, & naturæ robur foras fuisse propulsa. Insuper nonnulli Galeni procuratores in hujus opinamenti confirmationem, varias mulierum postea in viros mutatarum Historias adducunt, quas recenset; & eruditè repudiat Isbrandus de Diemerbroeck lib. 1. anatomes p. m. 154. Cœterum mulierum genitalia non tantum situ à virilibus differunt, sed universa structura, quoad numerum, superficiem, magnitudinem, cavitatem, figuram, munus, & usum, ut satis manifestum est perito anatomico, & cuivis, qui muliebria cum virilibus conferre velit.

Dicitur penis à pendendo, penis namque antiquis idem erat, quod cauda, quæ sicut à posteriori animalium parte ita penis à parte hominis anteriori pendet. Dicitur virga, quia hæc pars arrecta virgam repræsentat. Menzula, quod rigida hæc pars viro mentem quasi eripiat, vel eam à seriis ad jocosa, & Venerea avertat. Coles, veretrum, priapus, membrum virile per antonomasiam, membrum genitale, & omnium viventium pater. Alia nomina imponi solent plurima, quæ reticere præstat, quàm recensere. Plato in Timæo penem animal quoddam esse censuit, quoniam ei insita vis generandi est valde appetens. Verum cum vis illa appetens non huic sed cerebro insita sit, ex eoque in penem fundatur; cum etiam unum animal non possit esse alterius pars integrans; cum denique penis sit dumtaxat pars animalis totum cum aliis complens, non potest certè animal, sed tantum animalis pars & instrumentum dici. Membrum virile in magna æstimatione, ac dignitate apud Ægyptios, & alios habitum fuit, ut in Rioloano videre est, at nunc in magna æstimatione est tantum apud mulieres. Est penis pars organica ad feminis in uterum injectionem primariò, secundariò ad urinæ excretionem comparata, ob quam non est formatus, cum sine eo fœminæ lotium excernant.

Situs est penis in imi ventris parte inferiori, ad ossis pubis radices, estque in medio positus, ut commodius fieret congressus, & aliis partibus, impedimento non esset. Ortum suum ducit à validiori, & robustissimo fundamento c. pubis ossibus. Est numero unicus, at nos quendam Præcutinum Nicolaum nomine, duplici penè à natura donatum observavimus.

Figuram habet longam, & ferè rotundam, sed non exactè quia in superiori parte, quam penis dorsum vocant, est latior.

Magnitudo, quæ in crassitie, & longitudine consistit, variat; aliis namque major, & aliis minor est. Minor est primò brevioris stature viris. Secundò iis, Musitanæ Opera Tom. II.

qui à Venere abstinere, si Galeno credendum est. Major est primò, nasutis, seu magno naso præditis; nam penis magnitudo ad nasi proportionem correspondet, si Physiognomis credimus. Secundò, stolidi, ac fatui majori pene insigniuntur, & ex penis magnitudine, de hominis ingenio nonnulli conjecturam faciunt, & magnum penem ingenium durum, ac stolidum asinino simile indicare dicunt: sed hæc regulæ perpetuæ non sunt, sed plurimis exceptionibus patent. Ineptum est illud obstericum dictum, futurum penem majorem, vel minorem, si vasa umbilicalia non proximè, vel proximè ad umbilicum ligentur, abscondanturque in recens natis, ob urachum, qui inter vasa umbilicalia continetur, & vesicæ fundo annectitur, unde existimant rectò membrum id cum vesica trahi vel laxari, quod tamen ob sua vasa, & musculos impossibile est.

Constat penis cuticula, cute, & membrana, carnosae, quæ partes dicuntur externæ, seu continentæ. Pinguedini destituitur etiam in hominibus obesissimis, quia hæc pondere & nimia mole huic parti impedimento esset, sensus obrunderetur, & voluptas minueretur. Constat etiam substantia propria, & ei maximè conveniens est; non ossea, ut in cane, lupo, & vulpe, non etiam cartilaginea, neque carnea, sed talis, quæ laxari, & ad seminis ejaculationem extendi commodè potest, itaque peculiaris, & propria, qualis nulla est in alia corpori parte. Aliæ partes sunt internæ, seu contentæ, & hæc propriæ penis partes quatuor sunt, Urethra, duo corpora nervosa, & glans.

Urethra, seu fistula urinaria, inferior ejus pars est, quæ interiùs tenui, ac sensili, exteriùs verò carnosae, ac fibrosa membrana vestitur, estque cervici vesicæ continua quidem, sed tamen non ejusdem cum illa substantiæ; nam nonnihil spongiosa, & obscurioris coloris existit, potestque intensione, seu penis erectione turgescere, ac distendi, & postea versus flaccescere, qualia in vesicæ cervice contingere nequeunt. Urethra toto ductu æqualem habet amplitudinem, excepta parte anteriori qua glans cum corporibus nervosis jungitur, utpote in qua superficiei habet cavernulam: in hac nonnumquam acris liquor per gonorrhœam subsistens, exulcerationem admodum dolorosam facit.

Urethra superiore parte incumbunt duo corpora nervosa, quæ maximam penis partem constituunt; quæ substantia tota est quasi crassissima arteria, fungosa carne inserta. Hæc substantia duplex est; prima exterior, quæ densa, dura, & nervosa; altera interior fungosa, rara, & cavernosa, atque ex nigro subrubra, seu subatra materia, veluti nigricante sanguine oppleta, farcinis instar. Oriuntur hæc duo corpora, ex inferioribus ossium coxendicis partibus, iisque validis ligamentis adherent, & circa os pubis medium, cui alligantur ligamento nerveo subiecto, coeunt, interventu tamen septi membranei, tenuissimi, pellucidi, ac fibrosi, à se invicem distinguuntur. Horum corporum nervosorum substantia interior spongiosa ex venulis, arteriis, & nervulis inter se ad retis modum inter textis conflata est, ut spiritu, & utroque sanguine impleri possit, hinc cum penis flaccidus, magnus, vel parvus existat, à majori, vel minori sanguinis, ac aliorum succorum copia in corporibus nervosis, existente dependet: quod dum sit, nervosa substantia magis tenditur, & efficit, ne spiritus citò dissipetur, unde penis induratio, adeoque erectio, & elongatio, non tam coitus causa, quàm ut recta, & longissimè semen vir ejaculari queat ad uteri orificium, prius facto, virilis membri intra muliebrem sinum motu.

Penis fini imponitur glans, balanus Græce, seu penis caput, in quam prædicta duo corpora nervosa cum Urethra terminantur. Hujus pars inferior, quæ tria illa corpora nonnihil ambitu excedit, corona vocatur. Formam, seu figuram habet turbinata, vel subrotundam: colorem, dum flaccida est sublividum; dum tumet, rubicundum. Substantiam obtinet propriam, carnosam, mollem, spongiosam, exquisiti sensus pruritus ergò, magis quam nulla totius corporis pars, quia planè nervosa, tenuissimaque membrana tectam, anteriùs oblongo foramine perviam. Investiens autem membrana ab urethra interna producit, quæ per foramen exiens reflectitur, ac circa totam glandem expanditur, eique acutissimum confert sensum, quem eum in finem in primis

habere debuit, ut maxima in coitu excitaretur voluptas: illa enim nisi adesset, vix quisquam Venereos exerceret actus, & sic humanum genus brevi penitus interiret.

Glans extrinsecus involucro, seu tegmine, quod præputium dicitur, integitur, quod constat ex cuticula, cute, accedente interius pellicula nervosa, ac tenui, à panniculo carnosio. Hoc in inferiori sui parte infra foramen glandi alligatur per membranam, vel vinculum quoddam, frænum appellatum; dicitur Præputium, quia præ pudendis existit. Hoc est illud præputium quod in circumcisione à Judæis, & Mahometanis refecatur, unde à præputando, ei nomen impositum esse volunt, & quibus illud Circumcisione ablatum est, illi Apellæ, & recutiti dicuntur. Excrescit ita hæc pars in Hebræorum, & Turcarum pueris major, quam in Christianorum filiis, ut in caudæ morem acuminetur, imò in nonnullis monstruosam nanciscitur longitudinem, & latitudinem, ut ob Paraphimosis metum, ejus partem abscindere cogantur.

Mandavit Deus Hebræis præputium refecari ad minuendam libidinem, quia extrema penis glandis pars tota carnosæ, mollis, & spongiosa est, tenuique, & tenerissimi sensus membranula obvoluta; ideòque glans exquisito titillationis sensu prædita est, & magis quam ulla totius corporis pars, quia planè fere nervosa, cum in finem, ut coitus maxima cum jucunditate, ac titillatione peragi possit. Hinc à natura glans præputio tegitur, ut mollis, & exquisiti sensus, pruritus ergò, affervertur, quòd si præputium, ut in Circumcisione, refecatur, vel glandem non tegat, vel illud abbrevietur, ut ad glandis investituram non sufficiat, illa obdurefcit, sensum acquirit obtusum, & magnam voluptatis partem impedit: præterquamquòd præputium in Veneris palæstra non recurrit, nec corpora nervosa, neque glans, in qua Veneris sedes sita est, à præputii recurfu titillatur, unde Veneris sensus minuitur.

Omnis generis vasa penem ingrediuntur sc. arteriæ, venæ, nervi, & muscoli. Arterias interiores duas insignes obviunt ab hypogastricis, per nervosa in primis corpora dispersa, ad quorum cohalitus initium ingrediuntur, & secundum penis longitudinem excurrunt, exilibus ramulis ad latera emissis: exteriores verò à pudendis recipiunt. Venæ externæ, & cutaneæ frequentes à pudenda, internæ verò ab hypogastricis emittuntur, & per corpora nervosa excurrunt: malè ergò venis destitui penem quidam putarunt. Nervos habet exteriores, & interiores, ab ossis sacri medulla, quorum duo mediocris magnitudinis unà cum arteriis, parte inferiore per longitudinem penis excurrunt. Quatuor musculos habet penis, horum duo breviores, & crassiores sunt, & penem erigunt, oriuntur nervosi sub penis principio, ab appendice coxendicis, & nervosi feruntur ad penis corpora, in quæ non procul ab exortu inferuntur, quorum usus est penem erigere, & in congressu sustinere. Reliqui duo longiores, & graciliores sunt, & à recti intestini musculo sphinctere, secundum penis longitudinem oriuntur, subràs deindè feruntur, & ad urethræ latera circa medium inferuntur. Horum usus est inferiorem urethræ partem dilatare, tum in mictione tum præsertim in coitu, quando corpora, penis repleta sunt, ne seminis exitus cohibeatur, & acceleratores nominantur.

Signa.

Penis ulcera, si sint externa, visui patent, quandoque tamen sunt circa glandem, coronam, frænum, & præputium, & propter membri tumorem videri nequeunt. Interna interiores, occultasque obsident partes, nempe urethram, & ex dolore à transeunte urina acri excitato, & pure ante urinam egrediente, pene tumido, & tenso cognoscuntur.

Causæ.

Putant Galenici penis ulcerum causas esse diversas, in quibusdam enim est humorum impuritas, quæ isthuc à natura proscribitur, eòque procumbens, in temperamentiis fervidis febrem continuam, tumorem, ruborem, & ardorem suscitatur, & demùm suppuratione facta, ulcerationem. Frequentius ejusmodi ulcus oritur à concubitu cum fœminis Gallicanis, saniosam virulentiam ex utero in virgam communicantibus. Tandem etiam casus, vel contusio versus pedem in causa esse possunt.

Penis ulceris causam eandem esse dicimus, ac aliorum ulcerum, ut pluries diximus. Causæ sunt sicci, qui particulis salinis, acidis, & corrosivis imbuti, sive sint in sanguine, lymphæ, vel alimento, modò viscosi, & non rectè circulantes, ac in vasculis stagnantes, effervescent illæ particulæ, fibrillas distendunt, exedunt, & rumpunt, unde ulcera emergunt. Ortum ducit aliquando ab abscessu inflammationem insequente, vel ab urina, vel seminali fluxu exedentibus particulis referto, vel à calculis asperis, & cuspidatis in transitu per urethram suis spiculis fibrillas, & canaliculos lædentibus, vel à medicamentis corrosivis in urethram immixtis. Sæpè tandem hoc ulceris genus suam trahit originem à fœminarum lue Venerea conspurcatorum concubitu, in quibus uterus sordibus refertus, penem inficit, & exedit. Imò dum uterus in coitu incalescit, non tantum miasmata exhalat Venerea, quæ in urethram se insinuant, eamque exedunt, sed quandoque in prostates glandulosas penetrant, & dictarum prostaticarum sanguinem, succum alimentitium, vel lympham inquinant, & virulentia sua corrodunt, unde pus per urethram diffuens ipsam contaminat.

Prognosis.

Ulcera penis magis perniciofa sunt, quam in aliis carnosissimis partibus, ut potè partes calidæ, & humidæ ad necrosim proclives, succorum pravorum susceptivæ, maxime in loco decliviori positæ, exquisito prædita sensu, & urina per penis meatum curationem impedit; unde si peritè non tractentur, & brevi non confanescant, temporis curriculo in ulcera depascentia, & cancrofa abeunt, quibus facilè vel integer penis, vel ejus pars amittitur. Ulcera penis interna deteriora, cum sint in loco humidiori, ob frequentem irritationem ab urina fientem, & tardæ, & difficilis curationis, quia perpetuè madent, & tactu manuali tractari nequeunt; si verò in inferiori penis parte, in virgæ radice sedem fixerint, urinæ incontinentiam faciunt, vel ad minimum laboriosam ejus redditionem, interdum etiam ani spincter unà per consensum dolct, & hæmorrhoides protuberant. Ulcera, quæ à lue Venerea in pene excitantur, vel in excrescentias verrucas, vel carunculam in urethra si perperam tractentur, degenerant, vel totum sua venenata energia inficiunt.

Curatio.

Penis ulcera curant *Vulgares*, præmissis primò purgantibus, ex *castia recens extracta*, *tamarindis*, *sebesten*, *electuario catholico*, cum *syrupo rosarum solutivo* ad ʒ. j. in forma boli: deindè venæ sectione; postmodum victus rationem eam instituunt, quæ humoris acrimoniam obtundit, & decocta ad sudorem excitandum suadent, ut ulcera exsiccentur, additis *trochiscis alkekengi*. Tandem ad topica confugiunt.

Si sit recens cum quadam calefactione, illud leviter detergunt, & refrigerant, capropter aquam *plantaginis*, *solanii*, *nymphææ*, aut *decoctum hordei* cum *syrupo de rosis laxativo* sero *Lactis* usurpant, adduntque *trochiscos albos Rhasis*, vel *alkekengi*, vel *lihgargyrii decoctum* injiciunt, vel *unguentum pompholygos* cum ovi albumine, & aqua *hordei*, vel *sero lactis*. Renibus refrigerantia imponunt, ut urinæ ardor minuatur, ut *unguentum album Galeni santalinum*, *album Rhasis*, & quæ ex oleis frigidis leviter adstringentibus parantur: sed perperam renibus refrigerantia applicant, ad urinæ ardorem minuendum; urina enim extrinseco imperanti non audit, ardorem excitat ejus sal in transitu, quem per exulceratam urethram facit, & vesicam, & urethram sanam non lædit, cum sit naturale harum partium excrementum.

Si glans exulcerata fuerit, vitant emollientia, & exsiccantia adhibent. In principio itaque ulcus mundant aqua *rosarum*, & *plantaginis*, vel *hydromelite*, vel aqua in qua alumen dissolutum sit deindè vino, in quo folia *rubi*, *myrti*, *plantaginis*, *nuc. cupress.* *balauft.* & alumen cocta sint, in quo panni linei imbuti glandi imponantur, & præputium semper mundant. Postmodum usurpant *unguentum album camphoratum*, *diapompholygos*, de *tutia*, *lihgargyrio*, *cerussa* &c.

Ulcera antiqua, sordida, & putrida abluunt *hydromelite*

lite cum alumine, vel unguento Aegyptiaco vel Apostolorum cum lixivio, vel auripigmento, in aqua rosarum soluto, ne amplius serpant.

In ulcere virulento precipitato cum unguento rosaceo misto utuntur, & præcipue si à lue venerea ortum ducat, & huic insistant, donec virulentia ablata est. Si callosum sit, partem foveant decocto malva, alth. sem. lini, vel medicamento digestivo, donec callositas separetur. Quod si præputium intumescat, & ulcus sub ipso latens, medicamentis tractari nequeat, dolor perseveret, & ulcus serpat, præputium secundum longitudinem incidunt, ut ulcus mundificari, & commodè curari possit.

Si ulcus in penis meatu delitescat, abstergentia, & glutinantia per syringam injiciunt, nimirum aquam plantag. equiseti, myrtill. vel harum plantarum succos, vel trochiscos alkekengi cum aqua rosarum, vel sequenti utuntur.

℞. Vini albi ℥. j. aqua rosar. & plantag. ana ℥. iij. alum. usti ℥. ij. ℞. virid. aris ℥. j. Camph. ℥. j. m.

Vel utuntur unguento à Petro Bayro descripto, ut

℞. Succ. extrem. rubi fruticis, rosarum, aceti ana ℥. ij. thuris, mastiches ana ℥. iij. lithargyr. aurei ℥. j. vini malvatici ℥. vj. succ. semper vivi ℥. iij. aqua vitæ ℥. iv. virid. aris ℥. ij. ℞. vitrioli, alum. usti ana ℥. j. ℞. camphora ℥. j. ol. rosar. ℥. vj.

Pulverizatis pulverizandis subtilissimè, & cribratis, coque omnia lento igne excepta camphora, quæ in fine addatur, usque ad succorum consumptionem. Addatur cera & f. ung.

In ulcere penis curando præmittimus medicamentum purgans ex extracto catholico cum manna mercurii, vel pilulis de terebinthina cum mercurio dulci, & postmodum decocta sudorifica, vel potiones vulnerarias ad aliquod tempus continuando. Interim si ulcus sit recens, conducit unguentum album ex succis refrigerantibus, vel de tutia, pompholige, lithargyrio, plumbo &c. Si fuerit antiquum, vel sordidum unicè prodest unguentum Magistrale n. d. Si aliqua luis veneræ suspicio adsit, convenit mercurius dulcis pulvere tenuis, vel præcipitatus incarnatus, vel magnum calcinatum Paracelsi unguento mistum, vel illud leviter aqua mercuriali tangatur. Si callum ob temporis diuturnitatem contraxerit, præter hæc utilis est aqua salis armoniaci, vel pulvis ex sabina, sale armoniaco, vitriolo, & alumine usto. Si ulcus in glande sit, vel sub præputio, quod ita in molem intumescat, ut nullatenus præputium retrocedere possit, & ulcus appropriatis remediis tractari nequeat, tunc siphunculo dextrè immittatur inter glandem, & præputium infuso lapidis calaminaris, vel salutis & interim præputium foveatur spiritu vini, vel lacte, in quo ebullierint folia hyoscyami, & aliquot papaveris capita, vel aqua spermatis ranarum. Vel secundum longitudinem præputium incidimus, & est via compendiaria. Si urethram excruciet ulcus ad urinæ ardorem minuendum per os propinamus syr. dialth. fernelii, & de mucilaginis, cum oculis cancerum fluviatilium, in aqua malvarum; negligantur fortia diuretica. Non desunt interea injectiones ex lacte dulci, & recenti, addito sale saturni. Sequens detergit, & exsiccat ulcus ex mente Joannis Dolai. ut

℞. Aqua hord. ℥. ix. plantag. ℥. j. ℞. salis saturni gr. xxv. mell. ros. colat. ℥. j. camphoræ gr. xij. m.

Fiat hujus misturæ bis in die injectio. Unicè prodest spiritus mercurii dulcis in infusione lapidis calaminaris. Quantum in percuranda gonorrhœa hæ injectiones valeant, experientia te docebit.

Egimus, de genitalium mulierum; ac virorum ulceribus, & eorum anatonem summis libavimus labiis; hinc non extra choræam erit aliquantulum circa horum organorum sensationem, quæ Veneris dicitur, digredi, nam omnes alias antecellit, huic omnes ancillantur, omnia obediunt membra, & cum sensus iste suam exercet sensationem, omnes alii feriantur, & post victum, omnia ventia pro hoc sensu pugnant. Jupiter ipse Divum, ac hominum pater, deposito majestatis decoro, pro hujus sensus voluptate, non infrequentes sub vario animalium amictu latuit. Quot vitæ peticula subeunt homines pro hoc sensu, labores, ærumnas, pauperiem, innumera mala, & ipsam cladem patiuntur, nec resipiscunt, est reverà à Natura illa ignota Dea inditus appetitus. Ipsa bruta pro hoc dimicant; asinus, animal melancholicum hujus sensus percitus æstro, gratas modulatur melodias. Tandem muscæ, dum nos vespimur, nostris in patinis hujus actus exercent sensum.

C A P U T LI.

De Veneris Sensu.

HUJUS rei occasiones novam aggredimur rem pertractandam; cumque post cujuscumque organi anatonem, ad aliquam sensationum quarumlibet de nostro more digrediamur, operæ pretium existimavimus, nonnulla de hujus sensationis materia per digressionem delibare. Scimus rem, si penitus eruditorum auribus haud novam, vulgaribus tamen incognitam, aut hucusque quod sciverimus intactam; quapropter, ut scientiæ amatoribus viam sternamus, atque physiologis, & magis philosophandi, & quamplurima inveniendi iter indigitemus, de Veneris Sensu hic pertractabimus. De hac re quærimus: an inter alias sensationes ponenda sit, & quare, ubi inciderent, quæ ejus naturam, & cognitionem sapiunt phænomena exponemus.

Ut autem adversariorum pravo per præventionem satisfaciamus ingenio, nostram mentem patefaciendam in cujusdam objectionis solutione in hoc vestibulo opportunum duximus.

Opponunt igitur vesaniore nonnulli: Hanc sententiam utpotè Ecclesiæ Statutis obnoxiam, vel ut damnatam eliminandam, vel ut emorigeratis auribus difformem penitus oblitterandam, eoque fortius, (adjiciunt alii) quia in puris naturalibus neque meremur, neque demeremur; cum itaque in actibus sensationem mere naturalibus, præciso omni voluntatis assensu, nullum adsit aut meritum, aut demeritum, ut videre est in olfactu, gustatu &c. sit, ut aliquandò in hujusmodi sensationis exercitio, nulla habeatur malitia, quo circa tum Ecclesiæ statuta, cum & Summorum Pontificum Maximorum damnationes ruerent in præceps. Sed ut horum zelo faciamus satis.

Dicimus Ecclesiam Sanctam Catholicam, cujus filiationem profiteamur; nunquam aut per Decretum, aut per Concilia, Canones, Constitutiones, Bullas, Motus Pontif. Maximor. proprios, aliaque ejusdem Acta, Sanctiones &c. quæ nobis constiterint, declarasse; Quinque tantum de fide tenendos esse corporis sensu, hisque neque alios addendos, atque ab illis alios demendos non esse, sub aliqua vel excommunicationis, vel interminationis divini judicii, vel quacumque pœna infligi in his casibus solita; sed tantummodo eadem Sancta Mater Ecclesia conformans se communiori populorum opinioni, usui, ac doctrinæ Peripateticorum, ac Stoicorum dogma amplexata est, in quo docent: Quinque esse corporis sensus, nempe: Visum, Auditum, Gustum, Olfactum, & Tactum. Cum hoc tamen facultatem non abstulit Physiologis, ut plures possint sensationes in humano corpore investigate: Quod si fortè hoc etiam contra nostram sententiam aliquando stabilierit, ejus decisionem ex tunc pro tunc, nos submittimus. Præterea eadem Sancta Mater Ecclesia extremæ unctionis Sacramentum pro infirmis ad remittenda peccata mortalia, quæ à sensibus originem ducunt, instituit, cum nihil sit in intellectu, quin prius fuerit sub sensibus; undè omnia quinque sensuum organa inungenda decrevit, & quia in lumbis, seu renibus vasa spermatica vicina irradiantur à fero acri, & salino, quod ritillationem excitat ad Veneris stimulum, & desiderium propriandum. Hinc in extremæ unctionis administratione renes, seu lumbos (quæ inunctio in fœminis propter decentiam, & honestatem omittitur) tanquam Veneris sensum, à quinque distinctum, esse inungendos sub hac verborum formula instituit: Per istam sanctam unctionem, & suam piissimam misericordiam, indulgeat tibi Dominus quidquid per lumborum delectationem deliquisti. Amen. Insuper quotidie precatur. Ure igne sancti Spiritus renes nostros, & cor nostrum Domine: ut tibi casto corpore serviamus, & mundo corde placeamus.

Circa ea, quæ opponunt, nempe hanc sententiam castis auribus obnoxiam, in sua genesi præfocandam.

Dicimus materia de generatione animalium, anatonem uteri, naturæ mulierum, penis, geniturarum, ut dicunt, commissionem in generatione peragendam, seminis ejectionem in utero, vel per suctionem, vel per jaculationem &c. magis, & quam maximè legentium, ac au-

ditorum aures ostendunt; neque ex hoc factum est, ut *doctor Angelicus*, qui præ cæteris omnibus hanc de generatione materiam dilucidius aut scripsit antea, aut docuit *Scotus*, totque alii Sanctissimi, atque honestissimi Viri. Patresque aliquam commaculam, aut in aliquam irreperierint labem, satis enim longè distant theoricè scribere, & in praxim cognita, ac philosophata deducere. Adfunt ad præsens innumerabiles medentes, atque Medicinæ studio addicti, sunt in dies ubique terrarum cadaverum dissectiones in publicis Academiis, nec non in privatorum ædibus, Anatomia, in quibus, ea, quæ in scriptis, vel voce à præceptoribus didicerunt, re oculis, tactuque, ut ita dicamus, experiuntur, & ibi pudenda quælibet marium, foemellarumque, non quò ad extrinsecam tantum speciem, sed quò ad internas eorum partes, ac particulas offeruntur, non consideranda modò, verum etiam & videnda, & tangenda. Quid dicemus de honestissimo viro *P. Thoma Sanchez*? qui in suo aureo opere de matrimonio, & præsertim ubi agit de usu Matrimonii, ita clarè de hac materia scribit, præcipuè cum modos exponit, remque ipsam matrimonii practici, ut in eo ad plura sæcula versatus videatur, licet in ore castissimus. Quid de Confessariis dicemus non solum in audiendis furtorum Veneris criminibus, verum etiam in eis interrogandis pro peccatorum circumstantiis sciendis, ut justum de peccatis iudicium ferant, & sententiam dicant? Et tamen præter oppositores, nemo adhuc hæc omnia ut honestis auribus hominibusque obnoxia esse, prædixit ex hoc capite.

Tandem quod attinet ad id, quod opponunt: nempe in puris naturalibus neque mereamur, neque demeremur &c. fatemur optimè Sacr. Theolog. in hoc axiōmate fuisse eloquutos; at in applicatione ejusdem sententiæ arguendos, imò probris omnibus cumulandos, esse adversarios sentimus; Quis enim in homine, Veneria tanquam merè naturalia, & purè naturalia unquam somniavit? Nonne inter omnes cum Theologos, tum etiam Doctores convenit in omnibus actibus meriti, & demeriti capacibus voluntatis electione esse per necessarios? Quis autem inficias ibit omnibus Veneris suggestionem, delectationem, atque assensum intervenire tria à *Divo Gregorio Magno* in *l. mor. requisita*, & in *Decret. Cap. pensandum est 6. dist. Tribus perficitur peccatum*? Cum igitur nullus reperiatur Veneris actus assensu voluntatis experts, sit, ut merè naturalis non habeatur; quinimò malitiam semper includat, cum à voluntate imperetur, præciso tantum Sacramento Matrimonii exercitio, quod à Christo Domino institutum, non solum malitiam excludit, labemque omnem eliminat, verum etiam ad gratiam conferendam elevatur.

His igitur præhabitis, rem nostram aggredimur. Si antiquorum consulere volumus Philosophorum placita, uno excepto *Aristotele*, quem *Stoici* sequuti sunt cum vulgo Peripateticorum, quinarium sensationum numerum definientes, alii melioris notæ sapientiores multò plures sensus agnovere, præsertim *Divinus ille Plato* qui in *Theæteto* præter vulgarium sensus: *Refrigerationes, calefactiones, voluptates, & dolores, cupiditates, & qui vocantur timores* pro sensibus agnovit, à *Doctissimo* forsan *Democrito* sententiam mutuatus, hinc enim *Plutarcho* teste in 4. de *Placit. Philosophorum* cap. 10. docuit *Democritus* plures esse sensus, *brutorum, animalium, Deorum, sapientum*. Et sanè, si horum maximorum Philosophorum opinionem in trutinam revocare velimus, à veritate non longè abesse comperiemus; & etenim calefactio, ac refrigeratio (sive quod harum altera in positione, altera in carentia consistant, ut in nostra Pyrotechnia lib. 2. cap. 2. & alibi tetigimus, sive quod ambæ positivæ sint) certum est per contactum, vel particularum ab igne, vel alio corpore emanantium ad aliud corpus, vel per earundem particularum à corpore calefacto recessum, vel frigorificarum molecularum concursu, in nobis imprimi, quibus per poros insinuat, vel motu inducto, vel retardato, calida, vel frigida sensatione afficiamur oportet. Hoc autem ad merum tactum redigere nimis insipidum foret, tum quia omnes alii sensus, licet per contactum perficiantur, ut in cujuslibet illorum tractatione explicemus, attamen ob aliam functionem à tactu prorsus diversam vidimus constitui sensationem; tum etiam quia tactus objectum, absolute loquendo, est corpus; hoc autem sub irradiari specie facit visionem, sub

sapidi forma gustatum &c. Quapropter sub calidi, frigidi, lenis, asperi, molli, duri &c. alias etiam sensationes efficiant necesse erit. Ad hæc ab omni prorsus dubitatione alienum est, non sensus quoscumque tantum, verum etiam, & intellectum nostrum, licet spiritualem, ut potè limitatum, non posse eodem temporis momento duo diversa penitus considerare, undè multò minùs visum v. g. duo diversa contingere, ut album, & nigrum, & sic de cæteris: cum igitur animadvertamus in eodem contactu non solum corpus sentiri, verum etiam calidum, aut frigidum, molle, vel durum, grave, aut, leve, &c. illud sit, operæ pretium duximus asserendum quammaximè interesse inter eam sensationem, qua corpus contingimus, & eas, quibus calidum, frigidum, leve, ponderosum, molle, durum &c. persentimus. Præterimus famem, nauseamque stomachi, dolores, & in nonnullis corporum partibus titillationes, quæ omnia, præter alia esse neminem sanæ mentis præterit.

Sed ut radicitus, ut dicunt, rem perscrutemur, sensationum omnium naturam ex quatuor solent Physici, seu Animalici investigare, nempe ex fine, ex organo, & objecto, & ex sensorii functione, quam propriè sensationem appellant; cum itaque hæc omnia in veneris exercitio elucescant, jure merito inter sensationes alias reducendum esse Veneris sensum existimamus; & ut à fine initium capiamus.

Apud omnes est in confesso D. O. M. totius Universi Archetypum, omniumque creaturarum Protoplastum, post omnium creationem ex nihilo, Adæ ejusque successoribus assignato omnium rerum dominio, ut *Genes. cap. 1.* habetur: *Dominamini piscibus maris, & volatilibus cæli, & universis animantibus, quæ moventur super terram*. Modum eis præbuit utilia eliciendi, ac noxia rejiciendi per sensationes; & quoniam ex iis, quæ utilia humano generi sunt, nonnulla vitæ commoditatibus, quàm plurima individuorum conservationi, ac etiam propagationi conducunt; idcirco omnia prospiciens Creator omnium Deus, suæ Divinitatis Typo, hujusmodi sc. sensus externos, internosque contulit, quorum Idolis mens nostra excitata, & meliora seligat ad corporis commoditatem, vitæque conservationem, blandumque sensum, suique oblectamentum, & nocua, ingrataque avertat; sic licet omnia commestibilia ad vitæ conservationem utilia experiantur, attamen prudentior animus ex eduliorum congerie ea solet eligere, quæ non modò conservationem intendunt, & sensibus aliis gratiora prosapiuntur, & in una, eademque operatione, & vitæ conservationi, & sensum oblectamento faciamus satis.

Cum igitur per enarrata vitæ sustentationi subvenit, placuit Altissimo ea etiam disponere, quæ ad generis propagationem facere animadvertimus, quapropter hominibus Veneris usum concessit, quo non solum allicerentur suimet ipsius perpetuitati consulendo, sed ab hujus exercitii oblectamento absorptus, & ne gravis ei uxoris pondus videretur, blanditiam in coitu impertitus est tantam, ut aliquandò suimet, parentum, fratrum, sororum, amicorumque oblitus, ea solum intendat, quæ matrimonii usui comitantur, juxta illud *Genes. capit. 2. numer. 24. Quamobrem relinquit homo patrem suum, & matrem, & adhærebit uxori suæ, & erunt duo in carne una*. Quia cum ea per copulam una caro fit. Quæ omnia ita cum veritate copulantur, ut ab ineffabili Ecclesia statutum sit: Matrimonii finem primarium esse filiorum procreationem intendere, secundarium verò concupiscentiæ solamen; quia verò aliarum sensationum exercitio hujusmodi filiorum generatio haberi non potest, nec aliud adest organum, modusque alius non apparet talia peragendi, idcirco asseremus putamus ratione finis, quem alio ex capite obtinere minime valemus, Veneris delectationem sensum esse ab omnibus omnino diversum constituendum.

Præterea apud omnes etiam vulgares convenit: In quolibet sensu duos fines dignoscendos esse, quorum alter sit primarius, pro quo est à Natura institutus, alter vero secundarius consistens in solatio illo, quod à sensus usu percipiuntur; sic in Gustatu v. g. primarius est finis ea liberare, quæ ad vitæ conservationem conducunt; secundarius verò solamen persentiscere ex eduliorum blando sapore; Auditus finis primarius est sonum advertere, secundarius

datius à soni harmonia blandimentum recipere, ut in musicis melodiis observamus, & ita de aliis est fermocinandum. Cum ergò in Veneris usu, & eum animadvertamus finem, pro quo primò à Natura intentus est, nempe filiorum procreatio, & illum, qui sensationem comitatur, nempe delectatio, fit, ut ex finium ratione, eorumque diversitate ab aliis sensationibus, Veneris sensus diversus constitutur; Sed ex organi designatione hunc sensum designamus.

Constat apud omnes ex penis anatome, hunc esse instrumentum, non modò ab aliis penitus diversum, sed à Natura propriè ad hanc sensationem principaliter perficiendam destinatum, secundariò ad urinam excernendam. Dicemus cum de aliis organis, atque sensuum instrumentis mentionem faciemus, non solum contractu, verum etiam in pellicula quadam fibrosa, inque papillis, nervorumque fibris omnes sensationes institui; Ecquis unquam inficias ire poterit penis glandem, urethram, ejusque connexionem cum valis pampiniformibus, & spermaticis mera tantum membrana constitutos esse? Cumque ad tactus organum per totum corpus diffusum natura cutem destinaverit, ad gustatum verò, odoratum, auditumque, aut cuticulam aut nervos, sicuti videmus in pene, cur itaque dicendum non erit, hunc quoque pro instrumento, sensorioque ab aliis penitus diverso à natura fuisse institutum?

Præterea videmus omnes alios sensus externos non influere tantum, verum etiam & famularum quendam huic Veneris sensationi exhibere, sicut etiam & quos dicunt internos; etenim si oculus v. g. alicujus objecti pulchrioris irradiatione percellitur, transmissa ad imaginativam, sensusque alios internos (si qui sunt) rei visæ idolo, ad animum usque diffundit, qui conceptam imaginem non intelligit solum, appetitque; sed per quamdam, ut ita dicamus, sympathiam spiritus coagitat, dirigitque ita, ut ad penem usque traducti pruritus, & vellicationem in eodem incurrant; Quapropter satis bellè Magister amorum Ovidius cecinit.

Si nescis, oculi sunt in amore duces.

Eodem proportionaliter modo de aliis etiam sensationibus est discutendum; Hæc autem veritatem involvunt tantam, ut eam prævidens, intelligensque provida Mater, atque sollicita nostræ salutis Ecclesia declaraverit: Omnes actus sive antecedant, sive comitentur, sive subsequantur copulam Veneream, omnimoda remota materiæ parvitate, esse penitus lethalia.

His adde, quod tametsi insinuaverimus molle, durum, calidum, frigidum, asperum &c. sensationes esse admitendas à simplici contractu omnino diversas, attramen in Veneris exercitio, (prout hæc sensatio alias omnes absorbet) hæc omnia ad copulæ perfectionem concurrere animadvertimus, quis enim in hujusmodi actu ex duro, aut molli contractu pruriginem, seu excitationem, ex calido, aut frigido intensionem, seu remissionem, ex aspero aut lævigato irritationem (uxoratis consultis) non percipit?

Sed potissimam rationem in medium proferamus. Apud omnes etiam vulgares est in comperto, tactus organum per totam cutem esse diffusum; cum enim per eam papillulæ ab illustrissimo *Malpigio* notatæ animadvertantur, in quibus tactus perficitur, licet exquisitiùs in manibus sit, ut per rotam corporis peripheriam tactus organum extendatur, id, quod clariùs evincitur, si consideremus à frigido, aut calido, ab aspero, aut leni, à duro, aut molli, ab humido, aut sicco &c. quæ à vulgaribus simplici tactui tribuuntur, quascumque corporis partes affici; si ergo Veneris sensatio ad merum tactum esset reducenda, fieret, ut per totam cutem, ac per quascumque partes peripheriæ corporis persensisceretur, quod repugnat autopsiæ, experientiæ, & rationi, cum contra experiamur in solo pene, & in designatis ejus partibus inferiùs explicandis, hanc sensationem compleri, non alio prorsus modo, ac visio in oculo, olfactio in naribus, gustus in lingua, & palato, & auditus in auribus, tanquam in specificis organis à natura, ad illos actus peragendos, designatis. Præterquam quòd nimis frigida hujusmodi esset sensatio, si in solo tactu consisteret, cum etiam observemus contractum esse medium, quo ad Veneris copulam perveniunt, eandem copulam in praxim deducen-

tes. Ex quibus clarè convincitur hujusmodi sensationem malè à vulgo ad tactus sensum fuisse hucusque reductam.

Ut autem de objecto aliqua loquamur; certum est apud omnes Pulchrum, aut revera tale, aut apparens, objectum esse movens, seu excitans venerem, quatenus rei visæ, auditæ, contactæ &c. imago ita imaginativam afficit, omnesque alios, quos internos sensus appellant, ut ad animum usque percurrans, illum de re visæ, auditæ, contactæ &c. admoneat, qua cognita, præterquam desiderio quodam percellitur juxta impressionem à sensibus immixtam, aut maximo, aut minimo, aut mediocri objectum assequendi, quamobrem media etiam elicit, disponitque ad finem obtinendum proportionata; sed insuper à fruitionis illecebris agitur spiritus immittit ad genitalia, qui musculos eructorios pruritando, vasaque spermatica inflando, media seminis, salisque in spermate contenti excitatione, & penis eructionem, & seminis jaculationem moluntur; Unde fit, ut his affectibus exagitatum animal, & animi inquietudinem, & corporis inquietantiam patiatur, quatenus à rei apprehensæ, & amatæ desiderio continuo vexatur, ut in ejus aut continua contemplatione persistat; Unde *D. August.* stabilierit: *Amantis animam plus esse, ubi amat, quam ubi animat*; aut perpetua possessione lætetur, cum rei desideratæ perceptio maximum hilaritatis, gaudii, lætitiæque obtenti elargiatur, aut carentia vel minima cruciatur, cum rei amatæ privatio ita orbatum exquisitiùs exagitet, sicut ejusdem fruitio naturalem beatitudinem imperit, juxta illud *Petri C. Bembi.*

*Se più durasse l'uomo in tale stato,
Perfettamente si diria beato.*

Corporis verò, quatenus à sensibus aliis, & maximè à Venere torqueatur, & ab animi affectibus angatur; visus enim in rei delectæ tantum observatione immergi, tactus in ejusdem contrectatione absorberi, auditus in perfectionum objecti sermone derineri, gustatus in ejusdem suavi deosolatione præfigi non exoptant modò, verum etiam omnibus viribus aveant, desiderantque.

His insuper addendum pro objecto, quod dicunt proximum hujus sensationis fruitionem scilicet, vel aliàs expertam, vel primò intentam, quam maximè in hunc affectum impellere; Imago enim præhabita, vel primò obtinendæ delectationis, ita phantasiam afficit, aliosque, si qui sunt, sensus internos, ut ab eadem illecti animum regulariter perturbent, qui à concupiscentia (ut verbis *Apostoli Jacobi* utamur) abstractus, & illectus, rectæ rationis oblitus, & in sensuum delectatione absorptus, fruitionem concipit, possessionem elicit rei, expetit, machinatur. Unde tot errores, tot mala, & quod pessimum, tot peccata proveniunt.

Sed ad sensorii functionem, quæ propriè sensatio dicitur, transitum faciamus. Uri superiùs insinuavimus, præsupponendum ducimus omnes sensus tum externos, tum internos in Venerem influxum facere, dum visus objecti amati pulchritudine, gustus in ejusdem dulcedine, auditus in illius harmoniæ repræsentatione, olfactus in ipsius putido odore, tactusque in contrectatione, ac interni sensus in rei idolo immersi fluctuant, æstuantque; Ex quo fit, ut spiritus, quos nuncupant animales, ab omnium facultatum discrasia perturbati, & cerebrum quandoque exagitent, unde aliquando Mania, phrenitis, aliaque mala proveniant, & cor aggrediantur, cujus regularem motum deordinando, aut palpitaciones, aut lipothymias, aut alios producant morbos, & in sanguinem se immittendo, vel novam fermentationem promovendo, febres generantur, vel heterogeneas sanguinis particulas excitando, & spirituosas exaltando, quamplurimum affectuum malignorum Iliadem congerunt, coacervant, agglomerantque: (Heu quanta malorum pessimorum congeries ab una concupiscentia scaturiginem sortitur!) Et genitalia pruritendo, vasaque seminalia inflando; partem spermatis volatilem, salitamque ad sui extricationem irritant; quamobrem particulæ quædam per eorundem vasorum poros avolando, vel in musculos incurrunt erectorios, & majorem illis erigendi energiam communicant, suæque grata, blandaque vellicatione delectationis Veneræ radium quendam immittunt; aut ob earundem tennitatem granum hordeaceum

ceum aliquantisper removendo, ansam præbent fluidiori, minusque viscidæ spermatis particulæ in uterum decidendi, undè seminis guttula suo volatili sale scatens membranam urethræ internam, glandemque quodammodo pruritans, minimulæ speciem delectationis in ejusdem papillulas insinuat, qua papillæ nervorum, filamenta, nervique ipsi effecti, & ad cerebrum illam transfundunt, & imaginativæ repræsentant, & mentem ejusdem rei advertentem satius quàm par est, non expergiscunt solum, verùm etiam stimulant, impelluntque. Quapropter à delectationis complemento absorpta, Veneremque tantummodo affectans, ejusdem exercitium appetit, satagit, randemque periclitatur. In hac autem operatione tantus, & adèd inordinatus est corporis æstus, totque observantur non solum motuum varietates, sed convulsionum, motuumque convulsivorum in corpore affectus, ut non immeritò pronunciaverit *Hippocrates*, *Coitum brevem esse epilepsiam*, prout refert *Macrobius in lib. Saturnal.* nec non *Aul. Gell. Noct. Atticarum lib. 19. cap. 2.* quod etiam *Faustus* hoc disticho perbellè canendo explicavit:

Turpis, & est morbi species horrenda Caducis.

Cum jacet exanimis post sua furta Venus.

Ut prætereamus *Stobæum* hanc sententiam *Maximo Democrito* tribuentem; neque ab hoc dissensit *Gal.* qui *lib. 14. cap. 10. de usu partium*: *Quantum enim ad ea, quæ in vasis continentur, excernenda, ipse partium velut Spasmus, qui in coitu Venereo acidit, habeat momenti, ex magnis epilepsiis, & eo affectu, qui gonorrhœa, idest invira seminis effluxio, nuncupatur, discas. Siquidem in vehementibus epilepsiis, quod corpus totum vehementer convellatur, & cum eo partes genitales, semen idcirco excernitur.* Quod etiam approbavit *Cæsar. Aurelianus lib. 1. cap. 4.* asserens: *Coitus ab aliquibus parva epilepsia nuncupatur.* Nec immeritò, cum in eodem actu membrorum omnium motus involuntarii observentur, nervorum contractio, artuum tremor, oculorum inversio, lumborum impulsus, per cutem sudor, totiusque corporis laxitas haud immodica &c. quæ omnia symptomata sunt epilepsiam concomitantia.

Probata igitur ex quolibet quatuor capitum, nempe à fine, ab objecto, ab organo, & à sensorii functione Venereæ sensationis existentia, ac veritate, ad ea deveniendum existimamus, quæ hujus rei ratio, phænomena, secum affert; pro quibus,

Primò quærimus, in qua hujus organi parte sensatio hæc perficiatur.

Pro cujus quæriti extricatione dicendum arbitramur totum hujus sensationis momentum à sale volatili in spermatis substantia statulante, haberi: Hoc enim à spiritibus immissis agitur, à motu, in Veneris actu exagitato, sollicitatum, atque è partium inter se confricatione, necnon à spiritibus, aliisque particulis ad motum extricatis impulsus in tantam exaltatur energiam, ut loco stare nesciens, sua pernecitate è vasorum spermaticorum, ac vesicularum seminalium orificiis, totam seminum spermatis substantiam trahendo, in urethram immittit se se, ibique aliquam à viscidæ seminis substantia extricationem nanciscens, membranulam urethræ internam pruritans post granum hordeaceum ita blandissimè afficit, ut supra omnem delectationem maximam jucunditatem impertiat, & quoniam per eandem urethram fluens, eandemque membranulam offendens usque ad glandis orificium extremum & tangit, & vellicat, pruritque, idcirco fit, ut per totam urethram sensatio diffundatur; Quia verò tum in urethræ radice, cum in glande, ibi ob primam seminis à seminalibus vesiculis jaculationem sal volatilis in ejusdem porulos se insinuans suavissimè prurit; hic ob eorundem pororum laxitatem non solum à motu, & à calido contactu, ac calorificis particulis receptis quæritam, sed à sui temperie, ac constitutione veluti spongiosa indutam, sal volatilis insinuat se se in majorem portionem, ubi vel quia magis se conformat glandis poris vel quia magis replendo saturat, majori afficit pruritinis blanditiæ, idèd majus sentitur oblectamentum. Diximus ob majorem laxitatem à motu, contactu calido, ac particulis calorificis receptis; etenim hæc omnia majorem in glande, quàm in reliqua penis parte impressionem efficiunt; cum glans simplici epi-

dermide, penis verò & cute, & cuticula convelluntur.

Et quoniam, ut explicuimus, cutis, nervorumque papillæ, fibræque urethram convenientes, penemque constituentes, cum nervis communicant, fit ut ad cerebrum usque suam pruriginem, blandumque contactum diffundant, ex quibus animus expergefactus, omnia advertat, lætetur, atque eodem oblectamento satietur.

Quærimus secundo, in quam Vulvæ parte Veneris sensatio in mulieribus perficiatur.

In hac difficultate respondendum putamus: Organum hujus sensationis in fœminis constitutum esse, & in tinguine, mentula muliebri, seu Clitoride, & in cervice, seu colli uteri ad internum matricis orificium usque; ibi enim à confricatione magna diffunditur mulieribus oblectatio; hic ab vulgò dicti seminis, salisque in eodem volatilis contenti emissionem, quatenus eodem, ac in viris modo uteri membranulam interiorem prurit; &

Hinc fit, ut quæ strictiorem habent fœminæ naturam, collumque uteri obductius, majorem perferant ex penis immisione, ac proportionem jucunditatem; Undè etiam oritur, ut majori afficiantur blanditiæ utero gerentes, quam vacuæ mulieres; etenim in illis quò magis uterus ob fœtus receptaculum dilatatur, eò magis matricis collum restringitur, quare magis cum pene aptatur, atque ab ejus confricatione vellicatur. Undè etiam accidit, ut aliquando penis glandem ab utero completi constringique in coeundo animadvertant viri; nam perveniens glans in internum uteri orificium, ita interdum cum eo aptatur, ut ferè constringi, ac completi videatur; &c.

Hinc ultimò fit, ut prope seminis ejaculationem, & magis dilatent crura mulieres, majorique ac antea impetu, contra virum impellant sese virique nates constringant brachiis, manibusque; in eo enim actu penis contactum prope internum uteri orificium exoptant, ut eo irritatæ vesiculæ dictæ seminales, promptiores ad materiam illam, vulgò semen dictam, ejaculandam evadant.

Cæterum hic sextum sensum, quem Veneris appellamus, illum monemus, ac protestamur intelligere, qui modo legitimo, & divinis legibus, mediante matrimonii Sacramento, concessæ exercetur, & non aliter.

C A P U T LII.

De Excoriatione, & Ulcere Scroti.

Scrorum est rugosus ille testiculorum saccus, quem nonnulli etiam Scortum appellant, quod quandam coriacei sacculi similitudinem refert; Scorte enim veteres appellabant quæcumque ex aluta, aut pelle constabant. Dicitur etiam vulgò burra, seu marsupium virile foris propendens, & tactui obvium est. Molle, & rugosum ad faciliorem extensionem, & corrugationem, inter scroti tunicas nulla interjicitur pinguedo, quia oneri, & impedimento huic parti fuisset. In infima parte lineam habet secundum longitudinem excurrentem, quæ in dextram, & sinistram partem ab Anatomicis dividitur, & futuram appellant. Constat cuticula & cute tenuiore quàm alibi; huic interius adhæret alia tunica tenuis ex panniculo carnosio enata venis, & arteriis referta. Constat musculo corrugante tenuiori, Dartos appellato. Hujus musculi ope accidit, ut quamprimum scrotum corrugetur, vel relaxetur; unde facilè redditur ratio, cur in agrotantibus infantibus relaxetur, & in sanis corrugetur: mulierculæ enim cum Scrotum currugatum conspiciunt, rectè valere, contra verò si relaxatum propendeat, infantem agrotare judicant, quod, & de viris etiam observatur, ut quispiam in se sano vel agroto experiri potest.

Hoc Scrotum multis languoribus obnoxium est, sed nos his tantum secundum nostrum institutum est ejus excoriatione, & ulcere agimus.

Signa.

Scroti excoriatione deprehenditur ex dolore urente, cuticulæ ablatione, vel erosionem, & aspectu patet. Ulcus visui occurrit, adeo ut aliis non indigeat signis,

Causæ.

Causa.

Consent *Vulgares* excoriationis scroti causas esse humores acres, urinam in ipsis infantibus partem hanc diutius inundantem, & cuticulam erodentem, in adultis eandem causam, si urinam in lecto emittant; in hydropicis serum vapores, impuritates acres circa scrotum collectos, vel scalptionem, à quibus epidermis dilaceratur. Eiusdem ulcus ab humorum acrimonia affluxu, vel post inflammationem suppuratam, & quidem vel solam, vel cum testibus excitari volunt.

Excoriatio, & ulcus scroti sunt à particulis acidis, & salis valde acutis, & corrosivis in lymphâ, sanguine, vel succo alimentitio circulantibus, vel stagnantibus superficietenus lacerantibus, vel profundius fibras erodentibus, sunt etiam à fortiori scalptione, frictione aliarumve rerum corrosivarum admotione, vel lue Venerea, ulcus quandoque à suppurata inflammatione: excoriationis iraque causa est minor, ulceris major, hi enim affectus secundum magis, & minus differunt.

Prognosis.

Scroti excoriatio, & ulcus non sunt contemnenda, nam excoriatio in ulcus, & hoc, cum sit in loco humido, facile in gangrænam degenerat.

Curatio.

Scroti excoriationem in infantibus curant *Vulgares* linteis mundis, & siccis, sæpè appositis, vel asperso subtilissimo *myrtillorum pulvere*, vel sequenti unguento, ut

℞. Ung. de cerussa ℥. ss. lithargyrii ℥. j. ol. ros. parum, f. unguentum.

In adultis verò humorum acrimoniam corrigunt, & nonnunquam eorum colluviem evacuant, deinde ad topica deveniunt, ut sunt decoctum plantag. & ros. in lacte, unguentum rosatum, de tutia, populeonis, vel empl. album coctum, & impositum.

In scroti ulceribus humores præparant acres: syr. de cicchor. lupul. fumar. simpl. cum iisdem aquis, deinde præparatos evacuant syr. de fumar. maj. & confect. Hammech. Postmodum ulcus mundificant unguento Apostolor. cum Aegyptiaco misto, mundificato ulceri applicant unguentum de plumbo, tutia, lithargyr. minio &c. quousque cicatricem inducant.

In scroti excoriatione, & ulcere ea conducunt medicamenta, quæ particulas salinas, acidas, & corroderes hebetant, temperant, & cicurant, ablatam restituunt cuticulam, & carnis defectum suppleant, at si aliquando purgantibus opus est, conveniunt ea, quæ superflium absorbent serum, & eliminant, omnibus palmam præripit Mercurius dulcis cum gummi jalap. Non spernenda sunt decocta ex ligno buxi, falsæ parillæ, radicis chinæ ac bardanæ, cornu cervi, limatura eboris cum aqua cardui benedicti parata in duplici vase vitreo, nec diaphoretica, & porosa, præcipue si de lue Venerea ambigatur; hæc namque particulas succorum acutas corroderes superant, & per sudorem, vel insensilitatem transportant, vel per urethram exturbant, ac excoriationi epidermidem restituunt, & ulcus ab iisdem eripiunt, & mundificant.

Has particulas corrosivas in scroti infantium, & adultorum excoriatione hebetant pulveres cornu cerviusti, lapidis calaminaris preparati, Lithargyrii, cretæ, terræ exanimatæ vitrioli, cerussæ Saturni, cerussæ antimonii, præstant flores cinci. Commendamus fotum ex herbis sale volatili gaudentibus, ut hyperico, betonica, mentha, floribus sambuci, chamomillæ, semine lini in lacte coctis; & post hunc utilis est illitio ex oleo ovorum, vel nucum; optimum erit sequens unguentum.

℞. Ol. papaveris ℥. vj. ceræ albe ℥. j. ss. cerussæ antimonii ℥. v. m.

Quo felici cum successu uti poteris etiam in rhagadibus. Quandoque cum excoriatione pruritus scrotum simul affligit, tunc apprimè convenit sequens unguentum, ut

℞. Ung. de minio camphorat. ℥. ss. cerussæ subtilissimè tritæ ℥. j. ol. ros. q. s. ut f. linimentum mediocre.

Quo imbutum linteolum frequenter loco prurienti, & excoriato superpone.

In ulceribus scroti præter jam supradicta interna, conveniunt etiam poriones vulnerariæ, ut

℞. Dictamni, hederæ terrestris, vinæ pervinæ, te-lephi, alchimillæ, stellariæ, scabiosæ ana m. j. Coque cum aqua symphyti in duplici vase apprimè clauso ad ℔. ij. remanentiam. Dosis ℥. vj. quibus adde aquæ cinnam. ℥. j. magist. ocul. cancr. flu. vel coralliorum ℥. ss.

Vel fiat decoctum vulnerarium calide applicandum cum plumaceolis, vel per siphunculum injiciendum, si ulcus profundum sit ad testium substantiam, ut

℞. Sabina, aristolochiæ rotundæ, scordii, eupatorii, rad. hastulæ regie, & symphyti maj. ana ℥. j. Coque in aqua comm. & in colat. ℔. ij. adde aquæ Reginæ Hung. ℥. iij. sacch. saturni, & myrrhæ ana ℥. ij. camphoræ, & aloes ana ℥. j.

Plumaceola hoc decocto imbuta calidè quater in die ulceri imponantur cum suo subligaculo. Utile est empl. de lapide calaminari, vel fodicationum, vel stipticum, vel oppodeltoch. Tam in excoriatione, quàm ulcere scroti in cuiuscumque medicamenti applicatione maximoperè necessarium est subligaculum,

C A P U T LIII.

De Perinæi Ulcere.

Non solum humani corporis angulos ulceribus correptos perlustravimus, verum etiam inter remotissimas femorum latebras, in perinæum Chirurgum manu ducimus. Est iste locus, qui à scroti radice ad podicem usque porrigitur. Constat ex musculis, cute & cuticula obductis, nervis, & vasis tum sanguiferis, tum lymphaticis compositus, in adultis pilis obtectus. Vocatur Græcè interfeminium, quod inter femora situm obtineat: Verum Apul. interfeminium appellat genitalia muliebria, eo quod inter feminina est, id inter femora, sint collocata.

Signa.

Cognoscitur Perinæi ulcus tum ægri relatione, tum ex partis inspectione.

Causa.

Opinantur *Vulgares* hoc ulcus produci à pure in abscessu aciori reddito, vel à succis quibusdam acibus ad hanc partem confluentibus, quibus cutis, & subjectæ parres corroderentur, quod etiam fieri posse arbitrantur, à rebus acibus, & corroderentibus externis, ut sudore, urina, venenis, vel medicamentis.

Pro perinæi ulceris causa inflammationem suppuraram assignamus; facile enim in ulcus transit abscessus, vel ex chirurgi ignavia excitatur, vel pus in ipso accessu cutem, & carnem subjectam exedit, quibus adesis, viam sibi parat; id contingit, si pus in parte diutius stagner, vel relinquatur; salia siquidem puris huc illuc agitata ambientes partes suis spiculis impetunt, & earum fibrillas dissecant, ac comminuunt: Si pus diutius quàm par est, in parte relinquatur, salium actione profundior, & latior excitat foveam, internas exedit partes, & ad cutem, cuticulamque tandem vergit, quæ cum densæ, & duræ non sint, salium spiculis cedunt, & ab iis tandem discinduntur, & liber puri conceditur exitus. Vel sit à succo multis particulis acutis, & erodentibus referto per scalptionem, contusionem lapsum, vel aliam ob causam è propriis vasculis eliminato, ut & urinam falsiorem hanc partem humectantem, vel sperma à lue Venerea conspurcatum sæpissimè eandem irrigans, huiusmodi ulcus provenire posse ultrò fateamur.

Prognosis.

Perinæi ulcus timendum est, cum pus acius redditum circumstantes corrodat partes, ram internas, quàm externas, quæ semel exulceratæ difficillimam, vel nullam admittunt curationem, imò ferè semper in fistulam perennem, & quandoque in gangrænam transit, cui nisi extemplo succurratur, vix æger eripitur à faucibus orci, facilius vel difficilius curatur, pro minori, vel majori mora, quam, pus in abscessu contraxit.

Curatio.

Curatio.

In ulcere perinæ post ruptum abscessum, statim *digestivo* ex ovi vitello, terebinthina, & oleo rosaceo utuntur *Vulgares*, & tumidam partem oleo rosaceo inungunt, postmodum pro ulceris absterfione *hordei decoctum*, in quo mel rosatum fuerit dissolutum, adhibent. His nihil proficientibus, in ulcus *decoctum hordei*, & *lupinorum*, in quo unguentum *Aegyptiacum* dissolutum sit, per Syringam præcipuè si magna purulentæ materiæ copia adsit, vel in fistulam si inclinare videatur, injiciunt. Vel si profundius, aut fistulosum existat, simul cum *hordeo*, *radices aristolochiæ*, *ireos* florent. *herbas agrimoniam*, *betonica*, & aliquid *thuris* concoquunt, & in hoc decocto aliquid de unguento *Aegyptiaco* etiam dissolvunt, & injiciunt. Absterfum ulcus *emplastro de Gratia Dei*, vel *Diapalma* ad perfectam sanationem usque obtegent.

In perinæ ulceribus, præsertim à suppurata inflammatione genitis, ante omnia succos acutos, & erodentes attemperamus alkaliciis, sive porosiss, ac diaphoreticis, & potionibus vulnerariis, quibus intermiscemus *magisteria ex oculis cancerorum*, & *coralliorum*, vel *stibium diaphoreticum*, vel *decoctis sudoriferis* pluries antè descriptis, quæ etiam viscidos stagnantes succos fluidiores, & spirituosiores reddunt. Inter topica, si ulcus sit sordidum, unguentum *Aegyptiacum* *magistrale* in parva dosi dissolutum, in decocto *radicis gentianæ*, & *angelicæ*, *herbarum scordii*, *centaurii*, & *absinthii* cum tantillo *elixiris vite*; vel *balsamo vite n. d.* per siphunculum injectum, si fodicatum sit ulcus, commendamus, aliàs plumaceola imbuta quater in die calida applicentur, vel fiunt injectiones ex aqua *Reginæ*, qua absterfa, optimum remedium erit balsamus proprietatis, imò hæc duo ad perfectam curationem ulcus conducunt. Vel præstans erit medicamentum *infusio myrrhæ*, & *aloes in aqua Regina*.

Si ab externa causa corrodeute suam genesim cognoscat ulcus, ut ab urina falsiori, vel succo spermaticeo Venereo, ulceris conditio inspicienda, & juxta hanc exigentiam, & statum tractare debet; si tamen in cutis superficie spatietur, tunc inspergatur *pulvere cornu cervi philosophice p. p.* *Lapidis calaminaris*, *cerussæ*, vel *flore cinci*, vel abluatur spiritu vini camphorato, vel theriacali, vel infusione *Lapidis salutis*. Tandem si quid cicatrizandum superest, *emplastri fodicationum*, vel *stiptici*, vel *oppoteldoch* applicatione, opus complebis.

CAPUT LIV.

De Ulcere Tibiarum, & Pedum.

DE tibiæ, & pedum Ulceribus non pertractare proposueramus, verum quia frequenter accidere solent,

breviter dicimus harum partium ulcera operosa sanationis esse, & multum laboris, ac molestiæ tum chirurgo, tum ægroto creare; etenim salia acida, & corrosiva unà cum latice, sanguine, vel alio succo per univsum corpus circulantia ad has partes decumbunt, & tanquam ad extremas, & proclives protrusa, obstructionis, vel visciditatis ope stagnant, fermentescunt, & exulcerant. Ob assiduum ad has partes decubitus, seu defluxum optima quæque remedia respuunt, & irritam omnino reddunt curationem, & nisi statim sanentur, negligenturque incrementum sumere, partes vicinas exedere, diuturna, & callosa fieri solent, ac proinde incurabilia evadere.

Vulgares pro his curandis ulceribus, corpus à vitiosis humoribus purgant, repurgantque, attamen purgantia ad hepar dirigunt, hæc namque ulcera ab hepate provenire ineptè credunt. Postmodum ulceri unguentum *diapompholygos* imponunt, quod in hoc ulcerum genere efficacissimum prædicant. Vel applicant unguentum de plumbo, *lithargyrio aureo*, &c. & pedem ab inferiori parte ad genu ascendendo arctius constringunt: Verum hæc, & omnia ulcera nunquam unguenta, & pingua admittunt, hæc enim poros obstruunt, & inde salia acida, & corrosiva impediuntur, quominus eliminari possint. His unguentis parum, vel nihil proficientibus, utuntur *emplastro de Gratia Dei*, *Diapalma*, vel *Gryseo*, & tandem *plumbi laminam* applicare suadent, vel *Sparadrappum*, ut

℞. Ol. ros. lb. j. cerussæ ℥. iij. lithargyrii ℥. iv. thuris, mastich. ana ℥. ss. sang. dracon. ℥. ss. myrrhæ, sarcocollæ ana ℥. ij. Coque parum ad rubedinem usque, postea, ab igne amoveantur, & immergatur linteam antiquum quod materia emplastri eximatur, & extendatur, fiat Sparadrappus.

Tibiarum, pedumve ulcerum, recentium, & in veteratorum præsertim curationem acceleramus exhibentes bis, vel ter pillulas mercuriales, has tamen in scorbuticis vitamus. Postmodum decocta sudorifica, vel potiones vulnerarias propinamus, quibus alkalia admiscemus, tandem quoad topica ulcus abluimus *becabunga* in cerevisi cocta bis in die, vel infusione *myrrhæ*, & *aloes in aqua Regina*; sed brevius ulcus abluimus decocto *aristolochiæ rotundæ* facto in vino albo, quatenus vel quinquies in die, calido tamen, & superpositione *Laminæ plumbeæ*. Vel sequens imponimus emplastrum.

℞. Empl. de plumbo, grysei ana ℥. j. lithargyrii aurei, cerussæ ana ℥. iij. sacchari saturni ℥. ss. gummi elemi ℥. j. m. f. emplastrum.

Vel imponi potest *emplastrum fodicationum*, *Benedictum n. d.* vel *Oppoteldoch*, vel de lapide calaminari.

F I N I S.



D. C A R O L I
M U S I T A N I
PHYSIATROS PROFESSORIS
TRUTINA CHIRURGICO-PHYSICA.
L I B E R U N I C U S
D E V U L N E R I B U S.

C A P U T P R I M U M.

Quid sit Vulus.



LD temporum fors tulit, ut quorumcumque qui ante *Galenum* Medicinam fecerunt, illique vacaverunt, tam nomina, quam opera omnino corruerint, nullaue eorum ad nos fama pervenerit; pater ea, quæ suis scriptis *Galenus* memoriæ consignavit: Veterum itaque monumenta in nostra medendi facultate ab uno *Galeno* edicere oportet, ut ille, qui multorum suppressis nominibus, scriptis simul congestæ, sua auxit volumina, & qui recitatis aliquando aliquorum sententiis, genialem sibi in iis confutandis libidinem explevit. Itaque veterum sententias circa vulnerum theorias perpensuri rem expediemus, si qua de vulneribus apud *Galenum* exactè perpendimus.

Vulneris definitionem suggerit *Galenus* 4. meth. cap. 5. hæc scribens! *Vulnus quidem est unitatis solutio quedam, ex vulnerandis in parte carnosa relicta.*

Vulneris definitio à *Galeno* tradita, ab eadem curationis indicationem desumit, nempe solutæ unitatis, seu vulneris primam; communemque indicationem esse unionem: hoc autem esse solius naturæ opus, apud omnes in confesso est, sed requiri Medici ministerium nemo sanè negabit; nisi n. ars succurrat, natura suo fine plerumque frustrabitur. Primò itaque curandum, ne quid in affectam partem ingrediatur, quod agglutinationem impedire possit, deindè ut discissa vulneris labia, ita coalescant, ut possint conjuncta servari. Rursus vitale partis robur conservandum, & denique his omnibus occurrendum, quæ supervenire possunt, & vulneris agglutinationem impedire. Quomodo autem hæc in actum deduci possint, luculenter demonstrabimus.

Vulneris definitio, quam *Galenus* tradidit, non tam demonstrativa est, quin suas patiatur difficultates, nam etiam ulcus est solutio continui in parte carnosa facta, cum alicujus partis substantiæ amissione, quod utique in vulneribus accidit. Imò vulnus in ulcus transit, cum similitum facilior sit transitus. Neque dices, loco vulnerato nullum aliud accidens accedit, præter continui solutionem, nam numerosiora, & periculosiora symptomata, quam

in ulcere vulnere copulantur. In hoc tantum differre possent, quod vulnus sit solutio continui recens facta, ulcus verò solutio diuturna. Sed quid solatii in diversis vocabulis eandem rem significantibus? Insuper doloris causam collocant *Vulgares* in continui solutione, & tamen vulnus recens vix dolet, imò vulnerati digladiando nullum sentiuntur dolorem: mox autem dum vulneris labia tument, & æstuant, vulnus acutè dolet, & dum sua flaccescunt labia, & subsident, ac vulnus adhuc apertum est, indolens est, ut ulcus; differre autem possunt penes causam; ulcus namque semper à causa interna, vel in toto corpore vel in aliqua corporis parte existente fovetur, at vulneris continuiratis solutio semper à causa externa vulnerante infligitur: differunt itaque penes causas, non verò penes essentiam, cum utriusque sit continui solutio in parte carnosa facta.

Ex soluta continuirate peritonæi oritur enterocoele, nam partis mollis unitas solviitur ex abrupta membrana renui, ac molli, fibris spermaticis contexta, & tamen enterocoele vulnus nemo vocabit.

In vulnerum curatione chirurgi equè partium fluidarum, quam solidarum ratione habere debent cum corpus nostrum ex partibus solidis & fluidis, continentibus, sc. & contentis componantur: Vulneris itaque definitio manca est, discinduntur namque æquè dura, ac mollia, ut canaliculi, partes fibrosæ, alique corporis tubuli, neque hæc conceptacula dividi possunt, quin fluidarum ordo, & mixtio turbetur, quo divortio semel facta, novæ statim fiunt combinationes, concreta, coagulationes, stagnationes, quæ omnium illorum gravium symptomatum fabri existunt, quæ vulnera comitari solent.

Continuiratis in osse solutionem, ossis fracturam appellat *Galenus*, in nervis punctis spasmus, in venis, vel arteriis hæmorrhagiam &c. quasi ossis illius fracturæ, spasmus, hæmorrhagiæ &c. habenda sit ratio, vulneris verò nequaquam, dicere debebat cum additamento: vulnus cum ossis fractura, vulnus cum spasmus, tum hæmorrhagiæ &c. & non simpliciter ossis fractura &c.

Recta Vulneris Definitio juxta nostra principia in hunc modum tradi potest: *Vulnus est continuitatis separatio per balsamum radicalem, cum ejusdem balsami effusione, à causa violenta externa facta.* Hinc curationis cardo eruitur, nam ostendit per balsami radicalis conservationem, fieri debere unionem; balsamus n. apud omnes denotat materiam, si-
ve liquorem quendam, qui non solum seipsum à putredine
defen-

defendit, sed qui alia corpora, quibus miscetur, ab ipsa præservat: sic balsamus radicalis, non solum seipsum conservat, sed ipsas fibras, quas glutinat, à corruptione, & mortificatione præservat. Unde rectè vulnera per alicujus balsami applicationem curantur, qui potestatem habet omnem suppurationem in vulneribus, & corruptionem impediendi. Eapropter suppurationem in vulneribus curandis, omni studio evitandam esse censemus, contra vulgarium sententiam.

C A P U T II.

De Vulnerum causis & differentiis.

DE vulnerum causis multa dicere non oportet, nam omnes sunt externæ, etsi aliquando pars interior rumpatur, quod motu aliquo violento, & præter naturam exterius factò id oriatur, causa semper externa est, estò effectus sit internus, causæ omnes vulnerationis, continique solutionis sunt arma, & instrumenta, quæ rumpunt, pungunt, vel perforant, contundunt & corrodunt. Rumpunt, ut gladii, enses, secures, bipennes, cultri, forcipes, vitæ, glacies, crystallus, & quicquid scindere, secare & cadere potest. Pungunt, vel perforant omnia instrumenta acuta, & mucronata, ut sunt hastæ, pugiones, furcæ, clavi, frameæ, sicæ, subulæ, sagittæ, tela, jacula, aculei, acus, aciculæ, spinæ, dentes morsu inflicti, & quicquid pungere, perforare & tenebrare potest. Vel obtusa summa intrusa, ut sunt globuli à Bombardis, vel sclopetis explosi grandiores, vel minores. Contundunt gravia, & dura, ac tetusa, ut lapides, mallei, fustes, perticæ, baculi, pugni, flagra, & quicquid impetuosè contundere, lacerare, & in contrarias partes divellere potest, ut lapsus, vehementis ponderis elevatio, gestatio, vociferatio &c. Corrodunt, quæ summa subtilitate continuum solvunt, ignis n. extrema sua subtilitate omnia etiam solidissima momentaneè penetrat, & percoquit, ut sit ab ipsa ignis flamma, metallis candentibus, lapidibus, aliisve ignitis, aqua fervente, aquis fortibus & quibuslibet causticis, quæ omnia nostri corporis tubulos, canaliculos, & membranas scindunt, & succis conceditur effluxus, & hinc commistio perversa oboritur, à qua plura, & innumera deducuntur symptomata.

Hinc variæ vulnerum differentiæ emergunt, & secundum diversa instrumenta, quibus infliguntur, diversæ fortissimi differentiæ, nempe cædendo, pungendo, trahendo, vel corrodendo, idest vulnus cæsum, punctum, trajectum, (ut ita dicamus) contusum, verberatum, morsum, ictum vel corrosum factum: Vel denominationem accipiunt à forma, & alia sunt majora, alia parva, recta, obliqua, alia rotunda, profunda, cava, composita, alia superficialia, simplicia, complicata, truncativa, seu in quibus aliquid substantiæ partis est ablatum. A parte affecta, ut vulnus capitis, pulmonis, cordis, ventriculi, hepatis, lienis, intestinorum, brachii, femoris, tendinis, venæ arteriæ, musculi, aliorumque viscerum, & externorum artuum. A causis, quas descripsimus, ut contusa, puncta, morsa &c. Venenata à sclopetis inflicta. Demum post lustrationem ejus à chirurgis institutam, enascatur alia vulneris differentia, vocando illud vulnus lethale, idest, à quo necessariò moriendum, vel vitale, quod sanabile est.

C A P U T III.

De Vulnerum signis, & Prognosi in genere.

AGimus hic laconicè de vulnerum signis, & prognosi, nam fusiùs in propriis capitibus eorum apparatus struemus.

Signa vulnerum externorum satis lippis, atque tonsoribus manifesta sunt, quoniam ad externam faciem in sensus incurrunt, igitur in his recensendis non immoramur. Verum quæ partes internæ simul vulneratæ sint, & quousque vulnera penetraverint, non semper facile judicatur, cum tale scrutinium scientia anatomica, & diligenti partium, actionum læsarum, nec non excretorum examine innitatur; c. ex. in thoracis vulnere, sanguis cum tussi si rejicitur, & aer è vulnere foras egreditur, certiores reddimur instrumentum in thoracis cavitatem penetrasse, ipsosque pulmones cum vasis san-

guiferis perfodisse. Ex anatomia sciri potest, quis partis cujusvis situs. Quis usus, symptomata simul consideranda sunt. Eorum, quæ natura per vulnus ejicit, conditio notanda.

Corde vulnerato, vel transosso, multus effluit, ac præcipue si dexter ventriculus vulneratus fuerit, sanguis niger, ac fervens effluit. Si vasa lymphatica una fuerint discissa magna lymphæ copia in thoracis specu reperitur, ex sinistro cordis ventriculo sæpè flavus emanat liquor. In his vulneribus arteriæ languescunt, & albescunt, vires collabuntur, sudores frigidi cum pallido faciei colore erumpunt, tandem omnia frigent, & æger alterum habet pedem in cymba Charontis.

Diaphragmate vulnerata, & percussa, præcordia sursum quasi trahuntur, spina dolet, spiritus rarus existit, præcordiorum anxietates cum sanguine spumante ejecto sæpè observantur, magna adest spiratio cum gemitu, & dolore per totam humeri partium compagem.

Medulla, quæ est in spina, si vulneretur, nervi solvantur, vel distenduntur. Sensus intercidit, aliquo interposito tempore, inviti vel semen, vel urinam, vel ster- cus excernere coguntur ægri.

Aspera arteria icta exiguum fundit sanguinem, ad dorsum plurimus dolor, fauces sensim sanguine replentur, vox fit rauca, & linguæ ariditas percipitur.

Vulnera venenata, seu à venenatis instrumentis inflicta, statim sicca & circumcirca pallida, sublivida, & quasi cadaverosa apparent, simul adsunt animi deliquia, cordis palpitationes, caput obfuscat, convulsiones artuum, aliaque symptomata observari solent, tandem accidit gangræna, & sphacelus, quem excipit mors.

Dividunt vulgares vulnera in simpliciter, & semper lethalia, cæterum periculosum est judicium ferre de vulneribus, an per se, an verò per accidens lethalia sint: juxta namque has relationes medicas, Juris-Consulti fontes condemnare, & insontes absolvere solent, & quia hic agitur de corio, & sanguine humano, qui semel effusus restitutionem nullam in integrum à Prætoris impetrare potest, ideò probè, & absque omni præjudicio singula accuratè circa vulnus inflictum examinanda sunt, diuque deliberandum est. Distinctio inter vulnera per se, & per accidens lethalia ab omnibus recepta nobis non arridet. Si vulneratus moritur symptomatibus durioribus, quæ necessariò vulnus sequuntur, cur dicetur tale vulnus per accidens lethale, si n. vulnus tale non fuerit inflictum, æger mortuus non fuisset. Vulneris inspectio, & cadaveris apertio non committenda est empirico, tonsori, balneario à iudicibus ob absurdas relationes. Quam vulneris inspectionem, aut cadaveris apertionem accuratam, legitimam, ac juxta artis præcepta institutam super vulneris lethali- tatem expectare poterit Juxta ab eo, qui nunquam studuit? Committenda igitur vulneris inspectio perito chirurgo, & optimè scientiam anatomicam callenti, sed quis est hic, & laudabilis eum, qui consideret, qualis sit pars, an notabilis, & quibus partibus solidis, fluidis constet, & an ad vitam simpliciter necessaria sit, nec ne? An majora vasa, nervos, ac tendines habeat? In vulnere ipso consideret, quo instrumento id factum, ac venenatum, an non, an cæsum, punctum, aut contundendo factum; Explorandum quoque est, an vulnus sit magnum, transversum, profundum, an in ipso plures fibræ, arteriæ, venæ, tendines, ac nervi discissi, & lacerati fuerint, quæ necessariò, & inevitabiliter graviora post se trahunt symptomata? Ex c. hæmorrhagiam nimiam, dolores, vigilias, subitam inflammationem, gangrænam, sphacelum, deliria, convulsiones &c. In curatione observandum est, an remedium adsit applicandi possibilitas nec ne? An chirurgus peritus in promptu fuerit, an iste cum medico nihil auxilii, & remedii omiserit? In persona vulnerati pendendum est, an ante acceptum vulnus sanus fuerit nec ne; an nullum in diæta commiserit errorem, an ex præscripto Medici vixerit?

Vulnera in genere partibus tantummodò carnosissimis inflicta, atque in corporibus puris, & sanis, quæque non admodum ampla, vel profunda sint, facillè sanantur, ac periculo vacant; ejusmodi n. vulnera carnis omnium facillimè sanantur, ossium difficiliùs, nervorum verò omnium difficillimè.

Vulnera punctim inflicta periculosa sunt, quàm quæ cæsum.

caſum. Vulnus cum intenſa febre inflammatoria, dolore, moribus convulſivis, monſtri quid alit, in primis ſi vulneratus ab initio ſe ritè habuerit, & circa cauſam aliquam manifeſtam externam ruat in deterius. Vulnera nervorum aliquandò bona apparent, ſed ex improviſo invadit vulneratos convulſio, hinc infida ſunt, ſi materia ſeroſa feri inſtar effluat, vel ſi lactea albuminis ovorum inſtar, vel aquea ſunt, ſuccus nutritivus, vel lymphæ vasis lymphaticis diſciſſis emanat. Tempore Aſtivo, & præſertim circa dies caniculares nullum vulnus eſtò exiguum in ſubjecto caco-chymo, vel lue Venerea infecto, non ſuperſicialiter, ut ſimplex tractandum eſt, cum ex parvo vulnere magno oriri poſſit calamitas; ſucci namque noſtri non tam multis gaudent ſpiritibus, quia tùm temporis calidiſſimi per apertam portam, putà cutis ſpiracula, evolant, & ſic ſanguinem reddunt debilem, & effœtum, hinc & ipſa pars ſuis caret ſpiritibus, & miſtura turbatur, & inordinata fit miſtio, undè ſæpè gangræna, & ſphacelus ſuum cognoscit ortum. Sic obſervamus vinum quoque diebus caniculatibus faciliùs aceſcere, quam hyeme. Nimum frigus quoque vulneribus adeò inimicum eſſe, ut nobis perſuadeamus, ſi aer à vulnere atceri poſſit, vulnus ſponte iterùm conniturum eſſe; frigus namque obſtructiones parit, coagulando ſuccos in vulnere exiſtentes, impedit tranſpirationem, incrassando omnes ſuccos, hinc ſæpiùs inflammatio, livor, gangræna &c. ſuos habent natales. Vulnera quò diutius aeris ſive calido, ſive frigido expoſita ſunt, eò faciliùs ſphacelantur. Si in magnis vulneribus, & pravis, tumor non appareat, id ingens veteribus malum portendebat, quod tamen noſtra experientià falſum comprobatur; meliùs namque eſt nullum adeſſe tumorem, denotat n. partes fluidiores poſſe circulari, nec tot diſciſſos eſſe canales. Vulnera quorum labia maximè diſtant, ut in rotundis vulneribus videre eſt, difficilima curatu ſunt, quàm eorum, quorum labia faciliè conjungi poſſunt, & ratio eſt, quia tubuli ſibi propiùs accedere, & ſic uniri poſſunt.

Hæc ſatis dicta ſint de vulnerum ſignis, & prognofi in genere, in particulari verò in propriis capitibus fuſiùs agemus.

C A P U T IV.

De Sex rebus non-naturalibus in Vulneratis.

MUltoties ſex rerum non-naturalium abuſus vulneratos perimit, ideòque harum maxima habenda eſt ratio, quatum petitus chirurgus vulneratos monere debet, ne hi ſe perdant, & ille à ſua arte infametur.

Primò itaque vitandus eſt aer, & à vulnere abigendus, qui ſolus ita vulneris poros deſtruere poteſt, ut gangræna detur acceſſus; ſi n. recens vulnus in momento conſtringi poſſet, ne aer externus irrueret, nec amplius quid è vulnere efflueret, à ſolo liquore nutritio dulci proximè apponendo, quem baſſamum appellamus, fibris, aliſque tubulis appoſito conſolidaretur. Maximè itaque aeris habendus eſt reſpectus, qui ſæpè quid in ſinu gerit, quod vulneribus eſt hoſtile. Volitant in atmophæra particulæ ſulphuræ, vitriolatæ, aluminosæ, nitroſæ. realgatinæ &c. quæ jugi fermentatione è ſolo, aquis, fodinis, ſpecubus &c. elevantur, & juxta matricis conditionem, aeris ſe immiſcentes illum inquinant; hæ particulæ acorem vulneribus per aeris contactum imprimunt, putreſcentiam inducunt, & conſolidationem à natura inſtituendam impediunt.

Sic in culinis ſi carnes putreſcere incipiunt, earum juſcula aceſcunt, & hac ratione vulnera faciliè in ulcus degenerat, hujus putredinis indiviſibilis comes eſt acor vitioſus, & peregrinus, & ſicut aliis partibus eſt hoſtilis, ita in ſpecie in partibus vulneratis omnium ſymptomatum ſupervenientium eſt auctor, & tanquam vitioſum fermentum vulneris labia inquinat, nutrimentum Baſſamicum, & ſanguinem affluentem degenerare facit & corrumpit, ac fermentando in pus mutat. Hinc vulnus recens apto baſſamo à corruptione, & acore petredinali vindicabitur, citrapuris geneſim, & faciliè coit. Hic rationem eruimus, cur in uno climate facilius, in altero verò difficilius vulnera curentur. Si aer frigidus, & nebulofus, aut abdita ratione Loci endemicus inquinatus, aut adſtantium halitibus, & occultis

aporrhæis infectus fuerit: hinc eſt, quòd chirurgi accuratiores halitum ſemper aliorum efflant, ne vulneris Labia attingant, nec promiſcuè omnes admittunt, ut vulnerum ſanationes, & ligationes inſpiciant, in ſpecie in nervoſis partibus, ut mulieres propter menſtrua, potui deditos, & inebriatos. Non tantum frigidior, ſed etiam calidior vitetur aer, ſit potius temperatus. Ex his clarè innotescit quàm peſſimè ſuorum ægrotum ſanitati conſulunt illi chirurgi, qui ſæpius vulnera detegunt, & aeri exponunt.

Non minorem energiam in alterandis vulneribus cibus, & potus habet, undè Hip. inquit: *Vulneratos fame, & ſiti cruciari oportet*; victus itaque ſit tenuis, & boni ſucci, ut optimus generetur ſuccus nutritivus, qui eſt univerſalis vulnerum curationem juvare, victus rationem inconcinnam vulneratis obeſſe, negare non poſſumus, neque tamen diætā ſine remediis aptis, neque remedia optima ſine diætæ ratione, quicquam laude dignum præſtabunt, ſed ſemper iſta conjuncta eſſe oportet. Legitima itaque diætā in pauca ciborum quantitate conſiſt, qui boni ſint ſucci, & vulnerati ventriculo non adverſentur: errant Medici illi, qui juſcula, & carnes contuſas, à quibus ſanorum natuta abhorret, vulneratis pro victu præſcribunt, nam in ſtomachante ventriculo vulnera malè ſe habent. Quoties ergò mali ſucci non ſit cibus, vulnerato non interdicitur, ſi illud deſideret, dummodò in quantitate non peccet. Si ebrius aliquis, vel ingluvioſus vulneratus fuerit ante ſobrietatis tempus, nihil offeres, ſed uſque in tertium, vel quartum diem ſolo pane in juſculo decocto interdum nutries; ſobrius verò ſi vulnus acceperit, magis euchymo, & nutritio cibo, ſuccurres. In cibo eligendo, varietatem non auſugies, nam ſæpe ſubverſus ventriculus varietate reſtituitur. Cavendum tamen omnino à carne ſuilla, anſeris, anatis, & ab omnibus volucris aquatilibus, prout etiam ab omnibus carnibus, quæ ſtomachantem pinguedinem habent. Videntur angue pejus omnia acida, falſa, & ſaccharata, ut ſuccus nutritivus dulcis, ac fluidior generetur, hinc lac vulneratis multum conducit. Scias interim diætā adeò extremam non eſſe adhibendam, ut in mediam tranſeat, nam talem diætā multi non tolerant, maleque cum ea ſe habent, unde neceſſe eſt, ut chirurgus conſuetudini vulnerati ſe accommodet, ac diætā pro infirmi conditione diſponat. Vulgares perperam in vulneribus diætā frigidiorē commendant; indè n. magis incrassantur ſucci, & circulationes impediuntur, & hinc ſymptomatum procellæ. Vulneratis ſemper alimenta calida dentur, præcipuè ſi febris adſit, in hoc caſu frigida maximè nocent, ideòque cibos condimentis aromaticis deſtillatis, cinnamomi, & caryophyllorum aquis condire, & attemperare licebit, quin & carnes ſine aqua in duplici vaſe coquere utile erit, poteris, ſi placuerit, in ventriculi confirmatione cinnamomum, caryophyllum decoquere.

Potus non ſit liberalior, ſed moderatus, & ex herbarum vulnerariarum decoctione, at vinum planè proſcribimus, ob acidum, quod in ſe continet, ſi quandoque propinandum eſt, fiat in eo oculorum cancrorum infuſio, qui omnem ejus aciditatem interimunt, præcedente quadam, & obſcure efferveſcentia, alkali cancrorum in vini acidum operante, nam cancrorum lapis, & totus cancer vim obinet vulnerariam, & hinc eſt, quòd aceto injecti efferveſcant, ex acidi cum alkali conſuſu. Verum quia vinum moderatè ſumptum ſanguinem, & ſuccos noſtros corroborat; multum conſuetudini dandum eſt; ſi n. ſucci noſtri ſingulari gaudent miſtura particularum vinoſarum, iſdem & ſuſtentari volunt, ex c. ſi quis vino aſſuetus ſit, & una vice id intermitat, certè maximum vitæ periculum incurret, ceu pluribus exemplis demonſtrare poſſumus, tunc concedendum eſt dulce, non menſuratum, ſed moderatè. In vulneribus verò capitis omnino à vino abſtinendum, & à rebus acutis, & fortibus. Siſis itaque in vulneratis ſedanda eſt, nec rigorosè potus interdicens eſt, ſæpè n. è vulneribus exhausto ſanguine, hepar incaleſcit, juxta vulgariū ſententiam, & ſitim concitat, quæ ſi potu non recreetur, periculum eſt, ne inflammetur; obſervatur tamen in potu tempus, & opportunitas, & ille ſit vulnerarius, tunc n. proderit, & non oberit. A ſolo lactis potu calido periculoſè vulneratos benè habuiſſe hætenus

hactenus observavimus, præsertim si potus Theæ fuerit commistus, vel potioni vulnerariæ.

Somnus, & vigiliæ moderatæ se habeant, attamen somnus sit liberalior, magis n. conducit, quàm vigiliæ immoderatæ. Vulneratus non decumbat in latus læsum.

Corpus quiescat, & motus exulet, donec vulnus consolidatum fuerit.

Excreta, & retenta ad ordinarias leges revocentur, & præsertim menstruum in fœminis, nec insensibilis transpirationis impediatur, sic & lac in lactantibus, urina, saliva, & alvus lubrica servetur.

Animi pathemata, ut ira, & mæror exulent, nimius risus viterur, præstet hilaritas. Veneris usus sub pœna mortis interdicens est, acedibile non est, quantum noxæ ista vulneribus affert, nam membrum vulneratum inflammatur, ita ut ad omne morborum genus dispositionem acquirit, maximè si situs vulneris concurrat. Vidimus Veneris usu membrum sacro igne correptum, syderatum, ac gangræna affectum refecari oportuisse: alios statim in actu concubitus expirasse, alios lethalibus febribus, alios convulsionibus, quosdam erysipellate captos obiisse. Advertendum, quòd quoties hæc ob Veneris usum accidunt, nullis remediis extirpari possunt, sed sponte sua symptomatum sedatio expectanda est, & tum demum accuratiore medicatione vulnere invigilandum est.

C A P U T V.

De Veterum praxi in vulnerum curatione.

Cum indicatio vulnerum curativa in procuranda solutione continui unione secundum Galenum poneretur, cum ratione ad id obtinendum parùm suffragari animadverterit, experientiam in auxilium vocavit, quæ illum remedia vulnerum curativa doceret; itaque vetustiorum Medicorum evolutis voluminibus, multa excerptis, ac in usum adegit, indicabat ille tunc primum vulneratis ægris diætam exactissimam, vetabatque meri potum, cacochymiam medicamento evacuabat, plethoram verò venæ sectione, deinde ad vulneris curationem procedebat. Nervorum vulneribus ita medebatur: oleo calido vulnus aspergebat, circumque fovebat, linimentum superimponebat, quod ex terebinthina, pauco oleo, paucoque euphorbio conflabatur, consulit quoque calcem vivam optime lotam, & omni acredine privatam, calidoque oleo exceptam, ac multum fidit in hoc emplastro:

℞. Cera ℥. j. terebinthina & picis ana ℥. s. euphorbii ℥. iij. m. reduc ad formam emplastri.

Abdominis verò vulneribus, post intestinorum repositionem futura unionem inducebat 6. meth. cap. 4. His adde multa simplicia medicamina, quæ glutinandis, & uniendis vulneribus apta lib. de simpl. med. facult. passim commemorat; nec spernendæ sunt animadversiones quædam, quæ libris de loc. aff. & alibi in suis voluminibus, dum de vulneratis partibus verba facit, ab ipso proponuntur.

Sed hæc insufficientia, nec satis tuta erant pro vulneribus curandis, ac proinde vexatio peperit intellectum, hinc vulnerati necessitate coacti pro vulnerum curatione eorum industriam adjuvante casu, remedia invenire: hinc uberior remediorum suppellex pro vulneribus curandis ad nos pervenit, quæ à Græcis gentium cultissimis multa leguntur apud Prosperum Alpinum de Medicina Aegyptiorum, & apud Arabes, Avicennam, Albumasar, Meseum, aliosque quamplures, præter ea, quæ ex aliis per manus successivè recepimus. Constat n. ex sacro-sancto Christi Evangelio Samaritanum vulnerati in via, charitate permotum, oleo, & vino aspersisse vulnera ejus, illumque sanitati restituisse, cui curandi modus nunc abusivè in superstitionem abiit ex additione verborum, aliarumque caeremoniarum, quæ nihil ad rem faciunt. Medicamina, quibus variæ nationes sunt hactenus usæ in communem ferè semper veniunt usum, ut sunt oleum, mel, vinum, cera, gummata, resina, non paucæ herbæ, quæ aliquando simplicia, aliquando admixta vulneribus apponebant, verum quia de his latius infra, eò rem dimittimus.

C A P U T VI.

De Vulnerum curatione juxta vulgarium methodum.

Dividunt vulgares chirurgi vulnus in simplex, & compositum. Vulnus simplex intelligitur ab ipsis cum præter continui solutionem in carne à vulnerando productam, nihil aliud adjunctum habet. Vulnus verò compositum asserunt esse, cum præter continui solutionem in carne productam, fracturam ossis, nervi incisionem, venæ, vel arteriæ conspicuæ lacerationem, vel capitis penetrationem, viscerum læsionem, similiaque accidentia conjuncta habeat.

Distinguunt itaque secundum præfatam vulnerum distinctionem, curandi etiam modum, nam simplex vulnus per primam intentionem esse curandum existimant; compositum verò per secundam.

Per primam intentionem ipsi intelligunt, eam remediorum applicationem, quæ absque ullo respectu ad aliquid aliud, soluti continui unionem efficaciter promoveat. Per secundam verò intentionem intelligunt eam remediorum applicationem, quæ primariò unionem continui soluti non respicit, sed accidentium conjunctorum ablationem, quibus ablatis, veluti secundariò soluti continui unionem intendit; ad hanc secundæ intentionis curationem, cum prolixitate procedunt, non digerunt, pus promovent, abstergunt, mundificant, & postremò incarnant, & tandem cicatrizantibus utuntur medicaminibus.

Ad vulnus quodlibet sive simplex, sive compositum, dum primò vocantur chirurgi, ovi album conquassatum cum stuppa applicant, quod remediorum antiquorum est, & à Galeno consultur, verum eo casu, quo copiosus sanguis è vulnere effluit, nam ovi albumen sanguinis sistendi vim habet: nunc indifferenter cuicumque vulnere, sive sanguinis fluxum habeat, sive non, ovi album applicant; concedimus nos libenter sanguinem, è vulnere effluentem unionem soluti continui impedire, ac necessariò primò sanguinem esse sistendum, deinde unioni vacare; concedimus quoque ovi albumen sistendi sanguinis proprietate præditum, quia glutinosum, & anodynum est, habetque partes tenues, quibus ulterius se insinuat, sed cum vulnus sanguinis fluxum non habeat, ex eo fortasse, quia sanguinis vasa conspicua incisa non sunt, ovi albumine uti congruum non agnoscimus, aliquid n. extranei inter vulneris labia albumen inducit, quo intercedente unionis coitionem succedere per incarnantia medicamenta non est facile.

Post viginti quatuor horas à vulnere, stuppam cum ovi albumine detrahunt chirurgi, ac priusquam ad aliud medicamen deveniant, eorum est consuetudo, ut si angustum vulneris os appareat, illud ferro dilatant absque consideratione, an dilatatio illa obsit potius, quàm prosit, judicet peritus chirurgus, ac multoties ob anatomes ignorantiam, temerè ferrum adhibent, ac vasa præcidunt magno cum ægri discrimine, dum inimico ferro vulnus dilatant, & vulnus vulnere addunt, & iterum ovi albumine utuntur, ac per alias viginti quatuor horas, vulnus cum eo sinunt; postmodum vel vulnus ex seipso fit latum, vel ipsi dilataverint, digestivo unguento uti incipiunt. Notare hic oportet ridiculum finem, propter quem vulnera dilatant chirurgi: dicunt n. id facere ad obtinendam ventilationem in vulnere, nam quòd amplius illud est, eo facilius diffilari, quod in vulnere tradunt; sed in hoc falluntur, nam tantum abest, ut solutio continui diffilationem corrupti promoveat, ut potius illam impediat, imò causet, nam nos dum integri sumus, exhalamus quicquid in corpore exhalabile est, dum deinde integritas solvitur, statim inflammationes, apostemata, erysipelata, scirrhi, alique hujusmodi tumores enascuntur, qui prohibitam nutrimenti diffilationem, & succorum vertiginem impeditam arguunt. Itaque inconsultò chirurgi ad vulnerum dilatationem procedunt, nihilque agunt, nisi quod parvum vulnus magnum efficiunt: Cæterum ad accidentia vitanda, quæ ad vulneris angustiam supervenire possunt, non pauca docebimus remedia infra tradenda.

Redimus nunc ad unguentum digestivum, sive digerens: con-

constant illud Chirugi ex ovi vitello, terebinthina, & oleo rosaceo simul mistis, eoque pulvillos illinunt, & vulnere immittunt tam pro ejus longitudine, profunditate, quam pro ejus latitudine.

Falluntur tamen sub spe hujus medicamenti chirugi, & fallunt aegros; nam in recenti vulnere nulla adesse potest materiae congestio, quæ digestionem indigeat, ac in simplicibus vulneribus digestivo uti, est omnino à recta ratione aberrare; enim verò, ut primò diximus, in simplici vulnere chirurgus primariò intendit continui coitionem, quam non solum non promovet digerens medicamentum, sed impedit, nam propter corruptionem, & putredinem, quam in vulnere producit unguentum digestivum, pulvilli cum quibus applicatur, physicum sunt impedimentum, ne vulnere Labia coalescant.

Si verò compositum sit vulnus, & habeat accidens aliquod, quod curationem requirat ante soluti continui unionem, id fieri non convenit cum superscripto medicamine ex ovo, & terebinthina, quod putrefacit, partem inflammari, succum nutritium degenerare facit, curationem in longum protrahit, & exinde interdum plaga facta, ulcus in sordidum transit; sed aliis specificis accidentia absque vulnere putrefactione res est peragenda, de quibus specificis diffusius infra. Cæterum digestivo chirugi non vulnus, sed vulnerati crumenam digerere intendunt, & censum quotidianum constituunt.

Dum digerente medicamine uti incipiunt chirugi, dictam vulnere præscribunt exactissimam, quod utiliter faciunt, sanguinem detrahare non solent; id tamen nil ad vulnere curationem facit, licet officere possit: at quia de humorum affluxu in vulnus dubitant, de medicamento purgante cogitant, illucque ferè semper in principio propinant, existimantes purgante medicamine eos purgari humores, qui aliquandò circa vulnera inflammationem producere solent: Sed errant, nam inflammationes ex nutrimento, & sanguine circa vulnus coacervato, & non resoluto fiunt, quod ex chirugi errore procedit.

Digerente medicamento utentibus chirurgis, vel naturæ validitas, perfectam coitionem in vulnere molitur, & producit pus album, læve, & æquale, ac tunc neque inflammatio in vulnere accidit, neque febris supervenit; vel naturæ imbecillitas ichotem, sanie, aliudque simile inconcoctum in vulnere producit, ac tunc inflammationes, febres, gangrænæ, aliaque lethalia symptomata supervenire solent, ut plurimum mortem minantia.

Si perfectam materiae coitionem in vulnere observant, eodem digerente medicamine per aliquot dies utuntur: deinde ad mundificantia unguenta recurrunt, cujusmodi est *Apostolorum*, *Aegyptiacum*, de *tutia*, aliudque simile in officinis paratum.

Dum abstersum jam vulnus agnoscunt, & caro luxurians emergit, ad incarnativa se vertunt, hujusmodi sunt *emplastrum de Gratia Dei*, de *minio*, & similia, iisque utuntur ad integram usque cicatrizationem; Quoties Chirugi ignorantia sigillam non induxerint, prout sæpè evenire solet, protrahunt vulnere curationem in longum tempus, digestivi continuo usu, qui tandem callositatem quandam in vulnere labiis inducit, ac fistulam efficit, vulgaribus chirurgis incurabilem.

Carent quoque remediis vulgares, quibus cicatricis deformitas in vulnere claudendo vitetur, quod indignum à viris probis existimatur: propterea non pauca remedia aperiemus paulò infra, quibus cicatrices omnino delentur, ita ut vix vulnere signum appareat.

Verum si post medicamenti digerentis applicationem, saniosum appareat vulnus, & inflammationem circum se contrahat, illicò febris accenditur, & nova emergunt symptomata, quo in casu vulnus licet leve, periculo non vacat, non ratione vulnere, sed febris, & supervenientium symptomatum; acescit enim sanguis, & partium nutrimentum in toto corpore ob vulnere inflammationem, & per consequens tantum abest, ut natura vulnere uniendo vacare possit, ut potius illud ulterius inflamet ob affluentiam acidi sanguinis, & polluti nutrimenti, itaque Chirugi, superveniente inflammatione, statim phisicos in auxilium vocant, ut ægro vulnerato venæ sectionem, & purgans medicamentum præscribant; credunt enim sanguinis missione inflammationem tolli, & purgante medicamento omnes noxios è corpore humores deturbari.

Musitani Opera Tom. II.

Interea olea refrigerantia, cataplasma de lacte inflammata parti adhibent; sperant n. refrigerantibus inflammationem remittere, quæ cum à nutrimento, & sanguine circa vulnus concretò producatur, cessare nullo modo potest, nisi sanguis, & nutrimentum resolvantur; præterea perseverante inflammatione, vulnus sordidum, flacidum, malèque olens apparere solet, quæ accidentia gangrænæ, & sphacelum, sive mortificationem portendere solent.

His accidentibus mundificantibus Chirugi occurrere tentant, ut *unguento Aegyptiaco*, *Apostolorum*, *alumine crudo*, *alumine ustò*, *tutia*, *calcantho*, aliisque similibus. Quod si hujusmodi vulnere dispositiones in gangrænæ properent, ad potentiora, & efficaciora recurrunt, uti sunt *pulvis Jo: de Vigo*, *Mercurius præcipitatus*, *sublimatus*, & *actualis ignis*, quorum actio si in sanam, viventemque usque carnem se diffundat, escharam producit, & omne id, quod putrefactum est, mortificatumque jam erat, separatur, & ulcus abstersum remanet, quod incarnatione deinde indiget; si vero actio cauterizantium ad vivam carnem non pervenit, escharam non succedit, & æger gangrænatus moritur.

Descriptus jam vulgariū chirurgorum curandi modus, si in carnosus corporis partibus vulneratis aliquandò bene se habeat, in vulneribus tamen thoracem, & abdomen penetrantibus, vel capiti inflatis ferè semper infelicem, funestumque habent exitum, cum non solum inefficax sit, sed potius causas promovent, ex quibus necessariò vulnera in dictis partibus depravamur, mortemque producunt; v. gr. cum vulnus in caput inflatum post curis incisionem statim cranium attingat, requireretque medicamen, quod membranas incisas, & os tactum recreando summa celeritate agglutineret, ipsi *oleo rosaceo*, vel pulvillis cum digestivo utuntur ad corruptionem in vulnere producendam, quæ si in carnosus partibus maximi nocuenti non sit, in membranosis, & ossibus perniciose evadit: hinc causam discite, cur levia capitis vulnera infra quatuordecim dies vulneratum perimant: Sc, quia pus & sanies in vulnere producta membranam cranium immediatè regentem intemperant, & paulatim ab osse illam adducunt, quæ membrana, cum à pia matre cerebri ambiente enascatur, per partium continuationem piam matrem inflammat, & delirium inducendo, vulnerarium perimit, quod frequentius accidit, cum terebra, & curvo ferro cranium aperire audent chirugi, trademus inferius nos capitis vulnerum curationem tutam, & jucundam.

C A P U T VII.

De Suendorum, & ligandorum vulnerum ratione.

ANtequam curandorum vulnerum methodum aggreantur, earum rerum apparatus, quæ maximè illi conveniunt, præmittamus necesse est, ac propterea hic de futuris, & ligaturis sermonem habemus.

Antiquum est inventum acu vulnera suere, & filo agglutinare, sed tam stultitia antiqua est, quam prudentia, & in his, quæ rectè instituta non sunt, per longum quantumvis usum non datur præscriptio; negari non potest, quod futura in vulneribus crudelis sit, & dolorosa, ac quot sunt puncta, tot vulnera, spiritum vulneratæ partis multipliciter torquens, & in furem, & iracundiam adigens, undè rarò futuris inflammatio non supervenit, ut plurimum vulnus apostemat, febrem, aliaque symptomata producit: sæpè gangrænæ, & sphacelum causat, cum interea futura nullam afferat utilitatem, nihil proficit in vulnere sanando, neque in eo celeriter sanando, nam unio soluti continui à vulnere fundo incipit, non autem ab externis labiis, in quibus sutura adhibetur, quod ipsa experientia comprobatur, nam, sutura peracta, tota caro, quæ à filo intercepta, putrescit, & simul cum filo decidit, ac si iterum suas, iterum, quod futurum est, putrefactum decider, neque unquam unies labia, nisi à vulnere fundo natura cum suo balsamo, securiori futura, & incorruptibili unionem produxerit. A Sutura ergò augendum est, veluti ab illis, quæ ex una parte nihil penitus proficiunt, ex altera vetò in immensum nocere possunt.

Nos itaque suendi munus, tantum naturæ relinquimus,

N

san-

tantumque medicamentis attendimus, ut naturæ suendi obstacula, & impedimenta tollamus; nam ipsa acum, filum, & gluten secum habet, cum quibus, quod nos desideramus, efficit citò, tutò, & jucundè, si nos in auxiliando illi celeres, in applicando tuti, & in medicamentis jucundi erimus.

In vulneribus præ cæteris ligatura, seu fasciatio necessaria est, quæ fit cum duorum capitum fascia: applicatur ita, ut ejus medium imponatur in membro à parte plagæ opposita, & ducatur hinc supra vulnus ipsum cruciatim, repetendo hanc viam aliquoties, ut vulneris labia ita ad se invicem adducantur, sic n. fasciæ beneficio vulneris labia adducuntur.

Hæc fasciatio in vulneribus non adeò insignioribus, item in iis, quæ secundum membri longitudinem, & secundum fibrarum protensarum ductum inflicta fuerunt. Sed in vulneribus, & sectionibus gravioribus, quando partes quædam ferè abscissæ sunt, ut in narium, aurium, & digitorum tali separatione, in tantum adhuc pendeant, aut etiam quando in articulis graviora infliguntur vulnera, aut quando ampla vulnera per transversum membri, & fibrarum musculosarum sunt illata, aut quando integra carnis frustra ferè sunt decisa. In his, & similibus casibus non sufficit fasciatio sola, ut adducantur vulneris labia ad se invicem, & ita adducta maneant, sed alia chirurgi solertia secundum partis conditionem adhibenda est.

Deligaturus chirurgus vulnus initio primum omnium oleo, vel balsamo, vel unguento vulnerario tepidis una cum his, quæ in dictis medicamentis intabuerint, implebit, deinde emplastro siptico accuratè deligabit. Circa vulneris autem regionem olea, vel balsama eadem ipsa adhibebit, vel si placet, oxirhodino ipsum membrum irrorabit, & istud continuabit per novem, vel decem dies, prout vulnus ipsum parvum, vel magnum existerit, immutabit autem, seu iterabit medicamenta singulis duodecim horis. Istis ritè peractis, majori cura nihil opus est, nisi vulnus admodum amplum sit, vel in quo tendo, vel ligamenta &c. majora minentur symptomatica, tunc n. quod sua industria majorem adhibebit diligentiam.

Ubi vulnus punctim factum est, siphone oleum aliquod, vel balsamum injiciendum erit, vulnusque ut dictum est, curandum, semper autem prima fasciatio accuratissima esse debet, quod tunc necessitas maximè postulet.

Capitis autem vulnera curandi ratio hæc est: periam lineam imbue calido oleo vulnerario post herbarum, & florum in oleo intabesceniam, & in vulneris fundum immitte, devitatis tamen meningibus, quas tangere piaculum est, quo facto, emplastrum superpone, ac randem deliga. Capiti autem ea maximè emplastra conveniunt, quæ gummata, & lithargyrium, non autem resinam, vel colophoniam recipiunt. Cave quoque in capitis vulneribus ab oleis, & balsamis destillatis, hujusmodi remediis, & curandi methodo ferè circa nonum diem vulnera omnia tertia parte sanantur, nam curam in tres partes distingue, initium, medium, & finem. Ubi autem vulneratus jam vires collegerit, omisso oleo, balsamum substitues, tanges verò vulnus penna balsamo intincta, postea emplastro imposito curam continuabis, donec nervi, ossa, & articuli antea nudati, jam recti carne apparuerint, ultima postea deligatura non subsequitur, sed solis emplastris sipticis absolvetur ad cicatricem usque, hujusmodi verò tutissima est curatio in vulneribus nervorum ossium, & similibus, quam chirurgi desperare solent, si vulnera non admodum periculosa sint, sufficit uno ex prædictis assumpto vulneris curationem perficere, nam si in istis initio statim recta deligatura fiat, commodumque remedium adhibeatur, nil periculi ampliùs metuendum erit.

C A P U T VIII.

De nostra curandorum Vulnerum methodo.

PRO curatione, & infallibili vulnera curandi methodo acquirenda, sciendum est, quòd hic non dissentimus à veterum sententia, quòd s. vulnus sit carnis, aliarumque corporis partium soluta unitas, & quòd indicatio sanandorum vulnerum curativa sit solum continuum iterum ad unionem reducere; sed quomodo unio in vulnere

promoveatur, & quid sit illud, quòd unionem immediatè, efficienter, & effectivè causet, nos non omnino cum antiquis convenimus; nam illi medicamentis hoc opus tribuunt, eaque propterea incarnantia, aglutinantia, sarcotica, sive carnem gignentia, digerentia, & maturantia appellant: nam credidere medicamento efficienter ea peragere munia. Nos verò occasionaliter tantum, & per accidens medicamenta unionem in vulneribus causare asserimus, sed efficienter, & effectivè à balsamo naturali, ac radicali partium, qui quoties ab aliquo obstaculo non impeditur, illicò gluten in solutione producit, quo quòd sectum, solumque jam erat, continuatur, & agglutinatur.

Pro hoc radicali partium balsamo non intelligimus aliquod chimericum, vel fictum, sed rorem illum, sive liquorem glutinosum, qui per spermaticas totius corporis partes diffusus, illarum texturam, unionem, & continuationem servat, regit, & sustentat; similis est substantia pura, lucida, & salsa, quia spermaticam sapit naturam, fortassè in cerebro elaboratur, & per membranas, ac fibras per universum corpus diffunditur.

Sed ut de hoc balsamo naturali, & radicali partium viventis corporis clariorem habeamus certitudinem, consideremus fracturam vel curis, vel brachii absque rptione circumstantium musculorum: fiat talis ossis fracti inculcata repositio in suo situ, certum est, quòd infra 30. dies absque ullo medicamento porus osseus producit, & induratur, reditque os durius, & constantius in loco fracturæ, quòd ante fracturam erat.

Scimus interea dictum porum osseum à liquore glutinoso ab extremitatibus fracti ossis refudante fuisse productum, nullo medicamento cooperante, quòd exemplum de poro osseo ad omnes continuitatis solutiones nobis traducendum est, nam in unaquaque viventis corporis parte abundat dictus liquor, quem radicalem balsamum appellamus, cujus munus est efficienter, & effectivè omnia operari, quæ ad solutæ unitatis perfectam unionem sunt necessaria. Ergo non chirurgus, non ejus medicamenta, sed balsamus iste vulnera efficienter curat.

Hoc solum namque chirurgi officium est, ac chirurgiæ, opus naturæ curam gerere in loco affecto, ne s. vulnus à causis externis irriteretur, ac balsami curatrix facultas impediatur, ut bonus balsami custos, Chirurgus dici mereatur, unde Chirurgum definimus, custodem radicalis balsami ab actionibus externorum elementorum; elementorum siquidem ea natura est, ut naturæ nostræ, ubi ea debilitata est, vim facere, cujus actiones si per medicamenta impediat Medicus, suo munere functus esse rectè dicetur: atque interim natura in suo balsamo non impedita, feliciter actionem perficit; perficit autem, dum carnem, aut nervum, aut id, in quo vulnus consistit, generat. Sit in exemplum nutrimentum, quòd in nostro ventriculo præparatur, uniforme est, & indifferens unicuique corporis parti, tamen illud in osse fit osseum, in nervis fit nerveum, in pinguedine fit pinguedo, & sic de singulis, ratio est, quia in qualibet parte proprius later balsamus, qui alimentum convertit ad suæ partis dispositiones: ita etiam in quolibet vulnere balsamus partium vulneratarum later, qui quoties non impeditur, id producit, quòd suas partes integras reddere potest.

Hinc indubitatum est balsamum radicalem partium esse, qui vulnera curat, superest, ut Chirurgus procuret, ut balsamus iste impedimenti careat, quæ ejus actionem remorantur. Id fit per exactissimam dietam, ne ciborum superfluitatibus balsamus obruatur, tum medicamentis vulnere adhibendis, quæ balsami actionem promovent, & impedimenta auferunt.

Sed in applicatione medicamentorum ad vulnera notandum est, quòd vulneribus dum medetur, necessariò aliquid remanere debet, quòd in triplici est differentia, vel enim est sanies, vel pus perfectum, vel applicatorum medicamentorum excrementum. Sanies tenuis est aquositas, pessimè olet, dum hæc fluit, vulnus malè se habet, flaccescunt labia, circumcirca tumor attollitur, cui inflammatio succedit, & multa mala portendit. Pus perfectum album est, læve, & æquale non malè olet, dum hoc fluit, vulnus benè se habet, sed pigrè, tardèque ad perfectam curationem pervenit. Medicamentorum excrementum medium est inter tenue, & crassum, medi-

medicamenti colorem, & odorem præfert: hoc dum effluit, vulnus optimè se habet, ac brevissimè curatur. Juvabit Chirurgum non parùm saniam à pure, & pus à medicamentorum excremento distinguere, nam si bonus Chirurgus sit, saniam omninò vitabit, pus verò promovebit, eritque solo medicaminum excremento contentus: ac propterea tum à suendis vulneribus, tum ab applicatione albuminis ovorum se abstinere debet; nam utrumque remedium vulneris perspirationem prohibet, vel saniam, vel pus necessariò producit.

Verùm interim notamus, quòd medicamenta vulneribus adhibita necessariò excrementa producere debent; nam si ex applicatione medicamentorum vulnus siccum appareat, lethale est pro vulnere signum. Studeat igitur quisque, ut vulnus cognoscat, ejusque curationis internam causam intueatur, exterius verò ipsum & modum servet, & ab injuriis tueatur: hæc namque vera est curandorum vulnerum methodus.

Sed juvat hic perutili digressionem spatium, num ratio vulnera curandi à *Cæsare Magato* proposita, vulgari, atque antiquæ præferri debeat, sc. instituta ab antiquis methodum exposcit, ut vulnera singulis diebus, vel certè semel detegantur, abstergantur novisque superinductis medicamentis obligentur. Verùm *Magatus* scribit se jam diù cum antiquioribus in errore fuisse, sed postea experientia ductum, mutasse sententiam: quippè frequenti usu, & observatione certior est factus, faciliorem esse vulnorum curationem, si rarè solvantur, & turundarum, seu penicellorum usum omninò perniciosum esse.

Quæ cum ita se habere observatione, & experientia deprehendisset *Magatus*, conatus etiam est rationem deinde adungere: inquit n. à veteribus chirurgiæ indicationem maximi momenti fuisse prætermisam pro vulnorum curatione; nam cum de excrementis, & impuritatibus, quæ in vulnere generantur, curam sollicitè habendam esse fatentur, videntur tamen neglexisse causam quamobrem illa proceant. Desiderarunt vulneris mundificationem, & excrementorum consumptionem, sed eorum generationem inhibere nequaquam studuerunt, scil. de fovendo, & conservando partis temperamento, & ejusdem vitali calore recreando, vix ullam habuisse curam causatum, atqui ne excrementa generentur in parte, vix alia ratione fieri posse videtur, quàm si partis calor foveatur, & recreetur, nec diffilari permittatur. Impeditur autem caloris naturalis diffusio, si ea parti applicentur, quæ discissa cutis vicem quodammodò suppleant, ut integumentis cum medicamentis decentibus ritè aptatis.

Sed proferamus argumenta, quibus *Magatus* ab antiqua medendi ratione discedendum putat. Principio autem experientiam testem advocat, qua in re sectatorem quoque habet *Ludovicum Septalius*, qui memorat in *magno Nosocomio Mediolanensi* cum antea plurimi, ex vulneribus præsertim in capite interire, demum hac medendi ratione instituta paucissimos è multis perire, & plerosque convalescere. Id ipsum quoque alibi observari quotidie fama est in magnis *Genuæ*, & *Messanæ* valetudinariis. Deinde argumenta profert *Magatus*, & primò, vulnus, ait, non sine magno valetudinis incommodo, atque periculo aeris exponendum permitti. Hinc n. fit, ut partis nativus calor infringatur, atque adeò ejusdem nutrimentum in excrementum, atque pus degeneraret; Præterea quandoque vulnus sordidum apparet, pergit, novumque medicamentum apponi, iterumque deligatur, necessariò dolor in parte excitatur, ex dolore autem fit humorum ad partem copiosus affluxus, rursus detecto, & soluto vulnere, multum caloris, spirituumque exhalari contendit, ut propterea pars agglutinationi, & excrementorum consumptioni ineptior reddatur. Adde, quòd interea natura à munere proprio deturbata, nequit suam operam rectè perficere. Cæterum rationes, quibus antiquiores detegenda esse vulnera, & novis medicamentis delinenda, non confirmare videntur *Magatus*, atque *Septalius*; primam n. negant abstergendum pus, exsiccandumque omne, quandoquidem juxta rationem curandam ab ipsis propositam, paucissimum, aut nullum pus progigni videtur, quod vel facile dissipetur, vel à natura per proprias vias exturbetur, si per vulnus effluere nequeat. Præterquam quòd consentaneum sit, medicamento aliquo balsamico vulneratam partem delinire, ut carnis

corruptio, & puris generatio impediatur: id n. potissimum curare debent, qui novam hanc medendi viam sibi sectandam proposuerunt, ut inferius constabit. Quamobrem uno tantum medicamenti genere, quod nimirum balsamica vi polleat, omnia vulnera perpetuò curanda demonstrant juniores, quicquid antiquiores statuerint, qui vulnus variis medicamentis curandum jubebant: nam primò digestivis seu suppurantibus utebantur, mox abstergentibus, & rursus carnem generantibus, vel superfluum consumentibus, & pestremò cicatrizantibus: qua quidem ratione detergenda sæpius vulnera, & medicamenta pro rei exigentia imponenda decernebant. Verùm usus olei, aut spiritus, vel unguenti, aut pulveris balsamici omnem operam præstare posse videtur: nam partis calorem fovendo, & puris generationem impediendo, id omne exequitur, quod ad Medici munus attinet; nam reliquum natura prosequitur. Tametsi verò ex vulneris solutione, & detectione certiores fieri possumus, de ejus statu, & de his, quæ ex medicamentorum applicatione contingunt, tamen usque adeò præstat scire nos, quantum detrimenti ex ipsa vulneris detectione subsequi solet. Nec desunt rationes, atque argumenta, quibus conjicere possumus, qualis naturæ sit vulneris status, ex pruritu, odore, dolore, pulsatione, & similibus, quæ facile nos manu ducant ad cognitionem ejus, quod oculis minimè subjicitur. His igitur, & aliis ejusmodi rationibus utuntur *Magatus*, atque *Septalius* ad improbandam antiquorum methodum circa vulnorum curationem, præsertim in eo, quod attinet ad frequentem, & iteratam ipsius vulneris detectionem, solutionemque. Sed præterea damnant quoque turundarum usum, his præcipuè ducti argumentis, primò, quia turundæ ipsi naturæ sunt infensæ, utpotè corpora extranea, in quorum expulsionem natura semper sollicita esse debet. Deinde turundæ carnem divellunt, & dolorem excitant, undè humorum concursus progigunt. Præterea pure, & fætidis humoribus imbutæ turundæ corruptionis, & putredinis causa plerumque esse solent, neque verò *Hippocrati*, aut *Galeno* ullus fuit turundarum usus in vulnorum curatione.

Verùm tamen, qui turundarum usum propugnant, hæc obijciunt argumenta: Vulneris orificium patere debet, ut puri sit exitus, ac debet proinde turundis sanari. Item turundarum applicatione medicamentum undequaque vulnere inspergit, & ad fundum usque penetrat. Postremò nisi turundæ vulnere applicentur, sæpe contingit, ut postremo orificio clauso, circa fundum adhuc permaneat, ac proinde pus non sine notabili detrimento obtusum restagnet.

At verò *Magati* curatio in eo posita est, ut puris generatio abigatur, & medicamentum liquens, utputa aqua, aut oleum vulnere applicetur, absque quòd illa sit turundæ necessitas.

Hactenus paucis proposuimus summam doctrinæ *Magati* circa vulnorum curationem, quæ quidem magna cum utilitate observari solet in quibuscumque vulneribus, præsertim parvorum similium: nam quandoque organicæ partes vulneratæ expetunt artis medicæ auxilia. Cæterum curationes prosperè succedunt, si ea vulneribus applicentur, quæ ut diximus, balsamica vi polent, ejusmodi sunt complures aquæ, seu spiritus, aut olea simplicia, ut spiritus terebinthinæ, aqua ardens, aqua Regiæ, oleum vitellorum, oleum balsami destillatum, oleum olivarum vetustissimum, vel recens ita destillatum, ut empiricum concepit. Præcellunt tamen spiritus, aut olea composita, cujusmodi plura novimus, quorum compositionem deinceps communicabimus.

Sed admonet nos tandem locus, ut de Magnetica, seu lymphatica vulnorum curatione aliquid subjungamus, ejus rei inventor traditur *Theophrastus Paracelsus*. Verùm quamplurimi deinde Auctores eandem vel scriptis illustrarunt, vel opere, aut exercitatione divulgaverunt. Perficitur hæc curatio mediante unguento quodam, quod *Armarium* vocant, ejus descriptio est apud *Paracelsum*, sed illius etiam meminere *Joannes Baptista Porta*, in sua *magia Naturali*. *Osuvaldus Crollius* in sua *Basilica chymica*, *Rodolphus Goclenius* lib. de magnetica vulnorum curatione, & alii. Paratur ex *Ufnea* i. musco, qui concrevit in calvaria hominis violenta morte perempti, mumia, sanguine, & adipe humano, oleo lini,

& *rasaceo*, *aque bolo armeno*; nonnulli compositionem aliquanto diversam proponunt; usus autem est huiusmodi, telum, quo humo vulneratus fuit, si possit haberi, vel ejusdem loco lignum aliquod sanguine vulneris intinctum, & exsiccatum immergit in unguentum, atque interea singulis diebus vulnus nova fascia, quæ vulnerati urina medescat, sic ægrotos etiam absentes ex vulnere sanari opinantur. Sunt etiam qui ex *vitriolo* pulvere parant, quibus telum cooperiunt, & hac ratione vulneratos etiam longè absentes curari perhibent. Equidem non desunt oculati testes, qui asserunt ejusmodi curatione gravissima vulnera fuisse sanata. Atqui nos non audemus contra experientiam pugnare, fate-mur tamen ex hac curandi ratione non concludi vim, atque efficaciam remedi, sed potius naturæ, quæ sola est vulnerum medicatrix, nam profectò sæpenumerò observavimus homines non vulneris vi, sed Chirurgorum opera periisse.

C A P U T IX.

De Potionibus vulnerariis.

Diximus vulneratarum partium coalitum, & reductionem ad pristinam unitatem non medici opus esse, aut medicamenti, sed dumtaxat naturæ opus, mediante balsamo radicali, seu naturali, & omnino cavere, ne quid extraneum accedat, & ipsam partis substantiam conservare, tum rerum balsamicarum, tum etiam integumentorum decenti applicatione. Cæterum vulneris coalitus soli naturæ committitur, & hanc quidem solutæ unitatis præscribit curationem *Galenus*, inaximè cum contigerit in parte carnosa, vel alteri inorbo conjuncta fuerit. Longè itaque à *Galen*i doctrina, & à vera medendi ratione aberrant illi, qui se antiquioris sapientiæ studiosos esse profitentur, & vulneribus statim ovi albumina, aut similia superimponunt, aut turundas infigunt, & omnino cavent, ne vulnus claudatur, ac partis calor naturalis foveatur, sed puris generationem studiosè procurant, fortassis autem ejusmodi Chirurghi magis sibi ipsis sapiunt, consuluntque, quam vulneratis hominibus, à quibus numerosiorem pecuniam cum difficultate, & temporis longitudine plerumque extorquent. Sic balsamus iste naturalis vel ob aeris adventum vel alterius corporis interpositionem, suam amittit temperiem, corrumpitur, devenitque ad glutinandum ineptus, & in tali casu ipse in causa est, ut solum continuum in unionem non coeat. Multum insudarunt recentiores in his emendandis vulgariis absurdis, & tandem ea invenere medicamenta, quibus balsamum naturalem conservant, ejusdemque corruptionem inhibent, factam jam denuò emendant; adeoque sunt parti familiaria, & amica naturæ, ut eadem auxiliante, intrinsecus omne vulnus tam casum, quam punctum illatum percurare possint, eisi absque medicis auxiliis natura per se morbos curret, si collatis his auxiliis, quibus ipsa lætatur, adjuvetur, facile opus perficiet. Huiusmodi auxilia sunt *potiones vulnerariæ* ex vegetabilibus, quæ si in alia redigantur corpora, & applicentur, vulnera curant. Certè nulla meliori forma, quam in potiones redacta actionem perficiunt, etenim potiones natura veluti alimentum recipit, cuique inest medicamentosa virtus, & facultas, quæ non respicitur ab ipsa.

Vegetabilia vulneraria, ex quibus vulnerariæ concinnantur potiones, occulto potiuntur alkali, & sale volatili temperato plus, minus oleoso, prout ipsa variant vulnera. Hoc alkali balsami naturalis corruptionem impedit acidam, imò enatam obtundit, absorbet, & destruit, ac proinde in hoc alkali, & volatili sale totalis vulnerum sanatio fundatur. Sic *saturnina remedia* ulcera, & vulnera curant, non quatenus refrigerant, exsiccant, deterguntque, sed quatenus nimium acidum absorbent; sicuti acida quæcumque supra *saturni* corpus agentia in dulcedinem transmutantur, hoc patet in aceto destillato, hoc sanè Saturno calcinato affusum dulcescit sacchari instar. Sic in plantarum vulnerarium succo, *Mercurius* tam præcipitatus, quam sublimatus si ebullierit destruitur, & in pristinam, vivamque formam redigitur, destructis acidis supra *Mercurii* corpus fixatis.

Vulnerariæ istæ potiones quamvis omni ætate in usu fuerint, tamen pauci veterum ex legitimis simplicibus legitime eas confecerunt, sed pro more suo sordidè, & oscitanter paraverunt.

Sciendum quoque huiusmodi potiones, non solum medicamenta, sed alimenta esse, ita eadem ratione licebit cibos vulnerarios parare, scilicet ut ipsa remedia unà cum cibis percoquantur. Verum quia tardius distribuuntur, & ferè ventriculi aliqua imbecillitas subest, omittuntur, nobis sanè non displicet, si ventriculus eas concoquere potest.

Potionum vulnerariarum varietas ex ingredientium diversitate desumitur, cujus generis simplicium ferè centum numero sunt, quorum quinque, vel sex ad unam potionem assumuntur, quorum vires in aliud corpus vinum e. g. traducendæ sunt; ante omnia tamen delectu simplicium opus est, quod alia melius, alia celerius, alia deterius, & alia tardius suam operationem perficiunt.

Est verò, & alius quoque harum potionum usus, quod ingruentibus malis ea occurrant, conservant n. naturale temperamentum, omnemque intemperiem corrigunt, propterea naturam sic alunt, ut plane nihil ipsa melius desideret, quippe absque externis auxiliis curet.

Priusquam tamen potionum formulas præscribamus, simplicia, ex quibus eæ parantur, ordine adnectere placeat, notabimus autem ea saltem, quorum ope omnis generis vulnera, quocumque modo facta, curari possunt.

Achillea. Agrimonia. Alchimilla. Anagallis. Angelicaradix. Aristolochie radix. Betonica. Bistorta radix. Burjapastoris. Buxi folia. Caryophyllata radix. Centaurii majoris radix. China radix. Consolida majoris. Regalis, Saracenica radix. Dictamnus. Enula campanæ radix. Equisetum. Folia rosarum, & Roris marini. Glycyrrhiza. Hedera terrestris. Hypericon. Juniperi bacca. Ligni sancti cortices, & lignum. Lilium convallium. Majorana. Millefolium. Nicotiana. Ophioglossum. Persoliata. Pilsella. Persicaria. Polygonum. Quinquefolia. Rhabarbari. Rhapontici radix. Sabina. Salsaparilla. Salvia. Sanicula. Scolopendria. Scordium. Stellaria. Tanacetum. Telephium. Tormetilla radix. Verbena. Vinca pervinca. Vincetoxicum. Virga aurea.

Præter hæc simplicia vim vulnerariam quoque obtinent herbæ omnes grati odoris, & saporis, quæque cephalica, & stomachica dicuntur, & hanc vim quoque habent *rasura eboris, corni cervi, mumia, sperma ceti, sanguis hirci ad pleuritidem paratus: oculi cancrorum*, de quibus passim mentio fiet.

Plura sunt præter connumerata simplicia, sufficiant tamen ista, atque scire convenit inter jam dicta tria esse, quorum succo epoto, omnia vulnera, ac puncturæ curantur; duo etiam notata esse, quorum utrumque prius aquæ intinctum, si vulnere imponatur, ipsum vulnus prius glutinatur, quam herbæ computrescant; esse & unum ex his, quod ter potum vulnera, omniaque vulnerum symptomata glutinare, & tollere efficax est, sed ista admiranda naturæ cognitio, non nisi laboribus comparatur, estque secretior, quam quæ scriptis publicando sit. Sunt & ex connumeratis quædam, quæ intestinorum vulnera, non aliter quam carnosarum vulnera glutinat.

Modus vulnerariarum potionum antiquorum fuit, in vino decoquere ad tertiæ vini partis evaporationem, qui modus nunc etiam à Medicis vulgariis in decoctionibus cum vino ab ipsis descriptis adamussim observatur, sed toto errant cælo: nam unusquisque qui leviter saltem arte destillatoria est imbutus, scit, quod si vinum destilletur, ejusque pars spiritiosa, & optima, etiam satis lento igne ab eo proliciat, nihil tamen ab eo remanet, præter aquosum, & ingratum, vel nauseosum phlegma, omni virtute, ac sapore vini spoliatum, & sic tali modo potiones concinnantes, vini faciunt jacturam, cum in coctura deperdatur, remanetque phlegma, & inutiles herbarum sæculentiæ sine herbarum balsamo.

Nos potiones vulnerarias in vino parari libenter consuevimus, nam vini spiritus balsamo herbarum imbutus, quia naturæ nostræ familiarissimus est, statim ab illa intus recipitur, celerique motu balsamum tum per universum, tum ad partem vulneratam defert; ac quantum vini spiritus simplex vulneribus obest ob illius sulphuream naturam, tantum herbarum balsamis imbutus, ad illorum integram curationem efficacissimus devenit,

venit. Nos etiam utimur aqua vini spiritu alkoholizato imprægnata, vase optimè clauso, ac etiam simplicia decoquendo, prius tamen per 24. horarum spatium macerari sinimus.

Vinum ergo, in quo potio præparanda est, debet esse album, antiquum, generosum, sed tenue, non crassum, propter quam causam rubrum excluditur: quamvis albo deficiente, rubro uti quoque possumus.

Ponitur huiusmodi vinum in vase aliquo, cui aliquid adæquatè superponi possit; nam herbis in vinum projectis, aliud vas superimponitur, & juncturas farina tritici cum ovi albumine subacta illinimus, ut vini spiritus nullo modo aufugere possit, sed si in vas superius ascendat, iterum decidat. Sic illinitis, & exsiccatis vasorum juncturis, supponitur ignis, qui non sit vehemens, sed tamen æqualis per horæ spatium, post quod ignis à vase subtrahatur, & relinquatur, ut refrigescat: cum frigidum est, aperiatur, & per linteum vinum vulnerarium in aliquod vas mundum percola, leni tantum herbarum expressione, & benè conclusus servetur. Dosis sit ℥. iv. manè jejuno stomacho, & vesperi post cibi digestionem, post tres horas à potione cibus exhiberi potest.

Parati etiam possunt ex viridibus herbis (nam ut plurimum semper siccis utimur) vulnerariæ potiones, si earum succus exprimatur, fermentetur, depuratusque ægris exhibeatur in minori dosi.

Formula potionum sunt.

℥. *Stellaria, alchimilla, dictamni, scordii ana m. j. radic. consolid. mai. m. ℥. tormentilla m. j. ocul. cancr. ℥. ij. ℥. vini alb. ℥. iv. Paretur potio modo supra descripto. Vel*

℥. *Sampuci m. ij. sanicula p. iij. pilosella m. j. telephii m. j. ℥. rad. angelica, & aristolochia ana ℥. j. mumie ℥. i. ℥. Coquantur, ut dictum est. Vel*

℥. *Radic. rhapontici ℥. ij. rhabarbari ℥. iij. hederæ terrestres, persicaria ana m. ij. pyrolæ, vinca pervinca ana m. iij. spermatis ceti ℥. ij. flor. hyperici. p. j. f. decoct. cum vino in duplici vase.*

Potest etiam ex musto vinum vulnerarium parari, si simul cum musto herbæ vulnerariæ contusæ in dolio ponantur, data proportionem decem manipulorum pro quolibet cado, ac simul in dolio effervescente, sive post effervescentiam, ut fieri solet, dolium occludatur, & mense Martii in aliud dolium vinum illud commutetur, additis novis herbis vulnerariis, ita illud conserva, ut cum opus fuerit, de vino illo vulnerato exhibe; nam non minus vulnera curabit, ac supra jam descriptæ potiones per ebullitionem factæ.

Quod si caput vulneratum fuerit, vel vulneratus vinum non biberit, vel ob aliam causam vino uti pro parandis potionibus contenti non eritis: efficacissimas quoque eas cum aqua simplici, vel melius cum aqua stillatitia ex herbis vulnerariis parare poteritis in vase duplici, ut de vino prædiximus, uno tamen discrimine, quod herbæ, quæ in aqua parantur exsiccatae, & in pulverem comminutæ esse debent, cum eæ, quæ in vino ebullierint vel virides, vel exsiccatae sint, parum intersit.

Ad sorem, & odorem in huiusmodi potionibus conciliandum, poteris aromata etiam adjicere, & cum aliis vulnerariis decoquere, vel etiam post factam decoctionem aquæ, vel olei essentialis aromatici parum miscere, ad saporis, & odoris usque gratiam. His potionibus ad maiorem efficaciam comparandam addere possumus post factam decoctionem, sal volatile, vel fixum alicujus herbæ vulnerariæ: formula ergo potiones parandi in aqua talis erit:

℥. *Betonica, majorana, ros incomplet. exsicc. ana ℥. ij. santali rubr. contus. corn. cerv. crud. limat. & rasura eboris ana ℥. j. ℥. aquæ font. ℥. j. ℥. Ponantur omnia in vase duplici, cujus juncturas, ut supra dictum est, illine; suppone illi ignem per integram horam, ut bulliat, frigeat deinde, & aperto vase fiat potio colatura leni expressione, cujus exhibe ℥. iv. eodem modo, quo supra de vino diximus.*

In baccis juniperi magna vis vulneraria inest, undè ex eis specificum vulnerarium, summopere efficax, & à nobis multoties expertum, præparat Paracelsus, cujus formula hæc est.

℥. *Baccar. juniperi contus. ℥. ij. limonii utriusque, periclemi, radic. diapensæ alb. ana m. ℥. ophioglossi m. j. ℥. symphyti, aristolochia ana ℥. ℥. persicariæ ℥. iv.*

Musitani Opera Tom. II.

Destillantur arte chymica, aquæ destillata rursus immergantur herbæ dictæ, tum quoque bacca juniperi cum cinnamomo, & fiat decoctio in vase duplici, ut supra. Dosis ℥. iij.

Efficacissima etiam vulneraria virtus est in floribus aliquorum simplicium, ex quibus potionem sic parabis.

℥. *Flor. spica m. j. hyperici m. iv. flor. verbasci m. ij. flor. betonica, centaurii min. prunella ana m. ℥. fiat decoctio in vino, vel aqua, modo descripto.*

Tandem universale vulnerarium, & admirabile in curandis vulneribus, sic parat Paracelsus per potum, nam nunquam de vulneratorum salute spes erit frustanea:

℥. *Rad. symphyti ℥. ij. aristolochia ℥. iij. calami aromatici ℥. j. ireos ℥. ℥. vincapervinca m. iv. sanicula alb. m. ℥. pennar. extremitatis cauda pavonis ℥. ij. mirrha, mastiches, thuris, mumia ana ℥. ℥. rhabarbari ℥. vj.*

Coquantur in vino, vel aqua destillata, vel succo limonis, vel aqua communi, prout necessitas postulaverit, & eadem dosi exhibeatur.

Hæc de formulis potionum vulnerariarum dicta sufficiant, ex quibus certissima speranda est salus, præcipue in puncturis. Vix n. ullum remedium genus usurpant chirurgi istis potionibus, partim ob negligentiam, partim ob componendi, & parandi inscitiam, in magno usu sunt apud Germanos; non n. in Germania existit vêtula, tonsor, & carnifex, qui non singularem potum vulnerarium non vendit.

Notandum tamen, quod vulnerariarum potionum usus diuturnus esse non debet, quàm usquequod nil amplius vitiosi, nullumque pravum symptoma in vulnere appareat, tum verò ejusmodi potiones in dies minuantur, & tandem penitus intermittantur, imò etiam in aliis vulneribus nunquam ad finem usque continentur, quoniam nimium carnis in vulnere generant, ita ut post sanationem humiditas eo loci promineat, quæ diù perseverat, antequam iterum dispateat: melius itaque est tempestivè portionem talem interrompere, quando nimirum vulnus bona signa edit.

C A P U T X.

De Unguentis Vulnerariis.

CUrandis vulneribus, omni ætate unguenta adhibita esse traditione constat, imò plus veteres unguentorum simplicitate profecerunt, quàm recentiores in debita rerum admittione cum unguentis diversimodè compositis. Antiquitus unguentorum vulnerariorum usus vulgaris erat, atque domesticus, unusquisque domi suæ unguentum vulnerarium parabat, & quovis tempore, quavis hora, qua domesticis vulnus fuisset inflictum, promptum esset medicamen, sprete venali Chirurgorum ope. Interest n. multum ad vulnere tutam, citamque curationem immediatè agere, & inflictum vulnus vulnerarium unguentum, vel oleum adhibere, nam cum horum opus sit spiritus in parte vulnerata conservare, & balsamum radicalem ab aliqua alteratione præservare, juvat multum eorum applicatio, antequam spiritus à parte recedant, & balsamus hebetetur.

Antiquis temporibus ea, quæ corpus dabant ad unguentorum præparationem, duo erant, mel s. & butyrum, ea autem vulgus eo nomine præcipue delegerunt, quod apes, & boves omne florum genus, ac herbarum exugere, & depascere viderent, existimantes (nec sine consilio) iis varias herbarum proprietates communicari. Verum successu temporis cum sophistica medicinam quoque invasisset, isthæc quasi rustica, & nimis simplicia contemni cœperunt, atque eorum loco alia fucata magis, & minus utilia substitui.

Nos verò candidè vos hortamur, hæc ne contemnatis, quæ veteribus in usu fuerunt, ac pseudo-medicorum istorum fucatas compositiones, ut inutiles, aufugere, revocabimus in usum antiquorum unguenta, eorum formulas trademus, quæ si Græcorum & Arabum ingredientia non habeant, eas abjici non velimus, erunt n. illis seduliores, prout utiliores. Sciatis interea, quod, ea quæ corpus constituunt, promiscuè assumere licebit, ut pro melle butyrum, & mel pro butyro; convenientius autem pro floribus mel, & pro herbis butyrum assumere potestis, formula hæc erit:

℞. Butyr. recent. majalis ℔. j. arnoglossæ, limonii utriusque, betæ cum radicibus ana m. j. ophioglossi m. iij. Contundantur, & permisceantur cum butyro, deinde insolentur per menses aliquot, post percolentur, & unguentum servetur ad usum. Vel

℞. Butyr. majalis ℔. iij. rad. symphyt. maj. ℔. j. ophioglossi ℔. j. ℞. intestinor. terræ mundat. ℔. ℞. aristolochiæ recentis ℥. ij. ℞. Contundantur omnia, & fiat pulvicula, quam ad solem, vel infimo digere ad humiditatis separationem, & serva.

Hujusmodi compositiones plures inveniuntur, sed istæ duæ ad quodvis vulneris genus curandum sufficiunt; ut autem diutius à putredine tuta sint unguenta ista, butyrum aliquoties in aqua salsa lavare vel salis modicum toti compositioni adicere convenit.

Eodem modo ex melle, ex ophioglossi, & floribus hyperici unguentum parare poteritis, & tandem sciatis, quod tam cum melle, quam cum butyro, cum solo symphyto majori, vel radice aristolochiæ sufficiens unguentum parare poteritis.

Notatis antiquorum formulis, quæ vos curandi sine non defraudabunt, addemus nunc unguenti mirabilis formulam, à Paracelso inventam, & longo curandi usu mirabilibus experimentis comprobata, illa hæc est:

℞. Rad. symphyti, aristolochiæ, ophiogloss. herbar. utriusque limonii singul. p. m. & virentes eas simul contunde in formam pulvicula, postea affunde vini tantum, ut paululum supernatet. Coque in duplici vase per horas decem, deinde exempta rursus commisce, & percola, ac adjecto melle, vel butyro c. s. mistisque omnibus, iterum bulliant in vase duplici, ut prius, cocta iterum percolentur, ac prælo exprimentur, denique alembico indita insolentur usque ad debitam consistentiam, ac servantur ad usum. Habebis unguentum, in quo multum confidere poteris in magnorum vulnerum magnis difficultatibus.

Insuper admiratione digna est hominum antiquorum in industria indagandis remediis, nam quilibet suarum legionum peculiaria simplicia adhibuerunt. Hinc quidam melle; & butyro relictis, gummiata, & resinam pro unguentorum corporibus receperunt, de quorum formulis vos non defraudabimus. Nobiliores resinæ, quæ existimantur, sunt laricea, & abiegna, ex quibus unguenta parabitur.

℞. Resina laricea ℔. j. album. ovor. num. x. Agitentur bene, ac subigantur, f. ung. colore subflavum cui permisce.

Pulv. rad. symphyt. mai. ℥. ℞. aristolochiæ rotund. ℥. j. farina hordei ℥. vj.

Optimè misceantur omnia, & f. ung. perfectum ad omnia vulnera. Vel

℞. Resina abiegna ℔. j. Liquefcat paulatim, ut purgetur à sordibus, post adice

Medulla vituli parum, radic. symphyt. vel intestinor. terræ tantundem. Vel quantum sufficere videbitur: Contundantur omnia, & permisceantur in mortario calido, deinde vulnere impone.

Ex butyro, melle, & resinis simul mistis unguentum paratur vulnerarium magnatum virium in vulneribus curandis citò, tutò, & jucundè, ut

℞. Butyri majalis non salici ℥. viij. succ. express. betæ, ophioglossi, pyrolæ, saniculæ ana ℥. j. ℞. mellis ℥. iij. Dissolve mel in succis coquendo, & aliquantulum despuma, tum etiam adde butyrum, & coquendo perge donec succi sint absumpti, tunc etiam resinam adice, & coqui permitte, donec in reliquis liquefcat, tum totum per pannum exprime, & asserva in pyxide lapidea probè obligata; si nimium crassescat, temperari poterit momento olei florum hyperici, vel etiam inter coquendum ejus non nihil admisceri. Vel melius:

℞. Unum, vel duos sextarios lumbricorum terrestrium ping. rubicundorum, coque eos in aqua pluviali, donec dissolvantur, tum aquam hanc per pannum exprimendo cola, recipe hujus decocti, & mellis clari recentis ana ℔. ij. coque ea, & despuma diligenter, adde tum sequentes confissas, & in pulvem contusas herbas recentes, nimium.

Pyrolæ, saniculæ, bursa pastoris, symphyti, vinca pervince, & virga auri ana ℥. j. ℞. Repone ea in locum tepidum ad macerandum per dies 8. vel 10. deinde simul coque, donec aquositas exhalando dispareat, ac spissa quedam substantia, seu succus remaneat melle aliquantulum crassior,

quam per pannum transpelle, ut substantia herbacea remaneat, adde tum extracti aloes, myrrh. & olivani cum spiritu vini parati, abstrahendo spiritum vini ad extracti spissitudinem, cujus simul admisce ℥. ij. Hanc misturam probè custodi, tanquam thesaurum vulnerarium, unit n. se facillimè cum vulnere, influitque in illud instar olei, sanat, & præservat à corruptione, estque balsamum etiam intra corpus sumi aptum.

CAPUT XI.

De Oleis, & Balsamis Vulnerariis.

Oleorum usus antiquior est, quam balsami, qui artis chymicæ industria in medicinam fuit introductus, & oleorum compositio faciliior, & simplicior existit, & prima planè fuit, quæ antiquorum usu venit in vulneribus curandis, nam quibusdam unguentorum forma, ac mellis corpus non usque adeò placeret, de commodiori forma remediis cogitarunt, & an oleum facultates florum, radicum, & herbarum, sic quoque combiberet, periculum fecerint: nec sine successu quidem: nam experientia edocti sunt commodius hic, quam illic fieri posse, brevique tantum crevit horum oleorum usus, ut omnia reliqua medicamenta in desuetudinem, ac contemptum venirent. Ubi ea in usum adhibebantur, lavandum prius vino vulnus erat, post infundendum oleum, ac demum deligandum, hujus curandi rationis Christus Dominus in parabola Evangelica de vulnerato, & Samaritano meminit, magno argumento hujus artis antiquitatis, & præstantiæ. Sed hoc fuit oleum balsamolum per artificium ex oleo, & vino paratum, quod vocatur oleum balsamicum Samaritanum, à nobis in Trutina lib. 2. cap. 3. de Empyemate descriptum.

Verùm circa olea communia per solam expressionem facta dicimus, quicquid dicant alii, tutò adhiberi non posse s. vulneribus applicari non debere, non tantum ob unctuositatem viscidam, ratione cujus partibus nervosis sunt inimica, sed præterea etiam, quia in se habent acidum occultum satis potens, quod corruptionem balsami naturalis insigniter promoveret.

Posterioribus sæculis, Chymistæ cum destillatis oleis plusquam simplicibus tribuendum putarunt, rejectis artificiosam præparationem balsami nomine appellarunt, cui sine dubio plus virium tribuendum est, quam simplicibus oleis.

Notare tamen debemus, quod ad faciliorem oleorum simplicium destillationem, ex contusis lateribus illa chymistæ destillare solent, undè oleum de lateribus, sive laterinum nomen desumpsit; hoc tamen oleum non est omnino probandum, cum multum empyreuma redoleat.

Itaque hujus formæ remediorum quatuor sunt differentiæ, oleum s. simplex, & sine ullo additamento, destillatum. Item terebinthina simplex, & terebinthina destillata; nos singularum specierum quasdam formulas selectiores exempli causa adnotabimus.

Oleum vulnerarium mirabile.

℞. Ol. comm. ver. & laudati ℔. j. flor. camomill. ros. rubr. prunellæ ana m. j. flor. hyperic. m. iij. flor. centaur. chelidonii ana m. ℞. mista omnia ponantur ad solem per duos menses.

Hoc oleo, seu balsamo mira præstantur in vulneribus præter omnem dolorem, imò cum sedatione doloris, si adsit. Poteritis sequenti anno eosdem flores in eodem oleo denuò macerare, & habebitis medicamentum nunquam satis laudatum.

Aliud oleum aliquo modo efficacius:

℞. Herbar. ophiogloss. limonii minoris, agrimonie, saniculæ ana m. j. flor. hyperic. m. ij. rad. symphyti m. ℞. Verm. terrest. mund. num. centum, ol. q. s. Ut superemineat pro maceratione omnium, ponantur ad solem per duos menses, & utere ut supra.

Possunt his oleis imponi quoque mumia, mastiche, thus & myrrha, sed in istis modis servandus est; non n. facile oleo conjunguntur, si verò flores, maximæ facultatis sunt flores hyperici.

Notare quoque potestis, quod semina dictorum simplicium vulnerariorum, si hyeme contundantur, & in dictis oleis infundantur, multam dictorum oleorum efficaciam adaugent.

Eodem

Eodem modo, quo de oleis diximus, terebinthina uti potestis, verum quia terebinthina viscosum habet corpus, & non ut oleum diffunditur, conjungenda sunt simul hæc duo, & habebitis magnum arcanum in vulneribus curandis, quod hodiè apud Principes delitescit formula hæc est:

℞. Ol. oliv. ℥. j. ꝑ. terebinthina ꝑ. iv. flor. hyperic. q. ꝑ. ad implendum flor. verbasci part. tertiam. Ad flores hyperici, vini alb. generosi ℥. iij. Coquantur omnia ad consumptionem vini lentissimo igne, postea per duos menses ponantur ad solem, & utere hoc balsamo; nunquam sine mirando successu utimini.

Modus, quo balsama destillata conficiatis, ut efficaciora, est, ut tam oleum olivarum, quam terebinthinam, sive separatim, sive conjunctim in retorta vitrea ponatis, quam non ultra medietatem implebitis. In oleo deinde destillato flores insolare potestis modo, quò suprà. Sic per florum additamentum balsamum destillatur, excedentem subtilitatem amittit, magnam vim vulneratiam acquirit. Estque penetrantius, eo quòd ex simplici oleo paratur, & adaptato vase recipiente, placido igne destillationem promovebitis. Verum efficaciora reddetis balsama, si simplicia vulnerata addetis, digeretisque, & deinde per retortam evocabitis, vel si hoc modo per infusionem parabitur, ut

℞. Ligni aloes, caryophyllor. bacc. juniperi, gummi hedera, dictamni alb. zedoaria, cardamomi, galangæ, nucis mosch. consolidæ minoris, baccar. lauri ana ꝑ. j. cinnam., benzoini, consolidæ maj. dictamni Cretensis ana ꝑ. ij. galbani, thuris, hyperici, card. benedicti, myrrha ana ꝑ. iij. gummi Arabici, ol. laurini, millefolii, vernicis liquidæ ꝑ. iv. resina pini ꝑ. vj. terebinthina ℥. j. granor. chermes ꝑ. ꝑ. croci ꝑ. iij. ambra, & moschi ana ꝑ. ij. spiritus vini opt. ℥. vj.

Contundantur contundenda, atque omnia indantur in retortam vitream, seu cucurbitam, & vase clauso digerantur octo, vel novem diebus, postea lento igne cinerum, sive arena destillentur.

Primo destillabit spiritus, qui est omnium efficacissimus, & apparet aquæ pellucidæ instar, deinde egreditur oleum limpidum, atque ultimò stillat oleum obscurum, quod sapit empyreuma, postremum hoc oleum minoris est efficacitæ. In vulneribus, & potissimum capitis utimur aqua, cujus duas, vel tres guttas in vulnus immittimus; oleo autem inunguntur partes vulneri circumjacentes, quod etiam habet rationem defensivi.

Sed nonnulli malunt uti altera descriptione balsami artificialis, quæ quidem compendiosior est, & pauca impensa comparatur; & opportunior est, quotiescumque febris adfuerit, ejus autem descriptio ita se habet.

℞. Aquæ ardentis opt. ℥. vj. terebinthina ℥. ij. & ꝑ. iv. album. ovor. ad duritiem coctior. num. xxiv. myrrha, sarcocolla, vitrioli, thuris, picis navalis, resina pini, aloes ana ꝑ. ij. sang. drac. salis nitri ana ꝑ. j. croci ꝑ. iij. Destillantur, ut suprà.

C A P U T XII.

De Medicamentis vulnera mundificantibus.

Aliquandò aliquod excrementum in vulneribus producit à natura, dum balsamicis adjuvantur, ut nihil præter excrementi illius expurgationem, & mundificationem ad curationis complementum deesse videatur, de hoc quoque pauca admonete forsitan non inutile fuerit. Videmus n. canes, Lingendo vulnera sua curare, nulla alia ratione, quam quod ea expurgent, quos imitati prisca homines vulnera sua, manuum præcipue, frequenti linctu pulchre curarunt, & Psylli Lybia populi apud Plutarchum Lingua vulnera lingebant, & ab eis quicquid mali inerat, ore sugebant, in idem scribit: *Catonem iter per desertam Lybia facientem, secum Psyllos duxisse, qui morsibus serpentum mederentur, partim ore Venenum trahentes, partim serpentes cantibus mitigantes.* Verum successu temporis, delicatiores facti, à linctu abhorruere, ac urina vulnera lavare cœperunt, sicque carnosa vulnera faciliter curabant, ut apud Galenum legimus, sed quia fetorem vulneribus conciliabat, & frequentem deligationem requirebat, pigritia ducti hanc reliquerunt, & ad vinum confugerunt, quod etiam si non contemnendum esset, tamen in magnis vulneri-

Musjani Opera Tom. II.

bus sufficere non poterat; tandem ad aquam salis progressi, eam utiliter tum hominibus, tum bestiis adhibuerunt: sed in ejus locum succedere sequentia mundificativa.

Primò in vino decoxere aliquas herbas vulnerarias; modico salis adjecto, eoque decocto, vulnus ipsum laverunt, tandemque emplastri loco favos mellis contusos imposuere.

Alii aluminata aqua, adjecto pauco vitriolo, vulnera curarunt, quidam succo plantaginis, & chelidonii, pauco sale adjecto. *Arabum* vulgus sale cum melle ad vulnera sananda utitur. Ex dictis remediis etiam si curationes tardæ fiant, tamen quia periculo omninò vacant, vulgo gratiores existunt. Sunt & alia, quæ secretiore quadam natura vulnera expurgandi prædita sunt, uti Persicaria, quæ si in aqua lota vulneri imponatur, ipsum sanat ex insita salis facultate.

Hujusmodi vilia remedia videntur, viles tamen operationes non habent, sed plus istis efficeris quandoque, quam magnificis illis, ac prolixis medicorum formulis; Hujus tamen vos meminisse volumus, hoc capite notatam curandi rationem, in iis tantum vulneribus sufficere, in quibus nulla graviora symptomata ægros molestant, vel quæ non nimis magna sunt, nisi forsitan æger optima sit corporis constitutione.

C A P U T XIII.

De Emplastris Vulnerariis.

Experientia docuit, quòd oleis, & unguentis vulnerariis apposis, præstantius est emplastrum superponere, quam alio modo deligare; emplastris n. prohibetur omnibus externis in vulnus aditus, spiritus conservantur, & balsamo gummatum emplastrum componentium recreantur.

Antiquis mirabilia emplastra cognita fuere, & continua experientia comprobata, Medicorum deinde aviditate, & lucri cupidine suppressa, & à chirurgia ablegata; hoc est nostris temporibus in arte, & professione medendi institutum, ut remedia certa, quæ infallibili eventu effectum producant, passim à Medicis excludantur, vituperentur, & ab iis tanquam à veneno fugiendum credulæ humanitati suadent; etenim hodiè lucto, & utilitati propriæ, non autem infirmorum consulunt Medici: emplastra ergò ab antiquis reperta, & experta, si à Medicis relicta fuere, apud quosdam pro secretis maximis conservata sunt, & ex illis aliqua propalabimus.

Sed prius sciendum est, quod omnium emplastrorum materia constituitur ex cera, colophonia, terebinthina, & ex gummosis resinis; harum n. rerum tenax viscositas pulveres vulnerarios imbibit, conservat, ita ut vulneratis partibus imposita balsamum, & efficaciam illorum ministrent, procurandum tamen est, ut omnia gummata, quæ emplastra ingrediuntur, sint omnino à fordibus, quas continent, expurgata, alias enim emplastra inutilia reddunt, sit hoc, impura gummata in aceto ferventi dissolvendo, ac per manicam trajiciendo forti expressione; ita enim quod purum est in illis tantum habebitur, nam acetum per coctionem evaporatur.

Pulveres verò emplastra ingredientis varii sunt, ut lithargyrium, cerussa, crocus Martis, squama aris, minium, magnes, & Sarcotici, quos vocant, thuris, mastiches, myrrha &c. hi, ut laudabile constituent emplastrum, tenuissimi sunt, necesse est, & per setam trajecti.

His cognitis, formulas emplastrorum trademus, & præcipue illius, quod *stipticum* vocant ad vulnere curatiorem efficacissimum.

℞. Minii, calaminaris ana ℥. ꝑ. lithargyr. auri, & argenti ana ꝑ. iij. ol. lini: olivarum ana ℥. j. ꝑ. lauri ℥. ꝑ. cera, colophonie ana ℥. j. Vernicis, terebinthina ana ℥. ꝑ. opoponacis, galbani, serapini, ammoniaci, bdellii ana ꝑ. iij. succini citrini, olibani, myrrha Alexandrina, aloes hepatica, aristolochia longa, & rotunda ana ꝑ. j. mumie transmarina, magnetis, hematitidis ana ꝑ. j. ꝑ. corall. rubr. & alborum, matris perlar. sang. drac. terre medicatæ strigensis i. sigillata, vitrioli albi ana ꝑ. j. flor. antimonii, croci martis ana ꝑ. ij. camph. ꝑ. j. Modus parandi talis est:

Gummata quinque in aceto macerata, & cocta exprimantur per linteum crassum, his repetendo cocturam: postea super lentum calorem in munda sartagine usque ad consistentiam mediocrem inspissentur. Oleum lini, & olivarum imponatur alteri sartagini, & addatur lithargyrium auri, & argenti, coquantur agitando, donec oleum coloretur, hinc addatur calaminaris, & paulo post minimum, omnia illa agitando, coquantur simul ad sufficientiam, cujus indicium erit, si supra unguem gutta concresecat, & condensetur, neque amplius diffusetur. Tandem etiam addatur circa finem Vernix, oleum Laurinum, cera, colophonia: omnibus bene invicem mistis, & liquefactis, & ab igne sepositis, postea da operam, ut sartago cum gummatis paulatim calefiat, & successive affunde liquorem à secunda sartagine gummatis diligentissime agitatione incorporando, supra lentissimum calorem, cavendo, ne bulliat, alioquin gummata in grumos coeunt, & oleo difficulter miscentur; postmodum agitando addantur pulveres, & diligenter per horam omnia commoveantur: Ultimo camphora resoluta in oleo juniperino addatur; si forte nimis durum esset, jungatur adhuc aliquid cera, & colophonia. Tum demum ab igne deponitur, ac manibus (oleo chamamelino, rosarum, juniperino, lumbricorum, hypericonis ana quantum satis misto) perunctis, pinseri, ac instar malagmatis subigere convenit. Serveretur ad usum, efformatis indè prius magdaleonibus alutæ includendis.

Insignium virium ad vulnera curanda est emplastrum Oppoteldoch Paracelsi, cujus descriptio talis est.

℞. Galbani, opoponacis ana ℥. iij. ammoniaci, bdellii ana ℥. j. Macerentur per dies octo, vel plures in aceto destillato, cola, & tandem inspissa leniter ad mellis consistentiam, deinde

℞. Lithargyr. tenuiss. pulveriz. ℔. ℥. olei comm. ℔. j. ℥. Coque lento igne, & continue move cum spatula, donec spadiceum colorem contrahat; adde

Cera ℔. j.

Qua liquefacta, immisce etiam superiora gummata, & paulo post

Olei Laurini ℥. iij.

Move diligentissime, donec nimirum omnia exactissime fuerint mista. Remove ab igne, & extremò adde hos pulveres tenuissime tritos.

℞. Croci martis, mumia transmarina, magnetis præp. magisterii corall. alb. & rubr. ana ℥. ℥. lapidis calaminaris præp. myrrha rub. thuris masculi, mastiches, rad. aristoloch. rotunda ana ℥. ij. Hos pulveres infunde in liquefactum emplastrum, non confertim, sed pedetentim, & provide diligenter, ut omnia coeant. Postremo omnium

℞. Pulv. succini ℥. j. olei laurini ℥. j. terebinthina ℥. ℥. m. & liquefact. seorsim, Solve in eodem camphora ℥. j. & tandem croci orient. pulv. ℥. ℥. Hanc solutionem seorsim factam cum emplastro calido m. idque fiat prudenter, ut nimirum omnia per minima quasi conjungantur. Exinde fac magdaleones, malaxando nimirum cum oleo hypericonis, & serva.

Et jam habetis duorum emplastrorum principalissimorum componendi formulas; cætera de ulceribus tradidimus, & passim tradentur, quæ nunquam vos in curando deferent, eò magis si vestris manibus illa componatis, sprete seplasiarum impostoria opera.

C A P U T XIV.

De Pulveribus Vulnera agglutinantibus.

IN curandis vulneribus non uno modo, sed pluribus Chirurgus indiget, nam multoties, vel ratione loci, vel temporis, vel ratione vulnerati, unus curandi modus exerceri non potest, ac tunc alio cura suppleri debet; præterea præter unguenta, olea, emplastra, traumaticos pulveres adinvenere, qui celerius sanant, quam reliqua jam tradita remedia; enimvero potiones vulnerariæ; unguenta, olea, & emplastra, quia curam à fundo vulneris, promovent, tempore indigent, ut usque ad extrema labia sensim illam producant, sed traumatici pulveres eodem instanti agglutinationem per integram vulneris longitudinem inducunt, quippe eorum actio adstringens mirabiliter, radicalem, seu naturalem balsamum ad unionem promover.

Pulveres isti in triplici differentia sunt, vel n. ob siccitatem constringunt, ut bolus armenus, vel alia de cau-

sa, ut acacia, idest succus prunorum agrestium immaturorum: adstringunt, vel glutinis instar conjungunt vulnerum labia, ut tragachantum; miscentur hæc cum aliis rebus, quæ naturalem balsamum promovent, tales itaque erunt talium pulverum formulæ:

℞. Boli Armeni veri ℥. ij. Dissolvantur in aquæ aluminis q. s. destilletur deinde, alia superfundatur aqua, denuò elambicetur, itereturque toties, quousque bolus veluti oleum fluat, tunc exsicceetur ad solem, & f. pulvis, cui adde

Thuris pulv. ℥. j. mumia ℥. ij. m. per minima.

Hoc pulvere bis in die vulnus insperge, superimponere emplastrum stipticum, & admiraberis effectum, nam non solum statim vulnus agglutinat, sed symptomata averrit, idem præstat oleum Saturni, oleum de croco martis, de ære usto. Alius hic erit:

℞. Acacia, succ. gallar. immatur. ana p. æ. Coquantur ad consistentiam electuarii, post insperge pulv. radic. symphyti majoris octavam partem, coquantur in aqua aluminis, demum ad solem exsiccentur f. pulvis, quo utere ponendo super emplastro stiptico, nam aliàs symptomata supervenient, quæ à pulvere præcaveri non possunt. Alius paratu facilior:

℞. Thuris, myrrha, mastiches ana ℥. ℥. corall. rub. ℥. ij. aloes hepatica ℥. ij. m. f. pulvis.

In horum pulverum applicatione exacta diæta necessaria est, ut ad vulnus nullus superfluous fluxus fiat; sciat tamen hujusmodi pulveres, non adeò rutos experiri in vulneribus compositis, prout simplicibus, nam composita semper aliquod habent, quod non adeò celerem vulneris agglutinationem desiderat; nam ubi complicatio accidentium est, nisi aperto vulnere curentur, periculum superest, ne pejora adveniant ex in tempestiva agglutinatione.

C A P U T XV.

De Delectu, & mutatione medicamentorum in Vulneris curatione.

CHirurgi judicium theoricum fallax esse potest in medicamentorum electione, nisi itaque non solum suo judicio debet, sed experientia si à medicamento applicatione ea utilitas eveniat, quæ à Medico expectatur; nam si ab applicatione medicamento vulnus non solum in melius, sed in deterius abeat, in tali medicamento persistere Medico non convenit, sed ad aliud est illi transeundum; ut verò in hoc Chirurgus non erret, aliquas trademus regulas.

Primo, si à remedii applicatione præter expectationem dolor exciteretur, vel augeatur, statim tale remedium est auferendum; & aliud applicandum, dummodo à ligatura, vel ab aliqua alia causa dolor non eveniat, enim verò sedulo ab omni Chirurgo procurandum est, ut dolor non solum non provocetur, sed si adsit, sedetur.

Secundo, si pus cum fœtore in vulnere producat, id à remedii efficacia produci credendum est, quod si acciderit, in eo persistendum non erit, sed ad aliud efficacius transeundum.

Tertio, si in deterius ex applicato medicamento vulnus abire conspicimus, ad aliud transeundum esse ratio ipsa suadet unicuique, à juvantibus enim, & nocentibus medendi regula pender.

Præterea universale hoc in vulnerum curatione advertite documentum, sc. quod in omni remediorum formula, ea, quæ vulnere adversari videntur, removeantur; atque si refrigeratione vulnus opus habebit, refrigerantia ipsi remedio admiscenda, & sic de aliis circumstantiis, quas ipsa docet praxis, cujus omnis conatus erit tria procurare; primo, ægri cum medicamento convenienti; Secundo, deligandi tempus & ratio respectu materiæ, quæ in vulnere producit; Tertio, puris, fœtoris, doloris, & similium præcautio, quæ omnia in aliis oleis, unguentis, emplastris, porionibus, balsamis, aliis sublimatis, vel destillatis obtinebis. Unum restat notandum, si in profundioribus punctationibus, ac vulneribus pus colligatur, lavamento illud expurgandum esse parato sc. ex vino, myrrha, & sale coctis in vase duplici, ac per syringam injecto autem lavamento, vulneratum membrum primum æger habebit, ut pus effluere possit, ne interiora rodatur.

CAPUT XVI.

De Extraneis è Vulneribus extrahendis.

IMpossibile est vulnera consolidari posse, si extranea, quæ in eis hæserint, non auferantur, quia hæc caniculorum cunctationem impediunt; verum hoc opus Chirurgum peritum, exercitatum, & experientia comprobatum exigit, sæpius miseri ægri cum vitæ dispendio Chirurgos experiuntur, qui quinque aut sex mensium spatium in *Nosocomiis*, vel circa vilia servientes, vel illic adventantes, à rudioribus se magistris proximè docti, in chirurgorum catalogum adscribuntur, & quia artem non callent, nulla ratione, nullaque experientia suffulti, innumerabiles, & gravissimos patrant errores, ægros miserè torquentes, ideòque experientia constat, plura à chirurgorum manibus, quàm ab hostium mucronibus patrari funera. Hoc modo errantes bardi chirurgi in perquirendis auferendisque extraneis, nec non in membris impiè tractandis statim vulnera ampliant specillis, digitisque, nulla habita de parte, deque totius corporis habitu animadversione, pervestigando, movendo, lacerando, secando, pungendo, contundendo, comprimendoque, inflammationes excitantur, sanguinis fluxus concitatur, dolores ingentes inducuntur, & diversa alia symptomata, ac morbi, quæ omnia sæpius curationem ad se trahunt, producantur, unde principalem ferè affectum spernere cogimur: quod non contingeret, si optimis chirurgis committerentur, vel naturæ saltem beneficio relinquerentur. Censemus propterea neque omne vulnus ampliandum, nec omnia extranea removenda, nec opposita parte semper aperiendum, ut plures indies facere videamus. Sed quæ, quando, & quomodo isthæc præstare oportet, dicemus.

Chirurgus itaque ob omni vulneris ampliatione caveat, & si lymphæ hæreat, vel sanguis fluens. Si ibi in cavitate coaguletur, expressione, suctione, siphone, vel aliis modis auferatur, ut minùs ibi puris generetur, & minor symptomatum copia superveniat. At verò quamdiu hæmorrhagia timetur, sanguis coagulatus omnis ex vulnere eximi non debet. Quando pili sunt circa vulnus, tonsura tollantur, & omnis spurcicies amoveatur. Si arena, vel frustula vitri minutissima, vel lianorum furculi, vel festinæ, aut simile quid intra vulneris labia hæreat, aut vino calido, rubro, & generoso detergendum, aut linteis mollioribus abstergendum, aut vossellis, similibusque instrumentis aptis tollendum est.

In telorum, globulorum, sagittarum, aliorumque instrumentorum lædentium remotione, ante omnia meditandum est, an post eorum extractionem aliqua vitæ spes supersit, nec ne. Si n. nulla superest, horum extractio potius non tentanda est, ne chirurgus ægro mortem accelerasse videatur, cum experientia testetur, quòd hi per unam, vel alteram horam, ac diem supervivere possint, qui inter extrahendum aliàs expirarent. Sin verò spes aliqua convalescentiæ effulgeat, statim ab inflicto vulnere, antequam inflammatione, atque tumore membrum corripatur, extrahantur extranea arte nunc variis instrumentis, rostro corvino, gruino, ciconiæ, & simili, nunc verò obscurè, & profundè situata, quæ nec manu, nec instrumentis extrahi queunt, vel suppurationis beneficio successivè foras ejiciuntur cum pure, vel medicamentis vi præditis eximuntur. Verùm quia omne extraneum, peregrinum, & non vitæ naturæ est inimicum, idque ed plus, quòd facilis, & ipsum etherogeneum est alterabile, aut corruptibile: hinc scopetorum globuli præ aliis externis commodius relinqui possunt in corpore, si ossi hæreant, si vel saltem in partibus musculosis lateant. Hi globuli facilius in corpore retineri possunt, ex eo quia nullam inferunt alterationem parti, nisi quod pondere istam gravent: alias verò ipsi globuli nec alterantur, nec ullo modo corrumpuntur, utut tandem ipsi globuli proprio pondere successivè deorsum, & extrorsum ferantur, atque ita à provida natura excludantur.

Tandem pro telorum extractione duplex est modus, unus quidem per attractionem, alter verò per protrusionem, seu impulsione, quæ ambæ indicationes ex telorum forma petuntur, nam ubi teretes, & oblongæ telorum formæ sunt, per attractionem ea eximuntur: ubi verò hamis prædita tela fuerint, quæ vulgò barbata vo-

cantur, quia quo pacto ea rectè extrahuntur nondum inventum est, per impulsione ea protrudere in adversam partem cogimur.

Præter extractionem, vel protrusionem sunt multa medicamenta in quibus urgens vis attractiva infixæ tela extrahere solet, hujusmodi sunt *pinguedo leporis*, quæ quorundam chirurgorum arcanissimum, siue sola, siue cum emplastro de betonica, vel ex eadem pinguedine cum *gummi Arabico* fac *emplastrum*. Item eadem pinguedo cum *dictamno cretico*. Vel

℞. *Oculor. cancr. viv. pingued. leporin. ana* ℥. ℞. *succini alb.* ℥. iij. m.

Vel sequens emplastrum, quod pro magno secreto haberi debet:

℞. *Cera mollita* ℔. j. *visci querc.* ℥. iij. *mumia ex cruribus* ℥. ij. ℞. *pulv. parthenion. chelidon. ana* ℥. j. ℞. f. indè *emplastrum*.

Vel sequens emplastrum attractivum impositum applicari potest, quod magnarum virium est:

℞. *Resina abjetis* ℥. iij. *cerasor.* ℥. j. *axungia leporina* ℥. iij. *magnetis* ℥. j. ℞. *sem. canabis recent. thuris alb. ana* ℥. ℞. *succini* ℥. iij. *camphora* ℥. j. *cera* ℥. iv.

Cera primò in sartagine liquefiat, tum etiam *axungia*, immitte cetera pulverizata successivè, donec fiat *ceratum* iusta consistentia, quod panno superinductum vulnere impone, donec fixum extrahatur. Ad idem valet *emplastrum stipticum*, & *Oppoteldoch*.

Virtus hæc quoque in oleo communi latet, si in eo madefactis quatuor petiis vulnere successivè una alteri superponatur, relinquantur deindè per viginti quatuor horas, nam multoties sub petia ultima telorum reliquiæ, & globuli extracti inveniuntur.

Adverte tamen, quod talis operatio extractionis telorum, & globulorum à dictis remediis fieri possunt, quoties tela, & globuli lateant sub regione vulneris, nam si ultra vulneris regionem penetraverint, extractio per dicta media erit impossibilis, intelligitur hoc e. g. si globulus, perfossis abdominis musculis, intra cavitatem abdominis fuerit receptus, vel si fracto osse in opposita carne resederit, in istis casibus vana erit quælibet applicatio, quæ in exterioris vulneris labiis fit, ex eo quia medicamenti actio non cadit in telum, seu globulum, sed in fibras, quæ telum, & globulum continent.

Post rerum infixarum extractionem, omnis intentio sit profluvium sanguinis magnorum vulnorum sistendi, alias non modo vulneris sanatio, verùm etiam sauciati supervivatio sperari nequit.

CAPUT XVII.

De sistendo Vulneratorum sanguine.

SI vena, vel arteria saucietur, confestim è vulnere sanguis profluit, & hæmorrhagiam constituit, certè periculosum, si quod aliud, symptoma, & reliquis viam aperit; si n. hic vitæ balsamus, & thesaurus, sanguis nimia copia effundatur, restans vix par est coercendis reliquis succis, ut metuendum sit, ne pars sauciata tandem emoriatur, & ex non lethali, lethale fiat vulnus, ut quotidie accidere observamus.

Arteriarum quidem vulneratio, hæmorrhagiam subalientem fundit, sanguinemque tenuem, & flavescensem; venarum verò obscurius rubentem, & uniformiter, crassiusque profluentem, quòd uberius autem sanguis emanat, eò majorem alicujus vasis sanguinis, nempe arteriæ, vel venæ factam fuisse læsionem conjiciendum est, eòque celerius sistatur necesse, cum sanguine n. vires, & ipsa vita deperduntur.

In sistendo autem sanguine ante omnia ægri constitutionem, naturam, venarum, arteriarumque situm, tempus, horam, vulneris dispositionem &c. considerabit chirurgus, nam si in sano corpore, quantò magis in ægro contemplanda erunt: siquidem quandòque contingit, ut hujusmodi fluxum sistere impossibile sit, quòd si quis eum nimis citò suppressere conetur, symptomata fortassè accerset, ut inflammationem, erysipelas, cœtera hæmorrhagiæ longè graviora; iusto verò tardior cohibitio virium lapsus, & lipothymiam affert, quamobrem in istis casibus naturalis virtus spectanda erit, commune itaque axioma Medico observandum est, quòd *sublata causa, tollatur effectus*, quare si ex ira, vel Venere hæmorrhagiæ

concitata sit, cum huiusmodi dispositionis natura remedia respiciet, iracundiam, & appetitum prius sedare necesse habemus; si motus causa sit, quies, si repletio, inanitio imperanda est, sicque contraria dispositio semper inducenda. Vulnere vero sanguinem profundente, ubi ista mala non adsunt, sistere ipsum licebit, nec tamen prius, quam iustam sanguinis copiam profuderit, & quanta esse debeat, vulnerati conditio te docebit, & ut summatim dicamus, quomodo, & quando sanguis sistendus sit, sciat, quod proposita antea medicamenta id vos docebunt, enim vero appposito ad vulnus oleo, unguento, vel emplastro siptico, si sanguis ulterius fluat, signum est illum utiliter fluere; si vero cessat, signum est, quod importune fluebat, itaque ad illa medicamenta te remittas.

Accidit quoque non raro, ubi corpus plethoricum est, non prius sanguinem sisti, quam plenitudo ad vasa evacuat sit; item in calidiori temperatura idem quandoque accidit, in his casibus suppressere nec difficile, nec periculosum est, quod si tamen succedat, aliquatenus exprimere oportet, donec color sanguinis, & vultus alteretur; ubi vero majora vasa sunt pertusa, aut vulneratus admodum debilis est, vel magna habet vulnera, aut animi deliquium minatur, in his casibus nulla in cohibendo sanguine mora nectatur. Ante omnia vero membra calida servare, & ambientem frigidam evitare, semperque emplastro siptico tectum servare vulnus convenit; ipsum n. & symptomata praeavere, & sanguinem, ut facile sistatur, temperare, efficax est. Notandum quoque si casu Varices, aut intortæ venæ aperiantur, nil admodum de sistendo sanguine cogitandum esse, quod huiusmodi evacuatione plurimum pravorum humorum natura deponat. Cæterum præter emplastrum sipticum, quod vobis in sanguine sistendo summo opere commendamus: si ulterius necessitas urgeat, sequentibus uti poteritis. Simplicia sunt *crepitus lupi*, fungus hoc nomine insignitus, vasi læso applicatus, *crocus Martis reverberatus*, & subtilissime pulverizatus, *pili leporini*, & præcipue *sub cauda*, *usnea*, *cinis ranarum*, *cancris combusti*, *albumen ovi*, *lapis hematites*, *pulvis radicum symphyti majoris*, *gypsum*, *sarcocolla*, *vitriolum crudum*, vel *terra exanimata vitrioli*, *fuligo camini*, *terra sigillata*, *mumia*, *sanguis draconis*, & alia, quæ nullam acredinem, & corrosionem in se habent. Verum observandum est de omnibus hoc etiam, quod talia, quæ hæmorrhagiam in vasis maioribus læsis sistunt, ipsi læsionis loco arctè sunt imponenda, aliàs n. nihil juvant, esto totum vulnus talibus repleatur.

Sunt, & alia medicamenta composita, quæ hæmorrhagiam in vulneribus sistendis vim habent, ut

℞. Sang. ovilli exsiccati ℥. v. croci martis subtiliss. hematit. præp. gumm. tragacant. ana ℥. j. Fiat ex omnibus pulvis impalpabilis probe invicem mistus, & utere. Vel

℞. Pulv. radic. symphyt. maj. ℥. iij. vitrioli alb. crudi, & sarcocollæ ana ℥. ℥. croci martis, & fulig. camini ana ℥. ij. cancr. combustor. ℥. vj. gypsi ℥. j. terra sigillata ℥. ij. ℥. lapid. hematit. præp. ℥. j. ℥. sang. drac. ℥. iij. m. f. pulv. subtiliss.

Item *fuligo furni cum ovalbumine subacta*, & applicata vulneris hæmorrhagiam sistit. *Colchotar etiam cum ovi albumine mistum* in linimento implicatum, vulneribus applicatum optimum sæpe parti effectum. Verum *spiritus vini* hæmorrhagiam compescit. Tandem vulnere hæmorrhagia tot habet medicamina, quæ describere non tantum laboriosum, verum etiam tædiosum esset, nec adest chirurgulus, qui peculiare hic non jactet arcanum, & multoties vulneratios, læso quocumque gravius vase sanguifero, omnem sanguinem, cum vita fundere necesse est.

Quidam vasis situm sanguinem fundentis prius accuratè explorant, deinde arteriæ vel venæ Labia digito comprimunt, ut impetuosior sanguinis effluxus retardetur; Verum non negamus compressionem talem digiti factam plura sæpius præstitisse, quam alia siptica, iis præsertim in casibus, ubi vas sauciatur non adeo profundè delituit. Quando vero plura vasa fuerint dilacerata, unius hominis digiti impates erunt forminulis illis, & rivulis obturandis, atque occludendis, adeoque efficaciora hic requiruntur remedia, & quidem superius dicta.

Si incompefcilis sit hæmorrhagia, & nullo medicamento sisti possit, nullum aliud sistendi remedium superest, quam

ignis, actualis, vel potentialis; ignis namque actualis, si vasorum orificiis admoveatur, sanguinem, & carnem ita adurit, ut veluti aggere facto, sanguinis effluxus cohibeatur. Cantheria namque actualia ignita carnem crispant, & corrugant, atque crustam inducunt, quod certè remedium inter extrema plures connumerant, modò cum prudentia, & exercitato administratur chirurgus. Cæterum hoc remedii genus timoris, & periculi penum absque affectu adhibitum vidimus, imò propter gravia symptomata in magnum periculum conjicitur vulneratus, item quoniam decedente eschara, nihilominus sæpius nova supervenit hæmorrhagia. Trior est ignis potentialis, sed non qui aciditatem sapiat, ut vitriolum ad albedinem calcinatum cum gossypio applicatum, vel cum crepitu lupi permixtum, sed cavendum est, ne pateat nervus, vel tendo insignior in vulnere, ad quem vis vitrioli corrosiva perveniat, & ita peticulosissima inducat symptomata.

In arteriarum puncturis minoribus applicatur pilula de laudano opiato. Quibusdam secretum est ad venatum, & arteriarum resectarum hæmorrhagiam:

℞. Aceti vini fortissimi ℥. j. croci martis ℥. j. colchotar. s. terre vitrioli dulc. ℥. ℥. m.

Sed in arteriarum vulneribus cujuscumque conditionis optimum est *aquam arterialem*, unde nomen desumpsit, adhibere, quam nos descripsimus *Tomo I. de Tumoribus cap. 15. De Aneurismate*. Neque interim contemnenda erit cœlestis operatio, quæ characteribus perficitur, quam in externis quoque tentare licebit. Observandum & illud est, si dum sistitur sanguis, ad interiora confluit, statim à proposito discedendum esse, ne forsan abscessu, aliaque mala circa interiora fiant.

Accidere solent quandoque mulieribus menstruantibus vulnera, & tunc sanguis menstruus non per loca consueta, sed per vulneris sium effluit, imò horribilia excitantur symptomata, ut uteri suffocatio epilepsia, convulsio, paralytis &c. quæ vulnera sæviunt, nec hæc in menstruante cessant, nisi remediis uteri sororem sedantibus, & uteri perfecta adhibeatur curatio.

C A P U T XVIII.

De Vulneratorum phlebotomia, & cathartico.

Duo præsidia universalialia phlebotomiam nempe, & catharticum magnoperè in corpore vulnerato commendant vulgares, imò necessariissima existimant, ne sanguis abundans, vel humores vitiosi in corpore cumulari, vulneris occasione ad partem affectam ruant, & varia excitent mala. Dant igitur operam, ut sanguinis, & humorum affluxus ad partem vulneratam præcaveatur, id venæ sectione, vel purgante medicamento perficiunt.

Venæ sectio facienda est in omnibus vulneribus, & præsertim in magnis, in quibus ob dolorem sanguinis affluxus metuitur, ubi etiam in corpore non adeo abundet. Unde *Hip. in lib. de articulis*, in costæ collisione sanguinem è cubito detrahit, ubi *Galenus* in com. addit: *Etiam si in corpore non redundet, in huiusmodi plagis ad venæ sectionem deveniendum est. Ut autem venæ sectio non solum evacuationem, sed & revulsionem præstet, in longinqua; & contraria parte venæ aperienda. Faciendum autem hoc citissime, & primo statim die, & quidem antequam ullam medicamentum adhibeatur, ut sanguinis ad partem vulneratam præcaveatur affluxus.*

Si vero humores vitiosi in corpore redundant, purgatione opus esse affirmant, nam cum ea felicius, & citius vulnus sanatur, quò pars magis sana, & benè constituta est, & mala partis vulneratæ constitutio sanationem impedit: omnino igitur opera danda, ne vitiosi humores ad partem affectam confluant. Itaque cum vulneris occasione facillè fieri possit, ut ad partem vulneratam confluant, si in corpore reperiantur, statim evacuandi sunt. Idque faciendum in magnis vulneribus, & ubi metuentum, ne ob dolorem pravi humores ad partem affectam confluant, ut & in iis vulneribus, ubi sectio, & dilatio facienda, & os abradendum est, & omnino in omnibus, ubi dolor est vehementior. Verum illos evacuant humores, qui sunt calidi, biliosi, ac serosi, ad fluxum magis apti, & ad inflammationes, ac erysipelata generanda faciunt, & febres facillè excitant. Statim autem in principio instituenda est purgatio, antequam nimium efflu-

effluxus concitetur, & febris accedat. Ac proinde in vulneribus ad purgandum utilissimè adhibent *mannam*, *syr. ros. solut. rhabarbarum*, *fol. sen. &c.* A calidis verò medicamentis purgantibus abstinendum putant, ne humorum fluxus concitetur, & partem vulneratam ad inflammationem disponant.

Sed hæc nullum juvamen præstare possunt, cum vulneratum debilitent, enerventque, succosque residuos in crassent, acrioresque reddant; præcipuè si simul parcum concedunt victum, & ægrum ad mortem potius disponunt, & vulnera per accidens fiunt lethalia. Meliori ergò jure, si vulnus interna requirat remedia, quæ acidum absorbent, & simul succos fluidiores reddunt, ut succorum circulantium itus, & reditus per partem vulneratam fartus, reclususque servetur, commendamus, inter quæ sunt diaphoretica, quæ simul sanguinem confortant, imò nutrimentum, ut melius peragatur, promovent: cum contra venæ sectio non sanguinem emendet, sed magis debilitet: observavimus n. hætenus, quod instituta venæ sectione, vel purgatione, materia, seu pus in vulneribus, in minori quantitate, quam alias, reperitur, imò quod indè majores obstructions, & dolores in vulneribus oboriantur. Certum est, quod post institutam venæ sectionem reliqui succi adhuc deteriores reddantur, si n. homo ægrotat, non ægrotat ob nimiam sanguinis copiam, sed quod habet febre, vel sanguinem nimis spissum, quem certè venæ sectione celebrata non attenuabis, nec febres, hac instituta curabis, crassus sit n. sanguis à defectu salium volatilium, & spirituum coagulatione ab acido facta, quam certè per venæ sectionem non impedit, nec per purgantia. Cautè ergò incedendum esse in vulneribus volumus; enema tamen in alvi obstructione concedi potest, sed non singulis diebus, prout chirurgi faciunt, impossibile est n. quod vulneratus lecto affixus tot sedes habere possit, ac sanus, qui laboribus incumbit.

CAPUT XIX.

De Sinovia fluxu, & congestione.

Solet quandoque vulneribus accidere fluxus glutinis albi, qualis in articulis, pericardio, oculis, glandulisve observatur, hic fluxus nomine proprio, specifico, & apto antehac caruit, vocarunt n. cum prisci Sanguinis serum. *Paracelsus* autem pro quibusdam rebus alia nomina excogitavit, vocatque talem succum corporis humani aquam glarealem, specificum autem nomen hujus succi aquosi in articulis existentis, ab eodem dicitur Sinovia, Vel Sinonia.

Est hæc Sinovia succus albus partibus spermaticis interveniens, ut sunt cerebrum, spinalis medulla, nervi, tendines, ligamenta, & cartilago. Vocat idem *Paracelsus* hanc sinoviam gluten album, quod pro motu, & lubricitate articulorum inservit, ut observamus in aurigarum communi unguento, quo rotarum axes ad lubricandum aurigationis motum indies largiter inungunt. Ista sinovia semper recens ad articulos mittitur, ut perpetuò articuli diluantur: eo quia in motu bona ejus pars atterendo consumitur, & forditiæ tenus per poros eliminatur.

Nunquam sinovia in pus degenerat, quia ob sui acedinem ad pus gignendum inhabilis est, verum nonnunquam acrem fædinem concipit, quæ nervos ita corrodit, ut magna ulcera valdè dolorosa efficiat.

Nonnunquam effluens sinovia alium corporis humorem vitiosum admistum habet, qui ex ipso humoris affluentis colore cognoscitur; sinovia n. impermixta est albuminis ovorum instar, per admistionem verò alterius humoris hic color immutatur.

Fluxus glutinis albi duabus de causis in vulneribus accidit, vel ægrorum libidine, ac inobedientia concitatur, vel chirurgi errore, qui tum in medicamentis, tum in deligaturis committitur.

Profluvii Sinoviæ curatio perficitur causarum prohibitione, vel emendatione, non verò rebus exsiccantibus, & adstringentibus, ut multi falso sunt persuasi, applicantque *crocum Martis*, *bolum armenum*, *terram sigillatam*, aliaque similia frustraneo eventu, sed solum speranda est ab emplastris, & unguentis vulnerariis eximiis; quod si dictus fluxus non sistatur, in paralyfim, & atrophiam membrum vulneratum adducit, interdum totius corporis labem post se trahit.

Quemadmodum sanguis rubeus arterialis, & venalis à vehementi contusione extravasatur, & in alienis cavitatibus protinus concrevit, ita simile quid contingit sanguini albo nervali, nimirum sinoviæ, ut à valida concussione, vel ictu adversus aliquem nervum factò sanguis ille albus, seu succus nervalis ad locum concussum confluat, uti præcipuè fieri solet in manibus, & pedibus; quoniam dictis in locis plurima ossicula, & nervi concurrunt, ideoque si vehemens allisio per ictum, vel jactum contra manum, vel pedem vibretur, sinovia incipit ad contusi loci jacturam confluere, concursuque suo tuniorem ibidem excitare, confluxus n. locum extendit; ut protuberatio sequatur, imperitus verò æger non advertens; putat istam protuberationem esse tumorem ordinarium, eumque negligit, vel debita medicamenta non applicat, suæque imperitia ingentis calamitatis causa est, ut sequitur; quando nimirum nervus aliquis, vel tendo violento ictu contunditur, vel læditur; tunc suo more succum suum ad locum contusum mittit ad auxilium ferendum parti læsæ, cute autem externa non divisa, concurrens sinovia exitum non habet, atque ita intus congeritur, cavitatemque complet, ita ut mox majori spatio pro confluyente succo opus sit; succedit ergò loci protuberatio, cumque sinovia sit humor macer, & tenuis nunquam superabilis, ideoque fluxio ejus ed est subtilior, ac faciliè fædinem assumit, qua nervos arrodit, qui acutissimo præditi sensu, ad furorem irritantur, excandescunt, aut ob aeris defectum præfocantur, arque sic faciliè corruptionem patiuntur; id quod potissimum contingit in manibus, & pedibus, ut dictum est, ob copiam generis venosi albi, nec non ossiculorum ibi concurrentium, paucitatemque carnis, quamvis interdum etiam alibi corporis contingere possit. Cum ergò sinovia sit coloris aquei, nec in modum sanguinis concreti subcutanei tingere possit; idè in ejus confluxu suppellex exigua, aut nulla lividitas, qualis in aliis locis à violenta contusione oberiri solet, apparet, ac propterea ab imperito medicastro vilipenditur, quasi parvi sit momenti, festinatoque, ut decebat, auxilio ipsi non succurritur, malum autem incalescit, & insanabile evadit.

In tali itaque casu vigilanti cura attendendum est, ut si nulla contusio violenta adversus manus, cubitos, pedes aut genua per ictum, lapsum, jactum, allisionemve contingeret, locusque ita intra paucos dies intumesceret, ac ingentes, sensumque magis auferentes dolores concitaret absque ullis sanguinis subcutanei concreti, aut læsionis articuli, alicujusve fracturæ notis, tunc proculdubio initium congestionis sinoviæ adest, quæ quidem non concrevit, ut sanguis, cui solummodò ut lacti jus concretionis competit; sanguis n. velut lac rubicundum dici potest, lac verò sanguis albus, & utriusque caseositas inest, quæ nimia adventante aciditate, ad fundum præcipitatur: sinovia verò neque concrevit, nec in pus transit, ac corruptivam qualitatem habet, quia nervos corrumpit indubiè, nisi confestim illud avertatur, quod fit, si sub tumore mediante scalpello fiat profunda incisio ad cavitatem usque, congestaque sinovia emittatur, ac probe exprimat, quo factò unguentum mundificativum imponatur, vulnusque emplastro sanativo contegatur, ac non cataplasmate calido, talia n. præfocant nervos, ac corruptionem promovenr.

Si autem tumor retrorsum pergeret, effluensque humor copiosius procederet, hoc indubium est signum nervos jam dum atrosionem esse passos, in tali autem casu supra tumorem pari modo molienda est incisio, ibique imponendum est unguentum mundificativum, ut

℞. Vitellum ovi ad duritiem cocti n. j. deinde in sartagine mell. opt. ℥. j. Liquefac leniter, & m. vitellum beneficio pistilli cum melle diligenter, donec abeant in medicamentum spaceum, seu brunum, quo utere; quod si idem acrius reddendum fuerit, admisce diligenter mercurii præcipitati ℥. j. vel ij. Vel impone oleum Arsenici, cujus præparationem docuimus Tomo 1. De Tumoribus cap. 5. De fistula; unguento alicui vulnerario mistum, & turundis exceptum, continuando alterutrius compositionem quotidie semel, donec nervorum corruptio, & inflammatio cessent, tum verò sanatio perfici potest alio quodam balsamo vulneratio.

Quod si hæc corruptio non inhibeat, tunc dolor sensim magis, magisque increvit, & tumor ulterius versus corpus progreditur, ac magna coluvies purulenta colligitur,

gitur, & aperiitione facta, in tenaci, & trombosa substantia effluit cum intermixtis nonnunquam ramentis, quæ de corrupta nervorum, & ligamentorum substantia proveniunt, inflammatio verò secundum nervos in dies ulterius versus corpus serpit, unumque post alterum incendio destruit in corporis usque truncum, quem & febris acuta invadit, in dicto verò membro gangræna incipit, nec ipsa membri resurrectione averti potest; licet enim pars gangrænata abscindatur, gangræna tamen jam dum secundum nervos se corpori communicavit, ac mortem infert, non enim ut alia gangræna communis maturè oculis conspici potest, sed tum demum quando desperata sunt omnia, nec quicquam abscissio, vel ullum aliud remedium juvare potest.

C A P U T XX.

De Vulnerum Dolor, & formicatione.

Vulneris individuus comes est dolor, sicut umbra corporis, nullum itaque vulnus est sine dolore, cum secundum *Galenii* filios à continui solutione pendeat: non raro tamen ille tolerabilis est, verum quandoque ita vehemens, & atrox percipitur, ut totam curationem primum ad se trahat. Non loquimur hic de dolore, qui sentitur, dum vulnus infligitur, nam si absque vitæ nostræ advertentia infligatur, non percipitur, & dum recens est, vix dolet; verum de illo qui facta solutione, vulneratos torquet, & plerumque aliquot elapsis horis intenditur.

Causa.

Dolor, qui percipitur, dum vulnus actu infligitur, provenit ab agitatione, commotione, distensione, contractione, dilaceratione, & concussione fibrillarum nervearum, quod enim fibrillæ vehementius discinduntur, eò majorem, Vita de extremo aliquo insolito percipit dolorem. Verum dolor ille, qui facta continui solutione sanciatos invadit, & plerumque aliquo elapso tempore crescit, provenit à novo imperu succorum circulantium quibus transitus ab obstructione denegetur, hinc elabentibus, qua data porta, succi ruunt, flexilibus suis particulis emissis, reliquæ aciores factæ nervos, ac fibrillas contrahendo, cor rugando, & crispando dolorem causant. Idem res extraneæ in ipso vulnere existentes efficiunt, ut festucæ, vitrorum frustula, vel instrumentorum fractorum, vel sanguinis grumi acres, ac acidi fibrillas, aliaque vascula minima pungentia, quæ intensum producant dolorem. Item provenit ab inconvenientium medicamentum applicatione, turundarum nimis longarum, vel crassarum in vulnus intrusionem, indebita ligatura, vel illapsu rerum in vulnus non pertinentium, vel eorum, quæ à propria natura proscripta sunt expulsionem, ut sunt fracti ossis particulæ, pus, vel sordes, vel spontanea corruptione incidente. Similiter ab ægri errore in diætâ, dum ille pravo utitur victu, ut brassica, piscibus salis, carne suilla, aut similibus. Sic etiam dolor oritur à fluidis cum vulnere extravasatis, & stagnantibus, unde sæpius accidit, ut quando aer frigidior vulnere immittitur, tunc dolor in ipso observetur vehemens, quod etiam veteres notarunt, cum dicere solebant, quod aer frigidus vulnere admissus dolorem producat, rationem verò non addidere. Ratio autem hæc est quod ab aere frigido particulæ in vulnere volatiles, & mobiles incrassantur, & fixantur, imò hæ particulæ volatiles ab aere alias peregrinas nanciscuntur particulas, quæ ordinem turbant, hinc etiam mistura perturbatur, & aliam inducunt indolem, & tum ad fermentationem tendunt, & deinde lactis instar acescunt, quæ spicula acida tubulos, & fibrillas concutiunt, & dolorem producant.

Prognosis.

Dolores vehementes in vulneribus multum negotii chirurgis faciunt: sed plus vulneratis, cum perniciosi sint & gravium malorum causæ esse soleant; nam vigilias inducunt, sanguinis, & humorum accursum ad vulnus trahunt, unde deinde majores corruptiones, inflammationes, febres, suppurationes, cruciatus, interdum quoque gangrænæ excitantur, & priora symptomata plurimum augentur. Magnoperè quoque à doloribus vires pro-

sternuntur, nec ullum, iisdem valdè sævientibus, vulnus sanari potest, nisi prius sedentur.

Curatio.

Dolotis causa protinus disquirenda est, & tollenda; unde si indebita ligatio sit in causa, solvatur; vel actia medicamenta removeantur; vel pravus victus mutetur; vel quomodocumque peccetur, vel detur ansa dolori, corrigatur; quod multis modis fieri potest, scilicet per excandescentiam, diutinam moram in aura frigida, vel radiis solis admodum ferventibus, motum corporis validum, luxuriam Veneream, nimis tardam deligationem, improporionatas vulnere turundas, violentas linteorum, floccorumvè intrusiones, vel vulneris constrictionem, quicquid sit, aliquid malè actum esse, dolor declarat, vel ægri, vel chirurgi culpa: præstat enim errorem confiteri, quàm pertinaciter in eo perseverare.

Commendant in vulnere dolore chirurgi vulgares linimenta ex oleis scilicet rosaceo, chamamelino, amygdalarum dulcium, lumbricorum, sambuci &c. Vel cataplasma ex foliis solani, & axungia suilla. Si verò à calore oriatur:

℞. Fol. hyoscyami recentis, nec non solani. Assa ea simul sub cineribus ignitis, tum contunde in pulviculam, quam cum oleo violaceo attempera in linimentum molliusculum.

Verum juxta nostram curationem, & medicamenta necessaria sunt, quæ dolorem demulcent, vel auferunt, quæ resolvunt vel blande nervorum, vel fibrillarum contractionem emolliunt, talia sunt, quæ salis volatilis copiam in se continent, ut spiritus vini camphoratus, aqua Regina, oleum baccarum juniperi, laterinum, terebinthina, vel illud calidè instillandum; calida enim nervis amica, eorumque dolorem sedativa sunt, tum etiam linteolum in eodem oleo humectatum vulnere imponatur, ac demum emplastro stiptico contegatur. Maximoperè conducunt cataplasmata anodyna ex mica panis, flor. chamomill. theriac. croco cum lacte, & vitell. ovi parata. Item oleum papaveris. Sin autem dolores permagni, crucient ad laudanum opiatum confugiendum est, dummodò nulla causa vetans adsit. Si dolor, nervum aliquem insigniter læsum esse indicio est, & tunc instituenda est curatio de vulneribus nervorum.

Solet quandoque vulneribus titillatio, seu quasi vermiculatio, seu formicatio supervenire, in qua in vulnere primo ardor, & dolor per sentitur, deinde quasi serprio sequitur, ac si formicarum multitudo in eo reperit, cum punctationibus, & dolorculis, uti his contingit, quibus interdum in somno sedentario pes obstupescit, ac postmodum etiam sæpe contingit in manuum, & pedum perfrigeratione, tempore hyberno, eorumque recalcificatione. Hoc autem nil aliud est, quàm affluxus, & refluxus sanguinis, in vulnere vero affectio quædam nervorum frigida, curanda oleis destillatis, ut sunt: oleum philosophorum, laurinum stillatitium, lavendula, rubrum terebinthina, infundendo ea vulnere, sunt enim nervis amica.

C A P U T XXI.

De Vulnerum Inflammatione, & Erysipelate.

Sæpissimè vulneribus accidit inflammatio, quæ non tantum vulnere curationem ad se trahit, & eandem retardat, sed vulneratus in magnum Vitæ discrimen conjicitur, ob alia symptomata, quæ superveniunt.

Signa.

In vulnere inflammatione etiam sunt tumor, calor, tubor cum pulsatione, & dolore.

Causa.

Vulnere inflammatio secundum vulgares provenit præcipuè à partium nervosarum lésione, cum ob dolorem effluxus sanguinis, & humorum ad locum vulneratum concitetur: attractione autem facta, copiosus fluxus locum aggravat, & majus spatium requirit, unde partes extensibiles cedunt, & affluentem sanguinem, & humores recipiunt, majori tamen cum dolore ob validam extensionem, magnus itaque ejusmodi motus, ac attracti sanguinis, & humorum capia se mutuo conflictantes, accel-

accessionem concipiunt, & inflammationem accersunt, præsertim si simul alicujus nervi læsio adsit, vel acutæ fracti ossis particula pungendo, dolorificæ sint, vel alicujus musculi caput læsum sit.

Verùm accidit inflammatio, quandò in parte affecta talis fiat obstructio, ut particula sanguinis, & reliquorum succorum soli materiæ subtilissimæ innatent, & talem nanciscuntur statum, qualem habent particula succi nutritivi in sæno recens dissecto, hinc ob obstructionem factam vulnus fit siccum, quia vasa sunt obstructa, & sic denegatur parti succorum influxus,

Prognosis.

Si magnis vulneribus, & parvis tumores non appareant, ingens malum inquit Hip. f. aph. 66. Celsus verò ita reddit: Nimis verò intumescere vulnus periculosum; nihil intumescere periculosissimum est, illud magna inflammationis, hoc emortui. Quod tamen nostra experientia falsum deprehendimus, melius enim est nullum adesse tumorem, denotat enim partes fluidiores posse circulare, nec tot discissos esse canales. Magno tamen vulnere inflammationem supervenire mirum non est, quæ præterea terrere non debet, modò diu non duret. Parvo verò vulnere inflammationem accidere; eamque diu durare, periculosum, utpotè quæ convulsionem & deliria excitare potest. Idem Celsus lib. 5. cap. 27. ait. Quinto jam die quanta inflammatio futura est, se ostendit. Quo die rursus detecto vulnere, considerandus est color: qui si lividus, aut pallidus, aut varius, aut niger est, scire licet, malum vulnus esse, idque quandocumque animadversum est, terrere nos potest.

Curatio.

Si inflammationis suspicio in vulnere adsit, & sanguis non satis fluxerit, vel sit in via fluxionis, huic occurrunt vulgares, venam in loco opposito quantocyus secantes, & pro ægri viribus sanguinem fundunt, ad minuendam inflammationem, & affluxum divertendum. Imò si inflammatio jam adsit, & vires ferant, necessitas postulet, etiam venæ sectionem instituunt, & pro qualitate humoris fluentis, vel fluxi medicamentum purgans propinant.

Deindè *malum punicum in mortario contundunt, & in vino adstringente coquant, cataplasma concinnant, & parti inflammatae apponunt, ac epithematibus refrigerantibus utuntur. Ad hanc vulnerum inflammationem, vulgares frigida, & repellentia applicant, sed perperam, nam tubulorum obstructionem, & per consequens inflammationem adaugent, & humores inspissant. Si calor febrilis nimis æstuet, dorsi spinam oleo rosaceo, & paucis aceto admixto inungunt.*

Nostri vulnerum inflammationis curativa indicatio est, ut sanguinis, aliorumque succorum obstructions tollantur, undè ea conveniunt medicamenta, quæ deobstruunt, referant, & stagnantes particulas fluidiores, & ad circulationem aptas reddunt; pro qua re internè varia sudorifera exhibemus in primis *sperma ceti, oculos cancrorum, stibium diaphoreticum, sulphur auratum diaphoreticum, anodynum minerale, bezoarticum minerale, diascordium, sal volatile cornu cervi, cardui benedicti, potiones vulnerariae &c.* Externè commendamus supra partem inflammata *spiritum vini camphoratum, aquam Regiæ Hungariæ, & alia, quæ capite de inflammatione ad nauseam jam dicta sunt.*

Exulent in vulnerum inflammationibus vulgaria externa pingua, & oleosa, quæ specioso nomine defensiva vocantur, quibus tantum poros cutis infarciunt, & sæpè inflammationi vulnerum januam laxant. Proscribimus etiam omnia repellentia, adstringentia, & refrigerantia, quæ obstructions augent, succos crassiores detinent qui subtilioribus evanescentibus, acriores facti fibras discindunt, vel rumpunt, undè aucta obstructione, major supervenit tumor, & ad gangrænam via magis expedita redditur.

Vulnere erysipelas quandoque supervenit, quod cognoscitur ex signis *Tomo 1. capit. 11. de Erysipelate, & Tomo 2. cap. 14. De Ulcere cum erysipelate traditis. Qua ratione curandum sit, ex iis quæ ibidem dicta sunt, manifestum est.*

C A P U T XXII.

De Vulneratorum febre.

INter alia symptomata, quæ vulneratos aggrediuntur, notissimæ sunt febres, eapropter multum conducit harum differentias cognoscere, & avertere; ac primò diligentissimè inquirendum est, quæ febris, quæ vulnere supervenit, sit natura, & quæ causa Febres in vulneribus varii generis deprehenduntur, vel ephemera, sive diaria, vel putrida continua, vel intermittens tertiana, vel duplicata, adeòque singulis diebus recurrens.

Signa.

Febris ephemera statim cum vulnere invadit, calorem habet mitem absque corporis gravitate, somno, vel oscitatione præcedente, neque horrore, ut in aliis febribus, comitante; urina substantia, colore, vel sedimento nihil, aut perparum à salubri recedit, sed pulsus intenditur, estque frequentior, & æqualis.

Febris ex putris generatione, ut & inflammationis signa sunt: invadit hæc febris eo tempore, quo pus generari solet, imprimis circa quartum diem. Calor est multus, sed suavis, pulsus magni, celeres, & frequentes. Urina parum à naturali recedit statu, nullamque pravam symptomata conjungitur.

Febres ex putredine, cognoscuntur ex quantitate, & qualitate humorum vulneris; magna namque saniei copia effluit, eaque putridum qui potius, quàm pus bonum refert, coloris varii, mali odoris, & fœtida. Et licet magna putris, vel saniei copia non effluat: tamen si materia, quæ effluit, sit prava, color partis muretur, partisque dolor & gravitas adsit, materiam vitiosam quidem adesse, sed non expurgari indicium est. Interim febris signa aderunt, quæ putredinis notas in urinis exhibent, vel non exhibent, prout materia venis, & arteriis magis, vel minùs communicatur.

Causa.

Ephemera febris causa est ut plurimum vel ex mœrore, terrore panico, vel nimia spiriruum agitatione. Febris etiam exasperatur à Medico, si intempestivè medicamenta exhibet purgantia fortiora, & sudorifera calidiora, vel acida &c. Item ab astantibus, dum ad iram concitant vulneratum. Ab ipso agro, si vinum acidum hauserit, aliaque acida assumpserit, hinc abit in pejorem putridam febrem, cujus causa est in ipso vulnere, quandò scilicet pus cum succis circulantibus ad massam sanguineam abripitur, eamque nimis turbat. Inflammatio febre accendit, dum pus fit, & pro diversitate, & constitutione sanguinis, febris vel continua, vel intermittens oritur: si enim sanguis semel turbatus, diu manet semper talis, sed si pus per intervalla advehitur sanguini, tunc febris suas habet intermissiones.

Prognosis.

Febris ephemera periculo vacat, si legitima sit, spatium viginti quatuor horarum habet; si verò spuria tribus diebus finitur, neque salutem vulnerato promittere potest, tunc cum inflammatio supervenit, & tempus nondum præterit. Febris ex puris generatione per se nihil periculi habet, sed paulò post cessat, dummodò venis, & arteriis non communicetur. Febrem ex inflammatione, quæ parti vulneratae supervenit, metimur juxta inflammationis magnitudinem, vel parvitatem, & nunc ephemeram, nunc putridam gignere potest. Ex putredine verò magis, vel minùs periculosa est, prout major, vel minor puris quantitas majoribus vasis, vel minoribus communicatur. Febres ex vitiosorum succorum apparatus aliæ aliis sunt periculosiores, attamen intermittentes ex se periculo vacant, continuæ verò periculosiores, prout magis, vel minùs succorum vitiosorum apparatus partem affectam conspurcat.

Habent & vulnera suos dies criticos, de quibus *Hip. in Coacis prænot. inquit: Incipere febrem in capitis vulnere quarta die, aut septima, aut undecima, valde lethale: judicantur autem plerumque, si quarta vulneris die inceperit,*

rit, ad undecimam; si septima, ad decimam quartam, aut decimam septimam; si undecima, ad vigesimam. Et lib. de capitis vulneribus. Ubi commissum fuerit erratum in curatione, ut plurimum in hyeme supervenire febrem ante decimam quartam asserit, æstate verò post septimam: item aliquos perire ait, æstate ante septimam, hyemæ verò ante decimam quartam. Et passim ex Hip. videre est eum in vulneribus dies criticos observasse. Equidem vulnera, ut vulnera, dies criticos non habent, cum vulnus sit morbus sine materia: quatenus verò ipsi aliquid materiæ, quæ coqui debet, accidit, aut quædam humorum turbatio occasione vulneris contingit, eatenus quoddam crisis etiam habere potest: Idèoque ubi in diebus criticis nulla in pejus sit mutatio, sed omnia rectè procedunt, & symptomata, quæ priùs aderant, sedantur, felicitis sanationis spem præbet. Si verò contra hisce diebus aliquid mali, ut dolor, inflammatio, febris superveniat, aut quæ antea aderant, non minuantur, sed intenduntur, vel mortis, vel difficilis sanationis signum sunt. Et raro omnino motus ejusmodi in vulneribus ad bonum tendunt; cum indicium sit, naturam non potuisse motum humorum, qui ex vulnere accidit, sedare, sed irritatam humores vel ad partem vulneratam, vel principem aliquam expulsum. Idèoque ubi motus ejusmodi in vulnere animadvertitur, potiùs malum, quàm bonum aliquid præfagiendum est. Quapropter dies istos criticos in vulneribus observare utile est, ut per eos utiles naturæ actiones cognoscamus, eosque non impediamus. Abstinentium etiam hisce diebus ab omnibus, quæ motum aliquem humorum istis diebus excitare possunt.

Curatio.

Febris ephemera peculiarem non postulat curationem, sed tantum ut æger bona regatur diætâ, & sponte evanescat. Causæ tamen ejus, si adhuc præsentis sint, aut recurrere possint, omnes auferantur; aliàs n. faciliè aliquod periculum contrahere, & malum augere possunt.

Ex puris generatione febris in eo consistit, curatio, ut citius suppuratio promoveatur, & exitus puri paretur, & eò citius, quo nobiliori parte, aut cum nobili consentiente contineatur.

Ex inflammatione febris tollitur, inflammatione sublata, sive per resolutionem, sive per suppurationem.

Febris ex puredine curatio consistit in primis, ut putredo quamprimum in parte vulnerata coerceatur, & materiæ purulentæ omnimodò exitus pateat; sublato n. pure febris faciliè evanescit.

In his omnibus itaque febrium differentiis curatio consistit, primò in blanda diaphoresi, secundò in succorum fermentescientium præcipitatione, ita sunt diaphoretica, ut Bezoar. orient. sibiium diaphoreticum, decoctum cornu cervi, syr. cardui sancti, papaveris erratici, cornu cervi sine igne paratum, & ebur eodem modo paratum, sulphur auratum diaphoreticum &c. Præcipitantia sunt omnia alkalia, & absorbentia, ut lapis cancror. myrrha, camphora, arcum duplicatum, lapis prunelle, cortex Peruvianus, radix gentiana, flores salis armoniaci, nitrum perlatum &c.

C A P U T XXIII.

De Phrenitide Vulneraria.

SOlet vulneratis, & præsertim in capite aliud symptomatis genus prioribus periculosius accidere, quod phrenitis dicitur, & perpetuò comitem febrem habet acutam, estque hæc phrenitis insanix species ab inflammatione, quæ in, & circa meninges, pericranium, & cerebri nervosas membranas versatur.

Signa.

Phrenitidis vulnerariæ signa sunt, si nimirum post periculosa capitis vulnera, notabilis ægri alteratio ingruit, tunc enim hanc ipsam affectionem imminere nemo non prænovisse potest, tum autem æger incessanter vigilat, valdè inquietus est, impatientem, & iracundum se præbet, membrorum suum semper præ inquietudinem mutat, è lecto exilit, vulnus vix dolet, respiratio sit ex intervallis rarior, aliquandò est magna, & ex imo pectore deprompta. Torvis, & trucibus oculis huc illuc conspi-

cit, oculorum venæ, & arteriæ sanguine turgere conspiciuntur, & sæpè ex alterutro oculorum fluit lacryma, facies ejus est eximie rubicunda, aut luridè pallescens, nec tamen idem color antea fuit, sed in ipsa alteratione ita evadit. Sudor nullus erumpit, vel admodum difficulter, quamvis æger optimè contegatur, & in calore detineatur, quinimò corpus ejus spontè fervidè caler, ut in facie pallor luridus vigeat. Sermo ejus velox est, nec verba cohærent, ob mentis alienationem varia, & contraria imaginatur, & ut ebrius furit, modò plorat, modò cantat, modò vociferatur, & ad omnem audaciam est proclivis. Varia nugatur, floccos, quisquilias, & festucas digitis colligit, manusque tremunt. Urina est flammea, ac tenuis, sæpè alba, non quidem ob bilis raptum ad cerebrum, ut Galenici falso supponunt, sed ob scorias sulphureas, acres, salinas, & acutas in urina deficientes, & id ex digestionis defectu, quia ut ajunt scholæ, urinam aqueam, & tenuem esse deficientis digestionis signum, prout flavedine manifeste tinctam, bonæ digestionis indicem. Quoties ergò hujusmodi etherogeneorum salium, & sulphurum copia caput scandit, quia una cum urina non excernitur, ibique exaltatur, & ex eorum miscella fermentatio oritur, & in promptu est inflammatio cerebri meningibus, unde spiritus animales excandescunt, & tota Palladis domus ardet. Sed de hoc fusiùs tractavimus in nostra Trutina libr. 1. cap. 1. de capitis dolore in explicatione aph. 72. sect. 4. Capitis dolor acuta febre copulatus, concurrente tenuis, & alba urina excretionem phrenitidis periculum minatur.

Causæ.

Imaginantur humoristæ phrenitidem vulnerariam fieri à sanguine violentius in cerebrum ejusque meninges effuso, & evasato, & inflammationem, vel apostema excitante, bile efferata modò, modò bile adusta. Cæterum phreneticant vulgares in phrenitidis vulnerariæ causam assignando, nam in phreniticorum dissectione nunquam culter anatomicus bilem, vel apostema offendere potuit.

Phrenitidis vulnerariæ causa præcipua est ingens vulnus, & periculosum capiti præsertim inflictum, ubi meninges, & cerebri nervosæ membranæ phlogosum, vel inflammationem concipiunt; tunc in tanta sanguinis accessione scorix sulphureæ, acres, salinæ, & acutæ, quæ à sanguine per suos ductus non exploduntur, ex earum miscela fermentationem arripiunt, exaltantur, & spiritus animales vitæ munis destinati, irritantur, in confusione agitantur, tumultuantur, excandescunt, & sine lege huc illuc per cerebri poros feruntur, à particulis etherogeneis, & sylvestribus exaltatis. Hinc in tanta rerum confusione phantasmata varia excitantur, & notiones confusæ oriuntur, & tales ideæ cuduntur, & vitæ repræsentantur, non aliter ac à causa externa obicerentur, undè juxta varias, & deformatas ideas, æger absurda vult, lingua loquitur, & agit.

Item hujus affectus occasionales causæ esse possunt in vulnerato, vehemens excandescencia, aliaque animi pathemata mentem nimium alterantia, ut terror panicus, vel timor, lascivia, & luxuria Venerea, diætâ inordinata, nimius vini potus, medicamentorum inconvenientium, & urentium applicatio; fervor aeris ambientis, qualis esse solet diebus canicularibus, ut etiam in hominibus, & canibus tunc temporis observamus, his scorix sulphureis, acribus, salinis, acutis, & id genus aliis copiosius in cerebrum influentibus, hoc modo divexantur, & sanguis, & spiritus animales, tunc faciliùs accenduntur, undè non potest non fieri, quin eorum motus pervertatur, quod etiam vulnere his diebus eadem facilitate contingere potest.

Prognosis.

Phrenitis vulneraria affectus est acutissimus, periculosissimus, & plurimis exitiosus capitis vulneribus, brevique intra septem dies occidit, nisi promptè succuratur. Quandò intus in vulnere rubor fuscus conspicitur, & ejus labia luridè pallent, malum.

Cura-

Curatio.

Vulgares Galenici phrenitidem vulnerariam curant, statim ab initio venam secando, vel hirudines temporibus applicando. Deinde humores biliosos evacuant *elect. de succ. ros. diaphæ. lenit. syr. ros. solut. trochisc. de rhabarbaro, cassia recens extracta, vel manna, vel rhabarbaro in aqua endivie infuso*. Ad sanguinis, & biliosorum humorum acrimoniam obtundendam utuntur *syr. de nymphaea, cum emulsionibus quatuor seminum frigidorum*; cerebrum deinde roborant *Diamargaritone frigido, cum syr. granatorum, conserva violarum, flor. nymphae, &c. unguentum alabastrinum, vel populeonis* temporibus applicant; Pulmonem, vel hepar arietis, aut catulum, aut caponem, aut galinam, aliaque animalia exenterata, per medium dissecta, & adhuc calentia capiti abrafo imponunt. Non desunt repellentia ex oxyrrhodino, ex aqua rosacea, aceto, & oleo rosaceo, quæ frigida panno excepta collo, sineipiti, & capiti admovent, & sæpius repetunt ad humores in caput ruentes repellendum, non omissis cucutbitulis, & frictionibus.

Quò ad topica, vulnere imponunt *acetum hyoscyami* cum intinctis illi lintheolis, donec calor è vulnere sit extractus; vel in illud instillant *oleum rosaceum, vel hypericonis* cum superpositione *emplastri de betonica*; tum demum juxta vulgarem methodum vulnus ad finem perducunt.

Phrenitidis vulnerariæ nostra curatio est, ut scorix illæ sulphuræ, acres, salinæ, & acutæ præcipitentur, absorbeantur, immutentur, & per consuetos ductus proscribantur. Ad hunc finem obtinendum optima sunt sudorifera, & alkalia, ut *antimonium diaphoreticum, oculi cancrorum, bezoart. miner. c. c. sine igne paratum, nitrum perlatum, sal margaritarum, magisterium coralliorum, coralliorum tinctura &c.* Proscribimus in hoc affectu medicamenta purgantia, & phlebotomiam, quatenus sanguinis, & spirituum morum adaugent, ac effrenatos reddunt, nec particulæ sulphuræ, salinæ de facili obediunt, nec venæ sectione, vel catharticiis evacuantur.

Ad spiritus animales excandescentes, & furentes demulcendos, & sistendos multum opiata conducunt, ad quæ tanquam ad factam anchoram confugimus, quia naturam viribus defectam reficiunt, eadem placida quiete refocillant, vel lympham ferocientem, vel sanguinis massam nimium effervescentem pacant, spiritus quoque animales efferos, & tumultuantes ad quietem, & ad prius jugum reducant. Unde *Hip. sect. 2. aph. 2.* inquit: *Ubi somnus delirium sedat, bonum*. Talia sunt opiata, *Laudanum opiatum, Nepenth. Quercet. diascordium, pilula de cynogloss. tinctura anodyna Zuelferi, emulsiones somnifera &c.* Cautè tamen his utere, ne pro phrenitide tollenda, lethargum inducas. Eapropter in his exhibendis, dosis, tempus, ætas, vires, & modus maximopere erit attendendus.

Interim vulnus abstergendum est, in quod *oleum camphoræ* instillamus, in quo quarta ejus pars *sacchari saturni* sit soluta, vel melius operaturum arbitramur *oleum hyperici*: in cujus uncia una pauci scrupuli *sacchari saturni cum dimidia dracma camphoræ trite* soluti sint, & deinde *emplastro stiptico, vel oppoteldoch* tegimus, ac vulnere circuitum *oleo sambucino, vel seminum papaveris* illinimus.

CAPUT XXIV.

De Vulneratorum Convulsione.

Convulsio vulneribus sæpè contingere solet. Dicitur à convellendo; dicitur hæc eadem spasmus, & derivatur, à contrahendo. Differt spasmus à convulsione, quatenus spasmus semper dolorificus est, ac convulsio non item. Est itaque convulsio, sive contractio passio dolorosa nervorum, & musculorum motu violento versus suam originem retractorum.

Signa.

Convulsione vulneratorum signa cognoscuntur, quia membrum ipsum vulneratum fortiter attrahitur versus suam originem, mediantibus nervis, musculis, & spiri-

tibus animalibus, idque præter voluntatem, ut ad pristinum habitum vix reduci queat.

Causæ.

Vulgares convulsione causam immediatam ad repletionem, & inanitionem referunt cum *Hip. qui sect. 6. aph. 39.* inquit *Convulsio fit à repletionem, & inanitionem*. Et per repletionem videtur eam fieri, quando muscoli, aut nervi, aut irrigantur, aut inflantur, & in tumorem elevantur, per inanitionem verò quando iisdem plus justo exsiccantur, chordarumque, aut lororum instar igni admotorum contrahuntur. Verum si hoc esset, hic affectus per repletionem inanitionem, & per inanitionem repletionem facile tolleretur; ideòque repletio per exsiccationem, & inanitio per humectationem, cum medicina sit adjectio, & detractio, quod quidem à veritate alienum deprehenditur.

Hujus affectus causæ sunt, quando nimirum vulnerati refrigerantur, detinendo eos in loco frigido, vel auræ frigida afflatus, vel accessus vulnere datur. Unde *Hip. sect. 1. aph. 20.* inquit: *frigidum facit convulsiones*. Idem eadem *sect. aph. 17.* *frigidum autem convulsiones, tetanos &c.* Et eadem *aph. 18.* *frigidum inimicum ossibus, dentibus, nervis, cerebro, spinali medulla: calidum verò utile*. Constat namque frigus particulis acidis, & acris, quæ acrimonia, & acore suo irritant, crispant, contrahunt, & convellunt nervos, musculos, partesque fibrosas, unde membrum vulneratum necessariò abbreviatur; nervi namque nullo modo frigus perferre possunt, sed quamprimum per vulnus apertum aeris frigidi afflatum sentiunt, se contrahunt hominis algentis instar, qui humeros præ frigiditate contrahit, demumque convulsiones faciunt. Fit in partium nervosarum, & musculosarum tubulis obstructio, & in ista obstructione succi stagnant, aciditatem concipiunt, fixantur, & spiritus influentes impediti in istorum vasculorum fibras circa obstructionem irruunt, & ista irruptione nervos irregulariter vacillant, contrahunt, & convellunt. Item convulsionem parit nervus læsus, vel alicujus musculi caput incisum. Verum præter nervi læsionem, vel musculi incisionem, sordes diu in vulnere retentæ acorem, & acrimoniam producentes, hunc affectum excitare possunt. Præterea acidum ad convulsionem inducendam debet esse paulò fixius, crassius, & subjecto moderatè viscido irretitum.

Prognosis.

Quò ad convulsione vulneratorum prognosim attinet: *Convulsio ex vulnere lethalis est*, ut habetur ex *Hip. sect. 5. aph. 2.* Verum hic aphorismus ita intelligendus est: Convulsio à vulnere, ut vulnus est, lethalis; non autem semper in vulnere lethalis est. Convulsio, quæ à perfrigeratione exoritur, avertitur, frigus arcendo, & calidum introducendo, quia ut inquit *Hip. sect. 5. aph. 18.* *Calidum verò utile*.

Curatio.

Pro convulsione curatione cavendum est omni sedulitate, ne in deligatione vulnus diu retineatur apertum, sed quàm citò fieri possit, deligatio festinetur, curam simul habendo, ne æger per spontaneam incuriam seipsum perfrigeret. In deligatione tamen magna solertia adhibenda est, ne sordes diutius quàm par sit, in vulnere relinquuntur, & fiant causa doloris, quem faciliè spasmus sequi possit.

Si itaque spasmus in vulnere excitaretur, ubi suspicio adesset vulnerati nervi, sive cæsim, sive punctum, in hoc casu sudorifera sale volatili constantia conducunt, ut sunt *spiritus tartari, sulphur auratum diaphoreticum, aqua theriacalis*, omissis acidis, & aliis, quæ non libet recensere. Quò ad topica, in vulnus infundendum est *oleum terebinthina cum spiritu vini mistum, vel unguento alicui vulnerario misce bonam quantitatem olei terebinthina rubri*, eamque misturam vulnere impone, in ejus verò circuitu inungi potest *oleum philosophorum*, vel aliud destillatum, omnibus autem aliis contra spasmum valentibus palmam præcipit *oleum lavendula destillatum*, si eo locus calidè perungatur. Magnoperè prodest *unguentum nervinum, oleum lambricorum, sampuci, axungia humana, & alia*.

alia, quæ acorem, & acrimoniam temperat, corrigunt & emendant.

Si spasmus oriatut à morfu venenati alicujus animalis, & inde vulnus, tunc dilatari debet, & parti dolenti imponi potest per aliquot dies *theriaca*, vel *mithridatium soluta in spiritu vini*. Verùm si dolor ita urgeat, ut totius curationis cardinem ad se trahat, tunc ad *opiata*, tanquam ad sacram anchoram recurrimus; hæc namque spirituum animalium impetum refrænant: segniores reddunt, acidum corrigunt, contracturasque spasmodicas demulcent. Hoc acidum minimum mole est, & partes nervosas, & fibrosas pungit, rodit, ac dolorose irritat, undè aliquandò plura symptomata emergunt, quæ omnia *opiata* placant, & pacant.

C A P U T XXV.

De Vulnerum sanguinis fluxu.

Hic per sanguinis fluxum non intelligimus hæmorrhagiam illam, quæ cuilibet recenti vulnere accideret solet, cujus curationem superius tradidimus, sed hoc in capite de sanguinis eruptione agimus, quæ vulnerebus jam dudum post eorum inflectionem demum contingit præter expectationem, ubi potius spes esse debebat vulnus jam jam sanatum, & consolidatum iri; tum autem probè advertendum est, nùm vulnus sponte, & sine ulla data occasione, vel ab immisso aliquo instrumento irritatum sanguinem mittat sive multum, sive parum: si ergò propria sponte erumpat, signum est fracti ossis particulam acutam esse solutam, & foras tendere, præcipuè si intra vulnus punctio, & dolor sentiatur; quando quis manu vulnus contractet, sanguisque emanans sit purus, & bellè rubeat.

In tali sanguinis fluxu necesse est, ut aliquid subacris cum turundis imponatur, nimirum balsamum quoddam esutinum, quale paratur ex oleo hypericonis, vel saltem communi cum aliquo corrosivo, nempe *butyro antimoniæ*, oleo *mercurii rubro*, vel *spiritu nitri cocto*, donec in balsamicam consistentiam abeant, vel in ejus defectu saltem *unguentum Aegyptiacum vulgare*: à tali ergò balsami, vel unguenti acredine ossiculum illud stimulat, ut penitus ab osse, cui parumper adhuc, hæret, decidat, & foras pellatur, vel saltem ita solutum appareat, ut apprehendi, & extrahi possit, expectandum tamen est, donec sponte ossiculum abscedat, non autem instrumento in vulneris profunditate circum agitandum, ne ossiculum illud contra nervum prematur, ingensque dolor, vel convulsio concitetur.

Sin autem confertim sanguis emanaret, sistendus est medicamentis sanguinem cohibentibus, non autem eluendo; sanguis è vulnere tollatur, adjuvat enim venæ apertionem obturare, ita ut sanguis secuturus exire non possit, tum verò quotidie unguentum vulnerarium vulnere imponatur, apertionem enim venæ carne explet, quæ sanguini exitus denegatur, id *emplastrum stipticum*, vel *oppoteldoch* utramque absolvunt paginam, sanguinem enim paulatim inhærescentem educunt, & totam sanationem perficiunt. Si vulnus saltem est cruentum, nil autem sanguinis, emanat, tunc signum est vulneris deligationem nimium compressam esse, ægrumque sanguine abundare: ligatura itaque imposterum debet esse laxior, imò etiam in reliquo corpore, si ullibi à vestibulis nimium arctis fiat compressio, ea laxetur, alias ejusmodi compressione facilè sanguis ad vulnus premendo truditur.

Solent vulnerati, vel ob nimiam hæmorrhagiam, vel nimium sanguinis fluxum, aut ob terrorem, aut ob venenum à morfu animalis in syncopen incidere, tunc enim ægri pallefcunt, pulsus cessat, sudore frigido corripuntur: non mirum est, quod à nimio sanguinis fluxu vulnerati animi deliquium patiuntur, qui si sanguis circulationis lege ad cor non redit, necessariò ad alias partes transit, & sic circulationis ordo pervertitur, per terrorem cor contrahitur, ut sanguis ad partem ruere nequeat, & simul spiritus vitales ad liberum suum fluxum impediuntur. Conveniunt in hoc casu omnia ea, quæ sanguinem ad circulationem concitant, de quibus vide nostram *Trutinam lib. 3. cap. 2. de lipothymia, & syncope*.

Caro luxurians, sive excrefcens in vulnerebus rarè ac-

cidit, si curatio rectè fuerit instituta, & si traditis supra medicamentis utatur chirurgus, quod si fortassè accideret, omninò à corrosivis abstinendum est; iis enim pessima qualitas vulnere imprimitur, ita ut difficilis evadat inde ipsius curatio. Arcanum maximi faciendum nos sine invidia communicabimus, quod quicquid corrosiva efficerè possunt, efficit, absque tamen dolore, & corrosione; & medicamentum hoc est, quod flaccidam carnem indurat, & perfectam reddit, illud ita conficitur, & pro magno secreto haberi debet:

Mell. crudi lb. j. aloes hepaticæ 3. j. ss. alum. usti, ac aceto restrincti. Singulis vicibus 3. j. vitell. ovor. nu. xx. terebinthina lb. ss.

Agitentur, commisceantur in pultriculam, quæ ad ignem coquatur, donec crassitudinem emplastri, & colorem fuscum acquirat, & sic habetur medicamentum, quo carnem non-naturalem ubique averruncat, & abstergit, dummodò callosa non sit, sed flaccida.

C A P U T XXVI.

De iis, quæ ad primum vulneris intuitum chirurgus animadvertere debet.

Post vulnere symptomata, de quibus fusiùs egimus, pro illis reparandi, congruum censemus de iis agere, quæ ad primum vulneris intuitum chirurgus animadvertere debet, ut perfecta curatio succedat cum artis decore: Vocatus igitur ad vulneratum chirurgus, primo intuitu accuratè animadvertere debet de curationis possibilitate, ac sine, ut certi quid prædicere possit: ne forsan magno suo, artisquæ dedecore, ac incommodo, aliquid, quod naturæ præstare poterat, non sine ægri magno malo subsistat: omninò enim naturæ vim, ac virtutem prædictionum normam constituere Medicum decet. Siquidem omnes conatus irriti evadunt, ac oleum, & opera luduntur, siquid attentemus naturæ viribus superius: sin minus quàm natura possit promittamus. Duplex est periculum, nam vel ægri damno naturæ non, auxiliamur, vel nostram ipsorum ignorantiam detegimus, dum naturæ potentiam nos non cognovisse ipsi prodimus. Itaque ut artis, & naturæ rationem habeat Medicus, necessarium est, quod tria hæc non nisi simul subsistant, ac uno deficiente, reliqua statim corruant quoque.

Memoriæ itaque mandandum est, viventium naturam sic comparatam esse, ut sui similis semper permaneat, nunquam vim sibi inferiori à medico patiat, sed medicus cum natura ita se gerere debet, ut ab ipsa dirigatur, ad ea auxilia præstanda cum sua arte, quæ tanquam sibi familiaria, & amica admittat, non tanquam hostilia, & exotica renuat, & cum indignatione maximè abhorreat. Curabit ergò talia remedia illi afferre, quæ ipsa non respuat, constitutum enim jam hoc est nos naturam, non ipsam nos imitari; ac sequi oportere: artis itaque tota excellentia manet in naturæ remedii convenientis cognitione, hæc enim celerem efficiunt curationem.

His sic præhabitis, sciendum est, quod membrum in totum resectum nunquam agglutinatur, abscissum, sed in non totum, nemo est, qui sic reponere possit, ut nihil supersit incommodi. Paralyse ex nervorum vulnerebus nunquam tolluntur, quemadmodum, & lethalia vulnera curationem non admittunt. Istiusmodi curationes cavete, ne aggrediamini, nam earum pollicitationes ridiculæ sunt, & habentur. Sufficiat vobis, inspecto vulnere, quid per naturam fieri possit, cognoscere, ut vestræ artis auxilio, remotis obstaculis, illud perficiat natura, quod potest. Sæpè enim chirurgos, & tonsores jactabundos audietis, qui nasum triduo ante abscissum, & serò tandem in nive repertum; digitos etiam præsectos, & alia potentiora quoque gloriantur, se restituere posset. Imò *Paracelsus* inquit; *Ego quoque memini, cum apud Forum Julii essem, me tonsorem vidisse, qui magna omnium admiratione, cuidam, cui auris præsecta erat, eam cæmento adglutinarit, verum gloria ea brevis, & inanis fuit: nam altero post die suppurata, statim decidit, ipseque vulgi fabula factus est.* Hujusmodi jactantias nemo probabit; undè ego in medico veritatis studium, industriam, gravitatem præ omnibus aliis virtutibus requiro: orationem quoque naturæ congruentem, quæ apud

apud rerum peritos fidem mercatur, gloriosam esse Medico puto.

Præterea signorum, ac symptomatum cognitio, quæ vulneribus quotidie superveniunt, peritia, admodum necessaria est, ut quid ea mali portendant, ac designent, cognoscatis, & symptomatum difficultates præcavere possitis; etenim si sanorum corpora tot casibus sunt exposita, quid in ægro vulnerato sperandum putatis? Sæpè enim Syderatio, atrophia, apoplexia, comitialis morbus vulneribus supervenire solent, quæ nisi vos cognoscatis, & prævideatis, ex inscitia ægro malum, & vobis dedecus conciliabitis: quoniam sæpè majus damnum videmus ex incuria Medici, & symptomatum contemptu, quam ab ipsomet vulnere nasci, quæ mala faciliter avertetis, si signorum, & symptomatum gloriosam habueritis cognitionem, non simplicem, qualis fabricorum, & cerdonum est in sua arte, sed absolutam & scientificam, quam nisi habeatis, artis operationem ne aggrediamini, in qua non opinio, non jactantia, non contentio, non superbia, sed una, ac sola scientia, & cognitio dominatur: Verùm, antiqua hæc est artium pestis, quod earum præxim theoricæ præponunt plerique, & ferè apud chirurgos conjugio artis magisterium comparatur.

Erga vulneratos verò, rigore potius quam indulgentia procurandum est, in servanda diæta, & in reliquorum abstinencia, bonus enim chirurgus, & optima remedia faciliter ægrotantium erroribus, & inobedientia infamantur; Medico præterea convenit, ut cum gravitate, & urbanitate imperium super ægrum acquirat, & tali modo se gerat, ut illi terrorem imprimat, & ad ea, quæ præcipit, tanquam ad salutem necessariissima, æger parens obediat: præstat enim ipsum, quam Medicum dolere, quod nisi fecerit Medicus, civili cum austeritate blandiri ægro aliquandò cogetur, & illi multa cum periculo concedere, & propter quæ inscitia ab aliis argui possit. Conscium quoque Medicum esse decet de vulnerati vivendi modo, an dissolutus sit, an causæ præcesserint, ex quibus corpus pravorum humorum redundantia scaterere possit, an lue Venerea, vel aliquo alio morbo laborer, nam hæc si in vulnerato adsint, symptomata supervenientia timere Medicus debet, quinimodò si iis opportuno tempore occurrat, damnum præcavere potest. Cæterum Medico convenit in conspicuis viris iis remediis, de quibus multoties periculum fecit, quæque cum certitudine, quod ex iis sperat, efficere possit, ne de illo dicatur Plinianum illud; *Discit periculis nostris, & experimenta per mortes agit.*

C A P U T XXVII.

De Vulneribus, quæ Venenatis telis inferuntur.

Antiquissimus tela inficiendi mos fuit, & Barbaris usitatissimus, attamen nunc etiam tanta est hominum crudelentia, ut non simplici necandi ardore contenti sint, sed lethiferam armorum noxam duplicare student, & hoc flagitii genus subindè non intermittant, undè globulos, sagittas, enses, hastas, tela, & alia instrumenta nocitura venenant hostes, ut vulnus ipsum materia venenosa inficiant. Varia inficiendi genera sunt, quæ silentio præterite præstat, quam describere. Domesticis usibus venenum contrahunt, inquit *Paracelsus*, instrumenta mechanica, ut ex. gr. falces, quæ usus tempore dum incalescunt, naturam eorum, quæ secant, ut herbarum, rubetarum, serpentum, araneorum, ac locustarum, facile recipiunt: Sic vomeres à terra, quam secant, veneni quiddam contrahunt, ista itaque sedulo consideranda, & ab aliis studiosè cavendum, nam quamvis attritu, & dum acuuntur, aliquid rursus veneni deperdant, nunquam tamen ipsum totum perit.

Signa.

Vulnerum à telis venenatis inflictorum signa, à priori cognosci nequeunt: verùm per symptomata supervenientia deprehenduntur, undè dolor est valdè savus, & lancinans, partis vulneratæ color naturalis primò in lividum, deindè in nigrum abit, & gangræna imminet; statim graviora symptomata præter vulneris rationem sequuntur, nunc uredo in toto corpore æstuans, *Mastani Opera Tom. II.*

nunc obstupescencia, nunc cordis angustia, interdum membrorum tremor, delirium, virium lapsus, li pothymia, & syncope percipitur, & quamplurima alia symptomata pro veneni cujusque natura accedunt. Observandum tamen est, num hæc symptomata ex venenis, an ex alia causa orta sint, nam ob signorum similitudinem difficile est iudicium.

Prognosis.

Omne vulnus venenato armorum genere inflictum etiam levissimum, & minutissimum periculosissimum est, & mortem asferre potest, non vulneris, sed veneni ratione, cum aliàs magna vulnera sanari possint. Quod plura sunt symptomata, graviora, & contumaciora, & optimis adhibitis remediis non cedunt, eò periculosiora, & plerumque sunt lethalia, præsertim si cordi proprius est, vel si medicamentum applicatio tamdiu protrahatur, donec interim venenum per vulnus fermentando, in corpus agere possit.

Curatio.

Curatio vulnerum à venenatis telis inflictorum, festinam requirit opem, eorumque curationis cardo in veneni educatione consistit, ideòque primò danda opera, ne venenum ad interiora serpat, deindè ut ejus vis alexipharmacis obtundatur. Primò itaque considerandum, an telum venenatum adhuc intra vulnus hæreat: siquidem omnis curatio erit frustranea, nisi extrahatur, & quò citius, eò melius, quòd si extrahi nequeat, emplastris, quæ venenum evocare possunt, ea associanda sunt medicamenta, quæ tela, & alia extranea corpora à vulneribus extrahere valent, de quibus supra cap. 16. dictum est.

Venenum, ne ad internas partes recurat, vulgares supra vulnus id membrum deligant, non tamen nimis vehementer, ea tamen sedulitate, ne membrum torpeat, aut in gangrænam abeat, deindè venenum evocant. Antiqui ad venenum extrahendum, suctione utebantur, & hanc præstabant Psylli, existimabantque eos proprietatem quandam venenum sucu extrahendi habere, cum tamen id præstarent audacia, ipso usu confirmata. Verùm tutius venenum extrahunt cucurbitæ siccæ, si applicabiles sint, vel scarificationes profundiores adhibent, & deindè cucurbitulas apponunt, ut una cum sanguine venenum extrahant. Post cucurbitularum amotionem gallinæ, vel alias aves podice, vel per medium dissectas, calentes vulneri imponunt. Postmodum vulneri antidota venenum extrahentia, ut *theriacam*, *Mithridatium* applicant, & internè hæc eadem, & alia vulgaria per os propinant. Ad cor munient, *oleo Matthioli*, ut & *Magni Ducis Hetruria* cordis regionem, & arterias illiniunt.

In vulneribus venenatis telis inflicis proscribimus venæ sectionem, & medicamentum purgans, tanquam ipso veneno nocentius, & quia eorum curatio in veneni extractione consistit, ideò id primò scarificamus, deindè *aqua theriacali cum spiritu vini* abluimus, vel quod tutissimum est actuali igne partem affectam cauterizamus, ea tamen distantia, ne ignis vulnus attingat, verum pars læsa non debet esse valdè nervosa; eschara illicò est auferenda. Interim diaphoretica, sudorifica, alexipharmaca, & cardiaca ad longum tempus continuamus.

C A P U T XXVIII.

De Sclopetorum Vulneribus.

Humana barbaries de die in diem varias excogitat machinas ad lædendam humanitatem, sic quoque inventa sunt sclopera, bombardæ &c. cum pulvere pyrio, ex quibus periculosiora infliguntur vulnera, quam ab aliis instrumentis, quod lædendi genus vetustatis ante annos 1380. ignotum fuit, ideòque nonnulli tanquam de novo vulnerum generi tractant. Aliqui putant hoc esse vetustissimum; quia Veteres in urbibus expugnandis quadam machina usi sunt, quæ *Catapulta* olim appellabatur; erat enim catapulta machina bellica, qua tela, aut saxa excuti solebant, de qua meminit *Plant. in Cur.* hac enim glandes, globulos,

bulos, lapides, & similia excutiebant, quæ corporibus infixam magnam stragem inferebant. Hujus etiam meminit *Celsus lib. 7. cap. 5.* ubi de pila plumbea in patte relicta agit, atque docet, qua arte sit extrahenda, his verbis: *Tertium genus telorum est; quod interdum evelli debet plumbea glans, aut lapis, aut simile aliquid, quod prærupta cute, integrum intus insedit. In omnibus &c.* Verum instrumenta, quibus his nostris temporibus utimur, nova sunt, & antiquis incognita fuere.

Vulgares ferè omnes; sclopetorum vulnera venenata esse perperam crediderunt, symptomatum ratione, quorum feracia sunt; glandes enim explosæ carni inferuntur, & impetuosa violentia continuum una opera contundunt, collidunt, confringunt, & disrumpunt, non modo eo loci, ubi grans perforat, verum etiam circumpositæ partes, quæ hac impetuosa explosionis violentia, veluti à fulmine tanguntur. Præterea his in vulneribus aliquid de ipsa partis læsæ substantia auferitur, & majus infert periculum, quod plures fibrillæ, membranæ, nervi, venæ, arteriæ, & ossa contunduntur, disrumpuntur, & franguntur, & hac ratione vulnera hæc semper sunt periculosiora aliis, ab incidentibus armis facta, quia hæc simpliciter sua acie dividunt, illa verò violentè discerpunt, & integritas non raro avellunt particulas. Hinc est, quate sclopetorum vulnera sæpè inflammationem, dolorem, febrem præ aliis acutam, prunam, phrenesin, spasum, putredinem, gangrenam, sphacellum, aliaque prava symptomata concitant; major enim hic est obstructio, major tubulorum, & pororum perversio, & major in fluidis perturbatio, quam in vulneribus cæsim, vel punctum inflictis.

Venenata esse sclopetorum vulnera convincunt ex morbis, & symptomatibus vulneratos infestantibus, ut sunt vehementes inflammationes, mali humoris febres, cordis tremores, partium putrefactiones, gangrena, & sphacellus; item vulneris labia livida, seu nigra; Deinde ex medendi modo, nam his vulneribus alexipharmaca profuisse compertum fuit, idèquæ aperta diu servant, aliorum vulnerum venenatorum more. Tandem observatum est in quibusdam præliis omnes globulis vulneratos interiisse, & si vulnera non adeo magna, & perniciose videbantur, & vix, ac non nisi magno labore, & adhibita chirurgorum diligentia aliquos servatos fuisse, quæ omnia certissima sunt veneni indicia.

Sed ex his morbis, & symptomatibus malè deducunt sclopetorum vulnera venenata esse; ea enim primò symptomata omnia, & morbi ex magna contusione proveniunt, nam globulus summâ violentia, fulminis instar, partes, in quas impingit, penetrat, & quicquid obvium est, collidit, contundit, confringit, disrumpit, avellit, quæ vi non solum venulæ, arteriolæ, fibrillæ, membranæ, nervi per carnem passim diffusi lacerantur, sed & ita majora vasa, & ossa contunduntur, disrumpuntur, franguntur, ut magna tubulorum obstructio, major pororum perversio; & in succis maxima perturbatio inducatur, unde partes contusæ, collisæ, disruptæ, & fractæ vitali calore destitutæ, facillè & multiplicem continui solutionem, multiplex morbi genus, & varia inducunt symptomata. Nec etiam cordis tremor, aliaque prava symptomata in omnibus hujusmodi vulneratis accidunt. Secundò, Alexipharmaca profuisse, verum non est in omni sclopetorum vulnere, sed de iis tantum, cum ex contusione, & hinc sequente magna corruptela, & omnino gangrena imminente, cor à putridis vaporibus, è vulnere per arterias ascendentes, læditur, ac proinde alexipharmacis munitur, & roboratur. Tertiò, Vulnera ista diu aperta servanda sunt, vulnere venenatorum more: non idèa sit, ut venenum evacuari possit, sed ut pus, quod continuo è partibus contusis generatur, evacuetur, id quod tardius fit; cum id quod contusum est, multum sit in hisce vulneribus. Denique quartò, in quibusdam præliis omnes globulis vulneratos interiisse, & aliquos difficulter servatos fuisse: non idèa accidit, quod vulnera globulis infecta venenata fuerint; cum in aliis præliis plurimis, nihil tale compertum sit, sed accidit vel annonæ caritate, vel ex pravis cibis, quibus inopes milites nutriuntur, vel ex inquinato aere: vel prava corporis constitutione, vel pravo in iis humorum apparatu, qualis sæpè in castris esse solet.

Item sclopetorum vulnera venenata esse deducunt à pulvere pyrio, à cuius vi globuli impelluntur; alii à plumbo, ex quo globuli concinnantur; alii à veneno, quo globuli hi inficiunt.

Pulverem pyrium venenatum esse ex componentibus probant, hunc namque ex sulphure, nitro, & carbonibus componi cuilibet notum jam est, sulphur enim calidum est in quarto gradu, & siccum, nitrum similiter in tertio, & dum hæc igniuntur, insigni sua caliditate lædunt, quia venenata sunt. Ex eo etiam patere putant, quod qui talem construunt pulverem, ne ab ejus venenato halitu lædantur, os, & nares sibi occludunt, eoque tempore ab acris, nempe ab alliis, porris, capis, aceto, & similibus se abstinere, quod experientia docti faciant, quoniam horum ciborum acrimonia incidendi, aperiendi, & efficiendi vim habent, ut pulveris malignitas ad latentis cordis, membrorumque principalium partes se insinuet. Nonnulli, ad pyrii pulveris venenositatem probandam, ad fulminis, & ictus bombardæ convenientiam confugiunt; nam in fulmine vim venenatam sæpè inesse certum est, quod fætor, & mira homines, & bruta subito jugulandi vis, atque alii maligni ejus testantur effectus: ita simile quid in bombardæ ictu inesse putant.

Cæterum horum vulnerum venenositatem ex pulvere pyrio provenire non posse, ex eo patet, quod ingredientia, ex quibus componitur, venenata non sunt. Etenim ex sulphure varia componi medicamina, & ex nitro, ac interne usurpari tam ab antiquis, quam à recentioribus, & venenata non esse, ita notum est, ut probatione non indigeat. Carbones venenatos non esse, ex eo patescit, observatus namque pica, & malacia affectos impunè illis vesci. Et licet hæc tria unum efficiant, tamen eorum miscela venenata non est, & estò accendantur, tamen inde venenositatem acquirere non potest, cum ignis venenatus non sit, alias ferrum candens, flamma, vivacesque carbonēs, venenum diceremus, imò ignis potius absorbet, vel venenositatem corrigit, quam inducit. Pulverem hunc multi in dolore nephritico ad calculos comminuendos absque ulla noxa hauriunt, item milites hoc ad pestem curandam cum aceto utuntur, idemque in peste ad eam arcendam in domibus accendi solet, similiter pro curanda carie Venerea sæpè hunc pulverem nonnulli admovent, insuper multi, à pulvere accenso combusti, nullam veneni vim experiuntur, & nos multos curavimus absque ope eorum, quæ veneno adversantur.

Neque, qui pulverem istum parant, os, & nares obstruunt ob venenositatem, sed ob pulverem, qui intro hauritur. Sicut etiam qui triticum cribrant, vel calcem metiuntur, ne pulvis ab his elevatus una cum acre pulmones penetret. Sed non omnes id faciunt. Ad illud de alliis, & capis dicimus id efficere, ne viscera ab his alterentur, adde, quod capæ, & allia ex *Dioscoridis* sententia adversus venenum quam maximè pugnant, hinc *allium dicitur à Galeno theriaca Rusticorum*. Et nos pulveris pyrii confectores allia, capas, erucas, & alia quamplurima, quæ calida vulgè existimantur, comedissemus observavimus.

Qui plumbum, ex quo globuli conficiuntur, venenatum esse credunt, omnia metalla venenata, & corpori nostro hostilia esse existimant. Addimus & nos, quod plumbum in aliorum metallorum examine adhibitum, ea absorbet, & unà in fumum arripit, aut in scorias convertit, qui fumus maximè noxius est, non autem venenatus.

Sed neque à globulis plumbeis venenum provenire potest, & estò ejus fumus sit noxius ex copioso ejus mercurio, antimoniali naturam æmulante, ut videre est in metallorum cupellatione, non tamen est venenatus. Imò plumbum integrum nihil veneni afferre posse ex eo patet, quod multi tales globulos intra corpus immisos, à sclopeti ictu interdum aliquot annorum spatio sine omni noxa in corpore circumferunt. Insuper nonnulli globulos plumbeos deglutitos per alvum rursus sine omni damno rejecerunt, ut in Iliaca passione pilis plumbeis devoratis utantur *Vulgares*. Ex plumbo varia medicamenta parantur, ad antiquorum ulcerum curationem, eaque feliciter adhibita observavimus. Præterea chymici ex plumbo, quod saturnum vocant, saccharum, seu sal, tincturam, spiritum arden-

ardentem saturni, aquam Æsculapii, & similia interna medicamenta parant, quorum operationes in nostra *Pyrotechnia* docuimus lib. 4. cap. 4. art. 3.

Ad id, quod dicunt globulos veneno infici posse, ultrò, citròque concedimus, cum ferrum plumbo solidius sit, veneno infici potest, quis plumbum non satis densum non infici negabit? Tela infici Historiæ tum antiquæ, tum recentes earum gentium, quæ sagittis utuntur, testantur. *Virg. lib. 10. Aeneid. cecinit.*

Ungere tela manu, ferrumque armare veneno.
& Ovid. lib. 3. Trist.

Nam volacri ferro tintile virus inest.

Et nostris temporibus nota est insulæ Cretæ obsidio, ubi Christiani tum temporis levissimè sagittis venenatis vulnerati à Turcis, quicquid Medici, & chirurgi adhibuerunt, omnes obierunt. Sed non quærimus, an globuli infici possint, verum quæritur, an omne vulnus sclopeto infictum sit venenatum, quod utique negamus. Et sicut inferre non licet, quia gladio venenato, venenatum infligitur vulnus: ergò omnia vulnera gladio inficta esse venenata: sic quoque si quædam vulnera sclopetorum globulis illata sunt venenata: ergò omnia sclopetorum vulnera esse venenata, concludere non licet. Hi globuli venenari possunt, vel inunctione, vel venenatæ substantiæ infusione, si non vegetabilis, tamen mineralis, quæ in fusione plumbo admisceri, & permanere possit, attamen sua natura tales non sunt.

Ad fulminis, & bombardæ ictus convenientiam, qua pulveris pyrii venenositatem probant, respondemus fulmini venenositatem non inesse, nec fœtorem venenositatem arguere, aliàs omnia fœtida essent venenata: Convenit bombardæ ictus cum fulmine, quia utrumque venenositate caret. Homines, & bruta fulminis vis sternit quia tota ejus actio, & motus est à spiritu potentissimo, & à substantia subtilissima sulphurea, omnia corpora penetrante, & fulmen est lumine solari acutius, nam solares radios aliquantisper sustinemus, fulminis verò ictum nec tantillum quidem ferre possumus, quin portentosi effectus progignantur. Sclopeti ictu quicquid attingitur, globus est, & id violentia, & motu pulveris impresso præstat aliorum violenter projectorum more, ut sagittæ, & lapides è fundis projecti. Nec flamma ex accenso pulvere ad ipsum vulnus penetrat, quod non succedit in fulmine, nam sine vulnere viventia occidit, quicquid blaterant de fulminis lapide vulgares Philosophi, tanquam anile commentum inter fabellas collocamus, & sua flamma, & ardenti fumo amplas domos, turres, templa, & palatia incendio vastat, & perimit.

Dicemus utique pulverem pyrium, seu bombardicum execrandum venenum omnium venenorum esse violentissimum, & nulli comparandum, quia non tantum exemplò, ut non faciunt omnia venena, viventia, sternit, verum etiam tanta est hujus violentia ut horrendæ tempestates, ac urbium, montiumque submersiones ei adscribantur. Unde pyrii pulveris portentosi effectus oriantur in nostra *Pyrotechnia sophica lib. 4. cap. 1. art. 3. de salis nitri præparationibus* ubertim demonstravimus.

Aliqui sclopetorum vulnera non modò venenata esse, verum etiam ambusta, alii tandem neutrum adesse concedunt. Nullum empyreuma adesse his rationibus contendimus, &

Primò, si ambustionem hæc vulnera inferrent, ipsi globuli ignescere, ac inde liquefcere deberent, cum tamen globuli isti integri, & nihil tale passi è vulneribus extrahuntur.

Secundò, si talia vulnera essent ambusta, utique à fauciatis ignis vis perciperetur, ignea enim vis valdè sensibilis est; deindè pila plumbea sclopeto explosa, si comburendi vim haberet, combureret, quod magis est combustibile, videmus enim indumenta sive lanæ, sive lineæ, sive sericæ, sive cujuslibet materiæ, à globulis confossa nullo pacto comburi. Imò qui naves, vel alia ædificia contra istorum globorum ictus tueri conantur, saccos lana, vel stupa plenos appendunt, qui nullo modo à globis istis etiam majoribus acceduntur. Quare multo minùs potest comburi caro, quia agens semper agit in materiam magis dispositam, quàm minùs dispositam, hinc cum magis sint disposita indumenta, quàm caro, quare si indumenta non comburuntur, neque caro comburitur.

Neque dices diversam esse rationem partium corporis hu-

mani, ac similium rerum. Talia enim ob meatuum amplitudinem, tenuissimam exhalationem pervadere, intacta substantia; corpus humanum verò ob densitatem lædere, & idem fieri hic, quod in fulmine, quod illæsa vagina gladium, & illæsis oculis argentum, aurum, aliaque metalla in iis inclusa in unam massam colliquata urit, illæsis vestibus hominem consumit, idque accessisset toti exercitui *Sennacherib* narrat *D. Hieronymus ad cap. 10. Isaia.* Aliquandò carne nihil illæsa, fulmen ossa comminuit. Quare corpora solidiora, & densiora, quæque magis resistunt, magis à fulmine læduntur, quàm rariora, & facilè cedentia, quia in corporibus solidioribus moratur fulmineus ignis diutius, in rarioribus non, sed statim transit.

Sed magna est fulminis, & globi hic diversitas, tota namque actio fulminis, est à spiritu potentissimo, & substantia subtilissima omnia penetrante: at talem spiritum cum globo conjunctum esse, nondum probatum est, sed tota actio hic globi est, qui neque res raras comburit, neque ligna, neque alias densas, in qua impingit.

Tertiò, cum vix ulla res detur inflammabilis, quàm pulvis ille pyrius maxime ignem concipiens, si globi hic corpus humanum comburerent, multò magis pulverem pyrium accendere deberent, quod tamen non accidit, teste experientia, & nos pluries globulos è sclopeto emissos è longinquo per tormentarii pulveris acervum absque ullo accensionis metu pertransisse observavimus. Si verò accadat, ut globo è bombardæ explosa accedatur pulvis pyrius, id evenit, quia vel flamma ipsa ad pulverem penetravit, vel globus ad ferrum, vel lapidem alliditur, atque ignis scintillis, tanquam è filice excussis, accenditur.

Quartò, si globuli plumbei loco, papyrus, vel stipula sclopeto indatur, atque explodatur, nulla in iis, seu à pulvere pyrio, seu à motu contractæ combustionis vestigia apparent, (nisi quod interdum à pulvere contaminantur, & nigrescunt) & sæpè ex ipsis vulneribus integræ extrahuntur.

Quintò, vulnerati hoc modo nullum calorem, aut adustionem percipiunt, sed dolorem tantum ex contusione, & dilaceratione.

Sextò, quòd nec à pulveris flamma, nec à motu globuli isti incalescant, vel illud etiam docet, quòd globus è cera confectus, & sclopeto injectus non liquefcit, sed & ipse asserem ligneum duos digitos crassum penetrat: ex quo unico satis patet globus istos non vi ignea, sed impetu saltem quicquid præstant, efficere.

Qui combustionem, vel empyreuma in sclopetorum vulneribus adesse credunt, falsis innituntur principiis, & infirmas adducunt rationes, &

Primò globulos istos à pulvere tormentario accenso igniri falsum est, & suprà probatum est nullo modo non tantum non ignescere, sed nec etiam leviter calefcieri.

Secundò, globulos ex motu, qui cum sit celerrimus, & velocissimus, calefcieri imaginantur, & testem *Aristotelem* citant 2. de Cælo cap. 7. tex. 42. & 1. Meteor. tex. 3. qui ob vehementem motum ferrum calefcieri, & plumbum in sagittis liquefcere, ac ligna, & lapides igniri scribit, confirmat id experientia, cum notum sit lignorum attritu rusticos interdum ignem elicere, & molarum, rotarum axes, nisi pinguedine madeant, ignem concipere. Ad hoc dicimus nullo modo globulos ob celerrimum motum calefcieri, nam ut hoc succedat, duo corpora solida, & dura diu mutuo atteri necesse est, verum globulus licèt sit corpus solidum, aer tamen, per quem excurrit, est fluidum, & sic nullatenus ex celeritate quantalibet inflammari potest, imò nec calefcieri, imò frigeferi ex celerrimo motu, constat id experientia; rustici namque æstivo tempore in agris, ne vinum calidum bibant, vas vino plenum de fune in arboris ramo suspensum celerrimè hinc inde movent, & vinum refrigeratum bibunt. Ad id, quod scribit *Aristoteles*, nempe ob vehementem motum ferrum calefcieri, utique concedimus, si in corpore solido atteratur.

Tertiò etiam, id ipsum in globis istis experientia confirmat, cum sæpè compertum sit à globis istis in pagis straminea recta flammam concepisse, domosque integras conflagrasse. Dicimus id verum esse, si flamma, quæ cum globo è bombardæ emittitur, rectum tangat, aut si fomes aliquis ignem fovens globo alligetur,

tur, quod incendiarii facere solent. A flamma verò illa, aut materia igniaria si sit, & si globus saltem stramen tangat, nec id, ut nec lana, nec stappa, nec ipse pulvis pyrius accendi potest, ut antea dictum est. Nec hic illa distinctio valet: Si globus eminus, & è longinquo è bombardâ emittatur, vel partem veste tectam feriat, ambustione, & uredine id vulnus carere: si verò cominus, & in partem nudam vulnus à globo tali infligatur, cum uredine, & ambustione conjunctum vulnus esse posse. Nam etsi barbâ, & capillos, vel etiam vestes flamma illa è pulvere pyrio accenso è sclopeto erumpens, è propinquo lædere possit: tamen non credibile est flammam per exiguum illud vulnus curis, per quod in corpus penetrat, simul in profundum corporis cum grobo erumpere. Nec differentia apparet inter vulnera cominus, & eminus per globos illata, nisi quod à globo è propinquo emisso, qui majori vi fuerit, gravior sit contusio quàm ab eo, qui è longinquo venit, & debilius fuerit.

Quartò, & alia, quæ in combustionibus accidere solent, in his vulneribus apparere dicunt, ipsum vulnus nigrescere, vesiculas excitari, acres, terros, & nigros ichores indè effluere, inflammationem ad nonum usque diem succrescere, & escharam augeri, & hinc minui, quæ omnia sunt pessima utionis indicia, & effectus.

Verùm hæc omnia non ab ambustione, sed à contusione oriuntur, & apparent quoque in aliis vulneribus, in quibus, nullum empyreuma, & combustio adest. Neque unquam vesiculæ visæ sunt, quæ ab igne excitatæ fuere, & quod vulnus citra nonum diem melius se habere, & quod eschara separari incipiat, id non tantum in ambustis, & ubi eschara est, accidit, sed etiam in contusionibus, cum, ut id quod contusum, & corruptum est, in pus mutetur, etiam certum temporis spatium requiratur; neque id, quod isti in hiscè vulneribus pro eschara habent, vera eschara est, cum nullo modo, ut eschara durum sit, sed caro valdè contusa, quæ statim emoritur, undè & nigra evadit: Interdum tamen etiam à pulveris tormentari colore, quo glans infecta est, denigratur, vel nigra evadit à sanguine, qui è vulnere effluit, congrumato, & ibi hærente, & consipante, & æger conqueritur de dolore gravativo, non autem de uredine, & ardore, ut vulgus ineptè putat.

Signa.

Vulnerum sclopetum signa tradere non est opus, cum satis sit scire aliquem à globulo sclopeto emisso vulneratum esse. Partes vulneratæ vel stylo immisso explorantur, vel è partium situ ex anatomia noto cognoscuntur, & partes nervosæ læsæ, dolore patefcunt. Præterea vulnera à sclopeto inflicta, apparent ab initio livida, nigra, & sæpè flava, & æger conqueritur de dolore gravativo. An venenatum sit vulnus, ex supervenientibus cognoscitur, quorum nulla alia causa adest, à quo talia proficisci possunt. E vulnere parum sanguinis effluit, & post ictum vulnus contrahitur, ut vix turunda intrudatur, ad quod facit sanguis congrumatus ibi hærens.

Causa.

Causa est glans plumbea; mediata, sive efficiens est pulvis tormentarius igne accensus, & causa remota est sclopetum.

Prognosis.

Sclopetorum vulnera, quia summam spirituum, & sanguinis perturbationem inferunt, & semper aliquid de ipsa substantia aufertur, ac perpetuò composita sunt; vix enim transit pila plumbea cutem, ut non nervos, tendines, fibras, atque cum insigni contusione varios lædat tubulos; longè periculosiora sunt, quàm ea, quæ gladio, vel telo infliguntur. Ideoque ex vulneribus gladio, vel telo inflictis multi perstantur, putà ventriculi, intestinorum, vesicæ, ex iis verò sclopeto illatis rarò quis convalescit. Estò hæc vulnera, vulneribus gladio inflictis longè periculosiora sint, tamen ægrum sine auxiliis telinquare non licet, & satius est malo remediis succurrere, quàm iis omisiss ægrum mori sinere; cum & hic natura sæpè miranda

quasi facere soleat, & eos, cui jam sepulturæ tradendi videbantur, convaluisse observatum sit, ut plures extant historiæ.

Vulnera ejusmodi cum ossis fractura periculosiora sunt, & curatu difficiliora; Quæ ad partes interiores penetrant, sive quæ nobiliores sunt, sive partes principes in consensum trahere possunt, estò sint parva, nihilominus ægrum interimunt. Hæc vulnera, si corpus cacochymum apprehendant, multò periculosiora sunt, quàm quæ corpus sanum. Quæ insignem penetrant cavitatem, ut caput, pectus, & ventrem, periculosiora sunt, quàm si partem carnosam transirent. Hæc vulnera, si à pila venenata infliguntur, valde perniciofa sunt, & ut plurimum lethalia: præsertim si ad partes interiores penetrent & estò sint parva, vulneratum perimunt.

Curatio.

In vulnerum sclopetorum curatione magna sedulitate primò observetur, in quamnam corporis partem globus intraverit, & an penitus pervadendo ex opposito latere rursus eruperit, vel etiamnum intus lateat, & ubinam, quamque profundè. Hinc prima globulos extrahendi indicatio emergit, & si vulnus non satis amplum sit, id cultello incisorio magis dilatandum est, partim ut materiæ effluxus concedatur, partim ut, si adfuerit vestium frustula, vel ossis festucæ, vel globuli eximantur felicius. Tunc patiens in illo situ locari debet, quo vulnus accepit, alias fibræ distorqueri possunt, & indè maximus oboritur dolor. Digni sæpè melius instrumentum sunt, ad res extraneas eximendas, & si globus nimis profundè delitescat, incisio non profunda faciendâ est, sed vossellis, aut tenaculis, aut forcipe denticulata, rostro corvino, aut terebellis, aliisque similibus eximatur, nisi in osse sit infixus; quod si reperiri nequeat, totum opus suppurantibus, vel natura committitur, quæ, exacto aliquo temporis spatio, ejusmodi latentes in profundo sine noxa gestatos globulos plumbeos spontè plerumque propellere solet, quod in ferreis, aut æneis non succedit, qui cum rubiginem, vel æruginem contrahant, vulnus sanari non permittunt. Interim autem multa in vulnere specilli circumactio, profundaque incisio, ad obtinendum globulum omittenda, & fugienda est, tanquàm naturæ hostilis, & valdè dolorosa, ex qua nihil boni expectari posset. Globuli extractio prima die fiat, qua quis ictus fuerit, tum quia globulus tunc specillo tangi potest, tum quia commodius, & facilius fit, cum adhuc membrum calidum sit, & minor doloris sensus percipitur, quàm cum ab aere alteratum, & refrigeratum fuerit. Si verò in aliqua parte nobili, vel quæ nobili in consensum trahere possit, globulus hæreat, & ex vulnere per se de vulnerati vita periclitari videatur, chirurgus globuli extractionem tentare non debet.

Non tantum instrumentis globuli eximi possunt, verum etiam potionibus vulnerariis expulsiis egregiè è corpore hærentes expelli deprehenduntur, & imprimis sequens potio in globulorum, & glandium minimorum expulsionem decantata est, quæ aliàs ob exiguitatem extrahi vix possunt, cum post earum explosionem foraminula carnis vix iterum coalescant, quæ ita fit.

℞. Brassica rubr. non capitata m. ij. artemisia rubra, sanicula, consolida saracen. alchimilla, sedi majoris, sabina,

Quæ in umbra, & aura libera siccantur, & simul in pulverem terantur.

℞. Hujus pulv. probè misti m. ij. vel iij. superfunde vini alb. ℞. iv.

Coque in olla nova lutata ad sufficientiam, de colatura manè, & vesperi ℞. iv. vel v. bibantur, tum etiam vulnus eodem decocto eluatur, & sequens emplastrum superpone:

℞. Terebinth. ℞. ij. gummi elemi ℞. j. colophonia, cera flava ana ℞. ℞. sacch. saturni, minii, sang. draconis ana ℞. iij. styracis liquida, magnetis præp. ana ℞. ij. croci martis ℞. ℞. aristoloch. rotund. mumia ana ℞. j. aloes hepatica, alum. usci ana ℞. ℞.

Pulverizentur pulverizanda, & primò liquefcat cera, ac tum reliqua successivè immiscendo coagitentur, addendo quoque Balsami sulph. ℞. ij.

Et ad justam emplastri consistentiam percoquantur, cujus

cujus parum pro vice subcalescere finitur, linteoque inductum hisce, & aliis vulneribus superimponitur. Postquam illud, quod expulsum volumus, est eductum, statim talis potio omittatur, aliàs nihil boni operatura esset, aliàs tamen mitior potus vulnerarius à nobis descriptus in proprio capite adhuc aliquandiu continuari poterit, donec nimirum vulnus sanescere videatur, & tunc ejusmodi potus cesset.

Extracto globulo, vulgares chirurgi stupam cum ovi albumine conquassato vulnere applicant, & statim, ne fluxio ad partem affectam ruat, phlebotomiam instituunt, si possibile sit, à prima vulneris die, nisi sit nuper à cibo; nam eò tunc est expectanda cibi assumpti digestio. Eam venam secant, quæ affectæ parti directè opposita est: ut vulnere in capite existente, ex cephalica, si ea haberi non possit, ex media, si hæc neque inveniatur, ex basilica. Quæ sanguinis quantitas educenda sit, certò definiri in unoquoque non potest, verum si copiosam sanguinis evacuationem vulneratus ferre non possit, digito venæ sectæ osculum occludunt, & per aliquod temporis spatium, puta per vigesimam horæ partem sic detinent, deindè digito amoto, parum sanguinis educunt, unciam puta, vel semiunciam, & iterum occludunt, & sic per vices reiterant. Nam inquirunt hoc secundæ venæ genus retrahere plurimum à parte affecta cum minima sanguinis educatione. Et eodem die præmissa ramen phlebotomia diversiva, qua per vices exiguam sanguinis quantitatem educunt, purgationem instituunt, quod si utrumque eodem die perficere non possunt, eam in diem sequentem, vel tertium, vel quartum, vel subsequentes differunt, quam conferre dicunt duabus de causis, nempe propter morbi magnitudinem, & vitiosi succi redundantiam. Per purgans enim medicamentum biliosos, tenues, ac serios humores expurgant, qui ad vulneratam partem facile confluere possunt, & si per tempus licebit syrpos alterantes *ex intubo, succo boraginis, infus. ros. buglossa, cum decoctione betonica, sonchi, portulacæ, valerianæ, & similium* propinant, post quorum exhibitionem leniente aliquo medicamento corpus deplent, nempe *syrupo ros. solut. elect. de succ. roc. aliqua rhabbari portione in sero lactis infusi, syr. de novem infus. ros. rub.* & hujusmodi. Cæterum has nænias cap. 18. de Vulneratorum phlebotomia, & medicamento purgante refutavimus.

Deinde si sanguis è vulnere effluit, omni conatu ejus profluvium sistunt: est enim sanguis vitæ balsamus, quo deficiente, vitam ipsam deficere necesse est, verum sanguis in hujusmodi vulneribus semper per diæresim effluit, idest ob arteriarum, & venarum lacerationem.

Postmodum ad internum pulveris pyrii ardorem restinguendum oleis refrigerantibus utuntur, sed incassum, imò majori noxa; in tali enim ardore, non modò refrigerant, verum etiam ceu ignis pabulum ipsa incenduntur, & ardorem augent.

Ad dolorem demulcendum, qui perpetuò in principio, & progressu adest; ea commendant præsidia, quæ doloris causam tollunt, ita sunt intemperies, continui solutio, partium nervosarum læsio, laceratio, extraneum in vulnere relictum &c. Dolorem leniunt anodynis, ut oleo florum *verbasci amygdalarum dulcium, chamamelino, sem. lini, lambricorum, pinguedine humana, adipe vitulina, cataplasmate de malvis decoctis, ac tenuissime tritis, meliloto, additis farinis sem. lini, fœnugraci &c.*

Tandem, quod contusum est, in pus mutant, & à carne sana eximunt digestivi ope, quod ex *terebinthina, ovi luteo, oleo rosaceo* componunt. Verum hic locum non habet, cum contusæ partes facilè putredinem concipiant, & gangrænæ periculum imminet, & præcipuè si partes nervosæ contusæ sint, ejusmodi humida, & simpliciter oleosa, & pingua non tolerant, ac sicciora requirunt: sed talia usurpanda, quæ quidem carnes contusas in pus mutant, putredinem non inducunt, & simul dolorem leniunt. Quidam, ut incommoda, quæ ex vulgaris digestivi usu succedere solent, præcaveant, *digestivi singulis unciis mercurii præcipitati drachmam unam* addunt. Verum magna cautione opus est, ne quid temerè agatur, ubi enim putredo præsens est, & gangræna præforibus adest, utique mercurium præcipitatum admiscendum censemus, attamen is in quocumque sclopetorum vulnere non est necessarius, nec semper tutus,

Musitani Opera Tom. II.

cum experientia constet, talia vulnera sine mercurii miscela curari, & esse alia medicamenta tutiora, quæ putredinem inhibere possunt, imò in locis nervosis vulneratis facilè mercurius præcipitatus insignem dolorem excitare potest. Vulgari digestivo penicillos, vel turundas illiniunt, & in vulnus intrudunt, verum non nimis crassæ esse debent, ne affectam partem extendunt, & excrementorum, quæ per vulnus educi debent, exitus intercipiatur, & necrosi, vel aliis pravis symptomatibus detur occasio; nec nimis longæ, ne pungant, nec nimis duræ, & asperæ, ne lacerent, ac dolorem inferant, unde primis diebus tantæ sint longitudinis, ut vulnus ne claudatur, prohibeant, & unà commodè pus exire possit.

Si globulus aliquod membrum totum penetravit, ita ut vulnus utraque parte pateat, medicamenta per setonem, vel setaceum ex lino, vel serico paratum adhibent, & quoties detergunt, hinc indè setonem illum trahendo movent, & novo medicamento illiniunt. Verum à setonum usu prorsus abstinendum censemus: imò horum usus à recentium chirurgorum aula recessit, nam puri exitus præcluditur; & dolores, ac inflammationes excitantur, præstat itaque turundas utrinque immittere. Addimus, & nos, quod hoc præsidii genus summa cum molestia gestatur, quia perpetuò ipsius vulneris labi lædit, nec medicamentum per totum vulnus deferre potest. Atque ita procedunt in his vulneribus, donec pus aliquo modo laudabile apparere incipiat.

In principio vulnus semel in die ligant, cum vix aliquod detur, quod evacuare necessarium sit. Ubi verò pus fluere incipit, his in die ligant, & cum ea copia fluit, ut nisi sæpius evacuetur, ergò molestiam, & dolorem pariat, etiam ter in die vulnus aperiunt, & à pure mundant. Ubi rursus ejus copia minui incipit, bis in die vulnus detergunt. Et postremo ubi ejus exigua copia fluit, & vulnus incarnari incipit, semel in die, ut initio, vulnus detergunt, & ligant.

Quod si intereà vulnus sordidum reddatur, ut in corporibus cacochymis sæpe fieri assolet, ad abstergentia confugiunt, & ea mitiora, vel fortiora præscribunt, prout major, vel minor puris copia fluit, & vulnus vel purius, vel sordidius est; adhibent *pulverem aluminis roccæ usi, mercurii præcipitati, rutie præparata, & mel rosaceum cum farina hordei mistum*. Si in putredinem abire videatur, tunc à suppurantibus abstinere, & iis utuntur præsidiis, quæ putredini resistunt, & sequens conficiunt *ex agrimonia, centauro minori in vino decoctis, cujus colatura addunt succum apii, plantaginis, mel rosaceum, & cum farina hordei, croco, unguento Aegyptiaco, & terebinthina mediocris consistentiæ unguentum formant*. His peractis, si vulnus in melius abit, tandem unguentis incarnantibus, & cicatrizantibus utuntur.

In sclopetorum vulneribus juxta nostram sententiam curatio procedit, extraneis, & globis extractis, siqua sint, ac sanguinis fluxu sedato; si vulneris ardor, seu dolor gravativus propter pulvem pyrium affectam partem excruciet, restinguere debet *nitro per aquam rosarum clarificato, & in crystallos redacto*. Quod si talis nitri præparatio non sit ad manus, restinctio à pulvere pyrio mendicetur, ut

℞. Pulv. pyrii ℥. ij. decoquantur in aqua fontana haustu, tunc enim nitrum, quod clarificatum ad hujus pulveris compositionem ingreditur, coquendo in aqua solvitur, & uno haustu ebibatur, & per tres vices reitera. Exteriùs ad vulneris ardorem restinguendum, optima sunt alkalia, hæc namque omnem aciditatem extinguunt; cum aciditas corruptiva vulnere insit, hoc aciditatis extinctivum paratur ex calce viva, ut

℞. Calcem vivam recentem, eam in aqua fontana extingue, & una, vel altera ebullitione simul coque, deinde aquam cola, & in ea aequalem mellis partem coque, & despuma, donec mel iterum suam puriorem consistentiam obtineat, tunc

℞. Hujus mellis ℥. ij. cremoris lactis ℥. ij. ℞. oculor. cancr. purverizat. ℥. ij. m. f. linimentum.

Hoc mollioribus turundis excipitur, quæ utrique formini, si totalis trajectio ab uno latere ingrediendo, & altero rursus egrediendo, imponantur, exactis tribus, vel quatuor horis, cum recenti linimento repetendo.

Si magna sit contusio, omne contusum, quia succi ex canaliculis disruptis effusi fermentari debent, quo facto pus subsequitur, maturandum est, id quod tardè fit:

nam sclopetorum vulnera vix ante tertium vel quartum diem suppurari solent, ob id sufficit, si inter hoc tempus singulis vigintiquatuor horis semel diligentur, ea propter suppurantia, ut digestiva tunc conveniunt, & ante omnia, quod contusum est *vini spiritu* abluatur, & *digestivo* regatur, cui semper *vini spiritus*, & *balsami Peruviani* aliquantulum est addendum, ne labia vulneris contusa ad gangrænam ruant. Hinc turundæ, quibus illiniuntur unguenta digestiva, & suppurantia, prius immergantur in vini spiritum, & deinde digestivo illinantur: in primis enim quoniam digestiva non æquè semper partibus nervosis conveniunt, ea propter optimè additur, qui omnem noxam metuendam corrigit: *Ambrosius Pereus* digestivi communis loco ad vulnerum sclopetorum curationem commendat balsamum, seu *oleum ex tenellis catellis* paratum, cujus hæc est compositio:

℞. Duos catellos (præstat autem, si nigro colore fuerint) recens natis, qui scilicet ante tertium diem in lucem editi sint. Hinc hi in olla fictili claudantur, atque

Ol. lilior. albor. vel. violarum ℞. iv. Superinficiantur, deinde subjectis prunis, fervere leviter incipiat oleum, olla sit benè cooperta, & ignis continuetur, donec catellorum carnes, & pellis omnino decoctæ fuerint, etiam ad ossum dissolutionem; advertendum tamen, ut leni igne opus exsequatur: postea adde

Lumbric. terrestr. in vinolotor. ℞. j. Coquantur simul, & coletur per manicam hippocratis, colatura adde

Terebinthina veneta ℞. iij. spiritus vini ℞. iij. ℞. f. linimentum,

Quod mirificè conducit ad sedandum dolorem, & mandanda sclopetorum vulnera cum turundis applicatum.

Postquam per hæc, & similia suppuratum est vulnus, & omne contusum separatim, applicandum est mundificativum sequens, vel quodcumque aliud, ut

℞. Terebinth. venet. ℞. v. ol. ros. ℞. j. mell. ros. colat. ℞. iij. myrrha, aloes, mastiche, aristoloch. rotunda ana ℞. j. farina hord. ℞. iij. f. linimentum.

Imprægnandum, & irrorandum nonnihil cum spiritu vini. Hoc ipso mundificandum est vulnus suppuratum, donec spontè caro nova succrescat. Quod si in suppuratione, aut subsequente mundificatione putredo, ac corruptio adsit insignior, supradictis remediis nonnihil de mercurio præcipitato, quantum fieri potest, spiritu vini correpto, commodè addi potest, & id præcipuè ubi partes nervosæ fuerint læsæ, vel affectæ.

Verùm nos sclopetorum vulnera cum magna contusione, spretis suppurantibus, & digestivis, curamus *sola aqua Regine Hungariae*, nullo subsequente pure. Si vulnus penetrans sit, vel ejus totalis trajectio ab uno latere ad aliud, abluatur *aqua ejusdem Regine*, & cum turundis in eandem aquam, vel in balsamum proprietatis immersis curationem peragimus, vel spiritu terebinthina misto, vel spiritu vini cum balsamo Peruviano, vel balsamo artificiali &c. Interim non desunt poriones vulneraria cum stibio diaphoretica, vel balsamo Peruviano, vel oculis cancerorum, vel sanguine hircino, vel mumia, &c.

C A P U T XXIX.

De Vulneribus ex venenato morfu inflictis.

NON uno gravamur malo, nec morborum infortunia solummodò vitam nostram impendent; sunt quippe & alia graviora, quibus non rarò calamitosius affligimur: ita ut nihil ex omni parte contingat, passimque majora pericula nos expectare videantur. Qui febre corripuntur, doloribus cruciantur, aliqvè morborum genere affliguntur, & si quandoque in magno vitæ discrimine versentur, attamen minimè iis comparandi, qui aspide, vipera, scorpione, similique virulento animali vulnerati, potentissimo horum veneno inficiuntur; siquidem morbos vel temperato victu, rectaque vivendi norma præcavere, vel jam instante provido sapientum consilio præcidere, ni per incuriam, inscitiamque, in deterius labi promoverique velimus, facillè possumus; at non itidem venenatos illorum morsus effugere sapientissimè accidit, quandoquidem nos inculpabiliter incautos adoriuntur, ita ut ab hisce in tuto non sumus, sive proprio in agro versemur, sive in prato immoremur, sive in

aprico; molli in herba, virentique cespite consideramus, tandem nec vel intra proprios lares securi vivimus, in quibus non rarò scorpius latere solet, nosque ignorantes pungit. Unde *Virg. Georg. 3.* inquit:

*Sæpe sub immotis præsepibus, aut mala testis
Vipera delituit.*

Nec de tanto malo nos cogitare possumus, nisi potens veneni vis vario symptomatum genere nos moneat, quæ in horis crescit, majoresque semper vitæ lumini noctes offundens, quousque ad interitum perducatur. Insistendum itaque in præsentiarum huic malo duximus exactissima methodo in singula, quæ à tanto summo discrimine vitam relevare possunt, advertentes.

Signa.

Venenatorum animalium morsus signa ex ægri relatione patent: è vulnere parvo sanguis emanat purus, deinde dolor lancinans, qui sensim accrescit, & subitaneo tumore pars ita insurgit horrendam in magnitudinem, & in luridum, nigrumque tendit colorem, qui ex rubro flavescit, virescit, & deinde nigrescit; In parte læsa uredo æstuans deinde toti corpori communicatur, & pustulæ in ipsamet excitantur parte. Succedit inappetentia, biliosi vomitus, singultus, vitium lapsus, vertigines mentis stupor, tremores, lipothymia, syncopes, spirandi difficultates, pulsus parvi, profundus sopor &c.

Causæ.

Horum animalium vulnera dicunt *Vulgares* esse venenata, quia eorum licet morsus sit exiguus, est tamen lethalis, & hoc propter animalium venenositatem, & ita vitiosum committunt circulum, à quo ut declinarent, vim inesse ipsis peculiarem, toto genere præter naturam, & uno verbo occultam dicunt. Sed hoc ipso fatentur se ignorare istam vim venenosam, quia ipsis est occulta, quod namque occultum est, hoc ignoramus, & ita sciunt, quod nesciunt.

Alii, quorum Medicina est caloris, & frigoris dogma, relictis qualitatibus occultis, ad manifestas recurrunt, dicuntque hoc animalium virus frigiditate sua agere.

Alii verò utroque modo simul agere, nempe qualitate elementari, & propria forma, quam specificam vocant.

Alii tandem qualitatum tam manifestarum, quam occultarum insufficientiam meditantes, *Aristotelis*, & *Galeni* præjudiciis exuri, in *Epicureas*, *Democriteasque* atomos impeerunt, & tali, vel tali particularum, seu corpusculorum dentes constituentium positi veneni actionem refundunt. Quæ sententiæ, an ad veritatis scopum colliment, non tantum sapientibus, sed etiam insipientibus, exponendas relinquimus, & interim in tanto opinionum conflictu ad nostram stabiliendam accedemus.

Verùm non pro nostra sententia adduci non possumus, ut credamus, viperam, cum tota bezoardica, & alexiteria sit, venenatam esse, cum multorum morborum myriadibus insigniter prodesse experiamur; Vinum enim in quo vipera suffocata fuerit, ad *elephantiasim Græcorum*, seu *lepram Arabum* præsentissimum est alexipharmacum, teste *Galeno*. Et musto, in quo similiter extincta vipera, spontaneo nisu, talis æger non tantum perfectè curatus, sed præterea quoque omnino in juventutem quasi restitutus fuerit, exutis unguibus, & pelle, hisque omnino renovatis, refert *Arctæus*. Et mulieres nobiles *Britannica* vinum, in quo viperæ suffocatae sunt, quasi interno cosmetico ad corporis, vultusque pulchritudinem, & universæ cutis formositatem comparandam, absque ulla noxa, & sanitatis detrimento bibunt, teste *Zuvelsero*, & id nobis multi *Britannici* retulerunt Jura viperarum consumpta nonne consumptos, & hecticos pristinae sanitati restituunt: Imo in omnibus febribus malignis in jure pullorum consumpto nos viperam concoqui jubemus felici cum eventu. Nos *Castrovillari* in nostra Patria cum immoraremur, in *Antonii* forte pharmacopolio quasdam viperas in veru assas, anguillarum more multoties magno cum palati oblectamento comedisse observavimus. Actum esset de alexipharmaca theriaces virtute, nisi in sua compositione viperæ pulveres, vel ejus loco de vipera trochiscos admitteret, qui ejus basis, & fundamentum sunt. Quis unquam satis extol-

extollere potest bezoardicum animale, quod ex solis viperarum cordibus, & hepatibus conficitur? Quis salia viperarum volatilia, seu theriacalia? Quis essentiam viperinam alexipharmacam commendare poterit? Ex tot, tantisque viperæ dotibus, quis eam venenatam esse credere poterit? Et tamen inter venenosorum reptilium genus primas obtinet vipera, & animal in totum perniciosissimum, & venenatissimum in morfu est; sub alexiteria ejus virtute quantum malignitatis lateat, nos miserandorum ex ejus vulnere supervenientium procella, & imminens vitæ periculum vitulentiam admonet. Cæterum meditari non possumus, cur in Vipera sit perniciosum virus, & rursus in eodem subjecto tam salutare pharmacum?

Tandem eò devenit intricata difficultas, ut nonnulli authores recentiores dixerint, quia vera veneni viperini cognitio eos latuit, non totam viperam esse venenatam, sed tantum quasdam ejus partes, inter quas recensent caudam, caput, spoliū, & interanea, hæc namque eximi fatentur, quia veneni receptacula sunt; non autem quia venenata eximuntur, sed quia excarnia, & inutilia sunt.

Quidam concordati authores considerantes viperas morfu vulnerare, & perimere, venenum dentibus attribuerunt, & revera dentibus mordent, & si dentes illos falcatos eruas, imposterum earum morfus non profundè penetrare, nec majusculos nervos fauciare valet, quia reliqui dentes obtrusiores, breviores, & minutiores sunt, ac solummodo, aut maxima ex parte saltem epidermidem lædunt, ac proinde non æquè exitialis existit. Hanc artem probè callent circumforanei, qui spectatoribus egregie imponentes, viperis dentes illos falcatos eruant, deinde in saccum viperis plenum ingrediuntur nudi, & suas carnes unguibus lacerant, non aliter à viperis demorsi sint. Hinc statuerunt dentes esse venenatos, & venenositatem in dentium acumine, sive cuspidē acutissima, tali, & tali corpusculorum positu, & conformatione sitam esse planè sibi persuadent, hac apparenti ratione ducti, quòd quidam acus vel alterius instrumenti cuspidati acumine icti miserè postera vitæ periodum complevere, tot malignis symptomatibus, non secus ac viperæ dentibus fuissent demorsi. Verum magnum discrimen est inter ictus venenatos, & perniciosos, sive malignos. Verumenimverò dentes viperinos venenatos esse propter talem conformationem equidem repudiamus, nam etiam post mortem lædere possent ex se, & venenata vi, quod falsum experimento deprehendimus, defixo viperæ mortuæ dente intra galli cristam, & deinde nos audaciores redditi intra nostram carnem, alio adacto ad sanguinis effusionem, nulla veneni actio in priori experimento, nec in posteriori impertita fuit, præter exiguum, & simplex vulnus punctum factum, & omne carens veneno; imò nec iidem viperini dentes contriti, & vorati aliquam inferunt noxam: non itaque ex nudo effectū, & venenato morfu dentes venenati sunt judicandi.

Alii inspicientes viperæ dentes perforatos, & vesiculis liquore plenis munitos, hunc liquorem venenatum esse sanxerunt, qui in dentium intrusionē ob vesicularum compressionem per dentes perforatos parti vulneratæ communicatur. Ad has dentium vesiculas ex corde, & hepatis vesicula fellea venæ, seu arteriæ ascendentes hunc deferunt liquorem, quem felleum appellant. Verum nec hic humor felleus, sive salivalis est per se venenatus, nam capita, & vesiculas felleas exemptas carne obvolutas felibus, & canibus devorandas præbuimus, quas absque ullo vitæ discrimine, vel noxa, consumpsere, nec vel tantillum damni, quoad corporis incolumitatem passi sunt. Imò iste felleus viperæ liquor in pulli stomachum immixtus nihil officit. Insuper hodiè introductus fuit mos capones nutriendi, & saginandi viperis in frustula dissectis, qui à magnatibus in mensis non tantum pro deliciis, sed etiam pro tuenda incolumitate, fœcundando matrimonio, servando juventæ vigore, & ad vitæ productionem habentur. Sed quid in viperæ minutis annumerandis innoxii immoramur? Nos quandam circumforaneum non tantum capita, linguas, caudas, vesicas felleas, hepatia, corda, imò cyatum ad digitum transversum altitudinem liquore felleo refertum, & liquorem salivalem ex vesiculis circa dentes expressum, sed tandem integras viperas devorasse observavimus.

Musitani Opera Tom. II,

Si innoxia, & alexipharmacæ sunt omnes viperæ partes: imò tota vipera, unde tanta venenositas in morfu oboritur, vestigandum est; Existimant aliqui viperas alimentis venenatis vesci, ut lacertis, muribus, bufonibus, scorpionibus, bupestribus, & cæteris escis virulentis, & bestiolis sulphureis, ex quibus partes venenatæ in fellis vesicam secernuntur, salutares verò partes in succum, & sanguinem transmutantur. Unde conjectandum est viperas venenum non proprium, aut intrinsecus concretum, verum adscititium, & aliunde irreptum; hinc pluribus in locis viperæ veneno, & venenandi vi carent, sed solummodo occasione locorum, cœli, victuum &c. immutantur, cæterum rusticum est effugium; & nulla ratione stabilitum; hujusmodi enim animalia venea eodem veneno in digestionum officinis afficere deberent partes, quod utique non evenit, item antequam in vesicam bilariam colligantur, alexipharmacam sanguinis vim inquinare, nec virtutum alexipharmacarum origo, unde petenda esset, si venenatis vescuntur bestiis? Præterea anates bufonibus, & ranis delectantur venenatis, quibus nos impunè vescimur, sicut & Ciconiæ similibus, ranis, serpentibus, bufonibus, aliisque toxicatis animalibus, tantum tamen abest, ut venena colligant, ut potius efficacissima exhibeant alexipharmacæ: hinc *Theophrasti arcanum ad quavis veneni genera notissimum* est, ut videre est apud *Crollium in sua Basilica chymica* p. m. 413.

Quod de vipera diximus, de alii animantibus vulgò toxicatis dicendum sentimus, ut de aspidē, scorpione, aranea, bufone, & cæteris, nam nos quandam hæc animalia venenata viva dilacerata, ut scorpiones, bufones, araneas, aspides &c. sine salutis noxa vorasse observavimus; & passim apud authores de his animalibus innocuè deglutitis innumeræ extant historiæ, quas si forsitan recensere vellemus, deficeret prorsus pagina.

Aliorum trutinatis opinamentis, de horum animalium veneno, pro nostra sententia duplicem de his considerationem facimus, vel prout vivunt, vel ut mortua sunt: viva omni veneni suspitione carere demonstravimus, & mortua in saluberrimas transire medicinas, quæ vix in alia creatura reperiuntur. Hinc ut iterum primò de vipera dicamus, falsum competimus ex vipera revera mortua veneni noxam cuidam inflatam esse, juxta illud vulgare adagium: *Eneca bestiam, & liber eris ab ejus veneno*. Italicè: *Mortala bestia, morto il veneno*. Imò nec pulli gallinacei à vipera demorsi, enecati, & esitati, postea lethales non sunt, sed quartanam, Medicorum opprobrium, feliciter profligant, si credere dignum est. Mittimus adnotata exempla, & aliquot adnotare libet omisissis jurium viperarum consumptorum dotibus, quas vires habeat per retortam artificiosè propulsus spiritus cum sale volatili ad febres malignas, & pestilentes, insultus epilepticos, scabies leprosas, aliosque malignos affectus, quotidiana clamat experientia, & spiritus, omne quod agit, salis volatilis ratione agit, quod salis theriacalis decantatas superat vires, & encomia. Hoc sal volatile in viperis est verus earum balsamus reconditus, qui totius corporis œconomiam renovat, fermenta viscerum effœta jam revocat, & sanguinis vitalem fermentationem fortiter conservat, & masculè restaurat: hinc est, quod ex viperino vino elegans sequitur rejuvenescentia, ex brodio decoctionis viperarum mulier leptosa quadragenaria, id testante *Helideo Paduano*, sterilis antea, post curatam lepram facta fuit fœcunda, non secus ac galli, gallinæque viperis nutritæ, docente *Zuvelsero in animadversionibus in pharmacopœam Augustanam* class. 12. p. m. 215. admodum fiant fœcundæ, quæ animalcula postmodum viperinas vires possidentia, esu ad eadem conferunt mala, ac ipsæ viperæ, in specie ad elephantiasim, & ipsi cognata mala, scabiem fœdam; luem veneream &c. tum ad fœcunditatem, juventutem conservandam, senectutem retardandam, vitæ productionem corporis nitorem, & oculorum claritatem conciliandam. Intestina exsiccata, & in pulverem redacta ad omnis generis affectus epidemicos, vel minorum animalium, præcipuè ovium, & equorum, commendat *Hartman*. Hepata viperina pulverifata sanè præsentissimum sunt remedium in Dysenteriis, in primis epidemicè grassantibus. Fellis viperini exsiccati granum unum ab omnibus venenis liberare dicit *Borellus*. Ex viperæ spinis

pulvis paratus, magisterium ad eodem usus medicos prodest, ad quos caro, & tandem nec caudam reformidare debemus, nam ejus nudo contractu odontalgia tolli dicitur. Filum rubrum setaceum, quo strangulata fuit vipera, si collo circumdatur, angina laborantes eandem curare dicitur propter strangulationis, & suffocationis ideam, si verum est. Caput viperæ appensum ad febrium arcendos paroxysmos commendatur. Axungia viperina convenit vetulis pro delendis faciei rugis.

Reliqua animalia venenata mortua etiam innoxie tractantur, & intra corpus assumpta, vel extra applicata multos, & graves profligant languores. Hoc in bufone experimur, quod animal est veneno plenum, & est dentibus careat, tamen compressa scabris gingivis particula, & subinde per dilacera à cutis spiracula ingressa saliva, demorfos venenat, imò dum acutissimo perfoditur palo (ita interfici solet à rusticis, regitur namque crassa, tenacique cute) in tumorem ira se contrahit, ut venenum per urinam longius ejaculetur in plantas, & circumstantes quadrupedes; unde mirari non licet, si nonnunquam repente homines interimat, qui fraga, fungos, aliasque plantas hujus veneno infectas inscii devorant. Quippe quod non modò veneni mictu hæc omnia inficit, sed etiam saliva ea sapius conspuat, quæ sanè non minùs mortifera est, quàm Napellus. Et est bufo sit animal venenatum, mortiferum, & toxicatum, non proinde medicas non habet opes: Internè bufonum sal ex eorum cineribus calcinatis extractum à 3. ss. ad 3. j. pondere in aqua cardui benedicti usurpatum, ad omnem pestem è sanguinis massa eliminandam, eamque ab omnibus venenis liberandam mirifice commendat *Petrus Joannes Faber Pamphymici lib. 5. & ultimo cap. 8. pag. 631.* Et *Myrothecii spagyrici lib. 1. cap. 24. de essentia bufonum pag. 526.* inquit: *De sale verò nullo pacto dubitandum est, quia theriaca summa sit, & mirum alexipharmacum; ignis n. omnia consumpsit præter salem vitæ, qui nunquam est venenum, sed vitæ fomes, & propugnaculum, ac ubi posuit naturam mortem, ibi etiam vitam collocavit, ut morti mederetur. Vires verò hujus laudatissimi salis sunt contra omnia venena, tum assumpta per potionem, tum per aerem illata: Unde pestis est summum alexipharmacum, bubones etiam, & carbunculis pestilentes mirabiliter exterius illitos curat, & sanat, eorumque malignitatem reprimit, & caneros tutissime curat.* Pulvis exsiccati bufonis ad 3. ss. dat experimentum ad hydropiseos aquas educendas certissimum, cujus experientia prima casu facta est, & hic bufonum pulvis fuit secretum *Kyperii* in cura hydropis ascitis, qui ita paratur:

24. Bufones, abscinde capita, & exime intestina, exsiccata in umbra, & in pulverem subtilissimum redige, de quo pulvere gr. x. vel xv. totidem sacchari patienti propina, mirabilem exinde admiraberis effectum. Dari potest tribus, vel quatuor vicibus, ita tamen, ut tres, vel quatuor dies post assumptionem una vice intercedant, potens est enim remedium. Vel hos bufones in furno exsicca, & in pulverem impalpabilem redige. Externè bubonibus pestilentibus optimè applicantur bufones, & omne extrahunt vitus, & ægrum curant. Ossiculum brachii bufonis applicatum externè odontalgiam curat, neque id mirum, nam catholicum anodynum in bufone latet. Paramus nos oleum bufonum, cujus confectionem alibi tradidimus, quod ad strumarum, & tineæ curationem utramque absolvit paginam.

Descendimus ad scorpionem, cujus aculeum in caudæ extremitate eminentem letiferum vulnus in regionibus calidis, ob veneni perniciosam vim inferre sat notum est, dum vivit, sed mortuus nullam veneni vim imprimit, & vivens, abscissa cauda, sine veneni labe vulnerat, non proinde medica caret ope; abundat namque copioso sale acri, undè scorpionum pulvis potenter urinam ciet, deinde egregiè abstergit, & promoveret renibus sabulum, & in vesica calculum, & remoratum ab eo exturbat urinam, rarò tamen internè usurpatur, sed potius oleum tam simplex, quàm compositum. Simplex inungitur renum regioni pro expellendo calculo, pubis, vel vesicæ regioni pro cienda utina suppressa, sive cum dialthææ unguento, sive cum cataplasmate ex capis sive parietaria, silere, petroselino &c. In aurium dolo-

re est planè singulare, si olei scorp. 3. j. misceatur cum olei amygdal. dulc. 3. ss. quæ incalescant, & una, vel altera gutta dolenti auri instillantur. Oleum scorpionum compositum est alexipharmacum præstans, quod auctore *Matthiolo*, in affectibus malignis usu externo commendatur, in peste pro pulsum illinitione, in bubonibus pro malaxandis emplastris, vel unguentis. Cum olei virri, & camphoræ mistum dat balsamum anti pestilentiale, quod applicatur pulsibus, temporibus, & aliis locis aeri expositis. Efficax est in morbis contagiosis, pestilentibus, febribus malignis petechialibus, pulsibus, cordis regioni, & spinæ dorsi inunctum, repetitis vicibus. Venenatorum animalium moribus medicina est, venenis oretenus assumptis adversatur, aliquot guttularum dosi propinatum.

Devenimus tandem ad araneas, omnia enim animalia venenata recensere velle magnum expositaret volumen; sunt araneæ venenatæ, & ad aliorum venenatorum animalium modum, tum etiam morfu, vel ictu per vulnusculum tam exiguum, ut oculorum aciem effugiat, venenum in corpus infundunt, sicut etiam liquotes, in quos incidunt, venenoso inquinant contagio, non contemnendis symptomatibus; sed non omnes venenatæ, sunt, nam nos duos observavimus pueros circa nostrum palatium, & alias ædes venantes, & comedentes araneas telarias absque ulla incolumitatis noxa, non adeò tamen venenatæ sunt quin venenis non resistent. Ex araneis enim fit oleum simplex per aranearum infusionem: ut etiam compositum. Hoc aranearum oleum pro malaxandis emplastris, & unguentis applicandis antracibus, & bubonibus pestilentibus adhibetur. Similiter hoc oleum pro pulsum, & regionis cordis inunctione in febribus petechialibus, & pestilentibus, ac in ipsa peste usitatum est, sive solum, sive cum oleo scorpionum *Matthioli*. Insuper ad curandas febres intermittentes variis modis araneam commendant, quidam ejus oleum, vel solum, vel cum aliis araneam metacarpipulsibus applicant; alii vivam nucis putaminibus includunt, & de collo suspendunt, imprimis in febribus quartanis, & expertus est ejus usus. Ex araneis, ceu basi, & fundamento componitur decantatum *Strobelbergeri* emplastrum contra quattanas. Aranearum telæ sunt commune mulierum experimentum pro glutinandis vulneribus recentibus, quas cum mica panis benè masticata permiscant, & applicant.

His ita perpensis, optimèque trutinatis, adhuc superest, ubinam horum animalium virus consistat; idque ulterius inquirendum, & reverà, cum ex dictis pateat horum animalium partes bezoardicas, & alexipharmacas esse, ac morborum myriadibus mederi, & nullibi reperiri venenum, difficilis indaginis est, ubinam virulentia sita sit, cum ex horum morfu vel ictu præsentissimam mortem intentari extra dubium est, nisi maturè succurratur.

Cæterum pro virili parte statuit *Helmontius*, *Marcus Marci*, *Ettmullerus*, *Zuvelserus* alique ex recentioribus nullum animal revera, & per se esse venenatum, fieri tamen tale per accidens, & hoc modo non venena fieri venena sub tali respectu; unde viperæ, & quorumcumque animalium venenositas tantum in quadam furoris, indignationis, & exandescantis idea sita est, & hinc evenit, ut tantum motus sint venenati, & brevi lethales, cum totius animalis partes post funus sint aliàs medicamentosæ, & saluberrimas offerant medicinas.

Hic quanimaximè de iræ natura trutinandum est, qua vix validior reperitur affectus, excipe tamen vim amoris. Considerandus est hic animi impetus, & sanguinis, & humorum reliquorum motus. Animi impetus vehementissimus, & furibundus ex mali maximè infestæ præsentia concitatur, ad quod admovendum tota insurgit natura, eandemque omni conatu à se expellere tentat: objectum enim odiosum per suam speciem movere animæ vim cognoscentem per sensuum organa operantem, quæ ex ejus inconvenientia, & odiosa præsentia permota abhorret eandem, & amoliri à se conatur, urgente hoc, se conservandi omnibus innata concupiscentia, & hic actus iræ nomine vocari solet; ex hoc ipso horroris actu nanciscitur idea amovendi, & propulsandi molestum, quæ non tantum recipitur in memoria, & asservatur, sed etiam in totius corporis partibus fluidis, imprimis sanguini, spiritibus mediantibus confusè, in spe-

in specie vero membro cuidam , cui molestiam propulsandi munus committitur , distinctè imprimitur , & insculpitur ; adeoque in viperis hoc animi impetu permotis , species hæc idealis , ut totiùs corporis ergastulo , ita in specie ori , ejusque partibus , & maximè dentibus imprimitur percussoribus , simulque liquor salivalis in eorum confiniis asservatus , pingitur hac ipsa furoris impressa idea .

Considerato animi impetu in vipera irritata , & mordicante , pergimus nunc ad humorum motum in tam furibunda perturbatione . Hic consistit in impetuosa sanguinis ebullitione , & effervescencia in iracundis omnibus obvia , veteribus exindè iram , furorem circa cor definientibus , indeque iratus fervere , & totus in fermento esse communiter quidem , sed appositè dicitur , unde & iram fortitudinis cotem dixere Medici , si non ut duce , sed ut milite ea quispiam utatur . Hæc sanguinis nimia fermentatio ex spirituum impetu variis motibus cordis pulsatile corpus moventibus , & commoventibus oritur , indèque nimia sanguinis rarefactio , intensio , effervescencia , & ebullitio , ex rarefcente imprimis bilis pingui oleosa parte , & salina volatili ejus substantia in motum & volatilem impetum concitata proficiscitur . Agitatum sic sanguinem similis salivalis sequitur agitatio liquoris , sive n. ex felle , sive ex sanguine , & cerebro derivet , proindè est , dum partes ejus spirituosæ , & salinæ volatiles in effervescencia motum similiter rapiuntur : non secus ac homines irati spumare sæpiùs ore assolent , ex simili salivæ motu .

Hiscè consideratis , patet , quid de venenositate morfus viperini habendum sit , consistit ea partim in idea furoris Archei dentibus , & salivæ impressa , sicque per morsum parti læsæ , & consequenter reliquis partibus communicata , spiritum , seu Archeum corporis similiter perturbant , & in furorem concitante : partim verò in parte salivæ fermentescente , per fistulam dentis in vulnus vibrata , & beneficio circulationis sanguinis toti massæ communicata , & in similem furorem , & impetuosum motum , eandem concitante : in hisce consistit morfus viperini venenum .

Optima quidem hæc sententia est , & tot , tantisque digna authoribus , & reverà primo intuitu , & prima facie vera videtur , hanc sectandam animo statueramus , quam nos utrique amplecteremur , sed diutinè eam mente trutinavimus , & tot difficultatibus , tricis implicata , & scopolis involutam nacti sumus , quæ nos ita deterrent , & exanimant , ut meliorem frugem reperiamus oportet . Parcite itaque *Helmontii* Manes , & vos sectatores per epistolam fideles , nam veritatem sectamur , non authores . Unde

Si in sola vipera irritata , & furoris æstro percitæ idea viperinum consisteret virus , nulli , vel ferè pauci venenati morfus indè emergerent , antequam in ipsa propulsandi molestiam idea cuderetur ; nam ut furoris ideam conciperet ; Primò efferveret sanguis , & mediantibus spiritibus rarefceret ; Secundò , bilis in motum concitaretur ; Tertiò ex sanguinis , & bilis agitatione salivalis ageretur liquor , & tandem per dentis fistulam parti demorsæ communicaretur : utique ad has obeundas operationes aliquid temporis requireretur , non enim tot operationes naturales fieri in instanti possunt , ut per morsum , & salivam venenatam , ideam in demorsi archeum transplantaret .

Præterea unica vipera irritata quot animalia mordere posset , tot enecare valeret , non aliter ac innumera inficiendi energia esset imbuta , quod oppositum plures experientia nos docuerunt ; nam primus , secundus , & tertius morfus experitur venenatus , & quò ulterius irritatur , furit , excandescit , & ulcisci conatur , mordet , & morfu cruentat , eò innoxie , & inani morfu dentes imprimit , quia in tertio morfu totum exhauritur venenum in vesiculis salivalibus , nec noxius est morfus , donec novum virus eodem demandetur . Hinc circumforanei alicujus rei frustulum ad mordendum viperis pluries præbent , ut mordendo , totum virus è vaginis eliminetur , quo exhausto , in publicas prodeunt plateas , tum viperini morfus virulentiam exaggerant , postmodum sub mammis juxta cor , cum sanguinis effusione se morderi sinunt , attamen sine periculo , ut inane , & iners suum antidotum contra viperarum morfus venditent , & sic bardis imponunt hominibus . Post quatuor , vel quinque dies , vel plures exhaustum venenum reassumit vipera , post quos repletæ observantur vesiculæ . Liquor in vaginis non provenit à folliculo felleo , sed generatur in toto capite , & ad vaginas perductus salivales per quasdam glandulas transmittitur .

Ergo , nisi furoris , & ultionis idea concitata esset vi-

pera , sed jocans morderet , nunquam ejus morfus esset venenatus , imò innoxius , nec perniciem demorso inferret ? In hoc nullum habere possumus fidum indicium , nam non possumus viperam interrogare , & ipsa respondere , an placida , & jocante momorderit , vel furibunda . Et eò quocumque actu se mordeant , non idè earum morfus est venenatus , quia sanguinem non attingunt , cum ferè hunc in superficie non habeant , & hanc ob rationem , & sanguinis paucitatem à nonnullis exsanguis existimantur .

Tandem vipera , aspides , bufones , scorpii &c. parvas incolentes insulas venenum non habent , ut sunt Meliten , Capreas , Prochyta , Pithicusa &c. incolentes . Si hæc quomodolibet irritentur , crucientur , & dilanientur eò mordeant , nunquam demorsum veneno inficere possunt : ergo *Helmontius* quomodocumque suis cum affectis cocitetur , irriteretur , indignetur , effervescat , excandescat , velit nolit , vana est furoris idea .

Falsum est quod supra notatus author asserit , felem , simiam , mulum , equum &c. imò ipsum hominem , antequam irascantur , nullum habere venenum ; at simul ac in furorem , & excandescenciam rapiuntur , & momorderint , venenatos infigere morfus , & multos perisse non minus quam à vipera irata , aspidè , scorpione , canè rabido , aliisque animalibus fuissent demorsi ; Nam magnum discrimen est inter venenatos , & perniciosos morfus , sunt enim illorum animantium ira exaltatorum morfus validiori , imò validissima violentia , & vehementissimo animi impetu , & totis viribus inflicti , & hinc validissimè lædunt ut in vulnere percussione inflicto , de irato animo , homine valido , & instrumento ponderoso maxima habenda est ratio , nam hujusmodi vulnus perniciosum censendum est , propter has circumstantias . Item pars demorsa consideranda est , & juxta ejus conditionem , nunc parvi , nunc magni faciendum est vulnus : Sic nervorum vulneribus , licet parvis , multa symptomata , non aliter ac ab animali venenoso essent inflicta , supervenire observamus , in vulnerata enim parte ingens oboritur dolor , & hinc inflammatio , quandoque gangræna , & cerebro per consensum tracto , sæpè convulsiones , & deliria excitantur . Undè vulnerata manu , aut digito , non solum dolores , tumores , inflammationes , sed etiam abscessus , & gangrænæ fieri solent , imò in toto corpore depravantur humores : hinc mali moris febres , anorexiæ , vomitus , anxietates , & vigiliæ solent oboriri . Si materia subtilis , & vitiosa per nervos cerebro impertiatur , epilepsia oritur . Ecquis his vulneribus propter pravorum symptomatum agmen venenositatem non adesse crederet ? Præterea horum vulnerum ab animalibus iratis inflictorum , quandoque in principio nulla habetur ratio , imò spernuntur , & malum crescit eundo , vel perperam curantur , & in maligna abeunt , & hinc venenata ineptè creduntur , cum sint maligna ; Medici enim vulgares febrem malignam venenosam vocitare solent , cum reverà nulla venenositas adsit .

Nobis maximè arridet illius magni Viri *D. Francisci Redi* Medici , & philosophi , ac in omni disciplinarum genere versatissimi sententia , qui vitæ tempora inter experimenta complet . Innumeris iste tentaminibus , *Magni Hetruriae Ducis* jussu , detecto cortice , veneni viperini nucleum penetravit , & de hoc libellum Hetrusco idiomate edidit , in quo omnes experientias , & observationes in viperis ex agro *Neapolitano* allatis , factas accuratè describit , & dicit se reperiisse quò quoquo modo tractentur vipera , omnes ejus partes vel mansæ , vel potaræ , vel supra carnem applicatæ , vel alio modo assumptæ , nulla ratione sint venenatæ , sive ex vivente , sive ex mortua , saliva hauriatur internè , sive irata , sive placida &c. Verum si infligatur , vel tantillum vulnusculum , & illinatur in illud , vel tantillum de liquore salivali , hoc ipso dicit esse venenatum animal , & sic internecioni hominem , & alia animalia tradere . Concludit itaque liquorem salivalem tantum esse venenatum , & sanguini solummodò esse venenum , dentes vetò veneno viam aperire , quod in vesiculis dentes tegentibus delitescit , nec esse venenum , nisi sanguinem attingat , eique communiatur . Fecit experimentum in canibus , quos leniter faucia vit , & ex vipera viva salivam desumpsit , quam instillavit , & mortui sunt . Gallinas vulneravit in pedibus , sicut gallos in cistis , & fuit illis venenum , subitoque interierunt , immissa saliva , aliaque plura fecit experimenta , sive liquor salivalis ex vipera viva , sive mortua sit desumptus , sive ex irata , sive placida idem præstabit .

Hinc

Hinc eruitur primò, quòd facilius vipera pipionem, pullum, gallinam, anserem, Indiæ gallum, aliasque volatiles, & animalia minuta occidit, quàm animalia magna, ut ovem, capram, asinum, equum, taurum, camellum, quia ista grandia pellem habent duram, & sanguinem non attingit quandoque morsus.

Secundò, juxta animalis magnitudinem, & loci conditionem, quem lauciat, ocyus, vel tardiùs mors subsequitur, præsertim si locus vulneratus venarum, vel arteriarum texturam raram, vel densam habeat, sive ipsæ venæ, & arteriæ si sint capillares, vel magnæ.

Tertiò, si à vulnere à vipera inflicto, vel liquore arte effuso magna sanguinis copia egrediat, accidit quandoque animal non solum morti non succumbere, sed nec exindè magnum pati detrimentum, quia virus non penetrat, imò sanguinis effusione extra corpus eliminatur. Hinc viperarum moribus optimus est cucurbitularum usus supra partem demorsam, vel hirundinum, vel scarificatio, vel vulneris succus, donec omne venenum unà cum sanguine extractum sit, aliter interficere solet.

Quartò, non rarò etiam accidit, animal à vipera lauciatum venenata pati symptomata, & ferè in ipsos mortis limine mortem non subire, imò absque medicaminum ope per solam naturæ opus sanescere.

Ex his, aliisque experimentis, insert omnes viperæ partes tam continentes, quàm contentas, tam mansas, quàm potatas nullam occidendi vim habere, quia propter succorum vim in stomacho, & primis viis ejusmodi venenum compescitur, & immutatur, cùm digestionum culinas subeat. Verum enimverò si extrinsecus sit tantillum vulnusculum, ut salivalis viperæ liquor applicetur, morbus fit lethalis, ac propterea etiam viperæ morsus fit lethalis, propter vulnusculum, cui salivæ tantillum instillatum sit. Ex hoc judicandum de veterum Psyllis, qui haurire omne venenum sine noxa, aded ut illis dicatur esse naturale: Verum simul ac in vulnerati ore applicatur, vulnus est lethale. Omnia propterea dicit animalium venena intrinsecus sumpta non sunt lethalia. Insuper dicit hoc ipso liquore salivali sive vivæ, sive demortuæ viperæ tela intoxicari posse.

His itaque allatis, de quibus sanæ mentis nemo ambigere potest, non tamen de veneno viperino tota evacuat difficultas; certum est enim in salivali viperæ liquore virus consistere, sed quodnam est illud Virus, quod tali subest liquori, & vita orbat demorsum, adhuc examinandum superest. Omnes vulgares Galenistæ in ea sunt sententia, quòd in corpora se intrudat, operando occulta qualitate, & ab hominum intelligentia nunquam detecta, Eorundem aliqui manifesta qualitate scilicet frigiditate sua cor refrigerando, & congelando; alii nimio calore illud exsiccando, ejusque spiritus resolvendo, quæ an vera sint, patent ex dictis.

Nos dicimus virus viperinum, simul ac demorsi sanguinem attingit, illicò illum coagulat, nec cessat virus, quin per omnes venas serpens, brevi trium, vel quatuor horarum spatio, totum demorsi sanguinem in concretionem adigat in cordis cavitatibus, ita tandem ut ejus systoles, & diastoles motum impediatur, demorsumque miserrimè perimat; vel sanguinem ad cor refluxentem invertat, & ita præcipitem agat, ut illud suffocet; illud acidi, & sulphurei, quod coagulat, hoc acris, quod solvit, naturam sapit, ut gustatu quispiam experiri potest. Undè pro viperæ morfu alexipharmaca præcipitantia conducunt, quæ vim veneni fermentativam hebetant, & quia omne acidum, & acre à falso, & alkali præcipitatur, obrunditurque, ad demorsi virus nullum præsentaneum antidotum, quàm ex sale petendum. Eapropter oritur viperæ, aspides, rubetas, scorpiones &c. qui parvas incolunt insulas veneno carere, eorumque morsus nil præter vulnus simplex habere, quia salæ maris exhalationes horum virus obrundunt, hebetantque, attamen si insularum parvarum viperæ, aspides, &c. exindè in continentem asportentur, virus assumunt; & viperæ &c. ex continenti in parvas asportentur insulas, virus amittunt. Hinc eruius Melitam viperas, scorpiones, aspides &c. alere veneno effœtas, quia insula est parva, & non ut bardum Vulgus peperam credunt Divum Paulum illic à vipera demorsum viperis maledixisse, & hac maledictione illas viduasse veneno. Hanc veritatem ex Apostolorum Act. cap. 29. colligimus. *Et cùm evasissimus, tunc cognovimus, quia Melita insula vocabatur, Barbari verò præstabant non modi-*

cam humanitatem nobis. Accensa enim pyra, reficiebant nos omnes propter imbrem, quia imminerebat, & frigus. Cùm congregasset autem Paulus sarmentorum aliquam multitudinem, & imposuisset super ignem, vipera à calore cum processisset, invasit manum ejus. At verò viderunt Barbari pendentem bestiam de manu ejus, adinvicem dicebant: Utique homicida est homo hic, qui cùm evaserit de mari, ultio non sinit eum vivere. Et ille quidem excutiens bestiam in ignem, nihil mali passus est. At illi existimabant eum in tumorem convertendum, & subito casurum, & mori.

Salivam hominis jejuni viperas, scorpiones, & serpentes necare communiter asseritur, imò viperini morsus sanatores per sputum suum aquis injectum, & ebibitum multas ægrotudines, & morsus à vipera inductos, & supra partem demorsam impositum sanare jactitant, attamen vile, & impar antidotum, cui nihil prorsus fidentum pro tanto viro, quod paucissimis horis repentina morte vitam miserrimè auferre solet, estò saliva quid salis ammoniaci contineat. Præterquamquod in omnibus factum per plures vices in viperis, & scorpionibus experimentum ab accuratissimo Redi falsitatem convincit. Circumforanei captas viperas in os expuunt, & saliva aspergunt, ut bardis imponant, & quàm eorum saliva sit medicamentosa, insinuent, cujus virtute omnem veneni malitiam amittunt viperæ.

Quidam omne serpentum genus, viperas, imò aspides ipsas sine periculo, & pro libitu tractant in nostra Italia, & alibi, dicuntque esse quoddam donum divinitus, & proprium quibusdam familiis concessum illorum, qui Divi Pauli festo nati, serpentis, vel viperæ signum sub lingua, aliove loco gerunt. Hoc donum, hæc virtus est mendaciis fucata, cùm nulla sit, ut ex infrà dicendis patebit, & venam Raninam sub lingua, vel alio loco detectam, vel non multa obstitam carne pro serpentis signo accipiunt. Ad nostram rem facit id, quod Joannes Zovelferus *Animadversionibus in Pharmacopœam Augustanam* p. 273. refert: *Hoc amplius memorabilem, & notatu dignam historiam ab Excellentissimo illo, & celeberrimo anatomico Patavino Joanne Vestingio (cujus nomen nunc in benedictione est) fando percepi, quàm ille ipse, ut mihi retulit, oculis suis usurpavit. Alexandria Aegyptiorum, ubi spontè sese obtulit quidam Mahometanus, vir insignis autoritatis, qui summopere gloriatus est de singulari hac dote, & gratia divina, sibi totique sue familia à Mahometa Profeta concessa, quòd nimirum ab omni venenatorum animalium, ipsarum etiam aspidum, omnium sui generis serpentum, Aphricanis illis locis familiarium maxime lethiferorum morsibus liberi, ac immunes essent, ipsorumque omnimodè spernerent, cujus rei admiranda experiundi exemplum fecit, & affectu ipso ejus veritatem in gratiam Illustrissimi Legati Veneti, qui tum præsens fuit, comprobavit, & stabilivit. Actutum enim aspidem obviam illis venientem nudis manibus apprehensam, satis diu ad libitum tractavit, tandem caput ori suo immisum momordit, idemque expuitione unacum sanguine rejecit, insigni cum admiratione Legati, omniumque adstantium.*

Serpentes, viperas, aspides, rubetas, scorpiones &c. sine periculo, & pro libitu tractare alii dixerunt esse quandam peculiarem dotem, & speciale donum huic, vel illi, aut quandoque integris quibusdam familiis à natura implantatam, & concessam. Cæterum natura, quæ est omnium parens, aliis injuria fuisset ista personarum, & familiarum exceptione, & ut noverca se gessisset. Hinc facillè conjectare possumus Psyllos, & Marfos antiquitus maxima in æstimatione habitos, meros fuisse impostores; se jactabant isti fabulosum ducere genus à Marso Circes filio, & illi à Psyllo Rege, ideòque eorum corporibus à provida natura ingenitum fuisse virus exitiale serpentibus. Refert Plutarchus, Catonem iter per Libyæ desertam facientem in suo exercitu Psyllos duxisse, qui serpentum morsibus mederentur, partim venenum ore trahentes, partim serpentes cantibus lenientes. Imò Aulus Gellius, & Plinius narrant hos populos tantum hoc donum habuisse à natura, quorum mos erat uxorum suarum pudicitiam experiundi, renellas foboles inter truculentiores serpentes exponendo, sed de hoc fides sit apud hos Authores: Erant Psylli, & Marfi homines viles, qui fodere non valebant, & mendicare erubescabant, ac viperinos tantum morsus, & hac industria, aliisque imposturis honoratam agebant vitam. Hi non secus ac alii homi-

homines à serpentibus mordebantur, & alexipharmaci procuratione indigebant.

Verùm cum intueamur quosdam omne serpentum genus, vipers, imò aspides sine periculo, noxa, & pro libitu tractare, ac cum ipsis amiciter ludere, indagine dignum, unde hoc eveniat existimamus. Id à singulari audacia, usu confirmata, & insigni dexteritate eo tractandi, cum *Zuvelsero*, provenire dijudicamus. Hinc quicumque hujus audaciæ est, ut serpentes summa cum dexteritate de collo, vel capite prius arripere auit, eosque tractare novit, ut prima invasione ipsum non mordeant, is sanè postea ad libitum ipsos tractare, & cum ipsis alacriter ludere potest sine periculo, & læsione, dummodò non nimis ipsos lædat. Indidit quoque provida natura serpentibus quandam timoris ideam versus homines, qui illos intrepidè persequuntur: Omnes enim fatentur, quicumque serpentum venationi se dedere, quòd ipsos etiam nondum viros, tantoperè reformident, acceleri gressu fugiant, ut vix eos cursu assequi, vel manibus ad ipsos pertingere possint. Oppositum autem evenit, si homines pavidì, & meticulosi serpentibus obviam veniant; hos enim illi intestino odio, & inimicitia concitati adoriuntur, ac ubi possunt, damnum inferunt. Qui ipse pavor hominum, sive timor, venenum istorum animalium morfu receptum multum exaggerare, & per totum corpus dispergere, ac consequenter etiam repentinam mortem inducere potest: quòd ipsum venenum de sua natura alioquin tantoperè lethale non esset, planè simili modo, ac in parte fieri assolet, ubi timidi in majori versantur periculo, quàm qui impavido animo gaudent.

Nonnulli putarunt illos qui viperatum pulverem semel, atque iterum assumpserunt, imposterum à viperarum moribus ita esse immunes; ut eas tutò manibus tractare queant; & si quandoque accidat, quòd ab ipsis demorfi fuerint, nullam exinde noxam persentiant, & morsum illum absque vitæ periculo ferre possint. Verùm experientia compertum est, quòd qui tali usi sunt prophylactico, nihilominus à serpentibus, & viperis, ubi demorfi fuerunt, nisi citissimè optimis alexipharmacis obventum fuisset, utique periissent, ut multis accidisse comperimus. Unum tantum ex assumpto pulvere exigere possunt, nempe audaciam, & validam fiduciam in his bestiis tractandis, attamen à moribus, & vitæ perniciè non eximuntur.

Prognosis.

Quod ad prognosin attinet, est, quòd omnis venenatus morfus, etiam si levissimus, & minutissimus sit, periculosus, & plerumque exitiosus, præcipuè si cordi est proximus, vel in loco, cujus usus est vitæ necessarius, vel medicaminum applicatio interdiu protrahatur, donec interim venenum per vulnus suo fermento in sanguinem agere possit. Verumtamen *Matthiolus* inquit: *Animalium, ferarumque virus non omnibus est idem, sed in hoc vehementissimum, & omnium perniciosissimum, adeò ut una tantum hora hominem perimat, ut in aspidè, ceraste, & basilisco; in alio verò minùs vehemens, minùsque lethale, uno die, vel duobus necans, ut in vipera; in alio tandem his longè imbecillius, ut in scorpione, & phalangio, longiore tempore perimens. Id provenire reor, quia animalia, quæ mordeant, diversorum sunt generum, ac proinde diversa quoque eorum venena. Accidit nihilominus, ut à vipera, vel aspidè demorfi quandoque tribus solummodo horis, interdum uno dumtaxat die, nonnunquam verò pluribus supervivant diebus. Hoc à diversis provenit causis: siquidem in aspidem, & viperarum genere longè nocentiores sunt fœmina, quàm mares, juvenes, quàm senes, (licet alii aliter sentiant) adultæ, quàm adolescentes, Quin etiam fera, & insecta in montibus, aridisque locis inter vepres, & saxa degentes, quàm palustres, uliginososque incolunt tractus: Item famelica depastis sunt nocentiores, & irritata venenosiores, quàm demisse, licet omnium in universum ictus perniciosiores sunt æstate, quàm hyeme; Hæ itaque causæ esse possunt, cur citius, vel serius demorfi intereant.*

Curatio.

In demorfi à dictis bestiis non vulneris, sed veneni habenda est ratio; vulnera enim exilissima sunt, & nisi venenum adjunctum haberent, ope non indigerent medica.

Medicus ad hujusmodi demorfos vocatus, celerrimè remedium applicationi quàm maximè incumbere debet, ne elapsa occasione, quæ præceps esse solet, unà spreta ægri convalescentia evanescat. Indicatio curativa, quam sibi Medicus perfingere tenetur; est venenum eliminare, ejusque volatilitatem deprimere, ideòque topica extrinsecus admoveantur, idque extemplo peragendum est in primo principio, priusquam exitiosa veneni pernicius suæ volatilitatis ope, cum circulari sanguinis motu ad intimiora penetret, totamque sanguinis massam conspurcet.

Galenus præcipit membrum demorfi statim abscindendum, seu corporis partes præcidi solent, ne reliquum corpus putrescat, juxta illud *Ovid. i. Metamorph.*

Ense recidendum est, ne pars sincera trahatur.

ut in rustico expertus fuit, qui à vipera demorfi secundum digitum, hunc sibi per falcem fructuosè & salubriter amputavit; ut videre est in *Zacuto Lusitano lib. v. Med. Prin. Histor. i.* Sed hoc remedii genus nimis est truculentum, ad mitiora itaque transeamus; membrum enim in quo morfus apparet, à partibus superioribus, quæ corpus respicit, arctè deligandum est, hac autem lege, ne vi doloris sanguis concitatus nimio impetu per arterias affluat, nec citò nimis unà cum veneni inquinamento per venas refluat; deinde in, & circa vulnus profunda scarificatio, & cucurbitula bis, vel ter adhibenda est, ad convenientem sanguinis copiam educendam. Optima quidem est hæc medendi methodus, dum autem meditatur vulnusculi angustias, & spontaneam partis intumesceniam, veremur, ne plus attrahatur sanguinis, sine eo ut convenienter evacuari possit, ita ut præter celeriore veneni propagationem ex sanguinis in humore extravasatione, subitaneus gangrænæ metus ingruat; præstat ergò partem demorfam scarificare, & id pro circumstantiarum varietate nunc levioribus, nunc profundioribus incisuris, deinde hirudines, vel cucurbitulas applicare, quæ saniosum illum, & tæbe manantem, ibique coagulatum sanguinem exauriant.

Quidam efficacissimum prædicant remedium morfu, vel ictu illatum vulnus ore sugere, & venenatum expuere, sanguinem verò expuere non est necesse, quia esò in stomachum descenderet, non est vitæ præjudicium, nisi sanguinem attingeret; & antiquissimum fuit hoc remedii genus, ut *Celsus* docet: *Nam venenum serpentis, ut quædam etiam venenatoria venena, quibus Galli præcipuè utuntur, non gustu, sed in vulnere nocent.* Hoc remedii genere utebantur *Phylli*, ut etiam ex eodem habetur: *Ergò quisquis exemplum Phylli secutus id vulnus exsuxerit, & ipse tutus erit, & tutum præstabit hominem.* Verùm id est remedium periculo plenius, & non sine magno sugentis discrimine; nam si in aliqua oris parte, aut gingivarum, linguæ, aut palati ulcusculum aliquod fuerit, licet insensibile, ut epidermidem tantum occupet, ubi venenum in os suctione revocatum ulceris locum tetigerit, & sanguini se admiscuerit; qui forti suctione, vel facillè è gingivis per dentium connexus emanat, dubitandum non est, quin illicò sugenti perniciem, & mortem inferat, ut qui alteri mederi velit, sibi ipsi mortem patet, quicquid dicat *nostræ Marcus Aurelius Severinus* de hac cautela non adhibenda. Refert *Amatus Lusitanus* duos adolescentes à vipera demorfos periisse, quia à seipsis demorfum suxerunt locum. Verùm *Lusitani* venia, non quia vulnus suxerunt, ideò obixerunt, vel quia à vipera demorfi non omnem exhauserunt venenositatem suctione, vel quia ulcus in ore habuerunt, cui venenum communicatum fuit. Hoc remedii genus apud Gentiles ab infimæ sortis hominibus, & servis exercebatur, quia alia non aderant remedia, at nunc in fratribus Christianis charitas id non permittit, cum alia tutiora sint in usu, quæ demorfos sanare valent: *Gal. 5. de loc. aff. cap. 7.* narrat fuisse servos huic muneri tantum peragendo addictos, qui viperarum morfus sugabant, & servorum Imperialium cuidam à vipera demorfo, & ictu affecto opem tulisse medicam solo theriaces exhibitione, & citissimè colorem secundum naturam restituisse.

Ad veneni viperini extractionem tutissimum, & expeditissimum auxilium est ignis, cum potentissimum sit agens, tantum in natura operans prodigia; Commendat *Hildanus* in suis *Observationibus* rhombum unum, vel alterum fimi caprini, quos accensos imponendos suadet,

der, donec cinerescant : finis namque ignem servat, & flammam reddit copiosi sulphuris ratione, quo imprægnatus est. Cæterum intensus est dolor; & per cunctationem crudelius angit, nec tantam patientiam sustinere potest demorsum, quantam dolorificum hoc requirit remedium. Idem dicendum est de ferro ignito loco affecto impresso. Horrent ægri non dum ignem, & ferrum, sed etiam nomen averfantur. Præterea ignis escharam inducit, cujus casus multos exigit dies, nec exinde de veneni extractione certiores fieri possumus, nec supra escharam alexipharmaca utiliter applicare possumus, quia non penetrant. Commodior, & utilior absque tanto ægri formidine erit ignis ustione carens, per quem venenum dissipatur, verum sine corporali ad partem læsam applicatione, cujus modus hic erit : ferrum ignitum parti affectæ admoveatur ea distantia, qua carnem non tangat, & tandin ita teneatur, quousque tolerari possit, sine dolorifica læsione, & venenum à parte extrahatur, & in parte vesicula flava observetur.

Severinus noster pro generoso remedio commendat sulphur, cujus variam applicandi normam proponit, vel enim accensi sulphuris guttas instillare jubet olei sulphuris per campanam plures guttulas in locum demorsum demittere, easque specillo tenuissimo protinus affucare, vel oleum vitrioli immittere, vel acetum adhibere, Sed *Severini* venia acidum sive in sulphure, in vitriolo, vel aceto parti vulneratæ applicatum est inimicum, malum intendit, & partes corrodingo, atroces excitat dolores. Præterea juxta nostram theoriam, cum virus viperinum in acido sanguinem coagulando, vel in acredine illum fluxiore reddendo, & præcipitem agendo, & consistat, merito tam sulphuris, quam vitrioli, & aceti acidum pro morsus viperini remedio improbamur.

Quidam pro antidoto infallibili habet, quod si à vipera demorsus, eandem, quæ illum momordit necare possit vel aliam, imprimis fel illitum, vel caput demortuæ calidum, & cruentum impositum, vel ejus contusas carnes inflicto vulnere applicuerit, ab iis venenum extrahitur. Nimis bardus, & simplex est ille Medicus, qui scriptoribus pro venenatis moribus curandis nimiam præstat fidem, nam primus phantasiæ ductu medicamina commentatur, secundus, & alii exarant, & multa, absque eo quod in judicium vocent, miranda canunt, sed non credenda antidota : Id quod nos in admirationem trahit, est malum citreum, cui tantam virtutem, quantam Rosmarinus non habet, tribuunt, non tantum ad febres malignas, & pestilentes, pro quibus serapiis ex eo confectis, elixire citri, spiritu &c. utuntur, sed ad quælibet venena pro infallibili antidoto nulli comparando, extollunt. Narrat fabellam de hoc *Altheus*, quod cum *Princeps quidam Aegyptius maleficos quosdam damnasset nebulones*, quod suorum facinorum luerent pœnas, aspidibus secundum Aegyptias leges in prædam exponendos, ii citrium in itinere, dum ad bestiarum pabulum ducerentur, comederant, quod canpona quadam vicem eorum dolens, atque miseriam, illis dederat. Mox cum in theatrum descendissent, & ab immanibus, ferocissimisque feris demorsu essent, nihil sanè molestiæ senserunt. Qua de re *Præfectus non parvam cepit admirationem*, & à militibus diligenter inquirens, an antidotum aliquod præsumpsissent, certior factus est citrium tantum ex integra simplicitate donatum, eos comedisse. Postridiè verò jussit uni præberi, alteri denegari, & denuò in theatrum trudi ad supplicium. Quo facto, qui comederat, demorsus nihil incommodi passus est : alter verò à fera ictus undique lividus factus est, confestim interiit. Narrat præterea *Theopompus Chius* duo de quadagesimo suarum historiarum volumine, *Clearchum Heracleotam Ponti Tyrannum multos veneno necasse* : sed ille inquit, plures adhuc interfecisset, si populum præstantissima citrii vis latuisset. Historiæ sunt fabulares, & Medicorum ineptiæ, & commenta, & tamen apud vulgares pro veris habentur, quas negare magnum est nefas, & facto experimento non correspondent hæc somniata antidota, forsitan hæc præcis temporibus vera erant, tunc cum grylli atabant, & animalia loquebantur, ut vulgò fertur.

Inter appropriata commendari vulgo solet *Fraxinus*, hinc *Zacutus Lusitanus* admodum foliorum succum commendat, & puellæ à vipera demorsa fraxini succi ℥. iv. cum juvamine propinavit ; ferunt namque fraxinum præstare

auxilium salutare lethalibus serpentum venenis : quibus adeò inimica est fraxinus, ut ne matutinas quidem, occidentesve umbras quamlibet spatiosas hujus arboris serpens attingat. Quapropter expertum proditur, si fronde ea gyro claudatur ignis, & serpens in ignem potius, quam in fraxinum fugere serpentem; eapropter ejus succus potus, vel morsibus illitus magnam opem præstat. Imò de fago dicunt viperam factam ejus ramo attonitam, & immobilem evadere, non secus ac mendacia Morforum carmina audivisset. *Constantinus* de agricultura asserit serpentes à quercus foliis tactos perire. *Aetius* conyzam sui odoris acutie viperas, & alios serpentes futare refert. Hoc idem *betonicam*, *dictamnium*, *calamintham*, *Nicander*. Cæterum sunt aniles fabellæ, & Medicorum nœniæ ; nam experientia pluries facta constat non solum viperas hæc vegetabilia non vitare, sed inter folia tam sicca, quam recentia omne serpentum genus lubenter morari, & sua habere cubilia.

Sed usque dum efficaciora à demorso haberi non possunt præsidia in eo actu, quo mordetur, membri demorsu ligaturam procuret arctam, ut venenum intercipiat, usque dum ad remedium usum devenire possit ; verum antequam ad hæc deveniatur pro certo experimento ad veneni celeritati resistendum propriam urinam bibere, & partem demorsam eadem ablucere validum est remedium, cum hoc venenum in acido sanguinem coagulante consistat.

Quod ad interna attinet remedia, ea esse oportet, quæ venenum statim foras expellunt, & ne ad interiora serpat, inhibeatur, & tandem si in venas, vel arterias se insinuavit, ut eliminari non possit, alexipharmacis expugnetur. Hinc vulnus inflicto magni momenti non est, imò ratione ipsius est ultimum in executione : id quod urget, est venenum, quod illico extinguendum est, & è vulnere tollendum, & eradicandum. Cum igitur ad demorsum vocatus fuerit Medicus, statim ipsi vulnere totique corpori alexiteriis succurrere debet. Prius vulnere succurret, si pars icta, vel demorsa, arcta ligatura obducatur, eique cucurbitulam magnam cum flamma applicando, & ut major fiat veneni attractio, iterando, deinde aqua theriacali ex spiritu vini cum sale calcinato abluatur, vel eadem aqua theriacali, in qua dissolutum sit sal viperarum, vel oleum tartari p. d. vel superponantur succus galegæ i. rute caprarie, qui admirandæ est virtutis in morsibus viperinis, & nota est historia lacertæ cum vipera pugnantis, & cum galega contra vim veneni viperini se munitis. Et nos *Neapoli in nescioquo sancti Jacobi Hispanorum militem Hispanum in linguæ apice à vipera demorsum* (Indebat iste in ejusdem pharmacopolio cum vipera, eam manibus tenens, quam mordere simulabat) curatum vidimus à celeberrimo Medico, *Alexio Alonia* à Castrovertere (cujus nomen in benedictione est) hujus herbæ succo, non omissis aliis alexipharmacis intrinsecis assumptis. Ejusdem facultatis est *Scorzonera*.

Defensivum quoque remedium toti membro affecto plurimum proderit, parabitur autem ex floribus verbasco, hyperici, rute, rosis in aceto ad tempus in sole maceratis. Epithema hoc calidum linteis imponitur pannis, donec intemperies, phlegmon &c. in totum recesserint.

Interiùs exhiberi debent alexipharmaca, quæ vim aciditatis, & acedinis veneni extinguendæ, & præcipitandæ habent, ita sunt alkalia omnia, spiritus vini alcoholizatus, spiritus salis non vulgaris præparationis, antidotus viperarum, pulveres viperini, mistura simplex, tintura bezoardica, salia theriacalia, magna illa confectio theriaces, quæ omnibus ab authoribus commendatur, inde essentia theriacales, spiritus theriacales camphoratus. Sequens compositio inter interna pharmaca erit præstantior :

℥. Mitridatii ℥. ij. theriaca opt. ℥. j. pulv. corall. rubr. ℥. j. ℞. m. omnia simul.

Dosis à ℥. ij. usque ad iij. pro patientis dispositione, quæ dosi quarta quaque hora est repetenda, & præ omnibus magnum alexipharmacum est sal viperarum volatile, quod ritè absque acido fieri debet, & legitima edulcoratione urinosus, & nauseabundus tollatur sapor, contra verò suavis ipsi, dulcis, & aromatica omnino concilietur fragrantia, & dulcedo. Ex mineralibus antimonia profunt fixata, ut diaphoreticam nanciscantur virtutem, & præ cæteris sulphur auratum diaphoreticum. Ex animalibus omnia profunt ex ceruo parata. Ex vegetabilibus simplicia scordium, tormentilla, contrayerva, scor-

ſcorzonera, ruta capraria. Compoſita elect. de bacc. juniperi, theriaca Diateſſeron, quæ theriaces, & mithridatii vires æmulatur. Hæc alexipharmaca tamper ſe propinamus, quàm cum diaphoreticis, quæ à centro ad corporis peripheriam virus expellunt, ſunt admiscenda; vulnus verò *emplaſtro ſtiptico oleo ſcorpionum malaxato* foveatur.

In hujus Veneni curatione de diætâ, & victus ratione nihil tetigimus, cùm veneni agendi pernicies diætâ, & victum non expectet, quòd ſi intra viginti quatuor horarum ſpatium non perimat, ſignum eſt venenum à natura jam eſſe ſuperatum, quòd ſi deinceps moriatur demorſus, id Medici incuria evenit, non autem veneni virulentia.

C A P U T XXX.

De Vulnere ex morſu canis rabidi.

INter animalia, quibus homo familiariter utitur, præ cæteris canis, quo neque aliud ipſo fidelius, nobiſque ita amicum invenitur, unde in iis nutriendis ipſorumque cura non immeritò oblectamur, quàm in aliorum quopiam genere. Videmus magna cura domui invigilare, quippe noſtras ſedes ingredientibus, ſi nobis, ipſique ſunt noti, magno gaudio excipit, cauda adulatur, multiſque blanditiis amicum eſſe teſtatur; ſi minùs ſuo latratu ignotos eſſe indicat in illos ringendo invehitur, nec ſinit domum intrare, donec dominus illos amicos eſſe admonet; præterea & ſi dormiat totam noctem, excubias agit. Cane etiam nullum animal fidelius; quocumque dominus tendat, ſequitur, illum ſollicitè cuſtodit, proque ſuo domino in quælibet pericula promptus, vel adverſus ipſam mortem cum vitæ diſcrimine pugnat, & quod maximè eſt admirandum, tunc majori afficitur lætitia, cùm labores, curasque cum ipſo dominus partitur. Nutui obedit, pulſatus & ſi domino irasci videatur, nullatenus tamen ſi ſtatim vocetur, omnis injuriæ immemor ingenti gaudio occurrit. Quinimò quibuſdam propriis corporis partibus humanis ægritudinibus medetur; verùm tantæ amicitia, tantæque fidelitati non fidendum, ſi in rabiem actum, in furem rapi videamus, quandoquidem nec ſuo domino pareat, omniſque amicitia oblita cum ipſo, veluti cum inimico ſe gerat; quos enim momorderit, vel nudas partes ſaliva commaculaverit, in maximum vitæ diſcrimen perducet, adèd ut exacto certo temporis intervallo, in hydrophobiam incidant. Cavendum itaque ab iis etiam, quibus maximè diligimur, cùm iracundia agitaverit, ſiquidem illos tum maximè lædent, quos majori amore perſecuti ſunt. Ergò huic quoque morbo verè præ omnibus calamitoſo, aliquam medicinam præſtare dignum diximus, ut numeri noſtro deeſſe videamur,

Signa.

Ejuſmodi ſignis rabioſus canis cognoscitur, quòd eſcæ, & potus redditur abſtemius, ſit macilentus, lento incedit gradu, gradibus, & cauda demiffis, lingua foras porrecta, & pendula, capita ſtupido circumcuſat, quandoque in parietes, & alia obſtacula impingit voce rauca, vel mutefcente, copioſam ſpumam è naribus, & ore emittit, nec non oculis obliquè, ac torvè rutilantibus defixis, non modò homines obvios, ſed & pecora, domeſticos antea, vel ignotos indifferenter impræceſſo latratu mordet, canes alii eum fugiunt, capto ei blandiuntur. Nec mirum, ſi proprium demordet dominum, alioſque domeſticos omnes; nullius habito diſcrimine, vel ratione; ſiquidem cùm proprium ſit fixi, & nimium exaltati excrementitii ſalis phantaſiam, rationem, & ſenſus omnes inſicere, omnium ſui ipſius oblita, domeſticos ipſos cognoscere nequit. Id quoque pluribus hominibus accidiſſe obſervavimus, qui amentia correpti non tantùm parentes, & proprios natos, verùm etiam ſeipſos quandoque necarunt. Demorſionis vulnus initio ſæpè non magnificiendum videtur, quia ut plurimum ultrò, citròque ſaneſcit: aſt peracto jam quadraginta dierum ſpatio latens rabificum in corpore fermentum opinatè pateſcit, ac demorſo nullus ſubindè vitæ relinquitur locus.

Multum malum hoc conducit illicò initio cognoscere, ut illi conſuli poſſit, antequam in hydrophobiam, ſupremum, & deplorabilem gradum perveniatur; ſæpè enim incertum eſt, an qui hominem momorderit canis, ſit

rabidus necnè. Sedulò incumbendum eſt, ut in ejus rei notitiam perveniamus, nec differendum, cum præcipuè vulnus, quòd infixit rabidum animal, à vulnere, quòd iratum, vel ludens intulit, nihil differat. Verùm canis rabidus ſemel mordet, & morſum non repetit, ſed ſtatim, quem momordit, deſerit, & ad alios properat. Ad explorandum igitur, an canis fuerit rabidus: *nucis juglandes contuſas, vel triticum per integram noctem canis morſui impone, poſtmodum gallinæ in eſcā exhibe, ſi enim rabidus fuerit, ſequenti die peribit. Vel panis medullam vulneri affrica, ut emanante ſanguine, vel ſanie imbuatur, ſi famelicus canis eam edere, vel olfacere recuſet, canis rabidus fuit.* Verùm his vulgaribus, & vanis experimentis minimè fidendum eſt, licèt à probatiſſimis authoribus adducantur, qua de re alia iudicia jam dicta ſedulò ſunt perquirenda.

Cùm rabidorum canum morſus negligatur, demorſos hæc incipientis rabici ſigna ſequuntur: locus vulneratus dolet, vulnus tamen brevi, & ſuapte ſponte conſolidatur, poſt verò quadraginta dierum ſpatium, vel plurium, dudumque conſolidato vulnere, demorſus plus ſolito, & abſque cauſa ſibi cognita contriſtatur, & paulatim præter morem cogitabundus evadit, melancholicis ſe cogitationibus profundat, quæ illi inſolitæ ſunt, ſomnia ſomni tempore cudit de ferocibus canibus ſe invadentibus, pavidisque cum illis luctamentis, quibus ſubindè ad implorandum auxilium pavore expergifcitur, & interrumpitur ſomnus: exinde melancholicæ phantaſiæ ſenſim increſcunt, donec tandem turbata mente, obſculta loca, & ſolitudinem diligit, lucem, hominumque conſortium poroſus, ſecumque ſolus ſubmurnurans, alloquens ferino quodam aſpectu intuetur. Spumat, rubet facie, & oculis, febre tentatur, & extremarum partium convulſione. Quidam canum more, ſi à canibus morſi fuerint, latrant, à lupis, ululant &c. & obvios quoſque impetunt, & quidem præter voluntatem. Aliqui delirant, aliqui verò ad extremum uſque ſpiritum mente conſtant. Poſtremò eò devenit; quòd eſt commune omnibus, ut aquam, omnemque potulentam materiam; imò ejusque nomen, & ſonitum expaveſcat, quòd eſt certiſſimum mortis, & inexpugnabilis veneni indicium, & tamen vehementiori excruciat ſiti. Allata itaque in ejus conſpectum aqua, cujus potu facilè ſanaretur; & tamen bibere non audet, ingentiſſimis clamoribus, & canum latratu aſtantes terret. Quòd ſi diutiùs ante eum ipſa retineatur aqua, tremit, ſudat, animo deficit, pavoreque concutitur, ac ſi in ignem illicò ſe projiciendum cerneret.

Commune eſt omnibus à rabido cane demorſis poſt quadraginta dies aquam, omnemque potulentam materiam abhorrere, id qui accidat, non una eademque eſt Medicorum ſententia, nec proindè tam facilè hic Herculeus ſolvitur nodus.

Aliqui purant hujus veneni proprium eſſe aquæ averſionem inducere, nec ulterius exquirunt: ſed quid ſit hæc veneni proprietas, tale inducens ſymptoma, neſciunt.

Alii hanc hujus ſymptomatis rationem reddunt, quòd rabie correpti, cùm rationem, & imaginationem depravatam habeant, ex longa circa canes, utpote à quibus læſi ſunt, cogitatione, in phantaſia canum idola ideantur, taliter ut aſſiduè ipſorum ante oculos canes tenere videantur, imò ſe in canes verſos eſſe putent, & latrando aliisque actionibus canes inſtantur, & tum præcipuè cùm in aquam, tanquam ſpeculum, intueantur, & faciem ſuam caninam rubicundam, torvè intuentem, atque iracundia plenam aſpiciant, aut imaginentur in ea canes eſſe, unde aquam exhorreant, & fugiant, ut qui canis morſum iterum timeant, vel à cane aquam conſpurcatam credant. In hujus rei fidem hiftoriam ex *Actio Tetrab. 2. cap. 24.* adducunt: *Philophus quidam morſus à cane rabioſo, & generoſo animo affectioni reſiſtens, ratus in balneo canem apparere (apparebat enim illi, quemadmodum etiam alius hoc modo affectis.) Ratiocinatus igitur, & ſic ſecum locutus: Quid cani: & balneo commune? ſuperavit affectionem, & ſanatus eſt ab ea, ubi citra timorem bibiſſet.* Afferunt & aliam hiftoriam ex Rhæſe hujusmodi: *Vidimus quendam in Noſocomio, quem momorderat canis rabioſus, & vidimus, quòd non terrebatur ex aqua, imò petebat eam, & querebatur de ſiti, cùm autem aquam daremus ei, ipſam abominabatur, & ſordes in ea eſſe aſebat, inteſtina nimirum canam, & cum aliam ei offerremus, idem dicebat.*

Verum hæc sententia fabulosa potius, quam rationi consentanea videtur, nec experientia fulcitur, neque rabientes in aqua quid intuentur; interrogati enim asseverant, nec aquam solum, verum omnia liquida averfari, in quibus nulla species, & imago visibilis repræsentari potest.

Fabulosum judicamus in loto excreto canum imagines apparere, quia nulla experientia comprobatur, licet *Avicennas lib. 4. dist. 7. tract. 4. cap. 7.* scribat: *Mingi à demorsis à rabido cane urinam, in qua appareant res carnosæ mirabiles, quasi animalia, & quasi canes parvi.* Anilis quoque fabella habetur illud, quod ex canis rabidi spuma vesti, aut linteo inhærente animalcula quædam parvis cellis similia generata fuisse.

Trutinatis vulgarium fabellis, quas nec *Ovidii* Metamorphoses excogitarunt, nostram pro virum sufficientiam sententiam adducemus, quæ si vulgaribus negotium faceret, ad aniles fabellas regressum habere poterunt. Rabidi animalis veneno per salivam, adeoque per dendum communicato, hydrophobia ut plurimum infra quadraginta dies contingit, quia infra id tempus in cerebrum irripit, & phantasiam, ac rationem turbavit. Tunc humorum omnium, & totius corporis dispositiones sibi similes reddit, quas exotica inficit tinctura. Tandem rationem à sua maiestate deturbat, pervertit, & dementat, unde delirium, mentis omnino alienatio, ejusque ablatio, ideoque id auxiliari potest, non considerat, & hac de causa non tantum aquam, & omnia liquida exhorret, verum etiam cibum, & cætera vitæ salutaria, quia phantasia, & ratio circa phantasma perpetuo est occupata. Hinc patet *Philosophum* de *Aetii* historia curatum evasisse, cum liquidò appareat ejus rationem non fuisse affectam.

Causa.

Certum est hujus morbi causam esse venenum ab animali rabido communicatum per salivam, sed quæ hujus veneni natura sit, quæ actio, digladiantur *vulgares*, & primis qualitatibus hujus veneni actionem refundunt, nec omnes in eadem conveniunt sententia; nam

Aliqui calori maximo tribuunt: quia æstivis caloribus, & ardente siti, canes in rabiem aguntur.

Alii ne dum calori, verum etiam intenso frigori consignat, quia sub frigidissimo Jove etiam rabie corripiuntur. Sed in hoc caloris, & frigoris dogmate decipiuntur, quia una, & eadem actio à qualitatibus contrariis pendere non potest, cum canes in contrariis aeris mutationibus in rabiem agi possint.

Nonnulli ex nimia siccitate ortum habere credunt, quia rabidi intensè sitiunt, quod est siccitatis evidens indicium, & tamen aquam fugiunt. Miseri hydrophobici parem *Tantalo* sortem nacti sunt, hoc tamen discrimine, quod sitiens *Tantalus* fugientia captat flumina, & hydrophobici sitiunt, & aquam fugiunt? Verum *vulgares* in magno versantur errore, nam à siccitate pendere non convincunt, quia siccitas illa maxima esse deberet, cujus nulla evidenter signa in demorsis relucunt. Neque semper sitis, est siccitatis argumentum, idque clarè patet in hydropicis, in quibus:

Quo plus sunt pota, plus sitiuntur aqua.

Imò aquam fugiunt, non ob sitim, sed quia in aqua salus, nec illam bibunt propter rationem depravatam: ideoque non discriminant inter malum, & bonum, imò semper hærent malo, neglecto bono, & bonum sub mali apparentia ideant, permanent in forti idea, & secundum talem ideam agunt, & non aliter. Si hoc malum à siccitate penderet, cur non omnes atrophici hydrophobici? Et contra, cum omnes hydrophobici atrophia non laborant? Quare in hoc curando morbo calida, & sicca, ut theriaca, gentiana, pulvis cancrorum fluviatilium ustorum, & similia adhibentur? Si siccitas p.n. in hoc morbo adesset, potius aquam appetere deberent, & assumere, tanquam siccitati contrariam, & quæ posset illam siccitatem avertere, & corpus ad naturalem reducere statum.

Plerique ad humiditatem putredini conjunctam, quia humiditas est putredinis mater, referunt: sed ad humiditatem hujusmodi mali actio nullatenus referri potest; cum nulla putredinis signa illud comitentur, nec putredo sine manifestis signis tamdiu in corpore latere potest.

Pauci extemperamento melancholico, quo canis præ-

ditus est, deducere conantur; sed incassum, nam nullis indiciis probari potest canem esse animal melancholicum.

Nostris *vulgares* quatuor qualitatibus, & temperamentorum pro tanto morbo insufficientiam dijudicantes, ut in tuto suam collocarent sententiam, meditati sunt quod canis rabidi morsus non aliorum venenorum more agat, ideoque non primis qualitatibus, sed occulta proprietate, seu tota substantia agere decreverunt, idque summa efficacia, & maxima agendi vi, quæ aliis venenis communis est, docuerunt, quia exigua morsuuncula, aut etiam salivæ contactus ita corpus inficere potest, ut maximè appareat tantam vim, & truculentiam nulli primarum qualitatibus esse referendam. Præterea venenum hoc augetur, & quandoque ad plures sopitum menses, & annos suscitatur, quasi occultarum qualitatibus actione. Sed quid in tot rationum ambagibus immoramur, ubi hodiè cum vulgaribus pugnandum est tantum autoritatibus? Audiamus *Galenum* vulgarium antesignanum *lib. 11. de simpl. med. fac. Non primis qualitatibus, sed occulta proprietate, & tota substantia agere.* Imò *Pelopem* præceptorem suum acriter reprehendit, quia hujus affectus rationem ex manifestis causis se redditurum jactat, & manifestè scribit cancrorum fluviatilium cinerem, substantiæ proprietate prodesse à cane rabioso demorsis.

Sed nullibi *Galenus*, & *vulgarium grex* quàm in morbis venenatis maximè judicii hebetudinem detegunt, dum explosis primis quatuor qualitatibus, ad sacram occultarum qualitatibus anchoram confugiunt, idque nescimus, an occultum aliis, iis verò tantum notum aliquid ibi inesse sciant: an potius occultæ qualitatibus, occultæ proprietatis, totius substantiæ vocabulo, tanquam specioso quodam pallio apud imperitum vulgus ignaviam regere valeant.

Rabidi animalis-veneni causam ex occasionalibus manifestis rimemur oportet, pro qua statuimus excrementitium, & acidum sal exaltatum hoc malum, tantamque symptomatum congeriem excitare. Hoc sal in maximis caloribus, intensisque rigoribus in animalium corporibus in massa sanguinea generari, & exaltari potest. Vel de foris ex alterius rabidi animalis morsu communicari, & fermentari, vel ex morticinorum, putridarum, vermicibusque scatentium carniū esu provenire: quin & marcescentium earum sanguine. Id quoque efficere possunt eorum animalium carnes, quæ pestilentia, aut fulminis ictu, aut venenatis moribus interierunt, eò facilius, majorique corripiuntur rabie. Hoc idem excitare solent putrescentes aquæ frequentius ebibitæ.

Canes, qui in domibus nostris aluntur, licet non sint rabidi inter ludendum tamen ad iram concitati, mordere possunt, & graviores infigere morsus, & veneni gradum in mordendi actu non attingerit, facile tamen in rabidos ex indignatione degenerant, qua mediante acido-salinæ partes exaltantur, & in excrementitium abeunt sal, quod in saliva maximè elucet, & ex non rabidis faciliè, & ferè temporis momento in rabiem abire possunt, præcipuè si cibum, & jusculum sumant, quibus aromata, ut piper, gingiber &c. fuerint admixta. Hinc propterea nobiles hortamur mulieres, ne suis catulis, quos in summis habent deliciis, & quibus maximè oblectantur, hujusmodi cibum, & potum, & præcipuè nimio sale conditum, sumendum præbeant, ne in rabiem abeant; Hinc factum est commune illud adagium, quod quoties aliqua res comestibilis, vel potulenta est nimis salita, dicitur: *Est salita veluti Rabies.*

Undè oritur delirium rabiosum, sive rabies, in qua ipse homo omnino in mores brutales immutatur, nihil fere humani apud se retinet: adeò ut homo rabiosus exactè referat illius bruti speciem à quo rabido demorsus fuit, res occultæ indaginis est, nec authorem hucusque nos legimus, qui de hujus delirii rabiosi actione ex professo tractet, veramque causam adducat, sed omnes sicco vestigio, universalibus verbis rem describunt. Narrat *Arist. lib. 8. c. 22. de Historia Animalium*, quod omnia animalia à cane rabido demorsa rabiunt, excepto homine, quæ sententia apertè falsa deprehenditur, ut millies experimento compertum est. Et optimè *Gal. lib. 6. de loc. aff.* inquit: *solum canes inter cætera animalia corripi rabie*: Verum intelligebat canes cæteris animalibus rabiei magis esse obnoxios; nam præter canes, qui frequentissimè rabidi fiunt, etiam feles, mustelæ, viveriæ, martes, simiæ, galli, sues, equi,

equi, muli, boves, cameli, & id genus alia ſunt rabida. Verùm hæc animalia præter canem mordendo, vulnera inſigunt non rabida, ſed irata, & validiſſima violentia, vehementiſſimo animi impetu, & totis viribus validiſſimos, & pernicioſos inſigunt morſus, attamen propter prava, quibus accedunt, ſymptomata, magnificiendi, & ut pravi morſus tractandi, quos perperam Medicorum vulgus venenatos putant, cum tantum ſint pernicioſi, & maligni. Nec ſolummodo ab animalibus rabidis nos homines reddimur rabidi, ſed etiam ipſe homo aut jam rabioſus aut ſine rabie mordendo alios rabidos reddere poteſt, ut perperam aliqui putant, hinc optimè refert *Hildanus cent. 1. obſ. 84. Morſus ab homine rabido malignus eſt ſummè, & noxius, & non ſecus ac morſus à cane rabido curandus*. Undè conjicimus omnium animalium irarorum morſum etiam aded hominis malignum eſſe, & non venenatum, & eſt *Celſus lib. 5. cap. 27. dixerit: Omnis autem fera morſus habet virus*. Intellexit tamen pro viru malignitatem. De equo curioſam narrat *Matthiolus* hiftoriam: *Id, quod ego quoque aſſerere poſſum: etenim memini, cum ruri degerem, me viſiſſe equum rabie furentem, qui fracto capifiro obviam quandam vetulam per capitis, & crinium vitam morſu comprehenſam, decem, plureſque paſſus à terra ſuſpenſam pertulit, nullo tamen vulnere illato, ſed magno ſane terrore*. Hoc affectu capiuntur etiam muli, qui ſuis aliquando morſibus dominos & ſtabularios rabidos, & veluti arreptitios reddiderunt. Verùm hujusmodi animalia non niſi raro, vel nunquam per ſe rabie tentantur; quandoquidem ferè ſemper id illis eveniat, cum à canibus, ſeu lupis, aut vulpibus mordentur.

Tandem ita delirii rabioſi actio procedit, ut demorſus homo quò ad mores brutum ſe manifeſtet: Canis rabibus, vel aliud hujusmodi animal, mediante morſu per dentem maſſæ ſanguineæ ſalivam ſale excrementitio, ſive ſalina ſcoria imbutam communicat, interim hæ particulæ ſalinæ ſenſim ſanguinem in fermentationem ſubiſcunt, quouſque vitæ œconomiam invertant, tunc ſpiritus in ſanguine à ſalinis particulis irritantur, ſupra modum elewantur, incaleſcunt, exandefcunt, & globolaſam cerebri compagem ſcandunt, tanquam ad ſacram Palladis arcem; tunc imaginatio ita depravatur, & tandem ratio, ut ſpecies, & notiones per ſenſus externos, & memoriam oblatas fortiter concipiat, fortiùs determinet, & retineat. Hinc demorſi eſtò depravatè agant, non tamen cæco feruntur impetu, ſed à demorſionis die canes abſentes tanquam præſentes cogitare incipiunt, & ex profunda canum cogitatione in phantaſia canes tanquam objectum ſibi determinant, & aſſiduè ante oculos canes tenere videntur, & tandem ſe in canes verſos eſſe imaginantur, & in omnibus caninas imitantur actiones.

Conſideratione dignum nobis elapſo anno evenit: alebatur domi noſtræ catellus venatorius villoſus, à quo per jocum parùm irritato demorſi fuimus, ita morſus ille noſtram perturbavit imaginationem, ut ferè ſemper à demorſionis hora nobiſcum canem profundè cogitaverimus, tandem eò devenit demens, & fortis canis apprehenſio, quæ circa phantaſiam, & ferè ante oculos ſe obvolvèbat, ut in delirium rabioſum incidiſſemus, ni ratio, quæ à ſeminio rabido immunes erat, ſuperaffet affectionem.

Ad majorem noſtræ doctrinæ claritatem, veniat in exemplum adoleſcens amator, qui eſtò per ſe ſit ſaniſſimus: Hic primò multum ſibi placet circa amaſiæ præſentiam, poſtmodum abſens meditat, & contemplatur, ſubindè de ejus pulchritudine cogitat, nec parem invenit; quomodo denuò ejusdem præſentia potiri poſſit, ſpeculatur. Hinc varios ſermones, conſabulationes, ſubriſus, tactus, oſcula, amplexus, & forſan, quæ ſcribere non licet meditat. Undè ſit, ut ſubindè in ſomno poſtmodum amaſiæ ſpecies, & actiones cum ea occurrant: tandem ita determinantur ſpiritus, ut non niſi amaſiam repræſentent, Hinc tale ſubſequitur delirium, quod amans factus æger, continuò putat ſe amaſiam habere ante oculos, unde indè incipit cum eadem conſabulari, ridere, adulari, precari &c. ut ut neminem præſentem habeat, & tamen ipſe delirus amans eſt amator, & amaſia.

Tanta eſt huic truculentiſſimo rabiei ſeminio ſeſe propagandi vis, ut facilè, & pluribus modis in alios ſe inſinuare poſſit: idèoque non tantum ex morſu, accepto

vulnere rabiem quamplurimi contraxerunt, verum etiam multi ſaliva, vel ſpuma ſuperfuſi ſine morſu, ſuo tempore nihilominus rabiem perpaſſi ſunt. Id tunc conigit, cum ſalinæ ſcoriæ ſummum exaltationis; & volatilitatis gradum naſcæ ſunt, & epidermidem, imò cutem penetrant, aded malignum eſt iſtud ſeminium, quod rabiem inferit, & demorſum perimit, unde tradidit *Gal. lib. 6. de loc. aff. Rabidorum canum ſaliva nuda corporis membra contingens, non aliter homines rabidos efficit, quàm ſi morderetur*. Et *Matthiolus* in lib. 6. *Dioſcoridis* cap. 36. inquit: *Nec parvi pendat aliquis ſpuma contactu inſici poſſe homines: quippe quòd duos viderim ego, qui ſpuma tantum perfuſi, nullo quidem ex morſu accepto vulnere rabiem contraxerunt*. Refert *Hildanus cent. 1. obſ. 86.* quòd veſtis mulieris à cane rabido lacerata, cum filo dentibus abſciſſo reſarciretur, poſt tres meſes hydrophobica facta fuit. Nonnulli ex ſola manus impoſitione in rabidi canis os rabiem contraxerunt. Ex canis rabidi oſculatione rabiem contractam fuiſſe à quodam auriga nos obſervavimus. *Zacutus Luſitanus lib. 3. prax. admir. obſ. 86.* ex oſculatione demortui canis rabidi rabiem contractam reſert. Mirabilius eſt, quòd tit. loc. obſ. 83. narrat, quòd nempe quidam vulnerati gladio, quo ante octo annos canis rabidus occiſus erat, poſt triennium rabidi interiierunt. Imò ex rabidi animalis halitu multos interiſſe compertum eſt, proindè pernicioſum cenſemus cibum, vel potum eſſe ſumendum, quem homo rabidus, vel à rabido animali demorſus, ac propterea de rabie ſuſpectus guſtavit, quia ſaliva fortasſe infectus, aut alio quovis modo oris ſpumam contigerit.

Prognosis.

Canes tripliciter ſtatu mordere poſſunt, vel dum ludunt, vel dum irati, vel dum rabidi ſunt; canis ludentis morſus rurus eſt, irati periculofus, omninò periculofiſſimus eſt rabidi morſus. Salutis ſpes in demorſo à rabido animali eſſe poteſt, ſi è vulnere copioſus effluxerit ſanguis, vel dum cutatur vulnus, ſponte multus eruperit ſudor, vel copioſa urina, præcipuè nigra excreta fuerit: verum hiſce evacuationibus non nimis, firmiterque fidendum eſt. Multoties, qui à rabioſo demorſi ſunt cane, neglectis præſidiis, vel malè curati per quædam vana medicamenta, vel quia ſe curatos putarunt, poſt quadraginta dies in hydrophobiam, aquæ; ſive liquidorum omnium fugam, & metum inciderunt. Si malum eò devenit, ut rabies, & aquæ timor adſit, tum certiſſimam inexpugnabilis veneni, & mortis præbet prognofiſm, & demorſi vita eſt in ipſo mortis limine, ut *Celſus* inquit: *Miserrimum genus morbi, in quo ſimul æger, & ſiti, & aqua metu cruciatur, quo oppreſſis in anguſto ſpes eſt*. Nul- lum ferè, quem aquæ timor jam corripuit, etiam ſi idonea adhibeantur præſidia evaſiſſe aſſidua obſervatio docet; alios enim quatuor dierum ſpatio, alios tandem intra ſeptimanam miſerabiliter mortem ſubiſſe obſervavimus.

Dignum exquiſitione videtur, an hydrophobia ſolum animalium rabidorum morſus ſit inſeparabile, & pathognomonicum ſignum? Res adhuc in dubio eſt, ex eo, quia multorum auctorum obſervationes proſtant, nullo rabidorum animalium morſu præcedente hydrophobias ortas. Talis hydrophobiæ exemplum citra rabidi animalis morſum reſert *Borellus cent. 3. obſ. 38.* Sic hydrophobiam in febre maligna citra morſum obortam narrat *Salmuth. cent. 2. obſ. 52.* Duo exempla admodum notatu digna reſert *Sanchez in ſuis operibus obſ. pag. 278.* Hydrophobiæ enatae citra morſum alicujus animalis rabidi, ſeu canis rabidi. Refert hydrophobiam cum febre continua citra ullum morſum ab animali rabido, in qua non poterat ferre aſpectum aquæ, neque potus cujuſdam, aut vini, aut juſculorum, ſubindè enim collo convellebatur: agnoſcebat ſe non poſſe ſine potu vivere, ſed ubi ſcypbum admovit, & horrore, & tanta convuſſio apprehendebat eum, ut totus periremiſceret, ut ſudaret, & convelleretur. Hinc quinto die periit. Alterum exemplum, quia huic eſt ſimile non deſcribimus. Quinque exempla recenſet *Marcellus Donatus lib. 6. de Hiſt. Med. Mirab. cap. 1.* eorum, qui non aliundè communicato hoc veneno, ſed in corpore genito, in hydrophobiam inciderunt; ſimilemque hiftoriam aſſert *Petrus Salius Diverſus de affect. partic. cap. 19.* Putarunt iſti Auctores hujus mali cauſam in corpore humano, nullo præcedente ab animali rabido communicato ſeminio, generari poſſe, humores

mores nempe ita corrumpi, ut veneni rabidi animalis vicem habeant, & eadem, quæ illud, symptomata, inducant. Verum enimverò hoc quidem certum est, posse humores in corpore nostro ita corrumpi, ut venenorum naturam induant: sed hoc admiratione dignum est, posse hoc tam determinatum, & speciale venenum in corpore nostro nulla accedente causa externa generari. Credat, qui vult horum, & aliorum auctorum exempla, & historias illas non in dubium vocamus; verum nos, qui animum scrupulosum, simulque veritatis avidum habemus, non ita facile credimus, sed de una quaque re dubitamus, hinc nullo modo adduci possumus, ut credamus has hydrophobias, nullo prægresso animalis rabidi seminio, natas: sedulò itaque harum causas pervestigandas esse existimamus, cum non solum morsu, sed multifariam seminium hoc communicari possit, non tantum idè de eo rimari oportet, an nuper, an unquam tale quid ipsi acciderit, an saliva, seu spuma perfusus, vel quoquo modo in corpus immissa, an animalium rabidorum carnes occisorum, vel rabie defunctorum, vel ab animalibus rabiosis semicomestis, vel tactas comederint; solent enim hæ carnes homines in rabiem agere, & plura extant exempla. *Fernelius de abd. rer. causi. lib. 2. cap. 14.* refert: *Venatores quosdam, in lupum saviorem incidissent, illum trucidatum, in varia obsoniorum genera apparasse, & coxisse. De quo omnes, qui esitarunt, non multo post tempore, rabie correpti sunt, atque alii perierunt, alii sociorum morte prudentiores facti, sibi prospexerunt.* Ex *Lycostene* narrat *Bauhinus*, hospitem quendam sceleratum convivii carnes suis à rabido cane demorsas apposuisse, ex cujus esu omnes rabiem contraxerunt. Idem hoc narrat: suam in rabiem actam, à rustico occisam, & sepultam esse. Sed cum negligentius, & non satis profunde eam sepelisset, accidit, ut tempore hyberno cadaver erutum vulpes devorarent, ex cujus esu vulpes & ipsa rabida evaserunt: à quibus postea, & alia pecudes, equi, & ipsi etiam homines laesi sunt, & omnes, quotquot demorsi fuerunt, rabidi evaserunt, & maxima parte miserè perierunt. Hinc cum seminium hoc multos annos antequam vim suam exferat, latere in corpore possit, & dulciter decepti isti auctores crediderunt, nullo prægresso rabidi animalis morsu, hydrophobia causas orras, & in corpore genitas.

Quocumque modo rabiei seminarium homini communicatum fuerit, non mox sese exferit, sed aliquandiu nihil mali sentit homo antequam erumpat: sæpè non solum per menses, sed interdum biennium, triennium, item per plures annos in corpore seminium istud hydrophobia malignum latere potest. *Fracastoreus lib. 2. de morbis contag. cap. 10.* inquit: *Serpit tam insigniter, & per moras, ut rarissime ante vigesimum diem prodatur infectio; majori ex parte post trigesimum; multis nonnisi post quatuor, aut sex menses, quibusdam etiam post annum. Aliqui & post quinquennium manifestari tradiderunt. Vidi ipse puerum, qui octavo post mense, ex quo demorsus fuerat contagionem ostendit, ex qua mox periit. Imò memoria proditum est, malum hoc in sextum, septimum, imò duodecimum annum dilatum fuisse.* *Lindannus super Hartmannum* hydrophobia lethalis exemplum refert tredecim annos post canis morsum, quæ evenit. Et *Guainerius tract. de Venen. cap. 12.* narrat: *Venenum à canis rabidi morsu quod per 18. annos latuerat, excitatum fuisse, cum morsus sub sorbi umbra maneret, agrumque intra tertium diem rabidum mortuum fuisse.*

Si quæras, cur hydrophobia seminium absque ulla vitæ noxa in humano corpore diu latere possit?

Respondent bardi *Galenistæ* hoc provenire ab occulta qualitate, qui furtivo modo diu in corpore delitescit, post quod tempus erumpit, quasi occultarum qualitarum actione; optimum quidem responsum, sed occultum per occultius, & obscurum per obscurius procedit.

Sed, ut nostram adducamus sententiam, dicimus, quòd venenum, cum sit vitæ nostræ exoticum, nullo modo à calore nostro domari, aut vinci potest, quamdiu veneni naturam retinet, hinc tandem suam exferit vim hoc citius, illud tardius, quæ diversitatis ratio, vel ex veneni, vel ex subjecti parte dependet. Hinc deridendi sunt illi, qui putant fieri posse venenum, quod certis temporibus, hoc est certo, & præfixo tempore inortem afferat, ut bimestri, trimestri, semestri, anno completo, etiam biennio, non ocyus, neque tardius determinato tempore; nam quòd venenum ocyus, vel tardius occidat, non tantum ex innata ejus vi, sed etiam magis, vel minus ex

ejus constitutione qui venenum assumpsit, provenit. Id nos quotidie experientia docet: siquidem constat idem venenum eodem pondere, vel eadem quantitate diversis natura exhibitum, non eodem tempore, neque omnes perimere. Itaque quamvis forsitan plures ab eodem cane, aut lupo rabido mordeantur, alius tamen uno, alius duobus, tribus, aut pluribus mensibus post rabie corripiuntur, quod nimirum alio ad veneno resistendum est fortior, alius verò debilior, & hoc tum veneni, tum subjecti ratione. Ratione veneni, quando illud est exaltatum, activus, & volatilius, ac sua activitate, & volatilitate citius suam exferit virulentiam. Sic in regionibus, & temporibus calidis efficacius, & citius agit, quàm iisdem frigidis. Contrà ex parte veneni, quando illud est magis fixum, quàm volatile, lenrè suam exferit vim, & diutissime delitescit absque sanitatis læsione, non secus ac favillæ sub cineribus, ejusque seminium per multum tempus durat. Ratione subjecti, si corpus sit calidum, ocyus rabidum virus agit; si verò frigidum, vel crassis exuberat succis, vel si victu utatur, qui veneni hebetandi vim habet, malum diutius reconditum manet. Verum utut protrahatur, nisi præsentissimis remediis, & ferè mox in principio è corpore eliminatum fuerit, sensim, & insensibiliter radices agit, & vires acquirit eundo, vitamque furtim oppugnat, atque ejus vehementiæ, & potentiæ est, ut à calore nostro superari non possit, & tandem exaltatur, volatilizatur, donec jam dudum demorsi vitam, in certum, & inevitabile exitium conjiciat vel præcipitet. Sat digressi sumus, redeamus nunc ad prognosim.

Cum in membra principalia, & præcipue phantasiam, & rationem venenum rabidum irrepsit, incassum omnia proficua adhibentur medicamenta.

Dioscorides ex *Eudemi* testimonio quendam tantum servatum fuisse narrat, ex aliorum relatione: *Themisonem Medicum, cum amico aquam expavescenti morem gereret, & officium exhiberet, quadam naturarum concordia, similem contraxisse affectum, sed post multos tandem cruciatu servatum fuisse.* Verum non adducimur, ut credere possimus quadam naturam concordia in similem incidisse affectum, crediderimus potius, quòd *Themison* Medicus amicum laborantem excitandi gratia ad aquam, & cibum secum manducasset, aut bibisset (ut multi nostri Barbari facere solent) ex eodem poculo ejus saliva infecto, aut alio quovis modo oris spumam contigisse. Hinc *Medicos Galenistas* admonitos esse volumus, ne cibum, vel potum sumant, quem homo rabidus, vel à rabido animali demorsus, ac propterea de rabie suspectus gustavit. Nonnulli hic distinguunt, & eos, qui per contagium ab homine acceptum, in hunc inciderunt morbum, servari posse, eos verò, qui à cane, vel ab alio rabido animali morsu fuerunt, omnes interire putant, non aliter ac si rabiei venenum homini ab alio animali communicatum, si ab illo in alium hominem transplantaretur, suam amitteret virulentiam, & mitius ageret: Id venire conjicimus, quia huic ab homine homini communicato statim à primo die ob ejus certitudinem opportuna adhibentur alexipharmaca, quod de aliorum animalium morsu non contingit.

Curatio.

Rabies venenum est quod in principio remedium admittit, cum verò manifestatur, remediis non cedit amplius. Itaque qui à suspecto demorsus fuerit cane, statim pannos omnes à cane tactos se exuere debet, quod servare oportet etiam simpliciter tactum, & non demorsum. Deinde pars demorsa ligeretur, (si partis conditio ligaturam ferat) sed non ita fortiter, & arctè, ut in torporem abeat, postmodum scarificetur, & cucurbitula cum magna flamma imponatur, ut immisum extrahatur venenum; si partis qualitas cucurbitulam non admittat, sufficiet scarificatio, sed in hoc vulneris conditio consideranda est, nam si vulnus sit satis magnum, non opus est scarificatione uti, ne inflammatio promoveatur, & curationem impediat. Vulnus per quadraginta dies apertum servetur, ut venenum effluere possit. Verum non omnino fidendum, ex eo, quod faciliter venenum ulterius insinuat non integrè extrahitur. Optimum remedium est, & promptissimum curandi animalium rabidorum morsus, loci affecti ultio cum ferro candente, seu cauterio actuali, ut videre est apud *Hildanum centur. 1. obs. 97.* & quidam empi-

empiricus omnes à cane rabido demorfos solò hoc cautèrio actuali feliciter restituit: dummodò loci affecti conditio id permittat: attamen hæc auxilia chirurgica, quando primis diebus in vulnere fuerint intermissa, postmodum incassum adhibentur, quia virus ad interiora penetravit.

Super vulnus aliqui imponunt panis frustum olei, & butyri equali quantitate inunctum, quod postea in aquam abjiciunt. Alii superligant halecem salsam. Aliqui ol. Scorp. secundum Matthioli descriptionem. Multi theriacam præferunt exterius supra morsum illitam: Sed hæc, quæ nostro tempore conficitur, non adeò præstat, ac proinde non possumus illi fidere, nisi factò priùs de ea periculo in gallis à vipera demorfis, quo mediante, etiam interius sumi potest. Miscetur theriaca quandoque cum lacte rutæ, vel cæpa contusa. *Vulgares Medici* animalia viva, ut columbarum pullos per medium dissectos adhuc calentes læsæ parti imponunt. Verùm his præsidii vulgarium nulla est adhibenda fides; per hæc namque divinando potiùs progredimur, quàm quid certi molimur.

Rabidis instituenda est exactissima diæta, attamen indigentia, & satietas vitanda, sed magis indigentia. Sit alimentum, quod rectè conficiatur, & optimum præbeat succum. Nutriendi sunt herbis, quæ frigida existimantur, at cichorium agreste multum confert. Profunt gammari, cancri, & erinacei cum vino mulso, nec non carniū extremitates, & omnes aviculæ montanæ, quæ facillè concoquuntur: & boni sunt succi. Potus esse debet aqueus, & vi exhibendus, si ab eo demorsus abhorreat, quia venenum eluit.

Venæ sectio interdicitur, quia potiùs obest, quàm prodest; cum sanguinis missio venenum potiùs in venas, & partes principes trahat, quam extinguat, vites deiciat, & venenum exagitet.

Medicamentum, quod alvum citat, & humores deijcit, omninò vitandum est: quippè hoc à circumferentia ad centrum trahendi facultatem habet, & facillè ægros in mortis discrimen trahit. Præterea secundum vulgares hujus veneni natura non primis qualitatibus: & manifestis, sed in occultis, nec qualitatū primarum alteratione, nec purgantibus, sed alexipharmacis, & tota substantia agentibus curatur. Item purgans nostro est adversum calori, ac proinde vires potiùs frangit, quàm tuetur. Nilominus si sit longum tempus, ex quo æger morsus fuit, & nondum perfectè sit rabiosus, ut ut imminentis rabiei signa se produnt, in his, & similibus casibus auctores utilem commendant catharsin per inferiora. Nam testatus est *Dioscorides* suo tempore catharsin his tantum opem ferre, qui jam incipientem tantummodò conqueruntur hydrophobiam, seu aquæ metum. Et sumpto helleboro simul ac primum morbi impetum sustinuerint, cum impetu expurgati multi certa experientia fuere sanati: Addunt multos canes rabidos helleboro cum poleïta assumpto evomisse, & statim ad se rediisse à rabie liberatos. Hinc post helleborum etiam Hieræ, quæ colocynthidem recipit, non parum commendatur. *Palmarius* refert se multos nosse rusticos, qui propinato pharmaco vehementi, quo una, eademque opera vomitione, & dejectione supervacanea omnis generis è corpore excluderentur, demorfos ab hydrophobia evasisse.

Rabiei aut incipientis, aut morsus jam dudum à rabido infligti indicatio curativa est, ut sal excrementitium, sive scorix salinæ, vel sulphureæ demorso communicatæ, sive recenter, sive jam pridem, per medicamenta appropriata, & alexipharmaca eliminantur, obtundantur, vel præcipitentur. Igitur hæc particulæ, in quibus, ut diximus, tota veneni rabifici ratio sita est, quomodocumque communicatæ, quæ rabiem inducere incipiunt, per medicamenta sudorifica eliminantur, hujusmodi sunt *tinctura bezoardica*, *mistura simplex*, *salia theriacalia*, *theriaca Diatesaron* &c. cum aqua, vel spiritu cancerorum fluviatilium.

Salinas, sulphureasque scorias ferocientes abundant opitata, ut

℞. Theriaca recentis 3. j. Exhibeatur tertio quoque die. Vel

℞. Pilul. de cynogloss. gr. xv. Exhibeantur quarto quoque die. Vel

℞. Conf. nepenth. gr. ij. Exhibe quarto quoque die.

Rabidum venenum præcipitant quædam alexipharmaca

Musitani Opera Tom. II.

specificæ, & præcipuum, ac infallibile describit *Galenus*, quod ab *Aeschirone suo magistro empirico* didicit, & longa comprobatum fuit experientia, ut demorfos rabidos nunquam salute defraudaverit. Insinuat illud *Gal. 2. Med. per gen. cap. 16. & lib. 2. de Antidotis cap. 2.* quod hoc componitur modo:

℞. Ciner. cancr. fluviatil. lb. ss. rad. gentiana pulver. 3. ij. thuris pulv. 3. j. m. omnia simul per minima, & quantum capit cochlear argenteum de pulvere demorso exhibet in aqua, vel alio liquore singulis quibusque diebus usque ad diem quadragesimum manè jejuno stomacho. Si primis diebus non sumpserit, duplicata dosi sumat.

Hoc medicamento tutus esse poterit demorsus, & Medicus, cum nunquam visus sit, qui hoc usus fuerit, in hydrophobiam incidisse. Est tamen advertendus in hujus medicamenti compositione pharmacopæorum error, enim verò isti caneros vix calore exsiccatos in pulverem redigunt, & pro pharmaco venditant; cum *Galenus* tum incitatis locis, tum alibi expresse præcipiat caneros perfectam calcinationem in pulverem redigi debere, qui cinis mirabiliter quoque marasmatiscis, rabidis, & animi passionibus afflictis exhibitus prodest, ob symbolum, quod inter hos intercedit morbos, experientia enim anatomica constat, tam in pericardiis rabie defunctorum, quàm eorum, qui tæbe, vel animi pathematibus perierunt, nullam penitus inveniri aquam, cum in aliis quovis morbo defunctis pericardia copiosa aqua mandentia inveniantur.

Pulvis cancerorum fluviatilium etiam aliis modis sumi potest, ut

℞. Cancr. fluv. calcinat. 3. iij. radic. gentiana 3. ij. terra sigillat. 3. ss. m.

Hujus pulveris 3. j. præbe in decocto cancerorum fluviatilium, subindè repetendo. Vel

℞. Pulv. cancr. fluv. 3. ij. gentiana, & myrrha ana 3. j. m. cum vino, & propina.

Item experta alexipharmaca contra rabidi canis morsum sunt *Alyssum*, *radix vincetoxici*, *ruta*, *carduus Maria*, *gentiana*, & hoc genus alia. Inter hæc primas obtinet *alyssum* quomodocumque usurpatum. *Radix vincetoxici* ad 3. j. cum aqua cardui benedicti ad 40. dies plurimum commendatur. *Semen cardui Maria* ad 3. ij. aliquoties sumptum, expectato sudore tanquam specificum extollitur. Item summum alexipharmacum est *gentiana* cum theriaca, ut

℞. Gentiana pulverizata 3. j. cum theriaca 3. j. tribus diebus omni manè propina, desuper jejunando per quinque, vel sex horas, & stragulis benè tectus demorsus sudorem expectet. *Terra sigillata*, item *terra sancti Pauli dicta*, seu *terra Melitenfis* contra canis rabidi morsum internè conducunt, *Theriaca*, & *theriacalia* in frequenti usu sunt à 3. j. ad 3. ij. assumpta. Sed præ his *Theriaca Diatesaron* reliquis est præferenda, quia ejus ingredientia contra canis rabidi morsum sunt specifica. Vehicula, in quibus hæc medicamenta propinantur, sunt aqua scoridii, cardui benedicti, tormentilla, ruta capraria, aqua theriacalis, & similes.

Quod si æger aquam reformidaverit, frustra adhibentur remedia, & de ægri vita actum est. *Celsus lib. v. capit. 27.* sequens commendat remedium: Sed unicum tamen remedium est, nec opinantem in piscinam non antè ei prævisam projicere. Et si natandi scientiam non habet, modo morsum bibere pati, modo attollere. Si habet, interdum deprimere, ut invitatus quoque aqua satietur. Sic enim simul & sitis, & aqua metus tollitur. Sed aliud periculum excipit, ne infirmum corpus in aqua frigida vexatum nervorum distensio absumat. Id ne accadat, à piscina protinus in oleum calidum demittendus est. Et hoc quidem ceu expertum commendat *Helmontius in Tractatu*, *Demens Idea*, asseverans rabiosum in mare projectum liberatum fuisse. Confirmatum hoc videtur per experientiam *Foresti libr. 10. obs. 27. & 28. Schenckio libr. 7. obs.* ubi plura sunt exempla curatarum rabietum per immersionem in aquam frigidam. Suffragatur in aquam rabidi submersio, & post horæ quadrantem extrahendus, & ut aquam evomat, procurandum; vivunt enim submersi per mediæ horæ spatium à submersionis puncto, nam in declivi positi per adominis compressionem aquam evomunt, & reviviscunt. Verùm extremum est præsidium, tunc conveniens, cum de ægri vita conclusum

matum fuit, non sine tamen summa consulentis ignominia, accidit enim quandoque huiusmodi ægros aquæ attacktu mortem subire, ut in nonnullis experti fuimus, & irreparabile mortis excidium, quando tanto debetur morbo, consulenti adscribatur.

Verum quid immoramur pro tam sævo curando morbo in remedia venando? Cum pauci, & ferè nulli hac nostra tempestate à carne rabido demorsi sint, qui opem implorent medicam. Nam tanta est nostræ religionis vis, ut cuncti, quos rabidi momorderint canes, ad Divi Viri templum confugiant, ubi quibusdam exorcismis, pane characteribus obfignato, vel aquæ benedictæ potu à sacerdotibus perquam facile sanantur.

Sed quonam pacto tam facile hoc eveniat, potius credendum, quàm exquirendum; attamen nonnulli vulgares hanc piam adducunt rationem, seu conjecturam, quod cacodæmones in rabiem agitant, impelluntque canes, ut hominibus inferant morsus, & quia in atrabilariis humoribus suam habent sedem, per canum morsus in humana se irrudunt corpora, & rabiem inducunt: supervenientibus deinde exorcismis facile cedunt, & libera afflictorum corpora relinquunt, sublaro secum veneno. Verum hæc ratio est barba, nec apud omnes credulitatem habet; nam primò, licet quandoque ex divina accidat permissione cacodæmones in rabiem concitare canes, id tamen perperum non est. Secundò, cur cacodæmones canis morsu indigent, ut per illum in corpora se intrudent ad rabiem simulandam? Tertio, cur exorcismus nullo modo est hydrophobiæ prophylacticon? Quarto, cur mania non transit in hydrophobiam, & contra, cum eundem atrabilarium humorem pro causa utraque affectio cognoscat?

Aliqui per naturales rationes huius affectus causam venari conantur: inquiunt enim in hoc curando morbo, sumpto pane, & aqua benedicta, magna accidit laborantium fides, obquam animal semel credens unum aliquid, cessat, deinde quiescit à credendi consideratione. Non hic loquuntur de fide Christiana, dono Dei supernaturali, sed intuentur tantum confidentiam, tam scilicet delusionem credendo, quàm rei certæ putationem; nam Deus non operatur miracula, nisi pro abditis suis judiciis, fides sive confidentia ergò, de qua hic loquuntur, est medium animositatis naturale, pugna, & validè terrori resistens, quo posito, anima in præternaturales se adigebat motus. Nec ista fides debet esse positiva, credo, sed potius negativa, non horrens, non timens. Hæc idea confidentiæ vitæ, quæ est morborum effectrix, rabidi canis virulentiam non ampliùs sentit, imò per partem demorsam, urinam, insensilem transpirationem, aliosque naturales ductus foras detrudit.

Sint hæc relata philosophandi modo, sub humilitatem Ecclesiæ censura, quia præter naturalem confidentiam hunc morbum curare valentem, est nostra christiana fides, quæ mirabilius operatur omnem nostræ mentis captum superantia, & hanc à nobis fidem suscipit D. O. M. cujus solius munere nostra delentur incommoda, atque omnes auferuntur languores.

C A P U T XXXI.

De Anatomica capitis Historia.

IN hominis opificio Dædaleam miramur naturam, quæ in sola capitis structura omnes nervos contendisse videtur, nec immeritò id fecit, cum sensuum, vitæque nostræ augustum tectum, immortalisque animæ templum à natura in capite, velut in editiori huius nostræ machinæ arce exercitari debuisset. Sed usu evenit, ut in munitissimas, & sublimes potius arces tormenta jaciantur, & summos feriant montes fulminis ictus: sic capiti, velut in Regiam, & sublimem Palladis arcem hostium vulnera diriguntur, ex quibus totum afflictarum corpus, & undique invaditur. Hinc jure merito primum caput, deinde reliquas corporis partes à vulneribus vindicabimus. Sed

Antequam capitis, cæterarumque partium vulnerum signa, causas, prognoses, & sanationes aggrediamur, harum partium anatomen operæ præteritum tradere dijudicamus; exilem namque majestatem obtinet medicina absque anatomes ope: Non loquimur solùm hic de anatome locali, nam secandorum corporum studium planè

puerile existimamus. Dissecant vulgares cadavera, & omnium parrium figuram, magnitudinem, cavitates, ductus, numerum, situm, cum aliis connexionem, & consensum curiosè inspiciunt, nec ex hac inspectione ad morborum curationem instructiores, & aptiores evadunt.

Hæc est anatomia mortua, Lanis communis, & tamen ex mortuis, & larvis viventium salutem mendicant! Verum etiam in hac artificiosa dissecandorum corporum pericia torpor, & ignavia prævaluit, & à pristino indolis candore degeneravit. Cæterum etiam loquimur de anatomia vitali, quæ corporis morboşi accidentia meditatür, & subjecti proprietatem novit, sine cujus cognitione aliàs nullus est Medicus, & sic una est, & vera anatomia, quæ ex dictis duabus progreditur.

A capite itaque capimus initium, habet hoc figuram non exactè sphericam ob cerebri molem, (homini namque præ cæteris animantibus insignis est cerebri magnitudo) sed simul est compressum, & nonnihil oblongum scilicet anteriùs, & posteriùs aliquantulum protuberans, à lateribus verò depressum, & pro tutiori munimento rotundum osseum est.

Dividimus caput in duas partes, quarum una est plena capillis, & dicitur capillata, ab aliis verò nominatur communiter nomine generis, nempe caput; altera verò pars quæ capillis caret, peculiari nomine, facies, seu vultus appellatur.

Pars capitis capillata, dividitur in quatuor regiones, quarum anterior, quæ suprà frontem est, appellatur *Sinciput*, & est pars anterior à fronte ad suturam coronalem usque; posterior verò suprà humeros posita appellatur *Occiput*, estque pars posterior ab initio suturæ Lambdoideæ ad primam cervicis vertebra usque. Media regio inter has enumeratas partes, quæ globosa est dicitur *Vertex*; laterales verò partes, quæ sunt inter oculos, & aures, appellantur *Tempora*.

Pars capitis glabra, facies dicta, præter partes continentes, proprias habet partes, vel superiorem, quæ frons appellatur; vel inferiore, in qua sensuum organa sunt, ut oculi, nares, aures, & os, in quo lingua, aliæque partes latitant.

Capillata habet alias partes vestientes, & externas, alias verò contentas, & internas; vestientes, & externæ vel sunt communes, ut cuticula cutis pilosa, pinguedo, membrana carnea, vel propriæ, ut pericranium, periostrium, muscoli, ossa, meninges; contentæ sunt cerebrum, cerebellum, & medulla in calva, partim verò in spina existens.

Primum, quod occurrit in hac parte capillata sunt capilli, inter quos deinde sese offert *Cuticula*, hinc *cutis*, quæ in hac parte insignem habet crassitiem, ut externarum injuriarum vim faciliùs eludat, eique capilli firmiùs, ac profundiùs adhæreant. Hæc non ita est exquisito prædita sensu, siquidem ejus membrana est musculosa, & non nervosa, & sic mobilis, sponte nostra. Cuti substernit *Pinguedo* paucissima, (*Riolanus* hic nullam agnoscit) ne vaporum transpirationem densior infractus impediret. Pinguedinem sequitur *Panniculus carnosus*. His subjicitur *Pericranium*, quod est membrana tenuis, mollis, densa, & firma, quæ exquisito gaudet sensu, propter nervos ad occiput per eam, & tempora dispersos. *Pericranium* vulgò à meninge oriri creditur: verum suum ducit ortum à tendinibus musculorum frontis, temporum; & occipitis, circum cranium expansis. Hæc externa capitis integumenta venulas ab extrinsecis vulgaribus, & arteriolas à catotidibus internis recipiunt. Pericranio substernitur Periostrium, quod immediatè capitis ossibus adhæret, estque membrana tenuissima, & nervea, ideòque admodum sensibilis, & acuti sensus, cujus beneficio cranium sentit, sicut & omnia ossa cincta sensum habent dentibus exceptis, qui partim à periostrio radices investiente, partim ab interiore nervulo sensum habet.

Periostrium sicut cranium firmiter adhæret, ita etiam pericranio tam exactè jungitur, ut simul unam membranam constituere videantur, quod multos decepit anatomicos; hinc scripsere idem in capite esse pericranium, quod in aliis partibus periostrium.

Post prædictas partes ossea capitis pars apparet, quæ *Cranium* dicitur, estque globosa, & rotunda, interiùs concava, ossea pars cerebrum continens, ita appellatur, quòd veluti

veluti Cranon Græcè, seu galeæ militaris instar, cerebro ad munimen circumdatur. *Calva* etiam, & *Calvaria* dicitur, quia caput capillis privatum conspicitur calvum. Barbaris etiam à duritie, & rotunditate *Testa* nominatur.

Cranium hoc in embrione membranaceæ, in recens nato cartilagineæ videtur substantiæ, atque etiam per aliquot annos ejusmodi mollitiem servat, ossis mollioris instar, & pressioni cedit, in primis superiore capitis parte circa suturas, ut copiosa cerebri humiditas, quæ in infantibus redundat, commodius exhalare possit. Deinde ad majorem cerebri tutelam sensim induratur, aliorum ossium instar, crassaque fit, sed rarior, & in medio spongiosa manet ad faciliorem vaporum transitum. Crassities variat pro ætatis diversitate, imò neque eadem est in eadem ætate, regionum quoque diversitas in hac parte multum facit refert *Herodotus* Persarum crania valde tenuia, & fragilia esse, ita ut facillimè perforentur; *Aegyptiorum* verò admodum crassa, & firma esse, ita ut vix lapidis gravioris ictu confringantur. Ad hæc; in delicatis ut plurimum minor crassities, ac durities reperitur, quàm in rusticis, aliisque durioribus hominibus, cujus rei causa esse putatur, quòd delicati caput semper benè se tegant, ab eoque æstum, & omne frigus arcent; rustici autem per æstum, & frigora intensissima nudo capite incedant, quo æstu in primis, & frigore ossa indurantur, & crassiora fiunt: atque hinc monemus puerorum capita non esse multum tegenda, cum per nuditatem potius corroborentur, & externis injuriis ferendis aptiora evadant.

Constat autem cranium duabus tabulis, seu laminis, externa, quarum illa crassior, & æqualior, hæc verò durior (& propter singularem duritiem, & fragilitatem vitrea appellatur,) & multis sulcis exarata: ut locum concedat vasis duram meningem perreptantibus, à qua meninge nonnulla insignia vasa juxta aures intra geminas cranii laminas se insinuant, meditullium interjectum irrigantia.

Inter has tabulas media latet substantia quædam spongiosa, & cavernosa, medullarem subcruentum succum ad cranii nutritionem continens, qui conficitur ex sanguine influente per minimas arteriolas exilia foraminula tabularum transeuntes, atque hic est ille sanguis, qui dum cranium trepano perforatur, & ubi ad Diploem deventum est, rubicundi nonnihil effluit. Meditullium hoc spongiosum duplici tabulato cranii interjectum ab anatomicis Diploe vocatur.

Hoc meditullium alibi majus, alibi minus cernitur, nonnullis in locis vix animadvertitur, ubi ambæ tabulæ simul coire, & cranium simplex, ac pellucidum constituisse videntur. Refert *Bartholinus* se cranium secuisse, in quo hæc media spongiosa substantia omninò deerat, totumque cranium ex una tabula constare videbatur, fortè quod ob senium, exsiccatis, & contractis ossibus, non manifestè apparuerit. In spongioso hoc meditullio nonnunquam, præcipuè in lue Venerea infectis, vitiosus quidam humor colligitur, qui temporis tractu virulentus, & acrior factus, tabulas ipsas, frequenter autem exteriorum ob minorem duritiem exedit, ac in perioestio, & pericranio diros excitat cruciatus: nonnunquam etiam interiorem unà cum exteriori ab eo erosam, sicque totum cranium perforat.

Quamvis caput unico cranio contiguo circumdatum sit, os tamen continuum non est, sed ex diversis inter se commissis constat, quorum tamen in omnibus certus numerus non est, sed pro ætatis varietate variat, ita ut in nuper natis, & in decrepitis pauciores cranii partes, seu ossa commissa inveniantur. Communiter autem in media viventium ætate advertuntur, quorum duo communia dicuntur, reliqua sex propria, suntque primum *frontis os*, aliàs *coronale*, *inverecundum*, vel *puppis* appellatum, secundum *os occipitis*, vulgò *Basilare*, tertium, quartum *os occipitis*, seu *bregmais*, quintum, sextum duo *os temporum*, quæ etiam *petrosa*, *mendosa*, & *squamosa* vocantur. Hæc in sua connexionione certas efficiunt suturas, quatum tres communiter notissimæ sunt, nempe prima *Coronalis*, os frontis ab ossibus syncipitis dirimens, secunda *sagittalis*, quæ & *virgata*, & *jugalis* dicitur, hæc media inter futuram coronalem, & *lambdoidem*, tertia *lambdoides*, seu *ypsiloides*, quia harum literarum Græcarum figuram refert. Præter has veras enumeratas suturas

Musitani Opera Tom. II.

etiamnum quædam nothæ, seu falsæ sunt, propriisque nominibus distinguuntur ab anatomicis, qui de hac re videantur.

Præcipuus futurarum usus est, partim ut vaporibus exeuntibus faciliorem transitum præbeant: partim etiam, ut fissuræ, quæ in cranio contingunt, se non extendant ulterius, quàm per unum os, & in proxima futura sistantur. Adde, quòd per has fibrillæ à dura meninge transeant pericranio connexæ (ab his per cranii exteriora expansis pericranium generari non pauci existimant) ex quibus dura meninx unà cum cerebro suspensa tenetur, ne à valido saltu, aliove motu loco moveatur, sicque ventriculi cerebri concidat. Atque hinc benè scribit *Hip.* illos sanioris capitis esse, qui plurimas habent suturas, & contrà, si sine futuris sint capita, pejus valere, nam in his multi, & sæpè vitiosi vapores detinentur, cephalæ, epilepsiæ, aliorumque gravium morborum causæ: præterea ab externo incidente ictu, vel casu facillè rumpuntur, longasque fissuras contrahunt.

Ablato cranio partes cerebri interiores in conspectum veniunt, inter quas immediatè occurrunt duo velamenta, seu membranæ totum cerebrum ambientes. Græcis *Meninges*, Arabibus *Matres* appellatæ, quia matris modo cerebrum fovent, necesse autem fuit has meninges sub cranio ponere, easque duas, tum ut cerebrum melius foveretur, tum etiam ne ab ossa cranii duritie læderetur. Una exterior est, quæ cerebrum immediatè non ambit, à substantiæ crassitie, & duritie, *Crassa Meninx*, & *Dura Mater* appellatur, hæc laxo ambitu cerebrum amplectitur, tantum ab eo distans, quantum motus commoditas exigit. Simul etiam rotum interius cranium laxiore copula investit, ita ut ab eo plerisque in locis facillè dimoveri queat, sicut perforaro per tebram cranio, id levi depressione fieri solet. Basi tamen arctissimè jungitur, ut non facillè ab ea divelli possit, & futuris firmiter adnectitur per fibras, atque tenaciter semidigiti latitudinem à lateribus futuræ sagittalis, nec non multoties etiam prope ejusdem concursum cum coronali, mediantibus minimis vasculis, quæ versus diploidem emittit, duobus, tribus, quatuorvè locis nonnihil adhæret; quibus locis, cum cranium avellitur, puncta sanguinea è vasculis illis disruptis pululant.

Foraminibus multis ad vasorum transitum pervia est uno præterea magno ad medullæ descensum altero versus glandulam pituitariam; qua verò parte ossi cribiformi cohæret, instar cribri perforatur, seu potius per ossis foraminula tenellos tubulos ad nares transmittit.

Exteriùs asperior, & durior, cranium, ejusque sinus, ac cavitates succingit, & fibrillis plurimis per suturas serratas transmissis, eidem adhæret. Interiùs lævis, ac lubrica est, humore aqueo perfusa. Tenui meningi multis in locis cohæret mediantibus vasis.

Arterias ab arteriæ carotidis ampliore ramo productas, per foramina ossis cuneiformis, & frontis transeuntes recipit. Venas copiosas ad sinus, & internæ venæ jugularis ramum emittit.

Duplicatur dura meninx in capitis vertice, ubi cerebrum dividit in partem dextram, & sinistram; & quia hæc reduplicatio in parte posteriore latior est, sensum postea arctatur, ut falcis messoriæ figuram representare videatur, *Falx* appellatur. Quadruplicatur etiam, ubi cerebrum à cerebello distinguit. In falce hac semper sinus inveniuntur quatuor, quandoque septem, in quos arteriæ carotidis plurimi rami inferuntur, jugularibus post conjungendi.

Altera membrana interior est, quæ exquisitissimo gaudet sensu, plurimisque arteriis, & venulis, quàm crassa, ac *tenuis meninx*, & *pia mater* appellatur, quia admodum subtilis, & tenuis est, & piæ matris instar immediatè, ac molliter cerebrum, ejusque partes investit, ac penetrat, & ne diffluant, impedit, simulque gyros ejusdem, & anfractus profundius involvit, ac summities eorum colligit, sicque per totam exteriorem cerebri superficiem quasi planam reddit: qua connexionione superiore soluta, gyrorum anfractus, quia hac meninge sunt vestiti, facillè separari, & explicari possunt. Ab hac tenui meningi procedit etiam tenuissima membranula ventriculos cerebri exterioris vestiens.

Remotis duabus cortinis, *sacrum Palladis templum* ingredimur, in quod, tanquam in majestatis thronum anima

princeps è suo domicilio scandit, ut ibi sensuum internorum, externorumque tum voluntarii motus ministerio omnes exerceat functiones. In hoc enim partium sensationes percipit, ac dijudicat, & ex eo tanquam, ex scaturigine, suæ benignitatis radios; nempe spiritus animales genitos, per nervorum rivulos, omnibus, sentientibus corporis partibus communicat, & per eos actiones animales edendi facultatem ipsis tribuit.

Cerebrum per se immobile, tanquam motus principium statuitur, verum per accidens continuè movetur non animali, sed naturali motu systoles, & diastoles, ut videre est in capitis vulneribus, in recens natis, & vehementissimis capitis doloribus; sed hujus motus causam rimari difficillimum est.

Aliqui eum meningibus consignat; alii cerebri substantiæ, & alii arteriis. Sed perperam meningibus tribuitur; nam ablata magna cerebri portione, & ipsis meningibus, cerebri tamen motus à *Riolano* observatus fuit. Item male cerebri substantiæ tribuitur, nam cerebrum ad dilatationis, & constrictionis motum perficiendum necessariò opus habuisset aut musculis, aut saltem fibris adeò fortibus, quæ se contrahere potuissent, quibus utrisque caret. Qui hunc motum arteriis tribuunt, sensatè judicant; nam cerebri motus cum arteriarum motu coincidit, ut in infantum capite, in quorum scincipite cerebrum palpitare conspicitur, quia ossa mollissima sunt, nec dùm satis indurata, & in cranii fracturis observatu facile est. Eapropter in carpo prout pulsus parvus, aut magnus, rarus, aut celer sentitur, ad eandem normam etiam cerebrum moveri oculis conspicitur ejusque motus deficiente in carpo pulsu, eodem tempore omninò deficit, simulque omnium partium animalis motus eo ipso momento aboletur. Quare hic motus præcipuè se exserit circa duræ matris sinus, ubi plures extant arteriæ. Hinc non videtur ad cerebri substantiam recurrendum, ea quoque mollis & flaccida satis admodum inepta existit.

Cerebri substantia peculiaris est, qualis nulla alia in toto corpore, quam glandulæ assimilavit *Hip. lib. namque de glandulis* dicit: *Majus est cerebrum, quam reliquæ glandulæ*, quasi significare vellet cerebrum maximam esse glandulam, ex eo, quod est corpus album, molle, humidum, & quasi subpingue, ut glandulæ. Alii, cum *Platone*, illud inter medullas annumerant, quia ejus substantia est friabilis, & mollis, ac intra ossa continetur, etsi ab ossium medulla toto cœlo differat, neque ignem, ut illa concipiat.

Verum cerebri substantia à calore non liquatur, ut medulla, ac proinde errant omnes, qui illud glandulis, aut medullæ annumerant, cum substantiæ, & structuræ diversitas satis ostendat illud cum iis nullam habere similitudinem. Præterea partis ipsius dignitas, & operationum principium, quas odit, nobilitas, clarè docent illud verissimè viscus esse, non minùs quam cor, & suas proprias, easque principes actiones obire. Substantiam itaque peculiarem habet cerebrum, albam, humidam, mollem instar pinguium liquescentem potius, quam diffluentem, etsi verè pinguis non sit. Mollis est, & humida ad faciliorem imaginum, & conceptuum impressionem; est enim imaginationis sedes.

Humani cerebri magnitudo pro totius corporis magnitudine insignior est, quam aliorum animalium, & ut plurimum homo duplo plus cerebri habet, quam bos, nempe ad liberarum quatuor, vel quinque pondus, quia animal nobilius est, & forsan qua:

Os homini sublime dedit, cælumque videre

Jussit, & erectos ad sidera tollere vultus.

si enim quid mobile rectum stare volumus, pondere ingenti supposito, casurum juvamus.

Inter homines mares plus cerebri habent, quam fœminæ; maribus enim maximum est datum cerebrum, qui plurimum cerebro uti debuerunt, hoc est functiones animales varias, & præstantes exercere. Ineptè putarunt nonnulli cerebrum, ut & ossium medullas ad lunaris luminis dispendia, vel incrementa augeri, vel imminui. Verum horum opinio nulla experientia stabiliri potest, quia unius, ejusdemque animalis cerebrum in diversis lunæ temporibus inspicere ac ponderati nequit. *Horstius* scribit, se vidisse cerebri substantiam à nimio Veneris usu imminutam. Sed quæso, quomodo scite potuit, an istius hominis corporis, de quo loquitur, antea plus cerebri habuerit? An illud antea viderat, & ponderaverat: Nimia Venus cere-

brum quidem debilitat, sed an illud imminuat, certò dici non potest.

Vasa per cerebrum disseminantur varia; nam si ejus substantiam comprimamus, guttulæ, sive puncta sanguinea exsulant, idèque plurimas venas, & arterias capillares ibi disseminatas habet. Venæ per cerebri substantiam feruntur, sunt primi rami quinque venarum jugularium, quorum aliqui per crassæ meningis, & cerebri substantiam sparguntur. Secundi ramuli utrinque abeunt in cerebri substantiam, ex duræ meningis cavitatibus. Arterias quatuor habet ex carotidibus, & cervicalibus, quarum hæ duæ ad cerebellum, illæ ad cerebrum disseminantur supra, infraque.

Nervos nullos habet cerebrum in propria substantia, cum enim sentiendi organum sit generale, de omnibus sensibus, & motibus animalibus indicans, debuit sensus, & motus expers esse: nam uno sensu, motu præditum, de aliis non benè judicasset, quia singuli sensus ab uno tantum objecto moventur, ut visus ab objecto visibili, tactus à tactabili &c.

Si igitur cerebrum uno aliquo sensu, motu præditum fuisset, anima per illud organum de quolibet sensu, & motu justum non potuisset inferre judicium, ac propterea sensus, & animalis motus expers conditum, nec in substantia sua ullis nervis donatum est: Hinc falsa est communis opinio cerebrum esse principium, & originem omnium nervorum, cum ne unius quidem nervi sit initium.

Universum cerebrum in duas dividitur partes, anteriorem, & posteriorem, anterior pars propriè dicitur cerebrum, posterior verò propriè dicitur cerebellum, quasi parvum cerebrum. Rursus anterior pars in duas aliàs dividitur partes, nempe in dexteram, & sinistram, quæ partes à portione quadam crassæ meningis intersecantur, quæ portio meningis, quia hoc loco falcis figuram refert, idcirco appellatur *falciformis*, & *falx messoria*: illæ verò duæ cerebri partes etiam à similitudine appellantur *duæ Nates Cerebri*, facta enim fuit hæ cerebri divisio præsertim, ut cerebri substantiam penetrare possent meninges, quæ ratione venarum, quas continent, deferunt cerebro materiam alimentalem. Istæ duæ cerebri nates non sunt à summo ad imum divisæ, sicut cerebellum, neque omninò divisæ à cerebro, sed tantum penetrat hæ divisio ferè usque ad centrum ipsius cerebri, quo loco pars quædam cerebri observatur superiore durior, & callo per similes, unde *callosum* dicitur corpus, quorum intermedio cerebrum in se unitum apparet.

Hoc calloso corpore leviter excavato, apparent duæ cerebri cavitates, altera à parte dextra, altera à sinistra, quæ duæ cavitates appellantur *anteriores cerebri ventriculi*, & inter ipsos tenuis quædam, & lucida cerebri substantia intermedia, ventriculos dividens, dicitur *septum lucidum*, seu *speculum*, fulger enim instar gemmæ. Quilibet autem horum ventriculorum figuram retinet semicirculi, vel semilunæ, vel auriculæ humanæ figuram repræsentat, ambæ verò sunt in magnitudine æquales, & suis parietibus portione tenuis meningis adhærent. Circa fundum, & infernam partem horum ventriculorum observantur revolutiones quædam, atque textura venularum, atque arteriarum, quæ communiter appellantur *Plexus choroides*, sive *Rote mirabile*, qui est elegans, & mirabilis quidem, è subtilissima membrana, à pia matre productus, plurimisque glandulis contextus.

Ubi junguntur ventriculi, dicitur *fornix*, seu *testudo*, figura triangulari, tribus cruribus, uno anteriore, duobus posterioribus. In communi sectione tertio ventriculo superstratum putatur hoc corpus, & corpori calloso subjectum.

A fundo horum ventriculorum procedunt cerebri processus, ex eadem substantia cerebri constantes, & in anteriori cerebri parte in os frontis supra nares finiuntur, qua parte si processus duo tubercula mammarum papillis similia formant, unde communiter appellantur *Processus Mammillares*, propriè verò prædicta duo tubercula ponuntur supra quædam ossa narium, quæ ad modum cribri perforata sunt.

Porro retrorsum inverso fornice, conspicuus evadit *Ventriculus tertius*, sive *medius*, qui nihil aliud est, nisi duorum præcedentium ventriculorum concursus, sive communis cavitas, ob quam rationem nonnulli hunc

tertium ventriculum crediderunt potius esse viam ab anterioribus ventriculis ad posteriorem. Hic tertius ventriculus duos emittit meatus, quorum alter deorsum fertur ad infundibulum, (à figura ita dictum : nam est cavitas orbicularis, amplo principio, hoc nonnulli *Pelvum* appellant) & glandulam pituitariam, per quod pituitosa cerebri excrementa evacuari, vulgò traduntur, sed malè, per ossa quædam perforata in fine palati existentia. Alter posterior & membrana vestitus, quod foramen quidam *Anum*, seu *ani foramen* appellant, transit sub natibus ad ventriculum quartum, & nihil aliud est, quàm foramen ex conjunctione, seu contactu monticulorum striatorum, & duorum natium, ac testium conflatum.

Protuberantiæ quatuor, quarum superiores, seu anteriores, & majores, à qualicumque similitudine *Nates* dicuntur, inter quas & protuberantias striatas conspicua est rima, *Columbo Vulva* appellata, continens *foramen ani*. Inferiores, & minores *Testes* nominantur, suntque duæ prominentiæ depressæ, natibus subtus firmiter adnatæ, & continuæ. Sunt autem hæ quatuor protuberantiæ, unà cum protuberantiis striatis desuper, iis impositis, principia medullæ oblongatæ, inferiùs cerebro continuata, superiùs verò, & à lateribus tenuissima membranula à pia matre obducta, substantiam habentia quasi ex innumeris tenuissimis fibrillis compactam, qualis per microscopium conspicitur.

Glandula inter testes, & anum, ad foramen ani, quod versus quartum ventriculum ducit, apposita, quæ Græcis *Conarion*, à coni figura; Latinis *Glandula Pinealis* dicitur à figura nuclei pini: aliis etiam *Penis cerebri* vocatur.

In posteriore, & inferiore calvaria parte, scilicet intra ossis occipitis amplos sinus reconditum est *cerebellum*, secundam cerebri partem constituens, quasi parvum, & privatum cerebrum, quia multò minùs est cerebro, & utraque meninge intectum. Formam habet latiusculam, & aliquantulum depressam. Magnitudinem in homine multo majorem obtinet, quàm in brutis. Substantia non multum differt à cerebri substantia, excepto quòd minùs mollis, seu paulò firmitior esse videatur. *Processus* obtinet duos *Vermiformes* dictos, quia ex multis particulis transversis, & quasi contortis, tenui membrana copulatis constant, vermium instar, qui in ligno carioso reperiuntur. Horum anterior in quartum ventriculum prominens, natibus, testibusque adjacet: posterior verò non ita prominet, sed mucrone in cerebelli substantiam absumitur. Cerebello ab inferiore parte elevato, in conspectum venit posterior, seu quartus ventriculus, reliquis minor, qui ex truncis spinalis medullæ è cerebro, & cerebri tertio ventriculo descendit. Undè cum sit hic ventriculus circa principium latior, & deinde sensim angustior, & quodammodò in acumen desinat, similitudinem cum calamo scriptorio habet, olim *Calamus Scriptorius* nominatus fuit. Hinc ventriculum *Arantius Cisternam*, *Herophilus* illum *Principalissimum*, alii *Nobilem ventriculum* appellarunt. Inepiè *Galenus* putavit ex cerebello duriores oriri nervos, cum nulli nervi ab eo prodeant.

Medulla oblongata, quæ extra cranium delapsa, ad differentiationem medullæ ossium propriè sic appellatæ *spinalis medulla* dicitur, est pars cerebri, & cerebelli durior, compacta, & alba partim intra cranium, longitudine scilicet quatuor digitorum transversorum consistens, usque ad ossis sacri finem extensa. Ipsa substantia medullæ fibrosa est, (quæ microscopii ope conspicitur) quasi ex innumeris tenuissimis longis filamentis compacta. Ex his tenuissimis in medulla filamentis omnes totius corporis nervi principium sumunt. Dividitur in partem dextram, & sinistram, uti & cerebrum, à pia matre, quæ eam immediatè vestit. Hinc Paralysis unius, vel alterius lateris esse potest. Dividitur in multos quasi funiculos; & conspicuè hæc divisio apparer circa sextam, & septimam thoracis vertebra. Caudæ equinæ figura representabitur, præsertim circa finem, in multos pilos oblongos divisæ. Triplici tegitur membrana, prima immediatè cingens est à pia matre, secunda à dura matre, & alteri adhæret; Tertia exterior oritur à valido ligamento anteriores partes vertebrarum colligante, quod à parte posteriori in validam tunicam desinit, ne medulla lædatur. Huic unctuosus humor ad humectationem circumfunditur. Non est pars à cerebro separata, sed

Mustani Opera Tom. II.

eiusdem, ac cerebelli productio, è quibus tanquam caudex quatuor radicibus procedit: anteriùs scilicet, seu superiùs duabus tertii ventriculi protuberantiis, hodie corpora striata, olim thalami nervorum opticom appellatis, quibus maximè cerebro cohæret; Posterius verò, seu inferius, natibus, ac testibus, quibus cerebello magis cohæret. In hujus dissecta substantia innumera sanguinea punctula passim apparent, eodem modo sicut in dissecto cerebro: vascula tamen sanguifera per ipsam substantiam transeuntia adedò tenella sunt, ut oculis conspici nequeant, sed per membranas, secundum mediam medullæ longitudinem, supra ejus divisuram, vena insigniter conspicua cum exili arteria progreditur: sicque etiam utrinque ad Latera alius, sed minor, arteriæ, venæque ramulus procedit. Ex quibus vasis eleganti serie ramusculi per utramque ejus investientem tunicam disperguntur, atque ex arteriolis etiam sanguis in ipsos medullæ poros infunditur, ejusque redundantia à venularum finibus absorbetur.

Una hujus medullæ pars, est intra cranium supra magnum occipitis foramen, alia ejus pars est quidem longissima extra cranium in vertebra à prima cervicis, usque ad ossis sacri ultimam. Tegitur hæc medulla intra spinam, quam Græci *Sacram fistulam* vocarunt, quia excavata est fistulæ instar, & principem partem continet, ac tuetur, & videtur quasi ossea esse columna in multas partes diffracta, & ut corpus quaquaversum inflecteretur, pluribus constat ossibus in medio excavatis, ad tutum medullæ descensum comparatis, cum quibusdam nodis, qui verriculorum figuram retinet, ac proindè vertebrae appellantur, à vertendo dictæ, ob motum continuum, quo in quacumque corporis flexione moventur. Sunt spinæ totius vertebrae viginti quatuor, scilicet collæ septem, dorsii duodecim, lumborum quinque, quibus fundamenti instar subjicitur *os sacrum*. Prima vertebra *Allas* nominatur, cui caput, tanquam parvus mundus, imponitur, & firmiter adhæret. Secunda *Axis*, quia caput cum prima vertebra rotatur, reliquæ vero proprio carent nomine.

Cum duodecim thoracis vertebra, duodecim quoque costæ ad modum arcus positæ conjunguntur; ex parte verò interna succingitur membrana quædam, quæ ob id appellatur membrana succingens, sive pleura: istarum costarum septem superiores per intermediam cartilagineum cum pectoris osse conjunguntur, quod *Sternum* appellatur, & veræ, ac legitimæ costæ appellantur, reliquæ verò quinque non pertingunt usque ad prædictum os sternum, sed veluti deficientes ad modum semiarculus in cartilagineum terminantur, & ob id spuria, sive illegitimæ, ac mendosæ dicuntur costæ. Prædictæ autem septem superiores adhuc terminantur in cartilagine versus illam partem, in qua cum sterno conjunguntur, quod ita factum est, tum ut faciliùs cadendo resistent, ne frangantur, tum etiam ut pectoris modum in inspiratione, & respiratione secundarent.

Hæ costæ ut plurimum utrinque sunt duodecim tam in viris, quàm in mulieribus, rarò tredecim, rarius undecim, sæpiùs verò unica superest. Hinc verisimile est in *Adami* utroque latere fuisse tredecim costas, ex quibus unam exemit *Dominus*, & in *Evam* convertit. Hic certè irridendi videntur nonnulli abdicarum rerum nimis nasuti scrutatores, qui numerum costarum primi parentis *Adami*, & quot costas antè, quot post formatam *Evam* habuerit, magna curiositate inquirunt, multique verbis ea de re differunt, haud aliter ac si illud etiam ad anatomicam scientiam pertineret, vel scitu necessarium foret. Cæterum prima mulier non formata fuit ex sola *Adami* costa, sed ex costa carne vestita, ut habetur *Genes. cap. 2. Immisit ergò Dominus Deus soporem in Adam, cumque obdormisset, tulit unam de costis ejus, & replevit carne pro ea. Et edificavit Dominus Deus costam, quam tulerat de Adam, in mulierem, & adduxit eam ad Adam. Dixitque Adam: Hæc nunc os ex ossibus meis, & caro de carne mea.*

Unum nos ex his elicimus, quia mulieres ortum à costa deducunt, quæ tortuosa est, omnes tortuosas esse, & præcipuè circa crura, unde ad tortuositatem regendam, palla uti necesse fuit. Dicta sunt hæc in mulierem gratiam.

Medulla oblongata est immediatum omnium nervorum principium, prout partim est intra cranium, partim ex-

tra in spina: Intra cranium oriuntur, quæ vulgò à cerebro oriri dicuntur, septem paria: à spina verò triginta. Priorum septem paria his versiculis comprehenduntur:

Optica prima: oculos movet altera: tertia odorat:

Quarta est, quæ gustat: Quinta audit: sed vaga sexta:

Septima Luxatæ Linguae moderatur habenas.

Primum itaque par, sive horum nervorum conjugatio, amoris processibus mammillaribus, mox in conspectum venit, & dicitur *optimum*, vel *visorium*, quia spiritus animales visivam, seu videndi facultatem oculis, radiosque rerum visibilium ad sensorium commune refert: quod inter reliqua paria maximum est, sed mollius, & cæteris porosius.

Secundum par est *oculorum motorium*.

Tertium par *Olfactorium* dicitur, quod processibus mammillaribus adhæret.

Quartum par tendit ad linguam pro sensu gustatus efformando, & dicitur *gustatorium*.

Quintum per partim versus aures ad auditus organum efformandum, partim quoque ad musculos, qui in temporibus sunt, & ad inferiorem maxillam movendam, & *auditorium* appellatur.

Sextum par *vagum* multos sui ramos emittit, quorum quidam tendunt ad stomachum, ubi dicuntur stomachici, quidam ad cor; & pulmonem, quidam ad hepar, & costas, ubi nervi dicuntur costales. Hoc par vagum membranis investitur robustis, & per ossis occipitis foramen ad jugulum descendit, postquam ramulos collo Laryngis, Linguae, ossisque hyoidis musculis impertivit, hinc in ramum internum, & externum dividitur in utroque Latete. Ramus externus dexter, demissis aliquot surculis ad pectoris musculos, nervum constituit *Recurrentem* dextrum. Confert hic ad sonum, imò ad tactum quoque in pleura, tunica pulmonis, pericardio, atque orificio superiori ventriculi, cum patet illæ omnes ab eo ramulos nasciscantur. Ramus externus sinister recurrentem sinistram efficit, ad easdem ferè partes accedens, quas accedere dextrum diximus, ad ventriculi orificium dictum delatus dextro jungitur, sicque progreditur, & ad ventriculi orificium inferius, & ad hepatis partem inferiorem. Ramus internus dexter intercostali cuivis musculo propaginem exhibet, diaphragma ubi perforavit, infimi ventris partes omnes nervo instruit, circa os sacrum finem assumens. Internus sinister in suo Latete eodem modo distribuitur, nisi quod loco hepatis ad lienem pars abeat, sed ab utroque interiore aliquando propagines mittuntur ad uterum.

Septimum par *Linguam movens*, inseritur in musculos, qui sunt in Lingua, & hæc conjugatio oritur in occipitio, ea in parte, qua propè nascitur spinalis medulla.

Extra cranium pendent nervi à spinali medulla, & ut plurimum ipsorum triginta paria observantur, quamvis aliquandò viginti novem conspecta fuerint, nam à septem cervicis vertebra septem paria egrediuntur, duodecim verò à duodecim dorfi vertebra, quinque paria à quinque Lumborum vertebra, & sex ab osse innominato; omnia hæc paria eo ordine oriuntur, quo & ipsæ vertebrae sunt positæ, & unus nervus oritur à parte dextra, alter verò à parte sinistra.

Primum ergò par ex prima colli vertebra exiens in ipso collo terminatur pro ipsius sensu.

Secundum par inter ejusdem colli musculos inseritur. Tertium in musculos, qui idem collum flectunt, in capitis musculos, & ad aures, in musculos genarum. Quartum in musculos scapulas, & brachia attollentes, ac in diaphragma. Quintum tandem, sextum, & septimum circa easdem partes, eisdemque colli musculos inseritur.

Duodecim conjugationes, quæ pendent à duodecim dorfi vertebra, omnes vel terminantur aliqua parte in brachium vel majori in parte in musculos thoracis tam anterioris, quam posterioris. Quinque conjugationes, quæ oriuntur ex vertebra Lumborum, partim inseruntur in musculos dorfi, & circa ipsos Lumbos, partim ad musculos femoris descendunt usque ad testes.

Tandem conjugationes pendentes ex osse in nominato, sive sacro inseruntur tam in musculos sibi proximos, quam in cutem, & musculos femorum, in collum uteri, in musculos vesicæ, penis, & intestini recti, & denique terminantur ad omnes infernas partes.

De Capitis Vulneribus.

Nunc *regiam Palladis arcem* ingredimur, hoc est caput, quod eruditè à philosopho membrum divissimum, & reliquorum omnium in nobis princeps fuit appellatum. Hanc microcosmi arcem, tanquam locum editiorem, immortalis anima trabea succincta, & spirituum famulatio, ac satellitio stipata conscendit, & in tribunalis folio residet, ut indè toti præsidens, cunctis præsit partibus auctoritate, ratione, & consilio, toti machinæ moderetur, sensum, & motum impertiat, legesque pariat. Hic tot potitur speculis, quot sunt sensuum organa, quibus eminè prospicere potest, & pro exploratoribus spiritus habet animales, qui quicquid in microcosmo dicitur, fit, aut putatur, actutum referunt. Huic omnes famulantur sensus, omnia obediunt membra, & animale se subicit ministerium. Sed quia perpetuò verticem feriunt fulmina, minaces hostium insultus munitissimas impetunt iures, & in regalia tecta irruunt hostes; Hinc usu venit, ut caput, quod editiorem nactum fuit locum, ut plurimum miserrimè afflictarur, undique invaditur, deprimitur, contunditur, frangitur, vulneratur, & omne virium morbosum tantò conspectius in se crimen habet, quantò majus, quod peccat uabetur, & essè sensus, & prudentis sedes sit, præ reliquis tamen imbecillius est. Hinc tot emergunt symptomata, quot de *materie Aristotelica* potentia educuntur formæ, vel quot milites ex equo Trojano, ut memoriæ abolitio, aphonia, oculorum caligo, obscuratio, vertigo, aurium surditas, vomitus, inflammatio, febris, stupor, delirium, sopor, epilepsia, apoplexia, convulsio, paralytis, & alia id genus. De hujus nobilissimæ partis vulneribus agemus, nec si levia sint, etiam si sola cutis excoriata fuerit contemni debent.

C A P U T XXXII.

De Capitis Contusione.

Contusio est solutionis continui species, cum aliquod ponderosum, vel durum, vel obrusum supra corpus incidit, ipsumque collidit, & continuitatem solvit, circa manifestam substantiæ deperditionem, aut externam rupturam, ubi in parte carnea cruor ex venulis, vel arteriis evasatus sub cute colligitur. Dicitur etiam *sugillatio*, quia venæ, & arteriæ exiguæ, ut & vasa lymphatica sub cute rumpuntur. Dicitur quoque *Ecchymosis*, seu *echymonia*, & *suffusio*, à sanguinis subter cutem effusione.

Signa.

Capitis contusio signis non indiget, quibus cognoscatur, quia oculis, & ægri relatione se satis manifestat. Sanguis ex contusione ruborem, dolorem, inflammationem, vel livorem excitat, & in parte contusa adest tumor mollis, lividus, interdum cum, interdum sine doloris sensu. Capitis contusioni facilè accidere possunt varia, & pessima signa, præsertim si ex violenta contusione cerebrum concussum fuerit, hinc eveniunt vertigines, cephalalgia, auditus difficultates, splendores ante oculos, omnium artuum debilitas, memoriæ abolitio, epilepsia, spasmus, apoplexia, lethargus, mania &c.

Causa.

In contusionis capitis causa vulgares nobiscum conveniunt; fit enim casu, sive percussione ab instrumento duro ponderoso, & obruso, & contundente, unde cute non soluta, venulæ, vel arteriolæ sub ea, conquassatione dilaceratæ per rimas, vel fissuras sanguinem profundunt, qui extravasatus, nec in debitas vias regrediens, stagnat in cavitare, non dùm in grumos coactus, tandem à stagnatione acidior redditus in grumos abit, & ex sanguine, ac lymphæ impedito motu, oritur tumor, unde ex colore primitus quidè rubeo successivè contusio cærulescit, livescit, & flavescit, dum insensibiliter resolvitur.

Prognosis.

In capitis contusione leviori, & ferè superficiali non multum sanguinis diffunditur, nec plurium partium carnosarum, & nervosarum fit laceratio, hæc contusio periculo vacat, & insensibiliter discuti potest; Si verò fuerit magna, vel profunda, & discuti nequeat, sanguis fermentando, in pus mutatur, ut *sect. 6. aph. 20. Si in ventrem sanguis præter naturam effunditur, suppurari necesse est.* Vel putrefactus gangrenam, aut sphacelum infert, nisi pus, aperto abscessu, evacuetur. Si muscoli temporales contundantur, delirium, paralytis, convulsio, & mors inde sequi potest. Capitis contusio gravissima præ cæteris eo peior, quò majorem contusionem parti factam notat, tum ratione nobilissimæ partis, tum symptomatum ratione. Si contusio ad meninges, & cerebrum pertingit, ipsumque concutiat, malum, ut *Hip. sect. 7. aph. 58. inquit: Quibus occasione aliqua cerebrum fuerit vehementer concussum, multo protinus fieri est necesse.* Et *194. sect. lib. 2. coac. Quibus concussum fuerit cerebrum, vel ex plaga doluerit, aut aliquo casu, his illico vox deficit, neque vident, neque audiunt, ferè intereunt.* Hæc omnia internam læsionem demonstrant, sic soporis, obtumescentiæ, aliorumque symptomatum causa sunt cerebri concussio, spirituum animalium dissipatio; opticorum nervorum obstructio, ejusdemque animalis facultatis perturbatio, vel fortasse vapores elevati, & ad oculos pulsi. Hinc dicebat *Hip.* stuporem, obtumescentiæ, somnum profundum, motus abolitionem; & lapsum fieri ex spirituum animalium perturbatione, eorumque influxu denegato, necesse est. Si febris, & vomitus adsint, pessimum est.

Curatio.

In capitis contusionis curatione primum concedimus locum *Galenicis*, tanquam ætate confectis, & magis in occidendi arte petitis. *Galenici* ergò in levi capitis contusione, si in loco capillato sit, prius abradis capillis, sunt enim ferè omnes tonsores, adstringentia applicant, & locum affectum oleo rosaceo inungunt. Vel contusum locum oleo rosaceo calido jungunt, deinde pulvere myrtillorum, & rosarum incompletarum aspergunt, & brassicæ folium calidum imponunt. Vel ovi albumen optime conqussatum, vel solum, vel aqua rosacea mistum imponunt stupa exceptum. Vel ad repellentia confugiunt, ut

℞. Ol. ros. ℥. iij. pulv. nuc. cupressi, balaustiorum, aluminis roch. ros. rubr. ana ℥. j. m. & applica.

Deinde locum ipsum arctius ligant, & ligaturæ initium sit in loco affecto, & desinat in eum locum, è quo fluxum imminere metus est, & talia medicamenta sæpius renovant. Postmodum sequenti die vinum austerum, in quo rose, myrtus, salvia, verberna, betonica, charesolium, flor. camomill. roris marini cocta sint, tepidum imponunt, & si dolor aliquis appareat, medicamentum bis de die renovant, & locum affectum oleo rosaceo tepido foveant. Vel medicamenta imponunt exsiccantia, qualia volunt esse *Emplastrum de Betonica, de matresylva, & Grazia Dei.*

Si contusio major sit, & ob dolorem affluxus timeatur major, victum temperant, & clysterem injiciunt, quasi cum ani stercore materia affluxura per clysterem se exoneret. Postmodum frictions celebrant, post quas statim sanguinem ex vena cephalica, vel ex talo detrahunt. Metuunt affluxurum sanguinem, & in parte affluxum parvipendunt. Si corpus sit impurum, medicamentum bilem purgans exhibent, qua in contusionibus bilis generaretur, & caput peteret; vel sanguis in capitis contusione grumatus per purgans eliminaretur. Sed medicamentum purgans nil à capite purgat. Si dolor vehementior sit, lana oleo rosaceo, chamamelino madida foveant locum, vel decocto rosar. radic. alch. lini, fœnugræci, betonicæ, vel unguento de alabaistro inungunt.

Sedato dolore, & remoto affluxus timore, sanguinem extravasatum insensibiliter evacuant; tutius enim est sanguinem insensibiliter discutere, quàm finire, ut in pus abeat. Eapropter ad insensilem sanguinis evacuationem tale parant cataplasma, ut

℞. Summitat. absynth. m. j. rosar. rubrarum, flor. chamamel. betonicæ, fertula campana ana m. ℞. Coquantur.
Musitanæ Opera Tom. II.

tur ad mollitiem in vino. Postea contundantur, & addatur.

Farina hordei, fabarum ana ℥. j. ℞. pulv. sem. camini ℥. ij. ol. rosar. q. s. f. cataplasma, & contusioni imponatur. Vel sequens emplastrum imponunt, ut

℞. Empl. diachyl. ℥. ij. oxicrocei, de meliloto ana ℥. j. ol. chamamel. anethini ana ℥. ℞. malaxentur. F. empl. Vel usurpant Cerotum Vigonis de Minio, quod emollit, & discutit, & ita paratur:

℞. Ol. chamamel. liliorum albor. ana ℥. x. mastichini ℥. j. pingued. vervecis ℞. j. ℞. lithargyr. aur. ℥. viij. minii ℥. ij. vini opt. cyath. j.

Bulliant omnia simul agitando, primum lento, deinde fortiori igne, donec massa colorem subnigrum contraxerit; tum adde

Terebinth. ℞. iij. pul. mastich. ℥. ij. gummi elemi ℥. j. cera q. s. Iterum coquantur f. empl.

Vel pro contuso sanguine discutiendo, tale parant fomentum:

℞. Nuc. cupress. contus. num. x. myrtillor. ℥. j. ros. rubr. absynth. fol. salvia, majorana, stacadis, flor. chamamel. ana m. ℞. alum. roche, rad. cyperi, calami aromatici ana ℥. ℞. Coquantur in vini rubr. ℞. iv. lixivii com. ℞. ij.

Hoc decocto caput foveant, & post fomentationem exsiccant.

Quàm vana, & inutilia sint hæc vulgarium medicamenta pro sanguinis grumati insensibili resolutione, ex ingredientium examine satis quisque conjicere potest; imò potius ad poros obstruendos, quàm deobstruendos apta sunt, cum fatinas, olea, pinguedines, gummata, resinas, pulveres &c. recipiant, quæ poros contipare apta sunt; ne quid exhalet, & ex prohibita transpiratione facilius sanguinem ad suppurationem disponunt.

Si sanguis effusus discuti nequeat, & suppuratio impediri non possit, tunc medicamentis maturantibus suppurationem promovent, decocto malvarum, althææ, caricum, vel ex his parando cataplasma cum farina hordei, adipe gallinæ, & oleo communi. Ubi ex febris carentia, & loci mollitiæ materiam in pus conversam esse cognoscunt, eam extrahunt, & id ocyus faciendum, ne pericranium, & duram matrem, cui adnectitur, corruptat. Sectionem in decliviori loco celebrant, ad commodiorem materiæ expulsionem. Si musculus temporalis sit contusus, sectio non in ipso musculo, sed in loco viciniore celebranda est, vel in ipso musculo secundum fibrarum rectitudinem, nec ferrum intimius adigatur, ea tamen cautela ne incidantur musculi caput neventes. Abscessui aperto post materiæ educationem stuppatam cum ovi albumine applicant, & exactis 24. horis, digestivo ex terebinthina, ovi vitello, & oleo rosaceo ad longum tempus ulcus detergant, deinde sarcoticis, & tandem epuloticis utuntur medicamentis.

Pro capitis contusionis curatione prima indicatio insurgit, ut sanguinis ex venula, vel arteriola effusus, & in spatiis stagnans, & concretus resolvatur, vel absorbeatur; secunda, si dissolvi nequeat, suppuretur; & tertia tandem, ut gravioribus symptomatibus suppetiæ ferantur.

Primæ indicationi satisfacimus, si contusus locus aliquoties oleo hypericoris illiniatur, hoc enim sanguinem coagulatum faciliè resolvit. Rasura radicis bryonia alba secundum *Helmontium* in vino cocta, paucis horis sanguinem resolvit, in aquam redigit, & per cutem exturbat. Optimus erit vini spiritus simplex, vel camphoratus, vel crocatus, sed præ aliis aquam. Regina Hungaria livoribus illitam commendamus. Spiritus lumbricorum terrestrium, in quo camphoræ parum dissolutum fuerit, brevissimo tempore omnes contusiones à quacumque occasione indutas resolvit. Præstantissimus est spiritus vini, in quo macerata fuerit rasura radicis bryonia. Spiritus salis armoniaci cum spiritu vini tartarizato paratus omnes discutit inflammationes, & præcipuè in partium membranarum, & nervosarum contusionibus est egregius. Hæc sanguinem stagnantem, & grumolum fluxilem reddunt, in vascula retrocedere faciunt, & circulationem ei restitunt, vel attenuatum per poros insensibiliter evacuant. Ad hunc etiam finem solum applicamus ex spiritu vini, macerata, vel in vino cocta vegetabilia, quæ volatili, & aromatico gaudent sale, ut

2℥. Rad. *symphyt. maj. polygonati*, sigilli *Salom. an. 3. j.* fol. *betonica*, *roris marini*, *sampfuci*, *charesfolii*, *verbenæ ana m. j.* flor. *hyperic. roris marini*, *chamomilla*, *meliloti ana 3. ij.* rasura *bryoniæ 3. ss.* croci 3. j. Incidantur incidenda, & contundenda contundantur grosso modo, & coque in vino, vel vini spiritu macera, & in forma cataplasmatidis, vel totus contusioni applicentur. Per hæc sanguis evasatus volatilizatur, & per referatos poros avolat. Sed hic in marmore scribendum, quod hæc omnia calidè, vel saltem repidè sunt applicanda, & ligatura constringenda, alias frustra sanguinem extravasatum discutere tentabis.

Præstantissima sunt sequentia emplastra ad sanguinem dissolvendum, & transporandum, & in primis *emplastrum de spermate ceti* admodum est egregium: item *stipticum*, *de betonica*, & *unguentum Myns. ad livorem expertum*. Hæc medicamenta pro capitis contusione in omnibus gradibus, tam levi, & superficialia, quam in graviore, & gravissima specifica sunt extrinsecè applicata.

Cæterum quandoque in graviore, & gravissima capitis contusione solitaria non sufficiunt, sed externis ea interna medicamenta neccenda sunt, quæ sanguinem, vel serum evasatum, vel nutrimentum degeneratum, & congruatum attenuant, & resolvunt, quod faciliè potiri possumus per sudorifera, & diaphoretica, quæ sanguinem, serum &c. congruatum fluxilem reddunt, volatilizant, poros rarefaciunt, & insensibiliter evacuant, vel in venas refoveti faciunt. Vel sint alkalica, quæ acidum coagulatore corrigit, & blanda diuretica adjungi debent, quæ sanguinem, & serum per dicta loca evacuant. Hæc præsertim administranda sunt, si per contusionem internarum partium læsionem ex gravioribus symptomatibus suspicamur. Hujusmodi sunt *pulveres ad casum*, *sperma ceti*, *oculi cancrorum*, *sanguis hirci*, *mumia*, *stibium diaphoreticum*. Sic & conducunt omnia *salia volatilia ex herbis cephalicis*, ut & *sal volatile cornu cervi*, *succini*, *tinctura mumie*, *spiritus salis armoniaci succinat. mistura spiritualis*. Propinari possunt in *decocto bardanæ*, & *syr. de betonica*, vel *de papavere errático*.

Si sanguis in contusione nullatenus attenuari, & discuti possit, ac corrumpi incipiat, Medico forsan nimis serò acerbato, vel quia gravior contusio, & ab acido fibrillæ fuerint corruptæ, suppurationem promovemus medicamentis suppurantibus alibi recensitis, nec expectanda est ruptio, ne pus subjectas exedat partes, & deinde majus eveniat damnum, sed vestigiis suppurationis apparentibus, quantociùs aperiatur, & educto pure ulcus mundificetur, & consolidetur medicamentis alibi descriptis.

Si tandem gravissima fuerit contusio: in qua, integra manente cute, muscoli variè conqussati, sanguis etiam, & reliqui ei commisti succi corrupti, partes subjacentes, pericranium nempe, & cranium invadant, & periculum imminet ante discussionem, & suppurationem, gangrænæ ut superveniat, tunc scarificationibus profundis contusio vulneranda est, ut sanguis partim grumosus, partim grumescere incipiens educatur, postmodum *digestivum magistrale cum unguento Aegyptiaco magistrali n. d.* applicandum, illud ad promovendam digestionem, hoc arcendam ulteriorem corruptionem, & occurrendum gangrænæ. Non desint interim interna medicamenta, quæ malignitati resistent, acrimoniam mitigent, partes ulterius defendant, & sanguinem depurent, hujusmodi erunt supra à nobis allata, & alia descripta bezoardica, & cætera *Tom. 1. de Tumoribus c. 11. de Gangrænâ*. Pars affecta abluatur *spiritu vini theriacali*, & his deindè remediis suppurata contusio faciliè curatur, & per *balsamum sulph. terebinthinati*, vel *Peruzianum* ad cicatricem perducitur.

C A P U T XXXIII.

De Pericranii Vulneribus.

EGimus de capitis contusione, integra manente cute, nunc de capitis vulnere sine contusione, integro manente cranio, agendum, ubi scilicet cutis, panniculus carnosus, muscoli, pericranium, & nonnunquam periostrium vulneratur. In capitis igitur vulnere pars affecta sunt eadem vasa cum cute, reliquisque carnosus, & membranosis partibus, & nominatim cranium, & periostrium.

Signa.

Capitis vulnera ipso obtutu, vel saltem specilli indagine patefunt; accidunt namque partibus cranio superpositis. Cæterarum verò internarum partium læsiones non ita faciliè innotescunt, quia sub oculum, & specillum non cadunt, attamen per plura indicantur signa, & eadem præbent, quæ in nervis læsis observamus, vomitus namque vulneratum infestare solet, quare in capitis vulneribus in primis considerandæ sunt vulnerari vires, animus, & instrumentum; an vulneratus post ictum in animi deliquium inciderit, an vomuerit, an mens ipsi constiterit, & alia supra allata symptomata, nam si hæc, & alia apparent, internas denotant læsiones, & sanguinem aut in meningibus, aut in cerebro esse extravasatum. Si absint deliria, & febris, signum est nullam adesse inflammationem, nec extravasatum sanguinem in meningibus, sed potiùs serum.

Causa.

Pro vulneris pericranii causa, statuunt vulgares, instrumentum quodcumque ita acutum, ut non modò cutem, sed etiam subjacens pericranium sejungere possit, ex quacumque materia fuerit conflatum, lapidea nempe, ferrea, lignea, vel alia, sive casu, aut percussione caput lædens, & continuitatem dissolvens.

In vulneris pericranii causa conveniunt nobiscum vulgares, nec nos ab his dissentire possumus; nam sub causarum medietatum nomine veniunt omnia, quæ sunt acuta, dura, & rigida, & quæ incidendi, contrunden-di, & perforandi vim habent, ita sunt ensis, culter, securis, fida &c. baculus, gladius, lapis &c. stylus, hasta, securis Amazonia, veru, pugio, sagitta, animalium dentes, sclopetorum globuli, & alia innumera, quæ capitis cutem dissolvere, & sejungere valent. Nullatenus capitis vulnus absque aliquali contusione fieri solet, & cum solutio contingit, fit, ut pericranii membrana separetur. Causa itaque vulneris immediata est ipsius soluta unitas recens, & cruenta. Intumescentiæ circa vulnus causa est humorum circulantium stagnatio propter obstructionem.

Prognosis.

Pericranii vulnera periculo vacant, præsertim cuti, & panniculo carnosio inflata, si rectè tractentur; attamen si negligenter periculosa sunt, & vitæ periculum incutiunt, quod *Hip. in proœmio lib. de vulneribus capitis* innuit: *Nullum capitis vulnus leviter contemni debet &c.* Ac proindè tam in iis curandis, quàm aliarum partium cutaneis, & non profundis maxima solertia adhibenda est, quòd si negligantur, sæpè magnum periculum comitatur; nam si sola cutis vulnerata sit, & debita diligentia non adhibeatur, ulcus recrudescens non parùm molestiæ exhibet, & à pure subjectæ corrumpuntur partes, & quandoque febris inferitur; unde Medico magnum negotium, & ægro maximum facessit periculum. Notabile extat exemplum apud *Schenkiun lib. 1. observat. 35. De Carolo Regis Hispania filio*, qui ob vulnus capitis non periculosum, negligenter tractatum, in vitæ periculum adductus est. Et alterum *ibidem observ. 36. de quodam*, cui vulnus capitis etiam non grave, sed non rectè curatum, cranii os vitiatum fuit, & hinc diuturnus, longus capitis dolor exortus.

Sunt itaque pericranii vulnera, etiam leviter inflata, periculosissima, ut & omnium partium membranosarum, quia gravioribus sunt stipata symptomatibus, ac proindè non contemnenda, & Medicum prudentem, & appropriata exposcunt remedia. Vulnus cum febre inflammatoria, dolore, ac motibus convulsivis, monstri quid alit. Si pericranium, & periostrium intotum fuerit recisum usque ad calvariam, minus habet periculum, quàm si ex parte tantum laceratum. Sic & capitis vulnus punctim inflatum plus habet periculi, quàm quod casim factum. In iis, quæ lue Venerea laborant, difficiliùs sanantur vulnera, quia ut plurimum humor acido-corrosus vulnerum sanationi est impedimentum. In subiecto cacochymo, æstivo tempore, vulnera capitis anguem in herba latere denotant. Capitis vulnera quò diutius aeri suere exposita, eò faciliùs sphacelantur. Vulnus capi-

capitis magis, aut minus periculosum est, prout huic, vel illi loco capitis parti infligitur: ante omnia igitur in capite vulnerato considerandum est, an vulnus sit in syncipite, temporibus, vel vertice, quoniam magnum intercedit discrimen; vulnera namque syncipitis, & temporum, quamvis sint exigua, periculosiora esse solent etiam maioribus, quæ vertici, vel occipitio infliguntur. In temporibus enim muscoli sunt nobiles pericranio connecti, & venæ, ac arteriæ spiritum vitalem, & sanguinem isthac ad cerebrum deferentes, nec salva vita lædi possunt, idèdque peticulosissima sunt, quia læsus nervus spasmus facillè inducere potest, & hinc sæpè ob hujus musculi oppositi contractionem spasmus cynicus, seu oris tortura oritur. Pari modo vulnera syncipitis periculosa sunt, eò quòd os calvæ ibidem admodum tenerum est, & vicinum futuris coronalibus, quæ raræ, ac fragiles sunt, ventriculi quoque cerebri anteriores, sensusque communis, & spirituum animalium domicilium subsunt. Vulnera occipitis, ossis crassitiem minùs periculosa judicantur, quia occiput à futuris distat. In omni autem vulnere capitis statim percrutandum est, quænam particula, & quomodò læsa sint, constat enim caput variis, & compluribus partibus, quarum descriptio tradita fuit suprà cap. 35. de Anatomica capitis Historia.

Curatio.

In vulneris pericranii curatione *vulgares* respiciunt tum ad sanguinis aliorumque succorum affluxum, tum ad dolorem, tum ad ipsum vulnus. Sanguinis, vel aliorum succorum affluxus, qui internæ causæ rationem habet, si inflammationem excitet, eam submovent, omni diligentia adhibita, ne sanguis in corpore contrahatur, vel jam contractus ad locum fluat affectum, quod consequi conantur tenui instituta victus ratione, & solum concedunt panem coctum, aut puliculam ex pane trito cum emulsionem amygdalarum dulcium, cum totali à carnibus, & vino abstinentia, & potus loco decoctum hordei cum nauseabunda glycyrrhiza, in hac diætâ ad diem 14. persistunt; pro majori aversione sanguinem detrahunt, & quidem facta vena in cubito à regione ipsius vulneris. Si sanguis è vulnere fluat, illum sistunt, abradis priùs circa vulnus capillis. Medicamentum purgans quoque propinant, maximè ad evacuandam bilem, quam tanto perè in vulneribus noxiam esse credunt. In delicatulis clystères injiciunt paulum aciores ad bilem, quàm maximopere timent proscribendam. Hirudines ano, cucurbitulas naribus, & ano applicant. Ne pars fauciata sanguinem, & humores suscipiat, ad repellentia recurrunt, si opus fuerit, ad arctas fasciationes, sed ubique in capitis vulneribus non requiruntur. Inter repellentia commendant Vinum austerum cum oleo rosaceo immistum, vel sequens cataplasma, ut

℞. Farina hordei, fabarum ana ℥.vj. ol. ros. ℥.iij. aceti q. s. f. cataplasma.

Si dolor in vulnere urgeat, reliquis medicamentis cataplasma ex radice althææ, farina hordei in floribus meliloti, ovi vitello, & croci momento paratum imponunt. Vel instillant oleum rosaceum tepidum, vel sanguinem turturis, aut columbæ adhuc calentem, cuti vero vulneratæ applicant vitellum ovi cum oleo rosaceo subactum.

Flammeam partis vulneratæ intemperiem refrigerantibus corrigunt, nempe rosis rubris, plantagine, albumine ovi: compositis autem, unguento de cerussa, de alabaistro, rosaceo Mesuæ, infrigidante Galeni, vel linimento simplici, quod sit ex æquali portione unguenti rosacei Mesuæ, & ceroto de succo solatri.

Vulnus tandem ipsum si sit simplex, & sine contusione, à sola sectione illatum solam desiderat unitatem, quæ sæpè à natura perficitur, & quidem in pericranio interveniente carnis procreatione, ita ut chirurgus eò solum adlaborandum, ut oræ partis vulneratæ distantes iterum adducantur, & humor carnis procreationi aliàs existens impedimento, exsiccentur. Oræ ipsius vulneris non tantum semel adduci debent, sed adductæ etiam conservari quousque penè sint agglutinatæ, ad quod acu, & filo utuntur.

Cæterum decipiuntur *vulgares* in capitis vulnera suendo & non chirurgi, sed tortores videntur, ad quorum ingressum exhorrent ægri, & estò ista consuendi vulnera consuetudo sit antiqua, antiqua est stultitia. Primò, quia

capitis cutis durior est, & siccior, & ut aliarum partium non agglutinetur. Secundò, quod sinitur, putrescit, & decidit, quòd si iterum consuas, denuò decidit, & tandem ipsum vulnus debiscit. Tertiò, quia periculum imminet, ne sanies sub futura retineatur, & retenta pericranium, & cranium corrumpat, ac dolorem, inflammationem, & alia suscitaret mala. Quartò, quod metuendum est, ne suendo, pericranium lædatur. Bonus itaque chirurgus, abjectis filo, & acu, solum sollicitus sit, ut necessaria, & optima adhibeat medicamenta, in reliquo totum opus naturæ glutini committat, quæ singulis diebus suo glutine intrinsecus vulnera fuit.

Deinde ad vulneris curationem oleo rosaceo, vel hypericonis cum filamentis utuntur, vel si illud digerendum sit, medicamentum digestivum, quod vocant, imponunt, quod conficiunt, ex terebinthina, & ovi vitello. Pure bono apparente, quod tridui, vel quatruidui spatio accidit, digestivo addunt aliqui mellis rosati, vel mellis crudi, aut despumati ad vulnus tergendum.

Tandem vulnere satis deterfo, protinus ad sarcotica deveniunt, quæ componuntur ex thure, myrrha, radice Aristolochiæ, aloe, sarcocolla, sanguine draconis. Vel superponunt emplastrum de betonica, quòd ita fit:

℞. Terebinthina, resina pini, cera flavæ ana ℥.ij. betonica pulverizata ℥.ss. mastichis, thuris ana ℥.ij. mamia ℥.j. f. empl. Vel emplastrum de gummi elemi, ut

℞. Gummi elemi ℥.iij. resina pini ℥.iv. cera citrina ℥.vj. ol. ros. ℥.iij. terebinth. ℥.iij. ss. ammoniaci ℥.ij. f. empl. s. a. Vel emplastrum Basilicon majus Mesuæ, ut

℞. Cera alb. Resina pinea, sevi vaccini, picis græcæ nigra, terebinth. thuris, myrrha ana ℥.j. ol. com. q. s. f. emplastrum.

Et cicatricem inducunt medicamentis siccantibus, & adstringentibus ex malicorio, gallis, cadmia, plumbousto, squama aris, & similibus, vel syr. de infus. rosar. filamentis.

Antequam vulneris pericranii curationem auspicamur, consentaneum lex rerum non-naturalium dictarum regimen præmittere censemus, quæ ex earum recta, vel mala administratione corporis constitutionem immutare, & labefactam iterum restituere possunt.

In capitis itaque vulneribus primò maximæ diætæ habenda est ratio; intemperantia enim multos in vitæ discrimen adduxit, & quos non jugulavit culter, hos gula interfecit, & estò diætâ hæc, & alia vulnera non sanet, tamen curationem adjuvat, & accelerat, ac à multis symptomatibus vulneratos reddit immunes: igitur quòd ad partem diæticam dicimus, quòd aer sit temperatus ad calidum vergens, & nisi talis sit, arte paretur, ita tamen ut ignis longius ab ægro accendatur. Calidum, ut Hip. sect. 5. aph. 22. inquit, suppuratorium non in omni ulcere, magnum ad securitatem est indicium, cutem molit, extenuat, dolorem sedat, rigores, convulsiones, & tetanos mitigat, capitis solvit gravitatem, ossibus fractis plurimum prodest, sed nudis præcipuè, eorumque maximè si in capite &c. frigidus reliquus omnis quocumque modo angue pejus vitandus, & à vulnere arcendus, in primis acido-nitrosus, ut potè qui solus ita destruere potest poros, & succos coagulare, ut gangrænæ detur accessus. Prætereà Hip. sect. 5. aph. 17. inquit: frigidum autem convulsiones, tetanos, livores, rigores febriles affert. Ac proindè vulnus diligenter tegendum est, aer cubiculi temperandus; & dum vulnus detegitur, calefaciendus, & post citam remedium applicationem in momento claudatur, ne aer externus irruat, & quid è vulnere effluat, & sic breviter consolidatur, sedulò ergò tegendum est, & inter deligandum, linteamina calefacta superponantur, ut ab aere sic magis defendatur; multi namque ex vulneribus capitis fauciati, frigore imprudenter admissio in vitæ discrimen inciderunt. Advertendum tamen, quòd aer nimis calidus, ac æquè frigidus, capitis vulneribus inimicus; idèdque etiam plumis, linteaminibus, fasciis, pellibus, medicamentis calidis, aliisque calorem augentibus caput non est onerandum, sed ut inquit Hip. de officio medici fasciæ munda sint, leves, molles, tenues, ne locus vulneratus oneretur, neque vaporum transpiratio prohibeatur, & calor augeatur. Imò si magnus sit æstus, qualis sub cane, & tempore æstivo, aer etiam temperandus. Aer etiam sit ob scurior, non valdè lucidus, quia spiritus commovet, & dolorem adauget.

Victus sit tenuis, cibis eligatur optimus, & talis qui

qui particulas nutritivas, & suaves admodum secum vehat, ne vapores multi caput ascendant, & humores ad caput moveantur. Et si sanguinem, humoresque tenues ad partem vulneratam affluxuros metus sit, cibus refrigerans, & sanguinem nonnihil incrassans, ac vasa constringens esse debet. Ideoque ægri primum panatella, vel prisana hordeacea nutriendi sunt. In ultima mensa cydonia utilia sunt. Nonnulli hic gallinarum cerebrum commendant, ut quod ob substantiæ similitudinem cerebro multum proffit. Verum nunquam ob cerebri gallinarum exhibitionem, vulneratum cerebrum sanitati restitutum fuisse vidimus, licet interdum ob tenuem victum, & idonea medicamenta id acciderit.

Vini potus ad diem 14. usque intermittendus, cum caput petat, & vaporibus repleat, quod si vulneratus vino sit assuetus, illud sit tenue, & in minima concedatur quantitate, herbis cephalicis maritatum, vel magisterio oculorum cancrorum.

Somnus sit moderatus. Interdum æger non dormiat, quia caput somnus diuturnus replet, nisi noctu non dormierit. Si vigilæ sint immoderate, somnus concilietur lenioribus medicamentis. Decubitus sit in ea parte, quæ minus dolet, donec pus sit genitum; postea in parte affecta vulneratus jaceat, ut pus effluat, nisi dolor id prohibeat.

Quies animi, & corporis sit imperanda, & exercitii loco lenes frictiones in partibus inferioribus ante cibum instituantur, & oculorum acies non intendatur. Vitandus quoque sonus, & strepitus vehemens, ut tympanorum, tubarum, fectatum, & similes; compertum est enim propter sonos, & strepitus quibusdam mortem attulisse. Æger pauca loquatur, abstineat risu, clamore, & imprimis stertitationem caveat: nil duri etiam masticandum.

Animi affectus sint pacati, exulent præ aliis ira, metus, terror, & tristitia, quia capite vulneratis valde nocent, & mortem quandoque afferunt. Hinc aduersarii quoque adventus, aut præsentia caveatur, ne succi circulantes periculum creent reliquis spiribus animalibus.

Venus, cui ipsa pestis, fugienda, quia cerebrum nimis commouet: magnam spirituum copiam exhalare facit, & humores stagnare, adeo ut quidam penè sanitati restituti, ex Veneris usu mortui sint.

Alvus singulis diebus reddatur, & nisi sponte succedat, arte prouocetur, ne fæces retentæ vapores ad caput mittant.

Vulneribus capitis, ubi simul pericranium læditur, manus curativa, & celerrima ope succurrendum est, & primo quidem si vehemens sit sanguinis fluxus; tunc is ante omnia cohibeatur medicamentis cap. 17. indicatis, id quod in mitiori fluxu non opus est, sed tantum illico in vulneris circuitu capilli omnes abradantur, tanto nimirum spatio, quanta medicamentorum impositio requirit, quæ sine ulla mora, & summa festinatione vulnere imponantur. Non loquimur hic magno illo *vulgarium* præsidio; nempe, de venæ sectione, quam bardi Medici pro præstanda revulsione necessariam censent, quia semel evasatus sanguis nunquam per venæ sectionem resorberi, vel revelli potest. Siquis verò præiudiciis occupatus fuerit sanguinarius Medicus, ut suam expleat sitim, parca manu sanguini parcat, pro ætatis, & morbi statu, sanguinis profundat ad summum, ratione ventilationis tantum uncias duas, vel è brachio, in parte opposita, vel è pedis saphæna. Nec etiam de alio *vulgarium* præsidio loquimur, nempe de medicamento cacatorio, quia hoc vulnerato multum obest, estò Medico profui.

Pro capitis itaque, & pericranii vulnere curando, multæ insurgunt indicationes, putà ut aeris accessus impediatur, vulneris labia adducantur, ipsum vulnus consolidetur, acidum in vulnere temperetur, & succorum circulatio restituarur.

Aeris accessus inhibetur, si ab inflictione, vulnus statim obtegatur, & in medicamentorum applicatione aer ambiens frigidus, vel humidus singulis vicibus arte corrigatur, accenso igne in camino, & fumo ex succino, mastiche, gummi anime, juniperino, & similibus suscitato, quo linteum aliquoties complicatum etiam imbuitur, & post remediorum applicationem imponitur. Ad quem etiam finem est emplastri massa estò spissè extensa, seu panno inducta majoris spatii, ut nimirum bona ejus pars ultra vulnus promineat, ac vulnus undique contegatur, aerisque recessus præcludatur; aura enim frigida capitis

vulneribus maximè est noxia, & periculosa, ob acidam nitrosam, quod sua Natura austerum est, aluminis instar, ut palam sit in aquilonia constitutione, quæ ventrem adstringit, non secus ac si medicamina adstringentia essent assumpta; imò invalescens aquas omnino in glaciem adstringit, talis autem austeritas capiti, cui fontis omnis sensus acutissimè sentienti vulnerato illico est perceptibilis, ac facillè convulsionem excitat.

Pro vulneris capitis consolidatione instat indicatio, ut discissa vulneris labia ita coalescant, ut conjuncta servari possint, vitale partium robur conservetur, & denique his omnibus occurrendum, quæ supervenire, & vulneris agglutinationem impedire possunt. Hæc omnia peragunt ea medicamenta, quæ balsamica pollent vi, sive sub forma aquæ, olei, aur spiritus, vel unguenti, emplastri, aut pulveris balsamici omnem operam præstant; nam partem calorem fovent, puris generationem impediunt, & pristinam unitatem inducunt. Hinc merito digestivi usum maximoperè repudiamus: corrumpendo procedit, & vulneris coalitum inhibet, & eò magis si turundæ tali digestivo illitæ intra vulnus intrudantur, nec in recenti continui solutione jus habet, nec quicquam digerendum reperitur, cum hujus affectus sit soluti contigui tantum unio, nisi chirurgus puris genesis studiose procurando, curationis longitudine, pro digerendo vulnere vulnerati crumenam digerere velit.

Cavendum censemus ab omnibus pinguibus, & oleosis, quia ea particulis suis ramosis poros, & pericranii tubulos obstruunt, atque efficiunt, ut stagnent, & accendant succi, ad diaphoreticum pericranii salem corrumpan, & sic cranii cariem inducant. Præterea pingua, & oleosa, ut olea communia sola expressione parata citra aliqualem præparationem, tunc vulneribus applicari nequeunt, quia non tantum ob viscidam unctuositatem, & obstructionem, quam inducunt, sed quia in se habent acidum occultum satis potens, quod æs, ferrum, & argentum corrodit, & sic balsami naturalis corruptionem, & solutionem partis corrosionem promoveret. Sic quoque ab adstringentibus abstinendum putamus, ne sanguinis, aliorumque succorum circulatio impediatur, quæ potius promoveri, quam inhiberi debet, ne febris, inflammatio, phrenitis vulneraria, & alia accidentia, promoveantur. Nec eadem ratione vulnere, quæ emplasticam habent vim citra balsamicam, applicari debent, ut ovi albumen conquisatum cum stappa; vel alia id genus, ut vulgarium chirurgorum, id est, tonsorum mos est, prima vice, nisi alia optimæ notæ remedia sint ad manus, vel magnus ad sit sanguinis fluxus, & necessitas alia non subministret medicamina.

Vulneri ea applicanda sunt medicamenta, quæ ex tenuibus constituuntur particulis, nec ullam insignem mordacitatem, vel acrimoniam habent, nimirum balsamica, quæ carnis corruptionem, & puris generationem inhibent, vitalem fovent calorem, balsamum naturalem, & partis constitutionem conservant, ejusdemque partis nutrimentum balsamica vi imbuunt. Hujus energię medicamenta Medici ministerium est ministrare, cæterum vulneris coalitus soli naturæ committitur. Magnæ efficacię est sequens emplastrum, & frequenti usu probatum, ut

℞. Empl. de betonica ℥. j. oppodeldach ℥. vj. balsam. peruv. alb. ℥. j. ℞. gummi tacamah. ℥. ij. cum s. q. ol. ovorum, & hyperic. malaxetur, & f. emplastrum.

Vel multum conducet emplastrum de betonica tantum cum balsamo peruviano malaxatum. Sequens balsamus vulnerarius est veluti divina manus in vulneribus, ut

℞. Balsami Peruv. ol. hyperic. momordica ana ℥. ij. balsami sulph. terebinthinat. ℥. j. gummi elemi q. s.

Pro consistentia liquidioris vulnerarii blando calore asseron usui, & instilletur vulnere. Vel sequentem balsamum vulnerarium in efficacia superiori minimè cedentem confice, ut

℞. Terebinth. cypria ℥. j. ℞. ol. hyperic. compositi, mellis virginei ana ℥. j. myrrhe ℥. ℞. gummi elemi seorsim dissoluti Q. ad consistentiam s. ol. cere distillati ℥. ij. m.

Item hæc olea simul mista præstans exhibent vulnerarium pro pauperibus, ut

℞. Ol. hyperic. lumbricorum, terebinthina, mastiches ana ℥. j. m. & calidè cum paucis gossipio applica.

Hæc quæ nos in compositione attulimus, etiam sola capitis vulnera curare valent, ut balsam. Peruv. alb. ol. hyperic. ex vitell. ovor. lumbric. compos. cere distill. balsamus.

mus propriet. artificialis, terebinth. & præ cæteris aqua Regina Hungaria, vel balsamus Samaritani, & hæc duo ultima medicamenta in crebro sunt usu apud quendam celeberrimum chirurgum felici cum successu. Tandem nos in vulneratorum gratia charitas admonet ne sub silentio Balsamorum Balsamum involvamus, & hæc est ejus compositio:

℞. Aqua Reg. Hung. ℥. ℥. ol. apparicis ℥. iij. balsam. peruv. alb. & liquidi ℥. j. m.

Tantæ energię est hic balsamus in vulneribus cujuscunque conditionis, & loci curandis, ut tantum iste quatuor, vel quinque diebus efficiat, quantum quilibet alius integro mense: balsamum namque radicalem in suam symmetriam reducit, calorem naturalem fovet, partis constitutionem roborat, vitæ nostræ spiritus recreat, putredinem, corruptionem, & gangrænā arcet, acidum corruptorem cicurat, omnia symptomata abigit, & à primo applicationis die solum unum efficit: Attamen hoc compendiarium medicamentum chirurgis non conducit, qui alienis ditescere ærumnis ardent, sed iis tantum qui charitatem erga proximum exercent, Deum timent, & magis in bonum nomen, quam in divitias multas aspirant.

Maximopere omnibus capitis vulneribus confert oleum Apparicis Hispani, ut

℞. Vini alb. generosi, ol. vettris q. inveniri potest ana ℥. ℥. cardui benedicti, valeriana, salvia domestica ana ℥. iv. terebinth. clara venet. ℥. ℥. thuris opt. ℥. v. myrrhe ℥. iij. sang. draconis ℥. j.

Omnia præparentur s. a. & igni lento exponantur, quousque vinum totum sit consumptum, semper baculo agitando, postea exprimantur, & ponantur in oleo jam expresso; cui additur terebinthina, quæ igne lento rursus ebullitur per spatium quadrantis horæ, & tunc additur myrrha, & thus cum sanguine draconis, & rursus ebullienda sunt omnia, quousque thus, & myrrha sint fusa, deinceps ibi refrigeratum fuerit, reponitur in vase vitreo, & soli exponitur per dies decem.

Hæc medicamenta cum filamentis applicari debent, superponendo placentulas, & petias, quæ etiam dictis medicamentis irrorari debent, & circa vulnus fiat spiritus vini irroratio. Præter hæc dicta medicamenta vulneraria balsamica, quæ descripsimus, optima sunt, quæ cap. 10. de Unguentis vulnerariis, & cap. 11. de oleis, & balsamis vulnerariis, & cap. 13. de emplastris vulnerariis recensuimus.

Externis medicamentis inter associanda sunt, & ea conducunt, quæ acidum in stomacho, primis viis, aut in ipso vulnere temperant, & cortigunt, tubulos obstructos referant, sanguini grumos, ceterosque inspissatos succos fluidos, & permeabiles reddunt, ad circulationem disponunt, eamque restituunt, hujus dotis erunt sibi diaphoreticum, magisterium ocul. cancr. flux. mumia, spermaceti, extract. hyperici, sanguis hirci, vel rhabarbarum &c. in Syr. de betonica, papav. rheados, de succo Veronica, summit. hyperic. vel de symphyt. Fernelii suis aquis, manè, ac ferè propinari debent. Syr. de symphyto Fernelii ita paratur:

℞. Rad. & summit. symph. maj. minoris ana m. iij. rosar. rubr. betonica, plantaginis, pimpinella, polygoni, scabiosa, & ruffilag. ana m. ij.

Omnia recens collecta sint, diligenter conquassentur, & succus exprimatur, depureturque &

℞. Hujus succi depurati ℥. iij. sacch. ℥. ij. ℥. f. syr. s. a. Non desint interea internæ potionis vulnerariæ, quæ concinnari possunt præcipue ex herbis vulnerariis cephalicis, ut betonica, pœonia, salvia, anth. sanicula, hyperico &c. cum aqua communi, vel vino paratæ, quarum parandi formulas docuimus cap. 9. addito syr. de symphyt. Fern. de betonica, vel hyperico, constant namque alkali occulto temperato, idèque ad acidum vulneris corruptivum temperandum conducunt, fortificetur magisterio oculorum cancrorum fluviatiliū.

C A P U T XXXIV.

De Cranii fractura cum meningum, & cerebri Vulnere.

DE ea egimus continui soluti one in capite, in qua tantum cutis, & pericranium, cranium integro, læsa sunt, nunc agendum de ea solutione, in qua cranium læsum est, de meningum ac cerebri soluta unitate. Fractura igitur cranii est continui solutio ossium calvaria. Est calvaria os capitis crassum, rarum, duabus lamellis ornatum, ossibus septem compactum, & tribus veris futuris, coronali, lambdoide, & sagittali distinctum, cerebrum continens, & utramque meningem, ut fusiùs de Anatomica capitis historiadijimus.

Cranii fracturæ quinque habent differentias. Prima dicitur cranii Rima. Secunda, contusio. Tertia Sedes teli. Quarta, Depressio, seu impressio, seu introcessio. Quinta, Contrafissura, quas fusiùs describit Daniel Sennertus, ut

Prima dicitur Rima, fissura, & fissio, accidit autem rima, cum à gravi, & contundente instrumento, ut lapide, ligno casu ab alto, & in rem duram impulsu, cranium ita læditur, ut vasis testacei in modum findatur, seu rimam contrahit, ita tamen ut cranium situm suum naturalem servet, & partes ejus loco non moveantur. Et semper quidem à re gravi, & contundente rima provenit: estò quandòque simul ab incidente, & acuta, ut gladio acuto, sed gravi simul. Quantò ossa sunt duriora, tantò aptiora ad rimam contrahendam; & quantò molliora, ad contusionem sunt aptiora. Sunt tamen qui rimam à fissura distinguunt, & sub rima fracturam, sub fissura sedem comprehendunt.

Rimarum autem rursus quatuor præcipue sunt differentia, à latitudine, vel angustia: à longitudine, & brevitate: rectitudine & curvitate: à superficie, & profunditate desumptæ. Aliæ rimæ sunt conspicuæ, quæ osse denudato oculis conspici, & specillo tangi possunt; aliæ non conspicuæ, & cæcæ, quæ visui obviæ non sunt, præcipue circa initium, antequam saniem contraxerunt. Non verò cæcæ ex dicuntur, ut nonnulli putant, quandò non is in quem ictus incidit, locus, sed alius in cranium finditur, & hæc est alià fracturæ differentia, ut dicemus. Alià differentia media est, quæ capillaris appellatur, angustissima, arctissima fissura, & capillorum instar se habens, sensumque ferè latens, quæ tamen si ad interiora penetraret, gravissimorum symptomatum, & mortis sæpè causa est. Cum enim & oculorum obtutum effugiat, nec specillo investigari queat, læsi ossis abrasio, aut perforatio negliguntur, sanguis contra, ruptis vasis effusus, intus coercitus putrescit.

Aliæ iterum fissuræ non per totum cranium, seu utramque laminam, penetrant: aliæ totum penetrant: ubi scilicet utramque laminam ad meningem duram usque finditur; cui fissuræ interdum & hoc accidit, quòd meninx ab interna calvaria separatur, qua separatione vasa divulsa sanguinem effundunt, qui sub cranium collectus, nisi ipse via ad exitum pateat, ægro mortem affert. Aliquandò solum externa lamina finditur, interna integra manente: aliquandò contrà accidit, ut externa lamina integra maneat, interna verò rimam; seu fissuram contrahat.

Aliæ rursus fissuræ sunt breves, aliæ longæ; aliæ rectæ, aliæ curvæ. Quibus & differentia à numero adduntur, quòd una nunc est rima, nunc duæ, vel plures.

Secunda dicitur Contusio, cum sine rima, & fissura, ab irruente, & illiso extrinsecus violenter, aut obstante duro aliquo, & obruso corpore, os ita contunditur, ut etsi externa ejus facies ad sensum permaneat integra: in profundo tamen sit continui solutio, dum os intus deprimitur, & in se cogitur, ut idem ferè ossis contingat quod carnibus, dum à re dura, non acuta læduntur, accidere solet. Et necessarium omninò est, ut sub ipso ictu os seipsum impellatur, & cavum fiat id, quod colliditur, alioquin non collideretur: ut verò cessante ictu cavum, & compressum maneat, non est necessarium. Maxima enim ex parte mollia ad naturalem situm regrediuntur, ubi percussio, & vis externa cessaverit. Itaque eorum sententia mihi non videtur probabi-

babilis, qui contusionem per depressionem cranii explicant, ita ut tangentibus, & intuentibus fovea appareat, remque explicant similitudine vasorum cupreorum, stanneorum, plumbeorum, quæ rebus duris allisa introrsum pelluntur, absque solutione continui, & foveam contrahunt. Hæc enim fracturæ cranii species non est, neque ad fracturas pertinet, sed figuræ saltem sit vitium, cum nihil neque fissum, neque fractum, neque collisum sit, sed os solummodò depressum; etsi quandòque fractura conjungi possit.

Hinc duæ contusionis, seu collisionis species constituuntur, una cum cranium solummodò in seipsum cedit, ac subsidet, sicut spongia, vel caro compressa, & locum, ac figuram naturalem non mutat; altera, cum cranium simul deprimatur, & figuram mutat, ac foveam acquirit. Verùm hæc contusio simplex non est, sicut, & reliquæ, cum quibus aliæ læsiones concurrunt: & cum fractura hæc species sæpè coincidit. Interdum enim cranium contunditur sine rima, & fissura, quod in puerorum capitibus, quorum ossa sunt molliora, ferè accidit, aliquandò rimam contrahit. Quorum enim ossa sunt duriora, in iis vix contundi potest cranium, quin simul frangatur.

Contusio rursus aliquandò est sine eorum, quæ sunt intra cranium, læsione, aliquandò verò cum eorum læsione. Etenim nonnunquam ex gravi capitis contusione non solum venæ, sed arteriæ, ac nervi, qui sunt intra cranium rumpuntur, quæ contusio periculosissima est. Et quidem venulæ, & arteriæ, quæ sub cranio rumpuntur, non semper sub loco cranii, in quo sit contusio, rumpuntur, sed etiam in parte contusioni opposita, vel vicina. Fieri quoque potest, ut cranio in una parte contuso, vel percusso, in alia parte aliqua futura dissolvatur, & ossa, quæ per futuram unita erant, disiungantur, & hient, imò etiam cranium integrum in alia parte rumpatur, & rimam contrahat.

Tertia *Depressio*, *desessio*, *introcessio*, & contusio dicitur, cum os finditur, sed non, ut in fissura simplici, in suo loco manet, verum intro cedit: id quod fit ex validis telorum obtusorum, lapidum, fustium ictibus, vel capitis ex lapsu ad rem duram, obtusam, vehementiore allisione. Quanquam enim depressio cranii etiam dicatur cranium integrum manens, intro saltem deprimatur, sicut dum cuprea, vel stannea vasa comprimuntur: tamen inter vulnera, & unitatem solutam illa læsio non est referenda; ac osse in suum locum reducto, nihil mali amplius superest. Hic verò de ea saltem compressione loquimur, quæ cum fractura, & ossis comminutione est conjuncta, atque ita non simplex fractura est, sed conjuncta cum rima, vel sede.

Differentiam hanc fracturæ aliqui non rectè explicant, & plurimi ita solum fieri docent, cum os præ ictus violentia non solum finditur, ac intro truditur, verum insuper frangitur, fragmenrumque cranii secedens sub oram, sive limbum ossis vicini integri truditur. Quod si aliquandò fieri posse concedimus, & unum depressionis modum hunc esse admittimus, ita non semper necessarium esse putamus, ut ossis effracti particula sub os, quid integrum manet, detrudatur, & sub eo lateat; sufficit enim ad depressionem constituendam, ut aliquod ossis Fragmentum à toto separatum, interiora, & cerebri membranas versus detrudatur, & vel aliquibus angulis, & extremitatibus acutis, quasi spiculis, meningem lædat vel plana superficie servata cerebrum comprimat, ejusque motum impediat. Ego hanc læsi cranii differentiam, commodissimè fracturam in specie appellari posse existimo.

Quarta dicitur *Sedes teli*, sessio, vestigium, incisio etiam latinis commodè dici potest. Sedes est cum à telo acuto cranium læditur, ita ut aciei teli impressi sedes, & vestigium, qua scilicet parte telum insedit, manifestè apparet. Advenit autem sedes perpetuò cum cutis, & pericranii vulnere.

Verùm varii hujus læsionis rursus modi sunt. Primò enim huc pertinet simplex illud vulnus cum pugione, cultro, stylo, vel alterius rei acutæ cuspidem cranium læditur, quæ *Puncturas* rectè appellatur, quæque nunc externam solum, nunc utramque tabulam cranii penetrat. Deinde illud simplex vulnus, cum à telo levi, acuto, & bene scindente secundum longitudinem scinditur, ita ut suum naturalem situm adhuc retineat, & vestigium in osse inciso appareat, quæ *Inciso* appellari potest: fitque ea quæ ita ut externa saltim lamina, nunc verò ut utra-

que scindatur. Tertius simplex modus est, si cum incisione aliquid ossis deperdatur, & *Dedolationem*, sive excisionem nominant; dum scilicet sicut quandò afferes ascia, vel dolabella complanantur, aliquid ligni abscinditur. Huc referunt nonnulli etiam id vulnus, quandò bombardatum, & sclopetorum glandibus aliquid cranii interdum aufertur.

Compositi modi sunt, cum quidem ipsum telum acutum est, sed non satis acutum, nec leve, sed aliquo modo obtusum, vel grave; unde accidit, ut cranium non solum scindatur, sed etiam rimam contrahat, aut contundatur, imò deprimatur, & cranium effringitur. Et quidem si cranium sit durius, cum incisione facilius fractura conjungitur; si verò sit mollius, contusio.

Fieri etiam potest, ut in exteriori cranii superficie solum incisionis vestigium sese ostendat; intus verò rima sit.

Quinta dicitur *Contrafissura*, seu resonitus, quam *Hip.* infortunium appellat, nec sine causa hoc nomen huic malo indidit *Hip.* Infelices enim & infortunati sunt, qui nec ipsi sciunt, quo loco læsi sint, neque Medicus satis certus de hac re fieri potest, nisi cum res ferè jam desperata est. Accidit autem contrafissura ex resultu ictus in partem à plaga distantem, & ad resistendum minùs aptam. Dum enim aer in diploe vocata, hoc est in meditullio cranii, seu inter utramque laminam, conclusus vehementer ex ictu alterius loci agitur, & impellitur undique, fit ut loco alteris calvæ solidæ allisus, ipsam perforat.

Hæc *Hip.* est opinio, qui *lib. de capitis vulneribus* inquit: frangitur calvaria sub vulnere alia parte, quam plaga est, quem tanquam ducem sequuntur *Soranus lib. 8. cap. 4. Cornelius Celsus lib. 8. cap. 4. Gal. lib. 6. meth. med. cap. ult. Avicennas, Nicolaus Florentinus, Joan. de Vigo, Joan. And. à Cruce, Daniel Sennertus &c.* quam sententiam similitudinibus comprobare nituntur. Et

Primò, omnia vasa vitrea, testacea, cucurbitæ exsiccata, si percutiantur, extemplò in opposita parte franguntur, qui agitato ex percussione in iis aere, nec exitum inveniente, in opposita parte fit fractura: ergò sic in cranio contingere potest, propter aerem intra ipsum retentum, qui, cum advenit percussio, quam vehementem esse oportet, extemplò ex illo magno impetu ad oppositam concurrat partem, & fit contrafissura.

Secundò, *Nicolaus Florentinus Serm. 7. sum. 2. tract. 4. cap. 1.* se observasse testatur in quodam artifice, qui funes faciebat, qui cum in capite fuisset percussus, facta in loco contusione, nihil læsum repertum fuit, tertia postea die cum febris fuisset subsecuta, aperta parte opposita, copiosa sanies fuit inventa: patet igitur ex hac Florentini observatione, dari contrafissuram, & in morbis externis omnibus sensus est præferendus, quia ob rationes sensum demittere non licet, & negare quod patet ad sensum, est imbecillitas intellectus.

Optimæ sunt hæ rationes, & observationes, quibus non facile astipulamur, nam nos sumus nimis scrupulosi, & non ita facile credimus. Quod dicunt de vasis vitreis, testaceis, & cucurbitis siccis, utique de cranio verificaretur, si caput esset vitreum, testaceum, vel cucurbitinum; potest quandòque contingere, ut vas vitreum, testaceum, & cucurbita sicca percussa in una parte, frangatur in opposita, sed semper in loco percussio frangitur, & à percussione loco rima usque ad oppositam partem se extendit. Quod si quandoque accadat, id est quia sunt vasa vacua, quod de cranio verificari non potest, cum non sit vacuum; Præterea hæc vasa deberent esse Hermetice obserata, ut aere gredi non possit, & ex maxima percussione agitatione exitum quærens, & non inveniens, utique in parte debiliore vas frangeret, quod si vasa sint aperta, ex percussione exagitatus aer per patens potius ostium prodiret, quam vas frangeret. Nec de his vasis aliquo liquore plenis valet ratio, nam nos plura fregimus, nec hoc observavimus, quod si quandoque contingat, hæc vasa sunt tenuia, & frangibilia in parte percussa, & non sic est cranium. Quod si hoc campanis, & mortariis æneis contingat, quæ dura sunt, hoc evenit ex tremulo aeris motu, qui in his fit; nam sunt corpora solida, & continua, & ex vehementi percussione, si motus in una parte impediatur, in opposita tremulus motus intenditur, & non ægrè franguntur. Cæterum cranium est continguum, & non continuum, quia pluribus constat ossibus,

bus, quæ inter se distinguuntur, & *Gal. 9. de usu partium c. 7.* vult, ut hanc quoque futuræ utilitatem habeant, ne si fractura accadat, ea nimis longè protrahatur, sed ad futuram terminetur.

Contrafracturæ procuratores supponunt intra cranium aerem, nescimus tamen, an congenitum, an adventitium, & deberent quoque insignem supponere cavitatem, quæ nulla est, in qua contentus aer ex vehementi cranii percussione impelleretur in partem oppositam, & ibi rimam produceret. Verùm ictus non potest esse debilius ipso impulso aere, imò aere fortior, si itaque res contundens, immediatè percutiens os, illud non frangit, & deberet prius frangi: quomodò ergò aer in minima quantitate intra parvam sphaeram coercitus, ictu debilius, rimam in osse diffuso, & opposito producere potest?

Ad Florentini observationem dicimus ipsum nequaquam contrafracturam observasse, sed copiosam saniei quantitatem in parte opposita invenisse, quod idem dicendum est de aliis observationibus, quas authores pro contrafracturis recitant.

Verùm quia in parte opposita vulneris quandoque contrafracturam prædicant exsectione, & saniei inventionem, quæ nequaquam est vera contrafractura, quomodo id contingat, scrutinio dignum est. *Amatus Lusitanus cent. 3. curat. 42.* & alii quorum sententiæ nos libenter nostram submittimus, statuunt fieri posse, ut unâ parte calvariæ læsa, alia longè distans afficiatur, non quod os fissum sit, sed quod sub eo cerebri meningum venula aliqua rupta sit, ex qua sanguis effluit, & sanies fit, ac putredo oritur. Id hariolamur ex querela ægri percussus, dicentis ipsi visum esse, quòd alio loco rumpebatur cranium, quàm ubi percutiebatur, deinde ex dolore, mollitie, tumore &c.

Signa.

Fracti cranii signa sæpè in profundo puteo sunt demersa, non aliter ac veritas in profundo puteo latet, idèdque mentis acumine sunt exploranda. Sumuntur itaque signa primò à symptomatibus, quæ vulnere statim superveniri solent. Secundò à causis. Tertio, ipse sensus consulendus est.

Quòd ad primum, cranium osseum est, idèdque per se sensu caret, & dolorem nullum, nullumque symptoma excitare potest, sed tantum è membranarum, & cerebri compressionem punctura, & lancinatione omnia symptomata excitari possunt. Hæc symptomata *Celsus lib. 8. cap. 4.* recenset: *Igitur ubi calvaria percussa, protinus requirendum est, num bitem is homo vomuerit, num oculis ejus obocæcati sint, num obmutescant, num per nares, aure, vè sanguis ei effluerit, num conciderit, num sine sensu quasi dormiens jacuerit. Hæc enim non nisi osse fracto eveniunt.* De his symptomatibus sunt *Hippocratis aphorismi. sect. 6. aph. 50. Quibus divisum est cerebrum, iis febrem, & biliosum vomitum supervenire necesse est lib. 2. coac. Quibus concussus fuerit cerebrum, vel ex plaga doluerit, aut ali quo casu, his illico vox deficit, neque vident neque audiunt, fereque intereunt. sect. 6. aph. 14. ex capitis ictu obmutescant, & desipientia, malum.* Et eadem *sect. aph. 24. In ossis percussione desipientia, si in vacuum penetraverit.* Quibus signis addi potest mentis alienatio, oculorum rubedo, & vertigo tenebrosa, vel plurimorum luminum visio. Si æger in percussione actu stridorem, quasi fracti ossis, perceperit, augetur suspicio.

Hæc omnia ex cranii fractura cerebro, ejusque membranis affectis eveniunt; cerebrum namque facultatis animalis sedes est, & ab eo spiritus animales omnia sensus, & motus organa accipiunt, si cerebrum comprimatur, & concutiat; & spiritus animalis motum turbari, ejusque in organa sensus, & motus influxum impediri necesse est. Hinc ex spirituum animalium turbatione vertiginem, ex influxu, & motu denegato lapsum, & spontanei motus abolitionem, obocæcationem obmutescantiam, stuporem, somnum quasi profundum fieri necesse est. Signa tamen hæc etsi propria sint, non tamen perpetua, & inseparabilia sunt; accidere namque potest, ut cranium sit fractum, & nihil tamen istorum appareat, si scilicet fractura sit parva, & cranium robustum. Quædam etiam horum symptomatum statim invadunt, & subito in terram lapsus, vertigo, oculorum caligo, vomitus biliosus; sanguis enatibus, auribus, palato fluens, aphonia;

alia postea superveniunt, ut convulsiones, epilepsia, febris, delirium, torpor, paralytis.

Alia signa eruenda sunt ex ictus conditione, in quo consideranda sunt, percussus, capitis ictum recipientis dispositio, & instrumenti conditio. Inquirendum nimirum, an iis, à quo percussus fuit æger, robustus, an imbecillis fuerit; num de industria, vel de improvviso, cum vehementia, & ira, vel obliquè istum intulerit; num ex alto, vel minùs alto loco; num ex propinquo, vel minus propinquo percussit. Nam si qui vulnerat, est fortior, & de industria, ac præmeditatus, aut ex loco altiori, & rectè percutit, is gravius ferit, & os faciliè rumpit, contundit, & intro deprimit. Et qui ex loco altiori in rem duram cadentes impingunt, iis, & faciliè os rumpitur, contunditur, & intro cedit. Qui verò in loco plano cadit, & in rem minùs duram impingit, cranium minùs affligit.

Percussus caput perpendendum est, an debile, vel robustum sit, durum, vel molle, sanum antequam percuteretur, vel morbosum fuerit, an percussus sit senex, vel juvenis, item qua parte vulnus inflictum sit, & deinde de læsionis vehementia conjectandum est.

Insuper instrumentum considerandum, an nimirum lapide, ligno, ferro, telo percussus sit, & an telum leve, vel grave, acutum, vel obtusum, durum, vel minùs durum, æquale, vel asperum fuerit. Tela enim rotunda, orbiculata, & plana, obrusa, dura, gravia cranium maxime rumpunt, contundunt, & intro depriment. Tela verò oblonga, tenuia, acuta, & levia magis secant, quàm contundunt.

Sensus ipse est verus, & fidelissimus index, qui fracturas detegit, & hic *Hip.* jubet, ut Medicus, antequam quid tenteretur, ægrum, astantes sibi confidentiores reddat, primò capillos consideret, si enim hi telo sunt dissecati, & in vulnere ipso continentur, ossis denudati, & læsi signum id esse docet. Etenim à lapide, vel alio telo cadente projecto, si extremitas ejus in angulum acutum abierit, pili sæpè, & conscinduntur, & in ipsam ossis substantiam impinguntur, ut citra rimæ abrasionem evelli non possint. Deinde vulneris conditio attendenda est: nam si vulnus longum sit in syncipite, quia ibi cutis est tenuis, & os rotundum, de cranii fractura meritò suspicandum est. In temporibus verò etsi vulnus sit longius, tamen quia ibi depressum, & planum est, caro multa, ossis ibi fracti non ita facilis est suspicio.

Certior explorandi modum per specillum tradunt, itaque quæ plaga est, specillum immittere oportet; neque nimis tenue, & acutum, ne cum in naturalem quandam foveam inciderit, opinionem fracti ossis frustra exhibeat, neque nimis crassum, ne exiguæ rimulæ fallant. Ubi specillum os attingit, si nihil asperum; sed omnia levia apparent, integrum os habetur. Si verò loco extra fracturas asperi quid occurrat, fractum os esse indicium est. Hæc fracti cranii signa à *Sennerto*, & ab aliis relata inferius examinabimus, an certa, & infallibilia sint.

Celsus specillo contentus non est, & licet nec minima rima appareat, tamen si ex tali vel ictus conditione, & symptomatibus supervenientibus de fractura cranii suspicio sit, ossi atramentum scriptorium medicamento mistum inducere jubet, & postea os radere. Quod enim fissum est, quia nigrum colorem in se recipit, nigrum manet, reliquum album naturalem colorem rasura acquirit.

Hanc autem fissuram hoc modo deprehensam porrò secundum profunditatem radere oportet. Si enim ratiōne nigredo omnis eximitur, indicium est fissuram minorem esse: Si verò deleri non potest, ad profundiora pervenit.

Nonnulli hoc modo fracturam explorant:

℞. Thuris, ladani, cere ana ℥. iv. terebinthina, farina fabarum ana ℥. ij. f. emplastrum.

Alii hoc explorant, ut

℞. Cera nova flava, thuris, santali ana ℥. ij. terebinthina, aceti, farina fabarum ana ℥. j. m. ad ignem, f. empl.

Imponatur supra cranium abradis prius capillis. Si post diè aliquo in loco medicamentum fuit exsiccatum, ibi fracturam esse censent.

Gabriel Fallopius scribit, eo loci, ubi cranium contusum est, quasdam maculas, seu puncta alba, instar eorum, quæ in unguibus apparent, conspici.

His signis, & alii alia addiderunt: dant ægro extremitatem chordæ musicæ, vel fili sericei dentibus apprehen-

prehendendam, cujus alteram extremitatem capit chirurgus, illudque extendit instar chordæ, & tunc filum illud vibrat, ut fiat motus tremulus in illo filo, ut sonum edat, ab ea vibratione si sentiatur dolor, significat hoc cranii fracturam adesse.

Ad hæc chirurgis etiam signum fracturæ ejusmodi est, si æger spiritum fortissima buccæ inflatione, orisque & narium obstructione foras pellat, ita enim è vulnere à forti conatu aliquid saniei eliditur, verum hoc in fractura, ubi curis simul non aperta, non habet locum.

Ex arte sequens sumatur signum: ponatur ferula sub utraque parte maxillæ, manducando eo loci, quo fractura latet, dolorem, & quasi strepitum percipiet patiens: ratio est, quia cranium globi simile formatum, dum musculi temporales huic firmissimè adhærent, & in manducatione abbreviantur, distractionem patitur: quò fractura illis propior musculis, eò certius experimentum. Vel detur patienti clavis, ut eam dentibus fortiter mordeat, vel dentes cum ea parùm pulsantur, si inde dolor oritur in parte, in qua ictus accidit, cranii fissuram adesse denotat.

Verum enim verò hæc omnia signa suprâ recensita fallacia reperiuntur, neque ex his cranii fracturam certò hariolati possumus, sed tantum conjecturaliter, quæ conjectura faciliè chirurgetum decipere potest, estò & symptomatibus, ictus conditione, subjecto, instrumento, sensu, specillo &c. hauriantur. Nos multos à capitis ictu tenebrosa laborasse vertigine, cecidisse, bilem vomuisse, sanguinem per nares, palatum, & aures profudisse, mutos evasisse &c. hujusmodi nullam cranii fracturam passos, & absque sectione curatos fuisse observavimus, & multa extant exempla. Cadunt etiam quandoque aliqui capite percussi, nulla cerebro illata injuria, alios sterisse vidimus, quibus duram meningem laceram deprehendimus, quare in his judicandis, ubi anceps res est, prudentem chirurgum esse oportet, qui cuncta benè penset, judicet, agatque, pristinam scilicet patientis naturam, mores, motus, vires præsentibus conferendo: non itaque ubi hæc apparent symptomata, semper cranium fractum demonstrant, sed potius cerebri concussionem, ut *Hip. sect. 7. aph. 57.* testatur: *Quibus cerebrum concussum fuerit aliqua ex causa, statim mutos fieri necesse est.* Et non solum aphonia ex cerebri concussionem evenire potest, sed etiam alia gravissima symptomata, quæ simillima in cranii fracturis accidunt. Imò evenit quandoque cerebri concussio absque vulnere, & quandoque cranii fractura, nullis subsequenter symptomatibus, accidit, & interdum in vulnere cum calvarie denudatione, & cerebri concussionem prædicta apparent symptomata absque fractura. Possunt etiam hæc symptomata hujusmodi vulneribus absque fractura accidere, vel ob spirituum animalium turbatum motum, vel ob impeditum in partes influxum, vel ob spirituum resolutionem, ex quibus faciliè sequitur casus, tenebrosa vertigo, oculorum obocæcatio, sopor, & id genus alia symptomata fiunt, contingunt itaque talia accidentia ossi capitis fracto ut plurimum, & frequentissimè, non verò semper. Unde si hæc symptomata in principio accidunt, ea parvipendimus: ea verò quæ perseverant, vel post aliquod temporis spatium superveniunt, præcipuè si cum eis febris cum rigoribus inordinatis sequatur, cum eo tempore omnia meliorari oporteret, maximi facimus, nam saniei generis, putredinis collectionem, vel aliquid simile latere indicant.

Nec certa sunt signa, quæ à causis desumuntur, scilicet cum feriens est robustus, & patiens debilis, hinc erue-re possumus necessariò fracturam sequi: multoties namque fracturam non sequi experimur, contrà verò cum feriens est debilis, & patiens robustus sæpe sapius fracturam adesse percipimus: Nec etiam currit discursus: qui ex altiori loco in rem duram cadentes impingunt, & faciliè os rumpitur, contunditur &c. nam accidere potest, ut non immediatè caput in durum impingat, sed primò brachium, vel pes, aut aliud membrum terram attingat, & deinde caput leviori allisu concutiat absque fractura. Nec fracturam adesse ex vulneris magnitudine conjectandum esse, nam quandoque vulnus parvum fracturam includit.

Sensus in fracturis dignoscendis etiam fallax esse potest; non enim oculus fracturam intrò aspicere potest, & contrà multoties os deductum aspiciet, absque eo, quod

contusionis, & rimæ malum distinguere valeat. Nec tactus fracturas deprehendit, quis enim digitus rimam, intimamque contusionem comprehendere poterit: Specillum chirurgetum quantumvis peritissimum fallit; futura namque quæ & ipsa aspera est, fallere potest, & pro rimâ accipi, & quamvis futura plerumque naturalem suam habeant locum, tamen cum is non semper sit ita planè certus, ne fallamur, & futuram pro rimâ, vel contrà habeamus, tutissimum est os nudare, & plagam diligenter explorare. Verum si in ipsis futuris sit vulnus, longè difficillimum est fissuram cognoscere, ut pluribus *Hip. lib. de vulneribus capitis*, & suo exemplo, qui *libr. 5. Epidem.* se hoc modo deceptum, idque cum vulnerati perniciè ingenuè fatetur. Sutarum enim loco cranium natura sua fissum est: itaque si his locis levior inciderit fissura, faciliè pro naturali fissura futura, plaga habetur, vel visu, seu specillo id explores.

Atramentum scriptorium pro cognoscenda rimâ à *Celso* adductum, tanquam incertum signum repudiamus, quia pro rimâ suo colore suturas imbuere potest, nec internam rimam indicare. Et eadem ratione medicamenti applicationem confutamus. Neque infallibile signum est chordæ extremitas à vulnerato dentibus apprehensa, & à chirurgo vibrata; Nec ferula, vel clavis mandenda pro fractura exploranda, sunt certa indicia, cum hujusmodi experientia in stricta fissura ad meningem penetrante, vel in contusione magna non valeat. Præterea *Ambros. Paræus lib. 9. cap. 2.* scribit, & si utrumque sæpius tentaverit signorum tamen horum veritatem experientia comprobare non potuisse. Quorquor pro cognoscenda cranii fractura adducuntur signa, infirmantur; unum nos infallibile & pathognomonicum signum adducimus, quod est cranii denudatio, & abrasio.

Solet quandoque tam alta esse cranii fractura, ut dura, & pia mater, ac cerebrum vulneretur, & in hujusmodi vulneribus hoc adest peculiare signum, quod præterquam quòd sanguis copiosè tum per partem affectam, tum per nares, aures & palatum propter plurimas venas, & arterias, quæ per meninges disseminantur, hinc dolor urget, & præsertim si ab aliquo ossiculi fragmento pungantur, propter exquisitum utriusque membranæ sensum, sequitur, bilis vomitus, ut *Hip. sec. 6. aph. 50.* inquit: *Quibus divisum est cerebrum, his febrem, & biliosum vomitum supervenire necesse est.* Casus, obocæcatio, vertigo, torpor, mens non constat, nervorum resolutio accidit, febris adest continua. Et *Corn. Celsus lib. v. cap. xxvi.* inquit: *Si cerebrum, membranae ejus vulnus accepit, sanguis per nares, quibusdam etiam per aures exit, fereque bilis vomitus insequitur. Quorumdam sensus abundantur, appellatique non audiunt. Quorumdam trux vultus est, quodam oculi quasi resoluti, huc, atque illuc moventur fere tertio, vel quinto die delirium accidit. Multorum etiam nervi distenduntur. Ante mortem autem plerique fascias, quibus caput deligatum est, lacerant: ac nudum vulnus frigori objiciunt.*

Causa.

In cranii fracturæ, & meningum, ac cerebri vulnerum causis tam *Galen*i mancipia, quàm recentiores æquè nobiscum conveniunt; sunt enim externæ, ut ictus vehemens, causa, occursum, & quæcumque cranii, meningum, & cerebri continuitatem solvere possunt. Huc refertur ossis dispositio, quæ causæ proximioris locum obtinet, cujus ratione hoc facilius, illud difficilius, diffringi, & deprimi potest. Hinc os crassius majorem habet repugnantiam, quàm tenuius, durum, quàm molle simplex quàm duplicatum, aut futuris dotatum, multa carne obductum, quàm pauca: ita illud calvarie os, quod frontem, & cervicem intermediat, quia tenuissimum, & infirmissimum est, pauca admodum, & tenui carne obductum, præ aliis obnoxium est fracturis, aut depressionibus, & homo in ea calvarie parte læsus majoribus subjacet periculis, & difficilius curatur. Post hoc, temporum os quoque infirmissimum est, tum ob maxillæ commissuram cum eo, tum quia majori vena, & arteria donatur. Occipitis os præ aliis robustius est, & non tam faciliè ab ictu, casu aut vulnere læditur, & homo in ea parte vulneratus citius mortem evadit. Ratione ætatis, & temperamenti, ossa variant, in infantibus, junioribus, & scæmellis tenuiora sunt, quàm in vitis,

& se-

& senibus, humidioribus, quàm siccis. Proinde tenuiora facilius læduntur etiam à re non adeo dura, aut non adeò vehementi percussione; dura autem non nisi à re valida vehementiori impetu illata. Ex soluta cranii unitate, si vulnus profundius penetraret, vulnerantur meninges, & cerebrum, & hinc vasorum tum sanguineorum, tum lymphaticorum apertio oritur, & per consequens sanguinis, lymphæ evasatio, qui extra sua conceptacula stagnantes, putrescere incipiunt, quare paucæ puris, vel sanguinis guttæ sub cranio quàm celerimè hominem necare possunt.

Prognosis.

Cranium quomodocumque lædatur, periculo non vacat, nec negligi, aut parvifieri debet, etiam ubi omnia benè se habere videntur, quia quandoque ex minimo vulnere maxima producuntur symptomata, & sæpe per longum tempus sopita latent, undè in cranii fractura neminem extra periculum positum censemus, nisi post exactum centesimum diem, quod *Hip. in præmio, lib. de Vulneribus capitis* monuit.

Minus periculi est, si externa tabula læsa sit & minus si solùm incisa: confusio verò majus periculum continet. Si utraque Lamina divisa sit, & tota calvaria aperta, majus periculum adest. Minus tamen periculum est, si sedes sit, aut fissura lata, & ampla: majus, si sit angusta: adhuc majus, si sit confusio, & rima: maximum, si rima sit tam angusta, ut sensum exiguitate fallat, & hæc pluribus fuit mortis causa, non absolutè ob rimæ exiguitatem, sed ob sanguinem sub cranio effusum ægri periclitantur, & eò magis periculum augetur, si non constet, qua cranii parte fractura lateat; & quod sæpè esse extra integro, nihilominus aliquod ossis fragmentum ab interna tabula separatum, quod dum membranas pungit, gravissimorum symptomatum, & persæpè est causa necis, cum medulla inter duas tabulas pressa aliquid sanguinis effundit, qui eo loci putrescens, ossis inflammationem, & corruptionem affert, ut interdum non solùm aliquot post acceptum ictum septimanis, sed mensibus, nihil mali suspicans æger moriatur. Vulnere in syncipite, & bregmate valdè periculosa sunt; nam os illud debilissimum, & tenuissimum est, carne obducitur paucissima, & cerebrum eo loci copiosius habet. In occipite verò vulnere contrario modo se habent, quia licet ibi cerebrum sit copiosum, os tamen crassum est, & adsunt viæ per nares, & aures pro expurganda materiâ, quod non contingit in syncipite, & bregmate. Sicut ipsius ossis læsi ratione nulla periculosa sunt vulnere, quàm quæ bregmati infliguntur: ita in temporibus vulnere valdè periculosa sunt, ob musculos temporales, in quibus venæ, arteriæ, & nervi disseminantur, ac propterea iis læsis, hæmorrhagia, convulsiones, deliria, carus, & alia symptomata accidunt, nec propter musculos os ibi commodè nudari, & secari potest. Periculosa quoque sunt vulnere in futuris, tum propter cranii eo loci imbecillitatem, tum propter duram matrem, quæ fibris ibi annectitur. Et sanies per futuras è vulnere facile in duram matrem destillat. Rima quò levior est, & statim primis diebus apparet, eò minus periculosa est: angustæ verò rimæ, & quæ non apparent, magis periculosa sunt. Si externa saltem lamina findatur, rima periculo vacat. Periculosum verò est, ubi utraque lamina fissa est, cum sanies tum in duram matrem decidere possit. Periculosissimum est; si solùm interna lamina findatur, cum rima illa lateat, & in conspectum non veniat; præcipuè si aliqua ossis squamula membranas pungat. Valdè etiam periculosa est fissura, si cum depressione conjuncta sit, & ossis pars avulsa subiectum cerebrum premat. Periculosa etiam sunt cranii depressiones, & sæpè neglectæ mortem afferunt.

Periculosissimum est, si vulneris labia pallescant, siccescant, salutarum carniū instar appareant, flavescent, nigrescant, depressa fiant, puris generatio suppressa sit, si aliquid emittat, quod fœtidum oleat, & aqueum, & nigrum ichorem fundat vulnus. Ubi os denudatum nigrum conspicitur, pessimum est, & mors prædicenda. Ubi nulla excrementa tam crassa, quàm tenuia excernuntur, aut sponte effluunt, mors instat; si pustulæ per linguam oboriantur, & lingua præ siccitate findatur, & denigretur ex accis saniei per palati framina in linguam delapsu, raro evadunt ægri.

Si caput destillationibus obnoxium sit, aut æger erysipelate in capite corripitur soleat, aut corpus lue venerea conspurcatum, aut cacoehymicum sit, aut febre hectica, vel tabe, vel alio morbo consumptum, aut si quis post veneris actum vulneretur, vulnus periculo non vacat. Si vulneratis diarrhœa, aut dysenteria supervenerit, ferè omnes periclitantur, ac quamplures etiam, qui pollutione vexantur; ac etiam si urinæ perturbatæ quales jumentorum, cum maximam humorem corruptionem ostendant; nec non albæ, & perspicuæ periculosa sunt.

Duo symptomatum genera cranii vulnera sequi solent, unum eorum, quæ affectus cerebri substantiæ, & partium vicinarum sequuntur, qualia sunt convulsio, paralytis, febris, delirium, stupor, sopor &c. quæ in toto apparent: alterum, quæ ob repentinam spirituum animalium agitationem, turbationem, & dissipationem proveniunt, qualia sunt, voce privari, non videre, non audire. A quibus symptomatibus aliquandò ad se redeunt ægri, sine ullis gravibus symptomatibus supervenientibus: quando scilicet nec cranium fractum, nec nervus, venæ, aut membrana aliqua cerebri rupta est: aliquando verò ad se non redeunt, vel si ad se redierint, in gravissima symptomata incidunt, ubi nimirum partium harum aliqua læsa est. Quæ itaque incisio vulneratis accidunt symptomata, minus terrere debent, quàm quæ perseverant, vel postea superveniunt. Quæ verò vel permanent, vel quarto, septimo die, aut deinceps, quo tempore omnia in melius mutari oportebat, accidunt, periculum portendunt, & saniei collectionem, putredinem, vel simile quid adesse significant. Si per vulnere capitis initia febris oboritur quarto, aut septimo die, id à puris generatione fieri putandum est, nec adeò periculosum est, ut *Hip. sect. 2. aph. 47.* inquit: *Dum pus sit, dolores, & febres accidunt.* Si verò post septimum, & eo tempore, quo jam terminari debet, incidat, periculosum; cum putredinis in cerebro, meningibus, aut cranio sit indicium. Si æger delirat, si memoria aboletur, si lingua est incontinens, si caligant, & obscurantur oculi, si aures obscurdescunt, si æger in lecto jacet immobilis, vel ex eo se præcipitem vult dare, si urina, & alvi excrementa supprimuntur, si paralytis, aut convulsio accedit: omnia ista vulnus lethale indicant.

Si nullum pravum symptoma adsit, vulnus quidem periculosum dicendum est, non tamen lethale: modò Medicus, & ægro adstantes singuli suum officium faciant. Et quod de aliis morbis acutis dicitur, id & hic locum habet. Si æger quiescat, mente constet, somnum capiat, facile spirat, siti non prematur, cibum non fastidiat, non doleat; si febris absit, vel desierit, pus album sit, læve, æquale, minimè fœtidum, convenientis quantitatis; Si ægri facies similis sit benevalentis, & sui potissimum, si membrana sit mollis, sui coloris, liberè moveatur, caro incremens rubicunda, ac cervicis, & maxillæ quietus, & facilis motus: benè prælagire licet, etsi vulnus magnum sit.

Cranii fracturæ valdè periculosa sunt, sed periculosiora meningum, & cerebri vulnera propter innumera vasa, quæ per ipsas disseminantur, & propter utriusque membranæ exquisitum sensum: & quo vulnus profundius penetrat, eò periculosus est, & vulnus quo cerebro vicinum est, eò periculosius: & ex cerebro vulnerato majus, quàm ex ulla capitis parte imminet periculum. Cerebrum enim aeri expositum facile corrumpitur, & sanie defluente læditur, & putrescit, de quo *Hip. sect. 6. aph. 18.* inquit: *Vesica discissa, aut cerebro, aut corde &c. lethale est.* Verumenimverò cerebri vulnera non quidem omnia lethalia pronunciamus, sed periculosiora, plerumque enim *Hip.* pro periculoso lethale usurpat, cum sanatorum exempla existant, quibus cerebri particula dempta fuit, sed ea, quibus cerebri ventriculi substantia vulneratur, vel aliquid sanguinis non supra, vel extra, sed infra, vel intra duram vel piam meningem stagnat, concrevit, putrescit, & febtem accendit.

Non omnia cerebri vulnera esse lethalia diximus, sed tantum ea, quæ profundiora sunt. Ac ut in aliis ita etiam in capitis vulneribus sæpè quasi miracula fiunt, & qui plane desperati videbantur præter spem convalescunt: ideoque hujusmodi vulnerati non sine auxilio relinquendi sunt. Id quod magis nos in demirationem trahit, est quod innumera authorum caterva asserit posse, aliqua cerebri portione dempta ægros vivere, & hos observasse, curas.

turasse, & convaluisse testatur, cujus rei innumerae extant historiae apud *Fallopium*, *Ambrosium Pareum*, *Joannem Andream à Cruce*, *Nicolaum Massā*, *Franciscum Arcaum*, *Schenkium*, & innumeros alios. Unam tantum adducam historiam, à *Zacuto Lusitano de prax. Med. Adm. lib. 1. obs. 5.* relatam, inquit iste, quod decennis puer ense percussus fuerit in postica capitis parte, & vulnus satis magnum acceperit, cum lésione ossis membranarum, & deperditione substantiae cerebri: nam ex illo cerebrum quantitate nucis juglandis exivit. Addique quod hic puer post tres annos, confluentibus humoribus ad partem debilem, hydrocephalo correptus, & mortuus fuerit, apertumque cranium sine cerebro inventum fuit, & dura membrana duplicata fuerit. Verum nos adduci non possumus, ut sine scrupulo *Zacuti Lusitani* historiae, seu fabulae credamus, mira casit, sed non credenda; imò hyperbolica est, & falsa, vel si vera est, non erit cerebrum spirituum animalium officina, sed alius eorum generationis locus inquirendus erit. Nec videmus; quomodo homo sine cerebro, membro tam nobili, & necessario, spirituum animalium officina, & domicilio, sensus, & motus, ac omnium nervorum principio, vel temporis momento vivere possit, quin denegato spirituum animalium influxu, necessariò apoplecticorum more ipse moriatur. Non est bardus chirurgulus, nec vilis tonsorculus hac in nostra civitate, qui non se gloriatur cochleari argenteo cerebrum eximisse, vulneratos, qui jam cum *Charontē* de naulo pacisci credebantur, curasse. Verumenimverò non negamus, si aliqua cerebri portio auferatur, vulneratum vivere posse, ita est superior, & anterior cerebri pars; quia hæc non est ad sensum, & motum, & consequenter ad vitam tam necessaria. Si vero infima cerebri pars vulneretur, vel removeatur, quæ ad ventriculorum substantiam penetret, necessariò indè mors sequitur, ut *Gal. in comm. Hip. aph. 18. sect. 6.* explicat: *Vulnera cerebri, quæ aliquatenus in ventriculos penetrant: etiam inferunt mortem.* Et ratio est, quia extemplo omnium spirituum animalium ferè perniciēs contingit, & eorum generatio impeditur. Dixit in supranotato commento *Gal. in Ventriculos penetrant*, quia cum unus tantum ventriculus vulneratus est, præsertim anterior, æger vitam trahere potest, quia uno cerebri ventriculo vulnerato, in altero spirituum animalium generatio non impeditur, non verò si ambo vulnerentur ventriculi, ut *Hip. 3. de Decretis* monet: *Cerebri ventriculis collisis, aut vulneratis, totum animal sopitum collabitur.*

Curatio.

Quomodocumque cranium, meninges, & cerebrum læsum sit, *vulgares*, si corpus cacochymum sit purgant, vel si plethoricum, venam secant, etiam si vulnera sint levia, ne ad partem affectam fiat humorum attractio, & prava eveniant symptomata, & multò magis id efficiunt, si magna sint vulnera. Imò in omnibus capitis vulneribus evacuationem censent necessariam, in quibus sectio, dilatatio, & ossis arbasio faciendæ est, & præcipuè si causa adest, ob quam humorum affluxus timeatur.

Protinus prima die secant venam, quæ capiti est proximior, ut est vena cephalica, vel communis, ejusdem partis affectæ, modò vires sint robustæ, ut tenuioris sanguinis affluxus ad caput impediatur, & sanguinis tantum evacuandum, quantum ejus copia requirit, & vires ferunt, & prout ex vulnere parçè, vel copiosè effluerit. Quòd si venam aperire non liceat, cucurbitulae scarificatae dorso, & scapulis vel etiam lumbis applicantur. Si vulneratus *Lue Venerea* laboret, abstinere à venæ sectione in brachio, & illam in pede secant. Si mulier actu menstruans vulnerata fuerit, venam pedis saphenam dictam aperiunt, vel cucurbitulas in scapulis scarificant; idem dicunt, si vulneratus actu hæmorrhoidum fluxu laboret.

Cæterum, quod juvamen venæ sectio præstare possit, ipsi nesciunt; non enim affectus ratione venam secant, quia tantum soluti continui unionem exposcit, sed secant successuri ratione, semper, tanquam prudentes, futuro consulunt, & id, quod contingere, vel non contingere potest, mira solertia prospiciunt. Si copiosè è vulnere sanguis effluerit, exitialis est venæ sectio; si verò parçè, sanguinem exactissima diætâ minuere possunt, diætâ

namque est optima venæ sectio, alias vulnerati vires phlebotomia, & exactissima diætâ, qua ægrum cruciant, extenuant enervant, & vulnus, quod ex se lethale non erat, lethale reddunt. Phlebotomia sanguinem non emendat, sed vulneratum debilitat, undè reliqui succi deteriores evadunt, si homo ægrotat, non ægrotat ob nimiam sanguinis copiam, aliàs ante ægrotaret, sed ob vulnus, ob febrem, vel sanguinem extravasatum, & nimis spissum, quem venæ sectione non fluxilem reddes, nec febrem, nec vulnus curabis, sit crassus sanguis à salium volatiliū, & spirituum defectu, à coagulatione facta ab acido, quam venæ sectione non impedies. Caute itaque procede, ne vulneratos hac sanguificina jugules, & interfectorum animæ sub throno Dei clamitent: *Vindica Domine sanguinem nostrum, qui effusus est.*

Postmodum corpus idoneis purgant medicamentis; & præcipuè bilem, & serum evacuantibus; isti namque humores sunt facillè mobiles, & caput impetunt, & prava excitant symptomata, quæ purganti medicamento non ægrè præcaventur. Et primò biliosos alterant humores *Syr. ros. de succ. myrtill. de endivia, granatis, & de betonica*, admistis aquis hordei, botonica, cichorii, plantag. &c. Deinde pharmacum conficiunt ex *syr. rosar. solutivar. & violar. solutivar. elect. Lenit. vel elect. de succ. ros. cum decocto tamarindor. & myrobolanor. citrinor. cum infus. rhabarbari.* Hæc namque humorum ad caput motum impediunt, & illud roborant.

Sed decipiuntur, & decipiunt *vulgares* in purgando vulnerato, nam capitis vulnus solum soluti continuationem indicant, & non purgans medicamentum, idèque in felici semper propinatur eventu, quòd si quandoque juvat, id est non nocet, per accidens se habet. Si febris adest, intempestiva purgantis exhibitione, à Medico exacerbatur; si abest, & quia purgans magnum in corpore suscitatur utrumque, sitim inducit, & universam corporis æconomiam subvertit, & hinc humores æstuant, caput impetunt, & præcipuè partem adoriuntur affectam, & varia symptomata ibi excitare possunt. Vires prosternunt *vulgares* tum pharmaco, quod virus laxativum continet, tum extenuanti victu, & tandem ægrum perimunt. Hinc *Neapolis* capitis vulnera acris vitio lethalia censentur, quæ alibi à chirurgis non satis periculis feliciter curantur, quia *Neapolitani* chirurgi sunt crassæ Minervæ homine, & vilissimum tonsorum genus, (sit hoc dictum paucorum pace) & vulneratos phlebotomant, purgant, diætâ exactissima enervant, dilaniant, excarnificant, & trucidant, ac quem vulnerans non peremit, vasta curantis cæde procumbit, & miser, ubi medicam quærit opem Libitinam invenit. Et licet *Hip.* in capitis vulneribus medicamentum purgans concedere videatur; attamen illius ævi homines erant, robustiores, quàm nostri temporis corpora, ut testatur *Galenus*. Si igitur *Hippocratis* tempore medicamenta purgantia in capitis vulneribus exhibebantur, non inferre licet, tunc exhibenda esse, quia nunc corpora non sunt ita valida, ut antiquitus ob desidiam, & malam, vel variam victus rationem, quòd si invalida, medicamentum purgantis exhibitionem respuunt.

Solent *vulgares* enemata præscribere, sed hæc etiam non sunt tuta, contingere namque solet in his vulneribus vomitus, qui etiam inter concussi cerebri signa computatur, & enematum usu sæpè oritur motus peristalticus inversus, & quia pessimum est in hoc affectu alvum habere adstrictam, quia exindè cerebri inflammationes, & alia symptomata excitari solent, alvum lenientia optima censentur, quæ scybala stagnantia comiter provocant, ac proindè glandes, suppositoria, & enemata officinalia rejicimus.

Quoad soluti cranii unitatem attinet, pluribus modis fieri diximus; si namque ab instrumento incidente, vel pungente fiat, cranium lædi non potest, nisi cuius vulneretur; si verò à contundente fiat, potest id contingere etiam sine, cum capitis vulnere: potest quoque urramque laminam, vel alteram tantum penetrare, de quibus nunc sigillatim dicendum.

Cæterum solet quandoque, integra manente cute, cranium frangi, sed an cutis secanda sit, ut ossis fractura reveletur; an nullatenus aperienda sit, incompestibile litigium inter Medicorum Physicos, tum chirurgos adhuc sub iudice pender. Et reverà nobis arridet curam non amputandam esse, primò, quia sine ipsius sectione, natura, si aderit sanguis, vel sanies, qui per os fractum internas penetret partes, ipsum medicamentis adjuncta discutiet, & re-

resolvēt, naturæ namque opera nostrum superant captum, & calor naturalis in partibus internis maximam habet activitatem, quo mediante, natura prodigia operatur, quæ artis ope non assequimur. Insuper in femoris, cruris, aliorumque ossium fracturis ad medullas usque semper observamus, quod natura ab intimis illis partibus sanguinem ad cutem expellit, vel si sanies in illis partibus generatur, non est tanta, quia à medicamentis solventibus gigni non permittitur, & illa tanta à medicamentis, vel à calore resolvitur. Quidni hoc in cranii fractura, sano manente pericranio, naturæ ope evenire non possit? Equidem naturam in huiusmodi fracturis integra manente cute, à cerebro per nares, vel palatum, vel aures sanguinem, vel copiosum pus eliminasse, vel insensibiliter discussisse; & ægros sanasse observavimus. Præterea in magnis pericranii contusionibus, nunquam illud secamus, sed illa exhibemus medicamenta, quæ volatilitat sua coagulatum attenuant, & resolvunt sanguinem, ut ad debitam redactus fluiditatem in venas resorberi possit, & qui ineptus est, vel reliquis immiscetur succis, aperisque poris ejiciatur. His medicamentis optime notæ chirurgi in cranii fracturis, cute incolumi, utuntur, quorum artificium adamussim providam æmulatur naturam. Tandem si cutis aperitur, os detectum frigore corrumpitur, quod illi est maximè insensum, ut Hippoc. sect. 5. aphor. 18. notat: *frigidum inimicum ossibus, dentibus &c.* non itaque cutis aperienda est, quia deficiente cute, medicamenta apposita actuari nequeunt, nam cutis est proprium indumentum, quæ medicamenta actuat. Non igitur incolumis cutis referenda, etiam si intus sit sanguinis grumus, vel ossis frustum membranam lancinet, vel os sit depressum, & comprimat, vel sanguis effusus, vel lymphæ, vel sanies genita, quia ob nostras rationes natura ab omnibus his injuriis sese tuetur, mediante nativo calore, & optima medicaminum suppellectili, nisi Medici id est mendici, alienis sese ærumnis saginare velint, censum constituendo quotidianum. Neque pars affecta, si fortiter digitis pertentetur, & fovea exploretur, fracti ossis signum erit, nam ossis depressionem indicare potest absque fractura: sicuti neque cum satis in capite ecchymosis cum aliquo magno symptomate, nempe sopore, stupore, delirio, desipientia &c. apparet, sed hæc fallacia sunt, nam quandoque apparent, & cranium non est fractum, in cognoscendo, an os sit fractum, integra existente cute magna sedulitas est necessaria, ideoque versatos, & optimæ notæ chirurgos fatigat. Non itaque cutem secare, & pericranium adimere congruit, nam aliàs post inconsultam laniationem os sospes cum maximo artis convicio, & ægri discrimine comperies.

Sed ad curationem noster redeat sermo, & primò, si cutis fauciata sit, & satis deſcat, & labia quantum opus, deduci possint, nulla sectione opus est; quod si non satis pateat, latius aperienda, donec rota fractura in conspectum veniat, ne inter agendum assidue vulneris labia lædantur, & tanta vulneris latitudo fieri debet, quanta requiritur. Nec terebra, vel scalpello id fiat, quia pericranium laceratum dolores, & inflammationem excitat, & malum faciliè cerebro impertitur. Pericranii sectionem tunc tentant, cum læsi cranii suspicio est, aut insignis contusio sanguinem concretum continet. Verùm temerè, & conjecturaliter, absque ulla demonstratione, & quasi cæcus cæcum ducit, procedunt, & ferè semper sine causa doloribus ægrum discruciant. Eapropter saltem in pueris non faciliè hanc sectionem probamus, quia sanguinis profusione, & dolore vires ea ætate imbelles prosteruntur, sed potius suademus, ut consentaneis topicis materia discutiatur.

Inciditur cutis trigona, vel tetragona sectione. Sectio trigona, sive triangularis est, cum ab uno puncto tres exeunt striæ. Tetragona, cum duæ scissuræ sese mutuo intersectant; ita ut ex trigona tria, ex tetragona quatuor prodeunt labia: sed hæc lex non tanquam inviolabilis veneranda est, sed chirurgi industriæ sectio committatur. Sectio semper incipienda est à parte inferiori, nam à superiori si incidatur cutis, sæpè hæmorrhagia chirurgiæ est impedimento. Incisio fiat novaculæ mucrone circa manubrium, & aciem linteo convolutæ, ut nil nisi mucro appareat, premente manu, si una cum cute inciditur pericranium, sedulus, & attentus chirurgus esse debet, ne secando, & premendo, si os fortè valde ruptum, duram lædat meningem. Sanguinis fluxui succurrunt linamenti siccis, vel

Musitani Opera Tom. II.

madidis aceto, vel posca utuntur, vel vino austero, vel linamento ex fluppa ovi albumine imbibita, & si dolor adsit, ovi albumine cum luteo simul.

Male sani chirurgi vulgares acerrimè rixantur, an vulnus in temporibus dilatandum sit? Verùm juxta nostra principia, & suprà allatas rationes, talem dilatationem respicimus etiam si ossis fractura adesset, quia incideretur musculus temporalis, quo secto, delirium, carus, & alia pessima acciderent symptomata. Item in musculo temporali venæ, arteriæ, & nervi disseminantur, quibus in dilatatione læsis hæmorrhagia, & convulsio ob magnam nervorum exinde egredientium copiam oboriretur ut Hip. cap. ult. de vuneribus inquit: *Quibus tempora secantur, convulsio in contraria parte oboritur.* Similiter maxillæ inferiori incommodum afferretur, & ejus motus inhiberetur, ob musculi temporalis læsionem, qui maxillæ motui addictus est, & auditus organo vicino detrimentum afferre posset. Et ex his accidentibus deduxit Hip. quod: *Vulnera, quæ fiunt in musculo temporali, sunt lethalia:* Si in primo vulnere lethalia pronunciavit, in secundo scilicet in dilatatione, lethalia intelligimus, principuè quia vulneri additur vulnus.

Dilatant vulgares vulnus supra futuram, sed perperam operantur, nam per futuras transit ligamentum ortum ab interna membrana, & faciliè affectio membranis communicatur.

Bardi chirurgi in frontis vulnere per transversum, si sectione opus est, dilatant, ex qua dilatatione cutis, & musculus ille, qui palpebram attollit, deorsum decedit, & oculorum cooperit, ac visionem impedit: non itaque talis dilatatio fieri debet, quod si laniationem exercere velint, saltem sectionem à parte inferiori sursum versus moliantur. Nec saltem sectionem nimis amplam faciant, sed tantam, quantam detegenda plaga requirit, aliàs ex majori cicatrice non solum deformitas exsurgeret, sed pars denudata etiam imbecilla redderetur.

Cranium variis læditur modis, quos pro curatione prosequi oportet: Si itaque capitis cuti sit vulnerata, pericranium, sectum, os contusum, vel fractum, vel aliquod ossis segmentum membranam lancinet, vel ipsum os depressum, & comprimat, sive adsit rima, vel teli sedes, vel non, si sanies defluxa, vel saltem suspicio sit, ut ad membranam defluere possit, semper primo dilatant vulnus, deinde os aperiunt, & ante ossis apertionem ipsum abradunt, sive aderit fractura, sive rima, sive teli sedes, ut qualis sit in profundo, pateat. Verùm accidit quandoque, ut fractura, seu rima in superficie externa sit valde lata, & in ima parte angustissima: quandoque, ut in parte interna sit lata, & in superficie angusta: quandoque, ut fractura sit tantum in exteriori ossis lamina, & non inferiori, & profunda, ac tunc non est aperiendum. Itaque os abradendum est ante ejus apertionem, ne chirurgi decipiantur, & æger magno vitæ discrimini submittatur. Si inter abradendum amittatur rima, abrasionem non sequuntur, sed linimentum atramento imbutum supra abrasionis locum imponunt, & sequenti die vulnus detegunt, & visam lineam abradunt, eousque apparebit rima. Si hæc ad medullam tantum devenerit, ibi desistunt: Sed si rima inferiorem penetret laminam, tunc si rima sit lata, os secant, & membranam detegunt.

Tribus de causis os aperiendum censent, prima est, quando certò sciunt ex symptomatibus, quod materia aliqua sub osse continetur: symptomata sunt delirium, inflammatio, magna membranæ pulsatio, mentis alienatio, sensuum deperditio, stupor, sopor, vel similia, quæ vel materiam saniosam infra os, vel læsam membranam indicant. Cæterum hæc symptomata aliter evenire solent, absque eo quod materia saniosa lateat, vel membrana læsa sit.

Secunda, quando ex fractura, vel rima, quæ est facta in osse, prolapsus est sanguis, vel ichor ad membranam, sed hic optimæ notæ medicamentis, ut diximus, absque ossis incisione resolvi potest.

Tertia, quando ossis fractura est capillaris, & nimis angusta, tamen fractum est ad membranam usque, & materia aliqua intus adest. Verùm lynceos non habent oculos vulgares, ut visu ad membranam usque penetrare possint.

Si igitur ossis læsio fuerit, sic ut internarum partium aliquam malè haberi existimant, putà vel vena rupta, unde sanguis sub cranio effusus; sub calvaria vagus exitum po-

Q

sulet,

stulet, vel pus, quod contingit iis, qui jam diu vulnus acceperunt, vel ossis ceterum collisione prematur, vel ab aliqua asperitate (si os fractum sit) lancinetur, ad ossis excisionem deveniunt.

Sed quando os aperite oporteat, vestigant? Communi-
nis ferè omnium *vulgarium* sententia est, quòd non aperiendum est, nisi quando ex symptomatibus constabit, quando sanies est prolapsa ad meningem, quæ symptomata erunt, cum vulneratus incipiet delirare, vel obmutescere, denigrari os, & similia: sed extra rem loquuntur, & serò sapiant *Phryges*, quia inflammationi, & aliis incommodis, antequam eveniant, occurrendum est, & postquam facta sunt, vitæ spes in angusto est, & vulneratus alterum habet pedem in cymba *Charontis*. *Paulus* inquit, quòd si hyems sit, sat est aperire os ante decimam-quartam diem; æstate verò ante septimam: Sed *Hip.* monet, ut ante quartam semper, si hyems sit, os aperiatur, vel saltem ante septimam, & ita vel in secunda, vel tertia, vel quinta, vel sexta die detegenda est membrana, in quarta autem minimè, quia dies est indicatoria. Vult autem *Hip.* ut aperiatur ante quartam, quia in quinta natura non habebit impedimentum, quò minus agat contra morbum.

Ceterùm nos officidas monemus, (hæc secundum eorum cordis duritiem, & ignorantiam, non autem secundum nostram mentem dicimus) ut os aperiant, quantò citius fieri potest; fiat itaque primo putà die, vel secundo, quo sanguis nondum coagulatus est, ut faciliùs exeat, ne vagabundus cerebrum perturbet, vel premendo obruat, vel æstuando inflammet, minusque extendendo, dolorem faciat. Verùm ubi à principio non facta fuerit, eamque subterfugere non liceat, satius namque est quoquo modo tardiùs remediis occurrere, quàm iis prætermiſſis sine spe ægrum destituere. Quare tertio, & quarto, sexto, vel decimo quarto, & reliquis diebus indiscriminari fieri potest; non enim pro hoc opere præstando criticos dies timere oportet, (ut quidam faciunt) non intelligentes artem existimantes id, quod ad unum refertur in arte medica, idem reliquis omnibus esse referendum, nulla habita distinctione, etrant tamen maximè. Observantur tamen in iis critici dies ad prognosim, non autem ad curationem, in febribus autem ad utrumque, nam in febribus purgationes, & phlebotomia, neque aliud quicquam, quod naturam ab opere divertere possit, si ad aliquid sit disposita, agere verendum est, non aliam ob causam, verùm in hoc affectu non id expectandum est: non enim natura os perforabit, vel opportunè quod pungit, semper evomere potest, egent in similibus omnino Medici auxilio. Quare quocumque die operatio hæc fieri potest, nullo discrimine habito, præter hoc, quòd quantò citius fieri, in meliùs, res succedet.

Duplicem assignant in cranio incisionem, putà abrasionem, & terebrationem. Abrasione in ossium fissuris utuntur, & tam diu abradunt, donec fissuram penitus adimant, & os albicans, & parum sanguine rubicundum evadet, sed pericranio priùs soluto, quod æquè, ac vulneris labia instrumento deraſorio tangi non possint. Terebratione in magnis, & profundis ossium contusionibus, & fracturis utuntur.

Perforationis modus talis est: Deraſis capillis, cutis in crucis formam ad pericranium usque est incidenda, vitatis musculis temporalibus, & sututis: & pro hac vice vulnus ligandum, nisi sanguinis effusio, quæ chirurgum aliquando diem unum, atque alterum detinet, tam pauca esset, ut simul etiam pericranium à subjecto cranio deduci posset. Post aliquot horas (cranio jam denu-
dato membranis) obturentur ægri aures, ne strepitum, & stridorem tam in abrasione, quàm in terebratione sentiat, qui fit, dum operatio peragitur, & vulneris labia, ne areſcant, & humores in ipsis recrudescant, madesant oleo rosaceo, desuper imposito linteolo, vulnerati caput supposito cervicali firmo imponitur, & à ministro valido firmiter tenetur. Interim modiolum musculum dictum sumito, cujus cuspis firmiter in cranio collocandus est. Tum modiolum manu sinistra fortiter teneto, eum dextra circumducendo, donec circulo mediocriter fundum incideris: postea musculus quiescat, & fœmina laborem suscipiat, eandem circumrotando, ut antea: interim scobem auferto; & modioli ferramentum in oleum rosaceum intingito, ut magis lubricus circum-

agi possit, & subinde in aquam rosaceam, ne nimium calorem ob continuam circumductionem concipiat. Sanguine jam reperio, signum est te ad secundam tabulam penetrasse, & tum lenius premendum, ne fortè modiolus incautè in meninges se demergat, & ab ipso lædatur, undè sæpiſſimè subita mors sequitur; dura namque mater internè cranium investit, ut pericranium externè: sed tam firmiter non adhæret, quin casu, vel ictu facillimè à cranio separari possit. Ubi ossiculum vacillare incipit, victem inter crepedines inferito, easque prorsus dissolvito, & illud volsella eximito. Si post terebrationem quoddam ossis frustulum, siue aliqua eminentia cranio adhuc adhæreat, qua meninges pungi, & lædi possent, illud lenticulari auferto: & ut deinde sanguis concretus, vel sanies exire possint, dura mater instrumento descussorio est premenda. Præterea non peccabis, si ægrum, mente adhuc sana, naribus, & ore clausis spiritum continere jubeas, quò cerebrum versus cranium urgetur, & sanguis concretus, siue corruptus sua sponte per aperturam ejicitur. Sed ægri non tam accuratè hoc peragunt, quin supra dicto descussorio, spongiis, & aliis indigeant. Instrumenta, ut *Nesfula*, *Trapanum*, *Roina*, *Terebellum*, & cætera apud *Joannem Andream à Cruce*, *Ambrosium Paræum*, & alios configurata conspiciuntur. Sed hic non reperitur inter *vulgares* chirurgus, qui hanc carnificinam peragere possit, sunt enim omnes tonsores, qui nuper clysteres injiciebant, barbam tondebant, & phlebotomabant, & nunc protinus chirurgi evaserunt *Neapoli*, in *Nosocomiis*, & *Monasteriis*, est nunc ars tonsoria veluti gradus ad chirurgiam, & qui chirurgus esse vult, fiat primò tonsor.

Superficialiter, quomodò ab officiis vulgaribus humana peragitur carnificina, delineavimus, sed non sine maximo animi cruciatu humanitatis vices indoluimus, & lacrymarum imbrem vix repressimus, quibus iratum æstum temperavimus. Inhumanum hominum genus, spurca hominum progenies, versui impostores, impii lictores, carnifices crudeles, urbani sicarii, publici grassatores, domestici prædones, & homicidæ impunes sunt isti maledicti chirurgi, sunt viles Medici, sed viliores chirurgi, quia ex omni nequitiarum, & imperitiarum genere ad chirurgiam, & medicinam, tanquam ad asylum, isti cerdones conflunt, & ut decenter vitam trahant, urinam, merdam, sputa, menstrua, sanguinem, sudores, sanies, vomitus tractare non verecundantur, & ex artibus præscripto omnia hominum excrementa inspiciunt, quæ sunt res sordidissimæ, fœculentissimæ, & putidissimæ. Quin etiam & ipsam merdam (honus sit auribus) gustare, quod quidem aliquando *Hippocratem* fecisse non piguit, ut inde morbi naturam persentisceret, unde ab *Aristophane in Pluto* dictus est *Merdivorus* i. merdam comedens. Et *Aristotelem* semen quoque humanum gustasse legimus, non alia ex causa, quam seminis naturam ex gustu deprehenderet. Medici, non secus ac vultures cadavera, excrementa lucrantur humana. Non hæc convicia in cordatos Medicos congerimus, sed in illos homines, qui nullius numeri, vel intellectus existunt, & se medicinæ intrudere, propter quos nunc nulla gens Medicis contemptior, excepto monachio, existit, & medicina meretrix facta est, & paulo plus duobus assibus unicuique subijci compellitur, quia præ nimia socordia vix se aliàs pascere potest. Sunt hujusmodi homines qui ad medicinam se intruderunt, bajuli, anteambulones, aurigæ, veteramentarii, milites, Cingari, presbyteri, satellites, carnifices, vetulæ, sagæ, leones, meretrices, & monachi. Non computamus obstetrices, pharmacopolas, alchemistas, destillatores, balneatores, tonsores, dentifrangibulos, histriones, veterinarios, & xenodochios, qui in medentum albo nondum notatos se esse dicunt, verùm in magno honore apud omnes habentur, & in consultationibus medicis exquiruntur, & assident inter nostros *Galenistas*, consulunt, & suum interponunt consilium, propter quos medicina facta est fabula vulgi.

Hac occasione in maximum devenit medicina contemptum, in quo nunquam fuit, nec olim omnibus indifferenter, nisi cordatis medicinam faciendi dabatur potestas, & in tanto fuit cultu, in quo nunquam erit, ut ex fœtis literis habetur: *Nolite me constituere Regem, quia ego non sum medicus*; at nunc indiscriminatum, & non sine summa sacre artis ignominia, multorum ægrotantium damno,

damno, & interitu, præmissa licentia, quæ vix paucis solidis comparatur, vilium hominum farrago non tam temerè, quàm insolenter in sacram messem falcem immittit. Eapropter cordatorum Medicorum genus hoc videtur, queritur, & cum medicina lugente exclamare impellitur: *Domus mea, domus medicationis est, vos autem fecistis illam speluncam latronum*. Insuper ex alio capite stupemus, quòd quidam novelli Medici, imberbes, & veluti tot *Ganymedes*, qui vix medicinam à primo limine salutarunt, heri, & hodiè ægrotantes visitant, & de suis experimentis, & arcanis gloriuntur, quæ res, sicut admittatione, ita cachinno digna est, & in eorum intellectus imbecillitate maxima temeritatem cum fastu glutinatam non admirari non possumus.

Hi viles, & probrosi, qui nunc medicinam faciunt, fortunas, hominumque vitam negotiantur, & impune ludunt de corio humano, & eorum studium totum versatur in cogenda magis pecunia, quàm in mortalium incolumitate, & solummodò emungendis ægrorum crumenis, non morbis depellendis intenti sunt, & ille est peritus medicus, qui hac impostura dirissimus evasit. Nec de hoc magis dolendum putamus, quia tolerabiliter est secundum temporum conditionem, sed quòd magis refert, impostura, rapina, tot clades, hominum cædes, & homicidia in Republica quotidie plangoribus, gemitibus, lacrymis, & terrificis ululatibus æthera complent. Extrema pauperie familias onerant, incolumitatem depravant, floridam juventam morti tradunt, viro uxores viduant, & parentes filiis orbanr, & tamen medicinam faciunt! Confodiunt, excarnificant, mutilant, mortificant, enecant, & re quasi optimè gesta, & quasi amplius nullus superfit magistratus, qui tantam malitiam, fraude, scelera, & homicidia severè vendicare velit, aut possit! Principes hoc intelligunt, vident, sinunt, nec ipsis etiam prospiciunt, & tamen *Hadrianus Imperator* moriens, illud vulgatum dixit: *Turba medicorum, Casarem perdidit*.

Olim Medici æquiparabantur servis & in numero servorum erant, ut patet in *L. Thais §. Lucius ff. Fideicommiss. lib. 1. alimenta §. 1. de alim. & cibis legat.* & alibi, ut pluribus exemplis ostendit *Tiraquellus de Nobilit. capit. 31. numer. 410.* Occidens Medicum non tenetur, nisi ad sexaginta solidos, ut probat *Textus in leg. 3. verb. Medicis, & verb. Notariis C. comm. de legatis*, cujus verba sunt: *Exceptis Notariis, & Medicis utriusque sexus, cum Notarios quinquaginta solidos estimari velimus, Medicos autem, & obstetrices sexaginta.* Verùm hoc tantum intelligitur de Medicis *Galenistis*, qui tunc temporis aderant. Hocque notatum reliquit *Caravita in Ritu M. C. V. Neap. 267. in fine Antonius Gomesius, Doctor textualis in l. 5. Tauricol. penult. vers. & intantum. Thomas Aetius, de infirmitate part. 1. numer. 5. capit. 5.* Quod etiam notavit *Amendola in decis. 4. Sacri Consilii Neap. numer. 10. Præsid. Vincent. de Franchis*, licet ipse *Amendola* dicat, id non firmare, quia erat vivens *Xenodochium*, & quotidie Medicorum opera indigebat, & tandem ischuria correptus, à *Medicis Galenistis* extinctus cecidit, & in Medicos invehens exspiravit, & nos testes oculati fuimus, quòd si divinaflet, non utique ita dixisset. Aliud tenuit *Caravita in tract. de Medico, & Tiraquellus in tract. de Nobilitate* alia adducit, & hanc opinionem sequitur *Zannettini ad dictam decis. num. 6.* Item idem *Amendola loc. cit. docet, medicos æquiparari obstetricibus, barbitonsoribus, & Maniscalchis, quæ sunt personæ viles, & non esse majoris valoris, quam obstetrices probavit Barbatia ex gloss. in verb. nec. medico in c. non sanè (quod est) cap. final. 14. quest. 5. & l. si duobus §. an autem artifices C. com. de legat. apud Bartholomeum Cassanum in Catalog. glor. Mundi part. 10. confid. 25. vers. 8. dicit. Unda Medici ejiciuntur à munere procurationis l. placet 17. ubi gloss. & l. Parabolani 18. C. de epis. & cleric. ubi vocantur etiam Parabolani, & circulatores l. si duos 6. §. 1. ff. excusat. tutorum. Magister Galenus vulgarium antesignanus Romæ, latèque circulatorem egit: vendebat enim pilulas de tribus, & publicè Theriacam conficiebat, vendebatque.*

Sed ad cranii perforationem redeamus: Est hæc operatio anceps, & periculosum remedium, sæpiusque comitem sibi adsciscit mortem, vel saltim hæc chirurgia non absque gravi vitæ periculo exercetur: lethali ter ita-

que perniciofa est, & perpetuò lethalia infert symptomata, ut inflammationem, cerebri concussionem, & cœtera, quæ omnia mortem intentant, sæpiusque in ipsa chirurgia sub scelerata carnificis dextra ac tutum, vel paulopost cadit patiens, & quem non peremir vulnerans, chirurgus obtruncat. Unde versipelles chirurgi, ne forte si patiens occubiturus sit, & funus ipsis adscribatur, coram adstantibus semper se de periculo protestant, & funesta, ac certa se muniunt prognosi, & ex centenis quibusque vulneratis qui huic laniens se submittunt, omnes ferè moriuntur, & vix unus, quem æquus amavit *Jupiter*, evadit, vel quia temerarium chirurgi delictum tegere vult, ut non raro solet. In desperatis casibus, ubi nulla salutis spes superest, vel in multis aliis morbis, à quibus sese extricare non possunt, ne ægrum medicaminum ope destituant, quia incertam morbi notionem possident, ad dubium confugiunt remedium potiùs, quàm ad nullum, ne incertam patefaciant, triviale illud *Celsi* præceptum repetunt: *Anceps præstat, quàm planè nullum experiri remedium*. Antea quidem sententia, sed humano generi per duellis, & funesta, quæ vivos per summa pericula exercet, semivivos perdit, & in mortuos sævit. Fuit *Celsus* rudinum vulgarium patronus, & humanæ cladis auctor: Reipsa *Cornelius Celsus* variæ eruditionis vir fuit, & nullum penè disciplinæ genus intactum reliquit, Rhetoricam diligentius explicavit, de re militari diligentissimè scripsit, ex quibus ad nostra tempora nihil pervenit, præter octo elegantissimos de re medica libros, qui Medicorum manibus tenebantur, sed nunquam medicinam fecit, aliud est medicinam dictare, aliud illam exercere; praxis namque à theoria longè abest. Si igitur *Celsus* nihil in praxi medica versatus fuit, falsum, & maximè ægrotis præjudiciale præceptum arbitramur: *Anceps præstat, quàm planè nullum experiri remedium*. Consultius, & optimè scripsisset: *Nullum plane præstat, quin anceps experiri remedium*; ubi enim morbi natura exactè non percipitur, incognita est, & nulla notio habetur, tunc nulla adhibenda sunt remedia, vel saltem quæ nullatenus nocere possunt, magnis interim vitatis præsidiiis, non verò ambigua, quæ absque indicatione ad ignotam morbi essentiam collimare non valent, & potiùs lædere, quàm juvare possunt; Unde *Hip.* ait: *In morbis, in hoc te exerceto, ut ni prosis, saltem non noceas.* Et de victus ratione: *Inconstantes febres donec consistant, sinere oportet.* Et *Avicen.* 1. quart. capit. 1. scripsit: *Ignoras, quenam sit ægritudo? Relinque eum naturæ, quoniam aut natura superabit ægritudinem, aut ipsam manifestabit.* Et ita pariter observavit *Gal.* ut ipse ait 2. de loc. aff. 5. Præterea natura est morborum medicatrix, nec morbi tempore otiosa est, nec ejusdem ministeria silent, & morborum solutiones molitur, nullis certis, sive dubiis adhibitis inedicamentis. Hoc *Celsi* præceptum facilius est dictu, quàm exercitu, & non sine medentis infamia, & ægri perniciæ experiri potest: è foro itaque medico, tanquàm perniciosum proscribendum est, quia ut inquit *Hip.* *Experimentum periculosum.*

Hæc maledicta cranii perforatio vulneratorum myriades *Teutata* immolavit, non exiguos implevit scarphagos, & innumeras defunctorum animas ad Charontis Cymbam adegit, quàm à Belzebug dæmoniorum principe, & humani generis hoste, nactam fuisse, & nefariis consignatam chirurgis credimus. Omnis cranii fractura non est terebranda: ubi namque cranii fissura ampla, & dehiscens apparet, atque materia purulenta in qualitate requisita effluit, vel syphone exfugi potest, apertione non est opus. *Sedes* apertione non eget; aperta namque est, & ex apertione materia effluere potest. Parva confusio non semper tam gravia secum fert accidentia, quin trepanum multò graviora moliri possit; sanguis enim profusus quandòque tam exiguus est, & patiens tam validus, ut natura eum sua sponte perire faciat, si ejus calor externo frigore non enervetur, quo in casu trepanum fermè id efficeret estò maximam adhibueris solertiam. Si cranium depressum sit, terebratione non opus est, sed ut ad suum naturalem reducatur situm, sufficit; pro cuius reductione vulgares cucurbitulam applicant loco depresso cum magna flamma, & scarificatione qua frequenter adhibita os depressum attolli ferunt. Verùm nos nullatenus credere possumus cucurbitulam os depressum attollere posse, et-

iam si centies cucurbitulam adhibeant, inflammationem ramen ex hoc remedii genere pluries nos observavimus. Item os depressum foru emollienti pluries ad elevationem imbuunt, sed frustra; os enim nunquam emolliiri potest, ut ad suum redeat locum.

Sed si aliter cranii fractura contingat, ita ut ipsum cranium in minimas particulas sit fractum, vel compressum, vel contusum in superficie, vel ad utramque laminam usque, vel os frontis, occipitis, parietale, atque petrosum, sive in planitie, vel futura; vel sit rima recta, vel curva, lata, vel angusta, longa, vel brevis in uno osse, vel ab uno ad aliud per futuram transeat, vel fiat in una, vel utraque lamella, sive manifesta, sive inconspicua; sive sedes teli sit in cranio soluto secundum longitudinem, latitudinem, profunditatem; sive os in ipsius natura maneat, vel succisum, ut adhuc hæreat aliqua parte sano, vel totaliter recisum, vel quomodocumque & in quacumque ejus parte continuum sit solutum, numquam curatio per trepanationem institui debet.

Primò, quia tali modo capitis vulnera curantes, chronicum reddunt morbum, censum constituunt quotidianum, pharmacando, sanguinando, extenuantem præscribendo dietam, cutem secando, ossa abradendo, & perforando, quibus cladibus vulneratos inaniter torquent, quos tandem in lethi confinia alliciunt cum totali æris, & vitæ jactura. Horum vulnerum curatio per pauciora patrari potest, per ea medicamenta, quæ sanguinem stagnantem resolvunt, saniem generari non sinunt, vel generatam dissipant, & ossa dirimunt, vel per quoddam naturæ gluten combinant: incassum itaque per plura sit supplicia. *Hip.* præceptum est, ut *blandè capitis vulnera tractentur*, & chirurgi debent esse pii, & non impii, & barbari, qui ægrum torqueant, dilanient, excarnificent, & confodiant, non hæc quidem erit Medicina, sed carnificina, ubi enim omnia blandè tractari possunt, impium est aliter tractare. Si inevitabile mortis piaculum adsit, piaculum est ægrum à morbo extinguere, quàm à chirurgo, ille enim comiter, hic verò inimitiùs agit. Pium itaque est ægrum mori sinere, ubi nulla salutis spes affulget, quàm pro à faucibus oris cum eximendo, mortem accelerare, & in semivivum sævire: at si aliqua vitam tutandi spes relucet, impium est pietatis officium in ægrum exercere, ut si æger sphaelatum haberet pedem ex. c. pedem ad vivam usque carnem non secare non est pias, sed impietas. Verùm in cranio terebrando, nullam habet certitudinem, sed conjecturis divinando procedunt, & perpetuò ægrum in mortis discrimen conjiciunt. Quandoque propter crassæ Minervæ chirurgorum causam ars infamatur, & doctorum rudiumque studia miscentur in unum, estò versipelles vulgares certo mortis prognostico se muniant; si enim certum est mortis periculum, ad quid in morientem sævire absque ulla salutis spe? *Contra*, namque *spicula mortis non nascitur medicamen in hortis, vulgo fertur*.

Secundò, cranium secant in capitis vulneribus ob sanguinem subter effusum, vel exindè in saniem degeneratum. Cæterum nunquam sanguis in duræ meningis parte superiori effunditur, quia ibi nullum vas sanguiferum adest, benè quidem in duræ meningis parte inferiore, multa sunt conceptacula sanguifera, & hæc rumpi possunt, & sanguinem effundere supra piam matrem, & hæc est ratio, cur cranium perforantes, nihil inveniunt, unde alibi vulneris mineram latere credunt. Sanguis supra duram matrem stagnare non potest, quia facile ad os petrosum labitur, & per aures eliminatur. Insuper sanguinem à pia matre effusum cranii perforatione, quomodo extrahunt? Præterea vulgarium ratio est infirma, nam in aliis ossium fracturis hanc non exercent feritatem, tantum in miserum caput spicula dirigunt. Fractæ costæ cutem, carnem, & os non detegunt, & hæc fractura propter saniem empyema inducere posset. Si maxillæ inferioris, humeri, femoris, tibiæ, & cætera ossa durissima (præter capitis ossa, quæ non ita dura sunt) frangantur, findantur, perforentur, vel comminuantur, chirurgorum nullus est, qui carnem secat, & ossa detegit, ad sanguinem, vel saniem eliminandam, quia, estò sanguis in illis partibus effundatur, vel sanies generatur, à calore absorbitur, & resolvitur. Imò ossa fracta mediante callo coalescunt, & sensim adèd callosus induratur, ut ossescat, ac si verum foret os. Et cal-

lus id, quod ossa ligat, & hoc est ossium nutrimentum, quod ex ossium nutritione redundat, istud expressum ex ossis fracti partibus ossium labiis inhæret, & sensim; ac sensim concrevit, & in osseam mutatur substantiam, quod os ambiens, & amplexans, ligat, si fractura adest; si rima, eam obliterat; si deperditum, illud reparat, & supplet. Si ergò in aliorum ossium fracturis trepanatio nullatenus fir, nec in cranio celebranda erit, & utrorumque eadem erit sanatio; cum una, & eadem sit ossium natura in toto corpore, & iisdem natura operatur mediis, aliàs cranio foret incuria, & veluti injusta noverca, aliis verò ossibus pia mater. Verùm ut in aliis ossibus, ita etiam in cranio natura callum obducere solet.

Pro sanguine sub cranio effuso, & grumato, vel lymphæ, aut nutrimento aliter degenerato, non desunt nobis medicamenta (ut in nostra curatione dicimus) tam interna quàm externa tanta subtilitate, volatilitate, & penetrandi energia prædita, quæ coagulata dissolvunt, attenuant, & ita in fluiditatem redigunt, ut intra conceptacula resorbeantur, quòd si ad resorptionem inepta sint, per reclusos poros eliminantur, & hac de causa tot futuris cranium natura cumulavit, quas in toto ossium genere anatomicus culter non detexit. Nec tot patulos meatus in toto corpore natura construxit, quot in capite, ut aures, oculos, nares, & os observamus, ut inde exoticum, & infestum deturbet. Si aliquod fracti ossis frustulum membranam pungat, vel ossicula sit soluta, & secreta, sedula natura tutiùs, minori negotio, quæ nunquam pro hominis salute otiaur, & nunquam deficit in necessariis, à medicamentis adjuta, vel foras evomit per vias sibi notas, etiam si aliquo modo adhuc fixa sint, lentè adigit, & resistit symptomatibus, quæ violentas membranarum extensiones, & lacerationes, ut pluries observavimus, vel ea suo glutine scilicet median- te por copulat.

Ablato osse, & detecta membrana, ut jam sanguini stagnanti, vel saniei detur exitus, de medicamentis idoneis tractandum est, quæ duræ membranæ denudatæ applicanda sunt, de quibus non una est *vulgarium Medicorum* cum antiquorum, rum recentium mens; quidam enim vehementer exsiccantia, alii humectantia, quæ hodiè digestiva vocantur imponenda esse volunt, sed non querunt, an calida, vel frigida applicanda sint, & unaquaque sententia suos habet fautores. *Hip. lib. de Vulneribus capitis* imponi præcipit medicamentum, quod strenuè siccet, & detergat, quia inquit: *Oportet prohibere generationem saniei, & detergere membranam, ne putrefiat, hebesque fiat, nam esset periculum de vita*. Ejusdemque opinamenti est *Celsus*, & *Hippocratis* mentem explicans inquit, quòd statim detecta membrana, oportet accipere spongiam aceto madidam, & ipsam detergere; quò fiet, ut si sanguis fluere, sistatur, si aderunt sanguinis grumi, removebuntur; deinde applicandum juber *Emplastrum viride cephalicum*, vel *Emplastrum Philote* vocatum, vel *Emplastrum Judei*. Insuper mandat, ut aliquod ex dictis emplastris in aceto dissolvatur, & madidis linamentis membranæ imponatur; postmodum lanam succidam aceto imbutam supra linamenta imponamus: nam lanæ ratione, si dolor aliquis aderit, sedabitur, & ratione aceti repellatur materia, ne fiat inflammatio: ita vult, procedamus ad carnis usque generationem.

Optima quidem sunt medicamina à *Celfo* præscripta, denudatæ meningi applicanda, sed nostris hisce temporibus à recentiorum aula recesserunt, & alia potiora è penu chymico deprompta fuere, prisca, & barbarica medicamenta vulgariis usurpanda relinquinus, quia ipsi barbari, quæ nec rusticus, nec equus, nec rudis asellus capite percussus constanter toleraret: acetum namque sanguinem coagulat, & ejus aciditas sanguini communicata pus generat, vel nunquam acida sine noxa in venas transeunt, & acore suo sub cranio membranas vellicat, lancinat, contrahit, convellit, unde dolorem, convulsionem, epilepsiam, aliaque prava excitat symptomata, quia cerebro, & partibus nervosis, sicut omnia acida, inimicum est, & præsertim membranosis, quæ exquisito gaudent sensu, nec est acetum, quod vermiculis non scateat, Microscopii ope detegendis, & tandem acetum non tantum exsiccat, quin potiùs humectet. Et lana succida non tantum abest, ut asperitate sua dolorem leniat, quin exciter, &

exasperet ob fermentalem motum, quem particulis inducit. Nec aceti ratione materia repellatur, quin graviora superveniant accidentia.

Qui humectantibus, & lenientibus utuntur, oleum rosaceum efferunt, & hujus opinionis fuit, *Gal. Aetius, Paulus Aegineta*, & alii hujus farinae auctores. De oleo rosaceo refert *Galenus*, quod quandò *Romam* profectus est, ubi repetit omnes illos Medicos oleo rosaceo utentes, vel sanguine columbino, quæ calida supra membranam instillabant, & sexcentos eorum, quibus *Romæ* perforata fuerint capitis ossa, nec quidquam ab usu rosacei citra columbæ sanguinem offensos: statuitque nihil melius inveniri posse, quam ut osse perforato, optimo *rosaceo simplici*, tum *rosaceo omphacino*, tum *digestivo* utuntur medicamentis, nec dari dicunt præstantius medicamentum, quod ita nobis similis temperaturæ naturalem, & innatum calorem foveat, & corroboret, fluxiones inhibeat, intemperiem removeat, causis dolorum efficientibus resistat: ac proinde cum præcipua Medici cura sit inflammationem prohibere, & cum nihil magis ad excitandam inflammationem faciat, quam dolor, medicamenta dolorem sedantia semper necessaria sunt, cujusmodi est oleum rosaceum, quod dolorem sedat, & inflammationem impedit: potiora igitur censent lenientia, & humectantia, siccis namque medicamentis vulnus inrudesceret, & non parùm molestiæ exhiberet.

Præstans reverà est medicamentum apud *vulgares* oleum rosaceum, imò est veluti familiarissimum in chirurgia balsamum, & ex vulgatum præscripto in omnibus domibus sit, & ad necessarios usus religiosissimè asservatur; hoc namque humectat, refrigerat, inflammationes inhibet, easque extinguit, fluxiones repellit, affectas roborat partes, tumores resolvit, modicè constringit, dolores demulcet, & vulneribus medetur.

Verumenimverò non tot sunt medicamentosæ dotes in hoc oleo, quod ex communi sit rosarum infusione, & expressione, quin tot maleficæ experiantur, & plures; prima namque fronte in ore quandam repræsentat dulcedinem, nihilominus tamen satis acre acidum in recessu habet, ita temperatum quidem à pinguedine, qua istius acidi acrimonia palliatur, ut gustu se non patefaciat; nec tamen sub agnina pelle diù delitescere potest, quin voracem lupum non se prodar: omnia metalla, excepto solo auro, corrodit. Siquis argentum, ferrum, vel cuprum, vel aliud quodpiam metallum in oleum immittat, videbit illi adhærentem rubiginem, quæ rubigo non est, sed metalli crocus ab olei acido corrodebat. Hinc maximopere delinquant, qui gladios, aut alia instrumenta ex metallo quodam facta inungunt oleo communi, quippe quod magis, præter hoc quod lubricat, rubiginis auctor est, quam quod eandem arcere valeat. Potius inungendi sunt animalium fevo, sive sit commune, sive hircinum, quod præ cæteris ratione salis volatilis arcendi rubiginem vim habet. Quod dicitur de oleo communi, idem de omnibus aliis oleis intelligendum est. Præterea talia olea, quia acidum in se habent copiosum, hostilia sunt omnibus vulneribus, & ulceribus, & exinde telephia, chronica, & difficillima curatu fiunt, ob putredinem à copioso acido excitatam. Hanc olei aciditatem quisque in seipso experiri potest, si scilicet gutta una in oculum incidat, quæ magis mordebit subtilissimam oculi tunicam, quam gutta succi limonis, vel citri. His habitis, non immeritò quoniam in se habet acidum oleum, contrarium, & inimicum vulneribus, quæritur primò, unde sit, quòd balsama, & unguenta vulneraria ingrediatur? Secundò, unde oleum hoc humorum acrimoniam temperet? Rationem suppeditat *Tachenius in Hippocrate chymico*: quoniam, quando sentit ignem, sit, ut exhalet subtilior acida pars, & relinquatur oleum alkalizatum, contrarium omni acido. Unde potius spissum acido vacuum impatiens novo acido rursus saturari desiderat: illudque dum in membro dolente applicatur, quia totum alkalizatum, acidum, quod reperit absorbet, corrigit, extrahit, & in se recipit, & dolor inde cessat, aut saltem mitigatur.

Sunt qui utramque curandi rationem probant, & parum referre putant, utram sequantur. Verùm hæc medicamentorum genera non ita indiscriminatim usurpanda sunt, cum multum inter se exsiccantia, & humectantia differant, & contrarios pariant effectus; ideoque in

Musitani Opera Tom. II.

hac re & vulneris, & corporis, & regionis conditio consideranda est.

Alii altioris indaginis chirurgi non indiscriminatim his utuntur medicamentis, sed inter utramque curandi rationem volant: à prima namque die detectæ membranæ *oleum rosaceum cum filamentis* infundunt ad vulneris usque repletionem. Secunda die idem faciunt, sed exterius circumcirca vulnus imponunt *Hip. emplastrum ex farina hordei, oleo rosaceo, & posca*. Tertia die *oleo rosaceo syr. rosacci* portionem admiscunt ad deterfionem; tali namque die in vulnere pus generari solet. Quarta transacta, ad majorem puris deterfionem in unum miscunt *oleum rosaceum*, & usque ad septimanam ita procedunt, qua transacta, & amota omni inflammationis suspitione, ad medicamenta exsiccantia confugiunt, quibus membranæ, & ossis temperiei succurrunt.

Multa, & alia medicamenta tum humectantia, tum exsiccantia hisce vulneribus adhibent vulgares, in quorum gratiam describere pro eorum tyronibus saluberrimum erit; hæc sunt unguenta, emplastra, pulveres &c.

Conciliator celebre unguentum *cephalicum* describit, quod ita paratur:

℞ Gummi elemi ℥. iij. resina puriss. ℥. iv. cera ℥. vj. ol. ros. ac. ℥. iij. ℞ ammoniaci ℥. ij. terebinthin. ℥. iij. m. f. Unguentum.

Vel aliud brevius ejusdem *Conciliatoris*, ut

℞ Gummi elemi ℥. iij. opoponacis ℥. ij. Bdellii ℥. ℞ resina pini ℥. j. cera q. s. f. ung.

Maximè commendant *empl. de Betonica*, cujus compositionem, & parandi formulam tradidimus. Item *emplastrum Cephalicum Basilicum*, quod ita parant:

℞ Herbar. virid. betonica, plantaginis, matris sylva, pimpinella, roris marini ana m. ℞. Contusa macerentur per diem in olei rosacei ℥. iij. mastich. ℥. j. pingued. recent. vitulina, porcina ana ℥. ij. deinde adde vini ℥. vj. Coquantur ad vini consumptionem, & colentur. Postea adde mastiches gummi elemi, resina pini, lithargyr. ana ℥. ℞. Rursus coquantur, donec subnigrum acquirant colorem semper agitando, tandemque addantur terebinth. claræ ℥. ij. cera q. s. f. empl.

Qui plura unguenta, & emplastra desiderat, videat apud *Andream à Cruce lib. 1. de Vuln. tract. 1. cap. 16.*

Pulveres parant ex herbis cephalicis, & vulnerariis, qui aliquam siccandi vim habent, ratione propriæ naturæ, & membranæ, & os in propria temperie conservant, quorum estò variæ sint formulæ, brevitatibus causa hanc tantum apponimus, ut

℞ Iridis, manna thuris, aristoloch. long. & rotundæ, radicis panacis ana ℥. ij. f. omnium pulv. subtiliss.

Hoc vel alio pulvere totam membranam cooperiunt, & desuper filacia ponunt cum *emplastri de betonica* vel *de diapalma* superpositione.

Facienda est membranæ compressio, quam hæc, vel alia medicamenta inducere possunt, præcipuè quandò magna membranæ quantitas detecta est, & ut hoc vitent incommodum, quidam cucurbitæ exsiccata frustum supra detectam membranam ita adaptant, ut à lateribus ossi adhærear, & in medio sui sit rotum foraminosum, & foramen, sit æquale foramini ossis, & membranæ detectæ, & ita per cucurbitæ foramea medicamentum infundunt. Verùm hoc cucurbitæ frustum nullatenus intra vulnus incarnari, nec cicatrice obduci potest, quia extraneum est, & nisi è vulnere eximatur, vulnus sanari posse impossibile est, quia canaliculorum unionem impedit, & dato per impossibile, quod intra vulnus incarnetur, facile putrescere potest, & ægrum in vitæ discrimen conjicere, & quem vulnus non peremit, cucurbita obtruncat. Ab isto cucurbitæ rumore ortum habuit vulgaris illa opinio, quòd qui loco ossis in capite habet cucurbitæ frustum, tale caput cucurbitinum appellant. Alii vulgares consultius operantur, & cucurbitæ loco subtilissimam ex auro, vel saltem ex argento laminam adhibent, sed ex auro meliorem censent, quæ lamina etiam perforata esse debet, ut medicamenta ad membranam perungere possint, & sanies extrahi, & ossis lateribus incumbere debet, & reverà hujusmodi laminam necessariam dijudicant, ubi magna membranæ quantitas detecta est. Cæterum nec per hoc quod lamina sit ex auro, non erit vulnere extranea, & canaliculorum communionem non inhibebit. Sunt extranea in vulneribus physicum impedimentum, quo intercedente,

vulneris coitionem succedere per medicamenta sarcoica possibile non est. Aliqui chirurgi, quia bardi, & vix chirurgiam à primo limine salutarunt, facile credunt, quod audiunt, vel exequuntur, quod legunt, si quandoque legere sciunt, & quia eorum iudicium est limitatum, nimis creduli sunt, nec scrutantur, an extranea intra vulnus incarnari possint: audiunt quoque glandes plumbeas intra vulnus incarnatas fuisse, & eò magis in extraneorum incarnatione pervicaces redduntur, sed nesciunt has glandes naturam temporis curriculo ad corporis periferiam detrudere, & extra corpus eliminare; ac proinde firmissimè credunt, capur fieri posse cucurbitinum. Imò apud stolidum vulgus se frusti cranii defectus cucurbita refecisse pejerant, & domi retinere ossium à cranio exemptorum cœmeterium inaniter gloriantur. Alii chirurgi sciunt extranea tam intra vulnera, quam ulcera incarnari non posse, nec per hoc illa intrudere non se continent, ut sanationes protrahant, ægri crumenas digerant, & laetè vivant.

Si meninx corrumpi, vel purulenta evadere incipiat, illam detergunt *melle rosaceo, vel melle cum farina hordei, & succo apii*. Si verò tanta sit corruptionis vis, nec his facile cedat, utuntur *unguento Aegyptiaco cum aqua plantaginis*. Si dolor urgeat, *oleum rosaceum cum vino* miscent, & imponunt, vel idem efficit *oleum rosarum, & sanguis columbinus recens*.

Si pia mater simul læsa est, tunc per istam tenuissimam tunicam etiam cerebri substantia convulneratur, & iisdem remediis pro dura matre utuntur in pia, sed tunc nulla oleosa, vel pingua adhiberi debent, quia in cerebri substantia corruptionem excitatura essent, sed solummodo *mel rosaceum, ac syrupum rosarum* in usu habent cum *unguenti vel emplastri cephalici* superpositione. Ineptè credunt vulgares, si plenilunii tempore cerebro vulnus inflatum sit, signum esse lethale; tùm enim cerebrum ostrearum more, & totum suum vas opplet, an non ita in novilunio, quia tunc sedit, contrahitur.

Verùm nos hanc vulgariū pilulam minimè deglutire possumus, est nimis crassa; multa namque in rerum natura lunaticè explicant, & ad lunæ quadraturam referunt; sic menstruales purgationes in junioribus Lunæ crescenti, in adultioribus decrescenti tribuunt. Sic à novilunio ad plenilunium Lunam nimias commotiones in corporibus humidis inducere. Ita enim in aere pluvias, vel ventos, in mare tempestates excitare dicunt, & in echinis, cancris, aliisque testaceis, & crustaceis quoddam humiditatis augmentum (Luna namque præsidet aquis,) sicut & in plantis in plenilunio, quod in lunæ diminutione non observatur. Imò etiam in animalium corporibus, & præsertim humanis videmus his temporibus excitare catarrhos, & generaliter humidorum excrementorum exuberantiam, ac noctu somnum demere; & quod mirum est luna crescente, cerebrum in cranio, & medullas in ossibus crescere, decresciente verò luna, cerebrum, & medullas decrescere.

Optima quidem sententia, sed rationes insulsæ, & experientia ineptæ, quæ ingenuam non pacant mentem. *Magister Aristoteles, & Dominus Galenus* stultè periodi menstrualis causam à luna mendicarunt, quasi luna aquis, corporibus humidis, præcipuèque fœmineo sexui præfset. Ista periodica sanguinis expurgatio non ad lunam, sed ad internam uteri monarchiam pertinet, ut fusiùs de morbis muliebris sanguis à recrementis expiari debet intercapedine, qua Luna per Zodiacum singulos metitur cursus. Luna non aggregat, vel hunc sanguinem extrudit menstruum, estò uteri cum Lunæ aspectibus coincidat, nam coincidere utrique termino est per accidens. Si istam mulierum expurgationem Luna causaret, saltem omnes juniores, Luna crescente, & adultiores, Luna senescente, fere omnes menstruant, ac Luna silente, menstrua feriant, quod falsum ostenditur.

Anovilunii aspectibus ad plenilunium usque in corporibus humidis nimias induci commotiones, ut in aere pluvias, vel ventos; in mare tempestates; in corporibus humanis catarrhos, & humidorum excrementorum congeriem excitari ipsa autopsia falsitate convincit, cùm non tamen in his aspectibus, quàm in aliis contingant.

Ad id, quod dicunt echinos, canctos, astacos, cæteraque crustacea, & testacea esse plena, Luna crescente, & decresciente, esse vacua, respondemus hoc esse maximum præiudicium à vulgo introductum; nam æquè in

omnibus Lunæ aspectibus plena sunt, unde in apophthegma transit ridiculum: *Quid Luna cum astacis?* Verùm id contingit, ubi ingentem eduliorum copiam hæc aquatica animalia pro victitando habent; secus verò si incolant loca, in quibus ob victus parsimoniam parcè victitant, nam in omnibus Lunæ aspectibus erunt inania. Verumenimverò negare non possumus plena interdum inveniri Luna crescente, & senescente vacua: nam hæc noctu victitant, quia eodem tempore cernunt, & lunæ lumen aquas plenius, & splendidiùs illuminat, semper crescendo ad plenilunium usque ob majus luminis spatium, uberiùs utuntur alimento, ac proinde pleniora evadunt; luna verò senescente ob debile lumen debilis aquarum irradiatio succedit, & propter illuminati temporis angustias, paucius venantur cibiorum, & paucius nutriri observantur.

Non fabulas de pleniori, & debiliori lunæ lumine canimus, sed astronomicè id probamus; Luna namque est globus quidam opacus, existens in cœlo sub sole: unde quidem à sole illustratur globi Lunaris medietas, quando autem Luna opponitur soli, illa ipsa medietas, quæ illustratur, conversa est ad nos, & sic lumine plena refulget: quando soli conjungitur, tunc medietas illustrata vergit ad superiorem cœli partem, ad nos autem versa est alia obscura medietas, in omni demum statu medio conversa est ad nos partim medietas lucida, & partim obscura, & eò plus, vel minùs de medietate lucida, quo plus recedit, vel accedit Luna ad solem: & quia infra quadraturas medietas plus ad nos convertitur de parte obscura, & minus de lucida, idèdque apparet pars lucida corniculata. Hinc fit, quòd luna crescens sequitur solem, oriturque, & occidit post solem, quia nempe crevit recedendo à sole ab occidente orientem versus: decrescens verò præcedit solem, & oritur, & occidit ante solem; quoniam decrescit, accedendo ad solem ab occidente orientem versus. Idèd quoque luna crescens lucet vespertino tempore scilicet post solis occasum: luna decrescens matutino scilicet ante solis ortum. Insuper luna crescens vertit cornua ad orientem, quia pars illuminata est occidentalis ad solem conversa: luna decrescens vergit ad occidentem, quia medietas illustrata est orientalis, respiciens solem. Itaque à novilunio ad plenilunium pars illuminata respicit terram, obscura superiorem cœli partem; contrà in senescente pars obscura ad terram vergit, & illuminata ad superiorem cœli partem.

Obijciunt lunæ Fautores ad suæ sententiæ confirmationem, experientia constare arbores, Luna crescente, incisas ob maximam succulentiam brevissimè cariem contrahere; Luna verò senescente, quia superfluo destituuntur humido, incisas perennari.

Non ita dicant, nam falsum est, Luna crescente, incisas breviter cariari, decrescente, multos servari per annos; siquidem arbores hyberno tempore alimentum è terra non hauriunt, & earum anima torpescens non tantùm ferari, verùm extincta videtur, cùm veluti inutilia cadavera omnium operationum specificarum expertes appareant, & tamen anima non destituuntur, sed ab intus latente vivificantur. Hoc tempore, crescente, sive decrescente Luna, si arbores incidantur, diu constant. Verno tempore à radiis solaribus ad rectos angulos incidere incipientibus, arborum anima, aliàs torpescens, ad motum excitatur, alimentum è terra uberiùs haurire incipit: & actionibus manifestis sese iterum prodat. Hoc, & ultimore tempore incisæ arbores, quacumque Lunæ quadratura cariem contrahunt.

Ad id, quod dicunt de Luna crescente cerebri quantitatem augeri, & decrescente imminui, respondemus quòd si verum hoc esset, animalium actiones singulis mensibus augeri, & imminui deberent ad hujus nobilissimi organi metamorphosin, sed nulla succedit. Præterea nulla autopsia hæc opinio firmari potest, quia unius ejusdemque animalis cerebrum duobus diversis Lunæ temporibus inspicere; & ponderari nequit: & quæ in diversis subjectis sunt diversis Lunæ temporibus cerebrorum demonstrationes, aut inspectiones, nihil certi ea de re indicare possunt, cùm quantitas cerebri in similibus animalibus licet sint ejusdem speciei, & magnitudinis, non necessariò semper æqualis sit, eò quòd cranii capacitas in aliis paulò major, in aliis paulò minor esse possit: atque hinc si diversitas quædam in cerebri quantitate appareat, illa non tam sectionis temporibus diversis ad lunæ mu-

mutationem institutis, quàm naturalis conformationis diversitati, quæ à Luna minime dependeat, adscribenda est. Ad hujus rei comprobationem adducemus observationem ab *Isbrando de Diemorbœock anatomes lib. 3. cap. 5. de cerebro p. m. 352.* descriptam; Inquit enim Anno 1661. mensibus Aprili, & Majo, unà cum chirurgis tractavi *Aegidium Spruit, nautam Ultrajectinum, in dextro bregmatico osse lapidis icu graviter vulneratum, cum magna cranii fractura & depressione: abstulimus ossa confracta ad latitudinem caleri imperialis majoris: postmodum dura mater, contusione valde lasa, eadem magnitudine sponte separata, & exempta fuit, tenui meninge illasa manente. Cerebrum eo loco depressum mansit ad latitudinem minimi digiti, & totis duobus mensibus per quamcumque Lunæ mutationem, ne minimum quidem cerebri incrementum, vel decrementum advertere potuimus, quantumcumque curiose hanc rem observaremus: remansit continue illa depressa cerebri pars in eodem statu, ac ne quidem ad pia crassitiem per Novilunium, aut plenilunium cerebri quantitas adaucta fuit, nec in quadraturis quidquam immutata: sed postea carne ex tenui meninge largiter præter expectationem succrescente, vicesque duræ matris obeunte, & se cum carne ex diploe orta conjungente, desperatus æger, qui jam cum Charonte de navio pacisci credebatur, sanatus fuit. Sed tandem ad nostram curationem deveniamus.*

Explosimus fracti cranii tum trepanationem, tum meningum, & cerebri vulgarium curationem, nunc nostram in vulneratorum solamen citò tutò, & jucundè, velint nolint vulgares, & illa crepent, adducere opere prærium erit, sive sit contusio, rima, sedes teli, succissio, recissio, & depressio in cranio; in his curandis duplicis generis medicamenta sunt necessaria, alia externa, alia verò interna.

Externa ea esse debent, quæ sanguinem per vicinarum partium substantiam subter effusum, vel grumatum, vel lympham ichoreascentem, vel nutrimentum degeneratum ita attenuent, & in naturalem fluiditatem, & è quiete in motum adigant, ut à venis resorberi, & in vitæ gratiam redire possit; vel si ad resorptionem ineptus sit, ea sint medicamenta subtilia, & penetrantia à circumferentia ad centrum, quæ ipsum attenuent, discutiant, poros ultetius explicet, & ad exhalationem fortius sollicitent. Vel si suppurari incipiet, quæ suppurationem inhibent, vel si in pus jam degeneravit, ea medicamenta, quæ illud in halitus discutiant, conducunt.

Cranii itaque fractura detecta, quomodocumque fuerit sive contusio, rima, sedes teli, vel depressio &c. abradis capillis, & sanguinis fluxu cohibito, si impedimento fuerint, ac tutum quæ sanguinem fluidum reddunt, vel attenuant, & resolvunt, quæ suppurationem impediunt, vel pus genitum discutiant, medicamenta sequentia adhibemus, & cranii fracturas ferruminant, & vulnus ad perfectam perducunt sanitatem. Primò ergò fractura, & vulnus optimo vino sublimato abluatur, deindè ejus cavitas vel foramen imbuatur *Balsamo Samaritani, vel aqua Regine Hung. vel oleo terebinth. destill. vigorato vini spiritu, vel balsamo proprietatis, vel balsamo artificiali, vel oleo momordica cum balsamo Peruviano temperato, vel oleo hyperici. vigorato cum spiritu terebinthine, vel cum Balsamo de Copaiba, superponendo filacia eodem medicamento humectata, cum emplastri cephalici, vel de gumm. elemi, de betonica, vel fodicationum, vel stiptici, vel oppoteldoch malaxatorum cum balsamo Peruviano superpositione, debitis adhibitis fasciationibus. Item unguentis vulneratis, oleis balsami, & emplastris vulnerariis in suis capitibus à nobis descriptis, & allatis quoque capite de pericranii vulneribus, uti possumus ad totalem usque sanationem, sed omnibus palmam præcipit balsamorum balsamus.*

Si tam dura, quàm pia mater, vel ipsum cerebrum vulneratum sit, iisdem quoque insistendum est remediis, & aliis, ut

℞. Ol. terebinth. ℥. ij. spiritus vini, syr. de ros. sic. ana ℥. j. m.

Cum his partibus quandoque lenius agendum est, & foramini indicimus *Vel oleum Apparicis Hispan. vel oleum ex ovorum vitellis, vel hyperici, vel momordica vigorato cum aliquot guttis balsami Peruviani. Vel*

℞. Ol. hypericonis, lumbricorum, terebinthine, mastice. an. ℥. j. m. & calidè cum paucis gossypio applica.

Musitani Opera Tom. II.

Si cerebri membranæ, vel ipsum cerebrum corrumpi, vel putrilagine obduci appareant, tunc id, quod corruptum, vel putrilaginosum est, separari debet, optimumque remedium erit *mel ros. cum balsamo Peruviano, aliquot guttis olei cere, & spiritu terebinthine. Vel*

℞. Spiritus vini ℥. ij. mell. ros. ℥. ℥. m.

Si his lenibus medicamentis malum emendari nequeat, hoc majoris efficaciam utimur, ut

℞. Spiritus vini ℥. ij. mell. ros. ℥. j. merc. dulc. ℥. ij. m. Vel sequentem compositionem adhibemus, ut

℞. Spiritus vini ℥. j. syr. absynth. & mell. ros. ana ℥. ij. ung. Egypt. magistralis ℥. ij. ℥. sarcocollæ, myrrhæ, aloes ana ℥. j. vini opt. ℥. j. Leniter, clauso vase, bulliant, & colentur.

Interim vulneratus jubetur naribus, labiisque compressis buccas fortiter inflare; hoc enim conatu meningis dura nonnihil elevatur, & puri exitus magis patet, quod molibus linimentis abstergendum est, & illud acidum sequenti medicamento temperetur, ut

℞. Aquæ Reg. Hung. ℥. j. mell. ros. ℥. ℥. theriacæ ℥. j. ℥. myrrhæ, aloes ana ℥. j. m.

Cum membrana denigrata, vel livida à sanguine grumefacto, vel à medicamentis, aere, vel contusione aspicitur, tunc livor, & nigredo illa ab extrinseco dependet, superficialis est, & facili Marte propositis remediis eximi potest medicamentis volatilibus, ut *vini spiritu camphorato cum diascordio, vel aqua calcis.* Si verò à caloris extinctione, si à putredine præsertim ab intrinseco gangræna est, & pessimum pro vulnerato præagere possumus.

Cæterum dum curatio peragitur, si cranium ita depressum sit, ut cerebrum patiat, per instrumentum corneum ad suum pristinum situm reduci, vel elevari debet, ne saltim cerebrum comprimatur, & lædat. Si ossis fragmentum membranam pungens inveniatur, omni opera membranam juvare tentamus, ut non nostra, sed naturæ vi separetur; natura namque fracta expellit ossa, & quæ expellere nequit, sive fracta, fissa foraminata, contusa, vel discissa, sua opificina ferruminat, & coalescunt, alligantur, & connectuntur mediante suo glutine scilicet osseo, qui ossium defectus reparat. Fit callus in osse non secus ac cicatrix in cute, nimirum ex succo nutrimentitio, quo ipsum os alitur, cæterum cum satis tenella fuerint ossa coalescere posse affirmat *Gal.* ut in pueris. Sed observatione dignum est, rarò venas, aut arterias ad adulti animalis ossa pertingere; quanquam in recens natis, atque tenellis animantibus non usque adeò rara sit venarum, aut arteriarum ad ossa pertinentium observatio. Unde colligimus ossa alio quidem succo nutiri, qui minime sanguis sit, sed succus potius per membranas; & nervos ad periosia delatus. Quamobrem ossa, (ut notavit *Aristotel.*) Si membranis, quibus amiciuntur, nudata fuerint, desiderantur protinus, & contabescunt. Istud gluten, porus osseus, seu callus, quo cranii ossa ferruminantur, ferè quadraginta, aut quinquaginta dierum spatium suam acquirit perfectionem: quanquam propter diversam corporum constitutionem ita certus dierum numerus definiri non possit; cum in juvenibus citius, in senioribus tardius absolvatur.

Hæc medicamenta externa optima sunt pro curandis cranii fracturis, meningum, & cerebri vulneribus, sed si externis interna matitentur, ocyus horum vulnerum perficietur curatio; idèque tamen tam externa, quàm interna, eandem energiam & finem habere, & ad eundem scopum collimare debent, ut medicamentorum vis combinata fortior in his curandis affulgeat.

Medicamenta interna sunt diaphoretica, quæ sanguinem, cæterosque succos torpidos, & stagnantes attenuant, subtiliant, volatilizant, fluidiores reddunt, & ad liberiores vertiginis motum adigunt, ac proindè optime purificant, & ab omni scoria sulphurea, salina, & mercuriali repurgant, & tandem à centro ad corporis periferiam per transpirationem insensibiliter eliminant, vel sensibiliter per sua emunctoria natura propulsat. Vel ea sunt, quæ acidum obrundunt, ebibunt, absorbent, ciculant, hebetant, pessumdant, vel destruunt. Hujus generis sunt alkalia tam fixa, quàm volatilia, & oleosa. Vel ea sunt, quæ balsamica pollent energia, & balsamum nostrum radicalem in corpore ad suam temperiem reducunt, restituunt, & tuentur; ipsas fibras glutinant, &

defectus, partium propriarum solutiones reparant. Hæc interna medicamenta sunt *antimonium diaphoreticum*, *sulphur auratum diaphoreticum*, *tinctura antimonii*, *arcanum reduplicatum*, *spiritus tartari*, *cornu cervi philosophicè præp.* &c. *sanguis hirci*, *sperma Ceti*, *mumia*, *oculi cancerorum*, *camphora*, *oleum tartari p. d.* *pulveres contra casum*, & *percussionem* &c. *Salia volatilia herbarum cephalicarum*, & *vulnerariarum*, *sal volatile succini*, *cornu cervi*, *balsamus Peruvianus*, *proprietas*, *balsamus vitæ*, *elixir vitæ* &c. quæ propinati possunt cum *Syr. de symphyto*, *betonica*, *scordio*, *veronica*, *papavere erratico*, *de hedera*, *stœcade*, *hypericonis* &c. cum aquis appropriatis. Ponuntur in tyronum gratiam aliquæ horum medicaminum formulæ, ut

℞. *Stibii diaphoretici*, & *sulphuris aurati diaph.* ana ℥. j. cum *syr. de carduo sancto* formentur pilulæ iv. & deaurentur pro duabus dosibus. Item

℞. *Salis volatilis c. c.* gr. x. *salis volatilis succini* gr. v. *bezoart. mineral.* gr. iij. c. c. *philosoph. præp.* ℥. j. cum *syr. de symphyto* formentur pilulæ ix. pro tribus dosibus, & deaurentur. Vel

℞. *Sang. hirc.* & *spermatis ceti* ana ℥. j. & cum *syr. de stœcade* formentur pilulæ iij. & deaurentur. Vel

℞. *Mumia* ℥. j. *ocul. cancer.* ℥. ss. *camphoræ* gr. iij. formentur pilulæ v. cum *syr. de betonica*, & deaurentur. Vel

℞. *Syr. de papavere errat.* ℥. j. ss. *elixiris vitæ* ℥. j. *balsam. propr. destill.* ℥. ij. ss. *aque betonicæ* ℥. iij. m. sumatur cochleatim. Vel

℞. *Syr. de hedera terrestr.* ℥. ss. *tinct. antimon.* gutt. x. *arcani reduplicati* gutt. xii. m. cum *aqua bardanæ composita* ℥. iij. Vel

℞. *Sang. hirc.* ℥. j. ss. *spermatis ceti* ℥. ss. *ocul. cancer.* ℥. j. *syr. de papav. errat.* ℥. ij. *aque veronicæ* ℥. iv. m. Detur cochleatim.

Inter medicamenta interna ad callum portiones vulnerarias revocamus, & natura talibus adjuncta portionibus prodigia operatur, & vulnera lethalia, quæ nullo prorsus modo sanari existimabantur, harum ope ad incolumitatem redacta fuere. Hæc namque portiones omnes succos excrementitios à colluvie vindicant, sanguinem eluunt, & ab omni scoria, & ichore repurgant; nutrimentum ab omni sceditate mundant, & abstergunt, ossium fracturas ferruminant, & deperditam carnis substantiam reintegrant.

Cæterum sunt quidam imperiti, & bardæ chirurgi, qui vulnerarias portiones tanquam futes nihil vulneribus conferre posse opinantur, his inconditis, & ineptis rationibus; insulsè namque existimant tale medicamen antequam ad vulneratam partem deveniar, reliquas permeando partes, suas medio in itinere amittere dotes, & ad affectam partem effœtum, nulliusque roboris, & pretii tandem pervenire; quia primò hæc portiones ad ventriculum descendunt, ubi, mediante digestionem, alterationem, & permutationem subeunt, non tantum in primis qualitatibus, verum etiam in universa substantia, deinde ad venas meseraicas se insinuant, & chylo confusæ ad hepar scandunt, & rursus alia contingit mutatio, ibique cum sanguine confunduntur, tandemque si ad vulneratam partem pertingunt, defessæ, enervatæ, & effœtæ deveniunt propter productas, & salebrosas vias.

Optimæ quidem sunt rationes, sed à rancida *Galenii* doctrina depromptæ, idèdque insulas, & pueriles arbitramur, quas vulgaribus relinquimus. Non productæ, & salebrosæ sunt viæ pro partium sustentatione, & pro medicamentosis virtutibus actuandis; siquidem cibaria sive vegetabilia, sive animalia, sive virtutes in his medicatrices ventriculo ingesta, quia spirituosiss, subtilioribus scatent particulis, fermentationis motum subeunt, moventur, & à nexibus terrestribus, & ramosis quibus tanquam compedibus coercerantur, extricantur, & per fibras imptices in universum corpus disperguntur, absque eo quod in chylum elaborentur, (nos chylum diuturna peracta inspectione in tota viventium natura, non novimus, ut affatim in nostra *Trutina Medica lib. 4. de Ventriculi actione* pervestigamus) & nobis vires addunt; ita ut longam incediam passi post moderatum cibum ocyus ab orci faucibus revocati videantur. Si famelici chyli genestim, ejusque commeatum post octo horarum spatium vivificantem auram expectarent, non pauci lethi vias percurrent. Non Longa elaboratione, præparatione, &

producto itinere per tot circuitus, & tubulos indigent nutrimentum, & virtutes medicatrices, ut nos vivificent, & sustentent, vel in salubrem statum reducant. Id experientia clarè liquet, nam vinum, cerevisia, alique liquores jam fermentati, cum potentur, sensibilibus Languentes reficiunt, & recreant artus. Id insuper paret ex rerum essentiis, spiritibus, & salibus volatilibus, qui si in ventriculum non ingerantur, sed palatum tantum attingant, extemplò hominem vivificant, à lipothymia, & syncope eripiunt, & apoplexiæ reluctantur. Præterea lactans mulier post assumptum cibum, paucis interfecto temporis spatio, ubera lacte turgescere sentit. Ulterius apertè in lactantibus, etiam cujusque speciei observare est, ut in ovibus, capris, cæterisque viventibus, quatum lac, si ab ingesto cibo, post dimidiam horam gustetur, palato illius cibi saporem imprimat. Si lactens puer pharmacetur, matri pharmacum propinamus, matrisque Lacte post mediam horam ab assumpto pharmaco perbellè purgatur. Siquis terebinthi resinæ unciam unam assumat, post horæ quadrantem ab assumptione, lotium rali odore imbutum sentiet. Sic vegetabilia, ex quibus vulnerariæ concinnantur portiones, multo alkali operantur, & quidem volatili, quod omnem aciditatem, quam attingit, perimit, cujus rei alibi multas adduximus experientias.

Cæterum nonnulli ambigere, solent, an ad partium affectarum alterationem medicamenta parati possint, quorum vis in medio itinere minimè infringatur? Et reverà in ventriculo primum omnia immutantur, sed non in primis qualitatibus, verum in universa substantia. Et quemadmodum ex melle chymici amarissimum eliciunt succum; ita similiter in ventriculo mel facillè in amarescentem vertitur substantiam, quod est vulgò observatum; ajunt enim dulcia in ventriculo bilefcere; Sed & rursus ea, quæ ex ventriculo per pylorum ad intestina detruduntur, valdè mutantur ex succorum permissione, qui per pancreatis ductum, & poros bilarios in intestinorum cavitatem eructant. Rursus & alia mutatio in corde contingit, ut verosimile sit ad caput v. g. non pertingere medicamentum nisi omninò in substantia mutatum ab eo, quod antea fuerat devoratum, & hanc inquirunt esse causam, cur affectus partium distitarum difficiliùs curentur, quàm proximarum; sic ajunt difficiliùs esse vesicæ lapidem demoliri, quàm renum calculos. Quanquam in hoc alia prorsus videtur esse causa, nam renum calculi ex materia frangibili sunt constituti: contra verò in vesica lapis ex solida, duraque materia compactus est, undè nec facillè scinditur, nec facillè atteritur: Cæterum vix ullam majorem mutationem recipiunt medicamenta à renibus in vesicam delata: Sed experientia tamen suader mirabilem quandam in rebus energiam inesse, ut alia vesicam lædant, etiam si capiti, aut pedibus applicentur, ut cantharides; alia caput afficiunt, ut opium sive in ventriculum illabatur, sive naribus apponatur, sive etiam pedum plantis applicetur. Argentum vivum quacumque in parte applicatum nervos, membranasque afficit, ptyalismum promovet, quomodo autem hæc fiant, nemo unquam explicare satis protulit: vis, & effectus manifestus est, causa autem omninò incognita, sed hæc alibi explicabimus.

Merito autem nonnulli dubitant, an semper in itinere medicamenti vis & efficacia obtundatur: nam potest contingere, ut illius qualitas nonnunquam intendatur, quemadmodum fiet, si renibus frigidioribus medicamentum modicè calidum sit præscribendum: hoc enim ex transitu per jecur calorem potius comparabit, quàm amittet, præsertim si jecinoris temperatura aliquanro calidior extiterit. Quæ quidem ita se habere concludimus ex *Galenicæ doctrinæ* fundamentis.

Medicamenta ea, quæ ex tenuissimis, & volatilibus constant particulis, longè cæteris præpollent in alterandis partibus remotis; nam ea, quæ alterare apta sunt, nisi ad ipsam affectam partem perveniant, effectum suum minimè perficiunt. Crassis verò rebus ignava penetrandi vis est, quò circa diutius in itinere morantur, atque adeò vim suam amittunt, antequam ad destinatum perveniant locum: sed ea, quæ ex tenuibus, volatilibus constituntur particulis corpora, cum penetrationi sint aptiora, ad ipsas partes citiùs deferuntur, atque adeò vim suam minùs inutratam, alteratamque conservant; cum igitur herbæ vulnerariæ plurimo consent alkali volatili, majori pene-

penetrandi vi præditæ sunt, atque adeo non mirum, si potiones in dissitas se insinuant partes. Cum hæ potiones ingerantur, aciditatem quamcumque primum in stomacho, deinde in primis viis, & tandem aut etiam in vulnerata parte enatam, aut auctam obtundunt, & corrigunt.

Verumenimverò harum potionum delectos habendus est in simplicibus, ubi opus est, v. g. si sordes mucilaginosæ, pus, officula fracta, & similia ex vulnere ejicienda sint, egregiè conducit in potione *Sanicula*, *artemisia rubra*, *veronica*, *consolida saracenica*, *pyrola*, *sabina* &c.

Advertendum insuper easdem potiones in omnibus partibus non æquè convenire, sed variandæ sunt secundum diversam partium naturam. In vulneribus itaque capitis, si cranium, vel cerebrum, aut ejus membranæ vulneratæ sint, quæ aliàs capiti conveniunt, ut *betonica*, *salvia*, *primula veris*, *pyrola*, *consolida*, *rosa rubra*, *veronica*, *verbena*, *sanicula*, *tormentilla*, *aquilegia*, *sampfucus*, *stœchas*, *lignum visci quercini*, *flores anthos* &c. Ex his parata potio vigoratur singulis haustibus additione *Spermatis Ceti*, *oculor. cancr.* Cum hæ potiones usurpantur, non opus est tot unguenta, emplastra, & balsama vulnere applicare, quoniam ipsa potio sponte succurrit naturæ in medendo vulnere.

C A P U T XXXV.

De Cerebri Fungis.

Solet & alter morbus vulneratis, vel contusis cerebri meningibus contingere, qui *fungus* dicitur, quia fungi similitudinem refert, & est quædam excrescentia carnea, mollis, quandoque pallida, vel alterius coloris, & radici subnixa, ex membranarum cerebri laceratione post vulnerationem producta. Ut enim ex arborum corticibus vulneratis interdum vitiosus quidam humor extillat, qui in fungum extuberat: ita cerebri membranæ, si videntur, humor quidam extillat, qui in carnem mollem, & albidam, fungi instar transformatur, & exiguo tempore sæpè ex parvo magnum sibi arrogat incrementum: Nunquam enim natura feriatur, & si humores affluentes, ob eorum ineptitudinem, vel partis debilitatem, in ejus alimentum vertere nequeat, in eam naturam vertit, quam potest.

Signa.

Fungus facilè cognoscitur; ex contusa enim vel vulnerata cerebri membrana brevi temporis spatio, caro mollis, rarioris texturæ, & albidæ pedetentim pullulat, & incrementum ita suscipit, ut sæpe etiam supra cranium, & cutem emineat, ac membranæ ferè semper adhæret, & in cerebri membranæ suas habet radices; si aliqua pars dematur paulò post major repullulat.

Causa.

Putarunt *Galenus* mancipia fungi cerebri causam pendere ab humoribus cerebri corruptis, & post fractam, & exemptam aliquam cranii portionem circa plagam affluentibus, & fungi instar concrecentibus: non aliter ac humores semiputridi in arborum stirpibus per corticem pullulant, & in extuberantes coalescunt fungos.

Barda est pro cerebri fungis vulgariū genesis; nam si correpti cerebri humores fungos generarent, utique cerebrum ipsum esset corruptum, & ex corruptis cerebri humoribus corruptio fieret, & non fungi. Nec paritas de arborum fungis militat ipsos in arborum caudicibus ex semiputridis humoribus generari, quia arborum fungi utique essent virulenti, & videntes delitescerent ingurgitarent mortem, & tamen tanta gulæ libidine, gustus incontinentia, & palati oblectamento exquiruntur, ut adeo inconsultò absque ullo antidoto, & avidissimè ingerantur, quia omni ferè periculo vacant, dummodò copia non lædant, arbores non sint noxiæ, & adventitia fracedine non sint temerata.

Job: Philippus Ingraffias aliam fungi causam, & generationis modum attribuit; opinatur namque fungum fieri, non secus ac in Lucernis, hyemali præsertim tempore fungus in ellychnii vertice oboriri solet, futuræ

que pluvie, vel mulierculis præsagium; & *Virg. 1. Georg.* futuræ pluvie signa referens apertissimè testatur his carminibus,

*Tum cornix plena pluviam vocat improba voce,
Et sola in sicca secum spatatur arena.
Nec nocturna quidem carpentes pensa puella
Nescivere hyemem, testa vim ardente viderent
Scintillare oleum, & putres concrecere fungos.*

Etenim cum aer humidus esse cœperit, favilla, quæ cum fumo solet egredi, prohibita, ob aeris crassitiem in Lucernis residet, & quasdam veluti fungorum imagines imitatur. Ità igitur in discooperta, revelataque cerebri membrana, quædam prius substantia gossypinæ lanyginis imaginem repræsentat. Deinde verò per halitum discussi vapores, fumique ob aeris frigiditatem in ea substantia conglobati, paulatim ab interiori calore deuruntur, siccanturque, donec fungo quoque similis substantia appareat, alteratam esse ab aere membranam significans.

Verumenimverò concedendum equidem est ab humore superfluo per læsas membranas, quasi exsudante hujusmodi fungos generari, sed quòd materia ea ibi ab aeris frigiditate saltim detineatur, & à calore simpliciter exsicceetur, falsum est. Neque enim tam citò hoc modò fungi generari, & incrementum sumere possent.

Cerebri fungi fiunt à violenta membranarum dilatatione, aut laceratione post vulnerationem producta, vel laxatione; ex his enim læsionibus succus alimentitius elabitur, & extra membranas derinetur, ipsis agglutinatur, ubi præcipuè læsæ membranæ non bene præservantur ab aere ambiente, & in fungosam degenerat carnem, & ob cranium foraminatum in cerebri substantiæ similitudinem extra illud abit: est hæc caro mollis, rara, luxurians, albida, vel alterius coloris, tenni pellicula obtecta; & quia his læsionibus quandoque accidit vulneratarum membranarum impuritas, vel ipsorum unguentorum crassamentum, ut plurimum corruptionem, vel aliquam coagulativam nanciscitur acescentiam, unde ejusmodi fungi leviter irritati, facilè ob vim acidam corrosivam, in cancrum degenerant.

Prognosis.

Cerebri fungi periculosi sunt, & difficillimæ curationis, & plerumque lethales, quia meninges post vulnerationem occultum fovēt acidum, quare laceßiti non ægrè acescuntiam coagulativam, postmodum corrosionem, & corruptionem concipiunt, & in cancrum transeunt. Quòd firmitus hi fungi meningibus adhærescunt, eò difficiliores sunt curatu, quòd majores, & ampliores illi sunt, eò periculosiores. Quòd profundiores, eò difficiliores sunt curatu, & nisi funditus extirpentur, majorem subeunt recidivam.

Curatio.

Pro fungorum cerebri curatione *vulgares* vitiosos, corruptosque humores ad cerebrum confluentes purgant, & affluxuros à capite revellunt, ne ulterius incrementum sumant; victum instituunt tenuem, venam fecant, & tandem ipsum fungum siccantibus, & exedentibus absumunt medicamentis. Absumentia sunt *Sabina*, *hermodactyli combusti*, *aristolochia rotunda*, *radix angelica*, *caryophyll. lignum guajacum*, *ros marinus*, *summit. sampfuci* &c. ut

℞. Sabina ʒ. ij. ochræ ʒ. j. f. pulvis. Vel

℞. Radic. caryophyllat. angelica, calami aromatici ana ʒ. ʒ. aristoloch. rotunda, iridis florentiæ, ligni guajaciani ʒ. ij. flor. salvia, rosis marini ana p. j. f. pulvis subtilissimus.

Deinde hoc superponunt emplastrum, ut

℞. empl. de betonica ʒ. iv. gummi elemi diss. in ol. ros. ʒ. j. pulver. ros. myrtillorum, mastich. calami aromatici ana ʒ. j. ʒ. cum f. q. ol. ros. m.

Verum putant *vulgares* supradictos pulveres ob siccitatem exsiccare, sed fungorum indicatio non est exsiccare, verum eos absumere; exsiccat enim quod humidum est. Præterea emplastri unctuositate humectantur pulveres, & eorum siccitas hebetatur. Si his lenibus remediis fungi non exsiccentur, ad aciora, & exedentia confugiunt; verum hæc gravia excitant symptoma-
ta, &

ta, & ægrum in vitæ discrimen conjiciunt. Vel si nimium incrementum fumant fungi eos ferò excidunt. Vel ita ligatura filo serico radicem arctius vinciunt, ut nutrimento destituti decendant, siquid remanet, exsiccantibus absumunt; sed hic operandi modus dolorificus est, & gravia symptomata supervenire solent, & æger fungis strangulatus vita fungi necesse est. Si his reluctentur remediis, ad extremum remedium, ad ignem nempe actualem deveniunt, sed ignis maxima cautela administrari debet; ignis enim membranas inflammât, unde febris, & phrenitis supervenit: si verò cerebrum inflammetur, ejus inflammatio in gangrænam, & sphacelum terminari solet, ut inquit *Hip. 7. aph. 50. Quibus cerebrum sphacelo corruptum est, ut plurimum (juxta nostram aphorismi correctionem cap. De sphacelo allatam) intra tres dies pereunt*. Si durities aliqua, & malignitas adsit, quæ canceri naturam referat, tum lenioribus medicamentis fungus non cedit; acrioribus verò magis exasperatur, unde ejus curatio impossibilis censetur.

Cerebri fungos curamus, primò, tenui instituta diætâ, ut nimia succi nutrientis copia minuat, & ulterior excrecentia, quantum fieri potest, prohibeatur; deinde ea propinamus medicamenta, quæ fungorum impuritates, & crassamenta abstergunt, resolvuntque, ita sunt diaphoretica spirituosa, pluries à nobis recensita; postmodum acescentiam in fungis alkalicis, & vulnerariis portionibus obtundimus, & cicuramus. Quò ad topica, fungum inspergimus pulveribus abundantem imbibentibus, fibras constringentibus, acidum absorbentibus, & blandè fungum exedentibus. Hi pulveres parari possunt ex *aristolochia rotunda, myrrha, tutia, lithargyrio aureo, lapide calaminari præp. ebore usso, alumine usso, saccharo calcis vivæ &c.* ita ut non modò minuat, succus superfluous, sed ulterior quoque denegetur transitus, & via crescendi occludatur, qua de causa, & emplâstra imponenda sunt vulneribus cranii dicata, quibus hujusmodi exsiccantia, & exedentia fuerint intermissa. Si hæc non multum profecerint, *Solvatur sal ammoniacum in aqua simplici*, & addatur pro re nata parùm calcis vivæ, & hac solutione crebrius tangantur fungi, vel aqua plantaginis cum alumine optima est. Si hac parùm juverint, tangantur fungi aqua salis ammoniaci n.d. vel inspergantur pulvere salis ammoniaci, sabine, & vitrioli, ac radicitus exterminantur, & cicatrizantur: Si ad canceri naturam accedant, ea, quæ pro canceri curatione conveniunt, usurpentur medicamenta.

Egimus de capitis vulneribus, de iis nempe, quæ partis capillatæ infliguntur, nunc de iis, quæ partem glabram affligunt, dicendum superest. Pro facie hic totum id, quod conspicuum est, accipimus, constans fronte, auribus, temporibus, superciliis, genis, buccis, labiis, mento &c. exceptis oculis, & naso, de quibus peculiaria instituimus capita.

C A P U T XXXVI.

De faciei Anatome.

Dicitur facies, quòd à brutis homines differre faciat, iisque celestem spiritum contineri judicet. Nominatur etiam vultus à voluntatis indicio, quod pro voluntatis varietate mutetur, aut voluntatem detegat. In humanæ faciei opificio maximam Conditoris providentiam admiramur, omnes namque facie impares effigiat, rarissimæque forma similes fortuitò reperiuntur, & quod maximè notandum, qui occiduam attingunt ætatem, venerandam consequuntur faciem, undè *veneranda senectus*; quod non contingit in Fœminis, quæ cum senium leviter attingant, tam turpes, deformes, spurcæ, monstruosæ evadunt, cœu de nuce Beneventana Striges, & fiunt vera Amoris Alexipharmaca.

Habet facies partes continentes, & contentas. Continentes sunt vel communes, vel propriæ. Communes sunt cuticula, cutis, quæ hic valdè tenuis est; pinguedo, quæ nulla in palpebris, ac naso; panniculus carnosus, qui infra oculos adedò tenuis est, ut deest videatur; in fronte multò carnosior, & adedò cuti annexus est, ut ossa, cartilagines &c. Contentæ sunt oculi, nasus, os quæ sunt sensuum organa, quæ in facie sedem habent, ut sensus visus, auditus, odoratus, & gu-

stus; Sensus enim tactus peculiarem non habet sedem, sed per totum disseminatur corpus.

Dividitur facies in partem superiorem, & inferiorem. Superior, à capillis usque ad supercilia, *frons* dicitur, & hæc pars in corpore integro ad faciem refertur, cum tamen in Sceleto ad cranium pertineat. Inferior, à superciliis usque ad extremum mentum extensa, oculis, naso, genis, aliisque partibus describendis donatur.

Frons dicitur à ferendo, quod animi indicia, gravitatis, tristitiæ, hilaritatis, generositatis &c. præferret. Frontis cutis mobilis est, quia duobus musculis latis donatur, quos membranam carnosam musculosam *Riolanus* appellat. Oriuntur à calvaria prope futuram coronalem, & ad latera musculis temporalibus annectuntur, & superius quidem in medio nonnihil distinguuntur, sed inferius ita consociantur, ut unus musculus esse videatur, terminantur ad supercilia, quæ attollunt. Nervos habent à paris ramulo. Arterioli donantur à carotidibus externis, venulis verò à jugularibus. Fibras obtinent rectas, atque hinc cutem rectè sursum trahunt, non verò transversas, & obliquas habent, ut *Columbus*, & *Aquapendens* sentit. De reliquis faciei partibus agemus infra.

C A P U T XXXVII.

De faciei Vulneribus.

IN mirabili singularum humani corporis partium structura maximi Opificis sapientiam stupemus, sed in solo faciei opificio omnes contendisse nervos viderur; in ea namque peculiarem pulchritudinem, & nitorem contemplamur, unde non ex ea mirificum quid, mysterium, & divinum non advertimus. Totum hominem tanquam in compendiosa tabella comprehendimus. Si nobis fas esset, utique pro animæ domicilio faciem statueremus, ex sacris namque literis *Gen. cap. 2. v. 7.* habetur: *Formavit igitur Dominus Deus hominem de limo terræ, & inspiravit in faciem ejus spiraculum vitæ, & factus est homo in animam viventem*. Magnum cum animo consensum habet facies, imò reliquarum omnium partium elegantiam, & dignitatem quasi in compendium trahit, ac simul etiam omnium reliquarum affectiones tanquam in speculo exhibere videtur. Ex ea namque non solum sanitatis, morborum, & imminentiæ mortis argumenta; verum etiam ipsius indolis, morum, & animi affectionum nitidissima elucescunt indicia. Nam in genis pudor, & terror, sic in oculis ira, gaudium, tristitia, odium, & imprimis amor se pandunt; ex fronte, gravitas, & humilitas; ex superciliis, superbia; ex mento, majestas; ex naso, sagacitas, vel stupiditas; ex faciei motu, sapientia, vel stultitia, honestas, vel nequitia, urbanitas, vel incivilitas, reverentia, vel despectus, benevolentia, aut malevolentia: ex colore totius corporis temperamentum dilucidè innotescunt. Præterea in facie genus, sexus, vita, ætas dignoscuntur, & ea homines à se invicem distinguuntur. Est igitur illa certissimum animi exemplar, & eorum, quæ in abscondito delitescunt, speculum, in quo externi, internique sensus se produunt, & omnes internarum facultatum motus, ac perturbationes conspiciuntur. Insuper decota facies mutua commendatio est, nec in deformi facie venusta anima residere potest. Insuper magna hominis prærogativa præ cæteris animalibus ex ipsius facie elucet, quam summè Reverendus Creator ipsi non pronam, & ad terram demissam, ut brutis, sed versus cælum versam contulit, quò identidem admoneretur homo se tantummodò ad hospitandum, & exulandum in mundo esse positum, non ad manendum hic æternum, ac proindè sibi perpetuò cogitandum esse de vera, & futura patria, nempe cælo, & spectare ei cælum Deus voluit, ut ipsum, cujus illa sedes est, quam oculis non possumus, animo saltem contempletur: hominem igitur ex humo sublevatum, ad sui Artificis contemplationem, quod optimè ingeniosus Poeta, *Ovid. in Metamorph. lib. 1.* significavit, in hunc modum describens:

Pronaque cum spectent animalia cætera terram:

Os homini sublime dedit, cælumque videre

Jussit, & erectos ad sidera tollere vultus.

Verum sunt quidam homines, qui nominis, sui, & rationis obliti, oculos suos ab alto deiciunt, soloque defigunt,

defigunt, quasi eos homines, & non belluas esse natos pœniteat, & pecudum more viventes, ac Dei iussa contemnentes, tam egregiam, venustam, speciosam, & spectabilem creaturæ faciem solerti Dei attentione formatum cultro vulnerare, vel novacula amputare, vel phiala vitrea atramento plena deturpare, vel stercore repleta defœdare non verentur. O crudeliora feris immanissimis hominum genera!

Signa.

Faciei vulnera nullis peculiaribus indigent signis quia visui patent, distinguendæ tamen sunt partes vulneratæ, an vulnus sit in malis, vel in mento, vel in alia faciei parte. Præterea facies cæsa perennem significat infamiam; denotat namque ut plurimum lenonem, unde quis posuit signum in faciem ejus, & hoc morbo mulierculæ sæpè laborare solent.

Causæ.

Pro faciei vulneribus violentam cognoscimus causam, quæ partium faciei continuitatem sejungit, & dissolvit, ita sunt instrumenta, quæ faciem cædunt, ut novacula, culter, ensis, falx, vitrum &c. Vel quæ eam contundunt, ut fustis, lapis &c. Vel quæ eam perforant, ut globuli. Vel tandem, eam rumpunt, ut lapis, ictus &c.

Prognosis.

Faciei vulnera periculosa non sunt, sed perpetuè turpia infecti vulneris vestigia relinquunt, quæ faciem omnibus aliis corporis partibus pulchriorem valdè deturpant; attamen quandoque cæsi faciem præ mœrore, & indelebili characteris infamia, omnibus intuentibus exposita tristantur in principio, quia inter homines probos versari verecundantur, attamen sensim, & sub vesperam versati incipiunt. Quandoque admodum periculosa sunt, & mortem afferunt, hoc tamen infrequenter accidit. Pro recta horum vulnerum prognosi notamus, quod alia sunt cava, alia admodum lata cum carnis deperditione, & hæc magni sunt momenti; talia sunt, in quibus ossa in frusta sunt comminuta, vel amputata, & hæc periculosa sunt. Alia levia, & curatu facillima, in quibus os nihil passum est, sed sola caro secta est.

In his vulneribus, quia cicatricis deformitas vix evitari potest, de ea futura præfagiendum est, cujus causa tam mulieres, quam viri, quoties in facie vulnerantur, propter cicatricis metum atrocissimis animi perturbationibus excruciantur, & millies in die à chirurgis sciscitantur, qualis, & quanta futura sit cicatrix sanitatis tempore, pro cuius varicinio vulnera distinguere necesse est; si namque vulnus sit cum carnis, & ossis deperditione, cicatrix necessarid erit profunda; si cum osse ex suo loco moto, ita ut restitui non potuerit, cicatrix erit cava. Quod ad cicatricis qualiteratem considerandum est instrumentum, quo vulnus illatum sit, an rubigine, vel fuligine, aut alio colore sit temeratum, an atramento, vel alio rinctu repletum, nam semper cicatrix infecti instrumenti servabit colorem. Hinc reprehendamus oportet chirurgos illos, qui ad sistendum vulneris faciei sanguinem, gossypium combustum imponere solent, ex quo evenit, ut cicatrix nigra remaneat.

Curatio.

Si vulnus sit in genis, vel in mento, vel in alia faciei parte, primò sanguinem sistere debemus illis medicamentis, quæ in hoc *tomo cap. 17. De sistendo vulneratorum sanguine* descripsimus; deinde extranea è vulnere eximamus oportet, & siquid concreti sanguinis intra vulnus existat, detergatur, ne putrescat, & inflammationem excitet. His ritè peractis, tùm vulneris labia ad mutuam contactum reducantur, reducta conferventur, & tandem agglutinentur. Pro curatione itaque considerandum est, quousque sectio perveniat, an ad os, an ipsum patiat; Si patiat an sectum, dilatatum, vel fractum, & separatum sit aliquod frustum ab osse, & an os alicui parti hæreat: quod si separatum, vel comminutum sit, eximatur, & tunc cavas

relinquit cicatrices: si carni hæreat, aut periostio, tunc componendum est, & in propriam sedem reponatur, nam ita os agglutinabitur ossis subjecto per succrescentem porum sarcoticum; ita in crurium fracturis, in quibus in plures partes, & quandoque in modum farinæ comminuuntur, quod omnes illæ partes medio callo osseo conglutinantur, observamus. Et idem quoque in faciei vulneribus cum comminutionem experimur: Unde aliqui bardj chirurgi perperam ipsum os alicui parti adhærens forcipe amputant, & separant, sic namque vulnus cavum efficiunt, & cavas relinquunt cicatrices ut *Hip. 6. aph. 45.* inquit Vulneris labia, ut ad mutuam reducantur contactum, & reducta conferventur, vulgares consuunt ea futura, quæ consuuntur faciei, vel illa utuntur pellipatorum futura, quam efficiunt acubus cuspide triangulari præditis, sub foramine cavatis, filo cera oblito instructis: & per utrumque labrum trajectis.

Cæterum futura, quæ acu fit, cruenta, & dolorifica est, qua de re illa sæpissimè chirurgi multos committunt errores: consuendo enim plus doloris excitant, quam quod vulnus ipsum fecerat, & qui crassioribus utuntur acubus, plus ex carne apprehendunt, quam satis erat, & ita sæpè labra vulneris contorta, & convoluta relinquunt, ita ut non cutis cuti, & caro carni committatur, sed cutis inter carnem media constituatur; aut si hæc vitare velint, vix summo margine cutem apprehendunt, ut vulnus relinquatur cavum, & futura paulo post dissolvatur. Præterea in faciei vulneribus futura putrescit, & mox decedit, & si iterum consuas, denuò decedit, & tandem ipsum vulnus dehiscit: nam semper idem recidit, siue futuram facias, siue intermittas, & ægri excruciantur. Insuper in iisdem vulneribus puncta deformitatem pariunt, & cicatricem valdè turpem reddunt, & ut plurimum futuræ ante vulneris agglutinationem ex quolibet levi motu rumpuntur, & corpora tenera futuram, quæ acu fit, non ferunt. Tandem futuræ ad partem affectam dolores, inflammationes, & fluxiones concitant, & ad carnis solum futurum ingressum, & præsentiam exhorrescit natura.

Optima futura per gluten inventa est, quæ sine ullo parvis vulneratæ dolore, ulla per acum divisione, & punctura vulneris labia adducit; tu itaque consonis instructus remediis, siue, ut natura siue errore suat, & curationem siue dolore efficias; hæc namque singulis diebus siue acu, & filo sinit, donec ad vulneris labia, & extremitates perventum sit, & cicatricem angustam facit, non aliter ac si filo sutorio consuisses.

Suturæ per gluten apud *Sennertum* talis est apparatus: lintea comparantur valida, æquali, mollia, quadrangularis, vel triangularis, vel alterius figuræ, prout, vulneris situs, & membri, cui applicari debent, natura requirit, quæ in parte, qua vulnus respiciunt, complacentur, aut suantur subtiliter, & fila per latitudinem eorum aliquoties trajiciantur. Linteis istis annectuntur ansulæ è filo duplicato, & contorto cera oblito, ea distantia, quam futura habere solent, aut etiam minore. Linteis istis inducatur gluten è medicamentis adstringentibus, & viscosis compositum, qualia sunt *albumen ovi, bolus Armenus, thus, mastiche, sarcocolle, farina volatilis, gypsum, tragantha, corallia, resina pinguis*, ut

℞. Boli armeni, sarcocolle, mastich. sang. drac. ana ʒ. ij. cum ovi album. misceantur. Vel

℞. Farina volatilis, mastich. ana ʒ. ʒ. boli armeni, coralliorum, sarcocolle ana ʒ. j. sang. drac. ʒ. ij. m. cum album. ovi.

Et si metuamus, ne gluten separetur, quod sit imprimis ob saniem è vulneribus effluentem, resina pini, vel picæ reliquis admiscenda; quæ humiditatem non admittunt, ut

℞. Sang. drac. thuris, mastich. boli armen. resina pini ana q. v. misceantur cum album. ovi.

Lintea hoc modo glutine inducta, & ansulis suis instructa, duo utrinque ad latera vulneris, pollicis distantia ita apponenda, ut ansulæ sibi recta respondeant, & tandem relinquenda, donec glutine siccato lintea cuti fortiter adhæreant, quod quatuor, vel quinque horarum spatio fieri solet. Linteis cuti jam tenaciter adhærentibus, ansulæ, seu fila mutuò colliganda, & constringenda, ut vulneris labia rectè uniantur. Quo modo siue omni dolore, siue cicatrice, & deformitate, quæ fit ex punctura acus

ra acus labia vulneris adducuntur, & longiore temporis spatio, quam futura, quæ sit acu, aucta, & unita servantur. Hinc saltem incommodi habere videtur hoc futuræ genus, quod ante sex, vel septem horas (citiùs enim non exsiccat ac firmiter adhærescit) nullius usus est. Verùm mora ista multum damni afferre non potest: quod si aliquid damni metuatur, parari potest sequens *emplastrum nostrum glutinatorium*, quod valde tenax est, neque humani corporis calore liquatur, ut

℞. Resina pini, colophonia, picis navalis, tacamahaca ana ℥. ss. glutinis piscium ℥. ij. ss. solut. in decoct. nuc. cupress. hyppocistid. ℥. ij. radic. consolid. ℥. ss. aquæ folliculis ulmi, & ol. mastich. ana q. s. & f. s. a. empl. admodum tenax.

Attamen vulnera cava non consuenda sunt, nec futura per gluten, neque per filum, quia adest substantiæ deperditio, & si consuerentur, tota faciei cutis rugosa redderetur, & in parte vulnerata fieret veluti locus, & deformis, at ampla cicatrix, præterquam quod gigneretur sinus, qui multum vulnerato, & chirurgus facesseret negotium.

Vulgares Galenici contuso vulnere per acum, & filum quotidie ipsum inspergunt pulveribus ex *bolo armeno*, *aloe*, *thure*, *mastiche*, & *rosis*, ac super imponunt linamentum ovi albumine imbutum, & ita ad quartam usque diem procedunt, & cum vident, quod vulneris labia glutinari incipiunt, futuram cædunt, & *emplastrum Barbarum* imponunt. Alii utuntur *oleo mastichino*, vel *rosaceo*, vel *hypericonis* ad totalem usque curationem. Si vulnus in buccæ cavitatem ita penetret, ut genæ pars tam externa, quam interna sit cæsa, hoc decocto, quod consolidandi vim habet, utuntur, ut

*℞. Radic. pentaphyll. tormentilla, consolid. majoris, ros. rubr. ana m. j. myrtillor. ℥. ss. gummi arabici, tragacanth. ana ℥. j. thuris, mastich. ana ℥. ij. boli armen. ℥. j. ss. Coque in suff. aquæ quantitate ad tertia partis consumptionem, & cola, quod decoctum continuè æger assumat in os, & si austerum nimis videbitur, *Syr. de ros. sic. vel diamor.* admiscant. Si vulnus sit cavum, medicamentis, quæ carnis generationem promovent, & cavitatem replent, utuntur.*

Consuto faciei vulnere per gluten, ut supra retulimus, & ad mutuum contactum ejus labiis adductis ad solutionis unitatem devenimus, ceterum observandum est, quod si nimis arctè vulneris labia reducuntur, & ansulæ nimis propè ad se invicem sint sitæ, tunc ingens dolor ex impedito labiorum vulneris tumore exoritur, & pus in vulneris fundo genitum non recte egreditur, unde postmodum vulneris fundus non probè mundificatur, & ex puris vitiosi fermenti remanentis in parte vulnerata abscessus arcanus oritur, & successivè non absque perniciæ se manifestaturus, qui antequam fiat, pus acre retentum cuniculos agit in partibus subcutaneis, easdem hinc inde exedit, & postmodum abscessum producit sinuosum. Præterea nimis propè ad invicem labia adducta, balsamis applicandis ingressus inhibetur. Nec vulneris labia nimis laxa, & hiantia ansulis coerceantur, nam hoc modo sita, in vulneris fundo saniosa, & purulenta materia congeritur, nec faciliè ob futuras tergi potest, & sic in sinum degenerat. Insuper ex vulnere in ulcus abit, & turpem inducit cicatricem. His animadvertis, extemplo solutæ unitati optimis medicamentis consulendum est, hujusmodi sunt balsamica volatilia, & spirituosæ, quæ saniem inhibent, partem affectam in suam constitutionem reducunt, conservantque, & ad vulneris cavitatem usque, & ulteriùs se insinuant, præcipuè si superficiale non sit, sed cum aliquali profunditate, ac tandem soluto continuo unitatem restituit, & estò Medicus illam impedire vel detinere velit, non potest, talia erunt *Balsamus artificialis*, *balsamus proprietatis*, *balsamus Samaritani*, *ol. Apparicis Hisp. ol. momordica*. Item, *ol. terebinth. destill. cum spiritu vini*, & *balsamo Peruviano* ana. Vel

℞. Ol. hyperic. momordica, balsam. peruv. albi ana ℥. ij. m.

Ablue primum vulnus spiritu vini non dephlegmato, deinde vulnus madefac uno ex his medicamentis balsamicis, quibus etiam irrorentur filamenta, & superimponentur vulneri, & absque eo quod removeantur; semel in die irrorare per quinque dies, & vulnus consolidatum erit. Tunc removere futuram per gluten, & cicatriza, absque eo quod cicatricem inducas. Vel

℞. Spiritum vini sublimatum, elue vulnus, deinde insperge subtilissimum pollinem aloes hepaticæ, & ligaturam comprime, & intra biduum sanabitur vulnus. Vel

℞. Spiritum vini, & elue vulnus, cui eluto pulv. aloes hepaticæ cum gossipio ol. hyperic. impragnato impone vulneri, & superpone fodic. emplastrum. Si facies læsa sit in genis, & ad interioris oris partem usque cæsuræ penetret, tunc externa medicamenta internis connectenda sunt, & his internè colluendum est vulnus, ut

*℞. Radic. symphyt. maj. tormentilla, sigilli salomonis ana m. j. fol. sanicula, alchimilla ana m. ss. flor. hyperic. p. j. sarcocolla ℥. ij. mastich. ℥. j. ss. Bulliant in f. q. aqua & vininigri, clauso vase, & cola admiscendo oculorum cancrorum pulveres pro arbitrio, & ad austeritatem emendandam, *Syr. de hedera terrestri*, & *symphyto Fernelii* ana dissolve, quo decocto non raro faciem cæsus utatur. Nec hoc medio tempore desint poriones vulnerariæ. Si vulnus cavum sit propter substantiæ deperditionem, ea opposita sunt vulneraria medicamenta, quæ carnis deperditæ regenerationem promovent, & cavitatem opplent.*

Hippocrates genarum, aurium, nasi, præputii vulnera non augescere, neque coalescere posse *sect. 6. aph. 19.* arbitratus fuit, cum inquit: *Ubi dissectum fuerit os, aut nervus, aut genæ pars tenuis, aut præputium, neque augescit, neque coalescit.* Verùm nos in omnibus harum partium dissectionibus contrarium experimur non solum enim in genis, narium pinnis, naso, & præputio vulnera coalescere, verùm etiam ossa dissecta, & perfectè coire, & à natura ferruminari videmus medio illo glutine, veluti ferrumine, quod porum sarcoticum, & porum osseum appellant chirurgi. Secundum hanc nostram interpretationem aphorismus videtur falsus; verum enim verò *Hip.* non intellexit juxta nostrum sensum, sed de coalescentia illa per succrescentem carnem, quæ solutum continuum combinat: non enim partes ossæ, cartilagineæ, & nervosæ mediante carne coire, nec regenerati possunt secundum substantiam, qualis est abscissa, cum sint partes spermaticæ, resarciuntur tamen & redintegrantur illo medio naturæ glutine, & callo, veluti vinculo quodam circumducto.

Faciei vulneribus ferè postremam addidimus manum, sed utramque non absolvimus paginam; multum namque molliendum superest, & quasi nihil effecimus, nisi inflati vulneris vestigia, putà deformem deleamus, vel saltem corrigamus cicatricem, quæ ægro tanti est ponderis, ut vivat moriens, & moriatur vivens, quia insidiosus amoris internuncius censetur, qui nostro idiomate insidum denotat Lenonem. Verum enim verò quandoque vulnerum characteres in vultu accidunt in monomachia, rixa, vel pugna, & etiam sunt inglorii, & inertiam in vulnerato, & animi robur in vulnerante arguunt, & usque vulnerato vulnerans fortior est, ut de *Castrico* fertur.

Quid te magnanimum, quid jactas, Castrice, fortem?

Quid capiti ostentas vulnera facta tuo?

Arguit ignavum, & vilem numerosa Cicatrix!

Vulnera qui infligit, fortior ille facit.

Quæ quandoque gloriarum insignia censentur, ut plurimum animi imbecillitatem, & opprobrium designant. Non negamus tamen milites viros vulneribus gloriari, quia virtutis sunt indicia, & spectabilius judicantur, quæ ex acie vulnerati redeunt, quam incolumes. Totum corpus unum sit vulnus, deinde una cicatrix, non tamen faciem inurat tunc miles generosus in recipiendo, quot pugnas narrabit, quot cicatrices ostentabit, totidem præteritarum virtutum signa, & corporis decora referabit, & quidam Poeta inquit:

Nil laudabilius, quam magna, & honesta Cicatrix:

Virtutem testis muta, fidemque probat.

Verùm ut verum fateamur gloriosus esse dimicare, hostes debellare, & non vulnerari putamus.

Succedit fœda cicatrix quinque de causis, vel quia est cava, vel extuberat, & prominet, vel quia est malè colorata, vel dura, & rigida, vel est inæqualis: igitur aliæ cicatrices sunt cavæ, aliæ elevatæ, & prominentes, aliæ malè coloratæ, aliæ nimis duræ, & aliæ inæquales, quæ omnes corrigendæ sunt.

Balsamicis, & consolidantibus coeunt tandem vulneris labia, & partes antea separatæ nutriuntur, nihilominus tamen cavitas, prominentia, durities, & inæqualitas in conso-

consolidationis loco remanere solent, quas cicatrices appellant. Nam dum balsamus naturalis, seu nutritivus successivè labia unit, ramen fibræ cutaneæ nerveæ antea separatae vix adeò exactè sibi denuò circa extremitates junguntur, pori quoque, meatus æquali tractu aliàs juxta se invicem situati pervertuntur, & minus apta serie collocati ita inter se confunduntur, unde glutinans succus nutritivus in istis locis detentus, & implicatus, in ossibus callum, in partibus verò mollioribus cutaneis cicatricem talem constituit; idque eò magis quò adstringentia magis, & exsiccantia, cicatrizantia, vulgò appellata, fuerit: nam hæc poros angustiendo, fibrasque duriores, & minus tractabiles reddendo, tandem insigniori cicatrici occasionem præbent, idque eò magis, quò asperior, minusque roscidus fuerit nutritivus balsamus: nam propter hanc ultimam causam in adultis majores, magisque deformes nascuntur cicatrices, quæ in unionibus minus tales existunt: quia potius hi ipsi rectè tractati vix cicatricis vestigium relinquere solent.

Fit cava cicatrix ob chirurgi errorem, quando medicamenti cicatricem inducentibus, & validè exsiccantibus utitur; aut cava ob ossis, vel carnis defectum redditur. Si ob chirurgi errorem cava fiat, cicatricem ipsam scarificari, & auferri oportet, vel medicamento vesicatorio, vel exedente. Scarificata, vel exesa cicatrice, vitæ cicatricem inducentibus, necessaria sunt medicamenta carnem gignentia ad cavitatis usque repletionem, qua repleta, nova cicatrix superinducatur. Si cavitas ab ossis, vel carnis copiarum defectu dependeat, difficillima est ejus reparatio, attamen carnem regenerantibus medicamentis tentari debet.

Si cicatrix prominens sit, deprimenda est *Lamina plumbea mercurio illita*, alicujus ponderis, pluribus diebus supra cicatricem ligata, vel sæpe sæpius aceti spiritu abluatur, vel sequenti aqua:

℞. Limones num. v. Vini opt. ℥. iij. radic. virid. ar. ℥. j. alum. roc. usi ℥. vj. Terantur radices, & limones in taleolas dissecentur, & misceantur, indantur alembico vitreo, & destilla s. a. hac aqua stillatitia cicatricem madescat. Præstantius est Lac Virgineum, cujus parandi rationem tradidimus.

Fit rubra cicatrix secundum *Galenistas* à sanguine fervidiore, ob calidam hepatis intemperiem, & in faciei venas sub cicatrice diffuso, & ob suam crassitiem fixius stagnante; Nigra verò à succo melancholico ibidem disperso. Cæterum cicatrix rubra pendet à cutis faciei textura attenuata, & ob arteriolarum capillarium extensionem sanguinem fundentium, qui per cuticulam suo translucet colore; nigra verò cicatrix fit à cute aspera, & hispida, in qua pori distorquentur, ac proinde luminis motum extinguunt & ejus radios absorbent, & suffocant. Utraque igitur cicatrix ad pristinum, & naturalem colorem transferenda est; rubras cicatrices abigere possumus *aqua spermatis ranarum cum camphora*, vel *sulphur ligetur in petia*, & per noctem in aqua rosarum ponatur, qua frequentius cicatrix abluatur; vel madescat succo *bryoniae*, & *persicariae*. Vel abigipossunt *aqua cosmetica mercuriali* composita ex *mercurio meteorizato*, succo *limonum*, seminibus *melonum*, & *cucurbita*, *camphora*, & *albuminibus ovarum*. Aufertur his medicamentis, quia capillarum arteriarum, venarumque corrugationem efficere, & liberum sanguini com meatum præstare possunt.

In cicatricis nigredine eò incumbendum est, ut cutis lævigetur, & pori in naturalem reducantur situm, id assequemur, si humore benigno, miti, & velut oleosa impleantur, ita renfi fiunt, & totius cutis planities lævissima, & candidissima apparet, omnia verò asperiora, & salina, quæ succum benignum ex cute exhauriunt, declinanda sunt. Conducunt externa cosmetica, inter quæ ex *Talco* parata extolluntur, & liquor talci magni æstimatur, de oleo hujus talci plures prostant descriptiones, verum veram adhuc cum industria quærunt Chymici. Sequens topicum omnem nigredinem à cicatrice tollit:

℞. Rad. aris, bryonia, sigilli Salomonis recent. ana ℥. j. sem. fœnugraci pulv. ℥. j. camphora ℥. ss. Simul contundantur, & affunde ol. tart. p. d. ℥. iij. Fiat expressio, applicetur cum petia bis in die.

Duræ occurrendum est emollientibus, ut oleo ex vitellis ovorum, pinguedine humana, quam admiscemus cum oleo radicis cyclaminis, vel radicis cucumeris asinini ad

callum resolvendum. Vel oleo tartari p. d. inungimus. Vel si valdè dura sit cicatrix, eam inungere debemus oleo amygdalarum dulcium, & deindè superponere micam panis in aceto acerrimo maceratam, nam sic emollitur, & postmodum attenuatur.

Si cicatrix sit rugosa, quia, malè confuta fuit, eam medicamento exedere, novam, ac lævem inducere, & deum eam emendare debemus.

Non est randem vilis Chirurgus, nec fordidus tonsor, qui non se jactet ad cicatrices prorsus defendas atcanum possidere, verum non respondere jactantia factis. Annis elapsis cuidam eunuchò una faciei pars incisa fuit, Chirurgus, cujus cutæ se submisit, pollicebatur se nec nimium quidem cicatricis vestigium relicturum, ægrotus, minimè verò id quidem respondit, imò domine chirurge, re deprecor, ut latam infixi vulneris notam relinquant, nam qui hanc faciei partem amputandam curavit, nisi stigma aspexerit, mihi alteram faciei partem amputari, vel forsan me tandem jugulari curabit: ex hoc in aliquibus vulneris stigma non abolendum esse quandoque arbitramur, ne inde pejora eveniant mala.

CAPUT XXXVIII.

De Oculorum Anatome.

Oculi ab oculando, seu occultando dicti, eo quod sub palpebris occultentur, sunt visus organa, ex humoribus, membranis, musculis, vasis, aliisque partibus videndi gratia efformata.

Positi sunt in editiori corporis parte, ut tanquam speculariores fortuitorum occursum, quæ fugienda, quæ prosequenda, ex eminentiori loco melius prospiciant. Sunt nostri corporis lucernæ ardentes, quæ Solis instar homini lumen præbent. Et sicut sol splendens microcosmum illuminat, ita etiam oculi microcosmum illustant.

Sunt oculi numero duo, tum ob majorem visus perfectionem, tum ut uno læso, vel deficiente, alter vicem suppleret; objectum tamen unum est, quod videt uterque, non duplex.

Globosam, circularemque, obtinent figuram, ut tam ad motum aptiores, si enim aliquem angulum in sua figura haberent, ab illo maximè læderetur visio; quàm ad radiorum visibilium receptionem commodiores essent.

Color in homine aliquantulum variat, estque in aliis cæsius, in aliis subflavus, in aliis niger, quæ varietas circum pupillam in iude maximè conspicua est, atque ab venæ colore procedit. In *Sinarum* regione incolæ nigros, in *Tartaria* autem virides habent oculos.

Oculorum magnitudo homini mediocris est, non omnibus quidem exactè æqualis, sed talis tamen, quæ recipiendis visibilium radiis sufficit. Interim exigua illa magnitudinis diversitas ad majorem, minoremque visus firmitudinem non parùm confert: quippe majores, & prominentes oculi multo hebetiore visu præditi sunt, quàm minores, & in profundo reconditi, cujus rei causa videnda apud Opticos scriptores.

Maximus, & admirandus est oculorum inter se consensus propter nervos opticos in medullæ summitate sibi permixtos, ac in medio connatos: nec non propter motorios è communi principio simul oriundos, atque hinc uno præcipuè à causis internis, malè affecto, mox condoler, languet alter, & ab unius noxa alter vix immunis servari potest.

Lucem aliquam congenitam in se habent, eamque mediocrem in homine, qui diuturnis actionibus in primis occupatur: majorem verò in iis animantibus, quæ nocturnis venationibus victum quærunt, ut gliribus, bubonibus, felibus &c. quorum clarè fulgentes oculi circumfusas evincunt tenebras.

Positi sunt oculi in suis domiciliis, quæ vulgò orbitæ nominantur, utrinque ad nasi latera sub osse frontis, ut viciniore essent suo principio, scilicet cerebro, in quibus continentur ad sui tutelam, & defensionem ab externis injuriis, tanquam in capsula, ossea quidem, ex osse frontis, & genarum raliter constructa, ut versus ullam partem ab extrinseco lædi possint: qua ratione etiam superpositas habuerunt palpebras.

Orbitæ investiuntur pericranio, cui adeps, musculorumque

que principia firmiter adnascuntur; In singulis tria sunt foramina. Duo posteriora, eaque maxima, & unum laterale minus. Posteriorum interius rotundum, nervo optico transitum præbet, exterius verò, ei à latere adstans, est fissura oblonga, per quam nervus motorius cum arteriis, & venis ad oculum progreditur. Laterale foramen, quod minus in angulo externo situm est, hoc sub osse cribriformi ad nasi interiora progreditur; atque inde lachrymas transmittit, & vulgò vocatur *foramen lachrymale*.

Ne per hæc foramina lachrymalia continuè lachrymæ effluerent, Summus rerum Opifex utrique carunculam glandulosam, & mollem imposuit, exiguis vasculis sanguineis, & nervulis ferè invisibilibus donatam, duobus insuper vasculis lympham vehentibus ab interiore glandulosæ carnis parte exeuntibus, & humorem ad oculi continuam humectationem sensim effluentibus præditam. Hæc glandulosa caro lachrymale foramen tegit; (à nonnullis *caruncula lachrymalis*, appellatur) & sic liquoris interni continuum exitum præbet: quousque ob nimiam ejus copiam nonnihil retrocedere, & sicisti liquori, id est, lachrymis, transitum præbere cogatur.

Hæc caruncula quandoque ab aere frigido nimis contracta, vel ab acri humore crofa, vel exulcerata dictum foramen non satis exactè occludit, & lachrymarum eruptio non impeditur, ac proinde tunc voluntarius, & assiduus earum fit profluxus.

His orbitis contenti oculi majoris tutelæ gratia palpebris, tanquam velaminibus conteguntur, quibus pulveres, molestique fumi, atque vapores ab iis excluduntur; nimiumque lumen, & aeris injuriæ avertuntur, & ad majorem claritatem carnea humectatur, abstergitur, & depuratur.

Constant exterius cute tenella, cui nulla substernitur pinguedo: interius pericranio tenuissimo ac lævissimo, ad faciliorem motum, succingitur. Has partes media intercedit membrana, quæ hic valde tenuis est.

Minimos arteriarum ramulos à carotidibus accipiunt, minimasque venulas ad jugulares emittunt; nervulis verò à secundo pari donantur.

Duæ numero singulis oculis sunt palpebræ. Una inferior, & minor, cujus in homine minor est motus. Altera superior, motu celerrimo prædita; ipsi concessa à duobus musculis. Quorum primus dicitur rectus, quo mediante oculi aperiuntur, & arrolluntur, oritur circa nervum opticum, & tendine in palpebræ extrema desinit. Alter orbicularis dicitur, qui deorsum movet; id est claudit, & tegit.

Palpebræ apertæ duos efformant angulos, quos *canthos* appellant. Horum externus est minor, internus est major, in quo caruncula glandulosa foramini lachrymali incumbit. Utriusque glandulæ usus est, serosum lymphaticum humorem ex sanguine arterioso sepatatum, per tenuissimos lymphaticos tubulos oculis affundere, ad continuam eorum humectationem, corneæ tunice absterfionem, palpebrarum motum faciliorem.

Extrema palpebrarum duriora sunt, & cartilaginosa, sed molles istas cartilagineas parvas, semicirculares Græci *Tarfos* vocant, Latini *Cilia*, ad stabilem palpebrarum expansionem, exactamque commissionem. Harum superior multo latior est inferiore, quibus pili insiguntur, qui ad definitam longitudinem excrescunt, quam ex naturæ lege non excedunt. His volitantia per aerem corpuscula ab oculis arcentur, & visus inductis leviter tenebris perfectior redditur: iis autem quacumque de causa sublatis remotiora exactè non internoscuntur, versus interiora verò conversis, gravis molestia oculis, cum visus incommodo, infertur.

Majoris adhuc tutelæ gratia, superius ad oculorum, frontisque confinia, *supercilia* constituta sunt, crassiore cute, instar arcus, prominula, pilisque pressulis, versus exteriora decumbentibus hirsuta, sudores, pulveres, & alia, quæ à capite defluunt, excipientia, ne in oculos delabantur.

Oculi visionis organa triplicibus constructa sunt partibus, quarum aliæ ad nutritionem, ut venæ, & arteriæ: aliæ ad morum efficiendum, vel facilitandum, ut muscoli, adeps, glandulæ, & vasa lymphatica: aliæ ad ipsum visum faciunt, ut nervi optici tunice, & humores.

Arteriæ sanguinem vitalem ad nutritionem oculorum, musculorum, glandularum, & adipis deferentes, partim sunt externæ, à carotidis ramo externo: partim internæ

ab interno ejusdem ramo, plexum rariformem constituyente procedente.

Venæ externæ in oculi albo spectabiles, ad jugularem externam; ut internæ nervum opticum comitantes, ad ejusdem ramum internum emittuntur.

Moventur oculi humani quaquaversum sex musculorum ope, intra orbitæ cavitatem oculis circumstantium: quorum quatuor majores recti, motum rectum sursum, deorsum, ad latera: duo multo minores obliqui, motum obliquum perficiunt, quibus omnibus adeps copiosus, tum ad facilitandum motum, tum ad oculi humectationem, calefactionem, lævigationem interponitur.

Oriuntur omnes principio acuto è profunda orbitæ parte juxta foramen, ubi nervus opticus orbitam ingreditur, cujus membranæ adnascuntur, & desinunt in tendinem tenuissimum, corneæ adhærentem, in qua omnes tendines in circuitu simul juncti, tunicam quandam tendineam constituunt, vulgò *innominatam* dictam, quæ latioris circuli instar oculo adnectitur, sed totum non ambit.

Primus musculus, superior, & crassior oculum attollit, vocatur *attollens*, quòd quia superbis hominibus frequens est, *superbus* appellatur.

Secundus ei oppositus in parte inferiore, seu humiliore, qua locatus est, vocatur *deprimens*, seu *humilis*, quia oculorum deorsum mala versus trahit.

Tertius in majori angulo positus *adducens* appellatur, quia introsum nasum versus oculum adducit, quòd quia bibentibus, dum poculum inspiciunt, familiare est, hinc *humilis* dicitur.

Quartus *abducens* in latus, ad parvum angulum, *indignabundus* nuncupatur, quòd indignantium lateralem aspectum exprimat.

Ab his quatuor simul agentibus oculus introtrahitur, & motus sistitur, qui motus Medicis *tonicus* dicitur.

Quintus, obliquorum prior, gracilis, reses, brevis, inferiore loco situs, & in extrema inferioris orbitæ parte, obliquè deorsum in gyrum oculum movet ad angulum externum.

Sextus, obliquorum alter, omnium tenuissimus, habens tendinem longissimum, oculum circumagit ad angulum internum; dicitur *trochlea musculus*, quia per trochleam circumrotatur.

Hi duo postremi ob petulantium oculorum amasiam spectantium occultas illecebras, *amatoris*, à motu verò, quem peragunt: *circumactores* nominantur.

Nervorum duo sunt paria primum *opticum*, vel visorium, crassum, & porosum deferens spiritus opticos. Inseritur parte postica in centrum corneæ, & ad retinæ centrum penetrat. Secundum motorium, quod in membranas abit, & in quemlibet musculum ramum emittit.

Oculi bulbus constituitur ex membranis, & humoribus, membranæ non nisi tres sunt, & tres humores.

Prima membrana, seu tunica ossi proxima *Adnata alba*, & *Hip.* & Galeno *Album oculi* appellata, est tenuissima pericranii supra scleroticam usque ad circulum iridis expansio, oculum orbitæ, & interioribus ossibus conjungens, unde etiam *conjunctiva* dicitur. Est exquisiti sensus, arteriolis, venulisque multis conspersa: per quas arteriolas cum sanguinis fervidioris major sit affluxus, quàm per venulas refluxus, tunc ophthalmia generatur, cujus hæc membrana sedes est. Hæc tunica communis est, propriæ verò membranæ, seu tunice sunt tres, & remota hæc adnata.

Prima se offert sclerotica, vel dura dicta, quæ à dura matre ortum ducit. Hæc totum involvit oculum, estque crassa, dura, densa, æqualis, posterius opaca, antèrè instar pellucidi cornu transparens, pellucida, & polita, unde ea parte tunicam *corneam* vocant.

Secunda, & media, quæ præcedente multo tenuior est, à tenui meninge orta, & exilibus vasculis conspersa, & quia oculi humores sicut Chorion fœtum, amplectitur, choroides nominatur: at anteriore parte qua crassior, & duplicata, atque ad radiorum lucis intronissionem in medio perforata est, & *Rhagoides*, seu *Uvea*, quia similis est spolio uvæ, detractò pedunculo, vel ab uvæ colore dicitur, quod tamen nomen sæpè etiam toti tunicæ adscribitur.

Portio illius per corneam transparens, uvæ tunice limbus, varios habet colores, atque hinc à Cœlestis Iridis simili-

similitudine *Iris* appellatur: est tamen nunc nigra, nunc cœrulea, nunc cæcia &c.

Est autem uvea in mediâ anteriore parte fenestrata, seu perforata in hominibus foramine rotundo, in quibusdam brutis oblongo, seu ovali quod Latini *Pupillam* appellant.

Ex circumferentia uveæ oritur ligamentum, vel *Interstitium Ciliare* dictum: quæ sunt tenuia quædam filamenta referentia lineas nigras palpebrarum pilis similes, & crystallinum humorem cingunt, qui horum ope necitur vicinis partibus.

Tertia *Retina*, ita dicta, quia æmulatur reticulum illud expansum, quod è fune pendulum eminens ad piscium capturam aquis injicitur. Ejus substantia mollis est, atque mucosa, in qua cum filamenta quædam tenuissima, tum vascula maximè tenella, èplexu choroide, & rete mirabili derivata, sanguinem ad ejus nutritionem deferentia, manifestè conspiciuntur. Hæc tunica est magis opaca, quàm lucida, mista obscuriori rubore, quia hic receptæ species sistuntur, & repræsentantur, tanquam in speculo: mucosa tamen nonnihil, quo mucosum subindè albicat, ad specierum receptarum illustrationem.

Hæc Retina ulterius ambiens, in tunicam *Araneam* mutatur, vel Chrystalloidem, quia sui tenuitate araneorum telam refert, & est humoris crystallini proptia tunica tenuissima, & pellucida, undè *speculum* dicitur.

Addimus tunicam *Vitream*, quæ vitreum investit humorem, & à crystallino separat.

In oculo tres observantur humores, aqueus, vitreus, & crystallinus: quorum hic nobilissimus est, & anima, atque *centrum oculi* quibusdam dicitur. Differunt hi oculorum humores, sed omnes sunt pellucidi, & colorum expertes, ac intra tunicas contenti, ubi aqueus imprimis anteriora occupat, vitreus posteriora, media crystallinus omnium sit minimus, vitreus quintuplo eo major, duplo verò, superans aqueum.

Aqueus humor, tenuis, pellucidus, omnis coloris expertus, & fluxilis, instar aquæ: antè spatium inter corneam, & crystallini sedem alluit, nullaque tunica propria comprehenditur, sed inter corneam, & uveam tunicam ante pupillam concluditur.

Aquei humoris usus est reliquos duos densiores humores, cum uvea, retinaque tunica humectare ac lavigare, & forsan etiam nutrire: ad hæc, corneam nerugosa, atque indè opaca fiat, distendere, luminis nimium splendorem infringere, & radios, visibiles dilatare. Si verò à puritate sua recedat, & crassior evadat, tunc visus hebetatur, ut senibus contingit. Si particulæ aliquæ crassiusculæ in eo natent, tunc culices, mûscæ, paleæ, araneorum telæ, aliaque similia ante oculos, oberrant, aut volitare videntur. Si illæ particulæ crassiores concurrant, & ita cohæreant, ut indè pellucida generetur, ante pupillæ foramen subsistens, tunc visus aboleretur, propterea quod radiorum visibilium ingressus in crystallinum abarceatur: idque incipiens vitium Latinis *suffusio* dicitur, consummatum verò *Cataracta* nominatur.

Vitreus humor similis est vitro fuso, non autem exquisitè pellucidus, sed aliquo pacto vergens ad obscurum, quod factum est, ne iterum oculi lumen dispergatur, nullum habens opacum, à quo terminetur. Tenuissima pellucida tunica, vitrea dicta investitur, qua à reliquis duobus humoribus separatur.

Crystallinus humor à clarissima pelluciditate, crystalli instar, maximè splendida nominatus, atque etiam glacialis dictus, eo quod purioris concretionis glaciale gemmam æmulatur, est absque omni alieno colore, ut omnes recipiat colores: duobus reliquis humoribus solidior, ac splendidior est, è purissima, maximèque pellucida seminis parte genitus est.

In hoc humore primariò non fit visio, sed in Retina, corpore opaco, in qua species visibiles terminantur, & à crystallino humore repræsentantur, ut videre est in speculo, cujus crystallus tenui obducitur mercurio, ut in ea objecta pingantur.

CAPUT XXXIX.

De Visione.

Explicatis, quæ ad anatonem pertinent, oculorum partibus, operæ præterit duximus aliqua de hujusmo-

di sensus operationibus vestigare; quare ad visionem explicandam accedimus. Quia verò, licet unusquisque videat, attamen non omnes hujusmodi sensationis methodum animadvertunt, cognoscuntque, & totam Philosophorum antiquitatem in ea exponenda ferè aut in errores irrepsisse, aut chimeras commentam esse cognoscimus: idcirco eorum placitis in medium deductis, novisque observationibus (quod necessitas, brevitasque exigunt) consideratis, & selegimus amplectenda; quæ tum ad rationem, tum ad experientiam magis facere comperiemus.

Nos non præterit, quæ inter *Peripateticos*, clamoribus cælum ipsum penetrantibus, agitur famosa quæstio; An scilicet visio fiat per extramissionem ab oculo ad objectum visibile, an per intramissionem specierum ab objectis visibilibus in oculum: & licet hujus quæstionis exagitatio, aut nihil eorum scientiæ conducat, aut primum: Nam neque in eo: quod intrà, vel extramittitur, conveniunt, neque quid species sint, intelligunt, neque modum extrà, vel intramissionis explanant, neque tandem, ubi sensatio ipsa perficiatur, agnoscunt; nihilominus eam expendere ad prædicta omnia clariùs explicanda æqui, bonique consulimus.

Radios quosdam ex oculis emitti objecta pertingentes, & ad oculos regredientes, objectorum veluti exploratores commenti sunt *Pythagorici*; asseverabant enim visum intentum in æs densum, politumque incidens, pilæ instar reperi. Sed horum improbabilitas convincitur.

Primò, ex eo, quod agens vim hujusmodi radiis ex oculo exeuntibus, ac redeuntibus communicans, imprimensque nos edocuisse debebant.

Secundò, qui fieri unquam poterit, ut tanta sit hæc ex oculis radiorum emissio, ut non solum ad quamplurima super terras milliaria, totumque Horizontem protendantur, verum etiam omnibus aeris vulgò dictis regionibus transgressis, & atmosphæra prægressa, cælos ipsos pertingant, perlustrentque?

Tertiò, hisce emissionibus admissis, radiorum vi concessa, atque putativo hoc agente dato, quæso, quo pacto renunciatore illi radii intelligendi unquam erunt, qua cognitione præditi, quove instinctu (ut ita dicamus) donati, ut objecto tacto, illicò resiliant, ejusque efformationem edicant? Certè hæc capiendò non sumus. Sed alios perscrutemur.

Plato in *Thymeo* partim cum *Pythagoricis* conveniens, partim dissidens ab iisdem, licet enim ex rebus ipsis aliquid ingrediens organum, & corpuscula in visum incurrentia admiserit, præ his verò ignem aliquem, seu lacem ex oculis emitti ad lucem usque externam stabilivit, atque has lucès invicem correntes compactasque visionem efformare ab anima persentitam edocuit; requisivit autem internæ oculorum lucis cum luce externa compactionem, ut visionis explicaret defectum in tenebris, ubi utriusque lucis non potest occursum haberi.

Sed hæc sententia quò ad ex oculis emissionem non solum præactis obnoxia est rationibus, verum etiam voluntaria; Si enim in illo utriusque lucis occursum visio perficeretur, fieret primò, ut extra oculos videremus. Secundò, ut compactio illa omnium objectum esset repræsentativa, quæ luci essent obvia externè, quod falsum convincitur; etenim potest oculorum lucis cum externa luce fieri compactio, ubi plurium adsit objectorum præsentia; vel nonnullorum esset repræsentativa, ubi nullius adstiterit objecti visibilis præsentia, puta in aeris vastitate; quare visio efformaretur, & tamen nihil prorsus conspiceretur.

Neque obstat visibilis objecti defectum visi speciem prohibere, cum præter lucis utriusque concursum voluerit etiam corpusculorum effluxum in oculos ex rebus ipsis; nam corpuscula hujusmodi rebus in oculos effluentia; vel sunt radii lucis ex rebus in oculos refracti seu reflexi; vel effluvia ex ipsis corporibus continuè profiliencia; vel species vulgò dictæ. Non primum, ut enim infra evidentius patebit lucis radii objecta se solis in oculorum fundo depingunt, & idcirco voluntaria sunt, quæ de lucis utriusque occursum compactione, cæterisque commentus est *Plato*. Non secundum, ea enim per aerem dispensa tantum abest, ut visionem efforment, ut nec lyncæos quidem oculos offendant. Non tertium, species namque secundum vulgi acceptionem intellectæ, fieri non possint, ut inferiùs constabit.

Stoici, ut refert *Gal. 3. de Placitis cap. 16.* putarunt ex oculis

oculis radios prodire nonnullos objecta quælibet pertinentes, quæ ubi contigerint, ita intenduntur, ut conum veluti efforment, cujus cuspis sit in oculorum superficie, & in re ipsa. Id totum baculi exemplo declarant; sicut enim baculi instrumento cæcus mollia, dura, lutum, lapidem, pannum &c. contacta cognoscit, ita & oculi radiis prædictis mediantribus, album nigrum, flavum, viride &c. colorata discernunt.

Sed hoc placitum vergit ad improbabilitatem: Admissis enim hujusmodi radiis ex oculo prodeuntibus, conoque efformato, inexplicabilis remanet visionis efformatio; etenim si visio conficitur in oculo, aliquid in eundem immittatur oportet, aliàs fieret, ut quolibet tempore: & etiam in tenebris videremus obscurioribus, ubi ex oculis etiam radii exeunt, & rem perringentes, conum efformant, & tamen aspicimus nihil. Præterea unde tanta in ocellis radiorum immensitas, ac particularum effluentium ad radios illos efformandos copia, ut ad cælos usque protendantur, conumque illum stabilem reddant ad videntis arbitrium? Ad hæc, cum radii hujusmodi è corpore non profiliant luminoso, tantaque careant effluviis abundantia, qui sit, ut novis non succedentibus corpusculis, avolantium particularum defectum suppleantibus, conus perdurare adeo valeat? Quod si corpusculorum successionem admittant, unde quæso, hæc successivitas, ubi tot spiritus, innumerabilesque elaborantur? Quo pacto cõherent; per corporis alicujus interpositionem recisi, quomodo coniunguntur? Insuper vel visio perficitur in re, quam conus contingit, vel in oculo. Non primum, quia contingeret, ut extra oculos videremus; non secundum, quia in oculis nihil adjicitur, per quod hæc compleatur sensatio, & si absque addito videre possemus, dormientes etiam conspiceremus.

Neque dicant radios regredi post rei explorationem; rum quia cum *Pythagoricis* convenirent, tum quia radii illi pedibus carent, & alis, nec mathematica phantastica-ri possunt machinamenta radios ducentia, & reducentia; cum etiam quia, qua cognitione, aut vi magnetica duce- rentur, ut egressi regrederentur, cum præterea sciamus particulas hujusmodi ea donatas esse natura, ut libertatem aliquandò uactæ ampliùs irretiri non queant.

Peripateticorum opinio est: ab objectis aliquid per medium proportionatum produci ad oculos usque, quod recipientes oculi & moveantur, & patiantur; hæc verò interposita passione visio constituatur. Illud autem aliqui putant substantiale non esse, neque corporeum quid, sed merum accidens.

Horum Philosophorum consuetudo cum in terminorum nihil significantium illusionem consistat, plura agglomerant, sed neque rem, neque modum contingunt; immò pro intellectu adæquatione eundem distorquent aut in dubitationum pelago demergunt.

Primò, dubitare nos cogunt: quid sit illud aliquid, quod ex visibilibus producitur objectis.

Secundò, quodnam illud sit medium proportionatum, & quo medio, seu instrumento proportionetur.

Tertiò, qui sit motus in oculum à medio impactus, & quid efficiat, in qua oculorum parte motus ille imprimatur, in musculis nempe, in membranis, tunicis, humoribus &c.

Quartò, quænam sit passio in oculo, ex cujus impressione visio efformetur.

Quintò, an visio, quæ ab hac passione producitur, dicenda sit actio, vel passio, vel actio, & passio oculi simul, vel aliquid ab utraque distinctum.

Sextò, quo pacto hæc Passio possit producere visionem.

In hoc dubitationum Oceano, quis veritatem nactus expiscabitur? Sed hæc omnia *Peripateticis* dentur. Verùm intelligere quis unquam poterit, illud aliquid ab objectis productum merum esse accidens? Quodnam agens ex objectis educit, in qua substantia subiectatur, cum ex objectis ad oculos migrat, quibus pedibus ad oculos progreditur? Præterea hoc accidens, quod oculos movet, & efficit, ut patiantur, vel oculos contingit, vel non. Si secundum, certe nec movebit, nec passione illos affici & quacumque, non enim capiendus se offert modus, quo aliquid ab extrinseco, ut dicunt, sine contactu moveatur; si primum jam accidens illud, quod tangit, corpus erit ex *Lucretio*:

Tangere enim, & tangi nisi corpus nulla potest res.

Quod si corpus, necessario substantia, non igitur merum accidens.

Præterimus, quæ de speciebus intexunt, quas vocant intentionales, & cum realibus confundunt accidentibus, verè tamen intentionales, extra enim intentionem, seu mentem esse non agnoscunt aliud. Sed data illius termini explicatione, (pro intentionalibus namque intelligunt incorporeas) quo pacto accidens in corporeum poterit afficere subiectum. At data jam hujusmodi affectione; hæc species, quomodo ab objectis avolant, qua transeunt, quo *Ariadne filo* ad oculum rectà ducuntur, ubi subjiunguntur transeuntes, oculum perringentes quomodo se insinuant, cum aliquando totius Urbis species aspiciuntur; Sed hæc omnia etiam concedantur Quæso hæc species quid efficiuntur, quid operantur, qua methode visionem peragunt? Sed ad alios transitum faciamus.

Democritus, atque *Epicurus* opinati sunt specierum, imaginum, seu simulacrorum ab objectis prodeuntium receptione visionem perfici. Quantum verò rationi, & experientiæ hæc maximorum Philosophorum sententia innitatur, intellectus speciebus juxta germanam sapientum significationem, ex sequentibus manifestè patebit. Pro his omnibus verò

Prænotandum ducimus omne sensorium per contactum perfici, ita ut omnimodo remoto contactu, omnimoda etiam auferatur sensatio; etenim, per immisionem particularum in organo, earundem verè patitur impressionem, & recipit; in hoc enim sentientis facultatis natura posita est, ut absque receptione, & passione aliquid vel minimum agere non possit: quapropter, ex diversitate modi cerebri contingendi, objectorum etiam varietas persensiscatur. Hæc probabilitas non solum experientis, verum etiam ratione, & analogia, convincitur, scimus namque sensus omnes non sine quopiam eosdem percellente sensationem complere.

Præsciendum etiam ex opticis, lucis radios, aut ab objectis reflexos, aut ab iisdem refractos, intra oculorum cavitatem, & signanter in Retina adeo objectorum, unde refringuntur, vel reflectuntur simulacra delineare, velut si intra oculos eisdem depicta ab excellentissimo artifice forent.

Hæc sententia à *Sapientissimis viris Democrito, & Epicuro* insinuata, & fuit ab incomparabili *Viro Renato Descartes* observationibus, experimentis, & rationibus illustrata, ut fatuos quoque ac mente captos ad sui evidentiam trahat. Patet enim experientia rerum extra cubiculum in luce positarum, ex quibus radii restringentes in cubiculum obscurum per foramen insinuantur; etenim radiis ingredientibus papyrus opposita rerum exterarum picturam excipiet. Idipsum manifestius reddetur, si oculo magni alicujus animalis capto, musculisque ac membranis circa fundum denudato (firmis, solidisque persistentibus humoribus) membranarum demptarum loco, charta aliqua substituatur; enim oculus in obscuri cubiculi foramine appositus juxta naturæ situm, ut radios per pupillam excipiat, ex rebus extrinsecis refractos, & intus transmittat; nam rerum extrinsecarum imagines in papyro substituta describet, quod idem assequeris convexa lente in foramine opposita.

Cum igitur innotescat per radiorum lucis intramissionem in oculo, rerum imagines, seu species depingi, investigandum se offert, quonam pacto per hanc specierum, seu simulacrorum immisionem visio conformetur.

Opinamur itaque primò præter prædictam simulacrorum immisionem in oculorum fundo aliquid aliud exigi ad visionem efformandam. Videmus enim hunc eundem radiorum ingressum, rerumque externarum picturam ab oculo, & in oculo etiam mortuo compleri omni prorsus visione remota.

Neque dicas disparitatem adesse, quia vitalitas oculi viventis supplet omnem defectum lentis convexæ & oculi demortui, nam

Opinamur secundò oculo vitalitatem efficere, ut imago in oculi fundo depicta, & signanter in retina nervis opticis adhærente, ita nervos moveat eosdem, ut eorum motu ad cerebrum communicato sensum excitet, vulgò dictum, communem, seu imaginationis sedem: atque hoc etiam citra visionis effectum fieri putamus; cum enim apertis oculis, & abstracti aliquid cogitamus, rerum imagines per radios, & oculos feriunt nostros; & in retina pingunt, & nervos movent, & simulacra eadeque

eadem in imaginativa communicant, & tamen non videmus. Præterquam quod per omnem sensationem huiusmodi motus, imaginæ, quas vulgò phantasma in sensu communi, & in imaginativa per nervorum cuique sensationi aptorum motu mexcitantur, & tamen dicere, quod per quamlibet sensationem videamus, erroneum erit.

Opinamur tertio imagines illas, seu phantasmata in imaginativa excitatas, sive ita subtiles existant ut D. August. vocaverit spirituales, vulgus verò Philosophorum ab intellectu agente spiritualizatas appellaverit, sive quocumque modo moveant cerebrum, si ad animum non pervenerint, ita quod illum advertere faciant, nullam visionem perficere. Totum id evidenter convincitur experientia; nam mentem cuilibet sensationi non applicantes nullo pacto senimus.

Opinamur quarto tum visionem, de qua loquimur, cum & quemcumque ex quinque sensibus nostris in sola animi nostri advertentia compleri, nam advertentes tantum omnium muneribus sensationem organorum functiones percipimus.

Hinc constat *Cartesii* opinionem, qua cætera, præter hominem, bruta animalia, Authomata struit machinamenta, maximum habere probabilitatis pondus.

Pro explendis virtutis amantium voris subnectendus hic esset modus, quo noster animus ad imagines huiusmodi, seu ad motus nervorum, & cerebri, quæ omnia corpora sunt, possit advertere, ut sentiat, intelligatque, sed cum hæc sint extra nostram digressionem animasticis explanandam relinquimus. Pro rei tamen tantilla explanatione utemur Theologorum paritate: Inquiunt hi Angelum, seu aliquam aliam substantiam spirituales, & intellectivam lapidi, vel alteri corpori quoquomodo præsentem cum lapidem, tum corpus quodcumque advertere cognoscere, & comprehendere, quis ergo ibi inficias nostram mentem, Angelorum instar, substantiam spirituales, & intellectu dotatam, immortalemque posse cerebri, sensuumque internorum idola, motusque per suam intimam præsentiam advertere, comprehendereque? Sed ad oculorum vulnera transitum faciamus.

C A P U T XL.

De Oculorum Vulneribus.

Sunt oculi duo frontis sidera, imò duo magna Luminaria, quæ universum microcosmum suo irradiant fulgore; unde propter hominem oculi; & propter oculos cætera à summo Opifice condita sunt, ut immensum ejus amorem contemplari, & admirari possit. Si à nativitate cæcus esset homo, neque admirabile cælum, Lucidissimum solem, formosam lunam, radiantes stellas; necnon mundi elementa, & omnia exinde exorta perciperet. Profectò itaque tot multa, quæ de Universo disceptantur, tot, tantæque abstrusarum rerum notitiæ, quas summi Viri nostræ advexerunt ætati, tot denique novarum arrium inventa, & admiranda cælo, terra, marique deprehensa oculi nobis attulerunt. Oculi certè sunt duæ pretiosissimæ hominis gemmæ, lucis specula, & ipsa corporis Lux, sicuti quoque Dominus noster *eos Lucernam corporis* vocat. Quidam in ea fuerunt sententia, ut pro animæ sede caput assignarunt, & exinde alii glabam capitis partem, putà faciem, & hinc alii demum in oculis animæ domicilium collocare voluerunt, & revera anima, seu vita, ut Jo: habetur: *Et Vita erat lux*, quæ est de luminis natura, in nulla alia meliori sede collocari potuit, quàm in oculis, qui sunt corporis Lucerna. Oculos inter principes humani corporis partes meritò collocamus; in oculis namque tanquam in terso speculo animi pathemata intuemur, quæ humanum alterant corpus, ita sunt amor, odium, audacia, reverentia, gaudium, mœstitia, afflictio, exandescencia, furor, verecundia, ultio, misericordia, cogitatio &c. Quantum suo Creatori ingratus debet homo, quod cæcum illum non creavit! Nec pro tanto munere debitas ei gratias refert. Cuncta primò ignoraret, deinde nec suum discernere cibum, potum, vestes, & pede pressum ambulando præcipitia internoscere, neque pro eis compariandis laborem subire etiam posset. Quis omnia bona enumerare, vel recensere posset, quibus ingratus homo, mediantibus oculis, fruitur? Tandem visionis ratione mors distinguitur à vita, & omnia mortem intentarent, de-

Musitani Opera Tom. II.

nique potius mortuus, quàm vivus esset, & tamen vivus in tenebris, & umbra mortis. Visione abolita, quanta infortuniorum Lerna nascatur, dicat *Samson à Philisteis*, & *Polyphemus ab Ulyssæ* excæcatus. Dicat *Belisarius*, cui utrumque oculum Justinianus eruendum jussit: quare cum aliter ulcisci non posset, exiguum extra Urbem extruxit tuguriolum, ubi per omnem vitam à prætereuntibus stipem emendicavit, illud identidem repetens: *Da obulum Belisario, viator, quem invidia, non culpa cecavit*. Quot languorum myriades in oculis ingratus sustinet, homo, ut gratiorem se reddat pro tanto colloquio munere; non aliæ principes humani corporis partes patiuntur, non caput, non cor, (excepto tamen uno *Galenistarum* hepate, quia non est malum in corpore, quod non faciat hepar) non stomachus, non uterus, quot tantilla tolerat pars, ideòque in oculorum affectibus percurandis, peritus debet esse Medicus: est tantum horum affectuum negotium, ut totum hominis studium ad se trahat, & prisci hanc cognoscentes difficultatem, oculorum curandi rationem tantum aliqui profitebantur, & ocularii medici vocabantur, ex quorum sanatione non minimam assequebantur gloriam. Cæterum nunc nostro ævo quisque leviter medicina imbutus, omnibus medetur morbis, sed nullum curat. Non impræsentiarum de omnibus oculorum affectionibus tractamus, nam de his alibi, sed tantum de oculorum vulneribus.

Signa.

Oculorum vulnera nullis particulatibus indigent signis, & non ægrè à bardo chirurgo, sola oculari inspectione, & ægri relatione dignosci possunt.

Causæ.

Causæ sunt res externæ violenter in oculum intrusæ, ejusque continui unionem solventes, sive sint perforantes, ut gladius, stylus, sagitta, acus, spina subula, vitri frustum, & quicquid pungere, vel perforare, & terebrare potest: sive secantes, ut culter, ensis &c. Sive contundentes, ut pugnus, lapis, baculus, pertica, flagrum, fustis, & fortiter, & impetuosè oculo impulsæ.

Prognosis.

Oculorum vulnera ita curatu difficilia sunt, ut in quavis alia corporis parte non sint ita curatu ardua sicut in oculo; tum ob partium nobilitatem, quæ sanationis augget difficultatem; tum propter exquisitum sensum, ratione multorum nervulorum, & membranarum, ex quibus constat, ob quem non possunt applicari medicamenta, pulveres inspergere, balsamis humectari, & similia, quia statim succedit dolor; tum propter maximum consensum, quem oculi musculi, & membranæ cum cerebri tunicis, & faciliè summus excitatur dolor; tum propter humores contentos admodum lubricos, ita ut si tunica, intra quam continentur, disrumpatur protinus effluunt. Præterea tanta est oculi, & suarum partium puritas, ut siquid in ipso præter naturam continetur, cæcus evadat homo. Insuper tot arteriolas, & venulas per se ipsum oculus habet disseminatas, ut etiam vix vulneratus, vel leviter contusus, fieri non potest, quin inflammetur, & intumorem elevetur. Tandem difficillima sunt oculorum vulnera curatu, quia oculi fluxionibus tum à capite, tum à toto corpore recipiendis, quacumque alia parte sunt obnoxii. Verumtamen verò si vulnera non totam dilaceraverint tunicam, idest, si non tam altè penetraverint, aliqua curationis spes affulget; Si verò cornea fuerit rupta, & aqueus humor effluxerit, nulla salutis spes superest. Si vulnus sit angustum, minus periculi habet, si ad uveam procedit, incurabile est.

Curatio.

In vulnere oculorum curatione *vulgares* ferè semper ejusdem lateris phlebotomiam præmittunt, cum vix initio aliud efficacius auxilium ad sanguinis fluxum, & inde faciliè subsequutam inflammationem inhibendam reperitur. Postmodum purgantia præcipuè bilem usurpant, ut & medicamenta bilem alterantia, refrigerantia,

R

& caput

& caput respicientia, cum bilis aliorum humorum ad caput sit vehiculum. Statim ipsi oculo interceptionis, & repercussionis gratia medicamenta adhibent *ex ovi albumine benè conquassato cum aqua rosarum, cui boli Armenis, terræ sigillatæ, olei rosacei, & pauxillum aceti rosacei addunt.*

℞. Album. ovor. num. ij. conquassentur cum aqua tormentilla, & rosarum ana ℥. j. adde aluminis, & croci ana ℥. j. m.

Hæc eadem repellentia temporibus, & fronti etiam imponunt. Ad inflammationem arcendam, & dolorem demulcendum *cataplasma ex meliloti, & capitum papaverum decocto, in cuius portione humectetur mica panis cum paucis croco, adhibent.* Vel *cataplasmate ex mucilagine, sem. lini, cydoniorum, psyll. utuntur.* Cæterum si contingat dolorem non remitti, ad leviora recurrunt narcotica, & præsertim ad *collyrium, quod paratur ex aqua solani, rosarum, plantag. & sief albo cum opio.* Dolore sedato, vulneris consolidationem procurant his, & aliis medicamentis, ut

℞. Sief alb. rhafis sine opio ℥. j. ℞. aquæ rosar. ℥. j. ℞. album. ovor. ℥. ij. tutiæ præp. ℥. ℞. m. in mortario marmoreo. Vel

℞. Gummi arabici aqua ros. diss. ℥. iij. cremoris rad. consolid. maj. ℥. j. pulv. subtilis thuris, aloes lotæ ana ℥. j. m.

Post septimum diem magis siccantia, & detergentia adhibent, ne caro crassa, sed tenuis generetur. ut

℞. Myrrh. sarcocoll. lacte nutritæ ana ℥. ℞. tutiæ præp. ℥. j. mell. ros. q. s. f. linimentum.

Vel si propter excrementorum redundantiam caro molli excrescar, ut multoties contingere solet, exsicceetur *pulvere alum. roc. tutiæ, sacch. & ossis sapiæ, addito modico calcanthi rubri loti.*

Henricus Heerius mirabilia, sed non credenda narrat in oculorum vulneribus, etiam effusis oculorum humoribus, de succo vesicularum ulmi vernali tempore reperibili, hominem tùm aequum, tùm vitreum aequè in galinis, ac puella quadam se restituisse putavit, cum tamen ipsa forsan natura fecerit, quod ipse hoc succo fecisse existimavit. Sed revera ut vera dicamus; mera impostura est, quod ipse scribit. Refert suprâ notatus author *observ. oppido rarar. 4.* se cum Lithuano quodam aliquando iter fecisse, qui ab omnibus medicis, agyrtis, vetulis veneficis, chymicis, in tota, quam obierat Europa, & Asia, secreta (ut vocabat) plurima collegerat: atque cum gallum gallinaceum sibi obtulisse, & iussisse, ut oculum galli sapius accuratissimo scalpello punctum; interque digitos pressum, orbitæ oculi reponeret. Quod ubi fecisset, affundisse Lithuanum illum guttas duas liquoris, qui mense Majo in vesica ulmi reperitur, obligatumque capite gallum cistæ inclusisse, & post horas octo eduxisse, utroque oculo ita sibi simili, ut sectum oculum nullus à sano posset distinguere. Hoc quamvis pro ludicro, & forsan magico, habuit *Henricus ab Heer*, accidit tamen postea, ut puella acu fortè fortuna ita oculum læderet, ut humor aqueus, & pars vitrei efflueret. Tunc ergo hunc ipsum liquorem, vulneribus sanandi aliàs utilem, sub quartam promeridianam applicavit, & sub mediam noctem linteum admotum, si siccaretur, eodem novo liquore imbui iussit. Manè (testatur Deum, & fidem) oculum externum sanum offendit, sed visu privatum, ita quidem, ut vigesimo post anno nullus excecaturum à vidente discernere potuerit, imò illa multis annis cum marito ejus rei inscio vixerit. Credat Judæus appella his *Henrici* observationibus, & non nos, qui nimis scrupulosi sumus, & ægre aliorum ineptiis assentimur.

Quò ad nostram de oculorum vulneribus curationem primò ea in sex rerum non-naturalium regimine versatur; eligatur itaque aer temperatus, fumi pulveris, & ventorum austrinosum expers. Ager in cimmeriis collocetur, & Lumen fugiendum, quia oculis vulnerati ab omni lumine vehementer tæduntur, debilibus existentibus spiritibus in oculis, unde luminosa omnia intensiora removenda sunt.

Cibi sint boni succi, & facilis coctionis, acidum, & acre angue pejus, quia nervoso generi hostile; item vapores, ut allia, cæpæ, sinapi, & porra vitentur.

Motus, & quies sint moderati, attamen quies magis quàm motus prodest; omnes autem motus oculis damnum inferunt, hinc oculus vulneratus non moveatur à sano, ea propter tutius est, ut ambo obvelentur oculi.

Somnus, & vigilia etiam moderamen habeant, verum vigiliæ magis nocent, & æger non dormiat in latere, cujus oculus afficitur.

Excreta, & retenta debito tempore suo fungantur munere. Veneris connubia exulent.

Animi pathemata proscribantur, & animus tranquillus conservetur, & liberetur à motibus impetuosus, & præsertim à mœrore; hic enim lympham conturbat, & plus justo reddit salinam, & lachrymarum profusio excitatur, quæ malum adauget.

Venæ sectio vulneratis oculis minimè prodest, imò visum debilitat: nec oculi habent ampla vasa disseminata, sed exilissima Medicamentum purgans commotionem humoribus inducens, eos reddit effrenatos, & acriores qui aliquo modo læsos oculos lædere possunt.

Pro nostra itaque curatione dicimus, quòd vel vulneratur oculi palpebra, & hæc vel superior, vel inferior: tunc adhibeatur sutura per gluten, & sic quod vulneratum est, coit mediante ovi albumine optimè conquassato cum tantillo croci pluries adhibito, deinde medicamentis agglutinantibus curatur.

Si solus oculus sine palpebra, vel cum vulneretur, tunc oculi vulnus vel est leve, vel aliquantisper profundum, in externa membranarum parte, interna manente incolumi. Si itaque, ita se habeat vulnus, ut cornea tunica vulnerata sit, sedulo tractari debet, quia hæc tunica nervea est, ac proinde vacare debemus, ut succi nutritivi, sanguinis, & lymphæ gyrus restitatur, & acidum in his excitatum temperetur, & cum hujus vulneris sanatio in partis membranose coitione consistat, ea soli naturæ committenda est, cui id est opus: Si igitur succus nutritivus, sanguis, & lymphæ optimè constitutus sit, tanquam balsamus soluti continuitatem procurat, si verò hi succi suam non conservent crasim, chirurgus, qui est balsami conservator, hunc ad suam temperiem restituat, eas amovendo causas, quæ eum intemperare, degenerare, vel corrumpere faciunt, & interim aerem externum, & lumen ab oculorum vulneribus arceat: ille enim magis lædit, quia inest aeri acidum vulneribus maximè noxium, & acor semper est partibus nervosis intensior, quàm aliis. Ad hunc scopum obtinendum, potionibus vulnerariis, quæ maritentur herbis ocularibus, & illis medicamentis, quæ corruptionem ab acido inductam abstergunt, vel resolvunt, hæc erunt omnia alkalia, & diaphoretica, & tandem illis, quæ partes membranasas consolident, talia sunt balsamica, uratur chirurgus.

Si vasa sanguifera simul læsa sint, sanguinis profusionem cohibent mucilaginosæ, ut *mucilago seminum cydoniorum, psyllii, radicis consolide majoris, ovi albumen, tragacanthum, gummi Arabicum &c. ut*

℞. Mucilag. psyllii ℥. ij. rasura rad. consolidi maj. recent. ℥. iv. ovi albumen. ℥. iij. gummi arabici ℥. j. myrrhæ ℥. j. croci gr. v. m.

Et sapius muta, ne siccescat, & oculo adhæreat.

Vel ex subadstringentibus fiat forus *ex decocto fol. rubi, plantag. verberæ, euphrasiæ, flor. ros. incomplet. acacia, carne cydoniorum in vino adstringente facto*; hæc enim non solum sanguinem sistunt, verum etiam vulnus aliquo modo glutinant.

Si dolores accedant, ne inflammatio subsequatur, & curationem impediat, compescendi sunt sequenti medicamento, ut

℞. Sacc. saturni ℥. j. tutiæ præp. ℥. ℞. croci gr. v. camphoræ gr. iij. aquæ spermat. ranar. solani, rosarum ana ℥. j. ℞. m.

Vel sequenti, si dolor maximè urgeat, ut

℞. Pomor. dulc. num. iij. coque in suff. q. aquæ euphrasiæ, & rosar. ad mollitiem, trajiciantur per setaceum, pulpis trajectis adde mucilag. sem. cydonior. ℥. ℞. sacch. alb. ℥. ij. camphoræ gran. xij. m. f. cataplasma, & applicetur.

Vel applicati possunt *sacculi flor. euphrasiæ, cyani, chamomilla, summit. anethi refetri, & aqua Regiæ Hung. aspersi.* Si aciditas, oculum urgat, ad eam tollendam, vel saltim corrigendam optimum erit sequens collyrium, ut

℞. Ocul. cancr. p. p. corall. p. p. ana ℥. j. sacch. saturni ℥. ℞. tutiæ p. p. ℥. ij. aquæ veronica, euphrasiæ, & plantaginis ana ℥. ij. m. f. collyrium.

Ad oculorum vulnera glutinanda valet liquor in vesiculis ulmi repertus. Aliqui commendant *chelidonia aquam cum camphora* hac ridicula ratione ducti, quòd hirundines sua chelidonia pullis obcæcatis visum restituant, quod tamen

fabu-

fabulosum judicamus. Magnoperè commendamus *aquam socialem*, & *tutiae tincturam*, quam semper cum fructu adhibuimus. Sequens medicamentum magnarum virium experti sumus, ut

℞. Balsam. peruv. ʒ. j. vini sublimati ʒ. ss. ol. satur. rubr. ʒ. m. in oculum vulneratum instilla.

Oculo vulnerato applicari non debent acrida, acida, & urinosa, quia nervosis partibus sunt hostilia, & acidum magis adaugent, unde temperata, & demulcentia applicanda sunt, & sæpius renovanda, ne sordes, puris instar, quæ in affecto oculo generantur, aliquod afferant detrimentum.

Si autem oculus sit perforatus, membranæ sectæ ad profundum usque statim chirurgus cæcitas periculum vaticinetur, non tamen quod cæcitas necessariò sequatur; nam quandoque evenire potest, ut oculus ad profunditatem usque vulneretur, attamen visio conservatur, ingruit tamen periculum de humoris aquei profusione, quo effusio, solet ferè cæcitas succedere; verum enim verò aliquando servatur visio, etiam si humor aqueus effusus sit, nam in cataractarum depositione accidit aliquando, ut in acus extractione aqueus exeat humor, & membrana rugas contrahat, & tamen non succedit cæcitas: humorem enim aqueum à natura restaurari per proprios ductus, modò caveatur, ne per vulnus elabatur, non infrequenter tamen hoc accidit, modò tamen ne vitreus, vel crystallinus prorumpat humor, idèdque in vulneribus corporis oculi ad profunditatem usque perpetuò indubitata subsequitur cæcitas.

Si aliquod corpus pungens in oculo relictum sit, ut sæpè contingere solet, illius extractionem tentare debemus, ita tamen ut sine dolore fiat, quod si fieri nequeat sine magno dolore, vulnere id imponendum est, quod dolorem lenit, & laxandi vim habet. *Vulgares* oleum affundunt rosaceum, verum hoc non solum in oculo vulnerato, sed etiam sano magnum dolorem, & ardorem excitare solet, ut quisquis in suo oculo sano experiri potest. Utuntur *foliis malvæ*, & *violarum cum lacte decocto*, vel *seminum peporum, portulacæ*, & *cucurbitæ emulsione*; inquit enim horum seminum lac relaxare, inflammationem inhibere, nec adstringendi vim habere, sed pro extrahendis extraneis è vulneribus vide: *caput 16. hujus Tomi.*

Ad aqueum humorem restituendum, nil aliud usurpandum venit, quàm remedium modicè adstringens, & nulum aliud quàm quod vulneris labia mucagine quadam obliniat, & viam elabenti humori aqueo præcludat, ne aqua denuò progenita à circulatione per vulneris foramen elabatur, & postmodum inflammatio, & suppuratio arceatur. Hinc varia adstringentia in oculo imponenda sunt; ne id effluat, quod motus restituit. Ad hunc humorem aqueum retinendum valet *liquor vesicularum ulmi*, vernali tempore repertus, in oculum instillatus. Ad idem valet *aqua Regiæ Hung. cum oleo rubro saturni, cum tantillo aque chelidonie*. Item *infusio lapidis medicamentosi in aqua fœniculi cum quinta essentia euphrasie*. Similiter *essentia myrrhæ, vel balsamus proprietatis*. Sunt multorum authorum observationes, oculos vulneratos cum humoris notabili effluxu linguæ linctu curatos fuisse: sed hæc est canina curatio, nempe more canum, qui sua lingua vulnera curant. Verum annis elapsis quidam Empiricus chirurgus *Franciscus Porco* cognomento vocatus, qui omnia vulnera linctu linguæ, & labiorum suctu, veluti incantamento curabat. Hic externis interna adhibenda sunt ad curam externam, ut portiones vulnerariæ, admixtis herbis ophthalmicis, nec his portionibus *cancrorum oculi* desint, & *coralliorum magisterium*.

Oculum vitreo, vel crystallino humore orbatum posse recuperare visum impossibile judicamus; cum humores hi inspissati sint, nec regerentur; quod si non effluerint per angustum vulneris orificium, opaci reddentur è pluribus incongruis particulis in illos delatis, hinc obscuritates exurgent, & irreparabilis cæcitas, & estò multi authores medicamenta describant, & varias curationes feliciter actas adducant, comiter imponunt. Nulla arte, & ratione horum humorum restitutionem in integrum fieri posse, quàm principaliter à natura dicimus, adjuncta tamen medicamentis traumaticis oculi spiritibus amicis, & specificis, prohibitis inflammatione, & suppuratione.

Quemadmodum oculi à summo rerum Opifice in sublimi corporis parte appetendarum, fugiendarumve rerum exploratores collocati: sic ad sapientiæ, disciplinarumque perceptionem, à lateribus iis aures, imminentis boni, malique, quod ob tenebras, vel interjecta crassiora corpora, vel nimiam distantiam conspici nequit, speculatores, in sublimi foco positæ, ut saltem per aeris commoti fluctus in sublimi diffusos faciliùs percipiunt.

Sunt duæ numero aures, utrinque temporum regioni unam apposuit rerum Creator, ut dextra, & sinistra corporis parte soni audiendi meliùs perciperentur, & ut una fortè læsa, altera hoc munere ad necessitatem fungeretur.

Aures vel sunt externæ, & oculis conspicuæ, vel internæ, & abditæ intra ossis petrosi cavernas reconditæ. Externa pars, instar vanni expansa, quæ non est primum, sed adjuvans auditus organum, sonos prima colligens, ac suscipiens, vocatur auris; ejusque superior pars *Ala*, vel *Pinna*; inferior mollis est, & propendens dicta *Auricula inferior, lobus*.

Magnitudo auris hominis satis exigua, figuræque semicircularis, & concinna variis protuberantiis, & cavitatibus elaborata, in quibus exceptus cum aere sonus non statim prolabitur, aut diffluit, sed nonnihil sistitur, & simul infringitur, ut deinde rectiùs, & minùs impetuosè in cavernas auris internas succedat.

Ambitus auris exterior à tortuositate dicitur *Helix*, item *Capreolus*, & altera ei opposita *Anthelix*: quæ verò tempora spectat, quia à nonnullis instar barbæ hirci pilosa est; *Hircus*, vel *Tragus* dicitur: eique opposita, cui infima auricula appendet *Antitragus* appellatur, quæ & ipsa in quibusdam pilosa est. Cavitas interior juxta meatum auditorium, ubi sordes flavæ, & amaræ gignuntur, *Alvearium* nuncupatur.

Partes quibus constat auris externa, vel sunt communes, ut cuticula, cutis, membrana nervea, & in inferiore lobo pauca pinguedo: vel propriæ, ut muscoli, vasa, cartilago.

Cutis tenuissima est, pauca carni adhærens cum firma cartilagine: eique ut vola manus, membrana nervea validè connectitur. In lobo ita commiscetur cum carne, ut subpinguis, carnosa, & fungosa existat: hinc mollis est, atque flexilis lobus, ut sine magna molestia perforari possit; unde etiam à quibusdam ornamentis appensis decoratur.

Primus musculus communis est auri, & utrique labro; estque pars musculi primi moventis genas, & faciei cutem, aurem deorsum ad latns trahens, ejusque radici sub lobo implantatur, diciturque quadratus.

Secundus proprius est, & anterior, musculo temporali incumbens à fine musculi frontis, tendinosus in auris superiorem partem inseritur, ut sursum, & antrosum aurem moveat.

Tertius posterior supra mammillarem processum oritur ab occipite, principio angustio, deinde latior redditus, & velut in tres partes divisus, aurem posterius adit: ut trahat ad posteriora, & nonnihil altiora.

Quartus à mammillari processu ortus latus, paulatim angustiat, donec in tendinem abeat. Hinc musculus potius triplex est, quia tribus insertionibus donatur, omnes tamen ex uno loco confusi prodeunt:

Musculi in iis hominibus, quibus aures moventur; rectè conspicui, sunt communes, vel proprii, horum tamen rarissima quædam exempla colligit *Schenckius lib. 1. observat. tit. de auribus*. In plurimis verò non moventur aures ob musculorum parvitatem. In asinis, equis, bovis, aliisque brutis hi musculi magni, conspicui, & sæpè plures sunt, unde ista animalia aures validiùs movere, & muscas, aliaque molesta abigere queunt, quia manibus carent, non sicut homo, qui manibus id efficere potest.

Triplicia vasa auri implantantur. Venæ minimæ habentur à jugularibus. Arteriæ à carotidibus. Nervi parvuli duo à posterioribus, totidemque à latibus, à secundo pari cervicali.

Cartilago auris est substantia, quæ ossi petroso alligatur per ligamentum validum à pericranio natum. Est ex sub-

stantia cartilaginea, nam si facta fuisset ex substantia ossea, facile frangi poterat, si verò fiebat ex carne, non poterat detineri expansa, & patula.

Exteriùs auribus adstant variæ glandulæ crassæ, & insignes, quæ *Parotides* dicuntur, licet hæc vox etiam de tumoribus intelligatur, suntque non tantum pone aures, ut vulgus putat, verum etiam sub auribus, & ad utrumque latus, sed non supra. Inter has duæ insignis magnitudinis reperiuntur, sibi invicem propè accumbentes, quarum minorem & anteriorem *Conglobatam*; majorem verò, quasi ex plurimis glandulosis fragmentis compositam *Conglomeratam* appellant anatomici. Hæ glandulæ vasa ascendencia fulciunt; & quia etiam serofos humores ex sanguine arterioso separatos suscipiunt, ac per quædam lymphatica, & salivalia vasa demittunt, multamque pituitosam saburram interdum coacervant, hinc *Cerebri emunctoria* ineptè appellantur. Sunt & aliæ multæ glandulæ in toto spatio, quod est sub maxilla inferiore, in quibus *Scrophulæ*; similesque generantur affectus, quæ tamen *parotidum* nomine non designantur, sed jugulares appellantur glandulæ. Harum magnus est numerus, sed magnitudo exigua. In animalibus nonnullis, ut porcis Sylvestribus, vulgus in deliciis habet, vocantque lacticia, & animellas.

Auris externæ usus est primò, ad ornatum. Secundò, ad cerebri tutelam, ne ab aere subito irruente lædatur. Tertiò, est ad auditus organum, sed non principale, verum adjuvans. Intus later verum organum, uti & olfactus. Et quemadmodum naso præciso, olfacere tamen possumus, licet imperfectè: sic etiam auribus penitus ad radicem excisis, audire, sed obtusè, confusè, & cum murmure, vocesque articulatas instar fluentis aquæ, aut cicadæ resonantis, ut notum est iis, quibus aures excisæ. Imò alterius auris non abscissæ actio auditoria læditur, nisi foramen abscissæ obtureretur.

Usus ergò auris externæ est promptius, & rectius sonos recipere, & per aerem vagantes tanquam in sinu colligere, ut cirra violentum impetum ad tympanum peringant, priùs in anfractibus viæ obliquitate moderati. Hinc, ne appulsi soni præterlabantur, bruta aures circumagunt ad sonos, & voces. Hinc *Adrianus Imperator*, quò acutiùs audiret, manus cavas auribus obtendebat, quod & furdastri facitanti. Hinc etiam *Scythæ* aliqui, quibus propter frigus aures commoriuntur, cochleæ testam auribus admovent, ut in cavitate facilè conclusus aer suscipiatur, & ita meliùs audiunt. Hinc exactiùs audiunt, quibus aures exterius prominent, & si non nimium tam ex longo decubitu, quam nutricum ligaturis aures depressas haberemus, rectius audirentus.

Auris interna in petroso ossis temporum processu continetur, partim ad majorem tutelam, ut ob loci duriciem à fortuitorum impetu minùs læderetur, partim ad meliorem soni conservationem, cui hic locus, ob siccitatem, & duriciem, erat aptissimus.

In hac quamplurimæ considerantur cavitates quorum quatuor propriis insigniuntur nominibus, ut *Meatus auditorius*, *Tympanum*, *Labyrinthus*, & *Cochlea*: Item *Membrana tympani*, *Duo muscoli*, *Quatuor ossicula*, *Aer congenitus*, & *Vasa*.

Meatus auditorius vocatur antrum illud, quod ab auris extremæ concha incipiens, versus interiora tendit, tenuique cute, ac pericranio ad oras usque tympani vestitur. Tortuoso ductu, seu foramine sursum nonnihil ascendit, tum ut siquid extrinsecum in hunc meatum tenderet, facilè declivi tramite deorsum ferri posset; tum etiam, ut sordes, quæ ex cerebro per aures expurgantur facillimè possent delabi. Rationes ejus obliquitatis hoc foramen nominatur etiam *anfractus*; factus est autem ita obliquus, ut aeris commoti vehementis impulsio nonnihil infringatur, sicque minùs tympanum feriat. In hoc meatu colligitur humor quidam flavus, biliosus, amarus, crassus, & viscidus, à cerebro expurgatus à mollioris ceræ similitudine priscis *Cerumen* dictus à cujus etiam melleo colore ipse meatus *Alveare* vocatur.

Circa finem hujus foraminis auditorii, membrana, sive pellicula quædam nervosa, orbicularis & pellucida situ ex obliquo in proum despicens, apparet, instar velamenti auris interni, & quoniam distensa est ad modum tympani, communiter *Tympani membrana* appellatur. Non oritur à pericranio, ut *Julio Caserio* placuit, nec à pia, vel dura matre, nec à ramulo nerveo

quintæ conjugationis expanso originem ducit, ut aliis placuit, sed à perioestio suum cognoscit ortum, siccissima est, ut meliùs personet, sicca namque ad sonum aptiora sunt. Pellucida, & subtilis est, ut soni faciliùs transmittantur ad aerem congenitum; nam quibus ab ortu crassior est, *Surditate* laborant incurabili, ut & ii, quibus exterius adnascitur tunica crassior; & si à nativitate, muti simul manent, quia voces inauditas nec animo concipere, nec lingua proferre possunt. Si verò interiùs mucus apponatur, vel humor crassior affluat, *gravis*, & *difficilis* oritur *auditus*, aut *surditas* curatu difficilis. Si tenuis affluat humor, oriuntur *aurium tinnitus*, & *murmura*. Hæc tandem nervosa est, ideòque exquisiti sensus, ut nec stylum immisum, nec acres ferat humores, est & robusta, ut duret adversus injurias externas; læsa enim, vel erosa, vel disrupta *surditatem*, vel *auditus difficultatem* inducit, quod experiuntur, quibus ob vehementem aeris sonum, à tormentis, campanisvè læditur, vel in natationibus rumpitur: ad cujus tutelam intus addita sunt tria ossicula, quorum malleus firmiter adhæret tympano, & duo muscoli. Hujus membranæ usus est meatum auditorium claudere, & aerem congenitum ab extrinsecò separando intus cohibere. Deindè interiora tueri à pulvere, aqua, animalculis &c. Ut autem elatiùs refonet, ejus dorso chorda non aliter tensa est, quàm nervus militari tympano. Duobus exilibus musculis donatur ad motum ossiculorum. Horum unus externus è superiore, atque interiore finit meatus auditorii latiore principio exortus, sensimque contractior factus, ac subtilissimo tendine membranæ tympani contiguus, ad malleolum usque fertur, membranam cum malleolo sursum, extrorsumque nonnihil extendens. Alter musculus est internus, in osse petroso situs, & circa conjunctionem lapidei processus cum osse cuneiformi exortus, nonnunquam simplici, sed plerumque duplici tendine ad malleolum progreditur, & uno ejus processui elatiori, altero ejus cervici inferitur, mallei caput obliquè antrorsum trahens, & ad interiora ab incude deducens.

Ablata prædicta membrana in conspectum venit ampla illa cavitas, quam recentiores *Tympanum* appellant, cujus interior superficies multis collicolis, sinibusque inæqualis est.

In hoc tympano mox considerata offeruntur quatuor exigua, dura, & densa ossicula, *Malleolus*, *Incus*, *Stapes*, & *os orbiculare*, seu *squamosum*. Quæ licet membranæ, seu perioestii destituta sint, tamen circa extremitates, quibus committuntur, ad nexus similitudinem, obvinciuntur ligamento exili, procedente ab eo ligamento, quod membranæ tympani, sicut nervus tympano bellico prætenditur, atque hinc chordæ, vel fili nomen acquisivit.

Primum ossiculum, quod vel à formæ qualicumque rudimento, vel potiùs ab usu *Malleum* nuncupant capitulo rotundo incudis cavitati laxiore ligamento inarticulatur, & hinc in cervicem attenuatur. Ulteriùs verò progrediens, instar caudæ reflexæ, firmiter ultra medium membranæ tympani adhæret, ac circa medium processibus duobus donatur, uno brevi, cui muscoli interni tendo adnectitur, altero longiore, sed magis tenui, qui tympani orbitæ incumbit, & tendini musculi auris externi alligatur.

Secundum ossiculum *Incudis* nomine, ab usu insignitum, & dentem molarem duabus radicibus præditum aliquo modo referens, malleolo subjacet, ejusque caput superiori parte leni sinu excipit: inferiore verò duos habet processus: unum brevem tympani specui posteriori: alterum longiorem, per ligamentum laxiusculum, sed firmum, stapedis capitulo devictum.

Tertium ossiculum *Stapes*; à figuræ stapedis equestris similitudine dictum, cochleæ insidet, & fenestræ ovali figura, ambitusque similitudine respondet, cui per ambitum undique lento, laxoque vinculo alligatur, & impelli quidem intra sinum suum queat, attolli verò, & educi citra vim non possit. Superiore parte instar arcus convexum est, cujus crura duo minutissima, nonnihil sinuata, basi transversæ inseruntur. Vertici verò, seu summitati verticis insidet capitulum minutum, planum, & rotundum, quò incudis apophysi ligamento laxiusculo annectitur.

Quartum ossiculum per exiguum, & rotundum est, atque hinc

hinc *os orbiculare* nominatur. Hoc stapedi, quā incudi committitur, per tenue ligamentum ad latus adnectitur.

Inferius, interiora versus, ē tympano ad palatum meatus patet rotundus, qui inter duos faucium musculos delatus, partim in palati tunicam crassam, prope radicem uvulæ, ubi os palati superioris definit, inferiur: partim in naris sui lateris cavitatem amplo, & cartilagineo sine, mucosarium tunicam tanquam janitore obducto ingreditur. Per hunc humiditates præter naturam in tympano collectæ ad palatum effluunt, & sonus in ore excitatus nonnihil aurem subit: quam ob causam, hebetioris auditus homines ore aperto, & expiratione cohibita melius audiunt, ut *Virg. Aeneid.* 2. inquit:

Conticuere omnes, intentique ora tenebant.

Hinc in aurium morbis hic canalis benè notandus est; quippe per illum crassi humores masticatorii feliciter ejiciuntur, & nonnunquam sternutatorii excutuntur, quod præter rationem ipsa quoque probat experientia.

In medio cavitatis tympani duo foramina reperiuntur, quorum majus, & altius circiter in media concameratione constitutum, & stapedis basi clausum, ab ovali figura, *fenestra*, vel *fenestrella* ovalis nominatur, & parte posteriore in labyrinthum se aperit insigni amplitudine. Alterum, quod minus, humilius, & rotundum *fenestra rotunda* dicitur. Hoc semper apertum manet, nec ab ullo corpore operitur, & in duos canales, squama ossea divisos, scinditur, quorum unus cum fenestrella ovali coeleam aperit, alter labyrinthum, & aeris expurgationem efficiunt.

Est autem *Labyrinthus* cavitas tympano longè minor, quam ob semicirculos osseos excavatos, tenui membrana succinctos per circuitus in eandem cavitatem redeuntes Labyrinthum appellant. In hanc cavitatem ovalis fenestrella patefcit, præter quam, adhuc aliis quinque foraminibus pervia est, quorum unum in cochleæ laterioris gyrifinem sese aperit; per reliqua, quæ aded exilia sunt ut vix capillum admittant, nervi acoustici tenuissimæ fibrillæ, ad membranam internam succingentem procedunt.

Cochlea, à cochleæ in spiras contortæ similitudine nominata, labyrintho minor, sed insignis tamen cavitas est, gyris duobus, interdum tribus, vel quatuor cochleæ in modum circumflexa, tenuissimaque membrana succincta, in quam, ut in priore, per tria, quatuorvè minima foraminula tenuissimæ nervi quinti paris fibrillæ ingrediuntur.

In his abstrusi cavitatibus aer continetur purus, ac subtilis, quem multi statim ab ipso ortu inditum, ac ex semine genitum putarunt, eumque propterea *Aerem insitum*, *congenitum*, & *implantatum* vocarunt. Verum cum partium spermaticarum difficilis sit regeneratio, hic autem aer calore circumstantium partium continuè dissipetur, hic quoque continua regeneratione opus habeat; cum etiam hic aer nulla continuitate cum ullis solidis partibus cohæreat, sicut spermatice partes omnes inter se cohærent, dici non potest eum aut tanquam spermatice aliquam partem isto loco detineri, aut è semine genitum, & ab ortu implantatum esse. Hinc nonnulli statuendum existimant, illum non differre ab aere externo, nisi quod multò purior, & tenuior sit. An non posset commodè dici, hunc aerem esse spiritum animale, per nervum in dictas cavitates effusum? Quippe aeris, putus, & subtilis est, sicut ille spiritus: utriusque eadem conservationis, & refectionis est ratio: uterque perpetuo successivè dissipatur, & generatur: deficiente spiritu, mox perit auditus, fortè quod etiam in aurium cavitatibus mox deficiat hic aer, qui internum est auditus medium, sine quo nihil audiri potest.

Distribuantur per internum auditus organum arteriæ, venulæque plurimæ ab internis, anterioribusque ramis arteriæ carotidis, & venæ jugularis profectæ, quæ dictarum cavitatum secreta loca variis propaginibus perreptant.

Ad sensum nervi inferuntur. Mollior nervi quinti paris portio in meatum ossis petrosi posteriorem delata, ad cochleam, & labyrinthi circulos progreditur, utrobique audiendi munus perficiens. Præterea accedit ramus à quarta nervorum conjugatione productus: is in tympano progreditur, eique sensum, & musculis movendi facultatem tribuit.

Musitani Opera Tom. II.

Hæc quoad partem aurium anatomicam; nunc nostram methodum sectantes, ad ea progredi curabimus, quæ ad hujus organi sensationem conducunt.

C A P U T XLII.

De Auditu.

IN hac materia quamplurima occurrunt consideranda; primò, in quam hujus organi parte auditus sensatio compleatur. Secundò, quodnam sit medium, quo auditus perficiatur. Tertiò, pendendus est sonus, quovè modo aeri communicetur, ubi incidenter de Echo, ejusque multiplicatione; & in hac tertia consideratione aliquæ explanantur difficultates ad soni notionem facientes.

Pro eo igitur, quod primò considerandum proposuimus, quamplurimæ sunt Philosophorum opiniones, quas summis labiis libare, tacita suorum patronorum nomenclatura, incongruum non existimamus. *Aliqui putarunt* in externa auris cavitae auditum perfici; at in hujus placiti omni probabilitate expertis impugnatione tempus terere indignum ducimus; constat enim apud omnes hac parte naturam fuisse usam, ut infundibuli instar aer illam percutiens facilius auditorios proveniat recessus. *Alii opinati sunt* sensationem hanc peragi in specu auditorio; sed decipiuntur, specum enim hujusmodi ad hoc institutum fuisse cognoscimus à natura, nempe ut per illum sonus traducatur, & halitus effluviū perenne existat. *Nonnulli arbitrati sunt* stapedem, malleum, & incudem auditionis sedem esse; sed toto errant cœlo; scimus enim non posse sensationem haberi absque nervorum ministerio, quibus officula carere comperiuntur. *Quamplurimi*, imò tota vulgatum grex stabiliunt aerem innatum, seu induratum ad hujusmodi sensorii complementum à natura fuisse institutum; verum hi omnium maximè decipiuntur, & Primò, in aere, quem vocant, innato, seu congenito; non enim ita innatus, ac congenitus à natura talis est aer, ut sit idem, ut dicant, numero non sit organum integrum dici non possit; eo namque extravasato, alius substituitur. Secundò quia si aer ille sensationi hujusmodi opitularetur, non alio forsitan modo id efficeret, quàm sonum excipiendo, ac nervis communicando; soni enim medium, vehiculumque proportionatum, ut videbimus, præter aerem dignoscimus nihil. Præterea, licet aer ille ad auditionem existimetur necessarius attamen organi non est pars constitutiva; verum admissio, quod pars extiterit, nec in eo auditus conficietur, cum ex nervis non constituat, qui sensationem perficiunt quemcumque cerebro communicantes motum illum ab extrinsecis subjectis per organum receptis, nervisque impressum, ut supra diximus, cum de visione; quapropter

Opinamur auditionem in cochlea, ejusque fundo, addito labyrintho, compleri, cum ibidem nervus adsit, qui cum à cerebro originem ducat, eidem cerebro soni habitam impressionem diffundere potest, ubi animus, tanquam in throno existens, advertere facilius ad suas operationes functionesque non retardatur.

Quod ad secundum pertinet, nempe quodnam sit medium, quo auditus perficiatur?

Putamus aerem unicum esse medium, quo sonum percipimus quemcumque, constat id evidentè; cum enim corpus sonans, vel vox animalis in aerem diffunditur liberum, apertumque, facilius audimus; cum verò in cubiculo clausi undique reperimur, & sonus extra sit aliquis, si rimas habeat cubiculum ita, ut aer externus cum interno contrahat communicationem, aliquo modo sentimus; si nullis obvium sit rimulis, nec ullam admittat aeris exterioris cum intrinseco participationem, modo prorsus nullo persentiscimus, rimarum autem appellatione, non eas, quæ in fenestris, portisque siccitate gignuntur fissuræ, hiatusque intelligi volumus, sed & quæ in muris, vitrorum commissura, telis, chartisque accidunt, vel scissiones, vel pororum deobstructiones, hisque similia, quæ omnia licet nostris invia sint oculis, attamen sono obvia redduntur. Hinc

Colligimus paulò infra aquæ superficiem sonum percipi nullum, quia licet intra aquæ poros aliquis insit aer interspersus, attamen quia cum exteriori, & cum inter-

sparto per aquas non invenitur continuatus, sonum concipere, ac diffundere non potest; & quamquam urinatores paulò sub superficie aliquantulum percipiant sonum, id accidit ex eo, quia aer aliquantisper aquæ corpus subit: unde fit, ut ita tenuis, atque momentaneus huiusmodi persentiscatur sonus, ut illicò evanescat. In profundo autem maris nullo pacto auditur, uti refert *Illustrissimus Gassendus* de urinatore in campana urinaria ad decem orgyas in fundo maris immerso.

Ex his patet, murmur, quod intra domum audire solemus ex bellici tormenti, aut tonitruï tremore incussum, posse ex aeris inclusi motu progigni, eodem ferè modo, quo ex aere intra tintinnabulum incluso producitur.

Supereft nunc, ut de sono aliqua notemus, & quod ad ejus spectat rationem ex *Philosopho* in 2. de anima cap. 8. habemus: *Sonum esse aeris notionem*. Cum eodem coincidunt Stoici asserentes: *Sonum esse aeris ictum*; utrisque etiam ad stipulandum videtur *Plato* ab *Aul. Gellio* relatus in lib. 5. *Noctium Atticarum* cap. 15. Sic enim definit sonum, nempe: *Aerem, validamque aeris percussione*. Hæc autem placita, licet non multum à veritate dissideant, attamen ita generaliter, ut dicunt, prolata sunt veritatis expertia; etenim scimus ex Meteoris, ventum aeris esse motum, & quamquam aliquando cum ipso vento, seu aeris motu sonum stridulum percipiamus, nihilo tamen minus in ventis tenuioribus aerem percuti, moverique cognoscimus, & soni speciem nullam persentimus. Ut igitur tantorum Philosophorum absconditam aperiamus veritatem, cum Recentioribus

Opinamur sonum in motu aeris tremulo, ac undulationi consimile consistere.

Antequam nostram hanc opinionem probemus, operæ pretium duximus, modum ostendere facillimum huius tremuli motus, atque undulationis idem efformandi: Consideremus itaque aquæ, quantitatem in aliquo ampliori stagnante loco & in stagni huius margine positi lapillum in aquam decidentem immittamus; illicò vibrationes circulares, rotasque (vel meliùs, propriùsque loquamur,) crispationes in aquæ superficie observavimus innumerabiles, undequaque se diffundentes. Harum crispationum, ratarum, ac undulationum vibratum instar, aerem moveri intelligimus, cum sonus efficitur, atque communicatur.

Quòd autem in hoc aeris motu tremulo, atque undulatione sonus consistat, multa id confirmant experimenta, & primò se offert plectrum; hoc enim colophonia delibutum, cum supra fides ducitur, asperitate sua, ac spissis veluti denticulis chordas exagitando, motum in illis inducit talem, ut tremere, vibrareque comperiuntur; quia verò aer chordis undique adjacens fidium recipit tremorem, fit, ut ipse quoque ad earum motum contremiscat, particulisque aeris sibi continuò succedentibus, eundem participet tremorem, & hæc aliis, aliisque, donec vel in aeris vastitate deficiat, & evanescat, vel à corpore solido impeditus, regrediatur; & quoniam huiusmodi motus aeris est sonus, accidit ut aures feriens, audiat, in aeris vastitate diffusus, evanescat, & à corpore solido regrediens, fiat echo.

Alio hoc experimentum confirmatur experimento: Nam fidibus servo, pinguedine, vel oleo illitis, licet plectrum pice gravidum superinducas, nullum percipies sonum; pingua enim & oleosa fidium poros, ac plicaturas obstruunt colophoniam particulis asperioribus locum obducunt, ubi impressæ vellicationem, ac vibrationem in illas incutiant, & tremore ablato, sonus etiam auferatur oportet; quod ut clariùs innotescat.

Hoc alio, facillimoque uti poterimus experimento: fidium sonantium, vibrantiumque motum digitis compescamus superpositis, & sonus illicò emoriatur. Signum evidentissimum, soni naturam à motu tremulo penitus pendere, dum motu posito, sonus etiam admittitur, motu verò ablato, sonus etiam omnino evanescit.

Insuper pulsanti campanæ aliquis propinquus pileum manu teneat, vel ipsa manu pilei tremorem à motu aeris tremulo in eundem pileum incussum animadvertet. Quæ cum ita sint, affirmemus oportet nostræ probabilitati innixi sonum ab aeris motu tremulo suam habere naturam. At ex hac nostra hypothese

Intelligimus primò soni propagationem consistere in successione; cum enim ab uno in alium diffundatur locum, necessariò successionem admittere est opus.

Ex hac autem notione cognoscimus primò, eum, qui proprior est corpori sonanti, aut loquenti citiùs audire, qui verò remotior est, tardiùs percipiet: etenim successivus est sonus.

Cognoscimus secundò rationem, cur longè à corpore absentes sonoro ictum videmus illicò, sonum verò post temporis tractum persentiscimus; nam cum sonus sit de natura successivorum, quodlibet instans motus aeris debet correspondere cuilibet instanti temporis. Unde quò remotior erit loci intercapedo, eò plura requiruntur temporis intervalla, ut ad terminum perveniat: Contra verò quia lucis radii, vel à corpore lucido prodeuntes, vel ab objectis refracti, vel à rebus reflexi undique dispersi comperiuntur, id verò visio, quæ per irradiationem perficitur illicò, & ubique habetur, cum ubicumque radios obviam euntes offendat.

Intelligimus secundò modum, quo Echo efformetur, ac etiam multiplicetur; etenim cum sonus per omnem partem, quæ aer liberior spatietur diffundi possit, fit: ut aliquando solidum offendens corpus, illudque penetrare non valens, retrocedat, quapropter ibidem communicans sese, ubi originem habuit, ab iisdem audiat iterum, à quibus genesim recognovit, & ita simplex fit Echo. Quod si hic etiam in aeris vastitate non evanescat, sed in aliud irrumpat corpus solidum soni subtilitati invium, regrediensque ad partem procedat oppositam, unde retrogressus est, tunc eodem se audientibus communicans modo, eadem reperitur vox, quæ totidem poterit multiplicari, donec ampliùs non revertatur ob sui inanitionem.

Sed hic explicandus etiam videtur modus, quo voces obeuntes, & redeuntes, seu rotæ illæ, aut aeris undulationes, & crispationes sibi invicem in progressu, & reditu occurrentes, neque interrumpantur, neque aliæ aliis sint impedimento. Pro quo clarissimum proponimus, simillimumque exemplum: In oppositis stagnantis aquæ marginibus positi lapillos in aquam recta descendentes projiciamus, & ex utraque parte undulationes rotæ instar se dilatantes percipiemus, ac unamquamque illarum ad appositam usque ripas continuari citra interruptionis, aut dissolutionis periculum; Quumque aer aquæ instar fluidus, immò fluidior sit tenuiorque, accidit, ut undulationes in eum impressæ ob ictos compactionem, eodem modo absque interruptione continuantur.

Intelligimus tertio, quo pacto sonus, etiam ab existentibus in obliquo à corpore sonante, audiat. Ex eo enim quod aeris undulatio, quæ sonus est, undique diffundatur, fit ut quò eadem pertingat etiam & sonus; & quia non solum in directo, verum etiam in obliquo crispatio extenditur, in obliquo etiam percipiat sonus.

Nonnulla alia essent hic explicanda de sono, ejusque proprietatibus: verum, quia nos de hac re incidenter sermonem instituimus, hæc dicta sint satis.

C A P U T XLIII.

De Aurium Vulneribus.

Communi vulnerum infortunio subjacent aures, & cum auditus organum maxima ex parte intus reconditum maneat, auris externa externis patefcit injuriis; hinc evenit vulnera magis auri externæ, quàm internæ infligi. Antiquitus aurium abscissio adulteris pœna fuit, & huic *Deiphocus* obnoxius fuit, de quo apud *Virg.* 6. *Aeneid.* Legitur: *populataque tempora raptis*

Auribus

prominet namque in autibus vena quædam, quæ sperma reddi prolificum, cujus abscissione hoc petulantium genus merito emasculatur, ne ejusmodi pessimorum hominum posteritas ulla relinquatur, quòd si fieret, liberos generaret, & pessimorum parentum pessimæ essent soboles. Item aurium abscissio in quibusdam regionibus fuit furum supplicium; sed accadat casus, ut quidam *Siculus*, manibus aptus furtum commisisset, coniectus in carcerem, à Judice ad aurium abscissionem damnatus fuit, & cautè à satellitibus in forum læta fronte ductus, innumera virorum, ac mulierum frequentia spectante, semotis hinc indè laterum capillis, qui aures cœlabant, sævus carnifex prensas aures forcipe detruncare incassum molitur, abjecta prima, & accita altera, post conatum geminum, ita impossibilis fuit aurium abscissio, ut tota

ut tota multitudo unanimiter conclamaret, aliquod inesse prodigium, & parum abfuit, quin fontem ex carnificis manibus extorquerent, re tandem melius inspecta, inventæ fuere aures artificiales, tenaci glutine adhæſæ, ex personarum materia, vulgò carta pista, efformatæ; nam alibi in patrati furti pœnam illi propriæ aures abscissæ fuere. Quot fuerunt risus, cachinni, vociferationes, festivi crepitus, & sibili in illo jocosso spectaculo, explicare magnæ molis est. Versutum furem impunem Iudex satellitibus comitatum jussit exterminandum.

Signa.

Non indigent aurium vulnera, vel earum abscissio aliis signis, nisi ipsa autopsia.

Causa.

Sunt aurium vulnerum, vel earum abscissionum causæ: quæ earum continuitatem solvere, vel eas abscindere valent, ut ensis, culter novacula, vel aliud instrumentum.

Prognosis.

Aures præcisæ faciem deformant, estò capillis obtegi possint, nihilominus illi, quibus ad radicem usque obtruncatæ sunt, non perfectè audiunt, sed obtusè, & voces magis confusè, instar sonitus aquæ fluentis, aut cicadæ resonantis cum murmure quodam percipiunt, quia cum aere sonus statim prolabitur, ob cavitatis carentiam ad illum colligendum. Vulneratur, & rumpitur quidem interdum etiam tympanum, & tunc immedicabilem adducit surditatem.

Curatio.

Aurium vulnera eodem modo, ac narium curantur, verum si aliqua auriculæ pars sit discissa, vel appensa hæreat, vel totaliter amputata, dummodò non sit emortua, *vulgares* futura acu, & filo facta utuntur; verum si futura facienda sit, acus cartilaginem non tangat, abitenim in gangrænam. Si verò auris cutis consuatur, putrescit mox & cadit, estò per breve tempus inhærere videatur. Non possumus non increpitare sordidos chirurgos, & tonsores pediculifecas, qui se nasum triduo antè abscissum, & serò in niverepertum, digitos etiam præfectos, caput à trunco secure ademptum, aures à felis faucibus ereptas restituisse gloriantur. Non displiceat iterum audiri historiam nostro proposito coherentem à *Paracelso* relatam de quodam tonsore chirurgo *Galenista*, inquit enim: *Ego quoque memini, cum apud forum Julii essem, me tonsorem vidisse, qui magna omnium admiratione, cuidam, cui auris præfecta erat, eam cemento adglutinarit, verum gloria ea brevis, & inanis fuit: nam altero post die, suppurata, statim decidit, ipseque vulgi fabula factus est.* Abscissa restituere membra sunt divini Medici artificia, ut de *Malchi aure à Divo Petro* amputata, & à *Christo Domino* restituta, ceu habetur in Evangelio secundum *Lucam* cap. 22. num. 50. & 51. *Et percussit unum ex illis Servum principis Sacerdotum, & amputavit auriculam ejus dexteram.* Respondens autem *Iesus* ait: *Sinite usque hunc.* Et cum tetigisset auriculam ejus, sanavit eum.

In vulnerum aurium curatione quodlibet vinculum est hostile, cum itaque fiat, neque nimis laxum, quia non finit agglutinationem perfici, nec medicamenta acuantur, quia molestiam affert, dolorem commovet, pulsationem incitat, & inflammationem accendit. Cataplasmata, quæ onerosa sunt, prorsus exulent, quia noxia sunt, abscessum excitant mucosa reddunt, & earum suppurationem suscitant, quæ partibus cartilaginosis infensa est. In aurium itaque vulneribus abstineamus ab omni cataplasmate, quod onere nocet, vel molestiam infert; adhibita igitur futura ex glutine primò, tantum medicamenti utimur, quæ protinus vulnera curant, & præcipuè balsamica latè à nobis descripta, & præ omnibus hic balsamus est optimus, quem nos magnificimus, quo in omnibus vulneribus quocumque modo inflicto magno cum successu utimur, ut

℞. *Aquæ Regiæ Hung.* ℞. ℞. *balsami peruviani* ʒ. j. ol. *apparic. hisp.* ʒ. iij. m.

Musitani Opera Tom. II.

Ut verò aurium vulnera in suo naturali statu conserventur, inter caput & aures gossypium apponendum est, & in opposito latere cubandum, & debita linamenta cum fasciis adaptanda sunt.

C A P U T XLIV.

De Nasi Anatome.

EST nasus aliud sensus organum, datus homini, & animalibus quadrupedibus viviparis, qui in editiore corporis parte suam habet sedem, ut ascendentes invisibiles exhalationes, & vapores melius susciperet, & eorum particulas per nervos odoratorios, tunicæ interiori insertos ad sensorium commune deferret, mentique judicandos exhiberet, atque sic humores appetendas, vel fugiendas, quæ visui non obijciuntur, nec auditu percipiuntur, cognosceret.

Nasus est faciei pars protuberans, olfactui inserviens, & in respiratione aeri transitum præbens, necnon cerebri excrementa, per ossa cribriformia depluentia emittens.

Magnitudo variat, uti & figura, nam alii maximum, alii parvum, alii simum, alii aquilinum habent nasum, verum quò concinnior est in figura, magnitudine, & colore, eò plus ad faciei pulchritudinem, & venustatem confert.

Dividitur nasus, sicut & auris, in externum, & internum, internus habet ossa, & nervos cum processibus niamillaribus: externus dicitur extrinsecus in partem superiorem, & inferiorem.

Pars superior, quæ ossea est & immobilis, dicitur *Dorsum nasi*, ejusque pars acuminata, *spina*, inferior pars cartilaginea est, & mobilis, cujus ima extremitas dicitur *Nasi globus*, & *orbiculus*; ex cujus solo tactu, virginem corruptam judicamus: laterales infimæ partes *Ala*, & *Pinna*: pars carnea in medio prominens, labio vicina: *Columna* appellantur.

Intrinsecus dividitur nasus per *Septum* in duo foramina, vel sinus, quos *nares* vocant: ut uno foramine obstructo, altero inspirare possimus, utroque verò obstructo: os narium vicem præstat. Quodlibet foramen rursus dividitur circa nasi medium in duas partes: una sursum ascendit ad os spongiosum, altera supra palatum abit in fauces, & oris interiora. Hinc potus per nares aliquandò effluit, & naribus injecta, naso clauso per os elabi solent. Hinc etiam excrementa crassiora dum deorsum feruntur ad nares, in os elabi possunt, aut screatu eò attrahi, & per os expurgari, vel in stomachum descendere.

Constat autem nasi substantia ex cuticula, cute, musculis, ossibus, cartilaginibus, vasis, & tunicis.

Cutis admodum tenuis est, & pinguedine caret, ne nimium excrescat, hæc cutis tam firmiter cartilagini, & musculis adhæret, ut integra, & illacerata separati vix possit; sub septo in columna multò crassior, & fungosior reperitur, ut cartilaginem æmulatur, & interiùs pilis investitur, qui *Vibrisci* dicuntur, & impediunt, quo minùs in inspiratione culices, paleæ, aliaque similia, versus interiora faciliè attrahantur.

Musculi sunt *osseo*, quorum beneficio motus perficitur & cuique alæ quatuor inferuntur *Quatuor ad dilatationem* faciunt, dum alis vel pinnis sursum tractis, narium foramina aperiunt, & *totidem ad constrictionem*.

Duo primi dilatantes, qui carnosi, oriuntur ab osse malarum, juxta labiorum musculum, quem tertium constituunt. Inferuntur partim in labii superioris partem, partim in pinnam anteriorem.

Duo reliqui, qui ferè triangulares, initio acuto, & carnosio, nascuntur à frontis futura, juxta foramen lacrymale, & nasi spinæ, aliisque implantantur.

Duo primi constringentes, qui parvi oriuntur carnosi circa pinnarum radicem, transversum feruntur, & angulis alarum inferuntur.

Duo reliqui firmissimi sunt & membranosi, latentes sub tunica narium parte interiore. Oriuntur ab ossis nasi extremitate, & pinnis implantantur.

Superiorem, & immobilem nasi partem expansam sustinent *ossa*, eaque vel propria, duo scilicet lateralia, & unum internum medium, quod nasum in duas dirimit partes *os spongioides*, *spongiosum*, vel *spongiforme* in media frontis basi situm, & narium cavitatem opplens, dicitur etiam *Ethmoide*, *Cribriforme*, vel *cribosum*, quia pars ejus interior, qua capiti jungitur, multis fo-

raminibus, cribri instar, sed tortuosis, & anfractuosis, non tectis pervia est, atque hæc pars propriè est, & dici debet cribrosa.

*Cartilagine*s substantiam constituentes inferioris partis nasi sunt quinque. *Due supreme*, Latiores nasi ossibus adhaerent, & quò magis descendunt, eò molliores fiunt, adeò ut nasi extremum, substantiam habet, quasi partim cartilagineam, partim ligamentosam. *Tertia* inter has media, septum constituit, vel interstitium inter utrumque nasi foramen. His apponuntur *duæ aliæ* pinnae constituentes, & per membranosa ligamenta colligantur.

Venas ex jugularibus, & *arterias* à carotidibus recipit.

Ad sensum musculorumque motum, *Nervus* utrinque unus à tertio pari per foramen commune ad majorem oculi angulum in tunicam nasi internam, & ei substratam carnem papillosam abit, in quam spiritus animales, ad olfactus sensum perficiendum effundit, atque inde ulterius ad ejusdem musculos progreditur.

Narium interior amplitudo investitur tenui membrana, quæ à dura matre, per foramina ossium cribriiformium, vel per foraminula palati erumpente oritur, & tunicae oris, palati, linguae, laryngis, & œsophagi communis esse, vulgò traditur: Sed in naribus tenuior est, & exquisiti sensus, nam irritata sternutationem facit. Hæc membrana, qua parte ossibus cribriiformibus adhaeret, exilibus foraminulis, seu propendulis tubulis pertusa est, ad cerebri excrementorum transitum.

Sub illa membrana latet caro quædam tenuis, mollis, & papillosa, quasi ex multis papillulis coagmentata, quæ in hominibus valdè difficulter, in vitulis aut bobus paulò facilius invenitur, quamvis non sine molestia. Hujus papillulae parte anteriore minores, versus posteriora verò majores protuberant, & à paucis sunt observatae, à nonnullis pro exilibus glandulis habitæ.

Externi nasi usus est: *Primò*, ut per eum aer intret in cerebrum, idque pro spirituum animalium necessitate. *Secundò*, ut per eum aer in pulmones intret pro flammulae vitalis accensione, *Tertiò*, ut per eum odores ad mammillares usque processus deferantur. Unde quibus nasus ad radicem dissectus est, vel non olfaciunt, vel imperfectè. *Quartò*, ut cerebri excrementa per eum, seu canalem, effluant. Qui usus secundarius est, quia multos novimus, qui nunquam per nares aliquid expurgant. *Quintò*, ad vocem quoque aliquid confert. Tandem *Sextò*, ornatum faciei addit. Unde quia ad ornatum plurimum confert, *chirurgia Curtorum* nata, circa renascendum nasum occupata, de qua chiturgus *Tagliacozzus*.

C A P U T XLV.

De Olfactu.

Certum est nasum esse odoratus organum, verum cum ille ex multis, variisque partibus constet, quæ omnes simul isti muneri præesse non possunt, diu, multumque inter Doctores dubitatum est, in qua nasi parte odoratus perficiatur.

In vasis sanguiferis, ac lymphaticis, ossibus, aut cartilaginibus illum non fieri apud omnes in confesso est.

Fuere aliqui qui per peculiare, altetius naturæ nervos naso insertos, & específicos etiam spiritus animales per istos nervos influentes odoratum perfici crediderunt. Sed non observarunt, quòd omnes totius corporis nervi in compositione, seu constructione vix aliter differant, quam quòd alii sint majores, alii minores, alii longiores, alii breviores, alii molliores, alii duriores: quòd tamen qualescumque fuerint, omnes uni, eidemque muneri inserviant, scilicet viæ sint, per quas spiritus animales deducuntur. Præterea etiam non considerarunt, quòd illi spiritus, per quoscumque nervos delati, nullo modo sunt diversi, nec alterius constitutionis, qui per hos, quàm qui per alios nervos, ad has, aut illas partes influunt; sed ejusdem sint substantiæ, & naturæ, per quoscumque nervos & in quascumque partes defluerint. Denique non animadverterunt, quòd diversitas operationum, quæ eorum ministerio perficiuntur, non procedat ab eorum, ut nervorum eos vehentium diversitate, sed à diversitate constitutionis partium, in quas influunt: sic oculo visum, in musculo motum, & in cute sensum tactus faciunt. Igitur ut in naribus odoratum faciant, debent iis necessariò etiam specificæ aliquæ partes

inesse, in quibus, mediantibus illis spiritibus non simpliciter tactus, sed odorum, ut odorum, suaveolentium fœtidorum, rosaceorum, camphoraceorum &c. perceptio, & distinctio sit.

Galenus olim processus papillares esse nervos odoratorios, & proxima olfactus organa perperam fancivit: nam *Primò*, nullam habent similitudinem cum nervis. *Secundò*, amplam habent cavitatem, qualis in nullis nervis invenitur. *Tertiò*, ex medulla oblongata, omnium nervorum principio, non oritur. *Quartò*, ex crassa meningē, & cranio non elabuntur neque ullos funiculos nerveos in narium membranas emittunt, sed tantum pituitam per ossis ethmoidis foraminula ad narium ossa deponunt. Præterea nervosum organum excrementis scatens ad hunc usum ineptum esset, sicut in omnibus aliis nervis etiam contingit, quorum usus à pituitæ affluentis humectatione, & obstructione impeditur, in his autem ductibus humores pituitosi ferè semper modò majori, modò minori copia inveniuntur idque etiam in canibus, acutissimo odoratu præditis, in quibus tamen olfactum hinc non impediti experientia docet. Neque etiam in homine ob hanc pituita modica quantitate illic hærentem imminuitur olfactus; verum si tanta ejus copia in interiori fungosa narium substantia colligatur, ut eam instar spongiæ intumescere faciat, hincque narium membranæ, cum nervis iis insertis, comprimantur, ac libera inspiratio per nares (sine qua non sit illius odoris perceptio) impediatur, tunc odoratus imminuitur, & impeditur, quemadmodum id in coryza fieri notum. Liqueat igitur hoc processus non esse nervos odoratorios, sed ductus evacuandis excrementis dicatos. Hinc ex antedictis patet, odoratum non fieri in peculiaribus aliquibus nervis, sed in specificis quibusdam partibus, in quas nervi suos spiritus infundunt quæ partes certè non possunt esse processus papillares, cum illi neque spiritus vehant, neque in sese ullos nervos recipiant, vel admittant.

Plurimi alii judicarunt odoratum fieri in membranis specificam aliquam constitutionem adeptam esse, cujus ratione odores distinguit. Verum, cum membranæ sint organa tactus, non verò odoratus (qui sensus à tactu longè differt,) & tactus quidem faciat ad perfectionem odoratus, quòd tactu privatum etiam non odoraret, sicut oculus tactu privatus non videret: cumque aliud sit sentire, & distinguere odorem cutæ, castorei, moschi, camphoræ, &c. sicut in oculo aliud est videre colores, aliud sentire asperitates, & dolores; satis patet membranam, quæ est organum tactus, non esse adæquatum organum odoratus. Nam organum tactus, qua tale non distinguit odores, aut colores, sicut etiam organum odoratus, visus, qua tale non judicat de asperitate, dolore &c. Hinc vici non potest, quòd membrana, quæ nares investit, sit alterius naturæ, temperiei, quàm aliæ membranæ: nam si hoc verum esset, (quòd primò probandum solet) tunc eatenus acutiore, vel obtusiore tactu prædita esse posset, sed tamen non distingueret, aut dijudicaret odores. Denique, si illa membrana odoraret, & sicut communiter traditur communis, ejusdemque esset substantiæ cum membrana oris, palati, linguae &c. quare etiam in illis partibus non haberet illum odorandi usum, quem in naribus ei adscribunt.

Hæ sunt circa odoratus organum sententiæ, & cum ex modò relatis nulla rem acu retigerit, postremò etiam nostra, adjicienda est. *Nos igitur* in naso verum odoratus organum esse censemus, tenuem istam carnem papillosam, sub interiori narium tunica sitam, quæ non habet aliam sibi similem in toto corpore, cujus papillulas nervorum odoratoriorum fines ingrediuntur: eodem modo sicut gustus proximum organum sunt papillulae sub extrema linguae membrana sitæ, & visus proximum organum est tunica retina. Non quòd velimus in hisce organis singulorum objecta percipi, sed singulis organis illatam à suis propriis objectis motionem, seu alterationem, mediantibus nervis, & spiritibus in cerebro percipi, & à mente judicari.

Posito igitur, quòd in papillosa illa carne sub interiori narium internarum tunica constituta, olfactus consistat, cujus lamellas nervi olfactorii ingrediuntur nunc explicandus remanet modus, quo odoratus sensatio fiat.

Supponimus itaque olfactus sensum ob analogiam cum cæteris, per solum contactum haberi; cum enim pati aliquid

aliquid necesse sit ad hoc, ut rem, à qua afficimur, percipiamus, nec alius possit passionis actus excogitari præter vellicationem, quæ contactu perficitur, ut solo contactu odores perentiscamus.

Unde oritur longè à veritate dissidere eos, qui odores in mera constituunt qualitate; hæc enim vel corpus erit, ut contactum efficere valeat, idcirco substantia; vel corpore erit expers, & contingere non valens, sensum etiam producendi impotens erit. Sed ut ad rem nostram redeamus

Considerandum erit ab omnibus corporibus effluvia particularum quædam emitti vel ex eorum corruptione resoluta, ut in cadaveribus, rebusque aliis corruptis, vel ex eorum fermentatione extricata, ut fructibus jam maturis, floribusque; vel ex partium ab ossiduo motu interno, extrinsecoque subtiliatarum, & è poris avolantium insensibili transpiratione, ut in viventibus, cæterisque corporibus. His ergo effluviis aer inspiratus, atque inspissatus statim ac nares per inspirationem subintrat, ita lamellas vellicat prædictas, ut motum nervo olfactorio communicans, & per nervum cerebro, animus odorem animadvertat.

Quia verò non solum odores sentimus, verum etiam eorum diversitates cognoscimus, idcirco eorundem varietatem quo pacto discernamus enucleare operæ pretium erit. Pro quo

Supponimus ex Physicis atomos, seu corpuscula variis à prima rerum genesi donatas fuisse figuris; alias enim intelligimus rotundas, alias quadratas, alias triangulares, pentagonas, alias exagonas &c. Harum congeries, dum per aerem diffusa nares ingreditur inspiratione, secundum figurarum diversitatem, diversum etiam contactum efficiat necesse erit; quod enim ad rotundiores vergunt magis figuram, eò placidiorem in parte contacta producere contactum confiteamur oportet; quod verò acutiorem præferunt configurationem, contactum etiam punctiosorem, atque asperiores producant erit inconfesso. Igitur quæ particulæ ita contingunt, ut contingendo demulceant, grati vocantur odoris, quæ autem ita nares afficiunt, ut punctiorem exaltent, nimiumque lamellas percellant, ingraturum generant odorem.

Hic autem pororum partis contactæ, nec non earundem partium constitutio, atque structura in considerationem veniunt non vulgarem; etenim multoties fit, ut lamellarum prædictarum pori vel arctiores inveniantur, vel latiores, unde particulæ odoratoriae si earundem poris non conformantur, sed poros distendant, vel purgant, odor aliàs gratus, ingratisissimam inducit sensationem.

Sic experimur quotidie moschi odorem gratissimum, aliquibus, & præsertim mulieribus regulariter detrimento, ac foetori potius, quam solatio esse: Sic canes nostris cum solatio vescuntur excrementis, quæ nobis olent quam pessimè: Sicque iidem in corruptorum cadaverum sanioris voluntantur reliquiis, à quibus cum nos, tum cætera abhorrent animalia. Ex hac insuper partium conformatione

Fit, ut quæ ab olfactu sentiuntur particulæ, alios non afficiant sensus, hæc enim ita à natura sunt conformata, ut prædictarum lamellarum poris conformantur, & aliarum partium poros aut ingressum habeant, & regressum nullum, aut ita eorum configurationibus sint pori patentes, ut nullo facto contactu liberè progrediantur, & sic licet inspirati aeris particulis odoriferis referri pars asperam subintret arteriam, nullam tamen odoris producant ibi sensationem.

Pro hujus materiæ summatio complemento explicandum ducimus, quidnam pro olfactu aeris inspiratio, & respiratio operentur, pro cuius solutione.

Supponimus ex dictis in Theoria Medica, in qualibet aeris inspiratione, primum Diaphragma, thoracemque dilatari, ut pulmonum sub se contentorum extensioni locum præbeant opportunum, deinde pulmones ipsos aerem per asperam arteriam in eosdem immissum recipere, semet dilatando; in respiratione verò primum pulmones restringi, aerem receptum expellendo, posthac autem thoracem, & diaphragma: quia verò aer hujusmodi pulmonibus immisus, vel per os, vel nares ingressum obtinet, regressumque ad asperam arteriam (cum illis namque convenire adhuc dubitamus, qui capras per aures etiam aerem inspirare, ac respirare insinuant) accidit; ut in tali aeris immissione, & remissione nares etiam internæ quodammodo distendant, atque coarctentur; cumque hujusmodi dilationes, & restrictiones absque pororum re-

strictione, ac ampliatione contingere non queant, oritur, ut in pororum dilatatione major habeatur olentium particularum ingressus (diximus olentium particularum non quia cum vulgaribus sentiamus, odores esse mera appellata accidentia; hæc enim non admittimus, sed olentes vocamus particulas, quæ per contactum efficiunt talem sensationem, quæ odor appellatur.) Ex quo

Fit, ut eò major percipiatur odor, quò magis dilatantur narium externarum pori ad halitus odentes percipientes; quapropter, qui odoribus quam maximè affici desiderant, rem, unde odorata exhalant particula, fortius inspirare satagunt.

Ut autem de odoribus ad hanc sensationem pertinentibus aliqua summam delibemus, opinamur odores nil aliud esse, quam corpusculorum è corpore prodeuntium effluxus; hæc autem corpuscula pro magnitudinis, figuræ, motusque varietate sicuti diversimodè lamellis narium internarum proportionem habere competuntur, ita variè olfactum afficiunt; unde ex diversa hac affectione varietatem odorum discernimus, ut superius notavimus.

Quòd verò in corpusculorum effluxu odor consistat, evidenter constabit, si ea perscrutemur, quæ ad eos facere videntur; Qui enim fit, ut contra ventum ambulantes odorem perentiscamus à vento aerem agitante translatum, secundo autem vento percipiamus, nisi quia ventus aerem movens, corpuscula etiam odora per aerem dispersa secum ferat. Id etiam convincitur ex corporum illorum combustione, quæ vulgò odora dicuntur, ut sunt thus, Styrax, moschus, Zibettum &c. his namque igni superpositis, halitus particularum per aera disperditur, qui aerem complens, omnes illum inspirantes afficit.

Neque obstant hujusmodi halitus ab aliis corporibus exhalatum non sentiri; facile enim contingit, ut quandoque ita tenuis hujusmodi sit halitus, motumque in organo imprimat adeò exilem, ut discerni ob tenuissimam vellicationem non possit; vel ita poros narium internarum à mucis, quamque vocant pituitam obstructos inveniat, ut transitum ad narium lamellas obtinere non valeat, ut in coriza; vel tandem in narium internarum poros dilatatos ita offendant, ut liberè per eos transiens, nec organum contingat, vel ita insensibiliter tangat, ut minimè percellat.

Ex hoc autem deducimus instrumentum, mediumvè ad halitus hujusmodi promovendos, excitandosque ignem esse, aut calorem; cum enim ignis particulæ, seu caloris corpus aliquod ingredientis, & moveant sese, suoque motu corporis particulas excitent ad motum, fit, ut ex tali excitatione tenuiora corpuscula ab eodem profiliant, perque aerem dispersa cum eodem inspirentur. Ex quo

Colligimus primo aromata, aliaque ligna odora, eò olere perfectius, quòd, eorum succus à calore magis depuratus, defæcatusque facilius in halitum exhalabilis reditur odorum; unde, quæ alibi ab Arabia adolescunt hujusmodi arbores, ubi calor eò vegetus non est, aut nihil, aut longè minus olent; quorum ratio est, quia calor abundans aqueum humorem absorbens vinculum tollit particulis, easque ad promptiorem exhalationem disponit: ubi verò calor tenuis invenitur, aqueum non ita potest exsiccare humorem, ac propterea corporis particulæ sub aqua irretitæ cum evolare non possint, nec olfactum poterunt aliquo modo afficere.

Colligimus secundo, fructus immaturos, floresque ad perfectionem non adhuc deductos, aut omni prorsus expertes esse odore, aut quam parum olfactum afficere; etenim non rectè fermentati, sulphureque (ut cum *Spagyricis* loquamur) ad fluorem non adhuc redacti fieri non potest, ut eorum particulæ, à sale indigesto fixatæ extricentur, exhalentque; peracta verò fermentatione, sulphureque, ac spiritu jam exaltatis, quia corpuscula veluti per calorem subtiliata, facilius avolant, idcirco odorem producant. Ex hoc autem

Cognoscimus fructus in loco frigido, siccoque retentos diutius perdurare; nam frigus vinctas detinens particulas, motumque earum impediens, fructuum avertit fermentationem, maturitatem, & corruptionem; locus autem siccus in causa est, ut omni adstitia humiditate remota, ex qua vel fermentatio vel fibrarum relaxatio &c. proveniunt, diutius conserventur.

Colligimus tertio, corpora istiusmodi, vulgò dicta odorifera, pederentim imminui ex assiduo particularum ab

eis avolantium effluxu, moleque, ac pondere decrefcere; Experientia enim duce, animadvertimus pomorum jam matutorum cortices, poſt tempus aliquod aut criſpari, aut indureſcere, ſorum verò vividitatem flacceſcere, hebetatique; nam avolantibus particulis ſpirituofioribus, à quarum congerie, motuque vividitas oritur, craſſiſque remanentibus, quæ fixiores ſunt, fructus, floresque aut conſtipantur, aut flaceſcunt, hebetanturque, ac proinde colore, odoreque ſunt expertes, ac corruptioni obnoxios.

Colligimus quartò corpora olentia eò diutiùs perdurare, quo ſtipatius, ſtrictiusque occluduntur, etenim particulis ex corpore odore avolantibus, exitumque non offendentibus, ut ibidem permaneant oportebit. Id totum convincitur ex eo, quòd aromatarii moſchum, ambarum, zibetum, aliaque hujus generis ſervare volentes in goſſypio involvunt, atque in vaſe plumbeo, ſtanneo includunt, ut exhalationis libertatem avertant.

Quamplurima eſſent de hac re conſideranda; at quia hujus loci non eſt ea fuſius pertractare, idcirco hæc præliſſe ſit ſatis.

C A P U T XLVI.

De Naſi Vulneribus.

QUòd naſus concinnior eſt in figura, magnitudine, & colore, eò plus ad faciei pulchritudinem, & venuſtatem conſert, quapropter nonnullis faciei ſol appellatur, quòd ſicut ſol ſuo lumine macrocoſmo ſingularem ſplendorem, & pulchritudinem conſert, ita naſus ſua pulchritudine microcoſmum illuſtrare videtur, unde naſus non minima eſt pulchritudinis portio, redditque hominem præ membris faciei cæteris formoſum, & eſt membrum decoris. Unde qui magnum, & oblongum obtinent naſum, deformes ſunt, & *Martialis lib. 13. de irriſoribus loquens*, inquit:

Naſutus ſit uſque licet, ſis denique naſus.

Verùm aliqui ex naſi magnitudine de membri genitalis mole, & magnitudine judicare audent. Sed hæc regula, ex noſtris obſervationibus, ut plurimum eſt mendax, hoc unum tamen dicimus; quòd homines, qui prægrandem habent naſum, genalibus illecebris obnoxii ſunt. Idem de ſcæminis dicimus, nam quæ magno, & oblongo præditæ ſunt naſo, ad luxuriam ſunt propenſæ; & hac de cauſa legimus *Helioſabalum Imperatorem* omnis generis laſciviæ ſtudioſum, naſutorum congregaſſe manipulos, ut ſecum in turpi certamine arma Aphrodiſia ſtenuè pertractarent. Cæterùm ex naſi magnitudine meliùs hominis iracundiam hamolari poſſumus. Sicut ex naſi magnitudine, & longitudine hominis deformitas, ita etiam ex ejus mutilatione major exoritur turpitudine; ſcribitur namque in *Chronicis Angliſ*, virgines ejus loci tempore belli cum Danis, naſos ſibi amputaſſe, ut ab irruentium Danorum militum impetu, pudicitiam ſartam teſtam, hac deformitate conſervarent. Naſi abſciſſio adulterii pœna fuit apud *Aegyptios*, quam etiam Hieroſolymitanis minatur Dominus apud *Ezechielem cap. 23*. Sed immeritum ſupplicium, quia naſus nullam habet cum inſtrumentis generationi inſervientibus ſympathiam, & adulterium minimè naſo utitur, potiùs peccant pudenda, hanc pœnam, quàm naſus, ſubire deberent. Quidam maritus cum domi adulterum comprehendiſſet, ne inultus remaneret, naſum illi obtuncavit, quem *Martialis lib. 2. ep. 38. detidens*, ait:

Fœdaſti miſerum, marite, mœchum,

Et ſi qui fuerant, priùs requirunt

Trunci naribus, auribuſque vultus;

Credis te ſatis eſſe vindicatum?

Erras.

Hoc idem infortunium *Deiphobus* tulit; quia erat *Helena*, adulter, de quo ſic cecinit *Poeta 6. Aeneid.*

Truncas inhoneſto vulnere nares.

Merita eſt iraque adulterii pœna naſi dettuncatio, quia ſicut nihil eſt, quòd naſo faciem honeſtet, ſic nihil eſt, quòd magis deturpet; quamobrem illius dettuncatio appoſita, & congrua eſt adulterii pœna alienum honorem, & exiſtimationem deturpantis. Verumenimverò ſi hoc ſupplicii genus hiſce noſtris temporibus nimium eſſet in uſu, certè vel nullus eſſet adulter, vel ferè omnes ex quo tempore naſo mutilati eſſent, ut quidam *Poeta* inquit:

Si mœchis raſum mos eſſet tollere naſum,

Multis per mundum ſine naribus eſſet eundem.

Ex hac naſi mutilatione orta fuit *Curtorum chirurgia*, quæ tota circa regenerandum naſum verſatur, de qua *Tagliacozzus* primus ſcripſit.

Signa.

Naſus vulneratus, vel mutilatus ſignis non indiget, nam ex ipſo viſu facilè cognoscitur.

Cauſa.

Naſi vulnerati, vel obtuncati cauſa eſt externa violentia, ut gladius, culter, novacula, vel aliud inſtrumentum.

Prognofis.

Si una naſi pars ab altera pendeat, vel ſi pendula parvæ adhæreat pelliculæ, tam alicui naſi parti, quàm labio ſuperiori, facilè agglutinatur ſive os ſive pinna ſectæ ſint. Si autem naſus totaliter amputetur, & in terram decidat, ac non refrigeſcat, ſemper tentanda eſt agglutinationis, & ſi non ſuccedat, nullum habetur incommodum, habetur intentum; ſi verò frigeſcat, nulla agglutinationis ſpes ſuper eſt, & imperfectus habetur olfactus, nec à natura præciſus naſus regeneratur, unum tantum teſtat, ut arte reparetur ex brachii patientis carne, vel palliativè ſcilicet ex naſo artificiali. Si tantum vulneretur, faciliter curatur.

Curatio.

Si naſus vulneretur, ut aliarum partium vulnera curandus eſt; Si verò anterior illa pars, quæ cartilaginea eſt, ita vulnerata ſit, ut parum naſo hæreat, vel de labio ſuperiori pendeat, Vulgares ſtatim futura utuntur, attamen cartilago ipſa non eſt acupercforanda. Nos autem nec mora ab abſciſſione futura ex glutine utimur, & interim abſciſſam fovemus partem, ne refrigeretur, & emoriatur, quam poſtmodum emplaſtris glutinatoriis, ne decidat, unimus, & firmamus, & emplaſtris ſtipticis, & conſolidantibus, ac baſamicis, interveniente cuticula, denuò agglutinatur, nulla enim in toto corpore pars faciliùs, ut naſus, agglutinantur. Ut naſus commodiùs tractari, & emplaſtra firmiùs adhærere poſſint, ager ſupinus decumbat, & per os reſpitet, & ne aliqua carnis excreſcentia in parte interna oboriatur, quæ meatum illum anguſtiores reddit, & loquelam depravat, turunda decenti unguento illita, vel emplaſtrum in canalis formam, vel fiſtulæ efformatum nari inferatur.

Si autem naſus planè amputatus ſit, & nulla ſuperſit agglutinationis ſpes, tunc reparandus, & reſciendus eſt *Curtorum chirurgia*, ſunt namque (ſed fuerunt) alioqui chirurgi in noſtra Calabria, & propriè Poſtropheæ, qui naſum amputatum efformare ſolent, modus autem naſum efformandi talis eſt, ſcarificent partem naſi relictam, poſtmodum brachii cutem ad ſanguinis effuſionem, & apponunt, ligantque nares illi ſcarificatæ parti brachii, & ita relinquunt, quouſque ſimul agglutinata fuerint; tunc aliquid carnis à brachio reſecant, & vulnus curant, ac ex carne illa relictæ ad nares, naſum efformare incipiunt.

Mirificam reſert hiftoriam *Joan. Baptiſt. Helmont. de Magnetica vulnerum curatione ſ. 22. Bruxellenſis quidam in pugna naſum amiſit, adivit chirurgum Tagliacozzum Bononiæ degentem, ut naſum præſtolaretur: & cum incifionem brachii ſui timeret, bajulum ad hoc conduxit, e cujus brachio naſum tandem dato pretio eruit. Mox tredecim circiter menſes, à reditu in patriam repente naſus inſtitutus friguit, & ab inde aliquot diebus, putrilagine cecidit. Cujus rei inopinum caſum inveſtigantibus inventum fuit, eodem ſortè momento, quo naſus friguit, exſpiſſaſſe bajulum. Superſtites ſunt horum teſtes oculati *Bruxellæ*. Verùm ſi Bruxellenſis ex ſui brachii carne naſum eruiſſet, utique naſum inſtitutum non amiſiſſet; pars namque illa appoſita eadem gaudebat quadra cum reliqua, qua extincta, naſi vitam extinguere necesse fuit. Hic autem naſum efformandi modus ex proprii brachii carne doloroſus eſt, & nimium denaſatum excruciat, & ad naſum reparandum aliquod requiritur tempus, præcipuè ut fibræ exactè invicem reſpondeant, & ſuccus nutritivus cum ſpiritibus animalibus per tubulos commodè diſtri-*

distribui queat, & tandem non erit verus nasus ex carne fictus, qui tamen faciem exornat.

Hic nasus ex proprii brachii carne efformatus, ita unum cum reliquo fit, & tenaciter naturæ glutine ei adhæret, ut nulla vi extirpari possit, non aliter ac si proprius esset; unde quidam nobilis Vir, cui in Mōnomachia, cum nasus amputatus fuisset, & ex propria carne eum assequutus, veiebatur nares emungere, ne nasum evelleret, unde sudario-li angulos in turundæ formam in narium sinus ad mucum abstergendum immittebat, qua re cognita chirurgus, & interrogatus, cur nares aliorum more non emungeret? Respondit, ne eximeretur nasus. Tunc chirurgus, apprehenso illius naso, per totam domum eum distraxit, & demisit.

In veri nasi defectu, nasus artificialis substitui potest ex auro, vel argento efformatus, sed præstat ex chartacea materia macerata, vel ex personarum materia, vulgò charta pīsta, aut ex conglutinatīs linteis confectus, fucatus eodem pigmento, quo proximè ad carnis colorem accedat, qui ad occiput, vel aures filo serico est revinciendus, vel meliùs glutine apponitur. Non credimus autem nasum artificialem tam affabrè fieri, & gestari posse, ut firmiter adhæreat, & hæc impostura non facilè omnium oculis patefeat.

C A P U T XLVII.

De Oris Anatome.

OS duplices habet partes externas circa os, & internas alias in ore, quas sigillatim proponere oportet.

Partes externæ circa os variæ sunt. Superiores partes sub oculis inter nasum, & aures, & mentum expansæ, *Genæ* dictæ sunt, quia in his pili gignuntur. Hæ genæ dividuntur in partem superiorem, & inferiorem. Superior sub oculis inter nasum, & aures leviter prominens, ac rubens, ab Hip. *faciei circulus*, & *malum*, seu *Pomum faciei* nominantur, ab aliquali similitudine cum malis, quò ad formam, & colorem, malæ nominantur. Hæ à Plinio *Pudoris sedes* censetur, quòd ea pars in pudore protinùs erubescat. Inferior pars laxior, quæ à retento spiritu inflari potest, ut apparet in tibicinibus *Bucca* vocatur. Cavitas labro superiori sub septo nasi impressa, & dividens appellatur *Philtrum* quasi amabile. Istius verò labii utrinque à cavitate ad latera proflans pars, *Myrtax* appellatur.

De Labiis.

Sunt labia duo, superius, & inferius, quorum media rima os clauditur, horum partes externæ prominentes *Prolabia* appellantur, & quæ in commissura rubent, *Prostomia* græcè dicuntur. Inferiori labio in acutum protenditur, *Mentum*; carnosæ sub mento pars, *Buccula* veteribus appellatur.

Labia constant ex carne molli, & fungosa, cui cutis cum musculis ita exactè miscetur, ut cutis musculosa, vel musculus cutaneus esse videatur.

Teguntur tunica ori, œsophago, & ventriculo communi, unde in vomituriensibus inferius labium tremit.

Nervorum propagines exquisitum sensum labiis conferunt: arteriæ verò à propinquis locis inter cutem, & carnosam membranam dispersæ sanguinem tribuunt, cui debetur purpureus ille labiorum color, & splendor, pulchritudinis, ac saniratis nota. Arteriis immiscentur venulæ, superfluum sanguinem ad venas proximas deferentes.

Data sunt homini labia, ut os claudant, & dentes, partesque interiores tueantur ab externis injuriis; ad edendi, bibendique commoditatem; ad vocis, & loquelæ aliquam formationem; ad salivæ retentionem, vel rejectionem; tandem ad ornatum.

Os græcis *Stoma*, modò dicitur rima illa, quæ inter labia constituitur, modò tota cavitas ad fauces usque conspicua. Altiori loco, in media scilicet faciei parte sub naso locatum est, ut assumpta non solo gustu, sed etiam odore quodammodò cognoscerentur, & declivi via faciliùs ad ventriculum descenderent. Tota interna oris capacitas succingitur tunica, quæ in capacitatem intra dentes crassior, ac in palato rugosa: extra dentes verò in gingivis & labiis tenuior existit, estque tunicæ gulæ, ac ventriculi continua; undè vulgò communis esse dicitur, cum tamen in lingua, & palato constitutionem peculiarem habeat, ab aliis tunicis diversam.

Usus primarius est, ut in eo alimenta tanquam in infundibulo recepta, ita mastigentur, & præparentur, ut per œsophagum commodè ad ventriculum descendere, & in eo faciliùs digeri possint. Secundarius usus est, ut in respiratione aeri ad pulmonem commeanti transitum, & excrementis pulmonum, capitis, ac ventriculi per screatum, expuitionem, & vomitionem exitum præbeat; denique ut ad vocis tonum aliquid faciat.

Constat os ipsum partim ex partibus ossibus, ut maxilla superiori, & inferiori cum infixis dentibus; partim ex carnosis, ut labiis, musculisque labiorum, buccarum, & maxillæ inferioris.

De Buccarum, Labiorum, & Maxilla inferioris Musculis.

Musculorum paria duo sunt bucci, & Labiis communia, duo ab utraque parte.

Primus est latus ille musculus, qui à figura *Quadratus* appellatur, estque tenuis, & membranofus sub colli cute jacens, cuti valdè adhærens, ac proindè eum à cute non distinxerunt *Veteres*. Oritur lato principio circa claviculas, & posteriorem colli partem; fibris verò obliquis implantatur in mentum, labia, & nasi radicem, aliquandò aurium radicem progreditur, & quibus talis contingit insertio, illius hujus musculi beneficio aures movere possunt. Hoc musculo convulso, fit *spasmus Cynicus*.

Secundus musculus quadrato subjacens, buccam constituit, idèd *Buccinator* dicitur, & rotam buccarum sedem complectitur. Rotundus est circuli instar, & à maxillæ superioris longitudine ferè tota exortus, in inferioris maxillæ longitudinem, & gingivarum radices inseritur; variis fibris intertextus, quia tenuis, & membranaeus est; tunica oris interna investientis adèd arcè conatus, ut inseparabilis sit.

Hujus musculi usus est, buccas cum labiis movere, estque dentibus instar manus, dum huc illuc ad dentes cibos propellit, quò exactius comminuantur.

Proptiorum musculorum solis labiis inservientium sunt quinque paria, & unus musculus orbicularis.

Primum par à maxilla superiori, ubi genarum cavitationem efficit principio lato, & caroso enatum, variisque fibris præditum, obliquè deorsum in priora fertur, & in labii superioris latus utrinque inseritur, idque sursum, & extrorsum movet.

Secundum par à cavitate malis subjecta, caroso, sed gracili, ac tereti principio ortum, multaque pinguedine obvolutum, in frænum, ubi labia conveniunt, implantatur, motumque prioris adjuvat.

Tertium par carnosum, & teres, extrinsecus à processu jugali ortum, & obliquè per genas descendens, in labii utriusque confinio terminatur, quod ad latera sursum versus abducit.

Quartum par à maxillæ inferioris humili parte ad menti latera, carneo, latoque principio, nonnunquam ad medium mentum protenso, sursum progreditur, sensimque angustiatum, obliquè in labium inferius prope finem inseritur, idque obliquè, deorsumque, extrorsumque trahit.

Musculus orbicularis, & constrictor, qui utriusque labio communis, est ille, qui labiorum propriam figuram, mollemque substantiam constituit, & labium utrinque in oris circuitu efformat, totumque os sphincteris instar ambiens: & labia ad se mutuò adducens, fibris orbicularibus constringit, & cuti rubicundæ firmiter adhæret.

Musculi maxillæ inferioris (hæc enim movetur, superiori immobili) validissimum in ciborum contritione motum perficientes, masticatorii, molares, & mansorii nominantur, eorumque quinque numerantur paria.

Primum par *Crotaphites*, seu *Temporale* dicitur à situ quia temporum cavitatem occupat. Hoc omnium maximum est, validius, & robustius. Majus tamen, & robustius in aliis animalibus, ut leonibus, lupis, canibus, porcis &c. quæ morfu forti uti debent. Temporalis usus est initio inferioris maxillæ, quam movet, & sursum trahit, adèdque os claudit; & quidem in processu acuto finitur, tendine nervoso, brevi, & valido, oritur verò à temporibus initio lato, caroso, & semicirculari, sensimque descendendo coarctatur. Nervi utrinque tres in hunc musculum inferuntur, duo ex tertio pari, tertius ex quinto. Quamobrem læso, vel contuso hoc musculo, periculum magnum adest convulsionis, & tandem mortis, præsertim

sim si afficiatur inferior pars magis nervosa. Et ob hujus distensionem *Hip.* lethalem pronuntiavit maxillæ inferioris luxationem, nisi statim reponatur.

Secundum par *Digastricum*, *Graphoides*, & *Biventre* appellatum, quia in medio extenuatum duos quasi ventres habet, prope mammiiformem processum oritur, atque circa medium, ubi ad maxillæ inferioris flexionem curvatur, in corpus tendinosum angustiat: hinc rursus carnosum factum, interius parti anteriori, mediæque menti adnectitur, & maxillam deorsum trahendo, os aperit, cujus maxillæ nimius descensus ab annexo ligamento impeditur. Ad dictam actionem melius perficiendam; cum hoc pari, officii similitudine, concurrat par quadratum ante descriptum.

Tertium par, *Laterale*, *Masseterium*, & *Manforium primum* dictum partim carnosum, partim nervoso principio à maxilla superiori, & osse jugali, valideque connectitur, eamque ob fibrarum diversitatem, antrosum, retrorsum, in latera movet, ac quasi circumagit.

Quartum par, *Manforium alterum*, *Pterygoides*, & *Alare internum* nuncupatum, quod crassum, & breve est, ab ossis sphænoideis processibus aliformibus internis nervosum producit, & carneum, amplum, ac crassius redditum, lato robustoque tendine in partem inferiorem, ac posteriorem interni lateris maxillæ inferioris defertur, quam sursum trahendo, actionem temporalis adjuvat; propterea maxillam extrorsum conversam retrorsum agit.

Quintum par *Pterygoides*, sive *Alare externum* dictum, & in ossium temporum cavitate humiliori situm, ab osse sphænoide, & processu alari externo, gemino principio, partim nervoso, partim carnosum prodit, & aliquo ductu in maxillæ inferioris cervicem, ac illius capitis internam sedem inferitur, atque maxillam antrosum movet, & abducit.

De Maxillis, & Dentibus.

Duæ inveniuntur maxillæ, una superior continens totum illud spatium, quod à superioribus dentibus inclusive usque ad supercilia; altera verò inferior reliquam faciei partem continens, quæ est mentum versus. Prima immobilis est, secunda mobilis: utriusque usus est tum ad formandam faciem, tum ad cibos mallicandos, qua ratione inferior præcipue facta est mobilis, superior verò non movetur, ne motu ejus visum deturparet. Superior maxilla constat ex tredecim ossibus, quorum sex ponuntur in parte dextra, & sex alia in sinistra, & unum in medio, omnia verò potius per harmoniam, quam per suturam conjunguntur. Inferior verò maxilla duobus constat ossibus, quæ in media parte menti uniuntur per intermediam cartilaginem, ut in renellis puerorum ossibus est observatum, procedente verò ætate, & cartilago durescit, & ossibus similis evadit.

Utraque in hac maxilla tum inferiori, tum superiori dentes, ita dicti, quasi edentes, per Gomphosin articulantur, & tam à nervis, qui in ipsorum radicibus inferuntur, quam à gingivarum carne firmiter continentur: qui dentes conferunt non solum ad masticandos cibos, sed etiam ad efformandam vocem, præterquamquod ad oris ornatum etiam conferunt, ut alibi diximus. Sunt numero ut plurimum triginta, vel triginta duo, hoc est, quindecim, vel sexdecim in una maxilla, totidemque in altera, & istorum triplex est differentia.

Quidam vocantur *Incisores*, & sunt quatuor anteriores in qualibet maxilla, & ita sunt dicti, quia cibos incidunt.

Alii appellantur *Canini*, eò quod basim habent latam, & supremum, acutum quomodo sunt canum dentes, & isti duo sunt illi, qui à lateribus incisorum existunt, & deserviunt ad hoc, ut si quoddam incisorebus incidi non potest, ab istis frangatur. Hos vulgò *oculares dentes* nominant, eorumque extractionem periculosam censent, quia nonnulli sibi persuadent earum radices usque ad oculos perungere: cum tamen superiores suis radicibus vix alarum nasi oram inferiorem transcendunt, & inferiores deorsum ab oculis longè recedant. Alii tamen, cum *Laurentio*, credunt, nervi oculos moventes porriunculam in hos dentes ferri, quod etiam minimè verum est.

Cæteri dentes obtusi & magni, *Molares*, ac *Molitores* appellantur, quia cibos instar lapidum molarum conterunt, & postremi duo ex his molaribus appellantur *Dentes Genuini*, *Morum*, *sensui*, *intellectus*, & *sapientia*, quia

adnascuntur maximis cum doloribus circa vigesimum primum, vel sextum, vel trigessimum ætatis annum, quo tempore homo sapere incipit.

De Gingivis.

Partes in oris cavitate contentæ variæ sunt, inter quas primo occurrunt gingivæ duæ, quas constituit caro dura, & immobilis dentes, valli instar, cingens, eosque in suis alveolis stabiliens, & in edentulis aliquid etiam ad ciborum contritionem faciens: qua vel exesa, vel nimis relaxata, vel nimis exsiccat, dentes vacillant, aut excidunt.

De Palato.

Palatum est superior oris pars, leviter concava, fornicis instar, unde *Oris cælum*, & *Tesudo* dicitur, estque cerebri basis, osse sphænoide formata, à faucibus ad dentes usque extensa.

Constat ex ossibus, carne peculiari, & glandulosa, seu ex conglomeratis exilibus glandulis constructa, & tunica crassa, multis minimis foraminulis, salivalem aliquem liquorem è palati glandulosa substantia transmittentibus donata, quibusdam in locis rugosa, cum tunica reliquas oris parres investiente continua, unde etiam vulgò gulæ ventriculoque communis dicitur, quamvis constitutionem peculiarem habeat, ab aliis runicis diversam, cujus ratione gustum una cum lingua perficit, cumque in finem nervis à quarto pari donatur.

Palati usus est, partim gustum cum lingua perficere, partim vocem infringere, & perfectiorem reddere: atque hinc illi, quibus hæc pars infelici ulcere exesa est, gustum habent imperfectiorem, & raucam, atque ingratam vocem edunt.

De Uvula.

Uvula, aliis *Uva*. *Garguglio*, *columna*, *columella*, & *Gargareum* dicta, est caruncula rubicunda, fungosa, longiuscula; superius aliquantulum lata, inferius obtuse acuta, à palati medio, juxta narium meatus in os, supra laryngis rimam inter amygdalas procedens. Hanc putant aliqui anatomici nil aliud esse, quam oris interiora vestientem membranam reduplicatam. *Riolanus* carnem potius credit à musculorum extremitate, qui ad corpus feruntur exurgentem.

Mollissima, laxaque pellicula à palato demissa investitur, & à pituitosis defluxionibus facile intumescit, ac prolongatur, qui affectus *Uvulae laxitas* appellatur.

Huic *Riolanus*, & *Veslingius*, musculorum duo paria, externum, & internum, ad suspensionem levemque motum, adscribunt. Horum tam opinionem solummodò conjecturalem esse docet autopsia, cum tales musculos, in ea parte demonstrare difficillimum foret, cum etiam uvula iis non indigerit ad suspensionem, ut neque ad motum voluntarium, qui nullus in ea parte animadvertitur. Præterea *Riolanus* uvulæ duo ligamenta lata tribuit, alis vespertilionum expansis similia. Verum & hæc non minus quam dicti muscoli, conjectura potius, quam demonstratione probantur: nisi fortè quis posteriorem membranosam palati partem, ex qua uvula propendet, pro ligamentis habere velit.

Variis est uvulæ usus, *primò*, aeris frigidioris inspirati impetum non nihil frangere, ne in pulmones subito irruat, eosque lædat. *Secundò*, impedire, ne humores per palati superiora descendentes, recta in laryngem copiosi incidant, sed deglutitione retrorsum acta uvula, una cum ea versus œsophagum deflectantur, & in eum decendant. *Tertiò*, impedire, ne potus ex ore in nares regurgitet. *Quartò*, ad vocis tonum aliquid conferre, sed de his fufius alibi diximus.

De Faucibus.

Fauces improprie de toto oris hiatu dicuntur, proprie verò designant posterius, & inferius spatium, ubi linguæ, & asperæ arteriæ extrema, nariumque foramina per palati posteriora descendunt concurrunt, quod ore aperto, & lingua depressa conspicitur, & *Hippocratis* *Isthmus*, per metaphoram, ab angustia dicitur: quia isthmus proprie terræ angustum tractum inter duo maria significat: & sic

& sic in faucibus uvula tanquam terræ tractus in medio faucium hiatu propendet, quam tamen uvulam non appellant isthmum, sed ipsum hiatum faucium, in quo uvula pendet, cum tamen ad ipsum uvulam nomen illud pertinere deberet.

Faucium usus est, illa, quæ in ore assumuntur transmittere, & deglutire, quæ actio tribus musculorum partibus laryngi cum œsophago communibus.

De Osse Hyoide.

Os hyoides ad firmiorem linguæ structuram, motumque facilem fulcimenti gratia ei subternitur, ideòque antequam linguæ anatomen aggrediamur, de hoc osse aliqua præmittimus.

In faucibus os est, quod à forma græcæ litteræ Y dicitur *Yoides*, *Ypsiloides*. Item à forma literæ A *Lamboides*. Dicitur item *Os gutturis*, & *Os linguæ*.

Est verò hoc os linguæ basis, & fundamentum, super quo movetur: Laryngi verò proponitur.

Constat potissimum ex variis ossiculis, tribus, rariùs ex quinque, septem, novem, vel undecim, Medium ossiculum reliqua magnitudine superat, amplum latum, foris gibbum, & intus nonnihil cavum (sub quo hæret epiglottis:) huic reliqua duo cornuum instar committuntur. Si autem supra ternarium numerum plura ossicula adsint, illa cartilaginea existunt.

Junguntur his quatuor exiguæ cartilagines, quæ & ipsæ nonnunquam ossæ evadunt. Harum duæ ad medii ossis basim subsistunt, forma, & magnitudine granum tritici æmulantes. Duæ aliæ juxta ossa lateralia, seu cornua sedem habent, eaque nerveo ligamento styliformi appendici connectuntur. Atque ita os hyoidis à lateribus adhæret isti appendici, anteriùs verò cartilagini scutiformi laryngis, & imprimis linguæ, atque epiglottidem sinu suo excipit.

Movetur hoc os, sed non nisi mota lingua, ideoque quatuor paria musculorum habet linguæ communia, nec nisi iis remotis, linguæ muscoli monstrari possunt.

Primum par anteriùs sub cute latet, incumbens tracheæ, & cartilagini scutali. Oritur lato, & carneo principio ab altiore, & interiore regione sterni, unde hoc par dicitur *Sternohyoides*. Finis carnosus est in basi hyoidis. Atque in medio secundum longitudinem linea divisi sunt hi muscoli. Usus, deorsum recta trahere.

Secundum sub mento, & quinto pari maxillæ inferioris interna parte vario fibrarum ductu: finitur in media sede hyoidis. Dicitur nonnullis *Geniohyoides*: Usus, sursum recta, & nonnihil antrorsum trahere.

Tertium gracile, & teres est, sub mento situm, ortumque à Styloidis appendicis radice; finitur in cornua hyoidis. Aliquando in medio perforantur, pro musculo maxillam aperiante. Usus, in latera movere, & nonnihil sursum. Dicitur *Stylohyoides*.

Quartum gracile, & longum sub scapulæ musculo, quem quartum faciunt, latet, obliquè ad latera deorsum movens. Oritur ex latere superno scapulæ prope coracoidem processum, unde *Coracohyoides* dicitur: defertur sursum obliquè ad ossis hyoidis latera, sub capitis musculo, quem septimum faciunt. Estque hoc perlongum duplici ventre præditum, & in medio instar tendinis extenuatum, quemadmodum ille maxillam inferiorem detrahens. Usus ossis hyoidis est, primò, ut sit linguæ basis, secundò, ut ab eo oriantur muscoli multi linguæ, & laryngis.

De lingua.

Lingua à lingendo dicta Latinis, Græcis *glossa* & *glotta*. Sita est in ore sub palato. Numero unica est. In homine oblonga, lata, & crassa, & ad radicem quidem crassior, in extremitate tenuior, & acutior; magnitudinis tamen mediocris ori respondens, quæ si nimia sit, ut moveri expedire nequeat, blæsi fiunt, & balbutientes, de quo morbo diximus, & si nimia mollitiæ, humiditateque abundet, ut in infantibus, minùs rectè articulatae voces proferuntur. Aliquando in portentosam magnitudinem adeò excrevit, ut ore non capiatur, ut de tumore linguæ notavimus.

Lingua posterius ossi hyoidi, laryngi, item faucibus, & tonsillis nectitur: ut ne plus justo in omnem regionem

moveretur, inferius in medio ejus corpore ligamento valido, & membranoso ad robur & stabilitatem, item ad insertionem propriorum musculorum summus rerum creator prospexit. Hujus ligamenti extremitas mediocri laxitate donata, *Frænulum* dicitur, cujus nimia brevitatis liberum, & convenientem linguæ motum hand rarò, præcipuè in infantibus cohibuit, sicque loquelam, & lactis suctionem impedivit; qua de causa Chirurghi illius sectionem in prima ætate frequenter instituere coguntur. Cujus sectio, licet facilis sit, tamen in ea observandum, ne per imprudentiam, vel ignaviam vicini, linguæque substrati nervi incidantur, ex quorum læsione repentina linguæ convulsio supervenire solet.

Arterias duas majusculas recipit à carotidibus, totidemque venas ad jugularium externarum ramum interiorem emittit *Raninas* vulgò dictas sub lingua insigniter conspicuas quo loco in faucium affectibus secari nonnunquam solent.

Nervi linguæ inferuntur tam motorii, quàm sensifici, crassius par interiora proreptans, à septima conjugatione; Tenuius par per exteriora tunicæ linguæ, à quarta conjugatione oritur.

Substantiam obtinet peculiarem, quæ caro est peculiaris, qualis nulla alia (estque gustus organum) interim mollis, laxa, rata, & spongiosa, ad imbibendos saporès humore aliquo vectos. Gemina contegitur membrana, una exteriori, crassa, altera interiori, tenuiore.

Hæc membrana crassa, vulgò ex crassa meninge producta censetur, & communis ori, palato, & laryngi traditur. Verum, cum totam linguam undequaque non investiat, sed per ejus planitiem dumtaxat, usque ad radicem, & fauces extendatur, neque ad inferiorem linguæ partem, & œsophagum perveniat, sed ejus interiori tunicæ solummodò uniatur, illique etiam in lingua, & palato aliam esse substantiam crassiorem, alterius naturæ, satis liqueat, nullam ei cum œsophagi, & laryngis membranis communionem esse, plus satis patet.

Sub dicta crassa membrana later altera interior, tenuis, & mollis, non superiori solum planitie strata, ut modò dicta crassa, sed totam linguæ substantiam undequaque proximè circumdans, & plurimas exiles prominentes nerveas papillulas, ex ea protuberantes, in crassæ incumbentis membranæ poros latiusculos inferens.

Linguæ præcipuè humanæ substantia fibris tenuibus prædita est, & propter illam tenuitatem putarunt antehac nonnulli rudiores Anatomici, linguam fibris prorsus carere. Tam vario, & obscuro modo hæ fibræ sibi invicem intermiscuntur, ut eorum in situ ordinem explicare admodum difficile sit.

Spigelius linguæ copiosissimas fibras advertens, pronuntiavit linguam esse musculum. *A Spigelio* non longè dissentit *Laurentius Bellinus*, qui præter fibras, etiam admirabilem motus varietatem, & rapiditatem considerans, dicit illam esse musculorum invicem coeuntium contextum. Sed neuter horum satis benè observasse videtur, tot diversas, sibi quæ mutuo diversimodè impositas, ductibusque contrariis intertextas fibras musculorum actioni (quæ est attractio) inservire non posse, cum unius fibræ tractio ab alterius operatione impediatur, nec in tanta oppositionum, & impositionum contrarietate ulla sit, quæ musculi officium linguæ conferre possit. Cum etiam solæ fibræ non doceant partem aliquam esse musculum, cum etiam ventriculus, intestina, vesica urinaria, aliæque plures partes habeant omnis generis fibras satis conspicuas, & copiosas, & tamen musculorum ordini accenseri non possint, nec debeant. Præter validissima argumenta totam musculositatem linguæ penitus convellunt. I. Nullus musculus propter seipsum est conditus, sed propter partem aliam per se ad arbitrium immobilem, ut eam scilicet moveat: atqui lingua si musculus foret, propter seipsam condita esse deberet, cum nulli corpori inferatur, ut illud moveat. II. Nullus musculus alteri musculo inferitur, ut eum moveat: atqui linguæ alii muscoli inferuntur, qui eam movent; igitur ipsa non potest esse musculus.

Movetur lingua in quamcumque regionem, idque beneficio, partim illorum musculorum, quos cum osse hyoide communes habet, ut diximus: partim singularibus, ac propriis quinque musculorum partibus.

Primum par, *Styloglossum* veteribus appellatum, à styliformi appendice natum, circa medium in utrumque lingue latus inferitur, eamque attollit, & introrsum ducit.

Se-

Secundum par *Basioglossum*, & *Ypsiloglossum* dictum, è basi ossis hyoidis prodiens, in medio linguæ finitur, eamque recta intrò trahendo deprimit.

Tertium par, quod *Genioglossum* nominant, ad menti medium interna sede oritur, mediæque linguæ inferiùs inseritur, quam exferit: hocque, ut etiam præcedens par, hic illic inscriptiones habet, ac si plures essent musculi.

Quartum par, à cornibus ossis hyoidis prognatum, atque hinc *Ceratoglossum* vocatum, lateribus linguæ inseritur, eamque, si ambo simul agant, recta deorsum versus interiora movet: Si verò alteruter tantum agat, in latus movet dextrum, vel sinistrum.

Quintum par, *Myloglossum* dictum, oritur à lateribus maxillæ inferioris ad radices posteriorum dentium molariarum, & sub lingua in ligamentum linguæ inseritur, eamque deorsum trahit.

Remotis musculis, præter duas glandulas oblongas, ac rotundas, œsophagi principio adjacentes, aliæ plurimæ glandulæ carnosæ, & quasi ex pluribus glandulis conglomeratæ, vasis lymphaticis; arteriolarum; venularumque, & nervorum fibrillis præditæ, sub lingua, circa ejus frænum, sitæ sunt, continuum madorem per minima lymphatica vascula linguæ conferentes.

Præterea ex utroque latere, ex magna, & insigni glandula supra tendinem medium inrer digastrici, seu biventris musculi carnes sita, ductus quidam procedit, cui ab usu *Ductus salivaris*, vel *salivaris* nomen impositum est.

Linguæ usus est;

Primò, Gustus esse instrumentum.

Secundò, loquelæ.

Tertiò, masticationem adjuvare, dum cibos hinc inde volvit.

Quartò, lambere.

Ex quibus apparet conferte linguam non absolutè ad esse vitæ; sed ad benè esse, nec ejus pars abscindi potest sine vitæ, & valetudinis noxa.

C A P U T XLVIII.

De Gustu.

Explicata linguæ anatome, cum lingua pro gustatus organo à natura fuerit constituta, de gustu etiam aliqua prætexere curabimus, & primò occurrit difficultas, in quam linguæ parte hujusmodi sensatio perficiatur. Secundò, quo pacto gustus habeatur, ejusque diversitas, qua ea ratione consurgat, ubi nonnulla scitu non indigna enucleantur. Tertiò, agemus de saporibus, eorum varietate, ac modo linguam afficiendi. Ut autem primæ occurramus difficultati.

Peripaterici statuunt in carnea linguæ parte nimis spongiosa, atque porosa gustum consistere; opinantur enim poros latiores à natura ibi constitutos fuisse, cum ad faciliorem sapidæ qualitatis ingressum, tum ad liquoris cujusdam liquidi, gustusque perfectioni necessarii conservationem.

Sed hæc opinio (adhibita tantis Philosophis, eorumque ductori debita reverentia) quo ad omnes partes erronea est; Ut enim optimè advertit *Isbrandus Diemerbroeck in sua anatome libr. 3. De Capite*: Carnosæ partes tactu solum objecta discernunt, & cum gustatus (licet per contactum, ut cæteræ sensationes, compleatur) non discernat objecta, quæ mollia, dura &c. sed solum qua sapida, sit, ut linguæ partes carnosæ gustus sensui sedem non præbeant.

Nec obstat quòd linguæ partes carnosæ ab aliis animalis partibus dissideant, quia lingua parenchyma est, aliæque partes non sic; ex eo enim fieret, ut pulmo, jecur, cor, aliæque ab antiquis insulse nimis appellata parenchymata; gustarent, tum chyli, & sanguinis, cum aliorum succorum cum chylo, & sanguine circulantium saporibus. Felices existimaverimus Medicos, si aciditatis, acridinis, aliorumque morborum causas in iisdem visceribus stabulantes, per eorum saporibus dignoscere eis fuisse datum; non enim tot indies in sepulcris occluderentur hominum cadavera.

Quòd attinet ad linguæ poros latiores à natura ad eum finem efformatos, idem *Isbrandus* docet linguæ carnem musculis stiptiorem esse; at admissa linguæ carne spongiosiore, an pori latiores, vel strictiores gustum efficiant? Non sane. Hi enim Philosophi non in poris, sed in linguæ

carne gustatum ponunt. Sed ut horum improbabilitas magis elucescat, paulò altius cum *Diemerbroeck* rem trutinemus: Omni certitudine certius est, omnem sudorem aut acidum salsum, aut salso-acidum esse, uno ictu excepto, cujus sudor (ut dicunt) amarior est ob flavæ bilis dispersionem per totam cutem. Hoc posito, sudores hujusmodi jam per carnis poros ad cutem usque, ejusque superficiem extremam transeunt, & licet aliquis particularum sudoris exeuntis vellicationem, punctiones, mollitiemque in eorum transitu aut dolorifico, aut molli persentiscat, attamen vel unus inveniri non est, qui sudorem aut amaritudinem, aut aciditatem, aut salsedinem in eorum exitu animadvertat, quapropter pororum laxitas, aut stipticitas ad finem gustandi, commentum est potius, quàm requisitum opportunum.

Omittimus ejus partis oppugnationem, qua saporibus in mera qualitate constituunt, nam pluries in aliis sensationum sermonibus expugnativimus, & inferius explicando tangemus.

Quòd spectat ad ultimam eorum opinionis partem, scilicet de liquore ad gustus perfectionem necessario, inferiùs patebit illorum deceptio; non enim humor est in poris detentus, sed saliva à glandulis emergens salivariis. At alios observemus.

Putarunt alii gustus sensum in linguæ membranis perfici. Sed hi quoque non parùm decipiuntur: hæc namque linguæ membranæ eandem cum cæteris totius corporis membranis constitutionem habent, naturamque; cur igitur, quæ in lingua resident, saporibus discernunt, non verò quæ in oculis, auribus, intestinis &c. præterquam quòd hæc partes membranosæ contactu solum rerum diversitates discernunt, scilicet ut mollia, dura, frigida, aspera &c. non autem amara, dulcia, falsa &c. & licet aliqui ex his opinentur aliam esse membranam linguæ, quàm cæteri corporis dispositionem; attamen hac diversitate admissa, fieret, ut tactum acutiorem haberent aut obtusiores, non verò gustum.

Nonnulli in tonsillarum glandulis gustum statuerunt, aliqui in omnibus glandulis in ore confitis, ac linguæ, aut appositis, aut circumpositis.

Sed hæc hypothesis longe à veritate dissidet; observamus enim ex omnibus linguæ partibus, ejus apicem omnes excellere in gustus energia, qui tamen à tonsillis remotior est, glandulisque; nec non ubi tonsillæ, aut glandulæ sunt confertiores, gustus percipitur obrusior, nam glandulæ ad lymphæ, succorumque expurgamentum intentæ, sensu ornantur obtusissimo, cum assidue humoribus scateant, & gustus sensatio inter exquisitiores ponatur.

Opinantur tandem ex Recentioribus quamplurimi nervæ papillas ex tenui membrana interiori emergentes, & in poros exterioris crassæ membranæ se insinuantes gustatui sedem suppeditare, quorum opinamenti subscribere non dubitamus his rationibus ducti, &

Primò: ubi major harum papillarum nervearum habetur in lingua confertio, ibi major, promptior, & acutior percipitur gustatus, ut in linguæ apice periculum facimus, atque in planitie; ubi verò nullæ inveniuntur tales papillæ, ibi nec ullus percipitur gustus, uti subtus linguam, & in ejus frenulo est observare.

Secundò, in iis palati partibus, ubi hujusmodi nerveæ concurrunt papillæ, gustus etiam percipitur, saporibusque discernuntur; unde ergò dubitandi erui potest occasio in illis papillis gustatum non constituendi, si eis positis in quolibet loco, sapor sentitur, iis ablatis, nulla est saporum discreptio.

Sed ut rationes experimentis comprobemus, æqui bonique consulimus, aliquid intensè sapidum, V. G. aloë, aut sal in diversis linguæ partibus applicare; etenim juxta nervearum papillarum majorem confertionem, aut minorem, vel nullam earum inexistenciam, nunc acutiorem, nunc tardiores, nunc nullum percipiemus saporibus. Remanet ergò in papillis nerveis gustatus sensum collocandum esse: sed his libatis, ad modum, quo gustatus sensatio peragitur progrediamur.

Fit igitur gustatio, quoties corpus, quod vulgò sapidum dicitur, salivario humore subactum intra linguæ poros insinuans sese, nerveas papillas offendit, easque aut vellicat, aut pulsat, aut morder, aut pungit, aut titillat, aut mulcet, aut stringit, aut irritat, aut alio quovis modo ita afficit, ut affectus idem cerebro communicatus,

rus, sensuique vulgò dicto communi, animum advertere faciat de saporis qualitate.

Hæc autem affectuum diversitas vel oritur ex varia particularum corporis sapidi configuratione, vel ex diversa linguæ, pororumque ejus structura; unde

Primò fit, ut qui amarus uni est sapor, & minimè gratus, ob partium figuram, & pororum cum eisdem conformitatem alteri efficiatur gratissimus. Hinc

Secundò fit, ut ægri à cibus, aliàs eisdem gratissimi, fastidio, ac nausea afficiantur; etenim cum morbus corporis crassim pervertat, athonamque linguam reddat, idcirco ciborum particulæ, quæ aliàs cum linguæ poris proportionem habebant, pro subjecti indispositione, amissa proportionem, ingratum generant contactum, quare pro solatio, dolorem, mœrorem, nauseamque inducunt. Hinc

Tertiò fit, ut pueri, ac delicatioribus dulcioribus, robusti, & rustici acutioribus oblectentur cibus; illi enim cuticula, fibrisque scatent delicatioribus; magisque ductilibus, & propterea corporum dulcium particulis emulcentibus, utpotè eorum ductilitati respondentibus affecti, sensationem percipiunt leniorem, maximèque gratam; Hi autem crassiori cuticula, fibrisque præditi solidioribus, cibos appetunt sapidiore, quorum particulæ cutem, fibræque penetrantes non moveant tantum, verum etiam vellitent, mordeantque, ut sensationem producant, quapropter acidis, piperatis, salisq; afficiuntur quammaximè. Hinc

Quartò fit, ut lingua aliquo vel amaro, vel acido, vel falso imbuta sapore, succedaneos cibos præteritis consimiles persentiscat; nam prægustatorum ciborum particulæ quodammodo papillis nerveis insinuatæ, adhærentesque, per aliorum ciborum particulas advenientes moventur ita, ut easdem papillas moveant, vellicentque, & sic eandem faciunt persentiscere sensationem; unde post acetum usum, vinum epotum licet exquisitius, acescere sentitur. Hinc

Quintò fit, ut quæ judicantur gustus fallentiæ, tales revera aliquandò non sint; etenim non in organo, sed in causa deceptio adhærere potest, sic tertiaria exquisita laborantes cum amaros sentiunt cibos, non decipiuntur in amaritie, quam verè persentiunt: cum enim cibi saliva intermiscantur, quæ flava, amaraque bile scatet, verè amari gustantur, falluntur verò, amaritudinem in edulia refundentes, cum tota amarities in saliva consistat. Hinc

Sextò fit, ut quammaximè decipiantur Philosophorum grex afferentium: sapores esse accidentia realia in rebus ipsis inhærentia, metasque qualitates, cum totum contra ex præiactis rationibus venire comperiamus.

Sed ad hujus sensationis materiam aliqua de saporibus prætexere ad studiosorum gratiam operæ pretium existimamus.

Itaque pro hujus rei notione supponimus *Democritum* duo saporum genera constituisse, scilicet suavem, qui dicitur dulcis, & insuavem qui juxta varium affectus insuavis modum, dicitur amarus, falsus, acidus, acerbus, acris, austerus, oleosus, adstringens, & insipidus; suavem appellavit saporem, quando corporis comesti particulæ ita cum poris linguæ proportionem nanciscuntur, ut invicem conformentur, & propterea linguam tangentes leniant commodè, demulceant leniter, placidèque afficiant; insuavem verò, cum cibi corpuscula ita poris linguæ difformantur, ut ipsos subeuntia, aut pungant, aut mordeant, aut acutè vellicent, aut, distendant, aut incidant, aut dilanient, discerpant, aut restringant &c. Quapropter ex motus diversitate à particularum contactu in papillis inducta, varius denominatur sapor.

Hanc solidissimam tanti Philosophi opinionem totis viribus per sophismata curat *Aristoteles* in impossibilitatem trahere, hisque argumentis destruere conatur.

Primò opponit: A gustatu potius, quam ab oculo rerum figuras dijudicatum iri. Secundò contrarietatem, quæ solum in generatione cognoscitur, inter figuras non esse admittendam. Tertiò ex infinita, id est, innumerabili figurarum varietate infinitos quoque assignandos esse sapores, quod experientiæ, ac rationi repugnare docet.

Sed non frivola tantum, verum etiam futilia hæc *Aristotelis* sophismata à recentioribus censentur, nam ad primam oppositionem

Dicimus, ab oculo dijudicari figuras rerum visibilium, non verò corpusculorum, quæ gustatum afficiunt. Sic etiam tactu asperam, acutam, lenem, mollemque figuram, vel non videntes animadvertimus. Ad secundam

Dicimus, in rerum generatione nullam concipi posse

contrarietatem; supponimus enim ex Physicis, Generationem esse motum localem fierique ex ovo matris à maris semine fecundato, atque excitato; benè tamen in figuris contrarietatem admitti posse; Quis enim inficias ire poterit acutum obuso, rectum obliquo, gibbum plano, asperum leni adversari? Ad tertiam

Dicimus, ex innumeris particularum cibi commistionibus innumeros etiam oriri posse sapores, licet horum innumerabilitas ad novem reducantur principales ab solertissimo *Villiso*, & ut rem hanc exemplis comprobemus; nonnè dulcia dicuntur Mel, saccharum, lac, vinum, caro, sanguis, fructus maturi &c. Quis autem dicere ausus fuerit unquam eandem esse lactis, & mellis, carnis, & sacchari, vini, & sanguinis, ac fructuum maturorum dulcedinem? Insuper coquos aditos ab *Aristotele* voluissimus; hi enim ex una eademque re innumera sciunt edulia præparare, ad gulæ irritamentum aptissima, semperque diversa, & constat nobis ex solis gallinarum ovis centum numero cibos diversissimos à coquo quodam paratos brevi fuisse.

Scimus à chymicis ad salia refundi saporum omnium generum, tum quia sapida omnia salis in se portionem continent, ignis vi extrahibilem eoque abstracto, insipida redduntur, eoque admixto, sapida iterum fiunt, cum etiam quia humidum est omnium saporum vehiculum, in quo salia diluuntur, ut in papillis sese insinuant.

Horum tamen opinioni acquiescere penitus nequimus; Curenim solis salis particulis nerveas papillas vellicantibus omnium saporum diversitates referamus, cum certò sciamus salium corpuscula semper eadem figura prædita adinveniri, præcipuè cum diluuntur, quo circa semper eundem imprimunt contactum, & per consequens eundem saporem, & licet non ad solum salem communem saporum referant diversitatem, sed ad omnium salium species, attamen ex his tot emergunt sapores, quot reperiuntur salium species, variatæ etiam ex eorum commistione, cum tamen multò plures, ne dicamus innumerabiles, in dies periclitamur.

Præterea pomum gustamus acerbum, eundemque jam maturatum, certè idem est in pomo acerbo, maturoque sal, licet sapor sit omninò diversus.

Neque ad rem facit effugium afferentium, in fructibus maturis sal defœcatus inveniri, in acerbis verò impurius; ex hoc enim fieret, ut præter salem aliquid aliud cum sale intermixtum sapores constitueret: at posito, quod solus sal sapores progignat, sive quod impuritatibus sit intermixtus, sive quod impuritatibus sit expers, organum tangendo sapores producit, cum itaque ab iisdem particulis idem semper habeatur contactus, licet magis, aut minus efficax, semper eadem habetur sensatio, estò acutior, aut obtusior, eò magis quod sal non nisi dilutum linguæ poros ingreditur, papillasque vellicat nerveas; sive igitur quod purum sit, sive quod impurum, cum non puritas, vel impuritas contingat, sed ipsum sal, sit, ut semper eodem modo contactum perficiat.

Ad hæc salis defœcatio, & exaltatio salem non variat, sed eum ab impuritatibus emundans, subtiliansque ejus naturam, configurationemque non mutat, sed efficit, ut defœcatum majori energia, fœculentum minori activitate operetur, ex hac autem majori, vel minori operatione non nascitur, nisi aut major, aut minor saporum intensio, non verò eorundem diversitas.

Quò ad saporum diversitates ad solertissimum *Thomam Villisum* lectores remittimus, ipse enim simplices sapores ad novem refert species superiùs recensitas, & enuclear.

Præter simplices, innumeri reperiuntur sapores dicti compositi, palatoque gratissimi, uti sunt compositio ex acido & dulci, qualis est confectio citro-saccharata; ex dulci, & acerbis, seu ex dulci, & adstringente, qualis est dia-cydonialis, prunique sylvestres conditi; ex dulci, & unctuosos, uti lacticia saccharata, & ex his non absimiles coniunctiones. Sed de his hæcenus.

Post faciei, ejusque partium vulnera, secundum nostrum morem de colli, asperæ arteriæ, & œsophagi vulneribus tractemus oportet, sed non sine harum partium anatome, unde

CAPUT XLIX.

De Colli Anatome.

EST collum appendix ad medium ventrem, seu medium quoddam inter caput, & thoracem; vel est pars corporis caput sustentans.

Dicitur collum à colendo, quia coli, id est exornari solet, ut clarè patet in mulieribus, quæ hujus pulchritudinem exornare student, ut torquibus, monilibus, margaritis, coralliis, amethystis, adamantibus, & auro mirum in modum exornant. Vel dicitur collum à colle, nam à corpore exurgit, ut à reliqua terra collis.

Collum oblongum est ob vocis modulationem. Hinc animalia, quæ veram non edunt vocem, ut pisces, ranæ, collo carent, & hinc caput, immoto trunco, non movent; quæ verò maximam edunt vocem, ut grues, anseres &c. longissima habent colla.

A Veneris usu collum crassescit, quia calor distendit asperam arteriam, carotides, & jugulares. Undè veteribus *Romans* familiaris erat colli commensuratio, ex qua postidie nuptiarum, puellam integram, vel corruptam cognoscebant, ut ex *Mercuriali* discimus ita scribente: Adnectam huic, & aliam antiquarum mulierum consuetudinem à plerisque ignoratam, nec scitu indignam. Etenim dum Virgo nupta prima nocte cum marito concubitura erat, colli mensuram filo circumdato capiebant; postero manè eandem filo collum mensurabant: quòd si latius quàm ut filo comprehenderetur, inveniebant, defloratam esse ea nocte pro certo habebant: Si verò nihilo majus evaserat, adhuc pro integra habebant. Atque hujus consuetudinis præ cæteris meminisse videtur *Catullus in Nuptiis Pelei, & Theridis* sub his versibus:

*Non illam nutrix oriente luce revicens,
Hesterno collum poterit circumdare filo.*

Neque id absque ratione factum videtur, ut memoriæ proditum est ab *Arist. 7. de hist. animalium cap. 1.* præcipuè vox mutatur in asperiores, & minùs acutam, quo tempore coitus inchoatur, & qui vocem conservare velint, à coitu ipsis abstinendum sit: Unde facillè conjici potest, instrumenta voci famulantia, quæ intra collum posita sunt, primo coitu dilatari, & consequenter collum augeri forsan, quòd semen dum ab universo corpore, & præsertim à capite secundum *Hippocratem*, & alios veteres per colli vasa præcipitatur, vias illas vi quadam cogat, atque ampliores reddat, vel quòd corpus in primo coitu magnopere agitat, ubique, & maximè circa collum spiribus, & humoribus diffusis repleatur, atque in majorem molem attollatur. Miror tamen Medicos nostros de hujusmodi signo ad corruptas mulieres dignoscendas inter alia nihil posteris reliquisse: quoniam si proposuissent, forsan *Sinagrius ille Veronensis Episcopus*, quem in hac re damnavit *Divus Ambrosius lib. 8. epistol. 114.* ad virginem stupri accusatam coarguendam minimè genitalia secreta inspici jussissent, sed hoc facile, atque aliis honestioribus argumentis veritatem consequi potuisset, quibus usum esse oculatissimum, & diligentissimum *Democritum* verisimile est, quando, ut refert apud *Laertium Athenodori*, puellam *Hippocratis* comitem prima die conspicatus, ita salutavit: *Salve Virgo*, postero die verò, quòd cognovisset ex aspectu solo eam fuisse illa nocte virgatam, hunc in modum appellavit: *Salve mulier*.

Addimus & nos aliud, & majus infallibile deflorationis, vel virginitatis signum, quod quisquam, etiam in seipso experiri potest, quo ex colli commensuratione virginem à muliere quocumque tempore discrimina- mus: Sume filum conduplicatum, hoc collum circumda, nota quousque mensura pervenit, pars fili designata à primoribus dentibus fortiter constringatur: tunc duplicatum filum explica, si caput transgreditur absque offendiculo, & laxè, defloratam judica, sin vel supra frontem, vel ad futuram usque coronalem pervenit, nec ullo modo, etiam vi caput trajicit. Virginem esse pro indubitato habeas. Hoc nos millies experti sumus, & nunquam mendax deprendimus, & etiam factò de virgine experimento, & hæc talis erat, filum enim non transibat, deindè à primo coitu, repetito experimento, laxius transibat, nec capitis capillos attingebat.

Colli usus est primò, propter œsophagum, asperam arteriam, & pulmones. Unde animalia, quæ pulmonibus carent, ut pisces, carent etiam collo. Secundò, ut partibus anterioribus, humero, cubito, manui, diaphragmati nervos præbeat: has enim partes habent tantum illi, qui collo gaudent.

Posterior colli pars, etsi una cum anteriore; colli nomine designetur, propriè tamen cervix dicitur. Partes autem colli vel sunt externæ, ut cuticula, cutis, & membrana carnosa, itidem communis, & musculorum propria. Vel internæ, ut vasa percurentia, aspera arteria, & œsophagus.

Colli musculi primariò collum, & secundariò caput movent, utrinque sunt quatuor, quorum ope collum versus anteriora, latera, & posteriora movetur. Duo primi flectunt collum, & duo reliqui tendunt.

Primi duo *longi* sub œsophago latitant. Hi à quinta, & sexta thoracis vertebra carnosè oriuntur, & sursum ascendentes tendine acuto in primæ vertebræ cervicis processum extuberantem simul implantantur; rariùs occipiti prope magnum ejus foramen adnectuntur. Usus est, cervicem recta anteriora versus flectere, & unà caput: si verò unus agat, in latus flectit.

Secundi, *Scaleni*, qui latèra magis occupant, & caroso principio à prima costa prodeuntes, in omnes transversos processus vertebrarum colli, prima, & secunda nonnunquam excepta, internè inferuntur, & præcedentium morum adjuvant. Habent hi musculi foramen peculiare, & per quod arteriæ ad brachium descendentes, & venæ ab eodem ascendentes transeunt.

Tertii, duo *Transversales*, in dorso siti. Hi à radicibus processum sex vertebrarum superiorum thoracis orti, sensimque carnosiores redditi, omnibus processibus transversis vertebrarum cervicis externa sed adnectuntur, & cervicem in posteriora, vel uno solo agente oblique retrorsum flectunt. Inter hos nervi medullæ spinalis è vertebris colli exeuntes, feruntur.

Quarti, duo *Spinati*, qui longi, & ampli totam cervicem inter spinas occupant. Oriuntur à septem thoracis, & quinque vertebrarum colli spinis, sibi invicem accumbentes, & solis spinis distincti, ac in spinæ secundæ vertebræ cervicis totam inferiorem sedem implantantur, atque unà cum transversalibus cervicem ad posteriora, vel obliquè flectunt.

Habet collum suas venas, quæ dicuntur Jugulares, quia à jugulo ad colli latera ascendunt, & sunt vel internæ, vel externæ.

Externa, quæ aliquando vel in ortu, vel in medio ductu duplex, sub cute sursum repens prospicit partibus externis capitis, faciei, colli, & faucium. Nam sub radice auris dividitur in ramum interiorem, & exteriorem. Interior adit musculos oris, faucium hyoidis &c. Exterior sub aure glandulis suffulta bipartitur; una solus fertur in faciei anteriora, nasum, & buccas, atque in frontis medio cum alterius ramo, juncta constituit venam frontis, quæ incidi solet. Altera per latus fertur, ac tempora, & occiput. Interim hi rami variè in facie, & vertice miscentur.

Interna jugularis in homine ob cerebri copiam major est, contra verò in brutis. *Apoplecta* dicitur, & ad tracheam latus ascendit, cui propagines mittit. Ad calvariæ basim pertingens parte posteriore dividitur in duos ramos. Unus major retrorsum fertur, cum arteriæ carotidis ramo minori per ossis occipitis foramen, quod pro sexto pari nervorum factum, & duræ matris sinum intrat. Alter minor per tertii, & quarti paris foramen ingressus, in crassam meningem absorbetur.

Habet collum & suas arterias, quæ *carotides* appellantur, & sursum ad caput ascendunt recta secundum tracheam latera, jugularibus internis connexæ: nam internæ venæ non comitantur arterias. Ubi ad fauces veniunt, antequam cranium ingrediantur, dant ramulos laryngi, & linguæ: deindè divisio fit in ramum exteriorem, & interiorem.

Exterior gracilior, prospicit buccis, & faciei musculis; deindè ad aurium radicem finditur in duos ramos: Unus ad auris posteriora mittitur, unde rami duo maxillam inferiorem intrantes pro labio, & omnibus inferiorem dentium radicibus; alter ad tempora, frontem, & faciei musculos.

Interior ad ossis sphænoidis sellam sub dura matre pertransit,

transit; rete mirabile constituit, deinde duram matrem pertransit, & duplicem de se mittit propaginem. Primam minorem cum nervo optico ad oculos. Secundam majorem ad glandulæ pituitariæ latus ascendentem, & per piam matrem, cerebrique substantiam distributam.

Nervos habet ex pari vago, & spinali medulla.

Collum septem habet vertebrae. Prima *Atlas* dicitur, cui caput tanquam parvum mundum sustentare videtur, quod sibi incumbit, spina caret, ne parvi musculi capitis à secunda vertebra oriundi, in extensione capitis lædantur. Substantiam habet tenuiorem, sed densiorem. Excipit non excipitur: unde sinum habet cartilagine obdutum, ad excipiendum sequentis vertebrae dentem.

Secunda, *Epistropheus* dicitur à vertendo; nam ex medio ejus corpore assurgit appendix rotunda, & oblonga instar dentis canini, circa quam caput cum prima vertebra rotatur. Hinc dicitur appendix illa dens: imò tota vertebra *Hippocrati* ita dicit, ex cujus luxatione sæpè vult fieri anginam insanabilem. Dentis superficies aliquo modo aspera est, quia indè prodeit Ligamentum, quo occiput alligatur; cui etiam solidum, tereque ligamentum, nervi figuram referens, & miro artificio contextum circumducitur, ne comprimatur medulla. Cum prima verò jungitur hæc secunda vertebra ligamento lato in orbem circumjecto.

Tertia dicitur *Axis*, reliquæ nomine carent.

C A P U T L.

De Colli Vulneribus.

Maximi momenti sunt colli vulnera, cum caput sustentet, quo vulnerato, fulcro hæret infimo, & præcipuè si musculi, nervi, arteriæ, & venæ vulnerati sint, vulneratus jam mortis falci collum submisit.

Signa.

Colli vulnera quo ad externam faciem in sensus occurrunt, nec aliis indigent signis; internæ verò partes non nisi accurato anatomici scrutinio patefunt, & symptomatum examine referantur.

Causæ.

Colli vulnera violentam agnoscunt causam, instrumenta nempe, quæ collum, ejusque partes scindunt, pungunt, vel obtuse contundunt, & alia, quæ hujus continuitatem solvere possunt.

Prognosis.

Vulnera colli non possunt non esse lethaliter periculosa, præsertim si musculi, vertebrae, venæ, & arteriæ majores, spinalisque medulla notabiliter sint vulnerata; tunc enim quodlibet ejus vulnus valde malum, & periculosum est, & magni dolores id comitantur, ac proinde quibuslibet parvis symptomatibus, quæ ulli vulnere supervenire solent, obnoxium. Quando collum vulneratur, vulnus illud vulnere capitis periculoso æquiparatur; per collum enim medulla spinalis, quæ est cerebri pars, recurrit. Tanta est cerebri, colli, & medullæ spinalis convenientia, ut eorum vulnera æqualiter sint periculosa, & iisdem remediis tractari debent. Si lædantur musculi, vox & capitis motus violatur. Si colli, & spinalis medullæ vulnus profundius penetraret, mortiferum est; statim namque à vulnere medullæ dorsalis omnes partes infra vulnus sitæ omnem motum, ac sensum amittunt, quoniam ipsis spiritus animalis à cerebro per nervos descendens intercipitur, & ex eo patet, quod lanii, cum bovem, bubulum &c. mactare volunt, illa resecant, vel pungunt vasa, & statim animalis corpus resolvitur. Si spinalis medulla in altera parte tantum, dextra, vel sinistra vulneretur, illius lateris fit paralytis. Si externæ colli partes vulnerentur, etiam maximam faciunt difficultatem, non tantum ratione partium, quibus constat, quantum partium illarum mollitie, & laxitate, ob quas in collo colligi materia, & abscessus fieri potest. Proinde nemini suadendum est, ut ullo modo in ejusmodi vulneribus bene sperari juberet, vel curationem aggredi veller, nisi cum lethalis periculi vaticinio; & cum etiam hinc eluce-

Musitani Opera Tom. II.

scat, hanc partem nullam apertionem, vel divisionem ferre posse; multò minus chirurgus id licet, ut specilli intrusione profunditatem, vulneris conditionem scrutari, vel tentis, & consuetione illud excruciare veller; nihil enim aliud violenta tali instrumenti circumactione fit, quàm vulneris, eorumdemque symptomatum renovatio, quæ talem vulnerationem sequuntur; fugienda itaque est talis revulnatio, quæ naturæ tam infensa est, ac ipsum vulnus.

Curatio.

In colli vulneribus vulgares primò posca, vel albumine ovi sanguinem sistunt, deinde venæ sectione sanguinem detrahunt, & alvum purgant, postmodum vulnus acu refarciunt, non aliter ac si esset vestis discripta, & foraminulum relinquunt, ne sanies colligatur. Supra futuram pulverem agglutinantem aspergunt, ut

℞. Pulv. ros. rub. myrtillorum, santali alb. gallarum, boli orient. ana ʒ. ʒ. m.

Post quem vulnere oleum rosaceum, vel myrtinum infundunt, desuper plumaceolos vino austero madidos imponunt, & æqualiter ligant, & constringunt. Et quia in collo sunt partes laxæ, & ampla vasa, per quæ copiosa materia, & spiritus fluere solent, & ita facile inflammatio succedere, ut id advertant, partes omnes circumjacentes oleo rosaceo, vel myrtino, vel utroque simul misto inungunt, & hoc modo laxitas illa stipatur, humor repellitur, & spiritus, qui ad vulnus fluunt, retrocedunt. His per septem dies adhibitis, ad exsiccationem, & cicatricis generationem emplastro barbaro utuntur.

Veræ curationis cardo in eo consistit, si qua exigua salutis spes illucescere potest, & internæ colli partes non sint vulnerata, ut protinus sanguis cohibeatur, & deinde balsamo proprietatis, vel artificiali, vel Samaritani, vel balsamo ex aqua Regiæ, balsamo Peruviano, & oleo Apparicis composito, vel ex oleo terebinth. hyper. & Lumbricarum misto, vel oleo momordica, vel alio à nobis alibi descripto, vel emplastro vulnere utamur cum suis plumaceolis, & decenti ligatura. Post aliquot dies vulnere consolidato emplastrum Oppoteldoch, vel Stipticum ad totalem usque curationem superponimus, quod etiam urgente dolore sæpius renovamus. Ad præservandum à paralyti sæpè dorsi spina Galbaneto Paracelsi, vel oleo Lumbricarum calefacto inungatur.

C A P U T LI.

De Aspera Arteria, & Laryngis Anatome.

Aspera arteria, dicitur aspera ab inequalitate, & ad arteriarum lævium differentiam, aliis fistula, vel canna pulmonis, veteribus arteria dicta est, eò quod aerem contineat, quibusdam spiritalis fistula quod ea spiritus reciprocus trahatur, est canalis, qui à faucibus ad pulmones descendit, eosque plurimis ramis ingreditur, per quem inspiratus aer hauritur, & expiratus idem cum vaporibus, ac fuliginibus redditur ad sanguinis circulationem, & sonoræ vocis productionem, cujus caput *Larynx* dicitur: reliquum verò *bronchus* appellatur, eò quod à potu irrigetur. Aliquid potus in tracheam, & pulmonis ferri perperam probat *Hip.* quia nihil per asperam arteriam penetrare potest, tussi perpetua, antequàm penetraret, non ejiciatur, ut præcipuè observamus, dum bibimus, si casu aliquid humoris in eam defluit: falsum igitur, quod asseruit *Hip.* dum inquit: *Totum, quod bibitur, siue maximam illius partem in pulmones penetrare per asperam arteriam.* Neque exemplum observatum in mactato recens porco, in cujus pulmonibus materia ita colorata reperitur, quale statim antea ab eo haulta, quidpiam probat, nam dum excarnificatum moritur animal, doloris vi multa aguntur præter omnem illius animalis naturam.

Sita est in anteriore colli parte, œsophago incumbens, & sic ab ore ad pulmones descendens. Ad quartam thoracis vertebra in duos ramos dividitur, quorum uterque sui lateris pulmonem ingreditur. Illi iterum in duos alios subdividuntur, & hi rursus in alios, donec tandem in parvos ramos inter arteriæ, & venæ pulmonariæ radices dispersos, ac cum vesiculis pulmonis continuos, in easque patentes definant: Appellantur hi rami, quousque majusculi sunt, *Bronchia*. Magnitudo variat pro ætatis, sexus & temperamenti diversitate.

S

Com.

Componitur ex substantia anteriùs cartilaginea, ut non concideret, sed ad spiritus, aerisque liberam reciproca- tionem perpetuo aperta servaretur: posterius membra- nosa, ne œsophagi dilatatio corporis durioris incubitu impediretur.

Cartilaginosa portio non continua, sed ex plurimis veluti annulis compacta est, quorum superiores majores sunt. Hi annuli æqualiter à se invicem distant, & po- sterius, qua parte gulæ incumbunt, inferiore circumfe- rentiæ parte destituuntur, membranosa substantia defe- ctum supplente: reliqui pulmonis parenchyma subeun- tes, integri manent, nec amplius semilunares sunt, si- cut in superiore parte, sed variis figuris constructi, ro- tundi, quadrati, aut triangulati; & quò longius paren- chyma ingrediuntur, eò magis membranosi, minùsque duri, arteriis similes, ac vesiculis pulmonis continui fiunt. Omnes autem dicti annuli majusculi per carnosa ligamen- ta sibi invicem exactè connectuntur, minimi per solas membranas cohærent.

Aspera hæc arteria duplici *Membrana* constat. Una externa, quæ subtilior est à plentra provenit, & carti- laginum ligamentis firmiter devincta. Altera interna, quæ crassior, & densior, palatoque continua est, sensu exquisito, ad molestorum perceptionem prædita, à du- ra meninge originem habet. Hæc oblitur pingui, & mucoso humore, ad prohibendam exsiccationem, & ut lenior evadat sonus: quo humore à catarrhis acribus abroso, aut alia quacumque de causa æquali reddito, vox raucescit: à nimio autem calore, ut in febribus, exsicca- to, clangosa editur.

Venas habet à jugularibus externis arterias à carotidi- bus; & nervos à recurrentibus sexti paris.

Usus primò est in respiratione, ut per eam fistulam aer à pulmonibus, seu foliis, recipiatur. Indè bronchiis impeditis in asthma sibilus ille fit, quem aer recipro- cans, quia liberè ferri non potest, facit.

Secundò, ejus usus facit ad vocem, unde *Hippocrati* organum vocale dicitur.

Tertiò, in expiratione: primò ut per eandem fuligino- sa excrementa ad os, & nares excernantur, ob quem usum eo artificio oscula venæ arteriosæ cum osculis asperæ arte- riæ coeunt, ut fuliginibus pateat solis exitus, non verò sanguini, nisi per vim, & cum tussi adacto.

Quartò, ad sanguinis vitalis, & cordis refrigeratio- nem, & ventilationem mediante aere.

Putarunt Veteres aeris usum esse à natura institutum pro cordis refrigeratione, & impossibile esse viventem non respirare, & sublata respiratione, vitam auferri, attamen hoc suas habere videtur difficultates. Quippè multoties contingit in maximis agrotationibus, ut universo cor- pori, & ipsi etiam cordi calor deficiat, sed interea æger sine respiratione diutius perdurare non potest; non itaque videtur omninò necessarius aeris usus ad cordis æstum temperandum. Præterea in hypocaustis, & æstuariis tan- tus aliquandò percipitur calor, ut ova possit dura efficere, quò circa calor in his locis existens, major utique erit, quàm cordis calor: quod vel ex eo etiam confirmari po- test, quia aer è corde respiratus in hujusmodi æstuariis ap- paret manibus, cæterisque membris veluti frigidus. Atqui in hisce hypocaustis homo vivere potest spatio unius ho- ræ, imò amplius, sine ulla notabili noxa: igitur non videtur aeris usus in respiratione esse institutus propter cordis refrigerium. Cum præsertim sine respiratione ho- mo vix ad tantum pauca minuta vitam prorogare valeat.

Verùm ut aliquid verosimilius de respirationis usu de- finire possimus, subjicienda erunt nonnulla ex anatome infra dicenda. Scire autem primùm oportet animalia om- nia, quæ pulmonibus prædita sunt, habere duas cavitates, seu duos in corde ventriculos, quorum alter, qui ad latus dexterum vergit, appellatur dexter, alter verò, qui medium ferè locum occupat, vocatur sinister. Pulmoni- bus quidem instructa sunt omnia sanè animalia terrestria majora, & omne avium genus: ex aquatilibus autem Delphines, Phocæ, & omne cetaceum genus habent pul- mones. Porro pulmonibus carent pisces reliqui, serpen- tes, & pleraque insecta, quibus etiam unicus tantùm cordis ventriculus inest, qui per mediam ferè ipsius cordis longitudinem protenditur, quanquam *Arist. lib. de part. animalium* scribit animalia maxima, ut elephas, boves, & similia tres habere cordis ventriculos, mediocria ut homo, sus, canis duos, & minima unicum tantùm. Ve-

rumtamen Zootomia suadet contrarium; nam profectò nullum animal tres habet cordis ventriculos. Potuit au- tem *Aristoteles*, aut quivis alius author ex hujus obser- vatione hæc scripserat, decipi, putans sinistram cordis au- riculam, quæ in magnis animalibus valdè ampla esse so- let, ventriculis annumerari debere. Sed neque omnia mi- nora animalia unicum dumtaxat habent cordis ventricu- lum: nam quævis vel minima avicula duobus instructa est cordis sinibus, sive ventriculis. Contrà verò Thynnus, & maximi quidam Pisces unum habent cordis ventricu- lum. Illud certè verum est, quod ab authoribus plerisque scribitur, animalia omnia pulmonibus prædita duos ha- bere cordis ventriculos, cætera verò unicum.

Præterea ex anatome sciendum, cor cujuscumque ani- malis pulmonibus instructi habere quatuor vasa, hoc est venam cavam, venam arteriosam, arteriam venosam, & arteriam magnam, sive aortam. Hæc autem vasa instru- cta sunt undecim valvulis, seu ostiolis. Valvulas recen- tiores anatomici nuncupant quasdam pelliculas, sive mem- branulas, quarum munus est impedire ingressum, vel egres- sum sanguinis, aut alterius humoris; nam quemadmo- dum in majori pila lusoria inest foramen cum interna pel- licula, quæ aeris ingressui cedit, egressui verò resistit, ita similiter in venis animalium, & in vasis cordis sunt ejus- modi venulæ, quatum hæc dispositio est: Ubi vena cava in dextrum cordis sinum ingreditur, hoc est in auricula dextra cordis sunt tres valvulæ, quæ sanguini liberum præbent ingressum in cor, impediunt autem egressum. Rursus in vena arteriosa insunt aliæ tres valvulæ, quæ sanguinis egressum è corde permittunt, prohibent verò in- gressum; præterea in arteria venosa sunt duæ valvulæ li- berum præbentes introitum sanguini, & impediunt egres- sum, tandem in illa aorta sunt tres aliæ valvulæ, quæ permittunt egressum sanguinis è sinistro cordis ventricu- lo, ac prohibent regressum.

Quibus positis, facile erit explicare verum sanguinis motum, transitumque per cordis ventriculos, hunc au- tem omnium primus innuisse videtur *Erasistratus apud Galenum*, sed & illum subodorati sunt alii scriptores, ut *Andreas Casalpinus*, *Realdus*, *Columbus*, *Asellius*, & for- tasse alii, sed primus omnium perfectè demonstravit *Gulielmus Harvejus* diligentissimus arcanorum Naturæ ob- servator. Hic autem sanguinis motus ad hunc ferè mo- dum se habet.

Sanguis per venam cavam fluit in dexteram cordis au- riculam, & inde in dextrum ventriculum: atque interea ventriculi cordis dilatantur: deinde verò constringitur cor, ut propterea sanguis in dextrum ventriculum illapsus pro- trudatur, cùmque nequeat in venam cavam regredi ob valvularum obstacula, ingreditur in venam arteriosam, quæ ex uno veluti trunco in furculos innumerabiles per universam pulmonis substantiam repetens disseminatur: Interea inspiratus aer tunc per pulmonis bronchia fertur, pulmones ipsos dilatat, atque adedò constringit, premit- que ramos prædictæ venæ arteriosæ; quamobrem sanguis necessariò propellitur in sinistram cordis auriculam, un- de defluit in sinistram cordis sinum. Tunc verò sinister cordis ventriculus ampliatur, iterumque postea constringitur, quare sanguis necessariò è sinistro cordis ventricu- lo propellitur per aortam, arteriasque ad omnes ferè cor- poris particulas pertinentes. Eodem autem tempore san- guis ad utramque cordis auriculam confluit, & similiter ambo ventriculi eodem temporis puncto dilatantur, at- que constringuntur.

Ex his liquet inspirati aeris usus; sanguis enim è dex- tro cordis ventriculo in pulmones protrusus ibidem sta- gnaret per mollem pulmonum substantiam, nisi interea inspiratus aer bronchia pulmonis inflando, sanguinem in sinistram cordis sinum propelleret: nam profectò propul- sione illa cessante, sanguis in pulmonibus uberius confluens restagnaret, & dexter cordis sinus unà cum sua auricula multo sanguine infarciretur, atque interea sinister cordis ventriculus inanis fieret, nullusque adedò sanguis per aor- tam in arterias universi corporis propelleretur, quò cir- cā partes vitali calore destitutæ protinùs languescerent, undè mors necessariò consequeretur.

Hujus rei veritatem exemplis, & observationibus il- lustrare possumus, primò enim animalia pulmonibus ca- rentia non indigent respiratione, quia nimirum unicum habent cordis ventriculum; quamobrem sanguis è vena cava in cordis cavitatem illapsus facilè per ipsius cordis con-

constrictionem protruditur in aortam. Hic autem notandum est, animalia, quæ carent pulmonibus vocem non habere, præter ranas, quæ pulmonum loco duas habent vesiculas cum duabus fistulis, quæ asperæ arteriæ vice funguntur.

Secundò idem comprobatur ex cordis in fœtu structura; fœtus enim in utero matris nequaquam respirat, imò cum valdè renellus est, tenuissimo quodam liquore circumfunditur, & ita membranæ involvitur, ut nullo modo aer pateat ingressus, quemadmodum & in pullis in ovo conclusis est observare, quoniam igitur fœtus in utero existens non respirat, nequit propterea in illo sanguis è dextro cordis ventriculo in sinistrum per pulmones protrudit: unde aliam viam sibi natura paravit in transitu sanguinis per cordis ventriculos, nimirum insunt in fœtu duo alia peculiariora vasa, scutubuli, per quos sanguis è vena cava in sinistrum cordis ventriculum, & ex dextro cordis ventriculo in aortam, non trajecto pulmone perlabitur. Illis itaque qui in utero matris hærent, datum est posse sine respiratione vivere, & pulmones in non natis ab omni protus munere feriantur. Postquam autem animantes ex utero matris prodire, statim incipiunt respiratione uti: quare sanguis è vena cava in dexterum ventriculum influit, & hinc per pulmones in sinistrum propellitur. Unde fit, ut memorati duo tubuli, qui in fœtus corde observantur, post egressum ex utero incipiunt exarescere, ita ut processu temporis omninò exsiccantur, & obliterentur, ut contingit etiam funiculo umbilicali. Anates verò, anseres, lutræ, castores, phocæ, & complura animalia à Græcis amphibia dicta, quod tum in sicco, tum etiam in aquis vivere possunt, per omnem vitæ cursum integra retinent duo illa vasa, quæ in fœtu inesse diximus: ac propterea hujusmodi animalia diu sub aquis sine spiritu vivere possunt, nam etsi respiratione interdum priventur, adhuc tamen pervius est sanguini transitus. Hinc autem manifesta esse potest illius pulcherrimi problematis solutio, quod in sua *Zootomia Democritea* proposuit *Clarissimus Marcus Aurelius Severinus*; cur scilicet anseres collotenus prehensi non suffocentur: hujus rei veram causam Vir Doctissimus ignorasse videtur: inquit enim id contingere, quia propter lubricitatem nequeat aspera arteria omninò præcludi. Sed enim anseres toto vitæ curriculo, ut dicebamus, integra servant memorata vasa. Fortassis autem insignis ille urinator nimirum *Cola* cognomento *Piscis*, cujus meminere *Jovianus Pontanus*, *Alexander ab Alexandro*, *Petrus Messina*, & alii, amphibiorum instar toto vitæ spatio vasa retinuit, ac propterea more piscium magnam vitæ partem degere in mari, & ad pelagi fundum urinando penetrare potuit. In India occidentali passim urinatores margaritarum ostreis venandis intentos, per horam integram sub aqua latitare certum est. Ita & *Aegyptii* urinatores sunt perfectissimi, & urinando deprædantur. Nam ut liquet ex descriptione peregrinationis. Hierosolymitanæ *Nicolai Christophori Radzvilii*, sub aquis latitantes, non contenti terrestri furto, quidquid arriperint, in aquam protrahunt, & auferunt: & frequenter hominem in sponda navis cubantem arripiunt, atque demersum vita, & vestibus spoliant: ut navigantes armati sæpè tota nocte vigilare cogantur. Et ibidem magno numero piscatores in aquam se demergentes manibus pisces capiunt, & cum geminos manibus extrahunt, tertium ore adferunt. Id autem fieri posse facile sibi persuadebit, qui cum *Julio Cesare Arantio* celeberrimo Anatomico observavit modò multum etiam in quadrimalis, quinquennibus, imò grandioribus natis pueris tales ductus integros, incolumesque fuisse servatos, unde verisimile est prædictos pueros potuisse diutius vivere sine respiratione, hic dicimus posse hominem, si à primo ortu educari, ut possit deinde per omne vitæ cursum amphibiorum more vitam degere. Quod quomodò in opus deduci possit, explicat *Thomas Cornelius in suis Progynasmatis*.

Asperæ arteriæ caput, seu principium ori continuum *Larynx* appellatur, quæ est vocis organum: ejus situs est in collo, & quidem in medio, & unica est, ut una vox edatur.

Figuram habet ferè circularem, antica parte extuberantem, postica nonnihil depressam, ut gulæ cedat in deglutitione præsertim.

Musitani Opera Tom. II.

Magnitudo ejus pro ætate, sexu, & temperamento variat; nam in juvenibus larynx angusta est, unde vox acuta: in adultioribus ampla, unde vox gravis evadit, quo etiam facit Laryngis longitudo, aut brevitās.

Laryngis partes, & circa eandem sunt: musculi, cartilagine, membranæ, vasa, & glandulæ.

Primo omnium occurrunt *musculi*, qui cartilagine movent, quos obinet Larynx, ut voluntario motu moveatur, cum vocem pro arbitrio edamus.

Sunt humanæ Laryngis musculi non nisi tredecim, quatuor communes, & novem proprii. Communes sunt, qui in laryngem implantantur, ab ea tamen non oriuntur, & finiuntur. Proprii à Larynge oriuntur, & in ea finiuntur.

Communium par primum *Sternothyroides* appellatum, à superiori, atque interna sterni parte ortum infernè ad Latera cartilaginis scutiformis inferitur, & dum scutiformem detrahit, rimam coarctat.

Secundum par, quod superius, *Hyothyroides* appellatum, ab inferiore sede ossis hyoidis ortum, in basim scutiformis inferitur, eamque attollendo, rimam dilatat.

Propriorum musculorum par Primum, originem ducit ab annulari cartilagine, & in scutiformis latera desinit, atque hinc *Cricothyroides* anticum nominatur, & cartilagine nonnihil obliquè deorsum movere putatur. Usus est annularem cartilagine ad scutiformem trahere, ut inungatur.

Secundum par carnosum principio posterius procedit ab annulari, & in gutturi, seu arytenoidis partem inferiorem nervoso sine inferitur, ac cartilagine duarum arytenoidum diductione laryngem aperit. Anatomicis communiter *Cricoarytenoides* posticum appellatur, *Casserius* hoc par *Cucullare* vocat.

Tertium par *Cricoarytenoides* laterale dictum, superius ab annulari lateribus ortum, glottalis lateribus ad articulum inferitur, cartilagine obliqua diductione laryngem aperiens.

Quartum par intrinsecum, & valdè latum *Thyroarytenoides* nuncupatum anteriùs, & interiùs à scutiformi prodit, & desinit in latera glottalis, quam constringens, laryngem recto ductu claudit. Hoc par si in angina inflammetur, eam lethalem facit, cum exactè rimulam claudat.

Nonus musculus (aliis quintum par *Arytenoides* dictum) oritur à postica guttalis linea, & fibris transversis delatus in ejusdem latera inferitur, & arytenoidem cartilagine constringens, laryngem recto ductu claudit.

Epiglottis in homine nullis datur musculis manifestè conspicuis; nam voluntariè in eo non movetur, ut *Joannes Horne* nugatur, sed assumptorum pondere, & linguæ retrorsum tractione dumtaxat deprimitur. In brutis verò majoribus, quæ ruminant, & ferè perpetuè ciborum ingestioni inhiant, ac epiglottidem prægrandem habent, musculis donatur manifestis; quorum alii ab hyoide oriuntur, & basi epiglottidis inserti, eam attollunt: alii inter epiglottidis tunicam, & cartilagine sita eam detrahunt, & sic laryngem claudunt.

Cartilagine laryngis sunt quinque, quæ in senescentibus aliquando ossium instar indurantur; unde aliqui suffocationis periculum in patibulis declinaverunt.

Prima cartilago *Thyroides*, vel *scutiformis*, scutalis, clypealis, peltalis &c. à forma, quia quadrata ferè, intrinseca cava est, foris gibbosa, & prominens, magis tamen in viris, quàm in mulieribus; quia harum collum exæquant glandulæ, pulchritudinis ergò ad Laryngem positæ. Protuberantia illa in collo anteriùs conspicua, dicitur *Pomum Adami*, quia vulgò in Adami faucibus pomi fatalis partem ex pœna divina remansisse, atque inde cartilagine hanc distentam protuberasse, eandemque hæreditario jure ad posteros translatam fuisse. In medio distinguitur Linea, unde duplicem alii constituere, cum reverà duplex rarissimè inveniatur. In angulis suis processus habet, superiùs duos longiores, quibus ossis hyoidis inferioribus lateribus ligamenti ope jungitur: inferiùs duos, quibus inferiori cartilagini adhæret.

Secunda *Cricoides* seu *Annularis* dicitur, quia rotunda est, annuli instar, & totam laryngem ambit.

Tertia, & quarta aliis unica, sed si membrana exiit, apparebit esse geminam. Dicitur *Arytenoides*, seu *Guttalis*, quia processus sibi invicem juncti formam gutturnii, vel ollarum partis, qua aquam effundimus, referunt.

Quinta est *Epiglottis* ad radicem linguæ sita, glottis, seu rimulæ operimentum, quo regitur, ne inter deglutendum, cibis,

cibus, potusvè in asperam arteriam delabatur, quamvis non tam exquisita sit commissio, quin huiusmodi aliquid blandè secundum parietes tracheæ se insinuare possit. Unde in affectibus thoracis celegmata, & tabellas præscribunt vulgares in ore, reclinato capite tenendas, donec liquefiant, ut portio aliqua per tracheæ parietes defluat. Verùm credat hoc, qui vult, non nos, qui nimium scrupulis angimur, præscribimus tamen tabellas, & eclegmata, ut vulgò imponamus, quia populorum morbis vescimur. Hoc unum scimus, quod epiglottis substantia reliquis cartilaginibus mollior est, figura hederæ folium vel Linguam referens, unde nonnullis Lingua dicitur. Aeri tantum patet aditus, & dum vescimur, & bibimus, rimam tegit, & claudit, ne ex cibo, potusvè in tracheam aliquid decidat, sed clausa epiglottide, in gulam cibus, & porus abeant. Aperitur in risu, unde eo momento forbescentes, à risu sibi caveant. Quod si casu mica panis, vel gutta porus incidit, vehemens tussis, & molesta excitatur, quæ perseverat, donec, quod indebitè ingestum est, rejiciatur, quod si non eveniat, mors præ foribus adest. Provideant igitur helluones ne inter hanc, & rimulam cibus, potusvè se insinuet, aliàs suffocationis periculum subeunt. Nota est *Val. Max. l. 9. c. 12. de Anacreonte* historia, qui cum seniles vires succo passæ uvæ refert: unius acino, qui faucibus hærens, nec demitti, nec revocari posset, guttur premente, suffocatus obiit. Item *Fabius Senator* in lactis haustu uno pilo strangulatus est.

Utrique *membrana* ori communi alligatur, quali etiam lento humore perfusa succingitur laryngis interna cavitas, & extrà quoque larynx obvolvitur.

Venas habet larynx à jugulari externa; *Arterias* à carotidis ramo majori; *Nervos* vocales dictos pro motu musculorum, à fœti paris ramo recurrente.

Glandule adstant duplices, aliæ ad laryngis sedem altior, videlicet ad uvulæ latera, & dicuntur tonsillæ, de quibus egimus suo loco, quæ spongiosæ cum sint, cerebri humiditatem suscipiunt, quam in salivam convertunt, cujus gratia humectantur fauces, larynx, lingua, & œsophagus: quamvis, & ad gustum, qui sine madore non fit, faciat. Sunt hæ glandulæ circa linguæ radicem, & communi oris tunica teguntur; & *venas* à jugularibus accipiunt. Aliæ adstant inferiori laryngis regioni utrimque una, magna, & fungosa, per quam disseminantur venæ ex jugulari externa. In fœminis magis conspicua est, in homine magis carnea.

Ufus est humiditate viscosa, & pingui laryngem irrigare, ut cartilagine ad morum aptiores fiant, & vox suavior reddatur: quod imitantur ii, qui fistulas oleo inungunt.

Laryngis usus est esse vocis organum.

C A P U T LII.

De Asperæ Arteriae Vulneribus.

Necessarius est ad vitam tuendam cibus, & potus, & nihilominus sine his diutissimè vivere possumus, imò stupendas de horum longa abstinentia legimus Historias; attamen sine aere, quem spiritu ducimus, vix ad paucula temporis momenta vitam protrahere possumus: ideoque si respirationis organum, quod ad vitæ conservationem magis est necessarium, ejus continuitas dissolvatur, & depravetur, consuetus aeris transitus denegetur, subita mors vulnerari tabernam pulsatur.

Signa.

Asperæ arteriæ vulnera nullo indigent signo, cum visui pateant, & ex vulnerati relatione opinari comprehenduntur. Si verò ambigimus, an vulnus ad asperam arteriam cavitatem irrepit, id facile manu, candela, speculo, vel alia re vulneri admota, dum æger loquitur, & omnino ex aeris per vulnus exitu cognoscitur.

Causa.

Tracheæ vulnera violentam sibi asciscunt causam, puta instrumenta pungentia, scindentia, vel contundentia, ut tela, ictus, morsus, & alia, quæ hujus fistulæ pulmonalis unitatem solvunt.

Prognosis.

Vulnera asperæ arteriæ periculo sunt plenissima, & plerumque lethalia; hæc namque pars ob aerem hauriendum, & emittendum, & loquendum irrequieta manet, & consolidatio non ita facile obtinetur, & præsertim si vasa jugularia sint dissecta, sanguinis profusione in tracheam suffocatur æger. Si ipsa substantia cartilaginea integre per transversum dissecta sit, nulla arte denuò connectitur, nec coalescit. Si verò vulnus inter duos annulos incidat, aliquando sanatur. Interdum etiam tumor, & inflammatio accedit, respiratio intercipitur, & hinc gangræna, & sphacelus, quæ ægrum subito jugulant.

Curatio.

Vulnerum asperæ arteriæ curationem quod attinet, vulgares primò sanguinis fluxum sistunt, vulneratam partem pulveribus adstringentibus aspergendo: ex *masliche, bolo, farina volatili, crepitu Lupi, cornu cervi usto, pilis leporinis, sanguine draconis*, & similibus; deinde Labia cutis distantia futura conjungunt, & *emplastrum Barbarum* extrà adhibent. In ore verò intus vulneris glutinationi subveniunt, frequenter aliquid medicamenti derinendum, quod liquatum sensim per asperæ arteriæ viam prolatur, idque facilius succedet, si æger resupinatus cubat, ita sunt *Diatragacanthum frigidum, diacodium, looch sanum*, & expertum, vel similia. Vel

℞. Spec. diatragac. frigidi ℥. j. gummi arabici, boli armeni ana ℥. ℥ss. rad. consol. sub cinerib. coct. ℥. j. syr. myrt. q. s. f. elect. Vel

℞. Conf. ros. rubr. rad. consol. maj. ana ℥. j. boli armeni, spec. diatragacanth. frigidi, gummi arabici ana ℥. ℥ss. syr. de ros. sic. q. s. f. elect.

Optima quidem sunt hæc medicamenta Lambitiva, & tabellæ, sed asperæ arteriæ vulneribus nequicquam profunt; vulgares namque has excogitarunt imposturas in catarrhis ad expectorandum humorem in pulmone contentum, ejusque asperitates leniendas, sed nullius momenti sunt hæc medicamenta juxta eorum excogitationem, nam nihil per asperam arteriam in pulmones delabatur, sed per œsophagum in stomachum descendunt, quod si fortasse eveniat, tunc tanta excitatur molestissima tussis, ut nisi res indebitè ingesta eliminetur, hæmoptysis, vel suffocationis periculum impendat. Præterea demus per epiglottidem in asperam arteriam quid eclegmatum delabi, (sed hæc deberent esse eclegmata vulneraria, qualia non sunt, quæ à vulgaribus præscribuntur) in parte vulnerata remotam non contrahunt, non actuantur, nec soluti unitatem molliuntur, ideoque futilia.

Pro vulnerum asperæ arteriæ curatione secundum nostram sententiam dicimus, quod si hæmorrhagia adsit, in ea sistenda, solo *spiritu Vini rectificato* externe applicato utimur, quo nihil securius. Non improbamus *Aquam arterialem n. d.* sed summa solertia applicanda est, quia si quid in tracheam illabatur, tussim excitare, & malum pejorare posset. Pro vulneris consolidatione, sine futura, & labiorum conglutinatione, *epithema calidiusculum ex spiritu lumbricorum, & vini camphorati* imponatur, quo prudenter adhibito, hæc vulnera coalescunt, & feliciter curantur; vel nostro balsamo ex *Aqua Regine Hung. oleo aparicis, & balsamo Peruviano* commodè agglutinatio promoveri potest; vel *emplastro stictico, vel Oppoteldoch*, dummodò trachea non nimium læsa, aut planè discissa, aut per transversum dissecta sit, & tamen has observavimus curationes, vel cartilagine, & ligamenta sint totaliter destructa.

Interim aer, in quo degit æger, sit purus, & serenus; nocet enim nebulosus, ac pluviosus, vel acido nitroso nimis refertus. Cibi sint liquidi, & qui facile digerantur, vitentur acida, salita, acrida. Potus sit tepidus ex decocto herbæ *Theæ*, frigidus namque nocet. Somnus legitimo tempore concilietur, sicut nec vigiliæ protrahantur. Quies optima est, declinet à verbositate, & taciturnitatis sit amans. Alvus debito tempore onus deponat. Animi pathemata reprimantur, exulent suspiria; anxietas, & molestia tanquam maximi coagulatores, & acidi auctores, hilaritas magis prodest.

Non desint interea *potiones vulneraria*, quæ maximo perè succos acidos mitigant, absorbent, & vulneris curatio-

tionem accelerant; ex radice consolidæ majoris. hederæ terrestri, stellaria, alchimida, sanicula, pilosella, & summitate hyperici, Hæ potiones aduſcorari poſſunt Sympo de ſympſyto, vel de hederæ terreſtri, vel ſyr. flor. hyperici, & in unaquaque doſi addi poteſt antimonium diaphoreticum, vel tinctura antimonii guttas xx. vel oculi cancrorum, vel baſamus Peruvianus per retortam trajectus, ut liquidior reddatur.

Non proſectò hic alto ſub ſilentio præclara vulneris aſperæ arteriæ prætereunda eſt obſervatio Michael Pignaſco genere Luſitanus: Neapoli III. Kal. Maii anno 1692. non tantum vulnus in mamma ſiniſtra penetrans paſſus, verum etiam, quod magis refert, aſpera arteria in gutture ſub larynge vulnerata fuit, & ita præciſa, ut cum murmure, & ſibilo aer explodeteretur; ulterius venæ jugulares, & arteriæ carotides unâ diſſectæ fuere; unde vulneratus exanguis, & jugulatus in Sanctiſſimæ Annunciationis Xenodochium pro urna potiùs, quàm pro vitæ recuperandæ expectatione delatus fuit. Rem noſtro ſæculo inauditam, & omnem fidem ſuperantem narramus, verum in narratione, ne mendacii inſimulemur, pavemus, ſed enim, quia obſervatio recens eſt, ſunt oculati teſtes, tum in chirurgia tyrones, tum admodum exercitati, tum tandem Xenodochii, ut interim nobiles omittamus viros, qui hujusmodi curationis fideles ſpectatores, & nos ab omni convicio expedient. Jugulato benigno vultu forſ arriſit, & tulit, ut in Caroli Prudentis, ſalutares incideret manus, qui propinato ſub aurora, & ſolis obitu ſequenti medicamine, ut

2ſ. Syr. de betonica 3. j. ſtibii diaphoretici 3. ſſ. Quint. eſſent. pulg. gutt. x. m.

Aſperæ arteriæ, venis jugularibus, & arteriis carotidibus baſamo Samaritani miſto cum Regina Hung. aqua applicato, viginti unius diei intervallo, redivivum ſtudio, & peritia priſtinæ ſanitati integrè reſtituit. Si jugulatus in alterius chirurgi ejuſdem Xenodochii, vel alterius incidiſſet ungulas, non aliter ac per fecalem carnificis dexteram obtruncatus occidiſſet. Solus Carolus Prudens eſt vulnorum, cæterorumque morborum chirurgicorum Averrun-cus, & quaſi divini Æſculapii alumnus, cui nullus pernicioſus reluctatur languor; eſt noſtri qui Proto-chirurgus, cæterosque chirurgoſ poſt ſe veluti cancroſ balena trahit.

C A P U T LIII.

De Oeſophagi Anatome.

Oſophagus, Latine dicitur *Gula*, aliis *Via ſtomachi*, eſt canalis rotundus, ſeu fiſtula, vel inſundibulata ventriculi, quo alimenta ab ore ad ventriculum descendant.

Situs ita eſt, ut initium habeat in faucibus, ubi dicitur *Pharynx*, & ab his recta deſcendat in ventriculum ſub trachea. Ubi verò ad quintam thoracis vertebram pertingit, aortæ per medium latæ cedendo dextram verſus inclinatur; poſtea ruruſ ad ſiniſtram arteriam magnam conſcendit, & per diaphragma uſque in ventriculi os ſiniſtrum, unâ cum nervis binis à ſexto pari oriundis.

Venas habet paucas à cava, azigo, intercoſtali, & jugularibus. *Arterias* ab intercoſtalibus & carotidibus internis. Faucibus, & laryngi cohæret; per oris tunicam, ipſi, & ventriculo continuam: tracheæ verò vertebris, aliisſque vicinis partibus jungitur, membranæ ex dorſi ligamentis ortis.

Glandulæ parte poſteriore adnaſcuntur, quæ humorem ſuppeditant ad imbuendam cavitatem pro faciliiori deglutitione. Hæ glandulæ nonnunquam ab humorum affluxu ita intumeſcunt, ut nimium comprimant, & anguſtiant oſophagum, ſicque potui, & cibo, omnique alimento tranſitum præcludant, hominemque fame, & ſiti perimant.

Subſtantiam carnoſam, & membranofam obtinet, ut commodè extendi, & concidere poſſit, & eſt tribus tunicis conſtata. Harum prima exterior, & ventriculo communis eſſe dicitur: maniſeſta tamen intereſt differentia, cum hæc oſophagi oriatur à pleura, altera ventriculi à peritonæo. Secunda, quæ media, eique propria eſt valdè craſſa, mollis, & carnoſa, inſtar muſculi perforati; rotundis, tranſverſiſque fibris, ſibi invicem ex oppoſito oblique occurrentibus, & decuſſatim interſecantibus, atque impoſitis pertexta. Tertia interna, atque etiam propria, membranæ os, faucesſque ſuccingenti continua, tenuis,

Muſitani Opera Tom. II.

dura, & nervoſa eſt: hanc alii rectis longiſque, alii tranſverſis, & circularibus fibris donatum eſſe tradunt; verum hæ adeò exiles, & tenellæ ſunt, ut de iis haud facile ſit judicare.

Movetur oſophagus tribus muſculorum paribus, & ſphinctere proptio.

Primum par, quod *Cephalopharingæum* nominatur, à capitis, cerviciſque conſinio dimiſſum, amplo fibrarum plexu in tunicam oſophagi expanditur, eamque ſuſum elevando, fauces in deglutitione conſtringit.

Secundum par, *Sphæropharingæum* dictum, à ſinu alæ internæ oſſis cuneiformis procedens, lateribus oſophagi, & palati oblique implantatur, eaſque partes ad recipienda alimenta dilatat.

Tertium par, *Stylopharingæum* appellatum, ab acuto ſtyloformi proceſſu oritur, teretique corpore deſcendens, in gulæ latera exporrigitur, eamque cum priore pari dilatat.

Sphincter gulæ qui etiam *Oeſophagiæus* muſculus nominatur, ab utraque ſcutiformi cartilagine natus, ſphincteris inſtar oſophagum ambit, eumque conſtringendo cibos deorſum pellit.

Uſus oſophagi eſt, ore aſſumpta deglutire, quæ actio peragitur fibris, & præcipuè dictis muſculis. *Galenus* hanc actionibus naturalibus tribuit: verum cum deglutitio ex arbitrio pendeat, & (degutimus enim quando volumus, & liber) & peragatur motui voluntario inſervientibus inſtrumentis, nempe muſculis, meritò animalibus actionibus annumeranda videtur, & quamvis inſerviat uſui naturali, ſcilicet nutritioni, tamen non minus animalis eſt, quàm reſpiratio, quæ etiam nutritioni famulatur, & tamen eſt animalis.

C A P U T LIV.

De Oeſophagi Vulneribus.

EST oſophagus via, per quam cibus, & potus ex ore in ventriculum demittitur, quæ actio, ut diximus, mediante ſphinctere peragitur, & eſt animalis; deglutimus enim quando volumus, & liber, & ad quamlibet cibi, & potus importunitatem, juxta noſtræ voluntatis libidinem aperitur. Inſervit etiam oſophagus, utiis viam ſtetnat, quæ à ſtomacho per vomitum rejiciunt. Ad has peragendas ſine impedimento partes, oſophagum à morbis immunem eſſe par eſt, ſed cum hic quandoque ſuos patiatur manes, ad cibi, & potus immiſſionem, vel ad illorum, quæ ſtomacho moleſtiam pariunt, ineptus redditur. Noſtro examini oſophagum vulneratum in præſentiarum, ne à noſtro deſlectamus inſtituto, ſubmittimus.

Signa.

Oſophagi vulnus ex cauſa violenta prægreſſa, ipſa continui cum interiorum, tum exteriorum partium ſolutione, vel vulneris inſiſti ſitu, præcipuè ſi ſtylus immittatur, & vulnus exploretur, & interdum hæmorrhagia, facile liquet; Vel ex officulo, aut ſpina deglutita; vel vomitu, qui ſequitur, & quod cibi, & potus aliquid per vulnus excerni ſolet.

Cauſæ.

Vulnerum oſophagi cauſa eſt continui ſolutio à vi externa facta.

Prognofis.

Oſophagi vulnera maximè ſunt periculofa, præcipuè ſi magna ſint, & tubuli, ac fibrilæ longitudinales, ac circulares majori ex parte diſciſſæ, & ruptæ fuerint, unde pars neceſſariò collabitur, & ſuo munere fungi nequit. Si magna inflammatio accedit, oſophagum anguſtiat, & denegato alimenti tranſitu, vel cibus, & potus per vulneris foramen excernatur, æger inedia, & virium proſtratione in mortis agone verſatur, vel quod pejus eſt, ſi aſperæ arteriæ viam comprimat, pene actutum ægrum ſuffocat, & ſtrangulat. Officula, vel ſpinæ deglutitæ, & oſophago inſixæ, aſperam arteriam comprimunt, & ſuffocationis periculum inducere poſſunt. Interdum ex longa contrectatione inflammatio excitatur, & æger inedia perit.

Curatio.

Pro vulnerum œsophagi curatione, ante omnia sex res non-naturales optimè disponantur, & primò Aer sit temperatus, quia sanguinis, reliquorumque succorum circulationem, & insensibilem transpirationem promovet; frigidus verò vitetur, quia succos incrassat, eorumque circuitum remoratur, & acidum multiplicat. Cibi fugiantur solidi, fluidi optimè nutriendi conducunt, ut caponum, vel pullorum jura consumpta, herbis sale volatili præditis condita, quæ si æger deglutire nequeat, per syringas, vel alia instrumenta ad hunc finem inventa indantur. Potus sit tenuissimus, & congruit ex potione vulneraria bochetum, vel decoctum herbæ Theæ, quod calidiuscule assumatur; vinum ob acidas particulas, quas irretitas continet, prorsus exulat. Motus obest, quies prodest. Vigiliæ nocent, & somnus juvat. Alvus suo satisfaciat muneri, aliàs clystere exagitetur. Animi pathemata, quantum possibile est, rectæ rationis habenis subigantur, lætitia, & tranquillitas sit ægri præcipua salutis basis; dum enim animus anxius nimium fluctuat curis, ac mortis pavore, spiritus incrassantur, & humores iis destituti coagulantur, & torpent, ac parti facile paralyfim inducere possunt.

Œsophagi vulnera aliarum partium more curant *Vulgarēs*; hoc tamen discrimine intercedente, quod non solum medicamenta extrinseca applicant, verum etiam deglutientia exhibent. Externa sunt linimenta, & unguenta vulgò digestiva dicta, quæ vulnere superponunt, & talia esse debent, quæ ventriculum non lædant, ut

℞. Syr. de ros. siccis ℥. ss. boli armeni ℥. j. mastiches, sang. dracon. ana ℥. j. vitell. ovi dimidium, terebinth. cypricæ q. s. ad incorporandum.

Medicamenta deglutientia sint talia, ne si in ventriculum delabuntur, ei noceant. Ita sunt *syr. de ros. sicc. de succ. myrtillor. tragacanth. gummi arabicum; bolus armenus.* Vel sequens formant electuarium ex herbis adstringentibus, & sarcoticis, quales sunt *equisetum, sanicula, consolida, centaurium, caryophyllata, balsamina, tormentilla,* quas pulverizatas cum melle coquunt in electuarium in frequenti usu habendum. Vel dant hunc potum:

℞. Pilosellæ, caudæ equinæ, alchimillæ ana m. ss. radic. consolid. maj. pentaphyll. tormentill. ana ℥. j. balaustr. ℥. ss. sem. coriandr. ℥. ij. cinnam. ℥. iij. coque in s. q. aquæ hordei, f. colat. in diss. conf. rosar. rubr. ℥. j.

Coletur, quæ colatura non solum ægro exhibent, sed etiam vulnere injiciunt.

Œsophagi vulnerum curationem externam, & internam instituiamus; externè *balsamum vulnerarium n. d. ex aqua Regiæ Hung. ol. apparicis, & balsamo peruviano* cum filamentis, & plumaceolis vulnere imponimus ad totalem agglutinationem, vel *balsamo artificiali* utimur; pro pauperibus autem *oleo hyperici, terebinth. lumbricorum, & mastich.* calidè uti possumus. Postmodum *emplastrum stipticum, vel oppoteldoch.* ad cicatricem usque. Internè portiones vulnerarias manè, & serò commendamus, ex *radic. symphyti, tormentillæ, herb. scordei, dictamni, saniculæ, stellariæ, pyrolæ, & vincæ peruvianæ,* ac in unaquaque dosi quidpiam de *ocul. cancr. vel antimonio diaphoretico, vel balsamo peruviano rectificato ad guttas xx.* addimus: possunt hæc portiones *Syr. de flor. hyperic. symphyto fernel. vel hederæ terrestri* edulcorari, & cocleatim per modum eclegmaris assumi debent, ut sensim per œsophagum descendant, & partem vulneratam obliniant. Ex potionum vulnerariarum residuo, novæ aquæ affusione, & ebullatione, pro potu ordinario parari potest bochetum.

Sires deglutitæ, ut ossicula, & spinæ tenaciter adherentes in gula, vulnere in causa sint, prius extrahantur, & deinde vulnera nostra methodo internis remediis curanda sunt.

CAPUT LV.

De Anatomica Thoracis, ejusque partium historia.

Perlustravimus supremi ventris, nempe capitis anatomem, nunc ordo nos admonet, ut de medii ventris, putà thoracis anatome agamus. Medius autem venter, vulgò *Thorax* dicitur, & est illa cavitas, quæ superius claviculis, inferius diaphragmate, utrinque costis, parte

antica sterno, postica dorsi ossibus circumscribitur. Pars anterior dicitur *Sternum*, & pectus, posterior dorsum; Laterales latera. Putarunt aliqui *Hip.* anatomes nescium fuisse, quia scripsit hepar in thorace locatum esse; verum non intellexerunt inum ventrem, sub thoracis nomine esse complexum.

Thoracis figura quodammodo ovalis est, quanquam non exactè *Hip.* testudini assimilet. In homine interiore sui parte protuberantior, sed in sterni medio planior, circularis globosa à costarum flexu in dorso depressior.

Magnitudo in genere variat pro vario caloris gradu; ex thoracis enim amplitudine cordis calorem metitur.

Substantia ejus externa partim est ossea, partim carnea. Non totus carneus est hic venter, sicut infimus, primò, quia non continet partes, quæ insigniter distendi debeant. Secundò, ne pinguedo nimia ibi generaretur, & respirationem impediret. Ex parte tamen carnea, quia partes continet, quæ moveri debent, ut cor, & pulmones. Et tandem ob causam non totus osseus esse debuit, quemadmodum calvaria; ex parte tamen osseus ad nobilium partium munimentum; nam ejus usus est partes continere vitales.

Sunt thoracis partes vel continentæ, vel contentæ. Continentes sunt vel communes, vel propriæ. Communes sunt *cuticula, cutis*, de qua notandum, quòd medii ventris cutis sub axillis pilosa est. Hi pili subalares dicuntur: utiles sunt, ne partes illæ in brachiorum motibus atterantur, cum maximè, & citissimè fudent, quia dicuntur cordis emunctoria, & ejusdem recipiunt excrementa. Pectus in nonnullis calidioribus, & cordatioribus est pilosum. *Pinguedo* in thorace (si mammas excipias) non tanta reperitur, ne ejus pondere respiratio impediatur. Ob partem enim ejus osseam, non tanta materiæ pinguedinis copia affluere potuit, ut in imo ventre, qui totus carneus est, unde hic semper pinguis: medius venter medio modo se habet: caput minimè pingue. Illa thoracis pinguedo flavior nonnihil apparere solet, ob subjectarum partium vitalium calorem, cum ipsa pinguedo alioquin alba sit.

Partes propriæ continentæ sunt *musculi thoracis, ossa varia, sternum, dorsales vertebrae, costæ, scapula, clavícula.* Item *mamma, diaphragma pleura, mediastinum.*

Contentæ sunt viscera, & vasa. Viscera sunt *œsophagi major pars.* Vasa sunt *rami venæ cavæ, & arteriæ magnæ, thymus* multaque alia minora vasa.

De Mammarum anatome Laconismum sequentes egimus *Tomo 2. de Ulceribus cap. 45. De Mammillarum, & Papillarum Ulceribus.*

De Thoracis Musculis.

Thoracis musculi proprii utrinque sex numerantur.

Primus *Subclavius*, sub clavicula situs, spatium inter claviculam, & primam costam replet. Et hic est primus, qui thoracem distendit.

Secundus; *Serratus anticus major*, magnus est, latus, & undique carneus, cum abdominis, obliquo descendente serratam efformat compagem. Oritur carnosus ex basi interna scapulæ. Porrigitur tendine ad costas, quas attollit.

Tertius, *Serratus Posticus superior*, minor, sub Rhomboide in dorso inter utramque scapulam habitat. Oritur à spinis. Insuperitur quatuor superiorum costarum tribus intervallis, tripartitus, & eas costas sursum trahit.

Quartus, *Serratus Posticus Inferior*, major, est membranofus, & latus ferè in dorsi medio, sub musculo latissimo, seu aniscalptore, à spinis vertebrarum dorsi inferiorum, ortus. Insuperitur ad costarum inferiorum intervalla, veluti in digitos divisus, & inferiorem thoracis partem dilatat.

Quintus præcedenti substernitur, & aliis putatur communis essetam dorso, quam thoraci. Dicitur *Sacro-lumbus*, quia oritur ab ossis sacri posteriore parte, & Lumborum spinis. Insuperitur costis inferioribus. Usus est thoracem extendere, & exigere.

Sextus, *Triangularis*, sic vulgò dictus, etsi verum triangulum non efformet, parvus est, & subtilis, in macilentis vix carnosus intra sub sterno latitat, ex cujus parte inferior ortum habet. Unde *Sterni* musculus commodè appellari potest. Insuperitur obliquè cartilaginibus inferioribus, quas adducit, & thoracem constringit.

De

De Scapulae Musculis.

Scapula præterquam quod ab humeri musculis per accidens movetur, etiam peculiare habet motus; putà antrorsum, sursum; & deorsum, qui quatuor musculorum beneficio percipiuntur.

Primus *Serratus Minor* dicitur, qui musculo pectorali substratus, à costis superioribus quatuor, prima excepta, quasi digitatim exoritur, & scapulæ ad processum coracoidem inferitur, eamque antrorsum ad thoracem adducit.

Secundus, *Trapezius*, aliis *Cucullaris* dicitur, quia cum suo pari dorsum tegens, Monachi cucullam aliquò modo refert. Ortum sumit ab occipite, & apice quinque spinarum colli, octoque, vel novem superiorum thoracis: inde versus scapulam angustatus procedens, in ejusdem spinam totam, summum humerum, & claviculæ latiore, partem implantantur, atque scapulam propter varium exitum, variasque fibras diversimodo mover, sursum, deorsum, rectè, obliquè, prout modò hæ, modò illæ fibræ contrahuntur.

Tertius, *Rhomboides* à figura quadrilatera dicitur tenuis, & latus est, sub cucullari latens, carnosus, & latus mergit à spinis trium vertebrarum inferiorum colli, & trium superiorum thoracis, atque in externam basim scapulæ inferitur, eamque nonnihil obliquè sursum ad posteriora trahit, & dorso applicat.

Quartus *Levator*, aliis *Patientia* musculus, quia elevat scapulam, quibus ex voto res non succedant, qui à transversis processibus secundæ tertiæ, & quartæ vertebræ, colli, diversis principiis circa medium coeuntibus, prodians, lato, carneoque tendine scapulæ angulo clatiori, inferiori, & infigitur eamque sursum versus anteriora trahit, & cum humero attollit.

His musculis scapula per se, brachium per accidens movetur: sicut scapula per accidens à brachii musculis.

De Dorsi, & lumborum Musculis.

Movetur spina dorsi antrorsum, retrorsum, ad latera, circulariter, ut in histronibus infinitos motus dorsi videre licet. Nam in omnibus vertebris offeruntur tendines, ac si plures, & infiniti essent musculi, quos tamen tendines multi anatomici ad unum musculum referunt magnum dicuntque unum musculum habere multos tendines. Communiter autem quatuor paria dorsi constituunt; ubi notandum est, quod si alteruter agit, spinam in latus moveri; si totum par, flecti, vel extendi.

Primum par *Quadratum* appellatur, quod constituunt duo musculi triangulares, qui cum simul juncti quadraturam aliquo modo expriment. Hi lati, & crassi ab ossis Ilii cavitatem postica superiore, ossisque sacri partes laterali internè profiliunt, & in transversas vertebrarum apophyses, usque ad ultimam costam carnosæ inferuntur, atque lumborum vertebrae antrorsum ad latera flectunt.

Secundum *longissimum* dicitur, oritur ab extremo ossis sacri, & Ilii secundum longitudinem spinæ, usque ad processum mammillares prope ossa temporum extenditur, & singulis vertebrarum lumbalium, ac dorsi processibus tendines largitur, ac cum sacro Lumbo, & semispinato usque ad infimam dorsi vertebram fere conditur versus superiora separati, atque hinc multi istos tres, quia difficulter separari queunt, pro uno habet musculo. Usus thoracem, lumbos, & eorum vertebrae extendere.

Tertium huic subiectum est, & *Sacrum* appellatur, quia ab osse sacro posterius oritur, & in duodecimæ vertebræ thoracis spinam, ac plerumque in lumbalium quoque vertebrarum spinas; obliquos processus variis tendinibus finitur, priorumque actionem adjuvat.

Quartum *Semispinatum*, oritur, ubi præcedens desinit, omnes vertebrarum thoracis spinas amplectitur, & desinit in spinam primæ thoracis vertebræ. Usus est thoracem erigere.

De Musculis Intercostalibus.

Intercostales musculi ita dicti sunt, quia costis intertexuntur. Sunt autem toti carnei numero quadraginta quatuor, utrinque viginti duo; undecim externi, & totidem interni. Nam semper inter binas costas, bini musculi sibi invicem incumbunt: undecim autem utrinque costarum intervalla.

Mustrani Opera Tom. II.

Externi oriuntur à superiorum costarum inferioribus partibus & obliquè versus posteriora descendentes, inferuntur in inferiorum partes superiores. *Interni* è contrà. *Externi* desinunt in cartilagine; *Interni* & costarum, & cartilaginum spatia implent.

Fibras habent obliquas, & se mutuo Xistices intersecant instar literæ X. quia alias breves sunt musculi ob intervallo pravitatem. Hinc in Empiicorum apertione, faciendâ est sectio recta secundum fibrarum ductum; & non transversa.

Vasa acceperunt varia; *Venas* ab Azygo, & intercostali superiore utroque, *Nervos* à sexto pari, junctos illis, qui è medulla dorsi prodeunt.

Usus est thoracem dilatare, & contrahere; *Externi* æmulantur tractum subclavii, costas attollendo, & thoracem constringendo, faciuntque ad expirationem. *Interni* costas abducunt, thoracem ampliando, ad inspirationem faciunt.

De Thoracis ossibus.

Pluribus ossibus thorax est constructus ad eorum munimen, quæ in ipso continentur, nempe *Clavicula*, *Scapula*, *Vertebra*, *Costa*, *Os sternum*, & *Cartilago ensiformis*.

De Claviculis.

Claviculæ ita dictæ, quod thoracem claudant, & clavis instar scapulam cum sterno claudant, & firment. Sunt autem duo officula, quorum utrumque unum transversum pectori superiori imminet, inter humeri articulum, & ossi sterni summitatem. Substantiam obinet crassam, & fungosam, quæ faciliè ab externorum violento incurso frangitur, sed propter laxitatem faciliè rursus coalescit per callum. Hæc æque ossea est in infantibus, atque in adultis figuram aliquantulum flexuosam, ob longam literam Latinam S. aliquo modo referentem: in viris tamen, ob brachii validiorem motum, magis intortam, quam in mulieribus. Extremorum uno, eoque rotundo, adhærent summitati ossis sterni, altero planiore cum scapulæ processu connectuntur, ubi humeri summum producant. Utraque autem extremitas cartilagine obducta est, atque illa unctuosâ cartilagine intercedente per valida ligamenta nexu laxiore articulatur. Clavicularum usus est ad quoslibet brachii motus firmiores, facilioresque reddendos, atque hinc pleraque bruta iis destituuntur, utpotè quæ manuum opera non utuntur. Attamen reperiuntur in iis, quæ anterioribus pedibus, tanquam manibus, aliquid apprehendunt, ut in simia, sciuro, & echino.

De Scapulis.

Scapulæ os, Græcis *Omoplate*, quod humeri latitudinem constituat, & Barbaris spatula, utrinque una costis dorsalibus superioribus instar scuti incumbit, estque os latum, ac tenue, præsertim in medio, sed in processibus crassum, quodammodò triangulare, intus nonnihil concavum, exterius gibbum, non tam ad thoracis posterioris tutelam, quam ad humeri tutam cum clavicula articulationem, & musculorum implantationem comparatum. Sita est scapula inter primam, & quintam thoracis vertebram; rarè ad sextam pertingens. Tres habet eminentias. Prima per medium ejus corpus extensa, ac summum humerum contingens ob spinæ aliqualem speciem, *Spinacula* ejusque extremitas claviculæ connexa *Acromie*, seu humeri mucro appellatur. secunda humilior, minor, & acuta, corvino rostro absimilis, hincque *Coracoides*, aliis à forma *Sigmoides*, nominata, humeri os in sua sede continet. Tertia brevissima *cervix* dicta, intra suum sinum cartilagine munita, & circumcincta lymbo crasso cartilagineo labra cingente ampliata, humeri ossis caput recondit.

Usus scapulæ est, I. Ad costarum robur. II. Ad humeri, & clavium articulationem. III. Ad musculorum implantationem. IV. Cor regere.

De Vertebra, & Costis.

Dorsi vertebrae sunt XII. raro una deest, rarius una superest. Crassiores sunt, quam cervicis; minus solidæ, & pro vasorum nutrientium transitu, foraminibus exiguis plenæ. Hæ nullis peculiaribus nominibus hodiè discernuntur, estò veneranda Antiquitas illas certis nominibus olim distinxerit.

Duodecim dorsi vertebrae totidem costæ à quovis latere articulantur. Costarum situs est in lateribus, Græcis pleuræ dicuntur. Figura arcum referunt, vel furculi segmentum minus, ut thorax capacior sit. In exortu sunt angustiores, & rotundiores, quò verò pectus magis accedunt, tantò fiunt latiores. Parte superiore crassiores sunt. Et superiores costæ magis curvæ, atque etiam breviores sunt; mediæ longiores, & latiores; inferiores fursum breviores. Substantia est partim ossea, partim cartilaginea; ossea est, parte prope dorsum, & parte laterali; cartilaginea prope sternon, cui connectuntur. Articulantur costæ à tergo vertebrae, intercedente cartilagine, iisque firmis ligamentis revinciuntur. Anteriùs verò cartilaginofas productiones emittunt, quarum aliæ ad os sternum perveniunt, aliæ non.

Dividuntur costæ, ut aliæ sunt *Veræ, genuine, & legitime*; aliæ *spuriæ, adulterinæ, & illegitimæ*.

Veræ sunt septem superiores, ita dictæ, quia magis circulum perficiunt, & sternum attingunt, quo perfectam habent articulationem, & cum vertebrae duplici tuberculo. Duæ superiores dicuntur retortæ. Duæ sequentes, solidæ. Tres reliquæ pectorales. Spuriæ dicuntur quinque inferiores, quia sunt minores, molliores, breviores, nec sternum attingunt (ut melior ibi in initio imi ventris fiat dilatatio,) nec cum eo perfectam habent articulationem, sed cum solis vertebrae connexæ, quasi mutilæ in cartilagine longiores, quam verarum finiuntur: quæ fursum reflexæ inter se quasi conglutinatæ cohærent, excepta ultima, quæ minima est, & nulli adhæret, idèque verè spuria est, ut amplior locus sit jecinoti, lienis, & intestinis superioribus distentis. Undecima tamen aliquandò, & duodecima septo transverso alligatur: aliquandò ultima obliquo abdominis descendenti musculo extra diaphragma connascitur.

Costarum usus est. I. Et præsertim verarum, ad defensionem pectoris, viscerumque inibi contentorum, ut cordis &c. II. Ad sustentationem musculorum respirationis, & aliquot abdominis. III. Spuriarum, ut partibus naturalibus in abdomine contentis serviant. Sed de vertebrae, & costarum, anatome hoc *Tertio Tomo cap. 30. De Anatomica capitis historia* fusiùs diximus.

De Sterno, & Cartilagine mucronata.

Os pectoris *Sternum* dicitur, quia in medio costarum sternitur, vel pectori sternitur, anteriori thoracis parti instar propugnaculi, seu nutrimenti proponitur, eique verarum costarum productiones cartilagineæ adnectuntur. Substantiam fungosam, & minùs quam reliqua ossa albicantem obtinet, quæ in infantibus ferè tota cartilaginea apparet, excepta interdum superiore parte paulò magis ossea, fortassis quia articulatio claviculæ illic firmandæ erat.

In modò natis ex octo ossibus cartilagine conjunctis compactum esse liquet, quorum infimo ensiformis cartilago, reliquis singula verarum costarum paria connascuntur. Hæc autem, exactis octo, vel decem annis, per Syncondrosin in pauciora ossa coalescunt, ita ut in adultis solummodò tria, lineis transversis distincta reperiantur, quæ & ipsa multoties, & ingravescente ætate unum os fiunt.

Supremum os, amplitudine, & crassitie præ cæteris excellens capuli gladii nodum exprimit, & superiore media parte fovea lunata excavatur, furcula, & jugulum appellata: cui ad latus utrimque alius parvus sinus adstat, claviculæ capitibus excipiendis, & mediante cartilagine annectendis dicatus. Interiore etiam parte sinus aliquis reperitur, tracheæ descendenti transitum concedens liberiolem.

Secundum, seu medium os intercedente cartilagine primo annexum angustius, sed longissimum est, atque in utroque latere quinque, vel sex sinus habet, imparibus intervallis distantes, quibus costarum cartilagine excipiuntur.

Tertium os, infimum, & minimum, desinit in cartilagine, quæ à forma mucronis gladii, *Cartilago Mucronata*, Græcis *Xiphoides, ensiformis*, vulgò *Scutiformis* appellatur. Hæc cartilago oblonga, triangularis, transversum pollicem longitudine æquat: rarissimè duplex, communiter simplex reperitur: Nonnunquam ad transeuntium vasorum commoditatem bifida, & hinc *Furcellæ* nomen assumpsit, nonnunquam rotunda existit, tuncque perforata, arteriæ, venæque mammaræ liberum transitum præbet. Quod si & bifurcatio, & foramen deficiant, tunc os sternum in medio perforatum est.

Hæc si nimium introrsum prematur, & curvetur non sine ventriculi, vicinarumque partium damno, unde singultus, atrophia, alique graves oriuntur affectus. In senibus interdum offescit, quod depræhendit *Pavins* in quodam, qui gravi asthma diu laboraverat.

Exteriùs in regione hujus cartilagine cavitas quædam conspiciuntur, quam Græci *Cardian*, Latini *Scrobiculum*, vel *Foveam cordis* vulgò appellant, quia cor pericardio inclusum, & diaphragmatis, centro nerveo connexum, ei interiùs cono suo proximè adstat.

Ulus sterni est, primò, ut ab externis injuriis Clypei instar cor defendat. Secundò, ut mediastinum sustineat. Tertio, ut costas inter se colliget.

De Diaphragmate.

Diaphragma dictum est à distinguendo, Latinis *Septum transversum*, quia transversum corporis nostri tuncum in duos ventres dirimit. A Græcis antiquioribus *Phrenis*, id est Mens appellatur, quòd eo affecto, mens, & sensus perturbentur, ob consensum cum cerebro, & in ejus inflammatione paraphrenitis contingat. Est diaphragma musculus partes naturales à vitalibus secernens, liberæ respirationis instrumentum, quia musculosum est, & præter hæc ad majora munia destinatum est diaphragma.

Situs ejus est transversus, & quia nonnihil deorsum inclinatur, obliquus. *Figura* propemodum circularis est. *Número* unicus est hic musculus, ob actionis unitatem, utriusque lateri communis, sed magnus. *Magnitudo* responderet amplitudini transversæ imi thoracis, quæ est inter vertebrae dorsi infimas, & costas.

Constat diaphragma duobus præcipuis partibus, una nervea in centro suo collocata, quæ proprio nomine *Centrum nervæum* nuncupatur; altera carnosa, quæ à dicto nerveo centro usque in costarum ambitum est continua. Centro nerveo insiicta vulnera instantaneam irreparabilemque mortem cum immediata cadaveris refrigeratione inducunt: sed in carnosa parte insiicta vulnera non sunt lethalia, ut multa extant exempla. Membrana vestitur duplici, quarum superior pleuræ expansio est, cui mediastinum, & pericardium firmiter cohærent. Inferior peritonæo accepta fertur.

Pervium est circa medium, dextrorsum pro venæ cavæ, sinistrorsum pro gulæ, & nervorum stomachicorum transitu. Quantum ad arteriam aortam, illa non perforat diaphragma, sed vertebrae incumbens, quasi semicirculo quodam comprehenditur.

Arterias duas, *Phrenicas* dictas, à conjuncto sibi arteriæ magnæ trunco consequitur. Duas quoque venas *Phrenicas* dictas à venæ cavæ trunco habet.

Nervi per totam ejus substantiam sparguntur, delati ex spinali medulla colli, inter quartam, & quintam vertebrae: quod ipsi proprium, nec aliis partibus internis sub claviculis commune. Feruntur autem per thoracis cavum, & stabiliuntur à mediastino. Et quia diaphragmatis nervi ramulis in maxillarum, & labiorum musculis divaticatis permiscuntur, hinc in percussione diaphragmatis risus oritur, sed non verus, verum *Sardonius* dictus; quia unà facilè muscoli convelluntur, & maxillis, labiisque agitat, risus apparet.

Diaphragmatis usus est. I. Musculos abdominis adjuvare in compressionem, ad excrementorum, & fœtus exclusionem; nam à superiore parte intestina deorsum trudit. II. Distinguere imum ventrem cum partibus naturalibus, à medio cum vitalibus, ne ab ignobilioribus partibus frequentes vapores ad nobiliores partes, ut cor &c. ascendant. III. Esse infimi ventris respiratorium, dum hypochondria ventilat. IV. Ad respirationem facere.

Insignis ille *Sebastianus Bartholus*, meus Præceptor (cu-

(cujus nomen nunc in æterna benedictione est) diaphragmati nobiliorem tribuit usum in *Paradoxis exercit.* 4. nempe in centro nerveo animæ , seu vitæ domicilium constituit , multis rationibus , & experimentis fretus ; & reverà diaphragmati quamoptimè quadrat vetustissimum ejus nomen , Phrenes scilicet quod apud *Græcos* idem sonat , ac mens , sine interior animæ fundus .

De Pleura , Mediastino , & Thymo .

Pleura est membrana valida , dura , & alba , costis , eorumque musculis subtenfa , thoracis cavitatem intrinsecus succingens . Peritonæo quodammodò crassior , & robustior est ; oritur à tunicis , quæ nervos intercostales ex spina dorsû egredientes regent . Ideò in dorso crassior est , cujus vertebriis quasi inseparabiliter adhæret . In thoracis morbis , sæpè fit duplo crassior : licet alii dicant eam adedò attenuari , ut vix conspici queat .

Duplex est ubique , ut inter duplicaturam vasa ferri queant . Pars exterior , quæ thoracem respicit , durior est & crassior ; interior costis alligata , tenuior . Inter has sæpè materia pleuritica colligitur , quam sententiam nos in nostra *Trutina Medica lib. 2. cap. 1. De Pleuritide* exposuimus . Interius , qua pulmonem respicit , lævis existit ; parte autem exteriori magis aspera , musculis mesopleuris , costis , sterni , & vertebriis dorsû firmiter cohæret , ossibus tamen non immediatè , sed intercedente perostio , quo proximè vestiuntur . Intrinsecus , modò in uno , modò in utroque latere , interdum nerveas fibrillas ex se emittit , quarum interventu multoties pulmo in sanis , pleuræ annectitur sine ullo respirationis incommodo . Superius , & inferius variis foraminibus pervium est , ad arteriæ magnæ , venæ cavæ , aliorumque vasorum transitum .

Venas habet à vena sine pari , & intercostali superiori : Arterias à magna , nervos , è vertebriis thoracis . Unde vulnera hac parte dolorum acutissimorum sunt causa .

Ufus est I. Jungere totam thoracis cavitatem , & æqualem reddere , ne pulmones in motu lædantur . II. Thoracem intus , & ejus partes vestire , (quemadmodum peritonæum imi ventris partibus tunicas communicat) & intersepientem membranam constituere .

A spinæ ossibus pleura oriri traditur , à quibus utrimque per latera ad sternum ascendit , sub quo utriusque lateris membrana simul jungitur , atque sic duplicata à medio pectore recta ad dorsum porrigitur , thoracis capacitatem , ac pulmones in duas partes dispescens , & sepimentum in medio thorace constituens , quod *Medianum* appellatur . Illa autem conjunctio membranarum utriusque lateris maximè conspicua evadit , cum os sternum ab ea divellitur . Tenuioris est substantiæ , & mollioris , pleura , & circa vasa non rarè adipe referta est instar omenti .

Venas , & arterias à mammariis habet , & à vena sine pari , sterni intus applicitas , quo sublato conspiciatur . Præterea propriam quoque venam *Mediastinam* dictam habet , quæ modò una , ampliorque est , modò gemina , & tenuior , ac venæ cavæ ramo subclavio se inserit . Nervos habet à sexto pari , ejusque ramo recurrente .

Mediastini usus est I. Cor suspensum tenere , & ab injuriis defendere , necnon thoracem , & pulmonem in duas partes dividere , ut una læsa ex vulnere , vel aliter , possit ramen altera officio fungi . II. Cor cum suo pericardio annexo suspendere , ut nullam ad partem allidatur . III. Diaphragma sursum continere , ne ex eo suspensa viscera , hepar , & ventriculus , illud suo pondere deorsum revellant .

Huic mediastino circa jugulum , in summa thoracis parte , ad divisiones arteriarum , & venarum subclavium adnascitur *Thymus* , qui est corpus glandulosum , molle , spongiosum , & album , in fœminis , humidisque corporibus majus , quàm in viris , & siccis . Vitulis magnum , & *Lates* appellatum , esui expetitum obsonium .

Arteriosas , & venulas à jugularibus adeo habet exiguas , ut in dissectione visum effugiant .

Thymi usus est . I. Vasa ibi ascendentia magna , venam cavam , & arteriam magnam , eorumque ramos ad brachia , & scapulas proficiscentes fulcire . II. Ob tutelam , ut fieri solet , ne vasa ab ossis attritu lædantur . III. Ut sit quasi cordis regmen , & munimentum .

De Pericardio , & humore in eo contento .

Pericardium est involucrium , capsula , arcula , camera , panniculus &c. membrana cor undique cingens , cujus adedò figuram æmulatur , & ferè magnitudinem ; sed tantum à corde distat , quantum satis est pro cordis motu , & humore , qui in hac capsula continetur . *Oritur* ad cordis basin , ex communibus à pleura desumptis tunicis exterioribus , illam ad pericardii efformationem deponunt . Quinque habet *foramina* , nempe pro venæ cavæ introitu , & exitu , & pro reliquorum vasorum trium egressu . Exteriùs mediastino plurimis fibrillis adhæret , eique circa basin cordis conjunctum , continuumvè cernitur , ubi arteriis , venisque majoribus transitum concedit . Inferiore parte diaphragmatis centro nerveo adhæret , *superficies externa* est fibrosa , *interna* lubrica , & utraque sine pinguedine . *Venulas* habet à phrenicis , & axillari . *Arterias* adedò exiles obtinet , ut vix conspici queant : fortè quia aliàs cordi vicinum est . *Nervos* minimos recipit à recurrente sinistro , & sexto pari versus cor transeunte .

Ufus I. Cordis esse domicilium firmum , ne illud in motu duriores tangat partes II. Ut in eo contineatur , & ab externis injuriis tutelam quamcumque consequatur .

Humor serosus in Pericardio continetur , vel aqueus urinæ instar , limpidus , nullius saporis ingrati particeps , in naturaliter constitutis corporibus rubicundus . Humor hic in omnibus animalibus naturaliter constitutis , tam vivis , quàm mortuis reperitur , imò etiam in fœtu , ut ex vivorum , & mortuorum dissectionibus patet , in aliis plus , in aliis minùs ; in hecticis exiguus est , & flavescent . In mortuis copiosior est , quia tunc spiritus plurimi in refrigeratis partibus densantur in aquam . Hujus liquoris diuturnior defectus siccitatem , & tabem non semel induxit . Deficit autem cum per pericardii vulnus , exulcerationem , aliamvè continui solutionem , cordis ille sudor in eo condensatus effluit , nec in eo detinetur . Observatum tamen à practicis , eum per vulnus pericardii elapsum , postea occluso vulnere , fuisse regeneratum , cujus rei plurimæ describuntur historiæ & exempla .

Hic liquor semper paucior , & magis rubicundus est in hominibus calidæ temperaturæ ; contrà verò is copiosior , magisque aquosus , ac pallens semper observatur in naturis frigidioribus , in quibus à pravo victu , morbosa constitutione , aliisve causis , calor debilis evaserat , unde crassiores è cordis substantia propulsi vapores in pericardio majori copia condensati , ac collecti , & sufficientis caloris defectu minùs discussi fuerant . Hinc hujus liquoris uberior proventus est in mulieribus , quàm in viris , pueris , & senibus , quàm in juvenibus , ob caloris debilitatem observatur . In morbofis hujus color magis aqueus , interdum urinæ , interdum aquæ turbulentæ omninò similis sæpè invenitur .

Unde oritur , variorum variæ sunt opiniones . *Hip.* ex potu , cujus aliquam partem roris modo ex aspera arteria in venosam penetrare vult . Alii ex saliva delabente ex glandulis linguæ in tracheam , inde verò in arterias , & cor . Quidam ex cordis adipe , agiratione in aquam converso . Nonnulli ex aeris inspirati crassiore portione in aquam converso . *Nicolaus Sternonis* illum ex lymphaticis quibusdam vasculis in pericardium deponi suspicatur , alii aliis causis oriri arbitrantur . Ultima , & hæc est vera generatio , ex vaporibus cordis foras à motu , & calore protrusis , ac in pericardio nonnihil condensatis genitum liquorem oriri putat .

Vulgus Medici ex Galeni sententia communiter tradunt istius liquoris nimiam copiam cordis palpitationem facere , & indè suffocantem mortem sequi ; sed in magno versantur errore , nam in omnibus iis , in quibus post mortem in pericardio humoris istius aquei major copia reperta fuit , antea dum morbofi viverent , nulla omninò cordis palpitatione , sed contrà pulsus languidus , & rarior inventus fuit . Neque etiam à copia istius liquoris tanta fit pericardii angustia , ut cor se in eo liberè movere nequeat , atque hinc palpitet ; sed contrà , semper animadvertimus , pericardium hinc adedò latum , laxumque reddi , ut cor in eo multò faciliùs moveri possit , quàm in paucio liquore . Ita ut hujus liquoris copia palpitationem minimè faciat , eaque potius excitetur à quovis liquore , etsi paucio , dummodò præter ordinem plurimum & raptim dila-

dilatari, vel acrimonia, putredine, aliavè vellicante qualitate cor infestare, idque ad tam molesti hostis expulsiōnem incitare possit.

Huius liquoris usus est extrinsecus cor humectare; & lubricum facere, ac illius motum faciliorem reddere, nimiamque siccitatem prohibere. Item ut cor innatando, minus grave fiat, & in nullam partem impingat.

Non solum in pericardio, sed etiam in thoracis cavitate humor aqueus reperitur, similis cruori aquæ permixto, quo thoracis partes obliniuntur, ne nimium calefiant, & exsiccantur. Hinc latere *Salvatoris* aperto sanguis, & aqua effluxerunt, ut habetur in *Evangelio secundum Jo. cap. 19. sed unus militum lancea latus ejus aperuit, & continuo exiit sanguis, & aqua.*

De Corde.

Cor à currendo ob motum nomen desumpsisse videtur. Est cor divinum membrum, & omnium membrorum maximè Princeps, quoniam humanum, præ omnibus rebus in hoc mundo creatis prærogativam, ac principatum tenet. Sedit in puppi, & microcosmici regni clavo, ac omnium partium corporis Monarchia potitur. Est præterea omnium viscerum Monarcha, sol microcosmi, actionum vitæ principium, calidi, & spiritus vitalis scaturigo, ac primum nostri corporis mobile: quo vigente, naturales omnes functiones vigent, quo languente, languent, quo deficiente, penitus deficiunt. Quippè in hoc continetur totus fomes, & naturalis caloris focus, ut ex eo patet, quod omnes corporis partes frigore rigant, ad quas sanguis è corde propulsus pervenire nequit, quandoque is sanguis frigidior est, qui diutius ab hoc fonte, & loco absuit; quod denique caloris dispendium in nulla alia, quam hac corporis parte reparari possit. Quæ omnia sensus testatiora facit, quippè digno in cor animalis vivi disseci immixto, tam eximius in eo calor sentitur, qualis similis in nulla alia parte reperiri potest.

Nullum animal, quod sanguinem habet, corde carere potest. & esset in ultia de cordis absentia apud *Schenckium*, & alios legantur exempla, tamen inter delira recentium fabulamenta. Ex veteribus nonnulli mentis sedem in corde collocarunt, (quod tamen secus habet) factum est, ut cor pro mente positum inveniamus, & hinc excois, & vecors, quasi sine corde, idest sine mentis incolumitate denotat.

Ex cordis læsione animal ferè statim moritur, quia vitæ fons est, & spirituum vitalium officina, & per arterias à se orias, per totum distribuit corpus; non tamen ex quavis læsione illico moritur animal. Omnis enim generis morbos cor patitur, putredinem in febre putrida apud *Galenistas*, tabem, inflammationem, erysipelas, ulcera torrida, & cava tumorum varia genera, carnis excrecentiam, typhothymiam, syncopen, palpitationem, vermiculos, & hic virginibus plerique familiaris est vermis cordis, nimium juvenum amor, cui cura per Mercurium convenit; Mercurius enim in forma juvenis pingitur, ita ut nulla alia sit contra hunc cordis vermem medicina, quam Mercurius mortificatus, sive juvenis illaqueatus vehiculo nuptiatum exhibitus. Vulnera quoque ad tempus patitur, de quibus in sequenti capite dicemus.

Numero cor unum est, & ejus situs est in medio thorace, pericardio, & mediastino circumdatum, mucrone ad sinistram nonnihil, propter diaphragma, reflexum, eoque nullis vicinis partibus alligatum, sed ex solis vasis ad basin ingredientibus, & egredientibus, quibus unum, suspensum; ejus tamen pulsatio magis sentitur in sinistro latere infra papillam, quia sinister ventriculus versus anteriora thoracis eminet cum aorta, quæ simul sentiunt latus sinistrum: hinc vulgus putat cor in sinistro recludere latere, & præterea sinistro latere epithemata applicant.

Figuram cor obinet pyramidalem inversam, seu potius turbinateam; cujus ratione dividitur in basin, seu partem latorem, & apicem, vel conum, seu partem strictiorem, quæ in mucronem acuminatur.

Magnitudo pro ætatis, & temperamenti ratione variat, quæ tamen in homine, quoad corporis proportionem major est, quam in aliis animalibus. Ordinaria longitudo in adultis est terè sex digitorum transversorum, latitudo quatuor. Observatum est quoque illud in

hominibus calidioribus, & audacibus minus, ac densius, in frigidioribus verò, timidis, majus, ac mollius esse. Sic etiam in aliis pavidis, & ignavis animalibus, prægrande; audacibus verò pusillum, aut mediocre cor esse solet.

Substantia est caro, Græcè dicitur *Parenchyma*, firma, crassa, densa, in dextro latere tenuior, & mollior, in sinistro crassior, densior, in mucrone spissior, ac densior, ad finem tamen mucronis, ubi sinister ventriculus desinit, tenuis, utpote ex interioris, & exterioris membranæ concursu maximè constans.

Tunica propria tenui, sed valida, densa, & vix separabili extrinsecus investitur, ad visceris firmitudinem, quam communem habet cum magnarum arteriarum tunica tenui: sicut etiam tenuis pellicula ventriculos interiori investiens, continua, & communis est cum tenuissima illa pellicula, quæ tanquam levis cuticula arterias investit: atque hinc verosimile est, arterias tunicas has mutuari à corde, sicut nervi duas tunicas mutuuntur à cerebri meningibus.

Hinc tunica exteriori ad humectationem, ne ex motu cor exsiccetur, & ad venas circa cor inungendas, *Adeps* duntaxat circa basin accrescit. Hic nonnunquam tanta copiam in brutis cor obvolvisse deprehensus est, ut olim, testantibus historiographis, non semel haruspibus impoluerit, quæ viso tanto adipe, victis is cor deesse putarunt.

Rarissimum est cor pilis repletum reperiri, illud tamen à nonnullis observatum. Tale in *Hermogene* Rhetore visum fuisse refert *Cælius Rhodiginus*. Sic etiam scribit *Plutarchus* cor hirsutum fuisse reperiunt in *Leodina*, ut & in *Lysandro*, *Lacedæmonio*. Idem in *Aristomene Messenio* compertum fuisse refert *Valerius Maximus* lib. 1. cap. 8. de *Miraculis*. 15. Inter recentiores *Berevenius*, *Amatus Lusitanus*, & *Antonius Muretus* hoc se in latronibus quibusdam insignibus vidisse testantur. Tales verò homines sunt audacissimi, calidi, imò callidissimi, atque ut plurimum scelerati.

Per exteriora parenchymatis sparguntur *Vasa Coronaria* dicta, quia coronæ instar cordis basin cingunt, & sunt arteriæ, & venæ.

Arteria Coronaria duæ sunt, ab ortæ principio, antequam pericardium egrediatur, eò demissæ, quas in exortu, valvula sanguinis regressum impediens, donatas esse, nonnulli arbitrantur. Hæc cor ambiunt, multosque ramulos à basi ad conum exporrigunt, quorum plures, amplioresque in sinistro latere conspiciuntur. *Usus* est earum sanguinem spirituosum, mox è ventriculo sinistro egredientem ad cordis parenchyma advehere.

Vena coronaria itidem duæ sunt (raro una tantum) quæ sicut arteriæ, cor in orbem amplectuntur; & venæ cavæ insuntur, ac sanguinem à nutritione residuum, è multis minoribus ramulis, à cono ad basin ascendentibus susceptrum, in cavam effundunt.

Nervulos habet à sexta conjugatione obscuros, triplici loco insertos: uno, qui terminatur ad ipsum cor: altero, qui in auriculas: tertio inter vasa ejus majora, ad facultatem sensificam, non motricem, quia dissecto nervo, cor tamen movetur. Nervos plures cor non habet, sed magnum fibrarum contextum nervis similem, quas pro nervis accipiens *Aristoteles*, dixit cor esse nervorum principium.

Primarius cordis *usus* est nullius alius, quam ut sit animæ instrumentum, sanguinem venosum ab auriculis acceptum in arterias urgens, & transmittens, cujus ea ministerio toti corpori vitalitatem dispensat, potiusque pro juvamine auriculis adjungi, ut viribus pollens majoribus, auricularum defectum suppleat.

Cordis primaria actio est, ut sit caloris fons, unde in totum dispergatur, quo partes calefiunt, animantur, & sustinentur. Syncopes id docet, & alii cordis defectus, quibus intercepto cordis calore labescunt membra, & calore destituta torpent. Unde cordialia profunt, quæ excitant calorem cordis torpentem. Vivorum sectiones quoque demonstrant, cor calidum esse: imò cor animalis exemptum, nuperque mortuum, digito calido, vel alia re calente impolita, ad se redire videtur, & moveri. Idem spiritum vitalem, & sanguinem perficere, elaborare, & distribuere. Tandem cordis *usus* est, I. Perpetuè moveri, ut sanguinem, & singulas partes à putredine conservet. II. Ut sanguinis calorem, & elaborationem juvet. III. Lumen vitale accendat, & suscit. IV. Singulis parti-

partibus vitalitatem amittat. Is motus cordis pulsus dicitur, qui continuus est, & nunquam cessans, vulgò distinguitur in *Systolem*, qua cor ad suscepti sanguinis expulsionem se coarctat, & fit tensio in angustum, ut sanguis è dextro ventriculo per venam arterialem in pulmones effundatur, & ex sinistro per aortam in universum corpus; & *diastolem*, qua ad eundem suscipiendum se relaxat, ut hauriatur sanguis per venam cavam in dextrum ventriculum, & per venam arteriosam in sinistrum. Inter systolen, & diastolen quies, & morula quædam intercedit, quæ *Perisystole* dicitur, & fit, quando sanguis ingressus est ventriculos, vel egressus, adedò exigua est in sanis, ut distingui non possit, at in moribundis satis manifesta est.

De Cordis partibus.

Cordis partes extrinsecus conspiciuntur, ut auriculæ aut intrinsecus, ut *ventriculi*, seu duæ cavitates, *septum* distinguens, & *Vasa* cum valvulis.

Auriculæ sunt veluti processus, vel appendices cordis; ab utroque latere ad cordis basin circa ventriculos, ante orificia vasorum materiam ventriculis invehentium sitæ, ita dictæ sunt non ob auditum, sed ob figuræ aliquam similitudinem, quam cum auribus habent; nam ex basi longa desinunt in mucronem obtusum, & cavitatem habent ut sinus ante cor producantur.

Numero duæ sunt, dextra major, & sinistra minor, illa venæ cavæ, cum qua commune quasi corpus constituitur videtur, appositæ est: hæc arteriæ venosæ.

Substantia auricularum est peculiaris, nulla in alia parte sunt tamen tenues, & molles ad faciliorem dilatationem, & contractionem; nervosæ ad robur, & firmitudinem. Sinistra verò durior est, paulò carnosior, & crassior, non ita tamen ut cor, sed proportionem quadam cordis ventriculis respondent.

Dilatantur, & contrahuntur, ut cordis ventriculi, sed diverso tempore; nam semper diastole ventriculorum concurrunt cum systole auricularum, & vice versa, ut ex vivorum anatome liquet: quæ etiam docet, illas deficientem jam cordis motu, adhuc paulisper palpitare, & quasi ultimò mori.

Exterior rugosa apparet earum superficies, quæ tamen in repletis, & extensis lævis est.

Utraque concava, fibrisque nervosis, ac firmis, quasi columnis, instructa est; inter quas foveæ profundiusculæ conspiciuntur, in sinistra plures, in dextra pauciores.

Harum *usus* est, sanguinem à vasis invehentibus primò recipere, leviter fermentare, & præcipitare, sicquæ præparatum in ventriculos demittere, ne subito in cor irruat, unde cordis læsio, & animalis suffocatio. *Uvaleus* putat esse mensuras sanguinis è vasis invehentibus ad ventriculos delati. Secundò, *Vasa*, quibus apponuntur tutati. Tertiò, *Hip.* esse cordi loco flabelli, & refrigeratorii.

Cordis *cavitates*, sive ventriculi, sinus, thalami, specus &c. duæ tantum reperiuntur, dextra, & sinistra, superficiem habentes internam, inæqualem, & asperam; maximè verò sinistra.

Foveæ multæ in illis sunt efformatæ à carnosis fibris; in dextro plures, sed angustiores, in sinistro pauciores, sed profundiores, ut receptum contineant sanguinem: hinc in constrictione cordis vivi minores fiunt, in dilatione ampliores.

Foveas constituunt, & obvallant carneæ particulæ dictæ, modò rotundæ, modò tenuiores, in dextro ventriculo quinque, aut plures, in sinistro duæ tantum conspectiores, sed crassissimæ. *Usus* illarum aliquibus est, ut sint cordis ligamenta.

In cordis ventriculis interdum varia p. n. generantur, non parva sanitatis impedimenta, quæ tamen in ægrotantibus à Medico sciri, aut cognosci nequeunt. Polypum pituitosum in sinistro ventriculo à se inventum scribit *Tulpius*. *Vesalius* refert in sinistro cordis sinu glandulosæ, seu nigricantis carnis uncias duas reperisse in homine, ante mortem habitu utcumque melancholico existente, admodum vigili, & pulsu mitis inæqualitatibus prædito. *Benevenius* frustum carnis instar mespili, & in alio callum obduratum magnitudinis nucis observavit. *Nicolaus Massa* saniosum apothema cum totius auriculæ sinistrae exulcerationem invenit. *Matthias Cornax* putredinosam exulcerationem cum multa sanie; *Eraſtus* concretionem

pituitosam, flavescentis instar medullæ, *Salvus Horſtius* vermem alatum; *Marcus Aurelius Severinus* noster vermes observavit; Calculos cum abscessu in muliere calculosa *Hollerius*, & pisorum quantitate *Voierus*; *Bauhinus* frustula adiposa, & *Vvormius* ex utroque ventriculo carunculas quasdam interiùs albicantes, exterius rutilo colore emergentes *Isbrandus Diemerbroeck Septum*, in cuiusdam juvenulæ cadavere, quæ vivens conquesta fuerat de summa cordis anxietate, & palpitatione, ac lipothymias sæpè passa, frustum adiposum dextrum ventriculum ferè replens, & aliud parvum in sinistro ventriculo ambo firma, quæ digitorum frictione non dissolvebantur, invenit. Hæc vivens de nullo alio malo, quàm de prædicta maxima cordis anxietate, & palpitationibus, ac lipothymias sæpè recurrentibus conquesta fuerat, quam ob causam bardi Medici illam sæpè levi epilepsia sine convulsionibus, vel hysterica passione laborare judicaverant.

Inter utrumque cordis ventriculum *Septum* vel interstitium mediat, quod crassum est instar alterius parietis sinistri ventriculi, concavum parte sinistra, dextra gibbosum, cavernosum, & foraminibus plenum; quæ cavernæ ampliores sunt dextrorsum, extremos verò fines sinistrorsum nullo modo pervios cernere licet.

Hinc antiquorum patet error, qui per ejus poros latiores sanguinem à dextro in sinistrum ventriculum transmeate scripserunt; ut & ingeniosa quorundam *Neotericorum* fallacia, qui ut antiquorum sententiam re quasi demonstrent, & probent, stylis fortius immixtis septum perforantes, se manifestos in eo poros, ac transitus invenire, imperitioribus persuadent. Certè si tales in eo essent pori, sollicita natura in foetibus frustra condidisset *foramen ovale* in cordis basi, & vas illud medium, quod arteriam pulmonalem cum aorta conjungit, quippe non opus fuisset his viis, si sanguis per septi poros è dextro in sinistrum ventriculum commeare potuisset. Hoc foramen ovale in foetu amplum est, & in adultis usum non habet, nam intra paucas hebdomadas, ita coalescit, & aboleretur, ut nullum ejus vestigium uspiam appareat: quippe rarissimè in adultis pervium est, patulum reperitur in anatibus, castoribus, lutris, phocis, aliisque amphibis animalibus, quæ diutulè sine respiratione sub aquis degunt, & collatenus pressa difficilè suffocantur. Patulum etiam reperitur in celeberrimis urinariis, ut diximus.

Dexter ventriculus tenuior, amplior, major, & non exactè rotundus, sed ferè semicirculatus est, neque ad mucronis finem pertingit. In eo sanguis venosus admissus per auriculam mox attenuatur, & spirituosus redditur, & sic in verum spirituosum sanguinem convertitur.

Hunc sanguinem venosum recipit à vena Cava, quæ maximum est totius corporis vas membranosum, tunica simplici, ac molli constans, & in progressu, tutelæ gratia, partium proximarum involucris inductum. In hoc vas, sic ut omnia flumina in mare aquam, ita omnes corporis venæ sanguinem effundunt cordi referendum, & in eo de novo concoquendum, & dilatandum. Hæc vena vasto, & patente orificio inseritur ventriculo cordis dextro, & cum eo tam exactè unitur, ut ab eo integra separari nequeat.

Huic orificio circulus membranaceus adnascitur, qui statim finditur in tres valvulas membranosas, introrsum spectantes, vulgò *Tricuspidæ* appellatas. Hæ valvulæ in ventriculi dilatatione patentes, sanguinem à cava admittunt: in contractione verò oclusæ, & coincidentes, regressum sanguinis è ventriculo in cavam, eodemque momento etiam illapsum novi sanguinis è cava in ventriculum prohibent. Qui sanguis tunc è dextro ventriculo propellitur in pulmonem per *Arteriam pulmonarum*, quæ est alterum vas magnum ei parte superiore annexum, quod venam arteriosam majores nostri malè appellant, cum nullam venæ similitudinem habeat, ut patet I. Ex ejus substantia, scilicet duplici, & crassa, firmaque tunica, & quod ab arteriæ Aortæ substantia non differat. II. Ex usu, quia sanguinem spirituosum, ac fervidum deferre debuit. III. Ex motu, quia pulsum edit, sicut reliquæ arteriæ, ut vivorum animalium sectiones docent. Hujus orificio adstant valvulæ tres membranosæ, foràs spectantes, *Sigmoideæ* appellatæ, à figura antiquæ Græcæ literæ Sigma, quæ olim instar Latinorum C. scribebatur. Hæ impediunt, ne sanguis ad pulmonem impulsus, in pulmonum depressione, cordisque dilatatione, rursus in eundem ventriculum, delabatur.

Per

Per hoc igitur vas in dextram, sinistramque pulmonis partem sanguinosè dextro cordis ventriculo largiter effunditur, cujus quidem nimium quid pulmonis nutritioni impenditur, sed maxima pars in ramulos venæ pulmonaris, cum arteriæ ramulis per anastomosin junctos, ac per utrumque pulmonis lobum, instat tenuissimæ retis, unà cum arteriæ ramulis dispersos impulsa, ad auriculam, & ventriculum cordis sinistram, per venæ pulmonariæ truncum deferitur.

Sinister autem cordis ventriculus dextro angustior est, sed multò carnosior, crassior, durior, & longior existit, subrotundam habens cavitatem usque ad mucronem pertingentem. In hoc sanguis, pulmonum inspiratione refrigeratus, iterum fermentatur, dilatatur, ac spirituosus, summamque nanciscitur perfectionem. Hunc autem sanguinem ulterius perficiendum recipit, ut jam dictum est, per *Venam Pulmonariam*, quæ vas est amplum ex pulmone descendens, ventriculi parti superiori insertum, eique continuum, quod antiquitus *Arteria Venosa* nominatum fuit, sed malè, cum non arteria, sed vena sit, ut patet. I. Ex ejus simplici, mollique tunica, aliis venis simili. II. Ex usu cum non spirituosum, ac fervidum, sed aeris frigidi inspiratu refrigeratum, & temperatum sanguinem subministret. III. Ex eo quod non pullet, sicut reliquæ arteriæ.

Hujus orificio *Valvula* duæ membranosæ apponuntur *Mitralis* dictæ, quia simul junctæ mitram Episcopalem aliquo modo referunt. Hæ magnitudine, & forma à valvulis tricuspidibus parùm, aut nihil ferè differunt, & versus interiora ventriculi spectant, sanguinis fluxum ex isto ventriculo in pulmonem impediunt. Eum in finem ad majus robur, plurimis carneis explanationibus, ac filamentis longioribus annectuntur binis, aut ternis crassiusculis, & carnosis lacertulis, seu columnulis, ex septi inferiore parte sursum assurgentibus, quas musculos, & ista filamenta tendines esse nonnulli arbitrantur.

Sanguis in hoc ventriculo perfectus expellitur in eam insertam, & continuatam *Arteriam Aortam*, seu *Magnam* omnium arteriarum, excepta pulmonaria, & aspera arteria, radicem substantia solidiore, ac duriore, & gemina tunica, interna densiore, externa tenui præditam, vicinarumque partium tenui membrana, roboris, ac tutelæ gratia, investitam. Ad hujus exortum valvulæ tres, extrorsum protensæ conspiciuntur, antiquis *Semilunares*, à semilunæ forma dictæ, sigmoideis omninò similes. Hæ sanguinis ex aorta regurgitantis impetum sustinent.

De Pulmone.

Pulmo, Græcis *Pneumon*, à *pneo*, respiro dictus; quia animalibus in aere viventibus, & respirantibus datus est: est namque membrum ad vitam maximè necessarium, quo nullus homo carere potest absque vitæ extinctione, sine pulmone respirare non possumus, nec ullum verbum proloqui. Est medii ventris viscus respirationi inserviens, ad sanguinis à dextro cordis ventriculo propulsionem, & vaporum multorum expulsionem conditum.

Situs est in pectoris, vel thoracis cavitate, magnitudinem habet insignem, ita ut in aeris spiratu distendatur, & maximam thoracis cavitatis partem repleat.

Dividitur pulmo in partem dextram, & sinistram beneficio mediastini intercedentis, quas singulas multi pro singulis pulmonibus habent, & describunt, atque hinc illi non de uno pulmone, sed de pulmonibus in plurali numero loquuntur. Alii singulas partes appellare malunt duos pulmonis Lobos. Harum partium quælibet rursus in locum superiorem, qui brevior; & inferiorem, qui major, raro in tres dispartitur lobos.

Singulæ partes ungulæ nobis figuram obtinent. Extinsecus, qua constant, spectant, gibbæ; interiùs verò, qua cor molli amplexu comprehendunt, cavam.

Suspensus tenetur pulmo ex aspera arteria, se in mediam ejus substantiam insinuante, atque illa mediante collo cohæret.

Substantia ejus videtur quidem carnosæ, & sanguine, prout etiam lien, & hepar conformata; at *Marcellus Malpighius* acutissimus pulmonis scrutator, altius rimando singulari sua solertia comperit, ejus substantiam longè aliam esse, nempe pulmonum corpus meram vesicularum congeriem esse, quod etiam rationi consonum est, supernatant enim aquis instar inflatarum vesicularum, cum aliæ partes

carneæ submergantur, unde constat, undique eos aere turgere, aeremque cysticulis, seu vesiculis inclusum esse, aliàs expansio; & supernatio in aquis esse non posset. Constat igitur pulmo parenchymate molli, spongioso, raro, ac vesiculoso, ex levissimis, tenuissimisque membranulis, cum interiore tracheæ tunica continuis contexto, quæ membranulæ extensæ, ac situatæ, infinitas vesiculas orbiculares, & sinuosas, totius parenchymatis substantiam constituens, efformant, ita fitas ut à trachea mox ex una in alteram patens sit aditus, & tandem omnes terminantur ad membranam continentem, seu investientem. Hæ in pulmone bubulo, vel ovillo, ex animali recenter evulso, vel inciso, vel lumini obverso microscopiis conspicuæ evadunt, & aere turgidæ observantur, præcipuè circa extimam superficiem, quamvis etiam circa interiora, inflato pulmone, satis pateant, & secta qualibet parte mox è levi extensa membrana efformatæ, ac nerveo quodam tenuissimo reticulo colligatæ conspiciuntur. Quomodo se habeant harum vesicularum cavitates, describit *Malpighius* his verbis: *Post lobos occurrunt observanda interstitia, non undequaque nude cavitates, & intercepta inania spatia; plures enim habent extensas membranas, modò sibi parallelas, modò angulares, quæ non tantum ab extrema superficie lobulorum lateraliter positorum, verum & ab interna lobulorum substantia propagantur. Inter hasce membranas excurrunt plurima vasa minima à lobulis egressa, quæ in eosdem oppositos egrediuntur. Hisce membranis recipitur, & ejicitur, aer, veluti in amplioribus sinibus, qui mutuam habent communionem, ut aer ex una in aliam comprimi possit, ita ut interstitia sint eadem membrana vesicula pulmonum, diaphana tamen, & tenuissima.*

Sunt igitur omnes vesiculæ continuæ cum interiore tracheæ, & bronchiorum tunica, atque hinc ex aspera arteria in bronchia, & ex his in vesiculas patens via est, aerem ultrò citròque comitantem transmittens. Sed anne vesiculæ ita sint dispositæ, ut ab una parte aer ingrediat, ab altera egrediatur, vel an per easdem vias ultrò citròque commeet, vel anne etiam aliquæ sint, quæ aerem aliquandiu contineant, & reservent, exactè discerni nequit: saltem quod totus inspiratus aer non illicò expiraretur: sed in vesiculis, & anfractibus (qui nunquam vacui inveniuntur) plurimum adhuc remaneat, docent pulmones canum vivorum apertorum, in quibus post expirationem adhuc plurimum aeris superest: item mortuorum pulmones, in quibus semper plurimum aeris continetur, qui manuum pressione exprimi potest. Est itaque pulmo aeris sedes, seu habitaculum.

Hic aer in pulmone detentus ei confert mollitiem, & levitatem summam, maximèque necessariam, ne sanguifera vascula pondere permererentur, sed semper permeabilia manerent, in iisque sanguis (qui è dextro cordis ventriculo in subtilem hialitum attenuatus, propter summam levitatem ad sinistram ventriculum è pulmone ascendere non potest) tanquam per mediam aeris regionem transiens, condensaretur, & sic per venam pulmonarem ad cordis sinistram ventriculum promptius deflueret.

Præter autopsiam, pulmonis substantiam totam esse vesiculosam, docet etiam ratio; nam multoties sputa rotunda, crassa, & fœtida, vomitæ, folliculi, vermes, calculi, aliæque res præter naturam in pulmonibus gignuntur, ut multa observationum exempla testantur, & nos quoque multoties in praxi vidimus, & cum tussi rejectas, & post mortem in dissectione repertas: quæ certè non in vasis sanguiferis, nec etiam in bronchiis, (suffocationem enim, asthma violentum, perpetuamque tussim induxissent) sed necessariò in hisce vesiculis gigni, ac longo tempore contineri debuerunt, & potuerunt.

Dicta vesiculosa substantia extrinsecus investitur membrana tenui, lævi, ac porosa. Ejus porositas facillè apparet, si folle fortiter inflatur pulmo, sæpè enim usque adeò dilatantur pori, ut manifestè oculis conspicui evadant, nec tamen aer per poros membranæ investientis in thoracis cavitatem exit; unde certum judicium est ipsos poros ita esse sitos, & quasi valvulis munitos, ut forinsecus aliquos subtilissimos liquores intromittant, intrinsecus verò aerem foras non emittant, ut patet in empiricis dissectionibus per injectiones abstergentes amaras in thoracis cavitatem intrusas, qui amarum saporem ote perceperunt,

perunt, nec pus in thorace propter crassitiam tussi evacuari potest, quia pori non sunt satis lati ad recipiendum; præterquamquod pulmo deberet esse in pus immersus, aliter pus non attingens, impossibilis esset attractio.

Pulmo plerumque pleuræ connexus reperitur, ita dicimus, quia multoties illi, nunc toto ambitu, nunc aliqua parte fibrosis nexibus alligatur, & in sectionibus invenitur ferè tertiæ hominum parti hanc connexionem contingere: nam valdè multa occurrunt eadavera, in quibus pulmo per innumeras fibrillas pleuræ firmiter alligatur: imò multa, in quibus ipsa exterior pulmonis membrana pleuræ maxima sui parte adhæret immediatè, nec qui talem habent connexionem, salutis, vel respirationis incommodum perferunt, sed inculpate vitam degunt, & hi faciliùs, & frequentius in pleuritidem incidunt, quàm alii, quibus pulmo liber reperitur, & durante pleuritide, si suppuratio accederet, etiam pus sanguinolentum, & sputa purulenta ex latere affecto faciliùs, & citius expuere; in aliis verò, quibus pulmo à pleura liber est, pleuritidem minùs frequenter contingere, eamque, si ad suppurationem deveniat, nihil ejici: & rarissimè solvi per puris exuptionem, sed plerumque in Empyema mutari. Ratio hæc est, quòd in ptiore casu pus ex pleuræ apostemate possit immediatè defluere in ipsam pulmonis substantiam ei adnexam, atque unà cum pleura, fortè ob viciniam, nonnihil quoque inflammata, & sic expui, in posteriore verò non possit non defluere in thoracis cavitatem, è qua non facilis in pulmonis poros detur introitus.

Magnus dolor punctorius est in pleuritide, quia pleura afficitur, sed in peripneumonia tantum obrusum sentiuntur dolores, quia interior pulmonis substantia inflammatur, quæ est penè sensus experta, quòd si quandoque dolor punctorius hanc comiteretur affectionem; magna est inflammatio, & ad nervulos broncheos à sexto pari se extendit: in Phthisi verò, quæ est pulmonis ulcus, nullus percipitur dolor, quia sensum fit, & substantia vesicalis afficitur.

Pulmonis substantia triplicibus intertextitur vasis, quæ non parùm ad ejus robur faciunt. Primum, & omnium maximum vas aeri, & vaporibus crassis vehendis dictum, est *Trachea*, seu *Aspera Arteria*, multis productionibus prædita, de qua diximus.

Secundum, & tertium sunt duo ampla vasa sanguifera, scilicet *Arteria*, & *Vena Pulmonaris*: quæ in minimos, ac penè invisibiles, nec nisi per microscopium exactè conspicuos ramulos fissa, & inter se mista, per totam vesiculofam substantiam instar artificiosissimi retis, decurrunt, mutuis anastomosibus innumeris inter se hiantia.

Si ab humoris acris erosione, magna tussi, vel alia violenta causa istorum vasorum apertio alicubi contingat, tunc sanguis ex iis in vesiculas, & ex his in bronchia profluens, sputo ejicitur, & hæmoptysin, & temporis progressu phthisin patit; unde sæpè phthisici inopina morte occumbunt, quia erosio vasis majoribus, effuso sanguine, cor obruitur.

C A P U T LVI.

De Thoracis Vulneribus .

Summus rerum Opifex thoracem variis offeis præmunimentis undequaque munivit, ut ab omni instrumento incidendi, & perforandi vi prædito factum, & rectum eximeret. Prisci Homines fortiores, & robustiores erant, quàm non sunt nostri ævi Homines, & tamen illi galea, thorace æneo, vel Lorica, & clypeo recti, sarissa vel ense dimicabant; isti imbecilliores, & ferè infirma valetudine, aperto pectore, & nudis ensibus, monomachiam exercentes, cominùs conferunt manus; mirari subit, quia quòd robor languet, eo cæca temeritas intenditur, & quòd temeriores, eò viliores. Inpræsentiarum thoracis vulnera trutinabimus, ut ejus continui solutioni medicamentorum suppetias ferre possimus.

Signa .

Thoracis vulnerum externorum signa in recensendo non immoramur, sunt enim sine internorum viscerum læsione, & membrana succingens adhuc integra est, ac nullus alius affectus conjungitur, & simplicia dicuntur. De his

quidem vulneribus multa dicamus non oportet; superiori namque methodo aliorum vulnerum partium carnosarum non difficulter curantur.

At vulnera cuncta thoracis non nisi sagaci conjectura accurato Medici scrutinio, & exacta anatomies notitia innotescere possunt; siquidem sine hac non faciliè assequimur, quæ internæ partes vulneratæ sint, & quousque vulnus penetraverit, ideòque nos ad perfectam internarum partium læsionem cognitionem, anatomen præmissimus, & hac duce, thoracis vulnera faciliè innotescere possunt. Si enim penetraret vulnus, inquirendum est, quousque perveniat, an in thoracis cavitatem, nullis internis partibus læsis, an vulneratis aspera arteria, pulmone, vel pericardio, corde, vena Cava, vel arteria magna, vel diaphragmate. Si thoracis specum absque internarum partium læsione penetraret, in magnis vulneribus visu cognoscitur; in aliis verò primò, injecto specillo, secundò, conspecto ferro, vel gladio, quo vulnus inflictum fuit, & videndo, an gladius sit admodum acutus, & quousque cruentus. Verùm solet quandoque vulnus esse cæcum, & specillum in cavitatem pervenire nequit, estò vulnus eousque penetraret, vel quia æger non sit in eo situ, in quo erat, quando vulnus accepit, ideòque in vulneris exploratione vulneratus in eo situ collocandus est, in quo vulnus accepit, ut stylus adigatur, vel quia muscoli intercostales ob magnum dolorem, meatum inquiri non sinunt, vel quia costa sit impedimento; accidit enim quandoque ut telum costam incurrat, illamque in thoracis usque cavitatem intrudat, & frangat, deindè, extracto telo costæ frustra in proprium recurrant locum, & ita licet vulnus penetraret, tamen costæ frustra specillum eousque penetrare non sinunt, tunc ad respirationis difficultatem recurramus oportet.

Post inflictum vulnus in capacitatem penetrans, difficilis sequitur respiratio, ob hos musculos respirando dicatos læsos; sed nec hoc testimonium satis est, verùm meditando est, an aer attractus per vulnus egrediatur, dum vulneratus respirat: aer ille non est ejus aeris, qui ore, & naribus fuit attractus, quippe hic ad pulmonem solummodo pervenit: qui verò per vulnus exit, est idem, qui per idem vulnus in thoracis cavitatem in dilatatione permeavit. Solent namque vulneratæ partes quandoque intumescere, quandoque effusus à vulnere sanguis in thoracis specum ruit, diaphragma gravat, & anhelitus difficultas excitatur. Si vulnus obliquum, aut tortuosum sit, aut costa aliqua fracta, vel depressa, aut muscoli hominis situm ab eo; quem habebat, dum vulnus acciperet, varient, & vulnus tegant, tunc difficilis aderit respiratio, & aer non egreditur; hæc itaque per aerem exploratio fallere potest, imò nec specillum adigitur. Si aer per vulnus cum strepitu efflatur, certum signum est vulnus penetrasse, & his modis explorari potest: inprimis si os, & nares comprimantur tam fortiter tunc spiritus per vulnus exhalat; item si admodum ardens candela extinguatur, si impositæ turundæ rursus ejiciantur, si lanæ, vel gossypii floccus, vel filamenta subtilissima, vel pluma imposita ventilentur, & agitentur.

Posito ex dictis signis, quòd vulnus in thoracis specum irreat, adhuc ambigimus de internarum partium læsione, nempe de aspera arteria, pulmone, corde, vel vena cava, vel arteria magna, diaphragmate, vel alia parte, quæ certis, & propriis cognoscuntur signis.

Si aspera arteria vulnerata sit, parùm sanguinis effluit, dolor in dorso percipitur, vox fit rauca, & tussis acris molestat.

Si pulmo vulneratus sit, cum penetrante thoracis vulnere maxima spirandi difficultas incedit, continua tussis, & cum tussi spumans ex ore sanguinis rejectio, & ex thorace rubeus, & spumans sine dolore effluit sanguis, verùm maximi interdum dolores circa latera thoracis, & pulmonis, & præcipuè in eo latere, ubi est vulnus, succedunt. Cervicis venæ turgidæ sunt, linguæ color immutatur, facies modò rubicunda, modò pallida videtur, & si vulnus profundum sit, pallida perseverat. Cum vesiculosa pulmonum substantia vulnerata est, nec cruenta exuptione, nec tussis urget, quia sanguis in thoracis cavum destillat: sed respiratio est difficilis, caloris, & frigoris vicissitudo, propter halitus è corde, qui statim discutuntur, crebra faciei characteris mutatio. Vasorum vulneratorum signa sunt, sanguis spumofus, interdum niger effluens, perpetua tussis, sicca, vel humida, nisi virium

virium imbecillitas, aut pulmonum oppressio à sanguine adsit, aut nisi superficialium, ac leve sit vulnus,

Cum cor vulneratum est: sanguis ater, & crassus effluit, inquirunt nonnulli, si vulnus ad cordis ventriculos usque pervenit. Verum hoc signum non est certum, quia si vulneratum sit cor in ventriculum sinistrum usque, sanguis, qui effluet erit tenuis, & floridissimus; si verò vena cava vulneretur, sanguis effluet niger, & crassus, non tamen dicendum erit cor esse vulneratum, quare signum fallax est, cum cor vulnerari possit, vulnere non penetrante ad ejus ventriculos. Aliud signum à loco adducunt, nam quoties vulnus est profundum, & in sinistra thoracis parte, cor vulneratum est, quia vulgò cor in sinistra esse putatur; verum cor in medio est, & tantum ejus mucro ad sinistram inclinatur. Vulnerati cordis signa ex lævis symptomatibus, quæ læsam cordis actionem, & naturam consequi solent, sumuntur. Primum, est sudor frigidissimus; quoties itaque vulnus in thoracis cavum penetrat, & sudor frigidissimus accedit, cor vulneratum esse indubitatum indicium est. Secundum, est magna extremorum artuum frigiditas cum frigidissimo sudore conjuncta pro certo habetur vulnus ad pericardium, & cordis substantiam usque penetrare. Tertium, est syncope minuta, quia parum durat, & cito repetit: Si ergò cum sudore frigidissimo, & extremorum frigiditate æger octies vel decies, unius horæ spatio in minutam labitur syncopen, necessariò cor vulneratum esse oportet. Quartum, est pulsus & omnium virium retractio, si itaque pulsus definit, vel formicularis est, vel languidus, & omnes vires deficient, cor vulneratum esse judica. Quintum, est, quòd vulnerato corde, sine magno sanguinis fluxu, mors repentina accendit, quæ ad Medicum non spectat; evenit tamen aliquando, ut cor vulneretur, & subita non succedat mors. Si tandem cum his signis sanguis vel niger, vel rubicundus effluat, vulnus erit in dextro, aut sinistro cordis ventriculo.

Vena cava, & arteria magna si vulnerentur, cognoscet ex maximo sanguinis fluxu, & si vulnus fuerit in latere dextro, & vulnerati cordis non adsint signa, sanguis effluit crassus, & niger, vulnerata est vena cava; si autem in sinistro, & deficit pulsus, sanguis effluens est tenuis, & rubicundus, vulnerata arteria magna. Quandoque sanguis in thoracis specu colligitur, & grumescit, tunc cognoscitur ex motu, gravitate, & rugitu. Interdum in thoracis cavitate non continetur sanguis, sed sanies, & etiam cognoscitur ex rugitu, pondere, gravitate, spirandi difficultate, febre, & fœtore, qui vel in sanie, quæ aliquandò egreditur, vel in filamentis impositis percipitur, & tunc æger factus est empyematicus.

Diaphragma vulneratum cognoscitur primò quidem à situ, nam si vulnus sit circa mendosarum costarum cartilagineas, & in thoracis cavitatem penetret, vulneratum est diaphragma: si etiam vulnus sit in parte superiori, & deorsum versus desinat, perforatum esse diaphragma conjectari necesse est. Secundò, si maxima, & frequens sit anhelitus difficultas. Tertiò, si adsit tussis dolorosa, resonans, aspera, & veluti rauca, ita ut thorax resonet. Quartò, dolores, punctiones, & gravitates mendosas obsident costas. Quintò, est febris valdè acuta, quæ ferè statim succedit, quia nulla pars est, excepto superiori ventriculi orificio, quæ magis cum corde consensiat, quàm diaphragma. Sextò, mentis alienatio, vel delirium, sive phrenitis, quia diaphragma est mentis sedes, & ipso læso, mens leditur. Ultimum signum est cibi fastidium, & si cibum capiat æger animo deficit propter maximum inter diaphragma, & ventriculi os sensum; unde patiente diaphragmate, ventriculi os compatitur. Tandem, si diaphragmatis pars nervea, id est centrum nerveum vulneretur, statim moritur æger quod ad Medicum non spectat.

Causa.

Thoracis vulnerum causa immediata est continui solutio in thorace ab externa vi producta: & omnia illa instrumenta, quæ sunt rigida, & mucronata, ut glandius, pugio, culter, scalpellus, stylus, sagitta, hasta, acus, glans plumbea, vel ferrea, sunt causæ mediata, quibus thorax vel superficie tenus tantum vulneratur, vel profunde transforatur, ut vulnus in ipsam penetret cavitationem, & contentas in ea partes simul afficiat,

Prognosis.

Vulnera cuncta thoracis interna admodum periculosa, & difficillimæ sunt curationis, ob viscera maximè principalia in eo contenta, quæ esto non vulnerentur, nihilominus tamen à proximis partibus læsis, facillè per sympathiam, id est, consensum unà irritantur; verum si vulnerentur, maximum periculum, vel ipsa mors succedere solet, tum quia ut interiore pectoris vulnere sanguis in thoracis cavitationem defluit, ibi facillè in grumos concrevit, putrescit, & periculosa excitat symptomata. Præterea thorax in continuo est motu; nam cor continuò movetur, corde moto, movetur membrana inter sepiens, arteria magna, vena cava, pulmones, diaphragma, & omnes partes moveri necesse est, vulnera autem qualibet quiete, & tranquillitate ad suam sanationem indigent. Insuper solus thorax præ omnibus aliis partibus est magis aeris injuriis obnoxius, nam continuò attrahitur sive frigidus, sive calidus; frigidus est vulnere infensus; calidus ad inflammationem facit. Addimus tandem, quòd thorax omnibus aliis partibus est inflammationi aptior, quia caloris habet focum, id est intra se cor, quo fit, ut semper æstuet. Hæc prognosis, quam attulimus, generali modo se habet, unde ad particularem pro uniuscujusque partis exacta prognosi descendimus.

Thoracis vulnera non penetrantia sunt aliis periculosiora, esto, interna viscera non sint læsa, quia externus aer per vulnus non alteratus ingreditur, internas offendit partes, & aere interno, ac calore expirante virtus debilitatur. Et cum vulnus penetrare non possit nisi pleura perforetur, illa verò densa, & exquisito prædita sensu sit, ac reliquis thoracis partibus communis: dolores spirandi difficultates, inflammationes, & febres excitantur.

In curandis thoracis vulneribus maxima requiritur sedulitas, quia ut plurimum vel jugulant, vel facillè in fistulas, vel in empyema degenerant; & revera thoracis vulnera, aut immediatè occidunt, ita ut agere Deo gratias debet ille, qui potest ad cælum manus priusquam moriatur attollere, vel in empyema, & deinde in mortem desinunt, vel succedit fistula, à qua, si aer egrediatur, mortem accelerat.

Accidit quandoque, ut externum vulnus non consolidetur, & in sputo tamen adhuc sanguinis notæ appareant, id evenit, quia internæ partes non sunt consolidatæ, è quibus crasis, & saniei aliquid in thoracis cavitationem defluit, unde empyema generatur. Insuper Hippocrates de morbis lib. cap. 18. inquit: *Et quidem & interna, & externa pars simul fuerint sanata: sanus penitus homo evadit; Si verò externa quidem sanata fuerit, interna verò non, suppuratus fit. Et si etiam sanata simul sint interna, ac externa pars, cicatrix autem intus debilis fiat, & aspera, ac livida; reulceratur quandoque, atque sic suppuratus fit. Rursus exulceratur etiam; siquid amplius laborarit, & si attenuatus fuerit, & si pituita, aut bilis ad cicatricem affixa fuerit, & sic alio morbo correptus attenuatus fuerit.*

Vulnera lateralia, vel in dorso periculosiora sunt quàm in parte anteriore; à tergo enim inflicta plus inferunt periculi, quàm à parte sterni: nam lateralia quamvis sint superficialia, periosium facile in consensum trahunt, & hinc inflammatio, pleuritis, &c. In dorso, quæ plures, & majores nervi, ac tendines sunt, ibique transit vena cava, arteria magna, aspera arteria, œsophagus, & omnia spiritualia organa dorso alligantur. Si thoracis vulnera in dorsum penetrent, ut plurimum periculosa, & ægri circa 7. 11. 14. superveniens erysipelas moriuntur. Vulnera quo pro priora spinali medullæ eò periculosiora sunt. Hæc vulnera sclopeto inflicta, plus damni inferunt, quàm alia. Si plus aeris ex vulnere, quàm ex aspera arteria egredietur, lethale habetur. Hæc vulnera punctim inflicta plus alunt periculi, quàm cæsum facta.

Convulsio in thoracis vulneribus perniciofa est, denotat namque spiritus, seu humores tenuissimos esse nimis acres. Si vulnera hæc cum intensa febre, inflammatione, & dolore sint, malum est, si verò prava non superveniant symptomata, sanitatis recuperandæ spes affulget.

Magna pulmonis vulnera, & præcipuè si magna vasa, & bronchia læsa sunt, plerumque lethalia, parva verò, & ubi insignia vasa non sunt læsa, & si satis periculosa sunt, sæpè tamen curantur, & sæpius in phthisin morre ipsa pejorem abeunt. Si pulmonis vulnere inflammatio accedit,

exigua

exigua spes est de ejus curatione, quia pus, quod generatur, sine tussi expurgari non potest, qua vulneris conglutinatio impeditur.

Vulnera, quæ ita pericardium lædunt, ut aqua effluat, semper sunt lethalia, estò *Benevenius de abdit. morb. caus. cap. 5.* se jactet, quendam in pericardio vulneratum sua cura convaluisse, & *Cardanus in comm. ad 18. aph. lib. 6.* *Hip.* refert, se parrem pericardii vidisse ablatam, ægrumque tamen sanatum, sed suspiria alta duxisse, nec multis annis supervixisse: sit fides penes hos authores.

Cordis vulnera necessariò lethalia sunt, quia caloris nativi focum, & spirituum vitalium officinam lædunt: & quidem vulnus magnum, & profundum, & quod in ejus ventriculos penetrat, subitò necat; quod verò exiguum, & in carnea cordis substantia subsistit, neque ad ventriculos penetrat, non ita, multò post ægrum tollit. Ventriculis enim apertis, subita fit sanguinis arteriosi effusio, spirituumque vitalium dissipatio, idque magis, sinistro ventriculo aperto. Si verò vulnus in cordis substantia subsisterit, homo quidem totam diem interdum vivere potest, mox tamen utpotè in loco calidissimo, & sanguine, ac spiritu turgente, inflammatio, & hinc syncope, ac mors succedit. Neque compertum est unquam quenquam corde vulnerato evasisse. Etsi verò observatum sit, in corde tumores, & ulcera reperiri, tamen ista cum sensim fiant, vita aliquandiu cum iis consistere potest, etsi tandem & ipsa homini mortem afferant. Vulnera verò, cum subitò cordis œconomiam subvertant, principalia enim viscera, & nobiliora continui solutionem sustinere non possunt, cum iis vita persistere non potest. Hinc *Aristoteles lib. 3. de partibus animalium cap. 4.* scribit: *Cor solum viscerum, atque omnium corporis partium, nullum vitium patitur grave; idque recta ratione. Cum enim principium corrumpitur, nihil est, quod cæteris, quæ inde pendent, præbere possit auxilium.* Et imprimis, ut dictum est, sinistro cordis ventriculo, qui sanguinis, & spiritus vitalis officina est, vulnerato, æger mox perit. Si autem dexter ventriculus vulneretur, ægrum aliquandiu vitam protrahere posse, multæ testantur Historiæ.

Vulnera, quæ venam cavam, & arteriam aortam in corde, vel venam arteriosam, & arteriam venosam in pulmone, earumque grandes ramos lædunt, lethalia sunt, & quidem rectè, nam sanguinem sisti posse impossibile est, & sanguine, ac spiritibus vitalibus effusis, vires illicò dejiuntur, & sanguis in thoracis specum effusus exitum non habet, unde vulneratus à sanguinis effusi copia necessariò suffocatur.

Diaphragmatis in parte carnosâ vulnera periculosa sunt, sanantur tamen aliquandò; Si verò circulus nerveus læsus fuerit, lethale: supervenit enim delirium, respiratio difficilis, febris, convulsio, & risus Sardonicus, ut ridendo ægri moriantur. Cum enim diaphragma nervosæ tertia, & quarta vertebra accipiat, hi verò cum ramulis in musculos, qui maxillas, & labia movent, propagatis permisceantur, si, qua parte ad diaphragma perveniunt, fuerint convulsi, secum ramos illos musculorum faciei, & labiorum contrahunt, quibus maxillæ, & labia hinc indè præter voluntatis imperium agitata speciem risus excitant, qui inter signa lethalia refertur, ut habetur ex *Hip. lib. 5. de morbis popularibus 34.* *Tychon in obsidione circa Datum à catapulta percussus est in pectus, & paulò post risus erat circa ipsum tumultuosus. Videbatur autem mihi medicus eximens lignum, reliquisse aliquid de spiculo in septo transversò. Et cum ipsi videretur: ad vesperam infusum per clysterem adhibuit, & pharmacum deorsum purgans dedit. Noctem primam transegit moleste. Statim verò ubi dies illuxisset, & medico, & aliis melius habere videbatur: (erat enim quietus) prædictio facta est, quòd ubi convulsio fieret, brevi esset moriturus. Sequenti itaque nocte moleste habens, insomnis, plerumque in ventrem decumbens: tertia oriente die convellebatur: O tunc mortuus est.*

Curatio.

In thoracis, & partium in eo contentarum vulneribus, maxima de sex rebus non-naturalibus dictis habenda est ratio, & imprimis aer frigidus, ceu pestilientia vitandus est, & omni dexteritate à vulnere arceatur: si temperatus, & potiùs ad calidum vergat, ubi vulneratus de-

git, Dicta quanti sit ponderis experientia docuit; constat enim vulneratos in victu, & potu delinquentes, ex vulneribus simplicibus in lethalia incidisse. Vulnus ergò quòd levius, simplicius, & superficiale est, eò largius alimentum permittendum est, contrà, quòd gravius, & penetrans, ac gravioribus stipetur symptomatibus, eò victus tenuissimus in principio præstat, donec inflammationis terminus præterierit. Conducunt jura carniū, pullorum, & caponum consumpta. Proscribantur omninò acida, acria, quia humores coagulant, & pervertunt, itidem adstringentes vitentur cibi, ne sanguis in thoracis cavitate concreseat, & concretus detineatur. Potus sit decoctum limaturæ cornu cervi, vel hordei cum passulis, vel claretum ex potione vulneraria pectorali, nec in tanta hauriatur copia, ut chirurgi nostri ævi propinare solent. Vinum parum conducit, nisi forsan virum languor id exigat. Vulneratus quiescat, & nimius vitetur motus, imò in latere affecto decumbat, ut sanguis, qui in thoracem effusus est, per vulnus commodius effluat. Tussim, sternutamenta, & suspiria caveat, nec multum loquatur, nec magna utatur respiratione, nec rideat, lugeat, aut singultiat. Etiam sanatus vehementem caveat motum, ac propterea non statim vel curru, vel equo vehatur. Somnus, & vigilia non protrahantur. Alvus servetur lubrica. Animi pathemata excedentia, ut iram, clamores, Venerem, & alios nimios affectus caveat ager; etenim per solam iram, vel venerem vulnus lethale redditur, quia humores redduntur acriores, & eorum naturalis interturbatur motus.

Pro thoracis vulneribus curandis, quæ cavitatem penetrant, vulgares chirurgi in prima visitatione exemplò vulnus dilatant, nulla habita anatomie peritia, & parum refert an majus damnum inferat per partium internarum vulnerationem secundum vulnus, quia semper primo refertur, & quandòque quem non interfecit sicarius, chirurgus obruncat. Vulnus vulnere cumulant, & afflictò afflictionem addunt, nec ex vulnere salus, sed mors violenta; solent enim, ut pluries nos observavimus, vires ob sanguinis effusionem deficere, & vitali spiritu cum sanguine ubertim depleto, statim mortem inferre, vel saltim ob remoram insanabiles inducere fistulas. Præterea per vulneris dilatationem aer externus, qua data porta, in thoracis cavitatem sese insinuat, & pulmones lædit; & hac de causa vulnus, quoties opus est, celeriter obligatur, ne aer externus in thoracem peneret. Vulneris dilatio vulnus parvum efficit magnum, & si curatio ex voto, & non mors succedat, erit diuturna, & diuturnus pecuniarum proventus, ac perennis chirurgi gloria, præsertim si cum divitibus res agenda erit. In hac vulneris dilatatione magna venarum, arteriarumque per thoracis musculos disseminatarum erit incisio, & hinc prodiga sanguinis profusio, quàm quæ per vulnus evenit, quia major erit vulneris dilatio, quàm inflicto vulnus, & major virium languor, ac maxima spirituum consumptio.

Quidam nasutiores chirurgi curativam vulneris indicationem in continui soluti unionem consistere meditantes, vulneris dilatationem respuunt, quia quòd angustius est vulneris orificium, eo coit vulnus; ea propter vulnus in thorace, si penetrat, læsusque sit pulmo, vel illæsus, aut cujuscumque generis sit, dummodò penetrat, ut cohibito sanguine, vel etiam non, vulnus illicò consuatur, monet. Ratio est, quia prohibetur, ne aer externus in vulnus ingrediatur, & pulmones refrigeraret, qui refrigerati marcesceret, & vulnus non ita facile consolidaretur. Præterea, ex consutione calor innatus, qui miras efficit actiones, ita conservatur, ut pulmones, & alias consolidet partes. Insuper, si sanguis in thoracis capacitatem fuerit affluxus, & concretus, à calore innato coquetur, & attenuabitur, ac à pulmonibus attrahetur, & per sputum exturbabitur, ut in empyema fieri solet; ideoque omnia thoracis vulnera consui necesse est. Tandem pro hac sententia, experientia docet multos, vulnere thoracis confuto, sanatos esse.

Cæterum hæc stultorum est sententia; nam nullum thoracis vulnus consuendum esse existimavimus, si vel pulmo sit læsus, si vel illæsus ob sanguinis fluxum in cavitatem, quia clauderetur lupus inter oves. In empyemate sectio celebratur inter quintam, & sextam, vel inter quartam, & quintam costam, ut contenta egrediatur sanies, quæ à natura per sputum exturbari nequit; quare vulnus consue-
re, est sanguinis vel saniei exitum in thoracis cavitate impe-

impedire, qui vel pessima excitaret symptomata, vel ægrotantem jugularet, vel tandem empyema moliretur. Nec ex vulneris consusione calor naturalis conservatur: sed à sanguine concreto, & putrescente corrumpitur, & spiritus vitales inficerentur. Nec externus aer pulmonis temperiem destrueret, quia vulneratus detinendus in aere ad calorem vergente, qui pulmonis calorem conservandi vim habet. In his itaque vulneribus non consuendum est, sed orificium apertum servandum; nam materia in cavitate collecta exturbari debet, & cum nulla alia sit via, per quam commodè educi possit, ne majoribus malis ansa præbeatur, vulnus apertum servandum est, ubi materia copiosa in cavitate retinetur, vel indies coacervatur, ut quotidie educuntur, aliàs pessima affert symptomata, & tandem mortem, & estò tantilla sanguinis portio in thoracis specum illabatur, nec etiam consuendum est vulnus: nam esset favillam claudere, quæ magnum incendium creare posset.

Dilatato vulnere, nostrates carnifices: in illud statim aliquod medicamentum, quod sanguinem sistendi vim habet, clystere intrudunt, hujusmodi est *album. ovi con-rusum cum aqua rosacea*, vel *decoctum pimpinellæ, pentha-phylli, plantaginis, pilosellæ, caudæ equinæ, in quo bolum Armenia, sanguinem draconis, & mastichen* dissolvunt; vulneris orificium *vino albo* abluunt, intra vulnus *turundam cum ovi albumine conquassato* vi intrudunt, & stuppatam eodem ovi albumine exceptam, additis *aloe, succo acaciæ, terra sigillatæ, & bolo Armeno*, imponunt, desuper arctè ligando, quam non auferunt, nisi 24. horis exactis. Nec interna defunt sanguinem sistencia, nam per os *trochiscos de terra sigillatæ, de Carabæ, pulveres boli armeni, & cornu cervi usti, cum syr. de rosis siccis, vel de myrtis cum decocto pimpinellæ, pilosellæ, & plantaginis* propinant.

Nec sanguine effuso per primum vulnus, & per secundum in dilatatione contenti, iterum in vulnerati sanguinem saviunt, & novam è latere opposito sanguificiam largiore effusione instituunt vulgares, vel quia in debita quantitate non effluxit, vel si nimium effluat. Si hoc in sanguinariis opinamento verum esset, sanguis potius per idem vulnus, quam per innocens latus oppositum educi deberet, si vulnus est in causa. Ager ante vulnus optima fruebatut valetudine, & ejus sanguis erat inculpatus, nec quantitate delinquebat: quomodo deinde vulneris causa iam citò hostilis, & eliminationis reus evasit? Et eo magis venæ sectionem prædicant necessariissimam, quia pars affecta est cordi finitima, undè & pulmones à sanguine grumoso, & nimia subsequente sanie exenti, pleuritidem præcaveri; & respirationem liberio-rem reddi arbitrantur; porro non adeò prudentes agunt, quia sanguis semel evasatus, crassior redditur, nec in arterias retrogredi, nec in venas promptè influere potest, undè facta venæ sectione, æger adhuc debilior redditur, & tunc cum tribus hostibus, scilicet cum vulnere, vulnere symptomatibus, & virium debilitate dimicandum est. Nec venæ sectione in opposito latere, vel etiam in utroque cubito contenti, cucurbitulas, vincula, & repetitas celebrant frictiones, ne magnus sanguinis affluxus ad affectam ruat partem.

Verum quia vulgare medicina tota quanta est, circa sanguinis & merdæ educationem versatur, educto itaque sanguine, ad merdæ educendam urinæ medicum invitant. Cæterum purgantia quæcumque thoracem non attingunt, imò, in pectoris affectionibus sunt infensa, corpus exagitant, sanguinis fluxum per vulnus concitant, corpus calfaciunt, febrem adaugent, sitim intendunt, & pessima in thoracis vulneribus excitant symptomata.

Altera die stuppatam, turundam, & quicquid in thoracis cavitate injectum fuit, extrahunt. Sanguinem in capacitate contentum, inverso ægro supra vulnus, commodè expellunt. Si copiosior est, illum non una vice evacuant, sed partitis, interjecto inter easdem aliquo intervallo, & ut hic citius procedat, æger tussiat, jubent, vel per quædam intervalla, ore, & naribus oclusis, spiritus suppressatur, quousque pulmones intumescant, & diaphragma contrahatur; ita ut contenta materia per vulnus exprimatur; verum tussis, vel spiritus suppressio thoracis partes nimis exagitant, ita ut ambientis injuriæ præsto sint, & nova, ac uberior materia indies ad cavitatem confluat; præterea vulnera perenni agitata motu denuò dilacerantur. Si hac arte non educatur, ægrum ita situant,

ut infernas spectet partes, & pedibus illum suspendunt, vel ita concutunt, ut tota materia liberè exire valeat, modò ipsum elevando lectum, modò deprimendo, modò membrum ipsum attollendo, prout vulneris orificium consulit. Quibus minimè juvantibus, & præcipuè si sanguis ut concretus, & in grumos conversus, & propterea evacuari nequeat, illum attenuant, & dissolvunt liquore conveniente per syringam in pectoris cavitate infuso. In quem usum utuntur *Syr. acetoso, melle rosaceo, & melierato*, verum hæc etiam ab eorum *Gal. 5. meth. cap. 8. & 5. de loc. aff. cap. 2.* improbantur. Vel sequenti utuntur decocto.

℞. *Hord. mund. lentium ana ℥. ij. consolid. maj. hyssopi liquiritiæ anam. ℥. aqua font. q. s. cui adde mell. ros. ℥. iv. & iterum parum bull. colat. servetur pro usu.* Liquor tepidus intra vulnus per syringam, sed melius per clysterem; omnia topica medicamenta hic calida usurpanda sunt, cum frigus sit pectori inimicum. Injectus liquor, ut in loco affecto per unam, duas, vel tres horas maneat, curant, & dum hoc medicamentum in cavitate continetur, æger leniter agitur, & tussiat, ut totam thoracis cavitatem abluat, & sanguinis grumi attenuentur, & dissolvantur, postmodum decumbat patiens supra apertum vulneris orificium, ut id, quod in cavitate continetur, effluat. Quod si non eveniat, extrahunt per illud instrumentum, quo medicamenta ad alvum laxandum injiciuntur, puta clysterem, cujus fistula plura habeat foramina, & producta sit, ut ad thoracis cavitatem usque deveniat, & immergatur ad extractionem complendam; pluries, quò opus fuerit, injectio, & extractio reiteratur. Vulnere verò existente, sordido, & purulento, illud detergunt, *vel malsa, vel decocto hordei, hyssopi, calaminthæ, aristolochiæ, & equiseti in aqua simplici*, vel pro validiori deterfione, *in lixivio, aut vino*, (nisi inflammatio id prohibeat,) parato, addito aliquanto *melle rosaceo*, quo facto, & pauco interjecto temporis spatio, ipsum ægrum concutunt, & super vulnus apertum collocant, pro faciliiori sordium effluxu, ne eadem in ipsam thoracis cavitatem stillent, & viscera ibidem contenta inficiant.

Vulnus turundis digestivo inunctis apertum servetur, & filo alligentur, ne in thoracis cavitatem descendant, & ne partes circumvicinæ in consensum trahantur, & dolore afficiantur, loca vicina æstatè oleo rosaceo, hyeme chamæmelino inungunt. Ad vulneris absterfionem, & exsiccationem, atque nativum fovendum calorem commendant *terebinthinam permixtam cum aliqua mellis rosacei, & olei hypericonis portione.* Absterfo, & exsiccato vulnere, solutæ partis unionem per novæ carnis regenerationem, medicamentis longo usu, & experientia comprobatis procurant, nempe pulveribus *sarcoticis, thuris, aloes, sarcocollæ, myrrhæ, boli armeni* permixtis cum *oleo abietino, & resina terebinthi*, ex quibus linamenta ex arte contorta obliniunt, duplici filo alligant, & in vulnus immittunt. Vel sequens commendant unguentum, ut

℞. *Resina pini q. s. ol. laurini, terebinthina ana ℥. ij. gummi elemi puri ℥. iij.*

Resina, & gumi super igne liquecant, deinde oleum laurinum, & terebinthina addantur, parum bulliant, donec unguenti crassitiem acquirant, & tandem colentur.

Interim, dum curatio administratur, medicamenta interna, thoracica dicta, quæ materiam exsiccant, ejus corruptionem inhibent, & si ad pulmones quid pertineat, quæ ad ejus expectorationem profunt, propinant, ut sunt *syr. de jujubis, capill. Ven. de tussilag. pomis, liquiritiæ, de prassio, farfara, cum aquis tussilag. capill. Ven. veronica & c.* Vel *diacodium*. Sunt reverà hæc medicamenta pectoralia, non pro tanti ponderis vulneribus, sed pro catarrho tantummodo apta. Tandem etiam medicamenta, quæ intus glutinationem promovent, usurpant, ut sunt *syrupus myrtinus, cydoniorum, de rosis siccis cum aqua plantaginis*. Sed hi syrupi boni sunt pro diarrhœa, non pro vulneribus glutinandis.

Pro nostra thoracis vulnera curandi methodo, primum à chirurgo, an aliquod magnum læsum fuerit vas, perscrutandum est, & tunc sine segnitie sanguis educendus, & ut commodius peragatur, æger parti vulneratæ incumbat, os, & nares constringendo, ut facilius sanguis eliciatur. Quod si vulnus sit angustius, quàm ut sanguini exitum permittrat, nonnulli illud dilatant, & cannulam immittunt, sed incassum laborant, cum sanguis illic grumescat. Si sanguis ubertim ex vulnere fluat, statim cohibendus est me-

est medicamentis in thoracis cavitatem per syringam intrusis, & sequens habemus expertum, uti

℞. *Radic. tormentill. bellidis ana m. ℥. sanguisorbae, & bardanae maj. ana p. j. f. decoct. in suff. q. aquae spermatis ranarum.* Et utere tepidè addendo aquae arterialis parùm. Si verò vulnus pro sanguinis educatione non satis pateat, turunda ex sponsia parata, & filo alligata imponi debet, eodem decocto imbuta, & post 24. horas decumbat æger in parte affecta, ut quod intrusum fuit, evacuetur. Internè ad sanguinem sistendum, sequens medicamentum n. d. propinari potest, ut

℞. *Syr. plantag. ℥. j. aquae urticae hortensis ℥. ij. sperniola crollii gr. x. lapid. hamatit. præp. ℥. j. philonii persici ℥. jv. alkali ranarum ℥. j. m.* Detur cochleatim. Vel

℞. *Aqua tormentill. & polygoni ana ℥. j. ℥. laudan. opiat gr. iij. Terra exanimat. vitrioli ℥. ℥. ocul. cancr. ℥. j. syr. de succ. urticae hortens. ℥. j. ℥. m.* Sumatur etiam cochleatim.

Si sanguis in thoracis cavitatem ita grumescat, ut per vulneris orificium educi non possit, ea medicamenta, quæ sanguinem dissolvendi, attenuandi in naturalem fluorem reddendi, & acidum coagulatorem temperandi energiam habent, conveniunt, & per suos ductus eliminatur, hujus enthelechiæ sunt *mumia, sanguis hirci ad pleuritidem, oculi cancrorum, spermæ ceti, magisterium coralliorum, extractum hyperici, bellidis, stibium diaphoreticum, cornu cervi sine igne paratum, Antihecticum Poterii, sal volatile cardus sancti, cornu cervi &c.* Pro Tyronibus sequentes adducuntur formulæ, ut

℞. *Syr. papav. err. ℥. j. sang. hirci ℥. jv. extract. hyperic. ℥. j. antihectici poterii gr. jv. aquæ card. marie ℥. iij. m.* Vel

℞. *Spermatis ceti, oculor. cancr. ana ℥. ℥. stibii diaphoretici. ℥. ℥. salis volatil. card. sancti. gr. vj. syr. hyperici ℥. j. ℥. aquæ bardanae ℥. iij. m.*

Hæc etiam diaphoretica sunt, & sanguinis acidum circulant, ipsumque sanguinem, & lympham crassam incidunt, attenuant, & fluxiorem reddunt, obstructas referant vias; & vel sensibilibus, vel insensibilibus evacuant, & eò magis hæc administrantur, & conveniunt, si partes vulneratæ, vel affines inflammatione, pleuritide, vel peripneumonia tententur, vel saltem horum affectuum adsit metus. Si tussis torqueat ægrum, & febris adfuerit cum dolore lateris punctorio, descripta medicamenta antipleuritica, & diaphoretica continuanda sunt; hi enim vulnerati, ut pleuritici tractandi sunt, propterea omne acidum contemplant, & coagulationem impediunt, & coagulata resolvunt, ideoque singulis horis duo cochlearia exhibemus.

Interna sanguinem coagulatum solventia externis, & topicis maritanda sunt, ut promptius, & facilius solutio eveniat, ne stagnatione putrescat, unde syringa in thoracis cavitatem fiant reiteratæ injectiones *ex decocto bardanae, cheræfolii, bellidis, addito salis cardui benedicti paucos;* sal enim non finit sanguinem in coagulum abire: turunda vulneris orificium in eodem decocto infusa claudat, dein æger se concutiat, & ita collocetur, ut per vulnus intrusum educatur. Si sordes unà educantur, ad eas abstergendas injectione aliqua *mellis rosacei simplicis* portio dissolvatur, & præsertim si aliqua sordes, vel pus super diaphragma contineatur.

Solutis sanguinis thrombis, & educitis, ac vulnere absterfo, ad consolidationem recurrendum est, pro qua vulneraria balsamica necessaria sunt, & syringa intrudenda, hujusmodi sunt *Balsamus Samaritani, essentia hyperici, oleum Apparicis, vel balsamus Peruvianus albus liquidus, cum aqua Reginae Hung. vel balsamus proprietatis cum decocto millefolii, vel balsamus artificialis.* Pro pauperibus utimur oleo *Apparicis, vel oleo hypericonis, lumbricorum, terebinth. mastiches ana.* Omnes injectiones, si non calidæ, saltem tepidæ intrudendæ sunt; frigida enim pectori, & vulneribus sunt hostilia. Hæ injectiones, & educationes bis in die peragantur, non desit foras turunda filo alligata, & iisdem medicaminibus imbuta cum suis plumaceolis desuper positis, nec turundæ sint capite crassiore, nec nimis longæ, ne pulmones lædant. In turundarum applicatione magna cautela procedendum est, ne in thoracis specum rapiantur; tale enim factum pluries accidisse plures testantur historiarum chirurgorum, quæ & nonnunquam abreptæ cum vehementi tussi per idem vulneris orificium fuerunt ejectæ, ita *Guilhelmus Fabricius cent. 1. observ. 40.* habet: *Cuidam duas turundas in pectus delapsas, ac post tres menses tussirejectas fuisse.* Hoc idem nobis opti-
Musitani Opera Tom. II.

mus nostri æqui ille chirurgus, *Joseph Carnivale* retulit, de quodam, in cujus thoracis cavitatem turunda satis crassa, spontè absorpta, quam post quindecim dies excitata vehementi tussi, per asperam arteriam, & tandem per os deturbavit. Fides sit penes authorem, qui asserit naturam per cæcos ductus turundam eiecisse; ideoque cæcus sit, qui huic spectaculo interfuit, & credat Judæus apella, quia nos, cum simus nimis scrupulosi, non faciliè aliorum relatis acquiescimus.

Si copiosus sit per vulnus materiæ proventus, & æger malè se habeat, ut continuè materia effluat, (quod ex nostris medicamentis vulnerariis balsamicis evenire non potest) ne ibi putrescens, febrem, anhelitus difficultatem, & tussim excitet, vulgares cannulam argenteam, vel plumbeam, pluribus in locis perforatam, extrà verò alis munitam, vel loris revinctam immittunt. Non nimis diu turundis applicandis insistendum est, ne immedicabilis pectoris fistula producat, sed statim post consolidationem superponantur dicta medicamenta balsamica cum linamentis, quæ curationem omnibus numeris absolutam complent, vel tandem *emplastrum oppoteldoch, vel stipticum* superponimus.

Non destaudamus interea potionibus vulnerariis ægrum; hæc namque juxta partis vulneratæ conditionem variandæ sunt, & sicut capitis vulneribus cephalica, ita thoracis pectoralia adhibemus: in dictis itaque potionibus utimur *hedera terrestri, veronica, hyssopo &c.* ut & fructibus pectoralibus, *jujubis, passulis, ficibus &c.* Si verò pulmo sauciatus fuerit, *pulmonaria maculosa, tussilagine, prassio &c.* His vegetabilibus, quæ ad thoracem, & partes in eo contentas specificum dicunt respectum, alia vulneraria admiscemus, ut sunt *alchimilla, pirola, radix tormentillæ, & symphyti, sanicula, stellaria, persicaria, achillea, hypericon, pilosella, vincapervinca, telephium &c.* In tyronum gratiam sequentes vulnerariarum potionum formulas breviter describemus, ut

℞. *Radic. tormentillæ ℥. ℥. symphyti. ℥. iij. stellarie, alchimilla, sanicula, Veronica ana m. j. jujubar. num. xx. concisa, & confusa bulliant in suff. aquæ quantitate, vase clauso, & cola; dosis ℥. iv. quas edulcora, syr. de hedera terrestri, & de symphyto ana ℥. j. & adde sarcocollæ ℥. ℥. oculor. cancr. ℥. j. m.* Vel

℞. *Pulmonaria maculosa alchimilla, virga aurea, pirola ana m. j. passular. sine arillis ℥. j. bulliant in duplici vase; dosis ℥. iij. quibus adde syr. rubi idæi, & de tormentillæ ana ℥. j. balsam. peruviani liquidi ℥. j. mumia, & sang. hirci ana ℥. ℥. m.*

Credibile non est quantum hæc potiones in vulneribus curandis valeant, *Germani chirurgi*, apud quos in frequentiori sunt usu, dicant: *Neapolitani carnifices*, idest chirurgi, quia de tonsorum genere sunt, (sit paucissimorum pace dictum) his neglectis digestivo utuntur, unde pauci vulnerati sanescunt naturæ ope, & quos æquus amavit Juppiter. Nec nos has potiones pro his tonsoribus designamus, præterquam quòd nostram chirurgiam non intelligunt & negligunt; ideoque non projicimus margaritas ante hos porcos, nec sanctum canibus mittendum censemus, *Lucius Apulejus* sub asinina forma hominem tegebat, isti chirurgi sub hominis larva asinum tegunt, ideoque non mirum, si nos mordeant, & calcibus feriant.

C A P U T LVII.

De Anatomica imi ventris Historia.

EGimus de superiore ventre sc. de capite, de medio sc. thorace, non Anatomicus postulat ordo, ut de imò tractemus; sed quia hic venter intra se partes humiditas, putredini valde obnoxias, multarumque sæcum cloacam continet, ab eo sectiones anatomici exordiri solent, ut citæ putredinis vim declinent, eaque primum amovent viscera, quæ sua corruptione totum cadaver inficere, & sic commodam reliquarum partium demonstrationem impedire possent.

Hic infimus, ac tertius venter abdomine clauditur, hepatis, ventriculi, lienis, intestinorum coctionibus, excrementorum secretionibus, & sobolis procreationi infervientium sedes, in imum locum necessariò releganda, ne hujus culinæ multiplices turbationes, ac foedissime impuritates superiorum principum viscerum functionibus obessent;

Principes namque semper in infimam plebem onera depone solent.

Et venter inferior totum id, quod superius cartilagine ensiformi, ac diaphragmate, utrinque latere à costis inferioribus, posterius, & interius lumborum vertebri, ossibus coxendicis, sacro, & pubis circumscribitur.

Hujus anteriora costarum infimis cartilaginibus finitima, sub iisque comprehensa, veteribus *Hypochondria*, & *Præcordia* nominantur, suntque duo, hinc dextrum, inde sinistrum. Quod in medio hypochondriorum ventriculo cum proximis intestinis incumbit, *Epigastrium* nominatur, quamvis antiquitus totum anterior abdomen, Græcis *Epigastrium* nominatum fuit.

Media regio umbilicalis est, infra, & supra umbilicum tres digitos æquans. Cujus portiones laterales Ilia, eo quod Ileum intestinum sub ipsis maxime lateat, nominantur.

Quod infra hanc, pubisque spatium comprehenditur, *Hypogastrium*, Imus venter, & Aqualiculus nuncupatur; cujus partes laterales in flexura femoris ad pubem, Inguina dicuntur. Pubes est pars pudendis proximè immineas, quæ pilis tegitur in adultis.

Posteriora abdominis superius lumbi, inferius nates complent.

Constat hic Venter ex partibus integumentis, & tectis, hoc est exterioribus.

Vestientes, seu continentes (quas abdomen propriè vocant) vel communes sunt, ut cuticula, cutis, pinguedo cum sua membrana, panniculus carnosus, & tunica cuiusvis musculo propria; vel propriæ, suntque musculi abdominis, & peritonæum.

Partes interiores, seu contentæ ad nutritionem, vel ad procreationem faciunt. Ad nutritionem quovis modo, ut ventriculus, omentum, pancreas, intestina cum mesenterio: vel ad hæmatosin quovis modo, ut venæ meseraicæ, venæ portæ cum radicibus, cava cum radicibus, hepar, vesica biliaria, porus bilarius, lien cum vase brevi, & hæmorrhoidibus, arteria cœliaca, renes, capsulæ atrabiliaræ, ureteres, vesica. Ad generationem quæ faciunt, vel sunt viriles, vel muliebres: Viriles, ut vasa spermatica, corpora varicosa, seu parastata, testes, vasa deferentia, prostata, vesicæ seminales, penis &c. Muliebres, ut vasa spermatica, corpus varicosum, & testes, vasa ejaculatoria, uterus cum suis partibus &c.

De Cuticula.

Cuticula, Græcis *Epidermis* dicta est, aliis summa, vel ultima cutis, item cutis efflorescentia, cutis operculum &c. Est pellicula tenuis, densa, vitæ, sensusque expers, exsanguis, instrata ad cutem tegendam, eique firmiter adhærens.

A subditæ cutis madore, ambientis aeris siccitatis densato, orta vulgò creditur; sed perperam, cum principium feminine non minus habeat, quàm cutis; aliæque partes solidæ.

Ufus est tueri cutem, vasorum oscula tegere, ejusdemque exquisitum sensum attemperare, & nimium madoris effluviū impedire. Ea propter nonnihil dura est, tenuissima tamen, perspicua, quemadmodum ceparum tunicæ pelliculæ, ne si crassior esset, cutis non rectè sentiret. Callosa tamen aliquando ob labores in pedibus, & manibus.

Densa est, & cute compactior. Unde pustulæ aquosæ cutem transeunt, non cuticulam. Non tamen nimis densa, ne corporis transpirationem prohibeat. Et densa quidem est non tantum ad tuendas partes subjectas; verum etiam ne nimius vaporis, sanguinis, spirituum, & caloris fiat effluxus: nam est osculorum, & extremitatum vasorum operculum; quare non sine ægritudine vivunt, qui sine cuticula nascuntur.

Varii anatomici hanc partem corporis annumerandam non esse credunt, his rationibus ducti.

Prima, quia in prima partium formatione non fuit ex semine producta, sed postmodum ab excrementis tertiæ, ut aiunt, coctionis, frigore densatis, & exsiccatis orta, instar cuticulæ, quæ pulti increfcit: hoc inde liquere tradunt, quia cum aufertur, vel deteritur, facilè regeneratur, secus quàm partibus spermaticis contingere solet.

Respondetur, illius tenuissima stamina ex semine unà cum cute, in prima partium delineatione fuisse efformata. Hoc liquet in abortivis fœtibus omnibus cute tectis, in quibus semper etiam cuticula invenitur, quæ non potuit fuisse

generata à frigore externo, quod in occluso utero nullum est; nec ab ambientis alicujus siccitate, quæ nulla fœtum, lacteo succo satis humido innatantem, contingit, ergò ab aliqua seminali portiuncula. Quòd autem ablata, vel detrита facilè regeneretur, hoc commune habet cum dentibus, qui quotidie deteruntur, atque iterum excrescunt, imò in permutatione superior major pars eorum aufertur, postmodum restituitur: item cum sanguineis quoque partibus, quæ hac de causa è partium numero non excluduntur, quod ablata restituantur, cum ipsis sanguineum nutrimentum tam copiosum affunditur, ut facilè talis redintegratio fieri possit. Sic etiam ad cuticulam è cutis vasorum finibus, quos tegit, & occludit, ex sanguine viscosi habitus, roris instar, continuè copiosi, pro ejus nutrimento exhalant, deperditas, vel detritas particulas facilè restaurari. Denique si, ut solent adjicere, generetur sicut crustula pulti increfcens, hoc satis probat esse veram corporis partem, ex eodem cum reliquis principio ortam: nam illa crustula in lacte non est lactis incrementum condensatum, ut nec aliud quid extra lac, sed est densior ipsius lactis pars: ergò etiam lac.

Secunda, quia non sentit, & in morbi non absumitur, sicut aliæ partes.

Respondetur, licet non sentiat, nec in morbis manifestè absumatur, tamen non minus partem corporis esse quàm os, quod etiam neque sentit, neque absumi videtur.

Tertia, quia non vivit.

Respondetur, falsum esse, quòd non vivat, nam increfcit cum reliquo corpore, & nutritur succis alimentariis, sicut reliquæ partes, qui succi, licet manifestè conspici nequeant, nihil refert, quoniam illud ipsum etiam contingit in illis succis qui nutriunt ossa, periostia, dentes, multasque alias partes. Præterea etiam suos patitur morbos à pravis humoribus, & sanguine procedentes, ut patet in lepra, exanthematibus, multisque maculis. In aliis quidem tenuior, & mollior, in aliis crassior, & durior est, sed talia non magis imminuunt vitam cuticulæ, quàm cutis, cui eadem illa etiam contingunt.

Quarta, quia nullam obit actionem.

Respondetur, licet non agat, tamen usum habere maxime necessarium, atque hinc non minus partem esse, quàm cartilaginem, pinguedinem, multasve membranas, carnes, aliavè partes, quæ usum quidem habent, non verò actionem.

Concludendum igitur, cuticulam veram esse corporis humani partem; Primum, quia cum aliis complet totum; nam homo sine cuticula non est totus, & perfectus homo. Secundò, quia corpori in continuitate adhæret. Tertiò, ad usum necessarium, ut ante dictum, comparata est.

Colore candido, & planè exsanguis, nam dilacerata, vel incisa sanguinem ex se non emittit. *Aethiopibus* nigra est, subjecta verò cutis non item. Numero una est,

Cuticula connectitur, & arctè cohæret cuti, homine vivo, non aliter continua esset. Sæpe etiam præter naturam instar exuviarum serpentis deponitur, ut in quodam podagrico in pedum plantis observavimus, item in variolis, febribus ardentibus, aliisque. In demortuis candela, vel ferventi aqua separatur: in vivis phænigmis. In glande non cuti, sed carni adhæret.

De Cute.

Cutis, *Derma* Græcis dicta est, est integumentum membranosum, crassum, ex semine ortum, corpori externo undequaque inductum, ut tactus sit instrumentum, & ad subjectarum partium tutelam.

Cutis est quoddam rete mirabile ex capillaribus vasculis, nempe venulis, arteriis, & nervillis contextum, totum corpus investiens. Sub tota cute i. sub ista textura reticulari copiosæ constituta sunt glandulæ parvæ (cutaneæ, & miliares appellatæ, microscopio observabiles) suis excretoriis vasis exteriora versus ad cuticulam spectantibus instructæ, quorum orificiola cutis poros constituere videntur. Hæ glandulæ cutaneæ miliares ex sanguine per vasa capillaria emulgent, & separant copiosè partem ejus aquosam, salibus oleosis superfluis, aliisque particulis inutilibus, tum primariò massæ sanguineæ, tum etiam partium continentium imprægnatam, quæ sub halituum per se invisibilium forma per vascula earum excretoria exspirant, adjuvante non parùm calo-

calore tum ipsius corporis; tum etiam corporis ambientis, & *insensilis transpiratio* appellatur, de cuius quantitate, & necessitate videatur *Sanctorius in Medicina Statica*.

Perforata est variis in locis ad introitum, & exitum necessariorum; ejus autem foramina alia conspicua, ut os, aures, nares, oculi, anus, uterus &c. Alia inconspicua, & insensibilia, ut pori. Pori illi corporis aliàs inconspicui, hyberno tempore conspiciuntur, cum corpus derepentè denudatur; tum enim cuticula anseris deplumati cutem æmulatur.

Innumeras habet arteriolas, & venulas, & nervos, per quos spiritus animales recipit, quorum ramuli exiles, & fibrillæ innumerae in eam terminantur, & acutum sensum ei conferunt.

In multis locis pilosa est, ut in capite, & adultioribus in pube, mento, labiis, sub axillis: præterea multis etiam, præcipuè viris in thorace, cubitis, femoribus, & tibiis.

Constat cutis ex semine in quantitate moderata recepto, & pro ampliacione moderatum sanguinem accepit: videtur tamen superare semen. Nam albicat cutis naturaliter licet pro subjectorum corporum, & humorum copia variet: nam qualis humor, talis color in cute efflorescit. Sic sanguinei rubent. Ictერიci flavescunt, vel nigricant. Caro, si subiacet, citius rubet: si pinguedo, albicat. Sic etiam pro regionum diversitate aliis niger, aliis flavus, aliis medius inter flavum, & nigrum, aliis albus est. Sic etiam pro diversitate solis exurentis: hinc illis, quorum cutis continuè soli exponitur, multo magis fuscus est, quàm aliis, qui in umbra vivunt.

Ratione substantiæ differt cutis in crassitie, tenuitate, densitate, mollitie, & duritie, pro varietate temperamentorum, ætatis, sexus, regionum, & partium operantium.

Cutis crassa est sextuplo cuticula crassior, sed tenuior quàm in aliis animalibus, neque aliquis è cute in corium apparatus, de cutis crassitie judicet; apparatu enim eo corrugatur plurimum, & incrassatur. Mollior, & rarior est in facie, pene, & Scroto: durior in cervice, cruribus, pedum plantis, dorso: media in duritie, & mollitie est in digitorum apicibus. Sic quædam cutis est crassissima, ut in capite: quædam crassa in collo: quædam tenuis, ut in lateribus, unde titillatio: quædam tenuior, ut in vola manus, tenuissima in labiis, & in glande. In pueris ætenuior, & porosior, quàm adultis, in fœminis quoque quàm viris; in calida regione, quàm frigida. Æstivo quoque, quàm hyberno tempore cutis rarior, quo fit, ut animalium pelles æstate excoctæ difficiliùs pilos, quàm hyeme contineant. Variat quoque plurimum pro diversitate subjecti; unde in nonnullis densitatis, & crassitie admixturæ, si credimus *Petro Servio*, adeò ut ea innoxie carbonem igneos tractare, gestare, & continere, & propemodum extinguere duæ Æthiopissæ potuerint.

Quædam cutis à subjectis partibus facillè separatur, ut in ventre inferiore, & medio, brachiis, & cruribus. Ab aliis difficulter, ob membranam carnosam, cui nectitur fibræ, & vasorum beneficio.

In plantis pedum, & volis manuum vix separatur, quibus connascitur ad firmiorem apprehensionem. Vix etiam à carne frontis, & totius ferè faciei, maximè aurium, & labiorum, ob tendines, & musculos, maximè eum, qui latus dicitur, commistos. Sic in fronte mobilis est, in reliquo corpore non item.

Ufus cutis est, ut sit corporis tegumentum; & ut exitum det excrementis, & fuligines excludat insensibili perspiratione, qua magis sublevamur, quàm omnibus sensibilibus simul unitis, undè generale corporis emundatorium dicitur, idèdque tota quanta est foraminata conspicitur. Per hanc ex arte statica *Sanctorius* triginta annorum experientia deprehendit, pluribus unica die naturali tantum evacuati, quantum per alvum quindecim dierum cursu.

De Pinguedine.

Pinguedo, Græcis *Pimeli* dicta est, est substantia unctuosâ, frigore condensata, ex alimenti portione producta, quæ cuti substrata, non minùs penetrabiles noxas excludit, quàm immodicam insiti caloris discussionem prohibet, & partes interiores humectat, iisque faciliorem præbet motum.

Quærent Anatomici, an pinguedo inter humani corporis partes annumeranda sit? Quidam negativam sustinent partem his rationibus ducti, &

Musitani Opera Tom. II.

Prima, quòd non sit pars spermatica è semine genita; quia in prima partium delineatione nusquam apparet. Sed

Respondetur, partium spermaticarum prima solùm delineamenta ex semine gigni, eaque plerumque adèd tenuia esse, ut in principio oculis conspici nequeant, sicut liquet in dentibus, aliisque variis partibus, quæ non nisi diù post apparent, ubi per oblata alimenta incrementum sumpserunt, & sic quoque se rem habere in pinguedine.

Secunda, quòd communi cum reliquis partibus vita non fruatur, quia insensibiliter modò increfcit, modò absumitur.

Respondetur, quòd sicut muscoli per morbos insensibiliter decrefcunt, & per sanitatem increfcunt, atque indè tamen dici non possit, illos communi cum reliquis partibus vita non frui, sic etiam per incrementum, aut decrementum pinguedinis, non probari illam communi cum aliis partibus vita non frui.

Tertia, quòd per inedia in aliarum partium nutrimentum convertatur, cum tamen una pars aliam nutrire possit.

Respondetur, quòd probandum foret pinguedinem per inedia in aliarum partium nutrimentum cedere, in earumque substantiam mutari; illud enim verosimile non videri, sed quòd potiùs hæc, sicut aliæ partes, imminuat, destituta suo convenienti alimento.

Quarta, quòd nullam obeat actionem.

Respondetur, quòd *Gal. 6. de placit. cap. 8.* pinguedinẽ functionem adscribat, per functionem intelligens usum, sicut multis aliis in locis actionem, & usum confundit, quamvis reverà differant.

Ad hæc, cuticulam, varias membranas, pilos, aliasque nonnullas partes, etsi nullam actionem obeant, sed usum solummodò præstant, è partium tamen numero non excludi, & hac de causa etiam pinguedinem ex isto numero non excludi posse.

Universo corpori circumfusa est pinguedo, exceptis labiis, auris parte superiore, palpebris, scroto, & pene, quibus oneri fuisset. Non in omnibus tamen hominibus æquali quantitate cuti substrata reperitur: communiter vix semidigiti latitudinem superat, in plurimis longè tenuior est, in obesis aliquantò crassior.

Forma pinguedinis, quamdiu in vasis est, non est concreta, sed liquida, & fusa ob calorem, quia adhuc in vasis continetur.

Venas tres habet pinguedo abdominis, mammillarem externam supernè descendentem, Epigastricam infernè è crurali per inguina ascendentem, & à lumbis quam plurimas emergentes venas, quibus arteriæ sociantur.

Glandulas habet copiosissimas, quæ excrementa ex corpore in se recipiunt. In morbois, & excrementitia humiditate abundantibus copiosiores.

Pinguedinis usus est.

I. Instar vestis calefacere, calorem nativum fovere, suæ visciditate effluxum prohibendo, crassitie, & densitate meatus occludendo, ne frigus penetret, & æstate calorem inhibendo, quòd minùs penetraret.

II. Calidas, & siccas partes, ut cor, oblinere, & humectare.

III. Motum faciliorem reddere, & partes servare, ne exsiccantur nimis, distendantur, aut rumpantur. Hinc cartilaginum extremitates tuetur, articulos majorum ossium, quorundam ligamentorum externa sede, item vasis ad cutem delatis subternitur. Sic hanc ob causam pinguedinis copia in orbita oculi, ne ob motum continuum exsiccatio, & ariditas quasi sequatur. Et vena coronalis cordis multa pinguedine est munita, ut motui, & magno calori cordis obviam eatur.

IV. Est instar pulvinaris, & propugnaculi, contra ictus, contusionem, compressiones. Hinc clunibus, volis manuum, & pedum natura copiosam dedit pinguedinem.

V. Spuria vacua complet inter musculos, vasa, & cutim, adeòque corpus reddit æquale, album, molle, pulchrum, formosum. Hinc tabidi, & vetulæ deformes.

De Membranis in genere, de Membrana carnosâ, & Membrana Musculorum propria.

Pinguedini in homine subternitur *membrana carnosâ*, quæ tamen cuti proxima est in fimiis, canibus, ovibus. De hac antequam agamus, membranæ natura in genere cognoscenda.

Membrana est, quæ partem ambit corpulentiorẽ, ut peritonæum, pleura, periostium, pericardium, & mu-

sculorum membranæ peculiare. Tunica strictè, & propriè vasis tribuitur, ut venis, arteriis, uteribus, utero, vesicæ biliaræ, & urinaræ, œsophago, ventriculo, intestinis, testibus. *Meningis* vox peculiariter cerebri membranæ tribuitur.

Membrana autem est pars similis lata, plana, alba, & dilatibilis, & semine viscido, & aquoso genita, ut partes vestiendo custodiat.

Forma est superficiei æqualitas, tenuitas, lævitas, densitas, validitas, ut dilatari possit.

Ufus est,

I. Partes vestiendo custodire ob duritiem, & densitatem, & tactus instrumentum esse; nam membranarum ope partes sentiunt. Et tanta est membranarum necessitas, ut natura quamlibet partem membrana intexerit.

II. Ad robur partium conferre.

III. Ne frigore pars lædatur, & ne calor naturalis exhalet.

IV. Ut partes partibus conjungat. Sic Mesenterium, intestina dorso connectit.

V. Vasorum ora claudere, ne humores effluant, vel refluant: ut sit in vesica ad ureterum implantationem in cordis ventriculis per valvulas.

Membrana est alia crassior, alia tenuior. Tenuis differt in tenuitate; nam periosteum costarum est tenuius, quam pleura; periosteum capitis, quam pericranium: dura, quam pia mater, crassior est. Crassa est membrana carnosæ, quæ nec ipsa quidem æqualitatem serviat; nam in collo crassior est. Sed de membrana carnosæ jam dicemus.

Membrana carnosæ, membrana communis, quibusdam musculus membraneus dictus, communiter dicitur *Pannulus Carnosus*, est membrana valida, fibris carnosæ præcipuè circa frontem, collum, occiput, auriumque plagas donata, & toti corpori ad tegumentum, ac defensionem circumtenta, sensuque exquisito prædita, unde acerbis lacessita vaporibus corpus quadam concussione, ac rigore convellit.

In homine pinguedini proximè substernitur, in plurimis brutis cuti, quam eorum multa mobilem hæc de causa habent, & muscas, aliaque insecta motu isto excutiant, ut videre est in equis, vaccis, cervis, & elephante in homine verò, excepta fronte immobilis est.

Ufus est. I. Partes vicinas munire, imò totum corpus integere, & defendere, unde apparet ejus situs, quod totum corpus ambiat. II. Pinguedinem continere, ne diffluat, aut à continuo musculorum motu liquecat. III. Vasa ad cutim abeuntia (quæ eunt inter cutim, & hanc membranam) fulcire; nam

Connectitur cuti per plurimas venas, pauciores arterias, nervorum propagines, & fibras membraneas, membranæ verò musculorum subjectis, per fibras tenuiores. Dorso firmè adhaeret, ibique crassissima est, atque propterea inde ejus originem vulgò derivant; in hominis parte anteriore colli, & fronte, à cute, & musculo lato vix separari potest; adeo adhaeret, & musculus latus constituitur putatur.

Superficies lubrica, parte qua musculos tangit, ob lentum humorem membranæ oblini solitum, ne motus impediatur.

Membrana musculorum propria est tenuis membrana, omnes, & singulos musculos investiens, eosque à se invicem, & vicinis partibus distinguens. Alii membranam hanc à periostio, à musculorum nervosis fibris oriri volunt. Hæc tenuis est, & annectitur musculo per tenuissima filamenta.

Ufus est. I. Musculos investire, & ab aliis separare. II. Eisdem sensum tactus communicare.

De Musculis.

Partes continentes huic infimo ventri propriæ sunt ossa, musculi abdominis, & peritonæum.

Ossa sunt pauca, & vasta, scilicet lumborum vertebræ quinque, os sacrum, cui annectitur os coccygis, & os ilium, coxendicis, ac pubis, de quibus alibi.

Musculi abdominis decem numerantur, membranæ propriis, & fibrarum concursu, vel situ manifestè distincti, utrimque æqualiter sibi invicem oppositi.

Primum par oblique descendens, (seu externum) ita dictum ob fibras, quæ oblique descendunt à parte superna ad infernam, totum sui lateris abdomen obvelat, cum maximum sit, & latissimum.

Oritur in pectore ex inferna parte sextæ, septimæ, octavæ, & nonæ costæ, antequam illæ in cartilaginem abeant; & oritur quidem variis principiis triangularibus, seu pinnis (juxta ferratum pectoris musculus majorem,) quæ postea in unum coalescunt. Singulis verò pinnis ex interstitiis suarum costarum singuli nervi portiguntur. Deinde oritur etiam ab apice transversorum processuum vertebrarum lumborum. Aded principium ejus latè diffusum est, videlicet à sexta costa ad imam lumborum vertebram. Desinit in abdomen medium, ubi apparet alba linea, & os pubis, & desinit quidem in latum tendinem, concurrentibus eò infinitis fibris obliquis. Est autem *linea alba* pars candicans à mucronata cartilagine per medium abdominis, & umbilicum ad usque pubis excurrent. Tendineam habet firmitudinem, & conflatur ex concursu finium tendinum musculorum abdominis, descenduntium, ascenduntium, transversorum, & pyramidalium.

Nervos, arterias, & venas ab intercostalium ramis parte superiore fortuantur.

Hi musculi duo oblique descendentes perforati sunt. I. ad umbilicum. II. ad inguina in viris, ut vasa seminalia exeant, in mulieribus, ut duo ligamenta uteri rotunda, nervea exeant, & in pudendum prope Nympham desinant.

Secundum par est oblique ascendens, seu internum habens fibras contrarii situs: proximè substernitur & figuram habet triquetram. *Principium* ejus carnosum est à costa ossis Ilii, Membranosum verò rùm à processibus transversis vertebrarum lumborum, à quibus nervos accipit, tum à spinis ossis sacri. *Fine* adnascitur carnosæ nonnihil singulis costis nothis, & veris nonnullis, reliqua verò sui parte finali paulatim abit in tendinem, & quidem duplicem: una pars supra rectos musculos vergit, altera pars infra: ut rectus quasi in vagina sit repositus, sed prope lineam albam reunitur, & in eandem inseritur.

Tertium par Rectorum à recto fibrarum ductu denominatur. Hoc validissimum est, & latitudine digitos transversos tres, vel quatuor; crassitie minimum digitum æquat.

Ab utroque latere cartilaginis ensiformis, à sternum, & quatuor costarum cartilaginibus carnosæ oriuntur, & sic rectæ descendentes, ac propè umbilicum quasi uniti, & binis, ternis, interdum quaternis inscriptionibus, quibusdam transversis, quibusdam nonnihil obliquis, veluti in plures musculos dirempti, valido, crasso, tendinosoque fine desinunt in ossa pubis. Nonnulli Anatomici eorum principium ab ossibus pubis, finem in costarum cartilaginibus posuerunt. Alii illos ex pluribus musculis conflari putarunt, eorumque principia, partim in costarum cartilaginibus, partim in ossibus pubis, fines verò, seu tendines ad eorum intersectiones statuerunt, & singulas partes inter duas tendinosas inscriptiones contentas singulos musculos esse tradiderunt. Cui opinioni non omnino abs re calculum suum concedit *Spigelius*, eo argumento præcipuè inductus, quod non tantum in superioribus partibus recipiant nervos ab intercostalibus, verum etiam in inferioribus à primo lumborum pari. Nam perpetua regula est: Omnis musculus movetur versus suum principium. Ubi autem nervus inseritur, ibi est principium musculi, atqui hic varii nervi inseruntur in eorum partes, non modò superiores, & inferiores, verum etiam illas, quæ singulis intersectionibus interjiciuntur; igitur multa sunt horum musculorum principia, quæ cum non possint esse multa in uno musculo, necessariò singuli recti musculi non constant ex uno, sed ex pluribus muscularis. Præterea, si primariam eorum actionem spectemus, illa est, ventrem fortiter comprimere, ad fecum, fœtusque expulsionem; quæ compressio non requirit, ut os sternum deorsum, vel ossa pubis sursum trahantur, sed ut illa ossa suis locis maneat, omnesque, & singulæ horum musculorum partes simul intumescant, sicque superiores cujusque partes, alias sibi ad proximas intersectiones proximas, sursum; inferiores alias sibi proximas deorsum; mediæ intersectionibus interjectæ utrimque adstantes ad se trahant.

Quæ tractiones, cum fiant à distinctis, & diversis partibus ad partes diversas, sequitur, singulos rectos musculos constare non ex uno, sed ex pluribus muscularis,

Sicut arterias recipiunt insignes ad epigastricis ascendenti-

bus,

bus, & mammariis descenditibus, sic etiam venas majusculas ad venas epigastricas, & mammarias emittunt.

Quartum par Pyramidales muscoli, incumbunt rectorum infimis tendinibus. Denominantur pyramidales à figura pyramidalis, ab usu verò succenturiati dicti, quia rectoris subsidio venire creduntur in sua actione. Nec sunt rectorum partes, sed distincti, quia membrana peculiari vestiuntur, & fibris non conveniunt cum rectoris.

Oriuntur principio carnosum, nec admodum lato ab extremo osse pubis, ubi etiam nervos recipiunt: & quando longius ascendunt, tantò fiunt angustiores, donec apice acuminato in transversum musculi tendinem desinant.

Nonnunquam hi muscoli ambo defunt, interdum alteruter desideratur, isque frequentius sinister, quàm dexter, & tunc eorum locum latior, & carnosior rectorum finis supplet.

Fallopianus vult, pyramidales vesicam, dum mingimus, comprimere ad urinæ excretionem.

Quintum par Transversi, situ infimi, oriuntur à ligamento quodam ex osse sacro prodeunte, & musculum sacro-lumbum tegente, deinde ab infima costa, & ab osse ilii. Finiunt membranoso tendine, & in lineam albam; ubique ita tenaciter perinæo adhæret, nisi circa pubem, ut sine laceratione ab iis separari nequeat. Horum peculiaris usus est colon comprimere.

Omnium musculorum abdominis est ventrem inferiorem comprimere, & sic alimentorum per vasa, & viscera impulsione, ac redundantium, & fœtus quoque maturi expulsionem promovere, atque etiam thoraci in valida respiratione, & expectoratione superias ferre; item contenta viscera ab injuriis externis defendere, & calore suo fovere, ac coctionem adjuvare.

Præter dictos musculos etiam ventris inferioris musculis accenseri possent muscoli in lumborum, & ossis sacri regione sit: verum quia illi primariò aliarum partium actioni inserviunt, ordini musculorum hujus ventris inferioris annumerari non solent.

De Peritoneo.

Omnibus abdominis musculis ablatis, peritonæum in conspectum venit, subjacens, & intestinis obductum, dictum à circumtendendo, quòd circumpartibus, quæ inter diaphragma, & crura sunt. Est autem Peritonæum, membrana viscera inferioris ventris investiens.

Est autem membrana tenuis, ac mollis, ne oneri sit; sed valida, & densa, ut laxari, & extendi possit. Crassior est in mulieribus ab umbilico usque ad pubem, ut in fœtus gestatione distendi magis possit, in viris præsertim crapulæ addictis crassior à mucronata cartilagine ad umbilicum, ob ventriculum putatur. Alii volunt peritonæum esse ex ligamentosa, & nervosa substantia; alii ex solis nervis; alii ex solis ligamentis; alii à cerebri meningibus; alii ex fibris spermaticis intertexta: intrinsecus lævis, & veluti humore oblita, extrinsecus fibrosa, & nonnihil aspera.

Figura ejus est ovalis; est enim instar vesicæ, vel ovi oblongi: nam inferiorem ventrem totum succingit, idè huic longitudine, & latitudine respondet.

A prima, & tertia lumborum vertebra improprie oriri traditur, quia eo loco crassities ejus major, & firmior connexio est. Dico improprie, quia nulla pars spermatica ab altera oritur, sed omnes ex semine originem sumunt. Connectitur etiam superius diaphragmati arctissime, inferius ossi pubis, & ilii, antèrè lineæ albæ, & transversorum musculorum tendinibus.

Est autem ubique duplex, quod tamen maximè liquet parte posteriore circa spinam, renes, & vesicam, quibus locis crassissima est, quamvis etiam parte anteriore ejus duplicatura devulsione membranæ superioris ab inferiore aliquoties demonstratur.

Perforatur peritonæum antèrè in fœtu, ubi umbilicus est; deinde supernè foramina habet, ubi diaphragmati connascitur, ad transitum vasorum. Sunt hæc tria: Primum; ubi transitus est venæ cavæ. Secundum, ubi transitus est stomachi. Tertium, ubi transit arteria magna, & nervi sextum par per diaphragma. Inferne circa anum, cervicem vesicæ, & uteri, vasaque ad crura abeuntia per peritonæum, abdominis musculos, & cutim.

Vasa, arterias, & venas accipit à vicinis diaphragma-

Musitani Opera Tom. II.

ticis, mammariis, & epigastricis, aliquando & à seminalibus. Nervos exiles ab iis, qui abdominis musculis potriguntur.

Ufus habet partes subjectas continere, & hincindè conjunctiones mittere, atque venarum orificia claudere.

De Omento.

Remoto peritonæo, statim sese offert omentum, quasi operimentum dictum, quod intestina regat. Græcis *Epiploon*, ab *innatando*, eo quod intestinis veluti innatet. Arabibus *Zirbus*; Latinis *Rete*, vel *Reticulum* nominatur.

Situm est ad ventriculi fundum, indèque intestinis instratum, quorum anfractus ingreditur, nonnullis ad umbilicum cessat, in aliis sæpè infra umbilicum protenditur usque ad os pubis, ubi inseritur, & uteri compressione mulieribus sterilitatem inducit, & in viris per ruptum peritonæum, si ad scrotum delabatur, herniam epiplocelem facit.

Per omenti substantiam plurimæ *venæ* sparguntur, & *arteriæ* à cœliaco, & mesenterico ramo; pauci verò nervi, & exigui à plexu intercostalium. Et ob venas multas, adeps multus in omento est; *eique glandula* exigua, nunc plures, nunc pauciores interponuntur.

Ufus, primò, ob adipis copiam omentum juvat, & fovet calorem ventriculi, sed fundi; nam superior pars ventriculi fovetur ab incumbente jecore, fovet etiam intestinorum calorem, tanquam partium membranarum, & exsanguium; unde omentum excisum, flatus, & ructus gignit, & pro bona coctione alia adhibere oportet, quæ ventriculum regant. Secundò, ramum splenicum, aliæque vasa ad ventriculum, colon, & duodenum euntia fulcit.

C A P U T LVIII.

De Ventriculi Anatome.

Remoto omento, mox adest ventriculus, quasi parvus venter dictus est, pars infimi ventris organica in epigastrio proximè sub diaphragmate sita; qui alimentum assumptum, dentiumque molitione præparatum, ac per gulam demissum concoquit, ex eoque meliorem alimentorum partem in succum alimentitium convertit.

Situs est ventriculus in epigastrio sub diaphragmate, nec ossibus circumdatur, ut facilius distendatur, & quidem in medio quasi corporis, & spinæ incumbit. Situat in inter duo illa viscera principalia, nempe hepar, & lienem. Pars sinistra, quæ major & ad fundum rotundior, in sinistro hypochondrio est, ut cedat hepatis, quod in dextro latere, atque ita in æquilibrio quasi sit corpus: dextram versus paulatim attenuatur, ut cibus sensim protrudatur. Ex quo fundamento scitur, dormituri conducere primum sinistro lateri incumbere usque ad coctionis absoluteionem, deindè verò dextro, secus quam vulgò putant. In sinistro verò fundus est, ubi cibus morari debet: ad dextrum enim revolutus, vicinior est exitus. Quanquam hic consuetudini multum dandum. Sinistro hepatis lobo cooperitur, ac pancreate suffultus jungitur duodeno.

Unicus tantummodò homini est ventriculus, quippe cujus cibi ferè cuncti prius in molis, & pistinis exactissime comminuuntur, ac in furnis, & ollis excoquantur, adè ut postmodum, parum laboris ventriculus inveniat, sicque unicus ipsi sufficiat; at duo sunt in ruminantibus, aliisque multis animalibus, quibus cibi duriores, & crudiores conficiendi erant, necnon in nonnullis pennatis duo sunt ventriculi, unus membranaceus, & tenuior, *Ingluvies* Latinis dicitur, recipiens alimenta, & deinde leviter cocta è ventriculo ejiciuntur in pullos, cum alias pennatorum pulli non nutrentur; alter est multò crassior, & calidior, intrus habens membranam duram, qua recipitur alimentum durum, in priore videtur materia alimentitia ad coctionem præparari, in posteriore perfecte concoqui. In nonnullis animantibus tres inveniri dicuntur, quatuor in iis ruminantibus, cornigeris, & altera maxilla dentatis: nempe venter primus, reticulum, omasus, & abomasus.

Figura est rotundè oblonga, & similis tibie utriculari, præcipue quando cum duodeno, & œsophago consideratur. Antèrè æqualiter gibbosus est ventriculus; posteriùs, dum in corpore latet, duos gibbos habet, dextrum minorem,

& sinistrum majorem: inter quos mediant dorſi vertebræ, & truncus cavæ, atque arteriæ descendens.

Magnitudo variat pro varietate ætatis, & magnitudinis corporis, cujus proportioni correspondere debet, quamvis hæc regula perpetua non est; nam varios homines proceros ventriculum parvum, & brevioris staturæ quoque varios magnum ventriculum in variis dissectionibus habere compertum est. Communiter tamen sæminis, quàm maribus minor est, ut utero crescenti locus detur, & his, qui voracitati non student, mediocris est: Gulosi, voraces, magnique bubones plurimo cibo, & potu sese infarcientes majorem habent ventriculum, cum velut corium sit extensibilis, sed quò plus extenditur, eò tenuior, & attenuatior sit ejus substantia, ut corrugari ampliùs nequeat, unde diuturna coctionis imbecillitas.

Superficies extrinseca est lævis, plana, & albicans: intrinsecus, quando ventriculus constrictus est, apparet rugosus, nonnihil rubens.

Membrana constat triplici, sive tribus distinctis membranis, quarum exterior sc. communis nuncupatur, est crassior, & à peritonæo deduci creditur. Media carnosior est, fibrisque carnosus omnis generis refertissima, quæ admirandam varietatem oculi objiciunt, modò se orbicantes, nunc obliquantes, jam rectitudinem servantes, eum, ut creditur, in finem, ut robur his partibus præster, variumque motum exercere queat, præcipuam enim eam edere operationem ex eo deprehensibile est, quòd admodum robusta, & valdè incrassata conspiciatur. Tertia, sive intima nervosior est, continua œsophagi, oris, & labiorum tunicæ, ut nihil ventriculo ingratum recipiatur, quia in ore sit cibi præparatio. Hinc quando in ventriculo bilis adest, linguæ amarities, & flavedo linguæ communicatur: contra etiam oris, & linguæ vitia œsophago, & ventriculo. Rugosa est hæc tunica, ut dilatari, arripere, & complecti cibos meliùs possit. Rugas verò habet ob crustam carnosam sibi adhærentem, ut meliùs ab ingestis durioribus defendatur, vel ne exesione à succis acerbis patiatur. Medium spatium inter anteriorem tunicam, & mediam multis minutissimis glandulis miliaribus est conspersum.

Distinguitur in fundum, & duo orificia, dextrum, & sinistrum.

Sinistrum, vulgò superius dictum, proprio nomine *Stomachus*, vel *os ventriculi* appellatur, & œsophago, ac diaphragmati, circa undecimam thoracis vertebram, è regione cartilaginis ensiformis continuum, alimenta deglutita admittit, & dicitur appetitus sedes. Orificium hoc majus est, crassius, & amplius, ut etiam cibum durum, aut etiam semimanſum admittat. Veteribus cor dictum fuit, quia ejus affectus animi deliquia, aliaque symptomata cardiacis similia gignunt, tum ob exquisitissimum sensum, tum quia cor condolet per consensum, & vicinitatis, & nervorum ab eodem ramo prodeuntium, fibras circulares carnosas habet, ut orificium claudat ab assumpto cibo, ne sumi ascendant, cerebrum petant, & morbos generent, & ita perfectior fiat coctio. Ita illud quasi ollam operculo ad retinendos fumos tegimus; Item ne vario decubitu alimenta in os regurgitent. *Helmontius* in stomacho, tanquam in centrali puncto, atque radice principium vitæ, & animæ sedem collocat.

Dextrum orificium, vulgò inferius, propriè *Pylorus*, seu janitor nominatur. Angustius est, & clausum manet, & cibi coctione absoluta, aperitur. Interdum aperitur inter primum, & reliquos vomitus, quando ex intestinis aliquid ascendit. Et revera apertum esse etiam noxiis humoribus, cholera testantur, fluxus alvi alii, miserere mei, & alii affectus ultro citròque per pylorum tranſeunt. Et nonnihil reflexum, & fibras transversas habet, circumlumque crassiorem, musculi orbicularis forma præditum, instat musculi sphincteris, ac intestino duodeno conjunctum existens, ingesta concocta alimenta ad intestina demittit.

Ventriculus fibras habet triplices, rectas, obliquas, & transversas ad visceris robur, facilemque retentionem, & expulsionem.

Ventriculus nervos, arterias, & venas recipit,

Nervos recipit à sexto pari, ad orificia geminos, à ramis, qui, quia molles, & longum iter conficiunt, membranis robustis obducti sunt. Et ita se interfecant, ut obliquè, adeòque tutius ducantur. Dexter oris ventriculi partem anticam, & sinistram cingit, sinister posticam, &

dextram. Quia ergo ita otificium involvitur nervis, ac si ex solis nervis compositum esset, hinc valdè sensibile est hoc ventriculi orificium: nam ibi sedes appetitus, & fames animalis esse debuit: quemadmodum partem eam contrahi, & quasi corrugari sentiunt valdè esurientes. Rami nervorum ex his quoque deorsum mittuntur ad fundum usque. A sinistro verò abit propago secundum supremam ventriculi sedem ad pylorum, quem aliquot ramis implicat, & jecoris cavum accedit. Alii etiam duo nervi adeunt ventriculi fundum à ramis juxta costarum radices ductis. Quamobrem mirum non est, quòd percusso, & affecto cerebro, ventriculus turbetur, & vomitiones fiant, maximè in hemicrania. Atque vicissim malè affecto ventriculo, cur animalis facultas langueat.

Arterias recipit ventriculus à ramo cœliaco arteriæ magnæ, ejusque cum dextra, tum imprimis sinistra propagine, quas nonnulli in gravibus sanguinis vomitibus referari arbitrantur.

Venas suas habet partim à venæ portæ trunco, partim à ramis ejusdem tam dextro, nempe mesenterico, quam sinistro videlicet splenico, venæ autem, atque arteriæ peculiariter ventriculo propriæ vocantur gastricæ, communes verò eidem cum omento, gastro epiploicæ; vena itaque gastrica dextra, alias pylorica nominata ob ejus præcipuum flexum ad inferius ventriculi orificium, oritur à trunco venæ portæ: vena gastrica major deducitur à ramo splenico, quæ superiorem ventriculi regionem, orificiumque ejus superius more coronæ circumdans coronaria nuncupatur, & surculis aliquot cum pylorica coit; gastricæ pariter venæ minores, necnon vas breve, seu vena brevis, modò intra, nunc extra splenem à splenici rami superiore traduce versus ventriculi fundum protensa: ac tandem vena gastro epiploica sinistra ab inferiori splenicæ venæ surculatu exordiens, partim levorsum ad ventriculi fundum, partim ad omentum distribuitur. Vena gastro epiploica dextra à ramo mesenterico exurgens consimili quoque modo dispartitur, cum ad ventriculi fundum antèrius, & posterius, tum ad omentum, sinistraque gastro epiploicæ itidem inosculatur.

Pseudo-chymici, quos ex *Galenicis* quamplurimi sequuntur, tradiderunt à liene per vas venosum breve acidum quendam succum, vulgò excrementum melancholicum, quod transmutari non potest in liene, in ventriculum deferri, ut acida sua vi cibi appetentiam seu famem, simul ventriculi coctionem promoveret, cibosque justo tempore morari faceret. Verum hujus doctrinæ falsitatem autopsia in vivorum animalium sectionibus ostendit, ad ventriculum, sed continuè sanguinem à ventriculo ad ramum splenicum defluere. Quippe ligatura vasis venosi brevi injecta, mox apparet intumescencia inter ventriculum, & ligaturam, detumescencia verò inter ligaturam, & ramum splenicum. quod certum indicium est, sanguinem ita fluere, ut jam dictum, eumque vix unquam ad lienem pervenire, (ingressus enim vasis venosi in ramum splenicum plerumque nonnihil distat à liene) neque ingredi lienem, sed in ramum splenicum effundi, per eumque recta ad portam deferri. Præterea jejuni ventriculi aciditatem non continent, sed tantum dum cibis sunt repleti, à quibus aciditas producitur; nam si à liene illam sugerent, adhuc jejuni acidum eructarent.

Usus ventriculi est cibi, & potum recipere, per accidens verò multa præter naturæ institutum continere, & generare, quod fit ob cavitatem ejus insignem, & amplam, ut sunt lapilli, & lumbrici. Fabulosum, quod *Salazarus*, de infanie in ventriculo, & concepto, & formato, perque os deindè excluso scripsit, censemus.

Ventriculi actio apud omnes Medicos est ex alimentis assumptis præparatis, & coctis, lacteum succum, pitæ cremoni non abſimilem, chylum vulgò dictum, pro animantis nutritione sequestrare: atqui nos in nostra *Trutina Medica lib. 4. cap. 1. De Ventriculi actione*, Asiaticè vindicandum duximus hominum mentes ab hujus rei præjudicio multifariam. I. Namque multis rationibus, atque experimentis talem chylicationem fieri non posse conjecimus. II. Nullas usque adeò repertas fuisse vias, per quas chylus ad hepar, vel cor vehi possit, demonstravimus. III. Quod de hac re nos sentimus, & quo pacto ciborum essentia corporis sustentationi cedat, apertum fecimus.

C A P U T LIX.

Curatio.

De Ventriculi Vulneribus.

Ventriculi vulnera trutinanda aggredimur, quæ tantò periculosiora sunt, quantò partis actio est ad vitam necessaria, est namque coctionis officina, & omnium membrorum coquina, quæ toti familiæ appropriatum impertitur alimentum, ideòque de eo maxima habenda est cura; eapropter singulæ corporis partes ejus servitio sunt addictæ, & per victum pugnant, imò aliquorum est *Deus*. In omnibus itaque sibi vendicat primam, id non ægre nobis tribuunt, qui probè norunt quantam utilitatem ab ejus incolumitate, & integritate tota animalis capiet œconomia: contrà verò ab ejusdem imbecillitate, solutione, aut destructione, quarta afficiatur noxa. Nulla est toto in corpore pars, quæ unà non patiatur; caput namque torpet, oculi caligant, aures obsurdescunt, cor deficit, genua titubant, manus, & pedes enervantur, totumque corpus sensim languescens, pallore, & tabo afficitur, & nisi tanto malo maturè succurratur, jam de animalis vita conclamatum est.

Signa.

Si ventriculus profundiori vulnere confossus sit, simul adsunt tormina, singultus, & biliosi insequuntur vomitus; cibus, & potus assumpti vomitu rejicitur, vel ex vulnere effluunt. Ventriculus vulneratus nec cibum appetere, nec continere, nec rectè concoquere potest. Adest sputum, vel vomitus sanguinis, & dolor in ventriculo percipitur. Si superius ventriculi orificium vulneratum sit, inflammatio, febris, delirium, crebra animi defectio, syncope, sudores frigidi, & alia mala accedunt.

Causa.

Vulnere ventriculi causæ sunt externa instrumenta, ut cultri, pugiones, enses, tela pungentia, scindentia &c. per abdomen violenta manu in ipsum ventriculum ita intrusa, ut ejus continuitas dissolvatur. Vulnere hæc vel à parte posteriori, vel anteriori infligi solent, aliqua sunt superficialia, alia verò profunda.

Prognosis.

Ventriculus estò non sit pars princeps, est, tamen nobilis, cui in alimentorum præparatione primæ partes demandatæ sunt, ac proindè ejus qualescumque graves morbi admodum periculosi habendi sunt, & vulnera ab *Hip. 6. aph. 18.* meritò lethalia statuuntur, quia in hac parte membranosa ægerrimè sanantur, & circa stomachum incidunt, propter nervorum ibi insertorum copiam convulsionibus, & singultibus continuis agros occidunt: Si verò partem inferiorem ingesta alimenta mox per illa effluunt in abdominis cavitatem, illic alia viscera brevi corruptura, plura tamen exempla novimus ventriculi vulnera sanata fuisse; verùm ut vetum fateamur inter rarò contingentia illa referenda esse existimamus. Verumenimverò semper hæc vulnera suam patiuntur exceptionem, undè considerandum, qualia sint vulnera, an scilicet superficialia, an penetrantia, an circa superius orificium, an verò circa fundum. Superficialia, & saltem exterior tunica si vulnerata sit, non desperandum. Si totum ventriculi corpus sit perforatum, periculolum, & lethale malum est: ventriculus enim membranofus est, & primæ coctionis summopere necessaria officina. Si superius ventriculi orificium vulneretur, exigua sanationis spes affulget, cum ea pars exquisito sit prædita sensu, & medicamenta ibi non morentur, & præterea cibus & medicamenta transeuntia dolorem excitent. Non tam periculosa sunt ea vulnera, quæ in ima ventriculi parte inferuntur, dummodò in hac parte ventriculus non sit perforatus, quia substantia ista carnosior, crassior, atque non tam membranacea est, & medicamenta eo in locis subsistunt, & hinc facilius sanari possunt. Quandoque si hæc vulnera non perimant, in ulcera transeunt.

Ventriculi vulnera naturæ negotio committenda esse censent vulgares, verùm nos non negamus in hisce, & aliis vulneribus tam cæsum, quam punctim illatis, potissimas esse naturæ partes, & alios morbos curare posse, quæ interdum etiam id præstat, quod penè impossibile videbatur: attamen quando languet, semper collatis auxiliis quibus ipsa gaudet, quantum fieri potest, adjuvanda est, ut facilè opus perficiat. Si totum naturæ opus committet chirurgus, de vulnerati vita actum erit.

Si sanguis confluat ad ventriculum, & inflammatio metuatur, venam aperiendam ad virium tolerantiam instituunt, sed perperam faciunt; nam vitæ thesaurum exhauriunt, vulneratum enervant, & ægrum sæpè morti dant. Si cacoehymia adsit, ad vitiosos humores eliminandos purgantia præscribunt; cæterùm in hisce vulneribus semper suspecta sunt, quia per hæc non tantum optimi, & nutrientes succi exhauriuntur, verùm vitiosi humores ad locum affectum trudentur, fibrillæ simul nervæ undecumque convelluntur, irritantur, contorquentur, unde sæpè dolor, inflammatio, convulsio, & id genus plura excitantur symptomata.

Si vulnus non sit penetrans, totum opus naturæ committunt; si verò penetret, & sit amplum, illud consuunt, in inferiore tamen parte relinquunt quoddam ad puris exitum foramen, cui turundam immittunt, ipsum ventriculi vulnus aliquantisper saltim extra tegentem, sed non ingredientem, & medicamentis sarcoticis illitam *Syr. de ros. siccis, pulvere sang. dracon. bolo armeno, & mastiche*. Vel sequenti unguento, ut

℞. Ol. abietini ℥. j. mastiches ℥. ij. manna thuris ℥. ij. radic. tormentillæ, consolid. maj. ana ℥. j. lumbric. terrestr. num. v. vini alb. austeri ℥. ij.

Coque ad vini consumptionem f. linimentum. Vel illiniatur *terebinthina cum oleo hyperic. & vitello ovi unius mista f. linimentum*. Optima sunt hæc medicamenta, sed si hæc, vel sanguis, vel ingesta alimenta in abdominis cavitatem defluant, extrahi non possunt, & brevissimo tempore corrumpantur necesse est, & mors fores pulsat.

Propinant *Syr. myrtinum, de ros. siccis cum decocto equiseti, pilosellæ, & radicis consolidæ*: quibus quandoque addunt *trochiscos de terra sigillata, de carabe*. Vel exhibent parùm, & sæpè *conservam rosarum rubrarum*. Extinctis abdomen inungunt *oleo rosaceo, & chamamelino, ac mastichino*, & ipsi vulnere *emplastrum barbarum* imponunt.

Pro ventriculi vulnerum curatione maxima diætæ ratio habenda est, quæ optima institui debet, & eò potissimum respiciendum est, ut acidum in ventriculo temperetur, & si possibile sit, planè auferatur. Aer itaque sit temperatus, & frigidus angue pejus fugiatur. Victus sit tenuis, & parçissimè æger edat, ne ventriculus cibi ubertate gravetur, & distendatur, sed corrugatus maneat, & sic facilius conglutinetur. Cibi verò ipsi sint in parva quantitate, qui magnam alendi vim habeant; sint boni succi, coctu faciles, & in potionibus vulnerariis coquantur, vel vulnerariis, & balsamicis condiantur. Malè feriat *Galenista*, ne ventriculus cibo oneretur, & æger sustentari possit, clysteres nutrientes in usum deducunt, quibus aliquid nutritimenti ad hepar per venas meseraicas ineptè transferri credunt. Pudendum Medicorum præsidium, & belluinum remedium, in una ex illis civitatibus, quas ultor ignis combussit inventum. Clyster nunquam propter valvulam ad ileon intestinum ascendit, & injecti liquores stercore ibidem reperto se commiscunt, deinde patribus infunduntur, quibus proprium est cuncta in sterco mutare. Quòd si post bihorium rejiciantur, sterco olent, nec unquam auditum fuit quempiam per podicem nutritum fuisse; ideòque nullatenus in alimentum transire possunt, nisi in stomacho primam susceperint digestionem, quæ alibi non reperitur. Potus sit ventriculo gratus, & hoc non nimium repleatur, imò cochleatum potionum vulnerariarum bochetum propinetur, ab acidis abstinendum, quia ventriculi vulnus immediatè tangeret id, quod vulneribus hostile est. Nec porus frigidus hauriatur, quia frigus vulneribus inimicum.

Quantum frigidus potus bibentibus noceat, & periculi secum afferat, cunctis notum est, unde *Hip. aph. 51. sect. 2.* inquit; *Plurimum, atque repente calefacere,*

vel frigefacere; periculosum. Cum igitur in magno æstatis ardore corpus plurimum ferveat; periculosum esse videtur illud subito, & de repente glaciale potu refrigerare; sanguis enim cum cæteris æstuans succis, statim à frigore coagulatur, & coagulum illud in hac, aut illa parte imperium sibi rapiens, & sedem figens, varios producit effectus, ut patet plurimis eorum exemplis, qui ex huiusmodi potu in gravissimos inciderunt morbos, quorum non paucos ipsimet vidimus, & curavimus. Non negamus potum mediocriter frigidum in regione, & tempestate fervida usurpari posse ab iis, qui in juvenili ætate sunt constituti, calidiori præditi temperatura, qui viscera calida, & robusta obtineant, & huiusmodi potui sunt assueti, ac plurimum se exercent. Aliis vero qui in occidua, aut puerili ætate constituti, debilia habent viscera, vel obstructa; pituitoso, vel melancholico temperamento sunt præditi, plurimos excrementitios habent humores, vitam agunt desidem, paucio exercitio, & plurima utuntur Venere, nocentissimus est. At hac nostra tempestate in tota forè nostra Italia adeo perversus aquæ, vel vini, imò potum sorbet, & chocolatis nive, vel glacie ad summum refrigeratum bibendi mos invaluit, ut non solum in aulis, sed etiam in pauperum raderis solempnis esse soleat, verum numerosum gelidè bibentium agmen futura se submitunt cladi, nec occiduam attingunt ætatem.

Motus, & quies non excedant limites, sed quies magis confert, & vulneratus in latere sano decumbat. Somnus, & vigilia ad mediocritatis regulas redigantur. Alvus sit libera. Animi passiones tranquillitatem servant.

Ventriculi vulnera, ut aliarum partium nobilium curanda sunt, idcirco de his maxima cura habenda est, constat namque partibus membranosis, glandulosis, & nervosis, unde ejus vulnera semper perniciofa sunt. Si igitur ejus vulnera ad interiorem ventriculi cavitatem usque penetrant, mortifera sunt, tunc lassa ventriculi pars ad ventris vulneratos musculos attrahi debet, & una, eademque futura ventriculi lacerata partes cum cute simul, musculisque contrahantur, & confluantur; attamen confusio cum profectione fieri debet, sed exiguum relinquatur foramen pro turundæ insertionem, quæ ventriculi vulnus non intret, sed exterius tantum attingat inungi vero debet balsamorum balsamo n. d. vel balsamo artificiali, Samaritani, vel proprietatis, & omnes partes confusæ eodem medicamento inungantur, & superponatur emplastrum stipticum, vel oppoteldoch, quæ omnia calidè applicanda sunt.

Internè propinentur potiones vulnerariæ ex scordio, tormentilla, alchimilla, stellaria, pirola, flor. hyperici, radice consolide, vel pimpinella patatæ, quæ edulcorari debent Syr. de symphyto, vel de hederæ terrestri, & fortificari magisterio oculor. cancr. vel instillantur aliquot gutta balsami Peruviani, vel tincturæ hyperici, vel dentur in jussulo. Si febris adest, propinentur diaphoretica pluries recensita, cum sanguine hirci, vel spermate Ceti, ut succorum circulatio promoveatur.

C A P U T LX.

De Intestinis.

Intestina, Latinis interanea, Græcis antera, barbaris chordæ, undè fides quoque, quia fiunt ex arescentibus intestinis, chordæ dicuntur. Sunt corpora oblonga, membranacea, concava, teretia, variè circumgyrata, continuata cum pyloro ad podicem usque.

Tantæ intestina longitudinis sunt, ut sexies, plus minus, superent, vel æquent longitudinem hominis, cujus sunt. Hip. illa duodecim, vel tredecim cubitorum. Vesalius quatuordecim ulnarum Italicarum cum dimidia longitudinem habere scribit, sed certa mensura definiri nequit. Gyros acceperunt, sive anfractus, & convolutiones, exceptis principio, & fine, ne ingressus, & egressus impeditur. Et gyros quidem habent in hunc usum I. Ne alimentum statim elaboratur; nondum perfecta, coctione. II. Ne nondum absoluta spirituosæ partis separatione, si statim elaboretur, aliud mox alimentum assumere cogemur, & ita ob voracitatem à negotiis impediremur. Hinc animalia, quod rectiores à ventriculo ad anum habent ductus, eò gulosiora sunt: quod convolutiores, eò continentiora. III. Ne crebrius deji-

cere alvum necesse sit, ut in animalibus voracibus patet, quandoquidem in anfractibus illis diu excrementa delitescere possunt.

Sita sunt in infimo ventre, cujus majorem implent cavitatem. Connectuntur per mesenterium, quo & omenti interventu colligantur dorso, & in ossis ilei cavitatibus fulciuntur.

Substantiam habent membranosa, seu ventriculus, ut distendi possint à ciborum reliquiis, & flatibus. Sed crassior est substantia in crassis, & quanto magis ad finem vergunt, eò crassiora fiunt, ut finis coli, & rectum intestinum. Hæc substantia membranosa triplici constat tunica, prima extima, sive communis cum peritoneo, pinguedine mesenterii exuberanter ditata, idque ut putatur ad conservandum calorem; Secunda media carnosæ, fibrisque variis præcipuè orbicularibus conspicua; Tertia verò intima nervosa, & rugosa, quæ rugositas inservire creditur ad promptius complectendum, & remorandum putativum chylum, aliàs per planum æquò celerius delapsurum ad hæc mucilaginem quadam hæc intima intus gaudet ad sese tutandam adversus omnem acrimoniam.

Cæterum adnata commemorata extimæ tunica pinguedo in venalibus extis semper intima conspicitur, eò quod laniones in repurgandis intestinis ea invertunt, ut intimior pars foris à fæcibus, & fæcore per abluionem mundari possit; insigniter itaque quidam scriptores medici decepti sunt, putantes intestina naturaliter intrinsecus pinguedine obduci, eamque in dysenteria abradi. Quid sit illud mucosum, & album, quod opipare in dysenteria excernitur, uberrimè diximus in *Trutina lib. 4. cap. 11. De Diarrhea, & Dysenteria.*

Porro intestinis inserta sunt vasa numerosa: venas enim suscipiunt multiplices tam à dextro, quam sinistro ramo mesenterico venę portę; arterias itidem à mesenterica superiori, & inferiori; nervos autem à plexu mesenterico sexti paris.

Intestinatorum usum ex antedictis satis patet hunc esse, ut non solum alimenta in ventriculo cocta recipiant, sed horum in illis separatio fiat utilis ab inuili propulsio, & ex iis inutilioris per podicem expulsio.

Hæc autem propulsio, & expulsio imprimis peragitur pressione muscutorum abdominis, quæ plurimum adjuvatur intestinatorum exiguo proprio motu, procedente ex contractione fibrarum, quas in propriis tunicis habent, qui admodum conspicuus est in felibus, aut cuniculis vivis dissectis. Hunc autem fibrarum motum aliquo modo obliquis, sed præcipuè à transversis fibris peragi, ab iisque contenta à superioribus versus inferiora depelli certum est. Qui motus dicitur *Peristalticus*, in quo intestina undanti quodam motu hircinorum, lumbricorum, aliorumque reptilium instar cieri videntur, & sæpius hos motus in limacibus terra repentibus curiosè observavimus. Verum si hic motus aliquandò invertatur, quod rarè contingit, & fibræ sua contractione intestinatorum contenta, ab inferioribus incipiendo versus superiora moveant, tunc etiam stercorea à crassis intestinis sursum acta in ventriculum ascendant, & vomuntur, imò clysteres, glandes, & suppositoria sursum rapiuntur, & vomitu rejiciuntur, sed de hoc morbo egimus in nostra *Trutina lib. 4. cap. 13. De Iliacæ passione.*

Et si à pyloro ad podicem usque tantum unus continuus ductus sit, tamen quia variat hic ductus magnitudine, numero anfractuum, substantia, situ, figura, & officio, dividuntur intestina in *tenuia*, sive gracilia, & *crassa*, seu ampla.

Tenuia intestina ob membranarum tenuitatem, ita dicta, sita sunt partim supra partim infra umbilicum; adeoque umbilicalem regionem juxta, & hypogastrium occupant, secus quàm in canibus.

Unde veteres canum exemplo, tenuia vocarunt superiora, crassa inferiora, quod in homine falsum est; nam in eo plus est ex crassis supra umbilicum, & plus ex tenuibus infra, cum id quod longius, sit infra jejunum, quod breve, supra. Atque ita omnia tenuia in media regione sunt, circa umbilicum: primò, quia nobiliora; secundò, ut viciniore sint mesenterii centro, idcirco proximè à mesenterio venas, & arterias capiant, sanguinemque citò hepatis advehant.

Sunt tenuia intestina tria; *Duodenum*, *jejunum*, & *Ileon*. Crassa dicuntur, quia crassiores habent tunicas, & etiam sunt tria: *Cæcum*, *Colon*, & *Rectum*.

Primum tenue intestinum, pyloro continuum, Græcis *Dodeca-*

Dodecadactylon, Latinis *Duodenum* nominatur, à duodecim digitum transversorum mensura, quamvis illud vix quatuor digitorum longitudinem habere doceant Anatomici: verum si à pyloro ad intestini jejuni inflexionem usque, quo loco transversim sub pancreate jacens, sursum assurgit, mensuratio fiat, duodecim digitorum longitudo reperietur.

Situs ejus est in dextro latere sub hepate, ac cum pancreate connexio, crassioris quidem cæteris tenuibus est substantiæ, at angustioris cavitatis, præsertim versus pylorum, amplioris nonnihil versus jejunum, & circa inflexionem ductus cholidochi, & pancreatici, ubi aliis tenuibus amplius & latius est. Ductus ductus cholidochus extremitate sua porum constituit bilarium, qui, eundem in modum ac ureteres intra membranas vesicæ urinariæ, inter duas hujus duodeni membranas aliquantulum deorsum protenditur, antequam foraminulo desinat. Eodem loci quoque ductus Vvirsungianus pancreaticus peculiaris sui exitus foramen habet prope commemoratum porum bilarium, attamen ut plurimum ab eo distinctum, quamvis interdum in unum coaluisse osculum deprehendatur.

Venam propriam duodenam habet, *Arteriam* à dextro cæliacæ ramo. Nervos exiguos à stomachicis.

Pro duodeni usu animadvertimus, ut in nostra *Trutina lib. 4. De Ventriculi actione*, quod non omnis spiritus æthereus, qui in ciborum massa latet, per fermentationem in ventriculo educitur, sed illa portio, quæ ad motum promptior est, nam altera illius pars, quæ in compactioribus materiæ partibus profundius latet, inter illas remanet, quæ, quia sæculenta, ignava, & viscida est, cum non sit de ventriculi indole, corrugatione ejus fibrarum per pylorum in duodenum exprimitur.

Verum quia sensitivorum vita altioris est indolis, quam vegetabilium vita, dum illa integra est, & aliquo impedimento non urgetur, non quiescit; nisi ab ingestis cibis vegetabilium vitam, sive essentiam omnino emungat, sibi subijciat, & eorum cadaver adeò immutet, ut in excretis, neque vix ciborum ingestorum signum remaneat. Unde postquam sæculæ ex fermentatione residuæ sub pyloro descenderunt spiritibus à ventriculo depauperatæ, motum fermentalem ex se ipsis excitare non potuerunt; propterea remansissent partim mutatæ, & partim immutatæ, si tali inconvenienti à generationis principio non consulisset natura, construendo scilicet fellis folliculum sub hepatis cavo, in quo amarissimus liquor producetur, ad hoc ut ejus portio per ductum bilarium in duodenum fluere. Unde ciborum reliquiis se immiscet, & tali menstruo in liquorem resolvuntur. Hinc reliquus æthereus spiritus, qui antea in centro ligabatur, ad superficiem evocatus, ob talem materiæ dissolutionem se movet, & in intestinorum membranas, seu glandulas miliares se insinuat, non secus ac altera pars in ventriculo se insinuavit. Quod omnino sæculentum est, & à specificis ciborum qualitatibus penitus liberatum, paulatim transcolando in intestinum colon, in fæces crassescere incipit, ut per inferiora intestina foras deturbetur.

Secundum *jejunum* dicitur, quod in duodeni fine incipit, dicitur jejunum, quia plerumque vacuum invenitur propter pori bilarii in duodeni fine ingressum, qui proximè bilem influens promptiorem excitat, imò præcipitat expulsionem. Hoc longitudine duodecim, vel tredecim palmos, latitudine digitum circiter adæquans, multis gyris intortum, sub pancreate prope spinam in umbilicali regione, imprimis versus sinistram latum situm est.

Venas habet à dextra mesenterica, reliquis etiam intestinis, communes. *Arterias* à mesenterico superiore. *Nervos* à sexti paris ramo, qui costarum radicibus exporrigitur.

Tertium à prædicto incipiens, *Ileon*, & volvulus à circumvolutione, ac gyrorum multitudine dicitur. Hoc sub umbilico ad Iliam, & coxas utrimque situm, digiti transversi latitudinem obinet, ac longitudine reliqua duo multum superans, viginti unum, aut duos circiter palmos adæquat. Ejus principium est, ubi intestinum incipit esse angustius, & paulò rubicundius. In hoc intestino ciborum reliquiæ crassescere incipiunt. Ileon hoc frequentius in scrotum delabi potest, unde hernia intestino volvulus fit, sive Iliaca passio, in qua vomitus ut plurimum stercoris est.

Primum crassum intestinum dicitur *cæcum*, ita dictum, vel ab obscuro usu, vel quod altero fine pervium non sit. Est autem appendicula parva instar oblongi vermis, coli principio adhærens, longitudinis circiter quatuor digitorum transversorum, exiguam cavitatem, in adultis plerumque vacuum, sed in fœtu excrementis repletam habens. Non annectitur mesenterio, sed mediante peritoneo laxè jungitur reni dextro. Hujus usus hætenus incognitus fuit, quamvis hunc, alii alium usum per inanes potius conjecturas adscribere, quam in hac parte ignorantiam suam confiteri maluerint.

Secundum crassum est *Colon* intestinum, ita dictum tanquam cavum, quod inter intestina hoc maximè sit cavum, & ventrem efformat: vel à retardando, quod in cellulis transeuntes remoretur fæces: vel à torquendo, quod in eo fiant tormina colica: vel à colando, quia angustum est ad modum colatorii, & involutum, ut fiat gradatio fæcum, ne simul tota descendant. Hoc cæteris multò amplius, & latius est, octo, vel novem palmorum longitudinem habens.

Incipit circa os ilium dextrum, proximo ibidem reni se jungens, hinc sursum assurgit, & facto sub jecore flexu, transversim sub fundo ventriculi (cui mediante omento annectitur) pergit, & à sinistris lien, renique sinistro tenuibus membranarum adhæret; atque circa os ilium sinistrum, facto flexu, recti intestini principium orditur. Circa jecur verò à transudante per folliculum fellis bile, plerumque luteo colore tingitur, atque hinc excreticem ejus facultatem stimulari à nonnullis creditur.

Superiora autem ventris occupat. I. Ut fæces paulatim in eo collectæ sua gravitate facilius deorsum volvantur, & excernantur. II. Ut coctionem ventriculi nonnihil fæcum calore adjuvet, quippe chymici nullam digestionem magis naturalem judicant, quam quæ fimi calore perficitur. III. Ut fæcum gravitate medium mesenterium non comprimatur, & vasa angustientur.

Longum est communiter palmas octo, vel novem latissimum verò, & amplissimum omnium. Vinculum habet proprium, digiti medii latitudine, secundum ejus longitudinem parte superiore, à cæco usque ad rectum intestinum exporrectum, quo cellularum ordo continetur.

Ad coli initium apponitur valvula crassa, membranosa satis, & orbicularis, sursum spectans, regurgitantium fæcum, flatuumque obstaculum, & hodiè dicitur vulgò Bauhini valvula. In hujus valvulæ descriptione non conveniunt Anatomici. Nonnulli scribunt illam esse membranam ab uno latere intestino adhærentem, idque corinæ instar claudentem. Alii duas esse membranas sibi invicem oppositas, quæ ad invicem concidentes intestinum ocludunt. Alii non esse veram valvulam, sed circulum carnosorem circumjectum, idque instar muscoli sphincteris contrahentem. Verum si illius examen attentius instituitur, satis liquebit, illam nihil aliud esse, quam membranam laxam circularem, & quasi propendiculam quandam intestini ilei colon ingredientis, quæ cum aliquid ex ileo descendit in colon, cedit & aperitur; sed è colosi stagnantes fæces, aut flatus ad ileum tendant; concidit, ac complicatur, sicque viam obstruendo, transitum versus intestina tenuia impedit. Hinc clysterum materia ad tenuia naturaliter pervenire nequit.

Usus est, ut in colo crassiora excrementa, seu fæces coacerventur, & ad excretionis usque tempus contineantur, cum turpe, & molestum homini fuisset, si continuo defluisent. Hunc in finem amplam capacitatem adeptum est plurimasque cellulas, fæcum remoras, obtinuit. Quia verò totum ferè abdomen circumdat, & modò ascendit, modò descendit, hinc deiciendæ fæces tardius defluunt, & in alvi exoneratione non confestim, sed duabus, tribusve vicibus deturbantur.

Venas & Arterias habet colon sub ventriculo ab epiploide postica: sed in sinistro latere hæmorrhoidalem venam, & mesenterica inferiori, hæmorrhoidalem arteriam.

Tertium, & ultimum crassum est intestinum *Rectum*, quod in coxarum antrum declivè recto ductu descendens, in anum desinit. Unius, & dimidii palmi longitudinem, ac circiter trium digitorum latitudinem habet; crassitie verò, ac carnositate omnia intestina superat, extrinsecus pinguibus appendicibus donatum. Ossibus sacro, & coccygis; mediante peritoneo, adhæret, atque in viris penis urethræ, cervici uteri in mulieribus, mediante musculosa substantia connectitur. Unde magnus harum par-

partium consensus in viris, & mulieribus; præsertim in his uteri, & intestini, nam intestino exulcerato, sæpè excrementum per pudendum ejicitur.

Ano suis radicibus implantantur venæ hæmorrhoidales duplices: quarum internæ ut plurimum ad sinistram, rariùs ad dexteram mesentericam, interdum ad ramum splenicum ascendentes, in portæ venam sanguinem effundunt: externæ verò ramum Hypogastricum ingrediuntur. Venas comitantur arteriæ, partim à ramo mesenterico inferiore, partim ab arteria hypogastrica procedentes. His nervi quatuor ejus extremo infertuntur, ab extremo spinalis medullæ derivati, qui huic intestino acutum sensum inferunt, ut in tenesmo videre est.

Finis ejus, *Anus*, seu *Podex* dicitur. Tres habet musculos. Primus *Sphincter* dicitur, vel ani constrictor; orbicularis circumjicitur ano annuli satis lati instar, ita ut licet pars ejus aliqua in fistulis, vel aliis affectibus abscindatur, non idè totus ejus usus penitus tollatur. Oritur ab inferioribus vertebrae ossis sacri, & fibris transversis circumjicitur longo ani spatio. Connectitur anteriùs. Primo Vesicæ meatui per fibrosos nexos. Secundò Peni, cujus musculus dat originem. Tertiò collo uteri. Posterius ossi coccygis subjecto. Ad latera per ligamenta ab osse sacro in os coxæ producta. Usus est constringere anum, ne nisi volentes faeces excludamus. Idè resolutus, vel aliter læsus, facit faeces, invitis hominibus, excidere: sicut læso vesicæ sphinctere, lotium involuntariè effluit. Reliqui duo *Levatores* nominantur, qui ab ossium coxendicis, & sacri ligamenti orti descendunt distincti ad sphincterem, eique insertiones suas commiscunt, ut unum per excretionem depulsum sursum retrahant. Hi musculis quacumque de causa nimium relaxatis, fit ani procidentia, seu intestini prolapsus.

De Mesenterio.

Mesenterium à situ nomen desumpsit, quia est in medio intestinorum, non quasi medium intestinum sit, sed ut intestina instar circuli, & in orbem complectatur, colligat, & vestiatur.

Unum est, attamen à nonnullis dividitur in *Mesenterium*, seu mesenterium, & *Mesocolon*. *Istud*, quod in medio ventris est, & intestina tenuia connectit: hoc quod colon annexit in dextro, & sinistro latere, & parte infima recto intestino adhæret.

Constat membrana duplici, & valida, peritonæo continua, inguedine undique effracta. Præter has, tertiam mediam, eique propriam, modò dictis paulò crassiorem, ipsaque vasa, & glandulas in se suffulcientem habet.

Magnitudo ejus à centro ad periferiam est spithama: longitudo autem, & circumferentia trium ulnarum.

Figura verò ferè circularis est; cujus circumferentia in plicas innumeras contrahitur, ut intestinorum longitudinem, ac volumina coarctet, eorumque convenientem situm, & ordinem contineat. In medio amplum est, in lateribus oblongum, præsertim in sinistro, ubi ad rectum intestinum descendit. Ejus verò crassities ingens est in obesis, aucta largiter pinguedinis mole, in aliis tenuior existit.

Oritur à ligamenti vertebrarum lumborum, quibus validissimè alligatur gemina quasi radice, una majori, qua primæ vertebræ; altera minori, qua tertiæ vertebræ adnascitur, progreditur deinde in intestina, in quæ terminatur.

Glandulas habet mesenterium plurimas exiguas, & molles, membranæ interjectas, ac secundum vasorum diversitatem, maxima horum est una in centro, ubi prima vasorum sit distributio, qua scirrhus laborante totius corporis marcor succedit. Harum glandularum usus est. I. Distributiones varias ramorum venæ portæ, & arteriæ magnæ fulcitæ. II. Humectare intestina. III. Ex intestinis redundantem humiditatem absorbere.

Absurdam opinionem de his glandulis concepit *Riolanus lib. 2. Anthropog. cap. 15.* quippe statuit earum ratione in mesenterio esse strumarum radicem, ac fundamentum, nec ullas strumas unquam foras erumpere, nisi mesenterium strumofum facit: quam opinionem *Tomo 1. cap. 44. De strumis* confutavimus.

Nervos habet mesenterium ab internorum nervorum sexti paris plexu, & à nervis à lumbali medulla prodeuntibus; atque hinc membranosa sui parte satis sentit, quanti-

vis in pingui, & glandulosa obtusioris sensus sit, cujus ratione apostemata multoties in illa diù occulta manent, antequam ab ægro, vel Medico satis percipi possint.

Arterias recipit à ramo arteriæ magnæ mesenterico dextro, sinistroque, seu superiore, & inferiore.

Venas obrinet plurima inter membranas ejus decurrentes, meseraicas dictas, quæ minimis radicibus ex intestinorum tunicis oriundæ, atque in mesenterio frequenti concursu in se invicem hiantes, tandem in duos ramos majores scilicet dextrum, & sinistram mesentericum venæ portæ continuos concurrunt. Hæ sanguinem per arterias ad mesenterium, & intestina impulsam, jam à nutritione illarum partium residuum in portæ venam infundunt, indè ad hepatis referendum. Habet mesenterium ductum communem cholidochum, ductum V. Virsungianum, venas dictas lacteas, & vasa lymphatica, quæ vasa inter se differunt, non solum ratione substantiæ, sed etiam ratione originis, & progressus, sed etiam ratione materiæ, quam continent.

Usus verus, præcipuusque mesenterii est vasa ad intestina excurrentia tutè deducere, & ab omni disruptionis periculo salva, & integra præstare.

De Pancreate.

Pancreas, quasi torum carnosum, Latinis *Laetes*, à suo candido, lacteoque colore interno dicitur, est corpus totum glandulosum, laxum, & informe, ad primas lumborum vertebrae, sub posteriore ventriculi parte, ejusdemque fundo situm, membrana tenui à peritonæo investitum, ex eaque quasi suspensum.

Figuram obrinet oblongam, & depressam. *Magnitudo* in omnibus non est eadem, frequentissimè trium, vel quatuor, interdum quinque, sex, septem, vel plurimum digitorum transversorum longitudinem habet: latitudo maxima ferè duos digitos cum semisse adæquat; *Crassities* circiter unum. Latiore sui parte hepatis confinia accedens, circa primam lumborum vertebrae ventriculo subternitur, meatumque biliarium, ac portæ truncum includens, duodeno intestino jungitur: hinc lienem versus extenditur.

Substantia ejus tota glandulosa est, constatque ex multis quasi nodulis, seu globulis, dicere possumus esse pancreas glandulam conglomeratam, quasi ex multis minusculis glandulis congestis compositam per intercedentia vasa, plurimasque fibrillas coherentibus, & communi membrana inclusis: qui noduli singuli quidem aliquam duritiem præferunt, simul tamen sumpti, ob laxam connexionem, molliusculi.

Color ei pallidus est, vix levissimam sanguinis tincturam referens, ita ut neque in substantia, neque in colore ullam carnosarum partium similitudinem habet: unde mirum est, quod à Veteribus Anatomicis *Pancreas*, id est totum carnosum fuerit appellatum.

Nervos habet exile à sexto pari, imprimis à plexu superiore abdominis. *Arterias* ab arteriæ celiacæ ramo sinistro, dorso accumbente, interdum ab arteria splenica, *Venas* ad ramum splenicum prope portam emittit. *Vasculis lymphaticis* etiam multis donatur.

In pancreatis medio, secundum ejus longitudinem, canalis singularis, & mediocriter capax excurrit, à primo ejus inventore, ductus *Virszungi* appellatus.

Hic unicus per medium viscus excurrit, & brevia, numerosaque exilia vascula in ipsum patentia undequaque è viscere recipit. Interdum duos ductus inveniuntur, sed non æqualis longitudinis, quorum unus loco solito, alter paulò inferiore subsistit, verum ad ingressum in intestinum plerumque simul junguntur, unumque orificium faciunt: interdum etiam alter prope duodenum intestinum ductum cholidochum ingreditur. alter paulò humiliore loco sensim intestinum perforat.

Dicti canalis orificium hiato mediocriter amplo in duodenum intestinum scilicet quatuor, interdum quinque, aut sex digitorum transversorum latitudine à pyloro, in notabili ruga flexuræ duodeni proximè ad pori biliarii egressum in homine, non rarò etiam in ipsum ductum biliarium exiturientem aperitur; eique nonnulli valvulam adstare scribunt extrorsum expectantem, & cujuslibet rei ingressum ex intestino in canalem præcludentem. Verum quia ductus à parte intestini sine obstaculo stylum faciliè admittit, nulla valvula reperitur. Altera verò parte versus lienem extensus, sensim gracilescit, & obliteratur, ante-

antequam ad extremum pancreatis perveniat, ita ut lienem non attingat, neque eum ingrediatur.

In hunc ductum Vvixungianum ex omnibus nodulis, è quibus pancreas in homine constituitur, exigui furculi instar minorum rivulorum excuriunt, humorem pancreaticum, in nodulis excoctum, ac præparatum, in istum ductum effundentes, eo mediante in intestinum duodenum deferendum. In ipso ramen ductu nunquam succus pancreaticus invenitur, propterea quod declivi via celeriter effluat in duodenum intestinum, neque in ductu aliquandiu subsistat, eodem modo sicut urina è renibus per ureteres defluens propter rapidum transitum nunquam in his invenitur.

De hujus visceris officio antehac graviter dubitatum fuit, dum illud multi solummodò vasorum divisiones fulcire, & pulvinaris instar ventriculo subterni: alii crudiores sanguinis portionem expurgare: alii cordis sanguificationem adjuvare: alii melancholiam ex liene deducere, aut succum fermentaceum ventriculo subministrare, aut lienis laborantis vicem interdum subire: alii illud chylum recipere, eumque ad majorem perfectionem excoquere, & excrementa biliosa ex eo secernere, aliaque similia putarunt. Sed sunt conjecturæ nullis rationibus, & experimentis stabilitæ.

Pancreas in hoc ductu quendam liquorem sublimpidum, & quasi salivolum, nonnihil austerum, ac leviter subacidum continet, qui in duodenum effluit intestinum, & in ciborum reliquias per pylorum in duodenum prolapsas, & nondum à particulis essentialibus extricatas se immiscet, easque per novam fermentationem attenuat, & fundit, ac partes spirituosas à crassis, inutilibus, & feculentis separat. Fit hæc effervescencia propter bilis sal volatile, oleum que sulphureum concurrentes cum succi pancreatici aciditate, sicut in chymia ex talium concursu similes effervescencias fieri videmus.

Ex hoc, quod ita verum est, nullus sanæ mentis in dubium vertat, eruius ex pancreate benè valente magnam sanitatis partem pendere, malè autem valente plurimos morbos, hæcenus solis lienis, hepatis, mesenterii, aliarumque partium vitiis assignatos, non minùs quam ab aliis modò dictis partibus procedere: & facillè jam animadverti posse ab ejus succo vitioso, scilicet aut nimis copioso, aut nimis acri affluente (præcipuè si etiam bilis copiosior, & acrior simul concurrat) nimiam, & pravam fieri in intestinis effervescenciam, vomituum acidorum, rugituum, flatuum, tensionum, diarrhæarum, dysenteriarum, colicæ passionis, (quæ tamen pleraque mala à vitiosa bile sola etiam induci posse, certum est) aliorumque similium morborum causam: vel ab eodem nimis paucò, vel nimis miti, & insulso affluente, valdè exiguum fieri effervescenciam, obstructionum, atrophiarum, alvi durioris &c. causam: vel interdum ab eo nimis falso, vel acido sursum versus ventriculum assurgente, famem caninam, nauseam, vomitum, ructus acidos &c. Versus intestina descendente, magna tormina, erosiones, alvi fluxus &c. Versus caput verò, unà cum sanguine ascendente, epilepsias, convulsiones, & quasi hystericas passiones, ac melancholica deliramenta &c. Versus stomachum, aut cor, palpitationes cordis, & lipothymias, pulsuumque summam inæqualitatem, & debilitatem &c. excitari. Atque sic pro vario hujus succi vitio varios produci affectus, quales etiam in ægris hypochondriacis varii conspiciuntur, quorum magna pars huic succo meritò adscribenda videntur. Quæ vitia ipsi maximè imprimuntur, aut per pravam dietam, multorumque falsorum, acidorum, fumo exsiccatorum, acrim, aliorumque similium usum: aut per pravas aliorum viscerum coctiones, præcipuè lienis, quia scilicet his de causis, propter vitiosum sanguinis fermentum (ut dictum in aliorum sententia) plurimæ sanguinis particule in corde minùs spirituosæ redditæ, atque subacidæ, vel subfalsæ, & ad coagulationem pronæ remanentes, sicque ad hoc viscus per arterias delatæ, in eo nec satis subigi, nec in fermentum alimentis coctis ad intestina jam elabentibus conveniens mutari potuerunt.

Verùm sunt quidam Medici, qui hujus liquoris novitate allecti, non aliter ac *Galenistæ* hepatis, omnium morborum origines, & causas huic succo refundunt: quippe diarrhæas, dysenterias, colicos dolores, epilepsias, syncopes, hystericas suffocationes, menstruum fluxus, febres, & nescimus quos non alios, ab hac una sola causa produci existimant, non aliter ac si nulli alii vitiosi humores, aliarum partium vitiis geniti, tales morbos unquam producerent.

In Testina adèd firmiter ventriculo sunt annexa, ut ab Anatomicis ventriculus oblongatus nominentur; in abdomine latent, ne ab externis violentiis lædantur, quin abdomen, tanquam externum, munimentum cum contentis etiam partibus lædatur. Rarum est ab internis violentiis, ut flatibus rumpi, & lædi intestina; observavit tamen id bis *Benevenius*: ut de *abdit. sanat. caus.* cap. 67. refert, primò in muliere quadam, quæ cum intolerabili ventris dolore, modò supra, modò infra umbilicum premeretur, nec ullus spiritus erumperet, scisso, seu rupto tandem intestino vitam finiit. Deinde in rustico, qui cum per longas ventris torsiones diem obiisset, & mortui cadaveris corpus incideretur, longa in intestino fissura inventa est, è qua etiam recentes uvæ, quas paulò antè comederat, proruperunt. Præterea à vermibus quandoque intestina perforantur, ut annotarunt *Paulus Aegineta, Nicolaus Florentinus, Thomas à Vega, Trincavellus, Pareus, Petrus Forestus, &* alii. Frequentissimum tamen est à causa violenta omenti, vel peritonæi continui solutionem fieri, ut fusiùs *Tomo 1. de Herniis* diximus.

Signa.

Si abdomen vulneratum sit, & vulnus in cavitatem penetrer, quanam partes internæ vulneratæ sint, difficillimè cognoscuntur, nec stylum admittunt; malè enim in hiscè partibus vestigatur specillo ferreo, aut argenteo, aut plumbeo, sed potius nullo alio, vel candela cerea, quia meliùs inflecti, & ad qualiacumque occurrentia obstacula accommodari potest. Intrat aliquando specillum valdè profundè, per musculorum interstitia transiens, quod vulnus tamen non penetrer in ventris cavitatem usque, & contrà, quod vulnus penetrer, aliquando in abdominis cavum usque, licet specillum ubi intruditur, mox resistentiam inveniat, scilicet quia partes in corpore læso aliter figuratæ erant, dum æger vulnerabatur, quàm postea, ubi vulneris status explorabatur: non ergò hæc vulnera stylum admittunt, sed partes læsæ per conjecturam cognosci debent, vel instrumento, vulnerati situ, symptomatibus, & excretis. Ensis vix ingredi potest, quin intestina non lædantur. Ex vulnerati situ cognoscuntur, num sedens, vel stans fuerit vulneratus, num per lineam rectam, vel obliquam transierit: nam obliquè non tam facillè læduntur. Ex symptomatibus, si gracilia intestina vulnerentur, præcordia duriora redduntur, bilis vomitu rejicitur, dolores sunt magni, animi deliquia superveniunt, anxietates, inquietudines, convulsiones, febris &c. Ex excretis, si gracilia intestina vulnerata sint, ciborum reliquæ non rotaliter digestæ, & potus per vulnus exeunt; Si crassa, ex stercoris per vulnus egressu. Chirurghi rurundam naribus explorare solent, an fætoris quid spargat; ex quo intestina punctim læsa esse judicant, quæ tamen exploratio sæpè fallax est. Si sanguis excernatur, vel per vomitum, vel per anum.

Causæ.

Causæ esse possunt omnia instrumenta scindentia, terebrantia, & in violenta manu abdominis, & intestinatorum tennium, vel crassorum continuitatem solventia, ita sunt enses, gladii, cultri, styli, sagittæ, glandes plumbeæ &c. quibus, & aliarum corporis continuitas solvi potest.

Prognosis.

Abdominis vulnera periculosa sunt, & difficulter curantur ob respirationis motum, vulnera namque quæ consolidari debent, quiete indigent. Hæc vulnera, si penetrer, valdè perniciofa sunt, & eò magis, quæ ampla, quia vel omentum, vel intestina facillè foras prolabantur. Si enim omentum prolapsum fuerit, nisi protinùs repnatur, statim coagulatur, & emoritur. Si intestina simul fuerint vulnerata, æger in magno vitæ discrimine versatur, & quidem magis, si gracilia vulnerata fuerint, vulnera habentur lethalia ab *Hip. sect. 6. apoph. 18.* quia eorum

eorum tunica nervosa est, multis vasis referta; bilemque recipit, & hepatis proxima. Quandoque tamen tenuium intestinorum vulnera fuisse Medicorum observationes doceant. Crassorum intestinorum vulnera, si sint parva, & secundum eorum longitudinem, facilius curantur, quia pauciora, & minora habent vasa. Si verò sint magna, & per transversum, perniciofa. Si intestina ab aere alterentur, & livida reddantur, malum insanabile est. Si vulnera per anteriorem abdominis partem intrent, ac per tergum, & spinalem medullam egrediantur, lethalia sunt. Si simul fuerint læsa, & discissa vasa sanguifera maxima, vel in hepate, vel in liene, tunc malum ut plurimum lethale est, quia semel effuso sanguine, is vasis suis restitui nequit, imò in inferiores partes descendens in suppurationem abit, Hip. sect. 6. aph. 20. ut inquit: *Si in ventrem sanguis præter naturam effunditur, necesse est suppurari.*

Curatio.

In abdominis, & intestinorum vulneribus curandis *Vulgares* magnam adhibeat solertiam, & si intestina, vulnerato abdomine, superficie tenus vulnerata fuerint, ne prolabantur, in ventrem impellunt, & decenti futura abdominis cutis carnosæ labia conjungunt, ne calor ille natus transpiret, superimposito pulvere adstringente sanguinem supprimente, & sarcotico. Quòd si à flatibus per angustum orificium impellantur, & commodè reponi nequeant, carminativis utuntur remediis, ut sunt *semina anisi, carvi, fœniculi, flores chamomilla, summitates anethi in vino coctæ*, quibus spongia imbuatur, & calidè foveantur.

Si intestina per amplum vulnus extra abdomen prolapsa sint protinùs vino albo tepido, vel in quo *rosa, chamamelum, absynthium coctum* sit abluunt, & adstringente pulvere, & glutinante *ex aloe, mastiche, sanguine draconis, thure* conspergunt, & manibus blandè intromittunt, & in suum locum reponunt. Quòd si intumuerint, carminantibus foveant, vel fomentant decocto calefaciente *ex floribus chamameli, anetho, absynthio, bacc. lauri, semine anisi, fœniculi*; Vel *columbam, aut gallinam per medium dissectam* imponunt. Post intestinorum detumescentiam oleo *masticino* ea inungunt, & in suum locum reponunt. Si reponi nequeant, cutis, & peritonæi tantum incidunt, quantum ad eorum prolapsum satis est pro repositione. Verum vulnus ad intestinorum repositionem amplum facere, periculo non vacat, quia omentum, & intestina faciliter eò magis excidere possunt, refrigerantur, ac livida evadunt, & tunc omnis curationis spes præciditur. Decubat potius æger supinus, & blanda manu oleo *hypericonis* imbuta, leniter reponantur.

Si intestina adeò discissa sint, & lacerata; ut stercus ex vulnere egrediatur, tunc intestinorum labia vino stiptico priùs abluta consuunt, & pulvere adstringente, & sanguinem cohibentem inspergunt, & postremò abdomen consuunt.

Intestina consuendi modus varius traditur, commodissimum tamen censent acu subtili, brevi, & rotunda, & filo lineo forti, & æquali ea consuere, eo ferè modo, quo pelliones, pelles, & vulgò linteamina consuere solent. Sutura autem facta, filum non abscindunt, sed utramque ejus extremitatem extra vulnus propendere faciunt, ut postea suo tempore extrahi possit. Tandem abdomen consuunt, & pro materiæ purulentæ excretionem foramen relinquunt. Alii de eo sunt minùs solliciti, sibi persuadentes, una cum cæteris excrementis è vulnere exsulantibus pus illud à natura ad inguina depelli, & in his abscessum excitari, quo disrupto, excrementa quæcumque faciliùs effluere, & expurgari. Ubi reposita fuerint intestina spleniis, & fasciis muniunt, ne iterum decidant.

His peractis agglutinationem, & consolidationem ab ignota Dea, scilicet à Natura, cui totum opus committunt, expectant, sed non perpetuò est morborum curatrix; quandoque enim magnis succumbit morbis, & in soluta unitate languores non curat, & hos ipsi prorsus committere est cum maximo ægri discrimine hanc ignotam Deam tentare, verum chirurgus cum ipsa manum movere renetur. Observamus in intestino recto simplicem excoarctationem, quæ sub oculos cadit, exquisitis remediis reluctari, & difficulter ad pristinam incolumitatem reduci, & intestina discissa naturæ committunt; Si Naturæ opus committunt, actum est de ægri vita.

Nonnulli *Vulgares* tanquam scarabei stercorebus gaudentes, corpus purgant, sed perperam faciunt, nam per partem affectam movere non debemus; omnes tamen in hisce vulneribus statim ad venæ sectionem, tanquam ad sicariorum asylum, confugiunt, ceu rapaces bestię, & hirudines sanguinem hujus vitæ nostræ thesaurum, & unicuique pabulum exhauriunt, & ægros ad plura conjiciunt pericula; sed non mirum, si hujusmodi belluæ humano sanguine vivunt, & saginantur.

Ad faciliorem intestinorum vulnerum conglutinationem subsidiarias copias naturæ ferunt, & ægrotis propinant decocta, quæ parare solent *ex floribus rosarum, rubia tinctorum, pilosella, equiseti, caryophyllata, & aliis plantis vulnerariis*. Vel exhibent *conservam rosarum cum bolo armeno, & terra sigillata*. Vel *diacydocium cum pulvere rosarum*. Cibis admiscunt pulveres *ex coralliis, bolo armeno, & rosis*.

Pro sordibus repurgandis, ipsisque intestinis magis adhuc detergendis, & constringendis, remedia prædicta vino incoquant adstringenti, quod cum *terebinthina, sarcocolla, thure, myrra, aloe, bolo armeno, sanguine draconis &c.* permixtum clysteris instar in alvum infundunt, & intestini recti orificium gossypio infarciunt, vel linteis duplicatis, vel quadruplicatis impositis, ut in ipsis intestinis ad tempus aliquod retineatur. Verum hæc medicamenta sunt podicis remedia: nec intestina ascendunt ob valvulam in coli principio appositam, quæ transitum versus intestina tenuia impedit. Præterea in crassis intestinis hæc medicamina stercorebus immixta hebetantur, & vim medicamentosam amittunt.

Si abdomen sit vulneratum, varia balsamica dicta imponantur, & hoc vulnus partium membranarum more tractetur; si verò vulnus in abdomen penetraverit, non exploranda est vulneris profunditas specillo ferreo, quia partes illæ læduntur, & fibrillæ discindi possunt; præstat candela cerea uti, quia facilè flectitur, & ad quoscunque mæandros accommodatur. Sed hæc exploratio sæpè fallit; læsæ namque partes aliter figuratæ erant, dum æger vulnerabatur, quam postea ubi vulneris status exploratur. Si itaque angustum sit vulneris orificium, & ad intestina penetrarit, statim balsamica cum turunda applicanda sunt. Si abdominis vulnus sit nimis amplum, & intestina extra vulnus protuberent, statim manibus oleo *ex ovorum vitellis* perunctis in suam sedem collocantur, ne à flatibus distendantur; quòd si eveniat; ut minimè reponi possint, tunc adhibeatur foras calidiusculus ex herbis vulnerariis, & carminativis, *ex hyperico, alchimilla, scordio, salvia, floribus chamomilla, meliloto, seminibus anisorum, cumini, fœniculi, caryophyllis, mace, bacc. lauri &c. in vino coctis*, vel foveantur lacte, in quo vulneraria, & carminativa incocta sint. His adhibitis non tantum status discutiantur, sed intestinorum pori à frigore confupati referantur, & succorum circulatio horum calore ferè restituitur, consumptis flatibus, intestina reponantur, quòd si fieri nequeat, vulneris orificium dilatetur, quantum satis ad intestinorum repositionem, cavendum tamen est, ne intestinum ferro attingatur, (nonnulli intestina pungunt, ut flatus explosione detumescant) & vulnus ex aliqua parte consuatur, ac turunda balsamicis illita imponatur superpositione *emplastri stiptici, vel oppoteldoch*.

Si omentum prolapsum sit, nisi statim reponatur, brevissimo temporis spatio refrigeratur, coagulatur, & sphacelatur, & tunc pars emortua abscondenda est, ne sana trahatur.

Intestina si vulnerata fuerint tam tenuia, quam crassa, & ciborum reliquiæ non totaliter digestæ, vel excrementa per vulnus effluant, & sint sanguine scædata, vel conspurcata, ab omni sorditie abstergantur, & spiritu vini camphorato, & essentia hypericonis abluantur, insitum ordinatum reponatur, & filum, quo intestina consuta fuerant pendulum extra vulnus relinquatur, ut suo tempore educatur, vulnus consuatur, relicto tamen in parte decliviori foramine, pro turunda intrudenda, balsamicis inuncta, vel oleo *Apparicis cum oleo terebinthina*, pro materiæ affluxu.

Vulnus consuere, relicto foramine, pro materiæ effluxu multum conducit, cruor, vel sanies propter consuta vulneris labia necessariò in abdominis cavitatem descenderet, retineretur, & ipsa intestina, cæterasque partes contaminaret, & venter intumesceret; nec materia in parti-

partibus declivioribus naturalibus à calore dissipatur, vel insensibiliter educitur, quia admodum debilis est; nec findendum est, quòd materia per intestina depellat, vel quòd in inguinibus excitetur abscessus, per quem, cum aperitur, materia educi possit: nam hoc sæpè non accidit, & si quandoque in inguinibus erumpat abscessus, disrumpatur, non propterea æger tutus esse potest: nam vel vix curatur, vel in gangrænam, vel fistulam saltem degenerat, vel tabem pauco dierum spatio cum febre habituali, & citam mortem inducit.

Ceterum ne vulnerato in tanta perniciæ constituto medeamur, & cum sanitatis incertitudine, operepretium ducimus ea seligere medicamina, quæ multis fuere salutis, ac eapropter cura diætetica in sex rerum non-naturalium regimine consistens, cautè administretur. Aer ergò non tantum sit temperatus, verum etiam calidus; frigidior est lethalissimus. Cibus coctus facillimus sit, qui facibus non nimis exuberet, & optimum præbeat alimentum, & flatulenta vitentur. Potus sit parcius, & ex vulnerariis. Motus quicumque fugiatur. Quies optima medela est, & vulnerati decubitus sit in parte benè valente. Somnus, & vigilia sint moderata. Alvus sit laxa, aliàs glande proritetur, & non enemate, ne confusa intestina rumpantur, vel saltem inflectantur. Quicumque animi motus vehementiores coerceantur.

Abdominis vulnera, quæ musculos tantum lædunt, sedulo balsamis pluries à nobis recensitis curamus, & estò non sint penetrantia, non per hoc periculo vacant; siquidem muscoli continuò involuntariè moventur ad thoracis motum, & ad sæcum expulsionem, vulnera verò, ut consolidentur, quiete indigent. Si penetrantia fuerint, & intestina læsa, cum protestatione, & pravi ominis vaticinio, confutis consuendis, & foramine relicto, intra vulnusea medicamenta, & balsama, quæ vulneribus thoracis penetrantibus descripsimus, per syringam injicienda sunt. Interiùs non desint ea, quæ acidum absorbent, & succorum circulationem promovent, hujus farinae sunt oculi cancerorum, stibium diaphoreticum, antihæcticum Poterii, mumia, sperma ceti. Non omittantur diaphoretica, quæ sanguinis grumos dissolvunt. Dum hæc adhibentur, manè, & serò potiones vulnerariæ, in quibus tota curationis spes consistit, propinentur, quas alibi descripsimus. Symptomatibus cita ope occurrendum est, & præcipuè si febris oboritur, & exquisitis, ac congruis medicamentis protinus non oppugnetur, gangræna, & certa mors subsequitur.

C A P U T LXII.

De Hepatis Anatome.

Hepar, seu Jecur, quasi juxta cor, est eximium viscus in dextro hypochondrio sub diaphragmate situm vastæ magnitudinis, in convexa, seu gibba parte rotundum, & læve, inferiore, seu fima parte concavum, qua ventriculi dextro lateri incumbit.

Numero communiter unum est, raro duo. Rariùs planè deficit hepar, ut in *Matthia Ortelio* refert *Jo. Schenckius observat. lib. 3.*

Substantiam habet mollem, & rubicundam, instar sanguinis concreti, cujus tamen firmitas apparet, unde *parenchyma* dicitur. Difficulus corrumpitur: observavit enim *Riolanus* fortuito hepar per integrum annum aservatum, incorruptum permansisse. Substantia quoque hepatis bovino simillimum esse, & coctum nec consistentia, nec colore, nec sapore ab eo discrepare, quare & nostram carnem similiorem esse bovinæ, quàm suillæ. Quicquid dicat *Marcellus Malpigijs* accuratissimus hepatis explorator, qui *lib. de Hepate cap. 2.* microscopiis hepar glandulam conglomeratam, bilem secernentem esse observavit.

Color ejus rubicundus oculis obvius ratione suæ texturæ ei non proprius, sed ascititius, à copioso sanguine per venam ei largiter infuso mutuatus. Proprie ejus color est pallidus, leviusculè flavescens, qualis se pandit in hepate cocto. In quibusdam ægris, ut hydropicis, pallidum valdè est, uti etiam splen, & renes. *Malpigijs* album colorem ei adscribit, & reverà, si hepar per noctem aquæ immergatur, album evadit, deposito in aqua sanguine.

Ob diaphragma, cui hepar cedere debuit, *Figuram* ac-

cepit superiorem, & exteriorem satis rotundam, convexam, vel gibbam, æqualem, & lævem, ubi etiam posteriùs ad venæ cavæ transitum sinus est oblongus. Et ob ventriculum accepit figuram interiorem, & inferiorem cavam, quæ pars fima dicitur, estque inæqualior, in qua duo sunt sinus: ad dextram unus pro vesica biliaria: ad sinistram alter pro transitu stomachi. Estque hepar ad dextram amplè rotunditatis ad sinistram angustæ, & acutæ.

Membrana cingitur tenui, orta à peritonæo succingente diaphragma, & revoluta circum hepar. In hac membrana vesiculæ attolluntur aqueæ, à quibus hydrops teste *Platero*.

Magnitudo hepatis, in homine adulto, sano, optimæ constitutionis, & temperici, tentato experimento reperiuntur, quòd hepatis longitudo in parte convexa major est, quàm in parte cava; siquidem illa instar arcus, hæc verò instar chordæ sese habet, idemque de ejus longitudine accipiendum est. Hepatis cavi longitudo proximè respondet intervallo inter cubitum, & carpum posito, latitudo verò ejusdem cavi manus ferè longitudini æqualis est, & crassities manus altitudini respondet.

Pondus hepatis in hominibus optimè constitutis, trigesimam quintam partem ponderis totius corporis esse multis experimentis comprobatum est. Exceptionem paritur regula in iis animalibus, & hominibus, qui multum adipis, vel sebi pondus sibi apponunt, nam in his adipis, vel sebi pondus computandum non est in proportionem hepatis cum integro corpore, etenim adeps sit à nutrimento ab hepate non elaborato. In infantibus quoque fallit regula: nam in his hepatis moles vigesima quinta, sæpeque vigesima pars est ponderis totius corporis.

Connectitur per tria valida ligamenta. I. Abdomini per venam umbilicalem; quæ in adultis post partum atrescit, & in ligamentum abit, ne diaphragma nimis pendulum sit, & deorsum nimis tendat. II. Superiùs diaphragmati à dextra parte per ligamentum latum membranofum, tenue: sed tamen validum à peritonæo, quàm diaphragma succingit osseum, & hoc ligamentum suspensum dicitur. III. Etiam superiùs diaphragmati, sed à sinistris per aliud ligamentum à peritonæo natum, teres, & validissimum, posteriùs etiam, ubi cava transit, gibba parte peritonæo adhæret.

Brutorum hepar in varios lobos, seu pinnas est divisum; humanum verò hos lobos non habet, observatur tamen in hoc tantum scissura, per quam vena umbilicalis in ejus cavum figitur, prominentiæ verò circa radicationem venæ portæ positæ fibrarum potiùs, quàm loborum denominationem apud authores meruere.

Nervulos recipit exiles quatuor: duos à sexto pari, tertium à stomachico, & quartum à costali, quibus obtusus tantum sensus ejus tunicæ tribuitur; vix enim in ipsam ejus substantiam interiorem penetrare videtur. Majoribus, & multis interioribus nervis non indiguit, utpotè quod sentire vix debuit, & ipsummet fermentum conficiens, spirituum animalium fermentativa qualitate carere potuit.

Arteriolas obtinet exiguas à cæliaco ramo dextro, juxta portam ad illud venientes: nam hepatis substantia vix arteriis opus habet, cum sanguis ei satis copiosus affluat per venam portæ, (quæ hic arteriæ munere fungitur) qui ei, ob substantiæ suæ proprietatem, convenientior est ad nutritionem propriam, & fermenti biliosi confectionem, quàm arteriosus. Nec etiam vena portæ cum suis surculis, ut nec cavæ radices indigent arteriis, cum proprio contento sanguine gaudeant, & nutriantur, nec uspiam appareat ullos arteriarum ramulos quarumcumque venarum tunicis inferri ad earum nutritionem.

Venas habet duplices. Superiore parte vena cava ei adnectitur, in quam plurimæ radices per ejus substantiam quaquaversum dispersæ sanguinem exonerant. His radicibus inferiore parte occurrunt ramuli venæ portæ, qui similiter per totum parenchyma decurrunt.

Ab *Aristotelis* quo ad *Galenus* usque sæculum hepar vixit abjectum, & inutile corporis pondus, otiosum, & ignavum parenchyma nullius functionis, ac veluti alter lien, per accidens tamen corpori necessarium, ut *de Partibus animalium cap. 7.* apud *Arist.* legi potest, qui cordi totis viribus favens, absolutum, & independens in animantis re publica dominium illi tribuit, thronum crexit, illudque constituit, partium corporis omnium Monarcham, inter quas hepar vilissimum erat.

At suo sæculo, dum Medicinam faciebat *Galenus* abjecti, & dere-

& derelicti hepatis partes fovere cœpit, seditiones in animantis republica movit, organa, & parres omnes in tumultum excitavit, iisque Græcalia loquacitate, quæ sequuntur, suggestit: *Et usque adeo tam socordes, & comatosa incuria pressa animantis reipublica partes manebitis, & cordis inveteratam jam tyrannidem tolerabitis? Indignum, nefasque est, vos ingratitude titulo laborare, sanguinis beneficio vivitis, sentitis, & cunctas vobis functiones destinatas peragitis; venarum, & sanguinis beneficio utimini, à jecinoris corpore vene pullulant omnes, in ejus tamen carne vis inexhausta sanguinis effectrix, in eo facultatis naturalis, cujus ingenio vos utimini, sedes, in eo vis biliosi veneni à sanguine separatrix. Quorsum hæc cordi indebitè corporis totius domini usurpatori famulati estis? Detrahat sanguinem hepar, venaque cave truncum relinquat inanem, & videte, an actum sit de cordis Monarchia? Hepate cor indiget, non corde hepar, & tempus jam est, ut cor hepatis famuletur, illique debitum principatum restituat.* Hæc tanquam per concionem insinuat Gal. 4. de usu part. cap. 11. 12. & 13. 16. de anatomica administratione c. 11. lib. de loc. aff. passim de naturalibus facultatibus & latè in omnibus suis voluminibus: Cum cordis partes nemo foveret, quippe Peripatetici, ad quos defensio spectabat, Logicis sophismatibus immersi nil rerum naturalium speculationibus vacabant. Plaudere hepati unusquisque cœpit, eoque illud encomiis evexere, ut penitus suppresso non inquam principatu, sed cordis nomine, omnia jecur peragere in animalium corporibus, ipsum vitæ æconomiae præesse, reliquas in corpore partes omnes obsequio se illi famulari, ab eo ventriculum calorem, intestina forum, cor & arterias sanguinem, cerebrum materiam pro spiritibus animalibus creandis, generationis organa materiam pro semine, tandem universum corpus sanguinem pro nutrimento proprio mendicare: publico itaque consensu decretum illi fuit imperium, thronus erectus, præstitum obsequium, ac è privato, humilique statu, in quo ignotum prius perstitit jecur, uno illud erigente Galeno, majestatis folium ascenderit, corde in exilium misso, atque à Galeni diebus sic se negotium habuit usque ad præteritum sæculum, in quo (ut hominibus evenire solet, qui vilibus assueti rebus, si fortè ad sublime ferantur, insolentissimi fieri solent) eò temeritatis, arrogantiae, & insolentiae devenerat hepar, ut inimemor suæ antiquæ vilissimæ fortis, adeo sibi concreditam animalis corporis rempublicam iracundo, ex lege, & suo calore turbare, lædere, & exagitare cœpit, ut quemlibet sive magnum, sive parvum morbum jecinoris tantum culpa fieri, vel causari communiter arbitrantur Medici; quod adeo verum est, ut luem Veneream, quæ ab externo fomite in corporibus creatur, in fonte jecinore suam habere sedem unico consensu à Medicis insinuetur. Interea cor adeo vile, & abjectum devenerat, ut nisi per transfennam in febrium definitione illius recordarentur Medici, in reliquis pro mortuo haberetur.

Verum, quia ubi res ad summum fastigium devenere, eas retrocedere, & declinare necesse est, ut Hip. sect. 1. aph. 3. habet: *Habitus exercitatorum, qui ad summum bonitatis attingunt, periculosi, si in extremo consisterint, neque enim possunt in eodem permanere, neque quiescere. Cum verò non quiescant, neque possint proficere in melius. Reliquum igitur, ut decidant in deterius.* Usurpatum in corpore ab hepate dominium, ac ad summum ejus evecta tyrannis parvo quodam lactearum venarum dictarum phænomeno anatomica industria ab Aselio, Pecqueto, & Bartholino propalato, in suspicionem venit, & acceptum per tot sæcula obsequium præcipiti, & celeri eventu amittere cœpit. Occasione suscepta, qui cordis genio tenebantur, inclinantes dominio, cordis partes fovere cœperunt, & spem victoriæ erigere, ac per invisos hæcenus ductus iter calcans Pecquetus, primò sacculum lacteum, deinde per lacteas thoracicas chylum dictum in subclavias cavæ ascendentes, ac demum in dextrum cordis ventriculum traduxit. Pecquetum quamplures sequuti adeo acerrimè pro corde pugnarunt, ut cum Bartholinus, catervam, quæ pro hepate adhuc pugnat, dissipatam, ac vilem cognosceret, periisse jam hepar existimaverit, patentare hepati cœpit, ipsique jam cadaveri solemnes celebrare exequias, erectoque publico tumulto, attestante defuncti visceris sortem, ironico epitaphio luxit.

Cæterum non frustra tam vastæ magnitudinis parenchyma à natura constitutum fuisse existimamus, vel tantum

ad dextri hypochondrii cavum replendum; verum privatum, & non publicum officium in viventium corporibus exercere, & inter partes ministrantes, non principes annumerandum esse censemus. Hic Perillustis Malpighius, ut diximus, glandulam conglomeratam, bilem fecerentem esse observavit. Et Glissonius hepatis parenchyma colum quoddam peculiare esse existimavit, per quod sanguis, & humores percolantur, eamque alterationem, quæ ipsis in hepate imprimitur, percolatione perfici.

Hepatis munus est bilem, seu humorem felleum præparare, & in duodeni finem, vel jejuni principium per porum bilatum immittere, ut ciborum reliquiis se immisceat, & tali menstruo in liquorem solvantur, & facilius spiritus æthereus ad superficiem à centro evocatus in intestinorum fibras se insinuet ad corporis sustentationem.

De Folliculo fellis, & Canali bilario.

Ad bilis receptionem in dextra, & cava hepatis parte duo meatus insculpti sunt, scilicet *Vesica biliaria, & Porus, seu Canalis bilarius*. Per hunc bilis sæculentior, & mitior in-intestina confluit. In illum verò tenuior bilis confluit, quæ aliquandiu ei inhærens, mora illa ex partibus proprietate, magisque ex ei inhærente residuo liquore, acriorem, ac magis fermentativam qualitatem acquirit.

Vesica autem biliaria, quæ etiam *folliculus fellis*, & Græcis *Cistis Cholidochus* appellatur, & vesica oblonga pyriformis, subrotunda, concava in fima hepatis parte sita.

Superiore, & media parte connectitur sinui insculpto, reliqua verò parte extra hepatis corpus propendet, quæ dextrum ventriculi latus, & colon intestinum attingens utrumque frequenter bile, per tunicas ejus transudante imbuit, ac tingit.

Magnitudinem habet in aliis minorem, in aliis majorem: quo tamen quis biliosior, eò vesicula major observatur: ut plurimum verò longitudinem duorum digitorum transversorum, latitudinem digiti, vel pollicis.

Duplici donatur *membrana*; una exterior non fibrosa, à peritonæo orta, quæ partem ejus extra hepar pendulam investit, & hepati annectit, eademque est cum hepatis exteriori membrana; Altera interior propria, crassiore, & muco lubrico adversus contenti humoris acrimoniam munita. Hanc omni fibrarum genere pertextam esse, & rectis bilem in se allicere, obliquis retinere, transversis eandem expellere multi tradunt cum *Laurentio*. Hæc tamen fibræ aliis videntur imaginariæ cum nullo modo demonstrari queant. Verum *Laurentii* causa satis defendi posse videtur, si dicamus, licet fibræ istæ manifestè demonstrari nequeant, tamen eas ratione satis percipi posse, cum hæc pars ad sui firmitudinem non minùs egeat fibris, quàm vena, arteria, vesica urinaria, aliæque plures, quæ cum distenduntur, per suas fibras se rursus contrahunt, & sic ad pristinum statum redeunt: qualis distensio à bilis redundantis copia, vel ab ejusdem turgescencia, seu effervescencia, etiam sit in folliculo fellis, quàm contractio per fibras, licet invisibiles, & obscuras, necessariò subsequi debet, non tantum ad bilis è folliculo expressionem, verum etiam ad reductionem folliculi in pristinum statum.

Dividitur fellis vesicula in fundum; & cervicem, fundus amplior est, rotundus, seu pyriformis, & inferiore loco pendulus, colore bilis contentæ, modò flavo, modò æruginoso, modò nigricante, modò alio tinctus; Cervix fundo durior, sursum spectat, oblongatur, & angustatur, donec in angustum meatum, & tenuissimum abeat, qui in communem ductum intestina petentem definit.

Venas duas accipit exiles ad nutritionem, *Arterias* exiles à cœliaca quoque accipit. *Nervulum* parvum vix conspicuum à texti paris exili propagine hepatis tunicam perrepante.

Usus folliculi fellis, est bilem generare, nonnihil ad tempus retinere, & postea expellere; qua in hominibus sanis mediocriter repletus est, non tamen adeo infarctus, quin porrò mensuram dimidii cochlearis capere posset: in morbofo autem statu interdum bile admodum turgidus, & infarctus est, interdum etiam, sed rariùs, planè inanitus.

Alterum bilarium vas est porus bilarius, dicitur progressus cervicis vesicæ felleæ, quo poro bilario, ductuique communi ipsa vesicula se communicat, ac canalis est, per quem, dum vesicula nimio felle turgescit, se in ductum com-

communem exonerat, ubi annulo fibroso cingitur; in parte namque externa cervicis vesicæ biliaris annulus fibrosus invenitur, (non verò valvula, ut alii perperam crediderunt) qui multum foramen arctat, acidem efficere videtur, quod musculus sphincter in vesica urinaria efficit, scilicet ut bilis è vesica faciliter non effluat. Angustissimus est meatus cisticus, dilatatur deinde, ita ut ejus amplitudo pennæ anserinæ minusculæ ferè æqualis sit, longitudo verò à cervice vesiculæ usque in ductum communem est duorum digitorum latorum.

Porus biliaris extra hepar conspicuus, dicitur etiam *ductus hepaticus*, ad differentiam *meatus cistici*, truncus est, in quem ejus capillares surculi per hepatis carnem dispersi, bile ibi secreta se exonerant. Principalioris est usus, quàm vesica fellea, nam multa animalia vesica carent, non autem poro bilario.

Ductus communis incipit, ubi cisticus meatus, & porus biliaris connectuntur, & angulum efformant; dicitur ductus communis, quia in eo tam cisticus meatus, quàm porus biliaris exonerantur; ductus communis amplitudo cistici, & bilarii junctorum amplitudine proportionem respondet pennæ anserinæ majusculæ.

Meatus cisticus, & porus biliaris ductui communi conjuncti extra hepar figuram litteræ Græcorum Y. efformant, linea enim sinistra meatum cisticum designat, dextra porum bilarium, progressus amborum in unum conjunctorum deorsum versus ductum communem.

Insuper ductus communis à situ connexionis cistici cum bilario per duos latos digitos cum unius medietate deorsum elongatur, inseriturque in intestina ubi desinit duodenum, incipitque jejunum. Nonnunquam, sed rarè ductus abit in ventriculi fundum, ed bilem effundens. Unde bilis vomitus, iique homines Græcè dicuntur *Picrocholi*. Si verò ad jejuni finem meatus inseritur, dejectiones semper biliofas obtinent, & ii Græcè dicuntur *Picrocholi cato*. Qualis esse debuit ille, cui in colon implantabatur cholodochus à *Marco Aurelio Severino nostro Neapoli* dissectus.

Insertio hujus ductus communis in intestina, quamvis extra recta appareat, antequam tamen in intestinorum cavum suo orificio hiet, obliqua evadit; nam inter membranas intestinorum descendit per digiti ferè latitudinem, posteaque intra cavum suum orificium aperit, quod magna naturæ providentia factum est, ne scilicet aliquid, quod per intestina descendit, in dictum ductum irrueret, quod faciliter evenire poterat, si rectus fuisset transitus à cavo intestinorum in canalem ductus communis.

Putarunt nonnulli *Anatomici* bilem assumi ex hepatis substantia hoc modo: Assumunt pori radices bilem ex ipsa hepatis substantia, in quam plurimæ venæ portæ, paucique arteriæ hepaticæ ramuli sanguinem suum deponunt, qui in ea statim alteratur, & sulphurearum, subsalsarumque particularum mistione novo modo excoquitur, & multis sui particulis amarescit, atque bilefcit: quæ biliofa particula, mediantibus acinis glandulosis (ex quibus hepatis substantiam, imprimis constare comperit *Malpigijs*) à reliquis sanguineis coctione ista minus alteratis segregantur, & à radicibus pori, ac folliculi bilarii absorbentur.

Franciscus de le Boe Sylvius, considerans maximè exiles, & plerumque invisibiles meatus per quos bilis ex hepate ad folliculum fellis defertur, longè aliam de ejus generatione opinionem concepit *Disp. Med. 6. Thes. 36. & 37.* Suspiciatur enim bilem venerari ex sanguinis portione per arterias cisticas ad bilariam vesicam delati, partibus ipsi maximè similibus, & per ejusdem tunicæ poros in cavitatem ipsam sensim penetrantibus, atque ibidem mox in eandem cum reliqua bile naturam abeuntibus: eodem modo sicuti vinum canthari mensura in aceti dolium infusum, mox convertitur in acetum. Illud ipsum quoque sentit *Regius philos. natur. lib. 4. cap. 12.* qui tamen etiam radices bilarias, ex sanguine venoso hepatis infuso bilem elicientes agnoscere videtur.

Verùm illud Sylvii commentum hæc quatuor destruunt. I. Quòd in folliculi cavitate nulla unquam sanguinis infusi indicia appareant, imò nec minima quidem ab ullo *Anatomico* observata fuerint, cum tamen in quibuscumque partibus, in quibus ex sanguine alius succus, liquor, aut spiritus est conficiendus, aliæque sanguinis notæ manifestè appareant, ut liquet in cerebro, & testibus. II. Quòd bilis etiam generetur in iis animalibus, quæ dicuntur folliculo felleo destitui, ut in *Cervo*, *Dama*, *Camelo*, in qui-

bus illa in folliculo ex sanguine per arterias illabente generari non potest, sed in ipso hepate generata effluit per porum bilarium. III. Quòd in hepate interdum obstruuntur illa vascula, per quæ bilis ad porum, & vesiculam fellis advehitur, atque tunc icterus fiat à bile copiosa per totum corpus diffusa, cum interim in poro, & folliculo vacuo nihil bilis generatum fuisse liqueat, etsi arteriæ cisticæ satis multum sanguinis, more solito, ad folliculum derulerint. IV. Quòd in belluonibus, & strenuis potatoribus ex hepatis intemperie calida procedens icterus, ab arterioso sanguine in bilem mutato gigni non possit, cum ille æqualiter antea, atque nunc ad folliculum delatus fuerit, nec ulla ratio sit quare copiosior tunc ed ferretur in bilem mutandus, quàm aliis temporibus.

Indubitabile est tam vesicam felleam, quàm porum bilarium per suos surculos succum educere ab hepatis parenchymate, & hunc succum in vesicula, & poro bilario recipi, ipsumque indictis capsulis receptum per ductum communem in intestina transfundi, verùm negamus succum illum, quem vesicula, & porus biliaris ab hepate recipiunt, à sanguine separari: ille succus à vasis felleis ab hepate exsugitur, ut disponatur, & immutetur in ipsis, in intestinorum gratiam, in quibus suum necessarium alioquin usum exercet. Succus iste priusquam in vasa biliaria recipiatur, pars est sanguinis, serosa tamen non autem fibrosa, quæ ubique in venis, in arteriis abundare solet, ut jam fluxibilior fiat, & motui promptior; dum verò pars ista sanguinis serosa est sanguini commista, subdulcis est, parùm ad falsedinem inclinans subtilis potiùs, quàm crassa, aquea potiùs, quàm oleaginea; hinc est, quòd tam sanguis venæ portæ, & arteriæ cisticæ, quàm hepatis caro nullum amarorem præferunt, nam sanguinis serum nullo modo amarum est, neque unde amaro sapore imbui potuisset, habuit. Hoc itaque sanguinis serum à vasis bilariis sugitur, ac in iis amarorem, crassitiem, & oleaginositatem acquirit, tam à textura fibrarum dictorum valorum, quàm etiam à liquore, quem in vesicula invenit à principio generationis ibi productum, ad hoc ut sanguinis serum quod illi miscendum erat, in amarum verteret, non secus ac vinum dulce aceto commistum, acetum fit.

Evenit succo bilioso id, quod de nutrimento in omnibus corporis partibus accidit; nam idem, & unicum nutrimentum homogeneum, & simile in unaquaque parte corporis pro partis cujuslibet dispositione transmutatur, in osse enim fit os, in pulmone pulmo, in liene lien, in membranis membrana, & sic de cæteris: principiis enim nostris constitutivis solidis vis insita est, nutrimentum transmutandi, & sibi assimilandi.

Notum quoque idem est in urina, sudore, & in aqua pericardii, qui liquores antequam sanguine, sive nutrimento separentur, neque urina, neque sudor, neque aqua pericardii sunt, post verò separationem unaquæque suam acquirit indolem.

Serosa itaque pars sanguinis ab hepatis corpore à ramis bilariis attrahitur in forma feri, non autem in forma bilis, deinde in dictorum ramorum vasis postquam serum illud attractum est, per commistionem liquore felleo, qui in iis semper stagnat, ipsum quoque serum in liquorem felleum transmutatur, acquiritque eas proprietates, quas paulò ante intra venas contentum non habebat: cum itaque materia liquoris fellei serum sanguinis fit, quod non solum in sanguine superfluum est, sed necessarium.

De liquoris fellei usu (cave ne confundas bilem cum selle, ut vulgares faciunt) multa commentati sunt Veteres *Aristoteles*, ejusque mancipia nullum fellis admittunt usum, habereque tahrùm necessitatem materiæ, & educi, ne sanguinis massa inquinetur, credunt. Verùm pace *Aristotelis*, & mancipiorum, nos diximus illud sanguinis serum priusquam in vesicam felleam recipiatur, non amaricare, sed subdulce esse, & parum ad falsedinem inclinare.

Aliqui plus huic liquori tribuunt, ad totius commodum destinantes; nam hepar calefacit, digestionem secundam confortat, naturalem hepatici calorem juvat, sicut ignis sub lebere. Imò toti corpori calorem largitur, si credimus *Nemesio* imprimis stomacho ad promovendam coctionem.

Helmontius arbitratur liquorem istum esse omninò hepatis, & vitæ nostræ necessarium balsamum, ac proinde Judæi Christo Domino in cruce, ut diutius in cruciatibus persisteret,

sterer, acetum felle mistum porrexerunt. Liquor iste non gravat, nec molestat unquam, ac proinde nullos efficit morbos, imò à multis præservat, & præcipuè à putredine hepar: nam fellis vesicula ab hepate amota, statim hepar in fellis circuitu dissolvitur, & liquefcit. Fellis disruptio, five in felle vulnera confestim lethalia sunt, non autem ita hepatis vulnus, inflammatio, & abscessus; nam vitæ nostræ alligatam necessitatem, integritatemque habet ob repentinam mortem.

Medici stercorarii, scilicet *vulgares* liquoris fellei usum pro clystere naturæ excrementorum expulsionì destinant, à mulierculis forsan edocti, quæ infantibus ad alvum laxandam ex felle suppositorium submittunt. Sed quàm à veritate alienum sit, fel excrementorum expulsionì inservire ostendimus. Humanum stercus estò flaveat parùm, aut multùm, tamen amarum non est; canes enim flavum infantium stercus avidius edunt, quia lactis saporem retinet. Attamen huic flavo stercore, si aliquos fellis guttula admisceantur, tunc illud nequaquam à cane lambitur. Multi stercore pasti sunt, & de sapore quæriti, non esse amarum, sed fœtidum, & subdulce responderunt. In magnis obsidionibus ob annonæ caritatem milites coacti fuere stercoribus vesci, & quò sæpius, recomedebant, eò semper dulciora fiebant.

Ut de fellei liquoris usu nostram afferamus in medium sententiam, aliqua de Ventriculi actione laconicè resumamus oportet; dicimus itaque, quod ingestis in ventriculum cibis, excitatur in iis fermentationis motus, qui occasionaliter tantum à ventriculi calore concitatur, non secus ac vis generativa pulli in ovo excitatur à calore externo fovente, efficienter verò, & effectivè ille fermentationis ciborum motus producit à spiritu in ipsis cibis contento, prout producit pullus à spiritu seminali in albumine clauso. Spiritus iste ciborum, dum movetur, effervescentiam in sua materia causat, non secus ac spiritus in musto delitescens, dum moveri incipit, effervescentiam in musto causat, qua paulatim mustum accescit, transmutatur, & in vinum abit, absque eò quòd ab extrinseco aliqua aciditas, menstruum acidum, vel quid simile illi adjungatur; spiritus iste acidus, qui fermentationem causat in musto, & per motum fermentationis aciditatem, fermentationemque causar in cibis in ventriculo contentis, uti etiam per motum fermentationis aciditatem absque eo, quòd fermentatio, & aciditas, vel ab aliquo liquore acido in stomacho stagnante, vel alieno ab aliquo viscere, vel glandula in ventriculum transmissio producat, vel promoveatur. Utergò à proposita musti, & vini similitudine non recedamus, sciendum est, quòd sicut vini essentia consistit in illo spiritu acido, qui per fermentationem fuit in musto productus; ita etiam essentia, quæ apta est ad corpora nutrienda consistit in illo acido ciborum spiritu in cibis per fermentationem producto, atque sicut per levem calorem à vino ejus spiritum elicimus, quo elicitò, quòd remanet, fæculentum est, ignavum, ac viscidum; ita quoque à cibis fermentatis acidis ventriculus spiritum elicit vini spiritui analogum, remanentque deinde cibi fæculenti, ignavi, ac viscidi, qui cum non sint de ventriculi indole, corrugatione ejus fibrarum per pylorum exprimuntur in intestina. Verùm quia sensitivorum vita altioris est indolis, quàm vegetabilium vita, dum illa integra est, & aliquo impedimento non urgetur, non quiescit, nisi ab ingestis cibis vegetabilium vitam, five essentiam omninò emungat, sibi subiciat, & eorum quoque cadaver ad eò immutet, ut in excretis neque vix ingestorum ciborum signum remaneat. Id natura ex simplici fermentatione in ventriculo obtinere non potuit; unde postquam faculæ ex fermentatione residuæ sub pylorum descenderunt, spiritibus à stomacho depauperatæ motum fermentalem ex seipsis excitare validæ ampliùs non erant, propterea remansissent partim mutatæ, partim verò immutatæ, si tali inconvenienti à principio generationis non consulisset natura, construendo scilicet vasa biliaria sub hepatis cavo, in quibus humor amarissimus produceretur, ad hoc ut in intestina cum succo pancreatico flueret, cum ciborum reliquiis sub pyloro se commisceret, atque per alium motum fermentationi ferè contrarium in prima principia in liquorem scilicet superstitis ciborum reliquias resolveret, qua resolutione in liquorem peracta, intestinum vili, five glandulæ miliares quicquid substan-

tiæ alibilis in ipsismet ciborum reliquiis supererat, post stomachi fermentationem emungere satagunt, & quòd omninò fæculentum, & à specificis ciborum qualitatibus penitus liberatum, sensim transcolando in inferiora intestina foràs deturbat.

Hic obiter adnotamus, quòd spiritus ille, five essentia ciborum, quæ tam in ventriculo separatur per fermentationem, quàm in intestinis per resolutionem, non aliter in stomachi, & intestinorum villos, seu glandulas miliares recipitur, ac rerum sapes in linguam, & palatum recipiuntur, ac deinde minimè quidem per tubulos meseraicarum, & lactearum, per rectitudinem fibrarum per universum corpus diffunditur, illudque nutrit, & recreat, dum adhuc sanguinis proprietates non acquisivit.

Ex traditis jam liquoris fellei usum satis intelligi credimus, scilicet esse à natura productum ad ciborum reliquias essentiali parte non exutas resolvendas, & hoc totum est experimento, & observatione perspicuum, nam ab intestino jejuno, in cujus principium obliquè ductus communis inseritur, per integrum cursum tenuium intestinorum nunquam aliquid solidum invenitur, sed in iis semper observatum fuit fluidum quoddam liquamen, quòd colon ingreditur in fæces crassescere incipit. Hic fellei liquoris usus multùm quoque pictoribus præstat in miscendis, & fluxilibus reddendis coloribus. Mirum enim quàm latè colores, adjecto felle, diffluant; quòd non sanè illum latuit, qui non ità pridem versicolores chartas tingendi artem excogitavit.

C A P U T LXIII.

De Hepatis Vulneribus.

Interdum hepar suos patitur manes, cum à causa violenta, & externa ejus continuitas dissolvatur: est apud *Galenistas* viscus insolentissimus, & non est in roto corpore morbi genus, quòd non faciat hepar, unde non mirum, si quandoque meritis tantæ insolentiæ pœnas luat.

Solutæ unitatis hepatis variæ sunt differentiæ; quandoque enim hepar telo acuto confoditur: aliquando aliqua hepatis pars, & extremitas planè abscinditur; interdum re obtusa contunditur potius, quàm scinditur: quandoque vulnus est superficialium tantùm, aliquando ad profundum penetrat: interdum etiam vasa scinduntur, vel rumpuntur; aliquando gibbum, & quandoque cavum vulneratur.

Signa.

Hepatis vulnera petuntur ex causis externis, & violentis, quæ præcesserunt, & abdomen è regione hepatis, scilicet sub dextro hypochondrio, versus spurias costas, læserunt; si specillum ultra digiti cum dimidio longitudinem intruditur, vulneratum est hepar. Deinde à consequentibus facillè cognosci potest; sub dextro enim latere multùm sanguinis è vulnere manat, ad spinam reducta hypochondria, punctio, & dolor in regione hepatis, & partium vicinarum, interdum ad jugulum, & scapulam dextram usque porrigitur, in ventrem cubandi proclivitas, gravitas circa vulneratam partem, nec non tussicula quædam sicca, & aderit pondus veluti deorsum trahens. Interdum vomitus biliosus, vel cruentus, vel sanguinis per alvum, aut urinam excretio sequitur, vel narium hæmorrhagia.

Causæ.

Vulnerum hepatis causæ sunt res externæ hostili manu; aut alio quodam infortunio, vel pungentes, vel scindentes, & hepatis continuitatem dissolventes.

Prognosis.

Hepatis vulnera ex *Hippocratis* edicto *sect. 6. aphor. 18.* Lethalia sunt; si enim vasa majora vulnerentur, æger non evadit, quia omnis sanguis in ventrem, vel extra fluit, & vulneratus moritur, non facile namque hæmorrhagia sisti potest, ob difficilem loci aditum, & quamvis magna illa vasa non lædantur attamen hepatis vulnus quantumvis exiguum liquoris fellei productionem turbabit, qui tamen maximè necessarius est. Quòd si aliquem supervixisse contigerit, inter rarò contingentia censendum est.

Et

Et alii quidem vitam nonnihil protrahunt: alii brevi temporis intervallo moriuntur. *Hip. S. Epid.* refert: Cuidam jaculo percusso in hepar, statim color cadaverosus sese sparsit, oculi intro cesserunt, difficultas ferendi, ac aestuatio consequuta est, & eadem die vitam cum morte commutavit. Alter puer à mulo in hepate percussus, quarto die mortuus est, spiritum densum habebat, nec quicquam intelligebat, & febre tenebatur. Si forte sistatur hæmorrhagia, tamen ulcus post vulnus relictum tam raro, & difficulter sanatur, ut ex tribus millibus ea parte vulneratis, vix unus aut alter evadat, & inter miracula ferè habendi sunt, qui ex iis servati fuerunt. Aliquot casus apud Authores legimus: Vulnerato hepate, & abscissa aliqua ejus parte, hominem servari credit *Aegineta lib. 6. cap. 28.* Refert *Gemma lib. I. Cosmocritic. cap. 6.* de quodam Hispano ab insigni hepatis vulneri sanato. *Bertinus lib. 13. medic. cap. 7.* scribit de viro nobili, cui non tantum hepar vulneratum, verum etiam aliqua hepatis pars per vulnus extracta fuit, qui tamen, præter omnium expectationem sanatus fuit. *Hildanus Cent. obs. 34.* narrat de Helvetio quodam, qui extracto hepatis vulnerati frusto, & symptomatibus severissimis supervenientibus, tamen convaluit. Verum hæc sunt naturæ miracula; qualia in curationibus interdum contingere, olim tradidit *Averrhoes*. Convalescunt saltem ii, quibus superficies saltem, aut hepatis substantia sine magnorum vasorum læsione vulnerata est. Hepatis contusio periculosior est, quàm vulnus, & sæpè in abscessum degenerat.

Curatio.

Hepatis vulnera si sanguinis profluvium minentur, statim vulgares chirurgi venam tundunt jecorariam, & præsertim ad præcavendam inflammationem alacriter venæ sectionem pluries celebrant. Si æger laxam non habeat alvum, clysterem ex decocto cichorii, plantaginis, hyperici, rosarum, addito oleo myrtino, & rosaceo, melle rosaceo solutivo injiciunt. *Rhabarbarum* etiam in substantia ad ℥. ij. vel 3. j. exhibent; vocant enim *Rhabarbarum* animam hepatis. Ad sanguinis fluxum inhibendum adstringentia, & glutinantia propinant, ut sunt *rosa rubra sicca*, *balaustia*, *bolus Armenus*. Item *trochisci de spodio*, de *rosis*, *rhabarbaro cum decocto plantaginis*. Vel

℥. Conf. ros. rubr. 3. ij. flor. cichor. 3. j. veronica 3. f. corall. rubr. præp. margarit. præp. boli armeni ana ℥. j. cum syr. myrtino, vel cichorii f. electuarium, Consulto vulnere, extra emplastra adstringentia, & glutinantia adhibent; si verò per vulnus hepar pateat sequentem pulverem ei inspergunt, ut

℥. Bolli armeni, terra sigillata ana 3. j. flor. ros. rubr. 3. j. farina volatilis 3. iij. lapid. hamatit. 3. j. f. pulvis.

Vel imponunt unguentum ex terebinth. bolo Armeno, & mumia. Vel ex mastiche, & thure. Partes vicinæ inungunt oleo rosaceo, & mastichino. Si ad inguina ex transmissio sanguine abscessus excitetur, maturant, aperiunt, mundificant, & sarcoticis, ac cicatrizantibus consolidationem absolvent.

Nostra hepatis vulnerum curatio non versatur circa profundiora, quia lethalia sunt, ut in vaticinio diximus, nec in iisdem infixæ tela citò extrahantur, ne copiosa subsequuta hæmorrhagia, æger una cum sanguine purpuream effundat animam; sed tantum circa superficialia versatur; ideoque extrinsecè vulneri imponatur cataplasma herbarum vulnerariorum volatili alkali refertarum, in vini spiritu maceratum, postmodum balsamum Peruvianum album, liquidum, vel Samaritani artificialem, vel balsamum balsamorum n. d. vel aquam Reginæ instillamus, vel ea, quæ alibi descripsimus, & turundam eodem balsamo imbutam intrudimus cum superpositione emplastri stiptici.

Interim internè pulveres particulas acutas absorbentes exhibemus, qui sanguinis evasati acescentiam inhibent, & congrumationem dissolvunt, & una vasorum dissolutionem consolidant, hujus energix sunt oculi cancerorum, antimonium diaphoreticum, antihæcticum Poterii, mumia, spermaceti, sanguis hirci, lapis hamatites, magisterium coralliorum, hebur philosophicè præparatum, extractum hyperici, tormentilla, & symphyti, lacca, rhabarbarum tostum &c. quæ propinari possunt in potionibus vulnerariis de alkali volatili participantibus, quas syr. de tormentilla, scordio, symphyto, vel de hyperico edulcoramus.

Lien, sive splen est viscus in sinistro hypochondrio è regione hepatis, tanquam alterum hepar, sub diaphragmate, inter ventriculum, & costas situm, in nonnullis elatiori vel humiliori sede quàm in aliis.

Rarissimum est lienem cum hepate locum permutare, ut hoc in sinistro, ille in dextro hypochondrio; quod tamen à *Cornelio Gemma*, & à *Talentonio* fuit observatum, cujus rarissimum casum describit *Catierus obser. 17.* *Petro Borello communicat.* atque etiam duas, tresvè historias refert. *Bartholinus observat. anat. rarar. cent. 2. hist. 29.* Rarissimum etiam est lienem deesse, quod tamen se in muliere quadam vidisse refert *Hollerius inter rar. num. 5.* & in *Ortelio* compertum fuisse, ut diximus cap. præcedente. Verum animalia, quæ vesicam non habent, carent sine noxa liene, unde falsum est *Helmontii* illud *Habere & musca splenem*.

Número communiter unicus est, & hunc numerum rarissimè excedit. *Cabrolus* tamen *obser. 15.* nec non *Posthius*, & *Dominicus de Marchettis* duos invenerunt *Fallopins* verò *obser. 17.* tres lienes vidit. In canibus subinde duo, vel tres repetiuntur, magnitudine inæquales, è quibus singulis vas in ramum splenicum extenditur: quod ipsum fortassè in aliis nonnullis etiam contingit: nam *Arist. lib. 4. de generat. animal cap. 4.* scribit in nonnullis brutis duplicem esse lienem nonnulla etiam liene prorsus destitui.

Hic ambigimus, an lien sit viscus tantoperè necessarium ad vitam; Item an ille possit è corpore humano eximi, seu excindi, & vulnus rursus sanari, sine vitæ, & sanitatis dispendio?

Pro prima ambiguitatis parte, *Erasistratus* lienem frustra à natura creatum existimavit. *Aristoteles lib. 3. de part. animal.* Lienem per accidens necessarium statuit. Et *Paracelsus* ex professo methodum præscribit, quo pacto splen per medicamenta omninò absumatur, cùm nihil sit aliud, quam corporis Zizanium, quod quò magis increseat, eò plus totum corpus marcescat: contra verò *Helmontius* non tantum necessarissimum putavit, sed ad nobiliores evenit actiones.

Pro secunda quæsitæ parte lienem eximi, & excindi posse stat *Plinii* autoritas *lib. 11. cap. 37.* dicentis: *Aegoccephalo ovi lienem non esse constat, neque iis, quæ carent sanguine. Peculiare rursus impedimentum aliquando in eo, quæmobrem inuritur laborantibus, & per vulnus etiam exempto, vivere animalia tradunt.* Ex his *Plinii* dictis vulgus credit magnos cursores catere liene, vel facilè sibi persuadent lienem iis exsectum esse, *Plinii* auctoritatem, experientia nititur, confirmare *Bartholinus cent. 4. anat. rar. hist. 51.* scilicet experientia *Fioravanti*, gloriantis se cuidam lienem excidisse, atque ita sanitati restituisse, de qua propter testes se dubitare non posse scribit, & si nullos interea testes fide dignos producat, vel citet. Hoc ipsum *Fioravanti* experimentum citat, & admiratur *Desvingius tract. de sanguif. cap. 79.* simulque ex *Francisco Rouffeto* adducit duorum minorum gentium, & obscurorum chirurgorum testimonia, qui se lienes fauciatos, & alteratos sectione extirpasse, ægrosque feliciter sanasse dixerant: atque his testimoniis certam, indubitatanque fidem adhibens de liene concludit: *Hoc Viscus non esse necessarium ad vitam, sed tantum ad felicioram vitam: non tam ad esse, quàm ad bene esse: non ad nutritionem, ac conservationem simpliciter, sed ad nutritionem meliorem, utpotè ad sanguinis tenuioris, elaborationis, & magis spirituosæ generationem.* Huic sententiæ magis favere videtur novus modus nuper in Anglia repertus, quo lienes è canibus exsecantur, vita superflite manente. Hæc omnia docere videntur, hujus visceris non esse magnam necessitatem ad vitam, ut neque actionem tam nobilem, quæ ei hæctenus adscripta fuit.

Pro parte negativa stant non solum *Veteres*, sed etiam *recentiores cuncti*, imò ex sex millibus vix unum invenies, qui ante dictam opinionem non penitus rejiciat: de qua *Cælius Aurelianus lib. 2. de morb. chron. cap. 4.* ita scribit: *Decidi, vel auferri lienem, voce quidem dictum, non officio completum accepimus.* Eandem negativam etiam suffulcit experientia nunquam enim quod scio, ab aliquo Medico alicujus auctoritatis, & fidei, visum, auditum, scriptum,

vel observatum est alieni homini lienem fuisse exsectum, vita superstiti manentem. Quantum ad *Fioravantum*, ille fuit Empiricus Circumforaneus, nullius authoritatis, & satis exiguae fidei, qui credulis hominibus quilibet persuadere studebat, ut apud vulgares magnus Medicus videretur potius, quam esset. De obscuris chirurgis ex *Rousseto* citatis, illud ipsum sentiendum est: & nos etiam tales, aliasque mille similes fabellas à sciolis quibusdam gloriosis chirurgis nobis pluries narratas meminimus, quibus tamen nulla fides debebatur. Si res ita se haberet, certe non ab agyrtis, & stolidis hujusmodi chirurgis illius testimonia hoc nostro ævo petere necesse foret; jam dudum enim ante multa sæcula existerent myriades clarissimorum Medicorum, ac Philosophorum, quælibet naturæ mysteria accuratissime perscrutantium, quorum, si non omnes saltem aliqui hac de re aliquid vidissent, observantes annotassent. Sed jam tota rei certitudo confirmatur incertissimis obscurorum quorundam hominum testimoniis. Quibus tam ponderosæ rationes obstant, ut dicta sententia nullo tali fulcro fulciri amplius possit. Quippe, præter nervos, magna vasa sanguifera hominis lienem ingrediuntur (duæ scilicet arteriæ splenicæ occurrentes) quorum sola resectio sufficiens est, quæ hominem illico ingenti hæmorrhagia occidat; verosimile enim non est, hæc vasa ullis injectis vinculis, aliisve adstringentibus remediis ita constringi posse, ut hæmorrhagiam gravem non faciant: vel si fortè vinculis ligentur, quod in hominis hac parte abdita commodè fieri non posse omnibus notum est, qui visceris situm, connexionem, & constitutionem probè norunt) tunc tamen non diu potest, vinculis putrefactis, lethalem hæmorrhagiam subsequi necesse erit. Præterea si sola, & sæpè levia vulnera hujus visceris lethalia sint, imò si sola ejus intemperies, obstructio, aliisve morbus, totum corpus graviter affligere, quin etiam occidere potest, quanto lethalior erit, quantoque magis corpus, vitamque prosterneret ejus totalis ablatio? Quantum ad canes, quibus lienēs exscinduntur, illi non omnes vivi permanent, imò ex multis vix pauci in vita servantur: ii-que tunc reliquam vitæ tristes, & ignavi protrahunt, nec diu vivunt: præterea sine dubio, quod defectu convenientis materiæ à liene suppeditandæ, fermentum non præparetur, atque hinc sanguis crassior generetur, spiritusque cum vitales, tum animales pauci, & crassi suscitantur. Præterea quod in cane tutius, ac commodius fieri potest, atque hinc facere licet, hoc in homine cum summo vitæ periculo tentare nefas foret: & quod cani alicui hac in parte non cedit ad mortem, hoc hominem certissime occideret; procul dubio, quod hoc viscus in homine magis necessariam actionem præstet, quam in cane, in quo fortè pancreas, aliaque pars, ejus vices melius supplere potest, quam in homine, utpotè in quo tantum viscus, tot arteriis, venis, & nervis instructum, proprioque parenchymate donatum, frustra creatum esse, nemo sanæ mentis crederet. Ita ut concludendum sit, lienem in homine ad vitam maxime necessarium esse, nec salvo homine excidi potest.

Figura ejus oblonga est, instar linguæ bovis, unde linguosum viscus nonnullis dicitur, præcipuè quia in bove, cane, multisque aliis brutis illam figuram non malè repræsentat; foris ad latus sinistrum, & diaphragma gibba nonnihil: nonnunquam ad costas impressiones habens, latere dextram respiciente concava, ob adjacentem ventriculum: ubi per longitudinem mediam lineam quædam alba prominentiis donata, venas, & arterias cum omento admittens. In homine tamen constantem figuræ perpetuitatem non servat, sed eam multimodè mutat, quippe in quibusdam triangularis, in aliis gibbosus, quadratus, vel acuminatus, in nonnullis in lobos distinctus invenitur: Summa, & crassior ejus pars *Hip.* caput, tenuior verò cauda appellatur.

Color in sætu rubeus est, ut hepatis, cum sanguine materno alatur puro; in adultis ex atro purpureus, ob succum crassiorem; in proveccta ætate plumbeus, vel sublividus existit. Præter naturam autem lien variis induit colores juxta humorem dominantem, lividum, cinereum &c.

Parte convexa diaphragmati non firmiter, sicut hepar, sed superficialiter, nec non reni sinistro connectitur per tendentes membranaceas fibrillas à peritonæo enatas. Sima verò, seu depressa parte adhæret omento, & vicinis partibus, sicque ligatus in corpore benè habito ultra infi-

nam costam non descendit: at relaxatus ligamenti humiliori loco sentitur, cum magno valetudinis incommodo: iisdem disruptis, nonnunquam in hypogastricum delabivisus est.

Magnitudo ejus in hominibus diversa est pro corporum, & constitutionum diversitate. Plevumque longitudinem habet ferè sex digitorum transversorum, latitudinem trium, crassitiem pollicis. In morbosis tamen corporibus interdum enormem acquirit magnitudinem, ita ut ejus protuberantia extra costas sentiri, & videri possit. Sic qui humidas incolunt regiones, & aquas bibunt paludosas, magnos habent lienēs. Interim quò viscus hoc majus est, eò pejus degit homo, ejusque corpus magis extenuatur, & minus floret. Unde *Trajanus* Imperator fiscum appellavit lienem, quia ut hoc ditescere, plebs depauperatur; Sic liene augescere, minuitur corpus, quia ab eo non suppeditatur materia congrua ad fermentum conveniens in hepate conficiendum, quo destitutus sanguis debito modo non attenuatur, & ad partium nutritionem inutilis relinquitur. *Spigelius* observavit eos, qui amplas habent venas, habere lienēs majores, atque idè macilentos facilius quam pingues, in tumidos incidere lienēs. Rarissime magnitudo lienis naturali minor est, cujus nonnulla extant exempla.

Duplici circumdatur membrana; una exterior à peritonæo; altera tenui propria, ab exteriori membrana vasorum lienem ingredientium pronata, & eleganti ac miræ fibrarum implicatione contexta. Hæ tunicæ, seu membranæ arterias, venas, & nervos habent ab iis, quæ interiori substantiam pervadunt. Inter utramque autem excurrunt copiosa vasa lymphatica, instar retis cujusdam multis valvulis donata. Oriuntur ex multis minimis glandulis globatis in liene subsistentibus. Fibras obinet innumeras tenues, & validas, ex filamentis compositas, miro artificio sibi invicem intertextas, nulla cavitare donatas.

Arteriis irrigatur duabus, una ad elatiorem, altera ad demissiorem partem ingrediente. Hæ frequenter à celiacæ sinistræ ramo, quem *Arteriam Splenicam* appellant; interdum à ramo quodam ex ipso aortæ trunco exeunte, & flexuoso ductu secundum pancreatis latus ad lienem procedente deducuntur, atque in mille ramulos fissæ per eum disseminantur.

Venam magnam ex sima parte emittit, quam *Ramum Splenicum* appellant, qui ramus innumeris, plurimisque radicibus parenchymati inhæret, ex quibus sensim coeuntibus, modò plures majores rami efformantur, mox extra lienem in unum istum ramum splenicum concurrentes, qui transversim sub ventriculo per omenti superiora ad venam portæ excurrit, in eamque se exonerat. Ex his ramis, unus dicitur *Vas venosum breve* ingrediens modò una, modò pluribus propaginibus, quod vas volunt aliqui sanguinem acidum eructare ad appetitum, aut ventriculi corroboracionem, qui deinde per intestina excernatur, quod falsum existimamus, nam sanguis in liene contentus tam hominum, quam brutorum est ejusdem saporis, & dulcedinis cum eo, qui in aliis partibus corporis reperitur, & nihil à liene ad ventriculum per vas breve, sed semper à ventriculo defertur sanguis ad ramum splenicum. Alius ramus ad anum abit, & hæmorrhoidales venas internas gignit.

Observandæ sunt præcipuè *Anastomoses* frequentes articularum lienis cum venis ejusdem, præsertim una insignis ante ingressum vasorum in lienem: reliquæ in liene sunt.

Nervulos etiam à lefti paris ramo costali sinistro, magis per tunicam, quam substantiam dispersos.

De lienis officio, seu actione tam variæ, & diversæ extant Medicorum opiniones, ut veritatem assequi planè operosum sit.

Multi ex *Galenis*, aliorumque antiquorum sententia putarunt ejus actionem esse sæculentam, seu melancholicam chyli partem separare, eamque per ramum splenicum attrahere, ac in se colligere, & aliquantulum excoquere, eamque indè rursus, partim per vias venosum brevè in ventriculum, ad famem excitandam; partim per ramum splenicum ad intestina, & per venam hæmorrhoidalem ad podicem deponere. Quam opinionem multis, ferè iisdem rationibus refutarunt *Bauhinus*, *Riolanus*, & *Bartholinus*, quibus tamen omnibus argumentis ad ejus demolitionem opus non fuisset, cum hæc tria eam funditus evertunt. I. Quòd in liene nulla sit ampla cavititas, qua tale excrementum recondi possit. II. Quòd nulla

via sit, per quam illud rursus commodè evacuari queat, cum per eundem ramum splenicum modò ingredi, modò egredi minimè debeat, aut possit. III. Quòd rami splenici, & vasis venosi brevis ligatùra planè contrarium demonstrat, ut suprà docuimus, quæ sola ad istius perversæ opinionis destructionem sufficit.

Vesalius, Platerus, Spigelius, alique Anatomici multi meditantes lienem hepat adulteratum, ab *Aristotele* appellari, quòd hepate malè affecto, hoc viscus sanguificandi munere fungatur, à *Platone* expressum hepatis simulacrum, ab aliis hepar vicarium, sinistrum: lienis morbos, quemadmodum & hepatis sanguificationem lædere; quandoque inter se situm mutare, ut hepar sit in sinistro latere, & lien in dextro; & lienis vitia, atque hepatis iisdem propè remediis tolli: statuerunt lienem esse viscus sanguificans, non minùs quàm hepar, & eo imprimis argumento huc ducti, quòd lien in fœtu rubicundum habeat colorem, hepati æqualem, & quòd liene laborante sanguificatio lædatur. Istum autem sanguinem in liene confectum nutritioni viscerum in abdomine contentorum inservire putarunt, sicut hepatis sanguinem nutritioni reliquarum partium. Sanguinem hunc lienosum confici tradiderunt ex chylo aquoso, ac sæculento, quem nonnulli per vasa lactea eò deferri, alii è ventriculo per vas venosum breve in eum defluere, alii per ramum splenicum ab eo attrahi, existimarunt. Verùm hanc sententiam multa in præcedentibus dicta satis evertunt, cum sanguificatio neque ab hepate; neque à liene, neque à corde perficiatur: cum è liene, nulla extant vasa, per quæ aliquis sanguis ad nutritionem partium in abdomine sitarum commodè defluere posset: cum etiam non dentur viæ chylum ad lienem deferentes; utpotè ad quem nulla vasa lactea excurrunt, nec per vas venosum breve (quod non in lienem, sed in ramum splenicum extra lienem inseritur) à ventriculo quidquam deferretur; neque etiam per ramum splenicum ulla chyli attractio versus lienem fiat. Hanc accessus chyli difficultatem animadvertens *Veslingius*, confugit ad poros ventriculi invisibiles, per quos aquosum chylum ad lienem ferri tradit, sed nullis rationibus probat. Denique hanc sententiam penitus destruit circulatorius sanguinis motus quo pater nullum sanguinem ad partes pro nutritione deferri ab hepate, aut liene per venas, nec propter obstantes valvulas deferri ullo modo posse, sed totum è solo corde per arterias ad omnes partes propelli.

Reusnerus, Piso, & Conringius Hippocratem sequuti solum potulentum ex ventriculo statim exsugere à liene existimant, atque adeò sanguinem tantum aqueum conficere ordinariò. Sed nulla ratio firma id persuadet, siquidem defunt viæ manifestæ. Nec tenue solum attrahere debet, quo tanquam vehiculo, & chylus, & sanguis indiget quanquam seorsim non fluat, sed variè cum crassiori mixtum pro sanguinis constitutione, donec officio suo defunctum, vel à renibus separetur, vel toto habitu corporis; exsudet. Si præter naturam in ventriculo serum à crassiori chylo segregatur: vel per vomitum redditur, & crassior chylus hoc vehiculo destitutus in intestinis colicam efficit; vel per pylorum excernitur, semper patulum liquidioribus, & coctis facilioribus cibis; multò magis largiori potu, qui celeriter interdum in poratoribus strenuis per urinam redditur, non lienem transeundo, sed per intestina; si convenientia adsit qualitatis, humorum tenuitas, laxitas vasorum; roborque trahentis facultatis, quibus conspirantibus rectè *Asellius* asserit, nullam esse tam longam viam, quæ non facilè acceleretur. Aliter constitutis, non statim per urinas potus labitur: Sunt enim, qui integro die Baccho indulgent sine matulæ necessitate. Sunt etiam quibus lubrica alvus solvitur, ut per intestina ferri dubitandum non sit. Sanguis quidem lienosus tenuis est, & aquosus non quòd ralis immediatè ex ventriculo proveniat, sed vitium est totius sanguinis per arterias lienem communicatum.

Omnes ferè *Anatomici* sanguinem in liene contentum acidum esse affirmant, verùm nos gustatus organum ejusdem saporis esse lienis sanguinem, ac cæterarum partium docuit, nec subaciditas in liene cocto gustu percipitur, comedant isti lienēs, & postea scribant, & esto *Valaus in epist. de motu sanguinis, & Highmorus Disquisitione anatomica* dicarit, quòd lien animalium vel assatus, vel coctus, vel quomodolibet præparatus, gustatus, deprehensus est austerus, pontici, acerbis, & acidi saporis; credimus

Musitani Opera Tom. II.

tamen hos lienem propè corruptum gustasse, vel gustum acidi apprehensione imaginaria imbutum, & sic dulciter deceptos fuisse. Nec obstat animalium lienem præsertim cervi, & bovis præparatum in extractum, vel essentiam redactum affectibus splenicis, & imprimis cachexiæ Virginum, & mensium suppressionibus specificè conducere, quia in præparatione semper acida miscentur. Præterea si lienis sanguis esset acidus, utique coaguletur; est enim acidum stomacho gratum, & amicum, at sanguini ob coagulationem hostile, & esto aliqua acidi portio quandoque in sanguine fluctuet, quia vel diluitur, vel ab alkalicis particulis castigatur, & ipsum non coagulat. Hoc vulgare Medicorum opinamentum ab Astrologorum naniis desumptum est, dicunt isti in regno minerali plumbum, & in animali lienem Saturno comparari, & sicut plumbum inter metalla est vilissimum, molle, ductile, obscuri & nigricantis coloris, constans ex copioso Mercurio, sulphure nigricante, & sale impuro; ita microcosmicum Saturnum, scilicet lienem cloacam, sive sentinam excrementi melancholici, mollem, spongiosam & nigricantis coloris esse dicunt, & sicut Saturnus omnis adstrictionis, terreitatis est auctor, ita lien aciditatis, & austeritatis. Non negamus lienem partem sanguinis crassiorem, terrestrem, sæculentam, effætam, quam vulgares melancholiam appellant, non continere, verùm acidum in eo sanguinem contineri omninò refutamus. Multos languores lienem tribuerunt vulgares, & præsertim melancholiam hypochondriacam, scorbutum, quartanam &c. quorum lien immunis est, & si quandoque afficiatur, non est affectus tanquam mali causa, sed potiùs quòd ceu affectus altius radicato malo in sanguine, ejus læsio dependet.

Pro lienis usu nos expendimus, ut nostram stabiliamus sententiam, liene augecente, corpus extenuari; liene affecto, lienosos lurido infici colore; & liene benevalente, ac optimè constituto, corpus florescere, ut meritò dicatur *Saturnia florescere Regna*. Propterea mirificam arteriolarum, venarumque per omnem splenis substantiam fruticationem, & connexionem stupemus. Hinc toto in corpore non adesse viscus, quod tot arteriolarum; venarumque implicantiis potiatur, ut lien, censemus. Ob hanc igitur admirandam structuram, tot, tantosque laudabiles, benevalente, effectus, induci non possumus, ut lienem vel frustra, vel ad vilissimum ministerium à natura conditum esse credamus.

Certum est lienem arteriam, quam splenicam appellant, à celiacæ ramo sinistro, & interdum à ramo quodam ex ipso aortæ trunco exeunte, recipere, disseminatur per totum splenis corpus, cujus figuram silicis folium non malè exprimit; infinitam penè congeriem orbicularium, rubrorumque corporum exhibet cum glandulis innumeris, quæ locum & situm sibi nanciscuntur in sinibus, & cellulis membranosis, quibus lienis substantia integratur. Arteria splenica disseminatur in cellulas quædam membranaceas, & cellulis isti inspersæ sunt minutissimæ glandulæ sibi invicem incumbentes, ut uvarum acini, ut exactè *lib. de liene cap. 5. Malpighius* observavit. Glandulæ illæ arterias à trunco arteriæ splenicæ, & surculos nerveos à nervo; qui splenem ingreditur, cum arteria mutantur. Sanguis arterialis per splenicam arteriam ad lienem post vertiginosos motus advehitur, cænosus, terrestris, effætus segnis, ac spiritibus depauperatus, veluti cruoris fex, & caput mortuum, unde non mirum, si attri, & lividi coloris sit, cum sanguinis sæculentias recipiat, & conservet: verùm hic sanguis non est omninò inutilis, & quasi in sentinam projectus, sed ob salis fixi ubertatem est valdè fermentiscibilis naturæ, ulterius in cellulis membranosis, in liene coquitur, fermentatur, mobilis, spirituosus & volatilis fit, & reliquo sanguini commixtus ejus motum & volatilizationem promovet. Non secus ac chymici inter destillandum, ut liquor optimus fiat, partes subriles, & spirituosas à capite mortuo destillando segregant, ac deinde ipsi reasfundunt: atque hoc roties reiterant, donec caput mortuum crebris cohobiis volatilizetur, & liquor secundum omnes suas particulas ritè exaltetur. Sal iste fixus ex se ad fermentationem ineptus est, nisi ejus particulæ ad motum suscitentur, ita est in panificio vulgare fermentum (levato dictum) massæ farinacæ commixtum; nam sicut panis incocti portio quædam ad austeritatem servata istam indolem acquirit, ut panes alios fermentet, eorumque particulas aliàs

V. 2 segues

segnes in motum adigat: ita videtur, quod sanguis in liene contentus stagnat, ejusque sal fixum in latibulis coarctetur, sed huic inconvenienti bene consuluit natura, quæ hoc animadvertens, succi pancreatici portionem ad lienem mittit ex ramulis angustioribus, qui estò lienem non tangere videantur, imò obliterari in liene, si tamen microscopii ope explorentur, in lienis cellulas, & glandulas terminari observantur, unde fermentalis motus in lienis sanguine succedit, quia pancreaticus succus acidus est, ut in multis operationibus chymicis ex acidi, & falsi commissione experimur. Hinc sanguis per fermentationis motum exaltatur, mobilis evadit, spirituosus, & volatilis, ac reliquum sanguinem volatilizat, & à liene conveniens fermentum hepati subministratur, quo sanguis venalis attenuetur, & ad partium nutritionem fiat aptus. Concludimus tandem lienem sanguinem arteriosum concoquere, præparare, ac spirituosum, & volatilem reddere, & hepar venalem deputare. Quod hujusmodi sit lienis usus, patet, quia hoc viscere malè affecto, sanguis aut fermentescit nimis, ut in affectibus scorbuticis, & hypochondriacis; aut si lien sit obstructus, vel scirrhuso tumore obsessus, sanguis idonea destitutus fermentatione, cachexia, vel hydrops inducitur.

C A P U T LXV.

De Lienis Vulneribus.

Facilius hepatis affectus curatur, quàm lienis, idè- que si hic in tumorem abeat non tantùm curatu difficilis est, & diuturnus, sed etiam languorum Lernani, & exitium inducere solet. Si verò ab aliqua causa violenta extrinseca ejus continuitas solvatur, certè mortem infert, cum ejus actio non tantùm ad bonè vivendum, sed etiam ad simpliciter vivendum sit necessaria, quicquid mendaciorum pater. *Plinius lib. 11. nat. hist. cap. 37.* dicat, & ex eo *Fioraventi* circumforaneus, & alii vilioris conditionis homines: lienem cursoribus, cum impedimentum iis afferat, eximi posse scribat. Sed has nœnias supra fusiùs repudiavimus.

Signa.

Si gladius, vel telum è lienis regione abdomen penetravit, non certum indicium est lienem esse vulneratum, quia fieri potest, ut tela abdomen penetrent, & lienem non attingant, idè- que aliis opus est signis; eapropter lienem vulneratum esse cognoscimus, quòd sanguis niger, crassus, & sæculentus è vulnere erumpit, sæpè etiam vomitu vel per alvum excernitur, plerumque unà dolet ventriculus, ingens sitis excruciat, & febris. Præterea præcordia, quæ ea parte exstant, tensa apparent, dolor, qui ad jugulum pertingit, & spirandi difficultas demonstrant, quæ fortasse accidit, quod per consensum diaphragma pariter est affectum. Vel tandem vulneris figura percipitur, vel specillum demonstrat, si instrumentum pungens valdè fuit acutum, & forti brachio illatum.

Causa.

Causæ mediatae sunt res externæ, ut instrumenta pungentia, perforantia, & scindentia violenta manu intrusa, aut alio quodam infortunio, vel explosione, quæ non modò lienis substantiam attingunt, verùm etiam penetrant, ejusque continui solutionem faciunt.

Prognosis.

Lienis vulnera, quæ penetrant, ejusque corpus perforant, periculosissima, & lethalia sunt, nunquam enim sanantur, si non alia de causa, certè id ob vasorum sanguiferorum copiam, cum lien multas arteriarum, & venarum fruticationes habeat, quæ dum læduntur, hæmorrhagia succedit, nullis cedens remediis, ob difficilem loci aditum; tum enim omnis sanguis necessariò in ventrem fluit, & mors sequitur, quòd si aliter eveniat, inter miracula scribendum. Si verò vulnus sit superficiale fortasse in aliqua extrema ejusdem parte, non necessariò erit lethale.

Curatio.

In lienis vulnerum curatione *vulgares* procurant ut primò sanguinis profusio coerceatur, & inflammatio arceatur: ad sanguinem autem compescendum dum illis medicamentis, quæ adstringendi energiam habent, utuntur, ita sunt *succus polygoni, centaurii, plantaginis, pulvis boli Armeni, mumie, terra sigillata, olibani*, & id genus alia, quæ secundum artem applicetur; Pro arcenda inflammatione ad venæ sectionem, tanquam ad magnum confugiunt præsidium, & venam jecorariam aperiunt, præsertim verò partis oppositæ, quia sicut lien est veluti alterum hepar, ita hepar credunt alterum esse lienem: mittunt tamen sanguinem sensim, bis vel ter. Proscribunt purgantia quorum vice remediis ani, scilicet clysteribus utuntur. Intra vulnus tandem ea medicamenta, quæ nativum calorem fovendi energiam habent, instillant, ita est *terebinthina cum oleo abietino, myrtino, & cydoniorum*. Quia quandoque in morbis melancholicis per urinam atrum humorem magno cum patientis juvamine excretum, & in lienis vulneribus pus per urinam expurgatum fuisse observant; medicamenta urinam cientia; ex *radice feniculi, quatuor seminibus frigidis majoribus, ciceribus rubris, & similibus* exhibent. Per quas autem vias lien per urinam rectè se exonerat, alii aliter docent. Quidam per splenicum ad venam portæ, hinc hepar, & per hepar ad venam cavam, & tandem ad emulgentes pus pervenire statuunt. Sed hæc via est nimis longa, & per multas ambages. Brevior longè via est per celiacam arteriam ad arteriæ magnæ truncum, hinc ad emulgentes arterias. Cæterum sanguinem inficeret cum maximo ægrotantis discrimine. Præterquamquòd urina non transcolatur per emulgentes, ut infra dicemus. In his vulneribus magni æstiment victus rationem, quantennem, & maximi nutrimenti, præsertim verò agglutinantis virtutis, ut sunt jura extremitatum animalium cum *pilosella, pimpinella, consolida, endivia, boragine*, & similibus præscribunt. Hæc, & alia tenuioris energię medicamenta in lienis vulneribus exhibent, in reliquo totam curationem ipsi naturæ, quæ est Ignota Dea, in necessariis non deficiens, committunt, & hanc venerantur vulgares supersticiosi, veluti Atheniense, qui *Ignoto Deo* sacrificabant. Assiduè in ægrorum domibus per garrula medicastrosum ora, illa sesquipedalia roboant verba: *Natura est morborum curatrix, Medicus vere minister; ipsa enim non edocta, & nullo usque magistro, ea, quibus opus habet, disponit, eaque præter spem mirificè, in naturalem statum convertit*. Verùm non semper natura est morborum curatrix? solet enim quandoque morbo succumbere, & ita fatiscere necesse est, nec vulgares semper curandi morbos contractum cum testibus, cui se sola natura obstrinxit, exhibere possunt. Est natura morborum curatrix, sed Medicus debet esse minister, id est adjutor. Quando Medicus totam morbi curationem naturæ committit, de infirmi vita actum est. Morbos aliquot physicos criticè se sola absque ministro curat, attamen chirurgicos, ubi continui solutioni solutio adest, ut videre est in Lue Venerea, ulceribus, vulneribus, luxationibus, fracturis, & id genus aliis, nullatenus se sola curare potest nisi à perito adjuvetur ministro; est natura veluti senes uxori, qui cum tantillo auxilii pulchras suscipere possunt proles.

In lienis vulneribus sex rerum non-naturalium regimen magni pendimus; idè- que aer vitetur frigidus, & æger in loco temperato se contineat. Victus ratio sit tenuis, vitentur acida, & salsa; potus sint decocta vulneraria. Motus arceatur, quies convenit, & decubitus in parte dextra. Somnus, & vigilia suos non prætergrediantur limites. Excernenda debito modo excernantur, & retineantur. Animi pathemata, quantum fieri potest, rectè rationis freno vinciantur.

Si lien superficie tenus læsus fuerit, eodem modo curatur, ac si ejus substantia vulnerata fuerit, estò in hujusmodi vulnere lethali vaticinio se munire debeat chirurgus, non idè- vulneratus sine ulla salutis spe deferendus est, quia dum vita est, spes est, idè- que utraque læsio, tam superficialis, quam profunda eadem curationis methodo tractetur. Ad sanguinis itaque hæmorrhagiam compescendam intra vulnus syringæ ope *aquam arterialem n. d.* impellimus, quòd si prima vice suum non fortietur effectum, ejus intrusio ad cohibitionem usque reiteretur.

Dein-

Deindè ad balsamica devenimus medicamenta, quæ etiam syringa intrudantur, huiusmodi sunt *oleum momordicæ*, *Apparicis*, *tinctura myrrhæ*, *balsamus Samaritani*, *hypericonis*, *balsamorum balsamus*, *aqua Regina Hung. balsamus proprietatis*, *balsamus artificialis*, cum brevis turunda iisdem medicamentis imbuta intra vulneris orificium intrusione. & *emplastri stiptici* superpositione. Per osea exhibeantur medicamenta, quæ sanguinis acorem impediunt, demulcent, absorbent, vel immutant, vel conglutinantur dissolvunt, fluxilem reddunt, & per sua emunctoria deturbant: hac energia potiuntur *sanguis hirci*, *oculi cancrorum mumia*, *sperma ceti*, *pulvis anti-hecticus Poterii*; *sal saturni*; *antimonium diaphoreticum*, *salia volatilia ex herbis vulnerariis*, portiones vulnerariæ, quibus admiscemus *herbas splenicæ*, cum supradictis medicamentis, & præcipuè *balsamum Peruvianum liquidum* in decenti dosi, quæ edulcorentur cum *syr. de symphyto*, *de hyperico*, *tormentilla*, &c.

C A P U T LXVI.

De Renum, & Vesicæ Anatome.

Renes à Græco verbo *reo*, id est fluo denominatos esse quidam volunt, eò quod per eos urina tanquam per rivulos fluat; vel Græcè *Nephri* appellantur quasi mingentes.

Sunt *duo*, (rarissimè plures, vel pauciores adsunt, monstrosus quippe est in uno latere unus, & in altero nullus ren sit; aut in utroque latere duo renes inveniuntur, quod tamen nonnunquam contigisse visum est) ut uno affecto, alter serosum trahat humorem.

Situs habent, post ventriculum, & intestina sub hepate, & liene, ubi incumbunt spinæ lumborum musculis, inter duas peritonæi tunicas ad latera venæ cavæ, & arteriæ magnæ, sub quibus maximi nervi reconduntur, tam ipsius musculi Psoæ, quam alii ad crura hac manifestè transeunt, unde fit; ut calculo in renibus existente, stupor in ejus lateris crure persentiat. Neque planè è regione sibi invicem oppositi sunt, ne tractioni impedimentum aliquod esset, & ne aliqua feri pars præterlabatur. Sed dexter ren in homine inferior est, ut cedat jecori, cui proximè subjacet, sine suo tertiam vertebra lumborum attingens: rarè elatior est sinistro, rarè etiam situ sunt pares bini renes. Sinister ut plurimum lienem ex parte subjicitur, rarè lienem superior.

Magnitudo utriusque rarè æqualis: sinister plerumque dextro paulò major existit. Longitudo plerumque est trium vertebrarum, interdum quatuor: latitudo trium digitorum transversorum, crassities pollicis. Interdum tota magnitudo minor, interdum major invenitur, qualem majorem in salacibus se observasse putat *Bartholinus*. Quippe natura in magnitudine, numero, & figura nonnunquam mirabiliter ludit, cujus rei varia, & mirabilia extant exempla apud multos Anatomicos: Verumtamen infrequens est hæc varietas, & in sexcentis vix in uno reperitur.

Figura phaeolum, aut asari folium expansum aliquo modo referunt, si planam superficiem spectes. Exterius in dorso, seu ad ilia gibbosa, & rotunda est figura, inferius ad partem supremam, & imam gibba, sed ad mediam concava, & fima.

Superficies sicut in jecore est lævis, & lubrica; rarè, & præternaturaliter in homine inæqualis, quasi ex multis globulis carnosus renes sunt compositi.

Color ruber est obscurè, rarè intensè rubet. In malè affectis variè colorantur renes; quemadmodum, & hepar, & lien.

Connektuntur per membranam externam, quæ à peritonæo est, lumbis, & diaphragmati, per emulgentia verò vasa cavæ, & aortæ, per medios ureteres vesicæ. Et dexter ren, cæco intestino, quandoque jecori, sinister lienem, & colo. Hinc flatuum, & excrementorum copia exacerbatur nephritis.

Membranis vestiuntur duabus, quarum exterior communis, à peritonæo procedens, adiposa nominatur, quia in obesiscopio adipe circumfunditur: in hanc ingreditur arteria adiposa, ab aorta: ex ea verò egreditur vena adiposa, quam ren dexter ad emulgentem, rarius ad cavæ truncum, sinister verò ad cavam emittit. Interior propria membrana ab externa tunica vasorum dilatata efformatur, eique *nerviuli* exigui, à sexti paris plexu, & ramo stomachico inferuntur, obtusum renem sensum præbentes,

Musitani Opera Tom. II.

qui tamen in ureteres se extendunt, & his acutissimum sensum conferunt, atque hinc causa sunt, quod in nephriticis doloribus ventriculus in consensum protrahitur subvertitur, & vomit. Paucissimi verò, iique tenuissimi, ac vix conspicui nervi ipsam renem substantiam ingrediuntur. Hinc nephritici dolores gravativos habent vehementiores; sed dolor tamen fit acrior, si calculus in ureteres angustos, & valdè sensiles ingrediatur.

Ipsa renum *substantia*, quatenus visui occurrit, apparet quasi fibrosa, ex concursu, ac mixture minimorum vasculorum intercedente aliqua carnositate, variis exilibus alveolis donata, junctorum contexta externo contactu duriuscula, sed interius tamen modicè spongiosa, coloris obscurè rubicundi exterius; versus pelvim verò magis pallidi. Hæc sunt illa, quæ in renibus oculorum obtutu communiter percipi possunt, sed nostro iudicio ipsa est mera glandularum minimarum congeries cum suis vasculis.

Habent singuli renes duo ampla vasa sanguifera, arteriam scilicet & venam emulgentem, quibus exilia quædam vasa lymphatica interjiciuntur.

Arteria emulgens, ex aortæ descendens trunco producta, simam renis partem subit, geminata prius, hinc diversis ramis per ejus substantiam dispergitur, in eamque in minimos, atque invisibiles furculos evanescit.

Vena emulgens paulò amplior est arteria. Hæc innumeris radicibus; in hunc truncum concurrentibus, reni, ejusdemque glandulis inhæret, ab eoque è sima parte exiens, ad cavam procedit, in quam aperitur, ejusque ingressui mox valvula insignis imponitur, ab inferiore parte sursum spectans, ita sita, ut sanguis liberum ut cavam transitum concedat, sed ejusdem refluxum è cava in emulgentem impediat. Verum ut verum dicamus, venarum emulgentium radices cum finibus arteriarum emulgentium per anastomoses multipliciter coeunt, ut annotavit *Rolsincius*, & *Bartholomæus Eustachius lib. de renibus*, ac *Malpighius* edocuit.

In rene interiore continetur *Pelvis*, seu *Infundibulum*; quod nihil aliud est, quam sinus membraneus, factus ex uretere in cavo renis expanso, ac dilatato, & apertis, atque latis ramis (ut plurimum octo, vel decem) instar fistularum eò perveniente: quibus singulis imponuntur *carunculae*, vulgò *Papillares*, *Rondoletio Mammillares* dictæ, instar glandularum mirè coloratæ, sed duriores reliqua carne, magnitudinis ipsi, superius latiusculæ, inferius convexæ, perforationes angustissimas habentes, quæ vix capillum admittunt.

Actio renum est, serosam redundantem humiditatem è sanguine separare, quæ ipsis cum sanguine in transitu per renem glandulas, fibrillas urinarias, & carunculas papillares, bona feri pars separatur, ac in pelvim distillat, indeque per ureterem delabitur in vesicam urinariam. Quod verò reliquum est sanguinis, & feri ei permisti (totum enim serum à sanguine non separatur) illud per venas emulgentes demittitur ad cavam. Verum arteriæ emulgentes per varias anastomoses, cum venis emulgentibus in renem substantia coeunt, & hæc sanguinem ad cavam demittunt, absque feri separatione; præterea illa feri separatio quomodò fiat, explicare difficillimum est, quia primaria duo, ex quibus explicatio petenda foret, penitus obscura sunt, scilicet specifica fermentatio, & peculiaris pororum in renibus dispositio.

Secundum nostram sententiam de renum usu præmittimus, quod una, eademque est sudoris, & urinæ materia remota, tantum secretoriorum locorum diversitate sudor, & urina distinguuntur; hinc observamus per æstatis decursum, habitu corporis rarefacto, & poris valdè reseratis, majorem sudoris evacuationem; paucam verò urinæ excretionem: contra verò hyeme, densata cute à frigore, repercussa effluvia non integrè exhalant per corporis periphæriam, & hinc copiosa materia serosa per urinas excretio. Sudoris, & urinæ materia est serum, quod est pars aquosa ciborum, & potus cum alimentorum succis sulphureis, ac salis in ventriculo, aliisque visceribus simul excocta, & sanguini copiosè affusa, ut ei perfectam mixturem, & necessariam tenuitatem, & fluxibilitatem conferrat, qua mediante per angustissimas quasque vias permeare possit, ut ejusdem quoque impuritates accrudiores salas particulas abluat, sibi que admisceat, & una secum per salivam, sputa, sudores, atque urinas evacuet.

Hoc serum à poru, & alimentorum humiditate

copiosè affusum, dupliciter evacuat, vel insensibiliter per cutem constantem ex arteriis, venulis, & nervulis capillaribus, qui rete totum corpus investiens texunt: sub ista textura reticulari constitutæ sunt copiosæ, glandulæ miliares, suis excretoriis vasis exteriora versus ad cuticulam spectantibus constructæ; quorum orificia cutis poros constituunt. Hæ ipsæ cutis glandulæ ex sanguine dies, noctesque perpetuò per capillaria vasa sepatant copiosè partem ejus ferofam salinis, oleosis superfluis, inutilibus, & effæctis particulis imprægnatam, quæ sub habitu per se invisibilium forma per vascula eorum excretoria expirant, adjuvante non parùm calore, tum ipsius corporis expirantis, tum etiam corporis ambientis, & hæc. *Insensilis* appellatur *Transpiratio*. Hæc autem ferofus humoris per poros evacuatio omnes sensiles quorumcumque excrementorum evacuationis copia longè superat. Ut si homo una die assumpserit alimenta ad libras v. g. XII. excernit per poros cutaneos, & expirationem vaporosi excrementi libras IX. & fortè vix III. per sensiles evacuationes. Hoc ingenioso experimento scitè docuit *Sanctorius* in Medicina statica. Iste hominem juvenem matutino tempore; post depositas alvi, urinæque sordes, in exactissima libra ponderat: ac præterea etiam omnia, quibus tota die usus est, alimenta seorsim ponderat. Deinde etiam sputorum, alvique, & vesicæ excrementorum, quæ tota die excernit, in vase collectorum, pondus exactè inquit; eundemque hominem postridiè eadem, qua pridè hora, jejunum ponderat; tumque detracto excrementorum manifestè excretorum pondere, comperit excrementum per poros insensibiliter evacuatum, pondere multùm superat omnia alia sensibiliter evacuata excrementa.

Vel hoc serum sensibiliter evacuat, quotidie namque gignitur, & interim partium substantiæ non apponitur, itaque præter insensilem transpirationem, per quam non totaliter evacuat, necessariae fuere evacuationes sensibiles, per quas redundantis ejus copia sufficienter evacuati possent. Inter sensiles hujus feri evacuationes sudorem recensemus; qui evenit, tunc cum insensilis transpiratio in tantùm augetur, ut hæc confertim sub guttularum minutissimarum forma erumpat, quæ unitæ rivulorum specie demanant, adeò ut etiam habitus exterior ab ista imbibitione uberius humectetur, & quodammodò turgescere videatur. Materia sensilis hujus transudationis est eadem, quæ insensilis transpirationis, imprimis salina volatilis, ac sal diaphoreticum. Item sensiles, & manifestæ sunt hujus feri evacuationes, ut per oculos ferofus humor in lacrymarum forma labentes. Per os, & nares magna feroforum, & pituitosorum vaporum, ac humorum expulsio fit in excretionem, tussim, sputationem, salivationem, & gravedinem, atque etiam in expirationem, hyberno tempore satis conspicua.

Sunt cutis pori vasa hujus feri excretoria præternaturalia, at naturalia sunt renes, per quos magna fit excretio: Sed quomodò fiat, res est triciis referta, ex his tamen, quæ præmissimus, vias, per quas hoc serum ad renes deducitur, facillè eruimus, omnes namque nostri corporis partes fibrosæ sunt, & à perenni insensili transpiratione ad celeriorè, & promptiorè motum peragendum sanguinis sero, quod per transpirationem exhalat, humectantur, & totius corporis impuritates, sordes, digestionum errores, particulas salinas, acidas, vel alkalicas, & ex his lixiviales imbibit, abluit, abstergit, & per renum colatorium purgat, & extutbat, ac secundum fibrarum rectitudinem filtratur, quasi per plura ellychnia excurrit, & fibras, vel filamenta illa tenuia ingreditur, & ex iis ad caruncularum papillarum perforationes promovetur, per quas in pelvim, & hinc per ureteris ductum in mare microcosmicum, id est vesicam destillat. Unde est, quod qui parum sudant, multùm mingunt, & qui multùm sudant, parùm mingunt, vel ut hyeme, vel æstate contingere observamus. Hinc quoque accidit, quod quandoque diaphoretica, & sudorifica exhibita, diuretica evadant, quia attenuatum, & liquatum serum ob obferatos cutis poros, ad naturalia tennim excretoria deturbatur loca.

Præterea magnus ad renum parenchyma lymphæ proventus per vasa lymphatica confluit, unde multiplicatur urina; est namque lymphæ peculiaris liquor tenuis, & pellucidus ex ferofa sanguinis parte in glandulis globulatis secretus, non tamen simplex, sed multo sale fuso, ac volatili perfusus, & nonnullis etiam sulphureis parti-

culis imprægnatus. Hæc lymphæ jugi motu per numerosa, & cava vascula moverur, & quia continuò aggregatur, nec pro partium nutritione inservit, continuò exhauriri necesse est, qua de re magna vasorum lymphaticorum congeries in carunculis papillaribus, & pelvi terminata conspicitur, in quibus lymphæ sese exonerat, & hinc per ureteres ad vesicam destillat. Hæc vasa lymphatica in inferiore ventre latentia, si aliqua de causa rumpantur, (sunt enim tenella) tunc lymphæ in abdominis capacitatem effunditur, ab ejusque accumulatione, Ascites generatur, & hinc urinæ diminutio sequitur.

De Glandulis Renalibus.

Glandula Renales Julio Casserio *Renes succenturiati*, Vvarthono *Glandula ad plexum nervum sita*, Bartholino *Capsula atrabiliaria* appellantur. Sunt duo corpora glandulosa quorum unum singulis renibus, qua cavam spectant, sub diaphragmate; superna parte adiposæ tunicæ incumbit, cui, adeò firmiter adhæret, ut sæpè à negligentioribus prætervideantur, & exemptis renibus membranæ diaphragmatis annexu relinquatur.

Numero tot sunt, quot renes, & hunc numerum rarissimè excedunt. *Substantiam* possident renum substantiæ non multùm abssimilem, sed laxiorem, coloris nunc rubicundi, nunc adipi similis. *Figura* renibus rarò similes sunt, frequenter instar pastæ depressæ, ex quadrato oblongæ conspiciuntur: sæpè etiam triangularem, interdum ovalem, rarò rotundam obtinent figuram.

Magnitudinem in adultis habent renibus multò minorem, & circiter ad quantitatem nucis vomicæ extenduntur, dextraque solet magnitudine superare sinistram, rariùs hæc illam. *Tunica* succinguntur tenni, qua exteriori renum membranæ firmiter connectuntur. Manifestam sinuosam *cavitatem* habent, sed adeò exigam, ut vix pisum admittat, atque hinc in fœtu meliùs quàm in adultis conspicuam, quæ nigram, fœculentamque materiam continet, cujus colore etiam parietes ejus interiores tinguntur. *Arteriam*, & *venam* ex emulgentibus desumunt, interdum ex trunco aortæ unum, vel plures ramos, *Nervulos* admittunt exiles à sexti paris ramo stomachico, ad propriam renum tunicam decurrentes.

Usus harum glandularum hætenus incognitus, & obscurus est, & quicquid *Anatomici* dicunt, mera conjectura est, & ex hac obscuritate fit, quòd hætenus nulla ferè harum glandularum apud Medicos fuerit consideratio, cum tamen ex iis malè habentibus varios morbos procedere credendum sit. Sperandum igitur Medicos practicos imposterum has partes diligentius observaturos, & quales morbi ex iis oriantur, per multiplices cadaverum operationes indagaturos, & annotaturos.

De Ureteribus.

Ureteres, quasi utinæ ductores, sunt vasa oblonga, & alba, vel canales teretes, ex renum substantia, egressi, in vesicam plantati, secum in renibus transcolatum excipientes, & ad vesicam advehentes. *Oriuntur* è renum sinu interiore, cujus variæ fistulæ occurrentes, & tandem in unam coeunt, ureterem efformant. *Numero* communiter ureteres bini sunt: utrinque unus, aliquandò duo, & etiam plures, ante insertionem tamen in unum coeunt. *Magnitudo* oblonga sunt vasa, crassa, & concava, palam lata. At in calculosis dissectis, sæpius vidimus cavitatem eorum duos digitos admittere, imò æqualem intestinis fieri. *Figura*. Teretia sunt vasa instar canalium, nonnihil oblonga, instar Literæ S. *Membranam* duplicem habent: Unam communem à peritonæo ad validitatem, alteram propriam substantiæ interiori vesicæ similem, & continuam, albam, ex sanguinem, nervosam, crassam, validam, fibris rectis, & obliquis, ut distendi queat, donatam. *Venas*, & *arterias* exiles à vicinis partibus recipiunt. *Nervos* verò à sexto pari, & medulla lumborum. Unde exquisitè sentiunt, & dolent, si calculi pertranscant. *Usus* est, ut per eos tanquam canales urina in renibus segregata in vesicam feratur; arenulæ etiam aliquando, & calculi Urina in vesicam fertur manifestis foraminibus, quæ duo sunt paulò ante cervicem, ubi ureteres inferuntur, quorum implantationi duæ membranulæ transversæ instar valvularum in foliis, apponuntur, quæ urinæ præbent ingressum intra vesicam, & prohibent, ne regre-

regrediatur. Hinc ne statum quidem vesica inflata, & ad cervicem arctata immittit. Has tamen valvulas *Andreas Laurentius*, *Riolanus*, & *Plempius* in dubium vocant, & solum tortuosum ductum in vesicam, urinariæ regressum è vesica satis impedire posse tradunt. Sed est tortuosus sit ductus, patulus tamen est. Colon quoque non parùm in-torquetur, magis Ileon, valvulam tamen affixam habent. Quin ipsi coguntur fateri geminam membranam mutuo applicatam ureterum foramen exactè intercludere, quam nihil prohibet valvulas appellare. Hunc ductum *Asclepiades* ignoravit, voluitque cæco modo urinam in vesicam deduci, ac si in halitum prius resolveretur, transfunderet, & postea in humorem priori similem concrelceret, quam transudationem etiam statuit *Paracelsus*.

De Vesica Urinaria.

Vesica Urinaria est membranca pars infimi ventris organica, quæ urinale lixivium à renibus susceptum asservat, & tandem vel pondere, vel actimonia molestem excernit. *Sita* est in hypogastrio inter geminas peritonæi tunicas, in cavitate, quæ ab ossibus sacro, coxarum, & pubis efformatur. In viris recto intestino incumbit, glandulisque pro-statis jungitur: in mulieribus uteri collo adhæret, in utriusque antè pubis ossibus alligatur. Præterea connectitur etiam umbelico per urachum. *Figura* est oblongè globosa, & rotunda, seu pyriformis, ut capax sit: atque intus cavitatem unicam habet vesica. A fundo sensim coarctatur in collum angustum, unde duæ vesicæ partes: fundus, & cervix. *Magnitudo* non in omnibus æqualis existit, sed in aliis major, in aliis minor, quam sæpè insignem peperit crebra, & violenta ejus distensio ab urinæ nimis diuturna retentione. *Foramina* tria habet vesica: duo minora ante cervicem, ureterum ingressui patent, de quibus supra; tertium majus in cervice est pro urinæ exitu.

Substantia est partim membranosa ad robur, extensionem, & corrugationem; partim carnosam ad motum. Nam duas habet membranas, & unum musculum circumvolventem totam vesicam, quem omnes *Anatomici* tertiam ejus membranam faciunt musculum. *Prima* membrana est externa, & communis à peritonæo, valida, & densa. *Altera* est intima, & propria, tenuis, exquisitè sentiens omni fibrarum genere intertexta, ut multum queat distendi, & contrahi. Hinc obducitur crusta carnosam vel quasi tunica rugosa ex excrementis terriæ coctionis, ne intima tunica ex urinæ acrimonia lædatur. Quæ inter hanc propriam, & extimam communem in medio est, ab aliis secunda propria membrana vocatur, quam tamen concedunt crassam esse, & fibris carnosis donatam vesicam: quia fibras habet perspicuè carnosas ad vesicæ initium insertas; ita ut, quemadmodum musculus circularis ille sphincter dictus, vesicam constringit, ne involuntariè nobis urina effluat, ita hinc musculus ad urinæ excretionem faciat, dum se contrahendo, vesicam constringit.

Venas habet vesicam hypogastricas dictas, ad cervicis latera implantatas, quæ variè distributæ per vesicam sibi metuo, arteriisque conjunguntur, motuque foraminibus perviæ sunt, ut facilè ex uno in alium ramum sanguis deferatur ex observatione *F. Sylvii*, ad nutrientis sanguinis, per arterias delati, refluxum, quia trahit purum excrementum, nempe urinam, qua non alitur. *Arterias* ab hypogastricis recipit in viris, in sceminis à vasis uteri cervicem petentibus. *Nervos* insignes à sexto pari & medulla ossi sacri.

Dividitur in fundum, & cervicem. *Fundus* superiorem, latioreque vesicæ partem comprehendit, à quo sursum ad umbilicum porrigitur urachus, qui una cum propinquis arteriis umbilicalibus validum in adultis ligamentum evadit, decubitus fundi in cervicem impediens. *Cervix*, seu *Collum* inferior, & angustior pars est, & in urethram aperitur, per quam urina emittitur. In viris collum hoc est magis longum, & angustum, & nonnihil contortum, quia penis corporibus subjectum, sursum sub ossibus pubis ab ano ad penis extortum fertur: cui posteriore parte glandulæ binæ apponuntur, prostaticæ dictæ. In sceminis brevis, & lata cervix est, recta deorsum protensa, & uteri collo superius implantata. In utroque sexu cervix carnosam est, pluribus fibris contexta, præsertim transversis, quæ constringunt collum vesicæ, ne involuntariè nobis urina effluat, & musculus hic orbicularis ab hoc usu dicitur *Sphincter*: qui si refrigeretur, paralyti, vel alio affectu lædatur, fit mictio involuntaria.

Musitani Opera Tom. II.

Ufus vesicæ urinariæ notissimus est, nimirum quod defluum à renibus urinale lixivium recipiat, instar matulæ corporis, & per multas horas asservet, quod homo inter negotiis suis, somnoque incumbere possit, nec adeo crebra urinæ emissionem inturbetur, & deinde juxta tempore expellere.

C A P U T LXVII.

De Renum, & Vesica Vulneribus.

Descripsimus lienis vulnera, nunc juxta nostrum institutum, ordo postulat, ut de renum, & vesicæ vulneribus agamus, nec parvi pendenda censem, quia non sunt partes principes; sunt namque ministrantes, & vitæ conservandæ usum apprimè necessarium habent, nempe ut perpetuum excrementorum prolapsus recipiant, ac proinde lethalia sunt, aut raro, & difficulter longo post tempore consolidantur, vel quia eorum curatio diuturna est, vix evitari potest, quin abeant in fistulas.

Signa.

Cognoscuntur renum vulnera è loco, cui vulnus inflitum fuit: nam in parte posteriori infra diaphragmatis regionem, ac prope lumborum vertebra observatur. Ex ceteris, nam urina vel supprimitur, vel difficulter redditur, & quæ excernitur, est cruenta, & si vulnus sit magnum, sanguis aquosus è vulnere egreditur. Ex symptomatibus, dolor enim è regione renum percipitur, qui ad inguina, & testes extenditur usque. Vel instrumento valde longo, & acuto, ex quo vulnus fuit illatum; vel ex specillo, quo vulnus explotatur. An vulnus tantum renum superficie attingat, an verò ipsam renum cavitatem penetraverit, ita cognoscitur: Si sanguis multus, & urina non egrediatur, indicio est tantum superficiem, vel carnosam partis substantiam esse vulneratam. Si verò sanguis multus, & urina simul è vulnere egrediantur, vulnus in renum cavitatem penetrare, argumento est.

Vesicam vulneratam ex loco, cui vulnus inflitum est, & dolore circa pubem cognoscimus; cum urina sanguis mingitur, aut non per destinatam viam, sed ex ipso vulnere effluit, ventriculus in consensum trahitur, unde bilis, aut singultus sequitur. Si vesicæ sphincter vulneretur, adest involuntaria mictio, prout in sectione ad calculum è vesica extrahendum, vel dilaceratione coli vesicæ in mulieribus sæpè accidit, ut licet vulnus sanetur mictionem tamen, ob lationem, & dilacerationem musculi fibrillarum, disferre, & urinam diutius retinere nequeant.

Causa.

Renum, & vesicæ vulnerum causæ sunt instrumenta externa, scindentia, pungentia, terebrantia, & tam penetrantia, ut non modò partium vicinarum, & circumjacentium, sed etiam horum viscerum substantiam attingant, verum etiam penetrent, & unitatem solvant.

Prognosis.

Renum vulnera si sint magna, & altius eorum substantiam penetraverint, & cum vasorum læsione, quibus referri sunt citam mortem promittunt, alias sæpè lethalia, & periculosa, difficulterque curationem admittunt, & nonnisi longo tempore, cum continuus humoris, qui per eos affluxus, curationem remorari soleat, & in fistulas degenerant. Illa renum vulnera salutis fiduciam admittunt, quæ superficiem tantum attingunt, nisi inflammatio superveniat, quæ si accedat, admodum lethalis est. Si urina supprimitur ob sanguinem grumefactum, ureteres, & vesicæ meatus obstruentem; venter ob urinæ in ventris capacitatem effusionem intumescat, citissima mortis est indicium. Illud tamen non est omittendum, quod minus periculosa sunt renum, quàm vesicæ vulnera, quia renes magis sunt carnosum.

Vesicæ vulnus lethale est ut *Hip. sect. 6. aph. 18.* asserit: *Vesicam dissectam habenti lethale est, & morb. lib. 1. §. 3.* idem inquit: *Si quis vesica sauciatus fuerit, moritur, & §. 7. Vesica dissecta non coalescit, & quidem primò, ratione inflammationis, & convulsionum mox supervenientium; Secundo, quo minus commodè applicare liceat*

medicamenta ; & tertio , urina abdominis cavitatem repleatur . Verum vesicæ vulnera pro læsæ partis diversitate , nunc magis , nunc minus periculosa sunt , nam in collo vesicæ , vel infima ejus parte , quæ carnosior est , vel circa sphincterem lethalia non sunt , id quod calculorum per excisionem extractio satis docet : estd non improbabile sit , etiam hæc vulnera , si vasa vesicæ sanguifera majora lace- rentur , hæmorrhagiam lethalem interdum inducere posse . Si vesicæ fundus vulneretur , ejus vulnus à pluribus hætenus lethale creditum fuit , antiquissima *Hip.* autoritate inductis *sect. 6. aph. 18.* ut supra citavimus : observatum tamen est , vesicæ fundi vulnera sanata fuisse ; aut dumtaxat exinde mortem non sequutam fuisse , quales observationes *Platerus obs. p. 849. & 850. Bauhinus, Vurtz. Schenkius,* & alii narrant . Imò ratio potissima , quam à substantia ejus nervea , & membranea communiter adferunt , insufficiens est , cum & vesicæ fundus tunicam exteriorē carnosiore habeat ; unde *Hieron. Fabricius ab Aquap. & Spigelius* eam pro musculo vesicæ constrictorio habent , cujus intuitu etiam hujus vulnus coalescere potest . Cui accedit , quod fundi etiam maxima pars peritonæo , & musculis abdominis contigua cum his coalescentibus facile cocat , seu communem induat callum . Attamen si graviora symptomata , & plura , ut convulsio , inflammatio , febris , deliria , vomitus &c. oboriuntur , pessimum , & lethale est , contra verò si minora , aut nulla superveniunt . Colli vesicæ vulneribus involuntaria mictio accidit , quod quotidie experimus post lithotomiam , licet enim sanatis vulneribus illis , attamen ægrotantibus sæpè per penem involuntariè effluit urina , quia in sectione , & calculorum extractione , plures fibræ musculis sphincteris vesicæ dissecantur , ac rumpuntur .

Curatio .

Instituta optima victus ratione , quam primis diebus tenuem , subsequētibz verò aliquantulum pleniorē instituant *Vulgares* ; alioquin urinæ acres , & mordaces redderentur , & dolores exacerbarentur , deinde revulsionis , & postmodum derivationis gratia venam secant , & purgantium loco anum clysteribus sollicitant . Si vulnus sit in renum superficie , fortiora glutinantia usurpant ; & olea vulneraria ejusmodi vulneribus accommodata instillant , & emplastrum glutinans imponunt . Si verò vulnus in renum cavitatem penetret , vinum austerrum infundunt , in quo cocta sint radix consolida majoris , polygonum , & glycyrrhizæ ; vel imponunt cataplasma ex dactylis , pane siligineo , acacia , hypocistide in vino austero coctis ; cohibito sanguinis fluxu , glutinantia dicta infundunt . Extra emplastra glutinantia applicant , vel imprimis utile censent in renum vulneribus Unguentum sanctum à Jo. Andrea à Cruce descriptum ut

℞. Resina pini recent. clara, odorata ℥. xii. olei laurini puri, terebinth. opt. ana ℥. ij. gummi elemi puri ℥. ix.

Primò resina , & gummi super lento igne dissolvantur , de inde addatur oleum laurinum , & terebinthina , atque ita ebulliant , donec justam crassitiem acquirant , & percolentur . Per os exhibent trochiscos de alkekengi , carabe , de terra sigillata ; item quatuor semina frigida majora , sed diuretica omnino proscribenda sunt , ne nimius urinæ fluxus ad affectam concitetur partem . Si urina ob grumatum sanguinem supprimatur , pectinis , inguinis , & perinæi regionem oleo de scorpionibus vel amygdalarum dulcium inungunt , ut quæ sanguinis grumos dissolvendi facultatem habent . Vel applicant cataplasma ex parietaria , malva , saxifragia .

Pro vesicæ vulneribus *Vulgares* medicamentis , glutinantibus utuntur , & locum vulneratum oleo myrtino , mastichino , rosaceo , vel hypericonis inungunt , & tandem emplastrum tripharmacum imponunt . Vel utuntur injectionibus per syringam ex rosis , radicibus consolida , foliis myrti in vino coctis ; quibus mel rosaceum addunt . Vel vinum myrrhatum injiciunt . Internè exhibent decocta ex agrimonia , althea , plantagine , violis , hederæ terrestri , floribus rosarum &c. edulcorata cum syrupis myrtino , de symphyto , & similibus , additis pulveribus coralliorum , sanguinis draconis , vel lapidis hematitidis .

In renum , & vesicæ vulneribus aer frigidus arceatur , & temperatus convenit . Cibus sit facillimæ coctionis , & tenuis primis diebus , postmodum aliquantulum augeatur , ab acidis , salinis , & crassis prorsus abstinendum . Pro potu utatur æger porcionibus vulnerariis in pauca quantita-

te , vitetur frigidus , & crassus , ne urinæ suppressionem inducat , vitentur diuretica , ne magna feri colluvies ad affectas delabatur partes . Motus proscribatur , & quies præscribatur . Vigiliæ non nimis protrahantur , ne succos reddant aciores ; Somnus modum non excedat . Alvi adstrictio tempestivè solvenda , ne intestinis ab excrementis repletis renes , & vesica læsi comprimantur , & dolores augeantur . Urina debito tempore per consuetam viam , & non per vulnus excernatur . Animus ad salutarem hilaritatem , quantum possibile , disponi debet ; mæstitia , & timor vitandus , aliàs succi torpescunt , & stagnantes , acidi fierent ; ira , & excandescencia , angue pejus vitetur , quia succos , & spiritus irritant , agitant , & inordinate commovent .

Renibus vulneratis vulnerariis sanguinem sistētibz occurrimus , ut

℞. Ol. croci martis, essentia corall. ana ℥. j. tinct. hyperici gutt. x. aquæ spermatis ranar. ℥. j. m. f. potio . Vel

℞. Terra exanimat. vitrioli ℥. j. lapid. hematit. præp. ℥. ss. extract. hyperici g. xii. syr. de portulaca ℥. j. succ. urtic. hortens. depurat. ℥. ij. m. Vel

℞. Sperniola croll. gr. x. laudani opiat gr. iij. magist. corall. ℥. j. syr. papav. rhæad. ℥. j. decoct. tormentill. ℥. iij. m. detur cochleatim . Vel

Per syringam injici possunt potiones vulneraria ex rad. tormentilla , symphyti , aristolochia , summit. & sem. hyperici , aqua arteriali vigorata . Ad sanguinem renes obstruentem , & urinæ transitum impediētem optimè valet sequens pulvis , ut

℞. Ocul. cancr. ℥. j. sem. hyperici ℥. ss. sperm. ceti ℥. ij. m. f. pulvis , qui propinetur cum syr. symphyti . Vel

℞. Sang. hirci ℥. j. mumie ℥. ij. stibii diaph. ℥. j. f. pulvis in tres doses dividendus .

Intra vulnus fiant injectiones ex oleo terebinthina , vel momordica , vel Apparicis , balsamo Peruviano , & aqua Regina , vel balsamo proprietatis , vel Samaritani . Vel sequens linimentum Barbetianum applicari potest , ut

℞. Resina pini ℥. iij. ol. laurini, terebinth. ana ℥. ss. gummi elemi ℥. ij. m. f. linimentum , quo utere cum turunda ad perfectam usque , & vulneris occlusionem cum emplastri stiptici superpositione . Non desint præterea potiones vulnerariæ vigoratæ aliquot guttulis balsami peruviani , vel balsami sulphuris terebinthinati , vel tinctura alkekengi , edulcorata cum syr. de scordio , vel de hederæ terrestri .

Vesicæ vulnera non aliter ac renum curantur , attamen præcaveantur , & avertantur symptomata , ex quibus hicpotissimum timenda sunt , ischuria , dysuria , & convulsiones . Internè exhibeantur decocta , & potiones ex radicibus tormentilla , symphyti , flor. malv. arbor. Nymphae , rosar. rubr. balauft. factæ in vino rubro , clauso vase , addito syr. de hederæ terrestri , vel de symphyto , quibus addi possunt oculi cancrorum , balsam. Peruv. Vulneri instillantur decoctiones ex scordio , radicibus aristolochia , tormentilla , caryophyllata , consolida , flor. hyperici in vino stiptico paratæ , & essentia myrrhæ roboratæ . Vel instilletur oleum terebinthina , vel Apparicis , vel momordica cum balsamo Peruviano Superponendo emplastrum stipticum , vel oppoteldoch , ad perfectam usque unionem , simulque fascias , aut ligaturas convenientes adhibendo , ut per vulnus urinæ effluxus inhibeatur , & ipsa per viam suam ordinariam repetere cogatur .

Pro completa hujus nostri Tertii Tomi de Vulneribus historia Anatomica , de Artubus Anatome desideratur , pro qua dicimus artuum nomine venire membra rrunco adnata , exporrecta , & articulis distincta . Sunt autem duplices , nempe superiores , qui communi vocabulo manus , & inferiores , qui pedes appellantur .

C A P U T LXVIII.

De Anatomica Manus Historia.

Manus est organum organorum , quo homo aliàs , nudus & inermis donatur , ne brutis inferior sit , aut ab iis vincatur , sed vincat ; dum arma parat , aliaque instrumenta sibi necessaria . Quare secus , quàm bruta , rationem , & manuum homo accepit : & hæc quidem illius ministra est .

Dux manus homini concessæ sunt , ut una alteri adjumento esset , & una languente altera utriusque vicem suppleret .

Est

Est autem manus ex veterum significatione, pars à summo humero usque ad digitos extremos extensa. Dividitur in *Brachium*, & *Extremam Manum*.

Brachium dividitur in *Humerum*, & *Cubitus*. *Brachium* in specie sumptum, est pars à summo humero usque ad cubiti flexuram, *Cubitus* est pars à flexura cubiti usque ad carpum.

Cavitas sub humeri articulo *Axilla*, vulgò *Ala* vocatur, forasse quia in ea pili, quasi pennæ nascuntur. In hac cavitate sub panniculo tres latent glandulæ, considerabiles, vasorum divaricationi appositæ, quæ conjunctæ unam constituere videntur. Hæ antiquis putatæ sunt esse cordis emunctoria.

Cubitus aliis *Ulna*, Tullio *Lacertus* dicitur.

Extrema manus expansa, simpliciter *Manus*, contracta, & clausa *Pugnus*, digitorumque externæ partis articulationes *Internodia*; clausorum verò, præcipuè mediæ eminentes articulorum protuberantiæ, *Condylis* nominari solent.

Dividitur autem manus in *Carpum*, *Metacarpum*, & *digitos*.

Carpus. Græcis *Cercis*, Latinis *Brachiale*, Barbaris *Rasseta* dictus est, aliis *Roseta*, est pars inter cubitum, & palmam. *Metacarpus*, Latinis *Postbrachiale* dicitur, est pars inter carpum, & digitorum initium. *Postbrachialis* pars interna cavitatem effingens dicitur *Vola manus*, & *Palma*; externa pars *Dorsum manus* nominatur.

In *vola* multæ observantur particulæ imprimis *Monticuli*, & *lineæ*.

Monticuli sunt prominentiores, & carnosiores internæ manus partes.

Initium manus aliquantulum extruberans, *Radix*, *manus* appellatur. *Monticulus pollicis* substratus, *Mons Martis*: qui indici adhæret, *Mons Jovis*: qui medio digito, *Mons Saturni*, qui annulari, *Mons Solis*: qui minimo, *Veneris Mons* dicitur; Spatium verò quod inter pollicem, & indicem intercedit, *Mercurio*, hypothenar verò *Luna* dicatus *Mons* est.

Lineæ in *vola* manus multæ sunt, ex quibus *Chiromantici* ridicula, & inani conjectura valdè multa præfagia pollicentur, ex iisque se vitæ longiitudinem, ac brevitem, matrimonia, liberorum numerum, infortunia, felicitates, indolem, eventus denique omnes, bonos, & malos, præfagire posse, magna dicacitate, nullis suffulta rationibus contendunt.

Imprimis autem quatuordecim ab iis notantur *lineæ*, ex quarum variis concursibus, intersectionibus, curvitate, rectitudine &c. præfagia sua efformant. Inter eas autem tres sunt, quas præcipuè considerant. Prima pollicis ambirum circumscribens, *Linea Vitæ*, *temporalis* nuncupatur. Secunda, transversim per mediam *vola* delata, ad lunæ montem extensa, *jecoraria*, & *naturalis* nomine insignitur. Tertia, ab hypothenare incipiens, & ad indicis articulum delata; *Mensalis*, *thoralis*, & *Veneris lineæ* appellatur.

Digitis, Græcis *Dactyli* dicti, plures dati sunt, ut melius fieret manus actio, quæ est apprehensio; ut etiam minima comprehenderemus, quod duobus sit digitis, & alias item multiformes figuras: & quia omnia una manu comprehendi non possunt, duæ sunt creatæ ut ad se invicem inclinantes, auxilium mutuum præstarent.

Dextra verò manus agilior ut plurimum, & ad motum promptior est, non ob causas, quas alii pueriliter citant, sed. I. Quia in dextro latere homini est vena sine pari, forè in ambidextris gemina est. II. Quia ossa graviora in scapulis, humero, & tota manu dextra esse, aliqui habent pro certo, & comperto; quod fieri potest ab impressione uberius caloris in utero matris, cujus pars dextra calidior. Hinc docet *Aristoteles* natura potiorē esse manum dextram sinistra, & *alibi*, primum impetum, vel principium motus esse in parte dextra, ut homo progressurus prius moveat pedem dextrum, avis volare volens, prius moveat alam dextram. III. Quia truncus arteriæ subclavius dexter amplior est, quam sinister. *Plato* omnes natura ambidextros esse sentit, hominumque inscitia, inertiaque fieri, ut dexteri tantum, aut laevi fiant. Verum *Aristoteli* placet, ob ortus nostri primordiis dextram partem ferè semper calidiorem, nisi ad eam consuetudine, exercitationeque multa, multum caloris, spiritusque quis traducet, ut ambidexter fiat.

Digitis ob perfectam actionem quinque sunt in qualibet manu, longitudine, & crassitie differentes.

Primus *Pollex* dicitur, quia robore pollet, & unus oppo-

nitur quatuor reliquis in apprehensione, idèque crassius est. Secundus *Index*, & *demonstrator* dicitur ab usu, quod eo in rebus demonstrandis, & indicandis uti soleamus. Tertius *Longissimus*, & *Medius*, *Infamis*, sive *famosus* dicitur, habet & alia nomina: nam dictus est *Verpus* à verrendo podicem, ob quam etiam causam *Impudicus* & *Obscænus* vocatus est, & eo extenso homines deridentur, & infamia notantur, idèque annulis ornari non solet. Quartus *Annularis* quod annulo aureo ante alios ornetur, ob communem sed falsam, & Anatomiae repugnantem nonnullorum opinionem, ac si vena ex corde ad hunc potissimum digitum accederet, & cor auro confortaretur. *Medicus* etiam nominari consuevit, quia iis, qui ad medicinæ doctoratum admiuntur, hic digitus annulo aureo exornari solet, quem honorem *Index* jamdudum ei præripuit. Quintus, à parvitate, *Minimi*, ab usu *Auricularis* nomen obtinuit, quia aurium sordes eo expurgantur.

Digitum extremitatibus exterius impositi sunt *Ungues*, quorum pars posterior albicans, *Radix unguium*, & *Lunula candicans*, maculæ albæ *Mendacia* loca abscondita sub unguibus *Cruptæ* vocantur.

Sunt autem *ungues* partes corneæ extremis digitis manuum, & pedum impositæ. Pellucidi sunt, & idè variè colorati: nam pro ratione carnis subjæctæ rubent, livent &c. Hinc unguium colorem observare solent Medici: nam *ungues* v. g. cordis calore deficiente pallefcunt. Morti vicini lividi & fulci, ut *Hip. sect. 8. aph. 12.* inquit: *Ungues digiti pedum frigidi, nigri, demissi, vel proclinati, mortem proximam esse portendunt.* Frigidioribus corporis constitutionibus pallidiores sunt *ungues* & quibus calor justus est, rubent. Videmus in variis corporis affectibus unguium colorem, eumque multoties subito mutari, sed illam non esse veram mutationem coloris, cum *ungues* per se sint diaphani, vel pellucidi, & quilibet sanguinis, aliorumque humorum substratorum colores per eos transparent: qui sanguinis, in Syncope, & febrium quartanarum principio, ob cordis debilitatem, paucissimus ab iis ad subiectam carnem propellitur; hinc propter illius defectum tunc pallent: & quia copiosus eò propellitur in plethora; hinc rubent: & quia male coloratus est in cacoehymia, hinc mali colores per *ungues* transparent.

Substantiam habent mediocriter duram, ut resistent sed tamen flexilem, ut cedant nonnihil, & non frangantur, ac acutissimo sensu præditam. *Figuram* habent convexam nonnihil, ut se applicent ad digitos. *Formam* venamur ex accidentibus. Maculas in ungue enatas nunquam deleri, aut immutari, sed paulatim versus anteriora protrudi: donec tandem cum ea parte unguis, cui adhærent, extra carnem perveniant, & sic unà cum ungue abscindantur. Cutis extrinsecus iis circumnascitur, musculorumque tendines subternuntur: unde ob exquisitum loci sensum, acutissimus ex læsione dolor sub unguibus excitatur.

Unguium finis & usus est. I. *Digitum* extremitates molliissimas rueri, & munimentum duritiæ præbere ut commodius, melius, & facilius fiat apprehensio. Sic etiam in pedibus, ut in statione resistere queant. II. Ad ornamentum: nam læsos tegimus unguens. III. Secundariò ad fricandum, scalpendum, & defendendum. IV. Corpus humoribus superfluis, & fuliginibus liberare. V. Physiognomis, & Medicis viræ, & sanitatis indicia præbere. Ex unguum verò maculis emersit Unguimantia, quæ secundum varios macularum colores, bonos, vel malos vaticinantur eventus.

Componitur totum brachium cum manu ex omnibus tegumentis membranis, ossibus, ligamentis, musculis, arteriis, venis, & nervis. Communia tegumenta sunt cuticula, curis, pinguedo, de quibus diximus; Membranæ sunt periostia, membranæ musculorum, tendines &c.

De Musculis Brachii, seu Humeri.

Superior brachii pars à summo humero ad cubitum pertingens, quam humerum vocant, variis motibus moveatur, imprimis quinque, antrorsum, retrorsum, deorsum, sursum, & in gyrum. Qui motus novem perficiuntur musculis.

Primus *Pectoralis* dicitur, quia pectus, vel thoracis anteriorem occupat partem, est magnus, & carnosus, quem *Galenus* in tres, vel quatuor dividi posse censuit. *Oritur* ex osse pectoris ferè toto, & annexis cartilaginibus, ubi parum tendinosus est ex parte claviculæ, & costis veris quinta, sexta, & septima, implantatur tendine brevi, lato & robusto in os humeri inter Deltoidem, & Bicipitem. *Usus* est bra-

brachium pectori admove, & prout fibræ contrahuntur magis ad Superiora, vel inferiora, vel recta, ita etiam inclinatur. Hic musculus est, qui patitur in tormento, quod *tratto de corda* vocamus: valde enim distrahitur, & divellitur, quando brachia retrò trahuntur.

Secundus à figura triangulari Græcæ littera Δ dicitur *Deltioides*, & *Triangularis Humeralis* nimirum qui carnosus est, & permanet humerique capiti sternitur. *Oritur* ex claviculæ media parte, scapulam spectante, & ex summo humero. Insuperitur in medio humeri, carnosus quidem sine, in quo tamen robustus tendo latet. *Usus* est brachium sursum attollere, modò recta, modò nonnihil antrorsum, vel retrorsum, pro diversa anteriorum, posteriorum, mediarum, vel omnium fibrarum contractione. In hujus media parte imperitiores chirurgi perperam fonticulos aperiunt.

Tertius à magnitudine *Latissimus* appellatur, quia totum ferè dorsum cum suo pari tegit. Ab usu *Aniscliptor*, quia brachium retrò deorsum trahit. *Oritur* membranoso, latissimoque principio ab apicibus vertebrarum spinæ; inter os sacrum, & sextam thoracis vertebram sitarum, necnon à superiore illius ossis parte: hinc scapulæ basin (è qua nonnunquam fibras carnosas plurimas recipit) carnosum accedit, & tandem brevi, sed valido, latoque tendine, inter pectoralem, & rotundum inferitur, & brachium retrò deorsum trahit; modò magis ad superiora, prout vel hæ, vel illæ fibræ, quas propter amplum principium valde diversas obtinet, contrahuntur.

Quartus dicitur *Rotundus Major*, qui carnosus parte posteriore sub axilla locum habet, & carneo principio à tota scapulæ inferiore costa pronascitur, ac brevi, lato, validoque tendine in brachii os, paulò infra cervicem definit, brachiumque retrò deorsum trahit.

Quintus (hic *Fallopio* octavus est) à situ *Transversalis Musculus brevior*, à forma verò *Rotundus Minor* nuncupatur. Ab infimo scapulæ angulo exiliens, in brachii cervicem producit, & motum quarti musculi adjuvat, cuius illam portionem esse nonnulli existimant.

Sextus *Infraspinatus*, aliis *superfascularis inferior* appellatur, quia totam anteriorem scapulæ partem, quæ sub spina est, tegit. Hic à scapulæ basi infra spinam exortus, lato, brevique tendine humeri ligamento articulum continente extrinsecus velut in semicirculum inferitur, & brachium ad exteriora circumagitur.

Septimus *Supraspinatus*, seu *superfascularis*, aliis *Rotundus Minor* appellatur. E scapulæ basi enatus totam cavitatem inter spinam, & costam scapulæ superiorem implet, latoque, ac valido tendine articulum superante obliquè cervici inferitur, & brachium cum priore circumducit. Alii tamen putant illum cum deltoide brachium sursum movere.

Octavus, *subscapularis* dicitur, seu *Immersus*, carnosus valde inter scapulam, & costas habitat, & occupat partem internam scapulæ, inferitur verò lato tendine in humerum secundum ligamentum internè, & brachium introrsum circumagitur.

Nonus, *Perforatus*, *Coracoides*, & *Coracobrachialis* dictus, brevi, nervosoque principio à scapulæ processu coracoidis incipiens, robusto tendine ad medium ferè brachium antè excurrit, idque cum pectorali antrorsum pectori adducit. Hujus venter perforatus est, & transitum præbet nervis, qui ad cubiti musculos distribuuntur. *Riolanus* putat hunc musculum esse portionem bicipitis, seu primi musculi cubiti.

De Musculis Cubiti.

Cubitus duobus constat ossibus, quæ prout variis articulationibus connectuntur, ita motus habent nonnihil diversos. Flexionem, & extensionem dirigit os cubiti: pronam verò, & supinam manum facit radius: hincque ad proprios motus singula proprios, diversosque habent musculos.

Os cubiti quatuor movetur musculis, nempe duobus flexoribus; in interna, seu anteriore brachii parte sitis: & duobus extensoribus internam, seu posteriorem brachii partem occupantibus: illi sunt Biceps, & Brachialis: hi longus, & brevis.

Biceps gemino, validoque oritur principio, altero exteriore nerveo à superiore supercilio acceptabili ipsius scapulæ: altero partim nerveo, partim carneo, à scapulæ coracoidis apophysi exorto: quibus principiis deinde unitis, corpore suo brachii internam sedem occupat, & crasso tendine in caput, seu prominentiam anteriorem inferitur, articuli ligamento nonnihil alligatur.

Brachialis prædicto substernitur, eoque brevior, & totus carnosus est. A media parte ossis brachii procedens, definit inter radium, & cubitum, qua parte simul connectuntur. Hic cum priore cubitum arctissime flectit.

Longus valido, latoque, sed gemino emergit principio: uno sublimiore ab omoplatæ costa inferna, altero humiliori, quibus junctis, sub capite ossis humeri; in olecrano, sive cubiti summo exteriùs terminatur.

Brevis à cervice postica brachii ortus, in illam olecrani partem, cui connectitur cum præcedente, definit. Hic unà cum longo unicum, robustum, ac nerveum tendinem efficit, quo brachium extenditur.

His quatuor musculis duo sequentes ab *Anatomicis* posterioribus adhuc additi sunt, iisque numerus musculorum cubiti adauctus est.

Primus *Brachialis* externus à *Riolano* ita vocatus, quia est moles carnea, quæ cum longo, & brevi confunditur, eidemque parti inferitur.

Secundus *Anconæus*, qui corpore exiguus (hic aliis est pars musculi quarti, seu brevis) ab inferiore humeri parte posteriùs enascitur, cubitique duobus ossibus intermediis, in latus ulnæ nonnihil obliquè descendit: Hi duo extensionem longi, & brevis adjuvant.

De Musculis Radii.

Radium quatuor movent musculi, quorum duo interiores radium introrsum movent, Pronatores dicti; duo exteriores eundem extrorsum convertunt, *Supinatores* appellati.

Primus Pronatorum, qui superior, à forma *Rotundus*, seu *Teres* nominatur. Hic ab interiore parte tuberculi humeri productus, tendine membranoso ad radii ferè medium decurrit.

Secundus, qui inferior, *quadratus* dictus, ab interno ulnæ latere transversim extensus, supra ligamentum quod radium cubito connectit, progreditur, radiique internæ parti committitur.

Prior supinatorum, qui longior, ab extremo humeri tuberculo exoritur, ad radii apicem inferiorem descendit.

Alter, qui brevior, ac tenuis, è brachii externa apophysi emergens, prope radii medium terminatur.

De Musculis Carpi, & Vola Manus.

Carpus extenditur, flectitur, & lateraliter movetur beneficio quatuor musculorum: ex quibus duo interni, totidemque externi.

Ante hos tamen primo loco demonstrandus occurrit *Musculus Palmaris*, qui omnibus ferè musculis manus interioris substernitur. Originem sumit ab interno humeri tuberculo, carnosus in principio existens, mox in gracilem tendinem attenuatur, qui ligamentum annulare carpi supergressus, dilatatur in nervosam membranam per volam manus usque ad digitorum confinia expansam, cuti aded tenaciter affixam ut difficillimè ab ea separari queat. Hic cutem corrugando apprehensionis firmitatem præstat, volamque eximio sensu donat.

Palmarum adjacet caro quædam in principio manus internæ, parte inferiore Montis Lunæ ad carpi ossiculum octavum, quæ bifida, nonnunquam trifida, duorum, vel trium musculorum quasi effigiem extrinsecus refert, atque in mediam, internamque volam defertur, musculo palmarum, subtensa, & implicata. Hæc eminentiam carneam articuli digito subjectam ad Thenar adducens, manum cavam reddit, & Scyphum Diogenianum efformat.

Musculorum carpi internorum primus *Cubitalis Internus* nomine insignitus, oritur à brachii apophysi, & cubito attensus, crasso tendine carpi quinto ossi implantatur.

Secundus *Radius Internus* dictus ab eodem loco eductus, per radium exporrigitur, in os metacarpi indicem sustinens, definit. Hi duo manum contrahunt. Externorum verò carpi musculorum prior, *Radius externus*, sive *Bicornis* dictus, lato, geminoque principio à brachii acumine osseo, ejusdemque condylo externo procedens, radio carnosus innititur, & duplici tendine in os metacarpi primum, & secundum inferitur. Hic propter geminam insertionem, geminumque principium à nonnullis geminus describitur.

Alter *Cubitalis externus* nuncupatus, ab externa apophysi brachii ortus, ac per cubitum delatus, in os quartum metacarpi minimo digito subjectum, unico tendine insignitur. Hi duo manum extendunt.

Si horum quatuor musculorum tantum unus, aut duo unius lateris agant, tunc manus lateraliter movetur, idque aut sursum, aut deorsum, aut in medio, prout vel solus externus, vel internus, vel ambo simul agant.

De Musculis Digitorum, & Pollicis.

Digiti ad robur, variosque motus multiplices, validos obtinuerunt musculos, quibus flectuntur, extenduntur, & latera moventur.

Flectunt *Sublimis, Profundus, & Lumbricalis.*

Sublimis, qui & *Perforatus* dicitur, ab interno ossis humeri tuberculo exoritur, & circa carpum in quatuor tendines dirimitur, prope finem veluti rima (quam sequentis muscoli tendo transit) fissos, qui in secundum digitorum internodium inferuntur.

Profundus, qui & *Perforans* vocatur, à partibus superioribus cubiti, & radii paulò infra articulum emergit, & quadripartitus robustis tendinibus rimas prioris transiens, tertio digitorum ossi implantatur. Ut autem per hos musculos recta fieret inflexio, & tendines contracti non exurgerent, cutemque attollerent, parte manus interna, secundum totam eorum longitudinem, canali ex duris membranis confecto, interius pingui, ac oleoso humore inuncto includuntur, in quo liberum cursum habent.

Lumbricales appellati, tenues à muscoli profundi tendinibus orti, in primum internodium terete tendine, cum interosseorum tendinibus confuso, desinunt: interdum ulterius cum interosseis misti, secundum digitorum latera usque ad tertium internodium excurrunt, & digitos lateraliter flectunt.

Digitos extendunt musculi duplices, alii communes, alii proprii.

Communes, qui quatuor digitis inserviunt, bini sunt, ab extremo humeri tuberculo prognati, qui in progressu simul junguntur, & tendinibus unitis secundo, tertioque digitorum ossi firmiter adnectuntur.

Proprii, qui unum solummodò digitum extendunt, duo sunt.

Primus, *Extensor Indicis proprius*, quem præter communem obtinent, *Riolano, & Veslingio, Indicator* appellatus, à media, & extrema cubiti regione ortus, bifido tendine in secundam articulationem inferitur, quorum tendinum alter cum tendine extensoris communis coalescit.

Alter *Minimi digiti extensor proprius*, qui à radii superna parte ortus, & cubito, radioque interjectus, externè in auricularem digitum duplici tendine implantatur, quorum unus cum tendine communis extensoris miscetur.

Digiti ad latera, vel versus pollicem adducuntur, vel ab eo abducuntur, beneficio octo *musculorum Interosseorum*, quorum quatuor interni intervallum ossium metacarpi obtinent: quatuor externi in palma manus collocati, prioribus desuper incumbunt. Oriuntur à supernis ossium metacarpi partibus juxta carpum, deinde modo soli, modò cum lumbricalibus coeuntes, lateraliter tria digitorum ossa tendinibus perreptant, usque ad radicem unguium, ubi antrorsum, & supernè tendines coeuntes terminantur. Ab his medius, & annularis digitus duos tendines recipiunt, Index, & auricularis unum.

Præter lumbricales antedictos, sunt lateraliter moventes musculi proprii duo.

Primus *Adductor Indicis Proprius*, qui ab interno pollicis internodio primo exurgens, in ossa indicis desinit, & indicem versus pollicem adducit.

Alter *Adductor minimi digiti proprius*, qui in vola à carpi osse tertio, & quarto secundi ordinis emergens, in articulum primum articularis digiti externè ad latus inferitur, eumque à reliquis digitis abducit.

Pollex, qui robore quatuor digitis æquipollet, extenditur beneficio duorum musculorum longorum, qui ab exteriori cubiti latere oriuntur: quorum unus ad tertium usque internodium pertingit. Alter carpum prætervectus in primum, & secundum pollicis articulum duplici tendine extrinsecus inferitur.

Flectitur autem duobus musculis. Uno valido, qui à superiore radii parte ejectus, ad primum, & secundum pollicis internodium excurrit. Altero minore, qui ab osse carpi procedens, alteri subjicitur, & in medium pollicem extenditur.

Adducitur versus alios digitos à tribus musculis, ex tribus ossibus infernis metacarpi prodeuntibus, & in pollicis secundum os insertis.

Abducitur versus exteriora à duobus musculis: quorum prior à parte interiore ossis carpi pollicem sustentis ejectus, in secundum internodium pollicis membranoso tendine inferitur. Alter spatium, quod inter pollicem, & indicem est occupans, à posteriore sede ossis metacarpi indicis subiecti exoritur, & in pollicis internodium primum toti externo lateri carnosus inferitur, ac tendinem membranoso secundo transmittit.

De Ossibus totius Manus.

Ossa manus dividuntur in brachium, cubitum, & extremam manum.

Brachii os unicum est magnum, & validum, longum, teres, & inæquale. Parte superiore appendicem habet, vel caput, magnum, rotundum, cartilagine obductum, adnatum; quod cum scapula articulatur per Diarthrosin. Inferior pars cubito, & radio articulatur, ubi duo processus sunt: externus minor, cartilagine incrustatus, & internus, duos sinus habens, ut forma fiat trochleæ, vel rotulæ ad quam volvuntur funes, unde cubitus ginglymo junctus in acutissimum angulum flecti potest, ac ultra rectam lineam non extendi.

Cubitus è duobus componitur ossibus, sibi mutuò incumbentibus, ita ut extremitates conjungantur: media verò à se invicem secedant, quamvis membranoso ligamento copulata sint.

Horum ossium primum, quod inferius majus, & longius, *Ulna* vocatur, fortè quod lunæ mensura olim istam longitudinem habuerit: antiquis *Cubitus*, & *os cubiti*, Barbaris *focile majus* dicitur.

Superiore parte amplius, crassiusque est, ac versus medium sensim velut in aciem attenuatur, eique ad finem tuberculum rotundum adnatum est. Processu minore nonnihil acuto, qui styloides vocatur, donatur, quo per ligamenta carpi officulis, interveniente cartilagine, connectitur per arthrodiam. Supernè verò humeri ossi articulatur per ginglymum, eumque in finem processus obtinet duos: quorum anterior, qui minor, ossis humeri sinum anteriorem subit: posterior, qui major, longior, & obtusior, ossis humeri cavitatem posteriorem ingreditur, in eaque sistitur ita ut brachium non ultra rectitudinem extendi, seu retrorsum moveri possit. His accedunt duo sinus cartilagine obducti, quorum qui externus, seu lateralis, & minor est, caput radii excipit: alter qui posticus, & amplior, instar semicirculi ad humeri rotam circumvolvitur.

Alterum cubiti os *Radius*, & *focile minus* dicitur, quod superius, & brevius est. Hujus superior extremitas tenuior existit, rotundoque capite prædita, à latere ab ulna excipitur. In summitate verò sinum rotundum, sed superficiali, cartilagine incrustatum obtinet, quo humeri caput admittit, cum eoque per diarthrosin articulatur. Inferior verè extremitas, quæ crassior, à latere ulnam parvo sinu cartilagine munito recipit, & inferius gemino sinu, similiter cartilagine obducto, carpi duo prima, & supræma officula admittit.

Manus extrema dividitur in carpum, metacarpum, & digitos.

Carpus Arabibus *Rafetta*, superior manus pars, octo constat officulis magnitudine, figuraque nonnihil discrepantibus, duplici ordine dispositis. Primo ortu sunt cartilagine, postea fiunt ossa spongiosa. Obducuntur ligamentis cartilagineis validissimis, & simul constringuntur, ac si unum os essent. Atque hæc ligamenta ab inferioribus processibus radii, & cubiti orta, articulationi inserviunt. Alia verò sunt ligamenta, quæ transversa, & annuli formam habentia, pro firmandis, & tutò transmittendis tendinibus. Internum continens musculorum digitos flectentium tendines, externum, extendentium. Quæ vincula licet unum videantur, in plurima dividi possunt, Ordine aliquo disponuntur ossa carpi: nam supernè quatuor sunt radio, & cubito articulata; infernè totidem, quatuor metacarpii ossibus connexa.

Metacarpus quatuor constat ossibus longis, gracilibus intus cavis, seu fistulosis, medulla repletis, intermedia regione sejunctis, ut musculis interosseis tutior sedes foret. Horum primum indici annexum, longissimum, & crassissimum est, cætera verò sensim tenuia, & breviora evadunt.

Digitorum ossa, adnumerato pollice, sunt quindecim, in quovis digito tria, magnitudine diversa, quorum primum secundo amplius, secundum tertio, quod tertium ungue

ungue tegitur. Seriem digitorum vocant Græci *Phalangem*, quia velut in acie stare videntur. Foris gibba, intrus plana, & aliquantulum excavata, ad commodiorem solidorum apprehensionem. Habent singuli digiti ligamenta parte interna, secundum magnitudinem instar canalium, quibus invicem alligantur.

Processus obtinent superius, & inferius. Superiores rotundi sunt, & in singulis supremis, seu primis quatuor ossibus unum sinum rotundum habent, metacarpi os recipientem: in reliquis verò quasi geminum sinum, parva eminentia distinctum, obtinent. Inferiores verò processus quasi gemino capite, sinu distincto, protuberant, quo geminum sinum impositi os subeunt excepto tertio, seu extremo osse, quod à nullo alio excipitur, sed ungue munitur. Hi autem omnes sinus, & processus, ad faciliorem motum cartilagine obducuntur.

De Arteriis totius Manus.

Arteria Axillaris per brachium defertur inter musculos descendens, cum vena, & nervo brachii, quem quartum faciunt. Sed flexura cubiti dividitur in duos ramos insignes, superiorem, & inferiorem. Superior secundum medium ad carpum recta fertur, ubi pulsus Medici explorant: deinde sub annulari ligamento progrediens, digitis pollicis, indici, & medio ramos impertitur. Inferior ulnam percurrens ad carpum; prospicit medio, & annulari, & minimo: atque ad carpum pergit, ubi arteriæ motum inferius persequimur, præsertim in macilentis, & pulsu magno præditis. Sed priorem rami melius pulsare sentimus, quia minus à tendinibus occultatus.

De Venis Brachiorum, & Manuum.

Vena axillaris dividitur in brachii initio in duos ramos insignes: superiorem majorem, seu venam *cephalicam*, & inferiorem minorem, seu *Basilicam*. Superior dicitur vena cephalica, (quæ & *Humeralis*, & cubiti exterior appellatur) nomen ex eo adepta videtur, quod olim Medici, in rebus anatomicis minus versati, eam recto ductu à capite ad brachium descendere, sanguinemque ex eo huc deferre existimaverint, atque hinc capitis illam potius, quam ullam aliam brachii venam secandam esse putarint (qui antiquius etiam error phodie quorundam imperitorum animos obsedit) cum tamen è contrario hæc vena ex brachio ascendat ad axillarem, nec à capite quidquam recipiat, nec ad illud quidquam deferat, sed sanguinem ab inferiore manu ascendentem, solummodò per axillarem in venam cavam effundat. Fertur superficie tenuis inter carnosam membranam, & musculorum tunicam.

Ejus *Ramus externus*, *funis brachii* dictus, ad carpi medium parte inferiore basilicæ ramo jungitur, & inde externam carpi sedem conscendens, inter digitum annularem, & minimum pergens, dicitur *Salvatella*, cujus illi, & hodie alii sectionem in sinistra manu contra melancholicos affectus commendant, sed frustra, & absque fundamento.

Vena Basilica, quæ inferior, & tenuior axillarem subit, cephalicam magnitudine superat, & in dextro brachio *Hepatica*, in sinistro *lienaris* vulgò appellatur, quod olim rudiores Medici illam in hepatis, hanc in lienis affectibus secandam judicaverint, nulla ratione suffulti. Sed caveant chirurgi in ejus sectione, nè nervus tertii, & quarti paris adjunctus lædatur, unde magnus cruciatus, febris, convulsio, & mors. Subjacent & arteriæ, quibus læsis aneurysma, & sanguinis profluvium.

Inter basilicam, & cephalicam adest alia tertia vena, quam à medio brachii situ, vel potius quod inter dictas venas media sit, *Medianam* vocant, alii etiam *Venam communem* nominant, quia ex cephalica, & basilica paulò infra flexuram, vel in flexura cubiti, mediante brevi hac vena currentibus, constituitur. Hæc gemina est: una exterior sub cute conspicua: altera profunda, quarum utraque plurimis radicibus manui, & digitis, necnon musculis, membranisque manus, & cubiti implantatur.

In manu omnium radicum, minimarumque venarum divaricationes exactissime describere difficillimum est; tam confusa enim est venarum cubitum, & manum implicantium divisio, & tam frequens conjunctio, atque intermissio, ut sæpenumero an venæ ab hac, an verò ab illa radice procedant, distinguere vix possit.

Sex nervorum paria brachium ingrediuntur.

Egimus suprà de aliis sensibus, tantùm de tactus sensu pro coronide agendum restat, de quo anatones manus ratione laconicè agimus.

C A P U T LXIX.

De Tactus Sensu.

IN hoc sensu quàm pauca prælibabimus; cum enim de hujus sensationis sede nihil possit in controversiam duci, cum apud omnes conveniat totam cutem hujusmodi organo in usum venire, idcirco ea tantùm perpendemus, quæ ad modum attinent contactus, ejusque diversitatem, si verè ad merum tactum objectorum diversitas reducenda erit.

Diximus in cutis anatome, cutem ex venarum, arteriarum, nervorumque ramulis maximè contegi, inque eam à glandulis ferè innumeris vasa lymphatica, atque excretoria communicari, per eas enim lympham ex arteriis ibidem delatam intelligimus, quæ per sudorem excernitur, quas *glandulas*, ob earum parvitatem *miliares* appellant Recentiores, cumque ex *Malpighii* advertentia comperuerimus ex cutis involucri reticulari, quod mucoso humore perfunditur, fibrillas nerveas in fasciculos collectas prodire: dicendum existimamus harum nervearum fibrillarum congeriem per totam cutem dispersam tactus organum constituere.

In his itaque fibrillis, seu nerveis filamentis à cerebello prodeuntibus tactilium motiores recipiunt, quæ ad cerebellum transfusæ tactus sensationem producant, ibi enim anima varias sensibilibus vulgò qualitatibus ideas effingit, prout variè nervos tangentia corpora percusserint.

Ut autem motus in nerveas cutis fibras impressi ad cerebrum usque propagentur, inflatæ, ac protensæ illæ sint oportet, cum experiamur motum ad campanam v. g. minimè traduci, si ad eam alligatus flaccidus tangatur funis; unde factum est, ut in easdem fibras spirituosus, promptèque in auras dissolubilis latex scaturigine è cerebro à sagaci protrudatur natuta; eo enim irradiantur nervi, instanturque simili prorsus modo, quo flante vento navigiorum distenduntur vela. Mirum ergò non erit, si *Galenistarum* martyriis dilaniati, divexatique apoplectici, ictus, percussiones, aliaque tormenta non sentiant, dum eorum nervis talium instantium spirituum sit denegatus influxus.

Quoniam verò tot, tantisque modis hoc sensorium objecta immutent in textura, in motu, atque in configuratione, idcirco tam differentium sensationum inter se discrimen exponere uti non incongruum ita facillimum duximus explicare; vidimus namque ab una, eademque citharæ fide distinctos gigni posse sonos, si ea diversè, varièque aut tendatur, aut pulsetur, aut contingatur. Quod ut apertius innotescat, quam brevissimè singulas sensibilibus qualitates, quas vulgus ad tactum redigit, percurrere operæ prærium existimavimus.

Quæ primò offeruntur, caliditas, atque frigiditas occurrunt, quarum Idola, tunc anima concipit, cum calorifica corpuscula in cutis poros se insinuantia ejusdem fibras divellunt, vellicant, dilatantque. Contrà verò frigiditatem sentimus, si cutis poruli, vel ab armoniacis, salinitrosisque particulis coarctentur, constipenturque, juxta eorum placita, qui frigus positivum esse asseverant, vel à calorificarum particularum recessu constipati, ac contracti idem pori comperiuntur, juxta nostra opinamenta in nostra *Pyrotechnia sophica* explicata.

Non aliter de humiditate, & siccitate erit conjectandum; nam aut corpora humida, fluidaque in organum impingunt, suisque particulis cutis meatulos pervadendo, ipsi adhærent, & humiditatem progignunt, corpusque humidum constituunt, aut corpus nulla sensibili humiditate donatum in cutis contactu foraminula incurrit, & sic siccitatem procreat; Hinc non incongrua quorundam opinio judicanda est, asserentium, quamplurima relativè ad nostros sensus definienda esse.

Gravitas, & levitas habentur, cum corpora vel vehementius, citiusque, vel tardius, imbecilliusque nos, nostraque membra deorsum impellunt.

Asperum, & lævigatum sentimus, si corpora aut inæquali, & scabra, aut æquabili, & perpolita superficie cutem lacefferint; sicuti duriciem, & molliciem observamus, si corpus tangenti digito aut resistat ob sui stipticitatem, vel cedat ob ejusdem laxitatem.

Denique ubi nerveæ fibrillæ tanto trahantur imperio, ut vel

ut vel nimis distendantur, ac ferè disrumpantur, & à membris, quibus adnectuntur, vi divellantur, & dolorem, seu tristem sensationem contrahimus, aut non modò non rumpuntur, nec divelluntur, neque ab eorum crassi variantur, sed regulari, placidaque blanditie contrectantur, & voluptatem, seu titillationem sentimus. Eodem prorsus modo de aliis sensationum affectionibus, quæ à vulgo tactui adscribuntur erit discurrendum, atque hæc de tactus sensu, prout nostra patitur digressio, satis dicta sufficiant.

C A P U T LXX.

De Anatomica Pedis Historia.

Sicut ad apprehensionem duas manus, ita ad stationem, & ambulationem duos homini pedes concessit Summus Conditor, qui ad maiorem commoditatem, & gressus firmitudinem, longi, latique ac subtilis in medio aliquantulum cavi, variisque articulis distincti sunt.

Pes dicitur totum id, quod à natibus ad digitorum pedis extremitates, aliis *Magnus pes*, vel *Crus*. Dividitur in suas partes, sicut & manus, non absimili comparatione, nempe in femur, tibiā, & parvum pedem.

Femur à coxendicis articulo ad primam articulationem procedit, quæ anteriore parte *Genu*, posteriore *Poples* appellatur. In huius summitate ad flexuram *Inguen* est, in quo latet glandula famosa ex octo minoribus glandulis composita, quæ olim hepatis emunctoriū esse dicebatur.

Ribia, sumpto à genu initio, ad calcem usque fertur; cujus anterior, & durior pars specificè *Tibia*, posterior carnosissima *Sura* nominatur. Duæ verò inferiores laterales prominentiæ *Malleoli* dicuntur, hic internus, ille externus.

Parvus pes est basis, cui totum corpus insistit: dividiturque in *Pedium*, *Metapedium*, & *digitos*.

Pedium (cujus pars posterior *Calx* & *Calcaneum* dicitur) constat septem, *Metapedium* quinque ossibus, digiti singuli tribus (quibus adstant sesamina) excepto pollice, qui duobus tantum constat.

Mollibus autem digitorum extremitatibus ad tutelam impositi sunt ungues, ejusdem substantiæ, & naturæ cum iis, qui in manibus sunt; de quibus egimus.

Pedis usus est, ut sit ambulationis instrumentum, quæ sit per motum, & firmationem, nam uno pede in terram firmato, alterum movemus, & circumferimus, & ne in terram cadamus, pes fixus prohibet, atque ita fit ambulatio. Firmatio ergò est totius corporis actio motivo verò pedis, quam vel promover, vel tardat femoris longitudo, aut brevitas, sicut aves, quia volare debent, ne impedimento esset moles, brevi sunt femore, longisque pedibus, qui gressum adèd retardant. At homines tardius, se promovent, quam canes: quia illos successiva promotio pedis à calcaneo ad digitos remoratur: hi verò unico parvi pedis motu cursum absolvunt. Aliàs pedis proceritatem ad generandi officium in sexu muliebri conferre putant alii. In genibus autem, & calcaneo incisio facta est, ne ituri saltaremus.

Totus pes componitur ex partibus continentibus communibus, membranarum, ossibus, ligamentis, musculis, arteriis, venis & nervis. Motum variè efficiunt varii musculi: nam alii femur, alii tibiā, alii pedem, alii digitos flectunt, extendunt, adducunt, & circumagunt.

De Musculis Femoris.

Femur flectunt tres musculi.

Primus *Lumbaris*, sive *Psoas*, qui ferè teres, crassus, ac lividus in abdominis cavitate situs est. Oritur carnosissimo principio, circa duas inferiores thoracis, & tres superiores lumborum vertebrae, & per ossis ilii internam faciem descendens, tereti, validoque tendine in rotulam femoris minorem elatiore parte anteriùs inseritur, ac femur validè fursum trahit. Quia autem huic musculo insigni nervo prædito, renes incumbunt eo loco, ubi nervus ingreditur, hinc fit, ut calculo in rene existente, ab illius compressione, stupor in ejusdem lateris femore persentiat.

Huic musculo nonnunquam supertenditur alter exiguus musculus *Parvus Psoas*, vel *Parvus Lumbaris* dictus, qui in exortu suo minimi digiti longitudine carnosus, gracili, ac plano tendine supra psoam de latius, cum psoa, & iliaco finitur, illumque rectè complectitur, ac in sede sua firmiter continet.

Secundus *Iliacus Internus* qui tenui, carnosissimoque prin-

cipio in ossis ilii interna cavitate ortus, tendine suo lumbi jungitur, & inter magnum, ac parvum trochantera antrosum definit.

Tertius *Pectineus*, qui lividus est. Hinc à parte superiore ossis pubis ad commissuram, juxta ejus cartilaginem, carnosus, & latus profiliens, brevi latoque tendine femoris lateri interno implantatur, & ad posteriora usque progreditur, quo femur validè fursum, & introrsum flectitur, sicque femur unum alteri imponitur; ac proinde à *Bartholino* ad musculos adducentes refertur.

Extendunt femur musculi tres *Glutai* dicti, qui nates constituunt, & etiam inserviunt ad regrediendum.

Primus *Glutæus Major* à coccyge, spina ossis sacri, & ilii ossis costa, carnosus admodum enatus, quatuor digitis infra magnum trochanterem valido tendine definit.

Secundus *Glutæus Medius*, tam in situ, quam in magnitudine, qui primo magna ex parte substernitur. Hic à costa, & dorso ossis ilii regione anteriore carnosus exiens, totamque ferè ossis ilii regionem occupans, lato, validoque tendine in trochanteris majoris anteriorem, & elatiorem partem implantatur, eam undique cingens.

Tertius *Glutæus Minor*, qui totus sub secundo latet. Hic ab ossis ilii dorso, ejusque sede posteriore, ac inferiore carnosus procedit, & lato, robustoque tendine trochanteris majoris parti interiori, & apici inferitur.

Adducit femur introrsum *Triceps musculus*, qui à quadruplici principio, secundum *Fallopium*, *Bauhinum* & *Riolanum* rectius *Quadriceps* appellari meretur; estque omnium totius corporis musculorum crassissimus, cujus singulæ partes, ut ortu, & insertione, sic fibris, & aliquantum etiam usu variant, qua de causa *Bartholinus* illum in tres musculos divisum describit, sed melius in quatuor divisum proposuisset.

Prima ejus pars oritur principio nervoso ab ossis pubis linea superiori, & in femoris lineam asperam inferitur.

Secunda procedit ab ima ossis pubis commissura, & definit in femoris lineam asperam parte superiore.

Tertia à tota coxendicis interna parte emergit, & in femoris posticam lineam asperam sub rotatore minore implantatur.

Quarta pars à coxendicis apice ejecta, tereti, tendine, qui cum tenui tendine portioni primæ partis jungitur, in femoris tuberculum internum, & inferius finitur.

Adducunt femur ad latus externum musculi quatuor exigui *Quadrigeni* dicti, quia ferè sibi invicem similes sunt, & parte postica supra femoris articulationem alternatim collocati.

Primus, & superior quadrigenus, qui à forma *Pyramiformis*, à situ *Iliacus externus* nominatur, ab imo ossis sacro procedit. Secundus à tubere ossis ischii. Tertius huic contiguus, ab eodè loco, & illi tres in trochanteris cavitate inseruntur. Quartus qui *Quadratus* dicitur, cæteris latior, ac carnosior, & duorum digitorum latitudine, à tertio distans, exoritur ab interna parte tuberis ischii, & in partem externam magni trochanteris definit.

Oliquè femur *Rotant* duo musculi *Obturatores* appellati, qui foramen interius pubis, & ischiam patens occupant, ac regressum etiam adjuvant: unus internus, alter externus. Internus, qui validior, ab interna dicti foraminis circumferentia carnosus ac latus procedens, & transversim supra coxendicem extrorsum delatus, trisido tendine, marsupium tutelæ gratia transeunte, magni trochanteris cavitate ingreditur, & rotationem externam facit. Externus, qui pectineo subjacet, à dicti foraminis circumferentia externa carnosus incipiens, & per cervicem femoris, velut per cochleam revolutus, in magni trochanteris cavitate amplo, validoque tendine, sub quadrigeno implantatur, & internam rotationem dirigit.

De Musculis Tibiæ.

Tibia tripliciter movetur, nempe flectitur, extenditur, & obliquatur.

Flectunt tibiā quinque musculi.

Primus *Longissimus*, qui & *fascialis* dicitur, anteriùs statim sub cute occurrens; ab interiore ossis ilii tubere oritur nerveo, carnosissimoque principio, & gracilis per interiora femoris, instar fasciæ, aliis musculis decussatim instratus fertur, ac juxta genu in tendinem definit, qui anteriorem, & interiorem partem ossis tibiæ, ad lineam acutam, sub genu inferitur: atque hinc non sine ratione scribit *Riolanus*, hunc non flectere tibiā, sed potius extendere, introrsum ducere.

Secun-

Secundus *Gracilis*, longissimo introrsum accumbens, ad commissuram ossis pubis, nerveo, amploque principio enascitur, & per femoris anteriora excurrans tereti tendine in partem tibiæ interiorē implantatur.

Tertius *Seminervosus*, à tubere ischii, nervoso, gracilique principio ejectus, per femoris posteriora, & interiora obliquè descendit, & tereti tendine in tibiæ posteriorem, ac interiorē partem desinit, ejusque tendo usque ad tibiæ medium excurrit.

Quartus *Semimembraneus*, qui ab eodem cum præcedente loco egressus, tendine paulò latiore ad tibiā posticā protenditur.

Quintus *Biceps* ex eodem ischii tubere ortus, per ternam femoris partem desertur, ac circa medium femur carneam molem, tanquam novum musculum, assumit, sed notante *Bauhino*, illud quidem in homine, sed non in simia, sicque deorsum descendens, insigni tendine inferiùs in ossis fibulæ processum implantatur. Hic musculus interdum duplici exortu, & sine distinctus observatus fuit; atque hinc *Vesalio* duplex est. *Extendunt* tibiā musculi quinque, vel sex.

Primus *Membranofus* à superna spina ossis ilii acutus, carnosusque prodiens, exteriorē parte juxta femoris processum majorem, ab in membranā longissimā, & latissimā, quæ instar transversæ cujusdam ligamenti (hinc nonnullis fascia lata dicitur) fere omnes femoris, & tibiæ musculos circumdat, ac in sede sua continet, ad extremum usque femoris excurrans. Miscetur autem circa insertionem cum tendinibus musculorum sequentium, & in tibiæ, ac fibulæ partem anteriorem, versus externum latus implantatur, tibiāque rectā extendit, atque etiam, ut quibusdam placet, nonnihil extrorsum abducit.

Secundus *Longus* (hic *Riolano Sutorius Veslingio fascialis* dicitur) ab ossis appendice anteriore ortus, & per interiora femoris obliquo ductu decurrens, sub genu ad tibiā interiùs descendit, eamque extendendo adducit, & sutorum more alteri imponit.

Tertius *Rectus*, ab inferna spina ossis ilii enatus, carnosus, teretique ventre rectā secundum longitudinem femoris decurrit, ac forti tereti tendini patellam includens, sub ea in tibiā desinit.

Quartus *Vastus Internus*, à cervice, & rotatore femoris minore ortus, tibiæ infernæ, paulo infra patellam inseritur.

Quintus *Vastus Externus*, à rotatore femoris minore exteriùs principium sumens, amplo tendine in tibiā exteriùs, paulo infra patellam desinit.

His quinque musculis extensoribus nonnulli subjiciunt sextum musculum femori adhærentem, *Cruceum* appellatum: cujus principium constituunt inter duos femoris rotatores, finem verò cum vastis musculis eundem.

Horum extensorum quatuor posteriores circa genu simul uniti unicum communem latus, validumque tendinem efformant, quo patellam involvunt, & femoris, tibiæque ossa instar ligamenti validè colligant.

Obliquè tibiā adducit *Popliteus*, Latinas in cavo poplitis, ab inferno, & exteriorē femoris tuberculo exortus, & obliquè in appendicis tibiæ superioris posteriorem, ac internam partem delatus.

De Musculis Pedis.

Flectitur Pes, & extenditur.

Flectunt antrorsum duo; Primus *Tibialis* anticus dicitur, tibiæ affixus, à superno tibiæ processu ortus, inseritur in os pedis, ante pollicem, tendine ad finem bifido. Alter *Peroneus biceps*, uno capite, vel principio promanante, à fibulæ superna epiphisi, altero è peronæ medio. Duplicem habet tendinem; minorem in minimi digiti os delatum, & majorem sub planta obliquè incedentem, & insertum in os pedis à regione pollicis,

Extendunt retrorsum postici quatuor: *Duo Gemelli*, internus, & externus, quia suram constituunt *Gastrocemii* nuncupati, à femoris capite interno sub poplite oriuntur. Tertius *Soleus* dictus, his subditur, à posteriore fibulæ appendice exoritur. Tres hi musculi desinunt in crassissimum, & validissimum tendinem prernæ: calcisque principio interendum, quo suspendi solent mactata pecora: *Hippocrates* vocavit *choydam magnam*: ubi ex calcis fractura febres vult contingere singultuosas, & convulsificas.

Ultimus *Plantaris* dicitur, & respondet palmari in manu, gracilis est, inque tendinem longum degenerat, totamque

plantam regens ab exteriorē femoris capite, subexoritur, in quinque digitos inseritur, eundemque hic usum, quem in manu habet: quanquam collatio utriusque parùm sit exacta. *Tibialis posticus* hic abducendus inter oblique moventes, seu adductores numeratur *Spigelio*; inter extensores *Riolano*.

De Musculis Digitorum.

Digitus pedis varios habent musculos, qui illos extendunt, flectunt, & obliquant.

Extendunt quatuor digitos duo musculi *Tensores* dicti.

Primus *Longus Tensor*, sub tibiæ antico reconditus, oritur ab antica, & interna tibiā, qua parte fibulæ sub genu connectitur. Hinc secundum longitudinem fibulæ rectā descendit, & in tendines quatuor separatus, ligamentum annulare transit, atque in quatuor digitorum tres articulationes superna parte inseritur.

Secundus *Brevis Tensor* ab astragali vicinia, parte superiore projectus, & longo substratus, in omnes primi internodii articulos suis tendinibus supra desinit, qui tendines metatarsum, longi tendines decussatim intersecant.

Flectunt quatuor digitos sex musculi flexores.

Primus *Longus flexor* sive *Perforans & sublimis*, qui unā cum sequenti *Brevi*, sub musculis suram constituentibus posteriore sede occultantur. Hic à superna tibiæ parte posteriùs originem sumit, & circa maleolum internum tibiā, calcisque ligamentum subiens in planta pedis finditur in quatuor tendines; qui per foramina brevis flexoris transeunt, in quatuor digitorum tertium articulum inseruntur.

Secundus *Brevis flexor*, qui etiam *Perforatus, & Profundus* appellatur, inferiùs, & interiùs à calce prodit, dimissisque tendinibus quatuor, circa finem ad tendinum præcedentis musculi transitum rima disis, in secundum digitorum internodium excurrit,

Tertius, quartus, quintus, sextus *Musculi lumbricales* quatuor, qui à flexoris longi, ac brevis tendinibus, vel potiùs à ligamento eos tendines obvolgente producti, & carne quadam à calcaneo exsurgente adacti, primo quatuor digitorum internodio singulis tendinibus insiguntur.

Obliquè digitos movent *Musculi Interossei* decem, sub ossibus metatarsi, atque inter illa locati, & à massa carnea exorti: quorum externi ad primum digitorum internodium desinunt: interni usque ad secundum internodium excurrunt. Agentibus externis digiti abducuntur, internis adducuntur, simul agentibus extenduntur.

Digitus minimus peculiarem abductorem habet, à calcaneo productum, & quinto metatarsi ossi extrinsecus subjectum, qui primi internodii externo lateri inseritur.

Pollex singulares obtinet musculos.

Primus *flexor*, adjacens longo digitorum tenori, qui posteriùs à superiore fibulæ parte carnosus exoritur, viamque perforantis musculi secutus robusto tendini tertio pollicis ossi connectitur. Nonnunquam sub planta pedis in duos tendines dividitur, quorum unum pollicis, alterum secundo digito tribuit, atque tunc longus digitorum flexor, tantum tres tendines ad digitos mittit.

Secundus *Extensor*, ab externo tibiæ latere, ubi fibula recedit, enatus, ac pedis superiora perreptans, toti pollicis parte superiore implantatur. Interdum geminum tendinem emittit: unum ad ultimum magni digiti articulum: alterum in os metatarsi, pollicis substratum.

Tertius *Abductor*, ab interna parte calcis ortus, & pedis lateri interno secundum longitudinem attensus, in pollicis os primum extrinsecus defigitur.

Quartus *Adductor Major*, à ligamento ossis metatarsi, quod minimo, & proximo digito subjectum est, emergens, obliquè super alia ossa procedens, interna parte in primum pollicis articulum brevi robustoque tendine desinit.

Quintus *Adductor Minor* à minimi digiti ligamento, quod primum internodium vincit, prodiens, transversim carnosus desertur atque ad primum pollicis os brevi latoque tendine interiùs excurrit. Usus est facere securam ambulationem, quando perviam asperam rotundis silicibus refertam, aut per aliud aliquid minutum, lubricum, & volubile eundem est. Nam hujus musculi ope, pes ad ejusmodi corporis figuram se accommodat, & id quod apprehendit, ut tutò gressum firmare possit.

In planta pedis, quæ vestigium appellatur, observatur carnea massa, quæ instar pulvinaris, musculorum tendinibus subternitur. Hanc nonnulli cum musculo transversali confundunt.

De Ossibus femoris, & Cruris.

Pedis tres sunt partes, femur, tibia, & externus pes.

Femur à ferendo dictum, eo quod animal ferat, & sustineat, unico constat osse robusto, magnitudine, & longitudine cæteris omnibus excellentiore, antè rotundo, & aliquantulum gibbo, postè nonnihil depresso, ac sinuato, asperaue linea obliquè versus genu descendente, insignito.

Alia autem considerata sunt in ejus parte superiore, alia in inferiore.

Superius, processum crassum versus coxendicis os prominentem, eique epiphysin rotundam, & amplam impositum habet, sicque globosum femoris caput, valida cervice subnixum constituit, quod cartilagine obductum in coxendicis acceptabulum reconditur, in eoque duobus validis ligamentis detinetur: uno lato, crasso, & membranoso, quod articulum totum circumdat: altero tereti, quod ab ipsa cavitate acceptabuli productum, in femoris susceptum caput inseritur, idque acceptabulo firmissimè connectit, atque sic articulatio hæc per enarthrosin perficitur.

Infra cervicem, ubi os latius fieri incipit, duo processus educuntur, suis epiphysibus donati, quæ in pueritia manifestè conspicuæ sunt, ac incremente ætate omnino offescent, & femori inseparabiliter uniuntur, ut nulla substantiæ diversitas unquam fuisse videatur. Horum processus unus superior, & major, sursum versus exteriora vergit: alter inferior, & longè minor, obtusi tuberculi figuram habet, retrorsum versus spectat. Huic minori plerumque versus exteriora adhuc aliud parvum tuberculum paulò humiliore sede adstat. Hi processus variis validis musculis insertionem, & ortum præbent.

Inferius, ubi femoris os cum suo appendice sensim crassescit, duo capita ampla efformat, quorum externum crassius est interno. His cartilagine obductis subjectas tibie geminas cavitates similiter cartilagine munitas ingreditur. Inter illa capita cavitationem antè parvam, postè magnam habet, per quam insignia vasa cum quarto paris vagi nervo ad crura deferuntur. Inter has cavitates tibie protuberantia suspicitur, sicque articulatio ista per ginglymum absolvitur, dum etiam duo tibie capita hæc suscipiunt.

Præterea adhuc duo alii exigui sinus ad utriusque capitis latus conspiciuntur, quibus variorum musculorum tendines inseruntur.

Postè in poplite duo ossa sesamoidea inferioribus appendicibus apponuntur, quæ musculorum duorum priorum pedem moventium capitibus innascuntur, cum alioqui reliqua sesamina musculorum tendinibus inhæreant.

Quia autem articulatio genu non admodum firma fuisset, sed in cruris motu, & ab externorum impetu ossa faciliè à sua sede exedissent, hinc providus Creator isti articulo antè imposuit os rotundum, & latum, instar umbonis circularis, quod *Mollam*, *Patellam*, seu *Rotulam* vocant, substantiam in pueris cartilagineam obtinens, quæ incremente ætate fit planè ossea, & ad faciliorem motum antè cartilagine obducitur. Hoc os inhæret tendinibus musculorum, nexu latiore quippè non strictè vinciri, sed aliquantulum mobile esse debuit, ut facilem luxationem averteret, & interiim motui musculorum haud officeret.

Femori subjicitur crus (hoc nomine à multis universus pes designatur) à genu ad talum se extendens. Hoc è duobus ossibus componitur, crassitie, & magnitudine plurimum differentibus, sursum, deorsumque cohærentibus, intermedia autem regione ob pedis musculos sejunctis, valido tamen intercedente ligamento connexis.

Horum primum Latini *Tibia* vulgò *Focile Majus* appellatum, & *Canna Major*, est amplum, atque validum os aliquo modo triangulare, antè secundum longitudinem acumine anguli sui interioris spinam acutam efficiens, qua parte etiam carne destitutum, periosteio, membrana carnosa, vix visibili aliqua pinguedine, & cute tegitur, hæcque causa est, quod tibie anterioris contusiones sæpè in curatione longas molestias pariant, ob facilem panniculi carnosus, & periosteii nulla carne, aut pinguedine intertorum læsionem.

Ad utrumque finem appendicem crassam, & considerabilem obtinet.

Superior amplitudine insignis, postè veluti duobus capitibus diducta est, atque in summitate duobus longis

sinibus, lubrica cartilagine munitis excavata, femoris inferiora capita suscipit. Dictis autem sinibus limbus cartilagineus, crassus, mobilis, & fermè circularis ad articulationis firmitatem circumjicitur.

Inter hos sinus colliculus, veluti sepimentum, exsurgit, qui à femoris ossis cavitate excipitur, è cuius colliculi aspera, & sinuosa summitate, ligamentum validum prodit, quod femoris sinui infigitur, & inter alia ligamenta omnium maximè articulum firmat.

Inferior verò appendix minor est altera, processu notabili ad internum pedis latus protuberans, qui nulla carne tegitur. Malleolus Internus vocatur.

Hæc sinibus duobus prædita est. Uno laterali, & minore, cui fibula accumbit: altero inferiore, multo majore levi protuberantia, quasi in duos sinus distincto, & cartilagine obducto, quo talus subjectus suscipitur, qui intrinsecus tibiam sua cavitate recipit, atque sic per ginglymum articulatio hæc perficitur.

Alterum cruris os *Perone*, & *fibula*, barbaris *focile minus*, & *canna minor* nuncupatur, estque tibie extrinsecus attensum, ei longitudine non cedens, sed multò tenuius, ac debilius, secundum longitudinem variis sinibus, ad musculorum insertionem, exsculptum, atque lineis acutis prominentibus asperum.

Capita duo habet, unum suprà, alterum infrà, quibus appendix coalescit, eaque in processum acutum, & nonnihil asperum desinunt. Capite superiore usque ad genu non assurgit, sed infra tibie appendicem subsistit, eamque levi sinu excipit.

Inferius verò fibula sinu tibie excipitur, & tuberosum caput cum processu usque ad latus tali demittit foris conspicuum ubi *malleolus externus* nominatur, estque interno humilior.

De Pedis Extremi Ossibus.

Ossium pedis extremi tres sunt classes, Tarsi seu pedii, Metatarsi, seu Metapedii, & digitorum.

Tarsus septem constituitur ossibus, magnitudinæ, & figura plurimum discrepantibus.

Primum *Astragalus*. Latinis *Talus*, vulgò *os balistæ*, & dicitur *Quatrio* à quatuor lateribus, quod capite nonnihil convexo tibie sinum inferiorem ingreditur. Inferius partim protuberans, partim sinuatum, cum osse calcis committitur.

Ad hæc cavitationem, in medio, inferiore sinu majusculam obtinet, cui similis calcanei cavitas à regione opponitur: his tamquam in cellulis unctuosam mucaginem ad ligamentorum, & cartilaginum humectationem servatur.

Secundum os est *Calx*, seu *Calcaneus*, os tarsi maximum, oblongum, versus posteriora protensum, ut homo firmius talo insisteret, ne faciliè retrorsum concideret. Posteriori parti validissima chorda, extendentium musculorum tendinibus conflata adnectitur. Superius amplo, sed depresso capite ingreditur sinum tali, & paulò antè tali eminentiam suo sinu excipit: prominentia verò exteriori cum osse cubiformi jungitur. Ab interno latere sinu lato excavatur, per quem tendines, & majora vasa ad pedis inferiora tutò descendunt. Ab interno latere tuberculis hinc inde inæquale est, ad ligamentorum, & tendinum firmiorem connexionem.

Tertium os, *Naviculare*, quod etiam *Cymbiforme*, Græcis *Scaphoides*, à Cymbæ, vel scaphæ, forma, propter recurvum ductum nominatur. Hoc postè amplo sinu talum excipit, antè depressis capitibus trium minorum ossium tarsis sinu subit.

Quartum os *Cuboides*, à forma sic appellatum, item os *Tessera*, & Arabibus os *Grandinosum*, Græcis verò *Poly-morphon* dictum. Hoc cæteris sequentibus, seu lateralibus majus calcis præponitur, eique superficie inæquali jungitur: altero latere committitur cuneiformi ossi tertio: versus digitos ossi quarto, & quinto metatarsi insistit. Reliqua tria ab antiquis non fuere peculiaribus nominibus insignita. Omnia hæc tarsi ossa validis ligamentis sibi invicem connectuntur, ac cartilagine ad conjunctiones præmuniuntur.

Metatarsum quinque perficiunt ossa valida, & fistulosa, longitudine, & crassitie discrepantia in medio à se invicem sejuncta, ut musculis interosseis locum præbeant. Sursum deorsumque capitibus protuberant: quorum illa, quæ crassa, & pedio proxima, suis sinibus quatuor inferiora ossa tarsi recipiunt: hæc verò rotundis protuberantiis donata, à digitorum sinibus excipiuntur.

Digitorum pedis ossa numerantur quatuordecim, è quibus duo pollicis ossa magnitudine præ cæteris excellunt. Cæteri digiti tribus constant ossibus, quorum forma convenit cum ossibus manus, sed magnitudo minor est. Omnia hæc ossa metatarsi, & digitorum, ad faciliorem motum, circa extremitates, ubi articulantur, cartilagine obducuntur.

De Ossibus Sesamoideis.

Ossa sesamoidea, ex seminis sesami aliqua similitudine nomen desumpserunt, suntque minima quædam ossicula rotunda, & nonnihil depressa, intus fungosa.

Tendinibus musculorum digitos, cum manus, tum pedes moventium, ad articulos inhaerent, cum iisque in cadaverum coctione, & ossium purgatione, seu denudatione plerumque amittuntur, nisi prudenti investigatione conserventur. In prima ætate cartilaginea sunt, postea incrementibus annis ossescunt, & lævi cartilagine obducta, ossis alterius sedem lubricam contingunt.

Magnitudinem variam habent, pro ossium quibus adherent, diversitate. In manibus majora sunt, quam in pedibus, excepto pollicis pede, cui ad caput metapedii ossis opponitur maximum, quod tendini muscoli pollicis os primum flectentis, subjicitur, & aliud multò minus sibi adjunctum habet. Hoc verò maximum, quod internum, pisi majoris decorticati dimidiam partem forma, magnitudine refert, appellaturque Arabibus *Albadaran*.

De ossibus sesamoideis nonnulli *Hebraei* eadem illa fabulantur, ac de osse *Lus*, de quo aliquid referre non alienum ducimus: Varii *Hebraei* scriptores, inter ultimam lumborum vertebra, & os sacrum, effinxerunt os quoddam, cui nomen *Lus* imposuerunt, de quo mirabilia scribunt, multaue nugantur, quorum summam collegit *Gaspar Bauhinus lib. 1. Theatr. anat. cap. 48.* cujus verba hic adscribere lubet, ut unicuique pateat quam turpiter *Rabbini* suis figmentis, ac mendaciis imperitos, & credulos decipiant: *Hebraeorum*, inquit, *scriptores tradunt in humano corpore post decimam octavam vertebra os quoddam esse, quod neque aqua, neque alio elemento corrumpi, nec ulla vi externa frangi, aut conteri possit: quod eo Deus in extremo iudicio rore cælesti rigabit, & tunc reliqua membra ipsi rursum aggregabuntur, & in corpus coalescent, quod spiritu Dei afflatum, vivum resurget. Os hoc vocant LUS, & non LUZ, quod situm dicunt in spina dorsi, post decimam octavam vertebra ad os femoris. Hujus fabula pater est Rabbi Uschaja, qui anno Christi 210. vixit, circa quod tempus conscripsit librum, qui Bareschit rabba, id est, glossa magna in Pentateuchum vocatur. Hoc os, inquiunt, non comburi, neque corrumpi in perpetuum, quod radix hujus ossis sit ex substantia cælesti, sed humectari rore, quo Deus suscitaturus est mortuos, tanquam fermento quod est in massa farina. Volunt etiam hoc os cæteris diutius remanere, propterea quod non percipit gustum alimentorum hominis, sicut reliqua ossa, & propterea durabilius esse reliquis, & esse fundamentum corporis, quod ex eo extractum est. Apud eosdem legitur Adrianum Cæsarem interrogasse Rabbi Jehosnam filium Chanina, unde Deus hominem in futuro saeculo erecturus sit? tunc Jehosnam os illud in conspectum adferri curasse, quod aqua impositum non fuit emollium, igni non fuit adustum, mola non fuit attritum, incudi, & percussum malleo, rupta fuit incus, os autem nullum defectum sensit. Munsterus dicit Rabbinos in collo hoc os esse dixisse. At Vesalius ossiculum hoc ab Arabibus albadaran vocari; & ciceri, imagine respondere scribit, & dubitat, num sit ossiculum interius duorum, quæ ad primum pollicis pedis articulum spectantur, quod insigniter durum est. Verum Hieronymus Magius refert Thalmudistas, aliosque Hebraeos commentos esse, hoc juxta calvarie basin, sive in ipsa basi, aut nucha vocata, consistere: aliis primam esse è duodecim vertebra, à qua thorax initium habeat, quæ cum caput, collumque inclinamus, maximè emineat, & extuberet. Sed quæ ille Adriano Imperatori respondit, vera esse, nemo persuadebit. Nam etsi ossa, Platone teste, maximè diuturna sint, nihilominus ea lapidibus, & malleis in pulverem comminui, flammis in cinerem verti quotidie videmus. Sic solent circumcisi patres quando rei difficilioris, veram rationem explicare nequeunt, ad fabulas confugere, quas suis pro sacra fidei articulis obtrudunt, ne aliquid ignorasse videantur.*

Numerus, horum ossium non semper idem reperitur: plerumque in singulis manibus, & pedibus duodecim inveniuntur, interdum pauciora, interdum plura, non tamen verosimile est eundem numerum in omnibus non adesse, sed

potius credendum, propter parvitatem tam exilia ossicula omnia in quibusvis subjectis inveniri non posse.

His etiam addenda sesamoidea in poplite latentia, de quibus hoc peculiare notandum, quod non musculorum tendinibus, ut reliqua sesamoidea, sed duorum priorum musculorum pedem moventium capitibus innascuntur, ut dictum est.

Gasparus Bauhinus sesamoideis quoque annumerat ossiculum ad articulationem ossis carpi octavi cum metacarpi osse parvum digitum sustinent: item ossicula duo, quæ nonnunquam in senibus cubiformi ossi opposita reperiuntur.

De Cruralibus, & Pedis Venis.

Vena Cruralis in utroque crure continua, eademque est cum iliaca, ac pro loci dumtaxat, seu situs diversitate nomen mutat: quippè ab infimo crure, seu pede assurgens, usque ad inguen. Cruralis nomen obtinet: ubi verò in inguine peritonæum subire minatur. Iliaca dicitur, cum tamen sit una, eademque continua vena.

Hæc cruralis est magna vena, in eamque totius cruris minores venæ, tanquam rivuli, sanguinem à nutritione residuum exonerant ad cavam deferendum. In femoris autem plicatura, quo loco nervis, & arteriis comitata transit, frequentibus apposis glandulis fulcitur.

Recipit cruralis, præter multas exiles, à vicinis, & inferioribus partibus venas insigniores sex. Prima Saphenam. Secunda Ischiam minorem. Tertia Musculam. Quarta Popliteam. Quinta Suralem. Sexta Ischiam majorem.

Saphana, seu *Malleoli Vena*, est longissima, & insignis, arteria conjuge carens. Infimis radicibus pedi pedisque digitis inhaeret, quarum nonnullæ coeunt in pollice superiore *cephalica* vulgò dictam; hæcque ulterius procedens, & cum aliis in malleolo interno rursus concurrens, *Saphanam* dictam constituit in uteri affectibus secari solitam. Quæ hinc inter cutem, & panniculum carnosum per cruris interiora ascendens in media via varias admittit venulas in tibia, femore, & genu, quarum radices cuti, musculis, aliisque vicinis partibus inhaerent, atque sic tandem prope inguina cruralem ingreditur.

Ischia Minor, è coxendicis parte anteriore, ejusque loci musculis procedens, exteriore sede cruralem, ex opposito saphanæ accedit.

Muscula gemina. Exterior, quæ minor, à tibia extendentibus musculis, secundo, & quarto, è cute emergit. Interior, quæ major, & profundior, à genu, & femoris musculis ferè omnibus, imprimis autem è quinto, & tibia extendentium tertio procedit. Hæc duæ è directo sibi invicem oppositæ, cruralem infra inguina ingrediuntur.

Poplitea, calci, & nonnunquam malleolo externo radicibus inhaeret. Indè fursùm conscendens, à suræ cute, musculisque in transversos, & obliquos ramos dividitur, qui paulò supra poplitem non longè à se invicem separati, interdum alter cruralem, alter saphenam ingreditur. Hujus venæ sectio veteribus familiaris fuisse videtur, eamque in renis dolore commendat *Hippocrates*.

Suralis magna vena est, quæ circa tibiam flexum, & paulò supra crurali continua jungitur. Conflatur autem ex duobus ramis circa poplitis regionem concurrentibus: quorum exterior à digitis, & summitate pedis (in qua cum popliteæ radicibus concurrens, constituit vatium illud venarum plexum sub cute conspicuum) in malleolo externo, & musculis inter fibulam latentibus: inferior verò à pollice, calce, & tibiam externa sede, musculisque suram constituentibus enascitur.

Ischia Major, ad cruralem in alto latentem, paulò infra suralem ingressum accedit. Hæc à pedum musculosa substantia, & digitis exoritur, sicque ascendens malleolum externum perreptat, (quo loco in ischiadis affectibus secari solet) ac in ulteriore itinere varios ramos à tibia anteriore, suræ musculis, vicinisque partibus recipit, usque dum tandem ad cruralem devenit, in eamque aperitur.

Notandum, maximam esse venarum pedis varietatem, neque illas in omnibus subjectis, imò vix in ejusdem corporis utroque pede, se eodem modo habere, ac proinde earum exquisitam descriptionem vix dari posse, sicut illud ipsum etiam monemus de venis manus. Præterea, in descriptione venarum totius corporis tantum exhiberi illas, quæ manifestè conspicuæ sunt; minimas verò ramificationes minus conspicuas, & capillares radices vix visibiles exactè inveniri, & describi non posse, quod etiam de

arteriis intelligi volumus. Non adeo itaque magnum habendum venarum delectum in venarum pedis sectione ; cum omnes ex uno trunco propagentur .

De Arteriis Cruralibus .

Arteria Cruralis , quæ vena Crurali minor est , versus inferiora cruris descendens , alios ramos supra , alios infra poplitem emittit .

Supra poplitem ab ea progrediuntur hi tres rami . I. Muscula *Cruralis Exterior* , à truncis cruralis exteriori parte . Hæc musculos femoris anteriores ingreditur . II. Muscula *Cruralis Interior* , ex trunci parte interiori . Hæc per femoris musculos interiores distribuitur . III. *Poplitea* , quæ deorsum descendens , per musculos femoris posteriores excurrit usque ad poplitem , unde ei nomen impositum .

Infra poplitem ab ea procedit , *Suralis* , quæ paulò sub poplite latitans utrimque propaginem profundam emittit ad articulum genu , & tres musculos suram constituentes . Hinc versustibiam descendens , dividitur in arterias *Tibiaas* appellatas I. *Tibiaa Exterior* , quæ secundum fibulam descendens in musculos tibie absumitur . II. *Tibiaa Posterior elatior* , quæ usque commissionem tendinum musculorum suræ progreditur . III. *Tibiaa Posterior Humilior* , quæ per ligamentum membraneum fibulæ musculos tibie jungens transit , ac per pedis superiora , & musculos abducentes digitos distribuitur .

Reliquum caudicis cruralis per tibie posteriora inter secundum , & tertium digitorum pedis musculum recta descendit , atque inter calcem , & malleolum ad pedis humilia progreditur , circa malleolum à latere , ad pollicis musculum , pedisque superiora ramulum emittens . Quod superest , inter tendines musculorum digitorum pedis , in duos ramulos dispescitur . Horum interior pollicis duos , indici duos , & medio unum furculum tribuit . Exterior verò minimo duos , medico duos , & unum furculum medio digito largitur .

C A P U T LXXI.

De Artuum Vulneribus .

Artuum vulnera à vulneribus in parte carnosâ inflatis omninò sunt diversa , propter nervorum , membranarum , tendinum , ligamentorum , musculorum , ossium &c. quæ inibi simul compacta , & unita ad articulationem complendam , & perficiendam concurrunt ; & hæc vulnera inter se comparata alterius sunt naturæ , quam caro vulnerata , ideòque in curatione alterius energię requirunt medicamenta .

Signa .

Hæc vulnera faciliè cognoscuntur , quia suam habent sedem in crure , genu , tibia , vel parvo pede , vel in brachio , cubito , vel manu , quæ sunt , aut cum luxatione , aut sine ea .

Causa .

Vulnerum artuum causæ sunt variæ res externæ violentæ ipsius artubus intrusæ , sive sint perforantes , & pungentes , ut gladius , stylus , hasta , acus , articulæ , spina , vitri frustum , morsus bestiarum , vel hominum iracundorum , glans è sclopeto immissa , sagitta &c. Vel scindentes , ut culter , ensis , securis , forcipes , vitra &c. Sive contundentes , ut lapsus , ictus fustis , lapis &c. quæ artuum continuitatem solvere , & excitare possunt vulnus profundum , vel superficiale , vel transversum , vel punctum , & nervi , membranæ , tendines ligamenta , muscoli , & quomodocunque ossa lædantur .

Prognosis .

Articulorum vulnera omnia sunt periculosa ob succorum circulantium impedimentum , & sunt hæc partes imbecilles , exangues , excarnes , & frigida quæ faciliè recipiunt , & ægrè resolvunt . Habent hæc vulnera maximum ob nervos , tendines , ligamenta , musculos , & membranas , consensum cum cerebro , ut de *deliria* , *vigilia* , *convulso* , quæ ex *sect. 5. aph. 2. ex vulnere lethalis est* , dolores acerbissimi excitantur , & hinc inflammationes , mali moris febres , gangrænæ , & mors , vel saltem talia vulnera in ulcera cacoethæ tandem degenerant . Periculosiora sunt in parte interna ,

cum eo loci grandiora vasa , & nervi contineantur , unde hæmorrhagiæ insignes , & convulsiones non ægrè excitantur . In articulorum vulneribus , si nervi penitus abscissi sunt , qui continebantur , absque dubio claudos reddunt . Vulnera hæc periculosiora sunt ; si luxatio accedat , neque enim sine vitæ periculo reponi potest , ob ingentes dolores , huiusmodi vulnera concomitantes . Ideoque optimo vaticinio chirurgus se munire debet , ne apud ignarum vulgum malè audiat ; ubi enim accidit cum tali vulnere luxatio , distractionem nervosæ partes patiuntur circa articulos , unde sævi dolores , & fluxiones fiunt : si verò reducatür articulus , rursus ipsæ partes extenduntur , & inflammationes , tumores , & convulsiones accidere necesse est , simul ex tot distractionibus , & extensionibus , exorto materiæ affluxu , calor suffocatur , & gangræna , ac sphacelus sequitur . Ea propter si tale vulnus offeratur , chirurgus vitæ periculum adstantibus , & febrem , & futuram convulsionem , si reductio fiat , pronunciet . Articuli minores vulnerati ; si reducantur , non necessariò mortem afferunt , sed plurimi servantur . Vulnera juncturarum esto levissima sint , diuturno tempore pro curatione indigent , ob motum , qui talibus partibus fit ; vulnera enim ad curationem quiete opus habent .

Curatio .

Horum vulnerum curationem aggrediuntur *Vulgares* , primò sanguinem mittendo , sed vulneratorum sanguis sit super ipsos , & eorum filios ; deinde instituta victus ratione , ad præcavendum humorum affluxum totum corpus diligenter evacuant aliquo pharmaco leniente , & attemperante , sive compressivo , & affluentes intercipiunt , & avertunt humores . Interea vulneris labia adducunt , si illud sit profundius , non tamen penitus , ut humoribus , qui faciliè colliguntur , exitus pateat . Si vulnus sit in crure , vel sura , vel in alia parte carnosâ , illicò illud dilatant , adduntque vulneri vulnus , & sectionem faciunt circa partem infernam per rectam lineam , sic enim vitant nervorum , venarum , aliarumque læsiones postmodum sanguinem stupata cohibent , quam post 24. horas auferunt , & pulvillis vulneris cavitatem digestivo imbutis complent . Et quia hæc partes vulneratæ pusillum habent calorem , eas ab externi aeris injuriis optima fasciatione , & medicamentis tuentur . Eapropter non solum olea , unguenta , & emplastra calida imponunt , verum etiam cataplasmata , & petias . Articulus , vel extensus , vel contractus , vel semiflexus juxta partis exigentiam conservetur . Ad dolorem leniendum , & inflammatam partem juvandam , si adsint , utuntur *cataplasmate ex farina hordei* , *mica panis* , *oleo rosaceo* , *lacte* , & *vitellis ovorum ad ignem confecto* , & illud circumscitis partibus admovent . Vulneratæ parti post digestivi usum , & optimam abstersionem , ea applicant medicamenta , quæ nativum calorem fovent , perfectam moliuntur coctionem , & dolorem simul pacant , hujus energię judicant *oleum abietinum* , *rosaceum* , *hypericonis* &c. .

Vulnerum articulorum curatio magna indiget sedulitate ; paucum enim habent calorem , qui appositâ medicamenta non ita faciliè actuare potest , ideòque omnia actu calida apponantur , & optimè tegantur , ut partis calor conservetur , sed non adeò oneretur vulnus , ut curationi integumenta sint impedimento ; cavendum itaque ab aeris frigidi injuriis , & cataplasmata non vulneri , sed partibus vicinis imponenda , ne ullo modo affecta pars pondere gravetur , & oneretur . Articulus vulneratus rectè in suo situ collocetur ; multum enim hoc confert , quia dolor , & humorum affluxus præcavetur , & partis actio conservatur . Si itaque anticam humeri partem vulnus obsideat , alæ diploma crassius subjiciendum , & aliquo modo involvatur , quod cubitum sustineat , & humeri caput aliùs impellat ; aliàs enim proprio pondere deorsum tractum humeri caput facit , ut vulnus tardiùs curetur . Si articulo cubiti vulnus inflatum , brachium neque extensum servandum , neque nimis inflexum , sed figura media collocandum , quæ angulum obtusum referat . Qui situs , ut servetur , & ab ægro aut dormiente , aut non cogitante mutetur , vel deligationibus idoneis , vel etiam instrumentis ligneis adaptatis conservandus . Si carpus vel digitorum articuli , manus semireflexa continenda , & digiti non extensi ; ne cicatrice inducta rigida manus permaneat , & contracta lædatur . Si femoris articulus sit vulneratus supinus æger decumbat , & idoneis pulvillis ,

ac deligationibus caput ischii proprio loco contineatur, & dum cicatrix inducitur, mandandum ægro, ut interdum huc atque illuc femur movear, ne cicatrice inducta motus læsio ob eam accadat. Genu vulneratum extensum recta figura locandum, ut claudicatio evitetur.

Parti vulneratæ ea applicanda sunt medicamenta, quæ citò, tutò, & jucundè curant, & omnia avertunt symptomata, ita sunt *oleum hypericonis, momordica, apparicis, cera, ex vitellis, terebinth. destill. aqua resina, balsamus artificialis samaritani, proprietatis, balsamus Peruvianus cum aqua Regine &c.* Verùm vulnerum artuum curatio ex sequentis capitis cognitione magis elucescet.

C A P U T LXXII.

De Nervorum Vulneribus.

SUB nervorum vulneribus etiam ea, quæ sunt tendinum, & ligamentorum, comprehendimus, quia ipsa in curatione parum, aut nihil differunt. Nervi non unicum vulneris genus patiuntur, sed plura; unum est *Punctura*, quæ duplex est, una manifesta, altera occulta, aliquando enim nervus in conspectum venit, aliquando nequaquam. Alterum est *Sectio*, qua secantur nervi aut per longum, aut per transversum. Tertium genus est, quod *contusio*, appellatur, quæ vel est sola, vel cum punctura, aut cum sectione juncta. In his tribus generibus accidit quandoque ut nervus sit tectus, aliquando verò detectus.

Signa.

Nervi vulnus cognoscitur primò ex loci vulnerati consideratione, & ex anatomicis, quæ quibus membris nervi inferantur, docet. Quæ de causa etiam considerare oportet, an vulnus sit in musculorum capitibus, an verò in eorundem finibus, an supra articulos, vel in ipsis articulis. Si in musculorum capitibus sit, nervum; si in finibus, & prope articulos, tendinem vulneratum esse, indicio est. Secundò, ex vehementi dolore, qui statim post acceptum vulnus ægrum excruciat. Habent nervi exquisitum sensum, ac propterea iis punctis statim in parte vulnerata vehemens oritur dolor, & hinc inflammatio, succedunt deliria, præcipuè si vulneratus sit aliquis nervus magnus, & convulsiones, proprium vulneratorum nervorum signum, quoniam cerebrum in consensum trahitur. Si verò nervus totus transversim dissectus fuerit, amplius cum cerebro non continetur, id in consensum trahere nequit, atque ita dolor, convulsio, & delirium excitari non potest. Sic ligamenta, cum sensu destituantur, vulnerata nec dolorem, nec convulsionem pariunt, neque per se suos effectus cerebro communicant. Tendines verò etsi minus exquisito sensu præditi sunt, quia tamen, & ipsi sensu non carent, itidem iis punctis dolores, & hinc convulsiones excitantur. Tertio, adest ablatio, vel læsio sensus, & motus omnium partium, quæ sunt infra vulnus, ut si vulnus sit in femoris nervo, totum crus sensum, & motum amittit, quod idem dicendum est de aliorum partium nervis, dummodò sint magni. Quarto, superveniunt febres magnis cum rigoribus, nam vulneratis nervis, vel partibus nervosis, & non patente vulnere: indè in vulneris talium partium cognitionem venire possumus, quia febres rigorosæ, invadunt, quæ aliquando remittunt, aliquando repetunt, sed dum adsunt: semper rigorem habent conjunctum.

Cause.

Immediata vulnerum nervorum causa est, uti aliarum partium, vulnere, continui nempe solutio in partibus nervosis, ligamentosis, & tendinosi, à vi externa facta. Itaque omnia instrumenta, quæ sunt acuta, dura, & rigida, quæque vim habent pungendi perforandi, incidendi, & contundendi, sub causæ mediatae nomine veniunt. Pungunt, perforantque acuta, & mucronata, ut acus, aciculæ, subulæ, stylus, sagittæ, jacula, pugio, clavi dentes morfu inflicti, & quicquid pun gere, perforare, & terebrare potest. Incidunt omnia instrumenta acie prædita, ut gladii, enses, secures, cultri, novaculae, & quicquid scindere, secare, & cedere potest. Contundunt obusa, & ponderosa, ut lapides, mali, fustes, baculi, perticæ &c.

Prognosis.

Nervorum vulnera difficillimæ sunt curationis propter gravissima symptomata, quæ inferunt, præsertim si in bar-dorum chirurgorum ungulas incidant; succedunt inflammationes, dolores vehementissimi, & abscessus, adeò ut tandem artum secare, & interdum amputare necesse sit, unde afflicti ægroti contracti, vel manci, vel claudi fiunt.

Nervorum vulnera periculosa sunt propter exquisitum sensum, quem habent, & cum cerebro consensum; verùm nervorum punctura periculosior est, quam sectio, præsertim si in corpus impurum, & malè dispositum incidat. Tendinum vulnera minus periculosa sunt, quam nervorum. Convulsio, quæ in vulnus incidit lethalis est, 5. aph. . Lethalis, inquit Hip. partium nervosarum vulnera intelligens, non quod ex necessitate semper mortem afferant sed pro lethali periculosum intelligit, quòd cerebro admodum mortem infert. Si nervus secundum longitudinem sit vulneratus, convulsiones metus tantus non est: si verò transversim, non verò discissus, omnia quidem ea symptomata, dolores scilicet, inflammationes, convulsionem, deliria afferre potest, quæ non dissectæ nervi punctura: quia fibris dissectis, iis, quæ non dissectæ sunt, noxa communicatur, indè dolores, fluxiones, inflammationes, & alia mala; malumque tandem ipsi cerebro imperitur, unde motus convulsi, deliria &c. Si nervus totus sit dissectus, equidem tantum periculum non affert, nec convulsiones ullus metus: aliud tamen malum incurabile subsequitur nimirum partis, in quam nervus inferitur, torpor, & debilitas in sensu, & motu, cum spiritus animalis per nervum amplius integre ad eam partem ferri non possit. Si tendo aliquis vulneratus sit, sed non totus dissectus, motus debilitatem in parte, quam movet, parit: Si verò totus sit discissus, partis illius motus planè aboletur, & tollitur. Nervi vulnerati putredinem faciliè concipiunt ob debilem calorem, & faciliè ab humidis læduntur, unde aqua, & oleum nervis inimica sunt. Ira putredo, & corruptio, quæ in parte vulnerata continetur, partibus vicinis indè remotioribus communicatur. Unde ulnata manu, aut digito, in brachio, sub axillis, & humero; vulnerato crure, tibia, vel pede, in femore & inguine, non solum dolores, sed abscessus fieri solent, neque saltem uni lateri, sed & opposito malum communicatur. Imò in toto corpore humores degenerant, & corrumpuntur, unde febres mali moris, laterum dolores, dysenteria, & in parte vulnerata gangræna excitari solent. Notandum quod non semper inflammationis, aut putredinis adsunt indicia, imò nec dolores vehementes adsunt, sæpe latenter & subito convulsio invadit: Materia enim vitiosa, subtilis, & prava latenter per nervos ad cerebrum defert, ut in epilepsia, id fieri videmus, à partibus extremis aura venenata sine insigni dolore in partibus, per quas transit ascendente. Nervorum vulnera sepius comitem habent synoviae fluxum, qui vulnerum consolidationem impedit, & periculosam partis atrophiam, & interdum totius corporis tabem post se trahit. Sepe tamen nulli tumores in ejusmodi vulneribus apparent, si nimirum chirurgus omnes fluxionis causas adimat, aut natura ipsa hominis impetum sedet. Est omnino benè sperandum, si utque ad septimum si nihil mali superveniat; signum est enim naturam humorum motum, & exagitationem sedasse.

Cum de nervorum vulneribus loquimur, omne nervosum genus intelligimus, & est triplex, unum est illorum qui à cerebro, & spinali medulla oriuntur, & hoc genus est illud, quod vulneratum, gravissima efficit symptomata, ut deliria, convulsiones, & cætera supra recensita, & tandem mortem, si videlicet nervus sit magnus. Nervos quoque vocamus musculorum chordas, quæ à musculis oriuntur, quia partim constant nervis, partim ligamento, (& hinc est, quod non ita propriè nervi dicuntur) & hoc est secundum nervorum genus, quod cum vulneratur, non efficit gravissima symptomata, ut primum genus, reddit tamen articulos torpidos, excitat inflammationes, convulsiones, & mortem inducere potest, sed non ita facile, nec tam citò hæc operatur ut primum illud genus efficere solet. Tertium genus est, quo articuli inter se junguntur, & ligamentum vocatur, ab osse oritur, in os desinit, sed non est verè nervus, verùm ligamentum, quod cum sensu destituatur, vulneratum nec dolorem, nec convulsionem parit, neque per se suos effectus cerebro imperitur.

Curatio.

Curatio.

Antequam ad vulnerum nervorum curationem deveniamus, de sex rebus non-naturalibus agamus oportet; & imprimis aer, in quo æger degere debet sit calidior; frigidum enim nervis inimicum: calidum verò utile ex sect. 5. aph. 18. & ex eadem sectione aph. 17. frigidum autem convulsiones, tetanos, livores, rigores febriles. Ea propter nervorum vulnera non nimis sæpe, & sine causa detegenda, & cum deteguntur, candela accensa, vel vas carbonibus ignitis plenum in propinquo esse debet, & ipsa nova deligatio festinanda, & citò peragenda. Item ipsa medicamenta debent esse calida; quotidiana namque experientia docuit medicamenta frigida nil nisi noxam attulisse. Cibus sit coctu facilis, & frugalis, in quem finem conducit ptisanæ cremor, ova forbilia, caponum, gallinarum, & pullorum caro, parca manu sumpta, carnes assæ potius sint quàm elixæ. Vitentur cibi falsi, acidi, & acres. A vino abstineat æger; vinum namque affectis nocet nervis, pro potu utatur porione vulneraria ex nervinis, ut sunt radices pœoniæ caryophyllatæ, enulæ, salviæ, toris marini &c. Morus vitandus, & pars affecta leniter, & mollior collocanda, & in quiete detinenda, ut dolor, humorum affluxus præcaveatur, & ejus actio conservetur. Immoderatum in partium nervosarum vulneribus multum periculi, & damni afferre posse, multæ testantur historiæ. Somnus, & vigilia sint moderati; si enim uterque modum excederit, malum. Alvus nec sit nimis stricta, nec nimis laxa, oblita tamen sui muneris clysteribus moveatur: Alma venus cane, & angue pejus fugienda; est namque nocentissima nervis, cujus voluptas mortem affert, ut illius juvenis historia apud *Guiliel. Fabricium cent. 1. obs. 22.* docet qui jam propemodum sanatus hanc ob causam obiit. Animus ad hilaritatem componatur, perturbationes fugiantur, primas ira, secundas terror, metus, & mœtor occupat sedes.

In nervorum vulnerum curatione ad sanguinis fluxum, & inflammationem in parte affecta inhibendum, statim in principio venam in opposito loco secant *Vulgares sanguinarij*, injecto prius clistere. Sed nervi sunt partes exangues, & hoc non obstante sanguinem mittunt; considerate, si essent partes sanguinæ quid facerent, si in arido hoc, quid fieri in viridi? Sunt articuli partes frigidæ, & sanguinis missione magis refrigerantur, præcipue cum paucò innato calore sint præditi, & frigidum sit nervis hostile. Secta vena pro acrimie humorum aversione, medicamento purgante utuntur *stercorarii Medici*. Verùm hæc medicamenta apud vulgares de communi morborum omnium sunt, quæ esto acrimie humorum colluviem in primis viis stagnantem exturbent, si tamen aliqua horum portio in articulos affluxit, non potest pharmaco à partibus illis tam diffitis eliminari; præterea à medicamento purgante in corpore magnus concitatur humorum tumultus, & in partem vulneratam ob debilitatem fieri potest affluxus, qui non facilè resolvitur.

Si dolor vulneratum valde torqueat, & in varia adigat symptomata, ad dolorem lementia recurrunt vulgares, & *Galenij* præcepto maximopere commendant oleum copiosum, & valde calidum, in quo æger partem immergere debet. Cæterum in nervorum vulneribus oleum est malignantis naturæ, ac putredinem in nervis inducens, quia calidum, & humidum est: substantia verò nervosa, & sicca, & siccandi prædita qualitate medicamenta requirit, ut pars in sua temperie conservetur. Præterea nervus in profundo loco situs est, quò oleum ob suam crassitiem penetrare non potest, quia poros sua unctuositate obstruit. Insuper nervus est exquisitissimi sensus, & oleum ob latentem aciditatem est mordax, & dolorem adauget. Commendant itaque oleum sambucinum, vel lumbricorum, hypericonis, vel liliorum alborum. Quod si dolor his non sedetur, ad ejus lenimen proficuum dijudicant sequens cataplasma imponendum, paratum ex farina hordei, fabarum, lupinorum, betonica, flor. chamæmeli, & oleo bene maturo. Si inflammatio imminet, repellentibus utuntur, sed hæc sunt frigida, & humida, nervis inimica: Quod si nervi inflammari, & putrescere incipiunt, tunc cataplasmata cum oximelite, vel lixivio parant, & eam ferè curationem instituunt, quæ gangrænæ incipienti.

Medicamenta, quæ nervorum vulneribus utilia expiuntur *Vulgares*, sunt oleum antiquum, lumbricorum, rumi, Musitanæ Opéra Tom. II.

taceum, liliorum alborum, costinum, de castoreo &c. Commendant magnopere ex *Galenij* præcepto euphorbii emplastrum, quod cum triplo ceræ, si recens sit commiscetur, ut

℞. Euphorbii ℥. j. ceræ ℥. iij. olei ℥. x. m.

Veretalscens verò copiosius admiscetur. Sed euphorbium causticæ, sive exurentis facultatis est, ideoque ob violentissimam acrimoniam exulcerat, ardorem, & inflammationem infert, & esto ejus acrimonia à ceræ admistione aliquantulum obtundatur, non per hoc tollitur, & nervi qui exquisitissimo præditi sunt sensu non corripiuntur dolore. Idem *Gal. 3. de comp. med. sec. gen. cap. 2.* alia in nervorum vulneribus usurpanda proponit medicamenta, ut sulphur vivum, calcem vivam lotam, arsenicum, sandaracham pompholyga, squammam aris calchitidem ustam, & id genus alia barbarica medicamenta, quæ nervis insensibilissima, vel corrosiva sunt, nec hic nunc Veterinarii pro asinis, & mulis utuntur. Recentiores tutiora medicamenta tam arte spagyrica parata, quàm è diffitis regionibus advecta, imò in nostris obvia, & quæ citra dolorem, quem facile rancidæ medicinæ illa inducunt, suum peragunt munus, quæque, seu nervus denudatus, seu rectus sit, tutò adhibentur, invenerunt. Ea quæ à *Galenio*, antiquis proposita sunt, urentem acrimoniam habent, stupiditatem, dolorem, inflammationem, febres, convulsiones, deliria, & ipsam mortem inducunt: Cæterum recentiora medicamina vim habent balsamicam, tenuium sunt partium, penetrant, dolorem pacant, exsiccant, discutunt, putredini reluctantur, naturalem fovēt calorem, partem affectam in sua crasi conservant, fluxiones inhibent, cæteraque avertunt symptomata, roborant, ac propterea in nervorum, & tendinum vulneribus utilissimè adhibentur.

Pro nostra vulnerum nervorum curatione id, quod primò indicatur, omnibus vulneribus commune est scilicet solum esse combinandum, id nervorum punctura, sive sectione, sive contusione locum habet. Quia tamen nervus exquisitissimo gaudet sensu, major in ejus continui solutione accidit dolor, quàm in reliquis partibus, & hinc inflammatio; & cætera eveniunt symptomata, unde fit, ut id, quod primum est in intentione, sit in executione novissimum. Eapropter, ut hæc avertantur symptomata, dolor præcavendus est, & inflammatio arceatur; impossibile enim est imò perniciosissimum, vigentibus symptomatibus, quæ totam curationem ad se trahunt, soluti unitatem moliri: medicamenta itaque quæ partibus conveniunt carnosiss, & citò vulnus claudunt, hic non conducere dicimus: Potissimum in nervorum vulneribus causa doloris est succus nerveus alteratus, degeneratus, vel conclusus, qui vel diu retentus, pravam assequitur qualitatem, nervos vellicat, pungit, contrahit, convellit, & tandem putrefacit, unde tot prava emergunt symptomata. Nervis utique vulneratis medicamenta unctuosissima, nimis mucilaginosissima, expressa olea, aut pinguis sunt admodum noxia, quia volatiliora, paulò penetrantiora, & quæ vulgò dicuntur calidiora potius usurpanda sunt. Accommodatissima sunt medicamenta calidiora, vel quæ ad calidum vergunt, & tenuium sunt partium, quia debilem nervorum calorem roborant, excrementa generari non sinunt, generata absumunt, & resolvunt; adstrictoria tamen destituantur facultate, ne vulneris orificium conglutinent. Si vulneris orificium sit nimis angustum, & hac de causa excrementa non evacuerunt, ac dolor intendatur, amplius reddendum, ut vulnus pateat: cutis latius duabus ad rectos angulos sectionibus incidatur, non tamen nervus tangatur, & apertum servetur turundis, quæ cutem dilatent, nervum tamen non tangant, ut per id excrementis, quæ in vulnere generantur, liber pateat exitus.

Pro nervi itaque quomodocumque vulnerati curatione, & symptomatum inhibitione, primò totum membrum ad nervorum principium usque ad membrum devivatorum inungendum est ol. lumbric. vigorato cum oleo destillato lavendulæ: nam & hoc internè partium nervosarum læsarum convulsiones curat, aut inunguntur oleo salviæ, aut succini, aut similibus. Similiter & quod optimum est inungatur membrum sequenti unguento, ut

℞. Ol. lumbricor. vulpin. axung. human. ana ℥. j. succ. lumbric. ℥. ss. m. probè, & illine. Vel eorum membrum à parte affecta ad nervorum principium usque inungatur unguento nervino, vel Galbaneto *Paracelsi*.

Nervo deinde vulnerato, partibus nervosis, & tendinosiss volatiliora, & penetrantiora conveniunt medicamenta, qua ratione balsamus Peruvianus liquidus, oleum cerebinthina destillatum, oleum ceræ ex vitellis ovorum, oleum

destillatum lavendula, oleum philosophorum, oleum lauri destillatum, balsamus hyperici, spiritus vini, aqua Regina Hung. gummi elemi, tacamahac, & caranna imprimis conducunt. Vel elegans est sequens mistura:

℞. Ung. dialth. ℥. iv. ol. lavend. destill. ℥. j. ℞. succini destill. ℥. ℞. m. Quæ mista convenienter vulnere applicentur; omnibus medicaminibus palmam præripiunt lubricalia, quæ optima nervorum sunt solamina, qua ratione Oleum hyperici lubricatum præstans est remedium, ut

℞. Summit. hyperic. florent. m. ij. ol. comm. ℞. vj. Hoc probè invicem digere, & postea adde terebinth. ℞. j. lumbric. pulverizator. ℥. iij. croci parum m. Pro oleo nervis vulneratis aut punctum, aut casum convenientissimo. Pulvis paratus ex serpentum exuviis, quas sponte depouunt, & ocul. cancror. invicem mistis, nervis incisis, & per transversum sectis inspersus mirè convenit pro eorundem unione.

Diximus nervorum puncturas periculosiores esse, quam sectionem propter doloris, & convulsionis metum: in tali casu, in nervo punctum læso, quod etiam in inepta venæ sectione locum habet, quando tendo pertunditur, nihil melius est, quàm immittere, instillare, aut illinire oleum destillatum terebinthina, vel loco ejus etiam oleum cere vulneribus adhiberi potest. Vel

℞. Ol. destil. terebinth. ℥. j. spiritus vini ℥. j. camphora ℥. ℞. m. Instilla vulnere, aut ulcusculo, in quo nervus punctum læsus fuit: est Paracelsi experimentum. Cerumen aurium est Helmontii specificum contra nervorum puncturas, his addi potest balsamus Peruvianus, oleum destillatum lavendula, lauri, philosophorum. Galenus pro specifico euphorbium usurpavit, quod & hoc tempore apud vulgares adhuc ad nervos punctum læsos ex inepta venæ sectione est optimum, si scilicet fiat unguentum, ut

℞. Euphorbii ℥. j. Resine terebinthi. ℥. ℞. cera parum, Quæ mista extendantur, & calide applicentur, ubi nervus per venæ sectionem fuerit læsus. Ad nervos penitus incisos denuò consolidandos laudatur sequens.

℞. Lumbr. terrestr. q. s. exsicca blandè, & pulveriza, vel pulverizatos lumbricos latos contritos misce cum terebinthina, quo xx. horas supra vulnus imposito, illud sanatur, vel sine terebinthina pulvis inspergatur nervis, vel tendinibus dissectis.

Eadem est nervorum, ac tendinum ratio: puncti enim, aut non ex toto dissecti dolorem acerbum, & convulsivum minantur: per transversum verò dissecti motum, sicuti nervi sensum, & motum simul petire faciunt. Sed ne hoc eveniat, tendines dissecti per suturam conjungendi sunt, nec tendinum punctura convulsionem minatur esto acu pungantur. Dissecti tendines transversim, sedata hæmorrhagia, per acum admodum latam, sed admodum subtilem intra fibras, ex quibus constant tendines, intrusam denuò per subsequens filum consuendi sunt, & hinc balsamo vulneratio efficaci vulnus, & futura illinenda est: sic enim postmodum brevi consolidantur iterum tendines, & uniuntur citra hoc, ut partis motum deperdat æger. Unum tamen superest incommodum, ut toties, quoties tempestatum mutationes ingruunt, æger in antiqui vulneris loco, ubi nempe denuò conjuncti sunt tendines, dolorem percipiat quodammodò podagræ similem. Hujus futuræ tendinum per filum meminit Veslingius in suis epistolis, & Bartholinus in observationibus.

In prognosi de synovia, fluxu scilicet aquæ articularis articulorum, & nervorum vulneribus emanantis mentionem fecimus, hunc ipsum periculosum esse symptoma diximus; impedit namque vulnerum consolidationem, partis atrophiam, postmodum totius corporis tabem, & tandem mortem inducit. Statim itaque sistendus est hic fluxus, ne ægrum in atrophiam, vel irreparabilem adigat tabem. Synoviam compescit sequens pulvis, ut

℞. Testar. ostræar. ℥. j. cranii adusti, oss. sepiæ, mandibul. lucii piscis calcinatar. ana ℥. ij. spodii, terra sigillat. ana ℥. j. ℞.

Quæ mista insperguntur: sic namque citò evanescit synovia. Singulare experimentum est; si sterco porcino cum sanguine vulneris invicem mistum coquatur, & ita vulnere externè applicetur cataplasmati instar: hoc enim synoviam coercet. Quin, & Linteum sanguine primo menstruo virginis intinctum, hoc enim, sive humidum, sive siccum applicatum certissimum habetur ad synoviam compescendam remedium. Palychrestum est, si destilletur aqua ex cancris fluvialibus confusis: Hæc enim cum lin-

teis duplicatis imposita, non tantum synoviam sistit, sed præterea omnes inflammationes, erysipelata, & paritum vulneratarum dolores.

C A P U T LXXIII.

De Pertinacia Vulnerum in sanatione.

ADedò quandoque aliqua vulnera obstinatè sanationi reluctantur, ut quæcumque optima, & exquisita remedia ritè adhibita respuant, & qualiscumque solertia adhibeatur, non cicatrizantur, vel si cicatrice obducantur, ad tempus durat, brevi tamen recrudescunt, & fatiscunt. In tanta itaque ægri, & chirurgi confusione causam venemur oportet, quam profectò occultam, & à tota substantia nuncuparent *Vulgares*: Causa est interna alicujus meatus obstructio, ut evenit si menstruæ excretiones in fœmina obstruantur, eaque interim alicubi vulneretur, tum enim ejusmodi vulnus constanter cicatrizationi semper obnititur, nisi suppressi proritentur menses, & debito ordine fluant. Nec sperare possumus internis exhibitis medicamentis tum obtineri posse, ut mensium obstructio referetur, & ipsum vulnus unà curetur, cum potius tunc vulnus ab his, quæ aliàs menses exturbant, intrò receptis, recrudesceret, & peioraret, virtus enim eorum expulsiua potius ad vulnus, quàm ad uterum ferretur, & majorem affluxum derivaret, & illud insaniabilis redderetur. In hoc itaque casu tantum externis medicamentis menstruæ purgationes sunt soliciandæ, in quorum usum sequentem pilulam utero intrudendam proficuum experti sumus, ut

℞. Theriaca Androm. ℥. j. pulv. sabinae ℥. j. m. Item commendamus suffium ex sabina, & colocynthide. Non possumus non extollere pessarium ex radice hellebori nigri utero inditum, sed non debet diù retineri, ne exulceratio, febris oboriat. Vel tandem confugimus ad tale suffumigium, ut

℞. Scorias reguli antimonii, coque in lixivio cicerum fagi, ut extrahatur rubedo. Hujus partibus quatuor admisce vini malvatici partem unam. Hujus misturæ cochleare unum, atque alterum, vel plura funde super filices, vel recrementa ferri candentia, & patiens excipiat fumum ad lochia. Id quod justo tamen tempore, ut cætera, faciendum fuerit, & menses prosiliunt prospero cum successu.

Eodem fermè modo si quis ante hæmorrhoidum fluxum passus fuerit, & is postmodum subsistit, talis autem interea vulnus accipiat, illud est difficillimæ sanationis: oportet igitur hæmorrhoidum fluxum externis medicaminibus concitare, non verò internis, aliàs sanguis concitatus ad vulnus conflueret.

Siquis Lue Venerea conspurcatus sit, & vulneretur: tunc infectio vulnere communicatur, & pertinacis redditur curationis, & aliam curandi rationem exquirat, vultus enim fit corrosivum, & serpendo depascitur, sin autem quis ejus malignitatem cujusdam unguenti applicatione: cui mistus sit præcipitatus, vel mercurius dulcis debellare speraret, eam potius multiplicabit, & lues illa latens in actum deduceretur, & ægrum in magnum vitæ discrimen præcipitabit. In tali ergo casu unguentum nostrum magistrale, vel mundificatum compositum vulnere non est applicandum, quoniam mercurius illud ingreditur, sed ejus loco subire debet tale unguentum ita paratum, ut

℞. Croci martis ℥. iij. ærug. subtiliss. trita ℥. ij. aloes hepatica ℥. j. olibani, myrrhae ana ℥. j. ol. oliv. ℞. ℞. terebinthina, cera ana ℥. j. ℞. vernicis ℥. ℞. Liquefiant vernix, cera, & terebinthina simul, ac reliqua subtiliter pulverizata sensim subagitando admisce continuando subagitationem, donec mistura refrigeret, hoc unguentum tali vulnere suspecto imponatur, contegendo illud emplastro stiptico.

Rebellia quoque, & curatu difficilia sunt vulnera in nervosis, & ossis partibus ob ea, quæ vulnera comitantur, eisque superveniunt symptomata, & nisi ab accurato chirurgo præcaveantur, cicatricis productionem impediunt. Artis enim est vulnus sic claudere posse, ne sarcomata, fungi, contabescentiæ, inflexibilitates, vel rupturæ subsequantur, nec ars simplici curatione, sed præcautione, ac variis ministris quædam observanda sunt præcepta, quæ tradimus, ut nil inde horum malorum metuendum sit.

Obstinata quoque, & curatu difficilia sunt vulnera in varicibus, vel juxta eorum radices indicta; si itaque quispiam in lo-

in locis varicosis, vel juxta vulneratus sit, edrum radices lotionem quadam eluere, post pulvillos in ea madefactos imponere, & sic vulnus ligare convenit. Fit lotio ex aqua, quæ paratur ex sale armoniaco aliquoties per tartarum sublimato, ac super marmore in aquam soluto, ut

24. *Tartari crudi pulverizati 3. ij. salis armoniaci pulv. 3. j. m. Et in vase sublimatorio sal sublimabis, quod iterum cum eodem tartaro, commiscebis, & hoc quater repete; & tunc sal sublimatum in loco humido repones; ibi enim in aquam solvetur.* Nec est, quod salis armoniaci acrimoniam hic verearis, namque sic in aquam solutus omnem deponit acrimoniam, & fit singulare hujus mali remedium, quo si utaris, optimo successu vulnus claudes.

Vulnus jam clausum, & cicatrice obductum, ex aliqua contracta malitia, iterum quandoque aperiri, & in carcinoma, & fistulam degenerare solet, quod attentè chirurgus animadvertere debet; nam si immediatè post apertionem opportuno remedio non utatur, facillè erit, ut de die in diem præceps vulnus in pejus ruat, & tarda deinde experiantur auxilia; Itaque antequam radices agant, extripentur: vulnus primò *viridi oleo vitrioli* abluatur, deinde sedulo ligetur, hoc oleum mali originem per pus expurgat, ac omne carcinomatum, phagedænarum, ac herpetum genus funditus eradicat: verum mali minera difficiliùs primò cognoscitur, tractu tamen temporis non diutiùs peti Medici judicium effugere potest.

Aliud symptomatis genus vulneribus curatis, quod etiam luxationibus, & curatis fracturis evenire solet, nempe defluxiones typicæ (id est, quæ tempestatum, ac motus Lunæ ratione periodicè infestant) quæ nisi deriventur, membri vulnerati atrophiam, paralyin, forsitan etiam arthritin efficiunt. Sed quia hæc mala superventura, manifestis signis in curatione deprehenduntur, (nam fere pro motu Lunæ crescunt, ac decrescunt) ea facillè declinabimus facta evacuatione per *pilulas artheticas*, habito personæ quoque respectu, tum *oleo laterino* in vulnus infuso si scilicet, dolores succrescat.

C A P U T LXXIV.

De Membrorum vulneratorum contabescencia.

Non infrequens est in membris vulneratis contabescencia, potissimum tamen in brachiis manibus cruribus, & pedibus. Vocatur etiam aridura consumptio, atrophia, marcor, macies quæ non multum, sed penes gradus tantum inter se differunt, denotantque horum partium summam extenuationem, extremam maciem, & omnem substantiæ deperditionem; quæ contingit, quando pars vulnerata non alitur, & de substantia semper aliquid absumitur, & nihil ex alimentis in ejus locum substituitur vel apponitur.

Signa.

Color partis fuscior, reliquis partibus integris apparet, & sensum debita sua frustratur nutritione, imminuitur, emaciatur; demum omnis succolentia, & carnositas substantia ita absumitur, ut nihil præter cutem, & ossa remaneat.

Causæ.

Contabescencia varias habet causas, quantum verò ad rem chirurgicam pertinet, in harum partium vulneribus sequi solet, ubi articuli, nervi, vel muscoli, vel ligamenta fauciati sunt, vel contusione, allisione, luxatione, vel compressione, læsi sunt, tunc meatus, & extremitates fibrosæ canalium in cincinnos abeunt, vel divelluntur, distorquentur, vel comprimuntur, aut destruantur; eapropter denegatur alimento transitus, & partes necessario alimentari destitutæ madore imminuuntur, corrugantur, exsiccantur, & tandem contabescunt.

Item membrorum vulneratorum contabescencia evenire potest à nimio synoviae per vulnus effluxu: undè omnium pessima contabescencia sequi solet, quæ nimirum ariduram comitem habet, quoniam synovia est virescens membrorum succus, quem si amittant, æque arescunt, ac arbores, vel rami, quibus omnes libri deglubuntur, vel nimium durefcunt, & nulla ampliùs succi ascensio inter arborem, & libros fieri potest.

Similiter si membrum aliquod nimis profundè vulneratur, pari modo contabescit, quoniam insignis spirituum

portio è vulnere dissipatur, undè membrum illud languescit, & flaccescit (cujus rei exemplum habemus in vesicis bubulis, & aliis turgidè inflatis, & constrictis, ut aer in ipsis conclusus exitum non habeat; quandiu enim aer in ipsis arctè continetur, rigida turgent, sin autem leviter perforantur, aer expansivus per foramen exhalat, & vesica flaccescit. Ita etiam se res habent cum membro aliquo integro, & intrinsecè non obstructo, quod nimirum pariter propriis spiritibus, & nutrimento turgeat, profundè verò vulneratum, & pertusum flaccet, nisi prudens Medicus tale accidens avertere norit.

Prognosis.

Contabescencia ex nervorum, & fibrarum læsione suborta plerumque suum vitium reliquo corpori non communicat, nec lethalis est, sed in principio convenientibus remediis restitui potest, imò eidem soli parti ad mortem usque infixa inhæret, reliquis corporis partibus semper salvis. Si verò ex nimio synoviae affluxu ortum habeat, toti corpori impertitur; & mortem infert. Affectus hic chronicus est, paralyis sequitur, & morum, ac sensum pars tabida amittit.

Curatio.

Vulneratorum membrorum contabescenciæ curatio primo optimo diætæ regimine, deinde internorum, & postmodum externorum medicaminum applicatione perficitur. Diætetica ratio per sex res non-naturales dictas instituitur, & aer primas obtinet qui debet esse non frigidus neque calidus, sed temperatus, frigidus enim sanguinem, reliquosque succos circulantes inspissat, coagulat, & ad motum reddit ineptos; calidus majorem promovet transpirationem, & subtilissimæ sanguinis, succorumque particulae avolant, partibus crassis, spissis, & lutosi remanentibus, reliquosque nostri corporis succos exsiccat; humidum respiciamus aerem, quia secum penetrans vehit frigus quod catarrhos, & lymphaticorum vasorum obstructions producit, & in corpore lympham adaugere, per quam sanguis fit aquosior; & in sua circulatione impeditur, & suo motu frustratur. Aer igitur temperatus eligatur, qui si natura haberi nequit, & arte corrigatur salibus volatilibus, vel suffumigiis aromaticis, ac resinosis, ut *ex succino, baccis juniperi, gummi animæ, mastiche, olibano &c.* Cibi sunt cocti faciles, & optimi succi; ut membris tabidis, & languenti corpori vires, & pabulum elargiantur. Generalis regula sit, quod circulatingem sanguinem, ac succos in suo motu impedit, crassum, pigrum, lutosum, & acrem reddit, simulque coagulat, summè noxium existat, hinc tria hæc fugienda sunt. Acidum nempe salsum, & dulce. Hæc enim viscosa, utur faldedinem, & aciditatem massæ sanguinæ aliisque succis optimè inviscare valeant, declinentur, quia exilia infarciunt vasa, glutinant, & succis transitum negant, & corporis partes ubi obstructio facta est, contabescunt. Illi cibi eligendi sunt, qui multum salis volatilis in se continent, ita sunt carnes leporinæ, cervinæ, vitulinæ, bovinæ &c. optima sunt ova recentia, & lac, quæ tabidis maximi sunt usus. Inter fructus concedi possunt nuces juglandes, avellanæ, amygdalæ dulces, pistachia, pinæ &c. Potus quoque tabidos reficit, & eorum succos reddit fluidos, undè commendamus *potum Theæ cum lacte, vel calidum Capheæ, vel etiam Chocolatis*: in consuetis vinum concedi potest alkalicis herbis impregnatum quia spiritus animales ad fores clausas aperiendas incitat, ubi spiritus languent. Si vinum non bibat æger, utatur decocto hordei cum passulis, & santalo citrino. Somno largiori indulgeat æger magis quam vigiliæ. Motus sit moderatus, & non laboriosus, sed quantum satis ad tabificas nervorum obstructions, referandas. Alvus servetur nec nimis adstricta, nec nimis laxa. Venus quia artus enervat, veluti pestis fugienda est. Animi pathemata, ut mæror, terror, ira, metus &c. hic maximè nocent.

Vulgares, quia membrorum vulneratorum contabescenciam ab obstructione pituitosa oriri putat, materiam hanc præparant, deindè variis exhibitis phlegmagogis eam evacuant, quia sublata obstructione, contabescencia tollitur. Sed purgantia quæcumque cane pejus fugienda sunt, quia malum potius pejorant, quàm meliorant, dum succum nutrimentitium, aliosque ad nutritionem necessarios eliminant, & tabidis, si alvi fluxus superveniat, malum. Sic etiam venæ sectionem tanquam maledictam repudiamus, quoniam hæmoptoici in contabescenciam facillè incidunt.

In contabescente membro ad vitam restaurandam commendant deligationes, strictiores, ut sanguis attrahatur, & adigatur; item dropaces, sinapisinos, moderatamque aquæ temperatæ perfusionem, & idoneas frictiones: quasi sanguinem, & nutrimentum in partem affectam manu ducentes. Femur superius alligant ab inguine ad genu, deducta fascia, atque initio quidem arctiorem paulatim relaxant, ut à communibus venis, quasi rivis, deorsum sanguis exprimatur. Femore dextro contabescente, vel toto crure, sinistro femori fascias injiciunt, à genu ductis orbibus, adstrictas quidem, qui cum desinant in inguine, hic autem etiam constingunt, ut aliqua sanguinis pars in gracile membrum derivetur. Ea autem ratione deligationem temperant, ut neque dolorem creet, neque universum alimentum à parte incolumi reprimatur. Eandem rationem servant in superioribus membris.

Præterea membra tabida foveant decocto ex origano sampsuco, malva, althea, betonica, floribus liliorum alborum, salvia, roris marini. Alii pluribus extollunt encomiis salicis decoctum, vel membrum contabescens calidè balneant decoctionis jure capitis, & pedum vervicis, quam tolerari possit, donec calefactio quædam per totum membrum sentiat: tunc immediate sequenti unguento moderatè calido inungunt, ut

24. *Axungia humana* 3. ij. ss. *porcelli in lactatione castrati* 3. iv. *ardea* 3. iij. *colliquecant invicem*, & hoc unguento inungunt manibus calefactis membrum tabidum prope ignem, semper deorsum fricando manibus calentibus, ita ut dum una fricatur, altera interim rursus calefiat, donec membrum totaliter sit percalefactum, tunc saltem *ceratum ex sola cera*, & *axungia porcina confectum* superimponunt, & ægrum, ac membrum affectum semper in calido detinent.

Externis remediis interna associant, & præcipuè decocta sudorifera propinant, si contabescencia obstinatè repugnet: sed hæc partibus consumptis hostilia sunt, & potius extenuando, quam obstructiones tollendo, & impinguando procedunt. Autumni tempore vinaceis effervescentibus membra tabida per unam, aut alteram horam sepeliunt, & id toto vindemiarum tempore peragunt, sed operam perdunt. Nos membrorum vulneratorum contabescenciam curamus, eò curationem dirigendo, ut spirituum animalium influxus promoveatur, obstructionem tollendo, & hinc simul sanguis, ac reliqui nutrientes succi ad pattem, quibus reparetur sufficiens nutritio pellantur: id remediis externis, & internis assequimur, quibus mediantibus tabificam diminutionem reparamus: unde canales à debita succorum copia compressi sufficienter dilatentur, & amplièntur, vel distorti in convenientem situm disponantur: destructi verò irreparabiles sunt, nisi emollitis fibris ex vicinis tubulis, & canalibus liquores majori ubertate affluant, & sufficientibus succis irrorentur. Eapropter si compressi sint, balsama volatilia oleosa unice profunt, quatenus animalium spirituum influxui, sanguini, cæterisque succis nutrientibus viam dilatant, & aperiunt, ut sunt *spiritus melisse*, *flor. tunicarum*, *lilior. convallium*, *lavendula*, *rosar. flor. tilia*,

salvia, *anthos*, *aqua Regina Hung. &c.* Item ea compressionem sustollunt, & materiam comprimentum incidunt, & subtiliant quæ per urinæ vias exturbant, & maximopere commendantur *spiritus salis armoniaci*, *spiritus juniperi*, *lumbricorum*, *asell. terebinth. salis dulcis*, &c.

Si tubi sint distorti, ad suum naturalem reducuntur situm, frictionibus pannis asperis succino suffumigatis; donec cutis tabescat, vel membra contabescencia verberentur *foliis urtica*, & ubi sensus fornicationis, aut stuporis una adsit, vel rubificatio, certa affulget spes, ut pars in pristinum robur, & augmentum restituatur. Deinde pars oleis penetrantibus illinitur, ut ex *castoreo*, *philosophorum*, *terebinthina*, *petra*, *saponis*, *lavendula* &c. Vel *spiritu lumbricorum*, *formicarum*, *mellis*, *spiritu salis armoniaci cum calce parato*. Vel utimur Balneo vaporoso, ex quo prodeuntem vaporem membrum tabidum excipiat, ex herbis in vino coctis generoso concinnato, multo sale volatili abundantibus, ut *origano*, *pulegio*, *melissa*, *calamintha*, *lavendula*, *betonica*, *rore marino*, *absynthio*, *sampsuco*, *foliis tabaci*, *salicis*, *ebuli*, *althea*, *sambuci*, &c. quibus addi possunt *Scoria reguli antimonii*, quo solo foris multos curatos vidimus. Vel instituantur *suffumigia ex succino*, *assa fætida*, *castoreo*, *olibano*, *gummi animæ*, *mastiche*, & pluribus aliis, quæ plurimum juvant, & melius operantur, quam pinguis, & unctiosa: deinde pelle vulpina foveantur.

Nulla alimenti penuria in reliquis corporis artubus sentitur, sed tantum defraudatio in parte vulnerata contingit, quia illius canales, & tubuli non satis sunt dispositi, ad transitum particulis nutrientibus concedendum; referatis itaque hic particularibus tubulis, & obstaculis sublatis, quandoque contingit, ut crassiores, & viscidiores sanguinis, succorumque nutrientium partes, canaliculorum extremitates obstruant, & curatio ex voto non succedat: tunc incidantur, attenuentur, & subtiliores reddantur ad faciliorem transitum. Id non ægrè internis assequimur medicamentis. Si ergo lutositas, visciditas, & crassities in succis oboriatur, vel aciditas concurrat, conveniunt volatiliora, sudorifica blandiora, incidentia, & absorbentia, quæ sanguinem cum reliquis succis attenuant, ad motum suscitant, spiritus augent, eosque fluidiores, & volatiliores reddunt. Hujus energię sunt *salia volatilia cornu cervi*, *succini*, *spiritus salis armoniaci*, *cornu cervi*, *fuliginis*, *sanguinis humani*, *eboris*, *urina*. *Essentia castorei*, *zedoaria*, *viperarum*. Item *ebur*, & *cornu cervi philosophicè præp. antimonium diaphoreticum*, *spiritus tartari*, *bezoarticum minerale*, & *joviale*. Si ab acido coagulante suum cognoscat ortum, conducunt *oculi cancrorum fluviatilium*, *anti-hæcticum Poterii*: vel tandem *Cinnabaris nativa*, vel *antimonii*, quæ est veluti aciditatis magnes.

Balnea, seu Therma sulphureæ, nitrosæ, & bituminosæ magnam opem membris emaciatis præstant, ita est in *Ænaria*, vel *Ischia balneum Gurgitelli*, *Nitrosi Fontis*, vel *Arena Sanctæ Restituta*, & in agro Puteolano *balneum subvenit homini*.

F I N I S.

MONITUM D. DE VAUX

CHIRURGI JURATI PARISIENSIS.

TRactatus DE LUE VENEREA cujus interpretationem damus in gratiam multorum Chirurgorum Latinam linguam nescientium, est Opusculum ante aliquot annos à CAROLO MUSITANO Medico Neapolitano in Curatione morborum Venereorum Celeberrimo, editum post Chirurgiam ab ipso conscriptam.

Visum est nobis nullum à Medicis Recentioribus de hoc morbo librum perfectiorem editum fuisse; nullus enim accuratius enarravit, singula Lues Venereæ Symptomata, quæ tamen, tot sunt, ut ita dicam, Lues Venereæ singulares, varia quodam respectu postulantes remedia; & hæc causa fuit cur hunc librum Gallicè reddidimus in gratiam omnium Chirurgorum Gallorum.

Attamen quamvis præstantia de hoc Opusculo, ejusque Authore faciamus judicia, nostri esse credidimus, addere in fine plerorumque Capitum hujus Interpretationis, immo, & Articulorum ea dividendum adnotationes quasdam criticas, ut impediamus quominus Lectores, Methodis singularibus sanandi Luem Veneream, ipsis, in Exterorum Libris propositis, temerè utantur; cum hæ methodi forsan excellentes iis in Regionibus in quibus hi Libri conscripti fuerunt, non sint æque efficaces nostro in Cœlo, in quo constanter sequi debemus modum vulgatissimum Celeberrimorum Practicorum Gallorum, qui sibi condiderunt leges certas ad Luem Veneream ope salivationis sanandam: ut evidenter in Notis nostris patebit. Adde præstantiam Methodi Gallicæ sufficienter probare experientiam multorum Exterorum quotidie coactorum ad Galliam petendam ut liberentur à Morbis Venereis, postquam varia in Patria remedia incassum experti sunt.

Namque *Sydenham* Medicus Anglus Celeberrimus iter in Galliam suadet ægris, qui in Anglia, ope remediorum ab ipso præscriptorum, à Lue Venerea liberari nequeunt; *non inquit, quòd Practici ibidem degentes, ut ut docti quidem, methodum qua hic morbus devinci possit, melius callent, quàm nos hic in Anglia;* sed quia aer Galliæ minus humidus, magisque temperatus multum facere potest ad feliciorum eventum in curatione hujus morbi.

Verùm quicquid de his dicat Doctus ille Medicus, si ponderarentur, ut par est, ea quæ impediunt quominus ejus methodus succedat feliciter in Anglia, ut Methodus vulgaris in Gallia, facile perciperetur, non tam aeri Galliæ tribuendum esse differentiam inter successus harum curationum in Gallia, & Anglia, quam omiſſis quibusdam, illo Authore, circumstantiis tum in præludiis ad Curationem requisitis, tum in diætæ ægrorum; hæc vero in notis explanabuntur, prout se dabit occasio.

Tantum igitur abest, ut his notis criticis Tractatum *Musitani* arguere velimus, ut contra contendamus, ansam præbendo Junioribus Chirurgis utendi, ope Interpretationis, optimis documentis in eo contentis, nos iis simul in Notis patefacere, quid præcisè expectare debeant ex remediis ab Authore ibi propositis, quæ possunt quidem, recentissimas in nostro Cœlo, sanare Lues Venereas, inveteratis fucatam facere Medicinam, & gravissima aliquandiu sedare Symptomata; verùm non sufficiunt sanando huic morbo in omnibus gradibus sine reversione, & recidiva, ut Author contendit se sexcenties in Cœlo Neapolitano fecisse; cùm calor in illa Regione sit, ut verisimile est, aptus ad copiosiores, ægrisque Salubriores perspirationes efficiendas quam in Gallia ubi moderatior Cœli temperies hanc evacuationem remittere potest.

Cæterùm, si attento perpendamus animo, veram de viribus horum remediorum Authoris sententiam, cito judicamus, nos non multum ab ejus ideis alienos, posse eorum efficaciam eos fines ponere, quos in Notis posuimus, asserendo ea radicitus

quidem sanare recentissimas Lues Venereas, inveteratis verò fucatam solùm facere medicinam; cum ipse Musitanus, postquam iis laudes nimias dederit, fateri cogatur, *in Capite 19. Part. 3.* in quo agit *de doloribus Venereis*, hos dolores aliquando ita esse pertinaces, ut nec Vulgaribus, nec Chymicis cedant remediis, tuncque ad Mercuriale Suffumigium vel inunctionem, veluti ad efficacissimum, & ultimum deveniendum esse remedium.

Verùm si Mercuriale Suffumigium, & inunctio sint, ipso fatente Authore, efficacissimum ultimumque remedium, ad sananda pertinacia Luis Venereæ symptomata, non vituperandi sunt Practici Galli citò ad salivationem devenientes, cum sit, ut eos docuit experientia, expeditior methodus, minusque obnoxia exponendis ægris recidivæ, exhausta eorum crumena, diuturnoque tempore ab iis trito; iis vero, qui alias sequuntur methodos, approbandis, & laudandis, non sufficiunt, felices aliarum Regionum in quibus in usum revocantur, successus; notum enim est alia esse exhibenda remedia in morbis pro varietate cœli, sexus, ætatis, & temperamenti ægri.

Utiles etiam poterunt esse, hæc Interpretatio, & Notæ ei additæ, illis qui libros omnis generis curiosè legunt; his enim discent periculum cui se tradunt, se, primis symptomatibus Luis venereæ infectos, cuicumque committendo; difficilius etiam decipi poterunt ab Empyricorum promissis, qui sub specie curationis lenioris, minusque salivatione incommodæ, sæpe ægros curationibus fucatis decipiunt, ex quibus morbi eorum pertinaciores, sanatuque difficiliores post aliquod tempus fiunt.

Minus in interpretatione hujus Tractatus ei ad verbum exprimendo, quam sententiæ & cogitationi Authoris dilucide, quantum potuimus, explicandæ studuimus, non negligentes tamen Phrasium conversionem in voces ipsis congruas, quantum materia, & Linguarum genium permisit. Judicent Lectores num in his approbationem mereamur?





D. C A R O L I
M U S I T A N I
PHYSIATROS PROFESSORIS
TRUTINA CHIRURGICO-PHYSICA,
DE LUE VENEREA
L I B E R P R I M U S.

C A P U T P R I M U M.

Quid per Luem Veneream intelligant Medici.



UT eorum, quæ passim trademus, clarior sit intellectus, quid per Luem Veneream Medici in eorum mente concipiant describere præstabit; Quoties igitur vir sanus in mulieris contaminatum uterum coierit, pustulosum, pollutumque os osculatus fuerit, vel contra mulieris virum in pudendis, vel in ore pollutum admiserit, virus quoddam in pudendis, vel in ore contrahunt, quod in aliquibus multos post dies, verum ultra quadraginta, sub diversis se pandit apparentiis in iisdem partibus, cujusmodi sunt pustulæ cum profunda, & dura radice, erodentem eructantes saniem, quas caries vocant. Gonorrhœa, virulenta, ac purulenta, cum urinæ acredine, & in erigendo pene, intenso dolore. Venerei bubones in inguinibus, vel ob hujus virulentiam, extuberantes glandulæ absque suppurationis spe; & hæc primitiæ sunt jam concepti veneni exterius efflorescentes, quæ parum accuratos passim decipiunt Medicos, ex eo quia earum curationi tantum vacantes, nil de latente intus veneno, quod externi morbi fuit in causa, deinde amplius cogitant. Porro ex hac Medicorum incuria temporis circulo corpora, quæ haustum foverunt venenum, in diem semper novas repræsentant ab ipsa lue pullulantium variorum morborum scenas: etenim, ut communi utamur loquendi modo, impetus si facientes spiritus hoc contaminat venenum, ephemeram febrem; si humores putridam; si solidas partes, hecticam producit. Deinde quis memoret urinæ vitia, suppressiones, stillicidia, & mingendi difficultates à carnis excrementiis, ardores ab acrimonia, & ulceribus? Quis caries, & pudendorum corruptiones, gangrænas, & intotum præcisiones? Quis laryngis, faucium, gurgulionis, tonsillarum erosiones, raucedines, aphonias, & palati foramina, labiorum consumptiones, gingivarum putredines, nisi casus, ossis ethmoidis jacturam? Quis calvariarum, cæterorumque ossium omnium corruptiones? Quis oculorum strabismos; lippitudines, cæcitates, aurium surditates, tinnitus, graves auditus? Quis nodos, & gummata circa lacertos, & nervos, & cum his, & sine

his dolores, cruciatusque acerbissimos, quibus aliqui brachiiis, aliqui cruribus, manci redduntur? Quis serpiginosas rimas, & squamosas in manibus, & pedibus? Quis cerebri epilepticos insultus, melancholias, vigilias? Quis cordis palitationes, & synopes, pulmonis marasmus, asthmata, tusses, tabes? Quis hepatis ardores, fluxus varios, lienteriam, celiacam, diarrhœam, atque dysenteriam? Quis totius corporis lassitudinem, membrorum omnium languorem? Quis capillorum omnium casus, ut alii sine barba, alii sine superciliis, plerique glabro capite ridiculi appareant? Quis tandem quicquid horroris, feritatis, turpitudinis, doloris, languoris, hoc virus in corporibus susceptum imaginari potest, unquam commemorabit? Cum nullum sit morborum genus, nulla symptomatum species, quæ ex hac lue pullulare non possit; nullumque membrum, nullumque corporis theatrum tot repræsentat scenas, sub tot insignibus se pandit hæc, de qua nunc agimus, Venerea Lues, nec cessabit, imò in æternum, & ultra horribilibus se pandet modis.

N O T Æ

D. D E V A U X.

IN hæc Verba; *Quoties igitur, vir sanus* ---- Non strictè interpretanda sunt, quæ hic, ut certissima, videtur proferre Author noster, cum quotidie videantur homines coire cum mulieribus infectis, qui tamen non inficiuntur, & vice versa mulieres sanæ coire cum hominibus infectis, nulla inde accepta labe Venerea: quia textura cutis in utroque sexu satis robusta est ut hujus veneni contractui resistat; vel quia meatus cutanei ita non disponuntur ut virulentas admittant particulas.

Præterea non semper verum est, eos, qui coitu inficiuntur, statim in pudendis affici labe Venerea. Venenum aliquando est ita subtile & actuosum, ut vasa sanguinea subeat, sicque toti massæ sanguineæ misceatur, cutem non afficiens; & tantum post aliquod tempus, variis in locis videantur pustulæ Venereæ, vel ægri vagis excrucientur doloribus, nulla antecedente gonorrhœa, ulcere in pudendis vel bubone Venereo legitimo, spuriove in inguinibus.

Denique post quadraginta dies ab impuro coitu non certi

cetti sumus nos ab omni labe Venerea immunes esse; Multa enim videntur exempla veneni per multos menses, imo & per multos annos in sanguine latitantis, quæ nos docent tempus illud non sufficere. Sic quod hac de re affirmat Author, plerumque quidem evenit; verum nec semper nec certissimè

In hæc verba. *Quæ parum accuratos* ---- Paucissimi sunt hodie Medici quos hæc primitiæ in errorem inducere possint; Lues Venerea nimis frequens est, ut hæc primitiæ, Medicos, imo & eos qui communem vitæ consuetudinem sequuntur, decipiant. Sunt tamen alia signa Luis Venereæ quæ peritissimos quandoque Medicos in errorem inducere possunt; talia sunt, verbi gratia, quidam dolores vagi, qui pro simplici Rheumatismo statim haberi possunt, ut & tumores gummosi in commissuris ossium incipientes, signa sanè, in initio valdè ambigua. Prudentiores etiam Medici de hoc dolorum genere, ut & de tumoribus Rheumaticis dictis inconsideratè sententiæ non dicunt.

C A P U T I I.

De Luis Venerea Nominibus.

HUjus luis multiplex, ac varius lædendi modus, symptomatumque ab ea pullulantium diversitas, nominum quoque multipliciter, & varietatem indicat; quippe Medici, prætermittæ veneni radice, ad omnes producendi morbos idonea, tantum pro læsionis modo invenere nomina, præter ea, quæ è provinciis, in quibus hæc Lues suam exercuit stragem. Dicta enim propterea fuit *lues Gallica*, *lues Hispanica*, & *lues Neapolitana*; quippe cum in Neapolis obsidione circa 14. sæculi finem, ut infra dicemus, omnes dictæ Rationes concurrerint, ac lues tunc primò emergens affligerit, unaquæque earum reliquis sceleratum illud facinus vitio vertebat. Reduces ab India Hispani ad Neapolitanos in subsidium missi, suspicionem dedere illam lues ab India eos secum Neapolim attulisse, quam cum Neapolitani, & Galli cum mulieribus ab Hispanis compressi coeuntes contraxissent, Hispanicam, Indicam illi dedere dominationem, at Gallorum plerique Neapolitanos ab Hispanis non distinguentes, cum Gallis Luem secum non attulissent, obsidentesque Neapolim illius paterentur furore, Neapolitanam indigitare. Tandem Neapolitani cum numquam antea fuissent hanc experti luem, eamque à Gallorum obsidione experirentur, Gallicam dixere; Hispani interea utrosque Neapolitanos, & Gallos vicissim pro tanto scelere exprobrabant. Sanioris deinde iudicii viri cum cognovissent à luxu, Venerisque congressibus hanc luem erumpere, ac inter homines grassari, relictis nationum litiis, non abs re hanc luem dixere *Veneream*, quod nomen modum, quo lues propagatur, designat, non autem essentiam.

Medici deinde, dum sub hujus luis initiis affectus observabant, ob horum diversitatem diversa illi indidere nomina, ab antiquis desumpta, secundum symptomatum proprietates. Fuere ex his, qui ob læsionem quam lues inferre solet, per *Albotin Avicenna*, & per *Terminthion Græcorum* eam designarunt; Alii *Sabafatum*, seu scabiei pustulosæ speciem. Aliqui *Arthritidem* ob artuum dolores; Quidam *Pforam*, seu cutis defædationem; Quamplures antiquorum *Elephantiasin* eam esse dixere. Plerique hanc luem *malorum omnium congeriem* existimarunt; Nonnulli *morbum vagum*, *incipitem*, *erronem* luem esse, ac sub nullo certo morborum genere collocandum, & tandem *Scabies scortatoria*, *Mentagra*, vel potius *Mentulagralupanaris*, & ab aliquibus *pudendagra*, *caries Venerea*, *pustula obscena*, *variola magna* dicta fuit; omnium tamen optimè *Hieronymus Fracastorius* vetustissimus poeta, proprio, ac speciali *Siphylidis* nomine, dum eleganti carmine hujus luis materiam pertractavit, insignivit: fuit enim *Siphylus* primus æget ut ipse putavit, qui hac lue contaminatus fuit dum inquit:

Siphylus (ut fama est) ipsa hæc ad flumina pastor.

Nos verò infra cum hujus luis essentiam, & ejus lædendi modum demonstrabimus, nomen, quod illi adæquatè correspondere possit, proponemus, quo nulla infametur natio, & omnes à nota adeò infami vindicentur.

N O T A.

In hæc verba *Dicta enim propterea* ---- Sibi invicem, Luis Venereæ ortum exprobrarunt Galli, Hispani, Neapolitani, & adhuc hodie eum Indis exprobrant Europæi, sed immeritò; ut videri poterit in Serie Observationum nostrarum; & licet his exprobrationibus aliquod in initio fuisset fundamentum, his jam dudum finis esse debuisset, juxta Authorem recentiorum; *Nam videtur*, inquit Dominus Vray in Tractatu Gallico de Morbo Venereò cap. primo, *quod si perpendamus jam à ducentis & amplius annis de hac re quæstionem notam fuisse; præscriptionem tam longam litem dirimere, unicuique Dominium minime dubium, eorum, quæ à duobus possidet sæculis, acquirere debuisset.*

In hæc Verba. *Luem dixere Veneream* ---- Constat nomen *Luis Venereæ* Morbo Gallico datum, omnium esse maxime congruum; cum statim menti ideam originis ab immoderata Venere pendentis, offerat; ut videbitur in Observationibus nostris in Capita tertium & quartum.

In hæc Verba. *Medici deinde* ---- Omnia nomina Luis Venereæ data ob levem cum aliis morbis similitudinem in eo peccant, quod causa sunt cur facilius res omnino differentes confundamus.

In hæc Verba. *Syphilidis* ---- Nomen illud à *Fracastorio* datum nihil significat, & nititur tantum commento adventitio ab Authore invento ut Poema suum exornaret.

C A P U T I I I.

De Tempore, quo hæc Lues in humanam irrepfit carnem.

DE tempore, quo hæc innotuit Lues authorum sententiæ tam variæ, & discrepantes sunt, ut illi ipsi, qui illo tempore vixerunt, in hac re non conveniant, multò minùs nos qui ab illo tempore jam jam ferè duobus sæculis remoti sumus, eos conciliare valebimus. Itaque eorum opiniones recensēbimus, & transverso notabimus stylo, ut nostram deinde stabilire possimus.

Nonnulli, & præcipuè, *Leonicenus*, Veneream Luem aeris vitio tribuunt, asserunt aerem hoc contraxisse vitium ex magna Tyberis, aliorumque fluminum alluvione, sub *Alexandro VI. Pontifice Romano*, quæ universam ferè Italiam, & præcipuè Romam devastavit, & tota navigabilis reddita fuit. In ejus funesti eventus memoriam, in publica columna hæc insculpta fuere catina

Tempore Alexandri sexti, nonisque Decembris, Intumuit Tybris bis senas circiter ulnas.

Insula quæque domus facta est, mediisque repente Circumducta viis, aquabat Cymba fenestras.

Æstate enim sequenti, fordes, & illa colluvies ab aquis relicta, radiorum solarium æstu recanduit, aeremque putredinalibus effluviis infecit, unde hæc dira Lues mortalibus irrepfit. Verum alii aquarum inundationi perperam hæc lues tribuitur, cum potissimum hoc malum tantum, Romæ acciderit, & Venerea lues Neapoli primò innotuerit, Præterea aquarum inundationes potius pestilentes quandoque excitare solent morbos, ad breve tempus, nec per sæcula, & ultra duraturos. Imò tales inundationes etiam sapissimè antè acciderunt, nec antea talis Veneris excitatus fuit morbus.

Alii hunc morbum epidemicum dijudicare, ejusque causam ab astris mendicarunt, inter quos fuit *Nicolaus Massa*, & *Hieronymus Fracastorius*, scribit namque uterque, quod mirum non videri debet novos, insolentesque morbos certis apparere temporibus, idque variorum morborum historiis probat, & præcipuè de sudore Anglico. Credidit hujus morbi noviter exorti mala planetarum configuratione, maleficisque; cælorum influxibus inductam fuisse; refert namque eam in Saturni, Martis, & Jovis conjunctionem, quæ tali accidit tempore, unde cecinit.

Intremuit, tactusque novis defluxibus ather.

Paulatim aerei tractus, & inania lata

Accepere Luem, vacuasque insuetus in auras

Marcor iit, cælumque tulit contagia in omne.

Sed *Massam*, & *Fracastorium* astra deceperunt, nam eorum effectus æque sunt benigni, & maligni ab ipsis per se de-

se dependet, sed per accidens tamen fieri potest, hoc, vel illo modo aerem, aquam, terram, & humana alterando corpora, cum rerum naturalium generationis, corruptionis sint excitatores, ut inde mali producantur effectus, quomodo verò hunc in specie, & non alium morbum producere potuerint, non explicant hi authores.

Crediderunt alii hunc morbum non epidemicum, sed spondicum i. sparsum, ejusque originem Valentiae in Hispania Terraconensi habuisse, namque, eò loci Gallus quidam elephantiasis laborans, integram à nobili, & pulcherrimo scortò quinquaginta aureis emerit noctem, illudque ita infecerit, ut hanc diram genuerit luem, ut inde factum fuerit, ut omnes alii, qui cum eodem rem habuerit, coinquinarentur, & hinc brevi tempore infectio plurimis communis facta fuerit. Quasi nulla antea mulier elephantiasis commissa fuisset. Verùm differt elephantiasis à lue Venerea idea ac proinde elephantiasis hanc luem excitare nequivit.

Multi hanc pestem ex India Occidentali, ubi populariter grassatur, ab Hispanis in Gallorum exercitum ad Neapolim delatam fuisse autumant; Referunt namque historici: *Christophorus Columbus* ex novo invento Orbe rediens, plurimos reduxit milites, qui non minùs auro, quam hac peste gravati hanc appellantes urbem à Gallis obsessam, cum ferè, biennium in navigatione consumpsissent, ubi primum nostram civitatem occuparunt nulli temperantiae, & continentiae pepercerunt, ac præcipuè cum scortis avidissime luxuriantes furibundæ libidinis æstro plus justo perciti, hujus mali generationi ansam dederunt. Dùm Galli obsidione magis, magisque hanc premerent urbem, ob annonæ caritatem, ejecta scorta avidè exceperunt Galli, ignorantes hostiles dolos, & Hispanorum versutias, cum illis effrenatè coeuntes se infece- runt, & insueta illuxit lues, nec nostro prius cognita cælo. Unde inquit Hispanos hanc pestem non tantum in hanc nostram urbem, verùm in Italiam, & totum in orbem invexere. Verùm errant historici hanc Luem in quibusdam Indiæ regionibus epidemicam esse contendentes; nam aliis à Lue Venerea morbus est, qui an sit aeris, vel aquarum, vel victus vitio, nondum ab ipsis explicatus fuit.

Aliam hujus morbi originem adducit *Andreas Casalpini* traditam à quodam milite Aretino; qui eo in bello militavit. Referebat is, oppidum in monte Vesuvio, quod dicitur *Summa*, qui generosi copia vini est, quod *Lachryma* appellatur, clam noctu ab Hispanis derelictum, obsidentibus Gallis, sed vino infecto, admisto sanguine, quem ex iis extraxerant, qui in Nosocomio Sancti Lazari laborabant. Ingressos enim Gallos, cum se eò vino explevisent, cœpisse laborare morbis, & symptomatibus elephantiasim referentibus. Verùm si verum hoc esset, elephantiasis potius, quàm Venerea Lues hoc stratagemate excitata fuisset.

Leonardus Fioravanti empiricus de hujus morbi origine aliam peculiarem habet sententiam, quam apud nullum alium scriptorem legimus: Narrat se rerum causas indagandi avidum aliquando Neapoli fuisse, cumque variis discendi gratia conversationem iniisse; inter quos senex quidam nomine *Paschalis Gilotto Neapolitanus* annorum 98. sibi retulerit, tempore, quo *Joannes, filius Renati Ducis Andegavensis*, bellum gereret in *Alphonsum, Neapolitanorum Regem*, circa annum 1456. se sæpius à suo patre audivisse, qui fuerat ejusmodi mercator, in Regis Alphonsi exercitu, quod cum magna tum inter exercitus annonæ caritas, & præcipuè carniū extitisset, utriusque exercitus mercatores noctu clam cæsorū militum cadavera in frustra concidisset, & varia edulia ex eis parata militibus vendidissent, qui avidè ea inscii assata, cocta in artocreatibus satis longo tempore comedissent, antequam nullus id scelus resciverit; tandem hæc lues in toto Gallorum exercitu vagari cœpit, adeò ut vix unus inventus sit inter omnes, qui pustulis, bubonibus, doloribus, capillorumve defludio non laboravit. Quibus auditis, *Fioravanti* ut certior hac de re redderetur, per experimentum certiorari voluit, an humanæ carnis comestio hunc morbum in specie producere posset. Domi suæ suem alere cœpit, omnique ejus paulo axungiae porcinae aliquid immiscuit, acque intra paucos dies suis pili, seu setæ deciderunt, & undique pustulæ, tumores, seu bubones protruberant. Hoc non contentus experimento, etiam in cane periculum fecit, clauso in peculiari conclavi, ac ni-

hil escæ ipsi dando præter caninam carnem per duos menses, & idem in eo deprehendit, qui dolorum & pustularum plenus, pilosque amiserit, & die, ac nocte dolorem suum hominis ægroti instar misero ululatu testatus fuerit. His duobus experimentis tertium addidit, idemque in Bubone ave tentavit, eundemque notavit effectum. Ex quibus experimentis concludit unumquodque animal propriæ speciei carnibus nutritum, hunc morbum, qui hodiè Gallicus appellatur, incurrere. Atque hanc ipsam causam esse putat, quod in India morbus hic sit epidemicus, utpotè in qua Antropophagi carnibus vescantur humanis.

Miramur sanè tantum Empiricum, idest bonum tonsorem, his experimentis lue Venereæ causam indagasse, & tot Scriptores Italos, Gallos & Hispanos de hujus mali tali causa mentionem non fecisse. Nec Neapolitani senis relatio fidem facit, nec tempori quadrat propter falsam annorum computationem, nam Lues hæc non innotuit Anno 1456. quo tempore *Joannes, Renati Ducis Andegavensis* filius, contra *Alphonsum, Neapolitanorum Regem* bellum gessit, sed illuxit circa annum 1494. in bello, quod *Carolus VIII. Galliarum Rex*, cum *Alphonso Neapolitanorum Rege* gessit. Præterea demus verum esse, quod falsum nos experientia docuit, animal suæ speciei carnibus nutritum, pustulis, & doloribus affici, ac pilorum casu corripì, adhuc sub judice lis esset, an morbus iste esset ipsissima Venerea Lues, & talis, qui per contagium, & præcipuè per Venerem in alios transplantari possit. Insuper rationem reddere deberet, cur animal ejusdem speciei carnibus nutritum, pustulas, dolores, & pilorum casum patiatur, alterius verò speciei non? Fabulosum judicamus Antropophagos, quia humanis vescuntur carnibus, hoc corripì morbo, cum multi inscii nostris in regionibus ad longum tempus humanis pasti fuerint carnibus, nec hoc correpti fuerint morbo. Pustulas, dolores, & depilationes endemicum esse malum aliquibus Indiæ populis, non humanarum carniū comestione, sed aeris, aquæ, victusve vitio veteri certum est.

Aurelius Minadous credidit hanc luem ex impurissimarum mulierum scdissimo coitu. Hanc luem illuxisse putavit, cum scminæ impurissimæ redditæ sunt, quando variam seminum commistionem recipere cœperunt: Inquit enim sicut unum semen uni utero tantum familiare, ac sanum est, & scunditatem promover, ita seminum multitudo, & varietas uterum infecundum, & infectum reddit, ut ex optima substantia prava, imò pessima corruptela fiat venefica, & explicatu difficilis, unde contagiosa generatur lues.

Sed falsum est ex nimia Venere semen putrescere, nam citra contagium hæc lues genita fuisset, cum assiduus, immoderatusque Veneris usus ab orbe infantulo fuerit, & præcipuè post feracem illam benedictionem *Crescite, multiplicamini, replete terram*; & per annorum decursus numquam interruptus fuit, cum ad speciei humanæ conservationem spectet; ideoque

Per victum, & coitum pugnant animalia quæque.

Libido nunquam satiatur, & extincta reaccenditur, usu crescit, in cæteris satietas, in coitu nulla, & præsertim in mulieribus effervescens prurigine vulvæ per libidinem inflatæ, perpetuò excandescit, unde jure *Juvenalis Satyr.* 6. inquit.

Et lassata viris nondum satiata recessit.

Igitur experientia constat, ex quavis immodica Venere, & multorum putrescentia seminum nunquam genitam fuisse hanc luem citra contagium. Nec hujus observationis mentionem aliqui fecerunt authores, quod utique non omisissent, si aliquam hujus rei notitiam habere potuissent. Præterea falsam quoque existimamus variam seminum commistionem in utero, ac proinde corruptionem veneficam fieri. Credimus Minadous parum versatum fuisse in Veneris palæstra, nam mulieres meritorie post coitum semen non retinent, sed inde sponte labitur, cum lubricam, & sine rugis hanc habeant partem. Si quandoque illud retineri accadat, vel post aliquod tempus rejiciunt, vel si non, concipiunt, & uteri os ita clauditur, ut specilli aciem non admittat, vel ita statim se comprimunt, ut illud rejiciant. Unde in coitu duplicem Veneris voluptatem sentiunt mulieres, unam in feminis virilis ejaculatione, alteram in ejus expressione: ideoque hanc mulierum uterus non sit diversorum seminum colluvium. Insuper semen ut plurimum intra uteri vaginam eja-

ejaculatur, unde sponte labitur, & mulieres à coitu statim indusio (vel petia ad id parata) pudenda abstergunt.

Univocus est Historicorum, & Medicorum consensus in assignando hujus Luis originis tempore, ajunt enim anno 1494. *Carolo VIII. Galliarum Rege, cum Alphonso Rege* bellum gerente, numerosissimo exercitu Neapolim obsidente, primum hæc Lues in Gallorum castris innotescere cœpit. Cum ob annonæ caritatem Neapolitani inutilem propellerent multitudinem, milites Galli scorta exeperunt, & quia hos non pudet etiam turpissima scorta palam futurire, eorum pulchritudine allecti, magno libidinis cœstro insatiabiliter fornicari cœperunt. Unde totum inquinaverunt exercitum, & vix unus inventus fuit, qui cariebus, pustulis, ulceribus, gonorrhœa, bubonibus, doloribusve non laboraret. Tunc primum tam virorum, quam mulierum partes generationi dicatas hæc lue laborare fuit observatum; unde *Fracastorius* eruditè cecinit.

*Qui casus rerum varii, quæ semina morbum
Insuetum, nec longa ulli per sæcula visum
Attulerint: nostra qui tempestate per omnem
Europam, partimque Asiæ, Lybiæque per urbes
Sevit: in Latium vero per tristia bella
Gallorum irrupit, nomenque à gente recepit.*

Verum, an obsidentes Galli, an obsessi Neapolitani, & Hispani tantum nefas primi in humano patravit genere, vel passi fuerint? est in tenebris, acut supra dictum est, ex incertitudine originis una genus alterum luis increpabat exercitum, atque gentis cognomentum addebat. Gallicum tamen frequentius fuit appellatum, ex eo quia Gallorum occasione Lues irrepsit.

N O T Æ.

In hæc Verba *Multi* --- Luem Veneream ex Indiis Occidentalibus in Europam, per Hispanos qui *Christophorum Columbum* novum Orbem invenientem sequuti sunt, delatam fuisse, plerique Authores incertissima nixi traditione, crediderunt; ea enim quæ referuntur, ad stabilendam hanc sententiam, præcipuis in circumstantiis, falsa sunt; & contrarium asserunt Optimi & bonæ fidei Historici ut in sequentibus videbitur.

In hæc Verba. *Referunt* --- Verum non est, *Christophorum Columbum* ex novo Orbe redeuntem Neapolim cum plurimis militibus appulisse, ut narrat Author noster fidem adhibens quibusdam Historicis quos non nominat: *Contrà Herrera*, in Historia Indiarum Occidentalium, refert *Columbum* prima vice redeuntem, postquam maxima diuturnaue tempestate agitatus fuisset, statim appulisse ad parvum portum Lusitaniæ, in quem quidam ex suis juxta ipsius jussu descensionem fecerunt, gratias acturi Deo in Sacello Beatæ Virginis Mariæ sacro, quod salvi evasisent ex magnis, quæ in traiectione subiissent, periculis: sed in eos manus injecit Loci Præfectus, donec monuisset *Lusitaniæ Regem*, à quo invitatus *Columbus* Ulyssiponem petiit. Dein excensum è navibus fecit in portum *Palos* dictum, ex quo profectus fuerat. Postea iter terrestre habuit in *Barcinonem*, *Regi Catholico* itineris sui exitus rationem redditurus.

Verum etiam non est, *Columbum* prima vice cum plurimis militibus rediisse; cum idem Historicus narret, eum nonaginta tantum ex Hispania secum duxisse, quorum triginta novem reliquit ad defendendam arcem juxta ipsius jussu in loco dicto *Natividad*, constructam.

Denique non minus falsum est hoc dictos Milites Neapolim appulisse, post biennem navigationem; cum iter tantum per sex menses cum dimidio fecerint, & ad portum *Palos*, ut dictum est, in quo anno superiore naves conscendissent, non vero ad Neapolitanum applicaverint: Præterea *Palos* appulerunt mense Martio anni 1493. ideoque ante tempus expeditionis Gallicæ; Neapolim enim tantum intrarunt Galli mense Februario anni 1495.

In hæc verba. *Dum Galli* --- Author (ut multi alii inter Medicos & Chirurgos qui scripserunt de origine Luis Venereæ, fidem adhibendo, Historicis quos authores suos esse contendunt, licet eos non nominent) supponit multa facta evidentè falsa; sic verbi gratia dicit Gallos, *Rege Carolo VIII.* duce, Neapolim obsessam tenuisse; quod verum non est; cum *Philippi Cominæ*, *Guicciardini*,

Pauli Jovii, *Mezeray*; aliorumque omnium, qui de expeditione Neapolitana scripserunt, Historicorum, unanimis sit consensus, *Regem Carolum*, Italiam rotam perneantem, nullibi aliquem parum repugnantem, nisi tribus in locis, invenisse. 1. in *Castel-fortin* pertinente ad familiam *Contiacam*, facillimè à Gallis impressione facta expugnato 2. in *monte Sancti Joannis* arce sita prope eam partem finium Domini Pontificis quæ confinis est Regno Neapolitano, quæ fuit per octo horas tormentis verberata, dein expugnata & expilata 3. in transito *Canello* prope Abbatiam S. Germani quæ à *Marescallo Rieux* expugnata fuit, dum *Comes Guisæ*, qui primæ præerat aciei S. Germanum occupavit. Postea *Joannes Trivulsius* Capuam tradidit, quod exemplum sequuta est Aversa; De Neapoli verò sic loquitur *Mezeray* in magna Historia.

„ Post biduum à discessu *Ferdinandi*, Neapolitani Pri-
„ mos Urbis *Carolo* claves tradituros miserunt; Rex iis
„ profusè, omnia, quæ petere voluerunt, privilegia con-
„ cessit, urbemque die sequenti id est vigesimo secundo
„ Februarii intravit.

„ Tres erant arces Urbem adhuc custodientes; Turris
„ scilicet S. Vincentii ob tutelam portus ædificata; Castel-
„ lum novum prope littus situm; & Castellum ovi ab
„ ovali forma sic dictum una cum ponte stricto, littori
„ prope Neapolim, contiguum.

„ Sed Turris subito in Gallorum manus venit; & mi-
„ lites *Lansquenets* dicti, qui erant in Castello novo,
„ crediderunt se sat magnam acquisivisse gloriam, Gal-
„ lorum impetum tantum expectando, adeoque coege-
„ runt Castellum Præfectum, *Alphonsum ab Avalos*, *Mar-
„ chionem Pescaire* ad transigendum cum hoste de arce
„ reddenda; Castellum ovi in loco inferiori situm, & cui
„ alterum quodammodo imminebat, tormentorum bel-
„ licorum vim per aliquot tantum dies perpeßum est, &
„ ad pacationem, ut alia, venit.

Ex his igitur, quæ narrat Historicus ille, sequitur *Carolum VIII.* Neapolim obsessam non tenuisse, ideoque obsessis post aliquod tempus alimenta non defuisse; sicque eos, ad expellendos, ætate, valitudine, vel sexu inutiles, coactos non fuisse; hos expulsos, & inter eos meretrices non fuisse insidias ab hostibus Gallis paratas; Gallos se in insidias paratas lubenter non induxisse; eosque, Neapolim possidentes, si cum Scortis rem habuerunt, id proprio motu fecisse, ea utentes licentia, qua milites voluptatibus nimium se ingurgitant, ut primum data est occasio.

In hæc Verba. *Unde inquiunt* --- Verum est, ut antea diximus, plerosque Historicos qui de Expeditione *Caroli VIII.* & Authores qui de Lue Venerea scripserunt, contendisse morbum hunc ex Indiis Occidentalibus in Europam transisse; idque per Hispanos comites *Christophori Columbi* novum Orbem obtinentis, ubi morbum hunc epidemicum esse crediderunt; Sed verum etiam est hos Historicos & Authores nunquam ostendisse solidis niti argumentis hanc opinionem; id causa est cur cogitemus eam incerta nixam traditione à Majoribus nobis transmissam fuisse: quod patebit, si dicta eorum ad examen revocentur.

Mezeray, verbi gratia, narrationem itineris *Caroli VIII.* his verbis terminat „ Ergo, inquit istoricus ille, „ ex hoc itinere feliciter incepto, Galli, non multum „ gloriæ, sibi compararunt, sed obscœnissimum, & cru- „ delissimum morbum, cui lividas ob pustulas nomen *Verole* gallicè datum est.

„ Morbus ille est libidinis flagellum durum, morbo- „ rum omnium compendium, Medicorum scandalum, „ monstrum denique indomitum, qui varias, ut Pro- „ theus induens formas, later per remediorum usum; „ deinceps postquam diu tanquam sopitus jacuit, iterum „ veneni sui signa ostendit, & miseros illos patientes „ innumeris premendo doloribus, mortem, unicum in „ quo spes est auxilium, sero & post accerrimos dolores „ infert.

„ In eo hodie inter omnes ferè Convenit Medicos, „ morbum hunc ex Indiis inventum fuisse; quia in In- „ sulis Americæ, ut in Europa variolæ, Epidemicus est; „ & dicunt intemperantes Castellanos eum in Europam „ attulisse, & in utraque Sicilia propagavisse.

„ Sed licet reipsa similis sit horum Insulanorum mor- „ bo, iisdemque sanetur remediis, Ligno, scilicet, *Guaiac-*
„ co &

„ eo & Salsaparilla; falsa tamen esse posset hæc ratio,
 „ si verum sit, quod Doctus dixit *Fracaſtorius*, morbum
 „ hunc, ut Astorum effectum, prædixisse Astrologos;
 „ multos, sine ullo contactu, hoc morbo affectos fuisse;
 „ imò & tunc temporis multos morbos, antea incogni-
 „ tos, ortum habuisse.

Ex narratione hujus Historici tria colligi possunt; 1. hanc sententiam de Luis Venereæ origine, pro vera à Medicis habitam non esse omninò certam. 2. inter morbum Epidemicum Americæ Insulas occupantem, & Luem Veneream qualis nunc viget, vel cognita erat, tempore Expeditionis Neapolitanæ, differentiam dari posse. 3. non esse meliora argumenta cur asseramus Hispanos morbum hunc ex novo Orbe in Europam attulisse, quam cur dicamus, eos ex Europa ad Indos eum detulisse; imprimis si verum sit, eum ibi tantum cognitum fuisse, eo tempore quo illius morbi originem notat *Herrera Capit. XI. Lib. V. Historia Indiarum Occidentalium*; quod contigit juxta eum anno 1503. en ejus verba. „ Interim alimen-
 „ torum penuria apud Hispanos eos coegit ad comeden-
 „ da viscosa multa; eademque apud Indos qui terræ se-
 „ mina non mandaverant omnibus novos creavit mor-
 „ bos: in initio ita flavi fuerunt ut facies eorum omni-
 „ nò crocea videretur; quòd diu duravit, idque una cum
 „ congressu muliebri fecit ut hic morbus inter omnes ma-
 „ naverit, ita ut Castellani & Indi adedò mutati fuere, ut
 „ agnosci non possent; quod maximo dolore eos affecit:
 „ Orta sunt in iis grana quædam summis cum dolori-
 „ bus, & morbus ille contragiosus & insanabilis factus
 „ est, ita ut quasi rabidi morerentur; hanc ob causam
 „ multi in Castiliam reversi sunt, sperantes aerem nata-
 „ lem eos sanaturum; sed contrà multos infecerunt; vo-
 „ luitque Deus ibi remedium inveniri, ubi ortum habue-
 „ rat morbus; quia aliquantò post Inda Castellani uxor
 „ quoddam lignum Guaiacum dictum, invenit, cujus
 „ ope levati inceperunt.

Multos autem inter Authores qui de Lue Venerea scripserunt, & quoad originem, incertam de qua agitur, traditionem, sequuti sunt; quidam tamen fuere, qui se eam in dubium meritò revocare posse crediderunt: Talis inter alios fuit *David Planus Campi* Celebris Chymicus, cui visum est tempus itineris *Columbi* in Novum Orbem congruere non posse cum illo Expeditionis *Regis Caroli VIII.* idedòque impossibile esse volones *Columbi* in primo itinere comites, potuisse contagio propagare in Milites Gallos qui in Italiam usque *Carolus VIII.* sequuti sunt, morbum in Indiis conceptum; nititur autem in eo autoritate *Verderii* Historici dicentis (*Cap. 30. Lib. 4. Historia sue*) *Columbum* ad Indias pervenisse tantum die XI. Novembris anni 1492. & rediisse in Hispaniam die XXX. Aprilis Anni 1493. & denuò ex Hispania profectum fuisse die XV. Septembris ejusdem anni, eo ipso scilicet tempore quo juxta *Planis Campi*, *Carolus VIII.* expeditionem in Italiam faciebat.

Ex his concludit probabile non esse Milites *Columbi* simul in Indiis, in Hispaniis, & Neapoli esse potuisse, ad importandum Gallis morbum conceptum, dum eum in primo itinere comitabantur; præterquam quod *Columbus* ex hoc itinere per paucos reduxit Milites; quia horum triginta & octo reliquit, ad conservandam arcem in Insula Hispana constructam; ita ut amplius quam octoginta reducere non potuerit, qui numerus sanè sufficiens non est brevi inficiendo æquè potenti exercitui ac erat ille *Caroli VIII.* Addas, plerosque Scriptores de Lue Venerea ponere, *Columbum* prima vice redeuntem plurimas adduxisse Indas; quod falsum est, cum *Herrera* affirmet illum decem tantum Indos, Indam nullam adduxisse.

His omnibus ritè perpenſis, probabilis aliquo modo videretur conclusio *Planis Campi*, nisi obſtaret quod *Carolus VIII.* ad Neapolim tantum pervenerit die XXI. Februarii anni 1494. ut inter omnes Historicos fide dignos convenit: tunc autem multi Milites ex Indiis reversi ad Neapolim pervenire potuerant; cum simul ac *Columbus* secunda vice ad Indias pervenerit, duodecim naves Duce *Antonio Torres*, desinente anno 1493. in Hispaniam miserit, docente *Herrera Cap. XX. Lib. V. Historia Indiarum ex Hispanica lingua in Latinam conversa à Joanne Costeo*, & contingere potuerit plurimos Milites cum his duodecim Navibus reversos, conscriptos fuisse inter eos quos ad Neapolim misit *Rex Catholicus*, dum Galli in Italia commorabantur; præterquam quod ab eo tempore quo

redierunt hæc duodecim Naves, itinere Indico adedò capti fuerunt Hispani, avidi divitiarum novi Orbis, ut semper aderant Naves ex Hispania in Indiam & ex India in Hispaniam trajicientes; sicque dum Galli Italiæ confidebant, jam plurimi volones rediisse poterant, magis adhuc apri ad Luem Veneream, si ibi Epidemica fuisset, reporranda, quam ad immensas divitias reportandas, acquisitu tantum facillimas, postquam Mexicanam & Peruvianam Regiones Imperio adjecerunt Hispani; quod evenit diu post inventionem Insularum à *Columbo*.

Verum si error ille *Planus-Campi* objecta inutilia reddidit; traditio de qua agitur non majorem hanc ob causam meretur fidem; cum idem Historicus modo laudatus affirmet in *Libro V. Cap. XI. Historia Indiarum Occidentalium*, Luem Veneream apud Hispanos & Indos ortum tantum habuisse anno 1503. Idest novem annis post expeditionem *Caroli VIII.* ut jam observavimus.

Si autem verum sit, quod narrat Author ille, Luem Veneream in Indiis tantum visam fuisse anno 1503. Hispani & Indi, ex Indiis in tempore primi & secundi *Columbi* itineris reversi, morbum hunc in Italiam afferre non potuerunt, à desinente anno 1494. usque ad desinentem annum 1495. quod est omne tempus in Expeditione Neapolitana à *Carolo VIII.* adhibitum; ideoque licet ponas fuisse Neapoli milites Hispanos ex Indiis reversos; quod tamen probabile non viderur, (cum *Ferdinandus Arragonia Rex* in Regum Neapolitanum eo tantum tempore misit milites, quo *Carolus VIII.* jamjam proficiscebatur) non dicti tamen Milites Hispani fuerunt hi qui Luem Veneream in Milites Gallos contagio propagarunt; cum juxta hunc Authorem, morbus ille in Antillis, ex quibus paulò ante Hispani reversi erant, cognitus adhuc non erat.

In hæc Verba. *Verum errant ---* Historici affirmantes Luem Veneream in Indiis Epidemicam esse, incertis tantum nituntur traditionibus; nec unquam hunc dictum Epidemicum morbum, ita describere, ut judicare possimus eum ipsam esse Luem Veneream, qualis ab Expeditione Neapolitana cognita fuit; id est fuisse virulentiam, ut plurimum, ex congressu conceptam, quam sanus ex infecto contrahit, cujus symptomata sunt gonorrhœæ, cancroſa in pene ulcera, bubones in inguinibus, laræ & planæ in tota corporis superficie pustulæ, præcipuèque in capite, ano, & pudendis, alopecia, virulenta variis in locis ulcera, caries, tophi, nodi, tumores gummosi cum doloribus per noctem præsertim intolerabilibus; morbum, uno verbo, primo massam sanguineam & humoralem inficientem; dein partes molles; postea solidiores; morbum denique, quo neglecto vel male curato, ægri asthmatici, Phthisici & hydropici fiunt.

Denique, notante *Herrera* loco laudato, Lues Venerea prima vice in Insula S. Dominici visa anno 1503. in admirationem conjecit Indos; quod indicat morbum hunc apud hos Insulanos nec frequentem, nec Epidemicum fuisse.

Ex iis quæ narrat Historicus ille, *Capit. IV. Lib. XX. historia sue*, de causa multiplicationis illius morbi, idem colligere est. „ Tunc temporis, inquit, rumor sparsus
 „ est, esse in exercitu advenientis *Narvaez* Nigritam,
 „ Lue Venerea affectum; & cum maxima foret Colonia
 „ *Zempola*, multi in ea forent homines, & domus In-
 „ dorum adedò parvæ forent ut in angusto vitam degerent;
 „ Lues Venerea inter Indos serpsit, ita ut, sive quòd mos
 „ erat, apud illos, licet Lue Venerea infectos, quotidie
 „ se lavandi; adjuvante climatis calore, quæ omnia mor-
 „ bo contraria sunt) innumeri mortui fuerint, unde ad-
 „ huc aliud sequebatur incommodum, mulieres scilicet
 „ infectas frumentum Indicum amplius molere, panem-
 „ que coquere non posse. Denique tantus erat mortuo-
 „ rum numerus ut iis humandis viventes sufficere non pos-
 „ sent, gravisque ille odor adedò aerem vitiaret ut pestem
 „ timerent.

„ Per totam novam Hispaniam serpsit Lues Venerea,
 „ gravemque populis Luem sparsit; & mirum erat vide-
 „ re Indos, faciei formam scalpendo sibi adimere. Mul-
 „ ti credunt hoc morbum ex contagio Nigritæ ortum non
 „ fuisse, affirmantes morbum illum alioque subinde ibi
 „ contingere & in Indiis generalissimos esse.

Verum, si ante adventum Nigritæ, generalis & Epidemicus fuisset ille morbus in Indiis, quasnam strages ejus adventus facere potuisset? vel si ejus adventus damnum fanis

sanis afferte posset, quidni Hispani & Indi hac de re moniti adeo sibi consulissent, ut impedirent quominus contagio alios inficeret?

In Causa tamen fuit hæc narratio historici *Herrera* cur affirmaverit *Stephanus Blancardus* Medicus Batavus in singulari Tractatu de Lue Venerea, tantum abesse posse ut hic morbus ab Hispanis ex Indiis Occidentalibus allatus fuerit, quod vulgò creditur, ut possibile sit, eum ex Italia in vastas illas regiones deventum fuisse, à Nigrita illo Servo *Pamphyli Narvaez*, qui Luem conceperat in obsidione Neapolitana cui interfuerat: Nam *Ferdinandus Cortez* in suis Commentariis, juxta hunc Authorem, affirmat, ante suam in novam Hispaniam expeditionem, incognitam ibi fuisse Luem Veneream, hucque ab hoc Nigrita allata fuisse.

Thomas Cydenham Medicus Anglus, credit Luem Veneream ex Guinea in Indias Occidentales transisse, ope Nigritatum ex illa Regione in Insulas Americæ, ad famulatum exportatorum. Contendit autem Author ille Luem Veneream in Guinea endemiam esse, Nigritasque hoc morbo eodem modo affici ac scorbuto Septentrionales populi afficiuntur, nihil ad hunc conferente impuro congressu: ita ut Nigritæ Servi morbum hunc contagiosum impottaverint tum Indis tum Hispanis in Insulis Americæ, hique ultimi eum in Europam, indèque in Universum Orbem transtulerint.

Verùm si hæc ita sint, quomodo morbus ille Neapoli tempore expeditionis *Caroli VIII.* idest à desinente anno 1494. usque ad medium anni 1495. visus fuisset? cum Hispani prima vice Nigritas ex Guinea in Indias Occidentales ad famulatum anno 1516. transtulerint, narrante *Marfolier* ultimo *Cardinalis Ximenes* Historico, qui nos docet, quod, cum post iteratas huic Cardinali & *Archiduci Carolo jam Regnorum Castiliæ & Arragonia Domino* querimonias factas, quòd malè haberentur Indi; Cardinalis ille inutiliter Recuperatores in Indias remedium malis illorum Populorum allaturos, misisset, efficacioris iis afferre medelam tentavit *Chievers* alter *Archiducis* Minister: En ipsa Historici verba.

„ Interim *Chievers* mali Indorum status certior factus, tentavit, vivente & inscio *Ximene* eos alio levare modo. Didicerat causam magnæ apud hos Luis fuisse tantam corporis debilitatem, ut labori, quo premebantur, ferendo pares non essent. Hoc causa fuit, cur juberet emi Nigritas quingentos robustissimos, qui in Insulas S. Dominici transportarentur.

Evidens autem est, hos quingentos Nigritas in Indias anno 1516. exportatos, non potuisse Luem Veneream ita in Hispanos propagare, ut ab his, in Regnum Neapolitanum manaret, tempore expeditionis *Caroli VIII.* finitæ jam à viginti quatuor annis, anno scilicet 1495.

Doctor *Martinus Lister* in Dissertatione de Lue Venerea, *Mortoni* Operibus postposita, affirmat, neminem nunc in dubium revocare. Luem Veneream ex America in Europam ab Hispanis translata fuisse; verùm ipsa argumenta ab eo allata in causa sunt, cur meritò de veritate facti, ab eo tamen cum omni fiducia possibili propositi, & dubitare possumus.

Contendit Author ille Luem Veneream apud Americanos certissimè ortum debere, usui cujusdam venenati alimenti; & in eo nititur autoritate *Ferdinandi Oviedo*, qui juxta eum, est maximè omnium Historicorum Indiarum Occidentalium curiosus indagator rerum naturalium.

Narrat igitur *Oviedo*, (loquendo de quodam Serpente quadrupede *Ignane* dicto, cujus caro est saporis satis jucundi) Indos semper de ea summa cum voluptate comedis, & Hispanos, ad instar eorum, hoc cibo uti consuevisse, & tantum abfuisse ut ea caro iis displiceret, ut eam carni cuniculorum præponerent, eamque iis solis nocuisse, qui Lue Venerea laboraverant, in quibus usu illius carnis motus integrascebat, licet diu antea ab ea omninò liberati fuissent; alimentum illud semper malum fermentum, in corpore eorum in quibus à multis annis quasi sopitum jacuerat, excitare, & innumera effectus adeò stupendi apud Hispanos dati exempla.

Ex his concludit *Lister* illud alimentum quòd potest renovare Luem Veneream tantum sopitam, vel etiam quantum fieri potest, extinctam, posse etiam esse

veram originis illius morbi causam inter hos Populos alimento illo exitiali frequenter utentes.

Sed unius conjectura facti adeò momentosi veritati stabilendæ non sufficit; & conjicere est historicum adeò accuratum, (si caro serpentis illius, quæ fermentum Venereum in corpore eorum, qui labe semel affecti fuerunt, excitare potest, primum germen in totum corporis habitum disseminare posset) hac de re mentionem fecisse: effectusque adeò stupendi non oblitos fuisse Indiarum Historicos, apud quos tan altum hac de re est silentium.

In hæc Verba. *Aurelius Minadous* --- Tantum abest ut sententia *Minadoi* falsa & deridenda sit, quemadmodum contendit Author, ut omninò verosimile & evidentissima sit, & hucusque Experientia rationes, sententiæ ab eo propositæ fundamenta, confirmavit; cum nondum visus sit homo, qui cum unica fœmina, & vice versa mulier quæ cum uno homine coeundo, Luem Veneream unà conceperint; & certum sit solas meretrices viros inficere posse; quod tribui nequit nisi soli vitio variorum seminum in eundem uterum admissorum labem fatalem coeuntibus inferenti.

In hæc verba & explicatu difficilis --- Nimis angustis conscribuntur limitibus ideæ nostræ, nec oculos adeò lynceos habemus, ut concipere & detegere possimus, qui fiat variorum seminum commistione ea ita mutari ut contagiosa & capacia Luem Veneream, omniaque ejus symptomata creandi fiant; satis habeamus judicare de malignitate, quam ex hac miscela concipiunt, effectibus ab ea pendentibus; nec inutiles conatus faciendi sunt ad mechanicam hujus agendi rationem, quæ nunquam evidentissimè patefiet, perspicendam.

In hæc verba sed falsum est --- Monstrum, ut id sine necessitate impugnet, fingere hic sibi videtur Author noster, credens multum debilitare sententiam *Minadoi* ipsi non arridentem insistendo facto quod probatione non eget: Cum enim contendit Medicus ille Luem Veneream summo impudicissimarum mulierum vitio ortum debere, non tamen credidit contagium illud à nimio eatum mulierum, quæ omnibus sui copiam faciunt, congressu, productum fuisse, sed causam vitii illius esse variorum Seminum in eorum uterum receptorum miscelam; *Minadous* enim, cum omnibus aliis Medicis, probe norat, ex congressu licet nimio, cum muliere non meretrice, Luem Veneream non oriri; contendit enim miscelam variorum Seminum in utero impudicissimarum mulierum sæpissimè factam, solam & unicam fuisse Luis Venereæ causam.

Ex eo autem quod, coitus cum scorto sæpissimè morbum hunc plerisque coeuntibus creet; facile colligitur Luis Venereæ causam evidentioris esse vitium ex variorum seminum in eodem utero miscela ortum; sicque meritò credimus vitium illud primam esse causam fœdæ hujus Luis.

Unum hoc, quod maximi momenti sit, obijci potest; scilicet dicunt ex omni ætatum memoria fuisse meretrices, ut docent Historici sacri & profani; attamen ab expeditione Neapolitana tantum, meretrices morbo hoc homines infecisse; neque causam esse cur hunc tribuamus miscelæ variorum Seminum in utero eodem, ad illud usque tempus factæ, quin ullo coeuntes afficerentur morbo.

Verum Respondemus, miscelam hanc ante illud tempus contagiosum venenum non continentem tunc primum malignitatem concepisse, sive vitio aeris, alimentorum, aut variorum temperamentorum eorum, earumque, qui per illam expeditionem coierunt; hancque miscelam contagiosam reddiderunt, licet antea talis non fuisset.

Cæterum multi alii fuerunt morbi, ab Orbe condito non cogniti, forsan & novi deinceps ortum habebunt, cum scilicet in causis erunt omnes affectiones ad eos producidos necessariæ.

Scorbutus, verbi gratia, tantum benè notus fuit in Europa, tempore primi itineris *S. Ludovici Regis*, in quo, morbus ille, qualis à *Mezeray* magna in Historia describitur, una fuit ex præcipuis causis cladis Gallici exercitus ad ripas Nili. Idem ille morbus Septentrionales populos, eosque qui in oris Maris Baltici vivunt, multum in antecedenti sæculo depopulatus est: inde tranfuit in Angliam, Bataviam, Germaniam inferiorem, denique

nique in maximè Septentrionales Galliæ Provincias, imò & usque in Luceiam: in qua Urbis Præfecti coacti sunt instituere Nosocomium singulare, in quo, quibusdam in temporibus, multis ægris eo affectis remedia exhiberentur; nec oblivisci debemus magnas, quas in exercituum Nosocomiis fecit depopulationes, ut & in Classe, iisque Navibus quæ longinquas faciunt navigationes.

Quoddam erysipelas cum gangræna, à vulgò dictum, *ignis S. Antonii*, in tota Europa per Sæculum decimum & undecimum atrociter viguit; tantusque fuit pauperum hoc morbo affectorum numerus, ut induxerit beneficos ad ubique construenda Nosocomia, quæ in causa fuerunt, cur constitueretur Ordo Religiosorum S. Antonii, in origine hospitalis, nunc Canonicorum Regularium S. Augustini Ordo Insignis; & cum hic morbus ducentis abhinc & amplius annis omninò desierit, Nosocomia clausa fuerunt, & conversa in puras Domus Religiosas, si excipias Nosocomium Romæ, in quo adhuc pauperes à quacunque causa ulsi curantur.

Variolæ & Morbilli visi sunt tantum sæculo duodecimo, in cuius medio ut observavit Dominus *Sidobre* Facultatis Monspeliensis Medicus, in parvo, quem de his duobus morbis conscripsit, Tractatu, *Avicenna*, *Avenzoar*, *Rhasis*, *Mesue*, Celebres Medici Arabes, primi eos accuratè descripserunt; horum autem duorum morborum fermentum hoc habet singulare, quod effectus, quos produxit in sanguinem eorum qui primo eo affecti fuerunt, satis validi tenacesque fuerint, ut non solum à Patribus in filios, ut multa alia fermenta morbifica, propagarentur, sed etiam ut ita in omne genus humanum perpetuò agerent ut inter sexcentos homines, vix unus sit, qui his morbis, saltem semel in vita, non afficiatur.

Si autem morbi, de quibus mox loquebamur, aliquando inceperint, mirumne esse debet, Luem Veneream tunc incepisse, cum malignitas, quæ eam producere debebat, omnes habuit affectiones necessarias ut ea oriretur, eo ipso scilicet tempore quo *Carolus VIII.* Regnum Neapolitanum Impetio suo adjiciebat; miscela enim seminis Gallorum, Neapolitanorum, Hispanorum, Germanorum, Judæorumque ex Hispania fugientium, ut quidam contendunt Authores, suppeditavit tunc materiam fermenti contagiosi in utero meretricium Neapolitanarum, quod, dein coitu serpsit in pudenda omnium mulierum, quæ meretrices infecerant: ita ut abhinc ducentis decem, & amplius annis, ab eo tempore, quo primum Neapoli visa fuit, serpsit, ope congressus Populi cum alio, in quatuor Orbis Terrarum partes.

Præterea, ex iis, quæ supra diximus, probabilissimè concludere est, sententiam vulgarem de translatione Luis Venereæ ex Indiis in Italiam, per Hispanos *Columbi* Insulas Americæ invenientis comites, esse maximè ambiguum, & solummodo niti traditione, cujus initium nunquam perscrutati sunt Authores.

Si enim verum foret, juxta vulgarem opinionem, Hispanos importasse contagium Luis Venereæ Gallis & Neapolitanis; hi tantum Hispani esse possent qui in exercitu Gallico, vel in Neapolitano, cujus dux erat *Fridericus Regis Alphonsi frater*, militabant. Sed Hispani, in utroque horum exercituum militantes, erant veterani, qui stipendia meriti fuerant, in exercitu, quem *Rex Ferdinandus* & *Isabella* ad expellendos ex Imperio Mauros conscripserant, nec erant ex paucis illis militibus quos *Columbus* in primo itinere reduxerat, quorum plerique, cum illo, in secundo itinere eodem anno incepto, redierunt, sperantes se, secunda vice, majus lucrum quam prima vice, ex divitiis Indiarum, percipere posse; in eas enim, *Columbus* ut Thalassarches, revertebatur, cum classe capaci subjiciendi Imperio *Regum Catholicorum*, omnes, quas peragrarè posset, regiones.

Præterea conicere est, morbum hunc, si fuissent inter Hispanos in exercitu Gallico militantes, quidam Lue Venerea infecti, primò in Gallia videri debuisse, ubi certè milites illi cum meretricibus coierant; quòd cum non contigerit, Lues enim Venerea tantum in exercitu Gallico visa est cum ex Regno Neapolitano egrediebatur, postquam à quinque & amplius mensibus, jussu *Fonsæ Regis Arragonia ad Regem Carolum Legati*, à Gallis se juncti fuissent Hispani, quos coegit militare in Neapolitano exercitu, cum nomine *Ferdinandi* Domini sui *Regi Carolo VIII.* bellum denuntiavit, & insolenter, coram omni Aula, laceravit fœdus, quo *Ferdinandus* promise-

rat se non obstiturum. *Carolo* in Regionibus, quas ultra montes Imperio suo adjicere volebat qui hanc ob causam illi Catalauniam & Cerettaniam traditurus erat.

Si autem verum foret, Hispanos militantes in exercitu cujus *Fridericus* Duxerat pro *Regis Alphonso*, vel potius pro *Ferdinando Juniore*, cui *Alphonsus*, cum Galli proximi erant, Regnum suum tradiderat, Luem Veneream dedisse meretricibus Neapolitanis, quidam contendunt de Industria *Caroli VIII.* exerciti obviam missas fuisse; Neapolitani Luem Veneream inter eos visam mirati non fuissent, nec tale donum à Gallis missum credidissent; adde hanc meretricium Gallis obviam euntium missionem meram esse fabulam, ut multas alias, à *Medico Fallopio* inventam, nixam populari traditione; cujus nullum est in historiis illius ævi fundamentum; cum de ea siluerunt *Paulus Jovius*, *Guicciardinus*, *Philippus Comineus*, omnesque alii.

Hæc cum ita sint, imputari nequit Luis Venereæ ex Indiis in Europam translatio, nisi iis Hispanis, qui reversi sunt supra duodecim naves, à *Columbo* ineunte anno 1494. dimissas: attamen cum hi in Italiam transire potuerint tantum cum Exercitu quem Duce *Gonsalvo Cordubensi*, *Magno Duce* dicto, subsidio *Juvenis Ferdinandi* Neapolitanorum *Regis* anno sequente 1495. misit *Ferdinandus Catholicus*, nec cum Neapolitanis scortis ullo modo coire potuerint, nisi diu post discessum *Caroli VIII.* idest cum *Monpenserii Principi*, quem Proregem reliquerat *Carolus VIII.* imprudenter ex Neapoli egresso, portas clausurunt, easque Hispanis panderunt Neapolitani: hi igitur milites cum manibus *Torres* ex Indiis reversi Luem Veneream importare non poterant militibus quos in Galliam reducebat *Carolus VIII.* qui tamen morbo hoc affecti erant, licet hos milites non vidissent, nec consuevissent cum mulieribus quas inficere potuissent.

Præterea, si his omnibus circumstantiis, addas tempus in quo originem Luis Venereæ inter Indos & Castellanos, in Insula Hispanica, notat Historicus *Herrera loco citato*, evidens est Hispanos, dum per octo annos integros indefinenter ex Hispania in Indias & ex Indiis in Hispaniam trajecerunt, sat temporis, imò & amplius quam opus est, habuisse ad transferendum hunc morbum ex Europa, in qua jam latè diffusus erat, ad Incolas vastarum illarum Regionum à Castellanis inventarum, in quibus eum antea cognitum fuisse firmis rationibus probari nequit.

Scio opponi authoritati *Herrera* illam *Ferdinandi Oviedo*, Scriptoris maximi, ut jam diximus, momenti, & qui habetur ut optimus inter Historicos qui de Indiis Occidentalibus, præcipuè in ea parte quæ ad Historiam Naturalem, pertinet. Narrant, *Oviedo Imperatori Carolo V.* sententiam de Luis Venereæ origine anno 1525. petenti respondisse, nullum esse dubium, morbum hunc in Indiis ortum habuisse, eum esse Indis Endemium, & multo etiam minus quam Europæis lethalem, quia Indi in insulis cum Guaiaco, in Continenti cum aliis Plantis, quarum usus & vires eos didicerat experientia, se sanare norant: Contagium illud, post primum secundumve iter *Columbi*, qui plurimos milites hoc infectos reduxerat, in Hispania visum fuisse; ex quibus brevi in multos alios serpsit, & morbum hunc in Italiam transisse anno 1495. cum *Ferdinandus* & *Isabella* subsidio *Juvenis Ferdinandi* Neapolitanorum *Regis* contra *Carolus VIII. Gallie Regem*, milites, Duce *Gonsalvo Cordubensi*, miserunt: morbum hunc, morbum Gallicum, ab Italis dictum fuisse, quia in Italia, ante *Regis* cum militibus adventum, incognitus fuerat; Neapolitanum verò, vice versa à Gallis appellatum fuisse, quia eum in Gallia non cognoverant.

Sed quid inde colligere est circa quæstionem de qua hic agitur? Nihil aliud, nisi *Oviedo Imperatori Carolo V.* respondisse, juxta incertam, quæ ab initio invaluerat, traditionem, de origine illius morbi quem in Indiis ortum & ex iis in Europam translatus contendebant; quia, in hac tantum, post reditum multorum Hispanorum *Columbi*, in duobus primis itineribus, comitum, visus fuerat: Dicentibus, autem, majorem deberi fidem hac de re *Oviedo*, quam omnibus aliis Historicis, quia per plures annos in Indiis commoratus fuerat, ubi originem hujus morbi accuratissimè indagare potuerat, respondeamus; indagationes omnes ibi factas illi inutiles fuisse, quia hi Populi rudes & Barbari, æquè negligentes præ-

teriti ac futuri cutam non habuerant, aliquid de ulla re posteritati transmittendi.

Uno Verbo ea quæ *Ferdinandus Cortez* in Commentariis refert, multum confirmant dubium in quo hac de re esse debemus; cum si verum sit, ut ille narrat, Luem Veneream in continenti Americæ, antequam in eum penetrasset, incognitam fuisse, validum est argumentum, ad credendum eam in Insulis ante *Columbi* adventum non magis cognitam fuisse; & si iis addas, tempus in quo, notante *Herrera*, primò, anno scilicet 1503. in Insulis hic morbus visus fuit, meritò colligere est verosimile esse Hispanos morbum hunc, quem in Italiâ tempore expeditionis Neapolitanæ conceperant, transfuisse etiam ex Europa in Insulas, & in omnem Indiarum Occidentalium continentem.

In hæc Verba. *Prætereà falsum quoque existimamus* --- Mirum videtur Authorem cogitasse impossibilem esse variorum in scortorum utero seminum commisionem, idèque venenatam ex hac pendente corruptionem; hic enim Author ludit in ambiguo facillimè dilucidando: Convenit inter nos variorum seminum miscelam fieri non posse in ipso utero, idèst in cavo ipsi proprio & singulari in quo formatur fœtus; quia, si semen in utero, cum affectionibus requisitis, in semine ipso, & in vase admittente, ad formationem fœtus, admittatur, tum subito ita accuratè clauditur, ut impossibile sit, ne minimæ quidem seminis particulæ, aliive rei cuicunque, introire; affectiones autem ad conceptionem in utero requisitæ rarissimè in eo scortorum inveniuntur; meretrices enim ad coitum vel consuetudine vel turpi lucro tantum excitatæ, nunquam ferè dispositiones ad coitum proflerum maximè necessarias habent; mutuum, dico, ærum quo coeuntes in amplexus ruere debent, ut unum fiant corpus Veneri operam dantes; inde sit horum uterum, ob nimis frequentes coitus, sensus & voluptatis expertem, semen non retinere, sed sponte elabi sinere: Verum id non impedit, quominus uterum latiori significatione sumendo, concipiamus in uteri scortorum ore externo, vagina etiam dicto, posse retineri facillimè quandam horum seminum, quæ subito ex ipso utero elabuntur, portionem; eamque in hoc ductu, diutiusquam par est, manentem, eo usque vitiari, ut Lue Venerea inficiat eos qui post iteratos coitus cum scortis coeunt: Et hæc fuit semper, etiamque nunc est sententia Medicorum, Chirurgorum, Anatomicorumque in Veneris palæstra Versatorum, inter quos numerari debet *Minadous*, quicquid dicat Author noster ut contrarium persuadeat; quicquid enim hanc in rem affert omninò cum ratione & experientia pugnat.

Dicere enim cum illo, à meretricibus semen in utero post coitum non retineri, & ex eo sponte elabi, quia lubricissimam & sine rugis habent hanc partem; & ab iis partem minimam, si fortè retinetur, citò post rejici, utrumve ita validè comprimi, ut illud elabi cogant; hæcque mulieres duplicem Veneris voluptatem sentire, unam in seminis vitalis ejaculatione, alteram in ejus expressione; idèque horum mulierum uterum non fieri diversorum seminum colluviarium; hæc omnia, dicam adhuc, cum ratione & experientia pugnant: quod sufficienter probat venenum quod, ex iis meretricibus concipiunt plerumque ii, qui cum iis coeunt, quod certissimè oritur ex variis seminibus in eundem uterum admissis; cum mulier, cum uno tantum rem habens, nunquam Luem Veneream propagat: cui sanè experientiæ nil boni repōni potest.

Dico insuper rationem argumentis nostri Authoris non favere; nam primò nil meretricibus vulgariùs quam cum multis continenter coire, situ etiam non mutato; impatientes enim & belluarum more agentes gancones nullum iis tempus remittunt.

Sed ponas, post unius coitus, eas habuisse tempus & ita cautas fuisse, ut se comprimerent & pudenda abstergerent, nilque impuri in utero relinquerent; ferè tamen impossibile foret, non fuisse quandam rugam vaginæ adedò flaccidæ & flexibilis, in qua pars seminis remanserit sufficiens morbo illo contagioso, secundo coeunti importando; quia atomus, ut ita dicam, fermenti tam actuosi valet omnem massam humorum inficere simillimo contagio.

Imaginaria autem omninò est duplex voluptas quam juxta Authorem, sentiunt meretrices tum in seminis vi-

rilis ejaculatione, tum in compressione qua semen elabi cogunt.

Primò enim ex seminis ejaculatione, multo majorem percipiunt voluptatem pudicæ mulieres, quæ sæpius non coeunt, quam meretrices quorum vagina usu indurefcit. Adde consuetam voluptatem minus suaviter afficere posse; quod verò pertinet ad secundam voluptatem, quam juxta eum percipiunt, cum ob pudendorum compressionem admissum semen elabitur; ea in cerebro Authoris tantum existit; cum semen illud, quod tunc lentissimè elabitur, spirituumque omninò expers est, sit tantum seminis cadaver, neque idè possit hanc create voluptatem inprimis pendente, ab impetu quocum in uterum ejicitur & à copia spirituum, quibus abundat, gratè stimulantium organa ad hoc recipiendum facta.

In hæc Verba *Verum an obsidentes* --- In hoc explicando non tantum est difficultatis, quantum sibi finxit Author noster: Aderant Neapoli Galli, Hispani Neapolitani, Germani, Judæi & forsitan adhuc viri ex aliis gentibus qui cum scortis Neapolitanis coiverunt; & ex commissione seminum horum variorum Populorum æquè forsitan in temperamento, ac in agendi ratione, & propulsione differentium, virulentia Venerea in utero horum meretricum oriri potuit.

Quam in rem dici posset, sine metu erroris, hos omnes Populos æquè contulisse ad virum Venereum producendum; nilque alios aliis fœda de hac re exprobrare posse; sic omnibus dissensionibus cessantibus æquum est omnes retinere possessionem eorum quæ belluina cupiditate acquisiverunt; si tamen aliquid justī in actione injusta esse possit; cum contraria sit Legibus Divinis.

C A P U T I V.

An Veteres Medici ante annum 1494. de hac Lue aliquid tradiderint, vel eam cognoverint?

N Il inter homines tam vetus agitarum, quod aliquando notum non fuerit; unde ridiculi sanè sunt ii, qui veluti Medusæ spectrum attoniti novitatem exhorrent? actum jam esset de rebus humanis, si quod semel novum & insolitum fuerit, in humani generis usum admissum non fuisset, viverent nunc homines pecudum more, aliorumque brutorum, quæ cum artium facultate inventiva careant, hætenus ab eorum origine herbis, glandibusque vescuntur, sub aperto Jove degunt: nulla apud ipsos futurorum præventio, nulla præteritorum memoria. D. O. M. non omnia primo homini manifestavit, vel saltim quicquid ille callebat, amisit; reservavit ipsemet Deus determinatis temporibus passim ea propalare, quæ nunquam priùs innotuerant: sic suum fuit creationi tempus, suum transgressioni, suum universali diluvio, suum incarnationi, suum denique redemptioni tempus, & licet potuerat, non hæc omnia simul disposuit.

Quis negabit novam olim non fuisse *Hippocratis* doctrinam? Quis recentiorem illam *Galenī*? Attamen si dùm nova iis authoribus eam profitentibus vivis inter homines emerfit, non fuisset recepta, nunc dictorum authorum doctrina vetus, & antiqua dici minimè posset, ac promittimus, quod quæ à nobis nunc nova & insueta medicorum vulgo odiosa traduntur, post tria, quatuor, aut decem sæcula, non secus ac *Hippocratis*, & *Galenī* placita pro antiquis, vetustisque habebuntur. Tam itaque est in hoc inferiori Orbe novitatis necessitas, ut ipsamet natura multoties exorbitet monstra, prodigia, resque producat insolitas; ac si tribuli, & spinæ ex ingluviis, aliisque luxibus in humana novi pullulant, pro inexpertis hætenus causis morborum, pigra non est novis patefaciendis remediis, quibus novis succurratur languoribus. Ut nunc ad nostrum redeamus propositum, certum est non omnes morbos, quorum hætenus plenam habemus notitiam, simul in humanam irrepsisse carnem, sed passim nunc unus, nunc altet pro vivendi hominum modo emerfit. Antiquitùs simplices erant morbi, & medicina paucis erat contenta medicaminibus. Prisci homines solidiora habebant corpora, facili cibo, nec voluptate, & arte degenerate nutriebantur, non ad appetitum excitandum, sed auferendum, eaque opere, labore, cursu, aut versata gleba solidabantur, unde nec innumero medicorum grege opus erat, nec tot ferramentis, pyxidibusque medicina referta erat. Nunc non mutata est humana natura, sed

ra, sed vita à multis ferculis, quæ multos fecerunt morbos. Bone Deus, una gula tantorum morborum cohortem in humanam invexit natutam! Addimus & gulæ hominum cupidines, luxus, luxurias, otia, omniumque sensuum illecebras passim per ætates, & sæcula excedentes, quæ ita naturam laceffunt, & subvertunt humanam, ut novorum, insolitorum, inexplicabiliumque morborum semper fiat fecundior ager, ac ut laceffita natura tota jam degener novis est producendis morbis proclivis, ita passim novis opus est medicis, novis medicinis, novis medicaminum præparationis modis, ut novis irruentibus morbis obviam catur; quod ut ilia crepent iis, qui antiquitati strictissimo jure eorum assensum sacrarunt, Lues Venerea jam cunctis se patefecit hominibus, & cognitis prius remediis nullo modo cedebat, ex eo quia licet symptomata, & effectus, quibus Lues hæc Venerea nobis se pandit, fuerint antiquis cognita, novum tamen aliquid in obsidione Neapolitana acquisivere, quod iis remediis, quibus tunc olim expugnabantur, ampliùs postea expugnari non poterant: fuit sanè illud novum, quod contagium vocamus, quo Lues de corpore in corpus per contactum transfunditur.

Non desunt medici, qui pervicaciter Hippocrati hoc malum innotuisse affirmant, & ab ipso lib. 3. epid. sect. 3. accuratè descriptum fuisse, ubi ossium denudationes, capitis, & menti glabrities, carnum, & nervorum suppurationes, sacros ignes cum ulcusculis, variorum membrorum dolores, abscessus circa fauces, dentes, gingivas, & genitalium exulcerationes recenset. Sed levia proculdubio sunt prædicta, & inefficia ad demonstrandum, quod quærimus; nam nec quidem Hippocrates citato loco veneream Luem describere somniavit, sed tantum pestilentialem ibi refert constitutionem, in qua relatæ affectiones sunt vagatæ, quæ majori ex parte, acutis, febribusque malignis copulatæ fuere, cum Venerea Lues ex propria vi febrem non afferat. Præterea Galeni testimonio constitutio illa epidemica, & popularis fuit, qualis profectò non est Venerea Lues. Adde, quod curationes longè inter se diversæ idem declarant. Insuper morbi epidemici non semper durant, sed tandem finiuntur, hæc verò lues nunquam ut malum epidemicum vagatur, & ex quo incipit ad hoc usque tempus durat, & durabit.

Non desuerunt alii, qui luem hanc elephantiasim esse dixerunt, ex eo quia Venerea lue apparente, cessavit elephantiasis, unde Gabriel Fallopius refert, quod tunc temporis elephantiacorum nosocomia vacua reddita sunt, & Galenorum contra innumeris repleta ægris. Idem inquirunt in utroque affectu est inficiendi modus, si quis, c. ex. in lecto sudet cum infectis, si os ori conjunxerit, si cum infecta cojerit. In utroque affectu pili, & capilli decidunt, pustulis, squamis, & ulculis defædatur cutis, quare eadem utriusque affectus erit natura, etsi voces, & nomina sint diversa. In æquivoco volutantur, qui cum elephantiasi luem confundunt Veneream; nam illa affectus cutaneus est, ac tota cutis redditur crassa, dura, ostreacosa, ejusque sanum nil remanet, labia intumescunt, & crassiora fiunt, sub lingua tubercula, & glandulæ sub auribus innascuntur, & tota transformatur facies; hæc verò totius corporis est affectio, nec solam cutem, sed partes liquidas, carnes, cartilagine, nervos, & contaminat ossa: non semper, vel infrequenter fædatur cutis, sed intemæ imperuntur partes, bubones in inguinibus protuberant, partes generationi dicatæ exulcerantur, & pustulæ, quæ in cute nascuntur, nunc plures, nunc pauciores, nunc majores, nunc minores existunt, & nunquam totam obsident cutem, sed semper aliquid sani inter ipsas mediat, & minus sæpè visuntur in facie Elephantiaci perpetuò inficiunt, & proles gignuntur elephantiacas sanandi spe destitutas; Gallici autem non semper filios generant infectos, & non ægrè restituuntur. Ad rationes in oppositum facilis est responsio, & ad primam: Verum quidem est in Italia, ubi Venerea lues est frequentissima, & copiosissima, rarò elephantiasim vexare; non tamen aliis in locis, & præcipuè in Gallia, ubi innumera ferè sunt pro elephantiacis Nosocomia, adeò ut nullus sit ferè pagus, in quo non sit hoc nosocomium, & tamen alia ex parte innumera etiam lue Venerea pollutorum multitudo. Ad secundam, idem inficiendi modus naturæ identitatem non arguit; non enim quia phthisis contagiosa est, ut lepra, inferre licet ejusdem fore naturæ. In pilorum defluvio diversitatem in utrisque cognoscimus, nam in hac lue decidunt qui-

Musitani Opera Tom. II.

dem pili, capitisque capilli, non autem axillarum, & pubis; elephantiaci autem omnibus spoliuntur, imò à pube, & axillis incipit casus.

Cæterùm ficos, sordida ulcera, & pustulas antiquitus homines fædasse præter Celsi testimonium, apud Martialem non pauca legimus, & præcipuè lib. 7. Empigrammatum, epigrammate 70. hæc habet carmina:

Ficosa est uxor: ficosus & ipse maritus:

Filia ficosæ est: & gener, atque socer.

Nec dispensator: nec villicus ulcere turpi:

Nec rigidus fossor: sed nec arator eget.

Cum sint ficosi pariter juvenesque, senesque,

Res mira est: ficos non habet unus ager.

Et Juvenalis Satyrarum lib. 2. carm. 8.

Quis enim non vicus abundat

Tristibus obscænis? Castigas turpia quàm sis

Inter Socraticos notissima fossa Cincædos.

Hispida membra quidem, & dura per brachia setæ

Promittunt atrocem animum, sed podice lævi

Caduntur tumida, medico ridente, marisca.

De hoc quoque morbo scripsit Gal. 5. de compos. med. per loca cap. 4. Expresè quoque apud eundem bubones in inguinibus descriptos legimus 6. de simpl. med. facul. & 2. de sympt. causis cap. 2. & 6. de loc. aff. cap. 6. De gonorrhœa prolixè disputat, ut non prætereamus ea, quæ in lib. habet de tumoribus p. n. & 11. de simpl. facult. ubi de Uvis, & 9. de compos. med. per loca cap. 8. quibus in locis, diversis sub capitibus quamplures ulcerum, pustularum, ac tumorum species proponit, quas passim nunc in Lue Venerea affectis præcipuè, quàm in cæteris hominibus ab hac Lue immunibus, observamus.

Avicennas quoque, reliquorumque Arabum cohors multas tumorum, ulcerum, ac pustularum species describit, quæ grassantis nunc Luis Venereæ, affectibus adæquatè respondet: at ut suprà notavimus, non defuere, qui Arabum Sahafatum, mentagram, & pudendagram hanc Luem, quam nunc Veneream vocamus, esse crediderunt.

Verùm nos, cum accuratè antiquorum libros ad hanc rem percipiendam eolverimus, certi sumus apud veteres inter morbos acutos pestem tantum per contactum non solum, sed etiam per formitem ex contaminatis corporibus in non contaminata irrepsisse; in chronicis verò de scabie & lepra idem quoque evenisse tradunt: reliquos deinde morbos omnes per contactum sana corpora contaminandi hac prærogativa omnes expertes fuisse legimus. Contrà observamus Luem, de qua nunc agimus, Veneream nil novi secum habere præter sui in sana corpora per contactum propagationem; affectus verò, & symptomata, quibus se pandit, in veterum sunt authorum observationibus diffusè descripta, nec hætenus in duorum millium Lue infectorum numero, quos observavimus, symptomata vidisse accidit, quæ apud Celsum, Galenum, & Avicennam notata non invenerimus. Undè concludimus Luem hanc Veneream Anno 1494. dum Galli Neapolim obsidebant, antiquis morbis fermentale tantum addidisse virus, quod per contagium ægri corporis cum sano, morbus, qui antea non propagabatur, deinde propagaretur, non secus ac scabies, & lepra antiquis quoque contagiosa fuere.

N O T Æ.

In hæc verba. *Non desunt Medici* --- Pervicacia magis quam ratione ducti, crediderunt multi se, in scriptis primorum Philosophorum & Celeberrimorum inter Antiquos, omnia, nostra memoria in Physica & Medicina inventa vidisse; eadem etiam pervicacia ducti contendunt multi Divum Senem morbos diu tantum post eum visos, ut verbi gratia, variolas, rachitidem novisse, æquè ac Luem Veneream quam in Epidem. lib. 3. sect. 3. eum descripsisse credunt.

Licet enim morbus, de quo ibi loquitur, symptomata iis Luis Ven. similia habuerit. Author tamen adeò accuratus non omisisset signum ejus maximè pathognomicum, eum scilicet, esse sequelam venenatam libidinis & impuri commercii. Ita ut magis probabile sit credere cum Galeno, Hippocratem in loco citato voluisse describere febrem malignam & epidemicam, quæ pleraque habebat symptomata eorum, quæ in Lue Venerea nunquam febrem notatu dignam comitem habent.

Y

Ipsa,

Ipsa, quibus utitur *Lister Medicus Anglus* in initio tractatus de Lue Venerea post Opera *Mortoni* impressi, argumenta, ut morbum de quo agit novum esse ostendar, hic etiam adhiberi possent, ut innotescat Veteres Luem Veneream non cognovisse; dicit Veteres Medicos, si de hoc morbo loquuti sunt, ut quidam credunt Authores, sermone adeo ambiguo, & obscuro id fecisse, ut, post omnia quæ in eorum scriptis huic applicari possunt, ferè affirmare possimus, morbum hunc, qualis nunc est, iis incognitum fuisse. In quo nihil habet excusationis eorum negligentia, quod adeo obscure de tam momentoso, & vulgari morbo egerint, dum descripserunt cum omni diligentia possibili alios morbos minoris momenti.

Reverà si verum sit Luem Veneream, qualem hodie videmus, tempore *Hippocratis* viguisse; & si Celeber ille Medicus morbum hunc, in loco *Epidemiorum modò citato*, describere voluerit; cur tantum de quibusdam ejus symptomatibus loquutus fuerit, non dicendo illum impuri coitus semper effectum esse? Quidni exposuisset progressus quos in sanguinem, humores, musculos, partesque solidas procedente tempore facit, æque ac tristem statum in quem conjicit ægros, negligentes in initio incrementa morbi vel se ignaris agyrtisve committentes;

In hæc Verba. *Non defuerunt alii* ---- Falso nixi argumento dixerunt hi Medici Luem Veneream esse elephantiasim degenerem; sic enim ratiocinati sunt, Apparente Lue Venerea non amplius visa est elephantiasis, ergo Lues Venerea est elephantiasis degener, idem est ac si dicerent de hydropo febris succedente, cum desit febris, hydrops primò visus est, ergo hydrops, & febris idem sunt morbus.

In hæc verba. *In æquivoco voluntur* ---- Non accuratius tradi possunt differentia inter Luem Veneream, & Elephantiasim, quam hic sit ab Authore nostro, ut ostendat esse duos morbos differentes licet communibus quibusdam Symptomatibus stipati sint.

In hæc verba. *Verum quidem est in Italia* ---- Author hujus rei veritatem ignorabat, Elephantiasis enim æque in Gallia ac in Italia rara est; non solum eo quo scribebat tempore sed etiam ante ducentos annos; & si adhuc videantur in Gallia Elephantiacorum Nosocomia, videntur etiam caduca, & solitaria, & redditus iis sustentandis olim addicti cedunt in beneficium *Equitum* nuncque attribuntur *Ordini Montis Carmeli*, & *S. Lazari* juxta Edictum Regium anni 1672. confirmans aliud Mensis Aprilis anni 1664. ratum habitum mense Maii anni 1669.

In hæc Verba. *Caterum ficos* ---- Probatur testimonio *Celsi*, *Juvenalis*, & *Martialis*, ut refert Author, sed etiam eo *Medicorum Arabum*, *Guidonis Cauliaci*, & omnium aliorum Authorum qui de morbis Chirurgicis scripserunt, eorum tempore ficos, ulcera sordida, & pustulas ægros fecisse: sed inde non sequitur, omnes hos morbos, esse Luis Venereæ Symptomata, quod certissime nobis patefecissent hi Authores; cum illud horum morbum singulare ingenium declarasset.

Quod vero magis huc pertinet est titulus à *Gulielmo Saliceto* scribente anno 1270. datus Capiti XLVIII. suæ Chirurgiæ, his verbis: *De pustulis albis, & scissuris, & corruptionibus, quæ sunt in virga, & circa præputium propter coitum cum meretrice vel fæda, vel alia de causa.*

Legimus adhuc in Capite V. Libri *Gordonii Celebris in Academia Monspeliensi Professoris* anno 1305. scribentis, cujus titulus est *De Passionibus Virgæ*, inter causas exteriores morborum hanc partem afficientium referri debere coitum cum muliere cujus uterus est impurus, virulentus, sanie plenus &c.

Quis non crederet, ex titulo horum Capitum de his judicando, hæc omnia de Lue Venerea intelligi debere? Attamen simul ac perpendimus hos Authores simplicia, & exteriora tantum præscribere remedia ad sanandas has pustulas, scissuras, corruptiones, & ulcera; in animum nostrum cito inducimus omnes hos morbos nunquam fuisse symptomata Luis Venereæ, qualis ab expeditione Neapolitana cognita est; cum ii omnes qui vel parum versati sunt in Curatione Luis Venereæ, ejusque symptomatum convicti sint innumeris experimentis, Luem Veneream ejusque symptomata solis exterioribus remediis

nunquam sanari, minimamque particulam fermento Venereo affectam alias partes simillimo tabo inficere, sicque semper Luem Veneream creare nisi methodica Medicina statim adhibeatur, quæ potius pendet ab exhibitis remediis internis, quam ab externis.

Inde necessario concludere est, hos duos Authores, passionibus Virgæ & præputii, loqui tantum voluisse, de levibus inflammationibus, & exulcerationibus his in partibus contingentibus, cum vir cum arctissima muliere menstrua rubra vel alba habente coit, vel cum solito magis coitu incalescit; tunc enim exteriora remedia exsiccantia, & detergiva admota sufficiunt his ulceribus, inflammationibusque sanandis, nec ullum internum remedium necessarium est.

Eodem modo judicare debemus de his quæ inveniuntur in Capite VI. Tractatus VII. *Guidonis Gauliaci*, cujus titulus est; *De calefactione, & fœditate in virga, propter decubitus cum muliere fœtida*. Nihil enim præscribit Author ille ad sanandum hunc morbum nisi lotiones cum Oxycrato, & unguentum album camphoratum. Videant Doctores, num his exterioribus curentur ulcera Venerea?

In hæc verba. *De hoc quoque morbo scripsit* ---- *Galenus* variis in locis Operum suorum, juxta Authorem nostrum optimè descripsit Bubones in inguinibus, gonorrhœam, quamplures ulcerum, tumorum, & pustularum species, simillimas iis, quæ in Lue Venerea affectis observantur.

Avicenna alique Arabes, multas ulcerum, tumorum pustularumque species affectibus Luis Venereæ adæquatè respondentes, etiam descripserunt, quales sunt *Sabafatum*, *mentagra* & *pudendagra*; sed certum est has pustularum, tumorum, ulcerumque species non fuisse Luis Venereæ symptomata, quia variorum seminum commistio nondum characterem, ad producendum fermentum Venereum, necessarium acquisiverat.

Colligere autem ex eo, quod symptomata iis Luis Venereæ respondentia, descripta fuerint à Veteribus Medicis, & Chirurgis, morbum hunc ab omni ævo viguisse, nilque novi acquisivisse, nisi potestatem alios contactu inficiendi, idem est ac si diceret, fuerunt semper, & adhuc nunc sunt ægri bubonibus, carbunculis, anthracibus, aliisve pestis symptomatibus affecti, ergo semper viguit, & viget adhuc ipsis in locis omnino immunes habitis; & cum pestis maximam singulari cuidam Regioni depopulationem infert, addit tantum eidem morbo, sine ulla intermissione, vigenti, aptitudinem qua fermentat, & contagiosus evadit; sic morbus ille quo homo affectus alios sanos non inficiebat, nunc eo modo serpit.

Si enim verum sit dicere, Luem Veneream ab omni ævo viguisse, quia semper fuerunt ægri ejus symptomatibus affecti; non minus verum est pestem semper viguisse, & etiamnum vigere, quia semper fuerunt quidam bubonibus, carbunculis, anthracibus, aliisve pestis symptomatibus affecti.

Si vero valeret illud argumentum, affirmari posset omnes morbos, unquam in Orbe visos, & in posterum forsitan visuros, etiamnum existere; quia semper fuerunt quidam affecti symptomatibus, quæ morbos hos comitata, & comitatura sunt.

Attamen, ut accurate hac de re ratiocinemur, tantum abest ut dicamus, quemadmodum Author in fine huius Capituli, cui, in duorum millium Lue infectorum numero, quos observavit, symptomata vidisse, non accidit quæ apud *Celsum*, *Galenum*, & *Avicennam* notata non invenerit: unde concludit Luem hanc Veneream anno 1494. antiquis morbis fermentale tantum addidisse virus, quo per contagium ægri corporis cum sano, morbus, qui antea non propagabatur, deinde, propagaretur; sic, inquam, non ratiocinamur; accuratius ratiocinari credimus dicendo, Luem Veneream qualem hodiè eam novimus (licet in scriptis de plerisque symptomatibus ab ea productis loquuti fuerint *Celsus*, *Galenus*, *Avicenna*, & *Antiquiores Medici*) tantum extitisse ab expeditione Neapolitana; quia ante illud tempus non acquisiverat virus fermentativum quo per contagium ægri corporis cum sano propagatur, sive ope coitus alicujusve contactus immediati, in quo essentia ejus sita est; Symptomata enim quæ eam comitantur, cum sine ea esse possint, non sunt signa illius morbi pathognomica: unde concludimus

mus Luem Veneream tantum incepisse tempore expeditionis Neapolitanæ, in quo, morbus ille acquisivit vetum suum characterem, quo talis est, qualis ab eo tempore cognitus fuit, & nunc cognoscitur; differens scilicet ab omni alio antea viso, quacunque cum eo propter symptomata habuerit similitudinem; quia ea nunquam morbi essentiam, verumque ejus characterem constituunt; Ita ut optimè affirmari potest, Luem Veneream, qualem hodie cognoscimus, ante Expeditionem Neapolitanam omnino incognitam fuisse.

C A P U T V.

Ratio diffusionis Luis Venereæ per Europæ, Africa, Asiæ Provincias.

Venerea hæc Lues non solum Gallos. Hispanos, ac Neapolitanos, in quibus sui apparere primordia, affixit, sed annorum lapsu extra Europam, in Lybiam, & Asiam transfretavit, ut innumera testantur historiae, quod multam afferre debet admirationem, nam cum inter has mundi partes ob frequentatam nostris temporibus navigationem perenne sit hominum commercium, totaque, ut prædiximus, consistit hujus Luis essentia in acquisito contagio: quoties Europæi Lue contaminati in Lybiam, & Asiam navigarunt, & cum mulieribus Lybicis, Asiaticisque iniere commercium, hujus Luis Seminarium jam in dictas provincias transplantarunt, quod deinde per individua serpens, vulgaris morbus devenit, ut in Europæ magnis urbibus experimur; atque hoc eodem modo ubivis gentium hæc Lues hætenus suum non diffundit virus, diffundere illud potest, cum sufficiat polluti hominis cum sana contactus, ut Luis Venereæ fiat transplantatio.

Agitari hic curiositatis gratia dubium posset; An bruta animantia huic Luis Venereæ contagio sint obnoxia, cum experientia nos doceat hominum pestem non esse brutorum, sicut contra brutorum animantium pestis, licet homines cum his commercium habeant in eos non serpit, neque in sanitate, neque in vita læduntur; quapropter requiritur quædam mumialis ejusdem speciei dispositio in vivente, ad hoc ut fiat pestilentis auræ transfusio, & impressio: homo itaque peste correptus, si equum ascendat nudum, & simul immediatum habeant contactum, equi pili contagium suscipiunt, alteri homini communicabile, si illius fiat approximatio, sed equus nihil ab impresso contagio patietur, ex eo quia humana caret mumia humani contagii susceptiva. Idem eveniet, si in specie equina sit pestis, nam licet homines cum equis contaminatis commercium habeant, nil tamen in salute læduntur:

Contrarium tamen de Lue Venerea nos docuit casus, enim verò meretricem aliquandò observavimus Lue Venerea undique putrescentem, & sordidis ulceribus fœdam, quæ catulam habebat familiarem, hanc lingendis sibi ulceribus assuefecerat, quæ post aliquod tempus carcinomate in ore corrupta, totaque scabiosa, in generationis loco exulcerata tabefacta periit. Differt sanè pestis simplex à peste Venerea; illa enim vitam immediatè adorat, illamque extinguit, hæc immediatè nutrimentum corrumpit, propterea illa acuta est, hæc chronica, illa speciei mumiam requirit, hæc minimè quidem.

N O T Æ.

In hæc verba. *Nam cum inter* --- Quæ hic dicuntur de Luis Venereæ propagatione in Europam, Asiam, & Africam, intelligi etiam debent de ejus propagatione in Antillas Americæ, & omnem Indiarum Occidentalium continentem; si enim verum sit, quod affirmat Historicus *Herrera*, Luem Veneream, in Insula Hispanica à *Columbo* inventa visam tantum fuisse anno 1503. eamque, in Americæ continenti, ante adventum *Ferdinandi Cortez*, qui cum anno 1508. subigere tentavit, incognitam fuisse, nullum est dubium, ut fufius in Notis in Cap. III. probavimus. Hispanos hunc morbum transtulisse ex Europa in Americam ope commercii in his vastis Orbis Regionibus ab earum inventionem, stabiliti.

In hæc verba. *Contrarium tamen* --- Quotidiana confirmat experientia dicta ab Authore de dispositione quam habent Animalia domestica, imprimis canes; & feles, ad Luem Veneream immediato contactu concipiendam.

Mustani Opera Tom. II.

Necesse tamen est observare, hæc Animalia, ut & homines, non esse omnia actioni virus Venerei æquè obnoxia; Observavi enim catulum, cujusdam ulcere certissime Venereo in faucibus laborantis, sputa assidue deglutientem, idque etiam facientem, dum huic ægro remedia exhibebantur, qui tamen Luem Veneream non concepit: Quod tribui potest Mercurio cum saliva ægri misto; sic enim catulus ille causas morbi sumendo, remedia etiam huic contraria sumebat.

C A P U T VI.

De Venerea Luis Duratione prolata à Scriptoribus Judicium.

Iam suprà, quæ ad Luis Venereæ historicam narrationem attinet, diffusè tradidimus, superest, ut quid de ea scriptores prædixerint, subjungamus.

Hieronymus Fracastorius asseruit hanc pestem propria sponte aliquandò finem habituram, ac ut enormentico irrepsit modo, ita certa adveniente planetarum revolutione, eam à lædendo desistere existimavitque, eam suo tempore senescere, & paulò post planè interituram, ac longa post sæcula, eadem planetarum revertente conjunctione, reversuram, unde sic cecinit.

*Namque iterum, cum fata dabunt, labentibus annis
Tempus erit, cum nocte atra sopita jacebit
Interitum data: mox iterum post sæcula longa
Illa eadem exsurget, cælumque, aurasque revifet,
Atque iterum ventura illam mirabitur ætas.*

Hujus Luis causam *Fracastorius* è cælo evocavit, cælestemque ei tradidit originem, tanquam è matre Venere natam, & à Sideribus expositam mendicavit, quorum conjunctiones perennes non sunt, sed labente tempore mutantur: ideoque morbum esse credidit epidemicum, quem interiturum secum trutinavit, quia tempore, quo primùm hæc grassari cœpit lues, statim à coitu pustulæ ex nigro virecebant, ulcera sordida innumera, & exedentia usque ad ossa, ac sanies ab his emanans, ita pravum spirabat odorem ut, cujus nares attigisset, is mox infici crederetur, & ipso magis aspectu, quàm dolore ægros torquebant. Gonorrhœæ fœtidæ, in mingendo ob acrimoniam luctuosi ejulatus, in erigendo atrocissimi sentiebantur dolores. Bubones ante suppurationem fœvissimis noctis torturis, & aliis hujus Luis inficiebant symptomatibus, quæ nullis medelis, nulla arte tolli, aut saltem sedari poterant. Imò adeò truculentior hæc grassabatur lues, ut omnes ægrorum aspectum fugerent, contactu verò sic abstinerent, ut morbi præterea nullius. Tunc suo tempore mitius se gerere accipiebat, quia pustularum, ulcerumque fœditas cicurata, gonorrhœæ, bubones, gummata, dolores &c. amicitius se gerere intuebatur; perperam credidit senectutem attigisse, postmodò interituram. Verùm planetarum conjunctiones eorumque rotationes *Fracastorium* luserunt, is non optimè astrologia callebat, credimus multoties hanc luem in humanam irrepsisse carnem si ex planetarum conjunctione accidisset. Nec luem senescere, nec experientia cessare videmus, imò quò senior, eò evadit fortior, & licet pustularum, ulcerumque fœditas tolerabilior evaserit, dolorum tamen cruciatus, gummata &c. immanius torquent. Ea est hujus Luis conditio, ut non statim perimat, esto in prima origine violentius irrepsit, non per hoc ultimam habebit periodum, ea enim, quæ præter naturam sunt, ac vi fiunt, perpetuis carent causis: Verum est nil præter naturam, & violentum durabile, & ex se perpetuum esse, si tamen causa perpetua sit, ipsum perpetuum erit. Potest pestis quandòque extinguì, ut de facto extinguitur, si eadem, quæ in peste præcavenda, & curanda adhiberetur sedulitas: modò quia semper dantur homines, qui hac laborant lue, aliosque inficere possunt, alii verò ab eorum consortio non se abstinere, etiam hæc tamdiu durabit lues, quandiu istæ convensationes cum infectis, vagæ libidines, & coitus durabunt, & tamdiu eam propagaturam, & duraturam judicamus. Præterea experientia comprobatum est, quòd quoties morbus in humana pullulavit carne per contactum diffusibilis, chronicus, non autem acutus, nunquam amplius cessavit, sed diffuso undequaque semine, semper inesse multiplicavit: Lues ergò Venerea cum jam in cunctis orbis terrarum provinciis suum transplantavit semen, atque per sæcula semper ulterius serpet, eam in humana

Ipecie ad supremam usque periodum duraturam cognoscimus.

Eustachius Rudius sibi persuasit posse Medicorum ope, & artis auxiliis extingui, inquit enim: *Si unus esset mundi Princeps, aut unamultorum adversus hanc morborum conspiratio, medicorum ope planè extirpari posset. Si nimirum ii, qui hac premuntur lue, cuncti medicis curandi consignarentur, & interim ab aliorum consortio sequestrarentur, ac illud idem cum hac lue infectis perageretur, quod cum infectis peste, vel leprosis fieri assolet, spes utique esset hanc luem extirpari posse, & eò magis, quia Venerea Lues, non ut pestis ad distans, est contagiosa, sed per concubitum propagatur.*

Optimum profectò pro lue Venerea extinguenda remedium excogitavit Rudius, sed inutile, quia facilius est dictu, quàm factu. Est remedium quod contra selem excogitarunt mures, de suspendendo nempe in ejus collo tininnabulo. Si unus esset mundi Princeps, & præcipuè si ipse fuisset, tota sua solertia in id incubuisset, & tanto consuluisse malo, sed plures sunt orbis terrarum Principes, nec omnes eodem vivunt voto.

N O T Æ.

In hæc verba. *Hieronymus Fracastorius asseruit* ---- Nihil certissimi defato Luis Venereæ dici potest: Futura solus novit Creator, paucique Prophetæ quos Divino spiritu afflavit; sicque fidem mereri nunquam debuerunt prædicta *Fracastorii*, licet Celeberrimus sit Medicus, Poeta eximius, doctusque Astronomus.

In hæc Verba. *Quia tempore* ---- Non omninò sineratione credebat *Fracastorius*, qui Luis Venereæ symptomata multum imminuta videbat, eam brevi interituram; sed symptomatum imminutionem vi imminutæ Astro- rum, primæ juxta eum morbi causæ, tribuendo errabat; rectius enim imminutio spectatur tanquam effectus methodici modi, quo tunc jam curabatur; singulare enim remedium in initio incognitum fuerat; hinc deficientibus certis & efficacibus ad minuendos dolores remediis, symptomata ægros atrocius excruciant.

In hæc verba *Verum Planetarum conjunctiones* ---- P- Mito hoc Astronomiæ principio, nullum dari Astrum, quod non roteretur, suasque habeat vicissitudines plus minusve longas, non videtur has rotationes *Fracastorium* luisse; credidit enim ille conjunctionem Veneris cum aliis planetis causam fuisse ortus illius morbi, ideoque prævidere debuit conjunctionem hanc perpetuam non fore siderumque vim inde natam debiliorem futuram, prout Planeta ille, circuitum absolvendo, longius ab hac conjunctione distaret alteri proximior factus, ex qua non eadem siderum vis esse posset.

Ex his igitur concludere non est, cum Authore nostro, *Fracastorium* non optimè Astrologia calluisse, nil enim absurdi, juxta hujus Artis principia, proposuit, nec iis repugnat, quod non loquutus fuerit de iterato ortu Luis Venereæ, quoties ab Orbe condito evenit, Venerem fuis-

se in conjunctione apta ad eam producendam, ut & de hujus morbi cessatione, Veneris conjunctionibus mutatis. Eo etiam verius colligere possumus, *Fracastorium* de his verba non facientem, posuisse, id sic ab initio contigisse, quòd contendat, morbum hunc in potterum exsurrecturum, quoties earundem Planetarum conjunctio, ad eundem effectum producendum denuo apta erit: quod etiam accuratissime notat in Carminibus citatis in initio hujus Capituli.

In hæc verba. *Nec luem senescere* ---- Fieri potest in Cælo Neapolitano atrociora esse Luis Venereæ symptomata, quam in Gallico nimis æstibus non-obnoxio; verum quicquid sit, clare videmus Parisiis, prout ars hujus morbi sanandi perficitur, symptomata ejus vim & atrocitatem suam insigniter amittere; dolorem gonorrhœarum nunc optimè tolerari posse; cum ulcerum Venereorum maxime modicum esse; & bubones vel citò, & facile suppurare vel aliis viis facile dissipari, atque in iis nunquam dari hanc duritiem scirrhosam & pertinacem qualem olim per annos integros habebant.

Rarò autem videntur dolores Veneri fixi aut vagi, ut, & illi, qui gummosos tumores comitantur, ægros extra modum excruciantes quod ante triginta vel quadraginta annos videbatur, nisi omninò usum omnium remedium negligant; & licet frequentissima sit Lues Venerea, ob frequentissimam libidinem, videtur tamen ex symptomatum imminutione, felicique remedium quotidie magis perfectorum exitu, sperari posse, Medicinam tandem ejus victricem futuram.

In hæc Verba. *Præterea Experientia* -- Duceret consequentiam ex falso principio, qui cum Authore diceret, Luem Veneream cum Orbe tantum interituram, quia est morbus Chronicus, & per contactum propagatur; omnesque morbi Chronici qui hoc modo propagantur, nunquam ab eo tempore quo visi sunt, esse desierunt.

Quod enim, hic ut in dubium, proponit Author, experientiæ repugnat; cum Elephantiasis, morbus nunquam acutus, & per contactum se propagans, adeò tamen à ducentis annis rara sit, ut, si ejus adhuc sint, quædam vestigia, adeò debilia, & obscura sint, ut pro antiquo Morbo haberi nequeant, & vix detur Medicus, licet maximæ famæ, qui possit dicere se per triginta vel quadraginta annos praxeos verum Elephantiacum unum, vel alterum vidiſſe.

In hæc Verba. *Optimum profectò* ---- Consensum Principum non foret impedimentum superatu difficilius, ad modum à Rudio excogitatum in praxim revocandum; Nullius enim usus foret, omnium Lue Venerea infectorum eodem tempore sanatio, consentientibus Principibus ad eos cogendos ad hanc subeundam Medicinam, nisi impedirent Principes, quominus mulieres omnibus sui copiam faciant, & viri cum scortis coeant: id autem fieri tantum potest, omnes omninò homines & mulieres in carceribus separatim asservando. Inane cogitatum quod exequi impossibile sit.

DE VENEREÆ LUIS ESSENTIA.

LIBER SECUNDUS.

AD Luis Veneræ essentiam percipiendam operæ pretium fuit, quæ historica sunt, prius de hac lue præmittere; multum enim ad essentiæ cognitionem juvat quemque esse conscium hujus luis originis, diffusionis, lædendi modi, symptomatum, accidentium, aliarumque circumstantiarum eam comitantium: Verum quæ sequuntur, quia altioris sunt indaginis, attentissimum unumquemque exhortamur, etenim pollicemur, quod si quæ ad Veneræ Luis essentiæ intelligentiam transierimus, intellexerit, verissimam omnium morborum theoriā percipiet, à qua curationis indicatione desumpta, nunquam curandi morbos certitudine frustrabitur. Quapropter veteres cum humores, & intemperies pro morborum causis tantum agnoverint, sintque humores occasiones tantum, quibus animal infirmatur, causa pro efficiēti occasionali desumpta, morbi quidditatem non intellexere, quam omni conatu suggerere aggrediemur.

CAPUT I.

Opinionum de Luis Veneræ essentia Examen.

Hucusque secundum Scriptorum libidines multæ, ac diversæ fuere circa Luis Veneræ essentiam Sententiæ; alii enim illam dixere causam, non morbum, alii spirituum alterationem, aliqui venenum, quidam læsionem proprietatis temperamentis; alii excrementum; nonnulli symptoma nominarunt, qui verò morbum illam esse asseverarunt; alii arthritidem, psorā, elephantiasim, variolas, morbum epidemicum, continui solutionem, intemperiem calidam, & siccam; nonnulli calidam, & humidam; alii frigidam, & siccam; quidam morbum à tota substantia & qualitate occulta; multi omnium morborum congeriem; tandem *Minadous*, nec causam; nec morbum, nec Symptoma illam esse dixit.

Ex tot opinamentis, quàm intricatum sit negotium hujus Luis essentiæ assequi, quisque colligere potest; de tot namque Authoribus, qui de hoc scripsere morbo, vix pauci inter se conveniunt, quin potius phantasiæ ductu per vanas conjecturas peculiarem habent sententiam: sed omnes eodem amittuntur pilo, eodemque inficiuntur cœno; cum ex cauda vulpem, & ex ungue leonem cognoscere profiteantur. Horum rationes in examen adducere joci gratia juvat, licet non conducatur, utpotè nimis rusticanæ, cum confusionem animis inducant, & ignorantiam pariant.

Hercules Saxonia luem, hanc esse tantum causam, non verò morbum, nec symptoma asserit, quia extra corpus humanum existere potest, in linteis nempe, vel aliis id genus vestimentis, in sudore, facibus, præterea semine, & sanguine jam à corpore secretis, intra corpus humanum etiam, quia partes non viventes, morbisque subjectas inficit, & obsidet, nempe humores, spiritus.

Joannes Manardus esse morbum in soluta unitate ab exustis humoribus contagio affectis pendentem scribit, probat primò, ex *Hip. lib. de loc. in homine n. 47.* ubi habetur. *Morbi quicumque ulcera sunt*, cum Veneræ Luis ex morborum numero sit, ad ulcera reducitur, quæ in soluta unitate consistunt. Secundò, præcipua hujus Luis symptomata sunt pustulæ plurimæ universum afficientes corpus necnon ulcuscūla, quæ statim à Lue contracta pudenda afficiunt: Sicuti etiam faucium columellæ, narium erosio, & casus. Tertiò, dolores, nimium atroces, qui infectos torquent ægrotos, quamvis non sint ulcera jam facta, saltem sunt dispositiones ad ipsa, cum in doloribus continuum solvatur solum, licet non sit solum: itaque hoc mali genus ad solutam unitatem, aut unitatis solutionem reducitur, & quicquid in eo observatur, est ulcus factum, vel fiens.

Hieronymus Capivaccius, *Aurelius Minadous* & alii sustinent hanc Luem non esse morbum, & primò, quia ad nullum morbi genus reduci potest; non ad intemperiem, ut pustulæ ostendunt; non ad solutam unitatem, ut docent gummata, bubones, & cætera; nec tandem in mala compositione, ut ulcera suadent. Secundò, morbus est constitutio p. n. primò, & per se operationes lædens: Lues verò hæc primò, & per se non lædit: itaque morbus dicendus non est. Minorem probant: ubi quis post coitum Luem contraxit, multo intercedente temporis spatio, benè va-

Musitani Opera Tom. II.

let, nullumque perferit incommodum, quousque tandem ægrotare, & dolere incipiat. Ita multi post duos, tres, vel plures menses, & ferè omnes post aliquos dies Luis incommoda percipiunt. Imò nos quendam militem Hispanum post quadraginta annos ex carie; quendam monachum post quadraginta quinque, ex gonorrhœa contracta, attamen ante religionis ingressum, in gummata, & dolores incidisse observavimus. Hoc intermedio tempore nulla adest sensibilis læsio, cum tamen adsit contracta Lues; igitur Lues non est constitutio lædens, cum ipsa sine actuali læsione reperiatur: itaque non est morbus. Tertiò, Lues contracta quamvis lædat, non primò, lædit. igitur non est morbus, cum non quæcumque læsio sit morbus, sed illa solum quæ primò, & per se fit, ut à morbi causa differat, quæ non lædit primò sed introducto morbo: itaque esto lædat Lues, quia dum lædit, læsionem primò non facit, morbus non erit. Assumptum probant, quia læsio facta à Lue est ulcus, bubo, gonorrhœa, caries, & similia, quæ sunt vel verissimi morbi, aut symptomata suos sequentia morbos: ergò Lues, ut lædat, requiritur morbi introductio, cum nunquam lædat, nisi facto morbo: ergò ipsa non erit morbus. Quartò, Veneræ Luis conservatur in subjecto non vivente: igitur non est morbus, qui est sola, & mera viventis passio, non viventi subjecto nullatenus communicabilis. Antecedens probant primò, quia est nonnullorum asserentium sententia Luem Veneræam posse communicari per sudorem fluentem à corpore infecto, & conservari in linteis, similibusque subjectis nulla gaudentibus vita. Quomodo ergò Lues erit morbus, si in hisce inanimatis recipi potest subjectis? Secundò, Lues infidet sanguini, & semini adhuc à seminante deciso, quapropter semine infecto non minùs inficiuntur coeuntes, quàm foetus. Si gignitur, nascitur infectus: sed neque semen, neque sanguis vivit, præcipuè post decisionem, & ejectionem à corpore: ergò non est morbus. Quintò, Veneræ Luis est quid corporeum, imò verum corpus: ergò non potest esse verus morbus, cum hic sit de genere qualitatum. Antecedens patet quia aliud non est Lues, quàm vapor, seu sem inarium quodam contagiosum transiens denuo in aliud, quod omnino distat à qualitate, & accidentibus, & necessariò corporis, seu substantiæ rationem imporrat, unde *Lucretius* canit.

Tangere enim, & tangi, nisi corpus, nulla potest res.

Si ergo hujusmodi rationem habeat Lues, morbus esse non poterit. Sextò, ex multis coeuntibus cum infecta muliere, non omnes inficiuntur, sed aliqui; alii nulla tentantur labe, & tamen omnes eundem excipiunt vaporem, seu seminarium: ergò Lues ista non est morbus, alioquin omnes ægrotarent, quod falsum est, ut constat experimento à *Fallopio* adducto duodecim Scholarium, qui dum rem habuerunt cum muliere infecta, tres tantum ex illis Veneræ Lue correpti fuere, ex quibus liquet Luem non esse morbum. Neque Symptoma esse potest, quia hoc est inseparabile à morbo, sicut umbra indissociabilis est à corpore.

Neque morbi causam esse, quia causa p. n. est illa, inter quam, & actionem læsam cadit medium, morbus nimirum, cum morbus sit id, quod proximè lædit actionem, cum autem hæc morbi interventu lædat.

Capivaccius hunc affectum non morbum, sed excrementum putavit, dum eum definivit, quod sit excrementum p. n. toto genere potens multifariam lædere hominem genitum ex humana substantia à simili.

Alii Medici, dogmata quorum sunt caloris, frigoris, siccitatis, & humiditatis, relictis supra notatis litigiis, ad causas manifestas hanc Luem reducere, scilicet ad intemperiem calidam, & siccam, conati sunt: hujus farinae sunt *Alexander Massaria*, *Joannes Baptista Montanus*, & cæteri, & probant primò, quia proprius caracterismus, sine quo hæc Lues non elucescit, non consistit, nec viget, est exustio, ut apertissime accidentia demonstrant supervenientia, quæ affectionis hujus sunt, materiam declarare valent. Ita pustulæ universum ferè occupantes corpus, gingivarum erosio, faucium ulcera, capillorum defluvium, columellæ imminutio, ossium caries, & similia, quæ Luem comitantur, atque ostendunt, certissimè faciunt exustionis fidem: sed talis, tantaque exustio, non nisi

à calore morboſo excedente dependet: ergò in calida intemperie reposita eſt Lues. Secundò, hoc idem deducitur ex bubonibus ſuppuratis, qui præcipuè hunc ſequuntur morbum; eorum namque labia multùm calloſa, & nimis indurata obſervantur, maleficio ſcilicet caloris exurentis, & callum inducentis. Confirmat tertio eorum aſſertionem mordax, & acerrima gonorrhœa, quæ primò, & plerùmque ab hac lue indici ſolet; aded enim mordax eſſe conſuevit, ut genitalia frequenter exulceret, & urinæ ardorem afferat, ſic diſcurrendum de aliis incommodis à Lue inductis, quæ non niſi prævalentem conſequi calorem poſſunt. Excreta tandem omnia in infectis hac lue ſi benè obſervantur, utpotè acria multùm, mordacia, calidam intemperiem certò certius arguunt: comitantia igitur, & ſubſequentia ſigna calidam intemperiem in hac Lue ſignificant.

Nonnulli medentes, ut *Nicolaus Maſſa*, *Rondeletius*, & cœteri, deſumpto à curatione argumento, quia Venerea Lues remediis omninò calidis, imò in calore multùm prævalentibus curatur: ſiquidem extenuans diætâ, calida, & ſicca ab omnibus præſcantibus præſcribitur ita infectis; validiora, acriora, calidiora pharmaca eiſdem adminiſtrantur, vehementiora adhibentur ſudorifica ex ſalfa, guajaco, & ſimilibus parata; uno demùm verbo, quidquid pro huius Luis curatione uſurpatur, calidum eſt, ut ignis naturam ſapere videatur, calidam, ſiccamque intemperiem pro huius Luis cauſa repudiarunt cùm calidiſſimis, & ſicciſſimis curetur præſidiis: meditantibus præcipuè famigeratum illud in ore Medicorum theorema, quo ſancitus curationem inſtituendam eſſe à contrariis; ſed quia in eodem volutantur luto, dixerunt huius Luis cauſam in intemperie frigida, & humida conſiſtere, id probant primò eodem argumento à curatione deſumpto: Curatur calidis & ſiccis: ergò intemperies erit frigida, & humida. Secundò, gummata, diuturni dolores, rebelles fluxiones, craſſi, & cœnoſi ſanguinis generatio, & alia ſimilia, frigiditatem, & humiditatem prævalentem demonſtrant: igitur.

Judicate vos quantum à tanta ſententiarum multiplicitate abſit hætenus veritas, & quæ in tanto morbo curando uſque aded adæquata ex theoriis deſumpta fuerit indicatio; quòd ſi in cognitione Luis Venereæ, quæ tam palam nobis alloquitur, in tanta confuſione jactantur medentes, in quanta ſanè erunt in aliis morbis, quorum latentior eſt ſiendi, & lædendi modus, quiſque judicare poterit. Pendet quidem tanta confuſio, ſententiarumque contrarietas ab impoſtura & falſitate doctrinæ temperamentorum verſutè à *Galenò* in rem medicam introducta.

Alii multa huius Luis ſymptomata conſiderantes, modò calida, modò frigida, modò exuſtionis ſigna, quæ ſiccitatem habent adnexam, modò humiditatis, qua interdum copulantur, & tandem ſolutam unitatem, ut à tot ſe tricis expedirent, Syndromen, ſeu congeriem omnium morborum dixerunt, quia hæc Lues nullum denotat peculiare, & determinatum morbi genus, ſed per omnia excurrit, & vagatur.

Multi, ut *Fallopius*, *Mercurialis*, *Zacutus Luſitanus*, *Fernelius*, *Sennertus*, & alii, Luis admirandos, contrariosque effectus meditantes, ac nullis primis, vel manifeſtis qualitatibus agere, imaginati ſunt ad nullam reduci poſſe intemperiem, nec unitatis ſolutionem, formæ, ſeu ſtructuræ lapſum; etenim cùm major morborum pars, & eorum, qui homines crudeliùs vexant, intemperiebus accomodari non poſſint, ut à tot ſe eriperent tricis, neceſſarium fuit illis, qui præter temperamenta ſciebant nihil, ut majorem ingenii hebetudinem patefacerent, inter ſecundi generis cauſas recensere, ſcilicet ad occultas qualitates recurrere, tanquam ad ſacrum ignorantiaſylum, & ad ſpecioſum vocabulum, quo apud imperitum vulgus ignorantiam regere valeant, aliis verò naſutioribus ad plauſibiles confugere terminos, uti ſunt: Lues Venerea eſt morbus occultus, à tota ſubſtantia, à deleteria facultate, à proprietate occulta, à venenata aura, ſimileſque, qui ſi rectè examinentur, eos ignorantiaſ arguunt, & ſciunt, quod neſciunt. Id colligunt, quia virulentæ Luis natura eſt arcana, & proſus ignoratur; nam licet quandoque ſublata ſit, & expugnata videatur, niſi tamen occulta illa qualitas expugnetur, homo inculpatam nunquam recuperat ſanitatem. Obſervatum enim eſt ex parva, vel carie malè curata, Luem Veneream occultam per triginta, vel quadraginta annos furtivo modo in cor-

pore detuliſſe, poſt quos in actum dolores, gummata, ulcera &c. erupiſſe quaſi occultarum qualitatum actione. Uteriam ex proprio, ac ſpecifico curationis modo eruunt: putant enim remediis à tota ſubſtantia agentibus expugnari, non quia calida, vel frigida ſunt, ſed quia modo nobis incognito, & occulto operantur. Huiusmodi credunt lignum Indicum, ſaſſam parillam, hydrargyrum &c. Lignum namque calidiſſimum eſt, frigidifiſſimum, hydrargyrum, quare ſi hæc Lues calida, aut frigida foret, horum uſu intenderetur, potiùs quàm remitteretur.

Nos, ut hos vitemus ſcrupuloſos, & ne in barbarorum impingamus ſyrtes, non ex noſtra phantafia ſed à rebus, circa quas philoſophamur, veritatem hauriemus; quid ſit morbus in genere, & quomodo in vivente ſano exortatur, inveſtigabimus, ut deinde ad Lue Venereæ quidditatem tutius accedamus, undè ſit

C A P U T II.

De Eſſentia Morbi in genere.

DUm vivens animal, quod intra ſe efficere à natura ſibi datum eſt, efficere poteſt, vel ſi efficit, vel diminutè, vel depravatè, vel cum dolore, hoc tale vivens animal, vel in toto corpore, vel in aliqua ſui corporis parte, morbum habere dicimus. Præcedunt morbum vita, & vitæ integræ inculpatæque actiones; itaque ut, quid ſit morbus, intelligamus, quid in vita ſit, & quid requiratur ad inculpatas actiones peragendas, priùs cognoscere neceſſarium erit; ab hac ſuppoſitione neque *Galenus* ipſe reſceſſit, nam *Galenus* morbum non agnovit, niſi in facultatibus læſis, conſtituatque apud *Galenum* eſſentiam morbi facultatum læſio.

Videndum nunc eſt, an facultates in vivente propriam habeant ſubſtantiam, & à temperamento tantum dependant, ut *Galenò* placuit, an verò ipſæ à ſimplici quadam entitate ætherea, & enermontica in ſpermaticis viventium partibus implantatæ exerceantur, ut *Hippocrates* priùs, deinde *Plato*, & *Ariſtoteles* ſenſere.

Galenus ſententia, præterquam quòd Atheiſmum includit, & animæ ſubſtantiam, præter temperamentum obſtinatiſſimè negat, ut *toto titulo de ſubſtantia facultatum naturalium*, & *titulo, an animi mores corporis temperiem ſequantur*, hac demonſtratione de falſitate convincitur: Nemo dat, quod non habet: elementa vitam non habent: ergò vitam dare non poſſunt. Reſpondent, diſtinguendo minorem, vitam non habent elementa ſeparata, & ſimplicia, concedunt: non habent vitam elementa miſta, & negant. Sed iterùm contrà: miſtio elementorum ſi vitam efficeret, ubi vis fuerit elementorum miſtio, ibi vita foret: ſed omnia corpora Univerſi, in *Galenus* ſententia, ex elementorum miſtura conſtant: ergò omnia Univerſi corpora vitam habent: Sed hoc eſt falſum: ergò &c. Præterimus, quòd jam apud omnes ſanæ mentis viros, elementorum quaternarium, eorum qualitatum miſtura, & ex ea reſultantia temperamenta indifferenter pro fabulamentis habentur.

Ad firmiorem *Hippocratis* ſententiam tranſeamus, quæ vitam, ſpiritum imperum facientem aſſerit æthereæ naturæ, & hoc *Hippocratis* placitum, ultrò confirmavit *Ariſtoteles*, qui relictis elementis, eorum miſturis, & complexionum figmentis, naturam, & vitam dixit ſpiritum proportionem respondentem elemento ſtellarum; & in definitione, quam de natura tradidit, (idem enim eſt vita, ac natura in viventibus,) profundiori intellectu hanc veritatem expreſſit: dum dixit: *Natura eſt principium motus, & quietis in iis, in quibus ineſt per ſe, & non per accidens*, quod motus principium nullo modo in elementis concedi poteſt, cùm moveantur, & non moveant, & cùm in elementis tali, & tali modo miſceri, & non miſceri ſit merè per accidens, elementorum miſcela vitam nullo modo efficere poteſt, quæ per ſe, & non per accidens in vivente ineſt. Didicerat id fortaiſè *Ariſtoteles* à *Platone*, qui vitam, ſive animam è corpore ſeparabilem non autem cum complexione corporis diſſolubilem docuit.

Horum nos Philoſophorum ſententiam libenter amplectimur, quia veram agnoſcimus illam, & cum illis ſuſtinemus vitam in viventibus eſſe ſpiritum æthereæ naturæ, ſimplicis, & homogeneæ, motus principium in ſe habentem, in ſpermaticis corporis partibus ſtabulantem, & ſecundum organorum diſpoſitiones, in iis vitam exercentem. Hic ſpiritus per artus diſſuſus corporis agit molem,

molem, & ubique unus, & idem membrorum diversitate diversas molitur functiones, non secus ac eadem manus cum calamo scribit, penicillo pingit, gladio ferit, habena equum regit, ita vitæ spiritus cum naribus olfacit, auribus audit, palato gustat, manibus apprehendit &c. ut fusiùs diximus nostram *Trutina Medica libr. 1. capit. 2. de Apoplexia*.

Itaque nobis concipienda est vita in viventibus pro entitate quadam simplici, homogenea, similari, unde quaque corpus penetrans, partibus spermaticis, & tenuibus earum fibris inserta; quam ut percipiamus, sciendum est, quod Vita animalium est de natura lucis sive ipsa lux est, id quod intellexit Aristoteles, dum illam dixit *Proportionem respondentem elemento stellarum*, nam elementum stellarum lux est, ac eodem modo se habet lumen cereum in medio obscuri cubiculi positum, quod sui diffusionem aerem cubiculi æqualiter penetrans, circumstantes parietes illuminat, ac sicut lumen candelæ in elychnii fibris subsistit: ita animalium vita in fibris spermaticis ex semine productis subsistit; nec aliter lumen candelæ cera, sevo, vel oleo per fibras elychnii resolutum inducendo perseverat, ac vita animalium nutrimento ex cibi parato, & per fibras spermaticas diffuso perseverat.

Se habet ergo vita in corpore viventium ad modum Lucis, qua in cubiculo tunc circumstantes parietes clario splendore illustrabit, cum nullum corpus opacum inter lucem, & parietes interponitur, & cum circumstantis aer purus, & absque ulla nebula præbet illi transitum, denique ut si aliquot corpus sit inter lumen, & parietes positum, illud simplex sit, & crystallinum omni prorsus colore expers. Nam contra, si inter lumen, & parietem ponatur corpus opacum, intercipitur luminis continuitas, relinquitque parietem obscurum. Si verò ambiens aer purus non sit, sed nebulosus, tunc languidum, & inæqualem splendorem lumen in parietes diffundet; ac tandem si corpus diaphanum Luci opponatur, quod sit viridi, vel rubro colore tinctum, tunc radii per illud corpus tinctum transeuntes, colore polluti transibunt, ac in pariete colorem corporis diaphani pingent.

Exemplum Lucis ad vitam transferre viventium, imaginamini ipsam viventium vitam lucem esse calidam se moventem, & in corpore viventis veluti in cubiculo clausam, hæc à centro corporis in totam circumferentiam, lumen, & calorem diffundit, per humores optimè ad vitalitatem dispositos transmittens radios, non secus ac lux candelæ per ambientem aerem purissimum, atque dum sic in vivente res est disposita, inculcata salus in illo observabitur, omnes functiones organorum perfectissimæ erunt, omniaque optimè se habebunt, ex eo quia lumen vivens in corporis centro implantatum, absque ullo impedimento purissimos suos radios calidos per corpus usque in illius circumferentiam diffundit. Salus ergò in vivente semper morbum præcedit, tunc inculcata, & perfecta in viventibus erit, cum quicquid in corporibus informat, illam puritatem, & perfectionem habeat, quam vita exigit, ad hoc ut in illud suum lumen, calorem, & motum imperiatur, ac tunc perfectissimæ, & inculpatæ in totius corporis, singularemque ejus partium functiones erunt.

Declarandum nunc superest, ut morbus in sano corpore accidat, ac ut à similitudine Lucis in cubiculo obscuro non discedamus, dicimus, quod non aliter morbus in sano corpore producit ac umbra, caligo, & radiorum coloratio in illuminato cubiculo fiunt. Fingamus enim in cubiculi medio clarissimum lumen ardere, quod purum sit illud, circumstantis ambiens aer, & tandem quod nullum corpus opacum, vel diaphanum coloratum sit positum inter parietes, & lumen. Certissimum est cubiculum tam in suo medio, quam in circumstantibus parietibus æqualiter illuminari, verum esto, ut inter lumen, & parietem opacum corpus ponatur, illicò in pariete pingeretur umbra corporis, quæ umbra licet occasionaliter à corpore censetur, tamen & effectivè à lumine sit, nam umbra aliud non est, nisi spatium alio spatio, in quo non est umbra minus illuminato, nullum adesse corpus solidum opacum, sed quod ejus medium sit tenebrioso fumo turbidum, tam caligans, debile, exileque lumen observabitur, & tam in medio, quam in parietibus, quod quidem occasione fumi advenit, sed efficienter, & effectivè caligo illa à lumine nascitur. Esto demum fumum non turbare medium aerem, neque corpus opacum interponi, sed corpus diaphanum illudque viridi colore tinctum,

Musitani Opera Tom. II.

observabitur, quod trans corpus diaphanum fertur, ubi in pariete terminatur, viridem efformat umbram, quæ etiam, à lumine efficienter sit, occasionaliter verò à corpore diaphano viridi. Interest multum in hac morborum physiologia, ut indifferentiam participantis inter causam occasionalem & causam efficientem cognoscamus, quæ differentia clarissimè innotescet, si mente percipiamus, quod causa occasionalis est illa, quæ indifferentis est ad aliquem effectum producendum, & perseverare potest absque eò, quod talis effectus sequatur, & hujusmodi in allata doctrina sunt corpus opacum, fumus, seu nebula, & corpus diaphanum tinctum, quæ umbram, caliginem, & tincturam in lumine induxerunt, nam si lumen à cubiculo auferatur, licet ibi dicta corpora remaneant, uti priùs erant, umbram, caliginem, & tincturam tamen non inducent: causa verò efficiens est illa, quæ ad effectum producendum non est indifferentis, sed necessaria, ut est lumen, quod si à cubiculo auferatur, remanent ibi suprà notata corpora, neque coloratio producet.

Exemplum nunc lucis ad viventium vitam transferamus, quam in corpore sanitatem producere diximus, quoties summam humorum puritatem, per quos transit, ut corpus vivificet, invenit, inculcata sanitas adest, & quoties in iis nil degeneratum, vel corruptum reperit, sed caliginosi sunt humores, vel in iis aliquid corruptum vel degeneratum ad sit, statim morbus in promptu est; ac ut nil ab allato lucis exemplo discedamus: finge tibi humoris particulam jam corruptam esse respectu vitæ, veluti corpus opacum respectu lucis, at quoties id accidit, producit in illo membro ob interpositionem humoris corrupti, per quem vita penetrare non potest, ac tunc morbi eveniunt, qui apud *Galenum* solutæ unitatis nomen meruerunt. Si vero impuritas sit aliqua humoribus commista, illosque turbidos reddat, tunc lumen vitale per illos transiens caliginosum reddit, depravatasque operationes tunc in membris exerceri necesse est, producitque illos morbos quos *Galenus* & *Galenista* ad intemperies reducant. Demum, si humores degenerati fuerint, scilicet quod ubi falsi esse deberent, facti sunt acidi, ubi fluidi, viscosi, ubi volatiles, & resolutibiles, fixi, & constantes, tunc vitæ evenit, quod luci ab opposito vitro colorato evenire prædiximus, scilicet quod radii vitales per tales humores degeneratos transeuntes secum ferant in membra degenerati humoris colorem, qui colore polluti puritatem, & simplicitatem vitæ exercere non possunt sed membrorum functiones degeneres erunt, ut degener est vita quæ illas efficit, & hi morbi respondet illis morbis, quos *Galenus* & *Galenista* à tota substantia, deleteria qualitate, causa arcana, & latenti procedere adstruunt. Occasiones ergo, quæ ad morbos omnes producendos vitam disponere possunt, ad tria genera reducuntur sc. ad humores in corpore corruptos, vel ad aliquod aliud, quod licet corruptum non sit, utilitate capax esse non potest, ad humores impuros, & ad humores degeneratos. Vel tamen semper est memoriæ tenendum has causas ad hæc tria genera redactas, semper occasionales existere, ut supra notavimus; nam illæ post mortem adhuc in cadavere perseverant, tamen morbum non producant; ex eo quia vita cessavit, quæ umbram, caliginem, sive colorem à causis nata, efficiens causa morbi esset: ergo ex hac integra doctrina, quam tradidimus collusionem, scilicet quod *Morbus ingenere sit ens naturale physicum in viventibus constans ex ipsa vita, tanquam ex materia & ex umbra, caligine, vel colore à causis occasionalibus in vita productis, tanquam ex semine, cujus deinde entis naturalis effectus sunt functionum membrorum lisiones*. Superesset pro doctrinæ integritate hic explicandum entia omnia naturalia physica generabilia, & corruptibilia, ex duabus tantum causis, materia scilicet, ex semine in universo produci; verum de his fusiùs in nostra *Pyrotechnia* egimus.

C A P U T III.

De Luis Venerea essentia.

MOrbi in genere constituta essentia, ad Luem Veneriam illam traducemus, ad quam exactè intelligendam dicimus, quod quicquid supra reculimus de hujus morbi origine; alii astra, alii Indias, alii inperscrutabilem causam &c. accusavere; nos ad causam naturalem physicam, & in viventibus corporibus producibilem reducimus, quod sic demonstrandum aggredimur.

Ulcus quodlibet chronicum, quod in vivente corpore ex temporis longitudine, & ex contracta pravitate æsthiomenum, siue malignum factum est, suam eructat saniem colore, odore, & sæpè acredine virulenta, & aspicientibus per horribilem, quæ sanies uti est omnium Medicorum consensus, aliud non est, nisi ulceratæ partis nutrimentum, tam ob continui solutionem, quam ob exortam ibi pravitatem degeneratum, siue transmutatum in hoc aliquid acutum, & acre, quod sui contactu succedens, nutrimentum dulce, quod in ulceris locum natura transmittit, in suam materiam perenniter transmutat, unde succedit quoque ulceris perennitas.

Hæc doctrinâ posita, dicimus, quod si inveniretur homo adeo sordidus, qui linguam, vel denudatum præputium in impuro aliquo ulcere æsthiomeno detineret per aliquod spatium, ut halitus calidi ulceris in linguam, vel in glandem impingeret, si statim aliquo lavacro dictarum partium non fieret absterio, hic in lingua, & glande jam ulcus æsthiomenum contraheret, verum id non evenit, nam talis approximatior existimatur cuilibet homini sani iudicii impossibilis, atque si fortasse talis eveniret contactus cum partibus corporis perfectæ cute obductis, non autem tenui epidermide, non induceretur quidem ulcus, ex eo quia ulceris halitus ob cutis duritiem spiritui sensitivum attingere non possunt, qui deinde halituum ideis imbutus, proprium corrumpere nutrimentum ad ulceris productionem; etenim si quis digitum in saniosa Lue Venereâ infectæ mulieris vulva detineret, digitus Luem non contraheret, quam illico contraxisset, si glandem, non digitum immisisset. Confirmat id quotidiana experientia, nam si in congressibus Lue Venerea pollutis, pustulæ, caries, ficius nunquam in cute externa penis pullulant, licet illa cum contagiosa vulva contactum habuerit, sed in glande, in parte interna præputii, ac circa coronam efflorescunt, & ratio est, quia non sufficit halituum virulentum viventis carnem attingere, ut illam polluat, sed requiritur, ut spiritus sensitivus illius carnis virulentiam halitus sentiat, quod in partibus, quas tenuissima epidermis cooperit statim accidit; in cute verò, aut nunquam, aut ex longa applicatione.

Ex his observationibus, & experimentis deducimus id, quod supra proposuimus, sc. quod ex physicis causis in vivente corpore existentibus Lues Venerea originem duxit; enim verò si demus casum, aliquam mulierem ex causa non gallica ulcus malignum intra uteri vaginam contraxisse, illudque saniosum. Demus casum, virum illius ulceris inscium cum dicta muliere coire, dicimus talem virum ulcus in parte aliqua sub præputio contrahere, ex eo quia sanies in ulcere mulieris exaltata, penetrat sua acredine epidermidem partium intra præputium contentarum, ac spiritus sensitivus sub ipsa exorbitans ob Venereæ actionis motum, Labem illius saniei contrahit, quam deinde nutrimento sibi proximo imprimit, quod à sua degenerans indole, & in corrosivum transiens, ulcus exemplò aperit. Sic contra, si vir in præputio tali laboraret ulcere, & cum sana coiret muliere, mulier ulcus contraheret: nam cum ob concubitus turpitudinem, neque mulier virum, neque vir mulierem intra pudenda aspiciat, alter alterius ulcus non advertit, ac propterea ab eo non exhorret.

Ex hac ratione Sacre litteræ toto *Levit. XV.* huic suspicioni consulunt, quod tam severe gonorrhœa laborantes, ad alios accedere prohibuerint, omneque quod attigerint pro immundo habendum, & si testaceum quid sit, frangendum, ligneum verò & cætera aquæ immergenda, mandaverint, ne aliquis ab eis inficeretur. Non negavimus tamen antiquitus hunc morbum fornicatoriam non exercuisse turbam, sed à suis agris semper fuit cælatus: est enim pudibundus, & in illis incipit, quibus à pudore nomen est, & à mulierum sexu nec in optima constitutione, multo minùs adeo spurie pustulata, & non nisi extrema necessitate lethali Medicis ostenduntur, quod ubi tum forsan quandoque observatus, pro alio acceptus fuit.

Hoc posito, quod dubium non admittit, dicimus, quod in obsidione Neapolitana cum è Civitatis Lupanaribus meretrices expulsæ fuissent, illæque in Gallorum tentoria se recepissent, facili negotio earum plures tali ulcere in uteri vagina laborabant, in quibus cum se exerceres militum incontinentia, & alternatio, quid mirum fuit, si totus exercitus in pudendis saniosa contraxerit ulcera? Quid mirum fuit, si meretrices ab exercitu in civitatem

reduces Neapolitanos deinde infecerint? Et tandem quid mirum fuit, quod Galli in Galliam redeuntes, in illam regionem ulcerosum illum morbum transplantarint: Quod idem de Hispanis quoque Neapoli in Hispaniam revertentibus existimare possumus. Concludimus ex his itaque nostram hanc esse sententiam, scil. Luem Veneream semel originem duxisse ex ulcere maligno in utero mulierum, vel intra præputium virorum ab intrinsecò producto, non autem ab externo contagio.

Præterea ex hoc modo originis Luis Venereæ deducimus id, quod à nemine in dubium vertetur, id est, quod sanies, pus, halitus, siue effluvium illud ab infecta muliere resultans, quod adhærendo epidermidi, præputium sani viri inficit, omnes suæ activitatis gradus, & contaminandi energiam in pollutæ mulieris utero acquisivit; ita ut inde emanans, omnes habeat proprietates, quæ necessariæ sunt ad epidermidem viri penetrandam; ac spiritum sensitivum sub ea latentem attingendum, illique imprimendum id quod suam subvertat œconomiam, ut proximum nutrimentum degener efficiat, nam si dictas proprietates in mulieris pollutæ utero non acquisivisset; quicquid in viro sano producit, producere non posset: exemplum est in septicis, & escharam producentibus, quæ nisi activitatis gradum à natura, vel ab arte exegerint cutem urere, & escharam inducere non possunt.

Quomodo hoc activitatis gradus acquirat sanies illa & quomodo sanum alioquin nutrimentum ad suam convertat virulentiam, philosophandum est.

Dicimus igitur, quod pars ciborum, quæ ab illis pro nostro nutrimento educitur, spiritus est salsus, & volatilis, ut fusiùs in *Trutina Medica lib. 4. capit. 1. de Ventriculi actione* tradidimus, hic per corporis fibras se insinuans, nos recreat, & sustentat, ac deinde in halitus, effluvia insensibilia per cutem resolvitur: verum si spiritus iste ob expultricis defectum, vel ob ejus sistentiam totus non resolvatur, & pars illius in aliquo remaneat membro, membri calore agitur fermentescit, & ex falso fit acidus, ut mechanicè de ciborum actione in ventriculo probavimus: evenit illi spiritui nutritio id, quod vino accidit dum ex nova sui spiritus motione in acerrimum mutatur acetum, quod erodit, exulcerat, spiritum irritat sensitivum, lapides, perlas, & corallia solvit, quæ omnia, dum vinum erat, non efficiebat, ac si deinde vi caloris naturalis ulterius exalteretur in septicum, & exulcerantem transit liquorem: Ut de sale nitro observamus, quod si caloris vi in retorta cum bolò armeno agitur, exaltatum emittit liquorem, qui si nostræ carni applicetur, in illa ulcus inducit quod non faciebat, dum erat in forma salis; ut hoc modo quoties nutrimentum nostrum non omnino resolvitur secundum naturæ leges, & in membris remanet, fermentescit, acescit, & in erodentem, exulcerantemque abit saniem.

Videndum nunc, quomodo parva particula hujus degenerati nutrimenti, & in saniem versi, magnam quantitatem perfecti, & sani nutrimenti in sui malitiam convertat, quod idem est, ac causam cognoscere, cur una aceti libra vini cadum in acetum convertat; & vini cadus aceti libram in vinum convertere nequeat; & pasta fermentatæ uncia paulatim quantavis azimæ pondera in fermentatam convertat, & mille libræ azimæ unciam fermentatæ in azimam convertere non possunt, quæ exempla respondent interrogationi, cur in corpore viventi parva pars gangrenata, vel corrupta reliquum sanum corporis mortificet, vel corrumpat, & reliquum corporis sanum parvam partem gangrenatam, vel corruptam sanitati, vel vitalitati restituere non possit. Tanquam non arcanam insinuat antiqui: *Quod tangitur à putrido, putridum fit.* Sed animadvertere debebat, quod, id est rustici notum, philosophi iudicii erat quomodo id eveniebat, nam evenire ex re ipsa patebat.

Ut luce clarius hoc, quod valde arcanum est in natura, innotescat, supponendum primò est, quod ad hæc, inter duo corpora actio, vel motus succedat, debet inter ea intercedere symbolum, scilicet, quod unum alterius naturam participet, nam aliter ex amborum contactu nulla succedet alteratio, nullusque motus; nam si acetum cum oleo, vel melle misceatur, neque mel, neque oleum in acetum convertet, quia mel, & oleum aceti naturam non participat: verum si acetum cum vino misceatur, quia ejusdem sunt naturæ, acetum ad sui naturam vinum convertit: Secundo, supponendum est, quod quoties liquor volatilis

tilis in aliud corpus se fixius ejusdem naturæ agit, liquor volatilis fixat, & in naturam corporis, in quod agit, transit, juxta illud chymicorum: *Omne volatile agens supra fixum, fixatur*. Sic vini spiritus, si cum sale tartari misceatur, pro ea parte, qua sal est, in sal tartari transmutatur. Sic spiritus salis communis, vel vitrioli si cum sale communi, vel tartari misceantur, fixantur, & in fixa salia transmutantur. Idem accidit de aceto destillato, quod si corpus aliquod rōdit, cum eo figitur, & in sal transmutatur.

Tertiò, supponendum est, quod quilibet liquor falsus, volatilis, & cremabilis, dum ex falso in acidum degenerat, fit fixus, amplius non inflammatur, & caloris actioni resistit. Clatum est hoc in vino, quod si destillatur, spiritum reddit falsum, volatilem, & accensibilem: sed si dictus spiritus in ipso met vino acescat, ita ut vinum acetum fiat, tunc si destilletur, acetum non amplius spiritum falsum, volatilem, & accensibilem reddet, sed liquorem acerosum, non accensibilem, & ab actione caloris in salem fixum reducibilem.

Ex his suppositionibus deducimus, quod idem aceti libra mille vini libras in acetum convertit, & non contra mille vini libræ unam aceti libram in vinum mutare possunt, quia inter vinum, & acetum intercedit symbolum ejusdem naturæ, & quia vini spiritus volatilis, & falsus tangit in aceto alium spiritum acidum, & fixum; sed ex secunda suppositione, quoties volatile tangit fixum, fixatur, & in fixi naturam convertitur: ergo necessario evenit, ut parva aceti quantitas quantum vini tangat, tantum in acetosam sui naturam convertat.

Exemplum hoc nunc ad rem nostram traducamus, ut supra notavimus, quoties nutrimentum in aliquo membro viventis non resolvitur, acescit, & ex volatili fit fixum, ita ut natura, & membri calor illud resolvere non possit, hoc nutrimento fixato in membro existente, dum sanum nutrimentum falsum, ac volatile in membrum advenit, & fixatum illud attingit, acescit illic, & in naturam illius fixi fixatur, & hæc est fundamentalis ratio, cur patum putridi multum sani corrumpat, & multum sani parum putridi sanum reddere non possit, scilicet quod fixum constantius est volatili, & transmutat, & non transmutatur à volatili, cujus participat naturam. Eodem modo de Venerea Lue discurrendum est; nam nutrimentarius liquor volatilis est, & falsus, ac quoties fermentum Venereum, quod acutum, & acidum exaltatum est, nutrimentum sub epidermide gliscens inficit, degenerat, exaltat, & figit, proximas inquinando partes, per exaltationem, & fixationem, erodentem acquirit acorem: fermentum hoc non est neque admodum fixum, neque summè volatile, sed medium quid, nam oritur ex congressu cum muliere infecta, & raro, vel nunquam per simplicem communicatur contactum, sed vel aliqua requiritur mora, vel concubitus, nec omnes cum eadem infecta coeuntes inficiuntur, nec eodem modo. Unde, ut his theoriis finem imponamus, ex traditis doctrinis hanc definitionem veram Luis Venereæ essentiam constituentem deducere possumus. *Lues Venerea est ens naturale physicum in viventium corporibus productum ex spiritu sensitivo, tanquam ex materia, & idea corrosiva, & corruptæ proprietatis à contractu saniei à contaminato membro producta, desumpta tanquam ex semine, quod in vivente proximum prius nutrimentum, deinde sanguinem, tertio partes spermaticas molles, tandem cartilagineas, & ossa corrumpit.*

Liceat nobis aliquantulum digredi, & aliqua adducere problemata, quæ ad ulterioris hujus luis notitiam ejusque causarum faciunt intelligentiam, &

Primum est, cur hæc lues hic Neapoli, ubi primum innotuit, ferè adeò sava, & formidabilis fuerit, ut ferè semper perniciofa, & lethalis extiterit, quam nunc temporis adeò mitius, & amicus se gerat, ut numquam ferè sit perniciofa, & lethalis?

Respondemus primò, id accidisse à corporum, qui inficiebantur, dispositione; cum enim in castris magna fuerit fames ob annonæ caritatem, pravisque in eorum corporibus fuit apparatus, in quem cum lues inciderit, in eo majores exercuit vires, tum ob passi dispositionem, tum ob luis agentis activitatem.

Secundò, morbi novitate id accidisse, quia initio vehemens timor, & terror omnes capiebat; in malis namque contagiosis gravius afficiuntur fortiter pertimescentes.

Tertiò, quia initio hujus luis curatio non nota fuit, unde omnes morbi contagiosi magis in eorum initiis sunt saeviores, quam in declinatione. Oterque, quaterque miseri! quibus sub horum morborum initio ægrotare contigerit, cum ferè omnes occubuerint, nam Medici per hominum mortes tentant experimenta, antequam ad alexipharmacum deveniant. Nunc multò mitius agit lues, tum quia, quæ inficiuntur corpora non adeò, ut tunc, pravo detinentur apparatu; tum quia lues parvi aestimatur, imò flocci fit; tum etiam quia, & verior ratio est, adinventata est ejus curatio, nec amplius perniciofa, & lethalis existit.

Secundum est, cur quandoque hæc Lues illic post unicum venereum congressum manifestetur: interdum post plures concubitus, & maxima cum difficultate contrahatur; & quandoque diutius lateat, ut post hebdomadam, mensem chymicum, & tandem etiam post triginta annos, & ultra, ut refert *Fernelius* de abditis rerum causis; quo tempore nullum sui exhibeat indicium?

Respondemus id partim fieri ex Lue, partim verò ex corporis constitutione. Ex parte Luis, quando fermentum Venereum est adeò exaltatum, activius, & volatilius, ut activitate sua, & volatilitate epidermidem penetret, & liquorem alimentitium volatilem exalter, vel figat, ut in hujus Luis initio evenit. Multoties nos quosdam ægrè curavimus amicos, qui gonorrhœas, caries &c. contraxerunt, non ex membri virilis in uteri vaginam ingressu, sed tantum ex penis perfrictione circa labia cunni quarundam puellarum, quia se virgines simulabant, conceptio Venereo fermento ex effluviis, quæ ex istarum colluviariis exhalabant. *Eustachius Rudius* se vidisse narrat quasdam meretrices tam volatile, & exaltato veneno Venereo infectas, ut omnes, qui cum iis rem haberent, non solum illic obirent, sed gravissimis corriperebantur symptomatibus, quæ nulla arte, & præfidiis tolli, vel saltem mitigari potuerint, imò nonnulli non multò post suum obierint diem. Tum ex parte Luis, quando fermentum est magis fixum, quam volatile, & otiosè penetrat, unde diutissime delitescit absque sanitatis læsione, non secus ac favilla sub cineribus, & ejus semen per decennium, & ultra reconditum manet, ejusque progressus est insensibilis, donec tandem penetrandi vi majori præditum fuerit, magisque subtile, & in vetustatem abjerit. Ex parte corporis, quando est optimæ constitutionis, compactum, & densum, crassis exuberans succis, & præcipue si ictu oculi venereum compleat actum. Hinc prostibula non facile labem concipiunt, quæ membranam uteri vaginam constituentem, lævem, lubricam, & humore oblitam viscido habent ex assidua perfrictione, quia immixtum semen eodem ferè momento labitur, cum quo simul facilius secedit virulenta illa materia, quæ adhesionem sufficiens non suppetit tempus. Vel ex parte corporis, si pravis scateat succis, si molle, laxum, veluti raræ texturæ sit; si penem longum, glandem laxam, & præcipue si diu in concubitu moretur Venereo: major inducitur fermenti agitatio, & facilius contrahitur Lues.

Tertium problema est, an vir, & mulier non infecti inficere possint?

Respondemus quod non ex famigerato illo axiomate: *Nemo dat, quod non habet*. Hoc tamen non obstante, dicimus cum virum, tum mulierem posse inficere licet actu non infectos. Hoc facile intelligetur, si in actualem, & radicalem distinguamus infectionem. Unde non infecti nec actualiter, nec radicaliter sine dubio inficere non possunt; actualiter infectos experientia notum est inficere, radicaliter infecti licet hac non molestantur Lue, continent intra se ejus radicem per actualem Luem jam olim susceptam, non curatam, vel negligentem; quæ non otiosa in corpore latet, sed lente inficit, donec tandem, superata resistantia, infectio fiat actualis. Unde accidit quandoque mulieres radicaliter infectas, & absque actuali infectione inficere, & præcipue tunc cum menstruas patiuntur purgationes, quia tunc periodicè natura pravorum humorum cum aliqua Luis portione inquinatum colluvies per uterum purgant, & facili negotio inficere possunt. Hinc scortatorum vulgus sanguinem contrarietati conceptam refundit labem. Contrà verò quæ nullatenus Luem passæ fuerint, estò menstruorum tempore rem habeant cum viris, nil mali reportant isti, nisi virile membrum sanguinolentum, & veluti elixum, vel vibicibus obsignatum ad breve tempus. Accidit etiam quandoque quod meretrices nulla prorsus

sus labe infectæ rem habent cum aliquo Lue Venerea infecto, coinquinatum in utero excipiunt semen, si postmodum illico alteri conjungantur viro, semen illud coinquinatum in secundo concubitu excernunt, à quo secundus scortator inficitur, & ipsæ liberantur, & sanæ permanent. Idem accidere potest in viris, & nos novimus quendam amicum, qui rem cum habuisset cum quadam prostibula, statim adivit quandam mulierem castam, & connubio sociatam, quam pluries incassum ad Veneris palæstram sollicitaverat, & paucis suam compressit, cui virulentam transfudit gonorrhœam à prostibula contractam, & ipse liber exiit; & hanc nos mulierem breviter, & clame curavimus.

N O T A,

In hæc Verba. *Ex his Observationibus* --- Author, observationibus, experimentis & ratiocinationibus quibus usus est in capite antecedenti, ad stabiliendam Luis Venereæ essentiam in ente Physico existente in corpore viventi, nunquam firmiter probabit, Luem Veneream ortum suum debere causis Physicis in corpore viventi, existentibus, nisi demonstraret possibile esse, imò & jam contigisse mulierem, quæ certè uni tantum viro sui copiam fecerit, eum infectis: vel viceversa virum, cum una tantum muliere coeuntem, eam infectis; cum enim hoc evidenter demonstratum erit, non erit cur tribuamus ortum huius morbi commissioni variorum seminum in eodem utero, quæ est causa evidentior cui hucusque tribui potest.

In hæc Verba. *Enimvero si demus* --- Libenter dabimus, mulierem ex causa non Venerea, ulcus saniosum, & malignum intra uteri vaginam concipere posse; & quidni hoc daremus, cum hoc frequentissime fiat? Sed an inde sequatur, ut vult Author, mulierem hanc Lue Venerea infecturam eum, qui cum ea coibit? illud est quod non damus modo hæc cum uno illo tantum coeat. Experientia etiam nos docet affectas hoc genere ulcerum, imò & carcinomatosorum, Lue Venerea non afficere maritos, adeò libidinosos, ut cum iis coeant.

In hæc Verba. *Hoc posito* --- Non possumus non mirari Virum laude dignum ut Authorem, ita ignorasse historiam suæ Regionis, ut nesciverit tempore Expeditionis *Caroli VIII.* Neapolim obsessam non fuisse, idèque metetrices à Civitatis lupanaribus expulsi, ut inutiles non fuisse, illasque in Gallorum tentoria se non recepisse.

Verum tamen est, Gallos, qui Neapoli cum scortis coiverunt, affectos fuisse ulceribus simillimis iis, quibus hæ affectæ erant; quæ certè non erant ulcera maligna à causa non Venerea, sed sequelæ veræ ipsius Luis Venereæ, in scortis ortæ ex commissione variorum seminum Neapolitanorum, Hispanorum, Germanorum, Gallorumque quibuscum coiverant; hæc miscela tum primum, & maligna, & contagiosa fuit; qualis ad illa usque tempora non fuerat, & in hoc sita est Luis Venereæ essentia.

In hæc Verba. *Concludimus ex his* --- Rectè non concludit Author, ex eo enim quod mulier ulcere maligno in uteri vagina à causa interiori affici possit, non inde sequitur illud ulcus esse Venereum; nec id dabitur, nisi cum mulier simili affecta ulcere, Lue Venerea unum illum cum quo coibit, inficere visa fuerit; quod hucusque non evenit.

In hæc Verba. *Respondemus primò* --- Primum illud responsum historię veritati repugnat, ut concludere est, ex iis, quæ in notis in *Cap. III. Lib. I.* diximus. Non enim fuit annonæ caritas in duobus Castris, tempore Neapolitanæ Expeditionis, præsertim in eo Gallorum, ubique victorum instar receptorum; Itaque si inter nos, & Authorem convenit, malam dispositionem eorum, qui tempore expeditionis Neapolitanæ Lue Venerea infecti fuerunt, potuisse causam esse, cur atrociora fuerint morbi huius symptomata; mala hæc dispositio potius perpendit à rerum copia, & intemperantia, cui se dederunt omnes Galli, tum Procures, tum Milites; vel etiam à cœli æstibus, Gallis semper funestis, ut omnes observant Historici, quàm ab annonæ ficta caritate de qua loquitur Author, vel à pravis cibis existentibus tantum in cerebro eorum, qui hæc falsis nixi traditionibus affirmant.

Aliæ duæ ab Authore allatæ causæ atrocitatis symptomatum Luis Venereæ, ubi primum innotuit, prima ve-

rosimiliores sunt, cum experimentis minimè dubiis constet primò pertimescentes morbis contagiosis gravius affici, eorumque corpora, si iis obijciuntur, magis obnoxia esse vi malignæ hos morbos efficienti: secundò non minus verum est, ob remediorum ignorantiam, morbos contagiosos sæviores esse in eorum initiis, quam in declinatione; idèque primos affectos, ultimis multo miserrimos esse; primi enim ferè omnes occumbunt; nam Medici, ut dicit Author, per hominum mortes tentant experimenta, antequam ad alexipharmacum deveniant.

Hoc verum esse, magno cum ægrorum damno, in Gallia, annis 1694. & 1695. experti sumus; tunc enim nimia Venæ Sectionis apud plerosque Medicos existimatio, causa fuit, cur in initio febrium malignarum tunc temporis in toto ferè Regno vigentium, innumeri morerentur; nec tam lethales esse desierint, nisi cum Medici methodum curativam rationi magis consentaneam sequentes, iteratis Venæ Sectionibus, quorum usus adeò perniciosus erat, cardiaca, & emetica subrogarunt.

In hæc Verba. *U. de non infecti* --- Conclusio hæc summo jure sumpta, non ita recta est, ut contendit Author: cum dentur mulieres, nec actualiter nec radicaliter infectæ, eos tamen inficientes, qui cum iis coeunt; quia licet ipsæ Lue Venerea non inficiantur, in iis tamen adest huius infectionis causa, reliquæ scilicet quædam, perniciosæ huius commissionis variorum seminum in utero admissorum, dum omnibus sui copiam faciunt; quæ commissio causa est, unde oritur Lues Venerea, ut supra in notis palam fecimus.

Malum autem illud fermentum nulla labe eas propter temperamentum vim afficiens, inficit tamen sæpè eos, qui cum iis rem habent, qui sic ab iis, nec radicaliter, nec actualiter infectis, inficiuntur.

In hæc Verba. *Accidit quandoque* --- Non existimo ejaculationem in secundo concubitu, coinquinati seminis ex primo relictæ bonum esse modum pro liberanda muliere à contagio, quod ex coitu impuro exceperit, idque duas ob rationes; Primò, quia non licet Medico, juxta leges à Christo latas, authorem esse ægro, ut reparet secundo crimine, veneficium quod sibi primo peccato accersivit, nec magis licet ægro sequi simile consilium, quod illud induceret ad crimen duplex, secundum dico adulterium, committendum, ut & ad peccandum contra leges charitatis, quæ nos verant ne alteri faciamus, quod nobis fieri nolumus. Secundò seposito omni Religionis respectu, tantum abest ut secundus scortator secum in secundo concubitu trahat omne venenum ex primo in utero scorti relictum, ut timendum foret ne novus congressus, coinquinatum semen excitando, viresque illi addendo, magis actuosum, & inextinguibile illud redderet, idèque uterum, in quo foret, facilius inficiens: quo in casu, tantum abest ut secundus coitus mulierem illam saniores faceret, ut eam magis, quam antea inficeret.

In hæc Verba. *Idem accidere* --- Nimis non curantes, num verum sit illud, quod de Amico narrat Author, qui Lue Venerea ex congressu cum prostibula infectus, statim adivit mulierem castam, quam pluries incassum ad Veneris palæstram sollicitaverat, & paucis suam compressit, cui virulentam transfudit gonorrhœam à prostibula contractam, & ipse liber exiit; illud, inquam, quod satis ambiguum videtur, in dubium revocare nolentes; sat habeamus, dicentes, hunc esse modum sanationis, quem sibi olim alii aliis suadebant ganeones, & qui in defuetudinem abiit, ut parvi successus: secundus enim concubitus, post Luem Veneream in primo conceptam, morbum tantum auget, & sanatu difficiliorem reddit.

Sic optimum quod dare possimus consilium iis, qui Luem Veneram conceperunt, est, abstinere à coitu, non solum, ne magis actiosa, & virulenta fiat labe concepta, sed etiam ne alios simillimo rabo inficiant, falso ex hoc sperantes medelam.

C A P U T IV.

De Luis Venerea Sede.

HActenus de Luis essentia, nunc de ejus sed inquiramus oportet, in qua statuenda non una, eademque sententia est, sed ingens sententiarum cumulus, & quot in medicina sectæ, tot emergunt sententiæ.

Nonnulli cum *Leonice* hanc sedem esse cutem voluerunt, quia hæc non minus quàm in scabie, lichene, & similibus exulceratur, & inficitur. Sed non semper sola afficitur cutis, verum & aliæ partes internæ, ut pudenda, fauces, nervi, cartilagine, & ossa, quæ cariosa fiunt, idèque hæc Lues inter cutaneos non connumeranda est affectus.

Alii hujus subjectum esse caput affirmant, tanquam illud, à quo semen emanare creditur, & quod frequentius ulceribus, acoribus, capillorum defluvio, & dolore Luis vitio tentatur. Verum id non est perpetuum quandoque accidit; ideoque perperam pro Luis Veneris regia caput assignat.

Multi pudenda primariò affici existimant, quia in pudendis ex impuro concubitu prima Luis vestigia apparent, quæ nisi suo curentur alexipharmaco, statim affectio invalescit. Sic glans, & præputium cariat, & exulceratur, caro callosa sæpe longo tempore durefcit, accedunt gonorrhœæ, & bubones in inguinibus tuberant. Sed esto negari non possit à pudendis luis originem esse, & præcipuè sese eò loci prodere, tamen id non est perpetuum, licet ut plurimum accidat, sed etiam per oscula, amplexus, sudores, & vestes idem morbus contrahi potest; attamen per amplexus, sudores, & vestes non ita facile contrahitur Lues nisi longum post contactum. Imò infantes etiam per Lac, quod à nutrice sugunt inficiuntur, & qui hoc inficiuntur modo, nil in pudendis apparet. Verum id experientia nos falsum deprehendere fecit, nam moniales-Surrentinæ cum ferè omnes formosam infantem ubera infectæ nutricis sugentem, deosculatæ fuissent, intra quadraginta dierum spatium, aliæ gonorrhœas, aliæ caries, pustulas, vel ulcera, & aliæ bubones in pudoris sinu contraxerunt; & nos multoties Luem in puerorum, & nutricum pudendis ex lactatione contractam curavimus.

Aliqui hujus Luis subjectum partes spermaticas dictas, nervosas, ac membranofas esse crediderunt. Verum hic morbus non solum nervosas, & membranofas afficit partes, sed etiam carnosas.

Plerique omnes nostri corporis partes esse Luis subjectum asseverant, cum nullum membrum peculiare in nostro sit corpore, quod perpetuò in Lue non inficiatur; idèque nullam partem certò assignare possunt, quæ illam determinatè recipiat, & subiectet. Hoc verum deprehendimus, ut infra suo modo dicemus cum nunc illam afficiat partem.

Hercules Saxonia triplex huic malo assignat subjectum, aliud in principio, scilicet dum recens est pro subjecto ei spiritum naturalem seu partem massæ sanguineæ vaporosam, & deinde succos excrementitios, & tandem alimentitios. In medio, scilicet cum progreditur, succos adustos, & ex partibus ventriculum, & hepar affici, atque hinc chylifim, & hæmatosin lædi. In inveterato affectu subjectum fore subdit succos pituitosos, crassos & feminales particulas, ossa scilicet, nervos, & membranosa corpora. Verum *Saxonia* cespitat in Luis assignando subjecto; sive enim Lues recens sit, sive antiqua, idem subjectum habere debet, & non migrare de subjecto in subjectum. Præterquamquod istum chylum nunquam natura cognovit à parte rei, nisi in medentium phantasiis, ut rationibus, & experimentis in nostra *Trutina medica lib. 4. cap. De Ventriculi actione* fusiùs probavimus.

Nec hepar est sanguinis officina, ut hactenus creditum est, sed tantum viscus, per quod sanguis transcolatur venalis.

Omnes nostri barbati, scilicet *Galenistæ*, nemine discrepante, sanxerunt hanc Luem hepatis figere sedem, his suasi ineptiis: Lues hæc est affectio diuturna nimis, imò ubi fixerit radices, ferè nunquam evulsas vidimus illas; idèque necesse est perennem in aliquo viscere habere fomitem, cujus maleficio tam pertinaciter perseveret. Præterea universum compati, & condolare corpus in hac Lue videtur, dum nulla extat pars quæ ejus infectionem non perferat: necesse igitur est aliquam statuere partem, qua dum cœ-

teræ noxium recipiunt succum inficiantur, & in infectione conserventur, alioquin, deficiente hoc assiduo accursu difficile non esset priorem receptum succum dissipari, & evinci, eoque magis, quòd aliqua per intervalla scædus initum videtur, dum per aliqua temporis interstitia, feriari tanti hostis arma observantur; sed quia postmodum nova accurrit materia similiter infecta, hinc affectionis perennitas oritur: aptior pars ad hujusmodi perennitatem fovendam excogitari non potest, quàm hepar, cujus actio toti corpori necessaria est, cum partes omnes nutritione indigeant, & hepate, à quo sanguificatio pendet: hoc igitur viscere malè constituto, depravatèque operante, noxæ, & læsiones, quæ hac in Lue accidere solent sunt hepatis, & functionum ejus, ac naturalis facultatis, quæ in ipso resident. Hujusmodi sunt vitiosa nutritio, per quam corpus pravè, & vitiosè nutritur ob excrementorum copiam, quæ ex hoc proveniunt: hoc totum indicat floridus faciei color defloratus, excrementorum in corpore congeries, sanguineæ massæ conspurcatio, coctionum læsiones, corporis emaciatio, pilorum casus, pustularum, aut ulcerum proventus, ossium adhesiones, variaque tuberculorum genera. Concludunt tandem Luem hanc specificam habere inimicitiam cum hepate, & per unum contrahi membrum, ejus tamen fontem, seu primariam sedem esse hepar, illudque primariò à virulenta infestari Lue, & per id reliquas hanc contrahere Luem.

Ab *Aristotelis* ævo ad *Galen* usque sæculum hepar viscus abjectum, inutile corporis pondus, ignavum parenchyma, nullius functionis vixit, per accidens tamen corpori necessarium. At suo sæculo, dum medicinam faciebat *Galenus*, abjecti hepatis partes fovere cœpit, & græcalica loquacitate absolutum in animantis republica dominium illi tribuit, ad thronum evexit, illudque omnium partium corporis Monarcham constituit, ipsum vitæ œconomix præfecit, & reliquarum in corpore partium famulatum dicavit. Ab eo ventriculum calorem, intestinalia forum, cor, & arterias sanguinem, cerebrum materiam pro spiritibus animalibus creandis, generationis organa materiam pro semine, universumque corpus sanguinem pro nutrimento mendicare sancivit, unde credula, & inepta Medicorum posteritas hepatis plaudere cœpit. Sed parvo quodam venarum lactearum phœnome à *Pacchetto* propalato per sacculum lacteum, deinde per Lacteas thoracicas chylum in subclavias ascendere, ac demum in dexterum cordis ventriculum hepar suspectum esse, & acceptum per tot sæcula imperium quod usurpaverat, amittere cœpit, & fatali quoque necessitate hoc nostro sæculo *Galen* autoritas cum declinare cœpisset, ejus quoque sectatores declinare cœperunt, & ferè omnes medentes resipiscere, & vertere terga *Galeo*, solum pauci remanere barbati hirco obstinatores, sed præter hos, quod maxime in republica medica dolendum, *Sallernitanum Collegium*, seu *Galen* procurator per epistolam illius tueretur causam, medicinæ tyrones cogendo, antequam diplomate impune necandi insigniantur, ut jurent in verba *Galen*, estò collegium sit *Hippocraticum*. Adeò *Galen*, præjudicio allegati hepar morborum omnium patronum tutantur, ut quemlibet, sive magnum, sive parvum morbum hepatis tantum culpa fieri, vel causari communiter arbitrentur, & nil corporibus accidit, quod despotica non patretur hepatis lege, quod adeò verum est, ut Veneream Luem, quæ ab externo in corporibus creatur contagio, in fonte hepate suam habere sedem unico consensu insinuetur. Obella Medicina, quæ ita quemlibet agasonomi una hora reddere Medicum potest, ut inter proceres *Galenistas* assideat! Sed ad *Galenistarum* hepar noster redeat sermo.

Hepar in Lue Venerea primariò affici falsum esse probatur primò. Qui per imputum congressum statim primò pudendorum cariem, pustulam, ulcus gonorrhœam &c. contrahunt, certè nemo negabit Lue affecto esse Veneream, & tamen in his hepar nondum laborat, cum luis initia sint. Eadem ratio procedit in iis, qui per osculum ex. c. hanc luem ab initio contrahunt, vel in faucibus circa hepatis infectionem. Secundò, Curatur nulla hepatis habita ratione, imò brevi temporis spatio, adhibito medicamento, quod luem extinguit, quod sequi non posset, si communicata hepatis labes esset, necessario namque in ejus gratiam, plurima, & valida adhibenda essent medicamenta, quemadmodum facimus in reliquis affectionibus tale viscus affligentibus. Tertiò, Nulla malè affecti hepatis indicia post con-

contractam luem apparent, cum diu multumque perseveret floridus faciei color; facies namque (ut inquiunt) est hepatis probatissimum speculum, & index: quare si illud semper in hac afficeretur lue, semper etiam faciei color immutaretur, quod falsum deprehendimus; observavimus enim plures viros, pluresque mulieres hac labe infectos floridum faciei habere colorem, quod evidens signum est bonæ hepatis dispositionis, eique nullo modo labem fuisse communicaram. Quartò, Quando impurus exercetur concubitus, quærimus, quomodo à pudendis non primò infectis lues deferatur ad hepar, & ab hepate ad has remeet partes? Quomodo ad hepar deferatur, absque eò quod in itinere non inficiat partes? Quis fidus ductor, & remeator? Qua semita id facit? Credunt forsan luem ventris crepitui non absimilem esse, qui calcaneum collimat, & nasum ferit; ita collimare ad pudenda, & hepar afficere.

Aliqui barbati nasutiores hujus sententiæ ineptias meditantes, ut hos effugerent scopulos, luem in duplicem statum discriminarunt, unam incipientem, cui nullam certam consignerunt sedem, quæ illam determinatè subijceret; alteram confirmatam, quam in hepate radicatam constituerunt. Sed perperam distinguunt luem, nam confirmata non tantum hepar, verum, & omnes in humano corpore partes inficere potest, quod barbitonfores etiam sciunt.

Hermetici tandem luis sedem, & pottitorem spiritum naturalem esse volunt, præcipue illum, qui in sanguinis massa consistit, infici, & inquinari à spiritibus venenatis ex alio sanguine infectis similiter exeuntibus. Verum hæc sententia *Hermeticos* fallit, nam ut docuimus in nostra *Trutina Medica*, præter spiritum vitalem non datur alius in corpore nostro spiritus. Præterea iste spiritus naturalis nil aliud est, nisi massæ sanguineæ vapor, qui à sanguine non differt, si aquæ vapor ab aqua non differt. Verum *Hermeticorum* sententia nec pilo quidem differentior est à *Galenistarum* placito; nam isti etiam volunt Luis causam esse venenum sanguinem depopulans, & jecur primariam offendens sedem.

Pro nostra sententia de Luis Venereæ Sede præmittimus, quod Lues nunquam partibus corporis perfectæ cute obductis communicatur; nam si quis digitum in vulvam lue contaminatam immitteret, utique digitus Luem non contraheret. Præterquam quod Chirurghi, & barbitonfores infectorum curationi vacantes, caries, ulcera, bubones &c. non semper Volsella sed ut plurimum manibus tractant, quas frequenter virulenta conspurcant sanie, & tamen omnes infectionis sunt immunes, ut quisque in incurabili Xenodochio observare potest ubi horum infectorum ingens jacet numerus. Hinc colligimus multò minus credendum est ex vestium, cubilium, linteorum, indusiorum &c. usu, posse hanc contrahi Luem. Deridendus itaque est *Fallopins*, qui refert quendam Venerea correptum fuisse Lue, quia easdem adhibuerant caligas, quibus utebatur tempore, quo Lue laborabat. Et idem quandam castam irridet Matronam, quæ ex aquæ Lustralis aspersione se hanc Luem contraxisse affirmabat. Solent quandoque bonæ notæ Medici simulare, & credere videntur tali pacto contractam fuisse Luem, ne ægrorum famæ detrahant: Ita asseruit *Averroes* quendam mulierem concepisse, quia semen exceperat in balneo antedecenter emissum, & revera eodem in loco semen exceperat; sed more consueto. Sed sub silentio hic non involvendum quod cuidam pulcherrimæ, mulieri in Urbe accidit: erat huic conjux mercator, qui mercimonii causa per octennium ab Urbe absuit, tandem domum reversus, puerum in aula ludentem invenit, de quo quærenti, quisnam esset puer ille? respondit uxor, non cognoscis? Hic est filius tuus. Interroganti quot habebat annos; Sex inquit: Mirabatur, & secum obstupebat, post octo annorum absentiam reperisse filium. Quærenti, quomodo id accidere potuisset? Respondit uxor: Care conjux, quadam nocte per somnium mihi videbatur inter tuos amplexus, & oscula manere, neque mecum Veneris foedus inire, ac illis conjugii deliciis concepì, & hunc, quem vides, tuum peperì filium. At vir blandis uxoris dictis non acquievit, sed multa secum volutans, tandem plurimum Medicorum consilium convocavit ad inquirendum, an mulier per somnium sine mare concipere posset? Mulieris famæ prospicientes Medici, utique id casu accidere posse jurejurando responderunt, hos enim pecunia corruperat, qui illam compresserat: Multa ad id confirmandum adduxerunt,

mulierem sine viri concubitu concipere posse, quia habet testes, in quibus prolificum gignitur semen, vim activam continet uterus & pro alendo fœtu materiam habet: Itaque dari potest casus fœminam per somnium concipere posse. Insuper equæ per equorum hinnitum ad distans sine equorum coitu imprægnari possunt, ut multæ extant historiæ, quia spiritus equini deferri possunt ad equæ vulvam postulante, & attrahente vulva, ibique equæ semen informare, & equum producere perfectum absque equi semine: itaque afferri potest casus, ut mulier per somnium etiam concipiat. Præterea admirandi sunt fortis imaginationis affectus: imaginatio namque humores, & spiritus movet, corpus alterat, morbos parit, eosdemque curat & pestem inducit. Matris imaginatio fœtum afficit, & mutat, ac fœtui notas imprimit: quidni dari potest casus per fortem ideam, seu imaginationem, ut mulier per somnium absque viro concipiat & pariat? Has rationes, multaque exempla adduxerunt medentes, & tandem communi statuerunt sententia casum id efficere potuisse. At conjux his argumentis non contentus, neque persuasus: quia prudens erat, multa volutans animo, tandem inquit: Ego nescio, an id efficere potuerit casus cum litera S. an cum Z.

Item in congressibus Lue Venerea pollutis pustulæ caries, ulcera, verrucæ &c. nunquam in extrema penis cute pullulant, estò in coitu totus cum cute penis ultrò citroque ingrediatur, & egrediatur, sed in glande, & in parte præputii interna, ac circa coronam efflorescunt: & ratio est, quia non sufficit, ut virulentus halitus viventis carnem attingat, ut illam polluat, sed requiritur, ut spiritus illius carnis sensitivus halitus virulentiam sentiat, quod in partibus, quas tenuissima cooperit epidermis, accidit statim; in cute verò nunquam, aut post longam applicationem. Hinc deducimus Luem tantum inficere partes cute carentes, ita anus, vulva, glans cum parte præputii interna, os, lingua, fauces, aut adjacentes particulæ. Unde per oscula hæc Lues facile contrahitur, ex his, qui os, gingivas, labia, linguam, vel fauces Lue exulceratas habent, quia sanies pus, halitus, sive effluvium, quod inde emanat sua actedine harum partium epidermidem intra os contentarum penetrat, & inficit. Eodem modo per lactis suctionem inficiuntur infantuli, quoties nutrices lue contaminatæ fuerint, vel vicissim infantuli contaminati nutricum papillas, inde totum inficiunt Imò pocula, cochlearia, communis omnium instrumentorum usus in cibo, & potu, quibus usi fuerint qui, os, aut adjacentes particulæ ex Lue habent exulceratas, imbuta sordibus, aut sanie inde emanantibus inficiunt. Vitet quisque cane pejus & angue venereum virus, nec cum infectis cibum, potumve sumat, non secus ac fit cum iis, qui lepra laborant. Pari ratione in podice, vel vulva inficiuntur, alvum statim excernentes in eodem loco ubi plurima sanies virulenta ab ægro venerea ulcera in podice patiente, deposita est.

Dicimus immediatum Luis subjectum esse spiritum sensitivum sub tenuissima epidermide latentem, qui virulentorum halituum imbutus suam subvertit œconomiam, & proximum depravat nutrimentum, subjectum verò immediatum præter nutrimentum, quod luis portitor est, sunt sanguis, partes spermaticæ, molles, cartilagines, & ossa prout nunc ad unam, vel plures, nunc ad alias deflectit particulæ.

N O T Æ.

In hæc Verba. *Aliqui barbati nasutiores* --- Licet omnes corporis partes labi Venereæ obnoxie sint, hi tamen de quibus loquitur Author, non sine ulla ratione affirmarunt, Luem Veneream juxta varia tempora varias etiam corporis partes aggredi, idèque varias ejus aliquomodo esse sedes, juxta varios gradus. Incipiens sanguinem, & humores aggreditur, unde oriuntur in Inguinibus bubones, in pudendis, omnique corporis superficie, ulcera, & pustulæ. Postea molles inficit partes, in quibus corrosiva ulcera, gummososque tumores creat. In veterata omninò cartilagines, & ossa afficit. Unde tophi, nodi, exostoses, cariesque Venereæ oriuntur: Sed verum non est, ut voluerunt Antiqui, eam hepar præcipue, & solum afficere; cum nulla sit pars corporis, quam non afficiat; ita ut hi Antiqui nullo bono argumento probare potuerint hepar esse partem primariò affectam, ut in *Cap. III.* optimè demonstravit Author.

In hæc Verba. *Pro nostra sententia* - - - Difficillimam esse veneni Venerei communicationem partibus perfecta cute obductis, affirmat Author; sed hoc cum experientia non semper congruit. Inter multa exempla, his quæ affirmat Author, contraria, visa in Nosocomio Parisiensi *Hotel Dieu* dicto, respectu Chirurgorum, & Obstetricum infectis mulieribus parientibus opem ferentium, non ita pridem duo fuere notatu dignissima. Primum illud *Domini Simon unius ex illius Nosocomii Chirurgis*, qui in uno digitorum ulcere Venereo affectus fuit, postquam parturienti infectæ adfuisset, quod aded gravia fecata sunt symptomata, ut postquam sine ullo successu prima vice remediis usus fuisset, secunda infelicitate petierit. Illorum exemplorum secundum est illud *Domina de la Marche*, tunc *eiusdem Nosocomii primaria Obstetricis*, simili ulcere in digito infectæ, postquam etiam parienti infectæ opem tulisset, & quæ brevi post scatuit postulis Venereis, & tantum per Methodum huic Morbo curando aptam, sanata fuit. Verum, quod singulare fuit in hac Obstetrice; animadvertit labem virus Venerei eo ipso momento, quo eo affecta fuit, morsu vividissimo, quo morbum prævidit, qui brevi post videndum se præbuit.

Sed mirum esse non debet, viros, mulieresque obstetrices posse Lnem Veneream contrahere: quia diutissime uteros corruptos sæpè tangunt, ferè enim semper necesse est extrahere infantes mortuos, & putrefactos, & secundinas etiam foetidas, quod difficillimum est, tum ob funiculi umbilicalis putredinem, tum ob debilitatem illarum mulierum, foetus expulsionem parum adjuvantium, tum etiam ob mortem, vel debilitatem ipsius foetus, qui nullos, vel parvos nixus facit, ut exeat ex utero materno.

In hæc Verba. *Item in congressibus* - - - Quod affirmat Author ulcera, & pustulas Venereas nunquam in extrema penis cute pullulare, non semper verum est; cum ii omnes, qui Lui Venereæ curandæ operam dant frequenter videant pustulas, & caneros, in exteriori præputii facie, imò, & in ipso penis corpore, & usque ad ejus radicem.

C A P U T V.

De Luis Venereæ Signis.

Diagnostica signa hæc Lues nulla habet certa, demonstrativa, & inseparabilia, verum omnia sunt incerta, & fallacia, & licet quamplurima ab authoribus proponantur, aliis sunt communia morbis, & contingentia esse possunt, ita ut non facile per certa signa Lues dignosci possit. Non morbus unus Lues est, sed vagatur per quamplurima morborum genera, est veluti Syndrome, & Lerna malorum.

Primum Luis status diligenter præpendendus est, qui quidem alius in Lue incipiens est, alius adultus, & alius inveteratus. Lnem adultam cognoscere non multum operosum est, verum dum adhuc latet, & in prima herba est, eam cognoscere hoc opus, hic labor est. Ut enim herbæ, & arbores jam adultæ vulgo etiam notæ sunt, in primo verò germine eas cognoscere non nisi optimi botanici est, ita etiam Lues hæc dum variis morbis, & symptomatibus sese patefacit, lippis atque tonsoribus patet, dum in obscuro latet, non nisi à peritis deprehenditur Medicis; ideoque ex his pluribus signis illam colligemus, præter ea, quæ in particulari adducuntur.

Ordinariam infectionem ex actionibus læsi, & accidentium speciebus, ut plurimum venamur inter actiones læsas tristicia, & mæstitia præter rationem post concubitum recensentur, unde qui antea erant hilares, & jocosi, si à coitu præter rationem mæsti, & taciturni fiant, potissimam hujus luis exhibent conjecturam, & tamen *omne animal post coitum mæret*. Sic spontaneæ lassitudines post Veneris palæstram idem denunciant, ob spiritus sensitivi coinquinationem. Unde hac de causa ad motum segnes fiunt, & toto corpore graviores.

Primum circa obscena loca, seu pudenda in utroque sexu incipit ex concubitu cum viro, vel muliere infecta cum hoc modo lues diffusa fuerit, ac his nostris temporibus omnes mulieres meritorias infectas esse experientia constat; imo, quod pejus est, observantur in dies uxoratæ graviore inficere Luc, quæ quadam simulata castitate, tot *Penelopes* creduntur, unde incauti juvenes facile inficiuntur, & quod pessimum est virgines, absque eò quod ca-

stas lædatur, & honor tangatur, aggreditur hæc lues, unde virgines, & lue conspurcatæ inficiunt: Itaque in omni mulierum genere difficillimum est repetire pudicam, ita canit *Juvenalis satyra* 6.

Rara avis in terris, nigroque simillima cygno.

Et hac occasione quidam poeta in maritos invecus ita cecinit:

*Uxorem, qui nescit mæcham, in vertice cornu
Unum habet: Ille potest qui simulare duo.*

Qui videt, & patitur, tria portat: quatuor ille,

Qui ducit nitidos ad sua tecta procos.

Qui nullo istorum se credit in ordine poni,

Credit & uxori, cornua quinque gerit.

Post Veneris usum si in pudendis, & præcipue circa præputium, coronam, vel glandem ulcuscula appareant certissimum contractæ luis indicium, & licet quandoque à multa perfricatione, & loculorum muliebrium angustia possint excoriari, sive exulcerari pudenda, si nullum adsit contagium, estò evenerit sanies, vulgaribus facile cedit medicamentis.

Quandoque in pudendis vesiculæ cristallinæ, caries, vel pustulæ pruriginosæ grani milii similitudine apparent, vel totam circumdant coronam, quæ postquam rumpuntur, ulcera alba relinquunt, quæ pedetentim profunda, calosa, & dolorosa fiunt. Interdum gonorrhæa sanioso prorumpit fluxu, vel in inguinibus bubones apparere incipiunt. Si malum augeatur, floridus faciei color coinquinari incipit, ex turbata coctione, & viriata sanguificatione, unde sub oculis circulus lividus apparet, qualis mulieribus menstruatibus apparere solet.

Solent ulcera à pudendis quandoque ad alias serpere partes, nempe ad pubem, inguina, femora, brachia, manus, faciem, collum, capitis, cutem, & universum corporis habitum, vel circa oris angulos. Ubi lues per compositionem, vel oscula, aut lactationem contracta fuerit, tunc in ore, & partibus adjacentibus apparere incipiunt excoriationes, & ulcera, quæ etiam in infantibus, si à parentibus sanis orti sunt, fiunt, ubi à nutrice infecta lac sumperint, vel ab infantibus infectis nutricum papillæ, & partes circumjacentes exulcerantur, quæ vulgaribus non curantur medicamentis, & inde ad pudenda sic luis diffusio. Si parentes hoc morbo laborarent, vel laborarint, & in infante quædam se offerant signa, quæ Luem arguant Veneream, vix dubitandi locus superest. Vel serpendo, gingivas, fauces, palatum, tonsilla, columellam, & narium pinnas exedunt, tunc loquelam vitiant; unde vox rauca, vel sibilosa, & omni sonoritate destituta, vel per nares clangosa.

Invadit interdum capillorum, pilorumque radices, eosque excidere facit à capite, superciliis, mento, cunctisque locis pilosis. Mannum unguis ut plurimum scinduntur, vel planè decidunt. Manuum volæ, pedumque plantæ in rimas, & rhagades dehiscunt. Sic si in obscenis partibus excrecentiæ, ut verrucæ, mariscæ, thymi, mora, condylomata, cristæ, aut in ano conspiciantur.

Certissima hujus luis indicia sunt dolores non in articulis, sed in ea regione, quæ medio ossium est, & prope articulos, ut anteriore tibiæ parte, cruribus, brachiis, & scapulis, & capite, qui intensissimi, & acerbissimi, sunt ac circa vesperam exacerbantur, noctu ingravescent, & sunt diurni.

Hujus morbi soboles sunt gummata, & tumores duri, qui in ossium locis pullulant, dolore divexantes nocturno, à quibus ossa dilatantur, & non rarè exeduntur, vel cariantur, sana existente cute, & hoc sæpissime accidit in cranio. Accidunt tandem tabes, febres hæcticæ, cachexiæ, dentium casus, surditates, cæcitates &c.

Addimus, & nos prædictis signis esse veluti hujus luis proprium simul signum, affectuum contumaciam in affligendo, & rebellionem in desistendo; Nam nullus affectus est tam contumax, & rebellis, ut Venerea lues: Si quoties vulgaribus non cedat remediis, nec remittatur, sed crudelius, vel denuò exacerbetur, de latente hujus luis natura merito est suspicandum.

N O T Æ.

Licet multa sui signa videnda præbeat Lues Venerea non tamen immerito *in initio hujus Capitis* affirmavit Author, magnam requiri experientiam in arte curandi illius morbi, ut incipiens cognoscatur, in iis imprimis, in quibus postquam diu latuerit venenum, extrorsum videndum se præbet tantum debilibus, & ambiguis signis, qualia sunt, verbi gratia, meri dolores vagi non valde acuti, unica pustula, ulcusculum sæpius sanatum, & ex intervallo integrascens, aliqua excrecentia iis in locis visa in quibus excrecentiæ non venereæ sæpius fiunt.

In his casibus, ægri non parum incerti sunt quid acturi sunt, quia, & incerti sunt ab iis consulti Chirurghi, dicentibus aliis morbum à causa Venerea oriri; alteris contrarium affirmantibus.

Fateri etiam necesse est, agendi modum multorum Chirurgorum, vel ignarorum, vel lucrìpetorum, vel utroque vitio laborantium, qui omnes in universum morbos solitis pervicacioris virulentia Venereæ tribuunt, non parum formidinis in ægros injicere, ne ab iis ignaris, vel perfidis deludantur.

Insita etiam quorundam Medicorum Principum menti opinio, hos malè Luem Veneream curare facit eos ita diffidenter casibus in dubiis sententiam dare; ut, nisi plurima, & evidentiæ Luis Venereæ dentur signa, authores non sint ægris ut Chirurgis se committant: His in casibus tamen ultimum signum *in fine hujus Capitis* datum solum est pathognomicum, quo viso Medici, Chirurghi, & ægri scire debent quid acturi sunt: id est Contumacia, & rebellio morbi adversus remedia quibus, si ab alia causa oriretur, sanari deberet, est verum Luis Venereæ signum; eam ab aliis morbis distinguit, præsertim ubi unicum aliud datur signum, quod dubium videtur; si enim plurima dentur signa, nullum tunc dubium est.

C A P U T VI.

De Luis Venereæ Prasagiis.

Venerea Lues cum primò grassari cœpit, multum ferox exitit, multasque hominum myriades jugulavit: at nostris temporibus, aut neminem, aut paucissimos interemit, postquam Veneris corruptæ Mercurius vindex innotuit. Solet quandoque hæc lues sædus inire, & planè extincta interdum, & veluti hydra videri, & tamen post plures, ut triginta, vel quadraginta annos, & ultra, eam nonnunquam sævissimis doloribus, pertinacibus, gummatibus, ossium adhesionibus, tabe, cœterisque symptomatibus, quasi clam corpus invadere observavimus, quia pustula, caries, ulcus, gonorrhœa, & bubo non alexipharmacis, sed vulgaribus curata fuere præsidiiis. Est hæc lues veluti parva favilla, quæ nisi optimè, & totaliter extinguitur, maximum parit incendium.

Faciliter curatur hæc lues recens, quàm iaveterata, quia hæc continentis, illa contentas contaminavit particulas. Qui aliàs hanc passi fuerunt luem, & denuò eandem contrahunt, majori curantur difficultate, quia fortius in iis imprimitur lues. Quoad anni tempora hæc lues facilius æstate, quàm hyeme curatur. Ulcera in pene recentia non tam ægrè curantur, quàm in vulva, vel in, & circa podicem, quia hic locus est excrementis dicatus, & medicamenta non satis commodè applicari possunt. Si nasi ossa sint adesa, & simul lenta adsit febris, difficilis curationis malum denotat, cum cerebro, vel ejus membranis sit impertitum. Vertigines, epilepsiæ, surditates, & cæcitates, gravissimæ, & pertinaces sunt; indicant enim Veneream luem cerebrum obsidere. Facilius curatur hæc lues, quæ per Veneris congressum contracta est, quàm quæ alio modo, qui per præposteram Venerem contrahunt luem, difficilius curantur; Sic quoque difficillima, & ferè insanabilis erit lues contracta sanguinis, & seminis vitio ex prima generatione, aut lactatione; hujusmodi namque occasiones connutritam reddunt luem, ac radicatam in partibus nutritis, aut solidioribus genitis ex principio, aut alimento coinquinato. Quò plures graviores morbi, & symptomata lui Venereæ copulantur, eò magis ægri periclitantur; quò pauciores, & leviores minùs.

Quapropter ii in primis pereunt quibus lui Venereæ febres putridæ dictæ, & malignæ associantur; virulentia enim Venerea non tantum alimentum corrumpit, malignitatem adauget, & febrem reddit graviores, verum etiam innatum debilitat calorem, unde nec febris, nec morbus ille malignus à natura superari potest. Parem infert difficultatem habitualis febris juncta lui; hæc enim paulatim partes omnes consumit, & tandem erit immedicabilis propter contrarias coincidentes indicationes, quibus simul satisfacere nimis arduum est, unde ægroti necessariò moriuntur. Ex læsa ventriculi cœctione pertinares oriuntur obstructions, & ex læsa sanguificatione hydrops lethalis. Sed fusiùs in prognosi particulari.

Hic unum pro coronide notandum est, quòd nunquam natura pro lui curatione crism moliri visa fuit, nec critici supputandi, vel expectandi sunt dies; imò nec sanctorum preces valent, ut in aliis suffragari solent morbis, nec unquam votivas tabellas demore suspensas vidimus pro hoc curato morbo, cum in scortatorum flagellum immisus videatur, ut criminis luant pœnas.

Tandem ad infectorum solatium non tacendum censemus, quòd hæc lues nullius infamiae, nulliusque opprobrii notas infectis inurit, & hoc est maximum almæ Veneris privilegium, aliter totum humanum genus ignominiosum esset, cum non tantum hæc dira lues conjuges, viduas, juvenes, & senes inficiat, & quotquot in Veneris castris militant, sed etiam nec uxorum pudicitia, nec virginum castitati, nec infantium innocentia parcat.

N O T Æ.

In hæc Verba. *Quia pustula* ---- Rarissimè vulgaribus cedunt præsidiiis pustulæ, ulcera, gonorrhœa & bubones Veneris: rariusque adhuc videntur hæc symptomata remediorum horum usu adèd remittentia, ut per triginta, vel quadraginta annos sædus inirent; imò & cum singularia ad hos morbos sanandos exhibentur remedia, nisi methodicè, prudentissimè & cautè exhibeantur, eadem symptomata, postquam tantisper latuerunt, denuò oriuntur, & videnda se præbent.

In hæc Verba. *Sic quoque difficillima* ---- Quæ hic dicit Author de iis, qui luem ex prima generatione, aut lactatione contraxerunt, non debent impedire quominus infantes hoc modo infectos sanare tentemus; cum experientia nos doceat, eos felicissimè sanari posse, modo adhibeantur cautela summo cum judicio datæ à *Mauriceau Lib. I. Cap. XV. & Lib. III. Cap. XLI.*

In hæc Verba. *Quò plures* ---- Sunt ægri, cum pluribus gravioribus symptomatibus, sanatu faciliores aliis qui paucis levioribus symptomatibus afficiuntur. Videntur, verbi gratia, ægri, qui à tribus mensibus Luem contraxerunt, pustulis omninò obducti, cum ulceribus acerbissimis variis in locis, intolerabilibus nocturnis doloribus excruciat, qui tamen citius sanantur, & facilius aliis, in quibus per octo decemve annos virulentia venerea quasi sopita jacuit, & unicus in posterum videbitur nodus non acerbissimus. Itaque quæ dicit Author de majori minori ve Luem Veneream sanandi respectu symptomatum difficultate, intelligi non debent nisi de ægris morbo, eodem in gradu, affectis.

In hæc Verba. *Hic unum* ---- Cum Lues Venerea non sit morbus acutus, critici supputandi vel expectandi non sunt dies, in quibus natura pro ejus curatione evacuationes spontaneas molitur; sed inde non sequitur, naturam pro ejus sanatione crises nunquam tentavisse, ut vult Author; cum sæpè visi fuerint bubones Critici, ita perfectè bona, laudandaque suppuratione venenum Venereum evacuant, ut sine auxilio ullius remedii interni, ægri sine recidiva sanati fuerint.

In hæc Verba. *Tandem ad* ---- Si verum sit, ut dicit Author Luem Veneream in Regionibus in quibus scribit nullius infamiae, nulliusque opprobrii notas infectis inutere, quod lubenter non crederem, idem non est alibi; si enim hoc foret, cur ægri tam diligenter morbum hunc occultarent, cur absentiam, causis adèd studiosè fictis colorarent; si nulla foret infamiae nota in iis qui se sædò hoc morbo infectos dicunt. Patet etiam ex faceto Authoris stylo, illud potius hæc per jocum dixisse in fine Capitis, quam serio, ut solaretur sædò hoc morbo affectos.

D E L U E V E N E R E A .

L I B E R T E R T I U S .

De Curatione Specierum Luis Venereæ .

EX iis, quæ suprà diximus, jam constat, quòd Lues Venerea primò ultimum partium nutrimentum corrumpit, secundò sanguinem, tertio partes spermaticas duras, ac quælibet dictatum corporis partium, dum morbi virulentia imbutur, suos producit in corpore effectus pro sui proprietate. Quippè pollutum ab hoc morbo nutrimentum producit gonorrhæas virulentas, pustulas, caries, ulcera, bubones veros, vel spurios, scabiem per universum corporis habitum caloris depravationes per rotum corpus, alopecias. Si deinde à nutrimento fermentum in sanguinem diffundatur, tunc in promptu erunt capitis dolores, in periostiis dolores, in artubus noctù crudeliter cruciantes, qui deinde in gummata, & nodos abeunt; maciem postea inducit, sive marasmmum Venereum, vel facilliter cachexiam universalem, & hydropem. Quartò, si ubi sanguis contaminatus dolores, & gummata excitat, continentes partes, uti sunt venæ, arteriæ, nervi, membranae, & cartilagine inficit, tunc in promptu erunt ulcera cavernosa, & profunda, gangrænæ, membrorum stupores, paralytes, contracturæ, ulcera corrosiva, in lingua, faucibus, uvula, larynge, naribus, tinnitus aurium, & capitis dolores fixi, & profundi: Quintò, si à spermaticis mollibus virus in ossa, quibus adherent, imprimatur caries ossium, gangrænæ ossium, palari foramina, nasi putredo, dentium corruptio, & cranii mortificatio usque in cerebrum eveniunt. Verumenimverò licet ab uno, eodemque semine tot fructus in viventes pullulent, unam tandem, eandemque curationem non admittunt; diversificatur enim illa iam ratione partis, quàm ratione modi, quo pars à morbi virulentia læditur; itaque sigillatim uniuscujusque ex enumeratis affectibus trademus nomen, & quid per nomen intelligatur, ejus signa, causas, prognosim, & curationem, verùm de nostro more perpetuò vulgariū causas, & curationes trutinabimus, easque semper repudiantes: Unum ramen hic notandum, quod Lues Venerea neque gradus, neque species mutat. Sed semper in uno gradu acquisitæ suæ activitatis persistit, horribilior, & vehementior tamen devenit, vel ratione partis læsæ, vel materiæ quantitate ab ejus virulentia corruptæ.

C A P U T I.

Vulgariū præsidia in examen adducuntur.

ANtequàm affectuum à Lue Venerea pullulantium curationem exordiamur, operæ prætium duximus juxta nostram Trutinam vulgariū præsidia in isto curando morbo examini subicere, ut eorum indicationes, & curationes potiùs ludamus ineptas, quàm inde aliquid boni eruamus. Luem nullatenus isti curare poterunt, cum juxta eorum principia ex occultarum ægritudinum numero esse fateantur, quarum natura est illis intrinsecè abscondita, & hinc occultos morbos non solum ignorantiam in theoria, sed & errores in praxi patere certum est; nam methodus, quæ per indicationes à rei natura desumptas procedit, morbi naturam, qui curandus assumitur, cognitam, & manifestam supponit, cujusmodi apud ipsos non est lues. Ita fatetur *Gal. 3. meth. c. 16. Eorum, quæ sunt nobis incognita, vera methodus haberi nequit.* Curant vulgares morbum ignotum in causa, & in effectu cognitum à posteriori, & per experimenta: omnia enim remedia per experientiam inventa fuisse credunt, & *Sennertus, Fallopius*, cæterique hujus farinae vulgares docent, nisi *Hispani*, qui primi hanc ab Indis attulere luem unà simul remedia etiam non asportassent, lignum nempe guajacum, falsaparillam, chinæ radicem, & *Jacobus Carpus* vel casu, vel analogismo ductus curationem per hydrargyrum non invenisset usque modò vera hujus mali curatio lateret, & medicamenta occulta qualitate agentia ignorarentur: hujusmodi igitur remedia per experimen-

ta inventa, & non per indicationes curativas nostros barbatos Empiricos reddunt, præclarosque doctores, nihilo à tonsoribus dissimiles.

Tria sunt vulgariū præsidia pro lue curanda, primum est phlebotomia, secundum purgatio, tertium sunt ligna, & radices. Verùm phlebotomia, & medicamentum purgans sunt veluti duæ firmissimæ columnæ, quibus tota vulgariū medicina nititur, has cunctis adhibent morbis, quibus remotis, tota quanta est, ruit. Perpetuò eorum medicina in sanguinem, & stercus terminatur, non mirum, sunt de hirudinum, & scarabeorum genere. Sunt vulgares Agyrtarum instar, qui oleum, vel emplastrum nacti, illud ad omnes prorsus efferunt morbos, atque alios insuper quamplurimos valere.

N O T Æ.

Objurgationes, quibus Medicos Galenistas onerare conatur in initio hujus *Cap. I.* sunt præludium earum; quibus eos, in omni serie hujus Tractatus, quoties dabitur occasio, afficiet; sed quia immeritò, infesto ut pater, in Antiquos Medicos fertur animo, cavebimus multum ne eum imitemur, in averso quo in omnes indistinctè fertur animo, & imprimis ne laudemus contemptum ejus in *Fallopium*, & *Sennertum* quos *Medicorum vulgariū Principes* per ridiculum vocat; cum verè dici possit duos illos Viros Doctos, Medicos fuisse maxima laude dignos, qui Medicinam exercuerunt, cum omni fama, & felici eventu, & quorum Scripta eruditione plena, & in optimum Ordinem disposita, semper Posteris commendatissima erunt, licet in Medicina orientur Systemata ab eorum sententia magis aliena, quam ea à Recentioribus inventa.

In iis autem cum omnibus sentimus, & præsertim cum iis; qui meritò, & jure laudant. En ea, quæ in *Dictionario Critico* dicit *Baylius de Sennerto.* „Ægri ad eum „undiquaque confugiebant, nec ulli opem denegabar; „Oblata accipiebat, mercedem non exigebat, imò, & „eam à pauperibus ipsi oblatam illis reddebat; Pestis septies, & ampliùs Vvittebergæ viguit, dum ibi Medicinam faciebat; sed nunquam in locum solum secessit, „nunquam ægris opem denegavit; *Electo Saxoniæ* quem „à magno morbo anno 1628. liberaverat, illum inter „Medicos ordinarios adscripsit, illique simul concessit „libertatem habitandi Vvittebergam. Multi Duces, Principes, & nobiles feliciter ejus remediis, & consiliis „in morbis usi sunt. *Nicolaus Sapieha Supremus Lufitania Vexillifer* nesciens quid adhuc agere deberet ad „pristinam sanitatem recuperandam, consiliū Medicorum Patavinorum se *Sennerto* commisit; petiit Vvittebergam, sanatusque rediit.

Ex tali narratione colligere est num homo omnibus præditus virtutibus Medico congruis cum rara scientia, & experientia nulli ignota, debuerit reponi ab Anthore inter Medicastro, & num contrà maximum foret omnium bonum si tales Medici vulgatissimi forent?

Quæ in *Moreri Dictionario de Fallopio* leguntur, ei non minus honorifica sunt „*Gabriel Fallopius* Medicus. Celebris Mutinæ natus, Botanicam, Astronomiam, Philosophiam callebat, & imprimis Anatomiam quam pulchris locupletavit Observationibus. Mirum est eum tot scribere potuisse, cum mortuus sit „Patavii ubi erat Professor anno ætatis 39. Iter fecerat „per omnem Europam, & docuerat primo Pisæ, dein „Patavii. Opera ejus in tribus voluminibus collecta im- „pressa sunt Venetiis, & Francofurti; iis & post quartata pars addita est.

De Phlebotomia.

Rixantur, & digladiantur *Vulgares*, an sanguinis missio locum habeat in hoc affectu, & ferè omnes plena aula, paribusque votis eam probant, credentes sanguine misso non minùs pravos educi humores, quàm infecto hepatis magnum præstari beneficium. Præterea eam admittunt, ut sanguinis copia minuatur, & fervor in hepate compeſcatur, præcipuè si ex eo febris oriatur. Insuper, si sanguis nimium calidus sit, & habitus plethoricus, quia propria luis remedia calida, & sicca esse debent, quæ tutò administrari non possunt, nisi sanguis priùs diminutus sit, ratione cujus major evadat luis fomes, & excrementorum copia augeatur.

Locus sanguinem deplendi est: Si virulentia nullum peculiarem ad aliquam partem motum habeat: *Fallopins*, *Sennertus*, & alii ex cubito sanguinem mittunt, ex vena scilicet interna, seu basilica ob hepatis rectitudinem. Si verò ad partem aliquam peculiariter habeat motum, & quidem ad inguina, si delitescens bubo, aut suppuratio- ni reluctans vel gonorrhœa recens suppressa, aut parçè fluens, in partibus inferioribus venam tidunt: ita enim virulentia versùs inferiora trahitur, & propter calidi sanguinis affluxum postea bubo faciliùs suppuratur, & gonorrhœa refluit. Eodem modo si caries, ulcus &c. in pudendis adsit, in pedibus venam aperiunt. Itaque si infra hepar partes laborent, ex inferioribus venis sanguinem educere congruum erit; Si supra hepar, scilicet ad caput virulentia ruat, & ibi vehementissimos excitet dolores, prava ulcera, capillorum defluvium, in brachio cephalicam aperiunt. Hirudines podicis venis non rarò in lue locum habere credunt, scilicet dum vires debiliores venæsectionem sustinere non possunt, vel dum sanguis crassus, & fœculentus plus iusto in corpore redundat aut dum ejus suppressa, vel saltem imminuta est evacuatio, aut cum è propinquo hepar, & naturalia viscera evacuare, & expurgare intendunt.

Cucurbitulis etiam utuntur, dum ad inguina attrahere volunt, ut cum bubones, postquam apparuerint, non crescant, vel delitescant. Item cum ad partes cutaneas evocare intendunt.

Sed errant vulgares sanguinarij, sanguinem mittentes, quia vitium in sanguine excitatum à lue, non est ejus conditionis, ut phlebotomia emendari, & corrigi possit, nam quantumvis sanguinem detrahas, ille, qui remanet, est ejusdem energię, ac qui missus fuit, cum non sit in quanto, sed in quali venenoso, quod antidotis expurgari debet, & sanguinem educi non indicat virulenta lues, nec est appropriatum præsidium, cum ei tantum alexipharmaca adversentur. Imò phlebotomia multum nocere potest, quia vires, & calorem minuit, cum noster calor à sanguine excitetur, virulentiam adauger, refrigerat, & refrigeratæ partes minùs veneno resistunt, imbecillæ vires concoquere non possunt, unde continuus excrementorum proventus cumulat, nec tam citò restituntur ii, quibus sanguis detractus fuit. Quare propter aliena pericula cauti ægri nullum aliud reformidant præsidium, quàm phlebotomiam. Testes sint ejulatus, planctus, & clamores tot in hacurbe infectorum, qui vulgarium sanguificinam tolerarunt. *Clamitat de terra ad cælum sanguis in lue eductus, & suam habet vocem, sicut clamavit in Abel.*

In lue correpto sine noxa è pedibus sanguinem extrahi credunt, ac si sanguis è pedibus extractus non esset ejusdem conditionis, ac ille, qui è brachiis extrahitur, ac eliminatus à toto, & in pedibus depositus, ac si extra vitæ œconomiam stagnaret, & *Harvejano* non reparetur motu. Crudele barbarorum subterfugium, quia ipsi crudeles.

Hirudines venis sedis locum habere credunt, & præferunt, si vites ita debiles sint, ut phlebotomiam ferre non possint; vel dum sanguis crassus, & fœculentus plus iusto in corpore abundat, vel dum suppressa est aliqua evacuatio. Verùm toto cœlo errant, credentes sanguinem è venis eductum hæmorrhoidalibus non debilitare, id facile videre est in iis, qui hisce obnoxii sunt evacuationibus, qui magis ab hac, quàm ab omni alia debilitantur. Observate quæso, & comparate eos, qui hæmorrhagiam ex aliqua corporis parte patiuntur, & videbitis eadem sanguinis copia exhausta, magis debiles apparere subditos infestæ evacuationi. Ridiculum est, cum imaginentur sanguinem crassum, & fœculentum excerni; nam talis ap-

paret ex stricto orificio, ex quo guttatim exit: qua propter statim coagulatur, dum educit, cum sit orificium strictum, quod faciliè quisque observare potest etiam in brachio ex angusto foramine. Ex orificio autem stricto nulla aquosa sanguinis pars, sed crassior, in qua volatiliores partes conduntur, & consequenter melior, & utilior sanguinis pars excernitur, serosa exclusa. Imò venæ hæmorrhoidales extimæ non ex splene, ut volunt, sanguinem recipiunt, sed ad ipsum reportant, quem hauriunt ab arteriis, quia proximè illum exhauriunt, idèò sanguis est florentissimus. Id, quod ex suppressa aliqua evacuatione hæmorrhoides tundere dicunt, vanidum arbitramur, nam non semper ars imitari potest quod natura facit: non enim semper scit Medicus, an natura id facere debeat, & non possit, ut ille suppleat. Evacuat natura sanguinem aliquando per inferiores partes, sed quandoque id non rectè facit, & quandoque rectè, ut quod in venis fluctuat excrementitium, evacuet: sed quomodò scit Medicus excrementitium hoc in venis fluctuare, & qua arte assequi datur partem, ex qua natura excrementum vacuare intendit nam licet circuletur sanguis, & excrementum fluctuet, nec semper cum toto circuletur sanguine per totum corpus, & interdum misso sanguine ex parte ab excremento distanti, minuitur sanguinis motus, & excrementum vel in vasorum parietibus remanet, vel in illis, per quas ex uno vase in aliud transit sanguis. Isti Medici sanguinarij sunt publici grassatores, urbani Sicarii, horrendi lictores, spurci carnifices, crudele, & exitiandum hominum genus, sunt tandem ministri, scilicet divinæ ultionis executores, sanguinem ebibunt, & peccatis vescuntur populo- rum, ita habetur *Ecclesiast. cap. 38. num 15. Qui delinquit in conspectu ejus, qui fecit eum, incidet in manus Medici.* Sunt morbi Dei flagella propter peccata, idèòque impunè, proprioque genio fortunas hominumque vitam negotiantur, dum incerta, & periculo plena audent tentare remedia: saltem sanguini educationem tanquam maledictam rejiciant, & à remediorum censu eliminent.

N O T Æ.

Licet Phlebotomia per se non sit remedium aptum ad sanandam Luem Veneream, bona tamen curatione hujus morbi, quibusdam in casibus, esse potest; sive ut symptomatibus, cum Lue Venerea conjunctis, opem feramus, qualia sunt acuti dolores & inflammationes magnæ; sive ut facilius agant antivenerea remedia, sine Venæ Sectione summo cum labore & periculo imprimis in plethoricis actura.

Sequitur etiam Author in investigatione hic facta in magnum illud tamque generale remedium, potius aversum animum illi insitum adversus illud præsidium, quam rectas rationis leges. His addas Regionis, in qua Medicinam factitabat, consuetudinem; in ea enim, Venæ Sectio multo minus frequenter fit, quam in aliis Regionibus ubi dantur prægnantes rationes ad ea nitendum frequentius.

His positis, licet omnino Phlebotomiam veteret in curatione Luis Venereæ, ut & in omni alio morbo, nullo excepto, utilissime tamen juberi potest in casibus antea notatis; & ut remedium adhibeamus symptomatibus sæpe contingentibus in usu Mercurii invitis omnibus modis adhibendis, ad impediendum ne ea oriantur. Symptomata hæc sunt magnæ faucium, & tonsillarum inflammationes, nimia lingua, totiusque capitis inflatio, deliria, convulsiones, & hæmorrhagiæ.

De Purgatione.

Purgatio per pharmaca cathartica multum in lue locum habet, corpus enim caco-chymum, & vitiosos exturbat humores, ejusque antidotis meliorem sternit aditum, aliàs hujus morbi alexipharmaca impuro corpori parum prodesse, eapropter detrimentum asferre, & corpus aliis obnoxium morbis reddere possunt, estò lues expugnetur. Non omnes per sudores vitiosi discutuntur humores, sed tenuiori dissipata parte, crassior remanet, quæ, nisi eliminetur, siccescit, & visceribus adhæret, & quandoque acrimoniam adipiscitur, & vasorum substantiam lædit. Unde lues curatu pertinacior redditur, & obstinatæ sunt obstructions.

Verùm ante purgationem corpus reddunt fluidum tribus præparantibus *Syrupis*, de boragine, scilicet, lupul. cichor. endiv.

endiv. fumar. pomis &c. cum appropriatis aquis sc. *Lupul. fumar. borag. cichor. capill. ven. &c.* quos ita præscribunt.

℞. *Syr. fumar. & lupul. ana ℥. j. aqua fumar. ℥. iij.* Vel
℞. *Oximell. simpl. aut compositi ℥. ij. aqua betonica*

℥. iij. m. Vel
℞. *Syr. capill. ven. & cichor. ana ℥. j. aqua lupul.*

℥. iij. m.
Nonnulli vulgares tanquam efficaciores earundem herbarum decoctiones ad uncias quinque, vel sex Syrupis præferant, addito ad saporem saccharo.

Altercantur *Vulgares*, an in lues percuranda purgantia lenia, vel fortia propinanda sint. Verum quia lues, cum sit gravis affectio, lenia respuat, eisque non cedat, fortiora, & validiora aliqui commendant medicamenta, quæ radicitus luem exterminare valent. Contra alii valentiora exhorrent, ne vires infirmetur, quas conservare tenetur Medicus, & in chronicis præsertim morbis. Verum hæc lis, ne diu inter barbatos agitur, facile dirimi potest, si juxta corporis, & evacuandorum succorum conditionem diversificentur medicamenta, quod circa: Si corpora robusta, & humores educendi sint tenaces, potentiora administrare expedit, nullam timendo virium jacturam, quæ ut potè robustæ hujusmodi permittunt medicamenta excrementorum crassitiem exturbantia: Quod si delicata sint corpora infecta, neque succis admodum crassis abundant rationabile erit mitiora propinare medicamenta, ut viribus consulatur.

Præparato corpore tribus sytupis, ad purgans deveniunt medicamentum, sed juxta eorum nœnias assignant humores biliosos, pituitosos, vel melancholicos, vel ex his congeriem, cum hoc tamen discrimine, quod in recenti lue biliosi magis, in diuturna verò pituitosi, & melancholici dominantur. Inter medicamenta bilem expurgantia recenset *rhabarbarum*, præstantissimum remedium, seu hepatis animam, addito *syr. viol. aut ros. solut. vel de cichor. Nic. in decoct. fol. sen. prun. Damasc. & pulp. tamarind.* Inter pituitam, & melancholiam purgantia principem habere locum credunt *Syr. Sueff. & de fumar. maj. addita confect. hamech, in decoct. fol. sen. agaric. polyp. epithim. &c.* Ità concinnant pro bile purgans.

℞. *Fol. sen. or. ℥. j. prunor. damasc. num. vj. pulp. tamarind. ℥. ℔. f. decoct. & in suff. colat. diff. syr. ros. solut. ℥. iv. de Cichor. Nicolai ℥. ij. rhabarbari ℥. j. m. f. p. & adde aquæ Cinnam. parum.*

Pro pituita, vel melancholia.

℞. *Agarici trochis. ℥. iij. polyp. querc. ℥. ij. fol. sen. ℥. j. (Si aliqua adsit obstructio) tart. vin. alb. ℥. ℔. f. decoct. & in suff. colat. diff. Syr. sueff. & de fumar. maj. ana ℥. iij. confect. Hamech ℥. ℔. m. f. p.*

Pro varia succorum congerie.

℞. *Fol. sen. & polyp. querc. ana ℥. j. prun. damasc. paria iij. cinnam. ℥. j. f. decoct. in aquis cord. & in suff. colat. diff. syr. ros. solut. & sueffiana ℥. iij. confect. hamech ℥. iv. m. f. p.*

Si æger à pharmaco potabili abhorreat, parant pilulas ut

℞. *Pilul. aggregat. de sumaria, & de tribus, ana ℥. j. cum cathart. ros. formentur pilul. ix. & deurentur.*

Post quatuor deinde horas exhibent apozema, ut

℞. *Conf. ros. pers. ℥. iv. elect. de succ. ros. ℥. iij. m. de super comedat æger.*

Non loquimur de aliis compositionibus scammoniatis aquis solutivis, *syr. de spina pontica, jalap. turbit. colocynthide, manna &c.* quia lippis & tonforibus patent. Hæc, & alia sunt *Vulgarium* quamplurima purgantia, quæ virgines feruntur motu, & curriculo ista absoluto, semper eadem recurrunt. Magnum errorem in quatuor purgandis humoribus patrant vulgares dum in istis luem quærent, in quibus revera non consistit, & in omnibus producit, nec demonstrari potest cum per ipsos sit occulta. Est medicamentum purgans maximæ imposturæ inventum, remedium pecuniosum, emungendarum pecuniarum officina, quotidianus census, & ægrorum certissima perniciēs, quod naturæ vim facit. Purgantia igitur nos acri studio rejicimus, quia nullum juvenem præstare possunt: quod vel minimam luis speciem non curare dicimus, sed saltem occultare valent; à diffisis enim partibus, & à circumferentia ad centrum trahunt, & hujusmodi attractio majorem luis penetrationem juvare potest, quàm hoc destituta auxilio non præstitisset, unde luis universalis imminet metus. Non est medicamentum purgans id, quod alvi solutionem promovet, nam in hoc

Musitani Opera Tom. II.

minimam spem collocare debemus, sed quod morbum per suum emunctorium solvit, ita sunt reliquæ evacuationum species, vomitus nempe, utinæ, sudores, insensibilis transpiratio &c. sunt *Vulgarium* purgantia mucida, & rancida, quia vetustatem sapiunt, & ante luis ortum extabant: nec tunc quicquam profuerunt: considerate, si nunc pro tanto curando morbo prodesse possent. Non sunt medicamenta huic morbo propria, sed communia per applicationem, ideoque de communi morborum omnium, nullum alexipharmacum pro lue continent, nisi virus laxativum, quod est de veneni corrosivi genere, ac pro ejus curatione noxia. Est lues morbus novus, ideoque nova medicamina, novæque requirit Medicos.

N O T Æ.

In hæc verba. *Magnum errorem* --- Quæ dicit hic Author, contra Purgantium usum, debiliori, adhuc nituntur fundamento, quam ea, quæ in medium protulit adversus Phlebotomiam, in articulo antecedenti: dicere enim cum eo. 1. Magnum errorem in quatuor purgandis humoribus patrare vulgares, dum in istis luem quærent, in quibus revera non consistit, nec demonstrari potest, cum per ipsos sit occulta: est in medium simul proferre absurda multa, quæ sustineri nequeunt: est pervicaciter obistere experientiæ duorum sæculorum integrorum, per quæ, omnes quotquot fuerunt ægri ab hoc morbo liberati, illorum remediorum usui sanationis partem debuerunt; est velle instillare, omnes Medicos Chirurgoque Celebres quotquot hætenus fuerint, qui de hoc morbo scripserunt, & maximum ægrorum numerum sibi commissum habuerunt, mala methodo, conspirante consensu, usos fuisse, jungendo purgantia Antivenereis, vel ægris exhibendo purgantia sudoriferis juncta, ut fecerunt *Fernerius & Riverius*, qui affirmant se hac methodo sanavisse infectos, qui Mercurio inutiliter usi sæpius fuerant; sed dico amplius Author hic sibi ipsi adversatur, ut in serie hujus tractatus videbimus; cum non negligat, multis in casibus, conjunctim vel separatim ea exhibere cum singularibus remediis ipsi propriis.

Exprobrationibus vero ab Authore factis, Medicis vulgaribus, quod Luem Veneream demonstrare non possint in quatuor humoribus in quibus non consistit, nec ab iis causam occultam dicentibus, quæri debet, respondere possunt, se per quatuor humores nihil aliud intellexisse quam varia principia, massam sanguineam per omnia corporis vasa circulum obeuntem, constituentia; ideoque negari non posse virulentiam cum iis mistam esse: cum malignus humor producat pustulas, ulcera & bubones afferri nequit in partes in quibus sistitur, nisi per vasa succos bonos malosque vehentia, & in quibus cum circulationis æstum sequi nequeat, intricatur, fermentat, acescit, tunicas exedit, & effusus denique omnes illas varias eruptiones producit.

Quod spectat verò causam occultam ad quam vulgares confugiunt, & quæ reipsa eorum ignorantia asylum est. Veteres reponere possunt se minus esse vituperandos ob ingenuam debilitatis propriæ theoriæ quæ parum contenti sunt, confessionem, quam Recentiores conjecturas fidenter divulgantes quasi possent ostendere scripta testimonia Authoris naturæ, capacia reddendi systemata ipsorum certissima, quæ tamen discussa nihil solidi præbent, sed tantum speciosam probabilitatem.

In hæc Verba. *Est medicamentum* --- Mali effectus, quos purgantibus, tribuit Author, non congruunt cum successibus quos habuerunt ab Antiqua Medicina ad hodiernam usque, in curatione gravissimorum morborum; & tantum abest ut hæc remedia humores à circumferentia ad centrum trahant, quod contendit Author, ut aptissima sint ad excitandam naturam, ut se extricet ab omnibus superfluis ipsi nocuis, quæ in vasis vel visceribus relicta apta tantum forent ad congestiones faciendas, & ad perturbandam œconomiam animalem, organorumque functiones, quod autem naturam excitare potest, ut se à nocuis extricet, nequit favere malo fermento suscipiendo, ei colligendo vel ex circumferentia ad centrum attrahendo, nec ideo ita augendo veneno, ut Lues Venerea antea unicam corporis partem afficiens, nunc omnes inficiat.

Z

Cæterum

Cæterum immeritò purgantia remedium esse pecuniòsum dicit Author, nec possunt pecunias emungere, nisi omninò inopes sint ægi, tuncque miseri illi opem inveniunt in charitate privatorum, vel asylum in Nosocomiis eum in scopum institutis.

In hæc Verba: *Non est medicamentum* ---- Author ut gustandum, & probandum redderet propositum, bona affectu debuisse argumenta; sed dicendo tantum medicamenta alvi solutionem promoventia, tanquam verà purgantia spectari non debere, sed ea tantum quæ morbum per suum emunctorium solvunt, inducere vult Lectores ad evidentissimas notiones ejiciendas, ut temere amplectantur opinionem evidenter falsam.

Medicamenta per alvum evacuantia Cathartica inter medicos dicta, semper pro veris purgantibus habita fuerunt; nec ad ea referuntur emetica, diuretica, sudorifera, omniaque alia evacuantia nisi latius solito sumatur hæc vox.

Quod autem dicit Author melius referri posse ad verà purgantia, emetica, diuretica, sudorifera quam alvum laxantia, hoc omnino paradoxum videtur; cum nulla sint remedia purgantia melius dicta iis quæ causam morbi educunt per viam, magis quam ulla alia expulsionem superfluum, dicatam: hæc autem prærogativa, omnium benè cordatorum consensu, pertinet ad alvum ante omnes alias partes, cum ea natura in sanitate utatur, ut alimenti superflua ex corpore expellat, & quotidie experientia videamus, morbum, in quacunque corporis parte sedem habeat, crisi solvere tentantem naturam, eligere hanc viam frequentius ulla alia, ut etiam videmus in praxi quotidiana, majorem numerum ægrorum à causis morbi liberatorum, ope evacuationum à vulgarissimis solis purgantibus factarum, quam ope conjunctorum aliorum remedium superflua ad alias vias emanantium: nomenque vulgo, & etiam ab Authore iis datum, *commune per applicationem*, de eorum fama nihil, ut credi posset, detrahit; cum legitimè iis datum esse possit propter partem quam habent in sanatione plerumque morborum; & virus illud alvum ciens quod aliquando habent, & immeritò veneno corrosivo imputat Author, nunquam manifestum se facit in eorum operatione, nisi cum incaute exhibentur, vel quoad tempus morbi, vel quoad dosim, ætatem, & vires ægrorum, vel naturam humorum peccantium evacuandorum. His omnibus verò omissis si plus quandoque mali quam boni faciant, infelix successus tribui debet, potius ignorantia vel defectui attentionis eorum, qui ea exhibent, quam pravis eorum qualitatibus.

Quod verò dicit Author purgantia rancida, & mucida esse, quia vetustatem sapiunt; debet spectari tanquam abjectæ facietæ, quas aliquando continere nequeunt optima ingenia; Sed cum dicit ea, quia, ante ortum Luis Venereæ, nil quidquam profuerunt, nunc pro ea curanda prodesse non posse; Luem Veneream, quia novus est morbus, nova medicamina, novosque requirere Medicos; primo accusat Medicos Celeberrimos, imò & eos qui ante tempora Hippocratis Medicinam exercuerunt, & eos omnes qui dein inter cæteros excelluerunt in Magna Arte Medicinæ, quod adeo stupidi parumque prudentes fuerint, ut tribuerint felices eventus remediis ad infelices tantum producendos aptis, & fuerint, & sint adhuc adeo ægris suis inimici, & pertinaces in usu sibi solito, ut in dandis illis remediis olim, & nunc omnino perniciosus se obfirmarent, quod cogitare absurdum est.

Secundò cum dicit, Luem Veneream morbum novum, nova Medicamenta, novosque requirere Medicos, tacite accusat Providentiam quod necessariis, hominibus quos creavit, sufficienter non consuluerit; tacite conqueritur quod Medicina æque simplex ac ea, quæ à summo Domino nostro nobis data est, & quæ unice sita est in additione deficientium & subtractione nocentium, ut optime docuit Hippocrates, non sufficiat omnibus morbis nobis imminuentibus sanandis.

Sed unius sententia non plus valebit quam experientia à multis retrò sæculis comprobata; Purgantium usus in integrum manebit, & licet Lues Venerea sit morbus ferè novus, magnum ex iis medicaminibus percipiet levamen, quin Deus teneatur creare novam Medicinam, & Medici discere novam methodum, qua Lue Venerea infectos senent.

De Ligno Guajaco.

Sufficienter corpore per plures phlebotomias, cum pluribus purgantibus depleto, ad reliqua procedunt præsidia, quæ propriam, & specificam hanc luem expurgandi vim habent, & totalem, ac omnimodam ejus extirpationem operandi, non quia calefaciunt, aut siccant, vel sudores aut aliam movent evacuationem, sed id patrant propria vi, ac forma, sive occulta, & arcana quadam proprietate, sicut ejus causa est occulta, & deleteria. Nunc extirpant morbum ad eum ferè modum, ac theriaca venena, & malignitatem expugnat, unde luis antidota, & alexipharmaca vocantur. Hæc tria sunt, primum Lignum guajacum, secundum Salsaparilla, & tertium Chinæ radix.

Inter luis antidota principem tenet locum lignum Guajacum, quod etiam *lignum sanctum*, seu *palus sanctus* dicitur: sanctum appellant ob eximias vires quas adversus Venereis luem habet. Nonnulli à ligno sancto guajacum distinguunt, verum hæc differentia tantum se tenet ex ligni adolescentia, vel senectute, idèdque hæc duo confundi solet, & pro uno, eodemque accipiuntur, esto in oppositum blateret Fallopius. Dicitur *Indicum*, quia ex India ad nos vehitur. Nasceatur hæc arbor apud Indos, ubi Venerea lues endemia esse fertur, atque ibi unicum ejus præsidium, Guajaci planta ad fraxini proceritatem, & ad hominis mediocrius habitus crassitudinem plerumque assurgit. Folia refert quadantenus plantaginis æmula, dura ac breviter flores ejus produntur lutei; fructus verò juglandis magnitudine, qui esu alvum subducit; cortex annosis niger, juvenibus verò subrutulus. Hallucinantur, qui putant buxum, quæ apud nos nascitur, idem esse cum guajaco; Siquidem guajacum pingue, & resinofum visitur, materia intus nigra, ebeni ferè modo: quin & sapor amarior, & acris, quibus siccam buxi materiam carere constat.

Divinum ad luem arcendam prædicant guajacum quantum ad vires, quia admodum calidis & siccis constat particulis, ut ex sapore, odore, & acrimonia conjicere licet insigni, qua linguam mordicat, & quidem calidum putant in principio tertii gradus, vel in fine secundi, ac simul tenuium partium, unde crassa attenuandi, lenta incidendi, & detergendi vim habent, sudores, & urinas ciendi, superfluos humores frigidos dissipandi, & absumendi. Quapropter specificum hujus luis credunt alexipharmacum, verum non ob istas manifestas qualitates exhibent guajacum vulgares, cum non desint nostris in regionibus medicamenta hujusmodi qualitatibus prædita, sed ob peculiarem, specificam, & occultam qualitatem, qua Lue adversatur.

Eligendum est optimum, & præstantissimum, quod non sit tempore, & vetustate consumptum, sed recens, non sit totum nigricans, nec totum albicans, densum, ponderosissimum adeo, ut in aquis non fluctuet, sed mergatur, resinofum, odoratum, gustui & acre, & subamarum. Cortex optimus censendus est crassus, & fortiter ligno adhærens, adeo ut vix ferro sequestrari valeat, nam qui facile separatur à ligno vetustatem sapit.

In luis curatione totaliter pendenda à ligno vulgares, illudque in varias parant formulas, sed præstantissimum judicant, si limetur, & in minutissimam redigatur scobem, qua sic citius, & melius ex eo extrahitur virtus. Ita præparatum infundunt, macerant, viginti quatuor horarum spatio in aqua nonnulli, aliis in hordei decocto, quidam in aquis stillaritiis, aliqui in vino, alii in sero lactis, quidam in jure carnis ad calentes cineres servant, postmodum lento decoquunt igne ad tertiæ partis consumptionem, & decoctum formant, quod maximè in usu est, quia in forma liquida totum penetrat corpus, ut

℞. Lig. guajac. cum cort. ℥. iij. infundantur in aquæ font. ℔. iij. stent per horas 24. ad calentes cineres. Deinde bull. lento igne ad tertiæ partis consumptionem, addendo in fine ℥. a. fler. cord. p. j. passul. enucleat. ℥. j. liquiritia rasa ℥. ℔. coriand. præp. ℥. iv. cinnam. ℥. iij. f. colat. & servetur. Dos ℔. ℔.

Hoc simplici utuntur decocto in delicatis, imbecillibus, excarnibus corporibus, in lue recenti, temporibus, & naturis calidis, quando tantum alterare intendunt. Quod si minus excalfacere velint, lignum infundunt in aquam cichor. lupul. endiv. sonchi &c. & herbas concoquunt refrigerantes. Si verò humectare intendunt, in tabidis, & emaciatis in jure pulli, vel carniū vituli, aut arietis deco-

decoctum parant addendo melonum semina , prisanam hordeaceam , &c. Pro infantulis , & lactantibus lue infectis julepum parant , ut

℞. Lign. limat. ℥. ij. aquæ graminis ℔. ij. infunde per 24. horas , bulliant deinde ad duarum partium consumptionem f. colat. & cum saccharo q. s. f. julep. De quo datur parùm , & sæpè :

Vel compositum formant decoctum , cui dejectoria addunt pharmaca , quod non solum alterat , sed purgat , & alvum solvit . Usurpant illud in corporibus duris , & rusticis , aut temporibus , & naturis frigidis , aut in Lue confirmata , quæ citam evacuationem tolerare possunt , ut

℞. Lign. guajac. recent. limati ℥. iij. in aquæ fontis ℔. iij. infundantur per 24. horas . Deinde lento bulliant igne ad medietatis consumptionem , addendo f. a. polyp. querc. ℥. ij. prunor. damasc. num. x. fol. sen. or. ℥. j. endivie , plantaginis fumarie ana m. ℔. flor. cord. p. j. coriand. præp. ℥. ℔. f. colat. & servetur . Dosis ℔. ℔. pro vice .

Postquam etiam primum decoctum simplici modo paratum , & colatum est , residuo ligno post primam coctionem , iterum majorem aquæ quantitatem affundunt , & ad tertiæ partis consumptionem coquunt , & in ventriculi gratiam passul. coriand. debitam addunt quantitatem & colaturam faciunt , vel saccharo edulcorant . Colaturam pro potu ordinario in prandio , & cœna exhibent . Vel guajacinum parant vinum , ut

℞. Ligni ℔. v. sacchari alb. ℔. iv. vini alb. ℔. Cl. Lign. cum saccharo in cadum inde , & vinum calefactum affunde .

Hoc vinum prævalet in luis inveteratæ vestigiis de lendis , præcipuè ubi prolixo remediorum usu defatigatus æger à medicamentis jam abhorret ; commodius autem erit tempus , & oportunior modus hoc vinum parandi tempore vindemiarum , ut

℞. Musti alb. dulciss. amphoras LX. lign. guajac. recent. limati ℔. iv. passul. enucleat. ℥. vj. pomor. redolentium num. XL. fermentescat mustum in vase ligneo , & finito fermentationis tempore , hoc vino utatur æger pro potu ordinario , vel semel inter prandendum , & semel inter cœnandum .

Aliqui tertia vice lignum coquunt , & decoctum pro ciborum elixatione inservit , pro panificio , pro manuum , & faciei ablutione , narium elotione , ulcerum mundatione &c. usurpant : Propinant decocta composita vulgares addies 25. simplicia verò ad dies 60. & ultra , quia lues Venerea morbus chronicus est .

Nautæ & mercatores qui lignum sanctum ad nos tam ex occidentalibus , quàm orientalibus Indiis invexerunt , præclaros ejus effectus in lue curanda adeò versutè omni extulere conatu , quò venale redderetur , ut scriptores veluti pſittaci ejus virtutes miris decantare encomiis non sint veriti , fidem tantum illorum relationibus potiùs adhibentes , quàm experientiæ ; unde plura de ligno scripsere , quæ vel nunquam , vel rarissimè observantur in praxi , nec nominis rumor promissis respondet , sed magno in pretio fuit in luis principio , quapropter in officinis proficit , & est vile , abjectum , ignavum & nullius compos efficaciam . Ira evenit , ubi res ad summum devenit fastigium , eam retrocedere , & declinare necesse est . Aliquos non puduit Medicos firmiter credere hujus ligni decoctum non minùs nutrire , quàm jus pulli nutriat extenuata ab eo non offendi corpora , sed impinguari ; easdem quoque impinguandi vires falsæ parillæ , ligno falsastras , & præcipuè chinæ radici perperam tribuerunt : Obsecravit namque nonnullos lue Venerea ferè tabefactos horum decoctorum usu hebetiores redditos fuisse , & statim protulerunt horum decoctionibus corpora pinguescere . Verùm hi malè de ligno cogitarunt , nam esto vegetabile sit calidum , ramen siccum , & tendinum partium prædicant *Vulgares* , & si aliquid in decoctione deponat , hoc potiùs medicamenti , quàm nutrimenti rationem habet . Quod nonnulli post luem Veneream optimi fiant , id accidens aliter evenit , nam nutrimentum , quod ad cunctas corporis partes effluit contaminatur , nec nutrit ob depravatam impressionem , cum non sit de partium indole ; si enim cibus quantumvis optimus non nutrit , imò *Corpora impura quò magis nutries , eò magis lades* : considera te , si lignum , radices , &c. in tanto morbo nutrire possint . Per medicamenta lue adversantia , per secessum , sudores &c. eliminatur lues , purificatur nutrimentum , & statim corpus

benè nutriri , & impinguari incipit . Id in mercurialium , & antimonialium exhibitione quandoque observamus . Numquid mercurius , & antimonium nutrit , & impinguat ? In quibusdam aliis morbis , & præcipuè febribus , diarrhœis , dysenteriis &c. accidit , ante quas , cum homines ob depravatam nutrimentum erant graciles , per morbum absterſo pravo nutrimento , & optima ventriculo restituta coctione , postea benè nutriri incipiunt , & corpulentiores evadunt .

Naturam ut novercam accusare debemus , si pro nostratibus curandis morbis medicamenta ex utriusque Indiæ locis , aliisque diffitis terræ plagis mendicaremus , & mercatores lucri cupidine allekti in nostras magno nostro sumptu asportarent regiones ; latitant in nostratibus plantis adhuc summæ virtutis medicamina , quibus nostrates morbos curare valemus .

Indiæ populi quodam endemico laborant morbo , qui cum lue Venerea quandam habet cognitionem , quicquid aliqui dicant scriptores , quem ligni guajaci , falsæ parillæ , & chinæ decoctis curare satagunt , sed non eorum votis respondet sanatio , & experimenta de iis facta fallacia reperta fuere , licet hæc vegetabilia viridia , & succi plena possideant , tamen ii fucatam tantum , & palliativam sanationem ab illorum simplicium decoctionibus adipiscuntur ; unde symptomatum remissio , & quædam comparatæ valetudinis species emergit , ita ut iterum illa repullulent , & deinceps sæviora , quàm antea exsuscitent . Considerate quæso nunc , an hujusmodi sicca corpora nimio virium detrimento ex diffitis regionibus ad nos convecta infectis profutura sint . Verùm quia jam pridem parra fama multum eis contulit , ut ridiculum sit ea omnino repudiare , quæ aliàs communi applausu sunt recepta , adhuc nostri *Vulgares* imposturam median-tes , ea multis præparationum formulis usurpant , ac testari hujusmodi plantas , quas celebriores reddiderunt , idem emolumentum contaminatis impertiri tenetur hic loci , ac in solo naturali . Hos *Vulgares* secuti sunt *Spagyricis* , arcanorum distributores , & ex his extracta , salia , olea essentialia , spiritus , tincturas , quintas essentias speciosis decoratas nominibus concinnarunt , auro contra caras , & aliorum simplicium medicamento- rum admistione adulterarunt , & ignatum vulgus , & stollida plebecula pretiosa chymicorum medicamenta , seu imposturas existimant , quia maximo emuntur pretio .

Credunt *Vulgares* lignum , & radices luis esse alexipharmaca , quia qualitate agunt occulta : sed vellemus scire , quo instrumento , sensu , & ratione id vos assecuti fuistis ? Quis eam qualitatem occultam vobis inesse ostenderit ? Unde ejus virtus vobis innotuerit ? A calore forsan ? Pondere ? Duritie ? Nonne idem pondus , durities eadem in buxo , ebena ? Quando horum vegetabilium decoctionibus in aliis utimini morbis , illi morbi nunquid occulti , dum medicamenti utimini occulta qualitate agentibus ? Occulta illa qualitas potiùs in vestris depravatis phantasias , quàm in his vegetabilibus consistit , cum eam demonstrare non possitis . Si tanta vis ligno , falsæ , & chinæ inest , quare jejunia quadragesimalia , & tenuem instituitis diætam ? Si alexipharmaca , quid coctione opus est ? Quid prodest arcanum componere ? Si in iis occulta qualitas , quid & compositione opus est ? Non charitas lue medetur , verùm lucri cupiditas cum crassa Minerva conjuncta , pecuniæ jactura , & majus aliud damnum , quòd tam malè ægrotum corpora multantur . Casu luem curant , si quandoque curant , cum hujus mali causa , & præsidia apud ipsos sint occulta , & veluti cæci in tenebris ambulant , unde ambo , æger , & Medicus in foveam cadunt , ideòque in morbis occultis , occultis præsidiis , ram medendi artem caller agaso , quàm Medicus vulgaris : Unde factum est , ut tonsores , balneatores , veterinarii , & veteramentarii in luis curationem sese ingerere auferint .

Horum vegetabilium decocta fucatam , & palliativam luis sanationem præstare possunt , non quia alexipharmaca sunt , & vi operantur occulta , sed quatenus solummodò sudores movent , & superficialiter venereum disperdunt fermentum , eapropter non solum guajacum , falsa , & china lue profunt , sed ea omnia vegetabilia , quæ sudores eliciunt . Nos parvo sumptu nostratibus plantis , ut ligno buxi , visci quercini , cedri , cupressi , rhodia radice feliciter multos deploratos sanavimus gallicos , quos guajacum , falsa , & china , quæ non nisi sicca , & omni succulenta substantia emuncta in nostras asportantur regiones , curare

curare potuerunt. Putavimus nos domi ex nostratibus plantis decocta media maceratione, digestionem per 24. horas, & ebullitione, & ad commodiorem; & faciliorem salium essentialium, seu tincturæ extractionem pro qualibet aquæ communis libra spiritus vini alkoholizati unciam dimidiam admiscuimus. Verum hæc nunquam in vase aperto, sed perpetuò in duplici, juncturis tritici farina, & ovi albumine optimè clausis, ut vini spiritus, & horum vegetabilium volatile sal in decoctionis aqua solutum nullo modo aufugiat, sed in vas ascendat superius, ac iterum decidat. Vasa semper fuerunt vitrea, & horum defectu terreis, seu vitreatis usi sumus.

Barbati decocta cum Vino parant, & revera laudabilior extrahendi ratio vegetabilium vires, quàm cum aqua, & præcipuè ubi ventriculus frigidior, & debilior est, ac æger vino assuetus, quia decocti vis ad omnes corporis partes facilius penetrat, & sudoris provocationem adjuvat. Non negamus vinum commodissimum esse ad vegetabilium extrahendas vires, sed quia decocta cum vino in vase aperto ad tertiæ partis consumptionem parant, tota errant via; nam unusquisque, qui leviter destillandi arte est imbutus, scit, quòd si vinum leviter urgeatur igne, spirituosas ejus pars, & optima ab eo prolicitur, & nihil remanet præter aquosum, & ingratum, vel nauseabundum phlegma omni virtute, odore, ac sapore vini spoliatum: sic tali modo decocta concinnantes, vini faciunt jacturam, cum in decoctione deperdatur, remaneatque phlegma ipsa aqua simplici minus commodum. Corrigan decocta parandi modum, etsi cum vino vase benè clauso conficerent, ut nil exspiraret, certè nec tormina, nec nauseam excitarent, sicuti præfato modo parata. Præterea ligni caliditatem aqua hordei, sero lactis, & aquis stillatitiis refrigerantibus corrigunt, si in decoctis vino uterentur, ligni caliditatem potius intenderent, quàm corrigerent.

Vulgares decocta vim habere siccantem, atque adeò ad exsicandos multos ab eis fictos humores propinari afferunt. Verum nos non adducimur, ut credamus unciam cujusque exsiccantis vegetabilis sex aliis aquæ unciis immistam, quæ ut sex humectare valent, exsiccare posse cum siccitas ex *Aristotele* nil aliud sit, quàm *humidi defectus*, atque ipso naturæ lumine constat exsiccationem perfici per humidi evaporationem à calore factam; non igitur videmus, quomodo in sex aquæ unciam exhibitione, siccatio fieri possit, quin potius oppositum, scilicet humectatio succedat.

Verum pro hujus rei intelligentia juxta nostra principia dicimus decocta propriè non exsiccare, cum siccitas non sit qualitas positiva, neque posito, quòd exsiccandi vim haberent, idcò morbos curare valerent, cum non simplex humiditas, cui supponitur contraria siccitas, sed humorum degeneratio à naturali statu ut plurimum similes gignit morbos. Præterquam quòd semper cum ægri maximo propinarentur damno, quia non minus excrementitium, quàm nutrimentitium humidum sua siccitate resolverent decocta; tum quia non esset major ratio, cur unum potius, quàm alterum resolverent, exsiccarentque, tum etiam quia non adest in nostris visceribus sedulus aliquis separator, qui ad medicamenti exsiccantis nutum, excrementitium à nutrimentitio sequestret, illudque subiciat, exponatque medicamento, ut illud tantum exsiccet, infonte remanente.

Prædicant *Vulgares* lignum, salsam, chinam &c. calidum, siccum, & qualitate occulta præditum, sed per coctionem ab his non extrahitur caliditas, siccitas, & occulta qualitas, quia hæc sunt de accidentium genere, quæ non possunt de subjecto in subjectum migrare, sed juxta nostra principia, ut fusiùs egimus in *nostra Pyrotechnia*, dicimus, quòd omnis corporum actio ab intrinseca eorum essentia, seu spiritu seminali eorum constitutivo dependet, qui in vegetabilibus præsertim sub forma salis essentialis ludit, ita ligni, salsæ &c. decocta agunt virtute hujus spiritus, sive salis essentialis soluti in aqua decoctionis. Unde ligni, salsæ &c. decocta vim diaphoreticam habent, vel diureticam, quatenus sal illud essentialiale aliud sal mordax, piperinum, vel acidum exaltatum corrigir, & resolvit, à quo Lues fovetur. Hic spiritus sub forma salis essentialis ludens in nostratibus reperitur affluenter plantis Luem curantibus.

Hinc dedimus nunquam ex ligno, salsæ &c. decocta aperto vase fieri debere, nam spiritus ille, sive sal essen-

tiale cum sit summè volatilis, facile abit in auras, & quòd remanet, nil est, nisi phlegma inutile, ignavum, & omnis virtutis expert. Hinc etiam eò magis secundum, & tertium *Vulgarium* decoctum vanum, & nullius efficacis judicamus. Adest in ligno pingue, & resinofum quid, at nunquam illud in decoctis supernatare observatur, sed sub olei forma tantum in destillatione per descensum, & non nisi aperto igne.

Chymici meditantes longa decoctione, vase aperto, ad dimidiæ, vel tertiæ partis consumptionem subtiles, ac spirituosas dissipari partes, vel medicamentosas saltem minui vires, alio modo ligni decoctum parant, ne ejus virtus pereat: Cornutæ ligni scobem cum sufficienti aquæ quantitate, induunt, cui receptaculum adaptant, ac supposito igne primo digestionis, deinde destillationis, spiritum sulphureum, sive essentiam è ligno cum aqua evocant, ad dimidiæ partis aquæ destillationem. Hujus destillatæ aquæ, in qua ligni purum ens essentialiale ludit uncias quatuor magno cum juvamine exhibent. Continuant deinde aquam destillare, quam pro quotidiano præscribunt potu. Nonnulli spiritum ex guajaco eliciunt, qui prolixa & solerti digestionem, fermentationem, & destillationem indiget, ut proliciat, attamen summis virtutibus est præditus. Quidam somnoperè guajaci oleum tanquam alexipharmacum commendant, quod variis exhibent modis; Verum nullum oleum per alembicum destillatur, sed tum per descensum, aperto igne, quòd nullius est efficacis, & intra corpus non commodè, imò vix tuto exhiberi potest. Multi guajaci extractum miris efferunt encomiis, verum nos nulli profuisse, imò cunctis obfuisse observavimus, ob admistam sulphurei menstrui partem, quòd lui maximè adversatur. Præstat gummi guajacum naturale, sed debiles habet vires, nec recentem, aut antiquatam luem debellate potest, estò ex arboris incisione fluat.

De Salsaparilla.

Primas in Lue curanda guajaco tribuunt vulgares, post quòd salsaparillæ radix succedit, quam aliqui Sparramparillam, & Hispani Sarsamparillam nuncuparunt. Advetur illa ex Peru, ubi in sepibus nascitur, non aliter ac apud nos smilax aspera, vitis alba & nigra; ac lupulus salictarius, oblonga est, per terram longè, latèque serpit, ut sex cubitorum longitudinem æquet, & ultra, modicæ est corpulentia, & in fasciculos alligatur. Optima censetur, quæ intus alba, & solida est, corticem habens plenum, & dum finditur, foraminulenta non apparet; quæ verò rufa est, & dum finditur, pulverulenta, inefficax est, quia vetustatem sapit. Credunt nullam manifestam excedentem habere qualitatem, ex qua temperiei excussus induci possit, unde omni corporis constitutioni, & ætati tuto exhiberi posse fatentur, ac propterea temperatior, & moderatè calida est in primo ordine, ac insipida, nullius acrimoniae amariori, aut adstrictionis, aut odoris particeps, sed obscuram quandam habet dulcedinem; existimant tamen illam in siccitate magis excedere, quàm chinam, ac tenuibus constare particulis, & proinde potenter incidit, attenuat, discutit, insigniter exsiccat, sudores movet, & nimiam absunt humiditatem; attamen non ob has manifestas qualitates, Lui adversari fatentur, sed ob qualitatem occultam, scilicet quam nesciunt. Quare multum valet salsa ad Luem profligandam, nec invidet ligno, nam multos curavit salsa, quos non potuit lignum; estò hoc salsa efficacius à plerisque credatur; tamen in hoc lignum superatur, quòd ob insignem tenuitatem laxandi, & penetrandi vim habet, dolores sedat, nec ullus dolor quantumvis contumax, & diuturnus erit, quem non tandem aliquando sopiar, & superet, si ejus decoctum constanter, & diutissimè sumatur. Sic pariter tumores duri, & gummata multo brevius à salsa, quàm à guajaco discutiuntur per insensilem evacuationem, eorum consumpta materia, quapropter in aliis multis affectionibus feliciter usurpatur.

Ejus decoctum pariter parant simplex vel compositum vase aperto, & ad duarum partium consumptionem ut

℞. Salsaparill. minut. concis. ℥. ij. infunde in aq. font. ℔. iij. & per horas 24. macera; Postea lev. igne bulliant ad dimidiæ partis consumptionem addendo s. d. passul. ℥. ij. coriand. præp. ℥. j. s. colatura.

Dosis

Dosis ℞. ꝑ. Adeunt nonnulli in ventriculi gratiam mentham, absinthium, cinnamomum &c. aut simplicia cephalica, hepatica, vel nephritica juxta partis laborantis conditionem. Post primum decoctum per reaffusionem secundum pro potu ordinario parant, & tertium pro carniū, & ciborum elixatione, manuum, & faciei ablutione, ut de ligno diximus. Pro infantulis & delicatis, addito saccharo in primo decocto Julepum formant. Ex salsa etiam decoctum parant compositum, additis medicamentis purgantibus, eo modo ac de guajaco retulimus.

Parant *Vulgares* pulveres salsæ, quos summopere efficares pro lue curanda celebrant.

℞. *Salsaparilla* ʒ. ij. fol. sen. or. & *hermodactyl.* ana ʒ. j. turbit. ʒ. viij. iuxta aritheticam ʒ. xv. cinnamomi, & zinziberis ana ʒ. j. ꝑ. f. omnium pulvis subtiliss.

Dosis ʒ. ij. pro vice, cui adde diagrydiij gr. vj. usque ad x. Infunde per noctem in suff. vin. alb. opt. quantitate, manè sumat æger cum pulvere vinum.

Habeat apud *Vulgares* salsaparilla omnes roris marini virtutes, & miris celebretur encomiis, appelletur parilla, eò quod cum illa nil aliud medicamentum comparari possit: illud interm à novis quotidie observetur, minus etiam guajaco, & chinæ radice exsiccare, ac urinarias vias magis, quàm cutis poros affectare, quapropter ad gonorrhœæ sanationem, quæ à feri virulentia totum suscipit, eximia est, cum testes, aliasque partes feminis coctioni, & distributioni inservientes, occupet. Ejus decoctum ventriculum nimis laxat, estò simplicia pro eo roborando admisceas; frustra tentaveris. Reperitur passim apud nos *Smilax aspera*, quæ vulgò dicitur *Salsapacifana* majoris energię, qua felici cum successu plures à Lue Venerea eripimus, & hanc pauperes pharmacopolæ pro salsaparilla usurpant, quoties parilla præscribitur illis. Discrimen, quod inter Peruvianam salsam & nostratam intercedit, est: quod illa magno, nostras ferè nullo emitur pretio; in reliquis tamen idem sapor, & cortex eadem medulla, & facultas, imò in nostrate vividior, & vegetior.

De China radice.

Inter plura Venereæ Luis antidota Chinæ radix celeberrima recensetur, quæ à mercatoribus Lusitanis è Chinæ Regno advehitur, ad quam pro hoc fugando morbo confugiunt Chineses. Radix hæc non est valde longa, verum admodum nodosa, & arundinum radici non absimilis. Color subrufus, pondus mediocre, idest neque levis, neque ponderosa, recens sit, & nullatenus carie exesa, nullum insigne referens odorem, nulloque sapore præpollens; propterea in activis nullum excessum habere credunt, sed potius temperata, vel si excedit à temperato, ad frigiditatem in primo gradu inclinat: de recenti tamen radice *Garzias ab Horto* refert: *Eam insigniter adeò calefacere, ut si quis ejus decocto paululum meraciori utatur, aut calidum hauriat, ob nimium medicamenti calorem in maximos hepatis ardores, in erysipellate, in phlegmonas, atque alia gravissima incidat symptomata; in passivis verò sicca non leviter, quapropter nec oleum, nec unctuositatem habere videtur.*

Tenuis est substantiæ cum aliqua adstringendi vi, & substantifica quadam humiditate, qua mediante *Vulgares* miseris adulantur ægrotis, ejusque usum homines pinguetere didicant, quia ejus decoctum facillè acefcit; verum hoc fusiùs etiam de guajaco repudiavimus, quod ejus decoctum acefcit, non est sufficiens impinguandi ratio, cum omnium lignorum, radicumque decoctum acefcit. Cum primum mercatores in Europam advexissent miris laudibus Chinæ radicem, tanquam auxiliare medicamentum divina auxiliatrice manu promanatum ad chronicos, deploratosque morbos celebrare cæperunt luci cupidine tracti. Unde bardi Medici nimium quàm par est, mercatorum reclinis fidem præbentes, psittacorum more citra experientiam, & ultra vires eximiis præconis commendare aggressi sunt: ut quæ tenuium partium digerendi vim habeat, siccitatis ratione attenuet, omnis generis excrementa liquet, quæ deindè in urinas, & sudores transeunt. Lue Venereæ non ob manifestas qualitates, sed ob occultæ formæ proprietatem non solum profit, verum etiam ulcera abstergat, obstructions referat, sanguinem à corruptione vindicat, destillationibus medetur diuturnis, phthi-

sim curat, hepatis inflammationes restinguit, hydropisim sanat, atrophiam tollit, lepram depellit, elephantiasim abigit, articularum dolores aufert, & quia temperata est, omni ætati, omnique sexui, quocumque anni tempore, ipsisque adeò febricitantibus tñdè exhiberi potest. Quæ facultates omnes cum in guajaco desiderentur, à nonnullis tunc temporis supra guajacum china evecta est, & non solum ad Luem Veneream, sed ad sexcentos alios morbos adhibita fuit.

Ob tot, tantasque virtutes à scriptoribus decantatas, *Carolus V.* partim ob Luem Veneream, partim ob atrophiam, & partim ob artuum dolores de quorundam Medicorum consultatione hujus radicis decoctum accepit, & maximam ei largitus fuit famam, quæ vagata per orbem, Chinæ radix tanquam pretiosum medicamentum auro carius maximo venundari cœpit, unde:

Pauperiem fugiens, currit mercator ad Indos.

Sed experientia ejus rumorem postea derogavit, & celebrati nominis proportionem nequaquam respondit, neque ejus pretio enormi: scribit namque de hac re *Julianus Palmarius de lue Venerea cap. 14. Multos magno suo incommodo radicem hanc guajaco prætulisse, seque experientia comperisse, quòd etiam in magna victus parsimonia adversus hanc Luem inefficax fuerit, sæpè etiam ejus decocto ita humescere ventriculus visus sit, & nativus calor opprimi, ut lienteria gravis, magna que cruditas non raro subsæcuta fuerit, quibus imbecillus insiti caloris fomes fuerat. Præter has incommoditates, & vitia, non raro etiam lienis tumores, atque duritiem diutius utentibus inducere scribit. Non agit qualitate occulta, quia hæc qualitas est sacrum ignorantie asyllum; nec adversus Luem est verum prophylacticon, cum plura de hac radice circumferantur, quæ nunquam, vel raro observantur in praxi. Plurimi ægroti diuturnum hujus radicis usum adhibuerunt nihilominus neque vel tantillum morbi vis se remisit, vel alleviata, recidivam passi fuere, ita diuturna experientia nos edocuit maximo ægrotum incommodo: est itaque vana chinæ exhibitio pro ægrotis, non verò pro pharmacopolis, & Medicis, & tamen stolidum vulgus magnum medicamenti vim esse credit, quoties impendium maximum est, & medicamentum putat pretiosum, quod carissimè emitur. Hujus farinæ est China, ac proinde non exiguam obtinuit famam; laudamus propterea pharmacopolas, qui pro chinæ radice à Medicis ordinata arundinum radices substituunt, quibus parem, & fortasse majorem inesse virtutem in praxi comperimus, quia arundinum radix succi plena haberi potest in nostris hisce regionibus, chinæ verò omni succulentia emuncta in nostras asportatur regiones. Sed quia veterem corrigere errorem difficillimum est, expedit idcirco ægris, & vulgo morem gerere aliquando: Verum tantum divitibus ægis hæc propinent decocta, nec sumptuum, & clementiæ pauperum immemores illis fortunas absque salutis spe eripiant.*

Hujus radicis decocta ita parant vulgares:

℞. Chinæ in taleolas dissectæ. ʒ. j. infundæ in aq. font. fervent. ℞. iij. per 24. horas. Deindè bulliat lento igne ad consumptionem duarum partium: addendo in fine, fumarie, lupulorum, capill. Veneris ana m. j. coriand. præp. ʒ. ʒ. cinnamomi .iij. ꝑ. colatura, & servetur.

Dosis ℞. ꝑ. pro vice. Ex radice, quæ primo inservivit decocto, paratur secundum pro potu ordinario, ut

℞. Rad. chinæ primò adhibite ʒ. j. Infundatur per 24. horas in ℞. ix. aque fontis ferventis, deindè bulliat ad tertiam partem consumptionem addendo in fine coriand. præp. ʒ. viij. cinnamomi ʒ. iij. ꝑ. colatura, & servetur.

Post secundum per reaffusionem tertium parant pro ciborum elixatione, manuum, & faciei ablutione. Hæc decocta magna aquarum copia, & longa indigent ebullitione, ut virtus extrahatur, & aquæ communicetur, & ad 30. 40. vel 50. dies assumuntur.

Hæc sunt vulgarium alexipharmaca pro Lue fuganda, quorum unumquodque eam profigare valet; verum tamen semper alia aliis sunt efficaciora, & juxta varios morbi gradus, & patientis temperiem, nunc unum nunc aliud usurpant; si nulla tamen viscerum intemperies adsit, præstantissimum esse guajacum judicant, licet in occultis qualitatibus unum sit occultius alio, quia unum alio præstantius, & hac ratione nunc guajacum, nunc salsam parillam, nunc chinam usurpant, & nunc hæc omnia ob varias intentiones in majori, vel minori quantitate admiscunt, ut

℥. Lign. guajac. ℔. ℔. cortic. ejusdem, & salsaparilla ana ℥. iij. rad. china ℥. j. ℔. infunde spatio 24. horarum in aqua ℔. 12. postea bulliant ad medietatis casum, fiat colatura. Residuo reasfund. aqua ℔. 2. 1. stent in infusione horis 8. postea coque ad tertiam partis consumptionem pro potu in mensa. Vel

℥. Salsaparilla, & cort. guajaci ana ℥. iij. lign. guajaci ℔. j. infunde in aqua ℔. xiv. & coque ad medietatis consumptionem. Deinde reasfunde, & coque pro potu ordinario.

Multi his decoctis purgantia quandoque admiscunt, quæ à nonnullis improbantur. Primò, quia antequam ad horum decoctorum usum accedant, diligenter purgandum est. Secundò, purgantia, & sudorifica motus efficiunt contrarios. Tertio, fortiora sudorificis sunt purgantia, & purgantia sudorifica per secessum trahunt, quia fortius attrahit minùs forte. Quarto, melioris notæ Medici purgantia decoctis non admiscunt, sed per certa intervalla purgant quarto, vel quinto quoque die.

Verùm non improbandus in decoctis compositis est sudor, nec diversæ fiunt evacuationes, motusque contrarii, ad cutem scilicet per sudores, & ad alvum per purgantia; nam evacuationes prædictæ, & motus non fiunt eodem tempore, citiùs nempe post horam à decocto assumpto proritat sudor, post multum verò tempus dejectio, quia vis dejectoria majori indiget tempore.

Lues Venerea morbus est chronicus, & diuturna expostulat medicamenta in ejus curatione, ac proinde tota barbatorum curatio in horum decoctorum exhibitione volutatur, undè si decocta propinant solutiva; eorum usum præscribunt ad dies 25. aut 30. Si fuerint simplicia, primò corpus deplet purgantibus de communi morborum omnium à nobis recensitis, deinde decocta exhibent simplicia ad dies 50. aut 60. vel ulterius, interim visitando quotidie ægros, pecunias emungunt. Decoctum propinant valde calidum, ad hoc ut citius per corpus penetret, & sudor proritetur: decocto assumpto sub auro, superdormiat æger, ut citiùs digeretur, & per corporis habitum diffundatur, ac stragulis optimè cooperiatur, ut sudor copiose emergat, vel in Laconico se componat, & ibi detineatur, quousque fuerit. Et quia, dum simplicia assumuntur decocta, per sudorem non nisi tenuia evacuantur excrementa, crassioribus remanentibus, laudant propterea *Vulgares*, ut singulis quatuor, vel quinque decoctis assumptis, purgans aliquod præbeatur pharmacum, quod crassiora excrementa purgandi vim habeat, ita sunt *Syr. de fumar. maj. Syr. Sueff. ros. solut. manna &c.* Nostrates vulgates hoc utuntur pharmaco;

℥. *Syr. de fumar. maj. ℥. iv. decoct. cord. ℥. ij. m.*

Imperant tamen, ne tali die sudor proritetur, quia æger duas non potest ferre evacuationes, & alteram impedit; Interim per totum decoctorum tempus agrum ita in cimmeriis claudunt, ut ne aeris quidem claritatem aspiciat, nedum pedem è cubiculo efferat, & interim quoque exactissimam victus rationem, scilicet mira jejunia instituunt per panis biscocti, & uvæ passæ, aut amygdalarum modicum, & si ad summum adeo exactam tolerare dietam non possit æger, vel parvam concedunt carnem assam. Verùm sapiùs evenit, ut ante constitutum tempus quidam ob tenuissimam victus rationem ita imbecilles, & viribus destituti conspiciuntur, ut:

Vix habeant tenuem, quæ regat offe cutem.

Et penè spiritu, & vita deficiant. In tam conspicuo vitæ discrimine versantur miselli ægroti, ut in sceleti formam redacti, cum magna æris iactura, vitam quasi desperatam vix recuperare possint, nec mendicata sanitas ex voto succedit, nisi palliata, & fucata, dum dira Lues paulò post truculentior recrudescit.

Nostris malè feriat *Vulgares* præter decocta urbanas habent stufas calidas, & siccas, ad quas Lue correptos ablegant ægrotos, sed præcipuè Sole canceri signum percurrente, innumeras hominum mulierumque infectas copias ad Tritholii vaporosum sudatorium in Puteolano, vel ad Pitheculæ sudatoria, ubi maximus de toto corpore fluit sudor, sed hic vana spe miseros ludit, levat quandoque, non eradicat Luem, nam calor ille sudorem proritans nullum antidorum, sive alexipharmacum ad Neapolitanum extinguendum venenum servat, sed est simplex, homogœneus, nec differt à quocumque culinario calore, sive igne (calor enim, & ignis non differunt, ut luculenter

probavimus in nostra *Pyrotechnia sopherica lib. 2. cap. de igne*) idèque licet degeneres attenuet humores non sine capitis mortui residuo id exequitur, unde Lerna hydra latens, paulò post majores suscitatur iras, & hinc lerna malorum, nec Vulcanus clandestina Veneris adulteria ulcisci potest, quia claudus, nisi vindice Mercurio. Venerea Lues est morbus mineralis, & minerale requirit remedium; curandum itaque, ut Mercurii naturam in stufam convertamus, hoc est absque stufa procedat sudor: nam statim ac à Mercurio provocatus fuerit sudor, jam in proximo est sanitas; omnis igitur sudor absque mercurii interventu inutilis est. Sunt nonnulli, qui absque Mercurio sudoribus factis, aliquos Lue correptos curant, tamen res fundamento caret, & ferè semper in deterius malum minatur.

N O T Æ.

Ex iis omnibus, quæ maximo cum judicio, profert Author in tribus articulis ultimis hujus Capituli, de Ligno Guajaco, Salsaparilla, & Chinæ radice, multa discere possunt, ii qui Lue Venereæ curandæ operam dant; Nam præterquamquod eos doceat veras notas, quibus hæ Plantæ bonæ à pravis distingui possunt, docet etiam plerasque illas, & similes ex Indiis Orientalibus, & Occidentalibus magno sumptu allatas ad sanandam Luem Veneream, minus efficaciam habere ad ægros levandos, quam aliæ Plantæ in cælo nostro natæ, nobisque familiares, quales sunt, lignum buxum, viscus quercinus, cedrus, radix rosarum & multæ aliæ.

Allatum ab eo argumentum optimum est, Indiæ populi, inquit, quodam endemico laborant morbo, qui cum Lue Venerea quandam habet cognationem, quænt Ligni Guaiaci, Salsaparilla, & Chinæ decoctis curare satagunt, sed non eorum votis respondet sanatio, & experimenta de iis facta fallacia reperta fuere, licet hæc vegetabilia viridia, & succi plena possideant, tamen ii fucata tantum, & palliativam sanationem, ab illorum simplicium decoctionibus adipiscuntur; unde symptomatum remissio, & quædam comparata valetudinis species emergit, ita ut iterum illa repullulent, & deinceps sæviora, quam antea, excuscent.

Ex his, meritissimò concludere licet cum Authore, verosimile non esse hujus modi sicca corpora nimio virium detrimento ex diffitis regionibus (in quibus viridia radicaliter non sanant) ad nos convecta infectis profutura.

Sed insuper, vera sit omninò nec ne, hæc narratio ex Historia Indiarum Occidentalium extracta, cerrum est, & constat omnibus experimentis in Europa à Lue Venerea cognita institutis, hæc simplicia longe minus efficacia esse quam dixerunt primi, qui de iis scripserunt Authores; ea quæ laudibus nimis, quibus Atomatarii lucripetæ ea supra præstantissima remedia extollere voluerunt, digna non esse.

Infelicia etiam docuere experimenta, sæpè contigisse, & quotidie adhuc contingere Medicis nostris pertinacibus in exhibendis his decoctis omnibus ægris idem quod accidit Indis: Multis scilicet remedia exhibent, paucos radicaliter sanant; quia hæc decocta educunt tantum per viam sudorum excrementa subtiliora, & cohibent tantum evidentiora morbi symptomata, causa ejus non sublata; licet sudatoriis etiam utantur, ut & purgantibus ex intervallo ad crassiores humores à sudoriferis tantum motos abducendos.

Cæterum eundem, imò & feliciorum successum habet curatio palliativa, adhibendo his in decoctis vegetabilia nostratia sudorifera, potius quam hæc ex longinquo allata, quorum vis maxime imminuta est exportatione; licet Mercatores avari multa ex iis depravata, & adulterata nobis non suppeditarent.

Prudenter etiam observat Author, decocta hæc sudorifera, vase bene obturata, & lento igne facta, efficaciora esse iis aperto vase, & summo igne factis; quia spiritus plantarum cum sit maxime volatilis, difficiliùs abire in auras, si sint in vase bene obturato, quam in aperto, præcipuè, si ad extrahendas vires plantarum, vino uteris.

In eo denique cum Authore consentimus Luem Veneream morbum esse minerale, idèque minerale requirere remedium; idèque Mercurium certissimum, & facilissimum

limum fore remedium ad sanandam Luem Veneream, si possemus Mercurii naturam in stufam convertere, hoc est, si absque stufa procederet Sudor.

C A P U T II.

De Curandis affectibus Venereis à nutrimento corrupto nascentibus, & primò de Gonorrhœa.

Effluvium saniosum ex interiori pudendi parte viri, seu mulieris Medici Gonorrhœam appellant, sed falsò; nam hoc nomen græcum gonorrhœa seminis profluvium designat, quod ex vesicularum seminalium debilitate retentricis, vel alia de causa procedit; sed id, quod ex urethra fluit ex contagii gallici communicatione, semen non est, sed penis nutrimentum in saniam à contagio degeneratum: Neapolitanis dicitur *scalfatura*, reliquis Italis *purgatione*, Latinis verò rectè dicitur fluxus Venereus saniosus.

Signa.

Non immediatè post pollutum concubitus hic saniosus adveniet fluxus: sed ut plurimum ante quartum diem multoties ante septimum, raro ante quadragesimum, sed post quadragesimum à concubitus die nunquam observatus fuit. Quisque in concubitus actu facilè futuram gonorrhœam cognoscere potest, si intra urethram in illa Veneris palæstra, veluti lancinari, vel quoddam effluvium sentiet. Magna erit in mingendo acrimonia, in pene erigendo dolor, & si patiens penem emungat parvam saniei quantitatem, veluti perlam à glandis foramine educet. Acrimonia in mingendo, & dolor in erigendo ut plurimum post 21. diem cessabit. Saniosus fluxus adèd erit assiduus, & quandoque magnus, ut indusium ex ea parte saniei immersum appareat; unde juvenes, qui parentibus sunt subiecti admonitos esse volumus, ut penem peria obvolvant, ne indusia, quæ à matribus ut plurimum observari solent, conspurcent, & saniosæ Veneris clandestina connubia patèscant.

Multoties contendunt ægroti gonorrhœam exortam fuisse ob immoderatum motum, renum calote, equitatione &c. Tu verò facilè distingues, num gallica, aut non gonorrhœa sit; si simplex namque illa fuerit, & sine contagio, nullam ostendet virulentiam, excretio proinde colorata non erit, sed albida, nullumque afferet dolorem, nullum urinæ ardorem, & inflammationem nullam, at si copiosa, & diuturna erit, sequitur corporis consumptio. Contra si viridis, flava, multum vericolor fuerit expurgata materia, in ejus fluxum dolor persentiat, penis arrectio impediatur, urinæ verò sit ardor, glandem inflammet, præputium in tumorem elevet, & fluxus diuturnus, & copiosus sit, non sequitur corporis tabes, apertissimum habebis indicium illam esse virulentam.

N O T Æ.

In hæc verba. *Multoties contendunt* --- Num fallaciùs sentire possint ægri credentes se viros in morbi frequentissimi, ut est Lues Venerea, curatione versatos decipere posse, cum illis persuadere volunt, gonorrhœam virulentam signis propriis stipatam, esse gonorrhœam simplicem ob immoderatum motum ortam? Nihil tamen vulgarius, quam videre ægros, Lue Venerea universali, vel peculiari affectos, talia dicentes; si autem Chirurgus, vel Medicus consultus insistat in dicendo morbum eorum à viru ortum esse; citissime reponunt. Quomodò hoc fieri posset? Unam compressi mulierem, quam fere non tetigi; quomodo inde morbum contrahere potuissem?

Alii benè sentientes de virtute amicæ, quam sibi infidam esse credere nequeunt, dicunt Medico, vel Chirurgo, eos non rectè cogitare, se certos esse amicam cum qua coiverunt, alii nunquam sui copiam fecisse. Dicunt alii amicos libidinum socios, & qui cum eadem coiverunt, nullum contraxisse morbum. Ii denique in quibus per plures menses, imò & per plures annos virus latuit, attoniti, & se videntes affecto uno, vel pluribus Luis Venereæ symptomatibus, dicunt, se vix aliquid mali ante decem; duodecim, & quindecim annos, nactus fuisse, ex quo tunc liberati fuerunt cum omni cura, & attentione possibili, & bona ab illo die

Musitani Opera Tom. II.

ufos fuisse valetudine, ideoque verosimile non esse, nova hæc symptomata, causæ tam remotæ, imputari posse; sicque plerique ægri conantur se liberare à suspitione fœdæ hujus Luis, & patefacere, iis quos consulunt, se immerito de ea accusari.

Non parum tædii Medicis, & Chirurgis affert, necessitas patienter audendi ægros quibus pudor, & amor sui innumeras quæstiones inutiles, & objectiones suggerit. Attamen obsequium iis necessarium non debet his in casibus impedire quominus dicant ægris, quærentibus se decipere, Medicos decipiendo, morbum eorum, à quacunque causa ortus sit usu anti-venereorum solùm sanati posse.

Verum si Medici, & Chirurgi vix persuadent ægris, necessaria iis esse remedia, ut à Lue Venerea, vel quodam ejus symptomatum liberentur, cum adsunt signa evidentissima; multo magis adhuc intricati sunt in satisfaciendis ægris morosis, se morbo hoc infectos credentibus, licet nullum adsit signum univocum. Tunc satifne obsequentes erunt, ut exhibeant iis remedia necessaria ad sanandum morbum quo se affectos credunt? Minime sine dubio: nunquam licet nobis esse tam obsequentibus; quia remedium quo uterentur, virus in quod ageret tunc non inveniens, in humores utiles ageret, & damnum toti habitui corporis afferret: præterquamquod hoc magnos iis inferret sumptus non necessarios.

Nimius tamen est numerus Chirurgorum qui sordidum lucrum magis quærunt, quam artem suam bona fide, & honestè profiteri; ideoque sine dubio exhibent remedia iis, qui se Lue Venerea infectos credunt, eadem ac si revera hoc morbo laborarent; nixi hoc axioma, volenti non fieri injuriam, sicque facillimè, & sine metu recidivæ ægros sanant.

In hæc Verba. *Si simplex illa fuerit* --- Ex differentia, quam facit inter Gonorrhœam simplicem, & Gallicam, patet ea, quæ dixit in initio hujus articuli vera esse, id est gonorrhœam simplicem juxta etymon esse seminis fluxum, involuntarium ex vesiculis seminalibus quarum vis elastica depravata est, vel à copia materiæ, vel à nimia ejus fluiditate, vel à nimio æstu ex immoderato motu orto, vel à nimio in coitu fervore: gonorrhœa verò virulenta est profluvium, ex urethra à contagioso viru ortum, non seminis, sed penis nutrimenti in saniam à contagio degenerati, & potius fluxus Venereus saniosus, quam Gonorrhœa dici meretur, ut optimè notat Author.

Veri autem seminis profluvium corpus brevi extenuat; quia indefinenter fieri nequit jactura liquidi adèd necessarii, & totius animalis, ut ita dicam, elixir, quin totum corpus ob dissipatam spiritum copiam debilitetur: in fluxu vero sanioso dimittitur solùm liquor degeneratus corpori potius nocuus, quam proficiuus, facileque alimentis reparabilis; ex quo brevi oriri nequit extenuatio sub sensum cadens.

Quod si detur signum pathogomicum, quo in viris simplex gonorrhœa à virulenta distingui possit; eadem non est omninò ratio in mulieribus, cum in utraque excreta vulvæ omninò similia sint, & eadem omninò partes afficiantur, glandulæ scilicet vaginales, vel prostatæ muliebres.

Verissimum tamen est, quod, ut gonorrhœa simplex in viris, si vel tantillum duret, eos extenuat, ita fluor albus, catarrhus uterinus, & gonorrhœa simplex, idem in mulieribus morbus, eas cachecticas reddit; & gonorrhœam virulentam in utroque sexu sequitur æqualiter Lues Venerea, sive methodica gonorrhœæ curatio negligatur, sive malignitas virus plus valeat, quam omnia remedia in usum revocanda ad præcavendum à Lue Venerea.

Causa.

Ridiculi sunt Medici vulgares, qui ex hepatis intemperie, & renibus hunc saniosum fluxum oriri autumant. Non negavimus quandoque hepar, & renes ex diuturno contagio Venereo infici posse, sed fluxum, qui ex polluto succedit commercio, ex quo fluit, suam habere productionis causam, non autem in hepate, & renibus asseruimus.

Hujus saniosi fluxus causa est effluvium balituum ab utero Lue Venerea polluto prodeuntium, & per urethram viti in ingressu se insinuantium, à quibus penetrata illius partis epidermide; spiritus sensitivus sub epidermide gli-

scens, ideam contagii induit, cujus ope totius urethrae nutrimentum in saniem vertit, illam inflammat, & ad reliquos disponit affectus.

N O T Æ.

Si per Vulgares Medicos intelligit Author, eos qui primi de Lue Venerea in sæculo decimo quinto scripserunt, non immerito exclamat, deridendam esse eorum opinionem; cum hi crediderint in hepate deponi virus Venereum ob rationes sat futes; verum cum videatur cum non solum primis illis Scriptoribus insensum esse; sed etiam iis omnibus, qui nunc communem medendi Lue Venereæ methodum sequuntur, affirmari potest eum non rectè de iis sentire; cum nulli nunc sint inter hos vulgares, qui credant oriri ex hepate, vel alio quodam viscere non solum gonorrhœam, sed etiam Luem Veneream, & ex ea pendentia symptomata.

Ab eo tempore, quo feliciter circuitus sanguinis inventus demonstratus, & confirmatus fuit, experimentis minimè dubiis, & fundamentum fuit ratiociniis Medicorum in omni morborum genere, nullus adeo rationi repugnavit, ut in sententiam huic principio contrariam descenderet, & qui hæc certò scire vult, adeat Authores, qui à quinquaginta annis de Lue Venerea scripserunt.

Prognosis.

Solet in gonorrhœa ex sanioso illo fluxu præputium inflammari, & in tumorem elevari, ac vitreum videri, & in rimas dehiscere. Multoties inflammantur testes maximo cum tumore. Interdum supprimitur, & quandoque obstinata plurimum annorum spatio perdurare consuevit; adeo quandoque grano hordeaceo, nullis cedens præstidiis. Utplurimum in carunculam, vulgò carnositatem, terminare, quæ vel nunquam, vel tardissimè curatur. Itaque nisi statim ab urethra contagium illud omnino abstergatur, omnes luis Venereæ species, quas enumeravimus, temporis tractu ab ea produci possunt; nam paulatim Venereum fermentum ex nutrimento in sanguinem, ex sanguine in partes spermaticas, & ex spermaticis scripit in ossa.

N O T Æ.

In Prognosi Gonorrhœæ virulentæ nil defuisset, si attendisset Author ad rem, quam observarunt ii omnes, qui Morbis Venereis curandis operam dederunt; scilicet Luem Veneream ex gonorrhœa virulenta ortam difficilius semper sanari ea, quæ Lue Venereæ singulari succedit; quia in ea de qua agitur virus statim succum nervosum aggreditur, ad quem anti-venereorum vis, nisi debilis admodum pervenire nequit; contra citius faciliusque agit hæc vis in massam sanguineam.

Insuper constat experientia eam gonorrhœam, quæ statim gravibus stipatur symptomatibus, ut ardore Urinæ, inflammatione magna, fluxione insigni in penem, partesque vicinas, facilius curari sedato horum primorum symptomatum impetu, minusque obnoxiam esse efficiendæ Lue Venereæ universali, quam gonorrhœa ferè sine dolore, & quæ non cedit remediis profluvium sistendi capacibus; quia in prima materia in partes externas deposita secum omne virus educit; in secunda verò malignitas virus tempus habet se in unum locum colligendi.

Curatio.

Vulgares medici pro gallica gonorrhœa curanda præstolantur, ut saniosus fluxus absque remediis propria sponte cesset, unde eorum malitia, quia efficacibus remediis ad fluxum gallicum persanandum hætenus caruit, infirmis proponit, ut gonorrhœa fluat per 40. dies, interim vana, & inutilia quædam exhibent medicamenta, quæ contra contagii virulentiam nil efficacitæ habent, sed ex 40. diebus spontaneam expectant curationem. Instituunt interim victus rationem, & prohibent austera, & actia, ut vinum rubrum, & acetum, prohibent aromatica, acuta, & salsa, consulunt deinde victum humidum, & refrigerantem. Nos errores in victu non laudamus gallici, neque in præscribenda diæta multum immoramur, scimus

enim contagium gallicum cuicumque extremæ diæta cedere omnino non posse. Instituta victus ratione, *Vulgares medici* sequentia recepta per multos dies exhibent.

℞. *femin. melon.* ℥. ℞. contunde, & cum aqua Capill. ven. ℥. ij. diss. f. expressio. Sacchari ℥. ℞. m. ut f. p. Vel

℞. Quatuor sem. frigid. ana ℥. ℞. contendantur modo quo supra, & diss. in eadem aqua, f. express. cum additione sacchari, & exhibe ut supra. Vel

℞. Syr. capill. ven. malvarum, & viol. ana ℥. ℞. aq. Capill. ven. cum express. sem. mel. ℥. iij. Spiritus vitrioli gutt. vj. m.

Consulunt malvarum caules conditos, melonum semina condita post prandium, & cœnam, & assiduum aque capill. ven. usum: neque desunt, qui supra allatis viliora, & ignaviora præscribant, credentes prædictas feminum syruporumque mucilagines ut urinæ acridinem infringunt, ne adeo acutè urethram stimulet, ita contagium gallicum semel impressum è corpore eliminare posse: sed ejulatus, clamores, & planctus tot miserorum, qui ex gonorrhœis præscriptis remediis curati, nunc morbi gallici futores ubique in corpore patiuntur dictorum, medicaminum ignaviam, Medicorumque obstinam ignorantiam, ubique in hac civitate testantur: mitum sanè est, quod hujus morbi virulentiam supra omnia venena extollant, & quod deinde à melonum seminibus, & aqua capillorum Venereis tantæ virulentæ debellationem expectent! Morbum in causa occultum prædicant, & manifestis, ac vulgaribus deinde medicamentis sanationem perficiunt!

Per quindecim, aut viginti dies, & ultra notatis mucilagines exhibitis, aliqui terebinthina utuntur lota aqua violarum per os assumpta ad quantitatem ℥. ℞. quolibet manè jejuno stomacho per sex, vel octo dies cum pulvere glycyrrhizæ, & saccharo ad formam boli, sed inscitè faciunt; multum enim sui balsami per lotiones deperdit, fitque merè inutilis. Latet in terebinthina mirabile balsamum, quod in vias urinarias specifica fertur proprietate, illisque balsamicam suam impertitur virtutem, ne earum nutrimentum degeneret, corrumpatur, vel fixetur: Unde est quod post assumptam terebinthinam urina, quæ redditur, violaceum longè sensibilem secum ferat odorem. Nonnulli procedunt hoc modo:

℞. Terebinth. ℔. j. coquant in aqua ℔. xxiv. donec odorem amittat, & inspissetur, adeo ut refrigerata digitis in pulverem verti queat, ac vitr. modo dissiliat; sed etiam ineptè faciunt, cum tota pars essentialis in aquam transeat, remaneatque tantum pars inutilis balsamica spoliata virtute. Aliqui tandem medicastri terebinthinam propinant crudam in ovo sorbili, quod medicaminis genus, ferculum nimis ingratum, ob olei rosacei defectum, à digestivo parum differt.

His parum proficientibus ad Cassiæ usum patientem inducunt, eamque ita præscribunt:

℞. Pulp. Cass. noviter extract. per setam ℥. ij. fol. sen. or. pulverizata ℥. ℞. cinnam. contus. ℥. ij. sacch. q. suff. f. conserva, quæ exhibeatur in forma boli.

Nos Cassiæ usum non omnino inutilem judicamus, nam omnes humores cuicumque generis dulces reddit, difficillimum lotii exitum faciliat, urinæ ardorem cicurat, & veneni gallici virulentiam mitigat, licet non extinguat: errant tamen *Vulgares medici* in foliorum Senæ additione; nam simplicia omnia, quæ suapte natura in renes, & vesicam properant, si solutivis misceantur, propter vim solutivam per intestina præcipitant, antequam in renes descendant. Nos itaque sequenti modo cassiam exhibemus, & non parum juvamus in virulentis gonorrhœis:

℞. Pulp. Cass. recent. extract. per setam ℥. ij. pulp. tamarind. ℥. j. pulp. glycyrrhiz. ℥. vij. sacch. parum f. conf. in patina super calidos cineres. Dosis ℥. j. usque ad ij. immediatè ante prandium exhibeatur quinque, aut sex successivis diebus.

His sic exhibitis, si gonorrhœam patientes urgeant pro integra curatione, ad asylum medicorum, scilicet ad sanguinis missionem, & purgans deveniunt medicamentum, scilicet ad sanguinis, & stercoris educationem, quibus si gonorrhœa non cesserit, infirmo suadent fluorem illum utilem esse, cum natura per eum locum virulentam materiam expurgare conetur, neque cohiberi debere, quia corpus inficere potest, & pejora eveniunt mala; hac malitiosa industria, quod illi perficere nequeunt, per alios curari sub pœna majoris damni infirmis prohibent. Ex pedibus itaque sanguinem mittunt semel, & bis, quasi

quasi retractum deorsum versus crura venenum intra corpus non remaneat. Deinde ad sequens, vel simile deveniunt medicamentum purgans, absque ullo tamen Anti-Venereo, sed solum per applicationem commune morborum omnium, quo semel, bis, & ter corpus solvunt:

℞. Fol. sen. or. tart. vin. alb. & polyp. querc. ana ℥. j. flor. cord. p. j. f. decoct. f. a. in aqua capill. ven. & in suff. quantitate prædict. decoct. diff. Syr. Sueff. & ros. solut. ana ℥. iij. confect. hamech. ℥. ss. m. f. potus, adde aqua cinnam. parum.

Verum nos fraterna charitate *Vulgares Medicos* admonitos volumus, (licet de errore admoneri nolint) ne audeant sanguinem mittere, neque purgans exhibere medicamentum, saltem dum in gonorrhœa perseverat urinæ acrimonia, & in erigendo dolor, sed usque huc perseverare debent in aperientibus, & diureticis nec aperientium, & diureticorum usus debet esse prolixus, quia testium inflammationem, & tumorem, vel podagram, vel involuntariam urinæ excretionem causare potest, ut nos multoties observavimus. Verum his syrupis aperientibus, & diureticis Laconicè res absolvi potest.

℞. Syr. de quinque radic. aperient. & de althæa Fernel. ana ℥. j. aq. capill. ven. ℥. iij. m. Vel

℞. Syr. de Nymphaea, & malvar. ana ℥. j. aq. ejusdem malva ℥. iij. m.

Vel sequenti in hunc modum concinnato, quo plures curavimus gonorrhœas:

℞. Decoct. capill. ven. agrimonia, hepatica, plantaginis, ceterach. ℥. v. syr. de succ. viol. ℥. ij. m.

Et ratio est, quia tam sanguinis missio, quam medicamentum purgans à corporis circumferentia centrum versus trahunt, & venenum gallicum, quod in pene, vicinisque stagnat partibus, intrò trahitur, aut ejusdem materiæ in testiculos deductio, & horrendi morbi inde sequuntur. Terque quaterque infelix ille, qui virulenta adhuc fluente gonorrhœa ex misso sanguine, vel ab adhibito purgante gonorrhœa à fluore cessat, vel enim febre maligna corripitur, vel intra mensis spatium acerbissimis in toto corpore doloribus cruciabitur. Expectent itaque, ut in gonorrhœis omnis urinæ acrimonia, & omnis materiæ fœdus color cessent, nam tunc licet sanguinis missio, quæ ramen nullo modo fieri debet, & purgans medicamentum, nihil proficiant, multum nocere non possunt.

Si his præsidiiis gonorrhœa non cesserit, oleis adstringentibus ex *masliche, mentha, rosa, myrto* paratis Lumborum regionem, & perinaum inungunt, vel rebus adstringentibus foveant.

In diuturna gonorrhœa prædicta non sufficiunt, & ad fortiora confugiunt, nempe ad salsæ parillæ pulverem, quam tali modò describunt.

℞. Salsæ parill. ℥. j. turbi., & hermodactyl. ana ℥. iij. fol. sen. or. ℥. ss. fiat omnium pulvis subtilissimus de quo

℞. ℥. ij. pro vice, in qua dosi singulis vicibus sunt addenda gr. v. vij. vel viij. diagrid. & infundatur de sero in vino albo generoso. Postea manè sumatur ad plures dies usque ad morbi declinationem.

Solet quandoque tam sæva, & rebellis esse, & tunc labem hepati impressam esse signum est, & decocta sudorifica ex ligno guajaco, & salsa parilla in vino austero parata, vel æstuaria multum prodesse possunt, quibus non juvantibus utendum censent intra mentulam lotionibus ex *aquis plantag. ros. rubr. portulac. & nymphae* additis *cerussæ lota in aqua ros. ℥. ij. lithargyr. bol. armen. or. & terr. sigillat. ad ℥. j. bulliant ad tertia partis consumpt. & colatura addatur sacchari alb. parum, & fiat injectio pluries in die usque ad gonorrhœæ sanationem.*

Tandem aquam commendant solutivam, quam ita parant:

℞. Tartari, & polyp. querc. ana ℥. iij. sen. or. ℥. iij. passul. sine arillis ℥. iv. coriand. præp. ℥. j. cinnam. elect. parum: Bulliant f. a. in sufficienti aquæ quantitate, & facta cotatura servetur. De hac decoctione exhibeantur ℥. vi. pro vice ad plures dies.

Ex his debilibus, & barbitonforiis medicamentis, quæ tam sævo, deleterio, & pertinaci nostri barbari exhibent morbo, non ægrè quisque omnimodam sanationis impossibilitatem conjicere potest, & licet quandoque his futilibus medicamentis gonorrhœa cessare videatur, quia Luis virulentia appropriatis non absterfa, & resoluta fuit, inquilinus remansit hostis; qui horrenda fabricat

symptomata, temporis tractu barbatorum palliatæ patefcunt sanationes.

Pro nostra methodo in curandis virulentis gonorrhœis reperimus id, quod in nostris theoriis diximus, scilicet quod causa occasionalis Luis Venereæ est fixatum nutrimentum, cui quoties nutrimentum sanum, & volatile approximat, figitur quoque, & in ejus naturam convertitur. Gonorrhœa gallica hoc modo fit, scilicet, halitus & effluvia uteri gallica viri sani urethram intrant, ejus epidermidem penetrant, proximum illius partis nutrimentum sanum & volatile attingunt, illudque in eorum naturam transmutant, transmutarum deinde in saniei formam effluit, totamque inflamat urethram, quæ inflammatio in vesicæ collum usque transfunditur, & hinc ager cum decumbit, intensis afficitur doloribus, si penis ténigine corripiatur, & in lotii emissionem, nominatim verò in viris convulsione nervorum penis, qui dum ad principium retrahuntur, intumescunt, à qua intumescencia pars illa inflectitur, & incurvatur, unde gradus urinæ acrimoniæ, & gonorrhœæ exurgit, quam chordatam appellant Medici. Hac posita doctrina indicatio curativa duplex inde confurgit, una, quæ fixatum jam nutrimentum resolvit, immutat, ac volatile reddit, & altera, quæ adveniens sanum nutrimentum in suo balsamo conservet, ita ut licet contaminatum attingat, non transmutetur ab eo; quoties enim quod advenit in partem nutrimentum non transmutatur, & quod illud transmutat, resolvitur, & abstergitur, de gonorrhœa jam actum est.

Resolutio, & absterfio fixati, & corrupti nutrimenti non fit per vitriolata, ut alibi demonstrabimus; quoties enim loca, in quibus facta est degeneratio, attingunt, illa abstergunt, quod in gonorrhœis fit, injiciendo in urethram per syringam aquam vitriolatam dulcem, quam aliqui ex vitriolo Cyprio ita parant.

℞. Vitrioli Cyprii ℥. ij. ss. aquæ ros. & plantag. ana ℔. j. fiat in aqua vitrioli resolutio absque calore, deinde illam ter per chartam emporeticam filtra. Quidam pro Cypro utuntur Hungarico. Multi adhibent lapidem salutis, ut

℞. Aquæ plantag. ℔. j. Lapidis salutis ℥. viij. stent simul spatio duodecim horarum deinde decanta. Verum nos felici cum successu usi sumus aqua nostra Venerea, quam ita paramus:

℞. Viridis æris ℥. ss. aquæ font. ℔. ij. stent simul usquequæ aqua coloretur, decanta & decantata dissolve Mercurii meteorizati gr. ij. vel iij. & filtra.

Tandem nos specificum nacti sumus medicamen, & omni laude dignum pro curanda virulenta gonorrhœa trium dierum spatio, quod nunquam gonorrhœa corruptum fefellit, illudque sine invidia communicamus.

℞. Aquæ plantag. ℔. ss. Draconis mitigati in polinem redacti ℥. ij. m. m. in phiala, & agita.

Vel loco Draconis mitigati (in dicta aqua dissolvi potest salis Saturni ℥. j.) Hanc aquam recipe cum syringa, ac permitte, ut syringæ fistula, quæ tenuissima esse debet, & syringa ex ebore, parum, ultra glandem intrer, ac tunc siphonis pressura fac ut aqua per urethram interius excurrat, digitis premendo balanum, ne syringa ulterius intret, & aqua immissa fluat. Hæc lavatio ter fiat in die, & ter qualibet vice per tres, vel quatuor dies; ubi quisque advertere debet, quod ad hæc nostra applicanda remedia non requiritur, ut per aliquod spatium gonorrhœa finat, sed ipso tunc, quo apparet, imò si susceptæ gonorrhœæ, vel bubonis suspicio adsit, qui non adhuc se manifestavit, hujus medicaminis usu ritè præcaveri potest, nam exterminantur causæ, quibus positæ, pullularet.

Conservatio balsami nutrimenti est altera indicatio, quæ nos cogit invenire remedium, cujus energia nutrimentum, quod in partem contagio pollutam advenit, suam puritatem, & volatilitatem servat, nec per contractum cum corrupto ipsam quoque corrumpatur; hoc auxilium mirabilius, quam credi potest præstat terebinthina per os assumpta ad quantitatem ℥. ss. quolibet manè jejuno stomacho per sex dies in forma boli intra hostiam convoluta. Verum nos feliciter utimur in gallici gonorrhœis terebinthina Veneta illota ad quantitatem ℥. j. ss. alternis diebus intra hostiam convoluta aqua madefactam cum Draconis mitigati gr. x. vel xx. in forma pillulari, cui medicamini nulla gonorrhœa quantumvis virulenta resistit moverque duos, vel tres secessus, & urinæ quantitatem. Illicò urinæ acredinem, & in erigendo dolorem aufert, materiæ fluentis colorem immutat, omnia symptoma;

promata reddit benigna, & ad octo vices integrè curat fluxum, nec æger alio indiget medicamento purgante. Spiritu terebinthinæ in gonorrhœis percurandis nil est potentius, sua namque balsamica vir enes, & omnia vasa à venenata Luisabe abstergit, & purificat.

Quercetanus contra gonorrhœam virulentam suam commendat aquam, quam se centies expertam esse gloriatur, cujus componendi talis est modus:

℞. *Menth. sicc. dictamn. cretensis, radic. ireos florent. ana ℥. j. semin. agnicasti, ruta, lactuca ana ℥. vj. terebinth. venet. ℥. iv. vini albi ℥. xx. m. omnia, & destilla in vaf. vitreo, in balneo vaporoso.* Dosis cochlearia duo per aliquot dies, manè jejuno stomacho, corpore prius purgato.

Sed nos non satis commendare possumus nostras pilulas in gonorrhœa virulenta, nunquam nos, & ægrotum fefellerunt, hætenus pro reconditis habuimus, at nunc charitas nos monet, ut eas communicemus absque invidia ad proximi utilitatem, ut

℞. *Stibii diaphoretici ℥. ij. ℞. succ. liquiritiæ inspifat. ℥. v. succini abl. ℥. ij. gumm. guajac. nativi ℥. iv. mercurii dulc. ℥. vj. mastich. elect. ℥. ij. terra exanimata vitrioli, ℥. ij. ℞. m. & cum suff. q. terebinthina Cypriæ efficiatur massa, ex qua pilula parvæ efformentur, quarum quatuor, aut quinque pro dosi una exhibeantur ad plures dies.* Nulla gonorrhœa quantumvis virulenta, & antiqua his nostris pilulis resistit, sunt veluti specificæ pro hoc malo. Non inferioris conditionis sunt sequentes nostræ pilulæ, licet compendiosiores, ut

℞. *Gummi guajaci nativi ℥. iij. stibii diaphoretici ℥. ij. cinnaab. nativæ, vel antimonii ℥. ℞. merc. dulc. ℥. j. ℞. m. cum balsamo Peruviano liquido, formentur pilulæ xij. & deurentur.* Dosis pilulæ ij.

Multum conducit spiritus terebinthinæ mistus cum saccharo Saturnini gonorrhœa virulenta, non absumendo semen, ut vulgares perperam credunt, sed absorbendo acidum vitiosum in hac gonorrhœa peccans; & eadem ratione conducit *Camphora*, non quod castrat per nares, ut vulgò putatur, unde versus:

Camphora per nares castrat odore mares.

Sed tanquam sal volatile oleosum detergit, & corrigit acidum Venereum. Hac eadem ratione infusum cantharidarum in vino expertum est remedium contra gonorrhœam cujusdam Belgæ, quod hic pro secreto apud quosdam phatmacopolas, & Medicos habetur in spiritu vini infusum; & nos multos, qui tale infusum acceperunt à faucibus orci eripimus. Verum cantharidibus inest vis salis volatilis, quæ magna castici sedulitate, & cognitione temperari debet ab acido aceti, vel vini, ut abeat in salum temperatum, non aded corrosivum, aliàs esto potentissimè urinam cieat, corrodit, vesicat, & exulcerat non tantum vesicam, sed in transitu alias internas corporis partes, & ultimò vesicam, & inde inducit mictum cruentum. Adhiberi tantum debent cantharides externè in vesicatoriis, & tamen quoque mictum cruentant. Aliqui *salsæ petræ*, vel *prunellæ* utuntur, quia abstergit, & resolvit omnia salia Venerea, & per urinæ ductum expurgat.

Extincto syringæ, terebinthinæ, vel pilularum nostrarum usu gonorrhœæ gallicæ fluxu; tuid, citò, & jucundè, magna cautela adhibenda est, ut si fortassè aliqua contagii aut intra corpus delitescat, omninò exterminetur. Nonnulli aqua solutiva magistrali utuntur à celebri Viro *Paulo Aemilio Ferrillo* inventa, ejus enim usus post symptomatum gonorrhœæ virulentæ remissionem, illam omninò extinguit, & de totali veneni gallici extinctione aliquo modo ægros tuos reddere potest, ejus descriptio talis est.

℞. *Sals. parull. scisse, minutim incise, & benè lote, polyp. querc. confusi, tartari alb. pulverizati, nvarum corinthiacar. ana ℥. ij. santal. rubr. confus. ℥. j. limatura ligni sancti, rasura eboris, corn. cerv. non calcinati ℥. j.*

Ponantur hæc ultima tria in pupatella, & simul cum aliis projiciantur in aqua fontis ferventis lb. xx. ac deinde operto vase detineantur in loco tepido per 24. horas, bulliant postea ad consumptionem tertia partis aquæ, & tunc adde

Fol. sen. or. ℥. iij. cinnaab. elect. confus. ℥. j. bull. parum, & auferatur vas ab igne, ac benè cooperitum frigescat. Aqua per inclinationem a materialibus pura separetur absque expressione, & post separationem in ea exprimat fortiter pupatella & servetur. Dosis lb. j. usque ad j. ℞. pro patientis dispositione. Exhibeatur frigida post anisonum condito-

rum comestionem, jejuno stomacho per quinque, aut sex dies. Leniter solvit corpus septies, vel octies in die. Lauto indiget prandio, & ex carne, cruda omnia interduntur.

Verum, ut in futurum æger tutus esse, & absque suspitione vivere possit de lue, si sequentibus pilulis, quisque utatur, procul dubio succedet.

℞. *Pilul. de tribus ℥. ij. in gracilibus, robustioribus verò ℥. j. ℞. merc. dulc. ℥. j. m. f. pilul. v. & deurentur.* Et exhibeantur ante cœnam, eandem dosim ter exhibitrium diurnum spatio posito inter unam, atque alteram, & perfectè curatus erit infirmus. Vel melius.

℞. *Extract. Catholic. ℥. j. manna merc. gr. x. m. f. pilul. iij. & deurentur.*

Cæterum si æger nostris utatur pilulis, nullo alio purgante indiget.

Præscriptis remediis indubitanter recens gonorrhœa virulenta curatur, & contagii suspicio, in posterum regeneratio omninò tollitur, verum si gonorrhœa fuerit antiquata, iisdem remediis tentari potest, facilè tamen evenire poterit, ut impressum profundius virus non ita extinguatur, ac si recens esset; atque tunc ut fluxus curetur, qui faciliter in urethra carunculam inducere potest, quæ illam occludere solet, ad efficaciora transeundum est, nam quò antiquior gonorrhœa, eò remediis fit rebellior. Itaque ubi in recenti lavario per syringam, & terebinthinæ usus per sex dies fuere præscripti; in antiqua per 12. dies præscribi debent eodem modo, quòd si jam petinax persistat, jam hæc sunt inutilia, tunc ad turpeti mineralis, vel mercurii diaphoretici in nostra Pyrotechnia descripti usum recurrendum est, vel ad lacertæ viridis præparationem, cujus remedii tanta est in curandis gonorrhœis efficacia, ut recentem una vice exhibitum curet, antiquatam verò quatuor vicibus absumptum radicè abstergat. Hoc remedium versatum in spagyricis requirit artificem, nec indifferenter cuilibet pharmacopolæ est pro eo fidendum: modus illud conficiendi hic est.

℞. *Merc. vini mundificati ℥. iij. f. ejus soluti in aquæ fort. ℥. iv. & servetur, deinde.*

℞. *Veneris ℥. ij. solv. in aqua fortis ℥. iv. ℞.*

Has solutiones conjunge in uno vase, atque postquam sunt commiste, aqua fortis destilletur, urgendo sub fine ignem vehementius, ut maxima spirituum corrosivorum pars tollatur, quod in fundo restat tolle, & cum spiritu aceti in cineribus, vel in B. digere per xxiv. horas, ultimò ebulliendo, ut potissima Mercurii pars in aceto solvatur; nam acetum destillatum tingetur colore azureo, hoc coloratum acetum per inclinationem à precipitato separa in vas limpidum, & serva; affunde iterum super precipitati residuum aliud acetum, ac eodem modo, quo & spatio separetur, & in vas limpidum serva; & sic tertio fiat, usquequò acetum non amplius tingatur, tunc remanebit in vase pulvis citrinus dulcis, quem serva; nam mirabile est in diversis morbis remedium: tinctum verò acetum destillatum quod omne in vase asservasti, in cucurbitam vitream loricatam sua fornacula adaptatam injice, & evaporationis ignem suppone, illumque continua usque dum sicca materia remaneat viridis coloris, ac eapropter lacertæ viridis dicitur. Hanc materiam à vase exime, & reduce in pulverem, qui non est eluendus. Est specificum pro gonorrhœa virulenta antiquata, jamjam ad lue Venereæ præcipitium declinante, & licet gonorrhœa cessare visa sit, redit tamen ab hoc specifico exhibitio. Ideoque doses convenientes tandem iterandæ, donec omnis fluxus saniosus sedatus, & sublatus fuerit. Mover nimirum simul hoc pharmacum gonorrhœam, & eandem tollit. Dosis à granis duobus, ad quatuor cum aliqua massa pilulati. Solet ut plurimum lenem provocare vomitum, paucosque secessus. Vel sequens massa pilulatis formari potest, ut

℞. *Lacertæ viridis ℥. ij. terebinth. cypria leviter cocta ℥. ij. succ. liquiritiæ inspissati ℥. iij. extract. gentianæ ℥. j. m. omnia simul, & f. massa pilularis f. a. Dosis ℥. j. ad ij.*

Nonnulli infusum cantharidum in vino simplici, sublato, tanquam expertum remedium pro gonorrhœa curanda præbent, quia cantharides accerrimo sale volatili abundant, quo mediante acidum sal vitiosum in gonorrhœa absorbetur. Verum non est tutum medicamen; est namque hoc sal causticum, & nisi optimè corrigatur, corrodit, & vesicam exulcerat, & inde mictum cruentum inducit. Et nos multos è faucibus orci eripimus, qui talem infusum sumpserunt: Concedimus itaque cantharides

tharides vulgaribus pro excitandis vesicis. Nonnulli bardī ad stimulantiam Venerem cantharidum pulverem sumpturunt, sed res male se habuit. *Salmuth.* de sena historiam narrat, qui juvenulam duxit, cui ut placeret, accepit medicamentum, cui adjunctæ fuere cantharides, inde factum ut altero nuptiarum die fuerit mortuus, pene rigido permanente post mortem. Pro excitanda Venere expertum remedium externum est cantharidum oleum per infusionem, quo penis, & testes inungantur, sicut enim Venere stimulat, & penis erectionem promovet.

Post extinctum fluxum saniosum Venereum, per aliquod temporis spatium quædam lucida lacrymula ad urethræ expressionem usque ad glandem quandoque exprimi solet, quæ verum semen est; adhæret namque pollici, indici cum aliquali extensione, quod non contingit in fluxu sanioso, & hæc dicitur vera gonorrhœa. Contingit hæc vel à seminis ubertate: hi enim gonorrhœa venerea correpti à coitu se abstinere, semen augent, unde ut plurimum nocturnas pariuntur pollutiones cum magna seminis excretionem; vel provenit à laxitate vesicularum seminalium, non secus ac prostaticarum glandularum, quæ à fluxu sanioso introducta sunt. A seminis copia illis curatur medicamentis, præter extenuantem dietam, quæ semen diminuunt, ut

℞. *Fol. ruta sicca, sem. agni casti, mentha ana ℥. j. m. f. omnium pulvis*, de quo accipiat aliquid æger mane jejuno stomacho in ovo sorbili. Utilissima est aqua castitatis alibi à nobis descripta. Vel sequens medicamentum per aliquot dies sumptum, ut

℞. *Syr. de nymphaea ℥. j. trochis. de vice ℥. j. aqua lactuca ℥. iij. m.* Vel sequens propinetur emulsio ad plures auroras, ut

℞. *Sem. cannab. melonum ana ℥. ij. quatuor frig. maj. ana ℥. j. aqua lactuca, pertulaca, flor. nymph. ana ℥. iij. fiat emulsio, & edulcoretur cum sufficiente quantitate syr. papav. albi.*

Si vesicularum seminalium laxitate ortum ducat, ea conducunt medicamenta, quæ hæc vasa coarctant, & ad naturalem partium structuram disponunt, ita sunt *coralliorum tinctura*, vel horum *syrupus*, vel *magisterium*. Vel sequentes pilulæ ad finem usque continentur, ut

℞. *Extract. rad. tormentill. ℥. ij. magist. coral. ℥. ss. sperniol. Croll. ℥. j. m. f. pilul. ix. pro tribus dosibus.* Vel

℞. *Croc. Martis adstring. ℥. ij. trochisc. de carabe ℥. j. offis sepia præp. ℥. j. sacch. saturni gr. xv. m. cum syr. de nymphaea, & formentur pilulæ magnitudinis ciceris.* Dos pilulæ iij.

Solet quandoque gonorrhœa ita rebellis esse, ut omnibus adhibitis remediis reluctetur; hoc provenit, quia granum hordeaceum est læsum, vel ulceratum, & hæc est illa gonorrhœa, quæ ad plures annos, & ultra perdurare solet, nisi nostra adhibeantur medicamina.

N O T Æ.

* In hæc Verba. *Vulgares Medici* --- Nescio an in Regionibus in quibus Medicinam fecit Author, revera dentur Medici, qui gonorrhœæ curandæ tam segniter operantur ut contendit Author, & ita ut fluat per 40. dies, nullo adhibito remedio, ad fluxum temperandum; Hoc si verum sit, necesse est eos invenire ægros ipsis adeo addictos, ut tranquillè tamdiu sanationem expectent; id verò in Gallia non invenimus, ubi impatientsia nationi innata, verosimiliter ægros multò minùs morigeros reddit.

Parum verò fidem meretur Author, cum dicit, eos Medicos malitia ductos, sic agere, quia carent remediis ad hunc morbum persanandum efficacia; Interest Medicorum, iisque honorificum est, ægros quam citissimè persanare, & magis credibile est eos, qui hac Methodo lenta ab Authore improbat utuntur bona fide agere, illamque tantum expeditiori præponere ad tutius ægros persanandos, timentes ne venenum intus pellatur, sicque totum corpus inficiat.

In hæc Verba. *Instituunt interim* --- Licet victus humidus, & refrigerans à Vulgaribus Medicis ægris præscriptus, Lue Venereæ persanandæ non sufficiat, constat tamen eum eam miriorem reddere, ideòque talem victum ægris utilissimum esse.

In hæc Verba. *Sed inscite faciunt* --- Hæc Authoris observatio maximi est momenti. Lotio & coctio vini te-

rebinthinæ multum imminuunt, dissipando partem ejus maxime spirituosam, & balsamicam itaque; præstat eam exhibere, ut vult Author, sine ulla præparatione, eligendo limpidissimam, & purissimam.

In hæc Verba. *Aliqui tandem* --- Verum est terebinthinam crudam in ovo sorbili, esse medicamen omnino ingratum; nunc etiam non terebinthina, sed balsamo Copaibæ, cujus sapor minus est ingratus, utuntur; & exhibentur ejus guttæ 20. vel 30. in vino, vel alio quodam liquore; ex quo idem ferè ac ex Terebinthina effectus.

In hæc Verba. *Nos Cassia* --- Argumenta, quibus utitur Author, ut probet utendum esse Cassia in Curatione gonorrhœarum, optima sunt, & optimè cum experientia Practicorum consentiunt; feliciter enim gonorrhœas sanant usque frequenti lenis illius purgantis juncti cum aliis remediis merè temperantibus, & lenientibus.

In hæc Verba. *Errant tamen* --- Merito contendit Author Senam Cassiæ addendo, vim solutivam primi illam alterius vincere; sed inde non sequitur hæc in curatione gonorrhœæ misceri non debere; quia sæpè maxime necessarium est in curatione hujus morbi, educere per alvum partem materiæ virulentæ, quæ si rota ad urethram feratur, maximam ibi congestionem facere posset, & sic diuturnum, & pertinacissimum reddere fluxum saniosum.

In hæc Verba. *His sic exhibitis* --- Si periculum sit, in nimis citò sistendo sanioso gonorrhœæ fluxu, non utilius est ægris eum diutissimè durare, negligendo prudentem remedium usum, quo sisti posset; imponuntque ægris qui iis significant fluxum illum diuturnum impedire quominus Lue Venerea afficiantur.

Fateri etiam oportet, Venæ Sectionem nullius esse usus in curatione gonorrhœæ, nisi æger sit valde plethoricus: quales non sunt ii, qui ut in casu posito, jam pridem dietam observant, multisque usi fuere remediis: Merito igitur Author improbat praxim eorum, qui sanguinem ex pedibus ægri mittunt, ut antiquus sistatur saniosus fluxus: quia Venæ Sectio non bona est in curatione Gonorrhœæ nisi in Casibus anrea datis innotis in articulum de Phlebotomia; id est Sanguis mitti non debet in Gonorrhœa nisi ut sedentur magni dolores, ejus incipientis ut plurimum comites, & inflammationes in viis Urinariis contingentes, & etiam ut præcaveantur testiculorum tumores.

Eadem non est purgationis ratio, quam non minùs improbat Author, cum agitur de diuturno fluxu sanioso sistendo; constat enim purgationem ducere, & evacuare per alvum multa superflua ad vias urinarias tendentia, ideòque utilissimam esse posset in supprimendo hoc fluxu. Hanc etiam ob rationem Sydenham in dissertatione de Lue Venerea palmam dat purgantibus in curatione gonorrhœæ; dicendo ægrum gonorrhœa laborantem eo citius persanari quo plus purgatur.

In hæc Verba. *Expectent itaque* --- Cum omnis urinæ acrimonia, omnis dolor, & omnis materiæ scædus color cessant, necessaria non est Venæ Sectio; & Vulgares forent in culpa, si tunc, sine ratione, & necessitate, sanguinem mitterent; Contra præstat purgare sedato primorum symptomatum impetu; & inter omnes benè versatos in curatione Luis Venereæ, & Authorem non convenit de eo quod hic affirmat, Venæ Sectionem, & purgationem nil unquam ægris in curatione gonorrhœæ proficere posse; cum præterquamquod experientia quotidiana constet hæc duo remedia, prudenter præscripta, utilia esse in curatione hujus morbi, sibi ipsi contradicat Author in eodem Capite præscribendo purgantia, tum simplicia, tum composita, ut & emetica.

In hæc Verba. *Ex his* --- Licet hæc vulgaria præsidia, de quibus hic loquitur Author, quibusdam gonorrhœis virulentis, & summe malignis persanandis non sufficiant, in curatione tamen morbi adhiberi queunt; cum sufficiant huic sine recidiva sanandæ, quæ minùs maligna, & curatu facilius est; illudque juxta hoc axioma, *frustra fit per plura, quod potest fieri per pauciora*.

In hæc Verba. *Hæc posita* --- Indicatio curativa duplex, quæ juxta Authorem confurgit, in curatione Gonorrhœæ, optima est ad eam citissimè sanandam; non promitterem eam æquè aptam esse ad gonorrhœam tutissimè persanandam. Quod nunc ad examen revocandum est.

In hæc Verba. *Resolutio & absterio* --- Omnes ii qui penitus norunt naturam Luis Venereæ, & ægris multis curandis operam dederunt, sciunt vitriolata aptima esse, ad

ad citò suppressum fluxum saniosum; sed quid ex subita hac suppressione contingit? varii inde oriuntur effectus juxta singularem naturam fermenti fluxum creantis; si actuosum sit, & valde animatum, unum ex his duobus contingit; vel fermentum illud suppressum fertur ad testiculos ope vasorum deferentium, vel transit in vasa sanguinea, ibique omni massæ humoralis mistum creat Lucem Veneream universalem, citò pustulis, bubonibus, ulceribusque Venereis, visui se præbentem: Si verò gonorrhœæ causa sit fermentum lentum, tardumque, intricat se in textura urethræ, in qua aliquando manet per multos annos nullum molestum symptoma creans, donec debilitata partis hujus constitutione, locus in quo fermentum collectum adest, illi resistere nequeat; inde intumescit urethra, ægrique dysuria imò, & aliquando ischuria vexantur, cujus ferè semper vera ignoratur causa, nisi hæc symptomata patiantur ganeones, multas iteratasque passim gonorrhœas, ad eas nullo modo attendendo: cum enim dysuria laborant, ii qui libidines obtegerunt, satis habent, eas imputando intemperici calidæ, quæ congestiorem in his paribus creavit: non cogitantes suppressam in juventute ægri gonorrhœam hujus causam esse posse.

Multo etiam frequentiores visi sunt quam antea hi urethræ morbi à quindecim, & viginti annis, propter illum, gonorrhœam suppressam modum, vigentem in Gallia, & præcipue Parisiis ut, & in ea parte Italiæ in qua Medicinam, & Chirurgiam profitebatur Author.

Sed dum multi Chirurghi mediocris perspicaciæ, ineptè mirabantur præclare gesta quorundam Agyrtarum, in curatione incipientis gonorrhœæ statim injectiones adstringentes adhibentium; Cordatiores, & Intelligentiores Medici, & Chirurghi infectabantur, & infectantur adhuc methodum adeò exitiosam, quæ nunquam tamdiu vixisset, imprimis Parisiis, ubi plurimi dantur Chirurghi intelligentes, nisi unus majoris nominis ipsi suffragatus fuisset, ut faveret cuidam affini, tam magnificè sentienti de remedio suo arcano dicto, quod nihil aliud est, quam medicamentosus lapis, quam ignaro in arte curandi gonorrhœas; qui tamen maximum fecit lucrum pulverem suum adstringentem distribuendo; quia Patronus ejus induxit innumeros Barbitonfores, se dicentes, in exercitu Chirurgos, ad temere utendum malo hoc medicamine, quod fuit, & erit adhuc causa innumerosorum in urethra tumorum, & ischuriæ.

In hæc Verba. *Ubi quisque* --- Hoc ipsum est Empyricorum consilium; dicunt enim remedium suum multo efficacius esse in incipiente gonorrhœa, ad eam cito juxta eos sanandam; sed juxta nos ad includendam, & colligendam virulentiam, quam cum diu duravit; remedium illud, adeò præstans dictum, irritum est, adversus inveteratas gonorrhœas; in quibus adstringentia remedia vincit ulceris malignitas.

In hæc Verba. *Hoc auxilium* --- Terebinthina tota est balsamica, diuretica, & detergens, optimosque præstat effectus in curatione gonorrhœæ, modo exhibeatur potius in minori, quam in majori quantitate, quæ congestiones in partes urinam excernentes facere potest.

In hæc Verba. *Verum nos* --- Mercurii dulcis viginti grana probe mista cum Terebinthina ℥. ij. ℥. bonum effectum producere debent; Multi Medici hic bolo ferè simili utuntur, quem per octo dies continuos exhibent, cujus dosis minor est, ℥. j. scilicet pro una dosi; sit ex Terebinthina ℥. ℥. rhabarbari pulveris. ℥. iij. mercurii dulcis ℥. j. Verum omnino Authori fidem habere non debemus, cum dicit nullum dari fluxum saniosum adeò virulentum, ut per octo doses ejus remedii perfectè non persanetur; nulla alia purgantia adhibendo.

In hæc Verba. *Quercetanus contra* --- Licet aqua Quercetani tant ab eo multisque aliis Authoribus commendata, sat bonum sit remedium, attamen non tam tuta, & præstans est quam dicunt, & si hæc aqua feliciter quandoque veteres sanat gonorrhœas virulentas, has sapius adhuc non sanat; isque qui nullum aliud præsidium exhibendum haberet, in curatione inveterati hujus morbi, sæpè cogeret agros eo in statu relinquere in quo eos invenit.

In hæc Verba. *Sed nos* --- Experimenta, quæ fecimus de pilulis hic propositis, non satisfecerunt promissis Authoris, invenimus gonorrhœas adeò pertinaces, ut earum usu diu continuato non sanarentur: ideoque fa-

teri necesse eum eas nimium laudare cum eas proponit ut efficacissimas. Sed illud mirari non debemus, cum omnes ferè Authores, imò & sapientiores, & prudentiores assueti sint ultra modum laudandis remediis quibus prævertuntur; & omnes versati in legendis libris Medicis persuasum habent nullum dari morbum, qui tutissimè, & facillimè non sanaretur, si remedia, nimium multa, in iis inventa, dimidium haberent virium ipsis tributarum; sed in praxi tantum abest, ut promissis satisfaciant, ut prudentiores Medici, & Chirurghi plerique, post innumera experimenta inutilia, cogantur vulgarissimis uti remediis, & multum doleant, quod tantum temporis triverint, in conquirendis his dictis remediis quorum ope innumeri tamen Agyrtæ credulis se commendant.

Cæterum observandum est, Authorem adeo parum his pilulis fidere, cum eas, ut efficacissimas, nimium commendabat, ut statim alias proponat compendiosiores, non inferioris, ut ait, conditionis; & ante finem Capitis bona fide fateatur, has pilulas, ut efficacissimas, commendatas non sufficere semper in persanandis gonorrhœis omnis generis, & in pertinacibus, & antiquatis ad efficaciora transeundum esse.

In hæc Verba. *Verum cantharidibus* --- Merito sanè improbat Author usum interdum cantharidum, iisque tantum externè utitur: Has fastidire debuissent Medici omnes, quod malè successerint iis, qui internè eas exhibere ausi sunt; sed semper erunt temerarii, qui sibi adeò plaudunt, ut credant, se in ipsis venenis, magnæ efficaciam remedia inventuros.

In hæc Verba. *Nonnulli aqua* --- Pauca sunt gonorrhœæ sanabiles, quæ non cedant usui hujus prisanæ solutivæ, modo ea uti velint, aut possint ægri per triginta dies, imò, & aliquando per quadraginta; Dico, modo ea uti velint, aut possint ægri; quia dantur, quorum ventriculus adeò porcionibus purgantibus repugnat, ut vomitu eas subito reddant; quod necessariò cogit Medicos, & Chirurgos ad præscribendas alias formulas. Alii sunt quorum palatum adeò delicatum est, ut nequeant se cogere ad diuturnum usum remedii saporis subingrati, licet id facere possent, si plus valeret in iis sanitatis desiderium, quam cupedia, inducens eos, qui iis sanandis operam dant, ad exhibenda remedia, potius ægri palato grata, quam morbo adversa.

In hæc Verba. *Præscriptis* --- Mirum debet esse, ut supra jam diximus, Authorem, qui remedia proposuit quæ efficacissima credit ad sanandas gonorrhœas maxime inveteratas, & virulentas, videri palinodiam hic canere, dicendo: Præscriptis remediis indubitanter recentem gonorrhœam virulentam curari, antiquatam vero, ob impressum profundius virus non ita facile extinguere, ac si recens esset; ideoque ad efficaciora transeundum esse remedia.

Omnis hic sermo, in quo sibi videnter contrarius est Author, eo spectat, ut proponat in curatione gonorrhœarum rebellium, usum duorum remediorum, quæ efficaciora creditis, quæ ante præscripta sunt; hæc autem sunt turpethum minerale, & præcipitatus viridis.

Quod spectat ad primum, quod maximè violenter agit, nequit bonum esse nisi in robustioribus; omnes Medici affirmant præcipitatum viridem, optimum esse remedium adversus Gonorrhœam, eumque ter quaterve iteratum, ut vult Author, fluxum illum saniosum felicissimè sanare; sed cum sit emeticum, Galli in omnibus delicati, novarumque rerum cupidi, operosum fastidiunt remedium; eoque non ampliùs usi sunt ægris, ut placeant Chirurghi, licet certè sit modus turpissimus, & citissimus, qui adhiberi possit, ad morbum ejusque causam uno impetu expellendum, & ad perfectè, & sine recidiva persanandum.

Sed Nobilioribus qui nobis se committunt, quo modo emetica ter quaterve iterare audeamus? his sanè repugnat pectus, ventriculus, & intestina quorum debilitatem semper prædicant adultores eos obsidentes; Publicanus qui sibi nimium sumit, Beatus Civis, Dives Mercator, Causarum Patronus, Tabularius, & Procurator benè, & fortunatè viventes, omnes simiæ plus minusve Nobilium, qui desperarent nisi iis forent pectus, ventriculus, & intestina æquè tenera ac ea Ducum, Comitum, & Marchionum non minus, quam hi fastidiunt emetica; ita ut solis miseris exhiberi potest illud remedium, dum

dum Nobiles ægri detinentur Elixiriis, Balsamis spirituo-
sis, Quintis Essentiis, aliisque similibus remediis, do-
nec Medicorum facietæ, Tempus, & Natura eos per-
sanent.

In hæc Verba. *Hoc remedium* ---- Processus viridis
præcipitati evidentius describitur in Cursu Chymico D.
Lemery, quam hic ab Authore; ideòque hortamur eos,
qui cum exequi volunt, ut adeant librum D. Lemery.

C A P U T III.

De Testium Tumore.

Testes variis tumorum generibus infestari solent, in-
flammatione scilicet, scirrho, erysipellate, edema-
te, &c. quæ sunt aliis communia partibus, de quibus hic
non agimus; quædam alia sunt particularia, & propriè
ipsis competunt testibus, non enim fiunt inextima scroti
parre, sed in intima, & circa ipsos, hujusmodi autem sub
herniæ nomine comprehenduntur, de quibus in Primo
Tomo tractavimus, sed hic de illo testium tumore, qui
ex virulenta gonorrhœa ortum ducit, agimus, quæ *Hernia*
Veneris dicitur.

Signa.

Hujus affectus signa sunt: Si actu gonorrhœa fluit,
vel ejus intempestiva præcessit suppressio, & ingens rigor
corpus invaserit, deinde febris, testes intumescunt, insi-
gnis, dolorificus exoritur tumor, quandoque in uno,
& quandoque in ambobus testibus, cum pondere, quasi
testes deorsum trahente, rubore, & pulsatione, ut pluri-
mum ad renum loca se extendente.

Causa.

Vulgares Medici testium tumorem per viam fluxionis
fieri credunt, imò per confluxionem catarrhalem ex hepa-
te, quia gonorrhœam esse penis catarrhum opinantur.

Fit testium tumor, si æger diætæ leges parùm server, &
ex ejus arbitrio pendeat, variosque committat errores;
vel potius si saniosus fluxus adstringentium ope repulsus
fuerit; vehementioribus catharticiis, vel intempestivè ad-
hibitis; vel à nimio aperientium, & diureticorum usu, vel
ex phlebotomia in pede celebrata. His mediantribus causis
occasionalibus saniosus gonorrhœæ fluxus, vel aliqua ejus
portio inhibetur, stagnat, nec ampliùs quandoque fluit,
& consuetam obstruit viam, tunc è prostaticis per testium
fibras, vel unà cum sanguine, vel succo nutriente, vel lym-
pha ad testes propellitur, diffunditur, ubique excitata ef-
fervescentia, vasa intumescunt, succi inter testium fibras
stagnant, fermentescunt, & arrepto veneno Venereo, ita
exagitantur, ut acidæ, & cuspidatæ eorum particularæ ve-
hementiùs commotæ fibras vellicent, lancinent, contra-
hant, vel distendant, & hoc non modò tumor, & in-
gens dolor, sed febris, rubor, & pulsatio, nunc in uno,
nunc in ambobus testibus exsurgit. Sæpè plures testium
canaliculi à materia stagnante aperiuntur, & succi in-
rùs contenti effluunt, & hyperfarcosin producunt infla-
mabilem.

Prognosis.

Testium tumor est malum non contemnendum, cum
testes ad speciei conservationem non solum sint necessa-
rii, illisque valdè læsis, læditur, & generatio, sed etiam
testantur humanitatem; unde tumor hic in principio non
ægre curatur, si illicò convenientia adhibeantur medica-
menta, & nullus nec à patiente, nec à medico commit-
tatur error: ut neglectus rarò suppuratur, vel perpetuò
in scirrhum degenerat, si succi stagnantes ab initio non
attenuentur, & resolvantur, præter alia diræ luis sympto-
mata, quæ huic malo supervenire solent.

Curatio.

Curant *Vulgares* testium tumorem præmisso clystere re-
frigerante, & emolliente, peccant testes, & anum ple-
ctunt: deinde venæ sectionem revulsivam celebrant, quæ
multum nocet, ut fusiùs demonstravimus; quia non pec-
cat sanguis, & in morbis venenatis sanguinis missio est

ipso veneno nocentior. Postmodum victus refrigerantis,
& humectantis instituta ratione, ad cataplasmata refri-
gerantia deveniunt *ex malvarum foliis, radicibus althææ,*
floribus chamomillæ, & meliloti, seminibus lini, ac psy-
lii. Vel

℥. Succ. solan. ℥. ss. flor. alth. exsicc., ros. rubr.
ana ℥. j. aquæ persicar. maculat. plantag. ana ℥. iij. fari-
næ hordei ℥. ss. olei ros. ℥. iv. f. cataplasma.

Verum in magno versantur errore, quia licet copiosius
refrigerent, tumorem non tollunt, nec resolvunt; sed in
scirrhi duritiem vertunt. Nonnulli *fabam* applicant;
quam concinnant, fabas coquendo ad cataplasmaris for-
mam usque, cum oleo ros. & eodem modo *ex ciceribus*
cataplasma conficiunt, quæ juvare credunt ob signaturam
cum testibus. Dato, quod cicera ob signaturam juvenr,
fabæ quam signaturam habent? Interim non desunt *syr-*
upi refrigerantes, & renum *ex unguento rosaceo, & Co-*
mitissa inunctiones. Corpus semel, & bis *Cassia* pur-
gant; sed malum pejorant, & tumorem augment, cassia
namque per urinæ vias purgat.

Testium tumorem ex virulenta gonorrhœa contractum
nos curamus dolorem sedando, fluxum saniosum aver-
rendo, diffusum dissipando, & tumorem resolvendo.
Unde æger in lecto quiescat, & statim ad doloris seda-
tionem, testibus cataplasma de mica panis sæpius applice-
tur, quod fit *ex lacte, mica panis albi, vitellis ovorum*
recentium, ac oleo rosaceo. Magnæ efficacæ est hoc cata-
plasma in inflammatione, & sedandis testium doloribus,
non quia frigidum, sed ob anodynam energiam, quam
continet. Verum si dolor sit ita acerbis, ut totam ad se
curationem trahat, tunc maximo juvamine applicetur ca-
taplasma *ex foliis hyoscyami, papav. alb. & umbilici Ve-*
neris confectum in aqua spermatis ranarum, & addi pos-
sunt *mucilagines seminis psylli cum eadem aqua extractæ.*
Vel inungi possunt oleo sem. papav. alb. per expressionem
elicitò: Præsentissimum est etiam *Cataplasma ex ruta,*
& ebuli foliis in acet. coctis, & applicatum. Vel fiat fo-
mentum *ex decocto radicis china cum floribus sambuci in*
vino generoso; hoc enim decocto si fomententur scro-
tum, & testes discutit, & inflammationem resolvit cum
gonorrhœa conjunctam. Pro pauperibus tamen expertis-
simum est cataplasma factum *ex farina fabarum cocta*
cum posca scilicet aqua, & aceto, & revera tale catapla-
sma est expertissimum ad quamcumque testium inflam-
mationem; Cujus rei aliquot experientias videre poteris
in Riverii observationibus, aded ut hoc ipsum cata-
plasma non tantum in simplici testium inflammatione,
sed etiam quæ interdum suppressis intempestivè gonor-
rhœis supervenit, commodè applicari possit.

Saniosus avertitur fluxus, si nostra adhibeantur medi-
camina pro gonorrhœæ curatione, & præcipuè ea, quæ
balsamica comprehendunt. Virulentam à testibus resol-
vunt materiam sequentes pilulæ; ut

℥. Gummi guajaci nativi ℥. j. ss. stibii diaphoretici
℥. ij. balsami Peruv. ij. ss. m. cum syr. card. sancti f. pi-
lul. xx. & deaurentur. Dosis pilul. ij.

Pro tumoris resolutione, transacta inflammatione, &
dolore, unice valet *oleum sanctum rectificatum, & cor-*
roboratum cum oleo ligni sancti, vel oleum ceræ cum oleo
gummi ammoniaci vigoratum, pluries inunctum, vel bal-
samus sulphuris à Rulando descriptus, vel applicari potest
emplastrum stipticum: Sed in horum medicaminum appli-
catione, ut partem tangerent, & actuerent, ac ne suo pon-
dere testes deorsum trahantur, & dolorem adaugeant,
necessarium est subligaculum.

Tumorem antiquatum tollunt purgationes nostræ pi-
lulares capite præcedente de gonorrhœa descriptæ, qui-
bus parum proficientibus, quia scirrhi naturam sapit, ad
nostra decocta infra describenda recurrendum est, vel ut
tumor scirrhusus curandus.

N O T Æ.

In hæc Verba. *Curant Vulgares* ---- Cum magis præ-
judicatis opinionibus, quam ratione ductus, æquè im-
probet Author *Vulgares* hic clysteribus utentes, ac antea
eos sanguinem mittentes improbavit; diætaria in hoc re-
medii pro curatione tumoris Venerei testiculorum, huc
allata, nil imminuunt efficacæ hujus remedii, quod
apertissimum est ad impediendum quominus jure vicinitatis,
propagetur horum inflammatio in viscera in hypogastrio
con-

contenta, & experientia plus valere debet quam male præjudicata opinio.

In hæc Verba. *Deinde Venæ Sectionem* --- Eandem ob causam, quocunque in casu, Venæ Sectionis usum improbat Author, & licet ob maximam congestionem, magnam inflammationem, acutissimumque dolorem metus esset, ne testiculi cum periculo suppurarentur, vel citò in sphacelum abirent, non crederet tamen Venæ Sectionem quidquam proficere posse ad tantum malum averendum; licet quotidiana nos doceat experientia, hæc symptomata, incantamenti instar, cedere Venæ Sectioni in pede factæ post duas, tresve Venæ Sectiones in brachio.

In hæc Verba. *Verum in* --- Nil magis patefacit insensum Authoris animum in Methodum communem sanandi inflammationes, quam ibi dicta ab eo de temperantibus, & refrigerantibus remediis, quæ spectat tanquam venena, testiculorum tumorem in verum scirrhum mutantia; cum citò post, ut primæ satisfaciatur indicationis, sibi in curatione hujus tumoris propositæ, idest sedando dolori præscribat cataplasma, sit omninò simile, saltem ejusdem efficaciam, cum eo quod in vulgari methodo mox vituperavit.

C A P U T IV.

De Caruncula Penis.

SI gonorrhœa virulenta fuerit antiquata, vel sextum præterierit mensem, faciliter evenire potest, ut virus profundius impressum in urethra sordidum inducat ulcus, & inde eveniat caruncula penis; rarissimè verò ex alia causa prægressa hoc oritur malum.

N O T Æ.

Adhuc sub judicis est, an scilicet dentur carunculæ, vel excrescentiæ in ductu urethræ, inductæ à viru profundius in urethra impresso, quodque juxta Authorem, sordidum inducit ulcus, ex quo eveniat excrescentia carnea.

Non videtur defendi posse opinionem eorum, qui dicunt esse impossibilem excrescentiæ in urethra generationem; cum idem virus inducens verrucas circum glandem, ficos & condylomata circa anum, fungos in ore, & naribus; & tubercula in omnibus corporis partibus, inducere etiam possit excrescentias in urethra.

Verum admittendo possibiles esse carneas in ductu urethræ excrescentias, fateri tamen oportet eas rarissimas esse; cum plerique Practici maximi nominis, & inter alios *Saviard. in Observ. 73.* credant se meritò negare omninò posse urethræ carunculas, quòd nunquam invenerint tales excrescentias in cadaveribus eorum, qui hoc morbo affecti credebantur, verum corrosiones inductas, vel à virulenta ulcerum materia, vel ab usu catharticonum adhibitorum, ut dictæ carunculæ consumerentur; & ductum urinarium paulo minus latum in loco cicatricum harum corrosionum.

His positis, merito conjicere est, dysurias, & ischurias, in ætate matura afficientes, eos qui in juventute gonorrhœas passi sunt, inductas esse à tumore facto circa has cicatrices; cum urina inflammata est, corpusque calidius, vel ob intemperantiam in potu, & cibis, vel ob coitum nimium; aut ob immoderatos motus; sive ob aliam quancunque causam; virus lentum tardumque collectum, & intricatum in textura urethræ, ut diximus in *Notis in Caput de Gonorrhœa*, cum tunc quasi è lethargo excitetur, ideoque aptius sit ad agendum in fibras hujus texturæ debilitatas ætate, & intemperantia eorum, qui hoc morbo affecti fuerunt, quam in juventute, ob nimis tunc repugnantem actioni virus, validam hujus partis constitutionem.

Signa.

Facile cognoscitur penis increfcescens caruncula, seu excrescentia carnea in urethra, ex prægressa foeda gonorrhœa, quæ modo stranguriam, modò dysuriam, jam ischuriam infert: observatur namque urinam non eodem tenore ac antè prodire, aut bifurcatam, ac obliquam, tandem ita subtiliatur, ut guttatim tantum exiliat, aut omninò interceptatur. Unde catherere, vel parva can-

delæ cerea immissa in penis canalem, mox se offert obstaculum carnosum, modò anteriùs, modò, idque ut plurimum, posteriùs, circa penis radicem, non longè à prostratis glandulosis, ibi enim ut plurimum hæc ipsa caruncula excrescere solet.

In mulieribus cognoscitur, cum in uteri collo formatur, quia membri virilis introductionem impedit.

Causa.

Penis carunculæ causam credunt vulgares esse humores lentos, viscidos, & pituitosos ad urethræ ulcus defluentes, & cum aliqua sanguinis portione admistos, in carneam excrescentiam abire. Verum errant in hujus affectus assignanda causa, non enim humores viscosi, & pituitosi, vel sanguis ipse hujus excrescentiæ causa esse possunt, sed hujus mali origo pendet à foetida gonorrhœa, quando nempe acrimonia acido-salina corrosiva liquaminis effluentis corrodit urethram, & nonnihil exulcerat. Unde sequitur tandem, ut in loco corroso ex ulceris impuritate, & crassitie, unà cum alimento naturali affluente, succrescat substantia quædam carnea cujusdam verrucæ instar, ut in aliis ulceribus videre est, quemadmodum à turdi conspurcatione arboribus viscum innasce dicitur. Hæc sylvestris caro vivit aliena quadra, scilicet vita totius, non aliter ac viscum frutex arboris vita.

Prognosis.

Penis caruncula malum est periculosum, & curatu satis difficile, ac tardæ sanationis; circa enim initia mollis, & laxa percipitur, quandoque parva, & non multæ observantur, temporis verò diuturnitate plures grandiores, duræ, & callosæ; & tunc vix curationem admittunt, siquidem levioribus non cedunt medicamentis, à fortioribus irritantur, & potissimum si medicamenta in formâ liquida administrantur, à quibus potius sanæ partes, quam carunculæ eroduntur. Præterea curationis difficultatem auget affecti membri nobilitas, compositio, & connexio, quam cum præcipuis partibus habet, adeit viarum angustia, & tractandi difficultas, ac proinde vix sine majorum malorum metu curari possunt, nam absque exedentium medicaminum usu vix superantur, & quod malum adaugere, medicamenta in parte affecta commodè applicari nequeunt, nec commodus est locus ad amputandas has carunculas. Insuper curandi difficultas oritur, quia pars est mobilis, & frequenter ab urina lumbectatur, & irritatur. Imò malum comitatur modò stranguria, modò dysuria, & modò ischuria. Est stranguria urinæ stillicidium, & sæpè ad mictionem stimulat, parum tamen, & guttatim saltem redditur urina, idque qualibet vice cum mordicatione acerba, & ustulatoria intermingendum in meatu urinario percepta, imprimis autem circa mictionis finem, ubi mordacissimus ardor usque ad glandis extremitatem sentitur. Dysuria est urinæ difficultas, quando urina cum laborioso conatu, diuturniorique, quàm aliàs fieri solebat, occupatione, & quandoque cum hypogastrii dolore, vix tandem omnis ea quantitas, quæ pro vice in vesica collecta est emittitur, interrupto subindè mictionis filo, atque in guttationem converso, imò integram subsistentiam minante, ut proinde patiens opus habeat ducto prius integris pulmonibus spiritu fortius conari, atque unà nonnunquam manibus hypogastrium comprehensare, quòd omnis urina foras propelli queat, tanto labore, & dolore urinæ, redditio fit, ut interdum etiam tenesmus concitet, alvum ad se exonerandam stimulet, & saltem ani sphincter simul per consensum doleat, ac hæmorrhoides inflentur; unde miseri ægri ejulare cogantur. Ischuria est penitus urinæ suppressio, ita ut planè nihil, & ne guttula quidem emanare possit, & ad superiora regurgitat. Et hinc difficillima emergit curatio, & lue Veneream comitem habet, quia hujus soboles est. Nec radicitus tollitur, & post remedium applicationem licet absumpta videatur, tamen temporis progressu germinat, tandem ad sepulchrum usque comitari solet.

N O T Æ.

Observandum est urinam longa mora in Vesica eorum qui sæpè stranguria, dysuria, & ischuria afficiuntur, ob tumores, vel excrescentias in ductu urethræ natas; ita acrem, & mordacem fieri, ut rodens, & perforans urethram prope originem, undiquaque refluat, & ceteri fistulosos abscessus omnibus in locis in quibus effunditur; ut in membranis scroti, in perinæo, pube, & circa penis radicem; ita ut eadem imo, & major urinæ quantitas per hos sinus fistulosos exeat, quam per ductam urethræ.

Symptoma illud præcipuè videtur, in iis, qui sibi omnino indulgentes, imò & in damnum sanitatis, omni intemperantiæ, non obstantibus sæpè iteratis dysuriis, & ischuriis, se tradunt, donec exulcerata, fungosa, coriacea, & siderata vesica ex ischuria post diuturnos cruciatus, moriantur.

Observatione adhuc dignum est, necessarium non esse, (licet caruncula urethræ sit Luis Venereæ symptoma, vel ut melius dicam singularis Lues) agris exhibere, ut obiter id dicit Author, remedia Lui Venereæ universali adversa, antequam caruncula curetur, nisi alia dentur evidentiæ signa Luis Venereæ; quia docet experientia, illa in caruncula, ut & in antiquatis gonorrhœis nihil prodesse.

Curatio.

Pro Carunculæ curatione præmissis internis purgantibus tam mercurialibus lui dicatis, quam appropriatis, sed blandioribus, nam satius est bis, vel ter corpus purgare, quam viribus probatis, agitat, ac calefactis humoribus malum exacerbare: deinde idonea instituta victus ratione, ad decocta confugimus sudorifica. Si caruncula in magnitudinem, & duritiem excreverit, emollienda est foris ex radicibus liliorum alborum, althea, semine lini, fœnugraci, floribus camomilla, & meliloti, quæ concisa, & confusa bulliant intra crura, ac pannis undique circumtectis, nequid exhalet, & fomentetur penis, post foris applicetur cataplasma ex prædictis. Vel fiat linimentum ex unguento de althea, butyro, adipe humano, & oleo simul mistis si mollita caruncula sequitur, ut extirpetur; huiusmodi autem opus non expectandum, neque sperandum est à natura, sed ab arte. Si omnimoda urinæ suppressio ægrum fatiget, vel stillicidium pro urinæ excretionem ad ceræ candelæ usum deveniendum est, esto in ejus introductione intensissimi excitentur dolores, sed candelæ culpis illinenda est aliquo medicamento non valentiori, & acriori, ne ob dolorificam erosionem aliquod exitiale succrescat malum; sed talis energię esse debet, ut carunculas dissipandi, & consumendi vi potiatur citra mordicationem. Absumetur caruncula sequenti pulvere.

℞. Draconis mitigati ℥. ij. ℞. stibii crudi ℥. ℞. tutie præp. ℥. j. m. f. pulv. subtiliss.

Utimur hoc pulvere cum candelis cereis ex cera virginea factis quatuor, vel quinque filis cera obductis. Ceræ verò præparatæ tenuissimis obvolvendæ sunt fasciis ex lineo panno carbasino, ne nempe fabrefactæ candelæ relinquant ceram, & ut commodius unguentum recipiant. Pulvis iste prius cum oleo amygdalarum distemperatus sit, eoque superiori illinatur candela cerea, & in penis ductum immittatur, eò usque ubi caruncula viget. Si æger mingere volet, dematur candela, & post mictionem nova indatur, idque fiat integro quatruiduo. Vel melius fiant candelulæ ex cera alba quatuor filis ex serico crudo cera obductis, ne intra urethram rumpantur, ut multoties observavimus. Pars, quæ urethram ingreditur, parum calefacta volutetur supra simplicem draconis mitigati pulverem, & modo quo supra adhibeatur; vel eodem modo utimur Calomelano Turqueti feliciore eventu. Non credibile est, quantum hic pulvis valeat ad penis carunculam absumentam, nam medicamentum pro caruncula talis energię esse debet, ut sanam non exulceret partem, & luxuriantem tantum absumat, cujusmodi est Draconis mitigati, & Calomelani Turqueti pulvis.

Nonnulli in carunculæ assumptione candelæ vice, chorda ex intestinis contorta, & oleo amygdalarum dulcium oblita utuntur, quæ nullatenus rumpi potest, & multum pro unguenti illitione valet; chordæ namque apici, & vacuitatibus adhæret. Multa sunt unguenta

pro hoc malo ab authoribus descripta, sed ab acribus, & corrosivis abstinere oportet, quia urethræ mollior, & tenerior fibræ facillè læduntur, & discinduntur; periculum namque est, ex nimia corrosione, ne gangræna oboriatur, & esset malum priori pejus. Mitia itaque conducunt, & quæ sensim absumentur procedunt, ita est sequens, quod sat extollere non possumus, ut

℞. Ossis sepiæ, tutie præp. ana ℥. ij. cornu cervi usti, aloes lotæ, aristoloch. rotund. ana ℥. j. al. usti. ℥. ℞. f. pulv. subtiliss. postea

℞. Ol. rosar. ℥. ij. lithargyr. aur. ℥. j. f. decoct. quousque acquirat emplastri consistentiam, deinde ab igne deposito, adde illum pulverem, & ad ignem tractato, ac misceto donec medicamentum evadat duriusculum; hoc remedium emplastri habet consistentiam, & extremitatibus candelæ, vel chordæ, præferrim si illa tenior facta sit, satis commodè annecti potest.

Quod si caruncula admodum vulgaribus præsidii non dissipetur, & urinæ stillicidium omnimodam ita minetur interceptionem, ut patiens periclitari videatur, tunc ad specillum plumbeum confugiendum est præmissis emollientibus; sic enim vehementes non concitantur dolores, & non ita facillè inflammationes sequuntur.

Si omnimoda sit urinæ suppressio, parvus chateter in meatum urinarium intrudatur usque ad vesicæ fundum, sic carunculæ atteruntur: & comminuantur, & urina evacuatur: interim præmittendum est, ut sanguis copiosè educatur, ita enim, ne prava accidentia sequantur, prohibetur. Opus crudele videtur, attamen longè crudelius est, cum nihil urinæ excernitur, sinere, ut ad alias partes recurrat, & patiens citius, & certius periclitetur.

Absumptas esse carunculas per nostra medicamenta deprehenditur ex urina, quæ liberè, promptè, & pleno meatu prodit, vel ex candela, quæ liberè, & absque ullo impedimento ad vesicam penetrat: tunc incumbendum est, ut per syringam medicamenti vulnerariis inducatur cicatrix, quibus tandiù utimur, quousque nulla humiditas educatur, nec quicquam ex urethra resudet.

N O T Æ.

In hæc Verba. Pro Caruncula --- Optima hic proponitur remedia Author ad levandos affectos stranguria, dysuria, & ischuria, inducta ab obice sæpè nato, in ductu urethræ, ex antiquatis gonorrhœis, qui ut lubet, vocabitur caruncula, vel tumor; & licet omnes ii qui Luis Venereæ sanandæ operam dant, has etiam curent, semper tamen fuere Chirurghi, qui famam sibi compararunt, sanando hos morbos difficiles, dubios, & recidivæ maximè obnoxios; itque omnes se jactarunt de possessione arcani omnibus ignoti, licet revera omnes hæ compositiones ferè ex iisdem fierent, ex iis scilicet quæ apta sunt ad consumendas, & liquandas, sine magna acrimonia urethræ excrescentias, ut vitentur magnæ perturbationes, quæ lethales fuerunt, narrantibus Practicis, & inter alios Saviard. in Obs. 74. quæ legi meretur, ob optima monita, in curatione hujus morbi observanda, ibi interposita.

Chirurghi, memoria nostra, in Curatione carunculæ, maximè celebres, fuerunt Ruffin Pater, & Filius Chirurgi Jurati, & Magni Nosocomii Charitatis; Jonnot ejusdem Nosocomii etiam Chirurgus, optimus lithotomos, & Practicus in omnibus Chirurgiæ partibus; Guyart, & Juillet, Chirurgi Jurati; Marin Patruus, & Nepos; Goussier, & Barjol, qui contenderunt se idem possidere remedium; & Collot nuper mortuus cujus dexteritas in calculi extractione, tantum eam majorum superavit, quantum horum fama eam omnium aliorum Lithotomorum à ducentis annis superat.

Solers ille Vir, in curatione carunculæ tumorumve urethræ, non utebatur candelis cereis onustis remediis causticis, & cathæreticis, quibus fucata, & palliativa tantum sæpius obtinetur curatio, sed in perinæo faciebat incisionem paulo minorem ea quæ fit in Vesica pro extrahendo calculo; ex qua tria præcipuè commoda emergebant. 1. Impediebat moram urinæ, quæ ea incisione facta, subito non amplius elabatur per aperturas fistulosas; cum liberum per eam perinæi habeat exitum. 2. Facillimè in vesicam injiciebat, quod vellet, ut eam à sordibus purgaret, ulcera detergeret, fungosque ibi satis frequenter inventos dissolveret. 3. Licebat illi introducere in urethram sine ullo obice, setaceum li-

quân-

quantibus remediis onustum, eum immittendo in extremam partem catheteris introducti per aperturam naturalem urethræ usque ad incisionem perinæ; ita ut catheterem extrahendo setaceum sequatur, & exeundo per aperturam urethræ, facile est alterum in dies addere, qui semper per eundem ductum trajicitur; donec liquatis, & dissolutis omnino excrescentiis. Urina per urethram liberè fluat; post ad cicatricem perinæ apertura deducitur, ut ea extractionis calculi; multoque tutior est hæc curatio ea, quam facere conantur ope candelarum cerearum.

In hæc Verba. *Nonnulli* --- Præter candelas cereas, & chordam ex intestinis contortam ab Authore hic propositas, ut ferantur remedia in urethræ carunculam; utuntur quidam adhuc tela cerea, candelæ cereæ instar convoluta, vel balæna in hunc usum accommodata, quæ illud habet commodi, quod ea uti possimus ab initio curationis usque ad finem, quin vitietur, mollisque fiat, ut cera, chorda ex intestinis contorta, & tela cerea, quæ frequentissimè renovare cogimur,

In hæc Verba. *Si omnimoda* --- Ductus Urinarius ita aliquando obturatur tumore, & inflammatione, ut omnino impossibilis sit introductio catheteris tenuissimi in vesicam, ut urina educatur; Sic ut, liberetur æger ab imminenti, tali in casu, periculo, necessario coguntur instituere operationem de qua mox verba feci, id est punctiōnem in perinæo, sine qua brevi ex perfecta ischuria moreretur.

In hæc verba. *interim* --- Mirum est Authorem ubique alibi Venæ Sectioni infensum, copiosam hic sanguinis missionem jubere. Quomodo non intellexit remedium illud, quod hic spectare cogitur tanquam unicum Medici asyllum in urgenti periculo ægris imminenti, non esse, damnandum lethiferumque præsidium ut alibi affirmare ausus est.

C A P U T V.

De Bubone Venereo.

Non infrequenter ex Venereo concubitu cum scorto impuro originem trahit Bubo Venereus tuberculum in inguinibus à principio admodum parvum; & obscurum, in quo maxima Veneris virulentia latet; appellatur Venerens ad illorum differentiam, qui Venerei non sunt. Bubo ab inguine, tanquam ut plurimum existente loco affecto ita dictus est. Bubo vulgò dividitur in benignum, vel simplicem, & malignum, & hic rursus in pestilentem, & Venereum. Simplex bubo est pueris, & adolescentibus familiaris, unde, & vulgò augmenti corporis index habetur. Pestilens pesti, seu fructus, & effectus, ac pestilentis tempore grassatur; Venerens lui Venereæ debetur. De simplici, & pestilenti primo Tomo diximus, de Venereo autem in præsentiarum agimus.

Signa.

Ex prægresso concubitu cum muliere infecta, vel saltem suspecta de Lue Venerea, & maximè si nulla alia externa apparuerit causa, vel caries, vel ulcus, aut gonorrhœa præcesserit non ritè curata, vel suppressa parvus tumor in inguine apparer, qui in dies augetur cum dolore, & rubore, circa vespas rigor, capitis dolor, & cum totius corporis lassitudine, febris molestare solet, quæ manè præter tuberculum omnia remittuntur, atque evanescent.

Solent quandoque malè feriat Chirurghi decipi in ruptura, & eam pro bubone accipere, ut nuper cuidam accidit, qui prægresso insueto itinere, catarrho cum vehementi tussi, & in inguine parvo tumore correptus fuit in principio, procedente verò tempore magis increbuit, & dum stabat, protuberabat cum dolore punctorio, ac velut lancinativo, dum verò supinus decumbebat, retrocedebat. Accersivit urinæ Medicum, duosque Chirurgos, qui inspectum tumorem bubonem Venereum esse asseverarunt, ex malè curatæ gonorrhœæ suspitione, in quam tunc quartus decimus agebatur annus, inciderat. Inito itaque consilio, corpus manna deplent, deinde maturantibus per tres menses incubuerunt, quibus irritis, tumorem rebellem, ideoque maturantibus, vel resolventibus reluctantem esse sanxerunt. Secundum ineunt consilium, & tumotis incisionem decreverunt, quæ peracta nil præter sanguinem fudit. Sunt Medici, buccinatoribus non absi-

miles, qui amissam buccinant rem cujus ad unguem omnes delineant notas, licet postmodum non agnoscant, etiam si eam intueantur, Introspectantes foveam versus glandulam bubonatiā, pro magno sinu acceperunt, quem secuerunt, sed peracta sectione exemplò excarnificatus languens sæva teneri febre, linguæ ariditate laborare, anhela excruciarī siti, in parte laniata dolores sentire truces, varios vomere humores, urinas reddere confusas, nulli succumbere somno, & innumera pati symptomata, quæ præsentem intentabant mortem, cœpit. In tanta symptomatum procella sanguine conjuncti de vita decumbentis hæsitare cœperunt, tertioque consilio accersitum Chirurgum *Prudentem*, & peritum adjunxerunt, qui percepta relatione, assidentibus Medicis rupturam, non bubonem refecuisse exprobravit, incisionem repudiavit propositam, & ut errori consulere Rulandi balsamum sulphuris pro incisæ partis sanatione proposuit. Patefacta Chirurgorum crassa Minerva, demisso ignavia indice, ad eorum exitiale scelus tegendum, duorum Chirurgorum opem implorarunt, quia canis caninam non est, jure jurando; imò perjurio asseverarunt non rupturam, sed Venereum esse bubonem, & multum collegis assentantes, tertiam laniam profundè faciendam instituerunt, in hac tertia incisione non tantum pyramidales musculos, verum etiam qui pubem constituunt, secuerunt. Tum demum exitialia symptomata increbuerunt; & fractis viribus languens, paucissimis diebus in mortis agone jactatus, non exenteratus, obiit, sed abiit.

Non infrequenter Chirurghi accipiunt quid pro quo, & pro eorum tuenda ignavia acerrimè digladiantur, ac, ut inter ipsos auxilii imploratio colatur, facile in tertium conjurant. Æger in manu Medici est velut ovis in faucibus lupi. Pecuniæ causa non ægrotum salutis gratia discunt; ideoque Medicorum avarissimum genus est, & quod mirari subit, sunt quidam Medici, qui pro sesquihora vitam non habent, ac in lecto perforato cubare deberent, & tamen se trahunt, vel trahuntur per urbem, schedulas salutis, qua carent, jactant in vulgus, nec urinam quidem gratis, aut mercedem inspiciunt, aut eductum sanguinem assula volutant, aut ægrum vel semel tantum visitant. Sunt veluti pediculi, qui alienis saginantur ærumnis; ut ditecant nullis fraudibus, nullisque parcunt mendaciis: omnes in iis ambulant, & in iis volutantur, quæ pro fundamento agnoscunt, & veritatem vocitant mendacium. Hinc hortamur ægrotos, ut à morbo potius acciderent, quam à Medico, ille enim miriùs, hic verò inhumanius agit.

N O T Æ.

Præter imperitos Chirurgos, ut tales cognitos, multi dantur, ignorantiam adeo dexterè occultantes, solvendo petulantia quando oportet; quibusdam in casibus superbe loquendo; se submittendo cum necessarium est; & utendo aliis in casibus suavis, mellitisque verbis, ut sibi tamen colligant existimationem fiduciamque innumerorumque credulorum, & facile deludendorum.

Inter multos hujus farinae, quos hic designare possem, novi unum ab aliquot annis mortuum, postquam aliquando vectus fuerit rheda juncta uni equo, qui in suo genere pluris faciendus erat, quam figura humana, qualis tantum erat, in suo.

Chirurgus hic, licet inscitissimus, sibi tamen quandam collegerat famam, exhibendo in morbis Venereis decocta, quæ veneno nec expulso, nec omnino destitucto, illud faciunt tantum debilius, & desinere in alios morbos ægris sensim, & sine sensu mortem inferentes. In triginta annis praxeos adhibitis in horum morborum curatione, discere debuisset distinctionem inter bubonem Venereum, & bubonocelen; attamen annosa hæc praxis non impedivit quominus alium pro alio fameret, sicque divitis viduæ filium unicum occideret.

Quasunque enim rationes, juvenis ille afferre poterit, ut intelligeret morbum à causa Venerea nullo modo oriri, cum ne minimam occasionem huic unquam præbuisset, attamen post usum cataplasmatum emollientium, & maturantium, credens sentire sub digitis fluctuationem materiæ suppuratæ, magnam in tumore aperturam lanceola fecit, per quam exierunt sæces non pus. Alius Chirurgus intelligentior, accersitus post hanc infelicem aperturam, charitate ductus, occultavit, quantum potuit, latam

Iatam hanc culpam, ex qua die sequenti, vulneratus mortuus est.

Sed quod inulto magis stupendum mihi visum est in agendi ratione execrandi illius Agyrtæ, fuit ut non ita pridem didici, primum illud homicidium tantum abfuisse ut eum in apertura tumorum inguinalium consideratio-rem redderet, ut non impediverit, quominus Puellam occideret ob errorem omnino similem, postquam eam in familia diffamavisset persuadendo parentibus, tumorem, quo laborabar in inguine, esse symptoma Luis Venereæ ab impuro coitu contractum.

Datur adhuc alius vivens priori similis, in eo tantum differens quod vehatur rheda duobus equis juncta, se plurimum observet, æqualesque procacius contemnat, & adhuc majorem famam colligat, licet non sit intelligentior.

Post hæc omnia, dicet tamen aliquis eos, qui in omnibus Artibus, & Scientis expertissimi habentur, non esse infallibiles, & sic hujus Chirurgi errores excusari posse: fatemur expertissimos in artium praxi esse fallibiles, imo & Chirurgos aliis Artificibus fallibiliores esse, qui objectum in quod agunt minus iis cognitum est, minoremque habent in hoc potestatem quam alii artifices in artis suæ objecta iis ut plurimum solutissima. Attamen si dentur in praxi Chirurgiæ errores excusabiles, dantur, & inexcusabiles; errores, verbi gratia, in quo Chirurgi labuntur, in praxi Venæ Sectionis sæpe excusatione digni sunt, quia nulli sunt quantumvis versati in Anatomia, ut & in Theoria, & Praxi Chirurgiæ, qui in eum non delabi certi sint; nisi in solis sanguinem mittant, quibus vasa maxima, & valde visibilia; quia felices successus habere nequeunt in Venæ Sectionibus difficilibus, nisi se exponant, aperiendo vasa profunda, & intricata tangendis partibus quibus tactis pessima oriuntur symptomata: ita ut verissimum sit, Chirurgos, imo & versatissimos, dimidium Venæ Sectionum quotidie faciendarum relicturos, si nullum omnino periculum in praxi Venæ Sectionis subire vellent.

Neque etiam semper imputari debent Chirurgis, malæ partium figuræ, & impotentia agendi, quæ supersunt quibusdam vulneratis, post ossium fracturas, & luxationes; quia hæc vulnera sæpe adeo complicata sunt, & stipata pessimis symptomatibus, ut tunc difficillimus sit cognitu ossis morbus; imo licet cognosceretur sæpe impossibile est ea in pristinum statum restituere, imprimis cum Chirurgi advocantur, tantum postquam vulnerati fuerunt ægri.

Verum eadem non est ratio inscitæ Chirurgi, adeo parum periti, imprudentisve ut bubonocelen dicat esse bubonem Venereum, præcipuè, cum Practicus, ut ille de quo hic loqui contendimus, consensit in curandis morbis Venereis: hæc enim duo tumorum genera, si situm excipias, distinguuntur circumstantiis adeo evidentibus, ut soli ignarissimi Chirurgi in iis decipi possint.

Denique si quis stupefcens ad imperitiam excusatione tam parum dignam, peteret, qui fieri potest Chirurgum tam imperitum sibi famam conciliare, & bona lucrare in artis exercitio in qua tamen agitur de vita humana? Illi respondebo, in omni vitæ conditione, & arte, peritiores, non esse semper eos, qui in ea melius stant, fortunamque captare norunt; Viros probos Medicinam, & Chirurgiam amplectentes, in animo habentes, seriam diuturnamque attentionem ad acquirendas scientias sibi necessarias, ut digne exerceant Artes tam nobiles, & utiles, esse meliorem modum, quo uti possint, ut ab aliis distinguantur, diu in vulgus ignotos jacere; nisi omnino se inferant turbæ eorum, qui laborem, & operam fugientes, se ab aliis fecerunt agendis modis ipsis indignissimis; & nisi omnes omnino adhibeant machinas ut fulgeant merito, quo innumeri segnes, & pigri præpollere nequeunt; Blanda verba, in tempore dicta, inania promissa, impudentiam nimiam, esse viam quam cum successu sequuntur ii, qui brevi se commendabiles reddere volunt, abutendo credulitate populi; hanc etiam ob rationem Empyricos rem suam melius gerere, quam veros Medicos, qui nesciunt uti præstigiis, quibus Agyrtæ utuntur, ut nomen sibi colligant, & sufficienter probare, quam injustè priores in Medicina dent partes homines, infamiam, & caliginem, qua ducti, homines variæ conditionis, imò & ii, qui optimè eligere posse creduntur, concurrunt ad Mulieres, Monachos, rusticos, imò, & ad carnifices, homines omnibus maximè iavisos, qui

Musitani Opera Tom. II.

adèd petulantes sunt ut se Medicos dicant, & impudenter promittant se sanatuos morbos insanabiliores. Nec dicendum est, ægros in eorum gratiam occupari, ob stupendas curationes ab iis factas; cum si ritè perpendantur eorum sanationes, nihil aliud sint quam veræ Sycophantiæ, & ex mille ægris qui eos consuluerunt, ne unus sit quem vel parum adjuvent; omnis enim horum Sycophantiarum fama, pendet ex populi inconstantia, stupendum ubique quærentis, ubi nec adesse debet, nec revera adest. Denique, facilius adhuc decipi Lue Venerea infectos, quam populum in iis quæ ad Medicinam pertinent; cum enim Luem diligenter occultare teneantur, ne turpitudinem declarent, sufficiunt homini impudenti, & se multum laudanti aliæque adversus hunc morbum formulæ, & laudes iis datæ à quibusdam Meretricibus primi ordinis, ob curationes quasdam veras falsasve ab eo factas, ut sibi magnum nomen conciliet, inter eos qui Veneri litant, & ut in laqueos suos inducat innumeros miseros hujus Numinis servos, qui gratiam ejus minus laudare, quam ob adversos casus timore percelli debent. Quemadmodum autem illi qui ex horum dictorum Æsculapiorum manibus minime contenti evadunt, de duplici quam faciunt jactura, sanitatis scilicet, & pecuniæ, non audent conqueri, illud non impedit quominus multi in eisdem incidant laqueos, & satis pecuniæ iis dent, ut habeant hi impostores amplam mercedem curarum ab iis positarum, in fucandis morbis si leves sunt, in alliciendis ægrotis vanis promissis, vel subito iis morte præmaruta persanandis, si graviores sunt morbi.

Causæ.

Vulgares Medici pro bubonis causa ad ineptas hepatis nœnias recurrunt; inquiunt enim bubonem non fieri, nisi hepar fiat certius, quia venenata qualitas per penis ductus, partiumque genitalium meatus, primò ad proximas venas, deinde per majores ad hepar se insinuat, cujus substantiam vehementer lædit, & conspurcat, quò fit, ut sanguinis loco viriosi generentur humores, quos estò natura ad varias propellat partes, frequentissimè tamen ad inguina tanquam propria emunctoria deponit: Verum si accidat ut pravos humores ad extimas partes non propellat hepar, in venis retenti varia, & prava accidentia concitant, febres nempe putridas, diuturnas, & pravi moris, quæ sæpè in hecticas degenerare solent, vel innumeras pustulas, veluti exanthemata, vel variolas, vel ulcera in universa cute, vel cætera luis symptomata producant. Quare Lue Venerea contaminatus hepatis perennes gratias pro tanto beneficio referre debet, quia secus si labem ad patres intimas, & nobiliora demandasset viscera, graviora excitasset symptomata: pater id, nam hepatis motus, quo humores viriosi ad inguina demandantur, inhibeatur, aut perturbetur, & omni sedulitate non adjuvetur, irascitur hepar, & bubonis materia recurrit, ac symptomatum emergunt procellæ. Sed has vulgarium insulitates fusius respuimus *lib. 2. cap. 4. De Luis Venereæ Sede.*

Genuina bubonis Venerei causa, est acidum acre à pure ulcusculorum in mulieris pudendis elevatum, & viri urethræ exceptum, quod vasorum sanguinis tunicas penetans, illius massæ immiscetur, in complexu enim Venereo penis ductus partiumque genitalium, omnesque poridilatantur, & aperiuntur, unde malignus vapor, sine halitus mediante circulatione unà cum sanguine per angustiores venas circa glandularum tunicas ad inguen, advehitur, illic remoram contrahit, coagulatur & apostema, qui bubo Venereus dicitur, parit. Bubo intra tunicas glandulæ corpus vestientes erumpit, non verò intra glandulosam substantiam, aliàs esset bubo spurius, de quo sequenti capite agemus. Excitantur quoque bubones ex repentina gonorrhœæ virulentæ feriatiione, quoties ab efficaci aliquo remedio, cessatio illa causata non fuerit, sed spontanea evenit, vel ex aliqua, quæ virulentiam non superavit Veneream, uti sunt natatio, medicamentum purgans, sanguinis missio, & similes.

As

Pro-

Prognosis.

Bubonum præfagium quò ad suppurationem est, quòd disponuntur multoties circa quartum, multoties circa septimum, aut circa undecimum, decimum quartum, & vigesimum primum diem pro patientis robore, & materiæ, tum quantitate, tum qualitate; quò citius extrà emergunt; extuberant; & suppurantur, eò pro infirmo melius: secus qui pigra levantur, subsident; duritiem contrahunt; & artis auxilio indigent; ut suppurationem nanciscantur. Curationis vaticinium à Chirurghi diligentia, & peritia, quæ si rectè fuerit administrata, nil mali bubones portant, si malè, gangrænas; mortificationes, musculorum abdominis corrosiones, & tandem mortem bubones producere possunt: Vel si negligenter curentur, in fistulas abeunt. Vel post curationem, nisi interna adhibeantur præsidia, præter pustulas, ulcera, dolores, gummata &c. ex transmissio intus veneno à bubonibus temporis cursu excitari possunt.

N O T Æ.

Nimius est Author, dicendo bubones Venereos, gangrænas, mortificationes, & tandem ægris mortem producere posse; Id omne est quod dici posset de Bubonibus Pestilentialibus, qui tam cito feliciter vel infelicitè succedunt, quam lentè, & tardè Bubones Venerei.

Ex iis insuper nolo colligere, ingenium attentumque animum; eorum qui bubonibus Venereis curandis operam dant, non posse ad felicem eventum multum conferre.

Atamen quantacunque sit experientia nostra in curatione Luis, & Bubonum Venereorum, verè semper dici potest, quod si dentur multi ex his bubonibus sanabiles & per se ad felicem pro ægroto eventum dispositi, multo tamen adhuc major, est, numerus eorum qui omnino; sanari nequeunt, & quos omnis Medicorum, & Chirurgorum scientia ad bonam suppurationem deducere nequit; Dicuntur bubones abortivi, sive congestiones symptomatice; quæ denotant quidem Massam humoralem malò imprægnatam esse fermento, quod expellere nequit, sed etiam omnes ejus conatus vanos esse, & in capaces faciendi congestionem criticam totius virus; quo sanguis inficitur.

Bubo Venereus criticus ostendit eadem omnia signa ac Phlegmone, quæ in singula momenta augentur, dummodo tumori methodica aliquantum medela adhibeatur; & copiosa suppuratio mox hæc omnia sequitur symptomata: Pauci videntur Bubones critici in quibus Natura ab initio usque ad finem omnino vincat; hi tamen soli omnino per se sine ulla aliis remediis sanitatem conciliant.

Videntur alii, qui difficulter suppurant, sive ob profundum loci in quo materia generatur, sive ob crassitiem, & viscositatem humoris eos producentis. Tantum abest, ut hæc abscessuum genera per se suppurent, ut semper ad suppurationem disponendi sint per cataplasmata emollientia, & suppurantia, & deinde digerenda sit lenta, & tenax hæc materia, applicando causticum quod sæpè iterare cogimur; ut profundius agar; ita ut post applicatum primum cauterium; secundum applicandum sit post primæ escharæ casum; quod destruat inguinæ glandulas; sub quibus suppurata quærenda est materia.

In curatione horum ultimorum bubonum in profundo intricatorum; non sufficit abscessus sanatio, oportet etiam opè specificorum internè exhibitorum impedire progressum quem virus sine dubio faceret in totum habitum.

Curatio.

Vulgares Chirurghi, seu barbitonsores pro bubonis curatione nunquam resolventia adhibent; sed potius curant; ut suppuretur, quam resolvatur; nam melius tum corpus, tum hepar in cujus emunctorio nascitur, ab excrementis vindicatur: Omni itaque industria primò student, ut contagiosus humor ad affectum trahatur locum; & suppuretur. Secundò, omnino à sanguinis missione ex brachiis abstinere; ne prava qualitas ad principes ducatur partes. Solum igitur si bubo post apparitionem per multum tempus neque crescere, neque decrescere, neque

ad suppurationem disponi videtur, & præcipuè si in corpore plethora adsit, ex pede ejusdem partis affectæ semel, & pluries sanguinem mittunt, ut materia ad inguina trahatur, quasi sanguis stagnaret, & non in vertiginem ageretur, & ejus extractione corpus non refrigeraretur, & suppuratio non impediretur. Deinde statim ac bubo apparete incipit, quatuor oleis, scilicet utriusque lilii, amygdalarum dulcium, & chamomille bubonem inungunt, superponendo lanam succidam, idem fordibus redundantem, nam hæc partim laxando, materiam facilius ad patiens inguen defluere faciunt, partim præparando ad suppurationem: verum hæc olea potius subuculas conspurcant, quam bubonem suppurant. Si hoc non sufficiat, commendant supra partem affectam cucurbitulam, cum magna flamma apponi, quod terriculamenti genus optimum censetur, quia Vulcanus adulteræ minatur Venerei. His vanidis, plenissimum præscribunt victum: *Sed impura corpora quo magis nutries, eò magis lades.* Imponunt ægro, ut valido se exerceat motu, ludat pila, folle, palestra, arte digladiatoria &c. adhuc ut ratione motus, materia in hepate agitata ad pattem affectam transmittatur: Verum quis spondere poterit his validis motibus potius ad inguen virulentiam transmitti, quam ad alias partes.

Quibus omnibus parum proficientibus, apponere solent emplastrum diachylonis magni cum gummatis. Si verò istis præsidiiis postquam apparuerit tumor, neque crescit, neque decrescit, ad corporis purgationem deveniunt, nam sublata cacochymia, & minorata materia, id quod relinquitur, facile à natura superatur, unde tribus syrupis humores præparant, ut

℞. Syr. de succ. fumar. lupulor. cicchor. ana ℥. ℞. aqua lupulor. ℥. iij. m.

Post quos purgans exhibent medicamentum, ut

℞. Fol. sen. or. ℥. j. polyp. querc. ℥. ij. flor. cord. q. s. f. decoctum, & in suff. colat. diff. syr. jueff. ros. solut. ana ℥. iij. confect. hamech. ℥. iij. m. f. p. Vel in forma pilulari, ut

℞. Pilul. de tribus Gal. ℥. ℞. cum cathartico ros. f. pilul. viij. & deurentur. Vel in forma boli, ut

℞. Pulp. cass. recent. extract. per setam ℥. j. confect. hamech. ℥. iv. pul. fol. sen. or. ℥. j. m. f. bolus.

Et post tres horas exhibent apozema ex syr. ros. solut. cum levi decoctione. Sed est purgans de communi morborum omnium, quod à circumferentia ad centrum trahit, non verò à centro ad circumferentiam, unde certior erit universalis Lues, quam ad inguem depositio.

Si ab assumpto purgante extuberat, maturantia adhibent, inter quæ præsens principem locum tenere credunt, ut

℞. Radic. utriusque lilii, althæe ana ℥. ij. fol. malva, althæe, violarum, scabiose ana m. j. Bulliant & contundantur, addendo axungie porcine putrida, butyri recent. loti ana ℥. iv. adipis anatis, anseris, galline ana ℥. j. ol. utriusque lilii amygd. dulc. chamomill. ana ℥. ℞. fermenti ℥. ij. croci fl. x. & f. cataplasma.

Si hoc non sufficiat, uti solent emplastro diachylonis magni cum gummatis, ut

℞. Empl. diachyl. cum gummatis ℥. j. ammoniaci, bdellii, sagapeni ana ℥. ℞. m. f. empl.

Postquam maturatus fuerit, ad apertionem deveniunt, ferro aperiunt in forma crucis, incidendo apices, ne succedat fistula, totamque cavitatem turundis ex stappa, ovi albumine conquassato oblitis complent ad sanguinem sistendum per 24. horas. Apertum detinent saltem 40. vel 60. dierum spatio, & ultra, quia non solum materia, quæ ad emunctorium fluxit, evacuatur, sed habent naturæ irritamentum, quo ipsa cogitur ad expellendam materiam, & sic tum hepar, tum totum corpus melius expurgatur. Ab initio digestivo, quod ex ovi luteo, terebinthina & oleo rosaceo conficiunt, bubonem regunt, exterius ad inhibendam inflammationem circumliniunt oleo rosaceo, mox unguentis mundificantibus, tum implentibus, tum cicatrizantibus utuntur. Aperto bubone, & jam digesto, iterum corpus purgant medicamentis supra positis, & eò magis si pus non laudabile excerni videatur; ad contagiosæ Luis extirpandam qualitatem, ut nullum ex ipsa supersit in hepate seminum, decocta propinant.

Hæc sunt chirurgorum, & barbitonsorum pro bubonis curatione medicamina, quæ an contineant pro Lue extinguenda antidota, dicant, qui in eorum inciderunt ungulas. Luem prædicant magnum morbum, & magni morbi magnum

magnum medicamentum esse testantur, & pro ejus exterminio irritis, ridiculis, & hisce diris utuntur medicamentis! Saltem ob ejulantium voces planctus, & querelos gemitus eorum, qui perperam ab ipsis curati, in doloribus, gummatibus, ossium exfessionibus &c. contabescunt, infestam experti artem, respiciant, & dediscentes, veram discant medicinam, quia, quam exercent, non est vera medicina, sed carnificina. Verum querelarum in medicina causa est, quod homines, qui nullius pretii, vel intellectus existunt, animum medicinæ dant, quo fit ut hoc nostro tempore nulla gens contemptior existat, excepto Monacho, non propter artem, sed per personas, quæ ex omni nequiarum genere ad medicinam, tanquam ad refugium, conflunt, unde in hac nostra civitate plures sunt medentes, quam ægroti. Non omnibus datum est medicinæ ministerium nosse, nec omnibus sapientibus, sed tantum illis, quibus datum est intelligere, quia est peculiare Dei donum, non omnibus concessum. Hinc oritur, ut vulgares, qui medicinam faciunt, ægrotis duobus assibus, vix majori pretio mediantur, quare ob vilem ejusmodi mercedem, medicina meretrix est, & unicuique subjici compellitur, quia non potest aliter se alere. Ea propter non multum vulgares culpamus, à quibus id provenit: nam raro vili pretio bonæ emuntur merces, sed ineptos insimulamus ægrotos, non idè duobus assibus medentes æstimamus, quia pro tantilla pecunia medicinam faciunt, cum vix aliud præstare possint, licet scirent, & tamen fideliter se agere putant, & interim hæc tantilla merces utinam illis tota persolveretur. Discant melius, & postea medicinam exerceant.

Non possumus non criminari vulgarium chirurgorum imposturam, qua quæstum in dies novum faciunt, sed dolo, & fraude, quod est eorum artis fundamentum: circumferunt ærea scrinia cum sepimentis in disponendis colorum varietate unguentis, in pharmacopolio emendatis, nec unguenta habent, quæ in bonum tendant finem: ceu pictores suos circumgestant asserculos variis coloribus exornatos. Non loquimur hic de quorundam chirurgorum impostura, qui in phialis liquores triviales, sed auro cariores pro balsamo pretiosissimo circumferunt, ut ab ægrotis extorqueant aurum. Delendus hic abusus est, & talia unguenta putrida, quæ tanquam arcana gestant, per fenestras abjicienda sunt. Multum seipso jactant, & extollunt, potissimum eorum est magisterium mentiri, imponere, optimum est unguentum, sed his minimè curare possunt, curant oculos, non ægros, quos ars curat, non ipsi, quia iis non inest.

Bubonum curatio optimè instituitur, si chirurgus ante apertionem perfectam inducat maturationem, quæ medicaminum internam fermentationem promoventium ope inducitur, ea sunt, quæ blandis suis particulis volatilibus succos stagnantes acido acri conspurcatos incallescere, effervesce, æstare, & exaltari faciunt; unde tubuli cum contentis succis, tunica, fibrilla, aliæque partes corroduntur, discinduntur, dilacerantur, & in pus degenerant, & dum cutem versus viam sibi parat, bubonem prominentem, molem, digitisque cedentem efficit, ita est sequens caraplasma, ut

℞. Stercoris columbin. pulverizati, croci contusi, axungie gallinaceæ ad libitum m. & cum panis fermento reduc. in cataplasma, quod duodecima quaque hora super bubonem renova.

Vel medicamenta crassa, pingua, mucilaginosa, & resinosa conducunt, quæ poros obstruunt, insensilem perspirationem impediunt, materiam intus contentam mediante impedita perspiratione exagitant, fermentationem promovent, & in pus degenerare faciunt, ita est sequens emplastrum, ut

℞. Empl. de mucilag. filii zacharie ana ℥. ss. m.

Sed præstat solum emplastrum filii Zachariæ, quod si bubo ignavè ad maturationem procedat, acui potest oleo de lateribus ad eam sollicitandam. Emplastrum supra tumorem applica, & quolibet duodecim horarum spatio renova. Bubonem suppuratum aperi; sed minimè quidem ferro, ut vulgò fieri solet, sed sectico mercuriali, nam eum aperit, & veneno resistit Venereo, quo ferro non evenit: secticum ad hoc opus peragendum ita paratur.

℞. Merc. meteorizati ℥. j. farina hordei ℥. iij. m. & cum sputo f. massa, miscendo cum spatula lignea, ex illa massa trochiscos in pineorum forma compone, & exsiccare permitte. Exsiccatos hujusmodi trochiscos ita adaptato: Expanda-

Musitani Opera Tom. II.

tur *emplastrum de Gratia Dei*, vel *fodicationum* super alutam, & in medio emplastri ponatur trochiscus, quem adapta supra bubonem, ita ut in declivi parte illum aperiat, post duodecim horas emplastrum exime, nam adaperitum reperies bubonem, cujus materiam expressione evacuabis.

Verum, quia ægri tam ferrum exhorrent, præcipuè si chirurgus ex ignorantia incisionem, ut convenit, efficere nescit, quam secticum; nos ob charitatem erga fratres, nobilissimo, & efficacissimo emplastro, quod *Benedictum* appellamus, Rempublicani medicam ditamus, cujus sola superpositione, & renovatione non tantum Venereus bubo maturescit, & aperitur, verum strumas, ad quas utimur, cunctos tumores cum calidos, tum frigidos dictos, imò trophos podagricos maturescere facit, & ad cicatricem usque sanat, ejus compositionem ingenuè communicamus:

℞. Ol. com. ℥. iij. radic. arund. ℥. ij. lilior. celest. ℥. iij. althææ ℥. j. ss. Dum oleum ebullire incipit, affunde radices mundatas, & in taleolas subtiliter incisas, coque ad nigredinem usque quas aufer, & pedetentim injice cerussæ ℥. iij. tutiæ præp. ℥. ss. ceræ citrinæ ℥. iij. semper spatula agitando. Coque ad emplastri consistentiam, quousque nigrum evadat, tandem adde balsami nigri ℥. ij. aufer ab igne, & serva.

Non credibile est quantum emplastrum hoc ad maturanda omnis generis apostemata, rumpenda, & sananda valeat, ita major est experientia verbis, ut æger sui ipsius sit chirurgus.

Adaperto foramini pulvillos immitte inunctos sequenti hoc nostro *Unguento Magistrali*, quod ita paramus:

℞. Lithargyr. aur. ℥. viij. cerussæ ℥. iij. tutiæ præp. ℥. ss. plumbi usti ℥. j. merc. sublimat. dulcis ℥. ss. stibii crudi tantundem, cinnabaris ana ℥. ij. ceræ ℥. vj. ol. ros. ℥. ij. f. ung. f. a.

Vel utere pulvillis unguento albo, & aureo inunctis, quod immisum contineat *magnum calcinatum Paracelsi*, vel *mercurium præcipitatum incarnatum preparatum*, scilicet supra quem bis, vel ter incensus fuerit vini spiritus, & infra paucissimos dies à bubone omnem absterget gravitatem, illumque exhibet mundum, prosequere ad carnis reductionem usque juxta artis præcepta, & tunc emplastrum Benedictum, vel fodicationum adhibe, nam perfectam inducet cicatricem, facta cicatrice, sunt infirmo exhibendæ pilulæ ex manna mercurii, quas supra descripsimus.

Verum quia plerique sunt, qui bubonum suppurationem exhorrent, cupiuntque eos vix apparentes internis medicamentis resolvere, tunc in tali casu hac nos utimur methodo.

Primò accuratè nos observamus, an suppuratio inceperit, nam suppurata existente materia impossibilis est per interna remedia resolutio. Secundò advertimus, an patiens sit robustæ naturæ, & ad vomendum facilis, nam si gracilis & ad vomendum difficilis, tunc ter exhibemus pilulas ex manna mercurii supra descriptas, & à sequenti medendi modo est removendus; cum igitur suppuratio non inceperit, patiens est robustus, & ad vomendum facilis, incipienti buboni sequens superponimus emplastrum, quod post 24. horas renovamus.

℞. Empl. de ranis cum triplici mercurio q. suff. extendatur super alutam.

Deinde infirmus in lecto se contineat, & malè illi exhibemus *Turpeti mineralis dulcis gr. vj.* in ovi vitello, hoc vomitum provocabit: ter illud exhibemus alterno die, exactæ diætæ indulgeat æger, vinumque bibat, perque integrum medicaminis tempus, frigidum, humidumque fugiat aerem, sic paulatim bubo omninò resolvetur, absque ullo futuri mali periculo.

Et reverà optimus videtur bubonem resolvendi modus, absque eo quod patiens experiatur ferrum, vel ignem, & quidem ex *Hippocratis & Galeni* sententia tutior utilior, & compendiosior est suppuratione resolutio, sed non semper ex voto succedit, post prædicta medicamenta quandoque minorata materia, bubonem in suppurationem abiisse observavimus, quod si resolvatur, brevi temporis intervallo omnia diræ Luis symptomata superveniunt, nisi ad productum tempus pro Lue Venerea extirpanda efficacissima exhibeantur præsidia. Tutior, & utilior est suppuratione resolutio in tumoribus nullam pravam qualitatem habentibus, at bubones Venerei virus continent: tutior itaque & utilior est resolutione suppuratio, quia per apertam vomitam, tanquam per emissarium universum corpus

virulentia expiatur. Resolutionis praxis tantum exerceri potest tanquam remedium pro mulieribus nuptis, quæ furtim infcio viro compressæ bubonem contraxere, ut nos non paucas ab ore gladii uxores vindicavimus.

N O T Æ.

In hæc Verba. *Secundo* ---- Verum est Sanguis missionem per se bonam non esse in curando bubone Venereo; quia semper multum dissipat spiritum, quibus natura eget ut uno ex præcipuis instrumentis, in conatu quem facere cogitur, ut separet virus ab omni massa humoralis illudque in inguina deponat: Attamen quando ægri sunt valde sanguinei, & plethorici, natura, ex pondere humorum opprimente levata, utilius agere potest, ut abscessum criticum ex interioribus ad exteriora pellat, & omnes prudentes Practici, quotquot sunt, eam non invirali in casu jubent.

Quod spectat intemperantiam in potu & cibis, ut, & exercitia nimia, quæ imprudentes Chirurghi ægris suadent, ut acceleretur suppuratio, nulli sunt Medici aut Chirurghi, vel tantillum prudentes, qui probent consilium rationi tam parum consentaneum; Nam præterquamquod cruditates, quas intemperantia suppeditat, virus augere possunt, sanguinis adhuc circuitum retardant, & possunt inducere congestiones in partes Nobiliores: nimia verò exercitia aptiora sunt ad debilitandam naturam, quam ad eam constituendam, eo in statu in quo melius officiis fungatur: adde quod exercitia nimia, multum calefaciendo totum corpus, possunt quidem facere, ut transpiret pars veneni subtilissima, verum etiam cogere possunt partem crassissimam in magnum ægrorum damnum: Meliorem producunt effectum cardiaca prudenter exhibita.

In hæc Verba. *Non credibile* ---- Fidem non multum meretur Author nimium laudans illud emplastrum: Non enim credent, quasdam radices emollientes junctas cum oleo communi, cera, cerussa, & tuthia, posse maturare, rumpere, & sanare apostemata, & tumores omnis generis, qui norunt tum ratione, tum experientia effectum quem producere possunt remedia vulgaria in Chirurgia tumorum. Cataplasmata emollientia, & maturantia, & emplastra gummi onusta meliora sunt his in casibus.

In hæc Verba. *Verum quia* ---- Methodum impediendi suppurationem Bubonum Venereorum probant, & sequuntur multi Practici, nitentes in eo quod paucissimi sunt ex iis bubonibus qui soli possint bona crisi Lue Venereæ finem facere; Licet enim optimè diutissimèque suppurent Bubones Venerei, sæpissimè tamen Lue Venerea laborarent ægri, nisi internè exhiberentur remedia singularia apta ad sanandum hunc morbum.

Observat etiam Author, hanc methodum non semper feliciter succedere, & hos tumores, licet omnes adhibeantur modi, ut bene succedat, sæpè suppurare, ægrosque, quando omnino resolvuntur, cito habere omnia Luis Venereæ signa, nisi diutissimè antivenereis utantur.

Post hæc omnia, fateri necesse est, hanc methodum bubones Venereos resolvendi, potius quam eos ad suppurationem ducendi, contrariam esse moribus Naturæ quos omnis methodicus Medicus attentè in tota praxi sequi debet; & licet resolutio sit, ut dicit Author, ægris gratissima, & commodissima, nunquam tamen in usum revocanda est, dum spes est naturam remediis adjutam, posse ducere optimè, & validè hunc abscessum ad perfectam suppurationem.

In hæc Verba. *Resolutionis* ---- Quam hic pro nupti mulieribus testatur Author misericordiam, non solum denotat ejus charitatem, sed etiam animum amabilis sexus infirmitatibus indulgentem, quod decet Italum Sacerdotem morbis Venereis curandis operam dantem; Tener hic animus forsitan in bonam partem non acciperetur aliis in Regionibus, in quibus credunt meliùs decere Sacerdotes operam dare rebus ipsorum statui magis congruis; Sed cum Authori, ut legitur in ejus vita, licebat, ex amplissimo diplomate Pontificio, his operam dare, censuræ subjici nequit.

C A P U T VI.

De Bubone Spurio.

Est & aliud bubonis Venerei genus priori deterius, qui Bubo spurius, & illegitimus appellatur, suam cognoscit genesim ex male curatis in præputio cariebus, vel ulceribus; nam non ob sanguinem à viru Venereo remoram contrahentem in venulis circa glandularum tunicas in inguinum emunctoriis, sed per alicujus partis spermaticæ consensum ab ulcere contaminatæ, glandulosum aliquod corpus in inguine fit turgidum, illi venenum communicatur, & impertitur. Sic vulnerata manu, aut digito, in brachio, & sub axillis; vulnerato pede, tibia, vel crure, in inguine tumores fieri assolere, & malum communicari experimur: non aliter ac materia vitiosa, subtilis, & prava latenter per nervos ad cerebrum defertur, ut in epilepsia fieri videmus, à partibus extremis aut venenata sine insigni dolore in partes per quas transit, ascendente.

Signa.

Signa suadet ipsius tuberculi extumescencia, qua est circumscripta, incrementum sensim suscipit, sed non magnum, duritiem demum habet, quæ neque emollientibus cedit, neque suppurantibus suppuratur, neque resolventibus resolvitur, imò una blandula susceptum virus alteri & alteri communicat, non aliter ac strumis in collo succedit, febris abest, dolore vacat, non rubescit, quia non ex sanguine fit, carni est concolor. Interdum sub aurora sudat æger, quia multa vasa lymphatica, vel originem ab inguinum glandulis habent, vel ad ipsas terminant; Sicut aliis locis glandulosis evenit; virus glandulis communicatum impedit lymphæ elaborationem, & transitum, tunc regurgitat, diffunditur, & per poros in forma sudoris eliminatur.

Causa.

Bubonis Venerei spurii causæ sunt caries, vel ulcerain præputio, glande, corona, vel fræno malè curata, vel à medicamentis nimis corrodentibus, & acerbam excitantibus dolorem, quam par est, tunc acida, acris subtilis substantia à carie, vel ulcere elevatur, & per partem spermaticam ad glandulas in inguine furtim defertur, ibi hæret, lympham viciat, acidam reddit, coagulat, ejusque motum impedit, & tuberculum fit, deinde per partes spermaticas virus Venereum ab una glandula ad alias inquinando procedit, & glandularum lymphæ viciatur, & messis multiplicatur.

Prognosis.

Bubones Spurii pessimi sunt, neque ex naturæ efficacia, neque artis auxiliis suppurationem unquam admittunt, brevi temporis spatio dolores, gummata, & cætera diræ luis symptomata inducere solent; si quandoque in suppurationem abeant, ut plurimum in putrida, maligna, cavernosa, & valde dolorosa ulcera degenerant.

Curatio.

Falluntur ut plurimum in his curandis bubonibus inepti Chirurghi, nam ex suppurantium applicatione aliquid sub cute mollescit, & nil inde extrahunt præter nigricantem sanguinem ex glandula manantem, adducuntque hoc modo infirmum in magnum discrimen, quippe glandula incisa nunquam digeritur, ac propterea pessima semper emergunt symptomata.

Si itaque hujusmodi bubones occurrent, primò attendendum est, ut si adhuc persistant caries, vel ulcera in præputio, glande &c. curentur; nam absque carierum, vel ulcerum curatione, frustra glandulæ resolutio tentabitur. Curatis ulceribus, vel cariebus, glandulam emplastris tentabis, ut sensim per contenti resolutionem ad temperiem reducat. Multi sequens commendant emplastrum diaphoreticum ex *Mynsichto* depromptum, correctum, & in acris formam redactum ut

℞. Gummi ammoniaci ℥. ij. elemi ℥. j. ℞. sagapeni ℥. j. Solvantur in sufficienti quantitate aceti, ad pulvis formam: cui adde pedetentim, & quasi guttatim cera flava odo-

odorata ℞. j. terebinthina clara ℥. iij. colophonia ℥. iv. liqua-
ta invicem leni igne, in sartagine, separatim, & non nimis
calide, superioribus gummatibus sensim, & alternatim, uti
dictum sub continua agitatione, infusa, hinc alternatim etiam
inspergantur successivè hi pulveres: ut potè

Pulv. gummi bdellii ℥. iv. succini citrini ℥. iij. olibani, ma-
stichis ana ℥. j. sandaraca ℥. vj.

Post agentur, donec omnia commista, atque dextre unita
sint, per horam integram, in diplomate, vase scilicet duplici,
calore leni, fiatque emplastrum. Extendatur super alutam,
quod renova secundo quoque die; & sensim per diapheresim
resolvetur glandula, & ad suam reducetur temperiem: verum
non semper felici cum successu applicatur. Alii vulgò empla-
stro de ranis cum triplicato mercurio utuntur: sed hoc tantæ
efficaciæ, ut extollitur, non est. Efficacissimum nos experti
sumus emplastrum nostrum Benedictum, quo omnes bubones
non tantum legitimi, verum etiam spurii, ut plurimum ad
suppurationem, ut in strumis quotidie experimur, & quan-
doque ad resolutionem reducuntur.

Post glandulæ resolutionem appropriatum remedium est
aqua Anti-Venerea, vel decocta sudorifica, præcedente
medicamento cathartico. Verum accidit quandoque, & ut
plurimum, ut his, aliisque adhibitis optimis prædiis, bubo
spurius invictus, irresolubilis, & inexpugnabilis resistat,
tunc non ita relinquendus est: sed ad nostram curationem
confugiendum est. Solet quandoque in corpore juvenili
athletico, naturalibus facultatibus, robore, & vegetiori ca-
lore prædito resolvi, sed in occidua ætate cum vires ener-
vantur, lucis, quæ furtim delitescit, vires reassumere so-
let, & torridæ luis emergunt symptomata, quot milites
ex equo Trojano, nisi opportuno tempore medicamentis
admodum prævalidis succurratur. Unum salutare, & effi-
cax remedium in bubone spurio experti sumus, quod est
apertio, & glandulæ viriatæ consumptio: hic bubo eandem
cum bubone pestilenti sortem sortitur, qui nisi aperiatur, &
virulenta educatur materia, totum inficit corpus. Hæc aper-
tio non ferro fieri debet, ut diximus; sed caustico, ad quem
finem sequens in forma liquida efficacissimum experti
sumus, ut

℞. Lixivii saponariorum ℞. j. salis ammoniaci ℥. j. vi-
trioli Romani ℥. ij. ℞. opii thebaici ℥. ℞.

Coque ad duarum partium evaporationem, facta colatura,
insignem habebis liquorem causticum ad quemcumque tumorem
aperiendum. Vel

℞. Lixivii saponis, vel matris ℞. ij. calcis vivæ ℞. j.
Affund. aquam ferventem, bis invicem misceantur, cum cla-
rescit, affunde sartagini, adde

Salis ammoniaci ℥. ℞. & coque ad duarum partium evapo-
rationem, & cola; Si tam primum, quam secundum causti-
cum tandiù coquas, quousque fiat lapis, dicitur infernalis.
Hoc vel illo caustico in forma liquida madefac plumaceo-
lum ex filamentis, ad bubonis proportionem super quem
imponere cum plumaceolo superstrato, servatis partibus cir-
culo, ne liquor causticus foras effluat, & partes exedat sa-
nas. Inducta eschara, procuretur ejus casus medicamentis
laxantibus, ut butyro, vel unguento de Althea, deindè
non ferro glandula extirpetur, sed corrosivis dulcibus est
totaliter absumenda, ita est mercurius præcipitatus dulcifi-
catus, magnum Calcinatum Paracelsi. Lapis infernalis ex
Luna cupellata in aqua stygia soluta, & ad cuticulam eva-
porata, vel mercurius dulcis, vel arc. corallinum. Absum-
pta glandula vel glandulis, sarcotico & tandem epuloticis
pars tractetur. In cursu curationis nota sunt pilule ex cerussa
antimonii, gummi guajaco, naturalian. cœnulam, deindè
vires Venereum præmissis cathartico, toto eliminatur
decoctis juxta nostram descriptionem compositis, vel
aqua Anti-Venerea.

N O T Æ.

Quos hic ineptos dicit Author Chirugos, maxima
sunt Chirurgorum pars. Multi tales sunt imò & inter
illos qui Magistri dicuntur; id est inveniuntur æquè in
magnis Urbibus ac in parvis. Inepti hi Ministri artis
quam ignorant, facilè bubones spurios cum legitimis con-
fundunt; sed prudenter vera primorum signa maximè essen-
tialia dedit Author hoc in Capite.

Suppurantia & caustica abignatis buboni spurio admo-
ta, non accelerant curationem, sed tantum profunt cre-
ando ægris dolorum cumulo, imprimis cum post usum
emollientium & suppurantium, credentes percipere flu-
Musiæ Opera Tom. II.

Etuationem materiæ suppuratæ, adeo temerarii sunt, ut
ferro hunc tumorem aperiant, indèque nihil extrahunt
præter nigricantem, & crassum sanguinem; quippe glan-
dula incisa nunquam suppurantibus digeritur, ut ob-
servat Author, nec extirpatur, nisi ope causticorum
eam consumantium, & destruentium. Sic hæ impru-
dentes aperturæ factæ ferro degenerant in ulcera putri-
da, magna, fistulosa, & summum dolorem creantia,
ideoque tantum profunt atrocius excruciantis ægris non
vero iis levandis.

Nihil igitur melius est, ut cito tutoque sanentur æ-
gri bubonibus spurii affecti, quam iis exhibere eadem
remedia quæ exhibentur. Lue Venerea infectis; non
tamen, ut vult Author, exhibenda est ejus aqua Anti-
venerea vel decocta sudorifica: quibus tantum ad sum-
mum, fucatur morbus, ut quotidie nostro in Cælo
experimur; sed æger deducendus est ad salivationem
rectè institutam, & continuatam plus minusve prout
inveteratus magnusque est morbus, ut faciunt in Gallia
Chirurgi prudentiores magisque versati in curatione mor-
borum hujus generis.

Fateri enim necesse est eandem esse pyralismi in Lue Ve-
nerea rationem ac Venæ Sectionis in morbis acutis; ut
enim omnes ii, qui in curatione morborum acutorum vo-
lunt distingui elixiriis, febrifugis, quintis Essentiis car-
diacis, auro potabili, innumerisque aliis atcanis, ca-
pacibus inquirunt, sanguinem purum reddendi, sine
magna ejus missione; ut hi, inquam, indefinenter in-
fectantur Venæ Sectionem eamque spectant tanquam re-
medium quo vitæ thesaurus exhauritur, innatusque ca-
lor exstinguitur, ii etiam qui contendunt singulares ef-
se in curatione Morborum Venereorum, indefinenter
dicunt pyralismum esse inventum execrandum, ægros
torquentem, & conicientem in statum miserandum,
postquam inexplicabiles passi sunt cruciatus, & sæpè
tamen ægros non perfanantem; ii verò affirmant se
esse certos sanandi hos ægros cum omni jucunditate
possibili suis anti-venereis qui miram habent facultatem
aggrediendi virus usque ad omnes recessus, illud destruen-
di, & extinguendi, non exponendo, eos quos curant mi-
nimis cruciatibus, & nullo modo innatam eorum consti-
tutionem alterando.

Sed ut omnes ii Medici qui tam vehementer infe-
ctantur Venæ Sectionem in curatione morborum acu-
torum, sunt tantum nequissimi, & impostores occiden-
tes miserè cum omni sanguine plerosque ægros, tam
imprudentes ut inanibus eorum promissis fidem adhibeant;
omnes etiam ii, qui vehementius salivationem in Lue
Venerea improbant, sunt tantum mendaces impuden-
tesque, qui ne unum unquam ægrum penitus perfanarunt,
& qui potius quærunt expedire se ex summa indigentia,
quam sanare eos, qui tam creduli sunt, ut eorum menda-
ciis fidem adhibeant.

Argumentum verò evidentissimum, ventosæ loqua-
citis horum Agyrtarum, est, fortunæ plerorumque eo-
rum non respondentes præstantiæ quam suis tribuunt
remediis. Revera quando Curationes Luis Venereæ (quas
duo Scriptores Recentissimi in suis libris se fecisse jactant,
vel potius in Programmatibus ratiocinatis, quæ nuperrimè
in lucem edita sunt, Amstelodami unum nomine
Domini de Heins, Parisiis alterum nomine inter Me-
dicos noto,) dimidium stupendi haberent quam dicunt,
si veræ sint, nihil impedire potuisset quominus habiti
fuisent tanquam Æsculapii, Podalyrii, & Machaones
sui ævi, & brevi ultra vota, divitiis & honoribus
cumulati fuisent; quod tamen eos acquisivisse non vi-
vemus à multis annis ex quibus morbo illo mederi pro-
fiterentur.

Præterea, tantum abest ut deploratissimi ægri ad eos
undiquaque confugiant, ut adeò parvus sit numerus æ-
grorum, iis se committentium, ut vix credibile sit eos
programmatum sumptus lucrari. Et in casum audent af-
firmare invidos ipsis adversos, impedire, quominus opes
colligant, quas sibi ob mira arcana sperabant; cum exul-
ceratissima invidia nunquam diu potest vincere veritatem
solidis fundamentis, & experientia nixam.

Nostris temporibus vidimus duo remedia verè effi-
cacia, distributoribus afferentia omnia dona, & omnes
honores quos sperare possent, non obstante invidia eo-
rum qui sibi interesse credebant iis obstando, quia ve-
ræ curationes ipsæ loquuntur, nec opus est ratiocina-
tis

tis programmatibus ad eas jaſtandas, & augendas. Ex alia parte vidimus famam male fundatam plurimorum Agyrtarum, illamque inter alios ruſtici, quem conſulturum inviſebant ad diſtantiā itineris unius diei ab hac urbe, cum inſania quæ ſimilem non habuerat, decidiſſe per ſe minùs uno anno; adeò verum eſt veritatem, & errorem effectus omninò contrarios reſpectu Authorum producere, & tales omninò, quales eos producere debent naturaliter, non obſtantibus invidia, & invidis.

Denique, ut dicam de topicis ab Authore propoſitis, tum ut ſpurus bubo, ſi poſſibile eſt, reſolvatur, tum ut aperiantur, & conſumantur glandulæ viru imbutæ, ea nobis maximè congrua videntur, ſi Emplaſtrum Benediſtum excipias, quod nobis non videtur præditum, iis omnibus viribus, ipſi ab Authore tributis; Experimenta enim de eo inſtituta non habuerunt omnem ſucceſſum, cujus ſpem dat iis, quos ad eo utendum hortatur.

C A P U T VII.

De Puſtulis.

PUſtulæ inter Venerea ſymptomata recensentur, quæ in luis primordio penis præputium ſibi vendicant; at tamen in lue confirmata præcipuè in capite; canali inter utramque natem, & cæteris corporis partibus erumpunt: harum puſtularum cognatæ affectiones ſunt phlyctenæ, epinyctides ſcabies, exanthemata, variolæ, impetigines, conſimilesque aliæ cutanææ affectiones, quæ interdum pauciores ad ſummam cutem à vitiata radice aſſurgunt; interdum frequentiores, & numeroſiores, non raro adeò copioſiores, ut univerſum corporis habitum obſideant, nonnunquam unicam tantum occupant partem, caput nempe, & faciem, vel manus aut crura, & pedes. Præterea quandoque ſunt latiores, quandoque minores &c. Sed ſæpiſſimè orbiculares, vel acuminatæ, vel depreſſæ, & mox unius, mox alterius rei figuram oſtendunt. Inſuper interdum ſunt duræ, & ſiccæ, nihil ichoris profundentes, imò ſquamofæ, interdum ſunt molles, & humiles, & cum diſrumpuntur, ichorem, vel ſaniem, vel virulentum pus admodum foetens eructant. Quò ad calorem viſuntur lividæ, fuſcæ cineritiæ, vel rubræ, inſuper dolorofæ, & putiginofæ magis noctu, quàm interdiu.

Signa.

Ex his quæ diximus, ſigna facilè pateſcunt, nam poſt commercium cum ſcorto Venerea lue conſpurcato, quedam bullulæ ſuperficiales veluti milii grana, quæ prurinoſum inducunt ſenſum, in præputio oboriuntur; epidermidem, & cutem lacerant, & ſanio eructant fluorem. In lue confirmata prorumpunt puſtulæ, earumque cognatæ affectiones in capite, facie, manibus, circa loca naturalia, crura, pedes, & quandoque totum obſident corpus, modò latiores, modò minores, & ut plurimum rotundæ, nunc ſaſtigiatæ, nunc depreſſæ, interdum molles, & humiles, & diſruptione ichorem, vel ſaniem, vel pus profundunt; interdum ſunt duræ, & ſiccæ, interdum ſquamofæ.

Verum quia Venerea lues per ſe nullum morbi genus conſtituere videtur, & perpetuò falſam, aut apparenter veram alicujus morbi imaginem repræſentare, quin cuiusque morborum generi adeò inſolubili nexu cohæret, ut veriùs ejus naturam æmulari videatur; hinc veſtiganda eſt inter puſtulas Venereas, & ſimplices diſtinctio. Puſtulas Venereas, à ſimplicibus diſcriminant coitus prægreſſus cum muliere lue conſpurcata, aut caries, vel ulcus malè curatum, aut gonorrhœa ſuppreſſa, aut bubo reſolutus, aut negligenter ſanatus, aut capitis, artuumque dolores evaneſcentes; nam nunquam ejuſmodi puſtulæ abſque interna aliqua horum affectionum concomitantium, aut evaneſcentium nota prorumpunt. Præterea puſtulæ Venereæ medicamentis vulgariſus non cedunt, imò in pejus ruunt, quia cauſam foventem, & conſervantem habent, quæ niſi auferatur, nunquam ſaneſcunt.

N O T Æ.

Maximi eſt momenti ſcire benè diſtinctionem, quæ datur inter puſtulas venereas, & alias eruptiones, cum primæ multum cum ſecundis ſimilitudinis habeant, idque ne inconfideratè ut imprudentes Chirurghi, vel malignè ut Circumforanei inducamus ægros ad uſum remediorum, quibus non egent.

Cauſa.

Pro immediata puſtularum cauſa ſtatuunt vulgares virulentos ſuccos, de natura bilis efferveſcentis cum aliqua falſæ pituitæ portione permixtos, quem jecur lue Venerea conſpurcatum generat, aſſatim, & ad generationis loca, vel ad alias extimas propellit partes. Vulgares hepar veluti morborum omnium patronum venerantur, & revera apud ipſos non eſt malum in toto corpore, quod non faciat hepar. Nos dicimus, quòd accidit multoties, ut effluvia uteri Lue Venerea infecti urethram non intrant, ac ſordes, & ſanies in præputii cuticulam impingunt; hæ odore earum virulento liquorem nutritium ſub cuticula gliſcentem inſiciunt, ſitque degener, & bullulas quaſdam albicantes excitat. Ex liquore nutritio virulento in cæteris corporis partibus nunc hic, nunc illic naſcuntur puſtulæ, earumque cognatæ affectiones.

Prognofis.

Facilè iſtæ puſtulæ in primordio Luis abſterguntur, quia multum ſunt ſuperficiales, ſi ante viginti quatuor horas congruo remedio curentur; nam alias in caries puſtulæ tranſeunt, quæ ſuperficie non contentæ, ſemper ulterius terebrando fundum petunt, & in ulcera expanſa etiam abire ſolent; nec contemnendæ, ſed quam primùm curandæ: obſervavimus namque quòd, cum curatio contemnitur, diutius protrahitur, cutem excavant, & in ulcera ſerpentia, ſinuoſa, & corroſiva degenerant, & quandoque etiam oſſa contaminant. Si in aliis corporis partibus effloſcant, Luem arguunt confirmatam, & extrinſecis tantum non cedunt præſidiis, ſed in prava degenerant ulcera: illud tamen verum eſt, quòd ſemper ſædæ, & moleſtæ ſunt, præſertim ſi faciem invadant; quæ verò diuturnæ, calloſæ, dolorofæ, & virulentæ, præterquam quod majoris mali ſunt præludia, difficulter admodum ſuperantur, & vitam in diſcrimine ponunt, & non ſemel ægros ad tabem conducunt.

N O T Æ.

Si verum ſit, ut vult Author, oportere ante viginti quatuor horas mederi primæ labi à vitu in præputium impreſſæ, ut præcaveantur ejus effectus; fateri etiam neceſſè eſt raro hoc fieri poſſe, quia prima hæc labes vix ſub ſenſu cadit.

Parva puſtula quæ vix percipitur, levemque tantum pruritus creat, duobus tribuſve diebus poſt coitum non eſt ſignum ſat evidens Luis Venereæ, ut inducat ægrum ad conſugiendum ad remedia: & quando hac de re Doctum conſuleret Medicum, vel Chirurgum benè verſatum in curatione Morborum Venereorum, leve hoc ſymptoma ſpectaretur tantum, ut ſignum valdè ambiguum; quia multi dantur qui levi pruritu hac in parte obnoxii ſunt, licet nullo inſiciantur veneno: ita ut poſt multos tantum dies ægri certi ſint, ſe aliquod virus contraxiſſe; inde ſit, ut intra viginti quatuor horas, difficillimum ſit iis remedia, ut vult Author, exhibere: Conſilium etiam ejus non omninò ad verbum eſt accipiendum; idque eo magis quo fieri poſſit, virus brevi in Italia ob fervidius cælum majores facere progreſſus, quam in Gallia. Semper tamen verum eſt, remedium nimis cito exhiberi non poſſe.

Curatio.

Vulgares Medici & Chirurghi ad præputii puſtulas perſanandas, unguento de turcia, minio, & ceruſſa utuntur, ſed infelici eventu, licet in dicta unguenta mineralia inirent, quæ vim puſtulas Venereas curandi continent, quia tamen unctuo-

unctuositati sunt admista, impeditus est illis aditus ut in cuticulæ lesionem penetrarent, ac ex dictorum unguentorum usu; ut plurimum pustulæ vel in caries, vel in ulcera abire solent. Deinde illa præbent medicamina, quæ hepar hac labe infectum vindicant.

Ad pustulas ex Lue confirmata exsiccandas, & delendas, primò hepar tanquam sedem, & partem primariò affectam respiciunt, cui alexipharmacis, nempe *salsæ parillæ*, *radicis chinæ*, & *ligni guajaci decocto* per plures dies in loco sudorifico exhibito succurrunt, quòd ut magis juvare possit, corpus antecederet purgatum esse oportet, & in decoctorum cursu, quarto, vel quinto quoque die purgans exhibetur medicamentum: Interea ea, quæ pustulas respiciunt medicamenta admovent, quæ exsiccantia, & non repellentia sint; non enim consentaneum est venenatos ichores ad præcipuas partes repellere, ne majoris mali detur occasio, quate attemperantia probant, ut est *guajaci decoctum in aqua plantaginis*, *pimpinellæ*, & *hordei paratum*, aut *cerotum lithargyrii*, aut *unguentum de tutia cum unguento Isidis commistum*. Maximopere extollunt *spumam guajaci*, *scabiosæ*, & *aristolochiæ rotundæ*. Quibus non juvantibus, ad *saponem nigrum*, vel ad *mercurii præcipitati pulverem unguento rosaceo admistum*, vel ad *oleum scorpionis*, seu *sebum hircinum*, *pinguedinem gallinaceam*, vel ad *oleum viperinum* confugiunt.

Opportunum ad curandas pustulas auxilium est, ne in caries, vel ulcera abeant; medicamenta se insinuandi vim habere debent, vel in forma pulveris, vel liquoris, hujusmodi sunt *lithargyrium aureum* vel nullo alio præstantior erit *mercurius dulcis*, in pulverem redactus, & per setam tractus. Indolens est ille, & hic pulvis, qui præputio aspersus bis in die, infra duos dies pustulas curat, si vino tepido leviter humectetur, & dictus pulvis adhibeatur, & præcedens abstergatur, multumque valet in his præcavendis; Mercurii namque pulvis omnem acredinem, & aciditatem in se imbibit, & omnia corrosiva obtundit, immutat, & cicurat, non aliter ac in mercurii dulcis opificio contingit, ubi partes acutæ, & corrosivæ mercurii sublimati supra corpus mercurii obtunduntur, infringuntur, hebetantur, dulcescunt. Vel

℞. Aquarum ℞. j. merc. meteorizati gr. x. f. horum in aqua solutio, quater in die pustulæ laventur, & curatæ erunt. Ejusdem, & majoris efficaciam erit *aqua Venerea*, vel *lapidis medicamentosi*, si post singulas ablutiones, petia madida dicta aqua superponatur; Post earum curationem mercurii dulcis, vel mannæ mercurii pilulas infirmo exhibere ter eodem modo, quo eas, dum de gonorrhœa egimus, præscripsimus.

In pustulis ex confirmata Lue hæc medicamenta non sufficiunt, sunt namque germina, quæ à vitata radice pullulant, & nisi extirpetur: internis itaque avertenda est, & primò corpus purgandum est illis medicamentis, quæ Lue appropriata præsidia in compositione admittunt: hujusmodi est *Aqua solutiva magistralis à Paulo Aemilio Ferrillo inventa*, quæ salsam parillam, limaturam ligni Indici &c. recipit, sumi debet jejuno stomacho per quinque vel sex dies; vel quæ Luem exterminant; ita sunt *pilula de tribus Gal.* vel *extracto catholico* in quas *mercurius dulcis*, vel *manna Mercurii* ingreditur. Deinde propinari possunt *decocta ex lignis*, & *radicibus* juxta nostram descriptionem, & interim pustulæ, & cognatæ affectiones, nisi sensim resolvantur, leviter inungantur *unguento pomato*, in quo *Mercurius vivus ita immistus sit*, ut nullum ejus granum appareat. Vel si corpus sit pustulis, aliisque cognatis affectionibus refertum, tunc præmissis præmittendis, suffumigari potest, & brevi temporis intervallo cessant. Vel exhiberi potest *aqua Anti-Venerea*, & absque ullo adjuvante extrinseco spontè arescunt, ut nobis experientia pluries indicavit.

N O T Æ.

In hæc Verba. *Ad pustulas* ---- Credo me, hic repetere debere, sed postremum, quod, si verum sit, Vulgares, ut eos vocat Author fuisse adhuc in Italia, eo quo scribebat tempore, aded antiquis erroribus imbutos, ut crederent hepar esse virus sedem partemque primariò affectam; ita non est alibi, & imprimis in Gallia ubi Medici & Chirurgi minùs in Theoria Medica & Chirurgica versati, optimè norunt veros usus hepatis, nec credunt cum Antiquis virus potius hepar quam ullam aliam corporis partem afficere.

Musitani Opera Tom. II.

Fatentur nunc omnes unanimiter virus, cum semel permeavit cutis texturam in quacunque parte, statim vasa quædam capillaria subire, dein actum mori sanguinis circulatorio cito transire in omnem massam sanguineam, & humoralem, donec auctum, quantum necesse est, ut inducat naturam ad illud expellendum, tanquam fermentum novum, deponatur, vel in glandulas inguinales, unde bubo legitimus vel spurius oritur; vel in musculos, ubi producit ulcera rodentia caries dicta; vel circa juncturas creat abscessus tumores gummosos dictos donec gliscat sub periostio, imò & usque in ossium texturam, in quibus creat nodos, tophos, caries, & exostoses.

In hæc verba. *Mercurii* ---- Prima remedia ab Authore proposita ad sanandas pustulas, possent congruere levibus cutis exulcerationibus, non admodum malignis, sed cum pustulæ Venetæ veræ, sint symptomata Luis Venereæ, tunc necesse est morbo præcipuo mederi, non multum attendendo ad symptoma, quod evanescit per se, causa ejus sublata, quin cogamur ad ullum topicum admovendum.

In hæc verba. *In Pustulis* ---- Tanquam simplicia palliativa, spectari debent, remedia hic proposita, ad sanandas pustulas ex confirmata Lue ortas, nisi diutissime iis utantur ægri; nam verbi gratia *aqua solutiva Magistralis à Paulo Aemilio Ferrillo inventa*, *pilula de tribus*, *extractum catholicum* in quas *Mercurius dulcis* ingreditur, *inunctio unguenti pomati* in quo immistus sit *Mercurius*, *suffumigia*, & *aqua Anti-Venerea* quæ valde prædicat Author, sunt remedia quibus aliquandiu delentur pustulæ cum ægri penitus curari nequeunt; sed ut ea medicamenta non satis habent efficaciam ut virus omnino destituant, paulo post eorum usum novæ denuo oriuntur pustulæ, vel nova symptomata quibus patet ægros bene sanatos non esse.

C A P U T VIII.

De Cariebus.

Pustulis non, vel malè curatis, quædam ulcera parva, & rotunda producuntur ab humore virulento, & sub epidermide pudendorum carnem exedente, & contaminante, quæ caries appellantur, quia quorundam vermiculorum ligna erodentium instar, in carnem altè se insinuant, eamque erodunt, & estò peculiari nomine caries ad ossa pertinere videantur, quia hujusmodi vitium est ossibus attributum, attramen etiam certo quodam analogismo ad carnes exesas se extendit. Proturpunt autem, & observantur hujusmodi ulcuscula non solum in partibus pudendis, nempe in præputio, glande, corona, & mulierum sinu, verum etiam in labiis, mamillarum papillis, lingua, & palato.

Signa.

Primùm in pudendis parvæ erumpunt pustulæ, quæ mihi figuram repræsentant, his minimè curatis, & disruptis remanet ulcusculum pruriginosum, ichore madens, parvum, & rotundum, in medio exiguum habens foraminulum albicans, nunc unum, interdum plura aliquando rotæ glandis corona est his referta, & hujusmodi ulcusculis copulantur, & ex duabus, vel tribus, vel quatuor unum fit, & tenuem fundit ichorem. Decipiunt multoties caries, nam superficie tenus nil ulcerati ostendere solent, interim radicem in carne profundant, nunc magis, nunc minùs: id cognoscitur ex tactu, nam percipitur durities, & dolor.

Causa.

Medici hepatis credunt caries fieri, quia hepar infectum, pravum, & tenne excrementum generat, ad pudenda transmittit, & ea exedit. Barda est hæc vulgare sententia, nam caries non curaretur, nisi curato hepate. Quoties pustulæ non curantur, & in latum se non extendunt, in profundum progreditur, earum venenum, quod callosam quandam inducit radicem, deorsum semper petentem, eructatque ichorem, qui ubi residet, in pudendis similes excitat caries.

Prognosis.

Caries pessima hujus morbi species est, nam ab ignaris curari nescit, ac facilius in horrenda ulcera exedentia, vel mortificantia abit, excitatque bubones ut plurimum spurios, qui sunt legitimis multo peiores.

Curatio.

Carietum curatio fit cum totali radicis averruncatione, & ulceris remanentis consolidatione. Grex barbitonsoria, ad quam omnes hodierni chirurgi reduci possunt, ad carietum curationem utuntur sola ablutione ex aqua rosacea, vel plantaginis, aut portulacæ, vel vino albo, in quo rosa rubra sicca incompleta ebullierint, vel ut plerique faciunt, urina sanant, vel pulvere pyrio quæ medicamenta non tantum sunt ridicula, & inefficacia pro tanto curando malo, sed ipsum peiorant, caries multiplicantur, & perpetuo deorsum exedunt, unde in pessima, & maligna sævissime serpenia degenerant ulcera.

Alii altioris doctrinæ vulgares, unguentis utuntur, unusquisque pro sua Minerva, minii, lithargyrii, cerussæ, tutiæ, apostolorum, Aegyptiaci, similiaque; nec hactenus animadvertunt, quod unguenta radicis cariei profunditatem attingere non possunt, ac proinde sunt inutilia.

Curationis cardo consistit in cognoscendo totalem radicis extirpationem, & de hac quisque certior esse potest, cum ex remediorum applicatione cariei fundus non appareat albicans, sed rubicundus, sanguinemque profundat, non saniem, & cum nulla circum observetur durities. His positis signis, ulcus sine scrupulo consolidari potest, sin minus pro consolidatione insano indulgetur labori; curet quisque prius linteis partes sanas à carietum ichoribus defendere, deinde sequentibus pulveribus profunditatis cariei ratione uti potest, ut

℞. Merc. præcipit. ℥. j. vini sublimati ℥. ij. stent simul in vase, & vinum sublimatum accendatur, ut totum cremetur, id cum novo vino sublimato ter repetatur, nam mercurius præcipitatus dulcescit, extripatque caries sine ullo dolore, & inflammatione, quod magnum est arcanum, & nemini cognitum. Vel

℞. Merc. præcipit. ℥. ij. sp. V. ardentis ℥. iv. Ponantur ambo in retorta, & spiritus vini à Mercurio præcipitato destilletur, & in vas recipiens accipiatur, hunc spiritum serva, nam ejus contactu callositates, durities, excrecentiæ carneæ, fungi, mora, cristæ, ac hujusmodi symptomata à Lue Venerea pullulantia brevi tempore exterminantur, absque dolore, & inflammatione. Felix ille, qui hæc remedia propria manu parat, eorumque efficaciam, & applicationis modum intelligit, nam miraculosè curabit. Vel

℞. Merc. vivi opt. purgati ℥. j. quem solve in aqua fortis ℥. ij.

Solutioni super funde aquam communem, postea paulatim oleum tartari correctum guttatim adde, & Mercurius luti instar præcipitabitur, quem probe à corrosivis per aquam simplicem vindica. Hic præcipitatus vocatur Luteus ab aliquibus verò Magni Calcinati Paracelsi nomine insignitur.

Est hic sedulo advertendum, quod quotiescunque hujusmodi remedia applicantur, quæ corrodingi habent efficaciam, partes circumvicinæ sanæ linteis, unguentis, emplastris, aliisque similibus muniri debent, ne corrosivorum actio eas tangat, & lædat.

Hic advertendum, quod tam pustulis, quàm cariebus, & ulceribus, post veneni Venerei extirpationem cum mercurialibus, aliisque supra descriptis remediis, remanet ulcus, ut citò fiat earum consolidatio, quæ multoties pigra esse solet; sequenti proprietatis balsamo quisque uti poterit post veneni eradicationem, nam 24. horarum spatio ulcus licet magnum, consolidatum erit.

℞. Aloes, myrrha, & croci. ana ℥. j. f. omnium pulveris, & miscentur, ponantur in vase vitreo, & affunde sp. V. ardentis lb. j. stent simul per duos dies, deinde per inclinationem tantum vini spiritum separa, & in vase optime clauso serva. Aspergatur ulcus ter vel quater in die, & consolidatum erit. Verum hujus balsami aspergio nimis dolorosa est, ac proinde ut avertatur dolor, & quandoque aliqua veneni suspicio latere potest, ad suspensionem tollendam consolidari potest unguentis vulgaribus, ut tutiæ,

de plumbo &c. aliquam supra dictorum pulverum asperginem admiscendo, quæ curatio, licet pigre incedat, tamen tuto fit. Post carietum curationem utatur infirmus pilulis mercurialibus supra descriptis.

Accidit interdum, ut hujusmodi caries sub præputio lateant tumefacto, vel constricto, adeò ut cerni non possint, in hoc casu per siphonem medicamenta in forma liquida injicienda sunt. Vulgares aqua hordei, & melle rosaceo utuntur, qui etiam usu urgente, quidpiam unguenti Aegyptiaci, & decoctionis ligni guajaci admiscunt; Verum nos felici cum successu per siphunculum injicimus aquam nostram Veneream, vel de lapide medicamento. Advertendum quoque est, quod quoties glans tegi potest, nunquam detecta relinquatur, ut quidam chirurgi & tonsores faciunt, ne tandem cutis exsicceetur, & contrahatur, sic nunquam postmodum tegi possit; quod si ita vulgares nihil proficiant, & necessitas urgeat ad incisionem procedunt.

Sæpè in ipso penis meatu caries suboriri solet, quæ difficilem reddit curationem, tum quia latet, nec facile pulveres, unguenta &c. admittit linimenta, tum etiam quia promptè carunculas gignit. Cognoscitur ex sanie manante, & maximo dolore mictionis tempore, ac glandis apex rubet. Hanc cariem curabis aqua nostra Venerea, vel melius dracone mitigato cum aqua plantaginis per siphunculum.

N O T Æ.

In hæc verba. Curationis cardo --- Postquam proposuerit Author, optima remedia, ad sanandas caries Venereas in partibus mollioribus, prudentissimè declarat signa quibus vera ulcerum consolidatio cognoscitur; attamen constat, hanc plerumque tantum esse curationem palliativam respectu totius corporis; quia si vel tantillum hæc caries afficiat cutis texturam, vel musculos, sunt signa certa Luis Venereæ confirmatæ; non satis autem est, ut radicaliter curetur Lues Venerea, sedare symptomata eam designans: necessaria etiam est depuratio totius massæ humoralis evacuatione generali, qualis esse possunt sudores copiosi, Urinæ copiosæ, aut sapienter excitata salivatio, quæ sine dubio est omnium evacuationem saluberrima, pro certa tutaque hujus morbi sanatione, caries vero solis topicis sanatæ, sæpè cito atrociores redeunt.

In hæc verba. Post carietum --- Facile est videre, Authorem, topicis ad carietum curationem ab eo propositis, nimis non fidere; cum post ulcerum consolidationem, suadeat ægris usum pilularum Mercurialium: sed quis ille est, qui vel tantillum versatus in curatione Morborum Venereorum, nesciat, has pilulas aptas tantum esse ad visibilia Luis Venereæ symptomata sedanda, & ineptas ad penitus sanandum hunc morbum, cum virus tempus habuit insigniter alterandi totam massam humoralem; Tutum igitur non est solis tunc palliativis fidere; sed perfecta massæ sanguineæ depuratio fieri nequit, nisi ope curationis methodicæ, & diligentissimæ.

C A P U T IX.

De Ulceribus in Præputio.

NULLI tam frequentius, quàm in præputio, & in glande ulcera elucescunt, cum pustulæ ex impuro concubitu contractæ citò non abstergantur, vel in caries, & inde in ulcera corrosiva degenerant.

Signa.

Nunquam ulcera ex abrupto efflorescunt, sed perpetuò pustulæ præcedant, quarum sanies non absterfa ulcera in latum producit, quæ si opportuno non curentur tempore, fiunt sordida, livida, profunda, dolorosa, callosa, & cum labiorum tumore, quæ pessima, & maligna sunt.

Causæ.

Hujusmodi ulcera ex hepate Lue inquinato ortum haberi maleferiati vulgares obstinatè contendunt, in quo, tanquam in propria sede maligni generantur humores, & à robore

robore ejusdem facultatis pulsi, ad penem transmittuntur, non aliter ac si penis esset hepatis emunctorium, ad quem sua excrementa deponit. Verum, ò quàm horum ulcerum difficilis esset curatio, quia non nisi curato hepate, contingeret, quòd si lue esset affectum non tantum difficile, verum, & impossibile, dijudicaremus, quòd oppositum observamus: curamus namque hæc ulcera, nullo habito hepatis respectu. Fiunt ulcera quories pustularum non absterfa sanies subjectam carnem sua acedine in latum serpendo procedit.

Prognosis.

Penis ulcera contemnenda non sunt, est namque exquisitissimi sensus pars, sensus Veneris organum, ac proinde idonea medicamenta, quæ pro ejusmodi ulceribus curandis sunt valdè proficua, citra tumoris, & inflammationis metum nunquam adhibentur. Præterea medicamenta, quæ in hac parte administrantur, admodum difficilè adhærent, & retinentur, ac ut plurimum labuntur. Tandem hujus partis ulcera citra contagium sunt contumacia, & prava, ac cum contagio erunt contumaciora, & sæviora. Ulcera hæc faciliter sorditiem in superficie contrahunt, sub qua subjectam occultè carnem depascunt, ac tunc bubones spurios excitant, qui nunquam ad suppurationem deveniunt, neque faciliter resolvuntur; Suntque majoris mali infelicissima præludia. Si opportuno tempore non curentur, sic sæva, & exedentia evadunt, ut penem absumant, vel saltem aliquam ejus partem minuant, quo fit, ut in coitu nectarea Veneris dulcedo, vel minuat, vel depravetur, vel prorsus deperdatur, ceu illis contingit, qui merita pœna pene videantur. Sed quod pejus in prava, profunda, & cancerosa degenerant ulcera, minitanturque ut plurimum gangrenas, & mortificationes, quæ citra ferrum, & ignem superari non possunt, & ex penis abscissione ferè semper vitæ periculum impendit.

N O T Æ.

Cum experientia eos omnes doceat, qui morbis Veneris curandis operam dant, ulcera præputii, eaque imprimis frænuli virgæ, facilius creare Luem Veneream, quam ea, quæ afficiunt glandem, vel quæ sunt circa coronam, Authores tentarunt quasdam hujus afferre rationes plus minusve verosimiles.

Quod magis de hac re admittendum dixerunt Recentiores, invenitur in *Cap. II. Partis II. libri* cujus titulus est, *Ars sanandi morbos Venereos* conscripta à defuncto Domino de B. --- & in solutione *Problematis XII.* proposita à defuncto Domino Urai Medico Tolosano in suo *Tractatu de Morbis Veneris*.

Hi duo Authores hujus eventus causam tribuunt, tum structuræ præputii, tum ejus teneritati. Præputium inquit, formatur ex cute penem tegente replicata, ideoque satis est, labem in hanc replicatam partem, locum dedisse viru subeundi usque in medium ejus texturæ, ut possit dein facillimè se insinuare in vasa irrorantia medium hujus replicatæ membranæ, orbatæ humore viscoso, qui reddit partes musculos, actioni pravorum acidorum, minus obnoxias.

Adde quod, præputii teneritas creat dolorem, fluxum spirituum, & humorum in locum exulceratum facientem, ut tenuius, subtiliusque fiat virus, ideoque magis actuosum & meabile; ita ut irritatio, quam acrimonia sua fibris nervosis creat, eas inducens ad contractionem originem versùs, pars virus volatilior pellitur in locum, in quo fit hæc contractio, id est in interiora corporis; glans verò cum sit magis musculosa majorem continet copiam hujus humoris viscosi, viru actioni resistentis, quod dolorem, & irritationem minuit; præterquamquod suppuratio, quæ in partibus musculosis facillè fit, potest abducere virus ex interioribus ad exteriora.

Quod spectat penis frænulum, cum sit omnium præputii fibrarum compages, & quasi species tendinis, manifestum est hoc magis adhuc obnoxium esse, quam ullum aliud organum contractioni, appropinquante viru, eique ducendo ad interiora corporis; præterquamquod sinulus utrinque à frænulo factus aptissimus sit ad retinendam magnam saniei virulentam quantitatem, quæ habet omne tempus necessarium ut, dum moratur, fermentet,

sicque acrior, & subtilior facta disponatur ad facilius continuandum progressum ex exterioribus ad interiora.

Curatio.

Pro ulcerum præputii, & glandis curatione utuntur vulgares chirurgi unguento de tutia, aut plumbo, & demum siccis filamentis pro cicatrice inducenda. Quod si nihil profecerint, adhibent vinum album austerum, in quo incoquant lignum Indicum, & rosas, quo ulceratam balneant partem, & post balneationem lithargyrio inspergunt. Si hæc non sufficiant, & ulcus sordidum fuerit, recursum habent ad mel rosaceum simplex, unguentum Aegyptiacum, apostolorum, ad alumen, calchantum ustum. Alii utuntur unguento rosaceo cum paucis præcipitato. Uti- tur Fallop., aqua aluminosa magistrali, id est aqua mercuriali, quam describit *Tract. de Morbo Gallico, de pustulis cap. 93.* ut

℞. Aquar. plantag. rosarum ana ℥. j. alum. roccha, merc. sublimat. ana ℥. ij. Sublimatum, & alumen terantur, & misceantur omnia in phiala vitrea, postmodum ad medietatis consumptionem bulliant, deinde stent spatio quinque dierum, ut subsideant alumen, & sublimatum, & extrahatur aqua limpidissima.

Verum hæc vulgaria medicamenta, vel sunt ita nullius efficaciam, ut nihil proficiant, vel ulcera ulceribus cunulant, vel bubonem spurium, vel statim omnia Luis pessima excitant symptomata.

Horum ulcerum curatio distinguitur, nam ulcus in superficie valdè sensitivum est, & dolorosum, & uno modo curatur, vel putredo in superficie producta obrusum causat sensum, vel nullum, suntque fere indolentia, & tunc diversam requirunt curationem.

Si dolorifica sunt ulcera, hoc modo curantur: relictis unguentis de tutia, minio, cerussa &c. ut suprà de pustulis, monuimus, ulcus regatur mercurio dulci in pollicem redactò, ac ter in die recentem imposito, abluto præcedenti cum vino albo tepido, nam infra tres dies ulcus consolidatum fuerit. Vel utere aqua lapidis medicamentosi, sed præstantissima est nostra aqua Venerea, in qua madefac petias, & super ulcus impone, invenies petiam exsiccatam, & saniem petiæ adhærentem, quam abjice, repete ter in die, ad ulceris usque sanationem.

Si verò dolore careat, ex eo, quia callosam quandam sorditiem in superficie contraxere, tunc sordes est efficacioribus abstergenda; utere Mercurio præcipitato dulci, vel præcipitato Luteo, alias Magno Calcinato Paracelsi. Vel

℞. Spiritus vini ardentis ℥. ℥. Mercurii meteorizati gr. v. m.

Hac aqua ulcus sordidum sensim illine, & ipso tunc sordities abstergetur. Vel

℞. Vitell. ovi ad duritiem cocti n. j. deinde in tigillo mellis opt. ℥. j. Liquefcat leniter, & misce vitellum pistilli beneficio cum melle diligenter, donec abeant in medicamentum spadaceum, admisce optime merc. præcipit. alb. ℥. ij. & utere.

Si ulcera fuerint fœtida, maligna, vel cancerosa; nullamque sanationem recipientia, specillo leviter ea range aqua persicaria spiritu Mercurii albo imprægnata. His nostris medicamentis cujuscumque generis ulcera cedunt. Absterfis, mundificatisque ulceribus, quæ cognoscas, si sensitiva, si rubicunda, si æqualia, ac sine duritie fuerint, unguentum nostrum magistrale appone, & pilulas mercuriales infirmo exhibe.

N O T Æ.

In hæc verba. *Horum ulcerum* --- Meritò sanè hic Author distinguit duo genera ulcerum respectu curationis, cum differant etiam in prognosi. Primorum, quæ sunt in superficie, & valdè dolorosa, causa est virus calidissimum, & valde actuosum, quod facillè fermentans, magnas sæpè creat congestiones, & inflammationes in parte exulcerata, si vel tantillum negligantur hæc ulcera; & talem brevi progressum faciunt hæ inflammationes, ut eas brevi sequantur gangrænæ, & putrefactiones.

Attamen prima hæc ulcera rarè universalem Luem Veneream creant, quia impetu horum symptomatum congruis remediis sedato, tanta fit liquatio, & suppuratio in parte exulcerata, ut expellatur omne virus admodò perfectè, ut

non

non opus sit exhibere ægris remedia prophylactica adversus Luem Veneream.

Secunda ulcera, in quorum superficie juxta Authorem putredo producta obrusum causat sensum, vel nullum, sunt à viru lentiori, & crassiori, ideoque aptiori ad se occultandum, & colligendum in locum quem afficit; unde fit, ut hæc ulcera, in initio neglecta, sapissime causa sint universalis Luis Venereæ; itaque non solum locus exulceratus topicis maximè congruis curandus est, sed etiam per tempus sufficiens exhibenda sunt ægris remedia singularia apta ad impediendum quominus virus in interioribus progressus faciat.

C A P U T X.

De Vesicula Crystallina.

INter dira Luis Venereæ symptomata recentissimum, & lævissimum est Vesicula crystallina. Adnascitur hæc ad membri vitilis glandem, quandoque ad coronam, vel præputium, & vesiculæ crystalli instar translucet, unde nominis ratio desumpta est. Infrequentissimum est hoc Luis symptoma, à quo non multos eripimus, sed postquam Hispanorum classis ad hæc nostra littora pro Messanæ expeditione appulit, Neapolitana ganea hoc lævissimo germinavere symptomate, sed brevi tempore suo alexipharmaco extinctum fuit.

Est lethalis, si optimis adhibitis non cedat remediis, quia ab igne non patitur, nec affectus coalescit locus, licet quæcumque pro Venereis exulcerationibus medicamenta adhibeas valida.

Solus tabaci spiritus laudem hic invenit, qui fit ex tabaci foliis viridibus cum malvatico sola infusione, sine destillatione.

Ubi hæc vesicula prius mortificata fuerit mercurio præcipitato, vel sublimato, tangatur hoc spiritu quinques ad summum, & tacta spontè evanescit absque aliorum medicaminum ope. Hoc fiat jacente patiente, alioquin ad levem spiritus tabaci tactum sideratus cadit, & convellitur. Post vesiculæ crystallinæ curationem, Venerea labe è corpore elicienda est pilulis mercuriis, & decoctis sudoriferis, aliàs sicuti est sævissimum Luis Venereæ symptoma, ita temporis cursu perniciosissimas calamitates eniti potest.

N O T A.

Licet primi scriptores de Lue Venerea, inter ejus symptomata, non retulerint vesiculam crystallinam, à quibusdam tamen, sub alio nomine, cognita fuit. Quidam enim Authores vocarunt collare Hispanicum hanc speciem circuli in rugas coacti glandem circumcingentis, cum lymphæ, in urethræ textura, acido Venereo coagulata, producit morbum à Græcis *paraphymosin* dictum.

Sic licet Author noster hunc tumorem aquosum spectaverit, tanquam recentissimum Luis Venereæ symptoma, verosimile est virulentas gonorrhœas, Venereæque præputii ulcera ab omni ævo creasse illud symptoma, quoties virus præputii texturam subeuns, satis malignum fuit, ut interciperet lymphæ circuitum, eamque redundare faceret in omnibus spatiis hujus replicatæ membranæ.

Quoad vero malum ejus de Vesicula Crystallina prognosticum, dum dicit eam lethalem sæpe esse, si vulgaribus non cedat remediis; dicimus rarissimè hoc sic fieri, cum, si resolutivis non cedat remediis, & pars nimium tensa mortificationem proximam minetur, non magnam tamen denotando inflammationem, adhiberi possit Chirurgiæ auxilium ut detumescat præputium, scarificando, vel incidendo in locis ubi magis opus est, sicque minuitur tensio, & in pristinum statum redit præputium, saltem si recentissima sit causa Venerea vesiculæ crystallinæ; nam verum est, vesiculam crystallinam, sequelam vesicæ ulcere, & gangræna affectæ, nec Pharmacis, nec Chirurgiæ præsidis cedere, quod non ita pridem vidi in duobus variis casibus.

Præterea fieri potest, vesiculam crystallinam, qua infecta erat Classis Hispanorum ad litus Neapolitanum appellans, habuisse singulare contagium, quo vulgari atrocior fieret, quæ causa fuit, cur malum omnino pro-

gnosticum de ea faceret Author: Videtur enim ex relatione, quam facit harum vesicularum crystallinarum, plerosque milites hujus classis maximè infectos esse, viru ætiosissimo, & meabilissimo.

Denique licet tabacum optimum sit resolvers, nescio utrum tinctura ex ejus foliis viridibus cum vino Hispanico extracta, foret remedium, tam præsens, quam dicit Author adversus vesiculas crystallinas omnis generis, & num sola fomentatio cum hac Tinctura quinques, sexiesve iterata, eas certo sanaret, & multo melius, quam omnia alia resolutiva quibus eandem ob causam uti possemus. Specto autem repentinam siderationem, in quam simplex fomentatio cum hoc liquore conjicit ægros, ut unum ex his phænomenis, quæ in dubium revocari possunt, quousque multa hac de reinstituta sint experimenta.

C A P U T XI.

De Ulceribus, quæ per universam cutem erumpere solent.

NON solum in obscænis ex contracta Lue erumpunt ulcera, verum ex malè curatis gonorrhœa, bubone, pustula, carie, & temporis progressu ex his partibus in totum corporis habitum veneni minera pro subjectorum ratione, id est ob salium varietatem in nutrimento latentium transplantatur, & multipliciter defædatur cutis, ita sunt pustulæ, scabies, impetigines, serpignes, lichenes, ulcera, aliæque innumeræ defædationes extrinsecus apparentes, quæ quandoque ita altè radices figunt, ut optimis averruncari nequeant remediis.

Signa.

Signa, quæ hæc ulcera ex Lue Venerea procedere arguunt, sunt dolor, & pruritus circa vespertas, eorum diffusio, & remediis resistentia, quibus simplicia ulcera parere solent.

Causa.

Clamitant vulgares ulcera, quæ per universam cutem erumpunt, hepar Venerea labe pollutum propagare, tunc cum ob debilem facultatem expultricem non propellit ad vasa spermatica, vel ad penem, vel ad inguina, tanquam ad proprium emunctorium, ut à Lue se vindicet educta virulentia, hepar sanguinis officina, Lue laborans depravatum gignit sanguinem, illumque corrumpit, & hinc pravi procreantur succi, quos tanquam inutiles, & molestos ad corporis peripheriam natura deturbat, in qua tot erumpunt ulcera, quot ex equo Trojano non emerferunt milites.

Suscepto veneno Venereo quinque suprâ notatis modis, si illud à nutrimento internis remediis omninò non exterminetur, licet gonorrhœæ, bubones, pustulæ, caries, & ulcera in obscænis curentur partibus; temporis tamen cursu, uti est unius, vel alterius anni pro patientis dispositione in diversos prorumpit effectus. Fiunt hæc ulcera à salibus acerbis, & acido-salinis, quæ furim serpendo unà cum nutrimento, vel sero ad glandulas cutaneas pro insensibili transpiratione transmittuntur, ibi se exaltant, glandulas cutaneas, & ipsam cutem exedunt corroduunt, exulcerant, & pro diversa partis dispositione diversæ ulcerum differentiæ emergunt pruriginosæ, quæ proximas inficiunt partes, segetes multiplicent, & per totum serpunt corpus, sed præcipuè per scrotum, circa labia, faciem, collum, frontem, aures, capitis cutem, brachia, femora &c.

Prognosis.

Horum ulcerum præsagium est, quod si non curentur, in esthiomena, cancerosa, & putrefactientia degenerant.

Curatio.

Vulgares primò medentur hepatis, & deindè ulceribus, ac proinde statim ac aliquis Venereis ulceribus de-fœdatus in eorum incidit ungulas, initio priùs pluriùm barbatorum consilio, idoneum instituunt victum ex cibis exsiccantibus, & minimè calefacientibus, tres syrupos, & medicamentum purgans de communi morborum omnium, ut de *sumaria majori*, cum confect. *hamech*, & *vipera pulveribus* pluries propinant: postmodùm quia hepar, & sanguinis massa sunt infecta, decocta ex *ligno guajaco*, *falsa parilla*, & *santalini* ad triginta, & plures dies, intercalaribus quinto quoque die ad hepatis fervorem temperandum, ejusdemque intemperiem corrigendam exhibitis purgantibus ex *syrupo de sumaria composito*. Vel stufis, seu Laconico exulceratum tradunt, non timentes hepatis adustionem, quia illud *cerato santalino*, vel *unguento refrigerante Galeni* post earum egres-sum inungunt. Post plura decocta, vel stufas ulcera *Linteolo decocto guajaci* madido ter, & quater in die humectant, ut exsiccant. Vel ad attemperandum fervorem, qui in parte læsa, quam maximè viget, Lotiones commendant ex *decocto fol. plantag. hordei*, *lupinorum*, *limatura ligni Indici*, *fol. myrthi*, *pimpinellæ*, & *aluminis saccharini*. Tandem *aquam aluminosam magistralem* cum plumaceolis adhibent. His vel similibus, deterfis ulceribus, *unguento de melleo*, vel *lithargyrio*, vel *tutia* curationem absolvunt.

Horum ulcerum curatio erit, si priùs remediis appropriatis Veneream labem è corpore extermines, deinde si ulcera purificaveris, & consolidaveris, multùm proderit in his curandis affectibus, si corpus humorum crassorum multitudine exonerabis, quod hoc modo obtinebis.

℞. *Aque solut. supra de gonorrhœa descriptæ* ℞. j.

Propinetur infirmo manè jejuno stomacho cum anis conditis, & successivè eadem dosis per quatuor dies. Corpore exonerato, mercurialibus venenum infringes, exhibendo per vices pilulas de manna Mercurii supra descriptas, vel pro expertissimo medicamine aquam nostram Anti-Veneream propinabis, cujus usu Lues exterminabis, & absque ullo extrinseco adjuvante exsiccantur ulcera. His præmissis:

℞. *Merc. mercurizati* ℞. ij. ℞. *aq. font.* ℞. ij. *aqua in vitro incalascet, & in eam infice merc. & serva.* Hac aqua semel in die ulcera irrota, nam infra quatuor dies curata erunt, prodest *aqua lapidis medicamentosi*, & *aqua nostra Venerea*, vel *aqua persicaria spiritum*, seu *oleo merc. alb. imprægnata*.

Solent meretricibus, & pueri meretorii frequentissimè tentari ulceribus intra podicem, vel extra eum ex infando concubitu: Hæc ulcera, præmissis universalibus, curabis per siphunculum, injiciendo primùm *vinum in myrrha*, & *aloe infusum*, & *colatum*, deinde *aquam nostram Veneream* adhibendo.

N O T Æ.

Cum nullum sit dubium, ægrum Venereis ulceribus obiectum, Lue Gallica revera affectum esse, tunc etiam ancipites esse non debemus, in exhibendis ægris remediis Lue Venereæ adversis, nimis non attendendo ad ulcera, quæ sublata morbi causa, id est Lue ipsa, necessariò sanabuntur. Hoc etiam suadet Author; sed nollem promittere aquam ejus Anti-veneream, quam nimium laudat in omni hoc Tractatu, esse sufficientem Lue Venereæ confirmatæ radicitus sanandæ; Authori tamen non omnino contradicere vellem, quia decocta sudorifera, efficaciora esse possunt in Italia, ubi perspiratio major, quam in nostro Cælo, in quo certi non sumus non penitus liberatos esse à Lue Venerea in pari gradu, nisi post salivationem ritè institutam.

Non majores merentur laudes Tincturæ Myrrhæ, & Aloes, quas in anum injiciendas esse dicit, ut sanentur ulcera ab infando coitu orta; cum coacti sint Chirurgi ignem actualem iis admoveere in Nosocomiis, in quibus curantur hi morbi; præcipuè Romæ in Nosocomio S. Jacobi Majoris.

C A P U T XII.

De Ulcere Narium.

ETiam nasus in Lue Venerea suam patitur cladem; non aliter ac si in Veneris palæstra adhiberetur, sed hic nullam cum membris generationi inservientibus habet sympathiam, & in coitu minimè usurpatur; attamen physionomi potiùs vana conjectura, quàm ratione ducti ex nasi magnitudine membri genitalis magnitudinem, & molem hariolari audent. Verùm enim verò conjectare possumus, quòd qui prægrandem nasi formam nacti sunt, genitalibus illecebris sunt obnoxii, unde legimus Heliogabalum, Imperatorem omnis generis lasciviæ studiosum, nasutorum virorum congregasse manipulos, ut secùm in turpi certamine arma aphrodisia pertractarent strenuè. Hoc idipsum de fœminis clariùs percrebescat, quæcumque enim magno, & oblongo præditæ sunt naso, ab luxuriem sunt proclives: nasus itaque cum peccandi ansam præbeat, si deindè ipse meritas peccati pœnas subeat, admirationem afferre non debet.

Nasus multum usum, commodumque nostro corpori affert, per eum enim omnes intrant odores, item aer ad respirationem maximè necessarius, clauso ore per eum ingreditur, & egreditur; item multumque facit ad faciei ornatum, & pulchritudinem. Hinc si maximus, vel parvus, vel simus, aut aquilinus, aut nimis longus, vel ulceratus, vel penitus absumptus sit, maximam faciei deformitatem affert. Sic quoque per nasum, seu canalem effluunt excrementa, qua de re Veteres eum putarunt esse cerebri emunctorium, & mucum pro cerebri excremento venditarunt, unde prisca vulgares ad humores, pituitam potissimum è cerebro evacuandum errhina medicamenta naribus attracta; item eandem ex eodem cerebro eliciendam, sternutatoria excogitarunt. Non est mucus cerebri excrementum, sed dumtaxat partium narium internarum alimentum ante nutritionem degeneratum. Ab hoc excremento non patiuntur nares, sicut non patitur oculus à lacryma, intestina à fœcibus, vesica ab urina &c. quia propria sunt horum emunctoria. Patiuntur quandoque nares ab his excrementis, tunc cum quid adventitium consociatur, ut est Lues Venerea, unde oritur ulcus. Hoc narium ulcus duplex est, vel incipiens, & simpliciter vocatur ulcus, vel inveteratum, & appellatur *ozæna*.

N O T Æ.

Quæ affert in initio hujus Capituli de relatione inter magnitudine nasi, & eam penis, vel lasciviam muliebrem, cum nec experientia nec ratione nitantur, non merebantur attentionem Medici æque sapientis, & prudentis, ac aliis in casibus videtur Author; nec tribuendo causam luxuriæ in utroque sexu organo omnino innocenti, satis habere potuisset, respectu ulcerum Venereorum, nasum frequenter afficiendum, causam eorum tribuere, ut postea fecit, mucu vitu onusto, qui transiendo in ductibus, eum exonerantibus, necessario labem affert, capacem producendi ulcera congrua naturæ mali succi, quo imprægnatur.

Signa.

Præcessit Lues quinque notatis modis contracta, quæ à nutrimento opportunis non fuit eliminata remediis, & estò appareat curata, temporis curriculo recens ulcus nullum, vel exiguum excitans dolorem invadit nares, quæ ichore madent; sicca, & subnigricante obducitur crustula, quæ si violentiùs sæpiùs attingatur, vel vi depellatur, vel à fortiori narium emunctorio unà exturbetur, sanguinem fundit, & mox densior regeneratur crusta. Si diutiùs hæreat, subter exedendo perpetuò procedit, & ulcus efficitur majus. Quòd si negligatur, in dies depravatur, donec tandem in ozænam transeat, quæ est ulcus priori magis dolorificum sordidum, & putridum cum crusta sordidiori, & humidiori, ex quo graveolentia emanat, adeò ut mucus, & sanies graveolentem, & tetrum reddat odorem; anhelitus etiam ægri non modò adstantibus, sed & ipsi ægro nauseam parit,

parit, unde ipsi, & aliis molestus, & abominabilis est. Sic sæpè narium ulcera, quæ intus latent, cognoscuntur solum ex eo, quod fœtor è naribus provenit.

Causæ.

Ulcera narium causam putant *Vulgares* esse humores acres, putridos, & Venerea malignitate imbutos à partibus inferioribus; ab hepate nempe per ascensum capiti communicatos, & à capite per descensum catarrhosa colluvie naribus impertitos, qui acrimonia sua cutem erodunt, & nares exulcerant; in Ozæna verò eosdem humores simul putridos, & virulentos esse autumant. Verùm errant *Vulgares* in ulcerum narium assignanda causa; nam non ab hepate in cerebrum per ascensum scandunt, quia inferiores partes, per quas transeunt, primum exulcerarent, deinde cerebrum, & narium tandem partes.

Fiunt narium ulcera ex gonorrhœa, pustula, carie &c. malè curata in pudendis, à quibus particulæ acutæ acido-salinæ lentè, & dilutius serpendo unà cum nutrimento, ad narium epidermidem perveniunt, ibi maximè exaltantur, & patefunt cum narium excrementis, & quia Venereum virus est de salium corrosivorum genere, corrodit, & corrumpit nasi fibras, & ulcus fit, quod brevi temporis intervallo sordidum, crustosum, putridum, & graveolens evadit, & tandem nasi ossa cum aliis ejus partibus exedit, iisque destructis, intolerabilis exoritur fœtor.

Prognosis.

Narium ulcera circa sui exortum non ægrè curantur, debitis adhibitis remediis, præsertim si superficialia munda, & externa sint, verùm quia Luem Veneream committentem habent, semper pro suspectis habenda sunt, ideòque perpetuò in deteriorationem abeunt, prava excitant symptomata. Ut plurimum crusta nares obstruit, & respiratio læditur, ac ulcere ampliato, olfactus sensus extinguitur, vel si in sarcoma, vel polypum degeneret. Multoties narium hæmorrhagia supervenit, narium venis exesis. Annua, crustosa, interna, occulta, profunda, putrida, & fistulosa difficillimam habent curationem; sensim enim serpunt, narium pinnas effodiunt, interstitiumque corrumpunt, vel tenella nasi ossa, præsertim cartilaginem exedunt, deformitatem inducunt, & vox vitatur. Furtim palatum perforant, & fœtore contagiosæ putredinis ad cerebrum usque sensum serpunt, & primum ossa, deinde carnem corrodunt, & tunc nulla salutis spes superest.

Curatio.

Vulgares in Venereis narium ulceribus curandis victus rationem ad humorum acrimoniam temperandam, & eorum genisim inhibendam præscribunt. Corpus illis pharmacis, quæ hepar lue conspurcatum respiciunt, & si sanguis exuberet, phlebotomia uruntur. Caput fluxionis fontem exsiccant, roborantque, ne vitiosam materiam ulterius ulceris curationem impediendam transmittat, deinde ulcus exsiccant, & consolidant.

Ad topica deveniunt, & primò crustas emolliunt, & auferunt, pro quibus emolliendis unguentum commendant, quod conficitur ex medulla ossis bovis, cera nova, oleo nenupharino, & rosaceo. Vel utuntur butyro recenti, anseris, vel gallinæ adipe aqua rosarum loto, oleo amygdalarum dulcium, & similibus. Crustæ emollitæ spontaneum expectant casum, vel per ultroneam sternutationem. Crusta remota ulcus decocto ligni guajaci, vel ejus spuma eluunt, deinde unguento de tutia, vel albo Rhasis illiniunt. Si hæc non sufficiant, ulcus bis, ter, quaterve unguento Aegyptiaco in aqua hordei dissoluto abluunt.

Vel utuntur medicamento ex melle rosaceo, farina hordei, terebinthina, & pulvere aluminis saccharini, additis aliquot granis mercurii præcipitati.

Ulcere deterfo, illud exsiccant, probantque Rondeletii suffumigium, ut

℞. Ladani puri, hypocistidis, mastiches, myrrha ana ℥. iij. styracis calamitæ, cortic. thuris, sang. draconis, auripigmenti rubri ana ℥. ij. sandaracæ ℥. j. ℞. Excipiantur

tur terebinthina, & f. trochisci. Verum venenatum est suffumigium ob autipigmenti, & sandaracæ admistionem, quæ inter venena recensentur. Vel summo perè commendant aquam ejusdem Viridem, ut

℞. Aeruginis aris ℥. j. auripigmenti ℥. j. ℞. Tundantur subtilissimè, & coquantur in vini ℥. iv. ad consumptionem mediæ partis, cum refrigerent, adde aque rosarum, & solani ana ℥. j. ℞.

Vel ligni guajaci decocto utuntur, in quo dissolutum sit unguentum Aegyptiacum. Sed tale unguentum ob viride æs, & acerrimum acetum vehementem habet acrimoniam ulceribus hostilem, præcipuè ubi adest ossis exesio, illud nigredine inficit. Optimæ notæ chirurgi hujus unguenti usum Veterinariis consignant.

Ulcus narium ex Lue Venerea difficillimè est sanationis, ac proindè medicamina, quæ ex Mercurii penu cruantur, exposcit, unde præmissis pilulis de Mercurio alibi descriptis, conveniunt lignorum, radicumque decocta, & post hæc, quæ particulas acido-salinas in affectæ partis nutrimento exaltatas hebetant, corrigunt, & ad naturalem redigunt constitutionem, ut gummi guajaci naturale, antimonium diaphoreticum, cerussa antimonii, vel mercurius diaphoreticus per vices in forma pilulari, vel aliàs assumenda. Interim non omittenda sunt topica, inter quæ efficacissimum est unguentum nostrum magistrale cap. 5. de Bubone descriptum. Non credibile est, quantum unguentum hoc valeat in omnibus ulceribus etiam recentibus, & præsertim Venereis, putridis, malignis, vetustis, & exedentibus. Mundificat, carnem bonam producit, consolidat, putrefieri ac corrumpi non permittit, nec carnem excrecere, & tandem sanat una hebdomoda magis, quàm aliud integro mense. Sequens balsamus in narium ulcere est remedium raro fallens, ut

℞. Ocul. cancr. spermatis ceti ana ℥. ℞. cinnab. nativi gr. vj. sacch. saturni gr. v. camphoræ gr. iij. balsami Peruviani q. s. f. balsamus, quo sæpius pars affecta illinatur.

Vel sequens linimentum adhiberi potest, quod est magnarum virium, ut

℞. Ung. basil. ℥. j. ol. guajaci, balsam. Peruv. ol. safras gummi elem. ammoniaci dissoluti ana ℥. j. præcip. alb. gr. ij. m. f. linimentum.

Si verò ulcus sub oculos non cadat, medicamenta in forma liquida commendamus, inter quæ præstantissima est Aq. Viridis Hartmanni alibi à nobis descripta, quæ cum penicillo, vel gossypio, vel calefacta tamen ulcus range, vel irrorâ syringula, quæ mitificè non tantum ulcus mundificat, sed insuper consolidat. Vel adhiberi potest sequens mistura, ut

℞. Aquæ plantag. sampsucii ana ℥. ℞. mell. rosat. ℥. vj. spiritus vini rectificati ℥. iij. mercurii meteorizati gr. vj. m. & guttatim naribus absorbeatur, vel linteolum hac mistura madefactum, & contortum naribus inferatur, vel syringula intrudatur. Vel tandem fiat sequens suffumigium, quod egregias obtinet vires, ut

℞. Thuris, gummi animæ ana ℥. ij. cinnabaris ℥. j. m. f. pulvis.

Pro suffumigio carbonibus injiciendus, & naribus excipiendus.

N O T Æ.

Ulcera Venerea ductuum nasi, sunt semper symptomata Luis Venereæ, quæ altas egit radices; non itaque, saltem in Gallia, credere debemus pilulas mercuriales, & decocta, quæ suadet Author, ad hæc ulcera sananda, posse ægrum ab iis liberare, eumque radicitus per sanare; Experientia intelligentissimorum in Curatione Morborum Venereorum contrarium docuit, & quotidie docet.

Solus methodicus pyralismus radicitus, & sine recidiva Luem Veneream curare potest, cum has partes inficit; & hæc curatio ante aliquot annos instituta cum omni successu possibili in Viro primario post omnes alias curationis vias tentatas, id evidentè, & certissimè probat. Cæterum topica hoc in Capite proposita optimi sunt usus in locis exulceratis, dummodo simul veneno in toto habitu destruendo opera dêtur.

C A P U T XIII.

De Oris Ulceribus.

Sunt quædam Oris ulcera superficialia, vulgò Aphthæ nominari solent, quæ præcipuè infantibus lac sugentibus accidunt, & lactucimen appellantur. Sunt exulcerationes in summa cute, & in palatum gingivas, linguæ latera, radicem, & quamlibet ejus partem serpunt. Quandoque profundius sese demittunt, & palatum, carnemque linguæ exedunt, & ulcera absolutè nominantur. Verùm de his non est noster sermo, cum sint ulcera simplicia, non negamus tamen aphthas infantibus interdum adeò esse perniciosas, ut penitus eorum tenellam exedant carnem; sed præfens noster sermo est de ulceribus à Lue Venerea ortum ducentibus, quæ per ora non tantum superficie palatum, gingivas, linguæ latera, ejusque radicem serpunt, verùm etiam brevi temporis intervallo profundius sese insinuant, & harum partium carnes exedunt.

Signa.

Si oris ulcera vulgaribus reluctentur præsiidiis, sub Gallorum vexillo militare censemus, hæc per se visui patent, primum levia, & superficialia, deinde profunda, & adest, vel albo, vel cineritio, vel nigro imbuta colore.

Causa.

Assignant *Vulgares* pro oris ulcerum causa biliosos, aut pituitosos, aut melancholicos humores Lue infectos, in ore collectos. Verùm isti humores, vel antequam ad os colligantur, sunt infecti, vel in ore infectionem contrahunt, si primum, pravitatem partibus, per quas transcutiunt, communicant; si secundum, quomodo in ore pravitatem nanciscantur assignare tenentur. Censent à capite in os mediata per destillationem per descensum, ut Chymici loquuntur, sed de his fabellis ad tedium usque in nostra *Trutina lib. 1. cap. 8. de catarrho* egimus. Immediate verò oris ulcera uni infecto tribunt hepatis, tanquam ignorantia asylo, & omnes morborum causas à planta pedis ad verticem capitis usque hepatis refundunt.

Contrahunt Venerea ulcera infantes in ore cum lacte nutricum non aperto, sed furtivo quodam modo lue se insinuat, inficitque. Mifelli infantuli, qui dum Lac pro sustentanda vita ab uberibus mendicant, cum lacte nutritrix, ceu sava noverca mortis insidias struit alumno, inficiendo pocula.

Contrahuntur etiam in ore ulcera ex osculis cum scorto in ore infecto, imò per solam conversationem haliu, vel computatione. Quapropter plurimum nocet inter bibendum (ut plurimorum mos est) totam combonum turbam in uno, eodemque cyatho bibere, cum quandoque inter combibones semper unus, & interdum plures reperiri possint, qui in labiis, gingivis, lingua &c. Venerea patiantur ulcera: & talis Labiorum, gingivarum, linguæ &c. sanguinolentia, corruptio, & sanies in computatione à potu eluitur, à qua cessando, aliquid putridi circa cyathi margines remanet, & quid in ejus fundum, refluit, quod postmodum non infectos inficere potest.

Fiunt oris ulcera ex suscepto veneno Neapolitano, & non rectè à nutrimento extirpato, quod tempore serpendo, ad os tanquam ad aliquod corporis emunctorium devenit, ibi labiorum, gingivarum, palati, linguæ &c. fibras adoritur, eorumque proximum nutrimentum degenerare facit, exaltatur, & solvendo vim adipiscitur, & ulcera emergunt exedentia.

Prognosis.

Ulceres Venerea in pueris, si superficialia sint, & recentia, facillimè curationem recipiunt, attamen profunda, & diuturna perniciosissima censentur; tum ob carnis mollitiem, quam facillimè exedunt, & serpendo, palatum, totumque os occupant, & ad gurgulionem, & fauces descendunt, & validiora expostulant medica-

menta, quæ ob eandem carnis mollitiem, & ætatis imbecillitatem ferri nequeunt; tum quia infantuli nimia oris humiditate abundant, & facillè saliva eluuntur; tum quia partes valdè sensiles sunt, & facillè ab acris medicamentis, quibus quandoque uti necesse est, irritantur; tum tandem quia merus est, nequid de medicamentis acrioribus in fauces delabatur, & majus vitæ discrimen oriatur. Unde necesse est ob has causas malum invalescere propter loci naturam calidam, & humidam, ac proinde infantulos consumere, & hinc fit, ut interdum ex ulceribus Venereis acerbo succumbant funeri.

Si adultorum ulcera debitis adhibitis medicamentis non profligantur, sed putrescunt, & à gingivis serpendo per palatum, totumque os occupant, & ad columellam, faucesque descendunt, pessima censentur, & fortissimis indigent medicamentis, quibus si non cedunt, lethalia sunt: præsertim si exedentia, æger debilis, si livorem nigredinem, & veluti crustam contraxerint, periculosa sunt, & irreparabilis mors præforibus cubat.

N O T Æ.

In hæc Verba. *Ulceres Venerea* --- Verum est, ut observat Author, quandoque sat facile sanari, Lue Venerea in ore infectos infantes, ex suctione lactis nutritricis infectæ; sed præterquamquod ob id oporteat ulcera esse recentia, & superficialia ut prudentissimè notat, necessarium etiam est simul sanare nutricem infectam; ne infans orbetur alimento, ipsi per hanc curationem, maximè congruo.

Id tamen vulgò non fit propter dissidia nata inter nutricem, & parentes infantis, ut noscatur origo morbi, quæ cognitu sæpe difficillima est; ita ut infans nutrice orbatus, nec alii, quam inficeret, traditurus, semper fere est, victima innocens, criminis ab eo non commissi; adeo terribilis est progressus, quem in ejus corpore tenero, & molli, facit virus Venereum, dum dissidia, & rixæ, occupant eos, quos lucrum potius, quam humanitas agere facit, in periculum ejus vitæ.

In hæc Verba. *Si adultorum* --- Molestus progressus quem faciunt in ore adultorum ulcera Venerea, debet inducere Medicos, & Chirurgos, non, ut vult Author, ad usum fortissimorum topicorum ut his progressibus obstant; sed cum hæc ulcera sint effectus universalis Luis Venereæ, citò morbus generalis salivatione curari debet; hic erit modus æque certus impediendi quominus lethalia fiant, ac usus fortissimorum topicorum foret incertus, ne dicam inutilis, tum pro curatione palliativa, tum pro radicali.

Curatio.

Curant *Vulgares* gallica infantulorum ulcera, idoneam victus rationem nutritricibus præscribendo, quæ refrigeret, & exsiccat; verùm refrigeratio ulceribus mordax, & quia ulcus exsiccatione indiget per se ipsos, nunquam sanaretur ob assiduam, superfluumque oris humiditatem. Deinde ad oris medicamenta recurrunt mitiora, ut sunt *aqua plantaginis, rosarum, violarum cum syr. de rosis siccis, granat. de moris* pro oris illinctu. Vel ad *decoctum ligni guajaci cum syr. de moris, portulacæ, & myrtill.* Si fusca, vel livida illinctu utuntur.

℞. Aqua plantag. ʒ. ℥. mell. ros. ʒ. ij. diamori ʒ. iij. aluminis gr. vi. m.

Venerea adultorum ulcera curant *Vulgares* iisdem remediis, ac in infantulis, sed paulò fortioribus pro corporum natura, ut *decocto hordei, ligni cum iidem syrupis, melle rosato &c.* quibus nihil proficientibus *Aegyptiaco* utuntur *unguento in aqua plantaginis pauco aceto, & melle dissoluto*. Verùm hæc medicamenta erodentia adjunctum habent periculum, ne in fauces illabantur, & sic majus malum, quam oris ulcera producere possunt. Vel ea *spiritu vitrioli, vel aqua forti* leviter tangunt. Sed hæc medicamenta corrosiva sunt, carnem exedunt, & eorum acutie potius malum adaugent, quam levant. Si hæc ulcera putridam habeant carnem, eam totam præscindendam, vel ex ea parte *precipitati pulverem* admovendum *cum gossypio in aqua plantag. prius infuso* jubent; attamen frustra præcipitatum adhibent ob assiduam

assiduam oris humiditatem, cum in parre diu persistere non possit, nec in ulcus agere.

Nos ita in infantulorum ore ulcera curamus, si contracta fuerint ex infecta matre, vel nutrice, hæc pilulis purgetur mercurialibus, & in purgationis actu infantulo lac præbeat, ut una purgetur. Cibus præscribitur melioris nutritionis, vitentur acida, & salsa, omittis aromatibus. Postmodum sumat nutritrix aquam nostram *Anti-Veneream*, & interim ulcera in ore decocto hordei, & melle rosato simplici illiniantur, vel decocto *Veronica*, cui addatur aliquid spiritus *Vitrioli*, vel sulphuris per campanam: Verum expertum est à nobis majoris energiae sequens medicamentum, ut

℞. Aqua plantag. ʒ. j. mell. ros. simpli. ʒ. ℞. spiritus vitrioli philosophici, ad gratissimam aciditatem, m. & tangantur, & sic non resistent. Vel aqua viridi diluta cum aqua persicaria tangantur.

Adultorum ulcera Venerea, si recentia sint, facillime cedunt medicamentis, quæ proposuimus pro infantium curatione, vel ea leniter tangendo spiritu vitrioli, vel sulphuris cum melle rosaceo diluto, ut gustus spiritus acidior adhuc percipiatur; vel mellis rosacei tinctura, vel lapidis salutis aqua tangantur.

Si contumacia, rebellia, & inveterata sint, aliter tractari debent, curatio itaque instituat, corpus pilulis deplendo mercurialibus, & postmodum supra descriptis medicamentis fortioribus redditis tangantur, quod si his reluctentur, quia putrida, & callosa expertum erit remedium, ea pluries aqua saphyrea, vel melle ros. sale armoniaco immisto tangere, vel spiritu salis armoniaci persicaria aqua diluto ad sensilem aciditatem. Cave ne, aqua stygia ea tangas, (ut aliquorum vulgarium mos est) quæ vires in metallis eluserit, vocaturque aqua Mortua, nam non per hoc veneni corrosivi indolem deposuit. Si serpentina sint, lixivis ex Reguli facibus tactu sistuntur. Verum aqua mercuriali leniter contacta brevi sanescunt, & gargarisma ex persicaria decocto cum sublimato dulci expertum est apud nos remedium. Interdum tam maligna evadunt, ut quodcumque optimum spernant medicamentum, præsertim si profunda sint, tunc aqua viridis cum gossypio, vel penicillo madefaciendo, & cavitates tangendo; funditis exulcerationem mundificat, & mirifice sanat; quod si hæc parum, vel nihil profuerit, ad otis suffumigium, tanquam ad sacram anchoram, confugere necesse est.

N O T A.

Duo observanda sunt in hoc Capite, scilicet 1. infestus Authoris animus in eos, qui vulgarem sequuntur methodum, quo impellitur ad imputandum aequè intelligentissimis ac ignarissimis, absurdam admonitionem *Mercurii præcipitati* cum gossypio in aqua plantaginis prius infuso; quod tyrones tantum facerent, qui nullum adhuc usum habent in Chirurgia Practica; error qui in his acerbè redargui non mereretur, quos benigne de hallucinatione monere sufficeret, humaniter eos sequelas docendo.

2. Licet remedia ab Authore proposita ad sananda ulcera Venerea oris tum in infantibus, tum in adultis, sint sapienter præscripta, & vere indicata, incassum tamen, saltem in nostro cælo iis pro utrisque uteremur, ad radicibus sananda hæc ulcera cum inveterata sunt, nisi simul aggrediamur causam morbi, solo singulari remedio, id est salivatione excitata frictionibus Mercurialibus, qui eam excitandi optimus est sine dubio modus.

Suffumigia otis ad quæ confugere suadet Author, si ceteri quos docet modi feliciter non succedant, inutilia forent his in casibus, & ut sudorifera, & purgantia, quicquid in contrarium dicant, qui salivationi insensu sunt.

C A P U T XIV.

De Tonsillarum Ulceribus.

DUæ carunculae exiguae, & naturales in oris termino, utrinque circa linguæ radicem, paulò supra laryngem, videlicet ad uvulæ latera in omnibus hominibus positæ sunt, quæ rotundæ sunt, duorum nucleorum amygdala-

linorum instar, ac proinde vulgò à figura amygdalæ, Latine tonsillæ, & glandulæ vocantur, Græcè verò paristhnia ob similitudinem ab istimo significante angustam terræ partem, seu telluris brachium inrer duo maria jacens; necnon antiades, quia primò oculis se offerunt.

Conditæ sunt à natura tonsillæ spongiosæ, ut salivali humiditate fauces, laryngem, linguam, & œsophagum humectent, ut cibum sicciorum, & duriorum madidum reddant, ad faciliorem deglutitionem, item ad laryngis irrigationem, ut ejus cartilagine ad motum aptiores reddantur, quod imitantur ii, qui fistulas irrigant.

Sæpè hæc partes, licet exiguae, magnum Medico, sed majus ægroto faceffunt negotium; intumescunt enim sine inflammatione, ardore, colorem retinent naturalem, & dolore vacant: at interdum inflammatione, ardore, dolore, & siti infestantur cum deglutitionis, & respirationis difficultate. Quæ inflammatione in abscessum degenerante, pus intra fauces effunditur, unde sæpè ulcus sordidum, & foetidum relinquitur. Quandoque non suppurantur, & in scrofulas, scirrhosque degenerant tumores. Tandem citra inflammationem fit ulcus illas exedens, quod ut plurimum Lue Venereæ familiare est, de quo præfens est noster sermo.

Signa.

Præcessit Lues malè curata, vel clandestinè cum lacte, osculis, computatione &c. se insinuavit. Tonsillæ aliquantulum majores tactu, & visu cognoscuntur, intus verò ceu quoddam carnis frustulum faucibus adhaerens mole sua premit, obstatque ne facilis deglutitio fiat, Ardorem, & dolorem inferunt molestum, sitim, & secitatem excitant, paulatim fiunt ulcera, partim alba, & maculis similia, partim colori cineritio, aut crustis non dissimilia, quæ ferro inurantur.

Causa.

Tonsillarum ulcera excitari clamitant *Galenici* ab humoribus biliosis, & pituitosis in hepate Lue conspurcatis, qui in caput transferuntur, & inde in tonsillas, illatque erodunt, & exulcerant.

Fiunt tonsillarum ulcera post contractam Luem vel per lac, oscula, computationem, vel concubitum, tunc cum particulæ acido salinæ in latice hospitantes, à quo antea diluebantur, in laxam, & spongiosam tonsillarumque substantiam vehuntur, nec per salivolum liquorem excluduntur, sed inibi exalrantur, & tantam corrosivam adipiscuntur indolem, ut una cum epidermide non tantum mollium tonsillarum continuitatem solvant, & corrodant, sed etiam sæpè in totum auferant.

Prognosis.

Ulcera tonsillarum, si mox ab initio medica adhibeatur manus, facile curantur; at si negligantur, quæ munda sunt, & exigua, sordida, lara, & profunda evadunt quodam coñcreto humore albo, aut nigro. Exigua quandoque, & rara oriuntur ulcuscula, quibus supervenientia alia in unum ulcus latum coalescunt. Si ulcera depascendo serpent, gurgulionem, linguam, palatum, & gingivas exedunt, ac dentium præsepia occupant, dentes labefactantur, nigrescunt, vacillant, & tandem decidunt unde ægri inedia, & fœtore consumpti moriuntur. Quod si ulcera per tracheam serpent, quia pulmo, & cor neque odoris fœditatem, neque ulcera, neque ichorem sustinent, oborta tussi, spirandique difficultate, eodem die strangulant.

Curatio.

Tonsillarum ulcera venerandi barbari curant phlebotomia, medicamento purgante, & aliis diversionibus. Deinde quia talia ulcera à saliva perpetuè humidiora fiunt, adstringentibus, & exsiccantibus utuntur medicamentis; unde si ulcus sit superficialium, cicatricem inducentia usurpant, collutiones nempe ex vino, cui *balaustra*, *malicorium*, *galla immatura*, *folia myrti olea* & *summach fuerint incocta* & parum *aluminis dissolutum*. Vel utuntur gargarismis, ut

℞. Aquæ mulsæ lb. j. diamori ʒ. j. ℞. m. Vel

℞. Aquæ

℞. Aquæ plantag. ℥. j. ꝑ. syr. de moris ʒ. ij. mell. ros. ʒ. j. alum. scissil. ʒ. j. aceti ros. parum m. Sed nescimus, an hæc magis exsiccare, quam humectare valeant. Vel frequentius abluunt os vino in quo *bolus armenus* sit dissolutus. Si sordidum sit ulcus, pro gargarismate utuntur decocto ligni sancti cum alumine, & melle. Quandoque penicillo exulceratas tangunt tonsillas spiritu vitrioli, vel sulphuris, vel aqua aluminosa Fallop. ut eas magis exulcerent.

Ulcera tonsillarum Venerea nos curamus primò pilulis mercurialibus totum deplendo bis, vel ter, interim gargarismo de peto, vel efficacius utimur sequenti.

℞. Decoct. satireja, persicaria, plantag. ℥. j. mell. ros. simpl. ʒ. ij. salis armoniaci ʒ. ꝑ. m.

Si sordida sint, ea mundificat, & consolidat infusio lapidis salutis, & tinctura mellis rosati simplicis. Vel sequens gargarismus, ut

℞. Rad. tormentilla, & salsa parilla ana ʒ. ꝑ. veronica, & sol. querc. ana m. ꝑ. f. decoct. in aqua rad. consolidæ ad remanentiam ℥. j. in qua diss. merc. dulc. subtiliter pulverizati ʒ. j.

Si depascentia, tangantur lixivio ex regali fœcibus; verum præ cæteris maximè valet Aqua Viridis Hartmanni calefacta, qua cum penicillo bis in die tangantur, & hac aqua in oris, tonsillarum, & columellæ ulceribus nos familiariter utimur, & sic feliciter cedunt; quod si non eveniat, ad partis suffumigium ex cinnabari, & thure, tanquam ad sacram anchoram confuge, nec ægrotum ulcerum sanatione defraudabis, ut experientia millies nos edocuit; imò tantum hoc suffumigio multos, quos tanquam incurabiles, & deploratos barbari post varios cruciatus deferuere, pristina restitimus sanitati.

N O T Æ.

Valde sunt ambiguae Curationes ægrorum innumerorum ulceribus Venereis in ore, uva & tonsillis affectorum quas fecisse contendit Author, usu Aqua viridis Hartmanni, & suffumigio ex Cinnabari; nec etiam dicit ea fuisse sine recidiva à qua immunes fuisse lubenter non crederem, licet contrarium affirmaret; cum ulcera hujus generis sint signa certa Luis Venereæ, quæ sola salivatione tuto sanari potest; sine qua hæc ulcera, solis topicis sanata, brevi redire queunt, vel ea sequuntur symptomata alia adhuc graviora.

C A P U T XV.

De Columellæ exulceratione.

Descendit in os teres caruncula ex palati tunica reduplicata, penitus juxta narium meatus supra Laryngis rimam, inter tonsillas, quæ Uvula appellatur, est morbofa hujus carunculæ affectio, cum ejus summum uvæ acino, non absimile appareat. Proprium hujus carunculæ nomen est columella, quia oblonga, & rotunda, columnæ ad instar, parvam columnam, seu columellam efformat. Dicitur quoque gurgulio, seu gargareon, à sono illo qui in gargarizatu auditur. Ejus substantia est glandulosa, mollis, spongiosa, & rubro donata colore, communi oris tunica amicitur, figuram habet ut diximus, rotundam, teretem, superius crassiorem, & inferius in acutam obrusè desinit. Hæc caruncula suos patitur manes scilicet laxitatem, tumorem, inflammationem, & atrophiam, de quibus hic nos non agimus, sed solum de hujus carunculæ Venerea exulceratione noster erit sermo.

Signa.

Hujus affectus signa sub oculos veniunt, aperto ore, & depressa lingua, columellæ exulceratio cognoscitur: laxa, & flaccida apparet, albo mucore obducta, quandoque cineritio cum ardore, & sorditie, graveolentem spirat anhelitum.

Causa.

Columellæ exulcerationem fieri autumant *Vulgares* ab humore acri, & falso Lue Venerea infecto; à cerebro in columellam fluente; Verum hæc vulgarium putativæ fluxiones sunt veluti Sisyphi supplicium, ut fabulantur poetæ, qui saxum ingens in montis verticem provolvere cogitur, & cum ad culmen benè extulerit, repente deorsum relabitur.

Ulcera columellæ sunt ex veneno Venereo contracto sive furim; sive quinque suprà notatis modis, & non ritè eliminato internis remediis à nutrimento, non aliter ac de oris, & tonsillarum ulceribus diximus.

Prognosis.

Columellæ exulceratio festinam requirit opem, aliter in perniciosum, & operosum desinit ulcus, quo tota exciditur, & quibus columella adesa est, potus ex ore in nares regurgitat; insuper rarè clarè, & articulatè loqui possunt, inservit enim ad vocis modulationem, unde vocis plectrum ab Anatomicis appellatur. Insuper, & quod pejus phthisis imminet periculum cum particula jam deficiat, quæ aeris frigiditatem moderatur, ne in pulmones irruat, eosque lædat.

Nos juvenem, & scortum, columella quorum tota adesa fuerat à Lue curavimus, qui nunc vocem claram, & sonoram, expeditamque conservant, quia vicinæ aliæ partes ad vocem conferentes non læsæ fuerunt. Item mulierem sanitati restitimus, cujus columella non totaliter adesa fuerat à Lue sed veluti filo pendula remanserat à Luis curatione, & quia multum illi faciebat negotium in sermone cibo, & potu, nos, ut molestiam tolleremus, apprehensam vossellam forcice refecimus, & sanguinis fluxum terra exanimata vitrioli statim compescuimus, sed quia aliæ vicinæ læsæ fuerant partes, vocem in raucam, clangulosamque mutavit. Omnes incolumes vitam degunt, sed horum deploranda est salus, nam qui columella destituuntur, phthisici moriuntur.

N O T Æ.

Consilium ab Authore datum de periculo phthiseos imminentes ægris cum afficiuntur ulcere quodam Venereo in uva; nimis est seriusum, & positivum; adeoque magnam meretur attentionem.

Revera, licet experientia periculum hoc respectu ægris imminens non doceret, eos qui multis Venereis morbis curandis operam dederunt, nimia non opus est perspicacia, ad concipiendum partem quandam saniei hujus ulceris, semper dispositæ ad fluendum supra laryngem, facillimè posse subire, asperam arteriam, ideoque pulmones, in quibus maximam sine dubio facit labem, ideoque exulcerationem, sicque necessariò phthisim creat.

Magis etiam credibile est, phthisicos factos post ulcera Venerea in uva, tales esse potius ob depositam in pulmones virulentam ulceris saniem, quam quia non respirant aerem sufficienter ab hac parte præparatum; adde quod experientia doceat nos, multos columella orbatos ob ulcera Venerea phthisicos factos non fuisse, optimisque pulmonibus præditos esse, quia virus pulmones non subiit, sed solum iis superest vox rauca, & absurda.

Curatio.

Ad columellæ ulcera ex Lue *Vulgares* hoc utuntur linimento, quo ea tangunt, ut

℞. Ung. Aegyptiaci ʒ. ꝑ. alum. usti ʒ. ꝑ. mell. ros. ʒ. j. ꝑ. m.

Sed parum feliciter in hoc linimento utuntur unguento Aegyptiaco propter viride æs, quod ejus compositionem ingreditur, potius enim corrodendo quàm separando, suas absolvit operationes. Insuper Aegyptiacum partem affectam nigredine tingit, quod omninò vitandum est. Si verò contumacia fuerint, aq. forti diluta, vel aqua in qua mercurius sublimatus decoctus fuerit, utuntur. Verum aqua fortis, licet diluta venenatam non respuit qualitatem, idèdque si per se metalla corrodit, diluta & in gradu remisso carnes absumere, & corrodere valebit, & eò magis columellam, quæ molli, & spongiosa do-

sa donata est substantia. Mercurius sublimatus in aqua decoctus non desinit dilute continere vim corrosivam, venenatam, & causticam, ideoque non tantum columellam, & proximas partes eò magis venenatè exulcerabit, verum etiam si fortè in asperam arteriam, vel in œsophagum gutta aliqua delabatur, in magna noxa: & vitæ discrimine versatur ægrotus. Insuper sanguinem inflamat, unde spurationes cruentæ, & aliaque gravissima oriuntur symptomata, & ipsa patientis destructio.

Ulcera ex Lue venerea tam columellæ, quàm cujuscumque oris partiris curamus universalis luis expatione, & hac ratione ulcera incipientia in istis locis unà cum lue sponte evanescent; quòd si interim curare velis, *ad aquam lapidis salutis, Veneream, vel mellis tincturam*, & tandem *ad aquam viridem*, quæ omnem putredinem, exulcerationemque tolli fœdam, & consolidationem inducit perfectam, vel *ad suffumigii topici* usum deveniendum est, & sic facillè eliminantur. Prædicta remedia his ulceribus adhibita, non præmissis universalis luis curationibus; nunquam Medicum, & ægrotum fallent, quæ remedia mille experimentis à nobis comprobata fuere: verum aliquo temporis spatio interjecto, vel recidivam patiuntur, vel graviora luis Venereæ symptomata excitantur. Unde post perfectam horum ulcerum sanationem, præmisso leni cathartico, propinari debet Aqua nostra *Anti-venerea*, quæ universalem luem, ejusque omnia symptomata ex toto corpore radicibus eliminat.

Verum fusiùs de labiorum, dentium, gingivarum, faucium, palati, laryngis, œsophagi, tonsillarum, uvulæ, linguæ, & nasi morbis, necnon de ranula, balbutie, cæterisque vitiis, quatenus loquelam depravare possunt in nostra *Grammatica speculativa* egimus *capite de Barbarismo*.

N O T Æ.

Fatetur in hoc ultimo articulo Author, curando Luem Veneram integræ; sanari facillè omnia oris, & faucium ulcera; prout massa sanguinea à virulentia liberatur remediis aptis ad illud destruendum, & delendum; posse revera evanescere hæc ulcera modis facilioribus, quales sunt remedia quæ proposuit, sed ea citissime redire atrocioribus adhuc stipata symptomatibus.

Omnia quæ hoc respectu dicit Author vera quidem sunt; verum quoad ejus aquam anti-veneream, cui dat vim expellendi omnino è corpore virus, & omnia ejus symptomata sine metu recidivæ, quidquid de ea credere possum, ne illi omnino contradicam, est ejus, aquam, quæ nihil aliud est quam decoctum sudoriferum, multo efficaciorum esse posse in Italia quam in nostro Cælo ubi talia decocta Luem Veneream tantum fucant; videbimus autem in suo loco, num simplicia eam componentia, viros quos promittit effectus producere possint.

C A P U T XVI.

De Alopecia.

Accidit quandoque in lue Venerea non solum in capite, verum etiam in mento, & superciliis capillorum defluvium: Malum hoc Alopecia vocatur, cujus plures sunt species; nempe Ophiasis, Atea, & Calvirium. *Atea* est quando in aliqua capitis parte capilli areatim decidunt, & sub se comprehendit *Alopecia*, idest omnimodam depilationem sive ea fiat in capite, mento, aliisque locis pilosis, & *Ophiasin*, in qua semper capilli à capite decedentes, certam quandam figuram depilatam constituunt, nimirum ab occipite ad aures, frontisque partem anteriorem in modum carinæ. Quando autem capillorum pars undique à capite decedit, & pars remanet rara, tunc simpliciter *capillorum defluvium* appellatur.

Signa.

Ex his, quæ diximus, & dicemus, hoc malum facillè innotescit.

Causa.

Vulgares alopecia fieri dicunt ex capillorum radicis erosionem ab infectis Venerea labe succis, quos quidem tenues esse, & halituosam habere naturam credunt: Verum nunquam tam benè locuti sunt vulgates, quàm nunc, sed nihil dicunt cum succorum, sive halituum non explicent naturam.

Fit alopecia, quando particulae acido-salinæ non erumpunt in ulcera, sed glandulae cutaneæ, quæ poris adsunt cutaneis, ex quibus capilli tanquam ex fundo emanant, & in quibus radicibus suis infixi sunt, exeduntur, ita ut absumptis capillorum radicibus, atque adesis, capillos quoque decidere necesse sit.

Harum affectionum diversitas oritur à particulis exedentibus, non tamen undique æqualiter, sed aliis tenuioribus, unde rectam viam servare nequeunt, & tenuiores à crassioribus impediuntur, in suo cursu remoram contrahant, & capilli obliquè excidunt, & fit *ophiasis*. Vel oritur à majori quadam particularum copia, quæ magis ad unam partem, quàm ad aliam confluit, capilli inibi omnes areatim excidunt, & fit *atea*. Vel ad hanc, vel illam glandulam pilosam particulae salæ, & acres deferuntur, capillorum radices absumunt, & rari excidunt, & *capillorum defluvium* fit.

Ab acribus, salis, sulphureisque particulis capillorum radices corrodit, illosque decidere probant sequentia, quòd affectus hic contingere solet, quibus magna inest acrimonia: Post febres potissimum malignas decidunt capilli, quia salinæ, & acres particulae ad has glandulas transferuntur, & radices absumunt. Sic in phthisicis capilli decidunt, ob præcedentem sanguinem acrem liquorem nutritium conspurcantem, qui inde acrior factus capillorum radices erodit. Sic quoque talis radicum pilorum corrosio, fit ex applicatione olei vitrioli, aquæ fortis, arsenici, calcis vivæ. Hujusmodi est balnearum unguentum, quod ad pudendorum loca depilanda inservit, componiturque *ex auripigmento, calce aquam non experta, & oleo communi* pro incorporatione. Sic etiam à veneno corrosivo assumpto capilli decidunt.

Prognosis.

Alopecia ex lue Venerea in principio facillè sanari potest, at neglecta calvitiam inducit, quæ multoties, in incurabilem, horridamque degenerat morphæam, miserabiliter deturpat, & ita ridiculos reddit ægrotos, ut amplius non cognoscuntur.

Verum nostris hisce temporibus calvities, capillorumque defluvium, alopecia, & ophiasis nullam insignem turpitudinem, aut deformitatem parit; hodiè namque ferè omnes caput, barbam, & mostaces bis in hebdomada sibi abradunt monachorum more, & adscititia utuntur coma, cujus usum introductum fuisse credimus, ut has ægritudines occultare possent. *Cajus Julius Cæsar Imperator* calvirium ita iniquo tulit animo, ut post plurima incassum attentata remedia, à Senatu tandem perpetuam laureæ gestationem impetravit: Qui si hoc nostro sæculo viveret in maximam felicitatis partem sibi duceret capillitio tegumento ex alienis capillis confecto calvirium occultare. Imò nostris temporibus, & præsertim hac in nostra civitate ad juventutem simulandam adscititia coma multum confert, omnes namque senes hoc artificio, & bis in hebdomada mentum, & mostaces abradendo, antiqui videntur juvenes.

Curatio.

Vulgares corpus ab infectis succis purgant, & si qua sanguinis excretio cohibita fuerit, infernas tundunt venas, deinde capillos, vel pilos deradunt, & ob alopecia credimus capitis capillos abradendos pro quibus artificiosa quisque utitur Cæsarie, & barbam decurtandi usum Hispanico more introductum fuisse: Verum id non omnes admittunt, & præsertim religiosi, quorum morbos occultos esse decet. Et quia capillorum defluvium non est laxantibus tractandum, nam hæc malum redderent deterius, adstringentibus utuntur decoctis pro capitis ablutione, post ablutionem laudant *succum ladani concretum, confusum, & maceratum in oleo myrtillorum, & rosæ*

saceo omphacino, quo bis in die locum inungunt: Sed hæc etiam malum pejorant, ulcera, dolores, & gummata ex pravis retentis succis oriuntur. Interim masticatoria præscribunt *ex radice pyrethri, angelica, mastiche, caryophyllis* &c. ut copiosissimo excitato, sputo, pravi retrahantur succi à partibus capillosis, vel pilosis.

Si hæc non juverint ad ligni, & falsæ decocta cum sudoribus, & dejectoriis accedunt, quod si non profecerint, ad particularia capitis, & faciei suffumigia confugiunt. Si autem malum obstinatè particularibus relictur suffumigiis, ad totius corporis suffumigationem, descendunt, ut

℞. Aloes, thuris, benjoini, camphora ana ʒ. iij. gall. mosc. ʒ. j. lign. aloes ʒ. ij. cinnabaris, auripigmenti & marchasitæ aureæ ana ʒ. j. m. f. pulvis

Inspersendus super accensos carbones ad totius corporis suffuturum. Bardum suffumigium, quia ipsi bardi; putant enim vulgares odoratorum fumum aliquid antidoti pro lue continere, & corpus penetrare posse, quod falsissimum est. Credunt quoque auripigmentum esse pro lue præsidium, & tamen venenum est, nisi dicere velint, quod unum venenum expellit alterum, & non intendit, cum ambo hæc sint corrosiva. Ponamus hominem auripigmenti suffuturum inspirare, & certissimè veneno necabimus illum. Tandem opinatur marchasitam, quæ est cautes metallica, ad ignem in fumum converti, & lue consilere. Isti maleferiati sectatores decipiuntur, & decipiunt, nec medicamina examini subiciunt, sed pecudum more eunt, quod itur. Luis Venereæ sanatio tantum in cinnabari consistit, tanquam proprio alexipharmaco, alia adjuncta sunt merè inutilia.

Si ceciderint capilli, vel pili, diversis lixiviis caput, vel faciem lavant, deinde aspero linteolo illud fricant, donec cutis erubescat, & tandem, ut capilli, vel pili renascantur, pluries caput, vel faciem urina lavant.

Alopeciam curabis præmittendo dejectiones per aquam solutivam magistralem, ac deinde per mannam Mercurii, ut paulò supra præscripsimus: postmodum in hypocausto infirmo sudores consule, quos præcedat sequens vulnerarium per horæ quadrantem:

℞. Limaturæ ligni sancti ʒ. ij. limaturæ cornu cervi ʒ. j. ʒ. croci ʒ. ʒ. zinziberis ʒ. j. santalor. rub. contus. ʒ. j.

Ponantur hæc omnia in vas vitreum cum ʒ. j. aqua fontis, illudque optimè include, ac in M. B. bulliant per tres horas, postea refrigeretur, & aqua a pulveribus exprimatur. Hujus aquæ uncias quatuor infirmo exhibe ante ingressum in hypocaustum, post sudorem capitis cutem sequenti aqua irrota:

℞. Aqua vitæ opt. ʒ. j. in ea diss. merc. meteorizati gr. iv. & postea cum ea cutem irrota.

Tandem, ut citò renascantur capilli, caput inunge oleo Bufonum alibi descripto, vel de ovorum vitellis, vel oleo mellis quod ita paramus:

℞. Favos residuos post mellis expressionem q. s. pone in sigillo supra ignem, & misce cum arena ad sufficientiam, forma globulos, & inde retortæ vitreæ adapta recipiens, perge destillando, & eructabit oleum flavum. Cave, ne urfi pinguedine caput ungas, nam cani renascantur capilli. Item si locus depilatus sequenti famoso inungatur liquamine, largiter regignuntur capilli, ut

℞. Carnium limacum, apum, vesparum, sanguisugarum, salis fortiter adusti ana partes æquales.

Inde omnia vitro in fundo multis foraminulis perforato instar cribri, ac subius illud colloca vitrum, quod è superiori liquorem stillantem recipiat, qui sensim intra multos dies è superiori mistura resolvetur, quo locus depilatus prius ad rubedinem frictus inungatur.

Nos experti sumus remedium pro renascendis in area capillis, & tale est limonum succus, in quo dissolvitur nitrum, pluries depilato loco affricatus. Si glandulæ pilosæ planè deficient, vel pori, per quos capilli erumpere solent, vel planè coaliti, & oblitterati sunt, incurabilis est alopecia.

N O T Æ.

Quod spectat curationem alopeciæ Venereæ, hic iterare tantum possumus, pluries jam dicta, agendo de curatione multorum ulcerum ejusdem generis; de quibus loquuti sumus in Capitibus antecedentibus: scilicet, necessarium esse ad feliciter medendum huic symptomati.

Musitanæ Opera Tom. II.

ptomari Luis Venereæ, sanare ipsam Luem ex qua omnino pendet.

C A P U T XVII.

De Rhagadibus.

Inter alia Luis Venereæ importuna Symptomata, quæ inquinatos torquere solent, annumerantur Rhagades, sive fissuræ in volis manuum, & plantis pedum, quæ sunt ulcuscula oblonga discindentia in rimas, sive rugas, suntque scissuræ his non abimiles, quæ sæpius inferius, & quandoque superius oris labrum, & mammarum papillas occupant. Hæ rhagades ex lue Venerea non solum in volis manuum, & pedum plantis fiunt, verum etiam in ano, & utero nunc humidæ, & saniosæ, nunc siccæ & callosæ. Nos hic tantum loquimur de rhagadibus, quæ Luis Venereæ seminio affligere solent, nam extra hanc luem etiam molestare possunt, & harum à priscis Medicis facta mentio est, antequam Venerea lues incepisset.

Signa.

Ex his, quæ diximus, signa manifesta sunt, nam sunt ulcuscula rimosa, & oblonga cum pruriginoso dolore, tetro odore, ac virulento humore, ita ut nigrum quid, vel viride, vel citrinum fœrens effluat; aliquando tamen nihil scaturit, sed siccæ, & callosæ solummodò apparent scissuræ.

Causa.

Vulgares ineptè credunt hepar lue inquinatum humores phlegmaticos, falsos, & adustos generare, & his ad volas manuum, & pedum plantas tanquam ad emunctoria se exonerare, quibus cutis in rimas dehiscit. Ecquis bardus de plebe homo in triviis nutritus non fieret una hora celeberrimus Medicus de solo hepate in unoquoque morbo differens? Certè sine labore & studio hepaticam assequetur medicinam, quam omnes profrentur vulgares, & sine dubio inter Galenistarum proceres assidere, istis negotium facessere, & minimè garrulitate superari solo hepatis commento. Docent vulgares volas manuum esse hepatis speculum, quasi chiromanticorum more inspicendo manuum volas, divinare salubrem, vel insalubrem hepatis constitutionem. Concederemus, si res ita se haberet hoc in dextræ manus vola, quæ vergit ad hepar, non verò in sinistra, quæ tantum è lienis conspectu sita est, & splenem non hepar respicit. Crederemus utique cum vulgaribus, si nostrum judicium esset limitatum, rhagades non solum in manibus, verum etiam in pedibus, labiis, utero, & ano si hepar esset veluti totius corporis monarcha, & ut tyrannus in cuncta dominaretur non jure, & legibus æquis, verum quadam animi insolentia, & feritate; Fiunt rhagades ex prægressa lue Venerea, cujus virus appropriatis remediis non fuit, exturbatum à nutrimento, sed temporis cursu particulæ acres, acidæ, & falsæ furtim serpendo ad manuum palmas, & pedum plantas cum latice deveniunt, ibi exaltantur, alimentum inficiunt, & ulcera secundum rectitudinem rugarum corrodentia producunt.

Prognosis.

Rhagades pruriginosæ sunt, ideòque molestissimæ, quæ si negligantur, ad plures annos durare solent, vel facilè in ulcera exedentia degenerant.

Curatio.

Pro rhagadum curatione Vulgares prius de communi propinant purgans, deinde falsæ decoctum ad plures exhibent dies, & tandem ad topica deveniunt medicamenta. Abluunt manus, & pedes decocto guajaci, ejus corticis scabiosæ, & pentaphylli, si vero durities adsit, mane, & vesperi pedes, & manus macerant in decocto ejusdem guajaci parato cum radicibus althææ, foliis malvarum, violarum, plantaginis, & hordei in jure pulli: postmodum adstringentia addunt, & tandem manuum palmas, & plantas pedum inungunt butyro, adipe anseri, vel gallinæ, vel pomata, unguento albo camphorato, de plumbo, cerussa, vel tangunt rhagades aqua aluminosa magistrali. Hercules Saxonia refert se

B b

mulie.

mulierem cognovisse, quæ octo annis continuis manuum rhagades passa fuerat, & inutiliter omnium, & Venetorum, & Patavinorum Medicorum opera usa fuerat, brevi, & facile curatam fuisse succo herbæ, quam alii *artemisiā*, alii *tenacetum* vocant, in omnes fissuras diligenter penna illito, & omni manuum lotionē omīssa. Verūm ex his vulgarium medicamentis nil frugis sperari potest, & licet per longissimum tempus adhibeantur, morbum protrahere, non verò curare possunt.

Curamus rhagades, particulas acres, acidas, & salvas lue Venerea temeratas diluendo, educendo, vel demulcendo, pro quibus assequendis primò patiens bis, vel ter pilulis cum manna mercurii purgetur, deinde manè, & vespere aqua mercuriali tangantur. Vel cutis rigiditas emollientibus compediatur *mucilaginis seminum cydoniorum, psyllii*, quibus mercurii dulcis parum addimus. Vel rhagades manè, & vespere inunge hoc unguento, ut

℞. Axungia porcina q. pl. m. cum oleo tart. p. d. facto, donec f. ung.

Verūm solent quandoque ita rebelles, & obstinatæ esse rhagades, ut cuique optimo topico reluctentur, tunc suffumigentur manus, & pedes mercurii suffitu, vel inunctione fricentur mercuriali, vel mercurius ita misceatur cum unguento pomato, donec nullum granum appareat, & affectæ obliniantur partes, & interim ab omni manuum lotionē abstineatur æger. Vel tandem aquam nostram Anti-Veneream sumat, & absque topicis medicamentis sponte sanantur, ut pluries nos experientia docuit.

N O T Æ.

De Rhagadibus Venereis eadem dicimus, quæ pluries antea iteravimus, effectus, scilicet, à Lue Venerea ut causa primaria ortos, citò cedere, sublata Lue Venerea. Uno verbo, Sanemus universalem Luem Veneream, & cito Rhagades Venereæ sanabuntur.

C A P U T XVIII.

De Moris, Cristis, Verrucis &c.

NULLUS ager tam ferax reperitur, quàm Gallicus; in ipso enim semel rectum seminum Venereum suo fermento vegetat, germinat, crescit, florescit, fructificat, suisque successivis generationum periodis uberem fert messim: Verūm hi fructus sunt corruptæ genitricis soboles, non secus ac turpi conspuratione viscum frutex in arboribus innasci dicitur. Huiusmodi sunt quædam carneæ excrescentiæ dictæ, mora, crista, verruca, ficus, condylomata, thymi &c. quæ in pene, mulieris sinu, & podice ex lue Venerea innascuntur.

Signa.

Predictæ excrescentiæ Venereæ cognoscuntur his signis, nam

Mora sunt excrescentiæ similitudinem quandam mororum arboreorum referentia, atque nomen sortita. Oriuntur in pene, pudoris sinu, & podice.

Cristæ sunt carunculae ani cristaceæ, pullorum gallinaceorum cristas referentes, ex infando, ac naturam pervertente concubitus abusu nascentes.

Verruca, aliàs dicuntur porri, sunt quædam carneæ excrescentiæ, quæ exterius quasdam obtinent radículas ad porrosum similitudinem, & id ob maiorem siccitatem.

Ficus, seu Sycofes sunt quædam excrescentiæ tam circa anum, ejusque circulum, vel pudendum, quàm circa uterum, ubi hæmorrhoidales, & menstruales terminantur venæ, quæ basim habent strictam, supernam verò partem latam, ficibus non ab similes, à quibus nomen sortitum est. Vocantur etiam mariscæ.

Condylomata sunt tumores in sinu muliebri, vel in ani margine excitati, similes digitorum pugno, aut maturis moris, aut ficui, aut grano uvæ nigræ.

Acrochordon est verruca pensilis, orbicularis angustæ basis, ita vocata, quod chordæ nexu suspensa videatur, una vel sola vix nascitur, sed ferè semper plures magnitudine pisi, vel ad summum fabæ, raro major, in summitate latior, in inferiori circa corporis cutem est tenuior, ita ut quasi pediculo suffulta appareat, cuti est ferè concolor, perdura, & aspera.

Thymus est protuberans quædam excrescentia aspera, subrubra, oblonga, thymi summitatis colorem referens, & augefcens, ac in excisione plurimum sanguinis profundens, ejus generatio est circa sedem, & pudenda.

Myrmecia sunt verrucæ humiliores, inferius latiores, superius tenuiores, & duriores, quæ radices suas altius figunt, doloremque movent, colore nigricantes, nomen suum inde habent, quod ad contactum dolorem exhibeant, qualis sit à morfu formicæ, magnitudine lupinum vix excedens.

Causa.

Pro harum excrescentiarum causis statuunt *Vulgares* humores lentos, viscidos, & pituitosos, cum aliqua sanguinis portione ab hepate lue infecto ad podicem, mulieris sinum, & penem demandatos, in quibus locis in varias carneas excrescentias abeunt. Verūm decipiuntur *Vulgares* in harum excrescentiarum statuenda causa, quia humores lenti, & pituitosi cum sanguinis portione non possunt esse causæ. Id quod perpetuò de hepate repetunt, non sunt hæ partes hepatis emunctoria, sed nœniæ, & aniles fabellæ.

Harum excrescentiarum causa est succus alimentitius Venereo contagio imbutus, nimirum viscosus; qui extra solidas fibras agglutinatur, & juxta partis texturam, & dispositionem in luxuriantes degenerat carnes; datur enim quandoque in parte vel crassa ulceris impuritas, vel ipsa unguentorum crassamenta, & tales excitantur excrescentiæ, ut in aliis ulceribus videre est, cenà turpi conspuratione arboribus innasci viscus dicitur. Et hac de causa ferè semper Venerea lues per podicem contracta in moras, cristas &c. definit. Hæ sylvestris caro vivit aliena quadra, scilicet vita totius, non aliter ac viscum frutex arboris vita.

Prognosis.

Supra dictæ excrescentiæ familiares, & frequentes sunt in nostra Italia, paucæ enim sunt meretrices, & pathici, ob innumeras pædiconum catervas, in ano huiusmodi non habentes excrescentias, quas sub hæmorrhoidum titulo occultant. Hæ excrescentiæ nunquam solitariæ, sed plerumque plures sunt, quia spurcum fundunt ichorem, qui vicinas fœdat partes, & multiplices pullulante facit magno cum pruritu, ita ut sæpissimè scalpere cogatur æger.

Si initio ob pudorem celantur ab ægrotis, ut plerumque fieri solet, multiplicatur. Gallica messis, & nisi appropriatis averruncentur remediis, in cancerosam migrant naturam. Quandoque in ani orificio, & vulvæ labiis exurgunt, quandoque ita profundæ in recto intestino, & uteri collo, ut attingi non possint, ac proinde curationi non subjiciuntur, nisi quantum utriusque speculum sinit, vel saltem difficillimæ curationis censentur. Quæ exiles habent pedunculos, facile curationem admittunt: contra verò, quæ latissimis potiuntur radicibus, quibus adhærent, agrè curantur. Ubi exciduntur, nullasque relinquunt radículas, non renascuntur; ubi verò radícula remanet, necessario regerminant.

N O T Æ.

Licet Author de excrescentiis Venereis sat malum faciat prognosticum, dicendo, eas, si incipientes non curantur, in cancerosam migrare naturam, non abs re est, respectu earum, quæ ab infando oriuntur concubitu, monere Chirurgos, quibus non tot sunt, ut in Italia, eas curandi occasiones, tales excrescentias factas nulli anti-venereo cedere, neque ipsi salivationi optime institutæ, ignemque actualem solum esse modum quo sanari possint, si ad radices usque ferri possit; si vero id impediunt profunda nimis ulcera, omnino insanabiles sunt.

Curatio.

Curant *Vulgares* carneas excrescentias, quæ tenuem habent basim eas serico vinciendo filo, sensimque strigendo, usquequò æger dolorem percipiat, donec ob nutrimenti privationem exsiccentur, & decidant. Verūm non omnes filo vinciri possunt, quia ut plurimum lata est basis, vel

vel callofa. Præterea vinculi ufum repudiamus, licet eas vulgares vincere poffint, quia dolorificus eft curandi modus, femper tumorem accerfit, & inflammationem, & fi tali pacto curentur, promptiffimè repullulare poffunt.

Quandoque eas forcipe præfcindunt, quia his non eft magnus dolor; in eis enim non viget exquisitus fensus. Verùm ferrum pro præcifione formidolofum eft agris, nec radículas, quibus hæ carnes excrefcenitiæ adhærent, præfcindit, unde impromptu eft harum regerminatio. Tandem femper inflammatio, vel tumor accedit, qui curationem impedit & chirurgus pro uno curando morbo, alium, magni negotii inducit, pejorem forfan cum aliquo vitæ discrimine junctum.

Nonnulli has excrefcenitiæ fi fuerint complicatæ, vel duplicatæ, candenti exurunt ferro. Sed hoc medicamenti genus eft periculo plenum, quod maximoperè exhorrent ægri, & hæ excrefcenitiæ nimis fenfitivæ funt, licet fylveftres fint carnes, vivunt tamen vita rotius, & adhærent partibus nimio exquisito fenfu gaudentibus, ut funt penis, podex, & cunnus, quæ iftius medicamenti applicatione intumefcere folent, & ægri vitam in quæftionem adducunt.

Multi ferri, & ignis edacitatem reformidantes. Vulcanum, & ferrum contra Veneris carnes repudiant, & pro actuali igne utuntur potentiali. Hujusmodi eft *arsenicum cryftallinum*, & *auripigmentum*. Verùm hæc duo lethalia funt venena, quæ contra veneficas adhibent foboles: funt hæc duo adedò vitæ noftro balfamo infenfa ut non modò intùs affumpta, fed etiam extrinsecus adhibita, horrenda introducant fymptomata, de quibus fuftius egimus in noftro *Pyrotechnia*, & *Trutina*, ubi de Venenis fub prætextu iceteritiæ ex veneno agimus.

Alii has excrefcenitiæ aqua forti communi extirpant Verùm magna fedulitate illinienda eft, quia cauftica, & multum fpirituofa, ideoque fe diffundit, pruritum excitat intolerabilem, carnes exedit, tumorem, inflammationemque producit, nec laudabile medicamen eft apud optimæ notæ Chirurgos.

Omnes tandem noftre tempeftatis gregarii Chirurgi, fi latam hæ excrefcenitiæ habeant bafim, unguento utuntur *Aegyptiaco*, vel præcipitati pulvere unguento aureo admifto, vel pulvere viridis aris, vel fabina, alumine ufto, aqua aluminofa Fallop. &c. Sed hæc vulgaria medicamenta nimis trivialia funt, nec efficacia pro excrefcenitiis abfumendis, nec aliquid alexipharmaci contra luem continent.

Mora, criftas, verrucas, marifcas, condylomata, & cæteras carnes ex impura Venere ortas nos eradicamus non folùm externis adhibitis, prout etiam externi funt affectus, fed etiam internis luis Venereæ remediis: præmiſſa igitur corporis evacuatione pilulis mercurialibus pluries à nobis deſcriptis, fequentibus topicis eas abſumimus:

℞. Alum. rocc. uſti, viridis aris ana ℥. j. bulliant in aquæ roſarum ℔. iij. ad tertias, filtra & excrefcenitiæ ablue ter in die, & infenſibiliter evaneſcunt. Magnæ energiæ ad has eradicandas erit pulvis ex alumine uſto, & pulvere fabina ana, quem ſola ſuperpoſitione, felici eventu centies experti fuimus. *Vitriolum* pulvere tenuis non ſolum ulcera fordida mundificat, verùm carneas excreſcenitiæ abſumit.

Optimum remedium erit oleum viridis æris, quod ita paratur:

℞. Viridis aris par. 1. nitri ij. Pulverizentur, optimè miſceantur, ponantur in tigillo, & carbone incendantur, donec deflagrarent, quod remanet, ſolvatur in cella p. d. vel in veſica ſuilla diligenter clauſa in aqua demerſa. Sed præſtat oleum ſulphuris, vel vitrioli, attamen in applicatione ſumma ſolertia adhibenda eſt, ne naturalis caro tangatur.

Maximoperè præſtat ſpiritus Mercurii albus, quo nos felici cum ſucceſſu utimur, bis, vel ter has tangendo carnes fylveſtres, quas feliciffimè petſanamus abſque ullo recidivæ timore, & ita paratur:

℞. Merc. meteorizati tenuiter pulverizati part. j. argillæ rubræ part. iij. miſce, & efforma cum aqua communi globulos in umbra exſiccandos, æſtilla deinde ex retorta vitrea per arenam igne ſuppreſſionis (gradatim tamen) horis duabus adhibito, prodiit elegans ſpiritus quem ſerva. Siquid mercurii ſublimetur, cum recenti argilla miſce, & procede, ut antea.

Muſitani Opera Tom. II.

Præſtantiffima erit ad hos curandos affectus *Aqua ſalis armoniaci*, quæ ita paratur:

℞. Tart. crud. pulverizati ℥. ij. ſalis armoniaci pulverizati ℥. j. miſce, & in vaſe ſublimatorio ſal ſublimabis, quod iterum cum eodem tartaro, hoc quater repeſe. Tunc ſal ſublimatum in humido loco repones; ubi enim reſolvetur in aquam, quæ ſine dolore has excreſcenitiæ exterminat abſque recidiva.

Verùm efficaciffimus omnium erit ſpiritus ſalis armoniaci tali modo elicitus:

℞. Salis armoniaci q. v. miſce cum argilla humida, ac exinde fac globulos. Deſtilla ſ. a. Sal armoniacus eſt ita ſummè volatilis, ut nullo modo deſtillari poſſit, præditus eſt enim mercuriali natura, abundat ſulphure, quod facilè ſublimatur: attamen argilla per minima inter ſalis particulas interjecta ſublimationem inhibet, & facilè ignis activitate cogitur in ſpiritum. Quod omittentes plures ſpagyrici, omnem laborem, & operam perdiderunt, nam ſal armoniacum cum ſit ſummè volatile, in ſalis volatilis forma in retortæ cacumine, & collo ſublimatum invenere, non autem attenuatum, in forma ſpiritus intra receptaculum receperunt. Mediante deſtillatione eſſentificatur, majoremque nanciſcitur perfectionem, dum ad ſumam eſſentia puritatem devenit, & ſua ſubtilitate permeabilis evadit.

Siquis admiretur nos tantoperè ſalem armoniacum in excreſcenitiarum abſumptione decantaſſe, iſ ſciat non tantum in ulceribus putridis, & gangræna, putrida carne abſumenda ſummum eſſe remedium, verùm etiam ſublimatum aptum eſſe ad metalla in fluidum mercurium reducenda. Nec fabricari poſſe aqua regia quæ aurum ſolvit, abſque ſale ammoniaco. Imò etiam valet ad ſublimanda multa metalla, aliaque fixa corpora mineralia, eaque tranſmutanda. Unde Paracellſus lib. 7. de tranſmutatione rerum naturalium: inquit *Notandum hic, quod quodlibet metallum, quod in ſublimationem per Sal ammoniacum perducitur, poſtea in frigore, vel ære ſolvatur in oleum, & contra in igne, coagulatur in lapidem.*

ſalem ammoniacum emortuas abſumere carnes non tantum ratione didicimus, verùm etiam id experientia nos edocuit; accepimus namque bovis os carne veſtitum, & armoniaco Sale ſalavimus, poſt 48. horas carne abſumpta nudatum invenimus. Item Sal armoniacum terræ optimè commiſcuimus, & in dicta terra ſale grvida os carne reſertum ſepelivimus, & item carne exutum invenimus.

Hinc quiſque dicere poſſe, qua ratione terra, quam ſanctam appellant, in qua cadavera ſepeliunt, eorum carnes abſumat, & nudata oſſa relinquant: iſta terra eſt illa; in qua martyrum millena pro Chriſtianæ fidei confeſſione ſanguinem ſuum, veluti aquam fuderunt, & quia referra ſanguine, idedò ſale armoniaco; ſanguis enim præcipuè humanus armoniaco ſcatet ſale, id luculenter patet ex ſalis armoniaci confeſſione, quæ talis eſt.

℞. Sanguinis humani ℔. j. ſang. bovis, vel alterius animalis ℔. ij. aquæ putei ℔. vj. miſce, & filtra, pone ad ignem, ut bulliant ad aquæ conſumptionem, & ſal armoniacum manebit in fundo.

Præterea terram dictam ſanctam ſale armoniaco reſertam eſſe propria didicimus mechanica, nam accepimus ſupra dictæ terræ ℔. iij. aquæ putei ℔. x. miſcuimus in tigillo ſigulino, ſupra ignem ebullivimus, deinde amoto igne, & frigefacto tigillo decantavimus, & filtravimus. Relictæ terræ novam aquæ quantitatem bis, ter, & quater reafundimus, & ut ſuprà peregrimus, & omni ſale prorsus nudatam reliquimus, & ex terra ſancta in terram, quam damnatam vocant chymici, redegimus: omnes aquarum decantationes, & filtrationes ad ignem poſuimus ad totalem aquæ conſumptionem, & magna ſalis armoniaci copia in fundo concrevit. In prædicta terra omni ſale ſpoliata cadaveris digitum humavimus, nec unquam abſumptam vidimus ejus carnem, idedòque terra ſancta religioſè cuſtoditur, tum ob ſanctorum martyrum ſanguinem illic effuſum, tum pluviarum ratione, ne ſale dilueretur, & aliò transferrentur, & effecta in cadaverum exefione langueret.

Vocatur terra ſancta, ex eo quia tot martyrum ſanguine decorata fuit, non quia cadaverum carnes exedit; neque hoc, quod naturale eſt, pro miraculo ſancta declaravit Eccleſia, ut rude vulgus ſentit: nam quælibet terra humano ſanguine facta, ut in prælio: ubi multorum millium militum interfectio obtingit, ſi in ea cadavera ſepeliantur,

carnes absumendi energiam habet. Sed ad luis Venereæ excreſcentias noſter redeat ſermo.

Nonnulli has excreſcentias leviter *ſpuma venenata duorum draconum rectificata* illiniunt, & eas penitus eradicant; nam eſt medicamentum cauſticum, & has ſylveſtres deſtruit carnes ſola iterata illinctione. Sed in hoc illinendo liquore magnâ diligentia adhibenda eſt.

Si prædictæ ſylveſtres carnes non veniant in conſpectum, ſed profundè in colli uteri, vel inteſtini recti lateribus recondantur, tunc matricis, vel ani ſpeculo pateſcant, & noſtris ſuprà deſcriptis tangerur medicamentis; & prorsus eradicantur, ut nunquam eodem loco repullulent, quibus perfectè abſumptis, iterum mercurialibus pilulis expurgerur corpus, ut Venerea lues exterminetur.

N O T Æ.

Prudentiſſimum eſt Authoris conſilium, dum hoc in capite dicit, ſidendum omninò non eſſe topicis, pro radicitus ſanandis excreſcentiis Venereis, ſed neceſſarium eſſe ad eas ſine recidivæ metu ſanandas, curare Luem Veneream univerſam à qua oriuntur. Attamen, ſi in Gallia ſolis uteremur pilulis Mercurialibus, quæ ſunt ſolus modus ab Authore propoſitus, ut ſanetur morbus univerſalis, non credo eum curari; ut par eſt, id eſt certè, tutè & ſine metu recidivæ tam debilibus remediis; Salivatio rite peracta ſolus eſt modus quo certiffimè ſanatur hic morbus ut pluries diximus & iteravimus.

Topica verò ab Authore propoſita, aptiſſima credo, ad conſumendas excreſcentias Venereas nondum canceroſas, & ab infando coitu non ortas: quia hoc in caſu quantumvis terribilis & periculofa ſit ignis actualis admotio, ſolum tamen eſt remedium certiffimum, & efficaciffimum ad radicitus ſanandas tales excreſcentias.

C A P U T XIX.

De Tortura Noctis: ſive de Doloribus Venereis.

INter omnia luis Venereæ ſymptomata, nullum eſt, quod magis laborantes torquet, quàm ſæviſſimum illud dolorum genus, quod plerumque in capite, vel toto, vel dimidio, vel circa articulos, & maxime in internodiis tantoperè exquisitiùs excruciat; proſectò huic nec crudeliſſimum quodlibet quæſtionis genus, nec ſeverum equulei iudicium eſt comparandum. Sunt Venerei dolores arthritide, & nephritide crudelioreſ, ſunt, ut uno abſolvamus verbo, inferni dolores, quos nec ipſæ naturæ vires, nec preces, nec vota, nec quandoque Deorum numina, præter Mercurium, depellere poſſunt.

Signa.

Dolores Venerei incipientes ſunt vagi, & non ſtabiles, præſertim modò in capite, humeris, cubitis, & modò in artubus, quos imperiti medentes pro ſtatibus accipiunt, maxime noctù, & ad vesp̄as excruciare incipiunt; temporis tamen protractù per omnes artus, membranaſque ſæviſſimi excitantur, diſtendentes, lacerantes, & terebrantes, noctù etiam magis, quàm interdiù. Unde doloribus Venereis noctis torturæ nomen jure imponimus, ex eo quia circa matutinas horas ii ferè non ſentiuntur, at dùm adveſperat, torquere incipiunt, & uſque in mediam noctem, & ultra ſemper vehementiùs terebrant. Hinc nullum certius habemus ſignum dolores à fomite Venereo originem ducere, quàm hoc eorum circa vesp̄as incrementum ſumere. Non uno, eodemque modo omnes excruciant, nam cum permanentem ſibi conſtruunt ſedem, alii atroci capitis dolore corripuntur, vel ſolummodò hemicrania, alii in ſcapulis, pedibusque vehementer torquentur, vel ex coxendice conqueruntur &c.

Cauſa.

Credunt *Vulgares* Venereoſ dolores fieri ab humoribus melancholicis, & pituitofiſ aduſtis ab infecto hepate; ad internodia miſſis, ibique hoſ humores per paulatinam congeſtionem depoſitos, vel ob acredinem, ſive ex propria natura, aut ex putredine, ſive deleteria qualitate, continui ſolutionem efficere, vel intemperiem inducere, & ſic ingentes excitare cruciatus.

Rentur dolorum cauſam eſſe humores melancholicos, & pituitoſos, quia lues veruſtas hoſ apprehendit, & qui melancholia vesp̄e, & pituita noctù exacerbatur, hæc eſt eorum ratio, cur Venereis dolores ad vesp̄eram incrementum ſumant, & noctù magis affligant.

Si fomes Venereus ab ultimo patium nutrimento in ſanguinem tranſit, horribiliores repræſentat ſcenas, nam ſanguinis nutrimento ſalſior eſt, ejuſque ſal quoties à fermento Venereo exaltatur, vel ſigitur, corroſivum evadit, & dolores excitat acerbiffimos. Ferè ſemper dolores Venerei in cranio, & oſſium ſuperficiebus, non autem in eorum articulationibus ſentiuntur, fortatſè quia in perioſtiis venulæ, & arteriolæ capillares grumefactum ferè ſanguinem à veneno Venereo deponunt, cujuſ ſal non poteſt à calore per inſenſilem tranſpirationem reſolvi, concoquitur, fixatur, ac proinde exaltatur, unde perioſtia admodum ſenſibilia corrodit, pungit, vellicat, lacerat, & continentes diſtrahit, convellitque partes, hinc dolores crudelioreſ, & atrociores ſentiuntur.

Prognofis.

Si Venerei dolores efficaci non curentur remedio, in gummata, vel in univerſalem totius corporis cachexiam abeunt, ex qua deplorabilis ſequitur hydrops.

Curatio.

Medicorum vulgus triplici præſidio dolorum Venereorum curationem tentant, purgante ſcilicet decocto, & ſadote ab externo calore provocato. Purgans medicamen producta à veneno Venereo non purgat, nec minùs venenum ipſum, quia eſt de comuni morborum omnium, nec dolentes adit partes. Decocta ſaltem ratione modi, quo illa præparant, ſunt inutilia, & licet quadrageſimale inſtituant jejunium, nunquam ad inculpatam perveniunt ſalutem. Sudores palliativum afferunt juvamen, nam productum à veneno, non autem venenum ipſum educunt, unde infra menſis ſpatium dolorum recidivæ experiuntur.

Nonnulli vulgares ſuorum medicaminum inſufficientiam aſpicientes pro dolorum curatione ad hoc elect. confugiant, ut

℞. ſol. or. ℥. j. turbit. opt. ℥. viij. ſalſæ parille, china elect. ſcobis ligni ſancti ana ℥. ſſ. ſaſſafras, hermodactyl. & cinnam. ana ℥. iv. fiat omnium pulvis ſubtiliſſ. & cum ſaccharo diſſ. & ad ſyr. conſiſtentiam cocti cum decocto radicis china, & ſalſæ parille q. ſuff. f. elect. in forma opiat. Doſis uncia una manè per quinque horas ſuper jejundo, & eodem modo vesp̄e per dies octo.

Alii ſequens propinant decoctum, ut

℞. ſalſ. parill. minutim incifa, rad. china in taleolas diſſecta ana ℥. j. turbit. ℥. ij. ſſ. rad. glycyrrhyz. ℥. j. agrimonie, capill. Ven. ana m. j. coriand. ℥. viij.

Infunde in aque font. amphor. viij. ſtent in loco calido ſpatio 24. h. Deinde bulliant ad tertiæ partis conſumptionem, & adde ſol. ſen. or. ℥. ij. bull. parum, cooperi vas, & remove ab igne, cola, & aduſus ſerva. Doſis ℥. vj. manè, & vesp̄e, corpore purgato priùs, cibus ſit aſſatus, & optima obſervetur diætâ. Pro potu ordinatio reſidua magnati aqua communis reafſunditur.

Quidam hanc inſuſionem pro arcano in doloribus Venereis præſcribunt:

℞. ſol. ſen. lign. ſancti limat. cortic. ejuſdem, ſalſa parilla ana ℥. iij. ſem. ſœniculi, rhabarbari optimi, galang. ana ℥. ſſ. colocynth. card. ſancti ana ℥. ij. ſſ. antimonii ℥. ſſ. vini graci ℔. viij. f. ſ. a. inſuſio.

Doſis ℔. ſſ. pro vice. Attamen ab hac inſuſione eliminandum eſt antimonium, quia cum vino horrendos ciet vomitus, & ſic æger in magno vitæ diſcrimine verſaretur, evacuando per ſuperiora, & inferiora. Verùm hæc inutilia ſunt pro extirpandis doloribus, & corticem tantum, non verò nucleum attingunt.

Sequens decoctum pluries experti fuimus dolores ſedaſſe, cujuſ præparationem ingenuè communicamus.

℞. ſalſa parille minutim incifa ℥. iv. hermodactyl. à cortice exteriori mundat. & contuſ. ℥. ij. anif. ad libitum.

Infunde in aqua font. amphor. x. ſtent per 24. horas tres loco calido, deinde bulliant clauſo vaſe ad horas tres, aperivas, & inſunde ſol. ſen. or. ℥. iv. poſt ſimplicem ebullitionem cooperi vas, aufer ab igne, frigefacto vaſe cola, & utatur æger pro potu ordinario, obſervata exſiccante diætâ.

Partibus à dolore obſeſſis applicant digerentia, & attenuantia, ac ſacculum ſurſuribus, milio, & ſale repletum impo-

imponunt; cum hæc parùm profecerint ad forum recur-
runt *ex decocto ligni*, & *falsa*, *additis foliis betonica*, *sal-
vie*, *rorismarini*, *pulegii*, *florum chamomilla*, *meliloti*
&c. Dolores leniunt, *oleo liliorum alborum*, *rutaceo vel*
guajacino: Verùm olea poros obstruunt, & dolores au-
gent. In doloribus vehementissimis ob stupefacientibus
utuntur, tamen in venereis nunquam his utendum est,
quia materia magis incrudatur, fixatur, & deinde perti-
naciter torquet. Præterquam quòd anodynorum usum
nunquam aliquid adjumenti attulisse experti sumus, imò
nec somnum conciliaffe: idèdque anodyna doloribus Ve-
nereis è remedium censu eliminamus.

Si his vanidis medicamentis reluctentur dolores, & ve-
hementissimi sint, sanguinem fundunt, quia in magnis
doloribus saluberrimum est sanguinem mittere, deinde in
brachiis, & tibiis cauteria aperiunt. Tandem his nihil
proficientibus, ad empirica confugiunt medicamenta, ad
suffumigia scilicet, extremas inunctiones, quibus non ju-
vantibus, affectum deserunt tanquam insanabilem. Imò
major est nostrorum vulgarium impostura, qui postquam
aliquis doloribus Venereis tortus in eorum incidit ungu-
las, post quinque vel sex menses cum totali æris, & sa-
lutis jactura eum destituunt. Nonnulli, quod pejus est,
malum naturæ viribus insanabile proclamant, quia pro
suis viribus juxta artis pandectas omnia possibilia appli-
cuerunt medicamenta: purgans propinarunt medicamen-
tum, clysterum myriades injecerunt, sanguinem detra-
xerunt, sedis venis hirundines imposuerunt, syrpos ma-
gistrales, & falsæ parillæ, ac ligni guajaci decocta per duos
menses, & ultra accepit æger, duo cauteria aperta fuere,
suffumigia, & extremas Mercurii præbuerunt inunctio-
nes, & his magnis remediis sanus non evasit, aliquid di-
vini submurmurantes inesse morbo, sacrificulis tradunt,
& terga vertunt.

Siquis hac eadem methodo uti velit, sequentia adhi-
beat remedia, prout præscribuntur parata, nam ex utili-
tate, quam sentient ægri, aliorum Medicorum ignoran-
tiam cognoscer.

Venereis doloribus vexatum in cubile degere curabis, &
à frigore, & humiditate sit exactè munitus, exactam dein-
de illi præscribe diætam, & sequenti medicamine ejus ven-
trem solves.

℞. *Syr. de spica pontica* ℥. iij. *elect. de succ. ros.* ℥. iij. *syr.*
de succ. Viol. ℥. j. *vini græci* q. s. m.

Et propinetur immediatè ante prandium, si infirmi vires
sint validæ, iterùm repetatur, deinde decocta hoc modo
parabis:

℞. *Limatura ligni sancti* ℥. iij. *falsa parilla contus.* ℥. ij.
betonica, *sampsuci*, *limatura cornu cervi* ana ℥. j. *cinna-
momi contusi* ℥. ℥. *aquæ card. bened.* ℔. j. ℥. *Ponantur om-
nia in vas vitreum amplum, quod optime eum subere, &
charta pergamenna claudatur, ne exhalet, deinde bulliat in*
M. B. per quatuor horas, postea refrigescat vas, aperiatur,
& decoctum coletur à pulveribus leni expressione: Hujus de-
cocti recipe uncias quatuor quadrantis horæ spatio ante in-
gressum in hypocaustum, ægro propina in quo se detine-
bit, usque dum sudores erumpere incipiunt, tunc lecto se
componat, & profulos procuret sudores: hoc modo pro-
cedat per duodecim, aut quindecim dies, si venter exsic-
catus appareat, quarta, vel quinta qualibet die prætermis-
so decocto, & sudore, hoc utatur dejectivo:

℞. *Manna Mercurii gr. x. pilul. de tribus* ℥. ij. m. f.
pilul. iij.

Propinentur vesperi ante cœnam immediate.

Vel si æger hypocaustum exhorreat, purgato priùs cor-
pore, sequenti decocto immunem à doloribus reddes, ut
℞. *falsa parill. minutim incis.* ℥. j. *lign. visci querc.* ℥. j. ℥.
limatura corn. cervi, *rasura eboris* ana ℥. ij. ℥. *aquæ card.*
sanct. ℔. ij. ℥.

Ponantur in vase vitreo amplo, quod optime claudatur,
ne quid exhalet, collocetur in loco calido per 24. horas, deinde
bull. in cinerum, vel arena igne ad tres horas, amoto igne,
& frigesacto vase, aperi, & cola leni expressione. Hujus de-
cocti ℔. ℥. infirmo exhibe manè quatuor horis ante pran-
dium, toridemque vesperi, detineatur æger in lecto, &
stragulis optime tectus profulos expectet sudores, hac me-
thodo procedat per xx. dies, & ante dictum tempus im-
munis erit à doloribus absque futuræ recidivæ timore. Si
alvus non deponat onus, quinto quoque die, prætermisso
decocto,umat pilulas de tribus cum mercurio dulci, ex-
siccantem observet diætam, & pro potu ordinario bibat

Musitani Opera Tom. II.

aquæ communis residuo magnati reafusionem cum ebul-
litione, quæ fiat etiam clauso vase.

Verùm ad dolores Venereos radicitus extirpandos non
datur in toto orbe potentius medicamen, quàm *Aqua no-
stra Anti-venerea*, quæ reverà, longe superat omnia an-
tidota contra Luem Veneream, & primum inter omnia
alia medicamenta sibi vendicat locum; adeò omnibus pal-
mam præripit, ut nulli in toto naturæ ambitu comparan-
da videatur. Hujus ope inutilia vulgarium decocta,
& æstuarialia ab aula Medicorum recesserunt, & quos æ-
gros Mercurii suffumigia, & extremæ inunctiones delu-
serunt, hæc ad pristinam evocavit sanitatem. Adeò in hoc
affectu infallibilem in dies experti sumus, ut multos,
quos tanquam deploratos vulgarium grex post decocta,
suffumigia, & inunctiones omni salutis spe orbatos dese-
ruit, hujus aquæ beneficio ab orci faucibus revocaverimus,
ejus compositio talis est:

℞. *Salse parill. minutim incis.* ℥. ij. *ligni visci querc.*
℥. j. ℥. *limatura cornu cervi*, & *rasura eboris* ana ℥. ℥.
antimonii crudi minarim incis. petre pumicis ana ℥. iij.
*Hæc duo ligentur in petia linea, & simul cum aliis in-
funde in aquæ fontis* ℔. viij. *Detineantur per 24. horas*
*in infusione, demùm bulliant lento igne ad medietatis con-
sumptionem, in fine adde cinnam. acuti* ℥. ij. *cola, & ad*
usum serva.

In hujus aquæ confectioe pumex admiscetur pro anti-
monii correctivo, alias enormes excitaret vomitus; ideo-
que ad sistendas superfluas vomitiones ab antimonio exci-
tatas, tanquam incantamentum valet parùm pumicis in pol-
linem redactum, & in vino propinatum, ut fusiùs in nostra
Trutina Medica lib. 4. cap. 8. de nausea, & vomitu egimus.

Verùm; ut verum dicamus, pumicis admistio cum anti-
monio frustranea est, nam experientia nos cum aliis docuit
antimonium decoqui posse absque tali correctivo, & non
provocare vomitus, neque secessus. *Zuvelserus*, uti etiam
Borellus tale habent decoctum in Lue Venerea ex *Radi-
cis fals. parill.* ℥. vj. & *antimonii pulverizati* s. *nodulo*
inclusi ℥. ij.

Coquunt l. a. & sic propinant ægroto. Item *Vuillissus*
in Lue Venerea pro potu ordinario commendat sequens
decoctum, ut

℞. *Rasura ligni salicis* ℔. ℥. *radic. falsæparille* ℥. viij.
santali alb. ligni lentisc. ana ℥. ij. *rasura eboris, corn. cervi*
ana ℥. vj. *antimonii crud. in petia ligati* ℥. iv. *radic. liquiri-
tiæ* ℥. j. ℥. *Infunde, & coque in aqua fontan.* ℔. xvj. *ad*
medietatem, colatura servetur ad usum.

Vulgares delusimus Medicos, eorumque repudiavimus
decocta, tam in hoc secundo libro de lue, quàm in nostra
Pyrotechnia, quia aperto vase decocta parant, at nunc nos
hanc aquam fieri aperto vase ad medietatis consumptio-
nem præscribimus; verùm non extra limites proslimus:
ea enim ingredientia, quæ sal habent fixum, vel non adeò
volatile, eorum decoctiones aperto vase fieri possunt,
cujusmodi sunt hanc aquam ingredientia, quæ dura
sunt, & compacta vegetabilia, quæ longam sustinere
possunt coctionem; quæ autem sale abundant volatili,
rara, humida, & aromatica sunt, quorum omnis vis,
& facultas in superficie consistit, brevem, lentamque
exigunt coctionem, in vase clauso faciendam. Ve-
rùm nos semper in decoctionibus faciendis vas clausum
ad majorem cautelam commendamus, & clauso vase
nos hanc aquam paramus, quem modum nunc am-
pliùs reticere non possumus, & qui clauso vase eam
parabit, miracula efficiet, nam citò, turò, & jucundè
luem radicitus extirpabit.

Quandoque hæc aqua admirandos, & à nobis decantatos
non patrat effectus, ob aliquorum malitiam, & parsimo-
niam pharmacopolarum, qui non tantùm falsæparillæ lo-
co, similace aspera, vulgò falsa pœlana utuntur, verùm
etiam, quod pejus est, lucri cupine allekti, & ut laboribus
parcant, residuo magnati novam aquam reafusam ebul-
liunt. Ad hanc igitur evitandam imposturam, o quàm
præstaret in ægrorum domibus parari!

Pro magnatibus, & divitibus delicatulis, & medica-
menta respuentibus alium usitatum à nobis aquæ Anti-ve-
nereæ conficiendæ modum ingenuè communicamus: mate-
rialia, quæ pro hujus aquæ confectioe ingrediuntur, post
viginti quatuor in loco calido infusionem, destillentur per
alembicum cum suo recipienti optimè lutato, sed non ad sic-
citatem, ne empyreuma concipiat. Hujus aquæ ea destil-
lari potest quantitas, quæ pro sanando ægroto sufficiat;

conservatur enim ad plures, & plures menses incorrupta, imò aliò transferri potest pro luis curatione, nec nauseam parit, nec stomachum subvertit, nec ructus nidosos parit, ut accidit, tunc cum sit per viam decoctionis: mediante destillatione majorem nanciscitur perfectionem, & ad summam devenit puritatem, & sua subtilitate permeabilis evadit, unde jucundè, citò, & tutò luem radicitus eradicat, quia salia volatilia ingredientium non evanescunt in antras, ut in decoctione fit, sed intra recipientes recipiuntur, & salia fixa mediante destillatione attenuantur, & in recipientes transeunt.

Bibitur hujus aquæ amphora una pro potu quotidiano, & non tantum ejus usus est in doloribus Venereis, quos statim post decem dies sedat, verum etiam bubones tam legitimos, quam spurios resolvit, gummata discutit, & plura præstat, quæ ejus usus, & quotidiana experientia te docebit, si rectè operatus fueris. Cibus debet esse ex carne assata; crûda, acida, & salsa vitentur. Corpus debet esse purgatum, operaturque per diaphoresim, sudores, urinam, & leniter per secessum, verum notandum est, quòd si diarrhœa superveniat, cessare debet aquæ usus, aliter enim ægrotus in vitæ discrimen conjicitur, ut multa testantur exempla. Ejus usus continuari debet per mensem chymicum, nam licet intra decem dies dolores sedet, tamen aliud est dolores sedare, & aliud radicitus sanare. Quolibet anni tempore sumi potest tam rigido, quam fervido.

Optimus est hic modus, quo nostram præbemus aquam, attamen majori cum fructu energiam stupemus, dum hujus infirmis *Galenicum* propinamus Cyathum quatuor horis ante prandium, eundemque vespere, qui in lecto ladicibus operati sudores expectent, & pro potu ordinario secundam affusionem in residuo magmate cum ebullitione, & vase clauso præscribimus. Si ita operatus fueris intra decem dies admiraberis effectum, sicut nos quotidie experimur. Evidens futuræ sanitatis signum erit, si doloribus vexatus ab aquæ assumptione, nocte somno indulserit.

Verum si hominis status, & necessitas, vel tempestatum rigor præscripta non tulerit medicamenta, ad nostram confugiendum est Pyrotechniam, quæ medicamina præparat ad exterminandos dolores Venereos efficaciora; primò itaque à levioribus, & paratu facilibus incipiendum est. Vexato igitur à doloribus ægro, dum gracilis non sit naturæ, hoc vinum exhibe.

℞. Croci metall. ʒ. ss. infundantur in vini ʒ. ij. per 24. horas, post quas illud à pulveribus separa, & ægro propina, lenem ciet vomitum, & aliquot secessus, alternis quibusque diebus illud reitera quater, aut sexies, & dolores pedetentim cessabunt. Vel

*℞. Mercurii Vitæ gr. vj. infunde in vini ʒ. ij. per 12. horas, deinde vinum separa, & propina. Eisdem producet effectus, ac crocus metallorum, sed aliquantulum vehementiores, verum citius à doloribus liberat. Hoc medicamen repete ter, vel quater alternis diebus, vel eodem modo nostrum *Hippocras emeticum* in nostra *Trutina* descriptum, cap. de *Apoplexia* propina. Vel*

℞. Turpeti mineralis dulcis gr. iv. Sensim augendo, & exhibeatur cum pilulis solutivis, vel confectionibus cordialibus, nam vomitum, & lenes secessus ciet, & ut plurimum ptialismum ter assumptum, & omnes exterminabit dolores. Non credibile est, quàm efficacissimum sit turpetum minerale in exterminandis doloribus, & gummatis; nam nos plures, quos vulgares post decocta suffumigia, & extremam hydrargyri inunctionem omni sanitatis spe destitutos deferuerunt, perfecte sanavimus.

Multoties aded pertinaces sunt dolores Venerei, ut neque vulgaribus, neque pyrotechnicis cedant medicamentis; Sed post eorum applicationem crudeliùs cruciant. Tunc ad mercuriale suffumigium, vel inunctionem, veluti ad efficacissimum, & ultimum deveniendum est remedium; nec vos aliquorum Medicorum horror terreat, quem absque experientia à solo mercurii nomine contraxere; nam præterquam quòd nos plusquam mille ægrotos doloribus vexatos hoc medicamine curavimus, & nullus fuit ex iis, qui vel integram salutem, vel dolorum remissionem per annos integros ab hoc medicamento non receperint. *Fallopins, Quercetanus, & Epiphanius Ferdinandus Hist. 17.* verum, genuinum, & infallibile alexipharmacum luis Venereæ in Mercurio tantum esse affirmant, & multorum ab iis curatorum

referunt historias, qui alia remedia inutilia experti erant, & de curatione jam desperaverant. Imò idem *Epiphanius* eodem loco fatetur, quòd nonaginta auctores, qui de lue Venerea scripserint quatuor tantum invenit, qui hydrargyri usum in hac lue improbarint. Fatemur nos libenter horribiliora symptomata ab hujus remedii applicatione emergere: sed docto, & experto Medico symptomata illa metum nullum afferre debent, siqua evitanda sunt in hoc remedio, æger vitabit, & quæ facienda sunt, faciet. A symptomatum apparatu non solum vitæ discrimen, dentium, capillorumque casus expectanda non sunt, sed perfecta infirmi salus cum totali contagii Venerei exterminio. In quibus optimè peragendis, Medici prudentia est necessaria, & quæ à medicamento applicatione evenire solent, ægro præfagire debet, ut iis deinde supervenientibus neque infirmus, neque astantes terreantur, sed procellæ cessationem securo expectent animo.

Antequam ad medicamenti praxim deveniamus, non erit à re alienum, quid sit Mercurius, ejusque proprietates examinare, quid de eo protulerint antiqui, & quid recentiores observarint, docere.

Hic nos non loquimur de Mercurio, qui unus est, ex tribus principiis, sed de vulgi mercurio, quod dicitur argenti vivum, quia lunæ instar est albus; vivum vero ratione mobilitatis, qua semper irrequietum agitur, unde dicitur animal carrens sine pedibus. Dicitur Mercurius à nota Mercurii cælestis velocitate, & inconstantia, de qua fabulati sunt poetæ. Dicitur hydrargyrum, quia aqueum videtur argentum, & reverà aquæformis est mercurius, non verò aqua madefaciens omne, quod tangit.

Constat argentum vivum, ut singula, ex sulphure, sale & mercurio. Sulphuris copiam habet, mercurium perquam optimè mistum cum sale, ita ut mercurius suo sale cohibeatur. Sulphur indè ita est anatizatum cum mercurio, & sale, ut non faveat nec mercurio, nec sali, sed ambo æqualiter amet. Unde ob sulphur perpetuè est fusile, & currit in superficie plana absque adhærentia suæ substantiæ; ob ejus copiam perpetuè est in motu, & non adhæret, & quia mercurius perquam optimè mistus est cum sale, ita ut mercurius suo sale cohibeatur, non madefit, nec madefacit.

Antiquiores *Græci* admodum tenuem de hydrargyro habuere notitiam, ut colligitur ex *Dioscoride lib. 5. cap. 70. ex Oribasio lib. 13. ex Aëtuario lib. 5. cap. 12. & ex Avicenna lib. 2. tract. 2. Gal. libr. 9. simpl. medicament.* temerè pronunciavit: *Argentum vivum ex sponte nascentibus non esse, sed ex iis, quæ parantur, velut cerussa, ærugo, psoricum, lithargyrus*: fateturque se nullum istius mineralis fecisse periculum, an interimat, si devoretur, vel ubi foris fuerit admotum.

Posterioribus vero sæculis in communem ferè usum adscitus est mercurius, & in contumacissimorum morborum curationem, unde non paucæ circa illius facultates exortæ sunt inter Medicos recentiores controversiæ; quidam naturæ esse calidæ pronunciarunt, alii verò frigidæ, alii temperatæ, quidam veluti toxicum, ac perniciosissimum venenum à communi hominum usu, atque commercio proscribendum docuerunt. Demum quidam aded extulerunt, ac pro tam admirabili remedio habuerunt, ut angelicum pronunciarint, cum tam admirabilis, & stupendæ naturæ sit, ut quascumque formas, veluti novus Proteus sibi induere videatur, & tamen propriam nunquam amittit, nam in altum in atomos elevatus, deorsum præcipitatus, mortificatus, fixus, aut quomodocumque mutatus, naturam semper suam, & essentiam servat, ut ad pristinam suam facillimè redigatur formam. *Fallopins* inquit esse imaginem, & speciem resurrectionis, miraculum soli Deo reservatum, & hoc exemplo apud incredulos confirmare possumus, ut verbo Dei ex nostro cinere resurgamus, cum pulvis præcipitatus iterum in argentum vivum reviviscat. Semper quippe suum retinet corpus, nec ullam subit corruptionem, aut alterationem, eò quòd in sui corporis consistentia homogeneus sit, nec partium alteritatem habet, quam homogeneitatem etiam auro ejus filio præstat, idèque inter utrumque magna illa familiaritas, & necessitudo, illudque præ cæteris avidè amplectitur, protinus cum illo congregitur, amalgamatur, & amicebiliter unitur, tanquam

verum,

verum, & homogeneous auri menstruum, & sicut facilius est aurum construere, quàm destruere, ita facilius est naturæ mercurium construere, quàm destruere.

Quantum ad qualitates *Avicennas* dicit esse frigidum, humidum, in secundo gradu, cui consentit *Averrhoes*, ut refert *Pandectarius*. *Fernelius* de abditis rerum causis, frigidum, & humidum in quarto gradu dicit hydrargyrum, quod confirmat *Matthiolus*. Alii sustinent calidum esse, & siccum intensissimè: pro prima opinione militat *Fallopins de metallis*, & *fossilibus* cap. 37. pro secunda adducunt *Gallenum* 4. de simpl. cap. 18. dicentem *Hydrargyrum esse causticum*, talia sunt in quarto gradu calida, quanquam scilicet de simpl. 19. asserat: *Esse à tota substantia contrarium humana naturæ*, & in fine ejusdem fateatur *se nescire hujus mineralis usum*, ut suprà. Aliqui esse calidum, & humidum in quarto gradu; *Amatus Lusitanus* dicit esse frigidum, & siccum. *Matthias Untzerus de anatome spagyrica mercurii* ait esse temperatum, compositum ex partibus calidis, & frigidis, præparatum verò esse calidissimum. Idem sentit *Saxonia de Lue Venerea*. mistum esse imperfectum, à quo per calcinationem frigidum evolat, & remanet calidissimum. Hos damnat *Sennertus* cap. 21. de *Lue Venerea* prohibetque esse calidum, & siccum, quorum rationes omnes adducere, & repudiare satis prolixum esset scribere, eò magis quia ad nauseam usque apud *Fallopium* & *Sennertum* discussæ inveniuntur.

Recitatas nugas, & allata fabulamenta hætenus de argento vivo protulere, qui horrore quodam percussi, illud neque extremis digitis tetigere. Unde quid de hoc minerali docuerint, nunc videamus, qui à primis qualitatibus ejus virtutes non emendicarunt. Horum aliqui dixerunt argentum vivum esse venenum, aliqui verò id negarunt. *Matthias Untzerus* prolixè probat non esse venum adducendo *Avicennam* lib. 4. sen. 6. dicentem: *Argentum vivum potum non ledere, sed egredi per alvum*. Idem *Haly. Abbas* lib. 1. Pract. cap. 43. & *Rhasis* in 9. ad *Mansorem* de potu argenti vivi statuunt. *Brassavolus* sine ulla noxa intra corpus assumi asserit, cum Veterinarii brutis vermibus scatentibus, quod ex anhelitu cognoscunt, avellanæ nucis putamen dimidiatum argento vivo repletum; & faucibus injectum, quatuor vicibus deglutendum tribuant, nullo graviore morbo succedente, curant. Et pueris in extremo constitutis periculo, quibus cætera nihil profuerant duorum granorum milii quantitate felicissimo cum eventu *Brassavolus* exhibuisse testatur. Et nos absque ulla noxa plusquam centies moribundis pueris mercurium vivum exhibuimus pondere unius scrupuli, & ab imminente morte fuerunt liberati, necatis illicò vermibus. In Gallia verò propinatur pueris pro quotidiano remedio aqua mercurii hoc modo parata:

℞. Mercurii vivi ℥. j. eam injice in aquæ ferventis ℔. iij.

Bulliat per spatium dimidii quadrantis, deinde aqua à mercurio decantetur, & sumatur pro quotidiano usu. Nam vermes non solum illicò necat, sed eorum generationem prohibet, corporis temperamentum servat, & contagia arceat. Id quod mitum est, eadem mercurii uncia quantumvis aquæ quantitatem ea imbuat virtute, ut paulo post de hac veluti infinita mercurii virtute explicabimus.

Mulier cum abortum tentasset diversis remediis, ad eundem obtinendum libram integram argenti vivi, eam ingurgitasse refert *Matthiolus*, & apud me constat pro eodem fine mulierem mediam libram mercurii ingestisse sed ut abortum non obtinuit, ita illæsa à mercurii assumptione remansit. Verum est, quod obstetrices laboriosè parientibus scrupulum unum mercurii exhibere solent pro partus acceleratione, & non frustra. Imò observatum est quosdam sitibundos noctu in tenebris vasa argento vivo plena pro poculo arripuisse, & plenis faucibus argentum vivum magna quantitate exhaustisse, id tamen sine damno per alvum rejecisse. Tentavere adulteræ mulieres multoties argenti vivi exhibitione Zelotypos necare maritos, sed argentum vivum uxoribus humanius scelus non contempsit, unde extat apud *Ausonium* epigramma:

Toxica Zelotypo dedit uxor macha marito,
Nec satis ad mortem credidit esse datum,
Miscuit argenti lethalia pondere vivi,
Cogeret ut celerem vis geminata necem.
Dividat hæc quis, faciunt discreta venenum.
Antidotum sumet, qui sociata bibit.
Musitani Opera Tom. II.

Ergo inter sese dum noxia pocula certant,
Cessit lethalis noxa salutifera.

Protinus ut vacuos alvi petiere recessus,
Lubrica dejectis qua via nota cibis.

Quàm pia cura Deum, prodest crudelior uxor,
Et cum fata volunt, bina venena juvant.

Servi in mineris argentum vivum colligentes, ut dominos fraudent, argenti vivi aliqua pondera ebibunt, illudque deinde per secessum ejiciunt, & secretò venundant.

Ac tandem usum mercurii externum innoxium experimur in diem in necandis pediculis, cimicibus, & pulicibus; nam si vestis eo spargatur, mercurius vivus pediculos omnes inflato corpore interimit, ita ut per excussionem omnes decidunt: at si verò dictæ sordities in capite inter capillos fuerint, ut frequenter pueris accidit, tunc

℞. Mercurii vivi quart. j. ponatur in mortario, & cum saliva reducatur in atomos adde tunc unguenti albi ℥. j. & cum pistillo agita, ut unguentum fiat nigrum.

Hoc unguento caput in tribus aut quatuor partibus inunge semel, aut bis, & omnes pediculi turgidi, & mortui decident; multum quoque levaminis affert hoc unguentum venis hæmorrhoidalibus turgentibus ac dolentibus.

Non prætereundum est hic unguentum illud, quod ex mercurio conficitur pro enecandis illis pediculis, qui loca pilosa secretiora incolunt, tenacissimèque cuti adhærent, veluti adnati, citissimè tamen ab uno loco in alium per infectionem transferuntur, adeò ut si quis unica saltem nocte in eodem lecto cum aliquo dormierit, qui his scaturit pediculis, mox uberrimos secum reportabit, tam firmiter cuti affixos, ac si agnati essent, atque hic pediculi vocantur *peffolata*, vel *petala*, vulgò *piattole*:

℞. Ung. ros. ℥. j. argenti vivi ℥. j. misce diligenter in mortario lapideo, quousque argenti vivi nullum appareat vestigium.

Citati omnes authores, & decantatæ experientiæ dilucide concludunt argentum vivum purum, crudum, & nulla præparatione antedatum, non solum non esse venenum, sed innocuè intra corpus assumi posse.

Contrà non desunt, cum argentum vivum non solum non tetigerint, sed neque viderint, qui illud lethiferum toxicum esse crediderunt, credulis professoribus eorum scriptis eundem metum imprefferint hujus farinæ homines fuere *Galenus Aetius*, *Conciliator*, *Cardanus*, *Fernelius*, & alii, qui sine ullo fundamento argentum vivum stuporem, tremorem, convulsionem, paralysem, Epilepsiam, apoplexiam, lypothymiam excitare, & interdum mortem afferre insinuant, sed horum hominum de hoc minerali ignoratiam diffusè demonstrat *Quercetanus in Alexicaco*, & in consilio de *Lue Venerea*, & ab alii plurimis præcipuè à *Sennerto*, & *Zacuto* controversia decisa est.

His de argento vivo traditis, quæ quicquid de eo vulgaris ingenia protulere, continent, aliud superest examen faciendum, an scilicet argentum vivum pro Luis Venereæ antidoto fuerit communiter receptum. Tale esse argentum vivum sustinet *Quercetanus* cit. suprà locis, *Epiphanius Ferdinandus Hist.* 17. jurejurando affirmat 150. gallicos curasse ætatis, sexus, regionis, & tempore atque: *Laurentium* memorat plusquam 1000. sine recidiva curasse, & hac mercurii alexipharmacam vim ab occultis qualitatibus pendere, & à proprietate specifica disputat *Felix Platerus*. Qui argentum vivum Luis Venereæ antidotum esse negant, ii sunt, qui ex ignorantia illud venenum esse existimant: cæterum passim experientia docet, & hætenus docuit, ex morbi Venerei species, quæ à vegetabilibus remediis, atque à provocatis sudoribus evinci non possunt, ab applicatione mercurii absque ullo periculo radicatus curantur. Nunc nostras observationes, & de argento vivo fundamentalem doctrinam ingenuè communicabimus.

Sciendum itaque est primo, quod argentum vivum est corpus metallicum, in cujus productione causa est naturæ industria, ut sub lege omnium corporum mistorum illud non posuerit, quippe omnia corpora mista corruptioni, alterationi divisioni, & transmutationi experiantur obnoxia, tantum argentum vivum hoc gaudet privilegio, ut incorruptibile, inalterabile, indivisibile, & immutabile non solum ab ordinariis naturæ, & naturalium agentium vitibus, sed etiam à vehementissimis liquoribus, aliisque mediis, quæ humana industria hætenus invenit, & posterum inveniet; ac propterea multum à cognitione hujus mineralis absunt ii, qui illi primas tribuunt qualitates, vel in excessu, vel

in remisso, nam qualitas à toto misto manat, suum corpus deserit, & in aliud imprimitur; argentum verò vivum, cum sit corpus indivisibile, & inalterabile, nil sui alteri corpori conferre potest: nam siquid ex sua substantia deperderet, illud non esset, quod antea erat, quod falsum est in hydrargyro innumeris experimentis.

Neque qui toxicum, & venenum argentum vivum esse credidere, ob eandem rationem suæ indivisibilitatis aliquid rationi consentaneum retulere, cum id quod venenum est, aliquid à se, quod vitam adoriatur, & occidat, emittere necesse est, quod cum in argento vivo impossibile sit, impossibile quoque est, ut venenosum esse possit; Verum tamen est, quod cum argentum vivum neque venenum, neque cibus dici possit, medicamentum illud nobis suadere debemus; unde neque exterius applicandum; neque interius exhibendum esse præter necessitatem, & morbi urgentiam: quæ curare solet, existimamus, more aliorum medicamentorum, nam præter necessitatem assumptum, si uti venenum non lædit, vel ratione admirabilis suæ penetrationis, vel ratione excessus ponderis (quod gravissimum præ omnibus metallis, excepto auro) lædere faciliter potest.

Secundò sciendum est, quod argentum vivum constantiam, indivisibilitatem, & inalterabilitatem, uti illud semper idem, in suo corpore conservat, ita quicquid quod acutum, salinum, vel sulphureum est, quoties in argentum vivum agere conatur, supra illud emoritur, & in aliquid aliud à pristino omnino destinatum, transmutatur, argento vivo semper eodem perseverante, licet illud aliqua larva mutatum appareat. Hinc discite, quàm sit innocens, & omnis venenositatis expertus, dum simplex, parum, & nulli alii corpori commistum erat argentum vivum: cum deinde liquoribus acutis, salis, sulphureisque commiscetur, tantam venenositatem acquirere potest, ut infra quadrantis horæ spatium hominem perimere possit, ut de ejus sublimato experimur.

Ubi est advertendum, quod non est argentum vivum, quod in venenum convertitur, sed sunt salia acuta liquorum acrium, quæ dum impenetrabile mercurii corpus strenuè adoriuntur, illudque corrodere præsumunt, quia debilia sunt ad tantam hujus corporis evincendam constantiam, ipsa super mercurii corpus transmutantur, exaltantur, & corrosivi veneni proprietates acquirunt; itaque venena non ex mercurio sed supra mercurii corpus producuntur, & coagulantur: nam mercurii corpus post calcinationem venenosam, si à salibus calcinationis separatur, idem remanet mercurius, qui ante calcinationem erat, quod evenire non posset, si aliqua mercurii pars in venenum abisset, nam deprivatione ad habitum facilis non est regressus. Dupliciter ergo argentum vivum adjuncta sibi in venenum transmutatur, vel per sublimationem, vel per præcipitationem.

Primò per sublimationem sal vitrioli volatile in corrosivam, ac veluti igneam naturam mercurius convertit, nam vi ignis illud secum rapit, & suis partibus commistum illam acutiem sollicitat: sit autem argentum vivum sublimatum hoc modo.

℞. Mercurii purgati, vitrioli rubificati, & salis preparati ana ℥. j. salis nitri ℥. iv.

Terantur, & misceantur simul in mortario lapideo cum modico aceti tamdiu, donec mercurius nullo pacto appareat vivus. Quæ omnia bene mista pone in cucurbita luto munita, cui superimpones alembicum rostratum: Da ignem per gradus f. a. per viij. vel x. horas, & excipe aquam fortem, quæ per alembici rostrum destillabit, & habebis mercurium sublimatum adinstar nivis album. Operam ut melius perficias, poteris iterum sublimare, addendo pro qualibet libra mercurii sublimati aliam libram salis preparati, & vitrioli uncias quatuor, ac tertio cum sale tantum sublimabis.

Verum, ut argenti vivi invincibilem constantiam cognoscatis, quamvis illud in crystallum sublimatum certitis, immutatum tamen sub illa salina larva persistere hoc artificio animadvertitis.

℞. Lixivii com. fortis ℥. iv. mercurii sublimati ℥. ℥. Fiat hic pulvis, & in dictum lixivium repidum projiciatur, nam infra unius horæ spatium sal volatile vitrioli, aliaque salia relinquuntur in sua libertate, & tunc argentum vivum vasi fundum petet in pristina sua forma fluida, & sal volatile vitrioli &c. sali lixiviali associatur. Ex qua mechanica vobis I. In aperto est constantia, & indivisibilitas, quam de argento vivo prædiximus. II. Quod spiritus acuti, & salis super argenti vivi corpus im-

mutantur, & absque reactione in mercurium à mercurio patiuntur. III. Quod argentum vivum non sit per se venenum, sed id quod tuo corpori conjungitur, & exaltatur, novas proprietates acquirit, & in hoc aliquid transmutatur, quod corrosivum, corruptivum, ac putrefactivum erit.

Præcipitatur argentum vivum per liquores fortes ab igne ante exaltatos, hujusmodi sunt aqua fortis, oleum sulphuris, spiritus vitrioli reverberationis igne expressus, spiritus nitri, & similes qui arte pyrotechnica præparantur, quorum ad præcipitati præparationem talis erit processus.

℞. Aqua fort. vel alterius ex dictis spiritibus ℥. ij. mercurii crudi currentis ℥. j.

Ponantur ambo in vase vitreo, ita ut mercurius totus solvatur in aqua, facta solutione, vas lentus ignis supponatur, ut aqua humiditas in vapores exhalet, & in vasis fundo flava coaguletur materia, tunc ignem aliquantulum auge, nam paulatim flava illa materia in rubicundissimum pulverem exsiccatbitur, & tunc argentum vivum præcipitatum dicitur, quod vehementissime corrodit, & cauterizat; est tamen in agendo sublimato mercurio aliquantulum pigrius.

Evenit mercurii præcipitatio ex eo, quia sal exaltatum in liquoribus fortibus destillatis, dum argentum adotitur; super illius corpus coagulatur, & humidum aqueum per quod diffusum erat, derelinquit: Sal illud mercurii partibus admistum, & omni humiditate privatum igneam penetrationem acquirit, & mediante mercurio corrosivi veneni indolem præferret, mercurius tamen sub ipso immutatus perseverat; etenim mercurius præcipitatus, si in aqua communi fortiter maceretur, deponit sal à spiritibus fortibus mutuatum in ipsamet aqua sub forma aluminis rocchæ invenitur: currens verò mercurius in vasis fundo colligitur eadem quantitate, ac antè præcipitatus fuit.

Præter dictos modos sublimandi, & præcipitandi mercurium, quibus mortificatur, nullo modo intra corpus assumi debet propter irreparabilem mortem, quam affert: Pyrotechnica praxis tertium invenit, cum quo mortificatur, ex eo quia salinam non habet indolem, igneas, ac venenatas proprietates super mercurium non acquirit: est illud sulphur commune cui à natura datum est metallica corpora penetrare absque necessitate artificialis exaltationis per ignem, hoc modo.

℞. Sulphuris vivi com. ℥. j. Permite, ut igne liqueat in vase terreo, tunc paulatim injice mercurii vivi ℥. j. agitando cum spatula usque dum mercurius cum sulphure optimè sit commistus, tunc massam illam reduc in pulverem, & in vas sublimatorium injice, hunc per sex horas urge per ignis gradus, & ascendet mercurius simul cum sulphure in cinnabarim, quæ in apothecis venalis est; vitri lateribus in sublimatione adhærescit concrescitque in forma striosa.

Mercurius hoc modo cum sulphure sublimatus nullius est saporis, nulliusque activitatis, & in quavis dosi intra corpus assumi potest, nam sicut inutilis est, & nullius actionis, ita innocuus per intestina deorsum descendit: mirabilis tamen est in forma sumi cinnabaris usus, ut infra dicemus. Ubi advertendum, quod multi, qui hoc remedio empiricè utuntur, cum illis non constet, quod cinnabaris ex mercurio fiat, jurejurando promittunt se argento vivo in curatione non uti, sed quodam pulvere iis tantum noto.

Ex mercurio in cinnabarim converso fit etiam in pristinum mercurium reductio hoc modo.

℞. Cinnabaris pulverizati ℥. j. Calcis vivæ pulv. ℥. iij. misce simul, ac projiciantur in retortam vitream, cui vas recipiens annectendum, ignem deinde suppone per gradus, nam paulatim mercurius vivus in vas recipiens decedet, relicta in calce sulphuris larva. Mercurius iste è cinnabari redivivus purissimus est, & ab omni labe, & impuritate immunis, eoque uti debemus in mercurialium præparationibus, ut apothecariorum imposturam aufugiamus.

Commiscetur etiam argentum vivum per ejus mortificationem rebus pinguibus, & unctuosus, ac tunc corporibus perunctum ob analogiam, quam cum vita animali habet, intra trahitur, omnesque corporis partes penetrat, & ab omnibus contagiis liberum reddit. Mortificatio argenti vivi multipliciter fit, cum aliud non denotet argenti vivi mortificatio secundum communem sententiam, nisi ejus corporis in atomos reductionem, nam quoties in atomos fuerit redactum, faciliter cum pinguibus, & unctuosus fit ejus commistio. Tu ita sic mercurium mortifica:

℞. Mer-

2℥. Mercurii vivi ℥. ij. ponantur in mortario lapideo illique saliva recens hominis inficiatur, cum pistillo agitur, nam paulatim in atomos exilissimas dividitur. Vel

2℥. Argenti vivi ℥. ij. succi limonum ℥. j. ponantur simul in mortario lapideo, & cum pistillo agitentur. Sic etiam argentum vivum in atomos reducitur. Vel

2℥. Argenti vivi ℥. ij. urinae humanae ℥. j. eodem modo in mortario agitentur, nam habebis argentum vivum in atomos divisum.

Didicisti jam mercurii proprietates, & quomodo salia in eum, suas vires exercere conantur, in corrosiva venena degenerant, mercurio suam immotam conservante substantiam: opera pretium nunc erit aperire, an actione penitus imperscrutabili mercurius lueni curet Veneream, an penitus investigantibus manifesta esse possit. Nostra quidem sententia est argentum vivum manifestissima actione Lueni Veneream e corporibus, in quibus impressa est, exterminare, & id hoc modo investigandum aggredimur.

Ex allatis jam supra argenti vivi preparationibus apertissime acutos, salios, & ignis vi exaltatos liquores supra mercurii corpus suas exercere vires, & impetuoso motu illud aggredi constat; quod licet acuti liquores mercurium per eorum actionem superasse videantur, tamen super mercurii corpus, quod semper perseverat ideum, eorum mortuos, ac transmutatos esse ex reductione mercurii in suum corpus jam patefecimus. Certum quoque est ex superius adductis, quod argentum vivum crudeum, & in sua forma fluida viventibus corporibus venenum non est, imò quod intra illud assumptum nonnullis medeatur nobis, abire tamen illud in venenum, dum super ipsum acuti liquores mutantur. His sic per allatas mechanicas, & per constantia experimenta determinatis, ad theorema de Luis Venereae essentia accedimus; tradidimus enim morbi venerei essentiam sitam esse in degenerato nutrimento, quod per fixationem erodentem acorem contraxit, cujus effectus ipsi passim testimonium praestant: enim verò ulcera, caries, dolores acerbissimi, tonsillarum erosiones partium spermaticarum, cartilaginum ossiumque corruptiones, corrosivi liquoris sunt necessari effectus; fateri unde absque dubio possumus lueni veneream nutrimenti sal exaltare, illudque acidum, corrosivumque reddere.

Ponamus nunc argentum vivum lue venerea contaminatum corpus ingredi, ac sua, qua maxime pollet penetrandi energia, in omnes ejus partes se insinuare; certum est, quod exaltatum nutrimenti sal ulcus, dolorem erosionem, corruptionemque acta in parte producens, adveniente argenti vivi corpore, in illud agere tentabit, & ea actione se à partibus separabit, totumque super argenti vivi corpus pro lue, eique commistum unum fient, non secus ac aqua fortis, & mercurius post solutionem una res apparent. Hoc modo separato à partibus degenerato jam à lue venerea nutrimento, & exaltato, mercuriique super corpus praecipitato, natura partium ante à materia Luis oppressa libertatem pristinam acquirit, & ad expulsionem praecipitat mercurii insurgit, ac ut plurimum per fauces, lacerata epidermide, per potentissimum pyralisimum illum expurgat, aliquando per urinam ejicit, aliquando per intestina, & aliquando per sudores, qua expurgatione completa, tanquam à pugna lacerata quiescit natura, vires reseruit, corpusque tam à lue, quam à medicamine labefacturam recreat, & restaurat.

Supereft tantum recidivae suspicio, quoties mercurius integram materiam à lue productam non omnino ad se traxit, & habuisti jam à posteriori deductas demonstrationes, quibus apte cognoscitur argentum vivum unicum, verum, & singulare esse medicamentum venereae Luis curativum.

Supereft quoque nunc docere mercurii legitimas preparationes, quibus tuto uti possitis artificio pyrotechnico, ejus omnino venenositate sublata, ac primo supra asseruimus mercurium sublimatum potentissimum esse, corrosivumque venenum sequenti artificio omnem ejus corrosivam activitatem auferetis; & in suave mutabitis medicamen, quod Mercurius dulcis vel Draco mitigatus communiter indigitatur.

2℥. Merc. sublim. & merc. vivi currentis ana ℥. ℥. ponantur ambo in mortario lapideo, & eò simul pistillo misceantur ut vivi mercurii nullum appareat vestigium sed in massam nigricantem amboredigantur. Tunc massam il-

lam pone in aludele, & igne arenae administrato per sex horas, sublimabitur mercurius, frigidum postea vas frange, nam ad ejus latera mercurium dulcem sublimatum crystalli instar invenes remanentibus in fundo facibus, quas una cum nigricante materia in collo vasis adhærente ejice. Si verò sexies sublimabis, efficies Calomelanos Turqueti. Mercurii dulcis dosis est à scrupulo j. usque ad ℥. ℥. pro personarum conditione, commisceri potest cum pilulis solutivis, conservis catharticis, theriaca, coelect. Hyacinth. & Alker. aliisque similibus pro Medici cupidine, & infirmi exigentia, cujus efficacia lueni e corpore efficaciter expellit, priusquam dolores, gummata, aliaque species his graviores non apparuerint, nam in his aliquod affert levamen, minime quidem integram sanationem.

Mercurius non aequè bonus existit, sed variat, primo ratione matricis, seu loci naturalis, unde naturali loco censetur optimus, qui eruitur e mineris vicinis auro, vel argento, & hinc optimus censetur Hispanicus, & Hungaricus. Secundò, ratione inquinorum, qui nonnumquam per se in terra conspurcatus est; unde ut plurimum scatet commistione arsenicali, antimoniali, saturnina, cadmiosa, quibus nonnumquam in terrae cuniculis venenosus redditur. Tertio, nonnumquam ab impostoribus adulteratus venditur; adeo enim exactè eum adulterare norunt plumbi beneficio, ut quoque simul per corium transire possit, adeoque difficile sit fucum cognoscere. Quapropter nequis incautis decipiatur, non à re erit hæc bonitatis signa observare. Primo, bonus censetur, qui per retortam propulsus nihil recrementi relinquit. Secundò qui in cochleare argenteo evaporationi super prunis impositus maculam relinquit flavam, aut albicantem; qui nigram, aut fuscam purgari debet: Primo, expressione per corium, facibus qua crassis in corio remanentibus, mercurius transiit sed hic modus non est tutus, ut diximus. Secundò, lotionem lavetur autem vel per acetum simpliciter, aut cum sale mistus, vel per lixivium calcis vivæ, & cinerum clavellatorum vel etiam per lixivium saponariorum: sæpius nimirum cum his agitando, & vicissim à sordibus eluendo. Purgatur quoque agitatione forti cum spiritu vini in vitro obturato, separatur enim nigredo ad latera. Tertio, destillatione, destillatur nimirum in arena per retortam igne sat forti, idque per se sine additione, vel addito sale tartari, calce viva, & similibus. Optime verò purgatur amalgmando cum metallis perfectis, ac postmodum per retortam, à corpore admisto separando. Optime purgatus censetur mercurius ille redivivus, qui ex sublimato, praecipitato, & cinnabari elicitur, ut diximus.

Praecipitatum verò argentum vivum, quod supra corrosivum venenum esse descripsimus, hoc modo in Turpetum minerale parabitur, nam habebitis mirabile medicamentum:

2℥. Merc. praecipitati ℥. ij. or. sulph. per campanam extracti ℥. iv.

Ponantur ambo in retorta vitrea super calidos cineres per dies duos, tunc destilla, quod humidum est à reliquo in retorta mercurio ter cohoba, ac ultima vice ignem vehementem urge: remanebit tunc in retorta turpetum minerale, quod in pulverem redactum ter, vel quater aqua communi calida lavabis pulverem, ab omni humiditate exsicca, vini spiritum destillatum affunde, quem accende in totalem conflagrationem, id ter repete, & habebis inde pulverem dulcem. Hujus 2℥. gr. v. usque ad viij. pro personarum conditionem, misce, cum pilulis solutivis, conservis, vel confectiis cordialibus. Lenes secessus, & vomitus concitare solet, aliquando pyralisimum, symptomata omnia Luis venereae mitigat, adeo ut infirmi appareant sani, attamen infra paucos menses recidivam patiuntur.

Cinnabaris deinde, quam sulphuris communis calcinatione ex argento vivo fieri praediximus, post sublimationem fuit, sicut intro assumpta innocua est, nullamque producit in corpore motionem, ita quoque inutilis experitur propinata ad quamcumque Luis Venereae speciem usus itaque cinnabaris est omnino externus, & in formam fumi circa corpus, vel intra illud promotum. Cinabrium enim in pulverem redactum prunis impositum ignem concipit, totumque in fumum densum, gravemque evolat, qui fumus nil aliud est, nisi mercurius per calcinationem, & sublimationem sulphuri permixtus, & ab igne simul cum sulphure resolutus. Hujus fumi tanta est cum vita hominis sympathia, ut quoties ille circa corpus aliquod

tam sanum, quàm infirmum elevatur, à tali corpore affatim intrò attrahitur in ossa non solum usque, sed etiam in medullas. Hujus fumi mercurii tanta est energia, & efficacia, ut legitimè ab accurato Medico administratus, minimas quasque corporis partes, & profundissimas pervadat, & in quacumque harum sit venereum contagium impressum, evellet, & exterminet, tantumque aliquoties ex ejus usu recidivam patiuntur ii, qui remedio, ut convenit, usi non sunt, vel eam quantitatem intrò non admiserint, quæ omnes partes contaminatas à contagio venereo expellere, ac subigere valebit; sæpè enim accidit, ut qui sævissimis ex lue venerea doloribus cruciantur, tertio, vel quarto suffumigio omninò à doloribus se liberatos agnoscant, ac proinde à remedii continuatione desistunt: Verùm quia idem non est dolores sedare, & eorum causam occasionalem subigere, & expellere, facilè evenit, ut hi recidivam patiantur; nam materia corpori residua temporis cursu iterum se exaltat, sedatosque dolores iterum concitat.

Fumus iste mercurii catholicum, sive universale remedium dici potest ad omnes luis venereæ species persanandas ritè, ac rectè administratus: nam ulcera, pustulas, dolores, durities, gummata, nodos, scabies, alopecias, tabem, hydropem, & quicquid hujusmodi lues venerea in contaminatis corporibus producere potest, efficacissimè curat.

Verùm quantum efficax est mercurii fumus ad species omnes persanandas, tantum infirmis fastidiosus, laboriosus, & intolerabilis observatur ob symptomata, quæ ad finem expellendæ materiæ producere solet, unde accurato Medico convenit ea symptomata infirmo prædicere, ac ulterius quàm torquere possunt extollere, ne infirmus, & adstantes inscii horrendis illis affectibus supervenientibus terreantur, & veneni suspicionem animo volent, & eò magis si alio advocato Medico remedii ignaro, in illa timoris apprehensione confirmetur, alioquin si accidentia illa Medicus pronunciat, infirmum, & adstantes à timore liberabit, & præstigiis artis gloriam acquireret, quippe licet horrenda accidentia huic remedio ritè administrato supervenerint, si infirmus erit obediens, ac patiens, & Medicus accuratus, infallibilis, & absque salutis periculo intentum habetur à remedii in sanando efficacia, & omnes in admirationem trahet.

Operæ pretium nunc erit de his horrendis symptomatibus notitiam reddere, & causam docere, & cur talia eveniant, & pro clariori intelligentia, quæ in theoricis tradidimus, in memoriam vestram reducemus, scilicet quando contagii venerei producta in corporibus affectis sunt de natura salis exaltati, & corrosivi, indolemque habent aquæ fortis, & aliorum liquorum per ignem exaltatorum, hæc producta utcumque in corpore suam exerceant lædendi efficaciam, & in quo mercurii fumus accedat, non secus ac aqua fortis si mercurio supponatur, illa apprehendit, & unum simul fiunt, hoc modo mercurius per corpus apprehendit morbi Venerei producta à partibus, quas prius torquebant, separat. Verùm quia natura intra soliditatem suarum partium, quo extraneum est, tolerare non potest, materiæ mercurio admistæ expulsionem sollicitat, perque eas illam dirigit vias, quæ sunt ad opus perficiendum congruentiores; hinc est, non uno & invariabili modo ab assumpto mercurii fumo sit materiæ expurgatio, nam aliquando per os, aliquando per sudores, aliquando per urinas, & aliquando per intestina à natura expellitur id, quod mercurio victum, & calcinatum est.

Cæteris paribus insolentissimum est hoc remedii genus, quoties per os, & fauces, cum calcinatam materiam expurgat; nam lingua, fauces, gingivæ, palatum, labia, & interna genarum pars prius vehementer intumescunt, ita ut multoties linguam os non capiat, neque bibere, neque comedere possint infirmi, deinde exulcerantur, & saniosam, putidamque eructant salivam in maxima copia, summo cum dolore, acri mordacitate, quæ omnia sunt infirmo prædicenda. Medicus interea in tanta symptomatum vehementia trepidare, aut timere non debet, sed forti debet esse animo, & tunc plusquàm maximè certam jam infirmi salutem pronunciare, nam si, ut convenit, negotium gubernat, intra decem dies expurgata materia, cessabit ea symptomatum procella, & infirmus ab omni morbo se liberatum agnoscat.

Aliquando in fauces non ascendit materia expurganda, sed in mesenterium fluit, & primò diarrhœam,

deinde dysenteriam excitare solet cum levibus torminibus, quæ omnia neque infirmum, neque Medicum terrere debent; nam nullo adhibito remedio, intra tres dies spontè cessabunt cum integra infirmi salute.

Multoties per urinam materia expurgabitur, & tunc nulum affert horribile symptomata, nisi urinæ exorbitantem quantitatem crassæ, & albæ, quietiam aliquot post dies spontè cessabit cum infirmi salute.

Tandem materia per cutis poros sibi aditum aperire solet, actam per sudorem, quàm per insensiles halitus foras erumpere, & hic modus cæteris tutior, ac jucundior est, nullumque incurrit metum.

His animadversis, quæ adhibito mercurii fumo evenire solent, subjungendum est, quid Medico sit agendum, ut cautè procedat, & à notatis supervenientibus symptomatibus infirmi salutem expectet, & non ejus mortem. Primò ergò simplicis aquæ potus tanquam venenum est infirmo interdicens, nimium enim frigefacto, vel humectato corpore, sistitur materiæ exitus: potest ergò æger vinum generosum, & in debita quantitate. Secundò, ambiens aer, in quo æger degit, ne frigidus sit, Medicus curare debet, imò positivè calidum esse oportet, ut poros servet laxos. Tertio, à cibis crudis est ægro omnino cavendum, & proderit, ut nonnullus sit cibus, qui per quam optimè nutriat. Quarto, sanguinis evacuationes, purgantia, & quæcumque naturam valde debilitant, vel spiritus resolvunt, sunt fugienda. Tandem veneris usus est omninò, tanquam exitiale venenum, fugiendus, quia spiritus dissipat, & vires enervat; ægri namque curationis tempore maximopere veneris cæstro exagitantur, quia antidota, quæ luem curant, sympathiam, seu consensum cum partibus naturalibus habent, illasque impetunt, titillant, vellicant, & inexplabilis oritur luxuria.

His omnibus exactè perpensis, quæ accuratam remedii praxim includunt, ad cinnabarii describendum adhibitionis formulas devenimus, & primò advertendum est, quòd cinnabrium emi non debet in pulverem jam redactum, nam seplasiarii lucri cupidine illi minium admiscunt, quod in fumum non resolvitur, & sic curationis eventus Medicus defraudatur. Emite illud itaque integrum striosis frustulis constans; ac vosmetipsi deinde in pulverem redigite, vel propria manu parate.

Prima ergò formula administrandi mercurii fumum, insciis quondam medicis, fuit pilulas quasdam ex diversis materialibus componere, non enim illis cognita erat radicalis remedii energia, & prout Agyptæ imponebant iis, ita varia, & diversa simul miscebant materialia, potius ad ægrorum perniciem, quàm salutem: hujusmodi mistio hic Neapoli in incurabilium Nosocomio pro magno arcano hætenus habita fuit:

℞. Lithargyrii ℥. v. antimonii, cinnabaris ana ℥. j. rhapontici ℥. vj. polyp. querc. ℥. iij. calami aromatici, cinnamomi, macis nucis mosch. aluminis, virid. æris, aloes ana ℥. iij. minii, sandarach. græcorum ana ℥. j. fiat omnium pulvis, & terebinthina excipiantur, ut fabricentur pilule carbonibus imponende.

Mira sanè authoris hujus recepti simplicitas, qui sibi suavit lithargyrium, & antimonium igni imposita fumum eructare posse, cum fixissima sint, & à placido igne non patiantur; simplicior fuit author, qui credidit reliquorum simplicium vegetabilium fumum posse corpus penetrare; tota itaque efficacia juvandi est in sola cinnabari, quæ tot inutilibus commista rebus ferè inutilis ipsa quoque efficitur,

Altera fuit Fallopii formula, quæ tantum à scopo non aberrat, licet à sua simplicitate recedat, illa talis est:

℞. Cinnabaris ℥. iij. sandarach. græcor. ℥. j. ss. myrrha, thuris, ligni aloes, ammoniaci ana ℥. j. Tandantur hæc crasso modo, & cum terebinthina formantur pilule, quæ imponantur super carbones. Hoc receptum, cum cinnabarim probasi habeat, non adeò improbamus; verùm quia cætera adjuncta sunt inutilia, & pretiosa, ut lignum aloes, & cinnabaris correctione non indiget, nam præter suum fumum nil aliud in corpus penetrat, relictis tot additamentis, vos simplici cinnabari uti potestis, addito tantummodò thure, ut odoris ingratitudinem tollatis, & cinnabari larvam addatis, ne à vulgo remedium floccipendatur:

℞. Cinnabaris pulverisate, & thuris pulv. ana ℥. j. Hæc ambo optimè misce & misturam deinde divide in v. char-

chartulas, si ager sit perquam maximè debilis, in viij. si mediocres sint vires, in vj. si validus sit ager, quas sequenti modo administrabis.

Infirmum prius vel syr. de spina pontica, vel pilulis de tribus cum manna mercurii à crassis Humoribus libera, deinde in cubiculo, in quod ventus non intret, vel quod facilè incalescat, illum pone cum suo lectulo circa quod sit dolium ex tenui ligno, uti est Neapolitanum, utroque fundo carens, vel alio modo, dolio simile constructum, hypocaustum adapta, intra hoc sit constituta sedicula cum fundo aperto, in qua ager commodè sedere possit, tigillum deinde prunis imple, & intra dolium pone, panno lanco superposito, ac in dolio tigillum permanere permittite, ut illud perquam maximè incalescat. Tunc ager nudus dolium intret, in sedicula sedeat, & à tigillo carbonem exime, remaneatque in eo tantum tres, vel quatuor infirmo da chartulam cum cinnabate, illique præcipe, ut cum sudare incipiat, chartulam prunis imponat, nam fumus ab ea ascendet, totum dolium replens, & ægri corpus circumdans, in eo maneat per horæ quadrantem, post quam linteum se involvat, & in lectulo optimè cooperto se componat per unius horæ spatium, nam affluenter sudabit, tunc sudorem abstergat, & cibumumat, à cubiculo per viginti dies non exeat. Tempus fumigandi opportunius erit ante cœnam, quàm ante prandium, vespertinis enim horis producta à lue venerea sunt in moru, & remedio libentiùs obediunt. Tertio quoque die si ager imbecillis sit, à fumo se abstinere potest. Uncia una cinnabaris est ad cujuslibet infirmi curationem sufficiens, si verò fuerit cinnabaris antimoniij ʒ. ʒ. sufficiens, & tandem cinnabaris naturalis ʒ. ij. ʒ. sufficiens.

Præterea cum mercurii inunctio adhuc frequens sit in usu, præcipuè apud Hispanos, & easdem requirit animadversiones, qua supra de mercurii adhibendo fumo tradidimus, operæ prærium erit inunctionum mercurii formulas tradere, in quibus notate, quod nulla alia est differentia inter inunctionem, & fumum, nisi quod mercurius in fumo corpus intrat sub forma fumi: in inunctione verò mercurius corpus intrat sub forma ejusdem mercurii, unde unus, idemque est utriusque modi finis & scopus; tutiùs tamen erit mercurium in forma fumi, quàm inunctionis exhibere, & eo quia inunctio nimio impetu, & quantitate in corpus intret, symptomatumque vehementiam quàm maximè acceleret; fumus verò quia in Medici arbitrio est, illum majori, vel minori quantitate administrare, & ejus continuatione cessare, si cum nimium urgeat, tutiori eventu exhiberi potest. Verum tamen est, quod obstructis gummatibus, nodis prout etiam pertinacibus doloribus fumo non cedentibus efficax inunctio proficere non parùm solet. Unde præparato ægro, prout de fumo adhibendo diximus, omnia observanda sunt, præter quòd antequam dolium ager ingrediat, inungi debet, deinde dolium calefactum ingredi per horæ quadrantem, ut inunctio penetret. Tam variae sunt inunctionum formulæ ex conglomeratis inutilibus ingredientibus, vel rebus pretiosis pro divitibus, & magnatibus ut, tædiosum foret opus eas transcribere. Neapoli sequens est in usu.

ʒ. Mercurii, adip. porc. recent. & non salita ana ʒ. iij. ol. laurini ʒ. j. ol. ligni guajaci destill. ʒ. ʒ. sty-racis ʒ. j. quæ dissolvi in terebinth. ʒ. j. ʒ. & f. ung. f. a.

Joannes Zuvelferus in animadversionibus in Pharmacopœiam Augustanam sequens receptum describit:

ʒ. Mercurii vivi mundati, axung. porc. veteris ana ʒ. j. lithargyr. argentei, cerussa ana ʒ. ij. myrrh. elect. thuris masculi, bdellii, ammoniaci ana ʒ. j. theriaca andromachi, mithridatii democratis ana ʒ. j. ʒ. ung. agrippæ, martiati ana ʒ. ij. de althæa ʒ. ij. ʒ. ol. laurini ʒ. iv. axung. viperina vera ʒ. ij. resina pini ʒ. ij. ʒ. dissolvantur gummi in spiritu vini, & cum reliquis juncta, lege artis in unguentum redigantur.

Verum tot adjunctorum congeries propter lentorem, crassitiem, & unctuositatem, vel propter plumbi calces, nempe lithargyrii, & cerussæ commistionem, mercurii efficaciam infringit, poros occludit, cutem obstruit, & intimarum partium penetrationem retardat, nec malignitatem obtundit, quia stultè mercurius vinctus, nec debita quantitas admixta fuit, nec integris viribus, sed hebes, & torpidus membris hæret, unde graviora symptomata non excitat, & hæc est ratio, cur ægri, qui istis inunctionibus

mercurialibus quasi perfectè curati visi sunt, brevi post recidivam passi fuerint. Mercuriales inunctiones quò simpliciores sunt, eò majorem successum, & celeritatem sortiuntur effectum: secus verò in tanta rerum ferè innumerarum ferragine evenit, ubi plura intermixta sunt, quæ magis obesse, quàm prodesse possunt. Nostra inunctionum formula talis est:

ʒ. Argenti vivi succ. limon. extincti ʒ. ij. axung. porc. vin. generoso lotæ ʒ. v. ung. nuc. mosch. ʒ. j. m. omnia simul f. ung.

Cum quo tantum plantas pedum, & manuum volas inungere sufficit, nam mercurius per universum corpus, penetrabit, non secus ac fumus. Si aliqua in corporis parte pettinax perseveret, vel guma, vel nodus, vel dolor, hoc unguento mercuriali læso tantum loco adhibito, integra obtinebitur curatio. Inunctio in robusto semel in die, in debili verò ægro alternatim celebrari debet: Unguenti mercurialis pro valido uncia una, pro debili uncia dimidia sufficit. Partes dolentes fortiter cum panno fricentur per dimidiam horam deinde inungantur, & postmodum dolium intret, post cujus egressum involvatur linteum optimè calefacto, & in lecto calido stragulis rectus per horæ spatium sudorem expectet, absterse sudore, ager in altero lecto placidè calido se componat. Quamdiu continuari debent inunctiones non facile est statuere propter individuorum varietatem, attamen continuari possunt, quousque gingivæ tumescant, quod pyralismi est principium, vel quando solvitur corpus, vel in ore ulcera fuerint curata, & quod melius quando dolores, & gummata evanuerint.

Et habetis jam omnium medicamentorum mercurialium, quæ tam intrò, quam extra in lue Venerea adhiberi possunt, exactam præparationem, & genuinum administrandi modum cum omnibus accidentibus, quæ illis in administratione supervenire possunt; hæc verò præparationes licet multæ sint occultæ, & rarissimis Medicis cognitæ, laudem tamen non merentur apud veros spagyricos, nam solum ab his ut proficue non recipiuntur, sed, ut quoquo modo noxiæ exploduntur, quippe apud illos sublimiores inveniuntur præparationes, quibus argentum vivum omninò figitur, curatque radicatus quamlibet morbi Venerei speciem ore assumptum trium granorum pondere, nulla concitante sensibili evacuatione, hujusmodi est Mercurius diaphoreticus Paracelsi, & Helmontii, cujus præparationem tradidimus in nostra *Pyrotechnia sophica, lib. 4. cap. 3. art. 4.*

N O T Æ.

In hæc verba. *Verum ad ---* Author postquam tandem animum adjecerit ad dandam compositionem aquæ suæ anti-venereæ, quam multum jam laudaverat in *Capitibus antecedentibus*, hic tandem omnem eloquentiæ suæ vim colligit ut eam laudibus extollat, dicendo ejus usum sanavisse ægros decoctis, suffumigiis & inunctionibus Mercurialibus non sanatos.

Qui post hæc, non crederet, eam componi ex Planis raris & incognitis? Et quantum stupere debent Practici, audientes illum dicentem, *Sal/amparillam, viscum quercinum, rasuram eboris, & cornu cervi, antimonium crudum, & cinnamomum*, mediocres habere vires in manibus eorum, qui ea quotidie exhibent, & tamen apud ipsum tantæ esse efficacitæ, ut nulli in toto ambitu naturæ comparanda videantur.

Nimium certe credulus est, qui talia tam parum credibilia credit, imprimis, si his addas contradictiones in quam incidit Author, qui, postquam dixerit nullum esse in roto Orbe remedium melius ad sanandos dolores Venereos, citò post dicit, esse inter eos adeo pertinaces ut nec vulgaribus nec Chymicis cedant remediis, tuncque confugiendum esse ad suffumigia & inunctiones Mercuriales tanquam ad sacram anchoram. Certè palinodiam melius canere nequit eodem in Capite.

In hæc verba. *Mediante destillatione ---* Vires laudatæ in aqua anti-venerea destillata ambiguius videntur iis omnibus, qui remedia norunt, & judicare sciunt de eorum viribus; tantum enim virium in quibusdam plantis minuit destillatio quantum in aliis augeat. Nec credere est solam destillationem apriorem esse ad evchendas vires Plantarum componentium aquam anti-

anti-veneream de qua agitur, quæ omnes densissimæ sunt, quam elixatio quæ in vase bene obturato fieri potest.

In hæc Verba. *Verum si* ---- Si ii qui vel parum versati sunt in curatione morborum Venereorum, & remedia norunt, habent causam cur mirentur Authorem laudantem aquam suam Anti-veneream, compositam tantum ex plantis vulgarissimis, & mediocri efficacia, ut remedium quod potest ab orci faucibus eripere ægros, ut incurabiles à Vulgaribus relictos, non cito post minus mirabuntur illum dicentem confugiendum esse ad Pyrotechniam, ut habeantur remedia adhuc efficaciora in doloribus Venereis.

Quodnam enim remedium efficacius esse posset, in doloribus Venereis, aqua eos sedante intra decem dies, & non solum bona pro sedandis his doloribus, sed etiam apta ad sanandos bubones Venereos tum spurios tum legitimos, ad gummata discutienda, imo & qualemcunque Luem Veneream sanandam, si in ea facienda rectè operatus fueris?

Attamen remedia, ut aqua anti-venerea, efficaciora ab eo proposita, & quæ eum cogunt ad palinodiam canendam, & revocandas magnas laudes ipsi datas, sunt Crocus metallorum, & Mercurius vitæ in vino solito infusus, & deinde turpethum minerale.

Duo prima sunt emetica, quæ possunt prodesse multis in casibus, si opportune exhibeantur; turpethum vero minerale est optimum remedium ad sanandam Luem Veneream singularem imo, & universalem, si recens sit, sed non sufficit radicatus sanandæ inveteratæ Lui Venereæ, ut, & doloribus Venereis pertinacibus, & acutissimis ejus sequelis, Salivatio ope Suffumigii vel inunctionum Mercurialium est remedium multo certius, & tutius, ut fere illico fatetur Author.

In hæc Verba. *Primo ergo* ---- Nimiis certè est Author, dum hic dicit simplicis aquæ potum tanquam venenum esse infirmo interdicens, in curatione Luis Venereæ; cum certum sit aquam simplicem nihil in se habere quo tunc venenum fieri possit.

In ratione vero ab eo allata, dum dicit nimium frigefacto, vel humectato corpore ægri, sisti materiæ exitum, aliqua est distinctio facienda; quia certum est dari ægros, qui hac in curatione nimis refrigerari, & humectari nequeunt, quales sunt corpora temperamentum biliosum macerrima, & siccissima, quibus exhiberi potest in curatione morbi pituitosa humectans, & frigefaciens; cum pinguis verò, & humidissimis corporibus aliter agendum est, iis est exhibendum pro potu solito decoctum guajaci quod est absorbens, & exsiccans, ut impediamus nimiam glandularum oris, & faucium obstructionem, quæ potius salivationem supprimeret, quam adjuvaret.

Cæterum observare est, respectu corporum macilentorum, quod, si decoctum guajaci pingues exsiccet in curatione Luis Venereæ, illud *salsaparilla* in eadem macilentos sustinet, impeditque, quominus exsucci fiant, quod cogitandum non erat, nisi experientia certò nos id doceret cum *salsaparilla* inter exsiccantia vulgo referatur.

Author verò in anteponendo hic usum moderatum vini, usui aquæ simplicis, non habebit consentientes Practicos Galliarum, ubi certè melius curatur Lues Venerea, quam in ulla alia orbis regione; quia experientia eos docuit, usum vini nimis cito oris ulcera detergere, & impedire quominus sat diu durent, ut salivatio fiat per triginta, quadraginta dies, imo & amplius exigente morbo. Contendit etiam Author salivationem per decem dies Lui Venereæ sanandæ sufficere; quod illi non dabitur, cum ad minimum in Lue Venerea recentissima per viginti dies, & in inveterata, & valde complicata per triginta quinque, quadraginta, vel quinquaginta salivationem fieri necesse sit.

Ob id non contendo parum vini agris exhiberi non posse in hac curatione, cum nimium debilitantur, sive ob fatigationem curationis, sive ob copiam evacuationis; sed tunc solum ut remedium, non verò ut potus ordinarius, exhibendum est.

In hæc Verba. *Quarto* ---- Author improbando hic Venæ Sectionem, Purgantia, omnesque evacuationes naturam debilitantes, & spiritus dissipantes, non longe abest à sententia boni Sydenham & Juncken qui contendunt non solum tempus adhibitum in præparandis agris ad suffumigia, & inunctiones Mercuriales esse tempus tritum

pro iis, sed etiam has præparationes esse nocuas, quia evacuationes tunc factæ eos tantum debilitant; & tunc melius esse vires iis addere quam eas imminuere, ut apti sint ad sustinendam vim remedii vires multum dissipantis humores utiles & inutiles liquando.

Sydenham etiam non hæret in dicendo Venæ Sectionem, purgationes, & balnea instituta, ad præparandum ægrum, ad salivationem, facere fere similem effectum illi, quem faceret privatio armorum ad regendum, & nocendum in Militibus, quibus valida immineret peritio.

Musitanus, qui scribebat in cælo calidissimo magis excitationem mereri nobis videtur, rejiciendo has præparationes, quam Sydenham qui Medicinam profitebatur in cælo frigidissimo. Corpora Italorum natura debilia ob validam perspirationem, non tantum egent evacuationibus præparatoriis, quam corpora Anglorum, qui cum respirent in regione frigida, marique vicina, aerem densum & humidissimum, debent mollia aperta & perspirabilia fieri, ut Mercurius faciliè omnes eorum poros subire possit; si verò verum sit quod hic Author dicit in fine dissertationis suæ de Lue Venerea, in cælo scilicet Angliæ non posse Lues Venereas inveteratas perfectè sanari quia aer ibi est nimis densus & humidus, insectosque sæpe coactos esse Galliam petere ut respirent aerem salubriorem, verum etiam esse potest, licet non consentiat Sydenham, methodum quam sequuntur Medici & Chirurghi Galli, utendi scilicet sufficientibus præparationibus antequam exhibeant Mercurium, tantum in Gallia facere, quantum bonus cæli aer ad perfectam sanationem hujus morbi, qui sæpe in Anglia sanari nequit, quia ægri eo pejor præparati sunt ad recipiendum Mercurium, quò magis iis præparationibus egebant tum ob densum humidumque aerem, tum ob obstructiones in eorum corpore, quæ in toto habitu corporis magnus sunt obex meabilitati Mercurii.

His positis, nonne credere est Medicos & Chirurgos Gallos intelligentiores esse in arte sanandi morbos Venereos quam sunt Medici & Chirurghi Angli; cum primi melius norint ægros apta præparatione disponere ad bene utendum Mercurio in curatione Luis Venereæ inveteratæ, quam Angli qui eam forsitan ut in Gallia sanarent, nisi illud essenziale emitterent, & eos inter ægros qui Galliam petere coguntur, in ea ideo invenire, non solum aerem salubriorem, verum etiam intelligentiores & prudentiores Medicos & Chirurgos quicquid dicat Sydenham in loco citato.

Verum in discrimen non vocando intelligentiam Medicorum & Chirurgorum utriusque generis in curatione Luis Venereæ, & imprimis meritum Sydenham, quem omnis Europa spectat ut peritissimum ævi sui Medicum, cujusque Opera magno omnibus sunt pretio, audacter dicamus, nos æque niti ratione ac autoritate & experientia, cum affirmamus præparationes quales fiunt in Gallia, ante usum Mercurii in Lue Venerea, semper esse agris utilissimas; easque plus minusve extendi posse juxta varium cælum, varias ægrotum constitutionem, variosque morbi gradus; sicque in Calido minores esse debere quam in frigido cælo; in debilibus quam in robustis; in recenti Lue Venerea, quam in inveterata.

Hoc posito principio, necesse non fuit Authori nostro, magnas facere in agris præparationes antequam excitet pyralisum, quia eos curabat in cælo calidissimo. Qui ægros curant Parisiis, ubi cælum temperatius merito majores jubent præparationes, & Garnier Medicus Lugdunensis prudentissimè judicat in Tractatu practico de Lue Venerea post formulas ejus edito, qui certe est tractatus Gallicè scriptus aptior est docendo Tyrones in Lue Venerea, quicquid spectat salivationem; jubet ille agris medias præparationes quia eos in cælo medio inter Italum & Parisiensem curabat.

Definita est autoritas Hippocratis, ut nobis denotet harum præparationum necessitatem cum docet corpora quæ quis purgare velit ea fluxibilia faciat oportere. Aph. IX. Sect. II. & ratio omnino consentit cum Autoritate magni illius Medici in eo quod spectat curationem Luis Venereæ per salivationem: cum enim exhibere debeamus remedium quod subeat ductus corporis minus meabiles, nil facilius iter ejus reddere potest, quam evacuatio vasorum nimis plenorum, & humorum adeo crassorum, ut illud in itinere faciendo intricare possent.

Denique experientia docet, Luem Veneream, quæ magnos

gnos in corporibus solidis fecit progressus, diuturnaue eget salivatione, ut radicitus sanetur, nunquam felicius curari, quam cum sufficienter præparatum est corpus ægri, clysteribus. Venæ Sectionibus, iteratis purgationibus, iusculis alterantibus, imò & usu lactis cum adeo ægri exlucci sunt & debiles; ob magnos dolores: huiusque morbi curationem sæpe his cautionibus omisiss feliciter non succedere.

Cæterum quamvis *Sydenham* ægros purgari vix jubeat in curatione Luis Venereæ, fatetur tamen purgationem multum prodesse, si male exhibitus Mercurius, tanto impetu ad superiora feratur, ut magnum ægris imminuat periculum: nam Catharticus ingestus, inquit, aptissimus est ad ptyalismum ad eum gradum deprimendum; ut cum ægri *E'vopio* procedat.

Dicere potuisse Venæ Sectionem non minus aptam esse purgatione ad medendum omnibus perturbationibus quas potest creare Mercurius cum nimio fertur impetu; & quotidiana docet experientia Venæ Sectiones in brachio, pede & jugularibus brevissime sedare horum omnium symptomatum impetum. Verissimum tamen est Phlebotomiam, & fortiora purgantia bona non esse in ægris exluccis & debilissimis curandis; sed usus optimorum remedium semper horum indicationem à viribus sumptam supponit.

Sequi non debemus, consilium *Sydenham*, prohibentis purgationem, ad sistendum ptyalismum, qui satis duravit, ad sanandum morbum: nullum enim est dubium, omnem evacuationem nimis diu continuatam, damnosam esse ægris, eosque exhaurire posse: cum vero dicit consultius esse ptyalismum promovere per tres menses Mercurio dulci semel in hebdomade exhibito, etiam postquam omnino convalescerit, & jam sub diu versatur; quam eundem præmaturius cathartico inhibere; non proponit digna Medico in curatione Luis Venereæ versatissimo; salivatio enim non est evacuatio, quæ excitari, fervari, & sisti ad libita possit; imò & quando hoc fieri posset, æque facile ac Author proponit, hoc faciendum non foret, nisi cum iis quos res summi momenti ad brevioris salivationem coegisset, non vero cum iis qui in curatione huius morbi omne tempus necessarium adhibuissent.

In hæc Verba. *Tutus tamen* --- Errat hic Author, dicendo Mercurium, inunctione datum, majori copia & impetu corpus ingredi quam fumo; evidens enim est materiam in vapores resolutam, semper subtiliorem esse ea, quæ tantum dividitur, quantumvis tenues & subtiles sint particule divisæ; unde sequitur vaporem facilius subire poros, ideoque citius, majori copia & impetu corpus ægri ingredi, quam tenuiores, subtilioresque ejus particulas.

Recens etiam Author (*Nicolaus de Blenry*) præponit, cum plerisque intelligentissimis Medicis & Chirurgis Gallis, in curatione Luis Venereæ, inunctiones Mercuriales suffumigiis, quia semper periculosus est ascensus Mercurii in fumum, quia sic facilius ad caput fertur, ubi gravissima sæpe creat symptomata.

Fateatur tamen idem Author, præponenda esse suffumigia, in iis in quibus ad summum gradum evecta est Lues Venerea, quia, hoc modo, facilius quam unguentis & emplastris, Mercurius subit profundiora corporis ægrorum.

Cæterum verissimum est, quod dicit Author, nos certius scire, quantitatem Mercurii ægro per suffumigia exhibitam, quam eam quæ corpus subit per inunctiones; quia inunctio partem ejus in se recipit; sed similem illi non habemus fidem, cum contendit, fumum in arbitrio Medici magis esse, si quid mali timeat, quia non videmus, qua ratione hæc sententia nitatur. Multi nunc sunt Medici & Chirurghi salivationem excitantes, usu Mercurii duodecies, quindecies, & octies & decies sublimati, *Panacea Mercuriali* dicti. Famam habuit illud remedium à viginti quinque annis vel circiter ope *la Bruns* Medici Empyrici, qui illius conficiendi modum dedit defuncto *Marchioni à Louvois* qui iussit id experiri in hospitio invalidorum militum in quo satis felicem habuit successum. Postea voluit Marchio ille hanc præparationem impressis chartis omnibus manifestam fieri. Fateri tamen oportet quod, licet hæc Mercurii præparatio in Luis Venereæ recentis curatione bonum sit remedium, in inveteratis tamen non est efficacissimum, ut plerique Practici innumeris experimentis opti-

mè norunt; id tamen non impedit quominus ea utiliter uti possimus, ad adjuvandas inunctiones Mercuriales, in iis, in quibus difficile excitatur, ut & ad protrahendam salivationem, cum morbus eam prorogari requirit ultra tempus solitum. Sed à parvis dosibus incipiendum, quæ paulatim augendæ, donec remedium expectatum fere produxerit effectum; nam quantumvis temperata sit hæc præparatio Mercurii, multis sublimationibus, iteratisque lotionibus, satis tamen adhuc onusta est, salibus corrosivis, quæ viscera graviter afficere, & in ore ulcera gangranosa creare possunt, si nimia dosis exhibeatur, vel inconsiderate iteretur, ut docuerunt experimenta frequentissime multis ægris olim & nunc funesta.

Fatemur insuper, theoriam, hoc in Capite ab Authore datam, tum de viribus Mercurii, tum de ejus agendi modo in fermentum venereum, niti solidis rationibus, & denotare, non solum Authoris intelligentiam, in vera Physica, sed & experientiam in Chymia Practica, variis præparationibus Mercurii, quas præcisè, accuratè & optimè describit; meritissimo etiam improbat formulas nimis longas, tum in suffumigiis Mercurialibus, tum in inunctionibus, quia vires remedii potius imminuunt, quam augent.

Uno verbo regulæ ab eo datæ, pro exhibendis his remediis, & primæ, quas dat partes inunctionibus Mercurialibus, in curatione Morborum Venereorum, maxime inveteratorum & pertinacissimorum, denotant Practicum in his curandis versatissimum.

C A P U T XX.

De Gummatibus.

Mala symptomata sunt dolores Venerei, sed pessima gummata, & omnem antecellunt noctis torturam, nec ipsi equaleo assimilanda sunt ipso dolorosiora dolore; cum doloribus, vel post dolores accidere solent. Appellatur gummata, quia materiam continent crassam liquato gummi non ab similem.

Signa.

Tumores sunt circa articulos & internodia, qui sæpius oriri solent in fronte, capite, tibiis exteriore parte, & cæteris locis excarnibus. Cognoscuntur ex aliquo luis etiam diutissime prægresso symptomate, & noctu tantum cruciant. Interdum sunt majores, interdum minores, & nunc minus duri, sæpius steatomatum, & atheromatum naturam habent, raro meliceridum, attamen folliculo carent. Quandoque tophacei sunt, majori ex parte lapidosi, & porum osseum tangentibus præbent.

Causa.

Vulgares pro gummatum causa pituitam, & melancholiam tenacem, in pravam & vitiosam materiam redactam assignant, quam natura concoquere non potest ratione viscerum malè affectorum, & præcipue hepatis illamque ad partes demandat imbecilles, in quibus gummata, & tophos progignit. Verum hæc vulgare causa nimis est trivialis, sicut tota eorum doctrina; nec materiam, nec modum, quo gummata fiunt, explicat, ideoque suspiciosam existimamus.

Diximus dolores fieri per fermentum Venereum ab ultimo partium nutrimento ad sanguinem transmissum; sanguis enim nutrimento falsior est. Si istud sal à venulis, & arteriis capillaribus ad perioestia se colligat. Venereo fermento imprægnatum, exaltatur, & corrosivum evadit, primò atrocissimos parit dolores; si inter ossa, & perioestia se diffundat, immobiliterque perseveret, dolores fixos, deinde dolorosissima excitat gummata, tandem nodos, & tophos.

Prognosis.

Gummata quandoque sunt simplices tumores, at si per aliquod temporis spatium cruciarint, sub perioestio ossa exedunt, corrumpunt, & mortificant.

Curatio.

Ad gummata discutienda *Vulgares* primò corpus de comuni morborum omnium purgant cathartici; & deinde ad falsæ parillæ decocta deveniunt, tanquam hepatis alterativa, quæ efficacissimam censent falsam plusquam lignum, ac ejus corticem. Verùm nos observavimus falsam nunquam eliminasse, non tantùm gummata, sed nec etiam dolores; cùm ratione modi, quo decocta conficiunt: nàm quia imbecillia sunt pro tam sævo extirpando symptomate, quod majora, & efficaciora requirit medicamina.

Ad hunc etiam finem gummatis *emplastrum de Ranis cum duplici, vel triplici mercurio* imponere solent, vel linimentum mercuriale. Verùm licet quandoque hoc emplastrum, vel linimentum gummata colliquet, majores tamen emergunt procellæ, (nisi totaliter lues extirpetur) nam liquata gummatum materia, & per totum diffusa, fit lues universalis. Id in tenuioris fortunæ scæmina observare nobis evenit, hæc gummata in capitis vertice cum ruci patiebatur dolore, noctesque ejulando peragebat insomnes, unde doloris impatiens facta nos consulit, sed quia pauperie premebatur, quæ est inmedicabile malum, vix emplastro de Ranis cum duplicato mercurio à nobis descripto potiri potuit, cujus impositio intra octo dies dolorem, & gumma discussit, sed brevi spatio gummatis materia in corporis habitum à capite defluxit, & universam cutem confertum variolarum Venerearum agmen conspurcare cœpit, quarum numerum comprehendere impossibile erat, unde miserabiliter suis cessit fatis. *Sennertus*, ut experimento probatum refert infra scriptum emplastrum, ut

℞. Empl. diachyl. cum gumm. ʒ. j. simpl. ʒ. ss. merc. saliva extincti ʒ. j. ol. guajacini q. suff. f. empl. Verùm hoc emplastrum non multum differt ab emplastro de Ranis, idèoque iisdem angit procellis.

Inungunt gummata *oleo ligni guajaci*, sed incassum nunquam enim hoc oleum gummata resolvit, vel vidimus saltem sedasse dolores, nec decantatis chymicorum encomiis satisfecisse, imò promisso ludir inani, unde à remediorum suppellectili meritò recessit. Nonnulli *vinu spiritus* gummata resolvere tentant, sed frustra cùm vini spiritus sit debile medicamen ad gummata resolvenda, & siquam moliretur resolutionem, malum peioraret, nam subtili parte resoluta nodi, & tophi irresolubiles persisterent.

Si gummata resolutione fuerint incapacia, licet suppurationi reluctentur, ea suppurare satagunt variis oleis, *amygdal. lilior. chamomill.* diversisque *adipibus etiam rancidis*, *gallinae*, *porci &c.* Vel utuntur Galeni emplastro, ut

℞. Pernam porcina salitam, sed rancidam, bull. & f. jus, in quo caseum vetustissimum coque ad emplastri consistentiam, & supra gummata, nodos, & tophos applicant. Aliqui *emplastro de mucilagibus*, & filii *Zacch.* utuntur. Collocant *Vulgares* gummata inter tumores frigidos, scilicet inter atheroma, steatoma, & meliceridem, crassam, tenacemque materiam coctioni reluctantem cum folliculo habentes, & miramur, quòd evanidis oleis, pinguedinibus, & mucilagibus suppurare tendant. Certè gummata illud juvamen consequentur quod ex unguento hernia.

Solent gummata quandoque ex diutina suppurationum applicatione molliem sub cute contrahere, at decepti vulgares chirurgi ea ferro aperiunt; si subjectum os deprehendunt adesum, abradunt, vel adurunt, aliàs digerunt, mundificant, carne replent, & demùm consolidant. Verùm ferri apertio dolorosa, horribilis, & periculi plena est, præcipuè si fiat in articulis, nervis, & tendinibus.

In nodis, & tophis fortiora usurpant emollientia, ut *radices bryoniae, cucumeris agrestis cum radice althæe in aqua ardenti &c.* Item *gummi ammoniacum in aceto solutum &c.* Vel imponunt *laminam plumbeam mercurio illitam.*

Gummatum curatio ita perficitur: Applicetur suprà partem affectam emplastrum de Ranis cum triplici mercurio, quod post 24. horas removeatur, & post quatuor dies sumat patiens *Turpetum minerale dulce ter*, vel quater eo modo, quo de doloribus diximus. Vel corpus *optime extracto catholico cum manna mercurii* purgetur,

deinde ad suffumigiorum, vel inunctionum usum deveniendum est, illis adhibitis cauteis, quas suprà recensuimus; verùm quia in horum exhibitione horribilia emergunt symptomata, & ægri in magno vitæ discrimine versari videntur, meritò ea repudiamus, cum tutiora habeamus remedia. Eapropter nullum majus, & certius medicamen pro absoluta gummatum sanatione, quàm nostra *Aqua Anti-venerea* reperitur, quæ citò, tutò, & jucundè his extremam imponit manum, si eam juxta nostrum parandi, & exhibendi modum, quisque præbeat, & brevi tempore absque topicis evanescunt cum totali luis exterminio. Quod si quandoque resolutioni reluctentur, topica mercurii inunctio adhiberi potest.

Interdum gummatum suppurationem molimur, tunc citissimè nostro *emplastro Benedicto*, quo nullum extat majus, suppuramus, & aperimus, deindè nostro *Unguento Magistrali* ad cicatricem usque utimur, antequam aquam *Anti-veneream* propinemus, vel *mercurium diaphoreticum* alibi à nobis descriptum præbemus, quo luem funditus extirpamus.

Si nodosa, vel tophacea sint gummata ab acido coagulante, tunc caustico mercuriali, cap. de Bubone descripto, aperimus, & post materiæ educationem, ut suprà progredimur.

N O T Æ.

In hæc Verba. *Solent gummata* ---- Satis attendere non possumus ad consilium hic ab Authore Chirurgis datum, de non aperiendis gummatis, propter terribilia, ut dicit, symptomata ex hac apertura nata, & periculum quibus exponit ægros, ut nos pluries vidimus, imprimis, ut optimè monet, cum hæc gummata articulos, nervos tendinesve afficiunt.

In hæc Verba *Gummatum curatio* ---- Tuta nobis non videtur curatio hic ab Authore proposita ad sananda gummata; Credimus usum Turpeti, Mercurii dulcis, & ejus aquæ anti venereæ, debilia esse auxilia pro radicitus sanando tam vehementi symptomate, & nimis cito salivationem excitari non posse, ut iis infecti liberentur à Lue Venerea cujus hi tumores sunt signa evidèntia & minime dubia; idque adeo verum est, ut ipse Author fateri cogatur, ad suffumigia, & inunctiones deveniendum esse, si topicis non cedant omnino hi tumores.

In hæc Verba. *Interdum gummatum* ---- Non solum debemus, ut vult Author, sed etiam cogimur moliri gummatum suppurationem, cum natura eò vergit, idque aptis emplastris potius quam ferro causticis, quæ nimios creare possunt dolores & congestiones.

Non videtur *Emplastrum benedictum* Authoris ex ejus compositione tam efficax esse remedium quam contendit ad aperiendos & maturandos hos tumores, neque *unguentum magistrale* ad cicatricem faciendam, antequam agris exhibeat aquam *Anti-veneream*, vel *Mercurium suum diaphoreticum*.

Si enim verum sit, quod in dubium revocari nequit hos tumores suppuratos ad cicatricem deduci non posse, nisi Lues Venerea, causa eorum immediata sanetur; hanc Aquam & hunc Mercurium diaphoreticum, cum sint juxta Authorem remedia efficaciora ad sanandam Luem Veneream, melius esset exhibere agris eo ipso tempore quo topica iis tumoribus admoventur, quam incassum expectare curationem symptomatis ante eam morbi.

C A P U T XXI.

De ossium Corrosione.

IN nullo symptomatum genere Venerea lues tam suam digito demonstrat naturam, quàm in ossium corrosione, & quasi deposita veste usque ad ossa, ante omnium oculos se contemplandam præbet, bardosque reprehendit *Vulgares* senon occultè, sed manifestè agere; est enim ejus venenum corrosivum de salis exaltati natura, id clarè patet in cariebus, ulceribus, doloribus &c. qui non nisi à mera producuntur corrosione. Si hoc sal ulterius quam maximè exaltetur, ac supremos exaltationis gradus, & activitatis nanciscatur, in potentissimum corrosivum transit venenum, quod cane pejus ossa corrodit.

Signa.

Signa.

Si gummata exquisitis adhibitis remediis non resolvantur, certissimum signum est ossa, quæ ipsis subjacent esse corrota. Qui diuturno capitis dolore ex Venerea lue affligitur, & nullis præsiidiis curari potest, illæsa capitis cute, subjectum cranium habet adesum. Si gummata adaperita fuerint, & ægrè ad cicatricem perducuntur, qua induta, paulo post cicatrice rupta, iterum aperiuntur, de osse carioso nullus remanet ambigendi locus, quia sanies ex carioso osse emanans cicatricem corrodit, & ulcus patrefacit. Hinc certissimè conjicere licet: Si quod ulcus sæpius renovetur, semper de osse adeso suspicionem præbet. Sæpius palati ossa, & narium cariantur, si horum ulcera in longum protrahantur tempus, putrefactiva exesione primùm ossa, quia densitate sua magis resistunt, exedunt, & corrumpunt, postmodum carnem, quia rara, & foraminata est. Cognoscitur hoc quia sanies ex ulcere emanans copiosior est, quàm pro ulceris magnitudine, estque tenuis, foetida & livida; caro ulceri superposita mollis, & flaccida redditur, à sanie. Si ossium caries se subtrahant oculis, specillo immisso in ulcus usque ad os explorantur, nam si os inæquale; asperum, & molle deprehendatur, cariosum sine controversia est. Si specillum minùs intrat, corrosio superficialis est, si verò altius descendit, profunda.

Causa.

Credunt *Vulgares* ossa cariem contrahere, & corrumpi ab occulta luis proprietate; ceterum est occulta in causa & manifesta in effectu & integra remanente causa effectui medentur, vel illa præbent medicamenta, quæ ab occulta proprietate curant: sed si est causa, eam non cognoscunt, nisi ab effectu & sic perpetuè occultum per occultius, & ignotum per ignotius assignant. Fiunt ossium corrosiones, cum ulcera, intolerabilis capitis dolor, & gummata non tempestivè curantur, sed ossa quæ ipsis subjacent, exaltati ad supremum activitatis gradum salis paulatim contagium suscipiunt, quod per eorum substantiam disseminatur; unde ossium corrosiones, putrefactiones, & mortificationes succedunt.

Prognosis.

Truculenta in lue Venerea est ossium corrosio; sed adhuc truculentior, cum corroduntur in illis locis, ubi chirurgicæ operationes non facilè institui possunt, ut in articulis, magnorum ossium capitibus, circa musculorum capita, nervos, & tendines, imò truculentissima est eorum putrefactio, & corruptio. Ossium corrosio ulceris sanationem impedit, nec ulcus perfectè sanari potest, cui corrosum subjacet os. In ossium corrosione caro livida malum portendit; significat enim maximam eorum corruptionem. Si palati os adesum fuerit, sermo vitatur, nam aer, qui in palato, tanquam, in loco camerato, elidi deberet, simul per foramen ad nares penetrat, & per eas erumpit. Omnia liquidiora, quæ per os assumuntur, ex naribus profiliunt. Malum ad nares serpit, & facilè cerebro communicatur. Erosio nasi ossibus, exeduntur narium pinnae, & cartilago, ac ad palatum, cerebrum usque serpit. Si capitis os corrosum fuerit, facillimè lues cerebro communicatur.

Curatio.

Ossium caries curant *Vulgares* carnem absumendo usque ad os subjectum *alumine ustō, pulvere sabinae, calchanto adusto, vel aqua aluminosa*, vel carnem ferro abscindunt, vel ferro ignito, vel caustico utuntur medicamento. Si foramen aliquod in carne adsit, ut plerumque fieri solet, illam *turunda ex gentiana radice, vel ex spongia concinnata* aperiunt, os cariosum detectum abradunt, vel *euphorbii, & peucedani pulveribus* ad lævitatem reducunt, & tandem sarcoticis ulcus curant. Si os fuerit corruptum, naturam expectant, ut illud auferat, & separet, sed natura tardè, & vix 40. vel 60. & quandoque 80. dierum spatio ossa corrupta separat, & interim vitium in mora patis sana contrahit; Si totum opus naturæ

imperio committent, præterquamquod Venerea lues est extra naturæ jurisdictionem, conclamatum est de vita ægri. Eapropter ad ossis excisionem deveniunt, idque scalpito excisorio cum malleolo assequuntur, eodem ferè modo, quo statuarii statuas efformant, quosque lividum, & denigratum ablatum fuerit, postmodum *mirrha, & radicis aristolochia pulveribus* os excisum aspergunt. Si os totum corruptum fuerit, auferunt illud, & primò alimento privant siccis medicamentis, uti sunt *folia hyoscyami, radix peucedani, utriusque aristolochia, iris, opoponax, squama aris, ærugo &c.* vel ferro ignito; deinde os nutrimento destitutum facile auferunt, imò cadit, non aliter ac folia autumnino, cum humido radicali privantur.

Si capitis os tectum fuerit, & cariosum, vel corruptum, cutem secant, detectum os abradunt, separando à sano corruptum; verum si corruptio profundius se insinuavit, totum auferunt terebra, vel meliùs trepano; circumliniunt oleo rosaceo cutem ad inflammationem arcedendam, & stuppam cum ovi albumine conquassato per 24. horas super imponunt, deinde *aqua aluminosa cum aqua rosacea temperata* os foraminatum madefaciunt, *emplastrum de Betonica, vel de Gummi Elemi* applicant. Quandoque affectam partem abluunt adstringente *decocto ex rosas, betonica, ligno guajaco, parato in vino austero* adduntque *aluminis* parum, & tandem *unguento de plumbo* cicatrizant.

Si palati, vel nasi os corruptum fuerit, bis in die *aqua aluminosa magistrali* gossypio excepta affectam madefaciunt partem. Quandoque, ad sanici educationem palatum *melle rosaceo* inungunt, tum *aqua aluminosa cum aqua rosacea, vel plantaginis* detergunt, & interim *decocto scabiosa, plantaginis, agrimonia, rosarum*, ut os abluat æger, imperant, vel *decocto ligni guajaci, & salsa parato in aqua plantaginis*. Interea per totum curationis tempus decocta frequentant.

Juxta varias ossis corrosi indicationes vario modo ejus curationem institumus, unde corpore depleto, si os sub oculos non cadit, quia carne operitur, ulcus inducatur, & specilli intrusionem exploretur, quod si asperum, & minùs penetrans deprehendatur superficialis erit corrosio; tunc tota caro absumenda est *precipitato dulci, nostra aqua salis armoniaci, ejusve spiritu, vel spiritu mercurii albo*, donec corrosio secundum totam suam latitudinem, longitudinem in conspectum veniat, & fiat ossis abrasio lima ad lævorem, vel madefiat *balsamo caryophyllorum, in quo facta fuerit peucedani, euphorbii, & radicis aristolochia rotunda infusio, vel bryonia trita* imponatur. Verum si aliquantulum profundius corrosum fuerit, totum corrosum ad sanum usque auferatur, lævitate superinducta, deinde sarcoticis, & præcipuè *unguento nostro magistrali*, periosio inducto, ad cicatricem perducatur.

Si caro appareat flaccida, spongiosa, pallida, aut livida, ossis corruptio profundior erit, tunc totum corruptum auferatur; neque enim quod mortuum est corrigi, emendari, & in naturæ gratiam redire potest, cum à privatione ad habitum non detur regressus, & hoc præter naturam est, & à natura gratiam non ampliùs recipere valet. Nec ossibus sphacelus accidit, sed tantum corrosio, & putrefactio, cum sphacelus solummodò in partibus carnosissimis mollioribus accidat. Nulla interposita mora, citam ablationem procurare debemus, præsertim in thoracis ossibus.

Ense recidendum est, ne pars sincera trabatur.

Nec naturam pro ossis separatione præstolari possumus, quia actu affert perniciem, & nisi ablatio fiat irreparabilis sequetur mors. Eapropter ista procrastinatio periculosissima erit, nec unquam in Lue naturam crism moliri observavimus. Caro itaque superjacens absumatur medicamentis suprà propositis, vel caustico, vel cauterio potenciali, vel disseceatur, quousque os corruptum denudetur, & ne nervi, tendines, musculorum capita, aut arteriæ, & venæ majores lædantur, secundum partis longitudinem fibrarumque ductum, neutiquam transversim, instituat; verum non semper ita commodè operatio celebrari potest; quin aliqua harum partium læsio non oboriatur.

Medicamenta, quæ os corruptum à sano separant, exsiccantia esse debent, ut excrementitias superfluitates in corrupto absumant, & ipsum sanum conservent hujusmo-

hujusmodi sunt oleum sulphuris p. d. hoc modo paratum :
℞. Sulph. citrini ℥. j. ponatur ad ignem lentum, ut liquefcat, cui adde tartariusti pulverizati ℥. ss. misce diligenter, donec frigida evadant. Postea pulverizentur, & super lapide in loco humido ponantur, donec in oleum p. d. transeant. Hoc oleo ossa corrosa, & corrupta inungantur. Multum ad sequestranda ossa valet *Acetum radicum*. Item hæc tinctura *Euphorbii*.

℞. *Peucedani*, *euphorbii*, *radic. utriusque aristoloch. iridis*, *bryoniae ana* ℥. ss. *myrrhae*, *aloes ana* ℥. ij. *spiritus vini* q. s. & extrahatur tinctura.

Si tanta sit ossis corruptio, ut his, vel aliis medicamentis tolli non possit, ubi os non ita altè corruptum est, scalpro, ubi profundius, terebra opus est, quæ operatio tunc absoluta est, cum scabs nigra desit. Si totum vitiatum est, totum eximendum.

Si capitis os cariosum fuerit, secetur cutis, in qua operatione si magna sanguinis profusio succedat, nostra *Aqua Arteriali*, in *Pyrotechnia*, vel *Tomo I. de Tumoribus cap. 15. de Aneurismate descripta*, sistatur. Deinde os abradatur, vel tinctura *Euphorbii*, vel oleo sulphuris, *vitrioli*, sive *spiritus salis armoniaci* alternis diebus cum filamentis madefiat os, donec ad liquorem reducat, interim vulneris margines, partes sanæ muniantur, & *fodicationum emplastrum* superponatur, ac unguento nostro *Magistrali* cicatrice obducatur. Si corruptio profundius serpat, vel totaliter sit corruptum, trepano auferatur, & tinctura *caryophyllorum* regatur pars cum *fodicationum emplastri* superpositione, & unguento *magistrali* pederentim ad cicatricem deveniat. Curatio diuturna est, eapropter ad longam, invictamque tolerantiam hortetur æger, & interea *Aqua nostra Anti-venerea* utatur.

Palati ossi carioso, vel corrupto quàm citissimè est occurrendum, imò cum Medicus palati pustulas, & ulcera observet, statim ossis corruptioni consulere debet: purgato itaque corpore pilulis pluries suprà repetitis, leviter os tangatur aqua viridi, vel nostra *salis armoniaci tinctura euphorbii*, sive *spiritu mercurii albo cum aqua persicaria diluto*,

penicillo bis in die. Os interim pluries in die gargarisate ex decocto *persicariae*, *scabiosa*, & *rosarum cum sale armoniaci*, & *melle rosaceo simplici* colluatur, & corrupta ossicula frustularim sequestrantur, ac patiens *Aqua nostra Anti-venerea* non defraudetur.

N O T Æ.

Cum caries, in osse palati, tanta fuit, ut in eo relinqueretur apertura, inducens ægrum ad usum obturatoris; si prima vice remedia Luem Veneream radicitus non sanaverint, vel quia non egerunt cum sufficienti impetu, vel quia satis diuturnus non fuit ptyalismus; tunc periculosissimum est denuo in ægro excitare salivationem; quia humore, ad os viru delati, facile novam inducere possunt cariem ex qua tanta fieri potest substantiæ jactura ut insufficiens sit obturator; ex qua adeo ægri insanabiliter aphonici fiunt.

Præstat, his in casibus, ægris exhibere decocta, & eos ad stufas deducere, imò & hæc partitis vicibus prout opus est, iterare donec merito credere possimus, virus per sudores omnino eductum fuisse, aut saltem ita debilitatum ut longas cum ægris faciat inducias.

Observemus prætereà, quod, cum salivatio excitatur ad sanandas magnas, antiquas, & profundas caries in maxillæ ossibus, non solum diutius durare imò, & iterari debet, sed etiam omninò necesse est curare simul locum affectum usque ad perfectam sanationem; hoc enim omisso, post sanatam generalem Luem Veneream, maneret adhuc Lues singularis in parte carie affecta, cum natura sola nequeat separare ab omni corpore ossis, magnas ejus portiones infectas quæ separari debent, nisi ars eam adjuvet: his autem in casibus oportet, juxta consilium Authoris, uti non solum medicamentis, sed etiam igne, & fetro ad cariem sanandum, non negligendo simul usum anti-venereorum, ne lues hæc singularis universalem iterum creet, sicque perpetuam in infinitum, ut ita dicam, exigat curationem.



DE L U E V E N E R E A .

L I B E R Q U A R T U S .

De Tabæ ex Venereo fermento producta .

Fermenti Venerei jam patefecimus essentiam, quam in fixatione liquorum volatiliū, resolubiliū, vè per viventia corpora sese moventium consistere probavimus. Quippe qui eorum fixationes aliàs volatiles ad ipsa accedentes cognoscunt, & ad eorum naturam vitali calori resistentem se convertunt, faciliè ejus quidditatem adipiscuntur. Docuimus præterea affectuum differentias, quibus hujusmodi fermentum inquinatorum corpora torquet, pendere ex ipsorum corporum partibus, in quas fermentum, istud diffunditur, & imprimitur: si in liquidis, versantibusque corporis humoribus fiat fermenti diffusio, prima produci- tur effectuum differentia; si verò solidis, spermaticis, mollibus imprimatur fermentum, secunda excitatur mor- borum differentia; tandem si solidis, duris, ossibus sci- licet, fiat fermenti adhæsiō, tertia enascitur læsionum differentia. Has differentias exactè tranavimus, signa, quibus ipsæ se pandunt, aperimus, prognoses, quibus earum eventus in bonum, sive in malum portenditur, adduximus, & in medicamenta, quibus efficacissimè curari possunt, tradidimus; verum quia Tabes Vene- rea omnibus his tribus notariis differentiis, quibus cor- pora à contagio Venereo lædi possunt, supervenire po- test, ne in ea curanda in dubio, perplexoque manea- tis iudicio, operæ pretium vos magnum esse facturos existimavimus, si Venereæ tabis singularem explicatio- nem in hujus tractatus complementum vobis suggerere- mus, unde sit

C A P U T I .

De Nominibus, quæ Synonyma cum Tabæ existimantur.

Scriptores rùm *Veteres*, rùm *Recentiores*, qui littera- rum eruditionem professi sunt, in nominum proprie- tatibus laborarunt, id quod per ea connotare vellent, sine ulla ambiguitate perciperetur; artium verò profiten- tium vulgus hujusmodi nominum eruditione jejunum fa- cilitè in confusionem omnia trahit, ea rebus tribuendo nomina, quæ nunquam talia meruere; hinc per abusum multa in medica facultate sunt in obscuro, perplexaque in rebus percipiendis tyronum ingenia fiunt, ut in hoc af- fectu, quem tabem connotate existimarunt, ac per mar- corem hecticam, marasum, trophiam, cachexiam, & phthisim designari solent; unde ab horum nomine unam- quamque rem eandem significari credatur, cum ita non sit apud eruditos; priusquam igitur rei interpretationem aggrediamur, operæ præstium erit dictorum nominum ge- nuinam significationem tradere.

Tabes vox est Latina, significans viventis corporis ex- tenuationem ex cura, vel animi mœtore procedentem, translata deinde quoque fuit ad ejus corporis affectiones, quæ in extremam exsiccationem illud adducunt, vel pau- latim corrumpunt.

Marcor etiam Latinum est nomen, idem fere signifi- cans, ac rabes; verum quodammodò generalius nomen est marcor, quam rabes, nam ea, quæ sine corruppen- te causa spontè in exsiccationem properant, ut extrema senectus, & vegetationis, ultima periodus, magis mar- corem pati dicimus, quam tabem, quæ tempestivam cor- ruptionem designat.

Tabi, & marcori *Marasmus* respondet, cujus tres spe- cies ab antiquis proponuntur.

Prima marasmi species est, cum alimentum ad corporis partes non accedit, & summa oritur macies, & hæc ma- rasmi species à Græcis *Atrophia* dicitur.

Secunda marasmi species, cum ob malam corporis ha- bitus dispositionem nutrimentum, quod ad illud fertur, corrumpitur, & hæc marasmi species ab ipsis Græcis *Cachexia* appellatur.

Tertia marasmi species est, cum ex putrido ulcere præ- *Musitani Opera* Tom. II.

cisè in partibus intra thoracem contentis contracto nutri- mento contaminatur, & non apponitur, & hanc maras- mi speciem *phthisim* dixerunt *Græci*.

Hæctica deinde Græca etiam vox est, & sonat habitua- lis, sive habitus corporis mala dispositio, quæ unicuique illius particulæ solidæ est uniformiter impressa, ita ut non sit particula ulla solida in corpore, quæ affectu cunctis aliis communi non laboret; hinc apud *Galenum* passim inve- nientis calorem hecticum, febrem hecticam, pulsum hecti- cum, & his similes loquendi modos, qui habituales to- tius corporis passionem designant.

Hinc sciendum est, quod hæctica dispositio præcedit in corporibus tabem, sive marcorem Latinorum, sive di- cas marasum Græcorum, & per consequens res illas marasmi species, atrophiam scilicet, cachexiam, & phthi- sim. Impossibile enim est, ut totum corpus marcescat, & contabescat, quin prius singulæ, & universæ ipsum corpus componentes particulæ malè afficiantur, & singu- læ universæque paulatim in marcorem abeant: unde est, quod periti *Medici* conatus exerceri non debet in inve- stigando, quid sit rabes, quid atrophia, quid cache- xia, quid denique phthisis, quæ habituales corporis dispositionem, veluti causam consequuntur: sed omnes ingenii vires intendere debet Medicus, ut quantum fie- ri possit, clarè, distincteque cognoscat primum illud, ex quo habitualis dispositio suum nata fuerit initium, unde sit

C A P U T II .

De Habituali viventium corporum Affectione in genere.

Consentiunt cum antiquis recentiores in eo, quod una natura vivens animal regit, conservat, & mo- ver diversa tamen illa nobis apparet ex functionum par- tium diversitate; oculus enim videt, non audit, auris au- dit, & non videt: verum ista functionum diversitas mini- mè quidem à diversis naturis intra animal larenibus pen- det, sed ab ipsa organorum diversitate; quippe oculus ab aure differt, auris à palato, & sic de aliis; at natura cum sit principium motus ejus, in quo inest, una semper est, & eadem, moruum verò, sive functionum, actionum- que diversitas pendet ab organo mobili, quod pro suæ tex- turæ, & compositionis proprietate movetur. Igitur cum una natura in singulis corporis particulis vigeat, sintque in ipso corpore aliqua membra, in quibus ob functionum mobilitatem, & præstantiam, ipsam naturam veluti præ- sidere cognoscamus, non erit à ratione alienum nobis suadere id, quod à magnis viris sancitum fuit. Naturam scilicet viventium influat, & insitam esse; influat quidem in principalibus membris, insitam verò in substantiis totius corporis particularum.

Nunc intelligere erit faciliè, naturam influentem, & na- turam insitam, si concipiamus in suo foco accensum, & multa corpora circa ipsum posita, quæ ab ipsius ignis præ- sentia sint excalescunt, in hoc enim exemplo ignis in suo foco influens dicitur, quippe qui in vicina corpora suum diffundit calorem, iis illum imprimit; calor verò calefa- ctorum corporum insitus dicitur, ex eo quia ab igne in suo foco existente fluit, ipsis corporibus participatur, subsistit- que per perseverantem præsentiam ipsiusmet ignis. Con- stat etiam ex eodem exemplo explantari, & minui calo- rem insitum in circumstantibus corporibus pro majori, & minori influi ignis robore, & vehementia: extinguere quo- que prorsus, si ignis omnino extinguatur.

Simili sanè modo natura viventium influa, & insita dici potest, influa enim est in illis membris, quorum fun- ctionibus reliquis corporis particulis aliquid præparatur, & subministratur. Insita deinde est in cunctis particulis, quæ aliunde vivendi actum mendicant, & ab alieno pen- det arbitrio.

Ex his cum clarum sit, quid intelligi venit pro natura influa; & insita; restat nunc videre, quænam corporis pars influxu naturæ privilegio gaudeat, & quænam insita fruatur.

Primò; ventriculus influam habet naturam: etenim quod à cibis separatur nutrimentum, à ventriculo in reliquum corporis diffunditur.

Secundò, eandem naturam continent intestina, tum pro munere, quod commune cum ventriculo habent, tum etiam ob excrementorum transmutationem ex superioribus intestinis ad inferiora.

Tertiò, eadem natura potitur lien ob ferositates, quas à ventriculo fugit, & in venas transmittit.

Quartò influens natura est in renibus, qui serum ab humano corpore fugunt, & in vesicam deponunt.

Quintò influa quoque existit in hepate, quod sanguinem colat; volatilem facit, & ad corpus vivificandum idoneum.

Sextò, influam naturam obtinent pulmones, quorum ope aer intra corpus recipitur ad diversos fines necessarius.

Septimò influam habet naturam cerebrum, cum sibi continua spinali medulla, ab his enim tum ros albis, spermaticisque partibus subministratur, tum voluntarius infunditur motus.

Præter notata membrana principalia, quæ influentem naturam continent, reliquæ omnes corporis particulae eandem naturam insitam habent, & ab illis supradictis influxum aliquem recipiunt necessarium, ut exempli gratia à ventriculo nutrimentum, à corde sanguinem, & calorem, à cerebro rorem, & cambium antiquorum.

Sunt ergo isti principaliores influxus tres, primus est nutrimenti quod à ventriculo, & intestinis toti corpori suppeditatur. Secundus est sanguinis, & caloris, qui in corde perficitur, & per univèrsum corpus distribuitur. Tertiùs tandem est roris, & cambii, quod in solidas totius corporis partes dispergitur à substantia medullari cerebri, & spinalis medullæ elaboratur.

Hæc doctrina naturæ influentis, & insitæ posita, posito quoque in ventriculo nutrimenti influxu, & in corde sanguinis & caloris, & tandem in cerebro roris, & cambii, ut affectionem habitualement intelligamus, prius nobis perpendendum est, quomodo se habeant isti influxus in homine sano, qui integræ valetudine gaudet, nam facile deinde erit cognoscere, quomodo iidem se habeant in malè affecto, & infirmo corporis habitu.

Ventriculo; corde, & cerebro in eorum naturali constitutione manentibus, necessariò univèrsi corporis habitus apparebit floridus, vegetus, & optimè nutritus, non ex alia causa; nisi ex ea, quod à ventriculo particulis illius nutrimentum perfectè elaboratum distribuitur, à corde optimus sanguis, & temperatus calor impertitur, & à substantiis medullaribus in solidas ipsius corporis particulas roridus liquor diffunditur.

Habemus optimum corporis habitum, quoties singulari, & univèrsæ corpus componentes particulae optimi sanguinem; & temperatum calorem à corde; & optimè paratum rorem à medullaribus substantiis. Ac cum sit extra omne dubium, eorundem membrorum esse functiones læsas, quorum sunt functiones sanæ: ergo si optimus; vel sanus corporis habitus à sanis functionibus ventriculi, cordis, & cerebri produciuntur; malus, & infirmus ejusdem corporis habitus à læsis, depravatisque eorundem membrorum functionibus produciuntur, quod accuratè fuit à Galeno animadversum lib. de Marcore sequentibus verbis: *Itaque perspicuum jam est, si marcor totius corporis affectibus sit, ipse nisi etiam animalis principio patiens fieri posse: imò verò fieri non potest, ut alius in toto animali affectus sit, aliud verò principium occupavit: ita sit, ut marcescentibus necesse sit cordis corpus exsiccari, quamobrem si omnes causas, a quibus exsiccari cor solet, invenerimus, etiam utrum, qui marcescunt omnes insanabiles, an cuncti quidam eorum possunt, intelligamus.*

Præsupponit ergo malus corporis habitus principalium membrorum læsionem vel omnium, vel quamplurimum, vel saltem eorum unius, sufficiens enim est unius principalis membri læsio, ut reliqua deinde lædantur: quippe principalia membra mutuo gaudent influxu, nec potest eorum unum malè se habere, quin reliqua, & ipsum univèrsum corpus malè se non habeat; interest ta-

men multum scire Medicum, quod membrum primò, & per se læsionem contraxit, quod deinde per consensum, & per influxum; sive per accidens; Id enim multum facit, tum ad prognosim, tum ad curationem supervenientis marasmi, ut suprà citato loco fortè innuit Galenus, remque clariùs explicat eodem libro cap. 7. in sequentibus verbis: *Totum autem febris voco etiam animal. partem quæ primò suis solidis partib. immodice calefacta sit; corrigatur primum calidiùs; quàm parsit affectum hecticam febrem affert: Deinde jecur non tamen per se, ut cor, sed quod illud in consensum secum trahit, enim verò ipse affectus cordis rationem causa obtinet; sed qui sunt corporum cordi vicinorum, tamen ventriculus, & post hunc quoque alia concalefacere cor possunt: quare si vicinitatem attendas, oportet pulmonem maximè omnium aliorum simul concalefacto corde febrem hecticam, & siccam importare, & quamarcor consequitur.*

Ut itaque ex allata doctrina Habitualis Affectionis essentiam intelligatis, & eam definiendo, memoriæ mandetis, dicimus, quod *malus corporis habitus, est dispositio singularum univèrsum corpus componentium particularum à naturali statu recedens, ob læsionem substantiæ alicujus membri principalis, quod ratione sui muneris aliquid cunctis ipsis totius corporis particulis distribuit.* Explanabimus nunc hujus definitionis partes, ut clariùs habitualis affectionis essentiam percipiat.

Diximus primò, quod sit dispositio singularum &c. ut sciatis non satis esse aliquam corporis partem, ut manum, pedem, hisque similem ob topicam aliquam affectionem contabescere ad constituendum affectum habitualement; nam particularis cujusdam membri corporis rabes, vel facilis curationis erit, vel vitæ extinctionem non affert, quod contra se habet in affectu habituali totius corporis.

Diximus à naturali statu recedens, ut intelligatis impossibile esse habitualement affectum produci, nisi dispositio singularum corporis particularum à naturali statu recedat; nam quousque natura insita membrorum malo influxui resistit, eousque bonus habitus perseverabit, ac tunc in malum declinare incipiet: cum insita partium natura pravo, maloque influxui succumbere inceperit.

Diximus ob læsionem substantiæ alicujus membri principalis, ut inde percipiat habitualement affectionem produci non posse, nisi principale aliquod membrum, non per accidens, sed essentialiter in propria substantia læsionem contraxerit; quippe si per accidens lædatur, ut in putridis evenit febribus, eousque malus habitus duraverit, quousque humor, sive materia febris putridæ sua præsentia, & motu turbatur, ac temperiem principalium membrorum non tenuerit, redeunte deinde pristina temperie ob coctionem materiæ ejusdem putridæ febris redibit, & simul bonus corporis habitus, ac quoties substantia membri principalis læditur, malus habitus talem læsionem consequitur, nunquam cessabit, nisi cum restitutione integra læsæ illius membri substantiæ, dummodò à morte non præveniatur infirmus.

Diximus tandem, quod ratione sui muneris aliquid cunctis &c. ut certi inde fiat læsionem substantiæ illius principalis membri habitualement affectum inducere, quod animal functionem exercet, ob quam aliquid cunctis totius corporis particulis præparatur, ut in bono habitu conservetur; etenim licet oculi sint viventis animalis principalissimæ partes, ut etiam sunt testes, quia tamen istæ partes functiones non exercent, quarum ope aliquid cunctis corporis particulis præparatur, si oculi extrahantur, si testes abjiciantur, vel quomodolibet istæ partes corrumpantur, non proinde habitualis affectio inducetur, quod non sic evenit, si hepar, lien, intestina, ventriculus, cor, pulmo, & cerebrum in eorum lædantur substantiis, vel à corporibus extrahantur: nam omnes corporis particulae, quæ ab his aliquid recipiunt, vel depravatè recipiunt, à naturali habitu recedere coguntur.

Est tamen hic advertendum, quod dari potest casus, ut illæ substantiæ, quæ à principalioribus membris cunctis corporis particulis præparantur, absque eò quod læsæ essentialiter sint, ipsorum membrorum principalium functiones à causa aliqua externa polluantur, deturpentur, contaminentur, reddanturque ad bonum habitum producendum ineptæ, ut in Lue Venerea infectis accidit, de quibus paulo insita, & in iis, qui ex vulnere, vel ulcè-

ulcere malè curato tabidi fiunt; parùm enim interest, ut id, quòd ad particulas corporis accedit, ab hac, vel illa causa deturpetur, cùm ad malum constituendum corporis habitum sufficiat, ut id quod accidit, deturpatum sit, unde pro rei complemento, adducta definitio possit in hanc formam redigi: *Affectus habitualis est dispositio singularum universum corpus componentium particularum à naturali statu recedens ob id, quod ad illas accidit sive ab externa in contaminatum, sive à læsa substantia principalis alicujus membri illud producentis pollutum.*

Tandem vos in admirationem adducere non debet, non febris hæctica, & caloris hæctici additionem in definitione habitualis affectionis præteruisse, cùm excommuni Medicorum sententia ad constituendam essentiam hæctica affectionis calor febrilis necessario requiratur; enim verò in Tractatu de Febris docebimus affectionem illam viventium corporum, quam febrem Medici appellant, in caloris excessu nullo modo consistere, sed in motus cordis depravatione, quam multoties exorbitans naturalis calor comitatur, multoties verò non: Hanc sanè doctrinam in habituali affectione nunc ulterius confirmamus, cùm sæpissimè experti simus tabescentia corpora, nullo penitus exorbitante calore exuri, vel exsiccati, imò tactus frigoris, vel potius teporis sensum replere, illorum verò marcidum habitum replere, illorum marcidum celeritati, frequentia, & inæqualitati pulsari conjunctum proximæ mortis dedisse argumentum: placuit ergò potius illa loquendi formula uti, scilicet dispositio à naturali statu recedens, nam sive habituali affectione conjunctus sit hæcticus calor, sive non, optimè per dispositionem à naturali statu recedentem intelligi utrumque potest, quod nobis suggerere non præterit *Galenus libro de Marcore*, ubi de Marasmo, ultima senectute, vel fame laborantibus superveniente, loquitur.

C A P U T III.

De habitualis Affectionis Differentiis.

QUANTUM nostro ingenio assequi potuimus præcedente capite, patefecimus habitualis Affectionis Essentiam, & quomodo primò in corporibus producat. Nunc, ut plenius rem quisque concipiat, differentias, & species habitualis affectionis, quæ paucae non sunt, docere aggredimur, cum earum propriis, & pathognomicis signis, quod multum intererit, tum ad prælagiendum habitualis affectionis finem, tum ad rectam ejus curationem instituendam. Placet ergo uti veteri illa, & generali *Græcorum* marasmi distinctione, quæ vult marasmm, vel atrophiam, vel cachexiam, vel phthisim dici debere secundum trium modorum diversitates, quibus produci solet, etenim licet alias species proponemus, adnotatas tamen tres differentias, veluti ad generaliores reduci ipsæ possunt: est quodammodo congrua habitualis affectionis in tres species secundum veteres *Græcos* distinctio; enim verò cùm vel ab eo, quod ad particulas corporis advenit jam contaminatum, vel ab eo, quod ab ipsis particulis malè affectis contaminatur, vel tandem ab eo, quod contaminatum advenit, & in ipsis ultrò corrumpitur affectionem habitualement produci necesse sit; primo modo atrophiam dici debere, secundo cachexiam, tertio phthisim congruenter existimatum fuit.

Producitur atrophia, vel cùm nullus assumitur cibus, vel cùm licet assumatur, nullam penitus in ventriculo patitur alterationem. Utroque modo singulæ corporis particulæ alimento prorsus destitutæ in atrophiam, & mortem properant. Hujusmodi atrophia remedium non admittunt, verum qui cibum non assumit, quia non vult, non quia non potest, si deinde voluerit, fame non peribit.

Secundo modo producitur atrophia, cùm læsa ventriculi, vel cordis substantia, adjacentiumque his visceribus principalium membrorum, liquores, qui ab ipsis generantur, & ad cunctas corporis particulas fluunt, ab ipsis non admittuntur, neque assimilantur ob pravam illam impressionem, quam à læsa viscerum substantia receperunt; tunc enim non solum inducitur habitualis affectio, ex eo quod particulæ nutrimento privantur, sed universum corpus celerrimè contabescit, ob recursum re-

Musiani Opera Tom. II.

pudicatorum liquorum versus naturales, spiritualesque partes, & hujusmodi atrophia aliquando curationem admittit, aliquando verò non, ut infra patebit; quæ verò atrophia originem ducit à contaminatis corporis liquoribus contagio externæ causæ, curationem, ut plurimum admittit, si prudens sit medicus, & remediis utatur opportunis.

Secunda marasmi species dicitur cachexia, produciturque cum conservantibus adhuc ventriculo, corde, adjacentibusque membris eorum temperiem, atque producentibus adhuc toti corpori liquores non prava; quia tamen natura insita singularum particularum à sana dispositione recessit, advenientes illos liquores non solum in earum habitu non apponit, sed eos corrumpit, universumque corporis habitum mucidum reddit ex languore, qui cachexia dicitur.

Recedit natura insita particularum totius corporis à sana dispositione, si humiditas vitalis non quidem advenit, sed substantia earum, quæ à medulla cerebri regitur, sanas proprietates amittit, quippe tunc functiones naturæ insitæ læduntur, & non solum id, quod particulis advenit, non assimilatur, sed etiam corrumpit, affectionemque habitualement cachexia producit.

Præsupponit cachexia substantiarum medullarium à naturali statu recedentem temperiem, unde evenit quod ros, & cambium, quibus fibræ spermaticæ solidæ sustentantur, non ut convenit, elaborantur, & cùm illo rore vita solidarum partium vivat: ergo secundum naturam se non habente singularum solidarum partium œconomia, dissolvitur, unde adveniens ad venas hepatis corruptas habitualis affectus, qui cachecticus dicitur, impossibilis ferè curationis est, ex eo quia non potest inveniri remedium, quod medullarem substantiam deperditæ temperiei restituat.

Fuere non pauci, qui differentiam inter atrophiam, & cachexiam in eo esse existimarunt; quod Atrophia constituitur à totali defectu illarum substantiarum, quas ad bonum producendum habitum particulæ corporis requirunt: Cachexia verò constituitur non quidem à defectu, sed ab accessu ipsarum substantiarum, quæ, quia contaminatæ sunt, ab ipsis particulis respuuntur, unde cachecticus evenit habitus.

Phthisis verò ferè semper cachexia succedit: fir enim cùm contaminati, vitiosique liquores à particulis solidis non admissi, in mesenterium, vel thoracem recurrunt, producuntque in visceribus naturalibus, vel spiritualibus apostemata, abscessus, inflammationes, erysipelata, similesque affectus, quos necessariò exulceratio sequitur, eoque secuta cachexia jam in phthisim degeneravit, quæ incurabilis ab omnibus existimatur, cùm in ipsa non solum requiratur medicamentum, quod à principali aliquo membro vitium contractum abstergat sed ei naturalem temperiem restituat, quod munus vix naturæ permittitur, & arti omnino negatur.

Assignatas marasmi species propria signa comitantur, quæ eas distinguunt.

Atrophia signa sunt pallor, macies, labiorum retractio, narium acuminatio, unguum excessus supra carnem, rugæ cutis, ipsius exsiccatio, sitis sine linguæ siccitate, alvi excretio, vigilia, pulsus frequens, & exilis, extremorum refrigeratio, respiratio anxiosa, & rara sine tussi; his apparentibus signis atrophia infirmum laborare indicabis, à totali ciborum defectu, vel à prorsus facultate ventriculi destituta dependente.

Verum cachexia infirmum laborare conjicies, si cutis universæ colorem non simpliciter pallidum, sed sordidum animadvertes, si in ea non simplicem siccitatem, sed squalem observabis, furfuribus, aliisque spurciis horridum, pediculorumque multitudinem, hujus unguis sunt aduncæ, ut etiam nares, os lividum ostender, & limosum, non multum siccum, cibum stomachatur, sæpè diarrhæa laborat, pulsus habet frequentes, inæquales, exiles cum acuto quodam sed pauculo calore, quo vis corporis motu, licet levi spiritus anxietatem patitur, tussicula cruciatur sicca. His apparentibus signis cachexia laborare infirmum tibi suaseris, à vitiosis humoribus enascente, sive à læsione principali alicujus membri, sive à causa extrema vitium contraxerit.

Notare hic convenit, quod cachexia, quæ neque ab externa causa, neque à læsione alicujus visceris, vel regionis naturalis, vel spiritualis originem ducit, necessariò à

substantia medullari cerebri vitiata movetur, cujus signa sunt: Aridus totius corporis habitus, præceps, & inexpectata macies, pulsus parum à naturali statu recedens, artuum contractio, & abbreviatio, aspectus mutatio; acutus calor, falsa fames, excrementorum copia, & huiusmodi cachexia facillimè in phthisim degenerat.

Phthisis signa sunt extrema macies, cutis squalor, calor acutus, & exurens, infirmo non sensibilis, pulsus frequens, & durus, spirandi difficultas, tussis profunda, purulentæ materiæ excreatio cruori commissa, vigilia, anxietas, ciborum desiderium, frequens diarrhœa, cui mors imminet.

Hoc est signum omnibus dictis tribus marasmi speciebus; malus habitus, qui in deteriorem semper abit; depravatio motuum pulsus absque sensibili accessione, vel declinatione; symptomatum exacerbatio post prandium, & cœnam.

Pathognomonicum, & proprium signum est marasmi à lue Venereæ fermento procedentis, symptomatum exacerbatio circa vespertas usque ad mediam noctem, ex proprietate ejusdem fermenti Venerei, quod in illis horis suos excitat furores.

Præterea, cum dictæ marasmi species, à læsione substantiæ cujuscumque principalis membri originem ducere possint, ut jam prædictum est, unumquodque ipsorum membrorum læsum propria, & pathognomonica signa in suo marasmo patefacit.

Unde primò à ventriculo producti marasmi signa sunt, durities, & tensio in situ orificii superioris ipsius ventriculi; tussis tenax cum excretionem tenacis pituitæ, per intervalla spirandi difficultas, pulsus frequens, & inæqualis; extremorum tactus tepidus, & ad frigiditatem potius inclinans.

Intestinorum marasmi signa sunt; durities circa mesenterium, assidua diarrhœa cum cruenta, & mucosa excretionem.

Lieni marasmi signa sunt, scorbuticæ affectiones, scilicet anhelitus fœtor marcidus cruor à gingivis effluens, excretio cruentæ materiæ, ipsius lienis durities, ulcera fœtida in cruribus, urina pauca, rubra, & quæ statim corrumpitur.

Marasmi hepatici signa erunt, fœdus color totius cutis, ejusdem hepatis tumor, & durities, mesenterii omnimoda exsiccatio; diarrhœa, cruenta, & continua sitis, calor acutus.

Renum marasmi signa sunt anhelitus nidorosus, corporis macies, urina purulenta, putrida, & pessimè olens, calor acutus, sitis, & à cibo febris incrementum.

Pulmonis marasmi signa sunt, tussis perennis, purulenta excretio, spirandi difficultas, vocis rãcedo, sanguinis arterialis excretio, genarum rubor, calor acutus, pulsus frequens, tenuis, & durus.

Cordis marasmi signa sunt calor exurens, pulsus frequentissimus, & parvus, laborum rubor, anxietas, & circa costas ejusdem cordis inæqualis pulsatio, quibus reliqua, quæ de pulmone diximus, succedunt, ac tandem mors.

Cerebri marasmi signa sunt, repentina totius corporis macies; cui nulla præcesserit tussis, nulla spirandi difficultas, nullus vehemens calor, & nulla pulsus depravatio; sed hæc omnia illam subsequuntur usque ad phthisim productionem, & hæc sunt signa marasmi comitantia, quæ certum præstant argumentum membri principalis læsi marasmi producentis primò; & per se; nam reliqua membra deinde per accidens concurrunt, unumquodque pro sui muneris functione per accidens læsa.

Marasmi verò, qui ab externa causa ducunt originem, uti sunt illi: qui ab ulcere malè, curato, & à lue Venereâ producuntur; præter communia specialia signa, & propria, non habent; nisi ulcera cachœtia; & fermenti Venerei indubitabilem diffusionem, adeò sunt in aperto; ut de his dubitari non possit, & ratio est, quia in marasmo tam ex ulcere, quàm ex Venereâ lue proveniente, membra principalia non per se, sed per accidens sunt læsa: nam liquores corporis à dictis causis externis contaminati, dum ad principalia membra accedunt; necessariò illa inficiunt; ac illorum unumquodque in sui muneris functione depravatur; hinc confusa oriuntur signa, & non minùs unius membri læsi; quàm aliorum præstant argumenta: fieri tamen potest, ut cum principalia membra roboris æqualitate non gaudeant; co-

rum imbecillimum faciliùs recipit vitiorum liquorum affluxum, & reliqua in illud jam debile factum se exonerant; quòd cum illi tolerabile non sit, ejus substantiæ læsionem faciliter contrahere potest, atque tunc licet vitium ab externa causa productum, efficacibus remediis curetur, marasmus tamen non cessat, nam à læsione substantiæ membra postea ab externa causa contaminata foveantur.

C A P U T IV.

De Indicatione curativa Tabis in genere.

Indicatio curativa tabescentium corporum nullo modo à malo habitu contracto desumenda est, ut verbi gratia à macie, ut pinguis habitus producatur, & à fœdo cutis colore, ut floridus fiat: ab exorbitante calore; ut ad temperiem reducatur, & à similibus, quo modo Medicorum vulgus hodiè tabidorum curationem aggreditur, nam prædicta sunt affectus, & symptomata potioris causæ, à qua pullulant; tanquam à radice. Ridiculus fanè est Medicus, qui tabescentem pinguem reddere conatur, nisi tabis causam prius evellat, imò tantum abest, ut cibus optimi, & plurimi nutrimenti in tabescentis corpore in bonum cedat, ut corruptioni, plusquàm alii obnoxius maximum afferat detrimentum. Erit ergò indicatio curativa omnium marasmodum, purificatio liquorum partes solida corporis irrorantium, cum correctione vitii eos contaminantis, siue illud in substantiis membrorum principalium sit impressum, siue à causa externa originem ducat; Verum enim verò cum liquores corporis purificationem admittere non possint, usque dum contaminans illos vitium subsistit, & contra correcto vitio, facile sit ipsi naturæ liquorum purificationem moliri, cardo curationis marasmodum omnium in correctione vitii in substantiis membrorum principalium contracti, vel ab externa causa exorti prorsus innititur: quippe vitio correcto, liquores etiam corriguntur, atque paulatim in bonum habitum corpus adducunt absque medicamento, vel cibi speciali exhibitione, sed communis, & ordinarii.

Est adeptorum Medicorum sententia dari non posse medicamentum, quod membra principalia essentialiter læsa ad pristinum restituere possit, nisi indolem habeat universalem, scilicet ut sit tantæ subtilitatis, perfectionis, & temperiei, ut ipsi naturæ ob symbolum conjungi possit, & membris reddere, quod illis deficit, vel auferre, quod illis præter naturam est additum; cumque ad tale medicamentum obtinendum summa industria, & artificium requiratur, specifica quædam trademus medicamenta, quæ instaurationem principalium viscerum summopere promovent, & marasmo ab ipsis provenienti succurrant.

Igitur si in tabidum incideris, qui signa tabis ventriculi supra notata præseferat, sitque auxilio capax, vomitu primò illum levabis hoc modo:

℞. Salis vitrioli ℥. ij. fiat pulvis: qui in conserva florum boraginis inclusi exhibeantur, & immediate post jusculi gallinæci ℥. iij. superbibendum præbe. Verum hoc emeticum non est tutum ob indolem suffocantem.

Si validæ constant infirmi vires:

℞. Merc. vitæ opt. præp. gr. iv. infundantur per noctem in vini græci ℥. ij. manè vinum separetur à pulveribus, & infirmo exhibeatur. Præstat tamen Hippocras Emeticum nostrum in Trutina descriptum.

Post vomitum vitrioli Martis usus per 40. dies prosequantur curationem, ejus dosis erit gr. vj. quæ augeatur paulatim usque ad gr. xv. manè jejuno stomacho. Verum vitrioli Martis usum repudiavimus in nostra Trutina, præstat tinctura Martis à nobis descripta in Martis julepo, vel idem julepus: & quolibet etiam die exhibe elixiris proprietatis ℥. ij. vel elixiris Helmontii stomachici tantundem; duabus horis ante prandium; totidemque antecedit in syr. de corticibus citri. Cibus sit paucus, facilis coctionis, & qui corrumpi non possit. Si opus fuerit vomitus repetatur, à solutivis abhorre.

Verum si signa tabis intestinorum tibi occurrant, à vomitivis, & solutivis abstepebis, curationemque institues cum sero lactis caprini:

℞. Serr

℞. *Seri lactis* ℥. ij. *syr. viol.* ℥. ij. *m.* & infirmo exhibe, quod si serum per alvum reddatur, per 20. dies ejus usum prosequere, nam curationem integram complebit; nisi serum per alvum reddatur, post secundam vicem ab eo abstinere, & per 40. dies sequentibus utere pilulis:

℞. *Myrrha opt.* ℥. j. *aloes* ℥. ij. *fiat pulvis utriusque*, & cum *cerebinthina Veneta* reduc in massam, pro quibus dosibus à ℥. ij. ad iij. quolibet manè.

Si tabes à liene, sive scorbuti signa se manifestaverint, deobstruentibus, & diureticis curatio tentanda est, purgato prius corpore, quam ita consequeris:

℞. *Seri lactis caprini* ℥. j. ℥. *ferveat in igne*, & dum fervere incipit, *injice sena orient.* ℥. ℥. *cinam. confusi* ℥. ij. *vas illicò cooperiatur*, & auferatur ab igne, frigesactum serum coletur, & infirmo exhibeatur per quatuor dies eadem dosi. Hoc levissimo purgante corpus à crassis humoribus liberetur, tunc

℞. *Vitrioli martis*, *salis absynthii*, *tartari vitriolati ana* ℥. j. *in pulverem redacta misceantur*, hujus mixtura. ℞. ℥. j. infirmo exhibe quolibet manè per 40. dies.

Si lien durus, & turgidus apparuerit, tribus continuis diebus illum sequenti cataplasmate dissolve:

℞. *Farina hordei* ℥. iv. *verbena confusa m.* iij. *misce cum albumine ovi*, & fiat cataplasma, quod turgido lienì imponatur, nam resudabit extra cutem cruenta lienis sanies. Verùm hoc cataplasma maximam continet imposturam. Corroborabis demum lienis substantiam hac inunctione

℞. *Olei laterini q. s.* cum quo quolibet manè per 30. dies lienis locum inunge, & hæc est omnium affectionum lienis efficacissima curatio, ita ut obstinatas, etiam vincat quartanas.

Scirrhum etiam hepar suam affert tabem cum propriis signis, ut suprà, quam diarrhæa cruenta semper comitatur, hanc tabem hepatis tutò curabis sero caprino absque ulla additione, nisi solius syrupi violarum.

℞. *Seri lactis* ℥. iij. *syr. viol.* ℥. ij. Exhibe per xv. dies quolibet mane, nec te exterreat cruentus fluxus à feri usu, fluxus causam quippe abstergit cum partium integra mundificatione. Post feri usum liquore absynthii per mensem hepatis substantiam roborabis, quem ita parabis:

℞. *Absynthii fol.* & *summitates quæ contundantur crasso modo*, *injiciantur in vas vitreum amplum absque ulla additione*, quod optimè obstruatur, ne exhalet, & bulliat in *M. B.* per 24. horas, refrigeretur tunc vas, & aperiatur, liquoremque pretiosum absynthii à foliis separatim remove leni foliorum expressione, & serva, cujus liquoris ℞. ℥. ij. & infirmo exhibe in vini albi generosi ℥. ij. per mensis spatium. Interea hepatis regionem unguento ex *santalibus* fovebis.

Corroboranda demum est hepatis substantia rhabarbari essentia, quam ita parabis:

℞. *Rhabarbari opt.* ℥. j. *fiat pulvis*, cui in vase vitreo affunde spiritus vini ardentis ℥. ℥. sine ut simul maneant per 12. dies, post quos spiritum vini intense coloratam à rhabarbaro separa per inclinationem. Spiritum hunc tinctum retorta vitrea inde, & lenissimo calore fac, ut vini spiritus pro tertia parte distilletur. Quod remanet in retorta, serva, est rhabarbari genuina tinctura, quæ balsamum est hepatis. Dosis ejus est unius scrupuli quolibet die per mensem.

At si marasium ex pulmone signa affirmaverint, & tussis assidua, & spirandi difficultas vigilem faciat, ægroto somnum pro quiete tussis cynoglossæ usu concilia.

℞. *Pilul. de cynogloss.* gr. xij. & infirmo exhibe post cœnam quarto quolibet die. Verum si ex sanguinis ejectione periculum immineat, sequenti utere arcano, quod nunquam te deferet in sanguinis ex pulmone dejectione:

℞. *Ranas palustres integras*, uti sunt, atque viventes in calidissimum furnum in vase positas immitte, ibique exsiccentur, usque dum in pulverem redigi possint, fiat earum pulvis, cujus infirmo exhibe ℥. j. in syr. de papavere: cessabit illicò sanguinis ejectio, indiciturque lacerato vasi cicatrix, ita ut nova laceratione opus sit ad novi sanguinis ejectionem; deinde elixire proprietatis roborata:

℞. *Elixiris proprietatis destil.* ℥. ℥. *syr. de papavere* ℥. j. ℥. m.

Musitani Opera Tom. II.

Hæc dosis per 24. horas ægro sufficiat per vices admodum lambitivi.

Petrus Poterius lib. 2. Pharmacop. cap. 9. Anti-hecticum mirabile describit ex alumine, quod nos multoties proficuum experti sumus, & multos ægrotos ex faucibus orci eripuimus; præstat igitur in proximi utilitatem, & tyronum gratiam illud scribere, ut:

℞. *Aluminis rupei q. v.* solve in aqua pluviali, coque in alembico, donec spumam exhibeat, spuma cum cochleariligneo separanda, rursus coque, & inter coctionem adde aceti destillati, tunc alumen deponit vitriolum suum in superficie instar spumæ ceruleæ, quæ rejicienda, filtra solutum, & desquamatum alumen infunde in vas ligneum, ut crystallizetur. ℞. purificati hujus aluminis ℥. j. ℥. destilla in alembico phlegma leni igne ad siccitatem, cavendo, ne spiritus ascendant, sed ut alumen saltem terra alba fiat, quam impregna proprio phlegmate, & cohoba. Inde sumatur caput mortuum tartari, ex quo omne sal. com. tartari fuit extractum, hoc in crucibulo reverbera aperto igne per mediam horam, ut fiat porosa absque omni salino sapore. Hanc terram tartaream philosophicam inde filtro chartaceo, rursus supra terram aliam pone chartam bibulam, in quam aluminosam terram proprio phlegmate solutam filtra, sic acida terra aluminis attrahitur ab ignea terra filtra, & saltem dulcis terra transiit filtrum cum proprio phlegmate, quam rursus coagula per distillationem abstrahendo phlegma, repete solutionem hujus cum proprio phlegmate, & filtrationem per terram tartari rursus elotam, & tertiam filtrationem per tartari rursus elotam, & tertia vice reverberatam. Sic alumen deponit per precipitationem à phlegmate omnem terram adstringentem; & crystallizatur primum ens aluminis in frigore instar sacchari.

Aliud *Anti-hecticum* magnarum virium, & multis aliis morbis proficuum describit *Poterius*, quod nihil aliud est, quam *regulus antimonii*, & *Jovis compositus*, cum triplonitri perfecte fixatus.

Porro si tabes ex corde tibi signa apparuerint, potius mortis prædictionem, quam salutem ex medicamentis proponere poteris, incipienti tibi ex corde lac perlarum mederi tantum poterit, quod absque industria, & artificio haberi non potest, aliquod tamen perlæ promittunt, si aceto stillatio solvantur, oleo tartari præcipitentur, à sale abluantur, & residuus earum pulvis per 60. dies infirmo exhibeatur quolibet mane pondere unius scrupuli. Multum enim præstat tabidi ex corde cinis cancerorum fluviatilium loco, & tempore haustus pondere ℥. ℥. Demum liquore ex cornu cervino tanquam magno remedio in tabe ex corde utere, quem ita parabis:

℞. *limatura corn. cervi.* ℥. j. bull. in aqua com. ℥. j. ℥. ad duarum partium aquæ consumptionem, quod remanet aqua à limatura separa, & serva, cujus aqua ℞. ℥. j. magist. perlarum supra descripti ℥. j. ægro propina per 40. dies.

Hanc etiam curationem adhibere poteris tibi ex cerebro, quæ unquam fieri invenitur auxiliis capax: & hæc de curatione marasmodum, qui ex læsione substantiæ principalium membrorum ducunt originem.

Verum si ab externa causa corporis liquores contagium susceperint, ac propterea tabidum produxerit habitum, prudenti Medico ut plurimum salutis spem relinquunt; ac primò si ex ulcere ab externa causa pro ducto tabes aliquem invasit, hoc modo illum curabis.

Solutiva sunt fugienda, ut etiam vomitum cientia, corpus si opus fuerit aloë, vel rhabarbaro tantum leniendum, deinde tota spes in vulnerariis reponenda, inter quæ hoc, quod tradimus, efficacissimum experti sumus.

℞. *Limatura eboris*, cornu cervi, ligni guajaci ana ℥. ij. ponantur in pipatella, deinde recipe betonica, sampuci, santal. rubr. rosar. incomplet. ana ℥. j. ℥. aqua fontis ℥. j. ℥. Ponantur hæc omnia simul cum pipatella in vas vitreum altum, quod optimè obstrue, ne exhalet, & bulliat in *M. B.* per quatuor horas, sine deinde ut omnia frigida fiant, ac à pipatella decoctum exprime cujus ℞. ℥. v. infirmo exhibe mane, & vesperi duabus horis ante cibum, quo vulnerario utere per 40. dies; nam paulatim æger bonum habitum adipiscetur cum ulceris curatione.

Subdemus hic jura consumpta ex viperis, quæ tabidos ex quavis causa summopere instaurant, ac præcipue

ex causa externa, vires enim ita subleventur; in infirmo difficile non sit medicamentis validioribus uti; quæ alioquin tolerare non posset.

℞. Viperas ij. à senectâ denudatas; abscissis capitibus; & caudis; minutissime conterere, ac in vitrum amplum injicere; quibus addere vini generosi ℥. j. aquæ card. bened. ℔. ℥. santal. rubr. cinnam. contus. ana ℥. j. Vas optime claudere, & bulliat in MB. trium horarum spatio: Post refrigerationem vasis fiat juris expressio, quod propinetur infirmo bis in die per 40. dies; nam magni hujus remedii effectus admiramini:

Nunc pro hujus Tractatus complementò curationem marasmià contagio luis Venereæ exorti quam proposuimus; instituemus; ac promittimus sequentium remedium recta administratione semper Tabis ex lue Venerea curationem assequi posse; dummodò ab ipsius luis virulentia substantia alicujus membri principalis non sit læsa; vel vas aliquod conspicuum sanguinem continens corrosum; adaperitumve sit: his enim impressionibus à Lue Venerea factis; certa promitti non potest marasmi curatio, cum licet contagium Venereum ex integro eradicate valeamus; vasorum corrosionem; & substantiarum læsionem restituere promittere non licet.

Tabem ex Venereo fermento productam vulgares tentare curant juribus consumptis; quæ Ludovicus Septalius animadvers. lib. 7. num. 214. proponit, ut

℞. Sals. parill. minutim incis. ℥. vj. infundantur horis 24. in aqua calida ℔. xv. in loco calido, vase clauso. Deinde bull. lento igne ad consumptionem tertiae partis: Hinc cochleari perforato extrahatur salsa parilla; & contundatur in mortario: Contusa eidem aqua injiciatur addendo carnis vitulinae macra ℔. ij. sem. coriand. præp. ℥. j. & vase aperto iterum lento igne bulliant, donec remaneant lig. ℔. v. & in fine aromatizentur; cinnam. elect. ℥. iij.

Hinc fiat colatura cum forti expressione, quæ usui servetur in vase vitreo, vel vitreato. De qua æger mane horis quatuor ante cibum capiat ℥. vj. vesperi autem horis tribus ante cœnam ℥. iv. vel v. Quod si æstas sit, aut si conjuncta febris hectica; addit hordei excorticati ℥. iv. atque in usu medicamenti plurimis diebus perseverat; quandoque etiam ad centesimum usque diem.

Si tabes his juribus non cesserit, tanquam ad sacram anchoram recursum habent ad lactis asinini exhibitionem, inito tamen prius consilio: Asina debet esse nigra, & omni mane pexa; eam in orio degerere sinunt; nutriuntque herbis refrigerantibus admista ligni guajaci scobe, & salsa parilla minutim incisa. Verum hæc vulgarium præsidia pro tollenda tabe Venerea insufficientia sunt experta; nec ipsam tollere sunt idonea.

Itaque tabis Venereæ curationem ita instituimus: Corpus leniter purgandum hoc modo:

℞. Pilul. de tribus ℥. j. merc. dulc. gr. x. m.

Exhibe ante cœnam. Deinde decoctum vulnerarium paulò supra descriptum bis in die infirmo propina, cui adde elixiris proprietatis destillat. ℥. ij. optimumque erit, si simul cum pulveribus vulnerariis carnem duarum viperarum commisceatis; nam vis vulneraria additione viperarum summopere augetur. Hoc vulnerarium cum viperis per decem dies ægroto exhibe absque ullo alio medicamento, ut vires restaurentur; & natura sublevetur. Vel si tabidi vires fuerint fractæ; sequentibus juribus consumptis reparentur:

℞. Salsa parilla minutim incisa ℥. ij. ℔. rasura eboris, limatura corn. cervi, santal. rubr. ana ℥. j.

Infundantur per 12. horas in loco calido in aqua communis ℥. ix. Deinde injiciatur pullus deplumatus, exenteratus; & in frustra dissectus; cinnamomi acuti ℥. j. salis communis ad gratum saporem q. s. Operi vas, ne quid exhalet; & bulliat leniter per horas postmodum refrigerato vase, fiat lenis expressio, & pro Cœna plures dies ægro propina. Restauratis viribus; infirmum ad cinnabaris suffumigia disponetis eo modo; quo supra tradidimus; adhibitis omnibus circumstantiis; quas ibidem adnotavimus. Dosis cinnabaris ℥. j. pondus non excedat; & non quolibet die; sed alternis diebus suffumigationem adhibere ac pro ægti viribus. Si in remedii cursu diarrhœa cruenta; vel grumefactum sanguinem per os infirmus ejiciat sine vomitu; & tussi; non solum aliquid mali timere non debetis, sed proximam curationem expectare; si æger præscriptam ser-

yabit regulam, infra duorum mensium spatium non solum bonum acquireret habitum; sed præter modum pinguescet:

Verum nec medicamentum secundum; aut quicquam simile viget aquæ nostræ Anti-Venereæ; nec ipse Mercurius sive in suffumigiorum, sive inunctionis forma, tam exaltatus, quam præcipitatus in tabida Venere per sananda est comparandus; hæc enim tam mitis, ruita & jucunda est, ut nunquam aliquem læserit; omnesque sanarit, & id nos jurejurando affirmare possumus:

Denique Arcanum Metallicum patefaciemus, quod omnes luis Venereæ species curat, ac præcipue tamen restitutione læsionis substantiæ membrorum principalium, hoc tantum remedio obtinere poteris, si illa sit remedii capax: fixum est hoc remedium, ac cum cibo assumitur, nullam causat sensibilem evacuationem, & indolem habet universalem, ejus præparatio exercitatum requirit spagyricum, & talis est:

℞. Merc. ter aqua forti semper recenti, & qualibet vice ad rubedinem præcipitati ℥. j. ℔. butyri antimonii ℥. j.

Ea simul in urinali vitreo conjunge, & adde aquæ regię ℥. iv. urinali supponatur cooperculum cum suorumstro, aquam regiam lento igne à mercuriis destilla, quam iterum deinde super ipsos mercurios repetere quinque, in fine destillationis augendo parum ignis gradum, post quintam aquæ regię cohabitationem remanebunt in fundo urinalis ambo mercurii fixi, qui fusionis ignem sustinebunt, reduc materiam in pulverem, ac retortæ vitreæ injice addendo Spiritus vini ardentis ℥. iv. quem lento igne à pulvere destillabis, deinde eandem quantitatem recentis spiritus vini injice, & eodem modo destillabis, & hoc duodecies repetes; nam pulvis remanebit dulcis, ut mel, nullam acredinem præferens, estque mercurius diaphoreticus vi sulphuris antimonialis ad summam perfectionem evehctus. Dosis est granorum iij. usque ad vj. cum cibo prandii, vel cœnæ, nullam promovet sensibilem evacuationem, ac triginta dierum usa omnem curabilem tabem radicitus curat absque metu recidivæ. Si hoc arcanum aliis applicaveris morbis, usus te plura docebit.

N O T Æ.

In hæc Verba. *Verum nec ---* Desiderium tuendi famam & laudes datas in Cap. XIX. hujus tractatus aquæ suæ anti-venereæ, eamque semper laudandi, ut efficacissimum adversus Luem Veneream remedium, facit ut hic sibi contradicat modo omnino contrario illi, quem observavimus in notis in Caput XIX. in quo, postquam nimium laudaverat aquam suam adeo miram, & capacem sanandi omnes Morbos Venereos gravissimos, nullo excepto, cito post addit, ad suffumigia, & inunctiones tanquam ad remedia efficacissima confugiendum esse, si hæc aqua non succedat in curandis quibusdam doloribus Venereis omnino pertinacibus; hic verò omnino contrarium dicit: Juxta eundem Authorem aqua anti-venerea infinite superat Mercurium quavis forma exhibitum in sananda phthisi Venereæ; cum semper sanaverit ægros, quibus exhibita fuit; quod, ait, jejurando affirmare potest. Num mereatur fidem jusjurandum Authoris sibi adeo evidenter contradicentis nuncque præponentis Aquam Mercurio, mox Mercurium aquæ, eodemque ore nunc laudantis mox vituperantis, videant alii.

Verum vitium laudandi nimium remedia animum semel occupantia; nimis generale est, ut vitio vertatur Authori, in illud, ut alii, incidisse: cum præcipue sit ex gente nimia in laudibus, & vituperio; Qui etiam nunc de Medicina scribunt nec veriores nec moderatiores antecessoribus sunt; testis ille est, qui postquam nœnias attentione indignas in tractatu de Praxi Medica in lucem ediderit, invitat curiosos, ut videant ejus præparationem auri potabilis, quæ est juxta eum minima operatio earum, quas peragere novit; licet eum in Chymia Tyronem esse omnes optime norint, & major ejus scientia in his duobus sita sit. 1. in carissimo pretio emendis arcana quædam, quorum se inventorem prædicat; certus ea adhuc melius vendere iis quorum credulitate jam dudum abutitur. 2. in fucandis simplicibus vulgaribus ea ornando quoad gustum, & visum; iisque imponendo magna nomi-

nomine quorum ope ferè quoquò velit , ducit Nobiliores , innumerofque adultores illum obfidentes .

Hæc fufficiunt , ut certo fcientii , qui Medicorum fcripta legunt nullum adhuc in Medicina remedium efficaciffimum inventum fuffe , licet multa in libris hoc titulo infigniantur . Nimirum enim in his differunt promiffa , & effectus .

In hæc Verba . Denique ---- Hic omnem in gratiam Lectorum patefacit charitatem Author , eos docendo in fine fui Tractatus præparationem *Mercurii diaphoretici* cujus vites multum adhuc fuperant eas aquæ anti-venereæ , quæ tamen nunquam in Medicina juxta eum , habuit parem . Fateri revera debemus hanc præparationem *Mercurii* fore remedium nulli fecundum , fi certo fanaret non folum Luem Veneream omnis generis , fed etiam Phthifum Veneream in iis , qui ex eo tria fumerent grana per triginta dies cum cibo prandii , & cœnæ . Verum experimenta de eo facta non respondent promiffis Authoris , licet accuratiffime præparatum fuerit , & ab exercitato , ut vult , Spagyrico . Itaque dici poteft , quod , licet hæc *Mercurii* præparatio optimum fit præfidium pro fananda recenti Lue Venerea , non eft tamen infallibile , ut vult Author , pro ea in omni gradu faltem in Gallia fananda : fieri enim poteft in Italia ubi cœlum calidius eft , remedium illud melius effe fudoriferum , excitando fudores copiofiores , & efficaciores ad fanandam inveteratam Luem Veneream ; Uno verbo dici poteft , nullos bonos effectus vifos fuffe , ex ufu à variis ægris facto hujus *Mercurii diaphoretici* , præter eos quos vulgo facit Panacæa *Mercurialis* .

C A P U T V.

De Præfervatione à Lue Venerea .

Effet hic pro coronide de Luis Venereæ præfervatione agendum , quia multum gloriofius effe hanc lucem præcavere , quam eandem curare ; liquidem poftquam homo hac fuerit confpurcatus , non nifi poft multum tempus , improbo cum labore , & graviffimis incommodis ab hac dira eripitur lue , omni proinde nixu movendus effe hic lapis ponderofiffimus : Verum enim verò tuta confcientia ifta antidota doceri non poffe credimus , quæ tot homines ad libidinem liberius accenderent , quos ab ea forfan morbi metus avertere poterat . Eapropter multi monent authores (& revera eft efficaciffimum præfidium) ut Veneris palæfta omnino vitetur , quia fic evitantur pericula : fanum fanè confilium , quod nemo , vel faltem unus obfervabit , cum caro fragilis , & infirma ad carnem femper anhelet , quò circa effe tollere , non folvere , quod quæritur , ac proinde non defuere fcelefti authores , qui hæc defcripferunt antidota ; quibus tanquam clypeo muniti ganeones confidunt fe poffe meretrices maximè infectas penetrare , omnesque ganeas libere peragrate . Hujus farinæ authores fuere *Hercules Saxonia* , *Aurelius* , *Minadous* , *Eufthachius Rudius* , *Julius Palmarius* , & præ cæteris *Gabriel Fallopius* , qui de Luis Venereæ præfervatione cap. 89. tractat fcribitque *Ego nihil feciffe videor , nifi doceam vos , quomodo quis videns pulchram Sirenem , & coiens cum ea etiam infecta , à carie , & lue Gallica præfervetur .* Paulò infra proponens antidotum inquit : *Ego feci experimentum in centum , & mille hominibus , Deum teftor immortalem nullum eorum infectum fuffe .*

Pro Luis præfervatione his utuntur medicamentis authores , imprimis mulier , cum qua Venus exercenda fit , num infecta , inveftigandum , quod cognofcitur ex fuperius propofitis fignis , quæ cum dubia ut plurimum fint , & cocuntes non funt femper Medici , ideo ad alia confugiendum magis veridica , vel aliorum feftanda fententia ; nam videndum , an madida , & humecta fint , vel tumida muliebria , an aliqua fordities in eadem parte refideat , an dolor , & ardor in , & poft coitum , vel lancinatio intra urethram perfentiat , tunc enim clara funt Luis veftigia , ac proinde pluries fortiter emungendus eft priapus , ut feminis reliquiæ propellantur , & abftergendus erit fubucula , mox , emittenda eft urina , qua pluries abluendus , vel vini efficacior erit ablutio , præcipue fi in eo fuerint *incollamyrtili folia* , *rofe rubra* , *alumen* , *abfynthium* , *ariftolochia* , *limatura guajaci ad ana* .

Muficani Opera Tom. II.

Fallopius tanquam præfentaneum fuum extollit Antidotum , quod ita paratur :

℞. Radices gentiane , ariftolochie longæ , rotundæ , diſtamni albi ana ℥. ij. pulverum ſantali albi , rubri , ligni aloes ana ℥. ij. pulv. corall. rubr. ſpodii ex e bore , corn. cervi uſt. ana ℥. ℞. fol. ſcordii , ſonchi , betonica , ſcabioſæ , tormentillæ ana m. j. roſarum m. j. ℞. ſcobis guajaci ℥. ij. ſquame æris ℥. ij. ℞. præcipitati præp. ℥. j. ℞. vini malvatici opt. potentis ℔. ij. aquæ ſonchi , ſcabioſæ , ℔. ij.

Aſſumitur vinum , & aqua , & in his infunditur ſcobs guajaci per 24. horas , deinde adduntur reliqua omnia , & bulliunt ſimul ad conſumptionem mediæ tatis , deinde colatur decoctum , & exprimuntur medicamenta iſta diligentiffimè , in hoc decocto perturbato maceratur per noctem pannus lineus puriffimus , deinde ſiccatur in umbra , & hoc fit tribus vicibus , ter enim maceramus , ter etiam ſiccamus . Poſtea paramus fruftra ad proportionem glandis , & ſemper habeantur in maſcupiolo . Quoties ergò quis coiverit , abluat pudendum , vel panno detergat , poſtea habeat linteolum ad meſuram propriæ glandis paratum , quo poſt coitum obvolvatur glans , & præputium recurrat , hora tranſacta , nova linteoli portione obvolvatur , prima rejecta , & ſic repetatur quater , vel quinquies .

Si timeris , ne caries oriatur in medio canali , habeatis ejuſdem linteoli portionem in modum turundæ , ſive pennisilli , & in glandis foramen injicite , eodem modo repetendo ; ejus namque beneficio , ſi contracta fuerit virulenta materia , facilè extrahitur .

Verum ſi pruritus in pudendo ſentiat , expertum medicamen eſt illud ſuffumigare ſuffitu ex cinnabari , & thure ana .

Opportunum quoque nonnulli cenſent glandem foveæ ſpongia madefacta in guajaci decoctione in æqualibus partibus vini , & aceti facta . Valere quoque credunt hanc decoctionem , ut

℞. Ligni guajaci limati ℥. v. infundantur in aquæ font. ℔. ix. per 24. horas , deinde bulliant lento igne ad conſumptionem tertiæ partis addendo radic. cucumeris agreſtis , malvarum , althææ ana ℥. j. radices contundantur , & fiat ebullitio ad mediæ tatem , qua colatura abluantur pudenda , & foveantur linteis in eadem madefactis .

Quò facto , ſi adhuc dubitet ſcottator de aliquo contagio , jubent aſſumendos ſyrupos ligni guajaci , pro quo :

℞. Lign. ſant. limat. ℥. x. infundantur in aquæ font. ℔. xii. per 24. horas in vaſe benè claſſo ſuper calidos cineres , deinde bulliant in Balneo vaporoso ad mediæ tatis conſumptionem , ex qua colatura cum ſacch. f. ſyr. Doſis ℥. j. vel j. ℞. manè ſub aurora ad plures dies .

Ad majorem præcautionem ulterius laudant , ut ante coitum abluantur genitalia roborante & adſtringenti aliqua decoctione , cujus vis reſiſtat Lui , ſiqua timeatur , ut

℞. Cortic. myrobolan. ℥. j. nucum cupreſſ. num. xv. roſ. rubr. p. ij. abſynth. pontici m. ij. gallar. granat. myrtill. & ſemin. ſumach. ana ℥. j. contundantur , & macerentur omnia in vino rubro aſtero , deinde deſtillantur per alembicum , de quo liquore fiat ablutio antè coitum .

Iſdem præſidiis utuntur mulieres , quas in marium gratiam tantum præſervari convenit , nam ex alio capite nulla eſſent pietate dignæ , cum ab iſſis omne malum originem ducat ; ſollicitæ idcirco multum eſſe debent , ut à coitu muliebria emundent , & receptum ſemen infectionis ſuſpectum illico expurgent lotionibus , & artificis propoſitis , poſtmodum panno lineo frequenter exſiccando . Verum ante coitum mulieres non ſtatim ſe comprimere faciant , ſcottatoribus inter oſcula , & tactus blandiantur , & inter blanditias , arripiant penem , illumque emungant pluries propter gonorrhœæ metum (ſolent gonorrhœa laborantes ante coitum prius mingere , ne ſanioſus conſpiciatur fluxus) recurrat præputium , ut glans cum corona obſervetur , inſpiciant interim inguina , ut cum ſecuritate futiri poſſint , cæterum quia caſtæ penelopes , hanc diligentiam adhibere non poſſunt , ne æſtimationi ſibi detrahant , nec ſcottatores ob hanc æſtimationem eorum pudenda obſervare audent , unde ſtatim decumbunt , & palam ad genua uſque ſublevant , ideoque facilè inficiunt , & inficiuntur . Mulieres verò meritorie , quia

his observationibus incumbunt, raro hac dira corripuntur Lue.

Verum decipiuntur, & decipiunt vulgares, credentes hanc Luem in occulta qualitate consistere, & in hepate sibi præfigere thronum, post modumque in externis partibus linteolis, suffitu; lotionibusque illam præcavere. Sunt hæc medicamenta vanida, valida lenocinia, ac irritamenta malorum, licet hæc Lues per minima corpuscula saniosa communicetur, quæ si abstergantur, extrahantur; dissipentur, hanc avertere possunt; tamen nec fomitem in externis pudendorum partibus abstergere queunt, quia nullam vim Anti-Veneream habent, nec internas à concepta Lue eripiunt partes, cum contagium corpus per porositates permeet. Eapropter ablutiones, quæ solum externas attingunt partes, & alia medicamenta extraposa certam præcautionem, & incolumitatem minimè polliceri possunt; ac proinde his non valde fidendum. Præterea non solum per pudenda in coitu, verum per os, papillas, podicem, omnesque partes perfecta cure carentes hæc dira Lues cum contrahi possit, arduum nimis erit illam præcavere, cum non omnibus occurrere possimus partibus, & ignoremus, quænam primò illam contraxerint.

Habemus nos nobile, & expertum antidotum ad Luis Venereæ præcautionem, quo si quis, postquam cum infecta coierit, utatur, facile à pustulis, cariebus, ulceribus, gonorrhœa, & bubone præcavetur, illudque spatium communicavimus; nolumus tamen locum, ubi extet, cuique digito demonstrare, sed emunctioribus seligendum relinquimus, ne hujusmodi remedium tantummodò in abusum trahatur, & citò scortationem repetant, ac nos libidinum fautores videamur. Unum tantummodò hic turissimum, & infallibile docebimus antidotum, quo, qui usi sunt, nunquam hac correpti fuere Lue, quod est à scortis abstinere, & perpetuò præ oculis habere, quòd justus Deus scortatores castigabit, qui etiam in hac vita isto fœdissimo morbo eos afficere solet.

Sed jam ad calcem pervenimus eorum, quæ nobis hoc præsentī Tomo scribere, atque posteritati tradere instituimus; Itaque manum de tabula moveamus, ipsa monet res. Certè scripsimus hæc non inviti, qualiacumque essent, namque cum ferè omnes bras pererraverit dira Lues, misereque hominum genus afflicta verit, haud fuit difficile ad hæc edenda animum inducere, firmiterque nobis videri omnibus accepta fore, quæ aliorum commodo insudavimus, atque votis expetere, & undeque conquirere ea, undè aliqua salus speretur; Itaque

præter expectationem non erunt, quæ nobis ab initio hujus operis fuere proposita.

N O T Æ.

In hæc Verba. *Sunt hæc* - - - Seponendo rationes morales, quibus meritò insistit Author, respectu antidotorum ad Luis Venereæ præcautionem, quicquid his concedi potest est paululum remittere labem virus minus actuosum in superficie pudendorum utriusque sexus; in præputio verbi gratia, & glande virili, & in superficie vulvæ in mulieribus; sed cum virus magis actuosum, & animatum fertur statim in fundum vaginæ in mulieribus; & usque infundum urethræ in viris; & in utrisque, nulla in superficiem cutis labe impressa, subit statim vasa sanguinea, vel fibras nervosas, ut totum inficiat habitum, hæc omnia dicta antidota ab Authoribus, vel parum intelligentibus, vel nimium credulis, vel malevolis proposita, omnino inutilia sunt, ut hic prudentissime observat Author; & Medici, qui eas bona fide proponunt, se ipsos decipiunt, ut & eos, qui illis credentes iis utuntur. Sed cum insensus Medicorum animus sæpe sit potius causa, cur has proponant formulas, quam verum desiderium præservandi à Lue Venerea eos, qui eas anxie quærunt, spectanda sunt hæc dicta antidota, quæ in libris leguntur tantum, ut laquei quos Medici, & Chirurgi lucripetæ tenderunt credulis impudicis, ut eos inducant ad contrahendos morbos, ex quibus lucrum facerent; imputando postea infelicem dictorum antidotorum successum, ommissis quibusdam in usu eorum circumstantiis, multisque aliis incommodis, quæ animus fallax, & avarus semper suggerit Ministris Medicinæ, qui honori, & probitati renuntiarunt.

In hæc Verba. *Habemus nos* - - - Hoc remedium ad Luis Venereæ præcautionem antidotum adedò nobile, & expertum ut Author religionis causa illud cuique digito demonstrare nolit, licet illud spatium communicaverit, est ejus aqua Anti-venerea, quæ, cum sit juxta eum optimum remedium huc usque inventum pro curatione Luis Venereæ, non solum ideo præservare debet eos, qui ea uterentur subitò post congressum dubium, sed etiam eos sanare, si Luem contraxerint; & ut paucis absolvam, si Author nolisset suum dissimulare remedium, sic de eo dicere debuisset; Quotquot adestis, qui timeris, ne in lupanaribus cocundo morbos contrahatis, statim bibite aquam nostram Anti-veneream, quasi Lue Venerea infecti essetis, nec unquam ullum morbi Venerei symptoma habebitis.



PRÆFATIO

A D. HERMANNO BOERHAAVE

APHRODICIACIS PRÆMISSA

Medicina Cultoribus.

Postquam artem incepti exercere medicam, fecit quotidiana rerum tractandarum varietas, ut sæpius optarem illos tandem auctores nosse, qui fida morbis ex amussim descriptis remedia exhiberent. Quum enim quamplurima quotidie nova medicinam facientibus occurrant in uno tamen eodemque morbo; quin, & consueta quoque morborum effecta sæpenumero mirifice aliena à se ipsis appareant; fieri haud potest, quin Medicus cui sanare commissum sibi ægrum cura est, anceps crebro hæreat, & anxius. Maxime vero, si neglecta patum tempestive sanandi occasio irreparabile damnum adfert, vel quoties tractata male ægritudo, ægro pessima & obscæna, monumenta relinquit, ipsi Medico turpia opprobria & ignominiosa. Quæquidem omnia in nullo morbo crebrius occurrere, quam in eo, quem Gallicum vulgo vocant, periti omnes Medici uno ore asserent. Enimverò in tractando hoc malorum sædissimo talia quandoque accidere notantur, qualia annosa pridem observatio alias non viderat; prorsus ut vel exercitissimus quisque veteranus artifex novitius quandoque in hac disciplina tiro evadat, faterique cogatur invitatus, ignorari sibi modum morbi, nesciri bona ad hunc præsidia. Neque minus frequens est hac in ægritudine cernere leve quoddam, atque animadversione fere vix dignum habitum, incidens, ex quo tamen brevi postea horrendum, late serpendo, monstrum nascitur, & indomitum. Vah quoties in faucium, linguæ, palati, narium, ulcusculis vilissimis, vel prudentissimi cæterum Medici errores suos doluere! fateor, ultra triginta jam, & sex annos versor in hoc morbo curando, neque toto hoc tempore mihi defuit occasio, neque sane omisi ea oblata sedulo uti, ut discerem penitus indolem heteroclitici hujus mali. Vidi tamen ultimis hisce annis quædam prius haud conspecta mihi. Quare etiam solitus fui semper, urgente necessitate, recurrere ad Auctores, qui de variis eventibus aphrodisiacorum commentati olim fuerant, maxime tamen Eos semper sectatus, qui minus remoti ab origine nascentis mali scripserunt. Occurrebant circumspectanti olim Auctores hi antiqui, qui Venetiis quondam simul evulgati fuere. Gaudebam impense: reperiebam enim, dum singuli suo more eundem morbum describunt, universos simul perfectissimam mali historiam dare, atque radicalem curationem tam morbi principis, quam variorum symptomatum, quæ eundem concomitantur. Pulchre memini, quanto perfusus gaudio Huttenii libellum his insertum quondam perlegerim, quum ea forte tempestate curationi meæ se dederet nobilis æger, qui incassum Optimorum Medicorum consilia sequutus, atque frustra hydrargyri vim expertus, pro desperato relictus fuerat, tamen recte dein hac methodo convaluit. Quin etiam ad varia sæpe, & singulæia penitus, mala, appositissima hic remedia reperi. Utique vere dixero, quidquid recentiores sparsim jactaverunt arcani, sive in via curandi, sive in medicamento ipso, id vero omne hoc in libro inventi jam olim descriptum, commendatumque. Quum itaque ante pluries abhinc annos publicas lectiones Medicinæ studiosis traderem de utilissimis Auctoribus, quos sibi comparare omnino deberent Auditores, Scriptores hos de Lue Venerea imprimis proposui necessarios propter causas modo relatas; indicavi simul modum utendi hoc opere laudissimo cum fructu. Evenit inde, ut neglectum pridie opus, atque flocci habitum, quæreretur avide, cito valde våniret pretio, brevique desideraretur ubique. Itaque vasti operis novam editionem molirentur Typographi Nostri, auctor fui. Neque dubito, quin Editores,

operisque evulgati emptores, utrique satis contenti futuri sint: quum enim editiones Italicae tot mendis ubique sædarentur, ut sæpe numero quis & impediretur inde vel sensum Auctoris eruere, atque in allegandis citatorum Auctorum locis summa oscitantia esset actum, data jam fuit sedulo opera, ut, & impressionum vitia emendaretur, atque ex ipsis allegatis scriptoribus loca restituerentur propria. Remedia quoque, horum præscriptæ formulæ, quæque eo faciunt, alio excusa characterè lectorem juvabunt. Denique locupletissimum, & usu vere pulchrum Indicem ingenti operi subnexum laudabis: ex eo quippe continuo reperire dabitur, quidquid investigare juvat de quacunque demum re hoc multiforme malum spectante. Ita scilicet inde proinus disces absque ulla tædiosa inquisitionis fastidio oblata experimenta, atque alieno partam labore scientiam facile in Te derivabis. Absolverem Vos, Lectores Optimi, nisi opportunum ducerem hac occasione publicare pauca, quæ protracta per tot annos intenta observando mens mea hoc de malo didicit: forte haud displicebunt illis in arte nostra Judicibus, qui solis, semperque iisdem compertis experimentis, niti volunt omnes opiniones, juxta quas de genio mali cujusque, & curatione consilia capiuntur.

Est igitur illa humorum nostrorum, vel dum athletice valemus, indoles, ut à minimis, iisque paucissimis sæpe, corpusculis in venas infusis, adeo mirificè mutetur tota natura nostra, ut, & omnes corporis actiones prorsus aliæ evadant, atque ipsum singulare ingenium cujusque humoris penitus à pristina sua natura alienum fiat. Adeo semper varium, & mutabile homo! nonne aspis morsu blandum per lethargum necat? diphas siti exurit? quum seps gangræna putrescenti imducta adipi tabefactum depascatur corpus priusquam necet? quam stupendum est, levem Physteris ictum inflare omnem toto sparsam corpore membranam, quam hodie cellulofam appellamus, tantoque emphysemate distendere, ut intra propriam molem assurgentem compressus, sepultusque, suffocetur homo? At vipera ictu sædissimo totum corpus deturpans occidit. Effuso per arterias cruore in omni corporis plaga hæmorrhous trucidat. Rabies canis sparso per vulnusculum vel minimum veneno, leu, quam horrenda patrat! Hellebori albi, Tabaci, Phthoræ, succus, copia vel minima immistus sanguini, vix quidquam non mutatum relinquens in corpore mortem certo, cito, infert. Infinita sunt, quæ vitali immista liquido, singula alios primo morbos, universa dein mortem, creant. Taciteam cætera, unum dicam. Robustissimi Agricolaë sanguini pus de papula variolæ particula vix conspicua apice aciculæ infigatur, quis mortalium credat? En febrim omnino singularem, sui semper genii tenacem, suo definitam tempore, propriis stipatam symptomatibus; mox erumpentes admiraris papulas certæ formæ, naturæque, intra determinatum tempus in abscessus purulentos, qui degenerant, quorum tanta sæpe glomeratur frequentia undique, ut omnis fere sanguis efficacia mali in malignum pus conversus sit, totumque aliquando corpus pessumdet, atque minima rursus particula virus idem gerat, sanumque corpus valeat inficere simillimo contagio. En obnoxium corpus! Neque tamen necessarium, ut vulneris via in venas eat contagiosum virus. Imo vero solo halitu, tactu solo, tabus lethalis sæpe se insinuat per invisibiles corporis meatus injectis manantibus corpusculis. Ne alia memorem, nonne vides putres, qui de corpore variolis laborante effunduntur, halitus per aera se ferre, atque occurrentes forte hominum sacissimos infi-

inficere, ut omnia omnino eadem accidunt his, quæ evenire videmus hominibus, quæis infirmitia hodiernorum ars venenum infecerat? Usque adeo, ut experimento hoc sciamus certissime, vapore tenui contagia publica idem prorsus prodere, quod de industria institutum humanum efficit ipso pure sanguini immisso. Unde & addiscimus, non crassam intrusi puris massam, sed halituosum tenue, quod illi inhæret, morbum efficere. Pariterque novimus iisdem exemplis, subtile virulentum, in venas nostras venire posse æque facili via, si cum aere inspirando in pulmone ducitur, aut cum saliva deglutitur, aut & applicatum corpori, imprimis calore, motu, sudore, magis patulum postquam redditum fuit. Unico tandem experimento conficitur, idem sæpe numero venenum, deglutitum, exhalans, applicatum, infusum venis, eisdem mirabiles, terribiles, atque infinitorum symptomatum productrices, mutationes parere. Argentum vivum deglutitum crudum in capotiis Barbarossæ; idem affricum cum pinguibus in unguento Carpi ad lueni, cuti externæ; applicatum in emplastro Vigonis de Ranis ad ipsas pedum plantas; multo usum tractatum manibus calidis; in vapores solutum ad ignem in inauratione, destillatione, suffitu; nonne perfecte idem præstat in corpore sano, juvenili, robusto? Licet itaque de dictis liquido colligere, corpus humanum sanum deglutitum, inspiratum, applicatum, infusum, plurimos, maximeque mirabiles, sæpe diuturnos, morbos suscipere posse. Animadvertendum verò est, quo acutiores febres, vel alia violenta, & præcipiti cursu velocia mala materies suscepta excitat, eo citius ægrum mori, vel naturæ incitatur virtute maturius liberari. Contra rursus reperiri alia, quæ corpore accepta, nulla quidem insueta valde, aut violenta, creant effecta, sed lenta quadam mutatione humores corrumpant, atque serpendo semper latius vicinos iterum simili inficiant labe, quandoque in his maxime admirabile pariter, & formidolosum, quiddam semel hoc tabo fœdatum est, illico vim acquisivit sinceram iterum eodem imbuendi veneno. Scabiem spectata vulgarem! Pruriens hac rentigine calida sua manu sani calentem comprehendit dexteram, integer mox totus scabiosus redditur primo ea parte, quæ contacta fuit, mox diffuso per universum corpus contagio contabescit, omnesque, quos attingit sinceros, pari malo infectat. Chirothecæ, lodicum, vestium, lecti, imo, quod experiundo didici, nummi calefacti, ope contagiosa lues hæc se propagat. De fera pfora, de lepra Græcorum, Arabumve, quid memorem? Urique & hanc humani corporis proprietatem discimus, dolemus, quod solo ad cutem tactu ingredi queant particulae, nullo sensu comprehendendæ præ tenuitate sua, unde tamen liquida corporis mutantur in naturam peregrinam, atque sanitati, inde & sæpe vitæ nostræ, inimicissimam, lento gradu infestam, vi contagiosa prolifera semper omnia corumpentem, dum quælibet particula infecta, novæ infectionis causa evadit.

Ad hanc ultimam morborum classem veneream lucem reducendam abitor. Hæc enim solo externo tactu frequentissime primo gignitur. Inficit autem tabo suo illam corporis partem in principio, quam contigit. Sive hæc cute tegitur, sive hæc carens sola obvolvitur cuticula. Hinc basis, linctu, suctu, labia & papillas ulcusculis deturpat; Linguae impuræ, infectæve salivæ, commercio gingivas, linguam, palatum, uvulam, tonsillas, fauces, horrendis fœdat abscessibus. Verenda si attingerit, & ibi facit ulcera. Atque in prima hac infectione hanc unicam observamus differentiam, quod si loca primo læsa, cute oblecta sint, uti v.g. si in dorso membri virilis id acciderit, tum & natum ibi ulcus pessimi moris, difficillime sanabile, & plerumque corpori toti ab hoc contagio metuendum erit: quoniam videtur efficacissimæ malignitatis venenum, quod solidam cutem penetrat, & exurat. At si loca dermate nuda, ut interiora muliebrum, glandem penis, interiora præputii, primò læserit, tunc non semper adeo formidolosa mala sunt, si cætera habentur paria: quia sola tenuissima cuticula hic penetrari debet. Ubicunque oculi acie sua observare potuerunt conditionem partis illius in corpore, quam contagium primo obsedit, ibi semper maculam rubellam viderunt, quæ variolæ nascituræ, aut morbilli, stigma, vel morsum puli-

cis, ferme refert. In hac æger pruritum levi, calorem molestem, vix dolorem, sentit. Elevatur papula hæc, squamulamque cuticulæ attollens bullulam elevat, quæ si latice tenui, pellucido, distenditur, rupta dein facillè sanari, absque ulteriori malo, solet. Hoc enim casu, quod omnino notari quam maxime meretur; contagiosa particula, aquosæ lymphæ immista, rupta plicula, prorinus eluitur, nec vestigium sæpe mali relinquit. Unde patet, cur bullulæ hæc, crySTALLINA Chirurgorum vulgus appellat, felici adeo successu ad integram sanationem perducantur, neque remedia, neque molimina magna, efflagitent. Si quid enim datur colligere ex cognita hodie corporis fabrica, contagium bibulis venulis minimis haustum per venam pure lymphaticam deductum creditur in cavum cryptæ minimæ subcutanæ, ibidemque lympham infecisse, tuberculum fecisse, rupisse, iterum expulisse susceptum, absque hærescente contagii tenacitate.

Quoties verò macula modo descripta in tuberculum assurgit repletum materia subalbida flavescente, spissa instar cremoris lactis recentis; vix coherente, sed instar ejusdem cremoris defluente quasi, quando intercepta digitis horum à se invicem abductione lenta remittitur: quæ exsiccata ex viridi flavescens indurefcit cum linteis, quibus inhæret; tunc semper sinistri magis ominis erit malum, suspectum prudenti Medico, neque adeo prompte sanabile. Cancrum suo idiotismo Chirurgi jam vocare solent. Hoc mali genus semper inveni sedere in illo humore pingui corporis humani, qui naturaliter in bene sanis replet eam partem, quam adiposum panniculum Veteres, hodierni & cellulofam membranam, vocant. Hujus compages vasculosa subtilissima habetur, fabrica cellulis minimis, at numerosissimis, omnibus per communes vias in se invicem patentibus, atque exigua distendente vi mirifice dilatandis; hæc cellulae in tabe, & marasmo exinanuntur, ut ne vestigium sui relinquant, in emphysemate aere inflatæ monstruosè turgent, in Leucophlegmatia aqua repletæ tumescunt. Hæc cellulosa membrana omnes investit partes mobiles; quare toti cuti ubique supponitur, cunctis incumbit musculis; unde interposita cutis interiora inter & exteriora muscutorum, facit, ut cutis nobis supra quiescentis musculos mobilis sit. Atque ea lege hic nascitur; ut, ubi musculi maxime, plurimumque agentes reperiuntur, ibi naturaliter crassissima hæc membrana, & optima magis pinguedine infarcta sit, ut hinc ad pectus, abdomen, dorsum, lumbos, nates, femora, crura, humeros, brachia, tempora, cervicem, videre est. In illis autem locis, ubi musculi minimi, minusque agentes, membrana hæc adeo paucò pingui instruitur, ut ibi adiposam negent fere omnes, cellulofam tantum admittat Ruyfchius. Ita in capite, palpebris, facie, scroto, ajunt, abesse; sed falso: adest quippe, at tanto parcius ibi quam ad nates, quantum elevator palpebræ superioris, vel corrigator frontis, minor est glutæis. Sed ut interposita suo membrana hæc lubricam mobilitatem cuti, & musculis substratis conciliat, ita eadem hæc propagines suas superficiei muscutorum undique circumapplicat, musculos omnes omnino universi corporis majores, minores, invisibiles minimos, investit, seque musculis interponens facit, ne ullus usquam alium contingere queat, verum ut superficies cujusque musculi sic investita æqua lubricitate maneat mobilis supra alterius sic pariter investiti musculi superficiem. Hinc eandem ob causam à musculo musculus ope panniculi adiposi tam sollicitè distinguitur, quam cutis à subjectis musculis. Nec musculos modo ita, sed tendines horum ambiens vaginas illas lubricas, mobiles circumdat intra quas trahi, rectali facillimè absque remora, moveri queant. Inde & tendinum ope & capitum muscutorum ad periosteum exteriora deductus adiposus idem ille, qui subcutaneus fuerat, panniculus, supra periosteum exteriora, & ad ossa, & ad juncturas supra ligamenta se expandit, omnia involvit, ipsa tandem & viscera sub meningibus, membrana thoracis succingente, peritonæi expansu, se insinuat. Denique propago illa hujus, quæ datur uni musculo, rursus insinuat se inter distinctas illas minores musculares partes, ex quibus major componitur, in quas arte resolvitur: ut iterum & singulæ hæc quoque partes commodissima facilitate, distincto tamen motu, inter se moveri queant. Quod item tandem & in harum

in harum partium partibus, usque ad ultimum singularem villum musculosum obtinet. Ut ita pateat incredibilis expansio hujus membranæ, spectetur usus diffusissimus, cognoscatur commercium nunquam intellectum hujus effectus inter omnes corporis, vel remotissimas à se invicem, partes. Quum nimirum, & ad periosteum usque inter ejus à cute demonstratum sit, medullæ verò materies à periosteum vasis advecta, intra cava ossis confecta, per periosteum vascula partim reventa, ad hæc vasa perveniat, & hinc facili commercium hoc quoque intelligitur. Hæc ego hic præmittere coactus sum, ut explicem meam de venereo malo sententiam. Hæc ego invictis à mera experientia depromptis argumentis demonstrare possum. Hæc non modo in hoc malo, sed in inflammatione, suppuratione, gangræna, scirrhus, cancro, carcinomate, atheromate, steatomate, meliceri, sphacelo, hydrope, omnibus denique morbis ferè, recte intelligendis, curandisque, adeo cognitu necessaria æstimo, ut quod quam maxime. Unum patiamini dicam. Si subcutanea suppuratio, panniculum adiposum perfecte consumpserit in aliqua corporis plaga; cutis vero, id enim fieri visum est; supra exesum cavum viva superfit, muscoli autem subjacentis tegumentum adiposum pariter consumptum fuerit, carne ejus integra, tum cutis carni brevi accrescit, sed ea lege, ut postea cutis moveri libere nequeat supra musculum hunc, nec musculus sub hac accreta cute, sed ambo moveantur, ingenti cum impedimento simul. Videre memini plagam, ubi vagina mucilaginosa, vel cellulosa, tendinem suppurando tota perierat, tendinem nudatum relinquens, qui contiguas partibus accretus deinde penitus immobilis hæsit tota vita. Neque dicas, quorsum hæc? Statim enim apertum erit mirabilia imprimis tabis aphrodisiacæ effecta, ex paucis his intelligi.

Si ergo contagiosa labes per poros epidermidis ingressa, trans cutis vascula usque ad cellulas membranæ adiposæ pervenerit, ibidemque occurrenti pingui permiscuerit se, tunc oleum hoc tenax virulentia sua inquinat, rursumque lentore illius oleosi retinetur, fovetur, atque calore, motu, mora, assiduo magis magisque incenditur, cutim, & cuticulam superpositas rodit, corrumpit, interimque sub his circumfusas per ambitum cellulas oleosas contaminat; unde semper latior plaga in panniculo adiposo corrupta reperitur, quam supra in cute superposita perdita, & exesa est. Sensim elatum magis, tentum, jamque dolens, tuberculum hoc, in apice eminente rumpitur; materiem fundit, qualem supra descripsi; hæc deterfa assiduo manat iterum, nec sistitur, nec separationem à sanis suppurando facit; contra vero vicina trahens, eandemque virulentiam propagans in his, novam semper suppeditat materiem; unde hocce eodem modo lata sensim ulcera, quæ semper in adiposa membrana hærent, integumenta superiora tarde corrumpunt, musculos suppositos, nudatos, integros, & colore ruberrimo nitentes, ostendunt. Labia horum ulcerum in locis hisce, cute relictis, nunquam elata, vel retorrída, sed contracta, plana, quasi polita, sunt, & pallida; materies exiens adeo diversa ab ea, quæ in aliis abscessum generibus occurrit, ut morbi peritus extemplo distinguat ab ichore, sanie, pure, lymphæ carcinomatæ: nam in lue hac materia genita splendet instar sevi fusi, lentore vix cohæret, colore est singulari albo sublutescente viridescente; vix acris sentitur, ardore, dolore, morsu, sed rubro tabo solam membranam hanc putrefaciens, absque ingentis doloris sensu. Si contigerit, ulcus tale sanari; tunc semper, fædo spectaculo cutis ibidem suppositis musculis accrescit; cavitas manet; immobilitas musculorum, partis hinc rigiditas, superest; color lividus in rubellum vergens semper locum fædat; tegumenta enata valde tenta, arida, vix perspirantia, sed præ forti tensione quasi splendentia utcunque apparent. Post sanationem hanc falso putatam, continenter alia in plaga vicina simile priori malum oritur, eandem semitam decurrens, similia iterum relinquens. Quandoque multis locis corporis simul teterrima ulceroſa mala infelix corpus urgent, tandem, & depaſcuntur. Vidi in nobili pulchro, juvene, totum, qua late patet, dorsum, latis palmam manus ulceri-

bus hujusmodi excoriatum, zonis cutaneis hinc inde inter oras ulcerum relictis intactis; unde, sanatione perfecta, mira deturpati corporis apparebat facies. Atque sedulo tamen animadverti hoc in casu, musculos nudatos quam vividissimos, pulcherrimosque, apparuisse; neque in profundum se penetrasse ulcera, sed tantum solam pinguem tunicam depasta fuisse, quin imo nec cuti nocuisse, nisi quatenus consumptis vasis cuti suppositis, subducto pabulo, hæc ipsa quoque tandem peribat. Ergo hoc ex casu didici singulare hujus morbi ingenium; vidi ex eo luem, ut in principio sui exortus in Europa se manifestaverat, atque à primis Authoribus hoc in libro describitur; conspexi rationem, qua variolas vocaverant Hispanicæ primo oriundum in Europa morbum; sed simul intellexi, quam ingens sit discrimen inter malum hoc, quod tum apparebat, & illud, quod nunc pervulgatum Europæos affligit. Si hujusmodi ulcus remediis tentas exploratissimæ ad alia efficaciam, nihil fere proficis, nisi uno quasi impetu omne pingue infectum sustuleris simul per ferrum, ignem, erodentia. Ubi vero actibus ulceris os in crustam exussisti, sub eschara dura retentum virus furit, serpit latius, propinqua afficit maligna sua virulentia, & sæpe luem pessimam creat. Unde calamitosissimus hodie usus damnandus serio, dum Medici ulcuscula hæc lapide infernali, aqua divina Fernellii, Vitrioli aqua, Mercurio præcipitato, vel quibuscunque demum talibus, cuique lucri petenti Agyrtæ jactatis, superficie tenus tangunt, crustamque imponunt; unde creberrime natam postea luem vidi. Sed rectius ulcera hæc mollioribus, saponaceis, aquosis, foveantur: ut diu aperta retenta, & emollita, exhalent, extrorsumque allectam, mobilemque redditam, materiem per patulas vias de corpore expurgent. Profecto, si ulla, hæc tuta est, hæc efficax, methodus ad sanandas pessimas hæc exulcerationes. Hanc salubrem expertus sæpe fui, quando alia infausso successu adhibita fuerant aliquoties. Hanc methodum gonorrhææ virulentæ, diuturnum scilicet largumque stillicidium, remediis ipsis longo tempore continuatum, summum à lue præservans auxilium hæcenus cognitum docet; ubi contra intempestive cohibita materiæ hujus effluxio certissima sit brevi tabis venereæ origo. Credo me exposuisse liquido mali hujus, quando simplex habetur, indolem modumque curandi: qui in eo solo est, ut virus pingui susceptum radicitus extirpetur, quod, si infectio recens uno loco, facile sit, sed ubi inveteravit, lateque se dispergit, inque locis corporis interioribus, atque remotis ab applicandis fomentis, difficillime peragitur.

Considerari debent porro ulcera hæc, quoties occupaverint loca ante carentia, quæ multiplicia plane sunt; adeoque meum haud facio omnia hæc perfectè excutere: magnum implerem, si huic darem operam, volumen. Ponamus itaque glandem penis ulcusculo tali affici. Hujus admirabilis fabrica, tenta æstu venereo, papillis nervosis tentiginem conciliat voluptatis summæ causam. Constat hæc producto spongioso urethræ corpore usque ad finem hujus emissari, ubi supra fines binorum corporum spongiosorum penis retroflexum ad coronam glandis terminatum hujus eminentem limbum facit. Componitur ergo propria hæc glandis compages primo eadem structura, qua corpus urethræ; unde sanguine arterioso affuso; perque venas reverti impedito ope musculorum libidinosorum, bulbo urethræ sub collo vesicæ applicatorum, impleri, tendi, ad crepaturam usque distendi potest; quod in actu venereo jamjam ad effectum spectante, tantum contingit: hinc eo tempore valide inflammatur. Semine autem emisso prima flaccescit, hocque momento temporis valde bibula, facile in suas cellulas jam inanitas rapit, quod penetrabile applicatur ferventi illius superficiem. Inde primo capitur, cur adeo frequens hac parte contagium fiat? Cur tam crebro fungosa glandis pars plena turgeat materie, quam supra descripsi, ut pressa glans hanc sudet? Cur ulcera hinc nata in spongiosa hac fabrica, depasta omnem hanc compagem, & in tabum venereum convertentia, glandem totam siderari, decidere, à reliquo veretro sæpe cæterum intacto separari, faciant? Denique & palant est, à capite penis, ope corporis spongiosi urethræ continuatum commercium habere usque sub collo vesicæ;

ca: quum totum hocce unum sit, idemque continuatum cellulofum corpus, quum superficies cellularum harum inungatur semper unctuofo pingui humore, ut lubrica simul & expansilis facile fit, vel inde iterum liquet, quare concepta hic semel contagio tanta semel luxurie alat, sustineatque. Altera pars quæ ad glandem constituendam cum corpore spongioso urethræ concurrit, est numerosa series papillarum nervosarum sentientium, quæ à corona glandis, usque ad urethræ orificium, ordinatis fibratis superficiei fabricæ spongiosæ incumbit, atque exteriorem ita glandis ambitu facit, ut extremi hi nervi, voluptatis & doloris instrumenta propria, sub tenerissima glandis membrana extrema coerciti, sibi mutuo incumbentes, jacentes, hinc penis glans, si deglubitur hoc extremo involucri, liberis, solutis, assurgentibus his papillis hirta tota, & villosa, apparet. Omnes rursus & hæ papillæ tenui membranula cellulosa distinctæ sunt à se mutuo. Quid si ergo tenuissimam transgressum membranam externam glandis virus venereum hanc ipsam exederit, en nudatas papillas has. Sed vah quantus tum dolor. Utique intolerabilis: neque inter symptomata venerea, vix aliud atrocius excrucians. Si tum cellulosa tenuis fabrica absumitur tabo venereo, solutæ papillæ excrescunt, faciuntque verrucas venereas, horrendum symptoma, imprimis horrescens circa coronam glandis, quia plurimæ ibidem papillæ. Spectavi, & exhorui, terribile hoc malum, quod, echini instar glandem deformans, præputii motum fere omnem impediabat. Si autem imprudens rerum chirurgus, nudatam tenui sua membranula superficiem vivam papillofam glandis acerbis irritaverit, contigit sæpè, ut totum penis corpus dirissimum in modum inflammaretur, turgeret, priapismo exquisitissimos dolores patiente laboraret. Unde, & ad hoc mali genus emollientia, humectantia, laxantia, anodyna, extrorsum allicientia, securissima præsidia sunt; quæ vel sero applicare cogaris, ubi turbas per rodentia excitatas compescere debebis. Lacte & Althæa præstiti hic, quæ argentum vivum nequiverat. Unguento Althææ, aut nutrito perfeci, quod Aegyptiaco, & mercurialibus negabatur. Denique ultima pars, quæ ad glandem constituendam venit, est memorata jam aliquoties membranula tenuissima, quæ glandem operit: hæc propago interioris curiculæ præputii supra coronam glandis, hinc omnem illius superficiem, expansa, atque supra cutim præputii, hinc totius penis derma, epidermidis vice fungens, commercium facit inter epidermidem, & superficiem glandis. Inde visum fuit, mala ulcera penis ad glandem pervenisse, glandisque damna ad penis externum corpus communicasse labem. En exemplum unum, quo docemur mirabile, & rarum naturæ institutum in generandis tot diversis malis ex eodem veneno pinguetudini corporis misto, sed agente in distincta loca corporis. Putarem ergo ideam totius hujus morbi me dedisse, imo, & curationis; nisi requireretur, ultra paucis considerare, quod, si contagium pingua medullæ intra ossa occupat, hic omne oleum corrumpat brevi, inque rancidissimum putre, totum virulentum, convertat: quum vero exitus acuti veneno haud detur hic loci, vascula tenerissima hic sint, omnes humores mere oleosi, facile pater, brevi omnia ossibus contenta in mortuum putridum resolvi, & propter tardissimum hic humorum circuitum, fere stagnare. Quare nulli medicamento etiam vis idonea, ut inceptam putredinem cohibeat, aut factam expellat, separetque. Vasa jam, quæ à periosteum per os in cava solebant afferre vitalia liquida, exesa impediuntur adducere, renovare, separe humores; quæ vero ex medulla pingue oleum inter laminas ossium affundere solebant, aut periosteum vasculis reddere, consumpta quum sint, per meatus relictos osseos nihil nisi fœtidissimum, cuncta brevi corrumpens, atque inficiens, rancidum emittitur, hinc ossis in cariem corruptela, ejusdem lamellis à se mutuo elevatis, & secedentibus, periosteum ad ossa naturaliter arctissime applicati distentio, exesio, dolor acutissimus, maxime vesperi ad mediam usque noctem, in gummis, topho, exostosi; hinc omnium partium, ossi infecto circumpositarum similis corruptio, imprimis ope membranæ adiposæ,

cujus tunc cellulae omnes usque ad cutim inflantur, tument, fungosæ redduntur, degenerascunt, ulcera fistulosa, fœtida, ichorosa, insanabilia, faciunt. Hoc mali genus omni medicamento, omni methodo, inexpugnabile, ubi eo usque invaluit. Sed quando una forte ossis, cujusdam singularis pars inter lamellas quoddam medullosum pingue affectum habens, ibidem corruptelam patitur, tum semper & ibidem lamellæ à se invicem discedentes osseum tumorem faciunt sensim incrementem, hinc & periosteum vasa ex hac affecta ossis parte accipiens infestant, inflammant, tendunt; excruciant, hinc & rursus panniculi adiposi continuatum corpus corrumpendo abscessus format. Hi arte ad os usque aperti ubi fuere, ut os nudatum sit, tum quandoque vasa adhuc vegeta sub lamella infecta hærentia corruptum ossis depellunt, separentque, tumque novum ibidem texunt periosteum, locusque perfecte sanatur. Aut ars scalpro, igne, vel corroden- te, abradit corruptum ad sinceram usque, facitque ita similem sanationem. Non est nota usque ulla alia ad sanandum hoc malum. Unde evidenter liquet, quando, & quomodo contagio hæc ossa ipsa obsidens tolli queat, quando & cur incurabilis aliàs sit. Miramini forte, rem hanc, intricatam adeo habitam, ad simplicitatem hanc reduci: sed id fit; quia intentissima cum cura toties felices, atque infortunatos, horum malorum exitus vidi. Ajo ergo, omnem spem sanandi ossis affecti in eo positam, ut sub lamella inquinata bona medulla, & vasa arteriosa viva, vegeta, vim habent corruptum sursum depellendi folii, vel frusti, separati forma, dum interim os nudatum sit in parte superiore. Ars autem aliud non promittit, nisi os nudando, vires vasorum adhuc sanorum augendo, separationem naturalem promovere, aut partem ossis perditam manu separare à sanis. Hinc rursus summi momenti observationem apponere fas est. Quotiescunque tabo venereo corrumpitur periosteum ossis medulla carentis, tenuis, lamellati, per quod pauca, & debilia valde, vasa decurrunt, ita ut membrana hæc exedatur, toties neque arte, neque natura, hoc os servari poterit, sed caries illud occupans procedet usque ad futuras, quibus ossiculum hoc vicinis committitur, totumque corruptum simul, aut minutatim corruptas per partes, excidet: quum scilicet ossicula hæc à periosteis suis omnem vitam accipiant, omnia vasa, atque in propria sua fabrica vix circulum liquorum admittant, manifestum erit, periosteum destructo ossicula hæc mori, pingua in cellulis horum rancescere, putrescere, carie tabescere. Talia sunt ossa palati, nasi, vomeris, ethmoides, spongiosa nasi, unguis os, planum, cætera orbitæ ossa, lamina ossis maxillæ superioris cavi, apophyses tenues ossis sphenoidis, hujus cellæ sub ephippio, inferior lamina sinus cavi in osse frontis. Infandum scribenti renovat dolorem sæva commemoratio atrocissimorum incidentium, quæ in hisce dolui contingere, etiam in iis, qui priusquam meæ se curæ committerent negantis sanare posse; jam summorum in arte nostra, & variis quidem in regionibus, magistrorum sapientia, & fide, usi fuerant. Novi sane, atque ipsemet haud perfunctorie colui, jactata ad hos ossium morbos remedia, pryalismum, sudoris expressiones; Mercurii, cinnabarisve suffitus; erethina mercurialia. At incassum omnia. Ubi etiam inveterati tabi lues Schneiderianam oris, nasi, laryngis cartilaginei membranam profunde occupavit, atque, ubi ossa hæc subtilissima investit, exedit, in rei natura superest nihil quidquam boni quid promittens, nisi forte si ossiculum involucri suo privatum excidere queat, reliquis intactis. Sed ut simul tota reliqua membrana sana servetur omni molimine. Quod in lenta, mucosa, pingui, in mille plicas, rugas, sinus convoluta membrana, nudo aeri semper exposita, efficere non levis est laboris. Qui ergo præter id, quod artis potestas habet, promittere non vult, cavebit inania jactare, quando scædum, putrem, rancidum, ichorem, naribus emungi copiose videt, aut ulcera lato similia faucium posteriora, velum pendulum palati, tonsillas, membranam crassam palati anteriorem; depasci cernit. Sed omnia bona sedulo applicans, negligens nihil, varia tentans, semper interim de exitu sollicitus, in prognosi prudens, stento.

stentores securus ridebit, dum interim miserescit ægri. Quæ hæcenus candidus enarravi, verus vobis dixi, & simplex forte, & sufficiunt, ut capiat, quid de malo proposito sentiam. Superest ut de sanatione aperte dicam, quidquid novi.

Si recens contagium nascitur applicatum parti cute tectæ, hæc vino, melle, & sale, calidis abluatur fortiter diu. Dein fomentum ex his paratum, linamentis exceptum obvolvatur parti, semper in calore æquali sustentatum. Si diutius, adhæsit, priusquam advocetur medicus. Ablutæ iisdem valde calidis parti, protinus vesicans de cantharidibus applicetur, fomento eodem supraposito tamen; exulcerato loco molle unguentum aureum, vel tetrapharmacum, applica, cum pauxillulo Mercurii præcipitati rubri, ut apertus maneat locus, atque idem fomentum superponatur; sicque duodecim, aut ultra diebus tractetur: jubebo secutum esse ægrum, qui interim pingua, calida, cavit. Si recens labes partem affecit cute nudam, intima præputii, glandem, labia, os, aut similia loca; Illico peni, reducto præputio, balneum suadeo, ex iisdem, vel similibus, quæ nimis emollientia sumi non possunt; summum enim hic remedium est, ut laxentur pori, sicque extrorsum pellatur inquinans materies: semper itaque tepentes, humidæ, emollitæ, foræ, teneantur partes. Hisce ipsis utendum etiam si jam locus infectus apertus sit: tunc enim materies libere extrorsum ducatur vix introrsum ibit, adeoque præfens sanatur, præcaveretur futurum. Conducunt simul ad hæc purgantia hydragoga interim crebro adhibita. Balsamus autem ex Terebinthina, vitello ovi, & Mercurio crudo, linamentis exceptus, ipsi ulcusculo applicatus, penitus emolliens, valde prodest. Ita quidem, ut hac methodo plena fere sanatio hujus mali promittatur, unde tamen, si negligitur, terribima lues creberrime exoritur. Neque miretur, quis simplici hac methodo, atque absque Mercurio quidem, utendum me statuere: quum omnes fere artifices statuunt solum argentum vivum hic valere, solum necessario requiri ad hanc curationem. Sciat modo, me hic tantum hucusque agere de uno, externo, loco affecto, recenti, & ubi labes inquinandi unice hæret in tali ulcusculo. Tum scilicet promitto sanationem perfectam ex præscripta curationis via, certusque sum illam sufficere. Quid autem argentum vivum præstet ad sanandum, id vero modo conabor experimentis definire: ideoque nunquam probabo temerarios ausus eorum, qui consulenti super hoc malo juventui, illico suadent usum argenti vivi, quod semper corpori nocet, nec necessarium sæpe habetur. At quoniam mulieres inficiuntur plerunque hujusmodi ulcusculis ad cryptas mucilaginosas intra pudenda natis; hinc, & illis eodem morbo gradum nihil magis prodest, quam fons, ablutiones, balnea, ex emollientibus, laxantibus, detergentibus, putredini resistentibus. Acetum, vinum, mel, sal, ad duo postrema refero, omnes emollientes herbas eligo ad priora. In multis sæpe casibus brevi sanatas gaudebam, quæ recens infectæ nondum alia mala habebant. Forte roget quis, quam ratione certus sit, ea conditione malum esse, ut audeat confidere laudato consilio, sine metu neglecti fortioris requisiti remedii. Sed tempus applicati contagii, locus apparens affectus, absentia omnium aliorum symptomatum post rigidissimum examen prius institutum, certum te facient. Id unum moneam, si plaga primo affecta in palato, uvula, tonsillis, faucibus visa sit, nunquam audere me credere ulli auxilio, nisi fortissimo pyralismo ocyssime excitando. Est enim adeo fallax, & insidiosa horum locorum affectio, est tam enorme, quod ex minima hic causa enascitur malum, est adeo difficilis tibi inquinantis expurgatio, est impossibilis quoque externorum remediorum applicatio, ut hic extremo statim remedio utendum omnino sit, aut dolendum fero. Atque hinc fas esto veram quoque gonorrhææ sanationem trahere. Est hæc contaminans materies, sorpta meatibus in superficie glandis inflatæ cæcto Venereo dilatatis, primo momento, quo flaccescere incipit. Locat se labes tibi in cellulis corporis spongiosi glandis, continuati intra duas membranas usque ad collum vesicæ. Et facit continuatæ fabricæ

commercium, ut facile propagetur toto hoc tractu minimum adpersi mali contagium. Ubi vero admissum ad tenerrimam hic pinguetudinis membranulam, exemplo creat ulcusculum, quale descripsi prius, & in eo materiem, & ibidem recitatam. Ulcerosa hæc nata sceditas, in loco structuræ tenuissimæ, sub pingui, scrobiculum capacem format semper, in qua illa sit, accumulatur, retinetur, lente inde exit, aut uberrimè exprimitur. Si cavum exesum in fungosa glandis fabrica sistitur, atque per superficiem ejus dilatata sibi emissaria paravit, tum spurcissimus tabus hac parte transfudat, glandem, & præputium corrumpit, tabefacit quandoque, & siderat. Hæc mihi prima est gonorrhææ Venereæ, virulentæ, species. Cognoscitur scædo maddore, minus crasso, quam in cæteris hujus nominis morbis, assiduo, genito intra glandem, & præputium, tum materia hac per glandem pressam extrinsecus transudante, cæterum post ablatum contagium facili sanatione. Curaturus præscribo sæpe iteratam interdum ablutionem harum partium, atque imprimis accuratissimam deterfionem vel minimi maddoris, sub præputii latebris absconditi; ablutioni mel, sal, vinum, aqua serviant; myrrhæ in vino igne eliquato solutæ liquor; acetum aqua dilutum multa cum pauca aloë; plurimæque alia similia. Depuratione sollicitissima rite perfunctus, reducto præputio, nudatam glandem obvolvatur circumposito cataplasmate emolliente, laxante, alliciente, anodyno, semper simul paululum antiseptico. Gnaro haud deerit abundantis materiæ varietas, farinæ rad. Althææ, Lini ana ʒ. j. flor. Althææ, Sambuc. ana ʒ. ʒ. fol. marrub. alb. scordii ana m. $\frac{1}{4}$ salis ammoniac. ʒ. j. F. S. A. pulicula crassior, cui circa finem parum olei lini admisce, hoc linamentis appositum sufficit. Fit enim, ut per dilatatos meatus, materies vitæ vi extrorsum eat, separetur, impediatur retrorsum fugere. Huic frigus, & exsiccatio caventur omnium maxime, ne pori contracti fluentem materiem repellant. Toto tempore, quo curatio hæc peragitur abstinentum præcipue ab omni omnino pingui. Quæ prudentissima cautela hic. Dein vitanda, quæ acri mobilitate in venem incitant, aromata, bulbi, carnes, ova, pisces, vina. Constat enim, nihil esse, magis quod obstat felicitati citæ curationis gonorrhææ, quam inflatus membri virilis: quum tunc dilatata ad rupturam fere usque cellulæ, atterioso fervente sanguine distentæ, læsam fabricam plus runipant; contagium excitent, acuant, moveant, misceant sanguini; & collapsa dein pene retrorsum adigant. Vidi hinc sæpe vanos fuisse hoc in malo vel probatissimos sanandi modos, si quacunque demum de causa, quæ hercle multiplex hic nimis, homo arripit; imo sanatas jamjam gonorrhæas, unico incitæ libidinis impetu actutum recruduisse, novamque denuo sanationem de integro exegisse. Quidquid ergo prurientem imaginationem titillat, in cibo, condimento, potu, medicamento, vel per conversationem cum amabili sexu, tabularum aspectum, sermones, lectionem, cane pejus & angue fugiendum. Aquæ potus, vel feri lactis, Cerealia, horæi fructus, conducunt. Verum, si usquam, hic purgantia hydragoga, præstant; Jalappa, Hermodactyli, Scammonea, Sena, imprimis hæc crebro usurpata potestatem habent dissolvendi sanguinem in aquam, hanc depellendi deorsum, & evacuari per intestina; hæc agunt valide semper & in urinæ vasa, vesicam, urethram. Hinc & laudatissimus horum usus in locis huic malo nativis, Africa, America; quin & probatissimus quoque apud optimos fere nostrorum in arte Magistrorum. Neque crediderim temere exultam usque methodum palmam huic propositæ præcipuisse: novi quippe alias plerasque, tentavi, cum hac comparavi. Fateor incommoda est aulicis, in celebritate versantibus, vel munera publica gerentibus. Sed tuta sæpe ardua sunt & molesta. Novi promissa Agyrtarum, se curaturos vel in regali natantes luxu, equitantes, voluptatum omnia genera exercentes. Sed mihi, & hæc conanti, haud licuit esse tam beato. Quin & dolui sæpe, dum sic tractatos Illustres Viros vidi per annos vitam agere reliquiis veteris mali obnoxiam. Interim fomenta, cataplasmatum loco substituta, minus incommodant. Imo vero, urgente necessi-

necessitate, & mollissima quandoque emplastra vicem suscipiant priorum. Quale illud de mucilaginis, de meliloto, & similia. Primæ tamen debentur cataplasmati, & balneo. Altera mihi censetur gonorrhœæ species, quando virus venereum, per poros glandis se insinuans, penetrat usque in fabricam cellulosa superiori parti urethræ circumnatam, usculum ibidem format, quod meatus in urethræ ductum hiantes exedit, hinc ulcerosam materiem hac via effundit, assiduo quidem destillantem hoc exitu, sed imprimis ubi veretrum hac parte premitur, pressu ab inferioribus partibus sursum versus adacto. Qua in re memorabile id imprimis, quod si presseris mane, post somnum lotio nondum reddito, ad uncia distantiam ab apice penis retro, antrorsum, notabilis copia fœdæ materiæ exprimitur; quæ modo prodeundi, & pressionis, spectato, docet, eam non hæsisse in urethra, sed pressu in eam derivatam fuisse ex fungoso urethræ corpore. Et manifesto videbis in hac gonorrhœæ specie nil talis materiæ ultra ex toto pene à collo vesicæ pressu ad glandem usque proditura. Quare infectus locus solus hic est. Eoque dirigenda omnis curatio. Hæc est frequentissima in initio gonorrhœæ, quotidie occurrens; ingentem plerumque copiam tibi venerei gignens; diu satis durans præcipue in laxis hominibus, atque, si modo materies libere excernitur, licet diu, raro luem generans, imo fere ab ea præservans. Verum id præcipue incommodi habet, quod in sinuosis istis cellulosa membranæ ambagibus diu hærens, diuturna stillicidia, vix ulla arte sananda, pariat. Curo hoc malum ut primam gonorrhœam. Sed balneum peni, scrotoque, applicandum semihorii spatium, ter quaterve interdum suadeo. Materies huic balneo eadem, quam in fomenti commendavi. Quæ siphone injiciuntur, raro in cellulas istas pervenire queunt: hinc vix juvant, nisi in primo statim initio, vel ubi fungosa illa fabrica intus vix exesa est. Quoties vero ad glandulas Cooverianas urethræ virus intravit, has obsedit, per emissaria harum in cavum meatus urinarii se exonerat materies, tertiam gonorrhœæ speciem appellito. Hæc ingentes ibidem erodit sinus cavos, fistulosos, plurimo hoc pure assidue manantes, difficultatē deterisionis, hinc & sarationis. Si genitus hic ichor quacunque causa impeditur exire, ulcera quandoque pessima generat ad latera urethræ, ubi partes hæc à nobili Inventore harum glandium descriptæ. Unde ulcera pertinacissima, molestissima curanti, & patienti, in annos sæpe excurrentia. Difficultas insuperabilis ad sanationem ducendi hoc malum in eo est, quod ubi ad interiora harum glandularum immisit se contagiosa materies, inde vix extricari queat, sed hærens, ipsaque mora pejor assidue facta, vicina inquinat, inde quandoque, & subcutanea penis posterioris pingua vel cellulosa occupet: unde quæ damna oriri queant, & visa sint, norunt periti. Modus, quo hoc genus mali tractari debet, idem plane est, qui in gonorrhœis prioribus commendatus; sed omnia hic impigre applicanda; atque partes continentes mollissimis fovendæ, materies confestim elicienda: omnis quippe felicitas curæ pendeat inde, ut conceptum inquinans effluat totum cum pure facto. Aliter nimirum metuenda lues est. Quare etiam subinde hic recurrendum erit ad gravissima remedia pyralismi. Quamvis enim gonorrhœæ priores eo nunquam curentur; tamen posterior hæc species in parte solidiore glandulosa nidulans, in qua vasa arteriosa, & cordis impetus magis actiosa deprehenduntur, Mercurii vim longe promptius excipit. Sed & quartam recenseo gonorrhœæ formam, postquam virulentus tabus viis jam memoratis usque ad prostatas perductus, has tabefacit, inque abundantissimum pus virulentum resolvit. Id mali alias ex durantibus diu, aut imprimis repetitis sæpe, gonorrhœis oritur. Cognoscitur vero tumoribus in perinæo, interceptionibus sæpe pessimis urinæ, rejectu copioso purulentæ, subputridæ, materiæ, insanabili fere suppuratione ad partes; sæpe numero ulcere maligno, nec sanabili, in perinæo, nato; aliquando ulceribus pessimis circumquaque ad loca prostatica prodeuntibus, & vicina depalcentibus spectaculo fœdissimo; sed imprimis hoc in casu miseri hi subito, abs-

que manifesta ulla causa, sentiunt sæpe lotium intercepti, unde dirissimi, at inanes, ad exonerandam vesicam tenesci, neque catheteri inducendo via datur, donec ita excruciat diu subito purulenti quid urethra dimittitur, nec ita diu postea urina satis libere redditur, donec simile denuo malum infestat. Cernis quidem, quam sit difficile malum hoc, quod aliquoties vidi percurare; atque, & hic salivatio locum obtinet una cum sedula adhibitione eorum omnium simul, quæ in sanandis primis gonorrhœis prius suadebam. Denique postremam, illamque profecto abominatissimam gonorrhœam habeo, quæ infectu prostaticarum emissaria vasculorum seminalium inter exeuntes meatus prostaticarum hiantia, à Clarissimo Morgagni descripta, erodit, hincque venenum suum per hos ductus usque in vesiculas seminis communicat, illarumque liquidum, & vasa spurce contaminans, profluvium fœdissimum creat, & largissimum, loca interim sinuosa, atque Labyrinthi instar intorta exulcerat: huius quanta inde mala! Vidi totum illum apparatus cellulosa, qui has vesiculas spermaticas, vesicam urinariam, intestinum rectum, perinæum, ambit, atque interfacet, exulceratum, putrefactum, exesum, in hiatus fistulosos ad scrotum, perinæum, anum, desisse, ut per cuniculos simul, & fistulas, omnes hæc partes consumerentur. Nec balneis, fomentis, injectis medicamentis, emplastris, unguentis, cataplasmatibus, incisionibus; dilatationibus, aliquid profectum, quin tandem, & urina ipsa, de his ipsis ulceribus demittebatur. Imo, & cura abstinentiæ, decoctorum, sudoris per spiritus vini accensos expressionis, pyralismi accuratissimi, juvenis nihil miserrimis adferre poterunt. En, mi Lector, hæc ego mala vidi, tractavi. Neque finis mehercle esset, si omnia prosequer, hæc dixisse mihi, legisse Tibi, sufficiat, ut singulare ingenium huius veneni, miros inde pendentes eventus, atque proprium ejus stabulum pingue humani corporis, recte intelligas. Unum hoc tandem superest, dicam, quomodo sanari queat malum hoc, quoties cognoscimus illud hæere sparsum per pingua corporis, atque intricatum ibidem turpi fœtura maligna se propagare. Id vero scimus fieri; quando post commercia suspecta; geminatas sæpe gonorrhœas, omnium maxime post ulcera externa neglecta verendorum; præcipue, si hæc cito exsiccantibus, escharoticisve subitanea inducta crusta, abire visa sint; si unquam omnibus his, vel quibusdam præmissis, apparent macula variolarum instar in cute; ulcuscula ad labia, gingivas, linguam, palatum, velum palatinum, uvulam, tonsillas, linguæ radicem, laryngem, pharyngem, intra nares; certissimo constat, veram luem Veneream corpus ægrum obsidere, occysimamque efflagitari curationem. Quando autem in ossibus cranii mediis, vel in media parte crassissima ossium majorum, quibus artus fiunt, oriuntur dolores enormes, quasi compages tabulata horum funderetur, vel dissolutura esset, atque hi, post occasum solis inchoati, sensim lento gradu procedunt, donec media nocte intolerabiles evaserint, coegerintque extortum ægrum lectum deserere, versus auroram sponte quiescentes; tum certi sumus malum in pinguedine ossium ipsa jam hæere. Tumores dein ad eadem media ossium loca orti, molles, lenti, tenaces, tophoides, ossei, id ipsum quam maxime confirmant. Præcipue dum, & superappositæ molles partes jam in maligna ulcera corruptæ palam clamant ossium medullaria perdi. Aut & ubi passim toto corpore laceræ, ulcerosæ, jam primo descriptæ plagæ fœdo aspectu terrent, suamque indolem, denunciat Medico. De medullis occupatis jam prius dixi; notetur modo diploem ossium cranii medullæ officio fungi, morbis iisdem obnoxiam esse. Age igitur consideremus in quonam puncto stat vera sanatio mali in gradus modo descriptos provecti? Si quid ego hic videre queo, in eo solo certe, ut omne illud virus, quod oleo pingui corporis hæret inde extra corpus ducatur, usque ad minimam particulam, sine ullo omnino residuo: quia si quid supermanet, utcunque parvum id fuerit, recidivæ urget recens, idemque metus. Atqui tenacitate lenta olei inviscatum virulentum temere haud

haud dimittitur: hinc una difficultas; neque veto olea suis de cellulis excutere, per vasa movere, de corpore subducere, facile est. Unde, & alteta nascitur haud minus ardua difficultas. Ajo tamen, nisi olea corporis solveris penitus, soluta vero una cum concreto diu veneno, expurgaveris prorsus, nunquam radicitus extirpabis, ubi inveteratus est, hunc morbum; sed sanasse visus, recrudescentem vel decies dolebis. Igitur reperienda erit methodus tam efficax, ut resolvat omne adiposum, medullosum, aliudve tenax cui tabida adhæsit affectio in meram, penetrabilem, perque minima vascula de corpore facile educendam aquam. Undenam ergo instrumentum tale inveniemus? Argentum vivum præsto est: id enim quacunque via immisum sanguini vitali, quum sit sanguine ipso decies, & ter ponderosius, agatur vi cordis, & arteriarum contractione tanto majore impetu in compagem sanguinis, ut eam penitus destruat, globos rubros resolvat, serosas flavas sphaerulas imminuat, reliquasque etiam partes ejusdem in minutissimas frangat, & ita in laticem subtilem, putridum, vasis exeuntem, convertat. Sed & novisti, elementa argenti vivi incredibiliter exigua cognosci, utique globis serosis sanguinis longe tenuiora, sane dum poros cutis intacta virtute ingreditur, cognoscitur, quod elementis majoribus sanguinis longe sit penetrabilis. Dum vero in meatus densissimi corporum auti tam facile se insinuat, ipsa forte aqua magis divisus in tenuitatem particulis constare colligitur; licet attractione ingenita suarum partium ad certum gradum tenacitatis se colligat. Tandem, & maxime immutabile hoc ipsum fossile videmus omniumque forte cognitorum corporum omnium minime rodens vel acre. Quibus sane cunctis rite expensis apparet vera vis, qua ad expugnandum hoc malum solus efficax, sufficiens solus Mercurius habetur. Vera ratio, quia omnes corporis humores in subtilitatem aquæ convertit, olei tenacitatem dividit, facit hinc, ut evadant omnes adeo dissoluti, ut specie salivæ, feri diarrhoici, urinæ citæ, vel sudoris, sponte de corpore eliminantur, veteres ita universi expellantur; unde nisi nova liquida commodo substituantur in locum perditorum, brevi moriuntur sic tractati, exhausto omni fere liquido. Nec sane actioni Mercurii confidere in tractanda hac inveterata ægritudine fas esto; nisi prius, ne gutta quidem intacta universos corporis humores, qui ullo modo pingues sunt, in aquam redegeris, expuleris de corpore, sicque simul immisum his tabum Venereum ablueris quam perfectissime de corpore affecto. Aliter, si quid restitit, statim ac novi ex alimentis succi, qui semper tum renascuntur magis quam olim pingues perfecte vasa repleverint, illico novus recrudescit morbus. Unde deducitur, rite non curari malum: nisi palleat instar mortui æger, nisi emacietur prorsus, nisi alimentis inter curandum quam minime pinguibus nutriatur, nisi tamdiu protrahatur ipsa curatio donec antiqui humores omnino de corpore migraverint. Neque ideo uniuscujusque est, fortunato dirigere argentum vivum in felicem exitum, nisi enim monita hæc fideliter observaveris, atque in magno fatis, & perpetuo calore, ægrotantem continueris, postremo nisi, & curatum jam hominem per mensem unum, alterumve, à pinguibus arcueris pabulis, atque à putrescentibus facile cohibueris, dolebis frustra Te discruciasse miserum crudeli durissimi remedii tortura: quum fere semper postea aliquid hæreat unde sepultus resurgat morbus, novasque vires capiat. Plurima pertinent porro ad lucem affundendam liquidam dictis. At meum hoc jam non est. Unum nimis edoctus addam. Argentum vivum sola vi vitæ actum hoc malum sanat, motu expellit. Ideo, & ejus medicata potestas haud valet corrigere, venereum tabum, quando ille figitur in locis, ad quæ actio cordis, & arteriarum, vix pertingit. Hinc cariem diploes, cranii non sanat; sed in cellulas ejus osseas consumpto pingui vacuas, iners, effusus, stagnat. Inde & ossium medullam inquinatam hoc malo vix repurgat. Gonorrhœas in sola cellulosa penis fabrica hærentes, per quas vix ullus circummeantium humorum impetus, nunquam sanat; licet luei simul dominantem perfecte eo tempore tol-

lat. Officula tenerrima, solis tenuibus recta membranis, ut jam supra monui, fervare nequit, ne excidant. Omnia hæc calamitosa mala præfens vidi. Sed mala Venerea, quæ latitant in locis, per quæ arteriæ rubræ, flavæ, serosæ, pellucidæ, cæteræque, per quas liquida cum idonea velocitate ruunt, argentumque vivum admittere in se possunt, atque illud fortiter urgere vitali potestate, perfecte sanari queunt Mercurii virtute. Quæ profecto observata proderunt Medico, ne diffidat in his, ne vanus sit in illis. An igitur in malis Venereis, ubi æger conditione loci ab argento vivo juvare nequit, desperatus relinquendus? Nequaquam! quid ergo juvare poterit, ubi deficit Mercurius? Dicam. Lege Hutennii insertum hic tractatum, sed relege cum cura, videbis abluui posse acri lixivio Guajaci intricatissimum contagium. Consistit artificium in eo, ut rursus omnia pingua resolvantur, corpusque ita emacietur, nihil ut olei retineat; unde hanc exsiccationis curationem vocant. Hic scilicet æger loco calidissimo includendus, ut fere sponte ibidem ad sudandum ptonus sit. Abstinere toto debet tempore ab omni potu, ciboque, in quo vel minimum pinguis, Unico macilento biscocto pane, uvisque passis, nulla alia re, alendus. Nullo omnino reficiendus potu, nisi sincero, at paulo leviori, Guajaci decocto. Quater interim interdiu potest decocti meracissimi ejusdem tantum, quantum potest; utique in singulas vices ut minimum uncias sorbeat octo, si plures, tanto rectius. Postquam ergo continuato aliquot dierum decursu impletus hoc liquore fere quasi hydropicus evadere incipit; jam cogitandum, corpus hoc plenum liquore ligni, cujus penetrabilis acrimonia, & acuta balsamica virtus, talis est, ut omnem fere pituitam solvat, pingue diluat, tenax attenuet, putridum à fracedine ulteriore condiendo præservet, cohibeat. Tum medicatus ille liquor fovit, maceravit, malos humores; restat dein, ut velocissime motus, perque omnia vasa tractus celeriter, intima quæque abluat, detergat, repurget, atque ita pingua corporis infecta de corpore quam accuratissime eliminet, sicque continuata hac expurgatione sanet. Igitur vacuo jejunos ventriculo manere impleat se, qua potest, maxima copia æger, ut turgeat: dein in cistella erectus sedens lignea, vel in lecto sub craticula, ad incensorum spirituum vini flammam ardentem sudet nudatum ægri corpus adeo diu, tanque fortiter, quam fere poterit. Spatium dimidiatæ horæ summa fere mensura est; tum in lecto, remota flamma, continuet sudorem ultra per horulam. Dein uncia octo vel decem juris macilentæ vitulinæ cum pauca oryza cocti calide exhibeatur. Corpus accurate pannis calidis, siccis, ex lana contextis, detergeatur. Sutgat æger. Qui sic quatuordecim tractatus diebus, & mane, & vesperi ita sudet, ita à singulis sudationibus reficiatur, detergeatur, repleatur decocto. Tum denique quatuordecim diebus iterum sudet mane. Interea verò dum hac arte in sudores resolvitur corpus, si quæ pars ossis malo infecta venereo, hæc eo tempore obvolvenda pannis calidissimis, fortissimo Guajaci lixivio madentibus, quin, & præcipua ardentium spirituum flamina inter sudandum eam versus partem dirigitur. Hac arte intima ossium, & reconditissimarum partium abdita purgantur penitus, etiam quo Mercurii virtus cum efficacia haud pertingebat. Etenim videre memini, juvenem penitissime ad ossa usque infectum, hac tractatum methodo tanto impetu ejecisse sudores, ut in vigore operationis, subviridis à Guajaco sudor elevarer, separaretque, ulcerum escharas vacillantes jam, & inferne labefactatas. Reminiscor lætus, quod juvenem sanaverim, jam sanissimum virum, & patrem familias, cui diversis corporis locis ossa tabefactata adeo, ut in digito manus articulus unus exciderit, in crure plurima loca cariosa spectarentur. Hac methodo rite exculsa, atque observata, officula narium, fragmenta palati, separata, cætera sincera reliquerunt. Quum vero ad summa hæc mala, ut plurimum pyralismus, & hæc decoctorum methodus, solent adhiberi, semper observanti constitit, pyralismo, feliciter sudoris expulsionem succedere; sed quoties liquore Guajaci

Jaci humores corporis penitissime prius dissoluti fuerant, ut ad hanc curationem desideratur, tum salivatio postea mercurio excitanda præscripta, vix boni quid præstiterit, quin imo vel maxima datus copia, aut per frictiones corpori applicatus, nihil quidquam salivationis excitavit. Credidi inde postquam idem illud aliquoties videram, argentum vivum in attenuatos penitus humores nihil fere agere, sed sine offensa dilabi, atque iterum exire vix turbato sanguine. Ut enim supra dixi in argento vivo nihil acris. Atque hæcce quidem ea sunt, quæ imprimis commentari

super hoc malo; hac occasione volui: ut aperirem publico, quid singularis tristi in malo deprehenderim. Neque rectius mihi videbar locare posse tempus, quod resurgenti à fatali fere morbo domi fallendum erat, dum languor virium vetabat in publicum prodire. Fastidiosa certæ ægrimonix sensum levabat tristem læta cogitatio, quod hæc humano generi, cui propitia quæque flagrantissime cupio, forte quandoque prodesse. Vale!

Lugd. Bat. 17 $\frac{1}{12}$ 27.





TRACTATUS DE LUXATIONIBUS.

CAPUT PRIMUM.

De Luxationibus in genere, & de iis, quæ ad rectam earum curationem cognosci debent.



Luxatio est unius ossis, vel plurium ossium à loco in quo naturaliter junguntur motio: plura autem ad rectam luxationem requiruntur.

Primò enim qui ossa luxata in naturalem locum reducere suscipit. Anatomiam callere debet: Secundò varietat luxationum species, earum causæ, signa diagnostica, & prognostica ei perfecta esse debent: Terridè membri luxati naturalem figuram, ut dignoscat, qui muscoli sint relaxati, qui verò contracti cognoscat oportet: Quartò debet seriò attendere ad symptomata ex luxationibus oriri solita: Curatio, denique, illiusque ratio, & an ea sit expectanda, nec ne, ei probè perspecta, & cognita esse debet.

Plura nos docet anatomia; varias, nempe, ossium articulationes, an ea per arthrodiam, aut per ginglimum sint conjuncta: deinde robur, & quantitatem ligamentorum, quæ in uniuscujusque ossis commissura reperiuntur; musculorum statum, numerum, robur & situm: nec finit nos ignorare in unaquaque ossium commissura reperiuntur cartilagine ossium capita contegentes, quarum aliarum margines cavitatum ossa recipientium altiores reddunt, aliarum verò sunt corpora intermedia inter unum os & aliud proximum, ut id observare est, verbi gratia, in conjunctione maxillæ, & in articulatione ossis tibiæ cum femore: nos etiam docet defluere per parvas quasdam glandulas ligamenti finitimas liquorem subglutinosum, admodum limpidum & pellucidum, qui singulas ossium commissuras irrigat, ut nempe, motus membri facilius fiat.

Sed imprimis planè perspecta, & cognita esse debet species commissuræ ossis luxati: quæ enim per arthrodiam conjunguntur facilius luxantur, quam ea quæ per ginglimum connectuntur: idque fit, quod muscoli semper adherent ligamentis articularum per ginglimum conjunctorum, quod commissuram firmiorem reddit, adde quod ossa per ginglimum conjuncta per plures superficies se tangant.

Præterea reperiuntur strictissima ligamenta in articulationibus per ginglimum, ut & plura capita, pluresque cavitates ossium capita excipientes observantur: contra in commissuris per arthrodiam unum tantum caput rotundum & politum reperitur, quod in sua cavitate facilius movetur, quam plura capita, in pluribus cavitatibus moveri possunt: Insuper motus articularum per ginglimum conjunctorum ad solam extensionem, & flexionem terminatur; motus verò articularum per arthrodiam conjunctorum fit quoquoersum in orbem.

Denique varia arthrodia, & ginglimi structura docemur, ossium per arthrodiam junctorum luxationes ferè semper esse completas, contra verò ossa per ginglimum

conjuncta nunquam ferè ex toto causa externa luxari, quin vel moriatur æger, vel saltem pars luxata pereat; cujus rei ratio est, quod ligamenta, tendines, vasa, & ipsa tegumenta ferè semper penitus destruuntur, propter longum iter quod os ex toto luxatum facere coactum fuit, idque fit ex eo quod ossa per ginglimum conjuncta ampliorum duplo habeant superficiem in loco commissuræ, quam ossa, quæ per arthrodiam connectuntur: Si verò luxationes completæ ossium per arthrodiam junctorum sunt raræ, id fit, quod eorum capita sunt perfectè rotunda, & cavitatum, ea recipientium margines admodum angusti, unde fit, ut caput ossis innitatur tantum puncto in quo remanere nequit: Attamen quum legimus apud authores ossa femoris, & humeri plus vel minus luxari posse illud semper intelligi debet de luxatione completa, in qua, nempe, os è sua cavitate omninò egressum, potest plus vel minus removeri, vel musculorum contractione, vel lapsum ægroti.

Cognitio ligamentorum prodest non solum ad judicandum de facilitate, vel difficultate motionis ossium è sua sede; sed etiam ad certam prognosim indicandam.

Omninò etiam necesse est cognoscere dispositionem, & robur musculorum, ut possimus reddere rationem varietatis figuræ membrorum luxatorum, ut cognoscamus locum, in quem se immisit caput ossis luxati, & ut facilius os luxatum in pristinam sedem reducere possimus.

Cognitio liquoris in articulationes defluentis, & quem Doctissimus Ettmullerus *Synoviam* vocat, perutilis etiam est; nemo enim nescit illum liquorem inservire facilitati motus, non absimili ratione ac verus axungia rotarum motum faciliorem reddit; cum verò hic liquor congeritur, depravatur, & spissescit, motum impedit, & aliquando ossa jungit, & ut ita dicam ferruminat, unde oriuntur anchyloses, quæ totis viribus sunt præcavendæ, ut molesta vitentur Symptomata.

Species, & differentia luxationum ex multis rebus, quas cognoscere necesse est, originem ducunt; nempe, ex varia ossis connexionem; è loco quem os luxatum occupat; ex causis ad id luxandum aptis: ex tempore quo os est luxatum: & ex morbis & symptomatibus luxationem concomitantibus.

Enimverò prout ossa variè connectuntur inter se, ita etiam varia est luxatio: aliter enim luxantur ossa per arthrodiam, & aliter ossa per ginglimum juncta: aliter etiam futuræ, dentes, & articulationes per cartilagineam intermediam junctæ luxantur.

Ratione loci quem os luxatum occupat; alia est completa, cum, nempe, os è cavitate sua est omninò egressum: alia incompleta, cum os margini civitatis adhuc hæret, vel cum plura sunt capita, & plures cavitates, vel cum unum caput cavitatem vicinam occupat, exempli gratia, cum condylus exterior femoris occupat cavitatem internam tibiæ, dici etiam potest luxationem aliam esse internam, cum os intrinsecus, aliam externam, cum extrinsecus, se immisit: aliam superiorem cum os sursum, aliam inferiorem cum deorsum se intulit.

Ratione causarum ossi luxando aptarum: Aliæ sunt externæ: aliæ internæ: Externæ sunt ictus, & lapsus, Internæ aliæ

oriuntur ex convulsione musculorum : aliæ ex debilitate ligamentorum : aliæ ex paralyfi & gravitate corporis , vel solius membri ; aliæ ex sero nimio ligamenta relaxante : aliæ tandem ex congerie synoviae ossis caput è sua cavitate expellens :

Differentiæ ratione temporis petuntur eo quod aliæ sint recentes ; aliæ antiquæ .

Ratione morborum , & symptomatum luxationes concomitantium : aliæ sunt simplices , quas nempe , nulli morbi ; nulla symptomata molesta subsequuntur , aliæ sunt compositæ , cum ; nempe , plura ossa sunt luxata ; aliæ tandem sunt cum tumoribus ad suppurationem vergentibus , vulnere ; ulcere , fractura , dolore intolerando , febre , insomniis , convulsione ; paralyfi , & similibus con-junctæ ; & has complicatas vocamus .

Tertium quod omninò notum esse debet ad luxationes ritè curandas ; est figura membri : ea enim innotescit ossis luxati situs , & musculorum status , de quibus fufius in signis verba faciemus .

Pernecessaria etiam est cognitio causarum luxationum ; de quibus supra in differentiis pauca diximus , quasque nunc fufius explicabimus , initium faciendo à causis internis , & primò quidem à convulsione permanente : facile enim est conceptu quod si musculi partem aliquam extendentes , diu in contractione permaneant , musculi antagonistæ non poterunt amplius partem in æquilibrio detinere ; unde fiet ut caput ossis se immitteret in partem musculorum relaxatorum , quia membrum defertur in partem oppositam à musculis convulsis , ut id videre est in convulsionibus digitorum :

Debilitas ligamentorum , paralyfis & gravitas alienjuss partis sunt luxationis causæ ; si exempli causa , ligamenta commiffuræ humeri cum omoplata sint relaxata , vel musculi Brachium moventes paralyfi afficiantur ; gravitas partis ansam dabit capiti humeri exeundi è cavitate omoplate , quia ligamenta non possunt dictum caput retinere , & musculi non amplius vim habent brachium fulciendi .

Nihil mirum etiam si ossa luxentur , cum aliquod serum effusum ligamenta articulum firmantia relaxat , cum non possint amplius ossa in sua sede continere ; licet musculi non sunt semper in contractione , nec gravitas membri semper agit :

Synoviae congeries ossa è sua cavitate expellit , prout enim paulatim hic liquor accumulatur , caput ossis è sua cavitate removeret ; quod ut plurimum anchylosis subsequitur .

Ictus & lapsus quotidie luxationes producere videmus ; verum membra nunquam ferè luxantur , nisi cum remota sunt à corpore ; ut id demonstrabimus inferius .

Necessaria etiam est ; ad curam luxationum , signorum diagnosticorum cognitio : alia sunt communia quæ in omnibus luxationibus reperiuntur : & alia propria , quæ singula luxationis specie conveniunt , unamque ab alia distinguunt :

Signa communia sunt , membri ad motum impotentia ; cavitas quæ repetitur in loco ; è quo os est egressum ; prominentia ; quæ observatur in loco ; in quo os reperitur : membrum est longius , vel brevius , & versum in hanc aut illam partem pro varia luxationis specie ; sed ea facilius concipi poterunt in explicatione signorum ; quæ luxationem completam vel incompletam ; à causa interna vel externa ; superiorem vel inferiorem , anteriorem vel posteriorem indicant :

Signa luxationem incompletam indicantia sunt : Locus articulationis prominentior est , quàm naturaliter esse debet : Membrum figuram suam vix mutat : Pars luxata indifferens est circa motum in hanc vel illam partem : ægrotus acerbioribus vexatur doloribus , quàm in luxatione completa . Locus articulationis prominentior est , quàm esse debet , quia ossis caput se extulit super marginem cavitatis ; unde fit ; ut extrinsecus promineat : Membrum vix figuram mutat , quia caput ossis vix est remotum à centro cavitatis id recipientis , vel saltem multò minùs quàm in luxatione completa : Pars sive membrum est indifferens circa motum in hanc aut illam partem ; quia musculi æqualiter ferè tenduntur ; & distantia capitis ossis luxati ferè est æqualis ratione musculorum . Ægrotus acerbioribus quàm in luxatione completa cruciatur doloribus ; præsertim quàm margines cavitatis sunt altiores ; quia ligamenta & musculi magis tenduntur cum caput ossis margini cavitatis suæ inhaeret , quàm cum ex ea est omninò egressum : verum dolor non est adeò acerbus ; cum margines cavitatis sunt minùs alti :

Signa luxationem à causa interna ottam indicantia , sunt sequentia . Membrum est vacillans quasi filo est suspensum , idque quod tale membrum paralyfi semper sit affectum ; quæ paralyfis aliquando est causa , aliquando effectus luxationis . Reperitur vacuum circa articulum inter caput ossis , & cavitatem id recipientem , quod est effectus paralyfis , relaxationis ligamentorum , & gravitatis partis , quæ tendit ad remotionem partium conjunctarum . Os facilius luxatur & etiam facilius reducitur , quia ligamenta & musculi vim suam omninò amiserunt . Membrum est longius , quia musculi & ligamenta officio suo defunt , unde fit ut membrum sequatur pondus & gravitatem suam .

Ossa luxantur sursum , deorsum , antrorsum , retrorsum , & unaquæque harum luxationum species sequentibus signis dignoscitur . Regula est generalis , quod extremitas ossis luxati opposita luxationi reperitur in parte opposita loco quem ossis caput occupat : sic si volumus scire locum quem occupat luxatio , observabimus quod si extremitas ossis est exterior , luxatio erit interior : si verò ossis extremitas est interior , tunc luxatio erit exterior , sicque de cæteris luxationibus . Idque fit ex eo quod caput ossis luxati removeatur à musculis id moventibus , vel ad eisdem accedat musculos . Ut ea quæ dicimus facilius concipiantur , notandum articulorum musculos esse ferè semper æqualiter distantes ab ossis fulcro ; si verò luxatur , ad , aliquot accedit musculos , & ab aliquot removeretur , illi , ad quos accedit relaxati , alii verò tendi debent , priores erunt , ut ita dicamus , sine ulla actione , quod ansam dabit posterioribus membrum ad se trahendi :

Innumera alia dantur luxationum signa ; sed quoniam unicuique parti luxatæ sunt propria , de iis , dum de variis luxationum speciebus agemus , mentionem faciemus .

Symptomata quæ luxationes comitantur sunt dolores , paralyfis , vigiliæ , ad motum impotentia , motus convulsivi , inflammatio , gangræna , ossis crepitus , anchylosis , stupor , & alia quæ inferius explicabimus .

Prognosis desumitur ex differentiis luxationum ; luxationes enim articulorum per ginglimum sunt periculosiores luxationibus per arthrodiam . Luxatio completa periculosior est incompleta , quia os difficilius reduci potest . Luxatio à causa interna curatu est difficilior , quàm ea quæ fit à causa externa ; sæpissimè enim est insanabilis . Luxationes antiquæ difficilius reducuntur & sanantur quàm recentes . Luxationes quas comitantur fractura , anchylosis , apostema , vulnus , ulcus , & similes morbi , sunt periculosissimæ . Articuli qui pluribus donantur musculis haud facile luxantur , sed si luxentur haud facile reducuntur , quia vis est faciendæ masculis , qui os retinent ne facile reducatur , & nemo nescit plerasque membrorum vitiatas conformationes ex musculorum contractionibus oriri . Cæterum plura afferemus specialia signa prognostica , dum de unaquaque luxationis specie agemus .

Cura luxationum peragitur secundum tres indicationes , quæ sunt , os luxatum reponere , id reductum continere , symptomatibus obviam ire , vel ex jam oborta cotrigere .

Prima Indicatio vocatur curativa , quia quid sit agendum , ut ægrotus sanetur præcisè indicat ; sed ea perfici non potest , nisi cum nulla sunt contra indicanti : ideo quædam in medium afferam , quæ impedire possunt quominus ossis luxati reductio fiat .

Si fractura , ingens tumor , profunda contusio luxationem comitentur , os luxatum nulla ratione reduci potest : ac sanè si humerus esset in medio fractus , & ab omoplata luxatus , luxationis reductio non esset tentanda , quia extensiones ad os luxatum ponendum necessaria fieri nullatenus possunt : Cum adest tumor propter ingentem contusionem , non verò propter compressionem vasorum , & aliarum partium à capite ossis luxati productam , tumori , & contusioni prius est medendum , non tantum quod illa symptomata sunt molesta , sed quia impediunt quominus extensiones necessaria fiant ; & morbum dubium ut plurimum reddant .

Tria sunt ad os luxatum reducendum agenda , nempe , extensio , contra extensio , & ossis in suam cavitatem reductio ; Extensionem vocamus motum seu nisum quem facimus , ut membrum ad nos trahamus ; contra extensionem verò conatum quem facimus , ut membrum ad corpus trahamus , vel ut corpus contineamus , ne partem sequatur cum ea extenditur .

U^t extensio, & contra extensio fiant, oportet, ut corpus contineatur, trahatur, vel fursùm impellatur vi æquali illi, qua membrum deorsùm trahitur, alioquin vis debilior, validiori cederet, & extensio imperfecta esset.

Oportet, quantum fieri potest, ut vires, quæ extensionem, & contra extensionem facere conantur, partibus ipsius luxatis admoveantur, alioquin inutiles, imò & sæpè noxiæ sunt: singulæ autem illæ vires debent proportionem habere cum remotione capitis ossis, & cum robore musculorum, qui id retinent: præterea oportet, ut pars ita sit sita, ut muscoli æqualiter tendantur, alioquin, qui in majori essent contractione, nimiam facerent resisten-
tiam, quin etiam lacerari possent: idè oportet, ut illis cautionibus adhibitis extensio paulatim, & gradatim fiat, ne nimia & celeriori extensione muscoli disrumpantur; extensionem autem esse sufficientem ex eo cognoscitur, quod muscoli subsident & elongantur; cum enim pars luxata est sita, ligata, & ad extensionem parata muscoli extrinsecus admodum apparent, quia tument, videnturque, ut ita dicam, se accingere ad trahendam partem, ut resistent conatui quem Chirurgus, vel machinæ quibus utitur, faciunt, si verò in extensionis nisu muscoli subsident & elongantur, evidens est signum os in cavitatem è qua est egressum sensim reponi.

Quum musculos sufficienter elongatos observamus, os in suam cavitatem vel machinis aptis reducimus, ideoque iis, qui membrum trahunt id leniter & quantum opus est remittere impetramus, ut nempe os sedem suam repetat; nec id repellere, ut volunt antiqui, necessarium non est, siquidem muscoli spontè se contrahunt, cum non amplius vel manibus vel machinis extenduntur, & inde qui auditur crepirus ortum habet: si verò os actioni musculorum relinqueretur, tunc sequentia possent oriri symptomata.

Si membrum subito remittamus, & adsit ora prominens cartilaginea, ea faciliè disrumpi, vel intrinsecus inverti potest: quod forsan anchylosin produceret vel motum membri difficillimum redderet. Fabricius ab Aquapendente id opinatur, dicitque quod licet celerior ossis reditus oram prominentem cartilagineam cavitatis non disrumperet, caput tamen ossis magnam cartilaginibus utrinque faceret contusionem.

Caput ossis in suam cavitatem reducere aliquando est difficillimum, aliquando verò ossis caput ex se ipso & sponte eam ingreditur, quod per mediocrem quem facit os quum reducitur crepirus cognoscimus.

Causæ, quibus os haud faciliè reducitur, sunt humores glutinosi, qui in cavitatem unde os est egressum reperiuntur, eamque replent, quod fit in antiquis luxationibus: vel ora prominens cartilaginea cavitatis est disrupta, aut intrinsecus inversa: vel denique si cavitatem aere subtili est repleta, & circulus ligamentosus non est disruptus, aer introductioni ossis obstat, si nempe, circulo ligamentoso ita aptè applicetur ossis caput, ut aer non nisi summo & violento impulsu capitis ossis è dicta cavitatem expelli possit, & hujus aeris collisio causa est crepirus, qui cum ossa luxata reducuntur, sæpè auditur, quin etiam affirmare possumus quod sine aere duorum ossium collisio & percussus, nullum vel minimum produceret crepirum.

Secunda indicatio in qua luxationum cura consistit, est os reductum continere, quod fit rita fasciarum & ligaturarum applicatione, & apto partis situ: fasciarum applicatio minus est utilis in luxationibus à causa externa, quia muscoli melius quàm fasciæ partem in sua sede continent: verùm fasciis opus est in luxationibus à causa interna, præsertim iis, quæ à ligamentorum relaxatione, paralyfi oriuntur, & antiquis luxationibus à causa externa in quibus adest paralyfis, vel ad anchylosin dispositio, quin etiam fasciæ strictiores esse debent quàm in aliis luxationibus, in quibus fasciæ applicantur solummodò ad splenia & medicamenta continenda: ligatura fit cum fascia convoluta, plùs, vel minùs longa pro necessitate continendi ossis vel solummodò continendorum spleniorum, emplastrorum, aliorumque medicamentorum in similibus casibus usitatorum.

Situs in luxationibus idoneus consistit, ut corpus vel membrum ipsum ritè sit situm: situs totius corporis est, in omnibus luxationibus trunci & extremitatum inferiorum, cubare; contra in luxationibus maxillæ & extremitatum superiorum non est necesse, ut æger in lecto semper jaceat; sed de his in sequentibus fusiùs verba faciemus.

Musitani Opera Tom. II.

Pars ita debet esse sita, ut nullus musculus sit coarctatus, & liquores liberè circulare possint: ideoque tria sunt observanda.

Primum, membrum nec nimis flexum, nec nimis extensum esse debet, muscoli enim vel ad partem flexendam, vel ad eam extendendam contrahuntur; quapropter pars ita debet esse sita, ut æqualiter sit flexa & extensa, alioquin muscoli conantur partem sustinere & fulcire.

Secundum, pars ita debet esse sita, ut ejus proclivitas sanguinis reditum ex venis non impediat, id enim circulationem sanguinis turbaret, & ex impedita vel perturbata circulatione oriretur tumor, vel etiam abscessus.

Tertium, locus quo pars nititur mollis esse debet, ne incommodum pariat ægroto, quod cum cogeret ad motus curæ obicem ponentes.

Tertia indicatio curatoria consistit in curatione symptomatum præsentium, & præservatione futurorum: quocirca de uno quoque symptomate seorsim agemus. Dolor & motus perversus, qui luxationes semper comitantur ossis reductione curantur; & reductio est eorum symptomatum præsentaneum remedium: aliquando tamen, & dolor & motus perversus post reductionem perseverant, quia violenta membri extensio elongationem & rupturam fibrarum musculosarum, & nervearum aliquando producit, quo in casu vena est secanda, poriones vulnerariæ sunt exhibendæ, clysteres sunt injiciendi, narcotica in usum sunt revocanda; & parti affectæ cataplasmata, linimenta, foras, & alia topica, quæ omnia emollientia & anodina esse debent superimponuntur.

Motus convulsivi à violenta nervorum, & partium nervosarum extensione oriuntur, & osse reducto cessant.

Febris aliquando superveniens ab irritatione materiæ alicujus acris effusæ, & aliquando inflammationem producentis oritur, quæ symptomata remediis anodinis poros non obstruentibus, copiosis venæ sectionibus, diætâ, & aliis remediis generalibus sedantur.

Gangræna non parti luxatæ, sed semper inferiùs supervenit, oriturque à compressione nervorum & vasorum sanguiferorum; ex quo fonte oritur etiam paralyfis: quod observatur in luxatione vertebrarum, & aliarum partium, cum ossa luxata vasa sanguifera, & nervos comprimunt, & hac compressione sanguinis & spirituum animalium distributionem præpediunt, quo in casu unicum, & præsentaneum remedium est ossis luxati reductio, præsertim in luxatione vertebrarum.

Crepitus qui luxationes comitatur, fit cum membrum movetur, & oritur ab inopia, vel nimia copia synoviæ, si enim hæc deficiat cartilaginee nimis sunt aridæ, si verò abundet, crepitus fit, cum aer ei commiscetur, huic symptomati medemur medicamenta resolventia, & liquantia applicando, membrum frequenter movendo, ut aer expellatur, synovia dissolvatur, si verò his adhibitis cautionibus anchylosis superveniat, ei medemur, ut infra dicemus, cum de hoc symptomate verba faciemus: si synovia deficiat, articulus oleis penetrantibus est illiniendus, & foras emollientes sunt applicandi, ut synoviæ defectui suppleatur.

Si luxatio sit cum vulnere, luxatum membrum diligendum est, ut in fractura complicata, ut nempe, pars possit sine ullo ejus motu curari, & ei remedia applicari, nec arctè nimis diligari debet, cum ligatura fiat tantum ad remedia continenda.

Si abscessus superveniat, is naturè est aperiendus, nec ejus mutatio est expectanda, quia pus partes articulo vicinas vitare posset, quin etiam articulum ipsum corrumpere, & carie afficere.

Si luxatio à causa oriatur interna, cura pro causarum varietate, etiam variare debet; quum musculorum convulsio os è cavitatem sua expulit, luxatio statim est reducenda, & os in sede sua continendum, donec convulsio appropriatis remediis sit curata.

Si ligamenta sint relaxata, & muscoli paralyfi afficiantur, os reducitur, & continetur apta ligatura, & idoneo tum ægroto, cum partis affectæ situ, fovendo sæpiùs in die liquonibus spirituosiss & aromaticis, factis priùs frictionibus asperioribus, ut pori recludantur, hacque ratione topica faciliùs penetrent, & transpiratio facilius efficiatur.

Diætâ, denique, accurata est observanda, & remedia generalia sunt in usum revocanda: paralyfi verò pro causarum varietate curari debet: verùm de illius curatione hic dicendi locus non est.

Dd a

Si

Si synovia in tanta copia creverit, accumulata sit, ut os è sua sede expulerit, id totis viribus est reducendum, & continendum; quo in casu ita deligari debet pars affecta, ut caput ossis fortiter premat cavitatem synovia repletam, sicque istam ad circumferentiam pellat exterius quo fiet ut facilius dissolvi liquantibus, & dissipari re solventibus applicatis poterit: adde quod quoties pars deligatur caput ossis in sua cavitare diu est agitandum, simili ratione ac pistillum in mortario agitatur, ut hoc modo hic humor dissolvatur, & transpirationi aptius evadat.

Si caput ossis è cavitare sua tanta violentia egressum sit, ut ligamenta, tendines, & cutem ipsam ruperit, quam celerrimè id in cavitatem suam reducitur, & vulnus secundum artem curatur, sed ut plurimum supervenit gangrena, qua fit ut pars amputanda veniat.

Quum fractura, & luxatio eadem ossa affligunt, primò luxatum os est reducendum, postea fractum curatur secundum artem: si verò os luxatum nulla ratione posset reduci, quod evenit cum fractura est propè articulum, tunc cum pars non possit satis extendi, sequenti ratione se gerere debet chirurgus.

Os fractum est reducendum luxationi, defensiva sunt adhibenda, postea resolventia, & liquantia, ut, nempe, synoviae fluiditas conservetur: callo verò formati, fiet extensio ad luxationem reducendam: non semper succedit hæc methodus, sed nulla alia datur, metus enim est ne luxato reduci nequeat, quod tamen non semper evenit, cum reductæ, & curatæ sint luxationes post sex menses, annum, & amplius.

C A P U T VII.

De Luxatione Capitis.

Luxatio Capitis à prima vertebra est ferè impossibilis, sed secunda, tertia, & sequentes facilius luxantur, tum quia minus sunt alligatæ, tum quia à capite sunt remotiores; manifestum enim est vertebrae è facilius luxari, quò remotiores sunt ab articulatione capitis, & ab ossibus cœxendicis; & hanc ob rationem vertebrae lumborum facilius quàm aliæ luxantur, quod fusius probabimus, cum de vertebrae luxatione verba faciemus; præterquam quod capitis cum collo articulatio non solum fit mediante prima vertebra, sed secunda ei fortiter est alligata: adde quod prima vertebra haud faciliè à secunda luxatur, propter apophysin odontoidem quæ alligatur, & retinetur duobus ligamentis, uno posteriore quod impedit ne retrahatur, & alio quo parti anteriori foraminis occipitalis fortiter alligatur.

Causæ sunt vel internæ, vel externæ, sed de his fusius in capite primo. Signa sunt manifesta, & prognosis est funestissima; æger enim brevi moritur, propter compressionem medullæ spinæ.

Cura mihi non videtur impossibilis, præsertim si luxatio capitis est incompleta; reductio fit eadem ratione ad reducuntur vertebrae, de quibus inferius agemus.

C A P U T III.

De Luxatione Maxilla Inferioris.

Maxilla inferior cum ossibus temporum duplici artrodia conjungitur, in unoquoque enim temporum osse reperitur cavitas, quæ maxillæ condylum recipit; adest etiam cartilago intermedia inter condylum maxillæ, & cavitatem ossis temporum: Ligamenta maxillæ sunt tenuia, sed ejus musculi sunt robustissimi, præsertim illi, qui maxillam attollunt, eamque in superiorem premunt ad masticationem ciborum peragendam.

Maxilla luxatur ex utroque latere in anteriorem partem, vel ex uno tantum latere; non potest retrò luxari directè è dextro latere ad sinistram, nec è sinistro ad dextrum.

Radices apophysium mastoidum, & fornix canalis ossei auris impediunt, quominus maxilla retrò luxetur.

Prominentia ex qua oritur apophysis styloides, impedit ex utroque latere, quominus maxilla è dextro latere ad sinistram, & à sinistro ad dextrum luxari possit, ita ut è dextro latere ad sinistram non nisi in anteriorem partem luxetur, sive unus condylus è loco moveatur, sive

uterque prolabatur, & os debet esse diductum eo tempore quo luxatur, quandiu enim clausum remanet, nulla fieri poterit Maxillæ luxatio, quia condyli semper interceptient viam, per quam os è sua sede exire potest.

Signa, luxationem ex utraque parte in anteriorem partem indicantia sunt sequentia: os manet apertum: ægrotus non potest mandere cibos: genæ sunt planæ cum os ægroti diducitur: acerbos patitur dolores; distinctè loqui nequit: ejus saliva copiosè, & præter voluntatem effluit: deglutitio est admodum molesta, & laboriosa; & fauces sunt aridæ.

Si ægrotus os ad mandendum cibum claudere nequit, Fabritius ab Aquapendente dicit, id oriri ex eo, quod apophysis coronoides maxillæ elapsa est ex osse zigontate, nec amplius ascendere potest; dicit etiam id tantum evenire in magnis luxationibus, in quibus maxilla insigniter est è loco suo mota: arbitror tamen illud evenire, quia condyli in anteriorem partem sub musculis dilapsi sunt, reperiunturque in linea recta, quæ ducitur ab eorum origine ad eorum insertionem, ita ut se contrahentes premant condylos in basim cranii sine ullo motu.

Genæ fiunt planæ, quia maxilla inferior diducta musculos buccinatores intus planos facit.

Musculi masseter, & crotaphita exterius prominent, quia contrahuntur, ut jam jam dicemus.

Ægrotus acerbos patitur dolores, quum ejus os diducitur, quia musculi id claudentes tenduntur, à remotione maxillæ, quo fit ut cum id magis diducere volumus, musculi tenduntur, & trahuntur, unde oritur dolor.

Ægrotus loqui non potest, quia lingua palato ut decet non applicatur, nec ad oram labii inferioris amplius accedit; quæ omnia sunt absolutè necessaria ad vocis explanationem impressionem.

Saliva copiosè, & præter voluntatem effluit, propter compressionem glandularum salivalium, & quod lingua non potest eam in imas fauces ut deglutitur protrudere, nec labia possunt conjungi ad eam in ore continendam.

Ægrotus non potest deglutire, quia lingua non potest palato applicari, nec retrò pellere alimenta, vel salivam in œsophagum.

Imæ fauces sunt aridæ, tum quia aer eas sine ulla modificatione pertransit, tum quia saliva eas non amplius humectat, idque èd magis quòd ægrotus eam rejicit, nec deglutire potest.

Quum maxilla ex uno tantum latere est luxata; os non est adeò apertum, mentum versum est in latus oppositum luxationi: dentes inferiores non consistunt sub superioribus; musculi ex uno tantum latere protuberant: & ad sunt omnia cætera signa supra in luxatione maxillæ ex utroque latere recensita.

Causæ, aliæ sunt internæ, aliæ externæ, utraque continentur, & recensentur in capite de luxationibus in genere; sed observandum maxillam clausam difficillimè, ictu, vel lapsu luxari posse, quia in hoc statu si retrò pellatur obstant apophyses mastoides, & canalis osseus auris: si ad latera pellatur, retinetur protuberantiis, ex quibus apophyses stiloides oriuntur; si pellatur ab inferiore parte ad superiorem, maxilla superior impedit quominus luxetur, unde concludere est eam non posse luxari, nisi ictu violento, qui eam à superiore parte ad inferiorem pellat, ac proinde eam aperiat, quod facilius contingit si maxilla jam est aperta; & celeberrimi Practici affirmant se nunquam maxillam luxatam videri, nisi oscitando; arbitramur tamen eam luxari posse ictu vel lapsu extra oscitationis actum, sed ea necessariò aperta esse debet, ut possit luxari.

Maxilla difficilius quàm aliæ partes luxatur, non solum ob rationes supra memoratas, sed ob duos articulos, qui in ea reperiuntur, & qui à se invicem satis sunt remoti, quique eodem tempore ambo resistunt: adde quod ejus musculi sunt robustissimi, & brevissimi, quò fit ut fortiter resistant, eamque in sua sede facilius contineant.

Symptomata, quæ hanc luxationem comitantur, in signis diagnosticis continentur: Hippocrates dicit, nisi maxilla citissimè reducat, febrem, soporem, inflammationes, vomitum materiæ biliosæ, & mortem ipsam decimo die supervenire, sed hæc symptomata contingere nunquam vidi: attamen ea posse supervenire in gravibus luxationibus non inficias ibo, & oriuntur à violenta tractione, & extensione nervi canalem maxillæ occupantis, qui nervus est magnus ramus quinti paris, cujus origo

origo est proxima ; Itaque prognosis non est periculosa si luxatio citò reducatur .

Ad maxillam luxatam reducendam ægrotus in sede ad manuum altitudinem collocatur , caput dorso sedis incumbens manibus fronti impositis fortiter tenetur : Chirurgus pollices suos linteo instruit , ne à dentibus molaribus lædantur ad articulationem maxillæ eos quàm proximè potest adigit , ac postea eam inferius & retrò propellit ; inferius ad musculos extendendos , retrò verò ad condilos elapsos in pristinam sedem reducendo ; quibus petactis inferiorem maxillæ partem sursum propellit , pollices in interiores genas quàm celerrimè ne mordeantur , retrahendo , quod prompta musculorum maxillam sursum attollentium contractione contingeret .

Quidam Chirurgi , ut maxillam reducant , rigidos in mentum colaphos totis viribus impingunt : alii baculo vectis instar utuntur : alii lignum inter dentes inferunt , & colaphos in mentum impingunt : sed hæc reducendi rationes sunt omninò inutiles , & bonæ methodo contrariæ , nec in usum venire debent : Vidimus tamen aliquando maxillam solo colapho inflicto reductam , at luxatio erat incompleta , & condyli & muscoli à sede sua naturali non admodum erant remoti ; sed reductio omninò est impossibilis , quum condyli sunt in recta linea ab origine musculorum ad eorum insertionem transeunte .

Deligatura in simplici fascia in quatuor capita extensa consistit , qua mentum fulcitur , & quæ ægroti pileo religatur .

Cùm luxatio ex uno tantum est latere , maxilla ad partem oppositam solummodò propellitur , & in pristinum locum faciliè reducitur .

C A P U T IV.

De Luxatione Vertebrarum .

Vertebrarum luxatio completa est admodum difficilis , ne dicam impossibilis ; revera earum luxationes semper sunt incompletæ ; luxationem enim completam vocamus eam , in qua os luxatum non amplius tangit os quo cum conjungebatur ; in luxationibus verò vertebrarum , istæ inter se semper se contingunt per maximam sui corporis partem , ita ut nonnisi per apophyses suas obliquas in totum luxentur , quin etiam duæ apophyses obliquæ non semper simul luxantur , cùm una è sua sede elabi possit , dùm altera in eodem ferè loco remanet : præterea fit luxatio unius , duarum , trium vel amplius vertebrarum , sed id sequenti ratione intelligi debet , exempli gratia , si prima lumborum vertebra sit luxata ab ultimâ dorfi , & ultima lumborum luxetur ab osse sacro , non arbitrandum est , quinque lumborum vertebrae esse luxatas , quod tamen omnes sine ratione opinantur de ejusmodi morbo , quum tres vertebrae , quæ reperiuntur inter primam & quintam vertebra nullatenus sint luxatæ : observandum est etiam unam vertebra superius tantum posse luxatam esse , vel quod raro contingit , superius & inferius simul .

Vertebrae nunquam luxari possunt per conatum factum à parte extensionis spinæ , nisi cartilaginee & ligamenta vertebrarum corpus connectentia sint disrupta , quo in casu ægrotus vitam cum morte brevi commutaret , gravissima nempe , medullæ spinalis compressione .

Apophyses obliquæ hac ratione luxari non possunt , quia spinæ extensio eas potius adducit quàm removel : sic cunctæ vertebrarum luxationes ratione ad apophyses suas obliquas non contingunt , nisi per conatum factum à parte flexionis spinæ , vel dextrorsum & sinistrorsum , ut id explicabimus .

Si conatus fiat spinam flectendo , apophyses obliquæ inferiores egrediuntur ultra terminum apophyseon superiorum vertebræ inferioris , & hinc fit luxatio duarum apophyseon obliquarum vertebræ inferioris : si conatus fiat ex latere dextro spinam flectendo , apophysis obliqua sinistra elabitur ex apophysi obliqua , quæ eam recipit : si verò conatus fiat flectendo spinam in latu sinistrum , luxatio erit in latere dextro .

Lumborum vertebræ facilius , quàm colli vertebræ , & hæc facilius , quàm vertebræ dorfi , luxantur : Vertebrae lumborum facilius luxantur , primò quia reperiuntur in medio spinæ , quo in loco flexio est fortissima , & conatus sunt fortiores , ut id videre est in baculo , quod facilius flectitur in suo medio , quàm in suis extremis : Secundò earum apophyses obliquæ sunt magis externæ , quàm apophyses vertebrarum colli & dorfi : Tertio vertebræ colli habent cavitatem in parte superiori corporis sui , quæ recipit eminentiam vertebræ inferioris , quo fit ut firmitus connexæ sint quàm lumborum vertebræ , quarum corpus est planum : Quarto cartilago densior est in vertebris lumborum , quo fit ut facilius moveantur , & nemo nescit , eò frequentiores & faciliores esse luxationes , quo articulationes sunt mobiliore : Denique vertebræ dorfi magis resistunt luxationi , quia spinæ flexio in iis vix apparet , & demonstravimus supra spinam non posse luxari nisi ex latere flexionis .

Signa diagnostica communia sunt , præternaturalis totius corporis figura , incedendi impotentia , in partibus luxationi subjacentibus torpor , unde subito vel saltem paulò post extremitatum inferiorum paralytis supervenit , alvus fit pigrior , urinæ non excernuntur , gangræna partes afficit , & mors est in propinquo .

Ægroti non possunt incedere , quia cùm spina non sit recta , ea non potest esse amplius sub linea directa ; Si verò patiens ut incedat , corpus suum sub hac linea directa collocare tentat , ut faciunt gibbosi , omnes illius motus sunt tot succussus , qui medullam spinalem comprimunt , & acerbos dolores creant ; sed potior causa , quæ impedit quominus æger incedere possit , est compressio medullæ , qua spirituum in musculos irradiatio interceptur .

Vicinarum partium torpore est dictæ compressionis effectus : paralytis vero , alvus pigrior , urinæ retentio , & gangræna totali & integræ spinalis medullæ compressioni originem debent .

Observandum est gangrænam supervenire primò in loco apophyseon spinosarum , in inferiore parte coxendicis propè trochanterem , in coccyge , & in inferioribus natibus ; quia ægrotus dorso incumbit , quo fit ut illa loca ossibus vicina , magis quàm alia comprimantur , & liquores ac succi facilius in iis consistent .

Signa luxationis vertebrarum propria quatuor sunt : primum indicat , an una vel plures vertebrae sint luxatæ : secundum denotat luxationem ex latere flexionis : duo cætera nobis ostendunt , an luxatio sit dextrorsum , vel sinistrorsum .

Signum , quo indicatur plures vertebrae esse luxatas , est quod curvatura spinæ major est ; sed si una tantum vertebra est luxata , angulus quem spina facit in loco curvaturæ est acutior .

Signa , quæ denotant luxationem ex latere flexionis , in qua binæ apophyses obliquæ sunt luxatæ , sunt sequentia , spina antè in linea recta flectitur , ægrotus acerbum perferit dolorem si spina flectatur , dolor verò levatur si vel tantillum ea extendatur , idque oritur ex eo quod in flexione , ligamenta & muscoli extensores , qui admodum sunt contracti , nimis elongantur : cùm verò extenditur spina dolor levatur , quia ligamentorum & musculorum tensio imminuitur : hic loci observare est musculos nihil in hac luxatione , ut in aliis luxationibus ad pravam partis figuram conferre , hancque ex perverso apophyseon obliquarum situ solummodò oriri ; in hac enim luxationis specie , spina ex latere flexionis semper prominet , licet in illo latere nulli sint muscoli , & tota posterior spinæ pars musculis sit cooperta .

Signa , vertebrae dextrorsum & antè luxatas esse , sunt ea , quæ supra recensuimus , quibus addendum spinam sinistrorsum verti , ægrotum acerbos perferre dolores , si corpus quo inclinatur flectatur , & dolores levare si corpus ad latus in quo est luxatio propellatur .

Signa , vertebrae sinistrorsum esse luxatas indicantia , sunt contraria iis , quæ in vertebris dextrorsum luxatis proposuimus .

Prognosis . Omnes vertebrarum luxationes sunt periculosa , sed luxatio vertebrarum colli & dorfi periculosior est , quàm luxatio vertebrarum lumborum : luxatio duarum , trium , plurimve vertebrarum minus potest periculum , quàm luxatio unius vertebræ , luxatio completa binarum apophyseon obliquarum facilius reducitur , quàm quum una tantum apophysis obliqua est luxata .

Luxationis vertebrarum periculum oritur ex medullæ spinalis compressione , cujus usus maximi est ad vitam momenti ; & ex eo quod vertebræ haud faciliè reduci possunt .

Luxatio vertebrarum colli, & dorsi periculiosior est quam luxatio vertebrarum lumborum, quia majori conatu opus est ad eas luxandas, & quia cum sunt luxatæ majorem medullæ spinalis partem comprimunt, quam quum vertebræ lumborum sunt luxatæ: præterquamquod nervi ex medulla spinali in collo, & dorso originem ducentes cum octava pari, & intercostali communicant; nemo autem nescit quanti momenti sint hi nervi ad æconomiam animalem: Luxatio duarum, trium, pluriumve vertebrarum minùs est periculosa, quam luxatio unius vertebræ, quia in illa spinalis medulla minùs comprimitur, & minor illa compressio oritur ex eo quod spinæ curvatura minùs acutum facit angulum, quam cum unica vertebra est luxata: Luxatio incompleta minùs proterdit periculum, quam completa, quia spinalis medulla in illa minùs, quam in hoc comprimitur.

Ad reducendas vertebrae ex latere flexionis luxatas æger in loco alto est collocandus, ventri incumbere debet, & venter in loco luxationis fulciendus; postea utraque trunci extremitas est demittenda ut spina flectatur, dein vertebræ luxatæ sunt comprimendæ, hinc pars trunci caput spectans sublevari, sicque vertebra reduci debet: Verùm de hac nova methodo sequentia sunt notanda.

Dixi superiùs musculos spinæ ejus figuram non immutare, licet eam extendere nitantur, sed apophyses obliquas sibi invicem per sua extrema occurrentes impedire quominùs spina extendatur, unde fit ut musculorum conatus inutiles fiant; quod ab iis, qui de hoc scripserunt morbo non fuit annotatum, nec in dubium revocatum ab iis, qui quotidie his reducendis luxationibus operam dant, idèò infelicem eorum in illius morbi cura successum demerari non debemus.

Dixi etiam spinam esse flectendam, quod tamen adversatur methodo vulgari, qua aliæ luxationes reducuntur; enimverò ad brachium luxatum, exempli causa, reducendum, id moveri debent versus musculos extensos, ad hos, nempe, relaxandos: sed supra dicta methodus omninò est necessaria ad vertebrae reducendas, quia hac ratione muscoli extensores spinæ extenduntur, quibus apophyses obliquæ aliæ in alias compressæ detinebantur, hacque utor methodo, ut apophyses in loca pristina reducantur; tunc enim moribus, qui ad eas reducendas sunt non ampliùs obistere possunt, apophyses obliquæ superiores vertebræ inferioris, sub apophyses obliquas vertebræ superioris facilè se immittunt, cum vertebra luxata in partem anticam propellitur, & cum pars trunci caput spectans extenditur, apophyses obliquæ inferiores vertebræ superioris collocantur sub apophysibus obliquis vertebræ inferioris.

Qui ad vertebrae luxatas reducendas, extensionibus, & contraextensionibus ope fasciarum utuntur, nunquam eas reducere possunt, quia eorum conatus tendunt ad spinam in lineam rectam collocandam, quod fieri non debet, nisi cum apophyses obliquæ non ampliùs inter se se contingunt, cum hac contiguitate impediatur, quominùs spina in linea recta collocetur.

Qui ægrotum alis suspendunt, & bacula spinæ admovent, ac vecti desuper comprimunt, oleum, & operam ludunt, malèque agunt, quum eorum conatibus fulciantur apophyses obliquæ aliæ aliis, cum contra aliæ aliis submitti debeant: eadem ferè est ratio aliarum luxationum, & eadem methodus ad eas reducendas est adhibenda.

Quum luxatio est reducta, oportet toti spinæ applicare medicamentum defensivum, splenium, & fascias latissimas circa corpus scapulari suffultas: ægrotus in lecto plano, & æquali dorso jacebit, vena ei pluries secabitur: fortis spirituosus, & attenuantes applicabuntur, frictiones validæ linteis calidis fient, in locis præsertim in quibus, vel torpor, vel paralytis observabitur, vulneraria, & anodina interius exhibebuntur: alvus pigrior clysteribus acerbis sollicitabitur; urina si sit retenta, & venter tumidus specillo educetur; Deligaturæ tatdæ, & minùs frequentes erunt, præsertim si æger est tranquilluss, ejusque dolores sunt mediocres.

Luxatur coccyx intrinsecus, & extrinsecus: luxatio extrinsecus nonnisi in partu laborioso, cum fœtus in transitu diu nimis remanet, contingit; quo in casu cartilagines, & ligamenta, quæ coccygem connectunt, vim suam elasticam amittunt, quia ultra tonum naturalem diu sunt protensa impulsu infantis, qui ipse per uteri, diaphragmatis, & musculorum imi ventris fortes contractiones perpetuò propellitur, quo fit ut tandem coccyx, cum conatibus illis ampliùs resistere non possit, extrinsecus propellatur, nec post partum intrinsecus redire possit, quia cartilagines, & ligamenta tonum suum, & vim elasticam amiserunt.

Coccyx luxatur introrsum causis omninò contrariis, v.g. ictu, & lapsu; symptomata, quæ hanc concomitantur luxationem sunt gravitas, qui in ano per sentitur, & dolor insignis, præsertim quum æger coxas movet, & dejicere vult.

Gravitas in ano oritur ex eo, quod coccyx, cujus usus est intestinum rectum fulcire, reperit hoc pondus gravius, quam more solito, quia amisit fulcrum suum, & ligamenta dolore afficiuntur.

Dolor quem per sentit ægrotus cum coxas movet, & dejicere vult, oritur ex eo quod musculus glutæus major lateribus coccygis est alligatus, & musculi intestini recti ab hoc osse partim originem ducunt quo fit ut semper moveatur, cum illi musculi ad coxæ vel intestini recti motum agunt.

Licet dolor hic diu perseveret, attamen hæc luxatio non est periculosa, nisi contingat in patiente cacoehymo, & pravæ humorum qualitates varia excitent symptomata, quæ à sola illius ossis luxatione non possunt oriri.

Ad os coccygis extrorsum luxatum reducendum, oportet introrsum pollice propellere, idque in situ naturali continere fasciis graduatis, & deligatura in figuram T facta, quæ ita sunt applicandæ, ut sine earum remotione dejicere possit patiens.

Ad os coccygis introrsum luxatum reducendum, digitus index oleo olivarum, vel amygdalarum dulcium intinctus in anum immittitur, quo digito os coccygis in pristinum locum reducitur.

Ægrotus per totum curationis tempus in lecto jacere debet, vel si è lecto surgat oportet ut in sella perforata sedeat, ut nempe pars affecta nullomodo comprimatur; qua compressione novi crearentur dolores, & forsitan os è sede sua de novo moveretur.

Clavicula difficiliùs quam humerus luxatur, quia illa minùs quam hic in lapsibus, & ictibus paritur: attamen potest luxari in loco, in quo cum sterno connectitur duobus modis, nempe, retrorsum cum ad asperam arteriam accedit, & antrosum, quum supra primum os sterni eminet: Prima harum luxationum est rara quia clavicula faciliùs antrosum quam retrorsum se projicit, suo enim situ jam est inclinata, & ejus extremum cum omoplata conjunctum magis est retrorsum, quam ejus extremum sterni connexum.

Causæ utriusque luxationis sunt, ictus, & lapsus violenti, quibus clavicula in sternum linea horizontali pellitur, quod eam cogit è sua cavitate elabi retrorsum si humerus antrosum extet: vel antrosum si humerus sit in naturali suo situ.

Binæ hæ luxationes facilè dignoscuntur, prima, nempe, per cavitatem quæ observatur in loco, è quo clavicula est egressa, & altera per eminentiam quæ exterius apparet.

Symptomata luxationem retrò factam concomitantia sunt periculosa, quia clavicula comprimit tracheam, oesophagum, venam jugularem, arteriam carotidem, venam & arteriam axillares, & vicinos nervos.

Ad luxatam claviculam reducendam oportet in usum revocare extensionem, & contra extensionem, ut in ejus fractura dictum fuit, postea reducitur clavicula, eam antrosum trahendo si est retrorsum luxata, vel eam retrorsum propellendo, si antrosum est luxata.

Ex luxationibus, quæ à causis externis sunt, claviculæ luxatio diligatuta magis opus habet, quia hujus ligamenta sunt disrumpita, nullique muscoli eam retinent.

Ad luxationem claviculæ retrò factam, adhibenda est deligatura in figuram 8, qua humeri ad claviculas propius adducuntur, hac enim ratione extremum internum claviculæ antrorsum propellitur: Verùm in altera luxationis specie articulationi applicantur splenia duplicata, & crassa, quæ deligatura spica descendente continentur, brachium verò in utraque luxatione mitella fulciatur.

C A P U T VII.

De Luxatione Humeri.

Humetus antrorsum, id est, sub axilla plerumque luxatur: aliquando etiam extrorsum, & directè deorsum super costam inferiorem omoplatae; sed nunquam potest luxari directè sursum introrsum, nec sursum extrorsum, nisi Acromium sit fractum, vel apophysis coracoides sit fracta.

Non potest luxari directè sursum quia musculus deltoideus, caput externum musculi bicipitis, apophysis coracoides, & Acromium huic adversantur luxationi.

Non potest luxari sursum, & extrorsum propter acromium quod terminat cavitatem omoplatae in illo latere: nunquam etiam potest luxari sursum & introrsum, quia caput ossis retinetur musculo coracoideo, duobus capitibus musculi bicipitis, & apophysi coracoide.

Caput humeri directè deorsum haud faciliè luxari potest, tum quia musculus longus extensor cubiti ei luxationi obstitit, tum quia caput ossis super costa inferiore omoplatae difficillimè remanere potest.

Duobus modis facilioribus os humeri luxari potest, nempe, deorsum introrsum, & deorsum extrorsum.

Deorsum extrorsum nihil impedit quominus caput ossis humeri è sua cavitate elabatur; attamen hæc luxatio rarius quàm altera contingit, quia musculi subscapularis, dorsalis major, rotundus major, & pectoralis majorem vim habent ad trahendum caput ossis introrsum, quàm musculi rotundus minor, & infra spinatus, qui soli ei luxationi obstant; præterquamquod sub axilla ampla cavitas reperitur, vel amplum vacuum quod repletum est quibusdam membranis adiposis, quæ capiti ossis humeri faciliè cedunt.

Observare est etiam brachium nunquam luxari, nisi quum est à thorace remotum, & hæc brachii à thorace remotio semper contingit, quum pede labimur, & lapsum vitare contendimus; tunc enim si lapsus est violentus, & labendo cubito innitatur, caput ossis introrsum pelletur, & luxatio fiet sub axilla.

Si brachium est luxatum directè deorsum, caput humeri non potest diu remanere super costa inferiore omoplatae, quia hoc caput est rotundum, & spatium costæ omoplatae est perexiguum, sicque ptolabitur introrsum vel extrorsum, sed facilius introrsum, quia æger, vel adstantes eum erigentes brachium movent, & caput ossis situm mutare cogunt; id etiam aliquando contingit ex eo quod chirurgus brachium movet ad luxationem dignoscendam.

Causæ sunt eadem quatum mentionem feci in capite de luxationibus in genere: dicam solummodò humerum facilius quàm cætera ossa luxari, quia brachium sese primum offert ad opem corpori in lapsibus ferendam, & quum eo utimur ad nos deferendos, primum plerosque ictus accipit.

Cavitas omoplatae est admodum superficialia, nec ullum, nisi in parte superiore, in qua luxatio fieri nequit, marginem habet: in parte verò inferiore adeò est plana ut capitis ossis retinendo minimè sit apta.

Humeri articulatio fit per arthrodiam, & cum ejus caput, puncto ut ita dicam, tantum innitatur, facile est concipere, medioctem ictum, & conatum id facilius è suo naturali loco propulsurum, quàm in articulatione, quæ fit per enarthrosim, in qua nempe cavitas excipiens profunda admodum est, caput quod in eam inseritur, oblongum; vel quàm in articulationibus, quæ fiunt per ginglymum, in quo ossa ita conjunguntur, ut caput unius in alterius cavitatem condatur, vicissimque hujus caput, in illius cavitatem excipiat; præterquamquod articulatio brachii laxiora habet ligamenta, & ligamen-

Mafitani Opera Tom II.

to rotundo forti, quo gaudet femur, destituitur, quo fit ut brachium quaquaversum celeritè moveti, ideoque facilius luxari possit.

Signa, quibus dignoscitur humetum esse luxatum directè deorsum in costam inferiorem omoplatae sunt, quod brachium altero longius est, cubitus manet extensus, æger quum brachium demittitur dolorem acutum persentit, qui levatur quum id paululùm attollitur, dolorem patitur æger, quum cubitus flectitur, qui etiam levatur, quum is extenditur.

Brachium altero est longius, quia caput ossis humeri sub cavitate omoplatae reperitur.

Cubitus extensus manet, quia caput ossis humeri musculus longum extensorem retrò pellit.

Brachium est sublatum, quia musculi deltoideus, & infra spinatus sunt extensi, magisque distant à puncto fulcri.

Patiens quum brachium demittitur dolorem persentit, quia hac brachii demissione musculi deltoideus, & infra spinatus extenduntur adhuc, & jam erant nimis extensi per remotionem è suo loco capitis ossis humeri; dolor verò levatur, quum brachium attollitur, quia duorum supradictorum musculorum tensio imminuitur.

Dolore afficitur æger, cum cubitus flectitur, quia musculus longus extensor nimis est extensus, & patientis dolor levatur, quum cubitus extenditur per rationem planè contrariam; hic verò dolo à cubito ad omoplatae persentitur, quia musculus longus extensor totum hoc spatium occupat.

Signa indicantia luxationem esse deorsum & extrorsum sunt, quod brachium pectori incumbit, quia musculi coracoideus, & pectoralis sunt extensi: æger verò dolorem persentit, quum brachium à pectore remouetur, quia musculis coracoideo, & pectorali vis infertur.

Quum brachium est luxatum deorsum & introrsum, reperitur sub acromio cavitas; & hæc omoplatae pars eminentior apparet: eminentia sub axilla conspicitur, cubitus est subflexus, & sine dolore extendi nequit, patientis acerbos patitur dolores, quum brachium pectori admouetur: brachium aliquando altero est longius, sed sæpè est brevius.

Cavitas, quæ sub acromio reperitur est ea ipsa in qua etat os humeri, unde fit ut hæc omoplatae eminentia elatior videatur, quam naturaliter esse debet.

Eminentia, quæ sub axilla reperitur est caput ossis in eam prolapsum.

Si brachium est subextensum, id fit ob tensionem musculi deltoideus: si verò est à pectore remotum, id fit ob musculorum brachium extrorsum trahentium contractionem.

Cubitus est subflexus, quia duo capita musculi bicipitis, quæ ab omoplata originem ducunt, à suis insertionibus distant.

Cubitus cum dolore extenditur, & cum doloris remissione flectitur; quia in extensione cubiti, musculus biceps extenditur, in cubiti verò flexione idem musculus in statu magis naturali ponitur.

Brachium utplurimum est longius, aliquando est longè brevius altero, & aliquando est alteri in longitudine æquale; si est in longitudine alteri æquale, vel altero est longius, signum est caput ossis non esse elatius quàm cavitatem omoplatae; verum si brachium est altero brevius, id oritur ex eo quod os propulsus fuit in imam axillæ cavitatem, vel ex eo quod patientis ipse cubito fortiter innixus surgere conatus est; vel à prava methodo eorum, qui os luxatum reducere voluerunt, quo in casu cubitus figuram haud mutat, & fit indifferens ad flexionem vel ad extensionem, quia musculi flexores & extensores æqualiter à puncto fulcri distant.

Prognosis. Luxatio humeri, quæ fit introrsum majora & periculosiora affert symptomata; quia caput humeri longius facit iter, ac nervos & vasa sanguifera comprimit; reliqua signa prognostica videri possunt in capite de luxationibus in genere.

CAPUT VIII.

De Curatione Luxationis Brachii, & de Machinis quarum ope os humeri Luxatum reduci potest.

AD os humeri reducendum æger sedeat in sedili mediocriter alto, ita ut brachium affectum ita sit situm extensiones, & contra extensiones ritè fieri possint, sed cum os humeri luxatum variis modis reduci possit, utilissimos & optimos proponam.

Extensiones & contra extensiones fieri possunt manibus trahendo humerum per partem quæ est supra binos ejus condilos, interim corpus retineatur ne cedat ei qui brachium trahit, alioquin congrua extensio fieri non posset.

Chirurgus nodatum mantile circa collum habere debet, in cujus ansa brachium patientis ad mediam sui partem usque sit transmissum: Chirurgus verò debet habere binas suas manus parti superiori humeri applicatas, ut ad extensionem quæ sit attentus, possit una ex suis manibus, & mantili, quod mediante collo attollit deducere os humeri in cavitatem omoplatæ, dum manu altera partem inferiorem ossis deprimit.

Hæc methodus est optima, & nihil est ei contrarium, nisi quod vis non semper sufficiat, & nisi in junioribus, vel debilioribus patientibus.

Quidam brachium per crura sua transmissum trahi, & corpus retineri jubent, partem superiorem brachii apprehendunt, & extrorsum attollunt, ut id in pristinum reducant locum: Verum hæc methodus eodem vitio laborat ac præcedens, vis enim non est sufficiens. Sed majus adhuc in ea reperitur vitium, nempe, quum brachium est demissum, musculi attollentes, & abductores tunc temporis sunt extensi, at ut supra diximus, debent esse relaxati, quod fusius in sequentibus demonstrabimus.

Scalæ, & fores in usum olim fuere revocata, & multi adhuc dum iis utuntur: sed in his machinis licet vis non desit, æger in congruo situ non potest collocari, brachium enim ex una parte retinetur, corpus suspensum manet, fores, vel scalarum gradus inter brachium & pectus collocantur, pondus corporis facit contra extensionem brachii, retentio facit extensionem, & fulcrum quod est utriusque causa facit ossis reductionem: sed observandum quod brachium est demissum, quod est magnus obex reductioni, præterquam quod metuenda est immanis extensio in musculis, quorum fibræ aliquor dirumpuntur, ac præterea caput ossis humeri in fores adactum, contudit & lacerat vasa sanguifera & nervos: vidi enim truncum venæ brachialis apertum simili methodo ingentem tumorem caput infantis æquantem attulisse: Vidi etiam alias os humeri propè collum suum conatibus eorum qui scalis, os reducere volebant fractum: symptomata quæ ex tali methodo oriuntur sunt molesta, vel enim prosperè non succedit operatio, vel si prosperè succedat, & os reducat, non raro contingit articulationem inflammari, brachium paralyti, vel anchylosi affici.

Alii ut brachium reducant, pedis calcaneum in cavitatem axillæ patientis impellunt, & totis viribus brachium ad se trahunt.

Alii denique faciunt speciem Ambi cum genu, & brachio flexo, partem humeri superiorem una manuteneo, & altera brachium deorsum trahendo.

Machina Ambi vocata ab Hippocrate fuit inventa; constat de duabus partibus ligneis simul verticulis conjunctis, quum in usum adhibetur hæc machina, duæ partes lignæ faciunt angulum rectum, una pars quæ est fulcrum est parallela corpori patientis, altera verò, quæ vectis officio fungitur, est parallela, & adligata brachio, ita ut angulus duarum illarum partium sub axilla reperiatur, & quum os reducere volumus, pars Ambi quæ vectis officio fungitur, & cui adligatum est brachium, demittitur, qua demissione extensio, contra extensio, & redactio eodem sunt tempore.

Hæc machina multi est usus, & multas habet perfectiones: brachium enim ritè est collocatum: musculi releuatores & abductores sunt relaxati: ea satis habet virium, quia vectis iustar est facta, cujus fulcrum admodum distat à potentia, & pro re nata magis vel minus, si opus sit, distare potest: extensiones, & contra

extensiones sunt æqualiter validæ, & simul sunt, quia eadem causa eodem tempore agit, & eas producit, quod omnino necessarium est in machinis, quæ ad ossa luxata reducenda adhibentur.

Sequuntur nunc vitia Ambi Hippocratis: primum est quod propellit caput ossis in suam cavitatem, antequam extensiones & contra extensiones sint perfectæ; & pluries observavi omnia luxationi adversarii, quum os non satis distat à loco insolito quem occupabat, id verò quasi ex se ipso reduci, quum membrum sufficienter est extensum.

Ad ossis igitur facilem & congruam reductionem, oportet ut machina quæ adhibetur sufficientem faciat extensionem, nec tamen faciat eodem tempore coaptationem, quod vitium reperitur in Ambi Hippocratis, si eo utamur modo vulgari, sive cum porta vel scala; ac revera quum vectis Ambi ad punctum fulcri accedit, superior brachii pars in collum omoplatæ propellitur, & cavitatem antequam extensio sit perfecta ingredi contendit.

Plures & varii adhuc sunt modi, quibus utuntur Chirurghi ad hos humeri reducendum: verbi gratia, ponunt baculum supra humeros duorum hominum altioris & æqualis stature, alas patientis supra baculum collocant, brachium fortiter retinent, dum ægri corpus pendet: Vel alam patientis supra humerum viri robusti quia altior est statura quàm ægrotans, vir ille brachium luxatum deorsum trahat, & ægri corpus pendeat: sed hæc methodus eadem habet vitia ac fores, scalæ, & Ambi, idè de iis non ampliùs dicam, & de instrumentis trochleari verba faciam.

Nemo nescit hoc instrumentum trochleare esse machinam conflantem ex pluribus trochleis inter se alligatis, & eidem axi insertis, hujus machinæ vis summa est, hæcque vis oritur ex eo quod unaquæque trochlea machinam componens perpetuus sit vectis, & ex eo quod hæc machina ex multis constet trochleis.

Ut innotescat qua ratione unaquæque trochlea machinam componens perpetuus sit vectis, & ex eo quod hæc machina ex multis constet trochleis.

Ut innotescat qua ratione unaquæque trochlea est vectis perpetuus, vide primam figuram, quæ repræsentat simplicem vectem, punctum fixum est in A, pondus in B & vis movens in C. Deinde connectuntur duo vectes, ut videre est in secunda figura, & erit initium rotæ, si verò duo vel tres vectes addantur erit rota perfecta, ut videre est in tertia figura, in qua quatuor vectes idem habentes fulcrum in puncto A trochleam componunt: cum verò hæc trochlea ex quatuor tantum vectibus sit conflata, si animo concipiatur, unamquamque lineam, quæ ab uno circumferentiæ puncto transir per centrum, & puncto circumferentiæ opposito terminatur, esse vectem, & animo concipiantur vectes quot necessarii sunt ad spatia M N O P Q R S T replenda, tunc erit trochlea perfecta.







Patet autem trochleam omnium machinarum esse validissimam, quum ex tot vectibus, qui alii aliis sibi succedunt confletur, quia trochlea in orbem movetur, & scientiis mechanicis docemur, successionem vectium vim adaugere.


Si trochlea tantam habeat vim, machina trochlearis vim longè majorem habere debet; si enim trochlea multiplex est vectium numerus, machina trochlearis multiplex erit trochlearum numerus: si verò vectes trochleæ alii aliis sibi succedunt, trochleæ machinæ trochlearis aliæ aliis sibi invicem etiam succedunt.

Machina trochlearis qua terra sutsum attolleretur, si punctum fixum reperiri posset, est eadem qua felici cum successu utimur ad membrorum luxatorum reductionem.

Multiplex & varius fuit apud chirurgos illius machinæ usus: fuerunt enim revincto vinculis corpore, & reperto puncto fixo pro machina trochleari, eam brachio adligant, postea funem ductarium machinæ trochlearis trahendo necessariam faciunt extensionem.

Hæc methodus admodum est simplex, idè cæteris omnibus anteponi deberet, si in ea eadem facilitas, ac utilitas reperiretur, quæ in Machina à celeberrimo Viro DD. Michault Patre excogitata reperitur, quæ machina omnium est perfectissima, & suo inventore dignissima: Quidam dicunt hanc machinam esse scamnum Hippocratis correctum, sed huc adeò differt ab illa, ut Hippocratis





crates ipse sui scamni vitia agnosceret, & fateretur, ac Celeberrimi illius Chirurgi machinam ut absolutissimam haberet.

Attamen hæc machina non mihi videtur idonea ad re-ctum, & congruum partis affectæ situm à me toties commendatum, qui situs adeò est necessarius, ut, si ritè observetur, plus quàm par est extendantur muscoli re-levatores, & biceps, quo fit ut plerique eorum quo-rum brachium non ritè situm fuit reductum, diu si-ne actione maneant: Ac sane vidi ægrotum cui fa-cta fuerat extensio, cum brachium corporis esset paral-lelum, in quo fibræ carnosæ musculi bicipitis divulsæ erant à tendine bicipitis externo, quod tumorem pro-duxit in parte media brachii factum à contractione fi-brarum carnosarum, quæ se contraxerat ad tendinem in-feriorem, in quo in tumorem creverunt: membrum in recto, & convenienti situ poni nequit, quia arcus in linea horizontali, vel ad summum obliqua collocatus est, at ut rectus esset situs, arcus deberet esse in linea fe-rè perpendiculari, quod fieri nequit, quin alligaretur la-cunati.

Hæc illius machinæ incommoda ansam mihi præbue-runt excogitandi aliam machinam cujus hæc est descri-ptio: A A A A quatuor sunt columnæ sedilis, in quo nul-lum est dorsum fixum; quia pro ratione lateris luxati, ad utrumque latus adhiberi debet, & mutari potest ope duorum veruculorum ligneorum, quæ pertranseunt duo fo-ramina quæ sunt in columnis: C C C C est sedile: D D sunt duo verucula lignea ex quibus fit dorsum sedilis, ea adigendo per duas columnas M N, vel O P: E est fibula lignea, quæ trajicit duas columnas P N, & quæ potest vel superius, vel inferius pro ratione majoris, vel minoris staturæ ægroti infigi: hæc fibula parva culcita, vel man-tili instrui debet; transit sub brachio sano quod ei est adligatum ne patiens eo utatur, & operationem turbet: K K est machina corniculata quæ duabus alis X X satis amplis donatur, quarum una manus instar omopla-tam, altera verò pectoris anteriorem partem amplecti-tur; hæc machina corniculata instructa esse debet, ne patiens duritie machinæ lædatur: duo sunt cardines qui ingrediuntur duo foramina, quæ sunt in R & J. Est præ-terea cavus profundus in ejus parte crassiore F continet subscudem quadratam quæ reperitur in extremo ligno in quo sunt trochleæ S S ut videre est secunda figura, in qua sunt trochleæ, & parva fucula quam ad facilita-tem in parte inferiore collocavi, quod me coegit tra-jicere funem per lignum arcum componens, quo in lo-co reperitur trochlea vim moventem adaugens; æger sedet habens dorsum versum ad M M, & pectus ad R brachium ejus machinæ corniculatæ K K incumbit, cujus pars crassior sub axilla reperitur; una ex aliis machinæ corniculatæ amplectitur omoplatam, & altera pectus: arcus in quo sunt trochleæ collocatur in cavo F & tro-chleæ adligantur vinculo, quod circumligatur brachio, postea trahitur funis ductarius trochleæ, vel vertitur circa succulam ope manubrii versatilis quod ejus axi est indicum: hæc ratione fit extensio, quæ gradatim potest adaugeri, quia rota quæ succulam retinet est denticulata, & habet organum quo permittitur motus rotæ denticula-tæ ad unum latus, sed ad alterum prohibetur.

Facta extensione demittitur extremitas arcus, & remit-titur funis ductarius trochlearum, & luxatum membrum est reductum.

Attamen hic motus inutilis est in recentibus luxationi-bus, in quibus caput ossis trahitur in suam cavitatem per musculos, quod fit statim ac caput ossis factum est paral-lelumejus cavitati.

Et hæc sunt quæ in medium afferenda habebam, & quæ afferri possunt, circa luxationem brachii; optimos, & certissimos modos quibus os humeri luxatum reduci potest recensui: attamen haud ignarus sum unumquem-que Chirurgum methodum, qua feliciter usus est in hac luxatione, cæteris omnibus antepone; verum non ne-scio etiam omnes methodos prosperè non succedere, nec nos semper gloriari posse de prospero eventu licet optimas adhibeamus machinas; ideò nullæ non cautiones in usum sunt revocandæ, ut res feliciter succedat, ac affirmare possum machinam nostram esse optimam, & in scientia mechanica, quæ est certissima piti.

C A P U T IX.

De Luxatione Cubiti ab Humero.

DUO in cubito reperiuntur ossa, quæ cum numero connectuntur; hæc connexio est ginglymus strictis-simus, & luxatu difficillimus: Os cubitus dictum facit maximam partem ginglymi, non potest moveri sine radio, at radius sine cubito moveri potest, cum facit motum pronationis, & supinationis.

Cubitus luxatur antroorsum, retrorsum, & ad latera: cum luxatus est antroorsum cubitus est extensus, & cum luxatus est retrorsum flexus est: idque ex remotione in-sertionis musculorum, quæ est major in musculis flecten-tibus, quam luxatio est retrorsum, vel major in exten-soribus, quam luxatio est antroorsum.

Quum luxatio retrorsum est incompleta, eminentia anterior cubiti reperitur in medio trochleæ ossis brachii, quo in casu muscoli flexores, & extensores cubiti æquali-ter sunt tensi; quo fit ut brachium non sit omnino fle-xum, aut extensum, & dolor sit æqualis quum brachi-um flectitur, aut extenditur.

Luxationes cubiti ad latera sunt ferè semper incomple-tæ, quia ossium superficies adeò est insignis in loco in quo connectuntur, ut integra è sede sua motio non potest fieri, quin ligamenta, & muscoli in totum disrumpantur, quod esset insanabilis morbus.

Modus has luxationes reducendi varius est pro variis earum speciebus: attamen in utrisque oportet facere ex-tensionem, & contra extensionem, & repellere ossa in pristinas sedes.

Si Olecranon est in cavitate anteriori cubiti, hæc lu-xatio aliquando reducitur, cum Chirurgus immittit cu-bitum suum in flexionem brachii, & palmam manus pa-tientis cum dorso manus suæ conjungit, & eas ambas al-tera manu sua fortiter tenet, & viribus totis brachium suum, & ægroti flectit, qua valida flexione extensio-nem, & contra-extensionem eodem tempore facit.

Hæc methodus non semper succedit pro votis, quin etiam periculosa esse potest, quia trahuntur muscoli, li-cet non sint relaxati: ac sanè muscoli extensores, qui ole-crani remotione satis superque jam sunt extensi, magis adhuc extenduntur, quum usitata extensiones, & contra-extensiones fiunt, quæ fieri debent juxta regulas à me dùm de luxatione in genere verba feci præscriptas; & quæ regulæ accuratissimè observari debent, præsertim quum olecranon, & apophysis coronoides cubiti in centro tro-chleæ ossis brachii præcisè reperiuntur; difficillimum enim est reducere hanc luxationem, nec unquam reduci po-test flectendo, vel extendendo brachium, sed levis debet fieri extensio; postea si olecranon est in centro trochleæ, Chirurgus cubitum retropellere; si verò apophysis co-ronoides est in centro trochleæ eum antroorsum trahere debet.

Luxationi vel defensivum, vel splenia spiritu vini in-tincta sunt applicanda, & pars affecta fasciis est deli-ganda.

C A P U T X.

De Luxatione Radii, quæ ab Antiquis Diastasis, sive ossis remotio vocatur.

RADIUS haud facilè à cubito removetur in luxatione cubiti in anteriorem partem facta, & in luxatio-ne capit: attamen omnes de hac radii à cubito remo-tione loquuntur, tanquam si esset æquè frequens ac re-motio fibulæ in luxatione pedis; sed si hæc remotio radii à cubito aliquando contingit, longè minor est quàm re-motio fibulæ à tibia, idque sequentibus rationibus.

Ac primò pes frequentioribus, & violentioribus obno-xius est luxationibus quàm manus, quia totius corporis est fulcrum ejus ope id transfertur de loco in alium; & præterea licet solum per quod incedimus sit inæquale, pes tamen ita aptatus ejus inæqualitatibus, ut directio-nis linea per ejus centrum semper transeat, quo fit, ut pedis conamina sint vehementia.

Pedis conjunctio fit per ginglymum, capi verò per arthrodiam; arthrodia per latera moventur, ginglymi verò terminos habent, ac præsertim ginglymus pedis qui duo-

duobus terminatur malleolis, ita ut cum pede labimur, pes in malleolos conatum faciat, & quoniam ex pluribus constant partibus facile à se invicem reipoventur, quæ remotio Diastasis vocatur.

At non est eadem ratio carpi, qui per arthrodiam est conjunctus, quique moveri potest in anteriorem, & anteriorem partem, nec ullum facit conatum in suæ articulationis, terminos qui minùs sunt alti, quàm termini pedis, unde fit ut caput ossis è sua cavitate difficiliùs elabi possit: Cubiti enim eminentia non est, ut ita dicam, pars articulationis, quo fit, ut diastasis sit minùs facilis; nam ut fiat diastasis, oportet ut eminentia cubiti, vel radii sit punctum fulciens caput ossis, eo tempore quo conatum facit in alteram eminentiam: Addendum insuper musculum quadratum pronatorem obistere diastasi, & ligamentum interossum multum inservire retinendis ossibus in suis sedibus.

His circa structuram partis attentè consideratis, Diastasis carpi non solum rara mihi videtur, sed persuasum est mihi, eam esse omninò fictitiam.

C A P U T XI.

De Luxatione carpi.

Carpus articulatur cum cubito, & radio per arthrodiam, potest luxati in anteriorem, posteriorem, anteriorem, & anteriorem partem; luxationes in anteriorem, & posteriorem partem sunt frequentiores; dux enim aliæ sunt admodum raræ, saltem haud facile eveniunt, quia eminentiæ cubiti, & radii adeò sunt acutæ, ut, cum carpus extrorsum se projicit, deflectatur in anteriorem vel posteriorem partem; si verò intorsum se projiciat, ibi permanere nequit, & cogitur prolabi in anteriorem vel posteriorem partem, quia eminentia acuta cubiti cum sic deflectit, non ab simili ratione ac angulus columnæ pontis deflectit aquam ad dextram vel ad sinistram.

Cum pede labimur, palma manus est instar fulcri, quo funestos lapsus effectus effugere contendimus; quo in casu manum ad latus extensionis vertimus, & capita ossium carpi ad latus flexionis invertuntur; vel cum inopinatò pedè labimur, nec satis est temporis ad manum extendendam, carpi pars interior totum lapsus conatum sustinet, & tunc manus versa est ad flexionis latus, & capita ossium carpi ad latus extensionis projiciuntur, ita ut rarò contingat manum in luxationibus verti in anteriorem vel posteriorem partem, quod tamen contingere potest.

Signa diagnostica quibus variæ luxationum carpi species dignosci possunt, sunt sequentia.

Quum carpus est luxatus in anteriorem partem, id est ad pollicem, reperitur eminentia propè ad radium, & cavitas propè ad cubitum; digiti sine acerbis doloribus nec flecti, nec extendi possunt: quod oritur ex eo quod musculi flexores, & extensores digitorum sint æqualiter tensi, & remoti à suis insertionibus: Digiti extrorsum sunt versi, quia musculi cubitæus interior, & exterior sunt extensi: Ægrotus per sentit dolorem quum carpus in anteriorem vertitur partem, quia supra dicti musculi admodum sunt tensi; dolor verò levatur cum manus ad cubitum admoventur, quia iidem musculi in contrario ponuntur situ: Pronatio, & supinatio cum dolore fiunt, quia hi motus fieri non possunt, quin sequatur manus, quo fit ut succussus varios patiat, qui musculos, & ligamenta quæ sunt admodum tensa irritant: Dolor quem per sentit ægrotus, semper per sentitur in toto cubito usque ad condylum anteriorem humeri, quia musculi cubitæus interior, & exterior, qui in hac luxatione sunt tensi, toti cubito à condylo interiori ad carpum usque inseruntur.

Quum carpus est luxatus in posteriorem partem, id est, ad digitum auricularem, digiti in anteriorem partem inflexi sunt, & capita ossium carpi sunt in parte exteriori, idque contingit ex eo quod musculi radiæus interior, longus, & brevis, sint in contractione. Reperitur eminentia propè ad cubitum, & cavitas propè ad radium: Digiti nec flecti nec extendi possunt sine dolore, idque rationibus, quas dùm de luxatione carpi interna, verba fecimus, attulimus: Pateriens dolorem per sentit quum manus vertitur ad pollicem, quia musculi jam

tensi magis adhuc extenduntur; dolor verò levatur; quum manus vertitur ad digitum auricularem, quia iidem musculi relaxantur: In pronatione, & supinatione, ut in omnibus aliis motibus dolorem afferentibus, dolor semper percipitur à carpo ad condylum anteriorem usque, quia musculi radiæus interior, longus, & brevis, qui radiæus exterior, vel Bicornis vocatur, admodum sunt tensi; per sentitur dolor in anteriore parte condyli interioris, quia radiæus interior, qui in eo loco originem habet, ut alii musculi est tensus.

Si carpus est luxatus ad latus extensionis, reperitur eminentia in latere flexionis, & cavitas in latere extensionis: eminentia oritur ex capite ossis, quo fit ut reperiat cavitas in loco, è quo os recessit: Carpus inversus est ad latus flexionis, & extrema manus inversa est ad latus extensionis, quia musculi extensores, qui sunt tensi manum ad se trahunt: Digiti sunt flexi, & extendi nequeunt, quia capita ossium carpi tendines musculorum sublimis, & profundi in anteriorem partem propellunt: Acerbus oritur dolor cum carpus flectitur, quia musculi extensores jam satis superque tensi adhuc extenduntur: Pronationis, & supinationis motus difficiliùs, & acerbiori cum dolore fit, quàm in præcedenti luxatione, quia capita ossium carpi reperiantur præcisè in loco, in quo fit motus radii cum cubito: dolor per sentitur per totum cubitum usque ad duos condylos; quia musculi utrinque sunt tensi, & duobus condylis sunt alligati.

Quum carpus luxatus est ad latus flexionis, eminentia reperitur in latere extensionis, & cavitas in latere flexionis, licet utraque minùs percipiatur, quàm in præcedenti luxatione: Carpus versus est ad latus extensionis, manus verò est versa ad latus flexionis, quia musculi flexores carpi magis sunt tensi, quàm musculi extensores: Digiti sunt extensi, nec sine dolore flecti possunt, quia capita ossium luxatorum propellunt, & comprimunt tendines musculi extensoris communis, & quatuor musculorum extensorum propriorum: si carpus extenditur, gravis ægroto affertur dolor, quia musculi Radiæus, & Cubitæus interior, qui jam admodum sunt tensi, magis adhuc extenduntur, cum carpus extenditur: Motus pronationis, & supinationis æquè difficilis est ac in præcedentibus luxationibus: Dolor per totum cubitum ad condylos anteriorem, & posteriorem usque per sentitur, quia musculi utrinque sunt tensi, & duobus condylis alligati.

Prognosis. Luxatio carpi est periculossissima, & curatu difficillima: acerbissimi enim dolores eam comitantur, inflammatio, tumor insignis, & abscessus curatu difficiles ei superveniunt, cura est longa, remanet post curam dolor periodicus, motus partis fit difficilis, pars anchylosi aliquando afficitur propter humores crassos per articulum effusos, ibique crassescunt.

Molestorum horum symptomatum explicatio facilis erit, si ad articuli structuram attendamus, idèque non abs erit partis structuram ob oculos quasi ponere, ommissis iis, quæ de ossium conjunctione in genere dicta sunt, ostendendo solum modum in quo carpi articulatio ab aliis articulationibus differat.

Ac Primò, Omnes musculi, tendines, vel aponevroses per alios articulos transeunt variis partibus in itinere suo adhærent, at contra singuli musculi, & tendines qui à cubito ad carpum transeunt, peculiarem suam habent vaginam, cui nullatenus adhærent, & in qua moventur non secùs ac capita ossium in cavitatibus ea excipientibus moventur: unaquæque cavitas sive vagina per quam transeunt tendines liquore articulorum sinoviæ non ab simili humectatur, ut nempe tendinum motus sint faciliores.

Secundò, Tendines motui carpi inservientes non soli transeunt per cubiti cum carpo articulationem, sed insuper tendines motibus pollicis, & digitorum inservientes per istum articulum transeunt, at in omnibus ferè aliis articulis, si pedis articulum, qui similis est articulo manus, excipias, soli musculi ossi articulo movendo inservientes reperiantur.

Tertiò, In omnibus ferè aliis articulis, venter seu pars carnosus musculorum, saltem plerorumque supergreditur articulum, sed in articulis manus, & pedis soli tendines reperiantur.

His attentè consideratis haud difficile erit explicare phænomena.

nomena, seu symptomata superius allata: ac sanè cum carpus luxatur, ossis è sua sede motio non solum contingit, sed etiam singuli tendines è loco suo moventur, eorum vaginæ remouentur, & prætermodum extenduntur, sinoviæ fontes comprimuntur, & hic liquor per vaginam effusus eam magis ac magis dilatat, tendinemque comprimit, quo fit ut tendo motum suum faciliè nec sine gravi dolore perficere possit, qui tendinis dolor oritur à tensione vaginæ, & tendinis compressione: Liquor sinoviæ similis vel spissescit, vel corrumpitur sive id oriatur à propria liquoris natura, sive ægroti, sive Chirurgi errore: si spissescat rigidum reddit articulum, quin etiam eum aliquando anchylosi afficit; si verò corrumpatur, abscessus curatu difficillimos producit, qui in fistulas, vel ulcera putrida, vel cariem sæpissimè abeunt, qui morbi sola amputatione curari ut plurimum possunt.

Ex supradictis patet: Primò, in carpi, & pedis articulo solos tendines reperiri: Secundò ibi non solum reperiri tendines motui carpi, & tarsi inservientes, sed etiam eos qui manus, & pedis digitorum motibus inserviunt, ita ut horum articulorum luxationes periculosiores esse debeant, quia nulli sunt in iis muscoli deltoides, & pectoralis ut in brachio, nulli glutæi, & tricipites ut in femore, quorum venter, seu corpus carnosum, quod præcisè in articulo reperitur, magis, & longè minori cum dolore resistit, quàm omnes tarsi, & carpi tendines, caro enim musculorum longè minoris sensu est prædita, quàm tendines, qui tanto numero sunt in articulis manus, & pedis, ut dolor non possit non esse acerbissimus, propter insignes, & innumeras divulsiones, quæ in iis fiunt.

Carpi luxatio curatu non est admodum difficilis, patiens enim ex se ipso extensionem facit, quæ non est difficilis factu, cum nulli reperiantur contrahentes muscoli, qui soli resistunt, cum os luxatum est reducendum reducta igitur luxatione, parti affectæ medicamentum repercutiens splenio superinductum est applicandum, deligatura debet esse spica strictior, ut sinoviæ, & aliorum liquorum qui extravasari posset, effusio præpediatur.

De Symptomatibus verò curæ supervenientibus, vel eam comitantibus agemus in sequentibus, dum de pedis luxatione dicemus.

C A P U T XII.

De Luxatione Femoris.

EX omnibus articulis, qui per arthrodiam connectuntur, femoris articulus est luxatu difficillimus, idque sequentibus rationibus.

Primò, Caput femoris magnum est, & oblongum, Cavitas Ischii id excipiens est admodum profunda, quo fit ut conatus ad id è loco suo movendum debeant esse maximi.

Secundò, Nullæ sunt in corpore partes robustioribus, & numerosioribus musculis dotata, quàm hæc pars, quia verò muscoli ossibus in sua sede retinendis, ut jam pluries annotavimus, plurimum inserviunt, majori vi opus est ad femoris luxationem, quàm ad ossium debilioribus musculis præditorum luxationem.

Tertiò, Cavitas caput femoris excipiens dotata est ora cartilaginea, quæ eam profundiorē reddit, & ita fabricata est hæc ora, ut strictior par strictiorem, seu angustiorē capitis femoris partem ejus collum spectantem amplectatur, latior verò cavitatis pars est interior, idèdque caput femoris sub ejus axe amplectitur: qua mechanica facile est concipere femoris luxationem admodum esse difficilem.

Quartò, Ligamentum rotundum, quod in articulo femoris reperitur, eum firmat, & luxationi obstat: hoc ligamentum originem suam ducit à capite femoris, & inseritur cavitati Ischii, non revera directè intus cavitati, nec medio capiti femoris, unde fit ut nequeat resistere omnibus luxationum femoris speciebus, ut id in differentiis demonstrabimus.

Quintò, Licet femur robustis, & numerosis sit præditum musculis, ejus tamen motus non æquè liber est ac brachii motus; superius enim diximus, articulos in quibus motus liberior est facilius longè, quàm alios luxari, quia eorum conjunctiones sunt minis strictæ.

Femur luxatur ad superiorem, inferiorem, anteriorem, & posteriorem partem, sed facilius luxatur ad anteriorem

partem, quàm ad alias partes sequentibus rationibus.

Primò, Cavitas Ischii minis est profunda ex illa parte, quàm ex cæteris partibus, quo fit ut caput femoris facilius prolabitur in foramen ovale.

Secundò, reperitur scissura, quæ nullo clausa est ligamento, per quam caput ossis femoris faciliè in foramen ovale elabatur, quò ut femoris luxatio ex illa parte sit frequentior.

Tertiò, Ligamentum rotundum, quod retinet caput ossis femoris, propius reperitur ab ora cartilaginea cavitatis ex parte anteriore, quo fit ut caput ossis magis possit recedere ex parte interna, quàm ex aliis partibus, nec ligamentum multam tensionem patiatur, nec idèd luxationi internæ obstat.

Quartò, musculi robustissimi sunt positi in anteriore, & superiore parte, ita ut debilissimi musculi reperiantur positi in parte posteriore, & inferiore, quo fit ut os femoris minores obices superandos reperiat in illa parte, quàm in aliis.

Femur difficilins luxatur ad partem posteriorem, nempe, ad os pubis; Primò quia caput femoris propter obliquitatem cavitatis id excipientis, & colli id sustinentis, videtur perpendiculariter niti, ita ut hac ratione facilius possit obistere conatibus, quibus ad unum, aut alterum latus partis superioris prolabi posset.

Secundò difficilins luxatur femur ad partem posteriorem, propter altitudinem oræ cartilagineæ cavitatis Ischii, quæ impedimentum fermè insuperabile luxationi ad partem posteriorem affert.

Tertiò, Ligamentum rotundum non potest satis extendi, & os non potest ad posteriorem partem luxari, quin rumpatur ligamentum; sic vi summa opus est ad hanc luxationem: si enim vis est mediocris ligamentum poterit resistere, & luxationi obicem afferre.

Quartò, Robustissimi musculi huic luxationi obstantes sunt major, medius, & minor Glutæus, qui idem faciunt ratione hujus luxationis, ac facit musculus deltoides ratione luxationis humeri.

Luxatio femoris ad posteriorem partem, æquè est difficilis, ac luxatio ad partem posteriorem, idque iisdem rationibus: ac sanè causæ, quæ reddunt luxationem internam facilem, reddunt etiam luxationem posteriorem admodum facilem.

rætereà omnes luxationes inferiores sunt simul interiores, caput ossis non potest remanere super osse Ischio, prolabitur enim in foramen ovale vel conatibus, vel actione musculorum.

Caput femoris è sua cavitare elabi non potest, quin cartilago circularis aliquomodo cedat; si enim esset rupta, mihi videtur luxationem fore insanabilem.

Signa diagnostica luxationis ad partem posteriorem, & inferiorem sunt sequentia; Caput ossis femoris prolapsum est in foramen ovale; femur affectum apparet longius sano: pes & genu in posteriorem partem prominent; femur in partem posteriorem sine dolore inflecti nequit; cavitas cernitur in clune: tumor apparet in inguine ad radicem membri genitalis; Flexus clunis inferior videtur in latere affecto, quàm in sano: femur effectum reperitur flexum, quum stare pedibus vult patiens: ægrotus incedit ita ut describat semi circulum: corpus tota planta pedis à talo ad digitos usque simul, & semel nititur.

Caput ossis femoris prolapsum est in foramen ovale, quia cum femur sit luxatum in partem posteriorem, caput ossis nullum apriorem locum ei excipiendo, quàm hoc foramen reperire potest; hoc enim foramen vicem gerit, cavitatis, ut experientia id comprobatur in iis, in quibus os femoris luxatum non fuit reductum, qui incedunt, & femore æquè firmiter nituntur, ac si os fuisset reductum.

Femur affectum longius apparet sano, quia foramen ovale, in quo est caput ossis femoris, inferius est, quàm cavitas Ischii.

Pes, & genu in posteriorem partem inflectuntur, quia femur in posteriorem partem luxatum trahitur ad partem oppositam musculis Glutæis; ideoque pes, & crus ei adjuncta debent necessariò sequi.

Femur in partem posteriorem sine dolore inflecti nequit, quia musculi glutæi, qui sunt in contractione, trahuntur, & quia tunc temporis caput ossis femoris violentius nititur musculo obturatori, qui claudit foramen ovale.

Cavitas in clune apparet, quia magnus trochanter non

amplius est ad eò exterior, quum sequutus sit caput ossis femoris in interiorem partem prolapsum.

Tumor qui cernitur in inguine ad radicem membri genitalis oritur à capite ossis in foramen ovale prolapsio.

Flexus clunis in latere affecto inferior est, quam in latere sano, quia femur inferius est, quod fit ut tota clunis sit demissa.

Quum patientem erigere volumus, crus affectum est flexum, quia longius est altero sano, quo fit ut si æger id extendere velit, id ferat ad partem anteriorem, vel ad lateralem.

Patiens incedit describendo semicirculum, quia cum crus sit longius altero sano, ægrotus non potest id ferre in interiorem partem, ut per lineam rectam incedat, sed per lineam curvam incedit, quoniam crus sanum non satis potest sursum autollere corpus, ut crus affectum possit anteire, nec solum tangere, quod perneceffarium est ad motum progressivum.

Patientis corpus tota planta pedis à digitis ad talum usque simul, & semel nititur, quia crus nimis est longum, & longius fieret adhuc, si digitis, pedis, vel talo niteretur corpus: & hæc est ratio cur paralyti affecti difficilius etiam incedunt, quia eorum pes pender.

Signa luxationis ad partem exteriorem, & superiorem diagnostica, sunt sequentia. Crus affectum brevius est sano, cernitur protuberantia in parte exteriori; crus, genu, & pes ad partes interiores distorquentur, crus in partem interiorem, non verò exteriorem nisi cum acerbissimis doloribus moveri potest, corpus extremo pede inniti potest; flexus clunis est superior; corda apparet à pube ad medium femur.

Crus affectum brevius est sano, quia os femoris est sursum elatum, protuberantia ab osse è sua sede moto, & prolapsio oritur: Crus, genu, & pes ad partes interiores distorquentur, quia muscoli glutæi sunt relaxati, & tricipites extensi: Crus in partem interiorem, non verò exteriorem moveri potest, propter extensionem musculorum tricipitum: pes extremus terram tangit, & corpus ei innititur, quia cum crus sit brevius, patiens conatur id longius reddere pedem extendendo ad se sustinendum: Clunis flexus superior est, quia os femoris sursum est elatum: Corda quæ percipiuntur à pube ad medium femur, oriuntur ex summa tensione musculorum tricipitum.

Signa, quibus dinoscitur luxatio femoris ad partem superiorem, & interiorem, sunt sequentia. Crus affectum est brevius: truncanter est altior: clunis nulla ex parte est circumfusa: Genu, crus, & pes ad exteriores partes parum distorquentur: femur est subextensum. Crus in anteriorem partem absque gravibus doloribus moveri nequit: Magna cernitur protuberantia super osse pubis: Scrotum tumescit: totum femur torpore afficitur, & tumet: ac tandem quidam Auctores referunt urinæ suppressionem oriri.

Femur affectum est brevius, & trochanter altior, quoniam femur est sursum elatum: Genu, crus, & pes parum ad partes exteriores distorquentur, propter musculorum obturatorum tensionem, femur est subextensum quoniam muscoli psoas, Iliacus, & pectineus sunt relaxati, & tres Glutæi sunt extensi: femur in anteriorem partem absque gravibus doloribus flecti nequit, propter nimiam musculorum glutæorum tensionem, & comprehensionem vasorum cruralium à capite ossis femoris ortam: protuberantia, quæ cernitur in osse pubis oritur à capite ossis femoris: scrotum tumescit compressione vasorum spermaticorum: femur tumore, & torpore afficitur compressione venarum, arteriarum, & nervorum cruralium.

Prognosis. Omnes ossis femoris luxationes sunt periculosa, aliæ tamen plus, aliæ minus; ea quæ fit super foramine ovali, in quod caput ossis femoris prolabitur, est minus periculosa, quàm aliæ; autamen difficilius reducitur, sed sive reducatur, sive fieri nequeat reductio est semper minus periculosa, quàm aliæ; si enim os reduci nequeat, patiens tamen aliquando incedere poterit; sed si aliæ luxationes non reducuntur patiens nullatenus incedet, idque oritur ex eo, quod caput ossis femoris ita aptatur foramini ovali, ut in eo tanquam in cavitate Ischii fere moveatur, imò & aliquando efformata est in illo foramine ora æquè firma, ac ora Ischii; quod probat ea quæ dixi, dum mentionem feci supra de humero luxato, & fracto, quem proposui reducendum, elapsis duobus, vel tribus à luxatione mensibus, caput enim ossis humeri facilius reponitur in sedem suam pristinam, quàm caput

ossis femoris collocatur in foramine ovali, in quo nunquam antea fuit collocatum, & in quo considerari debet tanquam corpus extraneum; non dicam patientem posse æquè faciliè incedere ac ante, cum subclaudus evadat, & omnibus symptomatibus os luxatum concomitantibus, dolore excepto afficiatur; sed certum est in hac luxationis specie patientem incedere posse, non verò in aliis luxationum speciebus.

Aliæ luxationes licet reductæ, sunt periculosa, & hæc nullatenus est periculosa, quoniam ligamentum rotundum rumpitur in illis non vero in hac, propter brevissimum iter quod facit, quo fit ut dictum ligamentum non rumpatur, idque eò magis quod alligatum est oræ cavitatis Ischii non procul à foramine ovali, unde fit ut caput ossis femoris possit facilius prolabi ex illo latere, nec ligamentum rumpere.

Omniū luxationum periculosissima est ea, quæ fit super os pubis; quoniam caput ossis femoris vasa comprimit, ex qua compressione gravia oriuntur symptomata, ut id observatum fuit in signis supra allatis; & hæc luxatio, ut cæteræ, quæ fiunt ad partem exteriorem vel superiorem sunt periculosa, propter ruptionem ligamenti rotundi, idè ægrotus ab omni prorsus motu abstinere post reductio-nem factam, ad hujus ligamenti coagulationem tendendam.

Ad os femoris luxatum reducendum oportet facere extensionem, & contraextensionem, hinc os luxatum in cavitatem suam propellere: si luxatio est ad superiorem, & interiorem partem, hoc est, super os pubis, femur parum est retrò extendendum, & in hoc situ trahendum, ita ut cum membrum extenditur, primus motus capitis ossis, id propellat in cavitatem Ischii; si luxatio est ad superiorem, & exteriorem partem, oportet os femoris supra genu prehendere, & introvertere, & id in hoc situ trahere, alioqui os femoris reduci nequit; si enim per lineam rectam trahatur, licet caput ossis sit parallelum cavitati, non potest tamen in eam propelli, cum si fiat extensio, & contraextensio, introvertendo femur ut diximus, duo inde emergant emolumenta, hac enim ratione primò femur accedit ad musculos extensos; quo fit ut facilius evadat extensio; secundò facta idonea, & sufficienti extensione caput ossis quasi ex se ipso ingreditur cavitatem.

Si caput ossis sit super foramine ovali; oportet facere extensionem, & contraextensionem, introvertendo partem femoris parum ad partes exteriores; quum vero membri extensio est sufficiens, pars superior femoris, uno brachio inter duo femora trahendo, quod alio brachio adjuvari debet extrorsum est trahenda.

Pars inferior femoris est introvertenda, ut femur ad musculos, qui sunt extensi propius admoveatur: pars superior femoris extrorsum trahitur ad reducendum caput ossis introrsum prolapsum: observandum est autem in hac reductione, primò extensionem esse difficilem: secundò eam non debere esse nimiam: tertio eam durare debere quousque os sit repositum: extensio est difficilis, quoniam validissimi muscoli imò, & ferè, omnes alii extenduntur; quia os inferius est, quàm in statu naturali: ea non debet esse nimia, hoc est, membrum non debet admodum extendi, quia non est contractum, sed potius elongatum, foramen enim ovale in quo collocatur caput ossis femoris inferius est, quàm cavitas Ischii, adeoque femur est longius: extensio debet durare quousque Chirurgus propulerit caput ossis in cavitatem Ischii, cum si intermitteretur extensio antequam ossis femoris caput esset reductum in sedem pristinam, ea esset iteranda, ut caput femoris reponi posset: Præterea cum luxatio est incompleta, & caput femoris est in ora interiori, oportet una manu trochantherem prehendere, & altera propellere femur introrsum, ut caput in acceptabulum ingrediat: si verò femoris caput est in ora exteriori cavitatis femur extrorsum est propellendum.

CAPUT XIII.

De Luxatione rotulae, & tibiae.

Rotula, sive patella, tibia non luxata, luxari potest, sed tibia nunquam luxari potest, quin rotulae luxatio contingat: luxatur absque tibia extrorsum, vel retrorsum: extrorsum cum cavitas interna rotulae excipit condylum externum femoris: introrsum cum patellae cavitas externa reperitur super condylo interno femoris: tibia non potest luxari, quin rotula luxetur, quia rotula ligamento validissimo tibiae alligatur, quo fit, ut in anteriorem, posteriorem, & posteriorem partem prolabatur, cum tibia ad illas partes luxatur.

Tibiae luxatio pluribus rationibus est difficilis: primo quoniam per ginglymum connectitur: secundo ejus ligamenta sunt admodum stricta: tertio pars inferior femoris, & superior tibiae sunt latae, ideoque per amplam superficiem se tangunt: Per ginglymum est conjuncta, & supra annotavimus articulos per ginglymum conjunctos difficillime luxari, propter multiplices cavitates: Ligamenta sunt admodum stricta, quo fit, ut difficiliter luxetur tibia, sed si semel est luxata, facile reponitur, sed difficulter sanatur propter rptionem ligamentorum: Pars inferior femoris, & superior tibiae sunt crassae, & latae, quo fit, ut difficiliter e sede sua moveantur; ossa enim, quae per plures superficiei suae locos se tangunt, longe difficiliter luxantur.

Luxatio igitur tibiae completa vix contingere potest; sed illius ossis luxatio incompleta est facilius cum contingit, sive ad anteriorem, sive posteriorem, sive anteriorem, sive posteriorem partem, tibia semper vertitur ad latus luxationis oppositum: quod minimè observatur in luxatione completa, sed id non impedit, quominus facile dignoscantur, quoniam in hac luxatione, pars ita est vitiata, ut non opus sit alio signo ad luxationem hanc dignoscendam, os enim verti debet ad latus luxationis.

Si luxatio promptè non reducat, ankylosis oritur, quia omnia fere ligamenta sunt rupta, quo fit, ut succi nutritii, & sinovia articuli effunduntur, & crassescunt; quin etiam ankylosis supervenit luxationi completae, licet reducat, quia ad ankylosin producendam sufficit ligamenta rumpi, & succos articuli effundi, & crassescere.

Rotula reponitur in pristinam sedem, tibiam aded extendendo, ut musculi extensores sint ultra suum totum, & manu rotulam comprimendo, ut locum suum reperat. Tibia verò reducitur per extensionem in linea recta, & pro voto succedit operatio, dummodò Chirurgus durante extensione attentus sit, ad os in pristinam sedem reponendum: Deligatura erit simpliciter continens juxta regulas à nobis superius traditas.

CAPUT XIV.

De Luxatione Pedis.

Pes ad anteriorem, posteriorem, interiorem, & posteriorem partem luxatur: cum caput astragali introrsum est luxatum, planta pedis extrorsum est versa: cum extrorsum est luxatum, planta pedis introrsum est versa: cum in partem anteriorem est luxatum, talus est brevissimus, & pedis anterior pars longa apparet: cum in partem posteriorem est luxatum, talus est admodum longus, & pes brevissimus cernitur: cum astragalus extrorsum luxatur, saepe fit diastasis, hoc est, remotio fibulae à tibia.

Ad pedem reducendum, oportet eum manu prehendere, tibiam extendere, & pedem trahere, eum vertendo ad partem luxationi oppositam: pes vertitur intror-

sus si luxatus est extrorsum; vertitur verò extrorsum, si luxatus est introrsum: propellitur ad partem anteriorem, si est luxatus ad partem posteriorem; & propellitur ad partem posteriorem, si antorsum est luxatus: symptomata luxationi pedis supervenientia curantur eodem modo, ac ea quae superveniunt luxationi radii, & carpi: pes reductus involvitur splenio in duo capita diviso, & medicamento defensivo intincto: Deligatura debet esse spica, quae malleolos, & totum pedis articulum amplectatur.

CAPUT XV.

De Distorsione Pedis, & Carpi.

H duo morbi magnam inter se habent affinitatem: tum quia eosdem creant dolores; tum quia dolores, & morbus diu durant, & ab iisdem oriuntur causis: in capite de diastasi carpi, multa hic loci utilia reperientur; addam solummodò luxationes, & distorsiones carpi, & pedis esse curatu admodum difficiles.

Primo, propter tendines per articulum carpi, & pedis transeuntes, qui ibi in magno reperiuntur numero: secundo, quoniam singuli tendines peculiarem suam habent vaginam, in qua ad varios membrorum motus moventur: ut autem motus tendinum in sua vagina facilius reddatur, reperitur in vagina liquor sinovia dictus, qui defluit ex parvis glandulis vicinis, quae non absimiles sunt eis, de quibus verba fecimus in descriptione articulorum, cum luxationum in genere mentionem fecimus.

His consideratis duo observavimus, primo numerosos tendines per unumquemque articulum transeuntes esse extensos, seu, ut vulgus loquitur, obliques, quod fieri nequit quin superveniant graves dolores, & inflammatio, quae eò curatu erit difficilior, quod partes acutiori sensu sunt praeditae.

Sinovia, quae reperitur in vagina singulorum tendinum effunditur in eorum interstitia: unde oritur doloris incrementum; articulorum tumor, & durities, & abscessus insanabiles.

Dolor augetur, primo quoniam materia effusa tendines comprimit, occupat enim magna ex parte locum, quem tendines occupare debet: secundo haec lymphæ dilatat vaginam, in quam est effusa, unde oriuntur acerbissimi dolores, propter acutissimum huius vaginae sensum.

Durities, & tumor articulorum à duobus oriuntur causis; prima est, quod vaginae, tendines, & ligamenta fuerunt inflammata, intumuerunt, & hac ratione majus spatium occupaverunt, unde articuli tumor: secunda est, quod haec sinovia amplum occupat spatium, tumoresque producit in quibus fluctuatio, ex congerie humorum viscidorum orta observatur.

Abscessus insanabiles oriuntur ab eadem sinovia, quae mora sua in articulis acescens, & fermentans pus gignit, quod vaginas, tendines, ligamenta, & ossa corrodit, qui morbi sunt periculosissimi, & curatu difficillimi, ne dicam insanabiles.

Cura. Statim à lapsu pars affecta in aqua puteali frigida est demergenda, ut sinoviae effusio impediatur; si verò morbus huic remedio minimè cedat, vel non statim à lapsu adhiberi potuerit, sanguis copiose est educendus, alvus clysteribus emollientibus sollicitanda, liquoribus spirituosis, ut aqua vitae, vel spiritu vini camphorato, vel aliis in ankylosi praescriptis pars affecta est fovenda: fiant etiam balnea, & fons ex ebulo, & frictiones oleis distillatis.

Purgantia hydragoga, opiatæ ex pulveribus absorbentibus, mercurio dulci, & similibus utiliter in usum revocari poterunt: Tandem pes, vel manus in ventrem, vel jugulum alicujus animalis recens mactati, ut bovis, immittitur, vel ad aquas minerales confugiatur.



TRACTATUS DE FRACTURIS.

CAPUT PRIMUM.

De Fracturis in genere.



Racturæ vocabulum sumitur vel in genere, vel propriè, vel maximè propriè: sumitur in genere pro omni solutione continui in osse: sumitur propriè pro solutione continui in osse à causa externa: denique sumitur maximè propriè pro solutione continui à causis contundentibus: his distinctionibus differt primò caries à solutione

continui in osse à causa externa: secundò verò solutiones continui à causis externis inter se distinguuntur; per vocabula enim causarum contundentium vera fractura à vulnere in osse differt.

Ut de fracturis ex ordine agam, eundem sequar ordinem, quem de luxationibus agendo, sequutus sum, itaque octo nobis sunt perpendenda, & cognoscenda: primò structura partis in genere: secundò variae, fracturarum species: tertio figura membri præter naturam: quarto fracturæ causæ: quinto ejus signa diagnostica: sexto symptomata concomitantia, & supervenientia: septimò signa prognostica: octavò cura.

Structura partis, & ejus status naturalis necessariò cognosci debent, tum ratione ossium, tum ratione musculorum, tum ratione vasorum. Ratione ossium, quia fractura aliquando fit in parte, in qua unicum est os, aliquando in qua duo sunt ossa; præterea cognosci debet ossis soliditas, & inæqualitas quæ in sua superficie reperitur; quæ omnia si quis ignoret, malè de fracturis judicabit. Ratione musculorum, reperiuntur enim aliquando in parte affecta plures muscoli, aliquando pauciores, aliquando nulli; quæ necessariò sciri debent, ad dignoscendas varias ossium è sede sua motiones, & vires quibus fieri possunt extensiones, & contraextensiones: Ratione vasorum, quædam enim repunt super ossa, quædam verò reperiuntur intermedia; quæ etiam ignorari non debent, alioquin magni committerentur errores in fracturis complicatis, nec certum judicium ferri posset de iis, quibus superveniunt symptomata à compressione, vel læsione vasorum sanguiferorum, vel nervorum orta.

Variae fracturarum species desumuntur, vel ab osse fracto; vel à figura fracturæ: vel ab ejus causa: vel à distantia fragmentorum ossis fracti: vel à symptomatibus.

Ab osse fracto, quia ossa alia sunt dura, alia spongiosa, alia longa, alia brevia, alia crassa, alia tenuia: quibus omnibus fracturæ differre inter se possunt.

A figura; aliæ enim sunt obliquæ, aliæ transversales, & aliæ in quibus ossa sunt comminuta: quod spectat ad fracturam longitudinalem eam fictitiam esse censeo, nec dubito quin Authores qui de ea egerunt, de ea tantum loquuti sint juxta lectionem librorum à se malè intellectorum; Fabritius enim ab Aquapendente de hac fractura loquens hæc habet. *Si fractura tendit per ossis longitu-*

dinem, Galenus dicit duas esse præcipuas indicationes; primam fragmenta ossis rite componere, & in pristino loco collocare; alteram verò ea rite composita continere: dicit ad primum assequendum scopum necessariam esse extensionem, ut & figuram mediam articuli, aptamque musculorum configurationem &c. ad secundum verò scopum, nempe, partis aptè composita contentionem, & conservationem, requiri deligaturam, quæ, ut docet Galenus &c.

Ex his Fabritii verbis, & Galeni sententia patet, eum & Galenum per fracturam per ossis longitudinem tendentem, intellexisse eam quam obliquam vocamus; licet enim Fabritius dicat in differentiis, ossa rumpi obliquè vel in longum, non agit tamen de fractura obliqua, quod mihi persuadet eum vocare fracturam in longum eam, quæ est maximè obliqua, & existimavisse se egisse de una, agendo de altera, cum nulla sit inter eas realis differentia, sed solummodo quod plus vel minus; ac sane extensionem minimè proponeret in fractura in longum, cum liqueat eam minimè convenire, nec ossa componi juberet, cum in fractura in longum nulla sit ossis è sua sede motio, si saltem talis fractura in longum fieri possit, enim vero nullus est ictus, qui possit os frangere secundum longitudinem, qui non possit id longè facilius in obliquum frangere; præterquamquod tales fracturas per ossis longitudinem tendentes nunquam observavi, & Practici celeberrimi mihi testari sunt se nunquam nisi in libris tales vidisse fracturas. Scio equidem glandes plumbeas ossa comminuere, frangere, & per longitudinem usque ad articulos findere, sed de his fracturis hic verba non facimus.

A causis. Causæ ut plurimum sunt externæ: attamen præter ictus, & casus, addi potest, causas dari internas, quæ externis occasionem præbent, vel eas faciliores reddunt, vel ossa fragiliora efficiunt, ut id pater in lue Venerea, scorbuto, dispositione scrophulosa, & rachitide.

A distantia fragmentorum ossis: Alia enim sunt admodum remota, alia minus, alia verò ossi adhuc adhærent: præterea duo sunt ossis è sua sede motionis genera, aliud secundum ossis longitudinem; id est, ossa alia super alia supergrediuntur: alterum verum est cum ossa sunt tantum remota secundum crassitudinem, nec alia super alia supergrediuntur.

A symptomatibus, sive accidentibus. Quasdam fracturas comitantur luxatio, vulnus, apostemata, febris, dolor, convulsio, hæmorrhagia; aliæ verò nullis stipantur symptomatibus, quo fit, ut fracturæ aliæ sint simplices, aliæ compositæ, & complicatæ.

Fractura simplex vocatur illa in qua unicum os est fractum, nullisque aliis stipatur symptomatibus, quàm iis quæ in omnibus fracturis contingunt, & quæ nullam specialem curam postulant.

Fractura composita ea est in qua duo, vel tria ossa in eadem parte eodem tempore sunt fracta, & ejusmodi fractura non dicitur complicata, quia solam coaptationem ad suam curationem requirit.

Fractura complicata vocatur ea, quam symptomata seu accidentia supra memorata comitantur, ex quibus variae emergunt indicationes, & quæ varia remedia, & varias operationes ad ea curanda postulant.

Figura

Figura membri præternaturam necessario cognosci debet, quæ varia est pro varietate partis fractæ, quæque à situ, & vi musculorum pendet; sed de his fusiùs cùm de fracturis in specie agam.

Causæ fracturæ etiam probè cognitæ esse debent; sunt omnes, ut dixi, externæ, nisi iis addantur caries, exostoses, mollities, & aliæ dispositiones, quæ ossa fragiliota reddunt; sive in scorbuto, sive in rachitide; quod jam supra observavi.

Signa diagnostica haud fugere debent Chirurgum: alia sub sensu cadunt, alia verò ratiocinio assequimur: signa quæ ratiocinio assequimur, & cognoscimus, utilia sunt ad dignoscendas fracturas, & vulnera cranii: signa sub sensu cadentia alia sunt æquivoca, alia univoca: signa æquivoca sunt dolor, & membri ad motum impotentia.

Dolor est signum æquivocum, quoniam eadem doloris causa varios pro varietate subjectorum producit effectus; cùm dolor sit intolerandus in aliis, & levissimus in aliis, qui minùs acuto sensu sunt præditi: præterea videmus fracturas sine gravi dolore, & acerbissimos dolores sine fractura.

Ad motum impotentia est etiam signum æquivocum in fracturis; quia reperitur in omnibus contusionibus, ac præterea plerique homines, ut doloris sensum effugiant, membrum affectum movere recusant.

Signa univoca manifesta sunt vel per visum, vel per auditum, vel per tactum: per visum conferendo partem sanam, cum parte affecta, quo fit, ut ejus vitia evidentiùs pateant: per auditum, quum ossa crepitare audimus: denique per tactum, quum percipimus inæqualiter à fragmentis ossium è loco suo motis ortas.

Symptomata seu accidentia non sunt ignoranda; qualia sunt dolor, partis ad motum impotentia, pruritus, inflammatio: febris, gangræna, hæmorrhagia, convulsio, paralytis, atrophia, curvatura, anchylosis, & calli deformitas.

Dolor oritur à solutione continui, & varia tractione partium vicinarum.

Mirum non est si membrum sit motu captum; cùm ejus ad motum potentia pendeat à fulcro quod muscoli in osse repertiunt, illo verò fracto muscoli nullum habent fulcrum; præterea cùm membrum sine dolore moveri nequeat, patiens metu doloris membrum movere recusat.

Membris fractis pruritus supervenit aliquando Chirurgi culpa, qui oleosa medicamenta adhibet, quæ poros occludunt, insensilem transpirationem cohibent, quò fit ut materiæ retentæ acefcant, & fibras nervosas texti reticularis cutis irritent, unde herpes miliares oriuntur, quin etiam erysipelas, & abscessus profundi ex irritationis continuatione, præsertim si intumescencia totam cutem aggrediatur, gignuntur.

Febris pendet à dolore ab ossium fractorum aculeis orto, vel à pravo eorum, ratione ad partes vicinas, & sensibiles situs, vel ab ægroti curis, sollicitudinibus, aliisque animi pathematibus animum inquietum efficientibus, quæ omnes causæ spiritus animales, & sanguinem præternaturam exagitare, & è statu suo naturali dejicere valent.

Gangræna inflammationem, & tumorem partis sequitur: si enim hæc symptomata idoneis remediis sedari nequeant, liquorum motum omnino supprimunt, unde putredo, & interitus partis affectæ.

Hæmorrhagia à solutione continui, vasorumque apertione ab ossium aculeis, eorumque fragmentis pungentibus producta oboritur.

Convulsio fracturæ supervenit, vel quia nervi, & tendines à pravo ossium fractorum situ comprimuntur, vel ab aculeis ossium fractorum, aut fragmentis ab osse separatis punguntur.

Paralytis oritur à totali nervorum compressione, vel humorum viscidorum in nervos effusorum congestione.

Partis extenuatio seu atrophia non initio oritur, sed tractu temporis à nervorum, & vasorum sanguiferorum compressorum debilitate, vel strictiori deligatione in subjectis prædispositis producitur.

Curvatura ossi malè reducto originem debet, oritur etiam aliquando ex eo, quod patiens in idoneo, & sibi præscripto situ se non continuerit.

Anchylosis fracturæ supervenit, cùm ea articulo est vicina, & succus nutritius, vel materia calli effunditur in viciniam ligamentorum, quo in loco crassescit, indura-

tur, & ossa in suis connexionibus, ut ita dicam, ferruminant; vel cùm pars diu in eodem situ sine motu permanet, synovia crassescit, & idem facit ac succus nutritius.

Callus fit deformis si ossa malè fuerint reducta, vel materia calli apta deligatione non fuit in suis finibus contenta: Materia calli in suis finibus contineri sæpissimè nequit, præsertim cùm dolor, inflammatio, & similia symptomata impediverunt quominus stricta fieret deligatio; sed non rarò contingit hanc calli deformitatem oriri culpa Chirurgi partem affectam non satis strictè sine ratione deligantis, quo in casu, succus nutritius ferruminandis ossibus destinatus, deligatione convenienti in finibus suis non continetur, deligatio enim ita fieri debet, ut ossa sufficienter, & æqualiter comprimantur, sicque succus nutritius in viciniam non effundatur; & hæc est ratio cur in fracturis malè reductis callus videatur deformior, tùm quia ossa alia supergrediuntur, sicque exteriorem deformitatem pariunt; tùm quia deligatio non potest continere materiam calli in suis finibus.

Ad prognosim probè est attendendum, signa prognostica varia sunt pro variis fracturis; fracturæ obliquæ, & eæ in quibus ossa sunt comminuta periculosiores sunt quàm transversæ: fracturæ à causis externis, & in quibus nullæ reperiuntur pravæ dispositiones interiores, quæ os fragilius reddere potuerint, minùs sunt periculosæ, quàm eæ in quibus ossa fragiliora affecta fuerunt scorbuto, Lue Venera, scrophulis, vel Rachitide.

Quum duo ossa in eadem parte sunt fracta, fractura periculosior est, quàm cùm unicum os est fractum: si magna sit ossis è sua sede motio, fractura periculosior, quàm si ea è sua sede ossis motio minor, vel nulla est; si symptomata periculosa fracturæ sive simplici, sive complicatæ superveniant, periculosior semper erit, quàm si nulla oboriantur.

Cura denique tribus absolvitur indicationibus; prima consistit in ossium fractorum reductione, secunda in eorum reductorum retentione, & tertia in symptomatum correctione, vel eorum quæ oboriri possunt præservatione.

Prima indicatio tria complectitur, extensionem, contra-extensionem, & coaptationem; Ad extensionem, & contra-extensionem plura requiruntur.

Primò, ut patiens sit quantum fieri potest, & necessarium est, in loco & situ in quo permanere debet per totum curationis tempus.

Secundò, extrema ossis fracti eodem vis gradu trahi debent: Vires autem trahentes applicari debent duobus extremis ossis fracti, nunquam verò quantum saltem fieri potest partibus vicinis, idque ob rationes, quas cùm de luxationibus in genere egimus, attulimus.

Tertiò vires debent esse proportionatæ distantia, vel motioni è sua sede fragmentorum ossis fracti, & robori musculorum qui motionem faciunt, & extensioni contrahuntur.

Quartò, Musculi quantum fieri potest debent esse desidioli.

Quintò tandem extensio paulatim, & gradatim fieri debet, ne lacerentur, & ladanur muscoli quod contingeret si vi nimia, & continuò fieret, quoniam necesse est tempus concedere musculis, ut viribus eos extendentibus cedant.

Media quibus hæc duæ operationes perficiuntur sunt manus, laquei, & aliquando instrumenta, sive machinæ variis peculiaribus casibus appropriatæ.

Ut fiat coaptatio, sive conformatio, oportet: Primò ut extensio, & contra-extensio sint sufficientes; nemo enim Chirurgus nescit utilitatem extensionis, & contra-extensionis esse mederi motioni ossium è sua sede secundum longitudinem, nempe cùm alia super alia supergrediuntur, ossa enim coaptari nequeunt, quin inter se sint parallela: Secundò ossis coaptatio fieri potest, vel palma manus, vel pollicibus, vel digiris, vel etiam aliquando machinis ad id aptis, idque pro variis fracturarum speciebus: Tertiò vis quæ tendit ad os in pristinam sedem reponendum, nec super ossis extrema, nec super ejus fragmenta quantum fieri potest agere debet, nempe, ad vitandas fibrarum divulsiones, & continui solutionem ex quibus molesta oboritentur symptomata: Quartò vis debet etiam esse proportionata soliditati ossis, densitati carni, & majori, vel minori ossis è sua

è sua sede motioni; ossa enim quo magis tenuia sunt, eò minùs resistunt: si verò carnes sunt densæ, vis agens magis est ab osse remota, minùsque ad id reponendum est efficax.

Secunda Indicatio curatoria est os reductum continere, quod fit proba deligatione, idoneis medicamentis, & convenienti partis situ: circa quæ sequentia sunt observanda.

Ad probam deligationem spectant splenia, fasciæ, ferulæ, charta crassior, capsulæ, laquei, machinæ ex paleis linteis involutis confectæ, Gallicè Fanons, mitellæ, globuli, medicamenta defensiva, & alia, in quorum omnium applicatione observare est, quod pili partis sint abradendi; pars affecta, & muscoli ne sint distorti, & tum naturalem, ac si figuram rectam teneant: Ministri qui partem tenent, firmi, nec in loco angustiori collocati sint, ut, nempe, ad finem operationis usque membrum aequaliter tenere possint, primum splenium sit simplex, ut faciliùs, & propiùs parti applicetur: prima fascia sit mediocriter tenuis, secundùm staminum rectitudinem scissa, ex tela usu ex parte detrita: confecta, satis longa, & lata, loco fracto initio quantum fieri poterit applicetur: circa partem affectam ter circumvolvatur, & in parte superiori circumvolutiones finiant, quæ nec laxiores, nec strictiores sint; si enim strictiores sint liquorum cursus præpeditur, si verò laxiores ossa fracta non continentur: secunda fascia primæ in omnibus similis esse debet, incipiat in eodem ac primo loco, pergat deorsum versus, & ad superiores partes rursus ascendat, idque pro variis casibus, variis fracturarum speciebus, & varietate ossium fractorum.

Ferulæ sunt aliquando splenia oblonga, quæ locis in quibus nullæ reperiuntur ossium eminentiæ, & cristæ secundùm partis longitudinem applicantur: splenia aliquando graduata esse debent ad partis interstiria vacua replenda, partemque æquandam, ut tertia fascia, crassiores chartæ membrum aequaliter comprimere possint.

Crassiores chartæ sint longiores vel breviores, latiores vel angustiores, pro ratione crassitudinis, & longitudinis partis; hæ autem crassiores chartæ duobus, vel etiam tribus laqueis vinciri debent; si duo tantum sint laquei, laqueus inferior primus nodo adstringatur; si verò tres sint laquei, laqueus medius primus nodo constingatur; numerus autem laqueorum erit vel binus vel ternus, prout postulabit necessitas.

In fracturis brachii, & cubiti pars affecta mitella est obvolvenda: si verò cruris ossa sint fracta, pars extensa inter paleam linteis involutam, vel in capsula lignea pro varietate casuum est collocanda: si palea linteis involuta adhibeatur, pulvinar in quo membrum reponitur sit æquale, molle, & culcitæ aequali, & planæ impositum: ut verò pulvinar, & culcita in situ aquali, firmo, & plano conferrentur, tabula lignea à pedibus supra coxendicem usque protensa est supponenda.

Machina ex paleis linteis involutis confecta, Gallicè Fanons, debet esse satis longa ad amplectendas juncturas supra, & infra os fractum: latera partis fractæ spleniis, & parvis pulvinaribus, quibus machina ex paleis linteis involutis confecta inniri debet, replenda sunt; pars tibie anterior crasso splenio muniri debet, ut tegumentum quod tibie cristam regit non lædatur.

Solea splenio ea parte, qua plantam pedis fulcit instructa applicetur, & utrumque laqueo firmetur, qui machinæ ex paleis confectæ alligetur: splenium liquore aliquo spirituofo inunctum parti superiori pedis applicetur, ad humorum motum facilitandum.

Crus, & pes debent collocari sub vimine arcuato, ne lecti linteæ, & stragula sua gravitate iis incommodum afferant, quod tamen satis amplum esse debet, ut pars affecta mantilibus, aliis linteis mollibus, & calidis muniri possit.

Quod ad partis situm spectat, pes sursum elatus esse debet, quoniam hoc sit liquorum motus à circumferentia ad centrum facilius redditur.

Patiens dorso in linea recta incumbere, & ejus caput mediocriter, nec tamen nimis elatum esse debet si enim caput esset nimis altum corpus sua gravitate ad pedes lecti abriperetur.

A lecti colo, vel à lacunari si lecti colum non est satis solidum funis pendere debet, cujus adminiculo æger,

prout postulabit necessitas, sine labore se movere pro votis poterit.

Paciente ita collocato, vena paulò post, vel si necessitas id exigit statim est secanda, & sanguis mittendus; hyberno tempore in loco calido debet jacere, frigus enim eum lædere posset.

Pedem si extremitas inferior, vel manum si brachium afficiatur identidem inspicere necesse est, ut de bona, & convenienti deligatione certi simus; ex pede enim vel manu deligationis perfectio, vel vitium dignoscitur: si deligatio laxior est quàm par est, nullus in pede vel in manu apparebit tumor, quod signum est deligationem solum esse laxiorem, quàm ut ossa contineri in probò statu possint, verùm etiam, quàm ut vasa sanguifera mediocriter comprimantur, hæc enim compressio tumoris supra dicti causa est; denique si deligatio strictior est reperietur in pede, vel manu tumor durus, frigidus, & attri coloris: itaque si deligatio est vel laxior, vel strictior, in utroque casu est solvenda, & reficienda.

Si fractura est insignis, & eam periculosa vel molesta concomitantur symptomata, accurata diæta est præscribenda.

Prima deligatio citiùs aut tardiùs pro necessitate, variisque symptomatibus supervenientibus est tollenda: si enim superveniant dolores acerbis, intumescencia, inflammatio, & id genus alia, fractura statim deregenda est, & apta medicamenta statim ei sunt admoventia: si verò nulla oboriantur symptomata deligatio ante diem octavum non est relaxanda; nisi tempore reductionis, & primæ deligationis adfuerit intumescencia: evanescente enim hac intumescencia deligatio sit laxior, ideòque est tollenda, ut membrum strictiùs deligetur.

Eadem cautiones in secunda deligatione, ac in prima sunt adhibendæ; & pars affecta strictiùs, si intumescencia evanuerit, vel prima deligatio laxior fuerit, est deliganda.

Supervenientibus symptomatibus sequenti ratione mendum est: si æger dolorem pensentiat, eum ut plurimum non præsentit in ipso fracturæ loco, præsertim si ossa probè fuerint reducta; In crure enim fracto patiens conqueritur tantum de dolore intolerando tali, qui dolor à compressione tendinis Achillis verisimiliter oboritur: hic autem dolor compefcitur collocando talum in medio circuli tomento farri, & interiùs exhibendo narcotica, si dolores admodum urgeant.

Pruritus præcavemus, vitando applicationem medicamentorum unguentorum poris occludendis aptorum: curamus verò foribus ex spiritu Vini, & aliis liquoribus spirituosiss.

Inflammatio tollitur frequenti sanguinis missione, & medicamentorum alkalina vi præditorum exhibitione.

Febris sequitur vel inflammationem, vel dolorem, ideòque curatur remediis ad inflammationem, vel dolorem supra præscriptis.

Si superveniat gangræna, vel sit ad eam dispositio, deligatio, ut supra est præscripta erit relinquenda; & alia ex octodecim capitibus adhibenda: fomenta putredini resistentia erunt applicanda, qualia sunt spiritus vini camphoratus, tinctura aloes, myrrhæ, aristolochiæ &c. aqua falsa, sal armoniacum, & similia: si verò gangræna se prodatur, pars affecta pro morbi exigentia erit scatifcanda; tandem si his remediis minimè cedat, ad membri amputationem erit deveniendum.

Quoniam hæmorrhagia in solis cum vulnere fracturis contingit, incisionem facere ad vas apertum detegendum non semper est necessarium: si tamen vas lateret, necessariò esset detegendum ad id comprimendum, cauterio utendum, vel ligandum; quorum trium ope insignes sistuntur hæmorrhagiæ.

Convulsio diu non durat, quam oritur, ut plurimum à squamis ossium acutis, nervos, tendines, aliasque partes nerveas pungentibus, quæ reductione convenienter facta dictas partes non ampliùs pungunt.

Membrum paralyticum, atrophica, & extenuatio curantur frictionibus linteis asperis, & calidis factis, & foribus spirituosiss, quibus sanguinis, & spirituum motus restituitur.

Anchylosis morbus est insanabilis, si succus nutritius juncturam occupaverit, & in ea induruerit; si verò is morbus à nimia membri quiete, & pauca synoviae dissipatio-

patione oriatur, curatur methodo, & medicamentis in tractatu de luxationibus præscriptis.

Calli deformitas, si callus perfectè est formatus, sanari nequit; sed hæc deformitas præcavetur initio recta ossium fractorum reductione, & idonea membri deligatione.

C A P U T II.

De Fractura Claviculæ.

Nulla est fractura in qua ossa facilius è sede sua moveantur, quàm fractura Claviculæ, quoniam frangi nequit, nonnisi ictu exteriori qui eam deprimit, & ejus fragmenta intrò pellit.

Clavicula è sede sua movetur secundum longitudinem, & crassitudinem: causæ quæ eam loco movent secundum crassitudinem sunt ictus, & gravitas brachii, quæ humerum, ac consequenter partem claviculæ ei adnexam deorsum abripit; ea verò claviculæ pars, quæ sterno est adjuncta in sua sede manet, quoniam musculis sennoclinomastoideo, bronchico, & aliis sursum retinetur.

Musculi pectoralis, & deltoides alterum claviculæ extremum deorsum trahunt, quia clavicula, quæ est eorum fulcimentum, eos non amplius fulcit, quo fit ut suis contractionibus, quibus brachium ad claviculam trahi deberet, ea ad brachium trahetur, cum hæc claviculæ pars fracta sit punctum mobile, & brachium fractum sit punctum fixum seu immobile.

Clavicula loco movetur secundum longitudinem, quoniam brachium ad pectus fertur, quod facili negotio concipietur, si observemus usum claviculæ esse tenere brachium à pectore aliquo modo remotum, ut facilius se movere possit; Itaque cum fracta est clavicula, hic usus locum non amplius habet; cum verò brachium non fulciatur ut antea, nec exirotsum sit remotum, ad pectus accedere, & humerum cum extremo claviculæ ei adjuncto secum abripere debet, quod fieri nequit, quin extremum externum subinterno transeat, quoniam hoc nec situm, nec locum mutat.

Signa diagnostica non sunt alia quàm ea, quæ in præcedenti capite indicavimus: sed præterea datur signum pathognomonicum fracturæ claviculæ, nempe, brachii super pectus demissio, ita ut pendere videatur; idque oritur ex eo quod brachium, & humerus à pectore, ope claviculæ non amplius removentur; clavicula enim idem facit in statu suo naturali posita, ac faciunt contri quos naturæ ad latera noviculæ ne ad littus accedat, ponunt.

Causæ sunt omnes externæ, nempe, ictus, lapsus, & motus admodum violentus.

Prognosis non est alia, quàm in cæteris fracturis, & vulneribus: verum sequentia observanda sunt. Clavicula facilius quàm alia ossa frangitur, tum quia magis est exposita ictibus exterioribus, qui in eam vim suam faciliè exercent, ob situm suum transversalem, & quod plerique ictus ad perpendicularum eam imperunt, tum quia nulla carne nec ullis musculis, quibus ictuum vis rerundi posset, cooperitur: præterea claviculæ fractura est facillima, quia duobus suis extremis est fulta; reliquum verò sui corporis nullatenus est fultum.

Ejus reductio facilis est, primò quia extensio facile fieri potest; secundò cum sit musculis minùs cooperta, facilius digitis prehendi potest, in hominibus præsertim macilentis.

At verò difficilius quàm alia ossa, cum semel fuit reducta, continetur: primò quia est tenuis, & ejus extrema reducta per magnam superficiem inter se se non contingunt: secundò deligatio non potest os cingere, ut cinguntur brachii, & cruris ossa: præterea haud facile est ita collocare penicilla ut ossis fragmenta non intrò pellant, quoquo enim modo collocentur videntur similem ferè effectum præstare ei, quem præstitit ictus qui os fregit: tertio brachium, & musculi claviculam ad sternum perpetuò trahere videntur, nisi cautiones inferius in curatione afferendæ adhibeantur.

Ad claviculam fractam reducendam, patiens primò in sedili humili est collocandus: secundò unus ex Ministris suum genu inter duas omoplatas collocare debet: tertio idem Minister duo omoplatarum, & humerorum extrema manibus fortiter prehendere, eaque æqualiter retrò trahere debet, truncum corporis genu suo ad

anteriores partes pellendo quod vicem gerit extensionis, & contraextensionis: quartò Chirurgus ante ægrotum stans cum advertit Ministrum extensionem, & contraextensionem fecisse, coaptat suis digitis duo claviculæ extrema, & ea coaptata continere per alium ministrum facit; postea deligationem in formam 8. factam applicat, quæ deligatio humeros retrò trahit, in hac autem deligatione debet addi fascia, cujus extremum rectum in vertatur ad partem sinistram, & sinistrum ad rectam, ut impediatur, quominus deligatio descendat: hinc fit spica descendens, & brachium mitella involvitur.

C A P U T III.

De Fractura Brachii.

Circa brachii fracturam tria peculiariter sunt observanda: primum, quòd in brachio unicum sit os, quod humerus vocatur: secundum quòd hoc os minùs è sede sua moveatur secundum longitudinem, propter membri gravitatem, quæ contractioni musculorum ossa ut plurimum locomovementium obstitit verum invita hac gravitate loco moveretur secundum longitudinem, si os fractum esset in parte inferiori supra insertionem musculi deltoidis; quia vis robusti hujus musculi posset superare gravitatem membri: Tertium quod est observandum, est quòd cum illius ossis è loco motio sit exigua, minor etiam ad id reducendum requiratur extensio: Mitella brevissima in hujus ossis sive per transversum sive per longitudinem fractura brachium est involvendum, sed cum fractura est obliqua, mitella longior esse debet, ut brachium pendeat, & ejus gravitas, sive pondus facilitati, quam habent ossa, alia super alia supergrediendi obstitat, impediendum est tamen quominus brachium ad latera moveatur, quia hoc motu os è sua sede iterum moveretur: cum fractura superior est, nulla opus est in deligatione fascia, quia fascia convoluta sub axilla faciliè non posset traduci, quin aliquis motus ad partes exteriores fieret, qui noxius esset, idèd non sine ratione deligatio ex octodecim capitibus, (Gallicè bandage dixhuit Chefs) adhibetur.

C A P U T IV.

De Fractura cubiti.

Cubitus duobus constat ossibus, cubito & radio; in parte superiori conjunguntur cum humero, in inferiori verò cum carpo: inter hæc duo ossa reperitur intervallum quod originem debet curvaturæ duorum illorum ossium, quorum unum incurvatur in partem exteriorem, alterum verò in interiorem.

Ambo simul frangi possunt, vel alterum illaso alio frangitur; fractura amborum ossium simul faciliè dignoscitur, & signa peri possunt ex capite de fracturis in genere.

Fractura Cubiti facilius, quàm fractura Radii dignoscitur, quoniam Cubitus musculis minùs est coopertus, & est præcipuum totius cubiti fulcrum: verum ad dignoscendam Radii fracturam, oportet una manu partem superiorem Cubiti prehendere, & altera manu manum patientis in motum supinationis & pronationis alternatim vertere; tunc enim si advertatur radius manus partem superiorem Cubiti prehendenti resistere, & conari motum pronationis & supinationis facere, certum erigit signum Radii nullatenus esse fractum: Contra si Radius est fractus audietur ossium crepitus, quoniam pars Radii inferior, quæ erit mobilis, & revera movebitur per motum manus patientis, fricabit partem superiorem, quæ immobilis redditur per manum, partem superiorem Cubiti tenentem, quod minimè eveniret si manus moveretur tantum motu supinationis, & pronationis; pars enim superior posset quidem sequi inferiorem, licet os esset fractum, quod non oportet, ut contingat, cum ad crepitum producendum, una pars necessario mobilis esse debet, vel ambæ partes in varias partes moveri debent.

Extremitates ossis fracti duobus modis loco moveri possunt, nempe, secundum longitudinem alia super alias ascendendo; vel solummodò secundum latitudinem, cum ambæ extremitates simul majorem faciunt latitudinem, Ec quàm

quàm unica faceret extremitas : non nescio loco motionem secundùm longitudinem à multis in dubium revocari sed eam inferius ita probabimus , ut nullum hac super se supererit dubium .

Locomotio secundùm latitudinem duobus modis fieri potest , primus est cùm ossa non omninò sunt prolapsa secundùm crassitudinem suam , hoc est cùm adhuc per sua extrema fracta inter se se contingunt : secundus est cùm duo extrema fracta ad cubitum accesserunt , quod contingit quoniam musculus Rotundus , & Quadratus pronationis motui inservientes extrema ossis fracta ad cubitum trahunt : Est autem observandum quod trahantur parùm ad interiora , trahuntur verò validiùs à musculo Rotundo , quia hic musculus inseritur longiùs à puncto fulcri illius partis fractæ , relatè ad se solam quàm insertebatur ante fracturam relatè ad totum os , nemo enim nescit hunc musculum inseri parti mediæ Radii , si verò Radius in sui medio est fractus , tunc musculus dictus à fulcri puncto omninò distat , quum sit in extremo ossis fracti , quo fit ut majorem vim habeat ad illud trahendum : musculus Quadratus trahit etiam partem ossis fracti inferiorem ad interiorem , sed id non facit æquè faciliè nec tanta vi ac musculus Rotundus .

Explicata ratione , qua ossis extrema ad Cubitum accedunt , ideòque loco mota sunt secundùm latitudinem , devenio nunc ad probandam , & demonstrandam locomotionem Radii secundùm longitudinem : Junctura enim Radii cum Cubito videtur obistere huic locomotioni ; verùm ad eam probandam , observare est , quod duo ossis extrema non possunt propelli ad Cubitum , quin ad se invicem accedant , si verò extrema sibi invicem occurrant , tunc ad Cubitum accedent , sed id fieri non poterit quin unum extremum super aliud ascendat , propter Radii curvaturam : Inspice figuram appositam , in qua suppono Radium II fractum in puncto D , dico primum actione musculi Rotundi A D extremum M partis superioris Radii L laturum esse ad Cubitum non per lineam D , G , sed per lineam D F , ita ut cùm extremum Radii L deveniet in E , ascendet super extremum M Radii , quod deberit in E quod fiet in toto spatio F F idque probabitur si describatur arcus circuli circa centrum C , & alter arcus circa centrum A .

Observandum est autem nullam harum locomotionem locum habituram , si extremis ossium fractorum , vel inæqualitates , vel spicula , vel fragmenta reperirentur , quia alia aliis includerentur , & loco motioni resisterent ; Itaque dantur fracturæ in quibus locomotio est exigua , & in quibus per consequentiam extensio , & contraextensio exigua esse debent ; at in iis in quibus fit loco motio , extensio , & contraextensio semper fieri debent : si Radii extrema Cubito sunt proxima , Chirurgus patientis manum ad Cubitum deprimere debet , ut extremum inferius Radii fursùm attollatur , ita ut hac ratione fiant extensio , & contraextensio necessariæ huic loco motioni secundùm longitudinem medendæ , & ambabus manibus sibi invicem oppositis partem anteriorem Cubiti in ejus partem posteriorem urgere debet , ut musculi anteriores , vel posteriores sic compressi cogantur ingredi intervallum , quod reperitur inter Cubitum , & Radium , quod fieri nequit quin ossis fracti fragmenta , seu partes fursùm attollantur .

Ossi reducto quidam ferulas extremis ossium fractorum applicant , verùm hæc methodus admodum est noxia , tantùm enim abest ut ferulæ fractis extremis inniti debeant , ut contra fasciæ , penicilla , & ferulæ ita sunt collocanda , ut idem præstent ac manus Chirurgi præstabant , dum ossa reponebant ; ideòque applicatis simplici splenio , & prima fascia , duo alia crassa splenia , aliud nempe parti anteriori , alterum verò parti posteriori sunt applicanda , quæ duo crassa splenia eadem fascia firmata , & compressa se invicem pellant , loco motioni ossis secundùm longitudinem , & latitudinem resstant , hacque ratione ossis fracti partes faciliè firment , & in debito situ contineant : quoniam cogent musculos ingredi intervallum quod reperitur inter Cubitum , & Radium , qua ratione partes fractæ fursùm detinebuntur elatæ ; præterquam quod musculi se contrahentes majori conatu agent in ossa , quàm in splenium quod eorum intumescentiæ exteriori resistit , & hanc ob rationem splenia agere debent in medium partis : super hac secunda fascia tertia est applicanda , vel reliquo secundæ utendum , ad

aliquot circumvolutiones circa manum faciendas , quæ circumvolutiones circa manum necessariæ sunt , tum ut manus in quiete detineatur , tum ut globulus quo digiti semel flexi detinentur , firmetur : chartæ crassiores duæ superalligantur , pars mitella involvitur , & Cubitus ac manus in commodo , & naturali situ reponuntur .

Quod ad Cubiti fracturam spectat , observandum est partem superiorem in sua sede semper manere , dum inferior pars ad Radium musculi Quadrati ope adducitur ; dummodò nullæ ossis squammæ musculi illius actionem præpediant .

Quidam arbitrantur cubitum fractum ad exteriora prominere ; sed experientia docemur in fracturis complicatis partem Cubiti superiorem in sua sede semper manere , inferiorem verò ad Radium accedere : Pars autem superior Cubiti ad Radium accedere nequit , quoniam nulli dantur musculi , qui eam ad interiora trahant , nec ulla ratione ad exteriora recedendo à Radio trahi potest , quoniam ligamentum interosseum impedit , quominus hic à Radio recessus fiat . At non eadem est ratio partis ejus inferioris , quæ musculi Quadrati actione ad Radium accedere potest ; licet enim hic musculus motui Radii sit destinatus , in hac tamen occasione contrarium omninò edit effectum , cùm enime ea cubiti pars cui inseritur musculus quadratus separatur à parte superiori , non amplius potest esse punctum fixum musculi quadrati , & hic musculus magis fit comparatus ad trahendam hanc partem ad Radium , quàm Radium ad hanc partem , quoniam Radius duo habet puncta fixa , aliud in brachio , alterum in Carpo ; pars verò inferior cubiti punctum fixum in carpo tantùm habet .

Cubiti reductio non alio modo fit , quàm reductio Radii ; hoc tamen discriminis est , quod manus vettenda sit ad pollicem , ut extensio fiat , dum pars fracta ambabus manibus propellitur , & reducitur .

Deligatio cubiti non alia est , quàm Radii , nisi quod rot non debent adhiberi cautiones ad firmandam partem cubiti superiorem ; cùm hæc non possit moveri nisi secundùm flexionem , & extensionem , qui motus mitella erit præpediendus .

Quum ambo cubiti ossa sunt fracta , eadem propemodum circumstantiæ in eorum reductione sunt observandæ , quæ ex structura partis , quam semper ob oculos habere debemus , non solum in hac operatione , sed in omnibus aliis , facili negotio patebunt .

C A P U T V.

De Fractura Costarum .

HAud necessarium esse duco examinare causas quibus costæ frangi possunt , variosque modos quibus franguntur , ut inde varia methodus eas reducendi eliciatur .

Causæ quibus costæ frangi possunt sunt omnes contundentes , aliæ plùs , aliæ minùs ; quæ maximè sunt contudentes , v. g. glandes plumbeæ sclopeto amplioris tubi emissæ , costas in omnem partem faciliè frangere possunt ; & quoniam ejusmodi fracturæ sunt complicatæ , iis omisissis , de fracturis simplicibus quas nulla gravia nec periculosa comitantur symptomata unicè agam .

Costarum fracturæ simplices , aliæ fiunt ad interiores aliæ ad exteriores partes : fractura ad interiores partes fit , quum ictu violento in media arcus costarum partem impetente , earum extrema fracta in partes interiores deprimuntur : fractura verò ad exteriores partes contraria ratione contingit , cùm nempe , costæ extremum aliud in aliud propellitur ictibus omninò inter se oppositis , ita ut extrema fracta ad exteriores partes propellantur .

Hæc postrema fractura duobus in casibus contingere potest ; primus est quum ex duobus ictibus duo extrema costæ impetentibus , unus est in motu , dum alius est in inquiete ; non absimili ratione ac cùm homo humi jaccens supinus ictu violento in extremo anteriore costæ impetitur , vel cum rota partem anteriorem thoracis , dum homo supinus humi jacet , supertransit ; vel denique cùm homo temone rhedæ , vel alio simili modo in murum urgetur , & hac ratione admodum premitur . Secundus casus in quo costæ ad partes exteriores frangi possunt , est quum ictus duo costarum extrema impetentes ambo simul sunt in motu , ut , v. g. cùm homo urgetur & premitur

mirur duobus modiolis duarum rotarum, quarum rhedæ ex diversa parte accedunt, nempe, quarum alia ascendit, altera verò descendit.

Ex dictis evidenter patet, quod siue duo corpora quæ comprimunt, siue unicum tantum sint in motu, si compressio fiat per lineam, quæ ab extremo costæ ad spinam transit, hæc ceder, & frangetur, ita ut sui arcus pars media ad exteriora prominendo acutior facta erit, dum extrema ad arcus accedent; ideòque omnibus his rationibus costæ non possunt non ad exteriores partes frangi.

Partium fracturarum loco motio non potest esse admodum notabilis, quoniam pars anterior sterno adnexa est, ab eoque retinetur; pars verò posterior vertebræ dorsii adhæret, & ab ea etiam retinetur: præterquam quod loco motio nec ad interiora, nec ad exteriora, multo minus ad superiora, & inferiora fieri nequit; quoniam muscoli intercostales, qui soli eam loco motionem producere possunt, æqualiter utrinque trahunt.

Harum fracturarum signa diagnostica sunt inæqualitas, crepitatio, respirandi difficultas, & dolor.

Dolor, & respirandi difficultas minores sunt in fractura ad exteriora, quoniam duo ossis extrema pleuram minimè pungunt; præterea vis minor requiritur ad costam ad exteriora quam ad interiora frangendam, quia ictus qui extrorsum percutit figuram impetit sphericam, cui in puncto tantum innititur; fulcrum insuper sterni, & vertebrarum magis resistit, & impetum ictus magna ex parte obtundit.

Signa prognostica desumuntur ex variis fracturæ speciebus, & symptomatibus iis supervenientibus. Fractura ad interiora periculiosior est quam fractura ad exteriora: fracturæ quas intensus subsequitur dolor cum difficultate respirandi, ut & illæ in quibus nervi intercostales punguntur, ac vasa sanguifera nervos concomitantia referantur sunt periculosissimæ.

Si pleura sit aperta, vel aliqua ex ejus arteriis intercostalibus ab acutis ossium fragmentis sit puncta, sanguisque in cavum thoracis sit effusus, tunc ad Empyematis operationem est deveniendum: at si hæmorrhagia esset insignis, thoracis paracentesis forsitan non esset necessaria, quoniam Pateriens antequam adverteretur hæmorrhagia, vel modus eam sistendi reperiretur, moreretur; attamen de incisione in ipso fracturæ loco facienda vasa vitando, non esset dubitandum: Denique aperto vase sanguifero sanguis vel stypticis, vel ligatura esset sistendus, at compressio hoc in casu locum habere nequit: Si verò fractura in costis falsis contingeret, nihil aliud agendum foret, quam thoracem ad sanguinem evacuandum aperire: verum si una ex costis superioribus esset fracta, hæmorrhagia sedata, vulneris consolidatio esset permittenda, & paracentesis in loco solito celebranda.

Reductio pro varietate fracturæ varia etiam esse debet; si costæ extrema sint ad interiora loco mota, pars anterior in posteriorem est urgenda, donec extrema fracta, & aliæ costæ ad libellam sibi invicem respondeant: si costæ ad exteriora sint propulsæ, intrò sunt adigendæ, donec sint paræ cum reliquis costis libella: Ipse fracturæ locus nullatenus est comprimendus, sed latera sunt urgenda, ne ossium squammæ carnes, unde acerbi orirentur dolores, pungant.

In fractura ad partes exteriores splenia extremis fractis ad ea intrò pellenda, & in suam sedem reponenda applicari debent. In fractura verò ad partes interiores splenia extremis costarum sterno spinæ dorsii adnexis applicanda sunt, ut nempe extrema fracta ad exteriora urgeantur, & in sede naturali contineantur: firmari etiam debent valida fascia scapulari fulta, & simplex defensivum ipsi fracturæ loco solummodo applicabitur.

Sanguis pluries mittendus est, præsertim si dolor urgeat, vel respirandi adsit difficultas: Diæta accurata est præscribenda: Clysteres sunt injiciendi: decocta traumatica sunt exhibenda: narcotica, & anodyna sunt usurpanda: uno verbo iis utendum remediis, quæ sanguinis copiam minuere, ejusque motum nimium compescere valent: quum enim thorax sit quasi moletrina, in qua sanguis attenuatur, & subtilior redditur respirationis ope, ideò quò minor est sanguinis copia, eò minus fortis, & frequens respiratio est necessaria; copia igitur sanguinis venæ sectione, & diæta est minuenda, quò enim tardior erit ejus motus, eò lentius in pulmonibus circulabit, & lenior erit respiratio: Clysteres magni sunt usus, tum quia alvum

lubricam reddunt, & evacuant, quò fit ut à materiis fæculentis, & corruptis liberetur corpus, tum quia diaphragma ad ventrem inferiorem facili negotio planum fieri potest, quò fit ut respiratio sit liberior: Pateriens capite, & pectore sursum elatis lecto jacere debet, ut facilius spiritum trahet: nec garrere debet nec aliud agere quod respirationem difficiliorem efficiat: Deligatio non est solvenda nisi ægro molestiam pariat, vel aliquomodo relaxetur.

C A P U T VI.

De Fractura Maxilla Inferioris.

Simplex maxillæ inferioris fractura est rara: frangitur autem vel in uno loco, vel in pluribus locis: In hac fractura loco motio est admodum parva, cum fragmenta alia super alia ascendere non possint; quia nulli dantur muscoli, qui id facere possint, & hæc locomotio nunquam nisi violentissimo ictu contingit.

Ictus ad maxillam frangendam debet esse violentissimus, quia mobilitas duorum maxillæ articularum ictum magnam partem obtundit.

Diagnosis fracturæ maxillæ non est difficilis; digitum enim indicem intra os immittendo, & dentes tangendo ac explorando, si inversi sunt dentes, certum est fracturæ signum, præsertim si reperitur inæqualitas, cum digitus secundum basim maxillæ exteriùs leniter ducitur, & si cum unus ex digitis in alterum impellitur, crepitatio auditur: facile etiam cognoscitur maxillæ fractura, cum partes maxillæ fractæ aliæ super alias ascendunt, & magnam illam deformitatem, nempe inæqualitatem sub sensu cadentem in facie producant.

Prædicta omnia symptomata sunt admodum metueda: Doloris acerbitas oritur ex irritatione nervi quinti paris transeuntis per canalem maxillæ, ut ramos singulis dentibus suppeditet: Tinnitus aurium olitur ex eo quod truncus hujus nervi exiguum ramum tympano auris præbeat: mala corpore affecta videtur, tum propter ictus violentiam, tum quia exiguus nervus maxillaris, qui tympanum auris pertransit, in truncum partis duræ se immittit, quæ pars nervi dura toti malæ distubuitur, maxillaris insuper inferior cum parte dura communicat, postquam egressa est è canali maxillæ non procul à mento: Convulsio, vel motus convulsivus in labiis, quin etiam in aliis partibus aliquandò animadvertitur, propter communicationem nervi quinti paris cum omnibus aliis nervorum paribus: Oculi eadem etiam ratione sunt inflammati: denique saliva ex ore affatim effluit, propter glandularum salivalium compressionem.

Ut maxilla fracta aptè reducatur, species locomotionis est cognoscenda: Si enim locomotio est tantum secundum latitudinem seu crassitudinem, facile ei medemur faciendo coaptationem pollice, qui ordinem dentium comprimat, dum manus secundum basim maxillæ ad inæqualitates complanandas immittitur: Verum si ossis partes fractæ aliæ super alias ascendant oportet facere extensionem, & contraextensionem, qui tamen motus factu faciles non videntur, sed ut hunc assequamur scopum, digitus index unius manus, & duo digiti index, & medius alterius manus linteis sunt instruendi; Index unius manus intra os immittitur, & admoveatur propè ad ultimum dentem, ad radicem apophysis coronoidis maxillæ, & hæc pars retrò pellatur, dum duo digiti alterius manus alteram partem maxillæ ad se trahunt; & hac ratione fiet extensio, & contraextensio, ut & coaptatio, ac locomotioni secundum longitudinem medebimur. His peractis splenium defensivum intinctum erit applicandum postea aliud splenium quadruplicatum, & charta crassior deligatione capistrum vocata fulta, vel funda, vel fascia sub mento admoveantur: Pateriens nec loqui nec legere debet, alimenta solida ac dura vitabit, jusculis aliisque alimentis liquidis vescetur, nempe, ne maxillam movere cogatur: Venæ sectiones, aliaque remedia idonea præscribantur.

CAPUT VII.

De Fractura sterni.

Sternum ictu violento deprimi ac frangi potest: sterni depressioni ac fracturæ eadem propemodum symptomata, quæ fracturæ costarum superveniunt: quin etiam aliquando hæmorrhagia oboritur interna, propter lacerationem venarum, & arteriarum mammariarum sub sterno locatarum.

Signa diagnostica, & prognostica, ac Curatio non alia sunt quam in fractura costarum: Addi solummodo debet quod ad sternum depressum relevandum thorax sit à dextra ad sinistram, & à sinistra ad dextram urgendus, ut costæ in anteriorem partem promineant, & sic sternum fursùm urgeatur: si verò hæc methodus pro votis non succedat, & symptomata sint molesta, non dubitandum est incisionem facere, & ossium fragmenra clavo cochleato (Gallicè tirefonds) relevare, quin etiam, si neglecta initio curatione, abscessus obortus esset sub sterno, hoc modiolò esset perforandum, eadem ac cranium perforatur mente, nempe ad pus evacuandum, & ossis fragmenta depressa relevanda. Deligatio remediis tantùm continendis, nulli verò alii usui prodest.

CAPUT VIII.

De Fractura ossis femoris.

Oss femoris frangi potest vel in parte superiori, vel in media, vel in inferiori propè ad genu: Omnes hæ fracturæ sunt vel in transversum, vel in obliquum; raro enim contingit hoc in plura frangi fragmenta, quia innumeris validis musculis ictum obtundentibus cooperitur.

Causæ, signa diagnostica, & prognostica, eadem omnino sunt ac in aliis fracturis simplicibus: Hic igitur loci de hujus fracturæ cura tantùm sermo erit, fractura hujus ossis transversa facilius est curatu quam obliqua, cum post ossis reductionem nihil præteritam deligationem supersit agendum, & reliquum curationis, idem erit ac Curatio in capite de fracturis in genere præscripta.

Quum femoris fractura est obliqua, post ossis reductionem, pars est ritè deliganda; deligatio autem strictior esse debet quam in fractura transversa, quia in hac ossa quasi se ipsa firmant, & fulciunt, idque cò facilius, quod musculi se contrahendo fragmenta ossis alia in alia pellunt; in fractura vero obliqua unumquodque ossis fracti extremum, cum figuram obliquam nanciscatur, non potest aliud ab altero firmari, quò fit ut actione musculorum extrema prolabi, & aliud super aliud ascendere cogantur: idèdque strictiori fascia pars est deliganda, tum ad ossis partes fractas comprimendas, & hac ratione eas firmandas, tum ad musculos detinendos, ut iis pari ac antea vi, & libertate se non contrahentibus ossa ritè coaptata firmari, & contineri possint: Applicatis fasciis, spleniis, & chartis crassioribus, duo laquei sunt collocandi, alius, nempe, super condylos genu, alter verò super malleolos ad usum inferiùs dicendum: postea media pars lintei lecti inter femora inditur, cujus unum extremum transire debet super inguen, & alterum ponè clunem oppositum, utrumque autem ad lecti caput, aliud nempe ad dextram, alterum ad sinistram alligatur: dein duæ machinæ ex paleis linteis involutis confectæ (Gallicè Fanons) admoventur, quarum alia debet extendi à planta pedis usque ad inguen, & altera à planta pedis ad falsas costas usque, ut pes, crus, & articulatio ossis femoris cum Ischio in quiete detineantur, nec ullatenus moveri quæant: Dictæ machinæ instrui debent pulvillis vel spleniis à coxendice ad pedem, ut inæqualitates complanentur, vacua repleantur, & dictæ machinæ ita componantur, ut partem aequalitè comprimant: applicari insuper debet splenium in longum supra quod transeant laquei qui machinas vinciunt, apponitur solea, crus, & pes sin opus idoneo medicamento foveantur; deinde laqueus qui est supra genu pedibus lecti alligatur, ut femur extensum secundum suam longitudinem detineatur, dum media pars lintei lecti, quæ capiti lecti est alligata totum corpus retinet, & impedit quominus descendat; sed quoniam dictum linteum tractu temporis ægroto incommodum af-

ferte posset, idcirco ejus extrema identidem mutantur, nempe, dextrum ad sinistram, & sinistram ad dextram, ita etiam laqueus, qui est supra pedis malleolos eidem usui inservit, cum laqueus, qui est supra genu incommodum parti ægroto, tunc enim alligatur pedi lecti, & solvitur ille, qui est supra genu, sicque alternatim in usum veniunt, prout alius aut alter ægroto incommodum parit: Culcita cui incumbit patiens perforata esse debet, ne clunes, & coccyx nimium comprimantur, & exsorientur, quod symptoma est molestissimum: præterea scapium supponi potest inter culcitam perforatam, & alteram culcitam, ut æger alvum commodè exonerare possit. In pedibus lecti debet esse tabula lignea firma, & stabilis, cui clavis affigatur truncus ligneus prava culcita instructus, cui planta pedis sani innitatur; qui truncus admodum adminiculatur patientem, cum corpus ejus ad lecti pedes prolabitur urgendo enim planta pedis sani truncum rabulæ affixu corpus ascendere cogitur; hæc tabula prodest etiam cum fractura est transversa, quoniam nec media pars lintei lecti, nec ulli laquei in usum veniunt ad impediendum quominus patientis corpus ad lecti pedes descendant, idèdque necessarium est ut pes affectus aliqua ratione fulciatur.

Coccyx, & clunes frequenter inspiciantur, licet enim cautiones supra dictæ usurpentur, sæpè tamen hæ partes excoriantur, & gangræna afficiuntur, quo in casu styrax liquida super chartam vel linteum molle extendatur, & applicetur, quod remedium mira præstat.

CAPUT IX.

De Fractura Rotulæ.

Rotula in parte inferiore tuberositati tibiæ valido ligamento alligatur, quod productio est aponevrosos musculorum extensorum tibiæ; in parte verò superiore aponevroses dictorum musculorum ei alligantur, ita ut sit ut ita dicam, quasi tendo inter hoc ligamentum, & aponevroses dictas, quò fit ut cum extenditur tibia, rotula musculos sequatur; sed si eo tempore quo validè fursùm trahitur lapsus vel casus conringat, qui tibiæ flecti cogat, tunc retinebitur deorsùm propter junctionem suam cum tibiæ, licet hi musculi eam trahere conentur, & manebit in quiete, quia vires sibi invicem contrahuntur, vel necesse erit ut ligamentum suum, aut musculi eam retinentes disrumpantur; aut ea ipsa frangatur: Sed quoniam ligamentum ac musculi minus sunt fragiles, integri manent, & rotula frangitur; ac pars superior fracta à musculis fursùm abripitur; plures vidi rotulas sic fractas, & omnes rotulæ ictu vel lapsu fractæ, nunquam fractæ fuissent, nisi fursùm à musculis abreptæ, & ea qua diximus ratione deorsùm retentæ fuissent.

Rotulæ fractura facilè dignoscitur; ad eam enim dignoscendam sufficit genu digitis explorare; & locomotio facilè percipietur, si pars superior est ab inferiori admodum remota; Si verò actione musculorum fursùm est abrepta, tactu facile persentietur: Sed pars inferior neque fursùm neque deorsùm abripi potest, quia nulli musculo est alligata, idèd facilius quam superior in loco suo naturali reperitur.

Paret evidenter ex dictis rotulam ferè semper in transversum frangi; in longum enim frangi nequit, nisi fractura sit complicata; Quum pars quæ fursùm est abrepta est parva, difficilius distinguitur fractura, sed ea est minus periculosa, licet ejus reductio sit difficilior; quia, cum articulum non adeò detegat, succo nutritiofaciente callum in articulum defluendi minus locum præbet, ex qua effusione anchasis primi generis oriretur; in omnibus enim rotulæ fracturis succus nutritius ex duobus extremis fractis defluens, ferè semper diffunditur in articulum tibiæ, & partes articulas ferruminat, vel saltem motum parti difficiliorem reddit, in superficie enim cartilaginum speciem quandam crustæ asperæ producit, cum cartilagine admodum politæ esse debeant ad faciliorem ossium motum.

Quibus rotula fracta non fuit reducta, illi difficillimè incedere possunt, & claudicant, quoniam præter effusionem succi nutritii in articulum, anatomia docemur hoc os insertioni musculorum aponevroseon inservire, & in statu suo naturali iis esse instar trochleæ, eosque remove à fulcro vectis tibiæ, quibus usibus vi, & celeritati motus progressivi admodum inservientibus destitutus est æger.

Ad

Ad rotulam reducendam planta pedis loco firmo & stabili inniti , & tibia probè extensa detineri debet ; duobus verò pollicibus rotula paulatim in sedem suam naturalem reducitur : magnoperè autem est vitandum ne tibia ullo modo flectatur , quia pars rotulæ fractæ , tibix flexione loco magis moveretur ; idque adeò est certum & ipsa experientia quotidie comprobatur , ut in illis qui statim à fractura rotulæ tibiam extenderunt , ea sursum parùm admodùm abripiatur ; in iis vero qui ceciderunt in tibiam flexam , vel in quibus flexa fuit tibia post casum ad fracturam dignoscendam , in iis inquam , rotula ad mediam fere femoris partem sursum abripiatur . Hæc observatio tanti est momenti , ut eventus curæ ab ea ferè semper pendeat ; ac sanè licet rotula sit fracta , remanent tamen quædam partes aponervosis musculorum quæ eam retinent , & quæ si tibia flectatur omninò disrumpuntur , & destruuntur .

Quum rotula in sedem suam naturalem est reducta , ea est firmanda deligatione , quæ varia ratione fieri potest : Quidam initio faciunt deligationem in figuram 8. ex duobus capitibus constantem , & quæ bis tantùm circumvolvitur , postea sub ossibus fractis , & super iis linthea convoluta in formam lunæ corniculatæ applicantur , quæ emplastro in quatuor capita inciso obteguntur , quidam immittunt singula emplastri capita sub cornibus immediatè super rotulam ; Deinde fit deligatio ex fascia latiori , quæ ut prima describit figuram 8. quæ ex uno capite , vel ex duobus constat , & postquam est circumvoluta , quatuor emplastri capita super deligationem relevantur , & aciculis ita alligantur , ut se invicem decussent ; Usus capitum emplastri est ita adducere circumvolutiones deligationis aliæ ad alias , ut binæ rotulæ fractæ partes ad sese accuratè accedant , & deligatio sit firma : pars reponitur vel in machinis (Gallicè Fanons) vel in charta crassiore lintheo instructa , ut tibix flexio præpediatur .

Quidam in usum adhibent mantile octuplicatum , quod sub poplite applicant , & quod ita evolvitur , ut binæ circumvolutiones sibi occurrant præcisè in loco ubi duo condyli deficiunt : postea sumunt fasciam sex ulnis longam , in duo capita æqualia circumvolutam , inter quæ splenium semi digito crassum consuitur , quod locum à pollice partem superiorem rotulæ retinente , per tempus quo fascia sumpta est , relictum occupat , postea applicant fasciam , & splenium tenendo unum caput una manu , & alterum altera , duo pollices extensi maneant super ea parte fasciæ cui consutum est splenium fasciam circumvolvunt ad dexteram , & ad sinistram transeundo super mantile octuplicatum ; necesse etiam est , ut quis adstantium pollice suo splenium comprimat , ut pars superior rotulæ semper sit firma : Quum duo fasciæ capita ad poplitem devenerunt , decussantur , mutando ea è dextera ad sinistram , ut transeant decussata sub parte inferiore rotulæ , quæ etiam splenio obtegi debuit , duo fasciæ globi de manu dextra in manum sinistram mutantur , & oblique ascendendo sub poplite deducuntur , vel decussantur , ut super primam circumvolutionem transeant , sicque pergitur usque ad fasciæ finem , fascias paulatim adducendo , ut partes fractæ propius ad se ipsas accendant , & arctius constringantur ; finita hac fascia , applicatur loco fracturæ splenium quatuor digitos latum , & æquè longum ac supra dictum mantile octuplicatum , postea apponitur charta crassior semi pede lata , totumque fascia firmatur , quæ initio bis , vel ter circa partem inferiorem circumvolvitur , deinde duæ fiunt circumvolutiones obliquæ , & super rotulam decussatæ : postea bis circa partem inferiorem circumvolvitur , sicque fascia finem facit ; pars in machinis (Gallicè Fanons) reponitur , & super pulvinar ad pedem datum , ut tibia detineatur extensa , & motus liquorum facilis reddatur : eadem sunt adhibendæ cautiones , cum fracturæ deligatio solvitur ; Callus autem quinquaginta diebus est formatus , & fractura curata .

C A P U T X.

De Fractura Tibiæ .

Proposita , in capite de fracturis in genere , pro exemplo fractura tibix simplici , de ea verba non faciam ; Verùm de fractura tibix complicata in hoc capite solum .

modò agam , & adjungam ea , quæ mihi necessaria videntur ad aliarum partium fracturas complicatas curandas : ut verò methodicè ea omnia tractem , dividam ordine ea , de quibus mentio non fuerit facta in capite de fracturis in genere .

Tria efficiunt fracturam complicatam , nempe , morbi , causæ , & symptomata . Morbi sunt luxationes , abscessus , ulcera , & vulnera : de luxationibus cum fractura satis superque egimus in capite de luxationibus in genere ; iis igitur omissis de ulceribus cum fractura verba faciam , utque res Lectori magis pateat , duas observationes in medium afferam , in quarum prima ossa erant denudata cum carie , & fractura , in altera verò fractura nullam aderat ossis vitium , at in ipso fracturæ loco vulnus factum fuerat , nec ossa erant denudata .

Prima observatio fuit sequens : Adolescens octodecim circiter annos natus ulcere cum carie in media tibix parte laborabat , quod ulcus à pluribus annis fuerat neglectum ; contigit autem tibiam in loco cariei rota currus super eam transeuntis fractam fuisse , & actione rotæ locum cariei , qui spongiosa , & molli carne tantùm erat coopertus facili negotio denudatum fuisse ; fibula remansit integra , & tibia ipsa forsitan non fuisset fracta nisi carie , quæ os ad medullam ferè vitaverat affecta fuisset hoc in statu patiens delatus fuit in Nosocomium Costracense , in quo Chirurgi majoris officioungebar : explorato , & cognito morbo partem fractam super parva culcita tibiam longitudine æquante collocavi , intereà dum medicamenta , & omnia ad deligationem membri necessaria præparabam .

Initio pravas , & corruptas carnes , quin etiam eas , quæ partim separatæ erant , & eas quæ ossibus carie affectis adhuc dum adhærebant rescui : nullam feci extensionem cum fibula esset integra , & idè ossis fracti extrema aliud super aliud non ascendissent : pars inferior duabus tantum lineis extra libellam partis superioris eminebat , quam statim reduxi , & coaptavi , pollice unius manus eam propellendo , & altera manu pedem sursum attollendo , totum vulnus sicco lineamento replevi , & sanguinem in conspurcantem prius deterfi , deinde machinas (Gallicè Fanons) tibix supposui , simplex splenium in duobus suis extremis fissum vulneri applicavi , & id obtexi in vertendo quatuor , splenii capita aliud , post aliud , postea alterum splenium crassius vulneri admovi , quod inservit impediendo quominus reliquum deligationis conspurcetur , quia sanie ex ulceribus , vel vulneribus ut plurimum manante imbuitur ; post hoc splenium applicavi deligationem ex octodecim capitibus , incipiendo in media parte ; hinc descendendo ad inferiorem , & ascendendo ad superiorem , intendo semper extrema fasciæ in sequentiâ collocatis utrinque sex deligationis capitibus , apposui secundum tibix longitudinem duo splenia unum in parte interiori , alterum in exteriori , ut femularum vicem gererent , quæ ultimis sex deligationis capitibus super totum applicatis firmavi ; duas chartas crassiores tribus laqueis revinctas admovi , quæ totam tibiam amplectebantur , & postea constrinxi machinas Gallicè Fanons dictas quatuor laqueis æqualiter distantibus à malleolis ad genu ferè usque : toti parti femoris , tibix , & pedis anteriori splenium longum apposui , ad impediendum quominus laquei has partes nimium comprimerent ; sed imprimis cavendum ne laquei ponantur in ipso vulnere , vel ulceris loco , quia eorum compressio admodum esset noxia : pedem fulcivi solea , & instruxi splenio appropriatis medicamentis intincto : per plures dies eandem observavi methodum , negligendo veram , quia patiens febris laborabat ; at febre sedata admovi cauterium actuale extremis ossium fractorum , quæ carie erant affecta , ablata tamen prius magna ex parte carie , ope modiolis exfoliantis ; postero die ignis applicationem iteravi , & deinde ulcus curavi linamentis tinctura aloes intinctis ossi impositis , initio ulcus simplici digestivo replevi , & postea in usum adhibui unguentum ad carniū luxuriem , quæ curam remoratur , impediendam appropriatum ; donec tandem os exfoliatum fuerit , quod contingit quinquaginta diebus post ignis admotionem ; deinde ulcus carne replevi , & cicatrice obduci curavi .

Quod attinet ad fracturam cum ulcere , in quo nulla adest ossis caries , nec ossa sunt denudata , ea curanda est ut fractura simplex sine ulcere , sed ut remedia ulceri quotidie

applicari possint, deligatio ex octodecim capitibus est adhibenda, donec ulcus sit sanatum, ulcere verò sanato tunc adhibetur deligatio ut in simplici fractura, nempe, si callus ante integram ulceris curationem non fuerit formatus.

Ad fracturam cum vulnere in qua ossa sunt comminuta & denudata eadem adhibendæ sunt cautiones, tum ratione deligationis, tum ratione curationis, ac eæ quæ fuerunt adhibitæ in cura fracturæ cum ossis carie, excepta tamen ignis admotione, quæ in fine tantum ad summum convenire posset, quum nempe exfoliatio est lenta, & difficilis, qui ignis est tamen caute admodum admo- vendus: si adsint ossis squammæ omnino à toto separatæ extrahantur, quæ verò carnibus adhuc adhærent in natu- ralem suum locum reponantur, hæ enim conglutinari, & coalescere possunt, si verò id non contingat cum pu- re cadunt: si tamen hæ squammæ, vel etiam ossium ex- trema adeò essent acuta, ut metus esset, ne vasa, mu- sculi, vel tendines pungerentur vel irritarentur, hoc in casu ea essent resecanda forcipe excisorio, vel alio instru- mento idoneo.

Si adesset hæmorrhagia, sanguis esset sistendus, vel liga- tura, vel vitrioli globulo, vel aqua styptica, vel com- pressione, vel alio simili modo. Ligatura adhibetur si vas apertum sub visum cadat, & Chirurgus possit facile trajicere acum curvam filo instructam, sine ulla nervi, vel tendinis læsione. Vitrioli globulus vasi aperto admo- vetur, quem id est magnum, & nullus est ligaturæ lo- cus. Aqua styptica in usum venit, cum vas est exiguum. Fit vasis compressio cum ligatura nulla ratione fieri po- test, vel cum metus est ne vitrioli globulus, aut aqua sty- ptica partibus vicinis noxam inferant.

Si quædam corpora extranea, qualia esse possunt lapi-

des, glandes plumbeæ, ocrearum, tibialium, & simi- lium particula, & similia adsint, ea sunt extrahenda secun- dum regulas exæresis, postea vulneris labia ad mutuum contactum sunt adducenda; quibus factis pars deligari, & in situ idoneo reponi ac collocari debet.

Fractura cum vulnere instrumento secante facto dissimi- li planè methodo curatur: Enim verò vulneris labia sta- tim ad mutuum contactum sunt adducenda, ope deligatio- nis unientis, si vulnus sit in longum; vel suturæ si vulnus sit admodum obliquum, aut transversum: postea in usum venit deligatio ex octodecim capitibus, ad integram vulneris consolidationem usque. Hæc methodus prospere ferè semper succedit, dummodo patiens pravis humori- bus non sit repletus, & accuratam observeat diætam: hanc saltem methodum prosperè successisse vidi in brachio toto ferè amputato, & in maxilla in qua vulnus erat omnino laceratum.

Germanorum methodum in medium adducam, quam pro votis succedere vidi in fracturis cum vulnere, & quæ in usum venire potest in fracturis cum vulnere cubiti, ma- xillæ, & tibiæ: species est lorice penicillis instructæ, in qua conficitur ostiolum conjunctum mediante uno, vel duobus verticulis, quod clauditur uncino, & aperitur in ipso vulneris loco, ut ei medicas manus afferre possit Chi- rurgus; licet hanc methodum ad fracturam tibiæ, & cu- biti adhiberi viderim; mihi tamen utilior videtur in fra- ctura humeri, & maxillæ, quia tibia, & cubitus super pulvinaribus commodè collocari possunt, & ita formari, ut absque periculo novæ locomotionis ossis aptè reponi queant; at non eadem est ratio fracturarum humeri, & maxillæ, in quibus ossa in situ, in quo fuere collocata haud facile continentur. Clarissimus Sculterus in Armamenta- rio suo Chirurgico similem ferè methodum proponit.

F I N I S.

I N D E X

R E R U M , E T M A T E R I A R U M ,

Quæ in hoc Secundo Tomo Operum continentur,

O R D I N E A L P H A B E T I C O D I S P O S I T U S .

A

A	<i>Bdominis Vulnæ .</i>	Pagina 299	Prognosis .	ibid.
	Signa .	ibid.	Causæ juxta vulgares .	ibid.
	Causæ .	ibid.	Juxta authorem .	ibid.
	Prognosis .	ibid.	<i>Aneurisma</i> , quid .	29
	Curatio juxta vulgares .	300	Signa .	ibid.
	Juxta Authorem	ibid.	Causæ .	ibid.
<i>Abscessus</i> , quid .		4	Platerus & Regius refutantur .	30
Etymon .		ibid.	Prognosis .	ibid.
Signa .		ibid.	Curatio juxta vulgares .	ibid.
Causæ juxta vulgares .		ibid.	Juxta authorem .	ibid.
Juxta Authorem .		ibid.	<i>Animalium</i> propagatio est duplicis generis .	129
Prognosis .		ibid.	<i>Anthiades</i> , vide Tonfillarum Tumor .	60
Curatio juxta vulgares .		ibid.	<i>Anthrax</i> , variis appellatur nominibus .	10
Quare ad sectionem deveniant .		ibid.	Unde dicatur .	ibid.
Curationis processus ulterior .		ibid.	Quid sit .	ibid.
Curatio juxta Authorem .		ibid.	Ejus subjectum .	ibid.
Sectica varia proponuntur .		5	Signa .	ibid.
<i>Abscessus frigidi</i> , quid juxta Galenicos .		8	Causæ juxta vulgares .	11
Sunt in duplici differentia .		ibid.	Juxta authorem .	ibid.
Causa eorum materialis juxta Galenicos .		ibid.	Externæ .	ibid.
Causæ juxta Authorem .		ibid.	Prognosis .	ibid.
Sunt trium generum , nempe Atheroma , Steatoma ,		ibid.	Curatio juxta vulgares , quinque indicationibus com-	com-
& Meliceris .		ibid.	prehenditur .	12
Signa .		ibid.	Pleræque omnes repudiantur .	ibid.
Contenta quædam in iis solida unde oboriantur .		ibid.	Curatio , juxta Authorem à triplici indicatione pen-	pen-
Prognosis .		ibid.	det .	13
Curatio juxta vulgares .		10	Saphirus conducit .	ibid.
Juxta Authorem à triplici indicatione desumitur .		ibid.	A corrosivis , & fecticis abstinendum .	ibid.
<i>Abscessus ani</i> , vide Ani inflammatio .		90	An pestis sit , cognoscendi ratio .	ibid.
<i>Acrochordon</i> , vide Verruca penilis .		47	<i>Antidotum</i> anti-pestilentielle Authoris .	78
<i>Acrochordon</i> ex lue ven .		386	<i>Anti-hecticum</i> Poterii .	
Signa .		ibid.	<i>Anus</i> cerebri .	28
Causæ juxta vulgares .		ibid.	<i>Anus</i> , podex .	298
Juxta Authorem .		ibid.	<i>Ani</i> Condylomata , Thymi , Ficus , Cristæ &c .	93
Prognosis .		ibid.	Signa .	94
Curatio juxta vulgares .		ibid.	Causæ juxta vulgares .	ibid.
Juxta authorem .		387	Juxta Authorem .	ibid.
<i>Ægylops</i> ,		53	Prognosis .	ibid.
Signa .		ibid.	Curatio juxta vulgares .	ibid.
Causæ juxta vulgares .		ibid.	Juxta Authorem .	ibid.
Juxta authorem .		ibid.	<i>Ani</i> inflammatio .	90
Prognosis .		ibid.	Signa .	ibid.
Curatio juxta vulgares .		ibid.	Causæ .	91
Juxta authorem .		ibid.	Prognosis .	ibid.
<i>Aer</i> salia secum vehit .		109	Causæ juxta vulgares .	ibid.
Qui ulcerosis eligendus .		111	Juxta Authorem .	93
Vulneratis vitandus .		191	Prognosis .	ibid.
<i>Affectio</i> habitualis corporum viventium .		401	Curatio .	161
Ejus definitio .		402	<i>Aphthæ</i> .	158
Quæ per partes exponitur .		ibid.	Signa .	ibid.
Ejus differentia .		ibid.	Causæ juxta Galenum .	ibid.
<i>Alopecia</i> in lue ven .		384	Juxta Authorem .	ibid.
Signa .		ibid.	Prognosis .	159
Causæ juxta vulgares .		ibid.	Curatio juxta vulgares .	ibid.
Juxta authorem .		ibid.	Juxta Authorem .	160
Prognosis .		ibid.	<i>Aperientia</i> medicamenta non sunt unius generis .	115
Curatio juxta vulgares .		ibid.	<i>Apostema</i> vide Tumor .	1
Juxta authorem .		385	<i>Aqua potulenta</i> est sale referta .	109
<i>Alvus</i> lubrica constricta conducibilior .		114	<i>Aquam</i> cur cane demorssi abhorreant .	221
<i>Ambi</i> Hippocratis quid .		424	<i>Aqua anti-venerea</i> .	386
Ulus .		ibid.	Arterialis .	31
Vitia .		ibid.	Castitatis .	90
<i>Amphibia</i> , cur tum in sicco , tum in aquis vivere pos-		267	ad Dentes mobiles , Authoris .	167
sint .		267	I. B. de la Porta .	ibid.
<i>Amygdala</i> vide Tonfillarum Tumor .		60	Omnium Florum .	56
<i>Anchylosis</i> fracturæ superveniens unde .		431	Guajaci &c. quomodo exsiccet .	119
<i>Anchylops</i> vide Ægylops .		52	Salis armoniaci .	139. & 92
Causæ juxta vulgares .		53	Venerea .	153
Juxta Authorem .		ibid.	Viridis Joh. Hartmanni .	ibid.
Signa .		ibid.		Argen-

C

C <i>Achexia</i> qui producat.	403	Prognosis.	ibid.
Signa.	404	Curatio juxta vulgares.	ibid.
<i>Coffea</i> potus ulcerosis conducit.	113	Juxta Authorem.	250
<i>Calamus</i> scriptorius.	ibid.	<i>Cervicis</i> uteri ulcera & Rhagades.	177
<i>Calli</i> deformitas.	431	Signa.	ibid.
<i>Callus</i> .	104	Causæ juxta vulgares.	ibid.
Signa.	ibid.	Juxta Authorem.	ibid.
Causæ juxta Galenicos.	ibid.	Prognosis.	178
Juxta authorem.	ibid.	Curatio juxta vulgares.	ibid.
Prognosis.	ibid.	Juxta Authorem.	ibid.
Curatio juxta vulgares.	ibid.	<i>China</i> radix.	357
Juxta authorem.	ibid.	Ejus descriptio.	ibid.
<i>Calor</i> dicitur qualitas positiva.	119	Virtutes ipsi tributæ.	ibid.
<i>Calor</i> & ignis non differunt.	ibid.	Ejus decocta parandi modus.	ibid.
<i>Caloris</i> sensus quomodo producat.	ibid.	Authoris de iis judicium.	ibid.
<i>Calvaria</i> .	227	<i>Chirurgus</i> ad primum vulneris intuitum quid animadver-	208
<i>Cambium</i> .	109	tere debeat.	111
<i>Canalis</i> biliaris.	303	<i>Cibus</i> quo ulcerosis utendum.	191
<i>Cancer</i> , vel Carcinoma, quid.	14	Qui vulneratis concedendus.	252
Est vel non exulceratus, vel ulceratus.	ibid.	<i>Cicatrices</i> quandoque honestæ, quandoque non.	ibid. & seq.
Unde dicatur.	ibid.	<i>Cicatrices</i> qui deleri possint.	86
<i>Noli me tangere</i> , quibusdam dicitur.	ibid.	<i>Circocèle</i> .	ibid.
In tres dividitur species.	ibid.	Signa.	ibid.
Signa.	ibid.	Causæ juxta Vulgares.	ibid.
Causæ juxta vulgares.	ibid.	Juxta Authorem.	ibid.
Inter quas vermiculi referunt.	ibid.	Prognosis.	ibid.
Causæ juxta Authorem.	ibid.	Curatio juxta vulgares.	ibid.
Prognosis.	15	Juxta Authorem.	ibid.
Curatio pluribus à Vulgaribus impletur indicatio-	ibid.	<i>Cistis</i> Cholidocus.	303
nibus.	ibid.	<i>Clavicula</i> .	279
Juxta Authorem.	ibid.	<i>Clavicula</i> fractura.	432
<i>Vide</i> Ulcus cancerolum.	137	Signa.	433
<i>Cancris</i> fluviatiles aceto injecti effervescent.	191	Causæ.	ibid.
<i>Canes</i> lingua vulnera sua curant.	199	Prognosis.	ibid.
<i>Canis</i> rabidus qui cognoscatur.	221	Curatio.	ibid.
<i>Capitis</i> anatome.	226	Luxatio.	422
Offa.	227	Signa.	ibid.
Suturæ.	ibid.	Causæ.	ibid.
Meninges.	ibid.	Symptomata.	ibid.
Vulnera.	230	Curatio.	ibid.
Et curandi ratio.	194	<i>Clavus</i> vide verruca.	47
<i>Capitis</i> contusio.	230	<i>Clavus</i> .	104
Signa.	ibid.	Signa.	ibid.
Causæ.	ibid.	Causæ juxta Galenicos.	ibid.
Prognosis.	231	Juxta Authorem.	ibid.
Curatio juxta Galenicos.	ibid.	Prognosis.	ibid.
Juxta Authorem.	ibid.	Curatio juxta vulgares.	105
<i>Capitis</i> luxatio.	420	Juxta authorem.	ibid.
Causæ.	ibid.	<i>Clitoris</i> .	177
Signa.	ibid.	Quædam femine ea coeunt.	ibid.
Prognosis.	ibid.	<i>Coccygis</i> luxatio.	422
Curatio.	ibid.	Signa.	ibid.
<i>Carbo</i> , unde dicatur.	10	Causæ.	ibid.
<i>Carbunculus</i> , unde dicatur.	ibid.	Symptomata.	ibid.
<i>Vide</i> Anthrax.		Curatio.	ibid.
<i>Caries</i> ex lue venerea.	375	<i>Colli</i> anatome.	272
Signa.	ibid.	Etymon.	ibid.
Causæ juxta vulgares.	ibid.	Ejus conmensuratione discognoscitur virgo à compres-	ibid.
Juxta authorem.	ibid.	sa.	ibid.
Prognosis.	376	Ufus.	ibid.
Curatio.	ibid.	Musculi.	ibid.
<i>Carpi</i> musculi.	314	Venæ.	ibid.
<i>Carpi</i> distorsio.	429	Arteriæ.	ibid.
Luxatio.	426	Nervi.	ibid.
Signa.	ibid.	Vertebræ.	ibid. & seq.
Causæ.	ibid.	Vulnera.	273
Prognosis.	ibid.	Eorum signa.	ibid.
Symptomata, & eorum explicatio.	ibid.	Causæ.	ibid.
Curatio.	427	Prognosis.	ibid.
<i>Cartilago</i> mucronata.	280	Curatio juxta vulgares.	ibid.
<i>Cassia</i> conserva.	360	Juxta Authorem.	ibid.
<i>Cataplasma</i> dignoscendæ Pestis aptum.	13	<i>Columborum</i> applicatio in bubone irridetur.	79
<i>Cerebellum</i> .	228	<i>Columella</i> exulceratio in lue venerea.	313
<i>Cerebrum</i> .	227	Signa.	ibid.
Duplo cerebri habet homo quam bos.	ibid.	Causæ juxta vulgares.	ibid.
Mares plus quam fœminæ cerebri habent.	ibid.	Juxta Authorem.	ibid.
Ventriculi.	ibid.	Prognosis.	ibid.
An in plenilunio plenum, in novilunio verò non.	246	Curatio laxitatis juxta vulgares.	62
<i>Cerebri</i> fungi.	249	Juxta Authorem.	ibid.
Signa.	ibid.	Inflammationis juxta vulgares.	ibid.
Causæ juxta vulgares.	ibid.	Juxta Authorem.	ibid.
Juxta Authorem.	ibid.	<i>Conarion</i> .	219
			Condy-

<i>Condylomata ani</i> , vide Ani condylomata.	93
<i>Condylomata</i> ex lue venerea.	386
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.
<i>Constrictiones</i> membrorum.	325
Signa.	442
Causæ.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.
<i>Contra extensio</i> ad ossis reductionem necessaria quid, & quomodo peragatur.	419
<i>Convulsi</i> motus ossium luxationi supervenientes unde oriantur.	ibid.
<i>Convulso</i> fracturæ superveniens, unde.	431
<i>Cor</i> , unde dictum.	282
Figura.	ibid.
Substantia & parenchyma.	ibid.
Partes.	283
Vulneratum qui cognoscatur.	190. & 285
Vulnerum ejus prognosis.	286
<i>Cor</i> pilis quandoque hirsutum.	283
<i>Cornua</i> .	48
<i>Coryza</i> .	153
Signa.	ibid.
Causæ juxta vulgares.	154
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.
<i>Cossa</i> & earum numerus.	230. & 280
<i>Costarum</i> fractura.	434
Causæ.	ibid.
Signa.	435
Prognosis.	ibid.
Curatio.	161
<i>Cranium</i> .	227
<i>Cranii</i> fractura, cum Meningum, & cerebri vulnere.	235
Rima.	ibid.
Contusio.	ibid.
Depressio.	236.
Sedes teli.	ibid.
Contrafractura.	ibid.
Non admittitur.	ibid.
Signa.	237
Varii modi eam explorandi.	ibid. & seq.
Causæ.	238
Prognosis.	239
Causæ juxta vulgares.	240
Juxta Authorem.	242
Terebratio periculossima.	242. & seq.
<i>Crepitus</i> luxationes concomitans, unde.	419
<i>Crista Ani</i> , vide Ani Christiæ.	93
<i>Christa</i> ex lue venerea.	380
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	287
<i>Crustra</i> lactea.	142
<i>Cubiti</i> musculi.	314
<i>Cubiti</i> fractura.	433
Signa.	ibid.
Curatio.	434
Ab humero luxatio.	425
Signa.	ibid.
Curatio.	ibid.
<i>Curvatura</i> ossis fracturæ superveniens unde.	430
<i>Cuticula</i> .	290
An sit partibus corporis annumeranda.	ibid.
<i>Cutis</i> .	ibid.
Glandulæ.	ibid.
Pori.	291
Arteriolæ.	ibid.
Venæ.	ibid.
Nervi.	ibid.
Ufus.	ibid.

D

<i>Decocta</i> cum vino parandi ratio.	355. & seq.
<i>Decocta</i> non dantur exsiccantia.	356
<i>Dermosphenes</i> linguæ vitia quomodo correxerit.	172
<i>Dentes</i> .	268
<i>Dentium</i> color fædus & fordities.	165
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	166
<i>Dentium</i> dolor.	161
Signa.	ibid.
Causæ juxta vulgares.	162
Juxta Authorem.	ibid.
Prognosis.	ibid.
Curatio juxta vulgares.	163
Juxta Authorem.	ibid.
In nonnullis est certissimum graviditatis signum.	264
<i>Dentium</i> mobilitas & casus.	166
Signa.	ibid.
Causæ.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.
<i>Dentium</i> stupor.	164
Signa.	ibid.
Causæ juxta Galenum.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.
<i>Dentitio</i> difficilis.	167
Signa.	ibid.
Causæ.	ibid.
Prognosis.	168
Curatio.	ibid.
<i>Derma</i> , vide Cutis.	290
<i>Diaphoreticum</i> Paracelsi.	13
<i>Diaphragmatis</i> anatome.	280
Nomina.	ibid.
Partes.	ibid.
Ufus.	ibid.
Vulnerati signa.	190. & 285
Prognosis.	286
<i>Diastasis</i> Antiquorum.	425
<i>Digiti</i> .	313
<i>Digitorum</i> musculi.	315
Pedis musculi.	318
<i>Diploe</i> .	227
<i>Dolor</i> malè dentibus adscribitur.	161
<i>Dolor</i> fracturæ superveniens unde.	431
<i>Dolorum</i> quinque species.	144
<i>Dolores</i> venerei.	388
Signa.	ibid.
Causæ juxta vulgares.	ibid.
Juxta authorem.	ibid.
Prognosis.	ibid.
Curatio juxta vulgares.	ibid.
Juxta authorem.	389
<i>Dorsi</i> musculi.	279
Vertebræ.	229. & 280
<i>Draco</i> mitigatus.	393

E

<i>Ecchymosis</i> , quid.	28
Signa.	ibid.
Causæ externæ & internæ.	ibid.
Prognosis.	ibid.
Curatio juxta vulgares.	ibid.
Juxta authorem.	29
<i>Elephantia</i> .	41
<i>Elephantiasis</i> , unde dicta.	ibid.
Signa.	42
Causa juxta vulgares est succus melancholicus.	ibid.
Causa juxta Authorem.	ibid.
Prognosis.	ibid.
Est morbus contagiosus.	ibid.
Curatio juxta vulgares.	ibid.
Juxta	

Juxta authorem.	43
<i>Emplastrum</i> de fuligine.	66
De Herba Thææ.	27
Magneticum.	66
Apostolicum Nicol. Alexandrini.	81
Schroderi ad Hernias.	83
Authoris ad rupturas.	ibid.
De lapide calaminari.	122
Vulneraria.	199
Stipticum.	ibid.
Oppoteldoch Paracelsi.	ibid.
De Betonica.	233
De Gummi elemi.	ibid.
Basilicon majus Mesuæ.	ibid.
<i>Enterocoele</i> .	81
Signa.	ibid.
Causæ.	ibid.
Prognosis.	ibid.
Curatio.	ibid. & seq.
<i>Enteromphalon</i> .	74
Signa.	ibid.
Causæ.	ibid.
Prognosis.	ibid.
Curatio.	ibid.
<i>Epidermis</i> .	290
<i>Epiglottis</i> .	275
<i>Epinyctis</i> unde dicta.	35
Quid.	ibid.
Signa.	36
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta authorem.	37
<i>Epiploele</i> .	81
Signa.	ibid.
Causæ.	ibid.
Prognosis.	ibid.
Curatio.	82
<i>Epiplomphalos</i> .	74
Signa.	ibid.
Causæ.	ibid.
Prognosis.	ibid.
Curatio.	ibid.
<i>Epiploon</i> .	293
<i>Epulis</i> .	58
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.
<i>Erysipelas</i> , variè appellatum.	21. & 124
Diffinguitur.	ibid.
Differt à Phlegmone.	ibid.
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	22
Curatio juxta vulgares.	ibid.
Juxta Authorem, tribus perficitur indicationibus.	ibid.
Sanguis leporis conducit.	24
<i>Essere</i> , quid.	37
Differunt ab Epinyctide.	ibid.
Signa.	ibid.
Causæ juxta vulgares.	ibid.
Juxta authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.
<i>Eftiomenus</i> herpes.	24
<i>Eunuchi</i> infames.	90
Semen emittere possunt.	ibid.
<i>Eunuchi</i> propter Regnum Dei.	ibid.
<i>Excrementa</i> alvi qualia esse debeant.	114
<i>Exomphalos</i> .	73
<i>Exostosis</i> .	46
Causæ.	ibid.
Prognosis.	ibid.
Difficillimæ curationis.	ibid.
<i>Extensio</i> ad ossis reductionem necessaria quid, & quomodo peragatur.	419
<i>Extranea</i> quomodo à Vulneribus extrahenda.	201
In extrahendis præcautiones adhibendæ.	ibid.
Duplex modus extrahendi.	ibid.
<i>Exumbilicatio</i> .	73

F

<i>Facies</i> .	226
Unde dicta.	250
<i>Facies</i> anatome.	ibid.
Vulnera.	251
Signa.	ibid.
Prognosis.	ibid.
Curatio.	ibid.
<i>Fæces</i> alvinæ, ni debito tempore excernantur, coctionem interturbant, &c.	114
<i>Falx</i> .	228
Messoria.	ibid.
<i>Fauces</i> .	268
Quid sint propriè.	269
Earum usus.	ibid.
<i>Favus</i> .	141
<i>Febris</i> luxationibus superveniens unde.	420
Fracturæ superveniens unde.	431
<i>Fel</i> .	202
Usus.	ibid.
<i>Fellis</i> folliculus, vide folliculus fellis.	ibid.
<i>Femoris</i> musculi.	312
<i>Femoris</i> fractura.	436
Causæ.	ibid.
Signa.	ibid.
Prognosis.	ibid.
Curatio.	ibid. & seq.
Luxatio.	427
Differentiæ.	ibid.
Differentiarum ratio & causæ.	ibid.
Signa.	ibid.
Prognosis.	428
Curatio.	ibid.
<i>Ficus</i> , vide verruca pensilis.	47
<i>Ficus ani</i> vide ani fistula.	90
<i>Ficus</i> ex lue venerea.	386
Signa.	ibid.
Causæ juxta Vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	387
<i>Fistula</i> , quomodo à Sinu differat.	6
Quid sit.	ibid.
Duplicis est speciei.	ibid.
Signa.	ibid.
Methodus ejus cavitatem explorandi.	ibid.
Causæ juxta Galenicos.	7
Juxta authorem.	ibid.
Prognosis juxta vulgares.	ibid.
Juxta authorem.	ibid.
Curatio juxta vulgares.	ibid.
Juxta authorem.	ibid.
<i>Fistula ani</i> . vide ani fistula.	90
<i>Fistula</i> lacrymalis, vide Ægilops.	52
Signa.	ibid.
Causæ juxta vulgares.	53
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	54
<i>Fistula</i> sacra.	229
<i>Flatus</i> an sint causæ morborum.	148
Sunt duo in nobis.	ibid.
Differunt à vaporibus.	ibid.
<i>Folliculus</i> fellis.	302
Partes.	ibid.
Usus.	ibid.
<i>Fontanella</i> in ulceribus inutiles, imo & noxiæ.	121
<i>Formica</i> , vide Verruca.	47
Vide Myrmecia.	101
<i>Fractura</i> in genere quid.	430
simplex quid.	ibid.
complicata quid.	ibid.
composita quid.	431
<i>Fracturarum</i> species variæ unde.	430
Causæ.	ibid.
Signa.	ibid.
Symptomata.	431
Prognosis.	ibid.
Curatio.	ibid.
<i>Frigus</i> est diaphoreticum in nobis.	26
Non est privatio, sed ens.	119
<i>Frigida</i> quomodo calorem inducere possint.	120

Frons.

<i>Frons</i> .	250
<i>Furfuratio</i> .	142
<i>Furunculus</i> , quid.	34
Unde sic dictus.	ibid.
Signa.	35
Causæ juxta Galenum.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.

G

G <i>Anglion</i> , varia sortitur nomina.	46
Quid.	ibid.
Signa.	ibid.
Causæ juxta vulgares.	ibid.
Juxta authorem.	ibid.
Prognosis.	ibid.
Curatio juxta vulgares.	ibid.
Juxta authorem.	ibid.
<i>Gangræna</i> , quid.	16
Quomodo à Sphacelo differat.	ibid.
Signa, quæ pro causæ diversitate variant.	ibid.
Monitus super his ad Chirurgum.	ibid.
Causæ, juxta Galenistas.	17
Juxta Authorem.	ibid.
Prognosis.	ibid.
Curatio juxta vulgares, tribus indicationibus completur, quæ improbantur.	18
Curatio juxta Authorem.	19
Si à nimia perfrigeratione.	ibid.
Si à nimio calore.	ibid.
Si à succi nutritii defectu.	ibid.
Si ex sanguinis & spirituum interceptione.	20
Si à veneno.	ibid.
Si ex humorum malignorum affluxu.	ibid.
An ignis actualis ad sistendam gangrænam sufficiat.	ibid.
<i>Gangræna</i> luxationibus superveniens, unde.	419
Fracturis superveniens, Unde.	430
<i>Gargareon</i> , vide <i>Columella</i> .	61
<i>Gaudium</i> ad valetudinis conservationem confert.	117
<i>Generatio</i> sponte viventium qui fiat.	130
<i>Gingiva</i> .	268
<i>Gingivarum</i> exulceratio.	160
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	161
Curatio juxta Authorem.	ibid.
<i>Glandula</i> .	46
Differt à Ganglio.	ibid.
<i>Glandula</i> pinealis.	229
<i>Glandula</i> renales.	318
<i>Gonorrhœa</i> , quid.	359
Ejus signa.	ibid.
Causæ juxta vulgares.	ibid.
Juxta Authorem.	ibid.
Prognosis.	360
Curatio juxta vulgares.	361
Juxta Authorem.	ibid. & seq.
<i>Grando</i> , vide <i>Hordeolum</i> .	52
<i>Guajacum</i> .	354
Ejus natale solum.	ibid.
Proceritas, folia & fructus.	ibid.
Differt à buxo.	ibid.
Vires ipsi tributæ.	ibid.
Eligendi ratio.	ibid.
Variæ parandi formulæ.	ibid. & seq.
Decocta.	355
Oleum.	ibid.
Gummi.	ibid.
Authoris de eo judicium.	354
<i>Gula</i> , vide <i>Oesophagus</i> .	267
<i>Gummata</i> ex lue venerea.	397
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	398
Juxta authorem.	ibid.
<i>Gurgulio</i> , vide <i>columella</i> .	61
<i>Gustus</i> , qua in partē linguæ ejus fiat sensatio.	270
Qui fiat.	271

<i>Gutta</i> Rosacea.	56
Dicitur & rabiosa.	ibid.
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.
<i>Gutturis tumor</i> , vide <i>Bocium</i> .	70

H

H <i>Æmorrhagia narium</i> , vide <i>narium hæmorrhagia</i> .	154
<i>Æmorrhagia</i> vulnerum qui sistatur.	201
<i>Æmorrhagia</i> fracturæ superveniens unde.	431
<i>Æmorrhoides</i> Narium, vide <i>Polypus</i> .	54
<i>Hepatis</i> Anatome.	301
Duplicis mentio.	ibid.
Deficientis exemplum.	ibid.
Substantia.	ibid.
Color.	ibid.
Figura.	ibid.
Membrana.	ibid.
Magnitudo.	ibid.
Pondus.	ibid.
Humani ab illo brutorum differentia Primas tenet juxta Galenum.	ibid.
Debito in ordine ponitur per Auth.	302
Ufus.	ibid. & seq.
<i>Hepatis</i> vulnera.	304
Signa.	ibid.
Causæ.	ibid.
Prognosis.	ibid.
Curatio juxta vulgares.	305
Juxta Authorem.	ibid.
<i>Herba</i> vulnerariæ.	196
<i>Hernia</i> umbilici ab intestinis, vide <i>Enteromphalon</i> .	74
Ab omento, vide <i>Epiplomphalon</i> .	ibid.
Ab aqua, vide <i>Hydromphalon</i> .	ibid.
A flatu, vide <i>Pneumætomphalon</i> .	75
A carne, vide <i>Sarcomphalon</i> .	ibid.
<i>Hernia</i> inguinis.	81
<i>Hernia</i> veneris, vide <i>Testium Tumores</i> ex lue venerea.	465
<i>Herpes</i> , Latine, Serpigo, quid.	24
Quomodo ab Erysipellate differat.	ibid.
Miliaris, quid.	ibid.
Esthomenus.	ibid.
Signa utriusque.	ibid.
Causa juxta Galenistas.	ibid.
Juxta Authorem.	ibid.
Trium specierum.	ibid.
Prognosis.	25
Curatio juxta vulgares.	ibid.
Juxta Authorem.	ibid.
<i>Hippocratis</i> Aphorisma 50. libri 7. reducitur.	17
Aphorisma, 21. libri 6. refellitur.	31
Aphorisma, 24. libri 6. arguitur.	32
<i>Hordeolum</i> , quid.	52
Signa.	ibid.
Causæ, juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.
<i>Humeri</i> musculi.	313
<i>Humeri</i> luxatio.	423
Signa.	ibid.
Causæ.	ibid.
Prognosis.	ibid.
Symptomata.	ibid. & seq.
<i>Humiditas</i> vulgò dicitur qualitas positiva.	118
Quomodo definienda.	119
<i>Hydroa</i> , vide <i>Sudamina</i> .	45
<i>Hydrocele</i> .	83
Signa.	84
Quomodo à Sarcocèle differat.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio.	ibid.
Per acum laudatur.	85
<i>Hydrocephalon</i> , quid.	48
Signa.	49

Diffe-

Differentiæ .	ibid.
Causæ juxta vulgares .	ibid.
Juxta Authorem .	ibid.
Prognosis .	ibid.
Curatio juxta vulgares .	ibid.
Juxta Authorem .	50
<i>Hydrombalon</i> .	74
Signa .	ibid.
Causæ juxta vulgares .	ibid.
Juxta Authorem .	ibid.
Prognosis .	75
Curatio .	ibid.
<i>Hydrophobia</i> in demorsis à canibus causa .	221
Historiæ .	223
<i>Hydrops scroti</i> , vide <i>Hydrocele</i> .	83
<i>Hydrops fœcus</i> , vide <i>Pneumatomphalon</i> .	75

I

<i>Ichor</i> , quid .	107. & 108
<i>Ichor</i> è Podice aliquando effluens quid sit .	82
<i>Ignis</i> an venenum extinguat .	65
<i>Ignis Sancti Antonii</i> .	16
<i>Ignis Persicus</i> .	10. & 66
<i>Ignis Sylvestris</i> , vide <i>Phlyctenæ</i> .	44
<i>Impetigo</i> , quid .	44
Signa .	ibid.
Causæ Juxta vulgares .	ibid.
Juxta Authorem .	ibid.
Prognosis .	44
Curatio juxta vulgares .	ibid.
Juxta Authorem .	ibid.
<i>Impotentia</i> ad motum fracturæ superveniens unde	431
<i>Inflammatiō</i> , Græcis <i>Plegmon</i> .	2
Quid .	ibid.
Quotuplex apud vulgares .	ibid.
Signa .	ibid.
Causæ internæ juxta Galenistas .	ibid.
Juxta Authorem .	ibid.
Externæ .	ibid.
Prognosis .	ibid.
Curatio juxta Galenicos .	ibid.
Juxta Authorem .	ibid.
Perperam <i>Phlogosis</i> dicitur .	ibid.
<i>Insectorum</i> generatio unde .	130. & seq.
Varia opiniones .	ibid.
<i>Instrumentum</i> trochleare , vide <i>trochleare instrumentum</i> .	424
<i>Intemperies</i> calida , frigida , &c. Galenistarum irridentur .	118
<i>Intestina</i> .	296
Longitudo .	ibid.
Substantia .	ibid.
Ufus .	ibid.
Tenuia .	ibid.
Crassa .	ibid.
<i>Intestinorum</i> vulnera .	299
Signa .	ibid.
Causæ .	ibid.
Prognosis .	ibid.
Curatio juxta vulgares .	300
Juxta Authorem .	ibid.
<i>Ira</i> sanitati adversatur .	117
An aliquem interimere possit .	ibid.

L

<i>Labia</i> .	267
Musculi .	ibid.
<i>Labiorum</i> usus & præfagia .	172. & 267
<i>Labiorum</i> Rhagades & ulcera .	172
Signa .	173
Causæ juxta vulgares .	ibid.
Juxta Authorem .	ibid.
Prognosis .	ibid.
Curatio juxta vulgares .	ibid.
Juxta Authorem .	ibid.
<i>Lac</i> virgineum .	44
<i>Lactis</i> coagulatio .	73
Signa .	ibid.
Causæ .	ibid.
Prognosis .	ibid.
Curatio .	ibid.
<i>Lac</i> plurima mala fugentibus infert .	159
<i>Lapis</i> medicamentosus , seu salutis .	23
<i>Laringis</i> anatome .	275
Musculi .	ibid.
Cartilagine .	ibid.
Venæ , arteriæ , nervi .	276
<i>Musitani Opera</i> Tom. II.	

Glandulæ .	ibid.
<i>Sancti Lazari</i> morbus .	42
Vide <i>Elephantiasis</i> ,	
<i>Leontiasis</i> .	ibid.
Vide <i>Elephantiasis</i> .	
<i>Leporis</i> pinguedo extranea à vulneribus extrahit .	201
Sanguis <i>Erysipelati</i> conducit .	24
<i>Lepra</i> , quid .	40
Duplex Græcorum & Arabum .	ibid.
Signa .	ibid.
Causæ juxta vulgares .	ibid.
Juxta Authorem .	ibid.
Prognosis .	41
Curatio juxta vulgares .	ibid.
Juxta Authorem .	ibid.
<i>Lepra</i> Arabum , vide <i>Elephantiasis</i> ,	ibid.
<i>Lichen</i> vide <i>Impetigo</i> .	44
<i>Limis</i> anatome .	305
Transpositio .	ibid.
Defectus .	ibid.
Duplicis & triplicis exempla .	ibid.
An sit viscus .	ibid.
An eximi possit absque animalis noxa .	ibid.
Figura .	506
Color .	ibid.
Magnitudo .	ibid.
Partes .	ibid.
Officium , juxta quamplurimos .	307
Juxta Authorem .	ibid.
<i>Lienis</i> vulnera .	308
Signa .	ibid.
Causæ .	ibid.
Prognosis .	ibid.
Curatio juxta vulgares .	ibid.
Juxta Authorem .	ibid.
<i>Ligatura</i> in vulneribus necessaria .	193
<i>Ligatura</i> Beguini ad Hernias .	82
<i>Lignum</i> sanctum , v. <i>Guajacum</i> .	254
<i>Lingua</i> .	269
Ejus arteriæ .	ibid.
Nervi .	ibid.
Membranæ .	ibid.
Fibræ .	ibid.
Musculi .	ibid. & seq.
Ufus .	270
<i>Lingua</i> Tumor .	59
Signa .	ibid.
Causæ .	ibid.
Prognosis .	ibid.
Curatio juxta vulgares .	ibid.
Juxta Authorem .	60
<i>Linguam</i> quam loquerentur infantes nullam edocti .	186
Historia super hoc .	150
<i>Linguae</i> frænum quomodo in infantibus præscindendum .	171
<i>Lingua</i> vulnera lingebant præsci homines .	199
<i>Lues</i> Venerea .	329
Quid per eam intelligant Medici .	ibid.
Ejus Nomina .	ibid.
Quo tempore irrepsit .	330
An Medici ante annum 1494. de illa aliquid tradiderint , vel eam cognoverint .	363
Ejus diffusionis per varias provincias ratio .	340
De ejus duratione scriptorum judicium .	ibid.
De ejus Essentia variæ opiniones .	341
Authoris sententia .	344
Qui propagetur .	ibid. & seq.
Cur hæc lues ubi primùm innotuit sævissima fuerit .	345
Cur aliquando post unum aliquando post plures congressus manifestetur .	ibid.
An vir , & mulier non infecti inficere possint .	ibid.
Ejus Sedis variæ opiniones .	ibid.
Authoris sententia .	348
Ejus Signa .	ibid.
Præfagia .	349
Curatio juxta Vulgares triplici perficitur indicatione .	351
1. Phlebotomia , omnimoda , quæ minus probatur .	352
2. Purgatione quadam generali quæ minus ad scopum .	ibid.
3. Lignis & radicibus , de quibus suum interponit Author judicium .	354
Juxta Authorem curatur mercurialibus .	358
De modo ab ea se præservandi .	407
<i>Lumborum</i> musculi .	278
<i>Lumbrici</i> quomodo in humano generentur corpore .	131
Lupia .	46
Causæ .	ibid.

N

N <i>Apta</i> , <i>Natta</i> , & <i>Nata</i> , vide <i>Testudo</i> .	51
<i>Narium</i> ulcus.	152
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	153
<i>Narium</i> ulcus ex lue venerea.	379
Signa.	ibid.
Causæ juxta vulgares.	380
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.
<i>Narium</i> Sarcoma.	54
Differt à Polypo.	ibid.
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	55
<i>Narium</i> hæmorrhagia.	154
Signa.	155
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	156
Juxta Authorem.	ibid. & seq.
<i>Nascentia</i> ex se vel spontè, variæ de iis opiniones.	129. & seq.
<i>Nas</i> Anatome.	263
Musculi.	ibid.
Ossa.	ibid.
Cartilaginee.	ibid.
Nervi.	ibid.
Externi usus.	ibid.
Vulnera.	266
Signa.	ibid.
Causæ.	ibid.
Prognosis.	ibid.
Curatio.	ibid.
<i>Nasus</i> quam maximè pulchritudini confert.	ibid.
An ex ejus magnitudine de membri genitali mole judicari possit.	ibid.
<i>Nasum</i> sibi absciderunt virgines Anglæ ne suæ pudicitiae vis inferretur.	ibid.
<i>Nas</i> abscissio pœna olim adulterorum.	ibid.
<i>Nasus</i> amputatus an religi possit.	ibid.
Historia.	ibid.
<i>Nasutos</i> Heliogabalus congregavit lasciviæ socios.	ib.
<i>Natura</i> influens.	402
Infita.	ibid.
<i>Necrosis</i> .	17
<i>Nervorum</i> septem paria.	229
Conjugationes.	ibid.
Vulnera.	321
Signa.	322
Causæ.	ibid.
Prognosis.	ibid.
Curatio, cautiones in ea adhibendæ.	323
Juxta vulgares.	ibid.
Juxta Authorem.	ibid.
<i>Nodus</i> .	469
An curari possint.	ibid.
Vide <i>Ganglion</i> .	
<i>Noli</i> me tangere, quid & unde dicatur.	14. & 137
<i>Noli</i> me tangere, vide <i>Gutta rosacea</i> .	139. & 55
<i>Nomodes</i> .	107

O

O <i>Edema</i> , quid.	32
Duplex.	ibid.
Signa.	ibid.
Causæ juxta Galenum.	ibid.
Juxta recentiores.	33
Prognosis.	ibid.
Curatio juxta vulgares.	ibid.
Juxta Authorem.	34
<i>Occiput</i> .	226
<i>Oculorum</i> anatome.	253
Musculi.	254
Nervi.	ibid.
Membranæ.	ibid.
<i>Musitani Opera</i> Tom. II.	

Humores.	255
Vulnera.	257
Signa.	ibid.
Causæ.	ibid.
Prognosis.	ibid.
Curatio juxta vulgares.	ibid.
Juxta Authorem.	258
<i>Odores</i> quid sint.	265
<i>Oesophagi</i> Anatome.	277
Venæ, arteriæ, glandulæ, musculi.	ibid.
Usus.	ibid.
<i>Oesophagi</i> ulcus.	171
Signa.	ibid.
Causæ juxta Galenicos.	ibid.
Juxta Authorem.	ibid.
Prognosis.	172
Curatio juxta vulgares.	ibid.
Juxta Authorem.	ibid.
<i>Oesophagi</i> vulnera.	277
Signa.	ibid.
Causæ.	ibid.
Prognosis.	ibid.
Curatio juxta vulgares.	278
Juxta Authorem.	ibid.
<i>Olfactus</i> , in qua nasi parte fiat variæ Philosophorum opinionones.	264
<i>Omphala</i> .	280
<i>Omphalocoele</i> , vide <i>Exomphalos</i> .	73
<i>Oleum</i> Apparicis.	234
<i>Oleum</i> Bufonum.	216. & 144
Myrrhæ.	176
<i>Olea</i> vulneraria.	198
<i>Omentum</i> .	293
Varia nomina.	ibid.
Usus.	ibid.
<i>Opium</i> ab Aphris nonnullis devoratur.	115
<i>Oppoteldoch</i> Paracelsi.	220
<i>Oris</i> anatome.	267
<i>Oris</i> ulcera, vide <i>Aphthæ</i> .	158
<i>Oris</i> ulcera ex lue venerea.	381
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	ibid.
<i>Oschocoele</i> , vide <i>Hernia</i> .	81
<i>Os</i> hyoides.	269
<i>Ossa</i> femoris & cruris.	319
<i>Ossa</i> sesamoidea.	320
<i>Ossis</i> luxati in suam cavitatem reductio quomodo fiat.	419
<i>Ossis</i> luxati reductionem quæ impediunt.	ibid.
<i>Ossa</i> reducta quomodo continenda.	ibid.
<i>Ossium</i> luxatorum reductio plura requirit.	ibid.
<i>Ossis</i> cancer, vel <i>Sphacelismus</i> , vide <i>Spina ventosa</i> .	102
<i>Ossium</i> corrosio ex lue venerea.	398
Signa.	399
Causæ juxta vulgares.	ibid.
Juxta Authorem.	ibid.
Prognosis.	ibid.
Causæ juxta vulgares.	ibid.
Juxta Authorem.	ibid. & seq.
<i>Otagia</i> , vide <i>Aurium dolor</i> .	144
<i>Ova</i> , animalis animam continent.	128
<i>Ovipara</i> quomodo à viviparis differant.	ibid.
<i>Ozæna</i> .	152
Signa.	ibid.
Causæ.	ibid.
Prognosis.	ibid.
Curatio juxta vulgares.	ibid.
Juxta Authorem.	153

P

P <i>Adarthrocace</i> , vide <i>Spina ventosa</i> .	102
<i>Palatum</i> .	268
<i>Panaritium</i> , vide <i>Paronychia</i> .	97
<i>Pancreas</i> .	298
Ductus <i>VVirtzungi</i> .	ibid.
Usus.	299
<i>Panniculus</i> carnosus, vide <i>Membrana carnosæ</i> .	291
<i>Papillarum</i> fissuræ.	176
Signa.	ibid.
Causæ.	ibid.
Prognosis.	ibid.
Curatio.	ibid.
<i>Papillarum</i> ulcera.	174
Signa.	157

Ff 2

Causæ.

Causæ.	ibid.	<i>Phagedæna</i> .	107
Prognosis.	ibid.	<i>Phlebotomia</i> an amplo vel angusto foramine celebranda.	156
Curatio juxta vulgares.	ibid.	<i>Pblegmon</i> , vide Inflammatio.	ibid.
Juxta Authorem.	ibid.	<i>Phlyctæna</i> , vel Phlyctides.	44
<i>Paracelsi</i> Armarium.	195	Signa.	ibid.
Diaphoreticum.	13	Causæ juxta Galenistas.	ibid.
Oppoteldoch.	195	Juxta Authorem.	ibid.
<i>Paralysis</i> fracturæ superveniens unde.	431	Prognosis.	45
<i>Paristmia</i> , vide Tonsillarum Tumor.	60	Curatio juxta vulgares.	ibid.
<i>Paronychia</i> .	97	Juxta Authorem.	ibid.
Signa.	ibid.	<i>Pbtbisis</i> qui fiat.	403
Causæ juxta vulgares.	ibid.	Signa.	ibid.
Juxta Authorem.	98	<i>Phygethlon</i> .	80
Prognosis.	ibid.	Differt à bubone.	ibid.
Curatio juxta vulgares.	ibid.	Signa.	ibid.
Juxta authorem.	ibid.	Causæ juxta vtlgares.	ibid.
<i>Patotides</i> .	64	Juxta Authorem.	ibid.
Signa.	ibid.	Prognosis.	ibid.
Causæ juxta vulgares.	ibid.	Curatio juxta vulgares.	ibid.
Juxta Authorem.	ibid.	Juxta Authorem.	81
Prognosis.	65	<i>Phyma</i> .	80
Curatio juxta vulgares.	ibid.	Signa.	ibid.
Juxta Authorem.	66	Causæ juxta Galenum.	ibid.
<i>Parulis</i> .	66	Juxta Authorem.	ibid.
Signa.	58	Prognosis.	ibid.
Causæ juxta vulgares.	ibid.	Curatio.	ibid.
Juxta Authorem.	ibid.	<i>Pilaris</i> morbus.	175
Prognosis.	ibid.	Non ex pilis deglutitis nascitur.	ibid.
Curatio juxta vulgares.	ibid.	Signa.	176
Juxta Authorem.	ibid.	Causæ.	ibid.
<i>Pedis</i> distortio.	429	Prognosis.	ibid.
Curatio.	ibid.	Curatio.	ibid.
Luxatio.	ibid.	<i>Pinguedo</i> .	298
<i>Pelioma</i> .	28	An sit pars corporis.	ibid.
<i>Pelvis</i> .	228	Ejus venæ & glandulæ.	ibid. & seq.
<i>Penis</i> etymon.	180	Ufus.	292
Varia nomina.	ibid.	<i>Pinguedo</i> leporis extranea à vulneribus extrahit.	101
Descriptio.	181	<i>Pinnula</i> , vide Pterigium.	99
<i>Penis</i> carunculæ ex lue venerea.	366	<i>Pleura</i> .	281
Signa.	ibid.	<i>Plexus</i> choroides.	228
Causæ juxta vulgares.	ibid.	<i>Pneumatocèle</i> .	85
Juxta Authorem.	ibid.	Signa.	ibid.
Prognosis.	ibid.	Causæ.	86
Curatio juxta vulgares.	ibid.	Prognosis.	ibid.
Juxta Authorem.	ibid.	Curatio juxta vulgares.	ibid.
<i>Penis</i> ulcera.	181	Juxta Authorem.	ibid.
Signa.	182	<i>Pneumatomphalon</i> .	75
Causæ juxta Galenicos.	ibid.	Signa.	ibid.
Juxta Authorem.	ibid.	Causæ.	ibid.
Prognosis.	ibid.	Curatio.	ibid.
Curatio juxta vulgares.	ibid.	<i>Pollex</i> .	315
Juxta Authorem.	183	<i>Polypus</i> .	54
<i>Penis</i> cerebri.	229	Unde dictus.	ibid.
<i>Pericardium</i> .	281	Signa.	ibid.
Ejus tumor aquosus.	ibid.	Causæ juxta vulgares.	ibid.
Unde oriatur.	ibid.	Juxta Authorem.	ibid.
Vulnerum ejus prognosis.	286	Prognosis.	ibid.
<i>Pericranii</i> vulnera.	232	Curatio juxta vulgares.	55
Signa.	ibid.	Juxta Authorem.	ibid.
Causæ.	ibid.	<i>Poppæ</i> dictum falax.	89
Prognosis.	ibid.	<i>Porri</i> .	47
Curatio juxta vulgares.	233	<i>Porrigo</i> .	142
Juxta Authorem.	ibid.	<i>Porus</i> biliaris.	303
<i>Perinai</i> ulcus.	187	<i>Potiones</i> vulnerariæ.	196
Signa.	ibid.	Earum operationes.	248
Causæ juxta Vulgares.	ibid.	Earum delectus habendus.	ibid.
Juxta Authorem.	ibid.	<i>Potus</i> ulcerosis præscriptus.	111
Prognosis.	ibid.	Vulneratis concedendus.	191
Curatio juxta vulgares.	188	<i>Præputium</i> .	181
Juxta Authorem.	ibid.	<i>Præputii</i> ulcera ex lue venerea.	376
<i>Periostium</i> .	225	Signa.	ibid.
<i>Peritonæum</i> .	293	Causæ juxta vulgares.	ibid.
Figura.	ibid.	Juxta Authorem.	ibid.
Ufus.	ibid.	Prognosis.	377
<i>Perniones</i> , unde dictæ.	100	Curatio juxta vulgares.	ibid.
Signa.	ibid.	Juxta Authorem.	ibid.
Causæ juxta vulgares.	ibid.	<i>Priapismus</i> .	ibid.
Juxta Authorem.	ibid.	Unde dictus.	88
Prognosis.	ibid.	Signa.	ibid.
Curatio juxta vulgares.	ibid.	Causa juxta Galenum & vulgares.	ibid.
Juxta Authorem.	ibid.	Juxta Authorem.	ibid.
<i>Pes</i> , ejus anatome.	317	Curatio juxta vulgares.	89
Musculi.	ibid.	Juxta Authorem.	ibid.
Ossa.	319	<i>Processus</i> mammillares.	228
Venæ.	320	Vermi formes.	ibid.
Arteriæ.	321	<i>Pruritus</i> fracturæ superveniens unde.	43
<i>Pedis</i> ulcus.	188	<i>Psora</i> , vide Scabies.	370
<i>Pestis</i> , nn sit nec-ne ex inspectione bubonis cognoscendi ratio.	13	<i>Pterigium</i> , vide Unguium Pterigium.	99

<i>Pallorum</i> in bubone applicatio irridetur.	79	<i>Salia</i> ulcerum causæ.	109
<i>Pulmo</i> .	284	<i>Salsaparilla</i> .	356
Figura.	ibid.	Unde advehatur.	ibid.
Substantia.	ibid.	Optimæ notæ.	ibid.
Vulneratus, qui cognoscatur.	285	Qualitates ipsi tributæ.	ibid.
Vulnerum ejus prognos.	286	Præparationes variæ.	ibid.
<i>Pulmones</i> habent ex piscibus Delphines, Phoces, & omne		Authoris de ejus virtutibus judicium.	ibid.
cetaceum genus.	273	<i>Sanguinis</i> missio in inflammationibus cum febre periculo-	
<i>Pulvis</i> Mesuës ad casum.	28	fissima.	3. & 7
<i>Pulvis</i> sanguinem purgans.	57	<i>Sanguinem</i> quatuor de causis mittunt vulgares.	3
<i>Pulveres</i> vulnerarii.	200	Confutantur.	ibid.
<i>Pus</i> , quid.	107. & 109.	<i>Sanguinis</i> motus decies celerior per arterias quam per	
<i>Pustula</i> .	56	venas.	30
Signa.	ibid.	<i>Sanguinis</i> missio an amplo vel angusto foramine celebran-	
Causæ juxta vulgares.	ibid.	da.	157
Juxta Authorem.	ibid.	<i>Sanguis</i> vulnerum qui sistatur.	201
Prognosis.	57	<i>Sanguinis</i> per cordis ventriculos motus.	275
Curatio juxta vulgares.	ibid.	<i>Sanguis</i> leporis Erysipelati conducit.	24
Juxta authorem.	ibid.	<i>Sanies</i> , quid.	107. & 108
<i>Pustula</i> ex lue venerea.	37	<i>Sapor</i> .	271
Signa.	ibid.	<i>Saphirus</i> Anthracibus confert.	14
Causæ juxta vulgares.	ibid.	<i>Sarcocole</i> .	85
Juxta Authorem.	ibid.	Signa.	ibid.
Prognosis.	ibid.	Causæ juxta vulgares.	ibid.
Curatio juxta vulgares.	ibid.	Juxta Authorem.	ibid.
Juxta Authorem.	ibid.	Prognosis.	ibid.
<i>Pylorus</i> .	294	Curatio juxta vulgares.	ibid.
		Juxta Authorem.	ibid.
		<i>Sarcoma</i> Narium, vide narium Sarcoma.	54
		<i>Sarcomphalon</i> .	75
		Signa.	ibid.
		Causæ.	ibid.
		Prognosis.	ibid.
		Curatio.	ibid.
		<i>Sathin</i> , penem Veteres appellabant.	88
		<i>Satyriasis</i> .	ibid.
		Unde dicta.	ibid.
		Signa.	ibid.
		Causæ juxta vulgares.	ibid.
		Juxta Authorem.	89
		Prognosis.	ibid.
		Curatio juxta vulgares.	ibid.
		<i>Satyriasis</i> , vide Elephantiasis.	41
		<i>Scabies</i> , quid.	37
		Peculiaris speciei.	ibid.
		Signa.	ibid.
		Causæ juxta vulgares.	38
		Juxta Authorem.	ibid.
		Quæ vindicantur.	ibid.
		Prognosis.	ibid.
		Curatio juxta vulgares.	ibid.
		Juxta Authorem.	39
		Volaistica quo pacto curetur.	ibid.
		<i>Scapula</i> .	280
		Musculi.	278
		<i>Scirrhus</i> , quid.	26
		Variè dividitur.	ibid.
		Signa.	ibid.
		Causæ juxta Galenistas.	ibid.
		Juxta Platerum.	ibid.
		Juxta Authorem.	ibid.
		Prognosis.	27
		Curatio juxta vulgares.	ibid.
		Juxta Authorem.	ibid.
		Emplastrum Dolæi de Herba Theæ.	ibid.
		Mistura Authoris ad scirrhum.	28
		<i>Sclopetorum</i> vulnera.	211
		<i>Scorpionis</i> venenum & utilitates.	216
		<i>Scrophule</i> vide Strumæ.	67
		<i>Scroti</i> Descriptio anatomica.	186
		<i>Scroti</i> inflammati.	87
		Signa.	ibid.
		Causæ juxta vulgares.	ibid.
		Juxta Authorem.	ibid.
		Prognosis.	ibid.
		Curatio juxta vulgares.	ibid.
		Juxta Authorem.	ibid.
		<i>Scroti</i> Exulceratio & ulcus.	186
		Signa.	ibid.
		Causæ juxta vulgares.	187
		Juxta Authorem.	ibid.
		Prognosis.	ibid.
		Curatio juxta vulgares.	ibid.
		Juxta Authorem.	ibid.
		<i>Scetica</i> varia ad abscessus aperiendos.	5
		Modus iis utendi.	ibid.
		<i>Scetio</i> quare adhibeatur in abscessu pure confecto.	4
		Quibus in partibus facienda sit in longum & in quibus	ibid.
		transversum.	ibid.
			Gau.

<i>Qualitates</i> primæ Galenistarum deridentur.	118
<i>Quies</i> utiles ulcerosis.	113

Q

<i>Qualitates</i> primæ Galenistarum deridentur.	118
<i>Quies</i> utiles ulcerosis.	113

R

<i>Rabies</i> non foli canes, sed & aliæ brutæ corripuntur.	222
<i>Rabies</i> in alios insinuari potest.	223
<i>Radii</i> musculi.	305
<i>Radii</i> luxatio.	425
<i>Ramex</i> vide Hermia.	81
<i>Ranarum</i> propagatio.	131
<i>Ranula</i> .	58
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	59
Curatio juxta vulgares.	ibid.
Juxta Authorem.	ibid.
<i>Renum</i> Anatome,	309
Actio.	ibid.
<i>Repletio</i> corpus alterat.	115
<i>Respiratio</i> , quomodo fiat.	274
<i>Rete</i> mirabile.	228
<i>Rex</i> Galliæ Strumas attactu eliminat.	45
<i>Rhabarbari</i> essentia.	495
<i>Rhagades</i> Cervicis uteri.	177
Labiorum.	172
<i>Rhagades</i> ex lue venerea.	385
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	386
<i>Ros</i> corporum animatorum.	109
<i>Roseola</i> unde dictæ.	101
Quomodo à paronychiis differant.	ibid.
Signa.	ibid.
Causæ juxta Galenicos.	ibid.
Juxta Authorem.	ibid.
Prognosis.	ibid.
Curatio.	ibid.
<i>Roseola</i> saltantes.	46
<i>Rosula</i> fractura.	36
Causæ.	436
Signa.	ibid.
Prognosis.	ibid.
Curatio.	ibid.
Luxatio.	420
Curatio.	ibid.
<i>Ruptura</i> , vide Hernia.	81

S

<i>Sabafati</i> , vide tinea,	142
<i>Salis</i> Armoniaci conficiendi ratio.	387
<i>Salis</i> Armoniaci laus.	ibid.

<i>Thymion vel Thymum</i> , vide verruca.	47	<i>Veneris</i> sensus.	183
<i>Thymus</i> , vide verruca penfiliis.	ibid.	<i>Imi Ventris</i> Anatome.	289
<i>Thymi ani</i> , vide Ani thymi.	93	Cuticula.	290
<i>Thymi ex lue venerea</i> .	286	Cutis.	ibid.
Signa.	ibid.	Pinguedo.	291
Causæ, juxta vulgares.	ibid.	Membranæ.	ibid.
Juxta Authorem.	ibid.	Musculi.	292
Prognosis.	ibid.	Eorum quinque paria.	ibid. & seq.
Curatio juxta vulgares.	387	Peritonæum.	293
Juxta Authorem.	487	Omentum.	ibid.
<i>Thymus</i> pars Thoracis mediastino adnascens.	281	<i>Ventriculi</i> actio qui perficiatur.	304
<i>Tibia</i> musculi.	437	<i>Ventriculi</i> Anatome.	293
<i>Tibia</i> fractura.	ibid.	Situs.	ibid.
Causæ.	ibid.	Figura.	ibid.
Curatio.	ibid.	Magnitudo.	294
Luxatio.	429	Membranæ.	ibid.
Curatio.	ibid.	Orificia.	ibid.
<i>Tibiarum</i> ulcus.	188	Nervi.	ibid.
Curatio juxta vulgares.	ibid.	Arteriæ.	ibid.
Juxta Authorem.	ibid.	Venæ.	ibid.
<i>Timor</i> insignes in corpore mutationes efficit.	117	Ufus.	ibid.
Historia.	ibid.	An insit succus acidus.	ibid.
<i>Tinctura</i> Euphorbii.	137	Vulnera.	295
<i>Tinea</i> .	142	Quid.	ibid.
Differt à porrigine, achoribus, crustæ-lactea, & favo.	ib.	Causæ.	ibid.
<i>Sabafati</i> , ab Arabibus dicta.	ibid.	Prognosis.	ibid.
Sex species juxta Gregarios.	ibid.	Curatio juxta vulgares.	ibid.
Signa.	ibid.	Juxta Authorem.	296
Causæ juxta vulgares.	ibid.	<i>Ventriculi</i> cerebri.	228
Juxta Authorem.	ibid.	<i>Tres Ventriculos</i> cordes an habeant quædam animalia.	274
Prognosis.	143	<i>Vermiculi</i> an cancris insint.	14
Curatio juxta vulgares.	ibid.	<i>Vermis</i> terrestris paronychis confert.	98
Juxta Authorem.	ibid.	<i>Vermes</i> quomodo in nobis generentur.	131
<i>Tonsillarum</i> Tumor & Inflammatio.	60	<i>Verruca</i> quid.	47
Signa.	ibid.	Variæ species.	ibid.
Causæ juxta vulgares.	ibid.	Signa.	ibid.
Juxta Authorem.	ibid.	Causæ juxta vulgares.	ibid.
Prognosis.	ibid.	Juxta Authorem.	ibid.
Curatio juxta vulgares.	ibid.	Prognosis.	ibid.
Juxta Authorem.	61. & seq.	Curatio juxta vulgares.	48
<i>Tonsillarum</i> ulcus.	168	Juxta Authorem.	ibid.
Signa.	169	<i>Verruca</i> ex lue venerea.	387
Causæ juxta Galenistas.	ibid.	Signa.	ibid.
Juxta Authorem.	ibid.	Causæ juxta vulgares.	ibid.
<i>Tonsillarum</i> ulcera ex lue venerea.	382	Juxta Authorem.	ibid.
Signa.	ibid.	Prognosis.	ibid.
Causæ juxta vulgares.	ibid.	Curatio juxta vulgares.	ibid.
Juxta Authorem.	ibid.	Juxta Authorem.	388
Prognosis.	ibid.	<i>Verrucæ</i> penfiles.	47
Curatio juxta vulgares.	ibid.	<i>Vertebra</i> .	229. & 280
Juxta Authorem.	383	<i>Vertebrarum</i> luxatio.	421
<i>Topinaria</i> , vide Talpa.	51	Signa.	ibid.
<i>Tortura</i> noctis, vide dolores Venerei.	388	Prognosis.	ibid.
<i>Transpiratio</i> insensibilis.	310	Curatio.	422
Quomodo fiat.	ibid.	<i>Vertex</i> .	226
<i>Trochleare</i> instrumentum.	424	<i>Vesicula</i> crystallina ex lue venerea.	377
<i>Tumores</i> sunt in triplici differentia.	1	<i>Vesicula</i> fellis.	303
A Græcis & Arabibus Apostemata vocitantur.	ibid.	<i>Vesica</i> Anatome.	309. & 311
<i>Tumoris</i> præter naturam definitio.	ibid.	Vulnera.	311
<i>Tumorum</i> p. n. septem differentiarum vel distinctiones.	ibid.	Signa.	ibid.
<i>Tumor</i> linguæ, v. linguæ tumor.	59	Causæ.	ibid.
<i>Turpitem</i> minerale.	393	Prognosis.	ibid.
		Curatio juxta vulgares.	312
		Juxta Authorem.	ibid.
		<i>Vesica</i> , vide Phlyctenæ.	
		<i>Vivices</i> quid.	28
		<i>Vigilia</i> nimis incommoda.	112
		<i>Vinum</i> multis particulis scatet.	199
		Quando vulneratis concedendum.	191
		<i>Vipera</i> non sunt venenatæ.	215
		Solummodo earum saliva.	218
		<i>Viperarum</i> utilitates.	215. & seq.
		<i>Viperarum</i> jura conficiendi modus.	41
		<i>Virgines</i> explorandi modus.	271
		<i>Virus</i> .	108
		<i>Viso</i> , qui fiat, variæ opiniones.	255
		<i>Vita</i> , in quo consistat.	342. & seq.
		<i>Vitranella</i> , vide Sudamina.	
		<i>Vitriolum</i> , anodynum & cur.	3
		<i>Viviparorum</i> propagatio.	128
		<i>Ulcus</i> , quid sit.	106. Quomodo à vulnere differat.
		Subjectum.	ibid. Differentiarum quinque.
		Species.	ibid. Causæ occasionales.
		107. Signa.	ibid. Causæ juxta vulgares.
		ibid. Juxta Authorem.	ibid. & seq. Externæ.
		110. Prognosis.	ibid. Ulcus simplex.
		117. Signa.	ibid. Causæ juxta vulgares.
		118. Juxta Authorem.	ibid. Prognosis.
		ibid. Curatio juxta vulgares.	ibid. Juxta Authorem.
		ibid.	
		<i>Ulcus</i> cacoete, vide ulcus Dyssepulotum.	140
			<i>Ulcus</i>

V

<i>Vari</i> .	57
Signa.	ibid.
Causæ juxta vulgares.	ibid.
Juxta Authorem.	ibid.
Prognosis.	ibid.
Curatio juxta vulgares.	ibid.
Juxta Authorem.	58
<i>Varices</i> , quid.	31
Signa.	ibid.
Causæ, juxta Galenum.	ibid.
Juxta Authorem.	ibid.
Prognosis.	ibid.
Curatio juxta vulgares.	32
Juxta Authorem.	ibid.
<i>Vena cava</i> , vulnerata quomodo cognoscatur.	286
Vulneris prognosis.	287
<i>Venena</i> innocua comedebat Mithridates.	115
<i>Venenata</i> vulnera quomodo cognoscantur.	190
<i>Veneris</i> usus moderatus valetudini confert.	115
Immoderatus officit.	116
Vulneratis noxium.	192
Palæstra quo tempore incunda.	116
Quo situ decurrenda.	ibid.
Antidota.	117

<i>Ulcus</i> cancerosum . 137. <i>Vide</i> Cancer . 14. Signa . 138.	Curatio .	ibid.
Causæ juxta Galenum . ibid. Juxta Authorem . ibid.	<i>Vulneratorum</i> febris .	205
Prognosis . 139. Curatio juxta vulgares . ibid. Juxta Authorem .	Signa .	ibid.
ibid. & seq.	Causæ .	ibid.
<i>Ulcus</i> cum carnis excreſcentia . 137. Signa . ibid. Causæ	Prognosis .	ibid.
juxta vulgares . ibid. Juxta Authorem . ibid. Prognosis .	Curatio .	206
ibid. Curatio juxta vulgares . ibid. Juxta Authorem . ibid.	<i>Vulneratorum</i> phrenitis .	ibid.
<i>Ulcus</i> Chironium unde dictum .	Signa .	ibid.
141	Causæ juxta Humoristas .	ibid.
<i>Ulcus</i> Dyſepulotum 140. Signa . 141. Causæ juxta Galeniſtas .	Juxta Authorem .	ibid.
ibid. Juxta Authorem . ibid. Prognosis . ibid. Cu-	Prognosis .	ibid.
ratio juxta vulgares . ibid. Juxta Authorem .	Curatio juxta vulgares .	ibid.
127	Juxta Authorem .	207
<i>Ulcus</i> cum Eryſipellate . 124. Signa . ibid. Causæ juxta Ga-	<i>Vulnus</i> quid ſit .	189
lenum . 125. Juxta Authorem . ibid. Prognosis . ibid.	Definitio Galeni rejicitur .	ibid.
Curatio juxta vulgares . ibid. Juxta Authorem . 126.	Authoris .	ibid.
Sanguinis miſſio nullatenus præſtat .	Causæ & differentiæ .	ibid.
ibid.	Signa & prognoses .	ibid.
<i>Ulcus</i> fiſtuloſum . 131. Signa . ibid. Causæ juxta Galeniſtas .	<i>Vulnus</i> inſpiciens primò Chirurgus quid animadvertere de-	
Juxta Authorem . ibid. Prognosis . ibid. Curatio juxta	beat .	208
vulgares . ibid. Juxta Authorem .	<i>Vulnera</i> venenata quomodo cognoſcantur .	190
ibid.	<i>Vulnus</i> an ſit lethale per ſe vel per accidens judicatu per	
<i>Ulcus</i> cum humorum affluxu . 121. Signa . ibid. Causæ jux-	difficile .	ibid.
ta vulgares . ibid. Juxta Authorem . ibid. Prognosis . ib.	Curatio juxta Veteres .	192
Curatio juxta vulgares . ibid. Juxta Authorem .	Methodus vulgarium .	ibid.
122	Suendi & ligandi ratio .	193
<i>Ulcus</i> cum inflammatione . ibid. Signa . ibid. Causæ juxta	Methodus Authoris .	194
Galenistas . 123. Juxta Authorem . ibid. Prognosis . ib.	<i>Vulnus</i> an ſingulis diebus vel rarius abſtergi debeat .	
Curatio juxta vulgares . ibid. Juxta Authorem .	195	
ibid.	<i>Vulnorum</i> dolor & fornicatio .	204
<i>Ulcus</i> cum Intemperie . 118. Signa . 119. Causæ juxta Ga-	Causæ .	ibid.
lenicos . 120. Juxta Authorem . ibid. Prognosis . ibid.	Prognosis .	ibid.
Curatio juxta vulgares . ibid. Juxta Authorem .	Curatio juxta vulgares .	ibid.
ibid.	Juxta Authorem .	ibid.
<i>Ulcus</i> cum labiis calloſis . 132. Signa . ibid. Causæ juxta	<i>Vulnorum</i> inflammatio & Eryſipelas .	ibid.
Galenistas . ibid. Juxta Authorem . ibid. Prognosis . ibid.	Signa .	ibid.
Curatio juxta vulgares . ibid. Juxta Authorem .	Causæ juxta vulgares .	ibid.
ibid.	Juxta Authorem .	ibid.
<i>Ulcus</i> cedematofum . 126. Signa . ibid. Causæ juxta Ga-	Prognosis .	205
lenistas . 127. Juxta Authorem . ibid. Prognosis . ibid.	Curatio juxta vulgares .	ibid.
Curatio juxta Galenistas .	Juxta Authorem .	ibid.
ibid.	<i>Vulnorum</i> ſanguinis fluxus .	208. & ſeq.
Juxta Authorem .	<i>Vulnera</i> ex morſu canis rabidi .	221
<i>Ulcus</i> cum Offis carie . 135. Signa . 136. Causæ juxta vul-	Signa .	ibid.
gares . ibid. Juxta Authorem . ibid. Prognosis . ibid.	Causæ ſequentiam Symptomatum juxta vulgares .	212
Curatio juxta vulgares . Juxta Authorem .	Juxta Authorem .	ibid.
ibid.	Prognosis .	223
<i>Ulcus</i> ſinuofum . 132. Signa . ibid. Causæ apud Galenistas .	Curatio .	224
133. Juxta Authorem . ibid. Prognosis . ibid. Curatio	Ad hoc ad Templum Sancti Viti plures confugiunt .	
juxta Galenicos . ibid. Juxta Authorem .	ibid.	
ibid.	Authoris ſuper hoc conſiderationes .	ibid.
<i>Ulcus</i> ſordidum . 128. Signa . ibid. Causæ juxta Galeniſ-	<i>Vulnera</i> ex morſu venenato .	214
ſtas . ibid. Juxta Authorem . ibid. Prognosis . ibid. Cu-	Signa .	ibid.
ratio juxta Galenicos . ibid. Juxta Authorem .	Causæ juxta vulgares .	ibid. & ſeq.
ibid.	Prognosis .	219
<i>Ulcus</i> Telephium , vide <i>ulcus</i> Dyſepuloton .	Curatio .	ibid.
140	<i>Vulnera</i> ſcolopetorum .	209
<i>Ulcus</i> v. rminofum . 12 . Signa . ibid. Causæ juxta varios .	An ſint venenata differitur .	210
Juxta Authorem . 130. Prognosis . 131. Curatio juxta	Signa .	212
Galenistas . ibid. Juxta Authorem .	Causæ .	ibid.
ibid.	Prognosis .	ibid.
<i>Ulcera</i> per univerſam cutem ex lue ven . 378. Signa . ibid.	Curatio .	ibid.
Causæ juxta vulgares . ibid. Juxta Authorem . ibid. Pro-	Juxta Authorem .	ibid.
gnosis . ibid. Curatio juxta vulgares . Juxta Auth .	<i>Vulnera</i> telorum venenatorum .	209
ibid.	Signa .	ibid.
<i>Unguim</i> Pterigium . 99. Signa . ibid. Causæ . ibid. Pro-	Prognosis .	ibid.
gnosis . ibid. Curatio .	Curatio juxta vulgares .	ibid.
ibid.	Juxta Authorem .	ibid.
<i>Unguentum</i> de Cynogloſſo .	<i>Vulnera</i> pertinacia .	324
29	<i>Vulnera</i> contabefcentiam membrs inducentia .	ibid.
<i>Unguentum</i> Hartmanni ad varices .	<i>Vulva</i> cerebri .	229
32	<i>Uvula</i> .	268
<i>Unguentum</i> pro ſcabie .	Varia nomina & uſus .	ibid.
39	<i>Uvula</i> , vedi Columellæ laxitas .	61
De minio camphoratum .		
122		
<i>Unguenta</i> vulneraria .		
197		
<i>Volæ</i> manus muſculi .		
314		
<i>Volatile</i> agens ſupra fixum fixatur .		
345		
<i>Vox</i> & locutio differunt .		
150		
<i>Voces</i> articulatae ſunt ſigna ex inſtituto .		
ibid.		
<i>Ureteres</i> .		
310		
<i>Urina</i> non retinenda . 114. Naturalis conditionis .		
ibid.		
Ejus viæ . ib. Et ſudor conveniunt in materia remota .		
309		
<i>Urinatores</i> , cur tamdiu in aqua ſine reſpiratione vivant .		
120		
<i>Uteri</i> varia nomina . 179. Descriptio .		
ibid.		
<i>Uteri</i> descriptio .		
95		
<i>Uteri</i> Procidencia . ibid. Signa . ibid. Causæ juxta vulga-		
res . ibid. Juxta Authorem . ibid. Prognosis . ibid. Cu-		
ratio .		
ibid. & ſeq.		
<i>Uteri</i> ulcera . ibid. Signa . 180. Causæ juxta vulgares .		
ibid. Juxta Authorem . ibid. Prognosis . ibid. Juxta Au-		
thorem . ibid. Curatio juxta vulgares .		
ibid.		
<i>Vulnerati</i> an ſanguine minui & purgari debeant .		
202		
<i>Vulneratorum</i> convulſio .		
207		
Signa .		
ibid.		
Causæ juxta vulgares .		
ibid.		
Juxta Authorem .		
ibid.		
Prognosis .		
ibid.		

Z

Z Irbatis , vide Hernia .

81

